

*Rev. Marshall, 1914*

# MÓTÓN KALIMUR EO MOKTA

KAB

## KALIMUR EKÁL

JEJE KO RE KWOJARJAR.

---

AMERICAN BIBLE SOCIETY,  
INSTITUTED IN THE YEAR 1816,  
NEW YORK.

1914.

[*Marshall Islands Scriptures, 12mo.*]

Digitized by Google

BUK KO ILO KALIMUR EO MOKTA; ETAIR IM ORAN JAPTER KO.

---

<i>Alen.</i>	<i>Karu.</i>	<i>Japter ko.</i>
3. Jenesis.....	Jen.....	50
54. Exodus.....	Ex.....	40
98. Livitikōs.....	Liv.....	27
130. Bwinbwin.....	Bwin.....	36
173. Duteronomi.....	Dut.....	34
210. Joshua.....	Josh.....	24
235. Dri Ekajet Ro.....	Ekaj.....	21
260. Rut.....	Rut.....	4
264. I. Samuel.....	I. Sam.....	31
297. II. Samuel.....	II. Sam.....	24
325. I. Kiñ Ro.....	I. Kiñ.....	22
357. II. Kiñ Ro.....	II. Kiñ.....	25
388. I. Kronikel.....	I. Kron.....	29
417. II. Kronikel.....	II. Kron.....	36
453. Ezra.....	Ezra.....	10
463. Nihimaia.....	Nih.....	13
478. Ester.....	Est.....	10
486. Job.....	Job.....	42
517. Sam Ko.....	Sam.....	150
593. Jabōn Kennan Ko.....	Ken.....	31
619. Ekklesiastis.....	Ekk.....	12
627. Al eo an Solomon.....	Al.....	8
632. Aiseia.....	Ais.....	66

# JENESIS

AK  
JINOIN

**1** Ilo jinoin <sup>2</sup>Anij e ar <sup>3</sup>kōmōnmōn lōñ im lōl. **2** Im lōl <sup>4</sup>ejelok wā-en, im ejelok kōbōn, im e marok ion mejen lometo, im Jitōb ōn Anij ej beroane mejen dren ko. **3** Im Anij e ar ba, <sup>5</sup>En maram: im e maram. **4** Im Anij e ar lo maram bwe emōn: im Anij e ar <sup>6</sup>kijbil maram jen marok. **5** Im <sup>7</sup>Anij e ar likit etan maram Ran, im E ar likit etan marok Boñ. Im e kar jota im e kar jiboñ, ran eo mokta.

**6** Im Anij e ar ba, En juōn <sup>8</sup>mejatoto iolapen dren, bwe en kijbil dren ko jen dren ko. **7** Im Anij e ar kōmōn mejatoto, im E ar kijbil <sup>9</sup>dren ko iomin mejatoto jen dren ko rej ber ion mejatoto: im ej einwōt. **8** Im Anij e ar likit etan mejatoto Lōñ. Im e kar jota im e kar jiboñ, ran eo ken ka ruo.

**9** Im Anij e ar ba, <sup>10</sup>Dren ko iomin lōñ ren koba ilo juōn jikin, im <sup>11</sup>en walok ene emōrā: im ej einwōt. **10** Im Anij e ar likit etan ene emōrā Lōl; im <sup>12</sup>ijo dren ko rej koba, Ej likit etan Lometo: im Anij e ar lo bwe emōn. **11** Im Anij e ar ba, Ene en kadrek <sup>13</sup>ujoi, im mār rej jebar ineir, im wijki ko rej jebar leir kaju wāweir, ine ko iloair, ion lōl: im ej einwōt. **12** Im ene e ar kadrek ujoij, im mār rej jebar ineir kaju wāweir, im wijki rej jebar leir, ine ko iloair, kaju wāweir: im Anij e ar lo bwe emōn. **13** Im e kar jota im e kar jiboñ, ran eo ken ka jilu.

**14** Im Anij e ar ba, En or maram ko i <sup>14</sup>mejatoto in lōñ, bwe ren kijbil ran jen boñ; im ren ber kin <sup>15</sup>kakōle ko, im kin aōhōneañ im rōk ko, im kin

ran ko, im yiō ko: **15** im ren ber kin maram ko i mejatoto in lōñ bwe ren letok maram ion lōl: im ej einwōt. **16** Im Anij e ar kōmōnmōn maram ko ruo relap; <sup>1</sup>maram eo elap bwe en iroi, im ran, im maram eo eriklok bwe en iroi, im boñ: im Ej kōmōn <sup>2</sup>iju ko bareinwōt. **17** Im Anij e ar likit ir i mejatoto in lōn, bwe ren letok maram ion lōl, **18** im bwe ren iroi, im ran, im iroi, im boñ, im bwe ren kijbil maram jen marok: im Anij e ar lo bwe emōn. **19** Im e kar jota im e kar jiboñ, ran eo ken kemen.

**20** Im Anij e ar ba, En lōñ an dren ko kemour men in mour ko, im bao ko ren kāki ion lōl, ilo mejen mejatoto in lōñ. **21** Im Anij e ar kōmōnmōn <sup>3</sup>men in mour ko relap i lojit, im men ko otemjej rej mour im makōtkit, men ko dren ko rej kemour im elōñ, kaju wāweir, im bao otemjej kaju wāweir: im Anij e ar lo bwe emōn. **22** Im Anij e ar kejeramōn ir, im ba, Komin timon, im orlok, im kōbrōk dren ko i lojit, im bao ko ren orlok ion lōl. **23** Im e kar jota im e kar jiboñ, ran eo ken ka lailim.

**24** Im Anij e ar ba, <sup>4</sup>Lōl en kemour men in mour kaju wāweir, kiru ko rawie, im men ko rej tōbōlbōl, im kiru in ene kaju wāweir: im ej einwōt. **25** Im Anij e ar kōmōnmōn <sup>5</sup>kiru in ene kaju wāweir, im kiru ko rawie kaju wāweir, im men otemjej rej tōbōlbōl ion lōl kaju wāweir: im Anij e ar lo bwe emōn. **26** Im Anij e ar ba, Jen kōmōnmōn armij <sup>6</sup>ilo wāwer im einwōt Kij: im ren <sup>7</sup>iroij ion iik in lojit, im ion bao in mejatoto, im

<sup>1</sup> Jon. 1. 1. 2. <sup>2</sup> Jerh. 17. 24. <sup>3</sup> Aia. 42. 5. <sup>4</sup> Jer. 4. 23.  
<sup>5</sup> Kor. 4. 6. <sup>6</sup> Aia. 44. 7. <sup>7</sup> Sam. 74. 16. <sup>8</sup> Aia. 40. 23.  
<sup>9</sup> Job. 28. 9-11. <sup>10</sup> Sam. 104. 6-9; 2 Ptl. 3. 5. <sup>11</sup> Sam. 24. 1. 2. <sup>12</sup> Sam. 22. 7. <sup>13</sup> Sam. 104. 14. <sup>14</sup> Sam. 19. 1.  
<sup>15</sup> Sam. 104. 19.

ion kiru kōn, im ion aolepen lōl, im ion men in tōbōlbōl otemjej rej tōbōlbōl ion lōl. 27 Im Anij e ar kōmōnmōn armij <sup>1</sup>ilo wāwen wōt E, ilo wāwen Anij e ar kōmōnmōn e; <sup>2</sup>man in kōra E ar kōmōnmōn ir. 28 Im Anij e ar kejerammōn ir: im Anij e ar ba nōn ir, <sup>3</sup>Komin timon im orlok, im kobrōk lōl, im kajur jen e; im komin iroi ion iik in lojit, im ion bao in mejatoto, im ion men otemjej rej mour im makōtkit ion lōl. 29 Im Anij e ar ba, Lo, I ar liwoj nōn kom <sup>4</sup>mār otemjej rej jebar ine, ion mejen aolepen lōl, im wijki otemjej, leen wijki iloan im ej jebar ine; e naj kijimi: 30 im nōn kiru otemjej ilōl, im nōn bao otemjej in mejatoto, im nōn men otemjej rej tōbōlbōl ion lōl, im eor air mour, I ar lelok mār otemjej e māroro, kijeir; im ej einwōt. 31 Im Anij e ar lo men otemjej E ar kōmōnmōni, im lo, re <sup>5</sup>kanuij emōn. Im e kar jota im e kar jibōn, ran eo ken ka jiljino.

2 Ein drein ar kamwijlok lōn ko im lōl, im aolepeir otemjej. 2 Im ilo <sup>6</sup>ran eo ken ka jiljilimjuōn Anij e ar kamwijlok An jermal eo E ar kōmōne; im E ar <sup>7</sup>kakije ilo ran eo ken ka jiljilimjuōn, jen jermal ko An otemjej E ar kōmōne. 3 Im Anij e ar kowāppen ran eo ken ka jiljilimjuōn, im kokwojarjar e; bwe ilo ran eo E kar kakije jen jermal ko An otemjej, ko Anij e ar jermal im kōmōnmōni.

4 Men kein ebeben in lōn ko im lōl ke ar kōmōnmōn ir, ilo ran eo ke Jeova Anij e ar kōmōn lōl im lōn. 5 Im jul otemjej in ene re jañin ber ilo brij, im mār otemjej in ene re jañin edrek; bwe Jeova Anij e jañin <sup>8</sup>kowut ion lōl: im ejelok armij bwe en kalibwin ene; 6 a juōn tap e ar wōnliñlok jen lōl, im kamorur mejen aolepen ene. 7 Im Jeova Anij e ar <sup>9</sup>kōmōn im nawāwen armij jen bōñōl-ñōl in ene; im E ar ukwi ilo bodin menono in mour; im armij eo <sup>10</sup>ej mour. 8 Im Jeova Anij e ar kali-

bwin juōn jikin kallip i rear, i Iden; im ijo E ar likit armij eo E ar kōmōne. 9 Im Jeova Anij ej ar kadrek jen ene wijki otemjej re wōleo nōn mej, im remōn nōn mōña; im <sup>1</sup>wijki in mour iolapen jikin kallip eo, im wijki in jela emōn im nana. 10 Im juōn river ej drioi j en Iden bwe en kaimlolo jikin kallip eo; im jen ijo ej jibil im emen unin. 11 Im etan eo mokta Paishon: eñin eo ej kabol enen Havila, ijo eor gold; 12 im gold in eneo emōn: ijo eor bedelium im dreka beril. 13 Im etan river eo ken ka ruo Gaihon: eñin eo ej kabol aolepen enen Kush. 14 Im etan river eo ken ka jilu Hidekel: eñin eo ej ilok nōn rear in Assiria. Im river eo ken kemen Upretis. 15 Im Jeova Anij e ar bōk armij eo im likit e ilo jikin kallip in Iden, bwe en jermal e im kejbārok e. 16 Im Jeova Anij e ar jiroñ armij eo, im ba, Jen wijki otemjej i jikin kallip eo kwo maroñ mōña wōt: 17 a kin wijki in jela emōn im nana, kwon jab mōña jen e: bwe ilo ran eo kwoj mōña jen e, <sup>2</sup>kwo naj mij otem mij.

18 Im Jeova Anij e ar ba, E jab emōn bwe armij eo en mōke ian; <sup>3</sup>I naj kōmōn rajitan. 19 Im Jeova Anij e ar nawāwen jen brij in ene, kiru otemjej in ene, im bao otemjej in mejatoto; im E ar añintok ir nōn leo bwe En jela āt ōt eo e naj likit etair: im āt eo jabrewōt leo e ar naetan men in mour otemjej, eñeo etan. 20 Im leo e ar naetan kiru ko rawie otemjej, im bao in mejatoto, im kiru awia otemjej; a kin Adam ejelok rajitan. 21 Im Jeova Anij e ar kōmōn bwe kiki mitoñ en buñ ion leo, im e ar kiki; im E ar bōk juōn dri jen katīn, im binej ijo kin kōniek: 22 im dri eo Jeova Anij e ar bōk jen leo, E ar kōmōnmōn kōra jen e, im añintok e nōn iben leo. 23 Im leo e ar ba, <sup>4</sup>E in kiō drin driō, im kōniekin kōniekiō: naj likit etan Kora, bwe ar bōk e jen Eman. 24 <sup>5</sup>Kin men in leo e naj likit jemen im jinen,

<sup>1</sup> 1 Kor. 11. 7. <sup>2</sup> Mat. 19. 4. <sup>3</sup> Jap. 9. 1. 7. <sup>4</sup> Sam. 104. 14. <sup>5</sup> Nam. 104. 24. <sup>6</sup> Ex. 21. 8. 11. <sup>7</sup> Hib. 4. 4. <sup>8</sup> Jer. 10. 12. 13. <sup>9</sup> Jap. 3. 19. <sup>10</sup> 1 Kor. 10. 45.

<sup>1</sup> Rev. 22. 2. 14. <sup>2</sup> Jem. 1. 15. <sup>3</sup> 1 Kor. 11. 8. <sup>4</sup> Eph. 5. 28. 29. <sup>5</sup> Mat. 19. 5. 1 Kor. 6. 16; Eph. 5. 31.

im edrep na iben lio belen : im irro naj juõn wõt kõniek. 25 Im irro otemjej kelwan, leo kab lio belen, im re jab jok.

3 Kiõ <sup>1</sup>serpent e ar jela mon elap jen aolepen kiru awia, ko Jeova Anij e ar kõmõnmõni. Im ej ba ñõn kõra eo, Emol ke Anij e ar ba, Komin jab mõña jen wijki otemjej ilo jikin kallip eo? 2 Im lio e ar ba ñõn serpent eo, <sup>2</sup>Kim maroñ in mõña jen leen wijki ko ilo jikin kallip eo: 3 a jen leen wijki eo iolapen jikin kallip eo, Anij e ar ba, Komin jab mõña im jab uñire, bwe kom naj mij. 4 <sup>3</sup>Im serpent eo e ar ba ñõn lio, Kom jamin mij otem mij: 5 a Anij E jela, bwe ilo ran eo komij mõña jen e, inem mejemiro re naj bellok, im kom naj einwõt anij rõn kin ami jela emõn im nana. 6 <sup>4</sup>Im ke lio e ar lo bwe emõn leen wijki eo ñõn mõña, im wõleo ñõn mejen, im juõn wijki emon bwe en kameletlet, e ar bõk jen leen, im mõña; im e ar bareinwõt lelok ñõn leo belen iben, im e ar mõña. 7 Im e bellok mejeriro, im rar jela bwe re kelwan: im rar wiwã bwilik in wijki fig im kõmõn air kõl. 8 Im rar roñ ainiken Jeova Anij etetal ilo jikin kallip eo ke e ar aimerlok: im <sup>5</sup>leo kab lio belen rar tilekek jen iman mejen Jeova Anij i bwiljin wijki ko ilo jikin kallip eo.

9 Im Jeova Anij e ar kir leo, im ba ñõn e, Ewi kwe? 10 Im e ar ba, I ar roñ ainikiõm ilo jikin kallip eo: im I ar mijõk, bwe ña I kelwan; inem I ar tilekek. 11 Im e ar ba, Wõn e ar ba ñõn yuk bwe kwo kelwan? Kwar mõña ke jen wijki eo I ar jiroñ yuk bwe kwon jab mõña jen e? 12 <sup>6</sup>Im leo e ar ba, Kõra eo Kwar letok bwe en ber iba, e ar letok ñõn iõ jen wijki eo, im I ar mõña. 13 Im Jeova Anij e ar ba ñõn lio, Ta eo kwar kõmõne? Im lio e ar ba, <sup>7</sup>Serpent eo e ar mone iõ, im I ar mõña. 14 Im Jeova Anij e ar ba ñõn serpent eo, Kin am kõmõn men in, kwo lia jen aolepen kiru awie otemjej, im jen

kiru otemjej awia; kwo naj worrõlok kin lojiõm, im kwo naj mõña brij ilo ran otemjej in am mour: 15 im I naj likit kijirãt ikõtãm im kõra eo, im ikõtãn ineõm im inen: e naj kokkure bõrõm, a kwo naj kokkure jimwin neen. 16 Im E ar ba ñõn lio, I naj kanuij korlok am iñtan im am etta; <sup>1</sup>kwo naj keutak nejõm kin iñtan, im ankil am e naj an leo beleõm, im e naj iroi jiom. 17 Im E ar ba ñõn Adam, Kin am eoroñ ainiken lio beleõm, im mõña jen wijki eo I ar jiroñ yuk, im ba, Kwon jab mõña jen e: <sup>2</sup>e lia ene kin kwe; kwo naj mõña jen e <sup>3</sup>kin buromõj ran ko otemjej in am mour: 18 e naj kadrek kãliklik ko im mår kuj ñõn yuk, im kwo naj mõña mår in ene; 19 kin menokaru in mejõm kwo naj mõña ekõn, ñõn ien eo <sup>4</sup>kwoj jeblak ñõn brij; bwe ar bõk yuk <sup>5</sup>jen e: bwe brij kwe, im ñõn brij kwo naj jeblak. 20 Im leo e ar likit etan lio belen Iv; bwe jinen ro otemjej rej mour. 21 Im Jeova Anije ar kõmõn ñõn Adam im lio belen ballir kilin kiru, im kanuknuk ir.

22 Im Jeova Anij e ar ba, Lo, armij eo ej einwõt juõn Iar, kin an jela emõn im nana; im kiõ, ñe ab kõtellok pein, im bareinwõt bõk jen wijki in mour, im mõña, im mour in drio:—23 kin men in Jeova Anij e ar jilkinlok e jen jikin kallip in Iden, bwe en kallip eneo ar bõk e jen e. 24 Eindrein E ar kadrioi jlok leo; im E ar likit i rear in jikin kallip in Iden, Kerub ko, im jãji urur, eo ej ukukot ijo ko otemjej, bwe en bare ial an wijki in mour.

4 Im leo e ar jela Iv lio belen; im e ar etta, im keutak Kein, im ba, I ar bõk leo jen Jeova. 2 Im e ar bar keutak Ebel, jãtin. Im Ebel dri lale sip, a Kein dri kallip. 3 Im ber inem, Kein e ar bõktok men in jurtak ñõn Jeova, jen leen ene. 4 Im bareinwõt <sup>6</sup>Ebel e ar bõktok jen ko mokta im jen ko re mâtõk, jen bwijin kiru ko an. Im Jeova e ar mõnõnõ kake Ebel im jurtak eo an:

<sup>1</sup> Rev. 12. 9. <sup>2</sup> Jap. 2. 16. 17. <sup>3</sup> Jon. 8. 44. <sup>4</sup> Jem. 1. 14. 15: 1 Jon. 2. 16. <sup>5</sup> Rev. 6. 16-17. <sup>6</sup> Ken. 28. 13. <sup>7</sup> Kor. 11. 2.

<sup>1</sup> 1 Tim. 2. 15. <sup>2</sup> Rom. 8. 30-22. <sup>3</sup> Job 14. 1. <sup>4</sup> Ekk. 12. 7. <sup>5</sup> Jap. 2. 7. <sup>6</sup> Hib. 11. 4.

5 a kin <sup>1</sup>Kein, im jurtak eo an, E ar jab buñburuen. Im Kein e ar kanuij illu, im e bwilök mejen. 6 Im Jeova e ar bar ñon Kein, Etke kwoj illu? im etke e bwilök mejöm? 7 Elañe kwoj kômön emön, e jamin alikar ke? im elañe kwo jab kômön emön, jerawiwi ej kebao iturin kejem; im ankil an e naj ber iböm; a kwon iroi ion. 8 Im Kein e ar konono iben Ebel, jätin. Inem, ke rejro ber ilujen ene, Kein e ar jutök mae Ebel, jätin, im mön e.

9 Im Jeova e ar ba ñon Kein, Ewi Ebel jätöm? Im e ar ba, I jaje: ña dri lale jätio ke? 10 Im E ar ba, Ta eo kwar kômone? <sup>2</sup>ainiken bötöktökin jätöm ej lamij ñon Iö jen brij. 11 Im kiö kwo kajöj jen ene, eo e ar walöni loñin bwe en bök bötöktökin jätöm jen peöm; 12 <sup>3</sup>ñe kwoj kallip ene, jen kiö e jamin lewoj an kajur; kwo naj dru ko im drua maijet i löl. 13 Im Kein e ar ba ñon Jeova, Am kajeik iö elap jen aö maroñwe. 14 Lo, Kwar <sup>4</sup>kadrioi jlok iö jen mejen löl iomin ranin; im I naj joko jen mejöm; im I naj dru ko im drua maijet i löl: inem jabrewöt eo ej lo iö e naj mön iö. 15 Im Jeova e ar ba ñon e, Kin men in, eo ej mön Kein, irenwöne e naj orlok alen jiljilimjuön ñon e. Im Jeova e ar likit kaköle ion Kein bwe eo ej loe en jab mön e.

16 Im Kein e ar drioi jen iman mejen Jeova, im ej jokwe i enen Nod, i rear in Iden. 17 Im Kein e ar jela lio belen; im e ar etta, im ej keutak Inok: im ej kalek jikin kwelok, im likit etan Inok, einwöt etan nejin. 18 Im e ar lotak Airad ñon Inok: im Airade ar keutak Mihujael: im Mihujael e ar keutak Mitushael: im Mitushael e ar keutak Lemek. 19 Im Lemek e ar bök ruo belen: etan lio juön Eda, im etan eo juön Zilla. 20 Im Eda e ar keutak Jebal: e kar jemen ro rej jokwe ilo imön kabere, im eor air kiru awie. 21 Im etan jätin, Jubal: eo e kar jemen ro otemje jre jela kilen arp im paip. 22 Im

Zilla e ar bareinwöt keutak Tubal-kein, e in dri kabel kin ken jeral ko jinibörörö im mäl: im etan lio jätin Tubal-kein, Neama. 23 Im Lemek e ar ba ñon limaro belen, Eda im Zilla, Komin rönjake ainikiö; limarã belen Lemek, komin eoroñ aö konono: bwe I ar mön juön armij kin an kakinijnij iö, im juön likao kin an drenöt iö: 24 elañe naj irenwöne kin Kein jiljilimjuön alen, emol naj irenwöne kin Lemek jiljilimjuönñoul im jiljilimjuön alen.

25 Im <sup>1</sup>Adam e ar bar jela lio belen, im e ar keutak nejin eman, im naetan Seth: Bwe, ej ba, Anij e ar likit bar juön ineö bwe en binej jenk-wön Ebel, <sup>2</sup>eo Kein e ar möne. 26 Im ñon Seth, juön nejin eman e ar bareinwöt lotak ñon e; im e ar likit etan Inosh. Inem armij rar jino air <sup>3</sup>kir etan Jeova.

5 Eñin ebeben ko an Adam. Ilo ran eo ke Anij e ar kômön leo, e ar kômone <sup>4</sup>ilo wäwen Anij; 2 <sup>5</sup>E ar kômönmön ir man im köra, <sup>6</sup>im kejerammön ir, im likit etair Adam, ilo ran eo ke E ar kômönmön ir. 3 Im Adam e ar mour jibuki jilñoul yiö: im e ar keutak nejin ilo wäwen, im borañe; im ej likit etan Seth; 4 im ran ko an Adam elikin an keutak Seth, drualitök buki yiö: im e ar keutak ro nejin man im köra. 5 Im aolepen ran ko Adam e ar mour, druatimjuön buki jilñoul yiö: im e mij.

6 Im Seth e ar mour jibuki lailim yiö, im ej keutak Inosh: 7 im Seth e ar mour elikin an keutak Inosh, drualitök buki jiljilimjuön yiö, im keutak ro nejin man im köra: 8 im aolepen ran ko an Seth, druatimjuön buki jilñoul ruo yiö: im e mij.

9 Im Inosh e ar mour druatimjuönñoul yiö, im ej keutak Kenan: 10 im Inosh e ar mour elikin an keutak Kenan, drualitök buki joñoul lailim yiö, im keutak ro nejin man im köra: 11 im aolepen ran ko an Inosh, druatimjuön buki lailim yiö: im e mij.

12 Im Kenan e ar mour jiljilimju-

<sup>1</sup> 1 Sam. 16. 22.

<sup>2</sup> Bwin. 35. 33.

<sup>3</sup> Dut 28. 17-24.

<sup>4</sup> Jap. 6. 3.

<sup>5</sup> Jap. 4. 8.

<sup>6</sup> Jap. 19. 8; 26. 15.

<sup>7</sup> Jap. 1. 27.

<sup>8</sup> Jap. 3. 24.

<sup>9</sup> Mik. 10. 6.

<sup>10</sup> Jap. 1. 25.

ðñoul yið, im ej keutak Mehalelel: 13 im Kenan e ar mour elikin an keutak Mehalelel, drualitøk buki eñoul yið, im keutak ro nejin man im kōra: 14 im aolepen ran ko an Kenan, druatimjuðñ buki joñoul yið: im e mij.

15 Im Mehalelel e ar mour jiljinoñoul lailim yið, im ej keutak Jered: 16 im Mehalelel e ar mour elikin an keutak Jered, drualitøk buki jilñoul yið, im keutak ro nejin man im kōra: 17 im aolepen ran ko an Mehalelel, drualitøk buki druatimjuðñoul lailim yið: im e mij.

18 Im Jered e ar mour jibuki jiljinoñoul ruo yið, im ej keutak Inok: 19 im Jered e ar mour elikin an keutak Inok, drualitøk buki yið, im keutak ro nejin man im kōra: 20 im aolepen ran ko an Jered, druatimjuðñ buki jiljinoñoul ruo yið: im e mij.

21 Im Inok e ar mour jiljinoñoul lailim yið, im ej keutak Mitusela: 22 im Inok ej <sup>1</sup>etetal iben Anij eilkin an keutak Mitusela, jilubuki yið, im keutak ro nejin man im kōra: 23 im aolepen ran ko an Inok, jilu buki jiljinoñoul lailim yið: 24 im Inok e ar etetal iben Anij; im e joko: bwe Anij <sup>2</sup>e ar bøk e.

25 Im Mitusela e ar mour jibuki drualitøkñoul jiljilimjuðñ yið, im ej keutak Lemek: 26 im Mitusela e ar mour elikin an keutak Lemek, jiljilimjuðñ buki drualitøkñoul ruo yið, im keutak ro nejin man im kōra: 27 im aolepen ran ko an Mitusela, druatimjuðñ buki jiljinoñoul druatimjuðñ yið: im e mij.

28 Im Lemek e ar mour jibuki drualitøkñoul ruo yið, im ej keutak nejin eman: 29 im ej naetan Noa, im ba, E in e naj kainemðñ kij kin ar jermal in kin iñtan ko an peer, eo ej itok kin ke Jeova e ar kole eneo. 30 Im Lemek e ar mour elikin an keutak Noa, limabuki druatimjuðñoul lailim yið, im keutak ro nejin man im kōra: 31 im aolepen ran ko an Lemek, jiljilimjuðñ buki jiljilimjuðñoul jiljilimjuðñ yið: im e mij.

32 Im ridtøn Noa limabuki yið: im Noa ej keutak Shem, Ham, im Jepet.

**6** Im ilo ran ko, ke armij rar jino orlok ion mejen löl, im rar keutak nejin kōra, 2 inem lõmaro nejin Anij rar lo kōra ro nejin armij bwe re dreo; im rar bøk limaro beleir einwõt air mijkaiye. 3 Im Jeova e ar ba, Að Jitðb e jamin kowe armij in drio, bwe ej kõniek wõt: a ran ko an re naj jibuki roñoul yið. 4 E kar or ro re inea i löl ilo ran ko; im bar-einwõt tokelik, ke man ro nejin Anij rar dreloñ ñøn iben kōra ro nejin armij, im rar keutak ñøn ir: armij rein re kajur, ro re kin buñ-buñ.

5 Im Jeova e ar lo bwe elap nana ko an armij ion löl, im bwe <sup>1</sup>lemnok otemjej i buruen renana wõt aolepen ien. 6 Im Jeova e ar <sup>2</sup>ukwelok iben kin An kar kõmðnmðñ armij ion löl, im e buromðj buruen. 7 Im Jeova e ar ba, I naj jeorlok armij ro I ar kõmðnmðñ, jen mejen löl; armij, im kiru, im men in tõbðlbðl, kab bao in mejatoto; bwe Ij ukwelok iba kin Að kar kõmðnmðñ ir. 8 A Noa e ar <sup>3</sup>lo joi j iman mejen Jeova.

9 Rein ebeben ko an Noa. Noa e dru wänik im e jime ilo ebeben eo an: im Noa ej <sup>4</sup>etetal iben Anij. 10 Im Noa e ar keutak jilu nejin eman, Shem, Ham, im Jepet. 11 Im löl et-ton iman mejen Amij, im löl e obrøk kin koarðñ. 12 Im Anij ej reilok ion löl, im lo, etton; bwe <sup>1</sup>kõneik otemjej rar katton ial eo air ion löl.

13 Im Anij e ar ba ñøn Noa, Jemlokøn kõniek otemjej ej itok imað; bwe löl e obrøk kin koaroñ kin ir; im lo, I naj kokkure ir iben löl. 14 Kwon kõmðnmðñ juðñ wa ñøn yuk jen wijki goper; kwon kõmðñ røñel ko iloa wa eo, im unoik loan im elikin kin bwil. 15 Im men in joñøk eo kwo naj kõmðne: aitokøn wa eo jilu buki kubit, drilpen limñoul kubit, im utiejen jilñoul kubit. 16 Kwon kõmðñ windo ilo wa eo, im jen ion

<sup>1</sup> Jap. 6. 9: 17. 1. <sup>2</sup> Eib. 11. 5.

<sup>1</sup> Ham 14. 1-3. <sup>2</sup> Jer. 18. 7-10. <sup>3</sup> Ex. 33. 17. <sup>4</sup> Jap. 5. 24.

kwon kōmōnmōn ilo joñōn juōn kubit; im kwon kōmōne kejem iturin wa eo; im kwo naj kōmōne alen juōn, im ken ka ruo, im ken ka jilu. 17 Im Na, aet Na, Ij bōktok ibij liplip ion lōl, bwe en kokkure kōniek otemjej iomin lōñ, ro eor menono im mour ilo air; men otemjej ion lōl re naj mij. 18 A I naj kabin <sup>1</sup>Aō nan in kalimur ñōn yuk; im kwo naj dreloñ iloan wa eo, kwe, im lōmaro nejōm, im lio beleōm, im limaro belen ro nejōm, na ibōm. 19 Im jen men in mour otemjej ian kōniek otemjej, kwon añinwoj ruo ian wāwen otemjej, na iloan wa eo, bwe kwon kejbārok ir na ibōm; ren koman im kokōra. 20 Ian bao etemjej, im ian kiru ko rawie otemjej, im ian men ko rej tōbōlbōl otemjej ion lōl, ka ruo re naj iwij ñōn ibōm, bwe ren mour. 21 Im kwon aini jen ekōn ko otemjej rej mōña, im kwon ektōki ibōm; im e naj kijōm, im kijeir. 22 Ein drein Noa e ar kōmōn; einwōt men otemjej Anij ej jiroñ e, ein drein e ar kōmōne.

**7** Im Jeova e ar ba ñōn Noa, Kwe im nukōm otemjej komin itok ñōn loan wa eo: bwe I ar lo am wānik iman meja ilo ebeben in. 2 Ian kiru otemjej rereo kwon bokwōj ka jiljilimjuōn, koman im kokōra eo an; im ian kiru ko re jab erreko ka ruo, koman im kokōra eo an: 3 bareinwōt jen bao in mejatoto ka jiljilimjuōn, koman im kokōra, bwe ine en mour ion mejen aolepen lōl. 4 Bwe matōn jiljilimjuōn ran, im I naj kwowut ion lōl iomin eñoul ran im eñoul boñ; im men in mour otemjej I ar kōmōnmōni, I naj kokkure jen ion mejen lōl. 5 Im Noa e ar kōmōn einwōt men otemjej Jeova e ar jiroñ e.

6 Im ridtōn Noa jiljino buki yiō ke ibij liplip ej ber ion lōl. 7 Im Noa e ar dreloñ, im lōmaro nejnin, im lio belen, im limaro belen ro nejnin na iben, jen dren ko. 8 Ian kiru ko rereo, im ian kiru ko re jab erreko, im ian bao ko, im ian men otemjej rej

tōbōlbōl ion lōl, 9 rar dreloñ ruo im ruo iben Noa iloan wa eo, koman im kokōra, einwōt Anij e ar jiroñ Noa. 10 Inem, elikin jiljilimjuōn ran, dren ko in ibij liplip eo rej ber ion lōl. 11 Ilo yiō eo ken ka jiljino buki an Noa mour, ilo aliñ eo ken ka ruo, im ran eo ken ka joñoul jiljilimjuōn ilo aliñ eo, ilo ran eo wōt un ko unin ikjit rar rup, im windo ko in lōñ re bellok. 12 Im wut eo e ar ber ion lōl iomin eñoul ran im eñoul boñ.

13 Im ilo ran eo wōt, Noa, im Shem, im Ham, im Jepet, lōmaro nejnin Noa, im lio belen Noa, im limaro-jil belen ro nejnin ibeir, rar dreloñ ilo wa eo; 14 ir, im kiru otemjej kaju wāwen, im kiru awie otemjej kaju wāwen, im men in tōbōlbōl otemjej rej tōbōlbōl ion lōl kaju wāwen, im bao otemjej kaju wāwen, bao otemjej ilo wāwen otemjej. 15 Im rar dreloñ iben Noa iloan wa eo, ruo im ruo ian kōniek otemjej, menono in mour ilo air. 16 Im ko rar dreloñ iloan, rar dreloñ koman im kokōra ian kōniek otemjej, einwōt Anij e ar jiroñ e: im Jeova e ar kil e na iloan. 17 Im ej ibij liplip ion lōl iomin eñoul ran; im dren ko rej laplok, im rej bōk wa eo, im kabeliñlok e jen ene. 18 Im dren ko re anjo, im elap air orlok ion lōl; im wa eo ej ebebe ion mejen dren ko. 19 Im dren ko rar kanuij kajur ion lōl; im tol ko otemjej re utiej iomin aolepen lōñ rar likjōp. 20 Ilo joñoul lailim kubit, dren ko rar kajurliñlok; im tol ko rar likjōp. 21 Im kōniek otemjej rar makōtkit ion lōl re mij, ian bao, kiru awie, kab kiru awia, kab men in tōbōlbōl otemjej rej tōbōlbōl ion ene, im armij otemjej: 22 aolepeir menono in jītōb òn mour ej ber i bodir, ian men otemjej rej ber ion ene, rar mij. 23 Im e joko men in mour otemjej ion mejen ene, armij, kiru awie, men ko rej tōbōlbōl, kab bao in lōñ; im re joko jen lōl; im <sup>1</sup>Noa wōt ej ber, im ro iben iloan wa eo. 24 Im dren ko re kajur ion lōl iomin jibuki limñoul ran.

<sup>1</sup> Jap. 9. 9-16.<sup>1</sup> Mat. 24. 38, 39: 2 Ptt. 2. 5.



**8** Im Anij e ar kememej Noa, im men in mour ko otemjej, im kiru awie otemjej ko rar ber iben iloan wa eo: im Anij e ar kōmōn bwe juōn kōto en itok ion lōl, im dren ko rej bātlok; **2** im bareinwōt un ko unin ikjit, im windo ko ilōn re kilik, im ar bōpraek wut jen lōn; **3** im dren ko rar jeblak wōt jen ion ene: im ke e jemlok jibuki limfioul ran, dren ko rar driklok. **4** Im wa eo, ilo aliñ eo ken ka jiljilimjuōn, im ran eo ken ka joñoul jiljilimjuōn in aliñ eo, e ar bāte ion tol ko in Ararat. **5** Im dren ko rar driklok wōt, ñōn aliñ eo ken ka joñoul: jabōn tol ko rar walok ilo ran eo mokta in aliñ eo ken ka joñoul.

**6** Inem ke e jemlok eñoul ran, Noa ej kabellek windo in wa eo e ar kōmōne: **7** im e ar kōkelok juōn reven, eo ej kātokātōk ñōn ien eo dren ko re joko jen mejen lōl. **8** Im e ar kōkelok juōn mule jen e, bwe en jela elañe dren ko re joko jen mejen ene; **9** a mule eo e ar jab lo jikin lobiren neen, im e ar jeblaktok ñōn e iloan wa eo; bwe dren ko rar ber ion mejen aolepen lōl: inem e ar kōtellok pein im kapjere im kadreloñtok e iben ñōn iloan wa eo. **10** Im e ar ber jiljilimjuōn ran; im ej bar kōkelok mule eo jen wa eo; **11** im mule eo e ar itok ñōn iben ke ejota; im lo, juōn bwilik in oliv i loñin: ein drein Noa e ar jela bwe dren ko re joko jen ion lōl. **12** Im e ar bar ber jiljilimjuōn ran, im ej bar kōkelok mule eo; im e jab bar jeblaktok ñōn e in drio.

**13** Inem, ilo yiō eo ken ka jiljino buki juōn, ilo aliñ eo mokta, im ran eo mokta in aliñ eo, dren ko re joko jen ion lōl: im Noa e ar kabellek jen binjen wa eo, im ej reilok, im lo, mejen ene e mōrā. **14** Im ilo aliñ eo ken ka ruo, im ran eo ken ka rofioul jiljilimjuōn in aliñ eo, e mōrā lōl. **15** Im Anij e ar konono ñōn Noa, im ba, **16** Kwon drioijlok jen wa eo, kwe, im lio beleōm, im lōmaroijil nejōm, im limaroijil beleir na ibōm. **17** Kwon añinwoj na ibōm

[Marshall Islands.] 1 \*

men in mour otemjej, ian kōniek otemjej, bao, im kiru awie, im men in tōbōlbōl otemjej rej tōbōlbōl ion ene; bwe ren timon ion lōl, im kemour, im orlok ion lōl. **18** Im Noa e ar drioijlok, im lōmaro nejin, im lio belen, im limaro belen ro nejin na iben: **19** kiru otemjej, im men in tōbōlbōl otemjej, im bao otemjej, im jabrewōt men eo ej tōbōlbōl ion ene, kaju wāweir, rar drioijlok jen wa eo.

**20** Im Noa e ar kalek juōn lokatok ñōn Jeova, im e ar bōk jen kiru otemjej rereo, im jen bao otemjej rereo, im e ar katok kijeek kake ion lokatok eo. **21** Im Jeova e ar 'āt bwin enno; im Jeova e ar ba ilo buruen, I jamin bar <sup>2</sup>kole lōl kin armij; bwe e nana lemnok in buruen armij jen an inono; <sup>3</sup>im I jamin bar mōn men in mour ko otemjej in drio, einwōt I ar kōmōne. **22** Ke lōl ej ber, ien jeor im ien marmir, im bio im mānān, im 'añōneañ im rōk, im ran im boñ, re jamin jemlok.

**9** Im Anij e ar kejerammōn Noa im lōmaroijil nejin, im ba ñōn ir, <sup>5</sup>Komin keutak, im orlok, im bar kobrōk lōl. **2** Im mijōk kom im leñioñ kin kom e naj ber ion kiru otemjej awia, im ion bao otemjej in mejatoto; im men otemjej rej makōtkit ion lōl, im iik otemjej i lojit, liwoji na ilo peōmi. **3** Men otemjej rej makōtkit im mour re naj kijōmi; <sup>6</sup>einwōt mār e māroro, I ar liwoj men ko otemjej. **4** A kōniek ilo mour eo an, <sup>7</sup>bōtōktōkin, komin jab mōñā. **5** Im emol I naj kajitōkin ir kin <sup>8</sup>bōtōktōkin ami mour; jen pein kiru otemjej I naj kajitōkin e: im jen pein armij, aet jen pein jein im jātin armij otemjej I naj kajitōkin mour an armij. **6** <sup>9</sup>Jabrewōt eo ej katorlok bōtōktōkin armij, armij e naj katorlok bōtōktōkin: bwe ilo wāwen Anij, E ar kōmōn armij. **7** Im kom, komin keutak im orlok; komin timon na i lōl, im orlok ie.

**8** Im Anij e ar konono ñōn Noa, im ñōn lōmaro nejin iben, im ba, **9** Im

<sup>1</sup> Ex. 29. 18. <sup>2</sup> Jap. 6. 7. 13. <sup>3</sup> Jap. 9. 11. <sup>4</sup> Sam 74. 17. <sup>5</sup> Jap. 1. 28. <sup>6</sup> Jap. 1. 29. <sup>7</sup> Liv. 17. 10-16. <sup>8</sup> Ex. 20. 13. <sup>9</sup> Bwin. 35. 33.

Na, lo, Ij kabin Aō nan in kalimur ibemi, im iben ro ineōmi elikemi; 10 im iben men in mour otemjej rej ber ibemi, bao ko, kiru ko rawie, im kiru otemjej rawia ibemi; ian men otemjej rej drioiĵlok jen wa eo, aet kiru otemjej in lōl. 11 Im I naj kabin Aō nan in kalimur ibemi; im kōniek otemjej e <sup>1</sup>jamin bar joko kin dren ko ilo ibij liplip; im e jamin bar ibij liplip in drio bwe en kokkure lōl. 12 Im Anij e ar ba, Eñin kakōlen Aō nan in kalimur, eo Ij kōmōn ikōtaō im kom, im men in mour otemjej ibemi nōn ebeben ko in drio: 13 Ij likit Aō iia ilo kōro eo, im e naj kakōlen nan in kalimur ikōtaō im lōl. 14 Im ñe Ij kōtak kōro ion lōl, iia eo e naj walok ilo kōro, 15 im I naj kememej Aō nan in kalimur, eo ikōtaō im kom, im men in mour otemjej ian kōniek otemjej; im dren ko re jamin bar ibij liplip in drio bwe ren kokkure kōniek otemjej. 16 Im iia eo e naj ber ilo kōro; im I naj reilok nōn e, bwe In kememej kalimur eo in drio ikōtaō im men in mour otemjej ian kōniek otemjej ion lōl. 17 Im Anij e ar ba nōn Noa, Eñin kakōlen kalimur eo I ar kōmōne ikōtaō im kōniek otemjej ion lōl. 18 Im lōmaro nejin Noa, ro rar drioiĵlok jen wa eo, Shem, im Ham, im Jepet: im Ham jemen Kenean. 19 Lōmarein jilu nijin Noa: im aolepen lōl <sup>2</sup>emarmij kin ir. 20 Im Noa e ar jino an kallip, im ej kalibwin bwil in grep: 21 im e ar irak jen wain eo, im e karek; im ej kelwan iloan imōn kabere eo an. 22 Im Ham, jemen Kenean, e ar lo an jemen kelwan, im ej kennanek ro jein im jātin inabij. 23 Im Shem im Jepet rej bōk juōn nuknuk im likit e na i aerairo, im reĵro jentulokair im rej kalibubu an jemeir kelwan; im mejeir rar reilok jen e, im rar jab lo an jemeir kelwan. 24 Im Noa e ar ruĵ jen wain eo an, im e jela men eo nejin erik e ar kōmōn nōn e. 25 Im e ar ba, E jerata Kenean; e naj dri kamakoko wōt nōn ro jein im jātin.

<sup>1</sup> Als. 64. 9. <sup>2</sup> eon 1. 7.

26 Im e ar ba, E mōnōnō Jeova Anij an Shem, im Kenean e naj an dri kamakoko. 27 Anij e naj kalōñlok Jepet, im e naj jokwe ilo imōn kabere ko an Shem, im Kenean e naj an dri kamakoko.

28 Im Noa e ar mour elikin ibij liplip eo, jilu buki limñoul yiō. 29 Im aolepen ran ko an Noa, druatim-juōn buki limñoul yiō: im e mij.

**10** Im rein ebeben ko an lōmaro nejin Noa, Shem, Ham, im Jepet: im elikin ibij liplip eo lōmaro neĵir rar lotak nōn ir.

2 Lōmaro nejin Jepet: Gomer, im Megog, im Medai, im Jevan, im Tubal, im Mishek, im Tiras. 3 Im lōmaro nejin Gomer: Ashkinaz, im Ripat, im Togarma. 4 Im lōmaro nejin Jevan: Ilaisha, im Tarshish, im Kittim, im Dodanim. 5 Rein rar aĵej ailiñ an dri pegan nōn ir ilo ene ko eneir, ir otemjej ekar nōn air kono, im ekar nōn nukir, ilo ailiñ ko air.

6 Im lōmaro nejin Ham: Kush, im Mizraim, im Put, im Kenean. 7 Im ro nejin Kush: Siba, im Havila, im Sabta, im Reama, im Sabtika; im lōmaro nejin Reama: Shiba, im Didan. 8 Im Kush e ar keutak Nimrod: e jino juōn dri kajur ion lōl. 9 E juōn dri kakiruru e kajur iman mejen Jeova: kin men in rej ba, Einwōt Nimrod dri kakiruru e kajur iman mejen Jeova. 10 Im jinoin ailiñ eo an, Bebel, im Irek, im Akkad, im Kalne, ilo enen Shainar. 11 Im Assur e ar ilok jen eneo, im ej kalek Nineve, im jikin kwelok Reobot, im Kela, 12 im Risen, ikōtan Nineve im Kela, (e in jikin kwelok elap.) 13 Im Mizraim e ar keutak Ludim, im Anamim, im Liabim, im Naptuhim, 14 im Patrusim, im Kasluim, (jen ijo e ar drioiĵlok dri Pilistia), im Kaptorim.

15 Im Kenean e ar keutak Saidon manĵien, im Het, 16 im dri Jibus, im dri Amor, im dri Girgas, 17 im dri Hiv, im dri Arek, im dri Sin, 18 im dri Arvad, im dri Zemar, im dri Hemat; im tokelik ro bwijin dri Kenean rar jibliklok. 19 Im tōreren

enen dri Keanan, jen Saidon, ijo kwoj itok ñõn Girar, ñõn Geza; ijo kwoj ilok ñõn Sodom, im Gomorra, im Adma, im Ziboim, im ñõn Lesha. 20 Lõmarein nejin Ham, ekar ñõn nukir, ekar ñõn air konono, ilo ene ko air, im ilo ailifõ ko air.

21 Im bareinwõt ñõn Shem, jemen aolepen ro nejin Iber, im jein Jepet, e lotak ro nejin ñõn e. 22 Ro nejin Shem: Ilam, im Assur, im Arpaksad, im Lõd, im Eram. 23 Im ronejin Eram: Uz, im Hul, im Giter, im Mash. 24 Im Arpaksad e ar keutak Shila; im Shila ej keutak Iber. 25 Im ñõn Iber e lotak ruo nejin eman: etan juõn Pileg, bwe ilo ran ko an rar ajej lõl; im etan jätin Joktan. 26 Im Joktan e ar keutak Almodad, im Shilep, im Hezarmevet, im Jira, 27 im Hadoram, im Uzal, im Dikla, 28 im Obal, im Abimael, im Shiba, 29 im Opir, im Havila, im Jobab: rein otemjej ro nejin Joktan. 30 Im jikir jen Misha, ijo kwoj ilok ñõn Sipar, juõn tol i rear. 31 Rein ro nejin Shem, ekar ñõn ro nukir, im ekar ñõn air konono ilo ene ko eneir, ekar ñõn ailifõ ko air.

32 Rein nukin ro nejin Noa, kin air ebeben, ilo ailifõ ko air: im rein rar ajej ailifõ ko i lõl elikin ibij liplip eo.

**11** Im aolepen lõl konono wõt juõn, im juõn wõt ainikeir. 2 Im ber inem, ke rar italok, rar lo jimõtõn ene biken wõt juõn, ilo enen Shainar; im rar jokwe ijo. 3 Im rar ba ñõn dron, Itok, jen kõmõnmõn brik, im kanuij kõmãti. Im rar kajerbal brik einwõt dreka; im bitumen rar kajerbale einwõt iawewe. 4 Im rar ba, Itok, jen kalek ar jikin kwelok, im juõn imõn bar e utiej ñõn lõfõ, im jen kabuñbuñ etar; bwe jen jab jibliklik ion mejen aolepen lõl. 5 Im Jeova e ar wõnlõltok im lala jikin kwelok eo im imõn bar eo ro nejin armij rar kalek e. 6 Im Jeova e ar ba, Lo, armij rein burueir wõt juõn, im ir otemjej juõn wõt air konono; im men in jinoin air kõmõn: im kiõ ejelok men in bõprae ir jen

men otemjej rej bebe in kõmõn. 7 Itok, Jen wõnlõllok, im 'ukõt air konono, bwe ren jab melele kake nan ko an dron. 8 Ein drein Jeova e ar <sup>2</sup>kijibliklik ir jen ijo ion aolepen mejen lõl: im e joko air kalek jikin kwelok eo. 9 Kin men in rar likit etan Bebel; bwe ijo Jeova e ar kaju air konono i aolepen lõl: im jen ijo Jeova e ar kijibliklik ir ion aolepen mejen lõl.

10 Rein ebeben ko an Shem. Ridtõn Shem jibuki yiõ, im e ar keutak Arpaksad ruo yiõ elikin ibij liplip eo. 11 Im Shem e ar mour elikin an keutak Arpaksad, limabuki yiõ, im keutak ro nejin man im kõra.

12 Im Arpaksad e ar mour jilñoul lailim yiõ, im ej keutak Shila: 13 im Arpaksad e ar mour elikin an keutak Shila, åbuki jilu yiõ, im keutak ro nejin man im kõra.

14 Im Shila e ar mour jilñoul yiõ, im ej keutak Iber: 15 im Shila e ar mour elikin an keutak Iber, åbuki jilu yiõ, im keutak ro nejin man im kõra.

16 Im Iber e ar mour jilñoul emen yiõ, im ej keutak Pileg: 17 im Iber e ar mour elikin an keutak Pileg, åbuki jilñoul yiõ, im keutak ro nejin man im kõra.

18 Im Pileg e ar mour jilñoul yiõ, im ej keutak Ru: 19 im Pileg e ar mour elikin an keutak Ru, rubuki druatimjuõn yiõ, im keutak ro nejin man im kõra.

20 Im Rue ar mour jilñoul ruo yiõ, im ej keutak Sirõg: 21 im Ru e ar mour elikin an keutak Sirõg, rubuki jiljilimjuõn yiõ, im keutak ro nejin man im kõra.

22 Im Sirõg e ar mour jilñoul yiõ, im ej keutak Nehor: 23 im Sirõg e ar mour elikin an keutak Nehor, rubuki yiõ, im keutak ro nejin man im kõra.

24 Im Nehor e ar mour roñoul druatimjuõn yiõ, im ej keutak Tira: 25 im Nehor e ar mour elikin an keutak Tira, jibuki joñoul druatimjuõn yiõ, im keutak ro nejin man im kõra.

<sup>1</sup> Ex. 4. 11. <sup>2</sup> eon 4.

26 Im Tira e ar mour jiljilimjuõn-  
noul yiõ, im ej keutak Ebram, im  
Nehor, im Heran.

27 Kiõ rein ebeben ko an Tira.  
Tira e ar keutak Ebram, Nehor, im  
Heran; im Heran e ar keutak Lot.  
28 Im Heran e ar mij mokta jen Ti-  
ra, jemen, ilo eneo e ar lotak ie, i Ör  
an dri Kaldia. 29 Im Ebram im Ne-  
hor rar bõk beleirro: etan belen  
Ebram, Serai; im etan belen Nehor,  
Milka, nejin Heran, eo jemen Milka  
im Iska. 30 A Serai ewar; ejelok  
nejin. 31 Im Tira e ar añin Ebram  
nejin, im Lot jibwin, nejin Heran, im  
Serai nejin kõra, belen Ebram nejin;  
im rar ilok ibeir jen Ör an dri Kaldia,  
bwe ren ilok nõn enen Kenean; im  
rar itok nõn Heran, im jokwe ijo.  
32 Im ran ko an Tira, rubuki lailim  
yiõ; im Tira e mij i Heran.

12 Kiõ <sup>1</sup>Jeova e kar ba nõn Eb-  
ram, Kwon ilok jen eneõm, im  
jen am jowi, im jen imõn jemõm, nõn  
juõn ene I naj bakajen nõn yuk: 2 im  
I naj kõmõn bwijõm bwe en lap; im  
I naj <sup>2</sup>kejerammõn yuk im kõmõn  
etõm bwe en lap, im kwo naj men in  
kejerammõn; 3 im I naj kejerammõn  
ro rej kejerammõn yuk, im I naj kole  
eo ej kole yuk: im <sup>3</sup>kin kwe nukin  
otemjej i lõl re naj jerammõn. 4 Im  
Ebram e ar ilok, einwõt Jeova e ar  
konono nõn e; im Lot ej ilok iben  
lok: im ridtõn Ebram jiljilimjuõn-  
noul lailim yiõ ke ej ilok jen Heran. 5  
Im Ebram e ar añin Serai lio belen,  
im Lot nejin leo jätin, im men ko  
otemjej rar aini, im ro otemjej rar  
jibarek ir i Heran; im rar drioielok  
bwe ren ilok nõn enen Kenean; im  
nõn enen Kenean rar itok. 6 Im  
Ebram e ar ilok ilujen eneo nõn enen  
Shikem, nõn wijki ok eo an More. A  
kiõ dri Kenean rar jokwe i eneo. 7  
Im Jeova e ar weaktok nõn Ebram,  
im ba, I naj lelok enin nõn ineõm;  
im ijo ej kalek juõn lokatok nõn Je-  
ova, Eo e ar walok nõn e. 8 Im ej  
emõkit jen ijo nõn juõn tol i rear in  
Betel, im ej kajur an imõn kabere,

Betel i kabilõn im Eai i rear: im ijo  
ej kalek juõn lokatok nõn Jeova, im  
ej kir etan Jeova. 9 Im Ebram e ar  
etetal im wãruñalok wõt.

10 Im e ar ñita eneo: im Ebram e  
ar wõnlõltok nõn Ijijpt bwe en ber  
ijo; bwe ñita e kanuij lap i eneo. 11  
Inem, ke e ar kabek bwe en dreloñ  
ilo Ijijpt, e ar ba nõn Serai, lio belen,  
Lo, kiõ I jela bwe kwe juõn kõra  
<sup>1</sup>edreo: 12 im men e naj walok, ñe  
dri Ijijpt rej lo yuk, re naj ba, E in  
lio belen: im re naj mõn iõ, a re naj  
kejbãrok yuk bwe kwon mour. 13  
Ij akwelap nõn yuk bwe kwon ba,  
kwe jãtiõ, inem I naj ainemõn kin  
kwe; im aõ e naj mour kin kwe. 14  
Inem, ke Ebram e ar itok nõn Ijijpt,  
dri Ijijpt rar lo lio bwe e kanuij dreo.  
15 Im bareinwõt iroi jirik ro an Pero  
rar loe, im rar nebar e nõn Pero: im  
rar <sup>2</sup>añin lio nõn imõn Pero. 16 Im e  
joij nõn Ebram kin lio: im eor an  
sip, im kau, im ass koman, im dri ko-  
rijeran man, im dri korijeran kõra,  
im ass kokõra, im kamel. 17 Im Je-  
ova e ar kaiñtan Pero im dri mweo  
imõn kin men in kaiñtan ko relap,  
kin Serai, lio belen Ebram. 18 Im  
Pero e ar kirtok Ebram, im ba, Ta  
men in kwar kõmõn nõn iõ? etke  
kwar jab kennaneke iõ bwe lio ej be-  
leõm? 19 etke kwar ba, Jãtiõ, ein  
drein I ar bõk lio bwe en beliõ? kiõ  
kin men in, kwon lio beleõm, im  
añin e, im ilok ilo ial eo am. 20  
Im Pero e ar jiroñ ro dron kin e: im  
rar karwõnlok e, im lio belen, im  
men ko an otemjej.

13 Im Ebram e ar wõnliñlok jen  
Ijijpt, e, im lio belen, im men  
ko an otemjej, im Lot iben, nõn Rõk.  
2 Im Ebram e ar kanuij mweie kin  
kiru ko rawie, im kin silver, im kin  
gold. 3 Im e ar ilok ilo an etetal  
jen Rõk nõn Betel, nõn ijo imõn ka-  
ber eo an e kar ber ie mokta, ikõtãn  
Betel im Eai, 4 nõn ijo lokatok eo e  
kar kõmõne mokta: im ijo Ebram e  
ar kir etan Jeova. 5 Im bareinwõt  
Lot, eo e ar ilok iben Ebram, eor an  
kiru ko redrik, im ko relap, im imõn

<sup>1</sup> Jerb. 7. 3; Hlb. 11. 8. <sup>2</sup> Jap. 22. 17. <sup>3</sup> Jerb. 3. 25;  
Gal. 3. 8.

<sup>4</sup> Jap. 26. 7. <sup>5</sup> Jap. 30. 2.

kaber ko. 6 Im eneo e jab<sup>1</sup> maroñwe irro, bwe ren jokwe iben dron: kin ke men ko air relõñ, einwõt bwe re ban jokwe iben dron. 7 Im e kar<sup>2</sup> juõn akwail ikõtãn ro dri lale kiru an Ebram im ro dri lale kiru an Lot: im kiõ dri Kenean im dri Periz rar jokwe i eneo. 8<sup>3</sup> Im Ebram e ar ba ñõn Lot, Ij ba ñõn yuk, en ejelok akwail iba im ibõm, im iben ro aõ dri lale kiru im ro am dri lale kiru; bwe kijro jimjãn jimjãtin. 9 Aolepen eneo e jab ber iman mejõm ke? ij akwelap ñõn yuk, kwon mõke lok iam jen iõ: elañe kwe ñõn anmiñ inem I naj ilok ñõn anbijmaroñ; ak elañe kwe ñõn anbijmaroñ, inem I naj ilok ñõn anmiñ. 10 Inem Lot e ar bõk mejen, im ej lo aolepen ene biken wõt juõn iturin Jordan, bwe eor dren in kamorur ijo ko otemjej, mokta jen an Jeova kokkure Sodom im Gomorra, einwõt jikin kallip an Jeova, einwõt enen Ijijpt, ijo kwoj itok ñõn Zoar. 11 Inem Lot e ar kãlet aolepen ijo biken wõt juõn iturin Jordan; im Lot e ar italok: im rar jibil jen dron. 12 Im Ebram e ar jokwe i enen Kenean, im Lot e ar jokwe ilo jikin kwelok ko ijo biken wõt juõn, im e ar kamõkit imõn kaber eo an tokrõn wõt Sodom. 13 A dri Sodom rar nana, im dri jerawiwi elap iman mejen Jeova.

14 Im Jeova e ar ba ñõn Ebram, elikin an Lot jibil jen e, <sup>4</sup>Kwon bõk mejõm kiõ im reilok jen ijo kwoj ber ie, ñõn eañ, im rõk, im rear, im kabilõñ: 15 bwe aolepen eneo kwoj loe, I naj lewoj ñõn yuk, im ñõn ineõm in drio. 16 Im I naj kõmõn ineõm einwõt<sup>5</sup> bok in lõl: im elañe armij e maroñ in bwine bõñõlõñõl in lõl, inem re naj bareinwõt maroñ in bwine ro ineõm. 17 Kwon jutõk, im etetal ilujen eneo ilo aitokõn im ilo drilpen; bwe I naj lewoj ñõn yuk. 18 Inem Ebram e ar kamõkit an imõn kaber im item jokwe iturin wijki ok ko an Mamre, ko rej ber i Hibron, im ijo e ar kalek juõn lokatok ñõn Jeova.

14 Inem ilo ran ko an Amrapel kiñ in Shainar, Eriok kiñ in Elassar, Kedorleomer kiñ in Ilam, im Taidal kiñ in ailiñ ko, 2 rein rar tõrinaek Bira kiñ in Sodom, im Birsha kiñ in Gomorra, Shainab kiñ in Adma, im Shimeber kiñ in Ziboim, im kiñ in Bila, (eñin Zoar). 3 Rein otemjej rar koba ilo komlõl in Sidim, (eñin<sup>1</sup> Lõmalo in Salt). 4 Rar jermal ñõn Kedorleomer iomin joñoul ruo yiõ, im ilo yiõ eo ken ka joñoul jilu rar kabata. 5 Im ilo yiõ eo ken ka joñoul emen, Kedorleomer e ar itok, im kiñ ro rej ber iben, im rar mõn ro re inea i Ashterot-karneim, im dri Zuzim i Ham, im dri Imim ilo ene biken wõt juõn an Kiriasteim, 6 im dri Hor ilo air tol Sier, ñõn El-peran eo iturin ene jemaren. 7 Im rar jeblak, im itok ñõn En-mishpat, (eñin Kedesh), im rar kokkure ene ko otemjej an dri Amalek, im bareinwõt ko an dri Amor ro rar jokwe i Hazezon-temar. 8 Im kiñ in Sodom e ar drioijlok, kab kiñ in Gomorra, im kiñ in Adma, im kiñ in Ziboim, im kiñ in Bila, (eñin Zoar); im rar kalejar ilo komlõl in Sidim; 9 im jumae Kedorleomer kiñ in Ilam, im Taidal kiñ in ailiñ ko, im Amrapel kiñ in Shainar, im Eriok kiñ in Elassar; emen kiñ rar jumae lailim. 10 Im komlõl in Sidim e obrõk bin roñ in bitumen; im kiñ in Sodom im Gomorra rejro ko, im ßuñ ijo, im ro jet rar ko ñõn tol eo. 11 Im rar bõk aolepen mweien Sodom im Gomorra, im ekõn otemjej, im ilok. 12 Im rar añin Lot nejin leo jãtin Ebram, bwe e<sup>2</sup> ar jokwe i Sodom, im bõk mweien, im ilok.

13 Im juõn e kar ko, e ar itok im kennanek Ebram dri Hibru: bwe e ar jokwe iturin wijki ok ko an Mamre dri Amor, jein im jãtin Eshkol, im jein im jãtin Ener; im rein rar rajitak Ebram. 14 Im ke Ebram e ar roñ bwe rar kajebokweik leo jãtin, e ar tel ro dron ro re jela toõn tõrinae im rar lotak i mweo imõn, jilu buki joñoul drualitõk armij, im e

<sup>1</sup> Jap. 26. 7. <sup>2</sup> Jap. 26. 20. <sup>3</sup> Ken. 15. 13; 20. 3. <sup>4</sup> Dut 24. 1-4. <sup>5</sup> Jap. 26. 14.

<sup>1</sup> Dut 2. 17. <sup>2</sup> Jap. 15. 12.

ar lukworkwore ir ñon Dan. 15 Im e ar kijbil ro dron im iaboñwe ir, im mōn ir, im lukworkwor ir ñon Hoba, eo i anmiñin Damaskōs. 16 Im e ar bar bōktok men ko otemjej, im bar-einwōt ej añintok Lot <sup>1</sup>jātin, im mweuiuk ko mweien, im bareinwōt kōra ro, im armij ro.

17 Im kiñ in Sodom e ar drioj mae, elikin an jeblaktok jen an mōn Kedorleomer, kab kiñ ro rajitan, ilo komlōl in Shave, (eo Komlōl an Kiñ). 18 Im <sup>2</sup>Melkizedek, kiñ in Selem, e ar bōktok bred im wain: im ej pris an Anij Eutiejtata. 19 Im e ar jare, im ba, Emōnōnō Ebram, kin Anij Eutiejtata, Eo an lōñ im lōl: 20 im emōnōnō Anij Eutiejtata, Eo e ar lewoj am dri kijirāt ilo peōm. <sup>3</sup>Im e ar lelok ñon e juōn mōtōn joñoul ian men ko otemjej. 21 Im kiñ in Sodom e ar ba ñon Ebram, Kwon letok armij ro ñon iō, im bōki mweuiuk kōni ñon yuk. 22 Im Ebram e ar ba ñon kiñ in Sodom, I ar kwotōke peiō ñon Jeova, Anij Eutiejtata, Eo an lōñ im lōl, 23 bwe I jamin bōk juōn mōtōn tred ak juōn kworōn juj, im bwe I jamin bōk men eo jabrewōt am, ñe kwo ab ba, I ar namweien Ebram: 24 a men ko wōt likao ro rar kōñi, im mōtōn kwonan armij ro rar etal iba, Ener, Eshkol, im Mamre; ren bōk kij eo air.

**15** Elikin men kein, nan an Jeova e ar itok ñon Ebram ilo juōn visiōn, im ba, Ebram, <sup>4</sup>kwon jab mijōk: Ña am likipijñōk, im e naj <sup>5</sup>kanuij lap wōnam. 2 Im Ebram e ar ba, O Iroj Jeova, ta men eo Kwo naj letok ñon iō, bwe ejelok nejiō, im armij eo e naj an mweo imō, Iiezar, dri Damaskōs? 3 Im Ebram e ar ba, Lo, Kwar jab letok ñon iō iniō: im lo, juōn e lotak i mweo imō e naj aō dri jolit. 4 Im lo, nan an Jeova e ar itok ñon e, im ba, Lein e jamin am dri jolit; a <sup>6</sup>eo e naj itok jen kabinjiōm, e naj am dri jolit. 5 Im E ar añin e inabij, im ba, Kwon ejer ñon lōñ, im lala iju kōn, elañe

kwo maroñ in bwini: im E ar ba ñon e, E naj ein drein ineōm. 6 Im e ar tōmak Jeova; im Ej watōk men in ñon e einwōt wānik. 7 Im E ar ba ñon e, Ña Jeova eo E ar añintok yuk jen Ōr an dri Kaldia, bwe <sup>1</sup>In lewoj enin am jolit. 8 Im e ba, Jeova Anij, <sup>2</sup>kin ta I naj jela bwe en aō jolit? 9 Im E ar ba ñon e, Kwon bōk juōn kau kokōra, ridtōn jilu yiō, im juōn got kokōra, ridtōn jilu yiō, im juōn sip koman ridtōn jilu yiō, im juōn mule, im juōn mule erik. 10 Im e ar bōk men kein otemjej, im <sup>3</sup>nate lukwir, im likit mōtōn ko ikijen dron: a bao ko e ar jab nate. 11 Im ke bao kōn rar jok ion ubeir, Ebram e ar ubaki.

12 Im ke e nañin tulok al, juōn ki-ki elap e ar buñ ion Ebram; im lo, mijōk jen marok jiliñliñ e ar buñ ion. 13 Im E ar ba ñon Ebram, Kwon kanuij jela bwe <sup>4</sup>ro ineōm re naj drua maijet ilo juōn ene e jab eneir, im re naj <sup>5</sup>kamakokoik ir, im re naj kaiñtan ir iomin ābuki yiō; 14 im bareinwōt I naj ekajete dri ailñi eo rej jermal ñon ir: im tokelik re naj driojtōk im <sup>6</sup>elōñ mweuiuk ibeir. 15 Im <sup>7</sup>kwo naj ilok ñon iben ro jimam ilo ainemōn; im naj kalibwin yuk ilo am kanuij bwijwōlā. 16 A ilo ebeben ken-ken re naj jeblaktok; bwe <sup>8</sup>an dri Amor jerawiwi e jañin obrōk. 17 Inem, ke e ar tulok al, im e marok, lo, juōn ubaj e batat im juōn lamp e urur, rar ilok ikōtan mōtōn ko. 18 Im ilo ran eo Jeova e ar kōmōn juōn bujen iben Ebram, im ba, I ar lewoj enin ñon ineōm, jen river in Ijipt ñon river elap, river Upretis: 19 im dri Ken, im dri Keniz, im dri Kadmon, 20 im dri Het, im dri Periz, im dri Ripaim, 21 im dri Amor, im dri Keanean, im dri Girgas, im dri Jibus.

**16** Im Serai, lio belen Ebram, e ar jab keutak nejin ñon e: im e kar juōn korijeran kōra, <sup>9</sup>dri Ijipt, etan Hegar. 2 Im Serai e ar ba ñon Ebram, lo, kiō, Anij e ar drebij iō jen aō neje; ij akwelap ñon yuk,

<sup>1</sup> eon 12. <sup>2</sup> Hib. 7. 1. <sup>3</sup> Hib. 7. 4. <sup>4</sup> Jap. 26. 24.  
<sup>5</sup> Bwin. 18. 20. <sup>6</sup> Gal. 4. 28.

<sup>1</sup> Jap. 13. 15. <sup>2</sup> Luk. 1. 18. <sup>3</sup> eon 17. <sup>4</sup> Jerb. 7. 6. 17.  
<sup>5</sup> Dat 5. 15. <sup>6</sup> Ex. 12. 33-38. <sup>7</sup> Jap. 26. 8. <sup>8</sup> Liv. 18. 24-28. <sup>9</sup> Jap. 12. 16.

kwon dreloñ ñõn iben lio korijera ; bwelen in bók nejiõ kin e. Im Ebram ej eoroñ ainiken Serai. 3 Im Serai, lio belen Ebram, e ar añin Hegar korijeran, dri Ijijpt, elikin an Ebram jokwe i enen Kenean iomin jofnoul yiõ, im e ar lelok e ñõn Ebram leo belen, bwe en belen. 4 Im e ar dreloñ ñõn iben Hegar, im e ar etta: im ke lio e ar lo bwe e bõroro, ej kejekron liroj eo an. 5 Im Serai e ar ba ñõn Ebram, Aõ nana en ber iom: I ar lewoj lio korijera na i ubõm; im ke ej lo bwe e bõroro, ej kejekron iõ: Jeova en ekajet ikõtaõ im kwe. 6 A Ebram e ar ba ñõn Serai, Lo, lio korijerõm ej ber ilo peõm; kwon kõmõn men eo emõn iman mejõm. Im Serai e ar kaiñtan e, im e ar ko jen iman mejen.

7 Im <sup>1</sup>enjel õn Jeova e ar loe iturin juõn unin dren i ene jemaren, iturin un eo ilo ial ñõn Shur. 8 Im e ar ba, Hegar, korijeran Serai, <sup>2</sup>kwój itok jen ia? im kwój wój jikõt? Im e ar ba, Ij ko jen iman liroj eo aõ, Serai. 9 Im enjel õn Jeova e ar ba ñõn e, Kwon bar jeblak ñõn liroj eo am, im kõtaiik yuk iomin pein. 10 Im enjel õn Jeova e ar ba ñõn e, <sup>3</sup>I naj kanuij korlok ineõm, bwe ren jab maroñ bwine ir kin air lõñ. 11 Im enjel õn Jeova e ar ba ñõn e, Lo, kwo bõroro, im kwo naj keutak nejõm eman, im kwo naj likit etan Ishmeel, bwe Jeova e ar roñ am iñtan. 12 Im e naj einwõt juõn ass e awia iolapen armij; pein e naj jumae armij otemjej, im pein armij otemjej re naj jumae e; im e naj jokwe <sup>4</sup>ikijen ro jein im jãtin. 13 Im e ar likit etan Jeova, Eo e ar konono ñõn e, Kwe juõn Anij Kwój lo: bwe ej ba, I ar reilok ilokõn Eo e ar lo iõ ke? 14 Kin men in, etan abij eo, Bier-lehai-roai; lo, ej ber ikõtãn Kedesh im Bired.

15 Im Hegar e ar keutak nejin man ñõn Ebram: im Ebram e ar likit etan nejin, eo Hegar e ar keutak e, Ishmeel. 16 Im ridtõn Ebram drualitõknoul jiljino yiõ, ke Hegar e ar keutak Ishmeel ñõn Ebram.

17 Im ke ridtõn Ebram druatim-juõnñoul druatimjuõn yiõ, Jeova e ar weaktõ ñõn Ebram, im ba ñõn e, Ña Anij Laplap; kwon itoitõk iman meja, im kwon <sup>1</sup>wäppen. 2 Im I naj kõmõn Aõ bujen ikõtaõ im kwe, im I naj <sup>2</sup>kanuij korlok yuk. 3 Im Ebram e ar buñbero: im Anij e ar konono ñõn e, im ba, 4 Kin Ña, lo, Aõ bujen ej ber ibõm, im kwo naj <sup>3</sup>jemen elõñ bwij. 5 Im re jamin bar likit etõm Ebram, a etõm e naj Ebream; bwe I ar kõmõn yuk <sup>4</sup>jemen elõñ bwij. 6 Im I naj kõmõn bwe kwon kanuij timon, im I naj kõmõn bwe en or bwijõm, im <sup>5</sup>kiñ ro re naj wałok jen kwe. 7 Im I naj kabin Aõ bujen ikõtaõ im kwe, im ro ineõm elikõm, ilo ebeben ko air, kin bujen in drio, bwe in Anij ñõn yuk, im ñõn <sup>6</sup>ineõm elikõm. 8 Im I naj lewoj ñõn yuk, im ñõn ro ineõm elikõm, eneo ijo kwój drua majet ie, aolepen enen Kenean, bwe en air jolit in drio: im I naj air Anij.

9 Im Anij e ar ba ñõn Ebream, Inem kwon kejbãrok bujen eo Aõ, kwe, im ro ineõm elikõm ilo ebeben ko air. 10 <sup>7</sup>Eñin bujen eo Aõ, eo kom naj kejbãrok, iba im ibõm, im iben ro ineõm elikõm: ren mõiit ladrik otemjej ibemi. 11 Im <sup>8</sup>kom naj mõiiti kilin mami; im e naj kakõlen bujen eo ikõtãr. 12 Im eo iami ej ridtõn drualitõk ran en mijmij, ladrik ro otemjej ilo ebeben ko ami, eo ej lotak iloan im, eo emwij wiaik e kin mõnni ian ro drua, im e jab ineõm. 13 Eo ej lotak iloan mweo imõm, eo emwij wiaik e kin mõnni eo am, ren mijmij wõt: im Aõ bujen e naj ber ilo kõniekõmi kin bujen in drio. 14 Im ladrik otemjej e jab mijmij, eo e jab mijmij kilin man, e in re naj bukwelok jen armij ro mõtõn; e ar kokkure bujen eo Aõ.

15 Im Anij e ar ba ñõn Ebream, Kin Serai lio beleõm, kwon jab bar likit etan Serai, a etan Sera. 16 Im I naj kejerammõn e, im I naj bareinwõt lewoj <sup>9</sup>nejõm man kin e: aet, I

<sup>1</sup> Dat 18. 13. <sup>2</sup> Jap. 13. 16: 10. 5. <sup>3</sup> Jap. 35. 11. <sup>4</sup> Rom 4. 17. <sup>5</sup> eon 16. <sup>6</sup> Gal. 3. 16. <sup>7</sup> Jon 7. 22. <sup>8</sup> Ex. 12. 48. <sup>9</sup> Jap. 18. 10.

<sup>1</sup> Jap. 21. 17. <sup>2</sup> Jap. 3. 9. <sup>3</sup> Jap. 17. 20. <sup>4</sup> Jap. 25. 18.

naj kejerammōn e, im e naj jinen elōñ bwij; im kiñ ro an armij re naj walok jen e. 17 Im Ebreame e ar buñbero im etōñ, im ba ilo buruen, E naj or nejin eo ridtōn jibuki yiō ke? im Sera, eo ridtōn druatimjuōññoul yiō, e naj keutak ke? 18 Im Ebreame e ar ba ñōn Anij, O I kōnan bwe Ishmeel en mour iman mejōm! 19 Im Anij e ar ba, Emol Sera, lio beleōm, e naj keutak nejin man ñōn kwe, im kwo naj likit etan Aisak: im <sup>1</sup>I naj likit Aō bujen iben, bwe en bujen in drio, kab iben ro inen elikin. 20 Im kin Ishmeel, I ar roñjake yuk: lo, I ar kejerammōn e, im I naj katimon e, im kanuij korlok e; <sup>2</sup>e naj keutak joñoul ruo iroi, im I naj kōmōn bwe en juōn bwij elap. 21 A I naj kabin Aō bujen ñōn <sup>3</sup>Aisak, eo Sera e naj keutak ñōn yuk ilo ien in ilo yiō eo ej itok.

22 Im emwij An konono iben, im Anij e ar wōnliñlok jen Ebreame. 23 Im Ebreame e ar bōk Ishmeel nejin, im ro otemjej rar lotak iloan mweo imōn, im ro otemjej e ar wiaik ir kin mōñni eo an, man otemjej ian ro nukin Ebreame, im e ar mijit kilin mair ilo ran eo wōt, einwōt Anij e ar ba ñōn e. 24 Im ridtōn Ebreame druatimjuōññoul druatimjuōn yiō, ke <sup>4</sup>ar mijmij e ilo kilin man. 25 Im joñoul jilu yiō ridtōn Ishmeel, nejin, ke ar mijmij e ilo kilin man. 26 Ilo ran eo wōt rar mijmij Ebreame, kab Ishmeel nejin. 27 Im man otemjej i mweo imōn, ro rar lotak i mweo imōn, im ro ar wiaik ir kin mōñni jen drua maijet, rar mijmij na iben.

**18** Im Jeova e ar weaktok ñōn e iturin wijki ok ko an Mamre, ke e ar jijōt ilo kejem in imōn kabere eo ke e dret; 2 im e ar bōk mejen im reilok, im lo, jilu <sup>5</sup>armij rar jutōk ikijen: im ke ej lo ir, e ar etōr mae ir jen kejem in imōn kabere eo, im e ar mōke barikrik ñōn lōl, 3 im ba, Aō iroi, elañe ij lo joi, iman mejōm kiō, ij akwelap ñōn Yuk, bwe Kwon jab ilok jen korijerōm: 4 ren bōktok ji-

rik dren, im <sup>1</sup>Komin kwol neōmi, im Komin kakije iomin wijki in; 5 im <sup>2</sup>I naj bōktok jirik bred, im Komin kakajur buruōmi; im tokelik Kom naj etal: bwe kin men in Kom ar itok ñōn iba korijerōmi. Im Rar ba, Kwon kōmōn einwōt am ba. 6 Im Ebreame e ar jarōplok ñōn loan imōn kabere iben Sera, im ba, Kwon kōmōnlok jilu joñōn flauō, im iōki, im kōmāti. 7 Im Ebreame e ar etōr ñōn bwijin, im bōktok juōn kon in kau e biruru im emōn, im e ar lelok ñōn dri korijer eo; im ej mōkōj in kokopije. 8 Im e ar bōk bōtter, im milk, im kon eo e ar kapoje, im ej likiti iman mejeir; im ej jutōk iturir iomin wijki eo, im Rar mōña.

9 Im Rar ba ñōn e, Ewi Sera lio beleōm? Im ej ba, Lo, iloan imōn kabere eo. 10 Im E ar ba, Emol I naj jeblaktok ñōn ibōm, ñe e jejit ien; im lo, Sera, lio beleōm, e naj neje man. Im Sera e ar roñ ilo kejem in imōn kabere eo, ilikin. 11 Kiō Ebreame im Sera re ridto, im elōñ airro yiō; im e joko iben Sera mōntin kōra. 12 Im Sera e ar etōñ ilo buruen, im ba, Ke ij ridto I naj mōñōnō ke, im <sup>3</sup>aō iroi, bareinwōt e ridto? 13 Im Jeova e ar ba ñōn Ebreame, Eke Sera ej etōñ, im ba, Emol ke I naj neje, im ña I ridto? 14 <sup>4</sup>Eor ke men eo Jeova e jab maroñwe? Ilo ien eo I ar ba, I naj jeblaktok ñōn ibōm, ñe e jejit ien, im Sera e naj neje man. 15 Inem Sera e ar karmijete, im ba, I ar jab etōñ; bwe ej mijōk. Im E ar ba, Jab; a kwar etōñ.

16 Im <sup>5</sup>lōmaro rar jutōk jen ijo, im jujellok ñōn Sodom: im Ebreame e ar ilok ibeirllok bwe en karwōn ir ilo ial. 17 Im Jeova e ar ba, In noj jen Ebreame men eo Ij kōmōne ke; 18 bwe emol bwijin Ebreame e naj lap im kajur, im bwij ko otemjej i lōl re naj jerammōn kin e? 19 Bwe I jela e, bwe e naj kowe ro nejin im ro nukin elikin, bwe ren kajbārok ial an Jeova, im kōmōn wānik im eka-

<sup>1</sup> Jap. 28. 2-6. <sup>2</sup> Jap. 25. 16. <sup>3</sup> Jap. 18. 10. 14. <sup>4</sup> Rom 4. 11. <sup>5</sup> Jap. 32. 24; Josh. 6. 13.

<sup>1</sup> Jap. 19. 2. <sup>2</sup> Eka. 6. 18. <sup>3</sup> 1 Pt. 3. 6. <sup>4</sup> Jer. 38. 17. <sup>5</sup> eon 2.



jet; bwe Jeova en bōktok ion Ebre-am men eo E ar ba kin e. 20 Im Jeova e ar ba, <sup>1</sup>Bwe ainiken Sodom im Gomorra elap, im bwe jerawiwi eo air e kanuij lar; 21 kiō Ij wōnlōl- lok bwe In lo elafie ein air kōmōn- mōn wōt ainiken, eo ej itok nōn iba; a elafie jab, I naj jela.

22 Im lōmaro rar oktōk jen ijo, im kaioklok Sodom: a Ebre-am ej jutōk wōt iman mejen Jeova. 23 Im Ebre-am e ar kebak E im ba, <sup>2</sup>Kwo naj kokkure dru wānik iben dri jerawiwi ke? 24 Bwelen limñoul dru wānik iloan jikin kwelok eo: Kwo naj kokkure, im jab likit ir kin limñoul ro rej ber iloan ke? 25 En etolok jen Kwe bwe Kwon kōmōn ein drein, im mōn ro dru wānik iben ro dri jerawiwi, im bwe <sup>3</sup>dru wānik ren einwōt dri jerawiwi; en etolok jen Kwe: Eo ej Iroi j in ekajet nōn aolepen lōl E jamin kōmōn wānik ke? 26 Im Jeova e ar ba, Elafie Ij lo limñoul dru wānik i Sodom, iloan jikin kwelok eo, inem I naj tiriamokake aolepen jikin kwelok eo kin ir. 27 Inem Ebre-am e ar uak, im ba, Lo, kiō I ar mōke kajelolū bwe in konono nōn Jeova, ña <sup>4</sup>ein bōñōñōl im brij in ubaj; 28 bwelen e naj joko lailim jen limñoul dru wānik: Kwo naj kokkure aolepen jikin kwelok eo kin an joko lailim ke? Im E ar ba, Elafie Ij lo eñoul lailim ijo, I jamin kokkure. 29 Im e ar bar konono nōn E, im ba, Bwelen naj lo eñoul ijo, Im Ej ba, I jamin kōmōne kin eñoul. 30 Im e ar ba, O Jeova en jab illu, im I naj konono: bwelen naj lo jilñoul ijo. Im Ej ba, I jamin kōmōne elafie Ij lo jilñoul ijo. 31 Im e ar ba, Lo I ar mōke kajelolū bwe in konono nōn Jeova: bwelen naj lo roñoul ijo. Im Ej ba, I jamin kokkure kin roñoul. 32 Im e ar ba, O Jeova en jab illu, im I naj konono bar alen wōt juōn: bwelen naj lo joñoul ijo. Im Ej ba, I jamin kokkure kin joñoul. 33 Im Jeova e ar ilok ilo ial eo An, ke emwij An konono iben Ebre-am: im Ebre-am e ar jeblak nōn jikin.

19 Im <sup>1</sup>enjel ro ruo rar itok nōn Sodom ke e jota; im Lot ej jīt ilo kejem in Sodom: im ke <sup>2</sup>Lot e ar lo ir ej jutōk bwe en wōnmae ir; im ej mōke barikrik mejen nōn lōl; 2 im e ar ba, Lo, kiō, aō iroi j, ij akwelap nōn komro, komin itok nōn mweo imō, korijerami, im ber boñin in, im kwol neōmi, im kom naj jerkak ñe ejiboñ wōt im etal ilo ial eo amiro. Im rar ba, Jab; a kimro naj ber ilo ial boñ eyu. 3 Im elap an akwelap nōn irro; im rar jeōrtok nōn iben, im dreloñ iloan mweo imōn; im e ar kōmōn kwojkwoj nōn ir, im umum bred e jab uwe, im rar mōña. 4 A mokta jen airro babu, man ro ilo jikin kwelok eo, aet, man in Sodom, rar kabol mweo, ridto im lardrik, armij otemjej jen ijo ko otemjej; 5 im rar kir Lot, im ba nōn e, <sup>3</sup>Ewi armij ro rar itok nōn ibōm boñin in? kwon añintok ir nōn kim, bwe kimin jela ir. 6 Im Lot e ar droioj- lok ilo kejem nōn ir im kil aor eo elikin. 7 Im e ar ba, Ij akwelap nōn kom, jeō im jātiō, komin jab kōmōn nana einwōt in. 8 Lo kiō, ruo nejiō kōra re jañin jela eman; ij akwelap nōn kom, in añintok irro nōn kom, im komin kōmōn nōn irro einwōt emōn ilo mejemi: a jab kōmōn jabrewōt nōn lōmarein; bwe rar dreloñ iomin kejenwan mweo imō. 9 Im rar ba, Kwon ruakwoj. Im rar bar ba, Kijōk in e ar iten ber, im ej mōke kairoj e ilo ekajet: kiō elaplok am naj kokkure yuk jen irro. Im rar kanuij jelokwe armij eo, aet Lot, im kebak bwe ren rupe aor eo. 10 A armij ro rar kōtelok peir im kekaketok Lot nōn ibeir iloan mweo, im kil aor eo. 11 Im <sup>4</sup>rar mōn jar eo iturin kejem in mweo kin bilo, ro redrik im ro re ridto, einwōt bwe re mōk in bukot aor eo.

12 Im armij ro rar ba nōn Lot, E bar or ke nukōm i enin? nejōm eman, im lōmaro nejōm im limaro nejōm, im jabrewōt men ko am i jikin kwelok in, kwon añinlok ir jen jikin kwelok

<sup>1</sup> Jap. 18. 22. <sup>2</sup> Ex. 28. 7. <sup>3</sup> Dut. 1. 16, 17. <sup>4</sup> Jap. 3. 19.

<sup>1</sup> Jap. 18. 22. <sup>2</sup> Jap. 18. 2. 5. <sup>3</sup> Eka. 19. 22; Liv. 18. 22. <sup>4</sup> Dut. 28. 28; Jerb. 13. 11.

in: 13 bwe kim naj kokkure jikin kwelok in, bwe <sup>1</sup>air lamije kanuij lap iman mejen Jeova; im <sup>2</sup>Jeova e ar jilkintok kimro bwe kimin kokkure. 14 Im Lot e ar drioijlok im konono iben ro nejin eman, ro re naj kar belek limaro nejin, im ba, Komin jutök, im ilok jen ijin; bwe Jeova e naj kokkure jikin kwelok in. <sup>3</sup>A ej einwöt juön dri kajirere ñon ro nejin eman: 15 Im ke ej rantak, inem enjel ro rar bikbikri Lot, im ba, Kwon jutök, im ñin lio beleóm, im limaro nejöm, rej ber ijin; bwe kom jab joko ilo nana an jikin kwelok in. 16 A e rumij; im lõmaro rar kappere pein, im pein lio belen, im pein limaro ruo nejin, kin ke Jeova ej tiriamokake e: im rar ñinlok e im likit e ilikin jikin kwelok eo. 17 Inem, ke rar ber ilikin, E ar ba, Kwon ko bwe kwon mour; <sup>4</sup>jab reilik, im jab ber i aolepen ene biken wöt juön; kwon ko ñon tol en, bwe kwon jab joko. 18 Im Lot e ar ba ñon ir, O, en jab einwöt, aõ Iroj: 19 lo, kio, korijeröm e ar lo joij iman mejöm, im Kwar kalaplok Am tiriamokake, eo Kwar kwalok ñon iõ kin Am kejbärok aõ mour; im I ban ko ñon tol en, ñe ab nana en walok ñon iõ, im I mij: 20 lo, kiõ, jikin kwelok en ebak bwe in ko ñon e, im erik. O, in ko ñon ijo, (e jab erik ke?) im aõ e naj mour. 21 Im E ar ba ñon e, Lo, I ar bareinwöt eorön yuk kin men in, bwe In jab kokkure jikin kwelok en kwar konono kake. 22 Kwon kaiur yuk, im koonlok; bwe I ban kômön jabrewöt ñon ien eo kwoj tõbar ijo. Kin men in rar likit etan jikin kwelok eo, Zoar.

23 Al e ar tak ion löl ke Lot ej dreloñ ilo Zoar. 24 Inem Jeova <sup>5</sup>e ar kowutlok jen lõn ion Sodom im Gomorra, brimston im kijeek jen Jeova; 25 im <sup>6</sup>E ar kokkure jikin kwelok ko, im aolepen eneo biken wöt juön, im ro otemjej rej jokwe ilo jikin kwelok ko, im men ko otemjej rej edrek jen ene. 26 A lio belen <sup>7</sup>e ar reiliklok jen

<sup>1</sup> Jap. 18. 20. <sup>2</sup> Liv. 26. 30-33. <sup>3</sup> Jer. 43. 1. 2. <sup>4</sup> eon 26. <sup>5</sup> Luk 17. 29; Jud 7. <sup>6</sup> 2 Pit. 2. 6. <sup>7</sup> eon 17; Luk 17. 32.

elikin leo, im ej erom jurön salt. 27 Im Ebreame e ar wönliñlok ke ej rantak ñon ijo e ar jutök iman mejen Jeova: 28 im e ar jujellok ñon Sodom im Gomorra, im ñon aolepen eneo biken wöt juön, im lo, <sup>1</sup>at in eneo e ar wönliñlok einwöt bat in ubaj.

29 Inem, ke Anij e ar kokkure jikin kwelok ko ijo biken wöt juön, Anij e ar kememej Ebreame, im <sup>2</sup>E ar jilkinlok Lot jen iolapen men in kokkure, ke E ar kokkure jikin kwelok ko ijo Lot e kar jokwe.

30 Im Lot e ar wönliñlok jen Zoar, im jokwe ilo tol eo, im limaro nejin iben; bwe e mijök in jokwe i Zoar: im e ar jokwe ilo juön roñ, e im limaro nejin. 31 Im lio manjien e ar ba ñon lio erik, Eridto jemer, im ejelok bar juön eman ion löl bwe en dreloñtok ñon iber, einwöt mõnit in aolepen löl: 32 itok, jen kairak jemer kin wain, im jen babu iben, bwe jen kejbärok inen jemer. 33 Im rar kairak jemeir kin wain boñin eo: im lio manjien e ar dreloñ im babu iben jemen; im leo e jaje kin an babu im kin an jerkak. 34 Inem, ilju, lio manjien ej ba ñon lio erik, Lo, I ar babu boñine iben jema: jen bar kairak e kin wain boñin in; im kwon dreloñ im babu iben, im jen kejbärok inen jemeirro. 35 Im rar kairak jemeir kin wain boñen eo bareinwöt: im lio erik e ar jutök im babu iben; im leo e jaje kin an babu im kin an jerkak. 36 Ein drein aolepen limaro nejin Lot rar bõroro kin jemeirro. 37 Im lio manjien e ar keutak nejin eman, im naetan Moab: e in jemen dri Moab ñon ranin. 38 Im lio erik e ar bareinwöt keutak nejin eman, im naetan Benammai: e in jemen ro nejin Ammon ñon ranin.

20 Im Ebreame e ar wärañalok jen ijo, im e ar jokwe ikõtan Kedesh im Shur; im ej jokwe i Girar. 2 Im Ebreame e ar ba kin Sera lio belen, E jatiõ: im Abimelek, kiñ in Girar, e ar jiliklok, im bõk Sera. 3 <sup>3</sup>A Anij e ar itok ñon Abimelek ilo tõnak ke e boñ, im ba ñon e, Lo, kwe

<sup>1</sup> Rev. 9. 2. <sup>2</sup> 2 Pit. 2. 7. <sup>3</sup> Jap. 12. 17.

armij e mij, kin kōra eo kwar bōke; bwe e belen juōn eman. 4 A Abimelek e jañin kebake lio: im e ar ba, Jeova, kwo naj bareinwōt mōn bwijin dru wānik ke? 5 Leo e ar jab ba ñōn iō ke, E jātiō? im lio, aet, e ar mōke ba, Jeiō leo: ilo an wānik buruō im peiō erreō I ar kōmōn men in. 6 Im Anij e ar ba ñōn e ilo tōnak, Aet, I jela bwe kwar kōmōn men in ilo an wānik buruōm, im Ña, I ar drebij yuk jen am jerāwiwi nae Iō: kin men in I ar jab likit bwe kwon uñir lio. 7 Inem kiō kwon bar kajebalak lio belen leo: bwe leo dri kanan, im e naj jar kin yuk, im kwo naj mour: im elañe kwo jab bar kajebalak e, kwon jela bwe kwo naj mij, kwe im ro drom otemjej.

8 Im Abimelek e ar jerkak ke e jiboñ wōt, im e ar kirtok dri korijeran otemjej, im e ar kennanek men kein otemjej i lojiliñir: im elap an armij ro mijōk. 9 Inem Abimelek e ar kirtok Ebream, im ba ñōn e, Ta eo kwar kōmōn ñōn kim? im ta eo I ar kamatōrtōr yuk kake, bwe kwar bōtok iōō im ion ailiñ eo aō juōn jera-wiwi elap? kwar kōmōn ñōn iō men ko re jakkar. 10 Im Abimelek e ar ba ñōn Ebream, Ta eo kwar loe bwe kwon kab kōmōn men in? 11 Im Ebream e ar ba, I ar lemnok, Emol mijōk Anij e jab ber i enin; im re naj mōn iō kin lio beliō. 12 Im e bar-einwōt mol bwe e jātiō, bwe nejin jema, a e jab nejin jīnō; im I kar belek e: 13 inem, ke Anij e ar kejeb-wābweik iō jen imōn jema, I ar ba ñōn liō, Men in men in joi j kwo naj kwalok ñōn iō: ijo ko otemjej je naj ilok ñōn e, kwon ba kin iō, Jeiō leo. 14 Im Abimelek e ar bōk sip im kiru ko rawie, im dri korijeran man, im dri korijeran kōra, im lilok ñōn Ebream, im ej bar kajebalakok Sera lio belen. 15 Im Abimelek e ar ba, Lo, eneo eniō ej ber imam: kwon jokwe ijo kwoj kōnan. 16 Im e ar ba ñōn Sera, Lo, I ar lelok ñōn jeōm juōn tausan mōtōn silver: e naj men in binej mej ko, ñōn ro otemjej iōōm;

im iman mejen armij otemjej emwij kowānik yuk. 17 Inem Ebreā e ar jar ñōn Anij: im Anij e ar kemour Abimelek, im lio belen, im limaro korijeran; im rar neje. 18 Bwe Jeova e ar kil loje ko otemjej ilo imōn Abimelek, kin Sera, lio belen Ebreā.

21 Im Jeova<sup>2</sup> e ar lotok Sera einwōt e kar ba, im Jeova e ar kōmōn ñōn Sera einwōt An konono. 2 Im Sera<sup>3</sup> e ar etta, im keutak ñōn Ebream nejin eman ke e ridto, ilo<sup>4</sup> ien eo Anij e ar konono kake ñōn e. 3 Im Ebream e ar natan nejin eo e lotak ñōn e, eo Sera e ar keutak ñōn e,<sup>5</sup> Aisak. 4 Im Ebream e ar mijmij Aisak nejin, ilo ran eo<sup>6</sup> ken ka drualitōk, einwōt Anij e ar jiroñ e. 5 Im ridtōn Ebream jibuki yiō ke e lotak Aisak nejin, ñōn e. 6 Im Sera e ar ba, Anij e ar katōñ iō; ro etemjej rej roñ re naj etōñ iba. 7 Im e ar ba, Wōn e naj kar ba ñōn Ebream bwe Sera e naj kaninnin niñniñ? bwe I ar keutak nejin eman ñōn e ke e ridto.

8 Im ajiri eo e ar edrek im rar kalikitit e: im Ebream e ar kōmōn juōn kwojkwōj elap ilo ran eo rar kalikitit Aisak. 9 Im Sera e ar lo ladrik eo nejin Hegar kōra in Ijpt, eo e kar keutak ñōn Ebream, ej kajirere. 10 Kin men in e ar ba ñōn Ebream, Kwōn jolok liin dri kamakoko, im nejin: bwe nejin lio dri kamakoko e jamin bōk an jolit iben ladrik eo nejiō, aet, iben Aisak. 11 Im<sup>8</sup> men in e erro iman mejen Ebream, kin ladrik eo nejin. 12 Im Anij e ar ba ñōn Ebream, En jab erro iman mejōm, kin ladrik eo, im kin lio am dri kamakoko; ilo men otemjej Sera e ar ba ñōn yuk, kwon eoroñ ainiken; bwe naj likit ro ineōm ilo<sup>9</sup> Aisak. 13 Im bar-einwōt kin ladrik eo<sup>10</sup> nejin lio dri kamakoko, I naj kōmōn bwijin elap, kin ke ineōm. 14 Im Ebream e ar jerkak ke e jiboñ wōt, im bōk bred, im juōn botto in dren, im lelok ñōn Hegar, likiti na i aeran, im nejin, im

<sup>1</sup> Bwin. 12. 13. <sup>2</sup> Jap. 17. 16. <sup>3</sup> Hib. 11. 11. <sup>4</sup> Jap. 17. 21. <sup>5</sup> Jap. 17. 19. <sup>6</sup> Jap. 17. 12. <sup>7</sup> Gal. 4. 30. <sup>8</sup> Jap. 17. 18. <sup>9</sup> Rom. 9. 7. <sup>10</sup> eon 18.

e ar jilkinloke: im e ar ilok, in jebwābwe ilo ene jemaren in Bier-shiba. 15 Im ebar dren ilo botto eo, im e ar jolok ajiri eo iomin juōn mār. 16 Im e ar ilok, im jijōt ikijen, etolok, einwōt joñōn libon: bwe e ar ba, In jab lo an ajiri eo mij. Im e ar jijōt ijo, im kwotōke ainiken im jōñ. 17 Im Anij e ar roñ ainiken ladrik eo, im enjel ōn Anij e ar kir nōn Hegar jen lōñ, im ba nōn e, Kwo baj it, Hegar? kwon jab mijōk; bwe Anij e ar roñ ainiken ladrik eo ijo ej ber ie. 18 Kwon jutōk, im bōk ladrik eo im kwotōk e na ilo peōm; bwe naj kōmōne juōn bwij elap. 19 Im Anij e ar kabellek mejen lio, im ej lo juōn aibij in dren; im e ar ilok, im eteñ botto eo kin dren, im kairak ladrik eo. 20 Im Anij e ar ber iben ladrik eo; im e ar ridtolok, im jokwe i ene jemaren, im ej juōn dri libon. 21 Im <sup>1</sup>e ar jokwe i ene jemaren in Peran: im jinen e ar bōk juōn belen leo nejin jen enen Ijipt.

22 Inem, ilo ien eo, Abimelek, im Paikol iroi in jar in tōrinae eo an, rar konono nōn Ebream, im ba, Anij ej ber ibōm ilo men ko otemjej kwoj kōmōni: 23 kin men in kiō kwon kanōjni nōn iō kin Anij, bwe kwon jab mone iō, ak leo nejiō, ak leo nejin nejiō: a einwōt mol eo I ar kōmōn nōn yuk, kwon kōmōn bareinwōt nōn iō, im nōn eneo ijo kwar itoitōk. 24 Im Ebream e ar ba, I naj kanōjni. 25 Im Ebream e ar kowe Abimelek kin aibij eo, eo ro dri korijeran Abimelek rar koarōñwe. 26 Im Abimelek e ar ba, I jaje wōn eo e ar kōmōn men in: im kwar jab kennanek iō, im ij kab roñ wōt ranin. 27 Im Ebream e ar bōk sip im kau, im lilok nōn Abimelek; im irro rar kalimur nōn dron. 28 Im Ebream e ar likit jiljilimjuōn lam kokōra im kejenolok ir. 29 Im Abimelek e ar ba nōn Ebream, En ta lam kokōra kein jiljilimjuōn im kwar kejenoloki? 30 Im e ar ba, Lam kokōra kein jiljilimjuōn, kwo naj bōki jen peiō, bwe ren men in kennan kin iō, bwe I ar kōbij

aibij in. 31 Kin men in e ar likit etan ijo Bier-shiba; bwe ijo irro otemjej rar kanōjni. 32 Ein drein rar kalimur i Bier-shiba: inem Abimelek e ar jutōk, kab Paikol iroi in jar in tōrinae eo an, im rar jeblak nōn enen dri Pilistia. 33 Im Ebream e ar kalibwin juōn wijki tamarisk i Bier-shiba, im ijo e ar kir etan Jeova, Anij In Drio. 34 Im Ebream e ar itoitōk i enen ro dri Pilistia iomin elōñ ran.

**22** Inem, elikin men kein, <sup>1</sup>Anij e ar melejoñ Ebream, im ba nōn e, Ebream; im e ar ba, Lo, ña e. 2 Im E ar ba, Kiō kwon bōk <sup>2</sup>ladrik eo nejōm, eo ej mōke wōt nejōm, Aisak, eo kwoj yokwe, im ilok nōn ene Moraia; im ijo kwon katok kin e ilo katok kijeek ion juōn ian tol ko I naj bakajen nōn yuk. 3 Im Ebream e ar jerkak ke e jiboñ wōt, im kapoj an ass, im ānin ruo ian likao ro dron na iben, im Aisak nejin; im e ar belaj kane in katok kijeek, im jutōk, im ilok nōn ijo Anij e ar jiroñ e. 4 Inem Ilo ran eo ken ka jilu, Ebream e ar bōk mejen, im lo jikin eo, etolok. 5 Im Ebream e ar ba nōn likao ro dron, Kominro ber ijin iben ass eo: im kimro ladrik eo naj ilok nōn ijueo im kabuñ, im bar itok nōn ibemi. 6 Im Ebream e ar bōk kane in katok kijeek, im likit e ion Aisak nejin; im e ar bōk kijeek eo ilo pein, kab juōn bōkbōk; im rejro jimor etal. 7 Im Aisak e ar konono nōn Ebream jemen, im ba, Jema: im e ar ba, Na e, nejiō. Im e ar ba, Lo, kijeek ne im kane k̄a, a ewi lam eo nōn katok kijeek? 8 Im Ebream e ar ba, Nejiō, Anij e naj kapoj An lam nōn katok kijeek: ein drein airro jimor etal.

9 Im rar itok nōn ijo Anij e ar jiron e kake; im Ebream e ar kalek juōn lokatok ijo, im ekar kane ko; im liabe Aisak nejin, im likit e ion lokatok eo na ion kane ko. 10 Im Ebream e ar kōtellok pein im kapjere bōkbōk eo bwe en mōn ladrik eo nejin. 11 Im enjel ōn Jeova e ar kir nōn e jen lōñ, im ba, Ebream, Ebream: im e ar ba, Na e. 12 Im

<sup>1</sup> Jap. 26. 26.<sup>2</sup> Dat 8. 2, 16. <sup>3</sup> Jon 3. 16.

E ar ba, Kwon jab likit peōm ion la-drik eo, im jab kōmōn jabrewōt nōn e: bwe kiō I jela bwe kwoj mijōk Anij, bwe kwar jab drebij<sup>1</sup> nejōm jen Iō, eo ej mōke wōt nejōm. 13 Im Ebream e ar reilok, im lo, elikin, juōn sip koman e lorōk ilo mār kin drun ko an: im Ebream e ar ilok im bōk sip eo, im katok kake, katok ki-jeek, binej jenkwōn nejīn. 14 Im Ebream e ar likit etan ijo Jeovajaire: ein air ba drein nōn ranin,<sup>2</sup> Ilo tol an Jeova e naj walok. 15 Im enjel ōn Jeova e ar kir nōn Ebream jen lōñ alen ken ka ruo, 16 im ba, <sup>3</sup>I ar kanōjnij kin Iō mōke, Jeova ej ba, bwe kin am kōmōn men in im jab drebij nejōm, eo ej mōke wōt nejōm, 17 ilo jerammōn I naj kejerammōn yuk, im ilo orlok I naj korlok ineōm einwōt iju ko ilōñ, im einwōt bok i barijit; im ineōm e naj bōk kejem an ro rej kijirāte; 18 im ilo ineōm dri ailiñ otemjej i lōl re naj jerammōn; bwe kwar bokake ainikiō. 19 Ein drein Ebream e ar jeblak nōn iben likao ro dron, im rar jutōk im jimor ilok nōn Bier-shiba; im Ebream e ar jokwe i Bier-shiba.

20 Inem, elikin men kein, rar kenanek Ebream im ba, Lo, Milka e ar bareinwōt keutak nejīn nōn Nehor leo jātōm: 21 Ōz manjien, im Bōz jātin, im Kemuel eo jemen Eram, 22 im Kised, im Hezo, im Pildash, im Jidlap, im Betuel. 23 Im Betuel e ar keutak<sup>4</sup> Rebeka: rein drualitōk Milka e ar keutak nōn Nehor, leo jātin Ebream. 24 Im lio konkubain eo an, etan Ruma, e ar bareinwōt keutak Tiba im Geham, im Tehash, im Meaka.

**23** Im ridtōn Sera jibuki roñoul jiljilimjuōn yiō: yiō kein yiō ko an Sera mour. 2 Im Sera e ar mij i Kiriat-arba, (e in Hibron), i enen Kean: im Ebream e ar iten jōñōt Sera, im liājlol kin e. 3 Im Ebream e ar jutōk jen iman eo an dri mij, im konono nōn lōmaro nejīn Het, im ba, 4 Ōa<sup>5</sup> drua maijet im dri

itoitōk ibemi: komin letok aō brij im wuliej ibemi, bwe in kalibwin eo aō dri mij jen iman meja. 5 Im lōmaro nejīn Het rar uak Ebream, im ba nōn e, 6 Aō iroi, kwon roñjake kim; kwe juōn iroi jen Anij ibem: kwon kalibwin am dri mij ilo lūp eo emōntata ian lūp ko am: ejelok juōn iam e naj drebij an lūp jen yuk, bwe kwon jab kalibwin eo am dri mij. 7 Im Ebream e ar jutōk, im barikrik nōn armij in eneo, nōn ro nejīn Het. 8 Im e ar konono ibeir, im ba, Elañe ami bebe bwe in kalibwin eo aō dri mij jen iman meja, komin roñjake iō, im akwelap kin iō nōn<sup>1</sup> Ipron nejīn Zohar, 9 bwe en letok nōn iō roñ eo an Makpila, eo ej ber iben, i jabōn bukwōn eo an; kin mōnni oran wōt wōnan, e naj letok nōn iō bwe en aō wuliej ibemi. 10 Im Ipron ej jijōt iben ro nejīn Het: im Ipron dri Het e ar uak Ebream, ilo bwiljin ro nejīn Het, aet ro otemjej<sup>2</sup> rej dreloñ ilo kejem in jikin kwelok eo an, im ba, 11 Jab, aō iroi, kwon eoroñ iō: ij lewoj bukwōn eo, im roñ eo ej ber ie, ij lewoj nōn yuk: iman mejen lōmaro nejīn armij ro droō, ij lewoj: kwon kalibwin eo am dri mij. 12 Im Ebream e ar barikrik iman mejen armij in eneo. 13 Im e ar konono nōn Ipron ilo bwiljin armij in eneo, im ba, A elañe kwoj letok, ij akwelap nōn yuk, kwon eoroñ iō: I naj lewoj mōnni wōnan bukwōn eo; kwon bōk jen iō, im I naj kalibwin eo aō dri mij ie. 14 Im Ipron e ar uak Ebream, im ba nōn e, 15 Aō iroi, kwon eoroñ iō: wōnan bukwōn eo ābuki shekel in silver; a ta men eo iba im ibōm? inem kwon kalibwin eo am dri mij. 16 Im Ebream e ar eoroñ Ipron; im Ebream e ar joñwe nōn Ipron silver e ar ba ilo bwiljin ro nejīn Het, ābuki shekel in silver, emōn iben dru wia.

17 Ein drein bukwōn an Ipron eo i Makpila, eo iturin Mamre, bukwōn eo, im roñ eo ej ber ie, im wijki otemjej ie, ko rej ber i tōreren, ar kabine 18 nōn Ebream bwe en an,

<sup>1</sup> eon 2. 16. <sup>2</sup> eon 8. <sup>3</sup> Hib. 6. 13, 14. <sup>4</sup> jap. 24. 16. <sup>5</sup> Liv. 23. 23: Hib. 11. 9, 12.

<sup>1</sup> jap. 25. 9. <sup>2</sup> Ruth 4. 1. 11.

iman mejen ro nejin Het, imair otemfej rej dreloñ ilo kejem in jikin kwelok eo an. 19 Im tokelik Ebre-am e ar kalibwin Sera lio belen ilo roñ eo ilo bukwõn Makpila iturin Mamre, (e in Hibron), ilo enen Ke-nean. 20 Im bukwõn eo, im roñ eo ie, ro nejin Het, rar kabine nõn Ebre-am bwe en an wuliej.

**24** Im Ebre-am e lõlap im bwij-wõlã: im Jeova <sup>1</sup>e ar kejeram-mõn Ebre-am ilo men ko otemfej. 2 Im Ebre-am e ar ba nõn leo korije-ran, eo e utiej ilo mweo imõn, eo iro-ij in men ko an, Ij akwelap nõn yuk, <sup>2</sup>kwon likit peõm iomin unjen neiõ: 3 im I naj kõmõn bwe kwon kanõjni kin Jeova, Anij in lõñ, im Anij in lõl, bwe kwon jab bukot juõn belen leo nejiõ ian <sup>3</sup>limaro nejin dri Kenean, ro ij jokwe ibeir: 4 kwon ilok nõn <sup>4</sup>eneo eniõ, im nõn bwij eo aõ, im bu-kot juõn belen nejiõ Aisak. 5 Im leo korijeran e ar ba nõn e, Bwelen lio e jamin kõnan lor iõ nõn enin; emõn ke in bar añinlok leo nejom nõn eneo kwar itok jen e? 6 Im Ebre-am e ar ba nõn e, Lale kwar añinlok leo nejiõ nõn bar ijo. 7 Jeova Anij in lõñ, Eo e ar bõk iõ jen imõn jema, im jen enen jowi eo aõ, im Eo e ar kono-no nõn iõ, im Eo e ar kanõjni nõn iõ im ba, I naj lewoj enin nõn ineõm, e naj jilkinlok An enjel imam im kwo naj bukot belen leo nejiõ jen ijo. 8 Im elañe lio e jab kõnan lor yuk, inem ejelok ruõm kin am kanõjni nõn iõ; a men in wõt, kwon jab bar añinlok leo nejiõ nõn ijo. 9 Im leo korijeran e ar likit pein iomin unjen neen Ebre-am, karo eo an, im kanõ-jni nõn e kin men eo.

10 Im leo korijeran e ar bõk jo-ñoul kamel ian kamel ko an karo eo an, im ilok; bwe aolepen mweien ka-ro eo an rej ber ilo pein; im e ar ju-tõk im ilok nõn Mesopotemia, nõn ji-kin kwelok an Nehor. 11 Im e ar kabukwelõlõ kamel ko ilikin jikin kwelok eo iturin juõn aibij, ilo ien ke e jota, aet ilo ien an kõra ro drioi j bwe ren itõk. 12 Im e ar ba, O Je-

ova, Anij an karo eo aõ, Ebre-am, ij akwelap nõn Yuk bwe Kwon keje-rammõn iõ ranin, im kwalok joi j nõn Ebre-am aõ karo. 13 Lo, ij jutõk iturin unin dren eo; im limaro nejin armij ro in jikin kwelok eo rej drioi-j-tok in itõk: 14 im en walok men in, bwe jiroñ eo I naj ba nõn e, Ij akwe-lap nõn yuk, kwon drorlõl am ken itõk bwe in irak; im e naj ba, Kwon irak, im bareinwõt I naj kairak kamel ko am; eñin en lio Kwar kalet nõn korijerõm Aisak; im kinmen in I naj jela bwe Kwar kwalok joi j nõn aõ karo. 15 Inem, ke e jañin kar mwij an konono, lo, Rebeka ej drioi-j-tok, eo e ar lotak nõn Betuel nejin Milka, lio belen Nehor, jãtin Ebre-am, im juõn ken itõk i aeran. 16 Im jiroñ eo e kanuij dreo, e virjin, im ejelok man e ar jela e: im e ar wõn-lõllok nõn aibij en im teñ ken itõk eo an, im bar wõnliñtok. 17 Im dri ko-rijer eo ej tõi mae, im ba, Ij akwe-lap nõn yuk, in irak jirik dren jen am ken itõk. 18 Im e ar ba, Kwon irak, aõ iroi j: im ej kaiur e im dror-lõl an ken itõk na i lobiren pein, im kairak e. 19 Im ke emwij an kai-rak e, e ar ba, I naj bareinwõt itõk nõn kamel ko am, nõn ien eo re mât. 20 Im e ar kaiur e, im lutõk an ken itõk na ilo jãbi eo, im bar etõi nõn aibij eo bwe en itõk, im ej itõk nõn aolepen kamel ko an. 21 Im leo e ar kalimjek e wõt, im ej kejeklokjen, bwe en jela Anij e ar kejerammõn an itok ke jab ke. 22 Inem, ke emwij an kamel ko irak, leo e ar bõk juõn luko gold, kiõk jibilkwõn shekel, im ruo luko nõn kõbkbõb in pein lio, kiõk joñoul shekel in gold, 23 im e ar ba, Nejin wõn kwe? ij akwelap nõn yuk, bwe kwon kenna-nek iõ. Eor ke jikin ilo imõn jemõm bwe kimin kiki ie? 24 Im e ar ba nõn e, Na nejin Betuel, leo nejin Milka, eo e ar keutak nõn Nehor. 25 Im e ar bareinwõt ba nõne, Eor uoi j im ekõn ibem, im eor jikin. 26 Im leo e ar barikrik im kabuñ nõn Jeova. 27 Im e ar ba, E monmon Jeova, Anij an aõ karo Ebre-am, Eo

<sup>1</sup> eon 36. <sup>2</sup> Jap. 47. 29. <sup>3</sup> Jap. 26. 34. 36. <sup>4</sup> Hib. 11. 15.

e ar jab likit aō karo bwe en jerata, ilo An joiy im mol : kin nā, Jeova e ar tel iō ilo ial nōn imōn ro jein im jātin aō karo.

28 Im jiroñ eo e ar etōr im kenna- nek ro ilo imōn jinen ekar nōn nan kein. 29 Im juōn eman, jein Rebe- ka, etan Leban: im Leban ej etōrlōk nōn iben leo iturin aibij eo. 30 Inem, ke e ar lo luko eo, im luko ko na i pein lio jātin, im ke e ar roñ nan ko an Rebeka jātin, im ba, Ein drein an leo ba nōn iō; e ar itok nōn iben leo; im lo, e ar jutōk iben kamel ko iturin aibij eo. 31 Im e ar ba, <sup>1</sup>Kwon dre- loñtok, kwe mōnōñ an Jeova; etke kwoj jutōk inabij? I ar kapoj mween, im jikin kamel ko. 32 Im leo e ar dreloñ iloan mweo: im ej jelate men ko mweien kamel ko an leo, im lelok ujoj im ekōn kijen ka- mel ko an, im dren bwe en katutu neen, kab neen lōmaro rej ber iben. 33 Im rar likit kijen iman mejen leo bwe en mōña: a ej ba, I jamin mōña nōn ien eo ij kwalok unin aō itok. Im ej ba, Kwalok mōk. 34 Im e ar ba, Nā korijeran Ebream. 35 Im Jeova e ar kanuij kejerammōn karo eo aō; im elap: im E ar lelok nōn e bwijin kiru, im bwijin sip, im silver, im gold, im dri korijeran man, im dri korijeran kōra, im kamel ko, im ass ko. 36 Im <sup>2</sup>Sera, lio belen karo eo aō, e ar keutak nejin eman nōn aō karo ke e lilap: im nōn leo, <sup>3</sup>e ar lelok men ko otemjej an. 37 Im karo eo aō e ar ba in kanōjnij, im ba, Kwon jab bukot belen leo nejiō ian limaro nejin dri Kenean, ro ij jokwe i eneo eneir. 38 A kwon ilok nōn imōn jema, im nōn bwij eo aō, im bukot belen leo nejiō. 39 Im I ar ba nōn karo eo aō, Bwelen kōra eo e jamin lor iō. 40 Im e ar ba nōn iō, Jeova, Eo ij etal iman mejen, E naj jilkinlok An enjel ibōmlok, im ke- jerammōn ial eo am; im kwo naj bukot juōn belen leo nejiō ian bwij eo aō, im ian imōn jema: 41 inem e naj ejelok ruōm kin kanōjnij in nōn iō ñe kwoj tōbar bwij eo aō: im elañe

re jab lewoj juōn, inem e naj ejelok ruōm kin kanōjnij in nōn iō. 42 Im I ar itok ranin nōn aibij eo, im ba, O Jeova, Anij an aō karo Ebream, elañe kiō Kwoj kejerammōn ial eo ij etal ie: 43 lo, ij jutōk iturin unin dren eo; im en walok men in, ñe jiroñ eo ej drioijten itōk, im ij ba nōn e, Letok, ij akwelap nōn yuk, jirik dren jen am ken itōk bwe in irak; 44 im e naj ba nōn iō, kwon irak, im I naj bareinwōt itōk limen kamel ko am; eñin en kōra eo Jeova e ar kālet nōn leo nejin karo eo aō. 45 Im ke e jañin mwij aō konono ilo buruō, lo, Rebeka e ar drioijtok im an ken itōk na i aeran; im ej wōn- löllōk nōn aibij eo, im itōk: im I ar ba nōn lio, Ij akwelap nōn yuk, in irak. 46 Im e ar kaiur e im dror an ken itōk jen aeran, im ba, Irak mōk, im I naj bareinwōt kairak kamel ko am; inen I ar irak, im bareinwōt e ar kairak kamel ko. 47 Im I ar ka- jitōk iben, im ba, Nejin wōn kwe? Im ej ba, Nejin Betuel, leo nejin Nehor, eo Milka e ar keutak nōn e; im I ar likit luko eo inkōn na iturin mejen, im luko kōn na i pein. 48 Im I ar barikrik im kabuñ nōn Jeova, im kamolol Jeova Anij an Ebream karo eo aō, Eo e ar tel iō ilo ial e jime, bwe in bukot lio nejin jein im jātin karo eo aō nōn leo nejin. 49 Im kiō elañe kom naj kōmōn joiy im mol nōn aō karo, komin kennanek iō: im elañe jab, kennanek iō; bwe in jeorlok nōn anbijmaroñ ak nōn an- miñ.

50 Inem Leban im Betuel rar uak im ba, Men in ej waloktok jen Jeova: kim ban konono nōn yuk nana ak emōn. 51 Lo, Rebeka ej iman me- jōm, kwon añin e im etal, bwe en belen leo nejin karo eo am, einwōt Jeova e ar ba. 52 Inem, ke leo ko- rijeran Ebream ej roñ air in nan, ej barikrik nōn lōl im kabuñ nōn Jeova. 53 Im dri korijer eo e ar kwalok inkōn silver, im inkōn gold, im nuk- nuk, im lilok nōn Rebeka: bareinwōt ej lelok nōn leo jein im nōn jinen men ko re aurōk. 54 Im rar mōña

<sup>1</sup> Jap. 29. 14. <sup>2</sup> Jap. 21. 1-7. <sup>3</sup> Jap. 29. 5.

im irak, leo im lõmaro iben, im ber boñ eyu; im rar jerkak ke ejiboñ, im ej ba, Komin jilkinlok iõ ñõn karo eo aõ. 55 Im leo jein kab jinen rar ba, Jiroñ eo en ber ibem jet ran, en jab eiet jen joñoul; tokelik e naj ilok. 56 Im e ar ba ñõn ir, Komin jab kworumij iõ, bwe Jeova e ar kejerammõn ial eo aõ; komin jilkinlok iõ bwe in ilok ñõn iben karo eo aõ. 57 Im rar ba, Kim naj kir jiroñ eo im kajitõk iben. 58 Im rar kirtok Rebeka, im ba ñõn e, Kwo kõnan ilok iben lein ke? Im ej ba, I naj ilok. 59 Im rar jilkinlok Rebeka jätir, im lio e ar kakajiririk e, im leo korijeran Ebreame, im lõmaro dron. 60 Im rar kamõnõnik Rebeka, im ba, Kwe jätim kwon jinen tausan rõn in ñoul tausan rõn, im <sup>1</sup>ro ineõm ren bõk kejem ko an ro rej kijiräte ir.

61 Im Rebeka e ar jutõk, im limaro dron, im rej uwe ion kamel ko im lor leo: im dri korijer eo ej añin Rebeka, im etal ilo ial eo an. 62 Im Aisak e ar itok jen ial in Bier-lehai-roai; bwe ej jokwe i eneo i Rõk. 63 Im Aisak e ar drioijslok bwe <sup>2</sup>en kalomõnlokjen ilo jikin kallip ke e jota: im ej bõk mejen im reilok, im lo, kamel ko rej itok. 64 Im Rebeka e ar bõk mejen, im ke ej lo Aisak ej to jen kamel eo. 65 Im e ar ba ñõn dri korijer eo, Leõt en ej etetal ilo jikin kallip im wõnmae kij? Im dri korijer eo e ar ba, Karo eo aõ en: inem lio ej bõk veil eo an im kalibubu e. 66 Im dri korijer eo e ar kenanek Aisak men otemjej e ar kõmõne. 67 Im Aisak e ar añintok lio ñõn loan imõn kabere an Sera, jinen, im ej bõk Rebeka, im ej belen; im leo ej yokwe e: im Aisak e lul ke e ar jõñõt jinen.

**25** Im Ebreame e ar bõk bar juõn belen, im etan lio, Kitura. 2 Im e ar keutak ñõn e, Zimran, im Jokshan, im Midan, im Midian, im Ishbak, im Shua. 3 Im Jokshan e ar keutak Shiba, im Didan. Im Lõmaro nejin Didan: Ashurim, im Litusim, im Liõmim. 4 Im lõmaro nejin

Midian: Ipa, im Iper, im Henok, im Abaida, im Eldea. Rein otemjej ro nejin Kitura. 5 Im Ebreame <sup>1</sup>e ar lelok aolepen men ko otemjej an ñõn Aisak. 6 A Ebreame e ar namweien lõmaro nejin konkubain ro an, im jilkinlok ir jen iben Aisak nejin, ke e ja mour, italok ñõn ene i rear. 7 Im ran kein ran ko in yiõ ko in mour an Ebreame, jibuki jiljilimjuõnñoul lailim yiõ. 8 Inem Ebreame ej weaklok an, im e mij ilo an lõlap emõn, <sup>2</sup>armij e ridto im lõn an yiõ, im koba iben ro mõtõn. 9 Im lõmaro, Aisak im Ishmeel, ro nejin, rar kalibwin e ilo roñ Makpila, <sup>3</sup> bukwoñ in Ipron nejin Zohar dri Het, eo iman Mamre; 10 bukwoñ eo Ebreame e ar wiaik jen ro nejin Het: ijo ar kalibwin Ebreame, im Sera lio belen. 11 Im ber inem, elikin an Ebreame mij, Anij e ar kejerammõn Aisak nejin; im Aisak e ar jokwe iturin Bier-lehai-roai.

12 Kiõ rein ebeben ko an Ishmeel, nejin Ebreame, eo Hegar korijeran Sera, kõra in Ijpt, e ar keutak ñõn Ebreame: 13 im ät kein etan lõmaro nejin Ishmeel, kin etair ekar ñõn ebeben ko air: leo manjien Ishmeel, Nibaiot; im Kidar, im Adbeel, im Mibsam, 14 im Mishma, im Duma, im Massa, 15 Hedad, im Tima, Jitur, Nepish, im Kidema: 16 lõmarein ro nejin Ishmeel, im ät kein etair, ekar ñõn jikin kwelok ko air, im ekar ñõn mo ko imweir; joñoul ruo iroijs ekar ñõn bwijir. 17 Im yiõ kein yiõ ko an Ishmeel mour: jibuki jilñoul jiljilimjuõn yiõ: im e ar weaklok an im mij, im koba iben ro mõtõn. 18 Im rar jokwe jen Havila ñõn Shur, eo iman Ijpt, ñe kwoj ilok ñõn Assiria: im <sup>3</sup>e ar jokwe iman mejen ro jein im jätin otemjej.

19 Im rein ebeben ko an Aisak, nejin Ebreame: Ebreame e ar keutak Aisak: 20 im ridtõn Aisak eñoul yiõ ke ej bõk Rebeka belen, lio nejin Betuel dri Siria dri Pedan-eram, jätin Leban dri Siria. 21 Im Aisak e ar akwelap ñõn Jeova kin lio belen,

<sup>1</sup> Jap. 22. 17. <sup>2</sup> Sam 119. 15.

<sup>1</sup> Jap. 24. 36 <sup>2</sup> Jap. 16. 15. <sup>3</sup> Jap. 16. 12.



bwe ewar: im <sup>1</sup>Jeova e ar eoroñ e, im Rebeka lio belen, e ar etta. 22 Im niñiñ ro rar oktak iben dron ilujen: im e ar ba, Elañe einwöt, etke men in ñõn iõ? Im ej ilen kajitök iben Jeova. 23 Im Jeova e ar ba ñõn e, Ruo bwij ilujöm, im ruo wāwen armij re naj jibil jen mõjñõl ko am: im juõn bwij e naj kajur jen bwij eo juõn; im eo elip e naj jermal ñõn eo erik. 24 Im ke ran ko an re jejit bwe en keutak, lo, bo ro ilujen. 25 Im eo mokta ej walok e kilmir, im enbwinin einwöt nuknuk kol; im rej naetan Iso. 26 Tokelik jätin ej walok, im pein ej jibwe jimwin neen Iso; im rej naetan Jakob: im ridtõn Aisak jiljinoñoul yiõ ke lio e ar keutak ir.

27 Im ladrik ro rar edrek: im Iso e jela kakiruru, armij in lujen ene; a Jakob armij e jime im ej jokwe ilo imõn kabër ko. 28 Im Aisak ej yokwe Iso bwe e ar mõña an itokin kiru rawia: a Rebeka ej yokwe Jakob. 29 Im Jakob e ar kõmät mõña ilo dren: im Iso ej itok jen ene, im e kijelok: 30 im Iso e ar ba ñõn Jakob, Kwon najirik iõ, ij akwelap ñõn yuk, kin kijöm ne e kilmir; bwe I kijelok: kin men in rej likit etan Idom. 31 Im Jakob e ar ba, Kwon wiakaki ñõn iõ am <sup>2</sup>manje mokta. 32 Im Iso e ar ba, Lo, I nañin joko wöt jirik: im ekijkan an manje eo kakajur iõ? 33 Im Jakob e ar ba, Kwon kanõjnij ñõn iõ mokta; im e ar kanõjnij ñõn e: im <sup>3</sup>ej wiakake manje eo ñõn Jakob. 34 Inem Jakob e ar lelok ñõn Iso bred im lentil kõmät ilo dren; im ej mõña im irak, im jutök im ilok ilo ial eo an: ein drein Iso e ar kejekron manje eo.

**26** Im e kar bar juõn ñita i eneo, jen ñita eo mokta ilo ran ko an Ebrean. Im Aisak e ar ilok ñõn iben Abimelek iroj an dri Pilistia, i Girar. 2 Im Jeova e ar weaktok ñõn e, im ba, Kwon jab wonlõllok ñõn Ijpt; kwon jokwe ilo eneo I naj bakajen ñõn yuk. 3 Kwon itoitök i enin, im I naj ber ibõm, im naj keje-

rammõn yuk: bwe I naj lewoj ene kein otemjej ñõn yuk, im ñõn ineõm, im I naj kamol kanõjnij eo I ar kanõjnij kake ñõn Ebrean, jemõm; 4 im <sup>1</sup>I naj korlok ineõm einwöt iju ko ilõñ, im I naj lelok ñõn ineõm ene kein otemjej: im ilo <sup>2</sup>ineõm dri ailiñ otemjej i lõl re naj jerammõn: 5 bwe Ebrean e ar bokake ainikiõ, im kejbärok Aõ kalimur, im nan in kaiñi ko Aõ, im kien ko Aõ, im Aõ nan in kowe. 6 Im Aisak ej jokwe i Girar: 7 im man ro ijo rar kajitök kin lio belen; im ej ba, <sup>3</sup>Jätio lio: bwe ej mijök in ba, Beliõ lio; ej lemnok, ñe man ro in ijin re ab mõn iõ kin Rebeka; bwe e dreo ilo lale. 8 Inem, ke eto an ber ijo, Abimelek, iroj an dri Pilistia, ej reilok ilo juõn windo, im lo, Aisak ej kõnaniken iben Rebeka, lio belen. 9 Im Abimelek e ar kirtok Aisak im ba, Lo, emol beleõm lio: im ekijkan am kar ba, Jätio lio? Im Aisak ej ba ñõn e, Bwe I ar ba, Ñe rab mõn iõ kin e. 10 Im Abimelek e ar ba, Ta in kwar kõmõn ñõn kim? elañe juõn ian armij rõn e nañin kar babu iben lio beleõm, inem kwo naj kar naruem. 11 Im Abimelek e ar jiroñ ro dron otemjej, im ba, Eo ej kokkure armij in ak lio belen, en mij otem mij.

12 Inem Aisak ej jeor ilo eneo, im bök ilo yiõ eo wöt, jibuki kin juõn alen: im Jeova e ar kejerammõn e. 13 Im leo ej laplok an maroñ, ñõn ien eo e kanuij maroñ: 14 im <sup>4</sup>eor an bwijin kiru ko relap im kiru ko redrik, im elõñ dri korijeran: im dri Pilistia rej junmar e. 15 Bwe <sup>5</sup>aibij ko otemjej dri korijeran jemen rar kõbiji, ilo ran ko an Ebrean, jemen, dri Pilistia rar jieñi, im kobröki kin brij. 16 Im Abimelek e ar ba ñõn Aisak, Kwon ilok jen ibem; bwe kwo kanuij kajur jen kim. 17 Im Aisak ej jeblak jen ijo, im ej kajur an imõn kabër ilo komlõl in Girar, im jokwe ijo.

18 Im Aisak e ar bar kõbij aibij ko, ko rar kõbiji ilo ran ko an Ebre-

<sup>1</sup> 1 Sam. 1. 17. <sup>2</sup> Dat. 21. 16. <sup>3</sup> Hib. 12. 16.

<sup>1</sup> Jap. 15. 5. <sup>2</sup> Gal. 3. 8. <sup>3</sup> Jap. 12. 13. <sup>4</sup> Jap. 24. 35. <sup>5</sup> Jap. 21. 25.

am, jemen; bwe dri Pilistia rar jieñi elikin an Ebream mij: im ej likit etair einwöt ät ko jemen e ar likiti. 19 Im ro dri korijeran Aisak rar köbij ilo komlöl eo, im rej lo juön unin dren emour. 20 Im ro dri lale kiru i Girar rar akwail iben ro dri lale kiru an Aisak, im ba, Kar am dren in: im rej likit etan aibij eo Isek; bwe rar akwail iben dren. 21 Im rar köbij bar juön aibij, im rej bar akwail kake; im ej likit etan Sitna. 22 Im ej mökit jen ijo, im köbij bar juön aibij; im rar jab akwail kake: im ej likit etan Rihobot; im ej ba, Bwe kiö Jeova e ar kamlap kij, im je naj orlok i enin.

23 Im e ar wönliñok jen ijo ñön Bier-shiba. 24 Im Jeova e ar weaktok ñön e boñen eo, im ba, Ña Anij an Ebream, jemöm; kwon jab mijök, bwe Ij ber iböm, im I naj kejerammön yuk, im korlok ineöm kin Ebream korijera. 25 Im e ar kalek juön lokatok ijo, im kir etan Jeova, im e ar kajur an imön kabere ijo: im ijo ro dri korijeran Aisak rar köbij juön aibij.

26 Inem Abimelek e ar ilok ñön iben jen Girar, kab Ahuzat juön jeran, im Paikol iroiñ in jar in törinae eo an. 27 Im Aisak e ar ba ñön ir, Etke komij itok ñön iba, ke komij kijiräte iö, im kom ar jilkinlok iö jen ibemi? 28 Im rej ba, Emol kim ar lo bwe Jeova ej ber iböm: im kim ar ba, En juön kanöñnij ikötär, aet ikötam im kwe, im kimin kömön juön kalimur iböm, 29 bwe kwon jab kokkure kim, einwöt kim ar jab unir yuk, im einwöt ejelok men kim ar kömön ñön yuk, a emön wöt, im kim ar jilkinlok yuk ilo ainemön: kiö kwe dri jerammön jen Jeova. 30 Im e ar kömön kwojkwöj ñön ir, im rar möña im irak. 31 Im rar jerkak ke ejiboñ im <sup>1</sup>kanöñnij ñön dren: im Aisak ej jilkinlok ir, im rar jeb-lak jen iben ilo ainemön. 32 Inem, ilo ran eo wöt, ro dri korijeran Aisak rar itok im kennanek e kin aibij eo re kar köbije, im ba ñön e, Kim ar lo

<sup>1</sup> jap. 21. 31.

dren. 33 Im ej likit etan Shiba: kin men in, etan jikin kwelok eo Bier-shiba ñön ranin.

34 Im ke ridtön Iso eñoul yiö e ar belek Judit nejin Bieri dri Het, im Bashimat nejin Ilon dri Het: 35 im irro rej men in kaburomöj Aisak im Rebeka.

27 Inem, ke Aisak e bwijwölä, im etap mejen, bwe e jab loklokjen, ej kir Iso manjien, im ba ñön e, Nejiö: im ej ba ñön e, Ña e. 2 Im ej ba, Lo, kiö I lölap, I jab jela ran eo I naj mij. 3 Im kiö ij akwelap ñön yuk, kwon bök am ken iri, am nien möri im am libon, im ilok ñön lojen ene im bukottok ñön iö <sup>1</sup>itokin kiru rawia; 4 im kömät kijiö enno, einwöt ij ijol, im böktok ñön iö bwe in möña; bwe aö en jare yuk mokta jen aö mij.

5 Im Rebeka e ar roñ ke Aisak ej konono ñön Iso nejin. Im Iso e ar ilok ñön ene bwe en bukot itokin kiru rawia, im böktok. 6 Im Rebeka e ar konono ñön Jakob nejin, im ba, Lo, I ar roñ an jemöm konono ñön Iso jemöm, im ba, 7 Böktok ñön iö itokin kiru ko rawia, im kömät kijiö enno, bwe in möña, im jare yuk iman mejen Jeova mokta jen aö mij. 8 Im kiö, nejiö, <sup>2</sup>kwon bokake ainikiö, einwöt men eo ij jiroñ yuk. 9 Kwon ilok kiö ñön bwijin kiru eo, im böktok ruo kon in got remön; im I naj kömāti kijen jemöm enno, einwöt ej ijol: 10 im kwo naj bökklok ñön jemöm, bwe en möña, im bwe en kejerammön yuk mokta jen an mij. 11 Im Jakob ej ba ñön Rebeka jinen, Lo, Iso, jeiö, e <sup>3</sup>armij e kolole, a ña armij e matöltil: 12 bwelen <sup>4</sup>jema e naj tolöm iö, im I naj einwöt dri jela mon ñön e; im I naj bök jerata ioö, im jab jerammön. 13 Im jinen e ar ba ñön e, Am jerata en ber ioö, nejiö; kwon bokake wöt ainikiö, im ilen böktok. 14 Im e ar ilok, im böki, im bökitok ñön iben jinen: im jinen e ar kömät kön enno, einwöt jemen ej ijole. 15 Im Rebeka e ar bök nuknuk e aurök ian

<sup>1</sup> jap. 25. 28. <sup>2</sup> eon 13. <sup>3</sup> jap. 25. 25 <sup>4</sup> eon 21. 22

nuknuk an manjien Iso, ko rej ber iben iloan im, im ej naballin Jakob nejn eo erik; 16 im ej likit kilin kon in got na ion pein, im ion kenwan ijo e matōtil: 17 im ej lelok ekōn enno im bred, ko e ar kapoji, i pein Jakob nejn.

18 Im e ar itok ñōn iben jemen, im ba, Jema: im ej ba, Ña e; wōn kwe nejiō? 19 Im Jakob e ar ba ñōn jemen, Ña Iso manjiōm; I ar kōmōn einwōt kwar jiroñ iō: ij akwelap ñōn yuk, kwon jerkak, jijōt im mōña kwona itokin kiru rawia, bwe am en kejerammōn iō. 20 Im Aisak e ar ba ñōn nejn, Nejiō, ekijkan, bwe kwoj mōkōj in loe? Im ej ba, Bwe Jeova am Anij e ar bōktok ñōn iō. 21 Im Aisak e ar ba ñōn Jakob, Kwon ruaktok, ij akwelap ñōn yuk, bwe in tolum yuk, nejiō, elafe emol bwe kwe nejiō Iso, ak jab. 22 Im Jakob e ar ruaklok im kebake Aisak, jemen; im ej tolum e, im ba, Aini-kiōm ainiken Jakob, a peōm pein Iso. 23 Im e jab kile, bwe pein e kolole, einwōt pein Iso, jein: inem e ar jare. 24 Im e ar ba, Kwoj mol ke bwe kwe nejiō Iso? Im e ar ba, Ña e. 25 Im e ar ba, Kwon kadruaktok e, im I naj mōña itokin kiru rawia kwonan nejiō, bwe aō en kejerammōn yuk. Im e ar kadruaktok e, im ej mōña: im ej bōktok wain ñōn e, im ej irak. 26 Im Aisak, jemen, e ar ba ñōn e, Kwon ruaktok kiō im mejenmaik iō, nejiō. 27 Im e ar ruaklok, im mejenmaik e: im e ar atbwin nuknuk ko an, im jare, im ba, Lo, bwin nejiō einwōt bwin juōn ene Jeova e ar kejerammōn e: 28 ein drein Anij en lewoj ñōn yuk molawi in lōñ, im mātōk in lōl, im obrōk kin korn im wain: 29 armij roñ ren jermal ñōn yuk, im dri ailiñ kōn ren barikrik jen yuk: kwon iroj ion ro jeōm im jātōm, im lōmaro nejn jinōm ren barikrik jen yuk: 2en jerata ro otemjej rej kole yuk, im en jerammōn ro otemjej rej kejerammōn yuk.

30 Inem, ke Aisak ej kab kamwij-

lok an jare Jakob, im ke Jakob ej kab drioielok jen iman mejen Aisak, jemen, Iso jein ej itok jen ke e ar kakiruru. 31 Im bareinwōt e ar kōmāt kōn enno, im ej bōktok ñōn jemen, im ba ñōn jemen, Jema en jerkak, im mōña itokin kiru rawia kwonan nejōm, bwe am en jare iō. 32 Im Aisak, jemen, e ar ba ñōn e, Wōn kwe? Im e ar ba, Ña nejōm, Iso, manjiōm. 33 Im Aisak e kanuij lap an wuririr, im ba, Inem wōn eo e ar kabukot itokin kiru rawia, im bōktok ñōn iō, im I ar mōña jen otemjej mokta jen am itok, im I ar jare? aet, im e naj jerammōn. 34 Im ke Iso e ar roñ nan ko an jemen, 1e ar jōñ kin ainiken elap im kanuij buromōj, im e ar ba ñōn jemen, Kwon jare iō, aet, bareinwōt ña, O jema. 35 Im e ar ba, Jātōm e ar itok ilo mon, im e ar bōk am jerammōn. 36 Im e ar ba, E jab jime air naetan Jakob ke? bwe e ar nibij jen iō alen kein ruo: e ar bōk manje eo; im lo, kiō ej bōk aō jerammōn. Im ej ba, Kwar jab kejbārok juōn jerammōn ñōn iō ke? 37 Im Aisak e ar uak im ba ñōn Iso, Lo, I ar kōmōne am iroj, im ro jein im jātin otemjej I ar lelok bwe ren dri korijeran; im I ar najirik e kin korn im wain: im ta eo in kōmōn kiō ñōn yuk, nejiō? 38 Im Iso e ar ba ñōn jemen, Ta, e kar juōn wōt jerammōn ibōm ke? kwon jare iō, aet, bareinwōt ña, O jema. Im Iso e ar kou-tiej ainiken, im jōñ. 39 Im Aisak, jemen, e ar uak im 2ba ñōn e, Lo, jikōm e naj jen mātōk in lōl, im jen molawi in lōñ jen iom; 40 im kin am jāji kwo naj mour, im 3kwo naj jermal ñōn leo jātōm; a ñe kwoj mejōl, kwo naj ruje an ine jen kenwam.

41 Im Iso e ar kijirāte Jakob, kin jerammōn eo jemen e ar jare kake; im Iso e ar ba ilo buruen, Ran ko ran in jōñōt jema rebak, inem I naj mōn Jakob, jatiō. 42 Im rar kwalok ñōn Rebeka nan kein an Iso, manjien; im e ar jiliklok im kirtok Jakob, nejn eo erik, im ba ñōn e, Lo,

<sup>1</sup> eon 1. <sup>2</sup> jap. 12. 2.

<sup>1</sup> Hib. 12. 17. <sup>2</sup> Hib. 11. 20. <sup>3</sup> eon 29.

jeōm, Iso, kin kwe, ej kainemōn buruen, im lemnok in mōn yuk. **43** Inem, kin men in, nejiō, kwon bokake ainikiō; im jutōk im ko nōn iben Leban, jeiō, nōn Heran; **44** im kwon ber iben <sup>1</sup>iomim jet ran, nōn ien eo ej oktōk illu an leo jeōm; **45** nōn ien illu an jeōm ej rol jen ibōm, im ej meloklok men in kwar kōmōn nōn e: inem I naj jilikwoj, im bukottok yuk jen ijo: im etke kominro otemjej joko jen iō ilo juōn wōt ran?

**46** Im Rebeka e ar ba nōn Aisak, I mōk in mour kin <sup>2</sup>limaro nejin Het: elañe Jakob ej bōk belen ian limaro nejin Het, einwōt nejin dri enin, ewi **28** tokjen aō mour nōn iō? **1** Im Aisak e ar kir Jakob, im kejerammōn e, im kalimur nōn e, im ba nōn e, <sup>3</sup>Kwon jab bōk beleōm ian limaro nejin dri Kenean. **2** Kwon jutōk, ilok nōn Pedan-eram, nōn imōn Betuel, jemen jinōm; im bōk juōn beleōm ijo ian limaro nejin Leban, jein jinōm. **3** Im Anij Laplap en kejerammōn yuk, im katimon yuk, im korlok yuk, bwe en lōñ ro bwi-jōm; **4** im En lewoj nōn yuk jerammōn an Ebream, nōn kwe, im nōn ro ineōm ibōm; bwe en am jolit eneo kwoj drua maijet ie, eo Anij e ar lelok nōn Ebream. **5** Im Aisak e ar jilkinlok Jakob: im e ar ilok nōn Pedan-eram, nōn iben Leban, nejin Betuel, dri Siria, jein Rebeka, jinen Jakob im Iso.

**6** Im Iso e ar lo bwe Aisak e ar kejerammōn Jakob, im jilkinlok e nōn Pedan-eram, bwe en bōk belen ie; im bwe, ke ej kejerammōn e ej kalimur nōn e, im ba, Kwon jab bōk beleōm ian limaro nejin dri Kenean; **7** im bwe Jakob e ar bokake jemen im jinen, im e motlok nōn Pedan-eram: **8** im Iso e ar lo bwe limaro nejin dri Kenean re jab kabuñburuen jemen, Aisak; **9** inem Iso ej ilok nōn iben Ishmeel, im e ar kobaik Mehalat nejin Ishmeel, nejin Ebream, lio jātīn Nibaiot, iben limaro belen bwe en belen.

**10** Im Jakob e ar drioielok jen

Bier-shiba, im kaioklok Heran. **11** Im e ar itok nōn juōn jikin, im e ar jiboñōn ijo, bwe e tulok al; im e ar bōk juōn ian dreka ko ijo, im bitōk e, im ej babu ijo bwe en kiki. **12** Inem ej etōnak, im lo juōn ken uwe ej jutōk ion lōl, im jabōn tuliñ ej tōbar lōñ; im lo, enjel ro an Anij rej wōnliñlok im wōnliōtlok ion. **13** Im lo, Jeova e ar jutōk ion, im ba, Na Jeova, Anij an Ebream, jimam, im Anij an Aisak: eneo ijo kwoj babu ie, I naj lewoj <sup>1</sup>nōn yuk im nōn ineōm; **14** im ro ineōm re naj einwōt <sup>2</sup>bok in lōl, im kwo naj orlok nōn kabilūn, im nōn rear, im nōn eañ, im nōn rōk: im kin kwe, im kin ineōm, nukin otemjej i lōl re naj jerammōn. **15** Im lo, Ij ber ibōm, im I naj wōnake yuk ijo ko otemjej kwoj ilok ielok, im I naj <sup>3</sup>bar āñintok yuk nōn enin; bwe I jamin illok jen yuk, nōn ien emwij Aō kōmōn men otemjej I ar konono nōn yuk kake. **16** Im Jakob e ar ruj jen an kiki, im e ar ba, <sup>4</sup>Emol Jeova ej ber ijin; im I ar jaje. **17** Im e ar mijōk, im ba, E nañin aiet ijin! ijin imōn Anij wōt, im ijin kejem in lōñ.

**18** Im Jakob e ar jerkak ke e jiboñ wōt, im ej bōk dreka eo e ar bitōke, im ej kajur e, im lutōk oil na ion. **19** Im e ar naetan ijo, Betel: a etan jikin kwelok eo mokta, Lōz. **20** Im Jakob e ar kalimur, im ba, Elañe Anij e naj ber iba, im wonake iō ilo ial eo ij ilok ielok, im letok kijiō im balliō, **21** bwe in bar itok nōn imōn jema ilo ainemōn; inem Jeova e naj aō Anij, **22** inem dreka in, eo I ar kajure, e naj imōn Anij: im jen men etemjej Kwoj letok nōn iō, <sup>5</sup>emol I naj lewoj juōn mōtōn joñoul.

**29** Inem Jakob e ar etetal, im ej itok nōn enen ro nejin rear. **2** Im e ar reilok im lo juōn aibij i eneo, im lo, jilu bwijin sip rar babu iturin; bwe rej kairak sip ko jen aibij eo: im juōn dreka elap ej ber ion mejen aibij eo. **3** Im rej āñintok bwij ko otemjej nōn ijo: inem rej kadrebilok dreka eo jen mejen aibij eo, im kai-

<sup>1</sup> Jap. 31. 41. <sup>2</sup> Jap. 26. 34. 35. <sup>3</sup> Jap. 24. 3. 4.

<sup>1</sup> Jap. 13. 15. <sup>2</sup> Jap. 13. 16. <sup>3</sup> Jap. 48. 21. <sup>4</sup> Sam 130 7. 12. <sup>5</sup> Lut 14. 22.

rak sip ko, im bar kajeblok dreka eo ñõn jikin na ion mejen aibij eo. 4 Im Jakob e ar ba ñõn ir, Jeiõ im jãtiõ, komij itok jen ia? Im rej ba, Kim dri Heran. 5 Im e ar ba ñõn ir, Komij jela kajen Leban, nejin Nehor ke? Im rej ba, Kim jela. 6 Im e ar ba ñõn ir, Emõn ke an ber? Im rej ba, Emõn: im lo, Rejel, nejin, ej itok iben sip ko. 7 Im e ar ba, Lo, ej raelip kiõ, im e jañin ien kokweloklok bwij ko: komin kairak sip ko im ilen najirik ir. 8 Im rej ba, Kim bane, ñõn ien eo emwij kokweloklok bwij ko otemjej, im rej kadrebilok dreka eo jen mejen aibij eo; inem kimij kairak sip ko. 9 Im ke e ar konono wõt ibeir, Rejel e ar itok im sip an jemen iben; bwe ej lali. 10 Inem, ke Jakob e ar lo Rejel nejin Leban, jein jinen, im sip ko an Leban, jein jinen, Jakob ej kebak im kadrebilok dreka eo jen mejen aibij eo, im ej kairak bwijin sip an Leban, jein jinen. 11 Im Jakob e ar mejenmaik Rejel, im ej kwotõke ainiken im jõñ. 12 Im Jakob e ar kennanek Rejel bwe ej mõñren jemen, im bwe e nejin Rebeka; im lio e ar etõrlök im kennanek jemen.

13 Inem, ke Leban ej roñ bwebwenato kin Jakob, nejin lio jãtin, ej tõrlen wõnmae, im ej atbokwoj e, im mejenmaik e, im añintok e ñõn mweo emõn. Im ej kennanek Leban men kein otemjej. 14 Im Leban e ar ba ñõn e, Emol kwe driõ im kõniekiõ. Im ej jokwe iben iomin juõn aliñ. 15 Im Leban e ar ba ñõn Jakob, Bwe kwe jãtiõ, emõn ke am jerbalk ñõn iõ im jab kõllã? kwon ba ñõn iõ, e naj ta wõnam? 16 Im ruo jiroñ nejin Leban: etan lio e ridto, Lia, im etan lio erik, Rejel. 17 Lia e joij mejen; a Rejel e dreo im mejwarik. 18 Im Jakob ej yokwe Rejel; im ba, I naj jerbalk ñõn yuk jiljilimjuõn yiõ kin Rejel, nejõm eo erik. 19 Im Leban e ar ba, Emõn bwe in lewoj e jen ñe ij lelok e ñõn bar juõn armij: kwon ber iba. 20 Im Jakob e ar jerbalk jiljilimjuõn yiõ kin Rejel; im rej

einwõt eiet ran ñõn e, kin an kanuij yokwe e.

21 Im Jakob e ar ba ñõn Leban, Kwon letok beliõ, bwe e jijit ran ko aõ, bwe in dreloñ ñõn iben. 22 Im Leban e ar kokweloktok armij otemjej ijo, im kõmõn kwojkwøj. 23 Inem, ke ejota, ej bõk Lia, nejin, im añintok e ñõn iben; im ej dreloñ ñõn iben. 24 Im Leban e ar lelok Zilpa, korijeran kõra ñõn Lia, nejin bwe en korijeran. 25 Im, ke ejiboñ, lo, e Lia: im e ar ba ñõn Leban, Ta in kwar kõmõn ñõn iõ? I ar jab jerbalk ñõn yuk kin Rejel ke? inem etke kwar mone iõ? 26 Im Leban e ar ba, E jab ein drein mõntin eneem, bwe kimin lelok lio erik mokta jen lio e ridto. 27 Kwon kamwijlok wik an liin, im kim naj bar lewoj e ñe kwøj bar jerbalk ñõn iõ iomin jiljilimjuõn yiõ. 28 Im Jakob e ar kõmõn ein drein, im kamwijlok wik eo an lio: inem e ar bar lelok Rejel nejin, bwe en belen. 29 Im Leban e ar lelok Bila, korijeran kõra, ñõn Rejel, nejin, bwe en korijeran. 30 Im e ar bareinwõt dreloñ ñõn iben Rejel, im ej yokwe Rejel elap jen Lia, im e ar bar jerbalk jiljilimjuõn yiõ.

31 Im ke Jeova e ar lo bwe rej drikk Lia, Ej kabellek lojen: a Rejel ewar. 32 Im Lia e ar etta, im keutak nejin eman; im naetan Ruben: bwe ej ba, Kin ke Jeova e ar lo aõ iñtan, inem kiõ leo beliõ e naj yokwe iõ. 33 Inem e ar bar etta, im keutak nejin eman; im e ar ba, Kin ke Jeova e ar roñ kin air drike iõ, Ej bareinwõt letok nejõi in: im e ar naetan Simeon. 34 Im e ar bar etta, im keutak nejin eman; im e ar ba, Kiõ ien in leo beliõ e naj edrep ñõn iõ, bwe I ar keutak ñõn e jilu nejin eman: inem rar naetan Livai. 35 Im e ar bar etta, im keutak nejin eman; im e ar ba, Kiõ I naj wijtak Jeova: kin men in e ar naetan Juda; im emwij an neje.

30 Im ke Rejel e ar lo bwe e jab keutak nejin ñõn Jakob, Rejel e ar junmare lio jein; im e ar ba ñõn

Jekob, <sup>1</sup>Kwon letok nejiō ak I naj mij. 2 Inem e illu Jekob nōn Rejel: im e ar ba, Na ilo jikin Anij ke, Eo e ar drebij yuk jen inen lojiōm? 3 Im lio e ar ba, Lo, lio korijera, Bila, kwon dreloñ nōn iben, im en keutak nōn iō, bwe en bareinwōt or nejiō kin e. 4 Im e ar lelok Bila, korijeran nōn e bwe en belen: im Jekob e ar dreloñ nōn iben. 5 Im Bila e ar etta, im keutak nejin eman nōn Jekob. 6 Im Rejel e ar ba, Anij e ar ekajet kin iō, im E ar bareinwōt roñjake ainikiō, im E ar letok nejiō man nōn iō: kin men in, e ar naetan Dan. 7 Im Bila, korijeran Rejel, e ar bar etta im keutak nōn Jekob nejin eman ken ka ruo. 8 Im Rejel e ar ba, Kin oktak ko relap I ar oktak iben lio jeiō, im I ar kajur: im e ar naetan Naptalai.

9 Im ke Lia e ar lo bwe emwij an neje, e ar bōk Zilpa, korijeran, im lelok nōn Jekob bwe en belen. 10 Im Zilpa, korijeran Lia, e ar keutak nejin eman nōn Jekob. 11 Im Lia e ar ba, Jerammōn! im e ar naetan Gad. 12 Im Zilpa, korijeran Lia, e ar keutak nejin eman ken ka ruo nōn Jekob. 13 Im Lia e ar ba, Na I mōnōnō! bwe kōra rōn re naj ba I jerammōn: im e ar naetan Asher.

14 Im Ruben e ar ilok ilo ran ko ran in marmir wit, im e ar lo jet mandrek ilo jikin kallip, im e ar bōktok nōn jinen, Lia. Inem Rejel e ar ba nōn Lia, Ij akwelap nōn yuk, kwon letok jet ian mandrek ko an leo nejōm. 15 Im e ar ba nōn e, Erik men in ke bwe kwar bōk leo beliō jen iō? im kwoj kōnan bar bōk mandrek ko an nejiō ke? Im Rejel e ar ba, Inem e naj babu ibōm boñin in kin mandrek ko an nejōm. 16 Im Jekob e ar itok jen jikin kallip ke ejota, im Lia e ar driojlok im wōnmae, im ba, Kwon dreloñtok nōn iba; bwe emol I ar wiaik yuk kin mandrek ko an nejiō. Im e ar babu iben boñin eo. 17 Im Anij e ar eoroñ Lia, im e ar etta, im keutak nejin eman ken ka lailim nōn Jekob.

18 Im Lia e ar ba, Anij e ar nawōnaō, bwe I ar lelok lio korijera nōn leo beliō: im e ar naetan Issakar. 19 Im Lia e ar bar etta, im keutak nejin eman ken ka jiljino nōn Jekob. 20 Im Lia e ar ba, Anij e ar nawōnaō kin jolit emōn; kiō leo beliō e naj jokwe iba, bwe I ar keutak nōn e jiljino nejin eman: im e ar naetan Zebulun. 21 Im tokelik e ar keutak juōn nejin kōra, im e ar naetan Daina. 22 Im Anij e ar kememej Rejel, im <sup>1</sup>Anij e ar eoroñ e, im kabellok lojen. 23 Im e ar etta, im keutak nejin eman: im ba, Anij e ar bōklok aō jok: 24 im e ar naetan Josep, im ba, Jeova 'en kobaik bar juōn nejiō man nōn iō.

25 Inem, ke emwij an Rejel keutak Josep, Jekob e ar ba nōn Leban, Kwon jilkinlok iō, bwe in ilok nōn jikiō, im nōn eniō. 26 Letok limaro beliō im ro nejiō, ro I ar jermal nōn yuk kin ir, im kōtlok iō: bwe kwo jela jermal eo I ar jermal nōn yuk. 27 Im Leban e ar ba nōn e, Ij akwelap nōn yuk, elañe I ar lo joi im man mejōm, kwon berwōt: bwe I ar lo im jela bwe <sup>2</sup>Jeova e ar kejerammōn iō kin kwe. 28 Im e ar ba, Kwon kwalok nōn iō wōnam, im I naj lewoj. 29 A e ar ba nōn e, Kwo jela ekijkan I ar jermal nōn yuk, im Ie ein an kiru ko am ber iba. 30 Bwe kar eiet ibōm mokta jen aō itok, im kiō rej orlok im relōñ; im Jeova e ar kejerammōn yuk, ijo ko otemjej ij ilok ielok: im kiō nāt eo I naj bareinwōt kapojōk nōn nuku? 31 Im e ar ba, Ta eo in lewoj? Im Jekob e ar ba, Kwo jamin letok jabrewōt: elañe kwo naj kōmōn men in nōn iō, I naj bareinwōt najirik im lali kiru ko am. 32 I naj etetal ilo bwiljin kiru kōn otemjej am iomin ranin, im kejenolok iair ko otemjej re tilit, im re luoe, im ko otemjej re kilmej ian sip ko, im ko re luoe im tilit ian got ko, im ko einwōt re naj wōnaō. 33 Ein drein aō e naj uak kin iō ilo ien ej itok, ñe kwo naj itok kin wōnaō iman mejōm; jabrewōt ian got

<sup>1</sup> Sam 1. 5. 6.<sup>1</sup> Sam 1. 19. 30. <sup>2</sup> Jap. 39. 6.

ko re jab tiltil im luoe, ak kilmej ian sip ko, e naj einwõt men in kwot iba. 34 Im Leban e ar ba, Lo, I kōnan bwe en einwõt nan in am. 35 Im e ar kejenolok iomin ran eo, got koman eor eoteir im re luoe, im kōkōra re tiltil im re luoe, im ko otemjej eor mōtōn mouj ibeir, im ko otemjej re kilmej ian sip ko, im lilok na ilo pein lōmaro nejin; 36 im e ar likit jilu ran ikōtairro Jakob: im Jakob e ar najirik bwij ko jet an Leban.

37 Im Jakob e ar bōk ājib ko jen wijki poplar im wijki hezel, im wijki jesnõt; im e ar ākili bwe ren bwāwūt; im e ar kōmōn bwe mouj en walok ilo ājib ko. 38 Im e ar likit ājib ko e ar ākili iman mejen bwij ko an iturin jikin irak ko, ijo bwij ko rej iten irak; im rar kaine ke rej iten irak. 39 Im bwij ko rar kaine iman ājib ko, im rar kemour ko eor eoteir im re tiltil im re luoe. 40 Im Jakob e ar kijbil kon ko, im kajujel- lok mejen bwij ko eor eoteir, im ko otemjej re kilmej, ilo bwij ko an Leban: im e ar kejenolok iair bwij ko an, im e ar jab likiti iben kiru ko an Leban. 41 Inem, ke kiru ko re kajur rej kaine, Jakob e ar likit ājib ko iman mejen kiru ko ilo jikin irak ko, bwe ren kaine iturin ājib ko; 42 elak kiru ko re mōjino e ar jab likiti: ein drein ko re mōjino an Leban, im ko re kajur an Jakob. 43 Im leo e kanuij laplok an maroñ, im elōñ an kiru, im ro dri korijeran kōra, im ro dri korijeran man, im kamel ko, im ass ko.

**31** Im e ar roñ nan ko an lōmaro nejin Leban, im rar ba, Jakob e ar bōk men ko otemjej kar an jemer; im ian men ko otemjej kar an jemer e ar jibarek mweiuk kein. 2 Im Jakob e ar lale mejen Leban, im lo, e jab einwõt mokta ñōn e. 3 Inem Jeova e ar ba ñōn Jakob, Kwon jeblak ñōn eneo an ro jimam, im ñōn bwij eo am; im <sup>1</sup>I naj ber ibōm. 4 Im Jakob e ar jiliklok im bukottok Rejel im Lia ñōn melaj eo, ñōn bwij

eo an, 5 im ba ñōn ir, Ij lo mejen jememiro, bwe e jab einwõt mokta ñōn iō; a <sup>1</sup>Anij an jema e ar ber iba. 6 Im komro jela bwe kin aō maroñ otemjej I ar jerral ñōn jememi. 7 Im jememi <sup>2</sup>e ar mone iō im e ar <sup>3</sup>ukot wōnaō joñoul alen; a <sup>4</sup>Anij e ar jab kōtlok bwe en kokkure iō. 8 Elañe e ar ba ein drein, Ko re tiltil re naj wōnam; inem kiru otemjej rej kemour ko re tiltil: im elañe e ar ba ein drein, Ko eor eoteir re naj wōnam; inem kiru otemjej rej kemour ko eor eoteir. 9 Ein drein Anij e ar bōk jen kiru ko an jememi, im letok ñōn iō. 10 Inem, ilo ien ke kiru ko rej kaine, I ar bōk meja im lo ilo tōnak, im lo, kiru koman ko rej uwe ion kiru kōn, eor eoteir, im re tiltil, im re luoe. 11 Im enjel ñōn Anij e ar konono ñōn iō ilo tōnak, im ba, Jakob: im I ar ba, Ña e. 12 Im E ar ba, Kwon bōk mejōm im lo: kiru koman ko rej uwe ion kiru kōn, eor eoteir, im re tiltil, im re luoe; bwe I ar lo men ko otemjej Leban ej kōmōnmōn ñōn yuk. 13 Ña Anij in Betel, ijo <sup>5</sup>kwar kabit dreka eo, im ijo kwar kalimur ñōn Iō: kiō kwon jutōk, etal jen enin, im jeblak ñōn eneo kwar lotak ie. 14 Im Rejel im Lia rejro uak, im ba ñōn e, Eor ke mōtōn ak jolit ñōn kimro ilo imōn jemem? 15 E jab likit kim einwõt ro drua maijet ke? bwe <sup>6</sup>e ar wiakake kimro, im e ar bareinwõt jeroane wōnamiro. 16 Bwe mweiuk ko otemjej Anij e ar bōki jen jemem, mweiuk kein amro, im an ro nejemro: inem kiō, jabrewõt men eo Anij e ar ba ñōn yuk, kwon kōmōne.

17 Inem Jakob e ar jutōk, im e ar likit ladrik ro nejin im limaro belen ion kamel ko; 18 im e ar āñinlok kiru ko an otemjej, kab mweiuk ko mweinen otemjej e ar jibareki, kiru ko in an jibarek, ko e ar jibareki i Pedan-eram, bwe <sup>7</sup>en ilok ñōn iben Aisak, jemen, ilo enen Kenean. 19 Im Leban e motlok bwe en mijbar sip ko an: im Rejel e ar kwoti <sup>8</sup>ekjōp

<sup>1</sup> eon 29. 42.    <sup>2</sup> jap. 29. 26.    <sup>3</sup> eon 41.    <sup>4</sup> eon 29.  
<sup>5</sup> jap. 28. 18.    <sup>6</sup> jap. 29. 30. 27.    <sup>7</sup> jap. 35. 27-29.    <sup>8</sup> eon 30. 34.

<sup>1</sup> jap. 28. 15.

ko ar jemel. 20 Im Jakob e ar noj ar ko jet Leban an Siria, ke e ar jat kemmanek e kin ar ko. 21 Em otem e ar ko, im met ko otemej an imon: im e ar jutok im eij jen River eo im karonne to Giljad.

22 Im tar kemmanek Leban ilo ran eo ket ka jil dwe e ar ko Jakob. 23 Imen e ar anin ro jein im jatir tar jet imen, im meworowor e iomin jil jilimouet ran: im tar tobat e ilo to Giljad. 24 Im Anij e ar itok nôt Leban an Siria ilo tonak ke emol, im da nôt e. Lare kwar konono nôt Jakob emol, ae e nana. 25 Imen Leban e ar tobat Jakob. Kiô Jakob e ar kajur ar imôn kaber ilo to eo: im Leban im ro jein im jatir tar kajur ar imôn kaber ilo to Giljad. 26 Im Leban e ar da nôn Jakob. Ta eo kwar kômone, dwe kwar noj an eta jen iô, im aninok limaro nejiô emwôt an jebokwe matôn iri? 27 Ekke kwar ko ilo etino, im noj an eta jen iô, im jat kemmanek iô, bwe im kar jilemiek yuk kin lônin, im kin an, im kin tauret, im kin ar. 28 Im kwar jat ilin dwe im mejenmaik lônaro nejiô im limaro nejiô e twir an kar kômôt ein drein. 29 Eor kajur ilo peô dwe im kar kokkure kom: a Anij eo an jememi E ar konono nôt iô to, im da. Lare kwar konono nôt Jakob emol, ae nana. 30 Im kiô elane emôn an nok, kin ke e kanuj lap an of eade imôn jemôm, etke kwar kwote an, ko aô? 31 Im Jakob e ar uak, im da nôn Leban, kin ke I ar im jôk: dwe I ar ta. Bwelen kwar naj kar bôk limaro nejom jen iô kin kajur. 32 Jaurewôt eo kwôj lo anij ko an imen, en jab mour: iman mejen ro jeer im jâter kwon buot met eo an ita im bôk e nôn yuk. Bwe Jakob e ar jab jela kin an Rejel kwoti.

33 Im Leban e ar dreloñ ilo imôn kaber eo an Jakob, im ilo imôn kabber eo an Lia, im liwan imôn kabber ko an limaro ruo komperair: im e jab loi. Im e ar driojlok jen imôn kabber eo an Lia, im ej dreloñ liwan imôn

kaber eo an Rejel. 34 Kiô Rejel ar bôk ekjôp ko im likin iber mw kamel ko, im ej jijôt iour. Im Leban e ar toîomi ilo boieren imôn kabber eo, a e ar jab loi. 35 Im liô e an nôn jemen, En jab ilin aô iroij, I ban jutok iman mejom: bwe im im kôra iba. Im e ar kabukot, jab lo ekjôp ko.

36 Im Jakob e ar ilin, im e ar e ik Leban: im Jakob e ar uak, im nôn Leban, Ta aô nana? ta aô je wwi, bwe elap an lukworikwor. 37 Ke kwar toîomi ilo boieren ro ko mweio, ta eo kwar lo jar mer mweiom otemej? Likiti jin im mejen ro jeio im jatio, im iman: jen ro jeom im jatôm, bwe ren e jet ikôtarra. 38 Iomin yiô kein noul I ar ber ibôm: jin ko im g ko am rar jab jibuñ bôoro, im I jab mônra koman in bwij ko am. Ko kiru ko re lej rar kekeli I ar bôkiwoj; I ar nawônair: jen p kwar kajitok kake elane kwot ilo ak kwot ilo boñ. 40 Ein drein ber: ilo ran I ar joko kin dret, im boñ kin bio: im aô kiki e joko meja. 41 Ein drein aô ber ilo mweo imôn iomin yiô kein roñoul ar jerral nôn yuk jôñoul emen kin limaro ruo nejom, im jiljino kin kiru ko am: im kwar ukot naô jôñoul alen. 42 Elane Anij jema, Anij an Ebrean, im Mijok Aisak, E ar jab ber iba, emol k naj kar jilinkok iô kiô im ejelok i Anij e ar lo aô inlan, im jerral peio, im kowe yuk boñ.

43 Im Leban e ar uak, im ba Jakob, Limaro rein, nejiô, im a rein, nejiô, im kiru kein, kiru ko im men otemej kwôj loi, aô: im eo I maroñ kômôn ranin nôn lin rein nejiô, im nôn ajiri ro nejir, rar keutak ir? 44 Inem kiô kw itok, jen kômôn juôn kalimur ainemôn, na im kwe: im en men kennan ikôtarra. 45 Im Jakob e bôk juôn ejman im kajure. 46 Jakob e ar ba nôn ro jein im jat



Komin aintok dreka ko; im rar bök-tok dreka ko, im ejak juön ebe: im rar mōña iturin ebe eo. 47 Im Leban e ar naetan Jegar-seha-duta: a Jakob e ar naetan Galied. 48 Im Leban e ar ba, Ebe in men in kennan ikōtarro ranin. Kin men in rar naetan Galied: 49 im Mizpa, bwe e ar ba, Jeova en ekil ikōtarro, ñe jej jibil jen dron. 50 Elañe kwo naj kaiñtan limaro nejiō, ak elañe kwo naj bök bar beleōm na iben limaro nejiō, ejelok armij iberro; lo, Anij, e dri kennan ikōtarro. 51 Im Leban e ar ba ñōn Jakob, Lo ebe in, im lale jur in, eo I ar ejake ikōtarro. 52 Ebe in ken kennan, im jur in ken kennan, bwe in jab kijon ebe in ñōn yuk, im bwe kwon jab kijon ebe in im jur in ñōn iō, kin nana. 53 Anij an Ebrean, im Anij an Nehor, Anij an jemeir, En ekajet ikōtarro. A Jakob e ar kanōjnij kin Mijök an jemen, Aisak. 54 Im Jakob e ar katok ion tol eo, im e ar jiroñ ro jein im jatin bwe ren mōña bred: im rar mōña bred, in ber boñin eo ion tol eo. 55 Im ke e jiboñ wōt Leban e ar jerkak, im mejenmaik lōmaro nejin, im limaro nejin, im jare ir: im Leban e ar jeblak im bar ilok ñōn jikin.

**32** Im Jakob e ar etal ilo an ial, im enjel ro an Anij rar wōnmae e. 2 Im ke Jakob e ar lo ir, e ar ba, Eñin jar e bata an Anij; im ej naetan ijo Mehaneim.

8 Im Jakob e ar jilkinlok dri jilik iman, ñōn <sup>1</sup> Iso jein, ñōn enen Sier, ene Idom. 4 Im e ar jiroñ ir, im ba, Ein drein komin ba ñōn aō iroi j Iso: Korijerōm Jakob e ar ba ein drein, I ar itoitök iben Leban im ber ijo ñōn kiō: 5 im eor kau iba, kab ass, im bwij ko, im korijera man, im korijera kōra: im ij jilikwoj im kennanek aō iroi j, bwe in lo joi j iman mejōm. 6 Im ro dri jilik rar jeblaktok ñōn iben Jakob, im ba, Kim ar ilok ñōn iben Iso, jeōm, im bareinwōt ej iten wōnmae yuk, im ābuki armij iben. 7 Inem Jakob e ar <sup>2</sup> kanuij mijök, im lelñōñ: im e ar

kijbil ro dron im bwij ko an, im kiru ko, im kamel ko, ilo ruo jar; 8 im e ar ba, Elañe Iso ej itok ñōn juön jar, im mōn ir, inem jar eo juön e naj jor. 9 Im Jakob e ar ba, O Anij an jema Ebrean, im Anij an jema Aisak, Jeova, kweo kwar ba ñōn iō, <sup>1</sup> Kwon jeblak ñōn eneōm, im ñōn am jowi, im I naj kōmōn emōn ñōn yuk: 10 ña I betkake men eo eriktata ian joi j ko otemjej im mol otemjej Kwar kwalok ñōn iō korijerōm; bwe kin jokwōnaō I ar elā jen Jordan in; im kiō ruo aō jar. 11 Kwon lomoren iō, ij akwelap ñōn Yuk, jen pein jeiō, jen pein Iso: bwe I mijök e, ñe ab iten mōn iō, im jineir kab ro nejir. 12 Im Kwar ba, Emol I naj kōmōn emōn ñōn yuk, im kōmōn ro ineōm einwōt bok i lojit, eo re ban bwini kin an lōñ.

13 Im e ar jiboñōn ijo, im e ar bök jen men ko rej ber iben, men in lelok ñōn Iso, jein: 14 rubuki goat kokōra im roñoul goat koman, rubuki jip kokōra im roñoul jip koman, 15 jilñoul kamel kōrai im kon ko nejir, eñoul kau im joñoul kau koman, roñoul ass kokōra im joñoul kon ko nejir. 16 Im e ar lilok nañilo pein ro dri korijeran, bwij otemjej mōkilok iair, im ba ñōn ro dri korijeran, Komin elā imaō, im nakōtan bwij ko. 17 Im e ar jiroñ leo iman, im ba, Ñe Iso, jeiō ej wōnmae yuk, im ej kajitök ibōm, im ba, Dron wōn kwe? im kwōj woj jikōt? im'an wōn men kein imam? 18 inem kwon ba, An korijerōm Jakob; men in lelok ñōn aō iroi j Iso: im lo, ej ber ilikim. 19 Im e ar bareinwōt jiroñ eo ken ka ruo, im eo ken ka jilu, im ro otemjej rej lorlok bwij ko, im ba, Ein drein komin konono ñōn Iso ñe komij lo e; 20 im komin ba, Bareinwōt, lo, korijerōm, Jakob, ej ilikim. Bwe e ar lemnok, I naj mirik e kin men in lelok eo ej ilok imaō, im tokelik I naj lo mejen; bwelen e naj ainemōn iba. 21 Ein drein men in lelok eo ej elā iman: im ej jiboñōn iben jar eo.

<sup>1</sup> Jap. 27. 41. <sup>2</sup> eon 11.<sup>1</sup> Jap 31. 12.

22 Im e ar jerkak ilo boñin eo, im bök limaro ruo belen, im limaro ruo korijeran, im lõmaro joñoul juõn nejin, im elä jen kabätit in Jab-bok. 23 Im e ar añinlok ir im kõläik ir jen wea eo, inem ej kõläik men ko mweien. 24 Im Jakob e ar möke ber; im juõn armij e ar oktak iben ñõn joranlok. 25 Im ke E ar lo bwe E jab anjo jen e, E ar uñir murin, im eir drin murin Jakob, ke Ej oktak iben. 26 Im E ar ba, Kwon kötlok Iõ, bwe e rantak. Im e ar ba, I jamin kötlok Yuk, elañe Kwo jab jare iõ. 27 Im E ar ba ñõn e, Etõm? Im e ar ba, Jakob. 28 Im E ar ba, <sup>1</sup>Re jamin bar añiñin yuk Jakob, a Israel: bwe kwar likarek iben Anij im iben armij, im kwo anjo. 29 Im Jakob e ar kajitök, <sup>2</sup>Ij akwelap ñõn Yuk, Kwon kwalok etõm. Im E ar ba, Etke kwoj kajitök eta? Im E ar jare e ijo. 30 Im Jakob e ar naetan ijo Penaiel: bwe, ej ba, <sup>3</sup>I ar lo Anij, kimro jelmae dron, im ij mour wõt. 31 Im ke Jakob e ar elä jen Penaiel, al ej tak ion, im e ar ajkupkup kin murin. 32 Kin men in ro nejin Israel re jab mõña iki eo i murin, ñõn ranin: kin ke E ar uñir murin Jakob na ilo iki eo.

**33** Im Jakob e ar bök mejen, im reilok, im lo, <sup>4</sup>Iso ej itok, im äbuki armij iben. Im e ar ajej ajiri ro ñõn Lia, im ñõn Rejel, im ñõn limaro ruo dri korijer. 2 Im e ar likit limaro dri korijer kab ro nejir iman, im Lia kab ro nejin elikir, im Rejel kab Josep eliktata. 3 Im e ar etal imair, im barikrik ñõn lõl jiljilimjuõn alen, mae ien eo ebake jein. 4 Im Iso e ar tör mae, im atbokwoj e, im jiburlep e, im mejenmaik e: im rejro jõn. 5 Im e ar bök mejen, im lo limaro, im ajiri ro, im ba, Wõn rein ibõm? Im e ar ba, Ajiri ro Anij e ar joiij im litok nejijõ, korijerõm. 6 Inem limaro dri korijer rar druaktok, irro kab ro nejir, im rar möke barikrik. 7 Im Lia e ar bareinwõt druaktok iben ro

nejin, im rar möke barikrik: im tokelik Josep im Rejel rar druaktok, im rar möke barikrik. 8 Im e ar ba, En ta <sup>1</sup>aolepen bwij eo I ar ion e? Im e ar ba, Bwe in lo joiij iman mejen aõ iroiij. 9 Im Iso e ar ba, I bwe kake ko iba, jätiõ; kwon bök wõt ko am ñõn yuk. 10 Im Jakob e ar ba, Jab, ij akwelap ñõn yuk, elañe I ar lo joiij iman mejõm kiõ, inem kwon bök aõ men in lewoj jen peiõ; bwe kiõ I ar lo mejõm einwõt in kar lo mejen Anij, im kwoj mõnõnõ kake iõ. 11 Ij akwelap ñõn yuk, kwon bök aõ jerramõn eo ij lewoj ñõn yuk; bwe Anij e ar joiij ñõn iõ, im I bwe kin ko jet. Im e ar akwelap ñõn e, im e ar bõke. 12 Im E ar ba, Jenro ilok, im jen etal, im I naj etal imam. 13 A e ar ba ñõn e, Aõ iroiij e jela bwe ajiri rõn re mõjino, im bwe bwij ko im kiru ko re kõrai rej ber iba; im elañe armij rej kamõkõj ir jen air maroñ iomin juõn ran, bwij otemjej re naj mij. 14 Aõ iroiij, ij akwelap ñõn yuk, en elä imaõ: im I naj rumijwoj, einwõt an kiru ko rej etal imaõ maroñ, im ekar ñõn ajiri rõn maroñ kake, ñõn ien eo ij iwij ñõn aõ iroiij ñõn Sier. 15 Im Iso e ar ba, Kiõ in likit na ibõm jet ian armij rõn droõ. Im e ar ba, En ta? In lo joiij iman mejen aõ iroiij. 16 Ein drein Iso e ar jebalak ran eo ilo ial eo an ñõn Sier. 17 Im Jakob e ar etal ñõn Sökkot, im ijo e ar kalek imõn, im kõmõn imõn kabber ñõn kiru ko an: kin men in rej naetan Sökkot.

18 Im Jakob e ar itok ilo ainemõn ñõn jikin kwelok in Shikem, eo ilo enen Kenean, ke e ar itok jen Pedaneram; im e ar kajur an imõn kabber iman jikin kwelok eo. 19 Im e ar wiaik wäto eo ijo e ar kõmõn an imõn kabber, jen pein ro nejin Hemor, jemen Shikem, kin jibuki mõtõn mõnni. 20 Im e ar kõmõn juõn loka-tok ijo, im ej naetan El-Elohe-Israel.

**34** Im <sup>2</sup>Daina nejin Lia, eo e ar keutak ñõn Jakob, e ar ilen lo jiroñ in eneo. 2 Im Shikem, nejin Hemor dri Hiv, iroiij in eneo, e ar loe;

<sup>1</sup> jap. 36. 10. <sup>2</sup> Eka. j. 13. 17, 18 <sup>3</sup> Ex. 33. 20. <sup>4</sup> jap. 32. 6.

<sup>1</sup> jap. 32. 14. 16. <sup>2</sup> jap. 30. 21.

im e ar bök e im babu iben im kana-  
naik e. 3 Im buruen ej edrep na  
iben Daina nejn Jakob, im e ar  
yokwe jiroñ eo, im e ar konono  
jojñ ññ jiroñ eo. 4 Im Shikem e ar  
konono ññ Hemor, jemen, im ba,  
Kwon bök jiroñ in beliö. 5 Kiö  
Jakob e ar roñ bwe e ar kananaik  
Daina nejn; im lõmaro nejn rar  
ber iben kiru ko an ilo melaj eo: im  
Jakob e ar kejeklokjen mae ien rej  
itok. 6 Im Hemor jemen Shikem e  
ar drioijlok ññ iben Jakob bwe en  
bebe iben. 7 Im lõmaro nejn Jakob  
rar itok jen melaj eo ke rar roñjake:  
im lõmaro rar buromöj, im re kanuij  
illu, bwe e ar kõmön <sup>1</sup>bwebwe ilo  
Israel, ke e ar babu iben lio nejn  
Jakob; men eo e jakkar kõmöne. 8  
Im Hemor e ar bebe ibeir, im ba,  
Buruen Shikem nejñ e kanuij yokwe  
lio nejemi: ij akwelap ññ kom,  
komin letok lio bwe en belen. 9 Im  
kõmön belele ibem, litok limaro ne-  
jemi ññ kim, im bök limaro nejem  
ññ kom. 10 Im kom naj jokwe  
ibem: im eneo e naj iman mejemi;  
komin jokwe im wia böjik ie, im  
jibarek jikemi ie. 11 Im Shikem e  
ar ba ññ jemen lio, im ññ lõmaro  
jein lio, In lo jojñ iman mejemi, im  
men eo komij ba ññ iö I naj lewoj.  
12 Komin kajitök iba kitri kin lio im  
men in lewoj jabrewöt air lap, im I  
naj lewoj einwöt kom naj ba ññ iö:  
a letok ññ iö jiroñ eo bwe en beliö.  
13 In lõmaro nejn Jakob rar uak  
Shikem im Hemor jemen ilo mon, im  
konono, kin ke e ar kananaik Daina  
jätir, 14 im rar ba ññ ir, Kim ban  
kõmön men in, im lelok lio jätim ññ  
<sup>2</sup>juön e jab mijmij; bwe e naj men in  
kajok kim. 15 A elañe einwöt in kim  
naj eoroñ komro: ñe kom naj einwöt  
kim, bwe man ro otemjej ibemi ren  
mijmij; 16 inem kim naj lewoj limaro  
nejim ññ kom, im bök limaro nejemi  
ññ kim, im kim naj jokwe ibemi, im  
je naj juön wöt bwij. 17 A elañe kom  
jab eoroñ kim, im jab mijmij; inem  
kim naj bök lio nejim, im kim naj etal.

18 Im nan ko air rar kabuñburuen

Hemor im Shikem leo nejn. 19 Im  
likao eo e ar jab rumij in kõmön men  
in, bwe e ar yokwe lio nejn Jakob:  
im e ñiäjo jen ro nukin jemen otemjej.  
20 Im Hemor im Shikem nejn, rar  
itok ññ kejem in jikin kwelok eo  
air, im rar bebe iben armij ro in  
jikin kwelok eo, im ba, 21 Lõmarä  
rej ainemön iber; inem ren jokwe i  
enin im wia böjik ie; bwe, lo, ebwe  
enin ññ ir; jen bök limaro nejir bwe  
ren beler, im jen lelok limaro nejer  
ññ ir. 22 A kin men in wöt, armij  
ro re naj eoroñ kij, bwe ren jokwe  
iber, bwe jen juön wöt bwij, ñe  
man ro otemjej iber rej mijmij,  
einwöt air mijmij. 23 Bwijin kiru  
ko air, im men ko mweieir, im  
kiru ko otemjej ibeir, re jamin aruij  
ke? a men in wöt, jen eoroñ ir im re  
naj jokwe iber. 24 Im ro otemjej  
rar drioijlok jen kejem in jikin kwe-  
lok eo, rar eoroñ Hemor, kab Shikem  
nejn; im man ro otemjej rar mijmij,  
ir otemjej rar drioijlok jen kejem in  
jikin kwelok eo an. 25 Inem, ilo ran  
eo ken ka jilu, ke rej metök, ruo ian  
lõmaro nejn Jakob, <sup>1</sup>Simeon im  
Livai, lõmaro jein Daina, rar jimor  
bök air jäji, im itok ññ jikin kwelok  
eo ilo beran, im mõn man ro otemjej.  
26 Im rar mõn Hemor, im Shikem  
nejn, kin jäji, im rar bök Daina jen  
imön Shikem, im drioijlok. 27 Im  
lõmaro nejn Jakob rar itok ion miji-  
jak ro, im rar rakimi jikin kwelok eo  
air; kin ke rar kananaik lio jätir.  
28 Rar bök jip ko air, im kau ko air,  
im ass ko air, im men ko ilo jikin  
kwelok kab men ko ilo jikin kallip;  
29 im mweiek ko mweieir otemjej,  
im ajiri ro nejir otemjej, im limaro  
beleir, rar bök ir dri jebokwe, im rar  
kukkure men ko otemjej iloan mo ko.  
30 Im Jakob e ar ba ññ Simeon im  
Livai, Kom ar kaburomöj iö bwe in  
kanuij nana iben armij in enin, iben  
dri Kenean im dri Periz: im ña, eiet,  
re naj kalejar nae iö, im mõn iö; im I  
naj joko, kab ro nuku. 31 Im rar  
ba, En kar kõmön ññ lio jättem ein-  
wöt ññ kõra ekijoñ ke?

<sup>1</sup> 1 ut 22. 21. <sup>2</sup> Jap. 17. 14.

<sup>1</sup> Jap. 49. 6-7.

**35** Im Anij e ar ba nōn Jakob, Kwon jutōk, wōnliñlok nōn Betel, im jokwe ijo: im kwon kōmōn ijo juōn lokatok nōn Anij eo e ar walok nōn yuk ke kwar ko jen iman mejen Iso jeōm. **2** Inem Jakob e ar ba nōn ro nukin, im nōn ro otemjej rar ber iben, Komin jolok <sup>1</sup>anij ko drua rej ber ibemi, im komin <sup>2</sup>kar-reoik kom im nuknuk ko ami: **3** im jen jutōk, im wōnliñlok nōn Betel; im ijo I naj kōmōnmōn juōn lokatok nōn Anij, Eo e ar uak iō ilo ran eo I ar iñtan, im Eo e <sup>3</sup>ar ber iba ilo ial eo I ar ilok ielok. **4** Im rar lelok nōn Jakob anij ro drua otemjej rar ber ilo peir, im inokair, ko i lojiliñir; im Jakob e ar noj ir iomin wijki ok eo iturin Shikem. **5** Im rar etal: im <sup>4</sup>lelñōn jen Anije ar ber ion jikin kwelok ko iturir, im rar jab lukworkwor ro nejin Jakob. **6** Ein dren Jakob e ar itok nōn Lōz, eo ilo enen Kenean, (e in Betel), e kab armij otemjej iben. **7** Im e ar kalek juōn lokatok ijo, im e ar naetan ijo El-betel; kin ke ijo Anij e kar walok nōn e, ke e ar ko jen iman mejen jein. **8** A <sup>5</sup>De-bora, lio e ar kaninnin Rebeka, e ar mij, im rar kalibwin e i Betel iomin juōn wijki ok: im rar likit etan ijo Allon-bakut.

**9** Im Anij e ar bar weaktok nōn Jakob, ke e ar itok jen Pedan-eram; im E ar kejerammōn e. **10** Im Anij e ar ba nōn e, Etōm Jakob: re jamin bar āñiñin yuk Jakob, a Israel e naj etōm: im E ar naetan Israel. **11** Im Anij e ar ba nōn e, Ña Anij Laplap: kwon timon im orlok; dri ailñ im bwijin dri ailñ re naj jen ibōm, im kiñ ro re naj waloktok jen murōm; **12** im <sup>6</sup>eneo I ar lelok nōn Ebrean im Aisak, I naj lewoj nōn yuk, im nōn ro ineōm elikōm I naj lewoj eneo. **13** Im Anij e ar wōnliñlok jen e, ilo jikin eo ijo E ar konono iben. **14** Im Jakob e ar kajur juōn jur ijo E ar konono iben, jur dreka: im e ar lutōk juōn katok irak na ion, im e ar lutōk oil na ion. **15** Im Jakob e

ar naetan ijo Anij e ar konono iben, Betel.

**16** Im rar etal jen Betel; im etolok jirik nōn Eprat: im Rejel e mejōl-jōllok, im elap an iñtan. **17** Inem, ke elap an iñtan, lio ej keit e, e ar ba nōn e, Kwon jab mijōk bwe juōn in <sup>1</sup>bar nejōm man. **18** Inem, ke e ar weaklok an, (bwe e mij), e ar naetan Benoni: a jemen e ar naetan Benjamin. **19** Im <sup>2</sup>Rejel e mij, im rar kalibwin e ilo ial nōn Eprat, (eñin Betleem). **20** Im Jakob e ar kajur juōn dreka ion lūpōn: eñeo jurōn lūpōn Rejel nōn ranin. **21** Im Israel e ar etal, im e ar erlokwe an imōn kabber mwijin an elā jen imōn ebar Ider. **22** Inem, ke Israel e ar jokwe i eneo, Ruben e ar ilok im babu iben Bila lio konkubain an jemen: im Israel e ar roñjake.

Kiō lōmaro nejin Israel joñoul ruo: **23** lōmaro nejin Lia: Ruben, manjien Jakob, im Simeon, im Livai, im Juda, im Issakar, im Zebulun; **24** lōmaro nejin Rejel: Josep, im Benjamin; **25** im lōmaro nejin Bila, lio korijeran Rejel: Dan, im Naptalai; **26** im lōmaro nejin Zilpa, lio korijeran Lia: Gad, im Asher: lōmarein ro nejin Jakob, ro rar lotak nōn e i Pedan-eram. **27** Im Jakob e ar itok nōn iben Aisak jemen, nōn Mamre, nōn jikin kwelok Arba, (eñin Hiron), ijo Ebrean im Aisak rar itoitōk ie.

**28** Im ran ko an Aisak jibuki drualitōkñoul yiō. **29** Im Aisak e ar weaklok an, im e mij, im <sup>3</sup>koba iben ro dron, e <sup>4</sup>bwijwōlā im elōñ an ran: im Iso im Jakob, lōmaro nejin, rar kalibwin e.

**36** Rein ebeben ko an Iso (eñin Idom). **2** Iso e ar bōk <sup>5</sup>limaro belen jen ro nejin dri Kenean: Eda nejin Ilon dri Het, im Oholibama nejin Ena, lio nejin Zibeon dri Hiv, **3** im Basimat nejin Ishmeel, jein im jätin Nibaiot. **4** Im Eda e ar keutak nōn Iso Elipaz; im Basimat e ar keutak Reuel; **5** im Oholibama e ar keu-

<sup>1</sup> Jap. 31. 19. 30. <sup>2</sup> Ex. 19. 10. 14. <sup>3</sup> Jap. 28. 15. <sup>4</sup> Ex. 15. 16; Dut 2. 25. <sup>5</sup> Jap. 24. 59. <sup>6</sup> Jap. 13. 15; 26. 3; 28. 13.

<sup>1</sup> Jap. 30. 24. <sup>2</sup> Jap. 48. 7. <sup>3</sup> Jap. 25. 8. <sup>4</sup> Jap. 15. 15. <sup>5</sup> Jap. 26. 34; 28. 9.

tak Jiōsh, im Jelam, im Kora: lōmarein nejin Iso, ro rar lotak nōn e ilo enen Kenean. 6 Im Iso e ar bōk limaro belen, im lōmaro nejin, im limaro nejin, im armij otemjej in mweo imōn, im bwij ko an, im kiru ko an otemjej, im mweiuk ko mweien, ko e ar jibareki ilo enen Kenean; im e ar ilok nōn juōn ene etolok jen Jakob jātin. 7 <sup>1</sup>Kin ke elōn mwei-eir jen air maroñ in jokwe iben dron; im ene in air itoitōk e bane ir kin bwijin kiru ko air. 8 Ein drein Iso e ar jokwe ilo tol Sier: Iso ej Idom.

9 Im rein ebeben ko an Iso, jemen dri Idom, ilo tol Sier: 10 āt kein etan lōmaro nejin Iso; Elipaz nejin Eda belen Iso, Reuel nejin Basimat belen Iso. 11 Im lōmaro nejin Elipaz, Timan, Omar, Zipo, im Getam, im Kinaz. 12 Im Timna lio konkubain an Elipaz, nejin Iso; im e ar keutak nōn Elipaz, Amelek: lōmarein nejin Eda, lio belen Iso. 13 Im lōmarein nejin Reuel: Nehat, im Zira, Shamma, im Miza: lōmarein nejin Basimat, lio belen Iso. 14 Im lōmaro nejin Oholibama, nejin Ena, lio nejin Zibeon, belen Iso: im e ar keutak nōn Iso, Jiōsh, im Jelam, im Kora.

15 Rein iroi ro in ro nejin Iso: lōmaro nejin Elipaz manjien Iso: iroi Timan, iroi Omar, iroi Zipo, iroi Kinaz, 16 iroi Kora, iroi Getam, iroi Amelek: rein iroi ro nejin Elipaz ilo enen Idom; lōmarein nejin Eda. 17 Im lōmarein nejin Reuel, nejin Iso: iroi Nehat, iroi Zira, iroi Shamma, iroi Miza: rein iroi ro nejin Reuel ilo enen Idom; lōmarein nejin Basimat, lio belen Iso. 18 Im lōmarein nejin Oholibama, lio belen Iso: iroi Jiōsh, iroi Jelam, iroi Kora: rein iroi ro nejin Oholibama nejin Ena, lio belen Iso. 19 Lōmarein nejin Iso, im rein iroi ro nejin: eñin Idom.

20 Lōmarein nejin Sier dri Hor, dru waineneo: Lotan, im Shobal, im Zibeon, im Ena, 21 im Daishon, im Izer, im Daishan: rein iroi ro an dri Hor, ro nejin Sier ilo enen Idom. 22

Im ro nejin Lotan: Horai, im Himan; im lio jein im jātin Lotan, Timna. 23 Im rein nejin Shobal: Alvan, im Manehat, im Ibal, Shipo im Onam. 24 Im rein ro nejin Zibeon: Eia, im Ena; eñin Ena eo e ar lo un ko unin dren ebwil ilo ene jemaren, ke e ar lali ass ko an Zibeon jemen. 25 Im rein ro nejin Ena: Daishon im Oholibama lio nejin Ena. 26 Im rein ro nejin Daishon: Hemdan, im Eshban, im Itran, im Kiran. 27 Rein ro nejin Izer: Bilhan, im Zeavan, im Ekan. 28 Ro nejin Daishan rein: Ōz, im Eran. 29 Rein iroi ro nejin dri Hor: iroi Lotan, iroi Shobal, iroi Zibeon, iroi Ena, 30 iroi Daishon, iroi Izer, iroi Daishan: rein iroi ro nejin Hor, ekar nōn iroi ro air ilo enen Sier.

31 Im rein kiñ ro rar iroi ilo enen Idom, mokta jen an juōn kiñ iroi ion dri Israel. 32 Im Bila nejin Bior e ar iroi in Idom; im etan jikin kwelok eo an Dinhaba. 33 Im Bila e mij, im Jobab nejin Zira dri Bozra e ar iroi im binej jenkwōn. 34 Im Jobab e mij, im Husham jen enen Temanai e ar iroi im binej jenkwōn. 35 Im Husham e mij, im Hedad nejin Bidad, eo e ar mōn Midian ilo enen Moab, e ar iroi im binej jenkwōn: im etan jikin kwelok eo an Evit. 36 Im Hedad e mij, im Samla dri Masreka e ar iroi im binej jenkwōn. 37 Im Samla e mij, im Shaul dri Rihobot iturin River eo e ar iroi im binej jenkwōn. 38 Im Shaul e mij, im Beal-henan nejin Akbor, e ar iroi im binej jenkwōn. 39 Im Beal-henan nejin Akbor e mij, im Hedar e ar iroi im binej jenkwōn: im etan jikin kwelok eo an Pau; im etan lio belen Mihetabel nejin Medred, lio nejin Mizehab.

40 Im āt kein etan iroi ro nejin Iso, ekar nōn nukir, nōn jikir, kin etair: iroi Timna, iroi Alva, iroi Jitet, 41 iroi Oholibama, iroi Ila, iroi Painon, 42 iroi Kinaz, iroi Timan, iroi Mibzar, 43 iroi Magdiel, iroi Airam: rein iroi ro nejin Idom, ekar nōn jikin air jokwe ilo eneo air. Eñin Iso, jemen dri Idom.

**37** Im Jekob e ar jokwe i eneo ijo jemen e ar drua majet, ilo enen Kenean. **2** Rein ebeben ko an Jekob. Josep ke ridtōn joñoul jiljilimjuōn yiō, e ar najirik bwijin kiru iben lōmaro jein: im ladrik eo e ar ber iben lōmaro nejin Bila, im iben lōmaro nejin Zilpa, limaro belen jemen: im Josep e ar batok ñōn jemeir air buñbuñ e nana. **3** Kiō Israel e ar yokwe Josep elap jen ro nejin otemjej, bwe e nejin ke e lōlap: im e ar kōmōn juōn an nuknuk e kārere nememen. **4** Im ke lōmaro jein rar lo bwe jemeir ej yokwe e elap jen ro jein im jätin otemjej, rar kijirät e, im ban konono ainemōn ñōn e.

**5** Im Josep e ar etōnak, juōn tōnak, im ej kennanek lōmaro jein: im elaplok air kijirät e. **6** Im e ar ba ñōn ir, Komin roñjake, ij akwelap ñōn kom, tōnak in I ar etōnake: **7** bwe, lo, jar ber im kworōk tir ilo jikin kallip, im lo, tir eo aō ej mōke jerkak, im ej jutōk jime: im lo, tir ko ami rar kabol e, im rej <sup>1</sup> barikrik jen tir eo aō. **8** Im lōmaro jein rar ba ñōn e, Emol kwo naj iroi jiom ke? ak emol e naj am bebe kim ke? im elaplok wōt air kijiräte kin tōnak ko an im nan ko an. **9** Im e ar etōnak bar juōn tōnak, im ej kennanek lōmaro jein im ba, Lo, I ar etōnak bar juōn tōnak; im lo, al im aliñ im joñoul juōn iju rar barikrik jen iō. **10** Im e ar bwebwenato ñōn jemen im lōmaro jein; im jemen e ar kowe, im ba ñōn e, Ie ein tōnak in kwar etōnake? Emol ña im jinōm im lōmaro jeōm im jätōm kim naj iten barikrik ñōn lōl jen yuk ke? **11** Im <sup>2</sup>lōmaro jein rar junmare; a jemen ej kememej nan eo.

**12** Im lōmaro jein rar ilen najirik bwijin kiru ko an jemeir i Shikem. **13** Im Israel e ar ba ñōn Josep, Lōmaro jeōm re jab najirik bwijin kiru ko i Shikem ke? itok, im I naj jilkinlok yuk ñōn ibeir. Im e ar ba ñōn e, Ña e. **14** Im e ar ba ñōn e, Kwon ilen lale elañe emōn an lōmaro jeōm ber, im elañe emōn an bwijin kiru ko

ber; im bar bōktok nan ñōn iō. Ein drein e ar jilkinlok e jen komlōl in Hibron, im e ar itok ñōn Shikem. **15** Im juōn eman e ar lo e, im lo, e ar etetal i melaj ko, im leo e ar kajitōk iben im ba, Ta eo kwoj kabukot? **16** Im e ar ba, Ij bukot lōmaro jeiō: kwon kennanek iō, ij akwelap ñōn yuk, ijo rej najirik kiru ko air. **17** Im leo e ar ba, Re motlok jen ijin; bwe I ar roñ air ba, Jen ilok ñōn Dotan. Im Josep e ar ilok ilokairlok im lo ir i Dotan.

**18** Im ke rar lo e etolok, aet, mokta jen an kebak ir, rar bebe kake bwe ren mōn e. **19** Im rej ba ñōn dron, Lo, dri tōnak en ej itok. **20** Inem itok kiō, im jen mōn e, im jolok e ilo juōn roñ, im je naj ba, Juōn kiru eleje e ar kōñe: im jen lo tokjen tōnak ko an. **21** Im <sup>1</sup>Ruben e ar roñjake, im e kōnan lomoren e jen peir; im e ar ba, Jen jab mōn e. **22** Im Ruben e ar ba ñōn ir, Jab katorlok bōtōktōk, a jolok e na ilo roñ in, eo ilo ene jemaren, im jab likit pā na ion: bwe en lomoren e jen peir, im bar āñinlok e ñōn jemen. **23** Inem, ke Josep e mottok ñōn iben lōmaro jein, rar wutik kobe eo an jen Josep, kobe eo an e kārere nememen im ej kōnōke; **24** im rar bōk e im jolok e na ilo juōn roñ: im ejelok kobōn roñ eo, ejelok dren ie.

**25** Im rar jijōt bwe ren mōña bred: im rej bōk mejeir im reilok, im lo, jar an dri Ishmeel, rej itok jen Giliad, kab kamel ko air rej bōk tolōj, im iju, im mōr, rej aljeklok ñōn Ijijpt. **26** Im Juda e ar ba ñōn lōmaro jein im jätin, Eorke ar jeramōn ñe jej mōn leo jäter <sup>2</sup>im noj bōtōktōkin. **27** Itok, <sup>3</sup>jen wiakake ñōn dri Ishmeel, im jen jab likit peer na ion; bwe e jäter, kōnieker. Im ro jein im jätin rej eoroñ e. **28** Inem dri Midian, dru wia, rej iten kijon ijo; im rar tōbe im kwotōke Josep jen loan roñ eo, im wiakake Josep ñōn dri Ishmeel kin roñoul mōtōn silver. Im rar <sup>4</sup>āñinlok Josep ñōn Ijijpt.

**29** Im Ruben e ar jebal ñōn roñ

<sup>1</sup> Jap. 42. 6. 9; 43. 26; 44. 14. <sup>2</sup> Jerb. 7. 9.

<sup>1</sup> Jap. 42. 22. <sup>2</sup> eon 20. <sup>3</sup> Jap. 42. 21. <sup>4</sup> Jap. 39. 1.

eo; im lo, e joko Josep jen roñ eo; im e ar <sup>1</sup>kekel nuknuk ko an. 30 Im ej jeblak ñon iben ro jätin, im ba, E joko ajiri eo; im ña, I naj ilok ñon ia? 31 Im rar bök <sup>2</sup>kobe eo an Josep, im mōn juōn kon in goat, im katutu kobe eo ilo bōtōktōkin; 32 im rar jilkinlok kobe eo e kārere neme-men, im rar bōktok e ñon iben jemeir, im ba, Men in kim ar loe: kwon kakilin e, kobe an nejōm ke, jab ke. 33 Im ej kile, im ba, Kobe eo an nejō; juōn <sup>3</sup>kiru elej e ar kōñe; emol emwij kekele Josep. 34 Im Jakob e ar kekel nuknuk ko an, im ej kōnōk nuknuk ekilep iren, im e ar jōñōt nej-in iomin elōñ ran. 35 Im lōmaro nej-in otemjej, kab limaro nej-in otem-jej, rar jutōk bwe ren kainemōn e; a ej abwin ainemōn; im ej ba, Bwe I naj wōnlōl ñon Hedis ñon iben nejō im jōñ. Im jemen e ar jōñōt e. 36 Im dri Midian rar wiakake e i Ijpt, ñon Potipar, juōn dri kabwijrōk an Pero im kapen jaran ebar.

**38** Inem, ilo ien eo, Juda e ar wōnlōllok jen iben ro jein im jätin, im ej jeōr im dreloñ ñon iben juōn dri Adōlam, etan leo Haira. 2 Im Juda e ar lo ijo juōn kōra nej-in juōn dri Kenean, etan Shua; im ej bök lio im dreloñ ñon iben. 3 Im e ar etta im keutak nej-in eman; im ej naetan Er. 4 Im e ar bar etta, im keutak nej-in eman; im ej naetan Onan. 5 Im e ar bar etta, im keutak nej-in eman; im ej naetan Shila: im e ar ber i Kizib, ke e ar keutak e. 6 Im Juda e ar bök juōn belen ñon Er, manjen, etan lio Temar. 7 Im Er, manjen Juda, e nana iman mejen Jeova; im Jeova e ar mōn e. 8 Im Juda e ar ba ñon Onan, Kwon dreloñ ñon iben lio belen jeōm, im belek e, im en or inen leo jeōm. 9 Im Onan e jela bwe ine eo e jamin inen; im, ke e ar dreloñ ñon iben lio belen jein, ej lutōk e ion brij, bwe en jab kaine ñon jein. 10 Im men in e ar kōmōn ej kaillu Jeova: im E ar bareinwōt mōn e. 11 Inem Juda e ar ba ñon Temar nej-in kōra, Kwon ber im

ejelok beleōm iloan imōn jemōm, ñon ien Shila nejō ej ridto; bwe ej ba, Ñe ab mij einwōt lōmaro jein. Im Temar e ar ilem jokwe iloan imōn jemen.

12 Inem, tokelik lio nej-in Shua, belen Juda, e mij; im emwij an Juda jōñōt e, im e ar wōnliñlok ñon iben dri mijbar jip ro an ñon Timnat, e kab leo jaran, Haira dri Adōlam. 13 Im rar kennanek Temar im ba, Lo, jemōm e ar wōnliñlok ñon Timnat, in mijbar jip ko an. 14 Im lio e ar wutik an nuknuk in jōñōt leo belen, im e ar kalibubu e kin veil eo an, im mōke liboror, im e ar jijōt ijo e alikar iturin ial ñon Timnat; bwe e ar lo bwe e ridto Shila, im re jañin lelok e bwe en lio belen. 15 Im ke Juda e ar lo e, e ar lemnok e juōn kōra ekijoñ; bwe e ar kalibubu mejen. 16 Im e ar jeōr ñon iben iturin ial, im ba, Itok, ij akwelap ñon yuk, in dreloñ ñon ibōm; bwe e jaje bwe lio nej-in kōra; im lio e ar ba, Ta eo kwo naj letok ñon iō, bwe kwon dreloñ ñon iba? 17 Im leo e ar ba, I naj jilkinwoj juōn kon in goat. Im lio e ar ba, Kwo naj letok juōn ken kamole ke, mae ien kwoj jilkintok e? 18 Im leo e ar ba, Ken kamol ot in lewoj? Im lio e ar ba, Am ken sil, im am kamōlmōl im jokwōnam eo ilo peōm. Im e ar lilok ñon e, im dreloñ ñon iben, im a ar etta kin e. 19 Im lio e ar jutōk im ilok, im ej likit veil eo an jen iben, im bar kōnōk an nuknuk in jōñōt belen. 20 Im Juda e ar jilkinlok kon in goat ilo pein jaran, dri Adōlam, bwe en bök ken kamol jen pein kōra eo: a e jab lo lio. 21 Inem e ar kajitōk iben lōmaro in ijo, im ba, Ewi kōra ekijoñ eo e ar jijōt iturin ial in Inaim? Im rej ba, E ar ejelok kōra ekijoñ ijin. 22 Im e ar jeblak ñon iben Juda, im ba, I jab maroñ in lo e; im bareinwōt lōmaro in ijo rar ba, Ejelok kōra ekijoñ ijin. 23 Im Juda e ar ba, En mōke bök e, ñe je ab jok kake: lo, I ar jilkinlok kon in, im kwar jab lo lio.

24 Inem, e nañin jilu aliñ tokelik, rar kennanek Juda im ba, Temar, ne-

<sup>1</sup> eon 24; jap. 44. 13. <sup>2</sup> eon 2, 23. <sup>3</sup> eon 20.

jöm kōra e ar kajeofne kōra ro re ki-joñ; im bareinwōt e bōroro kin lūñ. Im Juda e ar ba, Āñintok e, im ren tile. 25 Im ke emwij āñintok e, e ar jiliklok nōn jemen, im ba, Kin leo an men kein eor nejiō; im e ar ba, Kwon kakilini, ij akwelap nōn yuk, an wōn men kein, ken sil in, im kamōlmōl in, kab jokwōn. 26 Im Juda e ar kamoli im ba, Lio e wānik jen ña, bwe I ar jab lelok e nōn Shila nejiō. Im e jab bar jela lio tokelik. 27 Im ber inem, ilo ien ke e ar mejōljōllok, lo, bo ro i lujen. 28 Inem, ke e ar iñtan, juōn ej kwalok pein: im lio dri keite e ar kajpere im kwor pein kin tred e kilmir, im ba, Eñin e ar walok mokta. 29 Inem, ke e ar nukij pein, lo, jein e ar lotak: im lio e ar ba, Ekijkan am kar lotak? Kin men in rar naetan Periz. 30 Im tokelik, jātin e ar walok, eo tred e kilmir e ar ber i pein; im rar naetan Zira.

**39** Im rar āñinlōllok Josep nōn Ijijpt; im Potipar, dri kabwij-rōk an Pero, kapen in jaran ebar, e dri Ijijpt, e ar wiaik Josep jen pein ro dri Ishmeel, ro rar āñinlōltok e nōn ijo. 2 Im <sup>1</sup>Jeova e ar ber iben Josep, im e armij e jerammōn; im e ar ber iloan imōn dri Ijijpt, karo eo an. 3 Im karo eo an e ar lo bwe Jeova ej ber iben, im bwe Jeova e ar <sup>2</sup>kejerammōn ilo pein men otemjej e ar kōmōni. 4 Im Josep e ar lo joij iman mejen, im e ar jerbāl nōn e; im e ar likit e dri lale mweo imōn, im aolepen men ko an e ar likit ilo pein. 5 Inem, jen ien eo e ar likit e dri lale mweo imōn, im ion men ko otemjej an, Jeova e ar <sup>3</sup>kejerammōn imōn dri Ijijpt eo kin Josep; im jerammōn an Jeova e ar ber ion aolepen men ko an, i mweo im ilo jikin kallip. 6 Im e ar likit wōt men otemjej ilo pein Josep; im e jaje jabrewōt men ko an, a kijen wōt me ej mōña. Im Josep e wulio im e mejwarik.

7 Inem, elikin men kein, lio belen karo eo an e ar kalimjeke Josep, im ba, Kwon babu iba. 8 A <sup>4</sup>e abwin,

im ba nōn lio belen karo eo an, Lo, aō karo e jaje kake men ko iba iloan mwin, im e ar litok men otemjej an ilo peiō: 9 e <sup>1</sup>jab utiej jen iō iloan mwin; im e ar jab drebij jabrewōt jen iō, a kwe wot, bwe kwe belen: inem ekijkan aō maroñ kōmōn nana in elap, im jerawiwi nōn Anij? 10 Inem, ke e ar konono nōn Josep ran otemjej, e jab bokake lio bwe en babu iben, ak ber iben. 11 Inem, ilo ien kein, e ar dreloñ nōn loan mweo bwe en kōmōn jerbāl ko an; im ejelok ian armij in mweo iloan. 12 Im lio e ar jibwe nuknuk eo an, im ba, Kwon babu iba; im e ar jolok nuknuk eo an na ilo pein, im ko, im drioijlok. 13 Im ber inem, ke lio ej lo bwe e ar jolok nuknuk eo an na ilo pein, im e motlok, 14 e ar kir man ro in mweo imōn, im konono nōn ir, im ba, Lo, e ar āñintok juōn dri Hibru nōn iber, bwe en kajirere kake kij: e ar dreloñ nōn iba bwe en babu iba, im I ar lamij kin ainikiō elap: 15 inem, ke e ar roñ bwe ij koutiej ainikiō im lamij, e ar jolok nuknuk eo an na ituriō, im ko, im drioijlok. 16 Im e ar kejbārok nuknuk eo an na iben, nōn ien eo ej itok karo eo an leo. 17 Im lio e ar konono nōn e einwōt nan kein, im ba, Korijer eo, dri Hibru, me kwar āñintok e nōn iber, e ar dreloñtok nōn iba bwe en kajirere kake iō: 18 inem, ke I ar koutiej ainikiō im lamij, e ar jolok nuknuk eo an na iba im ko nabijlok.

19 Inem, ke an karo ej roñ nan ko an lio belen, im e ar konono nōn e, im ba, Ein drien leo korijerōm e ar kōmōn nōn iō; e bwil an illu. 20 Im karo eo an Josep e ar bōk e, im <sup>2</sup>likit e na iloan prisōn eo, ijo rej liabe ro dri prisōn an kiñ eo: im e ar ber ijo iloan prisōn. 21 A <sup>3</sup>Jeova e ar ber iben Josep, im tiriamao kake, im lelok joij nōn e iman mejen dri lale prisōn eo. 22 Im dri lale prisōn e ar lelok ilo pein Josep, dri prisōn otemjej ro rar ber iloan prisōn; im jabrewōt men eo rar kōmōnmōn ijo, e eo e ar kōmōne. 23 Dri lale prisōn

<sup>1</sup> eon 3. 21, 23. <sup>2</sup> Sam 1. 3. <sup>3</sup> Jap. 30. 27. <sup>4</sup> Ken. 6. 23. 24.

<sup>1</sup> Jap. 41. 40. <sup>2</sup> Sam 106. 17. 18 <sup>3</sup> eon 1; Jerb. 7. 9.



<sup>1</sup>e jab lale jabrewōt men eo iomin pein; bwe Jeova e ar ber iben, im men eo e ar kōmōne Jeova ej kejeram-mōne.

**40** Inem, eliken men kein, <sup>2</sup>dri ititōk nōn kiñ eo elap in Ijipt, im dri kōmāt, rar nana iben iroi j eo air, kiñ in Ijipt. **2** Im Pero e ar illu nōn lōmaro ruo korijeran, nōn eo e utiej ian dri ititōk, im nōn eo e utiej ian dri kōmāt. **3** Im e ar likit bwe ren bar ir iloan imōn <sup>3</sup>kapen jaran ebar, iloan prisōn, ijo rar liabe Josep. **4** Im kapen jaran ebar e ar jiroñ Josep kin ir: im e ar jermal nōn ir: im rar ber iomin jet ien iloan prisōn. **5** Im ro ar etōnak juōn tōnak, kaju air tōnak ilo juōn wōt boñ, kaju nōn irro einwōt melemen air etōnak, dri ititōk im dri kōmāt nōn kiñ in Ijipt, ro emwij liabe ir iloan prisōn. **6** Im Josep e ar dreloñtok nōn ibeir ke ejiboñ, im kalimjek ir, im lo, re buromōj. **7** Im e ar kajitōk iben ro dri korijeran Pero, ro rar ber iben iloan imōn iroi j eo an, im ba, Etke komro mejen buromōj ranin? **8** Im ro ba nōn e, Kimro ar etōnak juon tōnak, im ejelok en e maroñ kemeleleiki. Im Josep e ar ba nōn ir, <sup>4</sup>Melele ko re jab ber iben Anij ke? komin kwalok mōk nōn iō, ij akwelap nōn kom.

**9** Im iroi j in dri ititōk e ar kwalok tōnak eo an nōn Josep, im ba nōn e, Ilo aō etōnak, lo, juōn kejinelap iman meja; **10** im ilo kejinelap eo juōn ra: im einwōt e ub, im e walok nar; im ururen rej jebar grep ko re kālo: **11** im kōp eo an Pero e ar ber ilo peiō; im I ar bōk grep ko im uñtake na ilo kōp eo an Pero, im ij likit kōp eo ilo pein Pero. **12** Im Josep e ar ba nōn e, Eñin melemen: jilu ra, rej jilu ran; **13** mātōn jilu ran, im Pero e naj koutiej bōrōm, im bar likit yuk ilo jermal eo am: im kwo naj lelok kōp eo an Pero na ilo pein, einwōt kar mokta ke kwo kin ititōk nōn e. **14** A kwon kememej iō, ñe kwo jerammōn, im kwalok joi j nōn iō, ij akwelap nōn

yuk, im kennanek Pero kin iō, im āñinlok iō jen mwin: **15** bwe emol rar <sup>1</sup>kwote iō jen enen dri Hibru: im ijin bareinwōt ejelok men eo I ar kōmōn bwe ren likit iō iloan prisōn.

**16** Ke leo, iroi j in dri kōmāt e ar lo bwe emōn melemen, e ar ba nōn Josep, Bareinwōt ña I ar etōnak, im lo, jilu iepen bred e mouj rej ber ion bōra: **17** im ilo iep eo ilōñ, elōñ wāwen kōnmāt kijen Pero; im bao ko rar kōñi jen iep eo ion bōra. **18** Im Josep e ar uak im ba, Eñin melemen: jilu iep, rej jilu ran; **19** mātōn jilu ran, im Pero e naj koutiej bōrōm jen iom, im e naj totoik yuk ilo juōn wijki; im bao ko re naj kōñ kōnie-kōm. **20** Im ber inem, ilo ran eo ken ka jilu, ran in kemen an Pero lotak, e ar kōmōn kwojwoj nōn ro korijeran otemjej: im e ar koutiej bōrōn iroi j in dri ititōk im iroi j in dri kōmāt iben ro korijeran. **21** Im e ar bar likit iroi j in dri ititōk bwe en bar ititōk nōn e; im e ar <sup>2</sup>lelok kōp eo ilo pein Pero: **22** a e ar <sup>3</sup>totoik iroi j in dri kōmāt: einwōt Josep e ar kemeleleik nōn irro. **23** Ijoke iroi j in dri ititōk e ar jab kememej Josep, a e ar meloklok e.

**41** Inem, elikin ruo yiō reyu, Pero e ar etōnak: im lo, e ar jutōk iturin river eo. **2** Im lo, jiljilimjuōn kau re molul, im re mātōk, rej ato jen river eo; im rar mōña ilo juōn jikin ujoij. **3** Im lo, bar jiljilimjuōn kau rar atotok elikir jen river eo, re kajōjō, im re bōj, im jutōk iben kau ko jet iturin river eo. **4** Im kau ko re kajōjō im re bōj rar kōñi kau ko jiljilimjuōn ko re molul im mātōk. Inem Pero e ar ruj. **5** Im e ar kiki im etōnak alen eo ken ka ruo: im lo, jiljilimjuōn urur in korn rej edrek ilo juōn kān, re ibep im re kāmōn. **6** Im lo, jiljilimjuōn urur re jiburikrik im raimerlok kin kōto jen rear, rej edrek elikir. **7** Im urur ko re jiburikrik rar kōñi urur ko jiljilimjuōn re ibep im kāmōn. Im Pero e ar ruj, im lo, tōnak men eo. **8** Inem, ke ejiboñ, e lok-jenan; im e ar jiliklok im āñintok

<sup>1</sup> eon 3. 8. <sup>2</sup> eon 11. 13. <sup>3</sup> jap. 39. 1. 20. <sup>4</sup> jap. 41. 16; Dan. 2. 27.

<sup>1</sup> jap. 37. 26-28. <sup>2</sup> eon 13. <sup>3</sup> eon 19.

<sup>1</sup>dri jeje otemjej in Ijpt, im dri kanbil ie: im Pero e ar kennanek ir tōnak ko an; a <sup>2</sup>ejelok en e ar maroñ in kemeleleiki nōn Pero.

9 Inem iroiĵ in dri ititōk e ar konono nōn Pero, im ba, <sup>3</sup>Ranin ij kemelej bwir ko aō: 10 Pero e kar illu iben ro dri korijeran, im e ar likit iō ilo prisōn, iloan imōn kapen jaran ebar, ña kab iroiĵ in dri kōmāt: 11 im kimro ar etōnak juōn tōnak ilo juōn boñ, ña im e; kim ar etōnak kaju nōn kimro einwōt melemen amro etōnak. 12 Im juōn likao ijo ibem, dri Hibru, korijeran kapen jaran ebar; im kim ar kennanek e, im e ar kemeleleik tōnak ko amro nōn kim; kaju nōn kimro einwōt am etōnak e ar kemeleleiki. 13 Inem, <sup>4</sup>einwōt e ar kemeleleik nōn kimro, e kar ein drein; e ar kejeblak iō nōn jerbal eo aō, im e ar totoik e.

14 Inem Pero e ar jililklok im ānin-tok Josep, im rar <sup>5</sup>mōkōĵ im ānintok e jen prisōn eo: im e ar eāl e, im kōnōk bar jet nuknuk, im dreloñtok nōn iben Pero. 15 Im Pero e ar ba nōn Josep, I ar etōnak juōn tōnak, im ejelok en e maroñ in kemeleleik e: im I ar roñ air ba kin kwe, bwe elañe kwoj roñ juōn tōnak, kwoj maroñ in kemeleleik e. 16 Im Josep e ar uak Pero, im ba, <sup>6</sup>E jab ilo ña: <sup>7</sup>Anij e naj lewoj nōn Pero juōn nan emōn. 17 Im Pero e ar ba nōn Josep, Ilo aō etōnak, lo, I ar jutōk iturin river eo: 18 im lo, jiljilimjuōn kau rej ato jen river eo, re mātōk im re molul; im rar mōña ilo juōn jikin ujoij: 19 im lo, bar jiljilimjuōn kau rej ato elikir, re nana im re kanuiĵ kajōĵō, im re bōĵ, I jañin kar lo ko ein air nana wōt i aolepen enen Ijpt: 20 im kau ko re bōĵ im re kajōĵō rar kōñ kau ko jiljilimjuōn re mātōk: 21 im ke rar kōñi im mat, je jab maroñ in jela bwe rar kōñi; a rar kajōĵō wōt im einwōt kar mokta. Inem I ar ruj. 22 Im I ar lo ilo aō tōnak, im lo, jiljilimjuōn urur rej edrek ilo juōn kån, re ibep im re kāmōn: 23 im lo, jil-

jilimjuōn urur, re mōrar, re jiburikrik, im raimerlok kin kōto jen rear, rar edrek elikir: 24 im urur ko re jiburikrik rar kōñi urur ko re kāmōn: im I ar kwalok men in nōn ro dri kanbil; a ejelok e maroñ in kemeleleik iō.

25 Im Josep e ar ba nōn Pero, Tōnak eo an Pero juōn wōt: Anij e ar kwalok nōn Pero men eo E nañin kōmōne. 26 Kau ko jiljilimjuōn remōn, jiljilimjuōn yiō; im urur ko jiljilimjuōn remoñ, jiljilimjuōn yiō: tōnak eo juōn wōt. 27 Im kau ko jiljilimjuōn re bōĵ, im kajōĵō, me rar ato elikir, jiljilimjuōn yiō, im bar einwōt urur ko jiljilimjuōn re jiburikrik im aimerlok kin kōto jen rear; re naj <sup>1</sup>jiljilimjuōn yiō in ñita. 28 Eñeo I ar ba nōn Pero: men eo Anij e nañin kōmōne Ej kwalok nōn Pero. 29 Lo, eĵ itok <sup>2</sup>jiljilimjuōn yiō ñe e naj kanuiĵ lōñ ekōn ilo aolepen enen Ijpt: 30 im e naj walok elikir <sup>3</sup>jiljilimjuōn yiō in ñita; im re naj meloklok ke e ar animōn Ijpt; im re ñita e naj kokkure eneo; 31 im re jamin lo tokjen an kar lōñ mōña ilo eneo, kin ñita eo e naj lorlok; bwe e naj kanuiĵ lap. 32 Im unin an walok tōnak in nōn Pero alen ruo, kin ke Anij e ar kabin men in, im e naj mōkōĵ an Anij kamole. 33 Inem, kiō, Pero en kålet juōn eman e jelalokjen im e meletlet, im en likit e ion enen Ijpt. 34 Pero en kōmōn men in, im en likit dri lale ilo ene, im en bōk juōn mōtōn lailim ilo enen Ijpt iomin yiō ko jiljilimjuōn, im elōñ mōña ie. 35 Im ren aini ekōn ko otemjej in yiō ko remōn rej itok, im ren kobaik wit iomin pein Pero nōn kōn moren ilo jikin kwelok ko, im ren kejbārōki. 36 Im ekōn eo e naj kabinoka nōn eneo mae yiō ko jiljilimjuōn in ñita, im re naj walok i ene Ijpt, bwe en jab joko eneo kin ñita.

37 Im emōn men eo iman mejen Pero im iman mejen ro dron otemjej. 38 Im Pero e ar ba nōn ro dron, Je maroñ ke lo einwōt lein, juōn eman

<sup>1</sup> Ex. 7. 11. 22. <sup>2</sup> Dan. 2. 27. 4. 7. <sup>3</sup> Jap. 40. 23. <sup>4</sup> Jap. 60. 21. 22. <sup>5</sup> Dan. 2. 25. <sup>6</sup> Jerb. 3. 12. <sup>7</sup> eon 25, 28, 32.

im Jitōb ōn Anij iben? 39 Im Pero e ar ba ñōn Josep, Ke Anij e ar kwalok aolepen men in ñōn yuk, ejelok en e jelalokjen im meletjet einwōt kwe: 40 <sup>1</sup>kwo naj ber ion mweo imō, im einwōt am in nan, naj eka-jeti ro droō: ilo tron wōt I naj utiej jen kwe. 41 Im Pero e ar ba ñōn Josep, Lo, I ar kairoij yuk <sup>2</sup>ion aolepen enen Ijipt. 42 Im Pero e ar <sup>3</sup>bōk luko jen pein, im likit e na ion pein Josep, im e ar naballin kin nuk-nuk linen e airik iren, im e ar <sup>4</sup>likit marmar gold na i kenwan; 43 im e ar ba en uwe ilo jariot eo ken ka ruo iben; im rar lamij iman, Barikrik: im e ar kairoij e ion aolepen enen Ijipt. 44 Im Pero e ar ba ñōn Josep, Ña Pero, im elañe jab kin kwe, ejelok armij en kwotōke pein ak neen ilo aolepen Ijipt. 45 Im Pero e ar naetan Josep Zaphenat-penia; im e ar lelok ñōn e Asinat, lio nejin Potipira, pris in On, bwe en belen. Im Josep e ar ilok ilujen aolepen enen Ijipt.

46 Im ridtōn Josep jilñoul yiō ke e ar jutōk iman mejen Pero. Im Josep e ar drioielok jen iman mejen Pero, im e ar ilok ilujen aolepen enen Ijipt. 47 Im ilo yiō ko jiljilimjuōn im elōñ mōña ie, lōl e ar jebar ine im ākur. 48 Im e ar aini aolepen ekōn in yiō ko jiljilimjuōn, eo ilo aolepen enen Ijipt, im e ar kabinok ekōn ilo jikin kwelok ko: ekōn ilo jikin kallip iturin jabrewōt jikin kwelok, e ar aintok iloan. 49 Im Josep e ar ain korn einwōt bok in barijit, e kanuij lōñ, ñōn ien eo ej jolok an bwini; bwe ejelok joñōn. 50 Im e ar lotak ñōn Josep ruo nejin eman, mokta jen an itok yiō ko in ñita, ro Asinat, lio nejin Potipira, pris in On, e ar keutak ñōn e. 51 Im Josep e ar naetan eo manjien Menassa: Bwe, e ba, Anij e ar kōmōn bwe in meloklok aolepen jermal ko aō im aolepen ro nukin jema. 52 Im e ar naetan eo ken ka ruo Ipreim: Bwe Anij e ar katimon iō ilo eneo I kar iñtan ie. 53 Im yiō ko jiljilimjuōn, im elōñ mōña

ie, ko ilo enen Ijipt, re jemlok. 54 Im yiō ko jiljilimjuōn in ñita, re jino itok, einwōt ke Josep e ar ba: im ñita e ar ber ilo ene ko otemjej; a ilo aolepen enen Ijipt e kar or bred. 55 Im ke e mat ekōn ilo aolepen enen Ijipt, armij rōn rar uñare Pero kin bred: im Pero e ar ba ñōn dri Ijipt otemjej, Komin ilok ñōn iben Josep; men eo ej ba ñōn kom, komin kōmōne. 56 Im ñita e ar ber ion aolepen lōl: im Josep e ar kabellek imōn ekōn ko otemjej im wiakake ñōn dri Ijipt; im elaplok ñita i enen Ijipt. 57 Im dri ailiñ kōn otemjej rar itok ñōn Ijipt, ñōn iben Josep bwe ren wia, kin an lap ñita i ene ko otemjej.

42 Kiō Jakob ej lo bwe eor korn i Ijipt, im Jakob e ar ba ñōn lōmaro nejin, Etke komij rei bōjik ñōn dron? 2 Im e ar ba, Lo, I ar roñ bwe eor korn i Ijipt: komin wōnlōllok ñōn ijo, im wiaik ñōn kij jen ijo: bwe jen mour, im jab mij. 3 Im lōmaro joñoul jein Josep rar wōnlōllok bwe ren wiaik korn i Ijipt. 4 A Benjamin, jātin Josep, Jakob e ar jab jilkinlok iben ro jein; bwe e ar ba, Ne ab or jorran ej buñōt e. 5 Im lōmaro nejin Israel rar iten wiaik iben ro rar itok: bwe e <sup>1</sup>iñta ilo enen Kenean. 6 Im <sup>2</sup>Josep e ar iroi ion eneo; im eo ej wiakake ñōn dri eneo. Im lōmaro jein Josep rar itok, im <sup>3</sup>mōke barikrik ñōn lōl iman mejen. 7 Im Josep e ar lo ro jein, im kile ir, a e ar kejakilkil e ñōn ir, im ej <sup>4</sup>kononnan ko re erro ñōn ir, im e ar ba ñōn ir, Komij itok jen ia? Im rar ba, Jen enen Kenean bwe kimin wiaik ekōn. 8 Im Josep e ar kile ro jein, a <sup>5</sup>re jab kile e. 9 Im Josep e ar <sup>6</sup>kememej tōnak ko e ar etōnak kin ir, im e ar ba ñōn ir, Kom dri wate; komij iten aluij an enin kelwan. 10 Im rar ba ñōn e, Jab, <sup>7</sup>aō iroi, a ro dri korijerōm rar iten wiaik ekōn. 11 Kim otemjej nejin juōn eman; kim dri mol, ro dri korijerōm re jab dri wate. 12 Im e ar ba ñōn

<sup>1</sup> Jerb. 7. 10. <sup>2</sup> Jap. 42. 6. <sup>3</sup> Est. 3. 10. <sup>4</sup> Dan. 5. 7.

<sup>1</sup> Jerb. 7. 11. <sup>2</sup> Jap. 41. 41. <sup>3</sup> Jap. 37. 8-10; 41. 43. <sup>4</sup> eon 30. <sup>5</sup> Jap. 37. 2; 41. 46. <sup>6</sup> Jap. 37. 6-9. <sup>7</sup> Jap. 37. 8.

ir, Jab, a komij iten aluij an enin kelwan. 13 Im rar ba, Ro dri kori- jeröm, joñoul ruo jimjån jimjätin, nejin juõn eman i enen Kenean; im lo, eo eriktata ej ber ranin iben jemen, im juõn e joko. 14 Im Josep e ar ba ñõn ir, Eñin men eo I ar konono ñõn kom, im ba, Kom dri wate: 15 ilo men in naj melejoñ kom: kin an Pero mour, kom jamin ilok jen ijin, elañe leo jätimi e jab itok ñõn ijin. 16 Jilkinlok juõn iami, im en añintok ladrik eo jätimi, im re naj bar kom iloan prisõn, bwe ren melejoñ nan ko ami, ñe eor mol ibemi: ak elañe jab, kin mour an Pero, emol kom dri wate. 17 Im e ar likit ir otemjej iloan prisõn iomin jilu ran.

18 Im Josep e ar ba ñõn ir ilo ran eo ken ka jilu, Komin kõmõn men in im mour; bwe I mijök Anij: 19 elañe kom dri mol, ren liabe juõn ian jeimi im jätimi iloan mweo komij dri prisõn ie; a komin ilok, bõklok korn kin ñita in mo ko imwemi: 20 im komin añintok ladrik eo jätimi ñõn iba; ein drein e naj mol nan ko ami, im kom jamin mij. Im rar kõmõn einwõt. 21 Im rar ba ñõn dron, Emol eor ruer kin jäter, ke jar lo an buromõj buruen, ke e ar akwelap ñõn kij, im jar abwin roñjake; inem jorran in ej itok ior. 22 Im Ruben e ar uak ir, im ba, 1 I ar jab konono ñõn kom ke, im ba, Komin jab jerawiwi nae ajiri eo; im kom ar abwin roñ? inem, lo, bareinwõt kajitõkin kij kin bõtõktõkin. 23 Im re jaje bwe Josep e jela air in nan; bwe juõn dri ukot nan ikõtair. 24 Im e ar oktõklik jen ibeir, im jõn, im e ar bar itok ñõn ibeir im bebe ibeir, im e ar bõk Simeon jen ibeir, im liabe iman mejeir. 25 Im 2 Josep e ar jiroñ bwe ren kõne båg ko air kin korn, im bwe ren likit mõnni ko air, kajulok ilo båg an armij otemjej, im bwe ren lelok air jotal: ein drein air kõmõn ñõn ir.

26 Im rar ektõk korn ion ass eo air, im jeblak jen ijo. 27 Im ke juõn iair e ar jelate båg eo an ilo imõn drua majiet bwe en najirik ass eo

an, ej lo an mõnni; im lo, e ar ber ilo mejen båg eo an. 28 Im e ar ba ñõn ro jein im jätin, Rar bar litok aõ mõnni; im lo, ej ber ilo båg eo ao: im re lokjenair, im rej wuririr im lale dron im ba, 1 Ta in Anij e ar kõmõn ñõn kij? 29 Im rar itok ñõn iben Jakob, jemeir, ñõn enen Kenean, im kennanek e kin men otemjej rar walok ñõn ir, im ba, 30 Leo, iroi in eneo, e ar konono nan ko re erro ñõn kim, im likit kim dri wate eneo. 31 Im kim ar ba ñõn e, 2 Kim dri mol, kim jab dri wate: 32 kim joñoul ruo jimjån jimjätin ro nejin jemem; juõn e joko, im eo eriktata ej ber ranin iben leo jemen i enen Kenean. 33 Im leo, iroi in ailiñ eo, e ar ba ñõn kim, Kin men in I naj jela bwe kom dri mol: komin likit juõn ian jeimi im jätimi iba, im bõk ekõn ñõn ro nukumi re ñita, im komin ilok; 34 im añintok ladrik eo jätimi ñõn iba: inem I naj jela bwe kom jab dri wate, a bwe kom dri mol: ein drein I naj lewoj jeimi im jätimi, im kom naj wia i enin.

35 Im ber inem, ke rar lutõk båg ko air, lo, 3 an armij otemjej limlim in mõnni, rej jimor ber ilo båg ko air: im ke ir kab jemeir rej lo limlim in mõnni ko, re mijök. 36 Im Jakob, jemeir, e ar ba ñõn ir, Kom ar ka-liäjlol iõ: Josep e joko, im Simeon e joko, im kom kõnan bõklok Benjamin: men kein otemjej rej jumae iõ. 37 Im Ruben e ar konono ñõn jemen, im ba, Kwon mõn ladrik ro ruo nejio, elañe I jab bar añintok e ñõn kwe: letok e ilo peiõ, im I naj bar añintok e ñõn kwe. 38 Im e ar ba, Nejio e jamin wõnlõllok ibemi; bwe jein e mij, im ej mõke ian: elañe eor jorran ej buñõt e ilo ial eo komij ilok ielok, inem kom naj 4 bõklok bõra e uõn ilo buromõj ñõn Hedis.

43 Im elap ñita eo ilo eneo. 2 Inem, ke emwij air mõña korn eo rar bõktok jen Ijpt, leo jemeir e ar ba ñõn ir, Komin bar ilok im wiaik jirik kijer. 3 Im Juda e ar konono ñõn e im ba, Leo e ar kanuij kanõjnij

<sup>1</sup> Jap. 37. 22. <sup>2</sup> Jap. 44. 1.

<sup>1</sup> Jap. 43. 23. <sup>2</sup> eou 11. <sup>3</sup> Jap. 43. 12. <sup>4</sup> Jap. 37. 35.

ñõn kim, im ba, Kom jamin lo meja, elañe jätimi e jab ber ibemi. 4 Elañe kwoj jilkinlok ladrik eo jätim ibemlok, kim naj wõnlõllok im wiaik kijõm: 5 a elañe kwo jab jilkinlok e, kim jamin wõnlõllok : bwe leo e ar ba ñõn kim, Kom jamin lo meja, elañe jätimi e jab ber ibemi. 6 Inem Israel e ar ba, Etke ein ami kõmõn nana ñõn iõ, im kennanek leo bwe e bar or jätimi? 7 Im rar ba, Leo e ar kanuij kajitõk karkarim, im kin jowi eo am, im ba, <sup>1</sup>Ej mour ke jememi? eor ke bar jätimi? im kim ar kennanek e einwõt nan kein: kimin kar maroñ in jela bwe e naj ba, Komin añinlõtlok jätimi ke? 8 Im Juda e ar ba ñõn Israel, jemen, Kwon jilkinlok ladrik eo iba, im kim naj jutõk im ilok <sup>2</sup>bwe jen mour, im jab mij, kim, im kwe, kab ro nuker. 9 I naj kejbãrok e; <sup>3</sup>jen peiõ kwo naj kajitõkin e: elañe I jab bar añintok e ñõn yuk, im likit e iman mejõm, e naj or ruõ in drio: 10 bwe elañe kim ar jab rumij, emol kim naj kar jeblaktok alen ruo mae ien in. 11 Im jemeir, Israel, e ar ba ñõn ir, Elañe emõn ein drein kiõ, komin kõmõn men in; bõk leen emõntata in enin ilo jãbi ko ami, im bõklõllok jet men in lelok ñõn leo, jirik ijur, im jirik hõnni, men ko re ñõj, im mõrr, kwõli ko, im amond ko; 12 im bõk kiõk ruo mõnni ilo peimi; im mõnni eo kom ar bar bõktok ilo mejen bãg ko ami bar bõkilok ilo peimi; ñe kab bwir men eo: 13 añin jätimi bareinwõt, im jutõk, bar ilok ñõn iben leo: 14 im Anij laplap en lewoj joij iman mejen leo bwe en bar jilkintok leo jeimi im jätimi, kab Benjamin. Im elañe ij liãjlol, ij liãjlol. 15 Im lõmaro rar bõk men in lelok eo, im rar bõk kiõk ruo mõnni ilo peir, im Benjamin; im jutõk, im wõnlõllok ñõn Ijipt, im jutõk iman mejen Josep.

16 Im ke Josep e ar lo Benjamin ibeir, e ar ba ñõn dri lala mweo imõn, Kwon añinlok armij rein ñõn mweo imõ, im mõni kiru, im kapojõk; bwe armij rein re naj mõña iba ñe e raelip.

17 Im leo e ar kõmõn einwõt Josep e ar ba; im leo e ar añinlok armij ro ñõn loan imõn Josep. 18 Im lõmaro rar mijõk, kin ke rar añinlok ir ñõn imõn Josep; im rar ba, Kin ke mõnni eo e ar ilok ilo bãg ko ar ien eo mokta, rej kadrelõntok kij; bwe en bukot ruer, im buñ ior im bõk kij dri kama-koko, im ass ko ar. 19 Im rar kebaktok dri lala imõn Josep, im rar konono iben iturin kejem im mweo, 20 im ba, O aõ iroi, emol kim ar wõnlõtlok bwe kimin wia ekõn ien eo mokta: 21 inem, ke kim ar itok ñõn imõn druã maijet, kim ar jelate bãg ko am, im lo, <sup>1</sup>mõnni ko an armij otemjej rej jimor ber ilo mejen bãg ko air, am mõnni e ja ridtõn wõt: im kim ar <sup>2</sup>bar bõkitok ilo peim. 22 Im kim ar bar bõklõtlok mõnni ilo peim bwe kimin wiaik ekõn: kim ban ba wõn eo e ar likit am mõnni ilo bãg ko am. 23 Im e ar ba, Ainemõn ibemi, komin jab mijõk: Anij eo ami, im Anij an jememi e ar lewoj mweimi ilo bãg ko ami: ami mõnni e ar ber iba. Im e ar <sup>3</sup>añintok Simeon ñõn ibeir. 24 Im leo e ar añinlok armij ro ñõn loan imõn Josep, im e ar <sup>4</sup>lelok dren ñõn ir, im rar kwole neir; im e ar lelok kijjen ass ko air. 25 Im rar kapojõk air men in lelok mae an Josep itok ñe e raelip: bwe rar roñ bwe re naj mõña bred ijo.

26 Im ke Josep e ar itok ñõn mweo imõn, rar bõktok ñõn e men in lelok eo e ar ber ilo peir, ñõn loan im, im rar <sup>5</sup>barikrik jen e ñõn lõl. 27 Im e ar kajitõk ibeir kin air ber, im ba, Emõn ke an jememi mour, lõlap eo kom ar konono kake? Ej mour wõt ke? 28 Im rar uak, Korijerõt, jemem, e ejmour; im ej mour wõt. Im rar jirlok bõrair, im aber. 29 Im e ar bõk mejen, im lo jätin, Benjamin, nejin jinen, im ba, E in <sup>6</sup>jätimi ke, im kom ar konono kake ñõn iõ? Im e ar ba, Anij en joij ñõn yuk, nejiõ. 30 Im Josep e ar kaiur e; bwe buruen ememlok kin jätin: im e ar bukot ijo en jõñ; im e ar dreloñ ilo

<sup>1</sup> jap. 42. 13. <sup>2</sup> jap. 42. 2. <sup>3</sup> jap. 42. 37.

<sup>1</sup> jap. 42. 36. <sup>2</sup> eon 12. 16. <sup>3</sup> jap. 42. 24. <sup>4</sup> jap. 18. 4  
<sup>5</sup> jap. 37. 7. <sup>6</sup> jap. 42. 13.

rum eo an, im jōñ ijo. 31 Im e ar kwole mejen, im drioijtok, im e ar <sup>1</sup>kōkabwirbwir e im ba, Kōmōn tok mōña. 32 Im rar kōmōn mōña ñōn e mōke ian, im ñōn ir mōke iair, im ñōn dri Ijpt ro rej mōña iben, mōke iair: bwe dri Ijpt re jab mōña bred iben dri Hibru; bwe men eo e <sup>2</sup>nana iben dri Ijpt. 33 Im rar jijōt iman mejen, <sup>3</sup>leo manji einwōt an manje, im leo erik einwōt an drik: im lōmaro rar bwilōñ iben dron. 34 Im e ar bōk kij ko im jilkinlok ñōn ir jen iman mejen: a <sup>4</sup>kij eo an Benjamin lailim alen juōn ian kij ko air. Im rar irak im mōnōñ iben.

**44** Im e ar jiroñ dri lale mweo imōn, im ba, Kwon kōni bāg ko an lōmaro kin ekōn bōkōn wōt air maroñ, im likit mōnni an lōmaro kajulok ilo bāg ko air. 2 Im kwon likit kōp eo aō, kōp silver eo, ilo mejen bāg eo an leo eriktata, kab wōnan korn eo an. Im e ar kōmōn einwōt nan eo Josep e ar jiroñ e. 3 Im ke ej kab maram in jiboñ, rar jilkinlok lōmaro, ir im ass ko air. 4 Im ke rar drioijlok jen jikin kwelok eo, im re jañin kanuij etolak, Josep e ar ba ñōn dri lale mweo imōn, Kwon jutōk, lorlok lōmaro; in ñe kwoj tōbar ir, kwon ba ñōn ir, Etke kom ar nawōnan emōn kin nana? 5 Men in e jab eo aō karo ej irak ie ke; im kin e bareinwōt ej drikanij ke? kom ar kōmōn nana ilo ami kōmōn einwōt. 6 Im e ar tōbar ir, im e ar konono ñōn ir nan ko einwōt. 7 Im rar ba ñōn e, Etke aō iroi j ej ba nan kein? en etolok jen ro korijerōm bwe ren kōmōn einwōt in. 8 Lo, mōnni eo, me kim ar loe i mejen bāg ko am, kim ar bar bōkitok ñōn yuk jen enen Kenean: inem e naj kijkan am kwot silver ak gold jen imōn am karo? 9 Iben <sup>5</sup>jabrewōt ian ro dri korijerōm ej walok, en mij, im bareinwōt kim naj dri kamakoko ñōn aō iroi j. 10 Im leo e ar ba, Kiō en einwōt ami in nan: eo ej walok iben e naj korijera; im e naj ejelok ruōmi. 11 Inem rar mō-

kōj im ākto bāg ko air otemjej ñōn lōl, im rar jimor jelate bāg ko air. 12 Im e ar kabuk, im jino iben eo manji, im jemlok iben eo eriktata: im kōp eo e ar walok ilo bāg eo an Benjamin. 13 Inem rar kekel nuknuk ko air, im lōmaro otemjej rar ektōk ion ass ko air, im jeblak ñōn jikin kwelok eo.

14 Im Juda im ro jein im jātın rar itok ñōn imōn Josep; bwe ej berwōt ijo: im rar buñ iman mejen ion lōl. 15 Im Josep e ar ba ñōn ir, Ta men in kom ar kōmōn? kom jaje ke bwe juōn einwōt ña, emol e maroñ drikanij? 16 Im Juda e ar ba, Ta eo kim naj ba ñōn aō iroi j? ta eo kim naj konono kake? ak ekijkan kim naj kowānik kim? Anij e ar lo nana an ro korijerōm: lo, kim korijeran aō iroi j, kim, kab eo kōp eo ej walok iben. 17 Im e ar ba, En jab iba bwe in kōmōn ein drein: leo e walok kōp eo i pein, en korijera; im kin kom, komin wōnliñlok ilo ainemōn ñōn iben jememi.

18 Inem Juda e ar kebak e, im ba, O aō iroi j, ij akwelap ñōn yuk, korijerōm en konono juōn nan i lojiliñin aō iroi j, im illu an aō iroi j en jab bwil nae korijerōm: bwe kwe <sup>1</sup>einwōt Pero. 19 Aō iroi j e ar <sup>2</sup>kajitōk iben ro korijeran, im ba, Eor ke jememi, ak eor ke jātımı? 20 Im kim ar ba ñōn aō iroi j, Eor jemem e bwijwōlā, im juōn ladrik nejin ke e lōlap, juōn ajiri; im jein e mij, im e mōke wōt nejin jinen; im jemen ej yokwe e. 21 Im kwar ba ñōn ro korijerōm, Komin āñinlōltok e ibemi bwe in loe kin meja. 22 Im kim ar ba ñōn aō iroi j, Ladrik eo e ban likit jemen: bwe elañe e naj ilok jen jemen, jemen e naj mij. 23 Im kwar ba ñōn ro korijerōm, <sup>3</sup>Elañe leo jātımı e jab wōn-lōltok ibemi, kom jamin bar lo meja. 24 Inem, ke kim ar wōnliñlok ñōn iben korijerōm, jema, kim ar kenna-nek e nan ko an aō iroi j. 25 Im jemem e ar ba, Komin bar ilok, im wiaik jirik kijer. 26 Im kim ar ba, Kim ban wōnlōllok: elañe jātımı ej ber

<sup>1</sup> Jap. 45. 1.    <sup>2</sup> Jap. 46. 34.    <sup>3</sup> Jap. 42. 7.    <sup>4</sup> Jap. 35. 24.  
<sup>5</sup> Jap. 31. 32.

ibem, inem kim naj wōnlōllok; bwe kim jamin lo mejen leo, elañe jätim e jab ber ibem. 27 Im korijerōm, jerna, e ar ba nōn kim, Komij jela bwe lio beliō e ar keutak ruo nejiō: 28 im juōn e ar drioiĵlok jen iba, im <sup>1</sup>ij ba, Emol emwij kekel e; im I ar jab bar lo e tokelik: 29 im elañe komij bar āñinlok ajiri in jen iba, im jorran ej buñōt e, kom naj <sup>2</sup>bōklōk bōra e uōn ilo buromōj nōn Hedis. 30 Im kiō ñe ij ilok nōn iben korijerōm, jema, im ladirik eo e jab ber ibem; ke an mour e lukjōk iben mour an ladirik eo; 31 e naj walok, ñe ej lo bwe ladirik eo e jab ber ibem, e naj mij: im ro korijerōm re naj bōklōllok bōran korijerōm, jemem, e uōn ilo buromōj nōn Hedis. 32 Bwe korijerōm e ar <sup>3</sup>dri kejbārok ladirik e nōn jema, im ba, Elañe I jab āñintok e nōn yuk, inem e naj or ruō iben jema in drio. 33 Inem kiō, ij akwelap nōn yuk, korijerōm en ber im binej jenkwōn ladirik e, dri kamakoko nōn aō iroiĵ: im ladirik ne en wōnliñlok iben ro jein. 34 Bwe ekijkan aō maroñ wōnliñlok nōn iben jema, elañe ladirik eo e jab ber iba? ñe I ab lo nana eo ej walok nōn jema.

**45** Inem Josep e ar ban kōkabwirbwir e iman mejen rootemjej rar jutōk iben; im e ar lamij, Komin kadrioiĵlok armij otemjej jen iba. Inem ejelok armij e ar jutōk iben <sup>4</sup>ke Josep e ar mōke kwalok e nōn ro jein im jätin. 2 Im e ar koutiej ainiken im jōñ: im dri Iĵipt, kab ro nukin Pero rar roñjake. 3 Im Josep e ar ba nōn ro jein im jätin, Ña Josep; jema ej mour wōt ke? Im ro jein im jätin re ban uak e; bwe <sup>5</sup>rar kūmlōk kin e. 4 Im Josep e ar ba nōn ro jein im jätin, Komin druaktok nōn iō, ij akwelap nōn kom: im rar druaklok. Im e ar ba, Ña Josep, jätimi, me kom ar wiakake nōn Iĵipt. 5 Inem kiō komin jab buromōj, im jab eāliklik, kin ami kar wiakake iō nōn ijin: bwe <sup>6</sup>Anij e ar jilkintok iō imami bwe in kejbārok mour. 6 Bwe

yiō kein ruo e ar fiita enin: im mātōn lailim yiō, im ilo ir e naj ejelok jeor ak marmir. 7 Im Anij e ar jilkintok iō imami bwe in kajbārok ineōmi i lōl, im bwe in lomoremi kin lomor elap. 8 Inem kiō e jab komeo kom ar jilkintok iō, a Anij: im E ar likit iō jemen Pero, im iroiĵ in aolepen mweo imōn, kab iroiĵ ion aolepen enen Iĵipt. 9 Komin kaiur kom, im wōnliñlok nōn iben jema, im ba nōn e, Ein drein Josep, neĵōm, e ar ba, Anij e ar kairoiĵ iō ion aolepen Iĵipt: kwon wōnlōltok nōn iba, im jab rumij, 10 im kwo naj jokwe i ene Goshen, im kwo naj ber ebak nōn iō, kwe, im ro neĵōm, im ro neĵin neĵōm, im kiru ko am, im bwij ko am, im men ko am otemjej: 11 im ijo I naj <sup>2</sup>najirik yuk, bwe mātōn bar lailim yiō in ñita; ñe ab kwe, im ro nukōm, im men ko am otemjej jeramel. 12 Im lo, mejemi rej lo, kab mejen jätio Benjamin, bwe loñiō e ej konono nōn kom. 13 Im kom naj kennanek jema kin aolepen aibujuij eo aō i Iĵipt, im kin men otemjej kom ar loi: im kom naj kaiur kom, im <sup>2</sup>āñinlōltok jema nōn ijin. 14 Im e ar buñ ion kenwan Benjamin, im jōñ; im Benjamin e ar jōñ ion kenwan. 15 Bareinwōt e ar mejenmaik ro jein otemjej, im ej jōñ ioir: im tokelik ro jein im jätin rar konono iben.

16 Im rar roñ an men in buñbuñ ilo imōn Pero, im ba, Ro jein im jätin Josep rar itok: im e buñburuen Pero, kab ro dron. 17 Im Pero e ar ba nōn Josep, Kwon ba nōn ro jeōm im jätōm, Komin kōmōn men in: komin ektōk ion kiru ko ami, im etal, ilok nōn enen Kenean; 18 im āñin jememi, im ro nukumi, im itok nōn iba: im I naj lewoj nōn kom men ko remōn in enen Iĵipt, im kom naj mōña mātōk in enin. 19 Kiō emwij jiroñ yuk, komin kōmōn men in: bōkwoj <sup>3</sup>wāgōn ko jen enen Iĵipt nōn ro neĵimi re-drik, im limaro belemi; im āñintok jememi, im itok. 20 Bareinwōt jab lernok kin men ko mweimi; bwe men ko remōn i aolepen enen Iĵipt, ami.

<sup>1</sup> Jap. 37. 31-33. <sup>2</sup> Jap. 42. 28. <sup>3</sup> Jap. 42. 9. <sup>4</sup> Jerb. 7. 12. <sup>5</sup> Jap. 37. 29-32. <sup>6</sup> Jap. 50. 20.

<sup>1</sup> Jap. 47. 12. <sup>2</sup> Jerb. 7. 14. <sup>3</sup> Jap. 46. 5.

21 Im ro nejin Israel rar kōmōn ein drein: im Josep e ar lelok wāgōn ko ñōn ir, einwōt nan in jiroñ an Pero, im e ar na air jotal. 22 Im e ar lelok ñōn ir elōñ nuknuk, a ñōn Benjamin jilu buki mōtōn silver, im lailim leken nuknuk. 23 Im ñōn jemen e ar jilkinlok ein drein: joñoul ass rej ektōk men ko remōn in enen Ijpt, im joñoul ass kokōra rar ektōk korn, im bred, im ekōn an jemen jotaltok. 24 Ein drein e ar jilkinlok ro jein im jātin, im rej jeb-lak; im e ar ba ñōn ir, Lale kom ar akwail ilo ial. 25 Im rar wōnliñlok jen Ijpt, im itok ñōn enen Kenean, ñōn iben Jakob jemeir. 26 Im rar kennanek e, im ba, Josep ej mour wōt, im ej iroi ion aolepen enen Ijpt. Im buruen e lokjenan, bwe e jab tōmak ir. 27 Im rar kennanek e nan ko otemjej an Josep, im e ar konono ñōn ir kake: im ke ej lo<sup>2</sup> wāgōn ko Josep e ar jilkinlok bwe ren bōklok e, jitōb an Jakob jemeir e ar bar ieñaktok: 28 im Israel e ar ba, Emwuj; Josep, nejiō, ej mour wōt: I naj ilem lo e mokta jen aō mij.

**46** Im Israel e ar jino an ilok, kab men ko otemjej an, im e ar itok ñōn Bier-shiba, im katok ñōn Anij an Aisak jemen. 2 Im Anij e ar konono ñōn Israel ilo mōrenlok ilo boñ, im ba, Jakob, Jakob. Im e ar ba, Ña e. 3 Im E ar ba, Ña Anij, Anij an jemōm: kwon jab mijōk in wōnlōllok ñōn Ijpt, bwe I naj kōmōn bwe en lap bwijōm na ijo: 4 I naj karwōnlok yuk ñōn Ijpt; im bareinwōt emol I naj bar añintok yuk: im Josep e naj likit pein ion mejōm. 5 Im Jakob e ar jutōk jen Bier-shiba: im lōmaro nejin Israel rar ektōk Jakob, jemeir, im ro nejir, im limaro beleir, ilo wāgōn ko Pero e ar jilkinlok bwe ren ektōklok e. 6 Im rar bōk kiru ko air, im mweieir, ko rar jibarek i enen Kenean, im rar itok ñōn enen Ijpt, Jakob, kab ro inen otemjej iben: 7 lōmaro nejin, kab lōmaro nejin ro nejin iben, limaro ne-

jin, im limaro nejin ro nejin, im ro inen otemjej e ar añintok ir iben tok ñōn Ijpt.

8 Im rein etan ro nejin Israel, ro rar itok ñōn Ijpt, Jakob im lōmaro nejin: Ruben, manjien Jakob. 9 Im lōmaro nejin Ruben: Henok, im Pallu, im Hezron, im Karmai. 10 Im lōmaro nejin Simeon: Jemuel, im Jemin, im Ohad, im Jekin, im Zohar, im Shaul eo nejin juōn kōra in Kenean. 11 Im lōmaro nejin Livai: Gershon, Kohat, im Mirerai. 12 Im lōmaro nejin Juda: Er, im Onan, im Shila, im Periz, im Zira; a Er im Onan rar mij ilo enen Kenean. Im lōmaro nejin Periz, Hezron im Hemul. 13 Im lōmaro nejin Issakar: Tola, im Puva, im Iob, im Shimron. 14 Im lōmaro nejin Zebulun: Sired, im Ilon, im Jaleel. 15 Lōmarein ro nejin Lia, ro e ar keutak ñōn Jakob i Pedan-eram, kab lio nejin, Daina: ir otemjej lōmaro im limaro nejin, jilñoul jilu armij. 16 Im lōmaro nejin Gad: Zipion, im Haggai, Shunai, im Ezbon, Irai, im Arodai, im Arilai. 17 Im lōmaro nejin Asher: Imna, im Ishva, im Ishvai, im Biraia, im Sera lio jātir; im lōmaro nejin Biraia: Hiber, im Malkiel. 18 Im lōmarein nejin Zilpa, lio Leban e ar lelok ñōn lio nejin, im e ar keutak rein ñōn Jakob, aet joñoul jiljino armij. 19 Im lōmaro nejin Rejel lio belen Jakob: Josep im Benjamin. 20 Im e lotak ñōn Josep i enen Ijpt, Menassa im Ipreim, ro Asinat, lio nejin Potipira pris in On, e ar keutak ñōn e. 21 Im lōmaro nejin Benjamin: Bila, im Biker, im Ashbel, Gira, im Neaman, Ihai, im Rosh, Mōppim, im Hōppim, im Ard. 22 Lōmarein nejin Rejel, ro rar lotak ñōn Jakob: ir otemjej joñoul emen armij. 23 Im lōmaro nejin Dan: Hushim. 24 Im lōmaro nejin Naptalai: Jazeel, im Gunai, im Jizer, im Shillem. 25 Lōmarein ro nejin Bila, lio Leban e ar lelok ñōn Rejel nejin, im e ar keutak rein ñōn Jakob: ir otemjej jiljilim-juōn armij. 26 Armij otemjej ro rar itok iben Jakob tok ñōn Ijpt, ro

<sup>1</sup> Jap. 37. 31-36. <sup>2</sup> eon 19.



rar itok jen murin, im jab bwini limaro, belen lōmaro nejin Jekob, armij otemjej jiljinoñoul jiljino armij; 27<sup>1</sup> im lōmaro nejin Josep, re lotak ñōn e i enen Ijpt, ruo armij: armij<sup>2</sup> otemjej in nukin Jekob, ro rar itok ñōn Ijpt, jiljilimjuōñoul.

28 Im e ar jilkinlok Juda iman mejen ñōn iben Josep, bwe en jineit ñōn<sup>2</sup> Goshen; im rej itok ñōn enen Goshen. 29 Im Josep e ar kapojōk jariot eo an, im ej wōnliñlok bwe en wōnmae Israel, jemen, ñōn Goshen; im ej mōke kwalok e ñōn e, im buñ ion kenwan, im eto an jōñ ion kenwan. 30 Im Israel e ar ba ñōn Josep, In mij kiō, mwijin aō lo mejōm, bwe kwoj mour wōt. 31 Im Josep e ar ba ñōn ro jein im jātin, im ñōn ro nukin jemen, I naj wōnliñlok im kwalok ñōn Pero, im ba ñōn e, Ro jeid im jātīō, im ro nukin jema, ro rar ber i enen Keanan, re mottok ñōn iba; 32 im lōmaro, sheperd, bwe air jermal najirik kiru; im rar āñintok bwijin kiru im bwijin jip ko air, im men ko air otemjej. 33 Im en ber, ñe Pero e naj āñiñin kom, im e naj ba, Ta ami jermal? 34 Komin ba, Jermal an ro korijerōm, lale kiru, jen am inono ñōn kiō, kim, im kab ro jimam: bwe komin jokwe i enen Goshen; bwe sheperd otemjej rej nana iben dri Ijpt.

**47** Inem Josep e ar item kennanek Pero, im ba, Jema im ro jeid im jātīō, im bwijin kiru ko, im bwijin jip ko air, im men otemjej air, rar itok jen enen Keanan; im lo, rej ber i enen Goshen. 2 Im e ar bōk jet ian lōmaro jein im jātin, lailim armij, im ej kwalok ir ñōn Pero. 3 Im Pero e ar ba ñōn lōmaro jein im jātin, Ta ami jermal? Im rej ba ñōn Pero, Ro korijerōm, sheperd, kim, im kab ro jimam. 4 Im rar ba ñōn Pero, Kimij iten ber i enin; bwe ejelok jikin ujoj ñōn bwijin kiru ko am iben ro korijerōm; bwe elap ñita i enen Keanan: inem kiō, kim akwelap ñōn yuk, ro korijerōm ren jokwe i enen Goshen. 5 Im Pe-

ro e ar jiroñ Josep, im ba, Jemōm im ro jeōm im jātōm rar itok ñōn ibōm: 6 ene Ijpt ej ber iman mejōm: kwon kaimweim jemōm im ro jeōm im jātōm ilo ene emōntata: ren jokwe i enen Goshen, im elañe kwojela jet iair re niknik, inem kwon likit ir iroj ion kiru ko aō. 7 Im Josep e ar kadrelōntok Jekob jemen, im likit e iman mejen Pero: im Jekob e ar jare Pero. 8 Inem Pero e ar ba ñōn Jekob, Ietoñ am mour? 9 Im Jekob ej ba ñōn Pero, Ran ko in yiō in aō itoitōk, jibuki jilñoul yiō: reiet im re nana ran ko in yiō in aō mour, im<sup>1</sup> re jañin tōbar ran in yiō an ro jema mour, ilo ran ko in air itoitōk. 10 Im Jekob e ar jare Pero im driojlok jen iman mejen Pero. 11 Im Josep e ar najikin jemen im ro jein im jātin, im ej kaimweim ir i enen Ijpt, ilo ene emōntata, i ene Ramisis, einwōt ke Pero e ar jiroñ e. 12 Im Josep e ar<sup>2</sup> najirik jemen, im ro jein im jātin, im aolepen ro nukin jemen kin bred, ekar ñōn oran ro nukir.

13 Im ejelok bred i aolepen eneo; bwe ñita e kanuij lap, inem enen Ijpt, kab enen Keanan re joko kin ñita eo. 14 Im Josep e ar aini mōñni otemjej rej lo i enen Ijpt, im enen Keanan, kin korn eo rar wiaik e: im Josep e ar bōktok mōñni eo ñōn loan imōn Pero. 15 Im ke e mat mōñni i enen Ijpt, kab i enen Keanan, dri Ijpt otemjej rar itok ñōn iben Josep, im ba, Kwon letok bred ñōn kim: bwe etke kimin mij iman mejōm? bwe e mat mōñni. 16 Im Josep e ar ba, Komin letok kiru ko ami; im I naj lewoj kin ami kiru, elañe e mat mōñni. 17 Im rej āñintok kiru ko air ñōn Josep; im Josep e ar lelok bred ñōn ir wōnan ors ko, im bwijin jip, im kau ko, im ass ko: im ej najirik ir bred iomin yiō eo, wōnan aolepen kiru ko air. 18 Im ke e jemlok yiō eo, rej itok ñōn iben yiō eo ken ka ruo, im ba ñōn e, Kim jamin noje jen aō iroj, ekijkan an mat mōñni ko am; kiru ko am rej bareinwōt ber

<sup>1</sup> Ex. 1. 5; Jerb. 7. 14. <sup>2</sup> Jap. 46. 10.

<sup>1</sup> Jap. 26. 7; 35. 28. <sup>2</sup> Jap. 46. 11.

iben aō iroi; ejelok en ej ber iman mejen aō iroi, a enbwinem wōt, kab ene ko eneem: 19 etke kimin mij iman mejōm, kim im kab eneem? kwon wiak kim im kab eneem kin bred, im kim kab eneem naj kori- jeran Pero: im letok ine, bwe kimin mour im jab mij, bwe ene en jab jebeplik.

20 Ein drein Josep e ar wiak aole- pen enen Ijpt nōn Pero; bwe dri Ijpt otemjej rar wiakake imweir, bwe nita eo e kajur jen ir: ein drein eneo ej enen Pero. 21 Im kin armij ro, e ar kokweloklok ir nōn jikin kwelok ko jen tōreran jabōn Ijpt nōn tōreran jabeo juōn. 22 Enen pris wōt e ar jab wiak e: bwe eor mōtōn an pris jen iben Pero, im rej mōña mōtōn eo Pero e ar lelok nōn ir; kin men in rar jab wiakake ene ko eneir. 23 Inem Josep e ar ba nōn armij ro, Lo, I ar wiak kom ranin, im eneemi, nōn Pero; lo, ami ine, im kom naj jeor eneo. 24 Im e naj ber, ilo ien marmir, kom naj le- lok <sup>1</sup> juōn mōtōn lailim nōn Pero, im emen mōtōn re naj kwonami, nōn ine in jikin kallip, im nōn kijimi, im ki- jen ro nukumi, im nōn kijen ro neji- mi. 25 Im rar ba, Kwar lomoren kim jen mij: kimin lo joi; ilo mejen aō iroi, im kim naj korijeran Pero. 26 Im Josep e ar kōmōn kien ion enen Ijpt nōn ranin, bwe juōn mō- tōn lailim e naj an Pero; e jab ion enen pris ro wōt, ke rar jab an Pero.

27 Im Israel e ar jokwe i enen Ijpt, ilo ene Goshen, im eor jikir ijo, im rar edrek, im e <sup>2</sup> kanuij lap air orlok. 28 Im Jakob e ar mour i enen Ijpt jilnoul jiljilimjuōn yiō: ein drein ran ko in yiō an Jakob mour, jibuki eñoul jiljilimjuōn yiō. 29 Im ebaktok ien an Israel mij: im e ar kirtok Josep, nejin, im ba nōn e, Elañe kiō I ar lo joi; iman mejōm, ij akwelap nōn yuk, <sup>3</sup> kwon likit peōm ion unjen neiō, im kōmōn joi; im mol nōn iō: ij akwelap nōn yuk, kwon jab kalibwin iō i Ijpt; 30 a ñe ij kiki iben ro jema, kwo naj bōklok iō jen

Ijpt, im kalibwin iō ilo <sup>1</sup> wuliej eo air. Im e ar ba, I naj kōmōn einwōt kwar ba. 31 Im e ar ba, Kwon ka- nōjni; nōn iō. Im ej kanōjni; nōn e. Im Israel e ar mōke barikrik ion lo- loñōn aowej eo.

**48** Inem, elikin men kein, juōn e ar ba nōn Josep, Lo, jemōm e nañinmij: im e ar añinlok ibenlok lōmaro ruo nejin, <sup>2</sup> Menassa im Ipreim. 2 Im juōn e ar kennanek Jakob, im ba, Lo, nejmō, Josep, ej itok nōn ibōm: im Israel e ar kate, im jijōt ion aowej eo. 3 Im Jakob e ar ba nōn Josep, Anij laplap e ar walok nōn iō i Lōz, i enen Kenean, im keje- rammōn iō, <sup>4</sup> im E ar ba nōn iō, Lo, I naj katimon yuk, im korlok yuk, im I naj kōmōn bwe en bata armij ro bwijōm, im I naj lewoj enin nōn ro ineōm elikōm, bwe en air jolit in drio. 5 Im kiō, ladrik ro ruo nejōm, ro rar lotak nōn yuk i enen Ijpt, mokta jen aō itok nōn ibōm i Ijpt, Ipreim im Menassa, irro nejiō; ein- wōt Ruben im Simeon, ro naj nejiō. 6 Im ro nejōm, ro kwoj keutak eli- kir, re naj nejōm; re naj naetair kin etan ro jeir ilo air jolit. 7 Im kin ña, ke I ar itok jen Pedan, Rejel e ar mij ituriō ilo enen Kenean ilo ial, ke mātōn wōt jirik in itok nōn Iprat: im I ar kalibwin e ijo, ilo ial in Iprat, (e in Betleem).

8 Im Israel e ar lo ladrik ro nejin Josep, im ba, Wōn rein? 9 Im Josep ej ba nōn jemen, Rein nejiō, ro Anij e ar letok nōn iō i enin. Im ej ba, Ij akwelap nōn yuk bwe kwon añin- tok ir nōn iō, im I naj kejerammōn ir. 10 Kiō mejen Israel re aoram kin an bwijwōlā, inem e ban lo. Im ej añintok ir nōn iturin, im ej mejen- maik ir, im jiburlep ir. 11 Im Israel e ar ba nōn Josep, I ar jab lemnok in lo mejōm: im lo, Anij e ar kwalok nōn iō ro ineōm bareinwōt. 12 Im Josep e ar añinlok ir jen ikōtan neen; im e ar mōke barikrik mejen nōn lōl. 13 Im Josep ej kapjere irro otemjej, Ipreim ilo anbijmaroñōn nōn anmifiin Israel, in Menassa ilo anmifiin nōn

<sup>1</sup> Jap. 41. 34. <sup>2</sup> Jap. 35. 11. <sup>3</sup> Jap. 24. 2.<sup>4</sup> Jap. 23. 17-20. <sup>5</sup> Jap. 41. 51-52.

ambijmaroñon Israel, im ej tel ir ñon turin. 14 Im Israel e ar kötellok anbijmaroñon, im likit pein ion böran Ipreim, eo erik, im anmiñin ion böran Menassa, e melele an kajime pein; bwe Menassa e manji. 15 Im e ar jare Josep, im ba, Anij, eo ro jema im Aisak rar etetal iman mejen, Anij eo e ar najirik iõ ien otemjej in aõ mour ñon ranin, 16 enjel eo e ar lomoreñ iõ jen nana otemjej, En kejerammõn ladrik rä; im ren naetair kin eta, im kin etan ro jema, Ebream im Aisak; im ren edrek im bata iolapen löl. 17 Im ke Josep ej lo bwe jemen ej likit anbijmaroñon ion böran Ipreim, e nirburuen: im ej kwotõke pein jemen bwe en kamõkit e jen böran Ipreim ñon böran Menassa. 18 Im Josep e ar ba ñon jemen, En jab ein drein, jema; bwe eñin manji; kwon likit anbijmaroñom ion böran. 19 Im jemen e ar abwin, im ba, I jela, nejiõ, I jela kake; bareinwõt e naj juõn bwij, im bareinwõt e naj lap: a emol jätin e naj lap jen e, im ro inen re naj dri elõñ ailiñ. 20 Im e ar jare ir ilo ran eo, im ba, Kin kwe dri Israel re naj kejerammõn, im ba, Aisak kömõn yuk einlokwõt Ipreim, im einlokwõt Menassa: im ej likit Ipreim mokta jen Menassa. 21 Im Israel e ar ba ñon Josep, Lo, I mij: a Anij e naj ber ibemi, im <sup>1</sup> bar añinlok kom ñon ene an ro jimami. 22 Bareinwõt I ar lewoj ñon yuk juõn mõtõn e orlok jen an ro jeõm im jätõm, eo I ar bõk jen pein dri Amor kin aõ jãji im kim aõ libon.

**49** Im Jakob e ar añiñin lõmaro nejin, im ba, Komin jimor kwelok bwe in kennanek kom men eo e naj buñõt kom ilo ran ko tokelik.

2 Komin jimor kweloktok, im roñ, kom nejin Jakob; im eoroñ Israel jememi.

3 Ruben, kwe manjiõ, aõ kajur, im jinoin aõ maroñ; im emõn in aõ wuj, im emõn in aõ kajur.

4 Kwoj uwe einwõt dren e bululul, kwojaminutiej; <sup>2</sup> bwe kwar wõnliñlok ñon aowej eo an jemõm, inem kwar

kananaik e: e ar wõnliñlok ñon aõ jikin babu.

5 <sup>1</sup> Simeon im Livai ro jimjan jimjatin; men in kaiñtan, air jãji.

6 O aõ, kwon jab dreloñ ilo air bebe etino; aõ wuj, kwon jab koba iben air kwelok; bwe ilo air illu rar mõn juõn eman, im ilo air bõt rar jeke neen kau koman.

7 En jerata air illu, bwe e ar lap; im air kwi, bwe e ar lej: I naj kijbil ir ilo Jakob, im kijbliklok ir ilo Israel.

8 Juda, kwe eo ro jeõm im jätõm re naj nebar e; peõm e naj ber ion kenwan ro rej kijirat yuk; ro <sup>2</sup> nejin jemõm re naj barikrik iman mejõm.

9 Juda, ej kon in laion; kwar wõnliñlok jen men in rakim, nejiõ: ej barikrik, ej kebao einwõt laion, im einwõt laion e ridto: wõn e naj biuktõk e?

10 Septer e jamin ilok jen Juda, ak jokwõnõn iroiñ jen ikõtãn neen, ñon ien Shailo ej itok; im armij rõn re naj bokake.

11 Ej lukwoj an ass iben juõn vain, im an kon in ass iben vain emõn; e ar <sup>3</sup> katutu nuknuk ko an ilo wain, im ballin ilo bõtõktõkin grep:

12 E naj bõrõrõ mejen kin wain, im e mouj fiin kin milk.

13 Zebulun e naj jokwe iturin lojit; im e naj or an eja, jikin wa ko: im tõreren e naj ebake Saidon.

14 Issakar ej ass e kajur, ej kumwil ikõtãn ruo worwor in jip:

15 Im e ar lo kakije emõn, im eneo, bwe emõn biktokin; im ej dror aieran ñon inene, im ej korijeran owõj.

16 Dan e naj ekajet ro dron einwõt juõn ian bwijin Israel.

17 Dan e naj serpent ilo ial, im adder ilo ial, eo ej kij jimwin neen ors ko, bwe eo ej uwe en buñliklok.

18 I ar kõtãr am lomor, O Jeova.

19 Gad, juõn jar e naj kobaj e; a e naj kajur tokelik.

20 Jen Asher, kijen e naj mätõk, im e naj kwalok kijen iroiñ.

21 Naptalai juõn haind e mejõl: ej lelok nan ko remõn.

<sup>1</sup> Jap. 26. 15. <sup>2</sup> Duz 27. 20.

<sup>1</sup> Jap. 34. 26-30. <sup>2</sup> I Kron. 5. 2. <sup>3</sup> Ais. 63. 2.

22 Josep, juõn ra e kouwa, aet juõn ra e kouwa iturin aibij; im ran rej edrek ion worwor.

23 Dri libon rar kanuij kaburo-mõj e, im libon ñõn e, im kijirät e.

24 A libon eo an e ar ber ilo kajur, im pein ilo jurõn pein, ar kakajur ir kin pein Anij an Jakob, E kajur: (im jen ijo sheperd eo, <sup>1</sup>ejman in Israel).

25 Aet, jen Anij an jemen, Eo e naj jiboñ yuk, im jen Eo Laplap eo e naj kejerammõn yuk, kin jerammõn ko in ninnin ko im loje.

26 Jerammõn ko an jemõm re kajur jen jerammõn ko an ro jimaõ, ñõn tõreren etoloktata in tol ko rej ber in drio: ir re naj ber ion bõran Josep, im ion moñen eo e ar jibil jen ro jein im jätin.

27 Benjamin e naj lej einwõt wulp: ilo jiboñ e naj kokkure men in rakim, im ñe ejota e naj ajej men in rakimi.

28 Rein joñoul ruo bwijin Israel: im eñin an jemeir konono ñõn ir, im kejerammõn ir; ir otemjej ekar ñõn air jerammõn e ar kejerammõn ir kake. 29 Im e ar jiroñ ir, im ba ñõn ir, I naj koba iben ro mõta; komin kalibwin iõ iben ro jema, ilo roñ eo ilo bukwõn eo e kar an Ipron dri Het, 30 ilo roñ eo ilo jikin kallip Makpila, eo iman Mamre, ilo enen Kenean, eo Ebream e ar wiaik iben bukwõn eo, jen Ipron dri Het, bwe en an wuliej. 31 Ijo rar kalibwin <sup>2</sup>Ebream, im <sup>3</sup>Sera lio belen; ijo rar kalibwin <sup>4</sup>Aisak, im Rebeka lio belen; im ijo I ar kalibwin Lia. 32 E ar wiaik bukwõn eo, im roñ eo ie, jen ro nejin Het. 33 Im ke Jakob ej kamwijlok an kalimur ñõn lõmaro nejin, e nukij neen ion aowej eo, im weaklok an, im ar kobaik e iben ro mõtõn.

**50** Im Josep e ar buñ ion mejen jemen, im jõñ ion, im mejenmaik e. 2 Im Josep e ar jiroñ dru uno ro korijeran bwe ren kõmõnmõne jemen: im dru uno ro rar kõkõmõnmõn Israel. 3 Im rar kajemlok eñoul ran kin e; bwe ein drein rar kajejitt ran ko an ro rej kõkõmõnmõn

ir. Im dri Ijpt rar jõñõt e jiljilimjuõn ran.

4 Im ke ran in jõñõt e re jemlok, Josep e ar konono ñõn ro nukin Pero, im ba, Elañe kiõ ij lo joiij iman mejemi, ij akwelap ñõn kom, komin konono i lojiliñin Pero, im ba, 5 <sup>1</sup>Jema e ar kõmõn bwe in kanõjnij, im ba, Lo, I mij: ilo lüp eo I ar kõbij lüpõ ilo enen Kenean, ijo kwon kalibwin iõ. Inem kiõ in wõnliñlok, ij akwelap ñõn yuk, im kalibwin Jema, im I naj bar itok. 6 Im Pero e ar ba, Kwon wõnliñlok im kalibwin jemõm einwõt e ar ba bwe kwon kanõjnij.

7 Im Josep e ar wõnliñlok bwe en kalibwin jemen; im rej ilok ibenlok ro otemjej korijeran Pero, ridto ro in mweo imõn, im aolepen ridto ro in enen Ijpt, 8 im aolepen ro nukin Josep, im lõmaro jein im jätin, im ro nukin jemen: a ro nejir, im bwijin kiru ko air, im jip ko air, rar likiti i enen Goshen. 9 Im bareinwõt jariat ko kab ors ko rar ilok iben lok: im e jarlipju. 10 Im rar itok ñõn jikin dreñdreñ wit an Etad, eo iturin Jordan; im ijo rar liäjlol kin limõ elap: im e ar liäjlol kin jemen iomin jiljilimjuõn ran. 11 Im ke ro rej jokwe i eneo, dri Kenean, rar lo air liäjlol ilo jikin dreñdreñ wit an Etad, rar ba, E in liäjlol<sup>1</sup>elap an dri Ijpt: kin men in, rar naetan Ebel-mizraim, eo iturin Jordan. 12 Im lõmaro nejin rar kõmõn einwõt e ar jiroñ ir: 13 bwe lõmaro nejin rar bõklok e ñõn enen Kenean, im rar kalibwin e ilo roñ in bukwõn Makpila, eo Ebream e ar wiaik, kab bukwõn eo, bwe en an wuliej, jen Ipron dri Het, iman Mamre. 14 Im Josep e ar jeblak ñõn Ijpt, e, im lõmaro jein im jätin, im ro otemjej rar wõnliñlok iben lok bwe en kalibwin jemen, elikin air kalibwin jemen.

15 Im ke ro jein Josep rej lo bwe e mij jemeir, rar ba, Bwelen Josep e naj kijiräte kij, im emol e naj nawõnar kin nana otemjej jar kõmõn ñõn e. 16 Im rar jilkinlok juõn eman ñõn Josep, im ba, Jemõm e ar jiroñ

<sup>1</sup> Ais. 28. 16. <sup>2</sup> Jap. 25. 9. <sup>3</sup> Jap. 23. 19. <sup>4</sup> Jap. 35. 29.

<sup>1</sup> Jap. 47. 29-31.

kim mokta jen an mij, im ba, 17 Ein drein komin ba ñõn Josep, Ij akwelap ñõn yuk, bwe kwon jolok kiõ nana an ro jeõm, im air jerawiwi, bwe rar kõmõn nana ñõn yuk. Im kiõ, kimij akwelap ñõn yuk, kwon jolok nana an ro korijeran Anij an jemõm. Im Josep e ar jõn ke rar konono ñõn e. 18 Im lõmaro jein rar bareinwõt ilok im buñ iman mejen; im rej ba, Lo, kim ro korijerõm. 19 Im Josep e ar ba ñõn ir, Komin jab mijõk: bwe ña ilo jikin Anij ke? 20 A kin kom, kom ar lem-nok nana nae iõ; a Anij e ar bebe bwe en emõn, bwe en walok, einwõt ranin, ñõn kejbärok elõñ armij ilo mour. 21 Inem kiõ komin jab mijõk: 'I naj najirik kom, im ro nejimi. Im ej kaine-mõn ir, im konono ñõn burueir.

<sup>1</sup> Jap. 45. 11.

22 Im Josep e ar jokwe i Ijpt, e, im ro nukin jemen: im Josep e ar mour jibuki joñoul yiõ. 23 Im Josep e ar lo ro nejin Ipreim ñõn ebeben eo ken ka jilu: ro nejin Mekir nejin Menassa, bareinwõt rar lotak im likit ir ion neen Josep. 24 Im Josep e ar ba ñõn ro jein im jätin, I mij; im emol Anij e naj itok ñõn kom, im añinlok kom jen enin, ñõn eneo E ar kanõjnij ñõn Ebrean, ñõn Aisak, im ñõn Jakob. 25 Im Josep e ar bõk an ro nejin Israel kanõjnij ñõn e, im ba, Emol <sup>1</sup>Anij e naj itok ñõn kom, im kom naj <sup>2</sup>bõklok dri ko driõ jen ijin. 26 Ein drein Josep e mij, jibuki joñoul yiõ an ridto: im rar kõkõmõnmõn e, im likit e ilo dip-dip i Ijpt.

<sup>1</sup> Eib. 11. 22. <sup>2</sup> Ex. 13 19: Josh. 24. 30.

# EXODUS

AK

DRI OIJLOK

**1** Im rein etan eman ro nejin Israel, ro rar drelon̄tok iloan Ijijpt, (ir otemjej im ro nukir rar itok iben Jakob): **2** <sup>1</sup>Ruben, Simeon, Livai, im Juda, **3** Issakar, Zebulun, im Benjamin, **4** Dan im Naptalai, Gad im Asher. **5** Im ro otemjej rar itok jen ibin Jakob, jiljilimjuōn̄noul armij: im Josep e ar ber ilo Ijijpt mokta. **6** Im e ar <sup>2</sup>mij Josep, im ro jein im jātin otemjej, im aolepen ebeben eo. **7** Im ro nejin Israel re timon, im lōn̄lok wōt im orlok, im kanuij kajurlok; im eneo e obrōk kake ir.

**8** Im e walok juōn kiñ ekāl ion Ijijpt, eo e ar jab jela Josep. **9** Im e ar ba nōn ro dron, Lo, armij ro nejin Israel, re lōn̄lok im re kajur jen kij: **10** komin itok, jen kōmōn nōn ir ilo meletlet, ñe rab orlok, inem ñe e walok jabrewōt tōrinae re naj koba iben ro rej jumae kij, im re naj tōrinaek kij, im wōnl̄n̄lok jen enin. **11** Kin men in, rar likit ioir dri lala air jermal, bwe ren kejjorran ir kin inek ko air. Im rar kalek nōn Pero <sup>3</sup>jikin kwelok ko jikin mweiuk, Paitom im Ramisis. **12** A ke rar kalaplok air kejjorran ir, elaplok wōt air orlok im lōn̄lok. Im rar buromōj kake ro nejin Israel. **13** Im rodri Ijijpt rar <sup>4</sup>kabin air kejjermal ro nejin Israel: **14** im rar kameo air mour kin jermal ebin, kin iawewe im brik ko, im kin jabrewōt wāwen jermal ilo jikin kallip, aolepen air jermal rar kejjermal ir kake e kanuij bin.

**15** Im kiñ in Ijijpt e ar konono iben ro dri keit, dri Hibru, etan juōn Shipra, im etan eo juōn Pua: **16** im e ar ba nōn ir, Ñe komij keite kōra ro dri Hibru, im lo ir ion jikin keu-

tak; elañe ladrik, <sup>1</sup>komin mōn e; a elañe ledrik, en mour wōt. **17** A ro dri keit <sup>2</sup>rar mijōk Anij, im rar jab kōmōn einwōt kiñ in Ijijpt e ar jirōñ ir, a rar kejjarok ladrik rōn bwe ren mour. **18** Im kiñ in Ijijpt e ar kirtok ro dri keit, im e ar ba nōn ir, Etke kom ar kōmōn men in, im kejjarok ladrik rōn bwe ren mour? **19** Im ro dri keit rar uak Pero, Kin ke kōra rōn dri Hibru re jab einwōt kōra rōn dri Ijijpt; bwe re ejmour im keutak mokta jen an dri keit ilok nōn ibeir. **20** Im Anij e ar kejjerrammōn ro dri keit: im armij ro rar orlok, im kanuij kajurlok. **21** Im ber inem, kin an ro dri keit mijōk Anij, E ar kōmōn nōn ir mo ko imweir. **22** Im Pero e ar jiroñ ro dron otemjej, im ba, Jabrewōt ladrik e lotak, kom naj jolok e na ilo river eo, im jabrewōt ledrik kom naj kejjarok e bwe en mour.

**2** Im juōn eman jen bwijin Livai e ar ilen bōk juōn kōra nejin Livai bwe en belen. **2** Im kōra eo e ar etta, im keutak nejin ladrik: im ke e ar lo <sup>3</sup>bwe e wulio, e ar noje iomin jilu aliñ. **3** Im ke e ban noje wōt, inem e ar bōk nōn e juōn iep kōmōn jen ujoj, im e ar unioi e kin bitumen im bwil; im e ar kababu niñniñ eo iloan, im likit e i bwiljin koba ko iturin river eo. **4** Im <sup>4</sup>ledrik eo jein e ar jutōk etolak, bwe en jela ta eo e naj walok nōn e. **5** Im lio nejin Pero e ar wōnl̄llok nōn river eo bwe en tutu; im jiroñ ro, dri korijeran lio, rar etetal iturin river eo; im lio e ar lo dipdip eo i bwiljin koba ko, im e ar jilkinlok juōn korijeran kōra bwe en bōktok e. **6** Im e ar kablok e im lo niñniñ eo: im lo, niñniñ eo e jōñ. Im e ar tiriamokake, im ba, Eñin

<sup>1</sup> Jen. 46. 8-27. <sup>2</sup> Jen. 50. 26. <sup>3</sup> 1 Kiñ 9. 19. <sup>4</sup> Jen. 15. 13.

<sup>1</sup> Jerb. 7. 19. <sup>2</sup> eon 21. <sup>3</sup> Hib. 11. 23. <sup>4</sup> Jap. 15. 20.

juõn ian ro nejin dri Hibru. 7 Inem ledrik eo jein e ar ba ñõn lio nejin Pero, In ilen kirtok ñõn kwe juõn dri kaninnin ian kõra ro dri Hibru, bwe en kakajiririk e ñõn kwe ke? 8 Im lio nejin Pero e ar ba ñõn e, Kwon ilok. Inem jiroñ eo e ar ilem kirtok jinen niñniñ eo. 9 Im lio nejin Pero e ar ba ñõn e, Kwon bõklok niñniñ eo im kakajiririk e ñõn ña, im I naj lewoj wõnam. Im kõra eo e ar bõk niñniñ eo, im kakajiririk e. 10 Im ladrik eo e ar ridtolok, inem e ar bõklok e ñõn lio nejin Pero, im ej nejin. Im e ar naetan Moses, im ba, Kin ke I ar bõk e jen dren.

11 Im ilo ran ko ke Moses e <sup>1</sup>ridto, e ar ilok ñõn iben ro jein im jätin, im lale <sup>2</sup>inek ko air: im e ar lo juõn dri Ijpt ke ej mõn juõn dri Hibru, juõn ian ro jein im jätin. 12 Im e ar reito reitõk, im ke e ar lo ejelok armij, e ar mõn dri Ijpt eo, im noj e ilo bok. 13 Im ran eo ken ka ruo e ar drioijlok, im lo, ruo eman ian ro dri Hibru rej iri iben dron: im e ar ba ñõn eo e ar kõmõn nana ñõn eo juõn, Etke kwoj mõn eo dri turum? 14 Im e ar ba, Wõn e ar likit yuk iroijs im dri ekajet iom? kwoj lemnok in mõn iõ einwõt kwar mõn dri Ijpt eo ke? Im Moses e mijõk, im e ar ba, Emol, re jela men in. 15 Inem ke Pero e ar roñjake men in, e ar bukot bwe en mõn Moses. A Moses e ar ko jen mejen Pero, im e ar jokwe i enen Midian: im e ar jijõt iturin juõn aibij.

16 Im jiljilimjuõn kõra nejin pris in Midian: im rar iten itõk, im rar kalõñ jabi ko bwe ren kairak bwijin jip an jemeir. 17 Im sheperd rõn rar iten kokõk ir; a Moses e ar jutõk im jibõñ ir, im kairak bwijin jip ko air. 18 Im ke rar itok ñõn iben <sup>3</sup>Reuel, jemeir, e ar ba, Etke kom nafin mõkõjtok ranin? 19 Im rar ba, Juõn dri Ijpt e ar kötlok kim jen pein sheperd rõn, im bareinwõt e ar itõk im kairak bwijin jip ko. 20 Im e ar ba ñõn limaro nejin, Ej ber ia? etke kom ar likit armij eo? komin

kirtok e bwe en mõña bred. 21 Im Moses e ar jokõne im jokwe iben armij eo: im e ar lelok ñõn e Zippora nejin kõra. 22 Im lio e ar keutak nejin eman, im e ar naetan Gershom; bwe e ar ba, I ar juõn dri itoitõk ilo ene, im drua maijet ie.

23 Im ilokõn elõñ ran kiñ in Ijpt e ar mij: inem ro nejin Israel rar <sup>1</sup>nirñir kin air dri kamakoko, im rar lamij, im ainikeir e ar wõnliñlok ñõn iben Anij kin air jerbalelap. 24 Im Anij e ar roñjake air enir, im Anij e ar kememaj bujen eo An iben Ebrean, iben Aisak, im iben Jakob. 25 Im Anij e ar lo ro nejin Israel: im Anij e ar jela kin ir.

**3** Im Moses e ar lale bwijin jip an Jetro, jemen lio, pris in Midian: im tellok bwij eo ñõn ilikin ene jemaren, im e ar itok ñõn tol in Anij, ñõn Horeb. 2 Im enjel õn Jeova e ar weaktok ñõn e ilo urur in kijeek, jen bwiljin juõn wijki etã: im e ar kalimjek e, im lo, wijki eo e ar urur kin kijeek, im wijki eo e ar jab bwil. 3 Im Moses e ar ba, <sup>2</sup>I naj jeõr kiõ, im aluij men in bwilõñ in elap, etke wijki eo e jab bwil. 4 Im ke Jeova e ar lo an jeõr bwe en aluij, Anij e ar kir ñõn e jen bwiljin wijki eo, im E ar [ba, Moses, Moses. Im e ar ba, Ña e. 5 Im E ar ba, Kwon jab druktok: kwon wutik juj ko jen neõm, bwe jikin ne kwoj jutõk ie, brij e kwojarjar. 6 Bareinwõt E ar ba, Ña Anij an jemõm, Anij an Ebrean, Anij an Aisak, im Anij an Jakob. Im Moses e ar noj turin mejen; bwe ej leñõñ in lo Anij. 7 Im Jeova e ar ba, Emol I ar lo inñan an ro droõ rej ber i Ijpt, im I ar roñjake air lamij kin ro rej kejerbal ir; bwe I jela buromõj ko air; 8 im emwij aõ wõnlõltok bwe In lomor ir jen pein ro dri Ijpt, im bwe In añinlok ir jen eneo ñõn juõn ene emõn im e rãbõkbõk, ñõn juõn ene e bwijliplip kin milk im hõnni; ñõn jikin dri Kenean, im dri Het, im dri Amor, im dri Periz, im dri Hiv, im dri Jibus. 9 Im kiõ, eo, lamij an ro nejin Israel e ar wõn-

<sup>1</sup> Jerb. 7. 23. <sup>2</sup> Jap. 1. 11. <sup>3</sup> Jap. 3. 1.

<sup>1</sup> Jap. 6. 5. <sup>2</sup> Jerb. 7. 31

liñtok nōn iba: bareinwōt I ar lo jeral eo ro dri Ijpt rej kebiop ir kake. 10 Inem kwon itok, im I naj jilkinlok yuk nōn iben Pero, bwe kwon<sup>1</sup> ānīnlok ro droō, ro nejin Israel jen iloan Ijpt. 11 Im Moses e ar ba nōn Anij, <sup>2</sup>Wōn nā, bwe in ilok nōn iben Pero, im bwe in ānīnlok ro nejin Israel jen Ijpt? 12 Im E ar ba, Emol<sup>3</sup> I naj ber ibōm; im men in e naj kakōle nōn kwe bwe I ar jilkinlok yuk: nē emwij am ānīntok armij rōn jen Ijpt, kom naj korijer nōn Anij ilo tol in.

13 Im Moses e ar ba nōn Anij, Lo, nē I naj ilok nōn iben ro nejin Israel, im naj ba nōn ir, Anij an ro jimami E ar jilkinwoj iō nōn kom; im re naj ba nōn iō, At ōt etan? ta eo I naj ba nōn ir? 14 Im Anij e ar ba nōn Moses, Nā Eo, Nā E, im E ar ba, Ein drein am naj ba nōn ro nejin Israel, Nā E, Eo e ar jilkinwoj iō nōn kom. 15 Im Anij e ar bareinwōt ba nōn Moses, Ein drein am naj ba nōn ro nejin Israel, Jeova, Anij an ro jimami, Anij an Ebrean, Anij an Aisak, im Anij an Jakob E ar jilkinwoj iō nōn kom: eñin eta nōn in drio, im eñin Aō men in kememej nōn ebeben otemjej. 16 Kwon ilem kokweloktok ridto ro an Israel, im kwon ba nōn ir, Jeova, Anij an ro jimami, Anij an Ebrean, an Aisak, im an Jakob, E ar weaktok nōn iō, im ba, Emol I ar lowoj kom, im lo men ko emwij kōmōne nōn kom i Ijpt: 17 im<sup>4</sup> I ar ba, I naj bōkliñtok kom jen iñtan in Ijpt, nōn enen dri Kenean, im dri Het, im dri Amor, im dri Periz, im dri Hiv, im dri Jibus, nōn juōn ene e bwijliplip kin milk im hōnni. 18 Im<sup>5</sup> re naj eoroñ ainikiōm: im<sup>6</sup> kwo naj ilok, kwe im ridto ro an Israel nōn kiñ in Ijpt, im kom naj ba nōne, Jeova, Anij an ro dri Hibru, E ar wōnmae kim: im kiō, kimij kajitōk ibōm, kwon kōtlok kim bwe kimin ilok ilo ene jemaren joñon jiluran, bwe kimin kabuñ nōn Jeova am Anij. 19 Ak I jela bwe kiñ in Ijpt

e<sup>1</sup> jamin kōtlok kom; jab, kin jabrewōt pā e kajur. 20 Im I naj kōtellok peiō, im dreñlokwe Ijpt kin men in bwilōn ko Aō otemjej, ko I naj kōmōne ilujen: im<sup>2</sup> tokelik e naj kōtlok kom. 21 Im I naj lelok nōn armij rein joi j iman mejen ro dri Ijpt: im e naj walok, bwe, nē komij ilok, kom jamin ilok im lemōjor: 22 a jabrewōt kōra e naj<sup>3</sup> kajitōk iben dri turin, im iben eo ej ber ilo mweo imōn, inōk silver, im inōk gold, im nuknuk ko: im kom naj likiti ion ro nejimi man, im ion ro nejimi kōra; im kom naj rakimi ro dri Ijpt.

4 Im Moses e ar uak im ba, A, lo, re jamin tōmak iō, ak<sup>4</sup> eoroñ ainikiō: bwe re naj ba, Jeova e ar jab weaktok nōn yuk. 2 Im Jeova e ar ba nōn e, Ta ne ilo peōm? Im e ar ba, Juōn alal. 3 Im E ar ba, Kwon jolok e na ion brij. Im E ar jolok e ion brij, im e ar<sup>5</sup> erom serpent; im Moses e ar ko jen e. 4 Im Jeova e ar ba nōn Moses, Kwon kōtellok peōm im jibwe lokōn, (im e ar kōtellok pein im jibwe, im e ar erom alal ilo pein); 5 bwe ren tōmak bwe Jeova, Anij an ro jimair, Anij an Ebrean, Anij an Aisak, im Anij an Jakob, E ar weaktok nōn yuk. 6 Im Jeova e ar bareinwōt ba nōn e, Kwon likit peōm na ilo ubōm. Im e ar likit pein i ubōn: im ke e ar bōk e, lo, pein ej einwōt sno kin<sup>6</sup> nañinmij in leper. 7 Im E ar ba, Kwon bar likit peōm na i ubōm. (Im e ar bar likit pein i ubōn; im ke e ar bōk e jen ubōn, lo, e ar<sup>7</sup> erom einwōt kōniek eo juōn). 8 Inem e naj ein drein, elañe re jab kōnan roñjake yuk ak eoroñ ainiken kakōle eo mokta, re naj tōmak ainiken kakōle eo ilik. 9 Im e naj ein drein, elañe re jab kōnan tōmak kakōle eo ken ka ruo, im jamin eoroñ ainikiōm, kwo naj itōk jen river eo im lutōk e ion brij emōra: inem dren eo kwoj bōk jen river eo, e naj<sup>8</sup> erom bōtōktōk ion ene emōra.

10 Im Moses e ar ba nōn Jeova, O, Iroj, I jab melak, jab mokta, ak kiō

<sup>1</sup> Jap. 12. 41. <sup>2</sup> Jap. 4. 10. <sup>3</sup> Jap. 4. 12. <sup>4</sup> Jen. 15. 13-21. <sup>5</sup> Jap. 4. 31. <sup>6</sup> Jap. 5. 1.

<sup>1</sup> Jap. 5. 2. <sup>2</sup> Jap. 11. 1. <sup>3</sup> Jap. 11. 2. 3. <sup>4</sup> Jap. 3. 18. <sup>5</sup> Jap. 7. 10-12. <sup>6</sup> Bwin. 12. 10. <sup>7</sup> Matu 8. 3. <sup>8</sup> Jap. 7. 19.



mwijin Am konono ñõn iõ korijerõm; bwe e rumij aõ konono, im e rumij loõ. 11 Im Jeova e ar ba ñõn e, <sup>1</sup>Wõn E ar kõmõnmõn loñin armij? ak wõn Ej kõmõn armij bwe en ban konono ak roñjamõn ak bilo? E jab Ña, Jeova ke? 12 Inem kiõ, kwon ilok, im I naj ilo loñõm, im <sup>2</sup>naj kakin yuk ta eo kwo naj ba. 13 Im e ar ba, O, Iroj, ij akwelap, Kwon jilkinlok kin pein eo Kwo naj jilkinlok kake. 14 Im illu an Jeova e ar bwil nae Moses, im E ar ba, Aron, dri Livai e jab jeõm ke? I jela bwe e maroñ in konono emõn. Im bareinwõt, ej iten <sup>3</sup>ion yuk: im ñe ej lo yuk, e naj mõnõnõ ilo buruen. 15 Im kwo naj konono ñõn e, im likit nan ko i loñin: im I naj ber ilo loñõm im ilo loñin, im I naj kakin komro ta eo kom naj kõmõne. 16 Im e naj am dri konono ñõn armij rõn; im ber inem, e naj ñõn kwe einwõt loñõm, im kwo naj ñõn e einwõt Anij. 17 Im kwo naj bõk ilo peõm jokwõn in, im kin jokwõn eo kwo naj kõmõn kake ko.

18 Im Moses e ar ilok <sup>4</sup>Im jeblak ñõn iben Jetro, <sup>4</sup>jemen lio, im e ar ba ñõn e, Kwon kötlok iõ, ij kajitõk ibõm, bwe in jeblak ñõn iben ro jeiõ im jatiõ rej ber i Ijipt, im lo elañe rej mour wõt. Im Jetro e ar ba ñõn e, Kwon ilok ilo ainemõn. 19 Im Jeova e ar ba ñõn Moses i Midian, Kwon ilok im jeblak ñõn Ijipt, bwe re mij armij otemjej rar kõnan bõk am mour. 20 Im Moses e ar bõk lio belen im ro <sup>5</sup>nejin man, im likit ir ion juõn ass, im e ar jeblak ñõn enen Ijipt: im Moses e ar bõk jokwõnõn Anij ilo pein. 21 Im Jeova e ar ba ñõn Moses, Ñe kwoj jeblak ñõn Ijipt, kwon lale men in bwilõn ko otemjej I ar likit ilo peõm in kõmõni iman Pero: a I naj kabin buruen inem e jamin kötlok armij rõn. 22 Im kwo naj ba ñõn Pero, Ein drein Jeova ej ba, Israel nejiõ man, aet manjiõ: 23 im I ar ba ñõn yuk, <sup>6</sup>Kwon kötlok nejiõ man bwe en korijer ñõn Iõ, im kwoj

abwin kötlok e: lo, I naj <sup>1</sup>mõn nejiõ man, manjiõm. 24 Im ilo ial, ilo jikin jiboñõn, Jeova e ar ion e, im bukot bwe En mõn e. 25 Inem Zippora e ar bõk juõn jån, im bukwelok kilin man jen ladrik eo nejin, im jolok e na iturin neen, im e ar ba, Emol kwe leo beliõ e bõtõktõk ñõn iõ. 26 Ein drein e ar likit e mõke ian. Inem lio e ar ba, Kwe leo beliõ e bõtõktõk, kin mijmij eo.

27 Im Jeova e ar ba ñõn Aron, Kwon ilok ñõn ene jemaren im wõnmae Moses. Inem e ar ilok im ion e ilo tol in Anij, im mejenmaik e. 28 Im Moses e ar kennanek Aron nan ko otemjej an Jeova, nan ko E ar jilkinlok e kake, im kakõle otemjej E ar jiroñ e kake. 29 Im Moses im Aron rar ilok im kokweloklok ridto ro otemjej an ro nejin Israel: 30 im Aron e ar kwalok nan otemjej Jeova e ar konono ñõn Moses, im e ar kõmõn kakõle ko iman mejen armij rõn. 31 Im armij rõn <sup>2</sup>rar tõmak: im ke rar roñ kin an Jeova lolok ro nejin Israel, im bwe E ar lo air iñtan, inem rar barikrik im kabuñ.

5 Im tokelik Moses im Aron rar itok, im ba ñõn Pero, <sup>2</sup>Ein drein Jeova, Anij in Israel, ej ba, Kwon kötlok ro droõ, bwe ren kõmõn juõn kwojkwoj ñõn Iõ ilo ene jemaren. 2 Im Pero e ar ba, Wõn Jeova, bwe in eoroñ ainiken im kötlok dri Israel? I jaje Jeova, im bareinwõt I jamin kötlok Israel. 3 Im rar ba, <sup>2</sup>Anij an ro dri Hibru E ar ion kimro: kwon kötlok kim, ij akwelap ñõn yuk, bwe kimin etallok joñõn jilu ran ñõn ene jemaren, im katok ñõn Jeova, amuij Anij, ñe ab buñ iom kin nañinmij ak jaji. 4 Im kiñ in Ijipt e ar ba ñõn irro, Etke komro, Moses im Aron, komij kötlok armij rõn jen jermal ko air? komin ilok ñõn <sup>3</sup>jermal ko ami. 5 Im Pero e ar ba, Lo, armij ro relõñ i enin kiõ, im komro kõmõn bwe ren kakije jen jermal ko air. 6 Im ran eo wõt Pero e ar jiroñ ro iroj in jermal an armij rõn, im ro dri kabwijrõk, im e ar ba, 7 Komin jab bar le-

<sup>1</sup> Matu 11. 6. <sup>2</sup> Matu 10. 19. <sup>3</sup> eon 27. <sup>4</sup> jap. 2. 21. <sup>5</sup> jap. 13. 2. 4. <sup>6</sup> jap. 5. 1.

<sup>1</sup> jap. 12. 29. <sup>2</sup> jap. 3. 18. <sup>3</sup> jap. 1. 11.

lok kån emõra ñõn armij rõn, ken kãmõnmõn brik ko, einwõt mokta: ren ilok im aini kån ñõn ir mõke. 8 Im kwonair oran brik ko rar kãmõn mokta, komin likit ñõn ir; komin jab keitlok e, bwe <sup>1</sup>re jowõn; inem rej lamij im ba, Kwon kõtlok kim bwe kimin katok ñõn amuij Anij. 9 Ren likit ioir jerbak errolok, bwe ren jerbak kake; im ren jab liki nan ko nan in riõp.

10 Im ro iroijs in jerbak an armij rõn rar drioijslok, im ro dri kabwij-rõk, im rar konono ñõn armij rõn, im ba, Ein drein Pero ej ba, I jamin lewoj kån emõra ñõn kom. 11 Komin ilok, komin bukot kån emõra ijoko jabrewõt kom maroñ in loe; a re jamin kariklok ñõn jirik ami jerbak. 12 Ein drein armij rõn rar jibliklok ilo aolepen enen Ijpt, bwe ren ae jabuõn kån, bwe en binejjenkwõn kån emõra. 13 Im ro iroijs in jerbak rar bikbikir ir, im ba, Komin kamwijlok jerbak ko ami, men otemjej einwõt ke e kar or kån emõra. 14 Im rar dreflokwe ro dri jibõn ir, ian ro nejin Israel, ro iroijs in jerbak an Pero rar likit ioir, im rar kajitõk ibeir, Etke kom ar jab kamwijlok jerbak ko ami inne kab ranin, ilo ami kãmõnmõn brik einwõt ko mokta?

15 Inem ro dri jibõn ir ian ro nejin Israel rar itok im koo ñõn Pero, im ba, Etke kwoj kãmõn einwõt ñõn kim dri korijerõm? 16 Rej lelok ñõn kim ejelok kån emõra, im re ba ñõn kim, Komin kãmõn brik ko: im lo, rej dreñlokwe kim dri korijerõm: a ro drom wõt eor rueur. 17 A ej ba, Kom jowõn, kom jowõn: inem komij ba, Kwon kõtlok kim bwe kimin katok ñõn Jeova. 18 Inem komin ilok, im jerbak; bwe re jamin lewoj kån emõra ñõn kom, a kom naj letok oran brik ko. 19 Inem ro dri jibõn ian ro nejin Israel, rar lo bwe e nana air ber, ke emwij an ba ñõn ir, Komin jab keitlok oran ami brik ko, ilo ran otemjej. 20 Inem ro dri jibõn rar ion Moses im Aron, ke rar jutõk ilo ial, ke rar drioijslok jen

iben Pero: 21 im rar ba ñõn irro, Jeova en lale komro im ekajet; bwe komro ar kãmõn bwe kimin meo iben Pero, im iben ro dri korijeran, im likit juõn, jaji ilo peir bwe ren mõn kim.

22 Im Moses e ar jeblak ñõn iben Jeova, im ba, O Iroijs, etke Kwar kãmõn nana ñõn armij rein? etke Kwar jilkintok iõ? 23 Bwe jen ien eo I ar ilok ñõn iben Pero, bwe in konono ilo etõm, e ar kãmõn nana ñõn armij rein; im Kwe, Kwo jañin kõtlok ir ñõn jirik. 1 Im Jeova e ar ba ñõn **6** Moses, Kiõ kwo naj lo ta eo I naj kãmõn ñõn Pero: bwe kin pein e kajur e naj kõtlok ir, im kin pein e kajur e naj kadrioijslok ir jen enin an.

2 Im Anij e ar konono ñõn Moses, im E ar ba ñõn e, Na Jeova: 3 Im I ar weaklok ñõn Ebream, im ñõn Aisak, im ñõn Jakob, einwõt Anij e Kajur potata; a kin at in, Jeova, rar jab jela Ña. 4 Im I ar bareinwõt kabin Aõ bujen ibeir, im lelok ñõn ir enen Kean, eneo rar itoitõk ilujen. 5 Im bareinwõt, I ar roñjake ñirñir an ro nejin Israel, ro dri Ijpt rej drebij ir ilo kamakoko; im I ar kememej bujen eo Aõ. 6 Kin men in, kwon ba ñõn ro nejin Israel, Ña Jeova, <sup>1</sup>I naj kadrioijslok kom jen iomin inek ko an ro dri Ijpt, im I naj kõtlok kom jen air kamakokoik kom, im I naj wiaik kom kin peiõ erlok, im kin ekajet ko relap: 7 im I naj bõk kom ñõn iba, Aõ dri ailin, im I naj ami Anij; im kom naj jela bwe Ña Jeova amuij Anij, Eo ej kadrioijslok kom jen iomin inek ko an ro dri Ijpt. 8 Im I naj añintok kom ñõn eneo, I ar kwotõk peiõ kake bwe In lelok ñõn Ebream, im ñõn Aisak, im ñõn Jakob; im I naj <sup>2</sup>lewoj e ñõn kom juõn jolit: Ña Jeova. 9 Im ein drein an Moses konono ñõn ro nejin Israel: a rar jab eoroñ Moses kin an inñtan burueur im kin kamakoko e nana.

10 Im Jeova e ar konono ñõn Moses, im ba, 11 <sup>3</sup>Kwon dreloñlok, im konono ñõn Pero kin in Ijpt, bwe en kõtlok ro nejin Israel, bwe ren ilok

<sup>1</sup> eon 17.<sup>1</sup> Jap. 12. 61. <sup>2</sup> Josh. 24. 13. <sup>3</sup> Jap. 4. 22. 23.

jen eneo an. 12 Im Moses e ar konono iman mejen Jeova, im ba, Lo, ro nejin Israel rar jab eoroñ iō; inem ekijkan Pero en eoroñ iō, im tiō re jañin mijmij? 13 Im Jeova e ar konono ñõn Moses im Aron, im lelok ñõn ir nan in jiroñ ñõn ro nejin Israel, im ñõn Pero kiñ in Ijpt, bwe en kadrioijslok ro nejin Israel jen enen Ijpt.

14 Im rein jiōb ro an moko imõn ro jimair. Lõmaro nejin Ruben manjien Israel: Henok, im Pallu, Hezron, im Karmai; rein ro bwijin Ruben. 15 Im lõmaro nejin Simeon: Jemuel, im Jemin, im Ohad, im Jekin, im Zohar, im Shaul nejin juõn kõra dri Kenean; rein ro bwijin Simeon. 16 Im rein lõmaro nejin Livai ekar ñõn ebeben ko air: Gershon, im Kohat, im Mirerai; imr yiō ko an Livai mour jibuki jilñoul jiljilimjuõn yiō. 17 Lõmaro nejin Gershon: Libnai, im Shimeai, ekar ñõn ro nukir. 18 Im lõmaro nejin Kohat: Amram, im Izhar, im Hibron, im Uzzaiel; im yiō ko an Kohat mour jibuki jilñoul jilu yiō. 19 Im lõmaro nejin Mirerai: Malai im Mushai. Rein bwijin ro dri Livai, ekar ñõn ebeben ko air. 20 Im Amram e ar bõk Jokebed lio jätin jemen ñõn iben bwe en belen; im e ar keutak ñõn e Aron im Moses: im yiō ko an Amram mour jibuki jilñoul jiljilimjuõn yiō. 21 Im lõmaro nejin Izhar: Kora, im Nipeg, im Zikrai. 22 Im lõmaro nejin Uzzaiel: Mishael, im Elzapan, im Sitrai. 23 Im Aron e ar bõk ñõn e belen Ilisheba, nejin Aminadab, jätin Nashon; im e ar keutak ñõn e Nedab im Ebaihu, Iliezar im Itamar. 24 Im lõmaro nejin Kora: Assir, im Elkena, im Abaiesap; rein ro bwijin ro dri Kora. 25 Im Iliezar nejin Aron e ar bõk ñõn e juõn ian limaro nejin Putiel, bwe en belen; im e ar keutak ñõn e Pinehas. Rein jiōb ro an moko imõn ro jimair, ro dri Livai, ekar ñõn ro nukir. 26 Ir rein, Aron im Moses, ro Jeova e ar ba ñõn ir, Komin añinlok ro nejin Israel jen enen Ijpt, ekar ñõn jañlipju ko air. 27 Ir rein ro rar konono ñõn

Pero kiñ in Ijpt, bwe en kadrioijslok ro nejin Israel jen Ijpt: rein ro Moses im Aron.

28 Im ilo ran eo ke Jeova e ar konono ñõn Moses ilo enen Ijpt, 29 Jeova e ar konono ñõn Moses, im ba, Ña Jeova: kwon konono ñõn Pero kiñ in Ijpt, aolepen nan I naj ba ñõn yuk. 30 Im Moses e ar ba, Lo, tiō tien dri jab mijmij, inem ekijkan na 7 Pero naj eoroñ iō? 1 Im Jeova e ar ba ñõn Moses, Lo, I ar kõmõn yuk einwõt Anij ñõn Pero; im Aron jeõm e naj am dri kanan. 2 Kwo naj konono men otemjej Ij jiroñ yuk kake; im Aron, jeõm, e naj ba ñõn Pero bwe en kõtlok ro nejin Israel jen eneo an. 3 Im I naj kabin buruen Pero, im korlok kakõle ko Aõ, im men in bwilõn ko Aõ ilo Ijpt. 4 A<sup>2</sup> Pero e jamin eoroñ komro, im I naj likit peiõ ion Ijpt, im I naj<sup>3</sup> kadrioijs jañlipju eo Aõ, ro droõ, ro nejin Israel, jen enen Ijpt kin ekajet ko relap. 5 Im ro dri Ijpt re naj jela bwe Ña Jeova, ñe I naj erlokwe peiõ ion Ijpt, im kadrioijslok ro nejin Israel jen ilo bwiljir. 6 Im ein drein an Moses im Aron kõmõn; einwõt Jeova e ar jiroñ ir, ein drein air kõmõne. 7 Im ridtõn Moses<sup>4</sup> drualitõkñoul yiō, im ridtõn Aron drualitõkñoul jilu yiō ke rar konono ñõn Pero.

8 Im Jeova e ar konono ñõn Moses im ñõn Aron, im ba, 9 Ñe Pero ej konono ñõn kom, im ba, Komin kwalok juõn men in bwilõn jen komro; kwo naj ba ñõn Aron, Kwon bõk jokwõnõm im jolok e na iman Pero, bwe en erom juõn serpent. 10 Im Moses im Aron rar dreloñlok ñõn iben Pero, im ein drein air kõmõn, einwõt Jeova e ar jiroñ ir: im Aron e ar jolõllok jokwõnõn iman Pero, kab iman ro dri korijeran, im e ar erom juõn serpent. 11 Inem Pero e ar kirtok ro dri meletlet, im ro dri marmir: im bar-einwõt, ro dri marmir in Ijpt,<sup>5</sup> ein drein air kõmõn kin air jermal ko retino. 12 Bwe jabrewõt iair, rar jolõllok jokwõnair, im rar erom ser-

<sup>1</sup> Jap. 4. 21. <sup>2</sup> Jap. 3. 19. <sup>3</sup> Jap. 12. 51. <sup>4</sup> Dut 24. 7.

<sup>5</sup> 2 Tim. 3. 8, 9.

pent ko : a jokwōnōn Aron e ar wo-rōñlok jokwōn ko air. 13 Im buruen Pero e binlok, im e ar <sup>1</sup>jab eoroñ ir-ro; einwōt Jeova e ar ba.

14 Im Jeova e ar ba nōn Moses, Buruen Pero ebin, ej abwin kōtlok armij rōn. 15 Kwon ilok nōn iben Pero ñe ejiboñ; lo, <sup>2</sup>ej drioijlok nōn dren eo; im kwo naj bōk jokwōn eo e ar erom serpent ilo peōm. 16 Im kwo naj ba nōn e, Jeova, Anij an ro dri Hibru, e ar jilkinwoj iō, im E ba, Kwon kōtlok ro droō, bwe ren korijer nōn lō ilo ene jemaren: im lo, nōn ien in kwo jañin eoroñ Iō. 17 Ein drein Jeova ej ba, <sup>3</sup>Ilo men in kwo naj jela bwe Na Jeova: lo, kin jokwōn eo ilo peiō I naj dreñlokwe dren ko ilo river, im re naj erom bō-tōktōk. 18 Im iik ko ilo river, re naj mij, im river eo e naj buol; im ro dri Ijpt re naj drike in irak dren in river eo. 19 Im Jeova e ar ba nōn Moses, kwon ba nōn Aron, Kwon bōk jokwōnōm, im erlokwe peōm ilōñin dren ko in Ijpt, ilōñin river ko air, im ilōñin tor ko air, im ilōñin lwe ko air, im ilōñin aolepen lomalo ko air, bwe ren erom bōtōktōk; im e naj or bōtōktōk ilo aolepen enen Ijpt, ilo jābi alal ko im ilo jābi dreka ko.

20 Im ein drein an Moses im Aron kōmōn, einwōt Jeova e ar jiroñ ir, im e ar kwotōke jokwōn eo, im dreñlokwe dren ko rar ber ilo river eo, iman mejen Pero, im imam mejen ro korijeran; im <sup>4</sup>dren ko otemjej ilo river rar erom bōtōktōk. 21 Im iik ko rar ber ilo river eo rar mij; im river eo e buol, im ro dri Ijpt re ban irak dren jen river eo; im bōtōktōk eo e ar ber ilo aolepen Ijpt. 22 Im <sup>5</sup>ro dri marmir, ein drein air kōmōn kin anijnij ko air: inem buruen Pero e binlok, im e jab eoroñ ir; einwōt Jeova e ar ba. 23 Im Pero e ar ok-tōk im dreloñ iloan mweo imōn, im e ar jab kajime buruen kin men in. 24 Im ro dri Ijpt otemjej rar kōbij iturin river eo, bwe ren bukot dren in irak; bwe re ban irak dren jen

river eo. 25 Im e jejit jiljilimjuōn ran, elikin an Jeova dreñlokwe river eo.

8 Im Jeova e ar ba nōn Moses, Kwon ilok nōn iben Pero, im ba nōn e, Ein drein Jeova ej ba, <sup>1</sup>Kwon kōtlok ro droō, bwe ren korijer nōn Iō. 2 Im elañe kwoj abwin kōtlok ir, I naj mōn aolepen eneo am kin frog ko: 3 im river eo e naj keutak elōñ frog, im re naj wōnliñlok im dreloñ ilo mweo imōm, im iloan rum in kiki eo am, im ion aowej eo am, im iloan moko imōn ro dri korijerōm, im ion armij ro drom, im iloan um ko am, im iloan jābi in iōk ko am: 4 im frog ko re naj uweliñlok iom, im ion armij ro drom, im ion ro dri korijerōm otemjej. 5 Im Jeova e ar ba nōn Moses, Kwon ba nōn Aron, Kwon <sup>2</sup>kajere jokwōnōm im erlokwe peōm ilōñin river ko, im ilōñin tor ko, im ilōñin lwe ko, im bōkliñlok frog ko ion enen Ijpt. 6 Im Aron e ar erlokwe pein ilōñin dren ko in Ijpt; im frog ko rar wōnliñtok im kalibubu enen Ijpt. 7 Im ro dri marmir rar kōmōn ein drein kin anijnij ko air, im bōkliñlok frog ko ion enen Ijpt.

8 Inem Pero e ar kirtok Moses im Aron, im ba, Kwon akwelap nōn Jeova bwe En bōklok frog ko, jen ña im jen armij ro droō, inem <sup>3</sup>I naj kōtlok armij rōn bwe ren katok nōn Jeova. 9 Im Moses e ar ba nōn Pero, Kwon kwalok nōn iō, ñāt I naj akwelap kin kwe, im kin ro dri korijerōm, im kin armij ro drom, bwe en joko frog ko jen kwe im jen moko imōm, im ren ber ilo river eo wōt? 10 Im e ar ba, Ilju. Im e ar ba, En einwōt am in nan; bwe kwon jela bwe <sup>4</sup>eje-lok einwōt Jeova, amuij Anij. 11 Im frog ko re naj ilok jen kwe, im jen moko imōm, im jen ro dri korijerōm, im jen armij ro drom; im re naj ber ilo river eo wōt. 12 Im Moses im Aron rar drioijlok jen iben Pero: im Moses e ar kir nōn Jeova kin frog ko E kar bōktok ion Pero. 13 Im Jeova e ar kōmōn einwōt nan an Moses; im frog ko rar mij jen iloan

<sup>1</sup> eon 4. <sup>2</sup> Jap. 2. 5. 8. 20. <sup>3</sup> Jap. 10. 2. <sup>4</sup> Sam 78. 44. <sup>5</sup> eon 11: Jap. 8. 7.

<sup>1</sup> Jap. 4. 25. <sup>2</sup> Jap. 7. 19. <sup>3</sup> eon 15. 29. <sup>4</sup> Jap. 9. 16.

moko, jen ilo worwor ko, im jen jikin kallip ko. 14 Im rar ainitok ilo ejoj ko; im e buol eneo. 15 A ke Pero e ar lo bwe eor unin kōtar, e ar kabin buruen, im e ar jab eoroñ irro, einwōt Jeova e ar ba.

16 Im Jeova e ar ba nōn Moses, Kwon ba nōn Aron, Kwon erlokwe jokwōnōm, im dreñlokwe bōñōñōl in ene, bwe en erom kij ko ilujen aolepen enen Ijpt. 17 Im ein drein e ar kōmōn; im Aron e ar kapjere jokwōnōn im erlokwe pein, im e ar dreñlokwe bōñōñōl in ene, im eor <sup>1</sup>kij ion armij, im ion kiru ko; aolepen bōñōñōl in ene e ar erom kij ko ilo aolepen enen Ijpt. 18 Im ro dri marmir rar kōmōn einwōt kin air jermal ko retino, bwe ren bōktok kij ion armij im ion kiru ko, a <sup>2</sup>re bane: im eor kij ion armij im ion kiru ko. 19 Inem ro dri marmir rar ba nōn Pero, <sup>3</sup>Eñin ar-rin Anij: im buruen Pero e binlok, im e ar jab eoroñ irro: einwōt Jeova e ar ba.

20 Im Jeova e ar ba nōn Moses, En jiboñ wōt am jerkak, im jutōk iman Pero; lo, ej drioiytok nōn dren eo; im kwon ba nōn e, Ein drein Jeova ej ba, Kwon kōtlok armij ro droō, bwe ren korijer nōn Iō. 21 Ein drein, elañe kwo jab kōtlok armij ro droō, lo, I naj jilkinwoj bwijin loñ iom, im ion ro dri korijerōm, im ion armij ro drom, im ilo moko imōm; im moko imōn ro dri Ijpt re naj obrōk kin bwijin loñ ko, im bareinwōt brij eo rej ber ion. 22 Im ilo ran eo I naj <sup>4</sup>kejenolok enen Goshen, ijo armij ro droō rej jokwe ie, bwe en ejelok bwijin loñ ie; bwe kwon jela bwe Ña Jeova, ilo aolepen Iōl. 23 Im I naj kejenolok armij ro droō jen armij ro drom: bwe ilju e naj walok kakōle in. 24 Im Jeova e ar kōmōn ein drein; im rar itok bwijin loñ ko re nana nōn iloan imōn Pero, im iloan imōn ro dri korijeran: im ilo aolepen Ijpt e <sup>5</sup>jorran ene kin bwijin loñ ko.

25 Im Pero e ar <sup>6</sup>kir nōn Moses im nōn Aron, im ba, <sup>7</sup>Komin ilok, im ka-

tok nōn ami Anij ilo enin. 26 Im Moses e ar ba, E jab melim amuij kōmōn einwōt; bwe kim naj katok kin men in jōjōik an ro dri Ijpt nōn Jeova amuij Anij: lo, kim naj katok kin men in jōjōik an ro dri Ijpt iman mejeir, im re jamin kare kim kin dreka ke? 27 Kim naj ilok <sup>1</sup>jōñon jilu ran ilo ene jemaren, im katok nōn Jeova amuij Anij einwōt E naj jiroñ kim. 28 Im Pero e ar ba, <sup>2</sup>I naj kōtlok kom, bwe komin katok nōn Jeova ami Anij ilo ene jemaren; a komin jab ilok etolak: komin akwelap kin ña. 29 Im Moses e ar ba, Lo, ij drioiylok jen ibōm, im I naj akwelap nōn Jeova bwe bwijin loñ ko ren ilok jen iben Pero, im jen ro dri korijeran, im jen armij ro dron, ilju: a Pero en jab bar jela mon kin an jab kōtlok armij rōn bwe ren katok nōn Jeova. 30 Im Moses e ar drioiylok jen iben Pero, im akwelap nōn Jeova. 31 Im Jeova e ar kōmōn einwōt nan an Moses; im E ar bōk bwijin loñ jen iben Pero, im jen iben ro dri korijeran, im jen armij ro dron; ejelok juōn ej berwōt. 32 Im Pero e ar kabin buruen ien in bareinwōt, im e ar jab kōtlok armij rōn.

9 Inem Jeova e ar ba nōn Moses, Kwon dreloñlok nōn iben Pero, im kennanek e, Ein drein Jeova, Anij an ro dri Hibru, Ej ba, <sup>3</sup>Kwon kōtlok armij ro droō bwe ren korijer nōn Iō. 2 Bwe elañe kwoj abwin kōtlok ir, im kwoj drebij ir wōt, 3 lo, pein Jeova e naj ber ion kiru ko am ilo melaj, im ion ors ko, im ion ass ko, im ion kamel ko, im ion bwijin kau ko, im ion bwijin jip ko: e naj juōn naninmij e nana etan mōrren. 4 Im Jeova e naj <sup>4</sup>kejenolok ian kiru ko an ro dri Israel jen kiru ko an dri Ijpt; im e naj ejelok en e mij ian men otemjej an ro nejin Israel. 5 Im Jeova e ar likit juōn ien, im ba, Ilju Jeova e naj kōmōn men in ilo eneom. 6 Im Jeova e ar kōmōn men eo ke ilju; im kiru ko otemjej in Ijpt rar mij; a ian kiru ko an dri Israel, ejelok juōn e mij. 7 Im Pero e ar

<sup>1</sup> Sam 106. 31. <sup>2</sup> eon 7: Jap. 9. 11. <sup>3</sup> Jap. 7. 5. <sup>4</sup> Jap. 9. 4. 6. 23. <sup>5</sup> Sam 78. 45. <sup>6</sup> Jap. 8. 8. <sup>7</sup> Jap. 9. 28.

<sup>1</sup> Jap. 3. 18. <sup>2</sup> eon 8. 15. 32. <sup>3</sup> Jap. 4. 23. <sup>4</sup> Jap. 8. 22.

jiliklok, im lo, ejelok juõn ian kiru ko an ro dri Israel e ar mij. A buruen Pero e bin wõt, im e ar jab kötlok armij rõn.

8 Im Jeova e ar ba ñõn Moses im Aron, Komin roklip ñõn kom brij in ubaj, im Moses en jeorliñlok e iman mejen Pero. 9 Im e naj erom bõñõl-ñõl iloñin aolepen enen Ijpt, im e naj eoñ wõt ko remünin ion armij im ion kiru, ilujen aolepen enen Ijpt. 10 Im rar bõk brij in ubaj, im jutõk iman Pero; im Moses e ar jeorliñlok e; im e ar erom wõt ko remünin iben armij im iben kiru. 11 Im ro dri marmir re <sup>1</sup>ban jutõk iman Moses kin wõt ko; bwe wõt ko rar ber iben ro dri marmir, im iben aolepen ro dri Ijpt otemjej. 12 Im Jeova e ar kabinlok buruen Pero, im e ar jab eoroñ irro; einwõt Jeova e ar ba ñõn Moses.

13 Im Jeova e ar ba ñõn Moses, En jiboñ wõt am jerkak, im jutõk iman Pero, im ba ñõn e, Ein drein Jeova, Anij an ro dri Hibru Ej ba, <sup>2</sup>Kwon kötlok armij ro droõ, bwe ren korijer ñõn Iõ. 14 Bwe ilo ien in, I naj jilkinwoj men in kaiñtan ko Aõ otemjej ion buruõm, im ion ro dri korijerõm, im ion ro drom; bwe kwon jela bwe ejelok juõn einwõt Ña, ilo aolepen lõl. 15 Im kiõ I naj kar erlokwe peiõ im mõn yuk im ro drom kin nañinmij elap im nana, im kwo naj kar joko jen lõl in; 16 a <sup>3</sup>kin men in I ar kejbãrok yuk, bwe In kwalok ñõn yuk kajur eo Aõ, im bwe ren kwalok eta ilujen aolepen lõl. 17 Ñõn ien in kwõj mõke koutiej yuk nae armij ro droõ, im jab kõnan kötlok ir ke? 18 Lo, ilju, e nañin ien in, I naj ko-wut dren ebin e kanuij kajõjõ, rar jab lo einwõt ilo Ijpt jen ien kaleke ñõn ien in. 19 Inem kiõ, kwon jilkinlok im kadreloñtok mõkõj, kiru ko am im men otemjej am ilo melaj; bwe jabrewõt armij ak kiru rej ber ilo melaj, im re jab kadreloñtok ir ñõn kabijuknir, wut ebin e naj buñõt ir, im re naj mij. 20 Jabrewõt <sup>4</sup>eo e ar mijõk nan eo an Jeova, ian ro dri

korijeran Pero, e ar kõmõn bwe ro dri korijeran, im kiru ko an, ren ko ñõn moko imweir: 21 im eo e ar jab eoroñ r. an an Jeova, e ar likit ro dri korijeran im kiru ko an ilo melaj.

22 Im Jeova e ar ba ñõn Moses, Kwon erlokwe peõm ñõn lõñ, bwe en or wut ebin-ilo aolepen enen Ijpt, ion armij, im ion kiru, im ion jabrewõt mår ilo melaj ko, ilo aolepen enen Ijpt. 23 Im Moses e ar erlokwe jokwõnõn ñõn lõñ; im Jeova e ar jil-kintok jorur im wut ebin, im kijeek e ar etõr ion ene; im Jeova e ar kowut dren ebin ion enen Ijpt. 24 Ein drein eor wut ebin, im kareik wut ebin kin kijeek, e kanuij kajõjõ, e ar jab einwõt ilo aolepen enen Ijpt jen ien eo ar likit e juõn ailiñ. 25 Im wut ebin eo e ar mõn jabrewõt eo e ar ber ilo melaj, armij im kiru; im wut ebin e ar mõn jabrewõt mår i melaj, im ruje jabrewõt wijki ilo melaj. 26 A ilo <sup>1</sup>enen Goshen, ijo ro nejin Israel rar ber ie, ejelok wut ebin.

27 Im Pero e ar jiliklok, im kirtok Moses im Aron, im e ar ba ñõn irro, I ar <sup>2</sup>jerawiwi ien in: Jeova e wãnik, im ña im armij ro droõ re nana. 28 Komin akwelap ñõn Jeova; bwe e bwe jorur kein relap im wut ebin; inem <sup>3</sup>I naj kötlok komuij, im kom jamin ber ijñ ñõn jirik. 29 Im Moses e ar ba ñõn e, Ñe emwij aõ driojlok jen jikin kwelok in, I naj erlokwe peiõ ñõn Jeova; e naj jokwor jorur ko, im e naj ejelok wut ebin: bwe kwon jela bwe lõl in an Jeova. 30 A kin <sup>4</sup>kwe im ro dri korijerõm, I jela bwe kom jamin mijõk Jeova, Anij Laplap. 31 Im emwij kokkure flax im barli; bwe barli e ar jebar leen, im flax ebul. 32 A ar jab kokkure wit im spelt: bwe rar jañin edrekliñlok. 33 Im Moses e ar driojlok jen jikin kwelok eo im jen iben Pero, im erlokwe pein ñõn Jeova: inem e jokwor jorur ko im wut ebin, im ar jab lutõklok wut ebin ion ene. 34 Im ke Pero e ar lo bwe e jokwor wut eo im wut ebin im jorur ko, e ar kal-laplok an jerawiwi, im kabin buruen,

<sup>1</sup> Jap. 8. 18. <sup>2</sup> Jap. 4. 23. <sup>3</sup> Rom 9. 17. <sup>4</sup> Kon. 13. 13.

<sup>1</sup> Jap. 8. 22. <sup>2</sup> Jap. 10. 16, 17. <sup>3</sup> Jap. 8. 25. <sup>4</sup> Jap. 8. 20

e im ro dri korijeran. 35 Im e binlok buruen Pero, im e ar jab kötlok ro nejin Israel; einwöt Jeova e ar ba kin Moses.

**10** Im Jeova e ar ba ñon Moses, Kwon dreloñ ñon iben Pero: bwe I ar kabin buruen, im buruen ro dri korijeran bwe In kwalok kaköle kein Aö ilo bwiljir, 2 im bwe kwon kennan i lojiliñin nejöm man, im leo nejin, men ko I ar jerbali ilo Ijpt, im kaköle ko Aö I ar kömöne ilobwiljir; bwe komin jela bwe Ña Jeova. 3 Im Moses im Aron rar dreloñlok ñon iben Pero, im rar ba ñon e, Ein drein Jeova, Anij an ro dri Hibru, Ej ba, Ietoön am naj abwin kötaik yuk imaö? kwon kötlok armij ro droö, bwe ren korijer ñon Iö. 4 Elañe jab, im kwoj abwin kötlok armij ro droö, lo, ilju I naj böktok lokös ko ion enin am: 5 im re naj kalibubu mejen löl, bwe ren ban lo ene: im re naj köñ matön ko, ko rej berwöt ñon kom jen wut ebin, im re naj köñ wijki otemjej rej edrek ñon kom jen melaj: 6 im moko imöm re naj obrök kake, im moko an ro dri korijeröm otemjej, im moko an aolepen ro dri Ijpt: einwöt ro jemöm ak ro jimam rar jab lo, jen ien air ber ion löl ñon ranin. Inem e ar oktök im drioijlok jen iben Pero. 7 Im ro dri korijeran Pero rar ba ñon e, le toön armij in e naj juön jen ñon kij? kwon kötlok armij ro bwe ren korijer ñon Jeova air Anij: kwo jañin jela bwe e jorran Ijpt ke? 8 Im rar <sup>1</sup>bar añintok Moses im Aron ñon iben Pero: im e ar ba ñon irro, <sup>2</sup>Komin ilok im korijer ñon Jeova ami Anij: a wön ro re naj ilok? 9 Im Moses e ar ba, <sup>3</sup>Kim naj ilok, im re naj ibem ro remön drer, im ridto ro am; ro nejim man im ro nejim köra, im <sup>4</sup>amuij bwijin jip im bwijin kau ko; bwe kimin kömöñ kwojkwoj ñon Jeova. 10 Im e ar ba ñon irro, En ein drein an Jeova ber ibemi, einwöt I naj kötlok kom, im ajiri ro nejimi: komin lale mök; bwe eor na-na imami. 11 En jab ein drein: komin ilok kiö, komeo man rön, im

korijer ñon Jeova; bwe men in men eo kom könan. Im rar <sup>1</sup>ubakelok irro jen iman Pero.

12 Im Jeova e ar ba ñon Moses, Kwon kötellok peöm ion enen Ijpt kin lokös ko, bwe ren itok ion enen Ijpt, im köñi mār otemjej in eneo, aet, aolepen men ko wut ebin e ar likite. 13 Im Moses e ar kötellok jokwönön ion enen Ijpt, im Jeova e ar böktok juön köto jen rear ion eneo, iomin aolepen ran eo im aolepen boñ; im ke ejiboñ <sup>2</sup>köto jen rear e ar böktok lokös ko. 14 Im lokös ko rar wönliñlok ion aolepen enen Ijpt, im rar berwöt i aolepen eneo; re kanuij kajöj; mokta jeni e kar ejelok einwöt, im e jamin or einwöt tokelik. 15 Bwe rar kalibubu mejen aolepen löl, inem ar kamarok eneo; im rar köñi mār otemjej in ene, im aolepen leen wijki wut eo ebin e ar likite: im ejelok men eo e māroro e ar berwöt, ejelok wijki ak mār in melaj ilujen aolepen enen Ijpt. 16 Inem Pero e ar <sup>3</sup>kaiur e im kirtok Moses im Aron; im e ar ba, <sup>4</sup>I ar jerawiwi nae Jeova, ami Anij, im nae komro. 17 Inem ij akwelap ñon komro, komin jolok aö bwir ien in wöt, im akwelap ñon Jeova, ami Anij, bwe En bökklok jen ña mij in wöt. 18 Im e ar drioijlok jen iben Pero, im e ar akwelap ñon Jeova. 19 Im Jeova e ar ukot juön köto e kanuij lap jen kabilöñ, eo e ar kwotöke lokös ko, im biokilok ñon Lomalo Ekilmir; ejelok juön lokös e ar berwöt ilo aolepen enen Ijpt. 20 A Jeova e ar kabin buruen Pero, im e ar jab kötlok ro nejin Israel.

21 Im Jeova e ar ba ñon Moses, Kwon kötellok peöm ñon löñ bwe marok en ber ion enen Ijpt, aet, marok re naj maroñ in iñjake. 22 Im Moses e ar kötellok pein ñon löñ; im e marok jiliñliñ i aolepen enen Ijpt iomin jilu ran; 23 armij re jab lo dron, ak ejelok e ar jerkak jen jikin iomin jilu ran: a ro nejin Israel otemjej <sup>5</sup>eor maram ilo moko imweir.

<sup>1</sup> eon 28.<sup>2</sup> Sam 78. 46.<sup>3</sup> Jap. 8. 8.<sup>4</sup> Jap. 9. 27.<sup>5</sup> Jap. 8. 22.<sup>1</sup> Jap. 8. 8. <sup>2</sup> Jap. 8. 26. <sup>3</sup> Jap. 12. 37. 38. <sup>4</sup> eon 28.

24 Im Pero e ar <sup>1</sup> kir nōn Moses, im ba, Komin ilok, komin korijer nōn Jeova; a bwijin jip im kau ko ami ren berwōt: bareinwōt ajiri ro nejimi ren ilok ibemi lok. 25 Im Moses e ar ba, Kwon bareinwōt letok ilo peim men in katok, im katok kijeek ko, bwe kimin marōn in katok nōn Jeova amuij Anij. 26 <sup>2</sup> Kiru kau ko am im jip ko am re naj ilok ibem lok; ejelok juōn aki naj likite; bwe jen men kein emōn kimin bōk in korijer kake nōn Jeova amuij Anij; im kim jaje ta eo kim naj korijer nōn Jeova kake, mae ien kim naj tōbrōk ijo. 27 A Jeova e ar kabin buruen Pero, im e ar jab kōnan kōtlok ir. 28 Im Pero e ar ba nōn e, <sup>3</sup> Kwon ilok jen iba, kwon lale mōk, lale kwar bar lo meja; bwe ilo ran eo ñe kwo naj lo meja, kwo naj mij. 29 Im Moses e ar ba, Emōn am konono; <sup>4</sup> I jamin bar lo mejom in drio.

**11** Im Jeova e ar ba nōn Moses, Bar juōn wōt men in kaiñtan I naj bōktok ion Pero im ion aolepen Ijpt; <sup>5</sup> elikin men eo e naj kōtlok kom jen ijin: ñe e naj kōtlok kom, emol e naj kanuij iunlok kom. 2 Kwon konono kiō i lojiliñin armij rōn, im ren <sup>6</sup> kajitōk, jabrewōt armij jen dri turin, inōk ko silver im inōk ko gold. 3 Im Jeova e ar lelok nōn armij rōn joij iman mejen ro dri Itipt. Bareinwōt, leo Moses, e ar kanuij utiej ilo enen Ijpt kab iman ro dri korijeran Pero, im iman armij ro.

4 Im Moses e ar ba, Ein drein Jeova ej ba, E nañin lukwon boñ I naj drioiijlok ilujen Ijpt: 5 im <sup>7</sup> manji otemjej ilo enen Ijpt re naj mij, jen manjien Pero eo ej jijōt ion trion eo an, nōn manjien korijer kōra eo ej iturin ken irir eo; im manjien kiru ko otemjej kau im jip. 6 Im e naj <sup>8</sup> juōn limō elap ilo aolepen enen Ijpt, eo e kar ejelok einwōt, im e jamin bar or einwōt jabrewōt ien. 7 A <sup>9</sup> nae ro nejin Israel ejelok kiru rorrer e naj kamōkit loen, jab nae armij ak kiru: bwe kwon jela bwe Jeova ej kejeno-

lok ro dri Ijpt jen dri Israel. 8 Im <sup>1</sup> rein otemjej dri korijerōm re naj wōnlōtok nōn iba, im barikrik jen ña, im ba, Kwon drioiijlok, im armij otemjej rej lor yuk: inem tokelik I naj drioiijlok. Im e ar drioiijlok jen iben Pero ilo illu ebwil.

9 Im Jeova e ar ba nōn Moses, Pero e jamin eoroñ yuk; bwe men in bwilōñ ko Aō reñ orlok ilo enen Ijpt. 10 Im Moses im Aron rar kōmōn men in bwilōñ kein iman Pero: im Jeova e ar kabin buruen Pero, im e ar jab kōtlok ro nejin Israel jen eneo an.

**12** Im Jeova e ar konono nōn Moses im Aron i enen Ijpt, im ba, 2 <sup>2</sup> Aliñ in e naj jinoim aliñ ko nōn kom: e naj aliñ eo mokta ilo yiō nōn kom. 3 Kominro konono nōn aolepen jar an ro dri Israel, im ba, Ilo ran eo ken ka joñoul an aliñ in, re naj bōk, jabrewōt iair, juōn lam, ekar nōn nukin jimair, juōn lam nōn juōn nukin: 4 im elañe juōn nukin ej erik jen juōn lam, inem e im ro dri turin rej ebake mweo imōn, ren bōk juōn ekar nōn oran armij rōn; ekar nōn an jabrewōt armij mōña, ein drein komin bwini kin lam eo. 5 Ami lam en <sup>3</sup> wāppen, ridtōn juōn yiō: kom naj bōk e jen jip ko ak goat ko: 6 im kom naj kejbārok e mae ran eo ken ka <sup>4</sup> joñoul emen ilo aliñ eo; im aolepen jar an ro dri Israel re naj mōn e ñe e jota. 7 Im <sup>5</sup> ren bōk jen bōtōk-tōkin, im likit e ion jur ko ruo in kejem, im ion alal eo iloñin kejem, ilo moko ijo re naj kōñe. 8 Im re naj mōña kōniekin ilo <sup>6</sup> boñin eo, emwij kōmat kin kijeek, <sup>7</sup> kab bred e jab uwe; e naj <sup>8</sup> jelen mār emeo. 9 Komin jab mōña ñe ikor, ak kōmat ilo dren, a umne ilo kijeek; komin umlip e. 10 Im komin jab likit jabrewōt mōtōn nōn rantak; bween ej berwōt nōn jiboñ komin tile ilo kijeek. 11 Im en ein drein ami mōña: komin kañōrñōr ibimi, juj ko ren ber ion neimi, im jokwōn ilo peimi; im komin kaur kom im mōña: ej kijone

<sup>1</sup> Jap. 8. 8. <sup>2</sup> eon 9. <sup>3</sup> eon 11. <sup>4</sup> Hib. 11. 27. <sup>5</sup> Jap. 12. 31. <sup>6</sup> Jap. 3. 22; 12. 35. 36. <sup>7</sup> Sam 78. 51. <sup>8</sup> Jap. 12. 30. <sup>9</sup> Jap. 8. 22.

<sup>1</sup> Jap. 12. 31. 33. <sup>2</sup> Jap. 13. 4. <sup>3</sup> Liv. 23. 18-20. <sup>4</sup> Liv. 23. 5; Bwin. 9. 1-3. <sup>5</sup> eon 22. <sup>6</sup> Bwin. 9. 12. <sup>7</sup> Dat 15. 3, 4. <sup>8</sup> Bwin. 9. 11.



an Jeova. 12 Bwe I naj ilok ilujen aolepen Ijpt ilo boñin eo, im I naj mōn manji otemjej ilo enen Ijpt, man in kiru: im nae <sup>1</sup>anij ro otemjej ilo Ijpt I naj kōmōn ekajet ko: Na Jeova. 13 Im bōtōktōk eo e naj juōn kakōle ion moko ijo kom ber ie: im ñe Ij lo bōtōktōk eo I naj kijon kom, im ejelok men in kaiñtan e naj iom bwe en kokkure kom, ñe I naj mōn enen Ijpt. 14 Im ran in e naj ñōn kom men in kememej, im kom naj kejbārok e juōn kwojkwoj ñōn Jeova: iomin ebepen ko ami, komin lale juōn kwojkwoj kin kien ñōn in drio.

15 Iomin <sup>2</sup>jiljilimjuōn ran komin mōña bred e jab uwe; ran eo mokta komin jolok leven jen moko imwemi: bwe jabrewōt eo ej mōña bred e uwe, jen ran eo mokta ñōn ran eo ken ka jiljilimjuōn, naj bukvelok armij eo jen Israel. 16 Im ilo ran eo mokta en ibemi juōn kwelok e kwojarjar, im ilo ran eo ken ka jiljilimjuōn juōn kwelok e kwojarjar; ilo ran ko komin jab kōmōn jabrewōt jerḅal, a men in wōt, men in mōña ñōn jabrewōt armij, komin jerbale. 17 Im komin kejbārok kwojkwoj in bred e jab uwe; bwe ilo ranin I ar añintok ami jarlipju jen enen Ijpt: kin men in, komin lale ran in iomin ebepen ko ami kin juōn kien ñōn in drio. 18 Ilo aliñ eo mokta, ilo ran eo ken ka joñoul emen ilo aliñ eo, ñe e jota, kom naj mōña bred e jab uwe, im mae ran eo ken ka roñoul juōn ñe e jota. 19 Iomin jiljilimjuōn ran re naj lo ejelok leven ilo moko imwemi: bwe jabrewōt armij ej mōña men eo e uwe, naj bukvelok armij eo jen jar an ro dri Israel, e lañe e drua majet, ak juōn druwainene. 20 Komin mōña ejelok men eo e uwe: ilo moko imwemi otemjej komin mōña bred e jab uwe.

21 Inem <sup>3</sup>Moses e ar kirtok ridto ro otemjej in Israel, im e ar ba ñōn ir, Komin ilok, im bōk ñōn kom lam ko ekar ñōn ro nukumi, im mōn <sup>4</sup>men in kijone eo. 22 Im komin bōk tir in hissōp, im katutu e ilo bōtōktōk eo ej ber ilo jābi eo, im dreñlokwe alal

eo ilōn, im jur ko ruo jur in kejem kin bōtōktōk jen jābi eo: im ejelok juōn iami en drioijlok jen kejem in mweo imōn mae jiboñ. 23 Bwe Jeova e naj driblok eneo bwe en mōn ro dri Ijpt; im ñe Ej lo bōtōktōk eo ilo alal eo ilōn, im ilo jur ko ruo, Jeova e naj kijon kejem eo, im E jamin likit bwe dri kokkure eo en dreloñ ilo moko imwemi bwe en mōn kom. 24 Im komin lale men in kin juōn kien ñōn kwe im ñōn ro nejōm, <sup>1</sup>ñōn in drio. 25 Im e naj ein drein, ñe komij tōbrōk eneo Jeova e naj lewoj, einwōt E ar kalimur kake, komin lale jerbal in. 26 Im e naj ein drein, ñe ro nejimi rej ba ñōn kom, Ta meleen jerbal in ibemi? 27 Kom naj ba, Ej men in katok kijone an Jeova, Eo e ar kijon moko imōn ro nejin Israel ilo Ijpt, ke E ar mōn ro dri Ijpt, im kōtlok moko imwem. Im armij rōn rar barikrik im kabuñ. 28 Im ro nejin Israel rar ilok, im ein drein air kōmōn; einwōt Jeova e ar jiroñ Moses im Aron, ein drein air kōmōne.

29 Im ilukwon boñ eo, Jeova e ar mōn manji otemjej ilo Ijpt, jen manjien Pero e ar jijōt ion tron eo an, ñōn <sup>2</sup>manjien dri jebokwe e ar ber ilo prisōn; im manje otemjej <sup>3</sup>manjien kau im jip. 30 Im Pero e ar jerkak ilo boñ eo, e, im ro dri korijeran otemjej, im aolepen ro dri Ijpt; im juōn <sup>4</sup>limō elap ijo; bwe ejelok juōn im ijo e jab juōn e mij ie. 31 Im e ar <sup>5</sup>kirtok Moses im Aron ilo boñ, im ba, Komin jerkak, im drioijlok jen iben armij ro droō, kom im ro nejin Israel; im komin ilok, im korijer ñōn Jeova einwōt kom ar ba. 32 Komin bōk <sup>6</sup>bwijin jip im kau ko ami, einwōt kom ar ba, im komin ilok; im jare iō bareinwōt. 33 Im ro dri Ijpt rar kakijorur armij rōn, bwe ren kaiurlok ir jen eneo: bwe rar ba, Kim otemjej dri mij. 34 Im armij ro rar bōk iōk ko air mokta jen an uwe, im jābi in iōk bred ko air re limlim iben nuknuk ko ion aierair. 35 Im <sup>7</sup>ro nejin Israel rar kōmōn ekar ñōn nan

<sup>1</sup> Bwin. 23. 4. <sup>2</sup> Jap. 23. 15. <sup>3</sup> Hib. 11. 28. <sup>4</sup> eon 11. [Marshall Islands.] 3

<sup>1</sup> Jap. 13. 5, 10. <sup>2</sup> Jap. 4. 23. <sup>3</sup> Jap. 9. 6. <sup>4</sup> Jap. 11. 6. <sup>5</sup> Jap. 8. 8. <sup>6</sup> Jap. 10. 9, 25. <sup>7</sup> Jap. 3. 21.

ko an Moses; im rar uñar iben ro dri Ijpt inök silver, im inök gold, im nuknuk ko: **36** im Jeova e ar lelok joiñ ñon armij rön iman mejen ro dri Ijpt, bwe rar lelok ñon ir jabrewöt men ko rar kajitök kake. Im rar <sup>1</sup>rakimi ro dri Ijpt.

**37** Im ro nejin Israel rar etal jen Ramisis ñon Sökkot, e nañin <sup>2</sup>jiljino buki tausan man rön rej etal, bareinwöt ajiri rön. **38** Im elöñ armij böjik rar wönliñlok ibeirlok; im bwijin jip im kau ko, aet, e kanuij löñ kiru ko. **39** Im rar umum bred e jab uwe jen iök ko rar böktok ren Ijpt; bwe e jañin uwe, bwe emwij iunlok ir jen Ijpt, im re ban berwöt, im rar jañin kapojök ñon ir jabrewöt kijeir. **40** Im ien an ro nejin Israel kar jokwe ilo Ijpt, <sup>3</sup>äbuki jilñoul yiö. **41** Ilo jemlokön äbuki jilñoul yiö, ran eo wöt, jarlipju otemjej an Jeova rar drioiñlok jen enen Ijpt. **42** Boñ eoe kanuij buñbuñ ñon Jeova kin an äñintok ir jen enen Ijpt: eñin boñin an Jeova, im emön ro nejin Israel ren kanuij kabuñbuñlok e ilo aolepen ebeben ko air.

**43** Im Jeova e ar ba ñon Moses im Aron, Eñin kien men in kijone: ejelok drua maijet e naj möña jen e; **44** a korijeran jabrewöt armij, emwij wiaik e kin mönni, ñe kwar mijmij e, inem e naj möña jen e. **45** Dri itoitök im dri korijer ej jermal kin wönan, e jamin möña jen e. **46** Ilo juön im ren möña; kwo jamin bökklok jen loan mweo jabrewöt mötön köniekin; im komin jab ruje juön drin kiru eo. **47** Aolepen jar an ro dri Israel re naj kejbärok men in. **48** Im ñe juön drua maijet ej itoitök ibemi, im e könan kejbärok men in kijone ñon Jeova, en mijmij man rön otemjej iben, inem en druaktok im kejbärok e; im e naj einwöt juön e kar lotak i eneo: a juön e jab mijmij en jab möña jen e. **49** Juön wöt kien e naj ñon eo druwainene, im ñon drua maijet eo ej itoitök ibemi. **50** Ein drein an ro nejin Israel kömön; einwöt Jeova e ar jiroñ Moses im Aron,

ein drein air kömöne. **51** Im ilo ran eo wöt, Jeova e ar äñintok ro nejin Israel jen enen Ijpt kin jarlipju ko air.

**13** Im Jeova e ar konono ñon Moses, im ba, **2** Kwon <sup>1</sup>kokwojarjar ñon Iö manji otemjej, jabrewöt eo ej kabellek loji iben ro nejin Israel, an armij rön im kau ko: rej Aö.

**3** Im Moses e ar ba ñon armij ro, Komin kememej ran in, ran eo kom ar drioiñtok jen Ijpt, im jen imön kamakoko; bwe kin kajur in pein, Jeova e ar kadrioiñtok kom jen eneo: ren möña ejelok bred e uwe. **4** Ranin kom drioiñlok ilo aliñ Ebib. **5** Im ñe Jeova ej äñintok kom na iloan eneo an dri Kenean, im dri Het, im dri Amor, im dri Hiv, im dri Jibus, eo E ar kanöñnij ñon ro jimami bwe En lewoj ñon kom, juön ene e bwijliplip kin milk im hönni, komin kejbärok jermal in ilo aliñ in. **6** Iomin jiljilimjuön ran komin möña bred e jab uwe, im ilo ran eo ken ka jiljilimjuön en juön kwojkwoj ñon Jeova. **7** Ren möña bred e jab uwe iomin jiljilimjuön ran; im ren lo ejelok bred e ar uwe ibemi, ilo aolepen eneo ami. **8** Im komin kennanek nejöm man ilo ran eo, im ba, Eñin kin men eo Jeova e ar kömön ñon iö ke I ar drioiñtok jen Ijpt. **9** Im e naj juön kaköle ñon yuk ion peöm, im kin juön men in kememej ikötan mejöm, bwe kien Jeova en i loñöm: bwe kin pein e kajur Jeova e ar äñintok yuk jen Ijpt. **10** Kin men in, kwon kejbärok kien in ilo ien eo an, jen yiö ñon yiö.

**11** Im ñe Jeova ej äñinlok yuk na ilo eneo an dri Kenean, einwöt E ar kanöñnij ñon ro jimam, im Ej lewoj ñon kwe, **12** kwon kejenolok ñon Jeova ir otemjej rej kabellek loji, im jabrewöt e ar lotak mokta jen kiru; man im koman rej an Jeova. **13** <sup>2</sup>Jabrewöt ejar lotak mokta jen ass ko, kwon binej jenkwön kin juön lam; ak elañe kwo jab könan binej jenkwön, inem kwon ruje kenwan: im manji otemjej an armij rön ian ro

<sup>1</sup> Jap. 3. 22. <sup>2</sup> Jap. 38. 26. <sup>3</sup> Jen. 15. 13; Jerb. 7. 4.

<sup>1</sup> eon 12, 13, 15; Luk 2. 23. <sup>2</sup> Jap. 34. 30.

nejōm man, kwon binej jenkwōn. 14 Im ñe nejōm man ej kajitōk ibōm ilo ien ko rej itok, im ba, Ta men in? kwo naj ba ñōn e, Kin pein e kajur, Jeova e ar āñintok kim jen Ijpt jen imōn kamakoko eo: 15 im ke e ar bin an Pero kōtlok kim, Jeova e ar mōn manji otemjej ilo enen Ijpt, manjien armij ro, im manjien kiru ko: kin men in, ij katok ñōn Jeova koman otemjej rej kabellek loji; a manji otemjej ian ro nejiō man, ij nawōnair. 16 Im e naj kin juōn kakōle ion peōm, im kin men ko ikōtan mejōm: bwe kin kajur in pein, Jeova e ar kadriojlok kim jen Ijpt.

17 Im ke Pero e ar kōtlok armij ro, Anij e ar jab tel ir ilo ial iturin ene an ro dri Pilstia, meñe a karu; bwe Anij e ar ba, 1Ñe rab ukwelok ibeir, ñe rej lo tōrinae, im rej jeblak ñōn Ijpt: 18 a Anij e ar tel armij ro ilo ial e aitok, i ene jemaren iturin Lomalo Ekilmir: im eor 2ken tōrinae iben ro nejin Israel ke rar wōnliñlok jen enen Ijpt. 19 Im Moses e ar bōk 3dri ko drin Josep iben: bwe e ar kanuij kanōjnij ñōn ro nejin Israel, im ba, Emol Anij e naj lowoj kom; im komin bōklok dri ko driō ibemi jen ijin. 20 Im rar etallok jen Sōkkot, im rar kajur im nuknuk ko air i Itam, i tōreren ene jemaren. 21 Im 4Jeova e ar ilok imairlok ilo ran ilo juōn jurōn kōro, bwe En tellok ir ilo ial, im ilo boñ ilo juōn jurōn kijeek, im kamramlok ir; bwe ren maroñ etal ilo ran, kab ilo boñ: 22 jurōn kōro ilo ran, im jurōn kijeek ilo boñ, rar jab ilok jen iman armij ro.

14 Im Jeova e ar konono ñōn 1Moses, im ba, 2Kwon ba ñōn ro nejin Israel, bwe ren jeblak im kajur imōn kabero ko air iman Pi-hairot, ikōtan Migdol im lomalo eo, ikijen Beal-zipon: komin kajur moko imwemi iturin lomalo. 3 Im Pero e naj ba kin ro nejin Israel, Re bojōk i eneo, ene jemaren e ar binej ir. 4 Im I naj kabin buruen Pero, im e naj lukworkwor ir; im I naj bōk ñōn Iō

nebar ion Pero, im ion jar in tōrinae ko an otemjej; im ro dri 1Ijpt re naj jela bwe Na Jeova. Im ein drein air kōmōn. 5 Im rar kennanek kiñ in Ijpt kin an armij ro ko: inem buruen Pero im buruen ro dri korijeran rej ein juōn ñōn armij ro, im rar ba, Ta men in jar kōmōne, bwe jen kōtlok Israel jen air jeral ñōn kij? 6 Im e ar kapojōk jariot eo an, im tel armij ro dron iben: 7 im e ar bōk jiljino buki jariot emwij kålet ir, im jariot otemjej an Ijpt, im kapen ro ioir otemjej. 8 Im Jeova e ar kabin buruen Pero kiñ in Ijpt, im e ar lukworkwor ro nejin Israel: bwe ro nejin Israel rar driojlok kin pā e utiej. 9 Im ro dri Ijpt rar lukworkwor ir, ors otemjej, im jariot otemjej an Pero, im ro dri uwe ion ors, im jar in tōrinae eo an, im e ar tōbar ir ke rar ber iturin lomalo eo, iturin Pi-hairot iman Beal-zipon.

10 Im ke Pero e ar kebaklok ir, ro nejin Israel rar bōk mejeir, im lo, ro dri Ijpt rar lor ir; im rar kanuij lelñōñ: im ro nejin Israel rar kir ñōn Jeova. 11 Im rar ba ñōn Moses, Kin ke ejelok lūp ilo Ijpt, kwar āñintok kim bwe kimin mij ilo ene jemaren ke? etke kwar kōmōn men in ñōn kim, im kadriojlok kim jen Ijpt? 12 Eñin e jab nan eo kim ar konono ñōn kwe ilo Ijpt ke, im ba, Kwon likit kim mōke iam, bwe kimin jeral ñōn ro dri Ijpt? Bwe emōnlok ibem bwe kimin jeral ñōn ro dri Ijpt, jen ñe kimij mij ilo ene jemaren. 13 Im Moses e ar ba ñōn armij rōn, Komin jab lelñōñ, komin tōt wōt, im lo 2lomor an Jeova, eo E naj kōmōn ñōn kom ranin: bwe ro dri Ijpt, kom ar lo ir ranin, kom jamin bar lo ir ñōn in drio. 14 3Jeova e naj iri ñōn kom, im komeo kom naj ikōñ.

15 Im Jeova e ar ba ñōn Moses, Etke kwoj kir ñōn Iō? kwon ba ñōn ro nejin Israel bwe ren wōnmanlok. 16 Im kweo kwon kwotōke 4jokwōnōm, im kōtellok peōm ilōñinlomaleo, im kijbile: im ro nejin Israel re naj ilok ilujen lomalo eo ion ene e mōra.

<sup>1</sup> Jap. 14. 11. <sup>2</sup> Josh. 1. 14. <sup>3</sup> Jen. 50. 24, 25; Josh. 24. 22. <sup>4</sup> Jap. 14. 19, 24; Sam 76. 14.

<sup>1</sup> eon 25. <sup>2</sup> eon 30. <sup>3</sup> Dnt. 1. 39. <sup>4</sup> Jap 4. 17.

17 Im lo, Ña I naj kabin buruen ro dri Ijpt, im re naj ilok ilokairlok : im I naj bök ñõn Iõ nebar ion Pero, im ion aolepen jar in tõrinae eo an, im ion jariot ko an, im ion ro rej uwe ion ors ko iben. 18 Im ro dri Ijpt re naj jela bwe Ña Jeova, ñe emwij Aõ bök nebar ñõn Iõ ion Pero, ion jariot ko an, im ion ro rej uwe ion ors ko. 19 Im <sup>1</sup>enjel õn Anij, eo e ar ilok iman jar an ro dri Israel, ej jeblak im ilok ilokairlok ; im jurõn kõro e ar emõkit jen imair im jutõk ilokair : 20 im e ar ilok ikõtan jar in Israel im jar in Ijpt : im ijo kõro im marok, mekarta, e ar romak ilo boñ : im juõn iairro e ar jab kebaklok eo juõn iomin aolepen boñ eo.

21 Im <sup>2</sup>Moses e ar kõtellok pein ilõnin lomalo eo ; im Jeova e ar kõmõn bwe lomalo en ilok kin juõn kõto jen rear aolepen boñ, im E ar kõmõn lomalo ene e mõra, im e <sup>3</sup>jibil dren ko. 22 Im ro nejin Israel rar ilok ilujen lomalo eo ion ene e mõra : im dren ko rar worwore ir, i aabijmaroñir im i anmiñir. 23 Im ro <sup>4</sup>dri Ijpt rar lukworkwor ir, im ilok ilokair ilujen lomalo eo, ors ko otemej an Pero, jariot ko an, im ro rej uwe ion ors ko. 24 Im ilo mmij eo ke e jiboñ, Jeova e ar reilok ñõn jar an ro dri Ijpt ilujen jurõn kõro im kijeek eo, im E ar kaleñõn jar an ro dri Ijpt. 25 Im E ar jolok whil jen jariot ko air, im e nañin bin air kowõnmanlok ir ; ein drein ro dri Ijpt rar ba, Jen ko jen mejen Israel ; <sup>5</sup>bwe Jeova ej iri ñõn ir nae ro dri Ijpt.

26 Im Jeova e ar ba ñõn Moses, Kwon kõtellok peõm ilõnin lomalo ne, bwe dren ko ren jeblaktok ion dri Ijpt, ion jariot ko air, im ion ro dri uwe ion ors ko air. 27 Im Moses e ar kõtellok pein ilõnin lomalo eo, im lomalo e ar jeblaktok ñõn kajur eo an ke ejiboñ ; im ro dri Ijpt rar ko jen e ; im Jeova e ar jolõllok ro dri Ijpt na ilujen lomalo eo. 28 Im dren ko rar jeblaktok, im kalibubu jariot ko,

im ro dri uwe ion ors, aet, aolepen jar in tõrinae an Pero, ro rar dreloñlok ilokair iloan lomalo ; ejelok juõn iair e ar berwõt. 29 A ro nejin Israel rar etal ion ene e mõra iolapen lojit ; im dren ko rar worwore ir, i anbijmaroñir im i anmiñir. 30 Ein drein Jeova e ar lomoren Israel, ilo ran eo, jen pein ro dri Ijpt ; im Israel rar lo dri Ijpt re mij i barijit. 31 Im Israel rar lo jeral eo elap Jeova e ar kõmõn ion ro dri Ijpt, im armij ro rar mijõk Jeova : im rar tõmak Jeova im Moses dri korijeran.

**15** Ien eo <sup>1</sup>Moses im ro nejin Israel rar al al in ñõn Jeova, rar konono, im ba, I naj al ñõn Jeova, bwe emol e kanuij utiej : ors im dri uwe ion, E ar jolok ir na i lojit.

2 Jeova aõ kajur im aõ al, im Ej lomor iõ : E in aõ Anij, im I naj nebar E ; Anij an jema, im I naj koutiej E.

3 Jeova e dri tõrinae : etan Jeova.

4 E ar jolok jariot ko an Pero im jar in tõrinae eo an na i lojit ; im kapen ro an, ro e ar kålet ir, rar maloñ ilo Lomalõ Ekilmir.

5 Dren ko re milõl rej kalibubu ir : rar wõnlõlok na iloan dren ko re milõl, einwõt juõn dreka.

6 Anbijmaroñõm, O Jeova, e aibujuij ilo kajur, anbijmaroñõm, O Jeova, ej ruprupe dri kijiråt eo.

7 Im ilo lapen Am utiej, Kwoj <sup>2</sup>ukõji ro rej jutõk nae Yuk : Kwoj jilkinlok am illu, ej tili ir einwõt mår e mõra.

8 Im kin menono an bodõm emwij ejak dren ko, ibij ko rar jutõk im ju einwõt juõn worwor ; dren ko re milõl rar bin ilujen lomalo eo.

9 Dri kijiråt eo e ar ba, I naj <sup>3</sup>lukworkwore, I naj tõbare, I naj ajej men in rakim ; aõ kõnan e naj måt kin ir ; I naj nure jãji eo aõ, peiõ e naj kokkure ir.

10 Kwar ukwi kin kõto eo Am, lomalo eo e ar kalibubu ir : rar ruñulok einwõt led, ilo dren ko re kajur.

11 Wõn ej einwõt Kwe, O Jeova, ian anij rõn ? wõn ej einwõt Kwe, e

<sup>1</sup> Jap. 13. 21, 22. <sup>2</sup> eon 16. <sup>3</sup> eon 29. <sup>4</sup> eon 4, 17.

<sup>5</sup> eon 18.

<sup>1</sup> Rev. 15. 3. <sup>2</sup> Jap. 14. 27. <sup>3</sup> Jap. 14. 5.

aibujuij ilo kwojarjar, men in lelñon ilo nebar ko, im dri kōmōn men in bwilōn ko?

12 Kwar kōtellok anbijmaroñom, im lōl e ar worōñlok ir.

13 Ilo Am joij Kwar tel armij ro Kwar wiaik ir: ilo Am kajur Kwar jineit nōn ir ial nōn mweo imōm e kwojarjar.

14 Dri ailiñ ko rar roñjake, rej wuririr: iñtan ko rar jibwe ro dri Pilistia.

15 Ien eo iroi j ro in Idom rar lokjenair; armij ro re kajur i Moab, wuririr ej jibwe ro: aolepen ro dri Kcnean rej unlok.

16 <sup>1</sup>Lelñon im aiet re buñ ioir; kin lapen peom rej ikōn einwōt juōn dreka; mae ien armij ro drom, rar kijone, O Jeova, mae ien ro emwij Am wiaik ir, rar kijone.

17 Kwo naj kadreloñlok ir, im kat ir ilo tol in Am jolit, jikin eo, O Jeova, Kwar kapojōk bwe Kwon jokwe iloan, jikin kwojarjar eo, O Jeova, pā ko peom rar kajure.

18 Jeova e naj kiñ nōn in drio im in drio.

19 Bwe ors ko an Pero rar dreloñlok iben jariot ko an, im iben ro dri uwe ion ors ko an, na iloan lojit, im Jeova e ar kajablaktok dren in lomalo ioir; a ro nejin Israel rar etal ion ene e mōra ulujen lomalo eo. 20 Im <sup>2</sup>Miriam, lio dri kanan, jein Aron, e ar bōk juōn timbrel ilo pein; im aolepen kōra ro rar drioi jlok ilokōn lio, eor timbrel ibeir, im rej eep. 21 Im Miriam e ar uak ir, Komin al nōn Jeova, bwe emol E kanuij utiej; ors eo im dri uwe ion, E ar jolōllok ir na ilo lojit.

22 Im Moses e ar tellok dri Israel imanlok jen Lomalo Ekilmir, im rar drioi jlok nōn ene jemaren in Shur; im rar etal ilo ene jemaren iomin jilu ran, im rar lo ejelok dren. 23 Im ke rar tōbar Mera, re ban irak jen dren ko in Mera, bwe re meo: kin men in, rar naetan Mera. 24 Im armij ro rar <sup>3</sup>lotan Moses, im ba, Kim naj irak ta? 25 Im e ar kir nōn Jeova;

im Jeova e ar bakajen nōn e juōn wijki, im e ar jolok e na ilo dren ko, im rej erom enno. Ijo E ar kōmōn nōn ir juōn kien im juōn nan in kaiñi, im E ar melejoñ ir ie; 26 im E ar ba, Elañe kom naj kanuij eoroñ ainiken Jeova am Anij, im naj kōmōn men ko remōn iman mejen, im naj roñjake kien ko An, <sup>1</sup>I naj likit iom ejelok ian nañinmij ko I ar likit ion dri Ijijt: bwe Ña Jeova eo ej kaejmour yuk.

27 Im rar tōbar Ilim, ijo joñoul ruo unin dren, im jiljilimjuōnñoul wijki pam: im rar kajur im nuknuk ko air iturin dren ko.

16 Im rar etallok jen Ilim, im aolepen jar an ro nejin Israel rar itok nōn ene jemaren in Sin, eo ej ikōtan Ilim im Sainai, ilo ran eo ken ka <sup>2</sup>joñoul lailim ilo aliñ eo ken ka ruo elikin air drioi jlok jen enen Ijijt. 2 Im aolepen jar an ro nejin Israel rar <sup>3</sup>lotan Moses im Aron i ene jemaren; 3 im ro nejin Israel rar ba nōn irro, <sup>4</sup>E naj kar emōn elañe kim ar mij kin pein Jeova ilo enen Ijijt, <sup>5</sup>ke kim ar jijōt iturin aiōn pot in kōniek ko, ke kim ar mōña bred im māt; bwe komro ar kadrioi jtok kim nōn ene jemaren in, bwe komin mōn aolepen jar in kin ñita.

4 Inem Jeova e ar ba nōn Moses, Lo, I naj <sup>6</sup>kowutlok bred jen lōñ nōn kom; im armij rōn re naj drioi j im aini mōtōn ekar nōn jabrewōt ran, ilo ran eo, bwe In melejoñ ir, elañe re naj etal ilo kien eo Aō ke, jab ke. 5 Im ilo ran eo ken ka jiljino, re naj kapojōk mōtōn eo rej bōktok, im e naj ruo alen air aini jen ran ko jet. 6 Im Moses im Aron rar ba nōn aolepen ro nejin Israel, Ñe ejota, inem kom naj jela bwe Jeova e ar añintok kom jen enen Ijijt; 7 im ñe ejiboñ, kom naj lo aibujuij an Jeova; bwe Ej roñjake lotan ko ami nae Jeova: im <sup>7</sup>ta kimro, bwe komij lotan kim? 8 Im Moses e ar ba, E naj eñin, ñe Jeova ej lewoj nōn kom ilo jota kōniek kijimi, im ilo jiboñ bred bwe komin

<sup>1</sup> Jap. 23. 27. <sup>2</sup> Jap. 2. 4. <sup>3</sup> Jap. 14. 11.

<sup>1</sup> Dnt. 7. 16. <sup>2</sup> Jap. 12. 6. <sup>3</sup> Jap. 14. 11. <sup>4</sup> Jap. 17. 3. <sup>5</sup> Bwin. 11. 4. 6. <sup>6</sup> Jon. 6. 31. <sup>7</sup> Bwin. 16. 11.

māt; bwe Jeova ej roñjake lotan ko ami, komij lotan e kake: im ta kim-ro? lotan ko ami re jab nae kim, a rej nae Jeova. 9 Im Moses e ar ba ñon Aron, Kwon ba ñon aolepen jar an ro nejin Israel, Komin druaktok iman Jeova; bwe E ar roñjake lotan ko ami. 10 Im ke Aron e ar konono ñon aolepen jar an ro nejin Israel, rar reilok ñon ene jemaren, im lo, aibujuij an Jeova e ar weaktok ilo kōro eo. 11 Im Jeova e ar konono ñon Moses im ba, 12 I ar roñjake lotan ko an ro nejin Israel: kwon konono ñon ir, im ba, Ne ejota kom naj mōña kōniek, im ñe ejiboñ kom naj māt kin bred; im kom naj jela bwe Na Jeova, amuij Anij.

13 Im ke ejota, bao kwel ko rar itok im kalibubu kamp eo air: im ke ejiboñ eor molawi iturin kamp eo. 14 Im <sup>1</sup>ke molawi eo e kar ber ion ene e monlok, lo, ion mejen ene jemaren, juñ men e rolul im niñ, einwōt frost e mouj ion brij. 15 Im ke ro nejin Israel rar loe, rar ba ñon dron, Ta jein? bwe re jaje ta eo. Im Moses e ar ba ñon ir, Men in, bred eo Jeova e ar lewoj kijimi. 16 Eñin men eo Jeova e ar jiroñ. Komin ae jen e, jabrewōt armij, ekar ñon an mōña; juñ omer ñon juñ armij, ekar ñon oran armij ro ibemi, kom naj bōk, jabrewōt armij en kabwe ro rej ber ilo mweo imōn. 17 Im ein drein an ro nejin Israel kōmōn, im rar aini jet elōñ, im jet eiet. 18 Im ke rar joñwe kin juñ omer, <sup>2</sup>eo e ar ae elōñ, ejelok bween, im eo e ar ae eiet, ejelok an aikwij; jabrewōt armije ar ae ekar ñon an mōña. 19 Im Moses e ar ba ñon ir, Ejelok armij en likit mōtōn mae jiboñ. 20 Ijoke rar jab eoroñ Moses; a jet iair rar likit mōtōn ñon jiboñ, im e ar kemour likakrōk ko, im e buol: inem Moses e ar illu ibeir.

21 Im rar aini jiboñon otemjej, jabrewōt armij ekar ñon an mōña: im ke elap dret, e ar unlok. 22 Im ilo ran eo ken ka jiljino rar aini ruo alen bred eo, ruo omer ñon jabrewōt

iair: im iroi j otemjej an jar eo rar item kennanek Moses. 23 Im e ar ba ñon ir, Eñin nan eo Jeova e ar ba. <sup>1</sup>Ilju juñ kakije, Sabat e kwojarjar ñon Jeova: komin umum eo kom kōnan umni, im kōmāt ilo dren eo kom kōnan kōmāt ilo dren; im bwe ko otemjej komin likit e mōke ian ñon kom, bwe en ber ñon ilju ejiboñ. 24 Im rar likit e ñon jiboñ, einwōt Moses e ar jiroñ ir: im e ar jab buol, ak ejelok likakrōk iben. 25 Im Moses e ar ba, Komin mōña men in ranin; bwe ranin Sabat ñon Jeova: ranin kom jamin loe ilo melaj. 26 Iomin jiljino ran kom naj aini; a ilo ran eo ken ka jiljilimjuñ, eo ran in Sabat, ien eo e naj ejelok. 27 Im ilo ran eo ken ka jiljilimjuñ, jet ian armij rōn rar drioi j bwe ren ae, im rar lo ejelok. 28 Im Jeova e ar ba ñon Moses, Ietoñ ami abwin bokake nan in jiroñ im kien ko Aō? 29 Komin lale, bwe Jeova e ar lewoj ñon kom ran in Sabat, inem Ej lewoj ñon kom ilo ran eo ken ka jiljino, bred ekar ñon ruo ran; komin berwōt, jabrewōt iami, ilo jikin, ejelok armij en drioi j jen jikin ilo ran eo ken ka jiljilimjuñ. 30 Ein drein armij ro rar kakije ilo ran eo ken ka jiljilimjuñ.

31 Im ro nukin Israel rar naetan men eo Manna: im e ar einwōt ine koriander, e mouj; im nemen einwōt kek ko ioki kin hōnni. 32 Im Moses e ar ba, Eñin men eo Jeova e ar jiroñ, <sup>2</sup>Komin kobrōk juñ omer jen e, im kejbārok e ñon ebepen ko ami, bwe ren maroñ in lo bred eo I ar najirik kom kake I ene jemaren, ke I ar āñintok kom jen enen Ijipt. 33 Im Moses e ar ba ñon Aron, Kwon bōk juñ jābi im likit mōtōn manna einwōt joñon juñ omer iloan, m likit e iman Jeova, im kejbārōki e ñon ebepen ko ami. 34 Einwōt Jeova e ar jiroñ Moses, ein drein Aron e ar likit e iman Men in Kennan eo, bwe en kejbārōk e. 35 Im <sup>3</sup>ro nejin Israel rar mōña jen manna iomin eñoul yiō, mae ien eo

<sup>1</sup> Bwln. 11. 7-9. <sup>2</sup> 2 Kor. 8. 15.

<sup>1</sup> Jap. 30. 8. <sup>2</sup> Hlb. 9. 4. <sup>3</sup> Josh. 6. 12.

rar tōbar juōn ene ijo armij rej jokwe ie; rar mōña manna mae ien air tōbar tōreren enen Kenean. 36 Ak juōn omer juōn mōtōn joñoul in juōn epa.

**17** Im aolepen jar an ro nejn Israel rar etal jen ene jemaren in Sin, ilo etetal ko air, ekar ñōn kien Jeova, im rar kajur imōn kabēr ko i Repidim, ak ejelok limen armij rōn. 2 Kin men in, armij ro rar 'akwaile Moses, im ba, Kwon letok dren bwe kimin irak. Im Moses e ar ba ñōn ir, Etke komij akwaile iō? etke komij melejoñ Jeova? 3 Im armij ro rar maro ijo; im armij ro rar lotan Moses, im ba, 2 Etke kwar āñintok kim jen Ijpt, bwe kwon mōn kim im ro nejim, im kiru ko am kin maro? 4 Im Moses e ar lamij ñōn Jeova, im ba, I naj it ñōn armij rein? re 3 nañin kare iō kin dreka wōt jirik. 5 Im Jeova e ar ba ñōn Moses, Kwon wōnmanlok jen armij rōn, im āñin ibōm jet ian ridto ro an Israel; im jokwōnōm, eo kwar dreñlokwe river eo, kwon bōke ilo peōm, im kwon ilok. 6 Lo, I naj jutōk imam ijo, ion dreka eo ilo Horeb; im kwo naj dreñlokwe dreka eo, im dren e naj walok jen e, bwe armij ro ren irak. Im ein drein an Moses kōmōn iman mejen ridto ro in Israel. 7 Im e ar naetan jikin eo Massa, im Meriba, kin an ro nejn Israel akwail, im kin air 'melejoñ Jeova im ba, Jeova ej ilo bwiljim ke jab ke?

8 Inem dri Amelek rar iten tōrinaek dri Israel i Repidim. 9 Im Moses e ar ba ñōn 5 Joshua, Kwon kālet armij, im drioiñlok im tōrinaek dri Amelek: ilju I naj jutōk i jeban tol eo, im jokwōnōn Anij ilo peiō. 10 Ein drein Joshua e ar kōmōn einwōt Moses e ar ba ñōn e, im tōrinaek ro dri Amelek: im Moses, im Aron, im Hur, rar wōnliñlok ñōn jeban tol eo. 11 Im ke Moses e ar kwotōke pein, e kajurlok Israel; im ke e ar dror pein, e kajurlok Amelek. 12 A e neknek pein Moses; im rar bōk

juōn dreka im likit e iomin, im e ar jijōt ion; im Aron im Hur rar jebōke pein, juōn i anbijmaroñōn, im juōn i anmiñin; im e bin pā ko pein mae ien e tulok al. 13 Im Joshua e ar bōk anjo jen Amelek im armij ro dron, kin mejen jāji. 14 Im Jeova e ar ba ñōn Moses, Kwon jeje men in ilo juōn buk, kin men in kememej, im kwalok e i lojiliñin Joshua: bwe 1 I naj kanuij jeorlok air kememej Amelek jen iomin lōñ ko. 15 Im Moses e ar kalek juōn lokatok, im naetan Jeova-nissai; 16 im e ar ba, Jeova e ar kanōjniñ: Jeova e naj tōrinaek Amelek jen ebeben ñōn ebeben.

**18** Im 2 Jetro, pris in Midian, jemen lio belen Moses, e ar roñ kin men ko otemjej Anij e ar kōmōne ñōn Moses, im ñōn Israel armij ro dron, ekijkan Jeova e ar āñintok Israel jen Ijpt. 2 Im Jetro, jemen lio belen Moses, e ar bōk Zippora lio belen Moses, elikin an jilkinlok e, 3 im ladrik ro ruo nejn; etan juōn iairro Gershom; bwe e ar ba, I ar juōn dri itoitōk ilo ene an drua maijet: 4 im etan eo juōn Iliezar, bwe e ar ba, Anij an jema e kar aō dri jibōñ, im E ar kōtlok iō jen jāji an Pero. 5 Im Jetro, jemen ilo belen Moses, im ro nejn kab lio belen, rar itok ñōn iben Moses i ene jemaren, ijo e ar kajur imōn kabēr ko, ilo tol an Anij: 6 im e ar ba ñōn Moses, Na Jetro, jemen lio beleōm, I ar itok ñōn ibōm, kab lio beleōm, im ladrik ro ruo nejn iben. 7 Im Moses e ar ilen ion jemen lio, im barikrik jen e, im mejenmaik e; im irro rar kajitōk iben dron kin airro jerammōn; im rar dreloñ ilo im nuknuk eo. 8 Im Moses e ar kennanek jemen lio belen men ko otemjej Jeova e ar kōmōni ñōn Pero im ro dri Ijpt, kin Israel, im aolepen jorran eo e ar itok ioir ilo air etal, im ekijkan Jeova e ar lomor ir. 9 Im Jetro e ar lōñliñ kin aolepen joiñ Jeova e ar kōmōne ñōn Israel, ke E ar kōtlok ir jen pein ro dri Ijpt. 10 Im Jetro e ar ba, E mōnōñ Jeova, Eo e ar kōtlok kom jen pein ro dri

<sup>1</sup> Jap. 14. 11. <sup>2</sup> Jap. 16. 3. <sup>3</sup> Bwin. 14. 10. <sup>4</sup> Bwin. 14. 22. <sup>5</sup> Jap. 24. 15.

<sup>1</sup> Dut. 25. 19. <sup>2</sup> Jap. 2. 18: 3. 1.

Ijpt, im jen pein Pero; Eo e ar köt-  
lok armij ro jen iomin pein ro dri  
Ijpt. **11** Kiö I jela bwe Jeova e  
utiej jen anij ro otemjej; aet, ilo  
men eo rar jua kake im kômôn nae ir.  
**12** Im Jetro, jemen ilo belen Moses,  
e ar bök juön katok kijeek, im men  
in katok ko ñôn Anij: im Aron e ar  
itok, im ridto ro otemjej an Israel,  
bwe ren môña iben jemen lio belen  
Moses, iman Anij.

**13** Im ke ilju, Moses e ar jijöt bwe  
en ekajete armij rôn: im armij rôn  
rar jutök iturin Moses jen jiboñ ñôn  
jota. **14** Im ke jemen lio belen Mo-  
ses e ar lo men otemjej e ar kômône  
ñôn armij rôn, e ar ba, Ta men in  
kwoj kômône ñôn armij ro? etke  
kwoj jijöt möke iam im armij otem-  
jej rej jutök ituröm, jen jiboñ ñôn  
jota? **15** Im Moses e ar ba ñôn je-  
men lio, Kin ke armij rej itok ñôn  
iba bwe ren <sup>1</sup>kajitök iben Anij: **16**  
ke jabrewöt men in kajitök ibeir, rej  
itok ñôn iba; inem ij ekajet ikötan  
juön armij im dri turin, im ij kajelaik  
ir kien ko an Anij, im men in kaiñi  
ko An. **17** Im jemen lio belen Moses  
e ar ba ñôn e, Men eo kwoj kômône  
e jab emön. **18** Emol <sup>2</sup>kwo naj belo,  
kwe im armij rein iböm: bwe jermal  
in e kanuij erro ñôn kwe; kwo ban  
kômône möke iam. **19** Kwon eoroñ  
ainikiö, I naj katakin yuk, im Anij  
en iböm: kwe kwon ikötan armij ro  
im Anij, im kwon böktok men ko air  
ñôn Anij: **20** ein drein kwo naj kata-  
kin ir nan in kaiñi im kien ko, im ba-  
kajen ñôn ir ial eo ren etal ie, im jer-  
bal ko emön ren kômöni. **21** Barein-  
wöt, kwon kälet jen armij otemjej,  
man ro re maroñ, ro re mijök Anij,  
man ro remol, ro rej drike korlok  
mweiuik ilo jab wänik; im kwon likit  
ro rej einwöt ioir, iroi ro ion tausan  
ko, iroi ro ion buki ko, iroi ro ion limñoul  
ko, im iroi ro ion joñoul ko: **22** im rein  
ren ekajete armij ro ien otemjej: im  
<sup>3</sup>men ko relap, ren böktok ñôn iböm,  
a aolepen men ko redrik, ir ren möke  
ekajete: ein drein e naj emönlok ñôn  
kwe, im re naj inene iböm. **23** Elañe

kwoj kômôn men in, im Anij ej jiroñ  
yuk einwöt, inem kwo naj maroñ in  
berwöt, im armij rein otemjej re naj  
bareinwöt ilok ñôn jikir ilo ainemön.  
**24** Ein drein Moses e ar eoroñ ainiken  
jemen lio, im e ar kômôn men otemjej  
e ar ba. **25** Im Moses e ar kälet man  
ro re maroñ jen dri Israel otemjej,  
im e ar kairoi ro ion armij rôn, iroi  
in tausan ko, iroi in buki ko, iroi in  
limñoul ko, im iroi in joñoul ko. **26**  
Im rar ekajete armij ro ien otemjej:  
im men ko rebin, rar böktok ñôn  
Moses, a men ko otemjej redrik, ir  
rej möke ekajeti. **27** Im Moses e ar  
kötlok jemen lio; im e ar ilok ñôn  
eneo an.

**19** Im ilo aliñ eo ken ka jilu, eli-  
kin an ro nejin Israel drioi ro jen  
Ijpt, ilo ran eo wöt, rar itok ñôn ene  
jemaren in Sainai. **2** Im ke emwij  
air ilok jen Repidim, im rar itok ñôn  
ene jemaren in Sainai, rar kajur imön  
kaber ko air ilo ene jemaren eo; im  
ijo Israel e ar kamp iman tol eo. **3**  
Im Moses e ar wönliñlok ñôn iben  
Anij, im Jeova e ar kir ñôn e jen tol  
eo, im ba, Ein drein an naj ba ñôn ro  
nukin Jakob, im kennanek ro nejin  
Israel: **4** Kom ar lo ta eo I ar kô-  
mône ñôn ro dri Ijpt, im ekijkan I  
ar baur kom ion pä ko pein igöl, im  
böktok kom ñôn Iö möke. **5** Kin men  
in, kiö, elañe komij eoroñ ainikiö im  
kejbärok bujen eo Aö, inem kom naj  
Aö mweiuik e aurök, <sup>1</sup>jen ailiñ ko  
otemjej: bwe aolepen löl, Aö: **6** im  
kom naj ñôn Iö juön ailiñ in pris ro,  
im ailiñ e kwojarjar. Nan kein nan  
ko kwo naj konono ñôn ro nejin Is-  
rael.

**7** Im Moses e ar item kirtok ridto  
ro an armij ro, im e ar kwalok ñôn  
ir nan kein otemjej Jeova e ar jiroñ  
e kake. **8** Im armij otemjej rar  
jimor uak, im ba, Men otemjej Jeova  
e ar konono, kim naj kômöni. Im  
Moses e ar kwalok nan ko an armij  
ro ñôn Jeova. **9** Im Jeova e ar ba  
ñôn Moses, Lo, Ij iwij ñôn yuk ilo  
köro e mijil, bwe armij ren roñjake  
ñe Ij konono iböm, bwe ren barein-

<sup>1</sup> Bwin. 9. 8 <sup>2</sup> Dut. 1. 12. <sup>3</sup> Dut. 1. 17. 18.

<sup>1</sup> Dut. 7. 6.



wõt tōmak yuk nōn in drio. Im Moses e ar kennanek Jeova nan ko an armij rōn. 10 Im Jeova e ar ba nōn Moses, Kwon ilok nōn iben armij ro, im kokwojarjar ir ranin im ilju, bwe ren <sup>1</sup>kwolkwol nuknuk ko air, <sup>11</sup> im ren pojōk mae ran eo ken ka jilu; bwe ilo ran eo ken ka jilu, Jeova e naj wōnlōltok iman mejen armij otemjej ilo tol Sainai. 12 Im kwon likit kakōlen kōtan nōn armij ro, im ba, Lale kom ar wōnliñlok ilo tol eo, ak uñir tōreren: jabrewõt eo ej uñir tol eo, emol en mij: 13 ejelok pā en uñir e, bwe re naj kare kin dreka, ak libon e kin mōri; elañe kiru ak armij e jamin mour: ñe jilil ej kaitoklok ainiken, ren kebaktok tol eo. 14 Im Moses e ar wōnlōllok jen tol eo nōn iben armij rōn, im e ar kokwojarjar armij ro; im rar kwoli nuknuk ko air. 15 Im e ar ba nōn armij ro, Komin pojōk mae ran eo ken ka jilu; komin jab kebake kōra.

16 Im <sup>2</sup>ilo ran eo ken ka jilu, ke ejiboñ, eor jorur im jarōm ko, im kōro e mijil ion tol eo, im ainiken jilil e kanuij lap; im armij otemjej ilo kamp eo rar wuririr. 17 Im Moses e ar āñintok armij ro jen kamp eo air bwe ren wōnmae Anij; im rar jutōk iturin unin tol eo. 18 Im aolepen tol Sainai e ar kanuij batat, bwe Jeova e ar wōnlōltok ion <sup>3</sup>ilo kijeek; im batin e ar wōnliñlok einwõt bat in ubaj, im aolepen tol eo e ar kanuij bañijñij. 19 Im ke ainiken jilil e laplok wõt, Moses e ar konono, im Anij e ar uak e kin ainiken. 20 Im Jeová e ar wōnlōltok ion tol Sainai, nōn jeban tol eo: im Jeova e ar kirtok Moses nōn jeban tol eo; im Moses e ar wōnliñlok. 21 Im Jeova e ar ba nōn Moses, Kwon wōnlōllok, im jiroñ armij ro, <sup>4</sup>ñe rab druaktok nōn Jeova bwe ren aluij, inem elōñ iair re naj joko. 22 Im pris ro, bareinwõt, ro rej kebaktok Jeova, ren mōke kokwojarjar ir, ñe Jeova ab driblok nōn ir. 23 Im Moses e ar ba nōn Jeova, Armij re ban itok nōn tol Sainai: bwe Kwar jiroñ kim, im ba, Komin kōmōn

kakōlen kōtan ko iturin tol eo, im kokwojarjar e. 24 Im Jeova e ar ba nōn e, Kwon ilok, im wōnlōllok; im kominro Aron wōnliñtok: a pris ro im armij ro ren jab druaktok nōn Jeova, ñe E ab driblok nōn ir. 25 Ein drein Moses e ar wōnlōllok nōn iben armij ro, im kennanek ir.

**20** Im Anij e ar konono nan kein otemjej, im ba,

2 Ña Jeova am Anij, eo e ar āñintok yuk jen enen Ijipt, jen mweo imōn kamakoko.

3 En ejelok bar anij rōn ibōm ijilokiō.

4 <sup>1</sup>Kwon jab kōmōnmōn im jekjek ekjōp nōn yuk, ak jabrewõt men in e wāwen men ko ilōñ, ak ilōl iomin, ak ilo dren iomin lōl: 5 <sup>2</sup>kwon jab barikrik jen ir, ak jermal nōn ir; bwe Ña Jeova am Anij, <sup>3</sup>Anij e kamo, im <sup>4</sup>Ij jibel nana an ro jemeir ion ro nejir nōn eboben eo ken ka jilu im eboben eo ken kemen ian ro rej kiji-rāte Iō, 6 im kwalok joiñ nōn <sup>5</sup>tausan ro ian ro rej yokwe Iō, im bokake kien ko Aō.

7 <sup>6</sup>Kwon jab ba bata etan Jeova am Anij; bwe Jeova e jamin likit e ejelok ruōn, eo ej ba bata etan.

8 Kwon kememej <sup>7</sup>ran in Sabat, bwe kwon kokwojarjar e. 9 Iomin jiljino ran kwon jermal, im <sup>8</sup>kōmōn jermal otemjej ko am; 10 a ran eo ken ka jiljilimjuōn, juōn Sabat nōn Jeova am Anij: ran eo kwon jab kōmōn jabrewõt jermal, jab kwe, jab nejōm man, jab nejōm kōra, jab korijerōm man, jab korijerōm kōra, jab kiru ko am, jab am druā maijet ej ber iloan kejem ko am: 11 bwe <sup>9</sup>ilo jiljino ran Jeova e ar kōmōn lōñ im Iōl, im lojit, im men ko otemjej ilo air, im E ar kakije ilo ran eo ken ka jiljilimjuōn: kin men in Jeova e ar kowāpen ran in Sabat im kokwojarjar e.

12 <sup>10</sup>Kwon kible ñōn jemōm im jinoñ, bwe en <sup>11</sup>eto ran ko am ion eneo Jeova am Anij ej lewoj nōn yuk.

13 <sup>12</sup>Kwon jab uror.

<sup>1</sup> Liv. 26. 1. <sup>2</sup> Jap. 22. 24. <sup>3</sup> Jap. 34. 14. <sup>4</sup> Jap. 34. 6. <sup>5</sup> Dut. 7. 9. <sup>6</sup> Liv. 19. 12. <sup>7</sup> Jap. 23. 12. <sup>8</sup> Jap. 34. 21. <sup>9</sup> Jap. 31. 17. <sup>10</sup> Matu 15. 4; Eph. 6. 2. <sup>11</sup> Dut. 6. 16. <sup>12</sup> Jap. 21. 12.

14 <sup>1</sup> Kwon jab lññ.

15 <sup>2</sup> Kwon jab kwot.

16 <sup>3</sup> Kwon jab kennan nan in riöp nae dri turum.

17 <sup>4</sup> Kwon jab ankwōnak imōn dri turum, kwon jab ankwōnak lio belen dri turum, jab korijeran man, jab korijeran kōra, jab an kau, jab an ass, jab men eo jabrewōt an dri turum.

18 Im armij otemjej rar lo jorur ko, im jarōm ko, im ainiken jilil, im tol eo e batat: im ke armij ro rar loi, re wuririr, im jutōk etolok. 19 Im rar ba ñōn Moses, Kweo kwon konono ibem, im kim naj roñjakē; a Anij en jab konono ibem, ñe kim ab mij. 20 Im Moses e ar ba ñōn armij rōn, Komin jab mijōk: bwe Anij ej iten <sup>5</sup> melejoñ kom im bwe mijōk E en imami, bwe komin jab jerawiwi. 21 Im armij ro rar jutōk etolok, ak Moses e ar druaklok ebake marok eo e mijil, ijo Anij e ar ber ie.

22 Im Jeova e ar ba ñōn Moses, Ein drein am naj ba ñōn ro nejin Israel, Komeo kom ar lo bwe I ar konono ibemi jen lññ. 23 <sup>6</sup> Komin jab kōmōnmōn anij ro ijillockiō; anij silver, ak anij gold, komin jab kōmōnmōn ñōn kom. 24 Kwon kōmōnmōn ñōn Iō, juōn lokatok jen brij, im kwon katok ion kin katok kijeek im jurtak in ainemōn ko am, jip ko am, im kau ko am: ilo jikin otemjej Ij keme-mej eta, I naj iwij ñōn kwe, im I naj kamōnōnōik yuk. 25 Ak elañe kwoj kōmōn ñōn Iō juōn lokatok dreka, kwo jamin kalek e kin dreka ko emwij jeki; bwe elañe kwo naj likit ion am ken jekjek, emwij am kananaik e. 26 Im kwon jab wōnliñlok kin ken uwe ñōn lokatok eo Aō, bwe am kelwan en jab walok ion.

**21** Im ir kein kien ko kwo naj likiti imair.

2 Elañe kwoj wiaik juōn <sup>7</sup> korijerōm dri Hibrū, e naj korijer iomin jiljilimjuōn yiō: ak ilo yiō eo ken ka jiljilimjuōn, e naj ilok im anemkwojan, ejelok wōnan. 3 Elañe ej dreloñlok

mōke ian, e naj drioiñlok mōke ian: elañe emwij an belele, lio e naj drioiñlok ibenlok. 4 Elañe karo eo an ej lelok ñōn e lio belen, im e naj neje ñōn e nejin man ak kōra; lio im ro nejin re naj an karo eo, im leo e naj drioiñlok mōke ian. 5 A elañe korijer eo ej ba alikar, Ij yokwe karo eo aō, im lio beliō, im ro nejiō; I jamin drioiñlok anemkwojaō: 6 inem karo eo an e naj āñinlok e ñōn Anij, im e naj āñinlok e ñōn aur ak ñōn jurōn aur eo; im karo eo an e naj ili lojiliñin kin juōn ken wie; im e naj korijer ñōn e in drio.

7 Im elañe juōn armij ej wiakake nejin kōra bwe en dri korijer, e jamin drioiñlok einwōt dri korijer man ro. 8 Elañe lio e jab kabuñburuen karo eo an, eo e ar karōk e ñōn iben, inem leo en likit bwe ren bar wiaik e: ejelok an maroñ wiakake lio ñōn ro druamajet, bwe emwij an mone. 9 Im elañe ej karōk e ñōn nejin eman, e naj kōmōn ñōn e einwōt mōntin ro nejin kōra. 10 Elañe leo ej bōk ñōn e bar juōn belen; inen e jamin kariklok kijan, ak nukruk ko an, ak an kōmao iben. 11 Im elañe e jab kōmōn men kein jilu ñōn e, inem e naj drioiñlok im ejelok wōnan.

12 Eo ej <sup>1</sup> mōn juōn armij inem e mij, emol en mij. 13 Im elañe armij eo e jab kejare, a Anij ej ketōk e na ilo pein; inem I naj <sup>2</sup> bakajen ñōn yuk juōn jikin ijo e naj kone. 14 A elañe juōn armij ej kōmōn nana ñōn dri turin im mōn e ilo mon; kwo naj bōk e jen lokatok eo Aō, bwe en mij.

15 Im eo ej mōn jemen ak jinen, emol en mij.

16 Im eo ej kwote juōn armij im wiakake, ak elañe rej lo e ilo pein, emol en mij.

17 Im eo ej <sup>3</sup> kole jemen ak jinen, emol en mij.

18 Im elañe armij rej akwaile dron, im juōn ej kare eo juōn kin dreka, ak dreñlokwe e kin pein, im e jab mij, a ej berwōt ion jikin babu; 19 elañe e bar jerkak im etetal inabij kin jokwōnōn, inem e naj ejelok ruōn

<sup>1</sup> Liv. 20. 10. Matn 19. 18. <sup>2</sup> Liv. 19. 11. <sup>3</sup> Jap. 23. 1. <sup>4</sup> Rom 7. 7. <sup>5</sup> Jap. 15. 25. <sup>6</sup> Dut. 29. 17. <sup>7</sup> Liv. 25. 39-43.

<sup>1</sup> Jen. 9. 6. <sup>2</sup> Josh. 20. 1-9. <sup>3</sup> Matu 15. 4.

eo e ar dreñlokwe: ak e naj nawōnan eo juōn kin ien e joko, im e naj kōmōn bwe en ejmour wōt.

20 Im elañe juōn armij ej dreñlokwe korijeran man ak kōra, kin juōn alal, im e mij iomin pein; emol re naj kajeik e. 21 Ijoke, elañe ej berwōt iomin juōn ak ruo ran, re jamin kajeik e: bwe ej mōnni eo an.

22 Im elañe armij rej iri, im rej kokkure juōn kōra e bōroro, bwe en jibuñ, im ejelok bar jorran e walok; en kōla wōnan einwōt leo belen kōra eo ej bōke; im en kōla wōnan einwōt ro dri ekajet rej ba. 23 A elañe jabrewōt jorran ej walok, inem kwo naj nawōnan mour kin mour, 24 <sup>1</sup>mej kin mej, ñi kin ñi, pā kin pā, ne kin ne, 25 urur kin urur, kinej kin kinej, dribitbit kin dribitbit.

26 Im elañe juōn armij ej dreñlokwe mejen korijeran man ak kōra, inem e joko; en na anemkwojan kin mejen. 27 Im elañe ej dreñlokwe ñiin korijeran man ak kōra; en na anemkwojan kin ñi eo.

28 Im elañe juōn ox ej dribōj armij, man ak kōra, bwe ren mij, ren kare kau eo kin dreka, im ren jab mōña kōniekin; a ejelok ruōn armij eo e kar an ox eo. 29 A elañe ox eo e kar minene in dribōj ilo ien e motlok, im rar kennanek armij eo an ox eo kin men in, im e jab drebij e, a e ar mōn juōn man ak kōra, ren kare ox eo kin dreka, im bareinwōt mōn armij eo e kar an ox eo, bwe en mij. 30 Elañe rej likit binmour ion leo, inem en lelok ken wiaik an mour jabrewōt eo rej likit e ion. 31 Elañe e ar dribōj juōn nejin man, ak elañe e ar dribōj juōn nejin kōra, re naj kōmōn ñōn e ekar ñōn ekajet in. 32 Elañe ox eo ej dribōj dri korijer man ak kōra, e naj lelok ñōn karo eo air <sup>2</sup>jilñoul shekel in silver, im re naj kare ox eo kin dreka.

33 Im elañe juōn armij ej kabellok juōn roñ, ak elañe juōn armij ej kōbij juōn roñ im jab kalibubu e, inem juōn ox ak ass ej buñ na iloan, 34 eo an roñ eo e naj kajime men in; e naj le-

lok mōnni ñōn armij an kiru eo, im kiru eo e mij e naj an.

35 Im elañe ox an juōn armij ej kokkure ox an bar juōn, inem e mij, re naj wiakake ox eo e mour, im ajej wōnan ñōn dron; im re naj ajej eo e mij bareinwōt. 36 Ak elañe e buñbuñ bwe ox eo e ar minene in dribōj ilo ien ko re motlok, im eo an ox eo e ar jab drebij e; emol e naj kōla ox kin ox, im kiru eo e mij e naj an.

22 Elañe juōn armij ej kwote juōn kau ak juōn jip, im mōne ak wiakake: e naj kōla lailim kau kin juōn kau, im <sup>1</sup>emen jip kin juōn jip.

2 Elañe rej lo juōn dri kwot ilo an rupe im dreloñ, im rej mōn e bwe en mij, e naj ejelok ruōn bōtōktōk kin e. 3 Elañe ej tak al ion, e naj or ruōn bōtōktōk kin e; emōn en kōmōn men in kōrra: im elañe ejelok iben, inem ren wiakake kin kwot eo. 4 Elañe rej lo men in kwot ilo pein im e mour wōt, elañe kau, ak ass, ak jip; e naj kōla wōnan ruo alen.

5 Elañe juōn armij ej kōmōn bwe ren mōña bwil in grep ak jikin kallip, im ej kōtlök kiru eo an, im ej mōña ilo jikin kallip an bar juōn armij; mōtōn ko remōntata jen jikin kallip eo an, im mōtōn ko remōntata jen bwil in grep eo an, e naj lelok men in kōrra.

6 Elañe kijeek ej urur im tile kālilik ko, inem tir in korn, ak korn re jañin bukwe, ak jikin kallip eo, e bwil im joko; eo e kar kejo kijeek eo, emol en kōmōn men in kōrra.

7 Elañe juōn armij ej lelok mōnni ak mweik ñōn dri turin bwe en kejbārok e, im rej kwote jen iloan imōn armij eo; elañe rej lo dri kwot eo, e naj kōla wōnan ruo alen. 8 Elañe re jab lo dri kwot eo, im iroi in mweo e naj druaktok ñōn Anij, bwe ren jela elañe e ar likit pein ion mweien dri turin ke jab ke. 9 Kin jabrewōt men in elikinjipjip, elañe kau, ak ass, ak jip, ak nuknuk ko, ak jabrewōt men eo e joko, im juōn ej ba kake, Eñin men eo, nan an armij rein ruo e naj

<sup>1</sup> Matu 5. 26. <sup>2</sup> Matu 26. 18.

<sup>1</sup> Luk 10. 8.

walok iman Anij; eo Anij ej liakelok e, en kōla wōnan ruo alen nōn dri turin.

10 Elaņe juōn armij ej lelok nōn dri turin juōn ass, ak kau, ak jip, ak jabrewōt kiru, bwe en kejbārok e; inem e mij, ak jorran, ak rej ubakelok ir ke ejelok armij rej loi: 11 kanōjnij an Jeova e naj ikōtairro, elaņe e ar likit pein ion mweien dri turin; im eo mweiak ko an en eoroņ e, im e jamin kōmōn men in kōrra. 12 A elaņe emwij kwote jen armije eo, inem en kōmōn men in kōrra nōn eo an men ko. 13 Elaņe emwij kekele, en bōktok e bwe en men in kennan; ejamin kōmōn men in kōrra kin men eo emwij kekel e.

14 Im elaņe juōn armij ej karoņ jabrewōt jen dri turin, inem e jorran ak mij, ke eo an e jab ber iben, emol en kōmōn men in kōrra kake. 15 Elaņe eo an ej ber iben, e jamin kōrra: elaņe men eo men in kejerbal, e ar itok kin wōnan jermal eo an.

16 Im elaņe juōn eman ej karel juōn jiroņ, eo e jaņin kalimur nōn juōn, in babu iben, emol e naj kōla kitri bwe en belen. 17 Im elaņe jemen e kanuij abwin lelok lio nōn e, en lelok mōnni ekar nōn kitri an jiroņ ro.

18 Kwo jamin likit juōn dri marmir kōra bwe en mour.

19 Jabrewōt armij ej <sup>1</sup>babu iben juōn kiru, emol en mij.

20 Eo ej <sup>2</sup>katok nōn jabrewōt anij, eo e jab Jeova, ren kanuij mōn e bwe en mij. 21 Kwon jab kejjorran juōn drua maijet, im kwon jab kamakokoik e: bwe kom kin drua maijet ilo enen Ijpt. 22 Komin jab kejjorran jabrewōt kōra e joko belen, ak eo atajinemjen. 23 Elaņe kwoj kejjorran ir ilo jabrewōt wāwen, meņe jirik wōt air kir nōn Iō, emol I naj eoroņ air kir; 24 im Aō illu e naj bwil, im I naj mōn kom kin jāji; im limaro belemi re naj limaro e joko beleir, im ro nejimi re naj atajinemjen.

25 Elaņe kwoj lelok mōnni men in kamuri nōn jabrewōt ian ro droō ibōm eo e jeramel, kwo jamin einwōt juōn

dri kamuri nōn e; im kwo jamin bōk jimair jen e. 26 Elaņe kwoj bōk nuknuk ko an dri turum, men in kamol, kwon kejeblak e nōn e mokta jen an tulok al: 27 bwe men eo dreo kojnen, ej ballin: e naj kiki ilo ta? im ñe ej kir nōn Iō, I naj eoroņ e; bwe Na joij wōt.

28 Kwon <sup>1</sup>jab kajirere kake Anij, ak <sup>2</sup>kole iroiĵ an armij ro am. 29 Kwon jab ruimij in letok jen leen jikin kallip ko am, im mōtōn dren ko jen am ken joniōk. Kwon <sup>3</sup>letok manji ian ro nejōm nōn Iō. 30 Ein drein am naj kōmōn kin kau ko am, im kin jip ko am: e naj ber iben jinen iomin jiljilimjuōn ran; ilo ran eo ken ka drualitōk, kwon letok nōn Iō. 31 Im komin armij ro kwojarjar nōn Iō: kin men in, komin jab mōña jabrewōt kōniek kiru ko rawia rar kekele ilo melaj; komin lelok e nōn kiru roror ko.

**23** Kwon jab konono nan wan: kwon jab likit peōm iben eo dri nana bwekwondri kennan e jab wānik. 2 Kwon jab lor elōņ armij nōn kōmōn nana; im kwon jab konono ilo men in ekajet, inem jeōrlōk iben elōņ armij in kankeke ekajet: 3 im kwon jab kaljiklok dri jeramel ilo men in ekajet eo an.

4 Elaņe kwoj ion kau ak ass an eo ej kijirāte yuk ñe ej jebwābwe, emol kwo naj kejeblak e nōn iben. 5 Elaņe kwoj lo ass an eo ej kitōtōkake yuk, ej babu iomin inek eo an, im kwo jab kōnan jibōņ e, emol kwon jibōņ e.

6 Kwon jab kankeke ekajet eo an am dri jeramel ilo men in ekajet eo an. 7 Kwon katoane men ko rewan; im kwon jab mōn eo ejelok ruōn ak eo dru wānik: bwe I jamin kowānik ro dri nana. 8 Im kwon jab bōk jabrewōt men in wiaik buru: bwe men in wiaik buru ej kabilo ro rej lolokjen, im kankake nan ko an dri wānik. 9 Im juōn drua maijet kwon jab kamakokoik e: bwe kom jela toōn drua maijet, kin ami kar drua maijet ilo enen Ijpt.

<sup>1</sup> Liv. 18. 23. <sup>2</sup> Jap. 32. 8.

<sup>1</sup> Liv. 21. 15, 16. <sup>2</sup> Jerb. 23. 5. <sup>3</sup> Jap. 13. 2.

10 Im iomin jiljino yiō kwo naj jeor ilo eneo am, im kwo naj aini an orlok: 11 a iomin yiō eo ken ka jiljilimjuōn, kwon likit e bwe en kakije, im jab tōblōle, bwe ro dri jeramel in armij ro am, ren mōña: im jabrewōt men ko rej likite, kiru e awia e naj mōña. Ein drein kwon kōmōn kin am bwil in grep, im kin am jikin wijki oliv. 12 Iomin jiljino ran kwon kōmōn am jermal, im ilo ran eo ken ka jiljilimjuōn, kwon kakije: bwe ox im ass eo am ren kakije, im leo nejin korijerōm kōra, im drua maijet eo ren kajurlok. 13 Im ilo men ko otemjej I ar konono kake nōn kom, komin lale mōk: im kwon jab konono kin etan anij ro jet, im ren jab roñjake jen loñom.

14 Jilu alen ilo yiō kwon lale kwoj-kwoj nōn Iō. 15 Kwon lale kwojkwoj in bred e jab uwe: iomin jiljilimjuōn ran kwon mōña bred e jab uwe, einwōt I ar jiroñ yuk, ilo ien emwij likite, ilo aliñ Ebib, (bwe ilo ien eo kwar drioiytok jen Ijipt); im ejelok en walok imaō ñe ejelok jurtak iben: 16 im kwojkwoj in marmir, jomōkōj an jermal ko am, eo kwoj jeor ilo melaj: im kwojkwoj in ainitok, ilo jemlokōn yiō, ñe kwoj ainitok jermal ko am jen melaj. 17 Jilu alen ilo juōn yiō man otemjej am ren walok iman IroiJ Jeova.

18 Kwon jab letok bōtōktōkin men in katok ko Aō iben bred e jab uwe: im kioeo in kwojkwoj eo Aō en jab ber iomin boñ nōn rantak. 19 Leen mokta ian jomōkōj in eneo am, kwon bōktok ñōnimōn Jeova am Anij. Kwon jab kōmāt juōn kon in goat ilo dren in itin jinen.

20 Lo, Ij jilkinlok <sup>1</sup>juōn enjel imam, bwe en kajbārok yuk ilo ial eo, im bwe en āñinlok yuk na ilo jikin eo emwij Aō kapoje. 21 Kwon lale e, im eoroñ ainiken; kwon jab kitōtōkake e; bwe e jamin jeorlok am bwir: bwe eta ilo e. 22 A elañe kwoj eoroñ e wōt, im kōmōn men otemjej Ij konono kake; inem I naj kijirāte ro rej kijirāte yuk, im jumae ro rej jumae

yuk. 23 Bwe Aō enjel e naj ilok imamlok, im āñinlok yuk nōn iben dri Amor, im dri Het, im dri Periz, im dri Kenean, im dri Hiv, im dri Jibus: im I naj jebōke ir. 24 Kwon jab barikrik jen anij ro air, ak jermal nōn ir, ak kajeoñwe jermal ko air; a kwon jolōllok ir, im ruprupi ekjōp ko air. 25 Im komin jermal nōn Jeova am Anij, inem E naj kejerammōn men eo kijōm, im limōm; im I naj bōklok nañinmij jen bwiljimi. 26 Ejelok e naj dri jibuñ ak dri war ilo eneo am: oran ran ko am I naj kajejiti. 27 I naj jilkinlok Aō men in kimjōk imam, im I naj keJORran armij otemjej kom naj ilok nōn ibeir, im I naj kōmōn bwe ro rej kijirāte yuk ren elkurkur. 28 Im I naj jilkinlok <sup>1</sup>loñ hornet ko imam, ko re naj ubakelok ro dri Hiv, ro dri Kenean, im ro dri Het, jen iman mejōm. 29 I jamin ubakelok ir ilo juōn wōt yiō, ñe ab eneo en erom ene jemaren, im kiru rawia ren orlok nae yuk. 30 Ilo ialairik I naj ubakelok ir jen imam, mae ien am orlok im jolit eneo. 31 Im I naj likit tōrerer eo am jen Lomalo Ekilmir nōn lomalo in dri Pilistia, im jen ene jemaren nōn River eo: bwe I naj lewoj nōn peōm ro rej ber i eneo; im kwo naj ubakelok ir jen imam. 32 Kwon jab kōmōn jabrewōt bujen ibeir, ak iben anij ro air. 33 Ren jab jokwe ilo eneo am, ñe rab kabwir yuk nae Iō; bwe elañe kwo naj korijer nōn anij ro air, emol e naj juōn jen nōn kwe.

**24** Im E ar ba nōn Moses, Kwon wōnliñtok nōn iben Jeova, kwe im Aron, Nedab im Ebaihu, im jiljilimjuōnñoul ian ridto ro in Israel; im komin kabuñ etolok: 2 im Moses wōt e naj druaklok nōn iben Jeova; a re jamin druaktok; im armij ro re jamin wōnliñtok iben. 3 Im Moses e ar iten kennanek armij ro nan ko otemjej an Jeova, im kien ko otemjej: im armij otemjej rar uak kin juōn wōt ainikeir, im ba, <sup>2</sup>Kim naj kōmōn nan ko otemjej Jeova e ar konono kake. 4 Im Moses e ar <sup>3</sup>jeje nan ko

\* Jap. 2. 2.

<sup>1</sup> Dut. 7. 20. <sup>2</sup> Jap. 19. 8. <sup>3</sup> Jap. 17. 14.

otemjej an Jeova, im ejjboñ wõt an jerkak, im e ar kalek juõn lokatok iturin tol eo, im kajur joñoul ruo dreka, ekar ñõn joñoul ruo bwijin Israel. 5 Im e ar jilkinlok ro likao ian ro nejin Israel, ro rar lelok jurtak ko rej tili, im katok ox ko kin jurtak in ainemõn ñõn Jeova. 6 Im Moses e ar bök jibilkwon bõtöktök eo im likit e na ilo jäbi ko; im jibilkwon bõtöktök eo e ar kabötüktük lokatok eo kake. 7 Im e ar bök buk in bujen eo, im konono iloan ke armij ro rar roñjake; im rar ba, Men otemjej Jeova e ar konono kake, kim naj kômõni, im naj kiblië. 8 Im Moses e ar bök bõtöktök eo, im e ar kabötüktük armij ro kake, im ba, Lo bõtöktök in bujen, eo Jeova e ar kômõnmõn ibemi kin nan kein otemjej.

9 Inem Moses e ar wõnliñlok, kab Aron, Nedab im Ebaihu, im jiljilim-juõnñoul ian ridto ro in Israel: 10 im rar lo Anij in Israel; im iomin neen, einwõt men in kômõnmõn eran jen dreka saffair, im einwõt mejatoto wõt kin an alikar. 11 Im E ar jab likit pein ion ro rajimjim ian ro nejin Israel: im rar lo Anij Laplap, im rar mõña im irak.

12 Im Jeova e ar ba ñõn Moses, Kwon wõnliñtok ñõn iba, ion tol eo, im berwõt: im I naj lewoj tebel ko dreka, im kien im nan in kaiñi, ko emwij Aõ jeje, bwe kwon maroñ in katakin ir. 13 Im Moses e ar jutök, im Joshua, an dri jibõñ: im Moses e ar wõnliñlok ion tol in Anij. 14 Im e ar ba ñõn ridto rõn, Komin kotar kim ijin, mae ien amro jeblaktok ñõn ibemi: im lo, Aron im Hur rej ibemi; jabrewõt eo eor men in ekajet iben, en druaklok ñõn ibeirro. 15 Im Moses e ar wõnliñlok ion tol eo, im kõro eo e ar kalibubu tol eo. 16 Im aibujij an Jeova e ar ber ion tol Sainai, im kõro eo e ar kalibubu e iomin jiljino ran: im ran eo ken ka jiljilim-juõn E ar kir ñõn Moses jen iolapin kõro eo. 17 Im wäwen aibujij an Jeova einwõt kijeeek ej urur ion jeban tol eo, ilo mejen ro nejin Israel. 18 Im Moses e ar dreloñlok ilujen kõro

eo, im e ar wõnliñlok ion tol eo: im Moses e ar ber ion tol eo iomin eñoul ran im eñoul boñ.

**25** Im Jeova e ar konono ñõn Moses, im ba. 2 Kwon konono ñõn ro nejin Israel bwe ren böktokek jurtak ñõn Iõ: jen jabrewõt armij, ñe buruen e kõnan, komin böktokek jurtak eo Aõ. 3 Im eñin jurtak eo komin bök jen ir: gold, im silver, im jinibörör, 4 im blu, im eoi, im kolan jip kilmir, im linen kworairik, im kolan goat, 5 im kilin jip koman ko, emwij uno börör, im kilin raj ko, im ken wijki akesia ko, 6 oil ñõn maram eo, im spais ñõn oil in kabit, im ñõn kajurjur eñõj, 7 dreka ko onix, im dreka ko ñõn loñwe na jikin, ñõn epod eo, im ñõn dribil eo. 8 Im ren kômõnmõn ñõn Iõ juõn im e kwojarjar, bwe In jokwe ibeir. 9 Ekar ñõn men otemjej Ij kwalok ñõn yuk, joñok in imõn kabero eo, im joñok in men ko otemjej iloan, ein drein komin kômõmõni.

10 Im ren kômõn<sup>1</sup> juõn dipdip jen wijki akesia: aitokõn ruo im jibilkwon kubit, im drilpen juõn im jibilkwon kubit, im utiejen juõn im jibilkwon kubit. 11 Im kwon<sup>2</sup> nakilin kin gold erre, iloan im ilikin kwon nakilin, im kwon kômõnmõn juõn labuñlañ gold i belakin. 12 Im kwon kômõn emen torebök gold ñõn e, im likite ilo emen ne ko neen; im ruo torebök ren ber i räjet, im ruo torebök i räjet eo juõn. 13 Im kwon kômõn<sup>1</sup> ñe ko jen wijki akesia, im nakilir kin gold. 14 Im kwon likit alal ko iloan torebök ko i kejan dipdip eo, ijen im ijen, ken inek dipdip eo. 15 Ine ko ren ber ilo torebök ko in dipdip eo: ren jab böki jene. 16 Im kwon<sup>2</sup> likit iloan dipdip eo, nan in kalimur eo I naj lewoj. 17 Im kwon kômõnmõn jikin triamokake jen gold erre: aitokõn ruo im jibilkwon kubit, im drilpen juõn im jibilkwon kubit. 18 Im kwon kômõnmõn ruo kerub jen gold; jen gold emwij nowe kwon kômõnmõni, ilo jabõn ko ruo ilo jikin tiriamo eo. 19 Im kwon

<sup>1</sup> Jap. 57. 1-9. <sup>2</sup> Hib. 9. 4.

kömönmön juön kerub i juön jabön, im juön kerub i jabön eo juön: môtön wôt jikin tiriamo eo, kwon kömönmön kerub ko, ilo jabön ko ruo. 20 Im kerub ko ren erlokwe peir pein bao ilõnin, im kalibubu jikin tiriamo kin peir, im ren jelmae dron; turin mejen kerub ko ren jujeltok ñön jikin tiriamo eo. 21 Im kwon likit jikin tiriamo ion mejen dipdip eo; im illoan dipdip eo kwon likit nan in kalimur eo Ij lewoj. 22 Im ijo I<sup>1</sup> naj ion yuk, im I naj kömao ibõm ilõnin jikin tiriamo, ikõtän kerub ko ruo rej ber ion dipdip in nan in kalimur, kin men ko otemjej I naj lewoj ñön kwe, nan in kaiñi kin ro nejin Israel.

23 Im kwon kömönmön<sup>2</sup> tabel jen wijki akesia: aitokön ruo kubit, im drilpen juön kubit, im utiejen juön im jibilkwon kubit. 24 Im kwon nakilin kin gold erreo, im kwon kömönmön ñön e labuñlañ gold i belakin. 25 Im kwon kömönmön ñön e juön bwä, drilpen einwöt drilpen pä, i belakin, im kwon kömönmön labuñlañ gold ñön töreren. 26 Im kömönmön ñön e emen torebök gold, im kwon likit torebök ko ilo böul ko emen, rej ion ne ko emen. 27 Torebök ko ren kanuij ebak töreren, jikin ine ko rej inek tabel eo kake. 28 Kwon kömönmön ine ko jen wijki akesia, im kwon nakilir kin gold, bwe ren inek tabel eo kaki. 29 Im kwon kömönmön jäbi ko an, im jibun ko an, im köp ko an, im bökä ko an, rej lutöktok jeni: jen gold erreo kwon kömönmön. 30 Im kwon likit bred in kalikar ion tabel eo imaõ ien otemjej.

31 Im kwon kömönmön<sup>3</sup> jikin lamp jen gold erreo: ren kömöne jen gold emwij nowe, aet loñtön im jurön; köp ko an, bökä ko an, im ebul ko an ren môtön wôt: 32 im en jiljino mweññön rej ilok jen katin ko; jilu mweññön jikin lamp jen juön katin, im jilu mweññön jikin lamp jen katin eo juön: 33 en jilu köp kömön ilo wäwen inõkin amond ilo juön mweññön, juön bökä im juön inök; im jilu köp

kömöni ilo wäwen inõkin amond ilo mweññön eo juön, juön bökä im juön inök: ein drein ñön mweññön ko jiljino rej ilok jen jikin lamp eo: 34 im ilo jikin lamp eo emen köp emwij kömöni ilo wäwen inõkin amond, bökä ko an, im inök ko an; 35 im ilo jikin juön bökä iomin ruo mweññön, aolepeir môtön wôt juön, im juön bökä iomin ruo mweññön, aolepeir môtön wôt juön, im juön bökä iomin ruo mweññön, aolepeir môtön wôt juön, ñön mweññön ko jiljino, rej ilok jen jikin lamp eo. 36 Bökä ko air, im mweññön ko air, aolepeir ren môtön wôt juön; aolepeir juön men in nowe jen gold erreo. 37 Im kwon kömönmön lamp ko an, jiljilimjuön: im ren tili lamp ko an in kamramlok iturin. 38 Im ken jopen melle ko an, im nien melkwararin ren jen gold erreo. 39 Jen juön talent in gold erreo kwon kömönmöne, kab jäbi kein otemjej. 40 Im kwon lale wôt im kömönmöni einwöt joñök ko air, emwij kwaloke ñön yuk ion tol eo.

**26** Bareinwöt kwon kömönmön<sup>1</sup> imõn kabér eo jen joñoul baken; jen linen kworairik, im blu, im eoi, im kilmir, iben kerub ko, jermal an dri mejerik, kwon kömönmöni. 2 Aitokön juön baken roñoul drualitök kubit, im drilpen juön baken emen kubit: en juön wôt joñön baken ko otemjej. 3 En koba lailim baken na i jirik; im baken ko lailim na i jirik. 4 Im kwon kömön top ko jen blu ilo töreren baken eo ilik ilo kötän eo mokta; im ein drein kwon kömön ilo töreren baken eo iman ilo ketakin ken ka ruo. 5 Kwon kömönmön limñoul top ilo juön baken, im kwon kömön limñoul top i töreren baken eo iman i ketakin ken ka ruo; top ko ren kajek dron. 6 Im kwon kömönmön limñoul robökä gold, im kwon kobaik baken jabrewöt ñön dron kin robökä ko: im imõn kabér eo e naj eyu.

7 Im kwon kömönmön baken ko jen kolan goat, bwe en ken kalibubu ion imõn kabér eo: kwon kömönmön

<sup>1</sup> Jap. 26. 42. <sup>2</sup> Jap. 27. 10-16. <sup>3</sup> Jap. 27. 17-24.

<sup>1</sup> Jap. 26. 8-10.

joñoul juõn. 8 Aitokõn juõn baken jilñoul kubit, im drilpen juõn baken emen kubit: en joñon wõt juõn baken ko joñoul juõn. 9 Im kwon kobaik lailim baken na i jirik, im jiljino baken na i jirik, im kwon elkwoje baken eo ken ka jiljino iman imõn kabere. 10 Im kwon kõmõnmõn limñoul top ilo tõreren baken eo ej eliktata, im limñoul top ilo tõreren baken eo iman ilo ketakin ken ka ruo. 11 Im kwon kõmõnmõn limñoul robõkã jini-bõrõrõ, im likit robõkã ko ilo top ko, im kobaik imõn kabere eo bwe en eyu. 12 Im mõtõn baken ko an imõn kabere, eo bwen, kaken eo jibilkwon, en toto ilikin imõn kabere eo. 13 Im kubit eo e aitoklok ijen im ijen, jen baken ko an im nuknuk eo, ren toto iturin imõn kabere eo, bwe ren binej e. 14 Im kwon kõmõnmõn ken kalibubu ñõn im nuknuk eo, jen kilin jip koman ko emwij uno kilmiri, im ken kalibubu jen kilin raj ilõñin.

15 Im kwon kõmõnmõn<sup>1</sup> rã ko an imõn kabere eo jen wijki akesia, im kajutõki. 16 Aitokõn juõn rã, joñoul kubit, im drilpen juõn rã, juõn im jibilkwon kubit. 17 En ruo tiõk ilo juõn rã, ken kobaiki: ein drein kwon kõmõn ñõn rã ko otemjej an imõn kabere eo. 18 Im kwon kõmõnmõn rã ko ñõn imõn kabere eo, roñoul rã ñõn turin irõk. 19 Im kwon kõmõnmõn eñoul batilemen silver iomin rã ko roñoul; ruo batilemen iomin juõn rã ñõn tiõk ko ruo an, im ruo batilemen iomin bar juõn rã ñõn tiõk ko an; 20 im ñõn turin ken ka ruo in imõn kabere eo, eañ, roñoul rã, 21 im batilemen silver ko air eñoul; ruo batilemen iomin juõn rã, im ruo batilemen iomin bar juõn rã. 22 Im ñõn turin imõn kabere eo i kabilũñ, kwon kõmõnmõn jiljino rã. 23 Im kwon kõmõnmõn ruo rã ñõn bõul ko ruo an imõn kabere eo i rilik. 24 Im ren alen ruo ilõl, im ein drein ñõn lõñ ñõn juõn apo: einewõt juõn; ir ren bõul ko ruo. 25 Im en drualitõk rã, im batilemen silver ko air, joñoul jiljino, ruo iomin juõn rã, im ruo iomin bar juõn rã.

<sup>1</sup> Jap. 36. 20-34.

26 Im kwon kõmõnmõn alal ko jen wijki akesia; lailim ñõn rã ko i rãjet in imõn kabere eo, 27 im lailim alal ñõn rã ko i rãjet ilo imõn kabere eo, im lailim alal ñõn rã ko an dremõn imõn kabere i kabilũñ. 28 Im alal eo iolap ilukwõn rã ko, en ilok jen jabõn ñõn jabõn. 29 Im kwon nakilin rã ko kin gold, im kõmõnmõn apo ko air, jikin alal ko, jen gold: im kwon nakilin alal ko kin gold. 30 Im kwon kajutõk imõn kabere eo, ekar ñõn wãwen emwij kwalok ñõn yuk ion tol eo.

31 Im kwon kõmõnmõn juõn<sup>1</sup> rõñel nuknuk, jen blu, im eoij, im kilmir, im linen kworairik: ren kaibujuij e kin kerub ko: kõmõnmõn an dri mejerik: 32 im kwon totoik e ilo emen jur akesia, emwij nakilir kin gold; kãj ko air gold, ilo emen batilemen silver. 33 Im kwon totoik rõñel nuknuk eo kin kãj ko, im kwon bõktok na ie, iloan rõñel nuknuk eo, dipdip in kalimur eo: im rõñel nuknuk eo en kijbil ñõn kom jikin e kwojarjar jen jikin e kwojarjar otem kwojarjar. 34 Im kwon likit jikin tiriamokake ion dipdip eo, iloan jikin kwojarjar otem kwojarjar. 35 Im kwon likit tebel eo iman rõñel nuknuk eo, im jikin lamp ikijen tebel eo iloan imõn kabere irõk: im kwon likit tebel tui-ũñ.

36 Im kwon kõmõnmõn juõn jelitõk nuknuk, aur in imõn kabere eo, jen blu, im eoij, im kilmir, im linen kworairik, men in kõmõn e tiltil. 37 Im kwon kõmõnmõn ñõn jelitõk eo, lailim jur jen wijki akesia, im nakilir kin gold; kãj ko air gold, im kwon kõmõnmõn lailim batilemen jinibõrõrõ ñõni.

27 Im kwon kõmõnmõn<sup>2</sup> lokatok eo jen wijki akesia, aitokõn lailim kubit, im drilpen lailim kubit; en aitokõn im drilpen lokatok eo wõt juõn: im utiejen jilu kubit. 2 Im kwon kõmõn drun ko an na ion bõul ko emen: drun ko an ren mõtõn wõt lokatok eo: im kwon nakilin kin jini-bõrõrõ. 3 Im kwon kõmõnmõn pot

<sup>1</sup> Jap. 36. 35-38; Matu 27. 51. <sup>2</sup> Jap. 38. 1-7.



ko an, ken böklok brij in ubaj, im shovel ko an, im jäbi ko an, im käj ko jabōnpi, ken katue kōniek, im jäbi in melle ko an: kwon kōmōnmōn jäbi otemjej an jen jinibōrōrō. **4** Im kwon kōmōnmōn nōn e juōn taul einwōt ok, jen jinibōrōrō; im ilo ok eo kwon kōmōnmōn emen torebōk jen jinibōrōrō, i bōul ko emen. **5** Im kwon likit e iomin bwā eo iloan lokatok eo, ilōl, bwe ok eo en tōbar lukwōn lokatok eo. **6** Im kwon kōmōnmōn alal ko nōn lokatok eo, jen wijki akesia, im nakilir kin jinibōrōrō. **7** Im ren likit alal ko an, ilo torebōk ko, im alal ko ren ber i kejan ijen im ijen, ñe rej ineke. **8** Kwon kōmōne kin rā ko, im en or loan: einwōt emwij kwalok nōn yuk ilo tol eo, ein drein kwon kōmōne.

**9** Im kwon kōmōn <sup>1</sup>loan worwor in imōn kabēr eo: nōn turin irōk en or jelitōk nuknuk nōn worwor, jen linen kworairik, aitokōn jibuki kubit nōn juōn turin: **10** im jur ko an roñoul, im batilemen ko air roñoul, jen jinibōrōrō: käj ko ilo jur ko, im kworōk ko, jen silver. **11** Im ein drein nōn turin eañ, en or jelitōk nuknuk, aitokōn jibuki kubit, jur ko an roñoul, im batilemen ko air roñoul, jen jinibōrōrō; käj ko an jur ko, im kworōk ko air, jen silver. **12** Im nōn drilpen worwor eo i kabilūñ, en or jelitōk nuknuk, limñoul kubit; im jur ko an joñoul, im batilemen ko air joñoul. **13** Im drilpen loan worwor i rear en limñoul kubit. **14** Jelitōk nuknuk jen kejem nōn bōul eo eañ, joñoul lailim kubit; jur ko an jilu, im batilemen ko air jilu. **15** Im jen kejem nōn bōul eo irōk, jelitōk nuknuk en joñoul lailim kubit; jur ko an jilu, im batilemen ko air jilu. **16** Im nōn kejem in loan worwor en juōn jelitōk nuknuk, aitokōn roñoul kubit, jen blu, im eoij, im kilmir, im linen kworairik, kōmōn an dri tiltil; jur ko an emen, im batilemen ko air emen. **17** Jur ko otemjej in worwor eo, naj kworōk kin silver, im käj ko air silver, im batilemen ko air jen jinibō-

rōrō. **18** Aitokōn worwor eo en jibuki kubit, im drilpen limñoul, ijoko otemjej, im utiejen lailim kubit, jen linen kworairik, im batilemen ko air jinibōrōrō. **19** Ken jermal ko otemjej ilo imōn kabēr eo, ilo jermal otemjej an, im drumij otemjej an, im drumij ko otemjej an worwor eo, ren jen jinibōrōrō.

**20** Im kwo naj jiroñ ro nejin Israel, bwe ren bōkwoj, oil oliv erreo, emwij nowe, nōn maram eo, ken kourur juōn lamp ien otemjej. **21** Iloan imōn kwelok eo, elikin rōñel eo iman men in kalimur, Aron im lōmaro nejin ren kejbāroke jen jota nōn jiboñ iman Jeova: en juōn kien nōn in drio ilo ebeben ko air, nōn ro nejin Israel.

**28** Im kwe, kwon <sup>1</sup>kadruakwoj nōn ibōm, Aron, jeōm, im lōmaro nejin iben, jen bwiljin ro nejin Israel, bwe en korijer nōn Iō ilo jermal an pris, aet, Aron, Nedab im Ebaihu, Iliezar, im Itamar, ro nejin Aron. **2** Im kwon kōmōnmōn nuknuk ko re kwojarjar, nōn Aron, jeōm, nōn aibujuij im wōleo. **3** Im kwon kōnōno iben ro otemjej e meletlet burueir, ro I ar kobrōk ir kin jitōb in meletlet, bwe ren kōmōnmōn nuknuk ko an Aron, men in kokwojarjar e, bwe en korijer nōn Iō ilo jermal an pris. **4** Im nuknuk kein ren kōmōnmōni: juōn dribil, im epod, im libror, im kobe kōmōne kin tiltil, im liboñ bōran, im kōñōr: im ren kōmōnmōn nuknuk ko re kwojarjar nōn Aron, jeōm, im nōn ro nejin, bwe en korijer nōn Iō, ilo jermal an pris. **5** Im ren bōk gold eo, im blu, im eoij, im kilmir, im linen kworairik.

**6** Im ren kōmōnmōn <sup>2</sup>epod eo jen gold, im blu, im eoij, im kilmir, im linen kworairik, jermal an dri mejerik. **7** En iben ruo kōmōlmōl emwij keitake nōn jabōn ko ruo an, bwe en maroñ kabine. **8** Im kōñōr eo emōn ejin, ken kabine, en kōmōnin wōt juōn, im en mōtōn wōt; im en jen gold, im blu, im eoij, im kilmir, im linen kworairik. **9** Im kwon bōk ruo dreka onix, im bukwe ilo ir etan ro

<sup>1</sup> Jap. 38. 9-20.<sup>2</sup> Hib. 6. 4. <sup>3</sup> Jap. 39. 2-7.

nejin Israel : 10 jiljino ian etair ilo juõn dreka, im etan ro jiljino ilo dreka eo juõn, ekar ñõn air lotak. 11 Kin jermal an dri bukwe dreka, einwõt men in nawäwen ilo ken sil, kwon bukwe dreka ko ruo, ekar ñõn etan ro nejin Israel : kwon likiti ilo ken drebij ko gold. 12 Im kwon likit dreka ko ruo ilo kõmõlmõl in epod eo, bwe ren dreka in kakememej ñõn ro nejin Israel : im Aron en bõklok etair iman Jeova ion aieran ñõn men in kakememej. 13 Im kwon kõmõnmõn ken drebij ko gold, 14 im ruo to ninir jen gold erreo; einwõt kwol kwon kõmõnmõni, kin men in tiltil: im kwon kiji to ninir ko ilo ken drebij ko.

15 Im kwon kõmõnmõn dribil in ekajet, jermal an dri mejerik; einwõt men in kõmõn ilo epod eo kwon kõmõnmõne, jen gold, im blu, im eoij, im kilmir, im linen kworairik, kwon kõmõne. 16 Aitokõn im drilpen wõt juõn naj kõmõne, im ruo alen; aitokõn im drilpen en juõn jetõn. 17 Im kwon likit dreka ko ilo jikir na ilo dribil eo, emen lajrõk: lajrõk eo mokta sardiõs, topaz, im karbunkle, en lajrõk ken ka juõn; 18 im lajrõk eo ken ka ruo, emerald, im saffair, im daimond; 19 im lajrõk eo ken ka jilu, jesint, im aget, im ametist; 20 im lajrõk eo ken kemen, beril, im onix, im jasper: naj likite ilo gold ilo batilemen ko. 21 Im dreko ko ren ekar ñõn etan ro nejin Israel, joñoul ruo, ekar ñõn etair; einwõt air bukwe ilo dreka in sil, jabrewõt iair im etan, ren ekar ñõn bwij ko joñoul ruo. 22 Im kwon kõmõnmõn ilo dribil eo to ninir ko, einwõt kwol, im re tiltil, jen gold erreo. 23 Im kwon kõmõnmõn ilo dribil eo ruo luko gold, ken totoike, im naj likit luko ko ruo ilo jabõn ko an dribil eo. 24 Im kwon likit to ninir ko gold re tiltil, ilo luko ko i jabõn ko an dribil eo. 25 Im jabõn ko ruo ilo to ninir gold ko re tiltil, kwon likite ilo ken drebij ko ruo, im likiti ilo kõmõlmõl in epod eo, iman. 26 Im kwon kõmõnmõn ruo luko gold, im likiti ilo jabõn ko

ruo jabõn dribil eo, ilo tõrenen, eo ñõn turin epod tu iloan. 27 Im kwon kõmõnmõn bar ruo luko gold, im kwon likiti ilo kõmõlmõl ko ruo an epod iomin, ilo mõtõn iman, ebak ketakin ilõnin kõñõr e tiltil an epod eo. 28 Im kwon lukwoj dribil eo kin luko ko an, iben luko ko in epod eo, kin to blu, bwe en ber ion kõñõr e tiltil an epod; im bwe dribil eo en jab mejõl jen epod eo. 29 Im Aron en bõklok etan ro nejin Israel ilo dribil in ekajet eo, ion ubõn, ñe ej dreloñ ilo jikin e kwojarjar, bwe en men in kakememej iman Jeova ien otemjej. 30 Im kwon likit Urim im Tummim ilo dribil in ekajet eo, im ren ber ion ubõn Aron, ñe ej dreloñ iman Jeova: im Aron en bõklok ekajet an ro nejin Israel ion ubõn iman Jeova ien otemjej.

31 Im kwon kõmõnmõn <sup>1</sup>liboror in epod eo, blu wõt. 32 Im en juõn roñin bõran iolapin: im ren mejuk tõrereren roñ eo kin men in ej, einwõt roñ ilo kobe in tõrinae, bwe en jab beotõk. 33 Im kwon kõmõnmõn ilõl ilo tõrereren, pomgranet ko blu, im eoij, im kilmir, in kabol tõrereren; im bel ko gold ikõtair i belakin: 34 juõn bel gold im juõn pomgranet, juõn bel gold im juõn pomgranet ilo tõrereren liboror eo i belakin. 35 Im e naj ber ion Aron bwe en korijer: re naj roñjake ñe ej dreloñ ilo jikin kwojarjar, iman Jeova, im ñe ej drioijtok, bwe en jab mij.

36 Im kwon kõmõnmõn <sup>2</sup>juõn plet jen gold erreo, im bukwe ion, einwõt men in jeje ilo ken sil, E KWOJARJAR NÕN JEOVA. 37 Im kwon likite ilo juõn to blu, im e naj ber ion libo eo; en ber iman libo eo. 38 Im en ber i dremõn Aron, bwe Aron en inek bwir an men ko re kwojarjar, ko ro nejin Israel rej kokwojarjari, ilo jurtak ko air re kwojarjar; im en ber ion dremõn ien otemjej, bwe ren men in mõnõnõ iman Jeova. 39 Im kwon kõmõnmõn kobe eo jen linen kworairik, im kalitlit e, im kwon kõmõnmõn libo eo kin linen kworairik,

<sup>1</sup> Jap. 39. 22-26. <sup>2</sup> Jap. 39. 30, 31.

im kwon kōmōnmōn juōn kōñōr, men in kōmōn an juōn dri tiltil.

40 Im nōn lōmaro nejin Aron kwon kōmōnmōn kobe ko, im kwon kōmōnmōn nōn ir kōñōr ko, im rojenbōr ko kwon kōmōnmōn nōn ir, nōn aibujuij im wōleo. 41 Im kwon likiti ion Aron, jeōm, im ion ro nejin iben, im kwon kabit ir, im kejenolok ir, im kokwojarjar ir, bwe ren korijer nōn Nā ilo jermal an pris. 42 Im kwon kōmōnmōn nōn ir traujej ko linen, ken kalibubu ir; aitokir jen ibir nōn unin neir: 43 im ren ber ion Aron im ion ro nejin, ñe rej dreloñ iloan imōn kwelok eo, ak ñe rej kebake lokatok eo bwe ren korijer ilo jikin e kwojarjar; bwe ren jab inek bwir, im mij: en juōn kien nōn e im nōn inen elikin, nōn in drio.

29 Im kwon kōmōn men in nōn ir in kokwojarjar ir, bwe ren korijer nōn Iō ilo jermal an pris: kwon bōk juōn kau koman emōn ridtōn, im ruo jip koman re wāppen, 2 im bred e jab uwe, im kek ko re jab uwe, im emwij iōki kin oil, im kek ko re meni kabiti kin oil: jen flau in wit e kanuij kwerik kwon kōmōnmōni. 3 Im kwon likiti ilo juōn iep, im bōktoki iloan iep eo, iben kau koman eo, im jip koman ko ruo. 4 Im kwon āñintok Aron im lōmaro nejin nōn kejem in imōn kwelok eo, im kwon katutu ir kin dren. 5 Im kwon bōk nuknuk ko, im naballin Aron kin kobe eo, im liboror in epod, kab epod eo, im dribil eo, im kwon kañōrñōr e kin kōñōr in epod e tiltil; 6 im kwon likit libo eo ion bōran, im likit bokrōnat e kwojarjar ion libo eo. 7 Inem kwon bōk oil in kabit eo, im lutōke ion bōran. 8 Im kwon āñiñintok lōmaro nejin, im naballir kin kobe ko. 9 Im kwon kañōrñōr ir kin kōñōr ko, aet Aron im ro nejin, im kwon kajok libo ko ioir: im jermal in pris e naj air kin kien nōn in drio: im kwo naj kokwojarjar Aron im ro nejin.

10 Im kwon āñintok kau koman eo nōn iman imōn kwelok eo: inem Aron im lōmaro nejin ren likit peir ion bōran kau koman eo. 11 Im kwon mōn

kau koman eo iman Jeova, iturin kejem in imōn kwelok eo. 12 Im kwon bōk jen bōtōktōkin kau koman eo, im likite ion drun ko in lokatok kin arrin peōm; im kwon lutōklok aolepen bōtōktōk iturin lokatok eo. 13 Im kwon bōk aolepen kioeo ej kalibubu mōjñōl ko, im jā eo ion aj, im dreka in jibke ko ruo, im kioeo ej ber ioir, im tili ion lokatok eo. 14 A kōniekin kau koman eo, im kilin, im toeōkin, kwon tili kin kijeek ilikin kamp eo: ej men in lelok kin jerawiwi.

15 Bareinwōt, kwon bōk juōn ian jip koman ko; im Aron im lōmaro nejin ren likit peir ion bōran jip koman eo. 16 Im kwon mōn jip koman eo, im kwon bōk bōtōktōkin im kabōtūktūk ion lokatok eo im iturin. 17 Im kwon kajibloklok jip koman eo, im kwoli mōjñōl ko, im ne ko, im likiti iben mōtōn ko im iben bōran. 18 Im kwon tile aolepen jip koman eo ion lokatok eo: ej men in katok kin kijeek nōn Jeova: ej bwini enno, men in lelok nōn Jeova kin kijeek.

19 Im kwon bōk jip koman eo juōn; im Aron im lōmaro nejin ren likit peir ion bōran jip koman eo. 20 Inem kwon mōn jip koman eo, im bōk jen bōtōktōkin, im likite ion jabōn lojiliñin anbijmaroñōn Aron, im ion jabōn lojiliñin anbijmaroñōn lōmaro nejin, im ion arrilipen anbijmaroñōn peir, im ion arrilipen anbijmaroñōn neir, im kabōtūktūk kin bōtōktōkin ion lokatok eo im iturin. 21 Im kwon bōk jen bōtōktōk eo ion lokatok eo, im jen oil in kabit eo, im kabōtūktūk Aron, im nuknuk ko an, im ro nejin, im nuknuk ko an ro nejin iben: im e naj kwojarjar, kab nuknuk ko an, im ro nejin, kab nuknuk ko an ro nejin iben. 22 Im kwon bōk jen jip koman eo kioeo eo, im lokōn e mātōk, im kioeo ej kalibubu mōjñōl ko, im jā eo ion aj, im dreka in jibke ko ruo, kab kioeo eo ej ber ioir, im unjen ne anbijmaroñōn, (bwe ej jip koman kin lelok), 23 im juōn ion bred, im juōn kek in bred iōk kin oil, im juōn kek e meni, jen iep in bred e jab uwe,

eo ej ber iman Jeova: 24 im kwon likit aolepeir ion pein Aron, im ion pein ro nejn, im ren kabelbel ir kin juōn jurtak in belbel iman Jeova. 25 Im kwon bōki jen peir, im tili ion lokatok eo, ion men in jurtak rej tili, bwe en bwin enno iman Jeova: ej men in jurtak kōmōn kin kijeek nōn Jeova.

26 Im kwon bōk <sup>1</sup>ubōn jip koman eo an Aron, im kwon kabelbele nōn jurtak in belbel, iman Jeova: im e naj am kij. 27 Im kwon kokwojarjar ubōn jurtak in belbel, im unjen ne an men in lelok rej jebōke, eo rej kabelbele im jebōke jen jip koman kin lelok, aet, jen men eo nōn Aron, im jen men eo nōn ro nejn: 28 im en an Aron im ro nejn, kin juōn kien nōn in drio, jen ro nejn Israel; bwe ej men in lelok rej jebōke: im e naj men in lelok re jebōke jen ro nejn Israel ian men in katok ko, jen air jurtak in ainemōn, aet, men in lelok ko air rej jebōke nōn Jeova.

29 Im nuknuk ko re kwojarjar an Aron, re naj nōn lōmaro nejn elikin, bwe ren kabit ir na ilo ir, im kokwojarjar ir ilo ir. 30 Nejin, eo ej pris im binej jenkwōn, en kōnōke iomin jiljilimjuōn ran, ñe ej dreloñ iloan imōn kwelok eo, bwe en korijer ilo jikin e kwojarjar.

31 Im kwon bōk jip koman eo kin lelok, im kōmāt kōniekin ilo dren ilo juōn jikin e kwojarjar. 32 Im Aron kab ro nejn ren mōña kōniekin jip koman eo, im bred eo ej ber ilo iep eo, iturin kejem in imōn kwelok eo. 33 Im ren mōña men kein rar kilajrōk kake, bwe ren aji im kokwojarjari: a juōn obwilbata en jab mōña jen men ko, bwe re kwojarjar. 34 Im elañe jabrewōt mōtōn kōniekin men eo kin lelok, ak bred, ej berwōt nōn jiboñ, inem kwon tili bwen air mōña, kin kijeek: ren jab mōña men eo, bwe e kwojarjar.

35 Im ein drein kwon kōmōn nōn Aron im lōmaro nejn ekar nōn men otemjej I ar jiroñ yuk: jiljilimjuōn ran kwo naj ajilok ir. 36 Im ran otem-

jej, kwon katok kin kau koman eo, men in katok kin jerawiwi nōn kilajrōk: im kwon karreoik lokatok eo, ñe kwoj kōmōn kilajrōk nōn e; im kwon kabite im kokwojarjare. 37 Jiljilimjuōn ran kwon kōmōn kilajrōk nōn lokatok eo, im kokwojarjare: im lokatok eo e naj kwojarjar wōt; jabrewōt eo ej uñir lokatok eo, e naj kwojarjar.

38 Ak eñin men eo kwon katok ion lokatok eo: ruo lam ridtōn juōn yiō, ran im ran, ien otemjej. 39 Kwon katok kin juōn lam ñe ejiboñ, im lam eo juōn kwon katok ñe ejota: 40 im iben juōn lam, juōn mōtōn joñoul in epa in flauo kwerik, emwij käreike kin juōn mōtōn emen hin in wain, nōn men in jurtak irak. 41 Im lam eo juōn kwon katok kake ñe ejota, im naj kōmōnmōn nōn e ekar nōn men in jurtak flauo ke ejiboñ, im ekar nōn am kōmōn men in jurtak irak, nōn bwin enno, men in katok kōmōne kin kijeek nōn Jeova. 42 Eñin en juōn katok kijeek ilo ebeben ko ami, iturin kejem in imōn kwelok eo, iman Jeova, ijo I naj wōnmae yuk im konono ibōm. 43 Im ijo I naj ion ro nejn Israel; im imōn kwelok eo e naj kwojarjar kin Aō aibujuij. 44 Im I naj kokwojarjar imōn kwelok eo, im lokatok eo: im bareinwōt I naj kokwojarjar Aron im lōmaro nejn, bwe ren korijer nōn lō ilo jermal an pris. 45 Im I naj <sup>1</sup>jokwe i bwiljin ro nejn Israel, im I naj air Anij. 46 Im re naj jela bwe Ña Jeova, air Anij, eo E ar kadrioiytok ir jen enen Ijijt, bwe In jokwe i bwiljir: Ña Jeova air Anij.

30 Im kwon kōmōnmōn <sup>2</sup>juōn lokatok nōn tile kajjurjar ion: kwon kōmōne jen wijki akesia. 2 Aitokōn en juōn kubit, im drilpen juōn kubit; en aitokōn im drilpen wōt juōn; im utiejen en ruo kubit: drun ko an ren mōtōn wōt. 3 Im kwon nakilin kin gold erreo, ion, im turin ko an, im drun ko an; im kwon kōmōn nōn e labuñlañ gold. 4 Im kwon kōmōn ruo torebōk gold nōn e, iomin

<sup>1</sup> Liv. 7. 31-34.<sup>2</sup> Jap. 26. 8. <sup>3</sup> Jap. 37. 25-29.

labuñlañ eo an; i kejan ijen im ijen, kwon kômõne; im re naj jikin alal ko rej inek e kake. 5 Im kwon kômõn alal ko jen wijki akesia, im nakilir kin gold. 6 Im kwon likit e iman rõnel nuknuk eo, ej iturin dipdip in kalimur, iman jikin tiriamo, eo ej ion dipdip in kalimur, ijo I naj ion yuk. 7 Im Aron en tile kaijurjur an spais ko reñõj ion: en tile jiboñõn otemjej, ñe ej kapoji lamp ko. 8 Im ñe Aron ej tili lamp ko ñe ejota, en tile kaijurjur eo, ien otemjej, iman Jeova, ilo ebeben ko ami. 9 Komin jab katok kin kaijurjur e jabre ion, jab kin men in katok kijeek, jab kin men in katok flauo; im komin jab lutõklok ion jabrewõt jurtak irak. 10 Im Aron en kômõn kilajrõk ion drun ko an, juõn alen ilo juõn yiõ; kin bõtõktõkin men in katok kin jerawiwu ko an kilajrõk, juõn alen ilo juõn yiõ en kômõn kilajrõk ion, ilo ebeben ko ami: e kwojarjar otem kwojarjar ñõn Jeova.

11 Im Jeova e ar konono ñõn Moses, im ba, 12 Ñe kwoj bukot oran ro nejin Israel, ekar ñõn orair, ien eo, jabrewõt eman e naj lelok men in wiaik an ñõn Jeova, ñe kwoj bwini ir; bwe en ejelok nañinmij elap ibeir, ñe kwoj bwini ir. 13 Men in ren lelok, jabrewõt eo ej elã ñõn iben ro emwij bwini ir: jibilkwon shekel, ekar ñõn shekel in jikin kwojarjar, (juõn shekel einwõt roñoul gira), jibilkwon shekel men in lelok ñõn Jeova. 14 Jabrewõt eo ej elãlok ñõn iben ro emwij bwini ir, jen ridtõn roñoul yiõ im jima, en lelok jurtak eo ñõn Jeova. 15 Dri mweie en jab kaplaplok, im dri jeramel en jab kariklok jen jibilkwon shekel, ñe rej lelok jurtak eo ñõn Jeova, bwe ren kômõn kilajrõk kin ami. 16 Im kwon bõk mõnni in kilajrõk eo jen ro nejin Israel, im kwo naj likite ñõn jermal in imõn kwelok eo; bwe en men in kakememej ñõn ro nejin Israel, iman Jeova, bwe en kômõn kilajrõk kin ami.

17 Im Jeova e ar konono ñõn Moses, im ba, 18 Kwon kômõnmõn jãbi

jiniõrõrõ elap, 1 jãbi in amin, im neen bareinwõt jen jiniõrõrõ, ken amin. Im kwon likit e ikõtãn imõn kwelok im lokatok eo, im kwon likit dren iloan. 19 Im Aron, kab lõmaro nejin, ren amin peir im kwol neir ijo: 20 ñe rej dreloñ ñõn loan imõn kwelok eo, ren kwol ir kin dren, bwe ren jab mij; ak ñe rej druaklok ñõn lokatok eo bwe ren korijer, im tile katok kijeek ñõn Jeova. 21 Ein drein ren amin peir im kwol neir, bwe ren jab mij: im e naj juõn kien in drio ñõn ir, aet ñõn e im inen ilo ebeben ko air.

22 Bareinwõt Jeova e ar konono ñõn Moses, im ba, 23 Kwon bareinwõt bõk ñõn ibõm, spais ko remõntãta: jen mõr erreõ, limabuki shekel, im jen sinnemõn jibilkwon, aet rubuki limñoul, im jen kalemõs e melu rubuki limñoul shekel, 24 im jen kassia limabuki, ekar ñõn shekel an imõn kwojarjar, im jen oil oliv juõn hin; 25 im kwon kômõnmõn juõn oil in kabit e kwojarjar, men in ñõj emwij kãreki ekar ñõn jermal an dri kômõn men ko re ñõj: e naj oil in kabit e kwojarjar. 26 Im kwon kabit kake imõn kwelok eo, im dipdip in kalimur, 27 im tebel eo, kab jãbi ko an otemjej, im jikin lamp, kab jãbi ko an, im lokatok in kaijurjur, 28 im lokatok in katok kijeek, kab jãbi ko an otemjej, im jãbi jiniõrõrõ im elap, kab neen. 29 Im kwon kokwojarjari, bwe ren kwojarjar otem kwojarjar: jabrewõt eo ej uñiri, e naj kwojarjar. 30 Im kwon kabit Aron im lõmaro nejin, im kokwojarjar ir, bwe ren jermal ñõn Iõ ilo jermal in pris. 31 Im kwon konono ñõn ro nejin Israel, im ba, Eñin en oil in kabit e kwojarjar, ñõn Iõ ilo ebeben ko ami. 32 Ren jab lutõke ion kõniekin armij, im komin jab kômõn jet bwe ren einwõt, ekar ñõn men ko kãren: e kwojarjar, en kwojarjar ñõn kom. 33 Jabrewõt eo ej kãreik juõn einwõt, ak jabrewõt eo ej likit jirik ion juõn obwilbata, naj bukwelok armij eo jen dri ailiñ ro an.

34 Im Jeova e ar ba ñõn Moses,

Kwon bōk nōn yuk spais ko reñōj, stakte, im onika, im galbanum; spais ko reñōj iben frankinsens erre: ren erroōn wōt juōn; **35** im kwon kaijurjur kake, juōn men eñōj, ekar nōn jermal an dri kōmōn men ko reñōj, emwij kejatōk e kin salt, erre im kwojarjar: **36** im kwon kanuij nowe jimōtōn, im likite iman dipdip im kalimur, iloan imōn kwelok eo, ijo I naj ion yuk: en kwojarjar otem kwojarjar nōn kom. **37** Im kaijurjur eo kwoj kōmōne, komin jab kōmōn nōn kom einwōt men ko: en kwojarjar ibōm nōn Jeova. **38** Jabrewōt eo ej kōmōn einwōt, bwe en ātbwin, naj bukweelok e jen dri ailiñ ro an.

**31** Im Jeova e ar <sup>1</sup> konono nōn Moses, im ba, **2** Kwon lale, I ar kir kin etan, Bizalel nejin Urai, nejin Hur, jen bwijin Juda: **3** im I ar kobrōk e kin Jitōb ōn Anij, ilo meletlet, im ilo jelalokjen, im ilo jermal otemjej, **4** bwe en kine jermal ko an dri kabel, im kōmōn jen gold, im jen silver, im jen jinibōrōrō, **5** im ilo bukwe dreka ko nōn loñwe na jikin, im ilo jekjek wijki, bwe en jermal ilo jabrewōt jermal. **6** Im Ōa, lo, I ar kejenolok Oholiab, nejin Ahisama, na iben, jen bwijin Dan; im ilo buruen ro otemjej e meletlet burueir, I ar likit meletlet, bwe ren kōmōni men otemjej I ar jiroñ yuk kake: **7** imōn kwelok eo, im dipdip in kalimur, im jikin tiriamokake ej ber ion, im jābi ko otemjej an imōn kwelok eo, **8** im tebel kab jābi ko an, im jikin lamp erre im jābi otemjej an, im lokatok in kaijurjur, **9** im lotak in katok kijeek kab jābi ko an otemjej, im jābi in amin kab neen, **10** im nuknuk ko emōn ejir, im nuknuk ko re kwojarjar nōn Aron, pris, im nuknuk ko an lōmaro nejin, bwe ren korijer ilo jermal in pris, **11** im oil in kabit, im kaijurjur jen spais ko reñōj, nōn jikin kwojarjar: ekar nōn men otemjej I ar jiroñ yuk, ein drein ren kōmōni.

**12** Im Jeova e ar konono nōn Moses, im ba, **13** Kwon bareinwōt konono nōn ro nejin Israel, im ba, Emol

komin lali Sabat ko Aō: bwe eñin kakōle ikōtar, ilo ebeben ko ami; bwe komin jela bwe Ōa Jeova, Eo ej kokwojarjar kom. **14** Inem komin lala Sabat; bwe e kwojarjar nōn kom: jabrewōt eo ej kokkure, emol en mij; bwe jabrewōt eo ej kōmōn jabrewōt jermal iomin ran eo, ren bukweelok armij eo jen dri ailiñ ro an. **15** Iomin jiljino ran ren jermal; a ilo ran eo ken ka jiljilimjuōn Sabat in kakije, e kwojarjar nōn Jeova; jabrewōt eo ej kōmōn jabrewōt jermal ilo ran in Sabat, emol en mij. **16** Kin men in ro nejin Israel ren lala Sabat, im kejbārok Sabat eo ilo ebeben ko air, kin bujen nōn in drio. **17** Eñin kakōle ikōtaō im ro nejin Israel, nōn in drio: bwe iomin jiljino ran Jeova e ar kōmōn lōn ko im lōl, im ilo ran eo ken ka jiljilimjuōn E ar kakije, im kajurlok.

**18** Im ke emwij An konono iben Moses ilo tol Sainai, E ar lelok nōn e <sup>1</sup> ruo tebel in kalimur, tebel dreka, emwij jeje kin arrin pein Anij.

**32** Im ke armij rar lo bwe e <sup>2</sup> rumij an Moses wōnlōltok jen tol eo, armij ro rar kweloklok nōn iben Aron, im ba nōn e, Kwon jutōk im <sup>3</sup> kōmōnmōn anij rōn nōn kij, ro re naj ilok imar; bwe kin Moses in, armij eo e ar āñintok kij jen Ijipt, je jaje eojakōt. **2** Im Aron e ar ba nōn ir, Komin wutik drere gold, ko rej i lojiliñin limaro belemi, ro nejemī man, im ro nejemī kōra, im bōktok nōn iba. **3** Im armij otemjej rar wutik drere gold ko rar ber i lojiliñir, im bōktok nōn iben Aron. **4** Im e ar bōki jen peir, im kōmōnmōni kin ken kōmōn, im e ar kōmōn <sup>4</sup> kon in kau e unlok: im rar ba, Rein anij ro am, O Israel, ro rar āñintok yuk jen enen Ijipt. **5** Im ke Aron e ar lo men in, e ar kōmōn lokatok iman; im Aron e ar kwalok, im ba, Ilju e naj kwojkwōj nōn Jeova. **6** Im ejiboñ wōt air jerkak ilju, im katok men in katok kijeek, im bōktok jurtak in ainemōn ko; im armij ro rar <sup>5</sup> jijōt im mōña im irak, im jutōk in kuri.

<sup>1</sup> Jap. 35. 30-36. 1.<sup>2</sup> Jap. 24. 12. <sup>3</sup> Jap. 24. 18. <sup>4</sup> Jerb. 7. 40. <sup>5</sup> Dut. 8. 16. <sup>6</sup> 1 Kor. 10. 7.

7 Im Jeova e ar ba ñon Moses, Kwon wõnlõllok; bwe ro dri ailiñ am, ro kwar añintok ir jen enen Ijpt, rar katton ir: 8 rar jeõrlök mökõj jen ial eo I ar jiroñ ir kake: rar kõmõnmõn kon in kau gold, im rar kabuñ ñon e, im rar katok ñon e, im rar ba, Rein anij ro am, O Israel, ro rar añintok yuk jen enen Ijpt. 9 Im Jeova e ar ba ñon Moses, I ar lo ro dri ailiñ in, im lo, rej armij e kijñiñi kenwair: 10 inem, kiõ, kwon jab iltok, bwe Aõ illu en bwil nae ir, im bwe In kokkure ir: im I naj kõmõn jen kwe juõn bwij elap. 11 Im <sup>1</sup>Moses e ar akwelap ñon Jeova, an Anij, im ba, O Jeova, etke Am illu ej bwil nae ro dri ailiñ Am, ro Kwar añintok ir jen enen Ijpt, kin maroñ elap, im kin peõm ekajur? 12 Etke ro dri Ijpt ren konono, im ba, E ar kadrioiñlok ir kin nana, bwe En mõn ir ilo tol ko, im bwe En kokkure ir jen mejen lõl? Kwon oktõk jen Am illu e bwil, im ukwelok kin nana in nae dri ailiñ ro Am. 13 Kwon kememej Ebreame, Aisak, im Israel, ro dri korijerõm, im Kwar kanõjniñ ñon ir kin Kwe mõke, im ba ñon ir, I naj korlok ineõmi einwõt iju ko ilõñ, im aolepen eneõ I ar konono kake, I naj lelok ñon ineõmi, im re naj bõk e air jolit ñon in driõ. 14 Im Jeova e ar ukwelok kin nana eo E ar ba E naj kõmõne ñon ro An dri ailiñ.

15 Im Moses e ar <sup>2</sup>oktõk im wõnlõllok jen tol eo, im tebel in kennan ko ilo pein; emwij jeje i keja ijen im ijen. 16 Im tebel ko jermal in Anij, im jeje eo iltan Anij, bukwe ilo tebel ko. 17 Im ke Joshua e ar roñjake ainiken armij ro ke rej lamij, e ar ba ñon Moses, Eor ainiken tõrinae ilo kamp eo. 18 Im e ar ba, E jab ainiken ro rej lamij kin anjo, im e jab ainiken ro rej lamij kin air bõk anjo jen ir; a ij roñ ainiken ro rej al. 19 Inem, ke e ar kebake kamp eo, e ar lo kon in kau eo, im lo air eep: im e bwil illu an Moses, im e ar jolok tebel ko jen pein, im e ar rupi ion tol eo. 20 Im e ar bõk kon in kau eo rar kõ-

mõnmõne, im e ar tile kin kijeek, im kõprakilkile, im jeor e ion dren eo, im e ar kamakokoik ro rej in Israel bwe ren irak jen e.

21 Im Moses e ar ba ñon Aron, Ta eo armij rein rar kõmõn ñon yuk, bwe kwon bõktok ioir jerawiwi elap? 22 Im Aron e ar ba, En jab bwil illu an aõ iroiñ: kwo jela armij rein bwe re tũntũn in nana. 23 Kin ke rar ba ñon iõ, Kwon kõmõnmõn ñon kij anij rõn, ro re naj ilok imarlok; bwe kin Moses in, armij eo e ar añintok kij jen enen Ijpt, je jaje eojakõt. 24 Im I ar ba ñon ir, jabrewõt iami eor gold iben, en wutik e: ein drein rar letok; im I ar joloke na ilo kijeek, im e ar walok kon in kau in.

25 Im ke Moses e ar lo bwe armij ro re jelomene, (bwe Aron e ar kõtlök ir ñon kajirere an ro dri kijirät ir), 26 inem Moses e ar jutõk ilo kejem in kamp eo, im ba, Eo ej rie Jeova, en itok ñon iba. Inem ro nej in Livaì otemjej rar kweloklok ñon iben. 27 Im e ar ba ñon ir, Ein drein an Jeova Anij in Israel ba, Jabrewõt armij en likit an jãji i ibin, im itoitõk jen kejem ñon kejem ilo kamp eo, im jabrewõt en mõn jein im jätin, im jeran, im dri turin. 28 Im ro nej in Livaì rar kõmõn ekar ñon nan in Moses: im rar mij ilo ran eo, e nañin jilu tausand armij. 29 Im Moses e ar ba, Komin kobrõk peimi ñon Jeova ranin, aet, jabrewõt armij nae nej in im nae jein im jätin; bwe En lewoj jerammõn ranin.

30 Inem ke ilju, Moses e ar ba ñon armij rõn, Kom ar kanuij jerawiwi: im kiõ I naj wõnliñlok ñon iben Jeova; bwelen I naj kõmõn kilajrõk kin ami jerawiwi. 31 Im Moses e ar jeblak ñon iben Jeova, im e ar ba, O, armij rein rar kanuij jerawiwi, im rar kõmõnmõn ñon ir <sup>1</sup>anij rõn gold. 32 A kiõ, elañe Kwoj jolok air bwir; a elañe jab, Kwon jeõrlök iõ, ij akwelap ñon Yuk, jen buk eo Am Kwar jeje. 33 Im Jeova e ar ba ñon Moses, Jabrewõt eo e ar jerawiwi nae iõ, I naj jeõrløke jen buk eo Aõ. 34 Im kiõ,

<sup>1</sup> Dut. 9. 18. <sup>2</sup> Dut. 9. 15.

<sup>1</sup> Jap. 20. 33.

kwon ilok, im tellok armij ro nōn ijo I ar konono ibōm kake: lo, <sup>1</sup>Aō enjel e naj ilok imamlok; ijoke, ilo ran eo ñe Ij lolok, I naj kabuñ ioir jerawiwi eo air. 35 Im Jeova e ar <sup>2</sup>mōn armij rōn kin air kōmōnmōn kon in kau, eo Aron e ar kōmōne.

**33** Im Jeova e ar ba nōn Moses, Komin ilok, im wōnliñlok jen ijin, kwe im armij ro kwar ānintok jen enen Ijijpt, nōn eneo I ar kanōjni kake nōn Ebrean, im nōn Aisak, im nōn Jakob, im ba, I naj lelok nōn ineōm: 2 im I naj jilkinlok juōn enjel imam; im I naj lujeljeli ro dri Kenean, dri Amor, im dri Het, im dri Periz, dri Hiv, im dri Jibus jen e: 3 nōn eneo e bwijlip kin milk im kin hōn-ni: bwe I jamin wōnliñlok i bwiljimi; bwe kom armij e kijñiñi kenwami; ñe I ab kokkure kom ilo ial. 4 Im ke armij ro rar roñjake men kein re nana, rar jōñ: im ejelok armij e ar likit inōkin ion. 5 Im Jeova e ar ba nōn Moses, Kwon ba nōn ro nejin Israel, Kom armij e kijñiñi kenwami; elañe Ij wōnliñwoj ilo bwiljimi, jirik wōt ien, I naj kokkure kom: inem kiō komin wutik inōk ko jen kom, bwe In jela ta eo In kōmōn nōn kom. 6 Im ro nejin Israel rar wutik inōk ko air, jen tol Horeb im itok.

7 Im Moses e kin bōk im nuknuk eo im kajure ilikin kamp eo, etolok jen kamp eo; im e ar naetan, Imōn kwelok. Im jabrewōt eo ej kabukot Jeova e ar drioiñlok nōn imōn kwelok, eo ej ber ilikin kamp eo. 8 Im ke Moses e ar drioiñlok nōn imōn kwelok eo, armij otemjej rar jerkak, im jutōk, jabrewōt iair ilo kejem in mweo imōn, im jujellok nōn Moses, mae ien an dreloñ iloan Mweo. 9 Im ke Moses e ar dreloñ iloan Mweo, jur kōro eo e kin wōnlōltok im berwōt I kejem in Mweo: im E kin konono iben Moses. 10 Im armij otemjej rar lo an jur kōro eo jutōk i kejem in Mweo: im armij otemjej rar jerkak im kabuñ, jabrewōt iair, ilo kejem im mweo imōn. 11 Im Jeova e ar konono nōn Moses jelmæe dron, einwōt armij ej

konono iben jeran. Im e ar bar jeb-lak nōn kamp eo: a korijeran, Joshua, nejin Nun, juōn likao, e ar jab ilok jen iloan Mweo.

12 Im Moses e ar ba nōn Jeova, Lo, Kwoj ba nōn iō, Kwon āniniñtok armij rein: im Kwar jab kajelaik iō <sup>1</sup>wōn eo Kwo naj jilkinlok ibalok. A Kwar ba, Na I jela yuk kin etōm, im kwar lo joiñ iman meja. 13 Inem, ij kajitōk ibōm, elañe I ar lo joiñ iman mejōm, Kwon kwalok nōn iō ial ko Am, bwe in jela kake Kwe, bwe in lo joiñ iman mejōm: im Kwon kememej bwe ro dri ailiñ in rej drom. 14 Inem E ar ba, Na I naj ilok ibōmlok, im I naj lewoj kakiije. 15 Im e ar ba nōn E, Elañe Kwe kwo jab ilok ibalok, Kwon jab bōkliñlok kim jen ijin. 16 Im kin ta ñen maroñ in jela kiō, bwe I ar lo joiñ iman mejōm, ña im armij ro drom? e jab kin Am ilok ibemlok, bwe kimin jenolok, ña im armij ro drom, jen dri ailiñ ko otem-jej rej ber ion mejen lōl ke?

17 Im Jeova e ar ba nōn Moses, I naj bareinwōt kōmōn men in kwar konono kake; bwe kwar lo joiñ iman meja, im I jela kajōm kin etōm. 18 Im e ar ba, Ij akwelap nōn Kwe, Kwon kwalok nōn iō Am aibujuij. 19 Im E ar ba, I naj kōmōn bwe aolepen Aō wānik en elā iman mejōm, im I naj kwalok etan Jeova imam; im I naj joiñ nōn eo I kōñan joiñ nōn e, im I naj tiriamokake eo I kōñan tiriamokake. 20 Im E ar ba, Kwo ban lo meja, bwe <sup>2</sup>armij re ban lo Iō im mour. 21 Im Jeova e ar ba, Lo, juōn jikin ituriō, im kwo naj jutōk ion dreka eo: 22 im e naj ein drein, ñe Ao aibujuij ej elā, I naj likit yuk ilo juōn roñ ilo dreka eo, im I naj kalibubu yuk kin peiō mae ien emwij Aō elā: 23 im I naj kwotōk peiō, im kwo naj lo elikiō: a kwo jamin lo meja.

**34** Im Jeova e ar ba nōn Moses, Kwon jekjek nōn yuk <sup>3</sup>ruo tebel dreka einwōt ko mokta: im I naj jeje ilo tebel ko, nan ko rar ber ion tebel ko mokta, ko kwar rupi. 2 Im kwon pojōk mae jiboñ, im wōnliñtok



ñe ejiboñ ion tol Sainai, im kwon kwalok yuk ñon Iō ijo, ilo jeban tol eo. **3** Im ejelok armij en woñliñtok ibōm; im ren jab lo jabrewōt armij ilo aolepen tol eo; im bwijin kau ko im bwijin jip ko ren jab mōña iman tol eo. **4** Im e ar jekjek ruo tebel dreka einwōt ko mokta; im Moses e ar jerkak ke ejiboñ wōt, im wōnliñlok ion tol Sainai, einwōt Jeova e ar jiroñ e, im e ar bōk ilo pein, tebel dreka ko ruo. **5** Im Jeova e ar wōnlōltok ilo kōro, im E ar jutōk iben ijo, im E ar kwalok etan Jeova. **6** Im Jeova e ar elā iman mejen, im E ar kwalok men in, Jeova, Jeova, juōn Anij ej tiriamokake, im E joij, e rumij an illu, im elap an tiriamokake im mol; **7** Ej<sup>1</sup>kejbarok an tiriamo ñon tausan ko, Ej jeorlok bwir im jerawiwi jen ro eor rueir: im E<sup>2</sup>jamin kowānik ro dri nana, a Ej jibel nana an ro jemeir ion ro nejir, im ion ro nejin nejir, ñon ebepen eo ken ka jilu im ken kemen. **8** Im Moses e ar kaiur e, im barikrik ñon lōl, im kabuñ. **9** Im e ar ba, Elañe I ar lo joij iman mejōm, O Iroi, ij kajitōk ibōm, Iroi en ilok ilo bwiljem; bwe kim armij e kijñiñi kenwam; im Kwon jeōrlok amuij bwir im amuij jerawiwi, im Kwon bōk kim Am jolit.

**10** Im E ar ba, Lo, Ij kōmōn juōn bujen: iman ro dri ailiñ am, I naj kōmōn men in bwilōñ ko, jañin kōmōn einwōt ilo aolepen lōl, ak ilo jabrewōt ailiñ; im ro dri ailiñ otemjej, kwoj ber iolapir, re naj lo jermal an Jeova; bwe men in lelñōñ, men eo Ij kōmōne ibemi. **11** Kwon lale men eo Ij jiroñ yuk ranin: Lo, Ij lujeljelilok imami, ro dri Amor, im dri Het, im dri Periz, im dri Hiv, im dri Jibus. **12** Kwon lale mōk, im jab kōmōn bujen iben dri eneo kwoj ilok ñon e, ñe ab juōn jen ilo bwiljōm: **13** a komin jolōllok lokatok ko air, im rupi jur dreka ko air, im juokwi air Ashira, **14** (bwe<sup>3</sup> kwon jab kabuñ ñon jabrewōt bar anij: bwe Jeova, etan Ekamo, ej Anij e kamo); **15** ñe ab kwoj kōmōn bujen iben ro dri eneo, im rej kōmōn

lūñ im lore anij ro air, im katok ñon anij ro air, im juōn ej kir yuk, im kwoj mōña jen men in katok eo an; **16** im kwoj bōk ro nejir kōra ñon ro nejōm man, im ro nejir kōra rej mij-kaiye ñon anij ro air, im rej tel ro nejōm man ilo mijkaiye ñon anij ro air. **17** Kwon jab kōmōnmōn ñon kwe anij ro kin men unlok.

**18** Kwon lale kwojkwōj in bred e jab uwe. Iomin jiljilimjuōn ran kwon mōña bred e jab uwe, einwōt I ar jiroñ yuk, ilo<sup>1</sup> ien emwij bakajen ilo aliñ Ebib; bwe ilo aliñ Ebib kwar drioiptok jen Ij. **19** Ro otemjej rej kabellek loji mokta, rej Aō; im bareinwōt kau ko otemjej am, elañe koman, manjien kau ak jip. **20** Im manjien kiru ass kwon binej jenkwōn kin juōn lam, im elañe kwo jab kōnan binej jenkwōn, kwon ruje kenwan. Kwon binej jenkwōn manji otemjej ro nejōm. Im ejelok en walok imaō im ejelok kwanon.

**21** Iomin<sup>2</sup> jiljino ran kwon jermal, a ilo ran eo ken ka jiljilimjuōn, kwon kakije: ilo ien tōblōl, kab ilo ien marmir, kwon kakije. **22** Im kwon lale kwojkwōj in wik ko, eokwe, eo an jomōkōj in marmir wit, im kwojkwōj in ainitok ilo jemlokōn yiō. **23**<sup>3</sup> Jilu alen ilo juōn yiō, man ro otemjej am ren walok iman Iroi, Jeova, Anij in Israel. **24** Bwe I naj kadrioiptok ro dri ailiñ ko imam, im I naj kalaplok tōreren ko am: im ejelok armij e naj ankwōnak eneo am, ñe kwoj wōnliñlok, in walok iman Jeova am Anij, jilu alen ilo yiō.

**25** Kwon jab katok kin bōtōktōkin Aō men in katok iben bred e uwe; im men in katok an kwojkwōj in kijone en jab berwōt ñon jiboñ. **26** Leen mokta an jomōkōj jen eneo am, kwon bōktok ñon imōn Jeova am Anij. Kwon jab kōmāt juōn kon in goat ilo dren in etin in jinen.

**27** Im Jeova e ar ba ñon Moses, Kwon jeje nan kein: bwe ekar ñon nan kein, emwij Aō kōmōn bujen ibōm, im iben Israel. **28** Im e ar ber iben Jeova ijo iomin eñoul ran

<sup>1</sup> Jap. 20. 5. 6. <sup>2</sup> Jap. 23. 7. <sup>3</sup> Jap. 20. 3. 5.

<sup>1</sup> Jap. 12. 2. <sup>2</sup> Jap. 31. 15. <sup>3</sup> Jap. 23. 14. 17.

im eñoul boñ; e ar jab mōña bred, ak irak dren. Im e ar jeje ilo tebel ko, nan ko nan in bujen eo, <sup>1</sup>kien ko joñoul.

29 Im ke Moses e ar wōnlōltok jen tol Sainai, im tebel in kennan ko ruo ilo pein Moses, ke e ar wōnlōltok jen tol eo, Moses e ar jaje bwe e jatōltil kilin turin mejen, kin An konono iben. 30 Im ke Aron im ro nejin Israel otemjej rar kalimjek Moses, lo, kilin turin mejen e jatōltil; im <sup>2</sup>re lelñōñ in kebak ñōñ e. 31 Im Moses e ar kir ñōñ ir; im Aron im iroiñ ro otemjej in jar an armij rōñ rar jeblak ñōñ iben: im Moses e ar konono ibeir. 32 Im tokelik aolepen ro nejin Israel rar druaktok: im e ar lelok ñōñ ir kin kaiñi, nan otemjej Jeova e ar konono iben ion tol Sainai. 33 Im ke Moses e ar kamwijlok an konono ibeir, e ar likit veil ion turin mejen. 34 A ke Moses e ar dreloñlok ilo imōñ Jeova, bwe en konono iben, e ar wutik veil eo, mae ien e ar drioiñtok; im e ar drioiñtok im konono ñōñ ro nejin Israel men ko emwij jiroñ e. 35 Im ro nejin Israel rar lo turin mejen Moses, bwe e jatōltil kilin turin mejen; im Moses e ar bar likit veil ion turin mejen, mae ien an dreloñ in konono iben.

**35** Im Moses e ar kokweloktok aolepen jar an ro nejin Israel, im e ar ba ñōñ ir, Nan kein nan ko Jeova e ar kaiñi, bwe komin kōmōni. 2 Iomin jiljino ran komin jermal; a ilo ran eo ken ka jiljilimjuōñ, e naj ñōñ kom ran e kwojarjar, juōñ Sabat in kakije ñōñ Jeova: jabrewōt eo ej kōmōñ jabrewōt jermal ilo ran eo, en mij. 3 Komin jab kejo kijejek ilo moko imwemi ilo ran in Sabat.

4 Im Moses e ar <sup>3</sup>konono ñōñ aolepen jar an ro nejin Israel, im ba, Eñin men eo Jeova e ar kaiñi, im ba, 5 Komin bōk jen ibemi jurtak ñōñ Jeova; jabrewōt eo e mōñōñ buruen, en bōktok men in letok ñōñ Jeova: gold, im silver, im jinibōrōrō, 6 im blu, im eoij, im kilmir, im linen kworairik, im kolan goat, 7 im kilin jip koman em-

kij kakilmiri, im kilin raj, im ken wijki akesia, 8 im oil ñōñ maram eo, im spais ko ñōñ oil in kabit, im ñōñ kaijurjur eñōj, 9 im dreka onix, im dreka ñōñ loñwe na jikin, ñōñ epod eo, im ñōñ dribil eo.

10 Im jabrewōt armij ibemi e meletlet buruen, en itok im kōmōnmōn men otemjej Jeova e ar kaiñi: 11 imōñ kabero eo, im nuknuk eo an, kab men in kalibubu e, robōkā ko an, rā ko an, alal ko an, jur ko an, im batilemeir; 12 dipdip eo, im ine ko an, im jikin tiriamo eo, im rōñel nuknuk eo; 13 tebel eo, im ine ko an, im jābi ko otemjej an, im bred in kalikar; 14 jikin lamp eo bareinwōt ñōñ maram eo, im jābi ko an, im lamp ko an, im oil ñōñ maram eo; 15 im lokatok in kaijurjur, im ine ko an, im oil in kabit, im kaijurjur eñōj, im jelitōk nuknuk ñōñ aur ilo kejem in imōñ kabero; 16 lokatok in katok kijejek, im iben taul jinibōrōrō eo an, ine ko an, im jābi otemjej an, jābi in amin, im neen; 17 jelitōk ko ñōñ worwor, jur ko an, im batilemeir, im jelitōk nuknuk ñōñ kejem in worwor; 18 drumij ko an imōñ kabero, im drumij ko an worwor, im to ko air; 19 nuknuk ko emōñ ejir ñōñ korijer iloan jikin e kwojarjar, nuknuk ko re kwojarjar ñōñ Aron pris, im nuknuk ko an lōmaro nejin, bwe ren korijer kake ilo jermal an pris.

20 Im aolepen jar an ro nejin Israel rar drioiñlok jen iman Moses. 21 Im rar itok, jabrewōt iair ejelok kōtellok i buruen, im jabrewōt jītōb eo an e ar kamōkite, im rar bōktok air men in lelok ñōñ Jeova, ñōñ kōmōnmōn imōñ kwelok eo, im ñōñ jermal otemjej an, im ñōñ nuknuk ko re kwojarjar. 22 Im rar itok, man im kōra, ro otemjej e mōñōñ burueir, im bōktok pin ko, im drere ko, luko ñōñ sil, im luko in kōbkōb in pā, aolepeir inōk gold, aet, jabrewōt armij e ar lelok jurtak ko ñōñ Jeova. 23 Im armij otemjej, eor an blu, im eoij, im kilmir, im linen kworairik, im kolan goat, im kilin jip koman emwij kakilmire, im kilin raj ko, rar bōktok.

<sup>1</sup> Dat. 4. 13. <sup>2</sup> 2 Kor. 5. 7. <sup>3</sup> Jap. 26. 1-9.

24 Ir otemjej rar lelok men in lelok silver im jinibōrōrō, rar bōktok jur-tak an Jeova; im armij otemjej eor an ken wijki akesia nōn jabrewōt jermal in korijer, rar bōktok. 25 Im kōra otemjej e meletlet burueir, rar irap kin peir, im bōktok men ko em-wij irapi, blu, im eoij, im kilmir, im linen kworairik. 26 Im kōra otem-jej burueir rar kamōkit ir ilo melet-let, rar irap kolan goat. 27 Im iroi-j ro rar bōktok dreka onix, im dreka nōn loñwe na jikin, nōn epod eo, im nōn dribil eo; 28 im spais, im oil; nōn maram, im nōn oil in kabit, im nōn kaijurjur eñōj. 29 Ro nejin Israel rar bōktok jurtak in mōnōnō nōn Jeova; jabrewōt, man im kōra, ejelok kōtellok ibeir, bwe ren bōktok nōn jermal otemjej Jeova e ar jiroñ bwe ren kōmōn kin Moses.

30 Im Moses e ar <sup>1</sup>ba nōn ro nejin Israel, Komin lale, Jeova e ar kir kin etan, Bizalel, nejin Urai, nejin Hur, jen bwijin Juda; 31 im E ar kobrōk e kin Jitōb ōn Anij, ilo meletlet, im ilo jelalokjen, im ilo lolātāt, im ilo wāwen kōmōnmōn otemjej; 32 im bwe en kine men in mejerik, im bwe en jermal ilo gold, im ilo silver, im ilo jinibōrōrō, 33 im ilo bukwe dreka ko nōn loñwe na jikin, im ilo jekjek wijki, im jermal ilo jabrewōt wāwen kōmōn e mejerik. 34 Im E ar likit ilo buruen bwe en katakin armij, e im Oholiab, nejin Ahisamak, jen bwijin Dan. 35 E ar kobrōk irro kin melet-let in buru, bwe ren kōmōn jabrewōt wāwen men in kōmōnmōn, an dri jeje ilo dreka, im an dri kōmōnmōn e me-jerik, im an dri titil, ilo blu, im eoij, im kilmir, im ilo linen kworairik, aet, an ro rej kōmōn jabrewōt men in kōmōnmōn, im an ro rej kine men in **36** kōmōn ko re mejerik. 1 Im Bizalel im Oholiab ren jermal, im armij otemjej re meletlet, ro Jeova e ar likit ibeir meletlet im jelalokjen, bwe ren jela ekijkan kōmōn men in kōmōn otemjej, nōn jermal an jikin kwor- jarjar, ekar nōn men otemjej Jeova e ar kaiñi.

2 Im Moses e ar kirtok Bizalel im Oholiab, im armij otemjej re meletlet ibeir, ro Jeova e ar likit meletlet ilo burueir, aet, jabrewōt eo ejelok kōtellok i buruen, bwe en itok nōn jermal eo im kōmōne: 3 im rar bōk jen Moses aolepen men in lelok eo ro nejin Israel rar bōktok nōn kōmōn- mōn jermal an jikin e kworjarjar, bwe ren kōmōne. Im rar bōktok wōt nōn iben, jurtak ko in mōnōnō jiboññ otemjej. 4 Im armij otemjej re me- letlet, ro rar kōmōnmōn jermal otem- jej an mweo e kworjarjar, jabrewōt iair e ar itok jen jermal eo e ar kō- mōne; 5 im rar konono nōn Moses im ba, <sup>1</sup>Elap an armij bōktok, im elōñ bwen kōmōn jermal, eo Jeova e ar ji- roñ bwe jen kōmōne. 6 Im Moses e ar kaiñi, im rar kwalok nan eo ilujen kamp eo, im ba, Ejelok man ak kōra en kōmōn jabrewōt bar jet jermal an men in lelok nōn imōn kworjarjar eo. Ein drein rar bōprae armij ro jen air bōktok. 7 Bwe men ko ibeir re bwe nōn jermal otemjej in kōmōne, im elaplok.

8 Im <sup>2</sup>jabrewōt armij e meletlet ian ro rar kōmōn jermal eo, e ar kō- mōnmōn imōn kabere eo kin joñoul baken nuknuk; jen linen kworairik, im blu, im eoij, im kilmir, im kin ke- rub ko, jermal an dri mejerik, Bizalel e ar kōmōni. 9 Aitokōn jabrewōt baken, roñoul drualitōk kubit, im dril- pen jabrewōt baken, emen kubit: juōn wōt joñon baken otemjej. 10 Im e ar kobaik lailim baken na i jirik: im baken ko lailim na i jirik. 11 Im e ar kōmōn top ko blu ilo tōreren baken eo i jemlokōñ ketak eo: ein drein e ar kōmōnmōn ilo tōreren ba- ken eo iman, ilo ketak eo ken ka ruo. 12 E ar kōmōn limñoul top ilo juōn baken, im limñoul top e ar kōmōni ilo tōreren baken eo i ketak eo ken ka ruo: top ko rar kajek dron. 13 Im e ar kōmōnmōn limñoul robōkā gold, im kobaik baken ko nōn dron kin robōkā ko: ein drein imōn kabere eo eyu.

14 Im e ar kōmōn baken nuknuk

<sup>1</sup> Jap 31. 1-4.

<sup>2</sup> 2 Kron 31. 6-10. <sup>3</sup> Jap. 26. 1-14

ko jen kolan goat, ñôn im nuknuk ion imôn kabere eo: e ar kômôn joñoul juôn baken. 15 Aitokôn jabrewôt baken nuknuk, jilñoul kubit, im drilpen jabrewôt baken, emen kubit: joñair wôt juôn baken ko joñoul juôn. 16 Im e ar kobaik lailim baken na i jirik, im jiljino baken na i jirik. 17 Im e ar kômôn limñoul top ilo tōren baken eo ilik ilo ketak, im e ar kômôn limñoul top ilo tōren baken eo iman ilo ketakin ken ka ruo. 18 Im e ar kômôn limñoul robokā jini-bōrōrō, ken kobaik im nuknuk eo bwe en juôn wôt. 19 Im e ar kômôn ken kalibubu ñôn im nuknuk eo, jen kilin jip koman emwij kakilmiri, im ken kalibubu ilōñ jen kilin raj.

20 Im e ar kômôn <sup>1</sup>rā ko ñôn imôn kabere eo jen wijki akesia, im kajuri. 21 Aitokôn juôn rā, joñoul kubit, im juôn im jibilkwon kubit drilpen jabrewôt rā. 22 Ilo jabrewôt rā ruo tiök, ken kobaik juôn ñôn bar juôn: ein drein an kômôn mōn rā ko otemjej an imôn kabere eo. 23 Im e ar kômôn rā ko ñôn imôn kabere eo: roñoul rā ñôn turin irök; 24 im e ar kômôn eñoul batilemen silver, iomin rā ko roñoul; ruo batilemen iomin juôn rā ñôn tiök ko ruo an, im ruo batilemen iomin bar juôn rā, ñôn tiök ko ruo an. 25 Im ñôn turin imôn kabere eañ, e ar kômôn roñoul rā, 26 im batilemen ko air eñoul, silver; ruo batilemen iomin juôn rā, im ruo batilemen iomin bar juôn rā. 27 Im ñôn mōtōn imôn kabere eo ilik i kabilūñ, e ar kômôn jiljilno rā. 28 Im e ar kômôn ruo rā ñôn bōul ko an imôn kabere eo ilikin. 29 Im e kar ruo alen ilöl, im ein drein ñôn lōñ, ñôn juôn apo; ein drein e ar kômôn ñôn bōul ko ruo. 30 Im e kar dualitök rā, im batilemen ko air silver, joñoul jiljino batilemen: iomin jabrewôt rā, ruo batilemen.

31 Im e ar kômôn alal ko jen wijki akesia; lailim ñôn rā ko an kejan imôn kabere eo ijen, 32 im lailim alal ñôn rā ko an kejan imôn kabere eo ijen, im lailim alal ñôn rā ko ilo mō-

tōn imôn kabere eo i kabilūñ. 33 Im e ar kômôn alal eo iolapir bwe en ber ilukwon rā ko, jen juôn jabōn ñôn jabōn eo juôn. 34 Im e ar nakilin rā ko kin gold, im e ar kômôn apo ko air, jikin alal ko, jen gold, im e ar nakilin alal ko kin gold.

35 Im e ar kômôn <sup>1</sup>roñel nuknuk eo jen blu, im eoij, im kilmir, im linen kworairik: e ar kaibujuij e kin kerub ko, jerbale an dri mejerik. 36 Im e ar kômôn ñôn e, emen jur akesia, im nakilir kin gold; im kāj ko air gold; im e ar kaunlok ñôn ir emen batilemen silver. 37 Im e ar kômôn jelitök nuknuk ñôn kejem in im nuknuk eo, jen blu, im eoij, im kilmir, im linen kworairik, jerbale an dri tiltil; 38 im jur ko an lailim im kāj ko air: im e ar nakilin jur ko kin gold; im batilemen ko air lailim, jini-bōrōrō.

**37** Im Bizalej e ar kômôn <sup>2</sup>dipdip eo jen wijki akesia: aitokôn ruo kubit im jibilkwon, im drilpen juôn im jibilkwon kubit, im utiejen juôn im jibilkwon kubit. 2 Im e ar nakilin kin gold erre, iloan im ilikin, im kômôn ñôn e labuñlañ gold. 3 Im e ar kaunlok ñôn e emen torebök gold, ilo ne ko emen; ruo torebök i kejan ijen im ijen. 4 Im e ar kômôn ine jen wijki akesia, im nakilir kin gold. 5 Im e ar tōli ine ko ilo torebök ko, ilo kejan dipdip eo ijen im ijen, bwe ren inek e kake. 6 Im e ar kômôn jikin tiriamo jen gold erre; aitokôn ruo im jibilkwon kubit, im drilpen juôn im jibilkwon kubit. 7 Im e ar kômôn ruo kerub jen gold; jen gold emwij nowe, e ar kômōni, ilo jabōn ko ruo jabōn jikin tiriamo; 8 juôn kerub ilo juôn jabōn, im juôn kerub i jabōn e juôn: e ar kômôn kerub ko ruo i jabōn ko ruo jabōn jikin tiriamo im rej mōtōn wôt jikin tiriamo. 9 Im kerub ko rar erlokwe peir ilōñ, im kalur jikin tiriamo kin peir, im turin mejeir rar jelmae dron; turin mejeir rej jujeltok ñôn jikin tiriamo.

10 Im e ar kômôn <sup>3</sup>tebel eo jen wijki akesia: aitokôn ruo kubit, im

<sup>1</sup> Jap. 26. 16-29.<sup>2</sup> Jap. 26. 31. 37. <sup>3</sup> Jap. 25. 10. 30. <sup>4</sup> Jap. 25. 23. 29.

drilpen juõn kubit, im utiejen juõn im jibilkwon kubit. 11 Im e ar nakilin kin gold erreo, im e ar kõmõn ñõn e juõn labuñlañ gold i belakin. 12 Im e ar kõmõn ñõn e bwã drilpen pã, i belakin, im e ar kõmõn labuñlañ gold ñõn tõreren, eo ej kabol e. 13 Im e ar kaunlok ñõn e emen torebök gold, im e ar likit torebök ko ilo bõul ko emen rar ber ion ne ko emen. 14 Torebök ko rebake tõreren, jikin alal ko rej inek tebel eo kake. 15 Im e ar kõmõn ine ko jen wijki akesia, im nakilir kin gold, bwe ren inek tebel eo kake. 16 Im e ar kõmõn jãbi ko rej ber ion tebel eo, plet ko an, jibun ko an, im kõp ko an, im bõkã ko an relap rej lutök jeni, jen gold erreo.

17 Im e ar kõmõn <sup>1</sup> jikin lamp jen gold erreo: jen gold nowe e ar kõmõn jikin lamp eo, loñtõn im jurõn; kõp ko an, bõkã ko an, im inök ko an, rej mõtõn wõt juõn. 18 Im jiljino mweñõn rar ilok jen katin ko; jilu mweñõn jikin lamp eo ilo juõn katin, im jilu mweñõn jikin lamp eo jen katin eo juõn: 19 jilu kõp kõmõn einwõt inõkin amond ilo juõn mweñõn, juõn bõkã im juõn inök: im jilu kõp kõmõni einwõt inõkin amond ilo mweñõn eo juõn, juõn bõkã im juõn inök: ein drein ñõn mweñõn jiljino rej ilok jen jikin lamp eo. 20 Im ilo jikin lamp eo, emen kõp kõmõni einwõt inõkin amond, bõkã ko an im inök ko an; 21 im juõn bõkã iomin ruo mweñõn, im mõtõn wõt juõn, im juõn bõkã iomin ruo mweñõn im mõtõn wõt juõn, im juõn bõkã iomin ruo mweñõn im mõtõn wõt juõn, ñõn mweñõn ko jiljino rej ilok jen e. 22 Bõkã ko air im mweñõn ko air rej mõtõn wõt juõn: aolepen juõn wõt men in kõmõn jen gold erreo emwij nowe. 23 Im e ar kõmõn lamp ko an, jiljilim juõn, im ken jojen melle ko an, im nien melkwararin, jen gold erreo. 24 Jen juõn talent gold erreo, e ar kõmõne, im jãbi ko otemjej an.

25 Im e ar kõmõn <sup>2</sup> lokatok in kaijurjur jen wijki akesia: aitokõn juõn kubit, im drilpen juõn kubit, aitokõn

im drilpen wõt juõn; im utiejen ruo kubit; drun ko an rej mõtõn wõt. 26 Im e ar nakilin kin gold erreo, ion, im turin ko an i belakin, im drun ko an: im e ar kõmõn ñõn e lubuñlañ jen gold erreo, i belakin. 27 Im e ar kõmõn ñõn e ruo torebök gold iomin labuñlañ eo, i kejan ijen im ijen, jikin alal ko rej inek e kake. 28 Im e ar kõmõn ine ko jen wijki akesia, im nakilir kin gold. 29 Im e ar kõmõn oil in kabit e kwojarjar, im kaijurjur eo jen spais re tõñõl, ekar ñõn melelet an dri kabel kin men ko reñõj.

**38** Im e ar kõmõn <sup>1</sup> lokatok in katok kijeek jen wijki akesia: aitokõn lailim kubit, im drilpen lailim kubit, aitokõn im drilpen wõt juõn; im utiejen jilu kubit. 2 Im e ar kõmõn drun ko an ilo bõul ko emen; drun ko mõtõn wõt juõn iben: im e ar nakilin kin jinibõrõrõ. 3 Im e ar kõmõnmõn jãbi ko otemjej an lokatok eo, pot ko, im shovel ko, kõp ko, kãj ko jabõn pi ken katue kõniek, im jãbi ko nien kõniek: jãbi ko otemjej e ar kõmõni jen jinibõrõrõ. 4 Im e ar kõmõn ñõn lokatok eo taul, kõmõne einwõt ok, jen jinibõrõrõ, iomin labuñlañ eo ej kabole, ilõl, im ej tõbar lukwõn. 5 Im e ar kaunlok emen torebök ñõn bõul ko emen, jikin ine ko. 6 Im e ar kõmõn ine ko jen wijki akesia, im nakilir kin jinibõrõrõ. 7 Im e ar tõli alal ko ilo torebök ko i kejan lokatok eo ijen im ijen, bwe ren inek e kake; e ar kõmõne kin rã ko im eor loan.

8 Im e ar kõmõn <sup>2</sup> jãbi in amin jen jinibõrõrõ, kabneen, jen kapjur ko an kõra ro dri korijer, rej jermal i kejem in imõn kwelok eo.

9 Im e ar kõmõn <sup>3</sup> worwor eo: jelitök nuknuk an worwor irök, jen linen kworairik, jibuki kubit; 10 jur ko an roñoul, im batilemen ko air roñoul, jen jinibõrõrõ; kãj in jur im kworök ko air, jen silver. 11 Im ñõn eañ jibuki kubit, jur ko an roñoul, im batilemen ko air roñoul, jen jinibõrõrõ; kãj in jur ko, im kworök ko air jen

<sup>1</sup> Jap. 25. 31. 39. <sup>2</sup> Jap. 30. 1-6

<sup>1</sup> Jap. 27. 1-8. <sup>2</sup> Jap. 30. 18. <sup>3</sup> Jap. 27. 9-19.

silver. 12 Im ñon kabilũñ jelitök nuknuk ko, limñoul kubit, jur ko an joñoul, im batilemen ko air joñoul; kaj in jur ko, im kworök ko air jen silver. 13 Im i rear limñoul kubit.

14 Jelitök nuknuk iuñin kejem, joñoul lailim kubit; jur ko an jilu, batilemen ko air jilu; 15 im ein drein irökin kejem eo: i anbijmaroñon im i anmiñin kejem in worwor, jelitök nuknuk joñoul lailim kubit; jur ko air jilu, im batilemen ko air jilu. 16 Jelitök nuknuk otemjej an worwor eo, linen kworairik. 17 Im batilemen ko an jur ko jinibörörö; kaj ko air im kworök ko air, silver; im e ar nakilin eoñolok ko air ilõn kin silver; im e ar kõmõn ñon jur ko otemjej an worwor eo, kworök silver. 18 Im jelitök nuknuk an kejem in worwor, jerbak an dri tiltil, blu, im eoij, im kilmir, im linen kworairik: im aitokõn roñoul kubit, im utiejen ilo baken lailim kubit, ekar ñon jelitök nuknuk an worwor eo. 19 Im jur ko air emen, im batilemen ko air emen, jen jinibörörö; kaj kó air silver, im men in nakilin eoñolok ko air ilõn, im kworök ko air, silver. 20 Im drumij ko otemjej an imõn kabir im an worwor eo, jinibörörö.

21 Eñin oran men ko ñon imõn kabir eo, aet imõn kabir in kennan, einwõt rar bwini, ekar ñon kien Moses, ñon jerbak an ro dri Livai, kin pein Itamar, nejin Aron, pris eo. 22 Im Bizalel, nejin Urai, nejin Hur, jen bwijin Juda, e ar kõmõn men otemjej Anij e ar jiroñ Moses kaki. 23 Im iben, Oholiab, nejin Ahisamak, jen bwijin Dan, dri jekjek, im dri jerbak e mejerik, im dri tiltil ilo blu, im ilo eoij, im ilo kilmir, im ilo linen kworairik.

24 Aolepen gold eo rar kõmõn kake ilo jerbak eo, jerbak otemjej in imõn kwojarjar, aet, gold in lelok, roñoul druatimjuõn talent, kab jiljilimjuõn buki jilñoul shekel, ekar ñon shekel in imõn kwojarjar. 25 Im silver jen ro emwij bwini ir jen jar an armij rõn, jibuki talent, im juõn tausan jiljilimjuõn buki jiljilimjuõnñoul lai-

lim shekel, ekar ñon shekel in imõn kwojarjar: 26 juõn beka, ñon juõn bõr, eñin jibilkwon shekel, ekar ñon shekel in imõn kwojarjar, jen jabrewõt e ar elã ñon iben ro emwij bwini ir, ridtõn roñoul yiõ im jima, jen jiljino buki jilu tausan limabuki limñoul man. 27 Im jibuki talent silver re kar ñon kaunlok batilemen ko in imõn kwojarjar eo, im batilemen ko an rõñel nuknuk eo; jibuki batilemen jen jibuki talent, juõn talent ñon juõn batilemen. 28 Im jen juõn tausan jiljilimjuõn buki jiljilimjuõnñoul lailim shekel, e ar kõmõn kaj ñon jur ko, im e ar nakilin eoñolok ko ilõn, im kõmõn kworök ko ñõni. 29 Im jinibörörö in jurtak eo, jiljilimjuõnñoul talent, im ruo tausan abuki shekel. 30 Im e ar kõmõn jene, batilemen ko ñon aur in imõn kwelok eo, im lokatok jinibörörö eo, im taul ñon e, im jabi otemjej an lokatok eo, 31 im batilemen ko an worwor iturin, im batilemen ko an aur im worwor eo, in drumij ko otemjej an imõn kabir eo, in drumij otemjej an worwor i belakin.

**39** Im jen blu eo, im eoij eo, im kilmir eo, rar kõmõn nuknuk ko emõn ejir ñon jerbak ilo jikin e kwojarjar, im rar kõmõn nuknuk ko re kwojarjar ñon Aron; einwõt Jeova e ar jiroñ Moses.

2 Im e ar kõmõn <sup>1</sup>epod eo jen gold, im blu, im eoij, im kilmir, im linen kworairik. 3 Im rar nowe gold ñon plet ko re meni, im bukwe na iren, im kãre ilo blu, im eoij, im kilmir, im linen kworairik, jerbak an dri ej e mejerik. 4 Rar kõmõn kõmõlmõl ñon e, emwij kobaik e; ilo jabõn ko ruo rar kobaiki. 5 Im kõñõr eo, dri mejerik e ar eje, e ar ber ion, ken drebije, ej mõtõn wõt, im wãwen wõt air kõmõne jen gold, im blu, im eoij, im kilmir, im linen kworairik; einwõt Jeova e ar jiroñ Moses.

6 Im rar nawãwen dreka onix ko, im karõki ilo batilemen gold, emwij bukwi im jeje einwõt dreka in sil, ekar ñon etan ro nejin Israel. 7 Im e ar

<sup>1</sup> Jap. 28. 6-12.

likiti ilo kōmōlmōl ko an epod eo, bwe ren dreka in kakememej nōn ro nejin Israel; einwōt Jeova e ar jiroñ Moses.

8 Im e ar kōmōn <sup>1</sup>dribil eo, jermal an dri kōmōn e mejerik, einwōt kōmōn an epod eo; jen gold, im blu, im eoij, im kilmir, im linen kworairik. 9 E kar aitokōn im drilpen wōt juōn; rar kalen ruo dribil eo: juōn jetōñ aitokōn, im juōn jetōñ drilpen, ruo alen. 10 Im rar loñwe na jikir emen lajrōk in dreka. Juōn lajrōk in sardiōs, topaz, im karbunkel, lajrōk eo mokta; 11 im lajrōk eo ken ka ruo, emerald, saffair, im diamond; 12 lajrōk eo ken ka jilu, jesint, aget, im ametist; 13 im lajrōk eo ken kemen, beril, onix, im jasper: rar loñwe na jikir ilo gold. 14 Im dreka ko rekar nōn etan ro nejin Israel, joñoul ruo, ekar nōn etair; einwōt jeje in men in sil, jabrewōt iair ekar nōn etan, nōn bwij ko joñoul ruo. 15 Im rar kōmōn ilo dribil eo, to ninir einwōt ekwol, jermal in iñiñ gold erreo. 16 Im rar kōmōn ruo nien gold, im ruo luko gold, im rar likit luko ko ilo jabōn ko ruo ilo dribil eo. 17 Im rar likit to ninir ko ruo gold, ilo luko ko ruo ilo jabōn dribil eo. 18 Im jabōn ko jet ruo, jabōn to ko ruo, rar likiti ilo nien ko ruo, im likiti ilo kōmōlmōl ko an epod eo, iman. 19 Im rar kōmōn ruo luko gold, im likiti ilo ruo jabōn dribil eo, ilo tōreren mōtōn eo iloa itur-in epod eo. 20 Im rar kōmōn ruo luko gold, im likiti ilo kōmōlmōl ko ruo an epod, iomin im iman, ebak ketakin kōñōr eo emōn ejin, an epod eo. 21 Im rar lukwoj dribil eo kin luko ko an, nōn luko ko an epod eo, kin to blu, bwe en ber iomin kōñōr eo emōn ejin an epod eo, im bwe ren jab jelate dribil eo jen epod eo; einwōt Jeova e ar jiroñ Moses.

22 Im e ar kōmōn <sup>2</sup>liboror in epod eo kin jermal in ej, blu wōt; 23 im roñ ilo kobe eo iolapin, einwōt roñ ilo ken tōrak ubōn, im juōn meju, ken kabin tōreren roñ eo bwe en jab beotōk. 24 Im rar kōmōn ilo lukko an

kobe eo, pomgranet ko blu, im eoij, im kilmir, im linen kworairik. 25 Im rar kōmōn bel ko jen gold erreo, im likit bel ko ikōtan pomgranet ko, ilo lukko an kobe eo, ikōtan pomgranet ko; 26 juōn bel im juōn pomgranet, juōn bel im juōn pomgranet, ilo lukko an kobe eo, nuknuk in korijer; kōmōne einwōt Jeova e ar jiroñ Moses.

27 Im rar kōmōn <sup>1</sup>kobe ko jen linen kworairik nōn Aron im lōmaro nejin, 28 im libo eo jen linen kworairik, im rojenbōr ko re wōlio jen linen kworairik, im trauej ko jen linen kworairik, 29 im kōñōr eo jen linen kworairik, im blu, im eoij, im kilmir, jermal an dri tiltil; einwōt Jeova e ar jiroñ Moses.

30 Im rar kōmōn <sup>2</sup>plet an bokrōnat eo e kwojarjar, jen gold erreo, im bukwe ion einwōt men in jeje ilo ken sil, E KWOJARJAR NŌN JEOVA. 31 Im rar lukwoj iben, to blu, bwe en kabin kake ion libo eo ilōñ; einwōt Jeova e ar jiroñ Moses.

32 Ein drein emwij kōmōn aolepen jermal an imōn kwelok eo: im ro nejin Israel rar kōmōn ekar nōn men otemej Jeova e ar jiroñ Moses, ein drein air kōmōn. 33 Im rar bōktok nōn iben Moses, Mweo, imōn kabere eo, im aolepen kabwebwen mweo, kāj ko an, rā ko an, jur ko an, im batilemen ko an; 34 im ken kalibubu ko kilin jip koman emwij kakilmiri, im ken kalibubu kil ko kilin raj, im rōnel eo ken binej; 35 im dipdip in kennan, im ine ko an, im jikin tiriamo eo; 36 tebel eo, jābi ko an otemej, im bred in kalikar; 37 jikin lamp eo erreo, lamp ko an, aet, lamp ko in kilajrōk, im jābi ko an otemej, im oil nōn maram; 38 im lokatok gold eo, im oil in kabit, im kaijurjur eñōj, im jelitōk nuknuk in aur in Mweo; 39 im lokatok jinibōrōrō, im taul eo an jinibōrōrō, alal ko an, im jābi ko an otemej, jābi in amin elap im neen; 40 jelitōk nuknuk in worwor eo, jur ko an, batilemen ko an, im jelitōk nuknuk nōn kejem in worwor, to ko an, im drumij ko an, im ken jermal

<sup>1</sup> Jap. 28. 15. 28. <sup>2</sup> Jap. 28. 31. 34.

<sup>1</sup> Jap. 28. 39. 40. 42. <sup>2</sup> Jap. 28. 36. 37.

otemjej in korijer kake ilo imōn kab-ber, nōn imōn kwelok eo; 41 nuknuk ko emōn ejir nōn korijer ilo jikin e kwojarjar, im nuknuk ko re kwojarjar nōn Aron, pris eo, im nuknuk ko an lōmaro, nejin nōn jermal an pris. 42 Ekar nōn aolepen men ko Jeova e ar jiroñ Moses, ein drein ro nejin Israel rar kōmōn aolepen jermal eo. 43 Im Moses e ar lale aolepen jermal eo, im lo, rar kōmōn ein drein; einwōt Jeova e ar kaiñi, ein drein air kōmōne: im Moses e ar jare ir.

**40** Im Jeova e ar konono nōn Moses, im ba, 2 Ilo ran eo mokta ilo aliñ eo mokta, kwon kajutōk imōn kab-ber eo in imōn kwelok. 3 Im kwon likit iloan, dipdip in kennan eo, im kwon binej dipdip eo kin rōnel nuknuk eo. 4 Im kwon bōktok iloan, tebel eo, im kilajrōk men ko ion; im kwon bōktok iloan, jikin lamp, im tili lamp ko an. 5 Im kwon likit lokatok gold eo iman dipdip in kennan, im likit jelitōk nuknuk ilo kejem in imōn kab-ber eo. 6 Im kwon likit lokatok in katok kijeek iman aur in imōn kab-ber in imōn kwelok eo. 7 Im kwon likit jābi in amin ikōtan imōn kwelok im lokatok eo, im likit dren iloan. 8 Im kwon kajutōk worwor eo iturin, im totoik jelitōk nuknuk an kejem im worwor. 9 Im kwon bōk oil in kabit, im kabit kake imōn kab-ber, im men ko otemjej iloan, im kokwojarjari, im jābi ko otemjej an: inem e naj kwojarjar. 10 Im kwon kabit lokatok in katok kijeek, im aolepen jābi ko an, im kokwojarjar lokatok eo, im lokatok eo e naj kwojarjar otem kwojarjar. 11 Im kwon kabit jābi in amin kab neen, im kokwojarjare. 12 Im kwon āñintok Aron im lōmaro nejin nōn kejem in imōn kwelok eo; im katutu ir kin dren. 13 Im kwon likit ion Aron nuknuk ko re kwojarjar; im kwon kabit e, im kokwojarjar e, bwe en korijer nōn Iō ilo jermal an pris. 14 Im kwon āñintok lōmaro nejin, im kwon nabalir kin kobe ko; 15 im kwon kabit ir, einwōt am kar kabit jemeir, bwe ren korijer nōn Iō ilo jermal an pris: im kabit eo air e

naj nōn ir jermal in pris ilo aolepen ebeben ko air. 16 Ein drein an Moses kōmōn: ekar nōn men otemjej Jeova e ar kaiñi, ein drein an kōmōne.

17 Im ilo aliñ eo mokta, ilo yiō eo ken ka ruo, ran eo mokta ilo aliñ eo, rar kajutōk imōn kab-ber eo. 18 Im Moses e ar kajutōk imōn kab-ber eo, im likit batilemen ko an, im kajutōk rā ko an, im tōli alal ko an, im kajutōk jur ko an. 19 Im e ar erlokwe im nuknuk eo ilōnin imōn kab-ber eo, im likit ken kalibubu im nuknuk eo ion: einwōt Jeova e ar jiroñ Moses. 20 Im e ar bōk men in kennan eo im likit e ilo dipdip eo, im tōli ine ko ilo dipdip eo, im likit jikin tiriāmo ion dipdip eo: 21 im e ar bōktok dipdip eo iloan imōn kab-ber eo, im e ar totoik rōnel nuknuk eo, im binej dipdip in kennan; einwōt Jeova e ar jiroñ Moses. 22 Im e ar likit tebel eo iloan imōn kwelok eo, tuiñ ilo imōn kab-ber, iman rōnel nuknuk eo. 23 Im e ar kilajrōk bred eo ion, iman Jeova, einwōt Jeova e ar jiroñ Moses. 24 Im e ar likit jikin lamp eo iloan imōn kwelok eo, ikijen tebel eo, tuiñ ilo imōn kab-ber eo. 25 Im e ar tili lamp ko iman Jeova; einwōt Jeova e ar jiroñ Moses. 26 Im e ar likit lokatok gold iloan imōn kwelok eo, iman rōnel nuknuk eo: 27 im e ar tili ion, kaijurjur in spais ko reñōj; einwōt Jeova e ar jiroñ Moses. 28 Im e ar totoik jelitōk eo ilo kejem in imōn kab-ber eo. 29 Im e ar likit lokatok in katok kijeek iturin kejem in imōn kab-ber an imōn kwelok eo, im e ar katok ion kin men in katok kijeek, im men in jurtak flauo; einwōt Jeova e ar jiroñ Moses. 30 Im e ar likit jābi in amin ikōtan imōn kab-ber eo im lokatok eo, im likit dren iloan, bwe ren amin kake. 31 Im Moses in Aron, im lōmaro nejin, re kin amin peir im neir ie; 32 ke rar dreloñ iloan imōn kwelok eo, im ke rar kebaktok lokatok eo, rar mōke amin ir; einwōt Jeova e ar jiroñ Moses. 33 Im e ar kajutōk worwor eo iturin imōn kab-ber im lokatok eo, im totoik



jelitök eo ilo kejem in worwor eo. Ein drein Moses e ar kamwijlok jermal eo.

34 Inem 'kōro eo e ar kalibubu imōn kwelok eo, im aibujij an Jeova e ar kobrök imōn kabēr. 35 Im Moses e ban dreloñ iloan imōn kwelok eo, kin ke kōro eo e ar ber ion, im aibujij an Jeova e ar kobrök

<sup>1</sup> Bwin. 9. 15-23.

[Marshall Islands.] 4

imōn kabēr eo. 36 Im ke e belliñlok kōro eo jen imōn kabēr eo, ro nejin Israel rar wōnmanlok ilo ial ko air otemjej: 37 a elañe e jañin belliñlok kōro eo, inem rar jab etal mae ran eo e belliñlok. 38 Bwe kōro eo an Jeova e ar ber ion imōn kabēr ilo ran, im eor kijeek ie ilo boñ, ilo mejen aolepen imōn Israel, ilo etetal ko air otemjej.

97

# LIVITIKŌS

**1** Im <sup>1</sup>Jeova e ar kir nōn Moses, im konono iben jen iloan imōn kwelok eo, im ba, **2** Kwon konono nōn ro nejin Israel, im ba nōn ir, Ne jabrewōt armij iamī ej letok jurtak nōn Jeova, komin bōktok ami jurtak jen kiru ko, jen kau ko ak jip ko.

**3** Elaņe jurtak eo juōn men in katok kijeek jen kau ko, en letok kau koman e wāppen: en letok iturin kejem in imōn kwelok eo, bwe en men in mōnōnō iman Jeova. **4** Im en likit pein ion bōran men eo men in katok kijeek; im naj bōke jen armij eo bwe en kōmōn kilajrōk nōn e. **5** Im en mōn kau koman eo iman Jeova: im lōmaro nejin Aron, pris ro, ren letok bōtōktōkin, im ren kabōtūktūk kin bōtōktōk eo ion belakin lokatok eo ej iturin kejem in imōn kwelok eo. **6** Im en jojen kilin men in katok kijeek eo, im en wojiblokloke. **7** Im ro nejin Aron pris eo, ren likit kijeek ion lokatok eo, im kilajrōk kane ion kijeek eo; **8** im ro nejin Aron, pris ro, ren kilajrōk mōtōn ko, im bōran, im kioeo, ion kane eo ion lokatok eo: **9** a en kwole kin dren men ko jen iloan, im ne ko. Im pris eo en tile aolepeir ion lokatok, bwe en juōn katok kijeek, jurtak kōmōne kin kijeek, bwin enno nōn Jeova.

**10** Im elaņe men in jurtak eo jen bwijin jip, ak got ko, nōn katok kijeek; en bōktok juōn koman e wāppen. **11** Im en mōne iūnin lokatok eo iman Jeova: im lōmaro nejin Aron, pris ro, ren kabōtūktūk kin bōtōktōkin ion lokatok eo im iturin. **12** Im en wojiblokloke, iben bōran, im kioeo eo an; im pris eo en kilajrōki ion kane ej ilo kijeek eo, ion lokatok eo: **13** a men ko iloan im ne ko, en

kwoli kin dren. Im pris eo en katok kin aolepeir, im tili ion lokatok eo: e juōn katok kijeek, men in jurtak kōmōne kin kijeek, bwin enno nōn Jeova.

**14** Im elaņe jurtak eo an nōn Jeova ej men in katok kijeek jen bao ko, inem en letok jurtak eo tōrtel dōv ko, ak muli ko remōn drer. **15** Im pris eo en bōktok e nōn lokatok eo, im iūti bōran jen kenwan, im tile ion lokatok eo; im bōtōktōkin en torok iturin lokatok eo; **16** im en bōk jen e turōk eo an, im men ko kobōn, im jolok e iturin lokatok eo, i rear, ilo jikin brij in ubaj: **17** im en kekele kin pein, a e jamin nate. Im pris eo en tile ion lokatok eo, ion kane ej ilo kijeek eo: ej men in katok kijeek, jurtak kōmōne kin kijeek, bwin enno nōn Jeova.

**2** Im ne jabrewōt ej letok jurtak, men in letok flauo nōn Jeova, men in letok eo e naj flauo kwerik: im en lutōklok oil ion, im likit kajurjur ion: **2** im en bōktok e nōn iben lōmaro nejin Aron, pris ro; im en roklij jen flauo eo juōn alen, im jen oil eo, iben aolepen kajurjur eo. Im pris eo en tile einwōt men in kemem jen e ion lokatok eo, men in katok kijeek, bwin enno nōn Jeova: **3** im bwen flauo eo e naj an Aron im lōmaro nejin: ej men eo e kanuij kwojarjar ian men in katok kijeek kōmōne nōn Jeova.

**4** Im ne kwoj bōktok jurtak, men in jurtak flauo emwij umni, en kek ko re jab uwe, jen flauo kwerik käreiki kin oil, ak kek ko re meni, ko re jab uwe, im kabiti kin oil. **5** Im elaņe am jurtak ej jurtak flauo jen jābi in umum, ren kōmōne jen flauo kwerik e jab uwe, käreiki kin oil.

<sup>1</sup> Bwin. 7. 89.

6 Kwon tibrikrik im lutök oil ion : ej juön jurtak flauo. 7 Im elañe jurtak eo am ej jurtak flauo jen jäbi in kōmät, ren kōmōne jen flauo kwerik iben oil. 8 Im kwon böktok men in jurtak flauo rej kōmōne jen men kein ñōn Jeova : im naj lelok e ñōn pris eo, im en böktok e ñōn lokatok eo. 9 Im pris eo en bök jen men in katok flauo eo, men in kemem, im tile ion lokatok eo, men in katok kijeek, bwin enno ñōn Jeova. 10 Im men eo bwen katok flauo, e naj an Aron im lömaro nejin : ej men eo e kanuij kwojarjar ian men in katok kijeek kōmōne ñōn Jeova.

11 Ejelok men in katok flauo, eo komij böktok ñōn Jeova, naj kōmōne kin leven : kom jamin tile leven ak hōnni, bwe en katok kijeek ñōn Jeova. 12 Einwöt jomökōj ko men in jurtak kom naj lilok ñōn Jeova : a re jamin wōnliñtok kin bwin enno ion lokatok eo. 13 Im men in katok flauo otemjej komin käreiki kin salt : im kom jamin likit bwe salt in bujen amuij Anij en joko jen ami men in katok flauo : iben men in jurtak otemjej ami, komin letok salt.

14 Im elañe kwoj katok ñōn Jeova kin men in jurtak flauo ian jomökōj ko, kwon böktok jurtak flauo ian jomökōj ko am, korn ilo uror e jinmelle, im korn emwij nowe, jen uror ekäl. 15 Im kwon lutök oil ion, im likit kaijurjur ion : ej juön jurtak flauo. 16 Im pris eo en tile juön men in kemem jen e, mōtōn korn nowe, im mōtōn oil eo, im iben aolepen kaijurjur eo an : ej men in katok kijeek ñōn Jeova.

3 Im elañe jurtak eo an juön ej men in katok kin ainemōn ; elañe ej böktok kiru, koman ak kōkōra, en letok eo e wäppen, iman Jeova. 2 Im en likit pein ion böran men in katok eo, im mōne iturin kejem in imōn kwelok : im lömaro nejin Aron, pris ro, ren kabötüktük bötöktökin ion lokatok eo im iturin. 3 Im en letok jen jurtak ko kin ainemōn, men in katok kijeek ñōn Jeova ; ki-

oeo ej kalibubu mōjñōl ko, im aolepen kioeo ej ioir, 4 im dreka in jibke ko, im kioeo ej ioir, eo ej i katin, im jä eo ej ion aj, kab dreka in jibke ko, en böki. 5 Im lömaro nejin Aron ren tile ion lokatok eo, ion katok kijeek eo, ej ion kane ilo kijeek eo : ej men in katok kōmōne kin kijeek, im bwin enno ñōn Jeova.

6 Im elañe jurtak eo an, men in katok kin ainemōn ñōn Jeova, en böktok jen kiru jip ko ; koman ak kōkōra, en letok e wäppen wöt. 7 Elañe juön lam jurtak eo an, inem en böktok iman Jeova ; 8 im en likit pein ion böran jurtak eo an, im en mōn e iman imōn kwelok eo : im lömaro nejin Aron ren kabötüktük kin bötöktökin ion lokatok eo im iturin. 9 Im e naj letok jen men in katok ko kin ainemōn, jurtak kōmōne kin kijeek ñōn Jeova ; kioeo eo an, aolepen lokōn e mätök, e naj böke jen unin drilip ; im kioeo ej kalibubu mōjñōl ko, im aolepen kioeo ion mōjñōl ko, 10 im dreka in jibke ko, im kioeo ioir, eo ej ber i katin, im jä eo ej ber ion aj eo, kab dreka in jibke ko, en böki. 11 Im pris eo en tile ion lokatok eo ; ej mōña in jurtak eo, kōmōne kin kijeek ñōn Jeova.

12 Im elañe jurtak eo juön got, inem en katok kake iman Jeova : 13 im en likit pein ion böran, im mōn e iman imōn kwelok eo ; im lömaro nejin Aron ren kabötüktük bötöktökin ion lokatok eo im iturin. 14 Im en letok jen men in jurtak eo an, aet katok kijeek ñōn Jeova ; kioeo ej kalibubu mōjñōl ko, im aolepen kioeo ion mōjñōl ko, 15 im dreka in jibke ko, im kioeo ej ioir, eo ilo katin, im jä eo ej ion aj, kab dreka in jibke ko, en böki. 16 Im pris eo en tili ir ion lokatok eo : ej mōña in jurtak eo, kōmōne kin kijeek ñōn bwin enno ; aolepen kioeo an Jeova. 17 En juön kien in drio, ilo ebeben ko ami, ilo moko imwemi otemjej, bwe komin jab mōña kioeo ak bötöktök.

4 Im Jeova e ar konono ñōn Moşes, im ba, 2 Kwon konono ñōn ro nejin Israel, im ba, Elañe jabrewöt

armij ej jerawiwi kin an jaje, ilo jabrewōt men eo Jeova e ar ba ren jab kōmōne, im ej kōmōn jabrewōt iair: 3 elañe pris eo emwij kabite, ej jerawiwi im naruōn armij rōn, inem en letok kin jerawiwi eo an e ar bwir kake, juōn kau kōman, emōn ridtōn, im e wāppen, nōn Jeova, men in katok kin jerawiwi. 4 Im en ānintok kau koman eo nōn aur in imōn kwelok eo iman Jeova; im en likit pein ion bōran kau koman eo, im en mōne iman Jeova. 5 Im pris eo emwij kabite en bōk jen bōtōktōkin kau koman eo, im en bōktok e nōn imōn kwelok eo: 6 im pris eo en katulok juōn arrin pein ilo bōtōktōk eo, im en kabōtūtūk jiljilimjuōn alen iman Jeova, iman binjen imōn kwojarjar eo. 7 Im pris eo en likit jen bōtōktōk eo ion drun ko drun lokatok in kajurjur eñōj iman Jeova, eo ej ber ilo imōn kwelok eo; im aolepen bōtōktōkin kau koman eo e naj lutōkloke ilōl iturin lokatok in katok kijeek, eo ej iturin imōn kwelok eo. 8 Im aolepen kioeo an kau koman eo, men in katok kin jerawiwi, en bōk jen e; kioeo ej kalibubu mōjñōl ko, im aolepen kioeo ej ion mōjñōl ko, 9 im dreka in jibke ko, im kioeo ej ioir, ej ilo katin, im jā in aj, kab dreka in jibke ko, e naj bōki, 10 einwōt rej bōki jen kau koman men in katok kin ainemōn: im pris eo en tili ion lokatok in katok kijeek. 11 Im kilin kau koman eo, im aolepen kōniekin, im bōran, im neen, im mōjñōl ko an, im toeōkin, 12 aet aolepen kau koman eo, e naj bōkloke nōn ilikin kamp eo nōn juōn jikin erreō, ijo rej lutōklok brij in ubaj, im en tile ion kane kin kijeek: jo rej lutōklok brij in ubaj, naj tile.

13 Im elañe aolepen jar an Israel rej bwir, im men eo ej etino jen mejen jar eo, im rar kōmōn jabrewōt ian men ko Jeova e ar jiroñ bwe ren jab kōmōni, im eor rueir; 14 ñe bwir eo rar bwir kake ej alikar, inem jar eo en letok juōn kau koman emōn ridtōn, men in katok kin jerawiwi, im re naj bōktok e nōn iman imōn

kwelok eo. 15 Im ridto ro an jar eo ren likit peir ion bōran kau eo, iman Jeova; im ren mōn kau koman eo iman Jeova. 16 Im pris eo emwij kabite, en bōktok jen bōtōktōkin kau koman eo, nōn imōn kwelok eo: 17 im pris eo en katulok juōn arrin pein ilo bōtōktōk eo, im kabōtūtūk jiljilimjuōn alen iman Jeova, iman binjen imōn kwojarjar eo. 18 Im en likit jen bōtōktōk eo ion drun ko drun lokatok eo ej iman Jeova, eo ej ilo imōn kwelok, im aolepen bōtōktōk eo en lutōkloke ilōl, iturin lokatok in katok kijeek, eo ej iturin kejem in imōn kwelok eo. 19 Im en bōk aolepen kioeo jen e, im tile ion lokatok eo. 20 Ein drein en kōmōn kin kau koman eo; einwōt e ar kōmōn kin kau koman in katok kijeek, ein drein en kōmōn kin kiru in; im pris eo e naj kōmōn kilajrōk kin ir, im e naj joko rueir. 21 Im en bōklok kau koman eo ilikin kamp eo, im en tile einwōte ar tile kau koman eo mokta: ej men in katok kin jerawiwi an jar eo.

22 Ñe juōn iroi ej jerawiwi, im ej kōmōn ilo jaje jabrewōt ian men ko otemjej Jeova an Anij e ar jiroñ e bwe en jab kōmōne, im eor ruōn; 23 elañe jerawiwi eo an, e ar bwir kake, ej alikar nōn e, en bōktok jurtak eo an, juōn got koman im e wāppen. 24 Im en likit pein ion bōran got eo, im mōne ilo jikin ijo rej mōn men in katok kijeek iman Jeova: ej men in katok kin jerawiwi. 25 Im pris eo en bōk jen bōtōktōkin men in katok kin jerawiwi, kin juōn arrin pein, im likite ion drun lokatok in katok kijeek; im en lutōklok bōtōktōkin ilōl, iturin lokatok in katok kijeek. 26 Im en tile aolepen kioeo iben ion lokatok eo, einwōt kioeo an men in katok kin ainemōn ko; im pris eo e naj kōmōn kilajrōk nōn e kin bwir eo an, im e naj joko ruōn.

27 Im elañe jabrewōt ian kajur rōn ej jerawiwi kin an jaje, ilo an kōmōn jabrewōt ian men ko Jeova e ar jiroñ kake bwe ren jab kōmōne, im eor ruōn; 28 elañe jerawiwi eo an, e ar bwir kake, ej alikar nōn e,

inem en bōktok jurtak eo an, juōn got, kokōra e wāppen, kin jerawiwi eo an e ar bwir kake. 29 Im en likit pein ion bōran men in katok kin jerawiwi, im en mōn men in katok kin jerawiwi eo, ilo jikin katok kijeek. 30 Im pris eo en bōk jen bōtōktōkin kin juōn arrin pein, im likite ion drun lokatok in katok kijeek; im aolepen bōtōktōkin e naj lutōklok ilōl, iturin lokatok eo. 31 Im en bōk aolepen kioeo eo an, einwōt air bōk kioeo jen men in katok in ainemōn; im pris eo en tile ion lokatok eo, bwir enno nōn Jeova; im pris eo e naj kōmōn kilajrōk kin e, im e naj joko ruōn.

32 Im elañe ej bōktok lam, jurtak eo an, men in katok kin jerawiwi, en bōktok kokōra e wāppen. 33 Im en likit pein ion bōran men in katok kin jerawiwi eo, im en mōne nōn men in katok kin jerawiwi, ilo jikin ijo rej mōn men in katok kijeek. 34 Im pris eo en bōk jen bōtōktōkin men in katok kin jerawiwi, kin juōn arrin pein, im en likite ion drun lokatok in katok kijeek; im en lutōklok aolepen bōtōktōkin ilōl, iturin lokatok eo. 35 Im en bōk aolepen kioeo eo an, einwōt air bōk kioeo in lam eo, jen men in katok kin ainemōn; im pris eo en tile ion lokatok eo, ion jurtak ko an Jeova, kōmōne kin kijeek; im pris eo e naj kōmōn kilajrōk nōn e kin jerawiwi eo e ar bwir kake, im e naj joko ruōn.

5 Im elañe jabrewōt armij ej jerawiwi ilo an roñjake nan in kol, e dri kennan, im elañe e ar lo ak jela, elañe e jab kwaloke, inem e naj or ruōn. 2 Ak elañe jabrewōt armij ej uñir jabrewōt men e jab erreō, elañe ubōn kiru e jab erreō, ak ubōn kau ko re jab erreō, ak ubōn men ko rej tōbōlbōl re jab erreō, im etino jen e, im armij eo e jab erreō kake, inem e naj or ruōn. 3 Ak elañe ej uñire men ko re jab erreō an armij, jabrewōt men eo e jab erreō, im e jab erreō kake, im ej etino jen e; ñe e jela, ien eo e naj or ruōn. 4 Ak elañe jabrewōt armij ej kanōjnij bōjik kin tien

bwe en kōmōn nana, ak bwe en kōmōn emōn, jabrewōt men eo juōn armij ej konono bōjik kin kanōnij, im etino jen e, ñe e jela kake, inem e naj or ruōn ilo juōn ian men kein. 5 Im e naj ein drein, ñe eor ruōn kin juōn ian men kein, en kwalok men eo e ar jerawiwi kake: 6 im en bōktok nōn Jeova kin men eo e ar jerawiwi kake, juōn kokōra jen bwij eo, lam ak got, jurtak kin jerawiwi; im pris eo e naj kōmōn kilajrōk nōn armij eo kin bwir eo an.

7 Im elañe men ko mweien re jab bwe nōn juōn lam, inem en bōktok jurtak in bwir eo an kin men eo e ar bwir kake, ruo tōrtel dōv ak ruo muli remōn drer, nōn Jeova; juōn iair men in katok kin jerawiwi, im eo juōn men in katok kijeek. 8 Im en bōktok e nōn iben pris, eo e naj katok kin jurtak in bwir mokta, im iñti bōran jen kenwan, a en jab bukwe. 9 Im en kabōtōktōk kin bōtōktōkin men in katok in jerawiwi eo ilo turin lokatok eo; matōn bōtōktōkin eo e naj katorlok ilōl, iturin lokatok eo: ej men in katok kin jerawiwi. 10 Im en katok kin eo ken ka ruo men in katok kijeek, ekar nōn kien eo; im pris eo e naj kōmōn kilajrōk nōn e kin jerawiwi eo an e ar bwir kake, im e naj joko ruōn.

11 A elañe men ko mweien re jab bwe nōn ruo tōrtel dōv, ak ruo muli remōn drer, inem en bōktok jurtak eo an kin men eo e ar jerawiwi kake, juōn mōtōn joñoul in epa in flauo kwerik, juōn men in katok kin jerawiwi: en likit ejelok oil ion, im en likit kajurjur ion; bwe ej men in katok kin jerawiwi. 12 Im en bōktok e nōn pris eo, im pris eo en roklipe juōn alen jen e, men in kemem, im tile ion lokatok eo, ion jurtak ko an Jeova, kōmōni kin kijeek: ej men in katok kin jerawiwi. 13 Im pris eo e naj kōmōn kilajrōk nōn e kin jerawiwi eo e ar bwir kake, ilo jabrewōt ian men kein, im e naj joko ruōn: im matōn e naj an pris eo einwōt jurtak flauo.

14 Im Jeova e ar konono nōn Mo-

ses, im ba, 15 Elaņe jabrewōt armij ej kokkure kien im jerawiwi ilo jaje, kin men ko re kwojarjar an Jeova; inem en bōktok an jurtak kin jerawiwi nōn Jeova, juōn jip koman e wāppen jen bwijin jip, ekar nōn an watōke ilo silver kin shekel ko, ekar nōn shekel an imōn kwojarjar, men in katok kin ruōn; 16 im en nawōnan kin men eo e ar bwir kake mokta, ilo men eo e kwojarjar, im en kobaik nōn e juōn mōtōn lailim, im lelok nōn pris eo; im pris eo e naj kōmōn kilajrōk nōn e kin jip koman eo, men in katok kin ruōn, im e naj joko ruōn.

17 Im elaņe jabrewōt armij ej jerawiwi, im kōmōn jabrewōt ian men ko Jeova e ar jiroņ bwe ren jab kōmōne; meņe e jaje kake, e naj or ruōn, im e naj inek bwir eo an. 18 Im en bōktok juōn jip koman e wāppen, jen bwijin jip, ekar nōn am watōke, men in katok kin jerawiwi, nōn pris eo; im pris eo e naj kōmōn kilajrōk nōn e, kin men eo e ar bwir kake im jaje, im e naj joko ruōn. 19 Ej men in katok kin jerawiwi: emol eor ruōn iman Jeova.

6 Im Jeova e ar konono nōn Moses, im ba, 2 Elaņe jabrewōt armij ej jerawiwi, im kokkure kien Jeova, im kōmōn mon nōn dri turin kin men ko e ar likit iben, ak kin bebe in wia, ak kin koarōņ, ak elaņe e ar kamakokoik dri turin, 3 ak elaņe e ar lo men ko re kar joko, im kōmōn mon kake, im kanōjnij ilo riōp ilo jabrewōt ian men kein otemjej, im jerawiwi: 4 im elaņe e ar jerawiwi im eor ruōn, en kōrra men eo e kar bōk kin koarōņ, ak men eo e ar bōk kin kamakoko, ak men eo kar likit e na iben, ak men eo e kar joko im e ar loe, 5 ak jabrewōt men eo e ar kanōjnij kake ilo riōp; en kōrra wōt im en kalaplōk kin juōn mōtōn lailim: nōn armij eo an, en lelok ilo ran eo e ar alikar ruōn. 6 Im en bōktok men in katok kin jerawiwi eo an, nōn Jeova, juōn jip koman e wāppen jen bwijin jip, ekar nōn am watōk, nōn pris eo: 7 im pris eo e naj kōmōn kilajrōk nōn e iman Jeova; im e naj joko ruōn

kin men eo jabrewōt ej kōmōn im eor ruōn kake.

8 Im Jeova e ar konono nōn Moses, im ba, 9 Kwon jiroņ Aron im lōmaro nejn, im ba, Eņin kien katok kijeek: men in katok kijeek en ber ion kane ion lokatok iomin aolepen boņ nōn rantak; im kijeek in lokatok eo en urur wōt ion. 10 Im pris eo en kōnōk nuknuk linen ko an, im ren likit traujej linen eo an ion kōniekin; im en kwotōke brij in ubaj eo kijeek e ar tile jen men in katok kijeek ion lokatok eo, im en likit e iturin lokatok eo. 11 Im en wutik nuknuk ko an, im kōnōk nuknuk ko jet, im en bōklok brij in ubaj eo ilikin kamp eo nōn juōn jikin erreo. 12 Im kijeek ion lokatok eo en urur wōt ijo, en jab kwun; im pris eo en tile kane ion, jiboņ otemjej: im en kilajrōk men in katok kijeek ion, im en tile kioeo an men in katok kin ainemōn ko na ion. 13 Kijeek en urur ion lokatok eo ien otemjej; en jab kwun.

14 Im eņin kien jurtak flauo: lōmaro nejn Aron re naj katok kake, iman Jeova, iman lokatok eo. 15 Im en roklip jen e juōn alen, jen flauo kwerik jen jurtak flauo, im jen oil eo an, im aolepen kaijurjur ion jurtak flauo eo, im en tile ion lokatok eo, ej bwin enno, men in kemem nōn Jeova. 16 Im men eo bwen, Aron im lōmaro nejn re naj mōņa: ren kōņe im ejelok leven ilo juōn jikin e kwojarjar; iloan worwor in imōn kwelok eo, ren kōņe. 17 Re jamin likit leven iben im umni. I ar lelok e nōn ir, air mōtōn jurtak ko Aō, kōmōn kin kijeek; e kwojarjar otem kwojarjar, einwōt men in katok kin jerawiwi, im einwōt jurtak kin ruōn. 18 Man ro otemjej ian ro nejn Aron ren mōņa jen e, einwōt kij eo an, nōn in drio, iomin ebeben ko ami, jen jurtak ko an Jeova kōmōne kin kijeek: jabrewōt eo ej uņire, e naj kwojarjar.

19 Im Jeova e ar konono nōn Moses, im ba, 20 Eņin jurtak an Aron im an lōmaro nejn, eo re naj katok kake nōn Jeova, ran eo ñe rej kabite: juōn mōtōn joņoul epa in flauo kwe-

rik, men in jurtak flauo in drio, jimōtōn ñe ejiboñ, im jimōtōn ñe ejota. 21 Re naj kōmōne kin oil ilo juōn jābi in umum; ñe e molūlū, kwo naj kadreloñtok : ilo mōtōn ko emwij umum kwo naj letok jurtak flauo eo, bwın enno ñōn Jeova. 22 Im pris eo emwij kabite, eo ej binej jenkwōn, en katok kake: en tile aolepen ñōn Jeova, bwe juōn kien ñōn in drio. 23 Im jurtak flauo otemjej an pris, ren tile aolepen: ren jab mōña.

24 Im Jeova e ar konono ñōn Moses, im ba, 25 Kwon konono ñōn Aron im ñōn lōmaro nejın, im ba, Eñın kien men in katok kin jerawiwi : ilo jikin eo rej mōn men in katok kijeek ie, ijo ren mōn men in katok kin jerawiwi, iman Jeova: e kwojarjar otem kwojarjar. 26 Pris eo ej katok kake kin bwır, en kōñe: ilo juōn jikin e kwojarjar e naj kōñe, iloan worwor in imōn kwelok eo. 27 Jabrewōt eo ej uñır kōniekin, e naj kwojarjar: in ñe emwij kabōtūktūk jen bōtōktōkin ion jabrewōt nuknuk, kwon kwole men eo emwij kabōtūktūke, ilo juōn jikin e kwojarjar. 28 Ak jābi eo ar kōmāte iloan, ren rupe: im elañe kōmāte ilo jābi jinibōrōrō, naj ire im kwole kin dren. 29 Man otemjej ian pris ro, ren mōña jen e: e kwojarjar otem kwojarjar. 30 Im re jamin mōña jabrewōt men in katok kin jerawiwi, elañe rej bōktok jen bōtōktōkin na ilo imōn kwelok eo, bwe ren kōmōn kilajrōk eo ilo jikin kwojarjar: ren tile kin kijeek.

7 Im eñın kien men in katok kin ruōn: e kwojarjar wōt. 2 Ilo jikin eo rej mōn men in katok kijeek ie, ren mōn men in katok kin ruōn: im en kabōtūktūk bōtōktōkin ion lokatok eo im iturin. 3 Im en katok kin aolepen kioeo eo an, lokōn e mātōk, kioeo ej kalibubu mōjñōl ko, 4 im dreka in jibke ko, im kioeo ioir, eo ej ilo katin, im jā eo ion aj, kab dreka in jibke ko, en bōki; 5 im pris eo en tile ion lokatok eo, men in katok kōmōne kin kijeek, ñōn Jeova: ej men in katok kin ruōn. 6 Man otemjej ian pris ro ren mōña jene: re naj

mōña ilo jikin e kwojarjar: e kwojarjar wōt. 7 Einwōt men in katok kin jerawiwi, ein drein men in katok kin ruōn: juōn wōt kieir: e naj an pris eo ej kōmōn kilajrōk. 8 Im pris eo ej katok kin katok kijeek ñōn jabrewōt armij, pris eo wōt e naj bōk ñōn e, kilin men in katok kijeek eo e ar katok kake. 9 Im jabrewōt jurtak flauo rej umne ilo um, im aolepen men ko rej kōmāt ilo pan, im ilo pan in umum, e naj an pris eo e ar katok kake. 10 Im jabrewōt jurtak flauo, käreike kin oil, ak mōrā, lōmaro otemjej nejın Aron re naj bōke, einwōt juōn.

11 Im eñın kien men in katok kin ainemōn ko, eo armij ej katok kake ñōn Jeova. 12 Elañe ej katok kin men in kamolol, inem en letok iben men in katok kin kamolol eo, kek ko re jab uwe, im käreike kin oil, im kek ko re meni kabite kin oil, im kek ko käreike kin oil jen flauo kwerik molūlū. 13 Kin kek in bred e uwe, en letok jurtak eo an iben men in katok kin ainemōn ko an kin kamolol. 14 Im jen e, en katok juōn jen jabrewōt jurtak, men in katok jebōke ñōn Jeova; e naj an pris eo ej kabōtūktūk kin bōtōktōkin men in katok in ainemōn ko.

15 Im kōniekin jurtak in ainemōn ko an ñōn kamolol, ren kōñe ran eo ke ej katok kake; e jamin likit jabrewōt mōtōn ñōn jiboñ. 16 A elañe men in katok eo an ej men in kanōjnij, ak men in katok kin mōnōnō, ren mōña ran eo ke ej katok; im ilju ren kōñe mōtōn eo ej berwōt; 17 a mōtōn kōniekin men in katok eo ej berwōt ñōn ran eo ken ka jilu, ren tile kin kijeek. 18 Im elañe rej mōña jabrewōt kōniekin jurtak in ainemōn ko ilo ran eo ken ka jilu, jamin bōke ak watōke ñōn eo ej katok kake: e naj men in jōjōik, im armij eo ej mōña jen e, e naj inek bwır eo an.

19 Im ren jab mōña kōniek eo ej uñır jabrewōt men eo e jab erreo: ren tile kin kijeek. Im kin kōniek eo, jabrewōt eo ej erreo, en mōña jen e: 20 a armij eo ej mōña jen kōniek-

in jurtak in ainemōn ko rej an Jeova, ke etton ej ber ion, naj bukwelok armij eo jen dri ailiñ ro an. 21 Im ñe jabrewōt armij ej uñir jabrewōt men eo e jab erre, etton an armij, ak kiru e jab erre, ak jabrewōt men in jōjōik e jab erre, inem ej mōña kōniekin jurtak ko in ainemōn an Jeova, naj bukwelok armij eo jen dri aieñ ro an.

22 Im Jeova e ar konono ñōn Moses, im ba, 23 Kwon konono ñōn armij ro nejin Israel, im ba, Komin jab mōña jabrewōt kioeo an kau, ak jip, ak got. 24 Im kioeo jen jabrewōt eo ej mij in atabuñ, im kioeo an jabrewōt eo kiru rar kekel e, ren kejerbale ilo jabrewōt bar wāwen; a komin jab mōña jen e. 25 Bwe jabrewōt armij ej mōña kioeo an kiru eo, armij rej katok jen e men in katok kōmōne kin kijeek ñōn Jeova, naj bukwelok armij eo jen dri ailiñ ro an. 26 Im komin jab mōña jabrewōt wāwen bōtōktōk, bōtōktōkin bao, ak kiru, iloan jabrewōt moko imwemi. 27 Jabrewōt armij ej mōña bōtōktōk, naj bukwelok armij eo jen dri ailiñ ro an.

28 Im Jeova e ar konono ñōn Moses, im ba, 29 Kwon konono ñōn ro nejin Israel, im ba, Eo ej katok kin jurtak in ainemōn ko ñōn Jeova, en bōktok jurtak eo an ñōn Jeova jen jurtak ko in ainemōn: 30 pā ko pein wōt ren bōktok men in katok ko an Jeova kōmōne kin kijeek; en bōktok iben ubōn, bwe ren kabelbel ubōn eo, jurtak in belbel iman Jeova. 31 Im pris eo en tile kioeo eo ion lokatok eo; a ubōn eo enaj an Aron im lōmaro nejin. 32 Im komin lelok unjen ne anbijmaroñ ñōn pris eo, juōn jurtak in jebōke jen ami jurtak in ainemōn ko. 33 Eo ian lōmaro nejin Aron, ej katok kin bōtōktōkin jurtak in ainemōn ko, im kioeo eo, unjen ne anbijmaroñ, e naj kij eo an. 34 Bwe I ar bōk ubōn kabelbel im unjen ne anbijmaroñ men in jebōke, jen ro nejin Israel, jen jurtak in ainemōn ko air, im I ar lelok e ñōn Aron pris, im ñōn lōmaro nejin, air kij in drio, jen ro nejin Israel.

35 Eñin kij eo an Aron, im kij eo an lōmaro nejin, jen men in katok ko an Jeova kōmōne kin kijeek, ilo ran eo ke E ar lelok ir bwe ren jerbale ñōn Jeova ilo jerbale an pris; 36 men ko Jeova ej jiroñ bwe ren lelok ñōn ir, jen ro nejin Israel, ilo ran eo ke E ar kabit ir. Ej air kij iomin ebeben ko air ñōn in drio.

37 Eñin kien men in katok kin kijeek, kien jurtak flauo, men in katok kin bwir, men in katok kin ruōn, im kin lelok, im kin jurtak in ainemōn ko; 38 nan ko Jeova e ar jiroñ Moses ion tol Sainai, ilo ran eo ke E ar jiroñ ro nejin Israel bwe ren lelok jurtak ko air ñōn Jeova, ilo ene jemaren in tol Sainai.

8 Im Jeova e ar konono ñōn Moses, im ba, 2 Kwon bōk Aron im lōmaro nejin, im nuknuk ko, im oil in kabit, im kau koman an katok kin jerawiwī, im jip koman ko ruo, im iep in bred e jab uwe; 3 im kokweloktok aolepen jar eo iturin kejem in imōn kwelok eo. 4 Im Moses e ar kōmōn einwōt Jeova e ar jiroñ e; im jar eo rar kweloktok iturin kejem in imōn kwelok eo. 5 Im Moses e ar ba ñōn jar eo, Eñin men eo Jeova e ar jiroñ bwe jen kōmōne.

6 Im Moses e ar āñintok Aron im lōmaro nejin, im katutu ir kin dren. 7 Im e ar likit kobe eo ion, im kañōrñōre kin kōñōr eo, im kanuknuk e kin liboror, im likit epod ion, im kañōrñōre kin kworōk e kanuij tilit an epod eo, im lukwoj e kake. 8 Im e ar likit dribil eo maren: im ilo dribil eo e ar likit Urim im Tummim eo. 9 Im e ar likit libo eo ion bōran; im ion libo eo iman, e ar likit plet gold eo, bokrōnāt e kwojarjar; einwōt Jeova e ar jiroñ Moses.

10 Im Moses e ar bōk oil in kabit, im kabit imōn kabere eo, im men ko otemjej iloan, im kokwojarjari. 11 Im e ar kabōtōktōk jen e ion lokatok eo, jiljilimuōn alen, im e ar kabit lokatok eo im jābi otemjej an, im jābi jinibōrōrō jikin amin, im loñtōn, im kokwojarjari. 12 Im e ar lutōk jen oil in kabit ion bōran Aron, im kabit



e; im kokwojarjar e. 13 Im Moses e ar ānintok lōmaro nejn Aron, im kanuknuk ir kin kobe ko, im kañōrñōr ir kin kōñōr ko, im lukwoj ioir rojenbōrain; einwōt Jeova e ar jiroñ Moses.

14 Im e ar bōktok kau koman eo, men in katok kin bwir: im Aron im lōmaro nejn rar likit peir ion bōran kau koman eo, men in katok kin bwir. 15 Im e ar mōne; im Moses e ar bōk bōtōktōkin, im likit e ion drun in lokatok eo, im iturin, kin arrin pein, im karreoik lokatok eo, im lutōklok bōtōktōkin iļļ, iturin lokatok eo, im kokwojarjare, bwe en kōmōn kilajrōk ñōn e. 16 Im e ar bōk aolepen kioeo ej ber ion mōjñōl ko, im jā ion aj eo, im dreka in jibke ko, im kioeo ioir; im Moses e ar tile ion lokatok eo. 17 A kau koman eo, im kiilin, im kōniekin, im toeōkin, e ar tile kin kijeek ilikin kamp eo: einwōt Jeova e ar jiroñ Moses.

18 Im e ar lelok jip koman eo men in katok kijeek: im Aron im lōmaro nejn rar likit peir ion bōran jip koman eo. 19 Im e ar mōne; im Moses e ar kabōtūktūk kin bōtōktōkin ion lokatok eo im iturin. 20 Im e ar wojibloklok jip koman eo; im Moses e ar tile bōran, im mōtōn ko, im kioeo eo. 21 Im e ar kwole mōjñōl ko im ne ko kin dren; im Moses e ar tile aolepen jip koman eo ion lokatok eo: e ar katok kijeek ñōn bwīn enno: jurtak kōmōne kin kijeek ñōn Jeova; einwōt Jeova e ar jiroñ Moses.

22 Im e ar lelok jip koman eo juōn, jip koman in kokwojarjar: im Aron im lōmaro nejn rar likit peir ion bōran jip koman eo. 23 Im e ar mōne; im Moses e ar bōk jen bōtōktōkin, im likit e ion jabōn lojiliñin Aron anbijmaroñōn, im ion arrilip in pein anbijmaroñōn, im ion arrilip in neen anbijmaroñōn. 24 Im e ar ānintok lōmaro nejn Aron; im Moses e ar likit jen bōtōktōk eo ion jabōn lojiliñir anbijmaroñir, im ion arrilip in pein anbijmaroñir, im ion arrilip in neir anbijmaroñir: im Moses e ar kabōtūktūk kin bōtōktōk eo ion lokatok eo

im iturin. 25 Im e ar bōk kioeo eo, im lokōn e mātōk, im aolepen kioeo ion mōjñōl ko, im jā eo ion aj, im dreka in jibke ko, im kioeo ioir, im unjen ne anbijmaroñōn: 26 im jen iep in bred e jab uwe, eo e ar ber iman Jeova, e ar bōk juōn kek e jab uwe, im juōn kek in bred emwij kabite, im juōn kek e meni, im likiti ion kioeo eo, im ion unjen ne anbijmaroñōn: 27 im e ar likit aolepeir ilo pein Aron, im ilo pein lōmaro nejn, im kabelbeli katok belbel iman Jeova. 28 Im Moses e ar bōki jen peir, im tili ion lokatok eo, ion men in katok kijeek: rej men in kokwojarjar ñōn bwīn enno ekar ñōn juōn katok kijeek: ñōn Jeova. 29 Im Moses e ar bōk ubōn, im kabelbele, katok belbel iman Jeova: e kar kij eo an Moses jen jip koman in kokwojarjar; einwōt Jeova e ar jiroñ Moses.

30 Im Moses e ar bōk jen oil in kabit, im jen bōtōktōk eo e ar ber ion lokatok eo, im kabōtūktūk Aron, im nuknuk ko an, im lōmaro nejn, im nuknuk ko air iben, im e ar kokwojarjar Aron, im nuknuk ko an, im lōmaro nejn, im nuknuk ko air iben.

31 Im Moses e ar ba ñōn Aron im ñōn lōmaro nejn, Komin kōmāt kōniek eo ilo dren, iturin kejem in imōn kwelok eo: im komin kōne ijo iben bred eo ej ber ilo iep in kokwojarjar, einwōt I ar kaiñ, im ba, Aron im lōmaro nejn ren kōne. 32 Im mātōn mōña jen kōniek im jen bred eo, komin tile kin kijeek. 33 Im komin jab drioijlok jen kejem in imōn kwelok eo iomin jiljilimjuōn ran, ñōn ter eo e jejit ran ko ami, ran in kokwojarjar: bwe E naj kokwojarjar kom iomin jiljilimjuōn ran. 34 Einwōt emwij kōmōnmōne ranin, ein drein Jeova e ar jiroñ in kōmōnmōne, in kōmōn kilajrōk ñōn kom. 35 Im kom naj bewōt iturin kejem in imōn kwelok eo iomin jiljilimjuōn ran, ran im boñ, im kejbarōk kien Jeova, bwe komin jab mij: bwe ein drein emwij jiroñ iō. 36 Im Aron im lōmaro nejn rar kōmōn men otemjej Jeova e ar jiroñ kin pein Moses.

**9** Im ilo ran eo ken ka drualitōk, Moses e ar kirtok Aron im lōmaro nejin, im ridto ro in Israel; **2** im e ar ba ñōn Aron, Kwon bōk juōn kon in kau, men in katok kin jerawiwi, im juōn jip koman men in katok kin kijeek, re wāppen, im kwon katok kake iman Jeova. **3** Im kwo naj konono ñōn ro nejin Israel, im ba, Komin bōk juōn got koman, men in katok kin jerawiwi; im juōn kon in kau, im juōn lam, irro ridtair wōt juōn, juōn yiō, re wāppen, men in katok kijeek; **4** im juōn ox im juōn jip koman, men in katok ko kin ainemōn, ñōn katok kake iman Jeova; im jurtak flauo kāreiki kin oil: bwe ranin Jeova ej walok ñōn kom. **5** Im rar bōktok men ko Moses e ar jiroñ, iman imōn kwelok eo: im aolepen jar eo rar druaktok im jutōk iman Jeova. **6** Im Moses e ar ba, Eñin men eo Jeova e ar jiroñ, bwe komin kōmōne: im aibujui an Jeova e naj walok ñōn kom. **7** Im Moses e ar ba ñōn Aron, Kwon druaktok ñōn lokatok eo, im katok am men im katok kin jerawiwi, im kin am men in katok kijeek, im kōmōn kilajrōk ñōn kwe im armij rōn; im kwon lelok jurtak eo an armij rōn, im kōmōn kilajrōk ñōn kwe im armij rōn; im kwon lelok jurtak eo an armij rōn, im kōmōn kilajrōk ñōn ir; einwōt Jeova e ar jiroñ.

**8** Ein drein Aron e ar druaktok ñōn lokatok eo, im ñōn kon in kau men in katok kin jerawiwi, eo ñōn e mōke. **9** Im lōmaro nejin Aron rar lelok bōtōktōkin ñōn e; im e ar katulok juōn arrin pein ilo bōtōktōk eo, im likite ion drun in lokatok eo, im lutōklok bōtōktōkin iturin lokatok eo: **10** a kioeo eo, im dreka in jibke ko, im jā eo ej ber ion aj jen men in katok kin jerawiwi, e ar tile ion lokatok eo, einwōt Jeova e ar jiroñ Moses. **11** Im e ar tile kōniekin im kilin elikin kamp eo.

**12** Im e ar mōn men in katok kijeek eo; im lōmaro nejin Aron rar lelok ñōn e bōtōktōkin, im e ar kabōtōktōk ion lokatok eo im iturin. **13** Im rar lelok men in katok kijeek ñōn

e kin mōtōn ko, kab bōr: im e ar tile ion lokatok eo. **14** Im e ar kwelo mōjñōl im ne ko, im tile ion men in katok kijeek ion lokatok eo.

**15** Im e ar lelok jurtak an jar eo, im e ar bōk got eo men in katok kin jerawiwi, eo ej ñōn armij rōn, im mōne, im katok kake kin jerawiwi, einwōt eo mokta. **16** Im e ar lelok men in katok kijeek, im katok kake ekar ñōn kien eo. **17** Im e ar lelok jurtak flauo, im kobrōk pein jen e, im tile ion lokatok eo, eorlok jen men in katok kijeek ke ejiboñ.

**18** Bareinwōt, e ar mōn ox eo im jip koman eo, men in katok kin ainemōn ko, ko ñōn armij rōn: im lōmaro nejin Aron rar lelok ñōn e bōtōktōkir, im e ar kabōtōktōke ion lokatok eo im iturin, **19** im kioeo eo an ox eo, im an jip koman eo, lokōn e mātōk, im men in kalibubu mōjñōl ko, im dreka in jibke ko, im jā ion aj: **20** im rar likit kioeo eo ion ubōn kiru ko, im e ar tile ion lokatok eo: **21** im ubeir im unjen ne ko anbijmaroñir, Aron e ar kabelbeli, katok belbel iman Jeova, einwōt Moses e ar jiroñ.

**22** Im Aron e ar kwotōke pein ñōn armij rōn, im jare ir; im e ar wōnlōltok jen an men in katok kin jerawiwi, im men in katok kijeek, im jurtak in ainemōn ko. **23** Im Moses im Aron rar dreloñlok iloan imōn kwelok eo, im drioiytok, im rar jare armij rōn: im aibujui an Jeova e ar walok ñōn armij otemjej. **24** Im e ar walok kijeek jen iman Jeova, im e ar tile men in katok kijeek im kioeo ion lokatok eo: im ke armij otemjej rar loe, rar lamij, im buñbero.

**10** Im Nedab im Ebaihu, lōmaro nejin Aron, rar jimor bōk airrosenser, im likit kijeek iloan, im likit ijur na ion, im katok iman Jeova kin kijeek wan jen eo E ar jiroñ ir kake. **2** Im kijeek e ar waloktok jen iman Jeova, im e ar kōñ ir, im rar mij iman Jeova. **3** Inem Moses e ar ba ñōn Aron, Eñin nan eo Jeova e ar konono, im ba, Na I naj kwojarjar

ilo ro rej druaktok nōn iba, im iman armij otemjej I naj kaibujuij Iō. Im Aron e ar kejeklokjen. 4 Im Moses e ar kirtok Mishael, im Elzepan, ro nejin Uzaiel, alap an Aron, im e ar ba nōn ir, komin druaktok, komin bōklok ro nukumi jen iman imōn kwojarjar, nōn ilikin kamp eo. 5 Ein drein rar druaktok, im bōklok irro ilo kobe ko air, nōn elikin kamp eo: einwōt Moses e ar ba. 6 Im Moses e ar ba nōn Aron, im nōn Iliezar im Itamar, ro nejin, En jab aleak kolan bōrami, im komin jab kekel nukuk ko ami; bwe komin jab mij; im bwe En jab illu nōn aolepen jar eo: a ro nukumi, aolepen imōn Israel, ren jōnōt kijeek eo Jeova e ar kejo e. 7 Im komin jab drioijslok jen kejem in imōn kwelok eo, ñe kom ab mij: bwe oil in kabit ej ber iomi. Im rar kōmōn einwōt nan in Moses.

8 Im Jeova e ar konono nōn Aron, im ba, 9 Komin jab irak wain, ak dren in karek, jab kwe, jab lōmaro nejōm ibōm, ñe komij drelofi iloan imōn kwelok eo, bwe komin jab mij: e naj juōn kien nōn in drio iomin eeben ko ami: 10 im bwe komin likit men ko re kwojarjar ein juōn jen men wan ko, im erreō ein juōn jen jab erreō; 11 im bwe komin katakin ro nejin Israel kien ko otemjej, ko Jeova e ar konono kake nōn ir kin Moses.

12 Im Moses e ar ba nōn Aron, im nōn Iliezar, im nōn Itamar, lōmaro nejin, ro rej berwōt, Komin bōk katok flauo eo ej ber jen men in katok ko an Jeova kōmōne kin kijeek, im mōña ke e jab uwe, iturin lokatok eo; bwe e kwojarjar otem kwojarjar; 13 im komin kōñe ilo juōn jikin e kwojarjar, bwe ej kij eo am im an lōmaro nejōm, ian men in katok ko kōmōne kin kijeek: bwe ein drein emwij jiroñ yuk. 14 Im ubōn men in belbel, im unjen ne men in jebōk, im komin mōña ilo jikin erreō, kwe im ro nejōm man, im ro nejōm kōra ibōm: bwe emwij lewoj ir am kij, im an ro nejōm, ian men in katok ko an jurtak in ainemōn ko an ro nejin Israel.

15 Unjen ne men in jebōke, im ubōn men in belbel, ren bōktok iben jurtak ko kōmōni kin kijeek an kioeo eo, bwe ren kabelbeli, jurtak belbel iman Jeova: im e naj am, im an ro nejōm ibōm, kij eo ami in drio: einwōt Jeova e ar jiroñ.

16 Im Moses e ar kanuij kabukot got eo, men in katok kin jerawiwi, im lo, emwij tile: im e ar illu iben Iliezar, im iben Itamar, lōmaro nejin Aron rej berwōt, im e ar ba, 17 Etke kom ar jab mōña men in katok kin jerawiwi iloan jikin e kwojarjar, bwe e kanuij kwojarjar, im E ar lewoj nōn kōm bwe komin bōklok bwir an jar eo, in kōmōn kilajrōk nōn ir iman Jeova? 18 Lo, ar jab bōktok bōtōktōkin iloan imōn kwelok eo: emōn ami kar kōñe iloan imōn kwojarjar eo, einwōt I ar jiroñ. 19 Im Aron e ar konono nōn Moses, im ba, Lo, ranin rar letok air men in katok kin jerawiwi, im air men in katok kijeek, iman Jeova; im rar walok nōn iō men ko ein drein: im elañe I ar mōña men in katok kin jerawiwi ranin, e naj kar men in kabuñburen Jeova ke? 20 Im ke Moses e ar roñ nan eo, e ar buñburen kake.

11 Im Jeova e ar konono nōn Mōses im Aron, im E ar ba nōn irro, 2 Komin konono nōn ro nejin Israel, im ba, Irkein men ko re mour emelim ami mōña ian kiru otemjej rej ion lōl. 3 Jabrewōt eo e jibil akin, im ej meme kijen alen ruo, ian kiru ko, emelim ami mōña. 4 Ijoke, 1 ir kein komin jab mōña ian ko rej meme alen ruo, ak ko e jibil akir: kamel, bwe ej meme alen ruo, a e jab jibil akin, e jab erreō nōn kom. 5 Im koni, bwe ej meme alen ruo, a e jab jibil akin, e jab erreō nōn kom. 6 Im her, bwe ej meme alen ruo, a e jab jibil akin, e jab erreō nōn kom. 7 Im pig, bwe e jibil akin, a e jab meme alen ruo, e jab erreō nōn kom. 8 Jen kōniekir komin jab mōña, im ubeir komin jab uñiri: re jab erreō nōn kom.

9 Irkein e melim ami mōña ian men

<sup>1</sup> Jerb. 10. 14.

otemjelok rej ilo dren ko: jabrewōt eor peir im ruo kilin, i lometo, ak ilo river, irko komin mōña. **10** Im aolepeir ejelok peir, ak juōn wōt kilir, i lometo, im ilo river ko, ian men otemjej rej makōtkit ilo dren ko, im ian men in mour otemjej rej ber ilo dren ko, rej men in jōjōik nōn kom, **11** im ren men in jōjōik nōn kom; komin jab mōña kōniekir, im komin jōjōik ubeir. **12** Jabrewōt eo ejelok pein, ak juōn wōt kilin, ilo dren ko, men eo ej men in jōjōik nōn kom.

**13** Im irkein ian bao ko re naj men in jōjōik nōn kom; komin jab mōña, rej men in jōjōik: igōl, im gir igōl, im ospre, **14** im kait, im falkon, ekar nōn wāwen, **15** reven otemjej ekar nōn wāweir, **16** im ostrij, im hak in boñ, im keār, hak ekar nōn wāwen, **17** im jinurij erik, im kormoran, im jinurij elap, **18** im jinurij eor an drun, im pelikan, im vōltur, **19** im stork, heron ekar nōn wāwen, im hopoi, im bāt.

**20** Jabrewōt eo ej kāki kab tōbōlbōl kin emen neir, rej men in jōjōik nōn kom. **21** Ijoke, irkein e melim ami mōña ian men ko eor pein bao, im rej tōbōlbōl kin emen neir, eor unin ne iloñin neir, bwe ren etōr kake ion lōl; **22** irkein wōt e melim ami mōña: lokōs ekar nōn wāwen, im lokōs e kwōmāt ekar nōn wāwen, im jirjir ekar nōn wāwen, im men in ujoij ekar nōn wāwen. **23** A men in tōbōlbōl otemjej eor pein bao, im rej etetal kin emen neir, re men in jōjōik nōn kom.

**24** Im kin men kein komij jab erreō: jabrewōt eo ej uñir ubeir, e jamin erreō mae jota; **25** im jabrewōt eo ej inek mōtōn ubeir, en kwoli nuknuk ko an, im e jamin erreō mae jota. **26** Jabrewōt kiru e jibil akin, a e jab jibil neen, im e jab meme alen ruo, e jab erreō nōn kom: jabrewōt eo ej uñire, e jab erreō. **27** Im jabrewōt men ej etal kin lobiren neen im pein, ian kiru otemjej rej etal kin emen ne, re jab erreō nōn kom: jabrewōt eo ej uñir ubeir, e jamin erreō mae jota. **28** Im eo ej inek ubōn

men kein, en kwoli nuknuk ko an, im e jamin erreō mae jota: rein re jab erreō nōn kom.

**29** Im irkein re jab erreō nōn kom, ian men in tōbōlbōl ko rej tōbōlbōl ion lōl: wisel, im kijrik, im kul elap ekar nōn wāwen, **30** im geko, im krokodail in ene, im mejluj, im kutiltil, im aob. **31** Irkein re jab erreō nōn kom ian men ko otemjej rej tōbōlbōl: jabrewōt eo ej uñiri, ke e mij, e jamin erreō mae jota. **32** Im men eo jabrewōt ubeir ej buñōt e, en jab erreō; elañe jabrewōt jābi wijki, ak nuknuk ko, ak kil, ak bōjo, jabrewōt jābi rej kōmōn jerbak kake, ren likit e ilo dren, im e jamin erreō mae jota; inem e naj erreō. **33** Im jabrewōt jābi brij, ñe jabrewōt iair e naj buñ iloan, jabrewōt men eo kobōn en jab erreō, im kom naj rupe jābi eo. **34** Ekōn otemjej iloan, ekar nōn mōña, eo dren ej lutōk ion, e jab erreō; im limen otemjej ekar nōn irak, ilo jabrewōt jābi ein drein, en jab erreō. **35** Im jabrewōt men eo mōtōn ubeir ej buñōte, en jab erreō; elañe am ak ken kōmāt kin dren, ren tibrikrike: re jab erreō im ren jab erreō nōn kom. **36** Ijoke, unin dren, ak roñ eor dren iloan, e naj erreō: a jabrewōt eo ej uñir ubōn, en jab erreō. **37** Im elañe jabrewōt mōtōn ubeir ej buñōt jabrewōt ine in jeor eo re naj jeor e, ej erreō. **38** A elañe rej likit dren ion ine ko, im jabrewōt mōtōn ubeir ej buñōte, e jab erreō nōn kom.

**39** Im elañe jabrewōt kiru, e melim am mōña, ej mij; eo ej uñir ubōn e jamin erreō mae jota. **40** Im eo ej mōña jen ubōn en kwoli nuknuk ko an, im e jamin erreō mae jota.

**41** Im jabrewōt men in tōbōlbōl ej tōbōlbōllok ion lōl, ej men in jōjōik: ren jab mōña. **42** Jabrewōt eo ej etal kin lojen, im jabrewōt eo ej etal kin emen ne, ak jabrewōt eo elōñ neen, eokwe, men in tōbōllōk otemjej rej tōbōllōk ion lōl, irkein komin jab mōña; bwe rej men in jōjōik. **43** Komin jab mōke kōmōn kom men in jōjōik, kin jabrewōt men in tōbōlbōl, eo ej tōbōllok, im komin jab mōke

kōmōn kom jab erreo kake, bwe kōmin brijrij. **44** Bwe Ņa Jeova ami Anij: kin men in komin mōke kokwojarjar kom, im komin kwojarjar: bwe Ņa I kwojarjar: im komin jab kabrijrij kom kin jabrewōt men in tōbōlbōl ej tōbōlbōl ion lōl. **45** Bwe Ņa Jeova eo e ar bōktok kom jen Ijijt, bwe In ami Anij: inem komin kwojarjar bwe Ņa I kwojarjar.

**46** Eñin kien kiru, im bao, im jabrewōt men in mour ej makōtkit ilo dren ko, im kin jabrewōt men in kōmōn ej tōbōllok ion lōl; **47** bwe en alikar men ko rereo im men ko re jab erreo, im men in mour eo e melim ñōn moña, im men in mour eo e emo ñōn mōña.

**12** Im Jeova e ar konono ñōn Moses, im ba, **2** Kwon konono ñōn ro nejin Israel, im ba, Elañe juōn kōra ej etta, im keutak nejin eman, inem e jamin erreo iomin jiljilimjuōn ran; einwōt ilo ran ko ke e jab erreo kin an bōk mōntin kōra, ein drein e jab erreo. **3** Im ilo ran eo ken ka dualitōk ren mijmij kilin man. **4** Im lo en berwōt ilo bōtōktōk kin karreo iomin jilñoul jilu ran; en unīr ejelok men eo e kwojarjar, im en jab dreloñ iloan imōn e kwojarjar, mae ien e jejit ran ko ran in karreoik e. **5** A elañe ej keutak nejin kōra, inem e jamin erreo iomin ruo wik, einwōt ilo an jab erreo; im en berwōt ilo bōtōktōk kin karreo iomin jiljinoñoul jiljino ran.

**6** Im ñe e jejit ran ko ran in karreoik e, kin nejin eman ak kōra, en bōktok juōn lam, ridtōn juōn yiō, men in katok kijeek, im juōn muli emōn drer, ak tōrtel dōv, men in katok kin jerawiwi, ñōn kejem in imōn kwelok, ñōn pris eo: **7** im leo e naj katok kake iman Jeova, im kōmōn kilajrōk ñōn e; im e naj erreo jen unin bōtōktōkin. Eñin kien ñōn kōra eo ej keutak, elañe man ak kōra. **8** Im elañe men ko mweien e jab bwe ñōn juōn lam, inem en bōk <sup>1</sup>ruo tōrtel dōv, ak ruo muli emōn drer; juōn ñōn men in

katok kijeek, im eo juōn ñōn men in katok kin jerawiwi: im pris eo en kōmōn kilajrōk ñōn e, im e naj erreo.

**13** Im Jeova e ar konono ñōn Moses in ñōn Aron, im ba, **2** Ñe iben juōn armij, ebōj, ak ellen, ak tilboke, im ej ilo kilin kōniekin nañinmij in leper, inem ren bōktok e ñōn iben Aron, pris eo, ak ñōn iben juōn ian lōmaro nejin, pris ro: **3** im pris eo en lale nañinmij eo ilo kilin kōniekin: im elañe kol ko ilo nañinmij eo rar erom mouj, im wāwen nañinmij eo e mulōl jen kilin kōniekin, ej nañinmij in leper; im pris eo en kalimjeke, im ba e jab erreo. **4** Im elañe tilboke eo e mouj ilo kilin kōniekin, im wāwen e jab mulōl jen kilin, im kolan e jab erom mouj, inem pris eo en kil armij eo nañinmij eo iben, iomin jiljilimjuōn ran: **5** im pris eo en kalimjeke ilo ran eo ken ka jiljilimjuōn: im lo, elañe ilo an lale, nañinmij eo ej einwōt mokta, im e jab edreklok ilo kilin, inem pris eo en kil e iomin bar jiljilimjuōn ran: **6** im ilo ran eo ken ka jiljilimjuōn, pris eo en bar kalimjeke; im lo, elañe nañinmij eo e jab kanuij alikar, im e jab edreklok ilo kilin, inem pris eo e naj ba e jab erreo: e tilboke wōt: im en kwoli nuknuk ko an, im e naj erreo. **7** A elañe tilboke eo ej edreklok ilo kilin, elikin an mōke kwalok e ñōn pris eo kin karreoik e, en bar kwalok e ñōn pris eo: **8** im pris eo en kalimjeke; im lo, elañe tilboke eo e ar edreklok ilo kilin, inem pris eo e naj ba e jab erreo: ej nañinmij in leper.

**9** Ke nañinmij in leper ej iben juōn armij, inem ren añintok e ñōn iben pris eo; **10** im pris eo en kalimjeke: im lo, elañe eor bōj e mouj ilo kilin, im e ar kamouj kolan, im ilo bōj eo eor kōniek e utiej, **11** ej nañinmij in leper e mowiea ilo kilin kōniekin, im pris eo e naj ba e jab erreo: en jab kil e; bwe e jab erreo. **12** Im elañe nañinmij in leper ej walok im edreklok ilo kilin, im nañinmij eo ej kalibubu aolepen kilin eo e nañinmij, e berejōke jen bōran ñōn neen, einwōt e alikar ñōn pris eo; **13** inem pris eo

<sup>1</sup> Luk 2: 28-31.

en kalimjeke; im lo, elañe nañinmij in leper e ar kalibubu aolepen kōniekin, e naj ba erreo armij eo e nañinmij: ej aolep im erom mouj: ej erreo. **14** A jabrewōt ien ke kōniek ej walok ie, e jab erreo. **15** Im pris eo en kalimjek kōniek eo, im ba e jab erreo: kōniek eo e jab erreo: ej nañinmij in leper. **16** A elañe kōniek eo ej bar erom mouj, inem en itok ñōn iben pris eo; **17** im pris eo en kalimjeke; im lo, elañe nañinmij eo ej erom mouj, inem pris eo e naj ba ej erreo armij eo e nañinmij: ej erreo.

**18** Im ke eor wōt iben kōniek ilo kilin, im emo, **19** im ilo jenkwōn wōt eo eor bōj e mouj, ak tilboke, im elāmirmir, inem en kwalok e ñōn pris eo; **20** im pris eo en kalimjeke; im lo, elañe wāwen e mulōl jen kilin, im kolan ej erom mouj, inem pris eo e naj ba e jab erreo: ej nañinmij in leper, e ar walok ilo wōt eo. **21** A elañe pris eo ej kalimjeke, im lo, ejelok kol e mouj ie, im e jab mulōl jen kilin, a e jab alikar; inem pris eo en kil e iomin jiljilimjuōn ran: **22** im elañe ej edreklok ilo kilin, inem pris eo e naj ba e jab erreo: ej juōn nañinmij. **23** A elañe tilboke ej berwōt ilo jikin, im jab edreklok, ej ieje an wōt eo; im pris eo e naj ba ej erreo.

**24** Im ñe iben kōniek ilo kilin eor bok in kijeek, im kōniek ilo bok in kijeek eo ej erom tilboke, elāmirmir, ak mouj; **25** inem pris eo en kalimjeke: im lo, elañe kolan tilboke eo ej erom mouj, im wāwen e mulōl jen kilin; ej nañinmij in leper, e ar walok ilo bok in kijeek eo: im pris eo e naj ba e jab erreo: ej nañinmij in leper. **26** A elañe pris eo ej kalimjeke, im lo, ejelok kol e mouj ilo tilboke eo, im e jab mulōl jen kilin, a e jab kanuij alikar; inem pris eo en kil e iomin jiljilimjuōn ran: **27** im ilo ran eo ken ka jiljilimjuōn pris eo en kalimjeke: elañe ej edreklok ilo kilin, inem pris eo e naj ba e jab erreo: ej nañinmij in leper. **28** Im elañe tilboke eo ej berwōt ilo jikin, im e ar jab edreklok ilo kilin, a e jab kanuij

alikar; ej bōj in bok, im pris eo e naj ba ej erreo: bwe ej iejen kinjen kijeek eo.

**29** Im ke eor man ak kōra e nañinmij ion bōran ak ilo kworeak, **30** inem pris eo en kalimjek nañinmij eo; im lo, elañe wāwen ej mulōl jen kilin, im iloa eor kol reit im mōrar, inem pris eo e naj ba e jab erreo: ej nañinmij in leper an bōr ak kworeak. **31** Im elañe pris eo ej kalimjek nañinmij eo, im lo, wāwen e jab mulōl jen kilin, im ejelok kol kilmej iloa, inem pris eo en kil eo eor nañinmij iben iomin jiljilimjuōn ran; **32** im ilo ran eo ken ka jiljilimjuōn, pris eo en kalimjek nañinmij eo: im lo, elañe nañinmij eo e ar jab edreklok, im ejelok kol e mōrar ie, im wāwen nañinmij e jab mulōl jen kilin, **33** inem re naj eāl e, a en jab eāl nañinmij eo; im pris eo en kil e iomin bar jiljilimjuōn ran: **34** im ilo ran eo ken ka jiljilimjuōn, pris en kalimjek nañinmij eo; im lo, elañe nañinmij eo e ar jab edreklok ilo kilin, im wāwen e jab mulōl jen kilin; inem pris eo e naj ba ej erreo: im en kwoli nuknuk ko an, im e naj erreo. **35** A elañe nañinmij eo ej edreklok elikin an karreok e, **36** inem pris eo en kalimjeke: im lo, elañe nañinmij eo e ar edreklok ilo kilin, pris eo en jab bukot kol e mōrar; e jab erreo. **37** A elañe ilo an lale, nañinmij eo e jañin laplok, im kol e kilmej e ar edrek ie; e molok nañinmij eo, ej erreo: im pris eo e naj ba ej erreo.

**38** Im ñe iben man ak kōra tilboke ko, aet tilboke ko re mouj ilo kilin kōniekin; **39** inem pris eo en kalimjeke; im lo, elañe tilboke ko ilo kilin kōniekin re jab kanuij mouj, inem e juōn linnōp, e ar walok ilo kilin; ej erreo.

**40** Im elañe e joko kolan bōran juōn eman, e kwōmāt; mekarta, ej erreo. **41** Im elañe e joko kol ion dremōn juōn, e kodremrōm; mekarta, ej erreo. **42** A elañe ion kwōmāt eo ak ion kodremrōm eo, eor nañinmij elāmirmir; ej nañinmij in leper ej walok i kwōmāt eo ak ion kodrem-

rōm eo. **43** Inem pris eo en kalimjeke; im lo, elañe bōj in nañinmij eo ej elāmirmir ijo e joko kolan bōran, einwōt wāwen nañinmij in leper ilo kilin kōniekin; **44** ej juōn dri leper, e jab erre: emol pris eo en ba e jab erre: nañinmij eo an ej ion bōran.

**45** Im armij eo nañinmij in leper iben, ren kekel nuknuk ko an, im e naj aleak, im en kalibubu tien tuilōñ, im en lamij, Jab erre, jab erre. **46** Iomin ran ko otemjej nañinmij eo ej iben e jamin erre; en jab erre: en ber mōke ian: jikin e naj ilikin kamp eo.

**47** Nuknuk eo nañinmij in leper ej iben, elañe nuknuk kolan jip, ak nuknuk linen; **48** elañe ej ber ilo iren; nuknuk linen ak kolan jip; ak ilo kilin kiru, ak ilo jabrewōt men eo kōmōne jen kilin kiru; **49** elañe nañinmij eo ej māroro ak kilmej ilo nuknuk eo, ak ilo kilin kiru, ak ilo iren, ak ilo jabrewōt men in kōmōn jen kilin kiru; ej nañinmij in leper, im naj kwalok e ñōn pris. **50** Im pris eo en kalimjek nañinmij eo, im en kil men eo nañinmij iben, iomin jiljilimjuōn ran: **51** im ilo ran eo ken ka jiljilimjuōn, en kalimjek nañinmij eo: elañe nañinmij eo e ar edreklok ilo nuknuk eo, ilo iren, ak ilo kilin kiru, jabrewōt jermal rej kōmōn kake; ej nañinmij in leper; e jab erre. **52** Im e naj tile nuknuk eo, elañe ej ber ilo iren, elañe ilo kolan jip ak linen, ak jabrewōt jen kilin kiru, nañinmij ej ber iben: bwe nañinmij in leper; ren tile ilo kijeek.

**53** Im elañe pris eo ej kalimjeke, im lo, nañinmij eo e ar jab edreklok ilo nuknuk eo, ilo iren, ak ilo jabrewōt jen kilin kiru; **54** inem pris eo en jiroñ bwe ren kwole men eo nañinmij ej iben, im en kil e iomin bar jiljilimjuōn ran: **55** im pris eo en kalimjeke, elikin air kwole nañinmij eo; im lo, elañe nañinmij eo e ar jab ukot nememen, im nañinmij eo e ar jab edreklok, e jab erre; kwon tile ilo kijeek: e juōn iramōj, elañe jorran eo iloan ak ilikin.

**56** Im elañe pris eo ej kalimjeke,

im lo, nañinmij e jab kanuij alikar elikin kwole, inem en kekele jen nuknuk eo, ak jen kilin kiru eo, ak jen iren: **57** im elañe ej alikar wōt ilo nuknuk eo, ilo iren, ak ilo jabrewōt jen kilin kiru, ej walok wōt: kwon tile men eo nañinmij iben, kin kijeek. **58** Im nuknuk eo, ak iren, ak jabrewōt men eo jen kilin kiru, eo kwo naj kwole, elañe e joko nañinmij jen e, inem re naj bar kwole alen ken ka ruo, inem e naj erre.

**59** Eñin kien nañinmij in leper ilo juōn nuknuk jen kolan jip ak linen, ilo iren, ak jabrewōt jen kilin kiru, in ba ej erre, ak ba e jab erre.

**14** Im Jeova e ar konono ñōn Mozes, im ba, **2** Eñin e naj kien dri leper ilo ran in karreok e: **1** ren añintok e ñōn iben pris eo: **3** im pris eo en drioijlok jen kamp eo; im pris eo en kalimjeke; im lo, elañe nañinmij in leper e ar joko jen dri leper eo, **4** inem pris eo en jiroñ bwe ren bōk ñōn eo naj karreok e, ruo bao rereo im re mour, im wijki aik, im kolan jip e kilmir, im hissop: **5** im pris eo en jiroñ bwe ren mōn juōn ian bao ko ilo jābi brij, ilōñin dren ej torlok. **6** Kin bao eo ej mour wōt, en bōke, im mōtōn aik, im kilmir eo, im hissop eo, im en katulok ir im bao e mour ilo bōtōktōkin bao eo rar mōn e ilōñin dren e torlok: **7** im en kabōtōktōk ion eo re naj karreok e jen nañinmij in leper, alen jiljilimjuōn, im en ba ej erre, im naj kōtlok bao eo e mour ilo melaj. **8** Im eo naj karreok e, en kwoli nuknuk ko an, im en eāl aolepen kolan, im en tutu ilo dren; im e naj erre: im elikin men in e naj dreloñ ilo kamp eo, a en jokwe ilikin mweo imōn iomin jiljilimjuōn ran. **9** Im ilo ran eo ken ka jiljilimjuōn, en eāl kolan bōran im kworeak eo an, im kolan ātin, aet, en eāl aolepen kolan: im en kwoli nuknuk ko an, im en katutu kōniekin ilo dren, im e naj erre.

**10** Im ilo ran eo ken ka dualitōk, en bōk ruo lam koman re wāppen, im juōn lam kokōra ridtōn juōn yiō e

<sup>1</sup> Matu 8. 4; Mark 1. 44; Luk 5. 14.

wäppen, im jilu mōtōn joñoul in juōn epa in flauo kwerik, ñōn jurtak flauo, käreike kin oil, im juōn paint in oil. 11 Im pris eo ej karreoik e, en likit armij in karreo, im men ko, iman Jeova, i kejem in imōn kwelok eo. 12 Im pris eo en bōk juōn ian lam koman ko, im lelok e men in katok kin ruōn, im paint in oil eo, im en kabelbeli jurtak in belbel iman Jeova: 13 im en mōn lam koman eo ilo jikin ijo rej mōn men in katok kin bwir im men in katok kijeek ie, ilo jikin e kwojarjar: bwe einwōt men in katok kin bwir an pris, ein drein katok kin ruōn: e kanuij kwojarjar. 14 Im pris eo en bōk jen bōtōktōkin men in katok kin ruōn, im pris eo en likit e ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, im ion arrilip in neen anbijmaroñ. 15 Im pris eo en bōk jen paint in oil eo, im lutōk e na i lobiren pein anmiñ; 16 im pris eo en katulok juōn arri in pein anbijmaroñ ilo oil eo ilo pein anmiñ, im en kabōtūktūk jen oil eo, kin arrin, jiljilim-juōn alen iman Jeova. 17 Im jen mōtōn oil eo ej berwōt ilō pein, pris eo en likite ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, ion bōtōktōkin men in katok kin ruōn: 18 im bwen oil ilo pein pris eo, en likit ion bōran eo naj karreoik e: im pris eo e naj kōmōn kilajrōk ñōn e iman Jeova. 19 Im pris eo en katok men in katok kin jerawiwi, im kōmōn kilajrōk ñōn eo naj karreoik e jen an jab erre: im tokelik en mōn men in katok kijeek; 20 im pris eo en katok men in katok kijeek, im jurtak flauo, ion lokatok eo: im pris eo e naj kōmōn kilajrōk ñōn e, im e naj erre.

21 Im elañe leo e jeramel, im e ban bōktok einwōt, inem en bōk juōn lam koman men in katok kin ruōn, men in kabelbel, ñōn kōmōn kilajrōk kin e, im juōn mōtōn joñoul in epa in flauo kwerik käreike kin oil, jurtak flauo, im juōn paint in oil; 22 im ruo tōrtel dōv, ak ruo muli remōn drer, einwōt ej maroñ in loi; im juōn e naj

men in katok kin jerawiwi, im eo juōn men in katok kijeek. 23 Im ilo ran eo ken ka drualitōk, en bōktoki kin karreoik e, ñōn iben pris eo, ñōn kejem in imōn kwelok an Jeova: 24 im pris eo en bōk lam eo men in katok kin ruōn, im paint in oil eo, im pris eo en kabelbeli, jurtak in belbel, iman Jeova. 25 Im en mōn lam eo men in katok kin ruōn; im pris eo en bōk jen bōtōktōkin men in katok kin ruōn, im likit e ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, im ion arrilip in neen anbijmaroñ. 26 Im pris eo en lutōk jen oil eo na i lobiren pein anmiñ; 27 im pris eo en kabōtūktūk kin juōn arrin pein anbijmaroñ jen oil eo i pein anmiñ, jiljilim-juōn alen iman Jeova: 28 im pris eo en likit jen oil eo ilo pein ion jabōn lojiliñin anbijmaroñōn eo naj karreoik e, im ion arrilip in pein anbijmaroñ, im ion arrilip in neen anbijmaroñ, ion bōtōktōkin men in katok kin ruōn: 29 im bwen oil ilo pein pris eo, en likit e ion bōran eo naj karreoik e, im kōmōn kilajrōk ñōn e iman Jeova. 30 Im en katok kin juōn ian tōrtel dōv ko, ak juōn ian muli ko emōn drer, einwōt an maroñ in bōktok, 31 eokwe, einwōt an maroñ in loe, juōn men in katok kin jerawiwi, im eo juōn men in katok kijeek, iben jurtak flauo: im pris eo e naj kōmōn kilajrōk ñōn eo naj karreoik e iman Jeova. 32 Eñin kien nañinmij in leper ñōn eo e ban lo men ko rekar ñōn karreoik e.

33 Im Jeova e ar konono ñōn Moses, im ñōn Aron, im ba, 34 Ñe komij tōbar enen Kenean, eo Ij lewoj bwe en ami, im Ij likit nañinmij in leper ilo juōn im imōn eneo kom naj bōke; 35 inem eo an mweo en iten kennanek pris eo, im ba, Aō lemnok einwōt juōn nañinmij ilo mweo imō. 36 Im pris eo en jiroñ bwe ren kadrioi j ken kobōn mweo, mokta jen an dreloñ bwe en lale nañinmij eo, bwe ren jab kōmōn men otemjej iloa mweo, jab erre: im tokelik pris eo en dreloñ bwe en lale mweo: 37 im en kalimjek nañinmij eo; im lo, elañe



nañinmij eo ej ber ilo turin mweo einwöt bōrar ko re kilmir ak māroro, im etā jen ijoko iturin; 38 inem pris eo en drioijlok jen mweo, ñōn kejem in mweo, im en kil mweo iomin jiljilimjuōn ran. 39 Im pris eo en bar itok ilo ran eo ken ka jiljilimjuōn, im en kalimjeke; im lo, elañe nañinmij eo e ar edreklok ilo turin mweo; 40 inem pris eo en jiroñ bwe ren kōtep dreka ko nañinmij ej ber iloir, im e naj julok na ilo jikin e jab erreo, ilikin jikin kwelok eo: 41 im en kōmōn bwe ren kwe turin mweo tuluan, im ren lutōlok iawewe, eo emwij air jukkwe, ilikin jikin kwelok eo, ilo juōn jikin e jab erreo: 42 im ren bōk dreka ko jet, im binej jenkwōn dreka ko mokta; im en bōk iawewe ekāl im unoik turin mweo.

43 Im elañe nañinmij eo ej bar itok, im walok ilo mweo, elikin an bōklok dreka ko, im elikin an jukkwe mweo, im elikin an bar unoike; 44 inem pris eo en dreloñ im kalimjeke; im lo, elañe nañinmij eo e ar edreklok ilo mweo, ej nañinmij in leper ilo mweo: e jab erreo. 45 Im en rupe mweo, dreka ko an, im wijki ko an, im aolepen iawewe an mweo, im en bōklok ñōn ilikin jikin kwelok eo, ñōn juōn jikin e jab erreo. 46 Bareinwöt eo ej dreloñ iloan mweo, ilo ien air kil e, e jamin erreo mae jota. 47 Im eo ej babu iloan mweo, en kwoli nuknuk ko an; im eo ej mōña iloan mweo, en kwoli nuknuk ko an.

48 Im elañe pris eo ej dreloñ, im kalimjeke, im lo, nañinmij eo e jab edreklok iloan mweo, elikin air unoik mweo; inem pris eo e naj ba mweo ej erreo, bwe e joko nañinmij eo. 49 Im en bōk bwe en karreoik mweo, ruo bao, im mōtōn wijik aik, im kolan jip e kilmir, im hissop: 50 im en mōn juōn ian bao ko, iloan jābi brij, ilōñin dren ej torlok: 51 im en bōk mōtōn aik eo, im hissop, im kilmir, im bao eo e mour, im katuloki ilo bōtōktōkin bao eo e mij, im ilo dren e torlok, im en kabōtōktōk mweo jiljilimjuōn alen: 52 im en karreoik mweo kin bōtōktōkin bao eo, im kin

dren e torlok, im kin bao eo e mour, im kin mōtōn aik, im kin hissop, im kin kilmir: 53 a en kōtlok bao eo e mour jen jikin kwelok eo ñōn melaj: ein drein e naj kōmōn kilajrōk ñōn mweo; im e naj erreo.

54 Eñin kien jabrewöt nañinmij in leper, 55 im kin nañinmij in leper an nuknuk ko, im an im, 56 im kin bōj, im kin ellen, im kin tilboke; 57 bwe en kalikar ñe e jab erreo, im ñe ej erreo: eñin kien nañinmij in leper.

15 Im Jeova e ar konono ñōn Moses im ñōn Aron, im ba, 2 Komin konono ñōn ro nejin Israel, im ba ñōn ir, Ñe jabrewöt eman eor an torlok jen kōniekin, e jab erreo kin torlok eo an. 3 Im eñin an jab erreo ilo an torlok: elañe kōniekin ej ilok ilo torlok eo an, ak kōniekin e bwijrōk jen an torlok, men eo iben e jab erreo. 4 Jabrewöt kinien eo eor torlok iben, ej babu ion, e jab erreo; im jabrewöt men ej jijōt ion, e jab erreo. 5 Im jabrewöt eo ej uñir kinien, e naj kwoli nuknuk ko an, im tutu ilo dren, im e jamin erreo mae jota. 6 Im eo ej jijōt ion jabrewöt men, eo eor torlok iben e ar jijōt ion, en kwoli nuknuk ko an, im en tutu ilo dren, im e jamin erreo mae jota. 7 Im eo ej uñir kōniekin eo eor torlok iben, en kwoli nuknuk ko an, im en tutu ilo dren, im e jamin erreo mae jota. 8 Im elañe eo eor torlok iben ej iyeloke eo ej erreo, inem en kwoli nuknuk ko an, im naj tutu ilo dren, im e jamin erreo mae jota. 9 Im jabrewöt eran jijōt ion kiru, eo eor torlok iben ej uwe ion, e jab erreo. 10 Im jabrewöt eo ej uñir jabrewöt eo e kar iomin eo eor torlok iben, e jamin erreo mae jota: im eo ej inek men kein, en kwoli nuknuk ko an, im tutu ilo dren, im e jamin erreo mae jota. 11 Im jabrewöt men eo, armij eo eor torlok iben ej uñire, im e jañin amin pein ilo dren, en kwoli nuknuk ko an, im tutu ilo dren, im e jamin erreo mae jota. 12 Im jābi brij, eo eor torlok iben ej uñire, naj rupe; im jābi wijki otemjej naj kwoli ilo dren.

13 Im ke emwij karreoik eo e kar

torlok iben jen torlok eo an, inem en bwini ñon e jiljilimjuon ran kin karreoik e, im en kwoli nuknuk ko an; im en katutu kōniekin ilo dren ej torlok, im e naj erreoo. 14 Im ilo ran eo ken ka drualitōk, en bōk ñon iben, ruo tōrtel dōv, ak ruo muli remōn drer, im itok ñon iman Jeova, ñon kejem in imōn kwelok eo, im liloki ñon pris eo. 15 Im pris eo en katok kake, juōn ñon men in katok kin jerawiwi, im eo juōn ñon men in katok kijeek; im pris eo e naj kōmōn kilajrōk ñon e iman Jeova kin torlok eo an.

16 Im elañe inen jabrewōt eman ej torlok jen e, inem en katutu aolepen kōniekin ilo dren, im e jamin erreoo mae jota. 17 Im jabrewōt nuknuk ak kilin kiru, inen eman ej ber ion, ren kwoli ilo dren, im re jamin erreoo mae jota. 18 Im elañe jabrewōt eman ej babu iben kōra, im inen ibeir, irro ren tutu ilo dren, im re jamin erreoo mae jota.

19 Im elañe iben juōn kōra eor an torlok, im an torlok ilo kōniekin ej bōtōktōk, en ber ilo mōntin jab erreoo iomin jiljilimjuon ran: im jabrewōt eo ej uñire e jamin erreoo mae jota. 20 Im jabrewōt men eo ej babu ion, ilo an jab erreoo, e jab erreoo: bareinwōt jabrewōt men ej jijōt ion, e jab erreoo. 21 Im jabrewōt eo ej uñir kinien lio, en kwoli nuknuk ko an, im tutu ilo dren, im e jamin erreoo mae jota. 22 Im jabrewōt eo ej uñir jabrewōt men lio ej jijōt ion, en kwoli nuknuk ko an, im tutu ilo dren, im e jamin erreoo mae jota. 23 Im elañe men eo ej ber ion kinien lio, ak ion jabrewōt men eo ej jijōt ion, ke ej uñire, e jamin erreoo mae jota. 24 Im elañe jabrewōt eman ej babu iben, im an jab erreoo ej ber ion, e jamin erreoo iomin jiljilimjuon ran; im jabrewōt kinien ej babu ion en jab erreoo.

25 Im elañe iben juōn kōra eor torlok bōtōktōk iomin elōn ran, jab ilo ien an bōk mōntin, ak elañe eor an torlok elikin ien an bōk mōntin; iomin ran ko otemjej ke men eo e jab

erreoo ej torlok, en einwōt ilo ran ko ke e ar bōk mōntin: e jab erreoo. 26 Kinien otemjej e ar babu ion, iomin ran ko otemjej an or torlok iben, re naj iben einwōt kinien ke ej bōk mōntin: im men otemjej ej jijōt ion, re jab erreoo, einwōt air jab erreoo ke e ar bōk mōntin. 27 Im jabrewōt eo ej uñir men ko, e jab erreoo, im en kwoli nuknuk ko an, im en tutu ilo dren, im e jamin erreoo mae jota. 28 A elañe emwij karreoik lio jen an torlok, inem en bwine jiljilimjuon ran ñon e, im elikin ran ko e naj erreoo. 29 Im ilo ran eo ken ka drualitōk, en bōk ñon e ruo tōrtel dōv, ak ruo muli remōn drer, im en bōkitok ñon iben pris eo, ñon kejem in imōn kwelok eo. 30 Im pris eo en katok kin juōn iair, men in katok kin jerawiwi, im eo juōn ñon men in katok kijeek; im pris eo e naj kōmōn kilajrōk ñon lio iman Jeova, kin torlok in jab erreoo eo an.

31 Ein drein kom naj kejenlok ro nejin Israel jen air jab erreoo, bwe ren jab mij ilo air jab erreoo, ñe rej kananaik imōn kabero Aō ej ber iolapir.

32 Eñin kien man eo eor torlok iben, im man eo inen ej ilok jen e, im e jab erreoo kake; 33 im kien kōra eo e nañinmij kin mōntin kōra, an eo eor torlok iben, kien man kab kōra, im kien eo ej babu iben kōra eo e jab erreoo.

**16** Im Jeova e ar konono ñon Moses elikin an mij lōmaro ruo nejin Aron, ke rar druaklok iman Jeova im rar mij; 2 im Jeova e ar ba ñon Moses, Kwon ba ñon Aron, jeōm, bwe en <sup>1</sup> jab itok ien ko otemjej iloan jikin kwojarjar, iloan rōnel eo iman jikin tiriamo eo ej ber ion dipdip eo; bwe en jab mij: bwe I naj weaktok ilo kōro eo ion jikin tiriamo. 3 Men kein ren iben Aron ñe ej dreloñ iloan jikin kwojarjar: juōn kau koman emōn ridtōn men in katok kin jerawiwi, im juōn jip koman, men in katok kijeek. 4 En kōnōk kobe linen e kwojarjar, im trauej linen en ion

<sup>1</sup> H. 16. 9. 7.

kōniekin, im en kañōrñōre kin kōñōr linen, im e naj kōnōk libo linen eo: irkein nuknuk ko re kwojarjar; im en katutu kōniekin ilo dren inem en kōnōki. 5 Im en bōk jen jar an ro nejin Israel, ruo got koman men in katok kin jerawiwi, im juōn jip koman men in katok kijeek.

6 Im Aron en lelok kau koman men in katok kin jerawiwi, eo ej ñōn e mōke, im kōmōn kilajrōk ñōn e mōke, im ñōn mweo imōn. 7 Im en bōk got ko ruo, im naj likiti iman Jeova, iturin kejem in imōn kwelok eo. 8 Im Aron en kōmōn kakōle ko kin got ko ruo, juōn kakōle ñōn Jeova, im kakōle eo juōn ñōn kōtlok. 9 Im Aron en lelok got eo kakōle e ar bakajen ñōn Jeova, im katok kake men in katok kin jerawiwi. 10 A got eo kakōle e ar bakajen ñōn kōtlok, ren likite e mour iman Jeova, ken kōmōn kilajrōk ñōn e, im jilkinlok e ñōn kōtlok, ñōn ene jemaren.

11 Im Aron en lelok kau koman men in katok kin jerawiwi, eo <sup>1</sup>ej ñōn e, im en kōmōn kilajrōk ñōn e mōke, im ñōn mweo imōn, im en mōn kau koman men in katok kin jerawiwi, eo ej ñōn e mōke. 12 Im en kobrōk juōn senser kin melle in kijeek jen lokatok eo iman Jeova, im pein re obrōk kin kaijurjur eñōj emwij air kanuij nowe, im en bōkitok iloan rōñel eo: 13 im en likit kaijurjur eo ion kijeek iman Jeova, bwe kōro jen kaijurjur en kalibubu jikin tiriamo, eo ilōñin men in kalimur eo, bwe en jab mij: 14 im en bōk jen bōtōktōkin kau koman eo, im en kabōtōktōk kin juōn arrin pein ion jikin tiriamo irear; im iman jikin tiriamo en kabōtōktōk jen bōtōktōk eo kin arrin pein jiljilimjuōn alen.

15 Inem en mōn got eo men in katok kin jerawiwi, eo ñōn armij rōn, im bōktok bōtōktōkin iloan rōñel eo, im en kōmōn kin bōtōktōkin einwōt e ar kōmōn kin bōtōktōkin kau koman eo, im kabōtōktōk ion jikin tiriamo, im iman jikin tiriamo: 16 im e naj kōmōn kilajrōk ñōn jikin e kwojar-

jar, kin jab erreo an ro nejin Israel, im kin jerawiwi ko air, aet, aolepen bwir ko air: im ein drein en kōmōn ñōn imōn kwelok, eo ej ber ibeir ilo bwiljin air jab erreo. 17 Im en ejelok armij iloan imōn kwelok eo ñe ej dreloñ bwe en kōmōn kilajrōk ilo jikin e kwojarjar, mae ien an driojlok, im emwij an kōmōn kilajrōk ñōn e mōke, im ñōn ro nukin, im ñōn aolepen jar in Israel. 18 Im en driojlok ñōn lokatok eo ej iman Jeova, im kōmōn kilajrōk ñōn e, im en bōk jen bōtōktōkin kau koman eo, im jen bōtōktōkin got eo, im likiti ion drun ko in lokatok eo, im iturin. 19 Im en kabōtōktōk ion jen bōtōktōkin kin juōn arrin pein jiljilimjuōn alen, im karreok e, im kokwojarjar e jen jab erreo an ro nejin Israel.

20 Im ñe emwij an kōmōn kilajrōk ñōn jikin e kwojarjar, im imōn kwelok eo, im lokatok eo, en kwalok got eo e mour: 21 im Aron en likit pein ion bōran got eo e mour, im en kwalok nana otemjej an ro nejin Israel, im aolepen jerawiwi ko air, aet, bwir ko air otemjelok; im e naj likiti ion bōran got eo, im en jilkinloke kin pein juōn armij e pojōk, ñōn ene jemaren: 22 im got eo e naj ineklok jerawiwi ko air otemjej, ñōn loan juōn ene ejelok armij: im en kōtlok got eo ilo ene jemaren.

23 Im Aron en dreloñ iloan imōn kwelok, im en wutik nuknuk linen ko e kar kōnōki, ke e ar dreloñ ilo jikin e kwojarjar, im en likiti ijo: 24 im en katutu kōniekin ilo dren, iloan juōn jikin e kwojarjar, im kōnōk nuknuk ko an, im driojtok im katok kin men in katok kijeek eo an, im men in katok kijeek an armij rōn, im kōmōn kilajrōk ñōn e mōke, im ñōn armij rōn. 25 Im en tile kioeo an men in katok kin jerawiwi ion lokatok eo. 26 Im eo ej āñinlok got eo ñōn kōtlok, en kwoli nuknuk ko an, im katutu kōniekin ilo dren, inem tokelik e naj dreloñ iloan kamp eo. 27 Im kau koman eo men in katok kin jerawiwi, im got eo, men in katok kin jerawiwi, bōtōktōkir re kar bōk-

tok in kōmōn kilajrōk ilo jikin e kwojarjar, naj bōkilok ilikin kamp eo; im ren tili ilo kijeek, kilir, kōniekir, im toeōkir. 28 Im eo ej tili, en kwoli nuknuk ko an, im katutu kōniekin ilo dren, im tokelik e naj dreloñ iloan kamp eo.

29 Im en juōn kien in drio nōn kom: ilo aliñ eo ken ka jiljilimjuōn, ilo ran eo ken ka joñoul in aliñ eo, kōmin kaiñtan ami, im kōmin kōmōn ejelok wāwen jermal, eo druwainene, ak drua maijet eo ej itoitōk ibemi: 30 bwe ilo ran eo naj kōmōn kilajrōk nōn kom, im karreok kom; jen jerawiwī otemjej ami, kom naj erreō iman Jeova. 31 Ej ran in Sabat in kakije e kwojarjar nōn kom, im kom naj kaiñtan ami; ej juōn kien nōn in drio. 32 Im pris eo emwij air kabite, im kokwojarjare bwe en pris im binej jenkwōn jemen, e naj kōmōn kilajrōk, im en kōnōk nuknuk linen ko, aet, nuknuk ko re kwojarjar: 33 im en kōmōn kilajrōk nōn imōn kwojarjar eo; im en kōmōn kilajrōk nōn imōn kwelok, im nōn lokatok eo; im en kōmōn kilajrōk nōn pris ro, im nōn armij otemjej ilo jar eo. 34 Im eñin en juōn kien nōn in drio ibemi, in kōmōn kilajrōk nōn ro nejin Israel kin jerawiwī ko air otemjej, juōn alen ilo juōn yiō. Im e ar kōmōn einwōt Jeova e ar jiroñ Moses.

17 Im Jeova e ar konono nōn Moses, im ba, 2 Kwon konono nōn Aron, im nōn lōmaro nejin, im nōn ro nejin Israel otemjej, im ba nōn ir: Eñin men eo Jeova e ar jiroñ, im ba, 3 Jabrewōt armij ian imōn Israel, ej mōn juōn ox, ak lam, ak got, ilo kamp eo, ak ej mōn e ilikin kamp eo, 4 im e ar jab āñintok e nōn kejem in imōn kwelok bwe en lelok e jurtak nōn Jeova iman imōn kwelok an Jeova: naj watōk bōtōktōk nōn armij eo; e ar katorlok bōtōktōk; im naj bukweelok armij eo jen iben dri ailiñ ro an: 5 bwe ro nejin Israel ren bōktok men in katok ko air, rej katok kake ilo melaj, aet, bwe ren bōkitok nōn Jeova, nōn kejem in imōn kwelok eo, nōn pris eo, im katok kake men in

116

katok ainemōn nōn Jeova. 6 Im pris eo en kabōtōktōk kin bōtōktōkin, ion lokatok in Jeova iturin kejem in imōn kwelok, im tile kioeo eo bwin enno nōn Jeova. 7 Im re jamin bar katok kin katok ko air nōn got koman ko, ko rej lori im lūñ. Eñin en kien nōn ir in drio iomin ebeben ko air otemjej.

8 Im kwon ba nōn ir, Jabrewōt ian imōn Israel, ak ian ro drua maijet rej itoitōk ibeir, ej lelok men in katok kijeek, ak men in jurtak, 9 im e jab bōktoke nōn kejem in imōn kwelok eo, bwe en katok kake nōn Jeova; naj bukweelok armij eo jen dri ailiñ ro an.

10 Im jabrewōt armij ian imōn Israel, ak ian ro drua maijet rej itoitōk ibeir, ej mōña jabrewōt wāwen bōtōktōk, I naj jumae kin meja armij eo ej mōña bōtōktōk, im I naj bukweelok e jen iben dri ailiñ ro an. 11 Bwe mour in kōniek ej ilo bōtōktōkin; im I ar lewoj nōn kom ion lokatok eo bwe en kōmōn kilajrōk nōn ami: bwe bōtōktōk men eo ej kōmōn kilajrōk kin mour. 12 Kin men in I ar ba nōn ro nejin Israel, Ejelok juōn iami en mōña bōtōktōk, im ejelok drua maijet ej itoitōk ibemi en mōña bōtōktōk. 13 Im jabrewōt armij ian ro nejin Israel, ak ian ro drua maijet rej itoitōk ibeir, ej jibwe, ke ej kakiruru, juōn kiru ak bao emelim an mōña; en katorlok bōtōktōkin im kalibubu kin brij.

14 Bwe kin mour an kōniek otemjej, bōtōktōkin im mour eo an rej einwōt juōn: kin men in I ar ba nōn ro nejin Israel, Komin jab mōña bōtōktōkin jabrewōt wāwen kōniek; bwe mour an kōniek otemjej bōtōktōkin: naj bukweelok jabrewōt eo ej kōñe. 15 Im jabrewōt armij ej mōña ubōn men eo ej mij in atabuñ, ak men eo kiru rawia rar kekele, elañe ej druwainene ak drua maijet, en kwoli nuknuk ko an, im tutu ilo dren, im e jamin erreō mae jota: inem e naj erreō. 16 A elañe e jab kwolkwol, im jab katutu kōniekin, inem e naj inek bwir eo an.

18 Im Jeova e ar konono nōn Moses, im ba, 2 Kwon konono nōn

ro nejin Israel, im ba nōn ir, Ņa Jeova ami Anij. 3 Komin jab kōmōn einwōt air kōmōn ilo enen Ijīpt, ijo kom ar jokwe: im komin jab kōmōn einwōt air kōmōn ilo enen Kenean, ijo Ij āninlok kom nōn e; im komin jab etal ilo kien ko air. 4 Ekajet ko Aō komin kōmōn, im kien ko Aō komin bokaki, im etal ilo ir: Ņa Jeova ami Anij. 5 Kin men in, komin bokake kien ko Aō, im ekajet ko Aō; <sup>1</sup>elañe armij ej kōmōn ein drein, e naj mour kin ir: Ņa Jeova.

6 Ejelok juōn iami en kebaklok nōn jabrewōt nukin bwe en elōklok an kelwan: Ņa Jeova. 7 Kelwan an jemōm, aet kelwan an jinōm, kwon jab elōklok: e jinōm; kwon jab elōklok an kelwan. 8 Kwon jab elōklok kelwan an lio belen jemōm: ej kelwan an jemōm. 9 Kelwan an jeōm ak jātōm kōra, nejin jemōm ak nejin jinōm, elañe e lotak i eneo am ak bar juōn ene, aet air kelwan kwon jab elōklok. 10 Kwon jab elōklok kelwan an jibwōm kōra, elañe nejin nejmōm man ak nejin nejmōm kōra: bwe air kelkan am. 11 Kwon jab elōklok kelwan an nejin lio belen jemōm, eo jemōm e ar keutak e, ej jeōm ak jātōm, kwon jab elōklok an kelwan. 12 Kwon jab elōklok kelwan an kōra jein ak jātin jemōm: ej nukin jemōm. 13 Kwon jab elōklok kelwan an kōra jein ak jātin jinōm: bwe nukin jinōm. 14 Kwon jab elōklok kelwan an leo jein ak jātin jemōm, kin am kebake lio belen: ej lilap eo am. 15 Kwon jab elōklok kelwan an kōra eo belen nejmōm: ej belen leo nejmōm; kwon jab elōklok an kelwan. 16 Kwon jab elōklok kelwan an lio belen jeōm ak jātōm: ej kelwan an jeōm ak jātōm. 17 Kwon jab elōklok kelwan an juōn kōra kab lio nejin; kwon jab bōk jabrewōt jibwin kōra bwe kwon elōklok kelwan eo an; ir ro nukum; men in e nana wōt. 18 Kwon jab belek jein ak jātin lio beleōm iben lio, bwe kwon elōklok an kelwan, ke e mour wōt lio.

19 Im kwon jab druaklok nōn juōn

kōra, bwe kwon elōklok an kelwan, ke ej bōk mōntin kora. 20 Im kwon jab lūñ iben lio belen dri turum, bwe kwon katton komro. 21 Im kwon jab lelok jabrewōt ian ro nejmōm bwe ren dribuk kijeek nōn Molek; im kwon jab kananaik etan ami Anij: Ņa Jeova. 22 Kwon jab babu iben eman rōn einwōt iben kōra: ej men in jōjōik. 23 Im kwon jab babu iben jabrewōt kiru im katton yuk iben; im bareinwōt kōra en jab jutōk iman kiru, bwe en babu iben: e nana otem nana.

24 Komin jab katton kom kin jabrewōt ian men kein: bwe kin men kein otemjej rodri ailiñ ko rej etton, ro I ar jolok ir jen imami; 25 im etton eneo: kin men in Ij likit an nana ion, im eneo ej mwojakelok ro dri jokwe ie. 26 Inem komin bokake kien ko im ekajet ko Aō, im komin jab kōmōn jabrewōt ian men in jōjōik kein; jab druwinene ak drua maijet eo ej ibemi, 27 (bwe ro dri eneo rar kōmōn men in jōjōik kein otemjej, ro rar ber ijo mokta jen kom, im emwij air kananaik eneo); 28 bwe eneo en jab mwojakelok kom bareinwōt, ñe komij kananaik e, einwōt e ar mwojakelok dri ailiñ re kar ijo mokta jen kom. 29 Bwe jabrewōt eo ej kōmōn jabrewōt ian men kein, men in jōjōik, naj bukwelok armij ro rej kōmōnmōni jen iben dri ailiñ ro air. 30 Kin men in, komin kejbarōk Aō nan in jiroñ, bwe komin jab kōmōn jabrewōt ian mōnit kein, ko rar kōmōni mokta jen kom, im komin jab mōke kananaik kom ilo ir: Ņa Jeova ami Anij.

19 Im Jeova e ar konono nōn Moses, im ba, 2 Kwon konono nōn aolepen jar an ro nejin Israel, im ba nōn ir, <sup>1</sup>Komin kwojarjar, bwe Ņa, Jeova ami Anij, I kwojarjar. 3 Jabrewōt iami en mijōk jinen im jemen; im komin kejbarōk ran in Sabat ko Aō: Ņa Jeova ami Anij. 4 Komin jab oktōk nōn ekjōp ko, im komin jab kōmōn nōn kom anij unlok ro: Ņa Jeova ami Anij.

<sup>1</sup>Gal. 3. 12.

<sup>1</sup>Plt. 1. 16.

5 Im ñe komij katok kin men in katok ainemōn ko ñōn Jeova, komin katok kake bwe In bōk kom. 6 Kom naj kōñ men eo ran eo, im ilju: im elañe jabrewōt mōtōn ej berwōt ñōn ran eo ken ka jilu, ren tile kin kijeek. 7 Im elañe rej mōña men eo ilo ran eo ken ka jilu, ej men in jōjōik: I jamin bōke: 8 a jabrewōt eo ej mōña men eo, e naj inek bwir eo an, bwe e ar kananaik men eo e kwojarjar an Jeova: im naj bukwe-lok armij eo jen iben dri ailiñ ro an.

9 Im ñe komij marmir jonikōn ilo jikin kallip ko ami, komin jab kanuij marmir ilo bōul in jikin kallip ko ami, im komin jab aini men in koloruk eo ami. 10 Im kwon jab koloruk bwil in grep eo ami, im kwon jab aini leen bwil in grep rar wutlok; kwon likiti ñōn ro dri jeramel, im ñōn ro drua maijet: Ña Jeova ami Anij.

11 Komin jab kwot; bareinwōt komin jab kōmōn men in mon ak riōp ñōn dron. 12 Im komin jab kanōjniñ kin eta ilo riōp, im kananaik etan ami Anij: Ña Jeova.

13 Kwon jab kamakokoik dri turum, ak rakimi: wōnan dri jermal en jab ber ibōm iomin aolepen boñ ñōn rantak. 14 Kwon jab kole dri roñjamōn, im kwon jab likit men in latibñil iman dri bilo; a kwon mijōk am Anij: Ña Jeova.

15 Komin jab kōmōn jab wānik ilo ekajet: kwon jab kaljiklok dri jeramel, im kwon jab kōñiajoik eo e kajur; a ilo wānik kwon ekajete dri turum. 16 Kwon jab itoitōk einwōt juōn dri ñiremij iolapen armij ro am: im kwon bareinwōt jab jutōk jumae bōtōktōkin dri turum: Ña Jeova.

17 Kwon jab kitōtōkake dri turum: kwon <sup>1</sup>kowe wōt dri turum, im kwon jab inek bwir kin e. 18 Kwon <sup>2</sup>jab irenwōne, im kwon jab bāle ro nejin armij ro am; a kwon <sup>3</sup>yokwe dri turum einwōt kwe: Ña Jeova.

19 Komin bokake kien ko Aō. Kwon jab likit kau ko am bwe ren kaine iben kau ko ein juōn: kwon jab

jeor i jikin kallip eo am ruo wāwen ine: im bareinwōt kwon jab kōnōk nuknuk ko emwij kōmōni jen ruo wāwen men in irap, käreik iben dron. 20 Im jabrewōt eman ej babu iben juōn kōra, dri kamakoko, emwij kalimur kake ñōn belen, im e jañin wiaik e, ak kōtlok e jen an korijer; ren kajeik irro; ren jab bōk air mour, bwe lio e jab anemkwojan. 21 Im leo en bōktok men in katok kin bwir eo an ñōn Jeova, ñōn kejem in imōn kwelok, aet, juōn jip koman men in katok kin bwir. 22 Im pris eo en kōmōn kilajrōk ñōn e kin jip koman eo, men in katok kin bwir, kin jerawiwī eo an: im naj jeorlok jen e jerawiwī eo e ar bwir kake.

23 Im ñe komij dreloñ iloan eneo, im naj kalibwin wijki wāwen otemjej ñōn mōña, inem komin watōk leir einwōt air jab mijmij: iomin jilu yō ren ibemi einwōt air jab mijmij; komin jab mōña jeni. 24 A ilo yō eo ken kemen aolepen leir e naj kwojarjar, kin lelok nebar ñōn Jeova. 25 Im ilo yō eo ken ka lailim, kom naj mōña leen bwe en lewoj ñōn kom an orlok: Ña Jeova ami Anij.

26 Komin jab mōña jabrewōt iben bōtōktōkin: im komin jab marmir, ak anijniñ. 27 Komin jab karolul jer ko i bōrōmi, ak kokkure jer ko i kworeak ko ami. 28 Komin jab bukwe enbwini, kin ro re mij, im komin jab eo: Ña Jeova.

29 Kwon jab kananaik lio nejōm bwe en kōra ekijoñ; ñe ab eneo en buñ ilo lūñ, im eneo en obrōk kin nana. 30 Komin lale ran in Sabat ko Aō, im wujōke jikin kwojarjar eo Aō: Ña Jeova.

31 Komin jab oktōk ñōn ro dimōn rej ber ibeir, ak ro dri marmir; komin jab kabukot ir, in erom men in jōjōik kake: Ña Jeova ami Anij.

32 Kwon jutōk im aber iman armij e uōn bōran, im kōñiajoik turin mejen eo e lōlap, im kwon mijōk am Anij: Ña Jeova.

33 Im elañe drua maijet ej itoitōk ibemi iloan eneo ami, komin jab kōmōn nana ñōn e. 34 Drua maijet eo

<sup>1</sup> Matu 18. 15. <sup>2</sup> Rom 12. 19. <sup>3</sup> Luk 10. 27.

ej itoitök ibemi ej fñon kom einwöt eo e ar lotak iolapemi, im kwon yokwe e einwöt kwoj möke yokwe yuk; bwe kom kar drua majet ilo enen Ijpt: Na Jeova, ami Anij.

35 Komin jab kòmön jab wānik ilo ekajet, ilo am ken joñwe aitokön, ak erroön, ak ilo ken joñök kin jäbi. 36 En ibemi ken paun im men in paun re wānik, epa e jimwe, im hin e jimwe: Na Jeova ami Anij, Eo I ar āñintok kom jen ene Ijpt. 37 Im komin lali kien ko Aō otemjej, im aolepen ekajet ko Aō, im komin kòmönmöni: Na Jeova.

20 Im Jeova e ar konono fñon Moses, im ba, 2 Bareinwöt kwon ba fñon ro nejin Israel, Jabrewöt ian ro nejin Israel, ak ian ro drua majet rej itoitök ilo enen Israel, ej lelok jen inen fñon Molek; emol en mij: armij dri eneo ren kare kin dreka. 3 Bareinwöt, Na I naj jumae armij eo kin turin meja, im I naj bukvelok e jen iben ro dri ailiñ ro an; bwe e ar lelok jen inen fñon Molek, in katton Aō jikin kwojarjar, im kananaik eta e kwojarjar. 4 Im elañe ro dri eneo rej binej mejeir jen armij eo, ñe ej lelok jen inen fñon Molek, im re jab mön e; 5 inem I naj jumae armij eo im ro nukin kin turin meja, im naj bukvelok e kab ro otemjej rej lore ilo lūñ, im lūñ iben Molek, jen iben dri ailiñ ro air.

6 Im armij eo ej oktök fñon ro jitöb rej kōmao ibeir, im fñon ro dri marmir, in lor ir ilo air lūñ, I naj jumae armij eo kin turin meja, im naj bukvelok e jen dri ailiñ ro an. 7 Inem komin möke kokwojarjar kom, im komin kwojarjar wöt; bwe Na Jeova, ami Anij. 8 Im komin kejbarök kien ko Aō im kòmöni: Na Jeova eo ej kokwojarjar kom. 9 Bwe emol ren mön e bwe en mij jabrewöt eo ej kole jemen ak jinen: emwij an kole jemen ak jinen; bötöktökin e naj ber ion.

10 Im eman eo ej lūñ iben juön kōra, belen bar juön eman, aet eo ej lūñ iben kōra lio belen dri turin, emol ren mön irro, dri lūñ; bwe ren mij.

11 Im eman eo ej babu iben lio belen jemen, e ar elöklok kelwan an jemen: emol ren mij: bötöktökir e naj buñöt ir. 12 Im elañe juön eman ej babu iben lio belen nejin, re naj mön irro: rar kòmön men in jöjöik; bötöktökir e naj buñöt ir. 13 Im elañe juön eman ej babu iben eman einwöt iben kōra, irro rar kòmön men in jöjöik: emol ren mij; bötöktökir e naj buñöt ir. 14 Im elañe juön eman ej belek juön kōra kab jinen, ej men in jöjöik: ren tili irjil kin kijeek; bwe en ejelok bwir ibemi. 15 Im elañe juön eman ej babu iben kiru, emol ren mij: im komin mön kiru eo. 16 Im elañe juön kōra ej kebak fñon kiru, im babu iman, kom naj mön kōra eo, im kiru eo: emol irro ren mij; bötöktökir e naj buñöt ir.

17 Im elañe juön eman ej bök jein ak jätin kōra nejin jemen, ak nejin jinen, im lo an kelwan, im lio ej lo an kelwan; ej men in jok; im naj bukvelok irro iman mejen ro nejin dri ailiñ ro air: e ar elöklok kelwan an jein im jätin kōra; e naj inek bwir eo an. 18 Im elañe juön eman ej babu iben juön kōra ke ej bök möntin kōra, im ej elöklok an kelwan; e ar kakelwan lio, im lio e ar elöklok unin bötöktökin: im naj bukvelok irro jen iben dri ailiñ ro air. 19 Im kwon jab elöklok kelwan kōra eo jein im jätin jemöm ak jinöm; bwe e ar elöklok kelwan an ro nukin: re naj inek bwir eo airro. 20 Im elañe juön eman ej babu iben kōra belen alap eo an, e ar elöklok kelwan an alap eo an; re naj inek bwir eo airro; ren mij im ejelok nejir. 21 Im elañe juön eman ej bök lio belen jein im jätin, men in e jab erre: e ar elöklok kelwan an jein im jätin; ren mij, im ejelok nejir.

22 Inem komin bokake kien ko Aō otemjej, im aolepen ekajet ko Aō, im kòmönmöni; bwe eneo, ijo Ij āñinlok kom bwe komin jokwe ie, en jab mwojakelok kom. 23 Im komin jab etal ilo möntin dri ailiñ ko Ij jolok ir jen imami: bwe rar kòmön aolepen men kein, inem I ar jöjöik ir. 24 A

I ar ba ñòn kom, Kom naj jolit eneo air, im I naj lewoj bwe en ami, juòn ene e bwijlip kin milk in hònni: Na Jeova ami Anij, Eo e ar kejenolok kom jen dri ailiñ ko. 25 Inem komin nakòtan kiru erreó im eo e jab erreó, im nakòtan bao erreó im eo e jab erreó: im komin jab mòke kòmòn kom men in jòjòik kin kiru, ak kin bao, ak kin jabrewòt men eo ej tòbòllok ion brij, eo I ar kejenoloke jen kom einwòt e jab erreó. 26 Im komin kwojarjar ñòn Iò: bwe Ña Jeova, I kwojarjar, im I ar kijbil kom jen dri ailiñ ko, bwe komin droò.

27 Im juòn eman ak kòra dimòl ej kòmáo iben, ak dri marmir, emòl ren mòn ir bwe ren mij: re naj kare ir kin dreka; bòtòktòkir e naj buñòt ir.

**21** Im Jeova e ar ba ñòn Moses, Kwon konono ñòn pris ro nejin Aron, im ba ñòn ir, Ejelok armij en mòke katton e kin ro remij ian dri ailiñ ro an; 2 elañe jab kin ro nukin, eo ej ebak ñòn e, kin jinen, im kin jemen, im kin nejin man ak kòra, im kin jein ak jàtin man, 3 im kin jein ak jàtin kora, juòn virjin, eo ej ebak ñòn e, eo ejelok belen; kin e e maroñ in mòke katton e. 4 En jab mòke katton e, ke e juòn e utiej ian dri ailiñ ro an, bwe en mòke kananaik e. 5 Ren jab kwormät bòrair, ak eäl jer ko ilo kworeak ko air, im ren jab bukwe enbwinir. 6 Ren kwojarjar ñòn air Anij, im ren jab kananaik etan air Anij; bwe jurtak ko an Jeova kòmòni kin kijeek, bred an air Anij; rej katok kake: inem ren kwojarjar. 7 Ren jab bòk juòn kòra ekijoñ, ak juòn emwij kananaik e; im ren jab bòk juòn kòra emwij jolok e jen belen: bwe leo e kwojarjar ñòn Anij, 8 Inem kwon kokwojarjar e; bwe ej letok bred an am Anij: en kwojarjar ñòn kwe; bwe Ña Jeova, eo ej kwojarjar yuk, I kwojarjar. 9 Im kòra eo nejin jabrewòt pris, elañe ej mòke kananaik e kin an kijoñ, ej kananaik jemen; naj tile kin kijeek.

10 Im eo ej pris elap iben ro jein im jàtin, emwij lutòk oil in kabit ion bòran, im ar kokwojarjar e bwe en

kònòk nuknuk ko, en jab aleak, ak kekel nuknuk ko an; 11 bareinwòt en jab dreloñ ñòn iben ubòn eo emij, ak mòke katton e kin jemen ak jinen; 12 bareinwòt en jab driojlok jen imòn kwojarjar, ak kananaik imòn kwojarjar in Anij eo an; bwe bokrònat in oil in kabit an Anij eo an ej ber ion: Ña Jeova. 13 Im en bòk lio belen juòn virjin. 14 En jab bòk kòra eo emij belen, ak juòn e ar jolok belen, ak kòra ej men in jòjòik, ak kòra ekijoñ; a en bòk juòn virjin jen dri ailiñ ro an bwe en belen. 15 Im en jab kananaik inen iben dri ailiñ ro an: bwe Ña Jeova eo Ij kokwojarjar e.

16 Im Jeova e ar konono ñòn Moses, im ba, 17 Kwon konono ñòn Aron, im ba, Jabrewòt eo ian ro ineòm ilo ebeben ko air, e jab wäppen enbwinin, en jab druaktok bwe en letok bred an Anij eo an. 18 Bwe jabrewòt eman, e jab wäppen enbwinin, en jab druaktok: juòn ebilo, ak ekirro, ak eo e benen bodin, ak eo jabrewòt elòñ jen oran emòn iben, 19 ak juòn eman e moruj neen ak pein, 20 ak eo e aneke drin, ak juòn e wudrik, ak eo e jab wäppen mejen, ak eo e koko, ak ellen enbwinin, ak erup kwòli ko an; 21 ejelok eman jen inen Aron pris eo, e jab wäppen en druaktok bwe en katok kin men in katok ko an Jeova, kòmòne kin kijeek: e jab wäppen; en jab druaktok in letok bred an Anij eo an. 22 En mòña bred an Anij eo an, jen eo e kanuij kwojarjar, im jen eo e kwojarjar: 23 men in wòt, e jamin dreloñ ñòn ròñel nuknuk eo, ak druaklok ñòn lokatok eo, kin ke e jab wäppen; bwe en jab kananaik jikin kwojarjar eo Aò: bwe Ña Jeova eo ej kokwojarjar ir. 24 Ein drein Moses e ar konono ñòn Aron, im lómáro nejin, im ñòn ro nejin Israel otemej.

**22** Im Jeova e ar konono ñòn Moses, im ba, 2 Kwon konono ñòn Aron, im ñòn lómáro nejin, bwe ren mòke kejenolok ir jen men ko re kwojarjar an ro nejin Israel, men ko rej kokwojarjari ñòn Iò, im bwe ren



jab kananaik eta e kwojarjar: Ña Jeova. 3 Kwon ba ñōn ir, Jabrewōt eo jen aolepen ineōm ilo ebepen ko ami, ej druaklok ñōn men ko re kwojarjar, men ko ro nejin Israel rej kokwojarjari ñōn Jeova, im e jab erreō, naj bukwelok armij eo jen imaō: Ña Jeova. 4 Jabrewōt eman jen inen Aron ej dri leper, ak eor an torlok; en jab mōña jen men ko re kwojarjar, mae ien ej erreō. Im jabrewōt eo ej uñir jabrewōt men eo e jab erreō kin juōn dri mij, ak juōn armij inen etolok jen e; 5 ak jabrewōt eo ej uñir men eo e tōbōlbōl, men eo e maroñ katton e, ak juōn armij e maroñ in bōk etton jen e, jabrewōt etton iben; 6 armij eo ej uñir jabrewōt eo ein drein, e jamin erreō mae jota, im e jamin mōña jen men ko re kwojarjar, elañe e jab katutu enbwinin ilo dren. 7 Im ñe e tulok al, e naj erreō, im tokelik e naj mōña jen men ko re kwojarjar, bwe kijen. 8 E jamin mōña men eo e mij in atabuñ, ak men eo kiru ko rar kekele, bwe en katton e kake: Ña Jeova. 9 Inem ren kejbarōk nan in kaifi eo Aō, ñe ab ren inek bwir kake, im mij ilo men eo, elañe rej kananaike: Ña Jeova eo ej kokwojarjar ir.

10 Ejelok drua maijet en mōña jen men eo e kwojarjar: juōn dri itoitōk an pris eo, ak eo ej korijer kin wōnan, en jab mōña jen men eo e kwojarjar. 11 A elañe pris eo ej wiaik jabrewōt armij, men in wia kin mōñni, e naj mōña jen e; im ro rej lotak ilo mweo imōn re naj mōña jen kijen. 12 Im elañe kōra eo nejin pris ej belek juōn drua maijet, en jab mōña jen jurtak in jebōk ian men ko re kwojarjar. 13 A elañe kōra eo nejin pris, e joko belen, ak ar jolok lio, im ejelok nejin, im e ar jeblak ñōn imōn jemen, einwōt ke emōn drer, e naj mōña jen kijen jemen: a ejelok drua maijet en mōña jen e. 14 Im elañe juōn eman ej mōña jen men eo e kwojarjar im jaje kake, inem en kobaik ñōn e juōn mōtōn lailim, im en lelok ñōn pris men eo e kwojarjar.

15 Im ren jab kananaik men ko re kwojarjar an ro nejin Israel, men ko rej katok kake ñōn Jeova, 16 im ilo men in, kōmōn bwe ren inek bwir eo ej narueir, ñe rej mōña men ko air re kwojarjar; bwe Ña Jeova ej kokwojarjari.

17 Im Jeova e ar konono ñōn Moses, im ba, 18 Kwon konono ñōn Aron, im ñōn lōmaro nejin, im ñōn ro nejin Israel otemjej, im ba ñōn ir, Jabrewōt eo jen imōn Israel, ak jen ro drua maijet ilo Israel, ej lelok jurtak eo an, elañe jabrewōt ian men in kanōjniy ko air, ak ian men in lelok ko air kin mōñōnō, men ko rej lelok ñōn Jeova, men in katok kijeek; 19 bwe komin kabuñburuen, komin katok kin koman e wäppen jen kiru ko, kau, ak jip, ak got ko. 20 A komin jab katok kin jabrewōt kiru e jab wäppen: bwe e jamin men in mōñōnō kin kom. 21 Im jabrewōt eo ej katok kin men in katok ainemōn ñōn Jeova, bwe en kamol juōn muri, ak men in lelok an mōñōnō, jen kau ko, ak jip, ak got ko, en wäppen bwe en men in mōñōnō; en ejelok eberir. 22 Elañe ebilo, ak e moruj drin, ak e joko mōtōn, ak eor bir, ak elañe e koko, ak ellen enbwinin, komin jab lelok men kein ñōn Jeova, ak kōmōn ir men in katok kin kijeek ion lokatok ñōn Jeova. 23 Kau koman ak lam, ñe eor jen oran emōn iben, ak e joko mōtōn, men in kwoj maroñ in lelok jurtak in mōñōnō; a jamin bōke kin men in muri. 24 Eo erup kwōli ko an, ak eobōp, ak e moruj drin, ak e kinijnij, men in komin jab lelok ñōn Jeova; im komin jab kōmōn ein drein ilo eneo ami. 25 Bareinwōt komin jab lelok bred an ami Anij jen pein drua maijet ian men kein otemjej; bwe air kōt ej ilo ir, eor eberir: jamin bōki kin kom.

26 Im Jeova e ar konono ñōn Moses, im ba, 27 Ñe e lotak kau koman, ak jip, ak got, inem en ber iben jinen iomin jiljilimjuōn ran; ilo ran eo ken ka drualitōk, im tokelik, naj bōki, jurtak in men in katok kijeek ñōn Jeova. 28 Im elañe kau kokōra, ak

jip kokōra, komin jab mōn irro ilo juōn wōt ran. **29** Im ñe komij katok men in katok kin kamolol ñōn Jeova, komin katok kake bwe komin kabuñburuen. **30** Ilo ran eo wōt, naj kōñe: komin jab likit mōtōn ñōn ilju: Ña Jeova. **31** Kin men in, komin bokake kien ko Aō im kōmōni: Ña Jeova. **32** Im komin jab kananaik eta e kwojarjar; a naj kokwojarjar Iō iolapin ro nejin Israel: Ña Jeova eo ej kokwojarjar kom, **33** eo e ar āñintok kom jen enen Ijipt, bwe Ña In ami Anij: Ña Jeova.

**23** Im Jeova e ar konono ñōn Moses, im ba, **2** Kwon konono ñōn ro nejin Israel, im ba ñōn ir, Kwojkwōj ko an Jeova, ko komin kwaloki kwelok ko re kwojarjar, irkein kwojkwōj ko Aō. **3** Ren jermal iomin jiljino ran: a ran eo ken ka jiljilimjuōn, ej Sabat in kakije wōt, kwelok e kwojarjar; komin jab kōmōn jabrewōt wāwen jermal: ej Sabat ñōn Jeova ilo moko imwemi otemjej.

**4** Irkein kwojkwōj ko an Jeova, aet, kwelok ko re kwojarjar, ko komin kwaloki ilo ien ko air. **5** Ilo aliñ eo mokta, ilo ran eo ken ka joñoul emen ilo aliñ eo, ñe ejota, kwojkwōj in kijone an Jeova. **6** Im ilo ran eo ken ka joñoul lailim ilo aliñ eo, kwojkwōj in bred e jab uwe, ñōn Jeova: iomin jiljilimjuōn ran komin mōña bred e jab uwe. **7** Ilo ran eo mokta en ibemi juōn kwelok e kwojarjar: komin jab kōmōn jermal in korijer. **8** A komin katok kin men in katok kōmōne kin kijeek ñōn Jeova, iomin jiljilimjuōn ran: ilo ran eo ken ka jiljilimjuōn juōn kwelok e kwojarjar; komin jab kōmōn jermal in korijer.

**9** Im Jeova e ar konono ñōn Moses, im ba, **10** Kwon konono ñōn ro nejin Israel, im ba ñōn ir, Ñe komij ber ilo eneo I naj lewoj, im naj marmir jonikōn eo an, ien eo komin bōktok tir in jomōkōj in jonikōn eo ami ñōn pris eo: **11** im en kabelbel tir eo iman Jeova, bwe En bōke kin kom: ran eo elikin ran in Sabat pris eo en kabelbele. **12** Im ran eo ñe komij kabel-

bel tir eo, komin katok kin lam koman e wāppen, ridtōn juōn yiō, men in katok kijeek ñōn Jeova. **13** Im jurtak flauo eo an en ruo mōtōn joñoul in epa in flauo kwerik, käreike kin oil, men in katok kōmōne kin kijeek ñōn Jeova, kin bwin enno; im men in katok irak eo an, en juōn mōtōn emen in juōn hin in wain. **14** Im komin jab mōña bred, ak korn e jinnelle, ak uror rekāl, mae ran in, im kom ar bōktok jurtak an ami Anij: ej kien ñōn in drio ilo ebeben ko ami otemjej, iloan moko imwemi otemjej.

**15** Im komin bwini ñōn kom jen ran eo elikin Sabat eo, jen ran eo ke kom ar bōktok tir in jurtak in belbel; en jiljilimjuōn Sabat reyu: **16** aet, ñōn ran eo elikin Sabat eo ken ka jiljilimjuōn, komin bwini limñoul ran; im komin lelok jurtak flauo ekāl ñōn Jeova. **17** Komin bōktok jen moko imwemi ruo ion bred in belbel, jen ruo mōtōn joñoul in epa: en flauo kwerik, im emwij umni kin leven, jomōkōj ñōn Jeova. **18** Im komin lelok iben bred eo, jiljilimjuōn lam re wāppen, ridtōn juōn yiō, im juōn kau koman emōn drer, im ruo jip koman: ren men in katok kijeek ñōn Jeova, iben air jurtak flauo, im air jurtak ko in irak, aet men in katok kōmōne kin kijeek, im e bwin enno ñōn Jeova. **19** Im komin katok kin juōn got koman men in katok kin jerawiwi, im ruo lam koman ridtōn juōn yiō, men in jurtak in ainemōn. **20** Im pris eo en kabelbeli iben bred in jomōkōj ko, jurtak belbel iman Jeova, iben lam ko ruo: re naj kwojarjar ñōn Jeova, im an pris eo. **21** Im ilo ran eo komin kwalok juōn nan; en juōn kwelok e kwojarjar ñōn kom; komin jab kōmōn jermal in korijer: ej kien ñōn kom in drio iloan moko imwemi otemjej ilo ebeben ko ami.

**22** Im ñe komij marmir jonikōn i eneo ami, kwon jab kanuij marmir bōul in jikin kallip eo am, im kwon jab koloruk jonikōn eo am: komin likite ñōn ro dri jeramel, im ro drua maijet: Ña Jeova ami Anij.

23 Im Jeova e ar konono nōn Moses, im ba, 24 Kwon konono nōn ro nejin Israel, im ba, Ilo aliñ eo ken ka jiljilimjuōn, ilo ran eo mokta ilo aliñ eo, en juōn kakije elap nōn kom, juōn men in kemem kin uk jilil ko, juōn kwelok e kwojarjar. 25 Komin jab kōmōn jermal in korijer; im komin katok kin men in katok kōmōne kin kijeek nōn Jeova.

26 Im Jeova e ar konono nōn Moses, im ba, 27 A ran eo ken ka joñoul ilo aliñ in ken ka jiljilimjuōn, ran in kilajrōk: eo en juōn kwelok e kwojarjar nōn kom, im komin kaiñtan ami; im komin katok kin men in katok kōmōne kin kijeek nōn Jeova. 28 Im iomin ran eo komin jab kōmōn jabrewōt jermal: bwe ej ran in kilajrōk, in kōmōn kilajrōk nōn kom iman Jeova ami Anij. 29 Bwe jabrewōt armij eo e jamin kaiñtan an ilo ran eo, naj kwelok e jen iben dri ailiñ ro an. 30 Im jabrewōt armij ej kōmōn jabrewōt wāwen jermal ilo ran eo, I naj kokkure armij eo jen iben dri ailiñ ro an. 31 Komin jab kōmōn jabrewōt wāwen jermal: ej kien nōn in drio ilo ebeben ko ami, ilo moko imwemi otemjej. 32 En Sabat in kakije wōt, im komin kaiñtan ami: ilo ran eo ken ka druatimjuōn ilo aliñ eo ñe ejota, jen jota nōn jota, kom naj lale ami Sabat.

33 Im Jeova e ar konono nōn Moses, im ba, 34 Kwon konono nōn ro nejin Israel, im ba, Ilo ran eo ken ka joñoul lailim ilo aliñ in ken ka jiljilimjuōn, kwojkwoj in imōn kaberkō, iomin jiljilimjuōn ran, nōn Jeova. 35 Ilo ran eo mokta en juōn kwelok e kwojarjar: komin jab kōmōn jermal in korijer. 36 Iomin jiljilimjuōn ran komin katok kin men in katok kōmōne kin kijeek nōn Jeova: ran eo ken ka drualitōk en juōn kwelok e kwojarjar nōn kom; im komin katok kin men in katok kōmōne kin kijeek nōn Jeova: e juōn kwelok elap; komin jab kōmōn jermal in korijer.

37 Irkein kwojkwoj ko Jeova e ar kaiñi, im komin kwaloki kwelok ko re kwojarjar, nōn katok kin men in

katok kijeek nōn Jeova, katok kijeek, im jurtak flauo, juōn men in katok, im jurtak irak ko, kaju iair ilo ran eo an; 38 bareinwōt Sabat ko an Jeova, im men in lelok ko ami, im men in muri ko ami, im jurtak in mōnōnō ko ami, komin lelok nōn Jeova.

39 A ilo ran eo ken ka joñoul lailim ilo aliñ eo ken ka jiljilimjuōn, ñe emwij ami aini leen eneo, komin lale kwojkwoj an Jeova iomin jiljilimjuōn ran: ilo ran eo mokta en kakije elap, im ilo ran eo ken ka drualitōk en kakije elap. 40 Im ran eo mokta komin bōk nōn kom jen wijki ko remōn, kimjen wijki pam, ra ko jen wijki ko re killip, im jen willo ko iturin wea; im komin mōnōnō iman Jeova ami Anij iomin jiljilimjuōn ran. 41 Im komin lale e kwojkwoj nōn Jeova, iomin jiljilimjuōn ran ilo juōn yiō: ej kien nōn in drio ilo ebeben ko ami; komin lale men eo ilo aliñ eo ken ka jiljilimjuōn. 42 Komin jokwe ilo imōn kaberkō iomin jiljilimjuōn ran; ro otemjej rar lotak ilo enen Israel ren jokwe ilo imōn kaberkō; 43 bwe ebeben ko ami ren jela kin Aō kōmōn bwe ro nejin Israel re kin jokwe ilo imōn kaberkō, ke I ar añintok ir jen enen Ijpt: Ña Jeova ami Anij. 44 Im Moses e ar kwalok nōn ro nejin Israel kwojkwoj in kaiñi ko an Jeova.

24 Im Jeova e ar konono nōn Moses, im ba, 2 Kwon jiroñ ro nejin Israel bwe ren bōktok nōn kwe oil in oliv emwij nowe im erreō, nōn maram, ken kourur lamp ien otemjej. 3 Elikin rōñel nuknuk in jikin kwojarjar, iloan imōn kwelok eo, Aron en kōmōne jen jota nōn jiboñ, iman Jeova ien otemjej: en kien nōn in drio ilo ebeben ko ami. 4 En kapoji lamp ko ilo jikin lamp erreō iman Jeova ien otemjej.

5 Im kwon bōk flauo kwerik, im umni joñoul ruo ion jen e: en ruo mōtōn in juōn epa ilo juōn ion. 6 Im kwon likiti ilo ruo lajrōk, jiljino ilo juōn lajrōk, ion tebel erreō iman Jeova. 7 Im kwon likit kaijurjur erreō ion kaju ian lajrōk ko, bwe en iben bred men in kemem, aet, men in ka-

tok kōmōne kin kijeek iman Jeova, 8 Ran Sabat otemjej en kilajrōki iman Jeova aolepen ien; en bujen nōn in drio kin ro nejin Israel. 9 Im e naj nōn Aron im lōmaro nejin; im ren kōne ilo juōn jikin e kwojarjar: bwe e kanuij kwojarjar nōn e ian men in katok ko an Jeova, kōmōne kin kijeek, ekar nōn kien e jamin joko.

10 Im juōn eman nejin kōra dri Israel, ak jemen dri Ijpt, e ar drioijlok iben ro nejin Israel; im leo nejin kōra in Israel e ar akwaile juōn eman dri Israel, ilo kamp eo. 11 Im leo nejin kōra in Israel e ar blaspim At eo, im kole; im rar āninloke nōn iben Moses. Im etan jinen Shelomit, nejin Dibrai, jen bwijin Dan. 12 Im rar likit e ilo prisōn, bwe loñin Jeova en kalikar nōn ir.

13 Im Jeova e ar konono nōn Moses, im ba, 14 Kwon āninlok leo e ar kol, elikin kamp eo, im ro otemjej rar roñjake, ren likit peir ion bōran, inem aolepen jar eo ren kare kin dreka. 15 Im kwon konono nōn ro nejin Israel, im ba, Jabrewōt eo ej kole an Anij e naj inek an jerawiwi. 16 Im eo ej blaspim etan Jeova, emol en mij; aolepen jar eo ren kare kin dreka: drua maijet im eo druwainene, fie ej blaspim etan Jeova, naj mōn e bwe en mij. 17 Im eo ej urōt jabrewōt armij, en mij. 18 Im eo ej mōn juōn kiru bwe en mij, en nawōnan mour kin mour. 19 Im elañe juōn armij ej kakinijnij dri turin; einwōt an kōmōn, ein drein naj kōmōn nōn e: 20 rup kin rup, mej kin mej, ñi kin ñi; einwōt an kakinijnij juōn armij, ein drein naj kōla nōn e. 21 Im eo ej mōn juōn kiru, en nawōnan: im eo ej mōn juōn armij, naj mōn e. 22 E naj juōn wōt wāwen kien ibemi, einwōt nōn drua maijet ein drein nōn druwainene: bwe Na Jeova ami Anij. 23 Im Moses e ar konono nōn ro nejin Israel; im rar āninlok leo e ar kol ilikin kamp eo, im rar kare kin dreka. Im ro nejin Israel rar kōmōn einwōt Jeova e ar jiroñ Moses.

**25** Im Jeova e ar konono nōn Moses ion tol Sainai, im ba, 2 Kwon

konono nōn ro nejin Israel, im ba nōn ir, Ñe komij dreloñtok iloan eneo Ij lewoj, inem eneo e naj kejbārōk juōn Sabat nōn Jeova. 3 Iomin jiljino yiō kwon jeor jikin kallip ko am, im iomin jiljino yiō kwon kowomlo bwil in grep eo am, im aini leen; 4 a yiō eo ken ka jiljilimjuōn, en Sabat in kakije nōn eneo, juōn Sabat nōn Jeova: kwon jab jeor am jikin kallip, ak kowomloik bwil in grep eo am. 5 Eo ej mōke edrek jen jonikōn eo am, kwon jab marmire, im grep ko an bwil in grep eo am ar jab kowomlo, kwon jab aini: en yiō in kakije nōn eneo. 6 Im Sabat an eneo e naj nōn kwe kin mōña; nōn kwe im nōn korijerōm man ak kōra, im nōn am dri jermal, im nōn am drua maijet ej itoitōk ibōm. 7 Im nōn kau ko am, im nōn kiru rawia ilo eneo am, aolepen orlok eo an e naj nōn ir kin mōña.

8 Im kwon bwini jiljilimjuōn Sabat in yiō nōn kwe, jiljilimjuōn alen jiljilimjuōn yiō; im re naj nōn kwe ran ko an jiljilimjuōn Sabat in yiō ko, eñoul druatimjuōn yiō. 9 Ien eo kwon jilkinlok jilil eo elaj ainiken ilo ran eo ken ka joñoul ilo aliñ eo ken ka jiljilimjuōn; ilo ran in kilajrōk kwo naj jilkinlok jilil eo ilujen aolepen eneo am. 10 Im komin kokwojarjar yiō eo ken ka limñoul, im komin kwalok anemkwoj ilujen aolepen eneo nōn ro dri ene otemjej: en juōn jubili nōn kom; im komin kejeblak jabrewōt armij nōn wāto eo an, im komin kejeblak jabrewōt armij nōn ro nukin. 11 Yiō eo ken ka limñoul en jubili nōn kom: komin jab jeor, ak marmir men ko rej mōke edrek ilo yiō eo, ak aini grep ko jen vain ko ar jab kowomloiki. 12 Bwe ej juōn jubili; en kwojarjar nōn kom: komin mōña orlok eo an jen jikin kallip eo.

13 Iomin yiō in jubili komin kejeblak jabrewōt armij nōn wāto eo an. 14 Im elañe kwoj wiakake jabrewōt nōn dri turum, ak wiaik jen pein dri turum, kom jamin elikinjipjipi dron. 15 Ekar nōn oran yiō ko elikin yiō in jubili, kwon wiaik jen dri turum, im ekar nōn oran yiō ko in leen jikin

kallip, en wiakake nōn kwe. 16 Ekar nōn oran yiō ko relōn kwon kalaplok wōnan, im ekar nōn oran yiō ko reit kwon kariklok wōnan; bwe ej wiakake nōn kwe oran jonikōn in jikin kallip ko. 17 Im komin jab elikin-jipjipi dron; a kwon mijōk am Anij: bwe Ņa Jeova am Anij.

18 Kin men in, komin kejbārok kien ko Aō, im lale ekajet ko Aō im kōmōni; im kom naj jokwe ilo eneo, im ejelok ami uota. 19 Im eneo e naj lewoj leen, im kom naj mōña im māt, im jokwe iloan im jab uota. 20 Im elañe komij ba, Ta eo kimin mōña ilo yiō eo ken ka jiljilimjuōn? lo kimij jab jeor ak aini am orlok; 21 inem I naj jiroñ Aō jerammōn iomi ilo yiō eo ken ka jiljino, im e naj jebar leen im kabwe nōn jilu yiō. 22 Im kwo naj jeor ilo yiō eo ken ka dualitōk, im mōña jen kabinoka eo mokta; mae yiō eo ken ka druatimjuōn, mae ien an leen ko kālo, kom naj mōña kabinoka eo mokta.

23 Komin jab wiakake eneo nōn in drio; bwe eneo Aō: bwe <sup>1</sup>kom drua maijet im dri itoitōk iba. 24 Im ilo molepen eneo komij bōke, komin lelok bwe ren bar wiaik eneo. 25 Im elañe jeōm ak jātōm e jeramel, im ej wiakake jimōtōn wāto eo an, inem eo nukin ej ebak nōn e, en itok, im wiaik eneo jein im jātin e ar wiakake. 26 Im elañe iben juōn armij ejelok bwe en bar wiaik e, im ej mweielok im lo men ko re bwe nōn wiaik e; 27 inem en bwini yiō ko elikin wiakake, im lelok mōtōn bwen wōnan nōn armij eo e kar wiakake e nōn e: im e naj jeblak nōn wāto eo an. 28 A elañe e jab maroñ in mōke bar bōke; inem men eo e ar wiakake e naj berwōt ilo pein eo e kar wiaik e, nōn yiō in jubili: im ilo yiō in jubili e naj ilok jen e, im armij in e naj jeblak nōn wāto eo an.

29 Im elañe juōn armij ej wiakake im, mweo ilo jikin kwelok eor an worwor, inem e maroñ in bar wiaik e mokta jen jemlokōn juōn yiō eyu, elikin an wiakake; iomin juōn yiō

eyu e naj maroñ in bar wiaik e. 30 Im elañe e jab bar wiaik e mokta jen jemlokōn juōn yiō eyu, inem mweo ej ber ilo jikin kwelok eor an worwor, naj kabine nōn eo e ar wiaik e nōn in drio, ilo ebeben ko an: e jamin jeblak jen e ilo yiō in jubili. 31 A moko an jikin kwelok ko ejelok air worwor, naj watōki iben jikin kallip ko in ene: re maroñ in bar wiaik e, im re naj jeblak ilo yiō in jubili. 32 Ijoke, jikin kwelok ko an ro dri Livai, moko an jikin kwelok ko air, ro dri Livai re maroñ in bar wiaik e jabrewōt ien. 33 Im elañe juōn ian ro dri Livai ej bar wiaik e, inem mweo imōn kar wiakake, im jikin kwelok eo an, re naj jeblak ilo yiō in jubili: bwe moko im jikin kwelok ko an ro dri Livai rej air wōt, iben ro nejin Israel. 34 A re ban wiakake jikin kallip ko wu-jen jikin kwelok ko air; rej air nōn in drio.

35 Im elañe jeōm im jātōm e jeramel, im e mōjino pein iman mejōm; inem kwon jibōñ e: e naj jokwe ibōm einwōt drua maijet im dri itoitōk. 36 Kwon jab bōk jen e jimair ak orlok, a kwon mijōk am Anij; bwe jeōm im jātōm en jokwe ibōm. 37 Kwon jab lelok nōn e am mōnni kin jimair, ak lelok nōn e ekōn ko kin orlok. 38 Ņa Jeova ami Anij, eo e ar kadrioiytok kom jen ene Ijpt, bwe In lewoj nōn kom ene Kenean, im bwe In ami Anij.

39 Im elañe jeōm im jātōm e jeramel ibōm, im ej mōke wiakake nōn kwe; kwon jab kejerbal e einwōt dri kamakoko. 40 En ber ibōm einwōt dri korijer kin wōnan, im einwōt dri itoitōk; en korijer nōn kwe mae yiō in jubili: 41 ien eo e naj ilok jen ibōm, e im ro nejin iben, im e naj jeblak nōn iben ro nukin, im nōn wāto eo an ro jiman, e naj jeblak. 42 Bwe ir ro dri korijera, ro I ar kadrioiytok ir jen enen Ijpt: jamin wiakake ir einwōt dri kamakoko. 43 Kwo jamin kabin am iroi j ion, a kwo naj mijōk am Anij. 44 Im kin dri kamakoko ro am, man im kōra, rej ibōm; kom maroñ in wiaik ro dri

kamakoko, man im kōra, jen ro dri ailiñ ko iturōm. **45** Bareinwōt kom maroñ in wiaik ro nejin ro drua maijet rej itoitōk ibemi, jen ir im jen ro nukin rej ibemi, ro rar keutak ir ilo eneo ami, im re naj ami. **46** Im kom naj kōmōn ir jolit an ro nejemi elikimi bwe ren air; jen ir kom naj bōk ami dri kamakoko ñōn in drio: a ro jeimi im jātimi, ro nejin Israel, komin jab kabin ami iroiñ ioir, juōn ion bar juōn.

**47** Im elañe juōn drua maijet ak dri itoitōk ibemi e mweielok, im jeōm im jātōm e ar jeramellok iturin, im ej mōke wiakake ñōn drua maijet eo, ak dri itoitōk ibēm, ak ñōn ro nukin drua maijet eo; **48** elikin wiakake re maroñ in bar wiaik e: juōn ian ro jein im jātin e maroñ in bar wiaik e; **49** ak jein im jātin jemen, ak nejin jein im jātin jemen, e maroñ in bar wiaik e, ak jabrewōt ian ro nukin ej ebak ñōn e, e maroñ in bar wiaik e; ak elañe e mweielok e maroñ in mōke bar wiaik e. **50** Im e naj watōk iben eo e kar wiaik e, jen yiō eo ke e ar mōke wiakake e ñōn e, ñōn yiō in jubili: im wōnan an wiakake, e naj ekar ñōn oran yiō ko; ekar ñōn ien dri korijer kin wōnan, e naj ber iben. **51** Elañe elōñ yiō rej berwōt, ekar ñōn yiō kein, en bar lelok wōnan bar wiaik e jen mōni eo e ar wiaik e kake. **52** Im elañe eiet yiō rej berwōt ñōn yiō in jubili, inem en watōk iben; ekar ñōn yiō ko an en bar lelok wōnan bar wiaik e. **53** Einwōt dri korijer kin wōnan, yiō ñōn yiō, en ber iben: en jab kabin an iroiñ ion iman mejōm. **54** Im elañe re jab bar wiaik e kin wāwen kein, inem en jeblak ilo yiō in jubili, e im ro nejin iben. **55** Bwe ro nejin Israel, rej dri korijer ñōn Iō; rej Aō dri korijer, ro I ar kadrioiptok ir jen enen Ijipt: Ña Jeova ami Anij.

**26** Komin jab kōmōn ñōn kom ekjōp ko, im komin jab kajutōk men in e emwij jeke, ak jur dreka, im komin jab likit dreka men in e i eneo ami, bwe komin kabuñ ñōn e: bwe Ña Jeova ami Anij. **2** Komin

lale Sabat ko Aō, im wujōke jikin kwojarjar eo Aō: Ña Jeova.

**3** Elañe komij etetal ilo Aō nan in kaiñi, im bokake kien ko Aō, im kōmōni; **4** inem I naj lewoj wut ko ilo ien ko air, im eneo e naj lewoj an orlok, im wijki ko in jikin kallip re naj jebar leir. **5** Im ami dreñlokwe kom e naj tōbarlok ien aini grep, im aini grep e naj tōbar ien jeor; im kom naj mōña ami bred im naj māt, im jokwe ilo eneo ami im jab uota. **6** Im I naj lewoj ainemōn ilo eneo, im kom naj babu, im ejelok e naj kemjōk kom: im I naj kōmōn bwe kiru ko re nana ren joko jen eneo, im jāji e jamin ilok ilujen eneo ami. **7** Im kom naj lujeljeli ro rej kijirāte kom, im re naj buñ imami kin jāji. **8** Im lailim iami re naj kokōk jibuki, im jibuki iami re naj kokōk joñoul tausān; im ro rej kijirāte kom re naj buñ imami kin jāji. **9** Im I naj lale kom, im I naj katimon kom, im korlok kom, im I naj kabin bujen eo Aō ibemi. **10** Im kom naj mōña ekōn eto an ber, im kom naj kadrioiptok men ko eto air ber, im najikin men ko rekāl. **11** Im I naj likit Aō imōn kabēr ibemi: im Aō e jamin drike kom. **12** Im I naj etetal iolapemi, im I naj ami Anij, im kom naj ro droō. **13** Ña Jeova ami Anij eo e ar kadrioiptok kom jen enen Ijipt, bwe komin jab air dri kamakoko; im I ar ruji alal ko in ine ko ami, im kōmōn bwe komin etal im mōbōp.

**14** A elañe kom abwin eoroñ Iō, im jab kōnan bokake kien kein otemjej; **15** im elañe komij jolok nan in kaiñi ko Aō, im elañe ami ej jōjōik ekajet ko Aō, bwe komin jab kōmōn kien ko Aō otemjej, a komij kokkure bujen eo Aō; **16** bareinwōt Ña, I naj kōmōn men in ñōn kom: I naj likit men in leñōñ iomi, kokkure im bwil, eo e naj kokkure mejemi, im kōmōn bwe ami en mōlok; im kom naj jeor bata ami ene, bwe ro rej kijirāte kom re naj kōñe. **17** Im I naj jumae kom kin turin meja, im naj jebōk kom iman ro rej kijirāte kom: ro rej kitō-

<sup>1</sup> 2 Kor. 6. 16.

tōkake kom re naj iroiĵ iomi; im kom naj ko ñe ejelok ej lukworkwore kom. 18 Im elañe komiĵ jab eoroñ Iō kin men kein, inem I naj bar kajeik kom jiljilimjuōn alen kin ami jerawiwi. 19 Im I naj rupe jua in ami kajur: im I naj kōmōn ami lōñ bwe en einwōt māl, im eneo ami einwōt jinibōrōrō; 20 im kin kajur kom naj jerbāl bata; bwe eneo ami e jamin lewoĵ an orlok, im wiĵki in eneo re jamin jebar leir.

21 Im elañe komiĵ etal jumaē Iō, im jab kōnan eoroñ Iō, I naj jilkinwoĵ iomi jiljilimjuōn alen men in ka-iñtan ko, ekar ñōn jerawiwi ko ami. 22 Im I naj jilkinlok kiru e awia iolapemi, eo e naj mōn ro nejimi, im kokkure kiru ko ami, im keitlok kom; im ial ko ami re naj jebeplok.

23 Im elañe kin men kein komiĵ jab ukwelok ñōn Iō, a komiĵ etal jumaē Iō wōt; 24 inem I naj bareinwōt etal jumaē kom; im I naj mōn kom, Ña wōt, jiljilimjuōn alen kin jerawiwi ko ami. 25 Im I naj bōktok jāĵi iomi, eo e naj kōmōn irenwōne an bujen eo; im naj kokweloklok kom iloan jikin kwelok ko ami: im I naj jilkinlok nañinmiĵ elap ñōn ibemi; im naj ketōk kom na ilo pein dri kijirāt eo. 26 Im ñe Iĵ ruĵe bred jokwōnōmi, joñoul kōra re naj umni bred ilo juōn wōt um, im re naj lewoĵ bred ñōn kom kin joñōk: im kom naj mōña im jamin māt.

27 Im elañe kin aolepen men kein, komiĵ jab eoroñ Iō, a komiĵ etal jumaē Iō; 28 inem I naj etal jumaē kom ilo illu elap; im bareinwōt I naj kajeik kom jiljilimjuōn alen kin jerawiwi ko ami. 29 Im kom naj mōña kōniekin ro nejimi man, im kōniekin ro nejimi kōra kom naj mōña. 30 Im I naj kokkure jikōmi re utiej, im juokwe ami men in e einwōt al, im jolok ubōmi ion ekjōp ko ami; im Aō e naj jōjōik kom. 31 Im I naj kōmōn jikin kwelok ko ami men in jebeplok, im I naj kokkure jikin kwōjarjar ko ami, im I jamin atbwin melu in men ko ami reñōĵ. 32 Inem I naj kōmōn eneo ami bwe en ene jemaren; im ro dri kijirāte kom, rej

jokwe iloan, re naj bwilōñ kake. 33 Im I naj kijibliklok kom ilo ailiñ ko, im I naj nuri jāĵi elikimi: im eneo ami e naj ene jemaren, im jikin kwelok ko ami re naj jebeplok.

34 Ien eo eneo e naj mōnōnō kake Sabat ko an, toñ an jebeplok, im komiĵ ber ilo ene an ro dri kijirāte kom, aet, ien eo eneo e naj kakije im mōnōnō kin Sabat ko an. 35 Toñ an jebeplok, e naj kakije, aet, kakije e ar jab iben, ilo ami Sabat ko, ke kom ar jokwe ie. 36 Im kin ro ĩami re naj mour wōt, I naj jilkinlok barōk na ilo burueir, ilo ene ko an ro dri kijirāte ir: im ainiken bwilik ñe kōto ej bioke e naj kokōk ir; im re naj ko einwōt juōn ej ko jen jāĵi; im re naj buñ ñe ejelok ej lukworkwor ir. 37 Im re naj tibñil kin dron, einwōt iman jāĵi, ñe ejelok ej lukworkwor ir: im e naj ejelok kajur ibemi bwe komin jutōk jumaē ro rej kijirāte kom. 38 Im kom naj joko ilo ene an dri ailiñ ko, im ene an ro dri kijirāte kom e naj kōñ kom. 39 Im ro matōmi re naj mōlok ilo air bwir, ilo ene ko an ro dri kijirāt; im bareinwōt ilo bwir ko an ro jimair re naj mōlok ibeir.

40 Im re naj kwalok air bwir, im bwir an ro jemeir, ilo air jerawiwi rar bwir kake nae Iō, im bareinwōt ke rar etal jumaē Iō, 41 Ña I ar bareinwōt etal jumaē ir, im añin ir ñōn ene an ro dri kijirāte ir: inem re naj kōtaik burueir re jab mijmiĵ, im rej bōk kaje eo kin ar kōmōn nana; 42 inem I naj kememeĵ Aō bujen iben Jakob; im bareinwōt Aō bujen iben Aisak, im bareinwōt Aō bujen iben Ebream, I naj kememeĵ e; im I naj kememeĵ eneo. 43 Eneo ke re joko jen e, e naj mōnōnō kake Sabat ko an, toñ an einwōt ene jemaren im rej etolok jen e: im re naj bōk kaje eo kin air kōmōn nana; kin ke rar jolok ekajet ko Aō, im air e ar jōjōik kien ko Aō. 44 Mekarta, kin aolepen men eo, ñe rej ber ilo ene an ro dri kijirāte ir, I jamin jolok ir wōt. ak jōjōik ir, im kokkure ir wōt, im rupe Aō bujen ibeir; bwe Ña Jeova air Anij; 45 a kin ir I naj kememeĵ

bujen an ro jimair, ro I ar kadrioi-jtok jen enen Ijpt iman mejen ailin ko otemjej, bwe In air Anij: Na Jeova.

46 Irkein nan in kaini ko, im eka-jet ko, im kien ko, Jeova e ar kô-môni ikôtan im ro nejin Israel, ion tol Sainai kin Moses.

**27** Im Jeova e ar konono non Moses, im ba, 2 Kwon konono non ro nejin Israel, im ba non ir, Ne juon armij ej kômôn juon nan in kanôjni, armij ro re naj non Jeova, ekar non am watôk. **3** Im am watôk e naj kin juon eman ridtôn jen roñoul yiô non jiljinoñoul yiô, am watôk e naj lim-ñoul shekel silver, shekel in imôn kwojarjar eo. **4** Im elañe juon kôra, inem am watôk e naj jilñoul shekel. **5** Im elañe ridtôn lailim yiô non roñoul, inem am watôk e naj kin juon ladrik roñoul shekel, im juon ledrik joñoul shekel. **6** Im elañe juon ailin non lailim yiô, inem am watôk e naj kin juon ladrik lailim shekel silver, im kin juon ledrik am watôk e naj jilu shekel silver. **7** Im elañe ridtôn jiljinoñoul im men yiô; elañe eman inem am watôk e naj joñoul lailim shekel, im kin kôra joñoul shekel. **8** Im elañe e jeramel jen am watôk, inem naj likit e iman pris, im pris eo en watôke; ekar non maroñ an eo e ar muri, pris eo en watôke.

**9** Im elañe juon kiru, ian men ko armij rej lelok jurtak non Jeova, jabrewôt eo armij rej lelok jen men eo, einwôt non Jeova, e naj kwojarjar. **10** E jamin ukôti, ak binej jenkwôn kin bar juon, eo emôn kin juon e nana, ak juon e nana kin juon emôn: im elañe ej binej jenkwôn kiru kin kiru, inem kiru eo kab eo juon, irro re naj kwojarjar. **11** Im elañe kiru eo juon e jab erre, im armij re jab lelok jurtak non Jeova kake, inem e naj likit kiru eo iman pris eo; **12** im pris eo en watôke, elañe emôn ak e nana: einwôt pris eo ej watôk e, e naj ein drein. **13** A elañe e kônan bar wiaik e, inem e naj kobaik juon môtôn lailim non am watôk.

**14** Im ñe juon armij ej kokwojar-

jar mweo imôn, bwe en kwojarjar non Jeova, inem pris eo en watôke, ein drein e naj ber. **15** Im elañe eo e ar kokwojarjar e, e naj kônan bar wiaik mweo imôn, inem e naj kobaik non e juon môtôn lailim in mônni wônan am watôke, inem e naj an.

**16** Im elañe juon eman ej kokwojarjar non Jeova môtôn jikin kallip eo an, inem an watôk e naj ekar non air jeor e: jeor juon omer in barli, e naj einwôt limñoul shekel in silver.

**17** Elañe ej kokwojarjare jen yiô in jubili, ekar non am watôk e naj ber.

**18** A elañe ej kokwojarjar jikin kallip eo an elikin jubili, inem pris eo e naj watôk non e mônni ekar non môtôn yiô ko, rej berwôt non yiô in jubili; ein drein naj kariklok an watôk. **19** Im elañe eo e ar kokwojarjar jikin kallip eo an e kônan bar wiaik e, inem en kobaik non e juon môtôn lailim in mônni wônan am watôke, im e naj kabin e non e.

**20** Im elañe e jab kônan bar wiaik jikin kallip eo, ak elañe emwij an wiakake jikin kallip eo non bar juon armij, jamin bar wiaik e: **21** a jikin kallip eo, ñe ej jeblak ilo yiô in jubili, e naj kwojarjar non Jeova, einwôt juon jikin kallip emwij aje; e naj iben pris eo. **22** Im elañe ej kokwojarjar non Jeova juon jikin kallip emwij an wiaik e, e kar jab an jikin kallip eo; **23** inem pris eo en watôk non e wônan an watôke non yiô in jubili: im e naj lelok am watôk ilo ran eo, juon men e kwojarjar non Jeova. **24** Ilo yiô in jubili jikin kallip eo e naj jeblak non eo ar wiaik e jen e, aet, non eo jikin kallip e kar an. **25** Im am watôk in ekar non shekel in imôn kwojarjar: shekel eo e naj roñoul gira.

**26** Iben kiru ko manjien wôt, emwij kômone manji non Jeova, ejelok armij e naj kokwojarjare; elañe kau koman, ak jip, ej an Jeova. **27** Im elañe kiru eo e jab erre, inem en bar wiaik e ekar non am watôke. Im naj kobaik non e juon môtôn lailim: ak elañe e jab nawônan, inem naj wiakake ekar non am watôk.

**28** Ijoke, ejelok men in jurtak, eo



juōn armij ej kokwojarjare nōn Jeova jen aolepen men ko iben, elañe armij ak kiru, ak jikin kallip eo an, naj wiakake ak bar wiaik e: men in jur-tak otemjej re kanuij kwojarjar nōn Jeova. 29 Ak armij in aje, eo em-wij lelok e ian armij ro, jamin bar wiaik e; emol en mij.

30 Im aolepen mōtōn joñoul jen ene, elañe inen ene, ak leen wijki, rej an Jeova: e kwojarjar nōn Jeova. 31 Im elañe juōn armij e kōnan bar wiaik jabrewōt jen mōtōn joñoul eo

an, e naj kobaik nōn e juōn mōtōn lailim. 32 Im aolepen mōtōn joñoul, jen bwijin kau ak jip, jabrewōt eo ej etal iomin alal, eo ken ka joñoul en kwojarjar nōn Jeova. 33 E jamin bukot elañe emōn ak e nana, im e jamin kōrraik e: im elañe e kōnan ukōt e, inem eo im eo e kōnan kōrra kake, irro ren kwojarjar; e jamin bar wiaiki.

34 Irkein kein ko, ko Jeova e ar jiroñ Moses nōn ro nejin Israel ion tol Sainai.

[Marshall Islands.] 5

# BWINBWIN

**1** Im Jeova e ar konono nōn Moses ilo ene jemaren an Sainai, ilo imōn kwelok eo, ran eo mokta ilo aliñ eo ken ka ruo, ilo yiō eo ken ka ruo elikin air droijtok jen enen Ijpt, im ba, **2** Kwon bukōt oran aolepen jar an ro nejin Israel, kin ro nukir im moko imōn ro jimair, ekar nōn orair, man rōn otemjej kin bōrair; **3** jen ridtōn roñoul yiō im jima, ro otemjej re maroñ in ilen tōrinae, ilo Israel, kom-ro Aron naj bwini ir ekar nōn jar ko air. **4** Im ibōm en juōn eman jen bwij otemjelok, jabrewōt iair jiōb an nukin ro jimair. **5** Im irkein etan man rōn re naj jutōk ibemiro. Jen Ruben: Ilaizur nejin Shedeur. **6** Jen Simeon: Shilumiel nejin Zurishadai. **7** Jen Juda: Nashon nejin Aminadab. **8** Jen Issakar: Netanel nejin Zuar. **9** Jen Zebulun: Ilaiab nejin Hilon. **10** Jen ro nejin Josep: Jen Ipreim: Elishema nejin Amihud. Jen Menassa: Gameliel nejin Pedazur. **11** Jen Benjamin: Abidan nejin Gideonai. **12** Jen Dan: Ahiezar nejin Amishadai. **13** Jen Asher: Pegiel nejin Okran. **14** Jen Gad: Ilaiesap nejin Reuel. **15** Jen Naptalai: Ehaira nejin Inan. **16** Rein ro emwij kir ir jen jar eo, iroiñ rōn in bwij ko bwijin ro jimair; rej jiōb ro in tausank ko an Israel. **17** Im Moses im Aron rar bōk man rein emwij kwalok etair: **18** im rar kokweloktok aolepen jar eo, ran eo mokta ilo aliñ eo ken ka ruo; im rar kwalok ebeben ko air ekar nōn nukir, kin moko imōn ro jimair, ekar nōn oran etair, jen roñoul yiō im jima, kin bōrair. **19** Einwōt Jeova e ar jiroñ Moses, ein drein e ar bwini ir i ene jemaren an Sainai.

**20** Im <sup>1</sup>ro nejin Ruben, manjien

Israel, ebeben ko air, kin nukir, kin moko imōn ro jimair, ekar nōn oran etair, kin bōrair, man otemjej, jen roñoul yiō im jima, ro otemjej re maroñ in ilen tōrinae; **21** ro emwij bwini ir, jen bwijin Ruben, eñoul jiljino tausank limabuki.

**22** Jen <sup>1</sup>ro nejin Simeon, ebeben ko air, kin nukir, kin moko imōn ro jimair, ro emwij bwini ir, ekar nōn oran etair, kin bōrair, man rōn otemjej jen ridtōn roñoul yiō im jima, ro otemjej re maroñ in ilen tōrinae; **23** ro emwij bwini ir, jen bwijin Simeon, limñoul druatimjuōn tausank jilu buki.

**24** Jen <sup>2</sup>ro nejin Gad, ebeben ko air, kin nukir, kin moko imōn ro jimair, ekar nōn oran etair, jen ridtōn roñoul yiō im jima, ro otemjej re maroñ in ilen tōrinae; **25** ro emwij bwini ir, jen bwijin Gad eñoul lailim tausank jiljino buki limñoul.

**26** Jen <sup>3</sup>ro nejin Juda, ebeben ko air, kin nukir, kin moko imōn ro jimair, ekar nōn oran etair, jen ridtōn roñoul yiō im jima, ro otemjej re maroñ in ilen tōrinae; **27** ro emwij bwini ir jen bwijin Juda, jiljilimjuōnñoul emen tausank jiljino buki.

**28** Jen <sup>4</sup>ro nejin Issakar, ebeben ko air, kin nukir, kin moko imōn ro jimair, ekar nōn oran etair, jen roñoul yiō im jima, ro otemjej re maroñ in ilen tōrinae; **29** ro emwij bwini ir, jen bwijin Issakar, limñoul emen tausank abuki.

**30** Jen <sup>5</sup>ro nejin Zebulun, ebeben ko air, kin nukir, kin moko imōn ro jimair, ekar nōn oran etair, jen ridtōn roñoul yiō im jima, ro otemjej re maroñ in ilen tōrinae; **31** ro emwij

<sup>1</sup> Jap. 26. 6-11.

<sup>2</sup> Jap. 26. 12-14. <sup>3</sup> Jap. 26. 15-18. <sup>4</sup> Jap. 26. 19-22. <sup>5</sup> Jap. 26. 23-25. <sup>6</sup> Jap. 26. 26-27.

bwini ir, jen bwijin Zebulun, limñoul jiljilimjuõn tausan åbuki.

82 Jen <sup>1</sup>ro nejin Josep, ro nejin Ipreim, ebeben ko air, kin nukir, kin moko imõn ro jimair, ekar ñõn oran etair, jen ridtõn roñoul yiõ im jima, ro otemjej re maroñ in ilen tõrinae; 33 ro emwij bwini ir jen bwijin Ipreim, eñoul tausan limabuki.

34 Jen <sup>2</sup>ro nejin Menassa, ebeben ko air, kin nukir, kin moko imõn ro jimair, ekar ñõn oran etair, jen ridtõn roñoul yiõ im jima, ro otemjej re maroñ in ilen tõrinae; 35 ro emwij bwini ir jen bwijin Menassa, jilñoul ruo tausan rubuki.

36 Jen <sup>3</sup>ro nejin Benjamin, ebeben ko air, kin nukir, kin moko imõn ro jimair, ekar ñõn oran etair, jen ridtõn roñoul yiõ im jima, ro otemjej re maroñ in ilen tõrinae; 37 ro emwij bwini ir, jen bwijin Benjamin, jilñoul lailim tausan åbuki.

38 Jen <sup>4</sup>ro nejin Dan, ebeben ko air, kin nukir, kin moko imõn ro jimair, ekar ñõn oran etair, jen ridtõn roñoul yiõ im jima, ro otemjej re maroñ in ilen tõrinae; 39 ro emwij bwini ir, jen bwijin Dan, jiljinoñoul ruo tausan jiljilimjuõn buki.

40 Jen <sup>5</sup>ro nejin Asher, ebeben ko air, kin nukir, kin moko imõn ro jimair, ekar ñõn oran etair, jen ridtõn roñoul yiõ im jima, ro otemjej re maroñ in ilen tõrinae; 41 ro emwij bwini ir, jen bwijin Asher, eñoul juõn tausan limabuki.

42 Jen <sup>6</sup>ro nejin Naptalai, ebeben ko air, kin nukir, kin moko imõn ro jimair, ekar ñõn oran etair, jen ridtõn roñoul yiõ im jima, ro otemjej re maroñ in ilen tõrinae; 43 ro emwij bwini ir, jen bwijin Naptalai, limñoul jilu tausan åbuki.

44 Rein ro emwij bwini ir, ro Moses im Aron rar bwini, im iroi j ro in Israel, joñoul ruo eman, kaju iair ñõn imõn jemen. 45 Inem ro otemjej emwij bwini ir jen ro nejin Israel, kin moko imõn ro jimair, jen ridtõn roñoul yiõ im jima, ro otemjej re

maroñ in ilen tõrinae ilo Israel; 46 aet ro otemjej emwij bwini ir, jiljino buki jilu tausan limabuki limñoul.

47 A <sup>1</sup>ro dri Livai kin bwijin ro jimair, ar jab bwini ir ibeir. 48 Bwe Jeova e ar konono ñõn Moses, im ba, 49 Bwijin Livai wõt kwon jab bwini, im kwon jab bõk etair iben ro nejin Israel; 50 a kwon likit ro dri Livai ion imõn kabere in kennan, im ion men ko otemjej iloan, im ion aolepen men ko an: ren inek imõn kabere eo, im men ko otemjej iloan; im ren jermal ñõn e, im re naj ber iturin imõn kabere eo. 51 Im ñe imõn kabere eo ej wõnmanlok, ro dri Livai ren jelate; im ñe rej kõnan kajutõk imõn kabere eo, ro dri Livai ren kajure: im armij obwilbata eo ej druaktok, en mij. 52 Im ro nejin Israel ren kajutõk im nuknuk ko air, jabrewõt armij ilo kamp eo an, im jabrewõt armij iturin flag eo an, ekar ñõn jar in tõrinae ko air. 53 A ro dri Livai ren kajur imõn kabere ko air iturin imõn kabere in kennan, bwe en ejelok illu ñõn jar an ro nejin Israel: im ro dri Livai ren lale imõn kabere in kennan eo. 54 Ein drein an ro nejin Israel kõmõn; ekar ñõn men otemjej Jeova e ar jiroñ Moses, ein drein air kõmõne.

2 Im Jeova e ar konono ñõn Moses im Aron, im ba, 2 Ro nejin Israel ren kajur im nuknuk ko air jabrewõt iair, iturin flag eo an, ebak kakõle ko an moko imõn ro jimair; ikijen imõn kwelok ren kajur moko i belakin. 3 Im ro rej kajur im i rear, ñõn tak al, naj ro an flag in kamp eo an Juda, ekar ñõn jar in tõrinae ko air: im iroi j an ro nejin Juda e naj Nashon, nejin Aminadab. 4 Im jar in tõrinae eo an, im ro emwij bwini ir, jiljilimjuõnñoul emen tausan jiljino buki. 5 Im ro rej kajur im ebak ñõn e, bwijin Issakar: im iroi j an ro nejin Issakar e naj Netanel, nejin Zuar. 6 Im jar in tõrinae eo an, im ro emwij bwini ir, limñoul emen tausan åbuki. 7 Kab bwijin Zebulun: im iroi j an ro nejin Zebulun, e naj Ilaiab, nejin Hilon. 8 Im jar in tõrinae eo an, im ro

<sup>1</sup> Jap. 26. 35-37.    <sup>2</sup> Jap. 26. 28-31.    <sup>3</sup> Jap. 26. 38-41.

<sup>4</sup> Jap. 26. 42, 43.    <sup>5</sup> Jap. 26. 44-47.    <sup>6</sup> Jap. 26. 48-50

<sup>1</sup> Jap. 26. 57-64.

emwiy bwini ir, limñoul jiljilimjuõn tausan åbuki. 9 Ro otemjej emwiy bwini ir an kamp in Juda, jibuki drualitõkñoul jiljino tausan åbuki, ekar ñõn jar in tõrinae ko air. Rein re naj wõnmanlok mokta.

10 Irõk, naj flag an kamp eo an Ruben, ekar ñõn jar in tõrinae ko air: im iroijs an ro nejin Ruben, e naj Ilaizur, nejin Shedeur. 11 Im jar in tõrinae eo an, im ro emwiy bwini ir, eñoul jiljino tausan limabuki. 12 Im ro rej kajur im ebak ñõn e, bwijin Simeon: im iroijs an ro nejin Simeon, e naj Shilumiel, nejin Zurishadai. 13 Im jar in tõrinae eo an, im ro emwiy bwini ir, limñoul druatimjuõn tausan jilu buki: 14 kab bwijin Gad: im iroijs an ro nejin Gad, e naj Ilaiesap, nejin Reuel. 15 Im jar in tõrinae eo an, im ro emwiy bwini ir, eñoul lailim tausan jiljino buki limñoul. 16 Ro otemjej emwiy bwini ir an kamp in Ruben, jibuki limñoul juõn tausan åbuki limñoul, ekar ñõn jar in tõrinae ko air. Im re naj wõnmanlok ken ka ruo.

17 Inem imõn kabere eo en wõnmanlok, im kamp an ro nejin Livai iolapin kamp ko: einwõt air ber ilo kamp, ein drein ren wõnmanlok, jabrewõt armij ilo jikin, iben flag ko air.

18 I kabilũñ, naj flag in kamp eo an Ipreim, ekar ñõn jar in tõrinae ko air: im iroijs an ro nejin Ipreim, e naj Elishema, nejin Amihud. 19 Im jar in tõrinae eo an, im ro emwiy bwini ir, eñoul tausan limabuki. 20 Im ebak ñõn e, bwijin Menassa: im iroijs an ro nejin Menassa, e naj Gameliel, nejin Pedazur. 21 Im jar in tõrinae eo an, im ro emwiy bwini ir, jilñoul ruo tausan rubuki. 22 Kab bwijin Benjamin: im iroijs an ro nejin Benjamin, e naj Abidan, nejin Gideonai. 23 Im jar in tõrinae eo an, im ro emwiy bwini ir, jilñoul lailim tausan åbuki. 24 Ro otemjej emwiy bwini ir jen kamp eo an Ipreim, jibuki drualitõk tausan jibuki, ekar ñõn jar in tõrinae ko air. Im re naj wõnmanlok ken ka jilu.

25 Im eañ, naj flag an kamp eo an Dan, ekar ñõn jar in tõrinae ko air: im iroijs an ro nejin Dan, Ahiezar, nejin Amishadai. 26 Im jar in tõrinae eo an, im ro emwiy bwini ir, jiljinoñoul ruo tausan jiljilimjuõn buki. 27 Im ro rej kajur im ebak ñõn e, bwijin Asher: im iroijs an ro nejin Asher, e naj Pegiel, nejin Okran. 28 Im jar in tõrinae eo an, im ro emwiy bwini ir, eñoul juõn tausan limabuki. 29 Kab bwijin Naptalai: im iroijs an ro nejin Naptalai, Ehaira, nejin Inan. 30 Im jar in tõrinae eo an, im ro emwiy bwini ir, limñoul jilu tausan åbuki. 31 Ro otemjej emwiy bwini ir jen kamp eo an Dan, jibuki limñoul jiljilimjuõn tausan jiljino buki. Re naj wõnmanlok eliktata iben flag ko air.

32 Rein ro emwiy bwini ir jen ro nejin Israel kin moko imõn ro jimair: ro otemjej bwini ir jen kamp ko ekar ñõn jar in tõrinae ko air, jiljino buki jilu tausan limabuki limñoul. 33 A re jab bwini ro dri Livai iben ro nejin Israel; einwõt Jeova e ar jiroñ Moses. 34 Ein drein ro nejin Israel rar kõmõn; ekar ñõn men otemjej Jeova e ar jiroñ Moses, ein drein rar kajur im iben flag ko air, im ein drein rar wõnmanlok, jabrewõt iair ekar ñõn nukir, ekar ñõn moko imõn ro jimair.

3 A rein ebeben ko an Aron im Moses, ran eo ke Jeova e ar konono ñõn Moses ion tol Sainai. 2 Im rein etan ro nejin Aron; Nedab manjien, im Ebaihu, Iliezar im Itamar. 3 Rein etan ro nejin Aron, pris ro emwiy kabit ir, ro e ar kokwojarjar ir bwe ren jermal ilo jermal an pris. 4 Im Nedab im Ebaihu rar mij iman Jeova, ke rar katok kin kijeek wan iman Jeova, ilo ene jemaren in Sainai, im ejelok nejir: im Iliezar im Itamar rar jermal ilo jermal an pris iman mejen Aron, jemeir.

5 Im Jeova e ar konono ñõn Moses, im ba, 6 Kwon kadruaktok bwijin Livai, im likit ir iman Aron, pris eo, bwe ren jermal ñõn e. 7 Im ren lalen men ko an, im an aolepen jar eo iman

imōn kwelok eo, bwe ren kōmōn jerb-al an imōn kabēr eo. 8 Im ren kej-bārok men ko otemjej an imōn kwelok, im men ko an ro nejin Israel, bwe ren kōmōn jerb-al an imōn kabēr eo. 9 Im kwon lelok ro dri Livai nōn Aron im nōn lōmaro nejin: emwij lelok ir nōn e kin ro nejin Israel. 10 Im kwon bwini Aron im ro nejin, im ren lale air jerb-al in pris: im obwilbata eo ej druaktok, en mij.

11 Im Jeova e ar konono nōn Moses, im ba, 12 Im Ņa, lo Ņa, I ar bōk ro dri Livai jen ro nejin Israel, bwe ren binej jenkwōn manjir otemjej rej kabalok loji iben ro nejin Israel; im ro dri Livai ren Aō: 13 bwe manji otemjej Aō; ran eo ke I ar mōn manji otemjej ilo enen Ijpt, I ar kokwojarjar nōn Iō manji otemjej ilo Israel, man in kiru, ren Aō: Ņa Jeova.

14 Im Jeova e ar konono nōn Moses ilo ene jemaren in Sainai, im ba, 15 Kwon bwini ro nejin Livai, kin moko imōn ro jimair, im nukir: man rōn otemjej jen ridtōn juōn aliñ im jima, kwo naj bwini. 16 Im Moses e ar bwini ir, ekar nōn nan eo an Jeova, einwōt ar jiroñ e. 17 Im rein ro nejin Livai, kin etair, Gershon, im Kohat, im Mirerai. 18 Im rein etan ro nejin Gershon, kin ro nukir: Libnai im Shimeai. 19 Im ro nejin Kohat kin ro nukir: Amram, Izhar, Hibron im Uzaiel. 20 Im ro nejin Mirerai kin ro nukir: Malai im Mushai. Rein ro nukin dri Livai ekar nōn moko imōn ro jimair.

21 Jen Gershon ro nukin dri Libnai, im ro nukin dri Shimeai: rein ro nukin dri Gershon. 22 Ro emwij bwini ir, ekar nōn oran man rōn otemjej, jen ridtōn juōn aliñ im jima, aet, ro emwij bwini ir, jiljilimjuōn tausan limabuki. 23 Ro nukin dri Gershon ren kajur im elikin imōn kabēr eo i kabilūñ. 24 Im iroiñ an imōn ro jimair an ro dri Gershon, e naj Ilaiesap nejin Lael. 25 Im kwonan ro nejin Gershon ilo imōn kwelok eo, lale imōn kabēr, kab im nukuk eo, im ken kalibubu eo an, im binjen kejem in imōn kwelok, 26 im jelitōk ko an

worwor, im binjen kejem in worwor, eo ej ebake imōn kabēr, im iturin lokatok eo, im to ko an, nōn jerb-al otemjej an.

27 Im jen Kohat, nukin ro dri Amram, im nukin ro dri Izhar, im nukin ro dri Hibron, im nukin ro dri Uzaiel: rein ro nukin ro dri Kohat. 28 Oran man ro otemjej, jen ridtōn juōn aliñ im jima, drualitōk tausan jiljino buki, ro rej kejbārok im lale imōn kwojarjar eo. 29 Ro nukin jen ro nejin Kohat, ren kajur im iturin imōn kabēr irōk. 30 Im iroiñ in imōn jimair an nukin ro dri Kohat, e naj Elizapan, nejin Uzaiel. 31 Kwonair lale dipdip eo, im tebel, im jikin lamp, im lokatok ko, im jābi ko in imōn kwojarjar rej jerb-al kake, im binjen, im aqlepen jerb-al ko an. 32 Im Iliezar nejin Aron, pris eo, en iroiñ ion iroiñ rōn an ro dri Livai, im en lale ro rej kejbārok im lale imōn kwojarjar eo.

33 Jen Mirerai nukin ro dri Malai, im nukin ro dri Mushai: rein ro nukin Mirerai. 34 Im ro emwij bwini ir, oran man rōn otemjej, jen ridtōn juōn aliñ im jima, jiljino tausan rubuki. 35 Im iroiñ an imōn ro jimair jen ro nukin Mirerai, Zuriel, nejin Abiheil: re naj kajur im iturin imōn kabēr eañ. 36 Im emwij likit nōn ro nejin Mirerai bwe ren lale rā ko an imōn kabēr, im alal ko an, im jur ko an, im batilemen ko an, im ken jerb-al otemjej an, im aolepen jerb-al eo an, 37 im jur ko an worwor ej kabole, im batilemeir, im drumij ko air, im to ko air.

38 Im ro rej kajur im iman imōn kabēr eo i rear, iman imōn kwelok nōn tak al, Moses, im Aron im ro nejin, ro rej kejbārok im lale imōn kwojarjar eo, kin ro nejin Israel, im drua maijet eo ej kebaklok, en mij. 39 Ro otemjej emwij bwini ir jen ro dri Livai, ro Moses im Aron rar bwini ir kin kien Jeova, ro nukir, man rōn otemjej jen ridtōn juōn aliñ im jima, roñoul ruo tausan.

40 Im Jeova e ar ba nōn Moses, Kwon bwini man rōn, manji otemjeian ro nejin Israel, jen ridtōn juōn

aliñ im jima, im bök oran etair. **41** Im kwo naj bök ro dri Livai ñon Iö, (Ña Jeova), dri binej jenkwön manji rön ian ro nejin Israel; im kiru ko an ro dri Livai ren binej jenkwön manji ko ian kiru ko an ro nejin Israel. **42** Im Moses e ar bwini, einwöt Jeova e ar jiroñ e, manji otemej an ro nejin Israel. **43** Im manji otemej, man ro, oran etair, jen ridtön juön aliñ im jima, ian ro emwij bwini ir, roñoul ruo tausan rubuki jiljilimjuönñoul jilu.

**44** Im Jeova e ar konono ñon Moses, im ba, **45** Kwon bök ro dri Livai, dri binej jenkwön manji rön an ro nejin Israel, im kiru ko an ro dri Livai bwe ren binej jenkwön kiru ko air; im ro dri Livai re naj Aö: Ña Jeova. **46** Im kin bar wiaik rubuki jiljilimjuönñoul jilu ian manji ro ian ro nejin Israel, bwe en oran ro dri Livai, **47** kwan bök lailim shekel jen jabrewöt iair, kin börair; ekar ñon shekel in imön kwojarjar, kwo naj böki, (juön shekel roñoul gira): **48** im kwon lelok mönni eo, emwij bar wiaik kake bweir, ñon Aron im lömaro nejin. **49** Im Moses e ar bök mönni in bar wia, jen ro rar orlok jen ro emwij wiaik ir kin ro dri Livai; **50** jen manji rön ian ro nejin Israel, e ar bök mönni eo, juön tausan jilu buki jiljinoñoul lailim shekel, ekar ñon shekel in imön kwojarjar: **51** im Moses e ar lelok mönni in bar wiaik, ñon Aron im lömaro nejin, ekar ñon nan an Jeova, einwöt Jeova e ar jiroñ Moses.

**4** Im Jeova e ar konono ñon Moses im Aron, im ba, **2** Kominro bök oran ro nejin Kohat jen ro nejin Livai, kin ro nukir, kin moko imön ro jimair, **3** jen ridtön jilñoul yiö im jima, aet ñon ridtön limñoul yiö, ro otemej rej jino korijer im kómön jermal eo ilo imön kwelok. **4** Eñin jermal an ro nejin Kohat ilo imön kwelok, kin men ko re kwojarjar wöt: **5** ñe kamp eo ej wönmanlok, Aron en dreloñ, kab lömaro nejin, im ren drorlok rönel in binjen, im kalibubu dipdip in kalimur kake, **6** im en likit ion ken kalibubu, kilin raj, im en erlok-

we ion, nuknuk e blu wöt, im naj töli ine ko an. **7** Im ion tebel in bred in kalikar, ren erlokwe nuknuk blu, im likit ion jäbi ko, im jibun ko, im bol ko, im köp ko in lutöklok kake; im bred eo e jab joko en ber ion: **8** im ren erlokwe ion juön nuknuk kilmir, im kalibubu men in kin ken kalibubu, kilin raj, im naj töli ine ko an. **9** Im ren bök juön nuknuk blu, im kalibubu jikin lamp in maram, im lamp ko an, im ken joken melle ko an, im nien melkwarar ko an, im jäbi ko in oil otemej rej korijer ñon e kake: **10** im ren likite iben jäbi otemej an, iloan ken kirboke, kilin raj, im ren likite ion juön ine. **11** Im ren erlokwe nuknuk blu ion lokatok gold eo, im kalibubu e kin ken kalibubu kilin raj, im ren töli ine ko an: **12** im ren bök jäbi otemej in korijer, rej jermal kake iloan imön kwojarjar, im naj likiti iloan nuknuk blu, im kalibubu e kin ken kalibubu kilin raj, im ren likiti ion ine ko. **13** Im ren jolok brij in ubaj jen lokatok eo, im erlokwe nuknuk eoij ion: **14** im ren likit ion, jäbi otemej an, rej jermal kake iturin, jäbi in kijeek eo; im ren erlokwe ioir, ken kalibubu kilin raj, im töli ine ko an. **15** Im ñe emwij an Aron im ro nejin kalibubu imön kwojarjar, im men ko otemej an imön kwojarjar eo, ñe e pojök in wönmanlok kamp eo; tokelik, ro nejin Kohat ren iten ineki: a ren jab uñiri men ko re kwojarjar, ñe rab mij. Men kein kwonan ro nejin Kohat ilo imön kwelok eo. **16** Im kwonan Iliezar nejin Aron, pris eo, oil in maram, im kaijurjur eñöj, im jurtak flauo eo e jab joko, im oil in kabit, en lali aolepen imön kaber eo, im men ko otemej iloan, imön kwojarjar im men ko an.

**17** Im Jeova e ar konono ñon Moses im ñon Aron, im ba, **18** Kominro jab bukwelok bwijin ro nukin ro dri Kohat, jen iben ro dri Livai; **19** a ein drein komin kómön ñon ir, bwe ren mour, im jab mij, ñe rej kebaklok ñon men ko re kwojarjar wöt: Aron im lömaro nejin ren dreloñ, im lelok ñon jabrewöt iair jermal eo an, im ine

eo an; 20 a ren jab dreloñ in aluij imõn kwojarjar, meñe jirik wõt ien, ñe rab mij.

21 Im Jeova e ar konono ñõn Moses, im ba, 22 Kwon bõk oran man ro nejin Gershon bareinwõt, kin moko imõn ro jimair, kin ro nukir; 23 jen ridtõn jilñoul yiõ im jima, ñõn ridtõn limñoul yiõ, kwon bwini ir; ro otemjej rej dreloñ in korijer, bwe ren kõmõn jermal eo iloan imõn kwelok. 24 Eñin jermal an ro nukir ian ro dri Gershon, kin korijer im inene: 25 ren inek binjen ko an imõn kabere, im imõn kwelok eo, ken kalibubu eo an, im men in kalibubu, kilin raj, ion, im binjen kejem in imõn kwelok, 26 im jelitõk ko an worwor eo, im binjen aor im kejem an worwor eo ej ber iturin imõn kabere im lokatok, im to ko air, im ken jermal in korijer ko air, im jabrewõt rej jermal kaki: ilo men in ren korijer. 27 Ekar ñõn nan in kaiñi an Aron im lõmaro nejin, e naj aolepen jermal an lõmaro nejin dri Gershon, ilo aolepen air inene, im ilo aolepen air korijer, im kom naj likit ñõn ir aolepen men ko kwonair. 28 Ein drein jermal an ro nukin lõmaro nejin Gershon iloan imõn kwelok: im air korijer e naj iomin pein Itamar, nejin Aron, pris eo.

29 Kin ro nejin Mirerai, kwon bwini ir kin ro nukir, kin moko imõn ro jimair; 30 jen ridtõn jilñoul yiõ im jima, aet ñõn limñoul yiõ, kwo naj bwini ir, jabrewõt eo ej jino an korijer, bwe en kõmõn jermal an imõn kwelok eo. 31 Im ein drein jermal eo kwonair, ekar ñõn aolepen air korijer iloan imõn kwelok: rä ko an imõn kabere, im alal ko an, im jur ko an, im batilemen ko an, 32 im jur ko an worwor iturin, im batilemeir, im drumij ko air, im to ko air iben ken jermal ko air otemjej, im men in korijer ko air otemjej: im kin etair komin bwini ken jermal ko in korijer ilo ine ko air. 33 Eñin korijer an ro nukin lõmaro nejin dri Mirerai, ekar ñõn aolepen air korijer, iloan imõn kwelok, iomin pein Itamar nejin Aron, pris eo.

34 Im Moses im Aron im iroi ro an jar eo, ro rar bwini ro nejin Kohat kin ro nukir, im kin moko imõn ro jimair, 35 jen ridtõn jilñoul yiõ im jima, ñõn ridtõn limñoul yiõ, jabrewõt eo ej jino in korijer ñõn jermal, iloan imõn kwelok eo: 36 im ro emwij bwini ir kin ro nukir, ruo tausand jiljilimjuõn buki limñoul. 37 Rein ro emwij bwini ir jen ro nukir an ro dri Kohat, ro otemjej rar korijer iloan imõn kwelok, ro Moses im Aron rar bwini ir ekar ñõn nan in jiroñ an Jeova, kin Moses.

38 Im ro emwij bwini ir ian lõmaro nejin Gershon, kin ro nukir im kin moko imõn ro jimair, 39 jen ridtõn jilñoul yiõ im jima ñõn ridtõn limñoul yiõ, jabrewõt eo e ar jino in korijer, ñõn jermal iloan imõn kwelok, 40 ro emwij bwini ir, kin ro nukir, kin moko imõn ro jimair, ruo tausand jiljino buki jilñoul. 41 Rein ro emwij bwini ir ian ro nukir, man ro nejin Gershon, ro otemjej rar korijer iloan imõn kwelok, ro Moses im Aron rar bwini ir ekar ñõn nan in jiroñ an Jeova.

42 Im ro emwij bwini ir ian lõmaro nejin Mirerai, kin ro nukir, kin moko imõn ro jimair, 43 jen ridtõn jilñoul yiõ im jima, aet ñõn ridtõn limñoul yiõ, jabrewõt eo ej jino in korijer in jermal, iloan imõn kwelok eo, 44 ro emwij bwini ir kin ro nukir, jilu tausand rubuki. 45 Rein ro emwij bwini ir ian ro nukin lõmaro nejin Mirerai, ro Moses im Aron rar bwini ir, ekar ñõn nan in jiroñ an Jeova, kin Moses.

46 Ro otemjej emwij bwini ir ian ro dri Livai, ro Moses im Aron im iroi ro in Israel rar bwini ir, kin ro nukir, im kin moko imõn ro jimair, 47 jen ridtõn jilñoul yiõ im jima, aet ñõn ridtõn limñoul yiõ, jabrewõt eo e ar dreloñ in kõmõn jermal in korijer, im jermal in inene iloan imõn kwelok eo, 48 ro emwij bwini ir iair, dualitõk tausand limabuki dualitõkñoul. 49 Ekar ñõn nan in jiroñ an Jeova, Moses e ar bwini ir, jabrewõt eo ekar ñõn an korijer, im ekar ñõn inek eo an: ein drein emwij an bwini ir, einwõt Jeova e ar jiroñ Moses.

**5** Im Jeova e ar konono ñon Moses, im ba, **2** Kwon jiroñ ro nejin Israel bwe ren kadriojlok jen kampeo, dri leper otemjej, im ro otemjej eor torlok ibeir, im jabrewõt eo e jab erreo kin juõn dri mij: **3** man im kõra, komin kadriojlok ir jen kamp eo, bwe ren jab katton kamp eo air, ijo Ij jokwe. **4** Im ro nejin Israel rar kõmõn einwõt, im kadriojlok ir ilikin kamp eo; einwõt Jeova e ar ba ñon Moses, ein drein ro nejin Israel rar kõmõne.

**5** Im Jeova e ar konono ñon Moses, im ba, **6** Kwon ba ñon ro nejin Israel, Ne juõn eman ak kõra ej kõmõn jabrewõt jerawiwi armij rej bwir kake, im kõmõn jerawiwi nae Jeova, im eor ruõn armij eo; **7** inem en kwalok jerawiwi eo e ar kõmõne: im en kõrraik wõt kin ruõn, im kobaik ñon e, jab lõmõtõn lailim, im lelok ñon eo eor ruõn iben. **8** A elañe ejelok nukin armij eo, e maroñ in kõrra ñon e kin bwir eo an, men in kõrra eo kin ruõn, rej kõmõn ñon Jeova, en an pris eo; bareinwõt jip koman in kilajrök, ren kilajrök kake kin e. **9** Im jabrewõt jurtak in jebõke, ian men ko re kwojarjar otemjej an ro nejin Israel, rej lelok ñon pris eo, ren an. **10** Im men ko otemjej emwij aje an juõn armij, re naj an: men eo jabrewõt armij ej lelok ñon pris eo, e naj an.

**11** Im Jeova e ar konono ñon Moses, im ba, **12** Kwon konono ñon ro nejin Israel, im ba ñon ir, Elañe lio belen juõn eman ej jeõr im bwir nae, **13** im juõn eman ej babu iben ilo lüñ, im etino jen mejen leo belen, im re kanuij noje, im emwij kananaik lio, im ejelok dri kennan nae e, im re jab lo an kõmõn nana; **14** im elañe jítõb in kamo ej itok ñon leo, im ej kamoik lio belen, ke emwij kananaik e: ak elañe jítõb in kamo ej itok ñon leo, im ej kamoik lio belen, im ar jab kananaik e: **15** inem leo en añinlok lio belen ñon iben pris eo, im en bõktok an jurtak kin lio, juõn mõtõn joñoul epa flauo in barli; en jab lutök oil ion, im en jab likit kaijurjur ion; bwe jurtak in flauo kin kamo, men in ka-

tok flauo in kemem, ej kakememej bwir.

**16** Im pris eo en kadruaktok lio, im likit e iman Jeova. **17** Im pris eo en bõk dren e kwojarjar ilo juõn jäbi brij; im jen bõñõlñõl ilõl ilo imõn kabber, en bõk im likite iloan dren eo. **18** Im pris eo en likit kõra eo iman Jeova, im en jelate kolan bõran kõra eo, im likit jurtak flauo eo ilo pein, eo jurtak flauo kin kamo: im dren emeo ej menukol en ber ilo pein pris. **19** Im pris eo en kõmõn bwe lio en kanõjni, im e naj ba ñon kõra eo, Elañe ejelok armij e ar babu ibõm, im kwar jab jeõr ñon etton, ke kwoj ber iben leo beleõm, inem kwon anemkwojam jen dren emeo in, eo ej kõmõn binnikol. **20** A elañe kwar jeõr, ke kwar ber iben leo beleõm, im elañe kwoj etton, im juõn eman, e jab ilo beleõm, e ar babu ibõm: **21** inem pris en kõmõn bwe kõra eo en kanõjni kin kanõjni in kol, im pris eo en ba ñon lio, Jeova en kõmõn yuk binnikol, im men in kanõjni iben dri ailiñ ro am, ñe Jeova ej kõmõn bwe unin neõm en mõlok, im lojeõm en bõj wõt; **22** im dren in ej kõmõn binnikol e naj dreloñ iloan lojeõm, im kõmõn bwe lojeõm en bõj im unin neõm en mõlok. Im kõra eo en ba, Amen, Amen.

**23** Im pris eo en jeje kol kein ilo juõn buk, im en jeorloki ñon ilo dren eo emeo: **24** im en kairak kõra eo dren in emeo, eo ej kõmõn kol; im dren eo ej kõmõn binnikol e naj dreloñ iloan im emeo. **25** Im pris eo en bõk jurtak flauo in kamo jen pein kõra eo, im e naj kabelbel jurtak flauo eo iman Jeova, im bõktok e ñon lokatok eo: **26** im pris eo en roklip juõn alen jen jurtak flauo eo, einwõt men in kememej kake, im naj tile ion lokatok eo, im tokelik e naj kairak kõra eo kin dren eo. **27** Im ke emwij kairak lio kin dren eo, inem e naj ein drein, elañe ej etton, im e ar kõmõn bwir nae leo belen, dren eo ej kõmõn binnikol e naj dreloñ iloan im meo, im lojen e naj bõj, im unin neen e naj mõlok: im kõra eo e naj binnikol iben



dri ailiñ eo an. 28 Im elañe kōra eo e jab etton, a ej erre; inem e naj anemkwojan im e naj etta.

29 Eñin kien kin kamo, ñe juōn kōra, eo ej ber iben leo belen, ej jeōr im etton; 30 a ñe jitōb in kamo ej dreloñ iloan eman, im ej kamoik lio belen, inem e naj likit lio iman Jeova, im pris eo en kōmōn ion, aolepen kien in. 31 Im man eo e naj anemkwojan jen bwir, im kōra eo e naj inek bwir eo an.

6 Im Jeova e ar konono ñōn Moses, im ba, 2 Kwon konono ñōn ro nejin Israel, im ba ñōn ir, Ñe juōn eman ak kōra ej kōmōn an muri, muri in <sup>1</sup>Nazirait, im kejenolok e ñōn Jeova, 3 en kejenolok e jen wain im dren in karek; en irak ejelok dren emūñ in wain, ak dren emūñ in dren in karek, im en jab irak dren in grep ko, ak mōña grep, ko remorur ak remōra. 4 Iomin ran ko otemjej in kejenolok e, en jab mōña iök kōmōne jen vain in grep, ñōn jirik.

5 Aolepen ran ko ien kejenolok e, <sup>2</sup>ejelok ken eāl en itok ion bōran: mae ien e jejit ran ko, ran ko ej mōke kejenolok e ñōn Jeova, en kwojarjar; en likit kolan bōran bwe en aitoklok.

6 Ilo aolepen ran ko ien mōke kejenolok e ñōn Jeova, en jab druaklok ñōn ubōn juōn dri mij. 7 En jab etton kin jemen ak jinen, ak kin jein im jätin, ñe re mij; bwe an mōke kejenolok e ej ion bōran. 8 Iomin ran ko otemjej ran in kejenolok e, ej kwojarjar ñōn Jeova.

9 Im elañe jabrewōt armij e mij mökōj iturin, im ej katton bōran, men in kejenolok e; inem en eāl bōran, ilo ran in karreoik e, ran eo ken ka jiljilimjuōn e naj eāle. 10 Im ilo ran eo ken ka drualitōk, en böktok ruo tōrtel döb, ak ruo muli emwōn drer, ñōn pris, ñōn aor in imōn kwelok: 11 im pris eo en katok kin juōn iair, men in katok kin bwir, im eo juōn men in katok kijeek, im kōmōn kilajrök ñōn e, kin ke e ar bwir kin eo dri mij, im naj kokwojarjar bōran ran eo wōt.

12 Im en kijbil ñōn Jeova, ran ko ran in kejenolok e, im en böktok juōn lam koman ridtōn juōn yiō, men in katok kin ruōn; a ran ko mokta re naj ran bata, bwe e ar katton an mōke kejenolok e.

13 Im eñin kien an dri Nazirait, ke euñ ran ko an kejenolok e: naj āñinlok e ñōn aor in imōn kwelok eo: 14 im en lelok ñōn Jeova jurtak eo an, juōn lam koman ridtōn juōn yiō im e wāppen, men in katok kijeek, im juōn lam kokōra ridtōn juōn yiō im e wāppen, men in katok kin jerawiwi, im juōn jip koman e wāppen, men in katok kin ainemōn, 15 im juōn iep in bred e jab uwe, kek ko jen flauo kwerik käreiki kin oil, im kek ko re meni re jab uwe, im kabiti kin oil, im air jurtak flauo ko, im air jurtak irak ko. 16 Im pris eo en kwaloki iman Jeova, im en katok kin an men in katok kin jerawiwi im men in katok kijeek: 17 im en lelok jip koman in katok ainemōn ñōn Jeova, kab iep in bred e jab uwe; pris en bareinwōt katok kin jurtak flauo eo an, im jurtak in irak eo an. 18 Im dri Nazirait eo en eāl bōran, men in kejenolok e, i aor in imōn kwelok eo, im en bök kolan bōran, men in kejenolok e, im likite ion kijeek eo ej iomin men in katok in ainemōn. 19 Im pris eo en bök aieran jip koman eo, emwij kōmāte ilo dren, im juōn kek e jab uwe jen iep eo, im juōn kek e meni e jab uwe, im naj likiti ilo pein dri Nazirait, elikin an eāl bōran, men in kejenolok e; 20 im pris eo e naj kabelbel men in katok belbel iman Jeova; eñin e kwojarjar im ñōn pris eo, iben ubōn belbel im unjen ne men in jebōke: inem elikin men in, emelim an dri Nazirait irak wain.

21 Eñin kien dri Nazirait eo ej kanōjni, im kien jurtak eo an ñōn Jeova, kin an mōke kejenolok e, kab men eo e maroñ in böke, einwōt muri eo e ar muri kake, ein drein en kōmōn ekar ñōn kien mōke kejenolok e.

22 Im Jeova e ar konono ñōn Moses, im ba, 23 Kwon konono ñōn Aron, im ñōn lōmaro nejin, im ba, Ein

<sup>1</sup> Eka]. 13. 6. <sup>2</sup> 1 Sam. 1. 11.

[Marshall Islands.] 5\*

drein komin jare ro nejin Israel: komin ba nōn ir, 24 Jeova en kejeram-mōn yuk, im kejbārok yuk: 25 Jeova en kōmōn bwe turin mejen en romak iom, im En joi j nōn yuk: 26 Jeova en bōk mejen iom, im lewoj ainemōn nōn yuk. 27 Ein drein ren<sup>1</sup> likit eta ion ro nejin Israel; im I naj kejeram-mōn ir.

7 Im ilo<sup>2</sup> ran eo ke Moses e ar kam-wijlok an kajutōk imōn kabere eo, im e ar kabite im kokwojarjare, im men ko otemjej an, im lokatok kab jābi otemjej an, im e ar kabiti im kokwojarjari; 2 inem iroi j ro in Israel, jiōb ro an moko imōn ro jimair, rar lelok jurtak ko air. Rein iroi j ro an bwij ko, rein ro rar ion ro emwij bwini ir: 3 im rar bōktok jurtak eo air iman Jeova, jiljino wāgōn eor ken kalibubui, im joñoul ruo ox; juōn wāgōn jen ruo iroi j, im jen kaju iair juōn ox: im rar lilok iman aor in imōn kabere eo. 4 Im Jeova e ar kono no nōn Moses, im ba, 5 Kwon bōki jen ir, bwe ren men in korijer nōn imōn kwelok eo; im kwo najlilok nōn ro dri Livai, nōn kaju iair ekar nōn jermal in korijer eo an. 6 Im Moses e ar bōk wāgōn ko im ox ko, im lilok nōn ro dri Livai. 7 E ar lilok ruo wāgōn im emen ox nōn lōmaro nejin Gershon, ekar nōn air jermal in korijer: 8 im emen wāgōn im drualitōk ox e ar lilok nōn lōmaro nejin Mire-rai, ekar nōn air jermal in korijer, iomin pein Itamar, nejin Aron, pris eo. 9 A nōn lōmaro nejin Kohat e ar lelok ejelok, bwe air jermal in korijer nōn imōn kwojarjar eo; rar ineke. 10 Im iroi j ro rar lelok jurtak in lelok kin lokatok eo, ilo ran eo ke rar kabite, aet iroi j ro rar lelok jurtak eo air iman lokatok eo. 11 Im Jeova e ar ba nōn Moses, Ren lelok air jurtak, jabrewōt iroi j ilo ran eo an, kin lelok lokatok eo.

12 Im eo e ar lelok jurtak eo an ran eo mokta, Nashon, nejin Aminadab, jen bwijin Juda: 13 im jurtak eo an, juōn jābi silver elap, erron jibuki jilñoul shekel, juōn jābi silver

jiljilimjuōnñoul shekel, ekar nōn shekel in imōn kwojarjar; irko relōn kin flauo kwerik, kāreike kin oil, nōn jurtak flauo; 14 juōn jibun gold, joñoul shekel, elōn kin kaijurjur; 15 juōn kau koman emōn ridtōn, juōn jip koman, juōn lam koman ridtōn juōn yiō, nōn men in katok kijeek; 16 juōn got koman, nōn men in katok kin jerawiwi; 17 im nōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Nashon nejin Aminadab.

18 Ran eoken ka ruo, Netanel, nejin Zuar, iroi j in Issakar, e ar lelok jurtak eo an: 19 e ar lelok juōn jābi silver elap, erron jibuki jilñoul shekel, juōn jābi silver jiljilimjuōnñoul shekel, ekar nōn shekel in imōn kwojarjar; irko relōn kin flauo kwerik, kāreiki kin oil, nōn jurtak flauo; 20 juōn jibun gold, joñoul shekel, elōn kin kaijurjur; 21 juōn kau koman emōn ridtōn, juōn jip koman, juōn lam koman ridtōn juōn yiō, nōn men in katok kijeek; 22 juōn got koman, nōn men in katok kin jerawiwi; 23 im nōn men in katok kin ainemōn, ruo ox, lailim jip koman, lailim got koman, lailim lam koman ridtōn juōn yiō: eñin jurtak eo an Netanel nejin Zuar.

24 Ran eo ken ka jilu, Ilaiah, nejin Hilon, iroi j an ro nejin Zebulun: 25 jurtak eo an juōn jābi silver elap, erron jibuki jilñoul shekel, juōn jābi silver jiljilimjuōnñoul shekel, ekar nōn shekel in imōn kwojarjar; irko relōn kin flauo kwerik, kāreike kin oil, nōn jurtak flauo; 26 juōn jibun gold, joñoul shekel, elōn kin kaijurjur; 27 juōn kau koman emōn ridtōn, juōn jip koman, juōn lam koman ridtōn juōn yiō, nōn men in katok kijeek; 28 juōn got koman, nōn men in katok kin jerawiwi; 29 im nōn men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Ilaiah nejin Hilon.

30 Im ran eo ken kemen, Ilaizur,

<sup>1</sup> 2 Sam. 7. 22. <sup>2</sup> Ex. 40. 17.

nejin Shedeur, iroiĵ an ro neĵin Ruben: 31 jurtak eo an, juĉn ĵabi silver elap, erron jibuki ĵilnoul shekel, juĉn ĵabi silver ĵilĵilimjuĉnĉnoul shekel, ekar nĉn shekel in imĉn kwoĵarĵar; irkorelĉn kin flauo kwerik, kĉreike kin oil, nĉn jurtak flauo; 32 juĉn ĵibun gold, joĉnoul shekel, elĉn kin kaiĵurĵur; 33 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, nĉn men in katok kijeek; 34 juĉn got koman, nĉn men in katok kin jerawiwi; 35 im nĉn men in katok kin ainemĉn, ruo ox, lailim ĵip koman, lailim got koman, lailim lam koman ridtĉn juĉn yiĉ: eĉin jurtak eo an Ilaizur neĵin Shedeur.

36 Ran eo ken ka lailim, Shilumiel, neĵin Zurishadai, iroiĵ an ro neĵin Simeon: 37 jurtak eo an, juĉn ĵabi silver elap, erron jibuki ĵilnoul shekel, juĉn ĵabi silver ĵilĵilimjuĉnĉnoul shekel, ekar nĉn shekel in imĉn kwoĵarĵar, irko relĉn kin flauo kwerik, kĉreike kin oil, nĉn jurtak flauo; 38 juĉn ĵibun gold, elĉn kin kaiĵurĵur; 39 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, nĉn men in katok kijeek; 40 juĉn got koman, men in katok kin jerawiwi; 41 im nĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Shilumiel neĵin Zurishadai.

42 Ran eo ken ka ĵiljino, Ilaiesap, neĵin Deuel, iroiĵ an ro neĵin Gad: 43 jurtak eo an, juĉn ĵabi silver elap, erron jibuki ĵilnoul shekel, juĉn ĵabi silver, ĵilĵilimjuĉnĉnoul shekel, ekar nĉn shekel in imĉn kwoĵarĵar; irko relĉn kin flauo kwerik, kĉreike kin oil, nĉn jurtak flauo; 44 juĉn ĵibun gold, joĉnoul shekel, elĉn kin kaiĵurĵur; 45 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, nĉn men in katok kijeek; 46 juĉn got koman, nĉn men in katok kin jerawiwi; 47 im nĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Ilaiesap neĵin Deuel.

48 Ran eo ken ka ĵilĵilimjuĉn, Elishema, neĵin Amihud, iroiĵ an ro neĵin Ipreim: 49 jurtak eo an juĉn ĵabi silver elap, erron jibuki ĵilnoul shekel, juĉn ĵabi silver ĵilĵilimjuĉnĉnoul shekel, ekar nĉn shekel in imĉn kwoĵarĵar; irko relĉn kin flauo kwerik, kĉreike kin oil, nĉn jurtak flauo; 50 juĉn ĵibun gold, joĉnoul shekel, elĉn kin kaiĵurĵur; 51 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, nĉn men in katok kijeek; 52 juĉn got koman, nĉn men in katok kin jerawiwi; 53 im nĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Elishema neĵin Amihud.

54 Ran eo ken ka drualitĉk, Game-liel neĵin Pedazur, iroiĵ an ro neĵin Menassa: 55 jurtak eo an, juĉn ĵabi silver elap, erron jibuki ĵilnoul shekel, juĉn ĵabi silver ĵilĵilimjuĉnĉnoul shekel, ekar nĉn shekel in imĉn kwoĵarĵar; irko relĉn kin flauo kwerik, kĉreike kin oil, nĉn jurtak flauo; 56 juĉn ĵibun gold, joĉnoul shekel, elĉn kin kaiĵurĵur; 57 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, nĉn men in katok kijeek; 58 juĉn got koman, nĉn men in katok kin jerawiwi; 59 im nĉn men in katok kin ainemĉn, ruo ox, lailim ĵip koman, lailim got koman, lailim lam koman ridtair juĉn yiĉ: eĉin jurtak eo an Gameliel neĵin Pedazur.

60 Ran eo ken ka druatimjuĉn Abidan, neĵin Gideonai, iroiĵ an ro neĵin Benjamin: 61 jurtak eo an, juĉn ĵabi silver elap, erron jibuki ĵilnoul shekel, juĉn ĵabi silver, ĵilĵilimjuĉnĉnoul shekel silver, ekar nĉn shekel in imĉn kwoĵarĵar; irko relĉn kin flauo kwerik, kĉreike kin oil, nĉn jurtak flauo; 62 juĉn ĵibun gold, joĉnoul shekel, elĉn kin kaiĵurĵur; 63 juĉn kau koman emĉn ridtĉn, juĉn ĵip koman, juĉn lam koman ridtĉn juĉn yiĉ, nĉn men in katok kijeek; 64 juĉn got koman, nĉn men in katok kin jerawiwi; 65 im nĉn men in katok kin ainemĉn,

ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Abidan nejin Gideonai.

66 Ran eo ken ka joñoul, Ahiezar, nejin Amishadai, iroiĵ an ro nejin Dan: 67 jurtak eo an, juōn jābi silver elap, erron jibuki jilñoul shekel, juōn jābi silver, jiljilimjuōnñoul shekel, ekar ñon shekel in imōn kwojarjar; irko relōñ kin flauo kwerik, kāreike kin oil, ñon jurtak flauo; 68 juōn jibun gold, joñoul shekel, elōñ kin kaijurjur; 69 juōn kau koman emōn ridtōn, juōn jip koman, juōn lam koman ridtōn juōn yiō, ñon men in katok kijeek; 70 juōn got koman, ñon men in katok kin jerawiwi; 71 im ñon men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Ahiezar nejin Amishadai.

72 Im ran eo ken ka joñoul juōn, Pegiel, nejin Okran, iroiĵ an ro nejin Issakar: 73 jurtak eo an, juōn jābi silver elap, erron jibuki jilñoul shekel, juōn jābi silver, jiljilimjuōnñoul shekel, ekar ñon shekel in imōn kwojarjar; irko relōñ kin flauo kwerik, kāreike kin oil, ñon jurtak flauo; 74 juōn jibun gold, joñoul shekel, elōñ kin kaijurjur; 75 juōn kau koman emōn ridtōn, juōn jip koman, juōn lam koman ridtōn juōn yiō, ñon men in katok kijeek; 76 juōn got koman, ñon men in katok kin jerawiwi; 77 im ñon men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Pegiel nejin Okran.

78 Ran eo ken ka joñoul ruo, Ehaira, nejin Inan, iroiĵ an ro nejin Naptalai: 79 jurtak eo an, juōn jābi silver elap, erron jibuki jilñoul shekel, juōn jābi silver, jiljilimjuōnñoul shekel, ekar ñon shekel in imōn kwojarjar; irko relōñ kin flauo kwerik, kāreike kin oil, ñon jurtak flauo; 80 juōn jibun gold, joñoul shekel, elōñ kin kaijurjur; 81 juōn kau koman emōn ridtōn, juōn jip koman, juōn lam koman ridtōn juōn yiō, ñon men

in katok kijeek; 82 juōn got koman, ñon men in katok kin jerawiwi; 83 im ñon men in katok kin ainemōn, ruo ox, lailim jip koman, lailim got koman, lailim lam koman ridtair juōn yiō: eñin jurtak eo an Ehaira nejin Inan.

84 Eñin men in lelok an lokatok eo, ilo ran eo ke rar kabite, jen iroiĵ ro in Israel: joñoul ruo jābi silver relap, joñoul ruo jābi silver, joñoul ruo jibun gold; 85 jabrewōt jābi silver elap, erron jibuki jilñoul shekel, im jabrewōt jābi rōt eo juōn, jiljilimjuōnñoul; aolepen silver an jābi otemej, ruo tausān ābuki shekel, ekar ñon shekel in imōn kwojarjar; 86 jibun gold ko, joñoul ruo, relōñ kin kaijurjur, erron jabrewōt iair joñoul shekel, ekar ñon shekel in imōn kwojarjar; aolepen gold an jibun ko, jibuki roñoul shekel; 87 aolepen kau koman ñon men in katok kijeek, joñoul ruo kau koman, jip koman ko joñoul ruo, lam koman ridtair juōn yiō, joñoul ruo, kab air jurtak flauo; im got koman ko men in katok kin jerawiwi, joñoul ruo; 88 im aolepen ox ko men in katok kin ainemōn, roñoul emen kau koman, jip koman jiljinoñoul, got koman jiljinoñoul, lam koman ridtair juōn yiō jiljinoñoul. Eñin men in lelok an lokatok eo, elikin air kabite.

89 Im ke Moses e ar dreloñ ilon in imōn kwelok bwe en konono iben, inem e ar roñ Ainiken eo ej konono ñon e jen iloñin jikin tiriamo e ar ber ion dipdip in kalimur, jen ikōtan kerub ko ruo: im E ar konono ñon e.

8 Im Jeova e ar konono ñon Moses, im ba, 2 Kwon konono ñon Aron, im ba ñon e, Ñe kwoj tili lamp ko, lamp ko jiljilimjuōn ren romak iman jikin lamp eo. 3 Im Aron e ar kōmōn ein drein; e ar tili lamp ko, bwe ren romak iman jikin lamp eo, einwōt Jeova e ar jiroñ Moses. 4 Im eñin kōmōn an jikin lamp eo, gold emwij nowe; ñon loñtōn, im ñon inōk ko an, emwij nowe: ekar ñon joñok eo Jeova e ar kwalok ñon Moses, ein drein e ar kōmōn jikin lamp eo.

5 Im Jeova e ar konono ñon Moses, im ba, 6 Kwon bök ro dri Livai jen iben ro nejin Israel, im karreoik ir. 7 Im ein drein am naj kômön ñon ir, bwe kwon karreoik ir : kwon kabötütktök ioir dren in kilajrök, im ren eäl kin ken eäl aolepen enbwiniir, im ren kwoli nuknuk ko air, im möke karreoik ir. 8 Inem ren bök juön kau koman emön ridtön, im jurtak flauo eo an, flauo kwerek, käreike kin oil ; im kwon bök bar juön kau koman emön ridtön, men in katok kin jerawiwi. 9 Im kwon kwalok ro dri Livai iman imön kwelok eo: im kwon kokweloktok aolepen jar an ro nejin Israel: 10 im kwon kwalok ro dri Livai iman Jeova. Im ro nejin Israel, ren likit peir ion ro dri Livai: 11 im Aron en lelok ro dri Livai iman Jeova men in jurtak belbel, kin ro nejin Israel, bwe en kwonair korijer ñon Jeova. 12 Im ro dri Livai ren likit peir ion böran kau koman ko: im kwon lelok juön, men in katok kin jerawiwi, im eo juön men in katok kijeek, ñon Jeova, bwe kwon kômön kilajrök ñon ro dri Livai. 13 Im kwon kajutök ro dri Livai iman Aron, im iman lömaro nejin, im lelok ir men in jurtak belbel ñon Jeova.

14 Ein drein kwo naj kejenolok ro dri Livai jen ro nejin Israel ; im ro dri Livai re naj Aö. 15 Elikin men in, ro dri Livai re naj dreloñlok im kômön jermal an imön kwelok eo: im kwo naj karreoik ir im lelok ir men in jurtak belbel. 16 Bwe emwij lelok ir wöt ñon Iö jen ro nejin Israel; bwe ren binej jenkwön ro rej kabelok loji, aet, manji rön ian ro nejin Israel otemjej, I ar bök ir ñon iba. 17 Bwe manji rön otemjej iben ro nejin Israel rej Aö, armij im kiru: ilo ran eo ke I ar mön manji otemjej ilo enen Ijijit, I ar kokwojarjar ir ñon Iö. 18 Im I ar bök ro dri Livai, im binej jenkwön manji otemjej ian ro nejin Israel. 19 Im I ar lelok ro dri Livai ñon Aron im lömaro nejin, jen ro nejin Israel, bwe ren kômön jermal an ro nejin Israel iloan imön kwelok, im bwe ren kômön kilajrök ñon ro

nejin Israel; bwe en ejelok nañinmij iolapin ro nejin Israel, ñe ro nejin Israel rej kebaktok ñon jikin kwojarjar eo.

20 Ein drein an Moses im Aron im aolepen jar an ro nejin Israel kômön ñon ro dri Livai: einwöt men otemjej Jeova e ar jiroñ Moses, kin ro dri Livai, ein drein ro nejin Israel rar kômön ñon ir. 21 Im ro dri Livai rar möke karreoik ir jen jerawiwi, im rar kwoli nuknuk ko air: im Aron e ar lelok ir men in jurtak belbel iman Jeova; im Aron e ar kômön kilajrök ñon ir bwe ren karreoik ir. 22 Im tokelik ro dri Livai rar dreloñlok im kômön jermal eo air iloan imön kwelok iman Aron, im iman lömaro nejin: einwöt Jeova e ar jiroñ Moses kin ro dri Livai, ein drein air kômön ñon ir.

23 Im Jeova e ar konono ñon Moses, im ba, 24 Ein drein men eo kwonan ro dri Livai: jen ridtön roñoul lailim yiö im jima, re naj dreloñlok bwe ren lale im korijer ilo jermal in imön kwelok eo: 25 im jen ridtön limñoul yiö, e naj mwij air lale jermal eo, im e naj jokwör air korijer, 26 a re naj korijer iben ro jeir im jätir iloan imön kwelok eo, in kejbärok men ko rej lali, a re jamin jermal. Ein drein kwon kômön ñon ro dri Livai kin men ko kwonair.

9 Im Jeova e ar konono ñon Moses, ilo ene jemaren in Sainai, ilo aliñ eo mokta an yiö eo ken ka ruo elikin air droiojtok jen enen Ijijit, im ba, 2 Bareinwöt ro nejin Israel ren lale men in kijone ilo ien eo an. 3 Ilo ran eo ken ka joñoul emen ilo aliñ in, ñe ejota, komin lale ilo ien eo an: ekar ñon kien otemjej an ran eo, im ekar ñon nan in kañi ko an, komin lale. 4 Im Moses e ar ba ñon ro nejin Israel bwe ren lale men in kijone. 5 Im rar lale men in kijone ilo aliñ eo mokta, ilo ran eo ken ka joñoul emen, ke ejota, ilo ene jemaren in Sainai: ekar ñon men otemjej Jeova e ar jiroñ Moses, ein drein an ro nejin Israel kômön. 6 Im jet armij, rar jab erreö kin ubön

juõn armij emij, inem re ban lale men in kijone ilo ran eo: im rar itok ñõn iman Moses im iman Aron ilo ran eo: 7 im lõmarein rar ba ñõn e, Kim jab erreõ kin ubõn juõn armije mij: etke rej drebij kim. bwe kimin jab lelok jurtak an Jeova ilo ien eo an iben ro nejin Israel? 8 Im Moses e ar ba ñõn ir, Komin berwõt, bwe in roñjake ta eo Jeova e ar jiroñ kin kom.

9 Im Jeova e ar konono ñõn Moses, im ba, 10 Kwon konono ñõn ro nejin Israel, im ba, Elañe jabrewõt iami ak ian ebeben ko ami e jab erreõ kin ubõn juõn emij, ak ej ber ijo etolok, ijoke, en lale men in kijone an Jeova. 11 Ilo aliñ eo ken ka ruo, ran eo ken ka joñoul emen, ñe ejota, ren lale; ren jalele iben bred e jab uwe, im mar ko re meo: 12 ren jab likit jabrewõt mõtõn ñõn ilju, im ren jab ruji juõn drin: ekar ñõn aolepen kien men in kijone, ren lale. 13 A armij eo ej erreõ, im e jab ber ijo etolok, elañe e jab lale men in kijone, naj bukweelok armij eo jen dri ailiñ ro an; bwe e ar jab lelok jurtak an Jeova ilo ien ekar, armij eo e naj inek jerawiwi eo an. 14 Im elañe juõn druã maijet ejitoitõk ibemi, im e kõnan lale men in kijone ñõn Jeova; einwõt kien men in kijone, im einwõt men in kaiñi an ran eo, ein drein en kõmõne: en ibemi juõn wõt kien ñõn druã maijet im ñõn eo druwinene.

15 Im ilo ran eo, ke rar kajur imõn kabere eo, kõro eo e ar kalibubu imõn kabere eo, aet imõn kalimur eo: im ke ejota e ar ber ion imõn kabere eo einwõt wãwen kijeek, ñõn jiboñ. 16 Im ein drein ien otemmej: kõro eo e ar kalibubu e, im wãwen kijeek ilo boñ. 17 Im jabrewõt ien ke kõro eo e ar wõnliñlok jen ion im nuknuk eo, inem elikin men in, ro nejin Israel rar etal: im ilo jikin eo kõro eo e ar bwijrõk ie, ijo ro nejin Israel rar kajur im. 18 Ke Jeova e ar jiroñ, rar etal, im ke Jeova e ar jiroñ, rar kajur im: toõn wõt an kõro eo bwijrõk ion imõn kabere eo, rar berwõt ilo kamp eo. 19 Im ke kõro eo e ar berwõt ion imõn kabere iomin elõn ran,

inem ro nejin Israel rar lali men ko an Jeova, im re jab etal. 20 Im jet ien kõro eo e ar ber ion imõn kabere etal; inem ekar ñõn kien Jeova rar berwõt ilo jikir, im ekar ñõn kien Jeova rar etal. 21 Im jet ien kõro eo e ar berwõt jen jota ñõn jiboñ; im ke kõro eo e ar wõnliñlok ke ejiboñ, rar etal: ak elañe e ar berwõt iomin ran im boñ, ke kõro eo e ar wõnliñlok, rar etal. 22 Elañe ruo ran, ak juõn aliñ, ak juõn yiõ, kõro eo e ar jok ion imõn kabere eo, im berwõt ion, ro nejin Israel rar berwõt ilo jikir im rar jab etal; a ke emwij bõkliñlok e, rar etal. 23 Ke Jeova e ar jiroñ, rar kajur im, im ke Jeova e ar jiroñ, rar etal: rar lale men in kaiñi an Jeova, einwõt Jeova e ar jiroñ kin Moses.

10 Im Jeova e ar konono ñõn Moses, im ba, 2 Kwon kõmõn ñõn yuk, ruo jilil silver; kwon kõmõn im nowe: im kwo naj kejerbal ir kin kirtok jar an armij, im ken kowõnmanlok kamp eo. 3 Im ñe rej ukwi, aolepen jar eo ren kweloktok ñõn ibõm ñõn kejem in imõn kwelok eo. 4 Im elañe rej uk wõt juõn, iroi j rõn, jiõb ro an tausãn ko an Israel, ren kweloktok ñõn ibõm. 5 Im ñe komij jilil in kairuij, kamp ko irear ren wõnmanlok. 6 Im ñe komij jilil in kairuij alen ken ka ruo, kamp ko irõk ren wõnmanlok: re naj jilil in kairuij kin etetal ko air. 7 Im ñe emõn kokweloktok jar eo, komin jilil, a komin jab jilil in kairuij. 8 Im lõmaro nejin Aron, pris ro, ren uk jilil ko; im re naj juõn kien ñõn kom in drio, ilo ebeben ko ami. 9 Im ñe komij ilen tõrinae ilo eneõ ami im jumãe dri kijirãt eo ej kamakokoik kom, inem komin jilil in kairuij; im naj kememej kom iman Jeova ami Anij, im naj lomoremi jen ro rej kijirãte kom. 10 Bareinwõt ilo ran ko ran in ami lõñliñ, im ilo kwojkwoj ko ami, im ilo jinoin aliñ ko ami, komin uk jilil ko ion ami men in katok kijeek, im ion ami men in katok kin ainemõn; im re naj men in kemem ñõn kom iman ami Anij: Na Jeova ami Anij.

11 Im ilo yiõ eo ken ka ruo, ilo aliñ

eo ken ka ruo, ran eo ken ka roñoul in aliñ eo, emwij böklinlok köro eo jen iloñin imõn kabér in kalimur. 12 Im ro nejin Israel rar wõnmanlok kin etetal ko air jen ene jemaren an Sainai; im köro eo e ar berwõt i ene jemaren in Peran. 13 Im rar wõnmanlok mokta ekar ñõn kien Jeova kin Moses. 14 Im flag eo an kamp eo an ro nejin Juda e ar wõnmanlok mokta ekar ñõn jar in tõrinae ko air: im ion jar im tõrinae eo an, Nashon nejin Aminedab. 15 Im ion jar in tõrinae eo an bwijin ro nejin Issakar, Netanel nejin Zuar. 16 Im ion jar in tõrinae eo an bwijin ro nejin Zebulun, Ilaiab nejin Hilon.

17 Im emwij jelate imõn kabér eo; im ro nejin Gershon im ro nejin Mirerai, dri inek imõn kabér eo, rar wõnmanlok. 18 Im flag eo an kamp eo an Ruben e ar wõnmanlok ekar ñõn jar in tõrinae ko air: im ion jar in tõrinae eo an, Ilaizur nejin She-deur. 19 Im ion jar in tõrinae an bwijin ro nejin Simeon, Shilumiel nejin Zurishadai. 20 Im ion jar in tõrinae eo an bwijin ro nejin Gad, Ilaiab nejin Deuel.

21 Im ro nejin Kohat rar wõnmanlok, im rar inek imõn kwojarjar eo: im ro jet rar kajur imõn kabér eo mae ien air tõbrök. 22 Im flag eo an kamp eo an ro nejin Ipreim e ar wõnmanlok ekar ñõn jar in tõrinae ko air: im ion jar in tõrinae eo an, Elishema nejin Amihud. 23 Im ion jar in tõrinae an bwijin ro nejin Menassa, Gameliel nejin Pedazur. 24 Im ion jar in tõrinae an bwijin ro nejin Benjamin, Abidan nejin Gideonai.

25 Im flag eo an kamp eo an ro nejin Dan, eo ej iloñõn kamp ko otemjej, e ar wõnmanlok ekar ñõn jar in tõrinae ko air: im ion jar in tõrinae eo an, Ahiezar nejin Amishadai. 26 Im ion jar in tõrinae an bwijin ro nejin Asher, Pegiel nejin Okran. 27 Im ion jar in tõrinae an bwijin ro nejin Naptalai, Ehaira, nejin Inan. 28 Ein wäwen drein etetal ko an ro nejin Israel, ekar ñõn jar in tõrinae ko air; im rar wõnmanlok.

29 Im Moses e ar ba ñõn Hobab, nejin Reuel, dri Midian, jemen lio belen Moses, Kimij ilok ñõn jikin eo Jeova e ar ba kake, Na I naj lewoj ñõn kom: kwon itok ibem im kim naj kõmõn emõn ñõn yuk; bwe Jeova e ar konono emõn kin Israel. 30 Im e ar ba ñõn e, I jamin ilok; a I naj jeb-lak ñõn eneo aõ, im ñõn ro nukio. 31 Im e ar ba, Kwon jab ilok jen kim, ij akwelap ñõn yuk: bwe kin am jela toñn kajur im ilo ene jemaren, kwo naj ñõn kim einwõt mejem. 32 Im e naj ein drein, elañe kwoj ilok ibemlok, jabrewõt emõn Jeova ej kõmõn ñõn kim, kim naj kõmõn einwõt ñõn kwe.

33 Im rar wõnmanlok jen tol an Jeova iomin jilu ran; im dipdip in kalimur e ar ilok imairlok iomin jilu ran, bwe en kabukot jikin kakije ñõn ir. 34 Im köro eo an Jeova e ar ber iloñir ilo ran, ke rar wõnmanlok jèn kamp eo.

35 Im ke dipdip eo e ar wõnmanlok, Moses e ar ba, Kwon jerkak, O Jeova, im ro rej kijiräte Yuk, ren jibliklok: im ro dri jumae Yuk, ren ko jen imam. 36 Im ke e ar kakije, e ar ba, Kwon jeb-laktok, O Jeova, ñõn joñoul tausand ko an tausand ko in Israel.

**11** Im armij ro rar einwõt <sup>1</sup>dri wanõketak, im rar konono nana i lojiliñin Jeova: im ke Jeova e ar roñjake, ewbil an illu; im kijeek an Jeova e ar urur i bwiljir, im kokkure ir ilo mõtõn kamp eo etoloktata. 2 Im armij ro rar kir ñõn Moses; im Moses e ar jar ñõn Jeova, inem kijeek eo e ar joko. 3 Im rar naetan jikin eo Tabira, bwe kijeek an Jeova e ar urur i bwiljir.

4 Im jar an <sup>2</sup>armij böjik rar ber ibeir, rej kijoñ wõt: im ro nejin Israel rar bar jõñ, im ba, Wõn e naj letok kijeer kõniek? 5 Kimij keme-mej iik ko kim ar mõña ilo Ijpt im ejelok wõnan; kukumber ko, im melõn ko, im lik ko, im õnion ko, im garlik ko: 6 a kiõ am e mõralok; ejelok bar juõn, a manna in wõt kim

<sup>1</sup>Jep. 14. 2; 16. 11; 17. 5. <sup>2</sup>Ex. 12. 38; 1 Kor. 10. 6.

maroñ in loe. 7 Im <sup>1</sup> manna e ar einwöt ine koriander, wāwen einwöt bedelium. 8 Armij ro rar ilok im aine, im iri kin ken irir, im rar nowe ilo jābi ko, im kōmāte kin dren, im kōmōn kek ko jen e; im nemen ej einwöt oil ekāl. 9 Im ke molawie ar buñ ion kamp eo ilo boñ, manna eo e ar buñ iben.

10 Im Moses e ar roñjake armij ro ke rej jōñ iben ro nukir, jabrewöt armij i kejem in mweo imōn: im illu an Jeova e ar kanuij bwil; im Moses e ñir buruen. 11 Im Moses e ar ba ñōn Jeova, Etke Kwar kōmōn nana ñōn ña korijerōm, im etke I ar jab kabuñburuōm, im Kwoj likit inek an aolepen jar in ioō? 12 Na I ar ettaik armij rein otemjej ke? I ar keutak ir ke, bwe Kwon ba ñōn iō, Kwon bōklok ir ion ubōm, einwöt jemen dri kakajiriri ej bōklok niñniñ, ñōn eneo Kwar kanōjnij kake ñōn ro jimair? 13 Jen ia kōniek iba bwe in lelok ñōn armij rein otemjej? bwe rej jōñ ñōn iō, im ba, Kwon letok kijem kōniek. 14 I jab maroñ in inek armij rein otemjej mōke iaō, bwe I bane ir. 15 Im elañe ein drein Am kōmōn ñōn iō, Kwon mōn iō kiōkiō bwe in mij, elañe I ar kabuñburuōm; im in jab lo aō nanatōmō.

16 Im Jeova er ar ba ñōn Moses, Kwon kokweloktok ñōn iba, jiljilimjuōñnoul armij ian ridto ro an Israel, ro kwo jela bwe rej elder in armij rōn, im iroi j ioir; im añintok ir ñōn imōn kwelok eo, bwe ren jutōk ijo ibōm. 17 Im I naj wōnlōlwoj im konono ibōm ijo, im I naj bōk jen Jitōb eo ej ibōm, im likit E ioir; im re naj inek men in erro an armij rōn ibōm, bwe kwon jab ineke mōke iam. 18 Im kwon ba ñōn armij rōn, Komin karreok kom mae ilju, im kom naj mōña kōniek; bwe kom ar jōñ i lojiliñin Jeova, im ba, Wōn e naj letok kijem kōniek? bwe e kar emōn ibem ilo Ijpt: inem Jeova e naj lewoj kōniek, im kom naj mōña. 19 Kom jamin mōña iomin juōn wōt ran, ak ruo ran, ak lailim ran, ak joñoul ran, ak

roñoul ran, 20 a iomin aolepen juōn aliñ, mae ien ej walok jen bodōmi, im kom naj drike; bwe kom ar jolok Jeova eo ej ibemi, im kom ar jōñ iman, im ba, Etke kim ar droiojtok jen Ijpt? 21 Im Moses e ar ba, Armij rein ña ij ber ibeir, jiljino buki tausan dri etetal; im Kwar ba, I naj lelok ñōn ir kōniek, bwe ren mōña iomin aolepen juōn aliñ. 22 Re naj mōn jip ko im kau ko ñōn ir, bwe ren māt ke? ak naj kokweloktok iik ko otemjej i lojit ñōn ir, bwe ren mōña im māt ke? 23 Im Jeova e ar ba ñōn Moses, E karulok pein Jeova ke? kiō kwo naj lo elañe Aō in nan ñōn kwe e naj mol ke jab ke?

24 Im Moses e ar droiojlok, im kwalok ñōn armij ro nan ko an Jeova: im e ar kokweloktok jiljilimjuōñnoul man rōn jen ridto ro an armij ro, im likit ir iturin imōn kwelok eo. 25 Im Jeova e ar wōnlōltok ilo kōro, im konono iben, im E bōk jen Jitōb eo ej iben, im likit E iben ridto ro jiljilimjuōñnoul: im ke Jitōb eo e ar ber ibeir rar drikanij, a re jab bar kōmōn einwöt.

26 A ruo eman rar ber ilo kamp eo, etan juōn iairro Eldad, im etan eo juōn Midad: im Jitōb eo e ar ber ibeir, im rar ian ro emwij je ir, a rar jab etal ñōn imōn kwelok eo; im rar drikanij ilo kamp eo. 27 Im juōn likao e ar etōr im kennanek Moses, im ba, Eldad im Midad rej drikanij ilo kamp eo. 28 Im Joshua, nejin Nōn, korijeran Moses, e ar uak im ba, Aō iroi j, Moses, kwon bōprae ir. 29 Im Moses e ar ba ñōn e, Kwoj kamo kin ña ke? emōn wōt elañe armij rein otemjej an Jeova dri kanan, im Jeova en likit an Jitōb ibeir! 30 Im Moses e ar ilok ñōn kamp eo, e im ridto ro an Israel.

31 Im <sup>1</sup> juōn kōtoe ar ilok jen Jeova, im bōktok bao kwel jen lojit, im drorlōlloki iturin kamp eo, e nañin joñou etal ilo juōn ran, turin ijen im ijen, rej kabol kamp eo, im e nañin ruo kubit utiejeir jen lōl. 32 Im armij ro rar jerkak iomin aolepen ran eo,

<sup>1</sup> Ex. 16. 31.

<sup>1</sup> Ex. 16. 13; Sam 78. 26-28.



im aolepen boñ, im aolepen ran eo ken ka ruo, im aini kwel ko: eo erik an aini e ar aini joñoul omer: im rar kajerjeri iturin kamp eo ñon ir möke. **33** Ke kõniek e ar ikõtãn ñiir wõt, mokta jen air mimi, emwij kejo illu an Jeova nae armij ro, im Jeova e ar mñon armij ro kin juõn nañinmij e kanuij lap. **34** Im rar naetan jikin eo Kibrot-hatteava, bwe ijo rar kalibwin armij ro rar mòm. **35** Jen Kibrot-hatteava rar etal ñon Hazerot: im rar jokwe i Hazerot.

**12** Im Miriam im Aron rar konono ñon Moses kin kõra eo dri Kush, eo Moses e ar belek e; bwe e ar belek juõn kõra <sup>1</sup>dri Kush. **2** Bwe rar ba, Jeova e ar konono iben Moses wõt ke? E ar jab konono ibemro bar-einwõt ke? Im Jeova e ar roñjake. **3** Ak armij eo, Moses, e <sup>2</sup>kanuij inemñon, jen armij otemjej rej ber ion mejen löl.

**4** Im Jeova e ar konono mőkõj ñon Moses, im ñon Aron, im ñon Miriam, Komjil drioijtok ñon imõn kwelok eo. Im irjil rar drioijtok. **5** Im Jeova e ar wõnlõltok ilo juõn kõro, im jutõk i kejem in imõn kabero, im kirtok Aron im Miriam; im irro rar drioijtok. **6** Im E ar ba, Komro, komin roñjake nan ko Aõ: elañe eor juõn dri kanan ibemi, Na Jeova I naj kwalok Iõ ñon e kin visõn, I naj konono iben ilo tõnak. **7** Korijera Moses e jab einwõt; e <sup>1</sup>tiljek ilo aolepen mweo imõ: **8** I naj konono iben jelmae dron, im alikar wõt, im jab kin nan ko retino; im e naj lo wäwen Jeova: inem etke komro ar jab mijõk in konono nae korijera, nae Moses?

**9** Im ebwil illu an Jeova nae irro; im E ar ilok. **10** Im kõro eo e ar ilok jen ion mweo; im lo, Miriam ej juõn leper, e mouj einwõt sno: im Aron e ar kalimjek Miriam, im lo, juõn leper. **11** Im Aron e ar ba ñon Moses, O aõ iroi; kwon jab likit bwir iom, ij akwelap ñon yuk kin amro kõmõn men in bwebwe, im kin amro jerawiwi. **12** En jab einwõt juõn emij, ij akwelap ibõm, eo kõ-

niekin e joko jimõtõn ke ej walok jen lojen jinen. **13** Im Moses e ar kir ñon Jeova, im ba, Kwon kaejmour e, O Anij, ij akwelap ñon Yuk. **14** Im Jeova e ar ba ñon Moses, Elañe jemen e ar iyeloke mejen, e jamin jok kake iomin jiljilimjuõn ran ke? ren kil e ilikin kamp eo iomin jiljilimjuõn ran, im tokelik ren bar kadreloñ e. **15** Im rar kil Miriam ilikin kamp eo iomin jiljilimjuõn ran: im armij ro rar jab etal mokta jen air bar kadreloñ e.

**16** Im tokelik armij ro rar etal jen Hazerot, im kujur im ilo ene jemaren in Peran. **1** Im <sup>1</sup>Jeova e ar **13** konono ñon Moses, im ba, **2** Kwon jilkinlok man ro bwe ren wate enen Kenean, eo Ij lelok ñon ro nejin Israel: jen jabrewõt bwijin ro jimair, komin jilkinlok juõn armij, jabrewõt iair juõn iroi; iberi. **3** Im Moses e ar jilkinlok ir jen ene jemaren in Peran, ekar ñon nan in jiroñ an Jeova: ir otemjej, jiõb ro an ronejin Israel. **4** Im etair rein: jen bwijin Ruben, Shamua nejin Zakur. **5** Jen bwijin Simeon, Shepat nejin Horai. **6** Jen bwijin Juda, Keleb nejin Jepunne. **7** Jen bwijin Asher, Igal nejin Josep. **8** Jen bwijin Ipreim, Hoshia nejin Nõn. **9** Jen bwijin Benjamin, Paltai nejin Rapu. **10** Jen bwijin Zebulun, Gadiel nejin Sodai. **11** Jen bwijin Josep, jen bwijin Menassa, Gadañ nejin Susai. **12** Jen bwijin Dan, Amiel nejin Gemalai. **13** Jen bwijin Asher, Situr nejin Maikael. **14** Jen bwijin Naptalai, Nabai nejin Vopsai. **15** Jen bwijin Gad, Geuel nejin Mekai. **16** Rein etan armij ro Moses e ar jilkinlok ir in wate eneo. Im Moses e ar naetan Hoshia nejin Nõn, Joshua.

**17** Im Moses e ar jilkinlok ir bwe ren wate enen Kenean, im ba ñon ir, Komin etal ilo ial in rök, im wõnliñlok ñon ene ko re utiej: **18** im komin lalene ene röt eo; im armij ro rej jokwe ijo, elañe re kujur ak mõjino, elañe relõñ ak reiet; **19** im ene röt ijo rej ber ie, elañe emõn ak e nana; im ekijkãn jikin kwelok ko rej jokwe ie,

<sup>1</sup> Ex. 2. 21. <sup>2</sup> Mat. 11. 29. <sup>3</sup> Hib. 3. 2, 5.

<sup>1</sup> Dut. 1. 22, 23.

elañe ilo kamp ko ak ilo jikin ko rabōñ; 20 im einwōt ta brij eo, elañe enimōn ak enebata, elañe eor wijki iloa, ak ejelok. Im komin beran im bōktok jen leen eneo. Ak ien eo ien an kālo jomōkōj in grep.

21 Ein drein rar wōnliñlok, im wate eneo, jen ene jemaren in Zin ñōn Rihob, ñōn mejāti in Hemat. 22 Im rar wōnliñlok jen rōk im tōbar Hibron; im Ahaiman, Shishai, im Talmal, ro nejin Enak, rar ber ijo. (A rar kalek Hibron jiljilimjuōn yiō mokta jen air kalek Zoan ilo Ijipt.) 23 Im rar itok ñōn komlōl in Eshkol, im bukwe jen ijo juōn ra im juōn wōt uror in grep ion, im rar ineke kin juōn jokwōn ikōtan ruo armij; rar bareinwōt bōktok jen pomgranet ko im jen figko. 24 Rar naetan jikin eo Eshkol, kin uror eo ro nejin Israel rar bukwe ijo.

25 Im rar jeblaktok jen air wate eneo elikin eñoul ran. 26 Im rar ilok ñōn iben Moses, im ñōn Aron, im ñōn aolepen jar an ro nejin Israel, ñōn ene jemaren Peran, ñōn Kedesh; im bōktok nan ñōn ir, im ñōn aolepen jar eo, im kwalok ñōn ir leen eneo. 27 Im rar kennanek ir, im ba, Kim ar ilok ñōn eneo kom ar jilkinlok kim ñōn e; im emol e bwijliplip kin milk im hōnni; im eñin leen. 28 Ijoke, armij ro rej jokwe ie re kajur, im eor worwor in jikin kwelok ko, im re kanuij lap; im bareinwōt kim ar lo ro nejin Enak ijo. 29 Dri Amelek rej jokwe ilo ene irōk: im ro dri Het im ro dri Jibus rej jokwe ilo tol ko; im ro dri Kenean rej jokwe iturin lojit, im iturin Jordan.

30 Im Keleb e ar kokejeklokjen armij rōn iman Moses, im ba, Jen jarōplok im bōk eneo; bwe je kanuij maroñ in bōk anjo jen ir. 31 A lōmaro re kar ilok ibenlok, re ba, <sup>1</sup>Je ban ilen jumae armij ro; bwe re kajur jen kij. 32 Im rar bōktok nan e nana, kin eneo rar wate, ñōn ro nejin Israel, im ba, Eneo kim ar dribloke im wate, e juōn ene ej kōñi armij ro ie; im armij otemjej kim ar loi ie, armij re kanuij inea. 33 Im

ijo kim ar lo inea ro, ro nejin Enak, ro jen inea ro: im <sup>1</sup>kim ar einwōt men in ujoij iman mejem, im bareinwōt iman mejer.

14 Im aolepen jar eo rar koutiej ainikeir, im lamij; im armij ro rar jōñ boñ eo. 2 Im ro nejin Israel otemjej rar lotan Moses im Aron: im aolepen jar eo rar ba ñōn irro, E kanuij emōn elañe kim ar mij ilo enen Ijipt! ak emōn elañe kim ar mij ilo ene jemaren in! 3 Im etke Jeova ej añintok kim ñōn enen, bwe kimin buñ kin jāji? Kōra ro belem im ajiri ro nejem re naj men in rakim: etke e jab emōnlok bwe kimin jeblak ñōn Ijipt?

4 Im rar ba ñōn dron, Jen kālet juōn kapen, im jen jeblak ñōn Ijipt. 5 Im Moses im Aron rar buñbero iman aolepen jar an ro nejin Israel. 6 Im Joshua nejin Nōn, im Keleb nejin Jepunne, ro ian ro rar wate eneo, rar kekel nuknuk ko air: 7 im rar konono ñōn aolepen jar an ro nejin Israel, im ba, Eneo kim ar driblokin wate, e juōn ene e kanuij emōn. 8 Elañe Jeova ej yokwe kij, inem E naj kadreloñ kij iloa enen, im letok ñōn kij; eneo e bwijliplip kin milk im hōnni. 9 Men in wōt, komin jab kabuñbata nae Jeova, im komin bareinwōt jab mijōk ro dri eneo; bwe rej kijer wōt: air me e joko jen ibeir, im Jeova ej iber: komin jab mijōk ir. 10 A aolepen jar eo rar ba ren kare ir kin dreka. Im aibujij an Jeova e ar walok ilo imōn kwelok eo, ñōn ro nejin Israel otemjej.

11 Im Jeova e ar ba ñōn Moses, Ietoñ an armij rein najkejekron lō? im Ietoñ air jab liki lō, kin kakōle ko otemjej I ar kōmōne ibeir? 12 I najmōn ir kin juōn nañinmij elap, im jolok ir jen air jolit, im kōmōn jen kwe juōn ailñ elap im kajur jen ir.

13 Im Moses e ar ba ñōn Jeova, Inem ro dri Ijipt re naj roñjake; bwe Kwar añintok armij rein jen ibeir ilo Am kajur; 14 im re naj ba ñōn ro dri enen. Emwij air roñ bwe Kwe

<sup>1</sup> Dat. 1. 28.<sup>1</sup> Dat. 1. 28.

Jeova kwoj ber iolapin armij rein; im rej lo Yuk jelmae dron, im kōro eo am ej ber ilōñir, im Kwoj ilok imairlok, ilo jur kōro ilo ran, im ilo jur kijeek ilo boñ. 15 Kiō elañe Kwo naj mōn armij rein einwōt juōn wōt armij, inem ro dri ailñi ko rar roñ Am buñbuñ, re naj konono im ba, 16 Kin an Jeova ban kadreloñ armij rein ilo eneo E ar kanōjnij ñōn ir kake, E ar mōn ir ilo ene jemaren. 17 Im kiō, ij akwelap ñōn Kwe, kajur an Iroi en lap, ekar ñōn Am konono, im ba, 18 Jeova e rumij an illu, im E obrōk kin tiriamo, im ej jolok bwir im jera-wiwi; im Kwo jamin kōtlok ro eor rueur, im Kwoj jibel bwir an ro jemeir ñōn ro nejir ñōn ebeben eo ken ka jilu im ñōn eo ken kemen. 19 Ij akwelap ñōn Kwe, kwon jolok bwir an armij rein, ekar ñōn Am tiriamo elap, im einwōt Kwar jolok air bwir jen armij rein, jen Ijpt, aet, ñōn in in.

20 Im Jeova e ar ba, Emwij Aō jolok air bwir, ekar ñōn am in nan: 21 a emol, einwōt Ij mour, aolepen lōl e naj obrōk kin aibujui an Jeova; 22 <sup>1</sup>armij rein otemjej rar lo Aō aibujui, im kakōle ko Aō, I ar kōmōnmōn ilo Ijpt im ilo ene jemaren, a rar melejoñ Iō alen kein joñoul, im rar jab eoroñ ainikiō, kin men in; 23 emol re jamin lo eneo I ar kanōjnij kake ñōn ro jimair, ak ejelok ian ro rar kitōtōkake Iō, e najloe: 24 a korijera Keleb, bwe ein juōn jitōb eo iloan, im e ar lor Iō wōt, I naj kadreloñ e ñōn <sup>2</sup>loan eneo e ar dreloñ iloan; im inen re naj bōke. 25 Kiō ro dri Amelek im ro dri Kenean rej jokwe ilo komlōl eo: ilju komin oktōk im etal ñōn loan ene jemaren eo, ilo ial eo ñōn lomalo Ekilmir.

26 Im Jeova e ar konono ñōn Moses im ñōn Aron, im ba, 27 Ietoñ Aō kaberber Iō iben jar in e nana, ro rej lotan nae Iō? I ar roñjake lotan ko an ro nejin Israel rej lotan Iō. 28 Kwon ba ñōn ir, Einwōt Ij mour, Jeova ej ba, emol, <sup>3</sup>einwōt ami ba i lojiliñiō, ein drein I naj kōmōn ñōn

kom: 29 ubōmi re naj buñ ilo ene jemaren in; im ro otemjej emwij bwini ir iami, ekar ñōn aolepen orami, jen ridtōn joñoul yiō im jima, ro rar lotan nae Iō, 30 emol kom jamin dreloñ ilo eneo, kin e I ar kanōjnij bwe I naj kajok kom na iloan, I jab ba kin Keleb nejin Jepunne, im Joshua nejin Nōn. 31 A ro nejemi, ro kom ar ba re naj men in rakim, I naj kadreloñ ir, im re naj jela eneo kom ar jolok e. 32 A kin kom, ubōmi re naj buñ ilo ene jemaren in. 33 Im ro nejemi re naj jebwābwe ilo ene jemaren iomin eñoul yiō, im re naj inek lūñ ko ami, mae ien ubōmi re joko ilo ene jemaren. 34 Ekar ñōn oran ran ko, ke kom ar wate eneo, aet eñoul ran, ñōn jabrewōt ran juōn yiō, kom naj inek bwir ko ami, aet iomin eñoul yiō, im kom naj jela Aō inemnem. 35 Na, Jeova, emwij Aō ba, emol, I naj kōmōn men in ñōn aolepen jar in e nana, ro rar kweloktok nae Iō; ilo ene jemaren in re naj joko, im re naj mij ie.

36 Im <sup>1</sup>armij ro, ro Moses e ar jilkinlok ir bwe ren wate eneo, ro rar jeblak im konono bwe aolepen jar eo ren wanōketak nae e, kin air bōktok nan in kobwer e nana nae eneo, 37 aet armij ro rar bōktok nan e nana kin eneo, rar mij kin nañinmij e nana iman Jeova. 38 A Joshua nejin Nōn, im Keleb nejin Jepunne, rar berwōt im mour ian armij ro rar ilen wate eneo.

39 Im Moses e ar kwalok nan kein ñōn ro nejin Israel otemjej: im armij ro, elap air jōñ. 40 Im ejiboñ wōt air jerkak, im rar wōnliñlok ñōn jeban tol eo, im ba, Lo, kim ijin, im kim naj wōnliñlok ñōn jikin eo Jeova e ar kalimur kake: bwe kim ar jera-wiwi. 41 Im Moses e ar ba, Etke komij kokkure nan in jiroñ an Jeova kiō, bwe kom jamin jerammōn? 42 Komin jab wōnliñlok, bwe Jeova e jab ibemi; bwe ro dri kijirāt kom ren jab mōn kom. 43 Bwe ijo imami ro dri Amelek im ro dri Kenean, im kom naj mij kin jāji; bwe kom ar oktōk-

<sup>1</sup> 1 Kor. 10. 6. <sup>2</sup> Josh. 14. 6-15. <sup>3</sup> Eib. 3. 17.

<sup>1</sup> Jap. 13. 4-16.

lik jen ami lor Jeova, kin men in Jeova e jamin ber ibemi. 44 A rar mōkarkar im wōnlīnlok nōn jeban tol eo: ijoke, dipdip in kalimur an Jeova, kab Moses, rar jab ilok jen kamp eo. 45 Inem dri Amelek rar wōnlōltok, im dri Keanan, ro rar jokwe ilo tol eo, im rar mōn ir im jebōklōltok ir, aet nōn Horma.

**15** Im Jeova e ar konono nōn Moses, im ba, 2 Kwon konono nōn rō nejin Israel, im ba nōn ir, Ne komij tōbar enen, jikōmi im Ij lewoj nōn kom, 3 im kom kōnan kōmōn jurtak kin kijeek nōn Jeova, katok kijeek, ak men in katok, bwe komin kōmōn muri, ak jurtak in kōnan, ak ilo ami kwojkwoj in kaiñi ko, bwe komin kōmōn bwin enno nōn Jeova, jen bwi-jin kau ak jip; 4 inem, armij eo ej lelok an jurtak, en katok nōn Jeova kin jurtak flauo, juōn mōtōn juōn epa kāreike kin juōn mōtōn emen in hin in oil: 5 im wain jurtak in irak, juōn mōtōn emen hin, kwon kapoje iben katok kijeek eo, ak kin katok eo, iben jabrewōt lam. 6 Ak nōn juōn jip koman, kwon kapoj jurtak flauo, ruo mōtōn emen epa in flauo kwerik, kāreike kin juōn mōtōn jilu hin in oil: 7 im nōn jurtak in irak, kwon lelok juōn mōtōn jilu hin in wain, bwin enno nōn Jeova. 8 Im ñe kwoj kapoj kau koman nōn katok kijeek, ak men in katok, ilo am kōmōn men in muri, ak jurtak kin ainemōn ko nōn Jeova; 9 inem en katok iben kau koman eo, jurtak flauo, jilu mōtōn joñoul epa flauo kwerik kāreike kin jibilkwon hin in oil: 10 im kwon lelok katok in irak jibilkwon hin in wain, nōn juōn jurtak kōmōne kin kijeek, bwin enno nōn Jeova.

11 Ein drein ren kōmōn nōn jabrewōt kau koman, ak nōn jabrewōt jip koman, ak nōn jabrewōt ian lam koman ko, ak kon in got ko. 12 Ekar nōn oran komij kapoji, ein drein kom naj kōmōn nōn ir otemjej ekar nōn orair. 13 Ro otemjej druwainene ren kōmōn men kein ilo wāwen in, ñe rej lelok jurtak kōmōne kin kijeek, bwin enno nōn Jeova. 14 Im elañe

juōn drua maijet ej itoitōk ibemi, ak jabrewōt eo ej ibemi ilo ebeben ko ami otemjej, im e kōnan lelok men in katok kōmōne kin kijeek, bwin enno nōn Jeova; einwōt ami kōmōn, en ein drein an kōmōn. 15 Nōn jar eo, e naj juōn wōt kien nōn kom, im nōn drua maijet eo ej itoitōk ibemi, nan in kaiñi nōn in drio ilo ebeben ko ami otemjej: einwōt kom, en ein drein drua maijet iman Jeova. 16 Juōn wōt kien, im juōn wōt nan in kaiñi nōn kom im nōn drua maijet eo ej itoitōk ibemi.

17 Im Jeova e ar konono nōn Moses, im ba, 18 Kwon konono nōn ro nejin Israel, im ba nōn ir, Ne komij dreloñ iloa eneo Ij jilkinlok kom nōn e, 19 inem ñe komij mōña jen bred in eneo, komin lelok jurtak in jebōke nōn Jeova. 20 Jen ami iōk in bred mokta komin lelok juōn kek jurtak in jebōke: einwōt jurtak in jebōk an jikin dreñdreñ korn, ein drein kom naj jebōke. 21 Jen ami iōk in bred mokta, komin lelok nōn Jeova jurtak in jebōke ilo ebeben ko ami.

22 Im ñe komij bwir, im jab lala kien kein otemjej Jeova e ar konono kake nōn Moses, 23 aet, men otemjej Jeova e ar jiroñ kom kin Moses, jen ran eo ke Jeova e ar lewoj kien, im tokelik ilo ebeben ko ami; 24 inem en ein drein, elañe emwij kōmōne ilo jaje, im jar eo re jaje kake, inem aolepen jar re naj lelok juōn kau koman emōn ridtōn, men in katok kijeek, bwin enno nōn Jeova, im iben jurtak flauo eo an, im jurtak in irak eo an, ekar nōn kien, im juōn got koman, men in katok kin jerawiwi. 25 Im pris eo en kōmōn kilajrōk nōn aolepen jar an ro nejin Israel, im e naj joko bwir eo air; bwe rar bwir kake, im rar bōktok air jurtak, men in katok kōmōne kin kijeek nōn Jeova, im air men in katok kin jerawiwi iman Jeova, kin air kar jebwābwe: 26 im naj jolok bwir an aolepen jar an ro nejin Israel, kab drua maijet eo ej itoitōk ibeir; bwe aolepen armij rar kōmōne ilo jaje.

27 Im elañe juōn armij ej bwir ilo jaje, inem en lelok got kokōra ridtōn

juõn yið, men in katok kin jerawiwi. 28 Im pris eo en kõmõn kilajrõk nõn armij eo e jebwåbwe, ñe ej bwir kin an jaje, iman Jeova, bwe en kõmõn kilajrõk nõn e; im e naj joko an bwir. 29 E naj juõn wõt kien ibemi nõn eo ej kõmõn jabrewõt ilo jaje, nõn eo druwinane ian ro nejin Israel, im nõn eo drua majet ej itoitõk ibeir. 30 A armij eo ej kõmõn jabrewõt ilo jua-lõnlõn, elafie druwinane ak drua mai-jet, armij eo ej blaspim Jeova; im naj bukvelok armij eo jen dri ailiñ ro an. 31 Kin an kejekron nan an Jeova, im kokkure kien, naj bukvelok wõt armij eo; an bwir e naj buñ ion.

32 Im ke ro nejin Israel rar ber ilo ene jemaren, rar lo juõn armij ke ej æ kani ilo ran in Sabat. 33 Im ro rar loe ke ej æ kani, rar ãñintok e nõn iben Moses im Aron, im nõn aolepen jar eo. 34 Im rar likit e ilo prisõn, bwe jañin ba ta eo naj kõmõn nõn e. 35 Im Jeova e ar ba nõn Moses, Emol en mij armij eo: aolepen jar eo ren kare kin dreka ilikin kamp eo. 36 Im aolepen jar eo rar ãñinlok e ilikin kamp eo, im rar kare kin dreka, im e mij; einwõt Jeova e ar jiroñ Moses.

37 Im Jeova e ar konono nõn Moses, im ba, 38 Kwon konono nõn ro nejin Israel, im jiroñ ir bwe ren kõmõnmõn albok ko ilo tõreren nuknuk ko air ilo ebeben ko air, im bwe ren likit ion albok in jabrewõt tõreren juõn areliñ blu: 39 im e naj nõn kom juõn albok, bwe komin kalimjeke, im kememej kien ko otemjej an Jeova, im bokaki; im bwe komin jablor mejemi im buruõmi, men ko kom kin lüñ kaki; 40 bwe komin kememej im bokaki kien ko Aõ otemjej, im komin kwojarjar nõn ami Anij. 41 Na Jeova ami Anij, eo e ar ãñinlok kom jen enen Ijpt, bwe In ami Anij: Na Jeova ami Anij.

**16** A <sup>1</sup>Kora, nejin Izhar, nejin Kohat, nejin Livai, iben Detan im Ebairam, ro nejin Ilaiab, im On, nejin Pilet, ro nejin Ruben, rar ãñin armij: 2 im rar jutõk iman Moses,

iben jet ian ro nejin Israel, rubuki limñoul iroiñ an jar eo, emwij kirtok ir nõn kwelok eo, armij re buñbuñ; 3 im rar kweloktok nae Moses im nae Aron, im re ba nõn irro, Komijro mõkarkar in bõk elap nõn komro, bwe aolepen jar re kwojarjar, jabrewõt iair, im Jeova ej ber iolapir: inem etke komij mõke koutiej kom jen jar eo an Jeova? •

4 Im ke Moses e ar roñ nan in, e buñbero: 5 im e ar konono nõn Kora im nõn aolepen jar eo an, im ba, Ñe ejiboñ Jeova e naj bakajen wõn ro An, im wõn eo e kwojarjar, im E naj kadruaktok e nõn iben: aet, eo Ej kålete E naj kadruaktok nõn iben.

6 Komin kõmõn men in: komin bõk senser ko ami, Kora, im aolepen jar eo an; 7 im komin likit kijeek ilo ir, im likit kaijurjur ioir iman Jeova ilju; im armij eo Jeova ej kålete, ej kwojarjar: komij mõkarkar in bõk elap nõn kom, komeo ro nejin Livai.

8 Im Moses e ar ba nõn Kora, Komin roñjake, komeo ro nejin Livai: 9 ej juõn men erik ibemi ke, bwe Anij in Israel e ar kejenolok kom jen jar an Israel, in kadruaktok kom nõn iturin, bwe komin kõmõn jermal in imõn kabber an Jeova, im jutõk iman jar eo im korijer nõn ir; 10 im bwe E ar kadruaktok yuk, im ro jeõm im jåtõm otemjej ro nejin Livai ibõm? im komij kabukot jermal in pris bareinwõt ke? 11 Kin men in, kwe, im aolepen jar eo am, komij kweloktok <sup>1</sup>jumae Jeova: ak Aron ej einwõt ta, bwe <sup>2</sup>komij wanõketak nõn e?

12 Im Moses e ar jilkinlok bwe en kirtok Detan im Ebairam ro nejin Ilaiab; im rar ba, Kim jamin wõn-liñwoj; 13 ej juõn men erik bwe kwar ãñintok kim jen eneo e bwijlip kin milk im hõnni, bwe kwon mõn kim ilo ene jemaren, a kwoj mõke kõmõn yuk juõn iroiñ iom bareinwõt ke? 14 Bar juõn, kwar jab ãñintok kim nõn loan juõn ene e bwijlip kin milk im hõnni, im kwar jab letok nõn kim jolit in jikin kallip ko, im bwil in grep ko: kwo naj itiki

<sup>1</sup> Ex. 6. 21; Jud 11.<sup>2</sup> Ex. 16. 7. <sup>3</sup> 1 Kor. 10. 10.

mejen armij rein ke? kim jamin wõnliñwoj.

15 Im Moses e kanuij illu, im e ar ba ñõn Jeova, Kwon jab bõk jurtak eo air: I ar jab bõk jen ir juõn ass, ak I ar jab kejjorran jabrewõt iair. 16 Im Moses e ar ba ñõn Kora, Kwe im aolepen jar eo am komin ber iman Jeova, kwe, im ir, im Aron, ilju: 17 im jabrewõt armij en bõk senser eo an, im likit kaijurjur ion, jabrewõt iami en bõktok iman Jeova senser eo an, rubuki limñoul senser; bareinwõt kwe, im Aron, jabrewõt an senser. 18 Im rar bõk jabrewõt iair, senser eo an, im rar likit kijeek ilo ir, im likit kaijurjur ion, im jutõk iturin kejem in imõn kwelok, iben Moses im Aron. 19 Im Kora e ar kokweloktok aolepen jar eo nae ir, ñõn kejem in imõn kwelok eo: im aibujuij an Jeova e ar walok ñõn aolepen jar eo.

20 Im Jeova e ar konono ñõn Moses im ñõn Aron, im ba, 21 Komin mõke kejenolok kom jen iben jar in, bwe In mõi ir ilo bũkkinkwõle. 22 Im irro rar buñbero, im ba, O Anij, Anij an jõtõb ro an armij ro otemjej, juõn armij en bwir, im Kwo naj illu iben aolepen jar eo ke? 23 Im Jeova e ar konono ñõn Moses im ba, 24 Kwon konono ñõn jar eo, im ba, Komin ilok jen iturin imõn Kora, Detan im Ebairam.

25 Im Moses e ar jutõk im ilok ñõn iben Detan im Ebairam; im ridto ro an Israel rar lor e. 26 Im e ar konono ñõn jar eo, im ba, Komin ilok, ij akwelap ñõn kom, jen moko an armij rein re nana, im komin jab uñir jabrewõt ian men ko air, ñe kom ab joko ilo jerawiwi ko air otemjej. 27 Ein drein rar ilok jen iturin imõn kabber an Kora, Detan im Ebairam, jen ijoko otemjej: im Detan im Ebairam rar drioiptok im jutõk ilo kejem in im nuknuk ko air, kab kõra ro beleir, im ro nejir man, im ajiri ro nejir. 28 Im Moses e ar ba, Kin men in kom naj jela bwe Jeova e ar jilkinwoj iõ bwe in kõmõn men kein otemjej; bwe I ar jab kõmõne kin aõ mõke bebe.

29 Elañe armij rein rej mij ilo tabuñ, ak elañe naj kõmõn ñõn ir einwõt kõmõn ñõn armij otemjelok; inem Jeova e ar jab jilkinwoj iõ. 30 A elañe Jeova ej kõmõn juõn menekål, im löl ej walõni loñin im warõñlok ir, im aolepen men ko air, im rej wõnlõllok im mour ñõn Hedis; inem kom naj jela bwe armij rein rar kejjekron Jeova.

31 Inem ke emwij an konono nan kein otemjej, brij eo rej jutõk ion e ar belloj; 32 im löl e ar walõni loñin, in warõñlok ir, im ro nukir, im armij otemjej iben Kora, im men ko otemjej air. 33 Ein drein ir, im aolepen ro ibeir, rar wõnlõllok ke rej mour wõt ñõn loan Hedis: im ekilik löl ioir, im rar mij jen iben jar eo. 34 Im ro dri Israel otemjejiturin rar ko kin air lamij; bwe rar ba, Ne ab löl en warõñlok kim. 35 Im kijeek e ar walok jen Jeova, im kõñi man ro rubuki limñoul, ro rar lelok kaijurjur eo.

36 Im Jeova e ar konono ñõn Moses im ba, 37 Kwon ba ñõn Iliezar nejin Aron, pris eo, bwe en kwotõke senser ko jen ilo urur eo, im kwon kibliklok kijeek eo, ijueo; bwe re kwojarjar, 38 aet, senser ko an ro rar jerawiwi nae air mour; im ren nowi im kõmõnmõn mõtõn ko re meni, ken kalibubu lokatok eo: bwe rar lilok iman Jeova, inem re kwojarjar; im re naj juõn kakõle ñõn ro nejin Israel. 39 Im Iliezar, pris eo, e ar bõk senser jinibõrõrõ ko, men ko roro joko kin kijeek rar lilok, im rar nowi ir ken kalibubu lokatok eo, 40 bwe ren men in kememej ñõn ro nejin Israel, bwe ejelok obwilbata, eo e jab inen Aron, en druaktok bwe en tile kaijurjur iman Jeova; bwe en jab einwõt Kora, im einwõt jar eo iben: einwõt Jeova e ar ba ñõn e kin Moses.

41 A ran eo ilju aolepen jar an ro nejin Israel rar wanõketak nae Moses im nae Aron, im ba, Kom ar mõi armij ro dron Jeova. 42 Im ke jar eo e ar kweloktok nae Moses, im nae

<sup>1</sup> Dat. 11. 6; Sam 106. 17.

Aron, rar reilok n̄on im̄on kwelok eo: im lo, k̄oro eo e ar kalibubu e, im aibujuij an Jeova e ar walok. 43 Im Moses im Aron rar itok n̄on im̄on kwelok eo. 44 Im Jeova e ar konono n̄on Moses, im ba, 45 Komin ilok jen iben jar eo, bwe In kokkure ir ilo b̄okkinkw̄ole. Im rar būnbero. 46 Im Moses e ar ba n̄on Aron, Kwon b̄ok senser eo am, im likit kijeek iloan jen lokatok eo, im likit kaijurjur ion, im b̄oklok m̄ok̄oj n̄on jar eo, im k̄om̄on kilajr̄ok n̄on ir: bwe eor illu e ar ilok jen Jeova; emwij an jino nañinmij e nana. 47 Im Aron e ar b̄ok einw̄ot an Moses ba, im et̄rlok n̄on ilo bwiljin jar eo; im lo, emwij an walok nañinmij eo iben armij ro: im e ar likit kaijurjur ion, im e ar k̄om̄on kilajr̄ok n̄on armij ro. 48 Im e ar jut̄ok ik̄otan ro remij im ro remour; im e jemlok nañinmij eo. 49 Ak ro rar mij kin nañinmij eo, joñoul emen tausand jiljilimjūon buki, bareinw̄ot ro rar mij kin men eo rūon Kora. 50 Im Aron e ar jeblak n̄on iben Moses n̄on kejem in im̄on kwelok eo; im e bwijr̄ok nañinmij eo.

17 Im Jeova e ar konono n̄on Moses, im ba, 2 Kwon konono n̄on ro nej̄in Israel, im b̄ok jen ir ajib ko, jūon n̄on jabrew̄ot im̄on jimair, jen iroīj ro otemjej ekar n̄on im̄on ro jimair, joñoul ruo ajib: kwon jeje etan jabrew̄ot armij ilo ajib eo an. 3 Im kwon jeje etan Aron ilo ajib eo an Livai; bwe e naj jūon w̄ot ajib n̄on jabrew̄ot jīob an moko im̄on ro jimair. 4 Im kwon likiti iloan im̄on kwelok iman men in kalimur eo, ijo Ij w̄onmae yuk ie. 5 Im e naj ein drein, armij eo Ij k̄al̄ete, ajib eo an e naj nar: im I naj kajemlok jen imāo wan̄oketak ko an ro nej̄in Israel, rej lotan yuk kake. 6 Im Moses e ar konono n̄on ro nej̄in Israel; im iroīj otemjej rar lelok n̄on e ajib ko air, jūon jen jabrew̄ot iroīj, ekar n̄on moko im̄on ro jimair, aet, joñoul ruo ajib; im ajib eo an Aron e ar beriben ajib ko air. 7 Im Moses e ar likit ajib ko iman Jeova, iloan im̄on men in kalimur eo.

8 Im ran eo ilju, Moses e ar dreloñlok iloan im̄on men in kalimur eo; im lo, ajib eo an <sup>1</sup>Aron jen im̄on Livai e ar nar, im kwalok nar ko an, im in̄ok ko, im amond ko rek̄alo. 9 Im Moses e ar b̄oktok aolepen ajib ko jen iman Jeova n̄on ro nej̄in Israel otemjej: im rar kalimjeki, im b̄ok jabrew̄ot iair ajib eo an. 10 Im Jeova e ar ba n̄on Moses, Kwon bar likit ajib eo an Aron iman men in kalimur eo, bwe en berw̄ot jūon kak̄ole nae ro nej̄in dri kabata; bwe kwon kajemlok wan̄oketak ko air nae Īo, bwe ren jab mij. 11 Ein drein an Moses k̄om̄on: einw̄ot Jeova e ar jiroñ e, ein drein e ar k̄om̄one.

12 Im ro nej̄in Israel rar konono n̄on Moses, im ba, Lo kim mij, kim joko w̄ot, kim otemjej joko. 13 Jabrew̄ot eo ej kebaklok, eo ej kebaklok n̄on im̄on kab̄er an Jeova, emij: kimin otemjej mij ke?

18 Im Jeova e ar ba n̄on Aron, Kwe im l̄om̄aro nej̄om, im ro nukin jem̄om ib̄om, kom naj inek jerawiwi an im̄on kwojarjar eo; im kwe, kab ro nej̄om ib̄om, kom naj inek bwir an jerb̄al in pris eo ami. 2 Im ro jēom im j̄at̄om bareinw̄ot, bwijin Livai, bwijin jem̄om, kwon kadruaktok ir, bwe ren koba ib̄om, im korijer n̄on kwe: a kwe im l̄om̄aro nej̄om ib̄om, kom naj ber iman im̄on men in kalimur eo. 3 Im ren lali men ko am, im aolepen Mweo: a ren jab kebak n̄on j̄abi ko an im̄on kwojarjar, ak n̄on lokatok eo, bwe ren jab mij, ir ak kom. 4 Im re naj koba ib̄om, im kejb̄arok im̄on kwelok eo, kin aolepen jerb̄al an Mweo: im jūon obwilbata en jab druakwoj n̄on ibemi. 5 Im komin lal̄e im̄on kwojarjar eo, im lokatok eo; bwe en ejelok bar illu ion ro nej̄in Israel. 6 Im Na, lo, Na, I ar b̄ok ro nej̄in jēom im j̄at̄om, dri Livai, jen iben ro nej̄in Israel: rej men in lelok n̄on kom, jurtak n̄on Jeova, bwe ren k̄om̄on jerb̄al an im̄on kwelok eo. 7 Im kwe im ro nej̄om ib̄om, komin kejb̄arok jerb̄al in pris, n̄on men ko otemjej an lokatok eo,

<sup>1</sup> Hib. 9. 4.

im ñon men eo iloan rōnel; im kom naj korijer. Ij lewoj ñon kom jermal in pris, men in korijer in letok: im armij eo obwilbata ej kebaktok, en mij.

8 Im Jeova e ar ba ñon Aron, Im Ña wōt I ar lewoj jermal in lali jurtak in jebōke ko Aō, aet, men ko re kwojarjarj ar otemjej an ro nejin Israel; ñon kwe I ar liwōj, bwe emwij kabityuk, im ñon ro nejōm man, einwōt ami kij ñon in drio. 9 Eñin en am ian men ko re kanuij kwojarjar, kejenoloke jen kijeek eo: men in jurtak otemjej air, aet, jurtak flauo otemjej air, aolepen men in katok kin jerawiwi ko air, im men in katok otemjej air kin ruōn, ko rej letok ñon Iō, re naj kanuij kwojarjar ñon kwe im ñon ro nejōm man. 10 Einwōt men ko re kanuij kwojarjar, kwo naj mōña jeni; man ro otemjej ren mōña jeni: e naj kwojarjar ñon kwe. 11 Im eñin am; jurtak in jebōke jen men in lelok eo air, aet, jurtak belbel ko otemjej an ro nejin Israel; I ar liwoj ñon kwe im ñon ro nejōm man im kōra ibōm, einwōt ami kij ñon in drio; ro otemjej rereo iloan mweo imōm, re naj mōña jen e. 12 Aolepen mōtōn oil emōntata: im mōtōn marmir in grep emōntata, im jen korn, jomōkōj ko air rej lelok ñon Jeova, I ar liwoj ñon kwe. 13 Jomōkōj in leen rekālo an men otemjej ilo eneo air, rej bōktok ñon Jeova, re naj am; ro otemjej rereo, iloan mweo imōm re naj mōña jene. 14 Jabrewōt men in aje ñon Jeova ilo Israel, e naj am. 15 Jabrewōt eo ej kabellek loji, jen kōniek otemjej rej lelok ñon Jeova, elañe armij ak kiru, e naj am: ijoke, manjien armij kwo naj wiaik wōt, im men in lotak mokta an kiru re jab erreo, kwo naj wiaik e. 16 Im men ko men in wiaik iaer jen ridtōn juōn aliñ, kwo naj wiaiki, ekar ñon am watōk, kin lailim shekel, shekel an imōn kwojarjar, (eñin roñoul gira). 17 A manjien kau, ak manjien jip, ak manjien got, kwo jamin wiaiki; re kwojarjar: kwo naj kabōtūktūk bōtōktōkir ion lokatok eo, im naj tile

kioeo jeni juōn jurtak kōmōne kin kijeek, bwin enno ñon Jeova. 18 Im kōniekir e naj am, einwōt ubōn belbel im unjen ne anbijmaroñ e naj am. 19 Im aolepen men in katok in jebōke an men ko re kwojarjar, ro nejin Israel rej lilok ñon Jeova, I ar lewoj ñon kwe, im ñon ro nejōm man im kōra ibōm, einwōt ami kij in drio: ej bujen salt ñon in drio iman Jeova ñon kwe im ñon ro ineōm ibōm. 20 Im Jeova e ar ba ñon Aron, E naj ejelok jolit ñon kwe ilo eneo air, im e naj ejelok am ajenkij ibeir: Ña am ajenkij im am jolit iben ro nejin Israel.

21 Im lo, I ar lelok ñon ro nejin Livai, mōtōn ken ka joñoul otemjej ilo Israel, air jolit, wōnan air jermal rej jermal kake, aet, jermal an imōn kwelok eo. 22 Im jen ien in ro nejin Israel re jamin kebaklok imōn kwelok eo, ñe rab ineklok air bwir im mij. 23 A ro dri Livai re naj kōmōn jermal an imōn kwelok, im re naj inek bwir eo air: e naj juōn kien ñon in drio ilo ebeben ko ami otemjej; im iben ro nejin Israel e naj ejelok jolit ibeir. 24 Bwe mōtōn eo ken ka joñoul an ro nejin Israel, rej letok jurtak in jebōke ñon Jeova, I ar lelok ñon ro dri Livai air jolit: kin men in, I ar ba ñon ir, E naj ejelok air jolit iben ro nejin Israel.

25 Im Jeova e ar konono ñon Moses, im ba, 26 Bar juōn, kwon konono ñon ro dri Livai, im ba ñon ir, Ñe komij bōk jen ro nejin Israel mōtōn joñoul eo I ar lewoj ñon kom jen ir, ami jolit, inem kom naj lelok jen e jurtak in jebōke, ñon Jeova, juōn mōtōn joñoul jen mōtōn joñoul eo. 27 Im ami jurtak in jebōke naj watōke ñon kom, einwōt korn jen jikin dreñdreñ, im einwōt wain jen ken joniōk grep. 28 Ein drein kom naj bareinwōt lelok jurtak in jebōke ñon Jeova, jen mōtōn joñoul otemjej ami, komij bōki jen ro nejin Israel; im jen e kom naj lelok jurtak in jebōke an Jeova ñon Aron, pris eo. 29 Jen men in lelok otemjej ñon kom, komin lelok jabrewōt jurtak in jebōke ñon Jeova,



jen men otemjej remōntata iair, aet, mōtōn e kwojarjar jen e. 30 Kin men in, kwon ba nōn ir, Ne komij jebōk mōtōn emōntata jen e, inem naj watōki nōn ro dri Livai einwōt orlok an jikin dreñdreñ, im einwōt orlok an ken joniok grep. 31 Im kom naj kōñe ilo jabrewōt jikin, kom im ro nukimi: bwe ej wōnami, men in wōnami kin ami korijer ilo imōn kwelok eo. 32 Im kom naj inek ejelok jerawiwi kake, ñe emwij ami jebōk jen e mōtōn emōntata: im komin jab katton men ko re kwojarjar an ro nejin Israel, bwe komin jab mij.

**19** Im Jeova e ar konono nōn Moses im nōn Aron, im ba, 2 Eñin nan in kaiñi an kien eo Jeova e ar jiron, im ba, Kwon konono nōn ro nejin Israel, bwe ren añintok nōn ibōm, juōn kau kokōra, e mōrar, emōn ridtōn, e wāppen, im ejelok ñe e nañin ber ion. 3 Im komin lelok e nōn lliezar, pris eo, im en añinlok e nōn ilikin kamp eo, im juōn e naj mōn e iman mejen: 4 im lliezar, pris eo, en bōk jen bōtōktōkin kin juōn arrin pein, im en kabōtōktūk e nōn iman imōn kwelok, jiljilimjuōn alen. 5 Im juōn en tile kau eo iman mejen: kilin, im kōniekin, im bōtōktōkin, im toeōkin, en tile: 6 im pris eo e naj bōk mōtōn aik, im hissop, im kolan jip kilmir, im naj julok na ilo kijeek eo ej tile kau eo. 7 Inem pris eo en kwoli nuknuk ko an, im katutu enbwinin ilo dren, im tokelik en dreloñ iloan kamp eo, im pris eo e jamin erre eo mae jota. 8 Im eo ej tile, en kwoli nuknuk ko an kin dren, im katutu enbwinin ilo dren, im jamin erre eo mae jota. 9 Im juōn armij erre eo en aini brij in ubaj an kau eo, im likite ilo jikin erre ilikin kamp eo; im naj kejbārok e nōn jar an ro nejin Israel, bwe en nōn dren in jab erre: ej men in katok kin jerawiwi. 10 Im eo ej aini brij in ubaj an kau eo, en kwoli nuknuk ko an, im jamin erre eo mae jota: im men in e naj juōn kien nōn ro nejin Israel, im nōn drua maijet eo ej itoitōk ibeir, nōn in drio.

11 Eo ej unire ubōn juōn dri mij, e

jamin erre iomin jiljilimjuōn ran: 12 armij eo en mōke karreoik e kake ilo ran eo ken ka jilu, im ilo ran eo ken ka jiljilimjuōn e naj erre: a elañe e jab mōke karreoik e ilo ran eo ken ka jilu, e jamin erre ilo ran eo ken ka jiljilimjuōn. 13 Jabrewōt eo ej uñir ubōn juōn dri mij, im e jab mōke karreoik e, armij eo ej kananaik imōn kabēr an Jeova; im naj bukwe lok armij eo jen Israel: kin air jab kabōtōktūk e kin dren eo nōn jab erre, e jab erre; an jab erre eo ej berwōt ion.

14 Eñin kien nōn juōn armij emij iloan juōn im nuknuk: jabrewōt eo ej dreloñ iloan mweo, im jabrewōt eo ej iloan mweo, e jamin erre iomin jiljilimjuōn ran. 15 Im jabrewōt jābi ejelok mejen, elañe jañin lukwoj mejen ion e jab erre. 16 Im jabrewōt eo ilo melaj, im ej uñir juōn emwij mōn e kin jābi, ak ubōn dri mij, ak drin armij, ak juōn lūp, e jamin erre iomin jiljilimjuōn ran. 17 Im nōn ro dri jab erre ren bōk jen brij in ubaj in men in katok kin jerawiwi eo rar tile, im ren likit dren ej torlok iben ilo juōn jābi: 18 im juōn armij erre en bōk hissop in katutu e ilo dren eo, im kabōtōktūk e ion mweo, im ion jābi otemjej, im ion armij ro rar ber ie, im ion eo e ar uñir dri eo, ak armij eo ar mōn e, ak ubōn dri mij, ak lūp eo: 19 im dri erre en kabōtōktūk ro re jab erre ilo ran eo ken ka jilu, im ilo ran eo ken ka jiljilimjuōn: im ilo ran eo ken ka jiljilimjuōn e naj karreoik e; im e naj kwoli nuknuk ko an, im mōke katutu e ilo dren, im e naj erre ñe ejota.

20 A armij eo e jab erre, im e jamin mōke karreoik e, naj bukwe lok armij eo jen bwiljin jar eo, bwe emwij an kananaik imōn kwojarjar an Jeova: jañin kabōtōktūk e kin dren eo nōn jab erre; e jab erre. 21 Im e naj kien nōn in drio: im eo ej kabōtōktūk kin dren eo nōn jab erre, en kwoli nuknuk ko an; im eo ej unire dren eo nōn jab erre e jamin erre mae jota. 22 Im jabrewōt men eo dri jab erre eo ej unire, e jab

erreo; im armij eo ej uñir men eo, e jamin erreo mae jota.

**20** Im ro nejin Israel, aet, aolepen jar eo, rar itok ñõn ene jemaren Zin ilo aliñ eo mokta: im armij ro rar jokwe i Kedesh; im Miriam emij ijo, im rar kalibwin e ijo.

**2** Im <sup>1</sup>ejelok dren limen jar eo; im rar kweloklok nae Moses im nae Aron. **3** Im armij ro rar akwaile Moses, im konono, im ba, E naj kar emõn wõt elañe kim ar mij ke ro jeõm im jätim rar mij iman Jeova! **4** Im etke komro ar añintok jar an Jeova ñõn loan ene jemaren in, bwe kimin mij ie, kim im kiru ko am? **5** Im etke komro ar kamakokoik kim bwe kimin wõnliñlok jen Ijpt, in añintok kim ñõn jikin in e nana? e jab enen ine, ak fig ko, ak vain ko, ak pomgranet ko; im bareinwõt ejelok dren in irak. **6** Im Moses im Aron rar ilok jen iben jar eo ñõn kejem in imõn kwelok eo, im buñbero: im aibujui an Anij e ar walok ñõn irro. **7** Im Jeova e ar konono ñõn Moses, im ba, **8** Kwon bök jokwõn eo, im kokweloktok jar eo, kwe im Aron jeõm, im komin konono ñõn dreka eo iman mejeir, bwe en kaibip drenin; im kwon böktok ñõn ir dren jen dreka eo; ein drein kwo naj lelok limeir ñõn jar eo im kiru ko air. **9** Im Moses e ar bök jokwõn eo jen iman Jeova, einwõt E ar jiroñ e.

**10** Im Moses im Aron rar kokweloktok jar eo iman dreka eo, im e ar ba ñõn ir, Komin roñjake kiõ, komeo dri kabata; kimin bökwoj ñõn kom dren jen dreka in ke? **11** Im Moses e ar kwõtöke pein, im e ar dreñlokwe dreka eo ruo alen kin jokwõnõn: im elap an <sup>2</sup>dren iobip, im jar eo rar irak, im kiru ko air. **12** Im Jeova e ar ba ñõn Moses im Aron, Kin amiro jab tõmak Iõ, bwe komin kokwojarjar Iõ ilo mejen ro nejin Israel, inem komro jamin añinlok jar in ñõn loan eneo I ar lelok ñõn ir. **13** Irkein dren ko in Meriba; kin ke ro nejin Israel rar akwaile Jeova, im E ar kwojarjar ilo ir.

**14** Im Moses e ar jiliklok jen Kedesh ñõn kiñ in Idõm, Ein drein jätõm Israel ej ba, Kwo jela iñtan otemjej e ar walok ñõn kim: **15** ekijkan ro jimam rar wõnlõlok ñõn Ijpt, im eto air jokwe ilo Ijpt; im ro dri Ijpt rar kejjoran kim im ro jimam: **16** im ke kim ar kir ñõn Jeova, e ar roñ ainikem, im E ar jilkintok juõn enjel im añintok kim jen Ijpt: im lo, kim ber i Kedesh, juõn jikin kwelok i tõreren eo am etoloktata. **17** Ij akwelap ñõn yuk, kwon kötlok bwe kimin driblok ene e am: kim jamin driblok jikin kallip ak bwil in grep, im kim jamin irak dren jen aibij ko; kim naj etalok ilo ial an kiñ; kim jamin jeõrlök ñõn anbijmaroñ ak ñõn anmiñ, mae ien am kijon tõreren eo am. **18** Im Idõm e ar ba ñõn e, Kwo jamin driblok iõ, ñe I ab iwij nae yuk kin jãji. **19** Im ro nejin Israel rar ba ñõn e, Kim naj wõnliñlok ilo ial elap; im elañe kim naj irak jen dren eo am, ña im kiru ko ão, inem I naj lewoj wõnan: men in wõt, im kim jamin kõmõn jabrewõt bar jet, kwon likit bwe in driblok kin neem. **20** Im e ar ba, Kwo jamin driblok. Im Idõm e ar driojtok nae e kin elõñ armij, im kin pein e kajur. **21** Ein drein Idõm e ar abwin lelok ñõn Israel juõn ial ilujen tõreren eo an: kin men in Israel e ar jeõrlök jen e.

**22** Im rar etal jen Kedesh: im ro nejin Israel, aolepen jar eo, rar itok ñõn tol Hor. **23** Im Jeova e ar konono ñõn Moses im Aron ilo tol Hor, i tõreren ene Idõm, im ba, **24** naj ain Aron ñõn iben ro jiman; bwe e jamin dreloñ ilo eneo I ar lelok ñõn ro nejin Israel, kin ke komro ar kõtõrei Aõ in nan iturin dren ko an Meriba: **25** Kwon bök Aron im Iliezar nejin, im añinlok irro ñõn tol Hor; **26** im wutik nuknuk ko an jen Aron, im kanuknuk Iliezar nejin kake; im naj ain Aron ñõn iben ro jiman, im e naj mij ijo. **27** Im Moses e ar kõmõn einwõt Jeova e ar jiroñ e: im rar wõnliñlok ion tol Hor iman mejen aolepen jar eo. **28** Im Moses e ar wutik nuknuk ko an jen Aron, im

<sup>1</sup> Ex. 17. 1. <sup>2</sup> Als. 48. 21. <sup>1</sup> Kor. 10. 4.

kanuknuk Iliezar kake; im Aron e ar mij ie i jabōn tol eo: im Moses im Iliezar rar wōnlōltok jen jabōn tol eo. 29 Im ke aolepen jar eo rar lo bwe emij Aron, rar jōñōt Aron imin jilñoul ran, aet, aolepen imōn Israel.

**21** Im dri Kenean, eo kiñ in Erad, eo e ar jokwe i Rōk, e ar roñ kin an Israel itok ilo ial an ro dri wate; im e ar tōrinaek Israel, im bōk jet iair dri jebokwe. 2 Im Israel e ar kōmōn juōn muri ñōn Jeova, im ba, Elañe Kwoj letok armij rein ilo peiō, inem I naj kajebeplik wōt jikin kwelok ko air. 3 Im Jeova e ar eoroñ ainiken Israel, im lelok ro dri Kenean ñōn ir; im rar kokkure wōt ir im jikin kwelok ko air: im naetan jikin eo Horma.

4 Im rar etal jen tol Hor ilo ial ñōn lomalo Ekilmir, bwe ren kabol ene Idōm, im armij ro rar kanuij ōbwer kin ial eo. 5 Im armij ro rar konono nae Anij im nae Moses, Etke kom ar āhintok kim jen enen Ijpt bwe kimin mij ilo ene jemaren? bwe ejelok bred, im ejelok dren? im kimij kiril kin bred in e nana. 6 Im Jeova e ar jilkinlok serpent kijeek ko ilo bwiljin armij ro, im rar kij armij ro; im elōñ armij in Israel rar mij. 7 Im armij rar itok ñōn iben Moses, im ba, Kim ar jerawiwi bwe kim ar konono nae Jeova im nae yuk; kwon jar ñōn Jeova, bwe En bōklok serpent ko jen ibem. Im Moses e ar jar kin armij ro. 8 Im Jeova e ar ba ñōn Moses, Kwon 1 kōmōnmōn juōn serpent kijeek, im leliñloke ion jurōn flag: inem jabrewōt eo emwij kije, ñe ej kalimjeke, e naj mour. 9 Im Moses e ar kōmōnmōn juōn 2 serpent jen jinibōrōrō, im e ar likite iman jurōn flag eo: inem elañe serpent e ar kije jabrewōt armij, ñe ej reilok ñōn serpent jinibōrōrō eo ej mour.

10 Im ro nejin Israel rar etal, im kajur im i Obot. 11 Im rar etal jen Obot, im rar kajur im i Iye-abarim, ilo ene jemaren iman Moab, ñōn tak al. 12 Jen ijo rar etal, im kajur im i komlōl in Zired. 13 Jen ijo rar

etal im kajur im i jabueo i river Arnon, eo ej ilo ene jemaren, ej itok jen tōreran ro dri Amor: bwe Arnon ej tōreran Moab, ikōtan Moab im ro dri Amor. 14 Kin men in, emwij ba ilo buk in tōrinae ko an Jeova, Vahab ilo Supha, im komlōl ko in Arnon eo, 15 im tōreran komlōl ko, rej mōllok ñōn kabijuknen Ar, im atartar ion tōreran Moab. 16 Im jen ijo rar etal ñōn Bier: eñeo aibij eo Jeova e ar ba ñōn Moses kake, Kwon kokweloktok armij ro, im I naj lelok dren ñōn ir. 17 Inem Israel e ar al al in: Kwon jiblok, O aibij; komin al ñōn e: 18 aibij eo iroi j ro rar kōbije, eo bwirōk ro an armij rar kōbije, kin septer, im kin jokwōnair. Im jen ene jemaren rar etal ñōn Mattana; 19 im jen Mattana ñōn Naheliel; im jen Naheliel ñōn Bemot; 20 im jen Bemot ñōn komlōl eo ej ilo melaj in Moab, ñōn jabōn Pisga, eo ej reilōlok ñōn ene jemaren.

21 Im Israel e ar jilkinlok dri jilik ñōn Saihon, kiñ an ro dri Amor, im ba, 22 Kwon kōtlok iō bwe in driblok ene e am: kim jamin jeōr ñōn jikin kallip, ak ilo bwil in grep; kim jamin irak dren jen aibij ko: kim naj etal ilo ial an kiñ, mae ien kimij elā jen tōreran eo am. 23 Im Saihon e abwin kōtlok Israel bwe en driblok tōreran: a Saihon e ar kokweloklok armij otemjej dron, im ilok nae Israel ilo ene jemaren, im itok ñōn Jehaz; im e ar tōrinaek Israel. 24 Im Israel e ar mōn e kin mejen jāji, im bōk eneo an jen Arnon ñōn Jabbok, aet, ñōn ro nejin Amon; bwe tōreran ro nejin Amon e bin. 25 Im Israel e ar bōk aolepen jikin kwelok kein: im Israel e ar jokwe ilo jikin kwelok otemjej am dri Amor, ilo Heshbon, im ilo jikin kwelok ko otemjej iturin. 26 Bwe Heshbon e kar jikin kwelok an Saihon, kiñ an ro dri Amor, eo e ar tōrinaek kiñ in Moab eo mokta, im e ar bōk aolepen eneo an jen pein, aet, ñōn Arnon. 27 Kin men in, ro rej konono ilo jabōn kennan rej ba, Komin itok ñōn Heshbon, jikin kwelok an Saihon,

ren kalek im kabin e: 28 bwe kijek e ar ilok jen Heshbon, urur jen jikin kwelok an Saihon: e ar kōni Ar an Moab, iroi ro an jikin kwelok ko re utiej in Arnon. 29 Wo nōn kwe, Moab! Kom joko wōt, armij ro an Kimosh: e ar lelok ro nejin einwōt dri ko, im ro nejin kōra ilo jebokwe; nōn Saihon kiñ an ro dri Amor. 30 Kim ar libon ir; Heshbon e jebeplok wōt nōn Daibon, im kim ar kokkure nōn Nopa, eo ej tōbar Mediba. 31 Ein drein Israel e ar jokwe ilo ene an ro dri Amor. 32 Im Moses e ar jilkinlok im wate Jezer; im rar bōk jikin kwelok ko an, im rar ubakelok ro dri Amor rar ber ie.

33 Im rar jeōr im wōnliñlok ilo ial nōn Beshan: im Og kiñ in Beshan e ar ilen jumae ir, e im armij ro dron otemjej, bwe ren tōrinae i Edraei. 34 Im Jeova e ar ba nōn Moses, Kwon jab mijōke: bwe I ar lelok e ilo peōm, im aolepen ro dron, im eneo an; im kwo naj kōmōn nōn e einwōt kwar kōmōn nōn Saihon kiñ an ro dri Amor, eo e ar jokwe i Heshbon. 35 Ein drein rar mōn e, im ro nejin man, im armij ro dron otemjej, mae ien e torlok bōk nōn e: im rar bōk eneo an.

**22** 1 Im ro nejin Israel rar etal, im kajur im ilo ene emōn biken an Moab, i Jordan jabueo ikijen Jeriko.

2 Im Belak nejin Zippor e ar lo men otemjej Israel e ar kōmōn nōn ro dri Amor. 3 Im Moab e ar kanuij lel-ñōñ kin armij ro, bwe relōn: im Moab e ar kanuij inebata kin ro nejin Israel. 4 Im Moab e ar ba nōn ridto ro an Midian, Kiō jar in e naj kōni men ko otemjej iturer, einwōt juōn ox ej kōni ujoij in melaj. Ak Belak nejin Zippor ej kiñ in Moabien eo. 5 Im e ar jilkinlok ro dri jilik nōn iben Beleam nejin Bior, nōn Pitor, eo iturin River eo, nōn ene an ro nejin armij ro mōtōn, im kirtok e, im re ba, Lo, juōn jarlipju e ar itok jen Ijpt: lo, rej kalibubu mejen lōl, im rej berwōt ikijiō. 6 Inem kiō ij akwelap nōn yuk, kwon iten kole armij rein jen iō; bwe re kanuij kajur jen ña:

bwelen I naj maroñ in bōk anjo bwe in mōn ir, im ubakelok ir jen enin; bwe I jela bwe eo kwoj kejerammōn e e jerammōn, im eo kwoj kole e jeraata.

7 Im ridto ro an Moab, im ridto ro an Midian rar ilok, im men ko wōnan anijnij ilo peir; im rar ilok nōn iben Beleam, im ba nōn e nan ko an Belak. 8 Im e ar ba nōn ir, Komin kiki iji boñinin, im I naj bōkwoj nōn kom nan, einwōt Jeova e naj konono nōn iō: im iroi ro an Moab rar ber iben Beleam. 9 Im Anij e ar itok nōn iben Beleam, im ba nōn e, Wōn lōmarein ibōm? 10 Im Beleam e ar ba nōn Anij, Belak nejin Zippor, kiñ in Moab, e ar jilkintok ir nōn iba, im ba, 11 Lo, armij ro re mottok jen Ijpt, rej kalibubu mejen lōl: inem kwon iten kole ir jen iō: bwelen I naj maroñ in tōrinaek ir im I naj kokōk ir. 12 Im Anij e ar ba nōn Beleam, Kwon jab ilok ibeirlok; kwon jab kole armij ro; bwe re jerammōn wōt. 13 Im Beleam e ar jerkak ke ejiboñ. im e ba nōn iroi ro an Belak, Komin ilok nōn eneo ami; bwe Jeova e abwin kōtlok bwe in ilok ibemilok. 14 Im iroi ro in Moab rar jutōk im ilok nōn iben Belak, im ba, Beleam e ar abwin itok ibemtok.

15 Im Belak e ar bar jilkinlok iroi roñ, relōn im rājimjim jen ro mokta. 16 Im rar ilok nōn iben Beleam, im ba nōn e, Ein drein Belak, nejin Zippor, ej ba, Ij akwelap nōn yuk bwe ejelok men en bōprae am itok nōn iba: 17 bwe I naj koutiej yuk nōn nebar e kanuij lap, im jabrewōt eo kwoj ba nōn iō I naj kōmōne: inem ij akwelap bwe kwon itok im kole armij rein jen iō. 18 Im Beleam e ar uak im ba nōn ro korijeran Belak, Elañe Belak e naj letok mweo imōn eobrōk kin silver im gold, I ban ilok jen nan eo an Jeova aō Anij, im kōmōn erik ak etap jen e. 19 Inem kiō, ij akwelap, komin berwōt iji boñinin bareinwōt, bwe in jela ta eo Jeova e naj bar konono nōn iō. 20 Im Anij e ar itok nōn iben Beleam ilo boñ, im ba nōn e, Elañe armij ro rar iten kir yuk, kwon

jutök im ilok ibeïrlök; a nan eo wöt I naj ba ñön yuk, men eo kwo naj kö-möne.

21 Im <sup>1</sup> Beleam e ar jerkak ke eji-boñ, im e ar fikit eran jïjöt ion ass eo an, im ilok iben iroiï ro in Moab. 22 Im ebwil illu an Anij kin an ilok; im enjel òn Jeova e ar jutök ilo ial, bwe en jumae e. Ak e ar uwe ion ass eo an, im lõmaro ruo dri korijeran iben.

23 Im ass eo e ar lo enjel òn Jeova ke ej jutök ilo ial, im ilo pein jãji eo emwij nuri; im ass eo e ar jeör jen ial, im ilok ilo melaj: im Beleam e ar dreñlokwe ass eo, bwe en kajeör e ñön ial eo. 24 Im enjel òn Jeova e ar jutök ilo juön ial e airik, ikòtan bwil in grep ko, juön worwor i anbijmaroñ im juön i anmiñ. 25 Im ass eo e ar lo enjel òn Jeova, im e ar jeör ñön juön worwor, im e ar kabij neen Be-leam ilo worwor eo: im e ar bar dreñlokwe. 26 Im enjel òn Jeova e ar bar wõnmanlok, im jutök ilo juön jikin e airik, ijo e ban jeör ñön anbij-maroñ ak anmiñ. 27 Im ass eo e ar lo enjel òn Jeova, im e ar babu iomin Beleam: im Beleam e kanuij illu, im e ar dreñlokwe ass eo kin jokwõnõn.

28 Im Jeova e ar walõhi loñin ass eo, im e ar ba ñön Beleam, Ta eo I ar kömõne ñön kwe, kin am kar dreñlok-we iõ alen jilu? 29 Im Beleam e ar ba ñön ass eo, Kin am kajirere kake iõ: emõn elañe e kar juön jãji ilo peiõ, bwe kiõ I naj kar mõn yuk. 30 Im ass eo e ar ba ñön Beleam, Ta I jab am ass, eo kwar uwe ion iomin aolepen ien am mour ñön ranin ke? I kin kömõn einwõt ñön kwe ke? Im e ar ba, Jab.

31 Inem Jeova e ar kabellek mejen Beleam, im e ar lo enjel òn Jeova ej jutök ilo ial, im ilo pein jãji emwij nuri; im e ar möjir, im buñbero. 32 Im enjel òn Jeova e ar ba ñön e, Etke kwar dreflokwe am ass alen kein jilu? Lo, I ar itok dri jumae yuk, bwe ial eo am ej ankeke iman meja: 33 Im ass eo e ar lo lõ, im jeör jen lõ alen kein jilu; elañe e ar jab jeör jen lõ, emol I naj kar mõn yuk, im

kejbãrok an mour. 34 Im Beleam e ar ba ñön enjel eo, I ar jerawiwi; bwe I ar jab jela bwe kwoj jutök ilo ial jumae iõ: inem kiõ, elañe e jab buñburuõm, I naj jeblaklo. 35 Im enjel òn Jeova e ar ba ñön Beleam, Kwon ilok iben armij ro lok; a nan eo wöt Ij ba ñön yuk, kwo naj konono. Ein drein Beleam e ar ilok iben iroiï ro an Belak.

36 Im ke Belak e ar roñ bwe e mottok Beleam, e ar ilen wõnmae e ñön jikin kwelok an Moab, eo ej i tõ-reren Arnon, eo ej ilo mõtõn tõreren etoloktata. 37 Im Belak e ar ba ñön Beleam, I ar jab jilkinwoj im akwel-lap bwe kwon itok ke? etke kwar jab itok ñön iba? I jab maroñ in koutiej yuk ñön nebar ke? 38 Im Beleam e ar ba ñön Belak, Lo, emwij aõ itok ñön ibõm: eor ke kajur iba bwe in ba jabrewõt? nan eo Anij ej likit i loñiõ, I naj konono. 39 Im Beleam e ar ilok ñön iben Belak, im irro rar ilok ñön Kiriathuzot. 40 Im Belak e ar katok kin ox ko im jip ko, im e ar jilkinlok ñön Beleam im ñön iroiï ro iben.

41 Inem ke ejiboñ, Belak e ar bõk Beleam, im añinliñlok e ñön jikin ko re utiej an Beal, im jen ijo e

**23** ar lo mõtõn jar eo etoloktata. 1 Im Beleam e ar ba ñön Be-lak, Kwon kalek ñön iõ iji jil-jilimjuön lokatok, im kapoj ñön iõ iji jiljilimjuön kau koman im jiljilim-juön jip koman. 2 Im Belak e ar kömõn einwõt Beleam e ar ba; im Belak kab Beleam rar katok ion jabrewõt lokatok juön kau koman im juön jip koman. 3 Im Beleam e ar ba ñön Belak, Kwon jutök iturin am men in katok kijeek, im I naj ilok: bwelen Jeova e naj iten wõnmae iõ; im jabrewõt men Ej kwalok ñön iõ, I naj kennanek yuk kake. Inem e ar wõnliñlok ion juön jabõn tol e majaj. 4 Im Anij e ar wõnmae Beleam: im e ar ba ñön E, Emwij aõ kapoj jil-jilimjuön lokatok, im I ar katok kin juön kau koman im juön jip koman ion jabrewõt lokatok. 5 Im Jeova e ar likit nan i loñin Beleam, im ba,

Kwon jeblak ñon Belak, im ein drein am naj konono. 6 Im e ar jeblak ñon iben, im lo, ej jutök iturin men in katok kijeek eo an, e im aolepen iroi ro in Moab. 7 Im e ar kwotöke wan joñök eo an im ba,

Jen Eram Belak e ar añintok iö, kiñ in Moab, jen tol ko i rear: kwon itok, kwon kole Jakob jen iö, im kwon itok, im kejeiokiok Israel.

8 Ekijkan aö naj kole ro Amij e ar jab kole ir? im ekijkan aö naj kejeiokiok ro Anij e ar jab kejeiokiok ir?

9 Bwe jen jabön dreka ko ij lo e, im jen tol ko ij reilok ñon e: lo, e juön jar ej jokwe möke ian, im jamin watöke iben ro dri ailiñ ko.

10 Wön e maroñ in bwini böñöñöñ an Jakob, ak jela oran juön mötön emen an Israel? Ña in mij mij eo an dru wānik, im jemlokön aö mour en einwöt eo an! 11 Im Belak e ar ba ñon Belem, Ta eo kwar kömön ñon ña? I ar bök yuk bwe kwon kole ro dri kijirät iö, im kwar jare wöt ir. 12 Im e ar uak im ba, In jab lala bwe in konono men eo Jeova ej likit i lo-ñö ke?

13 Im Belak e ar ba ñon e, Ij akwelap, kwon itok iba ñon bar juön jikin ijo kwo naj maroñ in lo ir; kwo naj lo wöt ro retoloktata; kwo jamin lo ir otemjej: im kwon kole ir ijo jen iö. 14 Im e ar añinlok e ñon melaj in Zopim, ñon jabön Pisga, im e ar kalek jiljilimjuön lokatok, im katok kin juön kau koman im juön jip koman ion jabrewöt lokatok. 15 Im e ar ba ñon Belak, Kwon jutök iji iturin men in katok kijeek, ke ij wönmae Jeova ijueo. 16 Im Jeova e ar wönmae Belem, im likit nan i loñin, im ba, Kwon jeblak ñon iben Belak, im ein drein am naj ba. 17 Im e ar itok ñon iben, im lo, ej jutök iturin men in katok kijeek eo an, im iben iroi ro in Moab. Im Belak e ar ba, Ta eo Jeova e ar konono? 18 Im e ar kwotöke wan joñök eo an, im ba,

Kwon jutök, Belak, im roñjake; kwon eoroñ iö, kwe nejin Zippor:

19 Anij e jab juön armij, bwe En

riöp, ak nejin armij, bwe En ukwelok: E ar konono, im E jamin kömön ke? ak E ar ba, im E jamin kamole ke?

20 Lo, emwij jiroñ iö bwe in kejerammön: im E ar kejerammön, im I ban ukot e.

21 E ar jab lo bwir ilo Jakob; im E ar jab lo ankeke ilo Israel; Jeova an Anij ej iben, im lamij an juön kiñ ej ibeir.

22 Anij ej kadrioiytok ir jen Ijpt; iben, kajur einwöt kau koman e awia.

23 Emol ejelok marmir nae Jakob; im ejelok anijnij nae Israel: kiö re naj ba kin Jakob im Israel, Ta eo Anij e ar kömönmöne!

24 Lo, armij ro rej jerkak einwöt laion koköra, im einwöt laion ej möke kwotöke: e jamin babu mae ien ej köni men in jibwe, im irak böttöktök in ro emwij mön ir. 25 Im Belak e ar ba ñon Belem, Kwon jab jare ir ñon jirik, ak kole ir ñon jirik. 26 A Belem e ar uak im ba ñon Belak, I ar jab kenannek yuk im ba, Men otemjej Jeova ej konono, men eo emön in kömöne ke?

27 Im Belak e ar ba ñon Belem, Kwon itok, I naj añinlok yuk ñon bar juön jikin; bwelen e naj kabuñburuen Anij bwe kwon kole ir ijo jen iö. 28 Im Belak e ar añinlok Belem ñon jabön Pior, ej reilölok ñon ene jemaren. 29 Im Belem e ar ba ñon Belak, Kwon kalek ñon iö iji jiljilimjuön lokatok, im kapoj ñon iö jiljilimjuön kau koman im jiljilimjuön jip koman. 30 Im Belak e ar kömön einwöt Belem e ar ba, im katok kin juön kau koman im juön jip koman ion lokatok

**24** otemjej. 1 Im ke Belem e ar lo bwe e mönönö Jeova in kejerammön Israel, e ar jab ilok, einwöt ien ko jet, in wönmae marmir ko, a e ar mejek ene jemaren. 2 Im Belem e ar bök mejen, im lo Israel ej jokwe ekar ñon bwijin; im Jitöb ön Anij e ar itok ion. 3 Im e ar kwotöke wan joñök eo an, im ba,

Belem nejin Bior ej ba, im leo e ar kilik mejen, ej ba,

4 Ej ba, Eo ej roñjake nan ko an

Anij, eo ej lo visõn an eo Ekajur potata, ej buñ, ak e bellok wõt mejen:

5 E nañin emõn moko imõm, O Jakob, imõn kabrer ko am, O Israel!

6 Einwõt komlõl ko re jerer, einwõt jikin kallip ko iturin river, einwõt alos ko Jeova e ar kallip, einwõt wijiki aik ko iturin dren ko.

7 Dren e naj torlok jen bõkã ko an, im inen e naj ilo dren ko relõn, im kiñ eo an, e naj utiej jen Egag, im ailiñ in kin eo an, naj koutiej e.

8 Anij ej kadrioijtok e jen Ijpt; iben, kajur einwõt eo an kau koman e awia: e naj kõni ro dri ailiñ ko rej kijirãte, im e naj ruji dri ko driir ilo mõtõn ko, im wãkare ir kin mõri in libon ko an.

9 E ar kumwil, e ar babu einwõt laion, im einwõt laion kokõra; wõn e naj kworuj e? En jerammõn jabrewõt eo ej jare yuk, im en jerata jabrewõt eo ej kole yuk.

10 Im ebwil illu an Belak nae Beleam, im e ar kaitak pein iben dron; im Belak e ar ba ñõn Beleam, I ar kirtok yuk bwe kwon kole ro dri kijirãte iõ, im lo, kwar jare ir alen kein jilu. 11 Kin men in, kiõ, kwon ko ñõn jikõm: I kar bebe in koutiej yuk ilo nebar elap; a, lo, Jeova e ar drebij yuk jen am utiej. 12 Im Beleam e ar ba ñõn Belak, I ar jab bareinwõt ba ñõn ro am dri jilik, ro kwar jilkintok ñõn iba, im ba, 13 Elañe Belak e kõnan letok mweo imõn e obrõk kin silver im gold, I ban elã jen nan in Jeova, bwe in kõmõn men eo emõn ak e nana ilo aõ bebe: nan eo Jeova ej konono, eñeo I naj ba ke? 14 Inem kiõ, lo, ij ilok ñõn iben dri ailiñ ro aõ: itok, im I naj kajelaik yuk ta eo jar en re naj kõmõn ñõn ro drom ilo ran ko reliktata. 15 Im e ar kwotõke wan joñõk eo an, im ba,

Beleam nejin Bior ej ba, im armij eo e ar kilik mejen, ej ba;

16 E ba, eo ej roñjake nan ko an Anij, im e jela meletlet an Eo Eutiejtata, eo ej lo visõn an Eo Ekajur potata, ej buñ, ak e bellok wõt mejen:

17 Ña ij loe, a jab kiõ; ij reilok

ñõn e, a jab ebak: juõn iju e naj walok jen Jakob, im juõn septer e naj liñlok ilo Israel, im naj wãkari bõul ko an Moab, im naj kokkure ro nejin jeurur otemjej.

18 Im Idõm e naj an, Sier bareinwõt e naj an, ro re kar kijirãte; ke Israel ej kõmõn beran.

19 Im juõn jen Jakob e naj iroi j elap, im e naj kokkure mõtõn ej berwõt jen jikin kwelok eo.

20 Im e ar reilok ñõn Amelek, im kwotõke wan joñõk eo an, im ba, Amelek e kar eo mokta ian ro dri ailiñ ko a jemlokõn e naj itok ñõn kokkure.

21 Im e ar reilok ñõn dri Ken eo, im kwotõke wan joñõk eo an, im ba, Ekajur am jikin jokwe, im el eo am, ej ilo juõn dreka.

22 Ijoke, Ken e naj jebeplok, mae ien Asshur e naj añinlok yuk dri jebokwe.

23 Im e ar kwotõke wan joñõk eo an, im ba, Eokwe, wõn e naj mour, ñe Anij e naj kõmõn men in?

24 A wa ko re naj itok jen ene Kittim, im re naj kaiñtan Asshur, im kaiñtan Iber; im e naj bareinwõt joko wõt.

25 Im Beleam e ar jutõk im jeblak ñõn jikin; im Belak e ar bareinwõt ilok ilo ial eo an.

25 Im Israel e ar jokwe i Shittim; im armij rar jino in lûñ iben kõra ro nejin Moab: 2 bwe rar kirtok armij ro ñõn katok ko an ekjõp ko air; im armij rar mõña, im barikrik jen anij ko air. 3 Im Israel e ar koba iben Beal-pior: im ebwil illu an Jeova nae Israel. 4 Im Jeova e ar ba ñõn Moses, Kwon bõk iroi j otemjej an armij rõn, im totoik ir ñõn Jeova iomin al, bwe illu ebwil an Jeova en maroñ in jeõr jen Israel. 5 Im Moses e ar ba ñõn ro dri ekajet an Israel, Jabrewõt iami en mõn armij ro an ro rar koba iben Beal-plor.

6 Im lo, juõn ian ro nejin Israel e ar itok, im añintok ñõn iben ro jein im jãtin, juõn kõra dri Midian iman mejen Moses, im iman mejen aolepen

jar eo an ro nejin Israel, ke rar jōñ iturin kejem in imōn kwelok eo. 7 Im ke Pinehas, nejin Iliezar, nejin Aron, e ar loe, e ar jutōk jen bwiljin jar eo, im bōk juōn mōri ilo pein; 8 im e ar lor armij in Israel eo iloan mweo im nuknuk, im wākari irro, armij in Israel, im kōra eo, im re jimor bijlok. Ein drein emwij kajemlok nañinmij eo jen ro nejin Israel. 9 Im ro rar mij kin nañinmij eo, roñoul emen tausan.

10 Im Jeova e ar konono ñōn Moses, im ba, 11 Pinehas, nejin Iliezar, nejin Aron pris eo, e ar kajeōr Aō illu jen ro nejin Israel, bwe e ar kamo kin Aō kamo ibeir, inem I ar jab kokkure ro nejin Israel ilo Aō kamo. 12 Kin men in, kwon ba, Lo, Na Ij lelok ñōn e, Aō bujen in ainemōn: 13 im e naj iben, im iben inen elikin, bujen jerbai in pris ñōn in drio; bwe e ar kamo kin an Anij, im e ar kōmōn kilajrōk kin ro nejin Israel.

14 Ak etan armij in Israel, ar mōn e, eo ar mōn e iben kōra eo dri Midian, Zimrai, nejin Selu, juōn iroj an mweo imōn ro jimair iben ro dri Simeon. 15 Im etan kōra eo, dri Midian, emwij mōne, Kozbai, nejin Zur; e ar jōb an mweo imōn ro jimair ilo Midian.

16 Im Jeova e ar konono ñōn Moses, im ba, 17 Komin kejjoran ro dri Midian im jebōk ir; 18 bwe rej kejjoran kom kin mon ko air, rar mone kom ilo men eo an Pior, im ilo men eo an Kozbai, nejin iroj in Midian, jātir kora, eo emwij mōn e ilo ran eo ran in nañinmij kin men eo i Pior.

**26** Inem elikin nañinmij eo, Jeova e ar konono ñōn Moses im ñōn Iliezar nejin Aron pris, im ba, 2 Komin bukot oran aolepen jar an ro nejin Israel, jen ridtōn roñoul yiō im jima, ekar ñōn ro nukin jimair, ro otemjej re maroñ in ilen tōrinae ilo Israel. 3 Im Moses im Iliezar, pris eo, rar konono ibeir, i melaj ko an Moab, iturin Jordan, ebake Jeriko, im ba, 4 Komin bwini armij ro jen ridtōn roñoul yiō im jima; einwōt Jeova e ar jiroñ Moses im ro nejin

Israel, ro rar drioiptok jen enen Ijpt.

5 Ruben, manjien Israel; man ro nejin Ruben: jen Henok, nukin ro dri Henok; jen Pallu, nukin ro dri Pallu; 6 jen Hezron, nukin ro dri Hezron; jen Karmai, nukin ro dri Karmai. 7 Rein ro nukin ro dri Ruben; im ro emwij bwini ir, eñoul jilu tausan jiljilimjuōn buki jilñoul. 8 Im man ro nejin Pallu: Ilaiab. 9 Im man ro nejin Ilaiab: Nemuel, im Detan, im Ebairam. Rein ro Detan im Ebairam, ro jar eo rar kirtok ir, ro rar akwaile Moses im Aron iben jar eo an Kora, ke rar akwaile Jeova, 10 im lōl e ar walōñi loñin im warōñok ir iben Kora, ke jar eo rar mij; ien eo kijeek e ar kōñi rubuki limñoul armij, im ir juōn kakōle. 11 Ijoke, ro nejin Kora rar jab mij.

12 Man ro nejin Simeon, ekar ñōn ro nukir: jen Nemuel, nukin ro dri Nemuel; jen Jemin, nukin ro dri Jemin: jen Jekin, nukin ro dri Jekin; 13 jen Zira, nukin ro dri Zira; jen Shaul, nukin ro dri Shaul. 14 Rein ro nukin ro dri Simeon, roñoul roo tausan rubuki.

15 Man ro nejin Gad, ekar ñōn ro nukir: jen Zipon, nukin ro dri Zipon; jen Haggai, nukin ro dri Haggai; jen Shunai, nukin ro dri Shunai; 16 jen Oznai, nukin ro dri Oznai; jen Irai, nukin ro dri Irai; 17 jen Erod, nukin ro dri Erod; jen Arelai, nukin ro dri Arelai. 18 Rein man ro nukin ro nejin Gad, ekar ñōn ro emwij bwini ir, eñoul tausan limabuki.

19 Man ro nejin Juda: Er im Onan; im Er kab Onan rar mij ilo enen Kenean. 20 Im man ro nejin Juda ekar ñōn ro nukir: jen Shila, nukin ro dri Shila; jen Pirez, nukin ro dri Pirez; jen Zira, nukin ro dri Zira. 21 Im man ro nejin Pirez: jen Hezron, nukin ro dri Hezron; jen Hemul, nukin ro dri Hemul. 22 Rein ro nukin Juda, ekar ñōn ro nukir emwij bwini ir, jiljilimjuōnñoul jiljino tausan limabuki.

23 Man ro nejin Issakar, ekar ñōn ro nukir: jen Tola, nukin ro dri Tola;



jen Puva, nukin ro dri Puva; 24 jen Jeshub, nukin ro dri Jeshub; jen Shimron, nukin ro dri Shimron. 25 Rein ro nukin Issakar, ekar ñôn ro emwij bwini ir, jiljinoñoul emen tausau jilu buki.

26 Man ro nejin Zebulun, ekar ñôn ro nukir: jen Sired, nukin ro dri Sired; jen Ilon, nukin ro dri Ilon; jen Jaleel, nukin ro dri Jaleel. 27 Rein ro nukin ro dri Zebulun, ekar ñôn ro emwij bwini ir, jiljinoñoul tausau limabuki.

28 Man ro nejin Josep ekar ñôn ro nukir: Menassa im Ipreim. 29 Man ro nejin Menassa: jen Mekir, nukin ro dri Mekir; im Mekir e ar keutak Giliad: jen Giliad, nukin ro dri Giliad. 30 Rein man ro nejin Giliad; jen Jezer, nukin ro dri Jezer; jen Hilek, nukin ro dri Hilek; 31 im jen Asriel, nukin ro dri Asriel; im jen Shikem, nukin ro dri Shikem; 32 im jen Shemaida, nukin ro dri Shemaida; im jen Hiper, nukin ro dri Hiper. 33 Im Zelophehad, leo nejin Hiper, ejelok nejin eman, a ro nejin kôra wôt: im etan kôra ro nejin, Zelophehad, Mala, im Noa, Hogla, Milka, im Tirza. 34 Rein ro nukin Menassa; im ro emwij bwini ir, limñoul ruo tausau jiljilimjuôn buki.

35 Rein man ro nejin Ipreim, ekar ñôn ro nukir; jen Shutila, nukin ro dri Shutila; jen Biker, nukin ro dri Biker; jen Tehan, nukin ro dri Tehan. 36 Im rein man ro nejin Shutila: jen Iran, nukin ro dri Iran. 37 Rein ro nukin man ro nejin Ipreim, ekar ñôn ro emwij bwini ir, jilñoul ruo tausau limabuki. Rein man ro nejin Josep ekar ñôn ro nukir.

38 Man ro nejin Benjamin, ekar ñôn ro nukir; jen Bila, nukin ro dri Bila; jen Ashbel, nukin ro dri Ashbel; jen Ehairam, nukin ro dri Ehairam; 39 jen Shepupam, nukin ro dri Shepupam; jen Hupam, nukin ro dri Hupam. 40 Im man ro nejin Bila, Ard im Neeman: jen Ard, nukin ro dri Ard; jen Neeman, nukin ro dri Neeman. 41 Rein man ro nejin Benjamin, ekar ñôn ro nukir; im ro

emwij bwini ir eñoul lailim tausau jiljino buki.

42 Rein man ro nejin Dan, ekar ñôn ro nukir: jen Shuham, nukin ro dri Shuham. Rein ro nukin Dan ekar ñôn ro nukin. 43 Aolepen ro nukin dri Shuham, ekar ñôn ro emwij bwini ir, jiljinoñoul emen tausau abuki.

44 Man ro nejin Asher, ekar ñôn ro nukir: jen Imna, nukin ro dri Imna; jen Ishvai, nukin ro dri Ishvai; jen Biraia, nukin ro dri Biraia. 45 Jen man ro nejin Biraia: jen Hiber, nukin ro dri Hiber; jen Malkiel, nukin ro dri Malkiel. 46 Im etan kôra eo nejin Asher, Sera. 47 Rein ro nukin man ro nejin Asher, ekar ñôn ro emwij bwini ir, limñoul jilu tausau abuki.

48 Man ro nejin Naptalai, ekar ñôn ro nukir: jen Jaziel, nukin ro dri Jaziel; jen Gunai, nukin ro dri Gunai; 49 jen Jizer, nukin ro dri Jizer; jen Shillem, nukin ro dri Shillem. 50 Rein ro nukin Naptalai, ekar ñôn ro nukir; eñoul lailim tausau abuki.

51 Rein ro emwij bwini ir ian ro nejin Israel, jiljino buki juôn tausau jiljilimjuôn buki jilñoul.

52 Im Jeova e ar konono ñôn Moses, im ba, 53 Naj ajej eneo ñôn rein, men in jolit ekar ñôn oran etair. 54 Nôn ro relôn, kwo naj lelok jolit elaplok, im ñôn ro reit, kwo naj lelok jolit eriklok: ñôn jabrewôt ekar ñôn ro emwij bwini ir, naj lelok jolit eo an. 55 Ijoke, naj ajej eneo kin kakôle: ekar ñôn etan bwij ko an ro jimair re naj bök air jolit. 56 Kin kakôle naj ajej air jolit ñôn ro relôn im ñôn ro reit.

57 Im rein ro emwij bwini ir ian ro dri Livai, ekar ñôn ro nukir: jen Gershon, nukin ro dri Gershon; jen Kohat, nukin ro dri Kohat; jen Mirerai, nukin ro dri Mirerai. 58 Rein nukin ro dri Livai: nukin ro dri Libnai, nukin ro dri Hibron, nukin ro dri Malai, nukin ro dri Mushai, nukin ro dri Kora. Im Kohat e ar keutak Amram. 59 Im etan lio be-len Amram, Jokebed, kôra nejin Li-

vai, eo e ar lotak ñõn Livai ilo Ijpt: im e ar keutak ñõn Amram, Aron im Moses, kab Miriam jeir kõra. 60 Im ñõn Aron, ar lotak Nedab, im Ebaihu, Iliezar im Itamar. 61 Im Nedab im Ebaihu rar mij, ke rar katok kin kijeek emo ñõn Jeova. 62 Im ro emwij bwini ir, roñoul jilu tausan, jabrewõt eman jen ridtõn juõn aliñ im jima: bwe rar jab bwini ir iben ro nejin Israel, kin ke rar jab lelok air jolit iben ro nejin Israel.

63 Rein ro Moses, im Iliezar pris eo, rar bwini ir; ro rar bwini ro nejin Israel i ene emõn biken in Moab, ebake Jordan, iturin Jeriko. 64 A<sup>1</sup> ibeir, ejelok juõn armij ian ro Moses im Aron, pris eo, rar bwini ir, ke rar bwini ro nejin Israel i ene jemaren an Sainai. 65 Bwe Jeova e ar ba kin ir, Emol re naj mij ilo ene jemaren. Im ejelok juõn armij iair e ar berwõt, a Keleb nejin Jepunne, im Joshua nejin Nõn.

**27** Inem limaro nejin Zelophehad, nejin Hiper, nejin Giliad, nejin Mekir, nejin Menassa, ian nukin ko an Menassa nejin Josep, rar kebaktok; im irkein etan kõra ro nejin: Mala, Noa, im Hogla, im Milka, kab Tirza. 2 Im rar jutõk iman Moses, im iman Iliezar pris eo, im iman iroi j ro an aolepen jar eo, iturin kejem in imõn kwelok, im ba, 3 Jemem e ar mij ilo ene jemaren, im e jab juõn ian jar eo rar kweloktok nae Jeova ilo jar eo an Kora: a e ar mij ilo jerawiw i eo an; im ejelok nejin eman. 4 Etke ren bõk etan jemem jen iben ro nukin, ke ejelok nejin eman? Komin letok ñõn kim juõn jolit iben nukin jemem. 5 Im Moses e ar kwalok bebe eo air ñõn Jeova.

6 Im Jeova e ar konono ñõn Moses, im ba, 7 E jime nan ko an limaro nejin Zelophehad; emol kwo naj lelok ñõn ir juõn jolit iben ro nukin jemeir; im kwo naj lelok ñõn ir jolit eo an jemeir. 8 Im kwo naj konono ñõn ro nejin Israel, im ba, Elañe juõn eman emij, im ejelok nejin

eman, inem komin lale bwe an jolit en ilok ñõn lio nejin. 9 Im elañe ejelok nejin kõra, inem komin lelok jolit eo an ñõn ro jein im jätin. 10 Im elañe ejelok jein im jätin, inem komin lelok jolit eo an ñõn ro jein im jätin jemen. 11 Im elañe ejelok jein im jätin jemen, inem komin lelok jolit eo an ñõn nukin eo ej ebak ñõn e, ian ro nukin, im e naj an: im men in e naj kien ekajet ñõn ro nejin Israel, einwõt Jeova e ar jiroñ Moses.

12 Im Jeova e ar ba ñõn Moses, Kwon wõnliñlok ilo tol en Abarim, im lale eneo I ar lelok ñõn ro nejin Israel. 13 Im ñe emwij am lale, kwo naj koba iben ro jimam, einwõt Aron jeõm e ar koba; 14 bwe komro ar jumae nan eo Aõ, ilo ene jemaren Zin, ilo akwail an jar eo, bwe komin kokwojarjar Iõ, iturin dren ko, iman mejeir. (Dren kein dren ko an Meriba, i Kedesh, ilo ene jemaren Zin.)

15 Im Moses e ar konono ñõn Jeova, im ba, 16 Jeova, Anij an jitõb õn armij otemjej, En likit juõn armij ion jar eo, 17 eo e maroñ in drioi j dreloñ imair, im eo e naj maroñ in kadrioi j in kadreloñ ir; bwe jar an Jeova en jab einwõt jip ko ejelok air sheperd. 18 Im Jeova e ar ba ñõn Moses, Kwon bõk Joshua nejin Nõn, juõn eman Jitõb ej ber iloan, im likit peõm ion; 19 im kwon likit e iman Iliezar pris eo, im iman aolepen jar eo; im lelok ñõn e nan in kaiñ iman mejeir. 20 Im kwon likit mõtõn am utiej ion, bwe aolepen jar an ro nejin Israel ren bokake. 21 Im e naj jutõk iman Iliezar pris eo, eo e naj kajitõk ñõn e kin ekajet in Urim iman Jeova: kin nan eo an, re naj drioi j, im kin an in nan, re naj dreloñ, e kab ro nejin Israel otemjej iben, aet aolepen jar eo. 22 Im Moses e ar kõmõn einwõt Jeova e ar jiroñ e; im e ar bõk Joshua, im likit e iman Iliezar pris eo, im iman aolepen jar eo: 23 im e ar likit pein ion, im lelok ñõn e nan in kaiñ, einwõt Jeova e ar konono kin Moses.

**28** Im Jeova e ar konono ñõn Moses, im ba, 2 Kwon jiroñ

<sup>1</sup> Dat. 2. 14-16; Hib. 3. 17

ro nejin Israel, im ba ñon ir, Aō jur-  
tak, kijiō, men in letok ko Aō kōmō-  
ni kin kijeek, bwin enno ñon Iō, kō-  
min lale im letok ilo ien ko air. 3 Im  
kwon ba ñon ir, Eñin men in lelok  
kōmōne kin kijeek, eo kom naj lelok  
ñon Jeova: lam ko koman ridtair ju-  
on yiō im re wāppen, ruo ilo juōn  
ran, men in katok kijeek, ran otem-  
jej. 4 Juōn lam kom naj lelok ñe  
ejiboñ, im lam eo juōn ñe ejota; 5 im  
juōn mōtōn joñoul in juōn epa flauo  
kwerik, jurtak flauo, emwij kāreike  
kin juōn mōtōn emen in juōn hin oil  
emōntata. 6 Ej men in katok kijeek  
ien otemjej, eo ar kaiñe ilo tol Sai-  
nai, bwin enno, jurtak kōmōne kin  
kijeek ñon Jeova. 7 Im jurtak irak  
eo an, naj juōn mōtōn emen in juōn  
hin, ñon juōn lam: iloan jikin e kwo-  
jarjar kwo naj lutōklok jurtak irak  
dren e kajur ñon Jeova. 8 Im lam  
eo juōn kwo naj katok kake ñe ejota:  
einwōt katok flauo ke ejiboñ, im ein-  
wōt jurtak irak eo an, kwo naj lelok,  
men in lelok kōmōne kin kijeek, bwin  
enno ñon Jeova.

9 Im ilo ran in Sabat, ruo lam ko-  
man, ridtair juōn yiō, re wāppen, im  
ruo mōtōn joñoul in juōn epa flauo  
kwerik, jurtak flauo, kāreike kin oil,  
im jurtak irak eo an: 10 eñin men in  
katok kijeek ilo jabrewōt ran in Sa-  
bat, bareinwōt men in katok kijeek  
ien otemjej, im jurtak irak eo an.

11 Im ilo jinoin aliñ ko ami, kō-  
min katok kin men in katok kijeek  
ñon Jeova: ruo kau koman emōn  
ridtair, im juōn jip koman, jiljilim-  
juōn lam koman ridtair juōn yiō re  
wāppen; 12 im jilu mōtōn joñoul in  
juōn epa flauo kwerik, jurtak flauo,  
kāreike kin oil, iben jabrewōt kau  
koman; im ruo mōtōn joñoul in flauo  
kwerik, jurtak flauo, kāreike kin oil,  
iben jip koman eo; 13 im juōn mōtōn  
joñoul flauo kwerik, kāreike kin oil,  
jurtak flauo iben jabrewōt lam; ñon  
men in katok kijeek, bwin enno, men  
in lelok, kōmōne kin kijeek ñon Je-  
ova. 14 Im jurtak irak ko air, ji-  
bilkwon in juōn hin wain, iben juōn  
kau koman, im juōn mōtōn jilu iben

jip koman eo, im juōn mōtōn emen in  
juōn hin iben juōn lam: eñin men in  
katok kijeek ilo jabrewōt aliñ, ilo  
aolepen aliñ ko an yiō eo. 15 Im ju-  
ōn got koman men in katok kin jera-  
wiwi ñon Jeova; re naj bareinwōt le-  
lok men in katok kijeek ien otemjej,  
im jurtak irak, eo an.

16 Im ilo aliñ eo mokta, ilo ran eo  
ken ka joñoul emen ilo aliñ eo, men  
in kijone an Jeova. 17 Im ilo ran eo  
ken ka joñoul lailim ilo aliñ in, en ju-  
ōn kwojkwoj: iomin jiljilimjuōn ran  
ren mōña bred e jab uwe. 18 Ilo  
ran eo mokta, en juōn kwelok e kwo-  
jarjar: komin jab kōmōn jermal in ko-  
rijer; 19 a komin lelok jurtak kō-  
mōne kin kijeek, men in katok ki-  
jeek ñon Jeova: ruo kau koman  
emōn ridtair, im juōn jip koman, im  
jiljilimjuōn lam koman ridtair juōn  
yiō; im ren wāppen ñon kom; 20 im  
jurtak flauo eo air, flauo kwerik, kā-  
reike kin oil: jilu mōtōn joñoul komin  
lelok iben juōn kau koman, im ruo  
mōtōn joñoul iben jip koman eo; 21  
juōn mōtōn joñoul kwon lelok iben  
jabrewōt lam, ian lam ko jiljilim-  
juōn; 22 im juōn got koman men in  
katok kin jerawiwi, bwe komin kō-  
mōn kilajrōk ñon kom. 23 Komin  
lelok men kein, bareinwōt men in ka-  
tok kijeek eo ñe ejiboñ, eo ej katok  
kijeek ien otemjej. 24 Ein drein  
komin lelok jabrewōt ran, iomin ran  
ko jiljilimjuōn, kijen jurtak eo kō-  
mōne kin kijeek, bwin enno ñon Je-  
ova: naj lelok bareinwōt men in ka-  
tok kijeek eo ien otemjej, im jurtak  
irak eo an. 25 Im ilo ran eo ken ka  
jiljilimjuōn, komin kōmōn kwelok e  
kwojarjar; komin jab kōmōn jibre-  
wōt jermal in korijer.

26 Bareinwōt ilo ran in jomōkōj  
ko, ñe komij lelok juōn jurtak flauo  
ekāl ñon Jeova, ilo ami kwojkwoj in  
wik ko, en ibemi juōn kwelok e kwo-  
jarjar; komin jab kōmōn jabrewōt  
jermal in korijer; 27 a komin lelok  
juōn katok kijeek bwin enno ñon Je-  
ova: ruo kau koman emōn ridtair,  
juōn jip koman, jiljilimjuōn lam ko-  
man ridtair juōn yiō; 28 im jurtak

flauo eo air, flauo kwerik, käreike kin oil, jilu môtôn joñoul iben jabrewôt kau koman, ruo môtôn joñoul iben jip koman eo, 29 juôn môtôn joñoul iben jabrewôt lam, ian lam ko jiljilimjuôn; 30 juôn got koman, bwe en kômôn kilajrök ñôn kom. 31 Bareinwôt men in katok kijeek eo ien otemjej, im jurtak flauo eo an, komin lilok, (ren wäppen ñôn kom), im jurtak irak ko air.

**29** Im ilo aliñ eo ken ka jiljilimjuôn, ilo ran eo mokta ilo aliñ eo, en ibemi juôn kwelok e kwojarjar; komin jab kômôn jermal in korijer: ran eo ran in uk jilil ko ñôn kom. 2 Im komin lelok men in katok kijeek, bwin enno ñôn Jeova: juôn kau koman emôn ridtôn, juôn jip koman, jiljilimjuôn lam koman ridtair juôn yiô im re wäppen; 3 im jurtak flauo eo air, flauo kwerik, käreike kin oil, jilu môtôn joñoul iben kau koman eo, ruo môtôn joñoul iben jip koman eo, 4 im juôn môtôn joñoul iben jabrewôt ian lam ko jiljilimjuôn; 5 im juôn got koman men in katok kin jerawiwi, bwe en kômôn kilajrök ñôn kom; 6 bareinwôt men in katok kijeek an aliñ ekäl, im jurtak flauo eo an, men in katok kijeek eo ej ien otemjej, im jurtak flauo eo an, im jurtak irak ko air, ekar ñôn kien eo air, bwin enno, jurtak kômone kin kijeek ñôn Jeova.

7 Im ilo ran eo ken ka joñoul, in aliñ in ken ka jiljilimjuôn, en ibemi juôn kwelok e kwojarjar; im komin kaiñtan ami: komin jab kômôn jabrewôt wäwen jermal; 8 a komin lelok katok kijeek ñôn Jeova, bwin enno: juôn kau koman emôn ridtôn, juôn jip koman, jiljilimjuôn lam koman ridtair juôn yiô; ren wäppen ñôn kom; 9 im jurtak flauo eo air, flauo kwerik, käreike kin oil, jilu môtôn joñoul ñôn kau koman eo, ruo môtôn joñoul ñôn jip koman eo, 10 juôn môtôn joñoul ñôn jabrewôt ian lam ko jiljilimjuôn: 11 juôn got koman men in katok kin jerawiwi; bareinwôt men in katok kin jerawiwi in kilajrök, im men in katok kijeek an ran

otemjej, im jurtak flauo ko air, im jurtak irak ko air.

12 Im ilo ran eo ken ka joñoul lai-lim an aliñ eo ken ka jiljilimjuôn, en ibemi juôn kwelok e kwojarjar; komin jab kômôn jermal in korijer, im komin lale juôn kwojkwoj ñôn Jeova iomin jiljilimjuôn ran: 13 im komin lelok men in katok kijeek, jurtak kômone kin kijeek bwin enno, ñôn Jeova; joñoul jilu kau koman emôn ridtair, ruo jip koman, joñoul emen lam koman ridtair juôn yiô; re wäppen; 14 im jurtak flauo eo air, flauo kwerik, käreike kin oil, jilu môtôn joñoul iben jabrewôt kau koman, ian kau koman ko joñoul jilu, ruo môtôn joñoul iben jabrewôt jip koman, ian jip koman ko ruo, 15 im juôn môtôn joñoul, iben jabrewôt ian lam ko joñoul emen; 16 im juôn got koman men in katok kin jerawiwi; bareinwôt men in katok kijeek an ran otemjej, jurtak flauo eo an, im jurtak irak eo an.

17 Im ran eo ken ka ruo komin lelok joñoul ruo kau koman, emôn ridtair, ruo jip koman, joñoul emen lam koman ridtair juôn yiô, re wäppen: 18 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñôn orair, einwôt kien eo; 19 im juôn got koman men in katok kin jerawiwi; bareinwôt men in katok kijeek an ran otemjej, im jurtak flauo eo an, im jurtak irak ko air.

20 Im ilo ran eo ken ka jilu, joñoul juôn kau koman, ruo jip koman, joñoul emen lam koman ridtair juôn yiô, re wäppen; 21 im jurtak flauo eo air, im jurtak irak ko air, ñôn kau koman ko, ñôn jip koman ko, im ñôn lam ko, ekar ñôn orair, einwôt kien eo; 22 im juôn got koman men in katok kin jerawiwi; bareinwôt men in katok kijeek an ran otemjej, im jurtak flauo eo an, im jurtak irak eo an.

23 Im ilo ran eo ken kemin, joñoul kau koman, ruo jip koman, joñoul emen lam koman ridtair juôn yiô, re wäppen; 24 jurtak flauo eo air, im

jurtak irak ko air, ñõn kau koman ko, ñõn jip koman ko, im ñõn lam ko, ekar ñõn orair, einwõt kien eo; 25 im juõn got koman men in katok kin jerawiwi; bareinwõt men in katok kijeek an ran otemjej, jurtak flauo eo an, im jurtak irak eo an.

26 Im ilo ran eo ken ka lailim, druatimjuõn kau koman, ruo jip koman, joñoul emen lam koman ridtair juõn yiõ, re wäppen; 27 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñõn orair, einwõt kien eo; 28 im juõn got koman men in katok kin jerawiwi; bareinwõt men in katok kijeek an ran otemjej, im jurtak flauo eo an, im jurtak irak eo an.

29 Im ilo ran eo ken ka jiljino, drualitök kau koman, ruo jip koman, joñoul emen lam koman ridtair juõn yiõ, re wäppen; 30 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñõn orair, einwõt kien eo; 31 im juõn got koman men in katok kin jerawiwi; bareinwõt men in katok kijeek an ran otemjej, jurtak flauo eo an, im jurtak irak eo an.

32 Im ilo ran eo ken ka jiljilimjuõn, jiljilimjuõn kau koman, ruo jip koman, joñoul emen lam koman ridtair juõn yiõ, re wäppen; 33 im jurtak flauo eo air, im jurtak irak ko air, iben kau koman ko, iben jip koman ko, im iben lam ko, ekar ñõn orair, einwõt kien eo; 34 im juõn got koman men in katok kin jerawiwi; bareinwõt men in katok kijeek an ran otemjej, jurtak flauo eo an, im jurtak irak eo an.

35 Im ilo ran eo ken ka drualitök, e naj ibemi juõn kwelok e kwojarjar: komin jab kõmõn jerbak in korijer; 36 a komin lelok men in katok kijeek, jurtak kõmõne kin kijeek, bwin enno ñõn Jeova: juõn kau koman, juõn jip koman, jiljilimjuõn lam ridtair juõn yiõ, re wäppen; 37 jurtak flauo eo air, im jurtak irak ko air, iben kau koman ko, iben jip koman ko, im iben lam ko, ren ekar ñõn orair, ein-

wõt kien eo; 38 im juõn got koman men in katok kin jerawiwi; bareinwõt men in katok kijeek an ran otemjej, im jurtak flauo eo an, im jurtak irak eo an.

39 Irkein kom naj lelok ñõn Jeova ilo ami kwojkwoj in kaiñi, bareinwõt ami muri ñõn Anij, im ami jurtak ko men in yokwe, ñõn ami men in katok kijeek, im ami jurtak flauo ko, im ami jurtak irak ko, im jurtak in aine-mõn ko. 40 Im Moses e ar kenanek ro nejin Israel, ekar ñõn men otemjej Jeova e ar jiroñ Moses.

**30** Im Moses e ar konono ñõn jioõ ro an bwij ko an ro nejin Israel, im ba, Eñin men eo Jeova e ar kaiñi. 2 Ne juõn emen ej kõmõn an muri ñõn Jeova, ak kanõjni in lukwoj an kin bujen, en jab riõp kin an in nañ; en kõmõn einwõt nan otemjej rar walok jen loñin. 3 Bareinwõt ñe juõn kõra ej kõmõn an muri ñõn Jeova, im mõke lukwoj e kin bujen, im ber ilo mweo imõn jemen, im emõn ridtõn, 4 im jemen ej roñjake muri eo an, im bujen eo e ar lukwoj an kake, im jemen ej ikõñ jen e; inem aolepen muri ko an re naj bin, im jabrewõt bujen e ar lukwoj an kake, e naj bin. 5 A elañe jemen ej bõpraek e ilo ran eo ej roñjake, ejelok ian muri ko an, ak ejelok ian bujen ko e ar lukwoj an kake, e naj bin: im Jeova e naj jolok an bwir bwe jemen e ar bõpraek.

6 Im elañe emwij an belek juõn eman, ke muri ko an rej ber ion, ak nan ko re jãmõr jen tien, e ar lukwoj an kake, 7 im leo belen ej roñjake, im ej ikõñ jen e ilo ran eo ke ej roñjake; inem muri ko an re naj bin, im bujen ko e ar lukwoj an kake, re naj bin. 8 A elañe leo belen ej bõpraek e ilo ran eo ke ej roñjake, inem ej kajitokjen muri eo ej ber ion, im nan e jãmõr jen tien, e ar lukwoj an kake: im Jeova e naj jolok an bwir.

9 A muri an kõra e joko belen, ak an kõra emwij jolok belen, jabrewõt men eo e ar lukwoj an kake, e naj bin nae e. 10 Im elañe e ar kõmõn an

muri ilo mweo imōn leo belen, ak lukwoj an kin bujen in kanōjnij, 11 im leo e ar roñjake, im e ar ikōñ jen e, im jab bōpraek e; inem muri ko an otemjej re naj bin, im jabrewōt bujen e ar lukwoj an kake, e naj bin. 12 A elañe leo belen e ar kajitokjeir, ilo ran eo ke e ar roñjake, inem jabrewōt nan e ar walok jen loñin, kin kanōjnij ko an, ak kin bujen eo an, e jamin bin: leo belen e ar kajitokjeir; im Jeova e naj jolok an bwir.

13 Jabrewōt muri nōn Anij, im jabrewōt kanōjnij kin lukwoj im kain-tan an, leo belen e maroñ in kabine, ak leo e maroñ in kajitokjen. 14 A elañe leo ej ikōñ jen e, jen ran nōn ran, inem ej kabin muri ko otemjej an, ak bujen ko otemjej an, rej ber ion: emwij an kabini, bwe e ar ikōñ jen e ilo ran eo ke e ar roñjake. 15 A elañe leo ej kajitokjeir elikin an roñjake, inem e naj inek bwir eo an lio. 16 Irkein kien ko Jeova e ar jiroñ Moses, ikōtan juōn eman im lio belen, ikōtan jemen in nejin kōra, ke emōn ridtōn, im ej ber iloan imōn jemen.

**31** Im Jeova e ar konono nōn Moses, im ba, 2 Kwon irenwōne nōn ro nejin Israel kin ro dri Midian: tokelik re naj kobaik yuk nōn ro jimmam. 3 Im Moses e ar konono nōn armij rōn, im ba, Komin kapojōk jet armij iami nōn tōrinae, bwe ren tōrinaek Midian, im kōmōn irenwōne an Jeova nae Midian. 4 Jen jabrewōt bwij, juōn tausan, jen bwij otemjej, komin jilkinlok nōn tōrinae eo. 5 Ein drein rar lelok jen tausan ko an Israel, juōn tausan jen jabrewōt bwij, joñoul ruo tausan re pojōk nōn tōrinae. 6 Im Moses e ar jilkinlok ir, juōn tausan jen juōn bwij, nōn tōrinae eo, ir kab Pinehas nejin Iliezar pris eo, nōn tōrinae eo, im jābi ko an imōn kwojarjar im jilil in kairuij ko ilo pein. 7 Im rar tōrinaek Midian, einwōt Jeova e ar jiroñ Moses; im rar mōn man rōn otemjej. 8 Im mōn kiñ ro an Midian iben ro jet, Ivi, im Rikem, im Zur, im Hur, im Riba, kiñ ro lailim an Midian: rar

bareinwōt mōn kin jāji Beleam, nejin Bior. 9 Im ro nejin Israel rar kaje-bokweik kōra ro dri Midian, im ajiri ro nejir; im kau ko air otemjej, im bwij ko air otemjej, im aolepen mweiuik ko air, rar rakimi. 10 Im jikin kwelok ko air, jikir ijo rar jokwe, kab im nuknuk ko air otemjej, rar tile kin kijeek. 11 Im rar bōk aolepen men in rakim, armij kab kiru. 12 Im rar bōktok ro dri jebokwe, im men in rakim, nōn iben Moses im Iliezar pris eo, im nōn jar an ro nejin Israel, nōn jikin kwelok ko i ene emōn biken i Moab, iturin Jordan ikijen Jeriko.

13 Im Moses, im Iliezar pris eo, im iroi ro otemjej an jar eo, rar ilen wōnmae ir ilikin kamp eo. 14 Im Moses e ar illu iben ro reutiej ilo jar in tōrinae eo, kapen ro an tausan ro im buki ro, ro rar jeblaktok jen jeral in tōrinae eo. 15 Im Moses e ar ba nōn ir, Kom ar kejbārok kōra ro otemjej remour ke? 16 Lo, rein, kin bebe an Beleam, rar kōmōn bwe ro nejin Israel rar bwir nae Jeova ilo bebe eo an Bior, im ein drein nañin-mij eo e ar ber iben jar eo an Jeova. 17 Kin men in, komin mōn jabrewōt ladrik ian ajiri ro, im mōn jabrewōt kōra e ar jela eman kin an babu iben. 18 A ledrik ro otemjej ro re jañin jela eman kin air babu iben, komin kejbārok ir im remour nōn kom mōke. 19 Im komin jokwe ilikin kamp eo iomin jiljilimjuōn ran: jabrewōt eo e ar mōn juōn armij, im jabrewōt eo e ar uñir dri mij, komin mōke karreo kom ilo ran eo ken ka jilu, im ilo ran eo ken ka jiljilimjuōn, kom kab dri jebokwe ro ami. 20 Im kin jabrewōt nuknuk, im men ko rar kōmōn jen kilin kiru, im aolepen men in kōmōn jen kolan got, im men ko otemjej rar kōmōn jen wijki, komin karreo kom kaki.

21 Im Iliezar pris eo, e ar ba nōn ro dri tōrinae, ro rar ilen tōrinae, Eñin kien eo Jeova e ar jiroñ Moses: 22 ijoke, gold, im silver, im jinibōrōrō, im māl, im jinibor, im led, 23 men otemjej re maroñ berwōt ilo ki-

jeek, komin karreoiki kin kijeek, inem e naj erre; ijoke, ren karreoiki kin dren eo ñon jab erre: im jabrewöt eo e ban ber ilo kijeek, kom naj karreoike kin dren. 24 Im komin kwoli nuknuk ko ami ilo ran eo ken ka jiljilimjuön, im kom najerre; im tokelik kom naj dreloñtok iloan kamp eo.

25 Im Jeova e ar konono ñon Moses, im ba, 26 Kwon bukot oran men in rakim rar böktok, armij im kiru, kwe im Iliezar pris eo, im jiöb ro an moko imön ro jimair an jar eo; 27 im komin ajej men in rakim ko ilo ruo inötön: ñon man ro rar jela törinae, ro rar ilen törinae, im aolepen jar eo. 28 Im komin bök owöj, ñon Jeova jen ro rar ilen törinae: juön ian limabuki, ian armij, im kau ko, im ass ko, im bwijin jip im got ko: 29 komin böki jen mötön eo air, im lelok ñon Iliezar pris eo, bwe en jurtak in jeböke an Jeova. 30 Im jen mötön an ro nejin Israel, komin bök juön ian limñoul, ian armij ro, im kau ko, im ass ko, im bwijin jip im got ko otemjej, im komin lilok ñon ro dri Livai, ro rej kejbärok imön kabere an Jeova. 31 Im Moses im Iliezar pris eo, rar kömön einwöt Jeova e ar jiroñ Moses.

32 Ak men in rakim ko, eor jen men in rakim ro dri törinae rar böki, jiljino buki jiljilimjuönñoul lailim tausan jip, 33 im jiljilimjuönñoul ruo tausan ox, 34 im jiljinoñoul juön tausan ass, 35 im jilñoul ruo tausan armij, köra ro re jañin jela man kin babu iben. 36 Im jibilkwon, kij an ro rar ilen törinae, oran jilu buki jilñoul jiljilimjuön tausan limabuki jip: 37 im owöj eo an Jeova jen jip ko, jiljino buki jiljilimjuönñoul lailim. 38 Im ox ko jilñoul jiljino tausan; owöj an Jeova jen ir, jiljilimjuönñoul ruo. 39 Im ass ko jilñoul tausan limabuki; owöj an Jeova jen ir, jiljinoñoul juön. 40 Im armij ro joñoul jiljino tausan; owöj an Jeova, jilñoul ruo armij. 41 Im Moses e ar lelok owöj eo, jurtak in jeböke an Jeova, ñon Iliezar pris eo, einwöt Jeova e ar jiroñ Moses.

42 Im jen jibilkwon eo an ro nejin Israel, eo Moses e ar kijbil jen ro rar törinae, 43 (ak kij eo an jar eo, jilu buki jilñoul jiljilimjuön tausan limabuki jip, 44 im jilñoul jiljino tausan ox, 45 im jilñoul tausan limabuki ass, 46 im joñoul jiljino tausan armij), 47 aet, jen mötön an ro nejin Israel, Moses e ar kajuju jen limñoul, armij im kiru, im e ar lilok ñon ro dri Livai, ro rar kejbärok imön kabere an Jeova; einwöt Jeova e ar jiroñ Moses.

48 Im ro reutiej ion tausan ko an jar in törinae, kapen ro an tausan ko, im kapen ro an buki ko, rar draklok ñon Moses; 49 im rar ba ñon Moses, Kim, ro dri korijeröm, ar bwini ro dri törinae, ro kim ar lale ir, im ejelok juön iam e joko. 50 Im kim ar böktok jurtak ñon Jeova, jabrewöt men eo jabrewöt armij e ar bök, inek ko gold, lukjen ne ko, im lukoön pä ko, luko in sil ko, dreere ko, im marmar ko, bwe kimin kömön kilajrök ñon am iman Jeova. 51 Im Moses im Iliezar pris eo, rar bök gold eo jen ibeir, inök ko otemjej emwij kömöni. 52 Im aolepen gold eo jurtak in jeböke, rar lelok ñon Jeova, jen iben kapen ro an tausan ko, im kapen ro an buki ko, joñoul jiljino tausan jiljilimjuön buki limñoul shekel. 53 (Bwe ro dri törinae rar bök men in rakim, jabrewöt armij ñon e möke.) 54 Im Moses im Iliezar pris eo, rar bök gold jen kapen in tausan ko, im buki ko, im böktok e ñon iloan imön kwelok eo, bwe en men in kemem ñon ro nejin Israel iman Jeova.

32 Kiö iben ro nejin Ruben im iben ro nejin Gad e kanuij löñ kiru, kau, jip im got: im ke rar lo ene Jezer, im ene Giliad, bwe, lo, jikin ekar ñon kiru ko; 2 ro nejin Ruben im ro nejin Gad rar item konono ñon Moses, im ñon Iliezar pris eo, im ñon iroi ro an jar eo, im ba, 3 Aterot, im Daibon, im Jezer, im Nimra, im Heshbon, im Iliela, im Sibam, im Nibo, im Bion, 4 eneo Jeova e ar mön iman jar in Israel, juön ene emön ñon kiru ko; im eor kiru ibem, ro dri korijeröm.

5 Im rar ba, Elaŋe kim ar lo joiŋ iman mejōm, ren letok ene in nōn kim ro dri korijerōm, im en am; kwon jab aŋinlok kim im elā jen Jordan.

6 Im Moses e ar ba nōn ro nejin Gad im nōn ro nejin Ruben, Ro jeōmi im jātōmi ren ilen tōrinae im komij jijōt wōt ijin ke? 7 Im etke komij kabwer buruen ro nejin Israel jen air elālok nōn eneo Jeova e ar letok nōn ir? 8 Ein drein ro jimami rar kōmōn ke I ar jilkinlok ir jen Kedesh Barnia, bwe ren wate eneo. 9 Bwe ke rar wōnliŋlok nōn komlōl Eshkol, im lo eneo, rar kabwer buruen ro nejin Israel, bwe ren jab dreloŋ ilo eneo Jeova e ar lelok nōn ir. 10 Im e ar bwil illu an Jeova ilo ran eo, im E ar kanōjnij, im ba, 11 Emol ejelok juōn ian armij ro rar wōnliŋtok jen Ijpt, ridtōn roŋoul yiō im jima, e naj lo eneo I ar kanōjnij kake nōn Ebrean, nōn Aisak, im nōn Jekob; kin air jab lor lō wōt; 12 I jab ba kin Keleb nejin Jepunne dri Keniz, im Joshua nejin Nōn; bwe rar lore wōt Jeova. 13 Im e ar bwil illu an Jeova nae Israel, im E ar kōmōn bwe ren jebwābwe im itoitōk ilo ene jemaren iomien eŋoul yiō, mae ien aolepen ebeben eo, ro rar kōmōn nana iman mejen Jeova, re joko. 14 Im lo, kom ar binej jenkwon ro jememi, armij re nana im re lōŋlok, bwe komin kalaplok wōt illu elap an Jeova nae Israel. 15 Bwe elaŋe kom jeorlok jen ami lor E, E naj bar likit ir na ilo ene jemaren; im kom naj kokkure armij rein otemjej.

16 Im rar druaklok nōn e, im ba, Kim naj kōmōnmōn worwor in jip, nōn kiru ko am, im jikin kwelok ko nōn ajiri ro nejem: 17 a kim naj pojōk, im ken tōrinae ibem, bwe kimin ilok iman ro nejin Israel, mae ien am naj aŋinlok ir nōn jikir: im ajiri ro nejem re naj jokwe ilo jikin kwelok ko re bin, kin ke ro dri enin rej berwōt. 18 Kim jamin jeblak nōn moko imwem, mae ien ro nejin Israel, jabrewōt iair, rej bōk air jolit. 19 Bwe kim jamin jolit ibeir i Jordan jabueo im manlok; kin ke am jolit e ar buŋ nōn kim i rear in Jordan.

20 Im Moses e ar ba nōn ir, Elaŋe komij kōmōn men in, elaŋe komij bōk ken tōrinae ko ami, im ilok iman Jeova nōn tōrinae eo, 21 im jabrewōt iami, an ken tōrinae iben, ej elā jen Jordan iman Jeova, mae ien an lujeljelilok ro dri kijirāte jen iman, 22 im rej bōk anjo jen dri eneo iman Jeova; inem tokelik kom naj jeblak, im ejelok ruōmi iman Jeova, im iman Israel; im eŋin e naj ami jolit iman Jeova. 23 A elaŋe kom jab kōmōn einwōt, lo, kom ar jerawiwi nae Jeova; im komin kanuij jela bwe ami jerawiwi e naj lo kom. 24 Komin kalek jikin kwelok ko nōn ajiri ro nejōmi, im worwor ko nōn jip ko ami; im kōmōn men eo e ar walok jen loŋimi. 25 Im ro nejin Gad, im ro nejin Ruben rar konono nōn Moses, im ba, Kim dri korijerōm, naj kōmōn einwōt aō irioj ej jiroŋ kim. 26 Ajiri ro nejem, kōra ro belem, bwij ko am, im kiru ko otemjej, re naj ber ijo ilo jikin kwelok ko an Giliad; 27 a kim, dri korijerōm, naj elālok, jabrewōt armij e pojōk nōn tōrinae, iman Jeova, nōn tōrinae, einwōt aō irioj eja.

28 Ein drein Moses e ar jiroŋ kin ir nōn Iliezar pris eo, im Joshua nejin Nōn, im nōn jiōb ro in moko imōn ro jimair an bwijin ro nejin Israel. 29 Im Moses e ar ba nōn ir, Elaŋe ro nejin Gad im ro nejin Ruben rej elā ibemi jen river Jordan, jabrewōt armij e pojōk nōn tōrinae, iman Jeova, im rej bōk anjo jen eneo imami; inem kom naj lelok nōn ir ene Giliad bwe en air: 30 a elaŋe re jab kōnan elālok ibemi, im pojōk nōn tōrinae, ren bōk air kij ibemi ilo ene Keanan. 31 Im ro nejin Gad, im ro nejin Ruben, rar uak im ba, Einwōt Jeova e ar ba nōn kim, dri korijerōm, ein drein kim naj kōmōn. 32 Kim naj elālok, im pojōk nōn tōrinae, iman Jeova, nōn enen Keanan, im kij eo, am jolit, e naj ibem i rear in Jordan.

33 Im Moses e ar lelok nōn ir, nōn ro nejin Gad, im nōn ro nejin Ruben, im nōn jibilkwon bwijin Menassa, nejin Josep, enen Saihon kiŋ in dri Amor, im enen Og kiŋ in Bešan,



eneo iben jikin kwelok ko an, im tō-  
 reren ko air, aet, jikin kwelok ko im  
 eneo iturir. 34 Im ro nejin Gad rar  
 kalek Daibon, im Aterot, im Aroer,  
 35 im Atrot-shopan, im Jezer, im  
 Jogbiha, 36 im Bet-nimra, im Bet-  
 heran: jikin kwelok ko eor air wor-  
 wor, im worwor ko ñōn jip ko. 37  
 Im ro nejin Ruben rar kalek Hesh-  
 bon, im Iliela, im Kiriатеim, 38 im  
 Nibo, im Beal-mion, (emwij ukot et-  
 airro,) im Sibma: im rar lelok etair  
 ein juōn ñōn jikin kwelok ko rar ka-  
 leki. 39 Im ro nejin Mekir, leo nejin  
 Menassa, rar ilok ñōn Giliad, im ra-  
 kimi, im kobajlok ro dri Amor rar ber  
 ie. 40 Im Moses e ar lelok Giliad  
 ñōn Mekir nejin Menassa; im e ar  
 jokwe ie. 41 Im Jeir, leo nejin Me-  
 nassa, e ar ilok im rakimi jikin kwe-  
 lok ko an, im e ar naetair Havot-je-  
 ir. 42 Im Noba e ar ilok im rakimi  
 Kinat, im jikin kwelok ko redrik wu-  
 jen, im naetan Noba, einwōt etan.

**33** Irkein etetal ko an ro nejin  
 Israel, ke rar drioijslok jen enen  
 Ijipt, kin jar in tōrinae ko air, iomin  
 pein Moŕes im Aron. 2 Im Moses e  
 ar jeje air drioijslok ekar ñōn etetal ko  
 air, kin kien Jeova: im irkein etetal  
 ko air, ekar ñōn air drioijslok. 3 Im  
 rar etal jen Ramisis ilo aliñ eo mokta,  
 ran eo ken ka joñoulailim an aliñ eo;  
 ran eo ilju elikin kwojkwōj in kijone,  
 ro nejin Israel rar drioijslok kin pā  
 eutie, iman mejen dri Ijipt otemjej,  
 4 ke ro dri Ijipt rar kalibwin manjier  
 otemjej, ro Jeova e ar mōn ir iolapir:  
 bareinwōt Jeova e ar kōmōn ekajet  
 ion ekjōp ko air.

5 Im ro nejin Israel rar etal jen Ra-  
 misis im kajur im i Sōkkot. 6 Im rar  
 etal jen Sōkkot im kajur im i Itam,  
 eo i tōreren ene jemaren. 7 Im rar  
 etal jen Itam im jeblak ñōn Pai-he-  
 hairot, eo ej iman Beal-zipon: im rar  
 kajur im iman Migdol. 8 Im rar etal  
 jen iman Hehairot, im etal ilujen lo-  
 malo eo ñōn ene jemaren: im rar etal  
 iomin jilu ran ilo ene jemaren Itam, im  
 rar kajur im i Mera. 9 Im rar etal  
 jen Mera, im tōbar Ilim: im i Ilim jo-  
 ñoul ruo unin dren, im jiljilimjuōn-

[Marshall Islands.] 6\*

ñoul wijki pam; im rar kajur im ijo.  
 10 Im rar etal jen Ilim, im kajur im  
 ebak lomalo Ekilmir. 11 Im rar etal  
 jen lomalo Ekilmir, im kajur im ilo  
 ene jemaren in Sin. 12 Im rar etal  
 jen ene jemaren Sin, im kajur im i  
 Dopka. 13 Im rar etal jen Dopka  
 im kajur im i Alush. 14 Im rar etal  
 jen Alush, im kajur im i Repidim, ijo  
 ejelok dren limen armij ro. 15 Im  
 rar etal jen Repidim, im kajur im i  
 ene jemaren in Sainai. 16 Im rar  
 etal jen ene jemaren Sainai, im kajur  
 im i Kibrot-hatteava. 17 Im rar etal  
 jen Kibrot-hatteava, im kajur im i  
 Hazirot. 18 Im rar etal jen Hazirot,  
 im kajur im i Ritma. 19 Im rar etal  
 jen Ritma, im kajur im i Rimmon-  
 pirez. 20 Im rar etal jen Rimmon-  
 pirez, im kajur im i Libna. 21 Im  
 rar etal jen Libna, im kajur im i Ri-  
 sa. 22 Im rar etal jen Risa, im ka-  
 jur im i Kiheleta. 23 Im rar etal  
 jen Kiheleta, im kajur im i tol Shiper.  
 24 Im rar etal jen tol Shiper, im ka-  
 jur im i Hareda. 25 Im rar etal jen  
 Hareda, im kajur im i Makilot. 26  
 Im rar etal jen Makilot im kajur im i  
 Tehat. 27 Im rar etal jen Tehat, im  
 kajur im i Tira. 28 Im rar etal jen  
 Tira, im kajur im i Mitka. 29 Im  
 rar etal jen Mitka, im kajur im i  
 Hashmona. 30 Im rar etal jen  
 Hashmona, im kajur im i Mosirot.  
 31 Im rar etal jen Mosirot, im ka-  
 jur im i Bene-jeakan. 32 Im rar  
 etal jen Bene-jeakan, im kajur im  
 i Hor-hagigdad. 33 Im rar etal  
 jen Hor-hagigdad, im kajur im i  
 Jotbata. 34 Im rar etal jen Jotba-  
 ta, im kajur im i Abrona. 35 Im  
 rar etal jen Abrona, im kajur im i  
 Izion-giber. 36 Im rar etal jen  
 Izion-giber, im kajur im ilo ene je-  
 maren Zin, (eñin Kedesh). 37 Im  
 rar etal jen Kedesh, im kajur im i tol  
 Hor, i tōreren enen Idom.

38 Im Aron, pris eo, e ar wōnliñ-  
 lok ilo tol Hor, kin kien Jeova, im  
 mij ijo, ilo yiō eo ken ka eñoul, jen  
 ien eo ro nejin Israel rar drioijslok  
 jen enen Ijipt, ilo aliñ eo ken ka lai-  
 lim, ran eo mokta ilo aliñ eo. 39 Im

ridtōn Aron jibuki roñoul jilu yiō, ke e ar mij ilo tol Hor.

40 Im dri Kenean, kiñ in Erad, eo e ar jokwe irōk ilo enen Kenean, e ar roñ kin an ro nejin Israel itok.

41 Im rar etal jen tol Hor, im kajur im i Zalmona. 42 Im rar etal jen Zalmona, im kajur im i Punon. 43 Im rar etal jen Punon, im kajur im i Obot. 44 Im rar etal jen Obot, im kajur im i Iye-abarim, i tōreran Moab. 45 Im rar etal jen Iyim, im kajur im i Daibon-gad. 46 Im rar etal jen Daibon-gad, im kajur im i Almon-diblateim. 47 Im rar etal jen Almon-diblateim, im kajur im i tol ko in Abarim, iman Nibo. 48 Im rar etal jen tol ko in Abarim, im kajur im ilo ene emōn biken an Moab, ebak Jordan, iturin Jeriko. 49 Im rar kajur im ebak ñōn Jordan, jen Bet-jeshimot ñōn Ebel-shittim, ilo ene emōn biken an Moab.

50 Im Jeova e ar konono ñōn Moses ilo ene emōn biken an Moab, iturin Jeriko, im ba, 51 Kwon konono ñōn ro nejin Israel, im ba ñōn ir, Ne komij elā jen Jordan ñōn enen Kenean, 52 inem komin ubakelok dri ene otemjej imami, im kokkure dreka air otemjej men in e, im kokkure men in e ko air re unlok, im kokkure jikin ko air reutiej : 53 im kom naj bōk eneo im jokwe ie ; bwe I ar lewoj eneo ñōn kom, ami jolit. 54 Im kom naj bōk eneo, ami jolit, kin kakōle, ekar ñōn ro nukimi; ñōn ro relōñ komin lelok jolit elaplok, im ñōn ro reit komin lelok jolit eriklok : ijo jabrewōt kakōle ej buñ ñōn juōn armij, eñeo e naj an ; einwōt bwij ko bwijin ro jimami, kom naj bōk ami jolit. 55 A elañe kom jab kōnan ubakelok ro dri eneo jen imami, inem ro iair komij likit ir bwe ren berwōt, re naj <sup>1</sup>einwōt men ko rekōñ ilo mejemi, im einwōt kälilik ko ilo katōmi, im re naj kejjoran kom iloan eneo ijo komij jokwe. 56 Im men in e naj walok, einwōt I ar lemnok in kōmōn ñōn ir, ein drein I naj kōmōn ñōn kom.

<sup>1</sup> Josh. 23. 13.

34 Im Jeova e ar konono ñōn Moses, im ba, 2 Kwon jiroñ ro nejin Israel, im ba ñōn ir, Ne komij dreloñ ilo enen Kenean, (eñin eneo e naj walok ñōn kom ami jolit, set, enen Kenean, ekar ñōn belakin), 3 inem ami mōtōn irōk e naj jen ene jemaren Zin, iturin Idom, im ami tōreran irōk e naj jen jabōn lomalo Jātōk irear; 4 im ami tōreran e naj jeōr ñōn rōk, jen wōnliñlok an Akrabim, im ilok ñōn Zin; im e naj driojlok irōk jen Kedesh-barnia; im e naj ilok ñōn Hezar-addar, im ilok ñōn Azmon; 5 im tōreran e naj jeōr jen Azmon ñōn river erik an Ijijpt, im jemlokōn naj i lomalo.

6 Im ami tōreran i kabilūñ, naj lomalo elap im tōreran: eñin e naj ami tōreran i kabilūñ.

7 Im eñin e naj ami tōreran eañ: jen lomalo elap komin kalikar ñōn kom tol Hor; 8 jen tol Hor kom naj kakōle ñōn mejāti in Hemat; im jemlokōn e naj i Zidad; 9 im tōreran eo e naj ilok ñōn Zipron, im jemlokōn e naj i Hezar-inan: eñin e naj ami tōreran eañ.

10 Im kom naj kakōle ami tōreran irear jen Hezar-inan ñōn Shipam; 11 im tōreran e naj wōnlōllok jen Shipam ñōn Ribla, i rear jen Ein; im tōreran e naj wōnlōllok, im e naj ilok ñōn turin lomalo Kineret i rear; 12 im tōreran e naj wōnlōllok ñōn Jordan, im jemlokōn e naj i lomalo Jātōk. Eñin e naj ami ene ekar ñōn belakin.

13 Im Moses e ar jiroñ ro nejin Israel, im ba, Eñin eneo kom naj jolit kin kakōle ko, eo Jeova e ar jiroñ in lelok ñōn bwij ko druatimjuōn, im ñōn bwij eo jibilkwon: 14 bwe bwijin ro nejin Ruben ekar ñōn moko imōn ro jimair, im bwijin ro nejin Gad ekar ñōn moko imōn ro jimair, im jibilkwon bwijin Menassa, rar bōk air jolit: 15 bwij ko ruo, im bwij eo jibilkwon rar bōk air kij irear in Jordan, ikijen Jeriko im irear, ñōn tak al.

16 Im Jeova e ar konono ñōn Moses, im ba, 17 At kein etan armij ro

re naj ajej eneo ñon kom, ami jolit: Iliizar pris eo, im Joshua nejin Nõn. 18 Im kom naj bõk juõn iroi j jen jabrewõt bwij, bwe en ajej eneo men in jolit. 19 Im åt kein etan armij ro: jen bwijin Juda, Keleb nejin Jepunne. 20 Im jen bwijin ro nejin Simeon, Shemuel nejin Amihud. 21 Jen bwijin Benjamin, Elidad nejin Kison. 22 Im jen bwijin ro nejin Dan, juõn iroi j, Bukkai nejin Joglai. 23 Jen ro nejin Josep: jen bwijin ro nejin Menassa, juõn iroi j, Hannaiel nejin Ipod. 24 Im jen bwijin ro nejin Ipreim, juõn iroi j, Kemuel nejin Shiptan. 25 Im jen bwijin ro nejin Zebulun, juõn iroi j, Iлизepan nejin Parnak. 26 Im jen bwijin ro nejin Issakar, juõn iroi j, Paltiel nejin Azan. 27 Im jen bwijin ro nejin Asher, juõn iroi j, Ehaihud nejin Shelomai. 28 Im jen bwijin ro nejin Naptalai, juõn iroi j, Pedehel nejin Amihud. 29 Rein ro Jeova e ar jiroñ ir bwe ren ajej jolit eo ñon ro nejin Israel ilo enen Kenean.

**35** Im Jeova e ar konono ñon Moses ilo ene emõn biken an Moab, iturin Jordan ikijen Jeriko, im ba, 2 Kwon jiroñ ro nejin Israel, bwe ren lelok ñon ro dri Livai jen jolit ko, air jikin kwelok ko bwe ren jokwe ilo ir; im wato ko iturin jikin kwelok ko, komin lelok ñon ro dri Livai. 3 Im jikin kwelok ko ren air bwe ren jokwe ie; im wujen ko air ñon kau im jip ko air, im ñon mweiwuk ko mweier, im ñon kiru ko air otemjej. 4 Im wujen jikin kwelok ko komij lelok ñon ro dri Livai, naj drilpen juõn tausan kubit jen worwor in jikin kwelok, ijoko otemjej. 5 Im kom naj joñwe ilikin jikin kwelok, irear ruo tausan kubit, im irõk ruo tausan kubit, im i kabilũñ ruo tausan kubit, im eañ ruo tausan kubit, jikin kwelok eo eolap. Men in e naj ñon ir, wujen jikin kwelok ko. 6 Im jikin kwelok ko komij lelok ñon ro dri Livai, naj ' jiljino jikin kwelok in kone, kom naj lelok ñon ro dri kalanwõt-wõt bwe en ko ñon e: im bareinwõt,

komin lelok eñoul ruo jikin kwelok. 7 Jikin kwelok otemjej komij lelok ñon ro dri Livai, naj eñoul drualitõk jikin kwelok; irkein kom naj lelok kab ijoko wujeir. 8 Im kin jikin kwelok ko komij lelok jen ko an ro nejin Israel, jen ro relõn, komin bõk elõn; im jen ro reit, komin bõk eit: jabrewõt ekar ñon men in jolit eo an, en lelok jen jikin kwelok ko an ñon ro dri Livai.

9 Im Jeova e ar konono ñon Moses, im ba, 10 Kwon konono ñon ro nejin Israel, im ba ñon ir, Ne komij elã jen Jordan ilo enen Kenean, 11 Inem komin kejenolok jikin kwelok ko bwe ren jikin kwelok in kone ñon kom, bwe dri kalanwõt-wõt, eo ej mõn jabrewõt kin lanwõt-wõt, en ko ñon e. 12 Im jikin kwelok ko re naj ñon kom jikin kone jen dri kwi, bwe dri kalanwõt-wõt en jab mijmokta jen an jutõk iman jar eo kin ekajet. 13 Im jikin kwelok ko komij lelok, naj ñon kom jiljino jikin kwelok in kone. 14 Komin lelok jilu jikin kwelok irear in Jordan, im komin lelok jilu jikin kwelok ilo enen Kenean; ren jikin kwelok in kone. 15 Jikin kwelok kein jiljino, kin kone naj ñon ro nejin Israel, im ñon drua majiet, im dri itoitõk ibeir; im jabrewõt eo ej mõn juõn armij kin lanwõt-wõt, en maroñ in ko ñon e.

16 A elañe e ar mõn e kin mäl, bwe en mij, inem ej dri uror: emol dri uror en mij. 17 Im elañe e ar wure kin juõn dreka ilo pein, juõn e maroñ in mij kake, einwõt bwe en mij, ej dri uror: emol dri uror en mij. 18 Ak elañe e ar dreñlokwe kin alal ilo pein, juõn e maroñ in mij kake, einwõt bwe en mij, ej dri uror: emol dri uror en mij. 19 Dri kwi kin bõtõktõk en mõn dri uror: ñe ej wõnmae e, en mõn e. 20 Im elañe e ar wakari kin kijirät, ak kare ke ej kebao, einwõt bwe en mij, 21 ak ilo kijirät e ar jekanunõk e kin pein, einwõt bwe en mij; emol eo e ar jekanunõk en mij: ej dri uror; dri kwi kin bõtõktõk, en mõn dri uror, ñe ej wõnmae.

22 Elañe e ar wakare mõkõj im e

<sup>1</sup> Joh. 20. 7-9.

ar jab kijirāte, ak kare kin jabrewōt, im jab kebao, 23 ak kin jabrewōt dreka, juōn e maroñ in mij kake, im ar jab loe, ak jolok e na ion, einwōt bwe en mij, a e jab dri kijirāte, im e ar jab bukot an jorran; 24 inem jar eo en ekajet ikōtan dri mōn, im dri kwi kin bōtōktōk, ekar nōn kien kein; 25 im jar eo e naj kōtlok dri mōn armij, jen pein dri kwi kin bōtōktōk, im jar eo e naj kajeblok e nōn jikin kwelok in kone, ijo e ar ko nōn e: im e naj jokwe ie nōn ter eo pris elap emij, eo re kar kabit e kin oil e kwojarjar. 26 A elañe dri kalanwōtwōt eo ej ilok jen tōreran jikin kwelok in kone eo an jabrewōt ien, im e kar kone, 27 im dri kwi kin bōtōktōk ej lo e ilikin belakin jikin kwelok in kone, im dri kwi kin bōtōktōk ej mōn dri kalanwōtwōt eo, e naj ejelok ruōn kin bōtōktōk. 28 Bwe emōn en kar ber iloan jikin kwelok in kone eo an, mae ien pris elap emij: a elikin mij an pris elap, dri kalanwōtwōt en jeblak nōn enen jolit eo an.

29 Im men kein re naj kien ekajet nōn kom, ilo ebeben ko ami ilo moko imwemi otemjej. 30 Jabrewōt eo ej urōte jabrewōt armij, ren mōn dri uror eo kin loñin ro dri kennan: a <sup>1</sup>juōn wōt dri kennan e jamin liakelok jabrewōt armij bwe en mij. 31 Bareinwōt komin jab bōk wōnan mour an dri uror, eo eor ruōn bwe en mij; a emol en mij. 32 Im komin jab bōk wōnan eo e ar ko nōn jikin kone eo an, bwe en jeblaktok im jokwe ilo ene, mae ien an mij pris eo elap. 33 Ein drein komin jab kananaik eneo komij ber ie: bwe bōtōktōk ej kananaik ene; im re ban jolok ruōn ene kin bōtōktōk emwij katorlok e iloan, elañe jab kin bōtōktōkin eo e ar katorlok e. 34 Im komin jab kananaik eneo komij jokwe ie, eo Na ij ber iolapin: bwe Na, Jeova, Ij jokwe ilo bwiljin ro nejin Israel.

**36** Im jiōb ro an moko imōn ro jimair jen nukin ro nejin Giliad, nejin Mekir, nejin Menassa, jen ro nukin ro nejin Josep, rar druak-

tok, im konono iman Moses, im imar iroi ro, jiōb ro an moko imōn ro jimair an ro nejin Israel: 2 im rar ba. Jeova e ar jiroñ aō iroi bwe en lelok eneo nōn jolit kin kakōle nōn ro nejin Israel: im Jeova e ar jiroñ aō iroi bwe en lelok men in jolit an Zelopehad, jeim im jātem, nōn ro nejin kōra. 3 Im elañe rej belek jabrewōt nejin man jen bwij ko jet bwijin Israel, inem ren bōk air jolit jen jolit an ro jimam, im naj kobaik e nōn jolit an bwij eo rej ber ibeir: ein drein re naj bōk e jen jolit eo am. 4 Im ñe yiō in jubili an ro nejin Israel, inem air jolit re naj kobaik nōn jolit an bwij eo juōn, rej ber iben, ein drein naj bōk air jolit jen jolit an bwij eo bwijin ro jimam.

5 Im Moses e ar jiroñ ro nejin Israel einwōt nan an Jeova, im ba, Bwij eo an ro nejin Josep e jime an konono. 6 Eñin men eo Jeova ej jiroñ kin kōra ro nejin Zelopehad, im E ba, Ren belek jabrewōt eo re kōnan; a ilo nukin bwijin jemeir wōt ren belele. 7 Ein drein ejelok jolit en ilok jen juōn bwij nōn bar juōn; bwe bwij ko an ro nejin Israel ren edrep, jabrewōt iair, nōn jolit eo an bwijin ro jiman. 8 Im jabrewōt nejin kōra, eor an jolit ilo jabrewōt bwijin ro nejin Israel, en belek juōn jen nukin bwijin jemen, bwe men in jolit an jiman en iben jabrewōt eman ian ro nejin Israel. 9 Ein drein ejelok jolit en ilok jen juōn bwij nōn bar juōn; bwe bwij ko an ro nejin Israel, jabrewōt iair, en edrep nōn men in jolit eo an.

10 Einwōt Jeova e ar jiroñ Moses, ein drein ro nejin kōra nejin Zelopehad rar kōmōne: 11 bwe Mala, Tirza, im Hogla, im Milka, kab Noa, kōra ro nejin Zelopehad rar belek ro nejin lōmaro jein ak jātin jemeir. 12 Rar belele ilo nukin ro nejin Menassa, nejin Josep; im air jolit e ar berwōt ilo bwijin nukin jemeir.

13 Irkein kien ko, im ekajet ko, Jeova e ar jiroñ kin Moses nōn ro nejin Israel i ene emōn biken an Moab iturin Jordan ikijen Jeriko.

<sup>1</sup> Wata 18. 16.

# DUTERONOMI

**1** Irkein nan ko Moses e ar ba nōn aolepen Israel irear in Jordan ilo ene jemaren, i Araba ikijen Sup, ikōtan Peran im Topel, im Leban, im Hazerot, im Dai-zehab. **2** Joñon etal joñoul juōn ran jen Horeb, ilo ial an tol Sier nōn Kedesh-barnia. **3** Im ilo <sup>1</sup>yiō eo ken ka eñoul, ilo aliñ eo ken ka joñoul juōn, ilo ran eo mokta in aliñ eo, Moses e ar konono nōn ro nejnin Israel, <sup>2</sup>ekar nōn men ko otemjej Jeova e ar lelok nōn e, kien ko air; **4** elikin an <sup>3</sup>mōn Saihon kiñ an ro dri Amor, eo e ar jokwe i Heshbon, im Og kiñ in Beshan, eo e ar jokwe i Ashterot i Edreai. **5** Irear in Jordan ilo enen Moab, Moses e ar jino in kwalok kien in, im ba, **6** Jeova ar Anij e <sup>4</sup>ar konono nōn kij i Horeb, im ba: E bwe ami jokwe ilo tol in: **7** komin jeōr im etal, im ilok nōn ene eutiejan ro dri Amor, im nōn ene ko otemjej iturin, ilo Araba, ilo ene eutiejan, im ilo ene etā, im irōk, im iturin lojit, ene an ro dri Kenean, im Lebanon, nōn river eo elap, river Upretis. **8** Lo, emwij Aō likit eneo imami: komin dreloñ im bōk eneo Jeova e ar kanōjnij kake nōn ro jimami, nōn Ebrean, nōn Aisak, im nōn Jakob, bwe en lelok nōn ir im nōn inelirik.

**9** Im I ar konono nōn kom ien eo, im ba, Na I ban inek kom mōke iaō: **10** Jeova ami Anij e ar korlok kom, im lo, ranin komij einwōt iju ko ilōñ kin ami lōñ. **11** Jeova, Anij an ro jimami, En korlok kom juōn tausan alen jen kiō, im kejerammōn kom, einwōt E ar kalimur nōn kom. **12** Ekijkan aō mōke maroñ in inek ami jorran, im ami ine, im ami akwail?

**13** <sup>1</sup>Komin bōk nōn kom armij ro re meletlet, im dri jelalokjen, im dri buñbuñ, ekar nōn bwij ko ami, im I naj kairoij ir iomi. **14** Im kom ar uak iō im ba, Men eo kwar konono kake, emōn kimin kōmōne. **15** Inem I ar bōk jiōb ro an bwij ko ami, ro re meletlet, im re buñbuñ, im I ar kōmōn ir bōrōmi, kapen in tausan ko, im kapen in buki ko, im kapen in limñoul ko, im kapen in joñoul ko, im dri kabwjrōk, ekar nōn bwij ko ami. **16** Im I ar jiroñ ro ami ekajet ilo ien eo, im ba, Komin roñjake men ko men in akwail ikōtan ro jeōmi im jātōmi, im komin ekajet jime ikōtan juōn armij im jein im jātin, im drua maijet eo ej ber iben. **17** Komin jab kaljikkok armij ilo ekajet; komin roñjake ro redrik im ro relap, einwōt juōn; komin jab mijōk mejen armij; bwe an Anij ekajet eo: im men in ekajet eo ebin nōn kom, komin bōktok nōn iō, im I naj roñjake. **18** Im I ar jiroñ kom men ko otemjej emōn komin kōmōne.

**19** Im jar etal jen Horeb, im driblok aolepen ene jemaren eo elap im men in lelñoñ, eo kom ar loe, ilo ial nōn ene eutiejan ro dri Amor, einwōt Jeova aruij Anij e ar jiroñ kij: im jar itok nōn Kedesh-barnia. **20** Im I ar ba nōn kom, Emwij ami itok nōn ene eutiejan ro dri Amor, eo Jeova aruij Anij ej letok nōn kij. **21** Lo, Jeova ami Anij e ar likit eneo imami: komin wōnliñlok im bōke, einwōt Jeova, Anij an ro jimami, E ar konono nōn kom; komin jab mijōk, ak lokjenami. **22** Im <sup>2</sup>kom ar druaktok nōn iba, jabrewōt iami, im ba, Jen jilkinlok armij imar, bwe ren wate eneo nōn kij, im bōktok nōn kij nan kin

<sup>1</sup> Bwin. 33. 35.  
<sup>6</sup> Bwin. 10. 11-12.

<sup>2</sup> Jap. 4. 1. 2.

<sup>3</sup> Bwin. 21. 24. 25.

<sup>4</sup> Ex. 18. 21. <sup>5</sup> Bwin. 13. 1-3.

ial eo jen wõnliñlok ie, im kin jikin kwelok ko jej ilok ñõni. **23** Im men eo ej kabuñburuõ; im I ar bõk joñoul ruo armij iami, ejeju wõt jen bwij: **24** im rar jeõr im wõnliñlok ilo tol eo; im ilok ñõn komlõl Eshkol, im wate. **25** Im rar bõk jen leen eneo ilo peir, im bõklõltok ñõn kij, im bõk-tok nan, im ba, Eneo, Jeova aruij Anij ej letok ñõn kij, emõn wõt.

**26** Ijoke, <sup>1</sup>kom ar jab kõnan wõnliñlok, a kom ar kabata nae kien Jeova ami Anij: **27** im kom ar wanõketak ilo moko imwemi, im ba, Kin an Jeova kijirãte kij, E ar kadrioijtok kij jen enen Ijipt, bwe En ketõke kij ñõn pein ro dri Amor, bwe ren mõn kij. **28** Je naj wõnliñlok ia? ro jeer im jãter rar kaunlok buruer kin air ba, Armij ro relap im re aitok jen kij; jikin kwelok ko relap wõt im re utiej ñõn lõñ; im bareinwõt kim ar lo ro nejin ro dri Enak ijo. **29** Ien eo I ar ba ñõn kom, Komin jab leñõñ, ak mijõk ir. **30** Jeova ami Anij, Eo ej ilok imami, E naj tõrinae ñõn kom, einwõt E ar kõmõn ñõn kom i Ijipt iman mejemi, **31** im ilo ene jemaren, ijo kom ar lo ekijkan <sup>2</sup>Jeova, ami Anij, E ar bõk kom, einwõt juõn eman ej bõk ladrik eo nejin, ilo aolepen ial eo ijo kom ar etal ie, mae ien ami itok ñõn ijin. **32** Ijoke, ilo men in kom ar jab tõmak Jeova ami Anij, **33** <sup>3</sup>Eo e ar ilok imami, bwe En kabukot jikin kajúur moko imwemi, kin kijeek ilo boñ, bwe En bakajen ial eo komin etal ie, kin kõro ilo ran.

**34** Im Jeova e ar roñjake ainiken nan ko ami, im E ar illu, <sup>4</sup>im E ar kanõjni, im ba, **35** Emol ejelok juõn ian armij rein an ebeben in e nana, e naj lo ene emõn, eo I ar kanõjni bwe In lelok ñõn ro jimami, **36** ak Keleb wõt, nejin Jepunne; e naj loe; im I naj lelok ñõn e <sup>5</sup>eneo e ar jure, im ñõn ro nejin, bwe e ar lor wõt Jeova. **37** Bareinwõt, <sup>6</sup>Jeova e ar illu iba kin kom, im ba, <sup>7</sup>Bareinwõt kwe, kwo jamin dreloñlok ijo: **38** Joshua

nejin Nõn, eo ej jutõk imam, e naj dreloñlok ijo: kwon kaberan e; bwe eo e naj kõmõn bwe Israel en jolit eneo. **39** Bareinwõt, <sup>1</sup>ajiri ro nejem, ro kom ar ba re naj men in rakim, im ro nejem, ro re jaje emõn ak nana ranin, re naj dreloñlok ijo, im ñõn ir I naj lelok bwe en air jolit. **40** A kin kom, komin jeõr im etallok ñõn ene jemaren, ilo ial ñõn lomalo Ekilmir.

**41** Inem kom ar uak, im ba ñõn iõ, Kim ar jerawiwi nae Jeova, kim naj wõnliñlok im tõrinae, einwõt men otemjej Jeova am Anij e ar jiroñ kim kake. Im kom, jabrewõt iami, kom ar lukwoj ami ken tõrinae, im mõkarkar in wõnliñlok ñõn eneo eutie. **42** Inem Jeova e ar ba ñõn iõ, Kwon ba ñõn ir, Komin jab wõnliñlok, ak tõrinae; bwe Ña, I jab ber ibemi; ñe kom ab joko iman ro dri kijirãte kom. **43** Ein drein I ar konono ñõn kom, im kom ar jab eoroñ iõ; ak kom ar kabata nae kien Jeova, im kom ar mõkarkar im wõnliñlok ilo eneo eutie. **44** Im <sup>2</sup>ro dri Amor, ro rar jokwe ilo ene eutie, rar drioijtok nae kom, im lujeljeli kom, einwõt bi ko, im jolõllok kom ilo Sier, aet, ñõn Horma. **45** Im kom ar jeblaktok im jõñ iman Jeova; a Jeova e ar jab eoroñ ainikemi, ak roñjake kom. **46** Ein drein kom ar berwõt i Kedesh iomin elõñ ran, ekar ñõn ran ko kom ar jokwe ijo.

**2** Inem jar jeõr, im etallok ilo ene jemaren ilo ial ñõn lomalo Ekilmir, einwõt Jeova e ar ba ñõn iõ; im jar etal iturin tol Sier elõñ ran. **2** Im Jeova e ar konono ñõn iõ, im ba, **3** E bwe ami etal iturin tol in: komin jeõr niñalok. **4** Im kwon jiroñ armij ro, im ba, Kom naj driblok tõreren ro jeimi im jãtõmi, ro nejin Iso, ro rej jokwe ilo Sier; im re naj mijõk kom. Inem komin kanuij lal kom; **5** komin jab akwaile ir; bwe I jamin lewoj ñõn kom mõtõn eneo eneir, jab ridtõn lobren ne; bwe emwij Aõ lelok tol Sier ñõn ro nejin Iso bwe en air. **6** Kom naj wiaik kije-

<sup>1</sup> Bwln. 14. 1-4.    <sup>2</sup> Jerh. 13. 18.    <sup>3</sup> Bwln. 9. 15. 27.    <sup>4</sup> Bwln. 14. 28-30.    <sup>5</sup> Josh. 14. 9.    <sup>6</sup> Bwln. 20. 12.    <sup>7</sup> Bwln. 27. 13.

<sup>1</sup> Bwln. 14. 3. 31.    <sup>2</sup> Bwln. 14. 46.

mi jen ir kin mōnni, bwe komin mō-  
ña; im kom naj wiaik dren jen ir kin  
mōnni, limemi. 7 Bwe Jeova, ami  
Anije arkejerammōn kom ilo aolepen  
jербal in peimi: E ar jela ami etal  
ilujen ene jemaren in elap: iomin  
eñoul yiō kein, Jeova ami Anij e ar  
ber ibemi; ejelok ami aikwij. 8 Ein  
drein jar elā jen ro jeer im jāter, ro  
nejin Iso, ro rej jokwe ilo Sier, jen  
ial an Araba, jen Ilat, im Izion-gi-  
ber.

Im jar jeōr im etal ilo ial an ene je-  
maren an Moab. 9 Im Jeova e ar ba  
ñōn iō, Komin jab kejjorran Moab, im  
jab tōrinaek ir; bwe I jamin lewoj  
jen enen, bwe en ami; bwe emwij Aō  
lelok Ar ñōn ro nejnin Lot, bwe en air.  
10 (Ro dri Emim rar jokwe ijo mok-  
ta, armij ro relap, im relōñ, im re  
aitok, einwōt ro nejnin Enak: 11 rej  
likit rein Ripeim, einwōt ro dri Enak;  
a ro dri Moab rar naetair Emim. 12  
Ro dri Hor, bareinwōt rar jokwe ilo  
Sier mokta, a ro nejnin Iso rar kobaj  
ir; im rar mōn ir imair, im jokwe ilo  
jikir; einwōt Israel e ar kōmōn ilo  
eneo e ar bōk bwe en an, eo Jeova e  
ar lelok ñōn e). 13 Inem komin jer-  
kak, im elā jen wea Zired. Im jar  
elā jen wea Zired. 14 Im ilo ran ko  
jar itok jen Kedesh-barnia, mae ien  
jar elā jen wea Zired, jilñoul dru-  
timjuōn yiō; mae ien ebeben an ro  
dri tōrinae otemjej rar joko jen ilujen  
kamp eo, einwōt Jeova e ar kanōjnij  
ñōn ir. 15 Bareinwōt, pein Jeova e  
ar jumae ir, im kokkure ir jen ilujen  
kamp eo, mae ien re joko otem joko.

16 Ein drein ke dri tōrinae otemjej  
rar joko im mij jen iben armij ro, 17  
inem Jeova e ar konono ñōn iō, im  
ba, 18 Ranin kom naj elā jen Ar, tō-  
reren Moab: 19 im ñe komij kebak-  
lok ijo ikijen ro nejnin Amon, komin  
jab kejjorran ir, im jab akwaile ir;  
bwe I jamin lewoj jen enen ro nejnin  
Amon bwe en ami; bwe emwij Aō le-  
lok ñōn ro nejnin Lot bwe en air. 20  
(Bareinwōt rej likite enen dri Ri-  
peim: ro dri Ripeim rar jokwe ie  
mokta; a ro dri Amon rej naetair dri  
Zamzumim, 21 armij relap, im relōñ,

im re aitok, einwōt ro dri Enak; a  
Jeova e ar kokkure ir imair; im rar  
binej jenkwair, im jokwe ilo jikir;  
22 einwōt E ar kōmōn kin ro nejnin  
Iso, ro rej jokwe ilo Sier, ke E ar kok-  
kure ro dri Hor jen imair; im rar bi-  
nej jenkwair, im jokwe ilo jikir ñōn  
ien in. 23 Im dri Avim, ro rar  
jokwe ilo jikin kwelok ko redrik ñōn  
Geza, ro dri Kaptor, rar drioiytok jen  
Kaptor, im kokkure ir, im jokwe ilo  
jikir). 24 Komin jerkak, etallok, im  
elā jen komlōl in Arnon: lo, I ar lewoj  
ilo peimi, Saihon dri Amor, kiñ in  
Heshbon, im eneo an; komin jino in  
bōke, im tōrinaek e. 25 Ranin I naj  
jino in likit kokomak kin kom in mi-  
jōk kin kom ion dri ailiñ ko, ro rej  
ber iomin aolepen lōñ, ro re naj roñ-  
jake nan kin kom, im re naj wuririr,  
im iñtan kake kom.

26 Im I ar jilkinlok ro dri jilik jen  
ene jemaren in Kidmot, ñōn Saihon  
kiñ in Heshbon, im nan ko nan in  
inimōn ibeir, im ba, 27 Kwon likit  
bwe in etal ilujen ene ne am: I naj  
etal ilo ial elap, I jamin jeōrlōk ñōn an-  
bijmaroñ ak anmiñ. 28 Kwo naj  
wiakake ekōn kin mōnni bwe in mō-  
ña; im letok dren kin mōnni bwe in  
irak: men in wōt, in driblok kin neiō;  
29 einwōt ro nejnin Iso rej jokwe i  
Sier, im ro dri Moab rej jokwe i Ar,  
rar kōmōn ñōn iō; mae ien eo ij elā  
jen Jordan, ñōn eneo Jeova am Anij  
ej letok ñōn kim. 30 A Saihon, kiñ  
in Heshbon e ar jab kōnan bwe jen  
elā jen e; bwe Jeova ami Anij e ar  
kabin an, im kōmōn bwe buruen en  
bōt, bwe En maroñ in kōtlok e ñōn  
peimi, einwōt ranin. 31 Im Jeova e  
ar ba ñōn iō, Lo, emwij Aō jino in  
ketok Saihon im eneo an imam: kwon  
jino in bōke, bwe kwon jolit eneo an.  
32 Inem Saihon e ar drioiytok nae  
kij, e im ro dron otemjej, ñōn tōri-  
nae i Jehaz. 33 Im Jeova aruij Anij  
e ar ketōke imar; im jar mōn e, im  
ro nejnin, im armij ro dron otemjej.  
34 Im jar bōk jikin kwelok ko an  
otemjej ilo ien eo, im kanuij kokkure  
jabrewōt jikin kwelok ijo eor armij,  
e torlok bok, ejelok juōn jar likite:

**35** kiru ko wõt jar bök men in rakim ñon kij, im mweiuik ko men in rakim jen jikin kwelok ko, jar böki. **36** Jen Aroer, eo ej i tōreran komlöl in Arnon, im jen jikin kwelok eo ilo komlöl, aet ñon Giliad, ejelok juön jikin kwelok re utiej jen kij; Jeova aruij Anij e ar ketök aolep imar: **37** men in wõt, kom ar jab kebaklok ñon enen ro nejin Amon; aolep iturin river Jabbok, im jikin kwelok ko ilo ene eutie, im ijo jabrewõt Jeova ar Anij e ar böpraē kij.

**3** Inem <sup>1</sup> jar jeör im wōnliñlok ilo ial ñon Beshan: im Og kiñ in Beshan, e ar drioijtok nae kij, e im ro dron otemjej, ñon tōrinae i Edreai. **2** Im Jeova e ar ba ñon ir, Kwon jab mijök e; bwe emwij Aō lewoj e im ro dron otemjej, im enen, na ilo peim; im kwo naj kōmōn ñon e einwõt kwar kōmōn ñon Saihon kiñ an ro dri Amor, eo e ar jokwe i Heshbon. **3** Ein drein Jeova aruij Anij e ar letok ilo peer Og bareinwõt, kiñ in Beshan, im ro dron otemjej: im jar kokkure e ñon ien eo e torlok bok. **4** Im jar bök aolepen jikin kwelok ko an ilo ien eo; ejelok juön jikin kwelok jar jab bök jen ir; jiljinoñoul jikin kwelok, aolepen enen Argob, ailñ an Og ilo Beshan. **5** Jikin kwelok kein otemjej, eor air worwor utiej, kab aor ko, im alal ko; bareinwõt elōñ jikin kwelok ejelok air worwor. **6** Im jar kanuij kokkure ir, einwõt jar kōmōn ñon Saihon kiñ in Heshbon, im jar kanuij kokkure jikin kwelok otemjej eor armij ilo ir, kab kōra im ajiri rōn. **7** A aolepen men in rakim jen jikin kwelok ko, jar bök ñon kij einwõt men in rakim. **8** Im ien eo jar bök eneo jen pein ruo kiñ an ro dri Amor, rar ber irear jen Jordan, jen komlöl an Arnon ñon tol Hermon. **9** (Hermon eo ro dri Saidon rej naetan Sirion, im ro dri Amor rej naetan Sinir); **10** jikin kwelok ko otemjej an ene emōn biken, im aolepen Giliad, im aolepen Beshan ñon Salika im Edreai, jikin kwelok ko an ailñ in Og kiñ in Beshan.

<sup>1</sup> Bwin. 21. 33-36.

**11** (Bwe Og wõt, kiñ in Beshan, e ar berwõt jen matōn ro dri Ripeim: lo, aowej eo an, aowej māl; e jab ber i Rabba an ro nejin Amon ke? aitokōn druatimjuön kubit, im drilpen emen kubit, ekar ñon kubit in armij).

**12** Im jar bök enin ien eo: jen Aroer, eo ej iturin komlöl in Arnon, im jibilkwon ene eutie an Giliad, im jikin kwelok ko an, I ar lelok ñon ro dri Ruben im ñon ro dri Gad: **13** Im mōtōn Giliad ej berwõt, im aolepen Beshan, ailñ in Og, I ar lelok ñon jibilkwon bwijin Menassa; aolepen enen Argob, aet aolepen Beshan. (Rej naetan eneo enen dri Ripeim. **14** Jeir nejin Menassa e ar bök aolepen Argob, ñon tōreran ro dri Gishur im ro dri Meaka, im naetair, aet Beshan, einwõt etan, Hevot-jeir, ñon ranin.) **15** Im I ar lelok Giliad ñon Mekir. **16** Im ñon ro dri Ruben, im ñon ro dri Gad, I ar lelok Giliad ñon komlöl in Arnon, lukwon komlöl eo, im tōreran, aet ñon river Jabbok, eo i tōreran ro nejin Amon; **17** Araba bareinwõt, im Jordan kab tōreran, jen Kinneret ñon lomalo eo i Araba, lomalo Jätök, i tōreran Pisga irear.

**18** Im I ar jiroñ kom ilo ien eo, im ba, Jeova ami Anij e ar lewoj enin bwe en ami: kom naj elä, <sup>1</sup> im ken tōrinae ko ami ibemi, iman ro jeimi im jätōmi ro nejin Israel, armij otemjej dri beran. **19** A kōra ro belemi, im ajiri ro nejemi, im kiru ko ami, (I jela bwe elōñ kiru ibemi), re naj berwõt iloan jikin kwelok ko ami, ko emwij aō lewoj, **20** mae ien Jeova ej lelok kakije ñon ro jeimi im jätōmi, einwõt ñon kom, im rej bök eneo Jeova ami Anij ej lelok ñon ir, i rilikin Jordan: <sup>2</sup> inem kom naj jeb-lak, jabrewõt iami, ñon eneo an, eo emwij aō lewoj. **21** Im I ar jiroñ Joshua ien eo, im ba, Mejōm rar lo men otemjej Jeova ami Anij e ar kōmōn ñon kiñ rein ruo: ein drein Jeova e naj kōmōn ñon ailñ kein otemjej komij ilok ñoni. **22** Komin jab mijök ir: bwe Jeova ami Anij, Eo ej tōrinae kin kom.

<sup>1</sup> Josh. 4. 12, 13. <sup>2</sup> Josh. 22. 4.



23 Im I ar akwelap ñon Jeova, ilo ien eo, im ba, 24 O Jeova, Anij, Kwar jino in kwalok ñon korijerom Am lapen, im peom e kajur: bwe anij ot ej ber ilo lon ak ilo lol, im ej maron in komon jermal ko im men ko re kajur einwot men ko Am? 25 Kwon kotlok io bwe in ela, ij akwelap ñon yuk, im lo eneo emon i Jordan jabueo, tol eo emon, im Lebanon. 26 A Jeova e ar illu iba kin kom, im E ar jab eoron io; im Jeova e ar ba non io, Emwij; kwon jab bar ba non lo kin men in. 27 Kwon wonlinlok non jabon Pisga, im tor mejom i kabilun, im ean, im irok, im irear, im aluij kin mejom; bwe <sup>1</sup>kwo jamin ela jen Jordan in. 28 A kwon jiron Joshua, im kaberan e, im kakajur e; bwe <sup>2</sup>e naj ela iman armij rein, im e naj kajolit ir eneo kwo naj loe. 29 Ein drein jar berwot ilo komlol eo ikijen Bet-pior.

4 Im kiö, O Israel, kwon eoron kien ko im ekajet ko ij katakin kom, bwe komin komoni, bwe komin mour, im dreloñlok im bok eneo Jeova, Anij an ro jimami ej lewoj. 2 Komin jab kobaik non nan eo ij jiron kom, im komin jab bok jen e, bwe komin bokake kien ko an Jeova ami Anij, ij jiron kom kake. 3 Mejemi rar lo ta eo Jeova e ar komon kin Beal-pior; bwe Jeova ami Anij e ar kokkure jen ibemi, armij otemjej rar lor Beal-pior. 4 A komeo, kom ar edrep non Jeova ami Anij, komij mour wot, jabrewot iami non ranin. 5 Lo, emwij ao katakin kom kien ko im ekajet ko, einwot Jeova ao Anij e ar jiron io, bwe en ein drein ami komon ilo bwiljin eneo ijo komij dreloñlok in boke. 6 Inem komin kejbäroki im komoni; bwe men in ami meletlet im jelalokjen iman mejen dri ailin ko, ro re naj ronjake kien kein, im re naj ba, Emol dri ailin in relon, armij re meletlet im jelalokjen. 7 Bwe ailin ot elap eo iben juon anij ebak non ir, einwot Jeova aruij Anij jabrewot ien ke jej kir non E? 8 Im ailin ot elap eo iben kien ko im eka-

jet ko re wanik, einwot aolepen kien in, eo ij kwalok non kom ranin?

9 Men in wot, kwon lale, im kanuij kejbärok am, ne kwo ab meloklok men ko mejom rar loi, im ne rab joko jen buruom ran ko otemjej in am mour; a kwon kwalok non ro nejom im non ro jibwom; 10 ran eo ke kwar jutok iman Jeova ami Anij i Horeb, ke Jeova e ar ba non io, Kwon kweloktok armij ro, im naj kokaronjake ir nan ko Ao, bwe ren jela mijok lo ran ko otemjej rej mour ion lol, im bwe ren katakin ro nejir. 11 Im kom ar druaktok im jutok iturin tol eo; im tol eo e ar urur kin kijeek non lukwon lon, im eor marok, im koro, im marok jililin. 12 Im Jeova e ar konono non kom, jen bwiljin kijeek eo: im kom ar ronjake ainiken nan ko, a kom ar lo ejelok wawen; kom ar ronjake ainiken wot. 13 Im E ar kwalok non kom bujen eo An, eo E ar jiron kom bwe komin komone, aet, <sup>1</sup>kien ko jonoul; im E ar jei ilo ruo tebel dreka. 14 Im Jeova e ar jiron io ilo ien eo bwe in katakin kom kien ko im ekajet ko, bwe komin komoni ilo eneo ijo komij ela in boke.

15 Inem komin kanuij kejbärok kom; bwe kom ar lo ejelok wawen ilo ran eo ke Jeova e ar konono non kom i Horeb, jen bwiljen kijeek eo; 16 ne kom ab kananaik kom, im komon non kom men in e rej jekjek ilo jabrewot wawen, man ak kora, 17 wawen jabrewot kiru ej ber ion lol, wawen jabrewot bao eor pein ej kaki i mejatoto, 18 wawen jabrewot men eo ej tobolbol ion brij, wawen jabrewot iik ej ber ilo dren eo iomin lol; 19 im ne kwo ab kwotöke mejom non lon, im ne kwolj al im alin im iju ko, aolepen jarlipju in lon, komij jeorlok im kabun non ir, im korijer non ir, men ko Jeova am Anij e ar ajelok non ro dri ailin otemjej iomin aolepen lon. 20 A Jeova e ar bok kom, im kadrioijtok kom jen iloan ubaj mal eo, jen ljipt, bwe komin ber non E, ro dri ailin, An jolit, einwot ranin. 21 Bar juon, Jeova e ar illu non io

<sup>1</sup> Jap. 1. 37. <sup>2</sup> Jap. 1. 26.

<sup>1</sup> Ex. 34. 28.

kin kom, im E ar kanōjnij bwe I jamin elā jen Jordan, im I jamin dreloñlok ilo eneo emōn, eo Jeova am Anij ej lewoj: 22 a I naj mij ilo enin, I jamin elā jen Jordan; a kom naj elā, im bōk eneo emōn. 23 Komin kanuij kejbārok kom ñe kom ab meloklok bujen an Jeova ami Anij, eo E ar kōmōn ibemi, im komij kōmōn ñōn kom men in e jekjek ilo wāwen jabrewōt men eo Jeova am Anij e ar bōprae jen kom. 24 Bwe Jeova ami Anij <sup>1</sup>ej kijeek urur, Anij ekamo.

25 Ñe kwōj keutak ro nejōm, kab ro jibwōm, im eto ami ber ilo eneo im komij mōke kananaik kom, im kōmōn men in e ilo wāwen jabrewot, im kōmōn nana iman mejen Jeova ami Anij in kakōtōtōik E; 26 ranin ij kir ñōn lōñ im lōl bwe ren kennan nae kom, bwe kom naj joko otem joko jen eneo komij elā jen Jordan in bōke; kom jamin kalōñlok ran ko ami ion, a naj kanuij kokkure kom. 27 Im Jeova e naj kijibliklik kom ñōn iben ro dri ailiñ ko, im kom naj eit wōt ilo ailiñ ko, ijo Jeova e naj tellok kom ñōn e. 28 Im ijo kom naj dri korijeran anij ro jet, iltan pein armij, alal im dreka, ko re jab lo, ak roñ, ak mōña, ak ātbwin. 29 A ijo kom naj kabukot Jeova ami Anij, im kom naj lo E elañe kom naj bukot E kin aolepen buruemi im kin aolepen ami. 30 Ñe komij ber ilo iñtan, im men kein otemjej rar iwij iomi, ilo ran ko elik kom naj jeblak ñōn Jeova ami Anij, im kom naj eoroñ ainiken: 31 bwe Jeova ami Anij ej Anij in tiriamo; E jamin likjōp jen kwe, ak kokkure yuk, ak meloklok bujen eo E ar kanōjnij kake ñōn ro jimam.

32 Ak kwon kajitōk kiō kin ran ko re motlok, ko mokta jen kwe, elikin ran eo ke Anij e ar kōmōnmōn armij ion lōl, im jen juōn jabōn lōñ ñōn jabōn eo juōr, elañe e kar jabrewōt men einwōt men in elap, ak rar roñjake ke? 33 Ro <sup>2</sup>dri ailiñ ko rar roñjake ainiken Anij ke ej konono jen bwiljin kijeek, einwōt kwar roñjake, im mour ke? 34 A Anij e ar kajeoñ

in ilen bōk ñōn E juōn ailiñ jen bwiljin bar juōn ailiñ, kin melejoñ ko, im kakōle ko, im men in bwilōñ ko, im kin tōrinae, im kin pein e kajur im erlok, im kin kaiñtan ko relap, einwot aolepen men ko Jeova ami Anij e ar kōmōn ñōn kom, ilo Ijipt, iman mejōm ke? 35 Emwij kwalok men in ñōn kwe, bwe kwon jela bwe Jeova ej Anij; im <sup>1</sup>ejelok bar juōn ijillokin. 36 E ar kōkaroñjake yuk ainiken jen lōñ, bwe En katakin yuk: im ion lōl E ar kwalok ñōn yuk An kijeek elap; im kwar karoñjake nan ko An jen bwiljin kijeek eo. 37 Im kin An yokwe ro jimam, E ar kålet ineir elikir, im kadriojtok yuk kin An ber ibōm, kin An kajur elap, jen Ijipt; 38 im lujeljelilok jen imam, ro dri ailiñ ko relap im re kajur jen kwe, bwe En kadreloñ yuk, im lewoj eneir, ami jolit, einwōt ranin. 39 Inem kwon jela ranin, im likit e na ilo buruōm, bwe Jeova ej Anij in lōñ im ion lōl; ejelok bar juōn. 40 Im kwon kejbārok kien ko An, im nan in kaiñi ko An, ko Ej jiroñ yuk kake ranin, bwe en emōa ibōm, im iben ro nejōm elikōm, im bwe <sup>2</sup>kwon kaitoklok ran ko am ion eneo Jeova am Anij ej lewoj, ñōn in drio.

41 Inem Moses <sup>3</sup>e ar kejenolok jilu jikin kwelok i rear in Jordan ñōn tak al; 42 bwe dri kalanwōtwōt armij en ko ñōni, eo ej mōn dri turin kin lanwōtwōt, im e ar jab kijirāte ilo ien mokta; im ñe ej ko ñōn juōn ian jikin kwelok kein, en mour: 43 aet, Bizer, ilo ene jemaren, ilo ene emōa biken, ñōn ro dri Ruben; im Remot ilo Giliad, ñōn ro dri Gad; im Golan ilo Beshan, ñōn ro dri Menassa.

44 Im eñin kien eo Moses e ar kwelok ñōn ro nejin Israel: 45 kein nan in kennan ko, im nan in kaiñi ko, im ekajet ko, ko Moses e ar ba ñōn ro nejin Israel, ke rar driojtok jen Ijipt, 46 irear jen Jordan, ilo komlōl eo ikijen Bet-pior, ilo enen Saihon kiñ an ro dri Amor, eo e ar jokwe i Heshbon, eo Moses im ro nejin Israel rar mōne ke rar driojtok jen Ijipt. 47 Im rar

<sup>1</sup> Hib. 12. 29. <sup>2</sup> Jap. 6. 29.

<sup>3</sup> Mark 12. 32. <sup>4</sup> Ex. 23. 26. <sup>5</sup> Jap. 19. 9-13.

bōk enen bwe en air, im enen Og kiñ in Beshan, kiñ ro ruo an rodri Amor, rar ber irear jen Jordan nōn tak al: 48 jen Aroer, eo ej i tōreran komlōl in Arnon, aet, nōn tol Saion (eo Hermon), 49 im aolepen Araba irear jen Jordan, aet, nōn lomalo eo i Araba, iturin Pisga.

5 Im Moses e ar kir nōn aolepen ro dri Israel, im ba nōn ir, O Israel, komin karoñjake kien im ekajet ko ij ba i lojiliñemi ranin, bwe komin katak im lale in kōmōni. 2 Jeova ar Anij e ar kōmōn bujen iber i Horeb. 3 Jeova e ar jab kōmōn bujen in iben ro jimar, a iber, aet kij, ro otemjej jej ber ijin im mour ranin. 4 Jeova e ar konono ibemi jelmae dron, ilo tol eo jen bwiljin kijeek eo, 5 (I ar jutōk ikōtami im Jeova ran eo, in kwalok nōn kom nan an Jeova: bwe kom ar lelñōn kin kijeek eo, im kom ar jab wōnliñlok ilo tol eo), im E ba,

6 Na Jeova am Anij eo e ar ānintok yuk jen enen Ijipit, jen imōn kamakoko eo.

7 En ejelok bar anij rōn ibōm ijilokiō.

8 Kwon jab kōmōnmōn im jekjek ekjōp nōn yuk, ak jabrewōt men in e wāwen men ko ilōñ, ak ilōl iomin, ak ilodren iomin lōl: 9 kwon jab barikrik jen ir, ak jerbāl nōn ir; bwe Na Jeova am Anij, Anij ekamo, im Ij jibel nana an ro jemeir ion ro nejir, im ion ebeben eo ken ka jilu im ken kemenian ro rej kijirāte Iō; 10 im Ij kwalok joiñ nōn tausar ro ian ro rej yokwe Iō, im bokake kien ko Aō.

11 Kwon jab ba bata etan Jeova am Anij: bwe Jeova e jamin ba ejelok ruōn eo ej ba bata etan.

12 Kwon kememej ran in Sabat, bwe kwon kokwojarjare, einwōt Jeova am Anij e ar jiroñ yuk. 13 Iomin jiljino ran kwon jerbāl, im kōmōnmōn jerbāl ko otemjej am; 14 a ran eo ken ka jiljilimjuōn, juōn Sabat nōn Jeova am Anij: ilo ran eo kwon jab jerbāl nōn jirik, jab kwe, jab nejōm man, jab nejōm kōra, jab korijērōm man, jab korijērōm kōra, jab

ox eo am, jab ass eo am, ak jabrewōt am kiru, jab am drua maijet eo ej ilo kejem ko am; bwe korijērōm man im kōra ren kakije einwōt bar kwe. 15 Im kwon kememej bwe kwar dri korijer ilo enen Ijjipt, im Jeova am Anij e ar kadrioijtok yuk jen ijo kin pein ekajur im erlok: kin men in Jeova am Anij e ar jiroñ yuk bwe kwon kejbārok ran in Sabat.

16 Kwon kibleie nōn jemōm im jinōm, einwōt Jeova am Anij e ar jiroñ yuk; bwe en eto ran ko am, im bwe en emōn ibōm ilo eneo Jeova am Anij ej lewoj.

17 Kwon jab uror.

18 Im kwon jab lūñ.

19 Im kwon jab kwot.

20 Im kwon jab kennan nan in riōp nae dri turum.

21 Im kwon jab ankwonak belen dri turum; im kwon jab kōnake imōn dri turum, jikin kallip ko an, ak korijeran man, ak korijeran kōra, ak ox eo an, ak ass eo an, ak men eo jabrewōt an dri turum.

22 Nan kein Jeova e ar ba nōn aolepen jar eo ami, ilo tol eo, jen bwiljin kijeek, kōro, im marok jiliñliñ, kin ainiken elap: im E ar kobaik ejelok. Im <sup>2</sup>E ar jei ilo ruo tebel dreka, im litok nōn iō. 23 Im kom ar roñjake ainiken jen bwiljin marok, ke tol eo e ar urur kin kijeek, kom ar kebaktok nōn iba, aet, jiōb ro an bwij ko ami, im ridto ro ami; 24 im kom ar ba, Lo, Jeova am Anij e ar kwalok nōn kim An aibujuij im lapen, im kim ar roñjake ainiken jen bwiljen kijeek: kim ar lo ranin bwe Anij ej konono iben juōn armij im ej mour wōt. 25 Inem, kin men in, etke kimin mij? bwe kijeek in elap e naj kokkure kim: elañe kimij bar roñjake ainiken Jeova am Anij, inem kim naj mij. 26 Bwe wōn eo jen kōniek otemjej, e nañin roñjake ainiken Anij emour, ke Ej konono jen bwiljin kijeek, einwōt kim, im e ar mour wōt? 27 Kweo kwon kebaklok, im karoñjake jabrewōt men eo Jeova am Anij ej ba: inem kwon kwalok

<sup>1</sup> Ex. 20. 3-17.

<sup>1</sup> Rom 7. 7. <sup>2</sup> Ex. 31. 18.

nōn kim jabrewōt men eo Jeova am Anij ej konono; im kim naj roñjake, im kōmōne.

28 Im Jeova e ar roñjake ainiken nan ko ami, ke kom ar konono nōn iō; im Jeova e ar ba nōn iō, I ar roñjake ainiken nan ko an armij rein, ko rar konono nōn kwe: emōn air ba nan otemjej rar konono kake. 29 O, e nañin emōn elañe buru eo iloir bwe ren mijōk Iō, im bokake kien otemjej Aō, ien otemjej, bwe en emōn ibeir, im iben ro nejir indrio! 30 Kwon ilen ba nōn ir, Komin jeblak nōn moko imwemi. 31 A kwe, kwon jutōk ijin iba, im I naj konono nōn yuk aolepen kien eo, im nan in kaiñi ko, im ekajet ko, kwo naj katakin ir kake, bwe ren bokake ilo eneo Ij lelok nōn ir bwe en air. 32 Inem komin lale, im kōmōn einwōt Jeova ami Anij ej jiroñ kom: komin jab jeōrlōk jen e nōn anbijmaroñ ak anmiñ. 33 Komin etal ilo aolepen ial eo Jeova ami Anij e ar jiroñ kom, bwe komin mour, im bwe en emōn ibemi, im bwe komin kaitoklok ami mour ilo eneo kom nak bōke.

**6** Inem eñin kien eo, im nan in kaiñi ko, im ekajet ko, Jeova ami Anij e ar jiroñ bwe in katakin kom kake, bwe komin kōmōni ilo eneo komij elālok in bōke; 2 bwe kwon mijōk Jeova am Anij, bwe kwon bokake kien ko An otemjej, im nan in kaiñi ko An, ij jiroñ yuk, im nejōm, im jibwōm, iomin ran ko otemjej in am mour; im bwe en lōn ran ko am. 3 Inem, O Israel, kwon eoroñ, im lale bwe kwon kōmōne; be en emōn ibōm, im bwe komin kanuij orlok, einwōt Jeova, Anij an ro jimam e ar kalimur nōn kwe, ilo juōn ene e bwijliplip kin milk in hōnni.

4 <sup>1</sup> Kwon eoroñ, O Israel: Jeova ar Anij, Ewōt Jeova: 5 im kwon yokwe Jeova am Anij kin aolepen buruōm, im kin aolepen am, im kin aolepen am kajur. 6 Im nan kein, ij jiroñ yuk ranin, ren ilo buruōm; 7 im kwon kanuij katakin ro nejōm kaki, im kwon konono kaki ñe kwoj jijōt ilo mweo imōm, im ñe kwoj etetal ilo ial,

im ñe kwoj babu, im ñe kwoj jerkak. 8 Im kwon lukwoji juōn kakōle ion peōm, im ren ber ikōtan mejōm. 9 Im kwon jei ilo jurōn kejem ilomweo imōm, im ilo aor ko am.

10 Im ñe Jeova am Anij ej āñinlok yuk nōn loan eneo E ar kanōjniy kake nōn ro jimam, nōn Ebrearn, nōn Aisak, im nōn Jakob, bwe En lewoj, <sup>1</sup> jikin kwelok ko relap im remōn, kwar jab kaleki, 11 im moko re obrōk kin mweuiuk otemjej remōn, ko kwar jab kobrōki, im aibij dreka, ko kwar jab jeki, bwil in grep ko, im wijki oliv, ko kwar jab kalibwini, im kwo naj mōña im māt; 12 inem kwon lale ñe kwo ab meloklok Jeova, Eo e ar āñintok yuk jen enen Ijpt, jen imōn kamakoko. 13 Kwon mijōk Jeova am Anij; im korijer nōn E, im kwon kanōjniy kin etan. 14 Komin jab lor anij ro jet, jen anij ro an ro dri ailliñ ko rej ber iturōmi, 15 bwe Jeova am Anij ilo bwiljōm Ej Anij ekamo; ñe ab illu an Jeova am Anij en bwil ñe yuk, im En kokkure yuk jen mejen lōl.

16 Komin <sup>2</sup> jab melejoñ Jeova ami Anij, einwōt ami kar melejoñ E i Massa. 17 Komin kanuij bokake kien ko an Jeova ami Anij, im nan in kennan ko An, im nan in kaiñi ko An, E ar jiroñ yuk kake. 18 Im kwon kōmōn men eo ejime im emōn iman mejen Jeova; bwe <sup>3</sup> kwon jerammōn, im bwe kwon dreloñ im bōk eneo emōn, eo Jeova e ar kanōjniy kake nōn ro jimam, 19 bwe En iunlok ro otemjej rej kijirāte yuk jen imam, einwōt an Jeova ba.

20 Ne leo nejōm ej kajitōk ibōm ilo ien ko rej itok, im ba, Ta melelen nan in kennan ko, im kien ko, im ekajet ko Jeova ar Anij e ar jiroñ yuk kake? 21 inem kwon ba nōn leo nejōm, Kim ar dri kamakoko an Pero i Ijpt: im Jeova e ar āñintok kim jen Ijpt kin pein e kajur; 22 im Jeova e ar kwalok kakōle ko im men in bwilōn ko, relap im rerro, ion Ijpt, ion Pero, im ion aolepen nukin iman mejem; 23 im E ar āñintok kim jen

<sup>1</sup> Matu 22. 37.

<sup>1</sup> Josh. 24. 15. <sup>2</sup> Matu 4. 7. <sup>3</sup> Jap. 4. 20.

ijo, bwe En kadreloñ kim im letok enin E ar kanōjnij kake ñon ro jimar. 24 Im Jeova e ar jiroñ kim bwe jen kōmōn kien kein otemjej, im mijōk Jeova ar Anij, ñon ar jerammōn ien otemjej, bwe En kejbārok kij je mour, einwōt ranin. 25 Im e naj men in wānik iber, elañe jej bokake aolepen kien in iman Jeova ar Anij, einwōt An jiroñ kij.

**7** Ne Jeova am Anij ej kadreloñ yuk iloan eneo kwoj ilok ñon e bwe kwon bōke, im Ej jolok elōñ dri ailiñ ko imam, dri Het, im dri Girgas, im dri Amor, im dri Kenean, im dri Periz, im dri Hiv, im dri Jibus, <sup>1</sup>jiljilimjuōn ailiñ ko relap im re kajur jen kwe; 2 im ñe Jeova am Anij ej ketōk ir imam, im kwoj mōn ir; inem kwon kokkure ir kin torlok bok: kwon jab kōmōn jabrewōt bujen ibeir, ak tiriamokake ir; 3 im kwon jab kōmōn belele ibeir; kwon jab lelok lio nejōm ñon leo nejin, im kwon jab bōk lio nejin ñon leo nejōm. 4 Bwe e naj kajeōr nejōm man jen an lor Iō, bwe en korijer ñon anij ro jet: ein drein naj bwil illu an Jeova nae yuk, im E naj mōkōj An kokkure yuk. 5 A en ein drein ami kōmōn ñon ir: komin jolōllok lokatok ko air, im ruji jur dreka ko air, im juokwe air Ashira, im tili men in e men in jekjek ko air kin kijeek.

6 Bwe kwe dri ailiñ ro kwojarjar ñon Jeova am Anij; Jeova am Anij e ar kālet yuk bwe kwon driloabjen ñon E wōt, jen dri ailiñ ko otemjej rej ion mejen lōl. 7 Jeova e ar jab yokwe kom, ak kālet kom kin ami lōñ, jen jabrewōt dri ailiñ; bwe kom ar eittata ian dri ailiñ otemjej: 8 a kin an Jeova yokwe kom, im bwe En kejbārok nan in kanōjnij eo E ar kanōjnij ñon ro jimami, Jeova e ar kadrioijslok kom kin pein e kajur, im wi-aik kom jen imōn kamakoko, jen pein Pero kiñ in Ijpt. 9 Kin men in komin jela bwe Jeova am Anij, E Anij, Anij e tiljek, Eo ej kejbārok bujen im tiriamo iben ro rej yokwe E, im bokake kien ko An, ñon juōn tausan

ebeben, 10 im Ej nawōnan ro rej kij-irāte iman mejeir, bwe En kokkure ir: E jamin kejeroñ ñon eo ej kijirāte, a E naj kōlla wōnan iman mejen. 11 Kin men in, kwon bokake kien eo, im nan in kaiñi ko, im ekajet ko ij jiroñ yuk ranin, bwe kwon kōmōni.

12 Im e naj ein drein, kin ami eo-roñ ekajet kein, im bokake, im kōmōni, Jeova ami Anij e naj lale ibōm bujen eo, im tiriamokake eo E ar kanōjnij kake ñon ro jimam: 13 im E naj yokwe yuk, im kejerammōn yuk, im korlok yuk; E naj bareinwōt kejerammōn leen enbwinōm, im leen eneo am, am korn, im wain, im oil, orlok an kau ko am, im kon ko an bwij ko am, ilo eneo E ar kanōjnij kake ñon ro jimam bwe En lewoj. 14 Naj kejerammōn yuk jen ro dri ailiñ otemjej: im e naj ejelok ewar ibōm, ak iben kiru ko am. 15 Im Jeova e naj bōklok jen kwe nañinmij otemjej; im E naj likit iom ejelok ian nañinmij ko an Ijpt, ko kwo jela kake, a E naj likiti ion ro rej kijirāte yuk. 16 Im kwon kokkure ro dri ailiñ otemjej Jeova am Anij ej kōtlōk ñon yuk; mejōm en jab tiriamokake: im kwon jab korijer ñon anij ro air; bwe men eo <sup>1</sup>e naj juōn jen ñon kwe.

17 Elañe kwoj ba ilo buruōm, Ro dri ailiñ kein relōñ jen ña; ekijkan aō maroñ in kadrioijslok ir? 18 kwon jab mijōk ir: kwon kememej wōt ta eo Jeova am Anij e ar kōmōn ñon Pero, im ñon aolepen Ijpt; 19 melejoñ ko relap mejōm rar loi, im kakōle ko, im men in bwilōñ ko, im pein ekajur im erlok, kin eo Jeova am Anij e ar kadrioijslok yuk: ein drein Jeova am Anij e naj kōmōn ñon dri ailiñ ko otemjej kwoj mijōk ir. 20 Bareinwōt Jeova am Anij e naj jilkinlok loñ hornet ilo bwiljir, mae ien ro rej berwōt, im tilekek, re naj joko imam. 21 Kwon jab lelñō kin ir; bwe Jeova am Anij ej ilo bwiljōm, Anij elap im kokomak. 22 Im Jeova am Anij e naj jolok ro dri ailiñ ko imam, jet im bar jet: kwo jamin kokkure ir mōkōj, ñe ab kiru ko rawia

<sup>1</sup> Jerb. 13. 19.<sup>1</sup> Ex. 23. 33.

ren orlok iom. 23 A Jeova am Anij e naj ketök ir imam, im naj kejjorran ir kin jorran elap, mae ien re joko. 24 Im e naj ketök kiñ ro air na ilo peöm, im kwon kômön bwe etair ren joko iomin löñ : ejelok armij e naj maroñ jutök jumae yuk, mae ien am naj kokkure ir. 25 Men in e ko jekjek an anij ro air, komin tili ilo kijeek : kwon jab ankwonak silver ak gold ko kilir, ak bök e ñön iböm, ñe ab liktoik yuk kake; bwe ej men in jöjök iben Jeova am Anij. 26 Im kwon jab böktok na ilo mweo imöm men in jöjök, im erom men in aje einwöt : kwon kanuij jöjök e, im kwon drike otem drike; bwe ej men in aje.

**8** Aolepen kien eo ij jiroñ yuk kake ranin, komin lale im kômöne, bwe <sup>1</sup>komin maroñ in mour, im orlok, im dreloñlok im bök eneo Jeova e ar kanöjnij kake ñön ro jimami. 2 Im <sup>2</sup>kememej aolepen ial eo Jeova am Anij e ar tel yuk ie iomin yiö kein eñoul, ilo ene jemaren, bwe En kötaik yuk im melejoñ yuk bwe En jela ta eo ilo buruöm, elañe kwo naj bokake kien ko ke, jab ke. 3 Im E ar kötaik yuk, im kötlök yuk ñön kwuli, im E ar najirik yuk kin manna, eo kwar jaje kake, im ro jimam rar jaje kake; bwe En kajelaik yuk bwe <sup>3</sup>armij e jab mour kin bred wöt, a kin men eo jabrewöt ej walok jen loñin Jeova, armij ej mour. 4 <sup>4</sup>Nuknuk ko am rar jab iramij iom, im neöm e ar jab böjlok, iomin yiö kein eñoul. 5 Im kwon kalomönlokjen ilo buruöm, bwe einwöt juön armij ej kajeik nejin, ein drein Jeova am Anij ej kajeik yuk. 6 Im kwon bokake kien ko an Jeova am Anij, bwe kwon etal ilo ial ko An, im mijök E. 7 Bwe Jeova am Anij ej kadreloñ yuk na iloan juön ene emön, enen wea ko, enen unin dren ko im aibij ko, rej jurutök ilo komlöl ko im tol ko; 8 enen wit im barli, im vain ko im wijki fig ko, im pomgranet ko; enen wijki oliv ko im hönni; 9 eneo ijo kwo naj möña bred im kabeno, kwo jamin aikwij jabrewöt iloan; juön ene dreka ko an mä, im

jen tol ko an kwo maroñ in köbij jini-börörö. 10 Im kwo naj möña im mä, im kwo naj kamönönöik Jeova am Anij, kin ene emön E ar lewoj.

11 Lale <sup>1</sup>kwar meloklok Jeova am Anij, im kwo jab bokake kien koan, im ekajet ko An, ij jiroñ yuk kake ranin: 12 ñe ab mwijin am möña im mä, im kwar kalek moko remön, im jokwe iloir; 13 im kiru ko im bwijko am rej orlok, im elöñlok am silver im gold, im e orlok men otemjej iböm; 14 inem buruöm e utiejlok, im kwoj meloklok Jeova am Anij, Eo e ar äñintok yuk jen enen Ijijt, jen imön kamakoko; 15 Eo e ar tel yuk ilujen ene jemaren eo elap im men in lel-ñoñ, ijo eor serpent kijeek im marebep ko, im ene emöra ijo ejelok dren; Eo e ar böktok ñön kwe dren jendreka röl; 16 Eo e ar najirik yuk ilo ene jemaren kin manna, eo ro jimami rar jaje kake; bwe En kötaik yuk, im bwe En melejoñ yuk, im kômön emön ñön yuk ilo jemlokön: 17 im ñe kwo ab ba ilo buruöm, Aö maroñ, im kajur an peiö e ar bök ñön iö mweiuk kein. 18 A kwon kememej Jeova am Anij, bwe <sup>2</sup>Eo ej lewoj maroñ in bök mweiuk ko; bwe En kabin bujen eo E ar kanöjnij kake ñön ro jimam, einwöt ranin. 19 Im e naj ein drein, elañe kwoj meloklok Jeova am Anij, im lor anij ro jet, im korijer ñön ir, ij kennan nae yuk ranin, bwe kom naj joko otem joko. 20 Einwöt ro dri ailiñ ko Jeova ej kômön bwe ren joko imam, ein drein kom naj joko: kin ami abwin eoroñ ainiken Jeova ami Anij.

**9** O Israel, kwon roñjake: kwo naj elä jen Jordan ranin, im dreloñlok im kobajlok dri ailiñ ko relap im kajur jen yuk, jikin kwelok ko air relap im eor air worwor re utiej ñön löñ, 2 armij ro re killip im aitok, ro nejin dri Enak, ro kwo jela kajeir, im kin ir kwar roñ air ba, Wön e maroñ in jutök nae ro nejin Enak? 3 Inem kwon jela ranin, bwe Jeova am Anij eo ej elälök imam, einwöt kijeek e urur; E naj kokkure ir, im E naj kö-

<sup>1</sup> Jap. 4. 1. <sup>2</sup> eou 16 <sup>3</sup> Job. 4. 4. <sup>4</sup> Jap. 29. 5.

<sup>1</sup> Jap. 4. 9. <sup>2</sup> Ken. 10. 22.

taik ir imam, im kokkure ir mōkōj, einwōt Jeova e ar ba nōn yuk. 4 Kwon jab konono ilo buruōm, elikin an Jeova am Anij iunlok ir jen imam, im ba, Kin aō wānik Jeova e ar kadreloñtok iō bwe in bōk enin; bwe kin nana an ro dri ailiñ kein, Jeova ej kadrioijlok ir jen imam. 5 Jab kin am wānik, ak kin buruōm ejime, kwoj dreloñ in bōk eneo air; a kin nana an ro dri ailiñ kein Jeova am Anij ej kadrioijlok ir jen imam, im bwe En kabīn nan eo Jeova e ar kanōjnij kake nōn ro jimam, nōn Ebream, im nōn Aisak, im nōn Jekob.

6 Inem kwon jela, Jeova am Anij e jab lewoj enin emōn bwe kwon bōke kin am wānik; bwe kwe dri ailiñ e bin kenwam. 7 Kwon kememej, kwon jab meloklok, ekijkan kwar kakōtōtōik Jeova am Anij nōn illu ilo ene jemaren: jen ran eo ke kwar drioijtok jen enen Ijpt mae ien am itok nōn ijin, kom dri kabata nae Jeova. 8 Bareinwōt i Horeb, kom ar kakōtōtōik Jeova nōn illu, im Jeova e ar illu nōn kom bwe En kokkure kom. 9 Ke I ar wōnliñlok ilo tol eo bwe in bōk tebel dreka ko, aet, tebel ko an bujen eo Jeova e ar kōmōn ibemi, ien eo I ar ber ilo tol eo iomin eñoul ran im eñoul boñ; I ar jab mōña bred ak irak dren. 10 Im Jeova e ar letok ruo tebel dreka emwij jeje ion kin arrin Jeova; im ilo ir emwij jeje ekar nōn nan ko otemjej Jeova e ar ba kake nōn kom, ilo tol eo, jen bwiljin kijeek, ilo ran eo, ran in ami kwelok. 11 Im i jemlōkōn eñoul ran im eñoul boñ, Jeova e ar letok tebel dreka ko ruo, aet, tebel ko in bujen eo. 12 Im Jeova e ar ba nōn iō, <sup>1</sup>Kwon jutōk im mōkōjlōllok jen ijin; bwe armij ro drom, ro kwar āñintok ir jen Ijpt rar mōke kananaik ir; rar jeōrlōk mōkōj jen ial eo I ar j-roñ ir kake; rar kōmōn nōn ir men in e unlok. 13 Bar juōn, Jeova e ar konono nōn iō, im ba, Emwij Aō lale armij rein, im lo, rej armij ekijñeñi kenwair: 14 kwon jab iltok, bwe In kokkure ir, im jeōrlōk etair jen iomin lōñ ko; im I naj kōmōn jen kwe juōn ai-

liñ, elap im kajur jen ir. 15 Inem I ar oktōk im wōnlōltok jen tol eo, im tol eo e ar urur kin kijeek: im tebel ko ruo an bujen rar ber ilo pāroraike. 16 Im I ar reilok, im lo, kom ar jerawiwi nae Jeova ami Anij; kom ar kōmōn nōn kom kon in kau unlok: kom ar jeōrlōk mōkōj jen ial eo Jeova e kar jiroñ kom kake. 17 Im I ar bōk tebel ko ruo, im I ar julōllok ir jen pāroraike, im I ar rupi iman mejemi. 18 Im <sup>1</sup>I ar buñbero iman Jeova, einwōt mokta, eñoul ran im eñoul boñ; I ar jab mōña bred ak irak dren; kin aoepen ami jerawiwi kom ar jerawiwi kake, ilo ami kōmōn nana iman mejen Jeova, in katōtōtōik E nōn illu. 19 Bwe <sup>2</sup>I ar mijōk illu ebwil, eo Jeova e ar illu nae kom kake, nōn kokkure kom. A Jeova e ar eoroñ iō ien eo bareinwōt. 20 Im Jeova e ar kanuij illu iben Aron nōn kokkure e: im I ar jar kin Aron bareinwōt, ien eo. 21 Im I ar bōk ami men in jerawiwi, kon in kau eo kom ar kōmōne, im tile ilo kijeek, im jure, im kanuij nowe, mae ien e kwerek einwōt bōñōñōl; im I ar jolok bōñōñōl eo ilo wea eo e ar torlōllok jen tol eo.

22 Im i Tabira, im Massa, im i Kibrot-hateava, kom ar kakōtōtōik Jeova nōn illu. 23 Im ke Jeova e ar jilkinlok kom jen Kedesh-barnia, im ba, Komin wōnliñlok im bōk eneo I ar lewoj nōn kom; ien eo kom ar kabata nae kien Jeova ami Anij, im kom ar jab tōmak E, im jab eoroñ ainiken. 24 <sup>3</sup>Kom ar dri kabata nae Jeova jen ran eo I ar jela kom.

25 Ein drein I ar buñbero iman Jeova iomin eñoul ran im eñoul boñ, kin ke Jeova e ar ba E naj kokkure kom. 26 Im I ar jar nōn Jeova, im ba, O Jeova Anij, kwon jab kokkure ro Am dri ailiñ im Am jolit, eo Kwar wiaik e kin Am lapan, im kwar kadrioijtok e jen Ijpt kin peōm ekajur. 27 Kwon kememej ro dri korijerōm, Ebream, Aisak, im Jekob; Kwon jab reilok nōn bōt an jar in, ak nōn bwir eo air, ak nōn jerawiwi eo air, 28 ñe

<sup>1</sup> Ex. 22. 7. 8.<sup>2</sup> Ex. 34. 28. <sup>3</sup> Hib. 12. 21. <sup>4</sup> eon 7.

ab eneo Kwar ānintok kim jene, ren ba, Kin an Jeova jab maroñ in ānintok ir ñon eneo E ar kalimur ñon ir kake, im kin An kijirāte ir, E ar kadrioiytok ir bwe en kokkure ir ilo ene jemaren. 29 Ijoke, rej Am dri ailñ im Am jolit, eo Kwar kadrioiytok e kin Am kajur elap, im kin peom erlok.

**10** Ien eo Jeova e ar ba ñon iō, Kwon <sup>1</sup> jekjek ñon yuk ruo tebel einwōt ko mokta, im kwon wōnlñtok ñon iba ilo tol in, im kōmōn ñon yuk juōn dipdip wijki. 2 Im I naj jeje ilo tebel ko, nan ko rar ber ilo tebel ko mokta, ko kwar rupi, im kwo naj likiti ilo dipdip eo. 3 Ein drein I ar kōmōn juōn dipdip jen wijki akesia, im jekjek ruo tebel dreka, einwōt ko mokta, im wōnlñlok ilo tol eo, tebel ko ruo ilo peiō. 4 Im E ar jeje ilo tebel ko einwōt men in jeje mokta, kien ko joñoul, ko Jeova e ar konono ñon kom ilo tol eo, jen bwiljin kijeek eo ilo ran in kwelok : im Jeova e ar litok ñon iō. 5 Im I ar oktōk im wōnlōltok jen tol eo, im likit tebel ko iloan dipdip eo I ar kōmōne; im rej ber ijo, einwōt Jeova e ar jiroñ iō. 6 (Im ro nejin Israel rar etallok jen Bearot Bene-jeakan ñon Mosira. Aron e ar mij ijo, im rar kalibwin e ie; im Iliezar nejin, e ar kōmōn jerbāl in pris ke ej binej jenkwōn. 7 Jen ijo rar etallok ñon Gudgoda; im jen Gudgoda ñon Jotbata, ene an wea ko in dren. 8 Ien eo Jeova e ar kejenolok bwij eo an Livai, bwe en inek dipdip in bujen eo an Jeova, bwe en jutōk iman Jeova in korijer ñon E, im kamōnōnōik ilo etan, ñon ranin. 9 Kin men in, ejelok kij ak men in jolit iben Livai, iben ro jein im jātin; Jeova an jolit, einwōt Jeova ami Anij e ar ba ñone.) 10 Im I ar ber ilo tol eo, einwōt ien eo mokta, eñoul ran im eñoul boñ : im Jeova e ar eoroñ iō ien eo bareinwōt; Jeova e ar jab kōnan kokkure yuk. 11 Im Jeova e ar ba ñon iō, Kwon jerkak im etallok iman mejen armij ro; im ren dreloñlok im bōk eneo, eo I ar kanōjniy kake ñon ro jimair bwe In lelok ñon ir.

<sup>1</sup> Ex. 34. 1

12 Im kiō, Israel, ta eo Jeova am Anij ej kajitōk ibōm, elañe jab bwe kwon mijōk Jeova am Anij, im etal ilo ial ko An, im bwe kwon yokwe E, im korijer ñon Jeova am Anij, kin aolepen buruōm, im kin aolepen am, 13 bwe kwon bokake kien ko an Jeova, im nan in kaiñi ko An, ko ij jiroñ yuk kake ranin ñon am jerammōn? 14 Lo, an Jeova am Anij lōn, im lōn in lōn ko, lōl kab men otemjej iloan. 15 Men in wōt, Jeova e ar buñburuen kin ro jimami bwe En yokwe ir, im E ar kālet ineir elikir, aet, kom, jen ro dri ailñ otemjej, einwōt ranin. 16 Kin men in, komin mijmij kilin buruōmi, im en jab kijñeñi kenwami. 17 Bwe Jeova ami Anij, ej Anij in anij rōn, im Iroiñ in iroiñ rōn, Anij laplap, dri kajur, im Eo dri kokomak, Eo e jab kaljiklok armij, ak bōk wōnan. 18 Ej kōmōn ekajet kin ro ātanjinemjen im lio e joko belen, im kin An yokwe drua maijet Ej lelok ñon e kijen im nuknuk ko an. 19 Inem komin yokwe drua maijet eo; bwe kom ar drua maijet ilo enen Ijipt. 20 Kwon mijōk Jeova am Anij; kwon jerbāl ñon E; im edrep ñon E, im kwon kanōjniy kin etan. 21 Ej am men in nebar, Ej am Anij, Eo e ar kōmōn kin kom men kein relap im men in leñoñ ko, mejōm rar loi. 22 Ro jimam <sup>1</sup> rar wōnlōlok ñon Ijipt, jiljilimjuōnñoul armij; im kiō Jeova ami Anij e ar kōmōn yuk einwōt iju ko ilōn kin ami lōn.

**11** Kin men in, kwon yokwe Jeova am Anij, im lalē An men in lewoj, im bokake kien ko An, im ekajet ko An, im nan in kaiñi ko An, ien otemjej. 2 Im komin jela ranin: bwe I jab konono iben ro nejemi ro rar jab jela, im rar lo kaje eo jen Jeova, ami Anij, lapen, pein ekajur, im pein erlok, 3 im kakōle ko An, im men in kōmōn ko An, ko Ear kōmōni ilujen Ijipt ñon Pero kiñ in Ijipt, im ñon aolepen enen; 4 im ta eo E ar kōmōn ñon jar in tōrinae in Ijipt, ñon ors ko air, im ñon jariot ko air; ekijkan E ar <sup>2</sup> kōmōn dren in lomalo Ekil-

<sup>2</sup> Jen. 46. 27. <sup>3</sup> Ex. 14. 25.



mir bwe en tore ir, ke rar lukwor-  
kwo kom, im ekjikan Jeova e ar kok-  
kure ir ñõn ranin; 5 im ta eo E ar  
kõmõn ñõn kom ilo ene jemaren, mae  
ien ami itok ñõn ijin; 6 im 'ta eo E  
ar kõmõn ñõn Detan im Ebairam, ro  
nejin Ilaiaab, nejin Ruben; ekjikan  
lõl e ar walõni loñin im warõnlok ir,  
im ro nejir, im moko imweir, im men  
ko otemjej remour rar lor ir, i bwil-  
jin ro nejin Israel otemjej: 7 a me-  
jemi rar lo aolepen jermal ko relap an  
Jeova, ko E ar kõmõni.

8 Kin men in, komin bokake aole-  
pen kien in ij jiroñ yuk ranin, bwe  
komin kajur, im dreloñ im bõk eneo,  
komij elãlok in bõke; 9 im bwe kom-  
min maroñ in kaitoklok ran ko ami ilo  
eneo, Jeova e ar kanõjni kake ñõn ro  
jimami bwe En lelok ñõn ir im ñõn  
ineir, juõn ene e bwijlip kin milk  
im hõnni. 10 Bwe eneo, kwoj dre-  
loñ ie in bõke, e jab einwõt enen Ij  
eom kom ar itok jen e, ijo kwar kallip  
am ine, im kaimlolo e kin neõm, ein-  
wõt ubatõk in men ko rejedrek; 11 a  
eneo kwoj elãlok in bõke, ene in tol  
ko im komlõl ko, im ej jorme dren in  
wut jen lõn, 12 juõn ene Jeova am  
Anij ej lal: mejen Jeova am Anij ej  
lale ien otemjej, jen jinoin yiõ, im  
ñõn jemlokõn yiõ.

13 Im elañe komij eoroñ kien ko  
aõ Ij jiroñ kom ranin, bwe komin  
yokwe Jeova ami Anij, im korijer  
ñõn E kin aolepen buruõmi, im aole-  
pen ami, 14 I naj lewoj wut an eneo  
ami, ilo ien eo an, wut mokta, im wut  
elikata, bwe kwon maroñ in ain am  
korn, im am wain ekãl, im am oil. 15  
Im I naj lewoj ujoij ilo melaj ko am,  
ñõn kiru ko am, im kwo naj mõña im  
mãt. 16 Komin lalẽ mõk ñe rab  
kabwir buruemi, im komij jeõrlok im  
korijer ñõn anij ro jet, im kabuñ ñõn  
ir; 17 im ejo illu an Anij nae kom, im  
Ej kil lõn bwe en ejelok wut, im eneo  
en jab jebar leen; im komij joko mõ-  
kõj jen eneo emõn Jeova ej lewoj.

18 Kin men in komin likit nan kein  
aõ ilo buruõmi im ilo ami; im komin  
lukwoj e einwõt kakõle ion peõm, im

ren ber ikõtan mejemi. 19 Im 'ko-  
min katakin ro nejemi kake, im ko-  
nono kake ñe kwoj jiyõt ilo mweo  
imõm, im ñe kwoj etal ilo ial, im ñe  
kwoj babu, im ñe kwoj jerkak. 20  
Im kwon jei ilo jurõn kejem in mweo  
imõm, im ilo aur ko am; 21 bwe ran  
ko ami ren orlok, im ran ko an ro ne-  
jem, ion eneo Jeova e ar kanõjni  
kake ñõn ro jimami bwe En lelok ñõn  
ir, einwõt ran ko an lõn ko ilõñin lõl.  
22 Bwe elañe komij kanuij bokake  
aolepen kien in ij jiroñ yuk, bwe  
kwon kõmõne, in yokwe Jeova ami  
Anij, in etal ilo ial ko An, im edrep  
ñõn iben; 23 inem Jeova e naj lujel-  
jelilok aolepen dri ailin kein jen  
imam, im kom naj kobajlok ro dri  
ailin relap in re kajur jen kom. 24  
Jabrewõt jikin ijo lobiren neõm e  
naj jure, e naj am: jen ene jemaren  
in Lebanon, jen river eo, river Upre-  
tis, aet, ñõn lomalo i rilik, e naj ami  
tõreren. 25 Ejelok juõn armije naj  
maroñ in jutõk imãm: Jeova ami  
Anij e naj likit mijõk kom im lelõñ  
kin kom ion aolepen eneo kom naj  
jure, einwõt E ar ba ñõn kom.

26 Lo, <sup>2</sup>ij kwalok ñõn kom ranin  
jerammõn im jerata: 27 jerammõn,  
elañe komij eoroñ kien ko an Jeova  
ami Anij, ko ij jiroñ kom kake, ran-  
in; 28 im jerata, elañe kom jab eo-  
roñ kien ko an Jeova ami Anij, a kom  
jeõrlok jen ial eo ij ba ñõn kom ranin,  
im lor anij ro jet, kom jañin jela ka-  
jeir. 29 Im ñe Jeova am Anij ej ka-  
dreloñ yuk ilo eneo kwoj ilen bõk e,  
kwon likit kejerammõn ilo tol Geri-  
zim, im kejerata ilo tol Ibal. 30 Re  
jab i Jordan jabueo, elikin ial ñõn tu-  
lok al, ilo ene an ro dri Kenean, ro rej  
jokwe ilo Araba, ikijen Gilgal, iturin  
wijki ok ko in Morike? 31 Bwe kom  
naj elã jen Jordan in dreloñ in bõk  
eneo Jeova ami Anij ej lewoj, im kom  
naj bõke im jokwe iloan. 32 Im ko-  
min lalẽ im bokake kien ko otemjej,  
im ekajet ko otemjej, ij likiti imami  
ranin.

12 Irkein kien ko im ekajet ko  
komin lalẽ im bokake ilo eneo

<sup>1</sup> Bria. 16. 31-32.

<sup>2</sup> Jap. 4. 9. 10. <sup>3</sup> Jap. 30. 1. 19.

Jeova Anij an ro jimam, E ar lewoj ñõn yuk in bõke, ran otemjej komij jokwe ion lõl. 2 Komin kokkure wõt jikin otemjej ijo ro dri ailiñ ko kom naj binej jenkwair rar korijer ñõn anij ro air, ilo tol ko re utiej, im ilo tol ko redrik, im iomin jabrewõt wijki e māroro: 3 im komin rupilõllok lokatok ko air, im rupi ilo mõtõn ko jur dreka ko air, im tile Ashira ko air, kin kijeek; im komin juokwe men in e jekjek an anij ro air; im komin bikajoik ir jen jikin eo. 4 En jab ein drein ami kõmõn ñõn Jeova ami Anij. 5 Ak ñõn jikin eo Jeova e naj kålet jen bwijimi otemjej, bwe En likit etan ie, aet, mweo imõn, komin kabukot e, im komin ilok ñõn e; 6 im ñõn ijo komin bõktok ami men in katok kijeek, im men in jurtak ko ami, im ami mõtõn joñoul ko, im jurtak in jebõke an peõmi, im ami men in muri, im ami men in lelok kin mõnõnõ, im manjen kau im jip ak got ko ami: 7 im ijo komin mõña iman Jeova ami Anij, im komin mõnõnõ ilo men otemjej komij likit peõmi ñõn e, kom im ro nukumi, kin men eo Jeova am Anij e ar kejerammõn yuk kake. 8 Komin jab kõmõn einwõt men otemjej jej kõmõne iji ranin, jabrewõt armij einwõt ejime ilo mejen; 9 bwe kom jañin itok ñõn kakije eo im men in jolit eo, eo Jeova am Anij ej lewoj. 10 A ñe komij elã jen Jordan, in jokwe ilo eneo Jeova am Anij ej lewoj am jolit, im Ej lewoj ñõn kom kakije, jen ro otemjej dri kijirãt kom iturõmi, einwõt bwe kom ber im jab uota; 11 ien eo, jikin eo Jeova ami Anij e naj kålet bwe En likit etan ie, ñõn ijo komin bõktok men otemjej ij jiroñ kom kake: ami men in katok kijeek, ami men in jurtak, ami mõtõn joñoul ko, men in jebõke an peõmi, im aolepen ami men in muri re aurõk, komij kalimur kake ñõn Jeova. 12 Im kom naj mõnõnõ iman Jeova ami Anij, komeo, im ro nejimi man im kõra, im korijerami man im kõra, im dri Livai iloan kejem ko am, bwe ejelok an kij ak jolit ibemi. 13 Kwon lale mõk, im jab katok am katok kijeek ilo ji-

kin otemjej komij loi; 14 a ilo jikin eo Jeova e naj kålet e, ilo juõn ian bwijemi, ijo kwon katok kin am men in katok kijeek, im ijo kwon kõmõn men otemjej ij jiroñ yuk.

15 Ijoke, kwo maroñ in mõn im mõña kõniek iloan kejem ko otemjej am, einwõt am kõnan, ekar ñõn jerammõn eo an Jeova am Anij, eo e ar lewoj: ro dri erreõ im dri jaberreõ re maroñ in mõña jen e, einwõt kiru gezel im hart. 16 Men in wõt, komin jab mõña bõtõktõk eo; kwon lutõklok e ion lõl einwõt dren. 17 Kwon jab mõña iloan kejem ko am, mõtõn joñoul in am korn, ak am wain ekãl, ak am oil, ak manji ko jen kau ko am, ak jen jip ak got ko am, ak jabrewõt ian muri ko am kwoj kalimur kake, ak men in lelok kin mõnõnõ, ak men in lelok in jebõke an peõm; 18 a kwon mõña men kein iman Jeova am Anij, ilo jikin eo Jeova am Anij e naj kålet e, kwe im nejõm man im kõra, im korijerõm man im kõra, im dri Livai eo ej ber ilo kejem ko am: im kwon mõnõnõ iman Jeova am Anij, kin men otemjej kwoj likit peõm ion. 19 Kwon lale mõk, im jab ilok jen dri Livai ilo aolepen ien eo kwoj mour ilo enen.

20 Ñe Jeova am Anij ej kalaplok am belakin, einwõt E ar kalimur ñõn kwe, im kwoj ba, I naj mõña kõniek, bwe am e badur; kwo maroñ in mõña kõniek, einwõt am kõnan otemjej. 21 Elañe jikin eo Jeova am Anij e naj kãlete bwe En likit etan ie, e kanujj etolak jen kwe, inem kwon mõn jen kau ko am, im jen jip ak got ko am, ko Jeova am Anij e ar lewoj, einwõt I ar jiroñ yuk; im kwon mõña iloan kejem ko am einwõt am kõnan otemjej. 22 Einwõt rej mõña kiru gezel im kiru hart, ein drein kwon mõña jen e: dri erreõ im dri jab erreõ ren jimor ailmaroñi. 28 Men in wõt, kwon lale im jab mõña bõtõktõk: bwe bõtõktõk mour eo; im kwon jab mõña mour eo iben kõniekin. 24 Kwon jab kõne; kwon lutõklok e ion brij einwõt dren. 25 Kwon jab kõne;

\* Liv. 17. 10-12.

bwe en emōn ibōm, im iben ro nejōm elikōm ñe kwoj kōmōn men eo e jime ilo mejen Jeova. 26 Am men ko re kwojarjar wōt, im men in muri ko am, kwon bōki im ilok ñōn jikin eo Jeova e naj kālete; 27 im kwon katok kin am men in katok kijeek, kōniek im bōtōktōk, ion lokatok an Jeova am Anij; im kwon mōña kōniek eo. 28 Kwon lale, im eoroñ nan kein otemjej ij jiroñ yuk, bwe en emōn ibōm, im iben ro nejōm elikōm in drio ñe kwoj kōmōn men in emōn im jime ilo mejen Jeova am Anij.

29 Ñe Jeova am Anij ej bukwe lok ro dri ailīñ ko jen imam, ijo kwoj dreloñlok im binej jenkwair, im emwij am bōke, im jokwe ilo eneo air; 30 kwon lale mōk bwe ren jab liktoik yuk, bwe kwon lor ir, elikin kokkure ir jen imami; im bwe kwon jab kajitōk kin anij ro air, im ba, Ekijkan ro dri ailīñ kein rej korijer ñōn anij ro air? ein drein I naj bar kōmōn. 31 Kwon jab kōmōn einwōt ñōn Jeova am Anij: bwe jabrewōt men in jōjōik ñōn Jeova, men ko Ej drike, rar kōmōñ ñōn anij ro air; bwe rej tili bareinwōt ro nejir man im kōra ilo kijeek ñōn anij ro air.

32 Jabrewōt men eo ij jiroñ yuk, men eo kwon lale im kōmōne: kwon jab kobaik ñōn e, ak bōk jen e.

**13** <sup>1</sup>Elañe ej walok i bwiljōm juōn dri kanan, ak juōn dri tōnak tōnak ko, im ej lewoj juōn kakōle ak men in bwilōñ, 2 im kakōle eo ak men in bwilōñ eo ej walok, men eo e ar konono kake ñōn yuk, im ba, Jen lor anij ro jet, ro kwar jaje kake, im jen korijer ñōn ir; 3 kwon jab eoroñ nan ko an dri kanan eo, ak an eo dri tōnak tōnak ko: bwe Jeova am Anij ej melejoñ yuk, bwe En jela elañe kwoj yokwe Jeova am Anij kin aolepen buruōm ke jab ke. 4 Komin lor Jeova am Anij, im mijōk E, im lale kien ko An, im bokake ainiken, im komin korijer ñōn E, im edrep ñōn E. 5 Im dri kanan eo ak dri tōnak tōnak ko, en mij, bwe e ar konono kabata nae Jeova ami Anij, eo e ar kadrioi-

tok kom jen enen Ijpt, im wiaik yuk jen imōn kamakoko, bwe en kal yuk jen ial eo Jeova am Anij e ar jiroñ yuk bwe kwon etal ie. En ein drein am jolok nana jen lo bwiljōm.

6 Elañe <sup>1</sup>jeōm im jātōm man, nejin jinōm, ak nejōm man ak kōra, ak lio belōm, jitenburu an ubōm, ak jerōm, ej einwōt am, ej karel yuk ilo etino, im ba, Jen ilen jermal ñōn anij ro jet, ro kwar jaje kake, kwe, im ro jimam; 7 ian anij ro an ro dri ailīñ ko iturōm, im rebake yuk ak retolok jen yuk, jen juōn jabōn lōl ñōn jabōn eo juōn; 8 kwon jab bōk ñōn buruen, ak eoroñ e; mejōm en jab tiriamokake, ak kwon jab kenlok e, ak noje: 9 a emol kwon mōne; peōm en ion mokta in mōne, im tokelik pein armij otemjelok. 10 Im kwon kare kin dreka, bwe en mij, bwe e ar kajeōñ in karel yuk jen Jeova am Anij, eo e ar kadrioijtok yuk jen enen Ijpt, jen iloan imōn kamakoko eo. 11 Im aolepen Israel e naj roñjake, im lelōñ, im jamin bar kōmōn jabrewōt nana einwōt ilo bwiljōm.

12 Elañe kwoj roñjake air ba kin juōn ian jikin kwelok ko am, ko Jeova am Anij ej liwoj ñōn yuk in jokwe ie, im rej ba, 13 Jet armij re nana rar drioijlōk jen bwiljōm, im rar karel ro dri jikin kwelok eo air, im ba, Kwon ilem korijer ñōn anij ro jet, ro kom jañin jela kajeir; 14 inem kwon jitōk, im kabukot, im kanuij kajitōk; im lo, elañe emol, im tūntūñ in alikar, bwe rej kōmōn men in jōjōik in i bwiljōm, 15 inem kwon kanuij mōn ro dri jikin kwelok eo kin mejen jāji, im torlok bok, im men otemjej rej ber iloan, im kiru ko, kin mejen jāji. 16 Im kwon ainī men in rakim ko an, iolapin ial eo an, im kwon kaloki, jikin kwelok eo, im aolepen men in rakim otemjelok, ñōn Jeova am Anij: im e naj juōn be ñōn in drio; ren jab bar kaleke. 17 Im ejelok mōtōn men in aje eo en edrep ñōn peōm; bwe Jeova en maroñ in oktōk jen an illu ebwil, im tiriamokake yuk, im kwalok joij ñōn yuk, im korlok yuk einwōt E ar kanōjni kake

nōn ro jimam; 18 ñe kwoj eoroñ aini-ken Jeova am Anij, im bokake kien ko an otemjej, ko ij jiroñ yuk ranin, bwe kwon kōmōn men eo ejime ilo mejen Jeova am Anij.

**14** Kom ro nejin Jeova ami Anij: komin jab mōke bukwe kom, ak jolok kol ko jen ikōtan ātōm kin ro remij. **2** Bwe kwe <sup>1</sup>dri ailiñ e kwojarjar ñōn Jeova am Anij, im Jeova e ar kālet yuk bwe kwon juōn ailiñ ñōn E wōt, ian ailiñ otemjej ion mejen lōl.

**3** Kwon jab mōña jabrewōt men in jōjōik. **4** Irkein kiru ko kom maroñ in mōña: ox, jip, im got, **5** hart, im gezel, im robōk, im got awia, im paigarg, im antelop, im shamoi. **6** Im jabrewōt kiru ej kijbil aki, im aki e jibil ilo ruo, im ej meme kijen alen ruo, ian kiru ko, eo komin mōña. **7** Ijoke, irkein ian ko rej meme kijeir alen ruo, ak e jibil aki, komin jab mōña: kamel, her, im kone, kin ke rej meme kijeir alen ruo, a e jab jibil akir, re jab erreō ñōn kom. **8** Im pig, bwe e jibil akin, a e jab meme kijen alen ruo, e jab erreō ñōn kom; komin jab mōña kōniekir, im ubeir komin jab uñire.

**9** Irkein komin mōña ian men otemjej rej ber ilo dren ko: jabrewōt eo eor pein, im ruo kilin, kom maroñ in mōña; **10** im jabrewōt eo ejelok pein ak ruo kilin, komin jab mōña; e jab erreō ñōn kom.

**11** Jen bao ko otemjej rerreo kom maroñ in mōña. **12** A irkein men ko komin jab mōña: igōl, im gir igōl, im ospre, **13** im glid, im falkon, im kait ekar ñōn wāwen, **14** im jabrewōt reven ekar ñōn wāwen, **15** im ostrij, im hak in boñ, im keār, im hak ekar ñōn wāwen, **16** im jinurij erik, im jinurij elap, im jinurij eo eor an drun, **17** im pelikan, im vōltur, im kormorant, **18** im stork, im heron ekar ñōn wāwen, im hopoi, im bāt. **19** Im men otemjej rej kāki kab tō-bōlbōl, re jab erreō ñōn kom: komin jab mōña. **20** Kom maroñ in mōña bao otemjej rerreo.

<sup>1</sup> jap. 7. 6.

**21** Komin jab mōña jabrewōt men eo ej mij in atabuñ: kom maroñ in lelok ñōn drua maijet eo iloan kejem eo am, bwe en mōña; a kwo maroñ in wiakaki ñōn juōn dri ailiñ: bwe kwe dri ailiñ e kwojarjar ñōn Jeova am Anij. Kwon jab kōmāt kon in got ilo dren in etin jinen.

**22** Kwon lelok mōtōn joñoul jen aolepen orlok an ine eo am, eo ej walok jen jikin kallip yiō ñōn yiō. **23** Im kwon mōña iman Jeova am Anij, ilo jikin eo E naj kālet in likit etan ie, mōtōn ken ka joñoul in am korn, in am wain ekāl, im am oil, im manji ko, elañe kau, ak jip, ak got; bwe kwon maroñ in jela mijōk Jeova am Anij ien otemjej. **24** Im elañe e aitōk am ial, im kwo jab maroñ in inek e, kin ke etolok jikin eo jen kwe, eo Jeova am Anij ej kālet e bwe En likit etan ie, ñe Jeova am Anij ej kejerammōn yuk; **25** inem kwon ukot e ñōn mōnni, im lukwoj mōnni eo ilo peōm, im etallok ñōn jikin eo Jeova am Anij e naj kālet e: **26** im kwon lelok mōnni eo wōnan jabrewōt men eo kwo kōnan, ox, ak jip, ak wain, ak dren ekajur, ak jabrewōt eo am ej kajitōk ibōm kake; im kwon mōña ijo iman Jeova am Anij, im kwon lōñliñ, kwe, im ro nukum. **27** Im dri Livai, iloan kejem ko am, kwon jab illok jen e; bwe ejelok an kij ak jolit einwōt kwe.

**28** Im ien otemjej ñe e jemlok jilu yiō, kwon bōktok aolepen mōtōn joñoul in am orlok ilo yiō eo, im kabinoke iloan kejem ko am: **29** im dri Livai, kin ke ejelok an kij ak jolit ibōm, im drua maijet eo, im ro atajinemen, im lio e joko belen, ro rej iloan kejem ko am, re naj itok, im mōña im māt; bwe Jeova am Anij en kejerammōn yuk, ilo jermal otemjej in peōm, eo kwoj kōmōne.

**15** Ien otemjej ñe e jemlok jilji-limjuōn yiō kwon kōmōn juōn kōtlok. **2** Im enñin wāwen kōtlok eo: jabrewōt dri kamuri en kōtlok men eo e ar kamuri dri turin kake; en jab kajitōk e jen dri turin ak jen jein ak jatin: bwe emwij kwalok kōtlok eo

an Jeova. 3 Kwo maroñ in kajitök e jen drua maijet: a jabrewöt men eo am iben eo jeöm ak jätöm, peöm en kötlok e. 4 Ijoke, e naj ejelok dri jeramel iböm, (bwe emol Jeova e naj kejerammön yuk ilo eneo Jeova am Anij ej lewoj men in jolit bwe en am), 5 men in wöt, elañe kwoj kanuij eoroñ ainiken Jeova am Anij, bwe kwon bokake aolepen kien in ij jiroñ yuk ranin. 6 Bwe Jeova am Anij e naj kejerammön yuk, einwöt e ar kalimur ñon yuk: im kwo naj kamuri elöñ dri ailiñ ko, a kwo jamin muri; im kwo naj iroiñ ion ro dri ailiñ, a re jamin iroiñ iom.

7 Elañe jabrewöt dri jeramel iböm, juön ian ro jeöm im jätöm, iloan kejem ko am, ilo eneo Jeova am Anij ej lewoj, kwon jab kabin buruöm, ak elokwoj peöm jen jeöm im jätöm dri jeramel; 8 a emol kwon erlokwe peöm ñon e, im emol kwon lelok ñon e im kabwe aikwij eo an. 9 Kwon lale bwe en ejelok lemnok e nana ilo buruöm, im kwo ba, Yiö ken ka jiljilimjuön, yiö in kötlok, ebak wöt; im mejöm ej nana nae jeöm im jätöm dri jeramel, im ejelok am lelok; im ej kir ñon Jeova nae yuk, im e naj am jerawiwi. 10 Kwon lelok wöt ñon e, im buruöm en jab burumöj ñe kwoj lelok; bwe kin men in Jeova am Anij e naj kejerammön yuk, ilo am jerbäl otemjej, im ilo jabrewöt eo kwoj likit peöm ñon e. 11 Bwe ro dri jeramel re jamin joko jen eneo am: kin men in, ij jiroñ yuk, im ba, Kwon erlokwe wöt peöm ñon eo jeöm im jätöm, ñon am dri aikwij, im ñon am dri jeramel, ilo eneo am.

12 Elañe emwij wiakake ñon kwe, jeöm im jätöm dri Hibru man ak köra, im ej korijer ñon kwë iomin jiljino yiö; inem ilo yiö eo ken ka jiljilimjuön kwon kötlok e jen kwe. 13 Im ñe kwoj kötlok e jen kwe, kwon jab kötlok e im ejelok iben: 14 kwon wujleplek ñon e, jen am bwijin jip ak got, im jen am jikin dreñdreñ korn, im jen am ken joniök wain; einwöt Jeova am Anij e ar kejerammön yuk, ein drein kwon lelok ñon e.

15 Im kwon kememej bwe kwar dri kamakoko ilo enen Ijpt, im bwe Jeova am Anij e ar wiaik yuk: kin men in ij jiroñ yuk men in ranin. 16 Im elañe ej ba ñon yuk, I jab kōnan drioiijlok jen iböm; kin an yokwe yuk im ro nukum, kin ke emön an ber iböm; 17 inem kwon bök juön ñin edrel, im il lojiliñin ñon aor, im e naj korijer ñon kwe in drio. Im kwon kab kōmön einwöt ñon korijeröm köra. 18 En jab einwöt juön men ebin ñon kwe, ñe kwoj kötlok e jen yuk; bwe ñon wōnan ruo am dri jerbäl e ar korijer ñon kwe iomin jiljino yiö: im Jeova am Anij e naj kejerammön yuk ilo men otemjej kwoj kōmöne.

19 <sup>1</sup> Manji otemjej koman rar lotak jen bwij ko am, kwon kokwojarjar e ñon Jeova am Anij: kwon jab kejerbäl majien am kau, im kwon jab mijbar manjen jip eo am. 20 Kwon kōñe iman Jeova am Anij, ilo yiö otemjej, ilo jikin eo Jeova e naj kället e, kwe im ro nukum. 21 Im elañe e jab wäppen, elañe e bilo ak kirro, jabrewöt notan, kwon jab katok kake ñon Jeova am Anij. 22 Kwon kōñe iloan kejem ko am: ro rerreo im ro re jab erre, ren jimor ailmaroñe, einwöt gezel ak hart. 23 Men in wöt, kwon jab mōña bötök-tökin; kwon lutöklok e ion brij einwöt dren.

16 Kwon <sup>2</sup> lale aliñ Ebib, im kejbärok kwojkwoj in kijone ñon Jeova am Anij; bwe ilo aliñ Ebib Jeova am Anij e ar kadrioijtok yuk jen Ijpt, ilo boñ. 2 Im kwon katok kin men in kijone ñon Jeova am Anij, kin kau ko, ak jip, ak got ko, ilo jikin eo Jeova e naj kället bwe en likit etan ie. 3 Kwon jab mōña bred e uwe iben; iomin jiljilimjuön ran kwon mōña bred e jab uwe iben, aet, bred in jorran; bwe kwar drioijtok jen Ijpt ilo kijorur: bwe kwon maroñ in kememej ran eo kwar drioijtok jen Ijpt, ran otemjej in ammour. 4 Im ren jab lo jabrewöt leven iböm i aolepen ene ko am, iomin jiljilimjuön ran; im ejelok mötön kö-

<sup>1</sup> Ex. 13. 2. <sup>2</sup> Ex. 12. 2.

niek eo, kwoj katok kake ran eo mokta ñe ejota, en berwöt aolepen boñ mae jiboñ. **5** Kwon jab katok kin men in kijone iloan jabrewöt kejem ko am, ko Jeova am Anij ej lewoj; **6** a ilo jikin eo Jeova am Anij e naj kälet e, bwe En likit etan ie, ijo kwon katok kin men in kijone, ñe ejota, ñe e tulok al, ien eo ke kwar drioiptok jen Ijpt. **7** Im kwon umne, im kõne ilo jikin eo Jeova am Anij e naj kälet e: im ñe ejiboñ, kwon oktök im jeblak ñon moko imwemi. **8** Iomin jiljino ran kwon mõña bred e jab uwe; im ilo ran eo ken ka jiljilimjuön, e naj juön kwelok e kwojarjar ñon Jeova am Anij; kwon jab kõmön jabrewöt jermal ilo ran eo.

**9** Kwon <sup>1</sup> bwini ñon yuk jiljilimjuön wik: jen ien eo ñe kwoj jino in likit sikel ñon korn e jutök, kwon jino in bwini jiljilimjuön wik. **10** Im kwon lale kwojkwoj in wik ko ñon Jeova am Anij, kin juön owöj in katok kõnan ilo peöm, eo kwon lelok, einwöt Jeova am Anij ej kejerammön yuk: **11** im kwon lõnliñ iman Jeova am Anij, kwe im nejöm man im kõra, im korijeröm man im kõra, im dri Livai iloan kejem ko am, im drua maijet, im eo atajinemjen, im kõra eo e joko belen, ro rej ilo bwiljimi ilo jikin eo Jeova am Anij e naj kälet e bwe En likit etan ie. **12** Im kwon kememej bwe kwar dri kamakoko ilo Ijpt: im kwon lale im bokake kien kein.

**13** Kwon <sup>2</sup> lale kwojkwoj in imön kabere ko iomin jiljilimjuön ran, elikin am aini jen jikin dreñdreñ korn eo am, im jen am ken joniök wain: **14** im kwon lõnliñ ilo am kwojkwoj, kwe, im nejöm man im kõra, im korijeröm man im kõra, im dri Livai, im drua maijet, im eo e atajinemjen, im kõra eo e joko leo belen, ro rej iloan kejem ko am. **15** Iomin jiljilimjuön ran kwon lale kwojkwoj ñon Jeova am Anij, ilo jikin eo Jeova am Anij e naj kälet e; bwe Jeova am Anij e naj kejerammön yuk ilo am orlok otemjej, im ilo aolepen jermal in peöm, im kwon lõnliñ wöt. **16** Jilu

alen ilo juön yiö, man ro otemjej am ren walok iman Jeova am Anij ilo jikin eo E naj kälet e: ilo kwojkwoj in bred e jab uwe, ilo kwojkwoj in wik ko, im ilo kwojkwoj in imön kabere ko; im ren jab walok iman Jeova im ejelok kwonair: **17** jabrewöt eman en lelok einwöt an maroñ, ekar ñon jerammön an Jeova am Anij, eo E ar lewoj.

**18** Kwon kõmön iroi in ejaket ro, im ro dri kabwjrök, ilo kejem ko am otemjej, ko Jeova am Anij ej lewoj, ekar ñon bwij ko am; im ren ekajet armij ro kin ekajet jime. **19** Kwon jab kankeke ekajet: kwon jab kabwiloklok mejen armij: kwon jab bök wönan kankeke ekajet; bwe wönan ej kabilo mejen ro dri meletlet, im kankeke nan ko an ro re wänik. **20** Kwon lor men eo e wänik wöt, bwe kwon mour, im jolit eneo Jeova am Anij ej lewoj.

**21** Kwon jab kalibwin juön Ashira jen jabrewöt wäwen wiki, iturin lokatok an Jeova am Anij, eo kwoj kalek ñon yuk. **22** Kwon jab kajutök jur dreka; men eo Jeova am Anij ej dike.

**17** Kwon <sup>1</sup> jab katok ñon Jeova am Anij kin juön ox, ak jip, e jab wäppen; bwe men in men in jöjök ñon Jeova am Anij.

**2** Elañe rej lo i bwiljöm, iloan jabrewöt ian kejem ko am, Jeova am Anij ej lewoj, man ak kõra, eo ej kõmön men eo e nana iman mejen Jeova am Anij, eo ej kokkure bujen eo An, **3** im e ar ilem korijer ñon anij ro jet, im kabuñ ñon ir, ak ñon al, ak ñon al-iñ, ak jabrewöt ian jarlipju in lõn, eo I ar jab jiroñ kake, **4** im rej kennaneke yuk men in, im kwar roñjake; inem kwon kanuij kajitök kake; im lo, elañe emol, im men eo e alikar, bwe ein drein kõmön men in jöjök ilo Israel, **5** inem kwon añintok man ak kõra eo, eo e ar kõmön men in e nana, ñon kejem ko am, aet, man eo ak kõra eo, im kwon kare ir kin dreka bwe ren mij. **6** Kin lõnin ruo dri kennan, ak jilu dri kennan, ren mõn eo drien

<sup>1</sup> Ex. 23. 16. <sup>2</sup> Liv. 23. 34. 43.

mij; ren jab mōn e kin loñin juōn wōt dri kennan. 7 Pein ro dri kennan ren ion bwe ren mōn e, im tokelik pein armij ro otemjej. Ein drein kwon kaatoanlok nana in jen lo bwiljem.

8 Elañe ej walok ñōn kwe men in ekajet e kanuij bin, ikōtan imajaj in bōtōktōk, im bōtōktōk, ikōtan imajaj in nan im nan, im ikōtan imajaj in ubrare im ubrare, men ko men in akwail iloan kejem ko am; inem kwon jutōk im ilok ñōn jikin eo Jeova am Anij e naj kålet e; 9 im kwon ilok ñōn iben pris ro, dri Livai, im ñōn iben dri ekajet eo ej ber ilo ran ko: im kwon kajitōk; im ren kwalok ñōn yuk nan in ekajet. 10 Im kwon kōmōn ekar ñōn nan in ekajet, eo rej kwalok ñōn yuk jen jikin eo Jeova e naj kålet e; im kwon lale im kōmōn ekar ñōn men otemjej rej katakin yuk kake: 11 ekar ñōn wāwen kien eo rej katakin yuk, im ekar ñōn ekajet eo rej kenanek yuk, kwon kōmōn; kwon jab jeōrlōk jen nan in ekajet eo re naj kwalok ñōn yuk, ñōn anbijmaroñ ak ñōn anmiñ. 12 Im armij eo ej tōrkielel, im jab eoroñ pris eo ej jutōk in korijer ijo iman Jeova am Anij, ak dri ekajet eo, armij eo en mij: im kwon jolok nana eo jen Israel. 13 Im armij otemjej ren roñjake, im mijōk, im jab bar kōmōn tōrkielel.

14 Ne emwij am dreloñlok iloan eneo Jeova am Anij ej lewoj im kwoj bōke, im jokwe iloan, im kwoj ba, 1 I naj kairoij juōn kiñ ioō, einwōt ro dri ailiñ otemjej rej ituriō; 15 kwon kairoij kiñ iom, eo Jeova am Anij ej kålet e: juōn ian ro jeōm im jātōm kwon kairoij e iom: kwon jab kairoij iom juōn drua majet, eo e jab jeōm im jātōm. 16 Men in wōt, en jab korlok ors ñōn e mōke, ak kejeblak armij ro ñōn ljipt, bwe en korlok ors ko; bwe Jeova e ar ba ñōn yuk, Kom jamin bar jeblaklok ilo ial eo. 17 Im en jab korlok belen ñōn e, bwe buruen en jab jeōrlōk: im en jab kanuij korlok ñōn e silver im gold.

18 Im ñe ej jijōt ion tron in ailiñ eo an, en jeje ñōn e kien in ilo juōn

buk, jen buk eo ej iman pris ro, dri Livai: 19 im en ber iben, im en kono-no ie ran otemjej in mour eo an; bwe en maroñ in jela mijōk Jeova an Anij, bwe en bokake nan ko otemjej an kien in im nan in kaiñi kein bwe en kōmōni; 20 bwe en jab utiej buruen jen ro jein im jätin, im en jab jeōrlōk jen kien eo ñōn anbijmaroñ ak anmiñin: bwe en kaitoklok ran ko an ilo ailiñ eo an, e im ro nejin, iolapin Israel.

**18** Pris ro, dri Livai, aet, aolepen bwijin Livai, e naj ejelok air kij ak jolit iben Israel: re naj mōña jur-tak ko an Jeova, kōmōne kin kijeek, im jolit eo An. 2 Im e naj ejelok air jolit iben ro jeir im jätir: Jeova ej air jolit, einwōt E ar ba ñōn ir. 3 Im men in e naj owōj ñōn pris ro jen armij rōn, jen ro rej katok, elañe kin ox ak jip, ren lelok ñōn pris eo, aieran, im jeb ko ruo, im turōk eo. 4 Jomōkōj ko in am korn, im am wain ekāl, im am oil, im kol ko mokta jen am jip, kwon lelok ñōn e. 5 Bwe Jeova am Anij e ar kålet e jen bwij ko am otemjej, bwe en jutōk im korijer ilo etan Jeova, e im ro nejin, ñōn in drio.

6 Im elañe juōn dri Livai ej itok jen jabrewōt ian kejem ko am, jen aolepen Israel, ijo ej jokwe, im ej itok ilo aolepen an kōnan, ñōn jikin eo Jeova e naj kålet e; 7 inem e naj korijer ilo etan Jeova an Anij, einwōt ro jein im jätin, dri Livai, rej kōmōne, ro rej jutōk ijo iman Jeova. 8 Ren bōk kijeir drit wōt juōn, bareinwōt tokjen wiakake jolit eo an.

9 Ne emwij am dreloñlok ilo eneo Jeova am Anij ej lewoj, kwon jab katak in kōmōn einwōt men in jōjōik ko an ro dri ailiñ ko. 10 Ren jab lo ibōm jabrewōt eo ej kōmōn bwe nejin man ak kōra en dribuk kijeek, ak juōn ej anijnij, ak juōn ej marmir, ak juōn ej drikani, ak juōn ej kōmao iben dimon ro, 11 ak juōn ej bebe iben anij dri komao iben, ak juōn dri meletlet ilo nana, ak dri anep. 12 Bwe jabrewōt eo ej kōmōn men rōt kein, ej men in jōjōik ñōn Jeova: im

<sup>1</sup> 1 Sam. 8. 5. 19.

kin men in jōjōik kein, Jeova am Anij ej ubakelok ir imam. 13 Kwon wāpen iben Jeova am Anij. 14 Bwe ro dri ailin kein, ro kwoj kobajlok ir, rej eoroñ ro rej kōmōn anijnij, im ro rej drikanij; ak kin kwe, Jeova am Anij e ar jab kamelim am kōmōn einwōt.

15 Jeova am Anij <sup>1</sup>e naj kajutōk juōn Dri Kanan jen bwiljōm, juōn ian ro jeōm im jātōm, einwōt ña; kwon eoroñ E; 16 ekar ñōn men ko otemjej kwar kōnan jen Jeova am Anij i Horeb, ilo ran in kwelok eo, im kwar ba, In jab bar roñjake ainiken Jeova aō Anij, im in jab bar lo kijeek in elap, in drio, bwe in jab mij. 17 Im Jeova e ar ba ñōn iō, Emōn air konono ilo men eo rar ba. 18 I naj kajutōk ñōn ir juōn Dri Kanan, jen iben ro jeir im jātir, einwōt kwe; im I naj likit nan ko Aō i loñin, im E naj ba ñōn ir men otemjej I naj jiroñ E kake. 19 Im <sup>2</sup>e naj ein drein, jabrewōt eo e jab eoroñ nan ko Aō, ko E naj konono ilo eta, I naj kajitōkin e.

20 A dri kanan eo ej ba juōn nan e wajōjō ilo eta, eo I ar jab jiroñ e bwe en ba, ak ej konono ilo etan anij ro jet, dri kanan eo en mij. 21 Im elañe kwoj ba ilo buruōm, Ekijkan am naj jela nan eo Jeova e ar jab ba? 22 ñe juōn dri kanan ej konono ilo etan Jeova, elañe nan eo e jab jejit, ak walok ein drein, Jeova e ar jab ba men eo: dri kanan eo e ar wajōjō in ba, kwon jab mijōk e.

**19** Ñe Jeova am Anij ej bukwelok ro dri ailin ko, eneo air Jeova am Anij ej lewoj, im kwoj binej jenk-wair, in jokwe ilo jikin kwelok ko air, im ilo moko imweir; 2 kwon kejenolok jilu jikin kwelok ñōn kwe, ilo bwiljin eneo am, eo Jeova am Anij ej lewoj bwe en am. 3 Kwon kapojōk ñōn yuk ial eo, im ajej tōreren eneōm, eo Jeova am Anij ej kajolit yuk kake, ilo jilu mōtōn, bwe dri kalanwōtwōt armij en maroñ in ko ñōn ijo.

4 Im eñin wāwen dri kalanwōtwōt, eo e naj kone in mour: jabrewōt eo ej mōn dri turin kin lanwōtwōt, im e ar jab kijirāte ilo ien ko mokta; 5 ein-

wōt ke juōn eman ej ilok ñōn bukwōn wijki im jekjek kani, im peim ej jajaike ilil bwe en juok juōn wijki, im māl eo ej jekarlok jen jurōn, im ej jek dri turin, einwōt bwe en mij; en ko ñōn juōn ian jikin kwelok kein im mour: 6 ñe ab dri irenwōne kin bōtōktōk en lukworkwor dri kalanwōtwōt eo ke ebwil buruen, im tōbar e, kin an aitok ial eo, im mōn e bwe en mij; ak e jab tellokin mij, bwe e ar jab kijirāte ilo ien ko mokta. 7 Kin men in, ij jiroñ yuk, im ba, Kwon kejenolok jilu jikin kwelok ñōn yuk. 8 Im elañe Jeova am Anij ej kalaplok tōreren eneo am, einwōt E ar kanōjniñ ñōn ro jimam, in Ej lewoj aolepen eneo E ar kalimur kake ñōn ro jimam; 9 elañe kwoj bokake aolepen kien in im kōmōne, eo ij jiroñ yuk kake ranin bwe kwon yokwe Jeova am Anij, im etal ilo ial ko An in drio; inem kwon kobaik bar jilu jikin kwelok ñōn kwe, eorlok jen kein jilu: 10 bwe ren jab katorlok dran, ejelok ruōn, ilo bwiljin eneo am, eo Jeova am Anij ej lewoj, juōn jolit, im bōtōktōk ej ber ion.

11 A elañe jabrewōt armij ej kijirāte dri turin, im kebao, im jutōk nae e, im mōn e bwe en mij, im ej ko ñōn juōn ian jikin kwelok kein; 12 inem ridto ro an jikin kwelok eo an, ren jilkinlok, im añintok e jen ijo, im ketōk e ñōn peim dri irenwōne kin bōtōktōk, bwe en mij. 13 Mejōm en jab tiriamokake, a kwon jab katorlok bōtōktōk ejelok ruōn jen Israel, bwe en emōn ibōm.

14 <sup>1</sup>Kwon jab ikir melan wāto an dri turum, eo ridto ro mokta rarlikite, ilo am jolit, eo kwoj likite ilo eneo Jeova am Anij ej lewoj bwe en am.

15 Juōn dri kennan en jab jutōk nae juōn armij kin jabrewōt nana, ak kin jabrewōt jerawiwi, ilo jabrewōt bwir ej bwir kake; i loñin ruo dri kennan, ak i loñin jilu dri kennan, naj kabin men eo. 16 Elañe dri kennan e jab wānik ej jutōk nae jabrewōt armij in kennan nae e kin kō-

<sup>1</sup> Jerb. 3. 22; Jon 1. 21. 25. <sup>2</sup> Jerb. 3. 23; Hīb. 12. 25.

<sup>3</sup> Matn 18. 16.



mōn e jab jime, 17 inem armij ro ruo, eor akwail ikōtairro, ren jutōk iman Jeova, iman pris ro, im iman ro dri ekajet rej ber ilo ran ko; 18 im ro dri ekajet ren kanuij kajitōk: im lo, elañe dri kennan eo ej dri kennan riōp, im e ar kennan riōp nae jein im jātin; 19 inem komin kōmōn ñōn e einwōt e ar lemnok in kōmōn ñōn jein im jātin: ein drein kwon jolok nana jen lo bwiljōm. 20 Im ro rej berwōt re naj rōñjake, im mijōk, im re jamin bar kōmōn jabrewōt nana einwōt ilo bwiljōm. 21 Im mejōm en jab tiriamokake; mour en wōnan mour, <sup>1</sup>mej kin mej, ñi kin ñi, pā kin pā, ne kin ne.

**20** Ñe kwoj ilen tōrinaek ro dri kijirāte yuk, im lo ors ko, im jariot ko, im armij ro relōñ jen kwe, kwon jab mijōk ir; bwe Jeova am Anij ej ber ibōm, Eo e ar āñintok yuk jen enen Ijpt. 2 Im ñe kwoj kebaklok tōrinae eo, pris eo en druaktok im konono ñōn armij ro, 3 im naj ba ñōn ir, Komin roñjake, O Israel, kornij kebaklok ranin in tōrinaek ro dri kijirāte kom: buruemi ren jab kijelok; komin jab mijok, ak wuririr, ak lelōñ kin ir; 4 bwe Jeova am Anij eo ej ilok ibōmlok, bwe En tōrinae kin kwe, nae ro dri kijirāte yuk, bwe En lomoren yuk. 5 Im iroi j ro ren konono ñōn armij ro, im ba, Ewi juōn armij e ar kalek im ekāl im e jañin lelok? en ilok im jeb-lak ñōn mweo imōn, ñe e ab mij ilo tōrinae im bar juōn armij ej lelok e. 6 Im ewi juōn armij e ar kallip bwil in grep, im e jañin mōña jen leen? en ilok im jeb-lak ñōn mweo imōn, ñe e ab mij ilo tōrinae, im bar juōn armij ej mōña leen. 7 Im ewi juōn eman im eor an kalimur iben juōn kōra, im e jañin bōke? en ilok im jeb-lak ñōn mweo imōn, ñe e ab mij ilo tōrinae, im bar juōn ej bōke. 8 Im kapen ro re naj bar konono ñōn armij ro, im ren ba, Ewi juōn armij e bikōt, im buruen e lōlbwijeje? en ilok im jeb-lak ñōn mweo imōn, ñe ab kokwer buruen ro jein im jātin kin e. 9 Im ñe

emwij an iroi j ro konono ñōn armij rōn, inem ren likit kapen in tōrinae, ro dri tel armij ro.

10 Ñe kwo naj druaklok ñōn juōn jikin kwelok bwe kwon tōrinaek e, inem kwon kwalok ainemōn ñōn e. 11 Im elañe ej uak ilo ainemōn, im kabellok ñōn kwe, inem armij otem-jej rej ber ie, re naj owōj ñōn kwe, im re naj korijer ñōn kwe. 12 Im elañe e jab kōnan mirik yuk, a e kōnan tōrinaek yuk, inem kwon nitbwile: 13 im ñe emwij an Jeova am Anij ketōk e ilo peōm, kwon mōn jabrewōt eman iloan kin mejen jāji: 14 a kōra rōn, im ajiri, im kiru ko, im men otemjej iloan jikin kwelok eo, aet, aolepen mweiuk ko an, kwon bōk ñōn kwe, einwōt men in rakim; im kwon mōña jen men in rakim jen ro dri kijirāte yuk, eo Jeova am Anij e ar lewoj. 15 Kwon kōmōn ein drein ñōn jikin kwelok otemjej re kanuij etolok jen kwe, ko re jab ian jikin kwelok ko an ailiñ kein. 16 A jen jikin kwelok ko an ro dri ailiñ kein, ko Jeova am Anij ej lewoj am jolit, kwon jab kejbārok mour an jabrewōt men eo ej menono; 17 a kwon torlok bok: dri Het, dri Amor, dri Kenean, dri Periz, dri Hiv, im dri Jibus; einwōt Jeova am Anij e ar jiroñ yuk; 18 bwe ren jab katakin yuk bwe kwon kōmōn ekar ñōn men in jōjōik ko air otemjej, ko rar kōmōni ñōn anij ro air; ein drein kom naj kar bwir nae Jeova ami Anij.

19 Ñe eto am nitbwile juōn jikin kwelok, ilo am tōrinaek e im bōke, kwon jab kokkure wijki ko an ilo am jeki kin lilil; bwe kwoj maroñ in mōña jeni, im kwon jab juokwi; bwe wijki in melaj armij ke, bwe kwon nitbwile? 20 Wijki ko wōt kwo jela bwe re jab ken ekōn, kwon kokkure im juokwi; im kwon kalek me ko nae jikin kwelok eo ej tōrinaek yuk, mae ien an buñ.

**21** Elañe rej lo juōn e mijijak ilo eneo Jeova am Anij ej lewoj bwe en am, ej babu ilo melaj, im e jab alikar wōn eo e ar mōn e; 2 inem ridto ro am im dri ekajet ro am, ren

<sup>1</sup> Matn 3. 39.

drioijtok, im ren joñe ñon jikin kwelok ko iturin eo emwij mōne: **3** im jikin kwelok eo ej ebaktok ñon armij eo emwij mōn e, aet, ridto ro an jikin kwelok eo, ren bōk juōn kau kokōra emōn ridtōn, jen bwijin kau ko, eo re jañin kajerbal e, im eo e jañin ibere ilo ine; **4** im ridto ro an jikin kwelok eo ren añinlōlok kau kokōra eo ñon juōn komlōl, ijo eor dren etorlok, im ijo re jab tiblōle ak jeor, im ruje kenwan kau kokōra ilo komlōl eo. **5** Im pris ro nejin Livai ren kebake; bwe Jeova am Anij e ar kālet ir in korijer ñon E, im bwe ren kejeram-mōn ilo etan Jeova; im ekar ñon air in nan naj jemlokōn akwail otemjej im jebōk otemjej. **6** Im ridto ro otemjej an jikin kwelok eo ebaktok ñon armij eo e mijijak, ren amini peir ilōñin kau kokōra eo emwij ruje kenwan, ilo komlōl eo; **7** im ren uak im ba, Peer rar jab katorlok dran in, im mejer rar jab loe. **8** O Jeova, kwon jolok bwir jen Israel, ro dri ailiñ Am, ro Kwar wiaik ir, im Kwon jab likit bwe dran ejelok ruōn en berwōt i bwiljin Israel, ro dri ailiñ Am. Im naj jolok jen ir bwir kin dran eo ejelok ruōn. **9** Ein drein kwon katoanlok dran ejelok ruōn jen ilo bwiljōm, ñe kwoj kōmōn men eo e jime iman mejen Jeova.

**10** Ñe kwoj ilen tōrinaek ro dri kijirāte yuk, im Jeova am Anij ej lewoj ir ilo peōm, im kwoj añinlok ir dri jebokwe, **11** im kwoj lo iben ro dri jebokwe juōn kōra edreo, im kwoj yokwe, im kōnan bōke belōm; **12** inem kwon añintok e ñon kabijuknōm; im e naj eāl bōran, im bukwe akin; **13** im e naj wutik nuknuk in jebokwe jen e, im e naj berwōt ilo mweo imōm, im joñōt jemen im jinen iomin aolepen juōn aliñ: inem tokelik kwon ilok ñon iben, im kwon belen, im en belōm. **14** Im elañe kwo jab mōnōnō kake, inem kwon kōtlok e bwe en ilok ijo e kōnan; kwon jab wiakake kin mōnni, kwon jab kōmōn ñon e einwōt dri kamakoko, bwe emwij am kōtaik e.

**15** Elañe iben juōn eman ruo belen, juōn e jitenburu im juōn e jab yokwe,

im irro rar keutak ro nejir ñon e, eo e jitenburu im eo e jab yokwe; im elañe manji man, nejin lio e jab yokwe; **16** inem ilo ran eo ñe ej kōmōn bwe ro nejin man ren jolit men ko an, en jab kwotōk etan leo nejin lio e jitenburu, jen leo nejin lio e jab yokwe, eo manji emol: **17** a en kamol nejin lio e jab yokwe, manji, im lelok ñon e ruo mōtōn men otemjej iben; bwe e jinoin an kajur; men ko rekar ñon manji, an wōt.

**18** Elañe iben jabrewōt armij juōn nejin man e ankeke im bōt, eo e jab kōnan bokake ainiken jemen, ak ainiken jinen, im, meñe rej kajeik e, e jab eoroñ ir; **19** inem jemen im jinen ren jibwe, im añinlok e ñon ridto ro an jikin kwelok eo an, im ñon kejem in jikin kwelok eo an; **20** im ren ba ñon ridto ro an jikin kwelok eo an, Lein nejim e bōt im ankeke, e jab kōnan bokake ainikem; e broklip im dri karek. **21** Im man ro otemjej an jikin kwelok eo an, ren kare kin dreka bwe en mij: ein drein kwon jolok nana jen bwiljōm; im aolepen ro dri Israel re naj roñjake, im mijōk.

**22** Elañe juōn armij e ar kōmōn nana tellokin mij, inem rej mōn e, im kwoj totoik e ilo wijki; **23** <sup>1</sup>ubōn en jab ber ilo wijki aolepen boñ, a kwon kalibwin e ran eo wōt; bwe eo emwij totoik e, <sup>2</sup>ej binnikol an Anij; bwe kwon jab kananaik eneo Jeova am Anij ej lewoj an jolit.

**22** Kwon jab lo ox ak jip an jeōm im jātōm jebwābwe, im tilekek jen e: emol kwon kajebak e ñon jeōm im jātōm. **2** Im elañe jeōm im jātōm e jab ebake yuk, ak kwo jaje kajen, inem kwon añintok e ñon kabijuknōm, im en ber ibōm mae ien eo jeōm im jātōm ej kabukot e, inem kwon bar lelok ñon e. **3** E naj ein drein am kōmōn kin ass eo an; e naj ein drein am kōmōn kin nuknuk ko an; ein drein am naj kōmōn kin jabrewōt men eo e joko an jeōm im jātōm, ke e joko jen e, im kwar loe: kwon jab tilekek jen e. **4** Kwon jab lo ass ak ox an jeōm im jātōm, ñe emwij an buñ ilo

<sup>1</sup> Jon 19. 31.    <sup>2</sup> Gal. 3. 13.

ial, im tilekek jen e: emol k̄won jibōn an bar kajutōk e.

5 Juōn kōra en jab kōnōk nuknuk an man rōn, im man en jab kōnōk ko an kōra; bwe jabrewōt eo ej kōmōn men rōt kein, ej men in jōjōik nōn Jeova am Anij.

6 Elaņe el in bao ej imam bōjik ilo ial, ilo jabrewōt wijki ak ion brij, im eor kon ak lip, im jinen ej beroani lip ko ak kon ko, kwon jab bōk jinen kab kon ko: 7 kwon kōtlok wōt jinen, a kwo maroņ in bōki kon ko nōn kwe; bwe en emōn ibōm, im bwe kwon maroņ in kaitoklok ran ko am.

8 Ne kwoj kalek im ekāl, kwon kōmōn worwor in kejenwan, bwe kwon jab naruōn mweo imōm ilo bōtōktōk, elaņe juōn armij ej buņ jen ijo.

9 Kwon jab jeor ruo wāwen ine ilo am bwil in grep, ņe ab aolepen leen en men in aje, ine eo emwij am jeor e, im leen bwil in grep eo. 10 Kwon jab tiblōl kin juōn ox im juōn ass iben dron. 11 Kwon jab kōnōk nuknuk emwij käreike, kolan jip im linen emwij eji.

12 Kwon kōmōn albok i tōreren ko emen in nuknuk eo am, eo kwoj kalibubu yuk kake.

13 Elaņe jabrewōt man ej bōk belen, im babu iben, im drike, 14 im kinaklok e kin men ko renana, im kananaik etan, im ba, I ar bōk kōra in, im ke I ar kebake, I ar jab lo kakōle ko an virjin iben: 15 inem jemen im jinen jiroņ eo ren bōk im kwalok kakōlen virjin an jiroņ eo nōn ridto ro i kejem an jikin kwelok eo; 16 im jemen jiroņ eo e naj ba nōn ridto ro, I ar lelok nejiō kōra nōn armij in belen, im ej drike; 17 im lo, emwij an kinaklok e kin men ko renana, im e ar ba, I ar jab lo iben nejmōn kōra kakōlen virjin; ak irkein kakōlen virjin an lio nejem. Im ren erlokwe nuknuk eo iman ridto ro in jikin kwelok eo. 18 Im ridto ro an jikin kwelok eo ren bōk armij eo im kajeik e; 19 im ren bōk jen e jibuki shekel in silver, im lilok nōn jemen jiroņ eo, bwe e ar kajkur juōn virjin in Israel: im en belen; en jab jolok e

ran ko otemjej an. 20 A elaņe emol men eo, im rar jab lo kakōlen virjin iben jiroņ eo; 21 inem ren āninlok jiroņ eo nōn kejem in imōn jemen, im man ro an jikin kwelok eo ren kare kin dreka, bwe en mij, bwe e ar kōmōn men in bwebwe ilo Israel, im e ar kijoņ iloan mweo imōn jemen; ein drein kwon jolok nana jen bwiljōm.

22 Elaņe <sup>1</sup>rej lo juōn eman ej babu iben juōn kōra eo emwij an belek juōn eman, inem irro ren mij, leo, kab lio: ein drein kwon jolok nana jen Israel.

23 Elaņe juōn eman ej lo juōn jiroņ eo emwij an kalimur nōn leo e naj an, iloan jikin kwelok, im ej babu iben; 24 inem kwon āninlok irro nōn kejem in jikin kwelok eo, im komin kare irro kin dreka bwe ren mij; jiroņ eo kin an jab kar lamij, ke iloan jikin kwelok; im leo kin an kananaik lio belen dri turin: ein drein kwon jolok nana jen bwiljōm.

25 A elaņe man eo ej lo jiroņ eo emwij an kalimur nōn leo e naj an, i melaj, im man eo ej kamakokoik lio im babu iben; inem leo wōt, en mij: 26 a kwon jab kōmōn jabrewōt nōn jiroņ eo; ejelok ruōn jiroņ eo bwe en mij: bwe einwōt ņe juōn armij ej jutōk nae dri turin im mōn e, ein drein men in; 27 bwe leo e ar loe ilo melaj, jiroņ eo emwij an kalimur, e ar lamij, im e kar ejelok dri lomoren.

28 Elaņe juōn eman ej lo juōn jiroņ eo virjin, im jaņin kalimur kake, im ej jibwe, im babu iben, im rej lo irro; 29 inem leo e ar babu iben en lelok nōn jemen jiroņ eo limōul shekel silver, im lio e naj belen, kin ke e ar kananaik e; en jab jolok e iomin ran ko otemjej an.

30 Juōn eman en jab bōk lio belen jemen, im en jab babu iben lio.

**23** Eo emwij kakiniņij kwoli ko an, ak bukwelok jububen, en jab dreloņ iloan jar an Jeova.

2 Juōn ejelok jemen en jab dreloņ iloan jar an Jeova; aet, nōn ebeben eo ken ka joņoul, ejelok mōtōn en dreloņ iloan jar an Jeova.

3 Juõn dri Amon, ak dri Moab, en jab dreloñ iloan jar an Jeova ; aet, nõn ebeben eo ken ka joñoul, ejelok mõtair en dreloñ iloan jar an Jeova in drío: 4 bwe rar jab wõnmae kom kin bred im dren ilo ial, ke kom ar dríoijtok jen Ijpt, im bwe rar kajerbal <sup>1</sup>Beleam nejin Bior jen Pitor in Mesopotemia, bwe en kole yuk. 5 Mekarta, Jeova am Anij e ar jab eoroñ Beleam, a Jeova am Anij e ar ukot menukol eo nõn jerammõn nõn yuk, bwe Jeova am Anij e ar yokwe yuk. 6 Kwon jab kabukot air aine-mõn ak jerammõn, ran ko otemjej am nõn in drío.

7 Kwon jab jõiok dri Idom; bwe jeõm: kwon jab jõiok dri Ijpt; bwe kwar drua majet ilo eneo an. 8 Ro nejin, rej lotak nõn ir, ilo ebeben eo ken ka jilu, re maroñ in dreloñ iloan jar an Jeova.

9 Ne kwój dríoijlok ilo kamp nae ro dri kijiräte yuk, ien eo kwon kej-bärok yuk jen men ko renana otem-jej. 10 Elañe ej ibemi jabrewõt eman, ej etton kin men eo ej walok jen e ilo boñ, inem en dríoijlok jen kamp eo, en jab dreloñ iloan kamp eo: 11 a ñe ejota, en tutu ilo dren; im ñe e tulok al en dreloñ iloan kamp eo. 12 En ibõm juõn jikin bareinwõt elikin kamp eo, jikin tilo, bwe kwon dríoijlok nõn e: 13 im en ibõm juõn ken kõb iben ken tõrinae ko am; im ñe kwój jijõt ijo, kwon kõbij mokta, im kwon oktök im kalibubu men eo ej walok jen yuk: 14 bwe Jeova am Anij ej etal ilo bwiljin kamp eo am, bwe En lomoren yuk, im ketök ro dri kijiräte yuk imam; kin men in, kamp eo am en kwójjarjar, bwe En jab lo jabrewõt men e jokdrer ibõm, inem jeõr jen yuk.

15 Kwon jab ketök nõn karo eo an dri korijer eo e ar ko jen karo eo nõn kwe: 16 en jokwe ibõm, i bwiljõm, ilo jikin eo e naj kälet e, iloan juõn ian kejem ko am, ijo e kõnan: kwon jab kamakokoik e.

17 En ejelok kõra ekijoñ ian kõra ro nejin Israel, im ejelok dri Sodom

ian ro nejin man nejin Israel. 18 Kwon jab bõktok wõnan kõra ekijoñ, ak wõnan kiru roror, na iloan imõn Jeova am Anij, kin jabrewõt nan in muri: bwe men kein ruo men in jõiok nõn Jeova am Anij.

19 Kwon jab kamuri jeõm im jätõm kin jimair; elañe mõnni, ak ekõn, ak bwen jabrewõt eo rej lelok kin jimair. 20 Kwo maroñ kamuri drua majet kin jimair; a kwon jab kamuri jeõm im jätõm kin jimair, bwe Jeova am Anijen kejerammõn yuk ilomenotem-jej, kwój likit peõm nõn e, ilo eneo kwój ilok nõn e bwe kwon bõke.

21 Ne <sup>1</sup>kwój kalimur kin juõn muri nõn Jeova am Anij, kwon jab rumij ilo am kõla: bwe emol Jeova am Anij e naj kajitõkin yuk kake; im e naj jerawiwi nõn yuk. 22 A elañe kwój jab muri, e naj ejelok am jerawiwi. 23 Men eo e ar walok jen loñõm, kwon lala im kõmõne; einwõt am kalimur nõn Jeova am Anij, jurtak in mõnõnõ, eo kwar ka'imur kin loñõm.

24 Ne kwój dreloñ iloan bwil in grep an dri turum, inem kwo maroñ in mõña grep ko im mät, einwõt am kõnan; a kwon jab likit jabrewõt ilo am jäbi. 25 Ne kwój dreloñ ilo bwiljin korn ej jutök an dri turum, kwo maroñ in loti uror ko kin peõm; a kwon jab kamõkit juõn sikel nõn korn ej jutök an dri turum.

**24** Ne juõn eman ej bõk kõra, im belele iben, inem elañe e jab mõnõnõ kake, kin an lo ilo e jabrewõt men eo e jakkar, en <sup>2</sup>jeje nõn e nan in kötlok, im lelok na ilo pein, im kadrioijlok e jen mweo imõn. 2 Im ñe emwij an lio dríoijlok jen mweo imõn, e melim an ilen belek bar juõn. 3 Inem elañe leo belen ken ka ruo ej drike, im jeje nõn e nan in kötlok, im lelok na ilo pein, im kadrioijlok e jen mweo imon; ak elañe leo ken ka ruo ej mij, eo e ar belek e; 4 leo belen mokta, eo e ar jolok e, emo an bar bõk e belen, elikin kananaik e; bwe men in men in jõiok iman Jeova: im kwon jab kabwir eneo, Jeova am Anij ej lewoj am men in jolit.

<sup>1</sup> 1 Pt. 2. 15.<sup>2</sup> Matu 5. 33. <sup>3</sup> Matu 5. 21.

5 Ñe juõn eman ej bõk belen ekäl, en jab ilok iben jar in tõrinae, im ren jab kajerbal e kin jabrewõt jermal: en anemkwojan i kabijuknen iomin juõn yiõ, im en kainemõn lio belen, eo e ar bõke.

6 Ejelok armij en bõk ken irir, ak dreka in irir ilõñ, ken kabin muri; bwe ej bõk kabwebwen mour bwe en kabin muri.

7 Elañe emwij lo juõn eman ej kwoti jabrewõt ian ro jein im jätin ro nejin Israel, im ej kõmõn nõn e einwõt dri kamakoko, ak elañe ej wiakake; inem dri kwot eo en mij: ein drein kwon jolok nana jen bwiljõm.

8 Kwon lale ilo nañinmij in leper, im kanuij bokake im kõmõn ilo men otemjej einwõt pris ro dri Liviã rej katakin yuk: einwõt I ar jiroñ ir, ein drein komin lale im kõmõne. 9 Kwon kememej ta eo Jeova am Anij e ar kõmõn <sup>1</sup>nõn Miram ilo ial eo ke kom ar drioijtök jen Ijipt.

10 Ñe kwøj kamuri dri turum ilo jabrewõt muri, kwon jab dreloñ ilo mw eo imõn, bwe kwon bõktök ken kabin muri jen e. 11 Kwon jutök inabij, im armij eo kwøj kamuri, en bõk inabijtök ken kabin muri nõn yuk. 12 Im elañe e jeramel, kwon jab kiki kake ken kabin muri eo; 13 emol kwon lelok nõn e ken kabin muri eo, ñe e tulok al, bwe en kiki ilo nuknuk eo an, im kejerammõn yuk: im men in e naj men in wãnik ibõm, iman Jeova am Anij.

14 Kwon jab kamakokoik dri kori- jerõm, eo kwøj kajerbal e, eo e jeramel im aikwij, elañe e juõn ian ro jeõm im jätõm, ak ian ro drua maijet rej ber ilo eneõm, ro iloan kejem ko am: 15 ilo ran eo an, kwon lelok nõn e wõnan an jermal, im al en jab tulok ion, (bwe e jeramel, im buruen e kanuij kõnan); ñe e ab kir nõn Jeova nae yuk, inem e naj jerawiwi nõn yuk.

16 En jab mij ro jemeir kin ro nejir, ak en jab mij ro nejir kin ro jemeir: ren mõn jabrewõt armij kin jerawiwi eo an.

17 Kwon jab kankeke ekajet an drua maijet, ak an eo e atajinemjen, ak bõk nuknuk ko an kõra e joko belen, ken kabin muri; 18 a kwon kememej bwe kwar dri kamakoko ilo Ijipt, im Jeova am Anij e ar lomoren yuk jen ijo: kin men eo ij jiroñ yuk in kõmõn men in.

19 Ñe kwøj marmir am jonikõn ilo jikin kallip eo am, im kwar meloklok juõn tir ilo jikin kallip eo, kwon jab bar ilen bõktök: en berwõt nõn drua maijet, im nõn dri atajinemjen, im nõn kõra eo e joko belen; bwe en maroñ kejerammõn yuk ilo jermal otemjej an peõm. 20 Ñe kwøj komji am wijki oliv, kwon jab komji ra ko an alen ruo: en berwõt nõn drua maijet, nõn dri atajinemjen, im kõra eo e joko belen. 21 Ñe kwøj aini grep ko jen am bwil in grep, kwon jab koloruk e; en berwõt nõn drua maijet, nõn dri atajinemjen, im kõra eo e joko belen. 22 Im kwon kememej bwe kwar dri kamakoko ilo enen Ijipt: inem ij jiroñ yuk bwe kwon kõmõn men in.

**25** Elañe eor akwail ikõtan armij ro, im rej itok nõn ekajet, im dri ekajet rej ekajet ir; inem ren kowãnik ro re jime im liakelok ro dri nana. 2 Im elañe eo dri nana eor ruõn nõn dreñlok, dri ekajet eo en kababu e, im ren dreñlokwe iman mejen, ekar nõn nana eo an, im ren bwini. 3 En lelok <sup>1</sup>eñoul dribitbit, im jab elã jen e; ñe ab kalõñlok im kanuij elã jen joñõn kin elõn dribitbit, inem jeõm im jätõm en einwõt armij wan ibõm.

4 Kwon <sup>2</sup>jab taur loñin ox ñe ej juri korn.

5 Elañe jimjãn jimjãten rej jokwe iben dron, im e mij juõn en ejelok nejin man, lio belen eo e mij en jab belek juõn drua maijet: <sup>3</sup>jein im jätin leo belen en dreloñ nõn iben, im belek e, im kõmõn kwonan jein im jätin leo belen nõn e. 6 Inem, eo manji ej keutak, en binej jenkwõn ilo etan jein im jätin e mij, bwe etan en jab joko jen Israel. 7 Im elate armij eo e

<sup>1</sup> Bwin. 12. 10.<sup>2</sup> 3 Kor. 11. 24. <sup>3</sup> 1 Kor. 9. 9. <sup>3</sup> Luk 20. 28.

jab kōnan bōk lio belen jein im jätin, inem lio belen jein im jätin en wōnlīnlok nōn kejem, nōn ridto ro, im en ba, Jein im jätin leo beliō, ej abwin in kejerkak etan nōn jein im jätin, ilo Israel; e jab kōnan kōmōn kwonan jein im jätin leo beliō nōn ņa. 8 Inem ridto ro an jikin kwelok eo an, ren kir e, im konono iben: im elañe ej jutōk im ba, I jab kōnan bōke; 9 inem lio belen jein im jätin en itok nōn iben, iman mejen ridtō rōn, im jelate juj jen neen, im en iyeloke turin mejen; im en uak im ba, Ein drein ren kōmōn nōn armij eo e jab kōnan kalek mweo imōn jein im jätin. 10 Im ren likit etan ilo Israel, Imōn eo emwij jelate juj eo an.

11 Ñe man rōn rej akwaile dron, im lio belen juōn iair ejkebaklok bwe en lomoren leo belen jen pein leo ej mōn e, im ej erlokwe pein im jibwe jebatan; 12 inen kwon jebōk pein, mejōm en jab tiriamo kake.

13 En jab or men in paun kaju wāweir ilo bōjo eo am, juōn elap im juōn erik. 14 En jab ilo mweo imōm jābi joñōk kaju wāweir, juōn elap im juōn erik. 15 En ibōm juōn men in paun ejime im e wānik; en ibōm juōn jābi joñōk e jime im e wānik: bwe ran ko am ren aitoklok ilo eneo Jeova am Anij ej lewoj. 16 Bwe ro otemjej rej kōmōn men rōt kein, aet, ro otemjej rej kōmōn jab wānik, rej men in jōjōik, nōn Jeova am Anij.

17 Kwon kememej ta Amelek e ar komōn nōn yuk iturin ial, ke kom ar drioijtōk jen Ijpt; 18 ekijkan e ar wōnmae yuk ilo ial, im e ar mōn ro ilokōn, ro otemjej rar mōjino ilikōm ke kwar barōk im mōk; im e ar jab mijōk Anij. 19 Kin men in, ñe emwij an Jeova am Anij lewoj kakije jen ro dri kijirāt otemjej iturōm, ilo eneo Jeova am Anij ej lewoj men in jolit bwe en am, ien eo kwon jeorlok ememej Amelek jen iomin lōñ ko; kwon jab meloklok e.

**26** Im ñe emwij am dreloñ na ilo eneo Jeova am Anij ej lewoj am men in jolit, im kwoj bōke, im jokwe ie, 2 inem kwon bōk jen jomō-

kōj in aolepen leen brij, eo kwoj bōktok jen eneo Jeova am Anij ej lewoj; im kwon likite ilo juōn iep, im kwon ilok nōn jikin eo Jeova am Anij ej kālet e bwe En likit etan ie. 3 Im kwon ilok nōn iben pris eo ej ilo ran ko, im ba nōn e, Ña ij kwalok ranin nōn Jeova am Anij, bwe emwij aō itok nōn eneo Jeova e ar kanōjnij kake nōn ro jimar, bwe En letok nōn kij. 4 Im pris eo en bōk iep eo jen peōm, im en likit e iman lokatok an Jeova am Anij. 5 Im kwon uak im ba iman Jeova am Anij, Juōn dri Siria, dri jebwābwe, jema; im e ar wōnlōllok nōn Ijpt, im e ar dri itoitōk ijo, reit; im e ar edrek ijo nōn juōn ailiñ, elap, e kajur im relōñ. 6 Im ro dri Ijpt rar kaiñtan kim, im kejjoran kim, im likit iom kamakoko ebin: 7 im kim ar kir nōn Jeova Anij an ro jimam, im Jeova e ar eoroñ ainikem, im lo am iñtan, im am jermal elap, im air kamakokoik kim; 8 im Jeova e ar kadrioijtōk kim jen Ijpt kin pein e kajur im erlok, im kin men in lelñōñ ko relap wōt, im kin kakōle ko, im men in bwilōñ ko; 9 im E ar kadreloñtok kim ilo jikin in, im e ar letok enin, ene e bwijliplip kin milk im hōnni. 10 Im kiō, lo, emwij aō bōktok jomōkōj in leen brij, eo Kwe, O Jeova, kwar letok nōn iō. Im kwon likite iman Jeova am Anij, im kabuñ iman Jeova am Anij, 11 im kwon mōñō ilo aolepen emōn, eo Jeova am Anij e ar lewoj, im nōn ro nukum, kwe, im ro dri Livai, im drua maijet eo ej ber ilo bwiljōm.

12 Ñe kwoj kamwijlok am kōmōn mōtōn joñoul an aolepen mōtōn joñoul, in am lōñlok ilo yiō eo ken ka jilu, eo yiō in kōmōn mōtōn joñoul, ien eo kwon lelok nōn dri Livai, nōn drua maijet, nōn eo atajinemjen, im nōn lio e joko belen, bwe ren maroñ in mōña iloan kejem ko am, im māt. 13 Im kwon ba iman Jeova am Anij, Emwij aō kadrioijtōk men ko re kwojarjar jen mweo imō, im bareinwōt I ar lelok nōn drua maijet, nōn eo atajinemjen, im nōn lio e joko belen, ekar nōn aolepen Am kien, eo Kwar

jiroñ iõ: I ar jab kokkure jabrewõt ian kien ko Am, im I ar jab melokloki: 14 I ar jab mõña jeni ilo aõ buromõj, im I ar jab jolok jeni kin aõ jab erroe, im I ar jab lelok jabrewõt jeni kin ro dri mij: I ar eoroñ ainiken Jeova aõ Anij; I ar kõmõn einwõt men otemjej Kwar jiroñ iõ. 15 Kwon rellõltok jen kabijuknõm e kwojarjar, jen lõñ ko, im kejeramõn ro am dri ailiñ, dri Israel, im brij eo Kwar letok nõn kim, einwõt Kwar kanõjnij kake nõn ro jimam, eneo e bwijliplip kin milk im hõnni.

16 Ranin Jeova am Anij ej jiroñ yuk bwe kwon kõmõn kien kein, im ekajet kein: inem kwon lali im kõmõni kin aoepen buruõm, im kin aoepen am. 17 Emwij am kwalok bwe Jeova ej am Anij ranin, im bwe kwon etal ilo ial ko An, im bokake nan in kaiñi ko An, im kien ko An, im ekajet ko An, im eoroñ ainiken: 18 im Jeova e ar kwalok yuk ranin ro dri ailiñ rekar nõn E mõke, einwõt An kalimur nõn kwe, bwe kwon bokake kien ko an otemjej; 19 im bwe En koutiej yuk jen ro dri ailiñ otemjej E ar kõmõnmõni, ilo nebar, im ilo åt, im ilo aibujuij; im bwe kwon ro dri ailiñ e kwojarjar nõn Jeova am Anij, einwõt E ar ba.

**27** Im Moses, kab ridto ro an Israel, rar jiroñ armij ro, im ba, Komin bokake aoepen kien in emwij aõ jiroñ kom ranin. 2 Im ran eo ñe komij elã jen Jordan nõn eneo Jeova am Anij ej lewoj, kwon kajutõk nõn yuk dreka relap, im kalibubui kin iawewe: 3 im kwon jeje ioir nan ko otemjej an kien in, ñe emwij am elãlok; bwe kwon maroñ in dreloñ ilo eneo Jeova am Anij ej lewoj, juõn ene e bwijliplip kin milk im hõnni, einwõt Jeova Anij an ro jimam E ar kalimur nõn yuk. 4 Im ñe emwij am elã jen Jordan, komin kajutõk dreka kein, ko ij jiroñ kom kake ranin, ilo tol lbal, im kwon kalibubui kin iawewe. 5 Im kwon kalek ijo juõn lokatõk nõn Jeova am Anij, lokatok dreka: kwon jab kwotõke ken jeral mäl ioir. 6 Kwon kalek lokatok an Jeova

am Anij kin dreka re jab jekjek; im kwon lelok ion men in katok kijeek ko nõn Jeova am Anij: 7 im kwon katok kin jurtak in ainemõn ko, im mõña ijo; im kwon lõñliñ iman Jeova am Anij. 8 Im kwon jeje ilo dreka nan ko otemjej an kien, im alikar wõt.

9 Im Moses kab pris ro, dri Livai, rar konono nõn aoepen Israel, im ba, Komin ikõñ, im eoroñ, O Israel: ranin kwoj dri ailiñ an Jeova am Anij. 10 Kin men in, kwon bokake ainiken Jeova am Anij, im kõmõn kien ko An, im ekajet ko An, ko ij jiroñ yuk ranin.

11 Im Moses e ar kowe armij ro ilo ran eo, im ba, 12 Rein ren jutõk ilo tol Gerizim bwe ren kejerammõn armij rõn, ñe emwij ami elã jen Jordan: 'Simeon, im Livai, im Juda, im Issakar, im Josep, im Benjamin. 13 Im rein ren jutõk ilo tol lbal bwe ren kol: Ruben, Gad, im Asher, im Zebulun, Dan, im Naptalai. 14 Im ro dri Livai ren uak, im ba nõn ro dri Israel otemjej, im elap ainikeir,

15 En lia armij eo ej kõmõn men in e jekjek ak unlok, men in jõjõik nõn Jeova, iltan pein dri kõmõnmõn, im kajutõk e ilo etino. Im aoepen armij ren uak im ba, En ein drein.

16 En lia eo ej kejekron jemen ak jinen. Im aoepen armij ren ba, En ein drein.

17 En lia eo ej ikir melan wãto an dri turin. Im aoepen armij ren ba, En ein drein.

18 En lia eo ej kejebwãbweik dri bilo jen ial. Im aoepen armij ren ba, En ein drein.

19 En lia eo ej kankeke ekajet an drua maijet, eo e atajinemjen, ak lio e joko belen. Im aoepen armij ren ba, En ein drein.

20 En lia eo ej babu iben lio belen jemen, bwe e ar elõklok kelwan jemen. Im aoepen armij ren ba, En ein drein.

21 En lia jabrewõt eo ej babu iben jabrewõt wãwen kiru. Im aoepen armij ren ba, En ein drein.

<sup>1</sup> Josh. 8. 33-36.

22 En lia eo ej babu iben jein im jätin kōra, nejin jemen ak jinen. Im aolepen armij ren ba, En ein drein.

23 En lia eo ej babu iben jinen lio belen. Im aolepen armij ren ba, En ein drein.

24 En lia eo ej mōn dri turin ilo etino. Im aolepen armij ren ba, En ein drein.

25 En lia eo ej bōk wōnan mōn jabrewōt eo ejelok ruōn. Im aolepen armij ren ba, En ein drein.

26<sup>1</sup> En lia eo e jab kamol nan ko an kien in, bwe en kōmōni. Im aolepen armij ren ba, En ein drein.

**28** Im e naj ein drein, elañe kwoj kanuij eoroñ ainiken Jeova am Anij, bwe kwon bokaki nan ko otemjej ij jiroñ yuk ranin, inem Jeova am Anij e naj koutiej yuk jen ro dri ailñ otemjej ilo lōl : 2 im jerammōn kein otemjej re naj itok iom, im tōbar yuk, elañe kwo naj eoroñ ainiken Jeova am Anij. 3 Kwo naj jerammōn ilo jikin kwelok, im kwo naj jerammōn ilo jikin kallip eo. 4 E naj jerammōn leen enbwinōm, im leen mweo imōm, im leen kiru ko am, an kau ko am orlok, im kon ko an bwijin jip eo am. 5 E naj jerammōn iep eo am, im jābi in iōk eo am. 6 Kwo naj jerammōn ñe kwoj dreloñ, im kwo naj jerammōn ñe kwoj droijlok.

7 Jeova e naj kōmōn kin ro dri kijirāt rej jutōk nae yuk, bwe ren joko imam : re naj droijtok nae yuk ilo juōn ial, im re naj ko jen imam ilo jiljilimjuōn ial. 8 Jeova e naj kejerammōn yuk ilo imōn korn ko am, im ilo men otemjej kwoj kajeoñwe kin peōm; im E naj kejerammōn yuk ilo eneo Jeova am Anij ej lewoj. 9 Jeova e naj kabin yuk juōn ailñ e kwojarjar ñōn E mōke, einwōt E ar kanōjnij ñōn yuk; elañe kwoj bokake kien ko an Jeova am Anij, im etal ilo ial ko An. 10 Im ro dri ailñ otemjej in lōl re naj lo bwe naetōm kin etan Jeova; inem re naj mijōk yuk. 11 Im Jeova e naj korlok yuk ñōn emōn, ilo leen enbwinōm, im ilo leen kiru ko am, im ilo leen mweo imōm, ilo eneo

Jeova e ar kanōjnij ñōn ro jimam bwe En lewoj. 12 Jeova e naj kabellek ñōn kwe men eo kabinokōn ilōñ, bwe En kajir wōt wut ñōn eneōm ilo ien eo an, im bwe En kejerammōn aolepen jermal in peōm: im kwo naj lelok ñōn elōñ ro dri ailñ im kamuri ir, im kwo jamin muri kemem ibeir. 13 Im Jeova e naj likit yuk jōbbar, im jab jeblok; im kwo naj ilōñ wōt, im kwo jamin ilōl; elañe kwo naj eoroñ kien ko an Jeova am Anij, ko ij jiroñ yuk ranin, bwe kwon bokaki im kōmōni, 14 im kwo jab jeorlok jen jabrewōt ian nan ko ij jiroñ yuk ranin, ñōn anbijmaroñ, ak ñōn amñiñ, bwe kwon lor anij ro jet im korijer ñōn ir.

15 A elañe kwo jab kōnan eoroñ ainiken Jeova am Anij, bwe kwon bokake im kōmōn kien ko otemjej An, im ekajet ko An, ij jiroñ yuk ranin, inem jerata otemjej kein re naj itok iom im re naj tōbar yuk. 16 Kwo naj lia ilo jikin kwelok, im ilo jikin kallip. 17 E naj lia am iep, im am jābi in iōk. 18 E naj lia leen enbwinōm, im leen mweo imōm, orlok an kau ko am, im kon ko an bwij ko am. 19 Kwo naj lia ñe kwoj dreloñ, im kwo naj lia ñe kwoj droijlok.

20 Jeova e naj jilkinwoj iom, kejerata, jorran, im enoik, ilo men otemjej kwoj likit peōm ion bwe kwon kōmōn, mae ien emwij kokkure yuk, im ñōn ter eo kwoj joko mōkōj; kin nana an kōmōn ko am, kwar illok jen Iō kake. 21 Jeova e naj kōmōn bwe nañinmij elap en edrep ñōn kwe mae ien emwij An kokkure yuk jen eneo kwoj dreloñlok ie in bōke. 22 Jeova e naj mōn yuk kin nañinmij eo ej kōn menono, im nañinmij in bwil, im kōniek ebwil, im bwil elap, im kin jāji, im kin kamōnōknōk, im kin le; im re naj lujeljeli yuk mae ien am jebeplok. 23 Im lōñ ko ilōñin bōrōm re naj jinibōrōrō, im lōl iomōm e naj māl. 24 Jeova e naj kōmōn wut in eneo am bōñōlñōl: jen lōñ e naj wōnlōtkok iom, mae ien an kokkure yuk.

25 Jeova e naj kōmōn bwe ren mōr yuk iman ro dri kijirāte yuk; kwo naj droijlok nae ir ilo juōn ial, im

<sup>1</sup> Gal 3. 10.



naj ko ilo jiljilimjuōn ial jen imair: im kwo naj jekarto jekartōk ilo ailiñ otemjej in lōl. 26 Im ubōm e naj kijen bao ko otemjej in mejatoto, im ñōn kiru ko in lōl; e naj ejelok dri ubakelok ir. 27 Jeova e naj mōn yuk kin wōt in Ijpt, im kin linōp ko, im kin skōrvi, im kin drimum, nañinmij ko re ban kemour yuk jeni. 28 Jeova e naj mōn yuk kin uriekak, im kin bilo, im kin lokjenam; 29 im kwo naj jatol bōjik ñe e loliñ al, einwōt dri bilo ej tolum ilo marok, im kwo jamin jerammōn ilo ial ko am: im re naj kamakokoik im rakimi yuk ien otemjej, im e naj ejelok dri lomoren yuk. 30 Im kwo naj kalimur kake lio belōm, im bar juōn e naj babu iben: kwo naj kalek juōn im, a kwo jamin jokwe iloan: kwo naj kallip bwil in grep, a kwo jamin bōk leen. 31 Re naj mōn ox eo am iman mejōm, a kwo jamin mōña mōtōn: re naj bōk am ass kin kajur jen iman mejōm, im jamin bar lewoj: re naj lelok jip ko am ñōn ro dri kijirāte yuk, im e naj ejelok ibōm bwe en lomoren yuk. 32 Naj lelok ro nejōm man im kōra ñōn ro dri ailiñ jet; im mejōm re naj rei bōjik, im mōk toōn kin oñkake ir iomin aolepen ran: im e naj ejelok kajur ilo peōm. 33 Leen mweo imōm, im jermal ko am otemjej, dri ailiñ eo kwo jaje kake, e naj kōñi; im re naj kamakokoik im kabij yuk ien otemjej; 34 inem kwo naj uriekak kin men ko kwoj loi. 35 Jeova e naj mōn yuk ilo bukwiōm, kab ilo neōm, kin wōt e metōk, kwo ban mour jen e, jen lobiren neōm ñōn moñōm.

36 Jeova e naj āninlok yuk, im kiñ eo kwo naj koutiej e iom, ñōn juōn ailiñ kwar jaje kajen, kwe ak ro jiamam; im ijo kwo naj korijer ñōn anij ro jet, wijki im dreka. 37 Im kwo naj men in bwilōñ, im juōn jabōn kenan, im juōn nan in kajirere, iben ro dri ailiñ otemjej, ijo Jeova e naj āninlok yuk ñōn e. 38 Kwo naj bōklok elōñ ine ñōn jikin kallip, im naj aini jirik wōt; kin ke lokōs ej kōñe. 39 Kwo naj kallip bwil in grep ko, im naj lala, a kwo jamin irak jen wain

[Marshall Islands.] 7\*

eo, ak aini grep ko; bwe likakrōk eo e naj kōñi. 40 E naj or wijki oliv ibōm, ilo ene ko am otemjej, a kwo jamin kabit yuk kin oil eo; bwe am wijki oliv e naj ebuñbuñ leen. 41 Kwo naj keutak ro nejōm man im kōra, a re jamin am; bwe re naj ilok ñōn jebokwe. 42 Wijki otemjej am, im aolepen leen brij eo am, lokōs e naj bōki. 43 Drua majet eo ej i bwiljōm, e naj utiejlok wōt jen kwe; a kwe kwo naj drorōklōlok. 44 E naj muri kememi yuk, im kwo jamin kamuri e: e naj jōbbar im kwo naj jeblok. 45 Jerata kein otemjej re naj itok iom, im naj lukworkwor yuk, im naj jibwe yuk, mae ien kwoj jebeplok; bwe kwar jab eoroñ ainiken Jeova am Anij, bwe kwon bokake kien ko An, im ekajet ko E ar jiroñ yuk kake: 46 im re naj iom juōn kakōle, im juōn men in bwilōñ, im ion ineōm ñōn in drio.

47 Kin ke kwar jab korijer ñōn Jeova am Anij ilo lōñliñ, ilo mōnōñ in buruōm, kin men ko otemjej am relōñlok. 48 Kin men in, kwo naj korijer ñōn ro dri kijirāte yuk, ro Jeova e naj jilkinlok ir nae yuk, ilo kwuli, im maro, im ilo kelwan, im ilo aikwij ko otemjelok: im E naj likit ine māl ion kenwam, mae ien emwij An kejebeplok yuk. 49 Jeova e naj āninlok nae yuk juōn ailiñ jen ijo etolok, jen jabōn lōl, einwōt igōl ej kākai; juōn ailiñ kwo jamin jela ainikeir: 50 ro dri ailiñ ro re jememe, im re jamin kaljiklok ridto rōn, ak kwalok joiñ ñōn ro redrik, 51 im re naj mōña leen kiru ko am, im leen mweo imōm, mae ien emwij kokkure yuk; bareinwōt e jamin likit ñōn yuk korn, wain ak oil, orlok an kau ko am, ak kon ko an bwijin got im jip ko am, ñōn ter eo e naj kōmōn bwe kwon jebeplok. 52 Im re naj nitbwile yuk iloan kejem ko am otemjej, mae ien worwor ko am re utiej im re kajur, ko kwar liki, rej buñlōlok ilo aolepen eneo am; im e naj nitbwile yuk iloan kejem ko am otemjej, ilo aolepen eneo, eo Jeova am Anij e ar lewoj. 53 Im kwo naj kōñ leen en-

bwinôm, kõniekin ro nejôm man im kõra, ro Jeova am Anij e ar lewoj, ilo nitbwil eo im aikwij eo ro dri kijirâte yuk re naj kejjorran yuk kake.

**54** Man eo ibemi ej biruru im kanuij tokwankwan, mejen e naj nana ñôn jein im jâtin, im ñôn lio belen ubôn, im ñôn ro nejn re jañin joko; **55** inem e jamin lelok ñôn jabrewôt iair môtôn kõniekin ro nejn im ej mōña, bwe ejelok ej berwôt iben, ilo nitbwil eo im ilo jorran eo ro dri kijirâte yuk re naj kejjorran yuk kaki, iloan kejem ko am otemjej. **56** Kōra eo ibemi e biruru im owauij, eo e jab kōnan likit lobiren neen ion brij kin an biruru im owauij, mejen e naj nana ñôn leo belen ubôn, im ñôn nejn man im kõra, **57** im ñôn niñniñ eo inen lojen, im ñôn ro nejn e naj keutak; bwe e naj kõni ilo etino, kin an aikwij men ko otemjej, ilo nitbwil eo im ilo jorran eo dri kijirâte yuk e naj kejjorran yuk kake, iloan kejem ko am.

**58** Elañe kwo naj kōnan bokake im kõmōni nan ko otemjej an kien in emwij jeje iloan buk in, bwe kwon mijōk ât in e aibujuij im kokomak, **JEOVA AM ANIJ**; **59** inem Jeova e naj kõmōn bwe nañinmij ko am ren men in bwilōñ, im nañinmij ko an ineôm, aet, nañinmij ko relap, im eto air ber, im nañinmij ko re metōk, im ko re libōpne. **60** Im E naj bōktok iom nañinmij ko otemjej an Ijipt, ko kwar mijōki; im re naj edrep ñôn kwe. **61** Bareinwôt nañinmij otemjej re jañin jeje ilo buk an kien in, irko Jeova e naj bōktok iom, ma ien emwij kejebeplok yuk. **62** Im naj likit kom reit, ijoke, orami e kar einwôt iju ko ilōñ; bwe kwar jab eoroñ ainiken Jeova, am Anij. **63** Im einwôt Jeova e ar lōñliñ iom bwe En kõmōn emōn ñôn yuk, im korlok yuk, ein drein Jeova e naj lōñliñ iom bwe En kokkure yuk, im mōn yuk, im naj kejoek yuk jen eneo kwoj dreloñlok ie in bōke. **64** Im Jeova e naj kijibliklok yuk iben ro dri ailñ otemjej, jen juōn jabōn lōl ñôn jabōn eo juōn; im kwo naj korijer ñôn anij ro jet ijo, ro kwar jaje kajeir, im ro jimam,

aet, wijki im dreka. **65** Im iben ro dri ailñ ko kwo jamin lo ain emōn, im e naj ejelok kakije ñôn lobiren neem: a Jeova e naj lewoj buruôm e wurir, im mejôm retōp, im am e bōjlok; **66** im kwo naj berre kin am mour; im kwo naj leñiñ ran im boñ, im kwo jamin jela elañe kwon mour ke jab ke. **67** Im ñe ejiboñ kwo naj ba, Emōn wôt elañe ejota ! im ñe ejota kwo naj ba, Emōn wôt elañe ejiboñ! kin mijōk in buruôm kwo naj leñiñ kake, im kin men eo mejôm re naj kake, im kin men eo mejôm re naj kadreloñ loe. **68** Im Jeova e naj bar kadreloñ yuk na ilo Ijipt, kin wa ko, ilo ial eo I kar ba ñôn yuk, Kwo jamin bar loe: im ijo kom naj mōke wiakake kom ñôn ro dri kijirâte kom, ro dri kama-koko man im kõra, im ejelok armij e naj wiak kom.

**29** Irkein nan ko an bujen eo Jeova e ar jiroñ Moses bwe en kõmōne iben ro nejn Israel, ilo enen Moab, bareinwôt bujen eo e ar kõmōn ibeir i Horeb.

**2** Im Moses e ar kir ñôn dri Israel otemjej, im ba ñôn ir, Kom ar lo aotepen men ko Jeova e ar kõmōn iman mejemi, ilo enen Ijipt, ñôn Pero, im ro dri korijeran otemjej, im ñôn so-lepen enen; **3** melejoñ ko relap me-jōm rar loi, kakōle ko, im men in bwilōñ ko relap: **4** a Jeova e ar jab lewoj buruôm in jela, im mejôm in loi, im lojliñiñ in roñjake, ñôn ralin. **5** Im I ar añinlok kom iomin eñoul yiō ilo ene jemaren: nuknuk ko am rar jab iramij iom, im am juj re jañin morlok i neôm. **6** Kom ar jab jab irak wain mōña bred, ak kom ar jab irak wain ak dren ekarek; bwe komin jela bwe Ña Jeova ami Anij. **7** Im ke kom ar itok ñôn enin, Saion kiñ in Heshan, rar driojbon, im Og kiñ in Beshan, rar driojbon, im jar mōn ir: **8** tok in tōrinaek kij, im jar mōn ir: im jar bōk eno air, im lelok men in jolit ñôn ro dri Ruben, im ñôn ro dri jibilkwon bwijin Menas-Gad, im ñôn jibilkwon bwijin Menas-Gad, im ñôn jibilkwon bwijin Menas-Gad. **9** Kin men in, komin bokake nan ko an bujen in, im kõmōni, bwe komin jerammōn ilo men ko otemjej komij kõmōni.

<sup>1</sup> Josh. 1. 7.

10 Kom otemjej, komij jutök ranin, iman mejen Jeova ami Anij; iroi ro ami, bwij ko ami, ridto ro ami, im dri kabwjrök ro ami, aet, man ro otemjej in Israel, 11 ajiri ro nejemi, köra ro belemi, im ami drua maijet ej ilo bwiljin kamp eo am, jen dri jekjek kani ñön eo dri itök dren; 12 bwe kwon dreloñ ilo bujen Jeova am Anij, im ilo An kanöjnij, eo Jeova am Anij, ej kömön iböm ranin; 13 bwe En kabin yuk ranin juön ailiñ ñön E möke, im bwe En Anij ñön yuk, einwöt E ar ba ñön yuk, im einwöt E ar kanöjnij ñön ro jimam, ñön Ebreame, im ñön Aisak, im ñön Jakob.

14 Jab iböm wöt, ij kömön bujen in im kanöjnij in, 15 a iben eo ej jutök ijin iber ranin iman Jeova ar Anij, im bareinwöt iben eo e jab ijin ranin, 16 (bwe kom jela ekijkan jar jokwe ilo enen Ijpt, im ekijkan jar itok ilo bwiljin ro dri ailiñ ko, kom ar driblok ie; 17 im kom ar lo air men in jöjök ko, im ekjöp ko air, wijki im dreka, silver im gold, ko rar ber ibeir); 18 ñe ab ibemi man ak köra, ak nukin, ak bwij, im buruen ej öktök ranin jen Jeova ar Anij, im ilen korijer ñön anij ro an dri ailiñ ko; ñe ab en ibemi okran kabwjlöñ im wormwud; 19 inem ñe ej roñjake nan ko an menukol in, en möke kejerammön e ilo buruen, im ba, E naj ainemön iba, meñe ij etal ilo an bin buruö, in kokkure men in molawi iben men eo emöra. 20 Jeova e jamin jolok ruön, a ien eo illu an Jeova im An kamo e naj batat nae armij eo, im aolepen jerata eo emwij jeje ilo buk in buk in kien, e naj ber ion, im Jeova e naj bikajoik etan jen iomin löñ. 21 Im Jeova e naj kejenolok e ñön nana, ian aolepen bwij ko an Israel, ekar ñön aolepen menukol in bujen eo emwij jeje ilo buk in kien in.

22 Im ebeben eo ej itok, ro nejemi, ro rej walok tokelik, im drua maijet eo e naj itok jen ene etolok, re naj ba, ñe rej lo nañinmij ko an eneo, im nañinmij ko Jeova e ar kanañinmij e kake; 23 im bwe aolepen eneo ej

brimston, im jätök, im urur, bwe re jab jeor ijo im ejelok leen, im ejelok ujoij ej edrek ie, einwöt jebeplok eo an Sodom im Gomorra, Adma im Ziboim, ko Jeova e ar kokkure ilo An illu ebwil: 24 aet, ro dri ailiñ otemjej re naj ba, Etke ein drein an Jeova kömön ñön enin? ewi meleen bwil an illu in elap? 25 Inem armij re naj ba, Kin air illok jen bujen Jeova, Anij an ro jimair, eo E ar kömön ibeir ke E ar kadrioiptok ir jen enen Ijpt, 26 im rar ilen korijer ñön anij ro jet, im kabuñ ñön ir, anij ro rar jaje kajeir, im ro E ar jab lelok ñön ir: 27 kin men in, ebwil illu an Jeova nae enin, in böktok ion aolepen jerata eo emwij jeje ilo buk in; 28 im Jeova e ar kejoik ir jen eneo air, ilo illu elap, im ilo illu ebwil, im E ar jolok ir na ilo bar juön ene, einwöt ranin. 29 Men ko retino rej an Jeova ar Anij; a men ko emwij kwaloki rej ar im an ro nejer ñön in dri, bwe jen bokake nan ko otemjej an kien in.

30 Im ñe emwij an men kein otemjej itok iom, kejerammön im kejerata, ko I ar kwaloki ñön kwe, im kwøj kememeji iben dri ailiñ ko jet, ijo Jeova am Anij e ar ubakekok yuk ñön e, 2 im kwøj jeblak ñön Jeova am Anij, im naj bokake aini-ken ekar ñön men otemjej I ar jiroñ yuk ranin, kwe im ro nejöm, kin aolepen buruöm, im kin aolepen am; 3 inem Jeova am Anij e naj ukot am jebokwe, im naj tiriame kake yuk, im E naj jeblak im añintok yuk jen ro dri ailiñ otemjej, ko Jeova am Anij e ar kijiblikok yuk ñöni. 4 Im elañe jabrewöt ian ro ar jolok ir iami rej ber ilo ene ko retoloktata an löñ, jen ijo Jeova am Anij e naj añintok yuk, im jen ijo E naj böktok yuk: 5 im Jeova am Anij e naj kadrelöntok yuk ilo eneo e kar an ro jimam, im e naj am; im E naj kömön emön ñön yuk, im korlok yuk jen ro jimam. 6 Im Jeova am Anij e naj mijmij buruöm, im buruen ineöm, bwe kwon yokwe Jeova am Anij kin aolepen buruöm, im kin aolepen am, bwe

kwon mour. 7 Im Jeova am Anij e naj likit menulik otemjej ion ro dri kijiräte yuk, im ion ro rej drike yuk, ro rar matörtör yuk. 8 Im kwo naj jeblak im bokake ainiken Jeova, im kômôn kien ko An otemjej ij jiroñ yuk ranin. 9 Im Jeova am Anij e naj katimon yuk ilo jeral an peôm, ilo leen enbwinôm, im ilo leen kiru ko am, im ilo leen mweo imôm, ñôn emôn: bwe Jeova e naj bar lônliñ kin yuk ñôn emôn, einwôt E kar lônliñ kin ro jimam; 10 elañe kwoj bokake ainiken Jeova am Anij, bwe kwon lale kien ko An, im men in jiroñ ko An, emwij jeje ilo buk in kien in; elañe kwoj oktök ñôn Jeova am Anij, kin aolepen buruôm, im kin aolepen am.

11 Bwe kien in ij jiroñ yuk kake ranin, e jab bin jen kwe, im e jab etolok. 12 E jab ilo lôn, bwe kwon ba, <sup>1</sup>Wôn e naj wônliñlok kin kim ñôn lôn, im bôktok ñôn ibem, im karoñjake kim, bwe kimin kômône? 13 Im e jab i lometo jabueo, bwe kwon ba, Wôn e naj uwelok ion lometo kin kim, im bôktok ñôn ibem, im karoñjake kim, bwe kimin kômône? 14 A nan eo e kanuij ebak ñôn kwe, i loñôm, im ilo buruôm, bwe kwon maroñ in kômône.

15 Kwon lale, I ar likit imam ranin mour im emôn, kab mij im nana; 16 kin aô jiroñ yuk ranin bwe <sup>2</sup>kwon yokwe Jeova am Anij, in etal ilo ial ko An, im bwe kwon bokake kien ko An, im nan in kaiñi ko An, im ekajet ko An, bwe kwon mour im orlok, im bwe Jeova am Anij e naj maroñ in kejerammôn yuk ilo eneo kwoj dreloñlok in bôke. 17 A elañe buruôm ej jeôrlok, im kwo jab kônán eoroñ, a rej karel yuk im kwoj kabuñ ñôn anij ro jet, im korijer ñôn ir; 18 ij kowe yuk ranin, kom naj joko wôt; kom jamin kaitoklok ran ko ami ilo eneo, kwoj elä jen Jordan bwe kwon dreloñlok in bôke. 19 Ij kir ñôn lôn im ñôn löl bwe ren kennan nae yuk ranin, bwe emwij aô kwalok ñôn yuk mour im mij, kejerammôn im kejera-

ta: inem kwon kälet mour bwe kwon mour wôt, kwe im ro ineôm; 20 bwe kwon yokwe Jeova am Anij, ñôn bokake aniken, im edrep ñôn E: bwe E am mour, im aitokôn ran ko am; bwe kwon jokwe ilo eneo Jeova e ar kanöj-nij ñôn ro jimam, ñôn Ebrean, ñôn Aisak, im ñôn Jakob, bwe En lelok ñôn ir.

**31** Im Moses e ar ilen konono nan kein ñôn aolepen Israel. 2 Im e ar ba ñôn ir, Na ridta jibuki roñoul yiô ranin; I ban bar drioiij dreloñ: im Jeova e ar ba ñôn iô, Kwo jamin elä jen Jordan in. 3 Jeova am Anij, e naj elälok imam, E naj kokkure ro dri ailiñ kein imam, im kwo naj kobajlok ir: im Joshua e naj elälok imam einwôt Jeova e ar ba. 4 Im Jeova e naj kômôn ir einwôt E ar kômôn ñôn Saihon im Og, kiñ ro an ro dri Amor, im ñôn eneo airro: ro E ar kokkure ir. 5 Im Jeova e naj ketok ir imam, im komin kômôn ñôn ir ekar ñôn aolepen kien eo I ar jiroñ yuk. 6 Kwon bin im beran wôt, kwon jab mijök, im jab lelñoñ kin ir: bwe Jeova am Anij, Eo ej karwôn yuk; E <sup>1</sup>jamin likjöp jen yuk, ak illok jen kwe. 7 Im Moses e ar kir ñôn Joshua im ba ñôn e iman aolepen Israel, Kwon bin im beran wôt: bwe kwo naj dreloñlok iben jar in ilo eneo Jeova e ar kanöj-nij ñôn ro jimair bwe En lelok ñôn ir; im kwon kômôn bwe ren bök air jolit. 8 Im Jeova ej ilok imamlök; E naj ber ibôm, E jamin likjöp jen yuk, ak illok jen kwe: kwon jab mijök, im jab lelñoñ.

9 Im Moses e ar jeje kien in, im lelok ñôn pris ro nejin Livai, ro rar inek dipdip in bujen, im ñôn ridto ro otemjej an Israel. 10 Im Moses e ar jiroñ ir, im ba, Ien otemjej fie e jemlok jiljilimuön yiô, ilo ien eo ienkötlok, ilo kwojkwoj an imôn kabero ko, 11 ñe emwij an aolepen Israel iten kwalok ir iman Jeova am Anij, ilo jikin eo E naj kälet e, kwon konono kake kien in iman aolepen Israel ilo air roñjake. 12 Kwon kokweloktok armij ro, man im kôra, im ajiri, im

<sup>1</sup> Rom 10. 6-8. <sup>2</sup> Jap. 6. 5.<sup>1</sup> Hib. 13. 5.

am drua maijet eo ej ilo kejem ko am, bwe en roñjake, im bwe ren katak, im mijök Jeova am Anij, im lali in kõmõn nan ko otemjej an kien in; 13 im bwe ro nejir, ro rar jaje kake, ren roñjake im jela mijök Jeova am Anij, iomin ien am naj mour ilo eneo kwøj elã jen Jordan in böke.

14 Im Jeova e ar ba ñõn Moses, Lo, ran ko am rebaktok ñe kwo naj mij: kwon kirtok Joshua, im kwalok komro iloan imõn kwelok eo, bwe In jiroñ na kijkan. Im Moses im Joshua rar ilen kwalok irro ilo imõn kwelok eo. 15 Im Jeova e ar weaktok iloan mweo ilo jurõn kõro; im jurõn kõro eo e ar jutök ilõñin kejem in mweo. 16 Im Jeova e ar ba ñõn Moses, Lo, kwo naj kiki iben ro jimam; inem armij rein re naj jutök, im ilen lãñ kake anij ro drua an enin, ijo rej ilok in ber ibeir, im <sup>1</sup>re naj illok jen Ña, im rupe bujen eo Aõ, I ar kõmõn ibeir. 17 Inem e naj bwil Aõ illu nae ir ilo ran eo, im I naj illok jen ibeir, im I naj binej meja jen ir, im naj kõñ ir, im elõñ men ko renana im jorran ko re naj itok ioir; ein drein re naj ba ilo ran eo, Men kein renana re jab itok ior kin ke ar Anij e joko iber ke? 18 Im emol I naj noj meja ilo ran eo, kin aolepen nana rar kõmõne, ilo air oktök ñõn anij ro jet. 19 Kin men in, kwon jeje al in ñõn kom, im katakin ro nejir Israel kake: kwon likit e i loñir, bwe al in en dri kennan kin Ña nae ro nejir Israel. 20 Bwe ñe emwij Aõ naj kadreloñlok ir na iloan eneo I ar kanõjnij kake ñõn ro jimair, ijo e bwijliplip kin milk im hõnni, im re naj mõña im mät, im mätöklok wõt; inem re naj oktök ñõn anij ro jet im korijer ñõn ir, im kejekron iõ, im rupe bujen eo Aõ. 21 Im ñe elõñ men ko re nana im jorran rej itok ioir, ien eo al in e naj walok imair einwõt dri kennan; bwe jamin meloklok e jen loñin ineir: bwe I jela lemnoke eo ar rej lemnoke, kiõ wõt, mokta jen Aõ kadreloñlok ir na ilo eneo I ar kanõjnij kake. 22 Ein drein Moses e ar jeje al in ilo ran eo,

<sup>1</sup> Eka. 10. 4.

im e ar katakin ro nejir Israel kake. 23 Im e ar jiroñ na kijkan Joshua nejir Nõn, im ba, Kwon bin im beran wõt; bwe kwo naj kadreloñlok ro nejir Israel na ilo eneo I ar kanõjnij kake ñõn ir: im I naj ber ibõm.

24 Im ke Moses e ar kamwijlok an jeje nan ko an kien in ilo juõn buk, ñõn jemlokõn, 25 inem Moses e ar jiroñ ro dri Livai, ro rej inek dipdip in bujen, im ba, 26 Komin bök buk in buk in kien, im likit e iturin dipdip in bujen Jeova ami Anij, bwe en ber ijo, dri kennan nae yuk. 27 Bwe I jela am kabata, im kijñeñi kenwam: lo, ilo aõ mour ibemi ranin, kom ar dri kabata nae Jeova; im e nañin laplok elikin aõ joko! 28 Komin kweloktok ñõn iba ridto rõn in bwij ko ami, im ro ami dri kabwijrök, bwe in konono nan kein i lojiliñir, im kir ñõn lõñ im lõl bwe ren dri kennan nae ir. 29 Bwe I jela bwe elikin aõ mij kom naj mõke kananaik kom, im jeörlok jen ial eo I ar jiroñ kom kake; im nana e naj iwij iomi ilo ran ko tokelik; bwe kom naj kõnan kõmõn nana iman mejen Jeova im kitõtökake E ñõn illu, kin jeral ko an peõmi.

30 Im Moses e ar konono i lojiliñin aolepen jar an Israel nan ko an al in, mae ien re jemlok.

**32** Komin eoroñ, O lõn ko, im I naj konono; im lõl en roñjake nan ko jen loñiõ.

2 Aõ nan in katak e naj wutlok einwõt wut eo; aõ konono e naj bulidrik einwõt molawi, einwõt wutrikrik ion ujoj e ub wõt, im einwõt wut ko ion mår.

3 Bwe I naj kwalok etan Jeova: komin nawujen aruij Anij.

4 Ejman Eo, An jeral e wäppen; bwe ial ko An otemjej re wänik: juõn Anij in tiljek im ejelok nana iben, E wänik im jime wõt.

5 Rar kõmõn men ko re nana ñõn E, re jab nejir, men in air bwir; <sup>1</sup>ir juõn ebenen e aneke im bõt.

6 Ein drein ami nawõnan Jeova ke, O armij anep ep im dri bwebwe? E jab jemõm Eo e ar keutak yuk

<sup>1</sup> Mata 17. 17.

ke? E ar kōmōnmōn yuk, im kabin yuk.

7 Kwon kememej ran ko remotlok, kwon lemnok kin yiō ko an elōñ ebeben: <sup>1</sup>kwon kajitōk iben jemōm, inem e naj kwalok nōn yuk; ridto ro am, im re naj kennanek yuk.

8 Ke Eo e utiejtata E ar lelok nōn ro dri ailiñ ko, air men in jolit, ke E ar kijbil ro nejin armij jen dron, E ar likit tōreran ko an ro dri ailiñ ko ekar nōn oran ro nejin Israel.

9 Bwe ajenkij an Jeova ro dri ailiñ An; Jakob jolit eo An.

10 E ar loe ilo ene jemaren, im ilo ene ejelok kobōn im ainiken elap; E ar kabole, E ar lale, im kejbārok e einwōt iju in mejen.

11 Einwōt igōl ej biuktōk el eo an, ej bikbik ilōñin kon ko nejin, E ar erlokwe pein, E ar bōk ir, E ar baur ir ion pā ko pein.

12 Jeova wōt e ar tel e, im ejelok anij drua iben.

13 E ar kōmōn bwe en uwe ion jikin ko re utiej in lōl, im e ar mōña men in orlok an jikin kallip ko; im E ar kōmōn bwe en jorme hōnni jen dreka, kab oil jen dreka rōl;

14 Bōtter jen kau ko, im milk an jip, iben kioeo in lam ko, im jip koman einwōt ko jen Beshan, im got ko, im wit emōntata; im jen dran grep kwar irak wain.

15 A Jeshuron e ar mātōklok im bwijbwij: kwar mātōk, kwoj wulitlit, kwar matōltil; inem e ar illok jen Anij eo e ar kōmōnmōne, im e ar kejekron Ejman in lomoren.

16 Rar kōmōn bwe En kamo kin anij ro drua; kin men in jōjōik ko rar kaillu E.

17 Rar katok nōn dimon ro, rar jab Anij, nōn anij ro rar jaje kajeir, nōn anij ro rekāl rej kab walok, ro ro jemami rar jab mijōk ir.

18 Kwar jab kememej Ejman eo e ar keutak yuk, im kwar meloklok Anij eo e ar kemour yuk.

19 Im Jeova e ar lo men in, im E ar jōjōik ir, kin an ro nejin man im kōra kitōtōkake E.

<sup>1</sup> Ex. 12 26.

20 Im E ar ba, I naj binej meja jen ir, I naj lo ta eo e naj jemlokir: bwe rej ebeben eo e kanuij bōt, ro nejin ro iloir ejelok tiljek.

21 Rar iunlok Iō nōn kamo kin men eo e jab Anij; rar kaillu iō kin men ko air re wan: im I naj kwoje jan mejeir kin ro re jab dri ailiñ; I naj kaillu ir kin ro dri ailiñ bwebwe.

22 Bwe emwij kejo juōn kijeeke ilo Aō illu, im ej urur nōn Hedis eo mulōltata, im ej kōñ lōl kab leen, im ej kourur loñtak ko loñtōn tōl ko.

23 I naj eji iñtan ko ioir; I naj jeme mōri ko nōn ir:

24 Re naj mōlok kin kwuli, im joko kin bwil elap im kokkure emeo; I naj jilkinlok ioir nī ko nīn kiru awia, kab uno kōn mij an men in tōbōlbōl ko an bōñōlñōl.

25 Inabij, jāji e naj kaliajlol ir, im ilo rum ko, lelñōñ; E naj kokkure likao im jiroñ, niñniñ eo im armij e uōn.

26 Emwij Aō ba, I naj kijibliklok ir etolok, I naj kar jolok ememej ir jen iben armij rōn;

27 Elañe I jab mijōk kitōtōkake an ro dri kijirāt, ñe ab ro dri kijirāte ir e bwir air lemnok kake, ñe rab ba, E utiej peer, im Jeova e ar jab kōmōn aolepen men in.

28 Bwe rej dri ailiñ re bwebwe, im ejelok meletlet ilo ir.

29 O, emōn elañe re meletlet, elañe re jela men in, elañe re kōnan kalomōnlokjen kin jemlokir!

30 Emol juōn e naj kar lujeljeli juōn tausan, im ruo re naj kar kokōk joñoul tausan, elañe air Ejman e ar jab wiakake ir, im Jeova e ar jab ketōk ir ke?

31 Bwe air ejman e jab einwōt Ejman eo ar, ñe ro dri kijirāte kij rej dri ekajet kake.

32 Bwe vain eo air, jen vain in Sodom, im jen jikin kallip ko an Gomorra: grep ko air grep in at, urur ko air re meo:

33 Wain eo air uno kōn mij anserpent ko.

34 Jab likit men in iba bwe in kejbārok e, im sil e iben men ko Aō re aurōk ke?

35 <sup>1</sup>Irenwōne Aō, im wōnan, ilo ien eo ñe neir e naj jeōrlök: bwe ran in air jorran ebaktök, im men ko re naj itök ioir re naj mököjtök.

36 Bwe Jeova e naj ekajet ro dri ailiñ An, im ukwelök iben kin ro dri korijeran; ñe E naj lo bwe air kajur e joko, im ejelok ej berwōt, emwij kil ir ak likit ir inabij.

37 Im E naj ba, Ewi anij ro air? ejman eo re kar kone;

38 Eo e ar mōña kioeo an men in katok ko air, im irak wain, men in jurtak irak eo air? Ren jutök im jibōñ kom, ren men in kouk kom.

39 Komin lo bwe Ña, Na wōt, Eo, im ejelok anij iba: Ij mōn, im Ij kemour; Ij kakiniñij im Ij kaejmour; im ejelok en ej maroñ in kötlok jen peiō.

40 Bwe Ij erlokwe peiō ñōn lōñ, im ba, Einwōt Aō ber ñōn in drio,

41 Elañe Ij jime jāji eo Aō e jatōtil, im peiō ej kapjere men in ekajet; I naj lelok irenwōne ñōn dri kijirāte lō, im nawōnan ro rej drike Iō.

42 I naj kakarek mōri kō Aō kin bōtōktök, im Aō jāji e naj kōñ kōniek; iben bōtōktōkin ro mijijak im ro matōn iri, jen bōran ro dri tel an ro dri kijirāt.

43 Komin lōñliñ, O komeo dri ailiñ ko, iben ro dron: bwe E naj kwi kin bōtōktōkin ro dri korijeran, im E naj lelok irenwōne ñōn ro dri jumae, im E naj kōmōn kilajrök ñōn enen, ñōn ro dri ailiñ An.

44 Im Moses e ar itok im konono nan otemjej an al in i lojiliñin armij rōn, e, im Hoshia nejin Nōn. 45 Im Moses e ar kajemlok an konono nan kein ñōn aolepen Israel; 46 im e ar ba ñōn ir, Komin kalomōnlokjen ilo buruōmi kin nan kein otemjej ijkenan kake ñōn kom ranin, im komin jiroñ ro nejemi bwe ren bokaki nan ko otemjej an kien in. 47 Bwe e jab jitokjen men in ibemi; bwe ej ami mour, im kin men in kom naj kaitoklok ran ko ami ion enin, ijo komij elā jen Jordan bwe komin bōke.

48 Im Jeova e ar konono ñōn Moses ilo ran eo, im ba, 49 Kwon wōnliñlok ilo tol in Abarim, ñōn tol Nibo, eo ej ilo enen Moab, ikijen Jeriko; im kwon aluij enen Kenean, eo Ij lelok ñōn ro nejin Israel bwe en air; 50 im kwon mij ilo tol eo kwoj wōnliñlok ie, im koba iben ro jimam, einwōt Aron e ar mij ilo tol Hor, im e ar koba iben ro jiman: 51 <sup>1</sup>kin amiro bwir nae Iō, ilo bwiljin ro nejin Israel, i dren ko in Meriba in Kedesh, ilo ene jemaren in Zin; bwe komro ar jab kokwojarjar Iō ilo bwiljen ro nejin Israel. 52 Bwe kwo naj aluij eneo imam; a kwo jamin ilok ñōn loan eneo Ij lelok ñōn ro nejin Israel.

**33** Im eñin nan in kejerammōn, eo Moses armij dron Anij, e ar jare ro nejin Israel kake mokta jen an mij. 2 Im e ar ba,

Jeova e ar itok jen Sainai, E ar jutök jen Sier ñōn ir; E ar romaktök jen tol Peran, im E ar itok jen iben joñoul tausan ro kwojarjar: i anbijmaroñōn juōn kien urur ñōn ir.

3 Aet, Ej yokwe jar eo; ro kwojarjar otemjej An rej ber ilo peōm: im rar jijōt iturin neōm; jabrewōt iair re naj bōk jen nan ko Am.

4 Moses e ar jiroñ kij juōn kien, juōn jolit an jar eo an Jakob.

5 Im e ar kiñ i Jeshuron, ke jiōb ro an armij rōn rar kweloktok, bwij otemjej bwijin Israel iben dron.

6 Ruben en mour wōt, im jab mij; ak armij ro an ren jab eit.

7 Im eñin nan in kejerammōn Juda: im e ar ba, Kwon roñjake, Jeova, ainiken Juda, im añintok e ñōn iben ro dron. Kin pā ko pein e ar oktak ñōn e mōke; im Kwo naj men in jibōñ e nae ro dri kijirāte.

8 Im kin Livai e ar ba, Am Tumim im am Urim rej iben ami dri kwojarjar, Eo kwar melejoñe i Massa, Eo kwar akwai iben i dren ko an Meriba;

9 Eo e ar ba kin jemen, im kin jinen, I ar jab loe; e ar jab jela ro jein im jätin, im e ar jaje ro nejin: bwe rar bokake Am in nan, im rej lala bujen eo Am.

<sup>1</sup> Kom 12. 19; Eib. 19. 30.

<sup>1</sup> Bwin. 20. 12.

10 Re naj katakin Jakob ekajet ko Am, im Israel kien eo Am: re naj likit kaijurjur imam, im men in katok kijeek reyū ion lokatok eo Am.

11 Kwon kejerammōn, O Jeova, men ko an, im Kwon mōnōnō kake jermal ko an pein: Kwon wākari ibin ro rej jutōk nae e, im an ro dri kiji-rāte, bwe ren jab bar jerkak.

12 Kin Benjamin e ar ba, Eo e jitenburu iben Jeova, e naj ber iturin im jab uota; Ej kalibubu e iomin aolepen ran, im ej jokwe ikōtan aieran.

13 Im kin Josep e ar ba, Enen en jerammōn jen Jeova, kin men in aurōk ko jen lōñ, kin molawi, im kin mulōl eo ej kumwil iomin,

14 Im kin men in aurōk ko an leen ko an leen al, im kin men in aurōk ko an edrek in ailiñ ko,

15 Im kin men ko re lejokmen an tol ko renepe, im kin men in aurōk ko an tol ko rej ñon in drio,

16 Im kin men ko re aurōk an lōl im men ko e obrōk kaki, im yokwe an Eo e <sup>1</sup> ar jokwe ilo wijki. Jerammōn en itok ion bōran Josep, im ion moñon eo e ar jibil jen ro jein im jatin.

17 Manjien bwijin kau, e utiej wōt; im drun ko an, drun kau koman e awia; e naj iunlok ro dri ailiñ ko kaki, ñon jemlokōn lōl: im rej joñoul tausan ko an Ipreim, im rej tausan ko an Menassa.

18 Im kin Zebulun, e ar ba, Kwon lōñliñ, Zebulun, ilo am drioielok; im, Issakar, ilo im nuknuk ko am.

19 Re naj kirtok ro dri ailiñ ko ñon tol eo; re naj katok kin men in katok ro kwojarjar: bwe re naj jorme men eo lometo ej obrōk kake, im men in aurōk eo e nojōk ilo bok.

20 Im kin Gad e ar ba, En jerammōn eo ej kalaplok Gad: en jokwe einwōt laiñon kokōra, im ej kekel pein, aet, moñon.

21 Im e ar kālet mōtōn eo mokta ñon e mōke, bwe ijo emwij kejbarōk mōtōn an dri ekajet eo; im e ar itok iben ro jibō an armij rōn; e ar kōmōn men ko re jime an Jeova, im ekajet ko An iben Israel.

<sup>1</sup> Ex. 3: 2-6; Jerb. 7, 30.

22 Im kin Dan e ar ba, Dan ejkon in laiñon, eo ej kālok jen Beshan.

23 Im kin Naptalai e ar ba, O Naptalai, e māt kin joi, im e obrōk kin jerammōn an Jeova, kwon bōk kabilūñ im rōk.

24 Im kin Asher e ar ba, Asher en jerammōn kin ro nejin; en wut buru-en ro jein im jatin kin e, im en katutu neen ilo oil.

25 Alal ko am ren māl im jinibōrōrō; im einwōt ran ko am, e naj ein drein am kajur.

26 Ejelok einwōt Anij, O Jeshuron, Eo ej uwe ion lōñ ko bwe En jibōñ yuk, im ilo An emōn ion mejatoto.

27 Anij, ej ber ñon in drio, Ej am jikin jokwe, im iomin, pā ko rej ñon in drio. Im E ar iunlok dri kijirāt eo jen imam, im E ar ba, Kwon kokkure.

28 Im Israel ej jokwe ilo jab uota, unin dren an Jakob mōke ian, ilo enen korn im wain ekāl, aet, lōñ ko An rej kowutlok molawi.

29 Kwe, O Israel, kwo jerammōn; wōn eo einwōt kwe, ailiñ eo Jeova e ar lomoren, likepijñōk in men in jibōñ yuk, im E jāi an am emōn! Im ro dri kijirāte yuk re naj barikrik jen kwe; im kwo naj juri jikir re utiej.

**34** Im Moses e ar wōnliñlok jen ene ko emōn biken in Moab, ilo tol Nibo, ñon jabōn Pisga, eo ikijen Jeriko. Im Jeova e ar kwalok ñon e aolepen enen Giliad, ñon Dan, 2 im aolepen Naptalai, im enen Ipreim im Menassa, im aolepen enen Juda ñon lomalo i kabilūñ, 3 im ene irōk, im eneo biken wōt juōn in komlōl in Jeriko, jikin kwelok in wijki pam ko, ñon Zoar. 4 Im Jeova e ar ba ñon e, Eñin eneo I ar kanōjni jake ñon Ebrean, ñon Aisak, im ñon Jakob, im ba, I naj lelok ñon ro ineōm: I ar kaluije yuk kin mejōm, a kwo jamin elālok ie. 5 Ein drein Moses korijeran Jeova e ar mij ijo, ilo enen Moab, ekar ñon nan eo an Jeova. 6 Im E ar kalibwin e ilo komlōl eo ilo enen Moab, ikijen Bet-pior: a ejelok armij e jela kajen lūpōn ñon ranin. 7 Im ridtōn Moses



jibuki roñoul yið ke e mij : e jañin tōp mejen, ak eriklok an kajur. **8** Im ro nejin Israel rar jðñōt Moses ilo ene emōn biken in Moab, iomin jil-ñoul ran: ein dreine jemlok ran ko in jōn im liajlol kin Moses.

**9** Im Joshua, nejin Nōn, e ar obrōk kin jitōb in meletlet; bwe Moses e ar likit pein ion : inem ro nejin Israel rar eoroñ e, im kōmōn einwōt Jeova e ar jiroñ Moses. **10** Im jen ien eo e

ar jab walok i Israel juðn dri kanan einwōt Moses, eo Jeova e ar jela jelmae, **11** ilo kakōle ko im men in bwilōñ ko otemjej, ko Jeova e ar jilkinlok e bwe en kōmōni ilo enen Ijijt, ñōn Pero, im ñōn aolepen ro dri korijeran, im ñōn aolepen eneo an, **12** im aolepen pein e kajur, im ilo aolepen kaleñōñ elap, eo Moses e ar kōmōne iman mejen aolepen Israel.

# BUK IN

## JOSHUA

**1** Inem elikin an Moses eo korijeran Jeova mij, Jeova e ar konono ñõn Joshua, nejin Nõn, dri jibõn an Moses, im ba, **2** E mij <sup>1</sup>Moses korijera; inem kwon jutõk im elã jen Jordan in, kwe im armij rein otemjej, ñõn eneo Ij lelok ñõn ir, aet, ro nejin Israel. **3** <sup>2</sup>Jabrewõt jikin ijo lobiren neõmi e naj jure, emwij Aõ lewoj, einwõt I ar konono ñõn Moses. **4** Jen ene jemaren eo, im Lebanon in, aet, ñõn river elap, river Upretis, aolepen enen ro dri Het, im ñõn lomalo elap kajen tulokin al, e naj ami tõreren. **5** Ejelok armij e naj maroñ in jutõk imam iomin aolepen ran in am mour: einwõt I ar ber iben Moses, ein drein I naj ber ibõm; I jamin likjõp jen yuk, ak illok jen yuk. **6** Kwon kajur, im kanuij beran; bwe kwo naj kajolit armij rein kin eneo I ar kanõjni kake ñõn ro jimair, bwe In lelok ñõn ir. **7** Men in wõt, kwon kajur, im kanuij beran, bwe kwon lale im kõmõn ekar ñõn aolepen kien eo Moses korijera e ar jiroñ yuk kake: kwon jab jeõrlõk jen e ñõn anbijmaroñ ak amniñ, bwe kwon jerammõn wõt, ijoko jabrewõt kwoj ilok ielok. **8** Buk in, buk in kien, en jab joko jen loñõm, a kwon kalomõnlokjen kin e, ran im boñ, bwe kwon lali im kõmõn men ko otemjej emwij jeji iloan: inem kwo naj kõmõn bwe en emõn ial eo am, im kwo naj jerammõn. **9** I ar jab jiroñ yuk ke? Kwon kajur im kanuij beran; kwon jab mijõk, im jab lelõnõ: bwe Jeova am Anij ej ibõm, ijoko jabrewõt kwoj ilok ielok.

**10** Inem Joshua e ar jiroñ ro dri kabwijrõk an armij rõn, im ba, **11** Komin etal ilujen kamp eo, im jiroñ armij rõn, im ba, Komin kapojõk kijõmi; bwe matõn jilu ran kom naj elã jen Jordan in, bwe komin tõloñe

eneo in bõke, eo Jeova ami Anijej lewoj bwe en ami.

**12** Im ñõn ro dri Ruben, im ñõn ro dri Gad, im ñõn jibilkwon bwijin Menassa, Joshua e ar konono, im ba, **13** Komin kememej nan eo Moses korijeran Anij e ar jiroñ kom im ba, Jeova ami Anij ej lewoj kakije, im Enaj lewoj enin. **14** Kõra ro belemi, ro nejemi, im kiru ko ami, ren ber ilo eneo Moses e ar lewoj i rear in Jordan; a komin elãlok iman ro jeõmi im jãtõmi, pojõk ñõn tõrinae, ro otemjej re kajur im beran, im kom naj jibõn ir; **15** mae ien Jeova ej lelok kakije ñõn ro jeõmi im jãtõmi, einwõt E ar lewoj ñõn kom, im emwij air bõk eneo Jeova ami Anij ej lelok ñõn ir: inem kom naj jeblak ñõn enin eneõmi, im bõke, eo Moses korijeran Jeova e ar lewoj i rear jen Jordan kajen tak al. **16** Im rar uak Joshua, im ba, Men otemjej kwar jiroñ kim, kim naj kõmõni, im ijo jabrewõt kwoj jilkinlok kim ie, kim naj ilok. **17** Einwõt kim ar eoroñ Moses ilo men otemjej, ein drein kim naj eoroñ yuk: men in wõt, Jeova am Anij en ber ibõm, einwõt E ar ber iben Moses. **18** Jabrewõt eo ej kejekron am in nan, im e jab eoroñ nan ko am ilo men otemjej kwoj jiroñ e kake, en mij: a kwon kajur im kanuij beran.

**2** Im Joshua nejin Nõn e ar jilkinlok jen Shitim, ruo armij dri aroñroñ ilo etino, im ba, Komin ro ilen wat eneo, im Jeriko. Inem rar ilok, im dreloñlok ilo imõn juõn kõra ekijoñ, <sup>1</sup>etan Rehab, im babu ijo. **2** Im rar kennanek kiñ in Jeriko, im ba, Lo, emwij an ruo armij dreloñtok ijin boñin in, ian ro nejin Israel, bwe ren wat enin. **3** Im kiñ in Jeriko e ar jilkinlok ñõn Rehab, im ba, Kwon kadrioijtok armij ro rar itok ñõn ibõm,

<sup>1</sup> Bwin. 12. 7. <sup>2</sup> Dat. 11. 24.

<sup>3</sup> Bwin. 11. 34.

ro rar dreloñwoj i mwōne imōm; bwe rar iten wate aolepen enin. 4 Inem kōra eo e ar bōk lōmaro ruo, im noj ir; im e ar ba, Eokwe, armij ro rar itok ñōn iba, a I jaje ijo rar itok jene: 5 inem ke e nañin ien kili kejem eo, ke emarok, armij ro rar drioijslok; I jaje rej wojjikkōt: komin mōkōj in lukworkwor ir; inem kom naj tōbar ir. 6 A <sup>1</sup>e ar añinliñlok ir ion kejenwan mweo, im noj ir kin kån ko kån flax, emwij an ererōki ion kejenwan. 7 Im man ro rar lukworkwor irro ilo ial eo lok ñōn kabātīt ko an Jordan: im ke emwij an ro dri lukworkwor ir drioijslok, rar kil kejem eo.

8 Im mokta jen airro babu, kōra eo e ar wōnliñlok ñōn ibeirro ion kejenwan: 9 im e ar ba ñōn lōmaro, I jela bwe Jeova e ar lewoj ñōn kom enin, im leñōñ kin kom e ar buñiom, im ro dri enin otemjej rej unlok imami. 10 Bwe kim ar roñ ekijkan Jeova e ar kabātlok dren in lomalo Ekilmir imami, ke kom ar drioijslok jen Ijpt; im ta eo kom ar kōmōn ñōn kiñ ro ruo an dri Amor, ro rar ber i Jordan jabueo, ñōn Saihon im ñōn Og, ro kom ar torlok bokir. 11 Im ke emwij am roñjake, e mōkōj an buruem unlok, im ejelok beran e ar berwōt ilo jabrewōt armij kin kom: bwe Jeova ami Anij, ej Anij ilo lōñ ko, im ion lōl iomin. 12 Inem kiō, ij akwelap ñōn komro, komin kanōjnij ñōn iō kin Jeova, kin aō kōmōn joiñ ñōn kom, bwe komin bareinwōt kōmōn joiñ ñōn rō nukin jema, im letok ñōn iō juōn kakōle emol; 13 im bwe komin kejarōk mour an jema im jinō, im ro jeiō im jātīō man im kōra, im men ko otemjej ibeir, im lomoren kim jen mij. 14 Im lōmaro rar ba ñōn lio, Amro mour kin mour eo ami, elañe kom jamin kwalok jermal in amro; inem ñe Jeova e naj letok enin, kim naj kōmōn joiñ im mol ñōn kwe.

15 Inem e ar drorlōllok irro kin juōn to ilo windo eo: bwe mweo imōn e ar ber ion worwor in jikin kwelok eo, im e ar jokwe ion worwor eo.

16 Im e ar ba ñōn irro, Komin wōnliñlok ilo tol eo, ñe ab ro dri lukworkwor rej lo kom; komin tilekek ijo iomin jilu ran, mae ien ro dri lukworkwor rej roltok: tokelik kom maroñ in ilok ilo amiro ial. 17 Im lōmaro rar ba ñōn e, Kim kōnan bwe en ejelok ruōmiro kin nan in kanōjnij in kwar kōmōn bwe kimin kanōjnij kake. 18 Lo, ñe kimij itok ñōn enin, kwon lukwoj to in ekilmir ilo windo in, eo kwar drorlōllok kim kake: im kwon kokweloktok ñōn ibōm iloan mwin, jemōm im jinōm, im ro jeōm im jātōm im aolepen ro nukin jemōm. 19 Im jabrewōt eo ej drioijslok jen kejem ko i mwin imōm ilo ial, bōtōktōkin en ion bōran, im e naj ejelok ruem: im jabrewōt eo ej berwōt iloan mwin, bōtōktōkin en ion bōrmro elañe jabrewōt pā ej ber ion. 20 A elañe kwoj kwalok jermal in amro, inem e naj ejelok ruemro, kin nan in kanōjnij in am, kwar ba bwe kimin kanōjnij kake. 21 Im lio e ar ba, Einwōt amiro nan, en ein drein. Im e ar jilkinlok irro, im rar ilok: im e ar lukwoj to ekilmir ilo windo eo.

22 Im rar ilok, im wōnliñlok ilo tol eo, im ber ijo iomin jilu ran, mae ien ro dri lukworkwor rar jebaktok: im dri lukworkwor rar bukot irro ilo aolepen ial, a re jab lo ir. 23 Inem lōmaro ruo rar jebak, im rar wōnliñlok jen tol eo, im elālok, im itok ñōn iben Joshua nejin Nōn; im rar kenanek e men otemjej rar walok ñōn irro. 24 Im rar ba ñōn Joshua, Emol Jeova e ar letok ñōn peer aolepen eneo; im bareinwōt, ro otemjej dri eneo rej unlok imar.

3 Im ejiboñ wōt an Joshua jerkak; 3 im rar etallok jen Shitim, im itok ñōn Jordan, e im aolepen ro nejin Israel; im rar jiboñōn ijo mokta jen air elālok. 2 Im elikin jilu ran, ro dri kabwjrōk rar etal ilujen kamp eo; 3 im rar jiroñ armij ro, im ba, Ne komij lo dipdip in kalimur an Jeova ami Anij, im pris ro dri Livai rej ineke, inem komin etallok jen jikōmi im lor e. 4 Ijoke, en ruo tausan kubit kin jōñōk toñ jen kom, im komin jab ke-

baklok e, bwe komin jela ial eo komin etal ielok; bwe kom jañin etal ilo ial in. 5 Im Joshua e ar ba ñon armij ro, Komin kokwojarjar kom; bwe ilju Jeova e naj kômôn men in bwilôn ko ibemi. 6 Im Joshua e ar konono ñon pris ro, im ba, Komin kwotôke dipdip in kalimur eo, im elâlok iman armij rôn. Im rar kwotôke dipdip in kalimur eo im etal iman armij ro.

7 Im Jeova e ar ba ñon Joshua, Ranin I naj jino koutiej yuk iman mejen aolepen Israel, bwe ren jela, bwe einwôt I ar ber iben Moses, e naj ein drein Aô ber ibôm. 8 Im kwon jiroñ pris ro rej inek dipdip in kalimur eo, im ba, Ne komij tôbar tôreran dren ko an Jordan, komin bwijrök ilo Jordan. 9 Im Joshua e ar ba ñon ro nejn Israel, Komin itok iji, im roñjake nan ko an Jeova ami Anij. 10 Im Joshua e ar ba, Kin men in, kom naj jela bwe Anij eo e mour ej ibemi, im emol E naj ubakelok jen imami dri Kenean, im dri Het, im dri Hiv, im dri Periz, im dri Girgas, im dri Amor, im dri Jibus. 11 Lo, dipdip in kalimur an Iroj in aolepen löl ej tuak imami ñon Jordan. 12 Inem komin kâlet ñon kom joñoul ruo eman jen bwij ko an Israel, kajuju jen bwij. 13 Im ñe lobiren neen pris ro rej inek dipdip an Jeova, Iroj in aolepen löl, rej jur dren ko an Jordan, inem naj kijbil dren ko, eokwe, dren ko rej tortok; im re naj bwijrök einwôt juôn ejoi.

14 Im ke armij ro rar droij jen moko imweir bwe ren elâ jen Jordan, pris ro rar inek dipdip in kalimur, rej iman armij ro; 15 im ke ro rar inek dipdip eo rar itok ñon Jordan, im neen pris ro rej inek dipdip eo rar jino tutu ilo tóreran dren eo, (bwe Jordan e jïöbök jen tóreran ko otemjej aolepen ien marmir), 16 dren ko rej tortok rar bwijrök, im utiejlok ilo juôn ejoi e kanuij etolok, i Adam, jikin kwelok eo iturin Zaritan; im dren ko rar torlöllok ñon lomalo in Araba, aet, lomalo Ejätök, emwij kijbil wôt ir: im armij ro rar elâlok ikijen Jeriko. 17 Im pris ro rar inek dipdip in

kalimur an Jeova, rar jutök wôt ion brij emôra iolapen Jordan; im aolepen Israel rar elâ ion brij emôra, mae ien ro otemjej dri ailin eo rar elâ wôt jen Jordan.

4 Im ke emwij an aolepen dri ailin eo elâ jen Jordan, Jeova e ar konono ñon Joshua, im ba, 2 Kwon kâlet joñoul ruo eman jen ro dri ailin eo, kajuju jen bwij ko, 3 im komin jiroñ ir, im ba, Komin bök jen iolapen Jordan, jen jikin eo ijo neen pris ro rar jutök bin, joñoul ruo dreka, im bökilok ibemi, im likiti ilo jikin jiboñon ijo kom naj ber boñin in. 4 Inem Joshua e ar kirtok man ro, ro emwij an kapoj ir ian ro nejn Israel, kajuju jen bwij: 5 Im Joshua e ar ba ñon ir, Komin elâlok iman dipdip eo an Jeova ami Anij, ñon iolapen Jordan, im komin kaju dreka ion aierami, ekar ñon oran bwijin ro nejn Israel; 6 bwe men in en juôn kakôle i bwiljemi, bwe, jabrewôt ien eo ro nejômi rej kajitök ibemi ilo ien ko rej itok, Ewi melean dreka kein ibemi? 7 inem kom naj ba ñon ir, Kin ke emwij kijbil dren ko an Jordan iman dipdip in kalimur an Jeova; ke e ar elâ jen Jordan, dren ko an Jordan emwij kijbili: im dreka ko re naj wan kemem ñon ro nejn Israel ñon in drio.

8 Im ro nejn Israel rar kômôn einwôt Joshua e ar jiroñ ir, im rar kwotôki joñoul ruo dreka jen iolapen Jordan, einwôt Jeova e ar ba ñon Joshua, ekar ñon oran bwijin ro nejn Israel; im rar inekilok ibeir ñon jikin eo rar jiboñon ie, im likiti na ijo. 9 Im Joshua e ar kajutök joñoul ruo dreka iolapen Jordan, ijo neen pris ro rar inek dipdip in kalimur rar jutök: im rej ber ijo ñon ranin. 10 Bwe pris ro rar inek dipdip eo rar jutök iolapen Jordan, ñon ter eo emwij kômôn men otemjej Jeova e ar jiroñ Joshua bwe en ba ñon armij ro, ekar ñon men otemjej Moses e ar jiroñ Joshua: im armij ro rar kaiur ir im elâlok. 11 Im ke emwij an armij otemjej elâlok jen e, dipdip an Jeova e ar elâlok, im pris ro, iman mejen armij rôn. 12 Im

ro nejin Ruben, im ro nejin Gad, im jibilkwon bwijin Menassa, rar elälok im pojök ñön törinae iman ro nejin Israel, einwöt Moses e ar ba ñön ir: 13 e nañin eñoul tausan re pojök ñön törinae, ro rar elälok iman Jeova ñön torinae, ñön ene ko emön biken an Jeriko. 14 Ran eo Jeova e ar koutiej Joshua iman mejen aolepen Israel; im rar mijök e, einwöt rar mijök Moses, iomin ran ko otemjej in an mour.

15 Im Jeova e ar konono ñön Joshua, im ba, 16 Kwon jiroñ pris ro rej inek dipdip in kalimur eo, bwe ren wönlilñlok jen Jordan. 17 Inem Joshua e ar jiroñ pris ro, im ba, Komin wönlilñtok jen Jordan. 18 Im ke pris ro rej inek dipdip in kalimur an Jeova rar wönlilñlok jen iolapen Jordan, im lobiren neen pris ro rar töbar ene emöra, inem dren ko an Jordan rar jeb-lak ñön jikir, im jöbblok jen töre-reir otemjej einwöt mokta.

19 Im armij ro rar wönlilñtok jen Jordan ran eo ken ka joñoul ilo ailiñ eo mokta, im rar kajur moko imweir i Gilgal, i rear jen Jeriko. 20 Im dreka ko joñoul ruo, ko rar böktok jen Jordan, Joshua e ar kajutöki i Gilgal. 21 Im e ar konono ñön ro nejin Israel, im ba, Ñe ro nejömi rej kajitök iben ro jemeir ilo ien ko rej itok, im ba, Ewi meelen dreka kein? 22 inem kom naj kajelaik ro nejömi, im ba, Israel e ar elä jen Jordan in ion ene emöra. 23 Bwe Jeova ami Anij e ar kabäte Jordan imami, ñön ter eo emwij ami elälok, einwöt Jeova ami Anij e ar kömön ñön lomalo Ekilmir, eo E ar kabäte jen imar, ñön ter eo emwij ar elälok; 24 bwe ro dri ailiñ otemjej in löl ren jela pein Jeova, bwe e kajur potata; bwe ren mijök Jeova ami Anij in drio.

5 Im ke kiñ ro otemjej an ro dri Amor, ro rar ber i rilikin Jordan, im kiñ ro otemjej an ro dri Kenean, ro rar ber iturin lojit, rar roñjake ekijkan Jeova e ar kabäte Jordan iman ro nejin Israel, mae ien kim ar elälok, e unlok burueir, im ejelok air beran, kin ro nejin Israel.

2 Ilo ien eo Jeova e ar ba ñön Joshua, Kwon kömönmön jän ko jen dreka rö, im bar mijmij ro nejin Israel alen ken ka ruo. 3 Im Joshua e ar kömön jän jen dreka rö, inem e ar mijmij ro nejin Israel iturin tol an kilin man. 4 Im eñin unin an Joshua mijit ir: armij otemjej rar drioijtok jen Ijipt, man ro, aet, aolepen ro dri törinae, rar mij ilo ene jemaren ilo air etetal, elikin air drioijtok jen Ijipt. 5 Bwe emwij mijit armij otemjej rar drioijtok; a armij otemjej rar lotak ilo ene jemaren, ilo ial ke rar drioijtok jen Ijipt, re jänin mijmij. 6 Bwe ro nejin Israel rar etetal ilo ene jemaren iomin eñoul yiö, ñön ter eo aolepen armij ro, aet, ro dri törinae ro rar drioijtok jen Ijipt, re mij kin air jab eoroñ ainiken Jeova: ñön ro Jeova e ar kanöjnij kake, bwe En jab kötlök bwe ren lo eneo E ar kanöjnij ñön ro jimair, bwe En letok ñön kij, eneo e bwijlip kin milk im hönni. 7 Im ro nejir, ro E ar koutiej ir in binej jenkwair, ro Joshua e ar mijit ir; bwe re jañin kar mijmij, bwe rar jab mijit ir ilo ial. 8 Im ke emwij air mijmij aolepen jar eo, rar berwöt ilo jikir iloan kamp eo, ñön ter eo re mour. 9 Im Jeova e ar ba ñön Joshua, Ranin emwij Aö kadrebillok kinak an Ijipt jen kom. Kin men in, rar naetan jikin eo Gilgal, ñön ranin.

10 Im ro nejin Israel rar kamp i Gilgal; im rar lale kijone eo ilo ran eo ken ka <sup>1</sup> joñoul emen an ailiñ eo ke ejota, ilo ene emön biken an Jeriko. 11 Im rar möña jen kön in eneo mokta, ran eo elikin ran in kijone, kek ko re jab uwe im korn jinnelle, ran eo wöt. 12 Im e <sup>2</sup> jemlok manna eo ilju, elikin air möña kön in eneo; im ejelok bar manna iben ro nejin Israel; a rar möña jen leen enen Kenean ilo yiö eo.

13 Im ke Joshua e ar ber iturin Jeriko, e ar bök mejen, im reilok, im lo, juön eman e ar jutök ikijen, jäji emwij nure ilo pein: im Joshua e ar ilok ñön iben, im ba ñön e, Kwoj rie kim, ak ro dri jumae kim ke? 14 Im

<sup>1</sup> Ex. 12. 18. <sup>2</sup> Ex. 16. 36.

e ar ba, Jab; ak I ar iten inelip in jar in tōrinae an Jeova. Im Joshua e ar buñbero ion brij, im kabuñ, im ba ñōn e, Ta eo aō iroiĵ ej ba ñōn ña korijerōm? 15 Im inelip in jar in tōrinae an Jeova e ar ba ñōn Joshua, Kwon wutik juj jen neōm; bwe ijo kwoj jutōk e kwojarjar. Im Joshua e ar kōmōn ein drein.

**6** Im rar kanuij kil Jeriko, kin ro nejin Israel: ejelok ej droiĵ dreloñ. 2 Im Jeova e ar ba ñōn Joshua, Lo. I ar lewoj Jeriko ilo peōm, im kiñ eo an, im armij ro re kajur im beran. 3 Im komin kabal jikin kwelok eo, aolepen dri tōrinae, juōn alen. Ein drein komin kōmōn iomin jiljino ran. 4 Im jiljilimjuōn pris ren bōk jiljilimjuōn jilil, drun jip koman, iman dipdip eo; im ilo ran eo ken ka jiljilimjuōn komin kabal jikin kwelok eo jiljilimjuōn alen, im pris ro ren uk jilil ko. 5 Inem e naj ein drein, ñe e aitōk air jilil kin drun jip koman, im ñe komij roñjake ainiken jilil, armij otemjej ren lamij kin ainiken elap; im worwor in jikin kwelok eo e naj eolok, im jabrewōt armij e naj wōnliñlok iman mejen. 6 Im Joshua nejin Nōn e ar ānintok pris ro, im e ar ba ñōn ir, Komin kwotōke dipdip in kalimur eo, im jiljilimjuōn pris ren bōk jiljilimjuōn jilil in drun jip koman, iman dipdip an Jeova. 7 Im rar ba ñōn armij ro, Komin wōnliñlok, im kabal jikin kwelok eo, im ro dri tōrinae ren ilok iman dipdip an Jeova.

8 Im ein drein, ke emwij an Joshua konono ñōn armij ro, pris ro jiljilimjuōn, ro rar bōklok jilil ko an drun jip koman iman Jeova, rar wōnliñlok, im uk jilil ko: im dipdip in kalimur an Jeova e ar lor ir. 9 Im ro dri tōrinae rar ilok iman pris ro rej uk jilil ko, im ro dri biniworwor rar lore dipdip eo, im pris ro rar uk jilil ko ke rej etallok. 10 Im Joshua e ar jiroñ armij ro, im ba, Kom jamin lamij ak kimñilñil, im ejelok nan en walok jen loñōmi, mae ran eo ñe ij ba komin lamij; inem komin lamij. 11 Ein drein e ar kōmōn bwe dipdip an Jeova en

kabol jikin kwelok eo juōn alen, im rar ilok ñōn kamp eo im jiboñōn ijo.

12 Im ejiboñ wōt an Joshua jerkak, im pris ro rar kwotōke dipdip eo an Jeova. 13 Im pris ro jiljilimjuōn, ro rar bōk jilil ko drun jip koman iman dipdip eo an Jeova, rar wōnmanlok wōt im jilil: im ro dri tōrinae rar etal imair; im ro dri biniworwor rar lor dipdip an Jeova, im pris ro rar jilil wōt ilo air etallok. 14 Im ran eo ken ka ruo rar kabol jikin kwelok eo juōn alen, inem rar jeblak ñōn kamp eo: ein drein air kōmōn iomin jiljino ran.

15 Im ran eo ken ka jiljilimjuōn rar jerkak ke ejimarok, im ein drein air kabal jikin kwelok eo jiljilimjuōn alen: ran eo wōt rar kabol jikin kwelok eo jiljilimjuōn alen. 16 Im ilo alen eo ken ka jiljilimjuōn, ke pris ro rar jilil, Joshua e ar ba ñōn armij ro, Komin lamij; bwe Jeova e ar lewoj jikin kwelok eo. 17 Im jikin kwelok e naj <sup>1</sup>men in aje, e im men otemjej iloan, ñōn Jeova: Rehab wōt, kōra ekijoñ, en mour, e im ro otemjej iben ilo mweo imōn, kin an kar noj dri aroñroñ ro jar jilkinlok ir. 18 Im komeo, komin kanuij kejbarōk kom jen men in aje eo, ñe ab mwijin ami aje, komij bōk jen men in aje ko; ein drein kom naj kōmōn kamp in Israel binikol im kejorran e. 19 A aolepen silver, im gold, im jābi jinibōrōrō im māl, re kwojarjar ñōn Jeova: re naj ilok ñōn jikin mweiuk an Jeova. 20 Ein drein armij ro rar lamij, im pris ro rar jilil: im ke armij ro rar roñjake ainiken jilil, armij ro rar lamij kin ainiken e kanuij lap, im worwor eo <sup>2</sup>e ar eolok, inem armij ro rar mūmanlok im wōnliñlok iloan jikin kwelok eo, jabrewōt armij iman mejen, im rar bōk jikin kwelok eo. 21 Im rar torlok bok ilo jikin kwelok eo, man im kōra, im ox im jip, im ass, kin mejen jāji.

22 Im Joshua e ar ba ñōn lōmaro ruo rar wat eneo, Komin dreloñwe mweo imōn kōra ekijoñ eo, im ānintok jen ijo lio, im aolep iben, einwōt ami kanōjniĵ ñōn e. 23 Im likao ro

<sup>1</sup> Dut. 20. 17. <sup>2</sup> Hib. 11. 30.

dri aroñroñ rar dreloñ, im kadrioiytok Rehab, im jemen, im jinen, im ro jein im jätin, im aolep iben; ro nukin otemjej bareinwöt rar kadrioiytok ir; im rar likit ir ilikin kamp in Israel.

24 Im 'rar kalok jikin kwelok eo, im aolepen kobön; ak silver, im gold, im jäbi jinibörörö, im mäl, men kein wöt rar likiti iloan jikin mweik an imön Jeova. 25 A Rehab, köra eki-joñ eo, im ro nukin jemen, im aolepen iben, Joshua e ar kejbarök air mour; im e ar jokwe ilo bwiljin Israel ñon ranin, kin ke e ar noj dri aroñroñ ro Joshua e ar jilkinlok ir bwe ren wat Jeriko. 26 Im Joshua e ar kamätöre ien eo, im ba, En lia iman Jeova, armij eo ej loetök im kalek Jeriko: ilo mij an manjien e naj likit löñtön, im ilo mij an nejin eriktata e naj kajutök aur ko an. 27 Ein drein Jeova e ar ber iben Joshua; im buñbuñ eo an e ar ber ilo aolepen eneo.

7 A ro nejin Israel rar bwir kin men in aje eo; bwe Ekan, nejin Karmai, nejin Zabdai, nejin Zira, jen bwijin Juda, e ar bök jen men in aje eo: inem ebwil illu an Jeova nae ro nejin Israel.

2 Im Joshua e ar jilkinlok jet eman jen Jeriko ñon Eai, eo ej iturin Beteven, i rear in Betel, im e ar ba ñon ir, Komin wöñliñlok im wat eneo. Im armij ro rar wöñliñlok im wat Eai. 3 Im rar jeblak ñon iben Joshua, im re ba ñon e, Armij otemjej ren jab wöñliñlok; a ruo ak jilu tausan armij ren wöñliñlok im mön Eai; kwon jab kamök armij otemjej bwe ren ilok ñon ijo; bwe reit. 4 Ein drein rar wöñliñlok ñon ijo ian armij ro e nañin jilu tausan eman: im rar ko jen iman ro dri Eai. 5 Im ro dri Eai rar mön jen ir e nañin jilñoul jiljino armij; im rar lujeljelilik ir jen iman kejem ñon Shibreim, im rar mön ir ilo air wöñliñlok: inem buruen armij ro rar unlok, im einwöt dren.

6 Im Joshua e ar kekel nuknuk ko an, im e ar buñbero ion brij iman dipdip an Jeova mae jota, e im ridto ro in Israel; im rar<sup>2</sup> likit böñöñlön ion

börrair. 7 Im Joshua e ar ba, Yok, O Jeova Anij, etke Kwar añintok wöt armij rein jen rear in Jordan, bwe Kwon ketök kim ilo pein ro dri Amor, im kömön bwe kimin joko? emön elañe kim ar joköne im jokwe irear in Jordan! 8 O, Iroi, e naj iaö, ke emwij an ro nejin Israel tep jen ro dri kijiräte ir? 9 Bwe e naj buñbuñ men in ñon ro dri Kenean, im ro dri ene otemjej, im re naj kabol kim, im bukwelok etam jen löl: im ta eo Kwo naj kömön kin etöm elap?

10 Im Jeova e ar ba ñon Joshua, Kwon jerkak; etke ein am bero? 11 Israel e ar jerawiwi! aet, rar kokkure bujen eo I ar jiroñ ir kake: aet, rar bök jen men in aje eo, rar bareinwöt kwot, im rar riöp; im rar likite iben mweik ko air. 12 Kin men in, ro nejin Israel re ban jutök iman ro dri kijiräte ir; rej tep iman ro dri kijiräte ir, bwe rar erom binikol: I jamin bar ber ibemi elañe kom jab kokkure men in aje eo jen ibemi. 13 Kwon jerkak, im kokwojarjar armij ro, im ba, Komin kokwojarjar kom mae ilju: bwe ein drein Jeova, Anij in Israel, ej ba, Eor men in aje ibemi, O Israel; kom ban jutök iman ro dri kijiräte kom, mae ien emwij ami jolok men in aje eo jen ibemi. 14 Inem ñe ejiboñ re naj kadruaktok kom ekar ñon bwij ko ami: inem bwij eo Jeova ej kälet, e naj druaktok kin nukin; im nukin eo Jeova ej kälet, e naj druaktok kin moko; im mweo Jeova ej kälet, e naj druaktok kin ial airik. 15 Im eo re naj lo men in aje eo iben re naj tile kin kijeek, e im men otemjej iben; kin ke e ar kokkure bujen eo an Jeova, im e ar kömön men in bwebwe ilo Israel.

16 Ein drein ejiboñ wöt an Joshua jerkak, im kadruaktok Israel kin bwij ko air, im ar kälet bwijin Juda: 17 im e ar kadruaktok nukin Juda; im ar kälet nukin Zira: im e ar kadruaktok nukin Zira kin ial airik; im ar kälet Zabdai; 18 im e ar kadruaktok ro dri mweo imön kin ial airik; im ar kälet Ekan, nejin Karmai, nejin Zabdai, nejin Zira, jen bwijin Juda.

19 Im Joshua e ar ba ñon Ekan, Ne-  
jio, kwon lelok, ij kajitok ibom, nebar  
ñon Jeova, Anij in Israel, im kwalok  
ñon E; im kwon kennanek io ta eo  
kwar komone; lala kwar noje. 20  
Im Ekan e ar uak Joshua, im ba,  
Emol I ar jerawi nae Jeova, Anij  
in Israel, im ein drein I ar komon:  
21 ke I ar lo iben mweiuk ko juon li-  
boror in Babilon emon, im rubuki she-  
kel silver, im juon ken el gold, erron  
limnoul shekel, inem I ar ankwonaki  
im boki; im lo, emwij noji ilo brij io-  
lapen mweo imo, im silver eo iomin.

22 Inem Joshua e ar jilkinlok ro dri  
jilik, im rar etorlok non mweo; im lo,  
e ar ber im nojok ilo mweo imon, im  
silver iomin. 23 Im rar boki jen loan  
mweo, im bokitok non iben Joshua,  
im non ro dri Israel otemjej; im rar  
likiti iman Jeova. 24 Im Joshua, im  
ro dri Israel otemjej iben, rar bok  
Ekan nejin Zira, im silver eo, im li-  
boror eo, im ken el gold, im ro nejin  
man im kora, im kau ko an, im ass ko  
an, im jip ko an, im mweo imon, im  
men otemjej iben: im rar bokili-  
lok non komlöl Ekor. 25 Im Joshua  
e ar ba, Etke kwar ke jorran kim?  
Jeova e naj ke jorran yuk ranin. Im  
dri Israel otemjej rar kare kin dreka;  
im rar tile ir kin kijeek, im kare ir  
kin dreka. 26 Im rar komon ion  
juon be elap, non ranin, im Jeova e  
ar oktök jen bwil in illu eo An. Kin  
men in, rar naetan jikin eo, Komlöl  
in Ekor non ranin.

8 Im Jeova e ar ba non Joshua,  
Kwon jab mijok, im kwon jab lel-  
non: kwon tel ro dri torinae otemjej  
ibom, im jutök, im wonliñlok non Eai;  
lo, emwij Ao lewoj na ilo peom kin in  
Eai, in armij ro dron, im jikin kwe-  
lok eo an, im enen; 2 im kwon komon  
non Eai im kin eo an, einwöt am kar  
komon non Jeriko im kin eo an: ak  
men in rakim ko an, im kiru ko an,  
kom naj bok men in rakim non kom:  
kwon likit dri kebao non jikin kwelok  
eo, elikin.

3 Ein drein Joshua e ar jutök, im  
ro dri torinae otemjej, in wonliñlok  
non Eai: im Joshua e ar kalet johoul

tausan armij, ro dri kajur im beran,  
im jilkinlok ir ilo boñ. 4 Im e ar  
jiron ir, im ba, Lo, komin kebao  
jikin kwelok eo, elikin; komin jab  
etoane jikin kwelok eo, a komin otem-  
jej pojök wöt: 5 im na, kab armij  
otemjej iba, kim naj kebaklok jikin  
kwelok eo. Inem ñe rej drioiytok  
nae kim, einwöt mokta, kim naj lij-  
manrikrik; 6 im re naj drioiytok im  
lukworkwor kim, mae ien kimij kalkok  
ir etolok jen jikin kwelok eo; bwe re  
naj ba, Rej ko jen imam, einwöt  
mokta: ein drein kim naj lijmanrik-  
rik; 7 inem kom naj jerkak jen jikin  
ami kebao, im bok jikin kwelok eo:  
bwe Jeova ami Anij e naj lewoj na  
ilo peomi. 8 Im ñe emwij ami bok  
jikin kwelok eo, kom naj kaloke;  
einwöt nan jen Jeova, en ein drein  
ami komon: lo, emwij ao jiron kom.  
9 Im Joshua e ar jilkinlok ir, im rar  
ilen kebao, im rar ber ikotan Betel im  
Eai, i rilikin Eai: a Joshua e ar jibo-  
non iben armij ron.

10 Im ejiboñ wöt an Joshua jerkak,  
im e ar kalejar armij ro, im wonliñ-  
lok, e im ridto ro an Israel, iman  
armij ro, non Eai. 11 Im armij ro  
otemjej, ro dri torinae rej ber iben,  
rar wonliñlok, im kebaklok, im ilok  
iman jikin kwelok eo, im rar kamp  
iñin Eai: ak juon komlöl ikotan im  
Eai. 12 Im rar bok e nañin lailim  
tausan armij, im likit ir non kebao  
ikotan Betel im Eai, i kabilon jen  
jikin kwelok eo. 13 Ein drein air  
likit armij ro, aet, aolepen jar in tori-  
nae eo iñin jikin kwelok eo, im ro  
dri kebao i rilikin jikin kwelok eo:  
im Joshua e ar ilok ilo boñ non iolap-  
en komlöl eo. 14 Im ke kin in Eai  
e ar loe, rar kijoror in jerkak ke eji-  
boñ wöt, im ro dri jikin kwelok eo  
rar drioiytok mae Israel bwe ren tori-  
naek ir, e im ro dron otemjej, ilo ien  
eo rar bebe, iman Areba; a e jaje  
kin jar in kebao eo elikin jikin kwe-  
lok eo. 15 Im Joshua kab aolepen  
Israel rar komon einwöt re majino  
jen ir, im rar ko ilo ial non enc jema-  
ren. 16 Im emwij kokweloklok ro  
dri jikin kwelok otemjej bwe ren lu-



kworwor ir: im rar lukworkwor Joshua, im emwij kallok ir jen jikin kwelok eo. 17 Im ejelok eman e ar berwôt i Eai ak Betel, im e ar jab drioielok in lor Israel: im rar jab kil jikin kwelok eo, im lukworkwor Israel.

18 Im Jeova e ar ba ñôn Joshua, Kwon erlokwe mōri ne ilo peōm ñôn Eai; bwe I naj lewoj na ilo peōm. Im Joshua e ar kōtellok mōri eo ilo pein ñôn jikin kwelok eo. 19 Inem jar in kebao eo rar mōkōj im jerkak jen jikir, im rar etōr ke e ar kōtellok pein, im rar dreloñ iloan jikin kwelok eo im bōke; im rar mōkōj im tile jikin kwelok eo. 20 Im ke ro dri Eai rar reiliklok, im lo, bat in jikin kwelok e ar wōnliñlok ñôn lōñ, im ejelok kajur ibeir bwe ren ko ijin ak ijueo: im ro rar ko ñôn ene jemaren rar roltok mae ro rej lukworkwor ir. 21 Im ke Joshua im aolepen Israel rar lo bwe ro dri kebao rar bōk jikin kwelok eo, im bat in jikin kwelok e ar wōnliñlok, inem rar oktōklik, im mōn ro dri Eai. 22 Im ro jet rar drioielok jen jikin kwelok eo nae ir; ein drein rar ber iolapen dri Israel, ijen im ijen: im rar mōn ir, im ejelok jor. 23 Im rar bōk kiñ in Eai im āñintok e iben Joshua.

24 Im ke ro dri Israel rar kamwijlok air mōn ro dri Eai otemjej ilo melaj, ilo ene jemaren ijo rar lukworkwor ir, im ir otemjej rar buñ kin mejen jāji, mae ien remat, ro dri Israel otemjej rar jeblak ñôn Eai, im kokkure kin mejen jāji. 25 Im ro otemjej rar buñ ran eo, man im kōra, joñoul ruo tausān, aet, ro dri Eai otemjelok. 26 Bwe Joshua e ar jab kekake pein, eo e ar erlokwe mōri eo kake, mae ien air mōn aolepen ro dri Eai otemjelok. 27 Ijoke, kiru ko im men ko men in rakim an jikin kwelok eo, ro dri Israel rar bōk ñôn ibeir, bwe ren air, ekar ñôn nan eo Jeova e ar jiroñ Joshua. 28 Ein drein Joshua e ar kaloke Eai, im kōmōne juōn be ñôn in drio, aet, men in jebeplok ñôn ranin. 29 Im e ar totoik kiñ in Eai ilo juōn wijki, ñôn jota:

inem ke e tulok al Joshua e ar jiroñ, im rar bōk ubōn jen wijki eo, im joloke i kejem an jikin kwelok eo, im rar beike kin juōn be elap, ñôn ranin.

30 Inem Joshua e ar kōmōn juōn lokatok ñôn Jeova, Anij in Israel, ilo tol Ibal, 31 einwôt Moses, korijeran Jeova e ar jiroñ ro nejin Israel, einwôt emwij jeje ilo buk in kien Moses, lokatok in dreka ko rar jab jekjek, im ejelok armij e ar kwotōk māi ioir: im rar lelak ion men in katok kijeek ñôn Jeova, im e ar katok kin jurtak in ainemōn ko. 32 Im ijo e ar jeje ilo dreka ko kien Moses, eo e ar jeje, iman mejen ro nejin Israel. 33 Inem iman pris ro im ro dri Livai, ro rar ineklok dipdip in kalimur an Jeova; ro drua maijet, im bareinwôt ro rej lotak ilo moko imwehr; jibilkwon iair ro dri Israel otemjej, im ridto ro air, im ro dri kabwijrōk, im ro air dri ekajet, rar jutem kajōbe dipdip eo, iman tol Gerizim, im jibilkwon iair iman tol Ibal; einwôt Moses korijeran Jeova e ar jiroñ mokta bwe ren kejerammōn armij ro dri Israel. 34 Im tokelik e ar konono nan otemjej ilo kien eo, nan in kejerammōn im nan in kalia, ekar ñôn men otemjej emwij jeje ilo buk in kien. 35 Ejelok juōn nan ian nan ko otemjej, Moses e ar jiroñ kaki, ko Joshua e ar jab konono iman aolepen jar an Israel, im kōra ro, im ajiri ro, im ro drua maijet rar etallok ibeir.

9 Inem ke kiñ ro otemjej i rilikin Jordan, ilo ene e utiej, im ilo ene etā, im i ene otemjej iturin lomalo elap iman Lebanon, ro dri Het, im ro dri Amor, im ro dri Kenean, im ro dri Periz, im ro dri Hiv, im ro dri Jibus rar roñjake; 2 rar kweloklok bwe ren tōrinaek Joshua im Israel, burueir wôt juōn.

3 A ke ro dri Gibeon rar roñjake ta eo Joshua e ar kōmōn ñôn Jeriko, im ñôn Eai, 4 rar kōmōn men in mon, im ilok im etal einwôt ro dri keañ, im bōk bōjo ko remor ion ass ko air, im kilin kiru nien wain, remor im beotōk im karbinbin, 5 im juj ko remor im karbinbin, im rar kōnōk nuknuk

ko remor; im aolepen bred eo kijeir e bin im lirawi. 6 Im rar ilok n̄on iben Joshua n̄on kamp eo i Gilgal, im ba n̄on e, im n̄on armij ro dri Israel, Kim ar itok jen juōn ene etolok: inem kiō komin kōmōn juōn bujen ibem. 7 Im ro dri Israel rar ba n̄on ro dri Hiv, Bwelen komij jokwe ibem; inem ekijkan am maroñ kōmōn bujen ibem? 8 Im rar ba n̄on Joshua, Kim ro dri korijerōm. Im Joshua e ar ba n̄on ir, Wōn kom? im komij itok jen ia? 9 Im rar ba n̄on e, Kim dri korijerōm, kim ar itok jen juōn ene e kanuij etolok, kin etan Jeova am Anij: bwe kim ar roñ An buñbuñ, im men otemjej E ar kōmōn ilo Ijpt, 10 im men otemjej E ar kōmōn n̄on kiñ ro ruo dri Amor, rar ber irear in Jordan, n̄on Saihon kiñ in Heshbon, im n̄on Og kiñ in Beshan, eo e ar ber i Asherot. 11 Im ridto ro am, im ro otemjej rej jokwe i eneo am, rar konono n̄on kim, im ba, Komin bōk jotal ilo peōmi, im ilen wōnmae ir, im ba n̄on ir, Kim dri korijerōmi: inem, komin kōmōn bujen ibem. 12 Bred in kijem kim ar bōke ke e bwil, jen moko imwem ran eo ke kim ar drioij in itok n̄on ibemi; a kiō, lo, e bin im lirawi: 13 im kilin kiru kein nien wain, kim ar kalōñi, rar kāl; im lo, re beotōk: im nuknuk kein im juj ko am remor kin an kanuij aitok ial eo. 14 Im armij ro rar bōk jen kijeir, im rar jab kajitōk bebe jen loñin Jeova. 15 Im Joshua e ar kōmōn ainemōn ibeir, im e ar kōmōn bujen ibeir, bwe ren mour: im iroi j rōn an jar eo rar kanōjnij n̄on ir.

16 Im jilu ran tokelik, elikin air kōmōn bujen ibeir, rar roñ bwe rej dri turir, im rar jokwe ibeir. 17 Im ro nejin Israel rar etallok, im ilok n̄on jikin kwelok ko air ilo ran eo ken ka jilu. Ak jikin kwelok ko air Gibeon, im Kipaira, im Bierot, im Kiriati-jjerim. 18 Im ro nejin Israel rar jab mōn ir, kin ke iroi j ro in jar eo rar kanōjnij n̄on ir kin Jeova, Anij in Israel. Im aolepen jar eo rar lotan iroi j rōn. 19 A iroi j ro otemjej rar ba n̄on aolepen jar eo, Kim ar

kanōjnij n̄on ir kin Jeova, Anij in Israel: inem kiō je ban uñir ir. 20 Jen kōmōn men in n̄on ir, bwe ren mour; ñe ab illu en itok iom, kin kanōjnij eo kim ar kanōjnij n̄on ir. 21 Im iroi j ro rar ba n̄on ir, Ren mour: ein drein rar dri jekjek kani im dri itōk dren n̄on aolepen jar eo, einwōt iroi j ro rar ba n̄on ir.

22 Im Joshua e ar kirtok ir, im e ar konono n̄on ir, im ba, Etke kom ar mone kim, im ba, Kim kanuij etolok jen kom; ke kom jokwe ibem? 23 Inem kiō kom binikol, im e jamin joko jen kom ro dri kamakoko, ro dri jekjek kani, im ro dri itōk dren n̄on mweo imōn Anij eo aō. 24 Inem rar uak Joshua, im ba, Kin ke rar kanuij kennanek kim dri korijerōm, ekijkan Jeova ami Anij e ar jiroñ Moses dri korijeran bwe en lewoj aolepen enin, im bwe komin kokkure aolepen dru wainene otemjej jen imami: kin men in kim ar kanuij lelñōñ kake kom kin am mour, inem kim ar kōmōn men in. 25 Im kiō, lo, kim ber ilo peōm: einwōt kwoj lemnok emōn im jime am kōmōn n̄on kim, en ein drein am kōmōn. 26 Im e ar kōmōn ein drein n̄on ir, im e ar kōtlok ir jen pein ro nejin Israel, bwe ren jab mōn ir. 27 Im Joshua e ar likit ir ilo ran eo, dri jekjek kani, im dri itōk dren n̄on jar eo, im n̄on lokatok eo an Jeova, n̄on ranin, ilo jikin eo E naj kallet e.

**10** Inem ke Adonai-zidek, kiñ in Jerusalem, e ar roñ kin an Joshua bōk Eai, im torlok bok ie. (einwōt e ar kōmōn n̄on Jeriko im kiñ eo an, ein drein e ar kōmōn n̄on Eai im kiñ eo an), im kin an ro dri Gibeon kōmōn ainemōn iben Israel, im rar ibeir; 2 rar kanuij mijōk, bwe Gibeon juōn jikin kwelok elap, einwōt juōn ian jikin kwelok ko an iroi j, im elap jen Eai, im aolepen armij ro ie re kajur. 3 Kin men in, Adonai-zidek, kiñ in Jerusalem, e ar jilkinlok n̄on Hoham kiñ in Hibrōn, im n̄on Paimam kiñ in Jarmut, im n̄on Jepia kiñ in Lekish, im n̄on Dibir kiñ in Eglon, im ba, 4 Komin wōnliñtok n̄on iba,

im jibōñ ið, im jen mōn Gibeon; bwe e ar kōmōn ainemōn iben Joshua, im iben ro nejin Israel. 5 Inem kiñ ro lailim, dri Amor, kiñ in Jerusalem, kiñ in Hibron, kiñ in Jarmut, kiñ in Lekish, im kiñ in Eglon, rar kweloktok, im wōnliñlok, ir im ro dri tōrinae otemjej air, im kajur air kamp iman Gibeon, im tōrinaek e.

6 Im ro dri Gibeon rar jilkinlok ñōn Joshua, ñōn kamp eo i Gilgal, im ba, Kwon jab kamōjino peōm jen ro dri korijerōm; kwon jarōptok, im lomorem, im jibōñ kim: bwe aolepen kiñ ro an dri Amor rej jokwe i ene utiej, rar kweloktok nae kim. 7 Ein drein Joshua e ar wōnliñlok jen Gilgal, e im dri tōrinae otemjej iben, im aolepen armij ro re kajur im beran. 8 Im Jeova e ar ba ñōn Joshua, Kwon jab mijōk ir: bwe I ar kōtlok ir na ilo peōm; ejelok juōn iair e naj jutōk imam. 9 Kin men in, Joshua e ar mōkōjlok nae ir; bwe e ar wōnliñlok jen Gilgal iomīn aolepen boñ eo. 10 Im Jeova e ar kaleññōñ ir iman Israel, im e ar mōn ir kin juōn kokkure elap i Gibeon, im e ar lukworkwor ir ilo ial liñlok ñōn Bet-horon, im mōn ir i Azika, im ñōn Makida. 11 Im ke rar ko jen Israel, ke rar etal ilo ial lōllok jen Bet-horon, Jeova e ar jolōlok dreka ko relap jen lōñ ioir ñōn Azika, im re mij: ro rar mij kin wut ebīn, relōñ jen ro ro nejin Israel rar mōn ir kin jāji.

12 Inem Joshua e ar ba ñōn Jeova, ran eo ke Jeova e ar kōtlok ro dri Amor iman ro nejin Israel; im e ar ba iman mejen ro dri Israel, Al, kwon bwijrōk ilōñin Gibeon; im kwe, Aliñ, ilo komlōl in Aijalon. 13 Im al e ar bwijrōk, im aliñ e ar berwōt, mae ien jar eo rar irenwōne kin ir ion ro dri kijirāte ir. Rar jab jeje men in ilo buk in Jashar ke? Im al e ar bwijrōk iolapen lōñ ko, im e ar jab mōkōj in tulok, e nañin aolepen ran eo. 14 Im ejelok ran einwōt, mokta ak toke-lik, ke Jeova e ar roñjake ainiken juōn armij: <sup>1</sup> bwe Jeova e ar tōrinae ñōn Israel.

<sup>1</sup> Ex. 14. 14.

15 Im Joshua e ar jeblak, im aolepen Israel iben, ñōn kamp eo i Gilgal.

16 Im kiñ rein lailim rar ko, im tilekek ilo roñ eo i Makida. 17 Im rar kennanek Joshua, im ba, Emwij air lo kiñ ro lailim, re tilekek ilo roñ eo i Makida. 18 Im Joshua e ar ba, Komin kadrebillok dreka re killip ñōn mejen roñ eo, im likit armij ro ijo bwe ren bar ir: 19 a komin jab berwōt; komin lukworkwor ro dri kijirāte kom, im mōn rō ilokair; komin jab likit bwe ren dreloñ ilo jikin kwelok ko air: bwe Jeova ami Anij e ar likit ir na ilo peōmi. 20 Im ke emwij an Joshua kab ro nejin Israel mōn ir kin kokkure elap, mae ien re nañin mat im joko, im ro matōn mij iair rar dreloñlok ilo jikin kwelok ko eor air worwor, 21 inem armij otemjej rar jeblaktok ñōn kamp eo, ñōn iben Joshua i Makida, ilo ainemōn: ejelok juōn ej kamōkit loen nae jabrewōt ian ro nejin Israel.

22 Inem Joshua e ar ba, Komin kabellok mejen roñ eo, im kadrioiytok kiñ ro lailim ñōn iba, jen roñ eo. 23 Im rar kōmōn einwōt, im rar kadrioiytok kiñ ro ñōn iben Joshua jen roñ eo, kiñ in Jerusalem, kiñ in Hibron, kiñ in Jarmut, kiñ in Lekish, im kin in Eglon. 24 Im ke emwij air kadrioiytok kiñ ro ñōn iben Joshua, inem Joshua e ar kirtok aolepen eman in Israel, im e ar ba ñōn iroiñ in tōrinae ro rar ilok ibenlok, Komin druaktok, komin likit neōmi ion kenwan kiñ rein. Im rar druaktok im likit neir ion kenwair. 25 Im Joshua e ar ba ñōn ir, Komin jab mijōk, komin jab lelñōñ; komin kajur im beran: bwe ein drein Jeova e naj kōmōn ñōn aolepen ro dri kijirāte kom, ro komij tōrinaek ir. 26 Im tokelik Joshua e ar mōn ir, im totoik ir ilo lailim wijki: im rar toto ilo wijki ko ñōn jota. 27 Im ke e tulok al, Joshua e ar jiroñ, im rar drorlōllok ir jen wijki ko, im jolok ir na ilo roñ eo, ijo rar tilekek, im rar likit dreka re killip ion mejen roñ eo, ñōn ranin.

28 Im Joshua e ar bōk Makida ran

eo, im e ar mōn e kin mejen jāji, im kiñ eo an: e torlok bok; e ar likit ejelok juōn; im e ar kōmōn nōn kiñ in Makida, einwōt e ar kōmōn nōn kiñ in Jeriko.

29 Im Joshua e ar ilok jen Makida, im dri Israel otemjej iben, nōn Libna, im rar tōrinaek Libna: 30 im Jeova e ar lelok e bareinwōt, im kiñ eo an, na ilo pein Israel; im e ar mōn e kin mejen jāji, im armij otemjej iloa; e torlok bok; im e ar kōmōn nōn kin eo an, einwōt e ar kōmōn nōn kiñ in Jeriko.

31 Im Joshua e ar ilok jen Libna, im dri Israel otemjej iben, nōn Lekish, im nitbwile, im torinaek e: 32 im Jeova e ar lelok Lekish na ilo pein Israel; im e ar bōk e ran eo ken ka ruo, im mōn e kin mejen jāji, im e torlok bok, einwōt men otemjej e ar kōmōn nōn Libna.

33 Inem Horam, kiñ in Gizer, e ar wōnlīntok in jibōñ Lekish; im Joshua e ar mōn e im armij otemjej dron, mae ien e torlok bok.

34 Im Joshua e ar ilok jen Lekish, im ro dri Israel otemjej iben, nōn Eglon; im rar nitbwile im tōrinaek e; 35 im rar bōk e ran eo im mōn e kin mejen jāji; im e torlok bok ran eo, einwōt men otemjej e ar kōmōn nōn Lekish.

36 Im Joshua e ar wōnlīnlok jen Eglon, im dri Israel otemjej iben, nōn Hibron; im rar tōrinaek e: 37 im rar bōk e, im mōn e kin mejen jāji, im kiñ eo an, im jikin kwelok otemjej iturin, im armij otemjej ilo ir; e torlok bok, einwōt men otemjej e ar kōmōn nōn Eglon; a e ar kanuij kokkure, im torlok bok.

38 Im Joshua e ar jeblak, im dri Israel otemjej iben, nōn Dibir, im tōrinaek e: 39 im e ar bōk e, im kiñ eo an, im jikin kwelok otemjej iturin; im rar mōn e kin mejen jāji, im kanuij kokkure armij otemjej rar ber ilo ir; e torlok bok: einwōt an kōmōn nōn Hibron, ein drein e ar kōmōn nōn Dibir, im nōn kiñ eo an; einwōt e ar kōmōn bareinwōt nōn Libna, im nōn kin eo an.

40 Ein drein Joshua e ar mōn aolepen eneo, ene e utiej, im ene irōk, im ene etā, im ene ko re utiej jirik, im kiñ ro otemjej air: e ar torlok bok, im e ar kanuij kokkure men otemjej rej menono, einwōt Jeova, Anij in Israel e ar jiroñ e. 41 Im Joshua e ar mōn ir jen Kedesh-barnia nōn Geza, im aolepen ene Goshen, aet, nōn Gibeon. 42 Im Joshua e ar bōk kiñ rein otemjej, im ene ko air, ilo juōn wōt ien, bwe Jeova Anij in Israel e ar tōrinae nōn Israel. 43 Im Joshua e ar jeblak, im dri Israel otemjej iben, nōn kamp eo i Gilgal.

11 Im ke Jebin, kiñ in Hezor, e ar roñjake, inem e ar jilkinlok nōn Jobab, kiñ in Medon, im nōn kiñ in Shimron, im nōn kiñ in Aksaf, 2 im nōn kiñ ro rej ber iūñ, ilo enen tol ko, im ilo Araba irōk jen Kinerot, im ilo ene etā, im ilo ene ko re utiej an Dor i kabilūñ, 3 nōn dri Kenean i rear, kab i kabilūñ, im dri Amor, im dri Het, im dri Periz, im dri Jibus ilo enen tol ko, im dri Hiv iturin Hermon ilo enen Mizpa. 4 Im rar drioijlok, ir im ro dri tōrinae otemjej ibeir, elōñ armij, einwōt bok i barijit ilo orair, im elōñ ors ko im jariot ibeir. 5 Im kiñ rein otemjej rar kweloklok; im rar iten kamp iben dron iturin dren ko in Miron, bwe ren tōrinaek Israel.

6 Im Jeova e ar ba nōn Joshua, Kwon jab mijōk ir: bwe ilju ilo auō in, I naj lewoj ir otemjej mijijak iman Israel: kwo naj jek iki in neen ors ko air, im tile jariot ko air kin kijeek. 7 Ein drein Joshua e ar mōkōjtok, im aolepen dri tōrinae iben, nae ir i dren ko i Mirom, im buñ ioir. 8 Im Jeova e ar lelok ir na ilo pein Israel, im rar mōn ir, im lujeljelok ir nōn Zaidon elap, im nōn Misrepotmeim, im nōn komlōl in Mizpa i rear; im rar mōn ir mae ien e torlok bok. 9 Im Joshua e ar kōmōn nōn ir einwōt Jeova e ar jiroñ e: e ar jek iki in neen ors ko air, im tile jariot ko air kin kijeek.

10 Im Joshua e ar jeblak ien eo, im bōk Hezor, im mōn kiñ eo an kin

jäji: bwe mokta Hezor e ar jübön ailifñ kôn otemjej. 11 Im rar mön armij otemjej ie, kin mejen jäji, im e torlok bok; ejelok juön ej menono e ar berwöt: im e ar tile Hezor kin ki-jeek. 12 Im aolepen jikin kwelok an kiñ rein, kab kiñ ro, Joshua e ar böki, im e ar möni kin mejen jäji, im e torlok bok; einwöt Moses korijeran Jeova e ar jiroñ. 13 A jikin kwelok ko rar ber ion tol ko air, Israel e ar jab tile jabrewöt iair, a Hezor wöt; eo Joshua e ar tile. 14 Im men in rakim otemjej jen jikin kwelok kein, im kiru ko, ro nejin Israel rar bök ñön ir möke; a rar mön armij otem-jej kin mejen jäji, mae ien e torlok bok, im rar jab likit jabrewöt eo ej menono. 15 Einwöt Jeova e ar jiroñ Moses korijeran, ein drein Moses e ar jiroñ Joshua: im ein drein an Joshua kömön; e ar likit ejelok im jab kö-möni ian men otemjelok Jeova e ar jiroñ Moses.

16 Ein drein Joshua e ar bök aolepen eneo, enen tol ko, im aolepen ene irök, im aolepen ene Goshen, im ene etä, im Araba, im ene tol ko an Israel, im ene etä eo an; 17 jen tol Helak, liñlok ñön Sier, aet, ñön Bealgad ilo komlöl Lebanon iturin tol Hermon; im e ar bök aolepen kiñ ro air, im mön ir, im kokkure ir. 18 Eto an Joshua törinaek kiñ rein otem-jej. 19 Ejelok juön jikin kwelok e ar kömön ainemön iben ro nejin Israel, a ro dri Hiv dri Gibeon wöt: rar bök aolepeir ilo törinae. 20 Bwe jen Jeova air kabin burueir, bwe ren itok nae Israel ilo törinae, bwe En maroñ in kanuij kokkure ir, bwe ren jab lo joi, im bwe ren joko, einwöt Jeova e ar jiroñ Moses.

21 Im Joshua e ar ilok ilo ien eo, im e ar mön ro dri Enak jen ene ko re utiej, jen Hibron, jen Dibir, jen Enab, jen aolepen ene e utiej an Juda, im jen aolepen ene utiej an Israel: Joshua e ar torlok bok iben jikin kwelok ko. 22 Ejelok juön ian ro dri Enak e ar berwöt ilo enen ro nejin Israel: ak ilo Geza, im Gat, im Ashdod wöt, jet rar berwöt. 23 Ein

drein Joshua e ar bök aolepen eneo, ekar ñön men otemjej Jeova e ar ba ñön Moses; im Joshua e ar lelok men in jolit ñön Israel, ekar ñön mötair ilo bwij ko. Im eneo e ar kakije jen törinae.

12 Inem ir rein kiñ ro an eneo, ro nejin Israel rar mön ir, im rar bök ene ko air i rear in Jordan i tak in al, jen komlöl Arnon ñön tol Hermon, im aolepen Araba i rear: 2 Saihon kiñ an ro dri Amor, e ar jokwe i Heshbon, im e ar iroi j jen Aroer, eo ilo töreren komlöl Arnon, im jikin kwelok eo iolapen komlöl eo, im jibilkwon Giliad ñön river Jabbok, tö-teren ro nejin Amon; 3 im Araba ñön lomalo Kineret, i rear, im ñön lomalo in Araba, aet, lomalo Ejätök, i rear, ilo ial ñön Bet-jeshimot; im irök, i töreren Pisga: 4 im töreren Og, kiñ in Beshan, eo ian matön Ripeim, e kar jokwe i Ashterot im i Edreai, 5 im rar iroi j tol Hermon, im i Salika, im i aolepen Beshan ñön töreren ro dri Gishur, im ro dri Meakat, im jibilkwon Giliad, tö-teren Saihon kiñ in Heshbon. 6 Moses korijeran Jeova, im ro nejin Israel, rar mön ir: im Moses korijeran Jeova e ar lelok e ñön dri Ruben, im ro dri Gad, im ñön jibilkwon bwijin Menassa, bwe en air.

7 Im rein kiñ in eneo Joshua im ro nejin Israel rar mön ir i Jordan jab-ueo i kabilüñ, jen Bealgad ilo komlöl Lebanon, ñön tol Helak, eo ej wönliñlok ñön Sier, (im Joshua e ar lelok e ñön bwij ko bwijin Israel bwe en air ekar ñön bwij ko air; 8 ilo ene ko re utiej, im ilo ene etä, im ilo Araba, im ilo ene re utiejlok, im ilo ene jemaren, im irök; dri Het, dri Amor, dri Kenean, dri Periz, dri Hiv, im dri Jibus): 9 kiñ in Jeriko, juön; kiñ in Eai, eo ej iturin Betel, juön; 10 kiñ in Jerusalem, juön; kiñ in Hibron, juön; kiñ in Jarmut, juön; 11 kiñ in Lekish, juön; 12 kiñ in Eglon, juön; kiñ in Gizer, juön; 13 kiñ in Dibir, juön; kiñ in Gider, juön; 14 kiñ in Horma, juön; kiñ in Erad, juön; 15 kiñ in Libna, juön; kiñ in

Adulam, juõn; 16 kiñ in Makida, juõn; kiñ in Betel, juõn; 17 kiñ in Tapua, juõn; kiñ in Hiber, juõn; 18 kiñ in Epek, juõn; kiñ in Lasheron, juõn; 19 kiñ in Medon, juõn; kiñ in Hezor, juõn; 20 kiñ in Shimron-miron, juõn; kiñ in Aksap, juõn; 21 kiñ in Teanak, juõn; kiñ in Megido, juõn; 22 kiñ in Kedesh, juõn; kiñ in Jokneam i Karmel, juõn; 23 kiñ in Dor, i jikin e utiej an Dor, juõn; kiñ in Goim i Gilgal, juõn; 24 kiñ in Tirza, juõn; kiñ ro otemjej jilñoul juõn.

**13** A ke <sup>1</sup>Joshua e ridto wõt, im bwijwolâ; Jeova e ar ba ñõn e, Kwoj ridto wõt, im bwijwolâ, im elap mõtõn ene ej ber bwe ren böke. **2** Eñin ene ej berwõt: ene otemjej an ro dri Pilstia, im dri Gishur; **3** jen Saihor, eo ej iman Ijipt, ñõn tõren Ekron eañ, ene ko rej bwini an ro dri Kenean; lailim iroiñ an ro dri Pilstia; ro dri Geza, im ro dri Ashdod, ro dri Ashkilon, ro dri Git, im ro dri Ekron; bareinwõt ro dri Avim, **4** irök; aolepen enen ro dri Kenean, im Miera an ro dri Saidon, ñõn Epek, ñõn tõrenen ro dri Amor; **5** im enen ro dri Gibal, im aolepen Lebanon kafen tak al, jen Beal-gad, i unin tol Hermon ñõn mejäti an Hemat; **6** ro otemjej rej jokwe ilo ene ko re utiej jen Lebanon ñõn Mizrepot-meim, aet, ro dri Saidon otemjej; I naj ubakelok ir jen iman ro nejin Israel; men in wõt, kwon lelok ñõn Israel air men in jolit, einwõt I ar jiroñ yuk. **7** Inem kwon ajej enin men in jolit ñõn bwij ko druatimjuõn, im jibikwon bwijin Menassa.

**8** Ro dri Ruben im ro dri Gad, rar bök air men in jolit, eo Moses e ar lelok ñõn ir, i Jordan jabueo i rear, einwõt Moses korijeran Jeova e ar lelok ñõn ir: **9** jen Aroer i tõrenen komlöl Arnon, im jikin kwelok eo iolapen komlöl eo, im aolepen ene emõn biken in Midiba ñõn Daibon; **10** im jikin kwelok otemjej an Saihon kiñ an ro dri Amor, eo e ar iroiñ in Heshbon, ñõn tõrenen ro nejin Amon; **11** im Giliad, im tõrenen ro

dri Gishur, im ro dri Meakat, im aolepen tol Hermon, im aolepen Beshan ñõn Salika; **12** aolepen ailin an Og ilo Beshan, eo e ar kiñ i Ashterot im i Edreai, (eo emwij likit e mõtõn ro dri Ripeim); bwe rein Moses e ar mõn im lujeljelok. **13** Ijoke, ro nejin Israel rar jab kadriojlok ro dri Gishur, ak ro dri Meakat: a dri Gishur im dri Meakat rej jokwe i bwiljin Israel ñõn ranin. **14** Ñõn bwijin Livai wõt, e ar lelok ejelok men in jolit; jurtak ko an Jeova, Anij in Israel, komõnmõne kin kijeek, jolit eo an, einwõt e ar ba ñõn e.

**15** Im Moses e ar lelok ñõn ro nejin Ruben ekar ñõn nukin ko. **16** Im tõrenen eo air jen Aroer, eo ej i tõrenen komlöl Arnon, im jikin kwelok eo iolapen komlöl eo, im aolepen eneo emõn biken i Mediba; **17** Heshbon, im aolepen jikin kwelok ko ilo ene emõn biken; Daibon, im Bamot-beal, im Bet-beal-mion, **18** im Jehaz, im Kedimot, im Mipat; **19** im Kiriateim, im Sibma, im Zeret-shehar i tol in komlöl eo, **20** im Bet-pior, im ene re utiejlok an Pisga, im Bet-jeshimot, **21** im jikin kwelok otemjej i ene emõn biken, im aolepen ailin an Saihon kiñ an ro dri Amor, eo e ar kiñ in Heshbon, eo Moses e ar mõn e iben iroiñ ro an Midian, Evi, im Rikem, im Zur, im Hur, im Riba, iroiñ ro an Saihon, ro rar jokwe i eneo. **22** <sup>1</sup> Bealam bareinwõt nejin Bior, dri marmir, eo ro nejin Israel rar mõne iben ro mijijak. **23** Im tõrenen ro nejin Ruben, Jordan im tõrenen. Eñin jolitan ro nejin Ruben ekar ñõn ro nukir, jikin kwelok ko relap im wujen ko air.

**24** Im Moses e ar lelok ñõn bwijin Gad, ñõn ro nejin Gad, ekar ñõn nukin ko. **25** Im tõrenen eo air Jezer, im jikin kwelok ko otemjej an Giliad, im jibilkwon enen ro nejin Amon, ñõn Aroer ej iman Rabba; **26** im jen Heshbon ñõn Remot-mizpa, im Betonim; im jen Mehaneim ñõn tõrenen Dibir; **27** im komlöl Bet-heram, im Bet-nimra, im Sökkot, im Zepon, ma-

<sup>1</sup> Jap. 14. 10.<sup>1</sup> Bwin. 31. R.

tōn ailiñ in Saihon kiñ in Heshbon, Jordan im tōreren, ñōn mōtōn eo i jabiñ lomalo Kineret, i Jordan jabueo i rear. 28 Eñin jolit an ro nejin Gad, ekar ñōn ro nukir, jikin kwelok ko relap im wujen ko air.

29 Im Moses e ar lelok jolit ñōn jibilkwon Menassa: im ej ñōn jibilkwon bwijin Menassa, ekar ñōn nukin ko. 30 Im tōreren eo air jen Mehanaim, aolepen Beshan, im aolepen enen Og kiñ in Beshan, im jikin kwelok otemjej an Jeir, ko rej ber i Beshan, jiljinoñoul jikin kwelok: 31 im jibilkwon Giliad, im Ashterot im Edraei, jikin kwelok an ailiñ in Og i Beshan, ñōn ro nejin Mekir, nejin Menassa, aet, ñōn jibilkwon ian ro nejin Mekir ekar ñōn ro nukir.

32 Irkein jolit ko Moses e ar ajeljlok ilo ene emōn biken an Moab, i Jordan jabueo ikijen Jeriko, i rear. 33 A ñōn bwijin Livai, Moses e ar lelok ejelok air jolit: Jeova, Anij in Israel, air men in jolit, einwōt E ar ba ñōn ir.

14 Im irkein men in jolit ko ro nejin Israel, ko rar bōki ilo enen Kenean, im Iliezar pris, im Joshua nejin Nōn, im jiōb ro an moko imōn ro jimair, an bwij ko an Israel, rar ajeljlok ñōn ir, 2 kin kakōlen air jolit, einwōt Jeova e ar jiroñ kin Moses, ñōn bwij ko druatimjuōn im jibilkwon. 3 Bwe emwij an Moses lelok men in jolit ñōn bwij ko ruo im jibilkwon i rear in Jordan: a e ar jab lelok men in jolit ñōn ro dri Livai ibeir. 4 Bwe ro nejin Josep ruo bwij, Menassa im Ipreim: im rar lelok ejelok mōtōn ñōn ro dri Livai, ilo eneo, a e ar lelok jikin kwelok ko in jokwe, im ene ko iturir, ñōn kiru ko air kab mweieir. 5 Einwōt Jeova e ar jiroñ Moses, ein drein ro nejin Israel rar kōmōn: im rar ajej eneo.

6 Ien eo ro nejin Juda rar kebaklok ñōn Joshua i Gilgal: im <sup>1</sup>Keleb nejin Jepunne dri Keniz, e ar ba ñōn e, Kwo jela men eo Jeova e ar ba ñōn Moses armij òn Anij kin ña im kin

kwe i Kedesh-barnia. 7 Ña ridtōn eñoul yiō, ke Moses korijeran Anij e ar jilkinlok iō jen Kedesh-barnia bwe in wat eneo; im I ar bōtkot ñōn e nan einwōt ilo buruō. 8 Ijoke, ro jeio im jatiō, ro rar ilok ibalok, rar kaunlok buruen armij ro; a ña I ar kanuij lor Jeova aō Anij. 9 Im Moses e ar kanōjni ran eo, im ba, Emol ijo neōm e ar jure, e naj am men in jolit im an ro nejōm ñōn in drio, kin ke kwar kanuij lor Jeova am Anij. 10 Inem kiō, lo, Jeova e ar kejbarōk aō mour, einwōt E ar ba, iomin yiō kein eñoul lailim, jen ien eo Jeova e ar konono nan ñōn Moses, ke Israel e ar etetal ilo ene jemaren: in kiō, lo, ña ridtōn druaitōkñoul lailim yiō. 11 Nōn ien in ña I kajur einwōt ilo ran eo ke Moses e ar jilkinlok iō: einwōt aō kajur ien eo, ein drein aō kajur kiō, ñōn tōrinae, im ñōn drioij dreloñ. 12 Kin men in, kiō, kwon letok ñōn iō enin e utiej, eo Jeova e ar ba kake ran eo; bwe kwar roñ ran eo ekijkan ro dri Enak rar ber ijo, im elap jilkin kwelok ko im eor air worwor: bwelen Jeova e naj ber iba, im I naj ubakelok ir, einwōt Jeova e ar ba.

13 Im Joshua e ar jare; im e ar lelok Hibron ñōn Keleb nejin Jepunne, an jolit. 14 Inem Hibron ej jolit an Keleb nejin Jepunne dri Keniz, ñōn ranin; bwe e ar kanuij lor Jeova, Anij in Israel. 15 Ak etan Hibron mokta, Kiri-at-arba; Arba eo armij elaptata ian ro dri Enak. Im eneo e ar kaki je jen tōrinae.

15 Im kakōlen bwijin ro nejin Juda, ekar ñōn nukin ko, ñōn tōreren Idom, aet, ñōn ene jemaren in Zin irōk, i mōtōn ene irōk tata. 2 Im tōreren eo air irōk, jen jabōn lomalo Ejātōk etolok tata jen lam eo ej jujelruñalok; 3 im e ar waruñalok jen ijo e utiejlok an Akrabim, ñōn Zin, im e ar wōnliñlok irōk jen Kedesh-barnia, im manlok iturin Hezron, im wōnliñlok ñōn Adar, im rollok ñōn Karka; 4 im e ar etallok ñōn Azmon, im driblok wea in Ijpt; im driblok ko an i tōreren lojit: eñin naj ami tōreren tuirōk. 5 Im tōreren i

<sup>1</sup> Bwin. 13. 6. 30.

rear, lomalo Ejätök, aet, ñon jemlokön Jordan. Im töreran mötön eañ, jen lam im lomalo i jemlokön Jordan; **6** im töreran eo e ar wönlñlok ñon Bet-hogla, im etallok iññin Bet-araba; im töreran e ar wönlñlok ñon dreka in Bohan nejin Ruben; **7** im töreran eo e ar wönlñlok ñon Dibir jen komlöl Ekor, im ein drein niñalok, im kaioklok Gilgal, eo ej ikijen liñlok ñon Adumin, eo ej irök jen river eo; im töreran eo ej etallok ñon dren ko an En-shimesh, im jemlokair i Enrogel; **8** im töreran eo ar wönlñlok ilo komlöl an nejin Hinom ñon töreran dri Jibus irök, (eñeo Jerusalem); im töreran eo e ar wönlñlok ñon jabön tol eo ej iman komlöl an Hinom i kabilññ, eo i mötön komlöl in Ripeim etolak tata eañ; **9** im töreran eo e ar ilok jen jabön tol eo ñon unin dren ko in Niptoa, im driojlok ñon jikin kwelok an Epron; im rar kômön töreran eo ñon Beala, (eñeo Kiriat-jierim); **10** im töreran e ar rollok jen Beala i kabilññ ñon tol Sier, im etallok ñon tol Jierim eañ, (eñeo Kiselon), im e ar wönlölok ñon Bet-shimesh, im ilok iturin Timna; **11** im töreran e ar driojlok ñon turin Ekron eañ; im rar kômön töreran eo ñon Shikiron, im etallok ñon tol Beala, im driojlok i Jabniel; im töreran eo e ar driblok i lojit. **12** Im töreran eo i kabilññ, lomalo elap, im töreran eo an. Eñin töreran ro nejin Juda i belakin ekar ñon ro nukir.

**13** Im ñon Keleb nejin Jepunne, e ar lelok juön mötön iben ro nejin Juda, ekar ñon kien Jeova ñon Joshua, aet, Kiriat-arba, im Arba eo jemen Henak, (eñin Hibrón). **14** Im Keleb e ar ubakelok jen ijo ro nejin Enak jilu: Shishai, im Ehaiman, im Talmai, ro nejin Enak. **15** Im e ar wönlñlok ñon ijo, nae ro dri Dibir: ak etan Dibir mokta, Kiriat-siper. **16** Im Keleb e ar ba, Eo ej mön Kiriat-siper, im böke, I naj lelok ñon e Aksa, lo nejiö bwe en belen. **17** Im Otniel, nejin Kinaz, jätin Keleb, e ar böke, inem e ar lelok ñon e Aksa nejin bwe en lio belen. **18** Im ke e ar ilok ñon

iben, e ar karel e bwe en kajitök jen jemen juön jikin kallip: im lio e ar tolöl jen ass eo an; im Keleb e ar ba ñon e, Ta eo kwoj kōnan? **19** Im e ar ba, Kwon letok aō men in jeram-mōn; bwe kwar likit iō ilo ene irök, kwon bareinwöt letok unin dren ko. Inem e ar lelok unin dren ko ilōñ kab unin dren ko ilöl.

**20** Eñin men in jolit an bwijin ro nejin Juda ekar ñon nukin ko.

**21** Im jikin kwelok ko retolak tata an bwijin ro nejin Juda i töreran Idom irök, Kabzil, im Ider, im Jegur, **22** im Kina, im Dimona, im Adeda, **23** im Kedesh, im Hezor, im Itnan, **24** Zip, im Tilem, im Bialot, **25** im Hezor-Adata, im Kiriot-hezron, (eñin Hezor), **26** Emam, im Shima, im Moleda, **27** im Hezar-gada, im Heshmon, im Bet-bilet, **28** im Hezar-shual, im Bier-shiba, im Biziotia, **29** Beala, im Iim, im Izem, **30** im Eltolad, im Kisol, im Horma, **31** im Ziklag, im Madmana, im Sanana, **32** im Lebeot, im Shilim, im Ein, im Rimmon: jikin kwelok otemjej roñoul druatimjuön, kab wujen ko air.

**33** Ilo ene etä, Eshteol, im Zora, im Ashna, **34** im Zanoa, im Enganim, Tapua, im Inam, **35** Jarmut, im Adullam, Soko, im Azika, **36** im Shearim, im Aditeim, im Gedira, im Gederoteim; joñoul emen jikin kwelok kab wujen ko air.

**37** Zinan, im Hadesha, im Migdal-gad, **38** im Dilean, im Mizpa, im Joktiel, **39** Lekish, im Bozkat, im Eglon, **40** im Kabon, im Laman, im Kitlish, **41** im Gederot, Bet-degon, im Neama, im Makida; joñoul jiljino jikin kwelok kab wujen ko air.

**42** Libna, im Iter, im Eshan, **43** im Ipta, im Ashna, im Nizib, **44** im Keila, im Akzib, im Marisha; druatimjuön jikin kwelok kab wujen ko air.

**45** Ekron, kab wujen ko an; **46** jen Ekron im ñon lomalo, ko otemjej iturin Ashdod, kab wujen ko air.

**47** Ashdod, im wujen ko an; Geza, im wujen ko an; ñon wea in Ijpt, im lomalo elap, kab töreran.



48 Im ilo ene e utiej, Shemir, im Jattir, im Soko, 49 im Dana, im Kiriatsana, (eñin Dibir), 50 im Enab, im Eshimot, im Enim, 51 im Goshen, im Holon, im Gailo; joñoul juñ jikin kwelok kab wujen ko air.

52 Erab, im Duma, im Ishan, 53 im Janim, im Bet-tapua, im Epika, 54 im Humta, im Kiriatarba, (eñin Hibron), im Zior; druatimjuñ jikin kwelok kab wujen ko air.

55 Meon, Karmel, im Zip, im Juta, 56 im Jezriel, im Jokdiam, im Zenoa, 57 Kein, Gibia, im Timna; joñoul jikin kwelok kab wujen ko air.

58 Halhul, Bet-zur, im Gidor, 59 im Mearat, im Bet-Anot, im Eltikon jiljino jikin kwelok kab wujen ko air.

60 Kiriatsbeal, (eñin Kiriatsjierim), im Rabba; ruo jikin kwelok kab wujen ko air.

61 Ilo ene jemaren, Bet-araba, Midin, im Sekaka, 62 im Nibshan, im jikin kwelok Jätök, im Engedai; jiljino jikin kwelok kab wujen ko air.

63 Im kin <sup>1</sup>ro dri Jibus, ro dri Jerusalem, ro nejin Juda re ban kadriojlok ir: a ro dri Jibus rej jokwe iben ro nejin Juda i Jerusalem ñon ranin.

**16** Im kakölen ro nejin Josep e ar ilok jen Jordan i Jeriko, i dren ko an Jeriko i rear, aet, ene jemaren eo, im wönlölok jen Jeriko ilujen ene ko re utiej ñon Betel; 2 im e ar driojlok jen Betel ñon Luz, im etalok ñon töreran ro dri Ark ñon Aterot; 3 im e ar wönlölok i kabilüñ ñon töreran dri Japlet, ñon töreran Bet-horon etä, aet, ñon Gizer; im jemlökön i lomalo. 4 Im ro nejin Josep, Menassa im Ipreim, rar bök air men in jolit.

5 Im töreran ro nejin Ipreim, ekar ñon nukin ko, ein drein: aet, töreran air men in jolit i rear in Aterot-adar, ñon Bet-horon e utiej; 6 im töreran e ar itolok i Mikmetat eañ; im töreran eo e ar roltalok ñon Teanat-shailo, im etalok iturin i rear in Janoa; 7 im e ar wönlölok jen Janoa ñon Aterot, im ñon Neara, im tartok ñon Jeriko,

im driblok i Jordan. 8 Jen Tapua töreran eo e ar itolok ñon wea Kena; im e ar driblok i lomalo. Eñin men in jolit an bwijin ro nejin Ipreim ekar ñon nukin ko; 9 im bareinwöt jikin kwelok ko emwij ajej ñon ro nejin Ipreim ilujen jolit an ro nejin Menassa, jikin kwelok otemrej kab wujen ko air. 10 Im rar jab kadriojlok ro dri Kenean, ro rar jokwe i Gizer: a ro dri Kenean rej jokwe ilujen Ipreim ñon ranin, im rej dri korijer in kömöñ jermal ko.

**17** Im eñin kakölen bwijin Menassa; bwe e manjien Josep. Mekir manjien Menassa, jemen Giliad, e dri törinae, kin men in, Giliad im Beshan an. 2 Ein drein kaköle ñon ro jet nejin Menassa ekar ñon nukin ko: ñon ro nejin Ebaiezor, im ñon ro nejin Hilek, im ñon ro nejin Asriel, im ñon ro nejin Shikem, im ñon ro nejin Hiper, im ñon ro nejin Shemaida: irrein man ro nejin Menassa nejin Josep, ekar ñon nukin ko. 3 A Zelopihad, nejin Hiper, nejin Giliad, nejin Mekir, nejin Menassa, ejelok nejin eman, a eor nejin köra; im irkein etan limaro nejin: Mala, im Noa, Hogla, Milka, im Tirza. 4 Im rar druaktok iman Iliezar pris, im iman Joshua nejin Nön, im iman iroiñ rön, im ba, Jeova e ar jiroñ Moses bwe en letok am jolit iben ro jeim im jätim man: inem ekar ñon kien Jeova, e ar lelok ñon ir jolit iben jeim im jätim jeimeir. 5 Im joñoul mötön rar buñ ñon Menassa bareinwöt enen Giliad im Beshan eo i rear in Jordan; 6 kin ke köra ro nejin Menassa rar bök air jolit iben ro nejin eman. Im enen Giliad e kar an man ro jet nejin Menassa.

7 Im töreran Menassa jen Asher ñon Mikmitat, eo iman Shikem; im töreran eo e ar etalok i ambijmaroñ ñon ro dri En-tapua. 8 Enen Tapua an Menassa; a Tapua i töreran Menassa an ro nejin Ipreim. 9 Im töreran eo e ar wönlölok ñon wea Kena, irök-in wea eo: jikin kwelok kein an Ipreim, iben jikin kwelok ko an Menassa: im töreran Menassa iüñin wea eo,

<sup>1</sup> Eka. 1. 21.

im ej driblok i lomalo: 10 irök an Ipream, im eañ an Menassa, im lomalo eo töreran; im rar ilok ñon Asher eañ, im ñon Issakar i rear. 11 Im an Menassa ilo Issakar im ilo Asher, Bet-shian im wujen ko an, im Ibliam im wujen ko an, ro dri Dor im wujen ko an, im ro dri Endor im wujen ko an, im ro dri Teanak kab wujen ko an, im ro dri Megido kab wujen ko an, aet, tol ko jilu. 12 Ijoke, ro nejin Menassa re ban kadrioielok ro dri jikin kwelok ko; a ro dri Kenean ebin air jokwe ilo eneo. 13 A ke ro nejin Israel rar kajurlok, rar kajerbal ro dri Kenean, im rar jab kanuij kadrioielok ir.

14 Im ro nejin Josep rar konono ñon Joshua, im ba, Etke kwar letok juön wöt men in kaköle, im juön wöt men in jolit, a ña juön bwij elap, bwe ñon ien in Jeova e ar kejerammön iö? 15 Im Joshua e ar ba ñon ir, Elañe kwe juön bwij elap, kwon wönliñlok ilo bukwon wijki, im möke juokwe ñon kwe ijo ilo enen ro dri Periz, kab dri Ripeim; elañe kwo obrök kake ene utiej enen Ipream. 16 Im ro nejin Josep rar ba, Eneo e utiej e jab bwe ñon kim: im ro dri Kenean otemej rej jokwe ilo komlöl, eor air jariot mäl, ro ilo Bet-shian im wujen ko an, im ro rej ber ilo komlöl Jezriel. 17 Im Joshua e ar konono ñon imön Josep, aet, ñon Ipream im Menassa, im ba, Kwe juön bwij elap, im elap an kajur, kwo jamin bök juön wöt bukwon: 18 a eneo e uteij e naj am; bwe meñe bukwon wijki, kwo naj juokwe, im jemlokön e naj am; bwe kwo naj dadrioielok ro dri Kenean, meñe eor air jariot mäl, im meñe re kajur.

18 Im aolepen jar eo an ro nejin Israel rar kweloklok i Shailo, im rar kajutök imön kwelok, im nuk-nuk eo ijo: im emwij kötaik eneo imair. 2 Im rar berwöt ian ro nejin Israel jiljilimjuön bwij, ro re jañin azejlok air jolit. 3 Im Joshua e ar ba ñon ro nejin Israel, Ietoön ami rumij in dreloñ in bök eneo, eo Jeova Anij an ro jimami, e ar lewoj? 4 Ko-

min kälet kajilu eman jen jabrewöt bwij: inem I naj jilkinlok ir, im re naj jutök, im etetal ilujen eneo, im jeje wäwen ekar ñon air men in jolit; im re naj bar itok ñon iba. 5 Im re naj azej ilo jiljilimjuön mötön: Juda e naj berwöt ilo töreran eo an irök, im imön Josep e nej ber ilo töreran eo air eañ. 6 Im kom naj azej eneo ilo jiljilimjuön mötön, kin jeje kake, inem komin böktok jeje eo ñon iba; im I naj kömön kaköle ñon kom iji iman Jeova ar Anij. 7 Bwe ro dri Livai, ejelok air kijibemi; bwe jerbal in pris an Jeova ej air jolit: im Gad im Ruben im jibilkwon bwijin Menassa rar bök air jolit i Jordan jabueo i rear, eo Moses korijeran Jeova e ar lelok ñon ir.

8 Inem armij ro rar jutök, im ilok: im Joshua e ar jiroñ ro rar ilen jeje wäwen eneo, im ba, Komin ilok im etalok ilujen eneo, im jeje wäwen, im bar itok ñon iba; inem I naj kömön kaköle ñon kom iji iman Jeova, i Shailo. 9 Im lömaro rar etetal ilujen eneo, im kwalok wäwen ekar ñon jikin kwelok ko an, ilo juön buk; im rar jeblak ñon iben Joshua, ñon kamp eo i Shailo. 10 Im Joshua e ar kömön kaköle ñon ir i Shailo, iman Jeova: im ijo Joshua e ar azejlok eneo ñon ro nejin Israel, ekar ñon mötair.

11 Im kakölen bwijin ro nejin Benjamin e ar walok ekar ñon nukin ko; im töreran bukwoñ eo air e ar drioielok ikötan ro nejin Juda im ro nejin Josep. 12 Im töreran eo air eañ, jen Jordan; im töreran eo e ar wönliñlok ñon turin Jeriko eañ, im e ar wönliñlok ilujen ene utiej tolok; im e driblok i ene jemaren an Bet-even. 13 Im töreran e ar etalok jen ijo ñon Luz, ñon turin Luz, (eñeo Betel), irök; im töreran eo e ar wönlöllok ñon Aterot-adar, im iturin tol eo ej irök jen Bet-horon eo etä. 14 Im töreran eo e ar rol i kabilüñ ñon rök, jen tol eo ej ber iman Bet-horon irök; im e driblok i Kiriati-beal, (eñeo Kiriati-jierim), juön jikin kwelok an ro nejin Juda: eñin mötön eo i kabilüñ. 15 Im mötön

eo irök jen jabön etolok tata an Kiri-at-jierim; im törerer eo e ar itolok, im driblok unin dren ko an Neptoa; **16** im törerer eo e ar wönlölok ñön mötön eliktata mötön tol eo ej iman komlöl an nejin Hinom, eo ej komlöl in Ripeim eañ; im e ar wönlölok ñön komlöl in Hinom, ñön turin dri Jibus irök, inem e ar wönlölok ñön Enrogel; **17** im e ar waniñalok, im driblok i En-shimesh, im driojlok ñön Gilailot, eo ikijen wönlñilok in Adumim; im e ar wönlölok ñön dreka eo an Bohan, nejin Ruben; **18** im e ar etalok ñön turin eo ikijen Araba eañ, im e ar wönlölok ñön Araba; **19** im törerer eo e ar etalok ñön turin Bet-hogla eañ; im e driblok lam eo eañ ilo lomalo Ejätök, i jemlokön Jordan irök: eñin törerer irök. **20** Im Jordan törerer eo i rear. Eñin jolit an ro nejin Benjamin, kin törerer ko i belakin, ekar ñön nukin ko.

**21** A jikin kwelok ko an ro nejin Benjamin, ekar ñön nukin ko, Jeriko, im Bet-hogla, im Emek-kiziz, **22** im Bet-araba, im Zemareim, im Betel, **23** im Avim, im Pera, im Opra, **24** im Kepar-amonai, im Opnai, im Giba; joñoul ruo jikin kwelok kab wujen ko air: **25** Gibeon, im Rema, im Bierot, **26** im Mizpa, im Kipaira, im Moza, **27** im Rikem, im Irpiel, im Tarala, **28** im Zila, Ilep, im dri Jibus, (eñeo Jerusalem), Gibeat, im Kiriati; joñoul emen jikin kwelok kab wujen ko air. Eñin jolit an ro nejin Benjamin ekar ñön nukin ko.

**19** Im kaköle ken ka ruo e ar walok ñön Simeon, aet ñön bwijin ro nejin Simeon ekar ñön nukin ko air: im air jolit iolapen jolit an ro nejin Juda. **2** Im ibeir, air jolit Bier-shiba, ak Shiba, in Moleda, **3** im Hezar-shual, im Bela, im Izem, **4** im Eltolad, im Betul, im Horma, **5** im Ziklag, im Bet-markebot, im Hezar-susa, **6** im Bet-lebeot, im Sharuh: joñoul jilu jikin kwelok kab wujen ko air: **7** Ein, Rimon, im Iter, im Eshan; emen jikin kwelok kab wujen ko air: **8** im jikin kwelok ko vedrik otemjej iturin jikin kwelok

kein ñön Bealat-bier, Rema eo irök. Eñin jolit an bwijin ro nejin Simeon: ekar ñön nukin ko air. **9** Jen mötön ro nejin Juda, jolit eo an ro nejin Simeon iolapen jolit eo air; bwe mötön eo an ro nejin Juda elap jen ir: kin men in ro nejin Simeon rar bök jolit iolapen jolit eo air.

**10** Im kaköle eo ken ka jilu, e ar walok ñön ro nejin Zebulun, ekar ñön nukin ko air. Im törerer air jolit i Serid; **11** im törerer eo air e ar wönlñilok i kabilññ ñön Merala wöt, im tōbar Dabishet; im e ar tōbar wea eo iman Jokniam; **12** im e ar roltalok jen Serid ñön tak al im ñön törerer Kislot-tebor; im e ar driblok ñön Dabirat, im e ar wönlñilok ñön Jepaia; **13** im jen ijo e ar italok ñön Gathiper, ñön Et-kazin; im e ar driblok Rimon eo ej tōbar Nia; **14** im törerer eo e ar kabol eañ ñön Hanaton; im jemlokön i komlöl an Ipta-el; **15** im Katta, im Nehalal, im Shimron, im Idela, im Betleem: joñoul ruo jikin kwelok im wujen ko air. **16** Eñin jolit eo an ro nejin Zebulun, ekar ñön nukin ko air, jikin kwelok kein kab wujen ko air.

**17** Kaköle eo ken kemen e ar walok ñön bwijin ro nejin Issakar, ekar ñön nukin ko air. **18** Im törerer eo air ñön Jezriel, im Kisulot, im Shunem, **19** im Haperim, im Shion, im Aneherat, **20** im Rabbit, im Kishion, im Ibez, **21** im Rimet, im Enganim, im En-hada, im Bet-paziz, **22** im törerer eo e ar tōbar Tebor, im Shahazuma, im Bet-shimesh; im jemlokön i Jordan: joñoul jiljino jikin kwelok kab wujen ko air. **23** Eñin jolit an bwijin ro nejin Issakar ekar ñön nukin ko air: jikin kwelok ko kab wujen ko air.

**24** Im kaköle eo ken ka lailim e ar walok ñön bwijin ro nejin Asher ekar ñön nukin ko air. **25** Im törerer eo air Helkat, im Helai, im Biten, im Aksap, **26** im Alamelek, im Emad, im Maishal; im e ar tōbar Karmel i kabilññ, im Saihor-libnat; **27** im e ar roltalok ñön Bet-degon, im tōbar Zebulun, im komlöl in Iptael eañ ñön

Bet-imek, im Neiel; im e ar driblok ñon Kebul i anmiñ, 28 im Ibron, im Rihob, im Hamon, im Kena, aet ñon Saidon elap; 29 im tōreran e ar rollok ñon Rema, im ñon Tair eor an worwor; im tōreran eo e ar rollok ñon Hosa; im jemlokōn i lojit, i enen Akzib; 30 Uma bareinwōt, im Epek, im Rihob: roñoul ruo jikin kwelok kab wujen ko air. 31 Eñin jolit an bwijin ro nejin Asher ekar ñon nukin ko air, jikin kwelok kein, kab wujen ko air.

32 Kakōle eo ken ka jiljino e ar walok ñon ro nejin Naptalai, aet, ñon ro nejin Naptalai ekar ñon nukin ko air. 33 Im tōreran eo air jen Hilep, jen wijki ok eo i Zeanim, im Adaminikeb, im Jabniel, ñon Lakum; im jemlokōn i Jordan; 34 im tōreran eo e ar roltolok ñon Aznot-tebor, im etallok jen ijo ñon Hukok; im e ar tōbar Zebulun irōk, im etallok ñon Asher i kabilūñ, im ñon Juda i Jordan ñon tak al. 35 Im jikin kwelok eor air worwor, Zidim, Zer, im Hemat, Rekat, im Kineret, 36 im Adama, im Rema, im Hezor, 37 im Kedesh, im Edraei, im En-hezor, 38 im Airon, im Migdal-el, Horem, im Bet-anat, im Bet-shimesh; joñoul druatimjuōn jikin kwelok kab wujen ko air. 39 Eñin jolit an bwijin ro nejin Naptalai, ekar ñon nukin ko air, jikin kwelok ko kab wujen ko air.

40 Kakōle eo ken ka jiljilimjuōn e ar walok ñon bwijin ro nejin Dan ekar ñon nukin ko air. 41 Im tōreran air jolit Zora, im Eshteol, im Irshimesh, 42 Shealabin, im Aijalon, im Imla, 43 im Ilon, im Timna, im Ekron, 44 im Eltika, im Gibiton, im Bealat, 45 im Jihud, im Bene-birak, im Gat-rimon, 46 im Mi-jarkon, im Rakon, im tōreran ikijen Joppa. 47 Im tōreran ro nejin Dan e ar driblok etolok jen ir; bwe ro nejin Dan rar wōnlñlok im tōrinaek dri Lishem, im bōke, im mōn e kin mejen jāji, im drebij e, im jokwe iloan, im rar naetan Lishem Dan, einwōt etan Dan jemeir. 48 Eñin jolit an bwijin ro nejin Dan, ekar ñon nukin ko air, jikin kwelok ko air kab wujen ko air.

49 Ein drein rar kamwijlok air ajej eneo ñon jolit kin tōreran ko an; im ro nejin Israel rar lelok ñon Joshua, nejin Nōn, jolit ilo bwiljir: 50 ekar ñon kien Jeova, rar lelok ñon e jikin kwelok eo e ar kajitōk ibeir, aet, Timnat-sira, ilo ene utiej an Ipream; im e ar kalek jikin kwelok eo, im jokwe iloan.

51 Irkein jolit ko Iliezar pris eo, im Joshua nejin Nōn, im jiōb ro an moko imōn ro jimair, jen bwij ko bwijin ro nejin Israel rar ajej kin kakōle, air men in jolit, iman Jeova, i Shailo, iturin kejem an imōn kwelok eo. Ein drein rar kamwijlok air ajej eneo.

**20** Im Jeova e ar konono ñon Joshua, im ba, 2 Kwon konono ñon ro nejin Israel, im ba, Komin likit ñon kom jikin kwelok ko in koni, ko I ar konono ñon kom kake kin Moses, 3 bwe dri kalanwōtwōt armij, eo ej mōn jabrewōt ilo bwir, im jaje kake, en koni: im re naj ñon kom jikin ko jen dri kwi kin bōtōktōk. 4 Im en ko ñon juōn ian jikin kwelok kein, im e naj jutōk i kejem in jikin kwelok eo, im kwalok kōmōn eo an i lojiliñin ridto ro an jikin kwelok eo; im re naj kadrelōñ e iloan jikin kwelok eo ñon ibeir, im najikin bwe en jokwe ibeir. 5 Im elañe dri kwi kin bōtōktōk ej lukworkwor e, inem re jamin lelok dri kalanwōtwōt eo na ilo pein; bwe e ar mōn dri turin ilo bwir, im e ar jab kijirāt e mokta. 6 Im e naj jokwe ilo jikin kwelok eo mae ien an jutōk iman jar eo kin ekajet, mae ien an pris elap mij, eo ilo ran ko: inem dri kalanwōtwōt e naj jeblak im dreloñ iloan jikin kwelok eo an, im ñon mweo imōn, ñon jikin kwelok eo e ar ko jen e.

7 Im rar kejenolok Kedesh ilo Galili ilo ene eutie an Naptalai, im Shikem ilo ene eutie an Ipream, im Kiriāt-Arba, (eñeo Hibron), ilo ene eutie an Juda. 8 Im i Jordan jabueo ikijen Jeriko, i rear, rar likit Bizer ilo ene jemaren, ilo ene emōn biken ilo bwijin Ruben, im Remot ilo Giliad ilo bwijin Gad, im Golan ilo Beshan

ilo bwijin Menassa. 9 Irkein jikin kwelok ko rar likiti ñôn ro nejin Israel otemjej, im ñôn drua maijet eo ej itoitök ibeir, bwe jabrewöt eo ej mōn jabrewöt armij ilo jaje kake en koni, im jab mij kin pein dri kwi kin bōtōktök, mae ien an jutök iman jar eo.

**21** Im jiöb ro an moko imōn ro jimair, an ro dri Livai, rar druaktok ñôn iben Iliezar pris, im Joshua nejin Ñôn, im ñôn iben jiöb ro an moko imōn ro jimair an bwijin ro nejin Israel; 2 im rar konono ñôn ir i Shailo, ilo ene Kenean, im ba, Jeova e ar jiroñ kin Moses, bwe en letok ñôn kim jikin kwelok ko bwe kimin jokwe ie, im wujen ko iturir ñôn kiru ko am. 3 Inem ro nejin Israel rar lelok ñôn ro dri Livai, jen jolit eo air, ekar ñôn kien Jeova, jikin kwelok kein im wujen ko air.

4 Im kaköle e ar walok ñôn nukin ko an ro dri Kohat: im ro nejin Aron pris eo, rej ian ro dri Livai, rar bök kin kaköle, jen bwijin Juda, im jen bwijin ro dri Simeon, im jen bwijin Benjamin, joñoul jilu jikin kwelok.

5 Im ro jet nejin Kohat, rar bök kin kaköle jen nukin ko an bwijin Ipreim, im jen bwijin Dan, im jen jibilkwon bwijin Menassa, joñoul jikin kwelok.

6 Im ro nejin Gershon rar bök kin kaköle jen nukin ko an bwijin Asher, im jen bwijin Naptalai, im jen jibilkwon Menassa i Beshan, joñoul jilu jikin kwelok.

7 Ro nejin Mirerai, ekar ñôn nukin ko, rar bök jen bwijin Ruben, im jen bwijin Gad, im jen bwijin Zebulun joñoul ruo jikin kwelok.

8 Im ro nejin Israel rar lelok kin kaköle ñôn ro dri Livai, jikin kwelok kein kab wujen ko air, einwöt Jeova e ar jiroñ kin Moses. 9 Im rar lelok jen bwijin ro nejin Juda, im jen bwijin ro nejin Simeon, jikin kwelok kein emwij jeje etair ijin: 10 ñôn ro nejin Aron, nukin ko an ro dri Kohat, ro nejin Livai; bwe kaköle eo mokta air. 11 Im rar lelok ñôn ir Kiriatarba, Arba eo jemen Enak,

(eño Hibron), ilo eño eutie an Juda, kab wujen ko an. 12 A jikin kallip ko an jikin kwelok eo, im jikin kwelok ko wujen, rar lelok ñôn Keleb nejin Jepunne bwe en an.

13 Im ñôn ro nejin Aron, pris, rar lelok Hibron im jikin ko wujen, jikin kwelok in kone ñôn dri kalanwöt wöt, im Libna kab jikin ko wujen, 14 im Jatir kab jikin ko wujen, im Eshtimoa kab jikin ko wujen, 15 im Holon kab jikin ko wujen, im Dibir kab jikin ko wujen, 16 im Ein kab jikin ko wujen, im Juta kab jikin ko wujen, im Bet-shimesh kab jikin ko wujen; druatimjuön jikin kwelok jen bwij ko ruo. 17 Im jen bwijin Benjamin, Gibeon kab jikin ko wujen, im Giba kab jikin ko wujen, 18 Anatot, kab jikin ko wujen, im Almon kab jikin ko wujen; emen jikin kwelok. 19 Jikin kwelok otemjej an ro nejin Aron, pris ro, joñoul jilu jikin kwelok kab wujen ko air.

20 Im nukin ko an ro nejin Kohat, dri Livai, aet, ro jet nejin Kohat, rar bök jikin kwelok ñôn kaköle eo air, jen bwijin Ipreim. 21 Im rar lelok ñôn ir Shikem kab wujen ko an, ilo ene utiej an Ipreim, jikin kwelok in kone ñôn dri kalanwöt wöt, im Gizer kab wujen ko an, 22 im Kibzeira kab wujen ko an, im Bet-horon kab wujen ko an; emen jikin kwelok. 23 Im jen bwijin Dan, Eltike kab wujen ko an, Gibeton kab wujen ko an, 24 Aijalon kab wujen ko an, Gat-rimon kab wujen ko an; emen jikin kwelok. 25 Im jen jibilkwon bwijin Menassa, Teanak kab wujen ko an, Gat-rimon kab wujen ko an; ruo jikin kwelok. 26 Jikin kwelok otemjej an nukin ko, nukin ro jet nejin Kohat, joñoul jikin kwelok kab wujen ko air.

27 Im ñôn ro nejin Gershon, ian nukin ko an ro dri Livai, jen jibilkwon bwijin Menassa, rar lelok Golan ilo Beshan, kab wujen ko an, jikin kwelok in kone ñôn dri kalanwöt wöt, im Bi-estira, kab wujen ko an; ruo jikin kwelok. 28 Im jen bwijin Issakar, Kishion kab wujen ko an, Dabirat kab wujen ko an, 29 Jar-

mut kab wujen ko an, Engamon kab wujen ko an; emen jikin kwelok. 30 Im jen bwijin Asher, Maishal kab wujen ko an, Abdon kab wujen ko an, 31 Helkat kab wujen ko an, im Rihob kab wujen ko an; emen jikin kwelok. 32 Im jen bwijin Naptalai, Kedesh ilo Galili kab wujen ko an, im Kartan kab wujen ko an; jilu jikin kwelok. 33 Jikin kwelok otemej an ro dri Gershon, ekar nōn nukin ko air, joñoul jilu jikin kwelok kab wujen ko air.

34 Im nōn nukin ro nejin Mirerai, ro jet dri Livai, jen bwijin Zebulun, Jokniam kab wujen ko an, im Karta kab wujen ko an, 35 Dimna kab wujen ko an, Nahelel kab wujen ko an; emen jikin kwelok. 36 Im jen bwijin Ruben, Bizer kab wujen ko an, im Jehaz kab wujen ko an, 37 Kedimot kab wujen ko an, im Mipeat kab wujen ko an; emen jikin kwelok. 38 Im jen bwijin Gad, Remot ilo Giliad, kab wujen ko an, jikin kwelok in kone nōn dri kalanwōtwōt, im Mehaneim kab wujen ko an, 39 Heshbon kab wujen ko an, Jezer kab wujen ko an; emen jikin kwelok. 40 Irkein jikin kwelok otemej an ro dri Mirerai ekar nōn nukin ko air, aet, nukin ko jet an ro dri Livai; im kakōle eo air, joñoul ruo jikin kwelok.

41 Jikin kwelok otemej an ro dri Livai i bwiljin bukōn ko an ro nejin Israel, eñoul drualitōk jikin kwelok kab wujen ko air. 42 Jikin kwelok kein, jabrewōt iair, eor wujen ko iturir: ein drein iben aolepen jikin kwelok kein.

43 Ein drein<sup>1</sup> Jeova e ar lelok nōn Israel aolepen eneo E ar kanōjniy in lelok nōn ro jimair; im rar bōki im jokwe ilo ir. 44 Im Jeova e ar lelok nōn ir kakije jen ailn ko iturir, ekar nōn aolepen men eo E ar kanōjniy kake nōn ro jimair: im ejelok armijan ro otemej dri kijirāte ir e ar jutōk imair; Jeova e ar lelok ro otemej dri kijirāte ir na ilo peir. 45 E ar jab ir jirik mōtōn jabrewōt men eo emōn Jeova e ar konono

<sup>1</sup> Dot. 34. 4.

kake nōn imōn Israel; e aolep im jejit.

**22** Inem Joshua e<sup>1</sup> ar kirtok ro dri Ruben, im ro dri Gad, im jibilkwon bwijin Menassa, 2 im ba nōn ir, Kom ar bokake aolepen men eo Moses korijeran Jeova e ar jiroñ kom, im kom ar eoroñ ainikiō ilo men otemej I ar jiroñ kom: 3 kom ar jab ilok jen ro jeōmi im jātōmi iomin ran kein relōn, nōn ranin, a kom ar kejbārok nan in jiroñ an Jeova ami Anij. 4 Im kiō, Jeova ami Anij e ar letok kakije nōn ro jeōmi im jātōmi, einwōt E ar konono nōn ir; kin men in, komin oktōk, im ilok nōn mokoimwemi, nōn enen ami jolit, eo Moses korijeran Jeova e ar lewoj i Jordan jabueo. 5 Men in wōt, komin kanuij lale bwe komin kōmōn nan in jiroñ im kien eo, eo Moses korijeran Jeova e ar jiroñ kom kake, im yokwe Jeova ami Anij, im etetal ilo ial ko An otemej, im lale kien ko An, im edrep nōn E, im korijer nōn E kin aolepen buruemi im aolepen ami. 6 Ein drein Joshua e ar jare ir im jilkinlok ir; im rar ilok nōn moko imweir.

7 Nōn jibilkwon bwijin Menassa Moses e ar lelok air jolit i Beshan; a nōn mōtōn eo juōn, Joshua e ar lelok iben ro jeir im jātir i Jordan jabueoi kabilūn. Bar juōn, ke Joshua e ar jilkinlok ir nōn moko imweir, e ar jare ir, 8 im konono nōn ir, im ba, Komin jeblak nōn moko imwemi, im en ibemi elōn mweiuk, im elōn wōt kiru, im silver, im gold, im jinibōrōrō, im māl, im elōn wōt nuknuk ko: komin ajej men in rakim jen ro dri kijirāte kom iben ro jeōmi im jātōmi. 9 Im ro nejin Ruben im nejin Gad im jibilkwon bwijin Menassa rar jeblak, im rar ilok jen ro nejin Israel jen Shailo, eo ej ilo enen Kenean, bwe ren ilok nōn enen Giliad, nōn eneo air, ekar nōn kien Jeova kin Moses.

10 Im ke rar itok nōn mōtōn ene iturin Jordan, eo ej ilo enen Kenean, ro nejin Ruben, im ro nejin Gad, im dri jibilkwon bwijin Menassa, rar kalek ijo juōn lokatok iturin Jordan, lo-

<sup>1</sup> Bwin. 32. 30-22.

katok e kanuij lap. 11 Im ro nejin Israel rar roñjake nan, Lo, ro nejin Ruben, im ro nejin Gad, im jibilkwon bwijin Menassa, rar kalek juõn lokatok ilo môtõn enen Kenean i jemlokõn, ilo môtõn ene iturin Jordan, i tõreren jabeo an ro nejin Israel. 12 Im ke ro nejin Israel rar roñjake, aolepen jar an ro nejin Israel rar kweloktok i Shailo, bwe ren wõnliñlok nae ir ñõn tõrinae.

13 Im ro nejin Israel rar jilkinlok ñõn ro nejin Ruben, im ñõn ro nejin Gad, im ñõn jibilkwon bwijin Menassa, ñõn enen Giliad, Pinehas, nejin Iliezar pris eo, 14 im iben joñoul iroi, juõn iroi, jen juõn nukin jemen, kajuju jen bwijin Israel: im jabrewõt iair jiõbõn moko imõn jimair ilo tausasan ko an Israel. 15 Im rar ilok ñõn iben ro nejin Ruben, im ñõn ro nejin Gad, im ñõn jibilkwon bwijin Menassa, ilo enen Giliad, im rar konono ñõn ir, im ba, 16 Ein drein aolepen jar an Jeova re ba, Ta bwir in kom ar kõmõne nae Anij in Israel, in oktõk ranin jen ami lor Jeova, ilo ami kalek ñõn kom juõn lokatok, bwe komin kabata ranin nae Jeova? 17 Bwir eo an Pior e jab bwe ñõn kij ke, im je jañin karreoik kij jen e ñõn ranin, meñe juõn nañinmij elap e ar itok ion jar an Jeova, 18 bwe komin illok ranin jen ami lor Jeova ke? ak e naj ein drein, kin ami kabata ranin nae Jeova, ilju E naj illu iben aolepen jar an Israel. 19 Ijoke, elañe enen ami e jab erre, inem komin elätok ñõn enen Jeova, ijo imõn kabere an Jeova ej ber ie, im bõk ami kij ibem: a komin jab kabata nae Jeova, ak nae kim, kin ami kalek bar juõn lokatok jen lokatok eo an Jeova ar Anij. 20 Ekan nejin Zira, e ar jab kõmõn juõn bwir kin men in aje eo, im illu e ar buñ ion aolepen jar an Israel ke? im armij eo e ar jab mõke ian im joko ilo an bwir.

21 Inem ro nejin Ruben, im ro nejin Gad, im jibilkwon bwijin Menassa, rar uak, im ba ñõn jiõb ro an tausasan ko in Israel, 22 Eo Ekajur potata, Anij, Jeova, Eo Ekajur potata, Anij,

Jeova, e jela; im Israel e naj jela: elañe ej ilo kabata, a elañe ej ilo bwir nae Jeova, (komin jab lomorem ranin), 23 bwe kim ar kalek ñõn kim juõn lokatok in illok jen am lor Jeova; ak elañe bwe kimin katok ion kin men in katok kijeek, ak katok flauo, ak elañe bwe kimin katok kin men in ainemõn ion, inem Jeova en mõke kajitõkin kake; 24 im elañe ein juõn, kim ar jab kõmõne ilo kalomõnlokjen, im ilo bebe, ke kim ar ba, Ilo ien ko rej itok, ro nejmõmi re maroñ in konono ñõn ro nejem, im ba, Ta ibemi im iben Jeova, Anij in Israel? 25 bwe Jeova e ar likit Jordan tõreren, ikõtãn kim im kom, komeo ro nejin Ruben, im ro nejin Gad; ejelok ami kij ilo Jeova: ein drein ro nejmõmi re naj maroñ in kõmõn bwe ro nejem ren ikõtãn jen air mijõk Jeova. 26 Kin men in, kim ar ba, Jen kapoj im kalek ñõn kij juõn lokatok, jab ñõn katok kijeek, ak ñõn katok ko jet: 27 a e naj men in kennan ikõtãr, im ikõtãn ebeben ko ar tokelik, bwe kimin kõmõn jermal an Jeova, iman, kin katok kijeek ko am, im kin am katok ko jet, im kin katok in ainemõn ko am; bwe ro nejmõmi ren jab ba ñõn ro nejem ilo ien ko rej itok, Ejelok ami kij ilo Jeova. 28 Kin men in, kim ar ba, Ñe rej ba ñõn kim ak ñõn ebeben ko am ilo ien ko rej itok, inem kim naj ba, Lo, wãwen lokatok an Jeova, eo ro jemem rar kõmõne, jab ñõn katok kijeek, ak katok ko jet; a men in kennan ikõtãr. 29 En etolok jen kim bwe kimin kabata nae Jeova aruij Anij, im oktõk ranin jen am lor Jeova, bwe kimin kalek bar juõn lokatok ñõn katok kijeek, ñõn jurtak flauo, ak ñõn katok ko jet, jen lokatok eo an Jeova ar Anij, eo ej iman mweo imõn.

30 Im ke Pinehas pris eo, im iroi, ro an jar eo, aet, jiõbõn tausasan ko in Israel ro rar ber iben, rar roñjake nan ko ro nejin Ruben im ro nejin Gad im ro nejin Menassa rar konono, e buñburueir. 31 Im Pinehas, nejin Iliezar, pris eo, e ar ba ñõn ro nejin Ruben, im ñõn ro nejin Gad, im ñõn ro nejin Menassa, Ranin kim jela bwe

Jeova ej i bwiljem, kin ke kom ar jab kômôn bwir in nae Jeova: kiô kom ar kôtlok ro nejin Israel jen pein Jeova. 32 Im Pinehas, nejin Iliezar, pris eo, im iroi ro, rar jeblak jen iben ro nejin Ruben, im jen iben ro nejin Gad, jen enen Giliad, nôn enen Keanan, nôn iben ro nejin Israel; im bar bôktok nan nôn ir. 33 Im men eo e ar kabuñburuen ro nejin Israel; im ro nejin Israel rar kamônônôik Anij, im rar jab bar konono kin wônliñlok nae ir ilo tōrinae, bwe ren kokkure eneo ijo ro nejin Ruben im ro nejin Gad rar jokwe ie. 34 Im ro nejin Ruben, im ro nejin Gad rar naetan lokatok eo Ed: Bwe, rar ba, ej men in kennan ikôtar bwe Jeova ej Anij.

**23** Im elikin elôñ ran, ke emwij an Jeova lelok kakije nôn ro nejin Israel jen aolepen ro rej kiji-râte ir iturir, im Joshua e lôlap im bwijwôlâ; 2 inem Joshua e ar kirtok aolepen Israel, ridto ro air, im jiôb ro, im dri ekajet ro air, im ro dri kabwjrôk, im e ar ba nôn ir, Na i lôlap im bwijwôlâ: 3 im kom ar lo men otemjej Jeova ami Anij e ar kômôn nôn ro dri ailiñ kein kin kom; bwe Jeova ami Anij, eo e ar tōrinae nôn kom. 4 Lo, emwij aô ajej nôn kom ro dri ailiñ kein rej berwôt, bwe ren jolit nôn bwij ko ami, jen Jordan, iben ro dri ailiñ otemjej I ar kejebeplik, aet, nôn lomalo elap eo ej kaje tulokin al. 5 Im Jeova, ami Anij, e naj kadrioiplik ir jen imami, im lujelijelik ir jen iman mejemi; im kom naj bôk eneo air, einwôt Jeova ami Anij e ar konono nôn kom. 6 Kin men in, komin kanuij beran im kejbârok im kômôn men otemjej emwij jeje ilo buk in kien Moses, bwe komin jab jeôrlök jeni nôn anbijmaroñ ak anmiñ; 7 bwe komin jab dreloñlok na iben ro dri ailiñ kein, ro rej berwôt ibemi; im komin jab kwalok etan anij ro air, im jab kanôjni kin ir, ak jermal nôn ir, ak barikrik jen ir; 8 a komin edrep nôn Jeova ami Anij, einwôt ami kômôn nôn ranin. 9 Bwe Jeova e ar ubakelok jen imami ro dri

ailiñ kein relap im re kajur: a kin kom, ejelok armij e ar jutôk imami nôn ranin. 10 Juôn eman iami e naj kokôk juôn tausan; bwe Jeova ami Anij, eo ej tōrinae nôn kom, einwôt E ar ba nôn kom. 11 Inem komin lale môk, bwe komin yokwe Jeova ami Anij. 12 Bwe elañe komij jenliklik ilo jirik, im edrep nôn mâtôn ro dri ailiñ kein, aet, ro rej berwôt ibemi, im belele ibeir, im dreloñlok nôn ibeir, im rej dreloñtok nôn ibemi; 13 inem komin kanuij jela bwe Jeova ami Anij e jamin bar ubakelok ro dri ailiñ kein jen iman mejemi; a re naj einwôt jen im aluk nôn kom, im ken dreñlokwe katômi, im kâliklik ilo mejemi, mae ien komij joko jen enin emôn, eo Jeova ami Anij e ar lewoj.

14 Im lo, ranin ña ij ilok ilo ial an ro dri lôl otemjej: im kom jela ilo buruemi otemjej, im ilo ami otemjej, bwe e ar jab likjöp juôn men iman ko remôn Jeova ami Anij e ar ba kin kom; men otemjej re jejit nôn kom, ejelok juôn iair eir. 15 Im einwôt men ko remôn otemjej Jeova ami Anij e ar konono nôn kom rar walok nôn kom, ein drein Jeova e naj bôktok iomi men otemjej re nana, mae ien emwij An kokkure kom jen enin emôn, eo Jeova ami Anij e ar lewoj. 16 Ne komij kokkure bujen Jeova ami Anij, eo e ar jiroñ kom, im komij ilok im korijer nôn anij ro jet, im barikrik jen ir: inem e naj bwil illu an Jeova nae kom, im e naj môkôj ami joko jen eneo emôn, eo E ar lewoj nôn kom.

**24** Im Joshua e ar kokweloktok aolepen bwijin Israel nôn Shikem, im e ar kirtok ridto ro an Israel, im jiôb ro air, im dri ekajet ro air, im dri kabwjrôk ro air; im rar môke kwalok ir iman Anij. 2 Im Joshua e ar ba nôn armij otemjej, Ein drein Jeova Anij in Israel ej ba, Ro jimami rar jokwe i River jabueo, ilo ien ko re motlok, aet, Tira jemen Ebrean, im jemen Nehor: im rar jermal nôn anij ro jet. 3 Im I ar bôk jimami Ebrean jen River jabueo, im I ar tellok e ilujen aolepen enen Keanan, im I ar korlok inen, im lelok nôn e Ai-



sak. 4 Im I ar lelok ñōn Aisak, Jakob im Iso: im I ar lelok ñōn Iso tol Sier, bwe en an; im Jakob im ro nejin rar wōnlōllok ñōn Ijpt. 5 Im I ar jilkinlok Moses im Aron, im I ar kaifitan Ijpt, ekar ñōn men otemjej I ar kōmōni ilujen: im tokelik I ar kadri-ojtok kom. 6 Im I ar kadri-ojtok ro jimami jen Ijpt: im kom ar itok ñōn lomalo eo; im ro dri Ijpt rar lukworkwor ro jimami kin jariot im kin ro dri uwe ion ors ñōn lomalo Ekilmir. 7 Im ke rar lamij ñōn Jeova, E ar likit marok ikōtami im ro dri Ijpt, im E ar bōktok lomalo ioir, im kalibubu ir; im mejemi rar lo men ko I ar kōmōni ilo Ijpt: im kom ar jokwe ilo ene jemaren iomin elōñ ran. 8 Im I ar āñintok kom na ilo enen ro dri Amor, ro rar jokwe i Jordan jabueo: im rar tōrinaek kom; im I ar lelok ir na ilo peōmi, im kom ar bōk eneo eneir; im I ar kokkure ir imami. 9 Ien eo Belak nejin Zippor, kiñ in Moab, e ar jutōk im tōrinaek Israel: im e ar jiliklok im kirtok Beleam nejin Bior bwe en kole kom; 10 a I ar jab kōnan roñjake Beleam; kin men in, e ar kejerammōn wōt kom: ein drein I ar kōtlok kom jen pein. 11 Im kom ar elā jen Jordan, im ilok ñōn Jeriko: im ro dri Jeriko rar tōrinaek kom, dri Amor, im dri Periz, im dri Kenean, im dri Het, im dri Girgas, dri Hiv, im dri Jibus, im I ar lelok ir na ilo peōmi. 12 Im I ar jilkinlok loñ hornet imami, eo e ar ubakelok ir jen imami, aet, ruo kiñ an ro dri Amor; jab kin ami jāji, jab kin ami libon. 13 Im I ar lewoj juōn ene kwar jañin jerbāl ion, im jikin kwelok ko kom ar jab kaleki, im komij jokwe ilo ir; jen bwil in grep, im bwil in oliv kom ar jab kallip, komij mōña.

14 Inem kiō, <sup>1</sup> komin mijōk Jeova, im korijer ñōn E ilo jime im mol; im jolok anij ro, ro jimami rar jerbāl ñōn ir i River jabueo, kab ilo Ijpt; a komin jerbāl ñōn Jeova. 15 Im elañe komij lemnok e nana bwe komin jerbāl ñōn Jeova, komin kālet ranin wōn

eo kom naj jerbāl ñōn e; elañe anij ro ro jimami rar jerbāl ñōn ir i River jabueo, ak anij ro an ro dri Amor ro komij jokwe ilo eneir: a kin ña im ro nuku, kim naj jerbāl ñōn Jeova.

16 Im armij rar uak im ba, En etolok jen kim bwe kimin illok jen Jeova im jerbāl ñōn anij ro jet; 17 bwe Jeova am Anij, eo e ar āñintok kim im ro jimam jen enen Ijpt, jen imōn kamakoko, im E ar kōmōn kākōle ko relap iman mejem, im E ar lale kim ilo aolepen ial eo kim ar itok ietok, im iben ro dri ailiñ ko otemjej kim ar etal iturir; 18 im Jeova e ar kokōk jen imam ro dri ailiñ otemjej, aet, ro dri Amor ro rar jokwe i enin: kin men in, kim naj jerbāl ñōn Jeova; bwe E am Anij.

19 Im Joshua e ar ba ñōn armij ro, Kom ban korijer ñōn Jeova; bwe E Anij e kwojarjar; E Anij e kamo; E jamin jolok ami bwir ak jerawiwi ko ami. 20 Elañe komij illok jen Jeova, im korijer ñōn anij ro drua, inem E naj oktōk im kōmōn nana ñōn kom, im kokkure kom, elikin An kōmōn emōn ñōn kom. 21 Im armij ro rar ba ñōn Joshua, Jab; a kim naj korijer ñōn Jeova. 22 Im Joshua e ar ba ñōn armij ro, Kom dri kennan nae kom mōke, bwe kom ar kālet Jeova ñōn kom, bwe komin jerbāl ñōn E. Inem rar ba, Kim dri kennan. 23 Inem, e ar ba, Komin jolok anij ro drua rej ibemi, im ukōt buruemi ñōn Jeova, Anij in Israel. 24 Im armij ro rar ba ñōn Joshua, Kim naj jerbāl ñōn Jeova am Anij, im kim naj eoroñ ainiken. 25 Ein drein Joshua e ar kōmōn bujen iben armij ro, ran eo, im likit e kien, im nan in kaiñi i Shikem. 26 Im Joshua e ar jeje nan kein ilo buk in kien Anij; im e ar bōk juōn dreka elap, im e ar kajutōk e ijo iomin wijki ok eo e kar iturin imōn kwojarjar an Jeova. 27 Im Joshua e ar ba ñōn armij otemjej, Lo, dreka in e naj dri kennan nae kij; bwe e ar roñjake nan otemjej Jeova e ar ba ñōn kij: kin men in, e naj dri kennan nae kom, ñe kom ab karmi-

<sup>1</sup> Dnt. 10. 12.

jete ami Anij. 28 Ein drein Joshua e ar jilkinlok armij ro, jabrewõt iair, ñõn jolit eo an.

29 Im elikin men kein, Joshua nejin Nõn, dri korijeran Jeova, e ar mij, im ridtõn jibuki joñoul yiõ. 30 Im rar kalibwin e i tõreren jolit eo an, i Timnat-sira, eo ilo ene utiej in Ipreim, eañ jen tol Geash. 31 Im Israel rar jermal ñõn Jeova aolepen ran ko an Joshua, im ran ko otemjej an ridto ro eto air mour jen Joshua, im

rar jela aolepen jermal an Jeova, eo E ar kõmõni ñõn Israel.

32 Im dri ko, drin Josep, ko ro nejin Israel rar bõkliñtok jen Ijipt, rar kalibwini i Shikem, ilo mõtõn brij eo Jakob e ar wiaik e jen ro nejin Hemor jemen Shikem, kin jibuki mõtõn silver: im rar jolit an ro nejin Josep. 33 Im Iliezar nejin Aron e ar mij, im rar kalibwine ilo tol an Pinehas nejin, eo emwij lelok ñõn e ilo ene utiej an Ipreim.

# DRI EKAJET RO

1 Im elikin an mij Joshua, ro nejin Israel<sup>1</sup> rar kajitök iben Jeova, im ba, Wön eo e naj wönliñlok mokta kin kim mae ro dri Kenean, im törinaek ir? 2 Im Jeova e ar ba, Juda en wönliñlok: lo, emwij Aō lelok eneo na ilo pein. 3 Im Juda e ar ba ñön Simeon, jein, Kwon wönliñtok iba ilo aō jolit, bwe jen törinaek ro dri Kenean; im ña bareinwöt I naj ilok iböm ñön jolit eo am. Inem Simeon e ar ilok ibenlok. 4 Im Juda e ar wönliñlok; im Jeova e ar lelok ro dri Kenean, im ro dri Periz na ilo pein: im rar mōn iair i Bizek joñoul tausán eman. 5 Im rar lo Adonai-bizek ilo Bizek; im rar törinaek e, im rar mōn ro dri Kenean im ro dri Periz. 6 A Adonai-bizek e ar ko; im rar lukworkwor e, im jibwe, im bukwek arrilip ko i pein im neen. 7 Im Adonai-bizek e ar ba, Jiljilimjuónñoul kiñ, emwij bukwek arrilip ko i peir im neir, rar atekoko iomin tebel eo aō: einwöt kōmōn eo aō, ein drein Anij e ar nawōnaō. Im rar añinlok e ñön Jerusalem, im e ar mij ijo.

8 Im ro nejin Juda rar törinaek<sup>2</sup> Jerusalem, im rar bōke, im mōne kin mejen jäji, im tile kin kijeek. 9 Im tokelik ro nejin Juda rar wönlöllok bwe ren törinaek dri Kenean ro rar jokwe ilo ene ko reutie, im irök, im ene etā. 10 Im Juda e ar ilok nae dri Kenean ro rar jokwe i Hibron, (ak etan Hibron mokta Kiriatarba), im rar mōn Shishai im Ahaiman, im Talmai.

11 Im jen ijo e ar ilok nae ro dri Dibir, (Ak etan Dibir mokta Kiriatsiper). 12 Im Keleb e ar ba, Eo ej mōn Kiriatsiper, im bōke, I naj lelok ñön e Aksa, lio nejiō, belen. 13 Im Otniel nejin Kinaz, leo jätin Keleb, e ar bōke: inem e ar lelok ñön e

Aksa nejin kōra, belen. 14 A ke e ar itok ñön iben, lio e ar likit ilo bu-ruen leo bwe en kajitök iben jemen kin juōn jikin kallip: im lio e ar tolöl jen ass eo an; im Keleb e ar ba ñön e, Ta eo kwoj kōnan? 15 Im lio e ar ba ñön e, Kwon letok aō jerammōn; bwe kwar likit iō ilo ene irök, kwon bareinwöt letok unin dren ko. Im Keleb e ar lelok ñön e unin dren ko ilōñ kab unin dren ko ilöl.

16 Im ro nejin<sup>1</sup> leo dri Ken, jein im jätin ilo belen Moses, rar wönliñlok jen jikin kwelok an wijki pam ko, iben ro nejin Juda, ñön ene jemaren in Juda, eo irök jen Erad; im rar ilok im jokwe iben ro dri eneo. 17 Im Juda e ar ilok iben Simeon jein, im rar mōn dri Kenean ro rar jokwe i Zepat, im e torlok bok. Im rar naetan jikin kwelok eo Horma. 18 Bareinwöt Juda e ar bök Geza im wujen ko an, im Ashkilon im wujen ko an, im Ekron kab wujen ko an. 19 Im Jeova e ar ber iben Juda; im e ar kadrioielok ro dri jokwe i ene utiej; a e ban kadrioielok ro dri jokwe i ene etā, bwe ibeir eor jariat mäl. 20 Im rar lelok Hibron ñön Keleb, <sup>2</sup> einwöt Moses e ar ba: im e ar kadrioielok jen ijo lömaro jilu nejin Enak. 21 <sup>3</sup> Im ro nejin Benjamin rar jab kadrioielok dri Jibus ro rar jokwe i Jerusalem; a ro dri Jibus rej jokwe iben ro nejin Benjamin i Jerusalem ñön ranin.

22 Im imōn Josep, rar bareinwöt wönliñlok nae Betel; im Jeova e ar ber ibeir. 23 Im imōn Josep rar jiliklok im wate Betel. (Ak etan jikin kwelok eo mokta Luz.) 24 Im ro dri aroñroñ rar lo juōn eman drioielok jen jikin kwelok eo, im re ba ñön e, Kim akwelap ñön kwe bwe kwon bakajen ñön kim jikin dreloñ ñön jikin kwelok eo, inem kim naj joiñ ñön

<sup>1</sup> Bwin. 27. 21. <sup>2</sup> Josh. 15. 68.

<sup>1</sup> Bwin. 10. 29-32. <sup>2</sup> Josh. 14. 9. <sup>3</sup> Josh. 15. 63.

kwe. 25 Im e ar bakajen ñõn ir jikin dreloñ ñõn jikin kwelok eo; im rar mõn jikin kwelok eo kin mejen jãji; a rar kötlok armij eo kab ro nukin otemjej. 26 Im leo e ar ilok ñõn enen ro dri Het, im e ar kalek juõn jikin kwelok im naetan Luz, eñin etan ñõn ranin.

27 Ak Menassa e ar jab kadrioijslok ro dri Bet-shian, im jikin kwelok ko wujen, ak ro dri Dor im jikin kwelok ko wujen, ak ro dri Ibliam im jikin kwelok ko wujen, ak ro dri Megido im jikin kwelok ko wujen; a ebin an ro dri Kenean kõnan jokwe i eneo. 28 Im ke Israel e kajurluk, rar kajerbal ro dri Kenean, im rar jab kanuij kadrioijslok ir.

29 Im Ipreim e ar jab kadrioijslok ro dri Kenean rar jokwe i Gizer; a ro dri Kenean rar jokwe ibeir i Gizer.

30 Zebulun e ar jab kadrioijslok ro dri Kitron, ak ro dri Nehalol; a ro dri Kenean rar jokwe ibeir, im rej air dri jermal.

31 Asher e ar jab kadrioijslok ro dri Akko, ak ro dri Saidon, ak ro dri Alab, ak ro dri Akzib, ak ro dri Helba, ak ro dri Epik, ak ro dri Rihob; 32 a ro dri Asher rar jokwe iben ro dri Kenean, ro dri eneo; bwe rar jab kadrioijslok ir.

33 Naptalai e ar jab kadrioijslok ro dri Bet-shimesh, ak ro dri Bet-anat; a e ar jokwe iben ro dri Kenean, ro dri eneo: ijoke ro dri Bet-shimesh, im ro dri Bet-anat rej air dri jermal.

34 Im ro dri Amor rar kamakokoik ro nejin Dan bwe ren ber ilo ene ko reutie; bwe rar jab kamelim air wõnlõitok ñõn komlõl eo; 35 a ro dri Amor rar jokwe wõt ilo tol Hiris, ilo Aijalon, im ilo Shealbim: a pein imõn Josep e ar anjo, inem rej air dri jermal. 36 Im tõreren ro dri Amor jen liñlok in Akrabim, jen dreka eo, im wõnliñlok.

2 Im <sup>1</sup> enjel õn Jeova e ar wõnliñlok ñõn Bokim jen Gilgal. Im E ar ba, I ar kadrioijslok kom jen Ijpt, im I ar añintok kom ñõn eneo I ar

kanõjnijs kake ñõn ro jimami; im I ar ba, I <sup>1</sup> jamin rupe bujen eo Aõ ibemi: 2 im <sup>2</sup> komin jab kõmõn bujen iben ro dri enin; komin jolõllok lokatok ko air. A kom ar jab eoroñ ainikiõ: etke kom ar kõmõn ein drein? 3 Kin men in, I ar bareinwõt ba, I jamin ubakelok ir jen imami; a re naj einwõt men ko rekõñ ilo katõmi, im anij ro air re naj aluk ñõn kom. 4 Im ke emwij an enjel õn Jeova konono nan kein otemjej, armij ro rar koutiej ainikeir, im jõñ. 5 Im rar naetan jikin eo Bokim: im rar katok ijo ñõn Jeova.

6 A <sup>3</sup> ke Joshua e ar jilkinlok armij ro, ro nejin Israel rar ilok jabrewõt armij ñõn jolit eo an bwe ren bõk eneo. 7 Im armij ro rar jermal ñõn Jeova iomin ran ko otemjej an Joshua, im ran ko otemjej an ridto ro eto air mour jen Joshua, ro rar lo aolepen jermal eo elap an Jeova, eo e ar kõmõne ñõn Israel. 8 Im Joshua nejin Nõn, korijeran Jeova, e ar mij, ridtõn jibuki joñoul yiõ. 9 Im rar kalibwin e i tõreren jolit eo an i Timnathiris, ilo ene utiej an Ipreim, eañ jen tol Geash. 10 Bareinwõt emwij kokweloklok aolepen ebeben eo ñõn iben ro jimair: im bar juõn ebeben e ar walok elikir, ro rar jaje Jeova, ak jermal eo E ar kõmõne ñõn Israel.

11 Im ro nejin Israel rar kõmõn men ko re nana iman mejen Jeova, im rar jermal ñõn Beal ko; 12 im rar <sup>4</sup> illok jen Jeova, Anij an ro jimair, Eo e ar kadrioijslok ir jen enen Ijpt, im rar lor anij ro jet, ian anij ro an ro dri ailiñ ko rar ber iturir, im rar kabuñ ñõn ir: im rar kaillu Jeova. 13 Im rar illok jen Jeova, im <sup>5</sup> korijer ñõn Beal im Ashterot. 14 Im illu an Jeova e ar bwil nae Israel, im E ar ketõk ir na ilo pein ro dri rakim, ro rar rakimi ir, im E ar wiakake ir na ilo pein ro dri kiji-rãte ir iturir, inem re ban bar jutõk iman ro dri kijirãte ir. 15 Ijoko otemjej rar drioijslok, pein Jeova e ar

<sup>1</sup> Jap. 6. 11.<sup>2</sup> Jen. 17. 7. <sup>3</sup> Yx. 23. 32. <sup>4</sup> Joeh. 24. 28-31. <sup>5</sup> Dut. 31. 16. <sup>6</sup> Jap. 10. 6.

jumae ir kin nana, einwöt Jeova e ar ba, im einwöt Jeova e ar kanōjnij nōn ir: inem rar kanuij iñtan.

16 Im Jeova e <sup>1</sup> ar kajutök ro dri ekajet, ro rar lomor ir jen pein ro dri rakimi ir. 17 Ijoke rar jab eoroñ ro air dri ekajet, bwe rar ilok im lūñ kake anij ro jet, im kabuñ nōn ir: rar jeōr mōkōj jen ial eo ro jimair rar etal ie, im bokake kien ko an Jeova; a rein rar jab kōmōn einwöt.

18 Im ke Jeova e ar kajutök nōn ir ro dri ekajet, inem Jeova e ar ber iben dri ekajet eo, im lomor ir jen pein ro dri kijirāte ir iomin ran ko otemjej an dri ekajet eo: bwe E ar ukwelok iben kin air iñir kin ro rar kamakokoik ir im kakitötōik ir. 19 A ke e mij dri ekajet eo, rar oktöklik, im elaplok air kōmōn nana jen ro jimair, im lor anij ro jet bwe ren jermal nōn ir, im kabuñ nōn ir; e jab jokwōr air kōmōn einwöt, ak etal ilo ial in bōt eo. 20 Im illu an Jeova e bwil nae Israel; im E ba, Kin ke ro dri ailiñ in rar jab bokake bujen eo I ar jiroñ ro jimair kake, im rar jab eoroñ ainikiō; 21 bareinwöt, jen ien in, I jamin ubakelok jen imair jabrewōt ian ro dri ailiñ ko Joshua e ar likiti ke e ar mij; 22 bwe kin ir In melejoñ Israel, elañe ren kejbarök ial an Jeova im etal ie, einwöt ro jimair rar kejbarök e, jab ke. 23 Ein drein Jeova e ar likit ro dri ailiñ ko, im E ar jab mōkōj in kadriojlok ir; im E ar jab lelok ir na ilo pein Joshua.

3 Ak <sup>2</sup> rein ro dri ailiñ ko Jeova e ar likiti, in melejoñ Israel kake, ro iair rar jab jela aolepen tōrinae ko an Kenean; 2 ein drein, bwe ebeben ko an ro nejin Israel ren jela, in kaktakin ir tōrinae, ir wöt ro rar jake kake mokta: 3 rein, iroi ro lailim an dri Pilistia, im ro dri Kenean otemjej, im ro dri Saidon, im dri Hiv ro rar jokwe i tol Lebanon, jen tol Bealhermon nōn mejāti in Hemat. 4 Im emwij likit ir in <sup>3</sup> melejoñ Israel kin ir, im jela elañe re naj kōnan eoroñ kien ko an Jeova, ko E ar jiroñ ro jimair kin Moses. 5 Im ro nejin Is-

rael rar jokwe iben ro dri Kenean, dri Het, im dri Amor, im dri Periz, im dri Hiv, im dri Jibus: 6 im rar <sup>1</sup> bōk ro nejin kōra bwe ren beleir, im rar lelok ro nejin kōra nōn man ro nejin dri Kenean, im rar jermal nōn anij ro air.

7 Im ro nejin Israel rar <sup>2</sup> kōmōn men ko re nana iman mejen Jeova, im meloklok Jeova air Anij, im korijer nōn Beal im Ashterot. 8 Kin men in e ar bwil illu an Jeova nae Israel, im E ar wiakake ir na ilo pein Kushan-rishateim kiñ in Mesopotemia: im ro nejin Israel rar korijer nōn Kushan-rishateim iomin dualitök yiō. 9 Im ke ro nejin Israel rar kir nōn Jeova, Jeova e ar kajerkak juōn dri lomor nōn ro nejin Israel, eo e ar lomor ir, e <sup>3</sup> Otniel nejin Kinaz, jatin Keleb. 10 Im Jitōb òn Jeova e ar itok ion, im e ar ekajete Israel; im e ar ilen tōrinae, im Jeova e ar ketök Kushan-rishateim, kiñ in Mesopotemia na ilo pein: im pein e anjo jen Kushan-rishateim. 11 Im eneo e ar kakiije iomin eñoul yiō. Im Otniel nejin Kinaz e ar mij.

12 Im ro nejin Israel rar bar kōmōn men ko re nana iman mejen Jeova: im Jeova e ar kakajur Eglon, kiñ in Moab, nae Israel, kin ke rar kōmōn nana iman mejen Jeova. 13 Im e ar kokweloktok na iben, ro nejin Amon im Amelek; im e ar ilem mōn Israel; im rar bōk jikin kwelok in pam ko. 14 Im ro nejin Israel rar korijer nōn Eglon kiñ in Moab, iomin joñoul dualitök yiō.

15 A ke ro nejin Israel rar kir nōn Jeova, Jeova e ar kajerkak juōn dri lomor, Ihud nejin Gira, dri Benjamin, armij dri anmiñ. Im ro nejin Israel rar jilkinlok owōj iben nōn Eglon kiñ in Moab. 16 Im Ihud e ar mōke kōmōnmōn nōn e juōn jāji ruo mejen, aitokōn juōn kubit; im e ar kañōrñōr e iomin nuknuk eo an ilo unin neen anbijmaroñōn. 17 Im e ar lelok owōj eo nōn Eglon kiñ in Moab: ak Eglon e kanuij mätök. 18 Im ke emwij an lelok owōj eo, e ar jilkinlok

<sup>1</sup> Jerb. 13. 20. <sup>2</sup> Jap. 1. 1. <sup>3</sup> Dut. 2. 2.

<sup>1</sup> Ex. 34. 15, 16. <sup>2</sup> Jap. 2. 11. <sup>3</sup> Jap. 1. 13.

armij ro rar inektok owōj eo. 19 A e ar mōke oktōklik jen men in e ko jekjek iturin Gilgal, im e ar ba, Juōn nan etino iba nōn kwe, O kiñ. Inem e ar ba, Komin kejeklokjen. Im ro otemjej rar jutōk iben rar drioijlok jen e. 20 Im Ihud e ar ilok nōn iben; ak e ar jijōt mōke ian ilo rum in kalarikrik ilo bo eo an. Im Ihud e ar ba, Juōn nan iba jen Anij, nōn kwe. Im e ar jutōk jen ijo e ar jijōt ie. 21 Im Ihud e ar kōtellok pein anmiñin, im nuri jāji jen unin neen anbijmaroñōn, im e ar weaklok e i lujen: 22 im jurōn e ar lor mejen jāji eo im dreloñ iloa lojen; im kioeo e ar binej e, bwe e ar jab kekake jāji eo jen lojen; im e ar bijlok ilikin. 23 Inem Ihud e ar drioijlok ilo tōnak eo, im e ar binej aur in rum eo ion, im e ar kile.

24 A ke emwij an drioijlok, ro dri korijeran rar itok; im rar rei bōjik, im lo, aur ko an rum eo re bin wōt; im rar ba, Emol ej kalibubu neen iloa rum in kalarikrik eo. 25 Im rar kōtar mae ien re jok; im lo, e ar jab kabolok aur in rum eo: ken men in rar bōk ki eo im kabolok e; im lo, air iroj e ar buñlōllok im e mij.

26 Im Ihud e ar ko ilo ien air rumij, im e ar elālok jen jikin men in e ko jekjek, im e ar ko nōn Seira. 27 Im ke e ar tōbar ijo, e ar jilil ilo ene utiej an Ipreim, inem ro nejin Israel rar wōnlōllok ibenlok, e dri tel. 28 Im e ar ba nōn ir, Komin lor iō; bwe Jeova e ar lewoj ro dri kijirāte kom, ro dri Moab, na ilo peimi, im rar wōnlōllok im lore, im rar borōk kabātīt ko nae ro dri Moab, im rar jab likit bwe jabrewōt armij an dreor. 29 Im rar mōn ian ro dri Moab ien eo, e nañin joñoul tausan eman, jabrewōt man e kajur im jabrewōt man e beran; im ejelok man e ar ko. 30 Ein drein emwij kōtaik Moab ran eo iomin pein Israel. Im eneo e ar kakije iomin drualitōkñoul yiō.

31 Im elikin Ihud, Shamgar nejin Enat, eo e ar mōn ian ro dri Pilistia jiljino buki man kin ken kajime ox ko: im e ar bareinwōt lomoren Israel.

4 Im ro nejin Israel rar bar kōmōn men ko re nana iman mejen Jeova, ke e mij Ihud. 2 Im Jeova e ar wiakake ir na ilo pein Jebin, kiñ in Kenean, eo e ar iroj i Hezor; im kapen jar in tōrinae eo an, Sisera, eo e ar jokwe i Haroshet an ro dri ailiñko. 3 Im ro nejin Israel rar lamij nōn Jeova: bwe druatimjuōn buki jariot māl iben; im iomin roñoul yiō e ar kanuij kamakokoik ro nejin Israel.

4 Ak Debora, dri kanan, lio belen Lapaidot, e ar ekajete Israel ien eo. 5 Im e ar jokwe iomin wijki pam an Debora ikōtan Rema im Betel, ilo ene utiej in Ipreim: im ro nejin Israel rar itok nōn iben kin ekajet. 6 Im e ar jiliklok im kirtok<sup>1</sup> Berak nejin Ebinoam jen Kedesh-naptalai, im e ar ba nōn e, Jeova Anij in Israel e ar jab jiroñ, im ba, Kwon ilok im kañōlwoj armij nōn tol Tebor, im āñinlok ibōm joñoul tausan man ian ro nejin Naptalai, im ian ro nejin Zebulun ke? 7 Im I naj kalwoj nōn river Kaishon, Sisera, kapen an jar in tōrinae an Jebin, im jariot ko an iben, im jar eo an; im I naj lewoj na ilo peōm. 8 Im Berak e ar ba nōn e, Elañe kwoj ilok ibalok, inem I naj ilok; a elañe kwo jab kōnan ilok iba, I jamin ilok. 9 Im lio e ar ba, Emol, I naj ilok ibōm; ijoke, ial eo kwoj etal ie e jamin men in nebar yuk; bwe Jeova e naj ketōk Sisera na ilo pein juōn kōra. Im Debora e ar jutōk, im ilok iben Berak nōn Kedesh. 10 Im Berak e ar kokweloktok Zebulun im Naptalai nōn Kedesh; im joñoul tausan man rar ilok iben: im Debora e ar wōnlōllok iben.

11 Ak<sup>2</sup> Hiber dri Ken e ar mōkelok ian jen ro dri Ken, jen iben ro nejin Hobab jein im jātin ilo belen Moses, im e ar kalek mweo imōn ebak wijki ok eo, eo ej i Zananim, eo iturin Kedesh.

12 Im rar kenannek Sisera kin an Berak, nejin Ebinoam, wōnlōllok nōn tol Tebor. 13 Im Sisera e ar kokweloktok jariot ko an otemjej, druatimjuōn buki jariot māl, im armij

<sup>1</sup> HEB. 11. 32. <sup>2</sup> Jap 1. 16.

otemjej iben, jen Haroshet an dri ailin ko, non river Kaishon. 14 Im Debora e ar ba non Berak, Kwon jutok; bwe ranin ran eo ke Jeova e ar lewoj Sisera na ilo peom; Jeova e ar jab droijlok imam ke? Ein drein Berak e ar wonlollok jen tol Tebor, im jooul tausan man rar lore. 15 Im<sup>1</sup> Jeova e ar kejjoran Sisera, im jariat ko an otemjej, im jar in torinae eo an, kin mejen jaji iman Berak; im Sisera e ar to jen jariat eo an, im e ar etal im ko. 16 A Berak e ar lukworkwor jariat ko, im jar in torinae eo, non Haroshet an ro dri ailin ko: im aolepen jar in torinae an Sisera rar buñ kin mejen jaji; ejelok juon man e ar berwot.

17 Ijoke, Sisera e ar etor im ko non mweo imon Jeel, lio belen Hiber dri Ken; bwe eor ainemon ikotan Jebin kin in Hezor im mweo imon Hiber dri Ken. 18 Im Jeel e ar ilen wonmae Sisera, im e ar ba non e, Kwon dreloñtok aō iroi, kwon dreloñtok non iba; kwon jab mijok. Im e ar dreloñtok non iben non mweo imon, im e ar kalibubu e kin juon koj. 19 Im e ar ba non lio, Kwon letok, ij kajitok ibom, jirik dren in irak; bwe I maro. Im lio e ar kabellek juon botto in milk, im lelok limen, im kalibubu e. 20 Im e ar ba non lio, Kwon jutok ilo kejem in mwin, im ñe jabrewot eman ej item kajitok ibom, im ba, Eor ke eman ijin? kwon ba, Ejelok. 21 Inem Jeel lio belen Hiber, e ar bok juon drumij an im nuknuk eo, im e ar bok ilo pein juon ammer, im e ar jarikriklok non iben, im e ar dri laik jan boran kin drumij eo, im e ar bijlok non lol; bwe e ar kiki miton; ein drein e ar jeeklok im mij. 22 Im lo, ke Berak e ar lukworkwor Sisera, Jeel e ar droijtok in wonmae, im e ar ba non e, Kwon itok, im I naj bakajen man eo kwoj kabukote. Inem e ar dreloñlok non iben; im lo, Sisera e ar babu im mij, im drumij eo ej ilo jan boran.

23 Ein drein an Jeova kōtaik, ran eo, Jebin kin in Kenean, iman ro ne-

jin Israel. 24 Im pein ro nejin Israel e ar kajurlok wot nae Jebin kin in Kenean, mae ien air kokkure Jebin kin in Kenean.

5 Inem Debora im Berak nejin Ebi-noam rar al ilo ran eo, im ba,

2 Kin an ro dri tel tellok wot i Israel, kin an armij ron mononō im moke lelok ir, komin nebar Jeova.

3 O komeo kin ro, komin eoroñ; O iroi, ron, komin kejeltok lojilifomi, ña, aet ña, I naj al non Jeova; ña I naj al im nebar Jeova, Anij in Israel.

4 Jeova, ke Kwar droijlok jen Sier, ke Kwar etallok jen melaj in Idom, lol e ar banijnij, lon ko bareinwot rar wutlok, aet, koro ko rar kowutlok dren.

5 Tol ko rar wuririr iman mejen Jeova, Sainai eo iman mejen Jeova, Anij in Israel.

6 Ilo ran ko an Shamgar nejin Enat, ilo ran ko an Jeel, ejelok dri etal ilo ial ko relap, im dri itoitok rar etal ilo ial ko jet im rankeke.

7 Iroi, re joko i Israel, rar joko wot, mae ien ña, Debora, i ar jutok, ke ña juon jinen ilo Israel I ar jutok.

8 Rar kalet anij rekāl; inem eor torinae ilo kejem ko: rar lo jabrewot likipijnok ak mori iben jooul tausan in Israel ke?

9 Buruō ej yokwe ro dri kajime Israel, rar mononō im letok ir moke iben armij ron: komin nebar Jeova.

10 Komin kennan kake, komeo komij uwe ion ass ko re mouj, komeo komij jijt ion jepko tiltil, im komeo komij etal ilo ial.

11 Etolok jen droloke ko an ro dri libon, ilo jikin ko rej itok ie, ijo re naj kwalok men in komon re wanik non Jeova, men in komon ko re wanik, in an Iroi, ilo Israel. Ien eo armij ro an Jeova rar wonlollok non kejem ko.

12 Kwon ruj, kwon ruj, Debora; kwon ruj, kwon ruj, Debora kwon al juon al: kwon jutok Berak, im

<sup>1</sup> Dat. 7. 28.

kwon tellok am dri jebokwe, kwe ne-jin Ebinoam.

13 Ien eo rar wönlöltok ro rej berwöt ian ro rajimjim im armij ro; Jeova e ar wönlöltok kin ña in jumae ro dri kajur.

14 Jen Ipream rar wönlöltok ro okrair ilo Amelek; im ej lor yuk, Benjamin, iben ro dri ailiñ ko; jen Mekir iroiñ rön rar wönlöltok, im jen Zebulun ro rej kwotöke alal an dri bwini.

15 Im iroiñ ro an Issakar rar beriben Debora; einwöt Issakar, ein drein Berak; ñön komlöl eo rar irujlok ñön iturin neen. Iturin river eo an Ruben, eor bebe ko relap i burueir.

16 Etke kwar jijöt i bwiljin worwor ko an jip, in roñjake air kajöñjöh ñön bwij ko ke? Iturin wea ko an Ruben elap air bukot ilo burueir.

17 Giliad e ar jokwe i Jordan jabueo: im Dan, etke e ar berwöt ilo wa ko? Asher e ar jijöt im töt i lam in lomalo, im e ar berwöt iturin wea ko an.

18 Zebulun, armij ro rar kejekronmour eo air im jab uota in mij, kab Naptalai, ilo jikin ro re utiej i jikin törinae.

19 Kiñ ro rar item törinae; ien eo kiñ ro in Kenean rar törinae, ilo Teanak iturin dren ko an Megido; rar jab bök mönni men in jibarek.

20 Iju ko rar törinae jen löñ ko, ilo ial ko air rar törinaek Sisera.

21 River Kaishon e ar kinörlok ir, river eo eto an ber, river Kaishon. O aö, kwon wönmantok ilo kajur.

22 Ien eo akin ors ko rar juri kin etör ko, kin etör kelok ko an ro re kajur ibeir.

23 Komin kole Miroz, enjel öñ Jeova e ar ba, komin kanuij koli ro rej jokwe ie; bwe rar jab iten jiböh Jeova, in jiböh Jeova nae ro dri kajur.

24 Emönönö<sup>1</sup> Jeel jen köra ro, ilo belen Hiber dri Ken; emönönö jen köra ro ilo mweo.

25 Iroiñ eo e ar kajitök dren, im ilo

<sup>1</sup> Jap. 4. 19-21.

e ar lelok milk; e ar böktok bötter ilo jäbi emöntata.

26 Lio e ar likit pein ñön drumij eo, im pein anbijmaroñön ñön ammer an dri jermal; im kin ammer eo e ar möñ Sisera, e ar möñ e im bijlok böran; eokwe, e ar wie im bijlok jan böran.

27 Iturin neen lio e ar barikrik, e ar buñ, e ar bero; iturin neen e ar barikrik, e ar bero: ijo e ar barikrik, e ar bero ie im mij.

28 Ilo windo eo e ar reilok, im kir, jinen Sisera e ar kir ikötan taul in windo, etke jariot eo an e rumijtok wöt? Etke whil ko an jariot ko an rej kötar?

29 Köra ro re meletlet iben, rar uak e, aet, e ar möke uak e,

30 Rar jab lo ke, rar jab ajej men in rakim ke? juön jiroñ, ruo jiroñ ñön jabrewöt eman; ñön Sisera men in rakim, nuknuk ko emwij unoiki, men in rakim, nuknuk ko unoiki im re tiltil, nuknuk ko unoiki im re tiltil im mejin wöt juön ion kenwan dri jebokwe?

31 Ein drein ro dri kijiräte yuk, ren joko, O Jeova: a ro rej yokwe E ren einwöt al ke ej ilok ilo an kajur. Im eneo e ar kajiye iomin eñoul yä.

6 Im ro nejin Israel<sup>1</sup> rar kömöön men ko re nana iman mejen Jeova: inem Jeova e ar ketök ir na ilo pein Midian iomin jiljilimjuön yä. 2 Im pein dri Midian e ar kajurlok nae Israel; im kin dri Midian ro nejin Israel rar kömöñ jikin ko rej ilo tol ko, im roñ ko, im jikin ko re kab. 3 Im ein drein, ke Israel e ar jeor, inem ro dri Midian rar wönlöltok, im ro dri Amelek, im ro nejin rear; rar wönlöltok nae ir; 4 im rar kömöñ imön kab nae ir, im rar kokkure men ko rej edrek jen löñ, mae am töbar Geza, im rar likit ejelok ekön ilo Israel, ejelok jip, ak ox, ak ass. 5 Bwe rar wönlöltok im kiru ko air ibeir, im im nuknuk imweir; rar wönlöltok einwöt lokös ko kin ar löñ; ir im kamel ko air ejelok orair: rar dreloñtok ilo

<sup>1</sup> Jap. 2. 11.



eneo bwe ren kokkure. **6** Im Israel e kanuij jerata kin Midian; im ro nejin Israel rar kir ñõn Jeova.

**7** Im ke ro nejin Israel rar kir ñõn Jeova kin Midian, **8** Jeova e ar jilkin-tok juõn dri kanan ñõn ro nejin Israel: im e ar ba ñõn ir, Ein drein Jeova, Anij in Israel, ej ba, I ar añintok kom jen Ijpt, im kadrioijtok kom jen imõn kamakoko; **9** im I ar lomoremi jen pein ro dri Ijpt, im jen pein ro otemjej rar kamakokoik kom, im ubakelok ir jen imami, im lewoj ñõn kom eneo eneir; **10** im I ar ba ñõn kom, Na Jeova ami Anij; komin jab mijõk anij ro an ro dri Amor, ro komij jokwe ilo eneir. A kom ar jab eoroñ ainikiõ.

**11** Im enjel õn Jeova e ar itok, im e jijõt iomin wijki ok eo i Opra, eo an Joash dri Ebaizer: im Gideon nejin, e ar nowe wit iloan ken joniõk wain, bwe enoje jen ro dri Midian. **12** Im enjel õn Jeova e ar weaktok ñõn e, im ba ñõn e, Jeova ej ibõm, kwe armij e kajur im beran. **13** Im Gideon e ar ba ñõn E, O, aõ iroi,j, elañe Jeova ej ibem, etke aolepen men in e ar walok ñõn kim? im ewi men in kõmõn im bwilõñ ko An, ko ro jemem rar bwebwenato ñõn kim, im ba, Jeova e ar jab añintok kij jen Ijpt ke? a kiõ Jeova e ar jolok kim im ketõk kim na ilo pein dri Midian. **14** Im Jeova e ar reilok ñõn e, im ba, Kwon ilok ilo kajur in am, im lomoren Israel jen pein dri Midian: I ar jab jilkinlok yuk ke? **15** Im e ar ba ñõn E, O, Iroi, j, in lomoren Israel kin ta? lo, nukio ej jeramel tata ilo Menassa, im ña I drik tata ilo imõn jema. **16** Im Jeova e ar ba ñõn e, <sup>2</sup>Emol I naj ibõm, im kwo naj mõn dri Midian einwõt juõn armij. **17** Im e ar ba ñõn E, Elañe I ar lo joij iman mejõm, inem Kwon kwalok ñõn iõ juõn kakõle, bwe Kweo Kwoj konono iba. **18** Kwon jab ilok jen ijin, ij kajitõk ibõm, mae ien aõ itok ñõn ibõm, im bõktok aõ jurtak, im likite imam. Im E ar ba, I naj kõt ar am jurtak.

**19** Im Gideon e ar dreloñ, im <sup>3</sup>kapo-

<sup>1</sup> eon 14. <sup>2</sup> Josh. 1. 5. <sup>3</sup> Jen. 14. 6-8.

jõk juõn kon in got, im kek ko re jab uwe, jen juõn epa in flauo: e ar likit kõniek eo ilo juõn iep, im e ar likit dren eo rar kõmât kake ilo juõn pot, im bõktoki ñõn iben iomin wijki eo, im lilok. **20** Im enjel õn Jeova e ar ba ñõn e, Kwon bõk kõniek im kek ko re jab uwe, im likiti ion dreka in, im lutõklok dren eo. Im e ar kõmõn einwõt. **21** Inem enjel õn Jeova e ar kõtellok jabõn jokwõnõn ej ilo pein, im uñir kõniek eo im kek ko re jab uwe; im <sup>1</sup>kijeek e ar walokliñlok jen dreka eo, im tile kõniek eo im kek ko re jab uwe; im enjel õn Jeova e ar ilok jen imam mejen. **22** Im <sup>2</sup>Gideon e ar lo bwe e enjel õn Jeova; im Gideon e ar ba, Yok, O Iroi, j Anij! bwe I ar lo enjel õn Jeova jelmae dron. **23** Im Jeova e ar ba ñõn e, Kwon ainemõn; kwon jab mijõk: kwo jamin mij. **24** Inem Gideon e ar kalek juõn lokatok ijo ñõn Jeova, im naetan Jeova-shalom: im ñõn ranin ej berwõt i Opra an ro dri Ebaizer.

**25** Inem ilo boñ eo, Jeova e ar ba ñõn e, Kwon bõk kau koman an jemõm, kau eo ken ka ruo, ridtõn jiljilimuõn iyõ, im jolõllok lokatok an Beal an jemõm, im juokwe Ashira eo ej iturin; **26** im kwon kalek juõn lokatok ñõn Jeova am Anij ion jikin kab in, ilo wåwen emõn, im bõk kau koman eo ken ka ruo, im kõmõn men in katok kijeek kin alal ko jen Ashira eo kwoj juokwe. **27** Inem Gideon e ar bõk joñoul eman ro dri korijeran, im e ar kõmõn einwõt Jeova e ar ba ñõn e: im kin an mijõk nukin jemen, im man rõn an jikin kwelok eo, e ban kõmõne ilo ran, a e ar kõmõne ilo boñ.

**28** Im ke man ro an jikin kwelok eo rar jerkak ke ejiboñ wõt, lo, emwij jolõllok lokatok eo an Beal, im juokwe Ashira eo e ar ber iturin, im ar katok kake kau koman eo ken ka ruo ion lokatok eo emwij kaleke. **29** Im rar ba ñõn dron, wõn eo e ar kõmõn men in? Im ke rar kajitõk im bukot, rar ba, Gideon nejin Joash e ar kõmõn men in. **30** Inem dri jikin

<sup>1</sup> Lev. 9. 24. <sup>2</sup> Jap. 13. 21.

kwelok eo rar ba ñon Joash, Kwon kadrioijtok leo nejóm bwe en mij, bwe e ar jolóllok lokatok eo an Beal, im bwe e ar juokwe Ashira eo e kar iturin. **31** Im Joash e ar ba ñon ir otemjej rar jutók jumae e, Kom naj akwelap kin Beal ke? ak kom naj lomoren ke? eo e kōnan akwelap kin e ren mōn e ke ejiboñ: elañe e juōn anij, en mōke akwelap kin e, kin ke juōn e ar jolóllok lokatok eo an. **32** Kin men in, ran eo e ar naetan <sup>1</sup>Jerubeal, im ba, Beal en akwelap nae e, kin ke e ar jolóllok lokatok eo an.

**33** Inem ro dri Midian otemjej im ro dri Amelek, im ro nejin rear, rar kweloktok; im rar elálok, im kajur air kamp ilo komlól Jezriel. **34** A Jitōb òn Jeova e ar itok ion Gideon; im e ar jilil; inem dri Ebaizer rar kweloktok im lore. **35** Im e ar jilkinlok ro dri jilik ilujen aolepen Menassa; im ir bareinwōt rar kweloktok im lore: im e ar jilkinlok ro dri jilik ñon Asher im ñon Zebulun, im ñon Nap-talai; im rar iten wōnmae e.

**36** Im Gideon e ar ba ñon Anij, Elañe Kwo naj lomoren Israel kin peiō, einwōt Kwar ba, **37** lo, I naj likit kolan juōn jip ilo jikin dreñdreñ korn; elañe e naj or molawi ilo kolan jip eo, im aolepen brij eo e naj mōra, inem I naj jela bwe Kwo naj lomoren Israel kin peiō, einwōt Kwar konono. **38** Im e kar ein drein; bwe e ar jerkak ilju ke ejiboñ wōt, im kene kolan jip eo, im e ar uñtake molawi jen e, juōn jābi elōñ kin dren. **39** Im Gideon e ar ba ñon Anij, <sup>2</sup>En jab bwil Am illu nae iō, im I naj konono ien in wōt: ij akwelap ibōm, in melejoñ ien in wōt, kin kolan jip eo; en mōra wōt kolan jip eo, im ion aolepen brij en or molawi. **40** Im Anij e ar kōmōn einwōt boñin eo: bwe e mōra wōt kolan jip eo, im eor molawi ion aolepen brij.

**7** Inem <sup>3</sup>Jerubeal, eñin Gideon, im armij otemjej iben, rar jerkak ke ejiboñ wōt, im kajur air kamp iturin unin dren in Herod: im kamp an dri

Midian e ar ber eañ jen ir, iturin tol More, ilo komlól eo.

**2** Im Jeova e ar ba ñon Gideon, Armij ro rej ber ibōm ren kariklōñ bwe In lewoj ro dri Midian na ilo peir, ñe ab ro dri Israel ren mōke koutiej ir nae Iō, im ba, Peiō e ar lomor iō. **3** Kin men in, kwon ilok im kwelok i lojiliñin armij rōn, im ba, Jabrewōt eo ej lelñon im wuririf, en jeblak im ilok jen tol Giliad. Inem roñoul ruo tausand ian armij ro rar jeblaklok; im rar berwōt joñoul tausand.

**4** Im Jeova e ar <sup>1</sup>ba ñon Gideon, Kiō armij ro relōñ wōt; kwon añinlóllok ir ñon dren eo, im I naj melejoñ ir ñon kwe ijo: im eo I naj ba, Eñin e naj ilok ibōm, armij eo en ilok ibōm; im jabrewōt eo Ij ba kin e, Eñin en jab ilok ibōm, armij eo en jab ilok. **5** Ein drein e ar añinlóllok armij ro ñon dren eo: im Jeova e ar ba ñon Gideon, Jabrewōt eo ej joloke dren ñon loñin, einwōt kiru roror ej dromij, kwon kejenolok ian; bareinwōt jabrewōt eo ej bukewelōlō im mōt. **6** Im oran ro rar dromij, im joloke dren ñon loñir, jilu buki eman: a aolepen ro jet rar bukewelōlō im mōt. **7** Im Jeova e ar ba ñon Gideon, kin jilu buki ro rar dromij, I naj lomoremi, im ketōk ro dri Midian na ilo peōm; im kwon kōtlok armij ro otemjej bwe ren ilok, jabrewōt armij ñon jikin. **8** Ein drein armij ro rar bōk jotal ilo peir, im jilil ko air; im e ar jilkinlok aolepen eman in Israel, jabrewōt eo ñon mweo imōn, a e ar drebij ro jilu buki eman: im kamp in Midian e ar ber ilōl jen e ilo komlól eo.

**9** Im ilo boñ eo, Jeova e ar ba ñon e, Kwon jerkak im wōnlóllok ñon kamp eo; bwe I ar ketōk ir na ilo peōm. **10** A elañe kwo mijōk in wōnlóllok, kwon wōnlóllok iben Pura leo korijerōm, ñon kamp eo: **11** im kwo naj roñjake ta eo rej ba; im tokelik e naj kajurlok peōm, bwe kwon wōnlóllok nae kamp eo. Inem e ar wōnlóllok iben Pura korijeran ñon turin dri tōrinae ro, ilo kamp eo. **12** Im ro dri Midian im ro dri Amelek,

<sup>1</sup> Jap. 7. 1. <sup>2</sup> Jen. 18. 32. <sup>3</sup> Jap. 6. 32.

<sup>1</sup> 1 Sam. 14. 6.

im ro nejin rear otemjej, rej babu ilo komlöl eo, orair einwöt lokös ko; im kamel ko air ejelok orair, einwöt bok i barijit kin air löñ. 13 Im ke e motok Gideon, lo, juön eman e ar kenanek tönak ñön bar juön; im ej ba, Lo, I ar etönak juön tönak; im lo, juön kek in bred barli e ar wutlok iloan kamp in Midian, im e ar itok ñön juön im nuknuk, im wure, inem eolk, im e okjök, im mweo e babu wöt. 14 Im leo juön e ar uak im ba, Eñin kejejen jäji an Gideon nejin Joash, juön eman in Israel: <sup>1</sup> Anij e ar ketök Midian im aolepen jar in törinae in na ilo pein.

15 Im ein drein, ke emwij an Gideon roñjake air bwebwenato kin tönak eo im meleen, e ar kabuñ; im e ar jeblak ñön kamp in Israel, im ba, Komin jerkak; bwe Jeova e ar ketök na ilo peömi jarlipju an Midian. 16 Im e ar kijbil man ro jilu buki ilo jilu jar, im e ar likit ilo pein jabrewöt iar juön jilil, im jäbi ejelok kobön, im kijeek urur ilo jäbi eo. 17 Im e ar ba ñön ir, Komin lale ña im kômön einwöt: im lo, ñe ij itok ñön töreeren kamp eo, einwöt ña ij kômön, ein drein komin kômön. 18 Ñe ij jilil, ña im ro otemjej iba, inem komin bar einwöt jilil ijoko otemjej iturin kamp eo, im ba, Kin Jeova im kin Gideon.

19 Ein drein Gideon, kab man ro jibuki iben, rar itok ñön turin kamp eo ilo jinoin mmij eo ken ka ruo, ke rej kab jino mmij eo: inem rar jilil im rupe jäbi ko ilo peir. 20 Im jar ko jilu rar jilil im rupe jäbi ko, im kwotöke kijeek urur ko kin anmiñir, im jilil ko ilo anbijmaroñir, bwe ren jilil; im rar lamij, Jäji eo an Jeova im an Gideon. 21 Im rar jimor jutök jabrewöt eman ilo jikin, i belakin kamp eo; im aolepen jarlipju eo rar etör; im rar roloke im re ko. 22 Im rar uk jilil ko jilu buki, im <sup>2</sup> Jeova e ar likit jäji an jabrewöt eman nae eo iturin, im nae aolepen jar in törinae eo; im jar in törinae eo e ar ko ñön Bet-shita ilo ial ñön Zirira, ñön töreeren Ebel-mihola, iturin Tabat. 23 Im

ro dri Israel rar kweloktok jen Nap-talai, im jen Asher, im jen aolepen Menassa, im lukworkwor Midian.

24 Im Gideon e ar jilkinlok ro dri jilik ilujen aolepen ene utiej an Ipreim, im ba, Komin wönlötok nae Midian, im <sup>1</sup> borök dren ko, ñön Betbara, aet, Jordan eo. Ein drein ro dri Ipreim rar kweloktok im borök dren ko ñön Betbara, aet, Jordan. 25 Im rar jibwe iroi ro ruo an Midian, Oreb in Zieb; im rar mön Oreb i dreka in Oreb, im rar mön Zieb i ken jioniök an Zieb, im lukworkwor Midian: im rar böktok böran Oreb im Zieb ñön Gideon i Jordan jabueo.

8 Im ro dri Ipreim rar ba ñön e, Etke ein drein am kômön ñön kim, im kwar jab kirtok kim, ke kwar ilen törinaek Midian? Im rar kanuij enoik e. 2 Im e ar ba ñön ir, E jab erik tokja jen kom ke? Men in kolo-ruk an Ipreim e jab emönlok jen aolepen jionikön Ebaiizer ke? 3 Anij e ar ketök na ilo peömi iroi ro in Midian, Oreb im Zieb: ta aö maroñ in kômöne in keiri ibemi? Inem e jokolok air illu ñön e ke emwij an ba nan eo.

4 Im Gideon e ar itok ñön Jordan, im elä, im man ro jilu buki iben, re kijelok, ak rar lukworkwor ir wöt. 5 Im e ar ba ñön ro dri Sökkot, Komin letok, ij akwelap ñön kom, bred ko ñön armij ro rej lor iö; bwe re kijeelok, im ña ij lukworkwor Ziba im Zalmuna, kiñ ro an Midian. 6 Im iroi ro in Sökkot re ba, Pa ko pein Ziba im Zalmuna rej ilo peöm kiö ke, bwe kimin lelok bred ñön jar in törinae eo am? 7 Im Gideon e ar ba, Kin men in, ñe emwij an Jeova ketök Ziba im Zalmuna na ilo peiö, inem I naj kekel köniekemi kin kaliklik ko in ene jemaren, im kin mar kuj ko. 8 Im e ar wönlölok ñön Penuel, im ba ñön ir einwöt; im man ro dri Penuel rar uak e einwöt bar man ro dri Sökkot rar uak e. 9 Im e ar bareinwöt konono ñön man ro dri Penuel im ba, Ñe ij bar itok ilo ainemön i naj rupelöllok imön bar in.

<sup>1</sup> Josh. 2. 9. <sup>2</sup> 1 Sam. 14. 20.

<sup>1</sup> Jap. 3. 28.

10 Ak Ziba im Zalmuna rar ber ilo Karkor, im jar in tōrinae ko air ibeir, e nañin joñoul lailim tausan man, ro otemjej rar berwöt jen aolepen jarlipju an ro nejin rear; bwe e bero jibuki roñoul tausan man ro rar nure jãji. 11 Im Gideon e ar wōnliñlok ilo ial an ro rej jokwe ilo im nuknuk i rear in Noba, im Jogbiha, im mōn jar in tōrinae eo; bwe jar eo e ar lemnok ejelok uota. 12 Im Ziba im Zalmuna re dreor; im e ar lukworkwor ir; im e ar jibwe iroi j ro ruo an Midian, Ziba im Zalmuna, im kanuij kaleñōñ aolepen jar in.

13 Im Gideon nejin Joash e ar jeb-lak jen tōrinae eo jen ialliñlok ñōn Hiris. 14 Im e ar jibwe juōn likao jen man ro dri Sōkkot, im kajitōkin e: im e ar kennanek e wāwen iroi j ro an dri Sōkkot, im ridto ro an jikin kwelok eo, jiljilimjuōñoul jiljilimjuōn eman. 15 Im e ar itok ñōn iben man ro an Sōkkot, im ba, Komin lo Ziba im Zalmuna, kin ro kom ar kaki-tōtōik iō kake, im ba, Pa ko pein Ziba im Zalmuna rej ilo peōm kiō ke, bwe kimin lelok bred ñōn man ro re mōk ibōm? 16 Im e ar bōk ridto ro an jikin kwelok eo, im kãliklik jen ene jemaren, im mar kuj ko, im e ar katakin man ro dri Sōkkot kin ir. 17 Im e ar rupelōllok imōn bar in Penuel, im mōn man ro an jikin kwelok eo.

18 Inem e ar ba ñōn Ziba im Zalmuna, Ie wāwen man ro kom ar mōni i Tebor? Im rej uak, Wāwen lok wöt ir, jabrewöt iair ej einwöt nejin kiñ. 19 Im e ar ba, Lōmaro jeiō im jãtiō, ro nejin jinō: einwöt Jeova e mour, elafe kom ar kejbarōk air mour, I jamin mōn komro. 20 Im e ar ba ñōn Jiter manjien, Kwon jutok, im mōn ir. A likao eo e ar jab nur jãji eo an; bwe e mijōk kin ke a likao wöt. 21 Inem Ziba im Zalmuna rar ba, Kwe kwon jutōk im mōn kimro; bwe einwöt juōn eman, ein drein an kajur. Im Gideon e ar jutōk im mōn Ziba im Zalmuna, im bōk inōk ko rej i kenwan kamel ko air.

22 Inem ro dri Israel rar ba ñōn Gideon, Kwon iroi j iom, kwe im leo

nejōm, im leo nejin bareinwöt; bwe kwar lomorem jen pein Midian. 23 Im Gideon e ar ba ñōn ir, I jamin iroi j iomi, im nejō man e jamin iroi j iomi: Jeova e naj iroi j iomi. 24 Im Gideon e ar ba ñōn ir, I kōnan kajitōk ibemi juōn nan in kajitōk, komin letok jabrewöt iami drere ko jen men in rakim eo an. (Bwe ibeir drere ko gold, bwe ir dri Ishmeel.) 25 Im rar uak, Kim naj mōnōñ in lewoj, im rar erlokwe juōn koj, im jolok na ion, jabrewöt eman drere ko jen men in rakim eo an. 26 Im erroōn drere gold ko e ar kajitōk ibeir kake, juōn tausan jiljilimjuōn buki shekel gold; eor jen drere ko, im men in toto ko, im nuknuk ko eōije ar ber ion kiñ ro in Midian, im eor jen to ninir ko rar kabol kenwan kamel ko air. 27 Im Gideon e ar kōmōn jeni juōn epod, im likite ilo jikin kwelok eo an, i Opra: im aolepen Israel rar ilok im lūñ kin men eo ijo, im e ar erom aluk ñōn Gideon im ñōn ro nukin. 28 Ein drein ar kotaik Midian iman ro nejin Israel, im rar jab bar koutiej bōrair. Im eneo e ar kakije iomin eñoul yiō ilo ran ko an Gideon.

29 Im Jerubeal nejin Joash e ar ilen jokwe ilo mweo imōn. 30 Im jiljilimjuōñoul eman nejin Gideon, emwij keutak jen e; bwe e ar belek elōñ kōra. 31 Im kōra eo konkubain iben, eo e ar ber i Shikem e ar bareinwöt keutak juōn nejin eman, im e ar naetan Abimelek. 32 Im Gideon nejin Joash, e ar mij ke e kanuij bwijwōlã, im ar kalibwin e ilo lupōn Joash jemen, i Opra an ro dri Ebaiizer.

33 Im ke e mij Gideon, e mōkōj an ro nejin Israel bar illok im ilem lūñ iben Beal, im rar kōmōn Beal-birit air anij. 34 Im ro nejin Israel rar jab kememej Jeova air Anij, eo e ar lormor ir jen pein ro otemjej dri kijirãt ir, ijoko otemjej; 35 im rar jab kwalok joi j ñōn ro nukin Jerubeal, eo Gideon, ekar ñōn aolepen emōn eo e ar kwalok ñōn Israel.

9 Im<sup>1</sup> Abimelek nejin Jerubeal e ar ilok ñōn Shikem ñōn ñben lō

<sup>1</sup> jar. s. 31, 35.

maro jein im jätin jinen, im e ar kono-  
nono ñon ir, im ñon aolepen nukin je-  
men im jinen, im ba, 2 Komin kono-  
no i lojliñin ro dri Shiken otemjej,  
Ewi iair emõnlok ibemi, elañe ro ne-  
jin Jerubeal,<sup>1</sup> jiljilimjuõññoul armij,  
rej iroi j iomi, ak elañe juõn ej iroi j  
iomi? komin bareinwõt kememej bwe  
ña driõmi im kõniekõmi. 3 Im lõma-  
ro jein im jätin jinen rar ba kin e, i  
lojliñin ro dri Shikem otemjej, im bu-  
rueir rej kiõk Abimelek; bwe re ba,  
Ej jeim im jätim. 4 Im rar lelok ñõn  
e jiljilimjuõññoul mõtõn silver jen  
imõn Beal-birit, inem Abimelek e ar  
kajerbal jet armij wan im kwobij, ro  
rar lore. 5 Im e ar ilok ñõn imõn je-  
men i Opra, im mõn ro jein im jätin  
man, ro nejin Jerubeal, ir jiljilimju-  
õññoul armij, ion juõn dreka: a Jo-  
tam eman eo eriktata nejin Jerubeal  
e ar berwõt; bwe e ar tilekek. 6 Im  
ro dri Shikem otemjej, im aolepen dri  
Millo, rar kweloktok, im rar ilem kai-  
roi j Abimelek, iturin wijki ok eo ebak  
juõn jur ej ilo Shikem.

7 Im ke rar kennanek Jotam men  
in, e ar ilem jutõk ilo jabõn tol Geri-  
zim, im koutiej ainiken, im lamij, im  
ba ñõn ir, Komin roñjake iõ, komeo  
ro dri Shikem, bwe Anij en roñjake  
kom. 8 Juõn ien wijki ko rar ilen  
kabit juõn kiñ ioir; im rar ba ñõn wi-  
ki oliv, Kwon kiñ iom. 9 A wijki  
oliv e ar ba ñõn ir, Etke in likit kaeo  
rej wijtake Anij im armij kake, im  
ilen belbel ion wijki ko? 10 Im wi-  
ki ko rar ba ñõn wijki fig, Kwon item  
kiñ iom. 11 A wijki fig e ar ba ñõn  
ir, Etke in likit aõ tõñõl, im leiõ emõn,  
im ilen belbel ion wijki ko? 12 Im  
wijki ko rar ba ñõn vain eo, Kwon  
item kiñ iom. 13 Im vain e ar ba ñõn  
ir, Etke in likit aõ wain ej kamõnõ-  
nõik Anij im armij, im ilen belbel ion  
wijki ko? 14 Inem wijki otemjej rar  
ba ñõn mar kuj eo, Kwon item kiñ  
iom. 15 Im mar kuj eo e ar ba ñõn  
wijki ko, Elañe emol ami kabit iõ kiñ  
iomi, inem komin item kalarikrik i  
luriõ; ak elañe jab, kijeek en walok  
jen mar kuj im kõñ aik ko in Leba-

non. 16 Kin men in, elañe kom ar  
kõmõn mol im jime, ilo ami kõmõn  
Abimelek kiñ, im elañe kom ar kõ-  
mõn emõn ñõn Jerubeal im nukin, im  
kom ar kõmõn ñõn e ekar ñõn kõmõn  
in pein, 17 (bwe jema e ar tõrinae  
ñõn kom, im kejekron an mour, im e  
ar lomoremi jen pein Midian: 18 im  
kom ar kabata nae imõn jema ranin,  
im kom ar mõn ro nejin man jiljilim-  
juõññoul armij, ion juõn dreka, im  
kom ar koutiej Abimelek, nejin kori-  
jeran kõra, ion ro dri Shikem, kin ke  
jeõmi in jätõmi); 19 elañe kom ar  
kõmõn mol im jime ñõn Jerubeal im  
mweo imõn ranin, inem, komin lõñliñ  
ilo Abimelek im en lõñliñ kake kom:  
20 a elañe jab, kijeek en walok jen  
Abimelek im kõñ ro dri Shikem, im  
imõn Millo; im kijeek en walok jen  
ro dri Shikem im jen imõn Millo, im  
en kõñ Abimelek. 21 Im Jotam e ar  
ko, im ilok ñõn Bier, im jokwe ijo, kin  
an mijõk Abimelek jein.

22 Im Abimelek e ar iroi j ion Israel  
iom in jilu yiõ. 23 Im Anij e ar jil-  
kinlok jitõb e nana ikõtãn Abimelek  
im ro dri Shikem; im ro dri Shikem  
rar kõmõn jela mon ñõn Abimelek:  
24 bwe nana elap emwij kõmõni ñõn  
man ro jiljilimjuõññoul nejin Jeru-  
beal, en bar itok, im bõtõktõkir en  
ber ion Abimelek jeir im jätir, eo e  
ar mõn ir, im ion ro dri Shikem, ro  
rar kakajur pein bwe en mõn ro jein  
im jätin. 25 Im ro dri Shikem rar  
likit ro dri kebao e ilo jebõn tol ko,  
im rar rakim ro otemjej rar itok ilo  
ial eo iturir: im rar kennanek Abime-  
lek.

26 Im Geal nejin Ibed, e ar itok,  
kab ro jein im jätin, im ilok ñõn Shi-  
kem; im ro dri Shikem rar liki e.  
27 Im rar drioi jlok ilo jikin kallip  
ko, im aini jen bwil in grep, im juri  
grep ko, im kõmõn kwojkwoj, im  
dreloñ iloan imõn air anij, im rar  
mõña im irak, im kole Abimelek.  
28 Im Geal nejin Ibed e ar ba, Wõn  
Abimelek, im wõn Shikem, bwe jen  
korijer ñõn e? e jab nejin Jerubeal  
ke? im Zibul dri kabwijrõk eo an ke?  
komin korijer ñõn man ro in Hemor

<sup>1</sup> Jap. 2. 30.

jemen Shikem : a etke jen korijer ñõn e? **29** Im I kõnan Anij en kõtaik armij rein iomin peiõ! inem I naj kar jolok Abimelek. Im e ar ba ñõn Abimelek, Kwon kalaplok am jar in tõrinae, im drioijtok.

**30** Im ke Zibul iroi j in jikin kwelok eo, e ar roñjake nan ko an Geal nej in Ibed, e bwil an illu. **31** Im e ar jilkinlok ro dri jilik ñõn iben Abimelek, ilo jela mon, im ba, Lo, Geal nej in Ibed im ro jein im jätin rar itok ñõn Shikem; im lo, rej kõmõn bwe jikin kwelok in en jumae yuk. **32** Inem kwon jutõk ilo boñ, kwe im armij ro ibõm, im kebao ilo melaj: **33** im ñe ejiboñ, ñe e tak al, kwo naj jerkak mõkõj, im tõrinaek jikin kwelok e; im lo, ñe e im armij ro iben rej drioijtok nae yuk, kwo maroñ in kõmõn ñõn ir einwõt emõn ibõm.

**34** Im Abimelek e ar jutõk, im armij otemjej iben, ilo boñ, im rar kebao Shikem ilo emen jar. **35** Im Geal nej in Ibed e ar drioijtok, im jutõk ilo kejem in jikin kwelok eo: im Abimelek kab ro iben rar jerkak jen air kebao. **36** Im ke Geal e ar lo armij ro, e ar ba ñõn Zibul, Lo, eor armij rej wõnlõltok jen jabõn tol ko. Im Zibul e ar ba, Kwoj lo anõñin tol ko einwõt armij. **37** Im Geal e ar bar konono, im ba, Kwon lale, eor armij rej itok jen lukwon ene, im juõn jar ej itok ilo ial iturin wijki ok an Mionenim. **38** Im Zibul e ar ba ñõn e, Ewi loñõm kiõ bwe kwar ba, Wõn eo Abimelek, bwe jen korijer ñõn e? armij rein re jab ro kwar kejekron ir ke? kwon drioijtok, ij kajitõk ibõm, im tõrinaek ir. **39** Im Geal e ar drioijtok iman ro dri Shikem, im tõrinaek Abimelek. **40** Im Abimelek e ar kokõk e, im e ar ko iman, im elõñ rar buñ im kinijnij, ñõn turin kejem eo.

**41** Im Abimelek e ar jokwe i Aruma: im Zibul e ar kadrioijtok Geal im ro jein im jätin, bwe ren jab jokwe ilo Shikem. **42** Im ilju armij ro rar drioijtok na ilo melaj; im rar kaiñ Abimelek. **43** Im e ar tel armij ro, im kijbil ir ilo jilu jar, im kebao ilo melaj im e ar reilok, im lo, armij ro

rar drioijtok jen loan jikin kwelok eo; im e ar jutõk jumae ir, im mõn ir. **44** Im Abimelek, im jar ko iben, rar ibwep manlok, im jutõk ilo kejem an jikin kwelok eo: im jar ko ruo rar irerelok ñõn armij otemjej ilo melaj, im mõn ir. **45** Im Abimelek e ar tõrinaek jikin kwelok eo aolepen ran eo; im e ar bõk e, im mõn armij ro ie: im e ar kejebeplok jikin kwelok eo, im jeor jätõk ie.

**46** Im ke armij otemjej an imõn bar eo i Shikem rar roñjake, rar dreloñlok na illoan me an imõn El-birit. **47** Im rar kennanek Abimelek bwe armij otemjej in imõn bar in Shikem rar kweloklok. **48** Im Abimelek e ar wõnlõñlok ilo tol Zalmon, e im armij otemjej iben; im Abimelek e ar bõk juõn ilil ilo pein, im jek juõn ran wijki, im kwotõke, im likite i aieran: im e ar ba ñõn armij ro iben, Men eo kom ar lo aõ kõmõne, komin mõkõj, im kõmõn einwõt. **49** Im ein drein armij otemjej rar jek, jabrewõt iair, ran wijki, im lor Abimelek, im likite iturin me eo, im tile me eo kin kijeek ioir; ein drein armij otemjej in imõn bar in Shikem rar bareinwõt mij, e nañin juõn tausnan man im kõra.

**50** Inem Abimelek e ar ilok ñõn Tibeze, im nitbwile, im böke. **51** A e kar juõn imõn bar e bin illoan jikin kwelok eo, im man im kõra otemjej rar ko ñõn e, kab ro dri jikin kwelok otemjej, im rar mõke kil ir illoan, im wõnlõñlok ion kejenwan imõn bar eo. **52** Im Abimelek e ar itok ñõn imõn bar eo, im tõrinaek e, im kebaklok ñõn aur in imõn bar eo, bwe en tile kin kijeek. **53** Im juõn kõra e ar jolõllok dreka tõp ion bõran Abimelek, im rupe lot in bõran. **54** Inem e ar kaiur e im kir ñõn likao eo e ar inek ken tõrinae ko an, im ba ñõn e, Kwon nur jãji eo am, im mõn iõ, ñe ab armij ren ba kin ña, Juõn kõra e ar mõn e. Im likao eo dron e ar wãkare, inem e mij. **55** Im ke ro dri Israel rar lo bwe e mij Abimelek, rar ilok, jabrewõt iair, ñõn jikin. **56** Ein drein Anij e ar nawõnan nana an Abimelek, eo e ar kõmõne ñõn jemen,

kin an mōn lōmaro jiljilimjuōnōul jein im jātin; 57 im aolepen nana an ro dri Shikem, Anij e ar nawōnan ion bōrari: im ioir e ar itok menukol an Jotam leo nejin Jerubeal.

**10** Im elikin Abimelek, e ar jutōk in lomoren Israel, Tola nejin Pua, nejin Dodo, juōn armij dri Issakar; im e ar jokwe i Shemir ilo ene utiej in Ipreim. 2 Im e ar ekajete Israel iomin roñoul jilu yō, inem e mij, im rar kalibwin e i Shemir.

3 Im elikin, e ar jutōk Jeir, dri Giliad; im e ar ekajete Israel roñoul ruo yō. 4 Im jilñoul nejin eman, ro rar uwe ion jilñoul kon in ass, im ibeir jilñoul jikin kwelok, rej naetair Havot-jeir ñon ranin, rej ber i enen Giliad. 5 Im Jeir e ar mij, im rar kalibwin e i Kemon.

6 Im ro nejin Israel rar bar kōmōn men eo e nana iman mejen Jeova, im jeral ñon Beal, im Ashterot, im anij ro an Siria, im anij ro an Saidon, im anij ro an Moab, im anij ro an ro nejin Amon, im anij ro an ro dri Pilistia; im rar illok jen Jeova, im jab bar jeral ñon E. 7 Inem illu an Jeova e ar bwil nae Israel, im E ar wiakake ir na ilo pein ro dri Pilistia, im na ilo pein ro nejin Amon. 8 Im rar kejjorran im kamakokoik ro nejin Israel iomin yō eo: iomin joñoul dualitōk yō rar kamakokoik ro nejin Israel rej i Jordan jabueo ilo enen ro dri Amor, eo ilo Giliad. 9 Im ro nejin Amon rar elā jen Jordan bwe ren bareinwōt tōrinaek Juda im Benjamin, im imōn Ipreim; ein drein Israel e ar kanuij iñtan.

10 Im ro nejin Israel rar kir ñon Jeova, im ba, Kim ar jerawiwi nae Yuva, bwe kim ar illok jen Anij, im korijer ñon Beal. 11 Im Jeova e ar ba ñon ro nejin Israel, I ar jab lomoremi jen ro dri Ijijpt, im jen ro dri Amor, im jen ro nejin Amon, im jen ro dri Pilistia ke? 12 Ro dri Saidon bareinwōt, im ro dri Amelek, im ro dri Meon, rar kamakokoik kom; im kom ar kir ñon Iō, im I ar lomoremi jen peir. 13 Ijoke, kom ar illok jen Iō, im kom ar korijer ñon anij ro jet:

kin men in, I jamin bar lomoremi. 14 Komin ilen kir ñon anij ro kom ar kåleti; ren lomoren kom ilo ien ami jorran. 15 Im ro nejin Israel rar ba ñon Jeova, Kim ar jerawiwi: Kwon kōmōn ñon kim jabrewōt eo emōn ibōm; men in wōt, Kwon lomoren kim ranin, kimij akwelap ñon Yuk. 16 Im<sup>1</sup> rar jolok jen ibeir anij ro drua, im korijer ñon Jeova; im e buromōj buruen kin iñtan an Israel.

17 Inem ro nejin Amon rar kweloktok im kajur air kamp i Giliad. Im ro nejin Israel rar kweloktok im kajur air kamp i Mizpa. 18 Im armij ro, iroi ro in Giliad, rar ba ñon dron, Lōt eo e naj jino in tōrinaek ro nejin Amon? e naj iroi ro ion ro dri Giliad otemjej.

**11** A<sup>2</sup> Jepta, dri Giliad, e juōn eman e kajur im beran wōt, im nejin juōn kōra ekijoñ: im Gillad e ar keutak Jepta. 2 Im lio belen Giliad e ar keutak ñon e ro nejin man; im ke ro nejin lio rar ridtolok, rar jilkinlok Jepta, im re ba ñon e, Kwo jamin dri jolit ilo imōn jemer; bwe kwe nejin bar juōn kōra. 3 Inem Jepta e ar ko jen lōmaro jein im jātin, im e ar jokwe ilo enen Tob: im jet armij re wan rar kweloklok na iben Jepta, im rar droijlok iben.

4 Im tokelik<sup>3</sup> ro nejin Amon rar tōrinaek Israel. 5 Im ein drein, ke ro nejin Amon rar tōrinaek Israel; ridto rōn i Giliad rar ilen āñintok Jepta jen enen Tob; 6 im rar ba ñon Jepta, Kwon item iroi ro iom bwe kimin tōrinaek ro nejin Amon. 7 Im Jepta e ar ba ñon ridto ro in Giliad, Kom ar jab kijirāte iō im ubakelok iō jen imōn jema ke? im etke komij itok ñon iba kiō, ilo ami jorran? 8 Im ridto ro in Giliad rar ba ñon Jepta, Kin men in kim oktōk ñon yuk kiō, bwe kwon ilok ibemlok, im tōrinaek ro nejin Amon; im kwo naj am iroi ro ion ro dri Giliad otemjej. 9 Im Jepta e ar ba ñon ridto ro in Giliad, Elañe komij āñinlok iō ñon jikiō bwe in tōrinaek ro nejin Amon, im elañe Jeova ej ketōk ir imaō, I naj ami iroi ro ke?

<sup>1</sup> Josh. 24. 23. <sup>2</sup> Hll. 11. 32. <sup>3</sup> Jap. 10. 9. 17.

10 Im ridto ro in Giliad rar ba ñon Jepta, Jeova e naj dri kennan ikōtar; emol ekar ñon am in nan, ein drein kim naj kōmōne. 11 Inem Jepta e ar ilok iben ridto ro in Giliad, im armij ro rar koutiej e jiōb im iroi jioir: im Jepta e ar konono nan ko an otemej iman Jeova i Mizpa.

12 Im Jepta e ar jilkinlok ro dri jilik ñon kiñ eo an ro nejin Amon, im ba, Ta eo ibōm im iba, bwe kwar itok ñon iba in tōrinaek enin aō? 13 Im kiñ eo an ro nejin Amon e ar uak ro dri jilik jen Jepta, Kin ke Israel e ar bōk eneo aō, ke e ar wōnliñlok jen Ijpt, jen Arnon, aet, ñon Jabbok kab ñon Jordan: kin men in kiō, kwon kajeblaktok ene ko ilo ainemōn. 14 Im Jepta e ar bar jilkinlok ro dri jilik ñon kiñ eo an ro nejin Amon; 15 im e ar ba ñon e, Ein drein Jepta ej ba: Israel e ar jab bōk enen Moab, ak enen ro nejin Amon; 16 a ke rar wōnliñtok jen Ijpt, im Israel e ar driblok ene jemaren ñon lomalo Ekilmir, im itok ñon Kedesh; 17 inem Israel e ar jilkinlok ro dri jilik ñon kiñ in Idom, im ba, Kwon kōtlok iō, ij akwelap ñon yuk, bwe in driblok eneo am; a e ar jab eoroñ ir. Ein drein e ar bareinwōt jilkinlok ñon kiñ in Moab; a e ar kōnan: im Israel e ar jokwei Kedesh. 18 Inem e ar driblok ene jemaren, im kabol enen Idom, im enen Moab, im rar kabol Moab tu irear, im rar kajur air kamp i Arnon jabueo; a rar jab dreloñtok tōreran Moab, bwe Arnon tōreran Moab. 19 Im Israel e ar jilkinlok ro dri jilik ñon Saihon kiñ an ro dri Amon, kiñ in Heshbon; im Israel e ar ba ñon e, Kim kajitōk ibōm, in driblok eneo am ñon jikiō. 20 A Saihon e ar jab liki Israel bwe en elā jen tōreran eo an; a Saihon e ar kokweloktok armij otemej dron, im kajur an kamp i Jehaz, im tōrinaek Israel. 21 Im Jeova, Anij in Israel, e ar ketōk Saihon im armij otemej dron na ilo pein Israel, im rar mōn ir: ein drein Israel e ar bōk aolepen enen ro dri Amor, ro rar jokwe i eneo. 22 Im rar bōk aolepen tōreran ro dri Amor, jen Arnon ñon Jabbok, im jen

ene jemaren ñon Jordan. 23 Ein drein Jeova Anij in Israel e ar kadrioi jlok dri Amor jen ene ko air iman dri Israel armij ro An, im kwe kwon bar bōki ke? 24 Etke kwo jab bōk men eo Kimosh am anij ej lewoj bwe en am? Ein drein jabrewōt eo Jeova am Anij e ar kadrioi jlok jen ene ko air imam, ko kim naj bōki. 25 Im kiō kwoj emōnlok jen Belak nejin Zipor kiñ in Moab ke? e ar akwaile Israel jabrewōt ien ak e ar tōrinaek ir ke? 26 Ien eo ke Israel e ar jokwe ilo Heshbon im jikin kwelok ko wujen, im ilo Aroer kab jikin kwelok ko wujen, im ilo jikin kwelok otemej e kar iturin Arnon, iomin jilu bukiyiō; etke kom ar jab bōki iomin ien eo? 27 Kin men in, I ar jab jerawiwinae yuk, a kwoj kōmōn nana nae iō in tōrinaek iō: Jeova, dri Ekajet eo, En ekajet ranin ikōtan ro nejin Israel im ro nejin Amon. 28 Ijoke, kiñ in ro nejin Amon e ar jab eoroñ nan ko an Jepta, ko e ar jilkinlok ñon iben.

29 Im <sup>1</sup>Jitōb òn Jeova e ar itok ion Jepta, im e ar driblok Giliad im Menassa, im driblok Mizpa in Giliad, im jen Mizpa in Giliad e ar etal ñon iben ro nejin Amon. 30 Im Jepta e ar kōmōn juōn an muri ñon Jeova, im ba, Elañe emol Kwo naj letok ro nejin Amon na ilo peiō, 31 inem jabrewōt eo e naj drioi jtok jen kejem in mweo imō bwe en wōnmae iō, ñe I naj jeblaktok ilo ainemōn jen iben ro nejin Amon, e naj an Jeova, im I naj katok kake men in katok kijeek. 32 Ein drein Jepta e ar etal ñon iben ro nejin Amon bwe en tōrinaek ir; im Jeova e ar ketōk ir na ilo pein. 33 Im e ar mōn ir, jen Aroer, mae am itok ñon Minnit, aet, roñoul jikin kwelok, im ñon Ebel-kiramim, kin kokkure elap. Ein drein ar kōtaik ro nejin Amon iman ro nejin Israel.

34 Im Jepta e ar itok ñon Mizpa ñon mweo imōn; im lo, lo nejin e ar drioi jtok in ion e kin timbrel ko im kin eep ko: im e ar mōke wōt nejin; e bar ejelok nejin man ak kōra. 35 Im ke e ar loe, e ar kekel nuknuk ko



an, im ba, Yokwe nejiō! kwar kanuij kōtaik iō, im kwe juōn ian ro rej ke-jorran iō; bwe I ar kabbellok loñiō ñōn Jeova, im <sup>1</sup>I ban jeblak. 36 Inem e ar ba ñōn e, Jema, kwar kabbellok loñōm ñōn Jeova; kwon kōmōn ñōn iō ekar ñōn nan eo e ar walok jen loñōm, bwe Jeova e ar irenwōne kin kwe ion ro dri kijirāte yuk, aet, ro nejin Amon. 37 Im e ar ba ñōn jemen, Ren kōmōn men in kin iō; in ber mōke iaō iomin ruo aliñ, bwe in itoitōk ion tol ko, im jōñōt aō lijnono, ña, im jiroñ ro jera. 38 Im e ar ba, Kwon ilok. Im e ar jilkinlok e iomin ruo aliñ: im e ar ilok, im ro jeran, im jōñōt an lijnono ion tol ko. 39 Im jemlokōn ruo aliñ, e ar jeblak ñōn iben jemen, eo e ar kōmōn ñōn e ekar ñōn muri eo e ar muri kake: im e jañin jela eman. Im e ar juōn mōnit ilo Israel, 40 bwe ro nejin kōra nejin Israel, rar ilok yiō otemej, bwe ren kememej lio nejin Jepta dri Giliad, iomin emen ran ilo juōn yiō.

**12** Im ro dri Ipreim rar kweloklok, im waniñalok; im <sup>2</sup>rar ba ñōn Jepta, Etke kwar elālok in tōrinaek ro nejin Amon, in kwar jab kirtok kim bwe kimin ilok ibōmlok? kim naj tile mweo imōm iom kin ki-jeek. 2 Im Jepta e ar ba ñōn ir, Ña im ro droō kim ar kanuij akwaile ro nejin Amon; im ke I ar kir kom, kom ar jab lomor iō jen peir. 3 Im ke I ar lo bwe kom ar jab lomor iō, I ar likit aō mour ilo peiō, im elālok nae ro nejin Amon, im Jeova e ar ketōk ir na ilo peiō: kin men in, etke kom an wōnliñtok nae iō ranin, bwe komin tōrinaek iō? 4 Inem Jepta e ar kkweloktok man rōn otemej dri Giliad, im rar tōrinaek Ipreim; im ro dri Giliad rar mōn ro dri Ipreim, im rar ba, Kom ar dri ko jen Ipreim, komeo dri Giliad, ilujen Ipreim, im ilujen Menassa. 5 Im ro dri Giliad rar borōk kabātīt ko an Jordan mae ro dri Ipreim. Im ke jabrewōt ian ro dri ko an Ipreim e ar ba, In elāklok, ro dri Giliad re ba ñōn e, Kwe dri

Ipreim ke? Elañe e ar ba, Jab; 6 inem rar ba ñōn e, Kiō kwon ba Shi-bolet; im e ar ba Sibolet; bwe e ban ba nan in ilo jime: inem rar jibwe im mōn e i kabātīt an Jordan. Im rar bero ien eo jen Ipreim eñoul ruo tausān.

7 Im Jepta e ar ekajete Israel iomin jiljino yiō. Inem e mij Jepta dri Giliad, im rar kalibwin e ilo juōn ian jikin kwelok ko in Giliad.

8 Im elikin, Ibzān, jen Betleem, e ar ekajete Israel. 9 Im jilñoul nejin eman; im jilñoul nejin kōra e ar jilkinlok, im jilñoul nejin kōra e ar āñintok jen ijoko ñōn lōmaro nejin. Im e ar ekajete Israel iomin jiljilimjuōn yiō. 10 Im Ibzān e ar mij, im rar kalibwin e i Betleem.

11 Im elikin, Ilon, dri Zebulun, e ar ekajete Israel; im e ar ekajete Israel iomin joñoul yiō. 12 Im Ilon, dri Zebulun, e ar mij, im rar kalibwin e i Aijalon ilo enen Zebulun.

13 Im elikin, Abdon nejin Hillel, dri Piraton, e ar ekajete Israel. 14 Im eñoul nejin eman, im jilñoul jibwin man, ro rar uwe ion jiljilimjuōñoul kon in ass: im e ar ekajete Israel iomin drualitōk yiō. 15 Im Abdon, nejin Hillel, dri Piraton, e ar mij, im rar kalibwin e i Piraton ilo enen Ipreim, ilo ene utiej an ro dri Amelek.

**13** Im ro nejin Israel rar bar kōmōn nana iman mejen Jeova; inem Jeova e ar ketōk ir na ilo pein ro dri Pilistia iomin eñoul yiō.

2 Im juōn eman in Zora, jen nukin ro dri Dan, etan Manoa; im lio belen ewar im e ar jab neje. 3 Im <sup>1</sup>enjel òn Jeova e ar weaktok ñōn kōra eo, im ba ñōn e, Lo kiō, kwo war, im jab keutak; a kwo naj etta, im keutak nejmōn man. 4 Inem kwon lalē, ijka-jitōk ibōm, im jab irak wain ak dren e kajur, im kwon jab mōña jabrewōt men eo e jab erro: 5 bwe, lo, kwo naj etta, im keutak nejmōn man; im ejelok ken eāl en itok ion bōran; bwe ladrik eo e naj dri Nazirait ñōn Anij jen lojiōm: im e naj jino in lomoren

<sup>1</sup> Bwin. 30. 2. <sup>2</sup> Jap. 8. 1.<sup>1</sup> Luk. 1. 11-13.

Israel jen pein ro dri Pilistia. 6 Inem kōra eo e ar iten kennanek leo belen, im ba, Juōn armij ōn Anij e ar itok nōn iba, im turin mejen einwōt turin mejen enjel ōn Anij, e kanuij karnijōk; im I ar jab kajitōk iben, ej jen ia, im e ar jab kwalok nōn iō etan: 7 a e ar ba nōn iō, Lo, kwo naj etta, im naj keutak nejōm man; im kiō kwon jab irak wain ak dren e kajur, im jab mōña jabrewōt men e jab erre; bwe ladrik eo e naj dri Nazirait nōn Anij jen lojiōm nōn ran eo e naj mij.

8 Inem Manoa e ar akwelap nōn Jeova, im ba, O, Iroi, ij kajitōk ibōm, armij ōn Anij Kwar jilkintok e en bar itok nōn ibemro, im katakin kim ta eo kim naj kōmōn nōn niñniñ eo e naj lotak. 9 Im Anij e ar eoroñ ainiken Manoa; im enjel eo an Anij e ar bar itok nōn iben kōra eo, ke e ar jijōt ilo jikin kallip: a Manoa leo belen e joko iben. 10 Im kōra eo e ar kaiur e, im etōr, im kennanek leo belen, im ba nōn e, Lo armij eo e ar weaktok nōn iō, eo e ar itok nōn iba jeman. 11 Im Manoa e ar jutōk, im lor lio belen, im itok nōn iben armij eo, im e ar ba nōn e, Kwe armij eo e ar konono iben liin ke? Im e ar ba, Na e. 12 Im Manoa e ar ba, Inem nan ko am ren mol wōt: e naj kijkan lale niñniñ eo, im ta eo kim naj kōmōn nōn e? 13 Im enjel ōn Jeova e ar ba nōn Manoa, Lio en lale men otemjej I ar ba nōn e. 14 En jab mōña jabrewōt<sup>1</sup> eo mōtōn vain, im en jab irak wain ak dren e kajur, ak mōña jabrewōt men e jab erre; en kejbārok men otemjej I ar jiroñ e.

15 Im Manoa e ar ba nōn<sup>2</sup> enjel ōn Jeova, Ij kajitōk ibōm, kimin drebij yuk, bwe kimin kapoj juōn kon in got nōn kwe. 16 Im enjel ōn Jeova e ar ba nōn Manoa, Meñe kwoj drebij iō, I jamin mōña jen bred eo am; im elañe kwo kōnan kapoj men in katok kijeek, kwon katok kake nōn Jeova. Bwe Manoa e ar jaje bwe enjel ōn Jeova. 17 Im Manoa e ar ba nōn enjel ōn Jeova,<sup>3</sup> Etōm, bwe ñe emwij

kajejit nan ko am kimin maroñ inkōñiajoik yuk? 18 Im enjel ōn Jeova e ar ba nōn e, Etke kwoj kajitōk eta, bwe ej men in bwilōñ? 19 Ein drein<sup>1</sup> Manoa e bōk kon in got eo im jurtak flauo, im katok kake ion dreka eo nōn Jeova: im enjel eo e ar kōmōn men in bwilōñ; im Manoa im lio belen rar lale. 20 Bwe ke urur eo e ar wōñliālok nōn lōñ jen lokatok eo, enjel ōn Jeova e ar wōñliālok ilo urur an lokatok eo: im Manoa im lio belen rar lale, im rar buñbero ion brij.

21 A enjel ōn Jeova e ar jab bar weaktok nōn Manoa ak nōn lio belen. Inem Manoa e jela bwe enjel ōn Jeova. 22 Im Manoa e ar ba nōn liobelen, <sup>2</sup>Emol jero naj mij, bwe jar lo Anij. 23 A lio e ar ba nōn e, Elañe Jeova e kōnan mōn kijro, E jamin kar wut buruen kin men in katok kijeek im jurtak flauo jen peer, im E jamin kar kwalok nōn kijro men kein otemjej, ak ilo ien in kennanek kij men ko einwōt men kein. 24 Im kōra eo e ar keutak nejin eman, im naetan Samson: im ladrik eo e ar ridtolok, im Jeova e ar kejerammōn e. 25 Im Jitōb ōn Jeova e ar jino in lete ilo Mehane-dan, ikōtan Zora im Eshteol.

**14** Im Samson e ar wōñlōlok nōn Timna, im e ar lo juōn kōra i Timna ian ro nejin dri Pilistia. 2 Im e ar wōñliātok, im kennanek jemen im jinen, im ba, I ar lo juōn kōra i Timna, ian ro nejin dri Pilistia: inem komin bōke nōn iō beliō. 3 Inem jemen im jinen rar ba nōn e, Ejelok juōn kōra iben ro nejin ro nukōm, ak iben armij otemjej mōtta, bwe kwoj ilen bōk lio beleōm jen ro dri Pilistia re jab mijmij ke? Im Samson e ar ba nōn jemen, Kwon bōke nōn iō, bwe e lijkinkin iba. 4 A jemen im jinen rar jaje bwe men eo jen Jeova; bwe e ar kabukot men in akwail nae ro dri Pilistia. Ak ien eo ro dri Pilistia rar iroi ion Israel.

5 Inem Samson e ar wōñlōlok, kab jemen im jinen, nōn Timna, im tōbar bwil in grep ko an Timna, im lo, juōn laion jindrik e ar nōr nae e.

<sup>1</sup> Bwin. 6. 4. <sup>2</sup> Jen. 32. 29.

<sup>3</sup> Jap. 6. 20, 21. <sup>2</sup> Jap. 6. 22.

6 Im Jitōb ōn Jeova e ar kanuij itok ion, im <sup>1</sup>e ar kekel e einwōt e naj kar kekel kon in got; im ejelok men ilo pein: a e ar jab kennanek jemen ak jinen ta eo e ar kōmōne. 7 Im e ar wōnlōllok im konono iben kōra eo; im e ar kabuñburuen Samson. 8 Im tokelik e ar jeblak bwe en bōke, im e ar jeōrlok in aluij ubōn laion eo: im lo, bwijin bi rar ber iloan ubōn laion, kab hōnni. 9 Im e ar bōke na ilo pein, im bar etal, im e ar jotal; im e ar itok nōn iben jemen im jinen, im e ar lelok nōn irro, im rar mōña: a e ar jab kennanek irro bwe e ar bōk hōnni eo jen ubōn laion.

10 Im jemen e ar wōnlōllok nōn iben kōra eo: im Samson e ar kōmōn kwojkwoj ijo; bwe ein drein mōnit in likao ro. 11 Inem ke rar loe, rar añintok jilñoul likao dri kōmao iben. 12 Im Samson e ar ba, In kwalok juōn lūñña nōn kom: elañe kom maroñ in kemeleleik e nōn iō iomin ran ko jiljilimjuōn an kwojkwoj eo, im jela kake, inem I naj lewoj jilñoul nuknuk linen, im jilñoul lekōn nuknuk; 13 a elañe kom ban kemeleleik e nōn iō, inem kom naj letok jilñoul nuknuk linen im jilñoul lekōn nuknuk. Im rar ba nōn e, Kwon kwalok lūññōm bwe kimin roñjake. 14 Im e ar ba nōn ir, Jen eo dri mōña e ar walok ekōn, im jen eo e kajur e ar walok tōñōl. Im iomin jilu ran rar ban kemeleleik lūñña eo.

15 Im ilo ran eo ken ka jiljilimjuōn, rar ba nōn lio belen Samson, Kwon mone leo, bwe en kemeleleik lūñña eo, ñe kim ab tile yuk im imōn jemōm kin kijeek: kom ar kirtok kim bwe kimin kejeramel kim ke? e jab ein drein ke? 16 Im lio belen Samson e ar jōñ iturin, im ba, Kwoj drike iō, im jab yokwe iō: kwar kwalok juōn lūññōm nōn ro nejin armij ro aō, im kwar jab kemeleleik e nōn iō. Im e ar ba nōn e, I jañin kennanek jema ak jinō, im etke in kennanek yuk? 17 Im e ar jōñ iman iomin ran ko jiljilimjuōn, ien kwojkwoj eo: inem ilo ran eo ken ka jiljilimjuōn, e ar

kennanek e, kin an akwelap wōt nōn e; im lio e ar kemeleleik lūñña eo nōn armij ro mōtōn. 18 Im man ro an jikin kwelok eo rar ba nōn e ilo ran eo ken ka jiljilimjuōn mokta jen an tulok al, Eor ta e tōñōl jen hōnni? ak eor ta e kajur jen laion? Im e ar ba nōn ir, Elañe kom ar jab tōblōl kin kau kokōra eo aō, kom jamin kar jela lūñña. 19 Im Jitōb ōn Jeova e ar kanuij itok ion, im e ar wōnlōllok nōn Ashkilon, im mōn jilñoul man ro, im bōk air nuknuk, im lelok nuknuk ko air nōn ro rar kwalok lūñña eo. Im e bwil illu eo an, im e ar wōnliñlok nōn mweo imōn jemen. 20 A rar lelok lio belen Samson, nōn leo e kar jeran.

15 A elikin men kein, ilo ien marmir wit, Samson e ar lolok lio belen, im juōn kon in got iben; im e ar ba, I naj dreloñ nōn iben lio belio ilo rum eo. A jemen lio e ar bōprae an dreloñ. 2 Im jemen lio e ar ba, Emol I ar lemnok kwar kanuij drike lio; kin men in I ar lelok e nōn leo jerōm; lio jātin e jab dreo jen e ke? kwon bōk e, ij akwelap nōn yuk, bwe en binej jenkwōn lio juōn. 3 Im Samson e ar ba nōn ir, Ien in e naj ejelok ruō kin ro dri Pilistia, ñe ij kōmōn nana nōn ir. 4 Im Samson e ar ilen jibwe jilu buki jakol, im e ar bōk kual ko, im ukotlok lok nōn lok, im likit juōn kual ikōtan ruo lok. 5 Im ke emwij an tili kual ko, e ar kōtlok ir na ilo korn e jañin marmir an ro dri Pilistia, im e ar tile tir in korn ko, kab korn e jutōk wōt, im bareinwōt bwil in oliv ko. 6 Inem ro dri Pilistia re ba, Wōn e ar kōmōn men in? Im re ba, Samson, belen lio nejin dri Timna, kin ke e ar bōk lio belen, im lelok e nōn leo jeran. Inem ro dri Pilistia rar wōñliñtok im <sup>1</sup> tile lio im jemen kin kijeek. 7 Im Samson e ar ba nōn ir, Elañe kom kōmōn einwōt, emol I naj irenwōne kake kom, im tokelik I naj ikōñ. 8 Im e ar mōn ir otem mōn ir kin kokkure elap: im e ar wōnlōllok im jokwe ilo roñ in dreka in Itam.

<sup>1</sup> 1 Sam. 17. 24-30.

<sup>1</sup> Jap. 14. 15.

9 Im ro dri Pilistia rar wōnlīnlok im kajur air kamp ilo Juda im berijōke i Lihai. 10 Im ro dri Juda rar ba, Etke komij wōnlīntok nae kim? im rar ba, Bwe kimin liabe Samson kim ar wōnlīntok, im kōmōn nōn e einwōt e ar kōmōn nōn kim. 11 Im jilu tausan dri Juda rar wōnlōllok nōn roñ in dreka eo i Itam, im ba nōn Samson, Kwo jab jela ke bwe ro dri Pilistia rej iroi j ior? inem ta men in kwar kōmōn nōn kim? Im e ar ba nōn ir, Einwōt air kōmōn nōn iō, ein drein I ar kōmōn nōn ir. 12 Im rar ba nōn e, Kim ar wōnlōltok in liabe yuk bwe kimin ketōk yuk na ilo pein ro dri Pilistia. Im Samson e ar ba nōn ir, Komin kanōjnij nōn iō, bwe komin jab mōke buñōt iō. 13 Im rar konono nōn e, im ba, Jab; a kim naj liabe yuk, im lelok yuk na ilo peir: a kim jamin mōn yuk. Im rar liabe kin ruo to rekāl, im bōkliñtok e jen roñ eo.

14 Im ke e ar tōbar Lihai, ro dri Pilistia rar roloke ke rar wōnmae e: im <sup>1</sup>Jitōb ōn Jeova e ar itok ion kin kajur, im to ko ion pein rar erom einwōt flax emwij tile ilo kijeek, im men ko lukjen rar wutlok jen pein. 15 Im e ar lo juōn atlōl in ass, im e ar kōtellok pein, im bōke, im e ar mōn juōn tausan armij kake. 16 Im Samson e ar ba, Kin atlōl in ass, juōn melobā, ruo melobā, kin atlōl in ass I ar mōn juōn tausan armij. 17 Im ke emwij an konono, e ar jolok atlōl eo jen pein; im rar naetan jikin eo Bemat-lihai. 18 Im e kanuij maro, im e ar kir nōn Jeova im ba, Kwar letok kōtlok in elap kin pein dri korijerōm; im kiō in mij kin maro ke, im buñ na ilo pein ro re jab mijmij? 19 A Anij e ar rupe roñ eo i Lihai, im dren e ar walok jen e; im ke emwij an irak, e kajurlok, im e mour: kin men in rar naetan jikin eo En-hakore, eo i Lihai, nōn ranin. 20 Im e ar ekajete Israel ilo ran ko an ro dri Pilistia, iomin roñoul yiō.

**16** Im Samson e ar ilok nōn Geza, im lo ijo juōn kōra ekijōñ, im

ilok nōn iben. 2 Im rar kennanek ro dri Geza, im ba, E mottok Samson. Im rar kabol e, im kebao aolepen boñ ilo kejem in jikin kwelok eo, rej tōt aolepen boñ, im re ba, En berwōt nōn jiboñ, inem je naj mōn e. 3 Im Samson e ar babu mae lukwōn boñ, im ej jerkak ilukwon boñ, im kapjere aur ko in kejem in jikin kwelok eo, im jur ko iturin, im kōtepi, alal in aolep, im likiti i aieran, im bōkliñlok nōn jabōn tol eo iman Hibron.

4 Im tokelik e ar yokwe juōn kōra ilo komlōl in Sorek, etan Dilaila. 5 Im iroi j ro an dri Pilistia rar itok nōn iben lio, im ba nōn e, <sup>1</sup>Kwon mone, im bukot ta unin an kanuij kajur, im kin ta kimin maroñ in bōk anjo ion, bwe kimin lukwoj e, im kaiñtan e: im kim naj lewoj, kaju iam, juōn tausan jibuki mōtōn silver. 6 Im Dilaila e ar ba nōn Samson, Kwōn kennanek iō, ij akwelap nōn yuk, ta unin am kanuij kajur, im ekijkan ren maroñ in lukwoj yuk in kaiñtan yuk. 7 Im Samson e ar ba nōn e, Elañe rej lukwoj iō kin jiljilimjuōn ājib re morur, inem I naj mōjino, im einwōt bar juōn armij. 8 Im iroi j ro an dri Pilistia rar bōkliñtok nōn iben lio jiljilimjuōn ājib re jañin mōra, im lio e ar lukwoj e kake. 9 A iben lio, ro dri kebao ilo rum eo ilukwon mweo. Im e ar ba nōn e, dri Pilistia ro rōn, Samson. Im e ar mijkōki ājib ko einwōt ekwol flax ke ej unir kijeek. Ein drein re jaje kake an kajur.

10 Im Dilaila e ar ba nōn Samson. Lo, kwar kajirere kake iō, im riōp nōn iō: inem kwon kennanek iō, ij akwelap nōn yuk, ekijkan re maroñ in liabe yuk. 11 Im e ar ba nōn e, Elañe rej liabe iō kin to ko re jañin jermal kake, inem I naj mōjino, im einwōt bar juōn armij. 12 Ein drein Dilaila e ar bōk to ko rekāl, im liabe e kake, im ba nōn e, Dri Pilistia ro rōn, Samson. Im ro dri kebao rar ber ilo rum eo ilukwon mweo. Im e ar mijkōki jen pein einwōt tred.

13 Im Dilaila e ar ba nōn Samson,

<sup>1</sup> Jap. 14. 19.

<sup>1</sup> Jap. 14. 16.

nōn ien in kwar kajirere kake iō, im kennanek iō nan in riōp ko : kwon kennanek iō ekijkan re maroñ in liabe yuk. Im e ar ba nōn e, Elañe kwoj ej atōlen jiljilimjuōn in bōra ilo men in ej. 14 Im e ar kabine kin drumij eo, im ba nōn e, Dri Pilistia ro rōn, Samson. Im e ar ruj jen an kiki, im e ar kōtep drumij im alal eo, im iren ej ko.

15 Imem lio e ar ba nōn e, Ekijkan am maroñ in ba, Ij yokwe yuk, ke buruōm e jab iba? kwar kajirere kake iō alen kein jilu, im kwo jañin kennanek iō ta eo unin am kanuij kajur. 16 A ke lio ej eljinmine an in nan ran otemjej, im akwelap nōn e, an e kanuij kiril im kijelok. 17 Im e ar wujlepe buruen nōn e, im ba, Ejelok ken eāl e ar itok ion bōra; bwe fia<sup>1</sup> dri Nazirait nōn Anij jen lojen jinō: elañe rej mijbar iō inem aō kajur e najilok jen ña, im I naj mōjino, einwōt jabrewōt bar armij.

18 Im ke Dilaila e ar kili bwe e ar wujlepe buruen nōn e, e ar jilkinlok im kirtok iroi j ro an dri Pilistia, im ba, Komin wōnliñtok ien in wōt, bwe e ar kwalok nōn iō aolepen buruen. Inem iroi j ro an dri Pilistia rar wōnliñtok nōn iben, im bōktok mōnni ilo peir. 19 Im e ar kakiki e ion buken; im e ar kirtok juōn eman, im eāl jiljilimjuōn atōlen bōran; im e ar jino kaiñtan e, im kajur eo an e ar ilok jen e. 20 Im e ar ba, Dri Pilistia ro rōn, Samson. Im e ar ruj jen an kiki, im e ba, I naj drioi jlok einwōt ien ko jet, im mōke kamakōtkit iō im mejōl. A e jab jela bwe emwij an Jeova illok jen e. 21 Im ro dri Pilistia rar jibwe, im itiki mejen; im rar añinlōllok e nōn Geza, im liabe kin to jinibōrōrō; im e ar irir nōn ir iloan prison. 22 Mekarta, kolan bōran e ar jino in edrek elikin air mijbar e.

23 Im iroi j ro an ro dri Pilistia rar kweloklok in lelok men in katok elap nōn<sup>2</sup> Degon air anij, im bwe ren lōñliñ; bwe re ba, Ar anij e ar ketōk Samson dri kijirāte kij na ilo peer. 24 Im ke armij ro rar loe, rej nebar

air anij; im re ba, Ar anij e ar ketōk na ilo peer dri kijirāte kij, im dri kokkure ailiñ in ar, eo e ar mōn elōñ iar. 25 Im ke burueir rar mōnōnō, rar ba, Komin kirtok Samson, bwe en kure nōn kij. Im rar kirtok Samson jen imōn prisōn eo; im e ar kure imair. Im rar likite ikōtan jur dreka ko: 26 im Samson e ar ba nōn ladrick eo e ar kapjere pein, Kwon kōtlok iō bwe in tolume jur ko, loñtōn mwın, bwe in atartar ie. 27 A mweo e ar obrōk kin man im kōra; im iroi j ro otemjej an dri Pilistia rar ber ijo; im e nañin jilu tausān man im kōra rar ber ion kejenwan, ro rar aluij ke Samson e ar kure.

28 Im Samson e ar<sup>1</sup> kir nōn Jeova, im ba, O Jeova Anij, kwon kememej iō, ij akwelap nōn Yuk, im kakajur iō, ij akwelap nōn Yuk, alen in wōt, O Anij, bwe in irenwōne nōn ro dri Pilistia kiō kiō kin meja. 29 Im Samson e ar kapjere jur ko ruo iolap, loñtōn mweo, im ej atartar ibeir, juōn kin anbijmaroñōn, im eo juōn kin anmiñin. 30 Im Samson e ba, In mij iben ro dri Pilistia. Inem e ar kōnkōn kin aolepen an maroñ; im mweo e ar buñōt iroi j ro, im armij otemjej rar ber iloan. Ein drein ro remij ej mōn ir ilo an mij, relōñ jen ro otemjej e kar mōn ir ilo an mour. 31 Inem ro jein im jātin, im aolepen nukin jemen, rar wōnlōltok, im kapjere, im bōkliñtok e, im kalibwin e ikōtan Zora im Eshteol, ilo wuliej eo an Manoa, jemen. Im e ar ekajete Israel iomin roñoul yiō.

17 Juōn eman e ar ber ilo ene utiej an Ipreim, etan Maika. 2 Im e ar ba nōn jinen, Joñoul juōn buki mōtōn silver ko rar bōk jen yuk, im kwar kanōjni j kake, im kwar konono kake i lojñiō, lo, silver en iba; I ar bōke. Im jinen e ar ba, Kwo mōnōnō nejiō jen Jeova. 3 Im e ar kapjebok mōtōn silver ko joñoul juōn buki nōn iben jinen; im jinen e ar ba, Emol ij aje silver eo nōn Jeova jen peiō, bwe nejiō en<sup>2</sup> kōmōn jen e men in e jekjek, im men in e unlok: inem

<sup>1</sup> Bwin. 6. 6. <sup>2</sup> 1 Sam. 6. 2.<sup>1</sup> Jap 15. 18. <sup>2</sup> Ex. 20. 4.

kiō I naj kajebal e ñōn kwe. 4 Im ke e ar lelok mōnni eo ñōn jinen, jinen e ar bōk rubuki mōtōn silver, im lelok ñōn dri jerbale silver, im e ar kōmōn jen e, juōn men in e jekjek, im juōn men in e unlok: im e ar ber ilo mweo imōn Maika. 5 Im iben Maika juōn imōn anij rōn, im e ar kōmōn juōn epod im ekjōp ko, im aje juōn ian lomaro nejin bwe en an pris. 6 Ilo ran ko, ejelok kiñ ilo Israel: jabrewōt armij e ar kōmōn men eo emōn ilo mejen.

7 Juōn likao jen Betleem-juda, jen nukin Juda, dri Livai; im e ar ber ijo. 8 Im leo e ar ilok jen jikin kwelok eo, jen Betleem-juda, im e ar lowōrkak; im e ar itok ñōn ene utiej an Ipreim ñōn imōn Maika, ke ej etetal. 9 Im Maika e ar ba ñōn e, Kwoj itok jen ia? Im e ar ba ñōn e, Ña dri Livai jen Betleem-juda, im ij ilen ber ijo jabrewōt ij lo jikiō. 10 Im Maika e ar ba ñōn e, Kwon ber iba, im kwon jema, im pris, im I naj lewoj joñoul mōtōn silver ilo juōn yiō, im juōn lekōn nuknuk ko, im kijōm. Ein drein dri Livai eo e ar dreloñlok. 11 Im dri Livai eo e ar jokōne in ber iben leo; im likao ej ñōn e einwōt juōn ian ro nejin. 12 Im Maika e ar aje dri Livai eo, im likao eo e kar pris eo an, im ber ilo imōn Maika. 13 Inem Maika e ar ba, Kiō I jela bwe Jeova e naj kejerammōn iō, bwe juōn dri Livai iba aō pris.

**18** Ilo ran ko ejelok kiñ ilo Israel: im ilo ran ko bwijin dri Dan rar kabukot air jolit bwe ren jokwe ie; bwe mae ran eo air jolit e ar jab alikar ñōn ir iben ro bwijin Israel. 2 Im ro nejin Dan rar jilkinlok jen nukir lailim eman, man ro re beran, jen Zora im jen Eshteol, bwe ren wat eneo, im lale ie ein; im rar ba ñōn ir, Komin ilok im wat eneo. Im rar itok ñōn ene utiej an Ipreim, ñōn mweo imōn Maika, im jiboñōn ijo. 3 Im ke rar ber iturin imōn Maika, rar kili ainiken likao eo dri Livai; im rar jeōrlōk ñōn e, im ba ñōn e, Wōn e ar āñintok yuk ñōn ijin?

<sup>1</sup> Jap. 17. 6.

im kwoj it ijin? im kwoj wōjikōt ijin? 4 Im e ar ba ñōn ir, Ein drein an Maika kōmōn ñōn iō, im e ar kajerbal iō, im ña pris eo an. 5 Inem rar ba ñōn e, Kwon kajitōk bebe jen Anij, kim akwelap ñōn yuk, bwe kimin jela elañe ial eo am e naj jerammōn. 6 Im pris eo e ar ba ñōn ir, Komin ilok ilo ainemōn: ami ial ej iman Jeova.

7 Inem lōmaro lailim rar ilok, im itok ñōn Leish, im lo armij ro ie, ekijkan rar jokwe im jab uota, einwōt ro dri Saidon, rej tōt im jakilkil; bwe ejelok iroi j ilo eneo, eo e maroñ inkajok ir ilo jabrewōt, im rar etelok jen ro dri Saidon, im re jab kōmao iben jabrewōt armij. 8 Im rar itok ñōn iben ro jeir im jātir i Zora im Eshteol: im ro jeir im jātir rar ba ñōn ir, Ej iami? 9 Im rar ba, Komin jutōk, im jen wōnliñlok mae ir; bwe kim ar lale eneo, im lo, e kanuij emōn: im kom berwōt ke? komin jab ituelok in dreloñlok im bōk eneo. 10 Ñe komij ilok, kom naj lo jet armij re jakilkil, im elap eneo; bwe Anij e ar lewoj na ilo peōmi, jikin ijo re jab aikwij jabrewōt men ej ilo lōl.

11 Im rar etal jen ijo ian ro nukin Dan, jen Zora im jen Eshteol, jiljino buki man im re pojōk ñōn tōrinae. 12 Im rar wōnliñlok im kajur air kamp i Kiriat-jierim, i Juda: kin men in rar naetan jikin eo Mehane-dan ñōn ranin; lo, ej ilikin Kiriat-jierim. 13 Im rar etal jen ijo ñōn ene utiej in Ipreim, im itok ñōn mweo imōn Maika.

14 Inem lōmaro lailim ro re kar ilen wate enin Leish, rar uak im ba ñōn ro jeir im jātir, Kom jela ke ilo mōkein juōn epod, im ekjōp ko, im men in e jekjek, im men in e unlok? kin men in komin bebe kin men eo komin kōmōne. 15 Im rar jeōrlōk ñōn ijo, im ilok ñōn mweo imōn likao eo dri Livai, ñōn imōn Maika, im kajitōk kin an mour. 16 Im man ro jiljino buki re pojōk ñōn tōrinae, ro nejin Dan, rar jutōk iman kejem eo. 17 Im lōmaro lailim ro kar ilen wat eneo, rar wōnliñlok, im dreloñ ijo, im bōk menin e jekjek, im epod eo, im ekjōp ko, im

men in e unlok eo: im pris eo e ar jutök ilo kejem eo iben dri törinae ro jiljino buki. 18 Im ke rein rar dreloñ iloan imõn Maika, im bõktok men in e jekjek, epod eo, im ekjöp ko, im men in e unlok, pris eo e ar ba ñõn ir, Komij it? 19 Im rar ba ñõn e, Kwon ikõn, kwon binej loñõm kin peõm, im ilok ibemlok, im kwon jemem im am pris: emõnlok ke am pris ñõn imõn juõn armij, ak pris ñõn juõn bwij im nukin ilo Israel? 20 Im buruen pris eo e mõnõnõ, im e ar bõk epod eo, im ekjöp ko, im men in e jekjek, im ilok i bwiljin armij ro.

21 Ein drein rar jeõr im ilok, im likit ajiri im kiru ko air im mweeluk ko mweir imair. 22 Ke rej etolok jen mweo imõn Maika, armij ro rar ber ilo moko rebak ñõn imõn Maika, rar kweloklok, im rar tõbar ro nejin Dan. 23 Im rar kir ñõn ro nejin Dan. Im rar reilok, im ba ñõn Maika, Kwo baj it, ke kwój itok iben juõn jar einwõt? 24 Im e ar ba, Kom ar bõklok anij ko aõ I ar kõmõnmõni, im pris eo, im kom ar ilok, ak eor bar ta iba? inem ekijkan ami ba ñõn iõ, Kwo baj it? 25 Im ro nejin Dan rar ba ñõn e, Ren jab roñjake ainikõm ibem, ñe ab ro dri illu ren buñ iom, im e joko am mour, im mour an ro nukum. 26 Im ro nejin Dan rar etal wõt: im ke Maika e ar lo bwe re kajur jen e, e ar oktök im jeblak ñõn mweo imõn.

27 Im rar bõk men ko Maika e ar kõmõnmõni, im pris eo e kar iben, im itok ñõn Leish, ñõn armij ro re tõt im jakilkil, im rar mõn ir kin mejen jãji; im rar kalok jikin eo. 28 Im ejelok dri lomor ir, bwe etolok jen Saidon, im rar jab kõmao iben jabrewõt armij; im e ar ber ilo komlõl eo iturin Bet-rihob. Im rar kalek jikin kwelok eo im jokwe iloan. 29 Im rar naetan jikin kwelok eo Dan, einwõt etan Dan jemeir, eo E ar lotak ñõn Israel: ijoke, etan jikin kwelok eo mokta Leish. 30 Im ro nejin Dan rar kajutök ñõn ir men in e jekjek eo; im Jonetan, nejin Gershom, nejin Moses, e im ro nejin rar pris ñõn bwi-

jin dri Dan, mae ran in jebokwe an eneo. 31 Ein drein rar kajutök men in e jekjek an Maika, eo e ar kõmõnmõne, iomin aolepen ien an imõn Anij ber i Shailo.

19 Im ilo ran ko, ke ejelok kiñ ilo Israel, juõn dri Livai e ar itoitök ilo ene utiej in Ipreim, ijo etolok, im e ar bõk ñõn iben, juõn kõra konkubain, jen Betleem-juda. 2 Im lio e ar lüñ nae leo, im illok jen e ñõn mweo imõn jemen i Betleem-juda, im ber ijo iomin emen aliñ. 3 Im leo e ar jutök, im lore, bwe en kainemõn e, im kajablaktok e, im leo korijeran iben, kab ruo ass: im lio e ar kadreloñ e na iloan imõn jemen; im ke jemen kõra eo e ar loe, e mõnõnõ in wõnmae e. 4 Im jemen lio e ar drebij e; inem e ar jokwe iben iomin jilu ran: ein drein rar mõña im irak im jiboñõn ie. 5 Im ilo ran eo ken kemen, rar jerkak ke ejiboñ wõt, im e ar jutök in etal: im jemen lio e ar ba ñõn leo, Kwon kabije mokta kin mõtõn bred, inem tokelik kom naj ilok ilo ami ial. 6 Inem rar jijõt, im irro mõña im irak, im leo jemen lio e ar ba ñõn leo, Kwon jokõne, ij akwelap ñõn yuk, im berwõt aolepen boñ, im buruõm en mõnõnõ. 7 A leo e ar jutök in ilok; a jemen lio e ar akwelap ñõn e, im e ar bar jiboñõn ie. 8 Im e ar jerkak ke ejiboñ wõt ilo ran eo ken ka lailim bwe en ilok; im jemen lio e ar ba, Kwon kabije, ij akwelap ñõn yuk, mae ien an jebel al; im Irro mõña. 9 Im ke leo e ar jutök in ilok, im lio konkubain eo, im dri korijeran, jemen lio e ar ba ñõn e, Lo, e nañin boñ, ij akwelap bwe kwon berwõt aolepen boñ: lo, e nañin jemlok ranin, kwon jiboñõn ijin, bwe buruõm en mõnõnõ; im ilju en jiboñ wõt am etal, bwe kwon ilok ñõn kabijuknõm.

10 A leo e abwin berwõt boñin eo, a e ar jutök im ilok, im e ar itok ñõn ikijen Jibus, (eo Jerusalem): im ruo ass iben eor eran jijõt ioir; bareinwõt lio konkubain e ar ber iben. 11 Ke rar ber iturin Jibus, e nañin tulok al; im leo korijeran e ar ba ñõn karo eo, Kwon itok, ij akwelap, im jen jeõrlök

nōn jikin kwelok in an ro dri Jibus, im jiboñōn ie. 12 Im karo eo an e ar ba nōn e, Jen jab jeōrlōk nōn jikin kwelok an drua majet, eo e jab ian ro nejin Israel; a je naj jibareklok Gibia. 13 Im e ar ba nōn leo korijeran, jen jibareklok juōn ian jikin kein; im jen jiboñōn i Gibia, ak i Rema. 14 Ein drein rar kijone im etal wōt; im e ar tulok al ir ke rar ebake Gibia, eo an Benjamin. 15 Im rar jeōrlōk nōn ijo bwe ren dreloñ im jiboñōn i Gibia: im e ar dreloñlok im jijōt ilo ial an jikin kwelok eo; bwe ejelok armij e ar kadreloñ irjil iloan mweo imōn bwe ren jiboñōn.

16 Im lo, juōn lōlap e ar itok jen an jermal ilo jikin kallip, ke ejota: ak leo jen ene utiej an Ipreim, im e ar itoitōk ilo Gibia; a ro dri jikin kwelok eo dri Benjamin. 17 Im e ar bōk mejen, im lo dri etetal eo ilo ial in jikin kwelok eo; im lōlap eo e ar ba, Kwoj ilok nōn ia? im kwoj itok jen ia? 18 Im e ar ba nōn e, Kimjil etal jen Betleem-juda nōn ene jabueo e utiej in Ipreim; ña dri ijo, im I ar ilok nōn Betleem-juda: im kiō ij etal nōn mweo imōn Jeova; im ejelok armij ej kadreloñ iō iloan mweo imōn. 19 Ijoke, eor kām in ekōn kijan ass ko am; im eor bred im wain bareinwōt kijimjil: ejelok am aikwij. 20 Im lōlap eo e ar ba, Kwon ainemōn; ijoke, am aikwij otemjej ren ber iō; men in wōt, kwon jab jiboñōn ilo ial. 21 Ein drein e ar kadreloñ e na iloan mweo imōn, im lelok nōn ass ko kijeir; im rar katutu neir, im rar mōña im irak.

22 Ke rej kainemōn burueir lo, dri jikin kwelok eo, jet dri bwibwi, rar kabol mweo, im kalōlōl aur eo; im rar konono nōn iroi in mweo, lōlap eo, im ba, Kwon kadrioihtok leo e ar dreloñ na ilo mwin imōm, bwe kimin jela e. 23 Im leo, iroi in mweo, e ar drioihtok nōn ibeir, im ba nōn ir, Jab, ro jeiō im jātiō, ij akwelap, en jab ein drein ami kōmōn nana; ke leo e ar dreloñtok ilo mwin imō, komin jab kōmōn men in bwebwe in. 24 Lo, ijin nejiō jiroñ, im lio belen lein, I naj

kadrioihtok irro kiō, im komin kanaanik ir, im kōmōn nōn ir einwōt emōn ibemi: a nōn leo, armij in, komin jab kōmōn jabrewōt men in bwebwe einwōt. 25 A armij ro re abwin eoroñ e: ein drein leo e ar jibwe lio konkubain eo an, im kadrioihtok e nōn ibeir; im rar jela e, im kokkure iomin aolepen boñ eo, mae jiboñ: im ke e jimarok rar kōtlok e. 26 Inem lio e ar itok ke e rantak, im buñlok i kejem in mweo imōn, ijo iroi in eo an e ar ber ie, mae ien e maram.

27 Im iroi in eo an e ar jerkak ke ejiboñ, im kabellok aur ko in mweo, im drioihtok in etal; im lo, lio konkubain eo an e ar buñbero iturin aur in mweo, im pein ion biten kejem. 28 Im leo e ar ba nōn e, Kwon jerkak, jen etal; a ejelok an uak. Ineme ar ektōk e ion ass eo; im leo e ar jutōk im jeblak nōn jikin. 29 Im ke e ar dreloñ na ilo mweo imōn, e ar bōk juōn bōkbōk, im kapjere lio konkubain eo, im kajibloklok e ilo joñōd ruo mōtōn, im jilkinlok ilujen ene otemjej an Israel. 30 Im ein drein, ro otemjej rar loe, rar ba, Ejelok eo e ar kōmōn ak lo einwōt in, jen iene eo dri Israel rar drioihtok jen Ijpt nōn ranin: komin kalomōnlokjen, im bebe iben dron, inem konono.

**20** Inem ro nejin Israel otemjej rar drioihtok, im jar eo rar kweloklok einwōt juōn armij, jen Dan nōn Bier-shiba, im jen enen Giliad, nōn Jeova i Mizpa. 2 Im iroi in ro in aolepen armij rōn, aet, ro jen bwij ko otemjej an Israel, rar mōke kwalok ir ilo jar in ro dron Anij, ābuki tausan dri etetal rar nure jāji. 3 (Ak ro nejin Benjamin rar roñjake kin an ro nejin Israel wōnliñlok nōn Mizpa.) Im ro nejin Israel rar ba, Kwon kenanek kim, ekijkan e ar walok nana in? 4 Im dri Livai eo, belen kōra eo rar urōte, e ar uak im ba, I ar dreloñ i Gibia, eo an Benjamin. ña im lio konkubain eo, bwe kimin jiboñōn ie. 5 Im man ro dri Gibia rar jutōk nae iō, im kabol mweo ilo boñ; rar kōnan mōn iō, im konkubain eo aō rar kokkure, im e mij. 6 Im I ar bōk lio, im



bukwe ilo mōtōn ko, im jilkinlok ilujen aolepen enin jolit an Israel; bwe rar kōmōn lūn im men in bwebwe ilo Israel. 7 Lo, komeo ro nejin Israel, kom otemjej komin kwalok ijin aminan in bebe.

8 Im armij otemjej rar jutōk einwōt juōn armij, im ba, Kim jamin ilok, jabrewōt iam, nōn im nuknuk eo an, im kim jamin jeblak nōn moko imwem. 9 A men in men eo kim naj kōmōn nōn Gibia: kim naj wōnliñlok nae e, kin kakōle ko; 10 im kim naj kejenolok joñoul eman jen jibuki, ilo bwij ko otemjej an Israel, im jibuki jen juōn tausand, im juōn tausand jen joñoul tausand, bwe ren bōktok kijan armij ro, bwe ren maroñ kōmōn, ñe rej itok nōn Gibia in Benjamin, ekar nōn aolepen bwebwe eo rar kōmōn ilo Israel. 11 Ein drein man ro otemjej an dri Israel rar kweloklok nae jikin eo, im emwij kobaik ir nōn dron einwōt juōn armij.

12 Im bwij ko an Israel rar jilkinlok armij ro ilujen aolepen bwijin Benjamin, im ba, Ta nana in e ar walok iolapemi? 13 Inem komin letok armij ro, ro dri bwibwi, rej ber ilo Gibia, bwe kimin mōn ir, im jolok nana jen Israel. A ro dri Benjamin rar abwin eoroñ ainiken ro jeir im jātir, ro nejin Israel. 14 Im ro nejin Benjamin rar kweloktok jen jikin kwelok ko nōn Gibia, bwe ren ilen tōrinaek ro nejin Israel. 15 Im emwij bwini ro nejin Benjamin ran eo jen jikin kwelok ko, roñoul jiljino tausand man ro rar nure jāji, eor jen ro dri Gibia im emwij bwini ir, jiljilimjuōn buki man ro emwij kālet ir. 16 Ian armij rein otemjej jiljilimjuōn buki ro emwij kālet ir, dri anmiñ; im jabrewōt iair e maroñ in bwot kin dreka, re wālel wōt im ejelok ilok.

17 Im man ro nejin Israel, eor jen Benjamin, emwij bwini ir ābuki tausand man rar nure jāji: rein otemjej dri tōrinae. 18 Im ro nejin Israel rar jutōk, im wōnliñlok nōn Betel, im 'kajitōk bebe iben Anij; im rar ba, Wōn e naj wōnliñlok mokta in tōri-

naek ro nejin Benjamin? Im Jeova e ar ba, Juda en wōnliñlok mokta.

19 Im ro nejin Israel rar jerkak ke ejibofñ, im kajur air kamp mae Gibia. 20 Im ro dri Israel rar ilen tōrinaek Benjamin; im ro dri Israel rar kalejar nae ir i Gibia. 21 Im ro nejin Benjamin rar drioiytok jen Gibia, im mōn ir nōn bero, ian ro nejin Israel ran eo, roñoul ruo tausand armij. 22 Im armij ro, man in Israel, rar rojōñ dron, im kalejar ijo rar kalejar ie ran eo mokta. 23 Im <sup>1</sup>ro nejin Israel rar wōnliñlok im jōñ iman Jeova nōn jota; im rar kajitōk iben Jeova, im ba, In bar druaklok in tōrinaek ro nejin Benjamin jātiō ke? Im Jeova e ar ba, Kwon wōnliñlok nae e.

24 Im ro nejin Israel rar kebaklok nae ro nejin Benjamin ran eo ken ka ruo. 25 Im Benjamin e ar drioiytok nae ir jen Gibia ran eo ken ka ruo, im bar mōn ir nōn bero, ian ro nejin Israel, joñoul drualitōk tausand armij; rein otemjej rar nure jāji. 26 Inem ro nejin Israel otemjej, im armij otemjej, rar wōnliñlok, im itok nōn Betel, im jōñ, im jijōt ie iman Jeova, im jitolok ran eo mae jota; im rar katok kin men in katok kijeek im men in katok ainemōn iman Jeova. 27 Im ro nejin Israel rar kajitōk iben Jeova (bwe dipdip in kalimur an Jeova e ar ber ie ilo ran ko, 28 im Pinehas, nejin Iliezar nejin Aron, e ar jutōk iman ilo ran ko), im ba, In bar drioiytok nae ro nejin Benjamin jātiō ke jab ke? Inem Jeova e ar ba, Kwon wōnliñlok; bwe ilju I naj lelok e na ilo peōm.

29 Im Israel e ar likit ro dri kebaklok nae Gibia ijoko. 30 Im ro nejin Israel rar wōnliñlok nae ro nejin Benjamin ran eo ken ka jilu, im kalejar nae Gibia, einwōt ien ko jet. 31 Im ro nejin Benjamin rar drioiytok nae armij ro, im rar lijmandrikrik im kal ir etolok jen jikin kwelok eo; im rar jino mōn im kajeeklok jet ian armij ro, einwōt ien ko jet, ilo ial ko relap, juōn iair nōn Betel, im eo juōn nōn Gibia, ilo melaj, e nañin jilñoul man ian ro dri Israel. 32 Im ro ne-

<sup>1</sup> eor 23. 7.<sup>1</sup> Josh. 7. 6, 7.

jin Benjamin rar ba, Je bar anjo ioir einwöt mokta. A ro nejin Israel rar ba, Jen lijmandrikrik im kal ir jen jikin kwelok eo i lo ial ko. 33 Inem ro dri Israel otemjej rar walok jen jikir, im kalejar i Beal-temar: im ro dri kebao ian dri Israel rar ibwep jen jikir, aet, jen Mere-giba. 34 Im rar itok nge Gibia joñoul tausand armij ro emwij kalet ir jen aolepen Israel, im törinae eo e bin; a re jaje bwe nana e kanuij ebaktok ñon ir. 35 Im Jeova e ar mōn Benjamin iman Israel; im ro nejin Israel rar kokkure jen Benjamin ran eo, roñoul lailim tausand jibuki armij: rein otemjej rar nure jāji.

36 Ein drein ro nejin Benjamin rar lo bwe re joko; bwe man ro in Israel rar najikin Benjamin, kin air liki dri kebao ro rar likit ir nae Gibia. 37 Im ro dri kebao rar kaiur ir, im ibwep tok ñon Gibia; im ro dri kebao rar wōnmanlok, im mōn aolepen jikin kwelok eo kin mejen jāji. 38 Ak kakōle eo jen dri Israel, im ro dri kebao im rar bebe kake, bwe ren kōmōn bwe en wōnliñlok juōn bat elap, jen jikin kwelok eo. 39 Im ro dri Israel rar oktōk ilo keitak eo, im Benjamin e ar jino in mōn ian dri Israel e nañin jilñoul armij; bwe rar ba, Emol je bar anjo jen ir einwöt ilo törinae eo mokta. 40 A ke bat eo e ar jino in jutōkliñlok jen jikin kwelok eo, ro dri Benjamin rar reilikkok; im lo, aolepen jikin kwelok eo e ar wōnliñlok ilo bat ñon lōñ. 41 Inem ro dri Israel rar rol, im ro dri Benjamin rar lolbon; bwe rar lo bwe nana ej itok ioir. 42 Kin men in rar oktōk iman ro dri Israel ilo ial ñon ene jemaren; a jorran e ar lukworkwor ir; im ro rar itok jen jikin kwelok ko rar mōn ir. 43 Rar kabol ro dri Benjamin, im lukworkwor ir, im jur ir ilo air jikin kakije, ñon ikijen Gibia kajen tak al. 44 Im rar buñ jen Benjamin joñoul drualitōk tausand armij; rein otemjej re kajur im beran. 45 Im rar oktōk im ko ñon ene jemaren ñon dreka Rimon: im rar koloruk ir ilo ial ko lailim tausand armij, im lukworkwor ir ñon Gidom, im mōn ruo tausand armij iair.

46 Ein drein ro otemjej rar buñ ran eo jen Benjamin roñoul lailim tausand armij rar nure jāji; rein otemjej dri beran im kajur. 47 A jiljino buki armij rar oktōk im ko ñon ene jemaren ñon dreka in Rimon, im rar tilekek ilo dreka in Rimon iomin emen aliñ. 48 Im ro dri Israel rar bar oktōk ñon ro nejin Benjamin, im mōn ir kin mejen jāji, aolepen jikin kwelok kab kiru ko, im ro otemjej rar lo ir: bareinwöt jikin kwelok otemjej rar loi, rar tili.

21 Ak ro dri Israel<sup>1</sup> rar kanōjnij i Mizpa, im ba, Ejelok juōn ian e naj lelok nejin kōra ñon Benjamin bwe en belen. 2 Im armij ro rar itok ñon Betel im jijōt iman Anij ñon jota, im koutiej ainikeir im elap air jōñ. 3 Im rar ba, O Jeova, Anij in Israel, ta men in e ar walok ilo Israel, bwe en joko juōn bwijin Israel ranin? 4 Im ilju armij ro rar jerkak ke ejiboñ wōt, im kōmōnmōn juōn lokatok ijo, im lelok men in katok kijeek im men in katok kin ainemōn. 5 Im ro nejin Israel rar ba, Wōn ian bwij otemjej an Israel e ar jab itok ilo jar in ñon Jeova? Bwe rar kōmōn juōn kanōjnij elap kin eo e ar jab itok ñon Jeova i Mizpa, im ba, Emol en mij. 6 Im ro nejin Israel rar ukwelok ibeir kin Benjamin jātir, im ba, Emwij bukwelok juōn bwij jen Israel ranin. 7 Je naj it kin kōra ro belen ro rej berwōt, bwe jar kanōjnij kin Jeova bwe je jamin lelok ñon ir beleir jen limaro nejer.

8 Im rar ba, Wōn eo ian bwij ko an Israel e ar jab wōnliñtok ñon iben Jeova i Mizpa? im lo, ejelok e ar itok ñon ñon kamp eo jen Jebesh-giliad ñon kweloklok eo. 9 Bwe ke rar bwini armij ro, lo, ejelok juōn ian ro dri Jebesh-giliad ijo. 10 Im jar eo rar jilkinlok ñon ir joñoul ruo tausand armij, ian ro re beran tata, im jiroñ ir, im ba, Komin ilem mōn ro dri Jebesh-giliad kin mejen jāji, kab kōra ro im ajiri. 11 Im komin kōmōn men in: komin mōn wōt man otemjej kab kōra otemjej rar babu iben eman. 12 Im

<sup>1</sup> eon 7. 18.

lo, ilo Jebesh-giliad ābuki jiroñ, ro rar jañin jela eman; im rar āñintok ir ññon kamp eo i Shailo, eo ej ilo enen Kenean.

13 Im aolepen jar eo rar jiliklok im konono ññon ro nejin Benjamin ro rej ber ilo dreka Rimon, im kwalok aine-mōn ññon ir. 14 Im Benjamin e ar jeblak ilo ien eo; im rar lelok ññon ir kōra ro rar kejbarōk ir bwe ren mour, jen kōra in Jebesh-giliad: im ein drein re jañin bwe. 15 Im armij ro rar ukwelok ibeir kin Benjamin, bwe Jeova e ar kōmōn juōn tāmōn ilo bwij ko an Israel.

16 Inem ridto ro in jar eo rar ba, Je naj it bwe en or belen lōmaro rej berwōt, bwe emwij mōn kōra ro jen Benjamin? 17 Im rar ba, Emōn en juōn jolit ññon ro rar ko ian dri Benjamin, bwe juōn bwij en jab joko jen Israel. 18 Ijoke, je ban na beleir jen limaro nejer; bwe ro nejin Israel rar kanōjnij, im ba, En lia eo ejlelok kōra bwe en belen dri Benjamin. 19 Im rar ba, Lo, juōn kwojkwoj ññon Jeova yiō otemjej i Shailo, eo iññin Betel, i rear jen ial eo ej wōnliñlok

jen Betel ññon Shikem, im irōk jen Libona. 20 Im rar jiroñ ro nejin Benjamin, im ba, Komin ilok im kebao ilo bwil ir grep ko; 21 im lale, im lo, elañe limaro nejin Shailo rej drioiytok in eep ilo eep ko, inem komin drioiytok jen bwil in grep ko, im jibwe jabrewōt iami lio belen ian ro nejin kōra in Shailo, im ilok ññon enen Benjamin. 22 Inem ñe ro jemeir ak jeir im jātir rej item lotan ññon kim, kim naj ba ññon ir, Komin joiy im letok ññon kim; kin ke jar jab bōk ilo tōrinae, ññon jabrewōt iair lio belen, im kom ar jab lelok ññon ir; elañe ein juōn e naj kar or ruōmi. 23 Im ein drein an ro nejin Benjamin kōmōn, im rar bōk beleir, ekar ññon orair, jen ro rar eep, im bōklok ir; im rar jeblak ññon air jolit, im kalek jikin kwelok ko im jokwe ilo ir. 24 Im ro nejin Israel rar ilok ien eo, jabrewōt armij ññon bwijin, im ññon ro nukin, im rar ilok jabrewōt armij ññon men in jolit eo an. 25 Ilo<sup>1</sup> ran ko ejelok kiñ in Israel: jabrewōt armij e ar kōmōn einwōt emōn ilo mejen.

<sup>1</sup> Jap. 17, 6; 18, 1; 19, 1.

## BUK IN RUT

**1** Ilo<sup>1</sup> ran ko ro dri ekajet rar ekajete, juōn ñita ilo eneo. Inem juōn eman dri Betleem-juda, e ar ilen itoitōk ilo enen Moab, e, im liobelen, im ruo nejin eman. **2** Etan armij eo Elimelek, im etan liobelen Neomai, im etan lōmaro ruo nejin, Malon im Kilion, dri Eprat an Betleem-juda. Im rar dreloñtok ilo enen Moab im ber ie. **3** Im Elimelek, leo belen Neomai, e ar mij; im lio ar berwōt, e im lōmaro ruo nejin. **4** Im rejrobōk beleir ian kōra ro dri Moab; etan juōn Opra, etan eo juōn Rut: im rar jokwe ijo e nañin joñoul yiō. **5** Im Malon im Kilion irro mij; im ej mour wōt kōra eo jen lōmaro ruo nejin im leo belen.

**6** Inem lio im limaro nejin kōra, rar jutōk in jeblak jen enen Moab: bwe lio e ar roñ ilo enen Moab bwe Jeova e ar lolok ro dron in lelok ñōn ir bred. **7** Im e ar drioiñlok jen ijo ej ber ie, im limaro ruo nejin kōra iben; im rar etal im jeblak ñōn enen Juda. **8** Im Neomai e ar ba ñōn limaro ruo nejin kōra, Komin ilok, jabrewōt iami, kwon jeblak ñōn mweo imōn jinōm: Jeova en joij ñōn komro, einwōt amiro joij ñōn ro re mij im ñōn ña. **9** Jeova en lewoj bwe kominro lo kajije, jabrewōt iami iloan mweo imōn leo belen. Inem e ar mejenmaik irro, im rar koutiej ainikeir, im jōñ. **10** Im rar ba ñōn e, Jab, a kimro naj jeblaklok ibōm ñōn dri ailiñ ro am. **11** Im Neomai e ar ba, Komin bar oktōk, ro nejiō: etke komro kōnan ilok ibalok? e bar or ke nejiō man i lojiō, bwe ren beleōmi? **12** Komin bar oktōk, ro nejiō kōra, komin ilok ilo amiro ial; bwe ña, e motlok ien aō bar belele, elañe I naj ba, eor aō kejatrikrik, elañe e naj or beliō boñin in, im ij bareinwōt keutak nejiō

man; **13** inem komro naj kōtar air ridtolok ke? kom naj drebij kom jen ami bōk beleōmi ke? jab, ro nejiō kōra; bwe I kanuij buromōj kin kom, bwe pein Jeova e ar iten jumae iō. **14** Im rar koutiej ainikeir, im bar jōñ: inem Opra e ar mejenmaik jinen; a Rut e ar edrep ñōn e.

**15** Im e ar ba, Lo, jeōm e ar jeblak ñōn dri ailiñ ro an, im ñōn anij eo an: kwon lor lio jeōm. **16** Im Rut e ar ba, Kwon jab akwelap ñōn iō bwe in illok jen yuk, ak jeblak jen aō lor yuk; bwe ijo kwoj ilok ielok, I naj ilok ielok; im ijo kwoj jiboñōn, I naj jiboñōn; dri ailiñ ro am, re naj aō dri ailiñ, im am Anij aō Anij; **17** ijo kwoj mij ie, I naj mij ie, im ijo re naj kalibwin iō ie: Jeova en kōmōn ein drein ñōn iō, im kalaplok, elañe jabrewōt, a mij wōt ej kijbil kijro. **18** Im ke e ar lo bwe e bin buruen in ilok ibenlok, e ar ikōñ.

**19** Ein drein airro etal inem rar itok ñōn Betleem. Im ke rar tōbar Betleem, aolepen jikin kwelok eo e ar iruij kin ir, im kōra ro rar ba, Eñin Neomai ke? **20** Im e ar ba ñōn ir, Komin jab naeta Neomai, komin likit eta Mera; bwe Eo Ekajur potata E ar kōmōn men eo e kanuij meo ñōn iō. **21** I ar ilok im bōptoa, ak Jeova e ar añintok iō ñōn kabijukniō im lemōjor; etke komij likit eta Neomai, ke Jeova e ar kennan nae iō, im Eo Ekajur potata E ar kejjoran iō. **22** Ein drein Neomai e ar jeblak, kab nejin kōra dri Moab iben, eo e ar jeblaktok jen enen Moab: im rar itok ñōn Betleem ilo jinoin marmir bari.

**2** Im juōn ermōn leo belen Neomai, e kajur kin mweiuk ko mweien, ian ro nukin<sup>1</sup> Elimelek, im etan Boax. **2** Im Rut dri Moab e ar ba ñōn Neomai, Kiō in ilok ñōn jikin kallip, im

<sup>1</sup> Ekaj. 2. 16 18.

<sup>1</sup> koloruk urur korn ilokōn eo I naj lo joi j iman mejen. Im e ar ba nōn e, Kwon ilok, nejio. **3** Inem e ar ilok, im koloruk ilo jikin kallip ilokōn ro dri marmir: im e jerammōn in dreloñ i mōtōn jikin kallip an Boaz, eo ian nukin Elimelek. **4** Im lo, Boaz e ar itok jen Betleem, im e ar ba nōn ro dri marmir, Jeova en ber ibemi. Im rej uak, Jeova en kejerammōn yuk. **5** Inem Boaz e ar ba nōn leo korijeran eo ej lali ro dri marmir, Dron wōn liin? **6** Im leo korijeran, eo ej lali ro dri marmir, e ar uak im ba, Kōra in Moab, eo e ar jeblaktok iben Neomai jen enen Moab: **7** im e ar ba, In koloruk, ij akwelap nōn yuk, im aini ilokōn ro dri marmir ilo bwiljin tir ko. Ein drein e ar itok, im e ar berwōt jen ke ejiboñ, aet nōn ien in, a jirik wōt ien an ber ilo mweo.

**8** Inem Boaz e ar ba nōn Rut, Nejiō kwo jab roñjake ke? Kwon jab ilen koloruk ilo jabrewōt bar jikin kallip, im jab etal jen ijin, a kwon berwōt iben limaro korijera. **9** Kwon lale wōt jikin kallip eo rej marmire, im kwon lor ir: e jab mwij aō kar jiroñ likao rōn bwe ren jab uñir yuk ke? im ñe kwoj maro, kwon ilok nōn jābi ko, im irak jen dren eo likao ro rar itōke. **10** Im lio e ar baririkrik nōn lōl, im ba nōn e, Etke I ar lo joi j iman mejōm, bwe kwon lale iō, im ña drua majet? **11** Im Boaz e ar uak im ba nōn e, Rar kanuij kennan nōn iō, men otemjej kwar kōmōne nōn jinōm elikin an mij leo beleōm; im kin am kar ilok jen jemōm im jinōm, im eneo am, im kwar itok nōn dri ailiñ ro kwar jaje kake mokta. **12** Jeova en nawōnam kim am jermal, im en lap wōnam jen Jeova, Anij in Israel, <sup>2</sup>io-min pein Eo kwoj iten ber. **13** Inem lio e ar ba, In lo joi j iman mejōm, aō iroi j: kin am kainemōn iō im kin am konono joi j nōn ña korijerōm, meñe I jab einwōt juōn ian kōra ro dri korijerōm.

**14** Im ke rej mōña, Boaz e ar ba nōn e, Kwon item mōña bred in, im kattu mōtōn eo am ilodren emūñ. Im

e ar jijōt iturin ro dri marmir; im rar lelok nōn e korn jinnelle, im e ar mōña, im māt, im eor bwen. **15** Im ke e ar juten koloruk, Boaz e ar jiroñ likao ro an, im ba, En koloruk ilujen tir ko, im komin jab bōprae. **16** Im bareinwōt komin kekake jet jen kworōk ko, im likiti, im en-koloruki, im komin jab kowe.

**17** Ein drein e ar koloruk ilo jikin kallip eo nōn jota; inem ej dreñlokwe men eo e ar koloruke, im e nañin juōn epa barli. **18** Im e ar kwotōke, im dreloñlok na ilo jikin kwelok eo; im jinen e ar lo men eo e ar koloruke: im e ar bōktok im lelok nōn e mōtōn an mōña. **19** Im jinen e ar ba nōn e, Kwar koloruk ia ranin? im kwar jermal ia? emōñōnō eo e ar lale yuk. Im e ar kwalok nōn jinen wōn eo e ar jermal iben, im ba, Etan armij eo I ar jermal iben ranin, Boaz. **20** Im Neomai e ar ba nōn nejin kōra, En mōñōñō jen Jeova, Eo e ar jab kamwijlok An joi j nōn dri mour im nōn dri mij. Im Neomai e ar ba nōn e, Armij eo ermōrro, aet, ermōr ebak. **21** Im Rut, kōra in Moab, e ar ba, Aet, e ar ba nōn iō, Kwon kebaki likao ro aō, mae ien air kajemlok aolepen aō marmir. **22** Im Neomai e ar ba nōn Rut, nejin kōra, Emōn nejio, bwe kwon drioi jlok iben kōra ro dri korijeran, im bwe ren jab lo yuk ilo jabrewōt bar jikin kallip. **23** Ein drein e ar ber iben kōra ro korijeran Boaz, im koloruk nōn jemlokōn marmir barli, im marmir wit; im e ar jokwe iben jinen.

**3** Im Neomai, jinen, e ar ba nōn e, Nejiō, in jab bukot jikin kakije nōn yuk ke, bwe en emōn ibōm? **2** Im kiō Boaz e jab <sup>1</sup>ermōr ke? eo kwar ber iben kōra ro korijeran? Lo, ej karreoik barli jen kilin, ilo jikin dreñdreñ boñin in. **3** Inem kwon tutu, im kabit yuk, im kōnōk am nukuk, im wōnlōlok nōn jikin dreñdreñ eo; a kwon jab kwalok yuk nōn armij eo mae ien emwij an mōña im irak. **4** Im ñe ej babu kwon jela jikin babu eo an, im kwon dreloñ, im elōklok

neen, im kwon babu; im e naj kennanek yuk ta eo kwon kōmōne. 5 Im e ar ba, I naj kōmōn men otemjej kwoj jiroñ iō.

6 Im e ar wōnlōllok ñōn jikin dreñdreñ eo, im e ar kōmōn ekar ñōn men otemjej jinen e ar jiroñ e. 7 Im ke emwij an Boaz mōña im irak, im e mōnōnō buruen, e ar ilen babu i jabōn ejoiy in korn: inem ilo e ar jarikriktok im elōklok neen, im babu. 8 Im ilukwon boñ, leo e ilbōk, im oktōk; im lo, juōn kōra e ar babu i wōn neen. 9 Im e ar ba, Wōn kwe? Im e ar uak, Ña Rut korijerōm kōra: inem kwon erlōktok nuknuk ne am iō; bwe kwe ermō ebak ñōn iō. 10 Im e ar ba, Kwon jerammōn jen Jeova, nejiō: kwar kwalok joiy elaplok ilo jemlokōn jen ilo jinoin, bwe kwar jab lor likao rōn, dri jeramel ak dri mweie. 11 Im kiō, nejiō, kwon jab mijōk; I naj kōmōn ñōn yuk aolepen men eo kwoj ba; bwe ro otemjej dri jikin kwelok eo aō ren jela bwe kwe juōn kōra emōn. 12 Im kiō emol bwe ña juōn ermōm ebak ñōn kwe; ijoke, kwar juōn ermōm ebake yuk jen iō. 13 Kwon berwōt boñin in, im ñe ejiboñ, elañe ej kōmōn kwonan ermōm, emōn; en kōmōn kwonan ermōm, inem I naj kōmōn kwonan ermōm, einwōt Jeova ej mour: kwon babu mae jiboñ.

14 Im e ar babu i wōn neen ñōn jiboñ: im e ar jerkak mokta jen air maroñ in kili dron. Bwe e ar ba, Ren jab jela kin an juōn kōra itok ñōn jikin dreñdreñ in. 15 Im leo e ar ba, Kwon bōktok liboror ne am, im kapjere; im e ar kapjere; im e ar joñwe jiljino joñōn barli, im likite na ion: im leo e ar dreloñlok ilo jikin kwelok eo. 16 Im ke lio e ar itok ñōn iben jinen, e ar ba, Wōn kwe nejiō? Im e ar kennanek e men otemjej leo e ar kōmōn ñōn e. 17 Im e ar ba, Jiljino joñōn barli kein, e ar litok; bwe e ar ba, Kwon jab lemōjorlok ñōn iben jinōm. 18 Inem e ar ba, Kwon jijōt im tōt, nejiō, mae ien am jela ekijkan men in e naj walok; bwe leo e jamin

akajije, mae ien an kamwijlok men eo ranin.

4 Inem Boaz e ar wōnlōllok ñōn kejem in jikin kwelok eo, im jijōt ie: im lo, <sup>1</sup>ermōn eo Boaz e ar kono kake, ej iten kijone; im e ar ba ñōn e, O, loeo, kwon jeōrtok im jijōt ijin. Im e ar jeōrlōk im jijōt. 2 Im e ar kålet joñoul armij ian ridto rōn in jikin kwelok eo, im ba, Komin jijōt ijin. Im rar jijōt. 3 Im e ar ba ñōn ermōn eo, Neomai, eo e ar jeb-laktok jen enen Moab, ej wiakake juōn bukwon eo e kar an <sup>2</sup>Elimelek jeerro: 4 im I ar lemnok in kwalok ñōn yuk im ba, Kwon wiaik e iman ro rej jijōt ijin, im iman ridto ro an bwij eo aō, Elañe kwo kōnan wiaik e, kwon wiaik e: a elañe kwo jab kōnan wiaik e, inem kwon kennanek iō, bwe in jela; bwe ejelok ekar an wiaik e einwōt kwe; im ña ijilokōm. Im ear ba, I naj wiaik e. 5 Inem Boaz e ar ba, Ran eo kwoj wiaik bukwon eo jen pein Neomai, kwon bareinwōt wiaik e jen Rut, kōra in Moab, lio belen eo e mij, bwe kwon kajutōk etan leo e mij ion jolit eo an. 6 Im ermōn eo e ar ba, I ban wiaik e ñōn iō, ñe I ab kokkure lamoren eo aō: kwon lewoj kwonaō in wiaik e; bwe I ban wiaik e.

7 Ak eñin mōnit ilo Israel mokta kin wiaik im kin ikuiak, bwe ren kabin men otemjej: juōn armij ej wutik an juj im lelok ñōn dri turin; im eñin wāwen kennan ilo Israel. 8 Ein drein dri ermōn eo e ar ba, Kwon wiaik e ñōn kwe. Im e ar wutik juj eo an. 9 Im Boaz e ar ba ñōn ridto ro, im ñōn armij otemjej, Kom dri kennan ranin, bwe emwij aō wiaik men otemjej e kar an Elimelek, im men otemjej e kar an Kilion im Malon, jen pein Neomai. 10 Bareinwōt I ar wiaik Rut kōra in Moab, lio belen Malon bwe en beliō, bwe in kajutōk etan eo e mij ion jolit eo an, bwe etan eo e mij en jab joko jen iben ro jein im jätin, im jen kejem an jikin: kom dri kennan ranin. 11 Im armij otemjej ilo kejem eo, im ridto ro, rar ba. Kim dri kennan. Jeova en kōmōn

<sup>1</sup> Jap. 3. 12. <sup>2</sup> Liv. 20. 25.

bwe kōra eo ej itok ilo mweo imōm en einwōt Rejel im einwōt Lia, irro rar kalek imōn Israel: im kwon jerrammōn wōt ilo Eprata, im kwon buñbuñ ilo Betleem: 12 im mweo imōm en einwōt imōn Pirez, eo Tamar e ar keutak ñōn Juda, jen ineōm eo Jeova e naj lewoj jen kōra in emōn drer.

13 Ein drein Boaz e ar bōk Rut, im ej lio belen; im e ar dreloñ ñōn iben, im Jeova e ar lelok ñōn e etta, im e ar keutak nejin man. 14 Im kōra ro rar ba ñōn Neomai, En mōnōnō Jeova eo e ar jab likit yuk ranin im ejelok ermōm; im etan en buñbuñ ilo Israel. 15 Im e naj ñōn kwe juōn dri kaej-mour, im dri najirik yuk ñe kwo lilap; bwe nejōm kōra, eo ej yokwe yuk, im

<sup>1</sup> emōnlōk ñōn kwe jen ñe e kar jiljilimjuōn nejōm man, e ar keutak e. 16 Im Neomai e ar bōk niñniñ eo, im likit e na ilo ubōn, im e ar kakajirik e. 17 Im kōra ro dri turin rar naetan, im ba, Juōn nejin man e ar lotak ñōn Neomai; im rar naetan Obed: eñin jemen Jesse, jemen Devid.

18 Irkein Ebeben ko an Pirez: <sup>2</sup> Pirez e ar keutak Hezron, 19 im Hezron e ar keutak Ram, im Ram e ar keutak Aminadab, 20 im Aminadab e ar keutak Nashon, im Nashon e ar keutak Salmon, 21 im Salmon e ar keutak Boaz, im Boaz e ar keutak Obed, 22 im Obed e ar keutak Jesse, im Jesse e ar keutak Devid.

<sup>1</sup> Jap. L. 16, 17. <sup>2</sup> Matu I. 4-6.

# SAMUEL

**1** Juõn armij an Remateim-zopim, i ene utiej in Ipreim, im etan Elkena, nejin Jeroham, nejin Ilaihu, nejin Tohu, nejin Zup, dri Ipreim: **2** im iben ruo belen; etan juõn Hanna, im etan eo juõn Penina: im eor nejin Penina, a ejelok nejin Hanna. **3** Im leo e ar wõnliñlok jen jikin kwelok eo an<sup>1</sup> yiõ otemjej, bwe en kabuñ im katok ñõn Jeova in inelip eo, i Shailo. Im lõmaro ruo nejin Ilai, Hopnai im Pinehas rar ber ijo. **4** Im ke e jejít ran in an Elkena katok, e ar elok ñõn Penina lio belen, im ñõn ro nejin man im kõra, mõtõn ko: **5** a ñõn Hanna e ar karuolok mõtõn; bwe ej yokwe Hanna, a Jeova e ar kil lojen. **6** Im lio juõn e ar kanuij kakitõtõik<sup>2</sup> e, im kaillu e, kin an Jeova kil lojen. **7** Im ein drein an leo kõmõn yiõ otemjej ke e ar wõnliñlok ñõn imõn Anij, ein drein an lio kakitõtõik e; kin men in e ar jõñ, im jab mõña. **8** Im Elkena, leo belen, e ar ba ñõn e, Hanna etke kwoj jõñ? im etke kwo jab mõña? im etke e buromõj buruõm? ña i jab emõnlok ibõm jen joñoul nejõm man ke?

**9** Inem Hanna e ar jutõk ke emwij air mõña i Shailo, im emwij air irak. Ak Ilai e ar jijõt ion ken jijõt eo an iturin jurõn kejem in tempel an Jeova. **10** Im lio e ar kanuij buromõj ilo an, im e ar jõñ ñõn Jeova, im elap an jõñ. **11** Im e ar kanõjnij kin juõn muri, im ba, O Jeova, Iroiñ in inelip eo, elañe Kwoj lale jorran an dri korijerõm, im kememej iõ, im jab meloklok dri korijerõm, a kwo naj letok ñõn korijerõm juõn nejin eman, inem I naj lewoj ñõn Jeova ran otemjej in an mour, im ejelok<sup>2</sup> ken eal e naj itok ion bõran.

**12** Im ke e ar kaitoklok an jar, iman Jeova, Ilai e ar kalimjek loñin.

**13** Ak Hanna e ar konono ilo buruen; man tien wõt rar makõtkit, a rar jab roñjake ainiken: kin men in Ilai e ar lemnok e karek. **14** Im Ilai e ar ba ñõn e, Ietoõn am karek? kwon jolok am wain jen yuk. **15** Im Hanna e ar uak im ba, Jab, aõ iroiñ, ña juõn kõra in buromõj: I ar jab irak wain ak dren e kajur, a I ar kwalok buruõ iman Jeova. **16** Kwon jab lemnok korijerõm juõn kõra e nana; bwe jen<sup>1</sup> lokõt in lotan eo aõ, im kakitõtõik iõ, I ar konono ñõn ien in. **17** Inem Ilai e ar uak im ba, Kwon ilok ilo aine-mõn; im Anij in Israel en lewoj men in kajitõk eo kwar kajitõk iben. **18** Im e ar ba, Korijerõm en lo joiñ iman mejõm. Ein drein lio e ar etal im e ar mõña; im turin mejen e ar jab bar buromõj.

**19** Im rar jerkak ke ejiboñ wõt, im kabuñ iman Jeova, im jeblak ñõn mweo imweir i Rema. Im Elkena e ar jela Hanna lio belen; im<sup>2</sup> Jeova e ar kememej e; **20** im ke e jejít ien, Hanna e ar etta, im keutak nejin man; im e ar naetan Samuel, im ba, Kin ke I ar kajitõk e iben Jeova.

**21** Im leo belen, Elkena, kab ronukin otemjej, rar wõnliñlok in katok ñõn Jeova men in katok an yiõ, im muri eo an. **22** A Hanna e ar jab wõnliñlok; bwe e ar ba ñõn leo belen, I jamin wõnliñlok mae ien eo niñniñ e likitit; inem I naj añinlok e, bwe en walok iman Jeova, im<sup>3</sup> ber ie ñõn in driõ. **23** Im Elkena, leo belen, e ar ba ñõn e, Kwon kõmõn einwõt emõn ibõm; kwon berwõt mae ien emwij am kalikitit e; men in wõt, Jeova en kabin An in nan. Ein drein lio e ar berwõt im kaninin nejin, mae ien kalikitit e, e ar bõkliñlok ibenlok, im jilu kau koman, im juõn epa flauo, kab

<sup>1</sup> Ex. 31. 23 <sup>2</sup> Bwin. 6. 5; Luk. 1. 15.

<sup>1</sup> Luk. 6. 46. <sup>2</sup> Jen. 21. 1. <sup>3</sup> eon 11. 28.



juõn botto in wain, im kadreloñ e ilo imõn Jeova i Shailo: ak ladrik eo ajiri wõt. 25 Im rar mõn kau koman eo, im bõklok ajiri eo ñõn iben Ilai. 26 Im lio e ar ba, O, aõ iroi, emol otem mol aõ iroi, ña kõra eo e kar jijõt iturõm ijin, im jar ñõn Jeova. 27 Kin ajiri in I ar jar; im Jeova e ar letok men in kajitõk eo I ar kajitõk kake: 28 kin men in, ña I ar bareinwõt lelok e ñõn Jeova; toõn an mour emwij lelok e ñõn Jeova. Im ajiri eo e ar kabuñ ñõn Jeova ijo.

2 Im Hanna e ar jar, im ba: Bu-ruõ ej lõñliñ ilo Jeova; emwij koutiej aõ drun ilo Jeova; loñiõ e utiejlok ion ro dri kijiräte iõ; bwe ij lõñliñ kin Am lomor iõ.

2 Ejelok en e kwojarjar einwõt Jeova: bwe e bar ejelok ijilokõm, im ejelok ejman einwõt am Anij.

3 Komin jab bar konono ablip; ablip en jab waloktok jen loñõmi; bwe Jeova, Anij in jelalokjen, im Ej joñwe jermal ko.

4 Emoruj libon ko an ro dri kajur; im emwij kañõrñõr kin kajur, ro rar tibñil.

5 Ro rar mät rej mõke kajerbal ir kin kijeir; im ro rar kwuli rej kaki je jen air kwuli: aet, eo ewar e ar keutak jiljilimjuõn; im eo elõñ nejin, e mõjinolok.

6 Jeova ej mõn, im Ej kemour: Ej kotalik ñõn Hedis, im Ej leliñlok.

7 Jeova ej kejeramel, im Ej namwieir: Ej kõtaik im Ej koutiej bar einwõt.

8 Ej koutiej dri jeramel jen bõñõl-ñõl, Ej leliñlok dri aikwij jen jikin kõlla, im kajijõt ir iben iroi ro, im kajolit ir tron in abujuij: bwe jur ko an lõl an Jeova, im E ar kabin lõl ioir.

9 E naj kejbärok neen An ro re kwojarjar; a E naj kaikõñ ro dri nana ilo marok; bwe kin kajur, ejelok armij e naj bõk anjo.

10 Ro rej akwaile Jeova, re naj rup ilo mõtõn ko; E naj jorur nae ir ilo lõñ ko: Jeova e naj ekajet jabõn lõl ko; im E naj lelok kajur ñõn kiñ eo An, im koutiej drun an eo Ej kabite.

[Marshall Islands.] 9\*

11 Im Elkena e ar ilok ñõn Rema, ñõn mweo imõn, im ladrik eo e ar korijer ñõn Jeova iman Ilai, pris eo.

12 Ak ro nejin Ilai, armij re nana; rar jab jela Jeova. 13 Im mõnit an pris ro iben armij ro, e kar ein drein, ke jabrewõt armij e ar lelok men in katok, korijeran pris e kin itok, ke e bwlulul kõniek eo, im kãj in kõniek, ñiin jilu, ilo pein; 14 inem e ar wã ilo jãbi eo, ak kettle, ak kaldron, ak pot; aolepen kõniek kãj eo e ar kije, pris eo e ar bõke. Ein drein air kõmõn i Shailo ñõn ro dri Israel otemjej rar itok ñõn ijo. 15 Aet, mokta jen air tile kioeo eo, leo korijeran pris e kin itok, im ba ñõn armij eo ej katok, Kwon letok kõniek in umum ñõn pris eo; bwe e jab kõnan bõk jen kwe kõniek e mät, a ikor. 16 A elañe armij eo ej ba ñõn e, Emol e naj tile kioeo eo mokta, inem kwon bõk einwõt kwõj kõnan; inem e naj ba, Jab, a kwon letok wõt kiõ: im elañe jab, I naj bõke kin kajur. 17 Im jerawiwi eo an likao ro e kanuij lap iman Jeova; bwe armij ro rar kejekron jurtak an Jeova.

18 A Samuel e ar korijer iman Jeova, ajiri wõt, im inono kin juõn epod linen. 19 Bareinwõt jinen e ar kõmõnmõn ñõn e juõn liboror erik, im bõktok ñõn iben yiõ otemjej, ke e ar wõñliñlok iben leo belen in katok kin men in katok an yiõ. 20 Im Ilai e ar jare Elkena im lio belen, im ba, Jeova en lewoj ine jen kõra in, kin jurtak eo emwij lelok ñõn Jeova. Im rar ilok ñõn kabijuknir. 21 Im Jeova e ar lolok Hanna, im e ar etta, im keutak jilu nejin man im ruo nejin kõra. Im 'ajiri eo, Samuel, e ar ridtolok iman Jeova.

22 Inem Ilai e bwijwölã; im e ar roñjake <sup>2</sup>men otemjej lõmaro nejin rar kõmõni ñõn Israel, im ekijkan rar babu iben kõra rõn rar kõrijer i kejem in imõn kwelok eo. 23 Im e ar ba ñõn ir, Etke komij kõmõn men rõt kein? bwe ij roñjake amiro kõmõn nana jen armij rein otemjej. 24 Jab, ro nejiõ; e jab emõn nan eo ij roñjake:

\* Luk 2. 40. <sup>2</sup> eou 13-17.

komij kabwir ro dron Jeova. 25 Elaſne juōn armij ej bwir nae bar juōn, Anij e naj ekajete; a elaſne armij ej bwir nae Jeova, wōn e naj akwelap kin e? ijoke, rar jab eoroñ ainiken jemeir, bwe Jeova e kōnan mōn ir. 26 Im ladrik eo, Samuel, e ar ridtolok, im laplok an jitenburu iben Jeova, im bareinwōt iben armij ro.

27 Im e ar itok nōn iben Ilai, juōn armij ōn Anij, im e ar ba nōn e, Ein drein Jeova ej ba, I ar jab mōke kwalok Iō nōn ro nukin jemōm, ke rar ber ilo Ijijpt, dri korijer nōn nukin Pero ke? 28 Im I ar kejenolok e ian bwij otemjej bwijin Israel, bwe en Aō pris, bwe en wōnliñlok nōn lokatok eo Aō, im tile kajurjur, im kōnōk epod imaō ke? im I ar lelok nōn ro nukin jemōm men in katok otemjej an ro nejin Israel, kōmōni kin kijeek ke? 29 Etke kom jure men in katok eo Aō, im Aō jurtak, eo emwij Aō jiroñ kake ilo mweo imō, im kwoj<sup>1</sup> kōñiājoik lōmaro nejōm jen Ōa, bwe komin tābe kom kin men in katok ko remōntata, jen Israel ro droō? 30 Kin men in, Jeova, Anij in Israel ej ba, Emol I ar ba ro nukum im ro nukin jemōm, re naj etal imaō nōn in drio: a kiō Jeova ej ba, En etolok jen Ōa; bwe ro rej kōñiājoik Iō I naj kōñiājoik ir, im ro rej kejekron Iō, I naj kejekron ir. 31 Lo, ran ko rej itok, ſie I naj bukwelok peōm, im pein ro nukin jemōm, bwe en ejelok lōlap ilo mweo imōm. 32 Im kwo naj lo jorran in mweo imō, ilo mweiuk otemjej Anij e naj lelok nōn Israel; im e naj ejelok lōlap ilo mweo imōm in drio. 33 Im armij eo mōtōm, eo I jab bukwelok jen lokatok eo Aō, e naj men in kokkure mejōm, im kaburomōj buruōm; im aolepen orlok in ro nukum re naj mij ſie man kajur. 34 Im men in e naj kakōle eo nōn kwe, eo e naj itok ion lōmaro ruo nejōm, ion Hopnai im Pinehas: ilo<sup>2</sup> juōn wōt ran irro naj mij. 35 Im I naj<sup>3</sup> kajerkak nōn Iō juōn pris e tiljek, eo e naj kōmōn ekar nōn men eo ilo buruō im ilo Aō lemnok: im I naj kalek nōn e mweo imōn e bin; im

e naj etal iman eo emwij Aō kabit e nōn in drio. 36 Inem jabrewōt eo ej berwōt ilo mweo imōm, e naj itok im barikrik jen e kin juōn mōtōn silver, im kin juōn ion in bred, im e naj ba, Kwon likit iō, ij akwelap, ilo juōn ian jikin ko an pris, bwe in mōña mōtōn bred.

3 Im ladrik eo, Samuel, e ar korijer nōn Jeova iman Ilai. Im nan jen Jeova e kanuij aurōk ilo ran ko; ejeja visōn. 2 Im ien eo ke Ilai e ar babu i jikin, (ak etōp mejen, einwōt bwe e ban lo), 3 im lamp eo an Anij e jañin kwun, im Samuel e ar babu in kiki, iloan tempel an Jeova, ijo dipdip in Anij e ar ber; 4 Jeova e ar kir nōn Samuel: im e ba, <sup>1</sup>Ōa e. 5 Im e ar etōr nōn iben Ilai, im ba, Ōa e; bwe kwar kir iō. Im e ba, I ar jab kir; kwon bar babu. Im e ar ilem babu. 6 Im Jeova e ar bar kir, Samuel, im Samuel e ar jerkak im ilok nōn iben Ilai, im ba, Ōa e; bwe kwar kir iō. Im e uak, Nejiō, I ar jab kir; kwon bar babu. 7 Ak<sup>2</sup> Samuel e jañin jela Jeova, im e jañin walok nōn e nan in Jeova. 8 Im Jeova e ar bar kir Samuel alen ken ka jilu. Im e ar jerkak im ilok nōn iben Ilai, im ba, Ōa e; bwe kwar kir iō. Inem Ilai ej kab jela bwe Jeova e ar kir ladrik eo. 9 Kin men in, Ilai e ar ba nōn Samuel, Kwon ilen babu: inem elaſne Ej kir yuk, kwon ba, Kwon konono Jeova, bwe korijerōm ej roñ. Ein drein Samuel e ar ilen babu ilo jikin.

10 Im Jeova e ar item jutōk, im kir einwōt ien ko jet, Samuel, Samuel. Inem Samuel ej ba, Kwon konono; bwe korijerōm ej roñ. 11 Im Jeova e ar ba nōn Samuel, Lo, I naj kōmōn juōn men ilo Israel, lojiliñen jabrewōt eo ej roñjake re naj tōñōlok kake. 12 Ilo ran eo<sup>3</sup> I naj kōmōn nae Ilai, men otemjej I ar konono kin nukin, jen jinoin, aet, nōn jemlokōn. 13 Bwe I ar kennanek e bwe I naj ekajete nukin nōn in drio, kin nana eo e ar jela kake, bwe ro nejin man rar mōke kabuñlok juōn binikol ioir, im e ar jab bōprae ir. 14 Im kin men in, I ar

<sup>1</sup> Matu 10. 37. <sup>2</sup> Jap. 4. 11. 17. <sup>3</sup> Jap. 3. 1; 7. 9.

<sup>1</sup> Ala 6. 8. <sup>2</sup> I Kor. 13. 11. <sup>3</sup> Jap. 3. 27-28.

kanōjnij nōn nukin Ilai, bwe re jamin jolok nana an nukin Ilai kin katok ak jurtak nōn in drio.

15 Im Samuel e ar babu nōn rantak, im e ar kabellek aur ko in imōn Jeova. Im Samuel ej mijōk in kwalok viōn eo nōn Ilai. 16 Inem Ilai e ar kir Samuel, im ba, Samuel, nejiō. Im e ar ba, Na e. 17 Im e ba, Ta men eo Jeova e ar ba nōn yuk? ij akwelap, kwon jab noje jen fia: en ein drein an Anij kōmōn nōn yuk, im kalaplok, elañe kwoj noj jabrewot jen iō ian men ko otemjej E ar ba nōn yuk. 18 Im Samuel e ar kennanek e aolepen men otemjej, im e ar jab noj jabrewōt jen e. Im e ar ba, Ej Jeova, En kōmōn men eo emōn iben.

19 Im Samuel ej ridtolok, im Jeova ej ber iben, im E ar likit bwe ejelok ian nan ko an ren bufi. 20 Im ro dri Israel otemjej, jen Dan nōn Bier-shiba rar jela bwe emwij kabin Samuel dri kanan an Jeova. 21 Im Jeova e ar bar weaktok i Shailo; bwe Jeova e ar mōke kwalok E nōn Samuel i 4 Shailo kin nan in Jeova. 1 Im nan jen Samuel e ar itok nōn iben aolepen Israel.

Inem ro dri Israel rar ilen tōrinaek ro dri Pilistia, im rar kajur air kamp iturin Eben-izer: im ro dri Pilistia rar kajur air kamp i Epek. 2 Im ro dri Pilistia rar kalejar ir nae Israel; im ke rar jino kamalijar, emwij mōn ro dri Israel iman ro dri Pilistia; im rar mōn ian jar in tōrinae ilo melaj, e nañ in emen tausan eman. 3 Im ke armij ro rar dreloñ ilo kamp eo air, ridto ro an Israel rar ba, Etke Jeova e ar mōn kij ranin iman ro dri Pilistia? Jen bōktok dipdip in kalimur an Jeova jen Shailo nōn iber, bwe en ber iolaper, im lomoren kij jen pein ro dri kijirāte kij. 4 Ein drein armij ro rar jilkinlok nōn Shailo, im rar bōktok jen ijo dipdip in kalimur an Jeova in inelip eo, Eo ej jijōt ilōñin kerub ko: im lōmaro nejin Ilai, Hopnai im Pinehas, rar itok iben dipdip in kalimur an Anij.

5 Im ke dipdip in kalimur an Jeova e ar dreloñ ilo kamp eo, ro <sup>1</sup>dri Is-

rael otemjej rar lamij kin ainiken elap, inem aolepen eneo e ar bañijnij. 6 Im ke ro dri Pilistia rar roñjake ainiken lamij eo, rar ba, Ta unin ainiken lamij in elap ilo kamp an ro dri Hibru? Im rar kili bwe dipdip an Jeova e ar itok nōn kamp eo. 7 Inem ro dri Pilistia re mijōk, bwe rar ba, Anij e ar dreloñ na ilo kamp eo. Im rar ba, <sup>1</sup>Wo nōn kij! bwe ejelok men im einwōt mokta. 8 Wo nōn kij! wōn e naj lomoren kij jen pein armij rein re kajur? rein anij ro rar mōn dri ljipt kin men in kaiñtan ko elōñ waweir ilo ene jemaren. 9 <sup>2</sup>Komin kajur wōt, im kōmōn einwōt eman, bwe komin jab korijer nōn ro dri Hibru, einwōt air kin korijer nōn kom: komin kōmōn einwōt eman, im tōrinae. 10 Im ro dri Pilistia rar tōrinae, im anjo jen ro dri Israel, im rar ko, jabrewōt armij nōn im nuknuk eo an: im juōn im e kanuij lap; bwe rar buñ ian ro dri Israel jilñoul tausan dri tōrinae rej etetal. 11 Im rar bōk dipdip in Anij; im <sup>3</sup>lōmaro ruo nejin Ilai, Hopnai im Pinehas remij.

12 Im juōn dri Benjamin e ar etōr jen jar in tōrinae eo, im e ar itok nōn Shailo ran eo, emwij kekel nuknuk ko an, im brij ion bōran. 13 Im ke e ar itok, lo, Ilai e ar jijōt ilo jikin jijōt eo an iturin ial, im ej ekil; bwe buruen e wuririr kin dipdip an Anij. Im ke armij eo e ar dreloñ ilo jikin kwelok eo, ro dri jikin kwelok otemjej rar lamij im jōfi. 14 Im ke Ilai e ar roñjake ainiken air jōfi, e ar ba, Ta unin ainiken keroro in? Im armij eo e ar kaiur e, im iten kennanek Ilai. 15 Ak ridtōn Ilai druatimjuōnñoul drualitōk yiō; im ebin mejen, im e ban lo. 16 Im armij eo e ar ba nōn Ilai, Na eo e ar itok ranin jen jar in tōrinae eo, im I ar ko jen jar in tōrinae eo. Im e ba, Ekijkan men eo, nejiō? 17 Im eo e ar bōklok nan eo, e ar uak im ba, E ko Israel jen iman ro dri Pilistia, im rar mōn elōñ armij, im lōmaro ruo nejm, Hopnai im Pinehas remij, im rar bōk dipdip an Anij. 18 Im ke a ar konono kin dipdip an Anij, e ar

<sup>1</sup> Josh. 6. 5. 20.

<sup>2</sup> Ex. 15. 14. <sup>3</sup> I. Kor. 16. 13. <sup>4</sup> Jap. 2. 24.

buñlok jen ken jiyöt eo an iturin kejem eo; im e moruj kenwan, im e mij: bwe e bwijwölä im erro wöt. Im e kar ekajete Israel iomin eñoul iyö.

19 Im nejin köra, lio belen Pinehas, e ar böroro, im ebak ien an keutak, im ke e ar roñ nan eo kin air bök dipdip an Anij, im bwe leo belen im jemen remij, e ar kumliklik im keutak; bwe iñtan ko an rar itok ion. 20 Im ke e nañin joko wöt jirik, köra ro rar jutök iben, rar ba ñön e, Kwon jab mijök; bwe kwar keutak nejöm man. A e jab uak, im ej kejekroni wöt. 21 Im e ar naetan niñniñ eo Ikebod, im ba, Aibujuij e joko jen Israel; kin ke emwij air bök dipdip an Anij; im kin an leo belen im jemen mij. 22 Im e ar ba, Aibujuij e joko jen Israel; bwe emwij bök dipdip an Anij.

5 Ak ro dri Pilistia re kar bök dipdip an Anij, im rar böklok jen Eben-izer ñön Ashdod. 2 Im ro dri Pilistia rar bök dipdip an Anij, im kadreloñ e na ilo<sup>1</sup> imön Degon, im rar likite iturin Degon. 3 Im ke ro dri Ashdod rar jerkak ke ejiboñ wöt, lo, emwij an Degon beroane brij iman dipdip an Jeova. Im rar bök Degon im bar kajutök e ilo jikin. 4 Im ke rar bar jerkak ke ejiboñ wöt, lo, Degon e bar beroane brij iman dipdip an Jeova; im böran Degon kab pä ko pein rar ber, emwij bukweleok ion biten kejem; ubön Degon, e wöt e ar berwöt. 5 Kin men in, pris ro an Degon, im jabrewöt ro rej dreloñ ilon imön Degon, re jamin jur biten kejem an Degon i Ashdod, ñön ranin.

6 A<sup>2</sup> pein Jeova e ar erro ion ro dri Ashdod, im<sup>3</sup> E ar mör in, im kaiñtan ir kin wöt ko, eokwe, Ashdod im jikin kwelok ko wujen. 7 Im ke ro dri Ashdod rar lo bwe ein drein, re ba, Dipdip an Anij in Israel e jamin ber ibem; bwe e erro pein iom, im ion Degon am Anij. 8 Inem rar jilkinlok im kokweloktok ñön ibeir iroj ro otemfej an ro dri Pilistia, im ba, Kimin it kin dipdip an Anij in Israel? Im rar ba, Ren böklok dipdip an Anij in Israel ñön Gat. Im rar böklok dipdip

an Anij in Israel ñön ijo. 9 Inem elikin air böklok e, pein Jeova e ar nae jikin kwelok eo kin kaiñtan elap: im E ar kejjorran ro dri jikin kwelok eo, ro redrik im ro relap; im linnöp ko rar walok ioir. 10 Inem rar jilkinlok dipdip an Anij ñön Ekron. Im ke dipdip an Anij e ar itok ñön Ekron, ro dri Ekron rar lamij, im ba, Rar böklok dipdip an Anij in Israel ñön iber, bwe ren mön kij im ro mötar. 11 Kin men in, rar jiliklok im kokweloktok iroj ro otemfej an ro dri Pilistia, im rar ba, Komin jilkinlok dipdip an Anij in Israel, bwe en bar jeblak ñön jikin, bwe en jab mön kij im ro mötar. Bwe juön iñtan elap ilujen aolepen jikin kwelok eo; pein Anij e ar kanuij erro ijo. 12 Im armij ro re jab mij, ar kejjorran ir kin linnöp ko; im lamij an jikin kwelok eo e ar wöñliñlok ñön löñ.

6 Im dipdip an Jeova e ar ber ilo ene an ro dri Pilistia iomin jiljilimjuön aliñ. 2 Im ro dri Pilistia rar kirtok pris ro im ro dri marmir, im ba, Ta eo jen kömöne kin dipdip an Jeova? komin bakajen ñön kim ekijkan kimin jilkinlok e ñön jikin. 3 Im rar ba, Elañe kom naj jilkinlok dipdip an Anij in Israel, komin jab jilkinlok e kin lemöjor; a komin kanuij jilkinlok<sup>1</sup> jurtak kin bwir: inem kom naj mour, im e naj alikar ibemi etke E jañin bök pein jen kom. 4 Im rar ba, Ta jurtak in bwir kimin jilkinlok iben? Im rar ba, Lailim linnöp gold, im lailim kijrik gold ekar ñön oran iroj ro an ro dri Pilistia; bwe juön wöt iñtan e ar iomi otemfej im iroj ro ami. 5 Kin men in, komin kömöñ kajeoñwe in böj ko ami, im kajeoñwe in kijrik ko ami, rej kokkure ene; im komin lelok nebar ñön Anij in Israel: bwelen E naj kamerakok pein jen iomi, im jen anij ro ami, im jen eneo ami. 6 Etke komij kabin buruömi, einwöt ro dri Ijpt im Pero rar kabin burueir? Ke emwij An kömöñ men in bwilöñ ko ibeir, rar jab kötlok ir bwe ren ilok inem rar ilok ke? 7 Kin men in, komin bök im ka-

<sup>1</sup> Ekañ. 16. 23-30. <sup>2</sup> Ex. 17. 5. <sup>3</sup> Jap. 6. 5.

<sup>1</sup> Litv. 5. 15, 16.

pojêk juôn wagon ekâl, im ruo kau kôrai, ko ejelok ine e ar ber ioir; im komin lukwoj kau ko iman wagon eo, im bôktok kon ko nejir jen ir ñôn jikir; 8 im komin bôk dipdip an Anij im likite ion wagon eo; im komin likit inôk ko gold, ko komij jilkinlok ñôn E jurtak in bwir, iloan juôn alele iturin; im jilkinlok e, bwe en ilok. 9 Im komin lale; elañe ej ilok ilo ial ñôn Bet-shimesh, inem E ar kômôn ñôn kij jorran in elap: a elañe jab, je naj jela bwe e jab pein ej môn kij; e ar men bôjik e ar itok ioer.

10 Im armij ro rar kômôn ein drein, im bôk ruo kau kôrai, im lukwoji iman wagon eo, im kili kon ko nejir ilo jikir; 11 im rar likit dipdip an Jeova ion wagon eo; im alele in kijrik ko gold im kajeofwe ko an linnôp ko air. 12 Im kau ko rar ilok ilo ial eo e jimelek ñôn Bet-shimesh; rar etalok ilo ial eo elap, im rej jôn wôt ke rej ilok, im rar jab jeôr ñôn anbijmaroñ ak anmiñ; im iroi j ro an ro dri Pilistia rar lore ñôn tóreran Bet-shimesh. 13 Im ro dri Bet-shimesh rar marmir air wit ilo komlöl eo; im re bôk mejeir, im lo dipdip eo, im rar lônliñ in loe. 14 Im wagon eo e ar itok ilo jikin kallip eo an Joshua dri Bet-shimesh, im bwijrêk ijo, ijo juôn dreka elap: im rar jekjek alal ko an wagon eo, im <sup>1</sup> katok kin kau ko, men in katok kijeek ñôn Jeova. 15 Im ro <sup>2</sup> dri Livai rar drore dipdip an Jeova, im alelen inôk ko gold e kar iben, im likite ion dreka eo elap: im ro dri Bet-shimesh rar lelok jurtak kijeek, im katok kin men in katok ko ran eo ñôn Jeova. 16 Im ke emwij an iroi j ro lailim an ro dri Pilistia loe, rar jeblak ñôn Ekron ran eo.

17 Im irkein linnôp ko gold ro dri Pilistia rar jilkinlok men in lelok kin bwir ñôn Jeova: kin Ashdod juôn, kin Geza juôn, kin Ashkilon juôn, kin Gad juôn, kin Ekron juôn; 18 im kijrik ko gold ekar ñôn oran jikin kwelok otemjej an dri Pilistia, an iroi j ro lailim, jikin kwelok ko eor air worwor, im jikin kwelok ko redrik wujeir, aet ñôn

dreka eo elap, eo rar drore dipdip an Jeova na ion, dreka eo ej berwôt ñôn ranin ilo jikin kallip eo an Joshua, dri Bet-shimesh.

19 Im <sup>1</sup> E ar môn jet ian ro dri Bet-shimesh, kin ke rar aluij iloan dipdip an Jeova, aet, E ar môn ian armij ro jiljilimjuônñoul armij, im limñoul tau-san armij; im armij rar buromôj, kin an Jeova môn armij ro kin mij elap. 20 Im ro dri Bet-shimesh rar ba, Wôn e maroñ in jutök iman Jeova, Anij e kwojarjar? im ñôn iben wôn En ilok jen kij? 21 Im rar jilkinlok ro dri jilik ñôn ro dri Kiriat-jierim, im ba, Ro dri Pilistia rar bôktok dipdip an Jeova; komin wônliôtok, im bôkliñwoj

7 ñôn ibemi. 1 Im ro dri Kiriat-jierim rar itok, im <sup>2</sup> bôkliñlok dipdip an Jeova, im kadreloñ e na iloan mweo imôn Abinedab ion tol eo, im kokwojarjar Iliezar nejin, bwe en lale dipdip an Jeova. 2 Im jen ran eo ke dipdip eo e ar ber i Kiriat-jierim e aitok ien; bwe e kar roñoul yiô: im aolepen imôn Israel rar limair kin Jeova.

3 Im Samuel e ar konono ñôn aolepen imôn Israel, im ba, Elañe komij jeblaktok ñôn Jeova kin aolepen buruômi, inem komin jolok anij ro drua im Ashterot jen ibemi, im kapojök buruômi ñôn Jeova, im jermal ñôn E wôt: im E naj kôtlok kom jen pein ro dri Pilistia. 4 Inem ro nejin Israel rar jolok Beal im Ashterot, im jermal ñôn Jeova wôt.

5 Im Samuel e ar ba, Komin kweloktok ro dri Israel otemjej ñôn Mizpa, im I naj jar ñôn Jeova kin kom. 6 Inem rar kweloktok ñôn Mizpa, im rar itök dren im lutöklok e iman Jeova, im rar jitlok ran eo, im ba ijo, Kim ar jerawiwi nae Jeova. Im Samuel e ar ekajete ro nejin Israel i Mizpa. 7 Im ke ro dri Pilistia rar roñ kin an ro nejin Israel kweloklok i Mizpa, iroi j ro an dri Pilistia rar wônliñlok nae ir. Im ke ro nejin Israel rar roñjake, rar mijök ro dri Pilistia. 8 Im ro nejin Israel rar ba ñôn Samuel, En jab jokwor am kir ñôn Jeova ar Anij kin kim, bwe En lomo-

<sup>1</sup> 2 Sam. 21. 22. <sup>2</sup> Josh. 3. 2.

<sup>1</sup> Bwin 4. 5. 20. <sup>2</sup> 2 Sam. 6. 3. 4.

ren kij jen pein ro dri Pilistia. 9 Im Samuel e ar bök juön lam ej ninnin, im lelok e men in katok kijeek eyu ñön Jeova : im Samuel e ar kir ñön Jeova kin Israel, im Jeova e ar uak e. 10 Im ke Samuel ej lelok men in katok kijeek eo, ro dri Pilistia rar druktok bwe ren törinaek Israel; a Jeova e ar juror kin juror elap, ran eo, ion ro dri Pilistia, im <sup>1</sup> kalelñoñ ir; im emwij mõn ir iman Israel. 11 Im ro dri Israel rar drioişklok jen Mizpa, im lukworkwor dri Pilistia, im mõn ir, mae ien air ilok iomin Bet-kar.

12 Inem Samuel e ar bök juön dreka, im likit e ikötan Mizpa im Shen, im e ar naetan Eben-izer, im ba, Nön ien in Jeova e ar jibõñ kim. 13 Ein drein emwij kõtaiş ro dri Pilistia, im re jab bar dreloñ iloan töreren Israel: im pein Jeova e ar jumae ro dri Pilistia ran ko otemjej an Samuel. 14 Im jikin kwelok ko ro dri Pilistia rar bök jen Israel, rar bar lilok ñön ir, jen Ekron, aet, ñön Gat; im Israel e ar kötlok töreren jen pein ro dri Pilistia. Im eor ainemõn ikötan Israel im ro dri Amor.

15 Im Samuel e ar ekajete Israel ran ko otemjej in an mour. 16 Im e ar ilok jabrewõt yiö ilo etal i kejeblak ñön Betel, im Gilgal, im Mizpa; im e ar ekajete Israel ilo jikin kwelok kein otemjej. 17 Im e ar jeblak ñön Rema, bwe ijo kabijuknen; im e ar ekajete Israel ijo: im e ar kalek na ijo juön lokatok ñön Jeova.

8 Im ke Samuel e lölap, e ar kōnan bwe ro nejin man ren dri ekajet ion Israel. 2 Ak etan manjien Joel; im etan eo ken ka ruo Ebaija: rar dri ekajet i Bier-shiba. 3 Im ro nejin man rar jab etal ilo ial ko an, ak rar jeorlok in bukok mõni, im bök wōnan kabwiloklok mej, im kankeke air ekajet.

4 Im ridto ro otemjej an Israel rar kweloktok, im itok ñön iben Samuel i Rema; 5 im rar ba ñön e, Lo, kwe kwo lölap, im ro nejšm man re jab etetal ilo ial ko am: inem kwon<sup>2</sup> kōmõn juön kiñ ñön kim bwe en ekajete

kim einwõt dri ailifñ ko otemjej. 6 A men eo<sup>1</sup> e ar jab kabuñburuen Samuel, ke rar ba, Kwon letok juön kiñ bwe en ekajete kim. Im Samuel e ar kir ñön Jeova. 7 Im Jeova e ar ba ñön Samuel, Kwon eoroñ ainiken armij ro ilo men otemjej rej ba ñön yuk; bwe<sup>2</sup> rar jab jolok yuk, a rar jolok Iö, bwe In jab kiñ ioir. 8 Einwõt jermal ko air otemjej rar kōmõni jen ran eo ke I ar añintok ir jen Ijpt, ñön rannin, ilo air kar illok jen Na, im jermal ñön anij ro jet, ein drein air kōmõn bareinwõt ñön yuk. 9 Inem kwon eoroñ ainikeir: ijoke, kwon kannuiş kowe ir, im kwon kwelok ñön ir wāwen kiñ eo e naj iroiş ioir.

10 Im Samuel e ar kennanak nan ko otemjej an Jeova ñön ro rar kajitök juön kiñ iben. 11 Im e ar ba, Eñin e naj wāwen kiñ eo e naj iroiş iomi: e naj bök ro nejšmi man, im kōmõn ir dri lale jariot ko an, im ors ko an; im re naj etörlok iman jariot ko an; 12 im e naj likit ir ñön e, kapen an tausan ko, im kapen an limñoul ko; im e naj likit jet dri töblöle brij eo an, im dri marmir jonikõn eo an, im dri kōmõn ken törinaek ko an, im wijkinen jariot ko an. 13 Im e naj bök ro nejšmi kōra bwe ren dri katolöj, im dri kōmät, im dri umum. 14 Im e naj bök jikin kallip ko ami, im ami bwil in grep, im ami jikin kallip in oliv, aet, ko remõn tata, im lilok ñön ro dri korijeran. 15 Im e naj bök mötõn joñoul an ine eo ami, im bwil in grep ko ami, im lilok ñön dri kabwijrök ro an, im ñön ro dri korijeran. 16 Im e naj bök ro dri korijerõmi man im kōra, im likao ro ami remõntata, im ass ko ami, im kajerbal ir kin jermal ko an. 17 E naj bök mötõn joñoul in bwij ko ami: im kom naj ro dri korijeran. 18 Im kom naj lamij ilo ran eo kin kiñ eo kom naj kålet ñön kom; im Jeova e jamin uak kom ilo ran eo.

19 A armij ro rar abwin eoroñ ainiken Samuel; im rar ba, Jab; a kim kōnan juön am kiñ, 20 bwe kimin einwõt ro dri ailifñ otemjej, im bwe

<sup>1</sup> Josh. 10. 10. <sup>2</sup> Dat. 17. 14. 15.

<sup>1</sup> Jap. 12. 17. <sup>2</sup> Jap. 10. 18.

am kiñ en ekajete kim, im drioijslok imam, im törinaek törinae ko am. 21 Im Samuel e ar roñjake nan ko otem-  
 jej an armij rñn, im e ar kwalok ir i  
 lojiliñin Jeova. 22 Im Jeova e ar ba  
 ññn Samuel, Kwon eoroñ ainikeir, im  
 kòmñn juñn air kiñ. Im Samuel e ar  
 ba ññn armij ro dri Israel, Jabrewõt  
 iami komin ilok ññn jikin kwelok eo  
 an.

9 Juñn armij dri Benjamin, etan  
 Kish, nejin Ebaiel, eo nejin Ziror,  
 eo nejin Bikorat, eo nejin Apaia, eo  
 nejin dri Benjamin, im e juñn armij e  
 utiej im e mweie. 2 Im juñn nejin,  
 etan Saul, <sup>1</sup>likao, im e mejajalok :  
 ejelok juñn ian ro nejin Israel emñn  
 jen e: jen aieran e utiej jen armij ro  
 jet. 3 Im e joko ass ko an Kish, je-  
 men Saul. Im Kish e ar ba ññn Saul  
 nejin, Kwon bök juñn ian lõmaro dri  
 korijer ibõm, im jutök, im ilen kabu-  
 kot ass ko. 4 Im e ar etal ilujen ene  
 utiej an Ipreim, im etal ilujen enen  
 Shalisha, a re jab loi: inem rar etetal  
 ilujen enen Shealim, im re joko ijo ;  
 im e ar etal ilujen enen ro dri Benja-  
 min, a re jab loi.

5 Ke rar itok ññn enen Zup, Saul e  
 ar ba ññn leo korijeran, Jen jebalak, ñe  
 ab jema en jolok an lemnok kin ass  
 ko, im inebata kin kijro. 6 Im leo e  
 ar ba ññn e, Lo kiõ, ilo jikin kwelok  
 in juñn armij õn Anij, im rej nebar  
 im kõñiãjoik e ; aolepen nan ko an  
 rej mol wõt: inem jen ilok ññn iben ;  
 bwelen e naj maroñ in kenannek kij  
 kin arro etal, jej etal ialok. 7 Inem  
 Saul e ar ba ññn leo korijeran, A  
 elañe jej ilok, ta eo jen böklok ññn  
 armij eo? bwe e mat bred ilo jãbi ko  
 ar, im ejelok jurtak jen böklok ññn  
 armij eo õn Anij: ta eo iberro? 8 Im  
 dri korijer eo e ar bar uak Saul, im  
 ba, Lo, ilo peiõ juñn mõtõn emen she-  
 kel silver: I naj lelok men in ññn ar-  
 mij eo õn Anij, bwe en kennanek kij  
 arro ial. 9 (Mokta, ilo Israel, ke  
 juñn eman e kin ilen kajitök iben  
 Anij, ein drein an ba, Itok, im jen ilok  
 ññn iben dri lolo eo; bwe eo rej nae-  
 tan dri kanan kiõ, mokta rej likit etan

dri lolo). 10 Inem Saul e ar ba ññn  
 leo dri kõrijeran, Emñn am ba ; jen  
 ilok. Ein drein rar ilok ññn jikin  
 kwelok eo ijo armij eo õn Anij ej ber  
 ie.

11 Ke rar wõnliñlok ilo ial ññn ji-  
 kin kwelok eo, rar lo jet jiroñ rej  
 drioijslok bwe ren itök, im rar ba ññn  
 ir, Dri lolo eo ej ijin ke? 12 Im rar  
 uak ir, Aet; lo, ej imami: komin ja-  
 röplok kiõ, bwe ej itok ranin ññn ji-  
 kin kwelok in ; bwe ranin armij rñn  
 rej katok ilo jikin eo eutie. 13 Ñe  
 komij dreloñ iloan jikin kwelok eo, e  
 naj mökõj ami loe, mokta jen an wõn-  
 liñlok ññn jikin eutie bwe en mõña ;  
 bwe armij re jamin mõña mokta jen  
 an itok, bwe <sup>1</sup>ej jare men in katok  
 eo; im tokelik ro emwij kir ir rej mõ-  
 ña. Inem kominro wõnliñlok ; bwe  
 kom naj loe kiõ. 14 Im rar wõnliñ-  
 lok ññn jikin kwelok eo; im ke rar  
 dreloñlok na ilo jikin kwelok eo, lo,  
 Samuel e ar ba ññn e, bwe en  
 wõnliñlok ññn jikin eutie.

15 Ak emwij an Jeova kwalok ññn  
 Samuel ran eo mokta jen an Saul  
 itok, im ba, 16 Ilju e nañin auõ in, I  
 naj jilkinwoj ññn ibõm, juñn eman  
 jen enen Benjamin, im kwo naj ka-  
 bite iroijs ion Aõ ailñ Israel; im e naj  
 lomoren armij ro Aõ jen pein ro dri  
 Pilstia: bwe I ar reilok ññn armij ro  
 Aõ, bwe air lamij e ar wõnliñtok ññn  
 iba. 17 Im ke Samuel e ar lo Saul,  
 Jeova e ar ba ññn e, <sup>2</sup>Lo, leo I ar ko-  
 nono kake ibõm ! eñin e naj iroijs ion  
 armij ro Aõ. 18 Inem Saul e ar  
 druaklok ññn iben Samuel ilo kejem  
 eo, im ba, Kwon kennanek iõ, ij ak-  
 welap ññn yuk, ewi imñn dri lolo eo.  
 19 Im Samuel e ar uak ññn Saul, im  
 ba, Ña dri lolo eo; kwon wõnliñlok  
 imaõ ññn jikin eo eutie, bwe kwo naj  
 mõña iba ranin : im ñe ejiboñ I naj  
 kötlok yuk, im I naj kennanek yuk  
 men otemjej ilo buruõm. 20 Im kin  
 ass ko rar joko jilu ran re motlok,  
 kwon jab bar lemnok kake; bwe em-  
 wij air loi. Im ññn wõn aolepen kõ-  
 nan an Israel? E jab ññn kwe im ao-  
 lepen nukin jemõm ke? 21 Im Saul e

<sup>1</sup> Jap. 10. 26.<sup>2</sup> Luk 9. 16. <sup>3</sup> Jap. 16. 12. 6.

ar uak im ba, Nā I jab <sup>1</sup> dri Benjamin, jen bwij eo eriktata ilo Israel ke? im ro nuku re jab erik jen nukin Benjamin otemjej ke? inem etke ein wāwen drein am ba nōn iō?

22 Im Samuel e ar bōk Saul im leo korijeran, im āninlok irro nōn loan rum eo an ro ar kālet ir, im kajijōt irro ilo jikin emōn tata, iben ro emwij kir ir, e nañin jilñoul armij. 23 Im Samuel e ar ba nōn dri kōmāt eo, Kwon bōktok mōtōn eo I ar lewoj, im I ar konono kake nōn yuk, Kwon likit e na ibōm. 24 Im dri kōmāt eo e ar kwotōke unin ne, im men eo ion, im likit e iman Saul. Im Samuel e ar ba, Lo, men eo emwij kejbāroke! kwon likite imam in mōña; bwe rar kejbāroke mae yuk nōn ien eo e jejit, bwe I kar ba, Emwij aō kirtok armij rōn. Ein drein Saul e ar mōña iben Samuel ran eo.

25 Im ke rar wōnlōltok jen jikin eo eutie j nōn jikin kwelok eo, e ar kōmao iben Saul ion kejenwan mwēo imōn. 26 Im rar jerkak ke ejiboñ wōt: im ke e nañin rantak, Samuel e ar kir nōn Saul ion kejenwan eo, im ba, Kwon jerkak, bwe in maroñ in jilkinlok yuk. Inem Saul e ar jerkak, im irro rar driojlok, e im Samuel, inabij. 27 Im ke rej wōnlōllok i jemlokōn jikin kwelok eo, Samuel e ar ba nōn Saul, Kwon jiroñ dri korijerōm bwe en ilok imanlok, (im e ar wōnmanlok), a kwon bwijrōk mokta, bwe in maroñ karoñjake yuk nan in Anij.

10 Inem<sup>2</sup> Samuel e ar bōk bōka in oil, im lutōklok e na ion bōran, im mejenmaik e, im ba, E jab kin an Jeova kabit yuk iroi j ion jolit eo An ke? 2 Ñe kwo motlok jen ña ranin, kwo naj lo ruo eman iturin lūpōn Rejel, i tōreren Benjamin i Zelza; inem re naj ba nōn yuk, Ass ko kwar ilen bukoti, rar loi; im lo, e lul buruen jemōm kin ass ko, im ej lemnok kin kwe, im ba, In it kin leo nejio? 3 Im kwo naj wōnmanlok jen ijo, im kwo naj tōbar wijki ok eo i Tebor; im naj wōnmae yuk ijo jilu eman rej wōnliñ-

lok nōn iben Anij i Betel, juōn ej bōklok jilu kon in got, bar juōn ej bōklok jilu ion bred, im eo juōn ej bōklok juōn botto in wain: 4 im re naj yokyokwe yuk, im lewoj ruo ion bred, eo kwon bōki jen peir. 5 Tokelik kwo naj tōbar tol in Anij, ijo dri tōrime an dri Pilistia rej ber ie: im ñe kwoj tōbar jikin kwelok eo, kwo naj wōnmae jar an ro dri kanan, rej itok jen jikin eo eutie j, kin juōn salteri, im juōn timbrel, im juōn paip, im juōn arp imair; im re naj drikanij wōt: 6 im Jitōb òn Jeova e naj lap an itok iom, im kwo naj drikanij ibeir, im naj ukot yuk nōn juōn eman wāwen juōn. 7 Im en ein drein, ñe kakōle kein rej itok nōn ibōm, kwon kōmōn men eo peōm ej loe; bwe Anij ej ibōm. 8 Im kwo naj wōnlōllok imaō, nōn Gilgal; im lo, I naj wōnlōltok nōn ibōm, im katok kin katok kijeek ko, im bwe in katok kin jurtak in ainemōn ko: kwo naj kōtar iō iomin jiljilimjuōn ran, mae ien aō iwij nōn ibōm, im kwalok nōn yuk ta eo kwo naj kōmōne.

9 Im e kar ein drein, ke emwij an oktōklik bwe en etal jen iben Samuel, Anij e ar lelok nōn e buruen wāwen juōn: im kakōle ko otemjej rar walok ran eo. 10 Im ke rar tōbar tol eo, lo, juōn jar an dri kanan rar wōnmae e; im Jitōb òn Anij e ar itok ion kin kajur, im e ar drikanij ibeir. 11 Im ke ro otemjej, ro rar jela kajen, rar loe, lo, e ar drikanij iben ro dri kanan, inem armij ro rar ba nōn dron, Ta men in e ar walok nōn leo nejin Kish? Saul ej bareinwōt iben ro dri kanan ke? 12 Im juōn jen jikin eo e ar uak in ba, Ak wōn eo jemeir? Kin men in e ar walok juōn jabōn kennan, Saul bareinwōt iben ro dri kanan ke? 13 Im ke emwij an drikanij, e ar tōbar jikineo eutie j.

14 Im alap eo an Saul e ar ba nōn irro korijeran, Kom ar ilok ialok? Im e ar ba, Bwe kiminro bukot ass ko; im ke kim ar jab loi, kim ar ilok nōn iben Samuel. 15 Im alap eo an Saul e ar ba, Kwon kennanek iō, ij akwēlap nōn yuk, ta eo Samuel e ar ba nōn yuk. 16 Im Saul e ar ba nōn alap



eo, E ar kwalok ñõn kimro alikar bwe emwij air lo ass ko. A kin bebe eo kin ailiñ eo, Samuel e ar kononokake, e ar jab ba ñõn e.

17 Im Samuel e ar kokweloktok armij ro ñõn Jeova i Mizpa; 18 im e ar ba ñõn ro nejin Israel, Ein drein Jeova, Anij in Israel, ej ba, Ña I ar añinliñtok Israel jen Ijpt, im I ar lomoren kom jen pein dri Ijpt, im jen pein ailiñ ko otemjej rar kejjorran kom: 19 a ranin kom ar jolok ami Anij, Eo ej mōke lomoremi jen iñtan ko otemjej ami, im aolepen jorran ko ami; im kom ar ba ñõn E, A Kwon likit juõn kiñ iom. Inem kiõ komin kwalok kom iman Jeova ekar ñõn bwij ko ami, im tausan ko ami. 20 Ein drein Samuel e ar kadruaktok bwijin Israel otemjej, im ar bōk bwijin Benjamin. 21 Inem e ar kadruaktok bwijin Benjamin ekar ñõn nukin ko air; im ar bōk nukin Metri, im ar bōk Saul nejin Kish: a ke rar bukote re ban loe. 22 Kin men in, rar bar kajitōk iben Jeova, Bar juõn man en itok ke? Im Jeova e ar uak, Lo, emwij an tilekek ilo mweuiuk ko. 23 Im rar etōrlōk im añintok e jen ijo; im ke e ar jutōk iben armij ro, e ar utiej jen armij otemjej jen aieran. 24 Im Samuele ar ba ñõn armij otemjej, Komij lo eo Jeova e ar kãlete, bwe ejelok ian armij otemjej einwōt e ke? Im armij otemjej rar lamij, im ba, En eto an kiñ eo mour.

25 Inem Samuel e ar kennanek armij ro <sup>1</sup>wāwen ailiñ in kiñ eo, im e ar jeje ilo juõn buk im likit e iman Jeova. Im Samuel e ar jilkinlok armij otemjej, jabrewōt iair ñõn mweo imõn. 26 Im Saul bareinwōt e ar ilok ñõn mweo imõn i Gibia; im rar ilok ibenlok jet armij re kajur, ro Anij e ar karel burueir. 27 A jet ian ro dri nana rar ba, Ekijkan armij in en lomoren kij? Im rar kejekron e, im ejelok men in lelok rar bōktok ñõn e. A ej kejeklokjen.

**11** Ien eo Nehash, dri Amon, e ar wõnliñlok im nitbwile Jebesh-giliad: im ro dri Jebesh-giliad rar ba

ñõn Nehash, Kwon kōmõn bujen ibem im kim naj korijer ñõn yuk. 2 Im Nehash, dri Amon, e ar ba ñõn ir, Ein drein I naj kōmõne ibemi, elañe naj itik mejemi anbijmaroñ otemjej; inem I naj likite men in kinak ion dri Israel, otemjej. 3 Im ridto ro an Jebesh re ba ñõn e, Kwon kōtar mokta iomin jiljilimjuõn ran, bwe kimin maroñ in jiliklok ñõn tōreren otemjej an Israel; im ien eo, elañe ejelok dri lomoren kim, kim naj drioiñ ñõn ibõm. 4 Inem ro dri jilik rar itok ñõn Gibia an Saul, im rar konono nan kein i lojiliñin armij ro: im aolepen armij ro rar koutiej ainikeir, im jōñ. 5 Ak lo, Saul e ar loritok ox ko jen jikin kallip eo; im Saul e ar ba, E baj it armij ro ke rej jōñ? Im rar kennanek e nan ko otemjej jen ro dri Jebesh.

6 Im <sup>1</sup>Jitōb õn Anij e ar itok ion Saul kin kajur, ke e ar roñjake nan kein, im elap an bwil illu eo an. 7 Im e ar bōk ruo ox, im kajiblokloki, im jilkinlok kin pein ro dri jilik ilujen tōreren ko an Israel, im ba, Jabrewōt eo e jab iten lor Saul im Samuel, ein drein air naj kōmõn ñõn ox ko an. Im lelñõñ jen Jeova e ar buñ ion armij otemjej, im rar drioiñlok im jou einwōt juõn armij. 8 Im e ar bwini ir ilo Bizek; im ro nejin Israel jilu buki tausan, im man ro jen Juda jilñoul tausan. 9 Im rar ba ñõn ro dri jilik re kar itok, Ein drein ami naj ba ñõn ro dri Jebesh-giliad, Ilju, mae ien e loliñ al, naj lomoremi. Im ro dri jilik rar ilen kennanek ro dri Jebesh; im rar mōnõnõ kake. 10 Kin men in, ro dri Jebesh rar ba, Ilju kim naj drioiñlok ñõn ibõm, im kom naj kōmõn ñõn kim aolepen men eo emõn ibemi. 11 Im ilju Saul e ar kijbil armij ro ilo jilu jar; im rar dreloñ ilujen kamp eo ilo mmij eo eliktata ilo boñ, im rar mõn ro dri Amon mae ien e loliñ al: im ro rej berwōt re jibliklik, im e jab ruo iben dron.

12 Im armij re ba ñõn Samuel, Wõn eo e ar ba, Saul en iroiñ ioer ke? añintok armij ro bwe kimin mõn ir.

<sup>1</sup> Jap. 8. 11-15; Dat. 17. 14-20.

<sup>1</sup> Jap. 10. 10.

13 Im Saul e ar ba, Re jamin mōn jabrewōt armij ranin; bwe ranin Jeova e ar kōmōn lomor nōn Israel.

14 Inem Samuel e ar ba nōn armij ro, Jen ilok nōn Gilgal, im kōkāl ailiñ in ijo. 15 Im armij otemjej rar ilok nōn Gilgal, im rar kairoijs Saul iman Jeova i Gilgal; im ijo rar katok kin men in katok ainemōn ko iman Jeova, im Saul kab ro dri Israel otemjej rar kanuij mōnōnō.

12 Im Samuel e ar ba nōn ro dri Israel otemjej, Lo, <sup>1</sup>I ar eoroñ ainikeōmi ilo men otemjej kom ar ba nōn iō, im I ar kairoijs juōn kiñ iomi. 2 Im kiō, lo, kiñ eo ej etetal imami; im ña I ridto im bwiljere; im lo, ro nejiō man rej ibemi: im I ar etetal imami jen ke I ar ajiri nōn ranin. 3 Ña iji: komin kennan nae iō iman Jeova, im iman eo E ar kabite: ox eo an wōn I ar bōke? ak ass eo an wōn I ar bōke? ak wōn I ar elikinjipjip e? wōn eo I ar kamakokoik e? jen pein wōn I ar bōk wōnan kabilo meja? im I naj kōla nōn kom. 4 Im rar ba, Kwar jab elikinjipjip kim, ak kamakokoik kim, im kwar jab bōk jabrewōt jen pein jabrewōt armij. 5 Im e ar ba nōn ir, Jeova dri kennan nae kom, im eo E ar kabite, ej dri kennan ranin, kin ami jañin lo jabrewōt ilo peiō. Im re ba, E dri kennan.

6 Im Samuel e ar ba nōn armij ro, E Jeova e ar kålet Moses im Aron, im āninliñtok ro jimami jen Ijipt. 7 Inem komin jutōk im tōt, bwe in kono ibemi iman Jeova kin kōmōn ko re jime an Jeova, ko E ar kōmōni nōn kom im nōn ro jimami. 8 Ke Jakob e ar itok nōn Ijipt, im ro jimami rar lamij nōn Jeova, inem Jeova e ar jilkinlok Moses im Aron, ro rar āñintok ro jimami jen Ijipt, im kaimwim ir i enin. 9 A rar meloklok Jeova air Anij; im E ar wiakake ir na ilo pein Sisera, kapen jar in tōrinae an Hezor, im na ilo pein ro dri Pilistia, im na ilo pein kiñ in Moab; im rar tōrinaek ir. 10 Im rar lamij nōn Jeova, im ba, Kim ar jerawiwi,

<sup>1</sup> Jap. 8. 7, 9.

kin ke kim ar ilok jen Jeova, im kim ar jermal nōn Beal im Ashterot: im kiō Kwon lomorem jen pein ro dri kijirāte kim, im kim naj jermal nōn Kwe. 11 Im Jeova e ar jilkinlok Jerubeal, im Bidan, im Jepta, im Samuel, im lomoren kom jen pein ro dri kijirāte kom ijoko otemjej; im kom ar jokwe im ejelok ami uota. 12 Im ke kom ar lo an Nehash kiñ an ro dri Amon itok nae kom, kom ar ba nōn iō, Jab, a juōn kiñ en iroijs iom; ke Jeova ami Anij e kar ami kiñ. 13 Inem kiō komin reilok nōn kiñ eo kom ar kālete, im kom ar kajitōk kake: im lo, Jeova e ar likit juōn kiñ iomi. 14 Elañe komij mijōk Jeova, im korijer nōn E, im eoroñ ainiken, im jab kabata nae kien Jeova, im kom kab bareinwōt kiñ eo ej iroijs iomi naj ro dron Jeova ami Anij, inem emōn: 15 a elañe kom jab kōnan eoroñ ainiken Jeova, a kom kabata nae kein Jeova, inem pein Jeova e naj nae kom einwōt e kar nae ro jimami. 16 Inem kiō komin jutōk im tōt, im lo men in elap Jeova e naj kōmōne iman mejōmi. 17 E jab ien jonikōn wit ranin ke? I naj kir nōn Jeova bwe En jilkintok jorur im wut; im kom naj jela im lo bwe elap ami bwir, eo kom ar kōmōne iman mejen Jeova, ke kom ar kajitōk juōn kiñ. 18 Ein drein Samuel e ar kir nōn Jeova; im Jeova e ar jilkintok jorur im wut ran eo: im armij re kanuij mijōk Jeova im Samuel.

19 Ak armij otemjej rar ba nōn Samuel, Kwon jar kin ro dri korijerōm nōn Jeova am Anij, bwe kimin jab mij; bwe kim ar kobaik iben jerawiwi ko am otemjej, nana in, bwe kimin kajitōk juōn kiñ nōn kim. 20 Im Samuel e ar ba nōn armij ro, Komin jab lelñōñ: emol emwij ami kōmōn aolepen nana in; ijoke, komin jab jeōrlok jen ami lor Jeova, a komin jermal nōn E kin aolepen buruōmi: 21 im komin jab jeōrlok; elañe ein drein kom naj lor men ko re wan, ko re ban jibōñ ak lomoren kom, bwe re men bata. 22 Bwe <sup>1</sup>Jeova e ja-

<sup>1</sup> Dat. 21. 6.

min illok jen armij ro dron, kin etan elap, bwe e buñburuen Jeova in kōmōn kom ro An dri ailīñ. 23 Bar juōn, kin ña, in jab jerawiwi nae Jeova ilo aō jokwōr in jar kin kom: a I naj katakin kom ial eo emōn in jime. 24 Men in wōt, komin mijōk Jeova, im jermal ñōn E ilo mol kin aolepen buruōmi; im komin kalomōn-lokjen ie ridtōn men ko relap E ar kōmōni ñōn kom. 25 A eñañe komij etal wōt im kōmōn nana, kom naj joko, <sup>1</sup> kom im kab ami kiñ.

**13** Ridtōn Saul eñoul yiō ke ej jino an kiñ; im ke e ar kiñ iomin ruo yiō ion Israel, 2 Saul e ar kålet ñōn e jilu tausand armij dri Israel, ruo tausand iair rar ber iben Saul i Mikmash, im ilo tol Betel, im juōn tausand rar ber iben Jonetan i Gibia in Benjamin: im armij ro jet e ar jilkinlok jabrewōt iair ñōn mweo imōn. 3 Im Jonetan e ar mōn ro dri me eo an ro dri Pilistia rar ber i Gibia, im ro dri Pilistia rar roñjake. Inem Saul e ar jilil ilujen aolepen eneo, im ba, Ro dri Hibru ren roñjake. 4 Im ro dri Israel otemjej rar roñ air ba, Saul e ar mōn ro dri me eo an dri Pilistia, im ro dri Pilistia rej jōjōik Israel. Im armij ro rar kweloklok na iben Saul i Gilgal.

5 Im ro dri Pilistia rar kweloklok bwe ren tōrinaek Israel, jilñoul tausand jariat im jiljino tausand dri uwe ion ora, im armij ro einwōt bok i barijijit kin air lōñ: im rar wōnlīñtok im kajur air kamp i Mikmash i rear in Bet-even. 6 Ke ro dri Israel rar lo air uota, (bwe armij rar iñtan kake), inem armij ro rar tilekek ilo roñ ko, im ilo bukwōn wijki rekab, im ilo dreka ko, im ilo jukur ko, im ilo aibij ko. 7 Ak jet ian dri Hibru rar ela jen Jordan ñōn enen Gad im Giliad; a kin Saul, e ar berwōt i Gilgal, im armij otemjej rar lore im kubar-bar.

8 Im <sup>2</sup>e ar kōtar iomin jiljilimjuōn ran, ekar ñōn ien eo Samuel e ar kajejit e: a Samuel e jañin itok ñōn Gilgal; im armij rej jibliklik jen iben.

9 Im Saul e ar ba, Komin bōktok ñōn iba men in katok kijeek, im men in katok kin ainemōn. Im e ar lelok katok kijeek eo. 10 Im ke emwij an lelok katok kijeek eo, lo, Samuel e ar itok; im Saul e ar driojlok in wōnmae, bwe en yokyokwe e. 11 Im Samuel ej ba, Ta eo kwar kōmōne? Im Saul e ar ba, Kin ke I ar lo bwe armij ro rar jibliklik jen ña, im kwar jab itok ilo ran ko emwij kajejiti, im ro dri Pilistia rar kwelok i Mikmash; 12 kin men in I ar ba, Ro dri Pilistia re naj wōnlōltok ioō ñōn Gilgal, im I jañin kajitōk joiij jen Jeova: inem I ar kajelolō im lelok men in katok kijeek eo. 13 Im Samuel e ar ba ñōn Saul, Kwar kōmōn men in bwebwe; <sup>1</sup> kwar jab bokake kien Jeova am Anij, eo E ar jiroñ yuk; bwe kiō E naj kar kabin am kiñ ion Israel ñōn in drio. 14 A kiō am kiñ e jamin eto: Jeova e ar kabukot juōn eman ekar ñōn buruen, im E ar likit e iroiij ion armij ro dron, kin ke kwar jab bokake men eo Jeova e ar jiroñ yuk. 15 Im Samuel e ar jerkak im wōnlīñlok jen Gilgal ñōn Gibia an Benjamin.

Ak Saul e ar bwini armij ro rar ber iben, e nañin jiljino buki armij. 16 Im Saul kab Jonetan leo nejin, im armij ro rar ber ibeir, rar jokwe i Giba an Benjamin: a ro dri Pilistia rar kajur air kamp i Mikmash. 17 Im ro dri rakim rar driojtok jen kamp eo an ro dri Pilistia ilo jilu jar: juōn jar e ar jeōr ilo ial ñōn Opra, ñōn enen Shual; 18 im bar juōn jar e ar jeōr ilo ial ñōn Bet-horon; im jar eo juōn e ar jeōr ilo ial an tōreren e ar reilōllok ñōn komlōl in Ziboim, iki-jen ene jemaren.

19 Ak rar lo ejelok dri jerbale māl ilo aolepen enen Israel; bwe ro dri Pilistia rar ba, Ñe ab ro dri Hibru rej mōke kōmōnmōn ñōn ir jāji ko ak mōri ko: 20 a ro dri Israel otemjej rar wōnlōllok ñōn iben ro dri Pilistia bwe jabrewōt armij en jimjim ken tōblōl eo an, im māl eo an, im an ken kōb; 21 a ijoke, eor ibeir lā ñōn ken kōb ko,

<sup>1</sup> Jap. 31. 1-5. <sup>2</sup> Jap. 10. 6.

<sup>1</sup> Jap. 15. 22.

im ken töblöl ko, im fork ko, im mäl ko, im nön ken kajime ox ko. 22 Ein drein ilo ran in törinae, ar jab lo jäji ak möri ilo pein jabrewöt ian armij ro iben Saul im Jonetan: ak iben Saul im iben Jonetan eor. 23 Im ro dri me eo an dri Pilistia rar drioijlok nön komlöl e airik iman Mikmash.

**14** Ak ilo juön ran, Jonetan nejin Saul, e ar ba nön likao eo e ar ineklok ken törinae ko an, Jenro driblok nön ro dri me eo an dri Pilistia ijueo. A e jab kennanek jemen. 2 Im Saul e ar berwöt i mötön Gibia etolok tata iomin wijki pomgranet ej i Migron: im armij ro iben, e nañin jiljino buki man; 3 im Ehajja, nejin Ehaitub, jätin Ikabob, nejin Pinehas, nejin Ilai, pris an Jeova i Shailo, ej kōnōk juön epod. Im armij re jaje bwe e joko Jonetan. 4 Im ikōtan komlöl ko re airik, im kin ir Jonetan e ar kajeoñ in driblok nön ro dri me eo an dri Pilistia, ruo tol dreka rej kajōbe: etan juön Bozez, im etan eo juön Sine. 5 Juön tol dreka e ar jutōk eañ ikijen Mikmash, im eo juön irōk ikijen Giba.

6 Im Jonetan e ar ba nön likao dri inek ken törinae ko an, Jenro driblok nön ro dri me eo an dri jab mijmij rōn: bwelen Jeova e naj rajitōk kij; bwe <sup>1</sup>ejelok men in bōprae an Jeova lomor kin eit ak kin elōñ. 7 Im leo dri inek ken törinae ko an, e ar ba, Kwon kōmōn jabrewöt eo ej ilo buruōm: kwon oktōk, lo, ña ij ibōm ekar nön buruōm. 8 Inem Jonetan e ar ba, <sup>2</sup>Lo, je naj driblok nön armij rōn, im je naj kwalok kijro nön ir. 9 Elañe rej ba nön kij, Komin kōtar mae ien kim najiwij; inem je naj jutōk ilo jikir, im je jamin wōnliñlok nön ibeir. 10 A elañe ein drein air ba, Komin itok nön ibem; inem je naj wōnliñlok; bwe Jeova e ar lelok ir na ilo peer: im men in e naj juön kakōle nön kijro. 11 Im irro rar mōke kwalok ir nön ro dri me eo an dri Pilistia: im ro dri Pilistia rar ba, Lo, <sup>3</sup>ro dri Hibru rej drioijlok jen roñ ko ijo re kar tilekek. 12 Im ro dri me eo rar

uak nön Jonetan, im dri inek ken törinae ko an, im ba, <sup>1</sup>Komin wōnliñtok nön ibem, im kim naj kwalok juön men nön kom. Im Jonetan e ar ba nön dri inek ken törinae ko an, Kwon wōnliñtok im lor iō; bwe emwij an Jeova ketōk ir na ilo pein Israel. 13 Im Jonetan e ar töböliñlok, im dri inek ken törinae ko an e ar lore: im rar bero iman Jonetan; im dri inek ken törinae ko an e ar mōn ir elikin. 14 Im im eo mokta, Jonetan im dri inek ken törinae ko an rar kabuñe, e nañin roñoul armij, ijo einwöt jibilkwon in ekōr. 15 Im eor kubarbar ilo kamp eo, ilo melaj, im iben armij otemjej; ro dri me, im ro dri rakim, rar bareinwöt wuririr; im <sup>2</sup>e ar makōtkit löl: ein drein juön wuririr e kanuij lap.

16 Im ro dri kajere an Saul i Gibia an Benjamin rar reilok; im lo jar eo ej unlok, im rar jekarto jekartōk. 17 Inem Saul e ar ba nön armij ro iben, Komin bwini kiō im lo wōn eo e joko iaruij. Im ke emwij air bwinbwin, lo, Jonetan im dri inek ken törinae ko an re joko. 18 Im Saul e ar ba nön Ehajja, Kwon bōktok dipdip an Anij. Bwe dipdip an Anij e ar ber ijo iben ro nejin Israel ien eo. 19 Im ke Saul ej konono iben pris eo, iruij eo iloan kamp an ro dri Pilistia ej laplok wōt: im Saul e ar ba nön pris eo, Kwon bōk peōm. 20 Im Saul kab armij otemjej iben rar kweloktok, im ilok nön törinae eo: im lo, jäji an jabrewöt ej nae dri turin, im juön im e kanuij lap. 21 Inem ro dri Hibru re kar ber iben dri Pilistia, einwöt mokta, im rar wōnliñlok ibeirlok, rej bareinwöt oktōk in ber iben ro dri Israel iben Saul im Jonetan. 22 Ein drein ro dri Israel otemjej re kar tilekek ilo ene utiej an Ipreim, ke rar roñjake kin an ro dri Pilistia ko, rej bareinwöt lukworkwor ir ilo törinae eo. 23 Ein drein Jeova e ar lomoren Israel ran eo: im törinae eo e ar elālok iturin Bet-even.

24 Im ro dri Israel rar iñtan ran eo; bwe Saul e ar kabinbin nön armij

<sup>1</sup> Jap. 17. 46. 47. <sup>2</sup> Eka. 7. 9. 14. <sup>3</sup> Jap. 13. 6.

<sup>1</sup> Jap. 17. 43. 44. <sup>2</sup> Jap. 7. 10.

ro, im ba, En lia jabrewôt eo ej mōña mokta jen jota, im ña ij irenwōne ion ro dri kijirâte iō. Ein drein ejelok ian armij ro e ar mōña. 25 Im armij otemjej rar dreloñ ilo bukwōn wijki ko, im eor hōnni ion brij. 26 Im ke armij ro rar itok ñōn bukwōn wijki ko, lo, hōnni e ar wutlok: a ejelok armij e ar likit pein ñōn loñin; bwe re mijōk menukol eo. 27 A Jonetan e ar jab roñjake ke jemen e ar kabinbin ñōn armij ro: kin men in, e ar erlokwe jokwōn eo ilo pein, im katuloke ilo nien hōnni, im likit pein ñōn loñin; im ebul mejen. 28 Inem juōn ian armij rōn e ar uak, im ba, Jemōm e ar kabinbin ñōn armij ro, im ba, En lia eo ej mōña ranin. Im armij rej kijelok. 29 Inem Jonetan e ar ba, Jema e ar kejjoran enin: komin lale ekijkan ebul meja, kin aō erjoñ jirik hōnni in. 30 E naj kar laplok wôt, elañe armij rar mōña einwôt air kōnan jen men in rakim rej loi an ro dri kijirâte kij? bwe kiō e jañin lap air mōn ro dri Pilistia.

31 Im rar mōn jet ian ro dri Pilistia ran eo jen Mikmash ñōn Aijalon. Im armij re kanuij kijelok; 32 im armij rar kelok ion men in rakim, im rar bōk jip ko, im ox ko, im kon in kau ko, im mōni ion brij; im armij ro<sup>1</sup> rar kōñi ilo bōtōktōkir. 33 Inem rar kennanek Saul, im ba, Lo, armij ro rej jerawiwi nae Jeova, kin air mōña kōniek im bōtōktōkin. Im e ar ba, Kom ar kōmōn jela mon: komin kadrebilok juōn dreka elap ñōn iba ranin. 34 Im Saul e ar ba, Komin jibliklik iben armij ro, im ba ñōn ir, Jabrewôt armij en bōktok ñōn ijin ox eo kijen, im jabrewôt armij jip eo kijen, im mōni ijin im mōña; im komin jab jerawiwi nae Jeova kin mōña men ko ilo bōtōktōkir. Im jabrewôt ian armij otemjej e ar bōktok ox eo kijen iben boñin eo, im mōne ijo. 35 Im Saul e ar kalek juōn lokatok ñōn Jeova: eñeo lokatok eo mokta e ar ejak ñōn Jeova.

36 Im Saul e ar ba, Jen wōnlōllok

im lor ro dri Pilistia ilo boñ, im jen bōk men in rakim jen ir ñōn rantak, im en ejelok jeok iair. Im rar ba, Kwon kōmōn jabrewôt eo emōn ibōm. Inem pris eo e ar ba, Jen druaktok ijin ñōn Anij. 37 Im Saul e ar kajitōk bebe jen Anij, In wōnlōllok im lore ro dri Pilistia ke? Kwo naj ketōk ir na ilo pein Israel ke? A E ar jab uak e ran eo. 38 Im Saul e ar ba, Komin druaktok, komeo iroi j in armij rōn; im komin kabukot im lo ej ber ia jerawiwi in ranin. 39 Bwe, einwôt Jeova ej mour, Eo ej lomoren Israel, meñe ej ber iben Jonetan leo nejiō, emol en mij. A ejelok juōn ian armij ro e ar uak e. 40 Inem e ar ba ñōn dri Israel otemjej, Komin ber ilo juōn jikin, im ña im Jonetan leo nejiō, kimro naj ber ilo juōn jikin. Im armij rar ba ñōn Saul, Kwon kōmōn jabrewôt men eo emōn ibōm. 41 Kin men in, Saul e ar ba ñōn Jeova, Anij in Israel, Kwon kwalok men eo e jime. Im kakōle eo e ar bakajen Saul im Jonetan; a armij ro jab. 42 Im Saul e ar ba, Komin kōmōn kakōle ñōn kimro Jonetan leo nejiō. Im e ar bakajen Jonetan.

43 Inem Saul e ar ba ñōn Jonetan, Kwon kennanek iō, kwar it? Im Jonetan e ar kennanek e im ba, Emol I ar mōña jirik hōnni jen jabōn jokwōn eo ilo peiō; im lo, I naj mij. 44 Im Saul e ar ba, Anij en kōmōn ein drein im kalaplok; bwe emol kwo naj mij, Jonetan. 45 Im armij ro rar ba ñōn Saul, Jonetan en mij ke, eo e ar kōmōn lomoren in elap ilo Israel? En jab eñin: einwôt Jeova e mour, ejelok juōn kolan bōran e naj wutlok ñōn brij; bwe e ar jermal iben Anij ranin. Ein drein armij ro rar lomoren Jonetan, bwe en jab mij. 46 Inem Saul e ar wōnlōllok jen an lor ro dri Pilistia; im ro dri Pilistia rar ilok ñōn jikir.

47 Ke emwij an Saul bōk jermal in kiñ ion Israel, e ar tōrinaek ro dri kijirâte otemjej ijoko otemjej, nae Moab, im nae ro nejin Amon, im nae Idom, im nae kiñ ro an Zoba, im nae ro dri Pilistia: im ijo jabrewôt e ar

oktök ñõn e, e ar kejjorran ir. 48 Im e ar beran an kômõn, im mõn ro dri Amelek, im lomoren ro dri Israel jen pein ro rar rakimi ir.

49 Ro nejin Saul, Jonetan, im Ishvai, im Malkishua; im rein etan limaruo ruo nejin: etan eo e ridto Mirab, im etan eo erik Maikal: 50 im etan lio belen Saul, Ehainoam nejin Ehimeaz. Im etan kapen in jar in tõrinae eo an, Abner nejin Ner, alap eo an Saul. 51 Im Kiah jemen Saul; im Ner, jemen Abner nejin Ebaiel.

52 Im eor tõrinae ebin nae ro dri Piliistia iomin ran ko otemjej an Saul: im ke Saul e ar lo jabrewõt armij e kajur, ak e beran, e 'ar bõke na iben.

15 Im Samuel e ar ba ñõn Saul, 2 Jeova e ar jilkinwoj iõ bwe in kabit yuk kiñ ion ro dron, ion Israel: kin men in, kwon eoroñ ainiken nan ko An Jeova. 2 Ein drein Jeova an inelip eo, Ej ba, I ar kili men eo Amelek e ar kômõni ñõn Israel, ekijkan e ar jumae e ilo ial, ke e ar wõnliñtok jen Ijpt. 3 Kiõ kwon ilen mõn Amelek, im torlok bok, im jab tiriamo kake ir; a kwon mõn man im kõra, ajiri erik im niñniñ, ox im jip, kamel im ass.

4 Im Saul e ar kirtok armij ro, im e ar bwini ir ilo Tileim, rubuki tausand dri etetal, im joñoul tausand dri Juda. 5 Im Saul e ar tõbar jikin kwelok an Amelek, im kebao ir ilo komlõl eo. 6 Im Saule ar ba ñõn ro dri Ken, Komín ilok, etallok, im wõnlõllok jen iben ro dri Amelek, ñe I ab kokkure kom ibeir; bwe kom ar kwalok joiñ ñõn ro nejin Israel otemjej, ke rar wõnliñtok jen Ijpt. Ein drein ro dri Ken rar ilok jen iben ro dri Amelek. 7 Im Saul e ar mõn ro dri Amelek jen Havila ilo ial lok ñõn Shur, eo ej iman Ijpt. 8 Im e ar jibwe Egag kiñ an ro dri Amelek ke ej mour, im e ar kanuij kokkure armij ro kin mejen jäji. 9 A Saul im armij ro rar kejbärok Egag, im ko remõn ian jip ko, im ox ko re mätök, im lam ko, im men ko otemjej remõn, im re jab kõnan torlok bok: a jabrewõt eo e nana im

ejelok tokjen, men kein rar kanuij kokkure.

10 Inem e ar itok ñõn Samuel nan jen Jeova, im ba, 11 1 Ij ukwelok iba kin Aõ kar kajutök Saul kiñ; bwe e ar oktöklok jen an lor Iõ, im e ar jab bokake kien ko Aõ. Im Samuel e ar illu; im e ar kir ñõn Jeova aolepen boñ eo. 12 Im Samuel e ar jerkak ke ejiboñ wõt, bwe en wõnmae Saul; im rar kennanek Samuel im ba, Saul e ar itok ñõn Karmel, im lo, e ar kajutök juõn wan kemem, im oktök, im etal, im wõnlõllok ñõn Gilgal. 13 Im Samuel e ar itok ñõn iben Saul; im Saul e ar ba ñõn e, Emõnõnõ kwe jen Jeova: ña I ar bokake kien Jeova. 14 Im Samuel e ar ba, Inem ta melemen jõñ an jip ko i lojiliñiõ, im ainiken ox ko ij roñjake? 15 Im Saul e ar ba, Rar äñintok ir jen iben ro dri Amelek: bwe armij ro rar kejbärok ko remõn ian jip ko, im ox ko, bwe ren katok kake ñõn Jeova, am Anij; men ko jet kim ar kanuij kokkure. 16 Inem Samuel e ar ba ñõn Saul, Kwon jab kijur, im I naj kennanek yuk ta eo Jeova e ar ba ñõn iõ boñin in. Im e ar ba ñõn e, Kwon konono mök.

17 Im Samuel e ar ba, 2 Meñe kwar drik ilo mejõm, rar jab kômõn yuk bõran bwij ko bwijin Israel ke? Im Jeova e ar kabit yuk kiñ ion Israel; 18 im Jeova e ar jilkinlok yuk ilo juõn ial, im E ar ba, 3 Kwon ilok im kanuij kokkure ro dri jerawiwi, dri Amelek, im tõrinaek ir mae ien e torlok bok. 19 Kin men in, etke kwar jab bokake ainiken Jeova, a kwar kelok ion men in rakim ko, im kômõn men ko re nana iman mejen Jeova? 20 Im Saul e ar ba ñõn Samuel, Aet, I ar bokake ainiken Jeova, im I ar etal ilo ial eo Jeova e ar jilkin iõ lok ie, im I ar äñintok Egag kiñ in Amelek, im I ar torlok bokir dri Amelek. 21 A armij ro rar bõk ian men in rakim ko, jip ko im ox ko, im ko remõn tata ian men in aje ko, bwe ren katok kake ñõn Jeova am Anij i Gilgal. 22 Im Samuel e ar ba, Jeova ej buñ-

<sup>1</sup> Jap. 8. 11. <sup>2</sup> Jap. 9. 16.

<sup>1</sup> Jen. 6. 6. 7. <sup>2</sup> Jap. 9. 21; 10. 22. <sup>3</sup> eoa 2.

buruen kin men in katok kijeek, im men in katok ko, einwöt ilo bokake ainiken Jeova ke? Lo, <sup>1</sup> bokake emön jen katok, im eoröñ emön jen kioeo an jip koman ko. 23 Bwe kabata ej einwöt jerawiwi in anijnij, im böt ej einwöt kabuñ ñön ekjöp. Kin am kar jolok nan in Jeova, E ar bareinwöt jolok yuk jen am ber im kiñ.

24 Im Saul e ar ba ñön Samuel, I ar jerawiwi; bwe I ar jab bokake kien Jeova, im nan ko am, kin aö mijök armij ro, im bokake ainikeir. 25 Inem ij akwelap, kwon jolok aö jerawiwi, im bar oktök ñön iba, bwe in kabuñ ñön Jeova. 26 Im Samuel e ar ba ñön Saul, I jamin jeblak iböm; bwe kwar jolok nan in Jeova, im Jeova e ar jolok yuk jen am kiñ ion Israel. 27 Im ke Samuel e ar rol bwe en ilok, Saul e ar jibwe lukko an liboror eo an, im e beotök. 28 Im Samuel e ar ba ñön e, Emwij an Jeova kekel kiñ ion Israel jen kwe ranin, im E ar lelok ñön juön dri turöm, emönlok jen yuk. 29 Im bareinwöt, Kajur an Israel e jamin riöp ak ukwelok; bwe E jab armij, bwe En ukwelok iben. 30 Inem e ar ba, I ar jerawiwi: ijoke, kwon köñiäjoik iö kiö, ij akwelap, iman ridto ro an armij ro droö, im iman Israel, im bar oktök ñön iba, bwe in kabuñ ñön Jeova am Anij. 31 Ein drein Samuel e ar bar oktök ñön Saul; im Saul e ar kabuñ ñön Jeova.

32 Inem Samuel e ar ba, Komin äñintok ñön iba, Egag kiñ an ro dri Amelek. Im Egag e ar möñöñ in itok ñön iben. Im Egag e ar ba, Emol men eo e meo an mij e joko. 33 Im Samuel e ar ba, <sup>2</sup> Einwöt jäji eo am e ar kömön köra rön bwe en ejelok nejir, ein drein e naj ejelok nejir jinöm iben köra ro. Im Samuel e ar bukbukwe Egag iman Jeova i Gilgal.

34 Inem Samuel e ar ilok ñön Rema; im Saul e ar wöñliñlok ñön mweco imön ñön Gibia an Saul. 35 Im Samuel e ar jab bar iten lolok Saul mae ran in an mij; bwe Samuel e ar jöñöt Saul:

im Jeova e ar ukwelok kin An kar kömöne kiñ in Israel.

**16** Im Jeova e ar ba ñön Samuel, Ietoön am naj jöñöt Saul, ke <sup>1</sup> I ar jolok e jen an kiñ ion Israel? kwon teñ am drun kin oil, im ilok: I naj jilkinlok yuk ñön iben Jesse eo dri Betleem; bwe I ar kälet ñön Iö juön kiñ ian ro nejin. 2 Im Samuel e ar ba, Ekijkan aö maroñ in ilok? elañe Saul ej roñjake, e naj möñ iö. Im Jeova e ar ba, Kwon bök juön kau koköra emön ridtön iböm, im ba, Ij ilen katok ñön Jeova. 3 Im kwon kirtok Jesse ñön katok eo, im <sup>2</sup> I naj kwalok ñön yuk ta eo kwo najkömöne: im kwo naj kabit ñön Iö eo I naj bakajen ñön kwe. 4 Im Samuel e ar kömön men eo Jeova e ar ba, im ilok ñön Betleem. Im ridto ro an jikin kwelok eo rar iten wönmae e, im wuririr, im re ba, Kwoj itok ilo aine-mön ke? 5 Im e ar ba, Ilo aine-mön; ij iten katok ñön Jeova: komin kwojarjar kom, im itok iba tok ñön katok eo. Im e ar kokwojarjar Jesse im lömaro nejin, im kirtok ir ñön katok eo.

6 Im ke re mottok, e ar mejek Ilaiab, im ba, Emol eo Jeova e naj kabit e ej imaö. 7 A Jeova e ar ba ñön Samuel, Kwon jab lale turin mejen ak aitokön; bwe I ar jolok e: bwe Jeova e jab lo einwöt armij ej lo; bwe armij ej lale elikin armij, a <sup>3</sup> Jeova ej lale buruen. 8 Inem Jesse e ar kirtok Abinedab, im kaetal e iman Samuel. Im e ar ba, Jeova e ar jab kälet armij in. 9 Im Jesse e ar kaetal Shamma. Im e ar ba, Jeova e ar jab kälet armij in. 10 Im Jesse e ar kaetal jiljilimjuön ian lömaro nejin iman Samuel. Im Samuel e ar ba ñön Jesse, Jeova e ar jab kälet rein. 11 Im Samuel e ar ba ñön Jesse, Aolepen ro nejöm rein ke? Im e ar ba, Mätön wöt eo eriktata, im lo, ej lali jip ko. Im Samuel e ar ba ñön Jesse, Kwon jiliklok im äñintok e; bwe je jamin jijöt mae ien an itok. 12 Im e ar jiliklok im äñintok e. Ak e ar kilubütübüt, im emön turin mejen,

<sup>1</sup> Mark 12. 23. <sup>2</sup> Jen. 9. 6; Eka. 1. 7.

<sup>1</sup> Jap. 13. 13. <sup>2</sup> Jerb. 9. 6. <sup>3</sup> Luk 16. 15.

im wulio ilo air lale. Im Jeova e ar ba, Kwon jutök im kabite; bwe e in. 13 Inem Samuel e ar bök drun in oil eo, im kabite e i bwiljin ro jein: im Jitöb òn Jeova e ar itok ion Devid ilo kajur jen ran eo im wõnmanlok. Ein drein Samuel e ar jutök im ilok ñõn Rema.

14 Ak <sup>1</sup> Jitöb òn Jeova e ar ilok jen iben Saul, im juõn jitöb e nana jen Jeova e ar kabnõnõ e. 15 Im ro dri korijeran Saul rar ba ñõn e, Lo, kiõ, juõn jitöb e nana jen Anij ej kabnõnõ yuk. 16 Kiõ am iroi en jiroñ ro dri korijeran, rej imam, bwe ren kabukot juõn armij e dri kabel in kajõñjõn arp: inem ñe jitöb eo e nana jen Anij ej iom, e naj kajõñjõn kin pein, im kwo naj mour. 17 Im Saul e ar ba ñõn ro dri korijeran, Komin kabukot juõn eman e kanuij jela kajõñjõn, im ãñintok e ñõn iba. 18 Inem juõn ian likao ro, e ar uak, im ba, Lo, I ar lo juõn eman nejin dri Betleem, ej dri kabel ilo kajõñjõn, im <sup>2</sup>e beran im kajur, im armij e jela tõrinae, im ej dri jelalokjen ilo kono-no, im e wulio; im Jeova ej iben. 19 Kin men in, Saul e ar jilkinlok ro dri jilik ñõn Jesse, im ba, Kwon jil-kintok Devid, leo nejom, eo ej iben jip ko. 20 Im Jesse e ar bök juõn ass emwij ektök bred ion, im juõn botto in wain, im juõn kon in got, im jilkinloki ñõn Saul kin Devid leo nejin. 21 Im Devid e ar itok ñõn iben Saul, im <sup>3</sup>jutök iman: im e ar kanuij yokwe e; im ej dri inek ken tõrinae ko an. 22 Im Saul e ar jilkinlok ñõn Jesse im ba, Ij kajitök ibõm bwe Devid en jutök imaõ; bwe ej kabuñburuõ. 23 Im ke jitöb e nana jen Anij e ar ber ion Saul, Devid e ar bök arp im kajõñjõn kin pein: ein drein Saul e ar ainemõn, im mour wõt, im jitöb e nana e ar ilok jen e.

17 Ak ro dri Pilistia rar kokweloktok jar in tõrinae ko air ñõn tõrinae; im rar kweloktok i Soko, eo an Juda, im rar kajur air kamp ikõtãn Soko im Azika, i Epes-damim. 2 Im Saul kab ro dri Israel rar kwelok-

tok im kajur air kamp ilo komlöl Ila, im rar kalejar nae ro dri Pilistia. 3 Im ro dri Pilistia rar jutök ion tol eo ikajöb, im ro dri Israel rar jutök ion tol eo juõn ikajöb: im juõn komlöl ikõtair. 4 Im e ar itok jen kamp eo an ro dri Pilistia juõn air jur, etan Golaiat, dri Gat, im aitokõn jiljino kubit im juõn jetõñ. 5 Im ion bõran kørep jinibõrõrõ, im e ar kõnõk ken kørape ubõn jen mäl einwõt kilin iik; im eron kobe eo lailim tausan shekel. 6 Im eor ken tõrak jinibõrõrõ ion neen, im mõi jinibõrõrõ ikõtãn aieran. 7 Im buñen mõi elap eo an einwõt alal an dri ej nuknuk; im eron kõnibuñ in mõi eo an jiljino buki shekel mäl: im dri inek likipijñõk eo an ej etal iman. 8 Im e ar jutök im lamij ñõn jar in tõrinae ko in Israel, im ba ñõn ir, Etke kom ar teltiltok im kalejar? ña I jab dri Pilistia, im kom dri korijeran Saul ke? komin kålet juõn eman ñõn kom, im en wõnlõltok ñõn iba. 9 Elañe ej maroñ in iri iba im mõn iõ, inem kim naj dri korijerõmi; a elañe ij bök anjo im mõn e, inem kom naj dri korijerem, im jeralbõn kim. 10 Im dri Pilistia eo e ar ba. <sup>1</sup>Ij kejeiokiok jar in tõrinae ko an Israel ranin; komin letok juõn eman bwe kimin iri iben dron. 11 Im ke Saul im dri Israel otemjej rar roñjake nan ko an dri Pilistia eo, rar leñloñ, im kanuij mijök.

12 Ak Devid <sup>2</sup>leo nejin dri Eprat eo an Betleem-juða, etan Jesse; im dualitök nejin man: im armij eo e lõlap ilo ran ko an Saul, e bwijwõlã iben armij rõn. 13 Im lõmaro jilu re ridto ro nejin Jesse, rar lor Saul ñõn tõrinae eo: im etan lõmaro jilu nejin rar ilok ñõn tõrinae eo, Ilaiaab, manjien, eo i jillokin Abinedab, im eo ken ka jilu Shamma. 14 Im Devid eriktata: im lõmaro jilu re ridto rej lor Saul. 15 Ak Devid e ar itoitök jen Saul bwe en najirik jip ko an jemen i Betleem. 16 Im dri Pilistia eo e kin druaktok jiboñ im jota, im mõke kwalok e iõmin eñoul ran.

17 Im Jesse e ar ba ñõn Devid leo

<sup>1</sup> Jap. 11. 6. <sup>2</sup> Jap. 17. 32. 36. <sup>3</sup> Kon. 22. 29.

<sup>1</sup> eon 26, 36, 46. <sup>2</sup> Jap. 16. 18.



nejin, Kwon bök nōn iben ro jeōm juōn epa korn jinmele, im bred kein joñoul, im bökilok mökōj nōn kamp eo nōn ro jeōm; 18 im böklok jis kein joñoul nōn iben kapen in tausan eo air, im lale ekijkan an ro jeōm ber, im bök ken kamol jen ir. 19 Ak Saul, im irjil, im ro dri Israel otemjej, rar ber ilo komlōl Ila, im tōrinae iben ro dri Pilistia. 20 Im Devid e ar jerkak ke ejiboñ wōt, im likit jip ko iben juōn dri lali, im bōki, im ilok, einwōt Jesse e ar jiroñ e; im e aritok nōn wagon ko, ke jar in tōrinae rar roloke bwe ren ilen tōrinae. 21 Im Israel im ro dri Pilistia rar kalejar nae dron. 22 Im Devid e ar likit men ko ejineki iben dri lale mweuiuk ko, im etōrlōk nōn iben jar in tōrinae eo, im yokyokwe lōmaro jein. 23 Im ke e ar konono ibeir, lo, jur eo e ar wōnlōltok, dri Pilistia jen Gat, etan Golaia, im ba <sup>1</sup>ekar nōn nan ko mokta: im Devid e ar roñjake. 24 Im ro dri Israel otemjej, ke rar lo leo, rar ko jen e, im re kanuij lelñōñ. 25 Im ro dri Israel rar ba, Kwar lo leo ej wōnlōltok ke? emol ej iten kejeiokiok Israel: inem jabrewōt armij eo ej mōn le en, kiñ eo e naj kanuij kamweuiukiuk e, im <sup>2</sup>naj lelok nōn e lio nejnin, im e naj kanemkwoj nukin jemen ilo Israel. 26 Im Devid e ar konono nōn armij ro rar jutōk iturin, im ba, Re naj it nōn armij eo ej mōn dri Pilistia en, im böklok jeiok eo jen Israel? bwe wōn dri Pilistia in e jab mijmij, bwe en kajeiokiok jar in tōrinae ko an Anij e mour? 27 Im armij ro rar uak e einwōt ro jet, im ba, Ein drein naj kōmōn nōn armij eo ej mōn e.

28 Im Ilaia, wutman eo, e ar roñjake ke e ar konono nōn armij rōn; im e bwil illu eo an Ilaia nae Devid, im e ar ba, Etke kwar wōnlōltok? im iben wōn kwar likit jip ko reit ilo ene jemaren? I jela am jua, im an buruōm bōt; bwe kwar wōnlōltok in aluij tōrinae in. 29 Im Devid e ar ba, I ar it kiō? Ejelok unin ke? 30 Im e ar oktōk jen e nōn bar juōn, im

ein drein an konono iben: im armij rar uak e einwōt mokta.

31 Im ke rar roñjake nan ko Devid e ar konono, rar kennanek Saul; im e ar jiliklok im āñintok e. 32 Im Devid e ar ba nōn Saul, En ejelok ebwer ilo buruen jabrewōt armij kin leo; ña korijerōm I naj ilen iri iben dri Pilistia en. 33 Im Saul e ar ba nōn Devid, Kwo jab maroñ in ilok iben dri Pilistia en im iri iben; bwe kwe kwoj inono wōt, im e man in tōrinae jen ke e ar drik. 34 Im Devid e ar ba nōn Saul, Ña korijerōm I ar lale jip ko an jema; im ke juōn laion ak juōn baer e ar itok im jibwe juōn lam jen bwij eo, 35 I ar lukworkwor e, im mōn e, im lomoren e jen loñin; im ke e ar jutōk nae iō, I ar jibwe an kworeak, im jebōke, im mōn e. 36 Ña korijerōm I ar mōn laion eo im baer eo: im dri Pilistia en e jab mijmij, e naj einwōt juōn iairro, kin an kejeiokiok jar in tōrinae ko an Anij e mour. 37 Im Devid e ar ba, <sup>1</sup>Jeova eo e ar lomor iō jen pein laion, im jen pein baer, E naj lomor iō jen pein dri Pilistia en. Im Saul e ar ba nōn Devid, Kwon ilok, im Jeova e naj ber ibōm. 38 Im Saul e ar naballin Devid kin nuknuk eo an, im e ar likit ken kōrep jimbōrōrō ion bōran, im naballin kin ken tōrak in ubōn. 39 Im Devid e ar kañōrñōr jāji eo an ion ballin, im e ar kajeoñ in ilok; bwe e jañin melejoñ e. Im Devid e ar ba nōn Saul, I ban ilok kake men kā; bwe I jañin melejoñ e. Im Devid e ar wutiki. 40 Im e ar bök jokwōn ilo pein, im e ar jemenbo lailim dreka re matōtil jen wea eo, im āti ilo bōjo in sheperd iben, eo nien kijen; im buat eo an ilo pein: im ej druaklok nōn dri Pilistia eo.

41 Im dri Pilistia eo e ar wōnmanlok im kebake Devid; im leo ej inek likipijñōk eo an e ar itok iman tok. 42 Im ke dri Pilistia e ar rei bōjik im lo Devid, ej kejekron e; bwe e likao wōt, im kilubūtbūt, im wulio turin mejen. 43 Im dri Pilistia e ar ba nōn Devid, Ña juōn kiru roror, bwe

<sup>1</sup> eun 8. 10. <sup>2</sup> Josh. 15. 16.

<sup>1</sup> 2 Tim. 4. 17.

kwoj itok nae iō kin alal ko ke? Im dri Pilistia e ar kole Devid kin anij ro an. **44** Im dri Pilistia e ar ba ñon Devid, Kwon itok ñon iba, im I naj lelok kōniekōm ñon bao in mejatoto, im ñon kiru rawia: **45** inem Devid e ar ba ñon dri Pilistia eo, Kwoj itok ñon iba, im eor am jāji, im mōri, im mōri jolok: a ña ij iwij ilo etan Jeova an inelip eo, eo Anij an jar in tōrinae ko an Israel, Eo kwar kejeiokiok E. **46** Ranin Jeova e naj ketōk yuk na ilo peiō; im I naj mōn yuk, im jōbbare yuk; im I naj lelok ubeir, ubōn jar an ro dri Pilistia ñon bao in mejatoto, im ñon kiru rawia an lōl; bwe ro dri lōl otemjej ren jela bwe eor Anij ilo Israel, **47** im bwe armij otemjej rej kwelok ijin ren jela bwe <sup>1</sup>Jeova e jab lomoren kin jāji im mōri: bwe tōrinae eo an Jeova, im E naj letok kom na ilo peim. **48** Im ke dri Pilistia e ar jutōk, im itok bwe en kebaklok Devid, inem Devid e ar kaiur e, im etōrlōk ñon jar in tōrinae bwe en wōnmae dri Pilistia. **49** Im Devid e ar likit pein ilo bōjo eo an, im bōk jen e juōn dreka, im e ar buat dri Pilistia ilo dremōn; im dreka eo e ar ruñlok ilo dremōn, im e ar bero.

**50** Ein drein Devid e ar bōk anjo ion dri Pilistia kin buat im kin dreka im buat dri Pilistia, im mōne; a ejelok jāji ilo pein Devid. **51** Inem Devid e ar etōr, im jutōk ion dri Pilistia eo, im <sup>2</sup>bōk jāji eo an, im nure jen nien, im mōn e, im jōbbare kake. Im ke ro dri Pilistia rar lo bwe e mij jur eo air, rar ko. **52** Im ro dri Israel im dri Juda rar jutōk, im lamij, im lukworkwor ro dri Pilistia, mae ien kwoj tōbar Geai, im ñon kejem ko in Ekron. Im ro re lil ian dri Pilistia rar buñ ilo ial ñon Shearim, aet, ñon Gat, im ñon Ekron. **53** Im ro nejin Israel rar jeblaktok jen air lukworkwor ro dri Pilistia, im rar rakimi kamp eo air. **54** Im Devid e ar bōk bōran dri Pilistia, im bōktok e ñon Jerusalem; a e ar likit ken tōrinae ko an ilo im nuknuk eo an.

<sup>1</sup> Jap. 14. 6    <sup>2</sup> Jap. 21. 9.

**55** Im ke Saul e ar lo an Devid drioielok nae dri Pilistia eo, e ar ba ñon Abner, kapen an jar in tōrinae eo, Abner, nejin wōn likao en? Im Abner e ar ba, Einwōt am e mour, O kiñ, I jaje. **56** Im kiñ eo ej ba, Kwon kajitōk nejin wōn kijōke en. **57** Im ke Devid e ar jeblak jen an mōn dri Pilistia eo, Abner e ar bōk e, im āninlok e iman Saul, im bōran dri Pilistia eo ilo pein. **58** Im Saul e ar ba ñon e, Likao en, nejin wōn kwe? Im Devid e ar uak, Na nejin korijerōm eo Jesse dri Betleem.

**18** Im ke e ar kamwijlok an konono ñon Saul, e tiltil an Jonetan iben Devid, inem Jonetan e ar yokwe e einwōt an. **2** Im Saul e ar drebij e ran eo, im e jab likit bwe en bar ilok ñon imōn jemen. **3** Inem <sup>1</sup>Jonetan im Devid rar jeraik dron, kin ke ej yokwe e einwōt an. **4** Im Jonetan e ar wutik jen e liboror eo an, im lelok ñon Devid, im kobe eo an, im bareinwōt an jāji, im libon im kōñōr. **5** Im Devid e ar drioielok ijoko jabrewōt Saul e ar jilkinlok e, im e ar ber im kōmōn ilo meletlet: im Saul e ar koutiej e ion dri tōrinae ro, im men in emōn iman mejen armij otemjej, im bareinwōt mejen ro dri korijeran Saul.

**6** Im ilo air itok, ke Devid e ar jeblaktok jen an mōn dri Pilistia eo, kōra ro rar drioieltok jen jikin kwelok otemjej an Israel, im rej al im eep, bwe ren wōnmae kiñ Saul, im ibeir timbrel ko, ilo mōñōnō, im ken kajōñjōñ ko ibeir. **7** Im kōra ro rar al ñon dron ilo air kajōñjōñ im ba, Saul e ar mōn an tausan ko, im Devid an joñoul tausan ko. **8** Im Saul e ar kanuij illu, im nan in e ar kaillu e; im e ar ba, Rar lelok ñon Devid joñoul tausan ko, im rar letok ñon iō tausan ko wōt: im <sup>2</sup>ta eo e maroñ in bar bōk, elañe jab ailiñ in aō? **9** Im Saul e ar kejar Devid jen ran eo im wōnmanlok.

**10** Im ran eo ilju, juōn jitōbe nana jen Anij e ar itok ion Saul kin kajur, im e ar drikanij illoan mweo imōn: im

<sup>1</sup> Jap. 20. 8-17.    <sup>2</sup> Jap. 15. 25.

Devid e ar kajõñjõñ kin pein, einwõt an kõmõn ran otemjej. Im mõri eo an Saul ilo pein; 11 im Saul e ar jolok mõri eo; bwe e ar ba, I naj wãkari Devid ñõn turin im. Im Devid e ar okõk jen iman mejen ruo alen. 12 Im Saul e ar mijõk Devid, kin ke Jeova ej ber iben, im E ar ilok jen Saul. 13 Kin men in, Saul e ar kadrioijlok e jen iben, im likite kapen ion juõn tausã; im e ar drioij dreloñ iman armij ro. 14 Im Devid e ar etal im meletlet ilo ial ko an otemjej; im Jeova e ar iben. 15 Im ke Saul e ar lo an etal im meletlet ilo ial ko an otemjej, e ar mijõk e. 16 A dri Israel im dri Juda otemjej rar yokwe Devid; bwe e ar drioij dreloñ imair.

17 Im Saul e ar ba ñõn Devid, <sup>1</sup>Lo, manjiõ kõra, Mirab, I naj lewoj beleõm: men in wõt, kwon beran kin ña, im iri ilo tõrinae ko an Jeova. Bwe Saul ej ba, Peiõ en jab ber ion, e pein ro dri Pilistia ren ion. 18 Im Devid e ar ba ñõn Saul, Wõn ña, im ta aõ mour, ak nukin jema ilo Israel, bwe in nejin kiñ eo? 19 A ilo ien eo ke re naj kar lelok Mirab, ilo nejin Saul, ñõn Devid, rar lelok e ñõn Edriel, dri Miholat, bwe en belen. 20 Im Maikal, lio nejin Saul, e ar yokwe Devid: im rar kennanek Saul, im men in e ar kabuñburuen. 21 Im Saul ej ba, I naj lelok lio ñõn e, bwe en juõn jen ñõn e, im bwe pein ro dri Pilistia ren nae e. Kin men in, Saul e ar ba ñõn Devid, Ranin kwo naj nejiõ alen ken ka ruo.

22 Im Saul e ar jiroñ ro dri korijeran, im ba, Komin komao iben Devid ilo etino, im ba, Lo, e buñburuen kiñ eo kin kwe, im ro dri korijeran otemjej rej yokwe yuk: inem kwon nejin kiñ. 23 Im ro dri korijeran Saul rar konono nan kein i lojiliñin Devid. Im Devid e ar ba, E juõn men erik ibemi bwe in nejin kiñ eo ke, bwe ña armij jeramel, im edrõk? 24 Im ro dri korijeran Saul rar kennanek e, im ba, Ein drein an Devid ba. 25 Im Saul e ar ba, Ein drein ami naj ba ñõn Devid,

Kiñ eo e jab kõnan jabrewõt kitri, a jibuki kilin man an ro dri Pilistia, bwe en kwi kin ro dri kijirãte kiñ eo. A Saul e ar kõnan kõmõn bwe Devid en buñ kin pein ro dri Pilistia. 26 Im ke ro dri korijeran rar kennanek Devid nan kein, e kanuij buñburuen Devid bwe en nejin kiñ eo. Im e jañin mat ran ko: 27 im Devid e ar jutõk im ilok, e im ro iben, im mõn ian ro dri Pilistia rubuki armij; im Devid e ar bõktok kilin mair, im rar likok ñõn kiñ eo, oran euñ, bwe en nejin kiñ eo. Inem Saul e ar lelok Maikal lio nejin bwe en belen. 28 Im Saul e ar lo im kili bwe Jeova ej iben Devid; im Maikal, lio nejin Saul, e ar yokwe e. 29 Im Saul e laplok an mijõk Devid; im Saul ej dri kijirãte Devid ien otemjej.

30 Ien eo, iroi j ro an ro dri Pilistia rar drioijlok: im jabrewõt ien ke rar drioijlok, Devid e ar etal ilo meletlet emõnlok jen ro dri korijeran Saul otemjej; ein drein etan e buñbuñ wõt.

**19** Im Saul e ar kwonkwon ñõn Jonetan nejin, im ñõn dri korijeran otemjej, <sup>1</sup>bwe ren mõn Devid. A Jonetan, leo nejin Saul, e ar kanuij yokwe Devid. 2 Im Jonetan e ar kaiñ Devid, im ba, Saul, jema, ej bukot bwe en mõn yuk: kin men in, ij akwelap, kwon lale mõk ñe ejiboñ, im berwõt ilo jikin etino, im tilekek: 3 im I naj drioijlok im jutõk iturin jema i melaj, ijo kwoj ber ie, im I naj komao iben jema kin kwe; im elañe ij lo jabrewõt, I naj kennanek yuk. 4 Im Jonetan e ar konono emõn kin Devid, ñõn Saul jemen, im e ar ba ñõn e, Kiñ eo en jab jerawiwi nae korijerõm, nae Devid; bwe e jañin jerawiwi nae yuk, im bwe jermal ko an rar kanuij emõn ñõn kwe: 5 bwe e ar likit an mour ilo pein, im mõn leo dri Pilistia, im Jeova e ar kõmõn anjo elap ñõn dri Israel otemjej: kwar lo e, im mõnõnõ kake; inem etke kwo kõnan jerawiwi nae bõtõktõk ejelok ruõn, bwe kwon mõn Devid ke ejelok ruõn? 6 Im Saul e ar eoroñ ainiken

<sup>1</sup> Jap. 17. 26.<sup>1</sup> Jap. 18. 8. 9.

Jonetan: im Saul e ar kanōjnij, Einwöt Jeova e mour, re jamin mōn e. 7 Im Jonetan e ar kirtok Devid, im Jonetan e ar kwalok nōn e men kein otemjej. Im Jonetan e ar ānintok Devid nōn iben Saul, im ej ber iman mejen einwöt mokta.

8 Im rar bar tōrinae: im Devid e ar driojlok, im tōrinaek ro dri Pilistia, im mōn elōñ iair; im rar ko jen iman. 9 Im juōn jītōb e nana jen Jeova e ar ber ion Saul, ke e ar jījōt iloan mweo imōn, im mōri eo an ilo pein; im Devid ej kajōñjōñ kin pein. 10 Im Saul e ar kajeōñ in wākari Devid nōn turin mweo kin mōri eo; a e ar okōk mōkōj jen iman Saul, im e lil turin mweo im bin: im Devid e ar ko, im jor jen e boñ eo. 11 Im Saul e ar jilkinlok ro dri jilik nōn mweo imōn Devid, bwe ren kebao ie, im mōn e ñe eji-boñ; im Maikal, li belen Devid, e ar kennanek e, im ba, Elañe kwo jab lomore am mour boñin in, ilju re naj mōn yuk. 12 Ein drein Maikal e ar drorlōlok Devid ilo windo: im e ar ilok, im ko, im jor. 13 Im Maikal e ar bōk ekjōp eo im likite ion aowej eo, im likit biten kolan got i bōran, im kaibubu e kin koj ko an aowej eo. 14 Im ke Saul e ar jilkinlok ro dri jilik bwe ren jibwe Devid, li e ar ba nōn ir, E nañinmij. 15 Im Saul e jilkinlok ro dri jilik bwe ren lo Devid, im ej ba, Komin bōkliñtok e ilo aowej eo, bwe in mōn e. 16 Im ke ro dri jilik rar dreloñlok, lo, ekjōp eo e ar ber ion aowej eo, im biten kolan got i bōran. 17 Im Saul e ar ba nōn Maikal, Etke ein drein am mon iō, im likit dri kijirāte iō bwe en ilok, inem e ar ko? Im Maikal e ar uak nōn Saul, E ar ba nōn iō, Kwon kōtlok iō bwe in ilok; etke in mōn yuk?

18 Ak Devid e ar ilok im ko, im itok nōn iben Samuel i Rema, im kennanek e men otemjej Saul e ar kōmōn nōn e. Im irro Samuel rar ilok im jokwe i Neiōt. 19 Im rar kennanek Saul, im ba, Lo, Devid ej i Neiōt i Rema. 20 Im Saul e ar jilkinlok ro dri jilik bwe ren jibwe Devid: im ke rar lo jar an ro dri kanan drikaniij,

im Samuel ej jutōk einwöt iroi joi, Jitōb òn Anij e ar itok ion ro dri jilik an Saul, im rar bareinwöt drikaniij. 21 Im ke rar kennanek Saul men in, e ar jilkinlok bar jet dri jilik, im rar bareinwöt drikaniij. Im Saul e ar jilkinlok ro dri jilik alen ken ka jilu, im rar bareinwöt drikaniij. 22 Inem e ar bareinwöt ilok nōn Rema, im itok nōn aibij elap i Siku: im e ar kajitōk im ba, Ewi Samuel im Devid? Im juōn e ar ba, Lo, rejro ber i Neiōt i Rema. 23 Inem e ar bareinwöt ilok nōn Neiōt i Rema: im Jitōb òn Anij e ar bareinwöt itok ion, im e ar etallok, im drikaniij, mae ien an itok nōn Neiōt i Rema. 24 Im e ar bareinwöt wutik an nuknuk, im bareinwöt e ar drikaniij iman Samuel, im babu aolepen ran eo im aolepen boñin eo. Kin men in rej ba, <sup>1</sup> Saul ej bareinwöt iben ro dri kanan ke?

20 Im Devid e ar ko jen Neiōt i Rema, im itok im ba iman Jonetan, I ar it? ta aō bwir? im jerawiwi òt I ar kōmōn iman mejen jemōm bwe ej bukot aō mour? 2 Im e ar ba nōn e, En jab eñin; kwo jamin mij: lo, jema e jab kōmōn men eo elap ak erik, elañe e jab kwalok e nōn iō; im etke jema en noj men in jen iō? e jab einwöt. 3 Im Devid bareinwöt e ar kanōjnij, im ba, Jemōm e jela wöt bwe ña I ar lo joij iman mejōm; im ej ba, Jonetan en jab jela men in ñe ab buromōj kake: a emol, einwöt Jeova ej mour, im einwöt am ej mour, juōn wöt buñten neiō ikōtaō im mij. 4 Inem Jonetan e ar ba nōn Devid, Jabrewöt eo am ej kōnan, I naj kōmōn nōn kwe. 5 Im Devid e ar ba nōn Jonetan, Lo, ilju aliñ ekāl, im emōn bwe ña in jījōt iben kiñ eo im mōña: a kwon kōtlok iō bwe in tilekek ilo jikin kallip mae jotan ran eo ken ka jilu. 6 Elañe jemōm ej lo bwe I joko, inem kwon ba, Devid e ar akwelap iba bwe en etōr nōn Betleem, jikin kwelok eo an; bwe e jejit air katok ilo yiō ko otemjej kin aolepen nukin. 7 Elañe ein drein an ba, Elmōn; ña korijerōm e naj ainemōn:

<sup>1</sup> Jap. 10. 10-12.

a elañe e naj illu, inem kwon jela bwe e nana an bebe. 8 Kin men in, kwon kōmōn joiy nōn nā korijerōm; bwe kwar āñintok iō korijerōm ilo bujen Jeova ibōm: a <sup>1</sup>elañe eor nana iba, kweo kwon mōn iō; bwe etke kwon āñinlok iō nōn iben jemōm? 9 Im Jonetan e ar ba, Men in en etolok jen nā; bwe elañe jirik wōt aō jela bwe e nana an jema bebe kin kwe, in jab jiroñ yuk ke? 10 Inem Devid e ar ba nōn Jonetan, Wōn e naj kennanek iō elañe jemōm ej uak yuk ilo wāwen erro? 11 Im Jonetan e ar ba nōn Devid, Kwon itok im jenro drioijlok ilo jikin kallip. Im irro rar drioijlok ilo jikin kallip eo.

12 Im Jonetan e ar ba nōn Devid, Jeova, Anij in Israel en dri kennan: nē emwij aō kajitōk iben jema e nañin ien in ilju, ak jeklaj, elañe eor emōn nōn Devid, in jab jilkinwoj im kwalok e nōn yuk ke? 13 En ein drein an Jeova kōmōn nōn Jonetan, im kalaplok, nē jema e kōnan kōmōn nana nōn yuk, elañe I jab kwalok e nōn kwe, im jilkinlok yuk bwe kwon ilok ilo ainemōn; im <sup>2</sup>Jeova en ber ibōm, einwōt E kar iben jema. 14 Im jab ilo aō mour wōt kwon kwalok nōn iō joiy an Jeova, bwe in jab mij; 15 a bareinwōt kwon jab kajemlok am joiy nōn ro nukio nōn in drio; jab, nē emwij an Jeova bukweelok ro dri kijirāte Devid, jabrewōt iair jen mejen lōl. 16 Ein drein Jonetan e ar kōmōn bujen iben Devid, kab ro nukin, im ba, Im Jeova e naj kajitōkine jen pein ro dri kijirāte Devid.

17 Im Jonetan e ar kōmōn bwe Devid en bar kanōjniy, kin an yokwe; bwe <sup>3</sup>e ar yokwe e einwōt an. 18 Inem Jonetan e ar ba nōn e, Ilju aliñ ekāl, im re naj lo bwe kwo joko, bwe kwo jamin ber ilo jikin jijōt eo am. 19 Im nē emwij am ber iomin jilu ran, kwon mōkōj lōllok, im ilok nōn jikin eo kwar tilekek ie ke jar bebe kin men in, im kwon ber iturin dreka Izel. 20 Im I naj libon kin jilu mōri iturōm, einwōt elañe ij libon laruke.

21 Im lo, I naj jilkinlok ladrik eo, im ba, Kwon ilen bukottok mōri ko. Elañe ij ba nōn ladrik eo, Lo, mōri ko rebaktok jen yuk; kwe kwon bōki im itok; bwe eor ainemōn nōn yuk im ejelok jorran, einwōt Jeova ej mour. 22 A elañe ein drein aō ba nōn ladrik eo, Lo, mōri ko rej etolok jen yuk; kwon ilok; bwe Jeova e ar jilkinlok yuk. 23 Im kin men eo jar konono kake, lo, <sup>1</sup>Jeova ej ikōtarro nōn in drio.

24 Ein drein Devid e ar tilekek ilo jikin kallip: im ke ailiñ ekāl, kiñ eo e ar jijōt bwe en mōña. 25 Im kiñ eo e jijōt ilo jikin jijōt eo an, einwōt ilo ien ko jet, eokwe, ilo jikin jijōt iturin im; im Jonetan e ar jutōk, im Abner e ar jijōt iturin Saul: a jikin Devid ejelok kobōn. 26 Ijoke, Saul e ar jab konono kin jabrewōt ran eo; bwe e ar lemnok, Jabrewōt men e ar walok nōn e, e jab erreo; emol e jab erreo. 27 Im ran eo elikin aliñ ekāl, ran eo ken ka ruo, ejelok kobōn jikin Devid: im Saul e ar ba nōn Jonetan leo nejin, Etke leo nejin Jesse e jab iten mōña, inne ak ranin? 28 Im Jonetan e ar uak Saul, Devid e ar akwelap iba bwe en ilok nōn Betleem; 29 im e ar ba, In ilok, ij akwelap nōn yuk; bwe ro nukio rej katok ilo jikin kwelok eo; im jeiō e ar jiroñ iō bwe in ber ijo: im kiō, elañe I ar lo joiy iman mejōm, kwon kōtllok iō, ij akwelap nōn yuk, bwe in lo ro jeiō. Kin men in e jab itok nōn tebel an kiñ eo.

30 Inem e bwil illu an Saul nae Jonetan, im e ar ba nōn e, Kwe nejin kōra e bōt im ankeke, I jab jela bwe kwar kālet leo nejin Jesse nōn am jokkake im nōn jok an kelwan jinōm ke? 31 Bwe toōn an nejin Jesse mour ion lōl, kwo jamin bin ak ailiñ eo am. Kin men in, kwon jilkinlok im āñintok e nōn iba, bwe emol en mij. 32 Im Jonetan e ar uak Saul jemen, im ba nōn e, Etke ren mōn e? e ar it? 33 Im Saul e ar jolok mōri eo an bwe en mōn e; kin men in, Jonetan e ar jela bwe bebe an jemen bwe en mōn Devid. 34 Ein drein Jonetan e ar

<sup>1</sup> 2 Sam. 14. 20. <sup>2</sup> Jap. 18. 12. <sup>3</sup> Jap. 18. 1.

<sup>1</sup> Jen. 31. 49, 65.

jerkak jen tebel eo ilo illu elap, im e ar jab mōña jabrewōt kijen ran eo ken ra ruo ilo aliñ; bwe e buromōj kin Devid, kin ke jemen e ar kajok e.

35 Im ke ejiboñ, Jonetan e ar dri-oijlok ilo jikin kallip, ien eo e ar bebe iben Devid, im juōn ladrik erik iben. 36 Im e ar ba ñōn ladrik eo, Kwon etōr, bukot kiō mōri ko ij libon kaki. Im ke ladrik eo ej etōr, e ar libon juōn mōri etolok jen e. 37 Im ke ladrik eo e ar tōbar kajen mōri eo Jonetan e ar libon kake, Jonetan e ar kir ñōn ladrik eo, im ba, Mōri ne e jab etolok jen yuk ke? 38 Im Jonetan e ar lamij ñōn ladrik eo, Kwon kijorur, jab rumij, kaiur yuk. Im ladrik an Jonetan e ar aini mōri ko im itok ñōn iben karo eo an. 39 A ladrik eo e jab jela jabrewōt: Jonetan im Devid irro wōt re jela men eo. 40 Im Jonetan e ar lelok ken tōrinae ko an ñōn ladrik eo, im ba ñōn e, Kwon bōkilok ñōn jikin kwelok en. 41 Im ke e motlok ladrik eo, Devid e ar jerkak jen juōn jikin irōk, im buñbero, im barikrik jilu alen: im irro mejenmaik dron, im jōñ ion dron, mae ien Devid e banlok jōñ. 42 Im Jonetan e ar ba ñōn Devid, Kwon ilok ilo aine-mōn, bwe kijro jar kanōjnij ilo etan Jeova, im ba, Jeova e naj ikōtarro, im ikōtan ineerro in drio. Im e ar jerkak im ilok: im Jonetan e ar dreloñlok ilo jikin kwelok eo.

21 Inem Devid e ar ilok ñōn Nob ñōn <sup>1</sup>Ahimelek, pris eo: im Ahimelek e ar item wōnmae Devid, im ej wuririr, im ba ñōn e, Etke kwoj mōke wōt iam, im ejelok armij ibōm? 2 Im Devid e ar ba ñōn Ahimelek pris eo, Kiñ eo e ar jiroñ iō kin juōn jermal, im e ar ba ñōn iō, Kwon jab kwalok ñōn jabrewōt armij jermal eo ij jilkinlok yuk kake, ak men eo I ar jiroñ yuk: im I ar jilkinlok likao ro ñōn juōn jikin. 3 Kin men in, ta iomin peōm? kwon letok lailim ion bred ilo peiō, ak jabrewōt eo e alikar. 4 Im pris eo e ar uak Devid, im ba, Ejelok bred wan iomin peiō, a eor bred e kwojarjar; elañe likao ro rar

mōke kejbārok ir jen kōra rōn. 5 Im Devid e ar uak pris eo im ba ñōn e, Emol kin ar jab kebak kōra iomin ran kein jilu: ke I ar drioijtok, jābi ko an likao ro re kwojarjar, meñe juōn etetal bōjik; etke e jab laplok ranin an kwojarjar jābi ko air? 6 Ein drein pris eo e ar lelok ñōn e bred e kwojarjar; bwe ejelok bred ijo, a bred in kalikar wōt, emwij bōke jen iman Jeova bwe ren binej jenkwōn kin bred e mñān ran eo ke emwij bōkilok.

7 Ak juōn eman ian ro dri korijeran Saul e ar ber ijo ran eo, drebije iman Jeova; im etan Doeg dri Idom, leo e utiejlok ian dri lale kiru ko an Saul. 8 Im Devid e ar ba ñōn Ahimelek, Eor ke jāji ak mōri ijin iomin peōm? bwe I ar jab bōktok iba jāji eo aō, ak jabrewōt aō ken tōrinae, bwe jermal an kiñ eiriñ. 9 Im pris eo ej ba, <sup>1</sup>Jāji eo an Golaiat, dri Pilstia, eo kwar mōne i komlōl Ila, lo, ej ijin, emwij kitimi kin nuknuk elikin epod eo: elañe kwo kōnan, kwon bōke; bwe ejelok bar juōn, ak eo wōt ijin. Im Devid e ar ba, Ejelok bar juōn einwōt; kwon letok.

10 Im Devid e ar jutōk, im ko ran eo kin an mijōk Saul, im e ar ilok ñōn iben Ekish, kiñ in Gat. 11 Im ro dri korijeran Ekish rar ba ñōn e, E in e jab Devid kiñ an eneo ke? rar jab al ñōn dron kin e ilo air eep, im ba, Saul e ar mōn tausan ko an, im Devid joñoul tausan ko an ke? 12 Im Devid e ar likit nan kein ilo buruen, im e ar kanuij mijōk Ekish kiñ in Gat. 13 Im e ar ukot an kōmōn imair, im kajelamon in uriekak ilo peir, im jeje bōjik ilo aur ko, im e torlōllok iādrateltel ilo kworeak ko an. 14 Inem Ekish e ar ba ñōn ro dri korijeran, Lo, komij kili bwe e uriekak armij in; kin men in, etke kom ar āñintok e ñōn iba? 15 Ij aik-wij dri uriekak ke, bwe komin āñintok armij in bwe en kure einwōt dri uriekak iman meja? kijōke in en dreloñ iloan mweo imō ke?

22 Kin men in Devid e ar ilok jen ijo, im e ko ñōn roñ eo Adulam:

<sup>1</sup> Mark 2. 26.

<sup>1</sup> Jap. 17. 54.

im ke ro jein kab ro nukin otemjej rar roñjake, rar wõnlõllok ñõn iben ijo. 2 Im jabrewõt eo e jorran, im jabrewõt eo e muri, im jabrewõt eo e jab jokõne, rar kweloklok ñõn iben; im e ar kapen ioir: im ro rar ber iben e 'nañin åbuki man ro.

3 Im Devid e ar ilok jen ijo ñõn Mizpa in Moab: im e ar ba ñõn kiñ in Moab, Ij akwelap bwe jema im jinõ ren droijtok, im ber ibõm, mae ien I naj jela ta eo Anij e naj kõmõn ñõn iõ. 4 Im e ar añinlok irro ñõn iman kiñ in Moab: im rar jokwe iben, aolepen ien David e ar ber ilo me eo. 5 Im dri kanan Gad e ar ba ñõn Devid, Kwon jab jokwe ilo me ne; kwon ilok, im etal ñõn enen Juda. Inem Devid e ar ilok, im dreloñlok ilo bukwoñ wijki in Hiret.

6 Im Saul e ar roñ bwe rej lo Devid, im armij ro iben: ak Saul e ar jijõt i Gibia, iomin wijki tamerisk eo i Rema, im mõri eo an ilo pein, im ro dri korijeran otemjej rar jutõk iturin.

7 Im Saul ej ba ñõn ro dri korijeran rej jutõk iturin, Komin roñjake, komeo dri Benjamin; leo nejin Jesse e naj lelok ñõn jabrewõt iami jikin kallip ko im bwil in grep ko, e naj kõmõn kom otemjej kapen in tausand ko im kapen in buki ko, 8 bwe kom otemjej ar kabata nae iõ, im ejelok juõn ej kwalok ñõn iõ ke nejiõ ej kõmõn bujen iben leo nejin Jesse, im ejelok juõn iami ej tiriamokake iõ, ak kennanek iõ kin an nejiõ biuktõk leo korijera nae iõ, im kejar iõ, einwõt ranin ke? 9 Inem Doeg dri Idom e ar uak, eo e ar jutõk iturin ro dri korijeran Saul, im ba, I ar lo an itok leo nejin Jesse ñõn Nob, ñõn iben Ahimelek nejin Ehaitub. 10 Im e ar kajitõk iben Jeova kin e, im lelok ñõn e mõña, im lelok ñõn e jãji an Golaiat dri Pilistia.

11 Inem kiñ eo e ar jiliklok im kirtok Ahimelek pris eo, nejin Ehaitub, im ro nukin jemen otemjej, pris ro rar ber i Nob: im ir otemjej rar itok ñõn iben kiñ eo. 12 Im Saul e ar ba, Kwon roñjake kiõ, kwe nejin

Ehaitub. Im e ar uak, Ña ijin, aõ iroi. 13 Im Saul e ar ba ñõn e, Etke kom ar kabata nae iõ, komro nejin Jesse, im kwar lelok ñõn e bred, im juõn jãji, im kwar kajitõk iben Anij kin e, bwe en jutõk nae iõ im kebao iõ, einwõt ranin? 14 Inem Ahimelek e ar uak kiñ eo, im ba, Im wõn ian ro dri korijerõm otemjej ej tiljek einwõt Devid nejin kiñ eo, im kwoj bõk bebe iben, im e utiej ilo mweo imõm? 15 Ña I ar jino aõ kajitõk iben Anij ranin kin e ke? men in en etolok jen ña: kiñ en jab kinaklok ña korijerõn kin jabrewõt, ak aolepen mweo imõn jema; bwe ña korijerõm I ar jab jela jabrewõt ian men kein, elap ak erik. 16 Im kiñ e ar ba, Emol kwo naj mij, kwe Ahimelek im ro otemjej nukin jemõm. 17 Im kiñ e ar ba ñõn dri tõrinae ro rej jutõk iturin, Komin oktõk im mõn pris ro an Jeova; kin ke peir bareinwõt iben Devid, im kin ke rar jela kin an ko, im rar jab kennanek iõ. A ro dri korijeran kiñ re jab kõnan erlokwe peir im mõn pris ro an Jeova. 18 Im kiñ eo e ar ba ñõn Doeg, Kwe kwon oktõk im mõn pris ro. Im Doeg e ar oktõk im mõn pris ro, im e ar mõn ilo ran eo drualitõkñoul lailim armij ro rej kõnõk epod linen. 19 Im e ar torlok bok i Nob, jikin kwelok an pris ro, kin mejen jãji, man im kõra, ajiri im niñniñ ro, ox ko, im ass ko, im jip ko, kin mejen jãji.

20 Im juõn ian ro nejin Ahimelek, nejin Ehaitub, etan Ebaiatar, e ar dreor, im e ar ko ñõn iben Devid. 21 Im Ebaiatar e ar kennanek Devid kin an Saul mõn pris ro an Jeova. 22 Im Devid e ar ba ñõn Ebaiatar, I ar kanuij jela ran eo, ke Doeg dri Idom e ar ber ijo, bwe e naj kennanek Saul: I ar kõmõn bwe armij otemjej ian nukin jemõm ren mij. 23 Kwon ber iba, kwon jab mijõk; bwe eo ej bukot aõ mour, ej bareinwõt bukot am mour: bwe iba kwo jamin uota.

**23** Im Rar kennanek Devid, im ba, Lo, ro dri Pilistia rej tõrinaek Keila, im rej rakim jikin dreñdreñ ko. 2 Kin men in Devid e ar kajitõk iben Jeova, im ba, In ilen

môn dri Pilistia rein ke? Im Jeova e ar ba n̄on Devid, Kwon ilem môn ro dri Pilistia, im lomoren Keila. 3 Im ro dron Devid rar ba n̄on e, Lo, jej mijök ijin i Juda: etke e jab laplok elañe jej ilok n̄on Keila, nae jar in t̄orinae ko an dri Pilistia? 4 Inem Devid e ar bar kajitök iben Jeova. Im Jeova e ar uak e im ba, Kwon jutök im wönlöllok n̄on Keila; bwe <sup>1</sup> I naj ketök ro dri Pilistia na ilo peöm. 5 Im Devid kab ro dron rar ilok n̄on Keila, im t̄orinaek ro dri Pilistia, im ãñintok kiru ko air, im môn ir ilo im elap. Ein drein Devid e ar lomoren ro dri Keila. 6 A ke Ebaatar, nejin Ahimelek, e ar ko n̄on iben Devid n̄on Keila, e ar wönlöllok, im juõn epod ilo pein.

7 Im rar kennanek Saul bwe Devid e ar itok n̄on Keila. Im Saul e ar ba, Anij e ar ketöke na ilo peiõ; bwe emwij kil e kin an dreloñ iloan juõn jikin kwelok eor an aur im alal. 8 Im Saul e ar kirtok armij otemjej n̄on t̄orinae, bwe en wönlöllok n̄on Keila, im nitbwili Devid im ro dron. 9 Im Devid e jela bwe Saul ej bebe kin kokkure, inem e ar ba n̄on Ebaatar pris, kwon böktok epod eo. 10 Inem Devid e ar ba, O Jeova Anij in Israel, Emol ña korijeröm I ar roñ kin an Saul lemnok in wönlöltok n̄on Keila, im kokkure jikin kwelok in kin ña. 11 Ro dri Keila re naj ketök iõ na ilo pein ke? Saul e naj wönlöltok einwöt ña korijeröm I ar roñjake ke? O Jeova, Anij in Israel, ij akwelap n̄on Yuk, Kwon kennanek iõ korijeröm. Im Jeova e ar ba, E naj wönlöltok. 12 Inem Devid e ar ba, Ro dri Keila re naj ketök iõ, im ro droõ na ile pein Saul ke? Im Jeova e ar ba, Re naj ketök yuk. 13 Inem Devid im ro dron, e nañin jiljino buki, rar jutök im drioiñlok jen Keila, im ilok ijo jabrewöt e alikar. Im rar kennanek Saul bwe e ko Devid jen Keila; inem e ar jab drioiñlok. 14 Im Devid e ar jokwe i ene jemaren ilo jikin ko re kab, im berwöt ilo ene ko re utiej i ene jemaren in Zip. Im

<sup>1</sup> Josh. 8. 7.

Saul e ar kabukot e ran otemjej, a Anij e ar jab ketök e na ilo pein.

15 Im Devid e ar lo bwe Saul ej iten môn e: im Devid e ar ber ilo ene jemaren Zip, ilo bukwön wijki ko. 16 Im Jonetan, leo nejin Saul, e ar jutök, im ilok n̄on iben Devid ilo bukwön wijki ko, im e ar kakajur pein kin Anij. 17 Im e ar ba n̄on e, Kwon jab mijök; bwe pein Saul jema e jamin lo yuk; im kwo naj kiñ ion Israel, im ña I naj ijillokõm; im men in jema Saul ej bareinwöt jela. 18 Im irro rar kõmõn bujen iman Jeova; im Devid e ar jokwe ilo bukwön wijki, im Jonetan e ar ilok n̄on mwew imõn.

19 Inem <sup>1</sup> ro dri Zip, rar wönlñlok n̄on iben Saul i Gibia, im ba, Devid e jab tilekek ibem ilo jikin ko re kab ilo bukwön wijki, i tol Hakila, irök jen ene jemaren ke? 20 Kin men in, O kiñ, kwon wönlöltok, ekar n̄on aolepen am kõnan wönlöltok; im e naj kwonam ketök e na ilo pein kiñ eo. 21 Im Saul ej ba, Komeo, kom mõnõnõ jen Jeova; bwe <sup>2</sup> kom ar tiriamo kake iõ. 22 Komin ilok, ij akwelap n̄on kom, in kanuij kallet ami jela, im lo ijo ej tilekek, im wõn e ar loe ijo; bwe rej kennanek iõ bwe e kanuij jela toõn. 23 Inem komin lo, im kanuij jela kajen jikin tilekek ko otemjej an, im komin bar itok n̄on iba ñe kom kanuij jela, inem I naj ilok ibemilok: im elañe ej ber ilo eneo, I naj kabukot e i bwiljin tausar ko otemjej an Juda.

24 Im rar jutök im ilok n̄on Zip mokta jen Saul: a Devid im ro dron rar ber I ene jemaren in Meon, ilo Araba, irökin ene jemaren. 25 Im Saul kab ro dron rar ilen kabukot e. Im rar kennanek Devid: kin men in, e ar wönlöltok n̄on dreka eo, im jokwe ilo ene jemaren in Meon. Im ke Saul e ar roñjake men in, e ar lukworkwore Devid i ene jemaren in Meon. 26 Im Saul e ar ilok i tol jabeo jimõtõn, im Devid kab ro dron i tol jabeo jimõtõn: im Devid e ar kaiur e im ko kin an mijök Saul; bwe

<sup>1</sup> Jap. 26. 1. <sup>2</sup> Jap. 22. 5.



Saul im ro dron rar kabol Devid im ro iben bwe ren jibwe ir. 27 A e ar itok juõn dri jilik ñõn iben Saul, im e ba, Kwon jarõptok; bwe ro dri Pilistia rar iuntok eneo. 28 Ein drein Saul e ar jeblaktok jen an lukworkwore Devid, im e ar ilok nae ro dri Pilistia; kin men in rar naetan jikin eo Sila-hamalekot. 29 Im Devid e ar wõnliñlok jen ijo im jokwe ilo jikin ko re kab in Engedai.

**24** Im ke Saul e ar jeblaktok jen an lukworkwori ro dri Pilistia, <sup>1</sup> rar kennanek e, im ba, Lo, Devid ej ilo ene jemaren an Engedai. 2 Inem Saul e ar ãñinlok jilu tausand armij, ro emwij kålet in jen aolepen Israel, im e ar ilen kabukot Devid im ro dron ilo dreka ko an got rawia. 3 Im e ar itok ñõn worwor ko in jip, ijo juõn roñ in dreka: im Saul e ar dreloñlok in kalibubu neen. Ak Devid im ro dron rar jokwe iloan mõtõn roñ eo etolok tata. 4 Im ro dron Devid rar ba ñõn e, Kwon lale ranin ran eo Jeova e ar konono kake ibõm, im ba, Lo, I naj ketoke dri kijiråte yuk na ilo peõm, im kwo naj kõmõn ñõn e einwõt emõn ibõm. Inem Devid e ar jerkak im bukwe lukko in liboror eo an Saul ilo etino. 5 Im tokelik e ñij buruen Devid kin an bukwe lok lukko in liboror an Saul. 6 Im e ar ba ñõn ro dron, <sup>2</sup> Jeova en bõprae aõ kõmõn men in nae aõ iroj, eo Jeova e ar kabite, bwe in kõtellok peiõ nae e, bwe Jeova e ar kabite. 7 Ein drein Devid e ar bõprae ro dron kin nan kein, im jab kõtlok bwe ren jutõk nae Saul. Im Saul e ar driojlok jen loan roñ eo, im etal.

8 Devid bareinwõt e ar jutõk tokelik, im driojlok jen roñ eo, im e ar lamij ñõn Saul im ba, Kwe aõ iroj, kiñ. Im ke Saul e ar reiliklok, Devid e ar buñbero, im yokyokwe e. 9 Im Devid e ar ba ñõn Saul, Etke kwoj eorofi nan ko an armij, rej ba, Lo, Devid ej kabukot bwe en kokkure yuk? 10 Lo, ranin mejõm rar lo ekijkan Jeova e ar ketõke yuk na ilo peiõ na ilo roñ eo: im jet rar ba in mõn yuk,

a I ar likit yuk; im I ar ba I jamin erlokwe peiõ nae aõ iroj; bwe Jeova e ar kabite. 11 Bareinwõt, jema, kwon lale, eokwe, kwon lale lukko in liboror eo am ilo peiõ; inem kin aõ bukwe lok lukko in liboror ne am, im I ar jab mõn yuk, kwon lale im jela bwe ejelok nana ak jerawiwi ilo peiõ, im I ar jab jerawiwi nae yuk, meñe kwoj kabukot aõ mour bwe kwon bõke. 12 Jeova en ekajet ikõtarro, im Jeova en irenwõne kin iõ iom; a peiõ e jamin iom. 13 Einwõt jabõn kennan an ridto ro ej ba, <sup>1</sup> Jen ro dri nana ej walok nana; a peiõ e jamin iom. 14 Kin wõn kiñ in Israel ej driojtok? wõn eo kwoj lukworkwore? juõn kiru roror e mij, juõn kij. 15 Inem Jeova en ekajet, im bebe ikõtarro, im lale, im En kwalok ijo aõ, im lomor iõ jen peõm.

16 Im ke Devid e ar kamwijlok an kwalok nan kein ñõn Saul, Saul e ar ba, Eñin ainikiõm ke, nejiõ Devid? Im Saul e ar koutiej ainiken im jõñ. 17 Im e ar ba ñõn Devid, Kwe elaplok am wånik jen ña; bwe kwar kõmõn emõn ñõn iõ, a nã I ar kõmõn nana ñõn yuk. 18 Im emwij am kwalok ranin ekijkan kwar kõmõn emõn ñõn iõ, bwe ke Jeova e ar ketõk iõ na ilo peõm, kwar jab mõn iõ. 19 Ak elañe juõn eman ej lo eo dri kijiråte, e naj kõtlok an ilo emõn ke? Kin men in Jeova en nawõnam ilo emõn kin men eo kwar kõmõn ñõn iõ ranin. 20 Im kiõ, lo, <sup>2</sup> I jela bwe kwo naj kiñ wõt, im naj kabin ailiñ in Israel ilo peõm. 21 Kin men in, kwon kanõjnij ñõn iõ kin Jeova, bwe kwon jab bukwe lok ineõ elikiõ, im bwe kwon jab kokkure etta jen nukin jema. 22 Im Devid e ar kanõjnij ñõn Saul. Im Saul e ar jeblak ñõn kabi-jukhen; a Devid im ro dron rar wõnliñlok ñõn jikin eo e kab.

**25** Im Samuel e ar mij; im ro dri Israel otemjej rar kweloktok, im jõñõt e, im rar kalibwin e ilo mweo imõn i Rema. Im Devid e ar jutõk im wõnlõllok ñõn ene jemaren in Peran.

<sup>1</sup> Jap. 23. 19. <sup>2</sup> Jap. 23. 11.

<sup>1</sup> Matu 7. 10-20. <sup>2</sup> Jap. 23. 17.

2 Im kar juõn eman i Meon, men ko mweien i Karmel; im leo e kanuij mweie, im iben jilu tausan jip, im juõn tausan got, im ej mijbar jip ko an i Karmel. 3 Ak etan armij eo Nebal; im etan ilo belen Abigeil; im lio e jelalokjen, im turin mejen e dreo: a leo e jememe im aneke ilo kõmõn ko an; im e jen nukin Keleb. 4 Im Devid e ar roñjake ilo ene jemaren bwe Nebal ej mijbar jip ko an. 5 Im Devid e ar jilkinlok joñoul likao, im Devid e ar ba ñõn likao ro, Komin wõnliñlok ñõn Karmel, im ilok ñõn iben Nebal, im yokyokwe e ilo eta: 6 im ein drein ami naj ba ñõn eo ej mour im jeban, Ainemõn ñõn yuk, im ainemõn ñõn mweo imõm, im ainemõn ñõn men ko otemjej ibõm. 7 Im kiõ emwij aõ roñjake bwe ro dri mijbar rej ber ibõm: ro dri lali jip ko am re kar ibem, im kim ar jab kejjoran ir, im ejelok e ar joko isair aolepen ien air ber i Karmel. 8 Kwon kajitõk iben likao ro am, im re naj kennanek yuk: kin men in, likao rein ren lo joij iman mejõm; bwe kimij iwij ilo ran emõn: kwon letok, ij akwelap, jabrewõt e alikar, ñõn ro dri korijerõm, im ñõn nejõm Devid.

9 Im ke likao ro dron Devid rar itok, rar konono ñõn Nebal ekar ñõn nan kein otemjej ilo etan Devid, in ikõñ. 10 Im Nebal e ar uak ro dri korijeran Devid, im ba, Wõn Devid? im wõn nejin Jesse? ran kein elõn ro dri korijer rej ko jen iben karo ro air. 11 Inem in bõk bred eo kijiõ, im dren eo limõ, im kõniek eo emwij aõ mõn e ñõn dri mijbar ro aõ, im lelok ñõn armij ro I jaje kajeir ke? 12 Ein drein likao ro an Devid rar oktõk ñõn ial eo air, im jeblak, im iten kennanek Devid ekar ñõn nan kein otemjej. 13 Im Devid e ar ba ñõn ro dron, Kom otemjej komin kañõrñõr jãji ko ami. Inem jabrewõt iair rar kañõrñõr jãji ko air; bareinwõt Devid e ar kañõrñõr jãji eo an: im rar lor Devid e <sup>1</sup>nañin abuki man rõn; im rubuki rar berwõt iben mweujuk ko air.

14 A juõn ian likao ro e ar kenna-

nek Abigeil, lio belen Nebal, im ba, Lo, Devid e ar jilkintok ro dri jilik jen ene jemaren in yokyokwe karo eo am; im e ar kajirere kake ir. 15 A lõmaro rar kanuij joij ñõn kim, im ejelok am jorran, im ejelok men e ar joko jen ibem ke kim ar etal ibeir, im ke kim ar ber ilo melaj ko; 16 rar einwõt worwor ñõn kim ran im boñ, ien otemjej kim ar ber ibeir im lali jip ko. 17 Inem kin men im kwon jela im kalomõnlokjen ta eo kwon kõmõne: bwe e nana air bebe nae karo eo am, im nae ro nukin otemjej: kin an kanuij jitokjen, juõn e ban konono iben.

18 Inem Abigeil e ar kaiur e, im e ar bõk rubuki ion bred, im ruo botto in wain, im lailim jip emwij kapoji, im lailim joñõn korn jinmele, im jibuki urur in grep e mõra, im rubuki kek in fig ko, im likiti ion ass ko. 19 Im e ar ba ñõn likao ro an, Komin etal imaõ; lo, ij lor kom. A e ar jab kennanek Nebal, leo belen. 20 Im ein drein, ke e ar uwelok ion ass eo an, im wõnlõllok iturin tol eo, lo, Devid im ro dron e ar wõnlõltok im ion e; im lio e ar wõnmae ir. 21 A Devid e ar ba, Emol ejelok tokjen aõ kar kejbãrok men ko otemjej an kijõke in ilo ene jemaren, bwe en jab joko mõtõn men ko an: im e ar nawõnaõ nana kin emõn. 22 Anij en kõmõn einwõt ñõn ro otemjej rej kijirãte Devid, im kalaplok, <sup>1</sup>elañe ijlikit ian ro otemjej iben, mae ilju ejibõn, juõn niñniñ ladrik.

23 Im ke Abigeil e ar lo Devid, e ar kaiur e, im to jen ass eo an, im buñbero iman Devid, im barikrik jen e ñõn brij. 24 Im e ar buñbero i neen, im ba, En iba, aõ iroi, en iba ruõn; im kwon kötlok iõ korijerõm ij akwelap, bwe in konono i lojiliñõm, im kwon eoroñ nan ko an lio korijerõm. 25 Ij akwelap, aõ iroi, kwon kejekron kijõke en e jitokjen, aet, Nebal; bwe einwõt etan, ein drein leo; etan Nebal, im bwebwe iben: a ña lio korijerõm I ar jab lo likao ro an aõ iroi, ro kwar jilkintok ir. 26 Inem,

<sup>1</sup> Jap. 23. 13.

aō iroiĵ, einwōt Jeova e mour, im am e mour, kin an Jeova kar kejbārok yuk jen ruōm kin bōtōktōk, im <sup>1</sup>jen am mōke irenwōne kin peōm, inem kiō ro dri kijirāte yuk, im ro rej kabukot in kokkure aō iroiĵ, ren einwōt Nebal. 27 Im kiō, men in lewoj in, ſia korijerōm I ar bōktok ſñn kwe aō iroiĵ, ren lelok ſñn likao ro rej lor aō iroiĵ. 28 Kwon jolok, ij akwelap ſñn yuk, bwir an korijerōm : bwe emol Jeova e naj kōmōn mweo ebin ſñn aō iroiĵ, kin ke kwe aō iroiĵ kwoj tōrinaek tōrinae ko an Jeova; im re jamin lo nana ibōm aolepen ran ko am. 29 Im meſe armij rej jutōk im lukworkwor yuk, naj lukwoj an aō iroiĵ ilo kworōk in mour iben Jeova, am Añij; a kin ro dri kijirāte yuk, E naj buati, eiſwōt jen loan juōn buat. 30 Im ſie emwiĵ an Jeova kōmōn ſñn aō iroiĵ ekar ſñn men otemjej remōn E ar konono kin kwe, im ſie Ej koutiej yuk iroiĵ in Israel, 31 e jamin juōn unin buromōj ibōm, ak men in kaiſtan buruōm, bwe kwar katorlok bōtōktōk ke ejelok unin, ak mōke irenwōne kin yuk. Im ſie Jeova ej kōmōn emōn ſñn aō iroiĵ, kwon kememej ſia korijerōm.

32 Inem Devid e ar ba ſñn Abigeil, Emōnōnō Jeova, Anij in Israel, eo e ar jilkintok yuk ranin bwe kwon wōnmae iō: 33 im emōnōnō am jela lokjen, im kwon mōnōnō, kweo kwar kejbārok iō ranin jen ruō kin bōtōktōk, im jen aō mōke irenwōne kin iō kin peiō. 34 Bwe emol, einwōt Jeova, Anij in Israel e mour, eo e ar drebij iō jen aō kokkure yuk, elaſe kwar jab kijorur in iten wōnmae iō, e jamin kar ber ian ro an Nebal, mae ilju ejiboñ, juōn niñniñ ladrik. 35 Ein drein Devid e ar bōk jen pein lio men ko e ar bōktok ſñn iben; im e ar ba ſñn e, Kwon wōnliñlok ilo ainemōn ſñn mweo imōm; lo, emwiĵ aō eorofñ ainikiōm, im kwar kabuñburuō.

36 Im Abigeil e ar ilok ſñn iben Nebal; im lo, ej kōmōn juōn kwojkwōj ilo mweo imōn, einwōt kwojkwōj in kiñ; im buruen Nebal e kanuij mōnō-

nō, bwe e kanuij karek: kin men in, e ar jabkenannek e jabrewōt, erik ak elap, mae ien rantak. 37 Im ke eji-boñ, ke e joko wain jen Nebal, lio belen e ar kennanek e men kein, im buruen e ar mij illoan, im ej einwōt dreka. 38 Im e nañin joñoul ran tokelik, Jeova a ar mōn Nebal, inem e mij.

39 Im ke Devid e ar roſi bwe e mij Nebal, e ba, Emōnōnō Jeova eo e ar lale unin kinaklok iō, kin pein Nebal, im E ar drebij iō korijeran jen nana: im kōmōn ko re nana an Nebal, Jeova e ar kajebalaklok ion bōran wōt. Im Devid e ar jiliklok, im ba kin Abigeil, bwe en bōke belen. 40 Im ke ro dri korijeran Devid rar itok ſñn iben Abigeil ſñn Karmel, rar konono iben, im ba, Devid e ar jilkinwoj kim, bwe en bōk yuk belen. 41 Im e ar jutōk im buñbero, im ba, Lo, ſia korijerōm, juōn dri korijer in katutu neen ro dri korijeran aō iroiĵ. 42 Im Abigeil e ar kaiur e, im jutōk, im uwe ion ass, im lailim jiroñ ro an rar lore; im e ar lor ro dri jilik an Devid, im ej belen.

43 Devid e ar bareinwōt bōk Ehi-noam, dri Jezriel; im irro belen. 44 A Saul e ar lelok Maikal nejn, lio belen Devid, ſñn Paltai nejn Leish, eo jen Gallim.

**26** Im ro dri Zip rar itok ſñn iben Saul i Gibia, im ba, <sup>1</sup>Devid e jab tilekek i tol Hakila, eo ej iman ene jemaren ke? 2 Inem Saul e ar jutōk, im wōnlōllok ſñn ene jemaren an Zip, im iben, <sup>2</sup>jilu tausan armij ro emwiĵ kålet ir jen Israel, bwe en kabukot Devid i ene jemaren in Zip. 3 Im Saul e ar kajur an kamp i tol Hakila, eo ej iman ene jemaren, ilo ial. Ak Devid e ar ber ilo ene jemaren, im e ar lo an Saul iten jibwe. 4 Inem Devid e ar jilkinlok ro dri aroñroñ, im kanuij kallet an jela kin an Saul itok. 5 Im Devid e ar jutōk in itok ſñn ijo Saul e ar kamp; im Devid e ar lo jikin ijo Saul ej babu, kab Abner nejn Ner kapen an jar in tōrinae eo an: im Saul e ar babu illoan jikin wagon ko, im armij ro rar kabol e ilo kamp.

<sup>1</sup> Hib. 19. 20.

<sup>1</sup> Jap. 23. 19. <sup>2</sup> Jap. 13. 2; 24. 2.

6 Inem Devid e ar uak im ba ñon Ahimelek dri Het, im Ebishai nejin Ziruaia, jatin Joab, im ba, Wõn e kõnan ilok ibalok ñon iben Saul ilo kamp eo? Im Ebishai e ar ba, I naj ilok ibõmlok. 7 Ein drein Devid im Ebishai rar ilok ñon iben armij ro ilo boñ: im lo, Saul e ar babu im kiki iloan jikin wagon ko, im mõri eo an e ar kalõr ilo brij i jabbõran; im Abner kab armij ro rar babu iturin. 8 Inem Ebishai e ar ba ñon Devid, Anij e ar ketõke eo dri kijiräte yuk na ilo peõm ranin: inem kiõ in mõn e, ij akwelap ñon yuk, kin mõri eo im wabibi kin juõn wõt alen, im I jamin wäkari alen ruo. 9 Im Devid e ar ba ñon Ebishai, Kwon jab mõn e, bwe wõn eo e maroñ in erlokwe pein nae eo Jeova e ar kabite, im ejelok ruõn? 10 Im Devid e ar ba, Einwõt Jeova e mour, Jeova e naj mõn e; ak ran in mij eo an e naj itok: ak e naj wõnlõllok ilo tõrinae, im mij. 11 Jeova en bõprae aõ kõtellok peiõ nae eo Jeova e ar kabite: a kiõ, kwon bõk, ij kajitõk ibõm, mõri eo i jabbõran, im botto in dren eo, im jen ilok. 12 Ein drein Devid e ar bõk mõri eo, im botto in dren i jabbõran Saul; im rejro etal: im ejelok armij e ar loe, ak jela kajen, im ejelok juõn e ar ruj; bwe ir otemjej rar kiki, bwe kiki mitoñ jen Jeova e ar buñ ioir.

13 Inem Devid e ar ilok ñon ikijeir, im e ar jutõk i jabõn juõn tol etolak; jikin elap kõtair; 14 im Devid e ar lamij ñon armij ro, im ñon Abner nejin Ner, im ba, Kwo jab uak ke, Abner? Inem Abner e ar uak im ba, Wõn kwe kwoj lamij ñon kiñ eo? 15 Im Devid e ar ba ñon Abner, Kwe jab juõn armij e beran ke? im wõn einwõt kwe ilo Israel? inem etke kwar jab mijrake am iroi, kiñ eo? bwe juõn armij e ar dreloñwoj in mõn kiñ eo am iroi. 16 Men in kwar kõmõne e jab emõn. Einwõt Jeova e mour, kom driem mij, kin ke kom ar jab mijrake ami iroi, eo Jeova e ar kabite. Im kiõ komin lale ewi mõri eo an kiñ eo, im botto im dren e kar i jabbõran.

17 Im Saul e ar kilii ainiken Devid,

im ba, <sup>1</sup>Eñin ainikiõm, nejiõ Devid ke? Im Devid e ar ba, Ainikiõ, aõ iroi, O kiñ. 18 Im e ar ba, Etke aõ iroi, ej lukworkwore ña dri korijerõm? bwe I ar kõmõn ta? ak nana õt ilo peiõ? 19 Inem kiõ, ij akwelap ñon yuk, aõ iroi, kiñ ne, kwon roñjake nan ko an korijerõm. Elañe Jeova eo e ar biuktõke yuk nae iõ, inem En bõk men in katok: a elañe ro nejin armij, ren lia iman Jeova; bwe rar kadriõjlok iõ ranin bwe in jab edrep ñon jolit an Jeova, im ba, Kwon ilen korijer ñon anij ro jet. 20 Inem kiõ, bõtõktõkiõ en jab torlok ñon brij etolak jen ijo Jeova ej berie: bwe kiñ in Israel e ar iten bukot juõn kij, einwõt ke juõn ej bukot juõn muli ilo tol ko.

21 Inem Saul e ar ba, I ar jerawiw: kwon jeblak, nejiõ Devid; bwe I jamin bar kokkure yuk, bwe aõ mour e ar aurõk iman mejõm ranin: lo, I ar kõmõn einwõt dri webwe, im elap aõ bwir. 22 Inem Devid e ar uak im ba, Lo, mõri in, O kiñ, inem juõn ian likao ro en itok im bõke. 23 Im Jeova e naj lelok ñon jabrewõt armij an wänik im tiljek eo an; bwe Jeova e ar ketõke yuk na ilo peiõ ranin, im I ar jab kõnan kõtellok peiõ nae eo Jeova e ar kabite. 24 Im lo, einwõt am mour e ar aurõk i meja ranin, ein drein aõ mour en aurõk ilo mejen Jeova, im En lomor iõ jen jorran otemjej. 25 Im Saul e ar ba ñon Devid, Emõnõn kwe, nejiõ Devid: kwo naj kõmõn men ko re bin, im emol kwo naj bõk anjo. Ein drein Devid e ar etal, im Saul e ar jeblak ñon jikin.

**27** Im Devid e ar ba ilo buruen, Juõn ran I naj mij kin pein Saul: ejelok emõnlok ñon iõ jen aõ ko ñon enen ro dri Pilistia; inem Saul e jamin bar kõtõmene in bukot iõ ilo tõreren ko an Israel: ein drein I naj ko jen pein. 2 Im Devid ar jutõk im ilok, e im armij ro jiljino buki iben, ñon iben Ekish, nejin Meok, kiñ in Gat. 3 Im Devid e ar jokwe iben Ekish, e im ro dron, jabrewõt armij im ro nukin, aet, Devid im limaro ruo

<sup>1</sup> Jap. 24, 16.

belen, Ehinoam dri Jezriel, im Abigeil dri Karmel, eo kar belen Nebal. 4 Im rar kennanek Saul bwe Devid e ar ko ñõn Gat, im e ar jab bar bukote.

5 Im Devid e ar ba ñõn Ekish, Elañe I ar lo joiy iman mejõm, ren letok jikiõ ilo juõn ian jikin kwelok ko ilo enin, bwe in jokwe ie: bwe etke ña korijerom in jokwe ilo jikin kwelok an iroi j ibõm? 6 Inem Ekish e ar lelok ñõn e Ziklag ilo ran eo; kin men in, Ziklag ej an kiñ ro an Juda ñõn ranin. 7 Im oran ran ko Devid e ar jokwe ilo enen ro dri Pilistia, <sup>1</sup> juõn yiõ eyu im emen aliñ.

8 Im Devid im armij ro iben rar wõnliñlok im tõrinaek ro dri Gishur, im ro dri Girz, im ro dri Amelek; bwe rein ro rar jokwe ijo jen eto, ke kwoj etal ñõn Shur, aet, ñõn enen Ijijpt. 9 Im Devid e ar mõn eneo, im jab likit man ak kõra emour, im bõklok jip ko im ox ko, im ass ko, im kamel ko, im nuknuk ko; im e ar jeblak im itok ñõn iben Ekish. 10 Im Ekish e ar ba, Wõn ro kom ar tõrinaek ir ranin? Im Devid e ar ba, Ro irõk in Juda, im ro irõk an dri Jirameel, im ro irõk an ro dri Ken. 11 Ak Devid e ar jab kejbãrok jabrewõt man ak kõra emour, in añinlok ñõn Gat, im e ba, Ñe rab kennan kin kim, im ba, Ein drein mõnit an Devid ien otemjej e kar ber ilo enen ro dri Pilistia. 12 Im Ekish e ar tõmak Devid, im ba, E ar kõmõn bwe ro dri Israel ren jõiok e wõt; ineme naj korijera ñõn in drio.

**28** Im ilo ran ko rodri Pilistia rar kokweloktok jar in tõrinae ko air, bwe ren tõrinaek Israel. Im Ekish e ar ba ñõn Devid, Kwon kanuij jela bwe kwo naj ilok ibalok ilo jar in tõrinae, kwe im ro drom. 2 Im Devid e ar ba ñõn Ekish, Inem kwo naj jela ta eo ña dri korijerõm I naj kõmõne. Im Ekish e ar ba ñõn Devid, Kin men in, I naj kõmõn yuk dri kejbãrok bõra ñõn in drio.

3 Ak e mij Samuel, im ro dri Israel otemjej re kar jõiõt e, im kalibwin e i Rema, jikin kwelok eo an. Im Saul

e ar jolok jen eneo, ro <sup>1</sup>jitõb rar juk ibeir, im ro dri marmir. 4 Im ro dri Pilistia rar kweloktok, im itok im kajur air kamp i Shunem; im Saul e ar kokweloktok ro dri Israel otemjej, im rar kamp i Gilboa. 5 Im ke Saule ar lo jar in tõrinae an ro dri Pilistia, e ar mijõk, im elap an buruen kubarbar. 6 Im ke Saule ar kajitõk iben Jeova, Jeova e ar jab uak kin tõnak ko, ak kin Urim, ak kin ro dri kanan. 7 Inem Saul e ar ba ñõn ro dri korijeran, Komin kabukot ñõn iõ juõn kõra jitõb ej juk iben, bwe in ilok ñõn iben, im kajitõk iben. Im ro dri korijeran rar ba ñõn e, Lo, juõn kõra eo jitõb ej juk iben, ej ber i Endor.

8 Im Saul e ar kejakilkil e, im kõnõk nuknuk ko ein juõn, im ilok, e im ruo armij iben, im rar itok ñõn iben kõra eo ilo boñ: im e ar ba, Kwon drikanij, ij akwelap ñõn yuk, kin jitõb eo, im añinliñtok jabrewõt eo I naj kwalok etan. 9 Im lio e ar ba ñõn e, Lo, kwo jela ta eo Saul e ar kõmõne, ekijkan e ar bukwelok ro jitõb rej juk ibeir, im ro dri marmir, jen enin: inem etke kwoj kõmõn aluk ñõn aõmour, bwe in mij? 10 Im Saul e ar kanõjniy ñõn e kin Jeova, im ba, Einwõt Jeova e mour, re jamin kajeik yuk kin men in. 11 Inem lio e ar ba, Wõn eo in añinliñtok ñõn ibõm? Im e ar ba, Kwon añinliñtok Samuel. 12 Im ke kõra eo e ar lo Samuel, e ar lamij kin ainiken elap; im lio e ar konono ñõn Saul, im ba, Etke kwar mone iõ? bwe kwe Saul. 13 Im kiñ eo e ar ba ñõn e, Kwon jab mijõk: bwe ta eo kwoj loe? Im kõra eo e ar ba ñõn Saul, Ij lo juõn anij ej wõnliñtok jen löl. 14 Im e ar ba ñõn e, Ie ein? Im lio e ar ba, Juõn lölap ej wõnliñtok; im e libubu kin juõn liboror. Im Saul e ar kile bwe Samuel, im e ar buñbero, im barikrik jen e.

15 Im Samuel e ar ba ñõn Saul, Etke kwar kamõkit iõ, im añinliñtok iõ? Im Saul e ar uak, Elap aõ jorran; bwe dri Pilistia rej tõrinaek iõ, im <sup>2</sup>Anij e ar illok jen iõ, im E jab bar uak iõ, jab kin ro dri kanan, im jab

<sup>1</sup> Jap. 28. 3.<sup>2</sup> Liv. 19. 31. <sup>3</sup> Jap. 16. 11.

kin tōnak ko: inem I ar kir yuk, bwe kwon kwalok nōn iō ta eo in kōmōne. 16 Im Samuel e ar ba, Inem etke kwoj kajitōk iba, ke Jeova e joko ibōm, im Ej kijirāte yuk? 17 Im Jeova e ar kōmōn nōn yuk, einwōt E ar kononowoj kin nā: im Jeova e ar bōk ailliñ eo jen peōm, im E ar lelok nōn leo dri turōm, nōn Devid. 18 Kin ke<sup>1</sup> kwar jab bokake ainiken Jeova, im kwar jab kōmōn illu eo An ion Amelek, inem Jeova e ar kōmōn men in nōn yuk ranin. 19 Bareinwōt, Jeova e naj lelok Israel im kwe na ilo pein ro dri Pilistia; im ilju<sup>2</sup> komiōn lōmaro nejōm naj ber iba: Jeova e naj lelok jar in tōrinae an Israel bareinwōt na ilo pein ro dri Pilistia.

20 Inem Saul e mōkōj an buñbero ion lōl, im e lokjenan, kin nan ko an Samuel: im ejelok an kajur; bwe e ar jab mōña bred aolepen ran eo, ak aolepen boñ. 21 Im lio e ar itok nōn iben Saul, im lo an kanuij jorran, im e ar ba nōn e, Lo, nā korijerōm, I ar eoroñ ainikiōm, im I ar likit aō mour ilo peiō, im I ar eoroñ nan ko kwar konono kake iba. 22 Inem kiō, ij akwelap, kwon bareinwōt roñjake ainiken nā dri korijerōm, im in likit mōtōn bred imam; im kwon mōña, bwe en or am kajur, ñe kwoj etal. 23 Im e ar abwin, im ba, I jamin mōña. A ro dri korijeran, kab kōra eo, rar akwelap nōn e; im e ar eoroñ ainikeir. Ein drein e ar jerkak jen lōl im jijōt ion aowej eo. 24 Im iben lio i mweo, juōn kon in kau e mātōk; im e ar kaiur e, im mōn e; im e ar bōk flauo, im iōki, im e ar kōmāt bred e jab uwe: 25 im e ar bōklok e iman Saul, im iman ro dri korijeran; im rar mōna. Inem rar jutōk im ilok boñ eo.

**29** Ak ro dri Pilistia rar kokweloktok jar in tōrinae otemjej air nōn Epek: im ro dri Israel rar kamp iturin unin dren ko i Jezriel. 2 Im iroi ro an dri Pilistia, rar etal ka jibuki, im ka tausan; im<sup>3</sup> Devid kab ro dron rar etal ilokair iben Ekish.

3 Inem iroi ro an dri Pilistia, rar ba, Dri Hibru rein rej it? Im Ekish e ar ba nōn iroi ro an dri Pilistia, E in e jab Devid, dri korijeran Saul kiñ in Israel, <sup>1</sup> eo e ar ber iba ran kein, ak emōnlok ba yiō kein, im I ar jab lo jabrewōt bwir iben elikin ran eo ke e ar itok nōn ranin ke? 4 A iroi ro an dri Pilistia rar illu iben; im iroi ro an dri Pilistia rar ba nōn e, Kwon kajeblok leo bwe en ilok nōn jikin eo kwar likit e nōn e, im en jab wōnlōllok nōn tōrinae ibem, <sup>2</sup> ñe ab ilo tōrinae eo en dri kijirāte kim: bwe kin ta armij in en mirik iroi eo an? en jab kin bōran armij rein ke? 5 E in e jab Devid, eo rar al ilo eep ko air, im ba, Saul e ar mōn tausan ko an, im Devid joñoul tausan ko an?

6 Im Ekish e ar kirtok Devid, im ba nōn e, Einwōt Jeova e mour, kwar jime wōt, im am droi ro dreloñ ilo jar in tōrinae ej emōn iman meja; bwe I ar jab lo nana ibōm jen ran eo ke kwar itok nōn iba nōn ranin: ijoke, iroi rā re jab yokwe yuk. 7 Kin men in, kwon jeblak, im ilok ilo aine-mōn, bwe kwon jab kailu iroi ro an dri Pilistia. 8 Im Devid e ar ba nōn Ekish, A ta eo I ar kōmōne? im ta eo kwar lo ilo nā korijerōm toñ aō ber imam nōn ranin, bwe in jab maroñ in ilen tōrinaek ro dri kijirāte aō iroi, kiñ eo? 9 Im Ekish e ar uak im ba nōn Devid, I jela bwe kwoj emōn iman meja, einwōt enjel òn Anij: ijoke, iroi ro an dri Pilistia rar ba, E jamin wōnliñlok ibem nōn tōrinae eo. 10 Kin men in, kwon jerkak ñe ejiboñ wōt, iben ro dri korijeran am iroi, ro rar itok ibōm-tok, im ñe emwij ami jerkak im eor maram, komin ilok. 11 Ein drein Devid e ar jerkak ke ejiboñ wōt, e im ro dron, bwe ren jeblak nōn enen ro dri Pilistia. Im ro dri Pilistia rar wōnliñlok nōn Jezriel.

**30** Im ke Devid im ro dron rar itok nōn Ziklag ran eo ken ka jilu, ro dri Amelek rar iten rakim ene irōk im Ziklag, im rar kokkure Ziklag, im tile kin kijeke, 2 im rar kajebokweik

<sup>1</sup> Jap. 15. 9. <sup>2</sup> Jap. 31. 2. <sup>3</sup> Jap. 28. 1. 2.

<sup>1</sup> Jap. 27. 7. <sup>2</sup> Jap. 14. 21.

kōra ro im ro otemjej rar ber ie, ro redrik im ro relap: rar jab mōn jabrewōt iair, a rar bōk ir im etal. 3 Im ke Devid im ro dron rar itok nōn jikin kwelok eo, lo emwij kaloke; im limaro beleir, im ro nejir man im kōra, emwij kajebokweik ir. 4 Inem Devid im ro iben rar koutiej ainikeir im jōñ, mae ien re banlok jōñ. 5 Im rar kajebokweik<sup>1</sup> limaro ruo belen Devid, Ehinoam dri Jezriel, im Abigeil eo e kar belen Nebal dri Karmel. 6 Im Devid e ar kanuij jorran; bwe armij rar bebe in kare kin dreka, bwe an armij otemjej e kanuij buromōj, jabrewōt eman kin ro nejin man im kōra: a Devid e ar mōke kakajur e ilo Jeova an Anij.

7 Im Devid e ar ba nōn Ebaiatar pris, nejin Ahimelek, Ij akwelap bwe kwon bōktok epod eo. Inem Ebaiatar e ar bōktok epod eo nōn iben Devid. 8 Im Devid e ar kajitōk iben Jeova, im ba, Elañe ij lukworkwor jar en, in tobar e ke? Im E ar uak, Kwon lukworkwor e; bwe emol kwo naj tōbar e, im naj bōk men otemjej? 9 Ein drein Devid e ar etal, e im lōmaro jiljino buki iben, im rar itok nōn wea Bisor, ijo rar likit ro rej berwōt. 10 A Devid e ar lukworkwor, e im ābuki armij; bwe rubuki rar berwōt, ro rar kijelok im ban ela jen wea Bisor.

11 Im rar lo juōn dri Ijpt ilo melaj, im bōklok e nōn iben Devid, im rar lelok nōn e bred, im e ar mōña; im rar lelok nōn e limen dren; 12 im rar lelok mōtōn kek in fig, im ruo urur in grep emōra: im ke emwij an mōña, e ar kajurlok; bwe e ar jab mōña bred, ak irak dren, iomnin jilu ran im jilu boñ. 13 Im Devid e ar ba nōn e, Dron wōn kwe? im kwoj itok jen ia? Im e ar ba, Na likao in Ijpt, dri korijeran juōn dri Amelek; im karo eo aō e ar likit iō, bwe jilu ran re motlok I ar nañinmij. 14 Kim ar ilen rakim ro dri Kirit irōk, im enen Juda, im enen Keleb irōk; im kim ar kalok Ziklag. 15 Inem Devid e ar ba nōn e, Kwo kōnan āñinlok

kim nōn iben jar eo ke? Im e ar ba, Kwon kanōjniñ nōn iō kin Anij, bwe kwo jamin mōn iō, ak ketōk iō nōn pein karo eo aō, inem I naj āñinlōlok yuk nōn jar in.

16 Im ke emwij an āñinlōlok e, lo, rar jibliklik bōjik ijoko otemjej, im rej mōña im irak, im eep, kin aolepen rakim elap rar bōk jen enen ro dri Piliatia, im jen enen Juda. 17 Im Devid e ar mōn ir jen ran en ilokōn al nōn jotan ilju: im ejelok juōn e ar jor, ak ābuki likao, ro rar uwe ion kamel im ko. 18 Im Devid e ar bar bōk aolepen ro dri Amelek rar bok ir, im Devid e ar lomoren limaro ruo belen. 19 Im ejelok eberir iair, men erik ak elap, nejir man ak kōra, ak rakim, ak jabrewōt rar bōk nōn ibeir: Devid e ar kajebok aolep. 20 Im Devid e ar bōk bwij ko otemjej kau im jip, rar ubakilok iman kiru ko jet, im rar ba, Men kein rakim an Devid.

21 Im<sup>1</sup> Devid e ar itok nōn iben man ro rubuki, ro rar kijelok im ban lor Devid, im rar likit ir bwe ren berwōt i wea Bisor; im rar ilen wōnmae Devid, im wōnmae ro iben: im ke Devid e ar kebaki armij ro, e ar yokyokwe ir. 22 Im ro otemjej re nana im armij wan ian ro rar ilok iben Devid, rar uak im ba, Kin ke rar jab ilok ibemlok, je jamin lelok nōn ir jabrewōt ian rakim eo jar bōke, a nōn jabrewōt armij lio belen im ro nejin, bwe en āñinlok ir, im etal. 23 Inem Devid e ar ba, Kom jamin kōmōn einwōt, komeo ro jeiō im jātīō, kin men ko Jeova e ar letok, Eo e ar kejbārok kij, im ketōk na ilo peim jar eo e ar itok nae kij. 24 Im wōn eo e naj eoroñ kom ilo men in? bwe<sup>2</sup> einwōt kij an eo ej wōnlōlok nōn tōrinae, e naj ein drein kij an eo ej berwōt iben mweuiuk ko: kij eo air e naj drer wōt juōn. 25 Im e kar ein drein jen ran eo im wōnmanlok, im e ar kōmōne juōn kien im joñōk nōn Israel nōn ranin.

26 Im ke Devid e ar itok nōn Ziklag, e ar jilkinlok jen men in rakim

<sup>1</sup> Jap 26. 42. 43.<sup>2</sup> eon 10. \* Bwln. 31. 27.

n̄on ridto ro an Juda, aet n̄on ro jeran, im ba, Lo, juōn men in lelok n̄on kom jen men in rakim an <sup>1</sup>ro dri kijirāte Jeova: 27 n̄on ro rar ber i Betel, im n̄on ro rar i Remot irōk, im n̄on ro i Jatir, 28 im n̄on ro i Aroer, im n̄on ro i Shipmot, im n̄on ro i Eshtimoa, 29 im n̄on ro i Rekal, im n̄on ro i jikin kwelok ko an dri Jirameel, im n̄on ro i jikin kwelok ko an dri Ken, 30 im n̄on ro rar ber i Horma, im n̄on ro rar ber i Boreshan, im n̄on ro rar ber i Atak, 31 im n̄on ro rar ber i Hibron, im n̄on jikin otemjej ijo Devid im ro dron rar ber ie mokta.

**31** Im ro dri Pilstia rar tōrinaek dri Israel: im ro dri Israel rar ko jen iman dri Pilstia, im re lil im bero i tol Gilboa. 2 Im ro dri Pilstia rar kanuij lukworkwor Saul im lōmaro nejin; im dri Pilstia rar mōn Jonetan im Aminedab, im Malkishua, lōmaro nejin Saul. 3 Im im eo e kanuij bin nae Saul, im ro dri libon rar tōbar e; im e kanuij jorran kin dri libon ro. 4 Inem Saul e ar ba n̄on leo e ar inek ken tōrinae ko an, Kwon nur jāji ne am, im wākare iō, ñe ab rein re jab mijmij ren itok im wākare iō, im kokkure iō. A dri inek ken tōrinae ko an e jab kōnan; bwe e lelñōn. Kin men in, Saul e ar bōk

<sup>1</sup> Jap. 18. 17.

jāji eo an im buñōte. 5 Im ke dri inek ken tōrinae ko e ar lo bwe e mij Saul, e ar bareinwōt buñōt jāji eo an, im mij iben. 6 Ein drein Saul e ar mij kab lōmaro jilu nejin, im dri inek ken tōrinae ko an, im ro dron otemjej, ran eo wōt.

7 Im ke ro dri Israel ro rar ber i komlōl jabueo, im ro i Jordan jabueo, rar lo bwe e ko dri Israel, im Saul kab lōmaro nejin re mij, rar likit jikin kwelok ko, im re ko; im dri Pilstia rar itok im jokwe ie. 8 Im ran eo ilju, ke dri Pilstia rar iten rakimi ro re mij, rar lo Saul im lōmaro jilu nejin, re bero i tol Gilboa. 9 Im rar jōbbare, im wutik ken tōrinae ko an, im jilkinlok n̄on aolepen enen dri Pilstia ijoko otemjej, im bōklok nan in kennan n̄on moko imōn ekjōp ko air, im n̄on armij ro. 10 Im rar likit ken tōrinae ko an iloan imōn Ashterot; im rar totoik ubōn ion worwor in Betshan. 11 Im ke ro dri Jebesh-giliad rar roñ ta eo dri Pilstia rar kōmōne n̄on Saul, 12 armij ro otemjej re kajur im beran, rar jutōk im etal iomin aolepen boñ eo, im drorlōllok ubōn Saul im ubōn lōmaro nejin jen worwor in Betshan, im rar itok n̄on Jebesh, im rar tili ijo. 13 Im rar bōk dri ko drir, im kalibwini iomin wijki tamerisk i Jebesh, im rar jitlok iomin jiljilimjuōn ran.



# SAMUEL

**1** Im <sup>1</sup>elikin an Saul mij, ke Devid e ar jeblaktok jen an mōn ro dri Amelek, im Devid e ar berwōt ruo ran i Ziklag; **2** ran eo ken ka jilu, lo, juōn eman e ar itok jen kamp eo an Saul, im emwij kekel nuknuk ko an, im brij ion bōran: im ein drein, ke e ar itok ñōn iben Devid, e ar buñbero im aber. **3** Im Devid e ar ba ñōn e, Kwoj itok jen ia? Im e ar ba ñōn e, I ar ko jen kamp in Israel. **4** Im Devid e ar ba ñōn e, Ekijkan an kar walok men eo? ij akwelap bwe kwon kennanek iō. Im e ar uak, Armij ro rar ko jen tōrinae eo, im elōñ ian armij re bero im mij; im Saul im Jonetan leo nejin re mij bareinwōt. **5** Im Devid e ar ba ñōn likao eo ej kennanek e, Ekijkan am jela bwe e mij Saul im Jonetan nejin? **6** Im likao eo ej kennanek e, e ar ba, Ke I ar etal bōjik i tol Gilboa, lo, Saul ej jurōk e kin mōri eo an; im lo, jariot ko im ro dri uwe ion ors rar kanuij lukworkwore. **7** Im ke e ar reiliklok, e ar lo iō, im kirtok iō. Im I ar ba, Ña e. **8** Im e ar ba ñōn iō, Wōn kwe? Im I ar uak, Ña juōn dri Amelek. **9** Im e ar ba ñōn iō, Kwon jutōk ituriō, ij akwelap, im mōn iō; bwe iftan e ar itok iōō, kin aō mour. **10** Ein drein I ar jutōk iturin, im mōne, bwe I ar kanuij jela e ban mour elañe ej buñ: im I ar bōk bokrōnat eo e ar ber ion bōran, im luko eo ej ion pein, im bōktok ñōn iben aō iroi.

**11** Inem <sup>2</sup>Devid e ar jibwe nuknuk ko an, im kekel; im ein drein armij otemjej iben: **12** im rar liājlol, im jōñ, im jitlok ñōn jota, kin Saul, im kin Jonetan nejin, im kin ro dri Israel; kin ke rar buñ kin jāji. **13** Im Devid e ar ba ñōn likao eo e ar kennanek e, Kwoj jen ia? im e ar uak,

Ña nejin juōn dri itoitōk, dri Amelek. **14** Im Devid e ar ba ñōn e, Ekijkan am jab mijōk in kōtelok peōm in mōn eo Jeova e ar kabite? **15** Im Devid e ar kirtok juōn ian likao ro, im ba, Kwon kebake leo im mōn e. Im e ar mōn e bwe en mij. **16** Im Devid ej ba ñōn e, Bōtōktōkōm en ber ion bōrōm; bwe loñōm e ar kennan nae yuk, im ba, I ar mōn eo Jeova e ar kabite.

**17** Im Devid e ar jōñōt Saul im Jonetan nejin, kin jōñ kiejej in: **18** (im e ar jiroñ ir bwe ren katakin ro nejin Juda, al an libon: lo, emwij jeje ilo buk in Jashar):

**19** O Israel, emwij air mōn aibujuij eo am, ilo jikōm re utiej! Yok, re buñ wōt ro re kajur!

**20** Komin jab kabuñbuñloke i Gat, komin jab kwaloke ilo ial ko an Ashkilon; ñe ab limaro nejin dri Pilistia ren mōnōnō, ñe ab limaro nejin dri jab mijmij ren kimjāje.

**21** Komeo tol ko tol in Gilboa, en ejelok molawi ak wut iomi, ak jikin kallip in jurtak ko: bwe ijo likipijñōk an ro re kajur emwij joloki ilo nana, likipijñōk an Saul, einwōt jab kabite kin oil.

**22** Jen bōtōktōkin mijijak ro, jen kioeo an ro re kajur, libon an Jonetan e ar jab oktōklik, im jāji an Saul e ar jab jeblaktok im ejelok kwonōn.

**23** Saul im Jonetan rar wolbo im armij in yokwe ke re mour, im ke re mij re jab jibil jen dron: rar mōkōj jen igōl ko, rar kajur jen laion ko.

**24** Kom limaro nejin Israel, komin jōñōt Saul, eo e ar nabalimi kin nuknuk ekilmir im emōn wōt, eo e ar kalitlit nuknuk ko ami kin inōk gold.

**25** Yok, re buñ wōt, ro re kajur ilukwōn tōrinae! Rar mōn kwe Jonetan ilo jikōm re utiej.

<sup>1</sup> 1 Sam. 31. 6. <sup>2</sup> Jen. 37. 29, 34.

26 Ij iñtan kin kwe, jeïð Jonetan: kwar kanuij wolbo iba: am yokwe ið e ar men in bwilõñ, elaplok jen yokwe an kõra rõn.

27 Yok, re buñ wõt ro re kajur, im ken tõrinae ko re joko otem joko!

2 Im elikin men in, Devid e ar kajitõk iben Jeova, im ba, In wõnliñlok nõn jabrewõt ian jikin kwelok ko an Juda ke? Im Jeova e ar ba, Kwon wõnliñlok. Im Devid e ar ba, In wõnliñlok nõn ia? Im E ar ba, Nõn Hibron. 2 Ein drein e ar wõnliñlok nõn ijo, im bareinwõt<sup>1</sup> limaro ruo belen, Ehinoam dri Jezriel, im Abigeil, lio e kar belen dri Karmel. 3 Im e ar añinliñlok armij ro dron, jabrewõt armij im ro nukin: im rar jokwe ilo jikin kwelok ko i Hibron. 4 Im ro dri Juda rar itok, im<sup>2</sup> rar kabit Devid ijo, kiñ ion imõn Juda.

Im rar kennanek Devid, im ba, 3 Dri Jebesh-giliad ro rar kalibwin Saul. 5 Im Devid e ar jilkinlok ro dri jilik nõn iben ro dri Jebesh-giliad, im ba nõn ir, Emõnõnõ kom jen Jeova, kin ami kwalok joið nõn ami iroið, aet nõn Saul, im kom ar kalibwin e. 6 Im kið Jeova en kwalok joið im mol nõn kom: im ña I naj bareinwõt nawõnami kin joið in, kin ami kar kõmõn men in. 7 Inem peõmi ren kajur, im komin beran; bwe Saul ami iroið e mij, im bareinwõt ro dri Juda rar kabit ið kiñ ioir.

8 Ak 4 Abner nejin Ner, kapen an jar in tõrinae an Saul, e ar bõk Ishboshet leo nejin Saul, im añinlok e nõn Mehaneim; 9 im e ar kõmõne kiñ ion Giliad, im ion ro dri Ashur, im ion Jezriel, im ion Ipreim, im ion Benjamin im ion aolepen Israel. 10 Ishboshet leo nejin Saul, e kar ridtõn eñoul yið ke e ar jino an kiñ ion Israel, im e ar kiñ iomin ruo yið. A imõn Juda rar lor Devid. 11 Im toñ an Devid kiñ i Hibron ion imõn Juda, jiljilimjuõn yið im jiljino aliñ.

12 Im Abner, nejin Ner, im ro dri korijeran Ishboshet, leo nejin Saul, rar ilok jen Mehaneim nõn Gibeon.

13 Im 1 Joab, leo nejin Ziruaia, im ro dri korijeran Devid rar ilen wõnmae ir i lwe in Gibeon; im rar jijõt iturin lwe eo, ijen im ijen. 14 Im Abner e ar ba nõn Joab, Likao rõn ren jutõk im kemjenñiñi iman mejer. Im Joab e ar ba, Ren jutõk. 15 Inem rar jutõk im elålok kin orair: joñoul ruokin Benjamin im kin Ishboshet, leo nejin Saul, im joñoul ruo ian ro dri korijeran Devid. 16 Im jabrewõt iaire ar drårebõran dron, im wåkari katun kin jaji; ein drein rar jimor buñ: kin men in, etan jikin eo Helkat-hazurim, eo i Gibeon. 17 Im elap air tõrinae ran eo; im ro dron Devid rar bõk anjo ion Abner im ro dri Israel.

18 Im ijo lõmaro jilu nejin Ziruaia, Joab im Ebishai, im Esahel: im Esahel e mőkõj einwõt roe awia. 19 Im Esahel e ar lukworkwore Abner; im ilo an ilok e ar jab jeõr nõn anbijmaroñ ak anmiñ jen an lor Abner. 20 Inem Abner e reiliklok, im ba, Kwe Esahel ke? Im e ar uak, Ña e. 21 Im Abner e ar ba nõn e, Kwon jeõrlok nõn anbijmaroñ ak anmiñ, im jibwe juõn ian likao ro, im bõk ken tõrinae ko an. A Esahel e jab kõnan jeõr jen an lore. 22 Im Abner e ar bar ba nõn Esahel, Kwon jeõrlok jen an lor ið: etke in mõn yuk nõn lõl? inem e naj kijkan að maroñ in kwalok meja nõn Joab jeõm? 23 A e ar abwin jeõr; inem Abner e ar wåkari ubõn kin lokõn mõri eo an, im e bijlok; im e ar buñ ijo im mij; im ro otemjejer rar itok nõn ijo Esahel e ar buñ im mij, re bwijrõk.

24 A Joab im Ebishai rar lukworkwor Abner: im e tulok al ke rar itok nõn tol Ama, ej ber iman Gia, iturin ial nõn ene jemaren in Gibeon. 25 Im ro nejin Benjamin rar kweloklok ilo juõn jar, iben Abner, im rar jutõk ion jabõn juõn tol. 26 Inem Abner e ar kir nõn Joab, im ba, Jaji en mõña in drio ke? kwo jab jela bwe e naj meo ilo jemlokõn ke? inem ietoñ an jab jiroñ armij ro bwe ren jebiak jen air lukworkwori ro jeir im jätir? 27 Im Joab e ar ba, Einwõt Jeova e mour,

<sup>1</sup> 1 Sam. 25. 42, 43. <sup>2</sup> Jap. 5. 3, 5. <sup>3</sup> 1 Sam. 31. 11-13.  
<sup>4</sup> 1 Sam. 14. 50.

<sup>1</sup> 1 Kron. 2. 16.

elañe kwar jab konono, inem emol ke ejiboñ armij re naj kar ilok, im jab lukworkwore jabrewõt jein im jätin. 28 Ein drein Joab e ar jilil; im aolepen armij rar bwijrök, im jab bar lukworkwore Israel, im jab bar törinaek ir. 29 Im Abner kab ro dron rar etal aolepen boñ eo im driblok Araba; im rar elä jen Jordan, im ilok ilujen aolepen Bitron, im rar itok ñon Mehaneim.

30 Im Joab e ar jeblak jen an lukworkwore Abner: im ke e ar kkweloktok armij otemjej, re joko jen ian ro dron Devid joñoul druatim-juõn armij kab Esahel. 31 A ro dron Devid rar mõn jen ian dri Benjamin im dron Abner, jilu buki jiljino-ñoul armij. 32 Im rar kwotöke Esahel, im kalibwin e ilo lüpõn jemen, eo i Betleem. Im Joab im ro dron rar etal aolepen boñ eo, im e rane ir na i Hibron.

3 Inem <sup>1</sup>eto an imõn Saul im imõn Devid törinaek dron: im Devid e ar kajurlok, a imõn Saul e ar mõjino-  
lok wõt.

2 Im eor nejin man rar lotak ñon Devid i Hibron: im manjien Amnon jen Ehinoam dri Jezriel; 3 im eo ken ka ruo, Kileab jen Abigeil lio e kar belen Nebal dri Karmel; im eo ken ka jilu, Absalom nejin Meaka lio nejin Talmai kiñ in Gishur; 4 im eo ken kemen, Adonaija nejin Hagit; im eo ken ka lailim, Shepetaija nejin Abital; 5 im eo ken ka jiljino, Iream jen Egla, lio belen Devid. Rein ro rar lotak ñon Devid i Hibron.

6 Im ilo ien törinae eo ikõtän imõn Saul im imõn Devid, Abner e ar mõke kakajur e ilo imõn Saul. 7 Ak e kar iben Saul juõn kõra konkubain, etan Rizpa, nejin Eia: im Ishboshet e ar ba ñon Abner, Etke kwar ilok ñon iben konkubain eo an jema? 8 Inem Abner e ar kanuij illu kin nan ko an Ishboshet, im e ba, Ña bõran juõn kiru roror an Juda ke? Ranin ij kwalok joiñ ñon imõn Saul jemõm, ñon ro jein im jätin, im ñon ro jeran, im I ar jab ketöke yuk na ilo pein Devid;

ijoke kwoj kinaklok iõ kin juõn bwir iben lio. 9 Anij en kõmõn ein drein ñon Abner, im kalaplok, elañe, einwõt Jeova e ar kanõjniñ ñon Devid, I jab kõmõn einwõt ñon e; 10 in kamõkit ailiñ eo jen imõn Saul, im kajur tron an Devid ion Israel, im ion Juda, jen Dan ñon Bier-shiba. 11 Im e ban uak Abner kin bar juõn nan, bwe e mijök e.

12 Im Abner e ar mõke jilkinlok dri jilik ñon Devid, im ba, An wõn eneo? im e ar bareinwõt ba, Kwon kõmõn bujen iba, im lo, peiõ e naj ibõm in bõktok aolepen Israel ñon yuk. 13 Im e ar ba, Emõn; I naj kõmõn bujen ibõm; a ij kajitök juõn men ibõm: eñin, kwo jamin lo meja elañe kwo jab añintok mokta ñon iba Maikal lio nejin Saul, ñe kwo naj iten lo meja. 14 Im Devid e ar jilkinlok ro dri jilik ñon Ishboshet, leo nejin Saul, im ba, Kwon letok lio beliõ Maikal, eo I ar wiaik e bwe en beliõ kin jibuki kilin man an dri Pilistia.

15 Im Ishboshet e ar jiliklok, im bõk e jen iben leo belen, Paltiel nejin Leish. 16 Im leo belen e ar ilok ibenlok, im jõñ ilo an etetal, im e ar lore ñon Behurim. Inem Abner e ar ba ñon e, Kwon ilok, kwon jeblak: inem e ar jeblak.

17 Im Abner e ar kõmao iben ridto ro an Israel, im ba, Ien ko re motlok kom ar kabukot Devid bwe en kiñ iomi: 18 inem kiõ komin kõmõne; bwe Jeova e ar konono kin Devid im ba, Kin pein korijera Devid I naj lomoren ro droõ Israel jen pein ro dri Pilistia, im jen pein ro otemjej dri kijiräte ir. 19 Im Abner e ar bareinwõt konono i lojiliñin Benjamin: im Abner e ar bareinwõt ilen konono i lojiliñin Devid i Hibron, men otemjej Israel im aolepen imõn Benjamin rej lemnok emõn. 20 Ein drein Abner e ar itok ñon iben Devid ñon Hibron, im roñoul eman iben. Im Devid e ar kõmõn kwojkwoj ñon Abner im ro iben. 21 Im Abner e ar ba ñon Devid, I naj jutök im kokweloktok dri Israel otemjej ñon iben aõ iroiñ kiñ ne, bwe ren kõmõn bujen ibõm, im bwe kwon

kiñ ion ro otemjej am e kōnan. Inem Devid e ar jilkinlok Abner; im e ar ilok ilo ainemōn.

22 Im lo, ro dri korijeran Devid im Joab, rar jeblak jen juōn tōrinae in rakim, im rar bōktok ibeir men in rakim elap: a Abner e joko iben Devid i Hibron; bwe emwij an jilkinlok e, im e ar ilok ilo ainemōn. 23 Ke Joab im aolepen jar in tōrinae iben rar itok, rar kennanek Joab, im ba, Abner nejin Ner, e ar itok ñōn iben kiñ eo, im e ar jilkinlok e, im e ar ilok ilo ainemōn. 24 Inem Joab e ar itok ñōn iben kiñ eo, im ba, Kwar it? lo, Abner e ar itok ñōn ibōm; etke kwar jilkinlok e, im e ar ilok wōt? 25 Kwo jela kajen Abner nejin Ner, bwe e ar iten mone yuk, im bwe en jela am drioij dreloñ, im men otemjej kwoj kōmōne. 26 Im ke Joab e ar driojlok jen iben Devid, e ar jilkinlok ro dri jilik ñōn iben Abner, im rar ānintok e jen aibij Saira: a Devid e ar jab jela kake.

27 Im ke e mottok Abner ñōn Hibron, Joab e ar kajeōr e ilo kejem bwe en konono iben ilo etino, im e ar mōn e kin jāji inem e ar mij, bwe en mo kinij kin Esahel jātin. 28 Im tokelik, ke Devid e ar roñjake, e ar ba, En ejelok ruōn ña im ailñ eo aō iman Jeova in drio, kin bōtōktōkin Abner nejin Ner: 29 a en buñ ion bōran Joab, im ion aolepen nukin jemen; im en jab joko jen imōn Joab, juōn eor an torlok, ak dri leper, ak dri atartar ion jokwōnōn, ak buñ kin jāji, ak ej aikwij bred. 30 Ein drein Joab im Ebishai jātin rar mōn Abner, kin an kar mōn leo jātir Esahel i Gibeon ilo tōrinae eo.

31 Im Devid e ar ba ñōn Joab, im ñōn armij otemjej iben, Komin kekel nuknuk ko ami, im kañōrñōr kom kin nuknuk eklep iren, im liājlol iman Abner. Im kiñ Devid e ar lore kōtem eo. 32 Im rar kalibwin Abner i Hibron: im kiñ eo e ar koutiej ainiken im jōñ i lūpōn Abner; im armij otemjej rar jōñ. 33 Im kiñ eo e ar jōñōt Abner, im ba, Abner en mij einwōt

juōn dri bwebwe ke? 34 Ar jab lukwoj peōm, ak likit neōm ilo kworōk ko: einwōt juōn armij ej buñ iman ro nejin nana, ein drein kwar buñ. Im armij otemjej rar iten bar jōñ ion. 35 Im armij otemjej rar iten kōmōn bwe Devid en mōña bred ke ej ran wōt; a Devid e ar kanōjni, im ba, Anij en kōmōn einwōt, im kalaplok ñōn iō, elañe ij erjōñ bred, ak jabrewōt bar mōña mokta jen an tulok al. 36 Im armij otemjej rar kili, im e ar kabuñburueir; einwōt jabrewōt men eo kiñ e ar kōmōne e ar kabuñburuen armij otemjej. 37 Ein drein armij otemjej im dri Israel otemjej rar jela ran eo bwe e ar jab bebe an kiñ eo bwe en mōn Abner nejin Ner. 38 Im kiñ eo e ar ba ñōn ro dri korijeran, Kom jab jela bwe e buñ juōn iroi im armij e utiej ranin ilo Israel ke? 39 Im ña I mōjino ranin meñe emwij kabit iō kiñ; im armij rein ro nejin Ziruaria re bin jen ña: Jeova en nawōnan dri kōmōn nana ekar ñōn nana eo an.

4 A ke Ishboshet, leo nejin Saul, e ar roñjake bwe Abner e mij i Hibron, e mōjinolok pein, im dri Israel otemjej re lokjenair. 2 Im iben Ishboshet, leo nejin Saul, ruo man rar kapen in jar ko: etan juōn Beana, im etan eo juōn Rekab, ro nejin Rimon dri Bierot, ian ro nejin Benjamin, (bwe Bierot re watōke an Benjamin: 3 im ro dri Bierot rar ko ñōn Giteim, im rar itoitōk ie ñōn ranin).

4 A juōn eman nejin Jonetan leo nejin Saul, im e kirro. E kar ridtōn lailim yiō ke nan ko kin Saul im Jonetan rar itok jen Jezriel; im kōra eo dri lale e ar kwōtōke, im ko: im ke e kijorur in ko, e wutlok lādrick eo, inem e kirro. Im etan Mipiboshet.

5 Im lōmaro nejin Rimon, dri Bierot, Rekab im Beana, rar ilok, im rar itok ke e loliñ al ñōn mweo imōn Ishboshet, ke e ar kakije ke e raelip. 6 Im rar itok im dreloñ iolapen mweo einwōt elañe rej bōktok wit; im rar mōn e: im Rekab im Beana jātin rar ko. 7 A ke rar dreloñ iloan mweo, ke e ar babu ion aowej eo iloan rum

eo an, rar jebōke, im mōn e, im jōb-  
bare, im bōk bōran, im etal ilo ial in  
Araba, aolepen boñ eo. 8 Im rar bōk-  
tok bōran Ishboshet nōn Devid, nōn  
Hibron, im rar ba nōn kiñ eo, Lo, bō-  
ran Ishboshet, leo nejin Saul, eo dri  
kijirāte yuk, eo e ar kabukot am  
mour; im Jeova e ar irenwōne nōn aō  
iroij kiñ ranin kin Saul, im kin inen.  
9 Im Devid e ar uak Reka im Beana  
jātin, ro nejin Rimon dri Bierot, im ba  
nōn ir, Einwōt Jeova e mour, eo e ar  
lomoren aō jen jorran otemjej, 10  
1 ke juōn e ar kennanek iō, im ba,  
Saul e mij, im ej lemnok e ar bōktok  
nan emōn, I ar jibwe, im mōn e i Zik-  
lag, eo wōnan I ar lelok nōn e kin nan  
eo an. 11 E nañin laplok, ke ro dri  
nana rar mōn juōn armij emōn iloan  
mweo imōn ion aowej eo an, kiō etke  
in jab kabukot bōtōktōkin jen peimi,  
im jolok komro jen lōl? 12 Im De-  
vid e ar jiroñ likao ro an, im rar mōn  
irro, im bukwelok peir im neir, im to-  
toik irro iturin lweo eo i Hibron. A  
rar bōk bōran Ishboshet im kalibwin  
e iben Abner i Hibron.

**5** Inem 2 bwij ko otemjej in Israel,  
rar itok nōn iben Devid i Hibron,  
im konono, im ba, Lo, kim drom im  
kōniekōm. 2 Ilo ien ko re motlok,  
ke Saul e ar kiñ iom, kwe kwar tel  
im kadrioi j im kadreloñ Israel: im  
Jeova e ar ba nōn yuk, Kwo naj  
seperd an ro droñ Israel, im kwo naj  
iroij ion Israel. 3 Ein drein ridto  
rōn otemjej an Israel rar itok nōn  
iben kiñ eo nōn Hibron; im kiñ Devid  
e ar kōmōn bujen ibeir i Hibron iman  
Jeova: im rar kabit Devid kiñ ion  
Israel. 4 Devid e ar ridtōn jilñoul  
yiō ke e ar jino in kiñ, im e ar kiñ  
iom in eñoul yiō. 5 Ilo Hibron e 3 ar  
kiñ ion Juda jiljilimuōn yiō im jiljino  
aliñ; im ilo Jerusalem e ar kiñ jilñoul  
jilu yiō ion aolepen Israel im Juda.

6 Im kiñ eo im ro dron rar ilok nōn  
4 Jerusalem nae ro dri Jibus, ro dri  
eneo, ro rar konono nōn Devid im ba,  
Elañe kwo jab bōklok ro dri bilo im ro  
dri kirro, kwo ban dreloñtok; rej

lemnok Devid e bandreloñ ie. 7 Ijoke,  
Devid e ar bōk me e bin an Zaion;  
eñin jikin kwelok an Devid. 8 Im ran  
eo Devid e ar ba, Jabrewōt eo ej mōn  
ro dri Jibus, en wōnliñlok nōn wea eo,  
im mōn ro dri kirro im ro dri bilo, ro  
an Devid ej kijirāte ir. Kin men in  
rej ba, Ijo dri bilo im dri kirro; e  
ban dreloñ iloan mweo. 9 Im Devid  
e ar jokwe iloan me eo e bin, im nae-  
tan jikin kwelok in Devid. Im Devid  
e ar kalek belakin jen Millo im ebak-  
tok. 10 Im Devid e ar kajurlok wōt,  
bwe Jeova, Anij in inelip eo, E ar ber  
iben.

11 Im 1 Hairam, kiñ in Tair, e ar  
jilkinlok ro dri jilik nōn Devid, im  
wijki aik, im ro dri kalek kin alal ko,  
im ro dri kalek kin dreka ko; im rar  
kalek juōn im nōn Devid. 12 Im  
Devid e ar kile bwe Jeova e ar kabine  
kiñ ion Israel, im bwe E ar koutiej  
ailiñ eo an kin ro dron Israel.

13 Im 2 Devid e ar bōk bar jet kōra  
konkubain jen Jerusalem, elikin an  
itok jen Hibron; im bar jet nejin  
man im kōra rar lotak nōn Devid. 14  
Im rein etan ro rar lotak nōn e i Jeru-  
salem: Shama, im Shobab, im Netan,  
im Solomon, 15 im Ibar, im Elishua,  
im Nipeg, im Jepia, 16 im Elishema,  
im Elaída, im Elipelet.

17 Im ke ro dri Pilistia rar roñjake  
kin air kabit Devid kiñ ion Israel, dri  
Pilistia otemjej rar iten kabukot De-  
vid; im Devid e ar ba roñjake, im wōn-  
lōllok nōn me eo e bin. 18 Ak dri  
Pilistia rar wōnliñtok im mōke kaje-  
rer ir ilo komlōl in Ripeim. 19 Im  
Devid e ar kajitōk iben Jeova, im ba,  
In wōnliñlok nae ro dri Pilistia ke?  
Kwo naj ketōk ir na ilo peiō ke? Im  
Jeova e ar ba nōn Devid, Kwon wōn-  
liñlok; bwe emol I naj ketōk ro dri  
Pilistia ilo peōm. 20 Im Devid e ar  
itok nōn Beal-perezim, im Devid e ar  
mōn ir ijo; im e ar ba, Jeova e ar  
ruji ro dri kijirāte iō imaō, einwōt  
elañe e jiblok dren ko. Kin men  
in, e ar naetan jikin eo Beal-perezim.  
21 Im rar likit ekjōp ko air ijo; im  
Devid im ro dron rar item bōkilok.

<sup>1</sup> Jap. 1. 2. 4. 15.  
<sup>4</sup> Josh. 15. 63; 18. 28.

<sup>2</sup> 1 Kron. 11. 1-3.

<sup>3</sup> Jap. 2. 11.

<sup>1</sup> 1 Kron. 14. 1. <sup>2</sup> Dut. 17. 17.

22 Im ro dri Pilistia rar bar itok, im mōke kajerer ir ilo komlōl Ripeim. 23 Im ke Devid e ar kajitōk iben Jeova, E ar ba, Kwon jab wōnlōllok: kwon kabol ir, im ñe elikir kwon itok nae ir ikijen wijki mōlberi. 24 Im ñe kwoj roñ ainiken etetal i jabōn wijki mōlberi ko, inem kwon kate yuk; bwe ien eo Jeova ej etal imam bwe En mōn jar an ro dri Pilistia. 25 Im Devid e ar kōmōn ein drein, einwōt Jeova e ar jiroñ e, im e ar mōn ro dri Pilistia jen Giba ñōn ijo kwoj tōbar Gizer.

6 Im Devid e ar bar kokweloktok ro otemjej ar kalet ir jen Israel, jilñoul tausand. 2 Im Devid e ar jutōk, im ilok iben ro dron otemjej jen Beale-juda, bwe en bōkliñtok jen ijo dipdip an Anij, eo rej naetan kin At eo, eokwe, etan Jeova an inelip eo, Eo ej jijōt ilōñin kerub ko. 3 Im rar likit dipdip an Anij ion juōn wagon ekāl, im bōktok jen loan imōn Ebinedab, eo ej ion tol eo: im Uzza im Ehaio, ro nejin Ebinedab, rar tel wagon eo ekāl. 4 Im rar<sup>1</sup> bōktok e jen iloan imōn Ebinedab, eo ej ion tol eo, im iben dipdip in Anij: im Ehaio e ar etal iman dipdip eo. 5 Im Devid im aolepen Israel rar kajōñjōñ iman Jeova, kin ken kajōñjōñ wāweir otemjej, kōmōnmōni jen wijki fōr, im kin arp, im kin salteri, im kin timbrel, im kin kastenet, im kin simbal ko.

6 Im ke rar itok ñōn jikin dreñdreñ an Nekon, Uzza e<sup>2</sup> ar kōtellok pein ñōn dipdip an Anij, im jibwe; bwe e tibñil ox ko. 7 Im ebwil illu an Jeova nae Uzza; im Anij e ar mōn e ijo kin bwir eo an; im e ar mij iturin dipdip in Anij. 8 Im Devid e ar li-man kin an Jeova jiblok nae Uzza; im e ar naetan jikin eo Pirez-uzza, ñōn ranin. 9 Im Devid e ar mijōk Jeova ran eo; im e ar ba, E naj kijkan an dipdip an Jeova itok ñōn iba? 10 Ein drein Devid e ar jab kōnan kamōkit dipdip an Jeova ñōn iben iloan jikin kwelok an Devid; a Devid e ar bōklok e ñōn loan imōn Obed-idom dri Git. 11 Im dipdip an Jeova

e ar berwōt iloan imōn Obed-idom dri Git, iomin jilu aliñ: im Jeova e ar kejerammōn Obed-idom im ro nukin otemjej.

12 Im rar kennanek kiñ Devid, im ba, Jeova e ar kejerammōn imōn Obed-idom im men otemjej iben, kin dipdip an Anij. Inem<sup>1</sup> Devid e ar ilen bōktok dipdip an Anij jen imōn Obed-idom ñōn iloan jikin kwelok an Devid im lōñliñ. 13 Im ein drein, ke ro rar inek dipdip an Jeova rar etal jiljino jetnakin ne, e ar katok kin juōn ox im juōn kon e mātōk. 14 Im Devid e ar eep iman Jeova kin aolepen an maroñ; im emwij kañōr-ñōre kin juōn epod linen. 15 Ein drein Devid im aolepen imōn Israel rar bōkliñtok dipdip an Jeova, kin lamij im uk jilil.

16 Im ke dipdip an Jeova e ar dreloñtok iloan jikin kwelok an Devid, Maikal lio nejin Saul, e ar reilok jen juōn windo, im e ar lo kiñ Devid ke ej kelok im eep iman Jeova; im e ar kejekron e ilo būruen. 17 Im rar bōklok dipdip an Jeova im likite ilo jikin, ilo im nuknuk eo Devid e ar kalek ñōn e; im Devid e ar katok kin men in katok kijeek ko, im men in katok ainemōn ko iman Jeova. 18 Im ke Devid e ar kamwijlok an katok, kin men in katok kijeek ko, im kin men in katok ainemōn ko, e ar kejerammōn armij ro ilo etan Jeova an inelip eo. 19 Im e ar kajulok ñōn armij otemjej, aet, aolepen jar eo an Israel, man im kōra, ñōn jabrewōt iair juōn kek bred, im mōtōn kōniek, im juōn kek grep emōra. Ein drein armij otemjej rar ilok, jabrewōt iair ñōn mweo imōn.

20 Inem Devid e ar jeblak im kejerammōn ro nukin. Im Maikal lio nejin Saul e ar drioiytok im ion Devid, im e ba, E nañin aibujuij kiñ in Israel ranin, eo e ar mōke elōklok e iman mejen ro dri korijeran kōra ro an, einwōt juōn ian armij re wan ej elōk-loke! 21 Im Devid e ar ba ñōn Maikal, E kar iman mejen Jeova, eo e ar kaljiklok iō jen jemōm, im

<sup>1</sup> 1 Sam. 7. 1. <sup>2</sup> Bwin. 4. 15. 19. 20.

<sup>1</sup> 1 Kron. 15. 25-16. 3.

jen ro otemjej nukin, bwe En likit ið iroi j ion ro dron Jeova, ion Israel: kin men in I naj kuri iman Jeova. 22 Im e naj laplok að irjikine ið, im I naj etå iman meja: a kin ro dri korijera kwar konono kake, re naj nebar ið. 23 Im Maikal lio nejin Saul e ar jab keutak nejin ñõn ran eo e mij.

7 Im ke kiñ eo e ar jokwe ilo mweo imõn, im Jeova e ar kakijeik e jen aolepen ro dri kijiråte ijoko otemjej, 2 inem kiñ eo e ar ba ñõn Netan, dri kanan, Lo, kið, ña ij jokwe iloan<sup>1</sup> im aik imð, a dipdip an Anij ej jokwe iloan im nuknuk. 3 Im Netan e ar ba, Kwon ilok, im kômõn aolepen men eo ilo buruðm; bwe Jeova ej ibõm. 4 Im boñ eo, nan jen Jeova e ar itok ñõn Netan, im ba, 5 Kwon ilem kennanek korijera Devid, Ein drein Jeova ej ba, Kwe kwo naj kalek ñõn Ið juðn im bwe In jokwe ie ke? 6 bwe I ar jab jokwe iloan juðn im elikin ran eo ke I ar añintok ro nejin Israel jen Ijipt, aet, ñõn ranin, a I ar etal iloan juðn im nuknuk im iloan imõn kaber. 7 Ilo jikin otemjej I ar etal ie iben ro nejin Israel, I ar konono juðn nan ñõn jabrewõt ian bwij ko bwijin Israel, eo I ar jiroñ e bwe en seperd ro droð Israel, im ba, Etke kom ar jab kalek ñõn Ið mweo imð aik? 8 Inem en ein drein am naj ba ñõn korijera Devid, Ein drein Jeova an inelip eo, ej ba, I ar bøk yuk jen imðn jip, jen lore jip ko, bwe kwon iroi j ion ro droð, ion Israel; 9 im I ar ber ibõm ijoko otemjej kwar ilok ielok, im I ar bukwelok ro otemjej dri kijiråte yuk iman mejõm; im I naj kômõn ñõn yuk etðm elap, einwõt etan ro re utiej rej ber i löl. 10 Im I naj likit juðn jikin ñõn ro droð Israel, im I naj kat ir bwe ren jokwe ilo jikir, im jamin bar kamokit ir; im ro nejin nana re jamin bar ke jorran ir, einwõt ien ko mokta, 11 im einwõt jen ran eo ke I ar jiroñ dri ekajet bwe ren lali ro droð Israel; im I naj kakijeik yuk jen ro otemjej dri kijiråte yuk. Bareinwõt Jeova ej ken-

nannek yuk bwe Jeova e naj kômõn mweo ñõn yuk. 12 Ñe e jejit ran ko am, im kwoj kiki iben ro jemõm, I naj kajutøk ineðm elikõm, eo e naj walok jen ibõm, im I naj kabin ailiñ eo an. 13 E<sup>1</sup> naj kalek juðn im ñõn eta, im I naj kabin tron in ailiñ eo an ñõn in drio. 14 Ña I naj jemen, im e naj nejio: elañe ej kômõn nana, I naj kajeik e kin alal in armij, im kin dribitbit ko an ro nejin armij; 15 a Að joi j elap e jamin ilok jen iben, einwõt I ar bõke jen Saul, eo I ar jolok jen imam. 16 Im mweo imðm, im am ailiñ naj kabine ñõn in drio imam: naj kabin tron eo am ñõn in drio. 17 Ekar ñõn nan kein otemjej, im ekar ñõn aolepen visõn in, ein drein Netan e ar konono ñõn Devid.

18 Inem Devid e ar dreloñ im jijõt iman Jeova; im e ar ba, Wõn ña, O Iroi j Jeova, im ta mweo imð, bwe Kwar añintok ið ñõn iji? 19 Im eñin men erik iman mejõm, O Iroi j Jeova; a Kwar konono kin imðn ña korijerõm ñõn ien eto tokelik; im men in wõt ilo wåwen armij, O Iroi j Jeova! 20 Im ta eo elaplok an Devid maroñ in ba ñõn Yuk? bwe Kwo jela ña korijerõm, O Iroi j Jeova! 21 Kin Am in nan, im ekar ñõn buruðm, Kwar kômõn-mõn aolepen men in elap, bwe Kwar kajelaik ña korijerõm kake. 22 Kin men in, Kwe kwo utiej, O Jeova Anij: bwe ejelok einwõt Kwe, im ejelok bar juðn anij ijillokõm, ekar ñõn aolepen men eo kim ar roñjake kin lojiliñem. 23 Im ailiñ ðt ilo löl ej einwõt ro drom, einwõt Israel, eo Anij e ar ilen lomoren ñõn E juðn ailiñ, im bwe En kômõn ñõn E juðn åt, im kômõn men ko relap ñõn Kwe, im men ko men in lelñõ ñõn eneo Am, iman ro drom, ro Kwar lomor ir ñõn Yuk jen Ijipt, jen ailiñ ko kab anij ro air? 24 Im Kwar kabin ñõn Kwe ro drom Israel bwe ren juðn ailiñ ñõn Kwe in drio; im Kwe, Jeova, kwoj air Anij. 25 Im kið, O Jeova Anij, nan eo Kwar ba kin ña korijerõm, im kin mweo imðn, Kwon kabine ñõn in drio, im kômõn einwõt

<sup>1</sup> Jap. 5. 11.<sup>2</sup> I Kib 6. 12.

Kwar ba. 26 Im ren koutiejlok etôm ñôn in drío, im ba, Jeova an inelip eo Ej Anij ion Israel; im mweo imôn ña korijerôm Devid naj kabine imam. 27 Bwe Kwe, O Jeova an inelip eo, Anij in Israel, Kwar kwalok ñôn ña korijerôm, im ba, I naj kalek mweo imôm ñôn in drío: kin men in, ña korijerôm I ar lo ilo buruô bwe in jar jar in ñôn Kwe. 28 Inem kiô, O Iroi Jeova, Kwoj Anij, im nan ko Am remol, im Kwar kalimur kin men in emôn ñôn ña korijerôm: 29 kin men in, kiô, en buñburuôm in kejerammôn imôn ña korijerôm, bwe en berwôt in drío imam; bwe Kwe O Iroi Jeova, kwar konono kake: im kin Am kejerammôn, mwin imôn korijerôm en jerammôn ñôn in drío.

**8** <sup>1</sup>Inem, tokelik Devid e ar môn ro dri Pilistia, im kôtaik ir: im Devid e ar bök Meteg-ama jen pein ro dri Pilistia.

2 Im e ar môn Moab, im joñwe ir kin ken joñök, ke e ar kababu ir ion löl; im e ar joñwe ruo ken joñök bwe ren mij, im juôn ken joñök bwe ren mour. Im dri Moab rej dri korijeran Devid im böktok owôj.

3 Bareinwôt Devid e ar môn Hadadizer, nejin Rihob, kiñ in Zoba, ke e ar ilen bök ailiñ eo aniturin River eo. 4 Im Devid e ar bök jen e juôn tausán jiljilimjuôn buki dri uwe ion ors, im roñoul tausán dri törinae etetal: im Devid e ar jek iki in neen ors in jariat ko otemjej, a e ar kejbärok jen ir ors ko ñôn jibuki jariat. 5 Im ke ro dri Siria jen Damaskôs rar iten rie Hadadizer kiñ in Zoba, Devid e ar môn roñoul ruo tausán armij ian ro dri Siria. 6 Inem Devid e ar likit ro dri me ilo Siria in Damaskôs; im ro dri Siria rej dri korijeran Devid im böktok owôj. Im Jeova e ar lelok anjo ñôn Devid ijoko jabrewôt e ar ilok ielok. 7 Im Devid e ar bök likipijñök ko an ro dron Hadadizer, im bökitok ñôn Jerusalem. 8 Im jen Bitá, im jen Berotai, jikin kwelok ko an Hadadizer, kiñ Devid e ar bök e kanuij löñ jinibörörö.

9 Im ke Toi kiñ in Hemat, e ar roñjake bwe Devid e ar môn aolepen jar in törinae an Hadadizer, 10 inem Toi e ar jilkinlok Joram leo nejin ñôn iben kiñ Devid, bwe en yokyokwe e im kejerammôn e kin an kar törinaek Hadadizer im mône: bwe Hadadizer e ar törinaek Toi. Im Joram e ar böktok iben jäbi gold ko, im jäbi silver ko, im jäbi jinibörörö ko: 11 irkein bareinwôt Devid e ar lelok ñôn Jeova, iben silver im gold e ar lelok jen ailiñ ko otemjej e kar kôtaik ir; 12 jen Siria, im jen Moab, im jen ro nejin Amon, im jen ro dri Pilistia, im jen Amelek, im jen men in rakim jen Hadadizer, nejin Rihob, kiñ in Zoba.

13 Im Devid e ar buñbuñ ke e ar jeblak jen an môn ro dri Siria ilo komlöl in Jätök, aet, joñoul drualitök tausán armij. 14 Im e ar likit ro dri me ilo Idom; ilujen aolepen Idom e ar likit ro dri me, im dri Idom otemjej rej dri korijeran Devid. Im Jeova e ar lelok anjo ñôn Devid ijoko jabrewôt e ar ilok ielok.

15 Im Devid e ar kiñ ion aolepen Israel; im Devid e ar kômôn jime im wänik ñôn armij otemjej dron. 16 Im Joab, leo nejin Ziruaia, e ar iroi in jar in törinae eo; im Jihoshapat leo nejin Ehailud, dri jeje bwebwenato ko; 17 im Zedok nejin Ehaitar, im Ehimelek nejin Ebaiatar rejro pris; im Siria dri jeje; 18 im Beneia leo nejin Jihoada e ar iroi ion ro dri Kiret im ro dri Pilet; im lömaro nejin Devid bwirök re utiej.

**9** Im Devid e ar ba, Eorke rej berwôt ian ro nukin Saul, <sup>1</sup>bwe in kwalok joij ñôn e kin Jonetan? 2 Im ej ber juôn korijeran Saul etan Zaiba, im rar kirtok e ñôn iben Devid; im kiñ eo e ar ba, Kwe ne Zaiba ke? Im e ar ba, Ña e, korijerôm. 3 Im kiñ eo e ar ba, Eorke ian wut wuten Saul, bwe in maroñ kwalok joij an Anij ñôn e? Im Zaiba e ar ba ñôn kiñ eo, Ej berwôt <sup>2</sup>juôn eman nejin Jonetan, e kirro. 4 Im kiñ eo e ar ba, Ej ber ia? Im Zaiba e ar ba ñôn

<sup>1</sup> 1 Kron. 18.<sup>1</sup> 1 Sam. 30. 14-17. <sup>2</sup> Jap. 4. 4.



kiñ eo, Lo, ej ber ilo imōn Mekir leo nejin Amiel, i Lo-dibar. 5 Inem kiñ Devid e ar jililklok im ānintok e jen imōn Mekir nejin Amiel, jen Lo-dibar. 6 Im Mipiboshet, leo nejin Jonetan, leo nejin Saul, e ar itok nōn iben Devid, im buñbero im aber nōn e. Im Devid e ar ba, Mipiboshet. Im e ar uak, Lo, ña e, korijerōm. 7 Im Devid e ar ba nōn e, Kwon jab mijōk; bwe emol I naj kwalok joiñ nōn yuk kin Jonetan jemōm, im I naj lewoj aolepen enen Saul jemōm; im kwo naj mōña ekōn ilo tebel eo aō ien otemjej. 8 Im e ar barikrik, im ba, Ta ña korijerōm bwe kwon lala juōn kiru roror e mij einwōt ña?

9 Im kiñ eo ar kir nōn Zaiba, leo korijeran Saul, im ba nōn e, 1 Men ko otemjej an Saul im mweo imōn, I ar lelok nōn leo nejin karo eo am. 10 Im kwo naj tōblōle briñ nōn e, kwe im lōmaro nejōm, im ro dri korijerōm; im kwo naj aini leen ko bwe leo nejin karo eo am en lo kijan: a Mipiboshet nejin karo eo am e naj mōña ien otemjej ilo tebel eo aō. A iben Zaiba joñoul lailim nejin man im roñoul dri korijeran. 11 Inem Zaiba e ar ba nōn kiñ eo, Einwōt men otemjej aō iroiñ kiñ kwar jiroñ iō, ein drein I naj kōmōne. Kin Mipiboshet, kiñ ej ba, e naj mōña ilo tebel eo aō einwōt juōn ian lōmaro nejin kiñ. 12 Im juōn ladrik nejin Mipiboshet, etan Maika. Im ro otemjej rej jokwe iloan imōn Zaiba rej korijer nōn Mipiboshet. 13 Ein drein Mipiboshet e ar jokwe i Jerusaalem; bwe e ar mōña ien otemjej ilo tebel an kiñ eo. Im e ar kirro aolepen neen.

**10** Im 2 tokelik kiñ an ro nejin Amon e ar mij, im Henun nejin e ar kiñ im bineñ jenkwōn. 2 Im Devid e ar ba, I naj kwalok joiñ nōn Henun nejin Nehash einwōt jemen e ar kwalok joiñ nōn iō. Ein drein Devid e ar jililklok kin ro dri korijeran, bwe en kalul e kin jemen. Im ro dri korijeran Devid rar dreloñ ilo enen ro nejin Amon. 3 A iroiñ ro an ro nejin Amon rar ba nōn Henun kiñ

eo air, Kwoj lemnok bwe Devid ej koutiej jemōm ilo an jililklok dri kainemōn nōn ibōm ke? e ar jab jililklok ro dri korijeran bwe ren wat jikin kwelok in, im kejar e, im kejebe-plok e ke? 4 Ein drein Henun e ar jibwe lōmaro korijeran Devid, im eāl jimōtōn kworeak ko air, im bukwelok nuknuk ko air ilukwōn, aet, i lomiar, im jililklok ir. 5 Ke rar kennanek Devid, e ar jililklok in wōnmae ir; im lōmaro re kanuij jok. Im kiñ eo e ar ba, Komin berwōt i Jeriko mae ien kworeak ko ami rej bar edrek, inem jeblaktok.

6 Im ke ro nejin Amon rar lo bwe re meo iben Devid, ro nejin Amon rar jililklok im kajerbal ro dri Siria an Bet-rihob, im ro dri Siria an Zoba, roñoul tausan dri tōrinae etetal, im kiñ in Meaka iben juōn tausan armij, im ro dri Tob joñoul ruo tausan armij. 7 Im ke Devid e ar roñjake e ar jililklok Joab, im aolepen jar an armij ro re kajur. 8 Im ro nejin Amon rar drioiñtok im kalejar iman kejem: im ro dri Siria jen Zoba, im jen Rihob, im ro dri Tob im ro dri Meaka, rar mōkelok iair ilo melaj.

9 A ke Joab e ar lo air kalejar nae e elikin im iman, e ar kålet ro remōn tata ian ro dri Israel, im e ar kalejar ir mae dri Siria: 10 im ro jet e ar likit ir ilo pein Ebishai leo jātin; im e ar kalejar ir mae ro nejin Amon. 11 Im e ar ba, Elañe ro dri Siria re kajur jen ña, inem kwon jibōñ iō; a elañe ro nejin Amon re kajur jen kwe, inem I naj iwij im jibōñ yuk. 12 Kwon beran wōt, im jen kwalok kij man ro kin ailñ eo ar, im kin jikin kwelok ko an ar Anij: im Jeova en kōmōn men eo emōn iben. 13 Ein drein Joab im ro iben rar druaklok bwe ren tōrinaek ro dri Siria: im re ko jen e. 14 Im ke ro nejin Amon rar lo bwe e ko ro dri Siria, rej bar einwōt ko jen iman Ebishai, im dreloñ iloan jikin kwelok eo. Inem Joab e ar jeblak jen ro nejin Amon, im itok nōn Jerusaalem.

15 Im ke ro dri Siria rar lo bwe dri Israel rar bōk anjo ioir, rar kwelok-

tok. 16 Im Hadarizer e ar jilkinlok im añintok ro dri Siria i River jab-ueo: im rar itok ñõn Hilam, im Shobak kapen in jar in tõrinae an Hadarizer e ar tel ir. 17 Im ar kennanek Devid; im e ar kokweloktok aolepen Israel, im elä jen Jordan im itok ñõn Hilam. Im ro dri Siria rar kalejar nae Devid im tõrinaek e. 18 Im dri Siria rar ko jen iman Israel; im Devid e ar mõn ian ro dri Siria dri uwe ion jiljilimjuõn buki jariot, im eñoul tausand dri uwe ion ors, im e ar mõn Shobak, kapen in jar in tõrinae eo, inem e ar mij. 19 Im ke kiñ ro otemjej dri korijeran Hadarizer rar lo bwe ro dri Israel re bõk anjo jen ir, rar kõmõn ainemõn iben Israel, im korijer ñõn ir. Ein drein ro dri Siria rar mijõk in bar jibõn ro nejin Amon.

**11** Im ilo<sup>1</sup> bar yiõ eo juõn, ien eo ke kiñ ro rej ilen tõrinae, Devid e ar jilkinlok Joab, im ro dron iben, im aolepen Israel; im rej mõn ro nejin Amon im nitbwile Rabba. A Devid ej berwõt i Jerusalem.

2 Im juõn ran ke ejota, Devid e ar jerkak jen aowej eo an, im e ar etetal ion kejenwan mweo imõn kiñ eo: im jen kejenwan eo ear lo juõn kõra ej tutu; im kõra eo e kanuij dreo. 3 Im Devid e ar jiliklok im kajitõk kin lio. Im juõn e ar ba, Lio e jab Bat-shiba, nejin Ilaiaim, belen Uraia dri Het ke? 4 Im Devid e ar jilkinlok ro dri jilik, im bõke; im lio ar dreloñ ñõn iben, im e ar babu iben lio, (ak emwij karreoik e jen an jab erre); inem lio e ar jeblak ñõn mweo imõn. 5 Im kõra eo e ar etta, im e ar jiliklok im kennanek Devid im ba, Ña I bõroro.

6 Inem Devid e ar jiliklok ñõn Joab, im ba, Kwon jilkintok ñõn iba Uraia dri Het. Im Joab e ar jilkinlok Uraia ñõn iben Devid. 7 Im ke Uraia e ar itok ñõn iben, Devid e ar kajitõk iben ekijkan Joab, im ekijkan armij ro, im ekijkan an tõrinae eo jerammõn. 8 Im Devid e ar ba ñõn Uraia, Kwon wonlõllok ñõn mweo imõm, im katutu neõm. Inem Uraia

e ar ilok jen mweo imõn kiñ eo, im juõn mõtõn ekõn jen kiñ eo e ar lorelok. 9 A Uraia e ar kiki iturin kejem in mweo imõn kiñ eo iben ro dron otemjej an iroijs eo an, im e ar jab wõnlõllok ñõn mweo imõn. 10 Im ke rar kennanek Devid, im ba, Uraia e ar jab wõnlõllok ñõn mweo imõn, Devid e ar ba ñõn Uraia, Kwar jab itok ke jen etetal? inem etke kwar jab wõnlõllok ñõn mweo imõm?

11 Im Uraia e ar ba ñõn Devid, Dip-dip eo, im Israel, im Juda, rej jokwe ilo imõn kabere ko; im aõ iroijs Joab, im ro dron aõ iroijs, rej berwõt ilo melaj; inem ña in dreloñ ilo mweo imõ, im mõña im irak, im babu iben lio beliõ ke? einwõt kwojs mour, im am ej mour, I jamin kõmõn men in. 12 Im Devid e ar ba ñõn Uraia, Kwon berwõt iji ranin bareinwõt, im ilju I naj kötlok yuk bwe kwon ilok. Ein drein Uraia e ar berwõt i Jerusalem ran eo, im ilju. 13 Im ke Devid e ar kirtok e, e ar mõña im irak iman; im e ar kakarek e: im ke ejota e ar dri-ijlok bwe en babu ion kinien iben ro dron iroijs eo an, a e ar jab wõnlõllok ñõn mweo imõn.

14 Im ke ejiboñ, Devid e ar jeje juõn letter ñõn Joab, im jilkinlok e kin pein Uraia. 15 Im e ar jeje ilo letter eo, im ba, Kwon likit Uraia ilo jino, ijo elap tõrinae ie, im komin ewilik jen e, bwe ren mõn e im en mij. 16 Im ke Joab e ar jurake jikin kwelok eo, e ar likit Uraia ijo e jela bwe ro dri tõrinae re beran rej ber ie. 17 Im ro dri jikin kwelok eo rar drioijslok in iri iben Joab: im jet ian armij ro re bero, aet, jet ian ro dron Devid; im Uraia dri Het e ar bareinwõt mij. 18 Inem Joab e ar jiliklok im kennanek Devid men otemjej kin tõrinae eo; 19 im e ar jirof dri jilik eo, im ba, Ne emwij am kennanek kiñ eo men otemjej kin tõrinae eo, 20 elañe kiñ eo ej illu, im ej ba ñõn yuk, Etke ein drein ami kebaklok ñõn worwor eo? kom ar jab jela bwe re naj libon jen worwor eo ke? 21 wõn eo e ar mõn Abimelek leo nejin Jerubeshet? juõn kõra e ar jab jo-

<sup>1</sup> 1 Kron. 20. 1.

lilok juõn dreka irir jabeo ilõñ jen worwor eo na ion ke, inem e ar mij i Tabez? etke ein drein ami kebaklok worwor eo? inem kwo naj ba, Dri korijerõm, Uraia dri Het, e bareinwõt mij.

22 Eindrein dri jilik eo e ar ilok, im item kwalok ñõn Devid men otemjej Joab e ar jilkinlok e kake. 23 Im dri jilik eo e ar ba ñõn Devid, Armij ro rar bõk anjo jen kim, im driojlok ñõn kim ilo melaj, im kim ar iun ir ñõn kejem eo. 24 Im dri libon rar libone kim jen ion worwor eo; im jet ian ro dron kiñ eo re mij, im korijerõm Uraia dri Het, e bareinwõt mij. 25 Inem Devid e ar ba ñõn dri jilik eo, Ein drein am naj ba ñõn Joab, Men in en jab kaburomõj yuk, bwe jãji ej kõñ juõn einwõt bar juõn; kwon kabinlok am tõrinaek jikin kwelok eo, im kajebeplik e: im kwe kwon rojõne.

26 Im ke lio belen Uraia e ar roñ bwe e mij leo belen, e ar jõñõt leo belen. 27 Im ke e jemlok an liãj-lol, Devid e ar jiliklok im añintok e ñõn loan mweo imõn, im ej belen, im e ar keutak ñõn e nejin man. A<sup>1</sup> men in Devid e ar kõmõne e ar kaillu Jeova.

**12** Im Jeova e ar jilkinlok<sup>2</sup> Netan ñõn iben Devid. Im e ar itok ñõn iben, im ba ñõn e, Ruo armij rar jokwe ilo juõn jikin kwelok; juõn e mweie im eo juõn e jeramel. 2 Iben dri mweie e kanuij lõñ bwijin jip, im got, im kau; 3 a iben dri jeramel eo, ejelok, a juõn wõt lam kokõra erik, eo e ar wiaik im lala: im e ar ridtolok iben, im iben ajiri ro nejin; e ar mõña men ko kijen, im irak jen kõp eo an, im babu i ubõn, im ej ñõn e einwõt nejin. 4 Im juõn dri itoitõk e ar itok ñõn iben dri mweie eo, im e ar makoko in bõk juõn ian jip, ak got, ak kau ko an, im kapoje kijen dri itoitõk eo e ar itok ñõn iben, a e ar bõk lam eo an dri jeramel eo, im kapoje ñõn leo e ar itok ñõn iben. 5 Im e kanuij bwil illu an Devid nae armij eo; im e ar ba ñõn Netan, Einwõt

Jeova ej mour, leo e ar kõmõn men in, ej drien mij: 6 im en bar lelok lam eo emen alen, kin ke e ar kõmõn men in, im bwe ejelok an tiriamo.

7 Im Netan e ar ba ñõn Devid, Kwe, armij eo. Ein drein Jeova Anij an Israel ej ba, I ar kabit yuk kiñ ion Israel, im I ar lomoren yuk jen pein Saul; 8 im I ar lewoj mweo imõn iroi j eo am, im limaro belen iroi j eo na ilo ubõm, im I ar lewoj imõn Israel im Juda; im elañe e jab bwe men kein, I naj kar lewoj men ko jet. 9 Etke kwar kejekron nan ko an Jeova, im kõmõn nana iman mejen? kwar mõn Uraia dri Het kin jãji, im kwar bõk lio belen, bwe en beleõm, im kwar mõn leo kin jãji an ro nejin Amon. 10 Kin men in, jãji e jamin ilok jen mweo imõm, kin ke kwar kejekron Iõ, im kwar bõk lio belen Uraia dri Het bwe en beleõm. 11 Ein drein Jeova ej ba, Lo, I naj kajutõk nana nae yuk jen mweo imõm; im I naj bõk limaro beleõm iman mejõm, im lilok ñõn dri turõm, im e naj babu iben limaro beleõm iman mejen al eo. 12 Bwe kwar kõmõne ilo etino: a I naj komõn men in iman dri Israel otemjej, im iomin al eo. 13 Im Devid e ar ba ñõn Netan, I ar jerawiwi nae Jeova. Im Netan e ar ba ñõn Devid, Jeova e ar bareinwõt jolok bwir eo am; kwo jamin mij. 14 Ijoke, kin am kõmõn men in, kwar lelok ñõn ro rej kijirãte Jeova unin kajirere elap, emol ajiri in e ar lotak ñõn yuk e naj mij. 15 Inem Netan e ar ilok ñõn mweo imõn.

Im Jeova e ar ubrare ajiri eo lio belen Uraia e ar keutak e ñõn Devid, im e kanuij nañinmij. 16 Kin men in Devid e ar akwelap ñõn Anij kin ajiri eo; im Devid e ar jitlok, im dreloñlok, im babu aolepen boñ ion brij. 17 Im ridto ro in mweo imõn rar jerkak, im jutõk iturin, bwe ren kwõtõke jen brij; a e jab kõnan, im e ar jab mõña bred ibeir. 18 Im ke ran eo ken ka jiljilimjuõn e mij ajiri eo. Im dri korijeran Devid rar mijõk in kennanek e bwe ajiri eo e mij; bwe

<sup>1</sup> Sam. 6. 1. 6. <sup>2</sup> Jap. 7. 2, 4, 17.

re ba, Lo, ke e mour ajiri eo, kim ar konono iben, im e jab eoroñ ainiker: e jamin mōke kaiñtan e elañe kimij kennanek e bwe e mij ajiri eo ke? 19 Im ke Devid e ar lo bwe dri kori-jeran rej unojrikrik iben dron, Devid e ar kile bwe e mij ajiri eo; im Devid e ar ba ñon ro dri korijeran, Ajiri eo e mij ke? Im re ba, E mij. 20 Inem Devid e ar jerkak jen brij, im <sup>1</sup>tutu, im mōke kabit e im kōnōk nuknuk ko jet; im e ar dreloñtok ilo imōn Jeova, im kabuñ: inem e ar itok ñon mweo imōn; im ke e ar ka-jitōk, rar likit bred iman, im e ar mōña. 21 Inem dri korijeran rar ba ñon e, Ta men in kwar kōmōne? kwar jitlok im jōñōt ajiri eo ke e ar mour; a ke e mij ajiri eo, kwar jerkak im mōña bred. 22 Im e ar ba, Ke ajiri e ar mour, I ar jitlok im jōñ: bwe I ar ba, Wōn e jela elañe Jeova e naj joi j ñon iō bwe ajiri eo en mour? 23 A kiō e mij, ewi unin aō jitlok? I maroñ in bar bōktok e ke? I naj ilok ñon iben, a e jamin jeblak-tok ñon iba.

24 Im Devid e ar kainemōne Bat-shiba lio belen, im dreloñlok ñon e, im babu iben: im e ar keutak nejin man, im e ar naetan Solomon. Im Jeova e ar yokwe; 25 im e ar jil-kinlok kin pein Netan, dri kanan; im e ar naetan Jedidaia, jen pein Jeova.

26 Ak Joab e ar tōrinaek Rabba an ro nejin Amon, im e ar bōk jikin kwelok eo an kiñ. 27 Im Joab e ar jilkinlok ro dri jilik ñon iben Devid, im ba, Emwij aō tōrinaek Rabba; aet, I ar bōk jikin kwelok an dren ko. 28 Inem kwon kokweloktok bween armij rōn, im nitbwili jikin kwelok eo, im bōke; ñe I ab bōk jikin kwelok eo, im rej naetan kin eta. 29 Im Devid ej kokweloktok armij otemjej, im ilok ñon Rabba, im tōri-naek e, im bōke. 30 Im e ar bōk bokrōnat jen kiñ eo air; im erron juōn tausan talent gold, im iben, dreka raurōk; im rar likite ion bōran Devid. Im e ar kadrioiptok men in rakim an jikin kwelok eo e kanuij lōñ. 31 Im

e ar kadrioiptok armij ro rej ber ie, im likiti iomin jirben ko, im iomin harro māl ko, im iomin māl ilil, im kaetetal ir ilujen jikin kōmāt brik: ein drein an kōmōn ñon jikin kwelok otemjej an ro nejin Amon. Im Devid im aolepen armij rar jeblak ñon Jerusalem.

**13** Im elikin men in, juōn kōra jätin <sup>1</sup>Absalom, nejin Devid, e dreo, etan Temar; im Amnon leo nejin Devid e ar yokwe e. 2 Im <sup>2</sup>Amnon, ke e mij ilokōn jätin, Temar, e nañinmij; bwe virjin lio; im leo e ar lemnok e bin an kōmōn jabrewōt ñon e. 3 A juōn jeran Amnon etan Jone-dab, nejin Shimia, leo jein Devid: im Jonedab juōn armij e kanuij jela mon. 4 Im e ar ba ñon e, O nejin kiñ, etke ein drein am bini ran otemjej? kwo jab kōnan kennanek iō ke? Im Amnon e ar ba ñon e, I mij ilokōn Temar, lio jätin Absalom, jeiō. 5 Im Jone-dab e ar ba ñon e, Kwon babu ion kiniōm, im kajelamon am nañinmij: im ñe jemōm ej iten lo yuk, kwon ba ñon e, Jatiō Temar en itok, ij akwelap, im letok bred bwe in mōña, im kapo-jōk kijiō iman meja, bwe in loe, im mōña jen pein. 6 Inem Amnon e ar babu, im kajelamon an nañinmij: im ke kiñ eo e ar iten loe, Amnon e ar ba ñon kiñ eo, Jatiō Temar en itok, ij akwelap, im iōk ruo kek iman meja, bwe in mōña jen pein.

7 Inem Devid e ar jiliklok ñon kabijuknen Temar, im ba, Kwon ilok ñon mweo imōn Amnon jeiōm, im kapo-jōk kijan ñon e. 8 Ein drein Temar e ar ilok ñon mweo imōn Amnon jein; im ej babu wōt. Im lio e ar bōk flauo, im iōki, im e ar kōmōn kek ko iman mejen, im e ar kōmāt kek ko. 9 Im e ar bōk jābi eo, im katorloki iman; a e abwin mōña. Inem Amnon e ar ba, Armij otemjej ren drioiptok jen iba. Im armij otemjej rar drioiptok jen iben. 10 Im Amnon e ar ba ñon Temar, Kwon bōktok men eo ki-jio ñon loan rum in, bwe in mōña jen peōm. Im Temar e ar bōk kek ko e ar kōmōni, im bōkilok ñon loan rum

<sup>1</sup> Matu 6. 17.<sup>2</sup> Jap. 3. 2. 3. <sup>3</sup> Jap. 3. 2.

eo, nōn iben Amnon jein. 11 Im ke e ar bōkitok ebak nōn e bwe en mōña, leo e ar jibwe, im ba nōn e, Kwon babu iba, jātiō. 12 Im e ar uak e, Jab, jeiō, kwon jab kamakokoik iō; bwe e jab emōn kōmōn men rōt in ilo Israel: kwon jab kōmōn men in bwebwe in. 13 Im ña, in bōklok aō jok nōn ia? im kin kwe, kwo naj einwōt juōn ian dri bwibwi ilo Israel. Inem ij akwelap, kwon konono iben kiñ eo; bwe e jamin drebij iō jen kwe. 14 Ijoke, e abwin bokake ainiken; im kin an katur jen lio, e ar kamakokoik e, im babu iben.

15 Inem Amnon e ar kanuij drike lio; im an drike elaplok jen an kar mij ilokōn. Im Amnon e ar ba nōn e, Kwon jerkak, im etal. 16 Im lio e ar ba nōn e, En jab ein drein, bwe elaplok nana in ilo am kadrioijslok iō, jen nana eo juōn emwij am kōmōn nōn iō. A e jab kōnan eoroñ e. 17 Inem e ar kirtok leo korijeran im ej jerbāl ñōn e, im ba, Kwon kadrioijslok jen iba kōra in, im kabin aor elikin. 18 Im nuknuk eo an ekārere; bwe nuknuk einwōt ballin limaro nejin kiñ eo, rej virjin. Inem leo korijeran e ar kadrioijslok e im kabin aor eo elikin. 19 Im Tamar e ar likit brii in ubaj ion bōran, im kekel nuknuk ekārere e ar kōnōke; im e ar likit pein ion bōran, im etal, im jōñ ke ej etal.

20 Im Absalom jein e ar ba nōn e, Amnon jeōm e ar ber ibōm ke? a kiō kwon ikōñ, jātiō: e jeōm; kwon jab kanuij buromōj kake. Ein drein Tamar e ar lijnono ilo mweo imōn Absalom. 21 A ke kiñ Devid e ar roñjake men kein otemjej, e kanuij illu. 22 Im Absalom e ar jab konono iben Amnon emōn ak e nana; bwe Absalom e ar kijirāte Amnon, kin an kamakokoik Tamar jātin.

23 Im elikin ruo yiō reyu, eor dri mijbar jip iben Absalom i Beal-hezor, eo iturin Ipreim: im Absalom e ar kirtok aolepen lōmaro nejin kiñ eo. 24 Im Absalom e ar itok nōn iben kiñ eo, im ba, Lo, kiō, dri mijbar jip rej iba, korijerōm; ij akwelap bwe kiñ eo im ro dri korijeran ren ilok iba, kori-

jerōm. 25 Im kiñ eo e ar ba ñōn Absalom, Jab, neiō, kim otemjej kimin jab ilok, ñe ab kimin kaiñtan yuk. Im e ar akwelap nōn e, ijoke, e jab kōnan ilok, a e ar jare. 26 Inem Absalom e ar ba, Elañe jab, ij akwelap, Amnon, jātiō en ilok ibemlok. Im kiñ eo ej ba, Etke en ilok ibōmlok? 27 A Absalom e ar akwelap nōn e, im e ar kōtlok Amnon, im lōmaro otemjej nejin kiñ eo, bwe ren ilok iben. 28 Im Absalom e ar kwonkwon nōn ro dri korijeran, im ba, Komin ekil ñe buruen Amnon ej mōñōnō kin wain; inem ñe ij ba nōn kom, Komin mōn Amnon, inem komin mōn e; komin jab mijōk; I ar jab jiroñ kom ke? komin beran im jab eāliklik. 29 Im ro dri korijeran Absalom rar kōmōn nōn Amnon einwōt Absalom e ar jiroñ ir. Inem aolepen ro nejin kiñ eo rar jerkak, im jabrewōt iair e ar uwe ion<sup>1</sup> mul eo an, im ko.

30 Im ke rar ilok, nan e ar itok nōn iben Devid, im re ba, Absalom e ar mōn lōmaro otemjej nejin kiñ eo, im ejelok juōn ej berwōt. 31 Im kiñ eo e ar jutōk im kekel nuknuk ko an, im babu ion lōl; im dri korijeran otemjej rar jutōk iturin, emwij kekel nuknuk ko air. 32 Im Jonedab, nejin Shimea, jein Devid, e ar uak im ba, Aō iroiij en jab lemnok rar mōn likao ro otemjej nejin kiñ eo; bwe Amnon wōt e mij: bwe ilo bebe an Absalom ar kabin men in jen ran eo ke e ar kamakokoik Tamar jātin. 33 Inem aō iroiij, kiñ, kwon jab likit men in ilo buruōm, im lemnok bwe ro otemjej nejin kiñ eo remij; bwe Amnon wōt e mij.

34 A Absalom e ar ko, Im likao eo dri kajere e ar bōk mejen, im lo, elōñ armij rar itok ilo ial in tol elikin. 35 Im Jonedab e ar ba ñōn kiñ eo, Lo, ro nejin kiñ eo re mottok: einwōt ña korijerōm I ar ba, ej ein drein. 36 Im ke e ar kamwijlok an konono, lo, ro nejin kiñ eo rar itok, im rar koutiej ainikeir, im jōñ: im kiñ eo bareinwōt kab ro dri korijeran otemjej rar kanuij jōñ.

<sup>1</sup> Jap. 18. 9.

87 A Absalom e ar ko, im ilok ñon iben Talmai, nejin Amaihur, kiñ in Gishur. Im Devid e ar jōñōt leo nejin ran otemjej. 38 Ein drein Absalom e ar ko, im ilok ñon Gishur, im e ar berwōt ijo iomin jilu yiō. 39 Im an Devid e ar oñkake Absalom: bwe <sup>1</sup>elul kin Amnon, kin ke e mij.

**14** Ak Joab nejin Ziruaia e ar kile bwe <sup>2</sup>buruen kiñ ej oñkake Absalom. 2 Im Joab e ar jilkinlok ñon Tikoa, im āñintok jen ijo juōn kōra e meletlet, im ba ñon e, Ij akwelap bwe kwon mōke etao einwōt dri liājlol, im kōnōk nuknuk ko in liājlol, ij akwelap, im kwon kabit yuk kin oil, a kwon einwōt juōn kōra eto an jōñōt ro remij: 3 im kwon ilok ñon iben kiñ eo, im en ein drein am konono iben. Ein drein Joab e ar likit nan kein i loñin.

4 Im ke lio dri Tikoa, ej konono iben kiñ eo, e ar buñbero, im aber ñon e, im ba, Kwon jibōñ, O kiñ. 5 Im kiñ eo e ar ba ñon e, Kwo baj it? Inem e ar uak, Emol ña juōn kōra e joko beliō, im leo e mij. 6 Im ña korijerōm e kar ruo nejiō man, im irro rar iri iben dron ilo jikin kallip, im ejelok juōn bwe en kijbil ir, inem eo juōn e ar mōn eo juōn, im e mij. 7 Im lo, ro nukio otemjej rar jutōk nae iō korijerōm, im re ba, Kwon ketōk eo e ar mōn leo jātin, bwe kimin mōn e, kin mour an jātin ke e ar mōn e, im <sup>3</sup>ein drein mōn dri jolit bareinwōt. Ein drein re kōnan kwune mōtōn ki-jeek eo aō ej berwōt, im re naj likit ñon leo beliō ejelok etan ak mōtōn ion mejen lōl.

8 Im kiñ eo e ar ba ñon lio, Kwon ilok ñon mweo imōm, im I naj kennan kin kwe. 9 Im lio dri Tikoa, e ar ba ñon kiñ eo, Aō iroi, O kiñ, bwir eo en ioō, im ion nukin jema; im en ejelok ruōn kiñ eo kab tron eo an. 10 Im kiñ e ar ba, Jabrewōt eo ej konono ñon yuk, kwon āñintok e ñon iba, im e jamin bar uñir yuk. 11 Inem lio e ar ba, Ij akwelap bwe kiñ eo en kememej Jeova am Anij,

bwe dri kwi kin bōtōktōk en jab bar kokkure, ñe rab mōn nejiō man. Im e ar ba, Einwōt Jeova e mour, ejelok juōn kol jen bōran leo nejiōm e naj buñ ion lōl.

12 Inem kōra eo e ar ba, Ij akwelap bwe ña korijerōm in konono juōn nan ñon aō iroi, kiñ eo. Im e ar ba, Kwon konono wōt. 13 Im lio e ar ba, Inem etke kwar kine men eo einwōt nae ro dron Anij? bwe ilo am konono nan in, kwe kiñ, kwoj einwōt juōn eor ruōn, bwe kwe, kiñ, kwo jab bar āñintok ñon kabujuknen eo kwar jolok e. 14 Bwe emol je naj mij, im jej einwōt dren lutōklok ion brij, re ban bar itōke; ak Anij e jab jolok mour, a Ej naialin eo emwij joloke, bwe en jab joko in drio. 15 Inem bwe emwij aō iten konono nan in ñon aō iroi, kiñ, men in kin ke armij rar kemjōk iō: im ña, korijerōm, I ar ba, Kiō I naj konono iben kiñ eo; bwelen kiñ eo e naj kōmōn men in kajitōk jen ña, korijerōm. 16 Bwe kiñ eo e naj eoroñ, in lomonen korijerōm jen armij eo e kōnan kokkure kimro nejiō jen jolit an Anij. 17 Inem ña, korijerōm, I ar ba, Ij akwelap bwe nan an aō iroi, kiñ en nan in kainemōn; bwe einwōt enjel ōn Anij, ein drein aō iroi, kiñ, ilo an kile emōn im nana: im Jeova am Anij en ber ibōm.

18 Inem kiñ eo e ar uak im ba ñon lio, Kwon jab noj jen ña, ij akwelap, jabrewōt I naj kajitōk ibōm kake. Im lio e ar ba, Aō iroi, kiñ en ba kiō. 19 Im kiñ eo e ar ba, Pein Joab ej ibōm ilo aolepen men in ke? Im lio e ar uak im ba, Einwōt kwoj mour, ejelok e maroñ in jeorlok ñon ambijmaroñ ak anmiñ jen jabrewōt aō iroi, kiñ e ar ba; bwe korijerōm <sup>1</sup>Joab e ar jiroñ iō, im e ar likit nan kein otemjej i loñin ña, korijerōm; 20 Joab e ar kōmōn men in bwe en ukot wāwen men eo: im aō iroi e meletlet, einwōt meletlet an juōn enjel ōn Anij, bwe en jela men ko rej kōmōne i lōl.

21 Im kiñ eo e ar ba ñon Joab, Lo, kiō emwij kōmōn men in: inem kwon

<sup>1</sup>Jap. 12. 19-23. <sup>2</sup>Jap. 13. 79. <sup>3</sup>Matu 21. 38.

ilen bar añintok likao eo Absalom. 22 Im Joab e ar buñbero, im aber, im jare kiñ eo; im Joab e ar ba, Rannin ña, korijeröm, I jela bwe I ar lo joi j iman mejöm, aō iroi j, O kiñ, bwe kiñ eo e ar kōmōn men in kajitōk an korijeröm. 23 Ein drein Joab e ar jutōk im ilok ñōn Gishur, im añintok Absalom ñōn Jerusalem. 24 Im kiñ eo e ar ba, En jeblak ñōn mweo imōn, a en jab lo meja. Ein drein Absalom e ar jeblak ñōn mweo imōn, im e ar jab lo mejen kiñ eo.

25 Ak ilo aolepen Israel ejelok armij eo rar nebar e kin an wulio einwōt Absalom: jen lobiren neen ñōn moñen ejelok menoknok iloan. 26 Im ke rar mijbar kolan bōran, (ak ilo jemlokōn jabrewōt yiō e ar mijbare; kin an bane e ar mijbare); e ar lo kolan bōran rubuki shekel, ekar ñōn paun an kiñ eo. 27 Im rar lotak ñōn Absalom jilu nejin man, im juōn nejin kōra, etan Tamar: lio juōn kōra e dreo.

28 Im Absalom e ar jokwe i Jerusalem iomin ruo yiō reyu; im e ar jab lo mejen kiñ eo. 29 Inem Absalom e ar jiliklok ñōn Joab, bwe en jilkinlok e ñōn iben kiñ; a e-jab kōnan itok ñōn iben: im e ar jiliklok ñōn e alen ken ka ruo, a e abwin itok. 30 Kin men in, e ar ba ñōn ro dri korijeran, Lo, buk wōnōn Joab ebak ñōn buk wōn eo aō, im eor an barli ie; komin ilen tile. Im ro dri korijeran Absalom rar tile jikin kallip eo. 31 Inem Joab e ar jutōk im itok ñōn iben Absalom i mweo imōn, im e ar ba ñōn e, Etke ro dri korijeröm rar tile jikin kallip eo aō? 32 Im Absalom e ar uak Joab, Lo, I ar jiliklok ñōn yuk, im ba, Kwon itok ñōn iba, bwe in jilkinlok yuk ñōn iben kiñ eo, im ba, Etke I ar itok jen Gishur? e naj kar emōnlok elañe I ar berwōt. Inem kwon kōmōn bwe in lo mejen kiñ eo; im elañe eor nana iba, en mōn iō. 33 Ein drein Joab e ar itok ñōn iben kiñ eo, im kenannek e; im ke kiñ eo e ar kirtok Absalom, e ar itok ñōn iben kiñ eo, im e ar buñbero iman kiñ eo: im kiñ eo e ar mejenmaik Absalom.

15 Im elikin men in, <sup>1</sup>Absalom e ar kapojōk ñōn e jariot im ors ko, im limñoul armij bwe ren etōr imanlok. 2 Im Absalom ej jerkak ke ejiboñ wōt, im jutōk iturin ial in kejem: im ke eor men in ekajet iben jabrewōt armij ej walok iman kiñ eo bwe en ekajete, inem Absalom ej kirtoke, im ba, Dri ia kwe? Im e ar ba, Ña korijeröm jen juōn ian bwij ko bwijin Israel. 3 Im Absalom e ar ba ñōn e, Lo, men ko am remōn im re jime; a ejelok armij kiñ e ar kalikar e bwe en eoroñ yuk. 4 Absalom e ar bareinwōt ba, O e nañin emōn elañe emwij kōmōn iō dri ekajet in enin, bwe jabrewōt armij eor men in ekajet iben, ak men in kajitōk iben, e maroñ in itok ñōn iba, inem I naj kar kōmōn jime ñōn e! 5 Im ein drein ke jabrewōt armij ej kebaktok bwe en aber ñōn e, e ar erlokwe pein, im kappere, im mejenmaik e. 6 Im ein drein an Absalom kōmōn ñōn dri Israel otemjej rar itok ñōn iben kiñ eo kin ekajet: ein drein Absalom e ar kwoti buruen ro dri Israel.

7 Im ke e jemlok eñoul yiō, Absalom e ar ba ñōn kiñ eo, Ij akwelap bwe kwon likit iō bwe in ilok im kamoli i Hibron kanōjnij eo I ar kanōjnij ñōn Jeova. 8 Bwe ña korijeröm I ar kanōjnij juōn kanōjnij ke I ar jokwe i Gishur i Siria, im ba, Elañe Jeova e naj bar añintok iō ñōn Jerusalem, inem I naj kabuñ ñōn Jeova. 9 Im kiñ eo e ar ba, Kwon ilok ilo aine mōn. Ein drein e ar jutōk im ilok ñōn Hibron. 10 A Absalom e ar jilkinlok dri aleko ilujen bwij otemjej bwijin Israel, im ba, Ñe komij roñ ainiken jilil, inem komin ba, <sup>2</sup>Absalom ej kiñ i Hibron. 11 Im rar ilok iben Absalom rubuki armij jen Jerusalem, ro emwij an jiroñ ir, im rar ilok ilo air jaje; im rar jab jela jabrewōt. 12 Im Absalom e ar añintok <sup>3</sup>Ehitopel dri Gilo, dri bebe an Devid, aet jen Gilo, jikin kwelok eo an, ke e ar katok kin men in katok ko. Im e bin bata eo; bwe eorlok wōt ro rej ber iben Absalom.

<sup>1</sup> 1 KIA 1. 5. <sup>2</sup> 1 KIA 1. 34. <sup>3</sup> eon 31.

13 Im juōn dri jilik e ar itok ñōn iben Devid, im ba, Buruen ro dri Israel rej buñōt Absalom. 14 Im Devid e ar ba ñōn ro dron otemjej iben i Jerusalem, <sup>1</sup> Komin jutōk im jen ko; elañe jab, ejelok juōn iar e naj dreorjen Absalom: komin jarōpmōkōjlok, ñe ab mōkōj an jibwe kij, im kejjorran kij, im mōn jikin kwelok in kin mejen jāji. 15 Im ro dron kiñ eo rar ba ñōn kiñ, Lo, kim kri korijerōm, kim pojōk ñōn men eo jabrewōt aō iroj kiñ e naj kālet e. 16 Im kiñ eo e ar driojlok, im ro dri mweo imōn otemjej rar lore. Im kiñ eo e ar likit joñoul kōra, limaro konkubain ro an, bwe ren lale mweo. 17 Im kiñ eo e ar driojlok, im armij otemjej rej lore; im rar ber i Bet-merhak. 18 Im ro dron otemjej rar etallok iben; im ro dri Kiret otemjej, im ro dri Pilet otemjej, im ro dri Gat otemjej jiljino buki armij, ro rar lore jen Gat, rar etal iman kiñ eo.

19 Inem kiñ eo e ar ba ñōn <sup>2</sup> Ittai dri Gat, Etke kwoj bareinwōt ilok ibemlok? kwon jeblak, im jokweiben kiñ eo: bwe kwe juōn drua maijet, im bareinwōt juōn dri joko jen eneōm; kwon jeblak ñōn jikōm. 20 Kin ke kwar itok einwōt inne, emōn ke bwe ña ranin in kōmōn am itoitōk ibem, ke ij etetal einwōt aō maroñ? kwon jeblak im kajeblok ro nukōm; joiy im mol ren ber ibōm. 21 Im Ittai e ar uak kiñ eo, im ba, <sup>3</sup> Einwōt Jeova e mour, im einwōt aō iroj kiñ kwoj mour, emōn ilo jabrewōt jikin ijo aō iroj kiñ kwo naj ber ie, kin mij ak kin mour, ijo ña korijerōm I naj ber ie. 22 Im Devid e ar ba ñōn Ittai, Kwon etal im elālok. Im Ittai dri Gat e ar elālok, im ro dron otemjej, im ajiri ro otemjej iben. 23 Im dri eneo otemjej rar jōn im elap ainikeir, im armij otemjej rar elālok: kiñ eo bareinwōt e ar elā jen wea Kidron, im armij otemjej rar elā ilo ial eo ñōn ene jemaren.

24 Im lo, Zedok e ar bareinwōt itok im dri Livai otemjej iben, im rej inek dipdip in kalimur an Anij; im

rar dror dipdip in Anij; im Ebaiatar e ar wōnliñlok, mae ien armij otemjej re mat im driojjen jikin kwelok eo. 25 Im kiñ eo e ar ba ñōn Zedok, Kwon kajeblok dipdip in Anij ñōn jikin kwelok eo: elañe ij lo joiy iman mejen Jeova, E naj bar āñintok iō, im kwalok ñōn iō men eo kab mweo imōn: 26 a elañe Ej ba, E jab buñburuō kin yuk; lo, ña iji, En kōmōn ñōn iō einwōt emōn iben. 27 Kiñ eo e ar bareinwōt ba ñōn Zedok pris eo, Kwe kwo jab dri lolo ke? kwon jeblak ñōn jikin kwelok eo ilo ainemōn, kwe im lōmaro ruo nejōm, Ehimeaz nejōm, im Jonetan nejin Ebaiatar. 28 Lo, I naj kōtar i jikin kabātīt e ene jemaren, mae ien eor nan in kajelaik iō jen kwe. 29 Inem Zedok im Ebaiatar rar bar ineklok dipdip in Anij ñōn Jerusalem; im rar berwōt ijo.

30 Im Devid e ar wōnliñlok ilo ial ñōn tol Olivet, im ej jōñ ke ej etal; e libubu bōran, im ejelok ballin neen: im ro otemjej iben rar kalibubu bōrair, im rar wōnliñlok, im jōñ ke rej etal. 31 Im juōn e ar kennanek Devid, im ba, Ehitopel juōn ian dri kabata iben Absalom. Im Devid e ar ba, O Jeova, ij akwelap bwe Kwon ukot bebe an Ehitopel ñōn bwebwe. 32 Im ke Devid e ar tōbar ijo e utiej ial eo, ijo rej kabuñ ñōn Anij, lo, Hushai, dri Ark, e ar iten wōnmae e im emwij kekel kobe eo an, im brij ion bōran. 33 Im Devid e ar ba ñōn e, Elañe kwoj etal ibalok, inem kwo naj luklukwoj iō: 34 a elañe kwoj jeblak ñōn jikin kwelok eo, im ba ñōn Absalom, I naj korijerōm, O kiñ; einwōt I kar korijeran jemōm ilo ien ko re motlok, ein drein I naj korijerōm kiō; inem kwo naj dremōk ñōn iō bebe an Ehitopel. 35 Im Zedok im Ebaiatar pris ro re jab ijo ibōm ke? inem e naj ein drein, jabrewōt men eo kwoj roñjake jen mweo imōn kiñ eo, kwo naj kennaneklok Zedok im Ebaiatar pris ro. 36 Lo, ibeirro, ruo nejir eman, Ehimeaz, nejin Zedok, im Jonetan nejin Ebaiatar; im kin irro kwo naj jilkintok ñōn iba men

<sup>1</sup> Jap. 12. 11. <sup>2</sup> Jap. 18. 2. <sup>3</sup> Ruth 1. 16. 17.



otemjej komij roñjake. 87 Ein drein <sup>1</sup>Hushai, jeran Devid, e ar dreloñ ilo jikin kwelok eo; im Absalom e ar dreloñlok ilo Jerusalem.

**16** Im ke Devid e motmanlok jirik jen jabõn tol eo, lo, <sup>2</sup>Zaiba, korijeran Mipiboshet e ar ion e, im iben ruo ass eor wan ebõk ioir, im ioir rubuki ion bred, im jibuki urur in grep re mõra, im jibuki ian leen rök, im juõn botto in wain. 2 Im kiñ eo e ar ba ñõn Zaiba, Kwoj it kin men kein? Im Zaiba e ar ba, Ass ko, bwe ro nukin kiñ ren uwe ioir; im bred im leen rök kijen likao ro; im wain eo limen ro rej kijelok i ene jemaren. 3 Im kiñ eo e ar ba, Im nejn karo eo am ej ber ia? Im Zaiba e ar ba ñõn kiñ eo, Lo, ej berwõt i Jerusalem; bwe e ar ba, Ranin dri Israel re naj bar letok ñõn iõ ailifñ eo an jema. 4 Inem kiñ eo e ar ba ñõn Zaiba, Lo, am men ko otemjej an Mipiboshet. Im Zaiba e ba, Ij aber; in lo loij iman mejom, aõ iroi, O kiñ.

5 Im ke Devid e ar itok ñõn Behurim, lo, e ar itok jen ijo juõn armijan nukin Saul, etan <sup>3</sup>Shimeai, nejn Gira; e ar driojtok, im ej kebele wõt ilo an itok. 6 Im e ar ajekare Devid, im aolepen ro dron Devid, im armij otemjej, im ro re kajur otemjej rar ber i anbijmaroñ im i anmiñ iturin. 7 Im ein drein Shimeai e ar ba ilo an kebel, Kwon ilok, kwon ilok, kwe armij dri bõtõktõk, im armij bata: 8 Jeova e ar kamo kinij ibõm kin aolepen nukin Saul, eo kwar binej jenkwoñ im kiñ; im Jeova e ar lelok ailifñ eo ilo pein nejõm Absalom; im lo, emwij jibwe yuk ilo am kõmõn nana, bwe kwe armij dri bõtõktõk.

9 Inem Ebishai nejn Ziruaia e ar ba ñõn kiñ eo, Etke kiru roror in e mij ej kebel aõ iroi, ij kiñ? ij akwelap bwe in ilok im jõbbare. 10 Im kiñ eo e ar ba, Etke kom iltok iba, kom ro nejn Ziruaia? kin an kebele, im kin an Jeova ba ñõn e, Kwon kebele Devid, inem wõn eo en ba, Etke kwar kõmõn ein drein? 11 Im Devid e ba

ñõn Ebishai im ñõn ro dron otemjej, Lo, nejio eo e ar walok jen ibiõ, e ar bukot aõ mour: e jab nañin laplok an dri Benjamin en maroñ kõmõne ke? komin jab kamõkit e, im en ekebel wõt; bwe Jeova e ar jiroñ e. 12 Bwelen Jeova e naj lale nana eo emwij kõmõn ñõn iõ, im Jeova e naj nawõnaõ emõn kin an kebel iõ ranin. 13 Ein drein Devid im ro dron rar etal ilo ial eo; im Shimeai e ar etal ion tol ikijeir, im kebele ke ej etetal, im ajekare, im jolok brij. 14 Im kiñ eo im armij otemjej rar mõk; im e ar kaki-jeike ijo.

15 Im <sup>1</sup>Absalom, im armij otemjej dri Israel, rar itok ñõn Jerusalem, im Ehitopel e ar ber ibeir. 16 Im ke Hushai dri Ark, jeran Devid, e ar itok ñõn iben Absalom, Hushai e ar ba ñõn Absalom, Kiñ en mour, Kiñ en mour. 17 Im Absalom e ar ba ñõn Hushai, Eñin am joi j ñõn leo jerõm ke? etke kwar jabilok iben leo jerõm? 18 Im Hushai e ar ba ñõn Absalom, Jab; a eo Jeova, im armij rein, im aolepen dri Israel rar kãlet e, I naj dron, im I naj ber iben. 19 Im bar juõn, Wõn eo in jermal ñõn e? etke in jab korijer iman mejen leo nejn? einwõt I ar korijer iman mejen jemõm, ein drein I naj korijer iman mejõm.

20 Inem Absalom e ar ba ñõn Ehitopel, Kwon kwalok am bebe ta eo jen kõmõne. 21 Im Ehitopel e ar ba ñõn Absalom, <sup>2</sup>Kwon babu iben limaro konkubain ro an jemõm, ro e ar likiti bwe ren lale mweo imõn; inem dri Israel otemjej re naj roñjake kin an jemõm jõjõik yuk: inem pein armij otemjej ibõm re naj kajur. 22 Ein drein rar erlokwe juõn im nuknuk na ion mweo; im Absalom e ar dreloñ im babu iben limaro konkubain ro an jemen, iman mejen dri Israel otemjej. 23 Im bebe an Ehitopel, eo ej lelok ran ko, ej einwõt elañe juõn armij e ar kajitõk nan jen Anij: ein drein aolepen bebe an Ehitopel iben Devid im iben Absalom.

**17** Bar juõn, Ehitopel e ar ba ñõn Absalom, In kãlet kiõ joñoul

<sup>1</sup> Jap. 16. 16. <sup>2</sup> Jap. 9. 2-13. <sup>3</sup> Jap. 19. 16-23; 1 Kif 2. 8, 9, 64.

<sup>1</sup> Jap. 15. 12, 37. <sup>2</sup> Jap. 16. 16.

ruo tausan armij, inem I naj jutök im lukworkwore Devid boñin in: 2 im I naj ion e ñe e mök im möjino pein, im I naj kaleññoñ e; im ro otemjej iben re naj ko; im kiñ eo wöt I naj mōn e; 3 im I naj bar añintok armij otemjej ñōn ibōm: armij eo kwoj bukot e ej einwöt elañe ro otemjej rej jeblaktok: ein drein armij otemjej re naj ainemōn. 4 Im nan in e ar kabuñburuen Absalom, im ridto ro otemjej an Israel.

5 Inem Absalom e ar ba, Kiō komin kirtok<sup>1</sup> Hushai, dri Ark, bareinwöt, im jen roñjake nan eo e naj ba. 6 Im ke Hushai e ar itok ñōn iben Absalom, Absalom e ar konono iben, im ba, Ein drein an Ehitopel ba: jen kōmōn einwöt an in nan ke? elañe jab, kwon ba wöt. 7 Im Hushai e ar ba ñōn Absalom, Bebe eo Ehitopel e ar kwaloke ien in e jab emōn. 8 Hushai ej bareinwöt ba, Kwo jela jemōm im armij ro iben, bwe re kajur wöt, im etokokok burueir<sup>2</sup> einwöt juōn kiru baer ke rar bōk jen nejnin ilo melaj; im jemōm juōn dri tōrinae, im e jamin jiboñōn iben armij ro. 9 Lo, kiō, emwij an tilekek ilo juōn roñ, ak ilo bar juōn jikin: im ñe jet rej bero mokta, jabrewöt eo ej roñjake e naj ba, Rej mōn armij ro rej lor Absalom. 10 Inem eo ej beran, buruen einwöt buruen laion, e naj kubarbar wöt; bwe dri Israel otemjej, re jela bwe jemōm juōn dri kajur, im ro iben rej armij beran im kajur. 11 A aō bebe bwe ren kokweloktok ñōn ibōm dri Israel otemjej, jen Dan ñōn Bier-shiba, einwöt oran wöt bok i barijit; im kwe möke kwon tel ir ñōn tōrinae. 12 Ein drein je naj ion e ilo juōn jikin ijo je naj loe ie, im je naj buñ ion einwöt molawi ej wutlok ion lōl; im je jamin likit juōn iair, e im armij otemjej iben. 13 Bar juōn, elañe e ar dreloñ ilo juōn jikin kwelok, inem dri Israel otemjej re naj bōktok to ko ñōn jikin kwelok eo, im je naj ibere na iloan river eo, mae ien ejelok juōn dreka ej berwöt. 14 Im Absalom im ro dri Israel otem-

jej re ba, Bebe an Hushai, dri Ark emōn jen bebe an Ehitopel. Bwe Jeova e ar bebe bwe En dremōke bebe emōn an Ehitopel, bwe Jeova en bōktok nana ion Absalom.

15 Inem<sup>1</sup> Hushai e ar ba ñōn Zedok, im ñōn Ebaiatar, pris ro, Ein drein Ehitopel e ar bebe ñōn Absalom im ridto ro an Israel, im ein drein I ar bebe kake. 16 Inem komin jiliklok mökōj, im kennanek Devid, im ba, En jab ber boñin in iturin jikin kabātīt ko i ene jemaren, a en etal wöt, ñe ab joko kiñ eo im ro otemjej iben. 17 Ak Jonetan im Ehimeaz rar ber iturin En-rogel; im juōn korijer kōra e kin ilen kennanek ir; im irro rar ilen kennanek kiñ Devid: bwe emōn ren jab lo air dreloñ ilo jikin kwelok eo. 18 A juōn ladrik e ar lo ir, im ej kennanek Absalom: im irro rar mökōjlok, im itok ñōn mweo imōn juōn armij i Behurim, im juōn aibij iloan worwor eo; im rar tolōllok iloan. 19 Im juōn kōra e ar erlokwe nuknuk ion mejen aibij eo, im likit korn emwij nowe ion; inem ejelok air jela kake. 20 Im ro dron Absalom rar itok ñōn iben lio ñōn mweo imōn; im re ba, Ewi Ehimeaz im Jonetan? Im lio e ar ba ñōn ir, Emwij air elā jen wea eo. Im ke rar kabukot im ban lo irro, rar jeblak ñōn Jerusalem.

21 Im elikin air ilok, rejro wōnlōllok jen loan aibij eo, im ilem kennanek kiñ Devid; im rar ba ñōn Devid, Komin jerkak, im en mökōj ami elā jen dren eo; bwe ein drein Ehitopel e ar bebe nae kom. 22 Inem Devid e ar jerkak, im ro otemjej iben, im rar elā jen Jordan: ke e rantak ejelok juōn iair e jañin elā jen Jordan. 23 Im ke Ehitopel e ar lo bwe re jab etal ilo bebe eo an, e ar likit eran jijōt ion ass eo an, im jutök, im ilok ñōn kabujuknen, ñōn jikin kwelok eo an, im keboboju mweo imōn, im<sup>2</sup> möke totoik e; im e ar mij, im rar kalibwin e iloan lūp eo lūpōn jemen.

24 Inem Devid e ar ilok ñōn Mehaneim. Im Absalom e ar elā jen Jordan, e im dri Israel otemjej iben.

<sup>1</sup> Jap. 15. 32-34. <sup>2</sup> Ken. 17. 12.

<sup>1</sup> Jap. 15. 35. 36. <sup>2</sup> Matu 27. 5.

25 Im Absalom e ar koutiej Amasia ion jar in tōrinae, bwe en binej jenkwōn Joab. Ak Amasia nejin juōn eman, etan Itra dri Israel, eo e ar dreloñ nōn iben Abigal lio nejin Nehash, jātin Ziruaia, jinen Joab. 26 Im dri Israel kab Absalom rar kajur air kamp i enen Giliad.

27 Im ke Devid e ar itok nōn Mehaneim, Shobai nejin Nehash jen Rabba ian ro nejin Amon, im Mekir nejin Amaiel jen Lo-dibar, im Barzilai, dri Giliad jen Rogilim, 28 rar bōktok kineir, im jābi ko, im jābi brij ko, im wit, im barli, im flauo, im korn jinnelle, im binij, im lentil, 29 im hōnni, im bōtter, im jip ko, im jij jen kau ko, nōn Devid, im nōn armij ro iben, bwe ren, mōña: bwe rar ba, Armij re kwuli, im mōk, im maro, ilo ene jemaren.

18 Im Devid e ar bwini armij ro iben, im likit ioir kapen in tausand ko, im kapen in buki ko. 2 Im Devid e ar jilkinlok armij ro, juōn mōtōn jilu iomin pein Joab, im juōn mōtōn jilu iomin pein Ebishai nejin Ziruaia, im juōn mōtōn jilu iomin pein Ittai dri Gat. Im kiñ eo e ar ba nōn armij ro, Emol I naj droioj ibemi bareinwōt. 3 A armij ro rar ba, 1 Kwo jamin droiojlok: bwe elañe kimij ko, re naj kejekron kim; a elañe jibilkwōn iam re mij, e naj men in jekron ibeir: a kwe emōn jen joñoul tausand iam; kin men in, emōnlok kwon pojōk in jibōñ kim jen jikin kwelok in. 4 Im kiñ eo e ar ba nōn ir, I naj kōmōn men eo emōn ibemi. Im kiñ eo e ar jutōk iturin kejem, ke armij otemjej rar droiojlok kin buki ko im tausand ko. 5 Im kiñ eo e ar jiroñ Joab im Ebishai im Ittai, im ba, Komin kōmōn joiñ nōn likao eo, Absalom, kin ña. Im armij otemjej rar roñjake kien eo kiñ e ar jiroñ kapen ro kin Absalom.

6 Ein drein armij ro rar droiojlok ilo melaj nae dri Israel: im tōrinae ilo bukwōn wijki in Ipreim. 7 Im e jorran ro dri Israel ijo iman ro dron Devid, im juōn im elap an roñoul tau-

san armij ran eo. 8 Bwe rar kajerer tōrinae eo ilo mejen aolepen eneo; im bukwōn wijki e ar kōñ elōñlok armij jen jāji ran eo.

9 Im Absalom e ar jebwābwe im wōnmae ro dron Devid. Im e ar uwe ion kiru mul eo an, im mul eo e ar etal iomin ra re kut an juōn wijki ok e killip, im 1 bōran e ar lorōk ilo ok eo, im e ar toto ikōtan lōñ im lōl; im mul eo iomin ej etal wōt. 10 Im juōn eman e ar loe, im ej kennanek Joab, im ba, Lo, I ar lo Absalom ej toto ilo juōn wijki ok. 11 Im Joab e ar ba nōn leo e ar kennanek e, Im lo, kwar loe, im etke kwar jab mōn e ijo bwe en mij? inem I naj kar lewoj joñoul mōtōn silver, im juōn kōñōr. 12 Im leo e ar ba nōn Joab, Meñe ij bōk juōn tausand mōtōn silver ilo peiō, I jamin kar kōtellok peiō nae leo nejin kiñ eo: bwe ke kim ar roñjake, kiñ eo e ar jiroñ komjil Ebishai im Ittai, im ba, Komin lalale bwe ejelok juōn en uñir likao eo, Absalom. 13 Ein drein, elañe I ar kōmōn ilo mon nae mour eo an, (im ejelok men eo e nojōk jen kiñ eo), inem kwe mōke kwo naj kar jumae iō. 14 Inem Joab e ar ba, I ban mar ein drein ibōm. Im e ar bōk jilu mōri ilo pein, im e ar wākare ubōn Absalom, ke ej mour wōt ilujen wijki ok eo. 15 Im joñoul likao ro rar inek ken tōrinae ko an Joab rar kabol im jebōke Absalom im mōn e.

16 Im 2 Joab e ar jilil im armij ro rar jeblak jen air lukworkwor Israel; bwe Joab e ar drebij armij ro. 17 Im rar bōk Absalom, im jolok e na ilo juōn roñ elap ilo bukwōn wijki ko, im rar ejak juōn be elap ion: im dri Israel otemjej rar ko, jabrewōt iair nōn im nuknuk eo an. 18 Ak Absalom ke e ar mour, e ar bōk im kajur nōn e mōke jur eo ej ilo komlōl in kiñ; bwe e ar ba, Ejelok nejiō man bwe en kejbārok eta: im e ar naetan jur eo kin etan; im rej naetan jurōn keme-mej Absalom, nōn ranin.

19 Inem Ehimeaz, nejin Zedok, e ar ba, In etōrlok kiō im bōktok nan

ñon kiñ eo, ekijkan Jeova e ar kwi kin ro dri kijirâte. 20 Im Joab e ar ba ñon e, Kwo jamin böklok nan ranin, a kwo naj böklok nan bar juön ran; a ranin kwo jamin böklok nan, kin ke emij nejin kiñ eo. 21 Inem Joab e ar ba ñon dri Kush eo, Kwon ilok, im kennanek kiñ eo men ko kwar loi. Im dri Kush e ar barikrik jen Joab im etörlok. 22 Inem Ehimeaz nejin Zedok e ar ba ñon Joab, Jekron men eo ej walok, in bareinwöt etörlok, ij akwelap, ilokön dri Kush eo. Im Joab e ar ba, Etke kwo kōnan etör, nejiö, bwe kwo jamin bök wōnan nan ko. 23 A jekron men eo ej walok, e ba, ij etör. Inem e ar ba ñon e, Kwon etör. Inem Ehimeaz e ar etörlok ilo ial in ene emōn biken, im e ar mököj jen dri Kush.

24 Ak <sup>1</sup>Devid e ar jijöt ikōtan kejem ko ruo: im dri kajere e ar wōnliñlok ñon ion worwor eo, im ej bök mejen, im lale, im lo, juön armij ej etör möke ian. 25 Im dri kajere e ar lamij im kennanek kiñ eo. Im kiñ eo e ar ba, Elañe e möke ian, eor nan i loñin. Im e ar itok mököj im druaktok. 26 Im dri kajere e ar lo bar juön armij ej etör; im dri kajere e ar kir ñon dri lale kejem eo, im e ba, Lo, bar juön armij ej etör möke ian. Im kiñ eo e ar ba, Ej bareinwöt böktok nan. 27 Im dri kajere e ar ba, Ij lemnok etör an eo mokta einwöt etör an Ehimeaz nejin Zedok. Im kiñ eo e ba, E armij emōn, im ej böktok nan emōn.

28 Im Ehimeaz e ar kir im ba ñon kiñ eo, Ainemōn. Im e ar buñbero iman kiñ, im ba, Emōnōñ Jeova am Anij, eo e ar ketōke armij ro rar kwo-tōke peir nae aō iroi, kiñ. 29 Im kiñ eo e ar ba, Emōn ke iben likao eo Absalom? Im Ehimeaz e ar uak, Ke Joab e ar jilkintok iö, korijerōm, I ar lo iruij elap, a I ar jab jela ta eo. 30 Im kiñ eo e ar ba, Kwon jeörlok, im jutök ijin. Inem e ar jeörlok, im jutök wöt.

31 Im lo, dri Kush eo e ar itok; im

e ar ba, Eor nan ñon aō iroi, kiñ; bwe Jeova e ar irenwōne kin ro otemjej rar jutök nae yuk. 32 Im kiñ eo e ar ba ñon dri Kush eo, Emōn ke iben likao eo Absalom? Im dri Kush eo e ar uak, Ro dri kijirâte aō iroi, kiñ, im ro otemjej rej jutök nae yuk bwe ren kokkure yuk, ren einwöt likao eo. 33 Im kiñ eo e ar kanuij liman, im e ar wōnliñlok ñon bo eo ilōñin kejem, im ej jōñ: im ke e ar ilok ein drein an ba, O nejiö Absalom, nejiö, nejiö Absalom! emōn ña in kar mij kin kwe, O Absalom, nejiö, nejiö!

19 Im rar kennanek Joab, Lo, kiñ eo ej jōñ im liäjlo kin Absalom. 2 Im anjo ran eo emwij ukot e ñon liäjlo ñon armij otemjej; bwe armij rar roñjake air ba ran eo, Kiñ eo ej tokokok kin leo nejin. 3 Im ran eo armij rar kōnan noj air dreloñtok ilo jikin kwelok eo einwöt armij ro re jok ñe rej ko jen törinae. 4 Im kiñ eo e ar kalibubu mejen, im kiñ ej lamij im elap ainiken, O nejiö, Absalom, O Absalom, nejiö, nejiö! 5 Im Joab e ar dreloñ ilo mweo ñon iben kiñ eo, im ba, Kwar kajok ranin mejen ro drom otemjej, ro rar lomoren am mour ranin, im mour an ro nejom man im kōra, im mour an limaro beleom otemjej; 6 kin am yokwe ro rej kijirâte yuk, im kijirâte ro rej yokwe yuk. Bwe kwar kalikar ranin bwe ejelok tokjen iroi ro im ro dri korijerōm ibōm: bwe ranin ij lo, bwe elañe Absalom e ar mour wöt, im kim otemjej ar mij ranin, men in e naj kar kabuñburuōm wöt. 7 Inem kiö, kwon jerkak, kwon drioi, im konono nan in kainemōn ro drom; bwe ij kanōjni kin Jeova, elañe kwo jab drioi, ejelok juön eman e naj ber ibōm boñin in; im men eo e naj laplok an nana ñon yuk jen aolepen nana e ar walok ñon kwe jen ien am inono ñon kiö. 8 Inem kiñ eo e ar jerkak, im jijöt ilo kejem. Im rar kennanek armij ro otemjej, im ba, Lo, kiñ eo ej jijöt ilo kejem: im armij otemjej rar itok iman kiñ eo.

Ak <sup>1</sup>dri Israel rar ko, jabrewöt ar

<sup>1</sup> Jap. 19. 8.

<sup>1</sup> Jap. 17. 18.

mij n̄on im nuknuk eo an. 9 Im armij otemjej ilo bwijin Israel, rar akwaile dron, im ba, Kiñ eo e ar lomorer jen pein ro dri kijiräte kij, im e ar lomorer jen pein ro dri Pilistia; a kiö emwij an ko jen enin jen Absalom. 10 Im Absalom, eo jar kabite ioer, e mij ilo törinae. Inem kiö etke ejelok nan ibemi kin kajablaktok kiñ eo?

11 Im <sup>1</sup>kiñ Devid e ar jiliklok n̄on iben Zedok, im n̄on Ebaiatar, pris ro, im ba, Kominro konono n̄on ridto ro in Juda im ba, Etke kom rumij jen aolep in kajebalak kiñ eo n̄on mweo im̄on? bwe eor nan e ar walok jen dri Israel otemjej in kajebalak kiñ eo n̄on mweo im̄on. 12 Kom ro jeöd im jätiö, kom driö im kõniekiö: inem etke kom rumij in kajebalak kiñ eo? 13 Im komin ba n̄on Amasa, Kwe kwo jab driö im kõniekiö ke? Anij en kõmön ein drein n̄on iö im kalaplok, elañe kwo jamin iroi j ion jar in törinae ien otemjej im binej jenkwön Joab. 14 Im e ar kañöl buruen dri Juda otemjej einwöt buruen juön wöt armij; inem rar jiliklok n̄on kiñ eo im ba, Komin jeblaktok, kwe im ro drom otemjej. 15 Ein drein kiñ eo e ar jeblak im itok n̄on Jordan. Im dri Juda rar itok n̄on Gilgal bwe ren elälok im wönmae kiñ eo, bwe ren karwontok jen Jordan.

16 Im <sup>2</sup>Shimeai, nejin Gira, dri Benjamin, jen Behurim, e ar jaröplöltok iben dri Juda bwe en wönmae kiñ Devid. 17 Im iben juön tausan dri Benjamin, im Zaiba korijeran nukin Saul, im iben lömaro joñoul lailim nejin, im dri korijeran roñoul; im rar tuak im elä jen Jordan iman mejen kiñ eo. 18 Im juön wa e ar elälok in liklikittok ro nukin kiñ eo, im kötar ankil an. Im Shimeai nejin Gira e ar buñbero iman kiñ eo, ke e ar elätok jen Jordan. 19 Im e ar ba n̄on kiñ eo, Aö iroi j en jab watök nana n̄on ña, im kwon jab kememej ta eo ña korijeröm I ar kõmön ilo böt, ran eo ke aö iroi j e ar ilok jen Jerusalem, im drebij e ilo buruöm. 20 Bwe ña korijeröm I jela bwe I ar

bwir; kin men in, lo, I mottok ranin mokta ian aolepen ro nukin Josep in wönlöltok bwe in ion aö iroi j kiñ eo.

21 A Ebishai nejin Ziruaia e ar uak im ba, Ren jab m̄on Shimeai kin men in, kin ke e ar kebele eo Jeova e ar kabite ke? 22 Im Devid e ar ba, Etke kom iltok iba, kom ro nejin Ziruaia, bwe komin jumae iö ranin? ren m̄on jabrewöt armij ranin ilo Israel ke? bwe I jab jela bwe ña kiñ ion Israel ranin ke? 23 Im kiñ eo e ar ba n̄on Shimeai, Kwo jamin mij. Im kiñ e ar kanöjnjij n̄on e.

24 Im <sup>1</sup>Mipiboshet nejin Saul e ar wönlöltok in wönmae kiñ eo; im e ar jab kökäl tirokõn neen ak bukwe kworeak ko an, ak kwol an nuknuk, jen ran eo ke kiñ eo e ar ilok, n̄on ran eo ke e ar jeblak n̄on jikin ilo ainemön. 25 Im ke e ar itok n̄on Jerusalem in wönmae kiñ eo, kiñ eo e ar ba n̄on e, Etke kwar jab ilok ibalok, Mipiboshet? 26 Im e ar uak, Aö iroi j, O kiñ, dri korijera e ar mon iö: bwe ña korijeröm I ar ba, I naj kapojök juön ass, bwe in uwe ion, im ilok iben kiñ eo; bwe ña korijeröm I kirro. 27 Im e ar konono riöp nae iö korijeröm n̄on aö iroi j, kiñ; a aö iroi j, kiñ, ej einwöt enjel õn Anij: inem kwon kõmön jabrewöt eo emön iböm. 28 Bwe ro otemjej nukin jema rar einwöt armij remij iman aö iroi j kiñ; mekarta, kwar likit ña korijeröm iben ro rar möfia ilo tebel eo am. Inem ewi unin aö bar kajitök jabrewöt iben kiñ eo? 29 Im kiñ eo e ar ba n̄on e, Etke kwoj bar konono kin men ko am? ij ba, Komro Zaiba, komin ajej wäto eo n̄on dron. 30 Im Mipiboshet e ar ba n̄on kiñ eo, Eokwe, en aolep im böke, bwe aö iroi j kiñ e mottok ilo ainemön n̄on mweo im̄on.

31 Im Barzillai, dri Giliad, e ar wönlöltok jen Rogilim; im e ar elä jen Jordan iben kiñ eo, im karwontok jen Jordan. 32 Ak Barzillai e lölap, aet, ridtõn dualitötkñoul yiö: im e ar najirik kiñ eo ke e ar ber i Mehaneim;

<sup>1</sup> Jap. 16. 29. <sup>2</sup> Jap. 16. 5-13.

<sup>1</sup> Jap. 9. 6-10.

bwe e juõn armij e utiej im mweie. **33** Im kiñ eo e ar ba ñõn Barzillai, Kwon elälök iba, im I naj jibõñ yuk i Jerusalem. **34** Im Barzillai e ar ba ñõn kiñ eo, Jefe ran ko im yiõ in aõ mour, bwe in wõnliñlok iben kiñ eo ñõn Jerusalem? **35** Ranin ridtõ drualitõkñoul yiõ: I maroñ kile ikõ-tan emõn im nana ke? ña korijerõm I maroñ nemak men ko ij irak ak mõña ke? I maroñ in roñjake ainiken ro rej al man ak kõra ke? inem etke ña korijerõm in kabelo aõ iroiñ kiñ? **36** Ña korijerõm I jab tolmak aõ elä jen Jordan iben kiñ eo: im etke kiñ en nawõnaõ einwõt? **37** Ij akwelap bwe ña korijerõm in jeblak, bwe in mij ilo jikin kwelok eo aõ, iturin lü-põn jema im jinõ. A lo, korijerõm Kimham; en ilok iben aõ iroiñ; im kwon kõmõn ñõn e men eo emõn ibõm. **38** Im kiñ eo e ar uak, Kimham e naj elä ibalok, im I naj kõmõn ñõn e men eo ej emõn ibõm: im jabrewõt men eo kwo naj kajitõk iba, I naj kõmõne ñõn yuk. **39** Im armij otemjej rar elä jen Jordan, im kiñ eo e ar elälök: im kiñ eo e ar mejenmaik Barzillai, im jare: im e ar jeblaklok ñõn jikin.

**40** Ein drein kiñ eo e ar elälök ñõn Gilgal, im Kimham e ar ilok iben: im dri Juda otemjej rar añintok kiñ eo, im bareinwõt jibikwon ro dri Israel. **41** Im lo, dri Israel otemjej rar itok ñõn iben kiñ eo, im ba ñõn kiñ eo, Etke ro jeim im jätim rar kwote yuk, im añintok kiñ im ro nukin jen Jordan, im ro otemjej dron Devid iben? **42** Im aolepen dri Juda rar uak dri Israel, Kin ke kiñ eo ermene: inem etke komij illu kin men in? kim ar mõña jabrewõt kijin kiñ ke? ak e ar letok jabrewõt men ke? **43** Im ro dri Israel rar uak dri Juda, im ba, Ibem joñoul mõtõn ilo kiñ eo, im kij eo am ilo Devid elaplok jen eo ami: inem etke kom ar kejekron kim, im jab bebe ibem mokta, kin kajeb-laktok kiñ eo? Im elaplok an lej nan ko an dri Juda jen nan ko an dri Israel.

**20** Im ijo juõn armij bata etan Shiba, nejin Bikrai, dri Benja-

min: im e ar jilil, im ba, Ejelok kij ibem ilo Devid, im ejelok am jolit ilo leo nejin Jesse: komeo, jabrewõt iami ñõn moko imwemi, O Israel. **2** Ein drein dri Israel otemjej rar wõn-liñlok jen air lor Devid, im rar lor Shiba, nejin Bikrai; a ro dri Judarar edrep ñõn kiñ eo air, jen Jordan im ñõn Jerusalem.

**3** Im Devid e ar itok ñõn mweo imõn i Jerusalem; im kiñ eo e ar bõk limaro konkubain ro joñoul, ro e ar likit ir in lale mweo, im kil ir, im lale ir, a e ar jab bar dreloñ ñõn ibeir. Ein drein air kil ir ñõn ien re mij, im rej berwõt einwõt ro e joko beleir.

**4** Inem kiñ eo e ar ba ñõn Amasa, Kwon kokweloktok ro dri Juda iomin jilu ran, im kwe kwon ber iji. **5** Ein drein Amasa e ar ilen kokweloktok ro dri Juda; a e ar kaitoklok ien jen men eo e ar jiroñ e kake. **6** Im Devid e ar ba ñõn Ebishai, A kiõ, Shiba nejin Bikrai, e naj kõmõn ñõn kij nana elaplok jen men eo Absalom e ar kõ-mõne: kwon bõk ro dron am iroiñ, im lukworkwor e, ñe e ab dreloñ ilo jikin kwelok ko eor air worwor, im ko jen mejer. **7** Im ro rar drioijlok bwe ren lore, ro dron Joab, im ro dri Kiret, im ro dri Pilet, im aolepen armij ro re kajur; im rar drioijlok jen Jerusalem, bwe ren lukworkwore Shiba, nejin Bikrai. **8** A ke rar ebake dreka eo elap i Gibeon, Amasa e ar ien wõnmae ir. Im Joab e ar kañõrõör kin ken tõrinae ko an, ko e ar kõnõki, im ion juõn kõñõr, im juõn jãji ilo nien ion ibin; im ke ej ilok e wutlok jãji eo. **9** Im Joab e ar ba ñõn Amasa, Emõn ke ibõm jãtiõ? Im Joab e ar jibwe kworeak ko an Amasa kin pein anbijmaroñõn bwe en mejenmaik e. **10** A Amasa e ar jab kalimjek jãji eo i anmiñin Joab: ein drein Joab e ar wãkari enbwinin kake, im katorlok mõjñõl ko an ion lõl, im e ar jab karuale; inem leo emij.

Im Joab im Ebishai, jätin, rar lukworkwore Shiba, nejin Bikrai. **11** Im juõn ian likao ro dron Joab e ar jutõk iturin leo, im ba, Eo ej rie Joab, im eo ej dron Devid, en lor Joab. **12** Im

Amasa e ar babu im drabilbil ilo bō-tōktōkin ilo ial. Im ke likao eo e ar lo bwe armij otemej rar bwijrōk ijo, e ar bōklok Amasa jen ial eo nōn melaj, im e ar jolok juōn nuknuk ion, ke ej lo bwe armij otemej rej itok rej bwijrōk iben. 13 Ke emwij an kamōkit e jen ial eo, armij otemej rar etal lor Joab, bwe ren lukworkwor Shiber nejin Bikrai.

14 Im e ar driblok aolepen bwijin Israel nōn Ebel, im nōn Bet-meaka, im dri Ber otemej: im rar kweloktok im bareinwōt etal lore. 15 Im rar itok im nitbwile i Betel im Bet-meaka, im rar eje juōn be nae jikin kwelok eo, im e ar jutōk nae worwor eo an; im armij otemej iben Joab rar rupe worwor eo bwe ren jolōllok e. 16 Inem juōn kōra dri meletlet e ar kir jen jikin kwelok eo, Komin roñjake, komin roñjake; ij akwelap bwe komin ba nōn Joab, Kwon druaktok iji, bwe in marōñ konono ibōm. 17 Im e ar druaktok nōn iturin; im lio e ar ba, Kwe ne Joab ke? Im e ar uak, Na e. Inem e ar ba nōn e, Kwon roñjake nan ko aō, korijerōm. Im e ar uak, Ij roñjake wōt. 18 Inem lio e ar konono, im ba, Juōn jabōn kennan, rar konono ilo ien ko re motlok im ba, Emol re naj kajitōk bebe i Ebel: ein drein rej kajemlok men eo. 19 Na juōn ian ro rej ainemōn im tiljek ilo Israel: kwoj kajeōñ in kokkure juōn jikin kwelok im juōn jinen ilo Israel: etke kwo kōnan warōñlok men in jolit an Jeova? 20 Im Joab e ar uak im ba, En etolok jen iō, en etolok jen iō, bwe in warōñlok ak kokkure. 21 Men eo e jab ein drein: a juōn eman jen ene utiej i Ipreim, Shiba nejin Bikrai etan, e ar kwotōke pein nae kiñ eo, aet, nae Devid; kwon ketōk e wōt, inem I naj ilok jen jikin kwelok in. Im kōra eo e ar ba nōñ e, Lo, re naj jolok bōran nōn yuk jen worwor in. 22 Inem lio e ar ilok nōn armij otemej ilo an meletlet. Im rar jōb-bare Shiba nejin Bikrai, im jolōllok bōran nōn Joab. Inem e ar jilil, im rar jibiliklok jen jikin kwelok eo, jabrewōt armij nōn mweo imōn. Im Jo-

ab e ar jeblak nōn Jerusalem, nōn iben kiñ eo.

23 Ak <sup>1</sup>Joab ej iroi j ion aolepen jar in tōrinae in Israel; im Beneia nejin Jihoiada ej iroi j ion ro dri Kiret im ro dri Pilet; 24 im Adoram ej iroi j ion dri jermal ro; im Jihoshapat nejin Ehailud ej dri jeje bwebwenato ko; 25 im Shiva ej dri jeje; im Zedok im Ebaiatar rej pris; 26 im bareinwōt Aira, dri Jeir, ej dri jibōñ eutiejtata, nōn Devid.

21 Im e kar juōn nita, ilo ran ko an Devid, iomin jiljilimjuōn yiō; im Devid e ar kabukot mejen Jeova. Im Jeova e ar ba, Eñin kin Saul im kin imōn e bōtōktōk, bwe e ar mōn ro dri Gibeon. 2 Im kiñ eo e ar kirtok ro dri Gibeon, im ba nōn ir, (ak ro dri Gibeon re jab ian ro nejin Israel, a ian mōtōn ro dri Amon; im ro nejin Israel rar kanōjni j nōn ir: im Saul e ar kōnan mōn ir ilo an kijejeto nōn ro nejin Israel im Juda); 3 im Devid e ar ba nōn ro dri Gibeon, In it nōn kom? im kin ta in kōmōn kilajrōk, bwe komin kamōnōnōik jolit an Jeova? 4 Im ro dri Gibeon rar ba nōn e, Men eo ikōtam im Saul kab ro nukin, e jab wōnan silver ak gold; im e jab kwonam in mōn jabrewōt armij ilo Israel. Im e ar ba, Jabrewōt eo komij ba, I naj kōmōn nōn kom. 5 Im rar ba nōn kiñ eo, Armij eo e ar kokkure kim, im e ar bebe nae kim, bwe ren mōn kim jen am berwōt ilo jabrewōt ene ko an Israel, 6 ren ketōk nōn kim jiljilimjuōn ian ro nejin eman, inem kim naj totoik ir nōn Jeova ilo Gibia an Saul, ro Jeova e ar kålet ir. Im kiñ eo e ar ba, I naj lewoj.

7 A kiñ eo e ar kejbārok Mipiboshet, nejin Jonetan, nejin Saul, <sup>2</sup>kin ke kanōjni j an Jeova ej ikōtairro, iben Devid im Jonetan nejin Saul. 8 A kiñ eo e ar bōk ruo man nejin Rizpa, lio nejin Aia, eo e ar keutake nōn Saul, Armonai im Mipiboshet; im lōmaro lailim nejin Maikal lio nejin Saul, ro e ar keutak nōn Edriel nejin Barzillai dri Miholat: 9 im e ar

<sup>1</sup> Jap. 8. 16-18. <sup>2</sup> 1 Sam. 18. 3.

ketök ir na ilo pein ro dri Gibeon, im rar totoik ir ilo tol eo iman Jeova, im ro otemjej jiljilimjuön rar mij ilo juön wöt ien. Im rar mōn ir ilo ran ko ran in marmir, ran ko mokta, ilo jinoin marmir barli.

10 Im Rizpa, lio nejin Aia, e ar bōk nuknuk eklep iren, im e ar erlokwe ion dreka eo nōn e, jen jinoin marmir eo nōn ien e ar lutöklok dren ioir jen lōn; im e ar jab kötlok bao ko jen lōn in ber ioir ilo ran, ak kiru rawia ilo boñ. 11 Im rar kennanek Devid ta eo Rizpa lio nejin Aia, lio konkubain an Saul, e ar kōmōne.

12 Im Devid e ar ilok im bōk<sup>1</sup> dri ko drin Saul, im drin Jonetan leo nejin, jen ro dri Jebesh-giliad, ro rar kwot ir jen ial ilo Bet-shan, ijo ro dri Pilistia rar totoik ir ilo ran eo ke ro dri Pilistia rar mōn Saul i Gilboa; 13 im e ar bōktok jen ijo dri ko drin Saul, im drin Jonetan nejin: im rar aini dri ko drin ro emwij totoik ir. 14 Im rar kalibwin dri ko drin Saul im drin Jonetan nejin ilo enen Benjamin i Zila, ilo lūp eo lūpōn Kish jemen: im rar kōmōn men ko otemjej kiñ eo e ar jiroñ kake. Im elikin men in, ke eor air akwelap nōn Anij, e ar kejeramōn eneo.

15 Im ro dri Pilistia rar bar tōrinaek Israel; im Devid e ar wōnlōlok, im ro dron iben, im rar tōrinae iben ro dri Pilistia. Im Devid e ar kijelok; 16 im Ishbai-binob, eo ian ro nejin inea eo, im erron mōri eo an jibuki shekel jinibōrōrō, im ej kañōrñōr e kin juön jāji ekāl, e ar kajeōn in mōn Devid. 17 Im Ebi-shai, nejin Ziruaia, e ar jibōn e, im jebōk dri Pilistia, im mōn e. Inem ro dron Devid rar kanōjnij nōn e, im ba, Kwo jamin bar droijlok ibemlok nōn tōrinae ñe kwo ab kwuni lamp eo an Israel.

18 Im elikin men in rar bar tōrinaek ro dri Pilistia i Gob: ien eo Sibbekai dri Hushat e ar mōn Sap, eo ian ro nejin inea eo. 19 Im bar juön tōrinae iben ro dri Pilistia i Gob; im

Elhanan nejin Jeare-origim dri Belemem, e ar mōn Golaiat dri Gat, jurōn mōri eo an einwöt alal an dri ej nuknuk. 20 Im bar juön ien rar tōrinae i Gat, ijo juön eman e kanuij aitok, im pein im neen otemjej kajiljino ar-rin, aolepeir roñoul emen; im e ar bareinwöt lotak nōn inea eo. 21 Im ke e ar kejeiokiok Israel, Jonetan nejin Shimeai, jein Devid, e ar mōn e. 22 Rein emen rar lotak nōn inea eo i Gat; im rar mij kin pein Devid, im kin pein ro dron Devid.

22 Im<sup>1</sup> Devid e ar konono nōn Jeova nan ko an al in ilo ran eo ke Jeova e ar lomoren e jen pein ro otemjej dri kijirāte, im jen pein Saul: 2 im e ar ba,

Jeova aō ejman im aō me, im aō Dri lomor, aet aō;

3 Anij, aō ejman, I naj kone; aō likipijñōk, im drunen lomor iō, aō imōn bar eutiey, im aō jikin tilekek; aō Dri lomor, Kwoj lomor iō jen men in kokkure.

4 I naj kir nōn Jeova, eo ej tellokōn bwe ren nebar E: ein drein naj lomor iō jen ro rej kijirāte iō.

5 Bwe no ko in mij rar kabol iō; im ibij ko in nana rar kemjōk iō:

6 To ko in Hedis rar kalorōk iō; alu-kin mij rar itok ioō.

7 Ilo aō jorran I ar kir nōn Jeova; aet, I ar lamij nōn aō Anij: im E ar roñjake ainikiō jen tempel eo An, im aō kir e ar dreloñ i lojiliñin.

8 Inem e makōtkit lōl in im bañij-ñij, im loñtōn lōñ rar makōtkit kin ke Ej illu.

9 E ar wōnliñlok bat jen bodin, im kijeek jen loñin e ar kokkure: melle ko rar urur kake.

10 E ar kōtaik lōñ ko, im tolōllok; im kabin marok iomin neen.

11 Im E ar uwe ion kerub, im E a kākī; aet, ar lo E ion pā ko pein kōto.

12 Im E ar likit marok moko imōn kabol E, kobaik in dren ko, kōro ko re mijil in lōñ ko.

13 Kin romak eo iman, emwij kejo melle in kijeek ko.

<sup>1</sup> 1 Sam. 31. 11 13.

<sup>1</sup> Sam 18. 9-50.



14 Jeova e ar jorur jen lōñ ko, im Eo eutiejtata e ar kwalok ainiken.

15 Im E ar jilkinlok mōri ko, im kijibliklok ir; jarom, im kokkure ir.

16 Inem tor ko in lometo rar walok, emwij kalikar loñtōk ko in lōl, kin an Jeova enoik ir, kin menono in kōto jen bodin.

17 E ar jilkintok jen lōñ, E ar bōk iō; E ar kekake iō jen dren ko relōñ;

18 E ar lomor iō jen dri jumae iō e kajur, jen ro rar kijirāte iō; bwe rar kajur wōt jen ña.

19 Rar itok iō ilo ran in aō jorran; a Jeova e kar aō jokwōn.

20 E ar bareinwōt tel iō iloan juōn jikin e rabōkbōk; E ar lomor iō kin ke E mōñōñō kake iō.

21 Jeova e ar nawōnaō ekar ñōn aō wānik; ekar ñōn peiō erreō E ar nawōnaō.

22 Bwe I ar kejbārok ial ko an Jeova, im I ar jab bwir im illok jen aō Anij.

23 Bwe nan in kaiñi otemjej An rar imaō; im kin kien ko An, I ar jab illok jeni.

24 Bareinwōt I ar wāppen iben; im I ar kejbārok iō jen aō bwir.

25 Kin men in, Jeova e ar nawōnaō ekar ñōn aō wānik, ekar ñōn aō erreō iman mejen.

26 Kwo naj kwalok Yuk im joi j iben ro re joi j; Kwo naj kwalok Yuk im wāppen iben ro re wāppen.

27 Kwo naj kwalok Yuk im kwojarjar iben ro re kwojarjar; im Kwo naj kwalok Yuk im makoko iben ro re ankeke.

28 Im Kwo naj lomoren armij ro re jorran; a mejōm naj ion ro eutie j bu-rueir, bwe Kwon jolōllok ir.

29 Bwe Kwe aō maram, O Jeova; im Jeova e naj kamramlok aō marok.

30 Bwe kin Kwe ij etōr ion juōn jar in armij; im kin aō Anij ij uwe ion juōn worwor.

31 Kin Anij, ial eo An e wāppen: nan eo an Jeova emwij melejoñ e; E juōn likipijñōk ñōn ro otemjej rej kone.

32 Bwe wōn Anij, a Jeova wōt? im wōn ejman, elaste jab am Anij?

33 Anij ej aō me ekajur; im Ej tel dri wāppen ilo ial eo an.

34 E j kōmōn neen einwōt neen kiru haind, im Ej likit iō ilo jikiō reutie j.

35 Ej katakin peiō bwe ren iri, inem peiō rej kiele juōn libon jini-bōrōrō.

36 Kwar bareinwōt letok likipijñōk eo an Am lomor; im Am joi j e ar koutie j iō.

37 Kwar kalaplok jetñakin neiō imaō, im neiō rar jab jir.

38 I ar lukworkwor ro dri kijirāte iō, im I ar kokkure ir; im I ar jab bar oktōk mae ien air joko.

39 Im I ar kokkure ir, im I ar je-bōk ir, inem re ban jerkak: aet, em-wij air buñ iomin neiō.

40 Bwe Kwar kañōrñōr iō kin ka-jur ñōn keitak eo; Kwar kōtaik ñōn iō ro rar jerkak jumae iō.

41 Kwar bareinwōt kajebalaklok ro dri kijirāt jen ña, bwe in maroñ in mōn ro rej kijirāte iō.

42 Rar rei bōjik, a ejelok air dri lomor; aet, ñōn Jeova, a E ar jab uak ir.

43 Inem I ar nowe ir einwōt bōñōl-ñōl in brij, I ar joniōk ir einwōt biri-kōt in ial ko, im I ar kijibliklik ir.

44 Kwar bareinwōt lomor iō jen kabata ko an armij ro droō; Kwar kejbārok iō bwe in bōran dri ailiñ ko: juōn ailiñ I ar jab jela, e naj jermal ñōn iō.

45 Ro drua maijet re naj mōke kō-taik ir ñōn ña: ñe emwij air roñ kin ña, re naj bokake iō.

46 Ro drua maijet re naj monlok. im re naj itok im wuririr jen jikin ti-lekek ko air.

47 Jeova ej mour wōt; im emōñō-nō aō ejman; im en utiej Anij, ejman in aō lomor,

48 Aet, Anij eo ej irenwōne kin ña, im Ej kōtaik dri ailiñ ko jen iō,

49 Im Ej kadrioi jlok iō jen ro dri kijirāte io: aet, Kwo j koutie j iō ilōñin ro rej jutōk mae iō; Kwo j lomor iō jen armij eo e lej.

50 Kin men in, I naj kamolol Yuk, O Jeova, i bwiljin dri ailiñ ko, im I naj al im nebar etōm.

51 Ej letok lomor elap ñon kiñ eo An, im Ej kwalok joiñ ñon eo Kwar kabite, ñon Devid im ñon ro inen, ñon in drio.

**23** Ir kein nan ko reliktata an Devid. Devid leo nejin Jesse ej ba, im armij eo emwij koutiej e, ej ba, Eo Anij an Jakob e ar kabite, im dri kômôn al emôn an Israel:

2 Jitôb òn Jeova e ar konono ilo ña, im An in nan e ar ber ion loô.

3 Anij in Israel e ar ba, Ejman in Israel e ar ba ñon ña: eo ej iroiñ ion armij ilo wânik, eo ej iroiñ ilo mijôk Anij,

4 E naj einwôt maram in jiboñ ke al ej tak, juôn rantak im ejelok kõro, ke ujoij e ub ej walok jen brij ilo maram emôn ke emwij an wut.

5 Emol, mweo imô e jab einwôt iben Anij; mekarta, E ar kômôn iba juôn bujen in drio, e lajrôk ilo men otemjej, im e bin: bwe ej aolepen aô lomor, im aolepen aô kônan, meñe E jab kadreklok e.

6 A ro dri nana, ir otemjej re naj einwôt kaliklik ko men in jolok, bwe re ban kapjere kin peir;

7 A eo ej uñiri, emôn en bôk ken tôrinae ko, mäl, im buñon môri; im re naj tile wôt kin kijeek ilo jikir.

8 <sup>1</sup>Rein etan man ro re kajur re kar dron Devid: Josheb-beshibet juôn dri Takmon, eutieñ ian kapen ro; eñeo Adino dri Eznait, nae drualitôk buki mijijak juôn wôt ien.

9 Im ijiltokin, Iliezar, nejin Dodai nejin juôn dri Ahohit, juôn ian jilu eman re kajur iben Devid, ke rar kejeiokiok ro dri Pilistia, ro rar kwelok ñon tôrinae, im ro dri Israel rar ilok jen ir. 10 E ar jutôk im môn ro dri Pilistia mae ien e môk pein, im pein edrep ñon jäji eo an; im Jeova e ar kômôn juôn anjo elap ran eo; im armij ro rar jeblak im lore bwe ren rakim wôt.

11 Im ijiltokin, Shamma nejin Agi juôn dri Hera. Im dri Pilistia rar kwelok ilo juôn jar, ijo juôn jikin kal-lip ijo elôn lentil; im e ko armij ro jen ro dri Pilistia. 12 A e ar jutôk

iolapen melaj eo, im iri kake. im môn ro dri Pilistia; im Jeova e ar kômôn anjo elap.

13 Im jilu ian jilñoul, armij re utiej rar wônöllok, im itok ñon iben Devid ilo ien marmir ñon roñ eo Adulam; im jar an dri Pilistia rar kamp i kom-löl Ripeim. 14 Im Devid, ien eo, e ar ber ilo jikin eo ebin; im ro dri me an dri Pilistia rar ber ilo Betleem.

15 Im Devid e ar ofkake, im e ba, O I kônan bwe juôn en letok limô dren jen aibij in Betleem, eo ej iturin ke-jem! 16 Im lõmaro jilu re kajur rar driblok jar an dri Pilistia, im itôk dren jen aibij in Betleem, eo ej iturin ke-jem, im bôktok ñon iben Devid: a e jab kônan ilimi, a e ar lutôklok e ñon Jeova. 17 Im e ar ba, En etolok jen ña, O Jeova, bwe in kômôn men in:

in irak bôtôktôkin armij ro rar ilok ilo uota kin air mour ke? kin men in, e jab kônan ilimi. Men kein lõmaro jilu rar kômôni.

18 Im Ebishai, jätin Joab, nejin Ziru-ruaia, e kar lejokmen ian ro jilu. Im e ar kwotôke môri eo an nae jilu buki im môn ir, im eor bwinbwinin iben ro jilu. 19 E ar jab utiejtata ian ro jilu ke? inem ar kômône kapen eo air:

ijoke, e ar etä jen ro jilu mokta.

20 Im Beneia, nejin Jihoiada, nejin juôn armij e beran jen Kabziel, eo e ar kômôn jerbal ko re kajur, e ar môn lõmaro ruo nejin Eriel dri Moab: e ar bareinwôt wônöllok im môn juôn lai-on ilo juôn roñ ilo ien sno. 21 Im e ar môn juôn dri Ijpt, juôn armij e bônñon: im dri Ijpt eo e ar kapjere juôn môri ilo pein; a e ar wônöllok ñon e im juôn jokwôn iben, im e ar jibwe môri jen pein dri Ijpt, im môn e kin môri eo an. 22 Men kein Beneia nejin Jihoiada e ar kômôni, im eor bwinbwinin iben jilu ro re kajur.

23 E utiej jen lõmaro jilñoul, a e ar etä jen ro jilu mokta. Im Devid e ar kairoij e ion ro dri jurake kiñ eo.

24 Esahel jätin Joab e kar juôn ian lõmaro jilñoul; Elhenan nejin Dodo jen Betleem, 25 Shamma dri Herod, Elika dri Herod, 26 Hilez dri Pal, Aira nejin Ikesh dri Tiko, 27 Ebaize-

<sup>1</sup> 1 Kron. 11 11 47.

dri Anaton, Mibunai dri Hushat, 28 Zalmon dri Aho, Meharai dri Nitopat, 29 Hileb nejin Beana dri Nitopat, Ittai nejin Ribat jen Gibia ian ro nejin Benjamin, 30 Beneia juõn dri Paireton, Hiddai jen wea ko i Geash, 31 Ebai-albon dri Arbat, Azmevet dri Barhum, 32 Ilaiaaba dri Shealbon, ro nejin Jeshen, Jonetan, 33 Shamma dri Herar, Ehaiam nejin Sherar dri Arar, 34 Elipelet nejin Ahasbai, nejin dri Meakat, Ilaiaam nejin Ehitopel dri Gilon, 35 Hezro dri Karmel, Perai dri Arb, 36 Igal nejin Netan jen Zoba, Benai dri Gad, 37 Zilek dri Amon, Neharai dri Bierot, ro rar inek ken tõrinae ko an Joab nejin Ziruaia, 38 Aira dri Itrai, Gereb dri Itrai, 39 Uraia dri Het: jilñoul jiljilimjuõn aolepeir.

**24** A <sup>1</sup>e ar bar bwil illu an Jeova nae Israel, im E ar biuktõk Devid nae ir, im ba, Kwon bwini ro dri Israel im dri Juda. 2 Im kiñ eo e ar ba ñõn Joab, kapen jar in tõrinae eo, eo e ar ber iben, Kwon itoitõk ilo bwiljin ro bwijin Israel, jen Dan ñõn Bier-shiba, im komin bwini armij ro, bwe in jela oran armij ro. 3 Im Joab e ar ba ñõn kiñ eo, Kiõ Jeova am Anij, en kobaik ñõn armij ro, jabrewõt orair kiõ, alen jibuki; im mejen aõiroij kiñ ren loi; a etke aõ iroij ej mõnõnõ kin men in? 4 Ijoke, nan an kiñ eo e ar anjo jen Joab im jen kapen ro, iroij in jar in tõrinae. Im Joab im kapen ro an jar in tõrinae eo rar drioijslok jen mejen kiñ eo, bwe ren bwini ro dri Israel. 5 Im rar elã jen Jordan, im rar kamp i Aroer, i anbijmaroñõn jikin kwelok eo ej ilujen komlõl in Gad, im ñõn Jezer: 6 inem rar itok ñõn Giliad, im ñõn enen Tattim-hodshai; im rar itok ñõn Danjean, im ilo belakin ñõn Saidon, 7 im rar itok ñõn me e kajur an Tair, im ñõn jikin kwelok ko otemjej an dri Hiv, im an ro dri Kenean; im rar driblok ñõn Judairõk, i Bier-shiba. 8 Ein drein ke emwij air itoitõk ilujen aolepen eneo im rar itok ñõn Jerusalem e jemlok druatimjuõn aliñ im ruo

ran. 9 Im Joab e ar lelok ñõn kiñ eo oran armij ro e ar bwini ir: im ilo Israel drualitõk buki tausand ro re beran rar nure jãji; im man ro an Juda lai-lim buki tausand armij.

10 Im e bõklikõt Devid, elikin an bwini armij ro, im Devid e ar ba ñõn Jeova, Elap aõ jerawiwi ilo men eo I ar kõmõne: a kiõ, O Jeova, ij akwelap bwe Kwon jolok nana an dri korijerõm; bwe e kanuij bwebwe aõ kõmõn. 11 Im ke Devid e ar jerkak ke ejiboñ, nan in Jeova e ar itok ñõn dri kanan Gad, eo dri lolo an Devid, im ba, 12 Kwon ilen konono ñõn Devid, Ein drein an Jeova ba, Ij kwalok men kein jilu: kwon kãlet juõn iair, bwe In kõmõne ñõn yuk. 13 Inem Gad e ar itok ñõn iben Devid, im kenanek e, im ba ñõn e, Jiljilimjuõn yiõ in ñita ren itok ñõn yuk ilo eneo am ke? ak kwon ko iomin jilu aliñ, iman ro dri kijirãte yuk, im rej lukworkwor yuk wõt ke? ak e naj jilu ran in mij ilo eneo am ke? inem kwon bebe kake, im kalomõnlokjen nan õt in bõklok ñõn Eo e ar jilkinwoj iõ. 14 Im Devid e ar ba ñõn Gad, I jaje kake: kiõ jen buñ na ilo pein Jeova, bwe tiriamokake ko An relap; im in jab buñ ilo pein armij ro.

15 Ein drein <sup>1</sup>Jeova e ar jilkinlok juõn mij ion Israel, jen jiboñ ñõn ien eo E ar konono kake; im ian armij ro rar mij jen Dan ñõn Bier-shiba jiljilimjuõnñoul tausand armij. 16 Im ke enjel eo e ar erlokwe pein ñõn Jerusalem bwe en kokkure, Jeova e ar ukwelok iben kin nana eo, im E ar ba ñõn enjel eo ej kokkure armij ro, E bwe; kiõ, kwon drebij peõm. Im enjel õn Jeova e ar ber iturin jikin dreñdreñ an Arauna dri Jibus. 17 Im Devid e ar konono ñõn Jeova ke e ar lo enjel eo e ar mõn armij ro, im ba, Lo, I ar jerawiwi, im I ar bõt; a jip rein ta eo rar kõmõne? ij kajitõk bwe peõm en nae iõ, im nae nukin jema.

18 Im Gad e ar itok ran eo ñõn iben Devid, im ba ñõn e, Kwon wõnliñlok im kalek juõn lokatok ñõn Jeova, ilo jikin dreñdreñ an Arauna dri

<sup>1</sup> 1 Kron. 21.<sup>1</sup> 1 Kron. 21. 14.

Jibus. 19 Im Devid e ar wõnliñlok, ekar ñõn nan an Gad, einwõt Jeova e ar jiroñ. 20 Im Arauna e ar reilok, im lo kiñ eo im ro dri korijeran ke rej itok ñõn iben: im Arauna e ar drioijlok, im buñbero iman kiñ eo. 21 Im Arauna e ar ba, Etke aõ iroiñ kiñ e ar itok ñõn iba korijeran? Im Devid e ar ba, In wiaik jikin dreñdreñ in jen kwe, bwe in kalek juõn lokatok ñõn Jeova, bwe En böprae mij in jen armij ro. 22 Im Arauna e ar ba ñõn Devid, Aõ iroiñ kiñ, en bõk im katok kin jabrewõt eo ej emõn iben: lo, ox ko ñõn men in katok kijeek, im ken dreñdreñ ko, im ine ko an ox ko ñõn kane: 23 men kein otemjej

324

Arauna ej lewoj ñõn kiñ. Im Arauna e ar ba ñõn kiñ eo, Jeova am Anij en wut buruen kin kwe. 24 Im kiñ eo e ar ba ñõn Arauna, Jab; a emol I naj wiaike jen kwe kin juõn wõnan; I jab kõnan katok kin men in katok kijeek ñõn Jeova aõ Anij ñe I jab kõla. Ein drein Devid e ar wiaik jikin dreñdreñ eo, im ox ko, kin lim-ñoul shekel silver. 25 Im Devid e ar kalek juõn lokatok ñõn Jeova ijo, im e ar katok kin men in katok kijeek ko, im kin men in katok aine-mõn ko. <sup>1</sup>Ein drein emwij mirik Jeova kin eneo, im ar drebij mij eo jen Israel.

<sup>1</sup> Jap. 21. 14.

# KIŅ RO

**1** Ak Devid kiñ e kanuij ridto im bwijwōlā; im rar kalibubu e kin koj ko, a e jab mānān. **2** Kin men in, ro dri korijeran rar ba ñōn e, Ren kabukot ñōn aō iroiĵ kiñ, juōn virĵin emōn drer: im en jutōk iman kiñ, im lale; im en babu ilo ubōn bwe aō iroiĵ kiñ en mānān. **3** Ein drein rar kabukot juōn jiroñ emōn ridtōn im edreo ilo aolepen enen Israel, im rar lo Abishag dri Shunem, im rar āñintok e ñōn iben kiñ eo. **4** Im lio e kanuij dreo; im e ar lale kiñ eo, im jerbāl ñōn e; a kiñ eo e ar jab jela e.

**5** Ilo ien eo <sup>1</sup> Adonaija neĵin Hagit, e ar mōke koutiej e, im ba, I naj kiñ: im <sup>2</sup> e ar kapoj jariot ko, im dri uwe ion ors ko, im limñoul armij bwe ren etōr imanlok. **6** Im jemen e jañin kaillu e jabrewōt ien im ba, Etke ein drein am kōmōn? im e juōn armij e wulio; im e ar lotak elikin Absalom. **7** Im e ar bebe iben Joab neĵin Ziruuaia, im iben Ebaiatar pris: im ilo air lor Adonaija, rar jibōñ e. **8** A Zedok pris, im Beneia neĵin Jihoiada, im Netan dri kanan eo, im Shimeai, im Riai, im armij ro re kajur dron Devid, rar jab ber iben Adonaija. **9** Im Adonaija e ar mōn ĵip ko, im ox ko, im kiru ko re mātōk iturin dreka Zohilet, eo ej iturin En-rogel; im e ar kirtok ro jein im jātin otemjej, ro neĵin kiñ eo, im aolepen ro dri Juda, dron kiñ eo: **10** a Netan dri kanan eo, im Beneia, im armij ro re kajur, im <sup>3</sup> Solomon jātin, e ar jab kirtok ir.

**11** Inem Netan e ar konono ñōn Bat-shiba ĵinen Solomon, im ba, Kwar jab roñ bwe Adonaija neĵin Hagit ej kiñ, im Devid ar iroiĵ e jab jela ke? **12** Inem ij akwelap ñōn yuk, im kwalok bebe ñōn yuk bwe kwon lomoren am

mour, im mour an Solomon leo neĵōm. **13** Kwon ilen dreloñ ñōn iben kiñ Devid, im kwon ba ñōn e, Aō iroiĵ, O kiñ, kwar jab kanōĵnij ñōn ña korijerōm, im ba, <sup>1</sup> Emol Solomon neĵōm e naj kiñ elikiō, im e naj ĵijōt ion tron eo aō ke? inem etke Adonaija ej kiñ? **14** Lo, ñe kwoĵ konono wōt iben kiñ eo, I naj bareinwōt dreloñwoĵ, im I naj kamol am in nan.

**15** Im Bat-shiba e ar dreloñlok ñōn iben kiñ eo, ilo rum eo: im kiñ e bwijwōlā; im Abishag dri Shunem e ar lale kiñ eo. **16** Im Bat-shiba e ar barikrik, im aber ñōn kiñ eo. Im kiñ e ar ba, Ta eo kwoĵ kōnan? **17** Im e ar ba ñōn e, Aō iroiĵ, kwar kanōĵnij kin Jeova am Anij ñōn ña korijerōm, im ba, Emol Solomon neĵōm e naj kiñ elikiō, im e naj ĵijōt ion tron eo aō. **18** Im kiō, lo, Adonaija ej kiñ; im kwe, aō iroiĵ kiñ, kwo jaje kake: **19** im e ar mōn ox ko, im kiru ko re mātōk, im ĵip ko relōñ, im e ar kirtok ro otemjej nukin kiñ, im Ebaiatar pris, im Joab kapen an ĵar in tōrinae; ak e ar jab kirtok Solomon korijerōm. **20** Im kwe, aō iroiĵ kiñ, meĵen dri Israel rej ñōn kwe, bwe kwon kennanek ir wōn eo e naj ĵijōt ion tron eo an aō iroiĵ, im bineĵ jenkwōm. **21** Elañe ein juōn, ñe aō iroiĵ kiñ ej kiki iben ro ĵiman, ña im neĵiō Solomon, re naj watōk kim dri bwir.

**22** Im lo, ke ej konono iben kiñ eo, Netan dri kanan e ar dreloñtok. **23** Im rar kennanek kiñ eo, im ba, Lo, Netan dri kanan. Im ke e ar dreloñtok iman kiñ eo, e ar buñbero iman kiñ eo. **24** Im Netan e ar ba, Aō iroiĵ, O kiñ, kwar ba ke, Adonaija e naj kiñ elikiō, im e naj ĵijōt ion tron eo aō? **25** Bwe e ar wōnlōllok ranin, im e ar mōn ox ko, im kiru ko re mā-

<sup>1</sup> 2 Sam. 1. 4   <sup>2</sup> 2 Sam. 15. 1.   <sup>3</sup> 2 Sam. 12. 24.

<sup>1</sup> eon 30.

tök, im jip ko relöñ, im e ar kirtok ro otemjej nejin kiñ eo, im kapen ro an jar in törinae, im Ebaiatar pris; im lo, rej möña im irak, im ba, En mour Adonaija. 26 A ña, aet ña korijeröm, im Zedok pris eo, im Beneia nejin Jihoiada, im korijeröm Solomon, e ar jab kirtok kim. 27 Rar kômön men in kin aõ iroiñ kiñ, im kwar jab kwalok ñön kim korijeröm wön eo e naj jijöt ion tron eo an aõ iroiñ kiñ elikin ke?

28 Inem kiñ Devid e ar uak im ba, Kwon kirtok Bat-shiba. Im e ar itok ñön iben kiñ eo, im jutök iman. 29 Im kiñ eo e ar kanöjnij im ba, Einwöt Jeova e mour, Eo e ar lomoren aõ jen jorran, 30 emol, einwöt I ar kanöjnij ñön yuk kin Jeova, Anij in Israel, im ba, Emol Solomon nejöm e naj kiñ elikiö, im e naj jijöt ion tron eo aõ, im binej jenkwöa, emol ein drein I naj kômön ranin. 31 Inem Bat-shiba e ar buñbero, im aber ñön kiñ eo, im ba, Aõ iroiñ kiñ Devid en mour ñön in drio.

32 Inem kiñ Devid e ar ba, Kwon kirtok Zedok pris eo, im Netan dri kanan, im Beneia nejin Jihoiada. Im rar itok ñön iman kiñ eo. 33 Im kiñ e ar ba ñön ir, Komin añinlok ibemilok ro dron ami iroiñ, im kômön bwe Solomon nejö en uwe ion mul eo aõ, im añinlok e ñön Gaihon: 34 im Zedok pris eo, im Netan dri kanan ren kabit e ijo kiñ in Israel; im komin jilil im ba, <sup>1</sup>En mour kiñ Solomon. 35 Inem komin wönliñtok im lore, im e naj itok im jijöt ion tron eo aõ; bwe e naj kiñ im binej jenkwöa; im I ar kälet e iroiñ ion Israel im Juda. 36 Im Beneia nejin Jihoiada e ar uak kiñ eo im ba, Amen: Jeova, Anij an aõ iroiñ kiñ, en ein drein An ba bareinwöt. 37 Einwöt Jeova e ar ber iben aõ iroiñ kiñ, ein drein En ber iben Solomon, im kalaplok tron eo an jen tron eo an aõ iroiñ kiñ Devid.

38 Inem Zedok pris eo, im Netan dri kanan, im Beneia nejin Jihoiada, im ro dri Kiret im ro dri Pilet, rar wönlölok, im rar likit bwe Solomon

en uwe ion mul eo an kiñ Devid, im rar añinlok e ñön Gaihon. 39 Im Zedok pris eo, e ar bök drun in oil eo jen ilon imön kabero, im e ar kabit Solomon. Im rar jilil; im armij otemjej rar ba, En mour kiñ Solomon. 40 Im armij otemjej rar wönliñtok im lore, im armij rar kajöñjön kin paip ko, im rar löñliñ kin möñöñ elap, inem löl e ar bañijñij kin ainikeir.

41 Im Adonaija, im ro otemjej e ar jiroñ ir rar roñjake ke ej kab mwij air möña. Im ke Joab e ar roñ ainiken jilil eo, e ar ba, Ewi unin keroro in im jikin kwelok ej iruij bata? 42 Ke ej konono wöt, lo, Jonetan nejin Ebaiatar pris, e ar itok: im Adonaija e ar ba, Kwon dreloñtok; bwe kwe armij emön, im kwoj böktok nan emön. 43 Im Jonetan e ar uak im ba ñön Adonaija, Emol ar iroiñ kiñ Devid e ar kairoij Solomon kiñ: 44 im kiñ eo e ar jilkinlok ibenlok Zedok pris eo, im Netan dri kanan, im Beneia nejin Jihoiada, im ro dri Kiret, im ro dri Pilet; im rar kômön bwe en uwe ion mul eo an kiñ eo; 45 im Zedok pris eo, im Netan dri kanan rar kabit e kiñ i Gaihon; im rej wönliñtok jen ijo kin löñliñ, bwe jikin kwelok ej bañijñij. Eñin ainiken eo kom ar roñjake. 46 Im bareinwöt Solomon ej jijöt ion tron eo an ailiñ in. 47 Im bar juön, ro dron kiñ eo rar iten kejerammön ar iroiñ kiñ Devid, im ba, Am Anij en kômön bwe en mejajalok etan Solomon jen etöm, im koutiejlok tron eo an jen tron eo am: im kiñ eo e ar jirlok ion aowej eo an. 48 Im bareinwöt ein drein kiñ eo ej ba, Emönöñö Anij in Israel, eo e ar letok juön bwe en jijöt ion tron eo aõ ranin, im meja rar loe.

49 Im ro otemjej Adonaija e ar jiroñ ir re mijök, im rej jutök, im kajulok air ial. 50 Im Adonaija e mijök Solomon; im e ar jutök, im ilok, im jibwe drunen lokatok eo. 51 Im rar kennanek Solomon, im ba, Adonaija e mijök kiñ Solomon; bwe, lo, ej drebij drunen lokatok eo, im e ba, Kiñ Solomon en kanöjnij ñön iö mokta bwe e jamin möñ ña korijeran kin

<sup>1</sup> eon 15.

jäji. 52 Im Solomon e ba, Elañe ej mōke kwalok e juōn armij e tellokōn, ejelok juōn kolan bōran e naj wutlok ñōn lōl; a elañe rej lo nana iben, e naj mij. 53 Ein drein kiñ Solomon e ar jiliklok, im rar añinlōtlok e jen lokatōk eo. Im e ar iten aber ñōn kiñ Solomon; im Solomon e ba ñōn e, Kwon ilok ñōn mweo imōm.

2 Ak <sup>1</sup>ran in mij an Devid ebak-tok; im e ar jiroñ Solomon nejin, im e ba, 2 Ij ilok ilo ial an ro otemjej dri lōl: inem kwon kajur, im kwalok yuk juōn eman; 3 im kwon kejbārok nan in jiroñ an Jeova am Anij, bwe kwon etal ilo ial ko An, im bokake kien ko an, im nan in kaifi ko An, im nan in jiroñ ko An, im nan in kennan ko An, ekar ñōn men ko ar je ilo kien Moses, bwe kwon jerammōn ilo men ko otemjej kwoj kōmōni, im ijoko jabrewōt kwoj oktōk ñōn e; 4 bwe Jeova en kamol nan eo E ar konono kin ña, im ba, Elañe ro nejom rej lale ial eo air, bwe ren etal imaō kin aolepen burueir, im aolepen air, kwo jamin aikwij juōn eman ion tron in Israel, (E ar ba). 5 Bareinwōt kwo jela ta Joab <sup>2</sup>nejin Ziruaia e ar kōmōn ñōn iō, aet, ta eo e ar kōmōn ñōn kapen ro ruo an jar in tōrinae an Israel, ñōn Abner nejin Ner, im ñōn Amasa nejin Jiter, ro e ar mōn ir, im katorlok bōtōktōk in tōrinae ilo ien ainemōn, im likit bōtōktōk in tōrinae ion kōñōr eo e ar lukwoj ibin, im ilo juj ko rej ber i neen. 6 Kwon kōmōn ekar ñōn am meletlet, im bōran e bwiljere an jab wōnlōllok ñōn Hedis ilo ainemōn. 7 A kwon <sup>3</sup>kwalok joiñ ñōn ro nejin Barzillai dri Giliad, im ren jet ian ro rej mōña ilo tebel eo am; bwe ein drein rar itok ñōn iba ke I ar ko jen Absalom jeōm. 8 Im, lo, ibōm Shimeai nejin Gira, dri Benjamin an Behurim, eo e ar kebele iō kin jerata e kanuij bin ke I ar ilok ñōn Mehaneim; a e ar iten wōnmae iō i Jordan, im I ar kanōjniñ ñōn e kin Jeova, im ba, I jamin mōn yuk kin jäji. 9 Inem kwon jab likit e ejelok ruōn, bwe kwe dri meletlet;

im kwo naj jela men eo ekar bwe kwon kōmōn ñōn e, im kwo naj añinlok bōran e bwiljere ñōn Hedis ilo bōtōktōk.

10 Im <sup>1</sup>Devid e ar kiki iben ro jiman, im rar kalibwin e ilo jikin kwelok an Devid. 11 Im ran ko Devid e ar kiñ ion Israel eñoul yiō: <sup>2</sup>jiljilimjuōn yiō e ar kiñ i Hibron, im jilñoul jilu yiō e ar kiñ i Jerusalem. 12 Im Solomon e ar jijōt ion tron an Devid jemen; im ar kanuij kabin ailiñ eo an.

13 Ien eo Adonaija nejin Hagit e ar itok ñōn iben Bat-shiba, jinen Solomon. Im lio e ar ba, Kwoj itok ilo ainemōn ke? Im e ar ba, Ilo ainemōn.

14 Leo e ar ba bareinwōt, Eor iba I kōnan konono ibōm. Im lio e ar ba, Kwon konono wōt. 15 Im e ar ba, Kwo jela bwe ailiñ eo e kar aō, im dri Israel otemjej rar reitok ñōn iō, bwe in kiñ: ijoke, emwij ukōt ailiñ eo, im an jatiō; bwe an jen Jeova. 16 Im kiō ij kajitōk ibōm juōn nan; lale kwar ba jab. Im lio e ar ba ñōn e, Kwon ba wōt. 17 Im e ar ba, Ij akwelap bwe kwon konono ñōn Solomon kiñ eo, (bwe e jamin ba jab ñōn yuk), bwe <sup>3</sup>en letok Abishag dri Shunem beliō. 18 Im Bat-shiba e ar ba, Eokwe, I naj konono kin kwe ñōn kiñ eo.

19 Inem Bat-shiba e ar ilok ñōn iben Solomon kiñ, bwe en konono iben kin Adonaija. Im kiñ e ar jutōk bwe en wōnmae e, im barikrik jen e, im jijōt ion tron eo an, im kōmōn bwe ren bōktok juōn tron ñōn jinen kiñ eo; im lio e ar jijōt i anbijmaroñōn. 20 Inem lio e ar ba, Juōn aō kajitōk erik ibōm; kwon jab abwin iō. Im e ar ba, Kwon kajitōk wōt jinō; bwe I jamin karmijete yuk. 21 Im lio e ar ba, Ren lelok Abishag dri Shunem ñōn Adonaija jeōm bwe en belen. 22 Im kiñ Solomon e ar uak im ba ñōn jinen, Im, etke kwoj kajitōk kin Abishag dri Shunem ñōn Adonaija? kwon kajitōk ñōn e ailiñ in bareinwōt; bwe e jeiō, aet, ñōn e im ñōn Ebaia-tar pris, im ñōn Joab nejin Ziruaia.

<sup>1</sup> Jen. 47. 29. <sup>2</sup> 2 Sam. 1. 13. <sup>3</sup> 2 Sam. 19. 31. 38.

<sup>1</sup> Jerb. 2. 29. <sup>2</sup> 2 Sam. 1. 5. <sup>3</sup> Jap. 1. 3. 4.

23 Inem kiŅ Solomon e ar kanōjnij kin Jeova, im ba, En ein drein an Anij kōmōn nōn iō, im kalaplok, elaŅe Adonaija e ar jab konono nan in nae an mour. 24 Inem einwōt Jeova e mour, Eo e ar kabit iō, im kajijōt iō ion tron an Devid jema, im Eo e ar kōmōn nōn iō juōn im einwōt E ar kalimur kake, emol re naj mōn Adonaija ranin. 25 Im kiŅ Solomon e ar jiliklok kin Beneia, nejin Jihoiada; im e ar mōn e, bwe en mij.

26 Im kiŅ e ar ba nōn Ebaiatar pris, Kwon ilok nōn Anatot, nōn jikin kallip ko am; bwe drien mij kwe: a I jamin mōn yuk ien in, kin ke kwar ineklok dipdip an Iroi Jeova iman Devid jema, im kin ke kwar jorran ilo jabrewōt einwōt jema e ar jorran. 27 Ein drein Solomon e ar jolok Ebaiatar jen an pris nōn Jeova, bwe en kamol nan jen Jeova, eo E ar konono kin ro nukin Ilai i Shailo.

28 Im nan kin men in e ar itok nōn Joab; bwe Joab e ar oktōk nōn Adonaija, meŅe e ar jab oktōk nōn Absalom. Im Joab e ar ko nōn Mweo imōn Jeova, im e ar kapjere drunen lokatok eo. 29 Im rar kennanek kiŅ Solomon, Joab e ar ko nōn Mweo imōn Jeova, im lo, ej ber iturin lokatok eo. Inem Solomon e ar jilkinlok Beneia nejin Jihoiada, im ba, Kwon iem mōn e. 30 Im Beneia e ar itok nōn Mweo imōn Jeova, im e ba nōn e, Ein drein kiŅ eo ej ba, Kwon driojjtok. Im e ar ba, Jab; a I naj mij iji. Im Beneia e ar bar kennanek kiŅ eo, im ba, Ein drein an Joab ba, im ein drein an uak iō. 31 Im kiŅ eo e ar ba nōn e, Kwon kōmōn nōn e einwōt an in nan, im kalibwin e; bwe kwon kamo kinij iben Joab kin bōtōktōk eo e ar katorlok im ejelok unin, jen Ņa im jen nukin jema. 32 Im Jeova e naj kajebalak ion bōran bōtōktōk eo an, bwe e ar mōn ruo armij re wāpen im remōn jen e, im mōn ir kin mejen jāji, im jema Devid e ar jaje kake, Abner nejin Ner, kapen jar an tōrinae in Israel, im Amasa nejin Jiter, kapen jar an tōrinae in Juda. 33 Ein drein bōtōktōkir e naj jeblak

ion bōran Joab, im ion bōran ro inen nōn in drio: a nōn Devid, im nōn ro inen, im nōn mweo imōn, im nōn tron eo an, e naj ainemōn in drio jen Jeova. 34 Inem Beneia nejin Jihoiada e ar wōnliŅlok, im mōn e; im ar kalibwin e ilo mweo imōn i ene jemaren. 35 Im kiŅ eo e ar likit Beneia nejin Jihoiada, bwe en binej jenkwōn ion jar in tōrinae; im kiŅ e ar kōmōn bwe Zedok pris eo en binej jenkwōn Ebaiatar.

36 Im kiŅ eo e ar jiliklok im kirtok<sup>1</sup> Shimeai, im ba nōn e, Kwon kalek nōn yuk juōn im i Jerusalem, im kwon jokwe ie, im kwon jab driojlok nōn jirik. 37 Bwe ran eo Ņe kwoj driojlok, im elā jen wea Kidron, kwon kanuij jela bwe kwo naj mij: bōtōktōkōm e naj ion bōrōm. 38 Im Shimeai e ar ba nōn kiŅ eo, Emōn nan in: einwōt aō iroi kiŅ e ar ba, ein drein Ņa korijerōm I naj kōmōne. Im Shimeai e ar jokwe i Jerusalem elōn ran.

39 Im elikin jilu yiō, ruo ian dri korijeran Shimeai rar kolok nōn iben Ekish, nejin Meaka, kiŅ in Gat. Im rar kennanek Shimeai, im ba, Lo, ro dri korijerōm rej ber i Gat. 40 Im Shimeai e ar jutōk, im kapoj ass eo an, im ilok nōn Gat, nōn iben Ekish, bwe en kabukot lōmaro dri korijeran; im Shimeai e ar ilok, im ānintok ro dri korijeran jen Gat. 41 Im rar kennanek Solomon bwe Shimeai e ar ilok jen Jerusalem nōn Gat, im e ar bar itok. 42 Im kiŅ eo e ar jiliklok im kirtok Shimeai, im ba nōn e, Ņa I ar jab kanōjnij nōn yuk kin Jeova, im kabin aō in nan nōn yuk ke, im ba, Kwon kanuij jela bwe ilo ran eo kwoj driojlok im etal ijoko jabrewōt, emol kwo naj mij? im kwar ba nōn iō, Emōn aō roŅjake nan ko. 43 Inem etke kwar jab kejbārok kanōjnij eo kin Jeova, im kien eo I ar jiroŅ yuk kake? 44 Bareinwōt kiŅ eo e ar ba nōn Shimeai, Kwo jela aolepen nana ej ber ilo buruōm, ta eo kwar kōmōne nōn Devid: kin men in Jeova e naj kajebalak am nana ion bōrōm.

<sup>1</sup> eo a.



45 A kiñ Solomon e naj jerammōn, im naj kabin tron an Devid iman Jeova nōn in drīo. 46 Ein drein kiñ eo e ar jiroñ Beneia nejin Jihoiada; im e ar drīoijlok, im mōn e, inem e mij. Im emwij kabin ailiñ eo ilo pein Solomon.

3 Im Solomon e ar <sup>1</sup> kōmōn bujen iben Pero kiñ in Ijīpt, im e ar bōk lio nejin Pero bwe en belen, im ānintok e ilōan jikin kwelok an Devid, mae ien an kamwijlok an kalek mweo imōn, im imōn Jeova, im worwor an Jerusalem i belakin. 2 Men in wōt, armij rar katok ilo jikin ko re utiej, kin ke ejelok im emwij kalek e nōn etan Jeova nōn ran ko. 3 Im Solomon e ar yokwe Jeova, im e ar etetal ilo kien ko an Devid jemen: men in wōt, e ar katok im kōkaijurjur ilo jikin ko re utiej.

4 Im kiñ eo e ar ilok nōn Gibeon bwe en katok ijo: bwe e jikin e utiej im buñbuñ: juōn tausān men in katok kijeek Solomon e ar katok kake ion lokatok eo. 5 I Gibeon Jeova e ar weaktok nōn Solomon ilo juōn tōnak ilo boñ; im Anij e ar ba, Kwon kajitōk ta I naj lewoj. 6 Im Solomon e ar ba, Kwar kwalok nōn korijerōm Devid joij elap, ekar nōn an etetal imam ilo mol, im ilo wānik, im ilo buru e jime ibōm; im Kwar kejbārok nōn e joij in elap, im Kwar lelok nōn e juōn nejin bwe en jījōt ion tron eo an, einwōt ranin. 7 Inem kiō, O Jeova aō Anij, Kwar kairoij iō dri korijerōm kiñ, bwe in binej jenkwōn Devid jema: im ña ij ajiri jeraō; I jab jela ekijkan aō drīoij dreloñ. 8 Im ña korijerōm ij i bwiljin dri ailiñ ro Am, ro Kwar kālet ir, juōn ailiñ elap, re ban bwini ak lo oran kin air lōñ. 9 Inem Kwon letok nōn ña korijerōm buru e jelalokjen bwe in ekajet dri ailiñ ro Am, bwe in maroñ kili emōn im nana; bwe wōn eo e maroñ in ekajet ailiñ in Am elap?

10 Im nan eo e ar kabuñburuen Iroi, bwe Solomon e ar kajitōk men in. 11 Im Anij e ar ba nōn e, Kin am kar kajitōk men in, im kwar jab

kajitōk nōn yuk mour e aitok, ak mweuk ko nōn yuk, ak bwe ro dri ki-jirāte yuk ren mij, a kwar kajitōk nōn yuk jelalokjen bwe kwon kile wānik; 12 lo, emwij Aō kōmōn ekar nōn am in nan; lo, I ar lewoj buru e meletlet im jelalokjen; ein drein mokta jen yuk ejelok einwōt kwe, im elikōm, e naj walok ejelok im einwōt kwe. 13 Im bareinwōt I ar lewoj men ko kwar jab kajitōk kake, mweuk im ñiājo, ein drein e naj ejelok ian kiñ ro einwōt kwe, aolepen ran ko am. 14 Im elañe kwoj etetal ilo ial ko Aō, bwe kwon bokake kien ko im nan in kaiñi ko Aō, einwōt jemōm Devid e kin etetal, inem I naj kaitoklok ran ko am. 15 Im Solomon e ar ruj; im, lo, e juōn tōnak: im e ar itok nōn Jerusalem, im e ar katok kin men in katok ainemōn ko, im e ar kōmōn kwojkwoj nōn aolepen ro dron.

16 Ien eo ruo kōra, rekijoñ, rar itok nōn iben kiñ eo, im rej jutōk iman. 17 Im lio juōn e ar ba, O, aō iroi, ña im kōra in kimij jokwe ilo juōn wōt im; im I ar keutak juōn niñniñ iben ilōan mweo. 18 Im jilu ran elikin aō keutak, kōra in e ar bareinwōt keutak; ejelok bar juōn ibemro ilōan mweo: kimro wōt. 19 Im niñniñ eo nejin kōra in e mij ilo boñ, kin an jone. 20 Inem e ar jerkak ilukwōn boñ eo, im e ar bōk ladrik eo nejiō jen ituriō, ke ña korijerōm I ar kiki, im e ar likit e ilo ubōn, im e ar likit niñniñ eo nejin e mij ilo ubō. 21 Im ke I ar jerkak ilo jiboñ bwe in kinnin niñniñ eo nejiō, lo, e mij; a ke I ar kalimjeke ilo jiboñ, lo, e jab ladrik eo nejiō, eo I ar keutak e. 22 Im lio juōn e ar ba, Jab; a eo e mour ladrik eo nejiō, im eo e mij ladrik eo nejom. Im eo juōn e ar ba, Jab; a ladrik eo e mij nejom, im ladrik eo e mour nejiō. Ein drein air ba iman kiñ eo.

23 Inem kiñ eo e ar ba, Juōn ej ba, Eñin nejiō ladrik eo e mour, im nejom ladrik eo e mij: im eo juōn ej ba, Jab; a nejom ladrik eo e mij, im nejiō ladrik eo e mour. 24 Im kiñ eo ej ba, Komin bōktok juōn jāji. Inem

<sup>1</sup> jap. 9. 16. 24.

rar bōktok juōn jāji iman kiŋ eo. **25** Im kiŋ eo e ba, Komin karājete niŋniŋ eo e mour, im lelok juōn mōtōn nōn juōn, im juōn mōtōn nōn eo juōn. **26** Im kōra eo jinen niŋniŋ eo e mour, e ar konono nōn kiŋ eo, bwe buruen e tokokok kin ladjik eo nejin, im e ar ba, O, aō iroiĵ, kwon lelok nōn lio niŋniŋ eo e mour, im lale kwar mōn e nōn jirik. A eo juōn e ar ba, E jamin nejerro otemjej; komin karājete. **27** Inem kiŋ eo e ar uak im ba, komin lelok nōn lio niŋniŋ e mour, im jab mōn e nōn jirik: eo jinen ne. **28** Im dri Israel otemjej rar roŋjake ekajet eo kiŋ e ar ekajet kake; im rar miĵok kiŋ eo: bwe rar lo bwe meletlet an Anij ej iben, bwe en kōmōn wānik.

**4** Im kiŋ Solomon e ar iroiĵ ion aolepen Israel. **2** Im rein iroiĵ ro iben, Azeraia nejin Zedok pris eo; **3** Elaihorep im Ehajja, ro nejin Shasha, ro dri jeje; Jihoshapat nejin Ehailud, dri jeje bwebwenato ko; **4** im Beneia nejin Jihoiada ej ion jar in tōrinae; im Zedok im Ebaiatar pris ro; **5** im Azeraia nejin Netan ej ion dri kabwijrrok ro; im Zebud nejin Netan ej dri jibōn e utiejtata, im jeran kiŋ eo; **6** im Ehaishar ej ion ro dri mweo imōn; im Adonairam nejin Abda ej ion ro dri jerhal.

**7** Im iben Solomon joŋoul ruo dri kabwijrrok ion aolepen Israel, ro rej ekōn nōn kiŋ eo im ronukin: kwonan juōn iair ainitok kijeir ilo juōn aliŋ ilo yiō eo. **8** Im rein etair: Ben-hur, ilo ene utiej in Ipreim; **9** Ben-deker, ilo Mekaz, im ilo Shalhim, im Betshimesh, im Ilon-bet-henan; **10** Benhised, ilo Arubot, (ilo Soko, im aolepen ene Hiper); **11** Ben-abinedab, ilo aolepen ene eutieĵ Dor, (Tepat lio nejin Solomon belen); **12** Beana nejin Ehailud, ilo Teanak im Megido, im aolepen Bet-shian eo ej iturin Zaretan, iomin Jezriel, jen Bet-shian nōn Ebel-mihola, nōn ijo etolok jen Jokmiam; **13** Ben-giber, ilo Remot-giliad (im ijo kwonan jikin kwelok an Jeir nejin Menassa, ko ilo Giliad; aet ene Argob, eo ej i Beshan, jiljino-

noul jikin kwelok ko relap im eor air worwor im alal jinibōrōrō); **14** Ehinadab nejin Iddo, ilo Mehaneim; **15** Ehimeaz, ilo Naptalai, (e bareinwōt ar bōk Besimat lio nejin Solomon belen); **16** Beana nejin Hushai, ilo Asher im Bielot; **17** Jihoshapat nejin Parua, ilo Issakar; **18** Shimeai nejin Ila, ilo Benjamin; **19** Giber nejin Urai, ilo ene Giliad, enen Saihon kiŋ an dri Amor, im an Og kiŋ in Beshan; im e juōn wōt dri kabwijrrok ilo eneo.

**20** Im dri Juda im Israel relōn einwōt bok i barijit kin orair, im rar mōna im irak im mōnōnō kake. **21** Im Solomon e ar kiŋ ion aliŋ ko otemjej jen River eo nōn enen dri Pilistia, im nōn tōreren Ijijit; rar owōĵlok, im jerhal nōn Solomon ran otemjej in an mour. **22** Im ekōn ko an Solomon ilo juōn ran, jiljoul joŋōn flauo kwerik, im jiljinoŋoul joŋōn flauo kwelip, **23** joŋoul ox remātōk, im roŋoul ox jen melaj ko, im jibuki sip, im bareinwōt hart ko, im gezel ko, im roebōk ko, im bao ko remātōk. **24** Bwe e ar kiŋ ion aolepen ene nōn River eo, jen Tissa nōn Geza, ion kiŋ ro otemjej jen River eo im itok: im eor an ainemōn ilo tōreren ko otemjej iturin. **25** Im dri Juda im Israel rar jokwe im jab uota, jabrewōt armij iomin vain im wijki fig eo an, jen Dan nōn Bier-shiba, ran ko otemjej an Solomon. **26** Im iben Solomon eŋoul tausan jikin ors nōn jariot ko an, im joŋoul ruo tausan dri uwe ion ors. **27** Im dri kabwijrrok rein rar aini ekōn nōn kiŋ Solomon, im nōn ro otemjej rar itok nōn tebel an Solomon, ejeju wōt air aliŋ; rar lale bwe ejelok an aikwij. **28** Rar bōktok barli bareinwōt im kōn an ors ko, nōn jikin eo ro dri kabwijrrok rar ber ie, jabrewōt armij ekar nōn kwonan.

**29** Im Anij e ar lelok nōn Solomon meletlet im jelalokjen e kanuiĵ lap im buruen elap, einwōt bok eo i barijit. **30** Im meletlet an Solomon elap jen meletlet an aolepen ro nejin dri rear otemjej, im jen aolepen meletlet an Ijijit. **31** Bwe e ar meletlet jen armij otemjej; jen Itan dri Ezra, im

Himan, im Kalkol, im Darda, ro nejin Mehol: im buñbuñ kin e ej ber ilo aliñ ko otemjej iturin. 32 Im e ar ba jilu tausan jabõn kennan; im al ko an juõn tausan im lailim. 33 Im e ar konono kin wijki ko, jen wijki aik eo i Lebanon ñõn hissõp eo ej edrek jen worwor: e ar bareinwõt konono kin kiru ko, im kin bao ko, im kin men ko re tõbõlbõl, im kin iik ko. 34 Im rar itok armij jen aliñ otemjej bwe ren roñjake meletlet an Solomon, jen kiñ ro otemjej ilo lõl, ro rar roñ kin meletlet eo an.

**5** Im<sup>1</sup> Hiram kiñ in Tair e ar jilkinlok ro dri korijeran ñõn iben Solomon: bwe e ar roñjake bwe rar kabit e kiñ in binej jenkwõn jemen: bwe Hiram e kin yokwe Devid ien otemjej. 2 Im Solomon e ar jiliklok ñõn Hiram, im ba, 3 Kwo jela ekijkan Devid, jema, e ban kalek juõn im ñõn etan Jeova an Anij, kin tõrinae ko rar kabol e, mae ien Jeova e ar likiti iomin lobiren neen. 4 A kiõ Jeova aõ Anij e ar letok kakiije ijoko otemjej ituriõ; ejelok dri kijirät ak nana ej walok. 5 Im lo, ij lemnok bwe in kalek juõn im ñõn etan Jeova, aõ Anij, einwõt Jeova e ar konono ñõn Devid jema, im ba, Nejõm man eo I naj likit e ion tron eo am bwe en binej jenkwõm, e naj kalek mweo ñõn eta. 6 Inem kwon jiroñ bwe ren jekjek ñõn iõ wijki aik jen Lebanon; im ro dri korijera re naj ber iben ro dri korijerõm; im I naj lewoj wõnan jermal kin ro dri korijerõm ekar ñõn men otemjej kwo naj ba kake: bwe kwo jela ejelok juõn iamuij e jela jekjek wijki einwõt dri Saidon.

7 Im ke Hiram e ar roñjake nan ko an Solomon, e kanuij mõnõnõ, im e ba, Emõnõnõ wõt Jeova ranin, Eo e ar lelok ñõn Devid juõn nejin e meletlet ion armij rein relõñ. 8 Im Hiram e ar jiliklok ñõn Solomon, im ba, Emwuj aõ roñ nan eo kwar jilkinlok ñõn iba: I naj kõmõn aolepen am kõnan kin wijki aik, im kin wijki för. 9 Ro dri korijera re naj bõkilok jen Lebanon ñõn lojit; im I naj kõmõni

ilo tõra in wijki ko bwe ren aiki ñõn jikin eo kwo naj ba ñõn iõ, im I naj jelati ijo, im kwo naj bõki; im kwo naj kõmõn men eo I kõnan kin am letok ekõn ñõn ro dri mweo imõ. 10 Ein drein Hiram e ar lelok ñõn Solomon wijki aik im wijki för ekar ñõn aolepen an kõnan. 11 Im Solomon e ar lelok ñõn Hiram roñoul tausan joñõk in wit, kijen ro dri mweo imõn, im roñoul joñõk in oil erreo: ein drein Solomon e ar lelok ñõn Hiram, yiõ ko otemjej. 12 Im Jeova e ar lelok ñõn Solomon meletlet, einwõt E ar kalimur ñõn e; im eor ainemõn ikõtãn Hiram im Solomon; im irro rar kõmõn juõn bujen iben dron.

13 Im kiñ Solomon e ar kokweloktok jar an dri jermal jen aolepen Israel; im jar eo jilñoul tausan eman. 14 Im e ar jilkinlok ir ñõn Lebanon, joñoul tausan ilo juõn aliñ ilo lajrõk; juõn aliñ rar ber i Lebanon, im ruo aliñ rar ber i kabujukneir: Adonairam e ar iroiij ion ro dri jermal. 15 Im<sup>1</sup> iben kiñ Solomon jiljilimjuõnñoul tausan dri inene, im drualitõkñoul tausan dri jekjek ion tol ko; 16 bareinwõt ro dri kabwijrõk reutiej an Solomon rar lale jermal eo, jilu tausan jilu buki, rar iroiij ion ro rej kõmõn jermal eo. 17 Im kiñ e ar jiroñ, inem rar jekjek dreka ko relap, im elap wõnair, ñõn kõmõn loñtõn mweo kin dreka jekjek. 18 Im ro dri kalek an Solomon, im ro dri kalek an Hiram, im ro dri Gibal rar jeki, im rar kapoji wijki im dreka ko ñõn kalek mweo.

**6** Im ilo<sup>2</sup> yiõ eo ken ka äbuki drualitõkñoul elikin an ro nejin Israel drioijtok jen ene Ijipt, ilo yiõ eo ken kemon an Solomon kiñ ion Israel, ilo aliñ Ziv, aliñ eo ken ka ruo, e ar jino an kalek mweo imõn Jeova. 2 Im mweo Solomon e ar kalek e ñõn Jeova, aitokõn jiljinoñoul kubit, im drilpen roñoul kubit, im utiej jilñoul kubit. 3 Im portiko eo iman tempel an mweo, aitokõn roñoul kubit ekar ñõn drilpen mweo; im dril-

<sup>1</sup> 2 Kron. 3. 2.<sup>2</sup> 2 Kron. 2. 17, 18. <sup>2</sup> 2 Kron. 3. 1. 2.

pen joñoul kubit iman mweo. 4 Im ñon mweo e ar kômônmon windo ko kin kâjôjô rebin. 5 Im ñon turin mweo e ar kômôn bôdti ko rej kabol e, ñon turin ko turin mweo, aet tempel eo kab jikin kwojarjar otem kwojarjar; im e ar kômôn bo ko iturin i belakin. 6 Bôdti eo etâtata drilpen lailim kubit, eo iolapin drilpen jiljino kubit, im eo ken ka jilu, jiljilimjuôn kubit drilpen; bwe elikin e ar kômôn beninôt ko ilo turin mweo bwe alal ko ren jab kij worwor in mweo. 7 Im mweo, ke rar kômône, ar karök e jen dreka, ko rar kapoji ijo rar kôbiji ie, im rar jab roñ ainiken hammer ak ilil, ak jabrewôt ken jerbâl mäl, i mweo, ien air kalek e. 8 Aur in bo ko iolap e ar ber i anbijmaroñon mweo: im rar wônliñlok kin ken uwe ko ardrebolul ñon bôdti iolap, im jen eo iolap ñon eo ken ka jilu. 9 Ein drein e ar kalek mweo im kamwijlok e; im e ar kalibubu mweo kin alal ko im rä aik. 10 Im e ar kalek bôdti ko ñon aolepen mweo, utiejen jabrewôt iair lailim kubit: im rar ber ion mweo kin alal aik ko.

11 Im nan jen Jeova e ar itok ñon Solomon, im ba, 12 Kin mweo kwoj kalek e, <sup>1</sup>elañe kwoj etetal ilo nan in kaiñi ko Aô, im bokake kabuñjar ko Aô, im kejbârok aolepen kien ko Aô bwe kwon etal ie; inem I naj kabin Aô in nan ibôm, eo I ar konono ñon Devid jemôm. 13 Im I naj jokwe iben ro nejn Israel, im I jamin illok jen Aô ailin Israel.

14 <sup>2</sup>Ein drein Solomon e ar kalek mweo im kamwij e. 15 Im e ar kômônmon turin mweo iloan jen rä aik ko: jen löl ñon ion mweo, e ar aniloaik kin rä, im e ar kômôn eran mweo kin rä för. 16 Im e ar kalek roñoul kubit in mweo elikin kin rä aik jen löl ñon ion: e ar kaleke ñon mweo iloan, bwe en juôn bwinimjar, aet jikin kwojarjar otem kwojarjar. 17 Im mweo, eñin tempel, eo iman jikin eo e kwojarjar otem kwojarjar, aitokön eñoul kubit. 18 Im eor aik iloan mweo, emwij bukwe kwolin ni ko, im

inök ko rebul: aik wôt; ejelok dreka e ar walok. 19 Im e ar kômônmon juôn bwinimjar iloan mweo, bwe en likit dipdip in kalimur an Jeova. 20 Im ilo bwinimjar eo, aitokön roñoul kubit, im drilpen roñoul kubit, im utiejen roñoul kubit; im e ar nakilin kin goldjerreo: im e ar nakilin lokatok eo kômône jen aik. 21 Ein drein Solomon e ar nakilin mweo iloan kin gold erre: im e ar kônöke to ninir gold iman bwinimjar eo; im e ar nakilin e kin gold. 22 Im e ar nakilin aolepen mweo kin gold, mae ien kamwij e: bareinwôt e ar nakilin aolepen lokatok in bwinimjar eo kin gold.

23 Im ilo<sup>1</sup> bwinimjar eo e ar kômônmon ruo kerub jen wijki oliv, kaju iair utiejen joñoul kubit. 24 Im lailim kubit juôn pein kerub wäwen pein bao, im lailim kubit pein kerub eo juôn: jen jabôn juôn pein ñon jabôn pein eo juôn joñoul kubit. 25 Im kerub eo juôn e ar joñoul kubit: kerub ko ruo dritair wôt juôn, im juôn wôt wäweir. 26 Utiejen juôn kerub joñoul kubit, im bareinwôt kerub eo juôn. 27 Im e ar likit kerub ko ilo mweo eolap: im emwij erlokwe pein kerub ko, inem pein juôn iair e ar tōbar juôn turin, im pein kerub eo juôn e ar tōbar turin ikijen; im pä ko peir rar tōbar dron ilukwôn mweo. 28 Im e ar nakilin kerub ko kin gold.

29 Im e ar bukwe ilo turin ko otemjej men in e ko ein kerub, im wijki pam, im inök rebul, iloan im elikin. 30 Im e ar nakilin eran mweo kin gold, iloan im elikin. 31 Im ñon kejem in bwinimjar eo e ar kômônmon aur ko jen wijki oliv; tur im jur ko juôn môtön lailim in mijilin worwor eo. 32 Ein drein e ar kômônmon ruo aur jen wijki oliv; im e ar bukwe ioir men in e ein kerub ko, im wijki pam ko, im inök rebul, im e ar nakilir kin gold; im e ar eröke gold eo ion kerub ko, im ion wijki pam ko. 33 Ein drein bareinwôt e ar kômônmon ñon kejem in tempel eo jur ko jen wijki oliv, juôn môtön emen in mijilin worwor eo; 34 im ruo aur jen

<sup>1</sup> 2 Sam. 7. 6-16. <sup>2</sup> eon 35.<sup>1</sup> 2 Kron. 3. 10-12.

wijki för: mōtōn ko ruo ilo juōn aur rar limlim iben dron, im mōtōn ko ruo ilo aur eo juōn rar limlim iben dron. 35 Im e ar bukwe ioir kerub ko im wijki pam ko, im inōk ko rebul; im e ar nakilir kin gold e kwun na ion men in e emwij jeki. 36 Im e ar kalek worwor eo iloan kin jilu lajrōk in dreka ko jekjek, im juōn lajrōk im wijki aik.

37 Ilo <sup>1</sup>yiō eo ken kemen emwij kōmōn loftōn imōn Jeova, ilo aliñ Ziv. 38 Im ilo yiō eo ken ka joñoul juōn, ilo aliñ Bul, aliñ eo ken ka drualitōk rar kamwijlok mweo, ilo aolepen kabwebwen, im ekar ñōn aolepen wāwen. Ein drein ar kalek e iomin jiljilimjuōn yiō.

7 Im Solomon e ar <sup>2</sup>kalek mweo imōn iomin joñoul jilu yiō, im e ar kamwijlok aolepen mweo imōn. 2 Bwe e ar kalek mweo jen wijki ko in Lebanon; aitokōn jibuki kubit, im drilpen limñoul kubit, im utiejen jilñoul kubit ion emen lajrōk in jur aik, im drilip aik ion jur ko. 3 Im rar kalibubu kin aik ion drilip ko eñoul lailim rar ber ion jur ko; joñoul lailim ilo juōn lajrōk. 4 Im eor alal ilo jilu lajrōk, im windo ikijen windo ilo jilu lajrōk. 5 Im aur otemjej im jur otemjej rar kōmōnmōni im eonbili alal ko: im windo ko ikijen dron ilo jilu lajrōk. 6 Im e ar kōmōnmōn portiko kin jur ko; aitokōn limñoul kubit, im drilpen jilñoul; im juōn tōñak imair; im jur ko im bit in kejem imair. 7 Im e ar kōmōnmōn portiko in tron ijo e naj ekajet, aet, portiko in ekajet: im rar kalibubu e kin aik jen eran ñōn ion. 8 Im mweo imōn ijo e naj jokwe, worwor eo juōn iolapn portikoeo, rar kōmōnmōne einwōt. E ar bareinwōt kōmōnmōn juōn im ñōn lio nejin Pero, (eo Solomon e ar belek e), einwōt portiko in.

9 Ir kein otemjej jen dreka ko elap wōnair, aet, dreka jekjek ekar ñōn joñōk, emwij jirbeni kin jirben ko, iloan im elikin, jen loftōn ñōn ijo iloñtata, im ein drein elikin ñōn worwor eo elap. 10 Im loftōn mweo jen

dreka ko elap wōnair, aet dreka ko relap, dreka ko joñoul kubit, im dreka ko drualitōk kubit. 11 Im ion, dreka ko elap wōnair, aet dreka jekjek, ekar ñōn joñōk, im alal aik. 12 Im ilo worwor eo elap ej kabole, jilu lajrōk in dreka jekjek, im juōn alen alal aik; einwōt worwor eo iloan mweo imōn Jeova, im portiko in mweo.

13 Im <sup>1</sup>kiñ Solomon e ar jiliklok im āhintok Hairam jen Tair. 14 E nejin juōn kōra e joko belen, dri Naptalai, im jemen eman in Tair, dri jerbale jinibōrōrō; im eke kin meletlet, im jelalokjen, im mejerik in kōmōnmōn jermal otemjej kin jinibōrōrō. Im e ar itok ñōn iben kiñ Solomon, im e ar kōmōnmōn aolepen jermal eo an. 15 Bwe e ar kōmōnmōn ruo jur jinibōrōrō, utiejeir joñoul drualitōk kubit: im juōn to aitokōn joñoul ruo kubit e ar kabol jabrewōt iair. 16 Im e ar kōmōnmōn ruo eoñlok jinibōrōrō unlok bwe en likiti ion jabōn jur ko: utiejen juōn eoñlok lailim kubit, im utiejen eoñlok eo juōn lailim kubit. 17 Im eor ok einwōt taul, im to ninir inōkōn eoñlok ko ion jabōn jur ko iloñ; jiljilimjuōn ñōn juōn eoñlok im jiljilimjuōn ñōn eoñlok eo juōn. 18 Ein drein e ar kōmōnmōn jur ko; im e kar ruo alen i belakin ion juōn, kōmōne kin ok ko in kalibubu eoñlok ko ion jabōn jur ko: ein drein an kōmōn ñōn eoñlok eo juōn. 19 Im eoñlok ko ion jabōn jur ko ilo portiko eo, rar kōmōne ilo wāwen kiōp ko, emen kubit. 20 Im ruo eoñlok iloñ re bareinwōt ber ion jur ko ruo, im rebak ñōn ijo rar kōmōne kin ok ko: im pōmgranet ko rubuki, ilo alen ko i belakin ion eoñlok eo juōn. 21 Im e ar kajutōk jur ko ilo portiko in tempel eo: im e ar kajutōk jur eo i anbijmaroñ, im naetan Jekin; im e ar kajutōk jur eo i anmiñ, im naetan Boaz. 22 Im ion jabōn jur ko e ar kōmōn wāwen kiōp ko: ein drein e ar kamwijlok jermal in jur ko.

23 Im e ar kōmōnmōn <sup>2</sup>lometo un-

<sup>1</sup> eon 1. <sup>2</sup> 2 Kron. 8. 1.

<sup>1</sup> 2 Kron. 8. 13, 14. <sup>2</sup> 2 Kiñ 16. 17.

lok eo, joñoul kubit jen tōreran nōn tōreran, e rolul wāwen, im utiejen lailim kubit; im juōn to aitokōn jilnoul kubit ej kabol e. 24 Im ilōlin i tōreran i belakin eor kwolin ni rar kabol e: joñoul ilo juōn kubit, im rar kabole i belakin kwolin ni ko, ruo lajrōk, rar unlok ke e ar unlok lometo eo. 25 E ar ber ion joñoul ruo ox, jilu rar jelniñalok, im jilu rar jeltolok, im jilu rar jelruñalok, im jilu rar jeltalok; im lometo eo ej ber ioir, im lōkair rar ber iolap. 26 Im mijilin, drilpen pā; im rar kōmōnmōn tōreran einwōt tōreran kōp, einwōt bul in kiōp: im kobōn ruo tausand bath.

27 Im e ar kōmōnmōn joñoul loñtōk jinibōrōrō; emen kubit aitokōn juōn loñtōk, im emen kubit drilpen, im jilu kubit utiejen. 28 Im ein drein air kōmōnmōn loñtōk ko: eor air likabroror; im eor likabroror ikōtan tōreran ko air; 29 im ion likabroror ko iturin tōreran ko eor laion, im ox ko, im kerub ko; im ion tōreran ko juōn jikin jutōk ilōñ; im iomin laion im ox ko eor inōkōn toto ie. 30 Im iben jabrewōt loñtōk emen whil jinibōrōrō, im axel ko jinibōrōrō; im iben ne ko an emen eor aierair: iomin jikin amin eor aierair, im inōk ko iturin jabrewōt iair. 31 Im mejen iloan eoñlok eo juōn kubit: im e rolul mejen einwōt men in kōmōn an loñtōk, juōn im jibilkwōn kubit; im ion mejen eor men in bukwe, im emen tōreran likabroror ko air im re jab rolul. 32 Im whil ko emen rar ber iomin likabroror ko; im axel ko im whil ko rar ber iloan loñtōk ko tuilōl: im utiejen juōn whil juōn im jibilkwōn kubit. 33 Im wāwen kōmōn juōn whil einwōt whil in jariat: axel ko air, im apo ko, im jur ko. men kein men in unlok. 34 Im emen aierair i bōul ko emen in jabrewōt loñtōk: aierair ko mōtōn wōt loñtōk. 35 Im ion loñtōk eo juōn men e rolul, utiejen jibilkwōn kubit; im ion loñtōk eo ken drebij ko an: im likabroror ko rej mōtōn wōt. 36 Im ilo plet in ken drebij ko, im likabroror ko an, e ar bukwe kerub

ko, laion ko, im wijki pam ko, ekar nōn jikir, im inōk ko iturir. 37 Ilo wāwen in e ar kōmōnmōn loñtōk ko joñoul: nōn jabrewōt iair juōn wōt joñōk, im wāweir wōt juōn.

38 Im e ar kōmōnmōn joñoul ken amin jinibōrōrō: ilo juōn ken amin eoñoul bath; im jabrewōt ken amin emen kubit; im ion jabrewōt ian loñtōk ko joñoul, juōn ken amin. 39 Im e ar likit loñtōk ko lailim i anbijmaroñōn mweo, im lailim i anmiñ mweo: im e ar likit lometo eo i anbijmaroñōn mweo tu i rear im irōk.

40 Im Hiram e ar kōmōnmōn ken amin ko im shovel ko, im jābi ko. Ein drein Hiram e ar kamwijlok aolepen jermal eo e ar kōmōne nōn kiñ Solomon ilo imōn Jeova: 41 jur ko ruo, im jābi in eoñlok ko rar ber ion jur ko; im ok ko ruo in kalibubu jābi ko ruo in eoñlok ko rar ber ion jur ko; 42 im pōmgranet ko ābuki nōn ok ko ruo; ruo lajrōk nōn jabrewōt ok, in kalibubu ok ko ruo in eoñlok ko rar ber ion jur ko; 43 im loñtōk ko joñoul, im ken amin ko joñoul ion loñtōk ko; 44 im lometo eo, im ox ko joñoul ruo iomin lometo; 45 im pot ko, im shovel ko, im jābi ko: jābi kein otemjej Hiram e ar kōmōnmōni nōn kiñ Solomon, ilo imōn Jeova, jen jinibōrōrō e jatōtil. 46 Kiñ eo e ar kanunloki ilo ene emōn biken in Jordan, ilo brij kle ikōtan Sōkkot im Zaretan. 47 Im Solomon e ar jab bukot erroōn jābi ko otemjej, bwe rar kanuij lōñ: re ban bukot erroōn jinibōrōrō eo.

48 Im Solomon e ar kōmōnmōn jābi otemjej rar ber ilo imōn Jeova; lokatok gold eo, im tebel eo bred in kalikar ej ber ie, jen gold; 49 im jikin lamp ko, lailim i anbijmaroñ, im lailim i anmiñ, iman bwiniñjar eo, jen gold erroo; im inōk ko, im lamp ko, im jabōnpi ko, jen gold; 50 im kōp ko, im ken jojen melle ko, im jābi, im jibun ko, im jābi kijeek, jen gold erroo; im hinjej ko nōn aur ko in mweo iloan, jikin e kwojarjar otem kwojarjar, im nōn aur ko in mweo, eñin tempel eo, jen gold.

51 Ein drein air kamwijlok aolepen jermal eo Solomon kiñ e ar kōmōn-mōne ilo imōn Jeova. Im Solomon e ar kadreloñtok men ko otemjej jemen, Devid, e ar aje, aet silver, im gold, im jābi ko, im likiti ilo jikin mweiuk ko in imōn Jeova.

**8** Inem <sup>1</sup>Solomon e ar kokweloktok ridtoro in Israel, im jiōbōn bwij ko otemjej, iroiĵ ro an nukin jemeir an ro neĵin Israel, ñōn iben Solomon ilo Jerusalem, bwe ren bōkliñtok dipdip in kalimur an Jeova jen jikin kwelok in Devid, etan Zaion. **2** Im man otemjej dri Israel rar kweloktok ñōn iben kiñ Solomon, ilo kwoĵkwoĵ eo, ilo aliñ Etanim, eo aliñ ken ka jiljilimjuōn. **3** Im ridtorootemjej in Israel, rar itok, im pris ro rar kwotōke dipdip eo. **4** Im rar bōkliñtok dipdip an Jeova, kab im nuknuk, imōn kwelok eo, im jābi otemjej rokwōjarjar rar ber ilo Im nuknuk eo; irkein pris ro im dri Livai rar bōkliñtok. **5** Im kiñ Solomon im aolepen jar an Israel, ro rar kweloktok ñōn iben, rar ber iben iman dipdip eo, im rar katok kin sip ko im ox ko, elōñ jen air maroñ in bwini ak kabukot orair. **6** Im pris ro rar kadreloñ dipdip in kalimur an Jeova ñōn jikin, ilo bwinimjar in mweo, aet ñōn jikin kwoĵarjar otem kwoĵarjar, iomin pā ko pein kerub ko. **7** Bwe kerub ko rar erlokwe peir ion jikin dipdip eo, im kerub ko rar kalibuba dipdip eo im ine ko an ilōñin. **8** Im ine ko re aitok, inem jebair rar walok ilo jikin kwoĵarjar eo iman bwinimjar eo; a re jab lo ir inabij: im rej ber ie ñōn ranin. **9** Ejelok kobōn dipdip eo, a tebel dreka ko ruo wōt, ko Moses e ar likiti na ie i Horeb ke Jeova e ar kōmōn juōn bujen iben ro neĵin Israel, ke rar drioiĵtok jen ene Iĵipt. **10** Im ke pris ro rar drioiĵtok jen jikin kwoĵarjar eo, inem kōro eo e ar kobrōk mweo imōn Jeova, **11** ein drein pris ro re ban jutōk in jermal kin kōro eo; bwe aibujui an Jeova e ar kobrōk imōn Jeova.

**12** Ien eo <sup>2</sup>Solomon e ar ba, Jeova

va e ar ba E naj jokwe ilo marok e mijil. **13** Emol I ar kalek ñōn Kwe mwin imōn jokwe, juōn jikin Am berwōt ñōn in drio. **14** Im kiñ eo e ar oktōk, im e ar kejerammōn aolepen jar in Israel: im aolepen jar in Israel rar jutōk. **15** Im e ar ba, Emōnōnō Jeova, Anij in Israel, eo e ar konono kin loñin ñōn jema Devid, im E ar kamole kin pein, im E ba, **16** Elikin ran eo ke I ar kadrioiĵtok ro droō Israel jen Iĵipt, I ar kālet ejelok jikin kwelok jen bwij otemjej bwijin Israel, bwe In kalek juōn im, bwe eta en ber ie; a I ar kālet Devid bwe en iroiĵ ion ro droō Israel. **17** Ak e kar ilo buruen Devid jema bwe en kalek juōn im ñōn etan Jeova, Anij in Israel. **18** A Jeova e ar ba ñōn Devid jema, Ke e kar ilo buruōm bwe kwon kalek juōn im ñōn eta, emōn am kōmōn bwe e kar ilo buruōm: **19** iĵoke, kwon jab kalek mweo; a neĵōm eman eo e naj walok jen ibim, e naj kalek mweo ñōn eta. **20** Im Jeova e ar kabin nan eo E ar ba; bwe I ar jutōk in binej jenkwōn Devid, im jijōt ion tron in Israel, einwōt Jeova e ar kalimur, im I ar kalek mweo ñōn etan Jeova, Anij in Israel. **21** Im I ar likit ie juōn jikin ñōn dipdip eo, im iloan bujen Jeova, eo E ar kōmōn iben ro jimar, ke E ar kadrioiĵtok ir jen Iĵipt.

**22** Im Solomon e ar jutōk ikōtanlokatok an Jeova im aolepen jar an Israel, im e ar erlokwe pein ñōn lōñ; **23** im e ar ba, O Jeova, Anij in Israel, ejelok anij einwōt Kwe ilo lōñ ko, ak ilo lōl iomin; Eo ej kejbārok bujen im joij iben ro dri korijerōm, ro rej etetal iman kin aolepen burueir; **24** Eo e ar kejbārok iben korijerōm Devid, jema, men eo Kwar kalimur ñōn e: aet, Kwar konono kin loñōm, im Kwar kamol e kin peōm, einwōt ranin. **25** Inem kiō, O Jeova, Anij in Israel, Kwon kejbārok iben korijerōm Devid, jema, men eo Kwar kalimur ñōn e, im Kwar ba, Kwo jamin aikwij juōn eman iman meja bwe en jijōt ion tron in Israel, men in wōt, elañe ro neĵōm rej lale ial eo air, im etal imaō einwōt

kwar etetal imaō. 26 Inem kiō, O Anij in Israel, nan eo Am, ij akwelap, en mol wōt, eo Kwar ba ñōn korijerōm Devid, jema.

27 A emol otem mol bwe Anij e naj jokwe ion lōl ke? lo, lōñin lōñ ko re jab bwe ñōn Am ber; e nañin riklok mwin emwij aō kaleke! 28 Ijoke, Kwon lale jar eo aō, korijerōm, im aō akwelap, O Jeova aō Anij, im eoroñ aō lamij im jar in, eo ña korijerōm ij jar kake imam ranin; 29 bwe mejōm ren bellok ñōn mwin boñ im ran, aet, ñōn jikin eo Kwar ba kake, Eta e naj ie, in eoroñ jar eo dri korijerōm e naj jare ñōn jikin in. 30 Im Kwon eoroñ akwelap an dri korijerōm, im an ro drom Israel, ñe re naj jar ñōn jikin in: aet, Kwon eoroñ ilo lōñ ko jikōm; im ñe Kwoj roñjake, Kwon jolok bwir.

31 <sup>1</sup> Elañe juōn armij ej bwir nae dri turin, im rej likit ion juōn kanōjnij bwe en kanōjnij kake, im e naj item kanōjnij iman lokatok eo Am iloan mwin; 32 inem Kwon eoroñ ilo lōñ ko, im kōmōn, im ekajete ro dri korijerōm, im liakelok armij eo e nana, im bōktok ial eo an ion bōran, im kowānik armij eo e jime, im lelok ñōn e ekar ñōn wānik eo an.

33 <sup>2</sup> Ñe ro drom Israel rej buñlōlok iman ro rej kijirāte ir, kin air jerawiw nae Yuk; elañe rej bar oktōk ñōn Kwe, im kwalok etōm, im jar im akwelap ñōn Kwe ilo mwin; 34 inem Kwon eoroñ ilo lōñ ko, im jolok bwir an ro drom Israel, im bar āñintok ir iloan eneo Kwar letok ñōn ro jimair.

35 <sup>3</sup> Ñe e kilik lōñ ko, im ejelok wut, kin air bwir nae Yuk, elañe rej jujeltok ñōn jikin in im jar, im kwalok etōm, im ukwelok jen air bwir, ñe Kwoj kejjoran ir; 36 inem Kwon eoroñ ilo lōñ ko, im jeorlok bwir an ro dri korijerōm, im an ro drom Israel, ñe Kwoj katakin ir ial eo emōn ren etal iloan; im Kwon jilkintok wut ion eneo Am, eo Kwar letok ñōn ro drom bwe en air jolit.

37 <sup>4</sup> Elañe ilo eneo eor ñita, elañe

eor nañinmij elap, elañe eor ken kamōnōknōk ak li, lokōs ak likakrōk; elañe ro dri kijirāte ir re naj nitbwili jikin kwelok ko in eneo air; ak jabrewōt nañinmij ie; 38 jar im akwelap eo jabrewōt armij e naj kōmōne, ak armij otemjej dri Israel, eo e jela nañinmij in buruen, im ej erlokwe pein ñōn mwin: 39 inem Kwon eoroñ ilo lōñ ko jikōm, im jeorlok, im kōmōn, im lelok ñōn jabrewōt armij ekar ñōn ial ko an otemjej, Kwo jela kake buruen; (bwe Kwe, Kwe wōt, Kwo jela buruen armij otemjej); 40 bwe ren mijōk Yuk ran ko otemjej rej mour ilo eneo Kwar letok ñōn ro jimam.

41 Bareinwōt kin drua maijet, eo e jab ian ro drom dri Israel, ñe ej itok jen juōn ene etolok kin etōm, 42 (bwe re naj roñjake etōm elap, im peōm e kajur, im kin peōm erlokwe); ñe e naj item jar ñōn mwin; 43 Kwon eoroñ ilo lōñ ko jikōm, im Kwon kōmōn ekar ñōn men otemjej drua maijet eo ej jar kake ñōn Kwe; bwe dri ailiñ otemjej ilo lōl ren jela etōm, im mijōk Yuk einwōt ro dri Israel, im bwe ren jela bwe mwin emwij aō kalek e, ej naetan kin etōm.

44 Elañe ro drom rej ilen tōrinaek ro dri kijirāte ir, ilo jabrewōt ial Kwoj jilkinlok ir ie, im rej jar ñōn Jeova jujeltok ñōn jikin kwelok in Kwar kālete, im ñōn mwin l ar kalek ñōn etōm; 45 inem Kwon eoroñ ilo lōñ ko, air jar im air akwelap, im Kwon jibōñ ir wōt.

46 Elañe rej bwir nae Yuk, (bwe <sup>1</sup> ejelok armij e jab bwir), im Kwoj illu ibeir, im ketōk ir ñōn ro dri kijirāte ir, inem rej kajebokweik ir im āñinlok ir ñōn enen ro dri kijirāt, etolok ak ebak; 47 ijoke, elañe rej kalomōnlokjen ilo eneo emwij āñinlok ir dri jebokwe ie, im rej ukwelok ibeir, im akwelap ñōn Yuk ilo enen ro dri kajebokweik ir, im ba, Kim ar jerawiw, im kim ar kōmōn bōt im nana; 48 elañe rej jeblakwoj ñōn Yuk kin aolepen burueir, im aolepen air ilo enen ro dri kijirāte ir, ro rar āñinlok ir dri jebokwe, im rej jar

<sup>1</sup> Ex. 22. 8-11. <sup>2</sup> Liv. 26. 17 <sup>3</sup> Liv. 26. 19. <sup>4</sup> Liv. 26. 16.

<sup>1</sup> 1 Jon. 1. 8-10.



ñõn Yuk ñõn eneo Kwar lelok ñõn ro jimair, im ñõn jikin kwelok in, emwij Am kãlete, im ñõn mwin I ar kaleke ñõn etõm: 49 inem Kwon eoroñ air jar im air akwelap ilo lõh ko jikõm, im jibõñ ir wõt; 50 im jolok nana an ro drom ro rar jerawiwi nae Yuk, im jolok jerawiwi ko air otemjej rar bwir nae Yuk kake; im lelok ñõn ir tiriamo iman ro rar añinlok ir dri jebokwe, bwe ren tiriamokake ir, 51 (bwe rej dri ailiñ Am, Am jolit, ro Kwar kadrioijtok ir jen Ijpt, jen ilo ubaj māl eo); 52 bwe mejõm ren bellok wõt ñõn akwelap an dri korijerõm, im ñõn akwelap an ro dri ailiñ Am, dri Israel, bwe Kwon eoroñ ir jabrewõt ien re naj kir ñõn Kwe. 53 Bwe Kwar kijbil ir jen ilo bwiljin ro dri ailiñ otemjej, bwe ren Am jolit, einwõt Kwar ba ñõn Moses dri korijerõm, ke Kwar kadrioijtok ro jemeir jen Ijpt, O IroiJ Jeova.

54 Im <sup>1</sup>ein drein ke Solomon e ar kajemlok jar in an im akwelap in an ñõn Jeova, e ar jerkak jen iman lokatok an Jeova, jen an bukwelõlõ im erlokwe pein ñõn lõñ. 55 Im e ar jutõk, im jare aolepen jar in Israel kin ainiken elap, im ba, 56 Emõnõnõ Jeova, eo ej letok kakije ñõn ro dri ailiñ in Israel, ekar ñõn aolepen men eo E ar kalimur kake: e jañin ir juõn nan jen kalimur emõn, eo E ar kalimur kake kin Moses dri korijeran. 57 Jeova aruij Anij en ber iber, einwõt E ar ber iben ro jimar: En jab likit kij ak illok jen kij; 58 bwe En karel buruer ñõn E, bwe jen etal ilo aolepen ial ko An, im bwe jen kejbãrok kien ko An, ko E ar jiroñ ro jimar. 59 Im nan kein aõ, emwij aõ akwelap kake iman Jeova, ren ebak ñõn Jeova aruij Anij ran im boñ, bwe En jibõñ wõt dri korijeran im ro dron, dri Israel, einwõt aikwij an jabrewõt ran; 60 bwe ro dri ailiñ otemjej in lõl ren jela bwe Jeova ej Anij; ejelok ijillokõn. 61 Kin men in, buruõmi ren wãppen iben Jeova aruij Anij, bwe komin etal ilo kien ko An im kejbãrok nan in kaiñi ko An, einwõt ranin.

62 Im <sup>1</sup>kiñ eo, im aolepen ro dri Israel rar katok men in katok iman Jeova. 63 Im Solomon e ar katok ñõn men in katok ainemõn ko, ko e ar katok ñõn Jeova, roñoul ruo tausand ox, im jibuki roñoul tausand sip. Ein drein kiñ eo im ro nejin Israel otemjej rar aje mweo imõn Jeova. 64 Ran eo wõt kiñ e ar kokwojarjar mõtõn eo eolap, mõtõn worwor eo ej iman imõn Jeova; bwe ijo e ar katok kin katok kijeek, im katok flauo, im kioeo an katok ainemõn ko. 65 Ein drein Solomon e ar kõmõn kwojkwój ien eo, im ro dri Israel otemjej iben, juõn jar elap, jen mejãti in Hemat ñõn wea in Ijpt, iman Jeova aruij Anij, jiljilimjuõn ran im jiljilimjuõn ran, aet joñoul emen ran. 66 Ran eo ken ka dualitõk e ar jilkinlok armij rõn; im rar jare kiñ eo, im jeblak ñõn moko imweir, rej lõñliñ im mõnõnõ ilo burueir kin aolepen joiJ eo Jeova e ar kwalok ñõn Devid dri korijeran, im ñõn dri Israel, dri ailiñ eo An.

9 Im <sup>2</sup>ke Solomon e ar kamwijlok an kalek mweo imõn Jeova, im imõn kiñ, im aolepen an kõnan eo e ar buñburuen im kõmõn, 2 inem Jeova e ar weaktok ñõn e alen ken ka ruo, einwõt E ar weaktok ñõn e i Gibeon. 3 Im Jeova e ar ba ñõn e, I ar roñjake am jar, im am akwelap, kwar konono imao: I ar kokwojarjar mwin kwar kaleke, im likit eta ie ñõn in drio; im meja kab buruõ re naj ber ie ien otemjej. 4 A kin kwe, <sup>3</sup>elañe kwoj etal imao einwõt Devid jemõm e ar etetal, ilo buru e jime im wãnik, bwe kwon kõmõn ekar ñõn men otemjej emwij Aõ jiroñ yuk, im kwoj kejbãrok kien ko Aõ im nan in kaiñi ko Aõ; 5 inem I naj kabin tron eo am ion Israel ñõn in drio, einwõt I ar kalimur ñõn Devid jemõm, im ba, Kwo jamin aikwij juõn eman ion tron in Israel. 6 <sup>4</sup>A elañe komij jeorlok jen ami lor Iõ, kom ak ro nejmõi, im jab kejbãrok kien ko Aõ, im nan in kaiñi ko Aõ, ko emwij Aõ kwaloki ñõn kom, a komij ilem jeral ñõn anij

<sup>1</sup> 2 Kron. 7. 1.<sup>1</sup> 2 Kron. 7. 4-10.  
<sup>2</sup> 2 Sam. 7. 14-16.<sup>2</sup> 2 Kron. 7. 11.<sup>3</sup> Jap. 3. 14.

ro jet im kabuñ ñon ir; 7 inem I naj bukwelok Israel jen enin I ar lelok ñon ir; im mwin, eo I ar kokwojarjar ñon eta, I naj jolok e jen iman meja; im Israel e naj juõn jabõn kennan im nan in kajirere iben dri ailiñ otemjej. 8 Im meñe mwin ein drein an utiej, jabrewõt eo ej elã jen e, e naj bwilõñ, im e naj teor; im re naj ba, Etke Jeova e ar kõmõn einwõt ñon enin, im ñon mwin? 9 Im re naj uak, Kin ke rar illok jen Jeova air Anij, Eo e ar kadrioiytok ro jimair jen ene Ijpt, im rar bõk anij ro jet, im kabuñ ñon ir: im jerbale ñon ir: kin men in, Jeova e ar bõktok aolepen nana in ioir.

10 Im <sup>1</sup> ilo jemlokõn roñoul yiõ, ilo ir Solomon e ar kalek moko ruo, imõn Jeova im imõn kiñ eo, 11 (ak Hairam kiñ in Tair e ar lelok ñon Solomon wijki aik im wijki för, im gold, ekar ñon aolepen an kõnan), inem Solomon e ar lelok ñon Hairam roñoul jikin kwelok ilo ene Galili. 12 Im Hairam e ar drioiytok jen Tair in aluij jikin kwelok kein Solomon e ar lelok ñon e, im e jab wut buruen. 13 Im e ar ba, Ie wãwen jikin kwelok kein kwar letok ñon iõ, jãtiõ? Im e ar naetair enen Kebul ñon ranin. 14 Im Hairam e ar jilkinlok ñon kiñ eo, jibuki roñoul talent gold.

15 Im eñin unin an kiñ Solomon kokweloktok ro dri kamakoko in kale imõn Jeova, mweo imõn, im Milo, im worwor in Jerusalem, im Hezor, im Megido, im Gizer. 16 Pero kiñ in Ijpt e kar wõnliñlok, im bõk Gizer, im tile kin kijeek, im mõn ro dri Keinan rar jokwe ilo jikin kwelok eo, im e ar lelok kitri ñon lio nejin, belen kiñ Solomon. 17 Im Solomon e ar kalek Gizer, im Bet-horon eo ilõl, 18 im Bealat, im Temar ilo ene jemaren, ilo eneo, 19 im jikin kwelok otemjej in mweiuik an Solomon, im jikin kwelok ko ñon jariat ko an, im jikin kwelok ko ñon ro dri uwe ion ors ko, im men ko Solomen e ar kõnan kalek kin an buñburuen, ilo Jerusalem, im i Lebanon, im ilo aolepen eneo e ar iroijs ion. 20 Im kiñ ro dri ailiñ

ko rar berwõt jen ro dri Amor, im ro dri Het, im ro dri Periz, im ro dri Hiv, im ro dri Jibus, ro re jab ian ro nejin Israel; 21 ro nejjir rar berwõt elikir ilo eneo, im ro nejin Israel rar ban mõn ir, jen ir Solomon e ar kokweloktok ro dri kamakoko ñon ranin. 22 A jen ro nejin Israel, Solomon e ar jab kõmõn jabrewõt iair dri kamakoko; a ir dri tõrinae, im ro dri korijer, im iroijs ro, im kapen ro, im ro dri lale jariat ko, im dri uwe ion ors ko.

23 Rein, ro dri lale jerbale an Solomon, limabuki limñoul, ro rar iroijs ion ro dri kõmõne jerbale eo.

24 A lio nejin Pero e ar wõnliñlok jen jikin kwelok an Devid ñon mweo imõn, eo Solomon e ar kalek ñon e: inem e ar kalek Milo.

25 Im jilu alen ilo juõn yiõ Solomon e ar katok kin men in katok kijeek, im kin men in katok ainemõn ko ion lokatok eo e ar kalek ñon Jeova, im ibeir e ar tile kajurjur, ion lokatok eo e kar iman Jeova. Ein drein e ar kamwijlok mweo.

26 Im <sup>1</sup> kiñ Solomon e ar jekjek inej i Izaion-giber, eo ej iturin Ilot, iturin lomalo Ekilmir, ilo ene Idom. 27 Im Hairam e ar jilkinlok ilo wa ko, ro dri korijeran, dri jerõkrik re jela meto, iben ro dri korijeran Solomon. 28 Im rar ilok ñon Opir, im ektõktok jen ijo gold, abuki roñoul talent, im bõktok ñon iben kiñ Solomon.

10 Im <sup>2</sup> ke liroijs in Shiba e ar roñlok buñbuñ an Solomon kin etan Jeova, e ar itok ñon iben bwe en melejoñ e kin kajitõk ko rebin. 2 Im e ar itok ñon Jerusalem, im elõñ armij iben, eor kamel rar inektok spais ko, im elõñ gold, im dreka ko raurõk, im ke e ar itok ñon iben Solomon, e ar kõmao iben kin men ko otemjej ilo buruen. 3 Im Solomon e ar kemeleleik ñon e aolepen kajitõk ko an: ejelok men e nojõk jen kiñ eo im e ar jab kwalok e. 4 Im ke liroijs in Shiba e ar lo aolepen meletlet an Solomon, im mweo e ar kalek e, 5 im kijan ilo tebel eo an, im an ro dri korijeran ji-

<sup>1</sup> 2 Kron. 8. 1.<sup>1</sup> Jap. 22. 48. <sup>2</sup> 2 Kron. 9. 1.

jõt, im an ro dri jibõñ e ber iben, im nuknuk ko air, im ro dri bõktok kõp ko an, im ken uwe eo e ar wõnliñlok kake ñõn imõn Jeova; ej lokjenan wõt. 6 Im e ar ba ñõn kiñ eo, Emol nan eo I ar roñjake ilo eneo aõ kin kõmõn ko am, im meletlet eo am. 7 Ijoke, I ar jab tõmak nan ko, mae ien I ar itok, im meja e ar loe; im lo, rar jab kennanek iõ jibilkwon; am meletlet im am jeban relap jen buñbuñ eo I ar roñjake. 8 Emõnõnõ ro drom, emõnõnõ ro korijerõm, ro rej jutõk imam ien otemjej, im roñjake am meletlet. 9 Emõnõnõ am Anij, eo e ar buñburuen kin kwe, im likit yuk ion tron in Israel: bwe Jeova e ar yokwe Israel ñõn in drio, kin men in E ar likit yuk kiñ, bwe kwon kõmõn ekajet im wãnik. 10 Im e ar lelok ñõn kiñ eo jibuki roñoul talent gold, im spais e kanuij lõñ, im dreka raurõk: e ar jab bar itok elõñ spais, ko einwõt irkein liroj in Shiba e ar lilok ñõn kiñ Solomon.

11 Im<sup>1</sup> wa ko an Hiram bareinwõt, ko rar ektõktok gold jen Opir, rar ektõktok jen Opir elõñ wijki almug, im dreka raurõk. 12 Im kiñ eo e ar kõmõnmõn jen wijki almug ko jur ko ñõn imõn Jeova im ñõn imõn kin eo, arp ko bareinwõt im salteri ko ñõn ro dri al: e ar jab bar itok wijki almug einwõt irkein, im rar jab bar loi, ñõn ranin.

13 Im kiñ Solomon e ar lelok ñõn liroj in Shiba aolepen an kõnan, jabrewõt eo ej kajitõk kake, elap jen men ko e ar lelok ñõn e jen joij in an kiñ. Ein drein lio e ar oktõk, im ilok ñõn eneo an, e im ro dri korijeran.

14 Erroñ gold eo e ar itok ñõn Solomon ilo juõn yiõ, jiljino buki jiljinoñoul jiljino talent, 15 eor jen men ko dru wia rar bõkitok, im men in wia an ro dri wiakake, im an kiñ ro otemjej ion dri ailñ ko jabrewõt, im an iroj ro ion eneo. 16 Im kiñ Solomon e ar kõmõnmõn rubuki ken tõrak jen gold nowe; jiljino buki shekel gold ilo juõn ken tõrak. 17 Im e ar

kõmõnmõn jilubuki likipijñõk jen gold nowe; jilu paun in gold ilo juõn likipijñõk: im kiñ eo e ar likiti ilo imõn wijki ko jen Lebanon. 18 Bareinwõt kiñ eo e ar kõmõnmõn juõn tron elap jen aivori, im e ar inimi kin gold erre. 19 Jiljino jekairo lok ñõn tron eo, im tu ilõñin tron eo e rolul elikin; im eor jikin pã iturin jikin jijõt eo, im ruo laion re jutõk iturin jikin pã ko. 20 Im joñoul ruo laion rej jutõk im kejõbe jekairo ko jiljino: ar kõmõnmõn ejelok juõn einwõt ilo jabrewõt ailñ. 21 Im aolepen ken irak ko an kiñ Solomon gold wõt, im jãbi ko otemjej ilo imõn wijki ko jen Lebanon jen gold erre: ejelok iair jen silver: ej men in jekron ilo ran ko an Solomon. 22 Bwe eor inejin Tarshish, an kiñ eo, i lometo iben inej an Hiram; juõn alen ilo juõn yiõ inej an Tarshish rar itok im ektõktok gold, im silver, im aivori, im eip ko, im bao pikok ko.

23<sup>1</sup> Ein drein kiñ Solomon e ar mweielok im meletletlok jen kiñ ro otemjej ilo lõl. 24 Im ro dri lõl otemjej rar kõnan ber iben Solomon, bwe ren roñjake an meletlet, eo Anij e ar likit ilo buruen. 25 Im jabrewõt iair e ar bõktok owõj, men in lelok eo an, jãbi ko silver, jãbi ko gold, nuknuk ko, ken tõrinae ko, spais ko, ors ko, mul ko, juõn joñõk yiõ otemjej.

26 Im Solomon e ar kokweloklok jariat ko, im ro dri uwe ion ors; im iben juõn tausan ãbuki jariat, im joñoul ruo tausan dri uwe ion ors, ko e ar likiti ilo jikin kwelok ko an jariat, im iben kiñ eo i Jerusalem. 27 Im kiñ eo e ar kõmõn bwe silver ilo Jerusalem en einwõt dreka ko, im wijki aik ko e ar kõmõni bwe ren lõñ einwõt wijki sikomor ko ilo ene etã. 28 Im ors ko iben Solomon rar bõktok jen Ijpt; im ro dri wia an Solomon rar bõki ilo bwij ko, jabrewõt bwij kin juõn wõnan. 29 Im juõn jariat e ar wõnliñtok jen Ijpt kin jiljino buki shekel silver, im juõn ors kin jibuki limñoul; im ein drein ñõn kiñ ro an

<sup>1</sup> Jap 9. 27. 28.<sup>1</sup> Jap 3. 12. 13.

dri Het, im kiñ ro an Siria, rar bōkitok einwōt air maroñ.

**11** Kiñ Solomon e ar ' yokwe elōñ kōra ro drua, kab lio nejin Pero, kōra ro dri Moab, dri Amon, dri Idom, dri Saidon, im dri Het; **2** rein jen ailiñ ko Jeova e ar ba ñōn ro nejin Israel, Komin jab ilok ñōn ibeir, im ren jab itok ñōn ibemi; bwe emol re naj kajeorlok buruemi ñōn anij ro air: Solomon e ar edrep ñōn rein ilo yokwe. **3** Im iben jiljilimjuōn buki belen, liroi, im jilubuki limaro konkubain: im limaro belen rar kajeorlok buruen. **4** Bwe ke Solomon e lōlap, limaro belen rar karel buruen ñōn anij ro jet; inem buruen e jab wāppen iben Jeova an Anij, einwōt buruen Devid jemen. **5** Bwe Solomon e ar lor Asherot, anij kōra an ro dri Saidon, im lor Milkōm, men in jōjōik eo an ro dri Amon. **6** Im Solomon e ar kōmōn nana iman mejen Jeova, im e ar jab kanuij lor Jeova, einwōt Devid jemen. **7** Inem Solomon e ar kōmōnmōn jikin eutie j ñōn Kimosh, men in jōjōik eo an Moab, ilo tol eo iman Jerusalem, im bar juōn ñōn Molek, men in jōjōik an ro nejin Amon. **8** Im ein drein an kōmōn ñōn limaro belen otemej ro drua, rar kokaijurjur im katok ñōn anij ro air.

**9** Im Jeova e ar illu iben Solomon, bwe emwij kajeorlok buruen jen Jeova, Anij in Israel, eo e ar weaktok ñōn e alen ruo, **10** im E ar jiroñ e kin men in, bwe en jab lor anij ro jet: a e ar jab kejbārok nan in kaiñi eo an Jeova. **11** Kin men in, Jeova e ar ba ñōn Solomon, Kin am kōmōn men in, im kwar jab kejbārok Aō bujen, im kien ko Aō, ko I ar jiroñ yuk, emol I naj kekel am ailiñ jen kwe, im I naj lelok ñōn leo korijerōm. **12** Ijoke, I jamin kōmōne ilo ran ko am, kin Aō lale Devid jemōm: a I naj kekele jen pein leo nejōm. **13** Ijoke, I jamin kekel aolepen ailiñ eo; a I naj lelok juōn bwij ñōn leo nejōm, kin Devid korijera, im kin Jerusalem eo I ar kālete.

**14** Im Jeova e ar kajerkek juōn dri jumae Solomon, Hedad dri Idom: e

nejin kiñ in Idom. **15** Bwe ke Devid e ar ber i Idom, im Joab kapen in jar in tōrinae e ar wōnliñlok in kalibwin ro mijjik, im e kar mōn man otemej i Idom, **16** (bwe Joab im aolepen Israel rar ber ie iomin jiljino aliñ, mae ien e ar bukweelok jabrewōt eman i Idom); **17** inem Hedad e ar ko, e im jet dri Idom dron jemen iben, im ilok ñōn Ijpt, im Hedad ajiri wōt. **18** Im rar drioi tok jen Midian, im itok ñōn Peran; im rar āñinlok armij ibeir jen Peran, im rar itok ñōn Ijpt, ñōn iben Pero kiñ in Ijpt, eo e ar lelok ñōn e juōn im, im kijen, im lelok ñōn e wāto. **19** Im Hedad e ar kanuij kabuñburuen Pero, ein drein e ar lelok ñōn e belen, jātin lio belen, jātin Tapenis liroi eo. **20** Im lio jātin Tapenis e ar keutak ñōn e Genubat, nejin eman, eo Tapenis e ar kalikitit ilo mweo imōn Pero; im Genubat e ar ber ilo imōn Pero iben lōmaro nejin Pero. **21** Im ke Hedad e ar roñ i Ijpt kin an Devid kiki iben ro jiman, im kin an Joab, kapen in jar in tōrinae, mij, Hedad e ar ba ñōn Pero, Kwon kōtlok iō bwe in ilok ñōn eneo aō. **22** Inem Pero e ar ba ñōn e, A ta am aikwij iba, bwe, lo, kwoj bukot in ilok ñōn eneo am? Im e ar uak, Ejelok: ijoke, kwon kōtlok wōt iō.

**23** Im Anij e ar kajerkek bar juōn dri jumae e, Rizon nejin Ilaiada, eo e ar ko jen iroi eo an, Hadadizer kiñ in Zoba. **24** Im e ar kokwelektok armij ñōn iben, im e kapen an jar eo, ke Devid e ar mōn ro dri Zoba: im rar ilok ñōn Damaskōs, im jokwe ijo, im e ar kiñ ilo Damaskōs. **25** Im e dri jumae Israel ran ko otemej an Solomon, elaplok jen nana eo Hedad e ar kōmōne: im e ar jōjōik Israel, im e ar kiñ ion Siria.

**26** Im Jeroboam nejin Nibat, juōn dri Ipreim jen Zerida, korijeran Solomon, etan jinen Zirua, e joko leo belen, e ar bareinwōt kwotōke pein nae kiñ eo. **27** Im enin unin an kwotōke pein nae kiñ eo: Solomon e ar kalek Milo, im kōkal worwor in jikin kweelok an Devid jemen ijo e kar rup. **28** Im leo Jeroboam e ar kajur im be-

<sup>1</sup> Dat. 17. 17.

ran; im Solomon e ar lo likao eo, bwe e owōn, im e ar likite ion jermal otemjej an bwijin Josep. 29 Im ien eo ke Jeroboam e ar driojlok jen Jerusalem, dri kanan eo Ehaija dri Shailon, e ar loe ilo ial; ak Ehaija e ar kōnōk nuknuk ko rekāl; im irro mōke iair ilo jikin kallip. 30 Im Ehaija e ar jibwe nuknuk eo e ar ber ion, im kekele ilo joñoul ruo mōtōn. 31 Im e ar ba ñōn Jeroboam, Kwon bōk joñoul mōtōn; bwe ein drein Jeova, Anij in Israel, ej ba, Lo, I naj kekel ailiñ eo jen pein Solomon, im I naj lewoj joñoul bwij, 32 (a e naj an juōn bwij, kin korijera Devid, im kin Jerusalem, jikin kwelok eo emwij Aō kālete jen bwij otemjej bwijin Israel); 33 kin ke rar illok jen Na, im rar kabuñ ñōn Ashterot, anij kōra an ro dri Saidon, Kimosh anij in Moab, im Milkōm anij an ro nejin Amon; im rar jab etetal ilo ial ko Aō, bwe ren kōmōn men eo emōn iman meja, im bwe ren kejbārok kien ko Aō, im nan in kaiñi ko Aō, einwōt Devid jemen e ar kōmōn. 34 Ijoke, I jamin bōk aolepen ailiñ eo jen pein; a I naj kōmōne juōn iroi ran ko otemjej in an mour, kin Devid korijera eo I ar kālete, im e ar kejbārok kien ko Aō, im nan in kaiñi ko Aō; 35 a I naj bōk ailiñ eo jen pein leo nejin, im I naj lewoj, aet joñoul bwij. 36 Im ñōn leo nejin I naj delok juōn bwij, bwe en iben Devid korijera juōn lamp ien otemjej imaō ilo Jerusalem, jikin kwelok eo emwij Aō kālete bwe In likit eta ie. 37 Im I naj bōk yuk, im kwo naj kiñ ekar ñōn men ko otemjej buruōm e kōnan, im kwo naj kiñ ion Israel. 38 Im e naj ein drein, elañe kwoj eoroñ men otemjej Ij jiroñ yuk, im etetal ilo ial ko Aō, im kōmōn men ko re jime iman meja, im bokake kien ko Aō, im nan in kaiñi ko Aō, einwōt Devid korijera e ar kōmōne; inem I naj ber ibōm, im I naj kalek ñōn kwe juōn im e kajur, einwōt I ar kalek ñōn Devid, im I naj lewoj Israel ñōn yuk. 39 Im kin men in, I naj kaiñtan inen Devid, a e jab ñōn in drio. 40 Kin men in,

Solomon e ar kajeoñ in mōn Jeroboam; a Jeroboam e ar jutōk, im ko ñōn Ijpt, ñōn Shaishak kiñ in Ijpt, im e ar ber i Ijpt mae ien Solomon e mij.

41 <sup>1</sup>A jermal ko jet an Solomon, im men otemjej e ar kōmōni, im meletlet eo an, rar jab jeje ilo buk eo buk in jermal ko an Solomon ke? 42 Im ien an Solomon kiñ i Jerusalem ion aolepen Israel e kar eñoul yiō. 43 Im Solomon e ar kiki iben ro jiman, im rar kalibwin e ilo jikin kwelok an Devid jemen: im Rihoboam nejin e ar binej jenkwon im kiñ.

12 Im <sup>2</sup>Rihoboam e ar ilok ñōn Shikem: bwe aolepen Israel rar itok ñōn Shikem bwe ren kairoi e. 2 Im ke Jeroboam nejin Nibat, e ar roñjake, (bwe e ar berwōt i Ijpt, ijo e ar kone jen mejen kiñ Solomon, im Jeroboam e ar jokwe i Ijpt, 3 im rar jiliklok im kirtok e), inem Jeroboam im aolepen jar an Israel rar konono ñōn Rihoboam, im ba, 4 Jemōm e ar kōmōn amuij ine e kanuij erro: kin men in, kwe kwon kōmōn bwe am korijer elap ñōn jemōm, im ine erro e ar likit iom, en meralok, inem kim naj jermal ñōn yuk. 5 Im e ar ba ñōn ir, Komin ilok im ñe e motlok jilu ran komin bar itok. Im armij rar ilok.

6 Im kiñ Rihoboam e ar bebe iben ridto rōn, ro rar jutōk iman Solomon jemen ke ej mour wōt, im ba, Ta bebe eo komij kwalok ñōn iō, bwe in uak armij rein? 7 Im rar konono ñōn e, im ba, Elañe kwo kōnan korijer ñōn armij rein ranin, im kwoj kōnan jermal ñōn ir, im kwoj konono nan ko remōn ñōn ir, inem re naj ro dri korijerōm ñōn in drio. 8 A e ar jolok bebe an ridto rōn eo rar kwalok e, im e ar bebe iben likao rōn, ro rar riddolok iben, ro rar jutōk iman. 9 Im e ar ba ñōn ir, Ta bebe eo komij kwalok ñōn iō, bwe jen uak armij rein, ro rar konono ñōn iō im ba, Kwon kōmōn bwe ine eo jemōm e ar likit iom en meralok? 10 Im likao rōn ro rar riddolok iben, rar konono

nōn e, im ba, En ein drein am ba nōn armij rein, ro rar konono nōn yuk, im ba, Jemōn e ar kōmōn bwe am ine en erro wōt, a kwon kameralok e nōn kim; ein drein am naj ba nōn ir, Arririk in peiō e mijil jen ibin jema. 11 Im kiō, elañe jema e ar likit iomi ine erro, I naj kalaplok ami ine: jema e ar dreñlokwe kom kin ken dreñdreñ ko, a I naj dreñlokwe kom kin marebep ko.

12 Ein drein Jeroboam im armij otemjej rar itok nōn iben Rihoboam ran eo ken ka jilu, einwōt kiñ e ar jiroñ ir, im ba, Komip bar itok nōn iba ran eo ken ka jilu. 13 Im kiñ e ar uak im buroñe armij ro, im e ar jolok bebe eo ridto ro rar kwalok nōn e, 14 im e ar konono nōn ir ekar nōn bebe an likao ro, im ba, Jema e ar kaerro ine eo ami, a I naj kalaplok ine eo ami: jema e ar dreñlokwe kom kin ken dreñdreñ ko, a I naj dreñlokwe kom kin marebep ko. 15 Ein drein kiñ e ar jab eoroñ armij ro; bwe e juōn men Jeova e ar kōmōne bwe En kamol an in nan, eo Jeova e ar konono kin Ehaija, dri Shailon nōn Jeroboam nejin Nibat.

16 Im ke ro dri Israel otemjej rar lo bwe kiñ eo e ar jab eoroñ ir, armij ro rar uak kiñ eo, im ba, Ewi amuij kij ilo Devid? im ejelok amuij jolit ilo nejin Jesse: nōn moko imwemi, O dri Israel: im kiō Devid, kwon mōke lale mweo imōm. Ein drein ro dri Israel rar ilok nōn moko imweir. 17 A kin ro nejin Israel ro rar jokwe ilo jikin kwelok ko an Juda, Rihoboam e ar iroijs ior. 18 Inem kiñ Rihoboam e ar jilkinlok Adoram, eo e ar lale armij ro dri kamakoko; im dri Israel otemjej rar kare kin dreka bwe en mij. Im kiñ Rihoboam e ar jarōpmōkōj in uwe ion jariot eo an bwe en ko nōn Jerusalem. 19 Ein drein ro dri Israel rar kabata nae imōn Devid nōn ranin. 20 Im ke ro dri Israel otemjej rar roñ kin an Jeroboam jeblaktok, rar jiliklok in kirtok e nōn jar eo, im rar kairoijs e ion Israel: ejelok e ar lor imōn Devid, a bwijin Juda wōt.

21 Im 'ke Rihoboam e ar itok nōn Jerusalem, e ar kokweloktok aolepen imōn Juda, im bwijin Benjamin, jibuki dualitōkñoul tausam armij, ro ar kålet ir, bwe en tōrinaek imōn Israel, bwe en kajebllaktok ailiñ eo nōn Rihoboam, nejin Solomon. 22 A nan jen Anij e ar itok nōn Shemeaia, armij òn Anij, im ba, 23 Kwon konono nōn Rihoboam nejin Solomon, kiñ in Juda, im nōn aolepen mweo imōn Juda im Benjamin, im nōn aolepen armij ro jet, im ba, 24 Ein drein Jeova ej ba, Komin jab wōññiñlok ak tōrinaek ro jeōmi im jätōmi ro nejin Israel: komin jeblak jabrewōt armij nōn mweo imōn; bwe men in jen Nā. Ein drein rar eoroñ nan jen Jeova, im rar jeblak im etal ilo ial ko air, ekar nōn nan jen Jeova.

25 Inem Jeroboam e ar kalek Shikem ilo ene utiej in Ipreim, im jokwe ie; im e ar drioijslok jen e, im kalek Penuel. 26 Im Jeroboam e ar ba ilo buruen, Kiō ailiñ eo e naj jeblak nōn imōn Devid: 27 elañe armij rein rej wōñliñlok in katok men in katok ko ilo imōn Jeova i Jerusalem, inem buruen armij rein e naj bar oktōk nōn air iroijs, aet nōn Rihoboam kiñ in Juda; im re naj mōn iō, im jeblak nōn iben Rihoboam kiñ in Juda. 28 Kin men in, kiñ eo e ar bebe kake, im e ar kōmōnmōn ruo kon in kau jen gold; im e ar ba nōn ir, Elap ami jermal im wōñliñlok nōn Jerusalem: lo, ami anij, O Israel, ro rar añintok kom jen Ijpt. 29 Im e ar likit juōn i Betel, im eo juōn e ar likite i Dan. 30 Im men in e kar juōn jerawiwi; bwe armij ro rar ilen kabuñ imairro, aet nōn Dan. 31 Im e ar kōmōn moko in jikin ko re utiej, im e ar kōmōn pris ro jen armij bōjjik, ro re jab nejin Lival. 32 Im Jeroboam e ar kōtellok juōn kwojkwōj, ilo aliñ eo ken ka dualitōk, ilo ran eo ken ka joñoul lailim in aliñ eo, einwōt kwojkwōj eo ilo Juda, im e ar wōñliñlok nōn lokatok eo; ein drein an kōmōn i Betel, im e ar katok nōn kon in kau ko e ar kōmōni: im e ar likit i Betel

pris ro an jikin ko re utiej e ar kōrnōni. 33 Im e ar wōnlīnlok nōn lokatok eo e ar kōmōne i Betel ilo ran eo ken ka jōnoul lailim ilo aliñ ken ka drualitōk, aet, ilo aliñ eo e ar kine ilo buruen : im e ar kōtellok juōn kwoj-kwoj nōn ro nejn Israel, im wōnlīnlok nōn lokatok eo bwe en kokaijurjur.

**13** Im lo, e ar itok <sup>1</sup>juōn armij ōn Anij jen Juda, kin nan an Jeova, nōn Betel, im Jeroboam e ar jutōk iturin lokatok eo bwe en kokaijurjur. 2 Im e ar lamij nae lokatok eo kin nan in Jeova, im ba, O lokatok, lokatok, ein drein Jeova ej ba; Lo, juōn nejn man e naj lotak nōn imōn Devid, etan Josaja ; im iom e naj katok kin pris ro an jikin ko reutiej rej kokaijurjur iom, im re naj tile dri ko drin armij iom. 3 Im e ar lelok juōn kakōle ran eo, im ba, Eñin kakōle eo Jeova e ar konono kake: Lo, naj rupe lokatok eo, im naj lutōklok brij in ubaj jen ion. 4 Im ke kiñ eo e ar roñjake nan ko jen armij eo ōn Anij, eo e ar lamij nae lokatok eo i Betel, Jeroboam e ar erlokwe pein jen lokatok eo, im ba, Komin jibwe leo. Im pein eo emwij an kōtellok e nae leo, e mōralok, inem e ban nukije. 5 Im lokatok eo e bareinwōt rup, im e lutōklok brij in ubaj jen lokatok eo, ekar nōn kakōle eo armij ōn Anij eo e ar lelok kin nan jen Jeova. 6 Im kiñ eo e ar uak im ba nōn armij eo ōn Anij, Kwon akwelap nōn Jeova am Anij kin joi, im jar kin iō, bwe En bar kemour peiō. Im armij eo ōn Anij e ar akwelap nōn Jeova, im E ar bar kemour pein kiñ eo nōn e, im ej einwōt mokta. 7 Im kiñ eo e ar ba nōn armij eo ōn Anij, Kwon itok iba nōn kabijukniō, im kaki, im I naj lewoj ajenkij. 8 Im armij ōn Anij e ar ba nōn kiñ eo, Elañe kwoj letok jibilkwon mweo imōm. I jamin dreloñwoj, im I jamin mōña bred ak irak dren ilo jikin in ; 9 bwe ein drein nan jen Jeova e ar jiroñ iō, im ba, Kwon jab mōña bred ak irak dren, im jab jeblaklok ilo ial eo kwar itok

ie. 10 Ein drein e ar ilok ilo bar juōn ial, im jab jeblak ilo ial eo e ar itok nōn Betel ie.

11 Im juōn dri kanan e lōlap, e ar jokwe i Betel; im juōn ian lōmaro nejn e ar item kennanek e men ko otem-nej armij ōn Anij e ar kōmōni ran eo i Betel : im nan ko e ar konono nōn kiñ eo, rar bareinwōt kennanek je-meir. 12 Im jemeir e ar ba nōn ir, Ial ōt e ar ilok ielok? A lōmaro nejn rar lo ial eo armij ōn Anij e ar ilok ielok, leo e ar itok jen Juda. 13 Im e ar ba nōn lōmaro nejn, Komin kapoje ass eo. Inem rar kapoj ass eo; im e ar uwe ion. 14 Im e ar etal lor armij eo ōn Anij, im e ar loe ke ej jijōt iomin juōn wijki ok ; im e ar ba nōn e, Kwe armij eo ōn Anij eo e ar itok jen Juda ke? Im e ar ba, Ña e. 15 Inem e ar ba nōn e, Kwon itok iba nōn kabijukniō im mōña bred. 16 Im e ar ba nōn e, I ban jeblak ibōm, ak dreloñ ibōm ; im I jamin mōña bred ak irak dren ibōm ilo jikin in : 17 bwe emwij ba nōn iō kin nan in Jeova, Kwon jab mōña bred ak irak dren ie, im jab rollok ilo ial eo kwar itok ie. 18 Im e ar ba nōn e, Ña bareinwōt dri kanan einwōt kwe; im juōn enjel e ar konono nōn iō kin nan an Jeova, im ba, Kwon kajebaktok e ibōm nōn mweo imōm, bwe en mōña bred im irak dren. A e ar riōp nōn e. 19 Ein drein e ar jeblak iben, im e ar mōña bred ilo mweo imōn, im e ar irak dren.

20 Im ke rar jijōt iturin tebel eo, nan an Jeova e ar itok nōn dri kanan eo e ar kajebaktok e; 21 im e ar kir nōn armij ōn Anij eo e ar itok jen Juda, im ba, Ein drein Jeova ej ba, Kin am kibia nōn loñin Jeova, im kwar jab bokake kien eo Jeova am Anij e ar jiroñ yuk, 22 a kwar jeblaktok, im kwar mōña bred im irak dren ilo jikin eo E ar ba nōn yuk kake, Kwon jab mōña bred ak irak dren ie; ubōm e jamin itok nōn wuliej an ro jimam. 23 Im ke emwij an mōña bred, im emwij an irak, e ar kapoje ass eo nōn dri kanan eo e ar kajebaktok e. 24 Im ke e ar ilok, juōn laion e ar

wōnmae e ilo ial, im mōn e: im emwij jolok ubōn ilo ial, im ass eo e ar jutōk iturin; laion eo bareinwōt e ar jutōk iturin ubōn. 25 Im lo, eor armij rar elālok, im lo ubōn eo ej babu ilo ial, im laion eo ej jutōk iturin ubōn; im rar itok im kennan kake ilo jikin kwelok eo ijo dri kanan lōlap e ar jokwe ie.

26 Im ke dri kanan eo e ar kajeb-laktok e jen ial e ar roñjake, e ar ba, Ej armij ōn Anij, eo e ar kiblia nōn loñin Jeova: kin men in E ar lelok e fiōn laion, eo e ar kekel e, im mōn e, ekar nōn nan an Jeova, eo E ar ba nōn e. 27 Im e ar ba nōn lōmaro nejin, Komin kapoje ass eo. Im rar kapoje. 28 Im e ar ilok im lo ubōn e babu ilo ial, im ass im laion rej jimor jutōk iturin ubōn: laion e ar jab mōña ubōn, ak kekel ass eo. 29 Im dri kanan eo e ar kwotōke ubōn armij eo ōn Anij, im likite ion ass eo, im bōktok; im e ar itok nōn jikin kwelok an dri kanan eo e lōlap, bwe en jōñōt e im kalibwin e. 30 Im e ar likit ubōn ilo lūp eo an; im rar jōñōt e, im ba, Yok, jātiō! 31 Im elikin an kalibwin e, e ar konono nōn lōmaro nejin, im ba, Ne ij mij, komin kalibwin iō ilo lūp eo, ijo emwij likit ubōn armij ōn Anij ie: komin likit dri ko driō iturin drin. 32 Bwe nan eo e ar kir kin nan in Jeova nae lokatok eo i Betel, im nae moko otemjej an jikin ko reutiej rej ilo jikin kwelok ko in Sameria, re naj jejit.

33 Elikin men in Jeroboam e ar jab jeblak jen ial eo e nana, a e ar bar kōmōn ian armij otemjej pris ro nōn jikin ko reutiej: jabrewōt eo e kōnan, e ar likit e, bwe en or pris an jikin ko reutiej. 34 Im men in juōn jerawiwi nōn imōn Jeroboam, aet nōn bukweelok e, im nōn kokkure jen mejen lōl.

**14** Im ien eo Ehaija, nejin Jeroboam e nañinmij. 2 Im Jeroboam e ar ba nōn lio belen, Kwon jutōk, ij akwelap, im mōke kejakilkil yuk, bwe ren jab kile bwe kwe lio belen Jeroboam; im kwon ilok nōn Shailo: lo, ijo dri kanan Ehaija, eo e ar

konono kin nā bwe in kiñ ion armij rein. 3 Im kwon bōklok ibōm jilñoul eon bred, im kek ko, im juōn botto in hōnni, im ilok nōn iben: e naj kennanek yuk ta eo e naj walok nōn ladrik eo. 4 Im lio belen Jeroboam e ar kōmōn einwōt, im jutōk, im ilok nōn Shailo, im itok nōn mweo imōn Ehaija. Im Ehaija e ban lolokjen; bwe e bilo kin an lōlap. 5 Im Jeova e ar ba nōn Ehaija, Lo, lio belen Jeroboam ej iten kajitōk ibōm kin ladrik eo nejin; bwe e nañinmij: ein drein am naj ba nōn e; bwe ñe ej dreloñtok, e naj ukot mōren fiōn mōren juōn kōra.

6 Im ein drein ke Ehaija e ar roñjake buñten neen, ke e ar dreloñtok ilo kejem, e ar ba, Kwon dreloñtok, kwe lio belen Jeroboam; etke kwój ukot mōrōm? bwe emwij jilkinwoj iō im nan erro iba. 7 Kwon ilem kennanek Jeroboam, Ein drein Jeova, Anij in Israel ej ba: Ke I ar koutiej yuk jen iben armij ro, im kairoij yuk ion dri ailiñ Aō, Israel, 8 im I ar kekel ailiñ eo jen imōn Devid, im lewoj; ijoke, kwar jab einwōt korijera Devid, eo e ar bokake kien ko Aō, im e ar lōr Iō kin aolepen buruen, im kōmōn men eo wōt e jime iman meja, 9 a kwar kōmōn nana elap jen ro otemjej mokta jen kwe, im kwar ilem kōmōn nōn yuk anij ro jet, im men in e ko unlok, bwe kwon kakitōtōik Iō nōn illu, im kwar joliklok Iō: 10 kin men in, lo, I naj bōktok nana ion imōn Jeroboam, im I naj bukweelok jen iben Jeroboam jabrewōt nejin eman, eo emwij kili, im eo likite ina-bij ilo Israel, im I naj kanuj bukweelok imōn Jeroboam, einwōt armij ej bioklok toeōk, mae ien e aolep im joko. 11 Eo an Jeroboam ej mij ilo jikin kwelok, kiru roror re naj kōñe; im eo ej mij ilo melaj, bao in meja-toto re naj kōñe: bwe Jeova e ar ba men in. 12 Inem kwon jutōk, im ilok nōn mweo imōm, im ñe neōm rej dreloñ iloan jikin kwelok eo, ajiri eo e naj mij. 13 Im aolepen ro dri Israel re naj jōñōt e im kalibwin e; bwe e wōt ian nukin Jeroboam e naj



mij in atabuñ, kin ke ilo e emwij lo jabrewõt men eo emõn ñõn Jeova, Anij in Israel, ilo imõn Jeroboam.

14 Bareinwõt Jeova e naj kairoij ñõn E juõn kiñ ion Israel, eo e naj bukvelok imõn Jeroboam ilo ran eo: a ta? kiõ wõt. 15 Bwe Jeova e naj mõi Israel, einwõt e makõtkit koba ilo dren; im E naj kõtöp Israel jen enin emõn E ar lelok ñõn ro jimair, im E naj kejibliklok ir etolok jen River eo, kin ke rar kõmõnmõn air Ashira, im kaillu Jeova kake. 16 Im E naj illok jen Israel kin jerawiwi ko an Jeroboam, ko e ar bwir kake, im e ar kabwir Israel kake.

17 Im lio belen Jeroboam e ar jutõk, im ilok, im itok ñõn Tirza: im ke e ar itok ñõn bit in kejem ilo mweo imõn, ajiri eo e mij. 18 Im ro dri Israel otemjej rar kalibwin e, im jõõt e, ekar ñõn nan in Jeova, eo E ar konono kin korijeran, Ehajja, dri kanan eo.

19 Im jermal ko jet an Jeroboam, ekijkan e ar tõrinae, im ekijkan e ar iroi, lo, emwij jeje ilo buk in bwebwenato ko an kiñ ro an Israel. 20 Im ran ko an Jeroboam iroi jõõnoul ruo yio: im e ar kiki iben ro jiman, im Nedab leo nejin e ar kiñ im binej jenkwon.

21 Im Rihoboam nejin Solomon e ar kiñ in Juda. Ridtõn Rihoboam ke e ar jino in kiñ eñoul juõn yio, im e ar kiñ jõõnoul jiljilimjuõn yio i Jerusalem, jikin kwelok eo Jeova e ar kãlete jen bwij otemjej bwijin Israel, bwe En likit etan ie: im etan jinen Neama dri Amon. 22 Im Juda e ar kõmõn nana iman mejen Jeova, im rar kakitõktõik E bwe en kamo kin jerawiwi ko rar kõmõni, e laplok jen ro jimair otemjej rar kõmõni. 23 Bwe rar bareinwõt kalek ñõn ir jikin ko reutiej, im jur dreka ko, im Ashira, ion jabrewõt tol, im iomin jabrewõt wijki e māroro; 24 im bareinwõt eor dri Sodom ilo eneo: rar kõmõn ekar ñõn aolepen men in jõjõik ko an dri ailiñ ko Jeova e ar kadrioijslok jen iman ro nejin Israel.

25 Im ilo yio eo ken ka lailim an kiñ Rihoboam, Shaishak kiñ in Ijijt e ar wõnliñlok nae Jerusalem; 26 im e ar bõklok mweuiuk ko an imõn Jeova, im mweuiuk ko an imõn kiñ; aet, e ar bõklok aolep: im e ar bõklok aolepen ken tõrak gold ko Solomon e ar kõmõni. 27 Im kiñ Rihoboam e ar kõmõnmõn im binej jenkwaier kin ken tõrak ko jen jinibõrõrõ, im lilok ñõn pein kapen ro dri lale, ro rar lale aur in imõn kiñ eo. 28 Im ein drein, jabrewõt ien ke kiñ eo e ar dreloñlok ilo imõn Jeova, ro jurõn kiñ eo rar ineki, im bar bõktok iloan rum eo an ro dri lale.

29 Ak jermal ko jet an Rihoboam, im men otemjej e ar kõmõni, ar jab jeje ilo buk in bwebwenato ko an kiñ ro in Juda ke? 30 Im Rihoboam im Jeroboam rar tõrinaek dron ien otemjej. 31 Im Rihoboam e ar kiki iben ro jiman, im rar kalibwin e iben ro jiman ilo jikin kwelok an Devid: im etan jinen, Neama dri Amon. Im Ebajjam leo nejin e ar kiñ im binej jenkwon.

15 Im ilo yio eo ken ka jõõnoul drualitõk an kiñ Jeroboam, nejin Nibat, Ebajjam e ar jino in kiñ ion Juda. 2 E ar kiñ i Jerusalem iomin jilu yio: im etan jinen, Meaka nejin Ebishalom. 3 Im e ar etetal ilo jerawiwi otemjej an jemen, ko e ar kõmõni iman; im buruen e ar jab wäppen iman Jeova an Anij, einwõt buruen Devid jemen. 4 Ijoke, kin Devid, Jeova an Anij e ar lelok ñõn e juõn lamp i Jerusalem in kairoij nejin elikin, im bwe en kakajur Jerusalem; 5 kin ke Devid e ar kõmõn men eo emõn iman mejen Jeova, im e ar jab jeorlok jen jabrewõt nan in kaiñi ko An, ran ko otemjej in an mour, a ilo men in wõt an Uraia dri Het. 6 Im Rihoboam e ar tõrinaek Jeroboam ran ko otemjej in an mour.

7 Im jermal ko jet an Ebajjam, im men ko otemjej e ar kõmõni ar jab jeje ilo buk in bwebwenato ko an kiñ ro an Juda ke? Im e kar or tõrinae ikõtãn Ebajjam im Jeroboam. 8 Im

<sup>1</sup> 2 Kron. 12. 13.

<sup>2</sup> 2 Kron. 12. 9 11. <sup>3</sup> 2 Kron. 13. 1.

Ebajjam e ar kiki iben ro jiman; im rar kalibwine ilo jikin kwelok an Devid: im Esa nejin e ar kiŃ im binej jenkwon.

9 Im ilo yiō eo ken ka roñoul an Jeroboam iroiĵ in Israel, Esa e ar jino an kiŃ ion Juda. 10 Im iomin eñoul juōn yiō e ar kiŃ i Jerusalem; im etan jinen Meaka lio nejin Ebišhalom. 11 Im Esa e ar kōmōn men eō emōn iman mejen Jeova, einwōt Devid jemen. 12 Im e ar jolok jen eneo ro dri Sodom, im e ar kamōkitlok ekjōp otemjej ro jemen rar kōmōnmōni. 13 Bareinwōt e ar jolok jen an liroiĵ, Meaka jinen, kin ke e ar kōmōn men in e jōjōik bwe en Ashira: im Esa e ar juokwe men in e eo an, im tile i wea Kidron. 14 A rar jab jolok jikin ko reutieĵ: ijoke, buruen Esa e ar wāppen iben Jeovaran ko otemjej an. 15 Im e ar bōkitok ilo imōn Jeova men ko jemen e ar aje, im men ko e ar mōke aje, silver, im gold, im jābi ko.

16 Im eor tōrinae ikōtan Esa im Beasha, kiŃ in Israel, ran ko otemjej air. 17 Im Beasha e ar wōniñlok nae Juda im kalek Rema, bwe en bōpraek jabrewōt jen an drioiĵ dreloñ ñōn iben Esa kiŃ in Juda. 18 Inem Esa e ar bōk aolepen silver im gold e ar berwōt ilo jikin mweiuk ko an imōn Jeova, im mweiuk ko an imōn kiŃ, im e ar likiti ilo pein ro dri korijeran; im kiŃ Esa e ar jilkinloki ñōn Benhedad, nejin Tabrimon, nejin Hiziōn, kiŃ in Siria, eo e ar jokwe i Damas-kōs, im ba, 19 Eor bujen ikōtarro, ikōtan jema im jemōm: lo, I ar jilkinwoĵ juōn men in lelok, silver im gold; kwon ilok, im jolok am bujen iben Beasha kiŃ in Israel, bwe en ilok jen ña. 20 Im Benhedad e ar eoroñ kiŃ Esa, im e ar jilkinlok kapen an jar in tōrinae ko an nae jikin kwelok ko an Israel, im e ar mōn Aijon, im Dan, im Ebel-beth-meaka, im aolepen Kinnerot, im aolepen enen Naptalai. 21 Im ke Beasha e ar roñjake, e ar ikōñ jen an kalek Rema, im e ar jokwe i Tirza. 22 Inem kiŃ Esa e ar kwalok juōn nan ñōn aolepen Juda,

ejelok juōn e ar kånloke: im rar bōklok dreka ko an Rema, im alal ko an, ko Beasha e kar kalek kake: im kiŃ Esa e ar kalek kaki Giba in Benjamin, im Mizpa.

23 Ak jermal ko jet an Esa im aolepen an kajur, im men ko otemjej e ar kōmōni, im jikin kwelok ko e ar kaleki, ar jab jeje ilo buk in bwebwenato ko an kiŃ ro in Juda ke? A ke e ar lōlap e ar nañinmiĵ kin neen. 24 Im Esa e ar kiki iben ro jiman, im rar kalibwin e iben ro jiman ilo jikin kwelok an Devid jemen; im Jihoshapat e ar kiŃ im binej jenkwon.

25 Im Nedab nejin Jeroboam e ar jino an kiŃ ion Israel ilo yiō eo ken ka ruo an Esa kiŃ in Juda; im e ar kiŃ ion Israel iomin ruo yiō. 26 Im e ar kōmōn nana iman mejen Jeova, im e ar etetal ilo ial an jemen, im ilo jerawiwi eo an e ar kabwir Israel kake. 27 Im Beasha, nejin Ehaiĵa, jen imōn Issakar e ar kabata nae e; im Beasha e ar mōn e i Gibbeton, eo e kar an ro dri Pilistia; bwe Nedab im dri Israel otemjej rar nitbwile Gibbeton. 28 Aet, ilo yiō eo ken ka jilu an Esa kiŃ in Juda, Beasha e ar mōne, im e ar kiŃ im binej jenkwon. 29 Im ke e ar kiŃ, e mōkōĵ an mōn aolepen imōn Jeroboam: e ar jab likit ñōn Jeroboam jabrewōt eo ej menono, mae ien re mat; ekar ñōn nan jen Jeova, eo e ar konono kin dri korijeran, Ehaiĵa dri Shailon; 30 kin jerawiwi ko an Jeroboam e ar bwir kake, im e ar kabwir Israel kake, kin kakitōtō eo e ar kalitōtōik Jeova, Anij in Israel, ñōn illu.

31 Ak jermal ko jet an Nedab, im men otemjej e ar kōmōni, ar jab jeje ilo buk in bwebwenato ko an kiŃ ro in Israel ke? 32 Im eor tōrinae ikōtan Esa im Beasha aolepen ran ko air.

33 Ilo yiō eo ken ka jilu an Esa kiŃ in Juda, Beasha e ar jino kiŃ ion aolepen Israel i Tirza, im e ar kiŃ iomin roñoul emen yiō. 34 Im e ar kōmōn nana iman mejen Jeova, im e ar etetal ilo ial an Jeroboam, im ilo jerawiwi eo an e ar kabwir Israel

**16** kake. 1 Im nan jen Jeova e ar itok ñõn Jihu nejin Hanenai nae Beasha, im ba, 2 Ke I ar koutiej yuk jen brij, im kairoij yuk ion ailiñ eo aõ, Israel, im kwar etetal ilo ial eo an Jeroboam, im kwar kabwir dri ailiñ eo Aõ, Israel, im kaillu Iõ kin bwir ko air; 3 lo, I naj rakijlok wõt Beasha im mweo imõn; im I naj kõmõn mweo imõn einwõt imõn Jeroboam nejin Nibat. 4 Eo jen Beasha ej mij ilo jikin kwelok, kiru roror re naj kõñe; im eo jen e im ej mij ilo jikin kallip, bao in mejatoto re naj kõñe.

5 A jermal ko jet an Beasha, im men ko e ar kõmõni, im kajur eo an, re jab jeje ilo buk in bwebwenato ko an kiñ ro in Israel ke? 6 Im Beasha e ar kiki iben ro jiman, im ar kalibwin e i Tirza; im Ila nejin e ar kiñ im binej jenkwon. 7 Im bareinwõt kin dri kanan Jihu nejin Hanenai, nan jen Jeova e ar itok nae Beasha, im nae mweo imõn, kin nana eo e ar kõmõne iman mejen Jeova, bwe en kaillu E kin jermal an pein, im bwe e ar einwõt imõn Jeroboam, im kin an mõne.

8 Ilo yiõ eo ken ka roñoul jiljino an Esa kiñ in Juda, Ila nejin Beasha e ar jino kiñ ion Israel i Tirza, im e ar kiñ iomin ruo yiõ. 9 Im leo korijeran, Zimrai, kapen an jibilkwon jariot ko an, e ar kabata nae e. A e ar ber i Tirza im e ar irak ñõn karek ilo imõn Arza, eo ej ion ro dron i Tirza: 10 im Zimrai e ar dreloñlok, im mõn e bwe en mij, ilo yiõ eo ken ka roñoul jiljilimjuõn an Esa kiñ in Juda, im e ar kiñ im binej jenkwon. 11 Im ke e ar jino an kiñ, kiõ kiõ ke ej jijõt ion tron eo an, e ar mõn aolepen imõn Beasha: e ar jab likit ñõn e juõn nejin eman, jab jen ro nukin ak ro jeran. 12 Ein drein Zimrai e ar mõn aolepen imõn Beasha, ekar ñõn nan eo jen Jeova, eo E ar konono nae Beasha kin Jihu dri kanan eo, 13 kin jerawiwi ko otemjej an Beasha, im jerawiwi ko an Ila nejin, ko rar bwir kake, im rar kabwir Israel kake, in kaillu Jeova, Anij in Is-

rael, kin men ko air rewan. 14 A jermal ko jet an Ila, im men ko otemjej e ar kõmõn, ar jab jeje ilo buk in bwebwenato ko an kiñ ro in Israel ke?

15 Ilo yiõ eo ken ka roñoul jiljilimjuõn an Esa kiñ in Juda, Zimrai e ar kiñ iomin jiljilimjuõn ran i Tirza. Armij ro rar kamp nae Gibbeton eo e kar an ro dri Pilistia. 16 Im armij ro rar ber im kamp rar roñjake airba, Zimrai e ar kabata, im bareinwõt e ar mõn kiñ eo: kin men in, dri Israel otemjej rar kõmõn Omrai, kapen an jar in tõrinae, kiñ ion Israel ran eo wõt ilo kamp eo. 17 Im Omrai e ar wõnliñlok jen Gibbeton, im dri Israel otemjej iben, im rar nitbwile Tirza. 18 Im ke Zimrai e ar lo bwe rej bõk jlkin kwelok eo, e ar dreloñlok ilo me in imõn kiñ eo, im e ar tile imõn kiñ eo ion, kin kijeek, im e mij, 19 kin jerawiwi ko an e ar bwir kake, ke ej kõmõn nana iman mejen Jeova, im etetal ilo ial eo an Jeroboam, im ilo jerawiwi eo e ar kõmõne in kabwir Israel. 20 A jermal ko jet an Zimrai, im kabata eo e ar kõmõne, ar jab jeje ilo buk in bwebwenato ko an kiñ ro in Israel ke?

21 Inem ro dri Israel rar jibil ilo ruo jar: jibilkwon iair rar lor Tibnai nejin Gainat, bwe ren kõmõn e kiñ; im jibilkwon iair rar lor Omrai. 22 A ro rar lor Omrai rar bõk anjo jen ro dron Tibnai nejin Gainat: ein drein Tibnai e ar mij, im Omrai e ar kiñ. 23 Ilo yiõ eo ken ka jilñoul juõn an Esa kiñ in Juda, Omrai e ar jino in kiñ ion Israel, im e ar kiñ iomin joñoul ruo yiõ: e ar kiñ jiljino yiõ i Tirza. 24 Im e ar wiaik tol Sameria jen Shimer kin ruo talent silver; im e ar kalek ion tol eo, im e ar naetan jikin kwelok eo e ar kaleke, Sameria, jen etan Shimer, eo e kar an tol eo. 25 Im Omrai e ar kõmõn nana iman mejen Jeova, im e drorlõlok an kõmõn jerawiwi jen ro otemjej mokta jen e. 26 Bwe e ar etetal ilo aolepen ial an Jeroboam, nejin Nibat, im ilo jerawiwi ko an e ar kabwir Israel kake, bwe en kaillu Jeova, Anij in Israel,

kin air jermal ko rewan. 27 A jermal ko jet an Omrai ko e ar kōmōni, im kajur eo an e ar kwaloke, ar jab jeje ilo buk in bwebwenato ko an kiñ ro in Israel ke? 28 Ein drein Omrai e ar kiki iben ro jiman, im ar kalibwin e ilo Sameria; im Ehab nejin e ar kiñ im binej jenkwon.

29 Im ilo yiō eo ken ka jilñoul drualitōk an Esa kiñ in Juda, Ehab nejin Omrai e ar jino kiñ ion Israel: im Ehab nejin Omrai e ar kiñ ion Israel ilo Sameria roñoul ruo yiō. 30 Im Ehab nejin Omrai e drorlōlok an kōmōn nana iman mejen Jeova jen ro otemjej mokta jen e. 31 Im einwōt elañe an etetal ilo jerawiwi ko an Jeroboam nejin Nibat, men in jekron, e ar bōk ñōn e belen, Jezebel lio nejin Ethbeal, kiñ an ro dri Saidon, im e ar ilem korijer ñōn Beal, im kabuñ ñōn e. 32 Im e ar kalek juōn lokatok ñōn Beal ilo imōn Beal, eo e ar kaleke i Sameria. 33 Im Ehab e ar kōmōnmōn Ashira ko; im Ehab e ar drorlōlok jen kiñ ro otemjej in Israel mokta jen e, in kaillu Jeova, Anij in Israel. 34 Ilo ran ko an, Haiel dri Betel e ar kalek Jeriko: ke e ar likit loñtōk ko an, e joko Ebairam manjien, im ke e ar kajur aur ko an, inem e mij Sigōb eo nejin man erikata, ekar ñōn nan an Jeova, eo E ar konono kin Joshua nejin Nōn.

**17** Im Ilaija, dri Tishba, eo e kar juōn ian ro dri itoitōk in Giliad, e ar ba ñōn Ehab, Einwōt Jeova Anij in Israel e mour, eo ña ij jutōk iman, e naj ejelok molawi ak wut iomin yiō kein, a ekar ñōn nan ko aō. 2 Im nan an Jeova e ar itok ñōn e, im ba, 3 Kwon ilok jen ijin, im jujeltalok, im tilekek iturin wea Kirit, eo ej iman Jordan. 4 Im e naj ein drein, kwo naj irak jen dren ilo wea eo; im I ar jiroñ bao reven ko bwe ren najirik yuk ijo. 5 Ein drein e ar ilok im kōmōn ekar ñōn nan in Jeova; bwe e ar ilok im jokwe iturin wea Kirit, eo iman Jordan. 6 Im bao reven ko rar bōktok ñōn e bred im kōniek ke ejiboñ, im bred im kōniek ke ejota; im e ar irak jen wea eo. 7 Im toke-

lik, wea eo e ar roj, bwe ejelok wut ilo eneo.

8 Im nan an Jeova e ar itok ñōn e, im ba, 9 Kwon jerkak, im ilok ñōn Zarepat, eo an Saidon, im jokwe ijo: lo, emwij Aō jiroñ juōn kōra e joko belen bwe en najirik yuk ijo. 10 Ein drein e ar jerkak im ilok ñōn Zarepat; im ke e ar itok ñōn kejem in jikin kwelok eo, lo, juōn kōra e joko belen, e ar ber ijo im ae kani: im e ar kir ñōn lio, im ba, Kwon bōktok, ij akwelap, jirik dren ilo juōn jābi bwe in irak. 11 Im ke ej ilen bōktok, e ar kir ñōn e, im ba, Kwon bōktok ñōn iō ij akwelap, jirik mōtōn bred ilo peōm. 12 Im lio e ar ba, Einwōt Jeova am Anij e mour, ejelok juōn kek iba, a flauo ilo jābi eo itōkin wōt juōn pā, im jirik oil ilo botto eo: im lo, ij aini ruo alal bwe in dreloñ im kōmāte ñōn kimro ladrik eo nejiō bwe kimin kōñe, inem mij. 13 Im Ilaija e ar ba ñōn e, Kwon jab mijōk; kwon ilen kōmōn einwōt am ba; a kwon kōmōn jen e juōn aō kek erik mokta, im bōktok ñōn iō, im tokelik kwon kōmōn ñōn kwe im ladrik eo nejiōm. 14 Bwe ein drein an Jeova, Anij in Israel ba, Flauo e jamin riklok ilo jābi eo, im e jamin joko oil jen botto eo, mae ran eo ñe Jeova ej jilkinlok wut ion eneo. 15 Im e ar ilem kōmōn ekar ñōn nan eo an Ilaija: im leo, im lio, im dri mweo imōn, rar mōña elōñ ran. 16 Flauo e ar jab riklok ilo jābi eo, im oil e ar jab joko jen botto eo, ekar ñōn nan an Jeova, eo e ar ba kin Ilaija.

17 Im elikin men kein, ladrik eo nejin kōra liroij in mweo e ar nañinmij; im kin an kanuij drorlōlok e joko an menono. 18 Im lio e ar ba ñōn Ilaija, Ta ibōm im iba, O kwe armij òn Anij? kwar itok ñōn iba bwe kwon kakememej iō kin aō bwir, im mōn ladrik eo nejiō ke? 19 Im e ar ba ñōn lio, Kwon letok nejiōm. Im e ar bōke jen ubōn lio, im bōkliñlok e na ilo bo eo, ijo e ar ber ie, im likite ion aowej eo an. 20 Im e ar kir ñōn Jeova, im ba, O Jeova aō Anij, Kwar bōktok nana ion lio e joko belen, kin

Am mōn ladirik eo nejin ke? 21 Im e ar beroane ladirik eo jilu alen, im e ar kir ñōn Jeova, im ba, O Jeova aō Anij, ij akwelap, an ladirik in en bar dreloñtok iben. 22 Im Jeova e ar eoroñ ainiken Ilaija; im <sup>1</sup> an ladirik eo e ar bar dreloñtok, im ej mour. 23 Im Ilaija e ar bōk ladirik eo im bōklōllok jen bo eo ñōn loan mweo, im lelok e ñōn jinen: im Ilaija e ar ba, Lo, nejōm ej mour. 24 Im kōra eo e ar ba ñōn Ilaija, Kiō I jela bwe kwe juōn armij òn Anij, im nan an Jeova i loñōm e mol.

**18** Im elikin elōñ ran, nan in Jeova e ar itok ñōn Ilaija ilo yiō eo ken ka jilu, im ba, Kwon ilok, kwon mōke kwalok yuk ñōn Ehab; im I naj jilkinlok wut ion eneo. 2 Im Ilaija e ar ilen mōke kwalok e ñōn Ehab. Im ñita eo e kanuij nana ilo Sameria. 3 Im Ehab e ar kir Obedaija eo e ar iroijs ion mweo imōn. (A Obedaija ej kanuij mijōk Jeova: 4 bwe ein drein, ke Jezebel e ar buk-welok ro dri kanan an Jeova, Obedaija e ar bōk jibuki dri kanan im e ar noj ir ka limñoul ilo juōn roñ, im e ar najirik ir kin bred im dren.) 5 Im Ehab e ar ba ñōn Obedaija, Kwon driblok aolepen eneo, ñōn unin dren ko otemjej, im ñōn wea ko otemjej: bwelen je naj maroñ lo ujoij im lomoren mour an ora ko im mul ko, bwe en jab joko aolepen kiru ko. 6 Ein drein rar ajej eno ñōn irro, bwe ren etale: Ehab e ar ilok ilo juōn ial mōke ian, im Obedaija e ar ilok ilo bar juōn ial mōke ian.

7 Im ke Obedaija e ar ber ilo ial, lo, Ilaija e ar ion e: im e ar kile, im e ar buñbero, im ba, Kwe ne aō iroijs Ilaija ke? 8 Im e ar uak, Ña e: kwon ilok, kennanek am iroijs, Lo, Ilaija ijin. 9 Im e ar ba, Ewi aō jerawiwi, bwe kwo kōnan ketōk iō korijerōm na ilo pein Ehab bwe en mōn iō? 10 Einwōt Jeova am Anij e mour, ejelok ailiñ ak enen kiñ, ijo aō iroijs e ar jab jiliklok in kabukot yuk: im ke rar ba, E joko ijin, e ar kabinbin iben enen kiñ eo ak ailiñ eo, bwe rar jab lo

yuk. 11 Im kiō kwoj ba, Kwon ilem kennanek am iroijs, Lo Ilaija ijin. 12 Im kiō kiō ñe I motlok, Jitōb òn Jeova e naj bōklok yuk ñōn ijo I jaje kake; im ein drein ñe ij iten kennanek Ehab, im e ban lo yuk, e naj mōn iō: a ña korijerōm ij mijōk Jeova jen ke I ar inono. 13 Rar jab kennanek aō iroijs ta eo I ar kōmōne ke Jezebel e ar mōn ro dri kanan an Jeova, ekijkan I ar noj jibuki man rōn ian ro dri kanan an Jeova, ka limñoul, ilo juōn roñ, im najirik ir kin bred im dren ke? 14 Im kiō kwoj ba, Kwon kennanek am iroijs, Lo, Ilaija ijin; inem e naj mōn iō. 15 Im Ilaija e ar ba, Einwōt Jeova an inelip eo e mour, Eo ij jutōk iman, emol I naj mōke kwalok iō ñōn e ranip.

16 Ein drein Obedaija e ar ilen wōnmae Ehab, im kennanek e; im Ehab e ar ilen wōnmae Ilaija. 17 Im ke Ehab e ar lo Ilaija, Ehab e ar ba ñōn e, Kwe eo kwoj kejjorran Israel ke? 18 Im e ar uak, Ña I ar jab kejjorran Israel; a kwe, im imōn jemōm, kin ami illok jen kien ko an Jeova, im kwar lor Beal. 19 Inem kiō, kwon jilkinlok, im kokweloktok ñōn iba dri Israel otemjej ñōn tol Karmel, im ro dri kanan an Beal, ābuki limñoul, im ro dri kanan an Ashira, ābuki ro rej mōña ilo tebel an Jezebel.

20 Ein drein Ehab e ar jiliklok ñōn ro dri Israel otemjej, im kokweloktok ro dri kanan ñōn tol Karmel. 21 Im Ilaija e ar druaklok ñōn iben aolepen armij ro, im ba, Ietōñ ami ajkub ikōtan ruo lemnok? elañe Jeova ej Anij, komin lor E: a elañe Beal, inem komin lor e. Im armij ro re jab uak ñōn jirik. 22 Inem Ilaija e ar ba ñōn armij ro, Ña, aet, ña wōt, ij ber, dri kanan an Jeova; a ro dri kanan an Beal ābuki limñoul armij. 23 Inem ren letok ñōn kim ruo kau koman; im ren kālet juōn kau koman ñōn ir mōke, im wojiblokloke, im likite ion kani, im jab likit kijeek iomin. 24 Im komin kir etan anij eo ami, im ña I naj kir etan Jeova, im

Anij eo ej uak kin kijeek, eñeo en Anij. Im armij otemjej rar uak im ba, Emõn am roñ.

25 Im Ilaija e ar ba ñõn ro dri kanan an Beal, Komin kålet juõn kau koman ñõn kom mõke, im kapoje mokta; bwe kom lõn, im komin kir etan ami anij, a komin jab likit kijeek iomin. 26 Im rar bõk kau koman eo ar lelok ñõn ir, im rar kapoje, im rar kir etan Beal jen jiboñ ñõn raelip, im re ba, O Beal, kwon eoroñ kim. A ejelok ainiken, ak jabrewõt eo ej uak. Im rar kelok iturin lokatok eo emwij kõmõnmõne. 27 Im ke e raelip, Ilaija e ar kajirere kake ir, im ba, Komin kanuij lamij; bwe e juõn anij, ej kalomõnlokjen, ak e ar ilok, ak ej etetal ijo etolok, ak bwelen ej kiki, im emõn kworuj e. 28 Im rar kanuij lamij, im bukwe enbwiniir, einwõt mõnit eo air, kin bõkbõk im jãji ko, inem bõtõktõk e ar torlok na ioir. 29 Im jen jebelin al rar drikanij ñõn ien katok in jota; a ejelok ainiken, ak jabrewõt eo ej uak, ak eoroñ ir.

30 Inem Ilaija e ar ba ñõn armij otemjej, Komin druaktok; im armij otemjej rar druaktok ñõn iben. Im e ar kõkal lokatok eo an Jeova, eo e ar jorran. 31 Im Ilaija e ar bõk joñoul ruo dreka, ekar ñõn oran bwijin ro nejin Jekob, ro nan in Jeova e ar itok ñõn ir im ba, Israel e naj etõm. 32 Im kin dreka ko e ar kalek juõn lokatok ilo etan Jeova; im e ar kõbij juõn jukur im kabol lokatok eo, e bwe ñõn ruo joñõk in ine. 33 Im e ar kilajrõk kani, im wojibloklok kau koman eo, im likite na ion kani. Inem e ar ba, Komin teñ emen jãbi relap kin dren, im lutõkloke ion men in katok kijeek eo, im ion kani. 34 Im e ar ba, Komin kõmõne alen ken ka ruo; im rar kõmõne alen eo ken ka ruo. Im e ar ba, Komin kõmõne alen ken ka jilu; im rar kõmõne alen eo ken ka jilu. 35 Im dren eo e ar torlok im kabol lokatok eo; im e ar bar-einwõt kalõn jukur eo kin dren. 36 Im ilo ien katok in jota, Ilaija dri kanan eo, e ar druaktok, im ba, O Jeova,

va, Anij an Ebrean, an Aisak, im an Israel, ren jela ranin, bwe Kwe Anij ilo Israel, im ña dri korijerõm, im bwe I ar kõmõn men kein otemjej kin Am in nan. 37 Kwon eoroñ iõ, O Jeova, Kwon eoroñ iõ, bwe armij rein ren jela bwe Kwe, Jeova, Kwõj Anij, im bwe Kwar bar ukõttok burueir. 38 Inem kijeek jen Jeova e ar buñ im tili men in katok kijeek eo, im kani, im dreka ko, im bõñõlñõl, im jorme dren ilo jukur eo. 39 Im ke armij otemjej rar loe, rar buñbero: im re ba, Jeova, ej Anij; Jeova, ej Anij. 40 Im Ilaija e ar ba ñõn ir, Komin jibwe ro dri kanan an Beal, ejelok juõn en dreor. Inem rar jibwe ir: im Ilaija e ar añinlok ir ñõn wea Kaishon im mõn ir ijo.

41 Im Ilaija e ar ba ñõn Ehab, Kwon wõnliñlok, kwon mõña im irak; bwe eor ainiken elõn wut. 42 Ein drein Ehab e ar wõnliñlen mõña im irak. Im Ilaija e ar wõnliñlok ñõn jebõn Karmel; im e ar bukweleõõ im lõrõk ikõtan buken. 43 Im e ar ba ñõn leo korijeran, Kwon wõnliñlok kiõ, im reimetolok. Im e ar wõnliñlok im reilok, im ba, Ejelok. Im e ar ba, Kwon bar ilok alen jiljilimjuõn. 44 Im ilo alen eo ken ka jiljilimjuõn, e ar ba, Lo, ej wõnliñlok jen lojit juõn kõro, biren pã. Im e ar ba, Kwon wõnliñlok, kwon ba ñõn Ehab, Kwon kapoje jariot eo'am, im wõnlõllok, bwe en jab wuten kabojõk yuk. 45 Im kiõlok jirik e kilmej lõn kin kõro im kõto, im e wut mejiljil. Im Ehab e ar uwe im ilok ñõn Jezriel: 46 im pein Jeova e ar ber ion Ilaija; im e ar kañõrñõr, im etõr iman Ehab ñõn kejem in Jezriel.

19 Im Ehab e ar kennanek Jezriel men ko otemjej Ilaija e ar kõmõni, im ekijkan e ar mõn dri kanan otemjej an Beal kin jãji. 2 Inem Jezebel e ar jilkinlok juõn dri jilik ñõn iben Ilaija, im ba, Ein drein anij ro ren kõmõn ñõn ña, im kalaplok, elañe I jab kõmõn bwe am mour en einwõt mour an juõn iair, mae ien in ilju. 3 Im ke leo e ar lo men in, e ar jutõk, im ko kin an mour, im itok ñõn

Bier-shiba, eo an Juda, im e ar likit leo korijeran ijo. 4 A e ar ilok ilo ial iomin juōn ran ilo ene jemaren, im e ar item jījōt iomin juōn wijki juniper: im e ar kajitōk kin e mōke bwe en mij, im e ar ba, Ebwe; kiō, O Jeova, kwon bōk ao mour; bwe I jab emōn jen ro jimaō. 5 Im e ar babu im kiki iomin wijki juniper eo; im lo, juōn enjel e ar uñire, im ba nōn e, Kwon jerkak im mōña. 6 Im e ar lale, im lo, i jabbōran juōn kek emwij kōmate ion melle ko, im juōn bōkā in dren. Im e ar mōña im irak, im bar babu. 7 Im enjel ōn Jeova e ar bar itok alen ken ka ruo, im uñire, im ba, Kwon jerkak im kabije, bwe kwo bane ial eo. 8 Im e ar jerkak, im mōña im irak, im e ar etetal ilo kajur in ekōn eo, eñoul ran im eñoul boñ nōn Horeb, tol in Anij.

9 Im e ar itok nōn ijo, nōn juōn roñ, im e ar jokwe ie; im lo, nan an Jeova e ar itok nōn e, im e ar ba nōn e, Kwoj it ijin, Ilaija? 10 Im e ar ba, Na I ar kanuij kamo kin Jeova, Anij in inelip eo; bwe ro nejin Israel rar ilok jen bujen eo Am, rar jolōllok lokatok ko Am, im rar mōn dri kanan ro Am kin jāji: im ña, aet, ña wōt juōn, ij berwōt; im rej bukot aō mour bwe ren bōke. 11 Inem E ar ba, Kwon driojlok, im jutōk ion tol iman Jeova. Im lo, Jeova e ar elā jen e, im juōn kōto elap im e kajur e ar ukjelli tol ko, im rupe dreka ko iman Jeova; a Jeova e ar jab ber ilo kōto eo: im elikin kōto eo, e makōtkit lōl; a Jeova e ar jab ber ilo an lōl makōtkit: 12 im elikin an makōtkit lōl, juōn kijeek; a Jeova e ar jab ber ilo kijeek eo: im elikin kijeek eo, juōn ainiken erik im emera. 13 Im ein drein ke Ilaija e ar roñjake, e ar binej mejen kin liboror eo an, im e ar driojlok im jutōk iman mejen roñ eo. Im lo, juōn ainiken e ar itok nōn e, im ba, Kwoj it ijin, Ilaija? 14 Inem e ar ba, Na I kar kanuij kamo kin Jeova, Anij in inelip eo; bwe ro nejin Israel rar ilok jen bujen eo Am, rar jolōllok lokatok ko Am, im mōn dri kanan ro Am kin

jāji; im ña, aet, ña wōt juōn, ij berwōt; im rej bukot aō mour bwe ren bōke.

15 Im Jeova e ar ba nōn e, Kwon ilok, jeblaklok ilo ial eo am nōn ene jemaren an Damaskōs: im ñe kwoj tōkāk kwon kabit Hazael bwe en kiñ ion Siria; 16 im Jihu nejin Nimshai kwon kabite bwe en kiñ ion Israel; im Ilaisha nejin Shepat dri Ebel-mihola kwon kabit e bwe en dri kanan im binej jenkwōm. 17 Im e naj ein drein, eo ej ko jen jāji eo an Hazael, Jihu e naj mōne, im eo ej ko jen jāji an Jihu, Ilaisha e naj mōne. 18 Mekarta, I naj likit nōn Iō jiljilimjuōn tausand ilo Israel, bukeir otemjej rar jab bukwelōlō nōn Beal, im loñir otemjej rar jab mejenmaik e.

19 Ein drein e ar ilok jen ijo, im e ar lo Ilaisha nejin Shepat, eo e ar tōblōl kin roñoul emen ox karuolok iman, im e iben ko eliktata; im Ilaija e ar ilok nōn iben, im jolok kobe eo an ion. 20 Im e ar likit ox ko, im etōrlōk nōn iben Ilaija, im ba, Ij akwelap bwe in mejenmaik jema im jinō, inem I naj lor yuk. Im e ar ba nōn e, Kwon bar jeblak; bwe ta eo I ar kōmōne nōn yuk? 21 Im e ar jeblak jen an lore, im e ar bōk ox ko ruo, im mōni, im kōmāt kōniekir kin ken jermal ko an ox ko, im e ar lelok nōn armij ro, im rar mōña. Inem e ar jutōk im etal lore Ilaija, im korijer nōn e.

20 Im Ben-hedad, kiñ in Siria, e ar kokweloktok aolepen jar in tōrinae eo an; im iben jilñoul ruo kiñ, kab ors ko im jariot ko: im e ar wōnliñlok im nitbwil Sameria, im tōrinaek e. 2 Im e ar jilkinlok ro dri jilik nōn iben Ehab kiñ in Israel, iloan jikin kwelok eo, im re ba nōn e, Ein drein Ben-hedad ej ba, 3 Am silver im gold aō; limaro beleōm bareinwōt im ajiri ro nejom, aet, ro remōntata iair aō. 4 Im kiñ in Israel e ar uak, im ba, Ekar nōn am in nan, aō iroi, O kiñ; ña am, im men otemjej iba. 5 Inem ro dri jilik re bar itok, im re ba, Ein drein Ben-hedad ej ba, Emwij

ađ jilkinwoj im ba, Kwo naj litok am silver, im am gold, im limaro beleđm, kab ajiri ro nejđm; 6 a I naj jilkinwoj ro dri korijera llju e nařin len in, im re naj okblj ilo mweo imđm im moko imđn ro drom; inem e naj ein drein, jabrewđt men eo emđn ilo mejeir, re naj jibwe im bđkilok.

7 Inem kiŃ in Israel e ar kirtok ridto ro otemjej in eneo, im ba, Komin lale, ij kajitđk, im lo ekijkan armij in ej bukot jarkđn nana: bwe e ar jiliktok řnđ iđ kin limaro belđ, im ro nejđ, im ađ silver, im ađ gold; im I ar jab abwin e. 8 Im ridto ro otemjej im armij otemjej rar ba řnđ e, Kwon jab eoroŃ e, im jab bđk řnđ buruen. 9 Kin men in, e ar ba řnđ ro dri jilik an Ben-hedad, Komin kennanek ađ iroi j kiŃ eo, Men otemjej kwar jiliktok řnđ iđ kake mokta, I naj kđmđne; a men in I ban kđmđne. Im ro dri jilik rar ilem bar bđklok nan řnđ iben. 10 Im Ben-hedad e ar jiliktok řnđ e, im ba, Anij ro ren kđmđn ein drein řnđ iđ, im kalaplok, elafe bđŃđlđŃđl an Sameria e bwe řnđ itđkin pā iben ro rej lor iđ. 11 Im kiŃ in Israel e ar uak im ba, Komin kennanek e, Eo ej kaŃđrŃđr ken tđrinae ko, en jab kimjāje einwđt eo ej wutiki. 12 Im Ben-hedad e ar roŃjake nan in ke e ar irak bwe en karek, e im kiŃ ro, ilo im nuknuk ko, im e ar ba řnđ ro dri korijeran, Komin kalejar. Im rar kalejar nae jikin kwelok eo.

13 Im lo, juđn dri kanan e ar druaktok řnđ iben Ehab kiŃ in Israel, im ba, Ein drein Jeova ej ba, Kwar lo jar in elap ke? lo, I naj ketđk e na ilo peđm ranin; im kwo naj jela bwe Na Jeova. 14 Im Ehab e ar ba, Kin wđn? Inem e ar ba, Ein drein Jeova ej ba, Kin likao in iroi j ro jen bukwđn ko. Inem e ba, Wđn eo en jino tđrinae eo? Im e ar uak, Kwe. 15 Inem e ar tiltil likao in iroi j ro jen bukwđn ko, im rubuki jilŃoul ruo: im elikir e ar tiltil armij otemjej, aet ro nejin Israel otemjej, jiljilimjuđn taušan.

16 Im rar drioi jlok ke e raelip. A Ben-hedad e ar irak im e karek ilo mo-

ko im nuknuk, e kab kiŃ ro, kiŃ ro jilŃoul ruo ro rar jibđŃ e. 17 Im likao in iroi j ro an bukwđn ko rar drioi jlok mokta; im Ben-hedad e ar jiliklok, im rar kenannek e im ba, Eor eman rar drioi jtok jen Sameria. 18 Inem e ar ba, Elafe rej drioi jtok kin ainemđn, komin jibwe ir, a elafe rej drioi jtok kin tđrinae, komin bareinwđt jibwe ir. 19 Ein drein rein rar drioi jtok jen jikin kwelok eo, likao in iroi j ro an bukwđn ko, im jar in tđrinae eo e ar lor ir. 20 Im rar mđn jabrewđt lair, armij eo kajen; im ro dri Siria rar ko, im dri Israel rar lukworkwor ir; im Ben-hedad kiŃ in Siria e ar ko ion juđn ors iben ro dri uwe ion ors ko. 21 Im kiŃ in Israel e ar drioi jlok im jebđke ors ko im jariot ko, im rar mđn ro dri Siria kin im elap.

22 Im dri kanan eo ar druaktok řnđ iben kiŃ in Israel, im e ar ba, Kwon ilok, kwon manjabbobo, im lale ta eo rej kđmđne; bwe ilo yiđ ej itok, kiŃ in Siria e naj wđnliŃlok nae yuk. 23 Im ro dri korijeran kiŃ in Siria rar ba řnđ e, Air anij ej anij in tol ko, kin men in rar kajur jen kij: a jen tđrinaek ir ijo ej biken wđt juđn, im emol je naj kajur jen ir. 24 Im kwon kđmđn men in, kwon bđk kiŃ ro, jabrewđt eman jen jikin, im binej jenkwair kin kapen ro; 25 im kwon bwini řnđ yuk jar in tđrinae, bar oran wđt jar in tđrinae eo am e joko, ors kin ors, im jariot kin jariot; inem je naj tđrinaek ir ijo biken wđt juđn, im emol je naj anjo jen ir. Im e ar eoroŃ ainikeir, im ein drein an kđmđn.

26 Inem ilo yiđ eo ej itok, Ben-hedad e ar tiltil ro dri Siria, im rar wđnliŃlok řnđ Epek bwe ren tđrinaek Israel. 27 Im rar tiltil ro nejin Israel, im na air jotal im rar drioi jlok nae ir, im ro nejin Israel rar kamp imair einwđt ruo bwij erik bwijin kon in got ko; a ro dri Siria rar kobrđk eneo. 28 Im armij đn Anij e ar druaklok im konono řnđ kiŃ in Israel, im ba, Ein drein Jeova ej ba, Kin an ro dri Siria ba, Jeova ej anij in tol ko, a e jab anij in komlđl ko, inem I



naj ketōk aolepen jar eo elap na ilo peōm, im kom naj jela bwe Ņa Jeova. 29 Im rar kamp jelmae dron jiljilimjuōn ran. Im ein drein ilo ran eo ken ka jiljilimjuōn rar kobep; im ro nejin Israel rar mōn ian ro dri Siria jibuki tausan dri etetal ilo juōn ran. 30 A ro mātōn iri rar ko nōn Epek, im worwor eo e ar eolok im buñōt roñoul jiljilimjuōn tausan ian ro rej berwōt. Im Ben-hedad e ar ko, im dreloñ ilo jikin kwelok eo, ilo juōn bo etino.

31 Im ro dri korijeran rar ba nōn e, Lo kiō, jar roñjake bwe kiñ ro an imōn Israel re joi: kim akwelap bwe jen kōnōk nuknuk eklep iren ion iber, im to ko ion bōrer, im drioielok nōn iben kiñ in Israel: bwelen e naj lomoren mour eo am. 32 Ein drein rar kañōrñōr ir kin nuknuk eklep iren, im likit to ko ion bōrair, im rar itok nōn iben kiñ in Israel, im ba, Dri korijerōm Ben-hedad ej ba, Ij akwelap bwe kwon kejbārok aō mour. Im e ar ba, Ej mour wōt ke? e jātiō. 33 Ak lōmaro rar kanuij kalimjeke, im kijorur in jela elañe ej ber ilo buruen; im re ba, Jātōm Ben-hedad. Inem e ar ba, Komin ilen āñintok e. Inem Ben-hedad e ar drioielok nōn iben; im e ar ektōk e ilo jariot eo. 34 Im Ben-hedad e ar ba nōn e, Jikin kwelok ko jema e ar bōk jen jemōm, I naj bar liwoj; im kwo naj kōmōn ial ko nōn kwe ilo Damaskōs, einwōt jema e ar kōmōn ilo Sameria. Im űa, Ehab ej ba, I naj kōtlok yuk kin bujen in. Ein drein e ar kōmōn bujen iben, im kōtlok e.

35 Im juōn eman ian ro nejin dri kanan ro e ar ba nōn leo jeran kin nan jen Jeova, Kwon mōn iō, ij akwelap. Im armij eo e ar abwin mōn e. 36 Inem e ar ba nōn e, Kin am jab bokake ainiken Jeova, lo, űe kwoj ilok jen iba, e naj mōkōj an juōn laion mōn yuk. Im kiōkiō ke e motlok, e mōkōj an juōn laion lo e im mōn e. 37 Inem e ar lo bar juōn eman, im e ba, Kwon mōn iō, ij akwelap. Im armij eo e ar mōn e, im kakiniñij e. 38 Ein drein dri kanan

eo e ar ilok, im kōtar kiñ eo ilo ial, im mōke kejakilkil e kin ken kitimi bōran ion mejen. 39 Im ke kiñ eo ej elā, e ar kir nōn kiñ eo; im e ba, Na korijerōm I ar drioielok ilo tōrinae eo, im lo, juōn eman e ar jeortok, im āñintok juōn eman nōn iba, im e ar ba, Kwon kejbārok lein: elañe leo e joko ilo jabrewōt wāwen, inem am mour e naj wōnan an mour, a elañe jab kwo naj kōlla juōn talent in silver. 40 Im ke űa korijerōm ij jerbāl bōjik iji im ijueo, e joko. Im kiñ in Israel e ar ba nōn e, Ein drein ekajet eo am; kwe wōt kwar beike. 41 Im e ar mōkōj im bōk nuknuk eo jen mejen; im kiñ in Israel e ar kile bwe e juōn ian ro dri kanan. 42 Im e ar ba nōn e, Ein drein Jeova ej ba, Kin am kōtlok jen peōm armij eo I ar likite drien mij, inem am mour e naj joko kin mour eo an, im ro drom kin ro dron. 43 Im kiñ in Israel e ar ilok nōn mweo imōn, erro buruen im illu, im itok nōn Sameria.

**21** Elikin men kein, iben Nebot dri Jezriel, juōn bwil in grep, eo ilo Jezriel, im e ar atartar i mweo imōn Ehab kiñ, in Sameria. 2 Im Ehab e ar konono nōn Nebot, im ba, Kwon letok am bwil in grep bwe en aō jikin kallip nōn ine ko, bwe ebak mweo imō: im I naj lewoj juōn bwil in grep emōn jen e: ak, elañe emōn ibōm, I naj lewoj wōnan mōñni. 3 Im Nebot e ar ba nōn Ehab, Jeova en bōprae aō lewoj nōn yuk lāmoren jen ro jimaō. 4 Im Ehab e ar dreloñ ilo mweo imōn, erro buruen im illu kin nan eo Nebot dri Jezriel e ar ba nōn e; bwe emwij an ba, I jamin lewoj lāmoren jen ro jimao. Inem e ar babu ion aowej eo an, im e ar illok mejen, im e ar makoko in mōña bred.

5 A Jezebel, lio belen, e ar itok nōn iben, im e ba nōn e, Etke am ej buromōj, inem kwo jab mōña bred? 6 Im e ar ba nōn lio, Kin ke I ar konono nōn Nebot dri Jezriel, im ba nōn e, Kwon letok bwil in grep eo am kin mōñni; a elañe ein juōn, űe emōn ibōm, I naj lewoj bar juōn bwil in

grep kin e : im e ar uak, I jamin lewoj aō bwil in grep. 7 Im Jezebel, lio belen, e ar ba ñon e, Kweo kwoj kiñ ion ailiñ in Israel ke? kwon jerkak, im mōña bred, im buruōm en mōñōñō: ña, I naj lewoj bwil in grep an Nebot dri Jezriel. 8 Ein drein lio e ar jeje letter ko ilo etan Ehab, im e ar sile kin sil eo an, im e ar jilkinlok letter ko ñon ridto ro im iroi ro ilo jikin kwelok eo an, im rar jokwe iben Nebot. 9 Im e ar je ilo letter ko, im ba, Komin kwalok juōn jitlok, im likit Nebot eutiey ilo bwiljin armij rōn : 10 im komin likit ruo eman, rewan, iman, im ren kennan nae e, im ren ba, Kwar kebele Anij im kiñ eo. Inem komin kadrioijlok e, im kare kin dreka bwe en mij.

11 Im man ro an jikin kwelok eo an, aet, ridto ro, im iroi ro rar jokwe ilo jikin kwelok eo, rar kōmōn einwōt Jezebel e ar jiliklok ñon ir, ekar ñon nan eo emwij jeje ilo letter ko e ar jilkinlok ñon ir. 12 Rar kwalok juōn jitlok, im rar koutiej Nebot i bwiljir. 13 Im lōmaro ruo rewan, rar dreloñlok im jijōt iman : im ro rewan rar kennan nae e, aet, nae Nebot, iman armij ro, im ba, Nebot e ar kebele Anij im kiñ eo. Inem rar kadrioijlok e jen jikin kwelok eo, im rar kare kin dreka, ñon ien e mij. 14 Inem rar jiliklok ñon Jezebel, im ba, Emwij kare Nebot kin dreka, im e mij. 15 Im ke Jezebel e ar roñjake bwe emwij kare Nebot kin dreka, inem e mij, Jezebel e ar ba ñon Ehab, Kwon jerkak im bōk am bwil in grep an Nebot dri Jezriel, eo e ar abwin lewoj kin mōñni ; bwe Nebot e jab mour, a e mij. 16 A ke Ehab e ar roñjake bwe Nebot e mij, e ar jerkak im wōñliñlok ñon bwil in grep an Nebot, dri Jezriel, bwe en bōke.

17 Im nan an Anij e ar itok ñon Ilaija dri Tishba, im ba, 18 Kwon jutōk, kwon wōñlōlok in wōnmae Ehab kiñ in Israel, eo ej jokwe ilo Sameria; lo, ej ilo bwil in grep an Nebot, ijo e ar wōñlōlok bwe en bōke. 19 Im kwon konono ñon e, im ba, Ein drein Jeova ej ba, Emwij am mōn ke, im

kwar bareinwōt bōke ke? Im kwo naj konono ñon e im ba, Ein drein Jeova ej ba, Ilo jikin eo kiru roror rar drōmije bōtōktōkin Nebot, kiru roror re naj drōmije bōtōktōkōm, aet am. 20 Im Ehab e ar ba ñon Ilaija, Kwar lo iō ke, O kwe dri kijirāte iō? Im e ar uak, Emwij aō lo yuk, kin ke kwar mōke wiakake yuk bwe kwon kōmōn nana iman mejen Jeova. 21 Lo, I naj bōktok nana iom, im I naj kanuj bioklok yuk, im I naj bukweklo jen Ehab, jabrewōt nejin man, im eo emwij kile im eo ej inabij ilo Israel: 22 im I naj kōmōn mweo imōm einwōt mweo imōn Jeroboam nejin Nibat, im einwōt mweo imōn Beasha nejin Ehaija, kin nana eo kwar kaillu Iō kake, im eo kwar kabwir Israel kake. 23 Im kin Jezebel bareinwōt, Jeova e ar konono im ba, Kiru roror re naj kōñe Jezebel iturin worwor in Jezriel. 24 Eo an Ehab ej mij ilo jikin kwelok, kiru roror re naj kōñe; im eo ej mij ilo melaj, bao in mejatoto re naj kōñe. 25 (A ejelok juōn einwōt Ehab, eo e ar mōke wiakake bwe en kōmōn nana iman mejen Jeova, eo Jezebel lio belen e ar karel e. 26 Im e ar kōmōn men in jōjōik ko kin an lor ekjōp ko, ekar ñon men ko otemjej ro dri Amor rar kōmōni, ro Jeova e ar lelok ir jen iman ro nejin Israel.)

27 Im ke Ehab e ar roñjake nan kein, e ar kekel nuknuk ko an, im kōñōk nuknuk eklep iren, im jitlok, im babu ilo nuknuk eklep iren, im jokmera. 28 Im nan an Jeova e ar itok ñon Ilaija dri Tishba, im ba, 29 Kwoj lo ekijkan Ehab ej kōtaik e imaō ke? kin an mōke kōtaik e imaō. I jamin bōktok nana eo ilo ran ko an; a ilo ran ko an leo nejin I nej bōktok nana eo ion mweo imōn.

22 Im iomin jilu yiō ejelok tōñnae ikōtan Siria im Israel. 2 Im ilo yiō eo ken ka jilu, Jihoshapat kiñ in Juda e ar wōñlōltok ñon iben kiñ in Israel. 3 Im kiñ in Israel e ar ba ñon ro dron, Komij jela bwe Remot-giliad ej ar, im jej ikōñ, im jab bōk e jen pein kiñ in Siria ke?

4 Im e ar ba nōn Jihoshapat, Kwo kōnan ilok ibalok nōn tōrinae i Remot-giliad ke? Im Jihoshapat e ar ba nōn kiñ in Israel, Ña einwōt kwe, ro droō rej einwōt rō drom, im ors ko aō einwōt bar ors ko am.

5 Im Jihoshapat e ar ba nōn kiñ in Israel, Kwon kajitōk mokta, ij akwelap, kin nan in Jeova. 6 Inen <sup>1</sup>kiñ in Israel e ar kokweloktok ro dri kanan, e nañin ābuki armij, im e ba nōn ir, In ilok mae Remot-giliad im tōrinae ke, jab ke? Im re ba, Kwon wōnliñlok; bwe Iroi j e naj ketōk e na ilo pein kiñ ne. 7 A Jihoshapat e ar ba, E bar or dri kanan an Jeova ijin ke, bwe jen kajitōk iben? 8 Im kiñ in Israel e ar ba nōn Jihoshapat, bar mātōn juōn eman je maroñ in kajitōk iben Jeova kake, Maikeia nejin Imla: a ij drike; bwe e jab drikanij emōn kin ña, a nana. Im Jihoshapat e ar ba, En jab ein drein an kiñ ba. 9 Inem kiñ in Israel e ar kirtok juōn dri kabwijrōk, im ba, Kwon āñintok mōkōj Maikeia nejin Imla. 10 Ak kiñ in Israel im Jihoshapat kiñ in Juda rej jimor jijōt ion tron ko air, im rar kōnōk liboror ko air, liboror in kiñ, ilo juōn jikin e alikar iman kejem in Sameria; im dri kanan ro otemjej rej drikanij imairo. 11 Im Zedekaia nejin Keneana, e ar kōmōnmōn nōn e drun māl ko, im e ba, Ein drein Jeova ej ba, Kin men kein kwo naj iunlok ro dri Siria mae ien re joko otem joko. 12 Im dri kanan ro otemjej rar drikanij einwōt, im re ba, Kwon wōnliñlok nōn Remot-giliad im jerammōn; bwe Jeova e naj ketōk e na ilo pein kiñ ne.

13 Im dri jilik eo e ar ilen kirtok Maikeia e ar konono nōn e, im ba, Lo, kiō nan ko an dri kanan rej kwalok emōn nōn kiñ eo kin loñir wōt juōn: am in nan, ij akwelap, en einwōt nan an juōn iair, im kwon konono emōn. 14 Im Maikeia e ar ba, Einwōt Jeova e mour, men eo Jeova ej ba nōn iō, nan eo I naj kwalok e. 15 Im ke e ar itok nōn iben kiñ eo, kiñ co e ar ba nōn e, Maikeia, jen ilok

nōn Remot-giliad nōn tōrinae ke, jab ke? Im e ar uak e, Kwon ilok im jerammōn; im Jeova e naj ketōke na ilo pein kiñ ne. 16 Im kiñ eo e ar ba nōn e, Jete alen aō naj kanōjniñ nōn yuk, bwe kwon kwalok nōn iō ejelok, a mol wōt ilo etan Jeova? 17 Im e ar ba, I ar lo aolepen dri Israel re jibliklik ion tol ko, einwōt sip ko ejelok air seperd: im Jeova e ba, Rein ejelok air iroi j; ren jeblaklok, jabrewōt iair nōn mweo imōn, ilo ainemōn. 18 Im kiñ in Israel e ar ba nōn Jihoshapat, I ar jab kennanek yuk bwe e jamin drikanij emōn kin ña, a nana ke? 19 Im Maikeia e ar ba, Inem kwon roñjake nan an Jeova: Ña I ar lo Jeova ej jijōt ion tron eo An, im dri lōñ otemjej rej jutōk iturin i anbijmaroñōn im i anmiñin. 20 Im Jeova e ar ba, Wōn e naj mone Ehab, bwe en wōnliñlok im buñ i Remot-giliad? Im juōn e ar konono ilo juōn wāwen; im bar juōn e ar ba ilo wāwen juōn. 21 Im e ar drioijtok juōn jītōb, im ej jutōk iman Jeova, im e ba, Ña I naj mone. 22 Im Jeova e ar ba nōn e, Kin ta? Im e ba, I naj drioijlok im I naj juōn jītōb in riōp ilo loñin dri kanan ro an otemjej. Im E ar ba, Kwo naj karel e, im kwo naj bareinwōt anjo: kwon drioijlok, im kōmōn einwōt. 23 Inem kiō, lo, emwij an Jeova likit juōn jītōb in riōp ilo loñin dri kanan rein otemjej am; im Jeova ej konono jerata kin kwe.

24 Inem Zedekaia nejin Keneana e ar druaktok im ubrare Maikeia ion jeben, im ba, Ilo ial ōt Jitōb ōn Jeova e ar ilok jen ña bwe en konono nōn yuk? 25 Im Maikeia e ar ba, Lo, kwo naj lo ilo ran eo, ñe kwoj dreloñ ilo juōn rum etino bwe kwon tilekek. 26 Im kiñ in Israel e ba, Komin bōk Maikeia, im kajeblok e nōn iben Amon, iroi j in jikin kwelok eo, im nōn Joash leo nejin kiñ; 27 im komin ba, Ein drein kiñ eo ej ba, Komin likit kijōk in ilo prison eo, im najirik e kin bred in iñtan im dren in iñtan, mae ien aō itok ilo ainemōn. 28 Im Maikeia e ba, Elañe kwoj jeblak wōt ilo ainemōn, Jeova e ar jab konono kin ña.

Im e ba, Komin roñjake, kom dri ailiñ ko otemjej.

29 Ein drein kiñ in Israel im Jihoshapat kiñ in Juda rar wõnliñlok ñõn Remot-giliad. 30 Im kiñ in Israel e ar ba ñõn Jihoshapat, I naj mõke kejakilkil iõ, im ilok ilo tõrinae eo; a kwon kõnõk am nukuk in kiñ. Im kiñ in Israel e ar mõke kejakilkil e, im ilok ñõn tõrinae eo. 31 Ak kiñ in Siria e ar jiroñ kapen ro jilñoul ruo in jariot ko an, im ba, Komin jab tõrinaek ro redrik ak ro relap, kiñ in Israel wõt. 32 Im ke kapen ro an jariot ko rar lo Jihoshapat, rar ba, Emol e kiñ in Israel; im rar jeorlok in tõrinaek e: im Jihoshapat e ar lamij. 33 Im ke kapen ro an jariot ko rar lo bwe e jab kiñ in Israel, rar ok-tõklik jen air lukworkwore. 34 Im juõn eman e ar kiele libon eo an ñõn jabrewõt, im e ar lil kiñ in Israel ikõt-tan mõtõn ko mõtõn ken tõrak eo an, kin men in e ar ba ñõn eo e ar lale jariot eo an, Kwon ukõt peõm, im bõklok iõ jen jar in tõrinae; bwe I kanuij kwõt. 35 Im tõrinae eo e ar laplok ran eo: im rar jibõn kiñ eo ilo jariot eo an nae ro dri Siria, im e mij ke ejota; im bõtõktõkin e ar torlok jen kinej eo kinjen ilo kabin jariot eo. 36 Im ke e nañin tulok al juõn lamij e ar driblok jar in tõrinae eo, im ba, Jabrewõt armij ñõn jikin kwelok eo an, im jabrewõt armij ñõn enen.

37 Ein drein kiñ eo e ar mij, im rar bõktok e ñõn Sameria; im rar kalibwin kiñ eo i Sameria. 38 Im rar kwole jariot eo iturin lwe in Sameria; im kiru roror rar drõmije bõtõktõkin, (ak kõra rekijoñ re kin tutu ijo); ekar ñõn nan an Jeova eo e ar konono kake. 39 Ak jerbak ko jet an Ehab, im men otemjej e ar kõmõni, im mwõ imõn aivori e ar kaleke, im jikin kwelok otemjej e ar kaleki, ar jab jeje kake ilo buk in bwebwenato ko an kiñ ro in Israel ke? 40 Ein drein Ehab e ar kiki iben ro jiman;

im Ehazaia nejin, e ar kiñ im binej jenkwõn.

41 Im Jihoshapat nejin Esa e ar jino an kiñ ion Juda ilo yiõ eo ken kemen an Ehab iroiñ ion Israel. 42 Jihoshapat e ar ridtõn jilñoul lailim yiõ ke e ar jino an kiñ; im e ar kiñ iomin roñoul lailim yiõ i Jerusalem. Im etan jinen, Ezuba, lio nejin Shilhai. 43 Im e ar etetal ilo aolepen ial an Esa jemen; e ar jab jeorlok jen e, im e ar kõmõn emõn iman mejen Jeova: ijoke, rar jab jolok jikin ko reutiej; armij ro rej katok wõt im kõkaijurjur ilo jikin ko reutiej. 44 Im Jihoshapat e ar kõmõn ainemõn iben kiñ in Israel.

45 Ak jerbak ko jet an Jihoshapat, im kajur eo e ar kwaloke, im ekijkan an tõrinae, rar jab jeje ilo buk in bwebwenato ko in kiñ ro in Juda ke? 46 Im mätõn ro dri Sodom, ro rar berwõt jen ran ko an Esa jemen, e ar jolok ir jen eneo. 47 Im ejelok kiñ i Idom; juõn e jab kiñ ej iroiñ ie. 48 Jihoshapat e ar kõmõnmõn wa ko i Tarshish bwe ren ilok ñõn Opir kin gold; a rar jab ilok; bwe e rup wa ko i Izaion-giber. 49 Inem Ehazaia nejin Ehab e ar ba ñõn Jihoshapat, ro dri korijera ren uwe iben ro dri korijerõm ilo wa ko. A Jihoshapat e ar kiki iben ro jiman, im rar kalibwin e iben ro jiman ilo jikin kwelok an Devid jemen; im Jehoram e ar binej jenkwõn im kiñ.

51 Ehazaia nejin Ehab e ar jino in kiñ ion Israel i Sameria ilo yiõ eo ken ka joñoul jiljilimjuõn an Jihoshapat kiñ ion Juda, im e ar kiñ ion Israel iomin ruo yiõ. 52 Im e ar kõmõn nana iman mejen Jeova, im etetal ilo ial an jemen, im ilo ial an jinen, im ilo ial an Jeroboam nejin Nibat, eo e ar kabwir Israel kake. 53 Im e ar jerbak ñõn Beal, im kabuñ ñõn e, im e ar kaillu Jeova, Anij in Israel, ekar ñõn aolepen men ko jemen e ar kõmõne.

# KIÑ RO

**1** Im Moab e ar kabata nae Israel elikin an Ehab mij. **2** Im Ehazaia e ar buñ jen windo ilo bo in mweo imõn ilo Sameria, inem e nañinmij: im e ar jilkinlok ro dri jilik, im ba ñõn ir, Komin ilok, im kajitõk iben Beal-zibub, anij in Ekron, elañe I naj mour jen nañinmij in. **3** A enjel õn Jeova e ar ba ñõn Ilaija dri Tishba, Kwon jutõk, im ilen wõnmae ro dri jilik jen kiñ in Sameria, im ba ñõn ir, Komij ilen kajitõk iben Beal-zibub, anij in Ekron, kin ke ejelok Anij ilo Israel ke? **4** Inem kiõ ein drein Jeova ej ba, Kwo jamin to jen aowej ne ijo kwar uwe ie, a emol kwo naj mij. Im Ilaija e ar ilok.

**5** Im ro dri jilik rar jeblaktok ñõn iben, im e ar ba ñõn ir, Etke komij roltok? **6** Im re ba ñõn e, Juõn eman e ariten wõnmae kim, im e ar ba ñõn kim, Komin jeblak ñõn kiñ eo e ar jilkinlok kom, im ba ñõn e, Ein drein Jeova ej ba, Kwoj jilkinlok im kajitõk iben Beal-zibub, anij in Ekron, kin ke ejelok Anij ilo Israel ke? kin men in kwo jamin to jen aowej ne ijo kwar uwe ie, a emol kwo naj mij. **7** Im e ar ba ñõn ir, Ie ein man eo e ar iten wõnmae kom, im kenanek kom men kein? **8** Im re uak e, E juõn eman ekolole, im juõn kõñõr kilin kiru ej kabol ibin. Im e ar ba, Ej Ilaija dri Tishba.

**9** Inem kiñ eo e ar jilkinlok juõn kapen in limñoul, im ro limñoul dron iben. Im e ar wõnliñlok ñõn iben: im lo, ej jiyõt ion jabõn tol eo. Im e ar ba ñõn e, O armij õn Anij, kiñ eo e ar ba, Kwon wõnlõltok. **10** Im Ilaija e ar uak im ba ñõn kapen in limñoul eo, Elañe ña juõn armij õn Anij, kijeek en wõnlõltok jen lõn im tile yuk im ro limñoul drom. Im kijeek e ar wõnlõltok jen lõn im tile leo in limñoul ro dron. **11** Im e bar jil-

kinlok ñõn e juõn kapen in limñoul, im ro limñoul dron. Im e ar uak im ba ñõn e, O armij õn Anij, ein drein kiñ eo e ar ba, Kwon jarõplõltok. **12** Im Ilaija e ar uak im ba ñõn ir, Elañe ña juõn armij õn Anij, kijeek en wõnlõltok jen lõn, im tile yuk im ro limñoul drom. Inem kijeek an Anij e ar wõnlõltok jen lõn, im tile leo im ro limñoul dron. **13** Im e ar bar jilkinlok juõn kapen in limñoul, eo ken ka jilu, iben limñoul ro dron. Im kapen eo ken ka jilu im ro limñoul dron rar wõnliñlok, im item bukwelõlõ iman Ilaija, im akwelap ñõn e, im ba ñõn e, O armij õn Anij, ij akwelap bwe aõ mour, im mour an rein limñoul ro dri kõrijerõm, ren aurõk iman mejõm. **14** Lo, kijeek e ar wõnlõltok jen lõn, im tile kapen ro ruo mokta, kapen in limñoul kab limñoul ro droir; a kiõ aõ mour en aurõk iman mejõm. **15** Im enjel õn Jeova e ar ba ñõn Ilaija, Kwon wõnlõllok iben: kwon jab mijõk e. Im e ar jutõk, im wõnlõllok ñõn iben kiñ eo. **16** Im e ar ba ñõn e, Kin am jilkinlok ro dri jilik bwe kwon kajitõk iben Beal-zibub, anij in Ekron, men in bwe ejelok Anij in Israel bwe kwon kajitõk An in nan ke? kin men in, kwo jamin to jen aowej ne ijo kwar uwe ie, a emol kwo naj mij.

**17** Ein drein e ar mij ekar ñõn nan an Jeova, eo Ilaija e ar konono kake. Im Jehoram e ar jino in kiñ, im binej jenkwõn, ilo iyõ eo ken ka ruo an Jehoram nejin Jihoshapat kiñ in Juda; bwe ejelok nejin man. **18** Ak jermal ko jet an Ehazaia, ko e ar kõmõni, ar jab jeje ilo buk in bwebwenato ko an kiñ ro in Israel ke?

**2** Im ke Jeova e kõnan<sup>1</sup> bõklntok Ilaija kin juõn aire ñõn lõn, Ilaija e ar ilok iben Ilaisha jen Gilgal.

<sup>1</sup> Jen. 6. 24.

2 Im Ilaija e ar ba ñon Ilaisha, Kwon berwöt ijin, ij akwelap; bwe Jeova e ar jilkinlok iö ñon Betel. Im Ilaisha e ba, Einwöt Jeova e mour, im einwöt kwoj mour, I jamin ilok jen kwe. Ein drein rejro wönlölok ñon Betel. 3 Im lömaro nejin dri kanan ro i Betel rar drioijtök ñon iben Ilaisha, im ba ñon e, Kwo jela bwe Jeova e naj bök karo eo am jen böröm ranin ke? Im e ba, Aet, I jela; komin kejeklokjen. 4 Im Ilaija e ar ba ñon e, Ilaisha, kwon berwöt ijin, ij akwelap; bwe Jeova e ar jilkinlok iö ñon Jeriko. Im e ar ba, Einwöt Jeova e mour, im einwöt kwoj mour, I jamin ilok jen kwe. Ein drein rejro itok ñon Jeriko. 5 Im lömaro nejin dri kanan ro i Jeriko, rar druaktök ñon iben Ilaisha, im ba ñon e, Kwo jela bwe Jeova e naj böklok karo eo am jen böröm ranin ke? Im ej uak, Aet, I jela; komin kejeklokjen. 6 Im Ilaija e ar ba ñon e, Kwon berwöt ijin, ij akwelap, bwe Jeova e ar jilkinlok iö ñon Jordan. Im e ar ba, Einwöt Jeova e mour, im einwöt kwoj mour, I jamin ilok jen kwe. Im irro rar etal wöt. 7 Im limñoul man ian ro nejin dri kanan ro rar ilok, im jutök ikijer im toane ir: im irro jutök iturin Jordan. 8 Im Ilaija e ar bök liboror eo an, im lukti, im dreñlokwe dren ko, im rar jibil jen dron ñon ijen im ijen, ein drein rejro elä ion ene emöra. 9 Im ke emwij air elälok, Ilaija e ar ba ñon Ilaisha, Kwon kajitök ta eo I naj kōmōne ñon yuk, mokta jen böklok iö jen kwe. Im Ilaisha e ar ba, Ij kajitök bwe en ruo alen am jitöb ber iö. 10 Im e ar ba, Kwar kajitök juön men ebin: ijoke, elañe kwoj lo iö ñe naj böklok iö jen iböm, e naj ein drein ñon yuk; a elañe jab, e jamin einwöt. 11 Im ke rejro etal wöt, im konono, lo, e ar walok juön jariot kijeek, im ors ko kijeek, ko rar kijbil ir jen dron: im Ilaija e ar wönlölok ilo juön aire ñon löñ. 12 Im Ilaisha e ar loe, im e ar lamij, Jema, jema, jariot ko an Israel, im dri uwe ion ors ro an!

Im e ar jab bar loe: im e ar jibwe

ko an möke, im kekele ilo ruo mötön. 13 Ej bareinwöt kapjere liboror an Ilaija, eo e ar wutlok jen e, im e ar jeblak, im jutök i töreran Jordan. 14 Im e ar bök liboror an Ilaija eo e ar wutlok jen e, im e ar dreñlokwe dren ko, im ba, Ewi Jeova, Anij an Ilaija? Im ke e ar bareinwöt dreñlokwe dren ko, rar jibil, ijen im ijen; im Ilaisha e ar elälok.

15 Im ke lömaro nejin dri kanan ro, i Jeriko ikijen, rar loe, re ba, Jitöb ön Ilaija ej juk ion Ilaisha. Im rar iten wönmae e, im barikrik jen e ion löl. 16 Im rar ba ñon e, Lo kiö, iben ro dri korijeröm limñoul man re kajur; ren ilok, kimij akwelap ñon yuk, im bukot karo eo am, ñe ab Jitöb ön Jeova e ar bökliñlok im jolölok e ion juön tol, ak ilo juön komlö. Im e ar ba, Kom jamin jilkinlok. 17 Im ke rar akwelap ñon e mae ien e jok kake, e ar ba, Komin jilkinlok. Inem rar jilkinlok limñoul eman, im kabukot e iomin jilu ran, a re jabloe. 18 Im rar jeblak ñon iben ke e ar berwöt i Jeriko; im e ba ñon ir, I ar jab ba ñon kom ke, Komin jab ilok?

19 Im ro dri jikin kwelok eo rar ba ñon Ilaisha, Kwon lale, kim akwelap, emön biktokin jikin kwelok in, einwöt aö iroi j ej lo: a dren eo e nana, im eneo e lourö. 20 Im e ar ba, Komin böktök ñon iö juön böka ekal, im likit jätök na iloan. Im rar böktök ñon iben. 21 Im e ar drioijlok ñon unin dren ko, im ej jolok jätök eo na iloan, im ba, Ein drein an Jeova ba, Emwij Aö kemour dren kein; e naj ejelok bar jet mij ak lourö jen ijo. 22 Ein drein e enno dren ko ñon ranin, ekar ñon nan eo Ilaisha e ar konono kake.

23 Im e ar wönlölok jen ijo ñon Betel; im ke e ar wönlölok ilo ial eo, jet ladrik rar drioijlok jen jikin kwelok eo, im rar kajirene kake e, im re ba ñon e, Kwon wönlölok, kwe kwumät; kwon wönlölok kwe kwumät. 24 Im e ar oktöklik im lo ir, im e ar kebel ir ilo etan Jeova. Im ruo baer koköra rar drioijtök jen bukwön wijki ko, im rar kekel eñoul ruo ladrik

lair. 25 Im e ar ilok jen ijo ñõn tol Karmel, im jen ijo e ar jeblak ñõn Sameria.

**3** Jehoram nejin Ehab e ar jino in kiñ ion Israel ilo yiõ eo ken ka drualitõk an Jihoshapat kiñ ion Juda, im e ar kiñ iomin joñoul ruo yiõ. 2 Im e ar kõmõn nana iman mejen Jeova, a e jab einwõt kar jemen, ak einwõt jinen; bwe e ar jolok jurõn Beal eo jemen e ar kõmõnmõne. 3 Ijoke, e ar edrep ñõn jerawiwi ko an Jeroboam nejin Nibat, ko e ar kabwir Israel kake; e ar jab illok jeni.

4 Ak Misha kiñ in Moab juõn dri mweie kin sip; im e ar lelok ñõn kiñ in Israel kolan jibuki tausan lam, im jibuki tausan sip koman. 5 A ke e mij Ehab, kiñ in Moab e ar kabata nae kiñ in Israel. 6 Im kiñ Jehoram e ar driojlok jen Sameria ien eo, im e ar teltillok ro dri Israel otemjej. 7 Im e ar ilem jiliklok ñõn Jihoshapat kiñ in Juda, im ba, Kiñ in Moab e ar kabata nae iõ: kwo kõnan ilen tõrinaek Moab iba ke? Im e ar ba, I naj wõnliñlok, ña einwõt kwe, ro droõ einwõt ro drom, ors ko aõ einwõt ors ko am. 8 Im e ar ba, Ial õt jen wõnliñlok ie? Im e ar ba, Ial in ene jemaren in Idom. 9 Ein drein kiñ in Israel e ar ilok, im kiñ in Juda, im kiñ in Idom; im rar etetal ilo ial likijerer iomin jiljilimjuõn ran: im ejelok limen jar in tõrinae eo, ak kiru ko rar lor ir. 10 Im kiñ in Israel e ar ba, Yok! bwe Jeova e ar kokweloktok kiñ rein jilu in ketõk ir na ilo pein Moab. 11 A Jihoshapat e ar ba, Eorke juõn dri kanan ijin an Jeova, bwe jen kajitõk iben Jeova kin e? Im juõn ian ro dri korijeran kiñ in Israel e ar uak im ba, Ilaisha nejin Shepat ej ber ijin, eo e ar lutõklok dren ion pein Ilaija. 12 Im Jihoshapat e ar ba, Nan an Jeova ej ber iben. Ein drein kiñ in Israel im Jihoshapat im kiñ in Idom rar wõnlõlok ñõn iben.

13 Im Ilaisha e ar ba ñõn kiñ in Israel, Ta eo ibõm im iba? kwon ilok ñõn dri kanan ro an jemõm, im ñõn dri

kanan ro an jinõm. Im kiñ in Israel e ar ba ñõn e, Jab; bwe Jeova e ar kokweloktok kiñ rein jilu in ketõk ir na ilo pein Moab. 14 Im Ilaisha e ar ba, Einwõt Jeova in inelip eo e mour, Eo ña ij jutõk iman, emol, elañe e kar jab Jihoshapat kiñ in Juda ijin, I jamin kar reiwoj, ak lo yuk. 15 A kiõ komin añintok ñõn iba juõn dri kajõñjõñ. Im ke dri kajõñjõñ eo ej kajõñjõñ, pein Jeova e ar itok ion. 16 Im e ar ba, Ein drein an Jeova ba, Komin kõmõn elõñ jukur ilo komlõl in. 17 Bwe ein drein Jeova ej ba, Kom jamin lo kõto, im kom jamin lo wut; a komlõl in e naj lõñ kin dren, im kom naj jimor irak, kom im kiru ko ami. 18 Im men in emera iman mejen Jeova: E naj bareinwõt ketõk ro dri Moab na ilo peõmi. 19 Im kom naj kokkure jabrewõt jikin kwelok eor an worwor, im jabrewõt jikin kwelok e kanuij emõn, im kom naj juokwe jabrewõt wijki emõn, im binej unin dren ko otemjej, im kokkure jabrewõt mõtõn ene emõn kin dreka ko. 20 Im ke ejiboñ, e nañin ien katok, lo, e ar walok dren ilo iallok ñõn Idom, im elõñ eneo kin dren.

21 Ke ro dri Moab rar roñjake bwe kiñ ro rar iten tõrinaek ir, rar teltilltok, ro otemjej rar maroñ in kõnõk ken tõrinae ko, im ridtolok jen ir, im rar jutõk ilo tõreran eneir. 22 Im rar jerkak ke ejiboñ wõt, im al e ar romak ion dren eo, im ro dri Moab rar lo dren eo ikijeir ekilmir einwõt bõtõktõk: 23 im rar ba, Eñin bõtõktõk; emol emwij kokkure kiñ ro, im rar mõn jabrewõt emane eo kajan: inem kiõ, Moab, ñõn rakim eo. 24 Im ke rar itok ñõn kamp in Israel, ro dri Israel rar jutõk im mõn ro dri Moab, ein drein rar ko jen imair; im rar tolõne eneo im mõn ro dri Moab. 25 Im rar kejebeplok jikin kwelok eo; im ion jabrewõt wato emõn, rar jolok jabrewõt eman juõn dreka, im kobrõk e kake; im rar binej unin dren ko otemjej, im juokwe wijki emõn otemjej, mae ien rar tõbar Kir-hariset, im rar likit wõt dreka ko

an; ijoke, ro dri buat rar kabole im kokkure. 26 Im ke kiñ in Moab e ar lo bwe tōrinae eo e kajur jen e, e ar bōk iben jiljilimjuōn buki man rar nuri jāji, bwe en driblok ñōn iben kiñ in Idom; a e bane. 27 Inem e ar bōk leo manjien, eo e naj kar kiñ im binej jenkwōn, im katok kake katok kijeek ion worwor eo. Im elap illu nae ro dri Israel: im rar illok jen e, im jeblak ñōn eneir.

4 Im juōn kōra, lio belen juōn ian ro nejin dri kanan ro, e ar lamij ñōn Ilaisha, im ba, Korijerōm, leo beliō, e mij; im kwo jela bwe dri korijerōm eo e ar mijōk Jeova; im e mottok dri kamuri eo bwe en bōk ladrik ro ruo nejiō bwe ren dri kama-koko. 2 Im Ilaisha e ar ba ñōn e, Ta eo in kōmōn ñōn yuk? kwon ba mōk; eor ta ibōm iloan mweo? Im lio e ar ba, Ejelok iba iloan mweo, a juōn wōt bōkā in oil. 3 Inem e ar ba, Kwon ilen kajerbal ñōn yuk jen dri turōm otemjej, jābi ko, jābi ejelok kobair; en jab eiet. 4 Im kwon dreloñ, im kil aur eo ilikōm im ladrik ro nejom, im lutōk na ilo aolepen jābi ko; im kwon kejenolok ko relōñ. 5 Ein drein lio e ar ilok jen iben, im e ar kil aur ilikin im ladrik ro nejin; rar bōklok jābi ko ñōn iben, im e ar lutōk. 6 Im ke relōñ jābi ko, e ar ba ñōn ladrik eo nejin, Kwon bar bōktok juōn jābi. Im e ar ba ñōn e, Ejelok bar juōn jābi. Im oil eo e bwij-rōk. 7 Inem e ar iten kennanek armij ōn Anij. Im e ar ba, Kwon ilok, wiakake oil eo, im kōlla muri eo am, im kwe im ladrik ro nejom komin bōk bween ami men in mour.

8 Im ilo juōn ran Ilaisha e ar ilok ñōn Shunem, ijo juōn liātōktōk, im lio e ar drebij e bwe en mōña bred. Im ein drein, jabrewōt ien ke e ar elā, e ar dreloñ ijo bwe en mōña bred. 9 Im lio e ar ba ñōn leo belen, Lo kiō, ij kile bwe lein ej juōn armij ōn Anij e kwojarjar, eo ej itoitōk ijin ien otemjej. 10 Ij kajitōk bwe jen kōmōn juōn bo erik ion worwor eo; im jen likit ijo ñōn e, juōn aowej im juōn tebel, im juōn jikin jijōt, im

juōn jikin lamp: im ñe ej itok ñōn iber e naj dreloñ ijo. 11 Im juōn ran, ke e ar itok ijo, e ar dreloñ ilo bo eo, im babu ie. 12 Im e ar ba ñōn Gihezai, leo korijeran, Kwon kirtok dri Shunem in. Im ke e ar kirtok e, lio e ar jutōk iman. 13 Im e ar ba ñōn leo, Kwon ba ñōn lio, Lo, kwar kanuij kejbārok im ierke kimro: ta eo emōn kōmōne ñōn yuk? kwo kōnan ke bwe in konono kin yuk ñōn kiñ eo, ak kapen an jar in tōrinae? Im lio e ar uak, Na ij jokwe iben ro dri ailiñ aō. 14 Im leo e ar ba, Ta eo emōn kōmōne kin e? Im Gihezai e ar uak, Emol ejelok nejin eman, im leo belen e lōlap. 15 Im e ar ba, Kwon kirtok e. Im ke emwij an kirtok e, lio e ar jutōk ilo kejem. 16 Im e ar ba, Teren drein, ñe ien e jejit, kwo naj jiburlep juōn nejom ladrik. Im e ar ba, Jab, aō iroi, kwe armij ōn Anij, kwon jab riōp ñōn ña korijerōm.

17 Im kōra eo e ar etta im keutak juōn ladrik teren eo, ke ien e jejit, einwōt Ilaisha e ar ba ñōn e. 18 Im ke e ridtolok ladrik eo ilo juōn ran, e ar drioijlok ñōn iben jemen ñōn ro dri marmir. 19 Im e ar ba ñōn jemen, Bōra, bōra. Im leo e ar ba ñōn korijeran, Kwon bōklok e ñōn iben jinen. 20 Im ke emwij an bōklok e ñōn iben jinen, e ar jijōt ion buken ñōn raelip, inem e mij. 21 Im lio e ar wōnliñlok im likit e ion aowej eo an armij ōn Anij, im kil aur, im drioijlok. 22 Im e ar kir ñōn leo belen, im ba, Kwon jilkintok ñōn iba, ij akwewlap, juōn ian dri korijer ro, im juōn ass, bwe in etōr ñōn iben armij eo ōn Anij, im bar itok. 23 Im e ar ba, Etke kwo kōnan ilok ñōn iben ranin? e jab aliñ ekal, ak ran in Sabat. Im lio e ar ba, E najemōn. 24 Inem e ar kapoje juōn ass, im e ar ba ñōn dri korijeran, Kwon kaiure, im wōnmanlok; kwon jab karirik aō wōnmanlok elañe I jab jiroñ yuk. 25 Ein drein e ar ilok, im itok ñōn iben armij eo ōn Anij ñōn tol Karmel.

Im ke armij ōn Anij e ar loe etolok, e ar ba ñōn Gihezai, korijeran, Lo



ijueo lio dri Shunem: 26 kwon etōr, ij kajitōk, kiō in wōnmae e, im ba ñōn e, Emōn ke ibōm? emōn ke iben leo beleōm? emōn ke iben ladrik eo? Im e ar uak, Emōn. 27 Im ke e ar itok ñōn iben armij òn Anij ion tol eo, e ar kapjere neen. Im Gihezai e ar druaklok bwe en iunlok e; a armij òn Anij e ar ba, En berwōt: bwe an e buromōj iloa; im Jeova e ar noje jen ña, im E ar jab kennanek iō. 28 Inem lio e ba, I ar kajitōk ibōm, aō iroi, kin juōn nejiō ke? I ar jab ba ke, Kwon jab mone iō? 29 Inem leo e ar ba ñōn Gihezai, Kwon kañōññōr ibim, im bōk jokwōna ilo peōm, im etal wōt: elañe kwoj wōnmae jabrewōt armij, kwon jab yokyokwe e; im elañe jabrewōt ej yokyokwe yuk, kwon jab uak e: im likit jokwōna ion mejen ladrik eo. 30 Im jinen ladrik eo e ar ba, Einwōt Jeova e mour, im einwōt kwoj mour, I jamin ilok jen ibōm. Im e ar jutōk, im lore. 31 Im Gihezai e ar ilok imairlok, im likit jokwōn eo ion mejen ladrik eo; a ejelok ainiken ak roñjake. Kin men in e ar jeblak im wōnmae leo, im e ar kennanek e, im ba, Ladrik eo e jaññin ruj.

32 Im ke Ilaisha e ar itok iloa nweo, lo, ladrik eo e mij, im e babu ion aowej eo an. 33 Inem e ar dreloñ, im kil irro, im jar ñōn Jeova. 34 Im e ar beroane ladrik eo, im likit loñin ion loñin, im mejen ion mejen, im pein ion pein ladrik eo: im e ar kōnkōn ion; im kōniekin ladrik eo e māñānlok. 35 Inem e ar jeblak im itoitōk ilo mweo juōn alen; im e ar wōnliñlok im kōnkōn ion ladrik eo; im ladrik eo e ar mōji jiljilimjuōn alen, im ladrik eo e ar kabellok mejen. 36 Im e ar kirtok Gihezai, im ba, Kwon kirtok lio dri Shunen. Ein drein e ar kirtok e. Im ke e ar dreloñ ñōn iben, e ar ba, Kwon kwotōke ladrik ne nejōm. 37 Inem e ar dreloñ, im buñbero i neen, im barikrik ñōn lōl; im<sup>1</sup> e ar kwotōke ladrik eo nejin im drioi, jlok.

38 Im Ilaisha e ar bar itok ñōn Gil-

gal. Im juōn ñita i eneo, im lōmaro nejin dri kanan ro rar jijōt iman; im e ar ba ñōn dri korijeran, Kwon likit pot elap, im kōmāt ñōn lōmaro nejin dri kanan ro. 39 Im juōn e ar drioi, jlok ilo jikin kallip in aine mar bōjik, im e ar lo juōn vain e awia, im e ar ain jene leen awia, bwe en libunak kin kobe eo an, im e ar juloki na ilo pot eo; bwe re jaje kake. 40 Ein drein rar lutōk bwe lōmaro ren mōña. Im ke rej mōña jen pot eo, rar lamij, im ba, O armij òn Anij, eor mij ilo pot in. Im re ban mōña jen e. 41 A e ar ba, Inem bōktok flauo. Im e ar jolok na ilo pot eo; inem e ar ba, Kiō komin lutōk ñōn armij, bwe ren mōña. Im ejelok jorran ilo pot eo.

42 Im e ar itok juōn eman jen Beal-shalisha, im e ar bōktok ñōn armij òn Anij bred jen jomōkōj ko, roñoul bred in barli, im urur in korn ilo bōjo eo an. Im e ar ba, <sup>1</sup>Kwon lelok ñōn armij ro, bwe ren mōña. 43 Im leo korijeran e ar ba, Ta, in likit men kein iman jibuki man ke? A e ar ba, Kwon lelok ñōn armij ro, bwe ren mōña; bwe ein drein Jeova ej ba, Re naj mōña, im re naj likit bweir. 44 Ein drein e ar likite imair, im rar mōña im likit bweir, ekar ñōn nan in Jeova.

**5** <sup>2</sup>Neaman, kapen an jar in tōrinae an kiñ in Siria, juōn eman eutie, j iben iroi, j eo an, im rar nebar e, bwe Jeova e ar lelok anjo ñōn Siria kin e: bareinwōt e ar kajur im beran, a e juōn leper. 2 Im ro dri Siria re kar drioi, jlok ilo jar ko, im rar āñintok jen enen Israel juōn ledrik dri kama-koko; im e ar jermal ñōn lio belen Neaman. 3 Im e ar ba ñōn lroi, j eo an, Emōn aō iroi, j en kar ber iben dri kanan eo ej ber i Sameria! e naj kemour e jen an nañinmij in leper. 4 Im juōn e ar dreloñ, im kennanek iroi, j eo an, im ba, Ein drein ledrik eo jen enen Israel ej ba. 5 Im kiñ in Siria e ba, Kwon ilok kiō, im I naj jilkinlok juōn letter ñōn kiñ in Israel. Im e ar ilok, im bōklok iben joñoul

<sup>1</sup> Hib. 11. 35.

<sup>2</sup> Matu 14. 16-21. <sup>3</sup> Luk 4. 27.

talent silver, im jiljino tausan mōtōn gold, im joñoul lekōn nuknuk. 6 Im e ar bōklok letter eo ñōn kiñ in Israel, e ba, Inem kiō, ñe letter in ej iwij ñōn ibōm, lo, emwij aō jilkinwoj Neaman, korijera, bwe kwon kaej-mour e jen nañinmij in leper eo iben. 7 Im ke emwij an kiñ in Israel konono ilo letter eo, e ar kekel nuknuk ko an, im ba, Na Anij bwe in mōn im kemour, inem armij en ej jilkintok ñōn iō kin kemour juōn eman jen nañinmij in leper eo an ke? a komin lale, ij akwelap, ekijkan ej bukot unin akwail iba.

8 Im ein drein, ke Ilaisha, armij eo òn Anij, e ar roñjake bwe kiñ in Israel e ar kekel nuknuk eo an, e ar jiliklok ñōn iben kiñ eo, im ba, Etke kwar kekel nuknuk ko am? en itok ñōn iba kiō, inem e naj jela bwe juōn dri kanan ilo Israel. 9 Ein drein Neaman e ar itok, im ors ko an, im jariot ko an iben, im e ar jutōk iturin kejem in mweo imōn Ilaisha. 10 Im Ilaisha e ar jilkinlok juōn dri jilik ñōn iben, im ba, Kwon ilen tutu ilo Jordan jiljilimjuōn alen, inem kōniekōm e naj bar itok iom, im kwo naj erreō. 11 A Neaman e ar illu, im e ar ilok, im ba, Lo, I ar lemnok, Emol e naj kar drioiytok ñōn iba, im jutōk, im kir etan Jeova an Anij, im kamōkit pein ion jikin, im kaejmour leper eo. 12 Abana im Parpar, river ko i Damaskōs, re jab emōn jen river ko otemjej ilo Israel ke? in jab tutu ilior im erreō ke? Ein drein e ar oktōk im ilok ilo an illu. 13 Im ro dri korijeran rar druaktok im konono iben, im ba, Jema, elañe dri kanan eo e ar jiroñ yuk bwe kwon kōmōn jabrewōt men eo elap, kwo jamin kar kōmōne ke? etke e jab emōnlok ke e ar ba ñōn yuk, Kwon tutu, im kwo naj erreō? 14 Inem e ar wōnlōllok, im tulok jiljilimjuōn alen ilo river Jordan, ekar ñōn nan an armij òn Anij; im kōniekin e ar bar itok einwōt kōniekin juōn niñniñ, im ej erreō.

15 Im e ar jeblak ñōn iben armij òn Anij, e im aolepen jar eo dron, im e ar itok, im jutōk iman; im e ar ba,

Kiō I jela bwe ejelok Anij ilo aolepen lōl, a ilo Israel wōt: inem kiō, ij akwelap bwe kwon bōk juōn men in mōnōnō jen ña korijerōm. 16 A e ar ba, Einwōt Jeova ej mour, eo ij jutōk iman, I jamin bōk jabrewōt. Im ej akwelap ñōn e; a e jab kōnan. 17 Im Neaman e ar ba, Elañe jab, ijoke, ij akwelap, ren letok ñōn korijerōm brij bōkōn ruo mul; bwe ña korijerōm I jamin katok men in katok kijeek, ak men in katok ñōn anij ro jet, a ñōn Jeova wōt. 18 A ilo men in Jeova en jolok bwir jen korijerōm: ñe aō iroi j ej dreloñ ilo imōn Rimmōn bwe en kabuñ, im ej atatar ion peiō, ñe ij barikrik ilo imōn Rimmōn, Jeova en jolok bwir jen korijerōm, ilo men in. 19 Im e ar ba ñōn e, Kwon ilok ilo ainemōn. Ein drein e ar ilok jen e im etolak jirik.

20 A Gihezai, korijeran Ilaisha armij eo òn Anij, e ar ba, Lo, karo eo aō e ar tiriamo kake Neaman dri Siria, kin an jab bōk jen pein men ko e ar bōkitok: einwōt Jeova e mour, I naj etōr im lore, im bōk jabrewōt jen e. 21 Ein drein Gihezai e ar lor Neaman. Im ke Neaman e ar lo juōn ej etōr lore, e ar tolōl jen jariot eo an im wōnmae e, im e ba, Emōn men otemjej ibōm ke? 22 Im e ar ba, Emōn wōt. Karo eo aō e ar jilkinwoj iō, im ba, Lo, kiō e ar itok ñōn iba jen ene eutie j in Ipreim, ruo likao ian ro nejin dri kanan ro; kwon lelok ñōn irro, ij kajitōk ibōm, juōn talent in silver im ruo lekōn nuknuk. 23 Im Neaman e ar ba, Kwon mōnōnō im bōk ruo talent. Im e ar akwelap ñōn e, im e lukwoj ruo talent ilo ruo bōjo, im ruo lekōn nuknuk iben, im likiti ion ruo ian ro dri korijeran; im irro rar bōkilok imanlok. 24 Im ke e ar itok ñōn tol eo, e ar bōki jen peir, im likiti i mweo; inem e ar kōtlok lōmaro im rar ilok. 25 A e ar dreloñ im jutōk iman karo eo an. Im Ilaisha e ar ba, Kwoj itok jen ia, Gihezai? Im e ar ba, Korijerōm, ejelok ijo I ar ilok ielok. 26 Im e ar ba ñōn e. Buruō e ar jab ilok ibōmlok, ke armij eo e ar oktōkliik jen jariot eo an im

wōnmae yuk ke? Ien in ien emōn kin bōk nuknuk ko, im bwil in oliv im bwil in grep, im sip im ox ko, im korijerōm kōra ke? 27 Kin men in, nañinmij in leper an Neaman e naj edrep ñōn yuk, im ñōn ineōm ñōn in drio. Im e ar drioijlok jen e juōn leper e mouj einwōt sno.

**6** Im lōmaro nejn dri kanan ro rar ba ñōn Ilaisha, Lo kiō, jikem ijo kim jokwe ibōm, e obrōk kake kim. 2 Kimin ilok, kim kajitōk; ñōn Jordan, im bōk jen ijo jabrewōt iam juōn alal, im kimin kalek ñōn kim juōn jikem ijo, im kimin jokwe ie. Im e ar uak, Komin ilok. 3 Im juōn e ar ba, Kwon mōnōnō, ij akwelap, in ilok ibemlok. Im e ar uak, I naj ilok. 4 Ein drein e ar ilok ibeirlok. Im ke rar itok ñōn Jordan, rar juokwe wijki ko. 5 A ke juōn e ar juokwe juōn wijki, ilil eo an e ar kālōk jen jurōn ilo dren; im e ar lamij, im ba, Yok, aō karo! bwe an juōn armij. 6 Im armij ōn Anij e ar ba, E ar wutlok, ia? Im e ar bakajen jikin eo. Im e ar juokwe juōn alal, im joloke na ijo, im e ar kōmōn bwe māl eo en ebebe. 7 Im e ar ba, Kwon jibwe. Ein drein e ar erlokwe pein im bōke.

**8** Kiñ in Siria e ar tōrinaek Israel; im e ar bebe iben ro dri korijeran, im ba, Ilo jikin en, ak jikin en, e naj aō kamp. 9 Im armij ōn Anij e ar jilkinlok ñōn kiñ in Israel, im ba, Kwon lale im jab elā jen jikin en; bwe ro dri Siria rej wōnlōltok ñōn ijo. 10 Im kiñ in Israel e ar jilkinlok ñōn jikin eo, armij ōn Anij e ar kennanek e im kowe kake; im e ar mōke lomoren e, ijo, e jab juōn ak ruo wōt alen. 11 Im buruen kiñ in Siria e kanuij li-man kin men in: im e ar kirtok ro dri korijeran, im ba ñōn ir, Kom jab kōnan bakajen ñōn iō wōn iar ej te lojiliñin kiñ in Israel ke? 12 Im juōn oan dri korijeran e ar ba, Jab, aō iroi, O kiñ, a Ilaisha, dri kanan eo ilo Israel, ej kennanek kiñ in Israel nan ko kwoj konono ilo bo in kiki eo am. 13 Im e ar ba, Komin ilen aleko ijo ej ber ie, bwe in jilkinlok im añintok e.

Im ar kennanek e, im ba, Lo, ej ber i Dotan.

**14** Kin men in, e ar jilkinlok ñōn ijo, ors ko, jariot ko, im juōn jar in tōrinae elap: im rar iaboñwe jikin kwelok eo, im kabole. **15** Im ke leo korijeran armij ōn Anij, e ar jerkak ke ejiboñ wōt, im drioijlok, lo, juōn jar in tōrinae im ors ko, im jariot ko, rej kabol jikin kwelok eo. Im dri korijeran e ar ba ñōn e, Yok, aō karo! je naj it? **16** Im e ar uak, Kwon jab mijōk; bwe <sup>1</sup>ro rej rie kij relōñ jen ro rej rie ir. **17** Im Ilaisha e ar jar, im ba, Jeova, ij akwelap, Kwon kabellek mejen lein, bwe en lolokjen. Im Jeova e ar kabellek mejen likao eo; im e ar lokojen: im lo, tol eo e obrōk kin ors ko im jariot kijeek ko rej kabol Ilaisha. **18** Im ke rar wōnlōltok ñōn iben, Ilaisha e ar jar ñōn Jeova, im ba, Kwon kabilo armij rein, ij kajitōk ibōm. Im E ar kabilo ir ekar ñōn nan an Ilaisha. **19** Im Ilaisha e ba, E jab ial eo in, im e jab jikin kwelok eo in: komin lor iō im I naj tellok kom ñōn armij eo komij bukote. Im e ar tel ir ñōn Sameria.

**20** Im ke rar itok ñōn Sameria, Ilaisha e ar ba, Jeova, kwon kabellek mejen armij rein, bwe ren lolokjen. Im Jeova e ar kabellek mejeir, im rar lolokjen; im lo, rar ber ilujen Sameria. **21** Im kiñ in Israel, ke e ar lo ir, e ar ba ñōn Ilaisha, Jema, in mōn irke? in mōn ir ke? **22** Im e ar uak, Kwo jamin mōn ir: kwo naj kar mōn ro kwar bōk ir dri jebokwe kin am jāji im kin am libon ke? kwon likit bred im dren imair, bwe ren mōña im irak, im ilok ñōn iben iroi eo air. **23** Im e ar kapojōk elōñ ekōn ñōn ir; im ke emwij air mōña im irak, e ar jilkinlok ir, im rar ilok ñōn iben iroi eo air. Im jar ko an Siria re jab bar itok ilo enen Israel.

**24** Im elikin men in, Ben-hedad kiñ in Siria e ar kokweloktok aolepen an jar in tōrinae, im wōnliñlok im nitbwile Sameria. **25** Im juōn ñita elap ilo Sameria: im lo, rar nitbwile, mae ien rar wiakake bōran juōn ass kin

<sup>1</sup> Rom 8. 31.

drualitöknoul mötön silver, im juön mötön emen in juön kab in toeök in muli kin lailim mötön silver. 26 Im ke kiñ in Israel ej elä ion worwor eo, juön kōra e ar lamij ñön e im ba, Kwon jibōñ, ao iroi, O kiñ. 27 Im e ar ba, Elañe Jeova e jab jibōñ yuk, I naj jibōñ yuk kin ta? jen jikin dreñdreñ, ak jen ken joniök wain ke? 28 Im kiñ eo e ar ba ñön e, Kwo bōj it? Im e ar uak, Liin e ar ba ñön iō, Kwon letok ladrik eo nejōm, bwe jen kōñe ranin, im je naj kōñ ladrik eo nejiō ilju. 29 Ein drein kim ar kōmāt ladrik eo nejiō, im kimro kōñe: inem I ar ba ñön e, ran eo ken ka ruo, Kwon letok ladrik eo nejōm, bwe jen kōñe; im e ar noj ladrik eo nejōm. 30 Im ke kiñ eo e ar roñjake nan ko an kōra eo, e ar kekel nuknuk ko an, (kiō ej elä wöt ion worwor); im armij ro rar reilok, im lo, eor nuknuk eklep iren iloan ion kōniekin. 31 Inem e ar ba, Anij en kōmōn einwöt ñön ña, im kalaplok e, elañe bōran Ilaisha nejōm Shepat ej töt wöt ion ranin.

32 A Ilaisha e ar jijöt ilo mweo imōn, im ridto ro rar jijöt iben; im kiñ eo e ar jilkinlok juön armij jen iman: a mokta jen an dri jilik itok ñön iben, e ar ba ñön ridto ro, Komij lale ekijkan lein nejōm dri uror e ar jilkintok bwe en böklok bōra ke? komin reilok, ñe dri jilik eo ej itok, komin kil aur, im en bin ami drebij aur eo nae e: ainiken buñten neen iroi eo an e jab elikin ke? 33 Im ke ej konono wöt ibeir, lo, dri jilik eo e ar itok ñön iben; im e ar ba, Lo, nana in jen Jeova; etke in kōtar wöt kin Jeova? 1 Im Ilaisha e ar ba, Komin roñjake nan an Jeova: ein drein Jeova ej ba, Ilju, e nañin ien in, re naj wiakake juön joñök in flauo kwerik kin juön shekel, im ruo joñök in barli kin juön shekel, ilo kejem in Sameria. 2 Ien eo kapen eo kiñ ej atartar ion pein, e ar uak armij eo ñon Anij, im ba, Lo, elañe Jeova ej kōmōn windo ko ilo lōñ, men in e maroñ in walok ke? Im e ar ba, Kwo naj loe kin mejōm, a kwo jamin mōña mötön.

3 Ak emen armij dri leper rar ber iturin kejem: im re ba ñön dron, Etke jej jijöt ijin mae ien je mij? 4 Elañe jej ba, Je naj dreloñ ilo jikin kwelok en, inem ñita ej ilo jikin kwelok eo im je naj mij ie; im elañe jej jijöt wöt ijin, je mij bareinwöt. Inem kiō, jen buñlok ñön jar in tōrinae an dri Siria: elañe rej lomoren kij, je naj mour; im elañe rej mōn kij, je naj mij wöt. 5 Im rar jutök ilo ran en ilokōn al, bwe ren ilok ñön kamp an dri Siria; im ke rar itok ñön tōreren kamp an dri Siria, lo, ejelok armij ie. 6 Bwe Jeova e ar kōmōn bwe jar in tōrinae an dri Siria ren roñjake ainiken jariot ko, im ainiken ors ko, aet, ainiken jarlipju in tōrinae; im rar ba ñön dron, Lo, kiñ in Israel e ar wiak nae kij kiñ ro an dri Het, im kiñ ro an dri Ijijpt, bwe ren iten kokkure kij. 7 Kin men in, rar jerkak im ko ilo jota eo, im likit im nuknuk ko air, im ors ko air, im ass ko air, im kamp einwöt an ber, im rar ko kin air mour. 8 Im ke dri leper rein rar itok ñön tōreren kamp eo, rar dreloñ ilo juön im nuknuk, im rar mōña im irak, im böklok jen e silver, im gold, im nuknuk ko, im ilem noji; im rar jeblaktok, im dreloñ ilo bar juön im, im böklok jen e bareinwöt im ilem noji.

9 Inem rar ba ñön dron, Je jab kōmōn emōn; ranin ran in nan emōn, im jej kejeklokjen: elañe jej kōtar an rantak, joñön kwoton e naj walok ñön kij; inem kiō jen ilem kennanek ro dron kiñ eo. 10 Ein drein rar item kir ñön ro dri lale kejem in jikin kwelok eo; im rar kennanek ir im ba, Kim ar ilok ñön kamp an dri Siria, im lo, ejelok armij ie, ak ainiken armij, a ors ko emwij lukwoji, im ass ko lukwoji, im im nuknuk ko einwöt air ber mokta. 11 Im ro dri lale kejem e ar kir ñön dri lale kejem ro jet; im rar kennanek ro dron kiñ eo iloan. 12 Im kiñ eo e ar jerkak ilo boñ, im ba ñön ro dri korijeran, Kiō I naj kwalok ñön kom ta eo dri Siria rar kōmōn ñön kij. Re jela bwe je kwuli; inem rar driojlok jen kamp

eo im tilekek ilo melaj, im ba, Ñe re naj drioiĵlok jen jikin kwelok eo je naj jibwe ir, im dreloŝ ilo jikin kwelok eo. 13 Im juōn ian ro dri koriĵeran e ar uak, im ba, Ij kajitōk bwe jet armij ren bōk lailim ian ors ko rej berwōt, emwij likiti ilo jikin kwelok in, (lo, rej einwōt aolepen jar an Israel emwij likit ir iloan; lo, rej einwōt aolepen jar an Israel re joko); im jen jiliklok im lale. 14 Inem rar bōk ruo jariot im ors ko; im kiñ eo e ar jilkinlok ir ilokōnlok jar in tōrinae an dri Siria, im ba, Komin ilen lale. 15 Im rar ilok ilokairlok ñōn Jordan; im lo, aolepen ial eo eobrōk kin nuk-nuk ko, im jābi ko, ro dri Siria rar juloki ilo air kaiur ir. Im ro dri jilik rar jeblak im kennanek kiñ eo.

16 Im armij ro rar drioiĵlok im rakimi kamp an dri Siria. Ein drein rar wiakake juōn joñōk in flauo kwerik kin juōn shekel, im ruo joñōk in barli kin juōn shekel, ekar ñōn nan an Jeova. 17 Im kiñ eo e ar likit kapen eo e ar atartar ion pein, dri lale kejem: im armij ro rar jure ilo kejem eo, im e ar mij einwōt armij ōn Anij e ar ba, eo e ar konono ke kiñ e ar wōnlōltok ñōn iben. 18 Im einwōt armij ōn Anij eo e ar konono ñōn kiñ eo, im ba, Ruo joñōk in barli kin juōn shekel, im juōn joñōk in flauo kwerik kin juōn shekel, e naj ilju e nañin ien in, ilo kejem in Sameria; 19 im kapen eo e ar uak armij ōn Anij, im ba, Kiō, lo, elafte Jeova e naj kar kōmōn windo ko ilo lōñ men eo einwōt e maroŝ in walok ke? im e ar ba, Lo, kwo naj loe kin mejōm, a kwo jamin mōña mōtōn: 20 e ar walok ein drein ñōn e; bwe armij ro rar jure ilo kejem eo, im e mij.

8 Ilaisha e kar konono ñōn kōra eo jinen ladrik eo e ar kemour e, im ba, Kwon jutōk, im ilok, kwe im ro dri mweo imōm, im itoitōk ijoko jabrewōt kwo maroŝ kake: bwe Jeova e ar kirtok juoŝ ñita; im bareinwōt e naj ber ion eneo jiljilimjuōn yiō. 2 Im lio e ar jutōk, im kōmōn ekar ñōn nan in armij ōn Anij: im e kab ro dri mweo imōn rar itoitōk ilo enen ro dri

Pilistia iomin jiljilimjuōn yiō. 3 Im i jemlekōn yiō ko jiljilimjuōn, kōra eo e ar jeblaktok jen enen ro dri Pilistia: im e ar drioiĵlok im lamij ñōn kiñ eo kin mweo imōn im wāto eo an. 4 Ak kiñ eo e kar konono iben Gihezai koriĵeran armij eo ōn Anij, im ba, Kwon kennanek iō, ij kajitōk, aolepen men ko relap Ilaisha e ar kōmōni. 5 Im ke e ar kennanek kiñ eo ekijkan e ar kemour juōn e mij, lo, kōra eo jinen lakrik eo e ar kemour e, e ar lamij ñōn kiñ eo kin mweo imōn im kin wāto eo an. Gihezai e ar ba, Aō iroiĵ, O kiñ, liin kōra eo, im lein nejin, eo Ilaisha e ar kemour e. 6 Im ke kiñ eo e ar kajitōk iben lio, e ar kennanek e. Ein drein kiñ e ar likit ñōn e juōn dri kabwijiōk, im ba, Kwon bar lelok ñōn e aolepen ijo e kar an, im aolepen leen jikin kallip ko elikin ran eo ke e ar ilok jen eneo, aet, ñōn ien in.

7 Im Ilaisha e ar itok ñōn Damaskōs, im Ben-hedad kiñ in Siria e nañinmij: im ar kennanek e, im ba, Armij eo ōn Anij e ar itok ñōn ijin. 8 Im kiñ e ar ba ñōn Hazael, Kwon bōk ilo peōm juōn men in lelok, im ilem wōnmae armij eo ōn Anij, im kajitōk iben jen Jeova, im ba, In mour jen nañinmij in ke? 9 Ein drein Hazael e ar ilen wōnmae e, im bōklok juōn men in lelok iben, aet, men ko remōn otemĵej jen Damaskōs, bōkōn eñoul kamel, im item jutōk iman, im ba, Nejōm, Ben-hedad kiñ in Siria, ej jilkinwoj iō, im ba, In mour jen nañinmij in ke? 10 Im Ilaisha e ar ba ñōn e, Kwon ilok, kwon ba ñōn e, Emol kwo naj mour, ijoke, Jeova e ar kwalok ñōn iō bwe emol e naj mij. 11 Im e ar kalimjeke mae ien e jok, im armij ōn Anij e ar jōñ. 12 Im Hazael e ar ba, Etke aō iroiĵ ej jōñ? Im e ar uak, Kin ke I jela nana eo kwo naj kōmōne ñōn ro nejin Israel, kwo naj tile air jikin ko re kajur, li-kao ro air, kwo naj mōn kin jāji, im kwo naj ekababe niñniñ ro air, in jan-nōke kōra ro air re bōroro. 13 Im Hazael e ar ba, A ta koriĵerōm, eo juōn kiru roror wōt, bwe in kōmōn

men in elap? Im Ilaisha e ar uak, Jeova e ar kwalok ñon iō bwe kwo naj kiñ ion Siria. 14 Inem e ar ilok jen iben Ilaisha, im itok ñon iben iroiĵ eo an; eo e ar ba ñon e, Ta eo Ilaisha e ar ba ñon yuk? Im e ar uak, E ar kennanek iō, emol kwo naj mour. 15 Im ilju, e ar bōk koj eo, im katuloke ilo dren, im erlokwe ion turin mejen, inem e mij: im Hazael e ar binej jenkwōn im kiñ.

16 Im ilo yiō eo ken ka lailim an Joram nejin Ehab kiñ in Israel, ke Jihoshapat ej kiñ in Juda, Jehoram nejin Jihoshapat kiñ in Juda, e ar jino an kiñ. 17 E ar ridtōn jilñoul ruo yiō ke e jino an kiñ, im e ar kin iomin drualitōk yiō i Jerusalem. 18 Im e ar etetal ilo ial an kiñ ro an Israel, einwōt ro dri imōn Ehab: bwe lio belen, nejin Ehab; im e ar kōmōn nana iman mejen Jeova. 19 Ijoke, Jeova e jab kōnan kokkure Juda, kin Devid korijeran, bwe emwij An kalimur ñon e bwe En lelok ñon e juōn lamp ñon ro nejin in driō.

20 Ilo ran ko an, Idom e ar kabata jen iomin pein Juda, im rar mōke kōmōn juōn air kiñ. 21 Inem Joram e ar elālok jen Zeir, im jariot ko an otemjej iben: im e ar jerkak ilo boñ, im mōn ro dri Idom rar kabole, im kapen ro an jariot ko; im armij rar ko ñon moko imweir. 22 Ein drein Idom e ar kabata jen iomin pein Juda ñon ranin. Ien eo Libna e ar kabata. 23 Im jermal ko jet an Joram, im men ko otemjej e ar kōmōni, ar jab jeje ilo buk in bwebwenato ko an kiñ ro an Juda ke? 24 Im Joram e ar kiki iben ro jiman, im ar kalibwin e iben ro jiman ilo jikin kwelok eo an Devid; im Ehazaia nejin, e ar kiñ im binej jenkwōn.

25 Im ilo yiō eo ken ka joñoul ruo an Joram nejin Ehab kiñ in Israel, Ehazaia nejin Jehoram kiñ in Juda e ar jino an kiñ. 26 Ridtōn Ehazaia roñoul yiō ke e ar jino an kiñ; im e ar kiñ iomin juōn yiō i Jerusalem. Im etan jinen, Atalaia nejin Omrai, kiñ in Israel. 27 Im e ar etetal ilo ial

an imōn Ehab, im e ar kōmōn nana iman mejen Jeova, einwōt ro dri imōn Ehab; bwe e nejin imōn Ehab ekar ñon belele. 28 Im e ar ilok iben Joram, nejin Ehab, bwe ren tōrinaek Hazael, kiñ in Siria i Remot-giliad: im ro dri Siria rar kokwōt Joram. 29 Im kiñ Joram e ar jeb-laktok bwe ren kaejmour e i Jezriel jen kinej ko ro dri Siria rar kakinijnij e i Rema, ke e ar tōrinaek Hazael kiñ in Siria. Im Ehazaia nejin Jehoram kiñ in Juda, e ar wōnlōllok in loloĵ Joram nejin Ehab i Jezriel, kin ke e nañinmij.

9 Im Ilaisha dri kanan eo, e ar kirtok juōn ian ro nejin dri kanan ro, im ba ñon e, Kwon kañōrñōr ibim, im bōk bōkā in eor oil iloan, ilo peōm, im ilok ñon Remot-giliad. 2 Im ñe kwōj tōbar e, kwon bukot ijo Jihu nejin Jihoshapat nejin Nimshai, im dreloñ im kajutōk e jen iben ro jein im jātin, im añinlok e ñon juōn bo etino. 3 Inem kwon bōk bōkā in oil eo, im lutōklok e ion bōran, im ba, Ein drein Jeova e ba, I ar kabit yuk kiñ ion Israel. Inem kwon kabellek aur, im ko, im kwon jab rumij. 4 Ein drein likao eo, aet likao eo dri kanan, e ar ilok ñon Remot-giliad. 5 Im ke e ar itok, lo, kapen ro an jar in tōrinae, rar jījōt; im e ar ba, Juōn aō nan ñon yuk, O kapen. Im Jihu e ba, Nōn wōn iamuij? Im e ba, Nōn kwe, O kapen. 6 Im e ar jutōk, im dreloñ ilo mweo; im leo e ar lutōklok oil eo ion bōran, im ba ñon e. Ein drein Jeova, Anij in Israel e ba, I ar kabit yuk kiñ ion dri aliñ an Jeova, aet ion Israel. 7 Im kwo naj mōn ro dri imōn Ehab iroiĵ eo am, bwe In kwi kin bōtōktōkin ro dri korijera, dri kanan ro, im bōtōktōkin dri korijeran Jeova otemjej kin pein Jezebel. 8 Bwe aolepen dri imōn Ehab re naj joko; im I naj bukwelok jen Ehab jabrewōt nejin eman, im eo emwij kile im eo ej inabij ilo Israel. 9 Im I naj kōmōn imōn Ehab einwōt imōn Jeroboam nejin Nibat, im einwōt imōn Beasha nejin Ehaija. 10 Im kiru roror re naj kōñ Jezebel ilo

bukwōn in Jezriel, im e naj ejelok dri kalibwin e. Im e ar kabellek aur eo, im ko.

11 Inem Jihu e ar drioiĵtok ñōn iben ro dri korijeran iroiĵ eo an: im juōn e ar ba ñōn e, Emōn men otemĵej ke? etke dri uriekak en e ar itok ñōn ibōm? Im e ar ba ñōn ir, Kom jela armij eo, im ekijkan an in nan. 12 Im rar ba, E jab ein drein, kwon kennanek kim kiō. Im e ba, Ein drein im ein drein e ar konono ñōn iō, im ba, Ein drein Jeova ej ba, I ar kabit yuk kiñ ion Israel. 13 Inem rar kaur ir, im jabrewōt iair e ar bōk nuknuk ko an, im jijōt ion iman ken uwe eo, im rar jilil, im ba, Jihu ej kiñ.

14 Ein drein Jihu, neĵin Jihoshapat neĵin Nimshai e ar kabata nae Joram. (Ak Joram e ar kejbārok Remot-giliad, e kab dri Israel otemĵej, kin Hazael kiñ in Siria; 15 a kiñ Joram e ar jeblak bwe ren kemour e i Jezriel jen an kwōt iben ro dri Siria, ke e ar tōrinæk Hazael kiñ in Siria.) Im Jihu e ar ba, Elañe ein drein ami lem-nok, inem ejelok en ko im drioiĵlok jen jikin kwelok in, bwe en ilen kwelok men in i Jezriel. 16 Ein drein Jihu e ar uwe ilo juōn jariot, im ilok ñōn Jezriel; bwe iĵo Joram e ar babu. Im emwij an Ehazaia kiñ in Juda wōnlōltok in lolok Joram.

17 Juōn dri kajere e ar jutōk ilo imōn bar i Jezriel, im e ar lo jar an Jihu ke ej itok, im e ba, Ij lo juōn jar. Im Joram e ar ba, Kwon bōk juōn dri uwe ion ors, im jilkinlok e im wōnmae ir, im en ba, Ainemōn ke? 18 Inem juōn e ar uwe ion ors im ilen wōnmae e, im e ar ba, Ein drein kiñ eo ej ba, Ainemōn ke? Im Jihu ej ba, Eor ta ibōm kin ainemōn? kwon oktōk im lor iō. Im dri kajere e ar kennan, im ba, Dri jilik e ar ilem wōnmae ir, a e jab jeblaktok. 19 Inem e ar jilkinlok armij eo ken ka ruo, eo e ar itok ñōn ibeir im ba, Ein drein kiñ ej ba, Ainemōn ke? Im Jihu e ar uak, Eor ta ibōm kin ainemōn? kwon oktōk im lor iō. 20 Im dri kajere e ar kennan im ba, E ar bareinwōt tōbar ir, im e jab jeblaktok: im air kamōkōĵ ors ej

einwōt eo an Jihu neĵin Nimshai; bwe e kanuiĵ kamōkōĵ.

21 Im Joram e ar ba, Komin kapoĵok. Im rar kapoĵ jariot eo an. Im Joram kiñ in Israel, kab Ehazaia kiñ in Juda rar jimor drioiĵlok ilo jariot ko air, im rar ilen wōnmae Jihu, im rar loe ilo wāto an Nebot dri Jezriel. 22 Im ke Joram e ar lo Jihu, e ar ba, Ainemōn ke, Jihu? Im e ar uak, Ainemōn ot, ñe lūñ ko an jinōm Jezebel im marmir ko an relōñ wōt? 23 Im Joram e ar ukot pein, im ko, im e ba ñōn Ehazaia, Eor kabata, O Ehazaia. 24 Im Jihu e ar kiele libon eo an kin aolepen an maroñ, im e ar wākare Joram ikōtan pein; im mōri eo e ar bijlok jen ubōn, im e ar bero ilo jariot eo an. 25 Inem Jihu e ar ba ñōn Bidkar, kapen eo an, Kwon kwōtōke im jolok e na ilo jikin kallip an Nebot dri Jezriel; bwe kwoĵ keme-meĵ ekijkan ke kijro ar jimor uwe im lor Ehab jemen, Jeova e ar likit lomijen in ion: 26 Emol I ar lo ine bōtōktōkin Nebot, im bōtōktōkin lōmaro neĵin, Jeova ej ba; im I naj nawōnan ilo jikin kallip in, Jeova e ba. Inem kiō kwon bōk im jolok e na ilo wāto eo ekar ñōn nan an Jeova.

27 A ke Ehazaia kiñ in Juda e ar lo men in, e ar ko ilo ial iturin imōn jikin kallip eo. Im Jihu e ar lukwor-kwor e, im ba, Komin mōn e bareinwōt ilo jariot eo an: im rej mōn e ilo ialliñlok in Gur, eo iturin Iblam. Im e ar ko ñōn Megido im e mij iĵo. 28 Im ro dri korijeran rar bōklok e ilo juōn jariot ñōn Jerusalem, im kalibwin e ilo lup eo lupōn, iben ro jiman, ilo jikin kwelok an Devid.

29 Im ilo yiō eo ken ka joñoul juōn an Joram neĵin Ehab, Ehazaia e ar jino an kiñ ion Juda.

30 Im ke Jihu e ar itok ñōn Jezriel, Jezebel e ar roñjake; im e ar unoik turin meĵen, im kalitit bōran, im reilok ilo juōn windo. 31 Im ke Jihu ej dreloñ ilo keĵem, lio e ar ba, Ainemōn ke, kwe Zimrai, dri uror an iroiĵ eo am? 32 Im e ar reiliñlok ñōn windo eo, im ba, Wōn eo ej rie iō? Im ruo ak jilu eunōk rar reilok ñōn e.

33 Im e ba, Komin jolöllok lio. Ein drein rar jolöllok e; im emwij kabō-tūktūk worwor eo, im ors ko, kin bōtōktōkin: im e ar jure iomin neen. 34 Im ke leo e ar dreloñ, e ar mōña im irak; im e ba, Komin lale liin e binnikol, im kalibwin e; bwe e nejin juōn kiñ. 35 Im rar ilen kalibwin e; a rar lo ejelok, a lot in bōran, im neen, im lobiren pein. 36 Inem rar jeblaktok, im kennanek e. Im e ar ba, Eñin nan an Jeova, eo E ar konono kin korijeran, Ilaija dri Tishba, im ba, Ilo bukwōn Jezriel kiru roror re naj kōñ kōniekin Jezebel; 37 im ubōn Jezebel e naj einwōt toeōk ion mejen jikin kallip ilo bukwōn in Jezriel, inem re jamin ba, E in Jezebel.

10 Jiljilimjuōnñoul nejin Ehab eman ilo Sameria. Im Jihu e ar jeje letter ko, im jilkinloki nōn Sameria, nōn iroi j ro in Jezriel, aet nōn ridto ro, im nōn ro rar kōkajiririik ro nejin Ehab, im ba, 2 Kiō kiō, ñe letter in ej iwij nōn ibemi, bwe lōmaro nejin iroi j eo ami rej ber ibemi, im ibemi eor jariat im ors ko, im jikin kwelok eor an worwor, im ken tōrinae ko; 3 komin kālet eo emōntata ian lōmaro nejin iroi j eo ami, im likit e ion tron an jemen, im komin tōrinae kin ro dri imōn iroi j eo ami. 4 A re kanuij lelñōñ, im ba, Lo, kiñ ro ruo rar jab jutōk iman: inem ekijkan ar naj maroñ in jutōk? 5 Im eo ej iroi j ion mweo, im eo ej iroi j ion jikin kwelok eo, im ridto ro bareinwōt, im ro rar kōkajiririik ir, rar jiliklok nōn Jihu, im ba, Kim ro dri korijerōm, im kim naj kōmōn men otemjej kwoj jiroñ kim; kim jamin kairoi j jabrewōt armij bwe en kiñ: kwe kwon kōmōn jabrewōt men eo emōn iman mejōm. 6 Inem e ar jejelok letter eo ken ka ruo nōn ir, im ba, Elañe komij rie iō, im elañe kom naj eoroñ ainikiō, komin bōk bōrair, bōran lōmaro nejin iroi j eo ami, im itok nōn iba i Jezriel, ilju e nañin ien in. Lōmaro nejin kiñ eo, jiljilimjuōnñoul armij, rar ber iben leatōktōk ro an jikin kwelok eo, ro rar lale ir. 7 Im ke letter eo e ar itok nōn ibeir, rar bōk lōmaro nejin

kiñ eo, im rar mōn ir, aet jiljilimjuōnñoul armij, im rar likit bōrair ilo iep ko, im jilkinloki nōn iben i Jezriel. 8 Im juōn dri jilik e ar itok, im e ba, Rar bōktok bōrair, bōran lōmaro nejin kiñ eo. Im e ar ba, Komin likiti ilo ruo ejoj i iman kejem eo mae jiboñ. 9 Im ke ejiboñ e ar drioi jlok, im jutōk, im e ba nōn armij otemjej, Kom dri wānik: lo, I ar kabata nae iroi j eo aō, im mōn e, a wōn eo e ar mōn rein otemjej? 10 Kiō komin jela bwe e naj<sup>1</sup> ejelok eberir jen nan in Jeova, eo Jeova e ar konono kin imōn Ehab; bwe Jeova e ar kōmōn<sup>2</sup> men eo E ar ba kin korijeran, Ilaija. 11 Ein drein Jihu e ar mōn ro otemjej rar berwōt jen imōn Ehab i Jezriel, im aolepen leatōktōk ro an, im ro rar jitenburu iben, im pris ro an, mae ien ejelok juōn ej ber.

12 Im e ar jutōk im ilok im itok nōn Sameria. Im ke e ar ber i imōn mijbar an ro dri lale sip ilo ial eo, 13 Jihu e ar wōnmae ro jein im jātin Ehazaia kiñ in Juda, im e ba, Wōn kom? Im rar uak, Kim, ro jein im jātin Ehazaia: im kimij wōnlōllok in yokyokwe ro nejin kiñ eo, im ro nejin liroi j eo. 14 Im e ba, Komin jibwe ir. Im rar jibwe ir, im mōn ir i roñ in imōn dri mijbar ro, aet eñoul ruo eman; e ar jab likit juōn iair.

15 Im ke e ar ilok jen ijo, e ar lo Jihonadab nejin Rikab, ej iten wōnmae e; im e ar yokyokwe e, im ba nōn e, Buruōm e jime, einwōt buruō iben buruōm ke? Im Jihonadab e ar uak, Aet. Elañe ein drein kwon letok peōm. Im e ar lelok pein nōn e, im e ar kwotōkliñtōk e nōn iben ilo jariat eo. 16 Im e ar ba, Kwon itok iba, im lo aō kijejeto kin Jeova. Ein drein rar kōmōn bwe en uwe ilo jariat eo an. 17 Im ke e ar itok nōn Sameria, e ar mōn ro otemjej mōtōn Ehab ilo Sameria, mae ien e ar kokkure e, ekar nōn nan an Jeova, eo e ar konono nōn Ilaija.

18 Im Jihu e ar kokweloktok armij otemjej, im e ba nōn ir, <sup>3</sup>Ehab e ar kabuñ nōn Beal jirik wōt; a e naj lap

<sup>1</sup> Jap. 9. 7-10. <sup>2</sup> 1 KIJA 21. 10-29. <sup>3</sup> 1 KIJA 16. 21. 22.



an Jihu kabuñ ñõn e. 19 Inem kiõ komin kirtok ñõn iba, ro dri kanan otemjej an Beal, ro otemjej dri kabuñ ñõn e, im aolepen pris ro an; ejelok juõn en joko: bwe iba juõn katok elap ñõn Beal; jabrewõt eo e jamin itok, e naj mij. A Jihu e ar kõmõn men in kin mon, bwe en maroñ in mõn ro rej kabuñ ñõn Beal. 20 Im Jihu e ar ba, Komin kokwojarjar juõn kwelok in kabuñ ñõn Beal. Im rar kwalok e. 21 Im Jihu e ar jiliklok ilujen aolepen Israel: im ro otemjej dri kabuñ ñõn Beal rar itok, inem ejelok armij e ar joko. Im rar dreloñ ilo imõn Beal; im imõn Beal e ar kanuij obrök. 22 Im e ar ba ñõn eo ej lale imõn nuknuk ko, Kwon bõktok nuknuk ko ñõn ro otemjej dri kabuñ ñõn Beal. Im e ar bõktok nuknuk ko ñõn ir. 23 Im Jihu e ar dreloñ im Jihonadab nejin Rikab, ilo imõn Beal; im e ar ba ñõn ro dri kabuñ ñõn Beal, Komin kabukot, im lale, bwe en ijin ibemi ejelok ian ro dri korijeran Jeova, a ro dri kabuñ ñõn Beal wõt. 24 Im rar dreloñ im katok kin men in katok ko, im katok kijeek ko. A Jihu e ar kejenolok drualitõkñoul man inabij, im ba, Elañe jabrewõt ian armij ro I ar añintok na ilo peõmi ej ko, eo ej kõtlok e, an mour e naj kin mour eo an.

25 Im ke e ar kamwijlok an katok kin men in katok kijeek eo, Jihu e ar ba ñõn ro dri bar im kapen ro, Komin dreloñ, im mõn ir; ejelok en drioijlok. Im rar mõn ir kin mejen jāji; im ro dri bar im kapen ro rar jolok ir inabij, im rar ilok ñõn jikin kwelok an imõn Beal. 26 Im rar kadrioijlok jur dreka ko rar ber iloan imõn Beal, im tili. 27 Im rar rupe ñõn löl jurõn Beal, im rar kejebeplok imõn Beal; im rar kõmõne jikin tilo, ñõn ranin. 28 Ein drein Jihu e ar kokkure Beal jen Israel.

29 Ijoke, jen <sup>1</sup>bwir ko an Jeroboam nejin Nibat, ko e ar kabwir Israel kake, Jihu e ar jab illok jeni, aet, kon in gold ko rar ber i Betel im i Dan. 30 Im Jeova e ar ba ñõn Jihu,

Kin am kõmõn emõn ilo am jerbale men eo e jime iman meja, im kwar kõmõn ñõn imõn Ehab ekar ñõn men otemjej ilo buruõ, <sup>1</sup>lõmaro nejõm ñõn ebeben eo ken kemen, re naj jijõt ion tron an Israel. 31 A Jihu e ar jab lale bween etetal ilo kien Jeova, Anij in Israel, kin aolepen buruen: e ar jab illok jen bwir ko an Jeroboam ko e ar kabwir Israel kake.

32 Ilo ran ko Jeova e ar jino in bukwelok mõtõn jen Israel: im Hazael e ar mõn ir ilo tõreren ko otemjej in Israel; 33 jen Jordan i rear, aolepen ene Giliad, ro dri Gad, im ro dri Ruben, im ro dri Menassa, jen Aroer iturin komlöl in Arnon, aet Giliad im Beshan. 34 A jerbak ko jet an Jihu, im men otemjej e ar kõmõni, im aolepen an kajur, ar jab jeje ilo buk in bwebwenato an kiñ ro in Israel ke? 35 Im Jihu e ar kiki iben ro jiman; im rar kalibwin e i Sameria. Im Jehoehaz nejin, e ar kiñ im binej jenkwoñ. 36 Im ien an Jihu kiñ ion Israel i Sameria, roñoul drualitõk yid.

**11** Ke<sup>2</sup> Atalaia jinen Ehazaia e ar jõtõk im mõn lõmaro otemjej nejin kiñ. 2 A Jihosheba, lio nejin kiñ Joram, jätin Ehazaia, e ar bõk Joash ladrik eo nejin Ehazaia, im kwot e jen iben lõmaro nejin kiñ, im rar jab mõn ir, e im lio dri lale e, im e ar likit irro ilo juõn bo in kiki; im rar nõj ir jen Atalaia, inem ar jab mõn e; 3 im e ar ber iben lio, im tilekek ilo imõn Jeova iomin jiljino yid. Im Atalaia e ar lioij ion eneo.

4 Im<sup>3</sup> ilo yid eo ken ka jiljilimjuõn, Jihoiada e ar jiliklok im añintok kapen ro in buki ko im ro dri lale, im e ar añintok ir na ilo imõn Jeova; im e ar kõmõn juõn bujen ibeir, im kabinbin nan ibeir ilo imõn Jeova, im kwalok ñõn ir ladrik nejin kiñ eo. 5 Im e ar jiroñ ir, im ba, Eñin men eo kom naj kõmõne: juõn mõtõn jilu iami, ro rej dreloñ ilo ran in Sabat, re naj ro dri lale mweo imõn kiñ; 6 im juõn mõtõn jilu re naj ber i kejem eo Sur; im juõn mõtõn jilu i kejem elikin ro

<sup>1</sup> 1 Kib. 12. 28-30.<sup>2</sup> 2 Jap. 16. 12. <sup>3</sup> 2 Kron. 22. 10-12. <sup>4</sup> 2 Kron. 25. 1-21.

dri lala: ein drein kom naj bar mweo, im kom naj biniworwor. 7 Im jar ko ruo iami, aet ro otemjej rej drioijlok ilo ran in Sabat, re naj lala imõn Jeova iturin kiñ eo. 8 Im kom naj kabol kiñ eo, jabrewõt armij an ken tõrinae ilo pein; im eo ej driblok kolan ko, ren mõn e: im komin ber iben kiñ eo ñe ej drioijlok, im ñe ej dreloñtok.

9 Im kapen in buki ko rar kõmõn ekar ñõn men otemjej Jihoiada, pris eo e ar jiroñ ir, im rar bõk, jabrewõt iair, armij ro dron, ro rej dreloñtok ilo ran in Sabat, im ro rej drioijlok ilo ran in Sabat, im rar itok ñõn iben Jihoiada pris eo. 10 Im pris eo e ar lelok ñõn kapen ro in buki ko, mõri ko im likipijñõk ko kar an kiñ Devid, ko rar ber ilo imõn Jeova. 11 Im ro dri bar rar jutõk, jabrewõt eman an ken tõrinae ilo pein, jen turin anbij-marõnõn mweo ñõn turin anmiñin mweo, iturin lokatok eo im mweo, im ebak kiñ eo, iturin. 12 Inem e ar kadrioijlok ladrik eo nejin kiñ, im likit bokronat eo ion, im lelok ñõn e kalimur eo; im rar kairoij e kiñ, im kabit e; im rar kabok pã, im ba, Kiñ en mour wõt.

13 Im ke Atalaia e ar roñjake ainiken ro dri bar im armij ro, e ar itok ñõn iben armij ro ilo imõn Jeova: 14 im e ar reilok, im lo, kiñ eo e ar jutõk iturin jur eo, einwõt mõnit eo, im kapen ro im jilil ko iturin kiñ eo; im armij otemjej an eneo rar lõñliñ, im jilil. Inem Atalaia e ar kekel nuk-nuk ko an, im e ar lamij, Kabata! kabata! 15 Im Jihoiada pris eo e ar jiroñ kapen ro in buki ko, emwij likit ir ion jar in tõrinae eo, im ba ñõn ir, Kõmin kadrioijlok e ikõtã kolan ko; im eo ej lore, komin mõn e kin jãji. Bwe pris eo e ba, Ren jab mõn lio ilo imõn Jeova. 16 Ein drein rar na ialin; im e ar ilok ilo ial in dreloñ an ors ko ñõn imõn kiñ: im ar mõn e ijo.

17 Im Jihoiada e ar kõmõn bujen ikõtã Jeova im kiñ eo im armij ro, bwe ren dri ailiñ an Jeova; bareinwõt ikõtã kiñ im armij ro. 18 Im armij otemjej ilo eneo rar ilok ñõn imõn

Beal, im rar rupe; lokatok ko an, im men in e ko an rar kanuij kokkure, im rar mõn Mattan pris an Beal iman lokatok ko. Im pris e ar likit dri kabwijrõk ion imõn Jeova. 19 Im e ar bõk kapen ro in buki ko, im ro dri bar, im ro dri ailiñ eo otemjej; im rar bõkilõtok kiñ eo jen imõn Jeova, im itok ilo ial in kejem an ro dri bar, ñõn imõn kiñ eo. Im e ar jijõt ion tron an kiñ ro. 20 Ein drein aolepen armij in eneo rar lõñliñ, im jikin kwelok eo e jok. Im rar mõn Atalaia kin jãji iturin imõn kiñ.

21 <sup>1</sup> Jehoash e ar ridtõn jiljilimjuõn  
**12** yio ke e ar jino an kiñ. 1 Ilo yio eo ken ka jiljilimjuõn an Jihu, Jehoash e ar jino an iroi; im e ar kiñ iomian eñoul yio i Jerusalem: im etan jinen, Zibia jen Bier-shiba. 2 Im Jehoash e ar kõmõn jime ilo mejen Jeova ran ko an otemjej ke Jihoiada pris e ar katakin e. 3 Ijoke, ar jab bõklok jikin ko reutiej; armij ro rar katok wõt im kõkaijurjur ilo jikin ko reutiej.

4 Im Jehoash e ar ba ñõn pris ro, Aolepen mõnni jen men ko rokwojar-jar emwij bõktok ñõn imõn Jeova, mõnni in wia, mõnni jen armij ro jabrewõt iair ej owoj kake, im mõnni otemjej ej ilo buruen jabrewõt armij bwe en bõktok iloan imõn Jeova, 5 pris ro ren bõki ñõn ibeir, jabrewõt armij jen ro jeran; im ren karbin rup ko i mweo, ijoko jabrewõt e rup. 6 A ein drein, ilo yio eo ken ka roñoul jilu an kiñ Jehoash, pris ro re jañin karbin rup ko i mweo. 7 Inem kiñ Jehoash e ar kirtok Jihoiada pris eo, im pris ro jet, im e ba ñõn ir, Etke kom jab karbin rup ko i mweo? inem kiõ komin jab bar bõk mõnni jen ro jerami, a komin lelok kin rup ko i mweo. 8 Im pris ro rar ba emõn ren jab bar bõk mõnni jen armij ro, im ren jab karbin rup ko in mweo.

9 A <sup>2</sup> Jihoiada e ar bõk juõn dipdip, im e ar kõmõn juõn roñ ilo mejen, im e ar likite iturin lokatok eo, i anbij-

<sup>1</sup> 2 Kron. 24. 1-16. <sup>2</sup> Mark 12. 41.

maroñ ñe juõn ej dreloñ ilo imõn Jeova: im pris ro rej lale kejem rar likit iloan mõnni otemjej ar bõktok ilo imõn Jeova. 10 Im ein drein, ke rar lo bwe elap mõnni ilo dipdip eo, dri jeje an kiñ eo, im pris elap, rar itok, im rar likit e ilo bõjo ko, im bwini mõnni rar loe ilo imõn Jeova. 11 Im rar lelok mõnni eo emwij paun e na ilo pein ro rar kõmõn jermal eo, ro rar lale imõn Jeova: im rar lilok ñõn ro dri jembali rä, im ñõn ro dri kal, ro rar jermal ilo imõn Jeova, 12 im ñõn ro dri kal kin dreka, im ñõn ro rej jekjek dreka ko, im kin wiaik wijki im dreka emwij jeki ñõn karbin rup ko ilo imõn Jeova, im kin men otemjej rar kapojõk ñõn mweo in karbin e. 13 A re jab kõmõnmõn ñõn imõn Jeova kõp silver ko, ken jojen melle an lamp ko, jabi ko, jilil ko, jabrewõt jabi gold, ak jabi silver, jen mõnni eo ar bõktok ilo imõn Jeova; 14 bwe rar lilok ñõn ro rar kõmõn jermal eo, im rar karbin mweo kake. 15 Bareinwõt, rar jab watõke iben armij ro, ro rar lelok mõnni in ilo peir bwe ren lelok ñõn ro rar jermal; bwe etiljek air kõmõn. 16 Mõnni kin katok bwir, im mõnni kin katok jerawiwi, rar jab bõktok ilo imõn Jeova: a an pris ro.

17 Ien eo <sup>1</sup> Hazael kiñ in Siria e ar wõlñilok, im tõrinaek Gat, im bõke; im Hazael e ar kaioklok Jerusalem. 18 Inem Jihoash kiñ in Juda e ar bõk men ko rokwojarjar otemjej, ko Jiho-shapat, im Jehoram, im Ehazaia, ro jiman, kiñ ro in Juda rar aje, im men ko an rokwojarjar, im aolepen gold rar loe ilo jikin mweujuk ko an imõn Jeova, im an imõn kiñ, im e ar jilkinloki ñõn Hazael, kiñ in Siria: inem e ar etal jen Jerusalem.

19 A jermal ko jet an Joash, im men otemjej e ar kõmõni, ar jab jeje ilo buk in bwebwenato an kiñ ro in Juda ke? 20 Im ro dri korijeran rar jutõk, im kabata, im mõn Joash i imõn Millo, ilo iallok ñõn Silla. 21 Bwe Jozekar nejin Shimeat, im Jehozabad nejin Shomer, ro dri korijeran,

rar mõn e, inem e mij; im rar kalibwin e iben ro jiman ilo jikin kwelok an Devid: im <sup>1</sup> Amazaia nejin, e ar kiñ im binej jenkwõn.

**13** Ilo yiõ eo ken ka joñoul jilu an Joash, nejin Ehazaia, <sup>1</sup> kiñ in Juda, Jihoahaz nejin Jihu, e ar jino an kiñ ion Israel i Sameria, im e ar kiñ iomin joñoul jiljilimjuõn yiõ. 2 Im e ar kõmõn nana iman mejen Jeova, im e ar lor jerawiwi ko an Jeroboam nejin Nibat, ko e ar kabwir Israel kake; e ar jab illok jeni. 3 Im ebwil illu an Jeova nae Israel, im E ar ketõke na ilo pein Hazael kiñ in Siria, im ilo pein Ben-hedad nejin Hazael, ien otemjej. 4 Im Jihoahaz e ar akwelap ñõn Jeova, im Jeova e ar eoroñ e; bwe E ar lo an Israel jorran, ekijkan kiñ in Siria e ar kejjorran ir. 5 (Im Jeova e ar lelok ñõn Israel juõn dri lomor, ein drein rar ilok jen iomin pein ro dri Siria; im ro nejin Israel rar jokwe ilo moko imweir einwõt mokta. 6 Ijoke, rar jab ilok jen jerawiwi ko an Jeroboam, ko e ar kabwir Israel kake, a rar etetal ilo ir: im Ashira ko rar berwõt ilo Sameria.) 7 Bwe e ar likit ñõn Jihoahaz ian armij ro, limñoul wõt dri uwe ion ors, im joñoul jariot, im joñoul tausand dri tõrinae etetal; bwe kiñ in Siria e ar mõn ir im kõmõn ir einwõt bõñõl-ñõl ilo ien dreñdreñ. 8 Ak jermal ko jet an Jihoahaz im men otemjej e ar kõmõni, im an kajur, ar jab jeje ilo buk in bwebwenato ko an kiñ ro in Israel ke? 9 Im Jihoahaz e ar kiki iben ro jiman; im rar kalibwin e i Sameria: im Joash nejin e ar kiñ im binej jenkwõn.

10 Ilo yiõ eo ken ka jilñoul jiljilimjuõn an Joash kiñ in Juda, Jihoash nejin Jihoahaz e ar jino in kiñ ion Israel i Sameria, im e ar kiñ iomin joñoul jiljino yiõ. 11 Im e ar kõmõn nana iman mejen Jeova; e ar jab illok jen jerawiwi ko otemjej an Jeroboam nejin Nibat, ko e ar kabwir Israel kake, a e ar etetal ilo ir. 12 Ak jermal ko jet an Joash, im men otemjej e ar kõmõni, im an kajur ke

<sup>1</sup> Jap. 8. 12.<sup>1</sup> Jap. 14. 1.

e ar törinaek Amazaia kiñ in Juda, ar jab jeje ilo buk in bwebwenato ko an kiñ ro in Israel ke? 18 Im Joash e ar kiki iben ro jiman; im Jeroboam e ar jijöt ion tron eo an: im ar kalibwin Joash i Sameria iben kiñ ro in Israel.

14 Ilaisha e nañinmij kin nañinmij eo e ar mij kake: im Joash kiñ in Israel e ar wönlöltoke ñön iben, im jöñ ion, im ba, Jema, jema, jariat ko an Israel im dri uwe ion ors ro an! 15 Im Ilaisha e ar ba ñön e, Kwon kapjere juön libon im möri ko; inem e ar bök ñön iben libon im möri ko. 16 Im e ar ba ñön kiñ in Israel, Kwon likit peöm ion libon eo; im e ar likit pein ion. Im Ilaisha e ar likit pein ion pein kiñ eo. 17 e ar ba, Kwon kabellek windo eo i rear; im e ar kabellek e. Inem Ilaisha e ar ba, Kwon libon; im e ar libon. Im e ar ba, Möri in anjo an Jeova, aet, möri in anjo ion Siria; bwe kwo naj mön ro dri Siria i Epek, mae ien am naj kokkure ir. 18 Im e ar ba, Kwon bök möri ko: im e ar böki. Im e ar ba ñön kiñ in Israel, Kwon dreñlokwe löl. Im e ar dreñlokwe jilu alen im bwijrök. 19 Im armij öñ Anij eo e ar illu iben, im ba, Emön am kar dreñlokwe lallim ak jiljino alen: inem kwo naj kar mön Siria mae ien am kokkure; a kiö kwo naj mön Siria alen wöt jilu.

20 Im Ilaisha e mij, im rar kalibwin e. Ak jar ko an dri Moab rar dreloñtok ilo eneo ilo jino in yiö. 21 Im ke rej kalibwin juön eman, lo, rar lo juön jaran armij; im rar jolok ubön leo iloan lup eo an Ilaisha: im kiökiö ke ubön e ar uñire drin Ilaisha, e ar mour wöt im jerkak.

22 Im Hazael kiñ in Siria e ar kejjoran Israel ran ko otemjej an Jihoahaz. 23 A Jeova e ar joiñ ñön ir, im tiriamokake ir, im lale ir, kin bujen eo An iben Ebrean, Aisak, im Jakob, im E jab kōnan mön ir, im E ar jab jolok ir jen iman mejen ien eo. 24 Im Hazael kiñ in Siria e mij; im Ben-hedad nejin e ar kiñ im binej jenkwön. 25 Im Jihoash nejin Jihoa-

haz e ar bök jen pein Ben-hedad nejin Hazael, jikin kwelok ko e ar bök jen pein Jihoahaz, jemen, kin törinae. Alen jilu Joash e ar mön e, im e ar bar bök jikin kwelok ko an Israel.

14 Ilo <sup>1</sup>yiö eo ken ka ruo an Joash nejin Joahaz kiñ in Israel, Amazaia nejin Joash kiñ in Juda e ar jino an kiñ. 2 Ridtön roñoul lailim yiö ke e ar jino an kiñ; im e ar kiñ iomin roñoul druatimjuön yiö i Jerusalem: im etan jinen, Jihoadin, dri Jerusalem. 3 Im e ar kōmön emön iman mejen Jeova, a jab einwöt David jemen: e ar kōmön ekar ñön men otemjej Joash e ar kōmōni. 4 Ijoke, ar jab böklok jikin ko reutiej: armij ro rar katok im kōkaijurjur ilo jikin ko reutiej. 5 Im ke emwij kabin ailiñ eo ilo pein, e ar mön kōmaro korijeran ro rar mön jemen: 6 a ro nejin ro dri uror e ar jab mön ir; ekar ñön nan eo emwij jeje ilo buk in kien Moses, einwöt Jeova e ar jiroñ, im ba, Ren jab mön ro jemeir kin ro nejir, im ren jab mön ro nejir kin ro jemeir; a jabrewöt armij kin jera-wiwi eo an wöt. 7 E ar mön ian dri Idom ilo Komlöl in Jätök joñoul tausan, im e ar bök Sila kin törinae, im naetan Jokteel, ñön ranin.

8 <sup>2</sup>Inem Amazaia e ar jilkinlok ro dri jilik ñön Jihoash, nejin Jihoahaz, nejin Jihu, kiñ in Israel, im ba, Kwon itok, im jenjelmae dron. 9 Im Jihoash kiñ in Israel e ar jiliklok ñön Amazaia kiñ in Juda, im ba, Kälklik eo e kar i Lebanon e ar jilkinlok ñön wjki aik i Lebanon, im ba, Kwon lelok lio nejöm ñön leo nejio bwe en belen: im kiru e awia eo e ar ber i Lebanon, e ar elälök im jur kälklik eo. 10 Emol kwar mön Idom, im buruöm e ar koutiej yuk: kwon kimjäje kake, im berwöt i kabijuknöm; bwe etke kwon owajuij ñön am jorran, bwe komin buñ, kwe im Juda iböm?

11 A Amazaia e jab kōnan eoröñ e. Ein drein Jihoash kiñ in Israel e ar wönliñlok, im e kab Amazaia kiñ in Juda, irro rar jelmae dron i Bet-shimesh eo an Juda. 12 Im Juda e jor-

<sup>1</sup> 2 Kron. 25. 1. <sup>2</sup> 2 Kron. 25. 17-24.

ran iman Israel: im rar ko, jabrewõt armij ñõn mweo imõn. 13 Im Jihoash kiñ in Israel e ar jibwe Amazaia kiñ in Juda, nejin Jihoash nejin Eha-zaia, i Bet-shimesh, im itok ñõn Jerusalem, im kokkure worwor in Jerusalem jen kejem in Ipreim ñõn kejem eo i bõul, äbuki kubit. 14 Im e ar bõk aolepen gold im silver, im jäbi otemjej rar loi ilo imõn Jeova, im ilo jikin mweiuk ko an imõn kiñ, ro dri jebokwe bareinwõt, im jeblaklok ñõn Sameria.

15 A jermal ko jet Jihoash e ar kõmõni, im an kajur, im ekijkan e ar tõrinaek Amazaia kiñ in Juda, ar jab jeje ilo buk in bwebwenato ko an kiñ ro in Israel ke? 16 Im Jihoash e ar kiki iben ro jiman, im ar kalibwin e i Sameria iben kiñ ro an Israel: im Jeroboam nejin e ar binej jenkwõn im kiñ.

17 Im Amazaia nejin Joash kiñ in Juda e ar mour elikin mij an Jihoash nejin Jihoahaz kiñ in Israel, joñoul lailim yïõ. 18 Jermal ko jet an Amazaia, ar jab jeje ilo buk in bwebwenato ko an kiñ ro in Juda ke? 19 Im rar kabata nae e i Jerusalem; im e ar ko ñõn Lekish: a rar jiliklok ilokõnlok ñõn Lekish, im mõn e ijo. 20 Im rar bõktok e ion ors ko: im ar kalibwin e i Jerusalem iben ro jiman ilo jikin kwelok an Devid. 21 Im ro dri Juda otemjej rar bõk Azaraia, eo ridtõn joñoul jiljino yïõ, im kairoi j e kiñ im binej jenkwõn jemen, Amazaia. 22 E ar kalek Ilat, im kajebaktok e ñõn Juda, elikin an kiñ eo kiki iben ro jiman.

23 Ilo yïõ eo ken ka joñoul lailim an Amazaia, nejin Joash kiñ in Juda, Jeroboam nejin Joash kiñ in Israel, e ar jino in kiñ i Sameria, im e ar kiñ iomin eñoul juõn yïõ. 24 Im e ar kõmõn nana iman mejen Jeova; e ar jab illok jen aolepen jerawiwi ko an Jeroboam nejin Nibat, ko e ar kabwir Israel kake. 25 E ar kajime tõreren Israel jen mejäti in Hemat ñõn loma-lo in Araba, ekar ñõn nan in Jeova, Anij in Israel, eo e ar konono kin dri korijeran, Jona, nejin Amittai, dri

kanan eo jen Bet-hiper. 26 Bwe Jeova e ar lo jorran an Israel, bwe e kanuij meo; bwe ejelok eo emwij kile ak ej inabij, im ejelok dri jibõñ ñõn Israel. 27 Im Jeova e ar jab ba E naj jeorlok etan Israel jen iomin lõñ; a E ar lomor ir kin pein Jeroboam nejin Joash.

28 Jermal ko jet an Jeroboam, im men otemjej e ar kõmõni, im kajur eo an, ekijkan e ar tõrinae, im ekijkan e ar bõk Damaskõs, im Hemat, e kar an Juda, ñõn Israel, ar jab jeje ilo buk in bwebwenato ko an kiñ ro in Israel ke? 29 Im Jeroboam e ar kiki iben ro jiman, aet iben kiñ ro in Israel; im Zekaraia nejin e ar binej jenkwõn im kiñ.

15 Ilo yïõ eo ken ka roñoul jiljilimjuõn an Jeroboam kiñ in Israel, Azaraia nejin Amazaia kiñ in Juda e ar jino in kiñ. 2 Ridtõn joñoul jiljino yïõ ke e ar jino in kiñ; im e ar kiñ iomin limfoul ruo yïõ i Jerusalem: etan jinen, Jikolaia, dri Jerusalem. 3 Im e ar kõmõn emõn iman mejen Jeova, ekar ñõn men otemjej jemen, Amazaia e ar kõmõni. 4 Ijoke, rar jab bõklok jikin ko reutiej: armij ro rar katok im kõkaijurjur wõt ilo jikin ko reutiej. 5 Im Jeova e ar kejjorran kiñ eo, ein drein e ar dri leper ñõn ran eo ke e mij, im e ar jokwe ilo juõn im möke ian. Im Jotam nejin kiñ eo, e ar iroi j ion ro dri mweo imõn, im e ar ekajete armij ro in eneo. 6 Ak jermal ko jet an Azaraia, im men otemjej e ar kõmõni, ar jab jeje ilo buk in bwebwenato ko an kiñ ro in Juda ke? 7 Im Azaraia e ar kiki iben ro jiman; im rar kalibwin e iben ro jiman ilo jikin kwelok an Devid: im Joram nejin e ar kiñ im binej jenkwõn.

8 Ilo yïõ eo ken ka jilñoul dualitõk an Azaraia kiñ in Juda, Zekaraia nejin Jeroboam e ar kiñ ion Israel i Sameria iomin jiljino aliñ. 9 Im e ar kõmõn nana iman mejen Jeova, einwõt ro jiman rar kõmõne: e ar jab illok jen jerawiwi ko an Jeroboam nejin Nibat, ko e ar kabwir

Israel kake. 10 Im Shallum nejin Jebesh e ar kabata nae e, im mōn e iman armij ro bwe en mij, im e ar kiñ im binej jenkwōn. 11 Ak jermal ko jet an Zekaraia, lo, emwij jeje ilo buk in bwebwenato ko an kiñ ro in Israel. 12 Eñin nan in Jeova eo e ar konono ñōn Jihu, im ba, Ro nejōm ñōn ebeben eo ken kemen, re naj jijōt ion tron eo an Israel. Inem ein drein an jejit.

13 Im Shallum nejin Jebesh e ar jino an kiñ ilo yio eo ken ka jilñoul druatimjuōn an Uzzaia kiñ in Juda; im e ar kiñ iomin juōn aliñ i Sameria. 14 Im Menahem nejin Gedai e ar wōnliflok jen Tirza, im itok ñōn Sameria, im e ar mōn Shallum nejin Jebesh i Sameria, bwe en mij, im e ar kiñ im binej jenkwōn. 15 Ak jermal ko jet an Shallum, im kabata eo e ar kōmōne, lo, emwij jeje ilo buk in bwebwenato an kiñ ro in Israel. 16 Ien eo Menahem e ar mōn Tipsa, im ro otemjej iloan, kab ilo tōreren ko an, jen Tirza; kin ke rar jab kabellek ñōn e, inem e ar mōn e; im aolepen kōra ro re bōroro, e ar jannōke.

17 Ilo yio eo ken ka jilñoul druatimjuōn an Azaraia kiñ in Juda, Menahem nejin Gedai e ar jino in kiñ ion Israel, im e ar kiñ iomin joñoul yio i Sameria. 18 Im e ar kōmōn nana iman mejen Jeova: e ar jab illok ilo ran ko an otemjej jen jerawiwi ko an Jeroboam nejin Nibat, ko e ar kabwir Israel kake. 19 <sup>1</sup>Pul kiñ in Assiria e ar itok nae eneo; im Menahem e ar lelok ñōn Pul juōn tausan talent silver, bwe pein en iben, ken kabin ailiñ ilo pein. 20 Im Menahem e ar bōk mōnni eo jen Israel ilo kejem, aet jen aolepen armij ro dri mweie, jen kajuju armij limñoul shekel silver, bwe en lilok ñōn kiñ in Assiria. Ein drein kiñ in Assiria e ar rollok, im e ar jab berwōt ilo eneo. 21 Ak jermal ko jet an Menahem, im men otemjej e ar kōmōni, ar jab jeje ilo buk in bwebwenato an kiñ ro an Israel ke? 22 Im

Menahem e ar kiki iben ro jiman; im Pekahaia nejin e ar kiñ im binej jenkwōn.

23 Ilo yio eo ken ka limñoul an Azaraia kiñ in Juda, Pekahaia nejin Menahem e ar jino in kiñ ion Israel i Sameria, im e ar kiñ iomin ruo yio. 24 Im e ar kōmōn nana iman mejen Jeova: e ar jab illok jen jerawiwi ko an Jeroboam nejin Nibat, ko e ar kabwir Israel kake. 25 Im Pika, nejin Remalaia, kapen eo an, e ar kabata nae e, im mōn e i Sameria, ilo me in imōn kiñ eo, iben Argob im Eraia; im iben limñoul man ian ro dri Giliad: im e ar mōn e, im kiñ im binej jenkwōn. 26 Ak jermal ko jet an Pekahaia, im men otemjej e ar kōmōni, lo, emwij jeje ilo buk in bwebwenato an kiñ ro in Israel.

27 Ilo yio eo ken ka limñoul ruo an Azaraia kiñ in Juda, Pika nejin Remalaia e ar jino in kiñ ion Israel i Sameria, im e ar kiñ iomin roñoul yio. 28 Im e ar kōmōn nana iman mejen Jeova: e ar jab illok jen jerawiwi ko an Jeroboam nejin Nibat, ko e ar kabwir Israel kake.

29 Ilo ran ko an Pika kiñ in Israel, Tiglat-piliser kiñ in Assiria e ar item bōk Aijon, im Ebel-bet-meaka, im Janoa, im Kidesh, im Hezor, im Giliad, im Galili, aolepen enen Naptalai; im e ar añinlok ir dri jebokwe ñōn Assiria. 30 Im Hoshia nejin Ila e ar kabata nae Pika nejin Remalaia, im mōn e bwe en mij, im kiñ im binej jenkwōn, ilo yio eo ken ka roñoul an Jotam nejin Uzzaia. 31 Ak jermal ko jet an Pika, im men otemjej e ar kōmōni, lo, emwij jeje ilo buk in bwebwenato ko an kiñ ro in Israel.

32 Ilo yio eo ken ka ruo an Pika nejin Remalaia kiñ in Israel, Jotam nejin Uzzaia kiñ in Juda, e ar jino an kiñ. 33 E ar ridtōn roñoul lailim yio ke e ar jino in kiñ, im e ar kiñ joñoul jiljino yio i Jerusalem: im etan jinen, Jirusa, lio nejin Zedok. 34 Im e ar kōmōn emōn iman mejen Jeova; e ar kōmōn ekar ñōn men otemjej jemen, Uzzaia e ar kōmōni. 35 Ijoke, e ar

<sup>1</sup> | Kron 5. 25. 26.

jab böklok jikin ko reutiej: armij ro rar katok im kôkaijurjur wôt ilo jikin ko reutiej. E ar kômônmon aur eo ilôn ilo imôn Jeova. 36 Ak jeral ko jet an Jotam, im men otemje e ar kômôni, ar jab jeje ilo buk in bwebwewenato ko an kiñ ro in Juda ke? 37 Ilo ran ko Jeova e ar jino in jilkinlok nae Juda, Rizin kiñ in Siria, im Pika nejin Remalaia. 38 Im Jotam e ar kiki iben ro jiman, im ar kalibwin e iben ro jiman i jikin kwelok an Devid jemen: im Ehaz nejin e ar kiñ im binej jenkwôn.

**16** Ilo yiô eo ken ka joñoul jiljilimjuôn an Pika nejin Remalaia, Ehaz nejin Jotam kiñ in Juda e ar jino in kiñ. 2 Ehaz ridtôn roñoul yiô ke e ar jino an iroi, im e ar iroi joñoul jiljino yiô i Jerusalem: im e ar jab kômôn emôn iman mejen Jeova an Anij einwôt Devid jemen. 3 A e ar etetal ilo ial an kiñ ro in Israel, set, e ar kômôn bwe ladrik eo nejin en dribuk kijeek eo, ekar nôn men ko men in jôjôik an dri ailiñ ko, ro Jeova e ar kadrioi, im ro nejin Israel. 4 Im e ar katok im kôkaijurjur ilo jikin ko reutiej, im ion tol ko, im iomin jabrewôt wiki e mâroro.

5 Ien eo Rizin kiñ in Siria im Pika nejin Remalaia kiñ in Israel rar itok nôn Jerusalem bwe ren tôrinae: im rar nitbwile Ehaz, a re ban bök anjo ion. 6 Ien eo Rizin kiñ in Siria e ar bök lat nôn Siria, im e ar ubaklok ro dri Ju jen llat; im ro dri Siria rar itok nôn llat, im jokwe ie, nôn ranin.

7 Inem Ehaz e ar jilkinlok ro dri jilik nôn Tiglat-piliser kiñ in Assiria, im ba, Na dri korijerôm im nejôm: kwon item lomor iô jen pein kiñ in Siria, im jen pein kiñ in Israel, ro rej jutök nae iô. 8 Im Ehaz e ar bök silver im gold eo e ar loi ilo imôn Jeova, im ilo jikin mweik eo an imôn kiñ, im jilkinlok juôn men in wiaik buruen kiñ in Assiria. 9 Im kiñ in Assiria e ar eoroñ e; im kiñ in Assiria e ar wônliñlok nae Damaskôs, im bök e, im añinlok armij ro dri jebokwe nôn Kir, im e ar môn Rizin.

10 Im kiñ Ehaz e ar ilok nôn Damaskôs bwe en wônmae Tiglat-piliser kiñ in Assiria, im e ar lo lokatok eo e ar ber i Damaskôs; im kiñ Ehaz e ar jilkinlok nôn Uraija, pris eo, wâwen lokatok eo, im ekijkan kômône, ekar nôn aolepen men in kômônmon. 11 Im Uraija pris eo e ar kômônmon juôn lokatok: ekar nôn aolepen men ko kiñ Ehaz e ar jilkinlok jen Damaskôs, im ein drein Uraija pris eo e ar kômône nôn ien an kiñ Ehaz itok jen Damaskôs. 12 Im ke kiñ eo e ar itok jen Damaskôs, kiñ eo e ar lo lokatok eo: im kiñ e ar druaktok nôn lokatok eo, im katok ion. 13 Im e ar tile an men in katok kijeek, im an jurtak flauo, im lutöklok an katok irak, im kabôtuktük bôtöktökin an men in katok ainemôn ko, ion lokatok eo. 14 Im lokatok jinibörörö eo e kar iman Jeova, e ar böklok jen iman mweo, jen ikôtan lokatok eo an im imôn Jeova, im likite eañ jen lokatok eo an. 15 Im kiñ Ehaz e ar jiroñ Uraija pris eo, im ba, Ion lokatok eo elap kwon tile men in katok kijeek ilo jiboñ, im katok flauo ilo jota, im men in katok kijeek an kiñ, im jurtak flauo eo an, iben katok kijeek an armij otemjej dri enen, im air jurtak flauo, im air jurtak irak; im kwon kabôtuktük ion, aolepen bôtöktökin men in katok kijeek eo, im aolepen bôtöktökin men in katok eo: a lokatok jinibörörö e naj aô ken kajitök. 16 Ein drein an Uraija pris eo kômôn, ekar nôn men otemjej kiñ Ehaz e ar jiroñ e.

17 Im kiñ Ehaz e ar 'bukwelok likabroror ko an loñtök ko, im kamökkit ken amin ko ioir, im e ar drore lomalo eo jen ox ko rar ber iomin, im likite ion loñtök dreka. 18 Im ial eo e libubu nôn ran in Sabat, eo emwij air kômône ilo mweo, im jikin dreloñ an kiñ inabij, e ar ukôte nôn imôn Jeova, kin kiñ in Assiria. 19 Ak jeral ko jet an Ehaz ko e ar kômôni, ar jab jeje ilo buk in bwebwenato ko an kiñ in Juda ke? 20 Im Ehaz e ar kiki iben ro jiman, im

ar kalibwin e iben ro jiman ilo jikin kwelok an Devid: im Hezeakaia nejin e ar kiñ im binej jenkwōn.

**17** Ilo yiō eo ken ka joñoul ruo an Ehaz kiñ in Juda, Hoshia nejin Ila e ar jino an kiñ i Sameria ion Israel, im e ar kiñ iomin druatumjuōn yiō. **2** Im e ar kōmōn nana iman mejen Jeova, a jab einwōt kiñ ro in Israel re kar mokta jen e. **3** Shalmaniser kiñ in Assiria e ar wōnliñlok nae e; im Hoshia e ar oktōm dri korijeran, im owōjlok ñōn e. **4** Im kiñ in Assiria e ar lo kabata iben Hoshia; bwe e ar jilkinlok ro dri jilik ñōn So kiñ in Ijpt, im e ar jab owōtlok ñōn kiñ in Assiria, einwōt e kar kōmōn yiō ko mokta: kin men in kiñ in Assiria e ar kile, im lukwoje ilo prison. **5** Inem kiñ in Assiria e ar wōnliñlok ilujen aolepen eneo, im wōnliñlok ñōn Sameria, im nitbwile iomin jilu yiō. **6** Ilo yiō eo ken ka druatumjuōn an Hoshia, kiñ in Assiria, e ar bōk Sameria, im āninlok ro dri Israel ñōn Assiria, im likit ir i Hela, im iturin Hebor, river in Gozan, im ilo jikin kwelok ko an ro dri Midia.

**7** Im ein drein, kin ke ro nejin Israel rar jerawiwi nae Jeova air Anij, Eo e ar kadrioiytok ir jen Ijpt, jen iomin pein Pero kiñ in Ijpt, im rar mijōk anij ro jet, **8** im rar etetal ilo kien ko an dri ailiñ ko, ro Jeova e ar jolok ir jen iman ro nejin Israel, im an kiñ ro in Israel, ko rar kōmōni. **9** Im ro nejin Israel rar kōmōn ilo etino men ko re jab jime, nae Jeova air Anij: im rar mōke kalek ñōn ir jikin ko reutiej ilo aolepen jikin kwelok ko air, jen imōn bar an ro dri kajere ñōn jikin kwelok eo eor an worwor; **10** im rar kajutōk jur dreka ko im Ashira ion tol ko otemjej, im iomin jabrewōt wijki e māroro; **11** im rar kōkaijurjur ie ilo jikin ko otemjej reutiej, einwōt ro dri ailiñ ko, ro Jeova e ar jolok jen imair; im rar kōmōn men ko re nana in kaillu Jeova kake; **12** im rar jermal ñōn ekjōp, ko Jeova e ar konono kake ñōn ir, Komin jab kōmōne men in. **13** Ijoke, Jeova e ar kwalok ñōn Israel im ñōn Juda,

kin dri kanan otemjej, im dri lok otemjej, im ba, Komin oktōk jen ial ko ami re nana, im kejbārok nan in jiroñ im nan in kaiñi ko Aō, ekar ñōn aolepen kien eo I ar jiroñ ro jimami, im ko I ar jilkinwoj ñōn ibemi kin ro dri korijera, dri kanan ro. **14** Ijoke, re jab kōnan eorōñ E, a rar kakijñiñi kenwair, einwōt kenwan ro jimair, ro rar jab tōmak Jeova air Anij. **15** Im rar jolok kien ko An, im bujen eo E ar kōmōne iben ro jimair, im nan in kalimur ko E ar kwalok ñōn ir; im rar lor men wan, im rar oktōm armij wan, im lore dri ailiñ ko iturir, kin ir Jeova e ar jiroñ ir bwe ren jab kōmōn eirwōt. **16** Im rar illok jen kien ko otemjej an Jeova air Anij, im rar mōke kōmōn ñōn ir men in e ko unlok, aet, ruo kon in kau, im rar kōmōn juōn Ashira, im kabuñ ñōn aolepen jaran lōñ, im rar jermal ñōn Beal. **17** Im rar kōmōn bwe ladrik im ledrik ro nejin ren dri-buk kijeek eo, im rar marmir im anij-nij, im wiakake ir ñōn kōmōn nana iman mejen Jeova, in kaillu E. **18** Kin men kein, Jeova e ar kanuij illu iben Israel, im kamōkit ir jen iman mejen: ejelok ej berwōt, a bwijn Juda wōt.

**19** Bareinwōt<sup>1</sup> Juda e ar jab kejbārok kien ko an Jeova, a rar etal ilo nan in jiroñ ko an Israel, ko rar kōmōni. **20** Im Jeova e ar jolok aolepen inen Israel, im kaiñtan ir, im ketōk ir na ilo pein ro dri rakim, mae ien An jolok ir jen iman mejen. **21** Bwe E ar kekel Israel jen imōn Devid; im rar kairoi Jeroboam nejin Nibat air kiñ: im Jeroboam e ar kajeor Israel jen air lor Jeova, im e ar kōmōn bwe ren jerawiwi ilo juōn jerawiwi elap. **22** Im ro nejin Israel rar etetal ilo jerawiwi ko otemjej an Jeroboam, ko e ar kōmōni; rar jab illok jeni; **23** mae ien an Jeova kamōkit Israel jen iman mejen, einwōt E ar konono kin ro dri korijeran otemjej, ro dri kanan. Ein drein E ar āninlok Israel jen eneo air, ñōn Assiria ñōn ranin.

<sup>1</sup> 1 KIN 14. 23, 25.



24 Im <sup>1</sup> kiñ in Assiria e ar añintok armij jen Babilon, im jen Kuta, im jen Eva, im jen Hemat, im jen Separveim, im likit ir ilo jikin kwelok ko an Sameria, bwe ren binej jenkwōn ro nejin Israel; im rar drebij Sameria, im jokwe ilo jikin kwelok ko an. 25 Im ein drein, ilo jinoin air jokwe ijo, rar jab mijōk Jeova: kin men in, Jeova e ar jilkinlok laion ko ñōn ibeir, im rar mōn jet iair. 26 Inem rar konono ñōn kiñ in Assiria, im ba, Ro dri ailiñ ko kwar añinlok ir im likit ir ilo jikin kwelok ko an Sameria, re jaje kien anij in eneo: kin men in, e ar jilkinlok laion ko ñōn ibeir, im lo, rar mōn ir, kin ke re jab jela kien anij in eneo.

27 Inem kiñ in Assiria e ar jiroñ, im ba, Komin añinlok ñōn ijo juōn ian pris ro kom ar añintok jen ijo; im ren jokwe ie, im en katakin ir kin kien anij in eneo. 28 Ein drein juōn ian pris ro rar añinlok ir jen Sameria, e ar item jokwe i Betel, im katakin ir ekijkan ren mijōk Jeova. 29 Ijoke, dri jabrewōt ailiñ rar jimor kōmōn anij ro air, im likiti ilo moko an jikin ko reutiej, ko dri Sameria rar kōmōnmōni, jabrewōt dri ailiñ ilo jikin kwelok ko rar jokwe ie. 30 Im ro dri Babilon rar kōmōn Sōkkotbinot, im ro dri Kut rar kōmōn Nergal, im ro dri Hemat rar kōmōn Ashima, 31 im ro dri Eva rar kōmōn Nibhaz, im Tartak; im ro dri Separveim rar tili ro nejir ilo kijeek ñōn Adramelek im Anamelek, anij ro an Separveim. 32 Ein drein rar mijōk Jeova im mōke kōmōn ñōn ir jen iair pris ro ñōn jikin ko reutiej, ro rar katok kin ir ilo moko an jikin ko reutiej. 33 Rar mijōk Jeova, im jermal ñōn anij ro air, einwōt mōntin ro dri ailiñ ko ar añinlok ir jen ibeir.

34 Ñōn ranin rej kōmōn ekar ñōn wāwen eo mokta: re jab mijōk Jeova, im re jab kōmōn ekar ñōn nan in jiroñ ko air, ak ekar ñōn kabuñjar eo Jeova e ar jiroñ ro nejin Jakob kake, eo E ar naetan Israel; 35 im ibeir Jeova e ar kōmōn juōn bujen, im ji-

roñ ir im ba, Komin jab mijōk anij ro jet, ak <sup>1</sup> barikrik jen ir, ak jermal ñōn ir, ak katok ñōn ir: 36 a Jeova, eo e ar añintok kom jen ene Ijpt, kin kajur elap im pein erlok, Eo komin mijōk E, im Eo komin kabuñ ñōn E, im Eo komin katok ñōn E: 37 im nan in kaiñi ko, im kabuñjar ko, im kien eo, im nan in jiroñ, ko E ar jeje ñōn kom, komin kejbāroki im bokaki ñōn in drio; im komin jab mijōk anij ro jet: 38 im bujen eo I ar kōmōn ibemi, komin jab meloklok e; im komin jab mijōk anij ro jet: 39 a Jeova ami Anij, komin mijōk e; im E naj lomo-remi jen pein ro otemjej rej kijirāte kom. 40 Ijoke, rar jab eoroñ, a rar kōmōn ekar ñōn kōmōn ko air mokta. 41 Ein drein ro dri ailiñ kein rar mijōk Jeova, im kabuñ ñōn ekjōp jekjek ko air; ro nejir bareinwōt, kab ro jibwir, einwōt ro jimair, ein drein air kōmōn ñōn ranin.

18 Ilo yiō ken ka jilu an Hoshia, nejin Ila kiñ in Israel, Hezekaia nejin Ehaz kiñ in Juda e ar jino an kiñ. 2 Ridtōn roñoul lailim yiō ke e jino an kiñ; im e ar kiñ iomin roñoul druatimjuōn yiō i Jerusalem: im etan jinen, Ebai nejin Zekaraia. 3 Im e ar kōmōn emōn iman mejen Jeova, ekar ñōn men eo Devid jemen e ar kōmōne. 4 E ar bōkilok jikin ko reutiej, im rupi jur dreka ko, im juokwe Ashira ko: im e ar ruprupe serpent jinibōrōrō eo Moses e ar kōmōnmōne; bwe ñōn ran ko ro nejin Israel rar kōkaijurjur ñōn e; im e ar naetan Nihushtan. 5 E ar liki Jeova, Anij in Israel; ein drein, ejelok einwōt elikin, ian kiñ ro otemjej in Juda, ak ian ro mokta jen e. 6 Bwe e ar edrep ñōn Jeova; e ar jab illok jen an lor E, a e ar bokake kien ko an Jeova, ko e ar jiroñ Moses. 7 Im Jeova e ar ber iben; ijoko jabrewōt e ar droijlok, e ar jerammōn: im e ar kabuñbata nae kiñ in Assiria, im jab korijer ñōn e. 8 E ar mōn ro dri Pilistia ñōn Geza im tōreren ko an, jen imōn ebar an ro dri kajere ñōn jikin kwelok eo eor an worwor.

<sup>1</sup> Ezra 4. 2, 10.<sup>1</sup> Ez. 20. 5.

9 Im ilo yiö eo ken kemen an kiñ Hezekaia, eo yiö ken ka jiljilimjuön an Hoshia nejin Ila kiñ in Israel, Shalmaniser kiñ in Assiria e ar wönliñtok nae Sameria, im nitbwile. 10 Im ke e jemlok jilu yiö rar böke: ilo yiö eo ken ka jiljino an Hezekaia, eo e kar yiö eo ken ka druatimjuön an Hoshia kiñ in Israel, e ar bök Sameria. 11 Im kiñ in Assiria e ar äñinlok ro dri Israel ñön Assiria, im likit ir i Hela, im iturin Hebor, river in Gozan, im ilo jikin kwelok ko an ro dri Midia; 12 kin ke rar jab bokake ainiken Jeova, air Anij, a rar jolok bujen eo An, aet, men otemej Moses, korijeran Jeova e ar jiroñ ir, im rar jab kōnan eoroñ e ak kōmōne.

13 Ilo yiö eo ken ka joñoul emen an kiñ Hezekaia, Senakerib, kiñ in Assiria e ar wönliñtok nae jikin kwelok otemej in Juda eor air worwor, im böki. 14 Im Hezekaia kiñ in Juda e ar jiliklok ñön kiñ in Assiria i Lekish, im ba, I ar bwir; kwon oktök jen iö; men eo kwoj likit ioö I naj böke. Im kiñ in Assiria e ar likit ion Hezekaia kiñ in Juda jilu buki talent silver im jilñoul talent gold. 15 Im Hezekaia e ar lelok ñön e aolepen silver rar loe ilo imōn Jeova, im ilo jikin mweiuk an imōn kiñ. 16 Ien eo Hezekaia e ar bukwe gold eo jen aur ko ilo tempel an Jeova, im jen jur ko Hezekaia kiñ in Juda e ar nakilin kake, im lilok ñön kiñ in Assiria. 17 Im kiñ in Assiria e ar jilkinlok Tartan im Rabsaris im Rabshake jen Lekish ñön iben kiñ Hezekaia, im ibeir juön jar in törinae elap, ñön Jerusalem. Im rar wönliñtok im itok ñön Jerusalem. Im ke rar wönliñtok rar jutök iturin tañ eo jen lwe eo ilōñ, ilo ial in jikin wāto eo an dri nuknuk kejeje. 18 Im ke emwij air kir ñön kiñ eo, rar droijtok in wōnmae ir, Ilaiekim nejin Hilkaia, eo ej iroiñ ion ro dri mweo, im Shebna dri jeje, im Joa nejin Esap dri jeje bwebwenato ko.

19 Im Rabshake e ar ba ñön ir, Komin ba kiö ñön Hezekaia, Ein drein

<sup>1</sup> 2 KROB. 32. L.

kiñ elap, kiñ in Assiria, ej ba, Ta liki in, eo kwoj liki? 20 Kwoj ba, (a rej nan wan), Eor bebe im kajur ñön törinae eo. Kiö wön eo kwoj liki e, bwe kwon kabuñbata nae iö? 21 Kiö lo, kwoj liki jokwön in koba in eoböp, aet, Ijpt; eo elañe juön armij ej jurōke, e naj wia pein, im bijlok : ein drein Pero kiñ in Ijpt ñön ro otemej rej liki e. 22 A elañe komij ba ñön iö, Kimij liki Jeova am Anij; E jab eo, jikin ko An reutiej, im lokatok ko An, Hezekaia e ar bökilok, im e ar ba ñön Juda im Jerusalem, Komin kabuñ iman lokatok in i Jerusalem ke? 23 Inem, kiö, ij kajitök bwe kwon letok men in kamol ñön iroiñ eo aö, kiñ in Assiria, im I naj lewoj ruo tausand ors, elañe kwe kwo maroñ in likit ro dri uwe ioir. 24 Inem ekijkan am maroñ in kajeor mejen juön kapen ian ro redrik, dri korijeran iroiñ eo aö, im liki Ijpt kin jariat ko im kin dri uwe ion ors ko? 25 Kiö I ar wönliñtok nae jikin in bwe in kokkure, im Jeova e jab iba ke? Jeova e ar ba ñön iö, Kwon wönliñtok nae enen im kokkure.

26 Inem Ilaiekim nejin Hilkaia, im Shebna, im Joa rar ba ñön Rabshake, Ij kajitök bwe kwon konono ñön kim dri korijerōm ilo kajin Siria, bwe kim jela kake; im kwon jab konono ñön kim ilo kajin dri Ju, ilo lojiliñin armij ro ion worwor eo. 27 A Rabshake e ar ba ñön ir, Aö iroiñ e ar jab jilkinwoj iö ñön iroiñ eo am, im ñön yuk bwe in konono nan kein ke? e ar jab jilkinwoj iö ñön armij ro rej jijöt ion worwor eo, bwe ren kōñi toedkir im irak dren eo air ibōm ke? 28 Inem Rabshake e ar jutök, im kir kin ainiken elap ilo kajin dri Ju, im e ar konono, im ba, Komin roñjake nan an kiñ eo elap, kiñ in Assiria. 29 Ein drein kiñ eo ej ba, Hezekaia en jab mone kom; bwe e jamin maroñ in lomoremi jen pein: 30 im Hezekaia en jab kōmōn bwe komin liki Jeova, im ba, Emol Jeova e naj lomorer, im jamin lelok jikin kwelok in na ilo pein kiñ in Assiria. 31 Komin jab eoroñ Hezekaia : bwe ein

drein kiñ in Assiria ej ba, Komin kõmõn ainemõn iba, im drioiytok nõn iba; im komin mõña, jabrewõt iam jebn vain eo an, im jen wijki fig eo an, im jabrewõt iam en irak dren jen aibij eo an; 32 mae ien I naj iwij im añinlok kom nõn juõn ene einwõt eneo ami, enen korn im wain ekäl, enen bred im bwil in grep, enen wijki oliv; im hõnni, bwe komin mour wõt, im jab mij; im komin jab eoroñ Hezeakaia, ke ej karel kom, im ba, Jeova e naj lomorer. 33 Jabrewõt ian anij ro an dri ailiñ ko e ar lomoren enen jen pein kiñ in Assiria jabrewõt ien ke? 34 Ewi anij ro an Hemat, im an Arpad? ewi anij ro an Separveim, im Hima, im Iva? rar lomoren Sameria jen peiõ ke? 35 Wõn ro ian anij ro an dri ailiñ ko, rar lomoren eneir jen peiõ, bwe Jeova en lomoren Jerusalem jen peiõ?

36 A armij ro rar kejeklokjen, im re jab uak e juõn nan; bwe kiñ eo e ar jiroñ ir, im ba, Komin jab uak e. 37 Inem Ilaiekim nejin Hilkaia eo ej iroiõ ion ro dri mweo, im Shebna dri jeje, im Joa nejin Esap, dri jeje bwebwenato ko, rar itok nõn iben Hezeakaia, emwij kekel nuknuk ko air, im kennanek e nan ko an Rabshake.

19 Im <sup>1</sup>ke Hezeakaia e ar roñjake, E ar kekel nuknuk ko an, im kõnõk nuknuk eklep iren, im dreloñ ilo imõn Jeova. 2 Im e ar jilkinlok Ilaiekim eo ej iroiõ ion ro dri mweo, im Shebna dri jeje eo, im ridto ro ian pris ro, emwij kõnõk nuknuk ko eklep iren, nõn Aiseia nejin Emoz, dri kanan eo. 3 Im rar ba nõn e, Ein drein Hezeakaia ej ba, Ranin ran in jorran, im enoik, im kajirere; bwe niñniñ ro rar itok nõn ien lotak, im ejelok kajur in keutak ir. 4 Bwelen Jeova am Anij e naj roñjake nan ko ctemjej an Rabshake, eo kiñ in Assiria, iroiõ eo an, e ar jilkintok in kemjõk Anij e mour, im E naj enoik e kin nan ko Jeova am Anij e ar roñjake: inem kwon leliñlok am jar kin matõn armij rej berwõt. 5 Ein drein ro dri korijeran kiñ Hezeakaia rar itok nõn

iben Aiseia. 6 Im Aiseia e ar ba nõn ir, Ein drein ami naj ba nõn iroiõ eo ami, Ein drein Jeova ej ba, Kwon jab leliñõ kin nan ko kwar roñjake, ro dri korijeran kiñ in Assiria rar blaspim Iõ kake. 7 Lo I naj likit juõn jitõb iloan, im e naj roñjake jet nan, im e naj jeblak nõn eneo an; im I naj kõmõn bwe en buñ kin jãji na ilo enen.

8 Inem Rabshake e ar jeblak, im lo bwe kiñ in Assiria ej törinaek Libna; bwe e ar roñ kin an ilok jen Lekish. 9 Im ke e ar roñjake air ba kin Tirheka kiñ in Itiopia, Lo, e ar drioiylok in törinaek yuk, e bar jilkinlok ro dri jilik nõn iben Hezeakaia, im ba, 10 Ein drein ami naj konono nõn Hezeakaia kiñ in Juda, im ba, Anij eo am, Eo kwoj liki E, en jab mone yuk, im ba, Jamin lelok Jerusalem na ilo pein kiñ in Assiria. 11 Lo, emwij am roñjake ta eo kiñ ro in Assiria rar kõmõne nõn ene otemjej, kin air kanuij kokkure: im naj lomoren yuk ke? 12 Anij ro an dri ailiñ ko rar lomorir, ro jema rar kokkuri, Gozan, im Heran, im Rizep, im ro nejin Iden rar ber i Telesar ke? 13 Ewi kiñ in Hemat, im kiñ in Arpad, im kiñ in jikin kwelok Separveim, an Hina, im Iva?

14 Im Hezeakaia e ar bõk letter eo jen pein ro dri jilik, im konono kake; im Hezeakaia e ar wõnliñlok nõn imõn Jeova, im erlokwe iman Jeova. 15 Im Hezeakaia e ar jar iman Jeova, im ba, O Jeova, Anij in Israel, Kwoe kwoj jijõt iloñin kerub ko, kwe Anij eo, aet, Kwe wõt, ion ailiñ ko otemjej ilõl: Kwar kõmõn lõn ko im lõl. 16 Kwon kajir lojiliñõm, O Jeova, im roñjake: Kwon kabellek mejõm, O Jeova, im loe; im roñjake nan ko an Senakerib, ko e ar jilkintok in kejeiokiok Anij e mour. 17 Emol, Jeova, kiñ ro in Assiria rar kejebeplok dri ailiñ ko im eneir; 18 im rar jolok ilo kijeek anij ro air: kin ke re jab anij, a iltan pein armij, wijki im dreka; kin men in rar kokkure ir. 19 Inem, O Jeova amuij Anij, kwon lomorem, ij akwelap, jen pein, bwe ro dri ailiñ

otemjej ren maroñ in jela bwe Kwe Jeova kwe wõt Anij.

20 Inem Aiseia nejn Emoz e ar jilkinlok ñõn Hezekaia, im ba, Ein drein Jeova, Anij in Israel, ej ba, Kin am jar ñõn Iõ nae Senakerib, kiñ in Assiria, I ar roñjake yuk. 21 Eñin nan eo Jeova e ar ba kin e: Ji-roñ eo nejn Zaiõ e ar kejekron im tõnkake yuk; liõ nejn Jerusalem e ar jibolul bõran nae yuk. 22 Wõn eo kwar kejeiokiok kake im blaspim nae E? im kwar kalaplok ainikiõm im koutiej mejõm ilõn nae wõn? E Dri Kwojarjar eo an Israel. 23 Kin ro am dri jilik kwar kejeiokiok Iroiõ eo, im kwar ba, Elõn jariot iba, ilo aõ wõñliñlok ñõn jabõn tol ko, ñõn jikin ko ilujen Lebanon; im I naj juokwe aik ko an reutiej, im wijki fõr ko an raurõk; im I naj dreloñ ilõan jikin jokwe etolok tata, wijki ko in jikin kallip kouwa eo an. 24 Emwij aõ kõbij im irak dren jet, im kin lobiren neiõ I naj karoj river ko otemjej in Ijijt.

25 Kwar roñ ke ekijkan I ar kõmõne eto, im nawäwen ilo ien ko remotlok? kiõ I ar kõmõn bwe kwonam in kejebeplok jikin kwelok ko eor air worwor ñõn ejojij ko in menoknok. 26 Kin men in, erik kajur iben ro dri jokwe ie, rar lelõñ im lolbon; rar einwõt ujojij in jikin kallip, im mar e māroro, im einwõt ujojij ion jabõn moko, im einwõt wit ej jiburikrik mokta jen an ridtolok. 27 A I jela am jijõt, im am driojjlok im am dreloñtok, im am illu elej nae Iõ. 28 Kin am lej nae Iõ, im bwe am jualõñlõn e ar wõñliñtok i lojiliñiõ, inem I naj kij bodõm kin Aõ kaj, im likit Aõ to ikõtãn tiõm, im I naj kajeblok yuk ilo ial eo kwar itok ietok.

29 Im men in e naj kakõle eo ñõn yuk: kom naj mõña yiõ in jen men ko rej mõke edrek, im ilo yiõ eo ken ka ruo, jen men ko rej edrek jeni; im ilo yiõ eo ken ka jilu, komin jeor, im marmir, im kallip bwil in grep, im mõña jen leir. 30 Im matõn ro dri ko jen imõn Juda re naj bar ellõ okrair ilõl, im jebar leen ilõn. 31 Bwe jen

Jerusalem mõtair re naj driojjlok, im jen tol Zaiõn ro rej ko: kijejeto an Jeova e naj kõmõn men in. 32 Kin men in, ein drein Jeova ej ba kin kiñ in Assiria. E jamin itok ñõn jikin kwelok in, ak libon juõn mõri ie, im e jamin itok iman kin likipijñõk, ak kõmõn ejojij nae e. 33 Ilo ial eo e ar itok ietok, e naj jeblak ielok im e jamin itok ñõn jikin kwelok in, Jeova ej ba. 34 Bwe I naj tõrinae kin jikin kwelok in, im lomoren, kin Na, im kin dri korijera Devid.

35 Im ilo boñ eo enjel õn Jeova e ar driojjlok, im mõn ilo kamp an dri Assiria, jibuki drualitõkñoul laillim tausãn, im ke armij ro rar jerkak ke ejiboñ wõt, lo, rein otemjej ubõn armij dri mij. 36 Inem Senakerib kiñ in Assiria e ar ilok, im etal im jeblak, im jokwe i Nineva. 37 Im ke e ar kabuñ ilo imõn Nisrok, anij eo an, Adramelek im Sharizer rar mõn e kin jãji: im rar ko ñõnenen Arerat. Im Isarhaddon, leo nejn, e ar kiñ im binej jenkwõn.

20 Ilo<sup>1</sup> ran ko Hezekaia e nañin mij wõt jirik. Im Aiseia nejn Emoz e ar itok ñõn iben, im ba ñõn e, Ein drein Jeova ej ba, Kwon karõk men ko ilo mweo imõm; bwe kwo naj mij, im jamin mour. 2 Inem e ar illok mejen ñõn turin mweo, im jar ñõn Jeova im ba, 3 Kwon kememej, O Jeova, ij akwelap, ekijkan I ar etetal imam ilo mol im buruõ e wäppen, im I ar kõmõn men ko remõn iman mejõm. 4 Im mokta jen an Aiseia driojjlok ilujen jikin kwelok eo, nan jen Jeova e ar itok ñõn e, im ba, 5 Kwon jeblak im ba ñõn Hezekaia irojion ro dri ailñiõ Aõ, Ein drein Jeova, Anij an Devid jemõm ej ba, I ar roñjake am jar, I ar lo am dren in kemjalal: lo, I naj kemour yuk; ilo ran eo ken ka jilu kwo naj wõñliñlok ñõn imõn Jeova. 6 Im I naj kobaik ñõn ran ko am joñoul laillim yiõ; im I naj lomoren yuk im jikin kwelok in jen pein kiñ in Assiria; im I naj kouk jikin kwelok in kin Na, im kin dri korijera Devid. 7 Im Aiseia e ar ba, Komin bõk juõn

<sup>1</sup> A 18. 35. I 22.

kek in fig ko. Im rar bōke im likite ion mokiliñ eo, inem e ar mour.

8 Im Hezekaiia e ar ba ñon Aiseia, E naj ta kakōle eo bwe Jeova e naj kemour iō, im I naj wōnliñlok ñon imōn Jeova, rar eo ken ka jilu? 9 Im Aiseia e ar ba, Eñin e naj kakōle eo ñon kwe jen Jeova, bwe Jeova E naj kōmōn men eo E ar konono kake: lur eo en wōnmanlok joñoul jekairu ke, ak en wōnliklok joñoul jekairu? 10 Im Hezekaiia e ar uak, Men eo erik elañe lur eo ej wōnmanlok joñoul jekairu: jab, en jeblaktok joñoul jekairu. 11 Im Aiseia e ar kir ñon Jeova; im E ar bōk lur eo joñoul jekairu liklok, ijo e kar wōnłłlok kake ion jekairu ko an Ehaz.

12 I en eo Berodak-baledan, nejin Baledan kiñ in Babilon, e ar jilkinlok letter ko im juōn men in lelok ñon Hezekaiia, bwe e ar roñjake bwe e kar nañinmij. 13 Im Hezekaiia e ar roñjake ir, im e ar kwalok ñon ir aolepen mweo imōn, an men ko re aulepen, silver, im gold, im spais ko, im oīl e aurōk, im imōn ken tōrinae ko an, im men otemjej ilo jikin mweiuk ko an: ejelok men ilo mweo imōn, ak ilo ailiñ eo an e ar jab kwaloki ñon ir. 14 Inem Aiseia, dri kanan, e ar itok ñon iben kiñ Hezekaiia im ba ñon e, Rej ian armij rein? im rar itok jen ia ñon ibōm? Im Hezekaiia e ar ba, Rej itok jen juōn ene etolok, aet jen Babilon. 15 Im e ar ba, Ta eo rar loe ilo mweo imōm? Im Hezekaiia e ar ba, Rar lo aolepen men ko ilo mweo imō: ejelok ian mweiuk ko mweiō I ar jab kwalok ñon ir.

16 Im Aiseia e ar ba ñon Hezekaiia, Kwon roñjake nan an Jeova. 17 Lo, ran ko rej itok, ñe men otemjej rej ber ilo mweo imōm, im men ko ro jimam rar ka binoke ilo jikir ñon ranin, naj bōkilok ñon Babilon: ejelok men e naj berwōt, Jeova ej ba. 18 Im ian ro nejōm ro re naj loktak ñon kwe, ro kwo naj keutak ir, re naj añinlok ir; im re naj eunōk ro ilo imōn kiñ in Babilon. 19 Inem Hezekaiia e ar ba ñon Aiseia, Emōn nan an

Jeova eo kwar konono kake. E ar bareinwōt ba, E jab ein drein, elañe ainemōn im mol re naj ber ilo ran ko aō ke? 20 Ak jermal ko jet an Hezekaiia, im aolepen kajur eo an, im ekijkan e ar kōmōn lwe eo, im tañ eo, im bōktok dren ilo jikin kwelok eo, ar jab jeje ilo buk in bwebwenato ko an kiñ ro in Juda ke? 21 Im Hezekaiia e ar kiki iben ro jiman; im Menassa nejin e ar kiñ im binej jenkwōn.

21 Riddōn Menassa joñoul ruo yiō ke e ar jino in kiñ: im e ar kiñ limñoul lailim yiō i Jerusalem: im etan jinen, Hepziba. 2 Im e ar kōmōn nana iman mejen Jeova, einwōt men in jōjōik ko an ro dri ailiñ, ro Jeova e ar jolok ir iman ro nejin Israel. 3 Bwe e ar bar kalek jikin ko reutiej ko Hezekaiia jemen e ar kokkure; im e ar kalek lokatok ko ñon Beal, im kōmōnmōn juōn Ashira, einwōt Ehab kiñ in Israel e ar kōmōn, im e ar kabuñ ñon aolepen jaran lōñ, im korijer ñon ir. 4 Im e ar kalek lokatok ko ilo imōn Jeova, eo Jeova e ar ba kake, Ilo Jerusalem I naj likit eta. 5 Im e ar kalek lokatok ko ñon aolepen jaran lōñ ilo worwor ko ruo an imōn Jeova. 6 Im e ar kōmōn bwe ladrik eo nejin en dribuk kijeek eo, im e ar marmir, im ainij, im kōmao iben ro dimon rar miok na i enbwiniir, im iben ro rej drikanij; e ar kōmōn nana elap iman mejen Jeova, bwe en kaillu E wōt. 7 Im e ar kajur men in e jekjek an Ashira, eo e ar kōmōne, ilo mweo Jeova e ar konono kake ñon Devid im ñon Solomon nejin, Ilo mwin im ilo Jerusalem eo I ar kålet ian aolepen bwijin Israel, I naj likit eta ie ñon in driō; 8 im I jamin bar kejebwābweik neen Israel jen eneo I ar lelok ñon ro jimair, elañe rej lale wōt im kōmōn ekar ñon men otemjej I ar jiroñ ir, im ekar ñon aolepen kien eo Moses dri korijera e ar jiroñ ir. 9 A rar jab eoroñ: im Menassa e ar mone ir bwe ren kōmōn nana elap jen ro dri ailiñ ko Jeova e ar kokkure ir iman ro nejin Israel.

<sup>1</sup> 1 Kron. 32. 31; Ais. 39. 1-5.

<sup>2</sup> 1 Kron. 33. 1-9.

10 Im Jeova e ar konono kin ro dri korijeran, dri kanan ro, im ba. 11 Kin an Menassa kiñ in Juda kômôn men kein, men in dōjōik ko, im kômôn nana elap jen ro dri Amor, ro rar ber mokta jen e, im e ar kabwir Juda bareinwōt kin ekjōp ko an; 12 kin men in, ein drein Jeova, Anij in Israel, Ej ba, Lo, Ij bōktok ion Jerusalem im Juda, nana eo e naj katōñōlok ao-lepen lojiliñin jabrewōt eo e naj roñjake. 13 Im I naj kōnōke ion Jerusalem lain eo an Sameria, im ken kajime an imōn Ehab; im I naj kōmraik Jerusalem einwōt juōn armij ej kōmraik juōn jābi, ke ej kōmraik im ukōje. 14 Im I naj jolok ro matōn Aō men in jolit, im ketōk ir na ilo pein ro dri kijirāte ir; im re naj erom men in kokkure im men in rakim ñōn ro otemjej rej kijirāte ir; 15 kin ke rar kōmōn nana iman meja, im rar kaillu Iō, jen ran eo ke ro jimair rar drioijtōk jen Ijpt, aet ñōn ranin.

16 <sup>1</sup> Bareinwōt Menassa e ar kanuij katorlok bōtōktōkin ro ejelok rueir, mae ien e ar kalōñ Jerusalem kake jen juōn jabōn ñōn jabōn eo juōn; bareinwōt jerawiwi eo an e ar kabwir Juda kake, ilo air kōmōn nana iman mejen Jeova. 17 Ak ao-lepen jermal ko jet an Menassa, im men otemjej e ar kōmōni, im jerawiwi eo an e ar bwir kake, ar jab jeje ilo buk in bwebwenato an kiñ ro in Juda ke? 18 Im Menassa e ar kiki iben ro jiman, im ar kalibwin e ilo wāto in mweo imōn, ilo wāto an Uzza: im Amon nejin e ar kiñ im binej jenk-wōn.

19 Amon ridtōn roñoul ruo yiō ke ej jino in kiñ; im e ar kiñ iomin ruo yiō i Jerusalem: im etan jinen, Mishulimet, nejin Heruz dri Jotba. 20 Im e ar kōmōn nana iman mejen Jeova, einwōt Menassa jemen. 21 Im e ar etal ilo ao-lepen ial jemen e ar etal ie, im jermal ñōn ekjōp ko jemen e ar jermal ñōn ir, im kabuñ ñōn ir: 22 im e ar illok jen Jeova, Anij an ro jiman, im e ar jab etal ilo ial an Jeova. 23 Im ro dri korijeran Amon rar kabata

nae e, im rar mōn kiñ eo ilo mweo imōn. 24 A ro dri eneo rar mōn ro otemjej rar kabata nae kiñ Amon, im ro dri eneo rar kōmōn Josaia nejin bwe en kiñ im binej jenk-wōn. 25 Ak jermal ko jet an Amon ko e ar kōmōni, ar jab jeje ilo buk in bwebwenato an kiñ ro in Juda ke? 26 Im rar kalibwin e ilo lōpōn ilo wāto an Uzza: im Josaia nejin e ar kiñ im binej jenk-wōn.

**22** <sup>1</sup> Josaia ridtōn drualitōk yiō ke ej jino an kiñ; im e ar kiñ iomin jilñoul yiō i Jerusalem: im etan jinen, Jedaida, nejin Adaia dri Bozkat. 2 Im e ar kōmōn emōn iman mejen Jeova, im etetal ilo ao-lepenial an Devid jemen, e ar jab jeorlok ñōn anbijmaroñōn ak anmiñin.

3 Im ilo yiō eo ken ka joñoul drualitōk an kiñ Josaia, kiñ eo e ar jilkinlok Shepan, nejin Azalaia nejin Mishullam, dri jeje eo, ñōn imōn Jeova, im ba, 4 Kwon wōnliñlok ñōn iben Hilkaia, pris eo elap, bwe en bwini mōnni eo ar bōkitok ilo imōn Jeova, eo ro dri lale kejem rar ainitok jen armij ro: 5 inem ren likiti ilo pein ro dri jermal ro rej lale imōn Jeova; im ren lelok ñōn ro dri jermal rej ilo imōn Jeova, bwe ren karbin rup ko i mweo, 6 ñōn ro dri jembali wijki, im ñōn ro dri jembali dreka, im ñōn ro dri kal, im ñōn wiaik wijki ko im dreka jekjek in karbin mweo. 7 Ijoke, rar jab watōk oran mōnni eo rar likiti na ilo peir; bwe e tiljek air kōmōn.

8 Im Hilkaia, pris elap, e ar ba ñōn Shepan dri jeje eo, Emwij aō lo buk in kien eo ilo imōn Jeova. Im Hilkaia e ar lelok buk eo ñōn Shepan, im e ar konono kake. 9 Im Shepan, dri jeje eo e ar itok ñōn iben kiñ eo, im bar bōktok nan ñōn e, im e ba, Ro dri korijerōm rar lutōk mōnni eo, rar loi ilo mweo, im rar lelok na ilo pein ro dri jermal rej lale imōn Jeova. 10 Im Shepan, dri jeje eo, e ar kennanek kiñ eo im ba, Hilkaia pris eo e ar letok juōn buk. Im Shepan e ar konono kake iman kiñ eo. 11 Im ke emwij an kiñ eo roñjake nan ko an buk in

<sup>1</sup> Jap. 21. 4.<sup>2</sup> Kron. 34. 1.

kien, e ar kekel nuknuk ko an. 12 Im kiñ eo e ar jiroñ Hilkaiä pris eo, im Ahaikam nejin Shepan, im Akbor nejin Maikeia, im Shepan dri jeje eo, im Eseia dri korijeran kiñ eo, im ba, 13 Komin ilok, komin kajitök iben Jeova kin ña, im kin armij ro, im kin dri Juda otemjej, kin nan ko ilo buk in emwij aō loe; bwe ebwil illu elap an Jeova nae kij, kin ke ro jimar rar jab eoroñ nan ko ilo buk in, im kōmōn ekar ñōn men otemjej ar jeje kin kij.

14 Ein drein Hilkaiä pris eo, im Ahaikam, im Akbor, im Shepan, im Eseia, rar ilok ñōn iben Hölda lio dri kanan, lio belen Shallum nejin Tikva, nejin Harhas, dri lale jikin nuknuk ko, (ak lio e ar jokwe i Jerusalem ilo Misne); im rar kōmao iben. 15 Im lio e ar ba ñōn ir, Ein drein Jeova, Anij in Israel ej ba: Komin kennanek armij eo e ar jilkintok kom ñōn iba, 16 Ein drein Jeova ej ba, Lo, I naj bōktok jorran ion jikin kwelok in, im ion ro rej jokwe iji, aet, nan otemjej in buk eo kiñ in Juda e ar konono. 17 Kin ke rar illok jen Ña, im rar kōkaijurjur ñōn anij ro jet, im kaillu lō kin jeral ko otemjej in peir, kin men in, e naj bwil Aō illu nae jikin kwelok in, im e jamin kwun. 18 A ñōn kiñ in Juda, eo e ar jilkintok kom bwe komin kajitök iben Jeova, ein drein ami naj ba ñōn e, Ein drein Jeova, Anij in Israel ej ba: Kin nan ko kwar roñjake, 19 kin ke buruōm e kible, im kwar kōtaik yuk iman Jeova, ke kwar roñjake ta eo I kar konono nae jikin in, im nae ro dri jokwe ie, bwe re naj juōn men in kokkure im kamātōr, im kwar kekel nuknuk ko am, im jōñ imaō; bareinwōt Ña I ar roñjake yuk, Jeova ej ba. 20 Kin men in, lo, I naj ain yuk ñōn iben ro jimam, im kwo naj ilok ñōn lūp eo am ilo ainemōn, im mejōm re jamin lo jorran eo I naj bōktok ion jikin kwelok in. Im rar bar bōktok nan ñōn kiñ eo.

**23** <sup>1</sup>Im kiñ eo e ar jiliklok, im rar kokweloktok ñōn iben, ridto ro otemjej in Juda im Jerusalem. 2 Im

kiñ eo e ar wōnliñlok ñōn mweo imōn Jeova, im iben lōmaro dri Juda otemjej, im ro dri jokwe i Jerusalem, im pris ro, im ro dri kanan, im armij otemjej, ro redrik im ro relap: im e ar konono i lojiliñir nan ko otemjej ilo buk in bujen eo emwij loe ilo imōn Jeova. 3 Im kiñ eo e ar jutök iturin jure eo, im e ar kōmōn juōn bujen iman Jeova, bwe en etal lor Jeova, im bokake kien ko An, im nan in kennan ko An, im nan in kaiñi ko An, kin aolepen buruen, im aolepen an, bwe en kabin nan ko in bujen eo ar jeje ilo buk in: im armij otemjej rar kabin bujen eo.

4 Im kiñ eo e ar jiroñ Hilkaiä, pris eo elap, im pris ro ian lajrök eo ken ka ruo, im ro dri lale kejem, bwe ren kadrioijlok jen tempel in Jeova jābi otemjej ar kōmōnmōni ñōn Beal, im ñōn jaran lōñ; im e ar tili ilikin Jerusalem ilo melaj ko in Kidron, im bōklok brij in ubaj jeni ñōn Betel. 5 Im e ar kōtaik pris ro an ekjöp ko, ro kiñ ro in Juda rar likit ir bwe ren kōkaijurjur ilo jikin ko reutiej ilo jikin kwelok ko in Juda, im ilo jikin ko iturin Jerusalem; ro bareinwōt rar kōkaijurjur ñōn Beal, ñōn al, ñōn aliñ, ñōn buke in iju ko, im ñōn aolepen jaran lōñ. 6 Im e ar kadrioijtok Ashira eo jen imōn Jeova, ilikin Jerusalem, ñōn wea Kidron, im tile iturin wea Kidron, im kōprakilkile, im joloke na ion wuliej ko an armij wan ro. 7 Im e ar kokkure moko imōn dri Sodom; ko rar ber ilo imōn Jeova, ijo kōra ro rar ej im nuknuk ñōn Ashira eo. 8 Im e ar āñintok pris ro otemjej jen jikin kwelok ko in Juda, im e ar katton jikin ko reutiej ijo pris ro rar kōkaijurjur, jen Giba ñōn Bier-shiba; im e ar kokkure jikin ko reutiej in kejem ko, ko rar ber iturin kejem eo an Joshua iroi in jikin kwelok eo, ko i anniñin aur in jikin kwelok eo. 9 Ijoke, pris ro in jikin ko reutiej rar jab wōnliñlok ñōn lokatok in Jeova i Jerusalem, a rar mōña bred e jab uwe, iben ro jeir im jātir. 10 Im e ar katton Topet, eo ej ilo komlōl in ro nejin Hinnom, bwe

ejelok man en kōmōn bwe nejin kōra ak man en dribuk kijeek nōn Molek. 11 Im e ar bōkilok ors ko kiñ ro in Juda rar lelok nōn al, iturin kejem in imōn-Jeova, iturin rum eo an Netanmiek dri lale bo ko, eo e ar ber ilo jikin ko rebak; im e ar tile jariot ko in al kin kijeek. 12 Im lokatok ko ion kejenwan bo eo an Ehaz, ko kiñ ro in Juda rar kōmōnmōni, im lokatok ko Menassa e ar kōmōnmoni ilo worwor ko ruo in imōn Jeova, kiñ eo e rupi, im e ar kokkure jen ijo, im e ar jolok bōñōñōl eo air na ilo wea Kidron. 13 Im jikin ko reutiej rar ber iman Jerusalem, ko rar ber i anibijmaroñon tol in etton, ko Solomon kiñ in Israel e ar kalek nōn Ashterot men in jōjōik an ro nejin Saidon, im nōn Kimosh men in jōjōik an Moab, im nōn Milkom men in jōjōik an ro nejin Amon, kiñ eo e ar kattoni. 14 Im e ar rupi jur dreka ko, im juokwe Ashira ko, im kobrōk jikir kin drin armij.

15 Bareinwōt, <sup>1</sup>lokatok eo i Betel, im jikin eutiey eo Jeroboam nejin Nibat, eo e ar kabwir Israel, e ar kōmōne, aet, lokatok eo im jikin eo eutiey, e ar kokkure; im e ar tile jikin eo eutiey im kōprakilkile, im tile Ashira eo. 16 Im ke Josaia e ar oktōk, e ar lo lūp ko rar ber ijo ilo tol eo; im e ar jilkinlok in bōk dri ko jen lūp ko, im tili ion lokatok eo, im katton e, ekar nōn nan eo an Jeova, eo armij ōn Anij e ar kwaloke, eo e ar kwalok men kein. 17 Inem e ar ba, Ta ken kemem ne ij loe? Im armij in jikin kwelok eo rar ba nōn e, Lūpōn armij ōn Anij eo e ar itok jen Juda, im e ar kwalok men kein kwar kōmōni nae lokatok in Betel. 18 Im e ar ba, En berwōt; ejelok armij en kamōkit dri ko drin. Ein drein rar likit dri ko drin iben drin dri kanan eo e ar droiojtk jen Sameria. 19 Im moko otemjej ilo jikin ko reutiej rar ber ilo jikin kwelok ko in Sameria, ko kiñ ro in Israel rar kōmōnmōni in kaillu Jeova, Josaia e ar bōkilok, im e ar kōmōn nōn ir ekar

nōn men otemjej e ar kōmōni i Betel. 20 Im e ar mōn pris ro otemjej an jikin ko reutiej rar ber ijo, ion lokatok ko, im e ar tile dri ko drin armij ioir; im e ar jeblaktok nōn Jerusalem.

21 Im kiñ eo e ar jiroñ armij otemjej, im ba, Komin lale kijone eo nōn Jeova ami Anij, einwōt emwij jeje ilo buk in, buk in bujen. 22 Emol re jañin lale juōn kijone einwōt, jen ran ko ke ro dri ekajet rar ekajete Israel, jab ilo ran ko otemjej an kiñ ro in Israel, ak an kiñ ro in Juda; 23 a ilo yiō eo ken ka joñoul drualitōk an kiñ Josaia, ar lale kijone in nōn Jeova i Jerusalem.

24 Bareinwōt ro jitōb rej kōmao ibeir, im ro dri marmir, im ekjōp ko, im men in jōjōik otemjej ar loi ilo imōn Juda, im i Jerusalem, Josaia e ar juloki, bwe en kabin nan ko an kien eo emwij jeje ilo buk eo Hilkai, pris eo, e ar loe ilo imōn Jeova. 25 Im ejelok kiñ einwōt, mokta jen e, eo e ar oktōk nōn Jeova kin aolepen buruen, im aolepen an, im aolepen an akjur, ekar nōn aolepen kien Moses; im elikin, ejelok e ar walok einwōt.

26 Ijoke, Jeova e ar jab oktōk jen An illu ebwil im elap, eo E ar illu kake nae Juda, kin kakitōtō ko otemjej Menassa e ar kakitōtōik E kake. 27 Im Jeova e ar ba, I naj bareinwōt kamōkit Juda jen iman meja, einwōt I ar kamōkit Israel, im I naj jolok jikin kwelok in I ar kālete, aet Jerusalem, im mweo I ar konono kake, Eta e naj ie.

28 Ak jerbak ko jet an Josaia, im men ko otemjej e ar kōmōni, ar jab jeje ilo buk in bwebwenato ko an kiñ ro in Juda ke? 29 Ilo ran ko an, Peroniko kiñ in Ijpt, e ar wōnliñlok nae kiñ in Assiria nōn river Upretis: im kiñ Josaia e ar ilok nae e: im Peroniko e ar mōn e i Megiddo, ke e ar loe. 30 Im ro dri korijeran rar bōktok ubōn ilo juōn jariot, jen Megiddo nōn Jerusalem, im kalibwin e ilo lūp eo lūpon. Im ro dri eneo rar bōk Jihoahaz, nejin Josaia, im kabit e, im kōmōn e kiñ in binej jenkwōn jemen.

31 Jihoahaz ridtōn roñoul jilu yiō ke

<sup>1</sup> 1 KI 13. 1.



e jino an kiñ, im e ar kiñ iomin jilu aliñ i Jerusalem: im etan jinen, Hamutal, nejin Jeremaia dri Libna. 32 Im e ar kōmōn nana iman mejen Jeova ekar ñōn men otemjej ro jiman rar kōmōne. 33 Im Pero-niko e ar lukwoje i Ribla ilo ene Hemat, bwe en jab jeblak ñōn Jerusalem; im kakien eneo kin owoj, jibuki talent silver, im juōn talent gold. 34 Im Pero-niko e ar kairoij Ilaiekim nejin Josaia kiñ in binej jenkwōn Josaia jemen, im e ar ukōt etan ñōn Jihoiakim: a e ar bōklok Jihoahaz, im e ar itok ñōn Ijipt, im e mij ijo. 35 Im Jihoiakim e ar lelok silver in gold eo ñōn Pero; a e ar kakien eneo bwe en lelok mōnni eo ekar ñōn kien Pero: e ar bōk silver im gold eo jen armij dri eneo ilo kajuren, jen jabrewōt iair ekar ñōn owōj eo an, bwe en lelok ñōn Pero-niko.

36 Jihoiakim ridtōn roñoul lailim yiō ke e ar jino in kiñ; im e ar kiñ iomin joñoul juōn yio i Jerusalem: im etan jinen, Zibaida nejin Pedaia dri Ruma. 37 Im e ar kōmōn nana iman mejen Jeova, ekar ñōn men otemjej ro jiman rar kōmōni.

**24** <sup>1</sup> Ilo ran ko an, Nebukadnezzar kiñ in Babilon e er wōnliñtok, im Jihoiakim e ar korijer ñōn e iomin jilu yiō: inem e ar oktōk im kabuñbata nae e. 2 Im Jeova e ar jilkinlok nae e jar ko jaran dri Kaldia, im jar ko jaran dri Siria, im jar ko jaran dri Moab, im jar ko jaran dri Amon, im jilkinlok ir nae Jerusalem bwe ren kokkure, ekar ñōn nan an Jeova, eo E ar konono kin ro dri korijeran, dri kanan ro. 3 Emol, kin kien Jeova, men in e ar itok ion Juda, im kamōkit ir jen iman mejen, kin bwir ko an Menassa, ekar ñōn men otemjej e ar kōmōni, 4 im kin bōtōktōk eo ejelok ruōn, eo e ar katorloki; bwe e ar kalōñ Jerusalem kin bōtōktōk ejelok ruōn: inem Jeova e jab kōnan jeorlok. 5 Ak jerbalko jet an Jihoiakim, im men otemjej e ar kōmōni, ar jab jeje ilo buk in bwebwenato ko an kiñ ro in Juda ke? 6 Ein drein Jihoiakim e ar kiki iben ro jiman; im

Jihoiakim nejin e ar kiñ im binej jenkwōn. 7 Im kiñ in Ijipt e ar jab bar itok jen eneo an; bwe kiñ in Babilon e ar bōk, jen river in Ijipt ñōn river Upretis, aolepen ijo e kar an kiñ in Ijipt.

8 Jihoiakim ridtōn joñoul drualitōk yiō ke e ar jino in kiñ; im e ar kiñ i Jerusalem iomin jilu aliñ: im etan jinen, Nihushta nejin Elnetan dri Jerusalem. 9 Im e ar kōmōn nana iman mejen Jeova, ekar ñōn men otemjej jemen e ar kōmōni.

10 Ien eo ro dri korijeran Nebukadnezzar kiñ in Babilon rar itok ñōn Jerusalem, im rar nitbwile jikin kwelok eo. 11 Im Nebukadnezzar kiñ in Babilon e ar itok ñōn jikin kwelok eo, ke ro dri korijeran rar nitbwile; 12 im Jihoiakim kiñ in Juda e ar drioiñlok ñōn iben kiñ in Babilon, e, kab jinen, im ro dri korijeran, im iroiñ ro an, im dri kabwjrōk ro an: im kiñ in Babilon e ar bōk e ilo yiō eo ken ka drualitōk in an kiñ. 13 Im e ar bōkilok jen ijo mweiuk ko otemjej an imōn Jeova, im mweiuk ko an imōn kiñ, im e ar tibrikrik jābi gold otemjej, ko Solomon kiñ in Israel e ar kōmōnmōni ilo tempel in Jeova, einwōt Jeova e ar ba. 14 Im e ar bōkilok aolepen Jerusalem, im iroiñ otemjej, im aolepen dri tōrinae re kajur, aet, joñoul tausan dri jebokwe, im ro dri kabel otemjej im dri jerbali māl; ejelok ej berwōt, a ro dri jeramel wōt jen armij dri eneo. 15 Im e ar bōklok Jihoiakim ñōn Babilon; im jinen kiñ eo, im limaro belen, im dri kabwjrōk ro an, im ro dri leatōktōk in eneo, e ar bōkilok dri jebokwe jen Jerusalem ñōn Babilon. 16 Im ro otemjej dri kajur, jiljilimjuōn tausan, im ro dri kabel im ro dri jerbali māl juōn tausan, ro otemjej re kajur im maroñ in tōrinae, aet, ir kiñ in Babilon e ar bōkitok ñōn Babilon dri jebokwe. 17 Im kiñ in Babilon e ar kairoij Mattanaia, jātin jemen Jihoiakim, kiñ in binej jenkwōn, im e ar ātkālen e Zedekaia.

18 Zedekaia ridtōn roñoul juōn yiō

<sup>1</sup> 2 Kron. 36. 6.

ke ej jino in kiñ; im e ar kiñ iomin joñoul juõn yiõ i Jerusalem: im etan jinen, Hamutal nejin Jeremaia dri Libna. 19 Im e ar kômõn nana iman mejen Jeova, ekar ñõn men otemjej Jihoiakin e ar kômõni. 20 Bwe kin illu an Jeova, e ar walok im ein drein ilo Jerusalem en Juda, mae ien an kardioijlok ir jen iman mejen.

Im <sup>1</sup>Zedekaia e ar kabuñbata nae **25** kiñ in Babilon. 1 Ilo yiõ eo ken ka druatimjuõn in an kiñ, ilo ailiñ eo ken ka joñoul, ilo ran eo ken ka joñoul in ailiñ eo, Nebukadnezar kiñ in Babilon e ar itok, e im aolepen jar in tõrinae eo an nae Jerusalem, im rar kamp nae; im rar kômõn me ko nae e, im kabol e. 2 Ein drein emwij nitbwile jikin kwelok eo ñõn yiõ eo ken ka joñoul juõn an kiñ Zedekaia. 3 Ilo ran eo ken ka druatimjuõn in aliñ eo ken kemen, e kanuij lap ñita ilo jikin kwelok eo, inem ejelok bred ñõn armij dri eneo. 4 Ien eo ar rupe worwor in jikin kwelok eo, im ro dri tõrinae otemjej rar ko ilo boñ, ilo ial in aur eo ikõtan worwor ko ruo, eo iturin jikin kallip an kiñ, (ak ro dri Kaldia rar jurõk jikin kwelok eo im kabole); im kiñ eo e ar ilok ilo ial in Araba. 5 A jar in tõrinae an dri Kaldia rar lukworkwore kiñ eo, im rar tõbare ilo ene emõn biken in Jeriko; im jar in tõrinae eo an e ar jibiliklik jen e. 6 Inem rar bõk kiñ eo, im bõklok e ñõn kiñ in Babilon ñõn Ribla; im rar ekajete. 7 Im rar mõn lõmaro nejin Zedekaia iman mejen, itiki mejen, im lukwoje kin tomere ko, im bõklok e ñõn Babilon.

8 Ak ilo aliñ eo ken ka lailim, ilo ran eo ken ka jiljilimjuõn in aliñ eo, eo yiõ eo ken ka joñoul druatimjuõn an kiñ Nebukadnezar, kiñ in Babilon, Nebuzaredan kapen an ro dri bar, korljeran kiñ in Babilon, e ar itok ñõn Jerusalem. 9 Im e ar tile imõn Jeova, im imõn kiñ eo; im moko otemjej i Jerusalem, aet, jabrewõt im elap e ar kaloke. 10 Im aolepen jar an ro dri Kaldia, ro rar ber iben kapen

in ro dri bar, rar rupe worwor ko an Jerusalem i belakin. 11 Im armij ro jet ro rar berwõt ilo jikin kwelok eo, im ro rar buñlok, ro rar illok ñõn iben kiñ in Babilon, im matõn jar eo, Nebuzaredan, kapen an ro dri bar, e ar bõklok ir dri jebokwe. 12 A kapen an ro dri bar e ar likit jet ian ro dri jeramel tata in eneo, bwe ren lale bwil in grep ko im jikin kallip ko.

13 <sup>1</sup>Im jur jinibõrõrõ ko rar ber ilo imõn Jeova, im loñtõk ko im lometo jinibõrõrõ ko rar ber ilo imõn Jeova, ro dri Kaldia rar tibrikriki, im bõklok jinibõrõrõ eo ñõn Babilon. 14 Im pot ko, im shovel ko, im ken jojen melle in lamp ko, im jibun ko, im jãbi otemjej jinibõrõrõ rar korijer kake, rar bõkilok. 15 Im pan in kijeek ko, im besõn ko, gold ak silver, kapen an ro dri bar e ar bõkilok. 16 Jur ko ruo, juõn lometo, im loñtõk ko Solomon e ar kômõnmõni ñõn imõn Jeova, jini-bõrõrõ an jãbi kein otemjej, ejelok joñair. 17 Utiejen juõn jur joñoul drualitõk kubit, im juõn eoñlok jini-bõrõrõ ion; im utiejen eoñlok jilu kubit, im eor ok im põmgranet ion eoñlok eo i belakin, aolep jinibõrõrõ; im jur eo juõn e ar bareinwõt, im eor an ok.

18 Im kapen in ro dri bar e ar bõk Siraia pris elap, im Zepanaia pris eo ken ka ruo, im lõmaro jilu dri lale kejem: 19 im jen jikin kwelok eo e ar bõk juõn dri kabwijrõk, eo e ar likit e ion armij dri tõrinae; im lailim eman ian ro rej lo mejen kiñ, ar lo ir ilo jikin kwelok eo; im dri jeje eo, kapen in jar in tõrinae, eo ej teltillok armij ro dri eneo; im jiljinoñoul eman ian ro dri eneo, ar lo ir ilo jikin kwelok eo. 20 Im Nebuzaredan, kapen in ro dri bar e ar bõk ir, im añinlok ir ñõn kiñ in Babilon, i Ribla. 21 Im kiñ in Babilon e ar mõn ir bwe ren mij, i Ribla ilo enen Hemat. Ein drein emwij añinlok Juda, dri jebokwe jen eneir.

22 Im kin armij ro ar likit ir ilo enen Juda, ro kiñ in Babilon e ar likit ir, e ar kômõn Gedelaia nejin Ehaikam.

<sup>1</sup> 2 Kron. 36. 13.<sup>1</sup> 2 Kron. 36. 13.

nejin Shepan, bwe en iroi j ioir. 23 A ke kapen ro an jar ko, ir im ro droir, rar roñjake bwe kiñ in Babilon e ar kōmōn Gedelaia iroi j, rar itok ñōn iben Gedelaia i Mizpa, aet, Ishmeel nej in Netenaia, im Johenan nej in Karia, im Siraia nej in Tanhumet, dri Nitopa, im Jeazanaia nej in dri Meakat, ir im ro droir. 24 Im Gedelaia e ar kanōjnij ñōn ir im ro droir, im ba ñōn ir, Komin jab mijōk ro dri korijeran dri Kaldia: komin jokwe ilo enin im korijer ñōn kiñ in Babilon, inem e naj emōn ibemi. 25 A ilo aliñ eo ken ka jiljilimjuōn, Ishmeel nej in Netenaia, nej in Elishema, ian ro nej in kiñ, e ar itok, im joñoul eman iben, im mōn Gedelaia, bwe en mij, im ro dri Ju, im ro dri Kaldia, ro rar ber iben i Mizpa. 26 Im armij otemjej, ajiri ro im ridto ro, im

kapen ro in jar ko, rar jutōk im itok ñōn Ijijt; bwe rar mijōk rodri Kaldia.

27 <sup>1</sup> Im ilo yiō eo ken ka jilñoul jiljilimjuōn an Jihoiak in kiñ in Juda jebokwe, ilo aliñ eo ken ka joñoul ruo, ilo ran eo ken ka roñoul jiljilimjuōn in aliñ eo, Ivil-merodak kiñ in Babilon, ilo yiō eo ke e ar jino in kiñ, e ar koutiej bōran Jihoiak in kiñ in Juda, jen prison; 28 im e ar konono joi j ñōn e, im likit tron eo an eutie j jen tron ko an kiñ ro rar ber iben i Babilon, 29 im e ar ukōt nuknuk ko an, nuknuk in prison. Im Jihoiak in e ar mōña bred iman mejen ien otemjej, ran ko otemjej in an mour: 30 im kin kijen, ien otemjej, rar lelok kijen jen kiñ eo, jabrewōt ran juōn kij, ran ko otemjej in an mour.

<sup>1</sup> Jer. 52. 31-34

BUK EO MOKTA IN  
**KRONIKEL**

**1** <sup>1</sup>Adam, Seth, Inos, **2** Kenan, **1** Mehalelel, Jered, **3** Inök, Mituse-la, Lemek, **4** Noa, Shem, Ham, im Jepet.

**5** Ro nejin <sup>2</sup>Jepet: Gomer, im Megog, im Medai, im Jevan, im Tubal, im Mishek, im Tiras. **6** Im ro nejin Gomer: Ashkinaz, im Dipat, im Togarma. **7** Im ro nejin Jevan: Ilaisha, im Tarshish, Kittim, im Rodanim.

**8** Ro nejin Ham: Kush, im Mizreim, Put, im Kenean. **9** Im ro nejin Kush: Siba, im Havila, im Sabta, Reama, im Sabtika. Im ro nejin Reama: Shiba, im Didan. **10** Im Kush e ar keutak Nimrod: e ar jino an dri kajur ilo löl. **11** Im Mizreim e ar keutak Ludim, Anamim, im Lihehim, im Naptuhim, **12** im Patrusim, im Kasluhim, (eo ro dri Pilstia rar walok jen e), im Kaptorim. **13** Im Kenean e ar keutak Saidon Manjien, im Het, **14** im dri Jibus, im dri Amor, im dri Girgas, **15** im dri Hiv, im dri Ark, im dri Sin, **16** im dri Arvad, im dri Zemar, im dri Hemat.

**17** Ro nejin <sup>3</sup>Shem: Ilam, im Ashur, im Arpaksad, im Lud, im Eram, im Uz, im Hul, im Gitur, im Mishek. **18** Im Arpaksad e ar keutak Shila, im Shila e ar keutak Iber. **19** Im ar lotak ruo nejin Iber: etan juön Pileg; bwe ilo ran ko an, emwij kijbil löl: im etan leo jätin Joktan. **20** Im Joktan e ar keutak Almodad, im Shilep, im Hezarmevet, im Jira, **21** im Hadoram, im Uzal, im Dikla, **22** im Ibal, im Abimael, im Shiba, **23** im Opir, im Havila, im Jobab. Rein otemfej ro nejin Joktan.

**24** <sup>4</sup>Shem, Arpaksad, Shila, **25** Iber, Pileg, Reu, **26** Sirug, Nehor, Tira, **27** Ebram, (e in Ebream).

**28** Ro nejin Ebream: Aisak, im

Ishmeel. **29** Ir kein ebeben ko air: manjien Ishmeel, Nebaiot; inem Kidar, im Abdiel, im Mibsam, **30** Mishma, im Duma, Massa, Hedad, im Tima, **31** Jitur, Nepish, im Kedima. Rein ro nejin Ishmeel.

**32** Im ro nejin Ketura, konkubain an Ebream: e ar keutak Zimran, im Jokshan, im Midian, im Ishbak, im Shua. Im ro nejin Jokshan: Shiba, im Didan. **33** Im ro nejin Midian: Ipa, im Iper, im Henok, im Ebaida, im Eldea. Rein otemfej ro nejin Ketura.

**34** Im Ebream e ar keutak Aisak. Ro nejin Aisak; Iso, im Israel.

**35** Ro nejin <sup>1</sup>Iso: Elipaz, Reuel, im Jeush, im Jelam, im Kora. **36** Ro nejin Elipaz: Timan, im Omar, Zepi, im Getam, Kinaz, im Timna, im Amalek. **37** Ro nejin Reuel: Nehat, Zira, Shamma, im Mizza.

**38** Ro nejin Sier: Lotan, im Shobal, im Zibeon, im Ena, im Daishan. **39** Im ro nejin Lotan: Hori, im Homam; im Timna lio jätin Lotan. **40** Ro nejin Shobal: Elian, im Manahat, im Ibal, Shipai, im Onam. Im ro nejin Zibeon: Aia, im Ena. **41** Ro nejin Ena, Daishon. Im ro nejin Daishon: Hamran, im Eshban, im Itran, im Kiran. **42** Ro nejin Izer: Bilhan, im Zeevan, Jeekan. Ro nejin Daishan: Uz, im Eran.

**43** Ak rein kiñ ro rar kiñ ilo ene Idom, mokta jen jabrewöt kiñ e ar iroi ion ro nejin Israel: Bila nejin Bior; im etan jikin kwelok eo an Dinheba. **44** Im Bila e ar mij, im Jobab nejin Zira jen Bozra e ar binej jenkwön im kiñ. **45** Im Jobab e ar mij, im Husham jen enen ro dri Timan e ar binej jenkwön im kiñ. **46** Im Husham e ar mij, im Hedad nejin Bidad, eo e ar mön Midian ilo melaj an Moab,

<sup>1</sup> Jen. 6. 1-32    <sup>2</sup> Jen. 10. 1-4.    <sup>3</sup> Jen. 10. 22-29.    <sup>4</sup> Luk 3. 34-36.

e ar binej jenkwōn im kiñ: im etan jikin kwelok eo an Evit. 47 Im Hedad e ar mij, im Samla jen Masreka e ar binej jenkwōn im kiñ. 48 Im Samla e ar mij, im Shaul jen Rihobot iturin River eo e ar binej jenkwōn im kiñ. 49 Im Shaul e ar mij, im Bealhenan nejin Akbor e ar binej jenkwōn im kiñ. 50 Im Bealhenan e ar mij, im Hedad e ar binej jenkwōn im kiñ: im etan jikin kwelok eo an, Pei: im etan lio belen Mihetabel, nejin Metred, lio nejin Mi-zehab. 51 Im Hedad e ar mij.

Iroijs ro an Idom: iroijs Timna, iroijs Elia, iroijs Jitot, 52 iroijs Oholibima, iroijs Ila, iroijs Painon, 53 iroijs Kinaz, iroijs Timan, iroijs Mibzar, 54 iroijs Magdiel, iroijs Iram. Rein iroijs ro in Idom.

2 Rein ro nejin <sup>1</sup>Israel: Ruben, im Simeon, Livai, im Juda, Issakar, im Zebulun, 2 Dan, Josep, im Benjamin, Naptalai, Gad, im Asher.

3 Ro nejin Juda: Er, im Onan, im Shila: irjil rar lotak ñōn e jen lio nejin Shua, dri Kenean. Im Er manjien Juda e ar nana iman mejen Jeova: inem E ar mōn e. 4 Im Tamar lio nejin kin belele, e ar keutak ñōn e Pirez, im Zira. Aolepen ro nejin Juda, lailim.

5 Ro nejin Pirez: Hezron, im Hemul. 6 Im ro nejin Zira: Zimrai, im Itan, im Himan, im Kalkol, im Dera: aolepeir lailim. 7 Im ro nejin Karmai: Ekar, eo dri kejjoran Israel, eo e ar bwir kin men eo emwij lelok ñōn Jeova. 8 Im ro nejin Itan: Azaraia.

9 Bareinwōt ro nejin Hezron, ro rar lotak ñōn e: Jirameel, im Ram, im Kelubai. 10 Im Ram e ar keutak Aminadab, im Aminadab e ar keutak Nashon, eo iroijs an ro nejin Juda. 11 Im Nashon e ar keutak Salma, im Salma e ar keutak Boaz, 12 im Boaz e ar keutak Obed, im Obed e ar keutak Jesse: 13 im Jesse e ar keutak manjien Ilaia, im Abinadab eo ken ka ruo, im Shimea eo ken ka jilu, 14 Netanel eo ken kemen, Rada eo ken

ka lailim, 15 Ozem eo ken ka jiljino, Devid eo ken ka jiljilimjuōn; 16 im limaro jeir im jätir Ziruaia im Abigeil. Im ro nejin Ziruaia: Ebishai, im Joab, im Esahel, jilu. 17 Im Abigeil e ar keutak Amasa: im jemen Amasa Jiter dri Ishmeel.

18 Im Keleb nejin Hezron e ar keutak ro nejin iben Azuba lio belen, im iben Jeriot; im rein ro nejin: Jissher, im Shobab, im Ardon. 19 Im Azuba e ar mij, im Keleb e ar bōk ñōn e Eprat, eo e ar keutak ñōn e Hur. 20 Im Hur e ar keutak Uri, im Uri e ar keutak Bezalel.

21 Im tokelik Hezron e ar dreloñ ñōn iben lio nejin Mekir jemen Giliad, eo e ar bōk e bwe en belen ke e ridtōn jiljinoñoul yiō: im e ar keutak ñōn e Sigub. 22 Im Sigub e ar keutak Jeir, eo an roñoul jilu jikin kwelok ilo ene Giliad. 23 Im Gishur im Eram rar bōk jikin kwelok ko an Jeir jen ir, im Kinat, kab jikin kwelok ko wujen, aet, jiljinoñoul jikin kwelok. Rein otemjej ro nejin Mekir jemen Giliad. 24 Im elikin an Hezron mij ilo Keleb-eprata, inem Abaija lio belen Hezron e ar keutak ñōn e Ashur jemen Tikoa.

25 Im ro nejin Jirameel manjien Hezron, Ram manjien, im Buna, im Oren, im Ozem, Ehaija. 26 Im iben Jirameel bar juōn belen etan Atara: eo jinen Onam. 27 Im ro nejin Ram manjien Jirameel, Meaz, im Jemin im Iker. 28 Im ro nejin Onam, Shammai, im Jeda. Im ro nejin Shammai: Nedab, im Abishur. 29 Im etan lio belen Abishur, Abiheil: im e ar keutak ñōn e Aban, im Molid. 30 Im ro nejin Nedab: Siled, im Apaim: a Siled e ar mij im ejelok nejin. 31 Im ro nejin Apaim Ishai. Im ro nejin Ishai: Shishan. Im ro nejin Shishan: Alai. 32 Im ro nejin Jeda jätin Shammai: Jiter im Jonetan: im Jiter e ar mij im ejelok nejin. 33 Im ro nejin Jonetan: Pilet, im Zeza. Rein ro nejin Jirameel. 34 Ak ejelok nejin Shishan eman, a nejin kōra wōt. Im iben Shishan juōn dri korijeran, dri Ijjipt, etan Jarha.

**35** Im Shishan e ar lelok lio nejin nōn Jarha, korijeran, bwe en belen: im e ar keutak nōn e Attai. **36** Im Attai e ar keutak Netan, im Netan e ar keutak Zebad, **37** im Zebad e ar keutak Eplal, im Eplal e ar keutak Obed, **38** im Obed e ar keutak Jihu, im Jihu e ar keutak Azaraia, **39** im Azaraia e ar keutak Hilez, im Hilez e ar keutak Eleesa, **40** im Eleesa e ar keutak Sismai, im Sismai e ar keutak Shalum, **41** im Shallum e ar keutak Jekemaia, im Jekemaia e ar keutak Elishema.

**42** Im ro nejin Keleb jätin Jirameel, Misa manjien, eo jemen Zip: im ro nejin Maresha jemen Hibron. **43** Im ro nejin Hibron: Kora, im Tappua, im Rikem, im Shima. **44** Im Shima e ar keutak Reham, jemen Jorkeam: im Rikem e ar keutak Shammai. **45** Im leo nejin Shammai Meon: im Meon jemen Bet-zur. **46** Im Ipa, konkubain eo an Keleb, e ar keutak Heran, im Moza, im Gezez: im Heran e ar keutak Gezez. **47** Im ro nejin Jadai: Rigem, im Jotan, im Gishan, im Pilet, im Ipa, im Sheap. **48** Meeka, konkubain eo an Keleb, e ar keutak Shiber im Tirhena. **49** E ar bareinwöt keutak Sheap jemen Madmana, Shiva jemen Makbina, im jemen Gibeaa: im lio nejin Keleb Aksa.

**50** Rein lōmaro nejin Keleb, eo nejin Hur, manjien Eprata: Shobal jemen Kiriati-jierim, **51** Salma jemen Bet-leem, Herep jemen Bet-geder. **52** Eman ro nejin Shobal jemen Kiriati-jierim: Haroe, jimōtōn dri Menuhot. **53** Im ro nukin Kiriati-jierim: ro dri Itrai, im ro dri Pur, im ro dri Sumat, im ro dri Misra: jen ir ar walok ro dri Zorat im ro dri Eshteol. **54** Ro nejin Salma: Bet-leem, im ro dri Nitopa, Atrot-bet-joab, im jimōtōn ro dri Manahat, ro dri Zor. **55** Im ro nukin dri jeje ro rar jokwe ilo Jebez: ro dri Tirat, ro dri Shimeat, ro dri Sukat. Rein ro dri Ken rar walok jen Hemat jemen ro nukin Rikab.

**3** Ak <sup>1</sup>rein ro nejin Devid, ro rar lotak nōn e ilo Hibron; manjien

Amnon, jen Ehinoam, dri Jezriel: eo ken ka ruo, Daniel, jen Abigeil dri Karmel: **2** eo ken ka jilu, Absalom, nejin Meaka, nejin Talmai, kiñ in Gishur: eo ken kemen, Adonaija nejin Hagit: **3** eo ken ka lailim, Shepetaia, jen Abital: eo ken ka jiljino, Itriam, jen Egla, lio belen: **4** jiljino rar lotak nōn e ilo Hibron; im e ar kiñ ijo jiljilimjuōn yiō im jiljino aliñ. Im ilo Jerusalem e ar kiñ iomin jilñuol jilu yiō; **5** im rein rar lotak nōn e ilo Jerusalem: Shimea, im Shobab im Netan, im Solomon, emen, jen Bat-shua, nejin Ammaiel; **6** im Ibhar, im Elishema, im Elipelet, **7** im Noga, im Nipeg, im Japia, **8** im Elishema, im Ilaiada, im Elipelet, druatiimjuōn. **9** Rein otemjej lōmaro nejin Devid, eor jen lōmaro nejin limaro dri konkubain: belen Devid im Temar jeir im jätir kōra.

**10** Im leo nejin Solomon, Riho-boam, Ebaija leo nejin, Esa leo nejin, Jihoshapat leo nejin, **11** Joram leo nejin, Ehazaia leo nejin, Joash leo nejin, **12** Amazaia leo nejin, Azaraia leo nejin, Jotam leo nejin, **13** Ehaz leo nejin, Hezekaia leo nejin, Menassa leo nejin, **14** Amon leo nejin, Josai leo nejin. **15** Im ro nejin Josai: manjien Johenan, eo ken ka ruo Jihoiakim, eo ken ka jilu Zedekaia, eo ken kemen Shallum. **16** Im ro nejin Jihoiakim: Jekonaia leo nejin, Zedekaia leo nejin. **17** Im lōmaro nejin Jekonaia, dri jebokwe eo: Shialtiel leo nejin, **18** im Malkairam, im Pedaia, im Shinazar, Jekamaia, Hoshema, im Nedabaia. **19** Im ro nejin Pedaia: Zirubbabel, im Shimeai. Im ro nejin Zirubbabel: Mishullam im Hananaia: im Shelomit lio jeir im jätir: **20** im Hashuba, im Ohel, im Berekaia, im Hasadaia, Jushab-hised, lailim. **21** Im ro nejin Hananaia: Peletaia, im Jeshai: ro nejin Repaia, ro nejin Arnan, ro nejin Obedaija, ro nejin Shekenaia. **22** Im ro nejin Shekenaia: Shemaia. Im ro nejin Shemaia: Hattush, im Igal, im Beraia, im Niraia, im Shepat, jiljino. **23** Im ro nejin Niraia: Elioinai, im Hizkaia,

im Azrikam, jilu. 24 Im ro nejin Elioinai : Hodevaia, im Ilaieshib, im Pelaia, im Akub, im Johenan, im Delaia, im Anenai, jiljilimjuön.

4 Ro nejin 'Juda: Pirez, Hezron, im Karmai, im Hur, im Shobal. 2 Im Riaia nejin Shobal e ar keutak Jehat: im Jehat e ar keutak Ehumai im Lehad. Rein ro nukin ro dri Zorat. 3 Im rein ro nejin jemen Itam: Jezriel, im Ishma, im Ibdash: im etan lio jeir im jätin Hazelponi: 4 im Penuel jemen Gidor, im Izer jemen Husha. Rein ro nejin Hur, manjien Eprata, jemen Bet-leem. 5 Im iben Ashur jemen Tekoa ruo belen, Hila im Neara. 6 Im Neara e ar keutak ñön e Ehuzzam, im Hiper im Timenai, im Heahashterai. Rein ro nejin Neara. 7 Im ro nejin Hila, Ziret, Izhar, im Etnan. 8 Im Hakoz e ar keutak Ehub, im Zobia, im ro nukin Eharhel nejin Herum. 9 Im Jebez e ar utiej jen ro jein im jätin: im jinen e ar naetan Jebez, im ba, Bwe I ar keutak e kin buromöj. 10 Im Jebez e ar kir ñön Anij in Israel, im e ba, Emön Kwon kejerammön iö ilo mol, im kalaplok töreran eo aö, im bwe peöm en iba, im Kwon kejbärok iö jen nana, bwe en jab kaburomöj iö. Im Anij e ar lelok ñön e men eo e ar kajitök kake. 11 Im Kilub, jätin Shuba, e ar keutak Mihir, eo jemen Eshton. 12 Im Eshton e ar keutak Bet-repa, im Pasia, im Tehina jemen Ir-nehas. Rein armij in Rika. 13 Im ro nejin Kinaz: Otniel im Siraia. Im ro nejin Otniel: Hetat. 14 Im Mionotai e ar keutak Opra: im Siraia e ar keutak Joab jemen Gi-harashim: bwe ir dri mejerik. 15 I ro nejin Keleb nejin Jepunne: Iru, Ila, im Neam; im ro nejin Ila; im Kinaz. 16 Im ro nejin Jihalelel: Zip, im Zipa, Tiria, im Asarel. 17 Im ro nejin Ezra: Jiter, im Mired, im Iper, im Jelon: im lio e ar keutak Miriam, im Shammai, im Ishba jemen Eshtimoa. 18 Im lio belen, dri Ju, e ar keutak Jired jemen Gidor, im Hiber jemen Soko, im Jekutiell jemen Zenoa. Im

rein ro nejin Bithaia lio nejin Pero, eo Mired e ar böke. 19 Im ro nejin lio belen Hodaia, lio jätin Neham, jemen Keila dri Garmi, im Eshtimoa dri Meakat. 20 Im ro nejin Shaimon: Amnon, im Rinna, Benhenan im Tailon. Im ro nejin Ishai: Zohet, im Ben-zohet. 21 Ro nejin Shila nejin Juda: Er jemen Lika, im Leada jemen Maresha, im ian ro nukin ro rej kömönmön linen kworairik, jen nukin Ashbia: 22 im Jokim, im armij ro in Koziba, im Joash, im Serap, eo iroi j ilo Moab, im Jashubai-lihem. Im jeje ko eto air ber. 23 Rein ro dri potter, im ir ro dri Neteim im Gedira: bwe rar jokwe iben kiñ eo kin jerbäl eo an.

24 Ro nejin Simeon: Nemuel, im Jemin, Jerib, Zira, Shaul: 25 Shallum nejin, Mibsam nejin, Mishma nejin. 26 Im ro nejin Mishma: Hamuel nejin, Zakkur nejin, Shimeai nejin. 27 Im joñoul jiljino eman im jiljino köra nejin Shimeai: a e jab kanuij or nejin lömaro jein im jätin, im e jab aolep ian ro nukir rar orlok einwöt ro nejin Juda. 28 Im rar jokwe i Bier-shiba, im Moleda, im Hezar-shual, 29 im i Bilha, im i Izem, im i Tolad, 30 im i Bituel, im i Horma, im i Ziklag, 31 im i Bet-markebot, im i Hezar-susim, im i Bet-bairai, im i Sheareim. Ir kein jikin kwelok ko air ñön ien eo Devid e ar kiñ. 32 Im jikin kwelok ko air redrik, Itam, im Ain, Rimon, im Token, im Eshan, lailim jikin kwelok: 33 im jikin kwelok ko air otemjej rar iturin jikin kwelok kein, ñön Beal. Ir kein jikir, im eor nan in ebeben ibeir. 34 Im Meshobab, im Jamlek, im Josha nejin Amezaia, 35 im Joel, im Jihu nejin Joshibia, nejin Siraia, nejin Esaiel, 36 im Elioinai, im Jeakoba, im Jeshohaia, im Esaia, im Adiel, im Jesimiel, im Beneia, 37 im Zaiza nejin Shipai, nejin Allon, nejin Jedaia, nejin Shimrai, nejin Shimaia: 38 rein emwij kwalok etair, iroi j ilo nukir: im mo ko imön jemeir elap air orlok. 39 Im rar ilok ñön kejem in Gidor, ñön rear in komlöl eo, bwe ren bukot kijan

kiru ko air. **40** Im rar lo melaj emõn im eor molawi, im ene eo e rebökbök im ejelok iruij, a ej ainemõn: bwe ro rar jokwe ie mokta ro dri Ham. **41** Im rein emwij jeje etair, rar itok ilo ran ko an Hezekaia, kiñ in Juda, im rar kokkure mo ko im nuknuk ko air, im dri Meunim ro rar lo ir ie, im torlok bokir ñõn ranin, im rar binej jenkwaair im jokwe ie: bwe eor kijen kiru ko air ie. **42** Im jet iair, ian ro nejin Simeon, limabuki man, rar ilok ñõn tol Sier, im iroj ro air, Peletaia, im Nierai, im Repeaia, im Uzzaiel, ro nejin Ishai. **43** Im rar mõn ro bwen dri Amelek rar ko, im rej jokwe ie ñõn ranin.

**5** Im ro nejin Ruben, manjien Israel, (bwe e<sup>1</sup> manjien: a kin an katton kinien jemen, emwij lelok jolit an manjien ñõn ro nejin Josep, nejin Israel inem re jab bwine nan in ebeben ekar ñõn jolit in manjien. **2** Bwe Juda e ar bök anjo jen ro jein im jätin, im jen e ar walok iroj eo: a jolit ko an manje e naj an Josep), **3** ro nejin Ruben manjien Israel: Henok, im Pallu, Hezron, im Karmai. **4** Ro nejin Joel: Shemaia nejin, Gog nejin, Shimeai nejin, **5** Maika nejin, Riaia nejin, Beal nejin, **6** Beira nejin, eo Tilgat-pilniser kiñ in Assiria e ar böklok dri jebokwe: e ar iroj an ro dri Ruben. **7** Im ro jein im jätin ekar ñõn ro nukir, ke nan in ebeben ko air emwij watök e: ro re utiej, Jeiel im Zekeraia, **8** im Bila nejin Ezaz, nejin Shima, nejin Joel, eo e ar jokwe ilo Aroer, aet ñõn Nibo im Beal-mion: **9** im e ar jokwe i mejäti eo i rear ñõn ene jemaren jen river Upretis, bwe eorlok kiru ko air ilo ene Giliad. **10** Im ilo ran ko an Saul, rar törinaek ro dri Hegar, im rar buñ kin peir: inem rar jokwe ilo im nuknuk ko air, ilo aolepen ene eo i rear jen Giliad.

**11** Im ro nejin Gad rar jokwe iki-jeir, ilo ene Beshan ñõn Salika: **12** Joel eo e utiej, im Shepan eo ken ka ruo, im Janai, im Shipat ilo Beshan. **13** Im ro jeir im jätir ian mo ko imõn

jemeir: Maikeel, im Mishullam, im Shiba, im Jorai, im Jekan, im Zia, im Iber, jiljilimjuõn. **14** Rein ro nejin Abiheil, nejin Hurai, nejin Jaroa, nejin Giliad, nejin Maikeel, nejin Jeshishai, nejin Jado, nejin Buz; **15** Ehai nejin Abdaiel, nejin Gunai, iroj ro ion mo ko imõn jemeir. **16** Im rar jokwe ilo Giliad im Beshan, im ilo jikin kwelok ko an, im ilo wujen an She-ron, ñõn tōreren ko air. **17** Rein otemjej emwij watok ir kin nan in ebeben ilo ran ko an Jotam kiñ in Juda, kab ilo ran ko an Jeroboam kiñ in Israel.

**18** Ro nejin Ruben, im ro dri Gad, im jibilkwõn bwijin Menassa, man ro re beran, im maroñ in inek likipijnök im jaji, im re jela törinae, eñoul emen tausan jiljilimjuõn buki jiljinoñoul, re maroñ in ilen törinae. **19** Im rar törinaek ro dri Hegar, im Jitur, im Nepish, im Nodab. **20** Im ar jibõñ ir nae ir, im emwij lelok ro dri Hegar na ilo peir, kab ir otemjej rar ber ibeir: bwe rar kir ñõn Anij ilo törinae eo, im E ar eoroñ ir bwe rar liki E. **21** Im rar añinlok kiru ko air: kamel ko air limñoul tausan, im sip ko rubuki limñoul tausan, im ass ko ruo tausan, im armij jibuki tausan. **22** Bwe elõñ ro rar buñ im mij, bwe törinae eo an Anij. Im rar binej jenkwaair im jokwe ie ñõn ien jebokwe eo.

**23** Im ro nejin jibilkwõn bwijin Menassa rar jokwe ilo eneo; rar orlok jen Beshan ñõn Beal-hermon im Sinir im tol Hermon. **24** Ir rein jiõb ro an imõn ro jimair: aet Iper, im Ishai, im Ilaiel, im Azriel, im Jeremaia, im Hodevaia, im Jadiel, armij dri kajur im beran, re buñbuñ, jiõb ro an imõn ro jimair.

**25** Im rar bwir nae Anij an ro jemeir, im rar lüñ kin air lore anij ro an ro dri ailñ ko ilo eneo, ro Anij e ar mõn iman mejeir. **26** Im Anij e ar biuktöke an Pul kiñ in Assiria, im an Tilgat-pilniser kiñ in Assiria, im e ar böklok ir, aet ro dri Ruben, im ro dri Gad, im ro dri jibilkwõn bwijin Menassa, im e ar böklok ir ñõn Hela,

<sup>1</sup> Jen. 29. 32.



im Hebor, im Aera, im nōn river Gozan nōn ranin.

**6** Ro nejin<sup>1</sup> Livai: Gershon, Kohat, im Mirerai. **2** Im ro nejin Kohat: Amram, Izar, im Hibron, im Uzaiel. **3** Im ro nejin Amram: Aron, im Moses, im Miriam. Im ro nejin Aron: Nedab, im Ebaihu, Iliezar, im Itamar. **4** Iliezar e ar keutak Pinehas, Pinehas e ar keutak Abishua, **5** im Abishua e ar keutak Bukkai, im Bukkai e ar keutak Uzzai, **6** im Uzzai e ar keutak Zerehaia, im Zerehaia e ar keutak Mireiot, **7** Mireiot e ar keutak Ameraia, im Ameraia e ar keutak Ehaitub, **8** im Ehaitub e ar keutak Zedok, im Zedok e ar keutak Ehimeaz, **9** im Ehimeaz e ar keutak Azaraia, im Azaraia e ar keutak Johenan, **10** im Johenan e ar keutak Azaraia, (eo e ar kōmōn jermal an pris ilo mweo Solomon e ar kalek i Jerusalem), **11** im Azaraia e ar keutak Ameraia, im Ameraia e ar keutak Ehaitub, **12** im Ehaitub e ar keutak Zedok, im Zedok e ar keutak Shallum, **13** im Shallum e ar keutak Hilkaia, im Hilkaia e ar keutak Azaraia, **14** im Azaraia e ar keutak Siraia, im Siraia e ar keutak Jihozedak: **15** im Jihozedak e ar ilok nōn jebokwe, ke Jeova e ar āninlok Juda im Jerusalem kin pein Nebukadnezar.

**16** Ro nejin Livai: Gershom, Kohat, im Mirerai. **17** Im ir kein etan ro nejin Gershom: Libnai, im Shimeai. **18** Im ro nejin Kohat Amram, im Izhar, im Hibron, im Uzaiel. **19** Ro nejin Mirerai: Malai im Mushai. Im ir kein nukin ro dri Livai, ekar nōn mo ko imōn ro jimair. **20** An Gershom, Libnai nejin, Jehat nejin, Zimma nejin, **21** Joa nejin, Iddo nejin, Zira nejin, Jeateraia nejin. **22** Ro nejin Kohat: Aminadab nejin, Kora nejin, Assir nejin, **23** Elkena nejin, im Ebiesap nejin, im Assir nejin, **24** Tehat nejin, Uraiel nejin, Uzaiia nejin, in Shaul nejin. **25** Im ro nejin Elkena: Amasai, im Ehaimot. **26** Kin Elkena, ro nejin Elkena: Zopai nejin,

im Nehat nejin, **27** Ilaiab nejin, Jeroham nejin, Elkena nejin. **28** Im ro nejin Samuel: manjien Joel, im eo ken ka ruo Ebaija. **29** Ro nejin Mirerai: Malai, Libnai nejin, Shimeai nejin, Uzai nejin, **30** Shimea nejin, Haggia nejin, Esaia nejin.

**31** Rein ro Devid e ar likit ir dri tel ilo jermal in al ilo imōn Jeova, elikin an dipdip eo jokōne. **32** Im rar jermal kin al iman imōn kabere in imōn kwelok eo, mae ien emwij an Solomon kalek imōn Jeova ilo Jerusalem: im lale jermal eo air ekar nōn air lajrōk. **33** Rein ro rar jermal, im ro nejin. Ian ro nejin ro dri Kohat, Himan dri al, nejin Joel, nejin Samuel, **34** nejin Elkena, nejin Jeroham, nejin Ilaiel, nejin Toa, **35** nejin Zup, nejin Elkenna, nejin Mehat, nejin Amesai, **36** nejin Elkena, nejin Joel, nejin Azaraia, nejin Zepenaia, **37** nejin Tehat, nejin Assir, nejin Ebaiesap, nejin Kora, **38** nejin Izar, nejin Kohat, nejin Livai, nejin Israel. **39** Im jein im jätin Esap, eo e ar jutōk i anbijmarōn, aet Esap nejin Berekaia, nejin Shimea, **40** nejin Maikel, nejin Beasaia, nejin Malkaija, **41** nejin Etnai, nejin Zira, nejin Adai, **42** nejin Itan, nejin Zima, nejin Shimeai, **43** nejin Jehat, nejin Gershom, nejin Livai. **44** Im i anmiñin ro jeir im jätir ro nejin Mirerai: Itan nejin Kishai, nejin Abdai, nejin Maluk, **45** nejin Hshebaia, nejin Amazaia, nejin Hilkaia, **46** nejin Amzai, nejin Benai, nejin Shimer, **47** nejin Malai, nejin Mushai, nejin Mirerai, nejin Livai. **48** Im ro jeir im jätir dri Livai emwij likit ir nōn aolepen jermal in imōn kabere eo an imōn Anij.

**49** A Aron im ro nejin rar<sup>1</sup> katok ilo lokatok in katok kijeek, im ilo lokatok in kaijurjur, nōn aolepen jermal an jikin kwojarjar otem kwojarjar im nōn kōmōn kilajrōk nōn Israel, ekar nōn aolepen men ko Moses korijeran Anij e ar jiroñ ir kake. **50** Im rein ro nejin Aron: Iliezar nejin, Pinehas nejin, Abishua nejin, **51** Bukkai nejin, Uzzai nejin, Zerehaia ne-

<sup>1</sup> Ex. 6. 14-26.<sup>1</sup> Ex. 27. 1-5.

jîn, 52 Mireiot nejin, Ameraia nejin, Ehaitub nejin, 53 Zedok nejin, Ehimeaz nejin.

54 Ir kein jikin kwelok ko air ekar ñôn kamp ko air, ilo tōreren ko air: ñôn ro nejin Aron, ian ro nukin dri Kohat, (bwe air kakōle eo mokta), 55 ñôn ir rar lelok Hibron ilo ene Juda, im wujen ko an; 56 a jikin kallip ko an jikin kwelok eo, im jikin kwelok ko wujen, rar lelok ñôn Keleb nejin Jepunne. 57 Im ñôn ro nejin Aron rar lelok jikin kwelok ko, jikin kone, Hibron; Libna bareinwōt im wujen ko an, im Jattir, im Eshtimoa im wujen ko an, 58 im Hailen kab wujen ko an, Diber im wujen ko an, 59 im Eshan kab wujen ko an, im Bet-shimesh kab wujen ko an: 60 im jen bwijin Benjamin, Giba kab wujen ko an, im Alletmet kab wujen ko an, im Anatot kab wujen ko an. Jikin kwelok ko otemjej ñôn ro nukir, joñoul jilu jikin kwelok.

61 Im ñôn ro jet ian ro nejin Kohat, rar lelok kin kakōle, jen nukin bwij eo, jen jibilkwōn bwij, jen jibilkwōn Menassa, joñoul jikin kwelok. 62 Im ñôn ro nejin Gershom, ekar ñôn ro nukir, jen bwijin Issakar, im jen bwijin Asher, im jen bwijin Naptalai, im jen bwijin Menassa ilo Beshan, joñoul jilu jikin kwelok. 63 Ñôn ro nejin Mirerai ar lelok kin kakōle, ekar ñôn ro nukir, jen bwijin Ruben, im jen bwijin Gad, im jen bwijin Zebulun, joñoul ruo jikin kwelok. 64 Im ro nejin Israel rar lelok ñôn ro dri Livai air jikin kwelok ko kab wujen ko air. 65 Im rar lelok kin kakōle jen bwijin ro nejin Juda, im jen bwijin ro nejin Simeon, im jen bwijin ro nejin Benjamin, jikin kwelok kein, emwij naetair.

66 Im iben jet ian ro nukin ro nejin Kohat, jikin kwelok ko iloaan tōrereir jen bwijin Ipreim. 67 Im rar lelok ñôn ir jikin kwelok ko jikin kone, Shikem ilo ene tol an Ipreim, kab wujen ko an: Gizer bareinwōt, kab wujen ko an, 68 im Jokmiam kab wujen ko an, im Bet-horon kab wujen ko an, 69 im Aijalon kab wujen ko an,

im Gat-rimon kab wujen ko an, 70 im jen jibilkwōn bwijin Menassa, Ener kab wujen ko an, im Bileam kab wujen ko an, ñôn nukin ko jet ian ro nejin Kohat.

71 Ñôn ro nejin Gershom rar lelok, jen nukin jibilkwōn bwijin Menassa, Golan ilo Beshan kab wujen ko an, im Ashterot kab wujen ko an: 72 im jen bwijin Issakar, Kedesh kab wujen ko an, Dabera kab wujen ko an, 73 im Remot kab wujen ko an, im Enem kab wujen ko an: 74 im jen bwijin Asher, Meshal kab wujen ko an, im Abdon kab wujen ko an, 75 im Hukok kab wujen ko an, im Rihob kab wujen ko an; 76 im jen bwijin Naptalai, Kedesh ilo Galili kab wujen ko an, im Hamon kab wujen ko an, im Kiriateim kab wujen ko an.

77 Ñôn ro jet ian ro dri Livai, ro nejin Mirerai, ar lelok jen bwijin Zebulun, Rimono kab wujen ko an, Tebor kab wujen ko an: 78 im jen Jordan ikijen Jeriko, i rear in Jordan, ar lelok ñôn ir, jen bwijin Ruben, Bizer ilo ene jemaren kab wujen ko an, im Jaza kab wujen ko an, 79 im Kedemot kab wujen ko an, im Mepeat kab wujen ko an: 80 im jen bwijin Gad, Remot i Giliad kab wujen ko an, im Mehaneim kab wujen ko an, 81 im Heshbon kab wujen ko an, im Jezer kab wujen ko an.

7 Im ian ro nejin Issakar: Tola, im Pua, Jashub, im Shimron, emen. 2 Im ro nejin Tola: Uzzai, im Repaia, im Jeriel, im Jamai, im Issam, im Shemuel, jiōb ro an imōn ro jimair, aet, an Tola: armij re kajur ilo ebeben ko air: orair ilo ran ko an Devid roñoul ruo tausan jiljino buki. 3 Im ro nejin Uzzai: Izrahaia. Im ro nejin Izrahaia: Maikel, im Obedai, im Joel, Isshaia, lailim: ir otemjej armij re utiej. 4 Im ibeir, kin ebeben ko air, ekar ñôn mo ko imōn ro jimair, jar ko ian jar in tōrinae, jilñoul jiljino tausan: bwe elōñ limaro beleir im ro nejin. 5 Im ro jeir im jätir iben ro nukin otemjej in Issakar, armij ro re beran im kajur, emwij bwini ir otemjej ekar ñôn ebe-

ben, drualitökñoul jiljilimjuõn taus-san.

6 Ro nejin Benjamin: Bila, im Biker, im Jedaiel, jilu. 7 Im ro nejin Bila: Ezbon, im Uzzai, im Uzzaiel, im Jerimot, im Airi, lailim: jiõb ro an imõn ro jimair, armij re beran im kajur: im emwij bwini ir ekar ñõn ebeben ko, roñoul ruo tausand jilñoul emen. 8 Im ro nejin Biker: Zemaira, im Joash, im Iliezar, im Elioinai, im Omrai, im Jerimot, im Ebaija, im Anatot, im Alemet. Rein otemjej ro nejin Biker. 9 Im emwij bwini ir kin ebeben, ekar ñõn ebeben ko air, jiõb ro an imõn ro jimair, armij re beran im kajur, roñoul tausand rubuki. 10 Im ro nejin Jedaiel: Bilhan. Im ro nejin Bilhan: Jeush, im Benjamin, im Ihud, im Keneana, im Zitan, im Tarshish, im Ehishehar. 11 Rein otemjej ro nejin Jedaiel, ekar ñõn jiõb ro an imõn ro jimair, armij re beran im kajur, joñoul jiljilimjuõn tausand rubuki, rar maroñ in wõnmanlok ilo jar in tõrinae. 12 Shuppmim barainwõt, im Huppmim, ro nejin Ir, Hushim, ro nejin Eher.

13 Ro nejin Naptalai: Jazaiel, im Guni, im Jizer, im Shallum, ro nejin Bilha.

14 Ro nejin Menassa: Asriel, eo lio konkubain eo an, dri Eram, e ar keutak: e ar keutak Mekir, jemen Gilad. 15 Im Mekir e ar bõk lio belen jen Huppmim im Shuppmim, etan jein kõra Meaka: im etan eo ken ka ruo Zelopihad: im iben Zelopihad eor nejin kõra. 16 Im Meaka lio belen Mekir e ar keutak juõn nejin man, im e ar naetan Piresh: im etan jein im jätin man Shiresh: im ro nejin man Ulam im Rekem. 17 Im ro nejin Ulam: Bidan. Rein ro nejin Gilad nejin Mekir, nejin Menassa. 18 Im jein im jätin kõra Hammoleket, e ar keutak Ishdod, im Ebaiezer, im Mala. 19 Im ro nejin Shemaida: Ehian, im Shikem, im Likhai, im Eniam.

20 Im ro nejin Ipreim: Shutela, im Bired nejin, im Tehat nejin, im Eleada nejin, 21 im Zebad nejin,

im Shutela nejin, im Izer, im Iliad, irro ro dri Gat ro rar lotak ilo eneo rar mõi ir, bwe rar wõnlõtok in bõklok kiru ko air. 22 Im Ipreim jemeir e ar joñõt ir elõñ ran, im ro jein im jätin rar iten kaine-mõne. 23 Im e ar dreloñ ñõn iben lio belen, inem e ar etta, im e ar keutak juõn ladrik, im e ar naetan Biraia, kin nana eo e ar walok ñõn mweo imõn. 24 Im nejin kõra, Shiera, eo e ar kalek Bet-horon eo etä im eo e utiej, im Uzzan-Shiera. 25 Im Ripa nejin, im Rishep, im Tila nejin, im Tehan nejin, 26 Ledan nejin, Amihud nejin, Elishema nejin, 27 Nun nejin, Joshua nejin.

28 Im men ko air im mo ko imweir, Betel im jikin ko wujen, im i rear Nearan, im i kabiluñ Gizer, im jikin ko wujen: Shikem barainwõt, im jikin ko wujen, ñõn Azza im jikin ko wujen: 29 im i tõreran ko an ro nejin Menassa, Bet-shian im jikin ko wujen, Teanak im jikin ko wujen, Megiddo im jikin ko wujen, Dor im jikin ko wujen. Ro nejin Josep nejin Israel rar jokwe ilo jikin kwelok kein.

30 Ro nejin Asher: Imna, im Ishva, im Ishvai, im Beraia, im Sira jeir im jätir kõra. 31 Im ro nejin Beraia: Hiber, im Malkaiel, eo jemen Birzait. 32 Im Hiber e ar keutak Japlet, im Shomer, im Hotam, im Shua jeir im jätir kõra. 33 Im ro nejin Japlet: Pesak, im Bimhal, im Ashvat. Rein ro nejin Japlet. 34 Im ro nejin Shimer: Ehai, im Roga, Jehubba, im Eram. 35 Im ro nejin Hilem, jein im jätin: Zopa, im Imna, im Shilesh, im Emal. 36 Ro nejin Zopa: Sua, im Harniper, im Shual, im Birai, im Imra, 37 Bizer, im Hod, im Shamma, im Shilsha, im Itran, im Biera. 38 Im ro nejin Jiter: Jepunne, im Pispä, im Era. 39 Im ro nejin Ulla: Era, im Hannaiel, im Rizia. 40 Rein otemjej ro nejin Asher, jiõb ro an imõn ro jimair, armij ro ar kälet ir, im re beran im kajur, re utiej ian iroi j rõi. Im orair emwij bwini ir kin ebeben ñõn jer-

bal in tōrinae, roñoul jiljino tausand armij.

**8** Im Benjamin e ar keutak Bila manjien, Ashbel eo ken ka ruo, Ehara eo ken ka jilu, 2 Noha eo ken kemen, im Repa eo ken ka lailim. **3** Im Bila eor nejin: Addar, im Gira, Ebaihud, **4** im Ebishua, im Neaman, im Ahoa, **5** im Gira, im Shipupan, im Huram. **6** Rein ro nejin Ihud: rein jiöb ro an imön ro jimair ian ro dri Giba, im rar böklok ir dri jebokwe ñön Manehat: **7** im Neaman, im Ehaja, im Gira, e ar böklok ir dri jebokwe: im e ar keutak Uzza im Ehaiud. **8** Im Shehereim e ar keutak ro nejin ilo enen Moab, elikin an jilkinlok ir: Hushim im Beara limaro belen. **9** Im e ar keutak jen Hodesh, lio belen, Jobab, im Zibia, im Misha, im Malkam, **10** im Jiuz, im Shekia, im Mirma. Rein ro nejin jiöb ro an imön ro jimair. **11** Im jen Hushim e ar keutak Ebaitub, im Elpeal. **12** Im ro nejin Elpeal: Iber, im Misham, im Shemed, eo e ar kalek Ono im Lod, kab jikin kwelok ko iturir: **13** im Beraia, im Shima, jiöb ro an imön ro jimair ñön ro dri Aijalon, rar kokök ro dri Gat: **14** im Ehaio, Sheshak, im Jerimot, **15** im Zebedaia, im Erad, im Ider, **16** im Maikael, im Ishba, im Joha, ro nejin Beraia, **17** im Zebedaia, im Mishullam, im Hizkai, im Hiber, **18** im Ishmerai, im Izlaia, im Jobab, ro nejin Elpeal, **19** im Jekim, im Zikrai, im Zabdai, **20** im Elienai, im Zilletai, im Ilaiel, **21** im Edaia, im Beraia, im Shimrat, ro nejin Shimeai, **22** im Ishpan, im Iber, im Ilaiel, **23** im Abdon, im Zikrai, im Henan, **24** im Hanenaia, im Ilam, im Antotaija, **25** im Ipdiaia, im Penuel, ro nejin Sheshak, **26** im Shamsheraia, im Sheharaia, im Atalaia, **27** im Jeareshaia, im Ilaia, im Zikrai, ro nejin Jehoram. **28** Rein jiöb ro an imön ro jimair iomin ebeben ko air, armij re utiej: rein rar jokwe ilo Jerusalem.

**29** Im ilo Gibeon e ar jokwe jemen Gibeon, Jeiel, etan lio belen Meaka: **30** im manjien Abdon, im Zur, im

Kish, im Beal, im Nedab, **31** im Gidor, im Ehaio, im Ziker. **32** Im Miklot e ar keutak Shimea. Im ir bareinwöt rar jokwe iben ro jeir im jätir ilo Jerusalem. **33** Im Ner e ar keutak Kish; im Kish e ar keutak Saul; im Saul e ar keutak Jonetan, im Malkishua, im Abinedab, im Esh-beal. **34** Im nejin Jonetan Merib-beal: im Merib-beal e ar keutak Maika. **35** Im ro nejin Maika: Paiton, im Milek im Taria, im Ehaz. **36** Im Ehaz e ar keutak Jihoada; im Jihoada e ar keutak Alemet, im Azmivet, im Zimrai; im Zimrai e ar keutak Moza. **37** Im Moza e ar keutak Binia; Repa leo nejin, Iliesa leo nejin, Ezel leo nejin. **38** Im jiljino nejin Ezel, etair: Azrikam, Bokiru, im Ishmeel, im Shierai, im Obedaia, im Henan. Rein otemjej nejin Ezel. **39** Im ro nejin Ishek jein im jätin: Ulam manjien, Jiush eo ken ka ruo, im Elipelet eo ken ka jilu. **40** Im ro nejin Ulam armij re beran im kajur, dri libon, im elön nejin, im ro nejin nejin, jibuki limñoul. Rein otemjej ian ro nejin Benjamin.

**9** Ein drein emwij bwini dri Israel otemjej kin ebeben ko air; im lo, emwij jeji ilo buk in kiñ ro in Israel. Im ar böklok ro dri Juda ñön Babilon, bwe ren dri jebokwe, kin jerawiwi ko air. **2** Ak ro rar jokwe mokta ilo jolit ko air, ilo jikin kwelok ko air, Israel, pris ro, ro dri Livai, im dri Netinim. **3** Im ilo Jerusalem rar jokwe jet ian ro nejin Juda, im jet ian ro nejin Benjamin, im jet ian ro nejin Ipreim im Menassa: **4** Utai nejin Amihud, nejin Omrai, nejin Imrai, nejin Benai, ian ro nejin Pirez nejin Juda. **5** Im ian ro dri Shailo: Esaia manjien im ro nejin. **6** Im ian ro nejin Zira: Jiuel, im ro jeir im jätir, jiljino buki druatimjuönñoul. **7** Im ian ro nejin Benjamin: Sallu nejin Mishullam nejin Hodavaia, nejin Hassenua, **8** im Ibnaija nejin Jeroham, im Ila nejin Uzzai, nejin Mikrai, im Mishullam nejin Shepetaia, nejin Reuel, nejin Ibnaija: **9** im ro jeir im jätir, ekar ñön ebeben ko air, druatimjuön buki limñoul jiljino.

Rein otemjej jiöb ro an imön ro jimair, kin mo ko imön ro jimair.

10 Im ian pris ro: Jedaia, im Jehoarib, Jekin, 11 im Azaraia nejin Hilkaia, nejin Mishullam, nejin Zedok, nejin Mireiot, nejin Ehaitub, iroi j in imön Anij; 12 im Adaia nejin Jeroham, nejin Pashur, nejin Malkaija, im Meassai nejin Adaiel, nejin Jazira, nejin Mishullam, nejin Mishillemit, nejin Immer; 13 im ro jeir im jätir, jiöb ro an imön ro jimair, juön tausan jiljilimjuön buki jiljinoñoul armij; re kanuij kajur ñön jermal ilo imön Anij.

14 Im ian ro dri Livai: Shimaia nejin Hasshub, nejin Azrikam, nejin Hashebaia, ian ro nejin Mirerai; 15 im Bakbakar, Hiresch, im Galal, im Mattanaia nejin Maika, nejin Zikrai, nejin Esap, 16 im Obedaia nejin Shimaia, nejin Galal, nejin Jedutun, im Berekaia nejin Esa, nejin Elkena, eo e ar jokwe ilo jikin kwelok ko an ro dri Nitopa.

17 Im ro dri lale kejem: Shallum, im Akkub, im Talmon, im Ehaiman, im ro jeir im jätir, (Shallum eo e utiej), 18 ro rar ber ñön ien in, ilo kejem in kiñ i rear, ro dri lale kejem in kamp in ro nejin Livai. 19 Im Shallum nejin Kore, nejin Ebiesap, nejin Kora, im ro jein im jätin, jen mweo imön jemen, ro kri Kora, rar iroi j in jermal in kabuñ eo, ro dri lale kejem in imön kabere eo; im ro jimair re kin lale kamp in Jeova, ro dri lale ial in dreloñ. 20 Im Pinehas nejin Iliezar e ar iroi j ioir ilo ien e motelok, im Jeova e ar ber iben. 21 Zekeraia nejin Mishelemaia e ar dri lale aor in imön kwelok. 22 Rein otemjej emwij kälet ir ñön lale kejem ko rubuki joñoul ruo. Emwij bwini ir ekar ñön ebeben ilo jikin kwelok ko air, ro Devid im Samuel dri lolo rar likit ir ilo air jermal in liki. 23 Ein drein ir im ro nejjir rar lale kejem ko in imön Jeova, aet imön kabere eo, kin jermal in lale. 24 Ro dri lale kejem rar ber ilo turin ko emen, i rear, i kabilöñ, i eañ, im i rök. 25 Im ro jeir im jätir, ilo jikin

kwelok ko air, ren dreloñ juön alen ilo jiljilimjuön ran, jen ien ñön ien, im ber ibeir: 26 bwe ro dri lale kejem, emen re utiej, ro dri Livai, rar ber ilo juön jermal in liki, im rar lale bo ko im jikin mweiuk ko ilo imön Anij. 27 Im rar jokwe iturin imön Anij, bwe kwonair lale: im emön ren kabellok e jiboñ otemjej.

28 Im jet iair rar lale jäbi ko in kabuñ: bwe rar bwini ir im kadreloñ ir, im rar bwini ir im kadrioi jlok ir. 29 Bareinwöt jet iair rar lale men ko men in kömönmön, im jäbi otemjej in imön kwojarjar, im flauo kwerik, im wain, im oil, im kaijurjur, im spais ko. 30 Im jet ian ro nejin pris ro rar kapojök im käreik spais ko. 31 Im Mattitaia, juön dri Livai, eo manjien Shallum dri Kora, iben jermal in liki bwe en lale men ko rej umum ilo pan ko. 32 Im jet ian ro jeir im jätir, ro nejin dri Kohat, rar lale bred in kalikar, im rar kömöne ran in Sabat otemjej.

33 Im rein ro rar al, jiöb ro an imön ro jimair ian ro dri Livai, rar jokwe ilo bo ko, im rar anemkwójair jen jermal ko jet: bwe ar kejerbal ir ilo jermal eo air ran im boñ. 34 Rein jiöb ro an imön ro jimair an ro dri Livai, ilo ebeben ko air, armij re utiej: rein rar jokwe ilo Jerusalem.

35 Im ilo Gibeon ar jokwe jemen Gibeon, Jeiel, etan lio belen Meaka; 36 im manjien, Abdon, im Zur, im Kish, im Beal, im Ner, im Nedab, 37 im Gidor, im Ehaio, im Zekeraia, im Miklot. 38 Im Miklot e ar keutak Shimeam. Im rar bareinwöt jokwe iben ro jeir im jätir ilo Jerusalem, ikijen ro jeir im jätir. 39 Im Ner e ar keutak Kish; im Kish e ar keutak Saul; im Saul e ar keutak Jonetan, im Malkishua, im Abinedab, im Eshbeal. 40 Im leo nejin Jonetan Meribbeal; im Meribbeal e ar keutak Maika. 41 Im ro nejin Maika: Paiton, im Milek, im Tarea, im Ehaz. 42 Im Ehaz e ar keutak Jera; im Jera e ar keutak Alemet, im Azmevet, im Zimrai; im Zimrai e ar keutak Moza;

43 im Moza e ar keutak Binia ; im Repaia nejin, im Ileaas nejin, Ezel nejin. 44 Im jiljino nejin Ezel eman, ir kein etair : Azrikam, Bokeru, im Ishmeel, im Shiaria, im Obedaia, im Henan: rein ro nejin Ezel.

**10** Ak ro dri <sup>1</sup> Pilstia rar tōrinaek Israel: im ro dri Israel rar ko jen iman ro dri Pilstia, rar buñ im mij i tol Gilboa. 2 Im ro dri Pilstia rar kanuij lukworkwor Saul im ro nejin: im ro dri Pilstia rar mōn Jonetan, im Abinedab, im Malkishua, ro nejin Saul. 3 Im tōrinae eo e kanuij bin nae Saul, im ro dri libon rar kebak ñon e: im e ar kanuij jorran kin ro dri libon. 4 Inem e ar ba ñon eo ej inek ken tōrinae ko an, Kwon nure jāji ne am, im wākari iō kake, ñe ab dri jab mijmij rein ren item kananaik iō! A dri inene eo e jab kōnan: bwe e kanuij mijōk. Kin men in Saul e ar bōk jāji eo an im buñ ion. 5 Im ke dri inene eo e ar lo bwe e mij Saul, bareinwōt e ar buñ ion jāji eo an, im e mij. 6 Ein drein Saul e ar mij, im ro nejin jilu; im aolepen mweo imōn rar jimor mij.

7 Im ke dri Israel otemjej rar ber ilo komlōl eo rar lo bwe rej ko, rar ilok jen jikin kwelok ko air, im ko; im ro dri Pilstia rar item jokwe ilo ir. 8 Im ilju, ke ro dri Pilstia rar iten rakimi ro dri mij, rar lo Saul im ro nejin re buñ i tol Gilboa. 9 Im rar rakimi men ko an, im bōk bōran, im ken tōrinae ko an, im jilkinlok ñon enen ro dri Pilstia iturin, im kennanek ekjōp ko air, im armij ro. 10 Im rar likit ken tōrinae ko an ilo imōn anij ro air, im rar likit bōran ilo imōn Degon. 11 Im ke ro dri Jebesh-giliad otemjej rar roñjake men otemjej ro dri Pilstia rar kōmōn ñon Saul, 12 ro dri beran otemjej rar jutōk, im rar bōklok ubōn Saul, im ubōn ro nejin, im bōktok ñon Jebesh, im kalibwin driir iomin wijki ok eo i Jebesh, im jitlok jiljilimjuōn ran.

13 Ein drein Saul e ar mij kin jera-wiwi eo e ar kōmōn nae Jeova, kin

nan an Jeova, eo e ar jab kejbārok e; im bareinwōt kin an kōmao iben juōn, dimon e miōk na ilo enbwinin, im kajitōk kake, 14 im e ar jab kajitōk iben Jeova: kin men in E ar mōn e, im ukōt ailiñ eo ñon Devid, nejin Jesse.

**11** <sup>1</sup> Inem dri Israel otemjej rar kweloktok ñon iben Devid i Hibron, im re ba, Lo kimuij driōm im kōniekōm. 2 Ilo ien ko re motelok, ke Saul e ar kiñ, kweo kwar kadrioijlok, im kadrelōñtok Israel: im Jeova am Anij e ar ba ñon yuk, Kwo naj seperd an armij ro Aō, Israel, im kwo naj dri tel ion armij ro Aō, Israel. 3 Ein drein ridto ro otemjej in Israel rar itok ñon iben kiñ eo ñon Hibron; im Devid e ar kōmōn juōn bujen ibeir i Hibron, iman Jeova; im rar kabit Devid kiñ ion Israel, ekar ñon nan in Jeova kin Samuel.

4 Im Devid im dri Israel otemjej rar ilok ñon Jerusalem, (eo Jibus); im ro dri Jibus, ro dri eneo, re ber ie. 5 Im ro dri Jibus rar ba ñon Devid, Kwo jamin dreloñ ijin. Mekarta, Devid e ar bōk me eo, Zaion; eo jikin kwelok an Devid. 6 Im Devid e ar ba, Jabrewōt eo ej mōn ro dri Jibus mokta, e naj dri utiejtata im kapen. Im Joab nejin Ziruaia e ar wōnliñlok mokta, inem e dri utiejtata. 7 Im Devid e ar jokwe ilo me eo; kin men in rar naetan jikin kwelok an Devid. 8 Im e ar kalek jikin kwelok eo i belakin, jen Millo i belakin; im Joab e ar kōkāl ijo ko jet mōtōn jikin kwelok eo. 9 Im Devid e ar kajurlok wōt; bwe Jeova an inelip eo E ar ber iben.

10 Ak rein ro re utiej ian ro dri kajur iben Devid, rar kwalok ir re kajur iben, ilo ailiñ eo an, im iben ro dri Israel otemjej, in kōmōn e kiñ, ekar ñon nan jen Jeova kin Israel. 11 Im eñin oran armij re kajur iben Devid: Jashobiam, nejin juōn dri Hakmon, eo e utiejtata ian jilñoul eo; e ar kwotōke mōri eo an nae jilu buki im mōn ir ilo juōn wōt ien. 12 Im ijil-tokin Iliezar nejin Dodo, dri Eho, eo

<sup>1</sup> 1 Sam. 31. 1-13.<sup>2</sup> 2 Sam. 6. 1.

juõn ian ro jilu re kajur. 13 E ar ber iben Devid i Pasdamim, im ijo ro dri Pilstia rar kweloktok in tõrinae, im juõn jikin kallip ie eobrök kin barli: im armij ro rar ko jen iman ro dri Pilstia. 14 Im rar jutök ilo jikin kallip eo, im koiki, im mõn ro dri Pilstia: im Jeova e ar lomor ir kin juõn anjo elap.

15 Im jilu ian armij ro jilñoul re utiej rar wõnlölok ñõn dreka eo ñõn iben Devid, ñõn iloan roñ in dreka Adullam; a jar in tõrinae an dri Pilstia rar kamp ilo komlöl an Ripem. 16 Im ien eo Devid e ar ber ilo me e kajur, im ro dri me an dri Pilstia, rar ber ilo Betleem. 17 Im Devid e ar oñkake, im e ba, O emõn elañe juõn e naj letok dren in irak jen aibij an Betleem, eo ej iturin kejem! 18 Im armij ro jilu rar driblok jar in tõrinae an ro dri Pilstia, im itök dren jen aibij an Betleem, eo iturin kejem, im böke, im böktok ñõn Devid: a Devid e jab kõnan irak jen e, a e ar lutöklok e ñõn Jeova, 19 im e ba, Aõ Anij en bõprae iõ jen aõ kõmõn men in: in irak bõtöktökin armij rein rar jab uõta in mij ke? bwe kin jab uõta in mij rar böktok. Kin men in e jab kõnan irak e. Men kein armij ro jilu re kajur rar kõmõnmõni.

20 Im Ebishai, jein im jätin Joab, e ar utiejlok ian jilu; bwe e ar kwotöke mõri eo an nae jilu buki im mõn ir, im e ar buñbuñ ian jilu. 21 Ian ro jilu e ar utiej jen ruo, im emwij kõmõn e kapen ioir: a e jab tõbar ro jilu mokta.

22 Beneia nejin Jihoiada, nejin juõn armij e beran im kajur jen Kabziel, eo e ar kõmõn jerbak ko relap, e ar mõn ruo nejin Eriel an Moab: bareinwõt e ar wõnlölok im mõn juõn laion ilo juõn roñ ilo ien sno. 23 Im e ar mõn juõn dri Ijpt, juõn armij aitokõn lailim kubit: im ilo pein dri Ijpt mõri einwõt alal an dri ej nuknuk; im e ar wõnlölok ñõn iben kin juõn jokwõn, im e ar kwotak mõri eo jen pein dri Ijpt, im e ar mõn e kin mõri eo an. 24 Men

kein Beneia nejin Jihoiada e ar kõmõni, im ar likit e juõn ian armij ro jilu re beran im kajur. 25 Lo, e utiej jen jilñoul ro, a e jab tõbar jilu ro mokta: im Devid e ar likit e ion ro jurõn.

26 Bareinwõt armij re beran im kajur ian jar in tõrinae ko: Esabel jätin Joab, Elhenan nejin Dodo jen Betleem, 27 Shammot dri Haro, Hilez dri Pilon, 28 Aira nejin Ikkesh dri Tekoa, Ebaiezer dri Anatot, 29 Sibe-kai dri Hushat, Ailai dri Eho, 30 Meharai dri Nitopa, Hiled nejin Beena dri Nitopa, 31 Itai nejin Ribai jen Gibea, ian ro nejin Benjamin, Beneia dri Piraton, 32 Hurai jen wea ko an Geash, Abaiel dri Arbat, 33 Azmevet dri Baharum, Ilaiba dri Shealbon, 34 ro nejin Heshem dri Gaizon, Jonetan nejin Shage dri Herar, 35 Ehaiam nejin Sekar dri Harar, Elipal nejin Ur, 36 Hiper dri Mekerat, Ehaija dri Pilon, 37 Hezro dri Karmel, Nearai nejin Ezbai, 38 Joel jein im jätin Netan, Mibar nojin Hagrai, 39 Zilek dri Amon, Naherai dri Birot, dri inek ken tõrinae ko an Joab nejin Ziruaia, 40 Aira dri Itrai, Gereb dri Itrai, 41 Uraia dri Het, Zebad nejin Alai, 42 Adaina nejin Shaiza dri Ruben, juõn e utiej ian rod ri Ruben, im jilñoul iben: 43 Hanan nejin Meaka, im Joshapat dri Mitna, 44 Uzzaia dri Ashterat, Shema im Jeiel ro nejin Hotam dri Aroer, 45 Jedaiel nejin Shimrai, im Joa jein im jätin, dri Tiz, 46 Itaiel dri Mahav, im Jerebai, im Joshevaia, ro nejin Elneam, im Itna, dri Moab, 47 Ilaiel, im Obed, Jesaaiel dri Mezoba.

12 Ak rein ro rar itok ñõn iben Devid ñõn Ziklag, ke e ar tilekek jen Saul nejin Kish, im ir ian armij ro re kajur, ro dri jibõn ilo tõrinae. 2 Ken tõrinae ko ibeiri, libon, im re maroñ in buat kin dreka, ak wã kin mõri jen libon, ilo anmiñ anmon: im rej ian ro jein im jätin Saul an Benjamin. 3 Eo e utiejtata Ehaiezer; inem Joash, ro nejin Shimea dri Gibea, im Jezaiel, im Pilet, ro nejin Azmevet, im Bireka, im

Jihu dri Anatot, 4 im Ishmaia dri Gibeon, juõn armij e kajur ian ro jilñoul, im ion ro jilñoul, im Jeremaia, im Jaheziel, im Johenan, im Jozebad dri Gedira, 5 Eluzai, im Jerimot, im Bielaia, im Shemeraia, im Shepetaia dri Harup, 6 Elkena, im Ishaia, im Azarel, im Joezer, im Jashobeam, ro dri Kora, 7 im Joela, im Zebedeia, ro nejin Jeroham jen Gidor.

8 Im ian ro dri Gad rar mõke kjenlok ir ñõn Devid, ñõn me eo e kajur ilo ene jemaren, armij re kajur im beran, armij emwij katakin ir kin tõrinae, re jela toõn mõri im likipijñõk, turin mejeir einwõt turin mejen laion, im re mõkõj einwõt kiru dir ko ion tol ko: 9 Izer eo e utiejtata, Obedeia eo ken ka ruo, Ilaiab eo ken ka jilu, 10 Mishmana eo ken kema, Jeremaia eo ken ka lailim, 11 Attai eo ken ka jiljino, Ilaiel eo ken ka jiljilimjuõn; 12 Johenan eo ken ka drualitõk, Elzebad eo ken ka druatimjuõn, 13 Jeremaia eo ken ka joñoul, Makbanai eo ken ka joñoul juõn. 14 Rein ro nejin Gad rej kapen in jar in tõrinae: eo eriktata ej einwõt jibuki, im eo elaptata einwõt juõn tausan. 15 Rein ro rar elã jen Jordan ilo aliñ eo mokta, ke dren e ar elã jen tõren river ko otemjej: im rar kokõk ir otemjej i komlõl ko, ñõn rear im ñõn kabilñ.

16 Im jet ian ro nejin Benjamin im Juda rar itok ñõn me eo e kajur ñõn Devid. 17 Im Devid e ar drioijen wõnmae ir, im e ar uak im ba ñõn ir, Elañe komij itok ilo ainemõn ñõn iba in jibõn iõ, buruõ e naj kanuij edrep ñõn kom; a elañe komij iten ketõk iõ ñõn ro rej kijirãt iõ, ñe ejelok bwir ilo peiõ, inem Anij an ro jemer En lale im enoik e. 18 Ien eo Jitõb eo e ar itok ion Amesai, eo e utiejtata ian jilñoul, im e ar ba, Kimuij am, O Devid, im kimij rie yuk, kwe nejin Jesse: ainemõn, ainemõn ñõn kwe, im ainemõn ñõn ro dri jibõn yuk: bwe am Anij ej jibõn yuk. Inem Devid e bõk ir, im kõmõn ir kapen ro an jar eo.

19 Bareinwõt jen Menassa jet rar  
400

ilok ñõn iben Devid, ke e ar itok iben ro dri Pilistia nae Saul ilo tõrinae: a rar jab jibõn ir; bwe iroijs ro an ro dri Pilistia rar bebe kake im jilkinlok ir, im re ba, E naj ilok ñõn iben Saul, iroijs eo an, ñõn lanbinikumkum. 20 Im ilo an ilok ñõn Ziklag, rar buñtok ñõn iben jen Menassa, Adna, im Jozebad, im Jedael, im Maikael, im Jozebad, im Ilaihu, im Zilletai, kapen ro an tausan ko an Menassa. 21 Im rar jibõn Devid nae jar an dri itoitõk: bwe ir otemjej armij re beran im kajur, im kapen ro ilo jar in tõrinae eo. 22 Bwe jen ran ñõn ran, armij rar itok ñõn iben Devid in jibõn e, mae ien juõn jar in tõrinae elap, einwõt jar an Anij.

23 Im eñin oran ro rar bõk ken tõrinae ñõn tõrinae, rar itok ñõn iben Devid ñõn Hibron, im ukõt aliñ eo an Saul ñõn e, ekar ñõn nan jen Jeova. 24 Ro nejin Juda, ro rar inek likipijñõk im mõri, jiljino tausan drualitõk buki, re pojõk ñõn tõrinae. 25 Ian ro nejin Simeon, armij re beran im kajur ñõn tõrinae eo, jiljilimjuõn tausan jibuki. 26 Ian ro nejin Livai emen tausan jiljino buki. 27 Im Jihoiada e ar dri tel an imõn Aron: im iben jilu tausan jiljilimjuõn buki, 28 im Zedok, juõn likao e beran im kajur, im jen imõn jemen roñoul ruo kapen. 29 Im ian ro nejin Benjamin, ro jein im jãtin Saul, jilu tausan: bwe ñõn ien in e nañin solep-eir rar edrep ñõn imõn Saul. 30 Im ian ro nejin Ipreim roñoul tausan drualitõk buki, armij re beran im kajur, im re buñbuñ ilo mo ko imõn ro jimair. 31 Im jen jibilkwõn bwijin Menassa drualitõkñoul tausan, emwij kwalok etair, in iten kõmõn Devid kiñ. 32 Im ian ro nejin Issakar, armij re meletlet kin ien ko, in jela ta eo emõn an Israel kõmõne, bõrair rubuki: im ro jeir im jãtir otemjej rar bokake ir. 33 Ian Zebulun, ro re maroñ drioijslok iben jar in tõrinae, ro re kanuij jela tõrinae, im wãwen ken tõrinae otemjej ibeir, limñoul tausan, im re maroñ in kale jar ñõn tõrinae, im e jab burueir ruo. 34 Im jen Nap-



talai juõn tausan kapen, im ibeir eor air likipijñök im mõri, jilñoul jiljilim-juõn tausan. 35 Im ian ro dri Dan ro rar maroñ in kalejar ñõn tõrinae, roñoul drualitök tausan jiljino buki. 36 Im jen Asher, ro re maroñ in drioijslok ilo jar in tõrinae, rar maroñ in kalejar ñõn tõrinae, eñoul tausan. 37 Im i rear in Jordan, ian ro dri Ruben, im ro dri Gad, im jen jibilkwõn bwijin Menassa, im ibeir jabrewõt wāwen ken tõrinae ko, jibuki roñoul tausan.

38 Rein otemjej, armij dri tõrinae, re maroñ in kalejur dri tõrinae, rar itok, emõn burueir, ñõn Hibron, in kõmõn Devid kiñ ion aolepen Israel: im aolepen ro jet dri Israel juõn wõt burueir in komõn Devid kiñ. 39 Im rar ber iben Devid ijo iomin jilu ran, im rej mõña im irak: bwe ro jeir im jätir rar kapojök ñõn ir. 40 Bar juõn, ro rar ebak ñõn ir, tokrõn wõt Issakar im Zebulun im Naptalai, rar bõktok bred ion ass ko, im ion kamel ko, im ion mul ko, im ion ox ko, men in mõña jen flauo, kek in fig, urur in grep e mõrä, im wain, im oil, im ox ko, im sip ko relõñ: bwe eor lõñliñ ilo Israel.

13 Im Devid e ar bebe iben kapen ro an tausan ko im buki ko, im iben jabrewõt dri tel. 2 Im Devid e ar ba ñõn aolepen jar an Israel, Elañe emõn ibemi, im elañe ej jen Jeova aruij Anij, jen jilkinlok ñõn ijo jabrewõt ñõn ro jeer im jäter rej berwõt ilo aolepen ene in Israel, ro eor pris im dri Livai ibeir ilo jikin kwelok ko air kab wujen ko air, bwe ren kweloktok ñõn iberuij; 3 im jen bar bõktok dipdip eo an Anij ñõn iber: bwe jar bukotlok ilo ran ko an Saul. 4 Im aolepen jar eo rar ba re naj kõmõn men in; bwe emõn ilo mejen armij otemjej. 5 Ein drein Devid e ar kokweloktok dri Israel otemjej, jen Shaihor, river erik in Ijpt, ñõn mejäti in Hemat, im bõktok dipdip eo an Anij jen Kiriati-jerim. 6 Im Devid e ar wõnliñlok, e im aolepen Israel, ñõn Beala, eñin Kiriati-jerim, eo an Juda, in bõktok jen ijo dipdip

an Anij Jeova, Eo ej jijõt ilõñin kerub ko, Eo rej kir ñõn E kin Ät eo. 7 Im rar bõktok dipdip eo ion juõn kart ekäl, im kadrioijslok e jen imõn Abinedab: im Uzza im Ehaio rar kwõnmanlok kart eo. 8 Im Devid im dri Israel otemjej rar kajõñjõñ iman mejen Anij kin aolepen air kajur, kin al ko, im kin arp ko, im kin salteri ko, im kin timbrel ko, im kin simbal ko, im kin jilil ko.

9 Im ke rar itok ñõn jikin dreñdreñ an Kaidon, Uzza e ar erlokwe pein bwe en drebij dipdip eo; bwe ox ko rar jebebe. 10 Im ebwil illu an Anij nae Uzza, im E ar mõn e, bwe e ar erlokwe pein ñõn dipdip eo, inem e ar mij ijo iman Anij. 11 Im Devid e ar buromõj kin ke Jeova e ar kokkure Uzza: inem e ar naetan jikin eo Pirez-uzza ñõn ranin. 12 Im Devid e ar mijok Anij ran eo, im e ba, Ekijkan in bõktok dipdip an Anij ñõn iba, ñõn kabijukniõ? 13 Ein drein Devid e ar jab kamõkit dipdip eo ñõn iben ilo jikin kwelok an Devid, a e ar kajeorlok e ñõn imõn Obed-idom dri Git. 14 Im dipdip an Anij e ar berwõt iben ro nukin Obed-idom ilo mweo imõn iomin jilu aliñ: im Jeova e ar kejerammõn imõn Obed-idom, im men ko otemjej iben.

14 Im <sup>1</sup>Hairam kiñ in Tair e ar jilkinlok ro dri jilik ñõn iben Devid, im wijki aik, im ro dri kõmõnmõn kin dreka, im ro dri kõmõn im, in kalek ñõn e juõn im. 2 Im Devid e ar kile bwe Jeova e ar kabin e kiñ ion Israel; bwe ailiñ eo an e kanuij utiej, kin dri Israel ro dron. 3 Im Devid e ar korlok limaro belen, i Jerusalem: im Devid e ar keutak bar or nejin man im kõra. 4 Im ir rein etan ro nejin rar lotak ñõn e i Jerusalem, Shammua, im Shobab, Netan, im Solomon, 5 im Ibhar, im Elishua, im Elpelet, 6 im Noga, Nipeg, im Japia, 7 im Elishema, im Bealiada, im Elipelet.

8 Im ke ro dri Pilistia rar roñjake kin air kabit Devid kiñ ion aolepen Israel, inem ro dri Pilistia otemjej rar

<sup>1</sup> 2 Sam. 5. 11.

wōnliñlen kabukot Devid: im Devid e ar roñjake im drioijlok nae ir. 9 Ak ro dri Pilistia rar item kalejar ilo komlōl Ripeim. 10 Im Devid e ar kajitōk iben Anij, im ba, In wōnliñlok nae ro dri Pilistia ke? im Kwo naj ketōk ir na ilo peiō ke? Im Jeova e ar ba ñōn e, Kwon wōnliñlok: bwe I naj ketōk ir na ilo peōm. 11 Ein drein rar wōnliñtok ñōn Beal-pirezim, im Devid e ar mōn ir ijo; im Devid e ar ba, Anij e ar rupi ro dri kijirāt iō kin peiō, einwōt an dren ko torlok. Kin men in rar naetan jikin eo Beal-pirezim. 12 Im rar likit anij ko air na ijo; im Devid e ar jiroñ ir, inem rar tili ilo kijeek.

13 Im ro dri Pilistia rar bar kalejar ilo komlōl eo. 14 Im Devid e ar bar kajitōk iben Anij; im Anij e ar ba ñōn e, Kwon jab wōnliñlok im lor ir: kwon jeorlok jen ir, im buñ ioir iki-jen wijki mōlberi ko. 15 Im ñe kwoj roñ ainiken wōnmanlok ilo jā-bōn wijki mōlberi ko, inem kwon drioijlen tōrinaek ir; bwe emwij an Anij drioijlok imam in mōn jar an ro dri Pilistia. 16 Im Devid e ar kōmōn einwōt Anij e ar jiroñ e: im rar mōn jar an ro dri Pilistia jen Gibeon ñōn Gizer. 17 Im buñbuñ an Devid e drioijlok ñōn ene ko otemjej: im Jeova e ar kōmōn bwe ailiñ ko otemjej ren mijōk e.

**15** Im Devid e ar kōmōn mo ko ilo jikin kwelok an Devid; im e ar kapojōk juōn jikin ñōn dipdip an Anij, im e ar kajur ñōn e imōn nuk-nuk. 2 Inem Devid e ar ba, Emōn bwe ejelok en bōktok dipdip an Anij, a ro dri Livai wōt: bwe Jeova e ar kālet ir in inek dipdip an Anij, im bwe ren jeral ñōn E in drio. 3 Im Devid e ar kokweloktok dri Israel otemjej i Jerusalem, in bōktok dipdip an Jeova ñōn jikin eo emwij an kapojōk ñōn e. 4 Im Devid e ar kokweloktok ro nejin Aron, im ro dri Livai: 5 ian ro nejin Kohat, Uraiel eo e utiejtata, im ro nejin jätin, jibuki roñoul; 6 ian ro nejin Mirerai, Esaia eo e utiejtata, im ro jein im jätin rubuki roñoul; 7 ian ro nejin Gershom, Joel

eo e utiejtata, im ro jein im jätin jibuki jilñoul; 8 ian ro nejin Elizepan, Shimaia eo e utiejtata, im ro jein im jätin rubuki; 9 ian ro nejin Hibron, Ilaiel eo e utiejtata, im ro jein im jätin dualitōkñoul; 10 ian ro nejin Uzzaiel, Aminadab eo e utiejtata, im ro jein im jätin jibuki joñoul ruo. 11 Im Devid e ar kirtok Zedok im Ebaiatar pris ro, im ro dri Livai, Uraiel, Esaia, im Joel, Shimaia, im Ilaiel, im Aminadab, 12 im e ba ñōn ir, Kom jjiōb ro an ro jimami an ro dri Livai: komin mōke kokwojarjar kom, kom im ro jeōmi im jätōmi, bwe komin bōkliñtok dipdip an Jeova, Anij in Israel, ñōn jikin eo emwij aō kapoj ñōn e. 13 Bwe kin ami jab bōktok mokta, Jeova aruij Anij e ar kōmōn-mōn juōn men in rupi kien, bwe jar jab kabukot E ekar ñōn kien eo. 14 Ein drein pris im ro dri Livai rar mōke kokwojarjar ir in bōktok dipdip an Jeova, Anij in Israel. 15 Im ro nejin ro dri Livai rar inek dipdip an Anij ion aierair kin ine ko, einwōt Moses e ar jiroñ ekar ñōn nan jen Jeova.

16 Im Devid e ar ba ñōn ro re utiejtata ian ro dri Livai bwe ren kajutōk ro jeir im jätir dri al, im ibeir ken kajōñjōñ ko, salteri ko im arp ko im simbal ko, en lap air kajōñjōñ im koutiej ainiker kin lōñliñ. 17 Ein drein ro dri Livai rar kālet Himan nejin Joel; im ian ro jein im jätin, Esap nejin Berekaia; im ian ro nejin Mirerai ro jeir im jätir, Itan nejin Kushaia; 18 im ibeir ro jeir im jätir an lajrōk eo ken ka ruo, Zekeraia, Ben, im Jeaziel, im Shemiramot, im Jehaiel, im Unnai, Ilaiab, im Beneia, im Measiaia, im Mattitaia, im Elipelehu, im Mikniaia, im Obed-idom, im Jeaiel, dri lale kejem ko. 19 Ein drein rar kajutōk ro dri al, Heman, Esap, im Itan, im ibeir simbal ko jinibōrōrō in kajōñjōñ alikar, 20 im Zekeraia, im Ezaiel, im Shemiramot, im Jenaiel, im Unnai, im Ilaiab, im Measiaia, im Beneia, ibeir salteri ko, emwij kilajrōk ir ekar ñōn Alamot; 21 im Mattitaia, im Elipelehu, im

Mikniaia, im Obed-idom, im Jeaiel, im Azezaia, ibeir arp ko emwij kilajrök ir ñõn Sheminit, in tel. 22 Im Kenenaia, e utiejtata ian ro dri Livai, ej ion al eo: e ar katakin kin al eo, bwe e mejerik. 23 Im Berekaia im Elkena, rar dri lale kejem ñõn dipdip eo. 24 Im Shebenaia, im Joshapat, im Netanel, im Amesai, im Zekeraia, im Beneia, im Iliezar, pris ro, rar kajõnjõn jilil ko iman dipdip an Anij: im Obed-idom im Jihaia rar dri lale kejem ñõn dipdip eo.

25 Ein drein <sup>1</sup> Devid im ridto ro in Israel, im kapen ro ion tausan ko, rar ilen böktok dipdip in kalimur an Jeova jen iloan imõn Obed-idom, kin lõnliñ. 26 Im ein drein ke Anij e ar jibõn ro dri Livai, ro rar inek dipdip in kalimur an Jeova, rar katok kin jiljilimjuõn kau koman im jiljilimjuõn sip koman. 27 Im Devid e ar kõnõk juõn liboror nuknuk linen kworairik, im dri Livai otemjej rar inek dipdip eo, im ro dri al, im Kenenaia iroi in al iben ro dri al; im Devid e ar kõnõk juõn epod linen. 28 Ein drein aolepen Israel rar bökliñtok dipdip in kalimur an Jeova kin lamij, im ainiken kornet, im kin jilil ko, im kin simbal ko, im rej kajõnjõn alikar kin salteri ko im kin arp ko. 29 Im ein drein ke dipdip in kalimur an Jeova e ar dreloñtok ilo jikin kwelok an Devid, Maikal lio nejin Saul e ar reilok jen juõn windo, im e ar lo Devid, kiñ eo, ke ej eep im kajõnjõn; im e ar kejekron e ilo buruen.

**16** Im rar kadreloñtok dipdip an Anij, im <sup>2</sup> likit e ilo im nuknuk eo Devid e ar kalek ñõn e: im rar katok kin katok kijeek ko, im katok ainemõn ko, iman Anij. 2 Im ke Devid e ar kamwijlok an katok kin katok kijeek ko im katok ainemõn ko, e ar kejerammõn armij ro ilo etan Jeova. 3 Im e ar lelok ñõn jabrewõt dri Israel, man in kõra, ñõn jabrewõt iair, juõn ion bred, im juõn mõtõn kõniek, im juõn kek in grep e mörä.

4 Im e ar kålet jet dri Livai bwe ren jermal iman dipdip an Jeova, im

bwe ren kabuñbuñ, im kamolol, im nebar Jeova Anij an Israel. 5 Esap eo e utiejtata, im eo ken ka ruo ñõn e Zekeraia, Jeaiel, im Shemiramot, im Jehaiel, im Mattitaia, im Ilaiab, im Beneia, im Obed-idom, im Jeaiel, ibeir salteri ko im arp ko; im Esapeo eor simbal iben e alikar air jõn; 6 im Beneia im Jehazaiel pris ro eor jilil ibeir ien otemjej, iman dipdip in kalimur an Anij.

7 Inem ran eo Devid e ar kaiñi in kamolol Jeova, kin pein Esap im ro jein im jätin.

8 O komin kamolol Jeova, komin kir ñõn etan; komin kwalok jermal ko An iben ro dri ailiñ ko.

9 Komin al ñõn E, komin al ñõn E kin nebar ko; komin konono kin jermal in bwilõn ko An otemjej.

10 Komin kimjåji ilo etan e kworjarjar; buruen ro rej bukot Jeova ren lõnliñ.

11 Komin bukot Jeova im An kajar; komin bukot mejen ñõn in drio.

12 Komin kememey jermal in bwilõn ko An, E ar kõmõni, men in bwilõn ko An im ekajet ko an loõn,

13 O kom ro nejin Israel korijeran, kom ro nejin Jakob, ro E ar kålet ir.

14 E Jeova aruij Anij; ekajet ko An rej ilo aolepen lõl.

15 Komin kememey bujen eo An ñõn in drio, nan eo E ar kaiñi ñõn juõn tausan ebeben ko,

16 Bujen eo E ar kõmõne iben Ebream, im An kanõjnij ñõn Aisak,

17 Im E ar kabin e ñõn Jakob ñõn juõn kien, ñõn Israel bwe en juõn bujen ñõn in drio,

18 Im E ba, Ñõn kwe I naj lelok ene Kenean, kakõlen ami men in jolit:

19 Ke kom eiet wõt, armij in bwinbwin, aet, kanuij eiet, im ro dri itõtõk iloan;

20 Im rar etetal jen ailiñ ñõn ailiñ, im jen juõn ailiñ in kiñ ñõn bar juõn jar an armij.

21 E ar jab kõtlok jabrewõt armij bwe en kokkure ir; aet, E ar enoik kiñ ro kin ir,

<sup>1</sup> Sam. 6. 12. 15. <sup>2</sup> Jap. 15. 1.

22 Im ba, Komin jab ufir ro I ar kabit ir, im jab kōmōn nana nōn dri kanan ro Aō.

23 Komin al nōn Jeova, kom dri lōl otemjej; komin kwalok lomor eo An jen ran nōn ran.

24 Komin ba kin An aibujuij iben ro dri ailiñ ko, men in bwilōñ ko An iben ro dri ailiñ ko otemjej.

25 Bwe elap Jeova, im ren kanuij nebar E: ren bareinwōt mijōk E jen anij otemjej.

26 Bwe anij otemjej an ro dri ailiñ ko rej ekjōp wōt: a Jeova e ar kōmōnmōn lōñ ko.

27 Mutoktok im utiejen rej iman: kajur im mōnōnō rej ilo jikin.

28 Komin lelok nōn Jeova, kom ro nukin ian ro dri ailiñ ko, komin lelok nōn Jeova aibujuij im kajur;

29 Komin lelok nōn Jeova aibujuij eo ekar nōn etan: bōktok juōn jurtak, im itok nōn iman: komin kabuñ nōn Jeova ilo litlit e kwojarjar.

30 Komin wuririr iman, aolepen lōl: lōl bareinwōt emwij kabin e bwe ren ban kamōkit e.

31 Lōñ ko ren mōnōnō, im lōl en lōñliñ; im ren ba iben ro dri ailiñ ko, Jeova ej kiñ.

32 Lometo en firfir, im an obrōk; melaj eo en jualōñlōñ, im men otemjej ilolan;

33 Inem wijki ko an bukwōn wijki re naj al kin lōñliñ iman Jeova; bwe Ej iten ekajet lōl in.

34 O komin kamolol Jeova; bwe Ej emōn: bwe An tiriamo ej berwōt nōn in drio.

35 Im komin ba, Kwon lomorem, O Anij in am lomor, im Kwon kokweloktok kim jen iben ro dri ailiñ ko, in kamolol etōm e kwojarjar, im in kwalok anjo ilo nebar eo Am.

36 E mōnōnō Jeova, Anij in Israel, jen in drio nōn in drio.

Im armij otemjej rar ba, Amen, im rar nebar Jeova.

37 Ein drein e ar likit na ijo iman dipdip in kalimur a Jeova, Esap im ro jein im jatin, bwe ren korijer iman dipdip eo ien otemjej, einwōt jerbal in jabrewōt ran ej aikwij; 38 im

Obed-idom iben ro jeir im jatin, jiljinoñoul drualitōk; Obed-idom, bareinwōt nejin Jedutun, im Hosa bwe ren dri lale kejem, 39 im Zedok pris eo, im pris ro jein im jatin, iman imōn kabern an Jeova, ilo jikin eo e utiej e kar i Gibeon, 40 bwe ren katok kin katok kijeek ien otemjej, jiboñ im jota, ekar nōn aolep emwij jeje ilo kien Jeova, e ar jiroñ Israel kake; 41 im ibeir Heman im Jedutun im ro jet emwij kålet ir, im ar kwalok etair, bwe ren kamolol Jeova, kin ke tiriamo eo An ej berwōt nōn in drio; 42 im ibeir Heman im Jedutun eor jilil nōn ro ren kajōñjōñ alikar, im ken kajōñjōñ ko nōn al ko an Anij; im ro nejin Jedutun ren ber ilo kejem. 43 Im armij otemjej rar ilok jabrewōt armij nōn mweo imōn: im Devid e ar jeblak in kejerammōn mweo imōn.

17 <sup>1</sup>Im ke Devid e ar jokwe ilo mweo imōn, Devid e ar ba nōn Netan, dri kanan eo, Lo, ij jokwe ilo juōn im aik, a dipdip in kalimur an Jeova ej berwōt iomin nukuk ko. 2 Im Netan e ar ba nōn Devid, Kwon kōmōn aolepen men ko ilo buruōm; bwe Anij ej ber ibōm. 3 Im boñ eo, nan jen Anij e ar itok nōn Netan, im ba, 4 Kwon ilem kennanek Devid korijera, Ein drein Jeova ej ba, Kwo jamin kalek nōn Iō juōn im, bwe In jokwe ilolan: 5 bwe I ar jab jokwe ilo juōn im elikin ran eo ke I ar bōkliñtok Israel nōn ranin, a I ar ilok jen im nukuk nōn im nukuk, im jen juōn imōn kabern nōn bar juōn. 6 Ilo jikin otemjej ijo I ar etetal iben aolepen Israel, I ar ba ke juōn nan nōn jabrewōt ian ro dri ekajet in Israel, ro I ar jiroñ ir bwe ren seperd an ro droō, im ba, Etke kom ar jab kalek nōn Iō mweo imō aik? 7 Kin men in, ein drein am naj ba nōn korijera Devid, Ein drein Jeova an inelip eo ej ba, I ar bōk yuk jen jikin sip ko, jen am lore sip ko, bwe kwon iroj ion ro droō Israel: 8 im I ar ber ibōm ijo jabrewōt kwar ilok ielok, im I ar kokkure ro dri kijirāte yuk jen iman mejōm; im I naj kōmōn bwe etōm en

<sup>1</sup> Sam. 7. 1-29.

utiej einwöt etan ro dri utiej wöt ilo löl. 9 Im I naj likit juön jikin nön ro droö Israel, im I naj kallip ir, bwe ren jokwe ilo jikir, im ren jab kamokit ir; im ro nejin nana re jamin bar kokkure ir, einwöt mokta, 10 im einwöt jen ran eo ke I ar jiroñ ro dri ekajet, bwe ren ion ro droö Israel; im I naj kötaik ro otemjej dri kijiräte yuk. Bareinwöt ij kennanek yuk, bwe Jeova e naj kalek nön yuk juön im. 11 Im ñe e naj jejit ran ko am bwe kwon ilen ber iben ro jemöm, I naj koutiej ineöm, eliköm, e e naj ian ro nejom man; im I naj kabin ailiñ in kiñ eo an. 12 E naj kalek nön lö juön mweo imö, im I naj kabin tron eo an nön in drio. 13 I naj jemen, im e naj nejiö: im I jamin bök Aö tiriamo jen e, einwöt I ar bök e jen eo e ar mokta jen kwe; 14 a I naj kabin e ilo mweo imö im ilo ailiñ in kiñ eo Aö nön in drio; im naj kabin tron eo an nön in drio. 15 Einwöt nan kein otemjej, im einwöt aolepen visön in, ein drein Netan e ar konono nön Devid.

16 Inem Devid, kiñ eo, e ar dreloñlok, im jiyöt iman Jeova; im e ba, Wön ña, O Jeova Anij, im ta mweo imö, bwe Kwar añintok iö nön ijin? 17 Im men in erik i mejöm, O Anij; a Kwar ba kin mweo imön dri korijeröm ilo ien ej itok im etolok wöt, im Kwar lale iö einwöt wäwen juön armij e utiej, O Jeova Anij. 18 Ta eo Devid e maroñ in bar ba nön Kwe, kin utiej eo emwij kömöne nön korijeröm? bwe Kwo jela wöt korijeröm. 19 O Jeova, kin ña korijeröm, im ekar nön buruöm, Kwar kömöne aolepen utiej in elap, in kwalok men kein otemjej relap. 20 O Jeova, ejelok juön einwöt Kwe, im ejelok bar juön Anij ijiloköm, ekar nön men otemjej kim ar roñjake kin lojiliñem. 21 Im ailiñ öt juön ilo löl einwöt Israel dri ailiñ ro Am, ro Anij e ar ilen lomor ir bwe ren ro dri ailiñ An, in kömöne nön Yuk etan elap im men in lelñöñ, ilo Am kadriojlok ro dri ailiñ ko jen iman ro drom, ro Kwar lomor ir jen

Ijpt! 22 Bwe Israel, dri ailiñ ro Am, Kwar kömöne ir ro drom nön in drio, im Kwe, Jeova, Kwar air Anij wöt. 23 Im kiö, O Jeova, nan eo Kwar ba kin ña korijeröm, im kin mweo imö, en bin nön in drio, im Kwon kömöne einwöt Am ba kake. 24 Im etöm en bin im laplok nön in drio, im ren ba, Jeova an inelip eo, Ej Anij in Israel, aet Anij wöt nön Israel: im mweo imön Devid dri korijeröm emwij kabin e imam. 25 Bwe Kwe, O aö Anij, Kwar kwalok nön ña korijeröm bwe Kwo naj kalek nön e juön im: kin men in dri korijeröm e ar lo ilo buruen bwe en jar imam. 26 Im kiö, O Jeova, Kwe Anij, im Kwar kalimur men in emön nön ña korijeröm: 27 im kiö e ar buñburuöm in kejerammön mweo imön dri korijeröm, bwe en berwöt nön in drio imam; bwe Kwe O Jeova, Kwar kejerammön e, inem e jerammön nön in drio.

**18** Elikin men in Devid e ar mön ro dri Pilstia, im kötaik ir, im e ar bök Gat kab jikin kwelok ko redrik an jen pein ro dri Pilstia. 2 Im e ar mön Moab; im ro dri Moab rar dri korijeran Devid, im owöjlok.

3 Im Devid e ar mön Hadarizer kiñ in Zoba nön Hemat, ilo an ilen kabin an kiñ iturin river Upretia. 4 Im Devid e ar bök jen e juön tausan jariot, im jiljilimjuön tausan dri uwe ion ors, im roñoul tausan dri törinae etetal; im Devid e ar bukwe iki ko i neen ors in jariot otemjej, a e ar kejbärok jen ir nön jibuki jariot.

5 Im ke ro dri Siria jen Damaskös rar iten jiböñ Hadarizer kiñ in Zoba, Devid e ar mön roñoul ruo tausan armij ian ro dri Siria. 6 Ien eo Devid e ar likit ro dri me ilo Siria im Damaskös; im ro dri Siria rar korijer nön Devid, im rar owöjlok. Im Jeova e ar lelok anjo nön Devid ijoko jabrewöt e ar ilok ielok. 7 Im Devid e ar bök likipijñök ko gold rar iben ro dri korijeran Hadarizer, im bökitok nön Jerusalem. 8 Im jen Tibhat im jen Kun, jikin kwelok ko an Hadarizer, Devid e ar bök elöñ jinibörörö, im jen

e Solomon e ar kōmōn lometo jinibor, im jur ko, im jābi jinibōrōrō ko.

9 Im ke Tou kiñ in Hemat e ar roñjake kin an Devid mōn aolepen jar in tōrinae an Hadarizer kiñ in Zoba, 10 e ar jilkinlok Hadoram, nejin, ñōn iben kiñ Devid, in yokyokwe e, im keje-rammōn e, kin an tōrinaek Hadarizer im mōn e, (bwe Hadarizer e kar tōrinaek Tou); im iben wāwen otemjej wāwen jābi ko gold im silver im jini-bōrōrō. 11 Men kein bareinwōt Devid e ar lelok ñōn Jeova iben silver im gold eo e ar bōktok jen ailiñ otemjej; jen Idom, im jen Moab, im jen ro nejin Amon, im jen ro dri Pilstia, im jen Amelek.

12 Bar juōn, Ebishai, nejin Ziruaia, e ar mōn ian ro dri Idom ilo komlōl jātōk, joñoul dualitōk tausan. 13 Im e ar likit ro dri me ilo Idom; im ro dri Idom otemjej rar dri korijeran Devid. Im Jeova e ar lelok anjo ñōn Devid ijoko jabrewōt e ar ilok ielok.

14 Im Devid e ar iroi j ion aolepen Israel; im e ar kōmōn wānik im jime ñōn kajur ro otemjej. 15 Im Joab nejin Ziruaia e ar ion jar in tōrinae; im Jihoshapat, nejin Ehailud, dri jeje bwebwenato; 16 im Zedok, nejin Ehaitub, im Abimelek nejin Ebaiatar, rar pris; im Shavsha e ar dri jeje; 17 im Beneia nejin Jihoiada e ar ion ro dri Kiret im ro dri Pilet; im ro nejin Devid rar iroi j iturin kiñ eo.

19<sup>1</sup> Im elikin men in, Nehash, kiñ an ro nejin Amon, e ar mij, im leo nejin e ar binej jenkwōn im kiñ. 2 Im Devid e ar ba, I naj kwalok joi j ñōn Henun nejin Nehash, bwe jemen e ar kwalok joi j ñōn iō. Ein drein Devid e ar jilkinlok ro dri jilik bwe ren kainemōn e kin jemen. Im ro dri korijeran Devid rar dreloñ ilo enin ro nejin Amon, ñōn Henun, bwe ren kainemōn e. 3 A iroi j ro re ettā ian ro nejin Amon rar ba ñōn Henun, Kwoj lemnok Devid ej nebar jemōm ilo an jilkintok ro dri kainemōn ñōn kwe ke? ro korijeran re jab iten kabukot, im kokkure, im alekoik ene in ke? 4 Ein drein Henun e ar

jibwe ro dri korijeran Devid, im eal ir, im bukwe lukwōn nuknuk ko air ñōn lomiar, im jilkinlok ir. 5 Inem jet rar ilen kennanek Devid ekijkan air kōmōn ñōn armij rein. Im e ar jiliklok in wōnmae ir, bwe armij ro re kanuij jok. Im kiñ eo e ba, Komin berwōt i Jeriko mae ien kworeak ko ami rej edreklok, inem komin jeblak-tok.

6 Im ke ro nejin Amon rar lo bwe rar mōke kōmōn ir men in jōjōik ñōn Devid, Henun im ro nejin Amon rar jilkinlok juōn tausan talent in silver, bwe ren kejerbal jariot ko, im ro rej uwe ion ors, jen Mesopotemia, im jen Eram-meaka, im jen Zoba. 7 Ein drein rar kejerbal jilñoul ruo tausan jariot, im kiñ in Meaka, kab ro dron, rar item kamp iman Mediba. Im ro nejin Amon rar kweloktok jen jikin kwelok ko air im iten tōrinae. 8 Im ke Devid e ar roñjake, e ar jilkinlok Joab, im aolepen jar in tōrinae an armij re kajur. 9 Im ro nejin Amon rar drioi jtok im kalejar iman kejem in jikin kwelok eo: im kiñ ro re kar itok, rar mōke iair ilo melaj.

10 A ke Joab e ar lo air tōrinaek e iman im ilikin, e ar kālet ro remōntata ian ro dri Israel, im kalejar mae ro dri Siria. 11 Im ro jet ian dri tōrinae e ar likit ir ilo pein Ebishai jāt in; im rar kalejar mae ro nejin Amon. 12 Im e ar ba, Elañe ro dri Siria re kajur jen ña, inem kwon jibōñ iō; a elañe ro nejin Amon re kajur jen kwe, inem I naj jibōñ yuk. 13 Kwon kanuij beran, im jen kōmōn einwōt man ro, kin dri ailiñ ro arro, im jikin kwelok ko an ar Anij: im Jeova en kōmōn einwōt emōn iben. 14 Ein drein Joab im armij ro iben rar druaklok iman ro dri Siria bwe ren tōrinaek ir; im rar ko jen iman. 15 Im ke ro nejin Amon rar lo bwe ro dri Siria rar ko, bareinwōt rar ko jen iman Ebishai jāt in, im rar dreloñlok ilo jikin kwelok eo. Inem Joab e ar jeblak ñōn Jerusalem.

16 Im ke ro dri Siria rar lo air jorran iman Israel, rar jilkinlok ro dri jilik, im añintok ro dri Siria rar ber i

<sup>1</sup> 2 Sam. 10. 1-19.

River jab eo juõn, im Shopak kapen in jar in tõrinae an Hadarizer e ar iroi j ioir. 17 Im ar kennanek Devid men in; im e ar kokweloktok aolepen Israel, im elälök jen Jordan, im itok mae ir, im kalejar nae ir. Inem ke Devid e ar kalejar nae ro dri Siria, rar tõrinaek e. 18 Im ro dri Siria rar ko jen iman ro dri Israel; im Devid e ar mõn ian ro dri Siria, armij dri jariot, jiljilimjuõn tausan, im, eñoul tausan dri tõrinae rej etetal, im e ar mõn Shopak, kapen an jar in tõrinae eo. 19 Im ke ro dri korijeran Hadarizer rar lo air jorran iman Israel, rar mirik Devid, im korijer nõn e: im ro dri Siria rar jab bar kõnan jibõn ro nejin Amon.

**20** <sup>1</sup>Im ilo yiõ eo ilokõn yiõ in, ien eo ke kiñ ro rej ileñ tõrinae, Joab e ar tellok jar in tõrinae eo, im e ar kokkure enen ro nejin Amon, im e ar item nitbwili Rabba. A Devid e ar berwõt i Jerusalem. Im Joab e ar mõn Rabba im keжебeplok e. 2 Im Devid e ar bõk bokrõnat an kiñ eo air jen bõran, im lo an paun juõn talent gold, im eor dreka re aurõk ion: im e ar likit e ion bõran Devid. Im e ar bõktok elõñ wõt men in rakim jen jikin kwelok eo. 3 Im e ar kadrioi jtok armij ro rar iloan, im e ar bukwe ir kin jirben ko, im kin harro mäl, im kin lilil ko. Im ein drein an Devid kõmõn nõn jikin kwelok otemjej an ro nejin Amon. Im Devid kab armij otemjej rar jeblak nõn Jerusalem.

4 Im <sup>2</sup>elikin men in, e ar walok juõn tõrinae i Gizer, iben ro dri Pilistia: ien eo Sibbekai dri Hushat e ar mõn Sippai, ian ro nejin inea eo; im kõtaik ir. 5 Im bar juõn ien, juõn tõrinae iben ro dri Pilistia; im Elhennan, nejin Jeir, e ar mõn Lamai, jein im jätin Golaiat dri Gat, buñ in mõri eo an einwõt alal eo an dri ej nuknuk. 6 Im bar juõn tõrinae i Gat, im juõn armij ie e kanuij utiej, im arrin neen im pein roñoul emen, jiljino lok wõt ilo pä ko, im jiljino lok wõt ilo ne ko, im emwij keutak e bareinwõt nõn

inea eo. 7 Im ke ej kimjök Israel, Jonetan, nejin Shimea, jein Devid, e ar mõn e. Rein rar lotak nõn inea eo i Gat; im rar buñ kin pein Devid im kin pein ro dri korijeran.

**21** Im Setan e ar <sup>1</sup>jutök jumae Israel, im e ar karel Devid bwe en bwine Israel. 2 Im Devid e ar ba nõn Joab, im nõn iroi j ro an armij rõn, Komin ilok im bwine Israel jen Bier-shiba nõn Dan; im bõktok nan nõn iõ, bwe in jela orair. 3 Im Joab e ar ba, Jeova en kõmõn bwe armij ro An ren orlok jibuki alen: a kwe, aõ iroi j kiñ, ir otemjej re jab dri korijeran aõ iroi j ke? etke aõ iroi j ej jiroñ kin men in? etke en unin ruõn nõn Israel? 4 Ijoke, nan an kiñ eo e kajur jen Joab. Kin men in Joab e ar ilok, im e ar itoitök ilo aolepen Israel, im ej itok nõn Jerusalem. 5 Im Joab e ar lelok oran armij rõn nõn Devid. Im dri Israel otemjej rej nuri jäji juõn tausan tausan, im jibuki tausan: im dri Juda äbuki jiljilimjuõnñoul tausan rej nuri jäji. 6 A e jab bwine dri Livai im dri Benjamin ibeir; bwe nan an kiñ eo e ar men in jõjõik nõn Joab. 7 Im Jeova e ar illu kin men in; im E ar mõn Israel. 8 Im Devid e ar ba, Elap aõ bwir kin aõ kõmõn men in: a kiõ ij akwelap, Kwon jolok jerawiwi an korijerõm; bwe men in I ar kõmõn e, e kanuij bwebwe.

9 Im Jeova e ar konono nõn <sup>2</sup>Gad, dri lolo an Devid, im E ba, 10 Kwon ilen konono nõn Devid, im ba, Ein drein Jeova ej ba, Ij lewoj men ko jilu: kwon kålet juõn iair bwe In kõmõne nõn yuk. 11 Ein drein Gad e ar itok nõn iben Devid, im e ar ba nõn e, Ein drein Jeova ej ba, Kwon bõk men eo kwo kõnan: 12 jilu yiõ in ñita; ak jilu aliñ ñe kwo naj jorran iman ro dri kijiräte yuk ke air jäji ej lukworwor im tõbar yuk; ak jilu ran in jäji an Jeova; aet, nañinmij elap ilo ene, im enjel õn Jeova en mõn wõt ilo tõreren ko otemjej in Israel. Kin men in kwon kalomõnlokjen uak õt I naj keжебlak nõn Eo

<sup>1</sup> Sam. 11. 1. <sup>2</sup> Sam. 21. 18-22.

<sup>3</sup> Sam. 24. 1-26. <sup>4</sup> Sam. 24. 11.

e ar jilkinwoj iō. 13 Im Devid e ar ba nōn Gad, Na I jaje wōt kake: in buñ, ij akwelap, na ilo pein Jeova; bwe e kanuij lap tiriamokake ko An: im in jab buñ ilo pein armij rōn. 14 Ein drein Jeova ej jilkinlok juōn nañinmij e nana ion Israel; inem rar buñ ilo Israel jiljilimjuōnñoul tausand man rōn. 15 Im Anij e ar jilkinlok juōn enjel nōn Jerusalem bwe en kokkure: im ke e nañin kokkure, Jeova e ar reilok, im E ar ukwelok jen nana eo, im e ar ba nōn enjel eo dri kokkure, Emwij; kiō kwon drebij peōm. Im enjel ōn Jeova e ar jutōk iturin jikin dreñdreñ an Ornan dri Jibus eo. 16 Im Devid e ar reiliñlok, im lo enjel ōn Jeova eo ej jutōk ikōtan lōl im lōñ ko, im ilo pein juōn jāji emwij an nure im erlokwe ion Jerusalem. Inem Devid kab ridto ro, ke emwij air kōnōk nuknuk eklep iren, rar buñbero. 17 Im Devid e ar ba nōn Anij, E jab ña eo I ar jiroñ bwe ren bwine armij ro ke? ña wōt eo I ar bwir im kōmōn nana elap; a sip rein, ta eo rar kōmōne? ij akwelap ibōm, O Jeova, aō Anij, peōm en nae iō, im nae imōn jema; a en jab nae ro drom bwe ren jorran.

18 Inem enjel ōn Jeova e ar jiroñ Gad bwe en ba nōn Devid, bwe Devid en wōnliñlok im kōmōn juōn lokatok nōn Jeova, ilo jikin dreñdreñ an Ornan dri Jibus. 19 Im Devid e ar wōnliñlok ekar nōn nan an Gad, eo e ar konono ilo etan Jeova. 20 Im Ornan e ar oktōklik, im lo enjel eo; im ro nejin eman iben re tilekek. Ak Ornan ej dreñlokwe wit. 21 Im ke Devid e ar itok nōn iben Ornan, Ornan e ar reilok im lo Devid, im e ar ilok jen jikin dreñdreñ eo, im e ar barikrik jen Devid im buñbero. 22 Inem Devid e ar ba nōn Ornan, Kwon letok jikin dreñdreñ in, bwe in kalek ion, juōn lokatok nōn Jeova: kin aolepen wōnān kwo naj letok, bwe en jemlok nañinmij eo e nana jen armij rōn. 23 Im Ornan e ar ba nōn Devid, Kwon bōke nōn kwe, im aō iroi en kōmōn men eo emōn ilo mejen: lo, ij lewoj ox ko nōn katok kijeek, im

ken dreñdreñ ko nōn kane, im wit eo nōn men in lelok flauo: ij lewoj aolepeir. 24 Im kiñ Devid e ar ba nōn Ornan, Jab; a I naj wiaik e kin aolepen wōnān: bwe I jab kōnan bōk men ko am nōn Jeova, ak katok kin katok kijeek ejelok wōnān. 25 Ein drein Devid e ar lelok nōn Ornan kin jikin eo, jiljino buki sekel gold ekar nōn air paun. 26 Im Devid e ar kalek ie juōn lokatok nōn Jeova, im e ar katok kin katok kijeek ko, im katok ainemōn ko, im e ar kir nōn Jeova: im E ar uak e kin kijeek ion lokatok in katok kijeek. 27 Im Jeova e ar jiroñ enjel eo; im e ar likit jāji eo an na ilo nien.

28 Ien eo ke Devid e ar lo an Jeova uak e ilo jikin dreñdreñ an Ornan dri Jibus, inem e ar katok ie. 29 Bwe ien eo imōn kabair an Jeova, eo Moses e ar kōmōn e ilo ene jemaren, im lokatok in katok kijeek, rar ber ilo jikin e utiej i Gibeon. 30 A Devid e ar jab maroñ in ilok iman, in kajitōk iben Anij; bwe e mijōk kin jāji an enjel ōn Jeova. 1 Inem Devid e ar ba,

**22** Eñin imōn Jeova Anij, im eñin lokatok in katok kijeek an Israel.

2 Im Devid e ar jiroñ bwe ren kokweloktok ro dri itoitōk rar ber ilo enen Israel: im e ar kejerbal dri jekjek dreka ko emōn jebair in kalek mweo imōn Anij. 3 Im Devid e ar kapojōk elōñ māl nōn drila ko nōn aor in kejem ko, im ken kobaik ko: im elōñ jinibōrōrō, ejelok joñōn; 4 im wijki aik ejelok orair: bwe ro dri Saidon, im ro dri Tair rar bōktok elōñ wijki aik nōn Devid. 5 Im Devid e ar ba, Solomon, nejiō, ej ajiri wōt im e biruru an rel im mōjino, ak mweo ren kalek nōn Jeova emōn en kanuij lap an wolio, im en buñbuñ kin an aibuuij ilo ailiñ ko otemjej: kin men in, I naj kapojōk nōn e. Ein drein Devid e ar kanuij kapojōk mokta jen an mij.

6 Inem e ar kirtok Solomon, nejin, im jiroñ e bwe en kalek juōn im nōn Jeova, Anij in Israel. 7 Im Devid e ar ba nōn Solomon, nejin, 1 Kin ña,

<sup>1</sup> 2 Sam. 7. 2, 3.



e kar ilo buruō bwe in kalek juōn im nōn etan Jeova aō Anij. **8** A nan jen Jeova e ar itok nōn iō, im ba, Kwar kanuij katorlok bōtōktōk, im kwar kōmōn tōrinae ko relap: kwo jamin kalek juōn im nōn eta, bwe kwar kanuij katorlok bōtōktōk lon lōl iman meja. **9** Lo, juōn nejōm e naj lotak nōn yuk, eo e naj juōn armij in kakije: im I naj lelok nōn e kakije jen dri kijirāte otemjej iturin. Bwe etan e naj Solomon, im I naj lelok ainemōn im kakije nōn Israel ilo ran ko an. **10** E naj kalek juōn im nōn eta, im e naj nejiō, im Na jemen: im I naj kabin tron in ailiñ eo an ion Israel nōn in drio. **11** Inem, nejiō, Jeova en ibōm; im kwon jerammōn wōt, im kalek mweo imōn Jeova am Anij, einwōt E ar konono kin yuk. **12** Men in wōt, Jeova en lewoj metlet im jelalokjen, im lewoj nan in jiroñ kin Israel; bwe ein drein kwo najmaroñ in bokake kien Jeova am Anij. **13** Inem kwo naj jerammōn, elañe kwo naj lale im kōmōn kien ko im nan in jiroñ ko Jeova e ar ba nōn Moses kin Israel: kwon kajur im beran; kwon jab mijōk, im jab lelñōñ. **14** Ak, lo, ilo aō jorran, emwij ao kapojōk nōn mweo imōn Jeova, jibuki tausan talent gold, im juōn tausan tausan talent silver, im jinibōrōrō im māl ejelok joñair; bwe re kanuij lōn: wijki ko im dreka ko I ar bareinwōt kapojōk; im kwo maroñ in kalōñlok. **15** Bar juōn, elōn dri jerbāl ibōm, dri jekjek im kōmōnmōn wijki im dreka, im armij otemjej re kabel ilo wāwen jerbāl otemjej: **16** ejelok oran gold, silver im jinibōrōrō, kab māl. Kwon jutōk, im loetōk, im Jeova en ibōm.

**17** Bareinwōt Devid e ar jiroñ iroi j ro otemjej ilo Israel bwe ren jibōñ Solomon, nejin, im e ba, **18** Jeova am Anij e jab ibemi ke? im E ar jab lewoj kakije nōn kom i tōreren ko otemjej ke? bwe E ar ketōk ro dri enin ilo peiō; im emwij kōtaik eno iman Jeova, im iman ro An dri ailiñ. **19** Inem komin likit buruōmi im ami bwe ren bukot Jeova ami Anij: kin men in komin jutōk im kalek imōn

kwojarjar an Jeova Anij, im bōktok dipdip in kalimur an Jeova, im jābi rokwojarjar an Anij, iloan mweo naj kalek e nōn Jeova.

**23** Ak <sup>1</sup>Devid e ar ridto wōt im bwijwōlā; inem e ar kōmōn Solomon, nejin, kiñ ion Israel. **2** Im e ar kokweloktok iroi j ro otemjej in Israel, kab pris ro im ro dri Livai. **3** Im rar bwine ro dri Livai jen ridtōn jilñoul yiō im jima: im orair kin bōrair, juōn im juōn, jilñoul drualitōk tausan. **4** Roñoul emen tausan iair ren lale jerbāl in mweo imōn Jeova: im jiljino tausan ren dri kabwijrōk im dri ekajet; **5** im emen tausan rej dri lale kejem; im emen tausan rar nebar Jeova kin ken kajōñjōñ ko emwij aō kōmōnmōni, Devid ej ba, in nebar kake. **6** Im Devid e ar kijbil ir ilo lajrōk ko ekar nōn ro nejin Livai: Gershon, Kohat, im Mirerai.

**7** Ian ro dri Gershon: Ledan im Shimeai. **8** Ro nejin Ledan: Jehaiel e utiej, im Zetan, im Joel, jilu. **9** Ro nejin Shimeai: Shelomit, im Hezaiel, im Heran, jilu. Rein jiōb ro an imōn ro jimair, an Ledan. **10** Im ro nejin Shimeai: Jehat, Ziza, im Jeush, im Biraia. Rein emen ro nejin Shimeai. **11** Im Jehat e utiej, im Ziza eo ken ka ruo: a eiet ro nejin Jeush im Biraia eman, kin men in rar juōn wōt bwij ilo imōn jemeir.

**12** Ro nejin Kohat: Amram, Izhar, Hibron, im Uzaiel, emen. **13** Ro nejin Amram: Aron im Moses; im ar kejenolok Aron, bwe en kokwojarjar men ko re kwojarjar otem kwojarjar, e im ro nejin, nōn in drio, bwe ren tile kaijurjur iman Jeova, in jerbāl nōn E, im bwe ren kejerammōn ilo etan, nōn in drio. **14** A kin Moses, armij dron Anij, ar naetan ro nejin iben bwijin Livai. **15** Ro nejin Moses: Gershom im Iliezar. **16** Ro nejin Gershom: Shebuel e utiej. **17** Im ro nejin Iliezar: Rihabaia e utiej; im ejelok bar juōn eman nejin Iliezar; a elōn eman nejin Rihabaia. **18** Ro nejin Izhar: Shelomit e utiej. **19** Ro nejin Hibron: Jeraia e utiej, Ame-

raia eo ken ka ruo, Jehazaiel eo ken ka jilu, im Jekamiam eo ken kemen. 20 Ro nejin Uzzaiel: Maika e utiej, im Ishaia eo ken ka ruo.

21 Ro nejin Mirerai: Malai im Mushai. Ro nejin Malai: Iliezar im Kish. 22 Im Iliezar e ar mij, im ejelok nejin eman, a nejin kōra wōt: im ro jeir im jätir, ro nejin Kish, rar bōk dron. 23 Ro nejin Mushai: Malai, im Ider, im Jerimot, jilu.

24 Rein ro nejin Livai ekar nōn mo ko imōn ro jimair, ian ro emwij bwine ir, ilo oran ekar nōn bōrair, rar kōmōn jermal in korijer ilo imōn Jeova, jen roñoul yō im jima. 25 Bwe Devid e ar ba, Jeova, Anij in Israel, e ar letok kakije nōn ro dron: im Ej jokwe ilo Jerusalem nōn in drio: 26 Im bareinwōt ro dri Livai re jamin bar inek imōn kabere eo im jābi otemjej an nōn jermal eo an. 27 Bwe kin nan ko eliktata an Devid, ar bwine ro nejin Livai jen roñoul yō im jima. 28 Bwe air jermal nōn ro nejin Aron ilo jermal in mweo imōn Jeova, ilo worwor ko, im ilo mōjab ko, im ilo kokwojarjar men otemjej rokwojarjar, jermal in korijer ilo mweo imōn Anij; 29 kin bred in kalikar bareinwōt, kin flauo kwerik, nōn jurtak in flauo, kek ko re jab uwe, ak men ko rej umum ilo juōn pan, ak men eo e molūlū, im kin jabrewōt joñok; 30 im bwe ren jutōk jiboñ otemjej im kamolol im nebar Jeova, im bareinwōt ke e jota; 31 im bwe ren katok kin katok kijeek otemjej nōn Jeova, ilo Sabat ko, im ke ekāl aliñ, im ilo kwojkwōj ko emwij likiti, oran ekar nōn kien eo, ien otemjej iman Jeova; 32 im bwe ren lale imōn kwelok im nuknuk eo, im lale jikin kwojarjar eo, im lale ro nejin Aron ro jeir im jätir, nōn jermal in imōn Jeova.

24 Im ir kein lajrōk ko an ro nejin Aron. Ro nejin Aron: Nedab im Ebaihu, Iliezar im Itamar. 2 A Nedab im Ebaihu rar mij mokta jen jemeir, im ejelok nejir: kin men in Iliezar im Itamar rar kōmōn jermal in pris. 3 Im Devid, im Zedok ian ro nejin Iliezar, im Ehimelek ian

ro nejin Itamar, rar kijbil ir ekar nōn air nan in jiroñ, ilo air jermal. 4 Im elōñ armij re utiej ian ro nejin Iliezar jen ian ro nejin Itamar; inem ein drein air kijbil ir: ian ro nejin Iliezar joñoul jiljino, jiōb ro an imōn ro jimair: im ian ro nejin Itamar, ekar nōn mo ko imōn jimair, drualitōk. 5 Ein drein ar kijbil ir kin kakōle, kaju wāweir ibeiri otemjej; bwe eor iroi j in imōn e kwojarjar, im eor iroi j an Anij, ian ro nejin Iliezar, kab ian ro nejin Itamar. 6 Im Shemaia nejin Netanel dri jeje, eo ian ro dri Livai, e ar jeje ir iman kiñ eo im iroi j ro, im Zedok pris eo, im Ehimelek nejin Ebaiatar, im jiōb ro an imōn jimair. ian pris ro im ian ro dri Livai; rar lelok imōn jimair, juōn nōn Iliezar, im juōn nōn Itamar.

7 A kakōle eo mokta e ar walok nōn Jihoiarib, eo ken ka ruo nōn Jedaia, 8 eo ken ka jilu nōn Herim, eo ken kemen nōn Seorim, 9 eo ken ka lailim nōn Malkaija, eo ken ka jiljino nōn Mijamin, 10 eo ken ka jiljilimjuōn nōn Hakkoz, eo ken ka drualitōk nōn Ebaija, 11 eo ken ka druatimjuōn nōn Jeshua, eo ken ka joñoul nōn Shekenaija, 12 eo ken ka joñoul juōn nōn Ilaieshib, eo ken ka joñoul ruo nōn Jekim, 13 eo ken ka joñoul jilu nōn Huppa, eo ken ka joñoul emen nōn Jeshebeab, 14 eo ken ka joñoul lailim nōn Bilga, eo ken ka joñoul jiljino nōn Immer, 15 eo ken ka joñoul jiljilimjuōn nōn Hezir, eo ken ka joñoul drualitōk nōn Happizez, 16 eo ken ka joñoul druatimjuōn nōn Petehaia, eo ken ka roñoul nōn Jihezkel, 17 eo ken ka roñoul juōn nōn Jekin, eo ken ka roñoul ruo nōn Gamul, 18 eo ken ka roñoul jilu nōn Deleaia, eo ken ka roñoul emen nōn Meazaia. 19 Ein drein air lajrōk ilo jermal ko air, bwe ren dreloñ ilo mweo imōn Jeova ekar nōn kien eo emwij lelok nōn ir jen Aron jemeir, einwōt Jeova Anij in Israel e ar jiroñ e.

20 Im ian ro jet nejin Livai: ian ro nejin Amram, Shubeel; ian ro nejin Shubeel, Jedaia. 21 An Rihe-

baia: ian ro nejin Rihebaia, Ishaia e utiej. 22 Ian ro dri Izhar, Shelomit; ian ro nejin Shelomit, Jehat. 23 Ian ro nejin Hibron: Jeraia e utiej, Ameraia eo ken ka ruo, Jehazael eo ken ka jilu, Jekamiam eo ken kemen. 24 Ro nejin Uzzaiel, Maika; ian ro nejin Maika, Shemir. 25 Jein im jätin Maika, Ishaia; ian ro nejin Ishaia, Zekeraia. 26 Ro nejin Mirerai: Malai im Mushai; ro nejin Jeazaa: Bino. 27 Ro nejin Mirerai: jen Jeazaa, Bino, im Shoham, im Zakkur, im Ibrai. 28 Jen Malai: Iliezar, eo ejelok nejin eman. 29 Jen Kish; ro nejin Kish: Jirameel. 30 Im ro nejin Mushai: Malai, im Ider, im Jerimot. Rein ro nejin ro dri Livai kin mo ko imön ro jimair. 31 Rein ein drein air kômön kaköle ko einwöt ro jeir im jätir, ro nejin Aron, iman mejen Devid kiñ eo, im Zedok, im Ehimelek, im jöb ro an imön ro jimair, an pris ro im ro dri Livai; mo ko imön ro jimair an eo e utiej einwöt an ro jätin.

**25** Bar juön, Devid im kapen in jar in törinae rar kejenolok iair ñön jermal eo, jet ian ro nejin Esap, im ro nejin Himan, im ro nejin Jedutun bwe ren drikani j kin arp ko im kin salteri ko, im kin simbal ko: im oran ro rar kômön jermal eo, ekar ñön air jermal, eñin: 2 ian ro nejin Esap; Zakkur, im Josep, Netenaia, im Asherila, ro nejin Esap, iomin pein Esap, rar drikani j ekar ñön kien kiñ eo. 3 Jen Jedutun; Gedelaia, im Zirai, im Jashaia, Hashabaia, im Mattitaia, jiljino, iomin pein jemeir Jedutun kin arp, rar drikani j ilo kamolol im nebar Jeova. 4 Jen Himan; Bukaia, Mattanaia, Uzzaiel, Shebuel, im Jerimot, Hanenaia, Hanenai, Ilaieta, Gidaltai, im Romamti-izer, Joshbikasha, Mallo-tai, Hotir, Meheziot. 5 Rein otem-jej ro nejin Himan dri lolo an kiñ eo ilo nan ko jen Anij, ñön leliñlok drun. Im Anij e ar lelok ñön Himan joñoul nejin eman, im jilu nejin köra. 6 Rein otem-jej rar iomin pein jemeir kin al ilo imön Jeova, kin simbal ko, salteri ko, im arp ko, ñön korijer ilo

imön Anij; Esap, Jedutun, im Himan, iomin kien kiñ eo. 7 Im orair, iben ro jeir im jätir emwij katakin ir ilo al ñön Jeova, ir otem-jej rej kabel, rubuki dualitökñoul dualitök. 8 Im rar kômön kaköle ko kin jermal ko air, ir otem-jej einwöt juön, ro redrik einwöt ro relap, dri kaki einwöt dri katak.

9 Ak kaköle eo mokta e ar walok kin Esap ñön Josep: eo ken ka ruo ñön Gedelaia; e im ro jein im jätin, im ro nejin, joñoul ruo: 10 eo ken ka jilu ñön Zakkur, ro nejin im ro jein im jätin, joñoul ruo: 11 eo ken kemen ñön Izrai, ro nejin im ro jein im jätin, joñoul ruo: 12 eo ken ka lailim ñön Netenaia, ro nejin im ro jein im jätin, joñoul ruo: 13 eo ken ka jiljino ñön Bukaia, ro nejin im ro jein im jätin, joñoul ruo: 14 eo ken ka jiljilimjuön ñön Jesharila, ro nejin im ro jein im jätin, joñoul ruo: 15 eo ken ka dualitök ñön Jashaia, ro nejin im ro jein im jätin, joñoul ruo: 16 eo ken ka druatimjuön ñön Mattanaia, ro nejin im ro jein im jätin, joñoul ruo: 17 eo ken ka joñoul ñön Shimeai, ro nejin im ro jein im jätin, joñoul ruo: 18 eo ken ka joñoul juön ñön Azerel, ro nejin im ro jein im jätin, joñoul ruo: 19 eo ken ka joñoul ruo ñön Hashebaia, ro nejin im ro jein im jätin, joñoul ruo: 20 kin eo ken ka joñoul jilu ñön Shubeel, ro nejin im ro jein im jätin, joñoul ruo: 21 kin eo ken ka joñoul emen ñön Mattitaia, ro nejin im ro jein im jätin, joñoul ruo: 22 kin eo ken ka joñoul lailim, ñön Jerimot, ro nejin im ro jein im jätin, joñoul ruo: 23 kin eo ken ka joñoul jiljino, ñön Hanenaia, ro nejin im ro jein im jätin, joñoul ruo: 24 kin eo ken ka joñoul jiljilimjuön, ñön Joshbikasha, ro nejin im ro jein im jätin, joñoul ruo: 25 kin eo ken ka joñoul dualitök, ñön Hanenai, ro nejin im ro jein im jätin, joñoul ruo: 26 kin eo ken ka joñoul druatimjuön, ñön Malletai, ro nejin im ro jein im jätin, joñoul ruo: 27 kin eo ken ka roñoul, ñön Ilaieta, ro nejin im ro jein im jätin, joñoul ruo: 28 kin eo ken ka

roñoul juõn, nõn Hotir, ro nejin im ro jein im jätin, joñoul ruo : 29 kin eo ken ka roñoul ruo, nõn Gidaltai, ro nejin im ro jein im jätin, joñoul ruo : 30 kin eo ken ka roñoul jilu, nõn Mehezaiot, ro nejin im ro jein im jätin, joñoul ruo : 31 kin eo ken ka roñoul emen nõn Romamti-izer, ro nejin im ro jein im jätin, joñoul ruo.

**26** Kin lajrök ko an ro dri lale kejem: ian ro dri Kora, Mishelemaia nejin Kora, ian ro nejin Esap. 2 Im eor man nejin Mishelemaia : Zekeraia manjien, Jedaiel eo ken ka ruo, Zebedaia eo ken ka jilu, Jatniel eo ken kemen, 3 Ilam eo ken ka lailim, Jihohenan eo ken ka jiljino, Ilaihoenai eo ken ka jiljilimjuõn. 4 Im eor man ro nejin Obed-idom; Shimaia manjien, Jihozabad eo ken ka ruo, Joa eo ken ka jilu, im Sekar eo ken kemen, im Netanel eo ken ka lailim, 5 Amaiel eo ken ka jiljino, Issakar eo ken ka jiljilimjuõn, Piulitai eo ken ka dualitök : bwe Anij e ar kejerammon e. 6 Bareinwõt nõn Shimaia nejin, ar lotak ro nejin man, rø rar iroiõ ion mweo imõn jemeir; bwe re armij kajur im beran. 7 Ro nejin Shimaia: Othnai, im Ripeel, im Obed, Elzebad, eo ro jein im jätin armij re beran im kajur, Ilaihu, im Seme-kaia. 8 Rein otemjej ro nejin Obed-idom: ir im ro nejin im ro jein im jätin, armij re maroñ im kajur nõn jermal eo: jiljinoñoul ruo ro nejin Obed-idom. 9 Im man ro nejin Mishelemaia im ro jein im jätin, armij re kajur, joñoul dualitök. 10 Bareinwõt Hosa, ian ro nejin Mirerai, eor nejin man: Shimrai eo e utiej, (bwe meñe e jab manjien, jemen e ar kotiej e), 11 Hilkaia eo ken ka ruo, Tebelaia eo ken ka jilu, Zikeraia eo ken kemen: ro nejin Hosa im ro jein im jätin otemjej, joñoul jilu.

12 Ian rein lajrök ko an ro dri lale kejem, ian ro re utiej, air jermal einwõt ro jein im jätin, bwe ren korijer ilo imõn Jeova. 13 Im rar kõmõn kakõle ko, ro redrik im ro relap, ekar nõn mo ko imõn ro jimair, nõn jabre-

wõt kejem. 14 Im kakõle i rear e ar walok nõn Shelemaia. Inem nõn Zekeraia nejin, juõn dri bebe emõn mwilin rar kõmõn kakõle ko; im kakõle eo an e ar walok nõn eañ. 15 Nõn Obed-idom eo i rök: im nõn ro nejin, imõn mweiuik eo. 16 Nõn Shuppim im Hosa eo i kabiluñ, iturin kejem an Shaleket, iturin ial e utiej, ro dri ekil kajur ro dri ekil. 17 I rear jiljino dri Livai, eañ emen ilo juõn ran, i rök emen ilo juõn ran, im nõn imõn mweiuik ruo im ruo. 18 Nõn Parbar i kabiluñ, emen iturin ial e utiej, im ruo i Parbar. 19 Rein lajrök ko an ro dri lale kejem; ian ro nejin ro dri Kora, im ian ro nejin Mirerai.

20 Im ian ro dri Livai, Ehaija e ar iroiõ ion mweiuik ko an imõn Anij, im ion mweiuik ko emwij lelok nõn Anij. 21 Ro nejin Ledan, ro nejin ro dri Gershon an Ledan, jiõb ro an imõn ro jimair, an Ledan dri Gershon: Jihaielai. 22 Ro nejin Jihaielai: Zitam, im Joel jein im jätin, ion mweiuik ko an imõn Jeova. 23 Ian ro dri Amram, ian ro dri Izhar, ian ro dri Hibron, ian ro dri Uzaiel: 24 im Shebuel nejin Gershon, nejin Moses, e ar iroiõ ion mweiuik ko. 25 Im ro jein im jätin: jen Iliezar e ar walok Rihabaia nejin, im Jeshaija nejin, im Joram nejin, im Zikrai nejin, im Shelomot nejin. 26 Shelomot in, im ro jein im jätin rar iroiõ ion mweiuik ko men in lelok, ko Devid, kiñ eo, im jiõb ro an imõn ro jimair, kapen ro ion tausan ko im buki ko, im kapen ro an jar in tõrinae, rar lelok. 27 Jen men in rakim rar bøk ilo tõrinae ko, rar lelok men in kõkål mweo imõn Jeova. 28 Im aolepen men ko Samuel dri lolo, im Saul nejin Kish, im Abner nejin Ner, im Joab nejin Ziruaia, rar lelok, mweiuik ko jabrewõt rar lelok, e ar ber iomin pein Shelomot, im pein ro jein im jätin.

29 Ian ro dri Izhar, Kenenaia im ro nejin, ir nõn jermal inabij ion Israel, ro dri kabwijrök im dri ekajet. 30 Ian ro dri Hibron, Hashebaia im ro jein im jätin, armij re beran, juõn

tausan jiljilimjuõn buki, rar lale ro dri Israel jen Jordan tu irilik, kin jerb-al otemjej an Jeova, im kin korijer ñõn kiñ eo. **31** Ian ro dri Hibron Jeraija eo e utiej, aet ian ro dri Hibron, ekar ñõn ebeben ko air, kin mo imõn ro jimair. Ilo yiõ eo ken ka eñoul an Devid kiñ, ar bukot ir, im ar lo ibeir armij re kajur im beran i Zezer in Giliad. **32** Im ro jein im jätin, armij re beran, ruo tausan jiljilimjuõn buki, jiõb ro an imõn ro jimair, ro Devid e ar kõmõn ir dri lale ion ro dri Ruben, im ro dri Gad, im jibilkwõn bwijin ro dri Menassa, ñõn men ko jabrewõt kin Anij, im ñõn men ko an kiñ eo.

**27** Ak ro nejin Israel kin orair, jiõb ro an imõn ro jimair, im kapen ro an tausan ko im buki ko, im dri kabwijrõk ro air rar korijeran kiñ eo, ilo jabrewõt men ko an lajrõk ko, rar droloftok im droiojlok aliñ ñõn aliñ iomin aliñ ko otemjej in yiõ, ilo jabrewõt lajrõk roñoul emen tausan. **2** Ion lajrõk eo mokta ñõn aliñ eo mokta, Jashobiam nejin Zabdiel: im ilo lajrõk eo an, roñoul emen tausan. **3** E juõn ian ro nejin Pirez, eo e utiej jen kapen otemjej in jar in törinae ñõn aliñ eo mokta. **4** Im ion lajrõk eo an aliñ eo ken ka ruo, Dodai dri Aho, im lajrõk eo an: im Miklot iroi: im ilo lajrõk eo an roñoul emen tausan. **5** Kapen eo ken ka jilu in jar in törinae, ñõn aliñ eo ken ka jilu, Beneia, nejin Jihoiada pris, ej iroi: im ilo lajrõk eo an roñoul emen tausan. **6** Eñin Beneia eo ej armij e kajur ian jilñoul eo, im ion jilñoul eo: im ilo lajrõk eo an, Amizebad nejin. **7** Kapen eo ken kemeñ ñõn aliñ eo ken kemeñ, Esahel jätin Joab, im Zebedaia nejin ijillockin: im ilo lajrõk eo an roñoul emen tausan. **8** Kapen eo ken ka lailim ñõn aliñ eo ken ka lailim, Shamhut dri Izra: im ilo lajrõk eo an roñoul emen tausan. **9** Kapen eo ken ka jiljino ñõn aliñ eo ken ka jiljino, Aira nejin Ikesh, dri Tekoa: im ilo lajrõk eo an roñoul emen tausan. **10** Kapen eo ken ka jiljilimjuõn ñõn aliñ eo ken ka jiljilimjuõn, Hilez dri Pilon, ian ro dri

Ipreim: im ilo lajrõk eo an roñoul emen tausan. **11** Kapen eo ken ka drualitõk ñõn aliñ eo ken ka drualitõk, Sibekai dri Husha, ian ro dri Zira: im ilo lajrõk eo an roñoul emen tausan. **12** Kapen eo ken ka druatimjuõn ñõn aliñ eo ken ka druatimjuõn, Abaiizer dri Anatot, ian ro dri Benjamin: im ilo lajrõk eo an roñoul emen tausan. **13** Kapen eo ken ka joñoul ñõn aliñ eo ken ka joñoul, Meherai dri Nitopa, ian ro dri Zira: im ilo lajrõk eo an roñoul emen tausan. **14** Kapen eo ken ka joñoul juõn ñõn aliñ eo ken ka joñoul juõn, Beneia dri Pireton, ian ro nejin Ipreim: im ilo lajrõk eo an roñoul emen tausan. **15** Kapen eo ken ka joñoul ruo ñõn aliñ eo ken ka joñoul ruo, Heldai dri Nitopa, jen Otniel: im ilo lajrõk eo an roñoul emen tausan.

**16** Bar juõn, ion bwij ko bwijin Israel: ian ro dri Ruben Iliezar nejin Zikrai, iroi: ian ro dri Simeon, Shepetaia nejin Meaka: **17** an Livai, Hashebaia nejin Kemuel: an Aron, Zedok: **18** an Juda, Ilaihu juõn ian ro jein Devid: an Issakar, Omrai nejin Maikael: **19** an Zebulun, Ishmaia nejin Obedaia: an Naptalai, Jerimot nejin Azriel: **20** ian ro nejin Ipreim, Hoshia nejin Azezaia: an jibilkwõn bwijin Menassa, Joel nejin Pedeia: **21** an jibilkwõn bwijin Menassa i Giliad, Iddo nejin Zekeraia: an Benjamin, Jeasiel nejin Abner: **22** an Dan, Azerel nejin Jiroham. Rein kapen ro an bwij ko bwijin Israel. **23** A Devid e ar jab bwine ro roñoul yiõ im erik jen e, bwe Jeova e ar ba E naj korlok dri Israel einwõt iju ko ilõñ. **24** Joab nejin Ziruaia e ar jino in bwine ir, a e ar jab kamwijlok; im illu e ari tok ion Israel kin men in; im ar jab likit orair ilo jeje in bwebwenato an kiñ Devid.

**25** Im ion mweiuk ko an kiñ eo, Azmevet nejin Edaiel: im ion mweiuk ko ilo jikin kallip ko, ilo jikin kwelok ko, im ilo jikin kwelok ko redrik, im ilo mo ko, Jonetan nejin Uzzaia: **26** im ion ro rar jerb-al ilo jikin kallip ñõn töblõl brij, Ezrai nejin Kilub:

27 im ion bwil in grep ko, Shimeai dri Remat: im ion orlok in bwil in grep ko n̄on jikin wain, Zabdai, dri Shipma: 28 im ion wijki oliv im wijki sikomor ilo ene etā, Beal-henan dri Gider: im ion jikin oil ko, Joash: 29 im ion bwijin kau ko rar mōna i Sheron, Shitrai, dri Sheron: im ion bwijin kau ko ilo komlōl ko, Shepat, nejin Adlai: 30 im ion kamel ko, Obil dri Ishmeel: im ion ass ko, Jedeia dri Mironot: im ion bwijin sip ko, Jeziz dri Hagar. 31 Rein otemjej iroiĵ ro ion men ko an kiñ Devid.

32 Bareinwōt Jonetan, alap an Devid, e dri bebe, juōn armij e meletlet, im e dri jeje; im Jihaiel, nejin Hakmonai, e ar ber iben ro nejin kiñ eo: 33 im Ehitopel dri bebe an kiñ eo: im Hushai, dri Ark, e ar jeran kiñ eo: 34 im ijilokin Ehitopel, Jihoiada nejin Beneia, im Ebaiatar: im Joab kapen in jar in tōrinae an kiñ eo.

**28** Im Devid e ar kokweloktok iroiĵ ro otemjej an Israel, iroiĵ in bwij ko, im kapen ro an jar ko rar jermal n̄on kiñ eo ilo lajrōk ko, im kapen ro an tausan ko, im kapen ro an buki ko, im ro rar lale mweiuk im men ko an kiñ im an ro nejin, im ro dri kabwijrōk, im armij ro re kajur, aet armij otemjej re beran im kajur, n̄on Jerusalem. 2 Inem Devid e ar jutōk, im e ba, Komin roñjake iō, komeo ro jeiō im jātiō, im ro droō: kin ña, e kar ilo buruō bwe in kalek juōn imōn kakije n̄on dipdip in kalimur an Jeova, im n̄on eran neen aruiĵ Anij; im emwij aō kapojōk n̄on kalek e. 3 A Anij e ar ba n̄on iō, Kwo jamin kalek juōn im n̄on eta, bwe kwe juōn armij in tōrinae, im kwar katorlok bōtōktōk. 4 Mekarta, Jeova, Anij in Israel, e kar kālet iō jen aolepen mweo imōn jema bwe in kiñ ion Israel n̄on in drio: bwe E ar kālet Juda bwe en iroiĵ; im ilo imōn Juda, mweo imōn jema; im ian ro nejin jema E ar buñburuen kin ña, in kōmōn io kiñ ion aolepen Israel; 5 im jen ian man ro otemjej nejiō, (bwe Jeova e ar letok elōñ nejiō man), E ar kālet Solomon

nejiō bwe en jijōt ion tron an ailiñ an Jeova ion Israel. 6 Im E ar ba n̄on iō, Solomon, nejmō, e naj kalek mweo imō im worwor ko Aō; bwe I ar kālet e nejiō, im Ña I naj jemen. 7 Im I naj kabin ailiñ eo an n̄on in drio, elañe ej tiljek in kōmōn nan in jiroñ ko Aō im kien ko Aō, einwōt ranin. 8 Inem kin men in, iman mejen aolepen Israel, jar an Jeova, im ilo an aruiĵ Anij roñjake, komin lale im bukot kien ko otemjej an Jeova ami Anij: bwe komin berwōt iloeninemōn, im likite men in jolit n̄on ro nejmōi elikemi, n̄on in drio.

9 Im kwe, Solomon, nejiō, kwon jela Anij eo an jemōm, im korijer n̄on E kin buru e wāppen; im lolātāt e mōnōnō; bwe Jeova ej tur buru otemjej, im E jela kin lōkōm im lemnok otemjej: elañe kwoj bukot E, kwo naj lo E: a elañe kwoj ilok jen E, E naj jolok yuk in drio. 10 Inem kwon lale mōk: bwe Jeova e ar kālet yuk bwe kwon kalek juōn im n̄on jikin kwojarjar: kwon kajur, im kōmōne.

11 Inem Devid e ar lelok n̄on Solomon joñok in <sup>1</sup>portiko an tempel eo, im an mo ko, im an jikin mweiuk ko, im an rum ko ilōñ, im an mōjab ko iloan, im an jikin tiriamokake; 12 im joñon men otemjej iben kin Jitōb, n̄on worwor ko in imōn Jeova, im an mōjabeo otemjej iturin, an jikin mweiuk ko in mweo imōn Anij, im an jikin mweiuk ko n̄on men ko men in lelok; 13 bareinwōt an lajrōk ko an pris ro im ro dri Livai, im an jermal otemjej in korijer an mweo imōn Jeova, im an jābi otemjej n̄on jermal ko ilo imōn Jeova; 14 an gold kin joñon erro n̄on jābi gold, an jābi ko n̄on jabrewōt wāwen jermal; an silver n̄on jābi otemjej silver kin joñon erro, n̄on jābi otemjej ilo jabrewōt wāwen korijer; 15 kin joñon erro bareinwōt n̄on jikin lamp ko gold, im n̄on jikin lamp ko silver, silver kin joñon erro n̄on jabrewōt jikin lamp im lamp ko an, ekar n̄on jabrewōt jikin lamp kōmōn kake; 16 im gold

kin joñon erro ñon tebel ko in bred in kalikar, ñon jabrewõt tebel; im silver ñon tebel ko silver; 17 im kaj ko ñon kōniek, im jābi ko, im kōp ko, jen gold erreo; im ñon bol ko gold kin joñon erro ñon jabrewõt bol; im ñon bol ko silver kin joñok ñon jabrewõt bol; 18 im ñon lokatok in kajjurjur, gold erreo kin joñon erro; im gold ñon joñok in jariot, aet kerub ko, ko rar erlokwi peir, im kalibubu dipdip in kalimur an Jeova. 19 Aolepen men in, Devid e ar ba, ar kajelaik iō kin jeje jen pein Jeova, aet, men in kōmōn otemjej an joñok in.

20 Im Devid e ar ba ñon Solomon, nejin, Kwon kajur im kwon beran wõt, im kōmōnmōne: kwon jab mijōk, im jab lelñō: bwe Jeova Anij, aō Anij, ej ber ibōm; E jamin likjōp ak illok jen kwe, mae ien kamwijlok aolepen jermal ñon korijer in mweo imōn Jeova. 21 Im, lale, lajrōk ko an pris ro im ro dri Livai, ñon aolepen jermal in mweo imōn Anij; im armij otemjej re mōnōnō im kabel ilo jabrewõt wāwen jermal, re naj ibōm ñon jabrewõt wāwen korijer: bareinwõt kapen ro im armij otemjej re naj kanuij bokake yuk.

29 Im Devid, kiñ eo, e ar ba ñon aolepen jar eo, Solomon, nejiō, eo Anij wõt E ar kālet e, ej <sup>1</sup>drik wõt im e ub an lemnok, im jermal eo elap wõt; bwe mweo e jab ñon armij, a ñon Jeova Anij. 2 A ña <sup>2</sup>I ar kapjōk einwõt aō maroñ ñon mweo imōn aō Anij, gold eo ñon men ko gold, im silver ñon men ko silver, im jinibōrōrō ñon men ko jinibōrōrō, māl eo ñon men ko māl, im wijki ko ñon men ko jen alal; dreka ko onix, im dreka ko ñon loñwe na jikin, dreka ko ñon men in kōmōn tiltil, im neme-meir ein juōn jen dron, im dreka re aurōk jabrewõt wāweir, im dreka ajaj elōñ. 3 Bareinwõt kin aō kanuij yokwe mweo imōn aō Anij, im eor gold im silver iba, ij lelok ñon mweo imōn aō Anij, eorlok jen aolepen men ko I ar kapjōk ñon mweo

e kwojarjar, 4 aet, jilu tausan talent gold, gold in Ofir, im jiljilimjuōn tausan talent silver emwij karreoik e, bwe ren nakilin kake turin mo ko; 5 gold ñon men ko an gold, im silver ñon men ko an silver, im ñon jabrewõt wāwen ren kōmōne kin pein ro dri kōmōnmōn. Inem wōn eo e mōnōnō in mōke lelok e ñon Jeova ranin?

6 Inem iroi j ro an mo ko imōn ro jimair, im iroi j ro an bwij ko in Israel, im kapen an tausan ko im buki ko, im ro dri lale jermal an kiñ eo, rar lelok im mōnōnō; 7 im rar lelok ñon jermal in mweo imōn Anij, gold lailim tausan talent im joñoul tausan derik, im silver joñoul tausan talent, im jinibōrōrō joñoul drualitōk tausan talent, im māl jibuki tausan talent. 8 Im ro eor dreka re aurōk ibeir rar lelok ñon mweuij ko an imōn Jeova, iomin pein Jihaiel dri Gershon. 9 Inem armij ro rar lōñliñ kin air lelok im mōnōnō, bwe kin buru e wāppen rar lelok im mōnōnō ñon Jeova: im Devid, kiñ eo, e ar bareinwõt lōñliñ kin lōñliñ elap.

10 Kin men in Devid e ar kamōnōnōik Jeova iman aolepen jar eo; im Devid e ar ba, E mōnōnō Kwe, O Jeova, Anij in Israel, jemem, ñon in drio im in drio. 11 <sup>1</sup>Am, O Jeova, lapen, im kajur, im maroñ, im aibujuij, im anjo, im utiejen: bwe aolepen men ko ilo lōñ im ilo lōl, Am; Am ailiñ eo, O Jeova, im Kwoj utiej im einwõt bōran men otemjej. 12 Mweuij ko im nebar rej jen Kwe, im Kwoj iroi j ion aolep; im ilo peōm kajur im maroñ; im ilo peōm men in koutiej, im men in kakajur armij otemjej. 13 Inem, amuij Anij, kim kamolol Yuk, im nebar etōm e aibujuij. 14 A wōn ña, im ta dri ailiñ eo aō, bwe kimin maroñ in mōnōnō in lelok einwõt in? bwe men ko otemjej rej itok jen Kwe, im jen men ko Am kim ar lewoj ñon Kwe. 15 Bwe kim drua maijet imam, im dri itoitōk einwõt ro jemem otemjej: ran ko am ion lōl einwõt elur, im ejelok berwõt. 16 O Jeova amuij Anij, men kein otem-

<sup>1</sup> Jap. 22. 5. <sup>2</sup> Jap. 22. 3-5.

<sup>1</sup> Rev. 5. 13.

je j kim ar kapojök in kalek ññ Kwe juön im, ññ etöm e kwojarjar, rej itok jen peöm, im aolepeir Am wöt. 17 Barceiwöt I jela, aö Anij, Kwoj melejoñ buru, Kwo mñññ kin jime. Kin ña, ilo buruö e jime I ar mñññ in lewoj men kein otemjej: im kiö, emwij aö lo kin löñliñ, dri ailiñ ro Am, ro rej ber ijin, ke rar lewoj im mñññ. 18 O Jeova, Anijan Ebream, an Aisak, im an Israel ro jemem, Kwon drebij men in ññ in drio ilo lököm in lemnok ko an buruen ro Am dri ailiñ, im kapojök buruer ññ Kwe; 19 im Kwon lelok ññ Solomon, nejiö, buru e wäppen, bwe en bokake kien ko Am, nan ko Am, nan in kaiñ ko Am, im kömön men kein otemjej, kab kalek mweo elap eo I ar kapojök ññ e.

20 Im Devid e ar ba ññ aolepen jar eo, Inem komin kamñññ Jeova ani Anij. Im aolepen jar eo rar kamñññ Jeova Anij an ro jimair, im rar möjir kin börair, im kabuñ ññ Jeova, im kiñ eo. 21 Im ran eo ilju rar katok kin men in katok ññ Jeova, im lelok katok kijeek ññ Jeova, juön tausan kau koman, juön tausan sip koman, im juön tausan lam, kab jur-tak irak, im elöñ men in katok kin dri Israel otemjej, 22 im rar möña im irak iman Jeova ilo ran eo, im kanuij mñññ.

416

Im rar kairoij Solomon, nejin Devid, alen ken ka ruo, im kabit e ññ Jeova, bwe en iroi, im Zedok bwe en pris. 23 Inem Solomon e ar jijöt ion tron an Jeova einwöt kiñ, im binej jenkwön Devid jemen, im e ar jerammön; im ro dri Israel otemjej rar bokake. 24 Im iroi ro otemjej, im armij re kajur, bareinwöt ro otemjej nejin kiñ Devid, jemen, rar möke kötaik ir ññ Solomon, kiñ eo. 25 Im Jeova e ar kanuij koutiejlok Solomon iman aolepen Israel, im E ar lelok ññ e lapen kiñ, elap jen An lelok ññ jabrewöt kiñ mokta jen e ilo Israel.

26 Ak Devid nejin Jesse e ar kiñ ion aolepen Israel. 27 Im ien eo e ar kiñ ion Israel, eñoul yiö: jiljilim-juön yiö e ar kiñ i Hibron, im jilñoul jilu yiö e ar kiñ i Jerusalem. 28 Im e ar mij ke emön an lölap, e obrök kin ran ko, mweiuk ko, im nebar e: im Solomon, nejin, e ar kiñ im binej jenkwön. 29 Ak jermal ko an Devid kiñ eo, ko mokta im ko eliktata, lo, emwij jeje ilo buk in bwebwenato an Samuel, dri lolo eo, im ilo buk in bwebwenato an Netan, dri kanan eo, im ilo buk in bwebwenato an Gad, dri lolo eo, 30 kab aolepen an kiñ im kajur eo an, im ien ko rar itok ion, im ion Israel, im ion ailiñ otemjej in kiñ ro air.

\* 2 Sam. 6. 4, 5.



# KRONIKEL

**1** Im <sup>1</sup>Solomon, nejin Devid, e ka-  
jurlok ilo ailiñ eo an, im Jeova,  
an Anij, E ar ber iben, im E ar ka-  
nuj koutiejlok e. **2** Im Solomon e ar  
konono ñon aolepen Israel, ñon ka-  
pen an tausan ko im buki ko, im ñon  
ro dri ekajet, im ñon iroi ro otemjej  
ilo aolepen Israel, jiöb ro an imön ro  
jimair. **3** Ein drein Solomon im aole-  
pen jar eo iben, rar wönliflok ñon  
jikin e utiej eo i Gibeon; bwe ijo  
imön kwelok an Anij, eo Moses kori-  
jeran Jeova e ar kömönmön ilo ene  
jemaren. **4** A Devid e ar bökliñtok  
dipdip an Anij jen Kiriat-jierim ñon  
jikin eo Devid e ar kapoj ñon e: bwe  
e ar kajutök juön im nuknuk ñon e i  
Jerusalem. **5** Bareinwöt lokatok ji-  
nibörörö, eo Bizalel nejin Urai, nejin  
Hur, e ar kömöne, e ar ber ijo iman  
imön kabere an Jeova: im Solomon im  
jar eo rar bukotlok. **6** Im Solomon e  
ar wönliflok ñon ijo, ñon lokatok ji-  
nibörörö eo iman Jeova, eo e ar ber  
iturin imön kwelok eo, im e ar katok  
ion kin juön tausan katok kijeek.

**7** Ilo <sup>2</sup>boñ eo Anij e ar weaktok ñon  
Solomon, im ba ñon e, Kwon kajitök  
men öt In lewoj ñon yuk. **8** Im Solo-  
mon e ar ba ñon Anij, Kwe Kwar  
kwalok tiriamokake elap ñon Devid,  
jema, im Kwar kömön iö kiñ bwe in  
binej jenkwön. **9** Inem, O Jeova  
Anij, Am kalimur ñon Devid, jema,  
en bin wöt: bwe Kwar kairoj iö kiñ  
ion juön ailiñ einwöt bok in löl kin air  
löñ. **10** Kiö, Kwon letok ñon iö me-  
letlet im jelalokjen bwe in maroñ in  
drioi dreloñ iman ro dri ailiñ in; bwe  
wön e maroñ in ekajete ailiñ in Am,  
bwe e kanuj lap? **11** Im Anij e ar  
ba ñon Solomon, Bwe men in e ar ber  
ilo buruöm, im kwar jab kajitök mön-  
ni, mweiuk ko, ak nebar, ak bwe ro  
rej kijirät yuk ren mij, im kwar jab

kajitök mour e aitok; a kwar kajitök  
meletlet im jelalokjen ñon kwe möke,  
bwe kwon maroñ in ekajete ro dri  
ailiñ Aö, ro emwij Aö kairoj yuk  
ioir: **12** emwij lewoj meletlet im je-  
lalokjen ñon yuk; im I naj lewoj  
mönni im mweiuk ko, im nebar, ein-  
wöt e jañin ber iben kiñ ro mokta jen  
kwe: im jamin einwöt iben ro rej lor  
yuk. **13** Ein drein Solomon e ar itok  
jen jikin e utiej eo ilo Gibeon, jen  
imön kwelok eo, ñon Jerusalem; im  
e ar kiñ ion Israel.

**14** Im <sup>1</sup>Solomon e ar kokweloktok  
jariot ko im ro rej uwe ion ors: im  
iben juön tausan äbuki jariot, im joñ-  
oul ruo tausan ro rej uwe ion ors, im  
e ar likiti ilo jikin kwelok ko an jari-  
ot, im iben kiñ eo ilo Jerusalem. **15**  
Im kiñ eo e ar kömön silver im gold  
ilo Jerusalem einwöt dreka ko, im  
wijki aik e ar kömön bwe ren einwöt  
wijki sikomor rej ilo ene etä, kin air  
löñ. **16** Im ors ko iben Solomon rar  
bökitok jen Ijpt; ro dru wia an kiñ  
eo rar böki ilo bwij ko, jabrewöt  
bwij kin juön wönan. **17** Im ke rar  
añintok im böktok juön jariot jen  
Ijpt, wönan jiljino buki sekel in sil-  
ver, im wönan juön ors jibuki lim-  
noul: im ein drein ñon kiñ otemjej an  
ro dri Het, im kiñ ro an Siria, rar  
böktok kake.

**2** Ak <sup>2</sup>Solomon e ar lemnok in ka-  
lek juön im ñon etan Jeova, im  
juön im ñon ailiñ eo an. **2** Im Solo-  
mon e ar bwini jiljilimjuönñoul tau-  
san armij bwe ren inene, im dru-  
alitäknoul tausan armij dri jekjek ilo tol  
ko, im jilu tausan jiljino buki dri lare  
ir. **3** <sup>3</sup>Im Solomon e ar jilkinlok ñon  
Huram kiñ in Tair, im e ba, Einwöt  
am kar kömön ñon Devid, jema, im  
kwar jilkinlok ñon iben, wijki aik ko  
in kalek ñon e juön im bwe en jokwe

<sup>1</sup> 1 Kir 2. 12 <sup>2</sup> 1 Kir 3. 5-14.

<sup>1</sup> 1 Kir 10. 26-29. <sup>2</sup> 1 Kir 5. 5. <sup>3</sup> 1 Kir 5. 211.

iloan, ein drein kwon kōmōn nōn iō. **4** Lo, nā, I nañin kalek juōn im nōn etan Jeova, aō Anij, bwe in lelok nōn E, bwe<sup>1</sup> in tile kaijurjur an spais ko re tōñōl iman mejen, im nōn bred in kalikar ran otemjej, im nōn katok kijeek jiboñ im jota, ilo Sabat ko, im aliñ ko rekāl, im ilo kwojkwōj in ka-iñi ko an Jeova am Anij. Eñin juōn kien in drio nōn Israel. **5** Im mweo ij kalek e, elap wōt; bwe am Anij elap jen anij otemjej. **6** A wōn e maroñ in kalek nōn E juōn im, ke lōñ ko im lōñ in lōñ ko re ban drebij E? Inem wōn nā bwe in kalek nōn E juōn im, elañe jab men in wōt bwe in tile kaijurjur iman? **7** Inem kwon jilkintok nōn iba juōn eman e kabel in jermal kin gold, im kin silver, im kin jinibōrōrō, im kin māl, im kin eoi, im kilmir, im blu, im jela ekijan jekjek jabrewōt wāwen, bwe en ber iben man ro re kabel iba, i Juda im ilo Jerusalem, ro Devid jema e ar loi. **8** Bareinwōt kwon jilkintok nōn iba wijki aik ko, wijki fōr ko, im wijki algum ko, jen Lebanon: bwe I jela ro dri korijerōm re jela jekjek wijki ko i Lebanon. Im, lo, ro dri korijera re naj ber iben ro dri korijerōm, **9** bwe ren kapoj elōñ wijki nōn iō; bwe mweo I naj kalek e, e naj lap im men in bwilōñ. **10** Im, lo, I naj lelok nōn ro dri korijerōm, dri jekjek wijki ko, roñoul tausan joñon wit emwij nowe, im roñoul tausan joñon barli, im roñoul tausan bath in wain, im roñoul tausan bath in oil.

**11** Inem Huram, kiñ in Tair, e ar uak kin jeje, im jilkinlok nōn kiñ Solomon, Kin an Jeova yokwe dri ail-ñi ne An, E ar kairoij yuk kiñ ioir. **12** Bareinwōt Huram e ar ba, Emō-nōnō Jeova, Anij in Israel, Eo e ar kōmōnmōn lōñ im lōl, Eo e ar lelok nōn Devid juōn nejin e meletlet, eo e jelalokjen im lolātāt, eo en kalek juōn im nōn Jeova, im juōn im nōn ailñi eo an. **13** Im kiō, emwij aō jilkinwoj juōn eman e kabel, e jelalokjen, dron Huram, jema, **14** <sup>2</sup>nejin juōn kōra ian kōra ro nejin Dan; im jemen dri

Tair, dri mejerik in jerbale gold, im silver, im jinibōrōrō, im māl, im dreka, im wijki ko, im eoi, im blu, im linen kworairik, im kilmir, im bareinwōt jekjek jabrewōt wāwen jeje, im nōn kine jabrewōt ekin; bwe ren najikin iben ro am dri kabel, im iben ro an aō iroi, Devid, jemōm. **15** Inem wit eo im barli, oil eo im wain, im aō iroi e ar konono kake, en jilkinlok nōn iben ro dri korijeran; **16** im kim naj jekjek wijki ko jen Lebanon, einwōt am aikwij: im kim naj bōkwoj, kin tōra in wijki ilo lojit nōn Joppa, im kwe kwo naj bōkliñwoj nōn Jerusalem.

**17** Im Solomon e ar bwine ro dri itoitōk otemjej rar ber ilo aolepen ene in Israel, elikin bwinbwin eo Devid, jemen, e kar bwini ir kake; im rar lo jibuki limñoul jilu tausan jiljino buki. **18** Im e ar likit jiljilimjuōñoul tausan iair dri inene, im dualitōkñoul tausan dri jekjek ilo tol ko, im jilu tausan jiljino buki dri lale, bwe ren kejerbal armij rōn.

**3** <sup>1</sup>Inem Solomon e ar jino in kalek mweo imōn Jeova i Jerusalem, ilo tol Moraia, ijo Jeova e ar weaktok nōn Devid, jemen, eo e ar kapojōk ilo jikin eo Devid e ar bakajen, ilo jikin drefdreñ an Ornan dri Jibus. **2** Im e ar jino in kalek ilo ran eo ken ka ruo in aliñ eo ken ka ruo, ilo yiō eo ken kemon in an kiñ. **3** Ak ir kein loñtak ko Solomon e ar kabin nōn an kalek mweo imōn Anij. Aitokōn ilo kubit ekar nōn joñon mokta jiljinoñoul kubit, im drilpen roñoul kubit. **4** Im tōñak eo iman mweo, aitokōn ekar nōn drilpen mweo, roñoul kubit, im utiejen jibuki roñoul; im e ar nakilin iloan kin gold erreo. **5** Im e ar binej tuilōñ ilo mweo elap kin wijki fōr, im nakilin kin gold erreo, im e ar kōmōn ion, wijki pam im to ninir ko. **6** Im e ar kalitlit mweo kin dreka raurōk, nōn aibujuij; im gold eo jen Parveim. **7** E ar bareinwōt nakilin mweo, alal ko, biten kejem ko, im turin mweo, kab aor ko an kin gold, im e ar bukwe kerub ko ion turin ko.

<sup>1</sup> Ex. 30. 7. <sup>2</sup> 1 Kiā 7. 14.

<sup>1</sup> 1 Kiā 6. 1.

8 Im e ar kōmōn mweo e kwojarjar otem kwojarjar : aitokōn ekar nōn drilpen mweo, roñoul kubit, im drilpen roñoul kubit: im e ar nakilin kin gold emōn, driten jiljino buki talent. 9 Im paun in drila ko limñoul sekel gold. Im e ar nakilin bo ko ilōñ kin gold.

10 Im iloan jikin kwojarjar otem kwojarjar e ar kōmōn ruo kerub wāwen men in e: im rar kalibubuk kin gold. 11 Im pein kāki ko pein kerub ko aitokōn roñoul kubit: pein juōn kerub lailim kubit, im e ar tōbar turin mweo: pein eo juōn bareinwōt lailim kubit, im e koba iben pein kerub eo juōn. 12 Im pein kerub eo juōn lailim kubit im ej tōbar turin mweo; im pein eo juōn bareinwōt lailim kubit im koba iben pein kerub eo juōn. 13 Pein kāki ko pein kerub kein erlokin roñoul kubit: im rar jutōk kin neir, im rar jujellok nōn mweo. 14 Im e ar kōmōnmōn rōñel nuknuk eo jen blu, im eoij, im kilmir, im linen kworairik, im e ar tiltil kerub ko ion.

15 Bareinwōt e ar kōmōnmōn iman mweo ruo jur utiejir jilñoul lailim kubit, iñ eoñlok ion jabrewōt iair lailim kubit. 16 Im e ar kōmōnmōn toninir ko iloan jikin kwojarjar eo, im e ar likiti ion jābōn jur ko: im e ar kōmōnmōn jibuki pomgranet, im likiti ion toninir ko. 17 Im e ar kajutōk jur ko iman tempel eo, juōn i anbijmaroñ im juōn i anmiñ; im e ar natan eo i anbijmaroñ Jekin, im eo i anmiñ Boaz.

4 Bar juōn, <sup>1</sup> e ar kōmōnmōn juōn lokatok jinibōrōrō, roñoul kubit aitokōn im roñoul kubit drilpen, im joñoul kubit utiejen. 2 Bareinwōt, e ar kōmōnmōn lomalo unlak eo, joñoul kubit jen tōrerer nōn tōrerer, belakin e rolul; im utiejen lailim kubit: im juōn an to jilñoul kubit e ar kabol e. 3 Im iomin, wāwen ox ko, rar kabole, nōn joñoul kubit, im kabole i belakin. Ox ko ilo ruo lajrōk, im ar kaunloki ke ar kaunlok lomalo eo. 4 E ar jutōk ion joñoul ruo ox ko, jilu

rar reniñalok, jilu reitolok, jilu rei-ruñalok, im jilu rar reitalok; im lomalo e ar ber ioir, im lokair otemjej rar ber iolap. 5 Im mijilin, drilpen juōn pā; im tōrerer eniwōt tōrerer kōp, einwōt ebul in kiōp: e ar kōke jilu tausan bath. 6 Bareinwōt e ar kōmōnmōn joñoul lever, im e ar likit lailim i anbijmaroñ, im lailim i anmiñ, nōn kwolkwol iloan; men ko an katok kijeek rar kwoli ilo air: a lomalo eo bwe pris ro ren tutu iloan.

7 Im e ar kōmōnmōn joñoul jikin lamp gold, ekar nōn kien eo: im e ar likiti iloan tempel eo, lailim i anbijmaroñ, im lailim i anmiñ. 8 Bareinwōt e ar kōmōnmōn joñoul tebel, im likit ir iloan tempel eo, lailim iair i anbijmaroñ, im lailim i anmiñ. Im e ar kōmōnmōn jibuki besōn gold. 9 Bar juōn, e ar kōmōnmōn worwor an pris ro, im worwor eo elap, im aor ko nōn worwor eo, im e ar nakilin aor ko kin jinibōrōrō. 10 Im e ar likit lomalo eo i anbijmaroñ in mweo i rear, nōn rōk. 11 Im Huram e ar kōmōnmōn pot ko, im sovel ko, im besōn ko.

Ein drein Huram e ar kajemlok jermal eo e ar kōmōne nōn kiñ Solomon iloan mweo imōn Anij: 12 jur ko ruo, im jābi ko, im eoñlok ko ruo ion jur ko, im ok ko ruo nōn kalibubu jābi ko ruo an eoñlok ko rar iman jur ko, 13 im ābuki pomgranet nōn ok ko ruo; ruo lajrōk in pomgranet nōn jabrewōt ok, bwe ren kalibubu jābi ko ruo an eoñlok ko an jur ko. 14 Im e ar bareinwōt kōmōnmōn loñtak ko, im e ar kōmōnmōn lever ion loñtak ko: 15 juōn lomalo, im ox ko joñoul ruo iomin. 16 Pot ko bareinwōt, im sovel ko, im kāj ko nōn kōniek, im jābi otemjej an, Huram, jemen, e ar kōmōnmōn nōn kiñ Solomon nōn imōn Jeova jen jinibor e jātōtil. 17 Ilo enen Jordan jebān wōt juōn, kiñ eo e ar kaunloki, ilo ene kle ikotan Sōkkot im Zerida. 18 Ein drein Solomon e ar kōmōnmōn jābi kein im re kanuij lōñ: bwe rar jab bukot erroñ jinibōrōrō eo.

19 Im Solomon e ar kōmōnmōn

jäbi otemjej iloan mweo imōn Anij, im bareinwōt lokatok gold eo, im tebel ko bred in kalikar e ar ber ion. 20 Im jikin lamp ko kab lamp ko air, bwe ren urur ekar nōn kien iman jikin kwojarjar otem kwojarjar, jen gold erre: 21 im inōk ko, im lamp ko, im jähōnpi ko, jen gold, im gold in e wäppen: 22 im ken jojen melle ko, im besōn ko, im jibun ko, im jäbi kijeek ko, jen gold erre. Im kin kejem an mweo, aor ko iloan nōn jikin kwojarjar otem kwojarjar, im aor ko in mweo, eñin an tempel eo, jen gold.

**5** Ein drein emwij aolepen jermal ko Solomon e ar kōmōnmōne nōn mweo imōn Jeova. Im Solomon e ar kadreloñtok men ko Devid, jemen, e kar aje, silver eo, im gold eo, im jäbi otemjej, in likiti ilo jikin mweuik ko an imōn Anij.

2<sup>1</sup> Inem Solomon e ar kokweloktok ridto ro in Israel, im jiōb ro otemjej an bwij ko, iroi ro in mo ko imōn ro jimair an ro nejin Israel, nōn Jerusalem, im bōkliñtok dipdip in kalimur an Jeova jen jikin kwelok an Devid, eñin Zaion. 3 Im ro dri Israel otemjej rar kweloktok nōn iben kiñ eo ilo kwojkwoj eo ej ilo aliñ eo ken ka jiljilimuñ. 4 Im ridto ro otemjej in Israel rar itok: im ro dri Livai rar kwotōke dipdip eo; 5 im rar bōkliñtok dipdip eo im imōn kwelok nuknuk eo, im jäbi otemjej ro kwojarjar rar ber iloan im nuknuk eo; men kein pris ro, dri Livai, rar bōkliñtok. 6 Im kiñ Solomon im aolepen jar eo an Israel, ro rar kweloktok nōn iben, rar ber iman dipdip eo, im katok kin sip ko im ox ko, re jab maroñ in bwini ak jela orair kin air lōñ. 7 Im pris ro rar kadreloñtok dipdip in kalimur an Jeova nōn jikin, nōn jikin kwojarjar otem kwojarjar, aet iomin pä ko pein kerub ko. 8 Bwe kerub ko rar erlokwi peir ilōñin jikin dipdip eo, im kerub ko rar kalibubu dipdip eo im ine ko an ilōñin. 9 Im ine ko re aitok, inem jähōn ko jähōn ine ko rar alikar jen dipdip eo iman jikin eo e kwo-

jarjar otem kwojarjar: a rar jab loi inabij: im ej ber ie nōn ranin. 10 Ejelok men iloan dipdip eo, a tebel ko ruo wōt, ko Moses e ar likiti na i Horeb, ke Jeova e ar kōmōn juōn kalimur iben ro nejin Israel, ke rar drioiytok jen Ijipt.

11 Im ein drein, ke pris ro rar drioiytok jen jikin e kwojarjar, (bwe pris otemjej rar ber ijo re kar mōke kokwojarjar ir, im re jab kejbārok lajrōk ko air, 12 bareinwōt ro dri Livai ro dri al, ir otemjej, Esap, Himan, Jedutun, im ro nejir man in ro jeir im jätir, emwij kōnōk linen kwo-rairik, im ibeir simbal ko im salteri ko im arp ko, rar jutōk iturin lokatok eo tuirear, im ibeir jibuki roñoul pris rej uk jilil ko); 13 im ein drein ke ro dri jilil im ro dri al rar einwōt juōn im kōmōn juōn wōt ainiken in roñjake ilo nebar im kamolol Jeova: im ke rar koutiej ainiker iben jilil ko im simbal ko im ken kajōñjōñ ko, im nebar Jeova, im ba, Bwe Ej emōn; bwe tiriamokake eo An ej ber nōn in drio: ien eo e obrōk mweo kin juōn kōro, aet iman Jeova, 14 einwōt bwe pris ro re ban jutōk im korijer kin kōro eo: bwe aibuujij an Jeova e ar kobrōk imōn Anij.

**6** Inem Solomon e ar ba, Emwij an Jeova ba bwe E naj jokwe iloan marok jililñiñ. 2 A ña I ar kalek nōn Kwe juōn imōn jokwe, im jikin berwōt nōn in drio. 3 Im kifi eo e ar oktōk turin mejen, im kejerammōn aolepen jar an Israel: im aolepen jar an Israel rar jutōk.

4 Im e ar ba, Emōnōnō Jeova Anij in Israel, Eo e ar konono kin loñin nōn Devid Jema, im kin pein E ar kajejite, im E ba, 5 Elikin ran eo ke I ar kadrioiytok dri ailñ ro Aō jen ene in Ijipt, I ar kälet ejelok jikin kwelok jen bwij otemjej bwijin Israel in kalek juōn im iloan, bwe eta en ber ie; im I ar kälet ejelok eman bwe en iroi ion dri ailñ ro Aō, Israel: 6 A I ar kälet Jerusalem, bwe eta en ber ie: im I ar kälet Devid bwe en ion dri ailñ ro Aō, Israel. 7 A e ar ber ilo buruen Devid, jema, bwe en kalek

juõn im ñõn etan Jeova, Anij in Israel. 8 A Jeova e ar ba ñõn Devid, jema, Kin an kar ber ilo buruõm bwe kwon kalek juõn im ñõn eta, emõn wõt am kõmõn bwe men in e ar ber ilo buruõm: 9 ijoke, kwo jamin kalek mweo; a nejõm man, eo e naj walok jen ibim, e naj kalek mweo ñõn eta. 10 Im Jeova e ar kamol nan eo E ar ba kake; bwe ña I ar jutõk im binej jenkwõn Devid, jema, im jijõt ilo tron in Israel, einwõt Jeova e ar kalimur, im I ar kalek mweo ñõn etan Jeova, Anij in Israel. 11 Im I ar likit dipdip eo ie, im iloan, bujen an Jeova, eo E ar kõmõn iben ro nejin Israel.

12 Im e ar jutõk iman lokatok an Jeova iman mejen aolepen jar an Israel, im e ar erlokwe pein, 13 (bwe Solomon e kar kõmõnmõn juõn jikin jutõk jinibõrõõ aitokõn lailim kubit, im dripen lailim kubit, im utiejen jilu kubit, im e kar likit e iolapin worwor eo; im e ar jutõk ion, im e ar bukwelõlõ iman aolepen jar an Israel, im erlokwe pein ñõn lõn); 14 im e ar ba, O Jeova, Anij an Israel, ejelok Anij einwõt Kwe, ilo lõn, ak ilo lõl, Eo ej kejbãrok bujen im tiriamokake iben ro dri korijerõm, ro rej etetal imam kin aolepen burueir; 15 Kweo kwar kejbãrok iben dri korijerõm Devid, jema, men eo Kwar kalimur ñõn e: aet, Kwar konono kin loõõm, im Kwar kajejit e kin peõm, einwõt ranin. 16 Inem, O Jeova, Anij in Israel, Kwon kejbãrok iben dri korijerõm Devid, jema, men eo Kwar kalimur ñõn e, im ba, E jamin likjõp jen kwe juõn eman iman meja bwe en jijõt ion tron in Israel, elañe men in wõt, ro nejõm ren lale air ial, in etetal ilo kien eo Aõ einwõt kwe kwar etal imaõ. 17 Inem, O Jeova, Anij in Israel, en mol wõt am in nan, eo Kwar konono kake ñõn dri korijerõm Devid.

18 A Anij e naj jokwe wõt iben armij ion lõl ke? Lo, lõn ko im lõn in lõn ko re ban drebij yuk; e nañin driklok mwin emwij aõ kalek e! 19 Ijoke, Kwon roñjake jar an dri kori-

jerõm, im akwelap eo an, O Jeova, aõ Anij, im eoroñ lamij im jar an dri korijerõm, ij jar kake imam; 20 bwe mejõm ren bellok ñõn mwin ran im boñ, ñõn jikin eo Kwar ba kake Kwo naj likit etõm ie; bwe Kwon eoroñ jar eo an dri korijerõm e naj jar ñõn jikin in. 21 Im Kwon eoroñ akwelap ko an dri korijerõm, im an Israel, dri aililõ eo Am, ñe rej jar ñõn jikin in: aet, Kwon roñjake jen jikõm, jen lõn ko; im ñe Kwoj roñjake, Kwon jolok bwir.

22 Elañe juõn eman ej bwir nae dri turin, im rej likit juõn kanõjnij ion, im ej item kanõjnij iman lokatok eo Am ilo mwin; 23 inem Kwon roñjake jen lõn ko, im kõmõne, im ekajeti ro dri korijerõm, im nawõnan ro dri nana, im bõktok ial eo an ion bõran; im kowãnik eo dri jime, im lelok ñõn e kar ñõn wãnik eo an.

24 Im elañe e jorran ro drom Israel iben ro rej kijirãte ir, kin air bwir nae Yuk, im rej oktõk im kwalok etõm, im jar im akwelap imam ilo mwin; 25 inem Kwon roñjake jen lõn ko, im jolok lwir an ro drom Israel, im bar añintok ir ilo eneo Kwar lelok ñõn ir im ñõn ro jimair.

26 Ñe e kilik lõn ko, im ejelok wut, kin air bwir nae Yuk; elañe rej jar ñõn jikin in, im kwalok etõm, im oktõk jen air bwir, ñe Kwoj kejjorran ir: 27 inem Kwon roñjake ilo lõn ko, im jolok bwir eo an ro dri korijerõm, im an ro drom Israel, ñe Kwoj katakin ir ial eo emõn, ren etetal iloan; im Kwon jilkinlok wut ion eneo Am, eo Kwar lelok ñõn ro drom bwe en air jolit.

28 Elañe eor ñita ilo eneo, elañe juõn mij e nana, elañe eor kamenoknok ak li, lokõs ak katerpillar; elañe ro dri kijirãte ir rej nitbwil ir ilo enen jikin kwelok ko air; jabrewõt men in kaiñtan ak jabrewõt nañinmij ej ie; 29 jabrewõt jar im akwelap jabrewõt armij ej kõmõne, ak ro drom Israel otemjej, ro jabrewõt iair e naj jela iñtan eo an im buromõj eo an, im e naj erlokwe pein ñõn mwin; 30 inem Kwon roñjake jen lõn ko,

jikōm, in Kwon jolok bwir, im lelok ñōn jabrewōt armij ekar ñōn ial otemjej an, im buruen Kwo jela kake; (bwe Kwe, Kwe wōt Kwo jela buru ko buruen ro nejn armij); 31 bwe ren mijōk Yuk, im etetal ilo ial ko Am, iomin ien eo ñe rej mour ilo eneo Kwar lelok ñōn ro jemem.

32 Bar juōn, kin eo drua maijet, eo e jab ian ro drom Israel, ñe ej itok jen juōn ene etolok kin etōm elap, im kin peōm e kajur, im kin peōm erlokwe; ñe rej jujeltok ñōn mwin im jar; 33 inem Kwon roñjake jen lōñ ko, jen jikōm, im kōmōn ekar ñōn aolepen men ko drua maijet eo ej kajitōk ibōm kake; bwe ro dri ailiñ otemjej ilōl ren jela etōm, im mijōk Yuk, einwōt ro drom Israel, im bwe ren jela kin air naetan mwin, emwij aō kalek e, ilo etōm.

34 Elañe ro drom rej drioiñlen tōrinaek ro dri kijirāte ir, ilo jabrewōt ial Kwo naj jilkinlok ir ie, im rej jujeltok im jar ñōn jikin kwelok in Kwar kālet e, im ñōn mwin I ar kalek e ñōn etōm; 35 inem Kwon roñjake jen lōñ ko, air jar im air akwelap, im jibōñ ir wōt, im jolok bwir jen ro drom rar jerawiwi nae Yuk.

36 Elañe rar jerawiwi nae Yuk, (bwe ejelok juōn armij e jab jerawiwi), im Kwoj illu ibeir, im lelok ir ñōn ro rej kijirāte ir, einwōt bwe ren bōklok ir, dri jebokwe ñōn juōn ailiñ etolok ak ebak; 37 ijoke, elañe ej ieñaktok air ilo ene eo rej dri jebokwe, im oktōk, im akwelap ibōm ilo enen air jebokwe, im ba, Kim ar jerawiwi, kim ar anke im jeral ilo jab jime; 38 elañe rej jebakwoj kin aolepen burueir im aolepen air ilo enen air jebokwe, ijo rar bōklok ir dri jebokwe, im jar im jujeltok ñōn eneo Kwar lelok ñōn ro jimair, im jikin kwelok eo Kwar kālet e, im ñōn mweo, eo I ar kalek ñōn etōm; 39 inem Kwon roñjake jen lōñ, jen ijo Kwoj jokwe, air jar im akwelap, im kowānik ir, im jeorlok bwir ko an ro drom ro rar jerawiwi nae Yuk.

40 Kiō, O aō Anij, ij akwelap ñōn Yuk, mejōm ren bellok, im lojiliñōm

ren eoroñ jar eo re naj jare ilo jikin in. 41 Inem kiō, O Jeova Anij, Kwon jerkak ñōn iloan jikin kakije eo Am, Kwe im dipdip eo an Am kajur: pris ro Am, O Jeova Anij, ren kōnōk men in lomor, im ro Am ro kwojarjar ren lōñliñ ilo emōn; 42 O Jeova Anij, Kwon jab kajeor turin mejen eo Kwar kabit e: Kwon kememey tiriamokake ko Am ñōn Devid dri korijerōm.

7 A ke Solomon e ar kamwijlok jar eo an, <sup>1</sup>kijeek e ar wōnlōltok jen lōñ, im tile katok kijeek im men in katok ko: im aibujbuij an Jeova ej kobrōk mweo. 2 Im pris ro re jab maroñ in dreloñ ilo mweo imōn Jeova, bwe aibujuij an Jeova e ar kobrōk mweo imōn Jeova. 3 Im ro nejn Israel otemjej rar kalimjeke ke kijeek eo e ar wōnlōltok, im aibujuij an Jeova e ar ber ion mweo; im rar barikrik kin turin mejeir ñōn lōl ion eran loan worwor, im rar kabuñ, im kamolol Jeova, im re ba, Bwe Ej emōn; bwe tiriamokake eo An ej ber ñōn in drio.

4 <sup>2</sup>Inem kiñ eo im armij otemjej rar katok iman Jeova. 5 Im kiñ Solomon e ar katok men in katok roñoul ruo tausan ox, im jibuki roñoul tausan sip. Ein drein kiñ eo im armij otemjej rar lelok mweo imōn Anij. 6 Im pris ro rar jutōk ekar ñōn jeral ko air; bareinwōt ro dri Livai im ibeir ken kajōñjōñ an Jeova, ko Devid kiñ eo e kar kōmōnmōni in kamolol Jeova kake (bwe An tiriamokake ej ber ñōn in drio), ke Devid e ar nebar kin air jibōñ e: im pris ro rar jilil imair: im aolepen Israel rar jutōk. 7 Bar juōn, Solomon e ar kwojarjar lukwōn worwor eo iman mweo imōn Jeova; bwe ijo e ar lelok katok kijeek ko, im kioeo an katok ainemōn ko, kin ke lokatok jinibōrōrō eo Solomon e ar kōmōnmōne e jab maroñ in bōk katok kijeek eo im katok flauo, im kioeo eo.

8 Ein drein Solomon e ar kōmōn kwojkwoj ien eo iomin jiljilimjuōn ran, im iben dri Israel otemjej, juōn

jar e kanuij lap, jen Hemat nōn river erik in Ijpt. 9 Im ilo ran eo ken ka drualitōk rar kōmōn juōn ran in kwelok : bwe rar kejbārok kwojkwoj in lelok lokatok eo iomin jiljilimjuōn ran, im kwojkwoj eo jiljilimjuōn ran. 10 Im ilo ran eo ken ka roñoul jilu in aliñ ken ka jiljilimjuōn, e ar jilkinlok armij ro nōn im nuknuk ko air, re mōnōn im lōñliñ ilo buruer kin emōn eo Jeova e ar kwalok nōn Devid, im nōn Solomon, im nōn Israel ro dri ailiñ eo An.

11 Ein drein Solomon e ar kamwijlok imōn Jeova, im imōn kiñ eo: im men ko otemjej-rar dreloñ ilo buruen Solomon bwe en kōmōnmōne ilo imōn Jeova, im ilo mweo imōn, e ar jerammōn in kōmōni. 12 Im Jeova e ar weaktok nōn Solomon ilo boñ, im ba nōn e, Emwij Aō eoroñ am jar, im I ar kålet jikin in nōn Na juōn imōn katok. 13 Elañe Ij kili lōñ ko inem ejelok wut, a elañe Ij jiroñ lokōs eo bwe en kokkure eneo, ak elañe Ij jilkinlok nañinmij e nana nōn ro droō; 14 elañe ro droō, naetair kin eta, rej kōtaik re mōke, im jar, im kabukot turin meja, im illok jen ial ko air re nana; inem I naj roñjake jen lōñ, im I naj jolok air bwir, im I naj kaejmour eneo. 15 Kiō meja re naj bellok, im lojiliñiō re naj jujellok nōn jar eo rej jare ilo jikin in. 16 Bwe kiō emwij Aō kålet im kokwojarjar mwin bwe eta en ber ie nōn in drio: im meja im buruō re naj ber ijo ien otemjej. 17 Im kin kwe, elañe kwo naj etetal imaō einwōt Devid e ar etetal, im kōmōn men otemjej einwōt I ar jiroñ yuk kake, im kwo naj bokake kien ko Aō im nan in kaiñi ko Aō; 18 inem I naj kabin tron eo an ailiñ eo am, einwōt I ar kōmōn bujen iben Devid, jemōm, im I ar ba, e jamin likjōp jen kwe juōn eman in iroi j ion Israel.

19 A elañe kom naj illok, im likit kien ko Aō im nan in kaiñi ko Aō emwij Aō likiti imami, im kom naj ilen korijer nōn anij ro jet, im kabuñ nōn ir; 20 inem I naj kōtep ir jen eneo I ar lelok nōn ir; im mwin I

ar kokwojarjar e nōn eta, I naj jolok e jen iman meja, im I naj kōmōne juōn jabōn kennan im nan in jekron iben dri ailiñ otemjej. 21 Im mwin, eo e kanuij utiej, jabrewōt eo ej kijone e naj bwilōñ kake, im e naj ba, Etke ein drein an Jeova kōmōn nōn ene in, im nōn mwin? 22 Im re naj uak, Kin ke rar illok jen Jeova, Anij an ro jimair, Eo e ar kadrioiptok ir jen ene Ijpt, im rar bōk anij ro jet, im kabuñ nōn ir, im jermal nōn ir: kin men in E ar bōktok aolepen jorran in ioir.

8 Im i<sup>1</sup> jemlokōn roñoul yiō, iloir Solomon e ar kalek mweo imōn Jeova, im mweo imōn, 2 jikin kwelok ko Hiram e ar lelok nōn Solomon, Solomon e ar kaleki, im kōmōn bwe ro nejnin Israel ren jokwe ie.

3 Im Solomon e ar ilok nōn Hematzoba, im bōk anjo ion. 4 Im e ar kalek Tadmor ilo ene jemaren, im jikin kwelok mweiuk otemjej, e ar kaleki i Hemat. 5 Bareinwōt e ar kalek Bet-horon eo ilōñ, im Bet-horon eo etā, jikin kwelok ko re kajur, eor air worwor, im aor ko, im alal ko; 6 im Bealat, im jikin kwelok mweiuk otemjej an Solomon, im jikin kwelok otemjej nōn jariot ko an, im jikin kwelok otemjej nōn ro dri uwe ion ors, im jikin otemjej Solomon e kōnan kaleki im mōnōnō kake ilo Jerusalem, im i Lebanon, im ilo aolepen ailiñ eo an.

7 Kin armij otemjej rar berwōt ian ro dri Het, im ro dri Amor, im ro dri Periz, im ro dri Hiv, im ro dri Jibus, ro re jab ian ro dri Israel, 8 ian ro nejir rar ber elikir ilo eneo, ro nejnin Israel rar jab mōn ir, iair Solomon e ar kōmōn juōn jaran ro dri korijeran nōn ranin. 9 A ian ro nejnin Israel Solomon e ar kōmōn ejelok dri korijer nōn jermal eo an: a rar dri tōrinae im iroi j ion kapen ro an, im iroi j ro ion jariot ko an, im dri uwe ion ors. 10 Im rein ro dri kabwijrōk re utiej an kiñ Solomon, rubuki limñoul, rar iroi j ion armij rōn.

11 Im Solomon e ar āninliñtok kōra

<sup>1</sup> I Kiñ 9. 1 28.

eo nejin Pero jen jikin kwelok an Devid n̄on mweo emwij an kalek n̄on e; bwe e ar ba, Lio beliō e jamin jokwe ilo imōn Devid, kiñ in Israel, bwe e kwojarjar jikin kwelok ko dipdip an Jeova e ar ilok n̄oni.

12 Inem Solomon e ar lelok n̄on Jeova katok kijeek ko, ilo lokatok eo e ar kalek iman portiko eo, 13 einwōt kien jabrewōt ran, ekar n̄on nan ko an Moses, ilo Sabat ko, im ilo aliñ ko rekāl, im ilo kwojkwoj in jiroñ ko, <sup>1</sup> jilu alen ilo juōn yiō, aet kwojkwoj in bred e jab uwe, im kwojkwoj in wik ko, im ilo kwojkwoj in imōn kabər ko.

14 Im e ar likit ekar n̄on kien Devid, jemen, lajrōk ko in pris ro n̄on air korijer, im dri Livai n̄on air jermal in nebar, im in korijer iman pris ro, einwot kien jabrewōt ran e ar jiroñ; ro dri lale kejem ko bareinwōt, ilo jabrewōt kejem ilo lajrōk ko air: bwe ein drein Devid, armij dron Anij e ar jiroñ. 15 Im rar jab illok jen kien kiñ eo n̄on pris ro im ro dri Livai kien jabrewōt men, ak kin jabrewōt mweiuk.

16 Ak alepen jermal ko an Solomon, ar kapoji n̄on ran in loñtōn mweo imōn Jeova, im mae ien kamwijloke. Ein drein ar kajemlok air kalek imōn Jeova.

17 Inem Solomon e ar ilok n̄on Izion-giber, im n̄on Elot i barijit ilo ene Idom. 18 Im Huram e ar jilkinlok n̄on iben kiñ kin pein ro dri korijeran, wa ko, im ro dri korijer rar jela meto; im rar itok iben ro dri korijeran Solomon, n̄on Ofir, im bōktok jen e jibuki limñoul talent gold, im bōktok n̄on iben kiñ Solomon.

9 Im <sup>2</sup> ke liroi j in Shiba e ar roñjake buñbuñ an Solomon, e ar iten melejoñ Solomon kin kajitōk ko re bin i Jerusalem, im iben elōñ armij, im kamel ko rar inek spais ko, im elōñ gold, im dreka re aurōk; im ke e mottok n̄on iben Solomon, e ar kōmao iben kin men ko otemjej ilo buruen. 2 Im Solomon e ar kennanek e nan in kajitōk otemjej an; ejelok men eo e

nojōk jen Solomon im e ar jab kennanek e. 3 Im ke liroi j in Shiba e ar lo meletlet an Solomon, im mweo imōn emwij an kalek e, 4 im kijen ilo tebel eo an, im an ro dri korijeran jijōt, im wāwen an ro dri kabwijrōk jermal n̄on e, im nuknuk ko air, ro dri ititōk an bareinwōt, im nuknuk ko air, im ialliñlok e ar wōñliñlok kake n̄on imōn Jeova: e nañin lokjenan. 5 Im e ar ba n̄on kiñ eo, E ar juōn nan emol eo I ar roñjake ilo eneo aō kin kōmōn ko am, im kin am meletlet. 6 Ijoke I ar jab tōmak air in nan, mae ien aō iten loe; im lo, ar jab kennanek iō jibilkwōn lapen am meletlet; kweo kwoj utiej jen buñbuñ eo I ar roñjake. 7 Re mōnōnō armij ro drom, im re mōnōnō rein ro dri korijerōm, ro rej jutōk imam ien otemjej, im roñjake am meletlet. 8 E mōnōnō Jeova am Anij, Eo e ar yokwe yuk im kajijōt yuk ion tron eo An, bwe kwon kiñ n̄on Jeova am Anij: kin ke am Anij ej yokwe Israel, in kabin ir n̄on in drio, inem E ar kairoij yuk kiñ ioir, bwe kwon kōmōn wānik im jime.

9 Im e ar lelok n̄on kiñ eo jibuki roñoul talent gold, im elōñ spais, im dreka re aurōk: im ejelok bar spais einwōt ko liroi j in Shiba e ar lelok n̄on kiñ Solomon. 10 Im bareinwōt ro dri korijeran Huram, im ro dri korijeran Solomon, ro rar ektōktok jen Ofir, rar ektōktok wijki algum ko, im dreka re aurōk. 11 Im kiñ eo e ar kōmōnmōn jen wijki algum ko, ken uwe ko n̄on imōn Jeova, im n̄on mweo imōn kiñ, im arp ko im salteri ko n̄on ro dri al: im rar lo ejelok einwōt mokta ilo ene Juda. 12 Im kiñ Solomon e ar lelok n̄on liroi j in Shiba men ko otemjej ej kōnake, jabrewōt eo e ar kajitōk kake, eor jen men ko e ar bōktok n̄on kiñ eo. Ein drein e oktōk, im ilok n̄on eneo an, e im ro dri korijeran.

13 Ak <sup>1</sup> erron gold e ar itok n̄on iben Solomon ilo juōn yiō, jilu buki jiljinoñoul jiljino talent gold, 14 eor jen eo ro dru wia rar bōktok: im kiñ

<sup>1</sup> Ex. 28. 14-17. <sup>2</sup> 1 Kiñ 10. 1-15, Matu 12. 42

<sup>1</sup> 1 Kiñ 10. 14-28.



otemjej in Arebia im iroiĵ rōn in eneo rar bōktok gold im silver nōn Solomon. 15 Im kiñ Solomon e ar kōmōnmōn rubuki ken tōrak jen gold nowe : jiljino shekel in gold nowe ilo juōn ken tōrak. 16 Im e ar kōmōnmōn jilu buki likipijñōk jen gold nowe; jilu buki shekel gold ilo juōn likipijñōk : im kiñ eo e ar likiti ilo imōn wijki in Lebanon. 17 Bareinwōt kiñ eo e ar kōmōn juōn tron elap jen aivori, im e ar nakilin kin gold erreō. 18 Im jiljino jekairu ken uwe ilo tron eo, im juōn eran ne jen gold, emwij kabin e nōn tron eo, im jikin pā ko ilo turin ko iturin jikin jijōt, im ruo laion rej jutōk ebak pā ko. 19 Im joñoul ruo laion rej jutōk ijen im ijen, ilo jekairu ko jiljino : ejelok bar juōn wāwen ar kōmōnmōne einwōt ilo jabrewōt aliñ. 20 Im jābi in irak otemjej an Solomon jen gold, im jābi otemjej in mweo imōn wijki ko jen Lebanon, gold erreō; rej lemnok ejelok tokjen silver ilo ran ko an Solomon. 21 Bwe iben Solomon eor wa ko rar ilok nōn Tarshish, im iloir ro dri korijeran Hiram : juōn alen ilo jilu yiō wa ko wan Tarshish rar itok, im ektōktok gold im silver, aivori, im kiru ep ko, im bao pikok ko.

22 Ein drein kiñ Solomon e ar mweie im meletlet jen kiñ ro otemjej ilo lōl. 23 Im kiñ ro otemjej an lōl rar bukot mejen Solomon in roñjake meletlet eo an, eo Anij e ar likit ilo buruen. 24 Im jabrewōt iair e ar bōktok owōj eo an, jābi silver ko im jābi gold ko, im nuknuk ko, im ken tōrak in tōrinae, im spais ko, ors ko, mul ko. jet ilo jabrewōt yiō. 25 Im an Solomon emen tausān rum nōn ors ko im jariot ko, im roñoul tausān dri uwe ion ors e ar likit ir ilo jikin kwelok ko an jariot im iben kiñ eo i Jerusalem. 26 Im e ar iroiĵ ion kiñ ro otemjej jen River eo nōn enen ro dri Pilistia, im nōn tōreren Ijĵipt. 27 Im kiñ eo e ar kōmōn bwe silver ilo Jerusalem en einwōt dreka ko, im e ar kōmōn bwe wijki aik rej einwōt wijki sikomor rej ilo ene etā, kin air lōñ. 28 Im rar bōktok ors

ko nōn Solomon jen Ijĵipt, im jen ene otemjej.

29 A <sup>1</sup>kōmōn ko jet an Solomon, ko mokta im eliktata, ar jab jeje ilo bwebwenato an Netan dri kanan, im ilo nan in drikanij an Ehaija dri Shailo, im ilo vison ko an Iddo dri lolo kin Jeroboam nejin Nibat ke? 30 Im Solomon e ar kiñ ilo Jerusalem ion aolepen Israel iomin eñoul yiō. 31 Im Solomon e ar kiki iben ro jiman, im rar kalibwin e ilo jikin kwelok an Devid, jemen: im Rihoboam e ar kiñ im binej jenkwōn.

10 Im <sup>2</sup>Rihoboam e ar ilok nōn Shikem; bwe ro dri Israel otemjej rar itok nōn Shikem in kōmōne kiñ. 2 Im ein drein ke Jeroboam, nejin Nibat, e ar roñjake, (bwe e ar ber ilo Ijĵipt, ijo e ar ko nōn e jen mejen kiñ Solomon), inem Jeroboam e ar jeblaktok jen Ijĵipt. 3 Im rar jiliklok im kirtok e: im Jeroboam kab dri Israel otemjej rar itok, im rar konono nōn Rihoboam, im ba, 4 Jemōm e ar kōmōn bwe am inek en kanuij erro: kin men in kwe kwon kōmōn bwe korijer e nana an jemōm im inek eo an e erro e ar likit iom en meralok, inem kim naj korijerōm. 5 Im e ar ba nōn ir, Komin bar itok nōn iba elikin jilu ran. Im armij ro rar ilok.

6 Im kiñ Rihoboam e ar bebe iben ridto rōn, ro rar jutōk iman Solomon, jemen, ke e ar mour, im e ba, Bebe ot komij kwalok nōn iō bwe in lelok nan in uak nōn armij rein? 7 Im rar konono nōn e im ba, Elañe kwo joiĵ nōn armij rein, im kabuñburueir, im konono nan ko remōn nōn ir, inem re naj dri korijerōm nōn in drio. 8 A e ar jolok bebe an ridto rōn, eo rar kwalok nōn e, im e ar bebe iben likao, ro re kar ridtolok iben, ro rar jutōk iman. 9 Im e ar ba nōn ir, Bebe ot eo komij kwalok e, bwe jen lelok nan in uak nōn armij rein, ro rar konono nōn iō, im ba, Kwon kōmōn bwe inek eo jemōm e ar likit iom en merālok? 10 Im likao ro, ro rar ridtolok iben rar konono nōn e im ba, Ein drein

<sup>1</sup> 1 KIĀ 11. 41-43. <sup>2</sup> 1 KIĀ 12. 1-20.

kwon konono ñon armij ro rar konono ñon yuk, im re ba, Jemôm e ar kômôn bwe inek eo am en erro, a kwe kwon kômôn bwe en meralok ñon kim: ein drein kwon ba ñon ir, Arririk in peið e naj killip jen ibin jema. 11 Im kið, ke jema e ar likit iomi juðn inek e erro, I naj kobaik ñon inek ne ami: jema e ar dreñlokwe kom kin ken dreñdreñ ko, a I naj dreñlokwe kom kin marebep ko.

12 Ein drein Jeroboam im armij otemjej rar itok ñon iben Rihoboam ilo ran eo ken ka jilu, einwöt kiñ eo e ar jiroñ ir, im e ba, Komin bar itok ñon iba ilo ran eo ken ka jilu. 13 Im kiñ e ar uak ir kin nan re bin; im kiñ Rihoboam e ar jolok bebe an ridto rôn, 14 im e ar ba ñon ir, einwöt bebe eo an likao rôn, im e ba, Jema e ar kômôn bwe ine eo ami en erro, a ña I naj kobaik ñon e; jema e ar dreñlokwe kom kin ken dreñdreñ ko, a I naj dreñlokwe kom kin marebep ko. 15 Ein drein kiñ eo e ar jab eoroñ armij rôn; bwe men eo jen Anij, bwe Jeova en kamol nan eo E ar konono kin Ehajja dri Shailo ñon Jeroboam nejin Nibat.

16 Im ke ro dri Israel rar lo bwe kiñ eo e jab eoroñ ir, armij ro rar uak ñon kiñ eo, im ba, Ewi amuij kij ilo Devid? Im ejelok amuij jolit ilo nejin Jesse: jabrewöt armij ñon mo ko imwemi, O Israel: inem kið, Devid, kwon môke lale mweo imôm! Ein drein dri Israel otemjej rar ilok ñon mo ko imweir. 17 A kin dri Israel ro rar jokwe ilo jikin kwelok ko an Juda, Rihoboam e ar kiñ ioir. 18 Ien eo kiñ eo e ar jilkinlok Hadoram, eo e ar iroiñ ion ro dri jermal: im ro nejin Israel rar kare e kin dreka inem e mij. Im kiñ Rihoboam e ar kaiur e im uwe liñlok ilo jariot eo an bwe en ko ñon Jerusalem. 19 Ein drein Israel rar kabata nae mweo imôn Devid ñon ranin.

**11** Im <sup>1</sup>ke e mottok Rihoboam ñon Jerusalem, e ar kokweloktok imôn Juda im Benjamin, jibuki dualitôkñoul tausan armij ro ar kâ-

let ir, ro dri tōrinae, bwe en tōrinaek Israel, im kejeblaktok ailiñ eo ñon Rihoboam. 2 A nan jen Jeova e ar itok ñon Shemeaia armij òn Anij, im ba, 3 Kwon konono ñon Rihoboam nejin Solomon, kiñ in Juda, im ñon aolepen Israel ilo Juda im Benjamin, im ba, 4 Ein drein Jeova ej ba, Komin jab wōniñlok ak tōrinaek ro jeñmi im jätōmi: komin jeblaktok jabrewöt armij ñon mweo imôn: bwe men in jen Na. Ein drein rar eoroñ nan ko jen Jeova, im rar jeblak jen air ilen tōrinaek Jeroboam.

5 Im Rihoboam e ar jokwe i Jerusalem, im e ar kalek jikin kwelok ko re bin i Juda. 6 E ar kalek Betleem, im Itam, im Tekoa, 7 im Bet-zur, im Soko, im Adullam, 8 im Gat, im Maresha, im Zip, 9 im Adoreim, im Lekish, im Azika, 10 im Zora, im Aijalon, im Hibron, ir ko ilo Juda im Benjamin, jikin ko eor air worwor. 11 Im e ar kalek jikin ko re bin, im likit kapen ioir, im ekōn, im oil im wain. 12 Im ilo jikin kwelok otemjej e ar likit mōri ko im likipijñök ko, im e ar kanuij kabinloki. Im iben, Juda im Benjamin.

13 Im pris ro im ro dri Livai, ro rar ber ilo aolepen Israel, rar kweloktok ñon iben jen aolepen tōrereir. 14 Bwe ro dri Livai rar likit wujeir iturin jikin kwelok ko, im men ko air, im rar itok ñon Juda im Jerusalem: bwe Jeroboam im ro nejin rar jolok ir bwe ren jab kômôn jermal in pris ñon Jeova: 15 im e ar kâlet ñon e, pris ro ñon jikin ko re utiej, ñon got koman ko, im kon in kau ko e ar kômōnmōni. 16 Im elikir, jen bwij otemjej bwijin Israel, ro rar kabin burueir im bukot Jeova, rar itok ñon Jerusalem bwe ren katok ñon Jeova, Anij an ro jimair. 17 Ein drein rar kakajur ailiñ in Juda, im kômôn bwe Rihoboam nejin Solomon en kajur iomin jilu yið; bwe iomin jilu yið rar etetal ilo ial an Devid im Solomon.

18 Im Rihoboam e ar belek juðn kōra, Mehelat nejin Jerimot nejin Devid, im Abiheil lio nejin Ilaiab ne-

<sup>1</sup> 1 KIR 12. 21-24.

jin Jesse; 19 im e ar keutak nōn e man ro nejin: Jiush, im Shemaraia, im Zeham. 20 Im elikin lio e ar bōk Meaka lio nejin Absalom; im e ar keutak nōn e Ebaija im Attai, im Zaiza, im Shelomit. 21 Im Rihoboam e ar yokwe Meaka nejin Absalom elap jen limaro belen otemjej im konkubain ro: (bwe e ar bōk joñoul drualitōk kōra ro belen, im jiljinoñoul konkubain, im e ar keutak roñoul drualitōk nejin man, im jiljinoñoul nejin kōra). 22 Im Rihoboam e ar likit Ebaija nejin Meaka bwe en lijiklok, iroijs eo iben ro jein im jātin: bwe e ar lemnok in kōmōn e kiñ. 23 Im e ar kōmōn meletlet, im kijibliklok lōmaro nejin ilo aolepen ene in Juda im Benjamin, nōn jabrewōt jikin kwelok e bin: im e ar lelok nōn ir elōñ ekōn. Im e ar kabukot nōn ir elōñ kōra ro beleir.

**12** Ein drein ke emwij kabin ailiñ eo nōn Rihoboam, im e ar kajur wōt, inem e ar illok jen kien Jeova, im aolepen Israel rar kōmōn einwōt. 2 Im ilo yiō eo ken ka lailim an Rihoboam, Shaishak kiñ in Ijpt e ar wōnliñtok nae Jerusalem, bwe rar jerawiw nae Jeova, 3 im iben, joñoul ruo tausan jariat, im jiljinoñoul tausan dri uwe ion ors. Im ejelok oran armij ro rar itok ibentok jen Ijpt: ro dri Lubia, dri Sukkai, im ro dri Itiopia. 4 Im e ar bōk jikin kwelok ko re bin, im itok nōn Jerusalem. 5 Ak Shemeaia, dri kanan, e ar itok nōn iben Rihoboam, im nōn iroijs ro in Juda, ro rar kweloktok nōn Jerusalem kin Shaishak, im e ba nōn ir, Ein drein Jeova ej ba, Kom ar illok jen Na, kin men in I ar bareinwōt likit kom ilo pein Shaishak. 6 Inem iroijs ro in Israel im kiñ eo rar mōke kōtaik ir; im ba, E wānik Jeova. 7 Im ke Jeova e ar lo air kōtaik ir mōke, nan jen Jeova e ar itok nōn Shemeaia, im E ba, Emwij air mōke kōtaik ir: I jamin kokkure ir: a I naj lelok nōn ir lomor kin jimōtōn, im jamin lutōklok Aō illu ion Jerusalem kin pein Shaishak. 8 Ijoke, re naj dri korijeran, bwe ren jela Aō jermal, im jermal an ailiñ ko.

9 Ein drein <sup>1</sup>Shaishak kiñ in Ijpt e ar wōnliñtok nae Jerusalem, im e ar bōklok mweiuk ko an imōn Jeova, im mweiuk ko an imōn kifi eo: e ar aolepilok; bareinwōt e ar bōklok likipijñōk gold ko Solomon e ar kōmōnmōni. 10 Im Rihoboam e ar kōmōnmōni likipijñōk jinibōrōrō ko bwe ren binej jenkwair, im lelok ilo pein kapen an ro dri bar, ro rar kejbārok kejem in mweo imōn kiñ eo. 11 Im ein drein jabrewōt ien ke kiñ eo e ar dreloñ ilo imōn Jeova, ro dri bar rar item bōki, im bar bōkilot nōn iloan mweo an ro dri bar. 12 Im ke e ar mōke kōtaik e, illu an Jeova e ar oktōk jen e, bwe En jab kejebeplok wōt; im bareinwōt ar lo men ko remōn ilo Juda.

13 Ein drein <sup>2</sup>Rihoboam e ar mōke kakajur e ilo Jerusalem, im iroijs bwe Rihoboam e ar ridtōn eñoul juōn yiō ke e ar jino an kiñ, im e ar kiñ iomin joñoul jiljilimjuōn yiō ilo Jerusalem, jikin kwelok eo Jeova e ar kålet e jen bwij otemjej bwijin Israel, bwe En likit etan ie: im etan jinen, Neama dri Amon. 14 Im e ar kōmōn nana, bwe e ar jab likit buruen bwe en bukot Jeova.

15 Ak jermal ko an Rihoboam, ko mokta im ko eliktata, ar jab jeje ilo bwebwenato ko an Shemeaia dri kanan, im an Iddo dri lolo, ilo wāwen nan in ebeben ko ke? Im ien otemjej ikotan Rihoboam im Jeroboam e kar or tōrinae. 16 Im Rihoboam e ar kiki iben ro jiman, im ar kalibwin e ilo jikin kwelok an Devid: im Ebaija nejin, ej kiñ im binej jenkwōn.

**13** <sup>3</sup>Ilo yiō eo ken ka joñoul drualitōk an kiñ Jeroboam, Ebaija e ar jino an kiñ ion Juda. 2 E ar kiñ i Jerusalem iomin jilu yiō: im etan jinen Maikeaia, nejin Uraiel dri Gibia. Im juōn tōrinae ikotan Ebaija im Jeroboam. 3 Im Ebaija e ar jino an tōrinae kin juōn jar in tōrinae, armij re beran, ābuki tausan armij, ar kålet ir, re beran im kajur. 4 Im Ebaija e ar jutōk ilo tol Zemareim, eo ilo enen tol ko an Ipreim, im e ba,

<sup>1</sup> 1 KIN 14. 26-28. <sup>2</sup> 1 KIN 14. 21. <sup>3</sup> 1 KIN 15. 1, 2.

Komin roñjake ið, O Jeroboam im dri Israel otemjej: 5 E jab emõn ke bwe komin jela bwe Jeova, Anij in Israel, E ar lelok ñõn Devid bwe en iroiñ ion Israel ñõn in drio, aet, ñõn e im ro nejin man, kin juõn bujen in jätök? 6 Ijoke, Jeroboam nejin Nibat, kori-jeran Solomon nejin Devid, e ar ju-tök, im kabata nae iroiñ eo an. 7 Im e ar kokweloktok ñõn iben armij re wan, dri kômõn bata, ro rar mõke kakajur ir, nae Rihoboam nejin Solomon, ke Rihoboam e ar likao wõt im e ub an lemnok, im e jab maroñ in jumae ir. 8 Im kiõ komij lemnok in jumae ailiñ an Jeova, ilo pein ro nejin Devid: im kom juõn jar elap, im ibemi kon in kau ko gold, ko Jeroboam e ar kômõnmõni anij ñõn kom. 9 Kom ar jab ubakelok pris ro an Jeova ke, ro nejin Aron, im ro dri Livai, im kômõn ñõn kom pris ro ilo wäwen dri ailiñ ko ilo ene ko jet? Einwõt bwe jabrewõt eo ej iten kokwojarjar e kin juõn kau koman emõn ridtõn im jiljilimjuõn sip koman, armij eo e maroñ in pris ñõn ro re jab anij rõn. 10 A kin kim, Jeova ej amuij Anij, im kim ar jab illok jen E; im ibem pris ro rej korijer ñõn Jeova, ro nejin Aron, im ro dri Livai ilo air jeral: 11 im rej tile katok kijeek ko im kai-jurjur e ñõj ñõn Jeova jabrewõt jiboñ: im rej likit bred in kalikar ion tebel eo erre: im jikin lamp gold kin lamp ko an, bwe en urur jota otemjej, bwe kimij kejbärok nan in jiroñ an Jeova amuij Anij: a kom ar illok jen E. 12 Im, lo, Anij ej ibem amuij dri tel, im bareinwõt pris ro An, im ibeir jilil in kajelaik ko, bwe ren jilil kin kom. O ro nejin Israel, komin jab törinaek Jeova, Anij an ro jemõmi; bwe kom jamin jerammõn.

13 A Jeroboam e ar <sup>1</sup> kômõn bwe juõn jar in kebao en itok elikir: ein drein rar ber iman Juda, im jar in kebao elikir. 14 Im ke Juda e ar reililklok, lo, törinae ej imair im elikir; im rar kir ñõn Jeova, im pris ro rar jilil. 15 Inem ro dri Juda rar lamij: im ke ro dri Juda rar lamij,

<sup>1</sup> Joeb. 8. 4-9.

ein drein Ebaija e ar mõn Jeroboam im aolepen Israel iman Ebaija im Juda. 16 Im ro nejin Israel rar ko jen iman Juda; im Anij e ar ketök ir na ilo peir. 17 Im Ebaija im ro dron rar mõn ir kin juõn im elap: ein drein rar bero im mij jen Israel limabuki tausan armij ro ar kålet ir. 18 Ein drein ar kõtaih ro nejin Israel ien eo, im ro nejin Juda rar bök anjo, kin air liki Jeova Anij an ro jimair. 19 Im Ebaija e ar lukworkwor Jeroboam, im bök jen e jikin kwelok ko, Betel im jikin kwelok ko wujen, im Jeshna kab jikin kwelok ko wujen, im Ipron kab jikin kwelok ko wujen. 20 Im Jeroboam e ar jab bar kajurlok iomin ran ko an Ebaija: im Jeova e ar mõn e, inem e mij. 21 A Ebaija e ar kajurlok, im e ar bök ñõn iben, joñoul emen kõra belen, im e ar keutak roñoul ruo nejin man, im joñoul jiljino nejin kõra. 22 Im kômõn ko jet an Ebaija im ial ko an, im nan ko an, emwij jeje ilo buk in kemelele an Iddo dri kanan.

**14** Ein drein Ebaija e ar kiki iben ro jiman, im rar kalibwin e ilo jikin kwelok an Devid; im Esa nejin e ar kiñ im binej jenkwõn. Ilo ran ko an, eneo e ar ainemõn iomin joñoul yið. 2 Im Esa e ar kômõn men ko remõn im jime iman mejen Jeova Anij eo an: 3 bwe e ar böklok lokatok ko drua, im jikin ko re utiej, im rupe jur ko, im juokwe Ashira ko, 4 im e ar jiroñ Juda bwe ren kabukot Jeova, Anij an ro jimair, im bwe ren bokake kien eo im nan in kaiñ eo. 5 Bareinwõt e ar böklok jen jikin kwelok otemjej an Juda, jikin ko re utiej im men ko men in e einwõt al: im ailiñ eo e ar ainemõn iman. 6 Im e ar kalek jikin kwelok ko re bin i Juda; bwe eneo e ar ainemõn, im ejelok törinae iben iomin yið ko, bwe Jeova e ar lelok ñõn e kajije. 7 Bwe e ar ba ñõn Juda, Jen kalek jikin kwelok kein, im kômõnmõn iturir worwor ko im imõn bar ko, im aor ko im alal ko; eneo ej imar kin aruij kabukot Jeova aruij Anij; jar bukot E inem E ar letok ñõn kij kajije

ijoko otemjej. Ein drein rar kalek im jerammön. 8 Im iben Esa juön jar in törinae rar inek likipijñök ko im möri ko, ian dri Juda jilu buki tausan; im ian dri Benjamin, rar inek likipijñök ko im kiele libon ko, rubuki drualitötkñoul tausan: rein otemjej armij re beran im kajur.

9 Im Zira dri Itiopia e ar drioijtok mae ir, im iben juön jar in törinae juön tausan tausan, im jilu buki jariat; im e ar itok ñön Maresha. 10 Inem Esa e ar drioijlok im jumae e, im rar kalejar ilo komlöl in Zepheta i Maresha. 11 Im Esa e ar kir ñön Jeova, an Anij, im e ba, Jeova, ejelok dri jiböñ a Kwe wöt, ikötan eo e kajur im eo ejelok an kajur: Kwon jiböñ kim, O Jeova amuij Anij: bwe kimuij liki yuk, im ilo etöm kim ar iten jumae jar in elap. O Jeova, Kwe amuij Anij; armij ren jab bök anjo jen Kwe. 12 Ein drein Jeova E ar mön dri Itiopia iman Esa, im iman Juda; im ro dri Itiopia rar ko. 13 Im Esa im armij ro iben rar lukworkwor ir ñön Girar: im rar bero ian ro dri Itiopia elöñ, inem re ban bar bök air kajur: bwe emwij mön ir iman Jeova, iman jar in törinae eo An: im rar bökklok elöñ men in rakim. 14 Im rar mön jikin kwelok otemjej iturin Girar; mijök Jeova e ar itok ioir: im rar rakimi jikin kwelok otemjej; bwe elöñ men in rakim ilo ir. 15 Im rar kokkure mo ko im nuknuk im kiru ko, im äñinlok elöñ sip, im kamel ko, im rar jeblak ñön Jerusalem.

**15** Im Jitöb ön Anij e ar itok ion Azaraia, nejin Oded: 2 im e ar drioijlok in wönmae Esa, im e ar ba ñön e, Kwon roñjake iö, Esa, im aolepen Juda im Benjamin: Jeova ej ibemi elañe kom iben: im elañe komij kabukot E, kom naj lo E: a elañe kom illok jen E, E naj illok jen kom. 3 Ak etto an Israel aikwis Anij eo e mol, im iben ejelok pris dri katakin, im ejelok kien: 4 a ke ilo air iñtan rar öktök ñön Jeova, Anij in Israel, im bukot E, rar lo E. 5 Im ilo ien ko ejelok ainemön ñön eo e ar drioijlok, ak ñön eo e ar dre-

loñtok: a jorran elap ioir otemjej rar jokwe ilo ene ko. 6 Im emuij rupi ir ilo mötön ko, ailñ nae ailñ, im jikin kwelok nae jikin kwelok; bwe Anij e ar kejjorran ir kin iñtan elap. 7 A komin kajur, im peömi ren jab möjino: bwe e naj or wönan ami jermal.

8 Im ke Esa e ar roñjake nan kein, im drikanij an Oded dri kanan eo, e beranlok, im e ar jolok men in jöjök ko jen aolepen ene Juda im Benjamin, im jen jikin kwelok ko e ar böki jen ene e utiej in Ipreim: im e ar kökäl lokatok an Jeova, eo iman portiko an Jeova. 9 Im e ar kokweloktok aolepen Juda im Benjamin, im ro rar itoitök ibeir jen Ipreim im Menassa, im jen Simeon: bwe elöñ rar itok ñön iben jen Israel, ke rar lo bwe Jeova Anij ej iben. 10 Ein drein rar kweloktok i Jerusalem ilo aliñ eo ken ka jilu, ilo yiö eo ken ka joñoul lailim an Esa kiñ. 11 Im rar katok ñön Jeova ran eo, jen men in rakim rar böktok, jiljilimjuön buki ox im jiljilimjuön tausan sip. 12 Im rar kömön juön bujen in kabukot Jeova, Anij an ro jimair, kin aolepen burueir im kin aolepen air: 13 im jabrewöt eo e makoko in bukot Jeova Anij an Israel, naj mön e, elañe elap ak erik, man ak köra. 14 Im rar kanöjnjij ñön Jeova kin ainikeir elap, im kin lamij, im kin jilil ko, im kin kornet ko. 15 Im aolepen Juda rar löñliñ kin kanöjnjij eo; bwe rar kanöjnjij kin aolepen burueir, im kabukot E kin aolepen air könan; inem rar lo E: im Jeova e ar lelok ñön ir kakije ijoko otemjej.

16 Bareinwöt Meaka, jinen Esa kiñ, e ar kamökite e jen an liroj, kin an kar kömön juön men in e jöjök, bwe en Ashira; im Esa e ar juokwe men in e eo an, im köprakilkile, im tile i wea Kidron. 17 A jikin ko re utiej ar jab bökklok jen Israel; meñe, buruen Esa e ar wäppen iomin ran ko otemjej an. 18 Im e ar kadreloñtok ilo imön Anij men ko jemen e kar aje, im men ko e ar aje, silver im gold im jäbi ko. 19 Im ejelok bar juön tör-

nae n̄on yiō eo ken ka jil̄noul lailim an Esa kiñ.

**16** <sup>1</sup> Ilo yiō eo ken ka jil̄noul jil̄jino an Esa kiñ, Beasha kiñ in Israel e ar w̄onl̄nlok nae Juda, im e ar kalek Rema, bwe en b̄oprae an jabrewōt armij drioijlok ak dreloñtok n̄on iben Esa kiñ in Juda. **2** Inem Esa e ar b̄ok silver im gold jen mweuik ko an im̄on Jeova, im jen im̄on kiñ eo, im jilkinlok e n̄on iben Benhedad kiñ in Siria, eo e ar jokwe i Damas-k̄os, im e ba, **3** Juōn bujen ik̄otarro, einwōt ik̄otan jema im jem̄om: lo, emwij aō jilkinwoj silver im gold; kwon ilem rupe bujen eo am iben Beasha kiñ in Israel, bwe en ilok jen ña. **4** Im Benhedad e ar eorōñ kiñ Esa, im e ar jilkinlok kapen ro im jar in t̄orinae ko an nae jikin kwelok in Israel; im rar m̄on Aijon, im Dan, im Ebel-meim, im jikin kwelok ko otemej n̄on mweuik i Naptalai. **5** Im ein drein ke Beasha e ar roñjake, e ar likit an kalek Rema, im ej jokwor jen jermal eo an. **6** Inem Esa e ar b̄ok aolepen Juda; im rar b̄oklok dreka an Rema, im wijki ko an, Beasha e kar kalek kaki: im e ar kalek kaki Giba im Mizpa.

**7** Im ilo ien eo Hananai dri lolo e ar itok n̄on iben Esa kiñ in Juda, im e ba n̄on e, Kin am kar liki kiñ in Siria, im kwar jab liki Jeova am Anij, inem jar in t̄orinae an kiñ in Siria rar ko jen ilo peōm. **8** Ro dri Itiopia im dri Libia re jab juōn jar in t̄orinae elap, im ibeir e kanuij lōñ jariot im ro dri uwe ion ors ke? mekar-ta, kin am liki Jeova, E ar ketōk ir na ilo peōm. **9** Bwe mejen Jeova rej et̄orlok im et̄ortok ilo aolepen l̄ol, im m̄oke kwalok E kajur in jibōñ ro burueir re w̄appen n̄on E. Ilo men in kwar k̄om̄on men in bwebwe bwe jen ien in e naj ro t̄orinae ibōm. **10** Im Esa e ar illu n̄on dri lolo eo, im likit e na ilo im̄on prison; bwe e ar kanuij illu iben kin men in. Im Esa e ar kejjoran jet ian armij r̄on ien eo.

**11** Im lo, <sup>2</sup> k̄om̄on ko an Esa ko mokta im eliktata, lo, emwij jeje ilo

buk eo an kiñ ro kiñ in Juda im Israel. **12** Im ilo yiō eo ken ka jil̄foul druatimjuōn in an kiñ, Esa e ar nañinmij i neen; e kanuij nana nañinmij eo: a ilo an nañinmij e ar jab kabukot Jeova, a dru uno r̄on. **13** Im Esa e ar kiki iben ro jiman, im e mij ilo yiō eo ken ka eñoul juōn in an kiñ. **14** Im rar kalibwin e ilo l̄up ko an, ko emwij an jekjek n̄on e m̄oke ilo jikin kwelok an Devid, im likit e ilo aowej eo e obr̄ok kin bwi ko re-ñōj, im eor w̄awen spais ko re pojok kin kabel an dri jermal ilo men ko re ñōj; im rar k̄om̄on juōn kijeek e kanuij lap n̄on e.

**17** Im <sup>1</sup> Jihoshapat nejin e ar kiñ im binej jenkwōn, im e ar m̄oke kakajur e nae Israel. **2** Im e ar likit ro dri t̄orinae iloan jikin kwelok ko otemej re bin an Juda, im e ar likit ro dri t̄orinae ilo ene Juda, im ilo jikin kwelok in Ipreim, ko Esa jemen e ar b̄oki. **3** Im Jeova e ar ber iben Jihoshapat, bwe e ar etetal ilo ial ko mokta an Devid jemen, im e ar jab kabukot Beal ko, **4** a e ar kabukot Anij an jemen, im etetal ilo kien ko An, im jab lore k̄om̄on ko an Israel. **5** Kin men in Jeova e ar kakajur ail̄iñ eo an ilo pein; im aolepen Juda rar b̄oktok ow̄oj n̄on Jihoshapat: im iben elōñ mweuik, im nebar. **6** Im e ar leliñlok buruen ilo ial ko an Jeova: im bar juōn, e ar b̄oklok jikin ko re utiej im Ashira ko jen Juda.

**7** Bareinwōt ilo yiō eo ken ka jilu in an kiñ e ar jilkinlok iroi ro an, aet Ben-heil, im Obedaiia, im Zekeraia, im Netanel, im Maikēaia, bwe ren k̄atakin ilo jikin kwelok ko an Juda; **8** im ibeir ro dri Livai, Shemeaia, im Nethanaia, im Zebadaia, im Esahel, im Shemiremot, im Jehonetan, im Adonaija, im Tobaija, im Tobadonaija, ro dri Livai; im ibeir Elishema, im Jehoram pris ro. **9** Im rar katakin ilo Juda, im ibeir buk in kien Jeova: im rar itoitok ilo jikin kwelok etemjej in Juda, im rar katakin i bewiljin armij ro.

**10** Im mijok Jeova e ar buñlok ion

<sup>1</sup> 1 KIN 16. 17-22. <sup>2</sup> 1 KIN 15. 23. 24.

<sup>1</sup> 1 KIN 15. 24.

ailiñ otemjej in ene ko iturin Juda, ein drein rar jab tōrinaek Jihoshapat. 11 Im jet ian ro dri Piliatia rar bōktok jurtak ko ñōn Jihoshapat, im silver ñōn owōj; bareinwōt dri Arebia rar bōktok bwij ko, jiljilimjuōn tausān jiljilimjuōn buki sip koman, im jiljilimjuōn tausān jiljilimjuōn buki got koman. 12 Im Jihoshapat e ar kanuij laplok wōt: im e ar kalek ilo Juda imōn bar ko im jikin kwelok ko ñōn mweiuk. 13 Im ilo jikin kwelok ko an Juda e ar likit elōñ men in kōmōn; im armij dri tōrinae, ro re kajur im beran ilo Jerusalem. 14 Im eñin orair ekar ñōn mo ko imōn ro jimair: jen Juda, kapen ro an tausān ko: Adna kapen eo, im iben armij re kajur im beran jilu buki tausān; 15 im ijillokin Jehohenan kapen eo, im rubuki drualitōkñoul tausān; 16 im ijillokin Amasaia nejin Zikrai, eo e ar kōnan mōke lelok e ñōn Jeova: im iben rubuki tausān armij re beran im kajur. 17 Im jen Benjamin: Elaieda juōn dri kajur im beran, im iben rubuki tausān, ken tōrinae ko ibeir liben im likipijñōk; 18 im ijillokin Jehozabad, im iben jibuki drualitōkñoul tausān re pojōk ñōn tōrinae. 19 Rein ro rar ber iben kiñ eo, eor jen ro kiñ e ar likit ir ilo jikin kwelok ko re bin ilujen aolepen Juda.

**18** Ak iben Jihoshapat elōñ mweiuk im nebar; im irro Ehab rar jeraik dron. 2 Im <sup>1</sup>elikin jet yiō e ar wōnlōllok ñōn iben Ehab ñōn Sameria. Im Ehab e ar mōn elōñ sip im ox ñōn e, im ñōn armij ro iben, im karel e bwe en ilok ibenlok ñōn Remot-giliad. 3 Im Ehab kiñ in Israel e ar ba ñōn Jihoshapat kiñ in Juda, Kwo kōnan ilok ibalok ñōn Remot-giliad ke? im e ar uak e, Na einwōt kwe, im ro droō einwōt ro drom; im kim naj ibōm ilo tōrinae eo.

4 Im Jihoshapat e ar ba ñōn kiñ in Israel, Kwon kajitōk mokta, ij akwelap ñōn yuk, kin nan an Jeova. 5 Inem kiñ in Israel e ar kokweloktok dri kanan ro, ābuki armij, im e ba ñōn ir, Kim naj ilok ñōn Remot-gili-

ad ke, ak in berwōt? Im re ba, Kwon wōnliñlok: bwe Anij e naj ketōk e na ilo pein kiñ. 6 A Jihoshapat e ar ba, E bar or ke dri kanan an Jeova bwe jen maroñ in kajitōk iben? 7 Im kiñ in Israel e ar ba ñōn Jihoshapat, Mātōn bar juōn armij je maroñ in kajitōk iben Jeova kake: a ij drike: bwe e jab drikanij emōn kin ña, a nana ien otemjej: eñin Maikeaia nejin Imla. Im Jihoshapat e ar ba, kiñ en jab ba ein drein. 8 I nem kiñ in Israel e ar kirtok juōn dri kabwijrōk, im ba, kwon mōkōj im āñintok Maikeaia leo nejin Imla. 9 Ak kiñ in Israel im Jihoshapat rar jijōt ilo tron ko air, emwij airro kōnōk nuknuk in kiñ, im rar jijōt ilo juōn melaj iturin kejem in Sameria; im dri kanan otemjej rej drikanij imairro. 10 Im Zedekaia nejin Keneana e ar kōmōnmōn ñōn e drun ko jen māl, im e ba, Ein drein Jeova ej ba, Kin men kein kwo naj jibellok ro dri Siria, mae ien re joko. 11 Im ein drein an ro dri kanan otemjej drikanij, im re ba, Kwon wōnliñlok ñōn Remot-giliad, im jerammōn: bwe-Jeova e naj ketōk e na ilo pein kiñ.

12 Im dri jilik eo e ar ilen kirtok Maikeaia, e ar konono ñōn e, im e ba, Lo nan ko an ro dri kanan re ba emōn ñōn kiñ eo kin juōn wōt un: kin men in, ij akwelap, am in nan en einwōt juōn iair, im kwon konono emōn. 13 Im Maikeaia e ar ba, Einwōt Jeova e mour, jabrewōt eo aō Anij e naj ba, eñin I naj konono. 14 Im ke emwij an itok ñōn iben kiñ eo, kiñ eo e ar ba ñōn e, Maikeaia, kimin ilok ñōn Remot-giliad im tōrinae, ak in berwōt ke? Inem e ar ba, Kwon wōnliñlok im jerammōn: im naj ketōk ir na ilo peōm. 15 Im kiñ eo e ar ba ñōn e, Jete alen aō jiroñ yuk bwe kwon konono ñōn iō mol wōt ilo etan Jeova? 16 Im e ar ba, I ar lo aolepen Israel re jibiliklok ilo tol ko, einwōt sip ko ejelok air seperd: im Jeova e ar ba, Rein ejelok air iroi, ren jeblaktok, jabrewōt iair, ñōn mweo imōn ilo ainemōn. 17 Im kiñ in Israel e ar ba ñōn Jihoshapat, I ar jab ba ñōn yuk ke e jamin drikanij

<sup>1</sup> 1 K16 22. 2-36.

emõn kin ña, a nana wõt? 18 Im Maikeaia e ar ba, inem komin roñjake nan jen Jeova: I ar lo Jeova ej jijõt ion tron eo An, im aolepen jar eo ilõñ rej jutõk i anbijmaroñõn im i anmiñin. 19 Im Jeova e ar ba, Wõn eo e naj karel Ehab kiñ in Israel, bwe en wõnliñk im buñ i Remot-giliad? Im juõn e ar konono ilo juõn wāwen, im bar juõn ilo wāwen juõn. 20 Im juõn jitõb e ar item jutõk iman Jeova im e ba, I naj karel e. Im Jeova e ba ñõn e, Kin ta? 21 Im e ba, I naj ilok im I naj juõn jitõb in riõp i loñin dri kanan otemjej an. Im e ar ba, Kwo naj karel e, im naj anjo kake: kwon ilok im kõmõn ein drein. 22 Inem, lo, Jeova e ar likit juõn jitõb in riõp i loñin rein dri kanan ro am; im Jeova e ar konono nana kin kwe.

23 Inem Zedekaia nejin Keneana e arduaktok, im ubrare jiben Maikeaia, im e ba, Ilo ial õt Jitõb õn Jeova e ar ilok jen ña bwe En konono ñõn yuk? 24 Im Maikeaia e ar ba, Kwo naj lo ilo ran eo ñe kwo naj dreloñ ilo rum eo eolap in tilekek. 25 Im kiñ in Israel e ar ba, Komin bõk Maikeaia, im añinlok e ñõn Amon iroiñ in jikin kwelok eo, im ñõn Joash nejin kiñ: 26 im komin ba, Ein drein kiñ eo ej ba, Komin likit lein ilo prison, im najirik e kin bred in jorran, im dren in jorran mae ien eo I naj jeblak ilo ainemõn. 27 Im Maikeaia e ba, Elañe kwo naj jeblaktok ilo ainemõn, Jeova e ar jab kokononoik iõ. Im e ar ba, Komin roñjake, kom dri ailiñ ko, kom otemjej.

28 Ein drein kiñ in Israel im Jihoshapat kiñ in Juda rar wõnliñlok ñõn Remot-giliad. 29 Im kiñ in Israel e ar ba ñõn Jihoshapat, Na I naj kejakkil kil iõ, inem ilem tõrinae: a kwe, kwon kõnõk nuknuk in kiñ ne am. Ein drein kiñ in Israel e ar kejakkil e; im rar ilem tõrinae. 30 Ak kiñ in Siria e ar jiroñ kapen ro in jariot ko an, im ba, Komin jab tõrinaek ro redrik ak ro relap, a kiñ in Israel wõt. 31 Im ein drein ke kapen ro an jariot ko rar lo Jihoshapat, rar ba,

Ekiñ in Israel. Kin men in rar oktõk im tõrinaek e: a Jihoshapat e ar lamij, im Jeova e ar jibõñ e: im Anij e ar karel ir in ilok jen e. 32 Im ke kapen ro in jariot ko rar lo bwe e jab kiñ in Israel, rar jeblaklok jen air lukworkwore. 33 Im juõn eman e ar kiele libon eo an bõjik, im e ar lil kiñ in Israel ilo kõtān balle ko; kin men in e ar ba ñõn eo e ar lale jariot eo, Kwon kejale peõm, im bõklok iõ jen jar in tõrinae: bwe ña I kanuij kwõt. 34 Im elaplok wõt tõrinae ran eo: ijoke, kiñ in Israel e ar jutõk ilo jariot eo an nae ro dri Siria mae jota; im ke e nañin tulok al, e ar mij.

19 Im Jihoshapat kiñ in Juda e ar jeblaktok ñõn mweo imõn ilo ainemõn ñõn Jerusalem. 2 Im Jihu nejin Hanenai dri lolo eo, e ar ilen wõnmae, im e ba ñõn kiñ Jihoshapat, Emõn ke am jibõñ ro re nana im yokwe ro rej kijirāte Jeova? Kin men in illu ej iom jen iman Jeova. 3 Mekarta, ar lo jet men ko remõn ilo kwe, bwe kwar jolok Ashira ko jen enin, im kwar kabin buruõm in kabukot Anij.

4 Im Jihoshapat e ar jokwe i Jerusalem: im e ar drioiñlok ñõn armij ro jen Bier-shiba ñõn ene utiej in Ipreim, im kejeblaktok ir ñõn Jeova, Anij an ro jimair. 5 Im e ar likit ro dri ekajet ilo jikin kwelok ko otemjej re bin in Juda, kaju iair, 6 im e ar ba ñõn ro dri ekajet, Komin kalomõnlokjen ta eo komij kõmõne: bwe komij ekajet jab ñõn armij ro, a ñõn Jeova: im Ej ibemi ilo ekajet. 7 Kin men in mijõk Jeova en ber iomi; komin lale mõi im kõmõne: bwe ejelok bwir iben Jeova aruij Anij, ak kabwiloklok mej, ak bõk wõnan kõmõn nana.

8 Bar juõn, ilo Jerusalem Jihoshapat e ar likit jet ian ro dri Livai im pris ro, im ian jiõb ro an imõn ro jimair an Israel, ñõn ekajet an Jeova, im kin akwail ko. Im rar jeblaktok ñõn Jerusalem. 9 Im e ar jiroñ ir im ba, Ein drein ami kõmõn ilo mijõk Jeova, im kin buruõmi e wāppen. 10 Im ñe jabrewõt akwail e naj itok ñõn



kom jen ro jeđmi im jätđmi rej jokwe ilo jikin kwelok ko air, ikđtan bđtđk-tđk im bđtđktđk, ikđtan kien im nan in jiroñ, nan in kaiñ im nan in kabuñ-jar ko, kom naj kowe ir, bwe en ejelok rueir ñđn Jeova, im illu en itok iomi im ion ro jeđmi im jätđmi: komin kđmđn men in im e naj ejelok ruđmi. 11 Im lo, Ameraia pris elap ej iomi ilo men ko otemjej an Jeova; im Zebadaia, nejin Ishmeel, iroiđ eo jen imđn Juda ilo men otemjej an kiñ: bareinwđt ro dri Livai re najdri kabwiđrđk imami. Komin beran ilo ami kđmđne im Jeova en ber iben ro remđn.

**20** Im elikin men in ro nejin Moab, im ro nejin Amon, im ibeir jet ian ro dri Amon, rar itok nae Jihoshapat in tđrinae. 2 Inem jet rar itok im kennanek Jihoshapat, im ba, Juđn jar elap ej itok nae yuk jen Siria i lomalo jabuwoe: im lo, rej i Hezezon-temar, (eñeo Engedai). 3 Im Jihoshapat e mijđk, im e ar kaiur e im bukot Jeova; im e ar kwalok juđn jitlok ilo aolepen Juda. 4 Im Juda e ar kweloktok, in kabukot jibđñ jen Jeova: jen jikin kwelok otemjej in Juda rar iten bukot Jeova.

5 Im Jihoshapat e ar jutđk ilo jar eo jaran Juda im Jerusalem, ilo imđn Jeova, iman worwor eo ekal: 6 im e ar ba, O Jeova Anij an ro jemem, Kwe kwo jab Anij in lđñ ko ke? Kwo jab kiñ ion ailifñ otemjej an ro dri ene ko ke? im ilo peđm kajur im maroñ, inem ejelok e maroñ in jumae Yuk. 7 Kwe O amuij Anij, Kwar jab kdrioiđlok ro dri enin iman ro drom Israel ke, im lelok e ñđn inen Ebream jeram ñđn in drio? 8 Im rar jokwe iloan, im rar kalek juđn imđn kwojarjar iloan ñđn etđm, im ba, 9 Elañe jorran ej itok iom, jaji, ekajet, ak mij e nana, ak ñita, kim naj jutđk iman mwın, im imam, (bwe etđm ej ilo mwın), im kir ñđn Kwe ilo amuij jorran, im Kwo naj eoroñ im lomorem. 10 Im kiđ, lo, ro nejin Amon im Moab im tol Sier, ro Kwar jab kđtlok bwe Israel en tđrinaek ir, ke rar drioitok jen Ijipt, a rar jeorlok jen ir,

im jab kokkure ir; 11 Kwon lo ekijkan rej nawđnam, im iten jolok kim jen enin am, eo Kwar letok ñđn kim men in jolit. 12 O amuij Anij, Kwo jamin ekajete ir ke? bwe ejelok amuij maroñ nae jar in elap rej itok nae kim; im kim jaje ta eo kimin kđmđne: a mejem rej ñđn Kwe. 13 Im aolepen Juda rar jutđk iman Jeova, im ibeir ajiri ro, im limaro beleir, im ro nejir.

14 Inem ion Jahezaiel nejin Zekaraia, nejin Beneaia, nejin Jeiel, nejin Mattanaia, dri Livai, ian ro nejin Esap, ar itok Jitđb đn Jeova i bwiljin jar eo; 15 im e ar ba, Komin roñjake, kom dri Juda otemjej, im dri jokwe i Jerusalem, im kwe kiñ Jihoshapat: Ein drein Jeova e ba ñđn kom, Komin jab mijđk, im jab lelñoñ kin jar in elap: bwe tđrinae in e jab ami, a an Anij. 16 Ilju komin wđnlđllok nae ir: lo rej wđnlifñtok ilo ial in wđnlifñ ñđn Ziz; im kom naj lo ir i jemlokđn komlđl eo, iman ene jemaren Jeruel. 17 E naj ejelok unin ami iri ilo tđrinae in: komin berwđt im jutđk, im lo lomor an Jeova ibemi, O Juda im Jerusalem: komin jab mijđk im jab lelñoñ; ilju komin drioitok nae ir; bwe Jeova ej ibemi. 18 Im Jihoshapat e ar barikrik ñđn briđ: im aolepen Juda im ro dri Jerusalem rar buñbero iman Jeova, im kabuñ ñđn Jeova. 19 Im ro dri Livai, ian ro nejin ro dri Kohat im ian ro nejin ro dri Kora, rar jutđk im nebar Jeova, Anij in Israel, kin ainikeir e kanuij lap.

20 Im rar jerkak ke e jiboñ wđt, im drioitok ilo ene jemaren in Tekoa: im ke rej drioitok, Jihoshapat e ar jutđk im ba, Komin roñjake iđ, O Juda, im kom ro dri Jerusalem: komin liki Jeova ami Anij, ein drein naj kabin kom; komin liki dri kanan ro An, inem kom naj jerammđn. 21 Im ke emwij an bebe iben armij ro, e ar kilet ro re naj al ñđn Jeova, im nebar ilo lajrđk e kwojarjar, ilo air drioitok iman jar in tđrinae, im ba, Komin kamolol Jeova; bwe tđriamokake eo an ej ber ñđn in drio.

22 Im ke rej jino air al im nebar Jeova e ar likit ro dri kebao nae ro nejin Amon, Moab, im tol Sier, ro rar itok nae Juda; im ar mōn ir. 23 Bwe ro nejin Amon im Moab rar jutōk nae ro dri jokwe i Sier, im kanuij mōn ir im kokkure ir; im ke emwij air mōn ro dri jokwe i Sier, jabrewōt iair rej jibōñ kokkure dron.

24 Im ke dri Juda rar itok nōn imōn bar eo in ene jemaren, rar reilok ion jar eo; im lo, ubōn armij rej ion brij, im ejelok juōn e ar ko. 25 Im ke Jihoshapat im ro dron rar item bōk men in rakim jen ir, rar lo ibeir elōñ mweiuk, inōk ko re aurōk, ko rar rakimi nōn ir mōke, elōñ jen air maroñ bōklok: im rar rakim wōt iomin jilu ran, bwe elōñ. 26 Im ilo ran eo ken kemen rar kwelok i komlōl Beraka: bwe ijo rar kamōñōnōk Jeova: kin men in etan jikin eo, komlōl im Beraka nōn ranin. 27 Inem rar jeblaktok im bar ilok nōn Jerusalem, aolepen dri Juda im Jerusalem, im Jihoshapat imair, kin lōñliñ: bwe Jeova e ar kalōñliñ ir ion ro rar kijirāte ir. 28 Im rar itok nōn Jerusalem, im ibeir salteri ko im arp ko, nōn imōn Jeova. 29 Im mijōk e ar ion ailiñ ko in ene ko otemjej, ke rar roñjake bwe Jeova e ar tōrinaek ro dri kijirāte Israel. 30 Ein drein ailiñ an Jihoshapat ej ainemōn: bwe an Anij e ar lelok nōn e kakije iturin.

31 Im <sup>1</sup>Jihoshapat e ar kiñ ion Juda: ridtōn jilñoul lailim yiō ke e ar jino in kiñ; im e ar kiñ iomin roñoul lailim yiō i Jerusalem: im etan jinen Azuba, nejin Shilhai. 32 Im e ar etetal ilo ial an Esa jemen, im e ar jab jeorlok jen e, im kōmōn men eo emōn iman mejem Jeova. 33 Ijoke, e ar jab bōklok jikin ko re utiej; im armij re jañin kar kabin burueir nōn Anij an ro jimair. 34 A kōmōn ko jet an Jihoshapat, ko mokta im ko eliktata, lo, emwij jeje ilo bwebwenato an Jihu nejin Hanenai, eo e ar likit e ilo buk in kiñ ro kiñ in Israel.

<sup>1</sup> 1 Kīñ 22. 41-43.

35 Im <sup>1</sup>elikin men in Jihoshapat kiñ in Juda e ar koba iben Ehazaia kiñ in Israel; eo e ar kōmōn nana wōt: 36 im e ar koba iben bwe ren kōmōnmōn wa ko in ilok nōn Tarshish; im rar kōmōnmōn wa ko i Lziongiber. 37 Inem Iliezar nejin Dodevahu jen Maresha e ar drikanij nae Jihoshapat, im e ba, Kin am koba iben Ehazaia, Jeova e ar kokkure men in kōmōn ko am. Im e rup wa ko, ein drein re jab maroñ in ilok nōn Tarshish.

21 Im <sup>2</sup>Jihoshapat e ar kiki iben <sup>2</sup>ro jiman, im rar kalibwin e iben ro jiman ilo jikin kwelok an Devid; im Jehoram, nejin, e ar kiñ im binej jenkwōn. 2 Im eor jein im jätin, ro nejin Jihoshapat: Azaraia, im Jehaiel, im Zekaraia, im Azaraia, im Maikael, im Shepetaia; rein otemjej ro nejin Jihoshapat kiñ in Israel. 3 Im elap an jemeir lelok nōn ir silver, im gold, im men ko re aurōk, kab jikin kwelok re bin i Juda: a ailiñ eo e ar lelok nōn Jehoram bwe e manjien. 4 A ke Jehoram e ar jino bōk ailiñ an jemen, im e ar mōke kakajur e, e ar mōn kiñ jāji ro jein im jätin otemjej, im bareinwōt jet ian iroi ro in Israel. 5 Ridtōn Jehoram ke e ar jino an kiñ jilñoul ruo yiō; im e ar kiñ iomin drualitōk yiō i Jerusalem. 6 Im e ar etetal ilo ial an kiñ ro in Israel, einwōt dri imōn Ehab; bwe lio belen nejin Ehab, im e ar kōmōn men ko re nana iman mejen Jeova. 7 Mekarta, Jeova e jab kōnan kokkure imōn Devid, kin bujen eo E ar kōmōn iben Devid, im kin An kalimur in lelok nōn e im nōn ro nejin juōn lamp ien otemjej.

8 Ilo ran ko an, Idōm e ar kabata nae Juda, im rar mōke kōmōn juōn kiñ ioir. 9 Inem Jehoram e ar elālok, im iben kapen ro an im jariot ko. Im e ar jerkak ilo boñ, im mōn ro dri Idōm ro rar kabol e, im kapen ro in jariot ko. 10 Ein drein Idōm e ar kabata nae Juda nōn ranin; inem Libna e ar kabata nae e ien eo wōt, kin an illok jen Jeova, Anij an ro jiman.

<sup>1</sup> 1 Kīñ 22. 48, 49. <sup>2</sup> 1 Kīñ 22. 50.

11 Bar juōn, e ar kōmōn jikin ko re utiej ilo tol ko in Juda, im e ar kōmōn bwe ro dri Jerusalem ren lūñ, im e ar kejebwābweik Juda. 12 Im e ar itok juōn jeje jen Ilaija dri kanan, im e ba, Ein drein Jeova Anij an David jemōm Ej ba, Kin am jab etetal ilo ial ko an Jihoshapat, jemōm, im ilo ial ko an Esa kiñ in Juda; 13 a kwar etal ilo ial an kiñ ro i Israel, im kwar kōmōn bwe Juda im ro dri Jerusalem ren lūñ, einwōt imōn Ehab e ar kōmōne, im bareinwōt kwar mōn ro jeōm im jāṭōm ian imōn jemōm, ro remōn jen yuk: 14 lo, Jeova e naj dreñlokwe ro drom, ro nejōm, im limaro beleōm, im men ko am otemjej, kin jorran elap; 15 im ibōm e naj juōn nañinmij e nana i lojiōm, mae ien mōjñōl ko am re naj wutlok kin nañinmij eo ran im ran.

16 Im <sup>1</sup>Jeova e ar biuktōke buruen ro dri Pilstia nae Jehoram, im ro dri Arabia rej ber iturin ro dri Itiopia: 17 im rar wōnliñtok nae Juda, im rar rupe im dreloñ, im bōklok mweiuk otemjej rar loi ilo imōn kiñ, im ro nejin, im limaro belen; ein drein ejelok nejin man e ar berwōt iben; a Jihohaz wōt, eo eriktata ian ro nejin.

18 Im elikin men kein otemjej Jeova e ar mōn e i lojien kin juōn nañinmij e nana wōt. 19 Im ein drein tokelik, jemlokōn ruo yiō, mōjñōl ko an rar wutlok kin nañinmij eo an, im e mij kin nañinmij re nana. Im ro drom rar jab kōmōn juōn kijeek nōn e, einwōt kijeek ko rar kōmōn nōn ro jiman. 20 E ridtōn jilñoul ruo yiō ke e ar jino in kiñ, im e ar kiñ ilo Jerusalem iomin drualitōk yiō: im ejelok buruōmōj ke ej ilok; im rar kalibwin e ilo jikin kwelok an David, a jab ilo lūp ko lūpōn kiñ ro.

**22** <sup>2</sup>Im ro dri Jerusalem rar koutiej Ehazaia nejin eriktata bwe en kiñ im binej jenkwōn; bwe jar an armij ro rar itok iben ro dri Arabia ñōn kamp eo, rar mōn ir otemjej re ridtolok. Ein drein Ehazaia nejin Jehoram kiñ in Juda e ar kiñ. 2 Ridtōn Ehazaia eñoul ruo yiō ke e ar jino

an kiñ; im e ar kiñ iomin juōn yiō i Jerusalem; im etan jinen Atalaia, lio nejin Omrai. 3 E ar bareinwōt etetal ilo ial ko an imōn Ehab; bwe jinen ej an dri bebe in kōmōn nana. 4 Im e ar kōmōn nana iman mejen Jeova, einwōt imōn Ehab; bwe ir an dri bebe elikin an jemen mij, ñōn kokkure e. 5 Bareinwōt e ar etal ilo air bebe, im e ar ilok iben Jehoram kiñ in Israel in tōrinaek Hazael kiñ in Siria i Remot-giliad: im dri Siria rar kakiniñij Joram. 6 Im e ar jeblaktok bwe ren kauk e i Jezriel kin kinij ko kinjen i Rema, ke e ar tōrinaek Hazael kiñ in Siria. Im Azaraia nejin Jehoram kiñ in Juda e ar wōnlōllok in lo Jehoram nejin Ehab i Jezriel, bwe e nañinmij.

7 <sup>1</sup>Ak jorran eo an Ehazaia jen Anij, kin an ilok ñōn iben Joram: bwe ke e ar itok, e ar drioiñlok iben Jehoram nae Jihu nejin Nimshai, eo Jeova e ar kabit e bwe en bukwe lok imōn Ehab. 8 Im ein drein ke Jihu ej kōmōn ekajet ion imōn Ehab, e ar lo iroiñ ro in Juda, im ro nejin ro jein im jätin Ehazaia, rej korijer ñōn Ehazaia, im e ar mōn ir. 9 Im e ar kabukot Ehazaia, im rar jibwe, (ke ej tilekek i Sameria), im rar bōktok e ñōn iben Jihu, im mōn e; im rar kalibwin e, bwe rej ba, Leo nejin Jihoshapat, eo e ar bukot Jeova kin aolepen buruen. Im imōn Ehazaia ejelok an kajur in drebij ailñ eo.

10 <sup>2</sup>A ke Atalaia e ar lo an nejin mij, e ar jerkak im kokkure ro nejin kiñ otemjej ian imōn Juda. 11 A Jihoshebeat, lio nejin kiñ eo, e ar bōk Joash nejin Ehazaia, im kwotelok jen iben ro nejin kiñ, ro emwij mōn ir, im likit e kab dri kakajiriri eo an ilo juōn bo. Ein drein Jihoshebeat, lio nejin kiñ Jehoram, lio belen Jihoiada pris eo, (bwe e jein im jätin Ehazaia), e ar noje jen Atalaia, inem e ar jab mōn e. 12 Im e ar tilekek ibeir ilo imōn Anij jiljino yiō: im Atalaia e ar liroiñ ion eneo.

**23** <sup>3</sup>Im ilo yiō eo ken ka jiljilim juōn Jihoiada e ar mōke kaka-

<sup>1</sup> Jap. 33. 11. <sup>2</sup> K 115 & 24. 20.

<sup>1</sup> Jap. 10. 15. <sup>2</sup> K 111. 1. 13. <sup>3</sup> K 115. 11. 4-20.

jur e, im e ar bök kapen ro in buki ko, Azaraia nejin Jehoram, im Ish-meel nejin Jehohanen, im Azaraia nejin Obed, im Measeia nejin Adaia, Elishepat, nejin Zikrai, na ilo juön bujen. 2 Im rar itoitök ilo Juda, im kokweloktok ro dri Livai jen jikin kwelok otemjej in Juda, im jiöb ro an imön ro jimair an Israel, im rar itok ñön Jerusalem. 3 Im aolepen jar eo rar kômön bujen iben kiñ eo ilo imön Anij. Im e ar ba ñön ir, Lo, leo nejin kiñ ej iroi j einwöt Jeova e ar konono kin ro nejin Devid. 4 Eñin men eo kom naj komöne: juön mötön jilu iami, ro rej dreloñ ilo ran in Sabat, ian pris ro im ro dri Livai, re naj dri lali kejem ko; 5 im juön mötön jilu re naj ber iturin imön kiñ; im juön mötön jilu iturin kejem in loñtön: im armij otemjej re naj iloan worwor ko in imön Jeova. 6 A ejelok en dreloñ ilo imön Jeova, a pris ro wöt im ro rej jermal ian ro dri Livai; re naj dreloñ bwe re kwojarjar: a armij otemjej ren kejbärok nan in jiroñ jen Jeova. 7 Im ro dri Livai re naj kabol kiñ eo, jabrewöt armij ken törinae ko an ilo pein; im jabrewöt ej dreloñ ilo mweo, ren mön e; im komin ber iben kiñ eo ñe ej dreloñtok im ñe ej drioi jlok.

8 Ein drein ro dri Livai im aolepen Juda rar kômön ekar ñön nan in jiroñ an Jihoiada pris eo: im jabrewöt iair rar bök armij ro an, ro ren dreloñtok im drioi jlok ilo ran in Sabat: bwe Jihoiada pris eo e jab kötlök lajrök ko. 9 Im Jihoiada pris eo e ar lelok ñön kapen ro in buki ko möri ko, im ken törak ko, im likipijñök ko, re kar an kiñ Devid im ber ilo imön Anij. 10 Im e ar karök armij otemjej, jabrewöt armij ken törinae ilo pein, jen turin anbimaroñön mweo ñön turin anmiñin mweo, ebak lokatok im mweo, im kabol kiñ eo. 11 Im rar kadrioi jtok nejin kiñ eo im likit bok-rönat eo ion, im lelok ñön e nan in kalimur eo, im kômöne kiñ: im Jihoiada im ro nejin rar kabit e: im re ba, En mour wöt kiñ eo!

12 Im ke Atalaia e ar roñjake aini-

ken armij rar etör im nebar kiñ eo, e ar itok ñön armij ro ilo imön Jeova: 13 im e ar reilok, im lo, kiñ eo ej jutök iturin jur eo an ebake kejem, im kapen ro im jilil ko rebak kiñ eo; im armij otemjej dri eneo rar löñliñ im jilil; ro dri al bareinwöt rar kajöñ-jöñ ion ken kajöñjön ko, im tel al in nebar. Inem Atalaia e ar kekel nuk-nuk ko an, im ba, Bata! bata! 14 Im Jihoiada pris eo e ar kadrioi jtok kapen ro in buki ko emwij likit ir ion jar in törinae, im e ba ñön ir, Komin kadrioi jlok e ikötan lajrök ko, im jabrewöt eo ej lore ren mön e kin jäji: bwe pris eo e ba, Komin jab mön e iloan imön Jeova. 15 Ein drein rar na ialin; im e ar ilok ñön iturin kejem in ors in imön kiñ; im rar mön e ijo.

16 Im Jihoiada e ar kômön bujen ikötan, im armij otemjej, im kiñ eo, bwe ren armij an Jeova. 17 Im armij otemjej rar ilok ñön mweo imön Beal, im rupi lokatok ko an im men in e ko an ilo mötön ko, im mön Mattan, pris an Beal iman lokatok ko. 18 Im Jihoiada e ar likit jermal ko in imön Jeova iomin pein pris ro im ro dri Livai, ro Devid e ar jibliklik ilo imön Jeova, bwe ren katok kin katok kijeek ko an Jeova, einwöt emwij jeje ilo kien Moses, im rej löñliñ im al ekar ñön nan in jiroñ an Devid. 19 Im e ar likit ro dri lali kejem ko in imön Jeova, bwe ejelok eo e jab erre kin jabrewöt en dreloñ. 20 Im e ar bök kapen ro in buki ko, im iroi j rön, im ro rej ion armij ro, im armij otemjej dri eneo, im rar bök-löltok kiñ eo jen imön Jeova: im rar itok ilo kejem eo etuj e ñön imön kiñ, im likit kiñ eo ion tron in ailiñ eo. 21 Ein drein armij otemjej dri eneo rar löñliñ, im jikin kwelok eo ej ainemön. Im emwij mön Atalaia kin jäji.

24<sup>1</sup> Ridtön Joash jiljilimjuön yiö ke ej jino an kiñ; im e ar kiñ iomin eñoul yiö i Jerusalem: im etan jinen Zibia, jen Bier-shiba. 2 Im Joash e ar kômön men ko remön

iman mejen Jeova ran otemjej an Jihoiada pris. 3 Im Jihoiada e ar bök ññon e ruo belen; im e ar keutak ro nejin man in kōra.

4 Im elikin men in Joash e ar lem-nok en kōkāl mweo imōn Jeova. 5 Im e ar kokweloktok pris ro im ro dri Livai, im ba ññon ir, Komin drioi-jlok ññon jikin kwelok ko in Juda, im aintok jen dri Israel otemjej mōnni in kōkāl imōn ami Anij jen yiō ññon yiō; im komin kaiur kom kake. Ijoke, ro dri Livai re jab kaiur ir. 6 Im kiñ eo e ar kirtok Jihoiada eo e utiej, im ba ññon e, Etke kwar jab jiroñ ro dri Livai bwe ren bōktok jen Juda im Jerusalem, owōj an Moses kori-jeran Jeova, im an jar an Israel, ññon imōn kalimur eo? 7 Bwe ro nejin Atalaia, kōra eo e nana, rar rupe imōn Anij; im bar juōn, rar lelok ññon Beal ko men otemjej men in lelok in imōn Jeova.

8 Ein drein kiñ eo e ar jiroñ, inem rar kōmōnmōn juōn dipdip, im likit e ilikin kejem in imōn Jeova. 9 Im rar kwalok juōn nan in jiroñ ilo aolepen Juda im Jerusalem, bwe ren bōktok ññon Jeova owōj eo Moses kori-jeran Anij e ar likit ion Israel ilo ene jemaren. 10 Im iroi-j otemjej im armij otemjej rar lōñliñ im bōktok im jolok na ilo dipdip eo mae ien rej kamwijlok. 11 Im ein drein ilo ien eo ke rar bōktok dipdip eo ññon ro dri kabwijrōk an kiñ, kin pein ro dri Livai, im ke rar lo bwe elōñ mōnni, dri jeje an kiñ eo im dri kabwijrōk an pris elap rar item kamāt jen kobōn dipdip eo, im bōke, im bar bōklok e ññon jikin. Ein drein air kōmōn ran im ran, im rar aintok elōñ mōnni. 12 Im kiñ eo im Jihoiada rar lilok ññon ro rar kōmōn jermal eo ilo imōn Jeova: im rar kajerbal ro dri jermal dreka im ro dri jermal alal bwe ren kōkāl mōn Jeova, im bareinwōt ro rej jermal ilo māl im jinibōrōrō bwe ren kōkāl imōn Jeova. 13 Ein drein ro dri jermal rar jermal wōt, im jermal in kōkāl e ar wōnmanlok ilo peir, im rar kajutōk imōn Anij ekar ññon wāwen, im kabine. 14 Im ke

rar kajemlok e, rar bōktok bwen mōnni eo ññon iman kiñ eo im Jihoiada, im rar kōmōnmōn jen e jābi ko ññon imōn Jeova, jābi ko ññon korijer kaki im katok, im jibun ko, im jābi ko gold im silver. Im rar lelok katok kijeek ko ilo imōn Jeova, ien otemjej, ran otemjej an Jihoiada.

15 A Jihoiada e ridtolok wōt im elōñ ran ko an, inem e mij. Ridtōn jibu-ki jilñoul yiō ke e mij. 16 Im rar kalibwin e ilo jikin kwelok an Devid iben kiñ ro, kin an kar kōmōn emōn ññon Israel, im ññon Anij in mweo imōn. 17 Ak elikin an Jihoiada mij, iroi-j ro in Juda rar item baririk ññon kiñ eo. Inem kiñ eo e ar eoroñ ir. 18 Im rar illok jen imōn Jeova, Anij an ro jimair, im rar korijer ññon Ashira ko im ekjōp ko; im illu e ar itok ion Juda im Jerusalem kin nana in rueir. 19 Ijoke, E ar jilkinlok ro dri kanan ññon ir, bwe ren bar kejeblaktok ir ññon Jeova; im rar drikanij jumae ir, a re makoko in eoroñ.

20 Im Jitōb òn Anij e ar itok ññon Zekaraia nejin Jihoiada pris eo; im e ar jutōk ilōñin armij ro, im e ba ññon ir, Ein drein Anij ej ba, Etke komij kokkure kien ko an Jeova, bwe kom ban jerammōn? kin ami illok jen Jeova, E ar bareinwōt illok jen kom. 21 Im rar kabata nae e, im rar kare e kin dreka, ke kiñ eo ej jiroñ ir, ilo worwor an imōn Jeova. 22 Ein drein Joash kiñ eo e ar jab keme-mej joi-j eo Jihoiada jemen e ar kwalok ññon e, a e ar mōn leo nejin. Im ke e mij, e ba, Jeova en loe im nawōnan kake.

23 Im ein drein ilo jemlokōn yiō eo, jar in tōrinae an ro dri Siria rar wōnliñtok nae e: im rar itok ññon Juda im Jerusalem, im rar mōn iroi-j otemjej jen iben armij ro, im jilkinlok men in rakim jen ibeir ññon kiñ in Damaskōs. 24 Bwe jar an ro dri Siria rar itok, im eiet wōt armij ro; im Jeova e ar ketōk juōn jar in tōrinae e kanuij lap na ilo peir, kin air illok jen Jeova Anij an ro jimair. Ein drein air kōmōn ekajet ion Joash.

25 Im ke emwij air ilok jen iben, (bwe rar likit e nañinmija wõt jirik), ro dri korijeran rar kabata nae e kin bõtöktökin ro nejin Jihoiada pris eo, im rar mōn e ion aowej eo an, inem e mij; im rar kalibwin e ilo jikin kwelok an Devid a rar jab kalibwin e ilo lūp ko lūpōn kiñ ro. 26 Im rein ro rar kabata nae e: Zebad nejin Shimeat lio dri Amon, im Jehozebad nejin Shimrit lio dri Moab. 27 A kin ro nejin, im ine elap ion, im air kōkāl mweo imōn Anij, lo emwij jeje ilo buk in kemeleleik buk in kiñ ro. Im Amazaia nejin e ar kiñ im binej jenkwōn.

**25** lailim yiō ke e jino an kiñ; im e ar kiñ iomin roñoul druatumjuōn yiō i Jerusalem: im etan jinen Jihoadan, jen Jerusalem. 2 Im e ar kōmōn emōn iman mejen Jeova, a jab kin an wāppen buruen. 3 A ke emwij kabinlok ailiñ eo ñōn e, e ar mōn ro dri korijeran, ro rar mōn kiñ eo jemen. 4 A e ar jab mōn ro nejir, a e ar kōmōn ekar ñōn nan eo emwij jeje ilo kien ilo buk in Moses, einwöt Jeova e ar jiroñ, im ba, 5 Ro jemeir re jamin mij kin ro nejir, im ro nejir re jamin mij kin ro jemeir: a jabrewöt armij e naj mij kin bwir eo an.

5 Bar juōn, Amazaia e ar kokwe-loktok ro dri Juda, im kilajrōk ir ekar ñōn mo ko imōn ro jimair, iomin kapen ro in tausan ko im kapen ro in buki ko, aolepen Juda im Benjamin: im e ar bwini ir otemjej jen roñoul yiō im jima, im e ar lo jilu buki tausan armij emwij kålet ir, ro re maroñ in ilen tōrinae, re maroñ in kwotōke mōri im likipijñōk. 6 Bareinwöt e ar kajerbal jibuki tausan armij re beran im kajur jen Israel kin jibuki talent silver. 7 A juōn armij ōn Anij e ar itok ñōn iben, im e ba, O kwe kiñ, kwon jab likit bwe jar in tōrinae jen Israel en ilok ibōmlok: bwe Jeova e jab iben Israel, iben ro nejin Ipreim otemjej. 8 A elañe kwo kōnan ilok, kwon beran, kwon kajur ñōn tōrinae eo; Anij e naj jolōllok

kom iman ro dri kijirāte kom; bwe iben Anij kajur in jibōñ, im kajur in jolōllok. 9 Im Amazaia e ar ba ñōn armij eo ōn Anij, A in it kin jibuki talent ko emwij aō lelok ñōn jar in tōrinae an Israel? Im armij eo ōn Anij e ar uak, Jeova e maroñ in lewōj e kanuij lōñ jen men kein. 10 Inem Amazaia e ar kejenolok jar in tōrinae eo e ar itok ñōn iben jen Ipreim, bwe ren bar jeblaklok ñōn jikir: kin men in e kanuij bwil air illu nae Juda, im rar jeblaklok ñōn jikir kin illu elap. 11 Inem Amazaia e beranlok, im tellok ro dron, im ilok ñōn komlōl Jättök, im e ar mōn ian ro nejin Sier joñoul tausan. 12 Im joñoul tausan ro nejin Juda rar añinlok ir im re mour, im rar tellok ir ñōn jabōn dreka eo, im jolōllok ir jen jabōn dreka eo, inem rar ekababe aolepeir. 13 A dri tōrinae ro Amazaia e ar kejeblaktok ir bwe ren jab ilok iben ñōn tōrinae eo, rar tōrinaek jikin kwelok ko an Juda, jen Sameria ñōn Bet-horon, im mōn jilu tausan iair, im bōk elōñ men in rakim.

14 Ein drein elikin an Amazaia itok jen an mōn ro dri Idōm, 1 e ar bōktok ekjöp ko an ro nejin Sier, im kajutök ir bwe ren anij ro an, im barikrik imair, im tile kajurjur ñōn ir. 15 Kin men in e bwil illu an Jeova nae Amazaia, im E ar jilkinlok ñōn iben, juōn dri kanan, im e ar ba ñōn e, Etke kwar kabukot anij ro an juōn ailiñ, im rar jab kōtlok armij ro air jen peōm? 16 Im ein drein ke e ar konono iben, kiñ eo e ar ba ñōn e, Kim ar kōmōn yuk dri bebe an kiñ ke? emwij; bwe etke ren mōn juk? Inem dri kanan eo ej ikōñ, im e ba, I jela Anij e ar bebe in mōn yuk, kin an kōmōn men in, im kwar jab eo-roñ aō bebe.

17 2 Inem Amazaia e ar bebe kake, im jiliklok ñōn Joash, nejin Jihoa-haz, nejin Jihu, kiñ in Israel, im e ba, Kwon itok im jenro jelmae dron. 18 Im Joash kiñ in Israel e ar jiliklok ñōn Amazaia kiñ in Juda, im e ba, 3 Mär kuj eo e ar ber i Lebanon e ar

<sup>1</sup> 2 Krl 14. 1-6. <sup>2</sup> Dat. 24. 14.

<sup>1</sup> Jap. 25. 23. <sup>2</sup> 3 Krl 14. 9-14. <sup>3</sup> Eka. 3. 9-25.

jilkinlok ñõn wijki aik eo e ar ber i Lebanon, im e ba, Kwon lelok lio ne-jõm bwe en belen leo nejiõ: inem juõn kiru e awia ej ilo Lebanon, e ar elä im jure mâr kuj eo. 19 Kwoj ba, Lo, kwar mõn Idõm: im buruõm ej koutiej yuk in jualõñlõñ: kwon ber-wõt i kabijuknõm; etke kwoj owa-juij ñõn jorran bwë kwon buñ, kwe im Juda ibõm?

20 A Amazaia e jab kõnan eorofi e; bwe men eo jen Anij, bwe En kõt-lok ir na ilo pein ro dri kijiräte ir, kin air kabukot anij ro an Idõm. 21 Ein drein Joash kiñ in Israel e ar wõnliñ-lok; im irro Amazaia rar jelmae dron i Bet-shimesh, eo an Juda. 22 Im dri Juda rar jab bõk anjo jen Israel; im rar ko jabrewõt armij ñõn mweo imõn. 23 Im Joash, kiñ in Israel, e ar bõk Amazaia kiñ in Juda, nejin Joash, nejin Jihoahaz, i Bet-shimesh, im ãñinlok e ñõn Jerusalem, im e ar rupe worwor in Jerusalem jen kejem in Ipreim ñõn kejem eo i bõul, äbuki kubit. 24 Im e ar bõk aolepen gold im silver, im jäbi otemjej rar loi ilo imõn Anij iben <sup>1</sup>Obed-idom, im mweik ko ilo mweo imõn kiñ, ro dri kamol bareinwõt, im e ar jeblaktok ñõn Sameria.

25 <sup>2</sup> Im Amazaia nejin Joash kiñ in Juda e ar mour wõt elikin Joash nejin Jihoahaz kiñ in Israel, joñoul lailim yiõ. 26 Ak jermal ko jet an Amazaia, ko mokta im eliktata, lo, ar jab jeje ilo buk in kiñ ro in Juda im Israel ke? 27 Ak jen ien eo ke Amazaia e ar jeorlok jen an lor Jeova, rar kabata nae e i Jerusalem; im e ar ko ñõn Lekish; a rar lukworkwor e ñõn Lekish, im mõn e ijo. 28 Im rar bõktok e ion ors ko, im rar kalibwin e iben ro jiman ilo jikin kwelok an Juda.

**26** Inem dri ailiñ otemjej rar bõk Uzzaia, ridtõn jõnoul jiljino yiõ, im kõmõn e kiñ in binej jenkwõn jemen, Amazaia. 2 Im e ar kalek Ilot, im kejeblaktok e ñõn Juda, elikin an kiñ eo kiki iben ro jiman. 3 Ridtõn Uzzaia joñoul jiljino yiõ ke e

jino an kiñ; e ar kiñ iomin limñoul ruo yiõ i Jerusalem: im etan jinen Jekilaia jen Jerusalem. 4 Im e ar kõmõn men ko re jime iman mejen Jeova, ekar ñõn aolepen men ko jemen, Amazaia, e ar kõmõne. 5 Im e ar kabukot wõt Anij ilo ran ko an Zekaraia, eo e ar jela kin vison eo an Anij; im iomin ien an bukot Jeova, Anij e ar kejerammõn e.

6 Im e ar driojlok im tõrinaek ro dri Pilistia, im e ar rupe worwor in Gath, im worwor in Jabne, im worwor in Ashdod: im e ar kalek jikin kwelok ilo ailiñ in Ashdod, im iolapen ro dri Pilistia. 7 Im Anij e ar jibõñ e nae ro dri Pilistia im nae ro dri Arebia ro rar jokwe i Gur-beal, im ro dri Meun. 8 Im ro dri Amon rar owõjlok ñõn Uzzaia: im etan e ar buñbuñlok ñõn mejäti in Ijpt; bwe e kanuij kajurlok. 9 Bar juõn, Uzzaia e ar kalek mo ko imõn bar i Jerusalem i kejem iturin bõul eo, im i kejem in komlõl, im ijo worwor eo ej oktõk, im kabin ir. 10 Im e ar kalek mo ko imõn bar ilo ene jemaren, im jekjek elõñ aibij dreka, bwe elõñ an kiru; bareinwõt i ene etä, im i ene emõn biken: im iben, eor dri lala jikin kallip im bwil in grep ilo tol ko, im ilo jikin kallip ko remõn: bwe mijlokin kallip. 11 Bareinwõt iben Uzzaia juõn jar in tõrinae, rar ilen tõrinae ilo jar ko redrik, ekar ñõn orair ke emwij bwine ir kin Jiel dri jeje eo, im Measeia dri kabwijrõk, iomin pein Hanenaia juõn ian kapen ro an kiñ eo. 12 Im aolepen oran jiõb ro an imõn ro jimair, armij re beran im kajur, ruo tausand jiljino buki. 13 Im iomin peir juõn jar in tõrinae, jilu buki jiljilim juõn tausand limabuki, rar tõrinae kin kajur e kanuij lap, im jibõñ kiñ eo nae ro dri kijiräte. 14 Im Uzzaia e ar kapojõk ñõn ir, ñõn aolepen jar in tõrinae eo, likipijñõk ko, im mõri ko, im ken kõrape bõrair, im ken tõrak, im libon ko, im dreka in bwot. 15 Im e ar kõmõnmõn ilo Jerusalem ken tõrinae ko, ro dri kabel rar kine, bwe ren ber ion imõn bar ko im ion worwor ko, in kiele kake mõri im dreka ko relap.

<sup>1</sup> 1 Kron. 26. 15. <sup>2</sup> 2 KIN 14. 17-22.

Im etan e buñbuñ ñõn ijo etolok ; bwe ar kanuij jibõn e mae ien e kajur wõt.

16 A ke e kajur, e utiejlok buruen, inem e ar kômõn nana, im e ar bwir nae Jeova an Anij; bwe e ar dreloñ iloan tempel an Jeova bwe en kôkaijurjur ion lokatok in kaijurjur eo.

17 Im Azaraia pris eo e dreloñ ilokõn lok, im iben drualitõkõul pris an Jeova, armij re beran wõt: 18 im

rar jumae Uzzaia kiñ eo, im re ba ñõn e, E jab kwonam kôkaijurjur ñõn Jeova, Uzzaia, a kwonan pris ro nejin Aron, ro emwij kokwojarjar ir ñõn kôkaijurjur: kwon drioijslok jen jikin kwojarjar eo; bwe kwo bwir: im e jamin men in nebar yuk jen Jeova Anij. 19 Inem Uzzaia ej illu; im juõn senser ilo pein in kôkaijurjur kake; im ilo ien an illu ñõn pris ro,

<sup>1</sup> nañinmij in leper e ar walok ilo dremõn iman pris ro ilo imõn Jeova iturin lokatok in kaijurjur. 20 Im Azaraia pris elap, im pris otemjej, rar reilok ñõn e, im lo, eor nañinmij in leper ilo dremõn, im rar mõkõj in kadrioijslok e jen ijo: aet e ar kaur e in ilok, kin ke Jeova e ar mõn e. 21

<sup>2</sup> Im Uzzaia kiñ eo, dri leper ñõn ran eo e mij, im e ar jokwe ilo juõn im mõke ian, bwe e dri leper; im emwij bõprae an dreloñ ilo imõn Jeova: im Jotam nejin, e ar ion imõn kiñ, im e ar ekajete ro dri eneo. 22 Ak jeral ko jet an Uzzaia, ko mokta im eliktata, Aiseia dri kanan, nejin Emoz, e ar je. 23 Ein drein Uzzaia e ar kiki iben ro jiman; im rar kalibwin e iben ro jiman, ilo wuliej eo an kiñ ro; bwe re ba, E dri leper: im Jotam nejin e ar kiñ im binej jenkwõn.

27 <sup>3</sup>Jotam e ar ridtõn roñoul lailim yiõ ke e ar jino an kiñ; im e ar kiñ iomin joñoul jiljino yiõ i Jerusalem: im etan jinen Jirusa nejin Zedok. 2 Im e ar kômõn men ko re jime iman mejen Jeova, ekar ñõn aolepen men eo Uzzaia jemen e ar kômõne. Mekarta, e ar jab dreloñ ilo tempel an Jeova. Im dri ailin eo rar kômõn nana wõt. 3 E ar kalek kem eo e utiej an imõn Jeova, im ion

worwor in Opel elap an kalek. 4 Bar juõn, e ar kalek jikin kwelok ilo ene utiej in Juda, im ilo jikin wijki ko e ar kalek me ko im imõn bar ko. 5

Bareinwõt e ar tõrinaek kiñ an ro nejin Amon, im bõk anjo jen ir. Im ro nejin Amon rar lelok ñõn e ilo yiõ eo wõt jibuki talent silver, im joñoul tausand joñok in wit, im joñoul tausand an barli. Ein drein ro nejin Amon rar lelok ñõn e yiõ eo ken ka ruo, bareinwõt ilo yiõ eo ken ka jilu.

6 Ein drein Jotam e ar kajurlok, bwe e ar kajime ial ko an iman Jeova an Anij. 7 Ak jeral ko jet an Jotam, im tõrinae ko otemjej an, lo emwij jeje ilo buk in kiñ ro an Israel em Juda. 8 E ridtõn roñoul lailim yiõ ke e ar jino an kiñ, im e ar kiñ iomin joñoul jiljino yiõ i Jerusalem. 9 Im Jotam e ar kiki iben ro jiman, im rar kalibwin e ilo jikin kwelok an Devid: im Ehaz, leo nejin, e ar kiñ im binej jenkwõn.

28 <sup>1</sup>Ehaz e ar ridtõn roñoul yiõ ke e ar jino in kiñ: im e ar kiñ iomin joñoul jiljino yiõ i Jerusalem: im e ar jab kômõn men ko re jime iman mejen Jeova, einwõt Devid jemen; 2 a e ar etetal ilo ial ko an kiñ ro in Israel, im e ar bareinwõt kômõn mõn men in e unlok ko ñõn Beal ko. 3 Bar juõn, e ar kôkaijurjur ilo kornlõl in nejin Hinnom, im e ar tili ro nejin ilo kijeek, ekar ñõn men in jõjõik an ro dri ailin ko Jeova e kar jolok jen iman ro nejin Israel. 4 Im e ar katok im kôkaijurjur ilo jikin ko re utiej, im ion tol ko, im iomin jabrewõt wijki e māroro.

5 Kin men in <sup>2</sup>Jeova an Anij e ar ketõk e na ilo pein kiñ in Siria; im rar mõn e, im añinlok ian ro dron juõn jar elap jaran ro dri jebokwe, im bõktoke ñõn Damaskõs. Im ar bareinwõt ketõk e na ilo pein kiñ in Israel, eo e ar mõn e, im elap air mõn e. 6 Bwe Pika nejin Remalaia e ar mõn ilo Juda jibuki roñoul tausand ilo juõn ran, ir otemjej armij re beran; kin air illok jen Jeova, Anij an ro jimair. 7 Im Zikrai, juõn armij e kajur jen

<sup>1</sup> 2 KIN 8. 25-27. <sup>2</sup> 2 KIN 15. 5-7. <sup>3</sup> 2 KIN 18. 33-35

<sup>1</sup> 2 KIN 16. 2-4. <sup>2</sup> Jap. 24. 24.



Ipreim, e ar mōn Measeia nejin kiñ eo, im Azrikam iroiñ in mweo, im Elkena eo ijillockin kiñ eo.

8 Im <sup>1</sup> ro nejin Israel rar añinlok ro dri jebokwe ian ro jeir im jätir rubuki tausan, kōra ro, ro nejir man im kōra, im bareinwōt bōklok men in rakim elap jen ibeir, im rar bōktok men in rakim ko ñōn Sameria. 9 A juōn dri kanan an Jeova e ar ber ijo etan Oded: im e ar drioijlok in wōnmae jar in tōrinae eo e ar itok ñōn Sameria, im e ba ñōn ir, Lo, bwe Jeova Anij an ro jimami, E ar illu iben Juda, E ar ketōk ir na ilo peōmi, im kom ar mōn ir kin juōn illu e ar tōbarlok lōñ ko. 10 Im kiō komij bebe in ketōk ro nejin Juda im Jerusalem dri korijerōmi man im kōra: a e jab ibemi wōt bwir ko ami nae Jeova Anij eo ami ke? 11 Inem komin eoroñ iō, im kejeblaklok ro dri jebokwe, ro kom ar kejebokweik ir ian ro jeōmi im jätōmi; bwe illu e bwil jen Jeova ej iomi. 12 Inem jet ian jiōb ro an ro nejin Ipreim, Azaraia nejin Johenan, Berikaia nejin Meshillemot, im Jehizkaia nejin Shallum, im Amasa nejin Hadlai, rar jutōk jumae ro rar itok jen tōrinae eo, 13 im re ba ñōn ir, Kom jamin bōktok ro dri jebokwe ñōn ijin: bwe men eo komij lemnok e naj bōktok ioer juōn bwir nae Jeova, im korlok jerawiwi ko ar im bwir ko ar; bwe elap aruij bwir im eor illu e bwil ion Israel. 14 Ein drein ro dri tōrinae rar likit ro dri jebokwe im men in rakim eo iman iroiñ rōn im iman aolepen jar eo. 15 Im armij ro emwij kwalok etair rar jutōk, im bōk ro dri jebokwe, im kin men in rakim rar kanuknuk ir otemej re kelwan iair, im kalitit ir, im naballin neir, im lelok ñōn ir kijeir im limeir, im kabit ir, im bōklok ion ass ko ro otemej re mōjino iair, im bōktok ir ñōn Jeriko, jikin kwelok in wjiki pam ko, ñōn iben ro jeir im jätir: inem rar jebal ñōn Sameria.

16 Im ilo ien eo kiñ Ehaz e ar jilkinlok ñōn kiñ in Assiria bwe en jibōñ e. 17 Bwe ro dri Idōm rar bar

item mōn Juda, im rar bōklok jet dri jebokwe. 18 Bareinwōt ro dri Pilistia rar tōrinaek jikin kwelok ko ilo ene etā, ilo mōtōn Juda irōk, im rar bōk Bet-shimesh, im Aijalon, im Gederot, im Soko, kab jikin ko wujen, im Timna kab jikin ko wujen, Gimzo bareinwōt kab jikin ko wujen: im rar jokwe ie. 19 Bwe Jeova e ar kanuij kōtaik Juda, kin Ehaz kiñ in Israel; bwe e ar jerawiwi wōt im kanuij bwir nae Jeova. 20 Im Tilgat-pilniser kiñ in Assiria e ar itok ñōn iben, im kejjorran e, a e ar jab kakajur e. 21 Bwe Ehaz e ar bōk jimōtōn jen ilo imōn Jeova, im jen ilo imōn kiñ, im jen mo ko imōn iroiñ ro, im lelok ñōn kiñ in Assiria, a e jab jibōñ e.

22 Im ilo ien an jorran e ar kalaplok an bwir nae Jeova, eñin kiñ Ehaz. 23 Bwe e ar katok ñōn anij ro an Damaskōs, eo e ar mōn e; im e ba, Kin an anij ro an kiñ ro in Siria jibōñ ir, kin men in I naj katok ñōn ir bwe ren jibōñ iō. A rar kokkure e im aolepen Israel. 24 Im Ehaz e ar kokweloktok jābi ko an imōn Anij, im tibrikrik jābi ko an imōn Anij, im kili aor ko an imōn Jeova; im e ar kōmōnmōn ñōn e lokatok ko ilo jabrewōt kābon in ial ko i Jerusalem. 25 Im ilo jabrewōt jikin kwelok in Juda e ar kōmōn jikin ko re utiej in kōkaijurjur ñōn anij ro jet, im e ar kakitōtōik Jeova ñōn illu, Anij an ro jimair. 26 Ak jeral ko jet an, im ial ko an otemej, ko mokta im ko eliktata, lo emwij jeje ilo buk in kiñ ro in Juda im Israel. 27 Im Ehaz e ar kiki iben ro jimair, im rar kalibwin e ilo jikin kwelok eo, ilo Jerusalem; bwe rar jab bōktok e ñōn lūpōn kiñ ro in Israel: im Hezekaia nejin e ar kiñ im binej jenkwōn.

**29** <sup>1</sup> Hezekaia e ar jino an kiñ ke ridtōn roñoul lailim yiō; im e ar kiñ iomin roñoul druatimjuōn yiō i Jerusalem: im etan jinen Abaija, lio nejin Zekaraia. 2 Im e ar kōmōn men ko re jime iman mejen Jeova, ekar ñōn aolepen men ko Devid jemen e ar kōmōni. 3 Ilo yiō eo mokta in

<sup>1</sup> Dat. 26. 25. 41.

<sup>2</sup> 2 Klf. 18. 1-3.

an kiñ, ilo aliñ eo mokta, e ar kabellok aor ko an imõn Jeova im kôkâl ir. 4 Im e ar kadreloñtok pris ro, im ro dri Livai, im kokweloktok ir ilo jikin eo e rãbôkbôk i rear, 5 im e ar ba ñõn ir, Komin eoroñ iõ, kom dri Livai, im môke kokwojarjar kom, im kokwojarjar imõn Jeova, Anij an ro jimami, im bôklok etton ko jen jikin kwojarjar. 6 Bwe ro jemer rar bwir, im rar kômõn nana iman mejen Jeova aruij Anij, im rar illok jen E, im rar jeorlok mejeir jen jikin jokwe an Jeova, im oktôklik jen E. 7 Im rar kili aor ko in portiko eo, im kwuni lamp ko, im rar jab kôkaijurrur ak katok kin katok kijeek ko ilo jikin kwojarjar ñõn Anij in Israel. 8 Kin men in illu an Jeova e ar ber ion Juda im Jerusalem, im E ar ketôk ir ñõn joto jotôk, im bwe ren men in bwilõn, im men in jôjôik, einwôt komij lo kin mejômi. 9 Bwe lo, ro jemer rar buñ kin jâji eo, im ro nejir man im kôra rej dri jebokwe kin men in. 10 Inem ej ilo buruõ bwe in kômõn juõn bujen iben Jeova, Anij in Israel, bwe illu eo An e bwil en jeorlok jen kij. 11 Kom, ro nejio, komin jab jowõn kiõ; bwe emwij an Jeova kålet kom bwe komin jutôk iman, bwe komin jermal ñõn E, im bwe komin dri korijeran, im kôkaijurrur.

12 Inem dri Livai rar jutôk, Mehat nejin Amesai, im Joel nejin Azaraia, ian ro nejin dri Kohat; im ian ro nejin Mirerai, Kish nejin Abdai, im Azaraia nejin Jehalelel; im ian ro nejin Gershon, Joa nejin Zima, im Iden nejin Joa; 13 im ian ro nejin Elzepan, Shimrai im Jeuel; im ian ro nejin Esap, Zekaraia im Mattanaia; 14 im ian ro nejin Himan, Jehuel im Shimeai; im ian ro nejin Jedutun, Shemeaia im Uzziel. 15 Im rar kokweloktok ro jeir im jãtir, im môke kokwojarjar ir, im dreloñ, ekar ñõn kien kiñ eo kin nan ko jen Jeova, im karreok imõn Jeova. 16 Im pris ro rar dreloñ ilo alen jab eo iloan imõn Jeova, im karreok e, im bôkinabijtok brij eo rar loe ilo tempel in Jeova ñõn worwor eo an imõn Jeova. Im

ro dri Livai rar bôk e im ineklok e ñõn wea Kidron. 17 Ak rar jino ilo ran eo mokta in ailiñ eo mokta bwe ren kokwojarjar, im ilo ran eo ken ka dualitôk in aliñ eo rar tõbrôk portiko eo an Jeova; im rar kokwojarjar imõn Jeova ilo dualitôk ran; im ilo ran eo ken ka joñoul jiljino in aliñ eo mokta rar kejemlok e. 18 Im rar dreloñlok ñõn iben Hezekaia kiñ eo ilo mweo imõn, im re ba, Kim ar karreok aolepen imõn Jeova, im lokatok in katok kijeek, iben jãbi ko an otemjej, im tebel in bred in kalikar, im jãbi otemjej an. 19 Bar juõn, jãbi otemjej ko kiñ Ehaz e ar julok ilo an bwir ke e ar kiñ, kim ar kapojôk im kokwojarjari; im lo, rej iman lokatok an Jeova.

20 Inem Hezekaia kiñ eo e ar jerkak ke e jiboñ wôt, im kokweloktok iroi ro in jikin kwelok eo, im wõnliñlok ñõn imõn Jeova. 21 Im rar bôktok jiljilimjuõn kau koman, im jiljilimjuõn sip koman, im jiljilimjuõn lam, im jiljilimjuõn got koman, ken katok kin jerawiwi an ailiñ eo im kin jikin kwojarjar im kin Juda. Im e ar jiroñ pris ro nejin Aron bwe ren katok kaki ion lokatok in Jeova. 22 Ein drein rar mõn kau koman ko, im pris ro rar bôk bôtôktôkir, im kabûtûktûki ion lokatok eo; rar mõn lam ko bareinwôt im kabûtûktûk kin bôtôktôkir ion lokatok eo. 23 Im rar kadruaktok got koman ko, ko ñõn katok kin jerawiwi, iman kiñ eo im jar eo; im rar likit peir ioir: 24 im pris ro rar mõni, im rar kômõn katok kin jerawiwi kin bôtôktôkir ion lokatok eo, im kômõn kilãjrok ñõn aolepen Israel; bwe kiñ eo e ar jiroñ bwe katok kijeek ko, im katok jerawiwi, ren ñõn aolopen Israel.

25 Im e ar <sup>1</sup>likit ro dri Livai ilo imõn Jeova, im ibeir simbal ko im salteri ko, im arp ko, ekar ñõn kien Devid, bareinwôt kien Gad dri lolo an kiñ eo, im an Netan dri kanan eo; bwe nan in jiroñ eo jen Jeova kin dri kanan ro An. 26 Im dri Livai rar jutôk, im ibeir ken kajõnjõn ko an

<sup>1</sup> 1 Kron. x. 6.

Devid, im pris ro, im ibeir jilil ko. 27 Im Hezekaia e ar jiroñ bwe ren katok kin katok kijeek ion lokatok eo. Im ke e jino katok kijeek eo, e ar jino bareinwõt al ñon Jeova, im jilil ko kab ken kajõñjõñ ko an Devid kiñ in Israel. 28 Im aolepen jar eo rar kabuñ, im ro dri al rar al wõt, im ro dri jilil rar uk jilil; aolepen men kein rar etal wõt mae ien kamwijlok katok kijeek.

29 Im ke rar kamwijlok air katok, 1 kiñ eo im ro otemjej rej ber iben ijo rar barikrik im kabuñ. 30 Bar juõn, Hezekaia kiñ eo im iroj ro rar jiroñ ro dri Livai bwe ren al al in nebar ko ñon Jeova kin nan ko an Devid, im Esap dri lolo eo. Im rar al al in nebar ko kin lõñliñ, im rar mõjir kin bõrair im kabuñ.

31 Inem Hezekaia e ar uak im ba, 2 Kiõ kom ar mõke kokwojarjar kom ñon Jeova; komin druaktok im bõktok katok ko, im jurtak in kamolol ko ilo imõn Jeova. Im jar eo rar bõktok iloan, katok ko im jurtak in kamolol ko; im jabrewõt ro rar kõnan ilo burueir rar bõktok katok kijeek ko. 32 Im oran katok kijeek ko jar eo rar bõktok jiljilimjuõñoul kau koman, jibuki sip koman, im rubuki lam: ir kein otemjej rej ñon katok kijeek ñon Jeova. 33 Im men ko men in lelok, jiljino buki ox im jilu tausan sip. 34 A pris ro re jab bwe, inem re ban jopen kilir men in katok kijeek otemjej; kin men in ro jeir im jätir, dri Livai, rar jibõñ ir, mae ien emwij jerbaleo, im mae ien an pris ro mõke kokwojarjar ir; bwe dri Livai rar wäppenlok ilo burueir bwe ren mõke kokwojarjar ir jen pris ro. 35 Im bareinwõt katok kijeek ko relõñ, im kioeo in katok ainemõn ko, im jurtak in irak ko ñon jabrewõt katok kijeek. Ein drein air kiläjrok jerbaleo in imõn Jeova. 36 Im Hezekaia e ar lõñliñ, kab armij otemjej, kin men ko Anij e ar kapojõk ñon armij ro: bwe e mõkõj air kõmõn men in.

**30** Im Hezekaia e ar jiliklok ñon aolepen Israel im Juda, im e ar

jeje letter ko bareinwõt ñon Ipreim im Menassa, bwe ren itok ñon imõn Jeova i Jerusalem, in lale men in kijone ñon Jeova, Anij in Israel. 2 Bwe emwij an kiñ eo, im iroj ro, im aolepen jar eo ilo Jerusalem, bebe bwe ren lale men in kijone, ilo aliñ eo ken ka ruo. 3 Bwe re ban lale ilo ien eo, bwe e jab bwe pris ro rar mõke kokwojarjar ir, im bareinwõt armij ro rar jab kweloktok i Jerusalem. 4 Im men in e jime iman mejen kiñ eo im aolepen jar eo. 5 Ein drein rar kõmõn juõn kien in kwalok nan eo ilo aolepen Israel, jen Bier-shiba ñon Dan, bwe ren iten lale men in kijone ñon Jeova, Anij in Israel, i Jerusalem: bwe e jab lõñ ro rar lale einwõt emwij jeje kake. 6 Ein drein ro dri jilik rar ilok im bõklok letter ko jen kiñ eo im iroj ro, im aolepen Israel im Juda, im ekar ñon kien kiñ eo, im re ba, Kom ro nejin Israel, komin bar oktõk ñon Jeova, Anij an Ebrean, Aisak, im Israel, bwe En jeblaktok ñon ro mätõn iri iami emwij air ko jen pein kiñ ro in Assiria. 7 Im komin jab einwõt ro jememi, im einwõt ro jeõmi im jätõmi, ro rar bwir nae Jeova, Anij an ro jimar, inem E ar lelok ir ñon kokkure, einwõt komij lo. 8 Inem komin jab benawia, einwõt ro jeõmi; a komin lelok kom ñon Jeova, im dreloñlok ilo jikin kwojarjar eo An, eo E ar kokwojarjar e ñon in drio, im komin korijer ñon Jeova ami Anij, bwe illu e bwil eo An en jeorlok jen kom. 9 Bwe elañe kom bar oktõk ñon Jeova, ro jeõmi im jätõmi im ro nejõmi re naj lo tiriamo iman ro rar kejebokweik ir, im re naj jeblaktok ilo enin: bwe Jeova ami Anij e joij im Ej tiriamokake, im E jamin kejeorlok mejen jen kom, elañe komij bar jeblaklok ñon E.

10 Ein drein ro dri jilik rar ilok jen jikin kwelok ñon jikin kwelok ilujen ene in Ipreim im Menassa, im ñon Zebulun: a rar tõnkake im kajirere kake ir. 11 Mekarta, jet ian Asher im Menassa im Zebulun rar mõke kõtaik ir, im rar itok ñon Jerusalem. 12 Bareinwõt pein Anij e ar itok ion

Juda bwe En lelok ñõn ir juõn wõt burueir, in bokake kien kiñ eo im kien iroi j ro kin nan jen Jeova.

13 Im elõñ armij rar kweloktok i Jerusalem, in lale kwojkwoj in bred e jab uwe, ilo aliñ ken ka ruo, juõn jar e kanuij lap. 14 Im rar jerkak im bõklok lokatok ko rej ilo Jerusalem, im bareinwõt lokatok in kõkaijurjur otemjej, rar bõklok ir, im julok ilo wea Kidron. 15 Im rar mõn men in kijone ilo ran eo ken ka joñoul emen ilo aliñ eo ken ka ruo : im pris ro im ro dri Livai rar jok, im mõke kokwojarjar ir, im bõktok katok kijeek ko na ilo imõn Jeova. 16 Im rar jutõk ilo jikir ekar ñõn lãjrok eo air, ekar ñõn kien Moses ãrmij õn Anij : pris ro rar kabõtõtõtõt dran eo emwij air bõk e jen pein ro dri Livai. 17 Bwe elõñ ilo jar eo re jañin mõke kokwojarjar ir : kin men in ro dri Livai rar lale jermal in mõn men in kijone ko ñõn jabrewõt eo e jab erre, bwe ren kokwojarjar ir ñõn Jeova. 18 Bwe elõñ ian armij rõn, aet elõñ ro dri Ipreim, im Menassa, im Issakar, im Zebulun, rar jab mõke karreok ir, ijoke rar mõña men in kijone ein juõn jen eo emwij jeje kake. Bwe Hezeakaia e ar jar kin ir, im e ba, Jeova eo emõn En jolok bwir an jabrewõt eo 19 ej kabin buruen in kabukot Anij, Jeova, Anij an ro jiman, meñe e jab erre ekar ñõn karreo eo an jikin kwojarjar. 20 Im Jeova e ar eoroñ Hezeakaia, im kaejmour armij ro. 21 Im ro nejin Israel rej ber i Jerusalem rar lale kwojkwoj in bred e jab uwe, iomin jiljilimjuõn ran kin lõñliñ elap ; im ro dri Livai im pris ro rar nebar Jeova ran otemjej, im al iben ken kajõñjõñ elap ainikeir ñõn Jeova. 22 Im Hezeakaia e ar konono joij ñõn dri Livai otemjej emõn air jela kin jermal ñõn Jeova. Ein drein rar mõña ilo kwojkwoj eo iomin ran ko jiljilimjuõn, im katok kin men in katok ainemõn ko, im kwalok burueir ñõn Jeova Anij an ro jimair.

23 Im aolepen jar eo <sup>1</sup> rar bebe in

lale bar jiljilimjuõn ran ; im rar lale bar jiljilimjuõn ran kin lõñliñ. 24 Bwe Hezeakaia kiñ in Juda e ar lelok ñõn jar eo men in katok ko, juõn tausan kau koman im jiljilimjuõn tausan sip ; im iroi j ro rar lelok ñõn jar eo juõn tausan kau koman im joñoul tausan sip : im elõñ ian pris ro rar mõke kokwojarjar ir. 25 Im aolepen jar an Juda, kab pris ro im ro dri Livai, im aolepen jar eo e ar itok jen Israel, im ro dri itoitõk rar itok jen ilo ene in Israel, im rar jokwe ilo Juda, rar lõñliñ. 26 Ein drein elap lõñliñ ilo Jerusalem ; bwe jen ien Solomon nejin Devid kiñ in Israel, e ar ejelok einwõt i Jerusalem. 27 Inem pris ro im ro dri Livai rar jutõk im kamõnõnõik armij ro ; im emwij eoroñ ainikeir, im jar eo air e ar wõnliñtok ñõn jikin kwojarjar eo An, aet ñõn lõñ.

**31** A ke emwij an kõmõn aolepen men kein, dri Israel otemjej rar ber ijo, rej ilok ñõn jikin kwelok ko in Juda, im ruprupi jur ko, im juokwe Ashira ko, im ruplõllok jikin ko re utiej im lokatok ko i aolepen Juda im Benjamin, ilo Ipreim bareinwõt im Menassa, mae ien emwij air kokkure aolepeir. Inem ro nejin Israel otemjej rar jeblaklok, jabrewõt armij ñõn mweo imõn, ilo jikin kwelok ko air.

2 Im Hezeakaia e ar karõk lajrõk ko an pris ro im ro dri Livai ekar ñõn lajrõk ko air, jabrewõt armij ekar ñõn jermal eo an, pris ro kab ro dri Livai, ñõn katok kijeek ko, im jurtak in ainemõn ko, bwe ren korijer, im kamolol, im nebar ilo kejem ko in kamp an Jeova. 3 Ear bareinwõt na kien kwonan kiñ eo jen mweuiuk ko an, ñõn katok kijeek ko, ir kein ñõn katok kijeek ke e jiboñ im jota, im katok kijeek ko ñõn Sabat ko, im ñõn aliñ ko rekāl, im ñõn kwojkwoj ko emwij likiti, einwõt jeje ilo kien Jeova. 4 Bar juõn, e ar jiroñ armij ro rar jokwe ilo Jerusalem bwe ren lelok kij an pris ro im ro dri Livai, bwe ren maroñ in mõke lelok ir ñõn kien Jeova. 5 Im ke kien eo e ar

<sup>1</sup> 1 KIN 8. 66.

berijöke, ro nejin Israel rar lelok elöñ an jomököj in korn, wain ekäl, im höñni, im jen aolepen orlok an jikin kallip ko; im rar böktok elöñ mötön joñoul in men ko otemjej. 6 Im ro nejin Israel im Juda rar jokwe ilo jikin kwelok ko in Juda, rej bareinwöt böktok mötön joñoul an ox ko im sip ko, im mötön joñoul an men ko emwij lelok rar kokwojarjar ir ñön Jeova air Anij, im rar likiti ilo ejoj ko. 7 Im ilo aliñ eo ken ka jilu rar jino in kömön löñtön ejoj ko, im kamwijlok ilo aliñ eo ken ka jiljilimjuön. 8 Im ke Hezekaia im iroj ro rar item lo ejoj ko, rar item kamöñöñök Jeova, im Israel, ro dron. 9 Inem Hezekaia e ar kajitök iben pris ro im ro dri Livai kin ejoj ko. 10 Im Azaraia pris eo elap, jen imön Zedok, e ar uak e im ba, Jen ien eo ke armij rar jino in böktok jurtak ko ñön iloan imön Jeova, kim ar möña im mät, im elöñ ej berwöt; bwe Jeova e ar kejerammön ro dri ailiñ An; im men in elap, bwen.

11 Inem Hezekaia e ar jiroñ bwe ren kapoj rum ko ilo imön Jeova; im rar kapoji: 12 im rar böktok na iloan, jurtak ko, im mötön joñoul ko, im men ko men in lelok, im tiljek kake. Im Konenaia dri Livai e ar iroj ioir, im ijilokin Shimeai jätin, 13 im Jehaiel, Azazaia, im Nehat, im Esahel, im Jerimot, im Jozabad, im Ilaiel, im Ishmekaia, im Mehat, im Beneaia, rar dri lale iomin pein Konenaia im Shimeai, kin kien Hezekaia kiñ, im Azaraia iroj ion imön Anij. 14 Im Kore nejin Imna dri Livai, dri lale kejem eo i rear, e ar ion jurtak ko kin könän ñön Anij, bwe en kijibliklok jurtak ko an Jeova, im men ko re kwojarjar otem kwojarjar. 15 Im ijilokin Iden, im Miniamin, im Jeshua, im Shemaia, Amaraia, im Shekenaia, ilo jikin kwelok ko an pris ro, im jermal ko air kin tiljek, bwe ren lelok ñön ro jeir im jätir kin lajrök ko, ñön ro re utiej einwöt ñön ro rettä: 16 eor jen ro rar bwini ir kin ebeben ko, man rön, jen ridtön jilu yiö im jima, ir otemjej rar dre-

loñtok iloan imön Jeova, einwöt jermal in jabrewöt ran e ar aikwij, ñön korijer ilo jermal ko air ekar ñön lajrök ko air; 17 im ro emwij bwini ir kin ebeben ko an pris ro ekar ñön mo ko imön ro jimair, im ro dri Livai jen ridtön joñoul yiö im jima, ilo jermal ko air kin lajrök ko air; 18 im ro emwij bwini ir kin ebeben in ro nejr, limaro beleir, im ro nejr man im köra, ilo bwiljin aolepen jar eo: bwe ilo air jerbale men in tiljek, rar möke kokwojarjar ir ilo men in kwojarjar. 19 Bareinwöt ñön ro nejin Aron pris ro, rar ber ilo jikin kallip ko iturin jikin kwelok ko air, ilo jabrewöt jikin kwelok, eor armij emwij kir ir kin etair, bwe ren lelok mötön ko ñön man ro otemjej ian pris ro, im ñön ir otemjej ar bwini ir kin ebeben ian ro dri Livai.

20 Im ein drein an Hezekaia kömön ilo aolepen Juda; im e ar kömön men eo emön im jime im tiljek iman Jeova an Anij. 21 Im ilo jermal otemjej e ar jino ilo jermal ñön imön Anij, im ilo kien eo, im ilo nan in jiroñ ko, bwe en kabukot an Anij, e ar kömöne kin aolepen buruen, im e ar jerammön.

**32** <sup>1</sup> Elikin men kein, im tiljek in, Senakerib kiñ in Assiria, e ar itok, im dreloñ ilo Juda, im nitbwili jikin kwelok ko rebin, im lemnoke e naj böki. 2 Im ke Hezekaia e ar lo an Senakerib itok, im bwe ej bebe in törinaek Jerusalem, 3 e ar bebe iben iroj ro an im armij ro an re kajur bwe ren böprae dren ko jen unin dren ko elikin jikin kwelok eo: im rar jiböñ e. 4 Ein drein elöñ armij rar kweloktok, im rar binej unin dren otemjej, im wea eo ej torlok ilujen eneo, im re ba, Etke kiñ ro in Assiria ren iten lo elöñ dren? 5 Im e beranlok, im e ar kalek aolepen worwor eo, emwij ruplölok e mokta, im e ar ejililök e ñön imön bar ko, im worwor eo juöñ elikin, im e ar kaka-jur Millo ilo jikin kwelok an Devid, im e ar kömönmön ken törinae ko im likipijñök ko relöñ. 6 Im e ar li-

<sup>1</sup> 3 KIN 18. 13-19.

kit kapen in tōrinae ion armij ro, im kokweloktok ir nōn iben ilo jikin eo e rābōkbōk iturin kejem in jikin kwelok eo, im e ar konono nōn burueir, im ba, **7** Komin kajur im beran, komin jab mijōk ak lelnoñ kin kiñ in Assiria eo, ak kin aolepen jar eo iben: bwe Juōn iber elap jen eo iben: **8** iben, juōn pā kōniek; a iber Jeova aruij Anij bwe En jibōn kij, im tōrinaek keitak ko ar. Im armij rar jutōk ion nan ko an Hezekaiā kiñ in Juda.

**9** Elikin men in Senakerib kiñ in Assiria e ar jilkinlok ro dri korijeran nōn Jerusalem, (kiō e ar ber iman Lekish im aolepen kajur eo an iben), nōn iben Hezekaiā kiñ in Juda, im nōn dri Juda otemjej re beran i Jerusalem, im e ba, **10** Ein drein Senakerib kiñ in Assiria ej ba, Ta eo komij liki im berwōt ilo nitbwili i Jerusalem? **11** <sup>1</sup>Hezekaiā e jab karel kom, in lelok kom nōn mij kin nita im kin maro, im ej ba, Jeova ar Anij e naj lomoren kij jen ilo pein kiñ in Assiria ke? **12** Hezekaiā in e jab eo e ar bōklok jikin ko re utiej An, im lokatok ko An, im jiroñ Juda im Jerusalem, im ba, Kom naj kabuñ iman juōn wōt lokatok, im ion kom naj kōkaijurjur ke? **13** Kom jab jela ta eo kimro jema ar kōmōn nōn dri ailiñ otemjej i ene ko ke? Anij ro an ro dri ailiñ in ene ko rar maroñ im lomoren eneo air jen ilo peiō ke? **14** Wōn eo ian anij otemjej an dri ailiñ ko ro jema e ar kanuij kokkuri, e maroñ in lomoren ro dri ailiñ an jen peiō, inem ami Anij en maroñ in lomoremi jen peiō ke? **15** Inem Hezekaiā en jab mone kom, ak karel kom ilo wāwen in, im komin jab tōmak e; bwe ejelok anij in jabrewōt ailiñ e ar maroñ in lomoren ro dri ailiñ an jen peiō: e nañin riklok ami Anij naj maroñ in lomoren kom jen peiō!

**16** Im ro dri korijeran rar kalōñlok air konono nae Jeova Anij, im nae Hezekaiā dri korijeran. **17** E ar bar-einwōt jeje letter ko in kajirere kake Jeova Anij in Israel, im konono nae

E, im e ba, Einwōt anij ro in ene ko, rar ban lomoren dri ailiñ ro air jen peiō, ein drein Anij an Hezekaiā E jamin lomoren ro dri ailiñ an jen peiō. **18** Im rar lamij kin ainikeir elap ilo kajin Ju nōn ro dri Jerusalem rar ber ion worwor eo, bwe ren kemjōk ir, im kamōk ir; bwe ir ren bōk jikin kwelok eo. **19** Im rar konono kin Anij in Jerusalem einwōt anij ro an ro dri ailiñ ko an lōl in, ko iltan pein armij.

**20** Im Hezekaiā kiñ eo, im Aiseia dri kanan eo nejin Emoz, rar jar kin men in, im kir nōn lōñ ko. **21** Im Jeova e ar jilkinlok juōn enjel, eo e ar mōn ro dri kajur im dri beran otemjej, im ro dri tel im kapen ro, ilo kamp an kiñ in Assiria. Ein drein e ar jeblak im jok wōt nōn eneo an. Im ke e ar dreloñtok ilo tempel in anij eo an, ro rar itok jen kabinjen rar mōn e na ijo kin jāji. **22** Ein drein Jeova e ar lomoren Hezekaiā im ro dri Jerusalem jen pein Senakerib kiñ in Assiria, im jen pein armij ro otemjej jet, im tellok ir ijoko jabrewōt. **23** Im elōñ rar bōktok jurtak ko nōn Jeova nōn Jerusalem, im men ko re aurōk nōn Hezekaiā kiñ in Juda: inem ar koutiej e iman mejen ro dri ailiñ otemjej jen ien eo.

**24** <sup>1</sup>Ilo ran ko Hezekaiā e ar nañin-mij wōt jirik: im e ar jar nōn Jeova: im E ar konono iben, im lelok nōn e juōn kakōle. **25** A Hezekaiā e ar jab bar lelok ekar nōn men ko emwij jibōñ e kake; bwe e utiej buruen: kin men in eor illu e ar ber ion im ion Juda im Jerusalem. **26** Mekarta, Hezekaiā e ar mōke kōtaik e kin jua in buruen, e im ro dri Jerusalem, inem illu jen Jeova e ar jab buñōt ir ilo ran ko an Hezekaiā.

**27** Im iben Hezekaiā elōñ mweiuk im nebar: im e ar kōmōnmōn nōn e jikin mweiuk ko nōn silver, im nōn gold, im nōn dreka re aurōk, im nōn spais ko, im nōn likipijñōk ko, im nōn jābi ko remōn jabrewōt wāwen; **28** mo ko imōn kejbārok orlok in korn im oil bareinwōt; im mo ko nōn jab-

<sup>1</sup> Jap. 31. L.<sup>1</sup> 2 KIR 20. 1-11.

rewõt wāwen kiru, im bwij ko iloan worwor ko. 29 Bar juōn, e ar kōmōnmōn nōn e jikin kwelok ko, im elōñ bwijin sip im got in kau, bwe Anij e ar lelok nōn e elōñ mweiuk. 30 Hezekaia im eo e ar bareinwõt binej unin dren ko ilo Gaihon, im kator- ilōltok jime wõt iturin jikin kwelok an Devid i kabilūñ. Im Hezekaia e ar jerammōn ilo jermal otemjej an. 31 Ijoke, ilo men eo an ro dri keañ jen iroj ro i Babilon, rar jilkinlok nōn iben bwe ren kajitōk kin men in bwilōñ eo emwij kōmōne ilo eneo, Anij e ar likit e, bwe En melejoñ e, bwe En jela aolepen men ko ilo bu- ruen.

32 Ak jermal ko jet an Hezekaia, im men ko remōn e ar kōmōni, lo em- wij jeje ilo vison an Aiscia nejin Emoz, ilo buk in kiñ ro an Juda im Israel. 33 Im Hezekaia e ar kiki iben ro jiman, im rar kalibwin e ijo e utiejlok ilo lūp ko an ro nejin Devid: im aolepen Juda im ro dri Jerusalem rar nebar e ke e mij. Im Menassa nejin e ar kiñ im binej jenkwōn.

**33** Ridtōn <sup>1</sup>Menassa joñoul ruo yiō ke e jino an kiñ; im e ar kiñ iomni limñoul lailim yiō i Jerusa- lem. 2 Im e ar kōmōn nana iman mejen Jeova, einwõt men in jōjōik ko an ro dri ailiñ ko Jeova e kar kadri- oijlok ir jen iman ro nejin Israel. 3 Bwe e ar bar kalek jikin kore utiej He- zekaia jemen e ar rupilōllok; im e ar kōmōnmōn lokatok ko nōn Beal ro, im e ar kōmōnmōn Ashira ko, im e ar kabuñ nōn aolepen jaran lōñ ko, im korijer nōn ir. 4 Im e ar kalek lo- katok ko iman mejen Jeova, ijo Jeova e kar ba kake, Ilo Jerusalem eta e naj ber nōn in drio. 5 Im e ar ka- lek lokatok ko nōn aolepen jaran lōñ ko iloan worwor ko ruo in imōn Jeova. 6 E ar bareinwõt kōmōn bwe ro nejin ren dribuk kijeek eo ilo kom- lōl in nejin Hinnom: im e ar kōmōn rojōk, im bubu, im marmir, im kōmao iben ro jītōb rar ber ibeir, im iben anij ro: e ar kōmōn elōñ nana iman mejen Jeova, im kaillu E. 7 Im e ar

<sup>1</sup> 2 KIL II. 1-9.

likit men in e jekjek in ekjōp eo em- wij an kōmōne, iloan imōn Anij, ijo Anij e ar ba kake nōn Devid im nōn Solomon nejin, Iloan mwin, im ilo Jerusalem, eo I ar kâlet e jen bwijin Israel otemjej, I naj likit eta nōn in drio: 8 im I jamin bar kamōkit neen Israel jen eneo I ar lelok nōn ro jimami, elañe rej lale im kōmōn men ko otemjej I ar jiroñ ir, aolepen kien eo im men in kaiñi ko im men in jiroñ ko emwij lelok kin Mozes. 9 Im Menassa e ar karel Juda im ro dri Jerusalem, inem rar kōmōn nana elap jen ro dri ailiñ ko Jeova e ar kokkure ir iman ro nejin Israel.

10 Im Jeova ej konono nōn Me- nassa, im nōn ro dri ailiñ An; a rar jab eoroñ E. 11 Kin men in Jeova e ar añintok ioir kapen ro in jar an kiñ in Assiria, ro rar bōk Menassa ilo tomere ko, im lukwoj e kin fetter ko, im bōklok e nōn Babilon. 12 Im ke e ar ber ilo jorran, e ar akwelap nōn Jeova Anij eo an, im kanuij kōtaik e mōke iman Anij an ro jemen. 13 Im e ar jar nōn E; im E ar tiriamokake e, im eoroñ an akwelap, im bar bōk- tok e nōn Jerusalem iloan ailiñ eo an. Inem Menassa e jela bwe Jeova e Anij.

14 Ak elikin men in e ar kalek juōn worwor ilikin jikin kwelok an Devid, i kabilūñ jen Gaihon, i komlōl eo, aet nōn dreloñ in kejem in iik ko: im e ar kabol Opel kake, im kanuij koutiej e: im e ar likit kapen re beran ilo jikin kwelok otemjej in Juda eor air worwor. 15 Im e ar bōklok anij ro drua, im ekjōp eo jen iloan imōn Jeova, im lokatok ko otemjej emwij an kōmōnmōni ilo tol an imōn Jeova, im i Jerusalem, im julok na ilikin jikin kwelok eo. 16 Im e ar kalek lokatok eo an Jeova, im e ar katok ion men in katok ko ainemōn im ka- molol, im e ar jiroñ Juda bwe ren korijer nōn Jeova Anij in Israel. 17 Ijoke, armij rar katok wõt ilo jikin ko re utiej, a nōn Jeova air Anij wõt.

18 Ak jermal ko jet an Menassa, im jar eo an nōn Anij eo an, im nan

ko an ro dri lolo, ko rar konono ñon e ilo etan Jeova, Anij in Israel, lo, em-wij jeje iben jermal ko an kiñ ro in Israel. 19 Jar eo an bareinwõt, im ekijkan Anij e ar tiriamokake e, im aolepen an jerawiji im bwir eo an, im jikin ko ijo e ar kômôn jikin ko re utiej je, im kajutök Ashira im men in e ko jekjek, mokta jen an möke kô-taik e: lo emwij jeje ilo bwebwenato an dri lolo eo. 20 Ein drein Menassa e ar kiki iben ro jiman, in rar kalibwin e ilo mweo imôn: im Amon nejin e ar kiñ im binej jenkwôn.

21 Ridtôn Amon roñoul ruo yiö ke e ar jino an kiñ; im e ar kiñ iomin ruo yiö i Jerusalem. 22 Im e ar kômôn nana iman mejen Jeova, einwõt Menassa jemen: im Amon e ar katok ñon men in e jekjek otemjej Menassa jemen e kar kômônmoni, im e ar korijer ñon ir. 23 Im e ar jab möke kôtaik e iman Jeova, einwõt Menassa jemen e kar möke kôtaik e; a Amon in e ar kalaplok wõt an bwir. 24 Im ro dri korijeran rar kabata nae e, im môn e iloan mweo imôn. 25 A ro dri eneo rar môn ir otemjej re rar kabata nae kiñ Amon: im ro dri eneo rar kômôn Josaja nejin bwe en kiñ im binej jenkwôn.

**34** Ridtôn <sup>1</sup>Josaja drualitök yiö ke e ar jino an kiñ; im e ar kiñ iomin jilñoul juön yiö i Jerusalem. 2 Im e ar kômôn men eo e jime iman mejen Jeova, im e ar etetal ilo ial ko an Devid jemen, im jab jeorlok ñon anbijmaroñon ak anmiñin. 3 Bwe ilo yiö eo ken ka drualitök an kiñ, ke emôn drer, e ar jino in kabukot Anij an Devid jemen; im ilo yiö eo ken ka joñoul ruo e ar jino in karreolok Juda im Jerusalem jen jikin ko re utiej, im Ashira ko, im men in e ko jekjek, im men in e ko unlok. 4 Im rar rupilölok lokatok ko an Beal ro iman mejen; im men in e einwõt al rar ber ilõñir e ar juokwi; im Ashira ko im men in e ko jekjek im men in e ko re unlok, e ar rupi, im köprakilikili, im jeore ion lûp ko lûpôn ro rar katok ñon ir. 5 Im e ar tili dri ko

drin pris ro ion lokatok ko air, im karreok Juda im Jerusalem. 6 Im drein an kômôn ilo jikin kwelok ko an Menassa im Ipreim im Simeon, im ñon Naptalai, kin ilil ko air. 7 Im e ar rupilölok lokatok ko, im köprakilikili Ashira ko im men in e ko jekjek, im juokwe men in e einwõt al otemjej ilo aolepen ene in Israel, im jeb-laklok ñon Jerusalem.

8 <sup>1</sup> Ak ilo yiö eo ken ka joñoul drualitök ke ej kiñ, ke emwij an karreok eneo im mweo, e ar jilkinlok Shepan nejin Azalaia, im Measeia dri lala jikin kwelok eo, im Joa nejin Joehaz dri jeje, bwe ren kökäl mweo imôn Jeova an Anij. 9 Im rar itok ñon iben Hilkaia pris eo elap, im lelok ñon e mōnni eo ar böktok e na iloan imôn Anij, eo ro dri Livai, ro dri lala kejem, rar aini jen pein Menassa im Ipreim, im jen aolepen dri Israel ro jet, im jen aolepen Juda im Benjamin, im jen ro dri Jerusalem. 10 Im rar likiti na ilo pein ro dri jermal ro rar lala imôn Jeova; im ro dri jermal ro rar jermal ilo imôn Jeova rar lelok bwe ren karbin im kökäl mweo; 11 rar lelok e ñon ro dri jerbale alal im ro dri jekjek, bwe ren wiaik dreka ko jekjek, im wijki ko ñon ken kobaik ko, im ñon kômônmoni alal ko ñon mo ko kiñ ro in Juda rar kokkure. 12 Im armij ro re tiljek ilo jermal eo: im ro dri lala ir, Jehat im Obadaia, dri Livai, ian ro nejin Mirerai; im Zekaraia im Mishullam, ian ro nejin ro dri Kohat, bwe ren kômôn e wõt; im bar jet ian ro dri Livai, ir otemjej re kabel kin ken kajõñjõn ko. 13 Bar-einwõt rar lali ro dri inene, im bikbikri ro otemjej rej jermal ilo jabrewõt wäwen korijer: im ian ro dri Livai eor dri jeje, im dri kabwijnök, im dri lala kejem.

14 Im ke rar böktok mōnni eo em-wij kar böktok ilo imôn Jeova, Hilkaia pris eo e ar lo buk in kien Jeova letok kin Moses. 15 Im Hilkaia e ar uak im ba ñon Shepan dri jeje, I ar lo buk in kien eo ilo imôn Jeova. Im Hilkaia e ar lelok buk eo ñon

<sup>1</sup> 2 KIN 22. 1. 2.



Shepan. 16 Im Shepan e ar böklok buk eo ñon kiñ eo, im bareinwöt kennane- nek kiñ eo, im e ba, Aolepen men ko ar lelok ñon ro dri korijeröm, rej kö- mön wöt. 17 Im rar lutöklok mönni eo ar loi ilo imön Jeova, im lelok e ñon ro dri lale, im ñon ro dri jermal. 18 Im Shepan dri jeje eo e ar kennane- nek kiñ eo im ba, Hilkaia, pris eo, e ar letok juön buk. Im Shepan e ar konono kake iman kiñ eo. 19 Im ke kiñ eo e ar roñjake nan ko in kien, e ar kekel nuknuk ko an. 20 Im kiñ eo e ar jiroñ Hilkaia, im Ehaikam ne- jin Shepan, im Abdon nejin Maika, im Shepan dri jeje, im Eseaia korijeran kiñ eo, im e ba, 21 Komin ilok, kajitök iben Jeova kin ña, im kin ro rej berwöt ilo Israel im ilo Juda, kin nan ko an buk eo ar loe; bwe elap illu an Jeova emwij lutöktok ioer, kin an ro jemer jab bokake nan jen Jeova, im kömön ekar ñon men otemjej emwij jeje ilo buk in.

22 Ein drein Hilkaia, im ro emwij an kiñ eo jiroñ ir, rar ilok ñon iben Hulda dri kanan, lio belen Shallum nejin Tokat, nejin Hasra, dri lale rum in nuknuk ko, (ak e ar jokwe ilo Jerusalem ilo mötön ken ka ruo); im ein drein rar konono ñon e. 23 Im e ar ba ñon ir, Ein drein Jeova Anij in Israel ej ba: Komin kennane- nek armij eo e ar jilkintok kom ñon iba, 24 Ein drein Jeova ej ba, Lo I naj bök- tok nana ion jikin in, im ion ro otem- jej rej jokwe ie, aet nan in jerata otemjej jeje ilo buk eo rar konono kake iman kiñ in Juda. 25 Kin ke rar illok jen Ña, im kökaijurjur ñon anij ro jet, bwe ren kaillu Iō kin jermal otemjej in peir: kin men in Ij lu- töklok Aō illu ion jikin in im jamin kwune. 26 A ñon kiñ in Juda eo, eo e ar jilkintok kom in kajitök iben Je- ova, ein drein kom naj ba ñon e, Ein drein Jeova Anij in Israel ej ba: Kin nan ko kwar roñjake, 27 kin an biruru buruöm, im kwar kötaik yuk iman Anij, ke kwar roñjake nan ko An nae jikin in, im nae ro rej jokwe ie, im kwar kötaik yuk imaō, im kwar kekel nuknuk ko am, im kwar jōn imaō: I

[Marshall Islands.] 15

ar bareinwöt eoroñ yuk, Jeova ej ba. 28 Lo, I naj kobaik yuk ñon iben ro jimam, im re naj kalibwin yuk ilo ainemön, im kwo jamin lo aolepen nana I naj böktoke ion jikin in, im ion ro rej jokwe ie. Im rar bar böklok nan ñon iben kiñ eo.

29<sup>1</sup> Inem<sup>1</sup> kiñ eo e ar jilkinlok im kokweloktok ridto ro otemjej in Juda im Jerusalem. 30 Im kiñ eo e ar wönlñilok ñon mweo imön Jeova, im iben ro dri Juda otemjej im ro dri Je- rusalem, im pris ro, im ro dri Livai, im armij otemjej ro re ridto im ro redrik: im e ar konono i lojiliñir nan ko otemjej ilo buk in bujen eo ar lo e ilo imön Jeova. 31 Im kiñ eo e ar jutök ilo jikin, im e ar kömön juön bujen iman Jeova, bwe en etal ilokön Jeova, im bwe en bokake kien ko An, im nan in kennan ko An, im nan in kaiñi ko An, kin aolepen buruen, im aolepen an, im kömön einwöt nan ko in bujen eo emwij jeje ilo buk in. 32 Im e ar komon bwe ro otemjej ar lo ir i Jerusalem im Benjamin ren ju- tök ñon e. Im ro dri Jerusalem rar kömön ekar ñon bujen eo an Anij, Anij an ro jimair. 33 Im Josaia e ar böklok men in jöjök ko otemjej jen ene ko otemjej iben ro nejin Israel, im e ar kömön bwe ir otemjej ar lo ir ilo Israel ren korijer, aet korijer ñon Je- ova air Anij. Iomin ran ko an otem- jej rar jab illok jen air lore Jeova, Anij an ro jimair.

35 Im Josaia e<sup>2</sup> ar lale juön men in kijone ñon Jeova i Jerusa- lem: im rar mön men in kijone eo ilo ran eo ken ka joñoul emen in aliñ eo mokta. 2 Im e ar likit pris ro ilo jermal ko air, im kabaran ir ñon jermal in imön Jeova. 3 Im e ar ba ñon ro dri Livai rej katakin aolepen Is- rael, ro re kwojarjar ñon Jeova, Ko- min likit dipdip eo e kwojarjar ilo mweo Solomon nejin Devid kiñ in Is- rael e ar kalek e; e jamin bar or ine ion aierami. Kiō komin korijer ñon Jeova ami Anij, im ñon ro dron Israel: 4 im komin kebobo kom ekar ñon mo ko imön ro jimami kin lajrök ko ami,

<sup>1</sup> KIN 23. 1-3.    <sup>2</sup> KIN 23. 31.

einwöt jeje eo an Devid kiñ in Israel, im einwöt jeje an Solomon nejin. 5 Im komin jutök ilo jikir eo e kwojarjar ekar ñõn lajrök ko an mo ko imõn ro jemen ro jeõmi im jätõmi ro nejin armij rõn, im ñõn jabrewöt en juõn mõtõn imõn jemen ro dri Livai. 6 Im komin mõn men in kijone, im mõke kokwojarjar kom, im kapojök ñõn ro jeõmi im jätõmi, im kõmõn ekar ñõn nan eo an Jeova kin Moses.

7 Im Josaia e ar lelok ñõn ro nejin armij, jen bwijin lam ko im kon in got ko, ir otemjej ñõn katok in kijone ko, ñõn aolepeir rej ber ijo, ñõn bwinbwin oran jilñoul tausand, im jilu tausand kau koman, ir kein jen mweiuik ko mweien kiñ eo. 8 Im iroi ro an rar lelok juõn jurtak in kõnan ñõn armij ro, im ñõn ro dri Livai. Hilkaia im Zekaraia im Jehaiel, iroi ro ilo imõn Anij, rar lelok ñõn pris ro jurtak in kijone ruo tausand jiljino buki kau ko redrik, im jilu buki ox. 9 Konenaia bar-einwöt, im Shemeaia im Netanel ro jein im jätin, im Hashebaia im Jeaia im Jozebad, re utiej ian ro dri Livai, rar lelok ñõn ro dri Livai jurtak in kijone, lailim tausand kau ko redrik, im limabuki ox.

10 Ein drein ar kapojök jermal eo, im pris ro rar jutök ilo jikir, im ro dri Livai kin lajrök ko air, ekar ñõn kien kiñ eo. 11 Im rar mõn men in kijone eo, im pris ro rar kabütüktük bõtöktök eo rar bök jen peir, im ro dri Livai rar jojen kilir. 12 Im rar böklok katok kijeek ko, bwe ren lilok ekar ñõn lajrök in mo ko imõn ro jemen bwij ko, bwe ren katok ñõn Jeova, einwöt jeje ilo buk in Moses. Im ein drein air kõmõn kin ox ko. 13 Im rar umum men in kijone eo kin kijeek ekar ñõn kien: jurtak rokwojarjar rar kõmät ilo pot ko, im ilo kaldron ko, im ilo pan ko, im böklok mököj ñõn ro nejin armij ro otemjej. 14 Im tokelik rar mõke kapojök ñõn ir, im ñõn pris ro, bwe pris ro nejin Aron rar ailbaro in katok kin katok kijeek ko im kioeo, ñõn boñ: kin men in ro dri Livai rar mõke kapojök ñõn ir, im ñõn pris ro

nejin Aron. 15 Im ro dri al, ro nejin Esap, rar ber ilo jikir ekar ñõn kien Devid, im Esap, im Himan, im Jedutun dri lolo an kiñ eo: im ro dri lale kejem rar ber iturin kejem ko otemjej: ejelok unin air ilok jen jermal eo air: bwe ro jeir im jätir, dri Livai, rar kapojök ñõn ir.

16 Ein drein air kapojök aolepen jermal eo ñõn Jeova ilo ran eo, bwe ren lale kijone, im bwe ren katok kin katok kijeek ko ion lokatok an Jeova, ekar ñõn kien kiñ Josaia. 17 Im ro nejin Israel rar ber ijo, rar lale kijone ilo ien eo, im kwojkwój in bred e jab uwe iomin jiljilimjuõn ran. 18 Im ejelok kijone einwöt ar lale ilo Israel jen ran ko an Samuel dri kanan; im ejelok ian kiñ ro in Israel rar lale juõn kijone einwöt eo Josaia e ar lale, kab pris ro, im ro dri Livai, im ir otemjej dri Juda im dri Israel re ber ijo, im ro dri jokwe i Jerusalem. 19 Ilo yiõ eo ken ka joñoul drualitök an Josaia kiñ rar lale kijone in.

20 <sup>1</sup> Elikin men in, ke emwij an Josaia kapojök tempel eo, Niko, kiñ in Ijpt, e ar wõnliñlen tõrinae i Karke-mish iturin Upretis: im Josaia e dri-oijlok im jumae e. 21 A e ar jilkinlok ro dri jilik ñõn iben, im ba, Ta eo ibõm im iba, kwe kiñ in Juda? I jab iten abjök yuk ranin, a nae mweo ij tõrinaek e; im Anij e ar jiroñ iõ bwe in kijorur: kwon jab owajuij ñõn Anij, bwe En jab mõi yuk. 22 Ijoke, Josaia e jab kõnan kajeor mejen jen e, a e ar mõke kejakilkil e, bwe en tõrinaek e, im jab eoroñ nan ko an Niko jen loñin Anij, im e ar iten tõrinaek e ilo komlöl in Megiddo. 23 Im ro dri libon rar kiele ñõn kiñ Josaia; im kiñ eo e ar ba ñõn ro dri korijeran, Komin böklok iõ, bwe I kanuij kwöt. 24 Ein drein ro dri korijeran rar bök e jen jariat eo, im likit e ilo jariat eo ken ka ruo iben, im bõktok e ñõn Jerusalem; im e mij, im rar kalibwin e ilo lüp ko lüpõn ro jiman. Im dri Juda im Jerusalem otemjej rar jõñõt Josaia. 25 Im Je-

remaia e ar jōnōt Josaia : im ro dri al, man im kōra otemjej rar konono kin Josaia ilo air liājlol ko fñon ranin: im rar kōmōne juōn kien ilo Israel: im lo, emwij air jeje ilo liājlol ko. 26 Ak jerbāl ko jet an Josaia, im kōmōn ko an remōn, ekar fñon eo emwij jeje ilo kien Jeova, 27 im jerbāl ko an, ko mokta im eliktata, lo, emwij jeje ilo buk an kiñ ro in Israel im Juda.

**36** <sup>1</sup>Inem ro dri eneo rar bōk Ji-hoahaz, nejin Josaia, im kōmōne kiñ in binej jenkwōn jemen i Jerusalem. 2 Ridtōn Jihoahaz roñoul jilu yō ke ej jino an kiñ; im e ar kiñ iomin jilu aliñ i Jerusalem. 3 Im kiñ in Ijpt e ar kōtaik e i Jerusalem, im ar jiroñ bwe eneo en lelok fñon e jibuki talent silver, im juōn talent gold. 4 Im kiñ in Ijpt e ar kōmōn llaiekim jātin kiñ ion Juda im Jerusalem, im likit etan Jihoiakim. Im Niko e ar bōk Joahaz jein, im bōklok e fñon Ijpt.

5 Ridtōn Jihoiakim roñoul lailim yō ke e jino an kiñ: im e ar kiñ iomin joñoul juōn yō i Jerusalem: im e ar kōmōn nana iman mejen Jeova an Anij. 6 Nebukadnezzar kiñ in Babilon e ar wonliñtok nae e, im lukwoj e kin tomere ko, im bōklok e fñon Babilon. 7 Nebukadnezzar e ar bareinwōt bōklok jen jābi ko an imōn Jeova fñon Babilon, im likiti ilo tempel eo an i Babilon. 8 Ak kōmōn ko jet an Jihoiakim, im men in jōjōik ko e ar kōmōni, im men eo emwij lo nae e, lo, emwij jeje ilo buk an kiñ ro in Juda im Israel; im Jihoiakim nejin e ar kiñ in binej jenkwōn.

9 <sup>2</sup>Ridtōn Jihoiakim drualitōk yō ke e jino an kiñ: im e ar kiñ iomin jilu aliñ im joñoul ran i Jerusalem: im e ar kōmōn nana iman mejen Jeova. 10 Im ilo yō ej itok, kiñ Nebukadnezzar e ar jilkinlok, im bōktok e fñon iben, fñon Babilon, im iben jābi ko remōn jen imōn Jeova, im e ar kōmōn Zedekaia jein, kiñ ion Juda im Jerusalem.

11 <sup>3</sup>Ridtōn Zedekaia roñoul juōn

yō ke ej jino an kiñ; im e ar kiñ iomin joñoul juōn yō i Jerusalem. 12 Im e ar kōmōn nana iman mejen Jeova an Anij; e ar jab mōke kōtaik e iman Jeremaia dri kanan eo ej konono jen loñin Jeova. 13 Im e ar bareinwōt kabata nae Nebukadnezzar, eo e kar kanōjniñ fñon e kin Anij; a e ar kakijñiñi kenwan im kabin bu-ruen jen an oktōk fñon Jeova Anij in Israel. 14 Bar juōn, ro re utiej ian pris ro, im armij ro, rar kanuij bwir einwōt men in jōjōik ko an ro dri aliñ ko; im rar katton mweo imōn Jeova eo E ar kokwojarjar e i Jerusalem. 15 Im Jeova Anij an ro jimair, E ar jilkinlok fñon ibeir kin dri jilik ro An, im E ar kaiur E im jilkinlok ir, kin An tiriamokake ro dron, im jikin jokwe eo An: 16 a rej kajirere kake ro dri jilik jen Anij, im kejekron nan ko An, im kitōtōkake ro An dri jilik, mae ien illu an Jeova e ar walok nae ro dron, im ejelok men in jibōñ ir.

17 <sup>1</sup>Kin men in E ar bōktok ioir kiñ an ro dri Kaldi, eo e ar mōn man ro air emōn drer kin jāji iloan mweo imweir e kwojarjar, im e ar jab tiriamokake air man ak kōra emōn drer, lōlap ak eo uōn kolan bōran; E ar lelok ir otemjej na ilo pein. 18 Im jābi otemjej an imōn Anij, ko relap im redrik, im mweiuk ko mweien imōn Jeova, mweien kiñ eo, im an iroiir ro an, men kein otemjej e ar bōklok fñon Babilon. 19 Im rar tile imōn Anij, im rupe worwor in Jerusalem, im tili mo ko imōn iroiij otemjej kin kijeek, im kokkure jābi ko an remōn otemjej. 20 Im ro rar ko jen jāji, e ar bōklok ir fñon Babilon; im rar dri korijeran, im korijeran ro nejin mae ien kiñ an aliñ in Pōrsia: 21 bwe en kajejit nan jen Jeova kin loñin Jeremaia, mae ien eneo e ar mōnōnō kin Sabat ko an: bwe iomin ien an einwōt ene jemaren e ar lala ran in Sabat, bwe en kajejit jiljilimjuōnñoul yō.

22 <sup>2</sup>Ak ilo yō eo mokta an Sairōs kiñ in Pōrsia, bwe nan jen Jeova kin

loñin Jeremaia en jejit wõt, Jeova e ar biuktök jitōb eo an Sairōs kiñ in Pōrsia, inem e ar kwalok juōn nan ilo aolepen ailiñ eo an, im jeje bareinwõt, im e ba, 23 Ein drein Sairōs kiñ in Pōrsia ej ba, Jeova Anij in lōñ ko E	ar letok nōn iō ailiñ otemjej in lōl: im E ar jiroñ iō bwe in kalek nōn E juōn im i Jerusalem, eo ilo Juda. Jabrewōt eo ej ibemi ian ro dri ailiñ An otemjej, Jeova Anij eo an En iben, im en wōnliñlok wõt.
---	---

## BUK IN EZRA

**1** <sup>1</sup> Ak ilo yið eo mokta an Sairõs kiñ in Põrsia, bwe en jejit nan jen Jeova kin loñin Jeremaia, Jeova e ar biuktõk jitõb an Sairõs kiñ in Põrsia, inem e ar <sup>2</sup> kwalok juõn nan ilo ailiñ eo an, im likit e ilo jeje, im e ba, **2** Ein drein Sairõs kiñ in Põrsia ej ba, Jeova Anij in loñ ko, E ar letok ailiñ otemjej in lõi; im E ar jiroñ ið bwe in kalek nõn E juõn im i Jerusalem, ej ilo Juda. **3** Jabrewõt ej ibemi ian ro dron otemjej, an Anij en iben, im en wõnliñlok nõn Jerusalem, ej ilo Juda, im kalek mweo imõn Jeova, Anij in Israel, (ej Anij), Eo ej ilo Jerusalem. **4** Im jabrewõt eo ej berwõt, ilo jabrewõt jikin ej itoitõk ie, armij in jikin eo ren jibõñ e kin silver, kin gold, im kin mweiuk ko, im kin kiru ko, en orlok jen jurtak in kõnan nõn mweo imõn Anij eo ej ilo Jerusalem.

**5** Inem e loetõk jiðb ro an imõn ro jimair an Juda im Benjamin, im pris ro, im ro dri Livai, ir otemjej Anij e ar biuktõki air, bwe ren ilen kalek mweo imõn Jeova eo ej ilo Jerusalem. **6** Im ro dri turir otemjej rar <sup>3</sup> kakajur peir kin jãbi silver, kin gold, kin mweiuk ko, im kin kiru ko, im kin men ko re aurõk, eo eorlok jen aolepen air kõnan. **7** Bar-einwõt Sairõs kiñ eo, e ar kadrioiytok jãbi ko an imõn Jeova, ko Nebukadnezar e ar bõkitok jen Jerusalem, ko e ar likiti ilo imõn anij ro an; **8** ir kein Sairõs kiñ in Põrsia e ar bõkitok kin pein Mitredat, dri lale mweiuk, im bwine ir na ilo pein Sheshbazar, iroiñ in Juda. **9** Im eñin orair: jilñoul platter gold, juõn tausan platter silver, roñoul druatimjuõn bõkbõk, **10** jilñoul bol gold, bol in silver wãwen eo ken ka ruo ãbuki joñoul, im jãbi ko jet juõn tausan. **11** Jãbi otemjej gold

im silver lailim tausan ãbuki. Ir kein otemjej Sheshbazar e ar bõkliñtok, ke e ar bõkliñtok ro dri jebokwe jen Babilon nõn Jerusalem.

**2** <sup>1</sup> Ak rein ro nejin dri mõtõn eneo, ro rar wõnliñlok ian dri jebokwe emwij bõkliñlok ir, ro Nebukadnezar kiñ in Babilon e ar bõklok ir nõn Babilon, im rar jeboklok nõn Jerusalem im Juda, jabrewõt nõn jikin kwelok eo an; **2** ro rar itok iben Zirubbabel, Jeshua, Nihemaia, Sieraia, Rielaia, Mordekai, Bilshan, Mispar, Bigvai, Rihum, Beana.

Oran man ro iair ro dri Israel: **3** Ro nejin Perosh, ruo tausan jibuki jiljilimjuõnñoul ruo. **4** Ro nejin Shepetaia, jilu buki jiljilimjuõnñoul ruo. **5** Ro nejin Era jiljilimjuõn buki jiljilimjuõnñoul lailim. **6** Ro nejin Pehatmoab, ian ro nejin Jeshua im Joab, ruo tausan drualitõk buki joñoul ruo. **7** Ro nejin Ilam, juõn tausan rubuki limñoul emen. **8** Ro nejin Zattu, druatimjuõn buki eñoul lailim. **9** Ro nejin Zakkai, jiljilimjuõn buki jiljinoñoul. **10** Ro nejin Benai, jiljino buki eñoul ruo. **11** Ro nejin Bibai, jiljino buki roñoul jilu. **12** Ro nejin Azgad, juõn tausan rubuki roñoul ruo. **13** Ro nejin Adonaikam, jiljino buki jiljinoñoul jiljino. **14** Ro nejin Bigvai, ruo tausan limñoul jiljino. **15** Ro nejin Edin, ãbuki limñoul emen. **16** Ro nejin Eter, an Hezekaia, druatimjuõnñoul drualitõk. **17** Ro nejin Bizai, jilu buki roñoul jilu. **18** Ro nejin Jora, jibuki roñoul ruo. **19** Ro nejin Hashum, rubuki roñoul jilu. **20** Ro nejin Gibar, druatimjuõnñoul lailim. **21** Ro nejin Betleem, jibuki roñoul jilu. **22** Armij in Nitopa, limñoul jiljino. **23** Armij dri Anatot, jibuki roñoul drualitõk. **24** Ro nejin Azmetvet, eñoul ruo. **25** Ro nejin Kiriath

<sup>1</sup> 2 Kron. 36. 22. <sup>2</sup> Jap. 8. 13. <sup>3</sup> Nib. 6. 22.

<sup>1</sup> Nib. 7. 6-73.

erim, Kipaira, im Bierot, jiljilimjuõn buki eñoul jilu. **26** Ro nejin Rema im Gibia, jiljino buki roñoul juõn. **27** Ro dri Mikmas, jibuki roñoul ruo. **28** Ro dri Betel im Eai, rubuki roñoul jilu. **29** Ro nejin Nibo, limñoul ruo. **30** Ro nejin Magbish, jibuki limñoul jiljino. **31** Ro nejin Ilam eo juõn, juõn tausan rubuki limñoul emen. **32** Ro nejin Herim, jilu buki roñoul. **33** Ro nejin Lod, Hedid, im Ono, jiljilimjuõn buki roñoul lailim. **34** Ro nejin Jeriko, jilu buki eñoul lailim. **35** Ro nejin Senea, jilu tausan jiljino buki jilñoul.

**36** Pris ro: ro nejin Jedaia, an imõn Jeshua, druatimjuõn buki jiljilimjuõnñoul jilu. **37** Ro nejin Immer, juõn tausan limñoul ruo. **38** Ro nejin Pashur, juõn tausan rubuki eñoul jiljilimjuõn. **39** Ro nejin Herim, juõn tausan joñoul jiljilimjuõn.

**40** Ro dri Livai: ro nejin Jeshua im Kadmaiel, ian ro nejin Hodavaia, jiljilimjuõnñoul emen. **41** Ro dri al: ro nejin Esap, jibuki roñoul drualitõk. **42** Ro nejin ro dri lale kejem: ro nejin Shallum, ro nejin Ider, ro nejin Talmon, ro nejin Akkub, ro nejin Hataita, ro nejin Shobai, ir otemjej jibuki jilñoul druatimjuõn.

**43** Ro dri Netinim: ro nejin Ziha, ro nejin Hasupa, ro nejin Tabeot, **44** ro nejin Kiros, ro nejin Sieha, ro nejin Pedon, **45** ro nejin Lebena, ro nejin Hageba, ro nejin Akkub, **46** ro nejin Hegab, ro nejin Shamlai, ro nejin Henan, **47** ro nejin Gidel, ro nejin Gehar, ro nejin Reaia, **48** ro nejin Rizin, ro nejin Nikoda, ro nejin Gazam, **49** ro nejin Uzza, ro nejin Pesia, ro nejin Bisai, **50** ro nejin Asna, ro nejin Miunim, ro nejin Nepaisim, **51** ro nejin Bakbuk, ro nejin Hakupa, ro nejin Harhur, **52** ro nejin Bazlut, ro nejin Mehaida, ro nejin Harsha, **53** ro nejin Barkos, ro nejin Sisira, ro nejin Tima, **54** ro nejin Nezaia, ro nejin Hataipa.

**55** Ro nejin ro dri korijeran Solomon: ro nejin Sotai, ro nejin Hasopiret, ro nejin Piruda, **56** ro nejin Jeala, ro nejin Darkon, ro nejin Gidel, **57** ro nejin Shepetaia, ro nejin

Hattil, ro nejin Pokeret-hazibeim, ro nejin Emai. **58** Dri Netinim otemjej, im ro nejin ro dri korijeran Solomon, jilu buki drualitõkñoul ruo.

**59** Im rein ro rar wõnliñlok jen Tel-mila, Tel-harsha, Kerub, Adan, im Immer: a re ban kalikar mo ko imõn ro jimair, im ineir, elañe re dri Israel ke jab ke: **60** ro nejin Dilaia, ro nejin Tobaia, ro nejin Nikoda, jiljino buki limñoul ruo. **61** Im ian ro nejin pris ro: ro nejin Hebaia, ro nejin Hakkoz, ro nejin Barzillai, eo e ar bõk lio belen jen limaro nejin Barzillai dri Giliad, im e ar naetan einwõt etair. **62** Rein rar kabukot air jeje iben ro emwij bwine ir ekar fñõn ebeben ko, a rar jab loi: kin men in rej lemnok re jab kwojarjar im rar likit ir jen jermal in pris. **63** Im iroiij eo e ar ba fñõn ir, ren jab mõña jen men ko rokwojarjar otem kwojarjar mae ien an jutõk juõn pris im iben Urim im Tumim.

**64** Aolepen jar eo otemjej eñoul ruo tausan jilu buki jiljinoñoul, **65** eorlok jen ro dri korijerair man im kõra, im ir rein jiljilimjuõn tausan jilu buki jilñoul jiljilimjuõn: im ibeir rubuki dri al man im kõra. **66** Ors ko air jiljilimjuõn buki jilñoul jiljino: mul ko air, rubuki eñoul lailim; **67** kamel ko air, äbuki jilñoul lailim; **ase** ko air, jiljino tausan jiljilimjuõn buki roñoul.

**68** Im jet ian jiõb ro an imõn ro jimair, ke rar itok fñõn mweo imõn Jeova ej ilo Jerusalem, rar lelok kin air kõnan fñõn imõn Anij bwe ren kalek e ijo jikin: **69** rar lelok ekar fñõn air maroñ na ilo dipdip eo nien mõnni jiljinoñoul juõn tausan derik gold, im lailim tausan paun silver, im jibuki nuknuk ko an pris.

**70** Ein drein pris ro, im ro dri Livai, im jet ian armij rõn, im ro dri al, im ro dri lale kejem, im dri Netinim, rar jokwe ilo jikin kwelok ko air, im ro dri Israel otemjej ilo jikin kwelok ko air.

**3** <sup>1</sup> Im ke e mottok aliñ eo ken ka jiljilimjuõn, im ro nejin Israel rar

<sup>1</sup> Nib. 7. 73.

ber ilo jikin kwelok ko air, armij rar kweloktok einwöt juön armij nñon Jerusalem. 2 Inem e jutök Jeshua nejin Jozedak, im ro jein im jätin pris ro, im Zirubabel nejin Shialtiel, im ro jein im jätin, im rar kalek lokatok an Anij in Israel, in katok kin men in katok ion, einwöt ar jeje ilo kien Moses armij ðn Anij. 3 Im rar likit lokatok eo ion loñtön; bwe rar mijök kin ro dri ene ko: im rar katok kin katok kijeek ion nñon Jeova, aet katok kijeek ko ke e jiboñ im jota. 4 Im rar lale kwojkwoj in imön kaberk ko, einwöt ar jeje, im elok katok kijeek ko ran otemjej ekar nñon oran, einwöt kien eo, ekar nñon jerbak an jabrewöt ran; 5 im tokelik katok kijeek ien otemjej, im jurtak ko in aliñ ko rekäl, im in kwojkwoj otemjej an Jeova emwij kokwojarjar e, im an jabrewöt eo e ar kñan in elok jurtak in kñan nñon Jeova. 6 Jen ran eo mokta in aliñ eo ken ka jiljilim-juön rar jino in elok katok kijeek ko nñon Jeova: a loñtön tempel an Jeova re jañin likit e. 7 Rar bareinwöt lelok möñni nñon ro dri jerbali dreka ko, im nñon ro dri jerbali alal ko; im kijeir im limeir, im oil, nñon ro dri Saidon, im nñon ro dri Tair, bwe ren böktok wijki aik jen Lebanon nñon lomalo eo, nñon Joppa, ekar nñon men in elok ibeir jen Sairös kiñ in Pörsia.

8 Ak ilo yiö eo ken ka ruo in air itok nñon imön Anij i Jerusalem, ilo aliñ eo ken ka ruo, Zirubabel nejin Shialtiel, im Jeshua nejin Jozedak, im ro jet ian ro jeir im jätir pris ro im ro dri Livai, im ir otemjej rar itok jen jebokwe eo nñon Jerusalem, rar jiroñ ro dri Livai, ro roñoul yiö im jima, bwe ren lale jerbak an Jeova. 9 Inem e ar jutok Jeshua, im iben ro nejin im ro jein im jätin, Kadmiel im ro nejin, ro nejin Juda, einwöt juön, bwe ren lale ro dri jerbak ilo imön Anij: ro nejin Henedad, im ibeir ro nejr im ro jeir im jätir ro dri Livai. 10 Im ke ro dri kal rar likit loñtön tempel eo an Jeova, rar kajutök pris ro ilo nuknuk ko air im ibeir jilil ko, im ro dri Livai ro nejin Esap im sim-

bal ko ibeir, bwe ren nebak Jeova, ekar nñon kien Devid kiñ in Israel. 11 Im rar al nñon dron ilo air nebak im kamolol Jeova, im re ba, Bwe Ej emön, bwe tiriamokake eo An ej berwöt in drion nñon Israel. Im armij otemjej rar lamij kin ainiken elap, ke rar nebak Jeova, bwe emwij likit loñtön mweo imön Jeova. 12 A elöñ ian pris ro im ro dri Livai im jiöb ro an imön ro jimair, ridtorön ro re kar lo mweo mokta, ke rar kñmön loñtön mwin iman mejeir, rar jöñ kin ainiken elap; im elöñ rar kalaplok air lamij kin air löñliñ. 13 Ein drein armij re ban kili ainiken lamij in löñliñ jen ainiken jöñ an armij ro; bwe armij rar lamij kin lamij elap, im rar roñ ainiken ijo etolak.

4 A ke ro dri kijiräte Juda im Benjamin rej roñ bwe ro nejin jebokwe eo rej kalek juön tempel nñon Jeova, Anij in Israel; 2 inem rar kebaktok nñon Zirubabel, im nñon jiöb ro an imön ro jimair, im ba nñon ir, Kimin kalek ibemi; bwe kimuij kabukot ami Anij, einwöt bar kom; im kim katok nñon E jen ran ko an Isarhadon kiñ in Assiria, eo e ar böktok kim nñon ijin. 3 A Zirubabel, im Jeshua, im ro jet ian jiöb ro an imön ro jimair in Israel, rar ba nñon ir, Ejelok ami jerbak ibem in kalek juön im nñon am Anij; a kim möke wöt naj kalek nñon Jeova, Anij in Israel, einwöt kiñ Sairös, kiñ in Pörsia e ar jiroñ kim. 4 Inem ro dri eneo rar kamöjinoik pein ro dri Juda, im kejraran ir ilo air kalek, 5 im kejrak ro dri bebe nae ir, bwe ren böpräe air kñmön, ran otemjej an Sairös kiñ in Pörsia, nñon ien eo an Daraiös kiñ in Pörsia. 6 Im ilo ien an Ehasuirös kiñ, ilo jinoin an iroi j rar jeje juön nan in kinaklok nae ro dri Juda im Jerusalem.

7 Im ilo ran ko an Artaxerxes, Bishlam, Mitredat, Tabiel, im ro jet ian ro jeran, rar jeje lok nñon Artaxerxes kiñ in Pörsia: im rar jeje letter eo ilo kajin Siria, im likit e ilo nan in Siria. 8 Rihom dri bebe eo, im Shimshai dri jeje rar jeje juön letter nae Jerusalem nñon Artaxerxes ilo

wāwen in: 9 ien eo Rihom dri bebe eo, im Shimshai dri jeje eo, im ro jet jerair, ro dri Dinai, im ro dri Aparsak, ro dri Tarpel, ro dri Apars, ro dri Arkiv, ro dri Babilon, ro dri Shushan, ro dri Dihai, ro dri Ilam, 10 im ro jet ian ro dri ailiñ, ro Osnapar dri utiej im emōn e kar ānintok ir, im likit ir ilo jikin kwelok Sameria, im ilo ene ko jet i River jabueo, im ein drein.

11 Eñin letter eo rar jilkinlok ñon Artaxerxes kiñ eo: Ro dri korijerōm armij i River jabueo, im ein drein. 12 Kwe kiñ kwon jela, ro dri Ju, ro rar wōnliñtok jen kwe rar itok ñon ibem ñon Jerusalem; rej kalek wōt jikin kwelok eo e kabata im e nana, im rar kamwijlok worwor ko an, im kōkāl loñtok ko. 13 Kwe kiñ, kwon jela kiō, bwe, elañe rej kalek jikin kwelok in, im kamwijlok worwor ko an, re jamin owōjlok, ak molentōk ñon kwe, im tokjen e naj men in jorran ñon kiñ ro. 14 Inem bwe kimij mōña salt jen imōn kiñ ne, im e jab ekar ñon kim bwe kimin lo men in kanaanik kiñ ne, kin men in kim ar jilkinwoj im kajelaik kiñ ne; 15 bwe ren kabuk ilo buk in jeje ko an ro jimam, im jela bwe jikin kwelok in ej juōn jikin kwelok e kabata wōt, im ej kejjorran kiñ ro im bukwōn ko, im rar kabata iloan ilo ien ko lok; kin men eo ar kejebeplok jikin kwelok eo. 16 Kimij kajelaik kiñ ne bwe elañe rej kalek jikin kwelok eo, im kamwijlok worwor ko an, inem kin men kein e naj ejelok am kij i River jabueo.

17 Inem kiñ eo e ar jilkinlok nan in uak ñon Rihom iroi j an dri bebe ro, im ñon Shimshai dri jeje eo, im ro jet ian ro jerair rej jokwe i Sameria, im ilo ene ko jet i River jabueo: Aine-mōn, im ein drein. 18 Letter eo kom ar jilkinlok ñon ibem, <sup>1</sup>ar konono alikar imaō. 19 Im I ar jiroñ, im rar kabukot im lo bwe jikin kwelok in jen ien etto e ar tōrinaek kiñ ro, im rar kabuñ bata iloan. 20 <sup>2</sup>Bar-einwōt e kar or kiñ re kajur ion

Jerusalem, rar iroi j ion aolepen eneo i River jabueo, im rar owōjlok ñon ir. 21 Inem komin kōmōn juōn kien bwe en jokwōr armij rein, im ren jab kalek jikin kwelok eo, mae ien aō naj kōmōn juōn kien kake. 22 Im komin lale im kate kom kake: etke nana en waloktok in kejjorran kiñ ro?

23 Im ke rar konono ilo letter in jen Artaxerxes iman Rihom, im Shimshai dri jeje eo, im ro jerair, rar mōkōjlok ñon Jerusalem ñon iben dri Ju ro, im bōprae ir kin air kajur. 24 Inem e jokwōr jermal in mweo imōn Anij eo i Jerusalem: im e bwijrōk mae yiō eo ken ka ruo in an Daraiōs kiñ in Pōrsia.

5 Ak ro dri kanan, <sup>1</sup>Haggeai dri kanan eo, im <sup>2</sup>Zekaraia nejin Iddo, rar drikanij ñon dri Ju ro rar ber i Juda im Jerusalem; ilo etan Anij in Israel rar drikanij ñon ir. 2 Inem re loetōk Zirubbabel nejin Shialtiel, im Jeshua nejin Jozedak, im rar jino in kalek imōn Anij ej i Jerusalem; im ibeir ro dri kanan an Anij im rej jibōñ ir. 3 Ilo ien eo e ar itok ñon ibeir Tatenai, iroi j eo i River jabueo, im Shitar-bozinai, im ro jerair, im re ba ñon ir, Wōn e ar lewoj kien bwe komin kalek mwin, im kamwijlok worwor in? 4 Inem kim ar kennanek ir ilo wāwen in, etan armij ro rej kōmōne mwin. 5 A mejen air Anij e ar ber ion ridto ro an dri Ju ro, im rar jab bōprae ir, mae ien men in e naj itok ñon Daraiōs, im juōn nan in uak e naj jeblaktok ilo juōn letter.

6 Eñin letter eo Tatenai, iroi j eo i River jabueo, im Shitar-bozinai, im ro jerair ro dri Aparsak, ro rar ber i River jabueo, rar jilkinlok ñon Daraiōs kiñ eo; 7 rar jilkinlok juōn letter ñon e, im ein drein jeje iloan: Ñon Daraiōs kiñ, ainemōn otemjej. 8 Kwe kiñ kwon jela wōt, kim ar dreloñlok na ilo ailiñ in Juda, ñon mweo imōn Anij laplap eo, im emwij kalek e jen dreka ko relap, im alal ko ilo turin ko; im jermal in ej wōnmanlok wōt kin air lale, im e jerammōn ilo peir. 9 Inem

<sup>1</sup> Nth. 8. 8. <sup>2</sup> 1 Krl 4. 21. <sup>3</sup> 1 Kron. 18. 3.

<sup>4</sup> Hag. 1. 1. <sup>5</sup> Zek. 1. 1.



kim ar kajitök iben ridto ro, im ba ñõn ir, Wõn eo e ar lewoj kien in kalek mwin, im kamwijlok worwor in. 10 Kim ar bareinwõt kajitök ibeir kin etair, in kajelaik yuk, bwe kimin maroñ in jeje etan ro air iroi. 11 Im rar uak ñõn kim, Kim dri korijeran Anij in lõn im lõl, im kimij kalek mweo emwij kar kalek e elõñ yiõ e motelok, eo juõn kiñ elap in Israel e ar kalek im kamwijlok. 12 A elikin an ro jimam kar kaillu Anij in lõn ko, e ar letok ir na ilo pein Nebukadnezzar kiñ in Babilon, dri Kaldia eo, im e ar kejebeplok mwin im bõklok armij ro ñõn Babilon. 13 A ilo yiõ eo mokta an Sairõs kiñ in Babilon, Sairõs e ar kõmõn juõn kien bwe ren kalek mwin imõn Anij. 14 Im bareinwõt jäbi ko gold im silver jen mweo imõn Anij, ko Nebukadnezzar e ar bõki jen iloan tempel eo e ar ber i Jerusalem, im bõktok na iloan tempel in Babilon, ir kein Sairõs kiñ e ar bõk jen tempel in Babilon, im e ar lelok ñõn juõn armij etan Sheshbazar, eo e ar kairoi e; 15 im e ar ba ñõn e, Kwon bõk jäbi kein, komin ilok, im likiti ilo tempel eo i Jerusalem, im ren kalek imõn Anij i jikin. 16 Inem Sheshbazar in e ar itok, im kõmõn loñtök ko loñtõn mweo imõn Anij i Jerusalem, im jen ien eo im ñõn ien in rej kalek e, a re jañin kamwijlok e. 17 Inem elañe men in emõn iben kiñ ne, ren kabukot iloan mweo imõn mweiuk an kiñ eo i Babilon, elañe ein drein ke jab ke, im Sairõs e ar kõmõn kien in kalek mwin imõn Anij i Jerusalem; im kiñ ne en jilkintok ankil an kin men in.

**6** Inem Daraiõs kiñ eo e ar kõmõn juõn kien, im rar<sup>1</sup> kabukot ilo imõn buk ko, im ijo emwij likit mweiuk i Babilon. 2 Im ar lo i Akmita, ilo imõn iroi eo ej ilo ailiñ in Midia, juõn limlim, im iloan ar jeje nan in: 3 Ilo yiõ eo mokta an Sairõs kiñ, Sairõs kiñ eo, e ar kõmõn juõn kien; Kin mweo imõn Anij i Jerusalem, ren kalek mweo, ijo rej katok men in katok ie, im ren likit loñtõn ko re kajur; utiejen

en jiljinoñoul kubit, im drilpen jiljinoñoul kubit; 4 kin jilu lajrök in dreka relap, im juõn lajrök in alal ko rekäl; im ren lelok wõnan men kein jen imõn kiñ. 5 Im bareinwõt jäbi ko gold im silver jen imõn Anij, ko Nebukadnezzar e ar bõktok jen tempel eo i Jerusalem, im e ar bõktok ñõn Babilon, ir kein ren karõki, im bar bõkilok ñõn Jerusalem, jabrewõt iair ñõn jikin; im kwo naj likiti iloan imõn Anij.

6 Inem kwe Tatenai, iroi i River jabueo, Shitar-bozinai, im ro jerami dri Aparsak, komeo i River jabueo, komin ber im toane ijo; 7 komin jab kamõkit jermal eo ilo mweo imõn Anij; iroi eo an dri Ju im ridto ro ian dri Ju ro, ren kalek mweo imõn Anij ilo jikin. 8 Bar juõn, ij kõmõn juõn kien kin ta eo komin kõmõne ñõn ridto rein ian ro dri Ju ñõn kalek mweo imõn Anij: jen mweiuk ko an kiñ, jen men in owõj i River jabueo, ren niknik in lelok ñõn armij rein wõnan jermal eo, bwe ren jab wunrök. 9 Im men ko rej aikwij, kau koman emõn drer, im sip koman ko, im lam ko, men in katok ñõn Anij in lõn ko, bareinwõt wit, salt, wain im oil, ekar ñõn nan jen pris ro rej i Jerusalem, ren lelok men kein ñõn ir, ran im ran, im jamin likjöp kake; 10 bwe ren maroñ in katok men in katok ko eno nemeir ñõn Anij in lõn ko, im jar kin kiñ eo im ro nejin bwe ren mour wõt. 11 Bareinwõt emwij aõ nakien, bwe jabrewõt eo e naj ukot nan in, ren kõtep juõn tur jen mweo imõn, im ren leliñlok e im kabin e na ion; im mweo imõn en ejoj in menoknok kin men in; 12 im Anij eo e ar kõmõn bwe etan en ber ijo, En jolõllok kiñ im dri ailiñ otemjej re naj kõtellok peir in ukot kien in, im kokkure mweo imõn Anij ej i Jerusalem. Ña Daraiõs I ar kõmõn juõn kien; ren kate ir in kõmõne.

13 Inem Tatenai, iroi eo i River jabueo, Shitar-bozinai, im ro jerair, kin ke Daraiõs kiñ e ar jiliklok, rar kate ir im kõmõn einwõt. 14 Im ridto ro ian ro dri Ju rar kalek im jerammõn, kin drikanij an Haggeai dri

<sup>1</sup> Jap. 8. 17.

kanan im Zekaraia nejin Iddo. Im rar kalek e im kamwije, ekar nōn kien Anij in Israel, im ekar nōn kien Sairōs, im Daraiōs, im Artaxerxes kiñ in Pōrsia. 15 Im mwini e ar mwij ilo ran eo ken ka jilu in aliñ Edar, eo ilo yiō eo ken ka jiljino in an Daraiōs kiñ.

16 Im ro nejin Israel, pris ro im ro dri Livai, im ro jet ian ro nejin jebokwe eo, rar<sup>1</sup> lale ien lelok mwini kin lōñliñ. 17 Im rar katok ilo air lelok mwini imōn Anij, jibuki kau koman, rubuki sip koman, ekar nōn oran bwij ko bwijin Israel. 18 Im rar likit pris ro ilo lajrōk ko air, im ro dri Livai ilo lajrōk ko air, nōn jermal in Anij, eo i Jerusalem; einwōt jeje ilo buk an Moses.

19 Im ro nejin jebokwe rar lale men in kijone ilo ran eo ken ka joñoul emen in aliñ eo mokta. 20 Bwe emwiji an pris ro mōke kokwojarjar ir iben dron: ir otemjej rereo; im rar mōn men in kijone nōn ro nejin jebokwe otemjej, im nōn pris ro im ro jeir im jätir, im nōn ir mōke. 21 Im ro nejin Israel ro rar bar itok jen jebokwe eo, im ro otemjej rar mōke kejenolok ir jen etton eo an ro dri aliñ ko i eneo, bwe ren bukot Jeova, Anij in Israel, rar mōña, 22 im rar lale kwojkwoj in bred e jab uwe iomni jiljilimjuōn ran kin lōñliñ: bwe Jeova e ar kalōñliñ ir, im E ar ukot buruen kiñ in Assiria nōn ir, in kaka-jur peir ilo jermal in imōn Anij, Anij in Israel.

7<sup>2</sup> Ak elikin men kein, ilo ien an Artaxerxes kiñ in Pōrsia, Ezra nejin Sireaia, nejin Azaraia, nejin Hilkaia, 2 nejin Shallum, nejin Zedok, nejin Ehaitub, 3 nejin Ameraia, nejin Azaraia, nejin Mireiot, 4 nejin Zirahaia, nejin Uzzai, nejin Bukkai, 5 nejin Abishua, nejin Pinehas, nejin Iliezar, nejin Aron pris eo elap—6 Ezra in e ar wōnliñlok jen Babilon. Im e juōn dri jeje e kanbil ilo kien Moses, eo Jeova, Anij in Israel, e ar letok; im kiñ eo e ar lelok nōn e men otemjej e ar kajitōk kake, einwōt

pein Jeova an Anij e ar ber ion. 7 Im jet ian ro nejin Israel rar wōnliñlok, im ian pris ro, im ro dri Livai, im ro dri al, im ro dri lale kejem, im ro dri Netinim, nōn Jerusalem, ilo yiō eo ken ka jiljilimjuōn an Artaxerxes kiñ. 8 Im e ar itok nōn Jerusalem ilo aliñ eo ken ka lailim, ilo yiō eo ken ka jiljilimjuōn an kiñ eo. 9 Bwe ilo ran eo mokta in aliñ eo mokta e ar jino wōnliñlok jen Babilon; im ilo ran eo mokta ilo aliñ eo ken ka lailim e ar itok nōn Jerusalem, ekar nōn pein Anij emōn ion. 10 Bwe Ezra e ar kabin buruen in kabukot kien Jeova, im bwe en kōmōne, im bwe en katakin Israel kien ko im kabuñ jar ko.

11 Ak eñin letter eo kiñ Artaxerxes e ar lelok nōn Ezra pris eo, dri jeje, dri jeje nan ko an kien ko an Jeova, im nan in kaiñi ko An nōn Israel: 12 Artaxerxes, kiñ in kiñ ro, nōn Ezra pris eo, dri jeje kien Anij in lōñ ko e wāppen, im ein drein. 13 Na ij kōmōn juōn kien, bwe ir otemjej ian armij ro dri Israel, im pris ro air im ro dri Livai, ilo aliñ in aō, re kōnan ilok nōn Jerusalem, ren ilok ibōmlōk. 14 Bwe emwiji jilkinlok yuk kin kiñ im kin dri bebe ro an jiljilimjuōn, bwe kwon kajitōk kin Juda im Jerusalem, ekar nōn kien am Anij eo ilo peōm, 15 im bwe kwon bōklok silver im gold, eo kiñ im dri bebe ro an rar mōnōnō in lelok nōn Anij in Israel, Eo mweo imōn ilo Jerusalem, 16 im aolepen silver im gold kwo naj loi ilo aolepen aliñ in Babilon, kab jurtak in mōnōnō an armij ro, im an pris ro, re mōnōnō in lelok nōn mweo imōn air Anij eo i Jerusalem; 17 kin men in kwon kate yuk im wiaik kin mōnni in, kau koman ko, sip koman ko, lam ko, kab air jurtak flauo im air jurtak in irak, im kwo naj lilok nōn lokatok eo in imōn ami Anij eo i Jerusalem. 18 Im jabrewōt eo emōn ibōm im iben ro jeōm in jätōm bwe komin kōmōn kin bwen silver im gold eo, men in komin kōmōne ekar nōn ankil an ami Anij. 19 Im jabi ko emwiji liwoj nōn jermal in imōn ami Anij, kwon lilok

<sup>1</sup> 2 Kron. 7. 5. <sup>2</sup> 1 Kron. 6. 4-14.

iman Anij in Jerusalem. 20 Im jabrewōt eo kom naj aikwij nōn mweo imōn am Anij, eo kwo naj kōnan in lelok, kwon lelok jen imōn mweiuk an kiñ. 21 Im ña, aet ña Artaxerxes kiñ, ij kōmōn juōn kien nōn dri lale mweiuk otemjej rej i River jabueo, bwe jabrewōt eo Ezra pris eo, dri jeje in kien Anij in lōñ ko, e naj kajitōk ibemi, komin kate kom in kōmōne, 22 nōn jibuki talent silver, im nōn jibuki joñon wit, im nōn jibuki bath wain, im nōn jibuki bath oil, im salt im jab ba ie driten. 23 Jabrewōt eo emwij na kien e kin Anij in lōñ ko, ren kōmōn ein drein nōn mweo imōn Anij in lōñ ko; bwe etke en or illu nae ailiñ in kiñ im lōmaro nejin? 24 Bar juōn, kim kajelaik kom, bwe kin jabrewōt ian pris ro im ro dri Livi, ro dri al, ro dri lale kejem, ro dri Netinim, ak ro dri korijeran mweo imōn Anij, e jamin melim in likit ioir owōj, ak molentōk. 25 Im kwe Ezra, kin meletlet jen am Anij ej ilo peōm, kwon kōmōn iroi ro im ro dri ekajet, re naj ekajeti dri ailiñ otemjej rej ber i River jabueo, ir otemjej re jela kien ko an am Anij; im kwon katakin eo e jab jela kake. 26 Im jabrewōt eo e jab kōnan bokake kien am Anij, im kien kiñ, ren kōmōn ekajet ion im owōn kake, elañe nōn mij, ak nōn kadrioi jlok, ak nōn bōk mweiuk ko mweien, ak nōn jolok e na ilo prison.

27 Emōnōnō wōt Jeova Anij an ro jimar, Eo e ar likit na ilo buruen kiñ eo men eo einwōt in, bwe en kaibujuj imōn Jeova ilo Jerusalem; 28 im E ar letok nōn iō tiriamokake iman kiñ eo, im ro an dri bebe, im iman iroi ro otemjej an. Im I ar kajurlok einwōt pein emōn an Jeova aō Anij ej ber iō, im I ar kokweloktok jen Israel armij re utiej bwe ren wōnliñlok iba lok.

**8** Ak ir rein jiōb ro an imōn ro jimair, im eñin nan in ebeben an ro rar wōnliñlok iba lok jen Babilon, ilo ien Artaxerxes kiñ: 2 ian ro nejin Pinehas, Gershom. Ian ro nejin Itamar, Daniel. Ian ro nejin Devid,

Hattush. 3 Ian ro nejin Shekenai, ian ro nejin Perosh, Zekaraia; im iben rar bwine ir kin ebeben ian man rōn jibuki limñoul. 4 Ian ro nejin Pehat-moab, Eliehoenai nejin Ziraia; im iben rubuki man ro. 5 Ian ro nejin Shekenai, nejin Jehaziel; im iben jilu buki man. 6 Im ian ro nejin Edin, Ibed nejin Jonetan; im iben limñoul man. 7 Im ian ro nejin Ilam, Jshaia nejin Atalaia; im iben jiljilimjuōnñoul man. 8 Im ian ro nejin Shepetai, Zebadaia nejin Maikael; im iben dualitōkñoul man. 9 Ian ro nejin Joab, Obedaia nejin Jehaiel; im iben rubuki joñoul dualitōk man. 10 Ian ro nejin Shelomit, nejin Josipaia; im iben jibuki jiljinoñoul man. 11 Im ian ro nejin Bibai, Zekaraia nejin Bibai; im iben roñoul dualitōk man. 12 Im ian ro nejin Azgad, Johehan nejin Hakketan; im iben jibuki joñoul man. 13 Im ian ro nejin Adonaikam, ro relikata; im ir kein etair: Elipelet, Jiuel, im Shimaia; im ibeir jiljinoñoul man. 14 Im ian ro nejin Bigvai, Utai im Zabbud; im ibeir jiljilimjuōnñoul man.

15 Im I ar kokweloktok ir nōn river eo ej torlok nōn Ehava; im kim ar kamp ijo iomin jilu ran: im I ar lale armij ro, im pris ro, im I ar lo ibeir ejelok ian ro dri Livi. 16 Inem I ar añinintok Iliezar, Eriel, Shimaia, Elnetan, im Jerib, im Elnetan, im Netan, im Zekaraia, im Mishulam, armij reutiej: bareinwōt Joierib, im Elnetan, ro dri kaki. 17 Im I ar jilkinlok ir nōn Iddo, eo e utiej ilo jikin Kasipia: im I ar kennanek ir ta eo ren ba nōn Iddo, im ro jein im jätin dri Netinim, ilo jikin eo Kasipia, bwe ren añintok nōn ibem ro dri jerbai i mweo imōn am Anij. 18 Im einwōt pein emōn an am Anij iom, rar añintok nōn ibem juōn armij dri meletlet, ian ro nejin Malai, nejin Livi, nejin Israel; im Sherebaia, im iben ro nejin man im ro jein im jätin joñoul dualitōk: 19 im Hashebaia, im iben Jshaia ian ro nejin Mirerai, ro jein im jätin im ro nejin man, roñoul; 20 im ian ro dri Netinim, ro

Devid im iroiĵ ro rar lelok nōn ro dri Livai dri korijerair, rubuki roñoul dri Netinim : emwiĵ kwalok etair otem-  
jej.

21 Inem I ar kwalok juōn jitlok iĵo, i river eo Ehava, bwe kimin mōke kōtaik kim iman am Anij, im bukot jen E juōn ial e jime nōn kim, im nōn ajiri ro nejem, im nōn aoepen mweiuk ko mweiem. 22 Bwe I ar jok in kajitōk iben kiñ eo kin juōn jar in tōrinae im ro dri uwe ion ors bwe ren jibōñ kim nae ro dri kijirāt ilo ial eo, bwe emwiĵ am konono nōn kiñ eo, im ba, Pein am Anij ej ion ro otemjej rej bukot E, nōn emōn; a kajur im illu eo An ej nae ro otemjej rej illok jen E. 23 Ein drein kim ar jitlok im akwelap nōn Anij kin men in: im E ar kejerammōn kim kake.

24 Inem I ar kejenolok joñoul ruo re utiej ian pris ro, aet Sherebaia, Hashebaia, im ibeir joñoul ro jeir im jātir, 25 im I ar paun nōn ir silver eo im gold eo, im jābi ko, aet jurtak eo nōn mweo imōn am Anij, ko kiñ eo, im dri bebe<sup>ro</sup> an, im iroiĵ ro an, im aoepen Israel rej ber iĵo rar lelok: 26 <sup>1</sup>I ar paun na ilo peir jiljino buki limñoul talent silver, im jābi ko silver jibuki talent; gold jibuki talent; 27 im roñoul bol gold, juōn tausan derik; im ruo jābi jinibōrōrō remōn im jatōlti, re aurōk einwōt gold. 28 Im I ar ba nōn ir, Kom kwojarjar nōn Jeova, im jābi ko rokwojarjar: im silver eo im gold eo juōn jurtak kin kōnan nōn Jeova Anij an ro jimami. 29 Komin ekil, im lali nōn ter eo kom naj paun ir iman ro re utiej ian pris ro im ro dri Livai, im iroiĵ ro an mo ko imōn ro jimair in Israel i Jerusalem, ilo mōjab ko in mweo imōn Jeova. 30 Ein drein pris ro im ro dri Livai rar bōk joñon erro an silver im gold eo, im jābi ko, in bōklok nōn Jerusalem nōn imōn am Anij.

31 Inem kim ar ilok jen river eo Ehava ilo joñoul ruo ran in aliñ eo mokta, in ilok nōn Jerusalem: im pein am Anij e ar ber iom, im E ar lomo-

rem jen pein dri kijirāt eo im dri kejar eo ilo ial. 32 Im kim ar itok nōn Jerusalem, im ber ie iomin jilu ran. 33 Im ilo ran eo ken kemen rar paun silver im gold im jābi ko ilo mweo imōn am Anij, na ilo pein Meretot neĵin Uraia pris eo, (im iben Iiezar neĵin Pinehas: im ibeir Jozebad neĵin Jeshua, im Noadaia neĵin Binuai, ro dri Livai)—34 aoepen kin bwinbwin im paun: im ar je aoepen paun ien eo.

35 <sup>1</sup>Ro neĵin jebokwe, ro rar itok jen air ber ilo ene ko jet, rar lelok katok kijeek, nōn Anij in Israel, joñoul ruo kau koman kin aoepen Israel, druatimjuōnñoul jiljino sip koman, jiljilimjuōnñoul jiljilimjuōn lam, joñoul ruo got koman nōn katok jerawiwi: ir kein otemjej katok kijeek nōn Jeova. 36 Im rar lelok nan ko jen kiñ nōn setrap ro an kiñ eo, im nōn iroiĵ ro i River jabueo; inem rar jibōñlok armij ro im mweo imōn Anij.

9 A ke emwiĵ kōmōn men kein, iroiĵ ro rar druaktok nōn iba, im re ba, Armij ro dri Israel, im pris ro im ro dri Livai rar jab <sup>2</sup>kejenolok ir jen ro dri ailñ ko, <sup>3</sup>im rej kōmōn ekar nōn men in jōjōik ko air, aet an ro dri Kenean, ro dri Het, ro dri Periz, ro dri Jibus, ro dri Amon, ro dri Moab, ro dri Iĵipt, im ro dri Amor. 2 Bwe rar bōk ian ro neĵir kōra nōn ir im nōn ro neĵir man, inem ine e kwojarjar e ar koba iben ro dri ailñ ko: aet pein bwirōk ro im iroiĵ ro rar tel ilo bwir in. 3 Im ke I ar roñ men in I ar kekel nuknuk ko im kobe eo aō, im tumi kolan bōra im kworeak, im I ar jijōt im elap aō bwilōñ kake. 4 Inem rar kweloktok nōn iba jabrewōt eo e wuririr kin nan ko jen Anij in Israel, kin bwir eo an dri jebokwe: im I ar jijōt wōt im bwilōñ nōn ter eo ke rej katok in jota.

5 Ilo ien katok ke e jota I ar jerkak jen aō kōtaik iō, im nuknuk ko aō im kobe eo emwiĵ kekele; im I ar bukwelōlō, im erlokwe peiō nōn Jeova aō Anij; 6 im I ar ba, O aō Anij, ña I jok im banliklik in reiliñwoj nōn

<sup>1</sup> Jap. 1. 9-11.<sup>2</sup> Jap. 2. 1. <sup>3</sup> Jap. 6. 21. <sup>4</sup> Liv. 12. 24-30.

Kwe aō Anij; bwe bwir ko am re utiejlok jen bōram, im ruem e ar edreklok nōn lōh ko. 7 Jen ran ko an ro jimam e kanuij lap ruem nōn ranin; im kin jerawiwi ko am ar ketōk kim, kiñ ro am, im pris ro am nōn pein kiñ ro in ene ko, nōn jāji, nōn jebokwe, im nōn rakimi, im nōn jok in mejem, einwōt ranin. 8 Im kiō iomin jirik ien emwij kwaloktok joi jjen Jeova am Anij, bwe En likit jet wōt dri ko, im bwe En lelok juōn drila ilo jikin kwojarjar eo An, bwe am Anij en maroñ in kemramlok mejem, im ilo am kurekake E ar letok jirik mour. 9 Bwe kim dri korijer; mekarta am Anij e ar jab illok jen kim ilo am kurekake, a E ar kwalok nōn kim tiriamokake iman mejen kiñ ro in Pōrsia, bwe ren letok nōn kim jirik mour, bwe kimin kajutōk mweo imōn am Anij, im bwe kimin kōkāl men in jebeplok ko an, im letok nōn kim juōn worwor i Juda im Jerusalem. 10 Im kiō, O amuij Anij, ta eo kimin ba elikin men in? bwe kim ar illok jen kien ko Am, 11 ko Kwar jiroñ kin ro dri korijerōm dri kanan, im ba, Eneo komij ilok nōn e bwe komin bōk e, juōn ene etton kin etton an dri ailiñ ko, kin air men in jōjōik, ko rar kobrōk e jen jabōn nōn jabōn kin air etton; 12 inem komin jab lelok limaro nejōmi nōn man ro nejir, ak bōk kōra ro nejir nōn lōmaro nejōmi, im komin jab bukot air ainemōn ak jerammōn nōn in drio; bwe komin kajur, im bwe komin mōña men ko remōn jen eneo, im likit e men in jolit nōn ro nejōmi nōn in drio. 13 Im elikin aolepen men ko rej itok iom kin kōmōn ko am re nana, im kin ruem elap, bwe Kwe am Anij Kwar kejjorran kim erik jen ruōn bwir ko am, im Kwar letok nōn kim mōtōn einwōt in, 14 kimin bar kokkure kien ko Am, im belele iben dri ailiñ ro rej kōmōn men in jōjōik kein ke? Kwo jamin illu nōn kim, nōn ter eo Kwar kokkure kim, inem e naj ejelok mōtōn berwōt, ak ro dri ko ke? 15 O Jeova, Anij in Israel, Kwe kwo wānik wōt; bwe emkij likit kim juōn mōtōn

dri ko, einwōt ranin; lo kimij imam ilo am bwir: bwe ejelok e maroñ in jutōk imam kin men in.

**10** A ke Ezra e j jar im ukwelok, im ej jōñ im buñbero iman mweo imōn Anij, e ar kweloktok nōn iben jen Israel, juōn jar e kanuij lap ian man ro im kōra im ajiri; bwe armij ro re kanuij jōñ. 2 Im Shekenai nejin Jehaiel, juōn ian ro nejin Ilam, e ar uak im ba nōn Ezra, Kim ar bwir nae amuij Anij, im kim ar belele iben kōra ro re drua majet ian ro dri ailiñ in enin: ijoke, eor kejjatrikrik nōn Israel kin men in. 3 Inem kiō kimin kōmōn juōn bujen iben amuij Anij in jolok limaro belem otemjej, im ro emwij lotak jen ir, ekar nōn bebe an aō iroi, im an ro rej wuririr kin kien amuij Anij; im ren kōmōn men in ekar nōn kien. 4 Kwon jerkak; bwe men in kwonam, im kimij ibōm: kwon beran in kōmōne.

5 Inem Ezra e ar jerkak, im e ar kōmōn bwe ro re utiej ian pris ro, ro dri Livai, im aolepen Israel, ren kanōjni j bwe ren kōmōn ekar nōn nan in. Ein drein rej kanōjni j. 6 Inem Ezra e ar jerkak jen imōn Anij, im e ar dreloñ ilo mōjabeo an Jihohe nan nejin Ilaieshib: im ke e ar itok nōn ijo, e ar jab mōña bred, ak irak dren; bwe e ar jōñōt bwir eo an ro dri jebokwe. 7 Im rar kwaloktok nōn ro nejin jebokwe otemjej i Juda im Jerusalem, bwe ren kweloktok nōn Jerusalem: 8 im ro re jamin itok ilo jilu ran, ekar nōn bebe an iroi j ro im ridto ro, aolepen mweiuk ko mweien en joko jen e, im naj kijbil e jen jar an ro dri jebokwe.

9 Inem ro dri Juda im ro dri Benjamin otemjej rar kweloktok nōn Jerusalem ilo ran ko jilu: (e kar aliñ eo ken ka druatimjuōn, im ran eo ken ka roñul in aliñ eo); im armij otemjej rar jijōt ilo jikin eo e rābōkbōk iman imōn Anij, im rej wuririr kin men in im kin wut eo elap. 10 Im Ezra pris eo e ar jutōk, im ba nōn ir, Kom ar bwir, im kom ar belek kōra ro drua, im kalaplok ruōn Israel.

11 Kin men in komin ukwelok nōn Jeova, Anij an ro jimam, im kōmōn ankil An; im komin kijbil kom jen armij ro dri aliñ in, im jen kōra ro drua. 12 Inem aolepen jar eo rar uak im ba kin ainikeir elap, Einwōt am ba kin kim, ein drein kimin kōmōni. 13 A armij ro relōñ wōt, im ien in ien elōñ wut, im kim ban jutōk inabij: im men in e jab jermal in juōn im men ran; bwe elap am bwir kin men in. 14 Iroj ro am ren jutōk kin aolepen jar in, im ro rej ber ilo jikin kwelok ko am im emwij air belek kōra ro drua ren itok ilo ien ko rej bebe kake, im ibeir ridto ro an jabrewōt jikin kwelok, im ro air dri eka-jet, mae ien jeorlok illu e bwil an amuij Anij jen kim, mae ien e jemlok men in. 15 Jonetan wōt nejin Esahel im Jazaia nejin Tikva rar jutōk im jumae men in: im Mishullam im Shabitai dri Livai rar jibōñ ir.

16 Im ein drein an ro nejin jebokwe kōmōn. Im Ezra pris eo, iben jīb ro an imōn ro jimair, ekar nōn mo ko imōn ro jimair, im ir otemjej kin etair, emwij kamōkelok iair; im rar jijōt ran eo mokta ilo aliñ eo ken ka joñoul bwe ren lale men in. 17 Im rar kamwijlok kin man otemjej rar belek kōra ro drua ilo ran eo mokta ilo aliñ eo mokta.

18 Im ian ro nejin pris ro rar belek kōra ro drua rar lo ian ro nejin Jeshua, nejin Jozedak, im ro jein im jātin, Measaia, im Iliezar, im Jerib, im Gedelaia. 19 Im rar letok peir bwe ren jolok limaro beleir; im bwe eor rueur rar lelok juōn sip koman jen bwij eo kin rueur. 20 Im ian ro nejin Immer: Hanenai im Zebadaia. 21 Im ian ro nejin Herim: Measeaia, im Ilaija, im Shimeaia, im Jehaiel,

im Uzzaia. 22 Im ian ro nejin Pashur: Ilioinai, Measeia, Ishmeel, Netanel, Jozebad, im Elesia.

23 Im ian ro dri Livai: Jozebad, im Shimeai, im Kilaia (eo Kelaita), Peteaia, Juda, im Iliezar.

24 Im ian ro dri al: Ilaieshib. Im ian ro dri lale kejem: Shallum, im Tilem, im Urai.

25 Im ian Israel: ian ro nejin Perosh: Remaia, im Izzaia, im Malkaija, im Mijemin, im Iliezar, im Malkaija, im Beneia. 26 Im ian ro nejin Ilam: Mattanaia, Zekaraia im Jihaiel, im Abdai, im Jerimot, im Ilaija. 27 Im ian ro nejin Zattu: Ilioinai, Ilaieshib, Mattanaia, im Jerimot, im Zebad, im Ezaiza. 28 Im ian ro nejin Bibai: Jihohenan, Hanenaia, Zabbai, Atlai. 29 Im ian ro nejin Benai: Mishullam, Malluk, im Adaia, im Jashub, im Shial, Jerimot. 30 Im ian ro nejin Pehat-moab: Adna, im Kilal, Beneia, Measeia, Mattanaia, Bizalel, im Binai, im Menassa. 31 Im ian ro nejin Herim: Iliezar, Isshaija Malkaija, Shemeaia, Shimeon, 32 Benjamin, Malluk, Shemeraia. 33 Ian ro nejin Hashum: Mattanaia, Mattata, Zebad, Elipelet, Jeremai, Menassa, Shimeai. 34 Ian ro nejin Benai: Meadai, Amram, im Uel, 35 Beneia, Bedeia, Kelluai, 36 Vanaia, Meremot, Ilaieshib, 37 Mattanaia, Mattenai, im Jeasu, 38 im Benai, im Binuai, Shimeai, 39 im Shelemaia, im Netan, im Adaia, 40 Maknadibai, Sheshai, Sharai, 41 Azerel, im Shelemaia, Shemeraia, 42 Shallum, Ameraia, Josep. 43 Ian ro nejin Nibo: Jeaiel, Mattataia, Zebad, Zebina, Iddo, im Joel, Beneia. 44 Rein otemjej rar bōk limaro beleir ro drua; im iben jet ian ro beleir emwij air keutak ro nejin.

BUK IN  
NIHIMAIA

**1** Nan ko an <sup>1</sup> Nihimaia nejin Hakelaia.

Ak ilo aliñ Kislev, ilo yiö eo ken ka roñoul, ke I ar ber i <sup>2</sup> Shushan, mweo imön iroi, **2** im Hanenai, juön ian ro jeiö im jätiö, e ar itok, e im jet eman jen Juda; im I ar kajitök ibeir kin dri Ju ro, ro mätön iri ro re berwöt jen jebokwe eo, im kin Jerusalem. **3** Im re ba ñön iö, Ro mätön iri rej berwöt jen jebokwe eo ilo eneo, rej ilo jorran elap im ilo kinak: emwij rupelölok worwor an Jerusalem, im tile aor ko an kin kijeek.

**4** Im ke emwij aö roñjake nan kein, <sup>3</sup> I ar jijöt im jöñ, im I ar liäj-lol iomin jet ran; im I ar jütlok im jar iman mejen Anij in löñ ko, **5** im I ar ba, Ij akwelap ñön Kwe, O Jeova, Anij in löñ ko, Anij laplap im dri kemjök, Ej lale bujen im tiriamokake iben ro rej yokwe im bokake kien ko An: **6** im kiö lojiliñöm en roñjake, im mejöm ren bello, bwe Kwon maroñ in roñ jar eo aö korijeröm, eo ij jar kake imam ien in, ran im boñ, kin ro nejin Israel ro korijeröm, ke ij kwalok bwir ko an ro nejin Israel, kim ar bwir kake nae Yuk. Aet, ña im imön jema kim ar bwir: **7** kim ar kömön men ko re kanuij nana nae Yuk, im kim ar jab bokake kien ko, ak nan in kaiñi ko, ak kabuñjar ko, Kwar jiroñ dri korijeröm Moses kake. **8** Ij akwelap ñön Kwe, Kwon keme-mej nan eo Kwar jiroñ dri korijeröm Moses, im ba, Elañe kom naj bwir, I naj kijibliklok kom ñön ijo etolok i bwiljin ro dri ailiñ ko: **9** a elañe komij jeblaktok ñön iba, im bokake kien ko Aö, im kömöni, meñe ro emwij jolok ir rej ber ilo mötön löñ ko retoloktata, I naj kokweloktok ir jen ijo, im I naj äñintok ir ñön jikin eo emwij Aö kälet e, im kömön bwe eta

en jokwe ie. **10** Ak rein ro dri korijeröm, im ro dri ailiñ Am, ro Kwar lo-moren ir kin Am kajur elap, im kin peöm e kajur. **11** O Iroi, ij akwelap ñön Yuk, lojiliñöm en roñjake jar an dri korijeröm, im bareinwöt jar an ro jet dri korijeröm, ro rej mönönö in mijök etöm: im ij akwelap bwe Kwon kejerammön ña korijeröm ranin, im lelok ñön e joiy iman mejen armij in.

**2** Ak ña I ar dri ititök ñön kiñ eo. **1** Im ilo aliñ Naisan, ilo yiö eo ken ka roñoul an Artaxerxes kiñ, ke eor wain iman, I ar kwotöke wain eo im lelok ñön kiñ eo. Ak mokta I kin jab buromöj iman mejen. **2** Im kiñ eo e ar ba ñön iö, Etke kwoj mejen buromöj bwe kwo jab nañinmij? men in wöt buromöj ilo buruöm. Inem I ar kanuij lelñoñ. **3** Im I ar ba ñön kiñ eo, Kiñ eo en mour ñön in drio: etke in jab buromöj ke jikin kwelok eo, jikin lüp ko lüpon ro jema, ej men in jebeplok, im emwij tile aor ko an kin kijeek? **4** Inem kiñ eo e ar ba ñön iö, Ta eo kwoj kajitök? <sup>1</sup> Ein drein I ar kajitök ñön Anij in löñ ko. **5** Inem I ar ba ñön kiñ eo, Elañe ej emön iben kiñ ne, im elañe I ar lo joiy iman mejöm, bwe kwon jilkinlok iö ñön Juda, ñön jikin kwelok ko an lüpon ro jema, bwe in kalek e. **6** Im kiñ eo e ar ba ñön iö, (liroi eo e ar bareinwöt jijöt iturin), Ie toön am naj joko? im kwo naj jeblaktok ñät? Ein drein e ar emön iben kiñ eo bwe en jilkinlok iö; im I ar kajejit ñön e juön ien. **7** Bar juön, I ar ba ñön kiñ eo, Elañe emön iben kiñ ne, ren letok letter ko ñön iroi ro i River jabueo, bwe ren kamelim aö driblok mae ien I naj tōbar Juda; **8** im juön letter ñön Esap dri lale wijki an kiñ, bwe en letok wijki ko ñön kömönmön alal ko ñön aor ko in me eo ekar ñön

<sup>1</sup> Jap. 10. 1. <sup>2</sup> Est. 1. 2. <sup>3</sup> Ezra 9. 3.

<sup>4</sup> Jap. 1. 4.

mweo, im nōn worwor in jikin kwe-  
lok eo, im nōn mweo imō eo I naj  
drelōn iloan. Im kiñ eo e ar letok  
nōn iō, ekar nōn pein aō Anij emōn  
ioō.

9 Inem I ar itok nōn iben iroi ro i  
River jabueo, im lelok nōn ir letter  
ko jen kiñ eo. Ak kiñ eo e ar jilkin-  
lok ibalok kapen ro in jar in tōrinae  
im ro dri uwe ion ors. 10 Im ke San-  
balat dri Horon, im Tobaia dri ko-  
rijer, dri Amon, rar roñjake, e ar  
kanuij kaburomōj ir, bwe juōn eman  
e ar iten kabukot jerammōn an ro  
nejin Israel. 11 Ein drein I ar itok  
nōn Jerusalem, im ber ie iomin jilu  
ran. 12 Im I ar jerkak ilo boñ, ña  
im jet armij iba reit wōt, im I ar jab  
kennanek jabrewōt armij ta eo aō  
Anij e ar likit ilo buruō bwe in kōmōn  
nōn Jerusalem; im ejelok kiru iba, a  
kiru eo wōt I ar uwe ion. 13 Im I  
ar drioi jlok ilo boñ ilo aor in komlōl,  
aet nōn aibij in jakol, im nōn aor in  
toeōk, im I ar aluij worwor ko an  
Jerusalem, emwij rupupe, im aor ko  
an re joko kin kijeek. 14 Inem I ar  
wōnmanlok nōn aor in unin dren, im  
nōn lwe an kiñ: a ejelok jikin kiru  
eo aō bwe en etal ie. 15 Inem I ar  
wōnliñlok ilo boñ iturin wea eo, im  
aluij worwor eo: im I ar oktōk im  
drelōn ilo aor in komlōl, im ein drein  
jebłaktok. 16 Im iroi ro re jaje I  
ar ejrot; im I jañin kennanek dri Ju  
ro, ak pris ro, ak ro dri utiej, ak  
iroij rōn, ak ro jet ro rar kōmōn jer-  
bal eo.

17 Inem I ar ba nōn ir, Komij lo  
wōt jerata eo ar, <sup>1</sup> ekijkan Jerusalem  
ej men in jebeplok, im aor ko an re  
joko kin kijeek: komin itok jen ka-  
lek worwor an Jerusalem, bwe jen  
jab bar men in kinak. 18 Im I ar  
kennanek ir bwe pein aō Anij emōn  
ej ber ioō, bareinwōt nan ko jen kiñ  
eo im e ar ba nōn iō. Im re ba, Jen  
loetōk im kalek. Ein drein rej kaka-  
jur peir nōn jermal eo emōn. 19 A  
ke Sanbalat dri Horon, im Tobaia  
dri korijer, dri Amon, im Gishem dri  
Arebai, rar roñjake, <sup>2</sup> rar etōñ im

kajirere kake kim, im kejekron kim,  
im ba, Ta men in komij kōmōne? ko-  
mij kabata nae kiñ eo ke? 20 Inem  
I ar uak ir, im ba nōn ir, Anij in lōñ  
ko, E naj kejerammōn kim, kin men  
in, kim ro dri korijeran naj jutōk im  
kalek: a ejelok ami kij, ak kwonami,  
ak men in ememej ilo Jerusalem.

3 Inem Ilaieshib pris eo elap, e ar  
jutōk iben ro jein im jätin pris ro,  
im rar kalek aor in sip; rar kokwo-  
jarjar e, im kajutōk aor ko an; nōn  
imōn ebar an Hamia rar kokwojarjar  
e, nōn imōn ebar an Hananel. 2 Im  
ebak nōn ir armij jen Jeriko rar ka-  
lek. Im ebak nōn ir Zakkur nejin  
Imrai e ar kalek.

3 Im ro nejin Hasinea rar kalek  
<sup>1</sup> kejem in iik; rar likit alal ko an, im  
kajutōk aor ko an, ken kili ko an, im  
alal ko ken kabine. 4 Im ebak nōn  
ir Merimot nejin Uraia nejin Hak-  
koz e ar kōkāl. Im ebak nōn ir Mi-  
shullam nejin Berekaia, nejin Meshi-  
zebel e ar kōkāl. Im ebak nōn ir Ze-  
dok nejin Beana e ar kōkāl. 5 Im  
ebak nōn ir dri Tekoa rar kōkāl: a  
ro re utiej iair rar jab likit kenwair  
nōn jermal an iroi ro eo air.

6 Im kejem eo e mor Joieda nejin  
Pasia im Mishullam nejin Bisodia rar  
kōkāl; rar likit alal ko an, im kaju-  
tōk aor ko an, im ken kili ko an im  
alal ko ken kabine. 7 Im ebak nōn  
ir Miletaia dri Gibeon, im Jedon dri  
Mironot, armij dri Gibeon, im ro dri  
Mizpa, rar ebake tron an iroi ro i  
River jabueo, rar kōkāl. 8 Im ebak  
nōn e Uzael nejin Harhaia, dri jer-  
bali gold, e ar kōkāl. Im ebak nōn  
e Hanenaia juōn ian ro dri kōmōn  
men ko re nōj e ar kōkāl, im rar ka-  
bin Jerusalem nōn worwor eo e rā-  
bōkbōk. 9 Im ebak nōn ir Ripeia  
nejin Hur e ar kōkāl, iroi ro ion jibil-  
kwōn bukwōn Jerusalem. 10 Im  
ebak nōn ir Jidaia nejin Harumap e  
ar kōkāl ikijen mweo imōn. Im ebak  
nōn e Hattush nejin Hashabnia e ar  
kōkāl. 11 Malkaija nejin Herim, im  
Hashub nejin Pehat-moab, rar kōkāl  
bar juōn mōtōn, im imōn ebar an ubaj

<sup>1</sup> Jap. 1. 3. <sup>2</sup> Jap. 4. 1.



ko. 12 Im ebak n̄ōn e Shallum nejin Halohesh e ar kōkāl, iroiḡ ion jibilkwōn bukwōn Jerusalem, e im limaro nejin.

13 <sup>1</sup>Kejem in komlōl Henun e ar kalek e, im ro dri Zenoa; rar kalek e, im kajutōk aor ko an, ken kili ko an, im alal ko ken kabine, im juōn tausan kubit an worwor eo n̄ōn aor in toeōk.

14 Im kejem in toeōk Malkaija nejin Rikab e ar kōkāl, e iroiḡ in bukwōn Bet-hakirem; e ar kalek e, im kajutōk aor ko an, ken kili ko an, im alal ko ken kabine.

15 Im Shallum nejin Kolhozi, iroiḡ in bukwōn Mizpa, e ar kōkāl <sup>2</sup>kejem in unin dren eo; e ar kōkāl, im imwe, im kajutōk aor ko an, ken kili ko an, im alal ko ken kabine, im worwor iturin lwe Shila ebake jikin kallip an kiñ, n̄ōn ken uwe ko rar wōnlōllok jen jikin kwelok an Devid. 16 Im ilokōnlok, Nihimaia nejin Azbuk, iroiḡ ion jibilkwōn bukwōn Bet-zur, e ar kōkāl, n̄ōn jikin kwelok ikijen lūp ko lūpōn Devid, im n̄ōn lwe eo emwij kōmōne, im n̄ōn mweo imōn armij ro re kajur. 17 Im ilokōnlok, ro dri Livai rar kōkāl, Rihum nejin Benai. Ebak n̄ōn e Hashebaia, iroiḡ in jibilkwōn bukwōn Kiaila e ar kōkāl, n̄ōn bukwōn eo an. 18 Ilokōnlok, ro jeir im jātir rar kōkāl, Bavei nejin Henedad, iroiḡ in jibilkwōn bukwōn Kiaila. 19 Im ebak n̄ōn e Izer nejin Jeshua iroiḡ ion Mizpa, e ar kōkāl bar juōn mōtōn, ikijen ial liñlok n̄ōn imōn ken tōrinae ko i bōul in worwor eo. 20 Ilokōnlok, Beruk nejin Zabai e ar niknik in kōkāl bar juōn mōtōn, jen bōul in worwor eo n̄ōn aor in mweo imōn Ilaieshib pris eo elap. 21 Ilokōnlok, Merimot nejin Uraia, nejin Hakkoz e ar kōkāl bar juōn mōtōn jen aor in imōn Ilaieshib n̄ōn jabōn imōn Ilaieshib. 22 Im ilokōnlok, pris ro rar kōkāl, armij jen ene biken wōt juōn. 23 Ilokairlok, Benjamin im Hasshub rar kōkāl ikijen mweo imweir. Ilokairlok, Azaraia nejin Measeia nejin Anenaia e ar kōkāl iturin mweo imōn. 24 Ilo-

kōnlok, Binuai nejin Henedad e ar kōkāl bar juōn mōtōn jen imōn Azaraia n̄ōn bōul in worwor eo, im imōn jabōn. 25 Pelai nejin Uzai e ar kōkāl ikijen bōul in worwor eo, im imōn bar eo ej jen imōn kiñ eo ilōñ, eo ej iturin jikin dri tōrinae rej dri lale. Ilokōnlok, Pedeia nejin Perosh e ar kōkāl. 26 (Ak ro dri Netinim rar jokwe i Opel, n̄ōn jikin eo ikijen aor in dren i rear, im imōn bar ej jutōk iman.) 27 Ilokōnlok, ro dri Tekoa rar kōkāl bar juōn mōtōn, ikijen imōn bar elap eo ej jutōk iman, im n̄ōn worwor in Opel.

28 Pris ro rar kōkāl <sup>1</sup>ilōñin kejem in ors ko, jabrewōt eo ikijen mweo imōn. 29 Ilokairlok, Zedok nejin Immer e ar kōkāl ikijen mweo imōn. Im ilokōnlok, Shemaia nejin Shekenaia, dri lale kejem i rear e ar kōkāl. 30 Ilokōnlok, Hanenaia nejin Shlemaia, e ar kōkāl, im Henun nejin Zelap ken ka jiljino, bar juōn mōtōn. Ilokōnlok, Mishullam nejin Berekaia e ar kōkāl ikijen mōjabeo an. 31 Ilokōnlok, Malkaija juōn ian ro dri jerbali gold, e ar kōkāl n̄ōn imōn ro dri Netinim, im an ro dri wia, ikijen kejem Hamipkad, im n̄ōn ialliñlok an jabōn. 32 Im ikōtan ialliñlok an jabōn im kejem in sip, ro dri jerbali gold im ro dri wia rar kōkāl.

4 A ke <sup>2</sup>Sanbalat e ar roñjake bwe kimij kalek worwor eo, ej illu, im e kanuj bwil, im e ar kajirere kake dri Ju ro. 2 Im e ar konono iman ro jein im jātin im jar in tōrinae an Sameria, im e ba, <sup>3</sup>Dri Ju rein, dri ban, rej it? re naj kabin jikir ke? re naj katok ke? re naj kajemlok ilo juōn ran ke? re naj kōkāl dreka ko jen ejoj ko in menoknok, ke emwij tile ke? 3 Ak Tobaia dri Amon e ar ber iturin, im e ar ba, Men ko rej kaleki, elañe juōn kiru fox e naj wōnliñlok e naj ruplōllok air worwor dreka. 4 Kwon roñjake, O amuij Anij; bwe rej kejekron kim: im Kwon kejeorlik air kinak ion bōrair, im lelok ir men in rakim ilo enen dri jebokwe; 5 im jab kalibubu air jerawiwi, im

<sup>1</sup> Jap. 2. 13. <sup>2</sup> Jap. 2. 17.

<sup>1</sup> 2 Kiñ 11. 16. <sup>2</sup> Jap. 2. 10. <sup>3</sup> Exra 4. 9, 10.

jab jeor air bwir jen imam: bwe rar kakitōtōik Yuk iman ro dri kalek. 6 Ein drein kim ar kalek worwor eo: im emwij kobaik aolepen worwor eo fñon jibilkwōn utiejen: bwe armij re mōnōnō in jermal.

7 A ke Sanbalat, im Tobaia, im ro dri Arebia, im ro dri Amon, im ro dri Ashdod, rar roñjake bwe jermal in kōkāl worwor ko in Jerusalem e ar wōnmanlok wōt, bwe rar jino in binej roñ ko ilo worwor, re kanuij illu; 8 im ir otemjej rar bebe iben dron bwe ren item tōrinaek Jerusalem, im kōmōn airwaro iloan. 9 A kim ar jar fñon amuij Anij, im likit jet dri kejar ran im boñ, kin ir. 10 Im Juda e ar ba, Kajur an ro dri inene e jokolok, im elōñ menoknok; ein drein kim jab maroñ in kalek worwor eo. 11 Im ro dri kijirāte kim rar ba, Re jamin jela, ak lo, mae ien an dreloñ i bwiljir, im mōn ir, im kōmōn bwe jermal eo en bwijrōk. 12 Im ein drein ke ro dri Ju, ro rar jokwe iturir rar itok, re ba fñon kim joñoul alen, jen jikir otemjej, Emōn komin jeblaktok fñon ibem. 13 Kin men in I ar likit ilo jikin ko re etātata elikin worwor eo i jikin ko re alikar, armij ro ekar fñon ro nukir im ibeir jāji ko air, im mōri ko air, im libon ko air. 14 Im I ar reilok, im jutōk, im ba fñon iroijs ro, im fñon armij ro jet, Komin jab mi-jōk ir: komin kememej Iroijs eo ej lap im dri kalefñoñ, im komin tōrinaek kin ro jeōmi im jātōmi, ro nejōmi man im kōra, limaro belemi, im mo ko im-wemi.

15 Im ke ro dri kijirāte kim rar roñjake bwe kim jela men eo, im <sup>1</sup>Anij e ar kōmōn air bebe men in bwebwe, kim ar jeblaklok, kim otemjej fñon worwor eo, jabrewōt fñon jermal eo an. 16 Im jen ien eo, jibilkwōn ro dri korijera rar jermal wōt, im jibilkwōn iair rar kapjeri mōri ko, likipijñōk ko, im libon ko, im kobe ko ken tōrak: im iroijs ro rar ber elikin aolepen imōn Juda. 17 Ro rar kalek worwor eo im ro rar kwotōke ine ko; jabrewōt iair e ar jermal kin

juōn pein im kin pein eo juōn e ar bōk ken tōrinae eo an; 18 im ro dri kalek, jabrewōt iair e ar kañōrñōr e kin jāji, im ein drein ej kalek. Im eo ej jilil ej ituriō. 19 Im I ar ba fñon ro re utiej im fñon iroijs ro im ro jet ian armij rōn, Jermal in elap im bin, im kim melo jen dron ion worwor: 20 ilo jabrewōt jikin kom naj roñjake ainiken jilil, komin kweloktok ijo fñon kim; ar Anij e naj tōrinaek kin kij.

21 Ein drein kim ar jermal wōt: im jibilkwōn iair rar kapjere mōri ko jen rantak fñon ien walok iju ko. 22 Ein drein ien eo I ar ba fñon armij ro, Jabrewōt iami im dri korijeran en jokwe iloan Jerusalem, bwe ilo boñ ren dri bar kij, im ren jermal ilo ran. 23 Ein drein fia, im ro jeiō im jātō, im ro dri korijera, im armij dri bar rej lor fia, ejelok juōn iar e ar wutik nuknuk ko an, jabrewōt iar e ar ilok fñon dren im ken tōrinaek eo an iben.

5 Ien eo e <sup>1</sup>ar walok juōn keroro elap jen armij ro im limaro beleir nae ro jeir im jātir dri Ju ro. 2 Bwe jet re ba, Kim, kab ro nejem man im kōra, kim lōñ: kimin bōk korn bwe kimin mōña im mour. 3 Bar jet re bareinwōt ba, Kimij lelok jikin kallip ko am men in kamol am muri, im bwil in grep ko am, im mo ko im-wem: kimin bōk korn, bwe ien fñita. 4 Bareinwōt eor re ba, Kim ar muri kin mōnni in owōjlok fñon kif eo, kin jikin kallip ko am im kin bwil in grep ko am. 5 A kiō kōniekem ej einwōt kōniekin ro jeim im jātīm, ro nejem einwōt ro nejir: im lo, kimij kōtaik fñon kurekake ro nejem man im kōra bwe ren korijer, im jet ian ro nejem kōra rej jebokwe kiō: im kim jab maroñ in bōprae; bwe jikin kallip ko am im bwil in grep ko am rej iben armij ro jet.

6 Im I ar kanuij illu ke I ar roñjake air lamij kin nan kein. 7 Inem I ar bebe ilo buruō, im I ar akwail iben ro dri utiej im iroijs rōn, im I ar ba fñon ir, Komij bōk jimair, jabrewōt

<sup>1</sup> 2 Sam. 17. 14.<sup>1</sup> Liv. 25. 35.

eo jen jein im jätin. Im I ar kokwe-loktok juön jar elap nae ir. 8 Im I ar ba ñön ir, Kim, einwöt am maroñ kim ar lomoren ro jeim im jätim dri Ju ro, emwij wiakake ir ñön dri ailiñ ko; im kom kõnan wiakake ro jeömi im jätömi ke, im ren wiakake ir ñön kij ke? Inem rej kejeklokjen, im jab lo juön wöt nan. 9 Bareinwöt I ar ba, Men eo komij kõmöne e jab emön: e jab emön ami etetal ilo mijök Anij eo ar, kin kinak eo an ro dri ailiñ ko dri kijiräte kij ke? 10 Im ein drein, ña im ro jeio im jätio im ro dri korijera, kimij lelök ñön ir mõnni im korn ilo muri kemem. Ij akwelap ñön kom bwe jen likit aruij bök jima in. 11 Komin kejeblak ñön ir, ij akwelap ibemi, ranin, jikin kallip ko air, bwil in grep ko air, air worwor in oliv, im mo ko imweir, im juön mötön jibuki mötön mõnni, im korn, im wain ekäl, im oil, komij bök jen ibeir. 12 Inem re ba, kim naj kejeblaki, im jamin bar kajitök ibeir; ein drein kim naj kõmön, einwöt kwar ba. Inem I ar kirtok pris ro, im bök kanöjnij ibeir bwe ren kõmön ekar ñön kalimur in. 13 Bar juön, I ar bikbikri nuknuk ko aö, im I ar ba, Ein drein Anij en kamökit jen mweo imön, im jen jermal eo an, jabrewöt armij e jab kejbärok kalimur in; ein drein ren kamökit e im lutöklok e. Im aolepen jar eo re ba, Amen, im rar nebar Jeova. Im armij ro rar kõmön ekar ñön kalimur in.

14 Bar juön, jen ien eo ke ar likit io iroi j ioir ilo enen Juda, jen yiö eo ken ka roñoul ñön yiö eo ken ka jilfioul ruo an Artaxerxes kiñ, iomin joñoul ruo yiö, ña im ro jeio im jätio kim ar jab möña bred an iroi j eo. 15 A ro mokta jen ña rar likit ine ko ion armij rön, im rar bök jen ir bred im wain, kab eñoul shekel silver: aet ro korijerair rar iroi j ion armij rön: a e jab ein drein aö kõmön, kin aö mijök Anij. 16 Aet, bareinwöt, I ar niknik ilo jermal in worwor in, im kim ar jab wiaik jabrewöt wäto: im emwij kokweloktok ro dri korijera otemjej ñön jermal eo. 17 Bar

juön, ilo tebel eo aö, jen ian dri Ju im iroi j rön, jibuki limñoul armij, eorlok jen ro rar itok ñön ibem jen iben ro dri ailiñ ko iturem. 18 Ak men ko rar kapojök ñön juön ran, juön ox im jiljino sip men in kålet: bareinwöt rar kapojök bao ko ñön io, im juön alen ilo joñoul ran wain wäwen otemjej: mekarta, kin men kein otemjej I ar jab kajitök bred an iroi j eo, bwe men in jebokwe e ar erro ion armij rein. 19 O aö Anij kwon kememej ñön io, kin emön, men ko otemjej I ar kõmöni ñön armij rein.

6 Ak ke rar kennanek Sanbalat, im Tobaia, im Gishem dri Arebia, im ro jet dri kijiräti kim bwe emwij aö kalek worwor eo, im ejelok ettal ej berwöt, (meñe ien eo I jañin kar kajutök aor ko ilo kejem ko), 2 inem Sanbalat im Gishem rar jiliktok ñön io, im re ba, Kwon itok, im jen ion dron ilo juön ian jikin kwelok ko i melan Ono. A rar bebe in kõmön nana ñön io. 3 Im I ar jilkinlok ñön ibeir ro dri jilik, im re ba, Ña ij kõmöni juön jermal elap, inem I ban wönlölwoj: etke en jokwor jermal in ke ij likite im wönlöllok ñön ibemi? 4 Im emen alen air jilkintok ñön iba einwöt in, im ein drein aö uak ir. 5 Inem Sanbalat e ar jilkintok ñön iba dri korijeran alen ken ka lailim, im juön letter e bellok ilo pein, 6 im iloan emwij jeje, Re ba iben ro dri ailiñ ko, im Gashmu e ba, bwe kwe im dri Ju ro komij lemnok in kabata: kin men in kwoj kalek worwor ne: im kwo kõnan kiñ ioir, ekar ñön nan kein. 7 Im bareinwöt kwar jiroñ ro dri kanan bwe ren kwelok kin kwe i Jerusalem, im re ba, juön kiñ i Juda: inem re naj kennanek kiñ eo ekar ñön nan kein. Kin men in, kwon itok im jen bebe iben dron. 8 Inem I ar jiliklok ñön e, im ba, Ar jab kõmöni men ko einwöt kwar ba, a kwoj kine jen buruöm wöt. 9 Bwe re kõnan kemjök kim, im re ba, Peir re naj möjinolok jen jermal eo, bwe ren jab kõmöne. A kiö, O Anij, kwon kakajur pä kã peio.

10 Im I ar dreloñ ilo imön Sheme-

aia nejin Dileaia nejin Mihetebel,<sup>1</sup> im emwij kile; im e ar ba, Jen wõnmae dron ilo imõn Anij, iloan tempel eo, im jen kili aor ko in tempel: bwe re naj iten mõn yuk; aet ilo boñ re naj iten mõn yuk. 11 Im I ar ba, Emõn ke juõn einwõt ña en ko? im wõn eo ej einwõt ña en kõnan drelõñ iloan tempel eo bwe en kej-bãrok an mour? I jamin drelõn. 12 Im I ar kili, im lo bwe Anij e ar jab jilkintok e: a e ar kwalok drikani in nae iõ, im Tobaia im Sanbalat rar kejerbal e. 13 Kin men in ar kejerbal e, bwe in mijõk, im kõmõn ein drein, im bwir, im bwe en ibeir men ko ren maroñ in konono nana kake, im ren maroñ in kinaklok iõ. 14 O aõ Anij, kwon kememey Tobaia im Sanbalat ekar ñõn jerbal kein air, im bareinwõt lio dri kanan Noedaia, im dri kanan ro jet, rar kõnan kemjõk iõ.

15 Ein drein ar<sup>2</sup> kamwijlok worwor eo ilo roñoul lailim ran, ilo aliñ Ilul, iomin limñoul ruo ran. 16 Im ke ro dri kijirãte kim otemjej rar roñjake, inem ro dri ailiñ ko iturem re mijõk, im emwij kõtaik ir ilo mejeir; bwe rar lo bwe am Anij e ar kõmõnmõn jerbal in. 17 Bar juõn, ilo ran ko, iroi ro in Juda rar jilkinklok elõñ letter ñõn Tobaia, im letter ko jen Tobaia rar itok ñõn ibeir. 18 Bwe elõñ i Juda emwij air kanõnjij ñõn e, kin ke e ar belek lio nejin Shekenaia nejin Era; im Jihohenan, nejin, e ar bõk lio nejin Mishullam, nejin Berekaia, bwe en belen. 19 Bar einwõt rar konono kin kõmõn ko an remõn imaõ, im kwalok aõ in nan ñõn e. Im Tobaia e ar jilkintok letter ko in kemjõk iõ.

7 A ke<sup>3</sup> emwij kalek worwor eo, im I ar kajutõk aor ko, im ar kãlet ro dri lale kejem im ro dri al, im ro dri Livai, 2 inem I ar lelok ñõn leo jãtiõ Hanenai, im Hanenaia iroi in me eo, bwe en lale Jerusalem, bwe e armij e tiljek, im elap an mijõk Anij jen elõñ armij. 3 Im I ar ba ñõn ir, Ren jab kabellok aor in Jerusalem mae ien e loliñ al; im ke rej bar e

wõt im lale, ren kili aor ko im komin kabini; im komin kõmõn mmij ko ian ro dri Jerusalem, jabrewõt ilo mmij eo an, im jabrewõt en ikijen mwewo imõn. 4 A jikin kwelok eo e katbwil; im reit armij iloan, im re jañin kalek mo ko.

5 Im aõ Anij e ar likit ilo buruõ bwe in kokweloktok ro dri utiej, im iroi ro, bwe ren bwine ir kin ebeben ko. Im I ar lo buk in ebeben eo an ro rar wõnliñtok mokta, im I ar lo jeje in iloan: 6<sup>1</sup> Rein ro nejin bukwoñ eo, ro rar wõnliñlok jen jebokwe eo an ro emwij bõklok ir, ro Nebukadnezzar kiñ in Babilon e ar bõklok ir, im rar jeb-laktok ñõn Jerusalem im Juda, jabrewõt iair ñõn jikin kwelok eo an; 7 ro rar itok iben Zirubabel, Jeshua, Nihimaia, Azaraia, Reamaia, Nehemani, Mordikai, Bilshan, Misperet, Bigvai, Nihum, Beana.

Oran man rõn ian ro dri Israel: 8 Ro nejin Perosh, ruo tausan jibuki jiljilimjuõnñoul ruo. 9 Ro nejin Shepetaia, jilu buki jiljilimjuõnñoul ruo. 10 Ro nejin Era, jiljino buki limñoul ruo. 11 Ro nejin Pehat-moab, ian ro nejin Jeshua nejin Joab, ruo tausan dualitõk buki joñoul dualitõk. 12 Ro nejin Ilam, juõn tausan rubuki limñoul emen. 13 Ro nejin Zetu, dualitõk buki eñoul lailim. 14 Ro nejin Zakkai, jiljilimjuõn buki jiljinoñoul. 15 Ro nejin Binuai, jiljino buki eñoul dualitõk. 16 Ro nejin Bibai, jiljino buki roñoul dualitõk. 17 Ro nejin Azgad, ruo tausan jilu buki roñoul ruo. 18 Ro nejin Adonai-kam, jiljino buki jiljinoñoul jiljilimjuõn. 19 Ro nejin Bigvai, ruo tausan jiljilinoñoul jiljilimjuõn. 20 Ro nejin Edin, jiljino buki limñoul lailim. 21 Ro nejin Eter, jen Hezekaia, druatimjuõnñoul dualitõk. 22 Ro nejin Hashum, jilu buki roñoul dualitõk. 23 Ro nejin Bizai, jilu buki roñoul emen. 24 Ro nejin Herip, jibuki joñoul ruo. 25 Ro nejin Gibeon, dualitõkñoul lailim. 26 Armij jen Betleem im Nitopa, jibuki dualitõkñoul dualitõk. 27 Armij jen Ana-

<sup>1</sup> Jer. 36. 6. <sup>2</sup> Jap. 4. 1. <sup>3</sup> Jap. 6. 1. 15.

<sup>1</sup> Ezra 2. 1-70.

tot, jibuki roñoul drualitök. **28** Armij jen Bet-azmevet, eñoul ruo. **29** Armij jen Kiriati-jerim, Kipaira, im Bierot, jiljilimjuön buki eñoul jilu. **30** Armij jen Rema im Giba, jiljino buki roñoul juön. **31** Armij jen Mikmas, jibuki roñoul ruo. **32** Armij jen Betel im Eai, jibuki roñoul jilu. **33** Armij jen Nibo eo juön, limñoul ruo. **34** Ro nejin Ilam eo juön, juön tausan rubuki limñoul emen. **35** Ro nejin Herim, jilu buki roñoul. **36** Ro nejin Jeriko, jilu buki eñoul lailim. **37** Ro nejin Lod, Hedid, in Ono, jiljilimjuön buki roñoul juön. **38** Ro nejin Sinea, jilu tausan druatimjuön buki jilñoul.

**39** Pris ro : ro nejin Jidaia, jen imön Jeshua, druatimjuön buki jiljilimjuönñoul jilu. **40** Ro nejin Immer, juön tausan limñoul ruo. **41** Ro nejin Pashur, juön tausan rubuki eñoul jiljilimjuön. **42** Ro nejin Herim, juön tausan joñoul jiljilimjuön.

**43** Ro dri Livai : ro nejin Jeshua, jen Kadmaiel, ian ro nejin Hodiva, jiljilimjuönñoul emen. **44** Ro dri al : ro nejin Esap, jibuki eñoul drualitök. **45** Ro dri lale kejem : ro nejin Shallum, ro nejin Eter, ro nejin Talmom, ro nejin Akkub, ro nejin Hataita, ro nejin Shobai, jibuki jilñoul drualitök.

**46** Ro dri Netinim : ro nejin Zaiha, ro nejin Hasupa, ro nejin Tabeot, **47** ro nejin Kiros, ro nejin Saia, ro nejin Pedon, **48** ro nejin Lebena, ro nejin Hageba, ro nejin Salmeai, **49** ro nejin Henan, ro nejin Gidel, ro nejin Gehar, **50** ro nejin Rieaia, ro nejin Rizin, ro nejin Nikoda, **51** ro nejin Gezam, ro nejin Uzza, ro nejin Pesia, **52** ro nejin Bisai, ro nejin Miunim, ro nejin Nipusesim, **53** ro nejin Bakbuk, ro nejin Hakupa, ro nejin Harhur, **54** ro nejin Bazlit, ro nejin Mihida, ro nejin Harsha, **55** ro nejin Barkos, ro nejin Sisira, ro nejin Tima, **56** ro nejin Nizaia, ro nejin Hatipa.

**57** Ro nejin ro dri korijeran Solomon : ro nejin Sotai, ro nejin Sopiret, ro nejin Piraia, **58** ro nejin Jeala, ro nejin Darkon, ro nejin Gidel, **59** ro

nejin Shepetaia, ro nejin Hatil, ro nejin Pokeret-hazibeim, ro nejin Amon. **60** Dri Netinim otemej, im ro nejin ro dri korijeran Solomon, jilu buki druatimjuönñoul ruo.

**61** Im rein ro rar wönliñtok jen Tel-mila, Tel-harsha, Kirub, Adon, im Immer; a re ban kwalok mo ko imön ro jimair, ak ineir, elañe ir dri Israel ke jab ke: **62** Ro nejin Dilaia, ro nejin Tobaia, ro nejin Nikoda, jiljino buki eñoul ruo. **63** Im pris ro : ro nejin Hobaia, ro nejin Hakkoz, ro nejin Barzillai, eo e ar bök lio belen jen limaro nejin Barzillai dri Giliad, im naetan ekar ñon etair. **64** Rein rar bukot air jeje iben ro rar bwine ir kin ebeben, a rar jab loe: kin men in rej lemnok re jab erre im jolok ir jen air pris. **65** Im iroi j eo e ar ba ñon ir, ren jab mōña jen men ko re kwojarjar otem kwojarjar mae ien an jutök juön pris im Urim im Tumim iben.

**66** Aolepen jar eo otemjelok, eñoul ruo tausan jilu buki jiljinoñoul, **67** eorlok jen ro dri korijerair man im kōra, im orair jiljilimjuön tausan jilu buki jilñoul jiljilimjuön: im ibeir rubuki eñoul lailim dri al man im kōra. **68** Im ors ko air jiljilimjuön buki jilñoul jiljino : mul ko air rubuki eñoul lailim : **69** kamel ko air, äbuki jilñoul lailim; ass ko air, jiljino tausan jiljilimjuön buki roñoul.

**70** Im jet ian jöb ro an imön ro jimair rar lelok ñon jermal eo. Iroi j eo e ar lelok ñon jikin mönni, roñoul tausan derik gold, limñoul besön, limabuki jilñoul nuknuk in pris. **71** Im jet ian jöb ro an imön ro jimair rar lelok na ilo jikin mönni an jermal eo, roñoul tausan derik gold, im ruo tausan rubuki paun in silver. **72** Im men in lelok an ro jet ian armij rön roñoul tausan derik gold, ruo tausan paun in silver, im jiljinoñoul jiljilimjuön nuknuk in pris.

**73** Ein drein pris ro, im ro dri lale kejem, im ro dri al, jet ian armij rön, im ro dri Netinim, im aolepen dri Israel, rar jokwe ilo jikin kwelok ko air.

Im ke e ar itok aliñ eo ken ka jiljilimjuõn, ro nejin Israel rej ber ilo  
**8** jikin kwelok ko air. 1 Im armij otemjej rar kweloktok, einwõt juõn armij, ilo jikin eo e rãbõkbõk eo iman kejem in dren: im re ba ñõn  
 1 Ezra dri jeje eo, bwe en bõktok buk in kien Moses, eo Moses e ar jiroñ Israel. 2 Im Ezra, pris eo, e ar bõktok kien eo iman jar eo, man im kõra, im ro otemjej re maroñ in roñjake im melele, ilo ran eo ken ka juõn in aliñ eo ken ka jiljilimjuõn. 3 Im e ar konono iloan iman jikin eo e rãbõkbõk eo iman kejem in dren, jen jiboñ ñõn raelip, iman mejen man ro im kõra ro, im ro otemjej re maroñ in melele: im lojiliñin armij otemjej rar jõmjõme buk in kien eo. 4 Im Ezra, dri jeje eo, e ar jutõk ilo juõn jikin e utiej rar kõmõnmõn jen ra ko ñõn men in; im iturin, rar jutõk Mattitaia, im Shima, im Aneia, im Uraia, im Hikaia, im Measiaia, i anbijmaroñõn; im i anmiñin, Pedeia, im Misheel, im Malkaia, im Hashum, im Hashbadena, Zekaraia, im Mishullam. 5 Im Ezra e ar kablok buk eo iman mejen armij otemjej, (bwe e utiej jen armij otemjej); im ke e ar kablok e, armij otemjej rar jutõk. 6 Im Ezra e ar kamõnõnõik Jeova, Anij laplap. Im armij otemjej rar uak, Amen, Amen, im re kwotõke peir: im rar mõjir kin bõrair, im kabuñ ñõn Anij im buñbero. 7 Bar juõn, Jeshua, im Benai, im Sherebaia, Jemin, Akub, Shabetai, Hodaia, Measiaia, Kilaita, Azaraia, Jozebad, Henan, Pilaia, im ro dri Livai, rar kajelaik armij rõn kin kien: im armij ro rar jutõk ilo jikir. 8 Im rar konono ilo buk eo, ilo kien Anij, alikar: im rar kemeleleik e, inem rar melele kake.

9 Im Nihimaia, eo 2 ej iroi, im Ezra 3 pris eo im dri jeje, im ro dri Livai ro rar katakin armij rõn, re ba ñõn armij otemjej, Ranin e kwojarjar ñõn Jeova ami Anij; komin jab liãjlol ak jõn. Bwe armij otemjej re jõn ke rar roñjake nan ko an kien.

<sup>1</sup> Ezra 7. 6. <sup>2</sup> Jap. 7. 66. <sup>3</sup> Jap. 12. 36.

10 Inem e ar ba ñõn ir, Komin etetal, mõña men ko re mätõk, im irak men ko re tõñõl, im jilkinlok mõtõn ko ñõn eo ar jañin kapojõk ñõn e: bwe ranin e kwojarjar ñõn aruij Anij: im komin jab buromõj; bwe lõñliñ in Jeova ej ami kajur. 11 Ein drein ro dri Livai rar kõkãjeklokjen armij otemjej, im re ba, Komin ikõñ, bwe ranin e kwojarjar: komin jab buromõj. 12 Im armij otemjej rar etetal wõt bwe ren mõña im irak, im jilkinlok mõtõn ko, im bwe ren kõmõn lõñliñ elap, bwe rar melele nan ko emwij kwalok ñõn ir.

13 Im ilo ran eo ken ka ruo rar kokweloktok jiõb ro an imõn ro jimair an armij otemjej, pris ro, im ro dri Livai, ñõn iben Ezra dri jeje eo, bwe ren eoroñ nan ko in kien. 14 Im rar lo jeje ilo kien, ekijkan Jeova e ar jiroñ kin Moses, bwe ro nejin Israel ren jokwe ilo imõn kabere ko ilo aliñ eo ken ka jiljilimjuõn; 15 im bwe ren kwalok im kabuñbuñlok ilo jikin kwelok otemjej air, im ilo Jerusalem, im ba, Komin ilok fiõn tol eo, im bõktok ran oliv, im ran oliv e awia, im ran mirtel, im ran pam, im ran wijki ko re bukwelip, bwe ren kõmõnmõn kake imõn kabere ko, einwõt emwij je. 16 Ein drein armij rar drioielok im bõktok, im kõmõnmõn ñõn ir mõke mo ko imõn kabere, jabrewõt ion kejenwan mweo imõn, im ilo worwor ko, im ilo worwor ko an imõn Anij, im ilo jikin e rãbõkbõk in kejem in dren, im ilo jikin e rãbõkbõk in kejem in Ipreim. 17 Im aolepen jar an ro rar jebłaktok jen jebokwe eo rej kõmõnmõn imõn kabere ko, im jokwe ilo imõn kabere ko: bwe jen ran ko an Joshua nejin Nun, ñõn ran eo, ro nejin Israel rar jab kõmõn einwõt. Im eor lõñliñ e kanuij lap. 18 Bar juõn, ran im ran, jen ran eo mokta fiõn ran eo eliktata, e ar konono ilo buk in kien Anij. Im rar lalẽ kwojkwoj eo iomin jiljilimjuõn ran: im ilo ran eo ken ka drualitõk, juõn kwelok e kwojarjar, ekar ñõn kien eo.

9 Ak ilo ran eo ken ka roñoul emen in aliñ in, ro nejin Israel rar kwe-

lok kin jitlok, im kin nuknuk eklep iren, im brij ioir. 2 Im ro inen Israel rar mōke kejenolok ir jen ro drua otemjej, im rej jutōk im kwalok jera-wiwi ko air iman ro jimair. 3 Im rar jutōk wōt ilo jikir, im rar konono ilo buk in kien Jeova, air Anij, juōn mōtōn emen ran: im bar juōn mōtōn emen rar ukwelok ibeir im kabuññon Jeova air Anij. 4 Ien eo Jeshua, Benai, Kadmaiel, Shebenaia, Bunai, Sherebaia, Benai, im Kenenai, rar jutōk ilo ken uwe an ro dri Livai, im rar kir kin ainikeir elap ñon Jeova air Anij.

5 Inem ro dri Livai, Jeshua, im Kadmaiel, im Benai, Hashabneia, Sherebaia, Hodaia, Shebenaia, im Petehaia, re ba, Komin jutōk im kamōnōñdik Jeova ami Anij jen in drio ñon in drio; im en mōnōñ wōt etōm e aibujuij, eo koutiej e jen aolepen kamōnōñ im nebar. 6 Kwe Jeova, aet, Kwe wōt; Kwar kōmōn-mōn lōñ, lōñ in lōñ ko, im aolepen jar eo an, lōl im men ko ion, lometo ko im aolep ej ilo ir, im Kwoj kejbārok ir otemjej: im jaran lōñ ej kabuññon Kwe. 7 Kwe Jeova Anij eo, Kwar kālet Ebram, im āñiñintok e jen Ur an dri Kaldia, im lelok ñon e etan Ebrean, 8 im Kwar lo bwe buruen e tiljek imam, im Kwar kōmōn juōn bujen iben in lelok enen dri Kenean, dri Het, dri Amor, im dri Periz, im dri Jibus, im dri Girgas, in lelok ñon inen, im Kwar kamol am in nan; bwe Kwe kwo wānik.

9 Im <sup>1</sup> Kwar lo jorran an ro jimam ilo Ijpt, im eoroñ air kir iturin Lomalo Ekilmir, 10 im Kwar kwalok kakōle ko im men in bwilōñ ko ion Pero, im ion ro dri korijeran otemjej, im ion armij otemjej dri eneo an: bwe Kwar jela air kōmōn nae ir kin jua, im Kwar kabuññuñ etōm einwōt ilo ranin. 11 Im Kwar kijbil lomalo imair, im rar etal ilujen lojit einwōt ion ene e mōra; im ro rar lukworkwor ir Kwar julok na ilo mulōl ko, einwōt juōn dreka iloan dren ko relap. 12 Bar juōn, kin juōn jur

<sup>1</sup> Ex. 3. 7.

kōro Kwar tel ir ilo ran; im kin jur kijeek ilo boñ, bwe en kemramlok ir ilo ial eo ren ilok ielok. 13 Bareinwōt Kwar wōnlōltok ilo tol Sainai, im konono ibeir jen lōñ, im lelok ñon ir kabuñjar ko re jime, im kien ko re mol, nan in kaiñi in kien ko remōn. 14 Im Kwar kajelaik ir kin Sabat eo Am e kwojarjar, im jiroñ ir kien ko, im nan in kaiñi ko, im juōn kien kin Moses dri korijerōm, 15 im Kwar lelok ñon ir bred jen lōñ kin air kwuli, im bōktok dren ñon ir jen dreka ilo air maro, im jiroñ ir bwe ren dreloñ im bōk eneo Kwar kanōjni bwe Kwon lelok ñon ir.

16 A ir im rō jiman, e kar utiej burueir, <sup>1</sup> im rar kakijñiñi kenwair, im jab eoroñ kien ko Am, 17 im re makoko in bokake, im re jab keme-mej men in bwilōñ ko Kwar kōmōn ilo bwiljir, a re kakijñiñi kenwair, im ilo air kabata rar kālet juōn kapen bwe ren jeblaklok ñon air jebokwe. A Kwe juōn Anij e mōnōñ in jolok bwir, Kwo joij im tiriamokake, im ibōm elōñ yokwe, inem Kwar jab illok jen ibeir. 18 Aet, ke rar kōmōnmōn ñon ir juōn kon in kau unlok, im ba, Eñin am Anij eo e ar āñintok yuk jen Ijpt, im emwij air kōmōn men in kikitōtō ko relap; 19 mekarta, Kwe ilo Am tiriamokake relōñ Kwar jab illok jen ibeir ilo ene jemaren eo; jur kōro e ar jab illok jen ir ilo ran bwe en tel ir ilo ial; ak jur kijeek ilo boñ, bwe en kemramlok ir, im bakajen ial ijo ren ilok ielok. 20 Kwar bareinwōt lelok Am Jitōb emōn bwe En katakin ir, im jab drebij Am manna jen loñir, im Kwar lelok ñon ir dren kin air maro. 21 Aet, iomin eñoul yiō Kwar lale ir ilo ene jemaren, im ejelok air aikwij: nuknuk ko air re jab morlok, im e jab bōjlok neir. 22 Bar juōn, Kwar lelok ñon ir aliñ in kiñ ko im armij ro, men ko Kwar ajejlok ñon ir ekar ñon bukwōn ko air: ein drein rar bōk enen Zaion, aet, enen kiñ in Heshbon, im enen Og kiñ in Beshan. 23 Kwar bareinwōt korlok nejir einwōt iju ko ilōñ,

<sup>1</sup> Dat. 31. 27.

im Kwar kadreloñtok ir na ilo eneo Kwar ba kake ñon ro jimair, bwe ren dreloñ in böke. **24** Ein drein ro nejir rar dreloñ im böke eneo, im Kwar kōtaik imair ro dri eneo, ro dri Keanan, im lelok na ilo peir, kiñ ro air bareinwōt, im ro dri ene ko, bwe ren kōmōn ñon ir einwōt air kōnan. **25** Im rar bōk jikin kwelok ko eor air me, im juōn enimōn, im bōk mo ko re obrōk kin men otemjej remōn, aibij dreka ko emwij jeki, bwil in grepko, worwor in oliv ko, im elōñ wijki eor leir: inem re mōña im remāt, im re mātōk, im rar lōñliñ wōt kin Am joij elap.

**26** Ijoke, <sup>1</sup> rar kiblia, im kabata nae Yuk, im elkure kiōm, im mōn ro Am dri kanan, ro rar kowe ir bwe ren bar ukot ir ñon Kwe, im rar kōmōn men ko men in kakitōtō. **27** Kin men in Kwar ketok ir na ilo pein ro dri kijirāte ir, ro rar kejorran ir, im ilo ien air jorran, ke rar kir ñon Kwe, kwar eoroñ jen lōñ ko: im ekar ñon Am tiriamokake relōñ Kwar lelok ñon ir ro dri lomor, ro rar lomor ir jen pein ro dri kijirāte ir. **28** A elikin air lo kakije, rar bar kōmōn nana imam; kin men in Kwar likit ir na ilo pein ro air dri kijirāt, inem rar iroi joiir: a ke rar jebalaktok im kir ñon Kwe, Kwar eoroñ jen lōñ: im elōñ alen Am lomor ir ekar ñon tiriamokake ko Am; **29** im Kwar kwalok nae ir, bwe Kwon maroñ in bar bōktok ir ñon kiōm. Ijoke rar jebalero ñon ro jet, im jab eoroñ kien ko Am, a re bwir nae kabuñjar ko Am, (ko elañe juōn armij ej kōmōni, e najmour), im rar kijenik aierair, im kajijñiñi kenwair, im re jab kōnan eoroñ. **30** A iomin elōñ yiō Kwar mōke kaberber Yuk kake ir, im kwalok nae ir kin Jitōb eo Am ilo dri kanan ro Am: a re jab kōnan eoroñ: kin men in Kwar ketōk ir na ilo pein ro dri ene ko. **31** Mekarta, ilo tiriamokake ko Am relōñ Kwar jab kanuij kokkure ir ak illok jen ir: bwe Kwe juōn Anij e joij im tiriamokake.

**32** Inem, amuij Anij, Eo elap, E

kajur, im Anij dri kaleññoñ, Eo ej kejbārok bujen im tiriamokake, Kwon jab likit e erik, aolepen jorran eo e aritok iom, ion kiñ ro am, ion iroi j ro am, im ion pris ro am, im ion dri kanan ro am, im ion ro jimam, im ion ro drom otemjej, jen ien kiñ ro in Assiria ñon ranin. **33** Ijoke, Kweo kwoj wānik ilo men otemjej e ar itok iom; bwe Kwar kōmōn mol, a kim ar kōmōn nana: **34** ak kiñ ro am, iroi j ro am, pris ro am, ak ro jimam rar jab lale kiōm, ak eoroñ nan in kaiñi ko Am, im nan ko nan in kennan Kwar kennan nae ir kake. **35** Bwe rar jab korijer ñon Kwe ilo air ailiñ, im ilo Am joij elap Kwar lelok ñon ir, im ilo eneo elap im enimōn Kwar lelok imair, im rar jab jeorlok jen kōmōn ko air im re nana. **36** Lo, kim ro dri korijer ranin, im kin eneo Kwar lelok ñon ro jimam bwe ren mōña leen im men ko an remōn, lo kim dri korijer na ie. **37** Im ej lelok elōñ orlok ñon kiñ ro Kwar likit iom kin jerawiw ko am; bareinwōt eor air kajur ion enbwinem, im ion kiru ko am, einwōt air kōnan, im kim ber ilo iñtan elap. **38** Mekarta, kin aolepen men in kimij kōmōn juōn bujen emol, im jeje; im iroi j ro am, ro dri Livai am, im pris ro am, rej sil ñon e.

**10** Ak rein ro <sup>1</sup> rar sil: Nihimaia iroi j eo, nejin Hakelaia, im Zedekaia, **2** Sireaia, Azaraia, Jeremaia, **3** Pashur, Ameraia, Malkaija, **4** Hat-tush, Shebenaia, Maluk, **5** Herim, Merimot, Obedaia, **6** Daniel, Gineton, Beruk, **7** Mishullam, Ebaija, Mijemin, **8** Meazaia, Bilgeai, Shimaia; rein pris ro. **9** Im ro dri Livai: rein, Jeshua nejin Azenaia, Binuai ian ro nejin Henedad, Kadmaiel; **10** im ro jeir im jātir, Shebenaia, Hodaia, Kelaita, Pelaia, Henan, **11** Maika, Rihob, Hashebaia, **12** Zakur, Sherebaia, Shebenaia, **13** Hodaia, Benai, Benainu. **14** Iroi j ro an armij rōn: Perosh, Pehat-moab, Ilam, Zattu, Benai, **15** Bunai, Azgad, Bibai, **16** Adonaija, Bigvai, Edin, **17** Eter, Hezekaia, Azur, **18** Hodaia, Hash-

<sup>1</sup> Eka. 2. 11.



um, Bizai, 19 Herip, Anatot, No-beai, 20 Magpaiash, Mishullam, Hezir, 21 Mishizebel, Zedok, Jadua, 22 Peletaia, Henan, Enaia, 23 Hoshia, Hanenaia, Hashub, 24 Haloheah Pihah, Shobek, 25 Rihum, Hashabna, Measeaia, 26 im Ehaia, Henan, Enan, 27 Maluk, Herim, Beana.

28 Im ro jet ian armij ro, pris ro, ro dri Livai, ro dri lale kejem, ro dri al, ro dri Netinim, im ir otemej rar mōke kejenolok ir jen ro dri ene ko nōn kien Anij, limaro beleir, ro nejir man im kōra, jabrewōt eo eor jela im melele iben; 29 rar koba iben ro jeir im jātir, iroij ro air, im dreloñ ilo juōn kanōjnij, ñe re jab etetal ilo kien Anij, eo emwij lelok kin Moses, korijeran Anij, im bwe kimin lale im kōmōn kien otemej an Jeova am Anij, im kabuñjar ko An im nan in kaiñi ko An; 30 im bwe kimin jab lelok ro nejōm kōra nōn ro dri aillñ, ak bōk ro nejir kōra nōn ro nejem man; 31 im elañe ro dri ene in rej bōktok mweiuk ko ak korn ilo ran in Sabat bwe ren wiakake, kim jamin wiaik jen ir ilo Sabat, ak ilo juōn ran e kwojarjar: im kim naj kōtlok yiō eo ken ka jiljilimjuōn, im jab kabukot aolepen muri.

32 Bareinwōt kim ar kōmōn kien ko nōn kim, bwe kimin lelok ilo yiō otemej juōn mōtōn jilu shekel, nōn jeral an amuij Anij; 33 nōn bred in kalikar, im nōn jurtak in flauo ien otemej, im nōn katok kijeek ien otemej, nōn Sabat ko, nōn aliñ ko rekāl, nōn kwojkwōj ko men in likit, im nōn men ko re kwojarjar, im nōn katok kin bwir ko in kōmōn kilājrok nōn Israel, im nōn jeral otemej in imōn am Anij. 34 Im kim ar bukot kin kakōle, pris ro, ro dri Livai, im kajur rōn, kin kani in jurtak, bwe kimin bōktok iloan imōn am Anij, ekar nōn mo ko imōn ro jīmam; ilo ien ko emwij likiti, yiō otemej, im tile ion lokatok an Jeova am Anij, einwōt jeje ilo kien eo; 35 im bwe kimin bōktok jomōkōj in leen brij ko am, im jomōkōj in leen jabrewōt wāwen wijki ko, yiō otemej, nōn imōn

Jeova; 36 bareinwōt manjen ian ro nejem, im ian kiru ko am, einwōt jeje ilo kien, im ko rej lotak mokta jen kau ko am im sip ko am, bwe kimin bōktok nōn imōn am Anij, nōn pris ro rej korijer ilo imōn am Anij: 37 im bwe kimin bōktok jomōkōj in flauo eo am, im jurtak jebōke ko am, im leen jabrewōt wāwen wijki, wain ekāl im oil, nōn pris ro, ilo rum ko in imōn am Anij; im mōtōn joñoul ko jen brij eo am nōn ro dri Livai; bwe ro dri Livai rej bōk mōtōn joñoul ko ilo jikin kwelok otemej in am kallip. 38 Im pris eo nejim Aron e naj ber iben ro dri Livai, ñe ro dri Livai re naj bōk mōtōn joñoul ko: im ro dri Livai re naj bōkliñtok mōtōn joñoul eo in mōtōn joñoul ko nōn imōn am Anij, nōn rum ko iloan imōn mweiuk ko. 39 Bwe ro nejim Israel im no nejim Livai re naj bōktok jurtak baur in korn, im wain ekāl, im oil, nōn rum ko, ijo jābi ko an imōn kwojarjar rej ber ie, im pris ro rej korijer, im ro dri lale kejem, im ro dri al: im kim jamin illok jen mweo imōn am Anij.

**11** Im<sup>1</sup> iroij ro an armij rōn rar jokwe i Jerusalem: im armij ro jet rar bukot kin kakōle ko, in āñintok juōn ian joñoul bwe en jokwe ilo Jerusalem, jikin kwelok eo e kwojarjar, im druatimjuōn mōtōn ko ilo jikin kwelok ko jet. 2 Im armij ro rar kamōnōñik armij otemej ro rar kōnan mōke lelok ir bwe ren jokwe ilo Jerusalem.

3 Ak rein ro re utiej in bukwōn eo ro rar jokwe i Jerusalem: a ilo jikin kwelok ko in Juda, jabrewōt eo e ar jokwe ilo bukwōn eo an ilo jikin kwelok ko air, Israel, pris ro, ro dri Livai, ro dri Netinim, im ro nejim ro dri korijeran Solomon. 4 Im i Jerusalem rar jokwe jet ian ro nejim Juda, im ian ro nejim Benjamin. Ian ro nejim Juda: Ateaia nejim Uzzaia, nejim Zekaraia, nejim Ameraia, nejim Shepetaia, nejim Mehalelel, ian ro nejim Pirez; 5 im Measiaia nejim Beruk, nejim Kol-hoze, nejim Hezezaia, nejim

<sup>1</sup> Jap. 7. 4.

Adeaia, nejin Joierib, nejin Zekaraia, nejin dri Shailo eo. 6 Ro nejin Pirez otemej rar jokwe i Jerusalem åbuki jiljinoñoul drualitök ro re beran im kajur.

7 Im rein ro nejin Benjamin: Salu, nejin Mishullam, nejin Joed, nejin Pedeaia, nejin Koleaia, nejin Measeaia, nejin Itaiel, nejin Jesheaia. 8 Im ijilokin Gabeai, Salai, druatim-juön buki roñoul drualitök. 9 Im Joel nejin Zikrai ej dri lale ir; im Juda nejin Hasinua e ar ken ka ruo ion jikin kwelok eo.

10 Ian pris ro: Jedeiaia nejin Joierib, Jekin, 11 Sireaia nejin Hilkaia, nejin Mishullam, nejin Zedok, nejin Mireiot, nejin Ehaitub, iroi ion mweo imön Anij, 12 im ro jeir im jätir rar kómön jermal in mweo, drualitök buki roñoul ruo; im Edeaia nejin Jehoram, nejin Pilelaia, nejin Amzai, nejin Zekaraia, nejin Pashur, nejin Malkaija, 13 im ro jein im jätin, jiöb ro an imön ro jimair, rubuki eñoul ruo; im Amashseai nejin Azerel, nejin Azai, nejin Meshilemot, nejin Immer, 14 im ro jeir im jätir, armij re beran im kajur, jibuki roñoul drualitök. Im eo dri lale ir Zabdaiel, nejin Hagedolim.

15 Im ian ro dri Livai: Shemeaia nejin Hashub, nejin Azraikam, nejin Hashebaia, nejin Bunai; 16 im Shabitai im Jozebad, ian ro re utiej dri Livai, rej dri lale jermal eo inabij an mweo imön Anij; 17 im Mattanaia nejin Maika, nejin Zabdai, nejin Esap, eo lukuwön in jino kamolol ilo jar, im Bakhukaia, eo ken ka ruo iben ro jein im jätin; im Abda nejin Shama, nejin Gelal, nejin Jedutun. 18 Aolepen dri Livai ilo jikin kwelok eo e kwojarjar, rubuki drualitökñoul emen.

19 Bar juön, ro dri lale kejem, Akub, Talmon, im ro jeir im jätir, ro rar bar kejem ko, jibuki jiljilimjuönñoul ruo. 20 Im dri Israel ro jet, ian pris ro, ro dri Livai, rej ber ilo jikin kwelok otemej an Juda, jabrewöt ilo men in jolit eo an. 21 A ro dri Netinim rar jokwe i Opel: im

Zaiha im Gishpa rar ion ro dri Netinim.

22 Eo lukuwön ro dri Livai i Jerusalem Uzai nejin Benai, nejin Hashbeaia, nejin Mattanaia, nejin Maika, ian ro nejin Esap, ro dri al, ion jermal in mweo imön Anij. 23 Bwe juön kien jen kiñ eo kin ir, im juön men in kapoj ñön ro dri al, ekar ñön aikwij an jabrewöt ran. 24 Im Petehaia nejin Meshizebel, ian ro nejin Zira nejin Juda, e ar rajitök kiñ eo ilo men otemej kin armij ro.

25 Im kin jikin kwelok ko redrik, im jikin kallip ko air, jet ian ro nejin Juda rar jokwe ilo Kiriat-arba im jikin kwelok ko wujen, ilo Daibon im jikin kwelok ko wujen, im ilo Jekabzeel im jikin kwelok ko wujen, 26 im ilo Jeshua, im ilo Moleda, im Bepilet, 27 im ilo Hezar-shual, im ilo Bier-shiba im jikin kwelok ko wujen, 28 im ilo Ziklag, im ilo Mikona im ilo jikin kwelok ko wujen, 29 im ilo Enrimon, im ilo Zora, im ilo Jarmut, 30 Zenoa, Adulam, im jikin kwelok ko wujen, Lekish im jikin kallip ko an, Azika im jikin kwelok ko wujen. Ein drein rar kamp jen Bier-shiba ñön komlöl in Hinom. 31 Ro nejin Benjamin bareinwöt rar jokwe jen Giba im etal, im Mikmash im Eaija, im i Betel im jikin kwelok ko wujen, 32 i Anatot, Nob, Anenaia, 33 Hezor, Rema, Giteim, 34 Hedid, Ziboim, Nibalat, 35 Lod, im Ono, komlöl eo an ro dri mejerik. 36 Im ian ro dri Livai, jet läjrok in Juda rar koba iben Benjamin.

12 Ak rein pris ro im ro dri Livai ro rar wönliñlok iben Zirubabbel nejin Shialtiel, im Jeshua: Sireaia, Jeremaia, Ezra, 2 Ameraia, Maluk, Hatush, 3 Shekenaia, Rihum, Merimot, 4 Iddo, Gineto, Ebaija, 5 Mijamin, Meadaia, Bilga, 6 Shemeaia, im Joierib, Jedeiaia, 7 Salu, Amok, Hilkaia, Jedeiaia. Rein lukuwön pris ro im ro jeir im jätir ilo ran ko an Jeshua.

8 Bar juön, ro dri Livai: Jeshua, Binuai, Kadmaiel, Sherebaia, Juda, im Mattanaia, eo ion kamolol eo, e

im ro jein im jätin. 9 Bareinwöt Bakbukaia im Uno, ro jeir im jätir, rej ikijeir ekar fñon jeral ko air. 10 Im Jeshua e ar keutak Joiekim, im Joiekim e ar keutak Ilaieshib, im Ilaieshib e ar keutak Joiada, 11 im Joiada e ar keutak Jonetan, im Jonetan e ar keutak Jadua.

12 Im ilo ran ko an Joiekim eor pris, jiöb ro an imön ro jimair: an Sireaia, Mireaia; an Jeremaia, Hanenaia; 13 an Ezra, Mishullam; an Ameraia, Jihohenan; 14 an Malukai, Jonetan; an Shebenaia, Josep; 15 an Herim, Adna; an Mireiot, Helkai; 16 an Iddo, Zekaraia; an Gineton, Mishullam; 17 an Ebaija, Zikrai; an Miniemin, an Moedaia, Piltai; 18 an Bilga, Shamua; an Shemaia, Jihonetan; 19 im an Joierib, Mattenai; an Jedaia, Uzzai; 20 an Salleai, Kaleai; an Amok, Iber; 21 an Hilkaia, Hashebaia; an Jedaia, Netanel.

22 Kin ro dri Livai, ilo ran ko an Ilaieshib, Joiada, im Johenan, im Jadua, ar jeje jiöb ro an imön ro jimair; bareinwöt, pris ro, ilo ien eo an Daraiös dri Pörsia kiñ. 23 Ro nejin Livai, jiöb ro an imön ro jimair, ar jeje ir ilo buk in bwebwenato eo, aet fñon ran ko an Johenan nejin Ilaieshib. 24 Im iroi j ro ian ro dri Livai: Hashebaia, Sherebaia, im Jeshua nejin Kadmaiel, iben ro jeir im jätir ikijeir, bwe ren nebar im kamolol, ekar fñon kien Devid, armij in Anij, rej mmij ebak fñon dron. 25 Mattanaia, im Bakbukaia, Obedaia, Mishullam, Talmon, Akub, dri lale kejem rej kiljake mo ko imön mweuiuk iturin kejem ko. 26 Rein ilo ran ko an Joiekim nejin Jeshua, nejin Jozedak, im ilo ran ko an Nihimaia iroi j eo, im ilo ran ko an Ezra pris im dri jeje.

27 Im ilo ien lelok worwor in Jerusalem rar kabukot ro dri Livai jen tjoko otemjej jikir, im añintok ir fñon Jerusalem, bwe ren lale lelok eo kin löñliñ, im kin kamolol ko, im kin al, kin simbal ko, kab salteri ko, im arp ko. 28 Im ro nejin ro dri al rar

kweloktok, jen eneo emön biken iturin Jerusalem, im jen jikin kwelok ko an ro dri Nitopa; 29 bareinwöt jen Bet-gilgal, im jen jikin kallip ko an Giba im Azmevet: bwe ro dri al rar kalek fñon ir jikin kwelok ko redrik iturin Jerusalem. 30 Im pris ro im ro dri Livai rar möke kokwojarjar ir; im rar kokwojarjar armij ro, im kejem ko, im worwor eo.

31 Inem I ar telliñlok iroi j ro in Juda ion worwor eo, im I ar likit ruo jar ko relap rar kamolol im etal ilo jepkälön; im juön iair e ar etetal i anbijmaroñon worwor eo im kaioklok kejem in toeök; 32 im ro rar lor ir, Hosheaia, im jibilkwön ian iroi j ro in Juda, 33 im Azaraia, Ezra, im Mishullam, 34 Juda im Benjamin, im Shemeaia, im Jeremaia, 35 im jet ian ro nejin pris ro kin jilil ko: Zekaraia nejin Jonetan, nejin Shemeaia, nejin Mattanaia, nejin Maikaia, nejin Zakur, nejin Esap: 36 im ro jein im jätin, Shemeaia, im Azerel, Milelai, Gilelai, Meai, Netanel, im Juda, Hanenai, ibeir ken kajöñjön ko an Devid armij eo an Anij; im Ezra dri jeje e ar imair. 37 Im iturin kejem in unin dren, im jime wöt imair, rar wönliñlok kin ken uwe ko in jikin kwelok an Devid, i jikin wönliñlok ion worwor, ilöñin mweo imön Devid, fñon kejem in dren i rear.

38 Im jar eo juön ian ro dri kamolol rar etal in wönmae ir, im ña I ar lore, im iba jibilkwön armij ro, ion worwor eo, ilöñin imön bar eo iturin ubaj ko, fñon worwor eo e räbökbök, 39 im ilöñin kejem in Ipreim, im iturin kejem in etto, im iturin kejem in iik, im imön bar an Hananel, im imön bar an Hamia, im fñon kejem in sip: im rar bwijrök ilo kejem in ro dri bar. 40 Ein drein rej jutök jar ko ruo ian ro dri kamolol iloan imön Anij, im ña, im jibilkwön ian iroi j ro iba; 41 im pris ro, Ilaiekim, Measiaia, Miniamin, Maikaia, Elioinai, Zekaraia, im Hanenaia, jilil ko ibeir; 42 im Measiaia, Shemeaia, im Iliezar, im Uzzai, im Jihohenan, im Malkaija, im Ilam, im Izer. Im ro dri

al rar koutiej air al, iben Jezrehaia, air dri tel. **43** Im rar katok kin men in katok ko relōn ran eo, im rar lōnliñ; bwe Anij e ar kōmōn bwe ren lōnliñ elap: im kōra ro bareinwōt im ro nejir rar lōnliñ: inem lōnliñ an Jerusalem rar roñjake nōn ijo etolok.

**44** Im ilo ran eo rar kålet jet armij dri lale rum in mweiuk ko, nōn jurtak ko in jebōk, im jomōkōj ko, mōtōn joñoul ko, bwe ren aini na ie, ekar nōn jikin kallip ko in jikin kwelok ko, mōtōn ko ekar nōn kien nōn pris ro im ro dri Livai: bwe Juda e ar lōnliñ kin pris ro im ro dri Livai ro rar jutōk. **45** Im rar lale jermal an air Anij, im jermal in karreo, im ein drein ar kōmōn ro dri al im ro dri lale kejem, ekar nōn kien Devid, im an Solomon, nejir. **46** Bwe ilo ran ko an Devid im Esap ilo ien ko etto e kar juōn iroi j an ro dri al, im al ko kin nebar im kamolol nōn Anij. **47** Im aolepen Israel ilo ran ko an Zirubabel, im ilo ran ko an Nihimaia, rar lelok mōtōn ko an ro dri al im ro dri lale kejem, einwōt ekar nōn jabrewōt ran: im rar likit mōke ian, mōtōn eo nōn ro dri Livai: im ro dri Livai rar kamōkelok ian mōtōn eo nōn ro nejir Aron.

**13** Ilo ran eo rar konono ilo buk in Moses im karoñjake armij rōn; im iloan ar lo jeje in, bwe <sup>1</sup>juōn dri Amon ak juōn dri Moab e jamin dreloñ na ilo jar an Anij nōn in drio, **2** kin ke rar jab wōnmae ro nejir Israel kin bred im dren, a rar kajermal Beleam nae ir bwe en kol ir: mekarta, am Anij e ar ukot jerata eo nōn jerammōn. **3** Im ke emwij air roñjake kien eo, rar kejenolok jen Israel aolepen jar eo rej drel aj in dron.

**4** Ak mokta jen ien in, Ilaieshib, pris eo, <sup>2</sup>emwij likit e bwe en lali rum ko an mweo imōn am Anij, im e ar koba iben Tobaia, **5** e ar kapojōk nōn e juōn rum elap, ijo ilo ien ko mokta rar likit jurtak flauo ko, kaijurjur, im jābi ko, im mōtōn ko joñoul in korn, im wain ekāl, im oil eo,

men ko ekar nōn kien rar lilok nōn ro dri Livai, im ro dri al, im ro dri lale kejem: im katok in jebōke ko nōn pris ro. **6** Ak iomin aolepen ien in, I ar jab ber i Jerusalem; bwe ilo yiō eo ken ka jilñoul ruo an Artaxerxes kiñ in Babilon, I ar ilok nōn iben kiñ eo: im elikin jet ran I ar kajitōk iben kiñ eo bwe in bar ilok, **7** im I ar itok nōn Jerusalem, im I ar jela kin nana eo Ilaieshib e ar kōmōn kin Tobaia, kin an kapoj nōn e juōn rum ilo worwor ko in mweo imōn Anij. **8** Im men in e ar kanuij kaburomōj iō: kin men in I ar jolok jen rum eo men ko otemjej an Tobaia mweien im. **9** Inem I ar jiroñ, im rar karreoik rum ko: im I ar bar bōktok nōn ijo jābi ko an imōn Anij, im jurtak flauo ko, im kaijurjur eo.

**10** Im I ar lo bwe ar jab lelok <sup>1</sup>nōn ro dri Livai kij ko air; inem ro dri Livai im ro dri al, ro rar kōmōn jermal eo, rar ko jabrewōt armij nōn jikin kallip eo an. **11** Inem I ar akwaili iroi j ro, im I ar ba, Etke rar ilok jen mweo imōn Anij? Im I ar kejeblaktok ir, im likit ir ilo jikir. **12** Inem aolepen Juda rar bōktok aolepen mōtōn joñoul, mōtōn korn, im wain ekāl, im oil, nōn jikin mweiuk ko. **13** Im I ar kōmōn ro dri lale mweiuk ion jikin mweiuk, Shelimaia pris eo, im Zedok dri jeje, im ian ro dri Livai, Pedeia: im ijillokir, Henan nejir Zakur, nejir Mattanaia; bwe e alikarlok air tiljek, im jermal eo air bwe ren ajeljok nōn ro jeir im jätir. **14** Kwon kememej iō, O aō Anij, kin men in, im jab jeorlok jermal ko remōn I ar kōmōni nōn mweo imōn aō Anij, im kin kabunjar ko an.

**15** Ilo ran ko I ar lo ilo Juda jet armij rej juri ken joniōk wain ko <sup>2</sup>ilo ran in Sabat, im rej kadreloñtok tir in jikin kallip ko, im likiti ion ass ko; im ein drein wain, grep ko, im fig ko, im jabrewōt wāwen inek ko, rar bōktok na ilo Jerusalem ilo ran in Sabat: inem I ar kennan nae ir ilo ran eo ke rar wiakake ekōn ko. **16** Bareinwōt jet dri Tair re jokwe iloan, rar bōk-

<sup>1</sup> Dut. 23. 3-5. <sup>2</sup> Jap. 12. 44.

<sup>1</sup> Jap. 10. 37. <sup>2</sup> Ex. 30. 8.

tok iik, im men in wia kaju wāweir, im wiakake ilo ran in Sabat nōn ro nejin Juda, im ilo Jerusalem. 17 Inem I ar akwaili ro dri utiej in Juda, im ba nōn ir, Ta nana in komij kōmōne im kokkure ran in Sabat? 18 Ro jimami rar jab kōmōn ein drein ke, im Anij e ar jab bōktok aolepen nana in ibeer, im ion jikin kwelok in ke? Ijoke, komij bōktok illu elaplok ion Israel kin ami kokkure ran in Sabat.

19 Im <sup>1</sup> ein drein ke e ar jino in marok ilo kejem ko an Jerusalem mokta jen Sabat, I ar jiroñ bwe ren kili aor ko, im I ar jiroñ bwe ren jab kabelloki mae jemlokōn Sabat: im I ar likit jet ian ro dri korijera ion kejem ko, bwe ren jab bōktok iloan jabrewōt ine ilo ran in Sabat. 20 Ein drein ro dri wia kin mweiuk wāwen otemjej, rar jiboñōn ilikin Jerusalem juōn ak ruo alen. 21 Inem I ar kennan nae ir, im ba nōn ir, Etke komij jiboñōn ilikin worwor eo? elañe kom naj bar kōmōn ein drein I naj likit peiō iomi. Jen ien eo re jañin bar itok ilo ran in Sabat. 22 Im I ar jiroñ ro dri Livai bwe ren mōke karreoik ir, im ren item lale kejem ko, in kokwojarjar ran in Sabat. Kwon kememej nōn iō, O aō Anij, men in bareinwōt, im tiriamokake iō ekar nōn Am joij elap.

23 Ilo ran ko I ar lo dri Ju ro

<sup>1</sup> Liv. 22. 22.

<sup>1</sup> rar belek kōra ro jen Ashdod, jen Amon, im jen Moab: 24 im ro nejir rar konono jimōtōn ilo kajin Ashdod, im re ban konono ilo kajin Ju, a ekar nōn kajin jabrewōt ailñ. 25 Im I ar akwaili ir, im kole ir, im ubrare jet iair, im tōmi kolan bōrair, im kōmōn bwe ren kanōjni kin Anij, im ba, Komin jab lelok nejōmi kōra nōn ro nejir man, ak bōk ro nejir kōra nōn ro nejōmi man, ak nōn kom mōke. 26 Solomon kiñ in Israel e ar jab bwir kin men kein ke? a iben elōñ kiñ ejelok iair einwōt, im Anij e ar yokwe e, im Anij e ar kōmōn e kiñ ion aolepen Israel: ijoke, kōra ro drua rar kokkure. 27 Inem kimin eoroñ kom in kōmōn aolepen nana in, im bwir nae ar Anij im belek kōra ro drua ke?

28 Inem juōn ian ro nejin Joiada, nejin Ilaieshib pris eo elap, e ar belek lio nejin Sanbalat dri Horon: kin men in I ar kokōk e jen iba. 29 Kwon kememej ir, O aō Anij, kin air kanaik jermal in pris, im bujen in pris, im an ro dri Livai.

30 <sup>1</sup> Ein drein I ar karreoik ir jen ro drua otemjej, im I ar likit kien ko nōn pris ro im nōn ro dri Livai, jabrewōt ilo jermal eo an; 31 im kin jurtak kani ilo ien ko ar likiti, im kin jomōkōj ko. <sup>2</sup> Kwon kememej iō, O aō Anij, nōn emōn.

<sup>1</sup> Jap. 10. 30. <sup>2</sup> eon 14. 22

## BUK IN ESTER

**1** Ak ilo ran ko an <sup>1</sup>Ehasuirōs, (e in Ehasuirōs eo e ar kiñ <sup>2</sup>jen India im ñōn Itiopia, ion <sup>3</sup>jibuki roñoul emen bukwōn), **2** ilo ran ko ke kiñ Ehasuirōs e ar jijōt ion tron in kiñ eo an, eo e ar ber i <sup>4</sup>Shushan mweo imōn kiñ, **3** ilo yiō eo ken ka jilu an kiñ, e ar kōmōn juōn kwojkwoj ñōn iroi ro an im ro dri korijeran; im kajur an Pōrsia im Midia, bwirōk ro im iroi ro in bukwōn ko rar ber iman: **4** ke e ar kwalok mweiuk ko in ailiñ eo e aibujuij, im men in nebar an lijiklok, iomin elōñ ran, aet jibuki drualitōkñoul ran. **5** Im ke e jemlok ran kein, kiñ eo e ar kōmōn juon kwojkwoj ñōn armij otemjej rej ber i Shushan imōn kiñ eo, ro rettā im ro re utiej, iomin jiljilimjuōn ran, iloan worwor in jikin kallip in mweo imōn kiñ. **6** Eor nuknuk in toto re mouj im re māroro, im blu, emwij lukwōji kin to linen ko remōn im re eōij, ñōn luko silver ko im jur ajaj ko: aowej ko gold im silver rar ber ion er ajaj e kilmir, im mār, im mouj, im kilmej. **7** Im rar lelok ñōn ir limeir ilo jābi ko gold, (jābi ko elōñ wāweir), im elōñ wain tellokin kiñ, ekar ñōn draepe an kiñ. **8** Im air irak ekar ñōn kien; ejelok e maroñ in kamakoko: bwe ein drein kiñ eo e ar jiroñ ro dri korijeran ilo mweo imōn, ren kōmōn einwōt jabrewōt e kōnan.

**9** Bareinwōt Vashtai, liroi ro, e ar kōmōn juōn kwojkwoj ñōn kōra ro ilo imōn kiñ eo an kiñ Ehasuirōs. **10** Ilo ran eo ken ka jiljilimjuōn, ke buruen kiñ eo e mōnōnō kin wain, e ar jiroñ Mihuman, Bizta, Harbona, Bigta, im Ebagta, Zitar, im Karkas, lōmaro jiljilimjuōn dri lale rum in kiki im rar korijer iman mejen Ehasuirōs, kiñ eo, **11** bwe ren āñintok Vashtai, liroi ro, im iman kiñ eo, im iben bokrōnat in kiñ,

bwe en kwalok an dreo ñōn armij ro im iroi ro; bwe e dreo ilo aluij e. **12** A liroi ro Vashtai e ar makoko in dreloñ ekar ñōn kien kiñ, eo emwij an ro dri lale rum im kiki ba: kin men in kiñ eo e kanuij illu, im illu eo an e ar bwil iloan.

**13** Inem kiñ eo e ar ba ñōn ro dri kanbil, ro re jela ien ko, (bwe ein drein mōntin kiñ ñōn ro otemjej re jela kien im ekajet: **14** im ijillokin, Karshina, Shitar, Admeta, Tarshiah, Mires, Marsina, im Mimukan, iroi ro jiljilimjuōn in Midia im Pōrsia, ro rej lo mejen kiñ, im jijōt mokta ilo ailiñ eo), **15** Ta eo jen kōmōn ñōn liroi ro, Vashtai, ekar ñōn kien, kin an kejekron nan in jiroñ an kiñ Ehasuirōs kin ro dri lale rum im kiki? **16** Im Mimukan e ar uak iman kiñ eo im iroi ro, Vashtai e ar jabkōmōn nana ñōn kiñ ne wōt, a bareinwōt ñōn iroi ro otemjej, im ñōn ro dri ailiñ otemjej rej ilo bukwōn otemjej an kiñ Ehasuirōs. **17** Bwe kōmōn in an liroi ro e e naj buñbuñlok ñōn kōra otemjej, bwe ren kejekron lōmaro beleir, ñe re naj ba, Kiñ Ehasuirōs e ar jiroñ Vashtai, liroi ro, bwe ren kadreloñ e ñōn iman mejen, a e ar jab itok. **18** Im ranin liroi ro in Pōrsia im Midia ro rar roñjake kin kōmōn an liroi ro, re naj ba einwōt ñōn iroi ro otemjej an kiñ ne. Ein drein e naj walok elōñ kejekron im illu. **19** Elañe emōn iben kiñ ne, en walok juōn kien in kiñ jen e, im ren jeje iben kien ko an ro dri Pōrsia im dri Midia, <sup>1</sup>bwe ren jab ukot e, bwe Vashtai en jamin bar itok iman mejen kiñ Ehasuirōs: im kiñ ne en lelok an liroi ro ñōn bar juōn emōn jen e. **20** Im ñe kien kiñ ne, eo e naj kōmōn e, e naj buñbuñlok ilujen aolepen ailiñ eo an, (bwe elap wōt), limaro beleir otemjej re naj lelok ñōn beleir

<sup>1</sup> Ezra 4. 6. <sup>2</sup> Jap. 2. 9. <sup>3</sup> Jap. 9. 30. <sup>4</sup> Nih. 1. 1.

<sup>1</sup> Jap. 2. 8; Dan. 6. 8.

nebar, ñõn ro rettã im ro re utiej. 21 Im nan eo e ar kabuñburuen kiñ eo im iroiñ rõn; im kiñ eo e ar kõmõn ekar ñõn nan an Mimukan: 22 inem e ar jilkinlok letter ko ñõn bukwõn otemjej an kiñ eo, ñõn jabrewõt bukwõn ekar ñõn jeje eo an, im ñõn ro dri ailiñ otemjej ekar ñõn jeje eo air, bwe jabrewõt man en iroiñ ilo mweo imõn, im en konono ekar ñõn kajin ro dri ailiñ an.

2 Elikin men kein, ke emwij kaine-mõn kiñ Ehasuirõs, e ar kememej Vashtai, im men eo e ar kõmõn e, im kien eo emwij kõmõne nae e. 2 Inem ro dri korijeran kiñ eo, ro rar jermal ñõn e, re ba, Ren kabukottok ñõn kiñ eo virjin ro re dreo: 3 im kiñ ne en naetan ro dri kabwijnrõk ilo bukwõn otemjej in ailiñ eo an, bwe ren kokweloktok virjin ro re dreo otemjej ñõn Shushan imõn kiñ ne, ñõn mweo imõn kõra rõn, ñõn iben Higeai, dri lala bo in kiki an kiñ, eo ej lali kõra ro; im ren lelok ñõn ir air men ko ken karreo; 4 im virjin eo ej kabuñburuen kiñ eo en liroiñ im binej jenkwõn Vashtai. Im men eo e ar emõn iben kiñ eo: im ein drein an kõmõne.

5 Juõn dri Ju e ar ber i Shushan imõn kiñ eo, etan <sup>2</sup>Mordikeai, nejin Jeir, nejin Shimeai, nejin Kish, juõn dri Benjamin, 6 eo emwij bõklok jen Jerusalem iben ro dri jebokwe ar bõklok iben Jekonaia, kiñ in Juda, ro Nebukadnezar kiñ in Babilon e ar bõklok ir. 7 Im e ar kakajiririik Hadasa, efin Ester, nejin alap eo an: bwe ejelok jemen ak jinen, im jiroñ eo e dreo: im ke e mij jemen im jinen, Mordikeai e ar bõk e nejin.

8 Ein drein ke ar roñjake kien kiñ eo im nan in kaiñi eo an, im ke emwij kokweloktok elõñ jiroñ i Shushan imõn kiñ eo, ñõn ro Higeai ej lali ir, inem ar bõklok Ester iloan imõn kiñ, ñõn iben Higeai, dri lali kõra rõn. 9 Im jiroñ eo e ar lijkinkin ilo buruen kiñ eo, im e ar joiñ ñõn e; im e mõkõj an lelok ñõn e men ko men in lijindrikrik, im mõtõn ko an, im jiljilim-

juõn jiroñ ro ekar bwe ren ber iben, jen iloan mweo imõn kiñ: im e ar kamõkit lio im jiroñ ro an ñõn jikin emõn tata ilo mweo imõn kõra ro. 10 Ester e jañin kwalok ro dri ailiñ an ak ro bwijin: bwe Mordikeai e ar jiroñ e bwe en jab kwalok e. 11 Im Mordikeai e ar etetal ran otemjej iman worwor in imõn kõra, in jela ekijkan an Ester ber, im ta eo e naj walok ñõn e.

12 A ke e ar itok ien an juõn jiroñ dreloñ ñõn iben Ehasuirõs, elikin air kõmõn ñõn e ekar ñõn kien kõra rõn, joñoul ruo aliñ (bwe ein drein ar kamwijlok ran ko ran in lijindrikrik ir, jiljino aliñ kin oil im mörr, im jiljino aliñ kin ñõj ko im kin men ko ñõn lijindrikrik kõra ro), 13 inem ein drein jiroñ eo e ar dreloñ ñõn iben kiñ eo: jabrewõt men eo e kõnan, rar lelok ñõn e bwe en bõklok ibenlok jen imõn kõra ro ñõn imõn kiñ. 14 Ke e jota e ar ilok, im ran eo ilju e ar jeb-laktok ñõn mweo ken ka ruo an kõra rõn, ñõn iben ro Sheashgaz ej lala ir, eo ej lala konkubain ro an kiñ eo: re jamin kir etan, bwe en bar dreloñ ñõn iben kiñ eo, elañe e jab buñburuen kake. 15 Ak ke ien an Ester, nejin Abaiheil, alap an Mordikeai, eo e ar bõk e nejin, e ar itok bwe en ilok ñõn iben kiñ eo, e ar jab kajitõk elaplok jen men ko Higeai, dri lala bo an kiñ, e ar lelok. Im Ester e ar kabuñburuen ro otemjej rar kalimjek e.

16 Ein drein rar bõklok Ester ñõn iben kiñ Ehasuirõs iloan mweo imõn kiñ ilo aliñ eo ken ka joñoul, eo aliñ Tibet, ilo yiõ eo ken ka jiljilimjuõn in an kiñ. 17 Im kiñ eo e ar yokwe Ester jen kõra otemjej, im elaplok an bõk joiñ im mol iman mejen, jen virjin ro jet; inem e ar likit bokrõnat ion bõran, im kõmõn e liroiñ bwe en binej jenkwõn Vashtai. 18 Inem kiñ eo e ar kõmõn juõn kwojkwoj elap ñõn iroiñ ro an otemjej ro ro dri korijeran, kwojkwoj kin Ester; im e ar kõmõn men in kötlok ñõn bukwõn ko, im lelok jurtak ko, tellokin pein kiñ eo.

19 Im ke virjin ro rar kweloktok alen ken ka ruo, ien eo Mordikeai ej jijöt ilo kejem in kiñ eo. 20 Ester e jañin kwalok ro an dri ailiñ ak ro bwijin, einwöt Mordikeai e ar jiroñ e: bwe Ester e ar bokake nan in jiroñ jen Mordikeai, einwöt ke e ar kakajiririik e. 21 Ilo ran ko, ke Mordikeai ej jijöt ilo kejem an kiñ eo, ruo ian ro dri lale bo an kiñ, Bigtan im Tiresh, ian ro dri lale kejem, rar illu, im bukot bwe ren likit peir ion kiñ Ehasuirös. 22 Im Mordikeai e ar jela kake, im e ar kwalok e ñon Ester liroi; im Ester e ar kennanek kiñ eo ilo etan Mordikeai. 23 Im ke rar kabukot kin men in elañe emol ke jab ke, im rar lo bwe e mol, rar totoik lömaro ilo juñ wijki: im rar jeje ilo buk in bwebwenato iman kif eo.

**3** Elikin men kein kiñ Ehasuirös e ar koutiej <sup>1</sup> Heman nejin Hamideta dri Egag, im lemanlok e, im likit ken jijöt eo an e utiej jen ko an iroi; ro otemjej rar ber iben. 2 Im ro otemjej dri korijeran kiñ eo, rej ber iloan kejem in kiñ, rar barikrik im wujöke Heman: bwe ein drein kiñ eo e ar jiroñ kake. A Mordikeai e ar jab barikrik ak kabuñ ñon e. 3 Inem ro dri korijeran kiñ eo, ro rar ber ilo kejem in kiñ, rar ba ñon Mordikeai, Etke kwoj kokkure kien kiñ eo? 4 A ke rar konono ñon e ran otemjej, im e ar jab eoroñ ir, rar kennanek Heman, bwe ren lo elañe men in an Mordikeai e naj bin: bwe emwij an kennanek ir bwe e dri Ju. 5 Im ke Heman e ar lo bwe Mordikeai e ar jab barikrik ak wujöke, inem Heman e obrök kin illu. 6 A e ar drike ñe en likit pein ion Mordikeai wöt: bwe rar kajelaik e ro dri ailiñ an Mordikeai: kin men in e ar kabukot bwe en kokkure ro dri Ju otemjej rej ber ilo aolepen ailiñ eo an Ehasuirös, aet ro dri ailiñ an Mordikeai.

7 Ilo aliñ eo mokta, eo aliñ Naisan, ilo yiö eo ken ka joñoul ruo an kiñ Ehasuirös, rar kömön Pur, eñin kaköle, iman mejen Heman jen ran ñon

ran, jen aliñ ñon aliñ, ñon aliñ eo ken ka ruo, eñin aliñ Edar. 8 Im Heman e ar ba ñon kiñ Ehasuirös, Juñ jar an ro dri ailiñ emwij air berijöke iben ro dri ailiñ ko ilo bukwoñ otemjej in ailiñ eo an; im kien ko air rej ein juñ jen jabrewöt dri aillñ: im re jab bokake kien ko an kiñ: kin men in e jab emön ñon kiñ ne bwe ren berwöt. 9 Elañe e buñburuen kiñ, en walok jeje bwe ren jebeplik: inem I naj lelok joñoul tausan talent silver na ilo pein ro rej lale men ko an kiñ, im böktok e iloan jikin mweiuk ko an kiñ. 10 Im kiñ eo e ar bök luko eo an jen pein, im lelok ñon Heman nejin Hamideta dri Egag, dri kijiräte ro dri Ju. 11 Im kiñ eo e ar ba ñon Heman, Silver eo emwij lewoj ñon kwe, im armij ro bareinwöt bwe kwon kömön ñon ir einwöt emön iböm.

12 <sup>1</sup> Inem rar kirtok ro dri jeje ilo aliñ eo mokta, ilo ran eo ken ka joñoul jilu; im rar jeje ekar ñon men ko otemjej Heman ej jiroñ kake ñon iroi; ro an kiñ eo, im ñon iroi; ilo jabrewöt bukwoñ, im ñon iroi; ro an jabrewöt dri ailiñ ko, ñon jabrewöt bukwoñ ekar ñon jeje eo an, im ñon jabrewöt ailiñ ekar ñon kajin eo an; ar jeje ilo etan kiñ Ehasuirös, im silkin kaköle eo an. 13 Im rar jilkinlok letter ko kin ro dri jilik ilo bukwoñ otemjej an kiñ eo, bwe ren kokkure im mön, im kömön bwe ren joko, dri Ju otemjej, ro remön drer im ridto rön, ajiri redrik im köra ro, ilo juñ wöt ran, ran eo ken ka joñoul jilu in aliñ ken ka joñoul ruo, eo aliñ Edar, im bwe mweiuk ko air men in rakim. 14 Men in jeje eo, bwe kien eo en ilok ñon jabrewöt bukwoñ, ar kwalok ñon ro dri ailiñ otemjej, bwe ren rerelek mae ran eo.

15 Ro dri jilik rar ilok im kakijorur kin kien kiñ eo, im ar kwalok kien eo ilo Shushan imön kiñ eo. Inem kiñ eo im Heman rar jijöt bwe ren irak; a jikin kwelok Shushan e ar jebarujuj.

**4** A ke Mordikeai e <sup>2</sup> ar jela men otemjej emwij kömöni, e ar kekel nuknuk ko an im könökö nuknuk ko

<sup>1</sup> jap. 5. 11.

<sup>2</sup> jap. 5. 9. <sup>3</sup> jap. 3. 6-10.



eklep iren iben brij in ubaj, im etalok ilujen jikin kwelok eo, im e ar jōñ kin ainiken elap im buromōj; 2 im e ar itok iman kejem in kiñ eo: bwe emo an jabrewōt dreloñ ilo kejem in kiñ ke ej kōnōk nuknuk ko eklep iren. 3 Im ilo jabrewōt buk-wōn, ijo kien kiñ ej ilok ie, elap buromōj iben ro dri Ju, im jitlok, im jōñ, im liājlol; im elōñ rej babu ilo nuknuk eklep iren im brij in ubaj.

4 Im limaro dri korijeran Ester, im ro dri lale bo eo an, rar item kennanek e; im liroi eo e kanuij burumōj: im e ar jilkinlok nuknuk ko in kanuknuk Mordikeai, im bwe en wutik nuknuk ko eklep iren jen e; a e jab bōke.

5 Inem Ester e ar kirtok Hetak, juōñ ian dri lale bo an kiñ eo, eo e ar likit e bwe en ber iben, im jiroñ e bwe en ilok nōn iben Mordikeai, im jela ta men in, im etke ein drein.

6 Inem Hetak e ar drioielok nōn iben Mordikeai nōn jikin eo e rābōkbōk an jikin kwelok eo iman kejem in kiñ eo.

7 Im Mordikeai e ar kennanek e men otemjej rar walok nōn e, im oran mōñni eo Heman e ar kalimur bwe e naj lelok nōn jikin mweiuik ko an kiñ eo kin dri Ju ro, bwe ren kokkure ir.

8 Bareinwōt e ar lelok nōn e jeje eo in kien emwij kwalok e ilo Shushan bwe ren kokkure ir, bwe en kwalok nōn Ester, im bwe en ba nōn e, im bwe en jiroñ e bwe en dreloñ nōn iben kiñ eo, im akwelap nōn e, im kajitōk iben kin ro an dri ailiñ.

9 Im Hetak e ar item kennanek Ester nan ko an Mordikeai. 10 Inem Ester e ar konono nōn Hetak, im lelok nōn e juōñ nan nōn Mordikeai, im e ba: 11 Ro otemjej dri korijeran kiñ eo, im ro dri buk-wōn otemjej an kiñ eo re jela, bwe jabrewōt man ak kōra ej dreloñ nōn iben kiñ eo nōn worwor eo iloan, im jañin kirtok e, juōñ wōt kien nōn e, ren mōn e, elañe kiñ eo e jab kōtellok nōn e septer gold eo bwe en mour wōt: a ña, ar jab kirtok iō bwe in dreloñ nōn iben kiñ eo iomin ran kein joñoul.

12 Im rar kennanek Mordikeai nan kein jen Ester.

13 Inem Mordikeai e ar jiroñ ir bwe ren uak nōn Ester, Kwon jab lemnok ibōm bwe kwo naj mour wōt iloan mweo imōn kiñ ne elap jen dri Ju otemjej.

14 Bwe elañe kwoj kejeklokjen ilo ien in, inem jibōñ im lomor e naj walok nōn dri Ju jen bar juōñ jikin, a kwe im imōn jemōm re naj joko: im wōn e jela fie kwo ab kar itok nōn am liroi j kin ien rōt in?

15 Inem Ester e ar jiroñ bwe ren uak nōn Mordikeai, 16 Kwon ilok, kwon kokweloktok ro dri Ju otemjej rej ber i Shushan, im jitlok kin ña, im komin jab mōña ak irak<sup>1</sup> iomin jilu ran, ran ak boñ: ña bareinwōt im limaro dri korijera kim naj bareinwōt jitlok; ein drein I naj dreloñ nōn iben kiñ eo, e jab ekar nōn kien: im elañe I joko, I joko. 17 Ein drein Mordikeai e ar ilok wōt im kōmōn ekar nōn men otemjej Ester e ar jiroñ e kake.

5 Ak ilo ran eo ken ka jilu, Ester e ar kōnōk nuknuk ko an, nuknuk in liroi, im ej jutōk ilo worwor eo iloan mweo imōn kiñ, ikijen imōn kiñ: im kiñ eo e ar jijōt ion tron in kiñ eo an ilo mweo imōn, ikijen kejem in mweo.

2 Im ein drein, ke kiñ eo e ar lo Ester, liroi eo, ke ej jutōk ilo worwor eo, lio e ar lo joi j iman mejen: im kiñ eo e ar kōtellok septer gold eo ej ber ilo pein. Ein drein Ester e ar kebaklok im uñir man septer eo.

3 Inem kiñ eo e ar ba nōn e, Ta eo kwo kōnan, liroi Ester, im ta am kajitōk? naj lewoj nōn kwe elañe<sup>2</sup> jibilkwōn ailiñ in. 4 Inem Ester e ar ba, Elañe emōn iben kiñ ne, kiñ ne im Heman renro itok ranin nōn kwojkwōj eo emwij aō kapojōk nōn e.

5 Inem kiñ eo e ba, Komin lipjirjire Heman, bwe jen kōmōn einwōt, Ester e ar ba. Ein drein kiñ eo im Heman rar itok nōn kwojkwōj eo Ester e ar kapoje. 6 Im kiñ eo e ar ba nōn Ester ilo kwojkwōj in wain eo, Ta eo kwoj kajitōk? im naj lewoj nōn yuk: im ta am kōnan? elañe jibilkwōn ailiñ in, naj kōmōne. 7 Inem

<sup>1</sup> Jap. 5. 1. <sup>2</sup> Jap. 7. 2; Mark 6. 23.

Ester e ar uak im ba, Að kajitök, im að kōnan eñin, 8 Elaſte I ar lo joiſ iman mejen kiñ ne, im elaſte kiñ ne e mōnōnō in letok men eo ij kajitök kake, im kōmōn einwöt I kōnan, ren itok kiñ im Heman ñōn kwojkwoj eo I naj kapoj ñōn ir, inem I naj kōmōn ilju einwöt kiñ ne e ar ba.

9 Inem Heman e ar drioiſlok ran eo, im e mōnōnō im lōñliñ buruen: a ke Heman e ar lo Mordikeai ilo kejem in kiñ, bwe <sup>1</sup>e ar jab jutök ak maköt-kit kin e, e ar obrök kin illu nae Mordikeai. 10 Mekarta, Heman e ar kōkabwirbwir e, im ilok ñōn kabujuknen; im e ar jiliklok im āñintok ro jeran im Ziresh lio belen. 11 Im Heman e ar kennanek ir kin aibujuij an mweuiuk ko an im oran ro nejn, im men otemjej kiñ eo e ar koutiej e kake, im ekijkan e ar lemanlok e jen iroiſ ro im ro dri koriſeran kiñ. 12 Bareinwöt Heman e ar ba, Aet, Ester liroiſ eo e ar jab likit jabrewöt armij bwe en itok iben kiñ ñōn kwojkwoj eo e ar kapoje, a ña wöt; im ilju bareinwöt emwij an jiroñ ið iben kiñ eo. 13 A ejelok tokjen iba aolepen men kein toñ að lo Mordikeai dri Ju jijöt ilo kejem in kiñ eo. 14 Inem Ziresh lio belen im ro jeran otemjej re ba ñōn e, Ren kōmōn juñ wijki, utiejn limñoul kubit, im ñe e jiboñ kwon kajitök iben kiñ eo bwe ren totoik Mordikeai ion: inem kwon mōnōnō in ilok iben kiñ eo ñōn kwojkwoj eo. Im men eo e ar kabuñburuen Heman: im e ar ba bwe ren kōmōn wijki eo.

6 Boñin eo kiñ eo e ban kiki; im e ar jiroñ bwe ren bōktok buk in jeje bwebwenato ko, im ar konono kake iman kiñ eo. 2 Im ar lo bwe emwij jeje kin an <sup>2</sup>Mordikeai kennanek kin Bigtan im Tiresh, ruo ian ro dri lale bo eo an kiñ eo, ian ro rar lale kejem, ro rar bukot bwe ren likit peir ion kiñ Ehasuirōs. 3 Im kiñ eo e ar ba, Rar koutiej ak wujōke Mordikeai kin men in ke? Inem ro dri koriſeran kiñ eo, ro rar jermal ñōn e, re ba, Ejelok men rar kōmōn ñōn e. 4 Im kiñ eo e ar ba, Wōn inabij? Ak He-

man e ar dreloñ ilo worwor jab eo bwe en kajitök iben kiñ eo bwe en totoik Mordikeai ilo wijki eo e ar kapoje ñōn e. 5 Im ro dri koriſeran kiñ eo re ba ñōn e, Lo, Heman ej jutök inabij. Im kiñ eo e ar ba, En dreloñtok. 6 Ein drein Heman e ar dreloñ. Im kiñ eo e ar ba ñōn e, Ta ren kōmōn ñōn armij eo kiñ eo e mōnōnō in wujōke? Ak Heman e ar ba ilo buruen, Wōn eo elaplok an kiñ eo kōnan wujōke jen ña? 7 Im Heman e ar ba ñōn kiñ eo, Kin armij eo kiñ ej mōnōnō in wujōke, 8 ren bōktok nuknuk ko an kiñ, ko kiñ ej kōnōk e ran kein, im <sup>1</sup>ors eo kiñ ne e kōnan uwe ion, im bokrōnat an kiñ rej likit ion bōran: 9 im ren lelok nuknuk ko im ors eo ilo pein juñ ian iroiſ ro an kiñ re utiejtata, bwe en kaibujuij armij eo kiñ ne ej mōnōnō in wujōke, im likit e bwe en uwe ion ors ilo ial ilujen jikin kwelok in, im en kwalok iman, Ein drein naj kōmōn ñōn armij eo kiñ ej mōnōnō in wujōke.

10 Inem kiñ e ar ba ñōn Heman, Kwon kaiur yuk, im bōk nuknuk ko, im ors eo, einwöt kwar ba, im kōmōn ein drein ñōn Mordikeai, dri Ju, eo ej jijöt ilo kejem an kiñ; en ejelok eberir ian men ko kwar konono kake. 11 Inem Heman e ar bōk nuknuk ko im ors eo, im kaibujuij Mordikeai, im kōmōn bwe en uwe ion ors ilo ial ilujen jikin kwelok eo, im e ar kwalok iman, Ein drein naj kōmōn ñōn armij eo kiñ ej mōnōnō in wujōke. 12 Im Mordikeai e ar bar itok ñōn kejem in kiñ, a Heman e ar jarōplok ñōn mweo imōn, ej jōñ im emwij kalibubu bōran. 13 Inem Heman e ar bwebwenato ñōn Ziresh lio belen, im ñōn ro jeran otemjej, men ko otemjej rar walok ñōn e. Inem ro an dri meletlet im Ziresh, lio belen, rar ba ñōn e, Elaſte Mordikeai eo kwar jino in buñ iman, ej jen ine an dri Ju, kwo jamin bōk anjo ion, a emol kwo naj buñ iman. 14 Ke rej konono wöt iben, ro dri lale bo an kiñ eor ar itok, im kaiur ir in āñinlok Heman ñōn kwojkwoj eo Ester e ar kapoje.

<sup>1</sup>Jap. 3. 5. <sup>2</sup>Jap. 2. 21. 22.

**7** Ein drein kiñ eo im Heman rar itok in kwojkwoj iben Ester liroiñ eo. **2** Im kiñ eo e ar bar ba ññ Ester ilo ran eo ken ka ruo ilo kwojkwoj in wain, Ta eo kwoj kajitök, liroiñ Ester? im naj lewoj ññ yuk: im ta am kōnan jen ña? ññ 'jibilkwōn in ailiñ in naj kōmōn e. **3** Inem Ester, liroiñ, e ar uak im ba, Elañe I ar lo joiñ iman mejōm, O kiñ, im elañe ej kabuñburuen kiñ ne, ren letok aō mour kin aō kajitök, im ro aō dri ailiñ kin aō kōnan jen kwe: **4** bwe emwij wiakake kim, ña im ro aō dri ailiñ, bwe ren kokkure, im mōn, im kejebeplik kim. Elañe rej wiakake kim dri korijer man im kōra, I naj kar ikōñ, meñe dri kijirāt eo e jamin maroñ in nawōnan kiñ eo kin jerata eo an. **5** Inem kiñ Ehasuirōs e ar kono no im ba ññ Ester, Wōn eo, im ej ber ia, eo ej beran in lemnok ilo buruen bwe en kōmōn ein drein? **6** Im Ester e ar ba, Juōn dri kijirāt im dri jumae, aet Heman in dri nana. Inem Heman e mijōk iman kiñ eo im liroiñ eo. **7** Im kiñ eo e ar jerkak ilo an ilu, jen kwojkwoj in wain, im drioiñlok ilo jikin kallip an imōn iroiñ eo: im Heman e ar jutök im kajitök an mour jen Ester, liroiñ eo; bwe e ar lo bwe kiñ eo ej lemnok in kōmōn nana ññ e. **8** Inem kiñ eo e ar jeblak jen jikin kallip an mweo ññ jikin kwojkwoj in wain; im emwij an Heman buñ ion aowej ijo Ester e ar ber ie. Inem kiñ eo e ar ba, E naj kananaik liroiñ eo imaō iloan mwin ke? Ke nan in e ar ilok jen loñin kiñ eo, rar kalibubu turin mejen Heman. **9** Inem Harbona, juōn ian ro dri lale bo an kiñ, ro rej ber iman kiñ eo, e ar ba, Kwon lale bareinwōt wijki eo limñōk kubit utiejen eo Heman e ar kōmōne ññ Mordikeai, eo e ar kennan emōn kin kiñ, ej jutök wōt ilo imōn Heman. Im kiñ eo e ar ba, Komin totoik e ion. **10** <sup>2</sup>Ein drein rar totoik Heman ion wijki eo e ar kapoje ññ Mordikeai. Inem e joko illu an kiñ eo.

**8** Ilo ran eo kiñ Ehasuirōs e ar lelok imōn Heman dri kijirāte dri

Ju ro, ññ Ester, liroiñ eo. Im Mordikeai e ar itok ññ iman mejen kiñ: bwe Ester e ar kwalok karkarin ññ e. **2** Im kiñ eo e ar wutik luko eo an, emwij an bōk e jen Heman, im lelok ññ Mordikeai. Inem Ester e ar likit Mordikeai ion imōn Heman.

**3** Im Ester e ar bar konoño iman kiñ eo, im buñbero i neen, im akwelap ññ e, im jōñ, bwe en jolok nana an Heman dri Egag, bebe eo e ar beik nae ro dri Ju. **4** Inem kiñ eo e ar kōtellok ññ Ester septer gold eo. Ein drein Ester e ar jerkak im jutök iman mejen kiñ eo. **5** Im e ar ba, Elañe ej kabuñburuen kiñ, im elañe I ar lo joiñ iman mejen, im men eo e jime iman mejen, ren jeje in ukot<sup>1</sup> letter ko an Heman, nejin Hamideta dri Egag, eo e ar kine, ke e ar jeje ññ kokkure dri Ju otemjej rej ber ilo bukwōn otemjej an kiñ ne: **6** bwe ekijkan in maroñ in kaberber iō in lo nana eo e naj itok ion ro aō dri ailiñ? ak ekijkan aō maroñ in kaberber iō in lo air kokkure ro nuku? **7** Inem kiñ Ehasuirōs e ar ba ññ Ester, liroiñ eo, im ññ Mordikeai dri Ju, Lo I ar lelok ññ Ester imōn Heman, im rar totoik e ilo wijki eo, kin an likit pin ion dri Ju ro. **8** Komin bareinwōt jejelok ññ dri Ju ro einwōt ami kōnan, ilo etan kiñ, im komin sil e kin luko an kiñ: bwe jeje eo emwij je ilo etan kiñ, im sil kin luko an kiñ, ejelok armij e maroñ in ukot e.

**9** <sup>2</sup>Inem rar kirtok ro dri jeje an kiñ ien eo, ilo aliñ eo ken ka jilu, eo aliñ Sivan, ilo ran eo ken ka roñoul jilu: im ar jeje ekar ññ men otemjej Mordikeai e ar jiroñ ro dri Ju, im ññ iroiñ ro in bukwōn ko rej jen India ññ Itiopia, jibuki roñoul jiljilimjuōn bukwōn, ññ jabrewōt bukwōn ekar ññ jeje eo an, im ññ jabrewōt ailiñ ekar ññ kajin eo an, im ññ ro dri Ju ekar ññ jeje eo air im ekar ññ kajin eo air. **10** Im e ar jeje ilo etan kiñ Ehasuirōs, im sil e kin luko an kin, im e ar jilkinlok letter ko kin ro dri jilik ion ors ko, rej ilok ion kiru ko re mōkōj, ko rej jeral ññ kiñ eo, mul

<sup>1</sup> Jap. 5. 3. <sup>2</sup> Sam 7. 16.

<sup>1</sup> Jap. 5. 13. <sup>2</sup> Jap. 3. 12.

ko im kamel emōn drer: 11 ilo ir kiñ e ar lelok ñōn ro dri Ju ilo jabrewōt jikin kwelok bwe ren kweloklok, im jutōk kin air mour, bwe ren kokkure im mōn, im kōmōn bwe ren joko, ao-lepen kajur an ro dri ailiñ im bukwōn ko re kōnan mōn ir, ajiri ro air, im kōra rōn, im bwe ren bōk mweuiuk ko air men in rakim, 12 ilo juōn wōt ran ilo bukwōn otemjej an kiñ Ehasuirōs, ilo ran eo ken ka joñoul jilu in aliñ eo ken ka joñoul ruo, eo aliñ Edar. 13 Jeje eo bwe ren kwalok kien ilo jabrewōt bukwōn, ar jejelok ñōn ro dri aliñ otemjej, im bwe ro dri Ju ren pojōk ilo ran eo bwe ren kwi ion ro dri kijirāte ir. 14 Ein drein ro dri jilik rar uwe ion kiru ko re mōkōj rej jermal ñōn kiñ eo, rar ilok, im kien kiñ eo e ar kakijorur im kaiur ir: im ar kwalok kien eo ilo Shushan, imōn kiñ eo.

15 Im Mordikeai e ar drioijlok jen imōn kiñ eo, im ej kōnōk nuknuk ko in kiñ, blu im mouj, im iben juōn bok-rōnat gold elap, im juōn kobe linen kworairik im eōij: im jikin kwelok Shushan e ar lamij im mōnōnō. 16 Ro dri Ju rar lo maram im mōnōnō, im lōñliñ im nebar. 17 Im ilo jabrewōt bukwōn, im ilo jikin kwelok otemjej, ijo jabrewōt nan in jiroñ im kien kiñ e ar itok ie, iben ro dri Ju, eor lōñliñ im mōnōnō, im kwojkwoj im juōn ran emōn. Im elōñ jen ro dri ailiñ ko in eneo rar erom dri Ju: bwe mijōk ro dri Ju e ar buñ ioir.

9 Ak <sup>1</sup> ilo aliñ eo ken ka joñoul ruo, eo aliñ Edar, ilo ran eo ken ka joñoul jilu, ke ebak ien kamoli kien kiñ eo im nan in kaiñi eo an, ilo ran eo ke ro dri kijirāte dri Ju ro rej kōtōmene in iroiñ ioir, (meñe emwij ukot e im ein juōn, im dri Ju ro rej iroiñ ion ro dri kijirāte ir), 2 ro dri Ju rar kweloktok ilo jikin kwelok ko air ilujen bukwōn otemjej an kiñ Ehasuirōs, bwe ren likit peir ion ro otemjej rej kabukot bwe ren mōn ir: im jejelok e maroñ in jumae ir; bwe mijōk ir e ar buñ ion ro dri ailiñ otemjelok. 3 Im iroiñ otemjej in bukwōn ko, im

iroij ro, im ro rar lale jermal ko an kiñ eo, rar jibōñ dri Ju ro; bwe mijōk Mordikeai e ar buñ ioir. 4 Bwe Mordikeai e ar lap ilo mweo imōn kiñ eo, im bwe dretin e ar berijōke ilo bukwōn otemjej; bwe armij eo, Mordikeai, e ar wōnmanlok ilo an laplok. 5 Im ro dri Ju rar mōn ro dri kijirāte ir otemjej kin jāji, im kin mōn im kokkure, im rar kōmōn einwōt air kōnan ñōn ro dri kijirāte ir. 6 Im i Shushan imōn kiñ eo, dri Ju rar mōn im kokkure limabuki armij. 7 Im Parshandeta, im Dalpon, im Aspeta, 8 im Poreta, im Adelia, im Arideta, 9 im Parmashta, im Ariseai, im Arideai, im Vaizeta, 10 lōmarein joñoul nejin Heman, nejin Hamideta, dri kijirāte dri Ju ro, rar mōn ir; a re jab likit peir ion men in rakim eo.

11 Ilo ran eo ar bōktok iman kiñ eo oran ro emwij mōn ir ilo Shushan imōn kiñ eo. 12 Im kiñ eo e ar ba ñōn Ester, liroiñ eo, Ro dri Ju rar mōn im kokkure limabuki armij i Shushan imōn kiñ, im lōmaro joñoul nejin Heman; inem rar kōmōn ta ilo bukwōn ko jet an kiñ? Kiō ta am kajitōk? im naj lewoj ñōn yuk: e bar or ke am kōnan? im naj kōmōne. 13 Inem Ester e ar ba, Elañe e buñburuen kiñ ne, ren lelok ñōn ro dri Ju rej ber i Shushan bwe ren kōmōn ilju einwōt kien ranin, im ren totoik lōmaro joñoul nejin Heman ilo wijki. 14 Im kiñ e ar jiroñ bwe en ein drein air kōmōn: im ar kwalok juōn kien i Shushan, im rar totoik lōmaro joñoul nejin Heman. 15 Im ro dri Ju rar ber i Shushan rar kweloktok ilo ran eo ken ka joñoul emen bareinwōt in aliñ Edar, im rar mōn jilu buki armij i Shushan: a re jab likit peir ion men in rakim eo. 16 Im dri Ju ro jet ilo bukwōn ko an kiñ rar kweloktok, im jutōk kin air mour, im bōk kakije jen ro dri kijirāte ir, im rar mōn ian ro rej drike ir, jiljilim-juōñoul lailim tausan, a re jab likit peir ion men in rakim eo.

17 Ar kōmōn men in ilo ran eo <sup>1</sup> ken ka joñoul jilu in aliñ Edar: im ilo ran

<sup>1</sup> Jap. 8. 12.<sup>1</sup> eon L.

eo ken ka joñoul emen rar kakije, im kōmōn juōn ran in kwojkwoj im lōñliñ. 18 A dri Ju ro i Shushan rar kweloktok ilo ran eo ken ka joñoul jilu, im ilo ran eo ken ka joñoul emen an aliñ eo: im ilo ran eo ken ka joñoul lailim rar kakije, im kōmōn juōn ran in kwojkwoj im lōñliñ. 19 Kin men in dri Ju ro in jikin kwelok ko redrik, im ro rej jokwe ilo jikin kwelok eo ejelok air worwor, rej kōmōn ran eo ken ka joñoul emen ilo aliñ Edar juōn ran in lōñliñ im kwojkwoj, im ran emōn, im ien jilkinlok mōtōn ko ñōn dron.

20 Im Mordikeai e ar jeje nan kein, im jilkinlok letter ko ñōn dri Ju otemjej rej ber ilo bukwōn otemjej an kiñ Ehasuirōs, ko rebak im ko retolok, 21 im jiroñ ir bwe ren lale ran eo ken ka joñoul emen in aliñ Edar, im ran eo ken ka joñoul lailim, ilo yiō otemjej, 22 einwōt ran ko dri Ju ro rar kakijeik ir jen ro dri Kijirāte ir, im aliñ eo emwij ukot e jen buromōj ñōn lōñliñ ibeir, im jilkinlok mōtōn ko ñōn dron, im men in lelok ñōn dri jeramel. 23 Im dri Ju ro rar kajeoñ in kōmōn einwōt air jino in kōmōn, im einwōt Mordikeai e ar jejelok ñōn ir; 24 bwe Heman nejin Hamideta, dri Egag, dri kijirāte dri Ju otemjej, e ar bebe nae ro dri Ju in kokkure ir, im e ar kōmōn Pur, eñin kakōle eo, bwe en kokkure ir, im mōn ir; 25 a ke rar kwalok men in ñōn kiñ eo, e ar jiroñ kin letter ko bwe bebe eo an e nana, emwij an bebe nae ro dri Ju, en jeblaklok ion bōran, im bwe ren totoik e im lōmaro nejin ion juōn wijki.

26 Kin men eo rar naetan ran ko Purim, einwōt etan Pur. Bareinwōt

kin nan otemjej in letter in, im men eo emwij air loe, im eo e ar itok ioir, 27 dri Ju ro rar likit e, im bōk ioir im ion ineir, im ion ro otemjej rej koba ibeir, bwe en jab likjōp, a re naj lale ran ko ruo ekar ñōn jeje kake, im ekar ñōn ien eo emwij kajejiti, yiō otemjej; 28 im re naj kememej ran ko ilo ebepen otemjej, nukin otemjej, bukwōn otemjej, im jabrewōt jikin kwelok: im ran kein ran in Purim ren edrep wōt iben dri Ju ro, ak kemejeji en jab joko jen ineir.

29 Inem Ester liroj eo, nejin Abaiheil, im Mordikeai, dri Ju, rar jeje kin wāwen iroj in kabin letter in ken ka ruo in Purim. 30 Im e ar jilkinlok letter ko ñōn dri Ju otemjej, <sup>1</sup>ñōn bukwōn ko jibuki roñoul jiljilimjuōn in ailiñ an Ehasuirōs, im na iben nan ko in ainemōn im mol, 31 bwe en kabin nan kein an Purim ilo ien ko emwij bakajeir, einwōt Mordikeai dri Ju, im Ester, liroj eo, rar jiroñ ir, im einwōt air kaifi ñōn ir moke im ñōn ro ineir, ilo men in jitlok ko im lamij eo air. 32 Im kien Ester e ar kabin men kein an Purim: im emwij jeje ilo juōn buk.

**10** Im kiñ Ehasuirōs e ar likit owōj ion eneo, im ion ailiñ ko in lometo. 2 In men in kōmōn ko an, kajur im maroñ eo an, im aolepen bwebwenato kin utiejen Mordikeai, eo kiñ eo e ar lemanlok e ñōn e, ar jab jeje ilo buk ko buk in bwebwenato an kiñ ro in Midia im Pōrsia ke? 3 Bwe Mordikeai e ar <sup>2</sup>ijillokin kiñ Ehasuirōs, im e utiej iben dri Ju, jitenburu iben ro jeir im jātir relōñ, im e ar <sup>3</sup>kabukot emōn ñōn ro an dri ailiñ, im konono ainemōn ñōn inen otemjej.

<sup>1</sup> Jap. 1. 1. <sup>2</sup> Jen. 41. 43, 44. <sup>3</sup> Nih. 2. 10.

# BUK IN JOB

**1** Juõn eman etan Job e ar ber ilo enen Uz; im armij eo e <sup>1</sup>wäppen im wänik, im e ar mijök Anij, im jeorlok jen nana. **2** Im <sup>2</sup>e lotak ñõn e jiljilimjuõn man im jilu kõra. **3** Mweiuk ko an, <sup>3</sup>jiljilimjuõn tausan sip, im jilu tausan kamel, im limabuki ion in ox ko, im limabuki ass kokõra, im ro ilo mweo imõn e kanuij lõñ; inem armij in elaptata ian ro otemjej nejin rear. **4** Im lõmaro nejin rar ilem kwojkwoj ilo imõn jabrewõt iaír ilo ran eo an; im rar jilkinlok im kirtok limaro jeir im jätir bwe ren mõña im irak ibeir. **5** Im ein drein, ke ran ko ran in kwojkwoj ko air re motelok, Job e ar jiliklok bwe en kokwojarjar ir, im jerkak ke e jiboñ wõt, im katok kin katok kijeek ko ekar ñõn orair otemjej; bwe Job ej ba, Ñe ro nejiõ man rab bwir im karmijete Anij ilo burueir. Ein drein an Job kõmõn ien otemjej.

**6** Ak ilo ran eo ke ro nejin Anij rar iten mõke kwalok ir iman mejen Jeova, Setan e ar bareinwõt itok ibeir. **7** Im Jeova e ar ba ñõn Setan, Kwoj itok jen ia? Inem Setan e ar uak Jeova im e ba, <sup>4</sup>Jen aõ itoitök ilo lõl, im jen aõ wõnliñ wõnlõl iloan. **8** Inem Jeova e ar ba ñõn Setan, Kwar kalomõnlokjen kake dri korijera Job ke? bwe ejelok einwõt ilo lõl, juõn armij e wäppen im wänik, eo ej mijök Anij im jeorlok jen nana. **9** Inem Setan e ar uak Jeova, im ej ba, Ejelok unin an Job mijök Anij ke? **10** Kwar jab likit juõn worwor in kabol e, im mweo imõn, im men ko otemjej iben, ijoko otemjej ke? Kwar kejerammõn jermal ko an pein, im e lõñlok men ko an iloen. **11** A Kwon kötellok peõm kiõ, im uñire men otemjej an, inem e naj karmi-

jete Yuk iman mejõm. **12** Im Jeova e ar ba ñõn Setan, Lo, am wõt bebe men otemjej iben: men in wõt, kwon jab likit peõm ion. Ein drein Setan e ar drioielok jen iman mejen Jeova.

**13** Im ilo juõn ran ke lõmaro im limaro nejin rar mõña im irak wain ilo mweo imõn manjien, **14** juõn dri jilik e ar itok ñõn iben Job, im e ba, Ox ko rar tõblõl wõt, im ass ko rej mõña iturir; **15** im ro dri Sebia rar buñlok ioir, im bõklok ir: aet, rar mõn likao ro dri lale ir kin mejen jãji; im ña wõt I ar ko in kennanek yuk. **16** Ke ej konono wõt, bar juõn e ar itok, im e ba, Kijeek jen Anij e ar buñlok jen lõñ, im e ar tile sip ko im likao ro dri lali, im kokkure ir; im ña wõt I ar ko in kennanek yuk. **17** Ke ej konono wõt, bar juõn e ar bareinwõt itok, im e ba, Ro dri Kaldia rar kõmõn jilu jar, im rar buñ ion kamel ko, im rar bõklok ir, aet, rar mõn likao ro dri lale ir kin mejen jãji; im ña wõt I ar ko in kennanek yuk. **18** Ke ej konono wõt, bar juõn e ar bareinwõt itok, im e ba, Ro nejiõ man im kõra rar mõña im irak wain ilo imõn manjiõm: **19** im lo, juõn kõto elap e ar itok jen ene jemaren, im iuni drem ko emen an mweo, im e ar buñ ion likao ro, im re mij; im ña wõt I ar ko in kennanek yuk.

**20** Inem Job e ar jutök, im <sup>1</sup>kekel nuknuk eo an, im eål bõran, im buñlok ion brij im kabuñ; **21** im e ar ba, I ar kelwantok jen lojien jinõ, im kelwan I naj jeblaklok ñõn e: Jeova e ar letok, im Jeova e ar bõklok, e mõnõnõ etan Jeova. **22** Ilo aolepen men in Job e ar jab bwir, ak naruõn Anij kin bwebwe.

**2** <sup>2</sup>Bar juõn ien, ilo ran eo ke ro nejin Anij rar iten mõke kwalok

<sup>1</sup>Jen. 6. 9. 17. 1. <sup>2</sup>Jap. 42. 13. <sup>3</sup>Jap. 42. 12. <sup>4</sup>1 Pit. 6. 8.

<sup>1</sup>Jen. 37. 29. <sup>2</sup>Jap. 1. 6-8.

ir iman mejen Jeova, inem Setan e ar itok ibeir tok, in mōke kwalok e iman mejen Jeova. 2 Im Jeova e ar ba nōn Setan, Kwoj itok jen ia? Im Setan e ar uak Jeova, im e ba, Jen aō itoitōk ilo lōl, im jen aō wōnliñ wōn-lōl iloan. 3 Im Jeova e ar ba nōn Setan, Kwar kalomōnløkjen kake dri korijera Job ke? bwe ejelok einwōt ilo lōl, juōn armij e wāppen im wānik, ej mijōk Anij, im jeorlok jen nana: im ej kejbārok wōt an wānik, meñe kwar biuktōk Iō nae e, bwe In kokkure e kin ejelok unin. 4 Im Setan e ar uak Jeova, im e ba, Kil wōt kil, aet, men otemjej iben juōn armij e naj lelok kin an mour. 5 Kwon kōtellok peōm kiō, im uñir drin im kōniekin, inem e naj karmijete Yuk iman mejōm. 6 Im Jeova e ar ba nōn Setan, Lo, am wōt bebe e: men in wōt kwon kejbārok mour eo an.

7 Ein drein Setan e ar drioijlok jen iman mejen Jeova, im e ar kaiñtan Job kin wōt ko re metōk jen lobiren neen nōn moñen. 8 Im e ar bōk juōn mōtōn jābi in jukwe kake; im e ar i jijōt ilo brij in ubaj. 9 Inem lio belen e ar ba nōn e, Kwoj kejbārok wōt am wānik ke? kwon karmijete Anij im mij. 10 A e ar ba nōn lio, Kwoj konono einwōt juōn ian kora ro re bwebwe. Ta? jen bōk emōn jen pein Anij, im jen jab bōk nana jen E ke? Ilo aolepen men in Job e ar jab bwir kin tien.

11 A ke lōmarojil jeran Job rar roñjake kin aolepen nana in e ar itok ion, rar itok jabrewōt iair jen jikin: Elipaz dri Timan, im Bildad dri Shua, im Zopar dri Neamat: im rar kajejit juōn ien iben dron bwe ren ilen jōñōt im kainemōn e. 12 Im ke rar rei jen ijo etolok, im jab kile, rej koutiej ainikeir im jōñ: im jabrewōt iair e ar kekel nuknuk ko an, im rar juliñlok bōñōñōl ion bōrair. 13 Ein drein rar jijōt iben ion brij jiljilimjuōn ran im jiljilimjuōn boñ, im ejelok juōn e ar konono juōn nan nōn e: bwe rej lo buromuj eo an e kanuij lap.

<sup>1</sup> Jap 4x. 6: Matu 11. 21.

3 Elikin men kein Job e ar wa-loñi loñin, im e ar kole ran eo an.

2 Im Job e ar uak im ba:

3 Ran eo I ar lotak ie en joko, im boñ eo e ar ba, Emwij keutak juōn niñiñiñ eman.

4 Ran eo en marok; Anij jen ilōñ En jab kabukot e, im maram en jab romak ion.

5 Marok im anōñin mij ren bōk e bwe en air; juōn kōro en kalibubuik e: men otemjej rej kamarok ran ren kemjōke.

6 Kin boñ eo, marok jiliñliñ en bōk e: en jab mōñōñō iben ran ko an yiō; en jab dreloñ ilo oran aliñ ko.

7 Lo, boñ eo en mōke ian; en ejelok ainiken mōñōñō dreloñlok ie.

8 Ro rej kol ran ren kole ran eo, ro re pojōk in kworuj livaietan eo.

9 Iju ko in jotan eo ren marok wōt: en kabukot maram, a en ejelok iben; im en jab lo kilin mejen jiboñ:

10 Bwe e ar jab kili aor in lojen jinō, ak noje jorran jen meja.

11 Etke I ar jab mij jen loje? etke I ar jab kōtlok aō ke jinō e ar keutak iō?

12 Etke bukwe ko rar bōk iō? ak etke tit ko, bwe in ninnin?

13 Bwe kiō I naj kar babu im tōt wōt; I naj kar kiki; inem I naj kar kakije,

14 Iben kiñ ro im ro dri bebe an lōl in, ro rar kalek ene jemaren ko nōn ir mōke:

15 Ak iben iroiñ rōn ro eor gold ibeir, ro rar kobrōk mo ko imweir kin silver:

16 Ak einwōt juōn e koo im etino I jamin kar ber, einwōt niñniñ ro re jab lo maram.

17 Ijo e jemlok an dri nana maroñ in biuktōk; im ijo ro dri mōk rej kakije wōt,

18 Ijo ro dri prison rej kakijeik ir iben dron; re jab roñjake ainiken eo ej iroiñ ioir.

19 Ro redrik im ro relap rej ber ie; im dri korijer ej anemkwojan jen iroiñ eo an.

20 Etke ar lelok maram ñõn eo ej iñtan, im mour ñõn eo emeo iloan;

21 Ro rej õñkake mij, a e jab itok, im ro rej kõbij im bukot e elap jen mweiuk ko retino;

22 Ro re kanuij mõnõnõ, im re kanuij lõñliñ ñe re maroñ in lo lûp eo?

23 Etke ar lelok maram ñõn juõn armij ial eo an etino, im eo Anij e ar worwor e?

24 Bwe jabjenmenoa ej itok mokta jen aõ mõña, im ñir ko aõ emwij lutõk e einwõt dren.

25 Bwe men eo ij mijõk e ej itok ioõ, im eo ij lelñoñ kake ej itok ñõn iba.

26 I jab ainemõn, im I jab tõt, im I jab kakije: a jorran ej ebaktok.

4 Inem Elipaz dri Timan, e ar uak im ba,

2 Elaña juõn ej kajeoñ in kõmao ibõm, kwo naj buromõj ke? a <sup>1</sup>wõn eo e maroñ in drebij e jen konono?

3 Lo emwij am katakin elõñ, im kwar kakajur pã ko re mõjino.

4 Nan ko am rar jebõke eo e nañin buñ, im kwar kabin bukwe ko re mõjino.

5 A kiõ emwij an itok ñõn ibõm, inem kwoj kijelok; ej uñir yuk, im kwoj jorran kake.

6 Am mijõk Anij e jab unin am liki, im wãnik in ial ko am men in kejatrikrik ibõm ke?

7 Kwon kememej, ij akwelap, wõn e ar joko im ejelok ruõn? ak ia eo rar bukvelok ro dri wãnik?

8 Einwõt I ar lo e, <sup>2</sup>ro rej tõblõl jab wãnik, im jeor jorran, ein drein air marmir.

9 <sup>3</sup>Kin menono an Anij, re joklok, im kin añin illu eo An, emij kokkure ir.

10 Nõr in laion, im ainiken laion e lej, im ñi ko ñin laion ko jindrik, re moruj.

11 Laion eo e jinlap e bwijwõlã kin an aikwij men in jibwe, im kon ko kon in laion kokõra rej jibliklik wõt.

12 Ak ar bõktok juõn men ñõn iba ilo etino, im lojiliñiõ e ar roñ unojrikrik kake.

13 Ilo lemnok ko jen visõn ko in boñ, ke kiki mitoñ ej buñlok ion armij,

14 Lelñoñ im wuririr, rar itok ioõ, im ar kõmõn bwe dri ko driõ otemej rej makõtkit.

15 Inem juõn jitõb e ar itok iman meja: kolan enbwiniõ rar jutõk wõt.

16 E ar bwijrõk, a I jab maroñ in kile wãwen; juõn wãwen iman meja: ejelok kimñilñil, im I ar roñjake juõn ainiken, ej ba,

17 Armij drien mij en wãniklok jen Anij ke? armij en erre eo jen <sup>1</sup>Eo e ar kõmõnmõn e ke?

18 Lo, E jab liki ro dri korijeran, im Ej kinaklok enjel ro An, kin bwebwe:

19 Etke e jab laplok iben ro rej jokwe ilo mo ko im kle, im loñtair ej ilo bõñõlñõl, im emwij ruji ir iman meninloaj!

20 Ikõtãn jiboñ im jota rej kokkure ir: re jokolak ñõn in driõ im ejelok ej lemnok kake.

21 Men eo emõn tata ilo ir, ar jab kõtepi ke? re mij wõt, im ejelok metletlet ibeir.

5 Kwon kir kiõ; eor ke re naj uak yuk? im ñõn wõn ian ro dri kwojarjar kwo naj oktõk?

2 Bwe matõrtõr ej mõn dri bwebwe eo, im kamo ej kokkure eo dri jajelokjen.

3 I ar lo <sup>2</sup>dri bwebwe eo ej ellõ okran: a e mõkõj I ar kole kabijuknen.

4 Ro nejin retolok jen ainemõn, im rej kabij ir ilo kejem, im ejelok juõn in lomor ir:

5 Jonikõn eo air, dri kwuli ej kõñi, im ej bõki jen iben kãliklik ko; im jen eo ej walõñi loñin ñõn men ko an.

6 Bwe iñtan e jab walok jej bõñõlñõl, im jorran e jab edreklok jen brij;

7 A armij <sup>3</sup>ej lotak ñõn jorran, einwõt melkwarar rej belliflok.

<sup>1</sup> Jap. 32. 18 20. <sup>2</sup> Ken 22. 8. Gal. 6. 7. <sup>3</sup> 2 Tess. 2. 8.

<sup>1</sup> Jap. 31. 16. <sup>2</sup> Sam 27. 35. <sup>3</sup> Jen. 2. 17-19.



8 A kin ña I kōnan kabukot Anij, im ñōn Anij I kōnan lelok men ko aō;

9 Eo ej kōmōn men ko relap im etino jen maroñ in bukot e, men in bwi-lōñ ko ejelok orair:

10 Eo ej letok wut ion lōl in, im Ej jilkinlok dren ko ion jikin kallip ko;

11 Ein drein Ej koutiej ro rettā, im kwotōk ro rej buromōj ñōn ainemōn.

12 Ej kajitokjen bebe ko an ro dri etao, bwe pā ko peir ren ban kōmōn lemnok ko air.

13 Ej <sup>1</sup>jibwe ro dri meletlet ilo air lolātāt; im bebe an ro dri etao Ej dremōki.

14 Rej wōnmae marok ilo ran, im rej jatol ke e raelip einwōt ilo boñ.

15 A Ej lomor jen jāji in loñir, ro rej aikwij jen pein ro dri kajur.

16 Ein drein dri jeramel ej keja-trikrik wōt, im nana ej binej loñin.

17 Lo e mōnōnō armij eo Anij ej kowe e: kin men in kwon jab kejekron kaje an Eo e Kajur Potata.

18 Bwe Ej kemtōk, im Ej kitimi: Ej kakinijnij, im pā ko pein rej kaej-mour.

19 E naj<sup>2</sup> lomorōm ilo jiljino jor-ran: aet, ilo jiljilimjuōn ejelok nana e naj uñir yuk.

20 Ilo ñita E naj lomorōm jen mij: im ilo tōrinae, jen kajur in jāji.

21 Kwo naj nojōk jen dreñdreñ an lo: im kwo jamin mijōk kokkure ñe ej itok.

22 Kwo naj tōñkake kokkure im mij: im kwo jamin mijōk kiru ko in lōl.

23 Bwe kwo naj kōmōn bujen iben dreka ko in melaj: im kiru in melaj re naj ainemōn ibōm.

24 Im kwo naj jela bwe imōn kaber eo am ej ainemōn; im kwo naj lolo am worwor in sip, im naj aikwij ejelok.

25 Kwo naj bareinwōt jela bwe ineōm e naj lap, im ro nejōm einwōt ujoij in lōl.

26 Kwo naj tōbrōk lūp eo lūpōm

ñe kwo bwijwōlā, einwōt tir in korn ej itok ilo ien an kalo.

27 Lo, men in, kim ar kabukot e, im ej ein drein: kwon roñjake, im jela kake ñōn am naj emōn.

**6** Inem Job e ar uak im ba,  
2 O bwe ren paun aō jorran, im likit aolepen aō iñtan ilo ken paun ko!

3 Inem kiō e naj kar erro jen bok in lometo ko: kin men in nan ko aō re kar jajelokjen.

4 Bwe mōri ko an Eo e Kajur Potata rej iloaō, im aō ej ilim uno kōn mij: kaleññō ko an Anij rej nae iō.

5 Ass e awia ej lamij ñe eor ujoij iben ke? ak ox ej jōñ ion men ko kijen ke?

6 Ren maroñ ke mōña men eo ejelok nemen ñe ejelok salt? ak eor ke nemen ilo mire in lip?

7 Aō ej abwin in uñir men kein; rej ñōn iō einwōt ekōn in jōjōik.

8 O bwe in bōk aō men in kajitōk; im bwe Anij en letok men eo ij oñkake!

9 Men in, bwe en kabuñburuen Anij in kobar iō: bwe En kōtellok pein im bukwelok iō!

10 Im men in, men in kainemōn iō, aet, in lōñliñ ilo iñtan eo e jab kōtlok iō, bwe I ar jab karmijete nan ko an Eo e Kwojarjar.

11 Ta aō kajur bwe in kōtar? im ta aō jemlokōn bwe in kijinmij wōt?

12 Aō kajur einwōt kajur in dreka ko ke, a kōniekiō jen jinibōrōrō ke?

13 E jab men in ke, ejelok jibōñ iba, im emwij ubakelok meletlet jen ña?

14 Eo e nañin kijelok, emōn jeran en kwalok joij ñōn e; aet, ñōn eo ej illok jen mijōk Eo e Kajur Potata.

15 Ro jeiō im jātiō rar jelamon einwōt juōn wea, einwōt ial in wea ko re jokolok;

16 Ko re kilmej kin dren ebin, im ilo ir sno eo ej nojōk:

17 Ien eo re mōñanlok, re joko, ñe re bwil, emwij, re tōp im bellok.

<sup>1</sup> 1 Kor. 8. 19. <sup>2</sup> Sam 24. 19.

18 Jaran i karwan ilo ial ko iturir, rej jeorlok; rej wōnliñlok iloan ene jemaren im joko.

19 Jaran i karwan jen Tima rar rei bōjik, jar ko jen Shiba rar kōtari.

20 Rar jok kake kin air kar kōtōmene; rar itok nōn e, inem rar no.

21 Bwe men in, kom jekron wōt; komij lo juōn men in kaleññoñ, im kom mijōk.

22 I ar ba ke, Komin letok nōn iō? ak, Komin letok juōn jurtak jen men ko ami?

23 Ak, Komin kōtlōk iō jen pein dri kijirāt eo ke? ak, Komin lomor iō jen pein dri kamakoko ke?

24 Komin katakin iō, inem I naj kejeklokjen; im kōmōn bwe in melele men eo I ar bwir kake.

25 Nan ko re wānik re nañin bin wōt! a ami nan in kowe, ta eo ej kowe?

26 Komin lemnok in kowe nan ko, ke nan ko an juōn ejelok an kōtōmene, rej einwōt kōto ke?

27 Aet, kom kōnan kōmōn kakōle ko ion ro ejelok jemeir, im kōmōn eo jerami einwōt men in wia.

28 Inem kiō komin mōnōnō in kalimjek iō; bwe emol I jamin riōp iman mejōmi.

29 Komin jeblaktok, ij akwelap, en ejelok jab wānik; aet, komin bar jeblak, bwe ijo aō e wānik.

30 Eor ke jab wānik i loñiō? aō nemak e ban kili men ko men in kaiñtan ke?

7 E jab juōn <sup>1</sup>tōrinae nōn armij ion lōl ke? ran ko an re jab einwōt ran ko an juōn dri jermal ke?

2 Einwōt juōn dri korijer e kanuij kōnan ellur eo, im einwōt juōn dri jermal ej kōtōmene kin wōnan jermal eo an:

3 Ein drein emwij letok nōn iō aliñ ko aliñ in iñtan, im likit nōn iba boñ ko boñ in mōk.

4 Ke ij babu, ij ba, Nāt I naj jerkak im e joko boñ? im I kanuij okokōtōk nōn ien rantak.

5 Emwij kanuknuk kōniekiō kin likakrōk ko im mōtōn brij re ññ; kiliō e rup im ej einwōt men in jōjōik.

6 Ran ko aō re mōkōj jen ken jermal an eo dri ej nuknuk, im re joko im ejelok kōtōmene.

7 O kwon kememej bwe aō <sup>1</sup>mour einwōt juōn menono: meja e jamin bar lo emōn.

8 Mejen eo ej lo iō e jamin bar lo iō; mejōm re naj iōō, a ña I jamin ber.

9 Einwōt kōro etōp im e monlok, ein drein eo ej wōnlōllok nōn Hedis e jamin bar wōnliñtok.

10 E jamin bar itok nōn mweo imōn, im jikin e jamin bar kile.

11 Kin men in I jamin drebij loñiō; I naj konono ilo iñtan in aō; I naj lotan ilo meo in aō.

12 Ña I juōn lometo, ak kirudrujit in lometo, bwe Kwon likit dri bar iōō ke?

13 Ke ij ba, Kiniō e naj kainemōn iō, kiniō e naj kariklok aō men in lotan;

14 Inem Kwoj kemjōk iō kin tōnak ko, im Kwoj kaleññoñ iō kin visōn ko:

15 Ein drein aō e kōnan mij kin kul buruen, im emōn mij jen dri kein driō.

16 Ij drike aō mour; I jab kōnan mour nōn in drio: komin likit iō mōke iaō; bwe ran ko aō re wan.

17 <sup>2</sup>Ta armij bwe Kwon koutiej e, im bwe Kwon lemnok kin e?

18 Im bwe Kwon lolok e jiboñōn otemjej, im melejoñ e ien otemjej?

19 Ie toñ Am jamin reilok jen iō, im likit iō mōke iaō mae ien in warōnlōk iadratōltiliō?

20 Elañe I ar bwir, ta eo I maroñ kōmōn nōn Kwe, O Kwe dri kili armij? etke Kwar likit iō juōn laruke nōn Kwe, inem ña juōn inek nōn iō mōke?

21 Im etke Kwo jamin jolok aō bwir, im bōklōk aō nana? bwe kiō I naj babu ilo bōñlōñlō eo: im Kwo naj kanuij bukot iō, a I jamin ber.

<sup>1</sup> A18. 40. 2.

**8** Inem Bildad dri Shua e ar uak, im ba,

**2** Ietoñ am naj konono men kein? im ietoñ nan ko jen loñom re naj einwõt kōto e kajur?

**3** Anij ej kankeke men eo e jime ke? ak Eo e Kajur Potata ej kankeke wānik ke?

**4** Elañe ro nejōm rar jerawiwi nae E, im E ar ketōk ir na ilo pein bwir eo air;

**5** Elañe kwo kōnan kanuij kabukot Anij, im kōmōn am akwelap ñōn Eo e Kajur Potata;

**6** Elañe kwar kwojarjar im wānik; emol E naj kar ruj ñōn kwe, im kejerammōn mweo imōn am wānik.

**7** Im meñe jinoōm e ar drik wõt, jemlokōm e naj kar kanuij lap.

**8** Ij akwelap ñōn yuk bwe kwon kajitōk iben ien ko mokta, im katak men eo ro jimair rar kabukot wõt:

**9** (Bwe kij jen inne wõt, im ejelok ar jela, kin ke ran ko ar ion lōl einwõt juōn ellur);

**10** Re jamin katakin yuk ke, im kennanek yuk, im kwalok nan ko jen burueir?

**11** Ujoij rōsh e maroñ in edrek ke im ejelok birikōt? ujoij flag e maroñ in edrek ke im ejelok dren?

**12** Ke ej ilo an māroro, im jañin bukwelok, e aimerlok mokta jen jabrewõt bar juōn ujoij.

**13** Ein drein ial ko an <sup>1</sup> ro otemjej rej meloklok Anij; im <sup>2</sup> kejatrikrik eo an armij eo e jab mijōk Anij e naj joko:

**14** Naj rupe im kijbil beran eo an, im an liki ej ilo juōn to in kaulalu.

**15** E naj atartar ion mweo imōn, a e jamin jutōk; e naj drebij e wõt, a e jamin ber.

**16** Ej māroro iman al eo, im julin rej ilok ilo aolepen jikin kallip eo.

**17** Okran rej drebij ebe dreka, ej lo jikin dreka ko.

**18** Elañe naj kokkure e jen jikin, inem e naj karmijete, im ba, I jañin lo yuk.

**19** Lo, eñin lōñliñ in ial eo an; im jen brij bar jet re naj edreklok.

**20** Lo, Anij e jamin jolok juōn armij e wāppen, im E jamin kakajur ro dri kōmōn nana.

**21** E naj kobrōk loñōm kin lea, im tiōm kin kelok ko.

**22** Ro dri kijirāte yuk re naj kōnōk jok: im mweo imōn ro dri nana e naj joko wõt.

**9** Inem Job e ar uak im ba,

**2** Emol I jela bwe ein drein; a ekijkan an juōn armij maroñ in wānik iben Anij?

**3** Elañe E kōnan akwail e, e ban uak ñōn E juōn nan ilo juōn tausan.

**4** Ej meletlet ilo buruen, im E kajur potata: wōn eo e ar mōke kabin e nae E, im e jerammōn?

**5** Eo ej kamōkit tol ko, im re jaje kake, ke Ej ukōji ilo An illu;

**6** Eo ej kamōkit lōl jen jikin, im jur ko jurōn rej wuririr;

**7** Eo ej jiroñ al, inem e jab tak, im Ej sil wõt iju ko;

**8** Eo ej mōke erlokwe lōñ ko, im Ej etetal ion no ko noñ lometo:

**9** Eo ej kōmōn iju ko, Bukwin Limōnmōn, Jiljilimkouj, im Jebro, im jikin mweiuk ko i rōk;

**10** Eo ej kōmōn men ko relap im etino jen maroñ in bukoti, aet, men in bwilōñ ko ejelok orair.

**11** Lo, Ej elā jen ña, im I jab lo E; Ej etallok bareinwõt, a I jab kile E.

**12** Lo, Ej jibwe, im wōn e maroñ in bōprae? wōn e naj ba ñōn E, Kwoj it?

**13** Anij e jamin bōklok An illu; ro an Rehab dri jibōñ rej barikrik jen E.

**14** E nañin driklok aō naj uak E, im kālet nan ko aō in jumae E?

**15** Eo, meñe ña dru wānik, I jamin uak; I naj kar akwelap ñōn aō dri ekajet.

**16** Elañe emwij aō kir, im E ar uak iō, ijoke, I jamin kar tōmak bwe E ar eoroñ ainikiō.

**17** Bwe Ej ruje iō kin juōn lañ, im Ej kalōñlok kinij ko aō, im ejelok unin.

<sup>1</sup> Sam 9. 17. <sup>2</sup> Ken. 10. 28.

18 E jab likit iō bwe in menono, a Ej kobrōk iō kin meo.

19 Elañe jej lemnok kin kajur, lo, E kajur otem kajur! im elañe kin jime, Wōn eo, Ej ba, e naj kirtok Iō?

20 Meñe ña dru wānik, loñiō e naj liakelok iō: meñe ña dru wāppen, E naj kamol aō ankeke.

21 Meñe ña ij wāppen; I jab lemnok kin iō mōke; ña ij kejekron aō mour.

22 Ej einwōt juōn; kin men in ij ba, Ej kokkure ro dri wāppen im ro dri nana.

23 Elañe ken dreñlok ej mōn makij, E naj kajirere kake jorran an eo ejelok ruōn.

24 Emwij lelok l6l na ilo pein ro dri nana; Ej kalibubu turin mejen ro an dri ekajet: elañe e jab E, inem wōn eo?

25 Ak <sup>1</sup>ran ko aō re mōkōj jen juōn dri etōr: rej koñil, rej lo ejelok emōn.

26 Emwij air ilok wōt einwōt wa ko re mōkōj; einwōt juōn igōl ej kālōlok ion men in jibwe.

27 Elañe ij ba I naj meloklok aō lotan, I naj wutik mejen buromōj im mōnōnō wōt;

28 Ij mijōk men in buromōj ko aō otemej, I jela Kwo jamin lemnok ejelok ruō.

29 Naj liakelok iō; inem etke ij jermal bata?

30 Elañe ij mōke kwol iō kin dren jen sno, in kōmōn pā ko peiō bwe ren erreō wōt;

31 Ijoke, Kwo naj kakelok iō ilo jikin birikōt, inem nuknuk ko aō re naj jōjōik iō.

32 Bwe E jab juōn eman, einwōt ña, bwe in uak E, bwe jen wōnmae dron kin ekajet.

33 Ejelok dri kilajrōk ikōtamro, eo e maroñ in likit pein iomro.

34 En bōklok ken dreñlok eo An jen ña, im lelñōn kake en jab kemjōk iō:

35 Inem I naj konono im jab mijōk E: bwe I jab ein drein ilo iō mōke.

10 Aō ej mōk kin aō mour; I naj kwalok wōt aō nan in lotan; I naj konono ilo meo in aō.

2 I naj ba ñōn Anij, Kwon jab lia-kelok iō; Kwon kalikar ñōn iō unin Am akwaile iō.

3 Emōn ke ñōn Kwe bwe kwon kamakokoik, bwe Kwon kejekron jermal in peōm, im romak ion bebe an ro dri nana?

4 Mej ko mejen kōniek ibōm ke? Am lolokjen einwōt bar armij ke?

5 Ran ko Am einwōt ran ko an armij ke, ak yiō ko Am einwōt yiō ko an armij,

6 Bwe Kwon kajitōk kin bwir eo aō, im kabukot jerawiwi eo aō,

7 Meñe Kwo jela I jab nana, im ejelok maroñ in lomor jen peōm?

8 Peōm rar kōmōn iō im nawāwiō ijoke Kwoj kokkure iō.

9 Ij akwelap ñōn Kwe, bwe Kwon kememey bwe Kwar nawāwiō einwōt kle; im Kwo naj kōmōn bwe in jeb-lak ñōn brij ke?

10 Kwar jab lutōklok iō einwōt milk ke, im kokwoj iō einwōt jis?

11 Kwar kanuknuk iō kin kilīō im kōniekiō, im kobaik iō kin dri ko im iki ko.

12 Kwar letok ñōn iō mour im tiriamokake: im Am lalē iō e ar kejbārok aō.

13 Ijoke, men kein Kwar noje ilo buruōm; I jela bwe men in ej ibōm:

14 Elañe I bwir, inem Kwoj kakōleik iō, im Kwo jamin jolok ruō kin aō bwir.

15 Elañe ña <sup>1</sup>dri nana, wo ñōn iō; im elañe I wānik, ijoke I jamin mōbōp, bwe ij obrōk kin men in jōjōik, im ij lalē wōt aō jorran.

16 Elañe bōra ej mōke koutiej e. Kwoj bukot iō einwōt juōn laion: im bar juōn, Kwoj mōke kwalok yuk Anij in bwilōñ iō.

17 Kwoj kōkāl ro Am dri kennan nae iō, im Kwoj kalaplok Am illu iō: jar in tōrinae rej lor jar in tōrinae nae iō.

18 Inem etke Kwar kadrioiytok iō

jen löje? I naj kar kötlok aō, im ejelok mej e naj kar lo iō.

19 I naj kar einwöt I jañin ber; re naj kar böklok iō jen loje ñōn lūp eo.

20 Ran ko aō re jab eit ke? inem emwij, im Kwon likit iō mōke iaō, bwe in ainemōn jirik,

21 Mokta jen aō ilok ñōn ijo I jamin jeblak jen e, aet ñōn enen marok im an anōñin mij;

22 Eneo e marok einwöt lukwōn boñ: enen anōñin mij, im ijo ejelok lajrök, im ijo maram eo ej einwöt marok jiliñliñ.

**11** Inem Zopar dri Neamat e ar uak im ba,

2 E jab emōn ke in uak nan ko relōñ wöt? im emōn ke kowānik juōn armij e obrök kin konono?

8 Am<sup>1</sup> nan in jualōñlōñ ren kōkejeklokjen armij ro ke? im ñe kwoj kajirere, ejelok armij en kajok yuk ke?

4 Bwe kwoj ba, Aō nan in katak ej erreō, im ña I kwojarjar iman mejōm.

5 A emōn wöt elañe Anij e naj konono, im walōñi tien nae yuk,

6 Im kwalok ñōn kwe men ko retino an meletlet! bwe E kanbil. Inem kwon jela bwe Anij e ar kōmōn bwe En meloklok jimōtōn am bwir.

7<sup>2</sup> Kwo maroñ in jela Anij kin kabukot ke? kwo maroñ in kanuij jela kake Eo e Kajur Potata ke?

8 Men in e utiej einwöt lōñ ko; kwo maroñ in it? e mulōl jen Hedis, ta eo kwo maroñ in jela?

9 Joñon, e aitok jen lōl in, im e rābōkbōk jen lojit.

10 Elañe ej driblok wöt, im kil e, im kirtok ñōn ekajet, inem wōn e maroñ in böprae?

11 Bwe E jela armij re wan: Ej bareinwöt lo nana, meñe E jab lemnok kake.

12 A armij e utiej buruen ejelok an meletlet, aet, armij ej lotak einwöt kon in ass awia.

13 Elañe kwoj kajime buruōm, im kötellok peōm ñōn E;

<sup>1</sup> Jam. 3. 6. <sup>2</sup> Rom 11. 39.

14 Elañe eor bwir ilo peōm, kwon jolok e etolok, im kwon jab kamelim bwe jab wānik en jokwe ilo mo ko imōm.

15 Emol kwo naj ejer im ejelok mār; aet, kwo naj jutök bin, im jamin mijök:

16 Bwe kwo naj meloklok am iñtan, kwo naj kememej e einwöt dren ko emwij air torlok.

17 Im am mour e naj alikarlok jen raelip; meñe eor marok, e naj einwöt rantak.

18 Im kwo naj töt wöt, bwe eor kötōmene; aet, kwo naj bukot itu-rōm, im naj kakije im ejelok uōta.

19 Kwo naj bareinwöt babu, im ejelok e naj kemjök yuk; aet, elōñ re naj kabukot am jibōñ ir.

20 A mejen ro dri nana re naj tōplok, im e naj ejelok air ial in ko; im air kötōmene e naj ilo kötlok air.

**12** Inem Job e ar uak im ba, 2 Ej alikar bwe ejelok bar dri ailiñ a kom wöt, im meletlet e naj mij ibemi.

3 A ña, eor jelalokjen iba einwöt bar kom; I jab likjöp jen kom: aet, wōn eo e jaje kake men ko einwöt men kein?

4 Ña einwöt juōn ej men in tōñkake ñōn dri turin, ña, eo e ar kir ñōn Anij, im E ar uak: eo dru wānik, dru wāppen ej men in tōñkake.

5 Ilo lemnok an eo ej ainemōn, jekron jorran; e rereelok ñōn ro neir rej jirlok.

6 Mo ko imōn ro dri koaroñ rej jerrammōn, im ro rej kitötökake Anij rej töt wöt; ilo peir Anij ej lelok elōñlok.

7 A kwon kajitök iben kiru ko, im re naj katakin yuk: im bao ko in mejatoto, im re naj kennanek yuk:

8 Ak kwon ba ñōn lōl, im e naj katakin yuk; im iik ko i lojit re naj kwalok ñōn kwe.

9 Wōn e jab jela kin men kein otemej, bwe pein Jeova e ar kōmōn men in,

10 Im an jabrewöt men eo ej mour

ej ber ilo pein, kab menono an armij otemjej?

11 Lojiliñin e jab melejoñ nan ko ke, einwöt bri ej erjoñwe kijen?

12 Iben ridtorön eor meletlet, im ilo yiö ko relöñ eor jelalokjen.

13 Iben Anij, meletlet im kajur; iben, bebe im jelalokjen.

14 Lo, Ej ruplölok, inem re ban bar kaleke; Ej kil juön armij, re jab maroñ in kabellek ñön e.

15 Lo, Ej drebij dren ko, inem re mörälök; bar juön, Ej jilkinloki, im rej uköj löl.

16 Iben kajur im meletlet: ro emwij mön ir im ro dri jela mon rej An.

17 Ej tellok ro dri bebe im ejelok ibeir, im ro dri ekajet Ej kömön ir dri bwebwe.

18 Ej jelate kworök in kiñ ro, im Ej lukwoj ibir kin juön köñör.

19 Ej tellok pris ro dri jebökwe, im Ej uköji ro dri kajur.

20 Ej kijbil konono jen ro dri tiljek, im böktok jelalokjen jen ridtorön.

21 Ej lutöklok kejekron ion iroi j ro, im Ej jelati köñör an ro dri kajur.

22 Ej kalikar men ko re mulöl jen marok, im kadrioi jtok ñön maram, anöñin mij.

23 Ej kalöñlok ro dri ailiñ ko, im Ej kokkure ir: Ej kalaplok ro dri ailiñ ko, im Ej tellok ir dri jebokwe.

24 Ej bökklok jelalokjen jen ro dri utiej an armij ro dri löl, im Ej kömön bwe ren jebwäbwe ilo ene jemaren ijo ejelok ial.

25 Rej jatol ilo marok im ejelok maram; im Ej kömön bwe ren jebwä einwöt dri karek.

**13** Lo, <sup>1</sup>meja e ar lo aolepen men in, lojiliñiö e ar roñjake im melele.

2 Men eo komij jela, ña ij bareinwöt jela, I jab likjöp jen kom.

3 Emol I könan konono ñön Eo e Kajur Potata, im I könan bebe iben Anij.

<sup>1</sup> Job. 18. 9.

4 A kom eo dri kine nan in riöp ko, kom dru uno im ejelok tokjemi.

5 O emön elañe kom naj kejeklokjen! im e naj ami meletlet.

6 A komin roñjake aö kalomönlokjen, im eoroñ nan ko nan in akwelapjen tiö.

7 Kom naj konono jab wänik kin ami Anij ke, im ba nan in mon kin E?

8 Kom naj kaljiklok E ke? kom naj akwail kin E ke?

9 Emön elañe Ej kabukot kom ke? ak einwöt juön ej mone juön armij, kom naj mon E ke?

10 Emol E naj enoik kom, elañe komij kabwiloklok mej ilo etino.

11 Utiejtata eo An en jab kemjök kom, im An kaleññoñ en buñ iomi ke?

12 Nan in ememej ko ami rej jabön kennan in brij in ubaj, ken kouk ko ami rej ken kouk kle.

13 Komin kejeklokjen, komin jab iltok bwe in maroñ in konono: inem men eo jabrewöt en itok ioö.

14 Etke in jibwe köniekiö kin ñiiö, im likit aö mour na ilo peiö?

15 Lo, E naj mön iö; ejelok kejaktrikrik iba: ijoke, I naj letoletök iman mejen kin ial ko aö.

16 Eñin bareinwöt e naj men in lomor iö, bwe juön armij e nana e jamin itok iman.

17 Komin kanuij roñjake aö konono, im nan ko aö ren ber i lojiliñemi.

18 Komin lo kiö, emwij aö karök nan ko aö; I jela bwe I wänik.

19 Wön eo e naj akwaile iö? bwe I naj kar kejeklokjen im kötlök aö.

20 Men kein wöt ruo Kwon jab kömön ñön iö; inem I jamin tilekek jen mejöm:

21 Kwon bök peöm etolok jen ña; im lelñoñ kin Kwe en jab kemjök iö.

22 Inem Kwon kir, im I naj uak; a Kwon likit bwe in konono, im Kwon uak iö.

23 Jete bwir im jerawiwi ko aö? Kwon kömön bwe in jela aö bwir im aö jerawiwi.

24 Etke Kwoj binej turin mejöm, im likit iö dri kijiräte Yuk?

25 Kwo naj kejjoran juōn bwilik ej belbel ke? im Kwo naj lukworkwor menoknok emōrā ke?

26 Bwe Kwoj jeje men ko re meo nae iō, im kōmōn bwe in jolit bwir ko aō ke I ar inono:

27 Kwoj likit neiō bareinwōt ilo alal ko, im kakōleik ial ko otemjej aō; Kwoj na belakin jetñakin neiō:

28 Meñe ña einwōt juōn men emor im ej ijurwewe, einwōt juōn nuknuk drile e ar kōñe.

**14** Armij, eo ej lotak jen kōra, reit wōt ran ko an, im rej obrōk kin jorran.

2 Ej walok<sup>1</sup> einwōt leen mar, im rej bukwelok: bareinwōt ej ko einwōt juōn ellur, im jab berwōt.

3 Im Kwoj kabellek mejōm ion juōn einwōt, im bōktok iō ilo ekajet ibōm ke?

4 Wōn e maroñ in bōktok juōn men erreō jen eo etton? ejelok juōn.

5 Bwe emwij kajejit jemlokōn ran ko an, oran aliñ ko an ibōm, im Kwar na belakin im e ban elālok jen e;

6 Inem Kwon reilok jen e, bwe en maroñ in kakije, mae ien an kamwijlok, einwōt juōn dri jerbal, kin ran eo an.

7 Bwe eor kōtōmene kin juōn wijki, elañe emwij juokwe, bwe en bar edrek, im jul eo an e ub e jamin joko.

8 Meñe okran ej aimerlok ilo lōl, im kån e mij ilo brij;

9 Mekarta, kin bwin dren e naj eoñ, in kōmōn ran einwōt juōn mar.

10 A armij ej mij, im rej likit e ijo ilōl: aet, armij ej kōtlok an, inem ej ber ia?

11 Einwōt dren ko re joko jen lometo, im river eo eriklok im mōrālok;

12 Ein drein armij ej babu im jab bar jerkak: mae ien e joko lōñ ko, re jamin ruj, im jamin kworuj ir jen air kiki.

13 O emōn Kwon noj iō ilo Hedis, im kejbārok iō ilo etino mae ien an

mirlok Am illu, im kajejit ñōn iō juōn ien, im kememej iō!

14 Elañe juōn armij e mij, e naj bar mour ke? aolepen ran in aō tōrinae I naj kōtar, mae ien kōtlok iō.

15 Kwo naj kar kir im I naj uak Yuk: Kwo naj kar kōnan men in kōmōn an peōm.

16 A kiō Kwoj bwine jetñakin neiō: Kwo jab kejure aō bwir ke?

17 Emwij sil jerawiwi eo aō ilo juōn bōjo, im Kwoj lukwoj wōt aō jab wānik.

18 A tol eo ej buñ e jokolok: im emwij kamōkit dreka jen jikin;

19 Dren ko rej kōñi dreka ko; jiōblok ko an rej kwolilok bōñōñōl in lōl: ein drein Kwoj kokkure kōtōmene an armij.

20 Kwoj bōk anjo jen e, inem ej ilok; Kwoj ukot mōren, im jilkinlok e.

21 Ro nejin rej tōbar men in nebar, im e jaje kake; im emwij kōtaik ir, a e jab lo.

22 A kōniekin ej metōk wōt, im an iloan ej liājlol.

**15** Inem Elipaz dri Timan, e ar uak im ba,

2 Juōn armij dri meletlet en uak ke kin jelalokjen e wan, im mōke kobrōk e kin kōto jen rear?

3 En kwalok an bebe kin konono ejelok tokjen, ak kin nan ko e ban kōmōn emōn kake ke?

4 Aet, kwoj kōmōn bwe en joko mijōk, im kwoj bōprae an armij jar ñōn Anij.

5 Bwe am jab wānik ej katakin loñōm, im kwoj kālet loen ro dri jela mon.

6 Loñōm wōt ej liakelok yuk, im jab ña; aet, tiōm rej kennan nae yuk.

7 Kwe armij eo e lotak moktata ke? ak emwij keutak yuk mokta jen tol ko ke?

8 Kwe kwar roñjake<sup>1</sup> bebe etino an Anij ke? im kwoj mōke kameletlet yuk ke?

<sup>1</sup> 1 Pt. 1. 24.

<sup>1</sup> Rom 11. 34.

9 Ta eo kwo jela im kim jaje kake? ta eo kwoj melele im e jab ilo kim?

10 Ibem eor armij e uõn, im ro re kanuij ridto, ro e laplok air bwijwõlä jen jemõm.

11 Men in kainemõn ko jen Anij redrik ñõn kwe, im nan ko re biruru ñõn kwe ke?

12 Etke buruõm ej bõklok yuk? im etke e rõmrõm mejõm,

13 Bwe am en bepjilmae Anij, im likit bwe nan ko ren ilok jen loõm ke?

14 Ta armij, bwe en kwojarjar? im eo e lotak jen kõra bwe en wãnik?

15 Lo, E jab liki ro An ro kwojarjar: aet, lõn ko re jab erreõ iman mejen:

16 E nañin driklok juõn ej men in jõjõik im etton, juõn armij ej irak jab wãnik einwõt dren!

17 I naj kwalok ñõn kwe, kwon roñjake iõ; im men eo I ar lo I naj ba kake:

18 (Eo ro dri meletlet rar konono jen ro jimair, im rar jab noje;

19 Ro wõt ar lelok ene ñõn ir, im ejelok drua maijet e ar itoitõk ibeir):

20 <sup>1</sup> Armij dri nana ej mejõljõllok ran otemjej, aet, oran yiõ ko emwij kapojõk ñõn dri kejjorran eo.

21 Ainiken lelõõn ko i lojiliñin; ilo jerammõn dri kokkure e naj itok ion.

22 E jab tõmak bwe e naj jebalak-tok jen marok, im bwe jãji eo ej kõtar e.

23 Ej jebwãbwe bwe en bukot bred, im e ba, Ej ber ia? e jela bwe ran in marok e rerebok im ebak ñõn e.

24 Jorran im iñtan rej kemjõk e; rej bõk anjo ion, einwõt juõn kiñ ej pojõk ñõn tõrinae.

25 Kin ke e ar erlokwe pein nae Anij, im ej jualõñõn nae Eo e Kajur Potata;

26 Ej etõr mae im e kijñeñi kenwan, ion mijil in likipijñõk ko An;

27 Bwe e ar kalibubu turin mejen kin an matõk, im kõmõn matõk ilo ibin;

<sup>1</sup> eon 24.

28 Im e ar jokwe ilo jikin kwelok ko mõke ian, im mo ko ejelok armij ej ber ie, im re nañin men in jebeplok.

29 E jamin dri mweie, im mweien e jamin berwõt, im men ko air re jamin berijõke ion lõl.

30 E jamin driojlok jen marok; urur e naj kamõrãlok ra ko an, im kin loñin Anij, e naj jokolok.

31 En jab liki men bata, im mõke mon e; bwe men in wan e naj wõnan.

32 Naj kõlla aolepen mokta jen ien eo an, im ra ko ran re jamin mãroro.

33 E naj jojen grep eo an e jañin kãlo einwõt vain eo, im e naj jolok leen einwõt wijki oliv.

34 Bwe jar an ro dri nana e naj jeramel, im kijeek e naj kõñi mo ko imõn lelok wõnan mon.

35 Rej <sup>1</sup> ettaik nana im keutak jab wãnik, im burueir ej kapojõk men in mon.

**16** Inem Job e ar uak im ba, 2 Emwij aõ roñjake elõñ men ko einwõt men kein, komeo otemjej kom dri kainemõn re nana.

3 E naj or jemlokõn nan ko rewan ke? ak ta eo ej biuktõk yuk bwe kwon uak?

4 I naj kar maroñ in konono einwõt kom; elañe kar kom ña, I naj kar maroñ in kobaik nan ko nae kom, im jibolul bõra nae kom.

5 A I naj kar kakajur kom kin loñiõ, im kainemõn jen tiõ e naj kar kariklok ami iñtan.

6 Meñe ij konono, aõ iñtan e jañin lul: im meñe ij kaberber iõ, ij aine-mõn kin ta?

7 A kiõ E ar kamõk iõ: Kwar ke-jebeplok aolepen jar eo aõ.

8 Im Kwar jibwe iõ, men eo juõn kennan nae iõ: im aõ mõ ej jerkak nae iõ, ej kennan ñõn turin meja.

9 Emwij An kekel iõ ilo An illu, im matõrtõr iõ: E ar kijdreken ñin nae iõ, dri kijirãte iõ ej jeme mejen ñõn iõ.

<sup>1</sup> Sam 7. 14.



10 Rar kabellek loñir ñon iō: rar ubrare jibiō kin kinak: rej kweloktok nae iō.

11 Anij ej ketōk iō ñon ro dri nana, im Ej jolok iō ilo pein ro dri jab wānik.

12 Ña I ar ainemōn, inem E ar wójibloke iō, aet, E ar jibwe kenwaō, im ruje iō; E ar bareinwōt kajutōk iō ñon laruke.

13 Ro An dri libon rej kabol io; Ej bukwe ibiō, im E jab tiriamokake; Ej lutōklok atiō ion brij.

14 Ej rujruj iō; Ej etōr mae iō einwōt juōn armij e kajur.

15 Emwij aō keke nuknuk eklep iren ion kiliō, im I ar katton drun eo aō ilo bōñōlñōl.

16 Turin meja e kilmir kin aō jōñ, im ilo kilin meja, anōñin mij;

17 Meñe ejelok kokkure ilo peiō, im erreō jar eo aō.

18 O lōl, kwon jab kalibubu bōtōk-tōkiō, im jab lelok jikin kakije ñon aō lamij.

19 Kiō wōt, lo, aō men in kennan ej ilo lōñ ko, im Eo ej kamol iō E utiej.

20 Ro jera rej kajirere kake iō: a meja ej lutōklok dren ñon Anij,

21 Bwe En kejbārok wānik an juōn armij iben Anij, im an juōn nejin armij iben dri turin!

22 Bwe ñe emwij an itok eit wōt yiō, I naj ilok ilo juōn ial im jamin jeblak jen e.

**17** Aō etōp, ran ko aō re mat im joko, lūp eo e rerelek ñon iō.

2 Emol eor dri kajirere iba, im meja ej ber im lo air kakitōtō.

3 Kiō Kwon letok juōn muri, Kwe kwon men in kamol ikōtarro; wōn eo en kōnan kapjere peiō?

4 Bwe emwij Am binej burueir jen jelalokjen: kin men in Kwo jamin koutiej ir.

5 Eo ej kinaklok ro jeran ñon ro dri rakim, mejen ro nejin re naj tōplok.

6 A E ar kōmōn iō nan in kajirere

iben armij rōn, im rej iyeloke turin meja.

7 Meja bareinwōt etōp kin buromōj, im ra ko raō otemjej einwōt juōn ellur.

8 Armij re jime rej bwilōñ kin men in, im eo ejelok ruōn e naj mōke biuktōk e nae ro dri nana.

9 Mekarta, eo dru wānik e naj etal wōt ilo ial eo an, im eo erreō pein e naj kajurlok im kajurlok.

10 A kin kom otemjej, kiō komin bar itok; im I jamin lo juōn armij dri meletlet ibemi.

11 Ran ko aō re joko, emwij ruprup bebe ko aō, aet lemnok ko wōt ilo buruō.

12 Rej ukot boñ bwe en ran: maram, re ba, ej ebak ñon marok.

13 Elañe ij bukot Hedis einwōt mweo imō; elañe I ar erlokwe kiniō ilo marok;

14 Elañe I ar ba ñon wabōnbōn, Kwe jema; im ñon likakrōk eo, Kwe jinō, im jeiō kōra;

15 Inem ewi aō kejatrikrik? im kin aō kōtōmene, wōn eo e naj loe?

16 E naj wōnlōllok ñon alal ko ken binej Hedis, elañe juōn ien e naj or kakije ilo bōñōlñōl.

**18** Inem Bildad dri Shua e ar uak im ba,

2 Ietōñ ami naj kabukot nan ko? kwon kalomōnlokjen, im tokelik kim naj konono.

3 Etkē emwij likit kim einwōt kiru ko, im kimin etton iman mejōm?

4 Kwe kwoj mōke kekel yuk ilo am illu, ren illok jen lōl in kin kwe ke? ak naj kamōkit ejman eo jen jikin ke?

5 Aet, naj kwune <sup>1</sup>maram an eo dri nana, im urur an kijeek eo an, e jamin romak.

6 Maram ilo mweo imōn e naj marok, im naj kwune lamp eo an iturin.

7 Jetñakin kajur eo an e naj airik, im bebe eo an, naj jolōllok e.

8 Bwe emwij jolok e na ilo juōn ok kin neen, im ej etetal ion aluk ko.

<sup>1</sup> Kon. 13. 9.

9 Juõn jen e naj jibwe e kin jimwin neen, im juõn aluk e naj aluk e.

10 Ar noje juõn jen ñõn e ilo ial brij, im juõn aluk ñõn e ilo ial eò.

11 Lelñoñ ko re naj kemjök e ijo-ko otemjej, im re naj lukworkwor e iturin jimwin neen.

12 Kajur eo an e naj joko kin kwuli, im jorran e naj rerekok iturin.

13 Naj kõñi ra ko ran enbwinin, aet, manjien mij, e naj kõñi ra ko ran.

14 Naj kõtepi jen mweo imõn, eo ej liki; im naj böklok e ñõn iben kiñ eo e kammijök.

15 Eo e jab an e naj jokwe ilo mweo imõn: naj kijibliklik brimston ion mweo imõn.

16 Okran re naj mörälok iomin, im ilõñin naj bukvelok ra ko ran.

17 Ememej e e naj joko jen lõl, im e naj ejelok etan ilo ial eo.

18 Naj ubakelok e jen maram ñõn marok, im naj lujeljelilok e jen lõl in.

19 E naj e jelok nejñin man, ak jibwin iben ro an dri ailiñ, im ejelok juõn e naj berwõt ijo e ar itoitök ie.

20 Ro rej ilikin re naj bwilõñ kin ran eo an, einwõt ro rar mokta jen e rar lelñoñ wõt.

21 Emol ein drein mo ko imõn dri jab wänik, im eñin jikin armij eo e jab jela Anij.

**19** Inem Job e ar uak im ba, 2 Ietoõn ami naj añte iõ, im ruje iõ ilo mõtõn ko kin nan ko?

3 Kiõ alen joñoul ami kinak iõ: komij jab jok kin ami kõmõn bin ñõn iõ.

4 Im elañe emol bwe I ar jebwä-bwe, aõ bwir ej ber iba wõt.

5 Elañe emol ami naj koutiej kom nae iõ, im kwalok nae iõ aõ men in kinak;

6 Inem komin jela bwe Anij e ar jolõllok iõ, im E ar kabol iõ kin ok eo An.

7 Lo, ij lamij kin kõmõn nana, im jab eoroñ iõ: ij lamij kin jibõñ, a e jelok ekajet.

8 Emwij An worwor aõ ial, inem I

ban kijone, im E ar likit marok ilo ial ko aõ.

9 E ar wutik jen iõ aibujuij eo aõ, im E ar bök bokrõnat jen bõra.

10 E ar rujruj iõ ituriõ otemjej, im ña I joko; im E ar kõtepi aõ keja-trikrik einwõt juõn wijki.

11 E ar bareinwõt kejo An illu nae iõ, im Ej likit iõ ñõn E, einwõt juõn ian ro dri kijiräte E.

12 Jar in tõrinae ko An rej jimor itok, im rej kõmõn air ial nae iõ, im rej nitbwile mweo imõ.

13 E ar katoanlok ro jeiõ im jätiiõ jen iõ, im ro re jela kajiiõ rej einwõt ro drua majjet.

14 Ro nuku rar likjöp jen ña, im ro jera rar meloklok iõ.

15 Ro rej jokwe ilo mweo imõ, ro dri korijera kõra, rej likit iõ juõn drua majjet: ña ij drua majjet iman mejeir.

16 Ij kir ñõn leo korijera, im e jab uak, meñe ij akwelap ñõn e kin loñiõ.

17 Aõ menono ej men in jõjõik ñõn lio beliõ, im akwelap ko aõ ñõn ro inen lojiõ.

18 Im ajiri redrik rej kejekron iõ; elañe ij jerkak rej konono nae iõ.

19 Ro jera otemjej rej drike iõ, im ro I kar yokwe ir rej oktök nae iõ.

20 Dri ko driõ rej edrep ñõn kiliõ im kõniekiõ, im emwij aõ ko kin kilin ñi ko ñiiõ.

21 Komin tiriamokake iõ, komeo ro jera, bwe pein Anij e ar uñir iõ.

22 Etke komij matõtõtõr iõ einwõt Anij, im kom jab jokõne kin kõniekiõ?

23 O emõn elañe emwij jeje kiõ nan ko aõ! O emõn elañe emwij je ir ilo juõn buk!

24 Bwe kin juõn ken jeje mäl im led re naj jekjeki ilo dreka ñõn in driol!

25 A kin ña, I jela bwe aõ dri Lomor ej mour wõt, im ien eliktata E naj jutök ion lõl in:

26 Im elikin an joko kiliõ, im enbwiniõ in e joko, ñe ejelok kõniekiõ, I naj lo Anij;

27 Eo ña, aet ña, I naj loe kin nã mōke, im meja re naj loe, im jab einwōt druã maijet. Ejokolok buruō ilo ña.

28 Elañe kom ba, Ekijkan ar naj matōrtōr E! im bwe emwij lo okran men eo ilo ña;

29 Komin jab mijōk jāji eo: bwe illu ej bōktok joñōn kwotōn ko an jāji, bwe komin jela bwe eor ekajet.

**20** Inem Zopar dri Neamat e ar uak im ba,

2 Kin men in, lemnok ko aō rej uak iō, kin kijorur eo ej ilo ña.

3 I ar roñjake nan in kowe ej kajok iō; im jitōb òn jelaokjen eo aō ej uak ñōn iō.

4 Kwo jab jela men in jen etto ke, elikin likit armij ion lōl in,

5 Bwe jualōñlōñ an ro dri nana ej ñōn jirik wōt ien, im lōñliñ an ro dri jab wānik ej ñōn jirik wōt ien?

6 Meñe utiejen ej liñlok ñōn lōñ ko, im bōran ej tōbar kōro ko;

7 Mekarta, e naj joko ñōn in drio einwōt toēōkin: ro rar loe re naj ba, Ej ber ia?

8 E naj kãlok einwōt juōn tōnak, inem re jamin loe: aet, naj lukworkwor e ñōn etolok einwōt visōn ilo boñ.

9 Mej eo e ar loe e jamin bar loe: im jikin eo an e jamin bar reilok ñōn e.

10 Ro nejn re naj bukot joiñ jen ro dri jeramel, im pein e naj bar kejelak mweien.

11 Dri ko drin re obrōk kin ien an likao, a e naj babu iben ilo bōñlōñlōl eo.

12 Meñe nana ej<sup>1</sup> tōñōl i loñin, meñe ej noje iomin loen,

13 Meñe ej tiriãmo, im jab kōnan kōtlok e, a ej drebij e wōt ilo loñin;

14 Ijoke, kijen ilo lojen ej ein juōn, ej at in serpent ko iloan.

15 E ar warōñlok mweiuik ko, im e naj bar mwojaki; Anij e naj jolok ir jen lojen.

16 E naj ninnin uno in karek an serpent ko: loen vaiper e naj mōn e.

<sup>1</sup> Kap. 20. 17.

17 E jamin reilok ñōn river ko, river ko rej torlok kin hōnni im butter.

18 Men eo e ar jerbãl kake e naj bar lelok im jab warōñlok e; ekar ñōn mweiuik ko e ar bōk e, e jamin lōñliñ.

19 Bwe e ar kejjorran im illok jen ro dri jeramel, e ar bōk juōn im kin kajur, im e jamin kalek e.

20 Kin an jab jela ainemōn iloan, e jamin kaurōk jabrewōt ian men ko ej mōnōnō kake.

21 Ejelok ej berwōt im e ar jab kōñi; kin men in, jerammōn eo an e jamin berwōt.

22 Ilo an obrōk im bwe, e naj jorran: pein jabrewōt eo ej iñtan e naj itok ion.

23 Ñe e kōnan kōne lojen, Anij e naj jolok bwil in illu eo An na ion, im E naj kowut e ion, ke ej mōña wōt.

24 E naj ko jen ken tōrinae māl, im libon jinibōrōrō e naj wākare.

25 Ej lekake, im ej walok jen enbwinin, aet, jabōn e jatōltil ej itok jen atin: ken kaleññōñ rej ion.

26 Emwij kejbãrok aolepen marok ñōn mweiuik ko mweien; juōn kijeek armij e jab ukwi e naj kōñe: e naj tile men eo ej berwōt ilo mweo imōn.

27 Lōñ ko re naj kwalok bwir eo an, im lōl e naj jerkak nae e.

28 Lōñlok an mweo imōn e naj joko: mweiuik ko mweien re naj torlok ilo ran in illu eo an.

29 Eñin kij eo an juōn armij e jab wānik jen Anij, im men in jolit emwij likit e ñōn e kin Anij.

**21** Inem Job e ar uak im ba, 2 Komin kanuij eoroñ aō konono: im men kein men in kainemōn kom.

3 Komin kōtlok iō, inem ña I naj bareinwōt konono; im ñe emwij aō konono, komin kajirere wōt.

4 Kin ña, aō lotan ej ñōn armij ke? im etke in jab inebata?

5 Komin reitok ñōn iō im bwilōñ kake, im likit peōmi na ion loñemi.

6 Ke I kememej wõt añte iõ, im lelnõn ej jibwe kõniekiõ.

7 Etke ro re jab wānik rej mour, im bwijwōlālok, aet, kajurlok ilo air maroñ?

8 Emwij kabin ineir ibeir, im ro nejir iman mejeir.

9 Mo ko imweir rej jokwōr jen mijōk, im ken kaje an Anij e jab ioir.

10 Kau koman eo air ej kaine im jab likjōp, kau kokōra eo air ej neje, im jab jolok kon eo.

11 Rej jilkinlok ajiri ro joweir einwõt juõn bwij, im ro nejir rej eep.

12 Rej al iben timbrel im arp, im rej mōnõnõ kin ainiken paip.

13 Rej mour ran ko air ilo jerammõn, im ilo juõn minit rej wōnlōllok ñõn Hedis.

14 Im rej ba ñõn Anij, Kwon illok jen ibem: bwe kim jab kōnan jela kake ial ko Am.

15 Ta eo Dri Kajur Potata, bwe kimin korijer ñõn E? im ewi tokjen ibem elañe kim jar ñõn E?

16 Lo, jerammõn eo air e jab ilo peir, bebe an ro re jab wānik ej etolok jen ña.

17 Jete alen an kwun lamp eo an ro dri nana? bwe <sup>1</sup>air iñtan ej itok ioir? im Anij ej kajulok buromōj ko ilo An illu?

18 Rej einwõt menoknok iman kōto, im einwõt kilin wit eo lañ ej bōkloke.

19 Komij ba, Anij ej kejbārok jab wānik eo an, ñõn ro nejin. En mōke nawōnan e kake, bwe en jela wõt:

20 Mejen ren lo men in kokkure e, im en irak jen illu an Eo e Kajur Potata.

21 Bwe ta eo ej lemnok kake kin mweo imõn tokelik, ñe emwij kajejit oran aliñ ko an?

22 Jabrewõt en katakin Anij jela-lokjen, ñe rej lo An ekajeti ro dri utiej ke?

23 Juõn e <sup>2</sup>mij ilo an man kajur, im ej ilo ainemõn im tõt wõt:

24 Bōket ko an relõn kin milk, im nonnonmej ilo dri ko drin e molawi.

25 Bar juõn e mij ilo an meo, im e jañin erjoñ men eo emõn.

26 Einwõt juõn airro babu ilo bōñõlñõl, im likakrōk ej kalibubu ir.

27 Lo I jela lemnok ko ami, im men in kine ko kom kōnan mon iõ kake.

28 Bwe kom ba, Ewi mweo imõn iroiñ eo? im ewi in nuknuk eo dri nana eo e ar jokwe iloan?

29 Kom ar jab kajitōk iben ro dri itoitōk ke? im kom jab jela air nan in kamol,

30 Bwe emwij <sup>1</sup>kejbārok armij e nana ñõn ran in jorran ke? bwe naj añinlok ir ñõn ran in illu ke?

31 Wõn e naj kwalok ial eo an iman mejen? im wõn e naj nawōnan ñõn e men eo e ar kōmõne?

32 Ijoke, naj ineklok e ñõn lūp eo, im armij re naj lale wuliej eo.

33 Mõtõn brij ko re ñuñ re naj emõn ñõn e, im armij otemjej re naj etal lore, einwõt elõñ jen bwine ir ro rar mokta jen e.

34 Inem ekijkan ami kainemõn bata iõ, bwe ilo ami nan in uak, riõp wõt?

**22** Inem Elipaz dri Timan, e ar uak im ba,

2 Juõn armij e <sup>2</sup>maroñ in or tokjen ñõn Anij ke? emol eo dri meletlet ej or tokjen ñõn e mōke.

3 Ej men in kabuñburuen Eo e Kajur Potata, bwe kwo wānik ke? ak ej men in jibarek iben ke? ñe kwoj kowāppen ial ko am?

4 Unin An eniok yuk kin am mijōk E, im Ej dreloñ ibõm ilo men in ekajet ke?

5 Am nana e jab lap ke? im ejelok jemlokõn jab wānik ko am.

6 Bwe kwar bōk jen jeõm im jātõm ken kamol ko im ejelok eamtõn, im kwar wutik nuknuk ko air jen ro dri kelwan.

7 Kwar jab <sup>3</sup>lelok dren ñõn ro dri mōk bwe ren irak, im kwar drebij bred jen ro dri kwuli.

8 A kin armij eo e kajur, lōl e kar an; im eo rej koutiej e, ej jokwe iloan.

9 Bwe kwar jilkinlok kōra ro e joko beleir im ejelok ibeir, im emwij ruji pā ko pein ro ejelok jemeir.

10 Kin men in aluk ko rej kabol yuk, im mijōk eiriñ ej biuktōke yuk,

11 Ak marok, inem kwo jab maroñ in lolokjen, im dren ko relōñ rej kali-bubu yuk.

12 Anij e jab ilo utiejen lōñ ko ke? im kwon lale utiejen iju ko, re nañin utiej wōt!

13 Inem kwoj ba, Ta eo Anij e jela kake? E maroñ in ekajet ilujen kabin marok ke?

14 Kōro ko re mijil rej ken kali-bubu E, inem E jab lo; im Ej etetal ion ial in mejatoto.

15 Kwo naj kejbārok <sup>1</sup> ial in etto ijo armij re nana rar juri ke?

16 Emwij jibwe ir mokta jen air ien, im lutōk loftair einwōt juñ river,

17 Ro rar ba ñōn Anij, Kwon illok jen kim; im, Ta eo Dri Utiejtata E maroñ in kōmōn ñōn kim?

18 Ijoke, E ar kobrōk mo ko im-weir kin men ko remōn: a bebe an ro re nana ej etolok jen nā.

19 Ro dri wānik rej loe inem re mōnōñ; im ro ejelok rueir rej kajirere kake,

20 Im re ba, Emol emwij buk-welok ro rar jutōk nae kim, im ro bweir, kijeek e ar kokkure ir.

21 Kwon jela kin E, im ber ilo ainemōn, inem men eo emōn e naj iwij ñōn ibōm.

22 Ij kajitōk ibōm, bwe kwon bōk kien eo jen loñin, im likit nan ko An ilo buruōm.

23 Elañe kwoj jeblak ñōn iben Eo e Kajur Potata, <sup>2</sup> naj kalek yuk, im elañe kwoj jolok jab wānik etolok jen mo ko imōm.

24 Im kwon likit mweiuik ko mweiōm ion brij, im gold jen Opir iben dreka ko ilo river ko;

25 Im Eo e Kajur Potata E naj mweiōm, im silver e aurōk ñōn kwe.

26 Bwe ien eo kwo naj mōnōñ

kake Eo e Kajur Potata, im kwo naj maroñ in jerliñlok ñōn Anij.

27 Kwo naj jar ñōn E, im E naj eoroñ yuk; im kwo naj kamol kanōjnij ko am.

28 Kwo naj bareinwōt bebeik juñ men, im naj kabin e ñōn yuk; im mara e naj romak ilo ial ko am.

29 Ñe re naj jolōllok yuk, kwo naj ba, Eor leliñlok; im E naj lomor armij eo e etā.

30 E naj lomoren eo eor ruñ: aet, naj lomoren e kin pā ko peōm rereo.

**23** Inem Job e ar uak im ba, **2** Ranin wōt aō lotan ej men in kabata: men in ubrare iō erro jen aō ñir.

**3** O I kōnan jela ewi ijo in maroñ in lo E! bwe in maroñ in ilok ñōn jikin jijōt eo An!

**4** In kilajrōk nan ko aō iman, im kobrōk loñiō kin nan in aituirōk ko.

**5** I naj jela nan ko E naj uak iō kake, im melele oñ E naj ba ñōn iō.

**6** E naj akwaile iō ilo An kajur elap ke? Jab; a E naj eoroñ iō.

**7** Ijo ro re wānik re naj maroñ in kalomōnlokjen iben: ein drein naj lomor iō ñōn in drio jen dri ekajete iō.

**8** Lo, ij wōnmanlok, a E jab ijo; im jenliklok, a I jab maroñ in lo E.

**9** I anmiñ, ke Ej jerbak, a E joko: Ej tilekek i anbijmaroñiō, bwe in ban lo E.

**10** A E<sup>1</sup> jela ial eo ij etal ie; ñe emwij An melejoñ iō, I naj walok einwōt gold.

**11** Neiō e ar anek jetñakin neen; I ar etal wōt ilo ial eo An im jab jeorlok.

**12** I ar jab kāliklok jen kien tien; elaplok aō kejbārok nan ko jen loñin bwe ren kabinoka, jen kijiō.

**13** A Ej in jellen wōt juñ, im wōn e maroñ in ukot E? im men eo An ej kōnan, eñin ej kōmōne.

**14** Bwe Ej kōmōn men eo emwij likite ñōn ña: im elōñ men ko eirwōt rej iben.

<sup>1</sup> Jen. 6. 5, 12. <sup>2</sup> Jerb. 20. 32.

<sup>1</sup> Bam 130. 2.

15 Kin men in ij lelñoñ kin An ber iba; ke ij kalomõnlokjen, ij mijök E.

16 Bwe Anij e ar kõmõn bwe buruõ en barök, im Eo e Kajur Potata E ar kemjök iõ;

17 Bwe ar jab bukwelok iõ mokta jen marok eo, im E ar jab kalibubu marok jiliñliñ jen meja.

**24** Etke ar jab likit ien ko kin Eo e Kajur Potata? im etke ro re jela E, re jab lo ran ko An?

2 Eor ro rej ikir kõtan wäto ko; rej <sup>1</sup>böklok bwij ko kin kajur, im najiriki.

3 Rej añinlok ass an ro ejelok jemeir; rej bök ox an kõra eo e joko belen, men in kamol.

4 Rej kejeorlok ro dri aikwij jen ial eo: ro dri jeramel otemjej an lõl rej tilekek.

5 Lo, einwõt ass ko rawia i ene jemaren, rej drioijlok ñõn air jermal, im kanuij kabukot kijeir; ene jemaren eo ej lelok ñõn ir bred ñõn ro nejir.

6 Rej bukwe kijeir ilo jikin kallip eo; im rej kõlõruk leen vain an ro re nana.

7 Rej babu aolepen boñ im kelwan, im ejelok kojir ilo ien e bio.

8 Reu kin wutrikrik jen tol ko, im rej jiburlep ejman bwe ejelok imweir.

9 Eor ro rej kekake niñniñ eo e joko jemen jen ninnin ko, im bök ken kamol jen ro dri jeramel;

10 Inem re kelwan im itoitök, im rej ineklok tir in korn ilo air kwuli.

11 Rej kõmõnmõn oil iloan worwor ko an armij rein; rej juri air ken joniök ko, im re maro.

12 Jen iloan jikin kwelok eo elõñ dri jokwe, armij rej ñir, im an ro emwij kakinijnij ir ej lamij: ijoke Anij e jab lemnok kin men in bwebwe eo.

13 Rein ian ro rej kabata nae maram eo; re jab jela ial ko an, im jab berwõt ilo jikin etetal ko an.

14 Dri urõte ej jerkak ke e rantak; ej mõn ro dri jeramel im dri aik-

wij; im ilo boñ ej einwõt juõn dri kwot.

15 Mejen leo dri lüñ ej kõtar jota, im ej ba, Ejelok mej e naj lo iõ; im ej kejakilkil turin mejen.

16 Ke e marok rej <sup>1</sup>köblok ñõn loan mo ko, ko rar kakõle ñõn ir mõke ke e ran; re jab jela kake maram.

17 Bwe jiboñ ñõn ir otemjej einwõt marok jiliñliñ; bwe re jela men in kalelñoñ ko an kabin marok.

18 E jarõpmökõj air ilok ion mejen dren ko; air jolit men in jerata ilo lõl: re jab jeorlok ilo ial in bwil in grep ko.

19 Dret im bwil rej kokkure dren ko jen sno: ein drein Hedis ñõn ro emwij air jerawiwi.

20 Loje e naj meloklok e; likakrök eo e naj kõñe im mõnõnõ; jamin bar kememej e; im naj ruje jen wänik einwõt juõn wijki.

21 Ej kõñi dru war eo e jab keutak, im e jab kõmõn emõn ñõn lio e joko belen.

22 Mekarta, Anij ej kejbärok ro dri kajur kin kajur eo An, Ej kejerkak eo ejelok an kejatrikrik kin an mour.

23 Anij ej lelok ñõn ir bwe ren tõt wõt, im rej atatar ion; im mejen rej ber ion ial ko air.

24 Emwij koutiej ir: jirik wõt ien, inem re joko: aet, emwij kõtaik ir, im böklok ir jen ial einwõt ro jet, kab bukwelok ir einwõt jabõn ko jabõn uror in korn.

25 Im elañe e jab ein drein kiõ, wõn e naj kamol bwe ña dri riõp, im kajitokjen aõ in nan?

**25** Inem Bildad dri Shua e ar uak im ba,

2 Kajur potata im kokomak rej ber iben; Ej kõmõn ainemõn ilo jikin ko An re utiej.

3 Eor ke oran jar in tõrinae ko An? im wõn eo maram in An e jab romak ion?

4 Inem ekijkan juõn armij e maroñ in? wänik iben Anij? ak ekijkan an maroñ erre, eo ej lotak jen kõra?

<sup>1</sup> Dat. 28. 31.

<sup>1</sup> Mata 6. 19. <sup>2</sup> Jap. 4. 17.

5 Lo, im aliñ eo ejelok an jatölti, im iju ko re jab erre iman mejen:

6 E nañin drik armij, eo e likakrök wõt! im nejin armij, eo ej likakrök!

**26** Inem Job e ar uak im ba,  
2 O, e nañin lap am jibõñ eo ejelok an maroñ! e nañin lap am lomoren pein eo ejelok an kajur!

3 O kwar bebeik eo ejelok an metlet, im kanuij kwalok jelalokjen emõn!

4 Kwar kwalok nan ko ñõn wõn? im wõn eo kwar lelok menono ñõn e?

5 Ro re kar mij rej wuririr iomin dren ko im ro rej ber iloan.

6 Hedis ej kelwan iman Anij, im ejelok ken kalibubu Abaddon.

7 Ej erlokwe eafi ilõñin ijo ejelok kobõn, im totoik lõl ion ejelok men.

8 Ej lukwoj dren ko ilo kõro ko An re mijil; im e jab rup kõro eo iomir.

9 Ej binej mejen tron eo An, im Ej erlokwe kõro eo An ion.

10 E ar likit juõn belakin ion mejen dren ko, ñõn jemlokõn maram im marok.

11 Jur ko jurõn lõñ ko rej wuririr, im rej lokjenair kin An kowe.

12 Ej biuktõke lojit kin An kajur, im kin An jelalokjen Ej wākari Rehab.

13 Kin Jitõb eo An, emwij kalitlit lõñ ko; pein e ar wie serpent eo e mõkõj.

14 Lo, men kein jijidik in ial ko An, im e nañin drik unojrikrik eo An jej roñjake! a jorur in kajur eo An wõñ e maroñ im melele?

**27** Im Job e ar bar kwotõke parebõl eo an, im ba,

2 Einwõt Anij e mour, Eo e ar bõklok ijo aõ, im Eo e Kajur Potata, Eo e ar biuktõke aõ;

3 (Bwe aõ mour ej iyu wõt ilo enbwinõ, im jitõb õn Anij ej ilo bodiõ);

4 Emol tiõ re jamin ba jab wānik, im loõ e jamin kwalok men in mon.

5 En etolok jen ña, aõ kowānik kom: ñõn ien aõ mij i jamin jolok aõ jime jen ña.

6 I naj drebij aõ wānik, im I jamin kõtlok e: buruõ e jamin kinak iõ toõn aõ mour.

7 Dri kijirāte iõ en einwõt eo dri nana, im eo ej loetõk nae iõ en einwõt dri jab wānik.

8 Bwe ta eo kõtõmene an dri nana eo, meñe ej korlok mweien, ñe Anij ej bõklok an?

9 Anije naj eoroñ an kir E ke,<sup>1</sup> ñe jorran ej itok ion?

10 E naj mõnõnõ kin Eo e Kajur Potata ke, im kir ñõn Anij ien ko otemjej?

11 I naj katakin kom kin pein Anij; men eo iben Anij I jamin noje.

12 Lo, kom otemjej ar loe: inem etke kom ar juwan wõt?

13 Eñin kij an juõn armij e nana jen Anij, im men in jolit an ro dri kamakokoik, eo rej bõk jen Dri Kajur Potata:

14 Elañe ro nejin rej orlok, ej ñõn jāji eo: im ajiri ro re jamin māt kin bred.

15 Ro rej berwõt, jen e, naj kalibwin ir ilo mij, im kõra ro e joko beleir re jamin jõñõt e.

16 Meñe ej ejoiij silver einwõt bõñõñõl, im kapoj nuknuk ko einwõt kle;

17 E maroñ in kapojõk, a dru wānik e naj kõñõke, im ro ejelok rueur re naj ajej silver eo.

18 Ej kalek mweo imõn einwõt kõtõñtõñ, im einwõt imõn kabere eo dri lale ej kõmõnmõne.

19 Ej babu im mweie, a e jamin ber iben ro jiman; ej kabellok mejen, inem e joko.

20 Lelñõñ ko rej ibor ñõn e einwõt dren ko; juõn lañ ej kwot e ilo boñ.

21 Kõto jen rear ej bõklok e, inem ej ilok; im ej bioke jen jikin.

22 Bwe Anije naj kare, im jab tiriamokake: e naj kõnan ko jen ilo pein.

23 Armij re naj kabok pā nae e, im re naj teorlok e jen jikin.

**28** Emol eor roñ ñõn silver, im jikin gold eo rej karreok e.

<sup>1</sup> Ken. 1. 27.

2 Rej kōbijtok māl jen lōl, im jini-bōrōrō rej kaunlok jen dreka.

3 Armij ej kajemlok marok, im ej kabukot, nōn ijoko retolok tata, dreka ko retino im in marok jiliñ-liñ.

4 Ej rupe juōn roñ in kōbij, etolok jen ijo armij rej ber ie, ne ej meloklok ir; rej toto etolok jen armij ro, rej jekarto jekartōk.

5 Kin lōl, jen iloan bred ej walok; im iomin, emwij kōbijlok e, einwōt kin kijeek.

6 Dreka ko an jikin saffair ko, im iloan eor bok gold.

7 Ial eo ejelok bao elej e jela kake, inem mejen igōl e ar jab loe:

8 Kiru ko re jua rar jab jure, im laion elej e ar jab elālok jen e.

9 Ej erlokwe pein nōn dreka ebin; ej ukōji tol ko kin okrair.

10 Ej jekjek ial ko i bwiljin dreka ko; im mejen ej lo jabrewōt men eo e aurōk.

11 Ej lukwōj river ko bwe ren jab torlok, im men eo e nojōk ej kadrioi j e nōn maram.

12 A <sup>1</sup>ewi ijo je naj lo meletlet ie? im ewi jikin jelalokjen?

13 Armij e jab jela wōnan; im jab loe ilo enen ro rej mour.

14 Mulōl ej ba, E jab ilo ña; im lojit ej ba, Ejoko iba.

15 Re ban wiak e kin gold, im re jamin paun silver nōn wōnan.

16 Re ban nawōnan kin gold jen Opir, ak dreka onix ak saffair.

17 Gold im glas re jab aurōk einwōt, im jamin wiakake kin inōk ko gold emōn.

18 Re jamin konono kin wor ak kristal: aet, wōnan meletlet elap jen rubi ko.

19 Topaz eo jen Itiopia e jamin einwōt, im re jamin likit wōnan gold erreo.

20 Inem meletlet ej itok jen ia? im ewi jikin jelalokjen?

21 Bwe emwij noji jen mejen dri mour otemjelok, im kanuij kejbāroke jen bao ko in mejatoto.

22 Kokkure im Mij re ba, Kim ar roñjake juōn nan kin lojiliñem.

23 Anij e jela kake ial eo an, im E jela wōt jikin.

24 Bwe Ej lo nōn jemlokōn ko in lōl, im Ej reilok iomin aolepen lōñ ko;

25 Bwe En kōmōn juōn ken paun nōn kōto eo: aet Ej jofwe dren ko kin ken joñōk.

26 Ke E ar kōmōn juōn kien nōn wut, im juōn ial nōn jarom in jorur eo;

27 Ien eo E ar lo e, im kwalok e; E ar kabin e, aet, im kabukot e wōt.

28 Im nōn armij E ar ba, Lo, <sup>1</sup>mi-jōk Anij, eñin meletlet; im illok jen nana, eñin jelalokjen.

**29** Im Job e ar bar kwotōke pare-bōl eo an, im ba,

2 O e nañin emōn eñañe ña ij einwōt ilo aliñ ko mokta, einwōt ilo ran ko ke Anij e ar lale iō;

3 Ke lamp eo An e ar romak ion bōra, im kin maram eo An I ar etal ilo ien marok;

4 Einwōt aō ber im kōmōn ilo enimōn in ran ko aō, ke Anij e ar jeraik mweo imō;

5 Ke Eo e Kajur Potata e ar ber iba, im ro nejiō rar ber ituriō;

6 Ke ar kabit jetñakin neiō kin butter, im dreka eo e ar katorlok nōn iō river in oil!

7 Ke I ar drioi jlok nōn kejem eo nōn jikin kwelok, ke I ar kapojōk aō ken jijōt ilo ial eo,

8 Likao rōn rar lo iō im tilekek, im ridtorōn rar jerkak im jutōk;

9 Iroi j rōn rar kejeklokjen, im likit peir ion loñir;

10 Ainiken bwirōk ro e ar jemlok, im loir e ar edrep nōn fiatir.

11 Bwe ke lojiliñ e ar roñjake iō, inem e ar kejerammōn iō, im ke mej e ar lo iō, e ar kennan nōn iō:

12 Kin aō kar lomoren dri jeramel eo e ar kir, bareinwōt eo e joko jemen, im eo ejelok dri jibōñ e.

13 Kejerammōn an eo e nañin

<sup>1</sup> eon 23. 28.



joko e ar itok ioð; im I ar kōmōn bwe buruen lio e joko belen en kāki kin lōñliñ.

14 I ar kōnōk wānik, inem e ar kali-bubu iō: aō men in ekajet jime, e ar einwōt juōn kobe im kraun.

15 I ar mejen ñōn eo dri bilo, im I ar neen ñōn eo dri kirro.

16 I ar jemen ñōn eo dri aikwij; im I ar kabukot unin jorran iben eo I ar jaje kake.

17 Im I ar ruje roñōn eo dri jab wānik, im I ar kekake men in jibwe jen ñin.

18 Inem I ar ba, I naj mijilo el eo aō, im I naj korlok ran ko aō einwōt bok:

19 Okraō emwij ererōke ñōn dren ko, im molawi ej berwōt aolepen boñ ion raō:

20 Aō aibujuij ej kāl iba, im emwij kōkāl aō libon ilo peiō.

21 Armij rar eoroñ iō im kōtar iō, im rar kejeklokjen ñōn bebe eo aō.

22 Elikin nan ko aō, rar jab bar konono; im aō konono e ar wutrikrik ioir.

23 Im rar kōtar iō einwōt wut, im rar walōñi loñir einwōt ñōn wut eo elik.

24 I ar tōñkake ir ke rar jab beran; im rar jab jolōllok maram jen turin meja.

25 I ar kālet air ial, im I ar jijōt einwōt iroiij, im I ar ber einwōt juōn kiñ ilo jar in tōrinae eo, einwōt juōn armij ej kainemōn ro dri jōñ.

**30** A kiō ro jobrik jen ña rej kajirere kake iō, ak ro jemeir I ar kejekron ir, im jab kōnan likit ir iben kiru roror ko an bwij eo aō.

2 Aet, kajur in peir, eor tokjen iba kin ta? armij ro e joko ibeir ke rar man kajur.

3 Re bōj kin aikwij in ñita: rej ajoljol brii emōra, ilo anōñin jemaren im kokkure.

4 Rej kōtepe mar awia iturin jul ko: im okran wijki in ene jemaren kijeir.

5 Emwij ubakelok ir jen bwiljin armij ro; rej lamij elikir einwōt dri kwot;

6 Inem rej jokwe ilo komlōl ko re nana, ilo roñ ko in lōl im dreka ko.

7 Iolapin jul ko rej lamij; rej kweelok iomin mar kuj ro.

8 Ir ro rejin ro dri bwebwe, aet, ro nejn armij re nana; emwij dreñlokwe ir jen eneo.

9 Im kiō ña ij al eo air, aet, ij nan in kejekron ibeir.

10 Rej jōjōik iō, rej jutōk etolok jen ña, im re jab mijōk in iyeloke turin meja.

11 Bwe E ar jelate to eo An, im kejjorran iō; im rar jolok ken drebij ors imaō.

12 I anbijmaroñiō armij rej jerkak; rej tibij neiō, im rej koutiejlok ial in kokkure ko air nae iō.

13 Rej kokkure ial eo aō, rej lemanlok aō jorran, aet armij ro ejelok air dri jibōñ.

14 Rej itok einwōt ilo juōn worwor e rup: ilo tūñtūñ in jorran rej drebillok iō.

15 Emwij ukottok men in lelñōñ iō; rej lukworkwor aō aibujuij einwōt kōto; im aō jerammōn e jokolok einwōt juōn kōro.

16 Im kiō emwij lutōk aō ilo ña; ran ko ran in jorran rar jibwe iō.

17 Dri ko driō rej wie iō ilo boñ, im iñtan ko rej ajole iō re jab kakije.

18 Kin kajur elap an Anij emwij kokkure nuknuk ko aō, Ej lukwoj iō einwōt buruen kobe eo aō.

19 E ar jolōllok iō na ilo birikōt eo, im I ar erom einwōt bōñōñlōl im brii in ubaj.

20 Ij lamij ñōn Kwe im kwo jab uak iō: ij jutōk im Kwoj reitok ñōn iō.

21 Kwoj erom lej ñōn iō; kin kajur in peōm Kwoj matōrtōr iō.

22 Kwoj leliñlok iō ñōn kōto, Kwoj kōmōn bwe in uwe ion; im Kwoj biokbioklok iō ilo lañ eo.

23 Bwe I jela bwe Kwo naj āñinlok iō ñōn mij, im ñōn mweo e pojōk ñōn dri mour otemjej.

24 Ijoke, juōn e jab jebokrara ilo

an buñ ke? ak ilo an jorran e jab oor kin men in jibõñ ke?

25 I ar jab jõñõt eo ej ilo jorran ke? aõ e ar jab buromõj ke kin eo dri aikwij?

26 Ke I ar kõtõmene kin emõn, inem nana e ar itok; ke I ar kõtär maram, e ar itok marok.

27 Buruõ e lokjenaõ, im e jab kakkije; ran ko ran in jorran rar itok ioõ.

28 Ij etetal im likajkoko ke e joko al: ij jutõk ilo jar eo im kir kin men in jibõñ.

29 Ña jein im jätin jakol ko, im ij kõmao iben ostrij ko.

30 E kilmej kiliõ, im ej wutlok jen ña, im dri ko driõ emwij tili kin bwil.

31 Kin men in I ar ukot arp eo aõ ñõn jõñ, im paip eo aõ ñõn ainiken ro rej jõñ.

**31** I ar kõmõn juõn bujen iben meja; inem ekijkan aõ maroñ in reilok ñõn juõn virjin?

2 Bwe ta kij eo jen Anij iloñ, im men in jolit jen Eo e Kajur Potata im E utiej?

3 E jab jorran ñõn ro re jab wänik, im men in jorran ñõn ro rej kõmõn nana ke?

4 E jab <sup>1</sup> kalimjeke ial ko aõ, im bwine jetñakin neiõ otemjej ke?

5 Elañe I ar etetal im eor riõp iba, im neiõ e ar kijorur in ilok ñõn mon

6 (Ren paun iõ kin ken paun e jime, bwe Anij en jela aõ wänik);

7 Elañe buñten neiõ e ar jeorlok jen ial eo, im buruõ e ar etal lore meja im elañe jabrewõt mär e ar edrep ñõn peiõ;

8 Inem ña in jeor, im bar juõn en mõña; aet, ren totõki men ko rej edrek ilo aõ jikin kallip.

9 Elañe emwij karel buruõ ñõn juõn kõra, im I ar kebao ilo kejem in mwew imõn dri turiõ;

10 Inem lio beliõ en irir ñõn bar juõn, im bar jet armij ren babu iben.

11 Bwe men in juõn bwir elap im kanuij nana; aet, ej juõn bwir ekar ñõn kaje iben ro dri ekajet:

12 Bwe e <sup>1</sup> juõn kijeek ej kokkure ñõn Jorran, im e naj kar kõtep im jolok aolepen aõ orlok.

13 Elañe I ar kejekron loñan an dri korijera man ak kõra, ke rar akwaile iõ;

14 I naj it ñe Anij e naj jerkak? im ñe E naj itok, ta in uak kake ñõn E?

15 Eo e ar kõmõnmõn iõ ilo loje, E ar jab kõmõnmõn e ke? im e jab juõn wõt E ar kõmõnmõn kimro ilo loje ke?

16 Elañe I ar drebij ro dri jeramel jen air kõnan, ak I ar kõmõn bwe mejen lio e joko belen en tõplok,

17 Ak I ar mõña kijio mõke iaõ, im ro e joko jemeir rar jab mõña jen e

18 (Jab, jen ien aõ inono e ar ridtolok iba einwõt iben jemen, im I ar tellok lio jen lojen jinõ);

19 Elañe I ar lo an joko jabrewõt kin an aikwij nuknuk, ak bwe ro dri aikwij, ejelok ballir;

20 Elañe murin rar jab kejeram-mõn iõ, im elañe ar jab kamänan e kin kolan sip ko aõ;

21 Elañe I ar kwotõke peiõ nae ro e joko jemeir, kin aõ kar lo men in jibõñ iõ ilo kejem eo:

22 Inem aieraõ en tumkok, im peiõ en jelellok.

23 Bwe jorran jen Anij ej men in kaleñõñ iõ, im kin utiej en aibujuij, ejelok I maroñ in kõmõn.

24 Elañe I ar kõmõn bwe <sup>2</sup> gold aõ men in kejatirikrik, im I ar ba ñõn gold eo emõn, Kwe aõ men in kõtõmene;

25 Elañe I ar mõnõnõ kake an lõñ mweiõ, im bwe peiõ e ar bõk elõñ;

26 Elañe I ar reilok ñõn al ke e ar romak, ak aliñ ke ej etetal ilo an ja-tõtil,

27 Im emwij karel buruõ ilo etino, im loñio e ar mejenmaik peiõ:

28 Men in bareinwõt juõn bwir ro

<sup>1</sup> Ken. 5. 21.

dri ekajet ren kajeik e; bwe I naj kar karmijete Anij eo ilõn.

29 Elañe I ar mōnōnō kin jorran an eo e ar kijirāte iō, ak koutiej iō mōke ke nana e ar lo e,

30 (Aet, I ar jab likit loñiō bwe en bwir kin an kole bwe en mij):

31 Elañe armij ro ilo mweo imō rar jab ba, Wōn e maroñ in lo juōn e jab māt kin ekōn ko an?

32 (Eo dri itoitōk e ar jab kiki ilo ial eo; a I ar kabellok kejem ko aō ñōn dri etetal);

33 Elañe einwōt Adam, I ar kalibubu jerawiwi ko aō, kin noj jab wānik ko aō ilo ubō,

34 Kin aō mijōk jar eo elap, im drike an bwij ko e ar kemjōk iō, bwe in ikōñ im jab drioiĵlok jen kejem—

35 O elañe juōn iba bwe en roñjake iō! (lo, eñin wāwen eta, Eo e Kajur Potata en uak iō), im en iba nan in kinaklok eo ro dri kijirāte iō rar jeje!

36 Emol I naj bōklok e ion aieraō; I naj kar belik e:

37 I naj kar kwalok ñōn E oran buñten neiō; einwōt juōn iroiĵ e naj kar kebaklok ñōn iben.

38 Elañe eneo eniō ej lamij nae iō, im jukur ko an rej jimor jōñ;

39 Elañe I ar mōña leen ko an im ejelok mōñni wōnan, ak I ar kōmōn bwe ro drinneĵ ren mij:

40 Inem kāliliklik ko ren edrek im bineĵ jenkwōn wit, im mar bōĵik en bineĵ jenkwōn barli.

Emwij nan ko an Job.

**32** Ein drein lōmaroĵil re jolok air uak Job, bwe e wānik iman mejen. 2 Inem e bwil illu an Ilaihu nejn Barekel dri Buz, ian ro nukin Ram: ar keĵo illu eo an nae Job kin an mōke kowānik e, im jab Anij. 3 Bareinwōt e bwil illu eo an nae lōmaroĵil jeran Job, bwe rar jab lo juōn nan in uak, iĵoke rar liakelok Job. 4 Ak Ilaihu e ar jinliki an konono ñōn Job, bwe irĵil re ridto jen e. 5 Im ke Ilaihu e ar lo bwe ejelok nan in uak ilo loñirĵil, e bwil illu eo an.

6 Im Ilaihu nejn Barekel dri Buz,

e ar uak im ba, ña man ladrik im kom bwijwōlā; kin men in I ar lelñoñ im mijōk in kwalok aō lemnok.

7 I ar ba, Emōn bwe ren ko ren konono, im yiō ko relōñ ren katakin kij meletlet.

8 A eor jitōb iloan armij, im meno-noñ Eo e Kajur Potata ej lelok ñōn ir jelalokjen.

9 E jab <sup>1</sup>ro re utiej wōt re jela meletlet, e jab ridto ro wōt re jela ekajet jime.

10 Kin men in I ar ba, Komin roñjake iō; ña I naj bareinwōt kwalok aō lemnok.

11 Lo, I ar kōtar nan ko ami, I ar eoroñ ami nan in kemelele, ke kom ar bukot ta eo komin ba.

12 Aet, I ar eoroñ komĵil, im ejelok juōn e ar naruōn Job, ak uak nan ko an iami.

13 Lale kom ar ba, Kim ar lo meletlet; Anij e maroñ in bōk anjo jen e, im jab armij:

14 Bwe e ar jab kwalok nan ko an nae iō; im I jamin uak e kin nan ko ami.

15 Reĵ bwilōñ, re jab bar uak; ejelok juōn nan ibeir bwe ren konono kake.

16 Im ña in kōtar wōt, kin air jab konono, kin air bwijrōk, im jab bar uak ke?

17 Ña I naj bareinwōt uak kin iĵo aō, ña in bareinwōt kwalok aō lemnok.

18 Bwe ij obrōk kin nan ko; jitōb eo ilo aō e kijirĵir.

19 Lo, ubō ej einwōt wain ej uwe im ejelok roñ, einwōt boto in wain ekāl e kōnan rup.

20 I naj konono bwe in aimlolo; I naj kabellok tiō im uak.

21 Iĵ kajitōk ibōm, bwe in jab kabwiloklok jabrewōt mej; im I jamin lelok nan ko retao ñōn jabrewōt armij.

22 Bwe I jaje lelok nan in etaok armij; elañe jab, Eo Dri Kōmōnmōn iō E naj bōklok iō mōkōĵ.

<sup>1</sup> Ekk. 9. 13 16.

**33** Ijoke, Job, ij akwelap ñõnyuk, bwe kwon roñjake aõ in nan, im eoroñ nan ko otemjej aõ.

2 Lo, kiõ, emwij aõ kabellek loñiõ, loõ e ar konono i loñiõ.

3 Nan ko aõ re naj kwalok wänik an buruõ; im men ko tiõ re jela, re naj konono ilo mol.

4 Jitõb õn Anij e ar kômõnmõn iõ, im menonoñ Eo e Kajur Potata ej letok mour.

5 Elañe kwo maroñ kake, kwon uak iõ; kwon kilajrõk nan ko am imaõ, kwon wõnmantok im jutõk.

6 Lo, ña ij iman Anij einwõt kwe: ña bareinwõt, emwij kômõn iõ jen kle.

7 Lo, aõ kokomak e jamin mijõk yuk, im ao kobar yuk e jamin erro.

8 Emol emwij am konono i lojili-ñiõ, im I ar roñjake ainiken am in nan, im kwar ba,

9 Ña ij erreõ, im ejelok bwir iba; ejelok ruõ, im ejelok nana ilo ña;

10 Lo, Ej lo un ko unin illu iba, Ej likit iõ einwõt juõn An dri kijiråt;

11 Ej likit neiõ ilo ken kabab, Ej kakõleik ial ko aõ otemjej.

12 Lo, I naj uak ñõn kwe, ilo men in kwo jab wänik; bwe Anij elap jen armij.

13 Etke kwoj akwaile E, kin An jab lewoj nan kin jabrewõt men eo An?

14 Bwe Anij ej konono juõn alen, aet ruo alen, meñe armij e jab lem-nok kake.

15 Ilo juõn tõnak, ilo juõn visõn ilo boñ, ke kiki mitoñ ej buñlok na ion armij rõn, ilo ien kiki ion jikin babu;

16 Ien eo Ej kabellek lojiliñin armij ro, im sil ñõn ir air nan in katak,

17 Bwe En kekake armij jen bebe eo an, im noj jua jen armij;

18 Ej drebij an jen roñ eo, im an mour jen an joko kin jãji.

19 Emwij kajelaik e bareinwõt kin iñtan ion kinien, im kin akwail ien otemjej ilo dri ko drin;

20 Inem an mour ej drike ekõn, im an ej drike kõn enno.

21 Kõniekin ej eõlok, bwe ren ban loe; im dri ko drin re kin jab loi rej alikar.

22 Aet, an ej kebaklok roñ eo, im mour eo an ej kebaklok ro dri kok-kure.

23 Elañe eor dri jilik iben juõn, juõn dri kemeleleik, juõn ian juõn tausan, bwe en kwalok ñõn armij eo ta eo e jime ñõn e;

24 Inem Anij e joiñ ñõn e, im ej ba, Emõn kõtlok e jen an wõnlõllok ñõn roñ eo, Ña I ar lo juõn men in bin-mour.

25 Kõniekin e naj emõnlok jen kõ-niekin niñniñ; ej jeblak ñõn ran ko ke e ar inono.

26 Ej jar ñõn Anij, im Ej yokwe e; ein drein ej lo mejen im mõnõnõ: im Ej lelok ñõn armij wänik eo an.

27 Ej al iman armij ro, im e ba, Ña I ar bwir, im I ar kankeke men eo e jime, im e ar jab kakajuror iõ:

28 E ar lomoren aõ jen wõnlõllok ñõn roñ eo, im aõ mour e naj lo ma-ram eo.

29 Lo, Anij ej jerbali men kein otemjej, ruo alen, aet jilu alen iben juõn armij,

30 Bwe En kajablaktok an jen roñ eo, bwe en maramlok kin maram in mour.

31 Kwon lale mõk, O Job, kwon eoroñ iõ: kwon kejeklokjen, inem I naj konono.

32 Elañe eor ibõm bwe kwon ba kake, kwon uak iõ: kwon konono, bwe I kõnan kowänik yuk.

33 Elañe jab, kwon eoroñ iõ: kwon kejeklokjen, inem I naj katakin yuk meletlet.

**34** Bar juõn, Ilaihu e ar uak im ba,

2 Komin roñjake nan kein aõ, kom dri meletlet; komin eoroñ iõ, kom eo eor jelalokjen ibemi.

3 Bwe lojiliñ ej melejoñ nan ko, ein-wõt bri ej erjoñ men in mõña.

4 Jen kâlet n̄on kij men eo e jime: jen jela iben dron ta eo em̄on.

5 Bwe Job e ar ba, Na I wānik, im Anij e ar bōklok men ko kar aō wōt:

6 Jekron ijo aō, emwij likit iō dri riōp; ban kaejmour kinja, meñe ejelok aō bwir.

7 Armij ōt einwōt Job, eo ej irak kajirere kake einwōt dren,

8 Eo ej ilok iben dri kōmōn jab wānik, im etetal iben armij re nana?

9 Bwe e ar ba, Ejelok tokjen n̄on juōn armij bwe en mōnōnō kake Anij.

10 Kin men in komin eoroñ iō, komeo armij dri jelalokjen: en etolok jen Anij, bwe <sup>1</sup>En kōmōn nana, im jen Eo e Kajur Potata, bwe En kōmōn jab wānik.

11 Bwe jermal an juōn armij, E naj kejeblaklok n̄on e, im kōmōn bwe jabrewōt armij en lo ekar n̄on ial ko an.

12 Aet, emol, Anij e jamin kōmōn nana, im Eo e Kajur Potata E jamin kankeke ekajet.

13 Wōn e ar lelok n̄on E bwe En lale lōl in? ak Wōn e ar likit loñtōn aolepen lōl?

14 Elañe Ej likit buruen ion E mōke, elañe Ej aine An im menono eo An;

15 Aolepen kōniek e naj jimor joko, im armij e naj bar <sup>2</sup>oktōk n̄on bōñōlñōl.

16 Kiō elañe ibōm jelalokjen, kwon roñjake men in; kwon eoroñ nan ko aō.

17 Juōn eo ej drike ekajet jime, en iroi j ke? im kwo naj liakelok Eo e wānik im kajur ke?—

18 Eo ej ba n̄on juōn kiñ, Kwe kwoj etton, ak n̄on bwirōk ro, Kom dri nana;

19 Eo e jab kaljiklok mejen iroi j ro, ak yokwe ro dri mweie jcn dri jeramel; bwe ir otemjej jermal an pā ko pein.

20 Ilo jirik wōt ien re mij, i lukwōn boñ re mij; emwij kamōkitkit armij ro, inem re joko, im bōklok ro dri kajur kin ejelok pā.

21 Bwe mejen rej ion ial ko an juōn armij, im Ej lo etetal ko an otemjej.

22 Ejelok marok, ak kabin marok, ijo ro rej kōmōn jab wānik re maroñ in tilekek.

23 Bwe ejelok tokjen An lemnok wōt kin juōn armij, bwe en walok iman Anij kin ekajet.

24 Ej wojibloke dri kajur im e jab alikar wāweir, im Ej likit bar jet ilo jikir.

25 Kin men in E jela kin jermal ko air; im Ej ukōj ir ilo boñ, inem re joko.

26 Ej mōn ir einwōt dri nana iman mejen ro jet ilo alikar;

27 Kin air jeorlok jen etal lor E, im re jab kōnan lale jabrewōt ian ial ko An:

28 Inem rej kōmōn bwe lamij an ro dri jeramel en wōnliñlok n̄on iben, im E ar roñjake lamij an eo dri jorran.

29 Ke Ej lelok inemōn, wōn e maroñ in liakelok? im ke Ej binej mejen, inem wōn e maroñ in lo E? einwōt juōn ñe Ej kōmōne n̄on ailiñ ak n̄on armij:

30 Bwe armij eo ej kejekron Anij en jab iroi j, im ejelok juōn en mone armij rōn.

31 Bwe jabrewōt e ar ba n̄on Anij ke, Emwij aō bōk kaje, I jamin bar jerawiwi:

32 Men eo I jab loe Kwon katakin iō: elañe I ar kōmōn jab wānik, I jamin bar kōmōne?

33 Wōnan e naj einwōt am kōnan, ñe kwoj abwin bōke ke? bwe kwon kâlet, kwe wōt kwe, im jab ña: kin men in kwon konono men eo kwo jela kake.

34 Armij dri meletlet re naj ba n̄on iō, aet, ro dri jelalokjen otemjej ro rej roñjake iō:

35 Job ej konono im ejelok an jela, im nan ko an ejelok air meletlet.

36 O I kōnan bwe ren melejoñe Job n̄on jemlokōn, kin an uak einwōt armij re nana.

37 Bwe ej kobaik kabata iben bwir

<sup>1</sup> Rom 9. 14. <sup>2</sup> Jen. 3. 19.

eo an; ej kabok pā iolaper, im ej korlok nan ko an nae Anij.

**85** Bar juōn, Ilaihu e ar uak im ba,

2 Kwoj lemnok men in e jime wōt ibōm, ak kwoj ba, Aō wānik elap jen eo an Anij ke?

3 Inem kwoj ba ke, Ewi tokjen ibōm? im, Ewi men in kakajuror iō ilo aō jab bwir?

4 I naj uak nōn kwe, im nōn ro jerōm rej ber ibōm.

5 Kwon <sup>1</sup>reiliñlok nōn lōñ ko, im loi; im kwon kalimjek mejatoto, eo e utiej jen kwe.

6 Elañe kwar jerawiwi, kwoj jerbali ta nae E? im elañe eorlok am bwir, kwoj kōmōn ta nōn E?

7 Elañe kwe dru wānik, kwoj lelok ta nōn E? ak Ej bōk ta jen peōm?

8 Am <sup>2</sup>nana e maroñ in kejjorran juōn armij einwōt kwe; im am wānik e maroñ in kejerammōn juōn nej in armij.

9 Kin elōñ men in kamakoko rej lamij; rej kir kin jibōñ jen pein ro dri kajur.

10 A ejelok ej ba, Ewi Anij Dri Kōmōnmōn iō, Eo ej <sup>1</sup>letok al ko ilo boñ,

11 Eo ej katakin kij elap jen kiru ko in lōl, im Ej kōmōn bwe jen meletlet jen bao ko in mejatoto?

12 Rej lamij ijo, a ejelok ej lelok nan in uak, kin jua in armij re nana.

13 Emol Anij e jamin eoroñ juōn lamij wan, im Eo e Kajur Potata e jamin lala.

14 E nañin driklok ñe kwoj ba kwo jab lo E, men eo ej iman, im kwoj kōtar E!

15 A kiō, kin An jab lolok ilo An illu, im E jab kanuij lemnok kin jua-lōñlōñ;

16 Kin men in Job ej walōñi loñin kin nan wan; ej korlok nan ko im ejelok jelalokjen iben.

**36** Ilaihu e ar bareinwōt kononolok wōt im ba,

<sup>1</sup> Sam 8. 3. <sup>2</sup> 1 Kor. 15. 33. <sup>3</sup> Jerb. 16. 25.

2 Kwon kōtar jirik, im I naj kwa-  
lok nōn yuk; bwe e bar or iba emōn  
bwe in ba kin Anij.

3 I naj bōktok aō jelalokjen jen etolok, im I naj kowānik eo Dri Kōmōnmōn iō.

4 Bwe emol nan kein aō re jab nan in riōp: juōn eo e jela wōt ej ibōm.

5 Lo, Anij e kajur, im E jab kejekron jabrewōt armij: E kajur ilo An maroñ in jela.

6 E jab kejbārok mour an ro re nana, a Ej lelok nōn ro dri iñtan einwōt air jime.

7 E jab reilok jen ro dru wānik: a iben kiñ ro ion tron Ej likit ir nōn in drio, im koutiej ir.

8 Im elañe emwij liabe ir, im alukwe ir kin to ko toñ jorran;

9 Inem Ej kwalok nōn ir air jerbali, im air bwir, kin air ber in jua-lōñlōñ.

10 Ej bareinwōt kabellek lojiliñir nōn nan in katak, im jiroñ ir bwe ren jeblaktok jen air bwir.

11 Elañe rej eoroñ im korijer nōn E, re naj jerammōn iomin ran ko air ran in mour, im re naj mōnōnō iomin yiō ko air.

12 A elañe re jab eoroñ E, re naj joko kin jāji, im re naj mij im ejelok air jela.

13 A ro re nana ilo burueir, rej korlok illu; re jab kir kin jibōñ, ke Ej lukwoj ir.

14 Rej mij ilo air inono, im air mour e joko iben ro rej etton.

15 Ej lomoren ro dri jorran ilo air jorran, im Ej kabellek lojiliñir kin kamakoko.

16 Aet, E naj kar karel yuk jen iñtan nōn iloan juōn jikin e rābōkbōk ijo e jab obrōk; im men ko rej likite ion tebel eo am e naj obrōk kin kioeo.

17 A kwe kwoj obrōk kin ejaket an ro dri nana: ekajet im wānik rej jibwe yuk.

18 Bwe kwon jab likit illu in biuktōki kaje ko nae yuk, im kwon jab likit bwe men in wiaik buruōm en karel yuk.

19 E naj or tokjen am lamij, ak

kajur ko otemjej in am maroñ bwe kwon jab jorran ke?

20 Kwon jab oñkake boñ, ñe mōn ro dri ailiñ ko ilo jikir.

21 Kwon lale mōk, kwon jab lem-nok kin jab wānik; bwe kwar kālet men in, im jab kālet jorran.

22 Lo, Anij ej kōmōn men ko re utiej ilo An kajur: wōn juōn dri kaki einwōt E?

23 Wōn e ar jiroñ E ial eo An? ak wōn e maroñ in ba, Kwar kōmōn jab wānik?

24 Kwon kememej in kalaplok jerb-al eo An, eo armij rar al kake.

25 Armij otemjej rar reilok ñōn e, armij ej lo e jen etolok.

26 Lo, <sup>1</sup>Anij elap im je jaje kake; im oran yiō ko An, elap jen maroñ in bukot e.

27 Bwe Ej itōki liñlok biliñliñ ko biliñliñ in dren, ko rej bar wutlok ilo wut jen tap eo An,

28 Ko mejatoto ej katorlok im wuj-leptok ion armij ro.

29 Aet, jabrewōt e maroñ in melele kin An ererōki kōro ko, jorur ko an imōn kabere eo An ke?

30 Lo, Ej erlokwe maram eo An na iturin; im Ej kalibubu jurmik.

31 Bwe kin men kein Ej ekajet ro dri ailiñ ko; im Ej lelok elōñ kijeir.

32 Ej kalibubu pein kin jarom eo, im Ej jiroñ e bwe en tue laruke eo.

33 Ainiken ej kwalok kin E, kiru ko bareinwōt kin lañ eo ej waloktok.

**37** Aet, buruō ej wuririr kin men in, im emwij kamōkit e jen jikin.

2 Komin roñjake, O, komin roñjake, ainiken An keroro, im ainiken eo ej drioiylok jen loñin.

3 Ej jilkinlok e iomin aolepen lōñ, im jarom eo An ñōn belakin lōl.

4 Elikin, juōn ainiken ej ñirñir, Ej jorur kin ainiken kiliplip; im E jab drebij jarom ko An ke rej roñjake ainiken.

5 Anij ej jorur kin ainiken e tuñtuñ

<sup>1</sup> Job. 11. 7-9.

in lap; men ko relap Ej kōmōni, je ban melele kake.

6 Bwe Ej ba ñōn sno eo, Kwon wutlok ion lōl; bareinwōt ñōn wutrikrik, im ñōn wut mejiljil eo An.

7 Ej sil pein armij otemjej, bwe jabrewōt armij ro E ar kōmōn ir ren maroñ in jela kake.

8 Ien eo kiru ko rej ilok ñōn jikir retino, im berwōt iloan roñ ko roñair.

9 Jen mweo irōk lañ ej itok, im bio jen eañ.

10 Kin menonoñ Anij emwij letok dren ebin; inem kairiklok dren ko.

11 Aet, Ej ektōk molawi ion kōro co emijil; Ej erlokwe wōt kōro in jarom eo An:

12 Emwij karol e kin kibren, bwe ren kōmōn jabrewōt Ej jiroñ ir kake, ion mejen lōl ijo armij rej ber ie;

13 Elañe ñōn kaje, ak ñōn eneo An, ak ñōn men in yokwe, Ej kōmōn bwe en itok.

14 Kwon roñjake men in, O Job: kwon bwijrōk, im lemnok kin jerb-al ko an Anij, men in bwilōñ.

15 Kwo jela ke ekijkan Anij ej jiroñ ir, im kōmōn bwe jarom in kōro eo An en romak?

16 Kwo jela ke wāwen An jebōke kōro ko, jerb-al in bwilōñ ko an Eo e wāppen ilo jelalokjen?

17 Ekijkan nuknuk ko am re mānān, ñe Ej kainemōn lōl kin kōto jen rōk ke?

18 Kwo maroñ in erlokwe mejatoto einwōt E ke, eo ebin einwōt kapjur e unlok?

19 Kwon katakin kim ta eo kimin ba ñōn E; bwe kim ban kajime am konono kin marok eo.

20 Emōn ke kennanek E ta eo I kōnan ba? ak juōn armij en kōnan bwe ren warōñōlok e ke?

21 Im kiō armij re jab reilok ñōn maram eo elap i mejatoto; a kōto ej elālok, im bioke.

22 Jen eañ ej itok jatōltil wāwen wōt gold: wuj an Anij men in lelñōñ.

23 Kin Eo elaptata, je ban lo E:

ej emõn tata ilo kajur; im ilo jime im elõn wānik E jamin kaiñtan.

24 Kin men in armij rej mijõk E: E jab reilok ñõn jabrewõt eo e meletlet buruen.

**38** Inem Jeova e ar uak Job jen aire eo, im E ba,

2 Wõn in ej kamarok bebe kin nan ko im ejelok jelalokjen?

3 Kwon kañõrñõr kiõ einwõt juõñ eman; bwe I naj kajitõk ibõm, im kwon kwalok ñõn iõ.

4 Kwar ber ia ke I ar likit loñtõk ko loñtõn lõl? kwon kwalok, elañe eor jelalokjen ibõm.

5 Wõn e ar bek kin joñok ko an, elañe kwo jela? ak wõn eo e ar kõnike juõn lain ion?

6 Loñtõk ko emwij kabini ion ta? ak wõn eo e ar likit dreka in boñl,

7 Ke iju ko in ran rar jimor al, im ro nejin Anij otemjej rar lamij kin lõñliñ?

8 Ak wõn e ar kili lojit kin aur ko, ke e ar tormanlok, einwõt elañe e ar tortok jen loje;

9 Ke I ar kõmõn kõro ko nuknuk ko an, im marok e mijil juõn kworõk in kirboke,

10 Im na belakin einwõt Aõ kõnan, im likit alal ko im aur ko,

11 Im ba, Nõn ijin kwo naj itok, a kwon jab elā jen e; im naj drebij no ko am relej ijin?

12 Kwe kwar jiroñ jiboñ eo jen jinoin ran ko am, im kwar kõmõn bwe rantak en jela jikin ke;

13 Bwe en maroñ in jibwe belakin lõl, im en kamõkitkit ro dri nana jen iloan ke?

14 Emwij ukot e einwõt kle ion juõn sil; im men otemjej rej jutõk einwõt ilo juõn kobe:

15 Im drebij air maram jen ro dri nana. im ruje pein eo e utiej.

16 Kwe kwar dreloñ ke ilo unin dren ko in lometo? ak kwar etetal ke ilo jikin ko retino i lojit?

17 Ar kwalok ke ñõn kwe aur ko

in mij? ak kwar lo ke kejem ko in anõin mij?

18 Kwar melele kin drilpen lõl ke? kwon kwalok e elañe kwo jela solepen.

19 Ewi ial ñõn imõn maram? im kin marok, ewi jikin eo an,

20 Bwe kwon bõklok ñõn tõreren, im bwe kwon kili ial ko ñõn mweo imõn?

21 Bwelen kwo jela wõt, bwe kwar lotak ilo ien eo, im oran ran ko am re nahin lõñ!

22 Kwe kwar dreloñ ilo jikin mweuik ko in sno, ak kwar lo jikin mweuik ko in wut ebin,

23 Ko I ar drebiji mae ien jorran, mae ran eo ran in keitak im tõrinae?

24 Ilo ial õt emwij kijbil maram eo, im kijbliklik kõto in rear ion lõl?

25 Wõn e ar jek juõn tor ñõn dren in lõñ, ak juõn ial ñõn jarom in jorur;

26 In kõmõn bwe en wut ilo juõn ene ejelok armij ie; ilo ene jemaren ijo ejelok armij;

27 In kabwe an aikwij eneo e jemaren im joko, im kõmõn bwe ujoj e biruru en edrek wõt?

28 Eor jemen wut ke? ak wõn e ar keutak biliñliñ ko in molawi?

29 Jen lojen wõn e ar itok dren ebin? im molawi ebin jen lõñ, wõn e ar keutak e?

30 Dren ko rej tilekek im erom einwõt dreka, im emwij kabin ion aijit kin bio.

31 Kwo maroñ in lukwoj bwijin Jebro ke, ak jelate kworõk ko an Jiljilimkouj?

32 Kwo maroñ in tellok jowin Lik-tõñir ilo ien eo air ke? ak kwo maroñ in jineit ñõn Bukwen Limõnmõn im ro nejin ke?

33 Kwo jela kien ko in lõñ ko ke? kwo maroñ in kabin juõn kiñ ion lõl ke?

34 Kwo maroñ in koutiej ainikiõm ñõn kõro ko, bwe elõñ dren ko ren kalibubu yuk ke?



35 Kwo maroñ in jilkinlok jarom ko, bwe ren ilok, im bwe ren ba ñoñ kwe, Kimuij ijin, ke?

36 Wõn e ar likit meletlet iloan armij? ak wõn e ar lelok jelalokjen ñõn lolätät?

37 Wõn e maroñ in bwine kõro ko ilo meletlet? ak wõn e maroñ in katorlok boto ko in lõñ,

38 Ke bok ej unlok im kwoj, im mõtõn ko in brij re ñuñ rej edrep ñõn dron?

39 Kwo maroñ in kabukot men in jibwe ñõn laion kokõra, ak eo jikin konen laion,

40 Ke rej babu iloan roñ ko roñair, im berwõt ilo jikin etino in kejar ke?

41 Wõn ej lelok ñõn bao reven an men in jibwe, ke ro nejin rej lamij ñõn Anij, im jebwäbwe kin air aik-wij kijeir?

**39** Kwo jela ien eo ke got rawia in dreka rej keutak ke? ak kwo maroñ in kakõle ñät dir kokõra rej kemour ke?

2 Kwo maroñ in bwine aliñ ko rej kajejiti ke? ak kwo jela ke ien eo rej kemour?

3 Rej barikrik, rej keutak kon ko nejir, rej jolok iñtan ko air.

4 Ro nejir rej kajurlok, rej ridtolok ilo melaj; rej drioijlok im jab bar jeb-laktok.

5 Wõn e ar jilkinlok ass e awia bwe en anemkwojan? ak wõn e ar jelat lukjen ass e mökõj,

6 Eo I ar kõmõn jikin ilo ene jema-ren, im ene jätõk kabijuknen?

7 Ej kejekron iruij an jikin kwelok eo, im e jab roñjake lamij ko an dri kejerbale.

8 Lajrõk in tol ko, jikin mõña eo an, im ej kabukot jabrewõt men eo e måroro.

9 Ox eo e awia e naj jokõne in korijer ñõn yuk ke? ak e naj berwõt iturin jikin ekõn eo am ke?

10 Kwo maroñ in lukwoj ox e awia ilo plau ke? ak e naj lor yuk im töblõle komlõl ko ke?

11 Kwo naj liki e ke, bwe elap an [Marshall Islands.] 17

kajur? ak kwo naj likit am jermal iben ke?

12 Kwo naj liki bwe en böktok ñõn ibõm am ine, im aine korn in jikin dreñdreñ eo am ke?

13 Pein ostrij eo e jualõñlõñ, a pä ko pein im kolan ken yokwe ke?

14 Bwe ej likit lip ko lipen ion brij, im kamãñani ilo bok,

15 Im ej meloklok bwe ne e maroñ in rupi, ak kiru eo e awia e maroñ in juri.

16 E bin an kõmõn ñõn ro nejin, einwõt elañe re jab an: meñe jermal eo an ejelok tokjen, e jab mijõk;

17 Bwe Anij e ar drebij meletlet jen e, im E ar jab lelok ñõn e jela-lokjen.

18 Ien eo ej lõñjõk, ej kejekron ors im eo ej uwe ion.

19 Kwar lelok ñõn ors kajur eo an ke? kwar kanuknuk kepwan kin kol eo e makõtkit ke?

20 Kwar kõmõn bwe en kãki ein-wõt juõn lokõs ke? añin botin ej men in kaleñõñ.

21 Ej kobij kin neen ilo komlõl, im mõnõnõ kin kajur eo an: ej wõnman-lok in wõnmae armij im ken tõrinae ko ibeir.

22 Ej kejekron mijõk, im e jab lelõñ; im e jab oktõklik jen jãji eo.

23 Rej kamõkit tir in mõri nae e, mõri eo e jatõttil im mõri eo e aitok.

24 Ej kõñ brij kin illu im lej; im e jab tõmak bwe men eo ainiken jilil.

25 Ien otemjej jilil ej jõñ, ej ba, Aha! im ej atbwin tõrinae eo ñe eto-lok, jorur an kapen ro im jeolok eo.

26 Bao hok ej jeblä kin am meletlet, im erlokwe pä ko pein ñõn rõk ke?

27 Kin am jiroñ bao igol ej wõn-lõlok ke, im kõmõnmõn el eo an ijo e utiej?

28 Ion dreka e utiej ej ber, im kõ-mõn mweo imõn, ion jabõn dreka eo, im me e kajur.

29 Jen ijo ej kili men in jibwè eo an; mejen rej loe ke etolok jen e.

30 Ko nejin bareinwöt rej jorme bötöktök: im ijo ro mijijak rej ber, ijo ej ber ie.

**40** Bar juön, Jeova e ar uak Job, im ba,

2 Eo ej konono nae, en akwaile Eo e Kajur Potata ke? eo ej aituiröke Anij en uak E.

3 Inem Job e ar uak Jeova, im e ba,

4 Lo, ña erik tokja; ta eo in uak ñön Kwe? ij <sup>1</sup> likit peiö ion loñiö.

5 Juön alen aö kar konono, im I jamin uak; aet, ruo alen, a I jamin kononolok wöt.

6 Inem Jeova e ar uak Job jen aire eo, im E ba,

7 Kwon kañörñör yuk kiö, einwöt juön eman: I naj kajitök iböm, im kwon kwalok ñön Iö.

8 Kwo naj kajitokjen Aö ekajet ke? kwo naj liakelok iö ke, bwe ren kowänik yuk?

9 Ak eor ke peöm einwöt Anij? im kwo maroñ in jorur kin ainikiöm einwöt E ke?

10 Kwon kalitlit yuk kiö kin utiejen im lapen; im kaibujuij yuk kin nebar im men in iroi.

11 Kwon katorlok jiblok in illu eo am; im reilok ñön jabrewöt dri jua, im kötaik e.

12 Kwon reilok ñön jabrewöt dri jua im dror e; im kwon jur ro dri nana ijo rej jutök ie.

13 Kwon jimor noje ir ilo bok; kwon lukwoj turin mejeir ilo jikin etino.

14 Inem I naj kwalok kin kwe bwe anbijmaroñöm e naj maroñ in lomo-röm.

15 Kwon lo kiö bihimot, eo I ar kömönmöne einwöt bar kwe; ej möña ujoij einwöt ox.

16 Lo, kiö, kajur eo an ilo ibin, im an maroñ ilo kñiekin lojen.

17 Ej kamökkit lokön einwöt wijki

<sup>1</sup> Jap 21. 5.

aik: iki in neen emwij kobaiki ñön dron.

18 Dri ko drin einwöt alal in jini-börörö; dri ko drin katin einwöt alal mäl.

19 E lukuwön ial ko an Anij: E wöt E ar kömönmöne, Ej lelok ñön e jäji eo an.

20 Emol tol ko rej kwaloktok kijen ñön iben, ijo kiru ko otemjej rawia rej kure.

21 Ej babu iomin wijki lotus ko, ilo lurin koba ko in biriköt.

22 Wijki lotus ko rej kalur e; julin willo ko iturin wea rej kabol e.

23 Lo, elañe juön river ej jiblok, e jab wuririr; ej beran, meñe juön Jordan ej keñörñör.

24 Jabrewöt en jibwe e ke ej ekil ke, ak alukwe bodin kin juön aluk ke?

**41** Kwo maroñ in töbe livaietan kin juön kaj ke? ak jon loñn kin juön ekwol ke?

2 Kwo maroñ in likit juön to ilo botin ke? ak kiji atlölin kin juön kaj ke?

3 En löñ an akwelap ñön kwe ke? ak en ba ñön yuk nan ko nan in joij ke?

4 En kömön bujen iböm ke, bwe kwon böke dri korijeröm ñön in drio ke?

5 Kwo naj kure iben einwöt iben juön bao ke? ak kwon lukwoje ñön jiroñ ro dri korijeröm ke?

6 Jaran dri añwor re ren wiakake ke? ren wojibloke iben ro dru wia ke?

7 Kwo maroñ in kobrök kilin kin möri ko eor air kenlik, ak böran kin möri ko möri in añwor ke?

8 Kwon likit peöm ion; kwon kememej iri eo im jab bar kömöne.

9 Lo, kötömene kin e men bata: e jamin kiröñ juön kin an kalimjeke wöt ke?

10 Elañe ejelok juön elej in keboko ñön e; inem wön e maroñ in jutök imaö?

11 Wön e ar letok ñön lö mokta, bwe In nawönan? jabrewöt eo iomin aolepen löñ, Aö wöt.

12 I jamin kejeklokjen kin ra ko ran, ak an kajur elap, ak enbwinin emõn.

13 Wõn e maroñ in wutik kobe eo an? wõn e naj dreloñ ikotan atlõn im atlõl ko an?

14 Wõn e maroñ in kabellek aur ko in turin mejen? ñi ko ñin men in kalelñoñ i belakin.

15 Wunin re kajur men in jualõn-lõn iben, re kijik iben dron einwõt kin sil ebin.

16 Juõn ebak ñõn bar juõn, ineme ejelok mejatoto e maroñ in dreloñ ikotair.

17 Rej koba ñõn dron; rej edrep ñõn dron, inem ban kijibili.

18 An mõje rej urur im maramlok, im mejen rej einwõt kilin mejen rantak.

19 Jen loñin beli ko rej ilok im urur, im melkwarar rej waloktok.

20 Jen botin bat ej ilok, einwõt pot ej bululul, im koba ko rej urur.

21 Menonoõn ej kejo melle ko, im juõn urur ej walok jen loñin.

22 Ilo kenwan ej berwõt kajur, im men in kalelñoñ ej eep iman.

23 Mõtõn kõniekin rej drebijik iben dron: re bin wõt ion; inem ban kamõkiti.

24 Buruen ebin einwõt juõn dreka; aet, ebin einwõt dreka irir ilõl.

25 Ñe ej mõke bañwõlñwõl ro dri kajur rej mijõk: kin air lelñoñ rej einwõt dri uriekak.

26 Elañe juõn ej jebõk kin jäji, ejelok tokjen; ak mõri eo, mõri erik, ak alal ekõn.

27 Ej likit mäl einwõt kån, im jini-bõrõrõ einwõt alal e marebep.

28 Mõri jen libon e ban kokõk e: dreka in buat rej erom kån ko iben.

29 Alal ko ej likiti kån ko: ej tõñ-kake itokin mõri elap.

30 Mõtõn ko iomin rej einwõt jäbi rekõn: ej erlokwe einwõt ken eõr ion birikõt.

31 Ej kabululul lojit einwõt juõn pot: ej kõmõn lometo einwõt pot in uno in kabit.

32 Ej kõmõn juõn ial elikin im ej romak; juõn e naj lemnok bwe e uõn lojit.

33 Ilo lõl ejelok einwõt, eo emwij kõmõnmõne im ejelok an mijõk.

34 Ej aluij jabrewõt men eo e utiej: ej kiñ ion ro nejn jua otemjej.

**42** Inem Job e ar uak Jeova, im ba,

2 I jela<sup>1</sup> Kwo maroñ in kõmõn men otemjej, im ejelok<sup>2</sup> Am bebe re maroñ in dremõke.

3 Wõn in ej noje bebe im ejelok an jelalokjen? kin men in I ar konono men eo I jab melele, im men in bwi-lõn ko I bani, im I jaje kake.

4 Ij akwelap bwe Kwon roñjake, im I naj konono; I naj kajitõk ibõm, im Kwon kwalok ñõn iõ.

5 I kar roñjake kin lojiliñiõ kin Kwe; a kiõ meja ej kab lo Yuk:

6 Kin men in ij mõke jõjõik iõ, im ukwelok ilo bõñõlñõl in brij in ubaj.

7 Im ein drein, elikin an Jeova konono nan kein ñõn Job, Jeova e ar ba ñõn Elipaz dri Timan, E bwil Aõ illu nae yuk, im nae lõmaro ruo jerõm; bwe komjil ar jab konono men eo e jime kin Na, einwõt dri korijera Job. 8 Inem kiõ, komin bõk ñõn ibemi jil-jilimjuõn kau koman im jiljilimjuõn sip koman, im komin ilok ñõn iben korijera Job, im katok kin kom juõn katok kijeek: im korijera Job e naj jar kin komjil; bwe I naj eoroñ e, bwe In jab kõmõn ñõn kom ekar ñõn men in bwebwe eo ami; bwe kom ar jab ba men eo e jime kin Na einwõt korijera Job. 9 Ein drein Elipaz dri Timan, im Bildad dri Shua, im Zopar dri Neamat, rar ilok, im kõmõn einwõt Jeova e ar jiroñ ir: im Jeova e ar eoroñ Job.

10 Im Jeova e ar ukot men in jebokwe an Job, ke e ar jar kin ro jerran: im Jeova e ar lelok ñõn Job ruo alen jen men ko an mokta. 11 Im ro jein im jätin rar itok ñõn iben, im ro jätin kõra otemjej, im ro otemjej e ar jela kake ir mokta, im rar mõña bred iben ilo mweo imõn: im rar jõhõt e, im kainemõne kin nana otemjej Jeova e ar bõktok ion: jabrewõt eman

<sup>1</sup> Mata 19. 26.

e ar bareinwõt lelok ñõn e juõn mõtõn mõiñni, im bareinwõt juõn luko gold. 12 Ein drein Jeova e ar kejerammõn jemlokõn Job elap jen jinoin: <sup>1</sup> im iben joñoul emen tausan sip, im jiljino tausan kamel, im juõn tausan ion in ox, im juõn tausan ass kokõra. 13 Bareinwõt iben, <sup>2</sup> jiljilimjuõn nejin eman im jilu nejin kõra. 14 Im e ar naetan eo mokta Jemaima; im etan

<sup>1</sup> Jap. 1. 3.    <sup>2</sup> Jap. 1. 2.

eo ken ruo Kizaia; im etan eo ken ka jilu Kiren-hapuk 15 Im ilo molepen eneo ar lo ejelok kõra re dreo einwõt limaro nejin Job: im jemeir e ar lelok ñõn ir men in jolit iben ro jeir im jätir man. 16 Im elikin men in Job e ar mour iomin jibuki eñoul yiõ, im e ar lo <sup>1</sup> ro nejin, im ro jibwin ñõn emen ebeben. 17 Ein drein Job e ar mij, im e kanuij dri ennep, im elõñ an ran.

<sup>1</sup> Jen. 50. 23.

# SAM KO.

## SAM 1.

**E**MÖNÖNÖ armij eo e jab etal ilo bebe an ro dri jerawiwi, im e jab jutök ilo lal eo an ro dri nana, im e jab jijöt ilo jikin jijöt an ro dri kajirere.

2 A ej löñliñ ilo kien Jeova; im ej lemnok kin kien eo ran im boñ.

3 E naj einwöt wijki eo enwij kallipe iturin river in dren, eo ej jebar leen ilo ien eo an; im bwilikon e jamin mörar; im e naj jeramöñ kin men otemjej ej kömöni.

4 Ro dri jerawiwi re jab einwöt, a rej einwöt kilin wit eo köto ej bökklok.

5 Kin men in ro dri jerawiwi re jamin jutök ilo ekajet eo, ak dri nana ilo jar an ro dru wänik.

6 Bwe Jeova e jela lal eo an dru wänik; a lal eo an ro dri jerawiwi e naj joko.

## SAM 2.

**E**TKE dri aillñ ko rej aol, im armij rön rej lemnok kin men eo ejelok kobön?

2 Kiñ ro i löl rej möke kajutök ir; iroj ro rej jimor bebe nae Jeova, im nae Dri kabit eo An, im ba,

3 Emön jen mijköki lukjeir, im jolok to ko air jen kij.

4 Eo ej jijöt löñ E naj töñ: Iroj e naj kajirekake ir.

5 Inem E naj konono ñön ir ilo An illu, im naj kaleññon ir ilo An liböpe.

6 Ak ña ij kairoj aö Iroj ion Zalöu, aö tol ekwojarjar.

7 I naj kwalok kien eo: Jeova e

ar ba ñön lö, Kwe nejö man, ranin Tar keutak Yuk.

8 Kwon kajitök iba, im I naj lewoj dri aillñ ko ñön Yuk bwe ren Am jolit, im ijo ko reteloktata i löl bwe ren Am wato.

9 Kwo naj lojalk ir kin mal wäwen alal, Kwo naj kokkure ir im joko einwöt jäbi dreka.

10 Im kiö, O kiñ ro, komin meletlet; iroj in ekajet in löl, komin katak.

11 Komin jermal ñön Jeova ilo mljök, im löñliñ kin wurirrir.

12 Komin mejenmaik Nejñ eo, bwe en jab illu, im komin joko jen lal eo, bwe An illu e naj mököj an urur. Emönöñ ro otemjej rej liki E.

## SAM 3.

Sam an Devid, ke e ar ko jen Absalom nefñ.

**O** JEOVA, eorlok ro rej matörtör lö; eloñ rej jutök nae lö.

2 Eloñ re ba kin aö, Ejelok lomor kin e iben Anij. Sela.

3 A Kwe, O Jeova, kwe aö ilkepijñök, aö aibujuij, im Eo ej leliñlok böra.

4 Ij lamij ñön Jeova kin ainikiö, im Ej uak lö jen tol eo An ekwojarjar. Sela.

5 I ar bañu im kiki; I ar ruj, bwe Jeova ej kejbärok lö.

6 I jamin leññon kin eloññoul tau-san armij, ro rej ber im jumae lö ituriö.

7 Kwon jutök O Jeova, Kwon lomor lö, O aö Anij; bwe Kw'ar dreñlok roñon ro otemjej rej kijirät lö. Kw'ar ruji ñilin ro dri jerawiwi.

8 Lomor ej ber iben Jeova: am ainemön en ber ion ro drom. Sela.

## SAM 4.

Nõn eo ej lalē al: ilo ken kajõñjõñ ko eor toar.  
Sam au Devid.

**I**LO aõ kir, Kwon roñjake iõ, O aõ Anij ewänik; ilo aõ jorran Kw'ar kötlok iõ; Kwon joiñ ñõñ iõ, im roñjake aõ jar.

2 O kom nejin armij, ietoõñ ami ukot aõ aibujuij ñõñ jok? Ietoõñ amot ayokwe meur eo ejelok tokjen, im kabukot riõp? Sela.

3 A komin jela bwe Jeova e ar kålet eo emõñ bwe en An: Jeova e naj roñjake iõ ñe ij kir ñõñ E.

4 Komin wurirrir im jab jera-wiwi; komin konono ilo buruemi ion kinlemi im kejeklokjen. Sela.

5 Komin katok men in katok ko remõñ, im liki Jeova.

6 Elõñ re ba, Wõn e naj kwalok emõñ ñõñ kim? O Jeova, kwon kamramlok kim kin maram in mejõm.

7 Kw'ar letok lõñlõñ ilo buruõ, elap jen air lõñlõñ ñe elõñlok air korn im wain.

8 Ilo ainemõñ I naj babu im kiki, bwe Kwe mõke, O Jeova, kwoj kõmõu bwe in ber ilo mour.

## SAM 5.

Nõn eo ej lalē al ion Nehilot. Sam an Devid.

**K**WON roñjake nan ko aõ, O Jeova; kwon killi aõ kalomõñlokjen.

2 Kwon karoñjake ainiken aõ jõñ, O Jeova aõ Kifñ, im aõ Anij; bwe I naj jar ñõñ Yuk.

3 Kwo naj roñ ainikiõ ñe erantak, O Jeova; ilo rantak I naj kajime aõ jar ñõñ Yuk, im I naj ekil.

4 Bwe Kwo jab juõñ Anij ej lõñlõñ ilo jerawiwi, im nana e jamin jokwe ibõm.

5 Ro dri jua re jamin jutõk iman mejõm: Kwoj drike ro otemjej rej kõmõñmõñ nana.

6 Kwo naj kokkure ro rej konono riõp; Jeova e naj kijiräte armij e bõtõktõk im jela mon.

7 A ña, I naj dreloñ iloan mweo imõm ilo joiñ ko Am relõñ; im ilo

aõ mijõk Yuk I naj kabuñ iman Am tempel ekwojarjar.

8 O Jeova, kwon tel iõ ilo Am wauik kin ro rej kijirät iõ; Kwon kajime Am lal iman meja.

9 Bwe ejelok mol ilo lofir; nana wõt, iloir; burueir rej einwõt lüpe walõñi; rej etaoik kin loir.

10 O Anij, kwon liakelok ir; ren buñ kin bebe ko air; Kwon ubakelok ir ilo nana ko air relõñ; bwe r'ar kabata uae Yuk.

11 A ro otemjej rej liki Yuk ren lõñlõñ; ren kelok kin lõñlõñ in driõ, bwe Kwoj kouk ir: ro rej yokwe etõm re naj lõñlõñ ilo Yuk.

12 Bwe Kwe, O Jeova, kwo naj kainemõñ dru wänik; kin joiñ Kwo naj kabol e einwõt kin juõñ like-pijñõk.

## SAM 6.

Nõn eo ej lalē men in kajõñjõñ ion ken ka dualitok. Sam an Devid.

**O** JEOVA, kwon jab enoik iõ ilo Am illu, im ilo am illu ebwil Kwon jab kajeik iõ.

2 O Jeova, kwon tirlamokake iõ, bwe I mõralok: O Jeova, kwon kaejmour iõ; bwe dri ko driõ re wurirrir.

3 Bareinwõt aõ elap an wurirrir: a Kwe O Jeova, ietoõñ?

4 O Jeova, kwon jeblaktok, Kwon kötlok aõ: O Kwon lomor iõ kin Am tiriamokake.

5 Bwe ilo mij ejelok ememaj Kwe; ilo lüpe wõn e naj kamolol Yuk?

6 Ij mõk kin aõ ñir; boñ otemjej I naj kabebe kinõ; I naj kalu kinõ kin aõ dren in kemjalal.

7 Meja etõp kin buromõj; e ridtolok kin ro otemjej rej kijirät iõ.

8 Komin ilok jen ña, kom otemjej dri kõmõñmõñ nana, bwe Jeova e ar roñjake ainiken aõ jõñ.

9 Jeova e ar roñjake aõ akwelap; Jeova e naj bõk aõ jar.

10 Ro otemjej rej kijirät iõ re naj jok im wurirrir: re naj jeblaktok im jok kiõkiõ.

## SAM 7.

Sam in Jebwäbwe an Devid, eo ej al fñon Jeova kin nan ko an Kul dri Benjamin.

**O** JEOVA aō Anij, I ar liki Yuk; Kwon lomor iō jen ro otemjej rej matörtör iō, Im Kwon kötlok iō.

2 Bwe en jab kēkel aō mour einwöt juōn laōn, kekele im ejelok dri lomor.

3 O Jeova aō Anij, elafne I ar kōmōn men in; elafne eor nana ilo pelō;

4 Elafne I ar nawōnan nana fñon eo e joij fñon iō; elafne I ar rakimi eo ej kijirāt iō Im ejelok unī;

5 Eo ej kijirāt iō en matörtör aō im bōke: aet en jurī aō mour ion iōl, Im likit aō wōj ilo brij. Sela.

6 O Jeova, kwon jutōk ilo Am illu: Kwon mōke koutiej Yuk nāe illu an ro rej kijirāt iō. Kwon ruj fñon iō; Kw'ar kwalok ekajet.

7 Im jar an dri allīn ko ren kabol Yuk; kin Ir Kwon jeblak fñon ijo eutie.

8 Jeova e naj ekajet dri allīn ko: O Jeova kwon ekajet iō kin aō wānik, Im kin aō jime ilo fia.

9 O kōmōn bwe nana an ro dri nana en joko, Im kabin eo ewānik: bwe Anij ewānik Ej melejoñ buru ko im lemnok ko.

10 Aō likepijñōk Iben Anij, eo Ej lomor eo ejime ilo buruen.

11 Anij ej ekajet dru wānik, Im Anij ej illu rau otemjej.

12 Elafne E jab oktōk E naj jeme An jāji; emwij An klele libon Im kapoje.

13 Im E ar alej ken iri ko fñon e: E naj kōmōn mōri kijeek ko An.

14 Lo e naj iñtan kin nana, Im ej etaik nana, Im kentak riōp.

15 E ar kōmōn roñ im kōbiye, Im ej buñ na ilo roñ eo e ar kōbiye.

16 An nana e naj itok ilo bōran, Im an lej e naj buñ loh mōñen.

17 I naj kamolol Jeova kin An emōn; Im kin al I naj nebar etan Jeova eutiejtata.

## SAM 8.

Fñon eo ej lale al ilo Gittit. Sam an Devid.

**O** JEOVA am Iroi, e nañin aibujulj etōm i aolepen iōl: Kw'ar likit Am aibujulj iōñin iōñ ko.

2 Jen loñin ajri im niñniñ ro Kw'ar kapoj kajur, kin ro rej kijirāt Yuk; bwe Kwon kajeklokjen dri kijirāt eo im dru kwi.

3 Ke ij lale iōñ ko Am, jermal an arriim; aliñ Im iju ko Kw'ar kōmōnmōni;

4 Ta armij bwe Kwon kememej e? Im nejin armij bwe Kwon itok fñon Iben?

5 Bwe Kw'ar kōtaik e jirik jen enjel rōn, Im kabelbil e kin aibujulj Im wuj.

6 Kw'ar kairoi e Ion jermal ko an pelōm! Kw'ar likit meu otemjej lomōn-neen.

7 Šip otemjej, Im kau ko, kab kiru ko rawia i ene jemaren;

8 Bao ko i mejatoto, Im lik ko i lojtit, Im jabrewōt men eo ej itoltōk ilo lal ko in lojtit.

9 O Jeova aō Iroi, e nañin aibujulj etōm i aolepen iōl.

## SAM 9.

Fñon eo ej lale al Ion Mutlaben. Sam an Devid.

**I** NAJ kamolol Jeova kin aolepen buruō; I naj kwalok jermal in bwilōñ ko Am otemjej.

2 I naj iōñilñ Im bunburuō kin Yuk; I naj wijtak etōm ilo al, O Kwo utiejtata.

3 Ke ro rej kijirāt iō rej oktōk-lik, re naj buñ Im joko iman mejōm.

4 Bwe Kw'ar kajime aō ekajet im men eo ruō; Kw'ar jijōt ion tron Im Kw'ar ekajet emol.

5 Kw'ar kowe dri allīn ko, Kw'ar mōn eo enana, Kw'ar jeorlok etair in drio Im in drio.

6 Kin dri kijirāt, kokkure ko an rejemlok fñon in drio: Im Kw'ar kokkure jikin kwelok ko air; air enimej ejoko Ibeir.

7 A Jeova e naj jijōt Im Klñ fñon

in drio: E ar kapojök An tron kin ekajet.

8 Im E naj ekajet löl ilo wäuk, E naj kömön ekajet ñön dri ailiñ ko ilo jime.

9 Bareinwöt Jeova e naj jikin eutiey au ro dri kamakoko, jikin eutiey ilo leu ko ien iñtan.

10 Im ro re jela etöm re naj liki Yuk; bwe Kwe O Jeova, kw'ar jab illok jen ro rej bukot Yuk.

11 Komin wijtak ilo al ñön Jeova, eo Ej jokwe i Zaiön: komin kwalok ñön dri ailiñ ko jermal ko An.

12 Ke Ej kajitök kin bötöktök, Ej kememej ir; E jab meloklok an dri iñtan jöñ.

13 O Jeova, kwon tiriämokake lö; lale aö iñtan kin ro rej kijirät lö, Kweö kwoj kwotöke jen kejem ko an mlj.

14 Bwe in kwalok wijtak eo Am otemjej ilo kejem ko an köra nejin Zaiön: I naj löñliñ ilo lomor eo Am.

15 Ro dri ailiñ rej ruñulok ilo roñ eo r'ar köbije; ilo jen rej noje emwij bo nelr.

16 Jeova e ar kömön bwe ren jela E; e ar kömön ekajet. Dri jerawiwi e bo ilo jermal an pein. Higgalön. Sela.

17 Dri jerawiwi re naj oktöklik ñön jikin nana, im dri ailiñ ko otemjej rej meloklok Anij.

18 E jamiu meloklok dri jeramel ñön in drio: kejakrikrik an dri etä e jamin joko in drio.

19 O Jeova kwon jutök; armij en jab kajur; Kwon ekajet ro dri ailiñ ko iman mejöm.

20 O Jeova kwon likit lelñöñ loir: bwe ro dri ailiñ ko ren jela ir armij wöt. Sela.

### SAM 10.

**O** JEOVA, etke Kwoj jutök etolok? Etke Kwoj tilekek ilo ien iñtan ko?

2 Ilo jua an dri jerawiwi ej matör-tör dri jeramel: ren bo ilo bebe ko r'ar lemnok kaki.

3 Bwe dri nana ej jualöñlöñ kin könan ilo buruen, im dri ankwonak ej nebar im kajirere kin Jeova.

4 Dri jerawiwi kin an mejen jua ej ba, E jamin bukot: ilo an lemnok otemjej ejelok Anij.

5 Ial ko an rebin ien otemjej: ekajet ko Am reutiey jen iman mejen: kin an ro dri kijirät otemjej, ej ukwilok ir.

6 E ar ba ilo buruen, I jamin makötök; bwe I jamin jorran ñön ebeben im ebeben.

7 Loñin eobrök kin jinjin im mon ko im kaiñtau; jorran im nana iomin loen.

8 E jijöt ilo jikin tilekek ko an jikin kwelok ko redrik; ilo jikin tilekek ej uröte eo ejelok ruön; mejen rej tilekek im jumae dri jorran.

9 Ej ber ilo jikin tilekek eluwöt laiön ilo roñ: ej tilekek bwe en jibwe dri jorran: ej jibwe dri jorran ke ej ane ilo an jen.

10 Ej kumwil, ej barikrik, im dri jorran rej buñ kin ro an dri kajur.

11 E ar ba ilo buruen, Anij e ar meloklok: E ar binej mejen; E jamin lo in drio.

12 O Jeova kwon jutök; O Anij kwon kwotöke peiöm; Kwon jab meloklok ro dri jorran.

13 Etke dri jerawiwi e ar kejekron Anij im ba ilo buruen, Kwo jamin kajitök kake?

14 Kw'ar loe; bwe Kwoj lo nana im bale lu nawönan kin peiöm; dri jorran ej möke likit e ñön Kwe; Kw'ar jiböñ dri atajinemjen.

15 Kwon ruje pein dri jerawiwi im dri nana: Kwon kabukot an nana ñön ien Kwoj lo ejelok.

16 Jeova ej Kiri in drio im in drio; ejoko dri ailiñ ko jen eneo An.

17 O Jeova kw'ar roñ an dri jorran köñake: Kwo naj kabin buruelr, Kwo naj karoñlokjen;

18 Bwe Kwon ekajet ro ratajinemjen im dri jorran, bwe armij jen brij en jab bar kekorran.



## SAM 11.

Nōn eo ej lale al. An Devid.

**I** AR liki Jeova: ekijkan ami ba ñōn iō, Kwon kälök ñōn am tol einwöt bao?

2 Bwe, lo ro dri jerawiwi rej kiele libon, r'ar likit air mōri ilo kwol, bwe ren libon ilo marok ñōu ro ejime burueir.

3 Elañe loñtak ko re joko, ro remōn ren it?

4 Jeova ej ber ilo tempel eo An ekwojarjar; trou an Jeova ilo lõñ: mejen ej lale, kilin mejen ej melejoñ ro nejin armij.

5 Jeova ej melejoñ eo ej wānik; im An ej kijiräte dri jerawiwi im eo ej yokwe lej.

6 Ej kowut ion dri jerawiwi jen ko, kijeek im brimston, aire kijeek, men kein iloan air kōp.

7 Bwe ewānik Jeova; ej yokwe wānik; ro rejime re naj lo mejen.

## SAM 12.

Nōn eo ej lale al ion ken ka drualitok. Sam an Devid.

**O** JEOVA kwon lomor, bwe dru wānik rejimlok, bwe dri tiljek re joko jen ro nejin armij.

2 Rej konono nan in riōp, armij lben dri turin; tieir etaō, im burueir romeōñe ke rej konono.

3 Jeova e naj kokkure tieir etaō otemjej, im lo eo ej konono men ko relap.

4 Ro r'ar ba, Kin loem kin naj bōk anjo; tlem ibem wōt: wōn e naj iroñ lom?

5 Jeova e ba, Kiō I naj jutök kin iñtan an dri jorran, kin jōñ an dri jeramel; I naj likit e ljo ejelok uōta jen eo ej birlokwe e.

6 Nan ko an Jeova rokwojarjar, einwöt silver emwij karreo e ilo brij in ubaj, karreo e alen jiljilimjuōn.

7 O Jeova, kwo naj lale ir, Kwo naj kejbārok ir jen ebeben in ñōn in drio.

8 Ro dri jerawiwi rej etetal ljo jabrewōt, kin koutiej nana iben ro nejin armij.

[Marshall Islands.] 17\*

## SAM 13.

Nōn eo ej lale al. Sam an Devid.

**O** JEOVA ietoōn? Kwo naj meloklok iō ñōn in drio ke? Ietoōn Kwo naj binej mejōm jen ña?

2 Ietoōn I naj likit bebe ko ilo aō im buromōj ilo buruō ran otemjej? Ietoōn eo ej kijirät iō e naj utiej jen ña?

3 O Jeova aō Anij, Kwon lale, Kwon karoñjake iō, Kwon kama-ramlok meja, elañe jab ein drein I naj kiki ilo mij.

4 Ñe ab eo ej kijirät iō ej ba, Ña I ar bōk anjo jen e, im ro dri jumae iō rej lõñliñ kake bwe ij makōt-kit.

5 A ña, I ar liki Am joiñ; buruō e naj lõñliñ ilo Am lomor.

6 I naj al ñōn Jeova, bwe E ar wujleptok emōn ñōn iō.

## SAM 14.

Nōn eo ej lale al. Sam an Devid.

**D**RI bwebwe e ar ba ilo buruen, Ejelok Anij. Re nana, r'ar kōmōnmōn jeral ko renana otem nana; ejelok juōn iair ej kōinōn emōu.

2 Jeova e ar reitok jen lõñ ko ñōn ro nejin armij, bwe En lo elañe jabrewōt eo e meletlet, im bukōt Anij.

3 Ir otemjej re bwir, rej jtmor im buōl; ejelok juōn ej kōmōn emōn, ejelok juōn.

4 Ta, re jaje kake, ro otemjej rej jeral ilo nana ke? Rej mōña ro droō einwöt rej mōña bred, im jab kir ñōn Jeova.

5 Ijo elap air mijök; bwe Anij ej ber ilo ebeben an ro remōn.

6 Kom ar kajok bebe an ro dri jeramel; a Jeova e likepijñök eo air.

7 Wōn e naj lelok lomor ñōn Israel jen Zaiōn? Ñe Jeova ej kejeblaktok dri jebokwe ian ro droñ, Jekōb e naj lõñliñ, im Israel e naj buñburuen.

## SAM 15.

Sam an Devid.

**O** JEOVA, wõn e naj ber ilo imõn kabere eo Am? Wõn e naj jokwe ilo Am tol ekwojarjar?

2 Eo ejlme an etetal, ej kõmõn wānik, im e konono mol ilo bu-ruen.

3 Eo e jab rurue kin loen; im e jab kõmõn nana fiõn jeran, im e ar jab kwotõke nan in kinakelok dri turin.

4 Ilo mejen ej kejekron eo armij in jolok, a ej koutlej ro rej mijõk Jeova. Eo e ar kanõjniy in kokkure e mõke, a e jab ukwelok kake.

5 Eo e jab bõk jimaif elap kin mõnui e ar lelok; im e jab bõk mõnui im jumae eo ejelok ruõn. Eo ej kõmõnmõn men kein e jamin makõtkit.

## SAM 16.

Miktam an Devid.

**K**WON kejbārok iõ, O Anij, bwe I ar liki Kwe.

2 I ar ba fiõn Jeova, Kwe aõ Anij, aõ emõn e jab fiõn Kwe.

3 Kin ro remõn rej ber ilo löl, ir re wāppen im ij mõnõnõ kake ir.

4 Ro rej kaiur ir fiõn bar juõn anij, iñtan ko air re naj orlok. I jamin lutõklok men in lelok llineir in bõtõktõk; I jamin konono etair kin tiõ.

5 Jeova e aõ jolit im aõ ken irak. Kwo naj koorlok aõ men in jolit.

6 Joñok ko r'ar wutlok fiõu iõ ilo jikin mõnõnõ ko. Aet e kanuij emõn aõ men in jolit.

7 I naj kamõnõnõik Jeova eo E ar bebeik iõ. Aet aõ ej katakin iõ ilo boñ ko.

8 I ar likit Jeova inaõ len otem-jej; kin An ber i anbijmaroñiõ I jamin makõtkit.

9 Kin men in buruõ e mõnõnõ im aõ aibuij ej lõñliñ, kõniekiõ barciu-wõt e naj ber im jab uõta.

10 Bwe Kwo jamin likit aõ ilo Hedis; im Kwo jamin likit Eo Am bwe En lo kõt.

11 Kwo naj bakajen fiõn iõ ial in mour. Ibõm lõñliñ elaptata; i anbijmaroñõm men ko men in mõ-uõnõ fiõn in driko.

## SAM 17.

Jar an Devid.

**O** JEOVA kwon roñjake wānik, Kwon lalë aõ lamij; Kwon eoroñ aõ jar e jab ilok jen tiõ etao.

2 Aõ ekajet eu walok jen imam. Mejõm ren lo men ko rejime.

3 Kw'ar melejoñ buruõ. Kw'ar lotok iõ ilo boñ; Kw'ar melejoñ iõ im Kwõj lo ejelok. Emwij aõ bebe bwe loñiõ en jamin bwir.

4 Kin jermal ko an armij rõn, ilo nan in tiõm, I ar kejbārok iõ jen ial ko an ro relej.

5 Buñten neiõ r'ar drebij ial ko Am. Neiõ re jañin jir.

6 I ar kir fiõn Kwe, bwe Kwo naj uak iõ, O Anij. Kwon ukot lojilli-fiõm fiõn iõ, im karoñjake aõ konono.

7 Kwon kalaplok ioij ko Am, O Kwe, kwõj lomoren ro rej liki Yuk jen ro rej jutõk jumae iõ kin anbijmaroñõm.

8 Kwon kejbārok iõ einwõt iju in mejõm; Kw'ar noj iõ ilo lurin pelõm:

9 Jen ro renana rej rakimi iõ, jen ro re kanuij kijirāt aõ im kabol iõ.

10 Air keoio e ar kabol ir; kin loñir rej konono im jua.

11 R'ar kabol kim kiõ ilo buñten neem. Rej likit mejeir bwe ren jolõlok kin fiõn brij.

12 Ej einwõt juõn lalõn, e kanuij kõnan kekel; im einwõt juõn lalõu emõn ridtõn eo ej ber ilo jikin tilekek ko.

13 Kwon jutõk, O Jeova, kwon ilok iman mejen, Kwon jolõlok e; Kwon lomoren aõ jen ro renana kin jāji ne Am;

14 Jen armij rõn kin pelõm, O Jeova, jen armij in löl in, ro air jolit ilo mour in, im lojilr Kwõj kobrõk kin air men in aurõk. Re

mat kin nejlir, im rej likit matön  
inweleir ñön niñniñ ro air.

15 Ak ña, I naj lo mejöm ilo kwo-  
jarjar, I naj joköne ñe ij ruj ilo  
wäwööm.

## SAM 18.

Ñön dri laic al. Sam an Devid, korljeran Jeova, e  
ar konono ñön Jeova nan ko an al in, ilo ran eo  
ke Jeova e ar lomoren jen pelu ro otemjej dri  
kijirät e, im kab jen pelu Saul; im e ar ba,

**I**J yokwe yuk, O Jeova, ađ ka-  
jur.

2 Jeova ađ dreka, im ađ me, im ađ  
dri lomor; ađ Anij, ađ dreka eka-  
jur. I naj liki E; ađ likepijñök im  
druan ađ lomor, ađ imön bar eutiej.

3 I naj kir ñön Jeova, eo ej tel-  
lokön bwe ren nebar E. Ein drein  
naj lomor iö jenu ro rej kijirät iö.

4 To ko to in mij r'ar kabol iö, im  
iblj ko in nana r'ar kemjök iö.

5 To ko in Hedis r'ar kolorök io;  
jen ko jen in mij r'ar itok ioö.

6 Ilo ađ jorran I ar kir ñön Jeova,  
im I ar lamij ñön ađ Anij. E ar  
roñjake alnikiö jen tempel eo Au,  
im ađ kir e ar dreloñ ilo lojliliñin.

7 Iuem e irik löl in im e wurirrir,  
loñtak in tol ko re makötkit, im  
irik ir, bwe Ej illu.

8 E ar wöñliñlok bat jen ilo bau-  
din im kijeek jenu loñin e ar kok-  
kure; melle ko r'ar urur kake.

9 E ar kabarikrik löñ ko, im wöñ-  
löltök, im kab in marok lomin neen.

10 Im E ar uwe ion kerub im E ar  
käki; aet E ar käki mököj kin pä  
ko pelu köto.

11 E ar likit marok jikin tilekek  
eo An, juön imön kabur iturin ma-  
rok in dren ko, köro ko remjil in  
löñ ko.

12 Kin romak iman köro ko rem-  
jil re elalok, wut reb in im melle in  
kijeek.

13 Im Jeova e ar jorur ilo löñ ko,  
im Eo eutiejtata E ar kwalok aini-  
ken; wut reb in im melle in kijeek.

14 Im E ar jilkinlok möri ko An,  
im kijibliklok ir, aet, jaröm ko re-  
löñ im kokkure ir.

15 Inem r'ar walok river ko, river

in dren im kalikar loñtak ko in löl  
in, kin Am enoik ir, kin menono  
in köto jenu baudöm.

16 E ar jilkinlok jen löñ, E ar bök  
iö; E ar kekake iö jen dren ko re-  
löñ.

17 E ar lomoriö jen dri jumae iö  
ekajur, im jen ro r'ar kijirät iö,  
bwe r'ar kajur wöt jen ña.

18 R'ar wöñmae iö ilo ran in ađ  
jorran: a Jeova e ar ađ jokwön.

19 E ar tel iö iloan jikiö erabök-  
bök; E ar lomoriö bwe E ar mö-  
nönökake iö.

20 Jeova e ar nawönaö ekar ñöu  
ađ wänik, ekar ñöu pelö rerreo E  
ar nawönaö.

21 Bwe I ar kejbärok ial eo au  
Jeova, im I ar jab bwir im illok  
jen ađ Anij.

22 Bwe ekajet ko otemjej An r'ar  
imaö, im I ar jab jolok kien ko An  
jen ña.

23 Barelnwöt I ar wäppen iben,  
im I ar kejbärok iö jen ađ bwir.

24 Inem Jeova e ar nawönaö ekar  
ñön ađ wänik, im ekar ñön pelö  
erreö iman mejen.

25 Kwo naj kwalok Yuk im jolj  
ñön ro rejolj. Kwo naj kwalok Yuk  
im wäppen ñön ro re wäppen.

26 Kwo naj kwalok Yuk im kwo-  
jarjar ñön ro dri kwojarjar, im  
Kwo naj kwalok Yuk im makoko  
ñön ro r'ankeke.

27 Bwe Kwo naj lomoren arinj ro  
re jorran; a mejen ro re jua Kwo  
naj jolöllok.

28 Bwe Kwo naj tili lamp eo ađ:  
Jeova ađ Anij e naj kamramlok ađ  
marok.

29 Kin Kwe ij etör ion juön jar an  
armij; im kin ađ Anij ij uwe ilöñin  
juön worwor.

30 Kin Anij, ial eo An ewäppen;  
nan in Jeova emwij melejoñ e; E  
juön likepijñök ñön ro otemjej rej  
liki E.

31 Bwe wön Anij, a Jeova wöt?  
Im wön e dreka elañe jab am Anij?

32 Anij ej kanuknuk iö kin kajur,  
im Ej kowäppen ađ ial.

33 Ej kõmõn neiõ einwõt neen kiru hind; im Ej likit iõ ilo jikiõ reutie.

34 Ej katakin peiõ bwe ren iri, inem peiõ re kiele juõn libon jini-bor.

35 Kw'ar bareinwõt letok likepij-ñõk eo an Am lomor, im peiu an-bijinaroñõm e ar drebij iõ: Am jolj e ar koutiej iõ.

36 Kw'ar kalaplok buñten neiõ lomiõ, im neiõ r'ar jab jir.

37 I naj lukworkwor ro dri kijirät iõ, im tõbar ir; im I jamin oktõk mae ien naj kokkure ir.

38 I naj jebõk ir, im re jamin ma-roñ in jerkak; re naj buñ iomin neiõ.

39 Bwe Kw'ar kauuknuk iõ kin kajur ñõn keltak; Kw'ar kõtaik iomiõ ro r'ar jerkak jumae iõ.

40 Kw'ar bareinwõt kejeblaklok ro dri kijirät jeu ña, bwe in mõn ro rej kijirät iõ.

41 R'ar lamija ejelok air dri lomor; aet ñõn Jeova a E ar jab uak ir.

42 Inem I ar kokkure ir einwõt bõñõliñõl iman kõto; I ar kadrioi-jlok ir einwõt birikõt lu ial ko.

43 Kw'ar lomor iõ jen kabata ko an armij rõn; Kw'ar koutiej iõ bwe in bõran dri alliñ ko; juõn ailiñ I ar jab jela e naj jeral ñõn iõ.

44 Ñe emwij air roñ kiu ña, re uaj bokake ña; ro drua maijet re naj mõke kõtaik ir ñõn ña.

45 Ro drua maijet re naj weaklok jeu ña, im re naj itok im wuririr jen air jikin tilekek.

46 Jeova ej mour wõt; im e mõ-nõnõ aõ dreka, im en utiej Anij an aõ lomor.

47 Aet Anij ej irenwõne kin ña, im kõtaik armij lomiõ.

48 Ej lomoriõ jen ro dri kijirät iõ; aet, Kwoj koutiej iõ jen ro rej jerkak im jumae iõ: Kwoj lomoriõ jen armij eo elej.

49 Inem I naj kainolol Yuk, O Jeova, I bwiljin dri ailiñ ko; im I naj al im nebar etõm.

50 Ej letok lomor elap ñõn Kif eo

An; im Ej kwalok jolj ñõu dri ka-bit An, ñõu Devid im ro nejia õõn in driõ.

## SAM 19.

Ñõn dri lala al. Sam an Devid.

LÕÑ ko rej kennan kin aibujuij an Anij, im mejatoto ej kwalok jeral an pein.

2 Rau ñõu ran e naj katorlok nan, im boñ ñõn boñ e naj kwalok jela-lokjen.

3 Ejelok air ba, im ejelok nan; je jab roñ alnikeir.

4 A air ken joñok e ar lok ilo aolepen löl, im nan ko air ilo mät-tõn löl eliktata. Ilo ir E ar kalek imõn kabere ñõn al.

5 Eo einwõt juõn leo belen ej drioijtok jeu bo eo an; ej lõñliñ einwõt juõn dri kajur ej etõr ilo laikwij.

6 An drioijtok jeu jabõn lõñ ko, im an itok ñõn jemlokõn ko air, im ejelok ej tilekek jeu bwil eo an.

7 Kien Jeova e wäppen im ej karok an; nan in katak an Jeova e bin im ej kameletlet ro re jaje.

8 Nan ko nan in kaiñi an Jeova re jime im re kalõñliñ buruer: kien ko an Jeova rerreo im rej kamram-lok mejer.

9 Mijõk Jeova e kwojarjar, im ej ber ñõn in driõ: ekajet ko an Jeova re mol wõt, im ir otemjej rejime otem jime.

10 Re men in yokwe emõn jeu gold, im jen elõñ gold e kanuij aurõk; im re tõñel jen hõnni im bõliñliñ re wutlok jen nien hõnni.

11 Bareinwõt rej kamramlok kori-jerõm; ro rej bokake ir elap wõnair.

12 Wõn e maroñ lu jela bwir ko an? Kwon karreoiik iõ jen bwir ko re jab alikar.

13 Bareinwõt Kwon kejbärok kori-jerõm jen jerawiwi ko re inõkar-kar; inem I naj wäppen im ejelok ruõ kin bwir ko relap.

14 Nan ko jen loõ, im lemuk ko ilo buruõ, ren emõn iman mejõin, O Jeova aõ dreka im aõ Dri lomor.

## SAM 20.

Nõn eo ej lala al. Sam an Devid.

**J**EOVA en eoroñ yuk ilo ran in jorran; etan Anij au Jekõb en koutlej yuk.

2 En jilkinwoj men in jibõñ jen mweo imõn, im kakajur yuk jen Zalõn.

3 En kememej men in lelok ko am otemjej, im bõk jurtak ko am men in urur. Sela.

4 En lewoj einwõt ilo buruõm, im kamol bebe ko am otemjej.

5 Jen lõñliñ ilo Am lomor, im ilo etan Anij jen leliñlok flag ko an. Jeova en kamol jar ko ar otemjej.

6 Inem I jela bwe Jeova ej lomoren Dri kabit eo An: E naj eoroñ E jen lõñ ko An rokwojarjar kin kajur in lomor an anbijmaroñõn.

7 Jet armij rej liki jariõt ko, im jet rej liki ors ko; a kij je naj kabuñbuñ etan Jeova ar Anij.

8 R'ar jirlok im buñ; ak kij jar jerkak im jej jutõk jime.

9 O Jeova, kwoñ lomor. Kiñ eo en roñjake kij ñe jej kir.

## SAM 21.

Nõn eo ej lala al. Sam'an Devid.

**K**IÑ eo e naj lõñliñ ilo Am kajur, O Jeova; im ilo Am lomor e nañin lap an lõñliñ.

2 Kw'ar lelok ñõn e an buruen kõuan, im Kw'ar jab dreblj jen e men in kajitõk an loen. Sela.

3 Bwe Kwoj wõnmae e kin men in mõnõnõ ko an emõn: Kwoj likit ilo bõran kraun in gold emõn.

4 E ar kajitõk ibõm kin mour, Kw'ar lelok ñõn e: aitokõn ran ko ñõn in drio im in drio.

5 Aibujulj eo an elap ilõ Am lomor; nebar im wõj Kwoj likit ion.

6 Bwe Kwoj likit e mõnõnõ otem mõnõnõ ñõn in drio; Kwoj kamõnõnõik e kin lõñliñ iman me-jõm.

7 Bwe kiñ eo ej liki Jeova, im kin jolj an Eo eutlejтата re jamin kamõkile.

8 Pelõm e naj kabukot ir otemjej

rej am dri kijirät: anbijmaroñõm e naj kabukot ro rej drike yuk.

9 Kwo naj likit ir einwõt juõn ubaj ej urur ilo ien am illu, Jeova e naj wõrõñõlok ir ilo An illu, im kijeek e naj tili ir.

10 Kwo naj kokkure leir jen lõl im inelr jen iben ro nej in armij.

11 Bwe r'ar bebe kin nana nae Yuk; r'ar lemnok kin men ko renana re jab maroñ kake.

12 Bwe Kwo naj kõmõn bwe ren oktõklik; Kwo naj kapojõk to in libon ko Am nae mejeir.

13 Kwon utiejтата O Jeova, ilo Am kajur; ein drein kim naj al im nebar Am kajur.

## SAM 22.

Nõn dri lala al. Ilo Añjelet has-Shahar. Sam an Devid.

**A**Õ Anij, aõ Anij, etke Kw'ar A ilok jen ña? Etke Kwoj etolok jen lomoriõ, im jen ainiken aõ lamij?

2 O aõ Anij, ij kir ilo ran, im Kwo jab kõnan uak, im ilo boñ, im jab kejeklokjen.

3 A Kwe kwo kwojarjar, O Kwe kwoj jokwe ilo wijtak ko an Israel.

4 Ro jemem r'ar liki Yuk, r'ar liki Yuk im Kw'ar lomorir.

5 R'ar lamij ñõn Kwe, im ar lomorir. R'ar liki Yuk im r'ar jab jok.

6 A ña juõn likakrõk im jab eman; armij rõn rej kitõtõkake lõ, im ro dri allin rej drike lõ.

7 Ro otemjej rej lo lõ rej kajirere kake lõ; rej kamerrelok tieir, rej jibolul bõrair im ba;

8 Kwon lelok yuk ñõn Jeova: En lomoren, En lomoren, bwe e ar lõñliñ kin e.

9 A Kwe eo E ar bõk lõ jen lojien: Kw'ar kõmõn bwe in liki ke I ar ber ion etin jiuõ.

10 Emwij jolok lõ na lom jen lojien; Kwe aõ Anij jen lojien jiuõ.

11 Kwon jab etolok jen ña, bwe ebak jorran; bwe ejelok dri jibõñ lõ.

12 Elõñ kau koman r'ar ber itu-

rið; kau koman re kajur jen Besan r'ar kabol ið.

13 R'ar kabellek loñir nae ið, einwöt juðn latoñ ej kekel im ñijñij.

14 Rej katorlok ið einwöt dren; dri ko drið rej ir; buruð einwöt bwil ej unlök ilo enbwinið.

15 Að kajur ej aimerlok einwöt mðtön jåbi dreka; loð ej edrep ñøn ñatte, im Kw'ar bök ið ñøn böñðl-ñøl in mij.

16 Bwe kiru rorrer r'ar ber iturið; jar an dri nana r'ar kabol ið; rej wakåre neið im peið.

17 I maroñ in bwini drið otemjej; rej lo ið im kalimjekisð.

18 Rej afej nuknuk ko að ñøn dron, im r'ar kðmðu kaköle ko kin, að kobe.

19 Kwon jab etolok jen ña, O Jeova; að Dri jibðñ, kwon kijorur im jibðñ ið.

20 Kwon lomor að jen jåji, niþ- loku jen pein kiru rorrer.

21 Kwon lomor ið jen loñin laiðn; aet, jen drun kau ko rawia, Kw'ar uak ið.

22 I naj kwalok etðm ñøn ro jeið im jatið; ilo bwiljin jar an armij I naj nebar Yuk.

23 Komeo kom mijök Jeova, kom in nebar E: aolepen inen Jekðb kom in kalbujuj E: aolepen inen Israel kom in mijök E.

24 Bwe E ar jab kejekron ak drike iñtan an ro rej iñtan, im E ar jab noje mejen jen e, a ke e ar kir ñøn E, e ar roñjake.

25 Jen Kwe að men in nebar iloan jar eo elap: I naj kölla að nan in kallmur imau mejen ro rej mijök E.

26 Ro etå burueir re naj mðña im mat, re naj nebar Jeova, ro rej kabukot E. Buruemi en mour ñøn in drið.

27 Jabðn lði otemjej re naj keme- mej im oktök ñøn Jeova, im ro nukin alliñ ko otemjej re naj kabuñ imau mejðm.

28 Bwe alliñ eo an Jeova; im E irotj ion ro dri alliñ ko.

29 Ro otemjej re mätok ion lði re

naj mðña im kabuñ. Ro otemjej rej wðnlðlok ñøn böñðlñði re naj barikrik imau mejen, aet, eo e ban kejbårok an ilo mour.

30 Juðn inen e naj korijer ñøn E. Re naj kennan kin Jeova ñøn ebe- ben eo e naj lore.

31 Re naj ilok im kwalok wånik eo An ñøn juðn bwiljin armij e naj lotak, bwe emwij an kðmðn e.

## SAM 23.

Sam an Devid.

**J**EOVA að Šepherd, I jamin afk- wij.

2 Ej kababu ið ilo melaj in ujoj e maroro. Ej tel ið iturin dren ko relae.

3 Ej Jarok að. Ej tel ið ilo ial ko rejime kin etan.

4 Aet, meñe ij etal ilo komlði in anðñin mij, I jamin mijök jabre- wöt nana, bwe Kwoj ber iba; Am alal im jokwðnðm, rej kalnemðn ið.

5 Kwoj kapoj juðn tebel imað imau mejen ro rej kijiråt ið. Kw'ar kabit böra kin oil; að kðp ej elðñ- mejirjir.

6 Emðn wöt im jolj re naj lor ið ran ko otemjej ij mour, im I naj jokwe ilo imðu Jeova ñøn in drið.

## SAM 24.

Sam an Devid.

**A**N Jeova lði im kobðn, ene im ro rej jokwe iloan.

2 Bwe E ar kajure ilðñin lometo, im kabine ion ibij ko.

3 Wðn e naj wðnlðlok ilo tol in Jeova? Wðn e naj jutök ilo jikin kwojarjar eo An?

4 Eo erre pein, im burnen ekwo- jarjar: eo e ar jab koutiej an ñøn riðp, ak kauðjñij im e jab mol.

5 E naj bök men in mðnðnð jen Jeova, im wånik jen Anij an lomor eo an.

6 Eñin ebeben eo ej kabukot E, ro rej bukot mejðm, O Anij an Jekðb.

7 Kom in leliñlok bðrdmi, O komeo aur ko; im kom in liñlok komeo aur

ko jen in drlo, im Kifn in aibujuij e naj dreloſt iloam.

8 Wõn eo Kifn in aibujuij? Jeova ekajur im e monmon. Jeova ekajur in tõrinae.

9 Komín lehiñlok bõrõmi, O komeo aur ko, aet, komín lehiñlok ir, komeo aur ko jen in drlo; im Kifn in aibujuij E naj dreloſt iloam.

10 Wõn eo Kifn in aibujuij? Jeova an jar in tõrinae, E Kifn in aibujuij Sela.

## SAM 25.

Sam an Devld.

**N**ÕN Kwe O Jeova, Ij leliñwoj aõ.

2 O aõ Anlj, I ar liki Yuk, Kwon jab likit iõ bwe in jok; ro rej kijirät iõ Kwon jab likit bwe ren kimjaje kin ña.

3 Eokwe, ejelok juõn ñan ro rej kõtar Yuk e naj jok. Re naj jok ro rej kõmõn men in mon im ejelok unin.

4 Kwon kwalok ñõn iõ ñal ko Am, O Jeova, kwon katakin iõ kin ñal ko Am.

5 Kwon tel iõ ilo Am mol, im katakin iõ; bwe Kwe Anlj ej lomoriõ. Ij kõtar Yuk lomín aolepen ran.

6 O Jeova kwon kememej Am men in tiriamokake, im Am joiij im mol ko, bwe men kein jen in drlo.

7 Kwon jab kememej bwir ko aõ ke I ar ajiri, ak jerawiwi ko aõ. Ilo Am joiij im mol Kwon kememej iõ, kin Am emõn, O Jeova.

8 Jeova ej emõn im wänik, inem E naj katakin ro dri jerawiwi ilo ñal eo.

9 Ro etã burueir E naj tel ir ilo wänik, im dri etã burueir E naj katakin ir ilo ñal eo An.

10 ñal ko otemnej an Jeova re joiij im mol, ñõn ro rej kejbärok bujen eo im klen ko An.

11 Kin etõm, O Jeova, kwon jolok aõ bwir bwe elap.

12 Wõn armij eo ej miñõk Jeova? E naj katakin e ilo ñal eo E naj kalet.

13 An e naj ber ilo emõn, im inen e naj bõk ene au jolit.

14 Bebe etino an Jeova iben ro rej miñõk E, im E naj kwalok ñõn ir bujen eo An.

15 Meja ñõn Jeova ñen otemnej, bwe E naj kõtlok neiõ jen aujir eo.

16 Kwoj oktõk ñõn iõ im tiriamokake iõ, bwe ña ij mõke ñaõ, im jorran.

17 Jorran ko an buruõ relaplok: O Kwon bõktok iõ jen iñtan ko aõ.

18 Kwon kalomõnlokjen kin aõ jorran im aõ iñtan, im jolok jerawiwi ko aõ otemnej.

19 Kwon lo ro rej jumae iõ, bwe relõñ, im rej kijirät iõ kin kijirät elej.

20 O Kwon kejbärok aõ im lomoriõ; Kwon jab likit iõ ñõn jok, bwe ij liki Yuk.

21 Wänik im jimwe ren kejbärok iõ, bwe ij kõtar Yuk.

22 O Anlj, kwon lomoren Israel jen jorran ko an otemnej.

## SAM 26.

Sam an Devld.

**K**WON ekajet iõ, O Jeova, bwe I ar etal ilo aõ wänik: I ar bar einwõt liki Jeova, im jab makõtkit.

2 Kwon kalimjek iõ, O Jeova, im kamol iõ; Kwon melejoñ lemnok ko aõ im buruõ.

3 Bwe Am yokwe ejojij imian meja; im I ar etal ilo mol eo Am.

4 I ar jab jlijõt iben armij dri riõp; im I jamin etal iben ro dri jela mon.

5 Ij drike jar an ro rej kõmõn nana, im I jamin jlijõt iben ro dri jerawiwi.

6 I ar aminí peiõ ilo erreõ, ein drein I naj kabol lokatok eo Am, O Jeova.

7 Bwe in kwalok kin ainken kamolol im kenannek jerbal ko Am otemnej re men in bwilõñ.

8 O Jeova, ij yokwe mweo imõm, im jikin ijo Am aibujuij ej beriwõt.

9 Kwon jab bõklok aõ iben ro dri

jerawiwi, ak ađ mour iben armij re bötöktök.

10 Ilo peir-kejorran, im anbijma-roñir re obrök kin wönan nana.

11 A kin ña, I naj etal ilo ađ wänik; Kwon lomoriö im tirjamokake iö.

12 Neiö ej jutök ilo jikin jeban wöt juön; ilo jar ko I naj nebar Jeova.

## SAM 27.

Sam an Devid.

**J**EOVA ađ marain im ađ lomor, wön eo in mijök e? Jeova kajur an ađ mour, wön eo in lelñoñ kake?

2 Ke ro dri kömön nana r'ar itok nae iö bwe ren kãñi köntekiö, aet ro dri kijirät iö, im ro dri jumae iö, r'ar tibñil im buñ.

3 Meñe juön jar elap e naj ber im jumae iö, buruö e jamiu lelñoñ; meñe törinae e naj walok nae iö, im ein drein I naj beran kake.

4 Juön ađ kar kajitök iben Jeova, men in I naj -kabukot; bwe in jokwe ilo imön Jeova ran ko otem-jej ñe ij mour; bwe in lo wöleo an Jeova, im bwe in kajitök ilo tempel eo An.

5 Bwe ilo ran in jorran E naj kejbärok iö ilo etino l mweo imön: ilo jikin ko rekab an imön kabere eo An E naj noj iö, E naj leliñlok iö ion juön dreka elap.

6 Im kiö naj koutiej böra jen ro rej jumae im kabol iö; im I naj katok iloa imön kabere eo An men in katok in löñliñ: I naj al, aet, I naj al im nebar Jeova.

7 O Jeova, kwon roñ ñe ij lamij kin ainikiö; Kwon tirjamokake iö im uak iö.

8 Ke kw'ar ba, Kwon bukot meja, buruö e ar ba ñön Yuk, O Jeova I naj kabukot mejöm.

9 Kwon jab noj mejöm jen ña; Kwon jab ubakelok korijeröm kin illu. Kw'ar ađ Dri jiböñ; Kwon jab jolok iö, ak jab illok jen ña, O Anij an ađ lomor.

10 Bwe jema im jinö r'ar illok jen ña, a Jeova e naj bök iö.

11 Kwon katakin iö kin ial eo Am, O Jeova, im tel iö ilo ial e alikar kin ro rej kijirät iö.

12 Kwon jab ketök iö ñön ankil an ro rej kijirät iö, bwe ro dri keunan riö r'ar jutök nae iö, im ro rej buñañon lej.

13 I naj kar karutok menwa, elañe I ar jab tömak in lo mol an Jeova ilo ene an ro dri mour.

14 Kwon kötar Jeova, kwon kajur, im buruöm en beran wöt, aet, kwon kötar Jeova.

## SAM 28.

Sam an Devid.

**N**ÖN Kwe O Jeova, I naj kír: ađ dreka, Kwon jab roñjammön ñön iö, bwe elañe Kwoj iköñ ñön iö, I uaj einwöt ro rej wöulöllök ñön iloa roñ eo.

2 Kwon roñjake ainiken jar ko ađ, ñe ij lamij ñön Yuk, ñe ij kwotöke peiö ñön jiköm ekwojarjar otem kwojarjar.

3 Kwon jab kekake iö iben ro dri jerawiwi; ak iben ro rej kömön nana, ro rej konono alnemön iben ro dri turir, a nana ilo burueir.

4 Kwon lelok ñön ir ekar ñön air jerbäl, im ekar ñön nana an kömön ko air. Kwon lelok ñön ir einwöt jerbäl in peir; Kwon nawöñair kin wönan ekar.

5 Bwe re jab kalomönlökjen kin jerbäl ko an Jeova, ak men ko E ar kömön kin pein; E naj kokkure ir im jab kalek ir.

6 Emönönö wöt Jeova, bwe E ar roñjake ainiken jar ko ađ.

7 Jeova ađ kajur, im ađ likepij-ñök, buruö e ar liki E, in emwij jiböñ iö: kin men in buruö elap an löñliñ, im kin ađ al I naj nebar E.

8 Jeova air kajur, im E juön me ebin in lomor ñön ro Au dri kabit.

9 Kwon lomoren ro dri allin eo Am, im kejerammön am jolit. Bareinwöt Kwon najirik ir im baur ir ñön in drio.



## SAM 29.

Sam an David.

**K**OMIN lelok ñõn Jeova, O kom ro nejin dri kajur, komin lelok ñõn Jeova wuj im kajur.

2 Komin lelok ñõn Jeova wijtak etan e tellokõn kake; komin kabuñ ñõn E ilo wõlio in kwojarjar.

3 Ainiken Jeova ion dren ko; Anij in aibujulij ej jorur, Jeova ej ion dren ko relõñ.

4 Ainiken Jeova ekajur; ainiken Jeova eobrõk kin wuj.

5 Ainiken Jeova e ruji sidar ko, aet, Jeova e ruji ñõn mõtõn ko wijkid sidar ko an Lebanõn.

6 Ej kõmõn bwe ren kãki eiuwõt kon in kau; Lebanõn im Sirlõn einwõt juõn kau koman awia.

7 Ainiken Jeova ej kijbil urur in kijeek.

8 Ainiken Jeova ej kamõkit ene jemaren; Jeova ej kamõkitkit ene jemaren in Kedesh.

9 Ainiken Jeova ej kõmõn bwe dir kokõra ren keutak, ej jolok bwilikõn wijki ko; im ilo tempel eo An men ko otemjej re ba, Komin wijtak.

10 Jeova e ar jijõt einwõt Kiñ ke ibij liplip eo; aet, Jeova ej jijõt im Kiñ ñõn in driõ.

11 Jeova e naj letok kajur ñõn ro dri ailliñ An; Jeova e naj kejeramõn ro drõn kin ainemõn.

## SAM 30.

Juõn sam. Al in lelok im mwẽo. An David.

**I**NAJ koutlej Yuk, O Jeova, bwe Kw'ar kejerkak iõ, im Kw'ar jab likit ro dri kijirãt iõ bwe ren lõñlin ioõ.

2 O Jeova, kw'ar bõkliñtok aõ jen Hedis; Kw'ar kejbãrok aõ mour bwe in jab wõnlõllok ñõn iloan roñ eo.

3 O Jeova aõ Anij, I ar kir ñõn Kwe im Kw'ar kãejmour iõ. O Jeova kw'ar bõkliñtok aõ jen Hedis; Kw'ar kejbãrok aõ mour bwe in jab wõnlõllok ñõn iloan roñ eo.

4 Komin al im nebar Jeova, O

komeo kom ro remõn, im kamolol etan ekwojarjar.

5 Bwe An illu e jirik wõt ien; ilo An joij mour; bwelen jõñ e naj berwõt ilo boñ, a lõñliñ e naj itok ñe ejibõñ.

6 Kin ña, ilo aõ jerammõn I ar ba, I jamin makõtkit in driõ.

7 Kwe O Jeova, kin Am joij Kw'ar likit aõ tol bwe en jutõk im bin. Kw'ar noj mejõm, inem I ar abnõnõ.

8 I ar kir ñõn Kwe, O Jeova, im ñõn Jeova I naj akwelap.

9 Ewi tokjen draõ, O Jeova, ñe ij wõnlõllok ñõn roñ eo? Bõñõlõñõl en nebar Yuk ke? En kwalok Am mol ke?

10 O Jeova, kwon roñjake im tiriamokake iõ; Jeova kwon aõ Dri jibõñ.

11 Ñõn ña Kw'ar ukot aõ jõñ ñõn eep; Kw'ar jelate aõ nuknuk in buromõj, im Kw'ar kañõrñõr iõ kin lõñliñ.

12 Bwe aõ aibujulij en al im nebar Yuk, im jab kejeklokjen, O Jeova, aõ Anij, I naj kamolol Yuk ñõn in driõ.

## SAM 31.

Ñõn dri lãle al. Sam an David.

**O** JEOVA ij liki Yuk; kwon kõmõn bwe in jamin jok. Kwon kõtlok iõ ilo Am wãnik.

2 Kwon lelõltok lojhiñõm ñõn iõ; Kwon kõtlok iõ kiõkiõ: Kwon einwõt dreka ekajur ñõn iõ; juõn imõn kouk in lomor iõ

3 Bwe Kwe aõ dreka, im aõ me; inem kin etõm Kwon tel iõ im bakajen aõ ial.

4 Kwon kõtlok iõ jen aluk eo r'ar kapojõk ñõn iõ ilo etino, bwe Kwe aõ me ekajur.

5 Ñõn peiõm ij lewoj aõ jitõb; Kw'ar wiak iõ, O Jeova, kwo Anij in mol.

6 Ij drike ro rej lemnok kin men in jekron ko an riõp, a ña ij liki Jeova.

7 I naj lõñliñ im mõnõnõ ilo Am

tiriamokake; bwe Kw'ar lo ađ jorran: Kw'ar jela iſtan ko ađ.

8 Im Kw'ar jab ketök iđ ilo pein eo ej kijirät iđ, Kw'ar likit neiđ ijo erabökbök.

9 Kwon tiriamokake iđ, O Jeova, ij jorran. Meja etöp kin buromöj, aet ađ im enbwiniö.

10 Bwe ađ mour ejokolok kin buromöj, im yiđ ko ađ kin jabjenmenöan: ađ kajur ejokolok kin ađ nana, im dri ko driö re morlok.

11 Kin ro otemjej rej kijiräte iđ, I ar men in kinak, aet, ñön ro dri turu e kanulj laplok im men in leññöñ ñön ro re jela iđ. Ro r'ar lo iđ inablj r'ar ko jen iđ.

12 R'ar meloklok iđ einwöt juđn dri mlj, re jab lemnok kake. Ña einwöt jäbi erup.

13 Bwe I ar roñ ke elöñ r'ar riöp nae iđ; leññöñtata e ar kabol iđ, ke r'ar bebe iben dron nae iđ, r'ar kalomönlökjen bwe ren böklök ađ mour.

14 A I ar liki Yuk, O Jeova, I ar ba, Kwe ađ Anij.

15 Ien ko ađ ilo peöm. Kwon kötlök iđ jen pein ro rej kijirät iđ, im jen ro rej matörtör iđ.

16 Turin mejöm en romak ion korijeröm; Kwou lomor iđ ilo Am joj.

17 Kwon likit iđ bwe in jab jok, O Jeova, bwe I ar kir ñön Yuk. Ro dri nana ren jok, ren kejeklokjen ilo Hedis.

18 Tieir rej riöp, ren ban konono, ro rej jualöñlöñ im konono nae ro remön, kin jua im kakitöt.

19 O eñanlu lap Am emöu eo Kw'ar kejbärok ñön ro rej mijök Yuk, eo Kw'ar kömönmön ñön ro rej liki Yuk, iman ro nejn armij!

20 Ilo likepijñök an mejöm Kwo naj noj ir jen bebe ko an armij. Kwo naj kejbärok ir ilo etino ilo juđn imön kabere jen ir an lo ko.

21 E mönönö Jeova, bwe E ar kwalok ñön iđ An joj e men in bwilöñ, i jkin kwelok ekajur.

22 Kin ña, I ar ba ilo ađ kijorur,

Emwij bukwelok iđ jen iman mejöm: mekarta Kw'ar roñjake aini-ken ađ akwelap ke I ar kir ñön Yuk.

23 O komin yokwe Jeova, komeo dri'mön otemjej An; Jeova ej kejbärok ro re tiljek, im elap An nawönan eo ej jerbale jua.

24 Komin bin im buruemi ren beran, kom otemjej komlj kejatrikrik kom ilo Jeova.

## SAM 32.

Sam an Devld. Maakll.

**E**MÖNÖNÖ eo emwij jolok bwir eo an, im kalibubu an kömöu nana.

2 Emönönö armij eo Jeova e jab watök jerawiwi ñön e, im ilo buruen ejelok mon.

3 Ke I ar iköñ, dri ko driö reniorlok kin ađ ñijñij iomln aolepen ran.

4 Bwe ran im boñ peöm e ar erro iöđ, enbwiniö emöralok einwöt kin dret ilo ien mauan. Sela.

5 I ar kwalok ñön Yuk ađ bwir, im ađ jerawiwi I ar jab noje; I ar ba, I naj kwalok ađ jebwabwe ñön Jeova, im Kw'ar jolok nana an ađ bwir. Sela.

6 Kin men in ro drom otemjej ren jar ñön Kwe ilo ien eo ñe re maroñ in lo Yuk. Emol, ñe dren ko relap relöñlok re jamin töbar e.

7 Kwe ađ likepijñök; Kwo naj kejbärok iđ jen jorran; Kwo naj kabol iđ kin al ko al in lomor. Sela.

8 I naj kajelaik yuk im katakin yuk ilo ial eo kwo naj etal le: I naj bebeik yuk ke meja ej lo yuk.

9 Kwon jab einwöt ors, ak einwöt mul, ejelok meletlet ibeir; im men ko men in kalitlit ir ken drebij, im to ko ken drebij ir, elañe ein juđn re jamin kebakwöj yuk.

10 Elöñ iſtan re naj iben ro renana, a eo ej liki Jeova, tiriamo e naj kabol e.

11 Komin mönönö ilo Jeova, im löñliñ, komeo dri'mön im lamij kin löñliñ, kom otemjej im ejime buruemi.

## SAM 33.

**K**OMIN lõñliñ ilo Jeova, kom dru wānik: lõñliñ ekar ñõn ro remõn.

2 Komin kamolol Jeova kin arp, komin al im nebar E kin salteri joñoul toan.

3 Komin al ñõn E kin juõn al ckal, komin kabel im kajõñjõfi kin ainiken elap.

4 Bwe nan an Jeova ejlme wõt, im aolepen jermal eo An emwij kõmõne ilo tiljek.

5 Ej yokwe wānik im ekajet; lõl eobrõk kin joij an Jeova.

6 Kin nan in Jeova, ar kõmõnmõn lõñ ko, in ir otemjej relõñ kin at-lõn lõñin.

7 Ej kokweloktok dren ko otemjej in lometo einwõt juõn be; Ej likit dren ko imlõl ilo mo ko einwõt imõn mweeluk.

8 Aolepen lõl in en mijõk Jeova. Ro dri lõl otemjej ren leñõñ kin E.

9 Bwe E ar ba, inem emwij kõmõne: E ar jiroñ inem e ar jutõk im bin.

10 Jeova ej kokkure bebe ko an ro dri allin ko, Ej kõmõn bwe lemnok ko an armij en ejelok tokjeir.

11 Bebe an Jeova ebin ñõn in drlo. Lemnok ko an buruen ñõn ebeben otemjej.

12 Emõnõnõ aillin eo elafte an Anij Jeova: armij ro E ar kalet ir bwe ren jolit eo An.

13 Jeova ej reilõltok jen lõñ, ej lo ro nejin armij otemjej.

14 Jen jikin eo ej ber ie, Ej reilõltok ñõn armij otemjej rej ber i lõl.

15 Eo ej kõmõnmõn burueir otemjej, Ej lale jermal ko air otemjelok.

16 Ejelok lomoren kin jar an elõñ armij; jab lomoren juõn armij ekajur kin kajur an elap.

17 Juõn ors men in jekron kin lomor, in e jamin lomoren jabrewõt armij kin kajur eo an elap.

18 Lo mejen Jeova ion ro rej mijõk E, im ro rej kõtar An tiriamokake ir.

19 Bwe En lomoren air jen mij, im kejbarok ir ilo mour iomin jen ñitta.

20 Am e ar kõtar Jeova: E am Dri jibõñ im am likepijñõk.

21 Bwe buruem re naj lõñliñ ilo E, bwe kim ar liki etan ekwojar-jar.

22 Am tiriamokake, O Jeova, en ber iom, einwõt kim ar kõtar Yuk.

## SAM 34.

Sam an Devid ke e ar ukõt an meletlet iman Abimelek, eo e ar ubakelok e, inem e ar ilok.

**I**NAJ wijtak Jeova ien otemjej; An nebar e naj ber i lõñiõ ieu otemjelok.

2 Aõ e naj kimjaje ilo Jeova; ro etã burueir re naj roñjake im re naj lõñliñ.

3 O komin koutlej Jeova, im jen jimor leñilok etan.

4 I ar kabukot Jeova, im E ar uak iõ, im E ar lomor iõ jen aõ mijõk otemjej.

5 R'ar reilñ ñõn E, im emwij kamramlok ir, im turin mejeir re jamin jok.

6 Dri jeramel in e ar kir, im Jeova e ar roñjake, im lomoren jen jorru ko an otemjej.

7 Enjel an Jeova ej ber iturin ro re mijõk E, im lomoric.

8 O kwon erjoñ im lo bwe Jeova e joij; emõnõnõ eo ej liki E.

9 O komin mijõk Jeova, komeo dri'mõn ro An; bwe ejelok aikwij iben ro remjõk E.

10 Kon in laiõn rej aikwij im kwõli, a ro rej bukot Jeova re jamin aikwij jabrewõt men emõn.

11 Kom ro nejiõ, komin item roñjake iõ; I uaj katakin kom mijõk Jeova.

12 Wõn armij eo ej yokwe mour, im e kõnan elõñ ran bwe en lo emõn?

13 Kwon drebij loõm jen nana, im tiõm jen konono etaõ.

14 Kwon illok jen nana im kõmõn emõn, kwon kabukot ainemõn im lukwõrkwõre.

15 Mejen Jeova ñõn ro remõn, im lojilini rebellok ñõn air kir.

16 Turin mejen Jeova e nae ro rej kõmõn nana, bwe en kokkure eme-mej ir jen lõl.

17 Ro dri'mõn r'ar kir im Jeova e ar roñjake, im lomorir jen jorran ko air otemej.

18 Jeova ej ebak ñõu ro eruj bu-rueir, im Ej lomoren ro retã wõt ilo air.

19 Elõñ lĩtãn an ro remõn, a Jeova ej lomorir jen ir otemej.

20 Ej kejbãrok drin otemej, ejelok fair im e moruj.

21 Nana e naj kokkure ro dri jera-wiwi, im ro rej kijirãt ro remõn naj liakelok ir.

22 Jeova ej lomoren an ro dri kori-geran, im ejelok ian ro rej liki E naj liakelok ir.

### SAM 35.

*Sam an David.*

**O** JEOVA kwon jumae ro rej jumae iõ; Kwon torinaek ro rej torinaek iõ.

2 Kwon bõk likepijñõk im ken tõrak, im jutõk im jibõñ iõ.

3 Kwon nuri mõrl, im ber ilo ial nae ro rej lukwõrkwõr iõ; Kwon ba ñõn aõ, Ña am Dri lomor.

4 Ren jok im kananaik ir rej ka-bukot aõ; ren jeblaklok im lolbon ro rej bebe nana nae iõ.

5 Ren einwõt killin wit iman kõto, im enjel an Jeova en jebõk ir wõt.

6 Air ial en ilo marok im jirlok, im enjel an Jeova en lukwõrkwõr ir.

7 Bwe ke ejelok unin r'ar noj air jen nae iõ ilo juõn roñ; ke ejelok unin r'ar kõbij roñ nae aõ.

8 Kokkure en walok nae e ñe e jaje kake; jen eo e ar noje en jibwe e mõke, kin kokkure en buñ na iloan.

9 Im aõ e naj mõnõnõ ilo Jeova, e naj lõñliñ ilo An lomor.

10 Driõ otemej re naj ba, Jeova, wõn ej einwõt Kwe, kwõj lomoren dri jeramel im dri aikwij jen eo ej rakimi?

11 Ro dri kennan im re jab jime rej jutõk; rej kajitõk iba kin men ko I jaje kake.

12 Rej nawõnaõ nana kin emõn ñõn air kaliajlol aõ.

13 A ña, ke r'ar nañinmij, nuk-nuk ko aõ renana, I ar kejorran aõ kin jitlok, im aõ jar e ar jeblaktok ñõn ubõ.

14 I ar kõmõn einwõt elañe e ar jera ak jatiõ, I ar kumliklik im jõñ einwõt eo ej jõñot jinen.

15 A ke I ar ajkupkup r'ar mõ-nõnõ, im kweloklok; ro dri nana r'ar kweloktok nae iõ im I ar jaje kake; e ar jab jokwõr air kekel iõ.

16 Einwõt ro dri kajirere ilo kwõj-kwõj ko, r'ar kijdrekein ñi nae iõ.

17 Iroi, ietoõn Am reitok? Kwon lomoren aõ jen kokkure ko air, eo e jitenburu iba jen laiõu ko.

18 I naj kamolol Yuk ilo jar eo elap, i bwiljin elõñ armij I naj ne-bar Yuk.

19 Ro rej jumae iõ ilo riõp ren jab lõñliñ iõ; ro rej kijirãt iõ im ejelok unin, ren jab rumrum kin mej.

20 Bwe re jab konono ainemõn; a rej kine nan ko nan in etaõ nae ro rej ber l ene im tõt wõt.

21 Aet, r'ar kanuij walõñi loñir nae iõ: r'ar ba, Aha, Aha, mejem r'ar loe.

22 Kw'ar loe, O Jeova; kwon jab ikõñ. O Jeova kwon jab etolok jen ña.

23 Kwon ruj, Kwon ruj ñõn aõ ekajet; aet ñõn men ko aõ, aõ Anij im aõ Iroi.

24 Kwon ekajet iõ, O Jeova, aõ Anij, ilo Am wãnik, im jab likit bwe ren lõñliñ iõ.

25 Ren jab ba ilo burueir, Aha, ein drein am kõnan; ren jab ba, Kim ar wõrõñõlok e.

26 Ren jok im lolbon iten drõn, ro rej lõñliñ kin aõ jorran. Reu kõnõk jok im kananaik ir, ro rej koutiej ir mõke nae iõ.

27 Ren lamij kin lõñliñ, im reu mõnõnõ wõt, ro rej yokwe nien ko aõ remõn, aet, ren ba len otemej.

Reu koutiej Jeova eo E mōnōnō kin jerammōn an korijeran.

28 Inem loč e naj konono kin Am wānik, im kin Am nebar lomiu aolepen rau.

## SAM 36.

Nōn eo ej lale al. Sam an Devīd korijeran Jeova.

**B**WIR an dri nana e ba llo buruō, Ejelok mijōk Jeova iman mejen.

2 Bwe ej etaōk e mōke iman mejen, bwe ren jab lo nana eo an im kijirāte.

3 Nan ko an loñin renana im mou : e jokwōr an meletlet im kōmōn emōn.

4 Ej kine nana ilo kinlen ; ej likit e mōke llo lal e jab emōn ; e jab, drike nana.

5 Am joij im yokwe, O Jeova ej ber i lōñ ko : Am tiljek ej tōbar mejatoto.

6 Am emōn ej einwōt tol ko an Anlj ; ekajet ko Am einwōt lometo elap. O Jeova kwōj kejbārok arinj im kiru.

7 E nañin aurōk Am joij im yokwe, O Anlj ! im ro neñin armij rōn re naj ko ñōn lurin peiōm.

8 Re naj kanulj jokōne kin mweien mweo imōm relōñlok ; im Kwo naj kalrak ir kin river eo river in mōnōnō ko Am.

9 Bwe lbōm unin dren in mour ; ilo maram eo Am kin naj lo maram.

10 O kwalok wōt Am joij elap ñōn ro re jela Kwe, im Am wānik ñōn ro ejime burueir.

11 Neen jua en jab lten jumae iō, im pein dri nana en jab ubaklok iō.

12 Ijo ro re kōmōn nana r'ar buñ, emwij jolōllok ir, im re jamin ma-roñ in jerkak.

## SAM 37.

Sam an Devīd.

**K**WON jab alifōrñōr kin ro rej kōmōn nana, im kwon jab junmare nae ro rej jermal ilo jab wānik.

2 E naj mōkōj in bukwe ir einwōt ujoij ; im re naj almerlok einwōt mar e maroro.

3 Kwōn liki Jeova im kōmōn emōn ; kwon jokwe llo ene im lore tiljek.

4 Kwōn bareinwōt lōñlñ ilo Jeova, im E naj lewoj men in kajitōk ko au buruōm.

5 Kwōn karebillok am ial ion Jeova, kwōn bareinwōt liki E, im E naj kōmōne.

6 Im E naj kwaloktok am wānik einwōt maram, im am ekajet einwōt ke lolñ al.

7 Kwōn kakijeik yuk ilo Jeova, im kōtare im jab kijorur. Kwōn jab alifōrñōr kin eo e jerammōn an ial, kin eo ej kōmōnmōn bebe ko renana.

8 En jokwōr am illu, im kwōn illok jen e ; im kwōn jab alifōrñōr in kōmōn nana wōt.

9 Bwe ro rej kōmōn nana re naj joko ; a ro re kōtar Jeova re naj jolit ene eo.

10 Bwe jirik wōt ien, im eo enana e naj joko ; aet, kwo naj kallmjeke jikin im e naj ejelok.

11 A ro etā burueir re naj jolit ene eo, im re naj kalōñlñ ir mōke kin ainemōn elōñlok.

12 Eo dri nana ej bebe nae dru wānik, im ej kijdrekein ñin nae e.

13 Jeova e naj tōñ kake, bwe Ej lo an llok wōt ran eo an.

14 Ro dri nana r'ar nuri jāji eo, im r'ar kiele libon eo air, bwe ren jolōllok ro dri jeramel im ro re aikwij, bwe ren inōn ro dri jime llo air ial.

15 Jāji eo air e naj wākāri burueir wōt, im e naj bwilōk libon eo air.

16 Emōnllok mōtōn jirik wōt iben ro remōn jen mweiuk elap an elōñ dri nana.

17 Bwe naj ruje pein ro dri nana, ak Jeova ej kejbārok ro remōn.

18 Jeova e jela ran ko an ro rewāppen, im air jolit e naj ñōn in drlo.

19 Re jamin jok ilo ien eo enana, im ilo ran ko ran in ñitta re naj mat.

20 A ro renana re naj joko, im ro

rej kijirāto Jeova re naj einwöt ma-  
tök in lam ko. Re naj monlok, im  
ilo butat re naj tor wöt.

21 Ro renana rej karoñ im jab bar  
lelok, a eo ewānik e joiy in kōmōn  
im ej-lelok.

22 Bwe ro rej mōnōnō ilo E re naj  
jolit ene eo, im ro rejerata kin E  
naj bukwelok ir.

23 Jeova ej kabin etal ko an juōn  
eman, im E mōnōnō kake an ial.

24 Meñe e buñ, jamin jolōllok e  
wöt, bwe Jeova ej drebij e kin peln.

25 I kar ajiri im kiō I lōlap, a I  
jañin lo dri'mōn ke r'ar illok jēu e,  
ak inen ke r'ar oor kijelj.

26 Iomin aolepen ran ej kōmōn  
joiy im lelok; im inen emōnōnō wöt.

27 Kwon illok jen nana im kō-  
mōn emōn, im ber ñōn in driō.

28 Bwe Jeova ej yokwe ekajet, im  
E jab illok jen ro remōn An: naj  
kejbārok ir ñōn in driō, a naj bukw-  
welok inen ro renana.

29 Ro remōn re naj jolit ene eo,  
im jokwe iloan ñōn in driō.

30 Loñin dri'mōn ej konono kin  
meletlet, im loin ej konono kin  
ekajet.

31 Kien Anij ej ilo buruen; ejelok  
buñten neen e naj jir.

32 Dri nana ej kejare dri'mōn, im  
ej bukot bwe en mōn e.

33 Jeova e jamin likit e ilo peln,  
im E jamin liakelok ñe ekajet e.

34 Kwon kōtar Jeova im kejbārok  
ial eo An, im E naj koutiej yuk in  
jolit ene eo. Ñe bukwelok ro dri  
nana kwo naj loe.

35 I ar lo dri nana ilo kajur elap,  
im e ar edrete einwöt juōn wijki e  
maroro im jañin kōtepe.

36 A ejoko, im lo e jab ber; eokwe  
I ar kabukot e, im I ban lo e.

37 Kwon kakōle armij ewāppen,  
im kalimjek eo ejime, bwe mour in  
driō ñōn armij in ainemōn.

38 A kin ro dri bwir, naj kokkure  
ir otemjej; ilo jemlōkōn ro dri nana  
naj bukwelok ir.

39 A lomor an ro remōn jen Jeova,  
E air me ekajur ilo ten jorran.

40 Im Jeova ej jibōñ ir, im lomor  
ir. Ej kōtlōk ir jen ro renana im  
lomor ir, bwe r'ar ko im ber ilo E.

## SAM 38.

Sam an Deviō in kakememej.

**O** JEOVA kwon jab kowe iō ilo  
Am illu, im Kwon jab kajeik  
iō ñe ebyil Am illu.

2 Bwe mōri ko Am r'ar wākāri iō,  
im peļōm e kanuij kabij iō.

3 Ejelok kōniekiō ebin kin Am  
illu: ak ejelok mour ilo dri ko driō  
kin aō bwir.

4 Bwe bwir ko aō r'ar kijone bōra.  
Einwöt inek erro rerrolok jen ña.

5 Kiniy ko aō re buōl im re kōt  
kin aō anapāp.

6 Ij metök im I kanuij kumlik-  
lik, ij etetal im jōñ iomin aolepen  
ran.

7 Bwe ibiō re obrök kin bwil, im  
ejelok keie ilo kōniekiō.

8 Ij barōk im kanuij eobōp; I ar  
rorror kin abnōnō in buruō.

9 Iroi, aolepen aō kōnan iman  
mejōm; im aō ñirñir I ar jab noj  
jen Kwe.

10 Buruō e kūmkūm wöt, aō ka-  
jur ejokolok, kin maram in meja, e  
bareinwöt joko jen ña.

11 Ro r'ar yokwe im jeraik iō re  
jutök im jibil jen aō iñtan, im ro  
nuku re jutök etolok.

12 Bareinwöt ro rej kabukot aō  
mij rej kōmōn jen ko naē iō, im  
ro re kabukot aō jorran re konono  
men in kokkure iō, im kine etaō  
ko iomin aolepen ran.

13 A ña einwöt armij e roñjam-  
mōn, I ar jab roñjake, im ij eluwöt  
armij e ban konono, eo e jab wa-  
lōñi loñin.

14 Aet ña einwöt juōn armij e jab  
roñ, im ilo loñin ejelok nan in  
kowe.

15 Bwe ilo Kwe O Jeova, ij keja-  
trikrik iō; kwo naj uak, O Iroi, aō  
Anij.

16 Bwe I ar ba, Ñe ab ren iōñliñ  
kin ña; ke neiō ej jirlok, re koutiej  
ir mōke naē iō.

17 Bwe I nañin ajkupkup, im aõ buromõj ej ien otemjej imaõ.

18 Bwe I naj kwalok aõ bwir, I naj buromõj kin aõ Jerawiwi.

19 A ro rej kijirãt iõ re mour wõt, im rekajur: im ro rej drike iõ ilo jab wãnik, relõñlok.

20 Bareinwõt ro rej nawõnan nana kin emõn, re dri jumae iõ, bwe I lore men eo emõn.

21 Kwon jab illok jen ña; O Jeova; O aõ Anij, kwon jab etolok jen ña.

22 Kwon kijorur im jibõñ iõ, O Jeova aõ Dri lomor.

## SAM 39.

Ñõn eo ej lale al, ñõn Jedutun. Saman Devid.

**I** AR ba, I naj lale ial ko aõ, bwe in jab bwir kin loõ; I naj kej-bãrok loñiõ kin ken drebij ke dri nana e iman meja.

2 I ar einwõt I ban konono, I ar jab ba men eo emõn, im aõ buromõj elaplok.

3 Buruõ ebwil ilo ña; ke I ar kalomõnlokjen urur e jo, luem I ar konono kin loõ.

4 Jeova kwon kajelaik iõ kin jemlokõn aõ mour, im kin joñõñ ran ko aõ ta eo. Kwon kajelaik iõ ekijkan I mõiñio.

5 Lo, Kw'ar kõmõn ran ko aõ einwõt drilpen pã ko. Im aõ mour einwõt ejelok imam. Emol armij otemjej ñe remõntata, rewan wõt. Sela.

6 Emol jabrewõt armij ej etal einwõt ilo men in ewan. Emol re makõtkit im ejelok tokjen; ej koorlok mweluk ko im e jaje wõn eo e naj aini.

7 Im kiõ, Iroj, ta eo ij kõtare? Aõ kejatrikrik ilo Kwe.

8 Kwon lomor iõ jen bwir ko aõ otemjej: Kwon jab kõmõn iõ bwe in men in kajok an dri bwebwe.

9 I ar einwõt I ban konono, I ar jab walõñi loñiõ, bwe Kwe Kw'ar kõmõne.

10 Kwon kadruaklok Am kaiñtan iõ jen ña; ij etõr kin an pelõm dreflok iõ.

11 Ke Kwoj kajeik juõn armij kin enoik ko bwe e dri jerawiwi, Kwoj kõmõn bwe an wõleo en joko einwõt kin drile: emol armij otemjej einwõt men in wan.

12 Kwon roñjake aõ jar O Jeova, im eoroñ aõ kir; Kwon jab ikõñ ñe lj jõñ, bwe ña drua maljet ibõm, dri itoiõk einwõt ro jima otemjej.

13 O Kwon reilok jenu ña bwe in mõnõnõlok mokta jen aõ ilok jen ljin im joko wõt.

## SAM 40.

Ñõn eo dri late al. Saman Devid.

**I** AR kõtar Jeova im jab kijorur, im E ar mõiõk ñõn iõ, im roñjake aõ jar.

2 E ar kwotõke iõ jen juõn roñ e kanulij nana, jen birkõt in kle ebiruru, im E ar likit neiõ ilo juõn dreka, im kabin etal ko aõ.

3 Im E ar likit juõn al ekal ilo loñiõ, eokwe, nebar ñõn aõ Anij. Elõñ re naj loe im mijõk, im naj liki Jeova.

4 Emõnõnõ armij eo ej liki Jeova wõt, im e jab lale ro dri jua, ak ro rej jebwãbwe ñõn riõp ko.

5 O Jeova aõ Anij, elõñ men in bwilõñ, jeral ko Kw'ar kõmõne, kab lemno ko Am ñõn kim: re ban kilajrõk ir ñõn Kwe; elañe I naj kõñan kwalok im konono kaki, relõñ jen maroñ in bwini.

6 Jurtak im men in katok, Kwo jab lõñliñ kaki: lojiliñiõ Kw'ar kebellok. Men in katok ko rej tili, im men in katok kin jerawiwi, Kw'ar jab kajitõk.

7 Inem I ar ba, Lo lj itok; ilo Buk eo elimlim emwij jeje kin ña.

8 I lõñliñ in kõmõumõn ankil Am, O aõ Anij, aet kiõm ej ber iloan buruõ.

9 I ar kwalok wãnik ilo jar eo elap: lo I jamin bor tiõ: O Jeova kwo jela.

10 I ar jab noj Am wãnik ilo buruõ; I ar kwalok Am tiljek im Am lomor; I ar jab noj Am joij im Am mol jen jar eo elap.

11 Kwon jab drebij Am tiriamokake ko jen ña, O Jeova. Am joiļ im Am mol ren kejbārok iō ien otemfej.

12 Bwe men ko renana relōñ jen maroñ in bwiniŗ, r'ar kabol iō. Bwir ko aō r'ar lukwōrkwōŗ iō im bōk iō, inem I ban reiliñlok. Relōñ jen kol ko kolañ bōra, im buruō e ar kijelok.

13 Kwon joiļ O Jeova, im lomoriō; Kwon kijorur in jibōñ iō O Jeova.

14 Ren jok im lolbon, ro rej kabukot aō bwe ren mōn e. Ren jenliklik im kauanalk ir, ro rej mōuōnō in kokkure iō.

15 Ren mēn in jeebeplok kin air jok, ro re ba ñōn iō, Aha! Aha!

16 Ro otemfej rej kabukot Yuk, ren iōñliñ im mōnōnō ilo Kwe; ro rej yokwe Am lomor, ren ba ien otemfej, En utlej Jeova!

17 A ña I jeramel im aikwij, a Jeova ej lemnok kin iō. Kwe aō Dri jibōñ im aō Dri lomor: Kwon jab rumij, O aō Anij.

### SAM 41.

Ñōn eo ej lalē al. Sam an Devid.

**E**MŌNŌNŌ eo ej lalē ro dri jeramel; Jeova e naj lomoren ilo ran in jorran.

2 Jeova e naj kejbārok e im kaitoklok an mour, im e naj jerammōn ilo lōl, im E jamin ketōk e ñōn ankil an ro rej kijirāte.

3 Jeova e naj lalē e ilo kinien ñe e mojino: Kwoj kōmōn aōlepen bed eo au ilo an nañinmij.

4 I ar ba, O Jeova kwon tiriamokake iō; Kwon kǎejmour iō, bwe I ar jerawiwl nae Yuk.

5 Ro rej kijirāt iō, rej konono nana nae iō, im ba, Ñat e naj mij im etan en joko wōt?

6 Im elafie ej iten lotok iō, ej konono riōp; buruen ej aini nana ñōn e mōke. Ñe ej drioiļlok ej kwalok e.

7 Ro otemfej dri kijirāt iō rej unojrikrik iben dron nae iō; nae iō rej kine men ko men in kokkure iō.

8 Juōn nañinmij enana, re ba, ej

edrep ñōn e, im kiō ej babu inem e jamin bar jerkak.

9 Aet, jera eo e jitenburu iba, eo I ar liki, im e ar mōña jimōtōn kijid, e ar bijlok jimwin neen nae iō.

10 A Kwe O Jeova, kwon tiriamokake iō, im kejerkak iō, bwe in nawōnair.

11 Kin men in I jela Kwoj iōñliñ ilo ña, bwe eo ej kijirāt iō e jab jua-lōñliñ iōō.

12 Ak kin ña, Kwoj baur iō ilo aō wāuik, im likit iō iman mejōm ñōn in driō.

13 Emōnōnō wōt Jeova, Anij in Israel jen in driō im ñōn in driō. Amen im Amen.

### SAM 42.

Ñōn eo ej lalē al. Maaskil an ro neñin Kora.

**E**INWŌT kiru hart e kanuiļ kōnan river ko in dren, ein drein aō e kanuiļ kōnake Yuk, O Anij.

2 Aō emaro kin Anij, kin Anij eo dri mour; ñat I naj iwij im walok iman mejen Anij.

3 Aō dren in kemjalal e ar klijid ran im boñ, ke re ba ñōn iō ien otemfej, Ewi am Anij?

4 Men kein ij kememej im lutōklok aō iloō, ekijkan aō kar ilok iben jar eo im tellok ir ñōn imōn Anij.

5 Etke jolōllok yuk O aō? Etke kwoj abnōñ ilo ña? Kwon kejaririkrik yuk ilo Anij, bwe I naj nebar E juōn ien kin lomor an mejen.

6 O aō Anij, emwij jolōllok aō ilo ña; kin men in I kememej Yuk jen ene'n Jordan, im jen Hermōn ko im tol Maizar.

7 Imlōl ej kir ñōn imlōl kin aini-ken aire ko Am; no ko otemfej Am, im ibij ko Am r'ar uweliñlok iōñiō.

8 A Jeova e naj jiroñ joiļ eo An ilo ran, im ilo boñ al eo An e naj iba: aet juōn jar ñōn Anij in aō mour.

9 I naj ba ñōn Anij aō dreka, Etke Kw'ar meloklok iō? Etke ij etal im jōñ kin an dri kijirāt kama-kokoik iō?

10 Einwōt juōn jāļ ilo driō, ro dri



jumae ið re kinaklok ið, ke re ba ien otemjej ñõn ið, Ewi am Anij?

11 Etke jolõllok yuk, O að, im etke kwoj abunõn ilo ña? Kwon kejat-rikrik yuk ilo Anij, bwe juõn ien I naj nebar E; Eo ej mour an turin meja im að Anij.

## SAM 43.

**K**WON ekajet ið O Anij, im akwaile að akwaill nae ro dri ailiñ eo re dri jerawiwi: O Kwon lomorið jen armij eo dri mon im e jab wãnik.

2 Bwe Kwe Anij an að kajur; etke Kw'ar jolok ið? Etke ijetal im llajlol kin an dri kijirät matörtör ið?

3 O Kwon jilkintok Am maram im mol, ren tel ið; ren kötõbar ið ñõn am tol in kwõjarjar, im imõn kabero ko Am.

4 Iuem I naj itok ñõn imõn lokatok in Anij, ñõn að lõñliñ e kanuij lap: im kin arp I naj uebar Yuk, O Anij, að Anij.

5 Etke jolõllok yuk O að, im etke kwoj abnõnõ ilo ña? Kwon kejat-rikrik yuk kin Anij, bwe juõn ien I naj nebar E, eo mour in turin meja im að Anij.

## SAM 44.

*Ñõn eo ej lala al. Sam an rõ neñin Kora. Maaskil.*

**K**IM ar roñ kin lojiliñim, O Anij; ro jimam r'ar kennanek kim, ta jermal eo Kw'ar kõmõni ilo ran ko air, ilo ran ko remotelok.

2 Kw'ar kadrioljlok ro dri ailiñ ko kin peiõm, im Kw'ar kallip ir te; Kw'ar kokkure ro dri ailiñ ko, im Kw'ar kejbliklok ir.

3 Bwe r'ar jab bõk ene eo kin jãji eo air, im peir e ar jab lomorir: a aubijmaronõm im peiõm, im maram iu turin mejõm, bwe Kw'ar kõñiajoik ir.

4 Kwe að Kiñ, O Anij, kwon kaiñi meu in lomoro ñõn Jekõb.

5 Kin Kwe kim naj jibellok ro rej jumae kim: kin etõm kim naj juri ro rej jerkak nae kim.

6 Bwe I jamin liki að libon, im jãji eo að e jamin lomorið.

7 A Kw'ar lomorem jen ro rej jumae kim: Kw'ar kajok ro rej kijirät kim.

8 Ilo Anij kim ar jualõñlõñ iomin aolepen ran; im kim naj kamolol etõm ñõn in drio. Sela.

9 A kið Kw'ar jolok kim, im kana-naik kim, im Kw'ar jab ilok iben jar in torinae ko am.

10 Kwo kejeblaktok kim jen eo dri jumae; im ro rej kijiräte kim rej rakimi kim ñõn ir mõke.

11 Kwo lelok kim einwõt sip ko kijen armij; im Kw'ar kejbliklok kim iben ro dri ailiñ ko.

12 Kwo wlakake ro drom kin ejelok, im Kw'ar jab mweielok kin wõnair.

13 Kwoj kõmõu bwe kimin men in kinak iben ro dri turum; meu in kejekron im kitõtõkake ñõn ro rej kabol kim.

14 Kwoj kõmõn bwe kimin nan in kinak iben ro dri ailiñ ko; juõn men in jibolul bõrair iben jar in armij rõn.

15 Iomin aolepen ran air kananaik ið ej imaõ; im jok e ar kalibubu turin meja:

16 Kin ainiken eo ej kinaklok im kitõtõkake, kin eo ej dri kijirät im dri irenwõne.

17 Aolepen men in e ar itok iom, a kim ar jab meloklok Yuk; im kim ar jab kõmõn meu in riõp ilo bujen eo Am.

18 Buruem e jab oktõklik, im buñten neem r'ar jab jirlok jen Am ial;

19 Bwe Kwon kokkure kim ilo jikin kiru rawia, im kalibubu kim kin lurin mij.

20 Elañe kim ar meloklok etan am Anij, ak erlokwe peem ñõn juõn anij e drua maijet.

21 Anij e jamin kabukot men in ke? Bwe E jela men ko retino in buru.

22 Aet kin Kwe rej mõn kim iomin aolepen ran, rej bwini kim einwõt sip ko drien mij.

23 Kwon ruj, etke Kwoj kiki, O

Jeova? Kwon jerkak, Kwon jab jolok kin ñðn in drío.

24 Etka Kwoj noj turin mejòm, im meloklok am jorran im matòr-tòr kim?

25 Bwe am ej kumlklik ñðu bð-ñòlñòl, lojtem ej edrep ñðn lól.

26 Kwon jerkak ñðn jibðñ kim, im lomorem kin Am tiriamokake.

## SAM 45.

Ñðu dri lala al ion Sosannim. Ñðu ro nejin Kora. Maakil. Al kin yokwe ko.

**B**URUÒ elòñmejrjr kin men eo emòn. I konono men ko I ar kòmòni kin Kiñ eo: loð ej eiuwòt pen an juðn armij e minene in jeje.

2 Kwe kwoj wòlio jen ro nejin armij; emwij lutòklok joij emòn ilo tiðni, inem Anij e ar kamònduòik Yuk ñðn in drío.

3 Kwon kafòrñòr am jäji ion ibim, O Kwe eutiejtata; Am wuj im Am utiej.

4 Im ilo Am utiej Kwon uwemanlok im jeban, kin Am mol im inemòn im wänik: im anbijmaròñòm e naj katakin Yuk men ko relet wòt.

5 Mòri ko Am rekòñ, ro dri aillñ ko re buñ iomin neòm; rej ilo buruen ro rej kijirät Kiñ eo.

6 Am tron O Anij, e in drío im in drío; septer in wänik septer in aillñ eo Am.

7 Kw'ar yokwe wänik im drike jerawiwí, inem Anij, Am Anij e ar kabit Yuk kin oil in lòñlñ eutiejtata.

8 Nuknuk ko Am otemjej rewòj kin mòrr im aloes im kassia, jen im aivòri au iroi, ken kajòñjòñ ko eor toair r'ar kamònduòik Yuk.

9 Kòra ro nejin kiñ rej lan kòra ro Am reutiejtata; i anbijmaròñòm ej jutòk liroi ilo gold in Oñr.

10 Kwon roñjake, O Nejin kòra, im kalomònlòkjen im eoroñ; kwon meloklok dri aillñ ro am im imòn jemòm.

11 Ein drein Kiñ eo e naj kònake

am dreo, bwe E am Iroi; im kwon kabuñ ñðu E.

12 Im neju kòra dri Tair e naj ijo im jurtak iben: ro dri mwele wòt lan ro dri aillñ re naj bukot am joij.

13 Kòra eo nejin kiñ iloan mweo imòn iroi e aibujuij wòt: nuknuk ko an e litlit kin gold.

14 Naj tellok e ñðn Kiñ eo im kòndòk nuknuk ko retitil: virjin ro jiroñ rej lore; naj telwoj ir ñðn kwe.

15 Kin mòndòndò im lòñlñ naj tel ir; re naj dreloñ ñðn iloan mweo imòn iroi an kiñ eo.

16 Ro nejom man re naj binej jenkwoñ ro jemòm, ro kwo naj likit ir iroi i aolepen lól.

17 I naj kakememej etòm ilo ebeben otemjej; kin men in ro dri aillñ ko re naj kamolol Yuk ñðu in drío im in drío.

## SAM 46.

Ñòr eo ej lala al. An ro nejin Kora. Ilo Alamòt. Juðn al.

**A**NIJ amuij likepijñòk im kajur; Dri jtbðñ e kauuij ebak ilo iñtan ko.

2 Inem kim jamiu mijòk meñe lól ej ein juðn, ak meñe kamòkit tol ko ñðn iloan lometo;

3 Meñe dren ko an re ñirñir im lijenòrmòr, meñe tol ko re makòtkit kin an ibijlok. Sela.

4 Juðn river im al ko an re naj kalòñlñ jikin kwelok an Anij; jikin kwojarjar an imòn kabèr ko an Eo eutiejtata.

5 Anij e iloan, e jamin makòtkit; Anij e naj jibðñ e, im men in ñe erantak.

6 Ro dri aillñ ko r'ar aol, aillñ in kiñ ro re makòtkit: E ar konono im lól e unlok.

7 Jeova an jar in tòrinae ko ibem; Anij an Jekòb amuij likepijñòk. Sela.

8 Komin iteu lojerbal ko an Jeova; ta kokkure ko E ar kòmòni ilo lól.

9 Ej kejemlok tòrinae ko ñðu jemlokòu lól; Ej kabwilok libon

eo, im bukwe mōri, E till jariōt ko kin kijeek.

10 Komin beriwōt im jela bwe Ņa Anij; I naj utiej i bwiljin dri ailiñ ko, I naj utiej ilo lōl.

11 Jeova au jar in tōrinae ko ibem; Anij an Jekōb aō likepijñōk. Sela.

## SAM 47.

Ņōn eo ej lale al. Sam an ro nejln Kora.

**O** KOMIN kabokpā, kom dri ailiñ ko otemnej: komin lamij űōn Anij kin aluken anjo.

2 Bwe Jeova eutiejtata Ej aiet wōt: E kiñ elap lou aolepen lōl in.

3 E naj kamakokolk ro dri ailiñ ko űōn kim; im jar ko air iomin ueem.

4 E naj kalet amuij jolit űōn kim; men eo emōputata an Jekōb, eo E ar yokwe. Sela.

5 Anij e ar wōnliñlok kin lamij; Jeova kin ainiken jilil.

6 Komin al im nebar Anij, komin al im nebar; komin nebar amuij Kiñ, komin al im uebar.

7 Bwe Anij e Kiñ in aolepen lōl; komin al im nebar kin jelalokjen.

8 Anij e Kiñ ion ro dri ailiñ ko; Anij ej jljōt ilo tron eo An ekwojarjar.

9 Iroj-an ro dri ailiñ ko r'ar kweloktok bwe ren dri ailiñ an Anij in Ebrean. Bwe likepijñōk ko ilo lōl in an Anij: E kanuij utiej.

## SAM 48.

Juōn al. Sam an ro nejln Kora.

**E**LAP Jeova, im ren kanuij nebar E, ilo jikin kwelok an amuij Anij, ilo tol eo An ekwojarjar.

2 E wōllo kin An utiej, men in lōñliñ in aolepen lōl, tol Zalōn ilo katin ko eāñ, jikin kwelok an Kiñ eo elap.

3 Anij e ar mōke kwalok E ilo imōn iroj ko an bwe en likepijñōk.

4 Bwe lo, kiñ ro r'ar kweloktok; r'ar jimor jokolok.

5 R'ar loe, inem r'ar bwilōñ kake; r'ar kanuij mijōk; r'ar kijorur in ilok.

6 Wurirrir e ar jibwe ir ijo, im iñtan einwōt an juōn kōra ej iñtan ilo an keutak.

7 Kwoj rupe wa ko an Taršiš kin kōto jen rear.

8 Einwōt kim ar roñjake, ein drein kim ar loe; ilo jikin kwelok an Jeova in jar in tōrinae ko, ilo jikin kwelok an am Anij: Anij e naj kabin e űōn in drio. Sela.

9 Kim ar lemnok kin Am joi, O Anij, i bwiljin tempel eo Am.

10 Einwōt etōm O Anij, ein drein air nebar Yuk űōn jemlokōn kō jemlokōn lōl. Anbijmaroñōm e obrōk kin wānik.

11 Tol Zalōn en mōnōnō, kōra ro nejln Juda, ren lōñliñ kin ekajet ko Am.

12 Komin etal Iturin Zalōn, im kabol e, bwini imōn bar ko au.

13 Komin kalimjek worwor ko an; komin lale imōn iroj ko an, bwe komin kenannek ebeben eo tokelik.

14 Bwe Anij in E amuij Anij űōn in drio: E naj amuij dri tel űōn ieu mij.

## SAM 49.

Ņōn eo ej lale al. Sam an ro nejln Kora.

**K**OMIN roñjake men lu, kom ro dri ailiñ ko otemnej; komin eoroñ, kom otemnej kom dri jokwe ilo lōl.

2 Ro retā im ro reutie, dri mweie im dri jeramel jimor.

3 Loñiō e naj konono meletlet; im kalomōnlokjen in buruō e naj kin jelalokjen.

4 I naj eoroñ juōn wan jōñok, im kwalok aō nan etino kin arp.

5 Etke in mijōk ilo ran ko renana, ñe jab wānik an ro rej matōrtōr iō ej kabol iō?

6 Ro rej liki air kajur, im jualōñ-lōñ kin elōñ mweiuik ko mweieir:

7 Ejelok juōn iuir e maroñ in waiak jātin man, im e ban lelok űōn Anij binmour kin e.

8 Bwe e aurōk binmour eo an, im ren likit e űōn in drio.

9 Bwe en mour wõt fñon in drío, im bwe en jamin lo kõt.

10 Bwe ej lo an ro dri meletlet mij, dri bwebwe im dri jelalokjen re jimor joko, im likit mweiluk ko mweleir fñon bar jet.

11 Ilo burueir eor air lemnok, mo ko imwelr re naj ber fñon in drío, im jikir fñon ebeben otemjej; rej naetan ene ko air kin etair wõt.

12 A armij e jab beriwõt ilo nebar, e efwõt kiru ko remij.

13 Eñiu, air ial, e men iu bwebwe ibelr: ak elikir armij rej nebar air in nan. Sela.

14 Emwij likit ir juõn bwij fñon Hedis; mij e naj air dri lalé, im ñe e jibofñ ro dru wānik re naj iroiñ ioir im air wõllo e naj etõp kin Hedis, bwe en ejelok jikin.

15 A Anij e naj binmour aõ jen kajur an Hedis, bwe E naj bõk iõ. Sela.

16 Kwon jab mijõk ñe juõn armij e mwelelok, ñe wuj au mweo imõn elõñlok.

17 Bwe e naj mij, e jamin bõklok jabrewõt; an aibujulj e jamin wõn-lõllok iben.

18 Meñe ke e ar mour, e ar nebar an; im armij rej nebar yuk ñe kwoj kõmõn emõn ñõn kwe mõke.

19 E naj ilok fñon ebeben an ro jiman; re jamin lo maram fñon in drío.

20 Armij eo eutieñ im dri jajelokjen, ej einwõt kiru re joko.

### SAM 50.

Sam an Easp.

**A**NIJ, aet Anij Jeova e ar konono, im kir lõl in jen tak al fñon tulok al.

2 Jen Zaiõn, men e wāppen an wõlio, Anij e ar romaktok.

3 Amuij Anij e naj itok im E jamin kejeklokjen; kijeek e naj kãñi iman, im e naj kanuij einwõt lañ iturin.

4 E naj kir fñon lõñ ko im fñon lõl, bwe En ekajet ro dri ailiñ An.

5 Komin kokweloktok fñon iba

ro remõn Am, ro r'ar kõmõn bujen iba kin katok.

6 Im lõñ ko re naj kwalok An wānik, bwe Anij e mõke dri ekajet eo. Sela.

7 Komin roñjake, O aõ dri ailiñ, im I naj konono, O Israel im I naj kennan fñon yuk: Ña Anij, aet am Anij.

8 I jamin kowe yuk kin katok ko ami; im men in katok ko ami re till, rej imaõ ien otemjej.

9 I jamin bõk kau koman jen mweo imõm, ak goat koman ko jen worwor ko ami.

10 Bwe kiru otemjej i bwiljiu wijki ko rej aõ, im kau ko ilo juõn tausand tol ko.

11 I jela bao ko otemjej ilo tol ko reutieñ, im kiru ko rawla ilo ene ko rej aõ.

12 Elañe I kwñli, I jamin kenan- nek yuk, bwe lõl ej aõ kab men ko e obrõk kaki.

13 Ña in mõña kõnjenen kau koman ko ke? ak Irak bõtõktõkin goat ko?

14 Komin lelok fñon Anij jurtak in kamolol, im kõlla fñon Eo eutieñ-tata men ko kw'ar kanõjuñj kaki.

15 Im kwon kir fñon lõ ilo ran in jorran; I naj lomoren yuk im kwo naj nebar lõ.

16 A fñon ro dri nana, Anij ej ba; Ta ibõm bwe kwon kwalok kien ko Aõ, im bõk fñon loan loñõm bujen eo Aõ?

17 Bwe kwoj drike katak, im kwoj jolok ilikõm nan ko Aõ.

18 Ke kw'ar lo juõn dri kwot, kw'ar bõk fñon buruen, im kw'ar komaõ iben ro dri lõñ.

19 Kw'ar lelok loñõm fñon nana, im loõm ej kõmõnmõn etao.

20 Kwoj jlijõt im konono nae jeõm, kwoj ba nan in riõp kin nejin jinõm.

21 Kw'ar kõmõn men kein im I ar kejeklokjen; kw'ar lemnek Ña kanuij einwõt yuk; a Ña I naj enok yuk, im kilajrõk bwlr ko am iman mejõm.

22 Inem komin kalomñlokjen kin men in, komeo komij meloklok Anij, ñe I ab kekel kom, im ejelok dri lomor.

23 Jabrewõt eo ej katok kin kamolol ej kaibujuj Iõ, im ñõn eo ej kajime an konono, I naj kwalok an Anij lomor.

## SAM 51.

Ñõn dri lala al. Sam an Devid, ke Netán dri kanan e dreolok ñõn iben. eiklin an babu iben Batsaba.

**K**WON tirlamokake iõ, O Anij, ilo Am joiy elap: ilo Am tiriame in yokwe relõñ, Kwon jolok bwir ko aõ.

2 Kwon kanulj kwolkwol iõ jen aõ nana, im karreok iõ jen aõ jerawiwi.

3 Bwe ij kwalok bwir ko aõ, im jerawiwi eo aõ ej imão ien otemjej.

4 Nae Yuk, nae Yuk wõt I ar bwir; im I ar kõmõn men in enana iman mejõm: bwe ren kowãnik Yuk ne Kwoj konono, im enjelok ruõm ne Kwoj ekajet.

5 Lo emwij kõmõnmõn iõ ilo jab wãnik; im ilo jerawiwi jinõ e ar etaik iõ.

6 Lo, Kwoj kõuan mol iloan armij, im ilo mõtõn etino Kwo naj kajelaik iõ meletlet.

7 Kwon kokwojarjar iõ kin hisõp, im I naj erreõ; Kwon kwolkwol iõ im I naj mouj jen sno.

8 Kwon karõñlok iõ kin mõnõnõ in lõñliñ, bwe dri ko Kw'ar ruji ren lioeo.

9 Kwon noj mejõm jen bwir ko aõ; im Kwon jeor aõ jerawiwi otemjej.

10 Kwon kõmõnmõn buruõ erreõ ilo ña, O Anij; im kõkal aõ ejime iloan.

11 Kwon jab jolok iõ jen iman mejõm; im Kwon jab bõk jen ña Am Jitõb Kwojarjar.

12 Kwon kejeblaktok ñõn iõ lõñliñ in Am lomor; im baur iõ ilo buru anemkwj.

13 Inem I naj katakin ro dri bwir

lal ko Am; im ro dri jerawiwi re naj ukwelok ñõn Yuk.

14 Kwon lomoriõ jen ruõn bõtõk-tõk, O Anij kwe Anij an aõ lomor, inem loõ e naj al im lamij kin Am wãnik.

15 O Jeova kwon kebellok tiõ, im loõ e naj kwaloklok Am nebar.

16 Bwe Kwo jab bunburuõm kin katok, ak I naj kar lewoj: Kwo jab mõnõnõ kin men in katok rej tilli.

17 Jurtak ko an Anij buru erup; buru erup im etã O Anij, Kwo jamin kejekron.

18 Kwon kõmõnmõn emõn ilo Am joiy ñõn Zalõn; Kwon kalek worwor ko an Jerusalem.

19 Inem Kwo naj mõnõnõ kin men in katok ko rewãnik; kin men in katok ko re tilli, ko re tilli im jab bukwi. Inem re naj katok kin kau koman ko ilo lokatok eo Am.

## SAM 52.

Ñõn eo ej lala al. Maskil an Devid ke Doeg dri Idõm e ar item kenannek Saul, im ba ñõn c, Devid e ar itok ñõn imõn Ahimelek.

**E**TKE kwoj jualõñlõñ ilo kõmõn nana, O armij ekajur? An Anij tiriame ej ber ien otemjej.

2 Loõm ej kine nana wõt, einwõt juõn naip ekõñ, e jeral kin mon.

3 Kwoj yokwe nana jen emõn, im riõp jen konono wãnik. Sela.

4 Kwoj yokwe nau ko nan in worõñlok, O kwe loen mon.

5 E naj ein drein an Anij kõkkure yuk ñõn in drio; E naj kwotõke yuk, im kekake yuk jen im nuknuk am, im kõtepe yuk jen enen mour. Sela.

6 Ro dru wãnik e naj loe, im miõk, im re naj tõnkake e im ba,

7 Lo eñin armij eo e ar jab likit Anij au kajur, a e ar liki mweien elõñlok, im kakajur e mõke ilo an nana.

8 A kin ña, I einwõt wijki oliv e maroro, ilo imõn Anij; ij liki an Anij tirlamokake ñõn in drio im in drio.

9 I naj kamolol Yuk ñõn in drio, bwe Kw'ar kõmõne, im I naj kejat-

rikrik ið ilo etöm; bwe e emöñ  
iman ro remöñ Am.

## SAM 53.

Sön eo ej lale al: ton Mahalat. Maskil an Devid.

**D**R I bwebwe e ar ba ilo buruen,  
Ejelok Anij. Re köt, r'ar kö-  
mön nana men in jöjök. Ejelok  
juön ej kömön emöñ.

2 Anij e ar reilöltk jeu löñ ton ro  
nejin armij bwe En lo elañe jabre-  
wöt eo e jelalokjen, im kabukot  
Anij.

3 Ir otemjej r'ar jeblaklok, ir otem-  
jej rej jimor brijrij; ejelok juön ej  
kömön emöñ, e jab juön wöt.

4 Ejelok jelalokjen iben ro rej kö-  
mön nana ke? Ro rej kãñi ro droö  
einwöt air möña bred, im re jab kir  
ñön Anij.

5 Ijo r'ar kanuij leñöñ im ejelok  
unin leñöñ le: bwe Anij e ar ke-  
jibliklok dri ko drin eo ej nitbwili  
yuk; Kw'ar kajok ir, bwe Anij e ar  
jolok ir.

6 O emöñ' elañe lomor an Israel e  
ar itok jen Zaiön! Ñe Anij e naj  
kejeblaktok matön iri ian ro dron,  
inem Jeköb e naj löñliñ, im Israel  
e naj möñöñö.

## SAM 54.

Sön eo ej lale al, ton ken kajöñjön eo toatr.  
Maskil an Devid, ke dri Zip r'ar item ba ñön Saul,  
Devid e jab tilekek ibem ke?

**K**WON lomoriö O Anij kin etöm,  
im ekajet ið kin Am kajur.

2 Kwon roñjake aö jar, O Anij;  
Kwon eoröñ nan ko jen löñö.

3 Bwe ro drua majjet r'ar jerkak  
nae ið, im ro dri lej r'ar kabukot aö;  
r'ar jab likit Anij inafr. Sela.

4 Lo Anij aö Dri jiböñ; Iroj e ian  
ro rej baur ið.

5 E naj nawönair ro rej kijirät ið  
kin nana; Kwon kokkure ir ilo  
Ani mol.

6 Kin jurtak men in yokwe, I naj  
katok ñön Kwe; I naj kamolol  
etöm, O Jeova, bwe e emöñ.

7 Bwe E ar lomoriö jeu jorran  
otemjej; im meja r'ar lo aö könan  
kin ro rej kijirät ið.

## SAM 55.

Sön eo ej lale al, ilo ken kajöñjön eo toatr.  
Maskil an Devid.

**K**WON eoröñ aö jar, O Anij, im  
Kwon jab tilekek jen aö akwe-  
lap.

2 Kwon lale ið im uak ið. Ij ab-  
nöñö ilo aö lotan, im ij ñöñöör;

3 Kin ainiken ro dri kijirät, kin  
matörtör an ro dri nana: bwe rej  
jotok iöð jab wänik, im kin illu rej  
matörtör ið.

4 Buruö ej löñtan ilo ña, im leñöñ  
ko in mij r'ar buñ iöð.

5 Mijök im wuririr r'ar itok iöð,  
im leñöñ elap e ar kamaloñ ið.

6 Im I ar ba, O emöñ iba elañe  
peiö einwöt pein muli, inem I naj  
kälok im kakije.

7 Lo I naj jebwäbwe etolok; I naj  
jokwe ilo enejemaren. Sela.

8 I naj kalur ið im ko jeu köto  
elap, im jen lañ ko.

9 O Iroj, kwon kokkure im kijbil  
loair, bwe I ar lo jab wänik elej im  
akwail ilo jikin kwelok eo.

10 Ran im boñ rej etal iturin ton  
worwor ko an; nana im kejorran  
rej iloan.

11 Jerawiwi ej ber iloan, matörtör  
im mon re jab ilok jen ial ko an.

12 Bwe e ar jab juön dri jumae, e  
ar kinaklok ið, elañe ein drein I  
naj kar maröñ im kijenmij kake:  
im e ar jab juön e ar drike ið ej  
koutlej e möke nae ið: elañe ein  
drein I naj kar tilekek jen e.

13 A kwe, juön armij einwöt ña,  
jera im jitenburu iba.

14 Emöñ wöt amro kar bebe iben  
dron, im kim ar etal ñön imöñ Anij  
iben jar eo.

15 Kokkure ko ren loir: ren  
wöñlölok ñön iloan roñ eo: bwe  
jerawiwi ilo mweo imweir, ilo  
bwiljir.

16 Kin ña, I naj kir ñöñ Anij, im  
E naj lomoriö.

17 Jota, ke ejiboñ, im ke e loliñ al,  
I naj lotan im ñöñöör, im E naj  
roñjake ainikiö.

18 E ar lomoriö ilo ainemöñ jen

ketak eo e ar jumae ið, bwe elðñ ro r'ar tðrinaek ið.

19 Anij e naj roñjake, im naj ke-jorran ir, aet Eo ej ber jen ien ko remotelok. Sela. Armij ro ejelok ukot ibeir, im re jab mijøk Anij.

20 E ar erlokwe pein nae ro r'ar iben ilo ainemðñ; e ar kananak bujen eo an.

21 Loen e ar meo eo jen butter, a buruen tðrinae wõt: nan ko an ebi-ruru jeu oil, a re jaji ko emwij nuri.

22 Kwon jolok inek eo am lon Jeova, im E naj baur yuk: E jamin likit ro remðñ bwe ren makðtkit.

23 A Kwe, O Anij, kwo naj dror-löllok ir ñðñ iloan roñ in kokkure; armij ro rej yokwe bõtðktøk im mon re jamin mour jimðtøn ran ko ran in armij, a ña I naj liki Yuk.

## SAM 56.

Ñon eo ej lala al; ilo Jonat-elem rebokim. Sam an Devid: Miktam. Ke dri Pilstia r'ar bøk e l Gath.

**K**WON tiriamokake ið, O Anij, bwe armij eo e kðnan wðrðñðlok ið; lomìn aolepen ran ej iri im matðrtðr ið.

2 Ro rej kijirät ið re kðnan wðrðñðlok ið aolepen ran; bwe relðñ rej jua im iri nae ið.

3 Ieu ko ñe ij lelñoñ I naj liki Yuk.

4 Ilo Anij I naj nebar An in nan. I ar liki Anij, I jamin mijøk, ta eo kðuiek e maroñ in kðmðñ nae ið?

5 Iomìn aolepen ran rej kankeke nan ko að, lemnok ko air otemfej re nae ið kin nana.

6 Re kweloklok, re tilekek, re killi buñten neið, im ein drein air kðtar nae að.

7 Re naj ko kin air jab wäuik ke? Ilo illu Kwon jolðllok ro dri ailif ko, O Anij.

8 Kwoj bwini jebwäbwe ko að, Kwoj likit dren in kemjalal ko að ilo boto eo Am; re jab ilo buk ne Am ke?

9 Ien eo rodri kijirät ið re naj jenliklik ilo ran ñe I naj kir: men in I jela bwe Anij e ñðñ ið.

10 Ilo Anij I naj nebar An in nan; ilo Jeova I naj nebar An in nan.

11 I ar liki Anij, I jamin mijøk; ta eo armij re maroñ in kðmðñ ñðñ ið?

12 Kanðjuj ko Am ioð O Anij, I naj lewoj men in katok ko, im kamolol Kwe.

13 Bwe Kw'ar lomoren að jen mij: Kwo jamin lomoren neið jen buñ ke? bwe in etal iman Anij ilo maran lu mour.

## SAM 57.

Ñon eo ej lala al; ilo Al-tasheth. An Devid: miktam; ke e ar ko jen Saul iloan roñ eo.

**K**WON tiriamokake ið, O Anij, Kwon tiriamokake ið; bwe að ej ko ñðñ Kwe; aet ilo lurin peñom I, naj tilekek, mae len iñtan keln ren joko.

2 I naj kir ñðñ Anij eutiejtata, ñðñ Anij eo Ej kðmðñmðñ men otemfej ñðñ ið.

3 E naj jilkintok jeu lðñ ko, im lomorið, ke eo e kðnan wðrðñðlok ið ej kajlrere. Sela. Anij e naj jilkintok An tiriamo im mol.

4 Að ej iben laiðñ ko; ij babu i bwiljin ro emwij tili ir, aet ro nejin armij, ñi ko ñiir rej mðri ko, im loir juðñ jaji ekðñ.

5 Kwon utiejlok jen lðñ ko, O Anij, Am albujuj en ilðñin aolepen lðl in.

6 R'ar kapoj juðñ jen ñðñ buñten neið, að e kumliklik, r'ar kðblj roñ imað, emwij air mðke buñ na iloan. Sela.

7 Buruð ebin O Anij, buruð ebin; I naj al, aet I naj al im nebar.

8 Kwon ruj, að aibujuij, kwon ruj salteri im arp: ña mðke I naj ruj ñe e rantak.

9 I naj kamolol Yuk, O Jeova, ilo jar ko an armij: I naj al im nebar Yuk iben ro dri ailif ko.

10 Bwe Am tiriamo elap ñðñ lðñ ko, im Am mol ñðñ mejatoto.

11 Kwo utiej O Anij ilõñlu loñ ko; Am aibujuij en ilõñ jen aolepen löl in.

## SAM 58.

Nõn dri lala al. Al-Tashbeth. An Devid: Miktam.

**E**MOL ami konono wänik ilo kejeklokjen ke? Kom ekajet ilo wänik ke, O komeo ro nejim armij?

2 Jab, ilo buruemi kom jerbale jerbale ko renana: kom paun ilo löl kokkure in peðmi.

3 Ro renana re drua majet jen loji; re jebwäbwe jen ien air lotak, im re konono riðp ko.

4 Air uno ekarek einwõt eo an juðn serpent; rej einwõt kiru adder ej bluej lojiliñin.

5 Eo e jab eorõñ alniken ro dri karel, ñe re meletlet im karel wõt.

6 Kwon ruje ñi ko ilo loñir, O Anij: kwon ruji im jolok ñi ko rap an laiðn ko emðu ridtair.

7 Ren monlok einwõt dren eo etorlok mðkøj: ñe ej kajime mðri ko an, ren einwõt ke emwij bukwe-lok ir.

8 Ren einwõt kiru snel, eo ej unlok im joko; einwõt ko an juðn kõra eo e jab lo al eo.

9 Mokta jen pot ko ami re maroñ in iñjake kaliklik ko, E naj bðklok ir kiu aire ko, ro rej ikðr im ro remat einwõt juðn.

10 Dru wänik e naj lðñliñ ñe ej lo irenwðne eo; e naj katutu neen ilo bõtðktðkin dri nana.

11 Ein drein armij re naj ba, Emol eor wðnan ñðn ro remðu: emol e juðn Anij ej ekajet ilo löl.

## SAM 59.

Nõn dri lala al. An Devid Miktam, ke Saul ear jilkinlok, im r'ar kil inweo luðn bwe reu nõn e.

**O** AÕ Anij kwon lomorið jen ro dri kijirät ið; Kwon leliñlok ið jenu ro rej jerekak nae ið.

2 Kwon kötlok ið jen ro rej jerbale nana, im lomorið jen armij ro re kõnake bõtðktðk.

3 Bwe lo rej kejar að; ro rekajur rej kweloklok nae ið: jab kin að bwir, jab kin að jerawiwi, O Jeova.

4 Rej etör im kapoj ir mðke, im ejelok ruõ: Kwou ruj im jibõñ ið im lo.

5 Aet, Kwe O Jeova Anij in jar in torinae ko, Anij in Israel, Kwon jerekak in lolok ro dri ailiñ otemjej: Kwon jab tiriamokake jabrewõt dri ketøk enana. Sela.

6 Rej jebaktok ke ejota, rej keroro einwõt kiru rorrer: rej etetal iturin jikin kwelok in.

7 Lo rej katorlok jen loñir; jäji ko ilo tieir; bwe re ba, Wõn eo ej roñjake?

8 A Kwe O Jeova kwo naj tõnkake ir; Kwo naj kajirere kake ro dri ailiñ ko otemjej.

9 O að Kajur, I naj kõtar Yuk; bwe Anij e að imðn bar eutie.

10 Anij in að tiriamo E naj wðmae ið; Anij e naj likit bwe in lo að kõnan ion ro dri kijirät ið.

11 Kwon jab mðn ir ñe ab ro droð ren meloklok; Kwon kejbliklok ir kin Am kajur, im jolðllok ir, O Jeova amuij likepijñðk.

12 Kin bwir an loñir, im nan ko an tieir reu jibwe ir ilo air jua, im kin air kandjñij in riðp eo re ba kaki.

13 Kwon kokkure ir ilo Am illu, kokkure bwe reu joko wõt: im ren jela bwe Anij ej Iroj ilo Jekðb ñðn jemlokðu löl in. Sela.

14 Im ke ejota ren jebak, im reu keroro einwõt kiru rorrer im etetal iturin jikin kwelok eo.

15 Re naj jebwäbwe bðjik kin kijeir, im berwõt iomiu aolepen boñ elañe re jab mat.

16 A I naj al kin Am kajur, yokwe, I naj kalaplok al kiu An tiriamo ñe ejiboñ bwe Kw'ar að imðn bar eutie, im juðn likepijñðk ilo ran eo ran in að jorrau.

17 Nõn Kwe O að Kajur, I naj al im nebar; bwe Anij e að imðu bar eutie, Anij in tiriamokake ið.



## SAM 60.

Nõn dri lalc al. Ion Shushan Eduth: Miktam an Devld. Kin katakin, ke e ar torinaek Aram-Naharaim im Aram-Zoba, im Joab e ar Jebiak im mõn ilo komlõl in salt Joñoul im ruo tausau.

**O** ANIJ kw'ar jolok kim, Kw'ar anij kim, Kw'ar illu, O Kwon bar karok kim.

2 Kw'ar kamõkit ene eo, Kw'ar nat e: Kwon karbin e ijo erup bwe e makõtkit.

3 Kw'ar kwalok nõu ro drom men ko rebın; Kw'ar kairak kim wain in Jebwal.

4 Kw'ar lelok juõn flag nõn ro rej mijõk Yuk, bwe ren kwalok e kin Am mol. Sela.

5 Bwe kötlok ro rej jitenburu lbõm, Kwon lomorem kin anbij-marõõm im uak kim.

6 Anij e ar konono ilo An kwo-jarjar, I naj jualõñlõn; I naj kijbil Sikem, im joñe komlõl in Sukkot.

7 Gilead e Aõ, im Menassa ej Aõ; Ipraim bareinwõt ej ken tõrak in bõra: Juda ej Aõ septer.

8 Moab ej Aõ jäbi iu kwolkwol; ilo Idõm I naj jolok juj eo Aõ: Pillistia, kwon lamij kin Na.

9 Wõn e naj añinlok iõ fia iloan jikin kwelok ekajur? Wõn e naj añinlok iõ nõn Idõm?

10 Kw'ar jab jolok kim ke, O Anij? Im Kwo jab ilok iben jar in tõrinae ko am.

11 Kwon letok jibõñ nae eo dri jumae, bwe ejelok tokjen an armij jibõñ.

12 Kin Anij kim naj beran in kõmõn: bwe E eo e naj juri ro rej kijiräte kim.

## SAM 61.

Nõn dri lalc al, ilo ken kajõñjõñ eor toatr. Sam an Devld.

**K**WON roñjake aõ kir, O Anij, Kwon eoroñ aõ jar.

2 Jen jemlokõn lõl I naj kir nõn Kwe, ñe buruõ e kijelok: Kwon añinlok iõ nõn dreka eutiejen ña.

3 Bwe Kw'ar juõn jikin tilekek nõn lõ, juõn imõn bar ekajur jen ro dri kijirät.

4 I naj jokwe ilo imõn kabere eo Am nõn in driõ, I naj ko nõn ken tõrak in peiõm ko. Sela.

5 Bwe Kwe O Anij, kw'ar roñjake aõ kanõjnij ko: Kwo naj letok nõn, iõ jolit an ro rej mijõk etõm.

6 Kwo naj kaitoklok mour an kiñ eo: yiõ ko an re naj einwõt ebeben im ebeben.

7 E naj ber iman Anij nõn in driõ: O Kwon kapoj tiriamo im mol bwe ren kejbáro e.

8 Ein drein I naj al im nebar etõm nõn in driõ, bwe in kamol aõ nau in kalimur ran im ran.

## SAM 62.

Nõn dri lalc al. Ion Jedutun. Sam an Devld.

**A**õ ej kõtar Anij wõt: jen E ej itok lomoriõ.

2 E wõt aõ dreka im aõ lomor: E aõ imõn bar eutiejen; I jamin kauuij makõtkit.

3 Ietõõn ami naj teltok juõn armij, bwe komin niõn e, aolepemi einwõt worwor in dreka emõllok, ak worwor in alal enañiu ubel?

4 Ir rej bebe wõt bwe ren jolõllok e jen an utiej; rej mõõõõ kin riõp ko, rej kamõõõõõk kin lolr a rej kokol ilo burueir. Sela.

5 Aõ kwon kõtar Anij wõt, bwe aõ kötõmene e jeu E.

6 E wõt aõ dreka, im aõ lomor: E aõ imõn bar eutiejen, I jamin makõtkit.

7 Iben Jeova aõ lomor im aõ aibujuuj: dreka an aõ kajur im aõ likepijñõk ilo Anij.

8 Komin liki E ien otemjej, O armij rõn; komin kwalok buruemi imau: Anij e likepijñõk nõn kim. Sela.

9 Armij retã re men in jekron, im armij reutiejen men in riõp: ilo ken paun re naj wõñlõñlok; re jimor emera jen wan.

10 Komin jab liki matõrtõr, im en jab utiej buruemi kin rakimi: elañe mweuiuk elõñlok komin jab kauuij yokwi.

11 Anij e ar konono juõn aleu, ruo

aleu I ar roñjake men in; bwe kajur iben Anij.

12 Bareinwõt ibõm O Jeova e tiriario; bwe Kwoj lelok ñõn armij otemnej ekar ñõn kõmõn ko air.

## SAM 63.

Sam an Devid, ke o ar ber I ene jemaren an Juda.

**O** ANIJ kwe aõ Anij; I naj kanuij kabukot Yuk: aõ ej maro kin Kwe, kõniekiõ ej oñkake Yuk ilo ene emera im kamõk, ljo ejelok dren ie.

2 Einwõt I ar lo Yuk ilo jikin kwojarjar eo, in lo Am kajur im aibujuij.

3 Bwe Am joij emõn jen mour, tiõ re naj nebar Yuk.

4 Ein drein I naj kamolol Yuk ke ij mour; I naj kwotõke peiõ ilo etõm.

5 Aõ e naj mat einwõt kin marro im matõk, im loõ e naj nebar Yuk kin tien lõñliñ.

6 Ke ij kememey Yuk ilo kliniõ, im kalomõnlokjen kin Kwe ilo mmij ko ke eboñ.

7 Bwe Kwe aõ dri jibõñ, im ilo lurin peiõm I naj mõnõnõ.

8 Aõ e kanuij lore Yuk, aubijmaroñõm ej baur iõ.

9 A ro rej bukot aõ bwe reñkokkure, re naj ilok ñõn mõtõn lõl retåtata.

10 Naj lelok ir ñõn kajur in jãji; re naj kijen jakol ko.

11 A kiñ eo e naj lõñliñ ilo Anij; ro otemnej rej kandjnij kin E re naj jualõñlõñ, naj binej loñin jabrewõt eo ej konono riõp.

## SAM 64.

Ñõn dri lalc al Sam an Devid.

**K**WON roñjake ainikiõ ilo aõ lotan; Kwon kejbãrok aõ mour jen mijõk dri kijirãt eo.

2 Kwon noj iõ jen bebe etino an ro rej kõmõn nana, jen iruij an ro euana air jeral.

3 Ro r'ar jeme loir einwõt jãji, im r'ar alej mõri ko air, nau ko remeo.

4 Bwe ren libon, ilo jikin ko re-

tino, ñõn ro rewãppeu: emõkõj air libon e im jab mijõk.

5 Rej kaberaulok ir mõke ilo juõn bebe enana; rej komao kin kapojõk jen ko ilo etino; re ba, Wõn e naj loi?

6 Rej kabukot jerawiwi ko; re ba, Kim ar katõbar juõn bukot e kanuij emõn, im lemnok iloan jabrewõt, im burueir r'iniõl.

7 A Anij e naj libon ir, kin juõn mõri re naj lil mõkõj.

8 Ein drein naj lõkatipe ir, loir re naj jumae ir: ro otemnej rej lo ir re naj jibolul bõrair.

9 Armij otemnej re naj mijõk; im re naj kwalok jeral an Anij: im re naj kalomõnlokjen ilo mietlet kin kõmõn ko An.

10 Ro remõn re naj mõnõnõ ilo Jeova, im naj liki E; im ro otemnej ejime burueir re naj jualõñlõñ.

## SAM 65.

Ñõn dri lalc al. Juõn Sam. Al an Devid.

**N**EBAR ej kõtãr Yuk O Anij, I Zaiõn; im ñõn Kwe re naj kamol kalimur eo.

2 O Kwe kwoj roñjake jar, ñõn Kwe kõniek otemnej e naj itok.

3 Jerawiwi ko rej bõk anjo jen ñã, kin bwir ko am, Kwo naj karreolok ir.

4 Emõnõnõ armij eo Kwoj kalet e, im kebakwoj e, bwe en jokwe iloan worwor ko Am; kin naj jokõne kin an mweo imõm emõn, kin jikin kwojarjar in tempel eo Am.

5 Kin men ko men in leñõñ Kwo naj uak kim ilo wãnik, O Anij in am lomor: Kwo men in liki an jemlokõn lõl in otemnej, im ro otemnej etolok i lometo.

6 Eo kin An kajur Ej kabin tol ko; emwij kãñõr E kin maroñ:

7 Eo ej kakejeklokjen ñirñir in lomalo ko, ñirñir in no ko air, im iruij an bwijin armij rõn.

8 Bareinwõt ro rej ber ljo etolok-tata renijõk kin kakõle ko Am; Kwoj kalõñliñ etalok ko an jibõñ im jota.

9 Kwoj lotok löl in im kaimlolo e, Kwo kanuij kamorur e: river an Anij elöñ kin dren: Kwoj lelok ñön ir korn, ñe ein drein Am kapojök ene.

10 Kwo kanuij kaimlolo jukur ko an, Kwo kötaik mötön ko reutie, Kwo kabirurui kin wut ko, Kwo kejerammön men ko rej edrek.

11 Kwoj kabelbil yiö eo kin Am joi, im ial ko Am re kabelñilñ matök.

12 Re buñ ion melaj ko an ene jemaren, im tol ko redrik re kañör-ñör kin löñilñ.

13 Melaj ko re libubu kin bwij ko bwijin ñip: komlöl ko re libubu kin korn; rej lamij kin löñilñ, re bareinwöt al.

## SAM 66.

Ñön dri lale al. Juön al. Juön sam.

**K**OMIN lamij ñön Anij kin löñilñ, aolepen löl.

2 Komin al im kwalök an etan abujuij: kaibujuij im nebar E.

3 Komin ba ñön Anij, e nañin men in leññoñ jermal ko Am! Kin Am kajur elap ro rej kijiräte Yuk re naj möke kötaik ir ñön Kwe.

4 Aolepen löl e naj kabuñ ñön Kwe, im naj al ñön Yuk: re naj al ñön etöm. Sela.

5 Komin item lo jermal ko an Anij, E men in leññoñ ilo An kömön ñön ro nejn armij.

6 E ar ukot lometo bwe en ene emera: r'ar ela im etetal liujen river eo; ijo kim ar löñilñ ilo E.

7 E kiñ in driö kin An kajur: mejen rej lale ro dri aillñ ko: ro dri kabata ren jab koutiejlok ir möke. Sela.

8 O komin kamöñöñik am Anij, komeo ro dri aillñ ko, im kömön bwe ren roñjake ainiken nebar E.

9 Eo ej drebij am ilo mour, im E jab likit bwe ren kamökkit neem.

10 Bwe Kwe O Anij, kw'ar melejoñ kim: Kw'ar melejoñ kim einwöt alr melejoñ silver.

11 Kw'ar kadrelofik kim ñön

iloan jen eo: Kw'ar likit inek erro ion ibim.

12 Kw'ar kömön bwe armij ren uwe ion böröm: kim ar ilok ilo kijeek im dren: a Kw'ar kadrioijtök kim ñön ilo mweuiök elöñlok.

13 I naj iwij ñön mweo imöm kin men in katok re tili: I naj kölaik kalimur ko aö.

14 Kalimur ko tiö r'ar ba, im loö e ar konono ke I ar jorran.

15 I naj katok ñön Kwe kin jurtak ko rej tili, men ko remattok kin ñöj in ñip koman ko, I naj katok kin kau koman ko im goat ko. Sela.

16 Komin iten roñjake, kom otemjej komij mijök Anij, im I naj kwalok ta eo E ar kömön ñön aö.

17 I ar lamij ñön E klu loñlö, im loö e ar nebar E.

18 Elañe ij lale jerawiwi ilo buruö, Jeova e jamin eoroñ iö.

19 A emol Anij e ar roñjake iö; E ar lale ainiken aö jar.

20 Emöñöñö Anij eo E ar jab kejeor aö jar, ak An tiriamo jen ña.

## SAM 67.

Ñön dri lale al. Ilo ken kajöñjöh eor toair. Juön sam. Juön al.

**A**NIJ en tiriamokake kim, im kejerammön kim, im kömön bwe mejen en romak lom. Sela.

2 Bwe ren jela Am ial ilo löl, Am lomor ilo aillñ ko otemjej.

3 Bwijn armij rön ren nebar Yuk O Anij, bwijn armij otemjej ren nebar Yuk.

4 O ro dri aillñ ko, ren möñöñö im al kin löñilñ: bwe Kwo naj eka-jet bwijn armij rön kin wänik, im iroñ ion ro dri aillñ ko ilo löl. Sela.

5 Bwijn armij rön ren nebar Yuk O Anij; bwijn armij otemjej ren nebar Yuk.

6 Lö l e ar letok an löñlok, aet am Anij wöt, E naj kejerammön kim.

7 Anij e naj kejerammön kim, im jemlokön löl otemjej re naj mijök E.

## SAM 68.

Nōn dri lile al. Sam an Davld. Juōn al.

**A**NIJ en jerkak: ro dri kijirāte ren jibliklok; ro rej drike E ren ko jen iman.

2 Einwōt ubakelok bat, ein drein Kwon ubakelok ir. Einwōt bwil ej unlok ilo kijeek, ein drein ro renana ren joko iman Anij.

3 Ro remōu ren mōuōuō, ren lōñliñ iman Anij; aet reu lōñliñ im mōuōuō.

4 Komin al ñōn Anij, komin al im nebar etan; komin kōmōn ial eutlej ñōn Eo ej uwelok ilo ene jemaren ko, kin etan JAH, im jua-lōñlōñ iman.

5 Jemen ro ejelok jemeir, Dri eka-jet an ro ejelok leo beleir, E Anij ilo imōn kwojarjar.

6 Anij ej likit ro rej mōke iair ilo nuklir ko; Ej kadrioljtok ro dri prisōn ñōu ilo jeban; a ro dri kabata rej jokwe ilo ene jemaren Ijo ejelok dren.

7 O Anij, ke Kw'ar ilok imañ armij ro drom, ke Kw'ar etal im driblok ene jemaren eo. Sela.

8 Lōl e ar wurirrir; lōñ ko r'ar wut iman mejen Anij, aet Sainai eo e ar wurirrir iman mejen Anij, Anij in Israel.

9 Kwe O Anij, kw'ar jilkintok elōñ wut, Kw'ar kabn jolit eo Am ke e mōk.

10 Bwij eo Am e ar jokwe iloan: Kwe O Anij kw'ar kapoj Am joiñ ñōn ro dri jeramel.

11 Irioj ej letok uan eo; kora ro rej kwalok e, juōn jar elap.

12 Kiñ ro an jar in tōrinae ko re ko, re ko, im lio ej ber ilo jikin ej ajej men in rakimi.

13 Meñe kom babu iturin worwor in šip, kom naj einwōt pein mull re libubu kin silver, im kolan bau ko kin gold emar.

14 Ke Eo eutiejtata E ar kejbliklok kiñ ro iloan, e ar einwōt ke sno e wutlok i Zalmōn.

15 Juōn tol an Anij, tol Bešan; juōn tol im Jabōn eutlej, tol Bešan.

16 Komeo tol ko reutiej, etke komij kili tol eo Anij e ar kōnan bwe En jokwe Ijo? Aet Jeova e naj jokwe ie ñōn in drio.

17 Jariōt ko an Anij roñoul tausau, aet tausau ko in tausau ko. Iroij ej ibeir, einwōt i Sainai, ilo jikin kwojarjar.

18 Kwon wōnliñlok ñōn jikin eutlej, Kw'ar kaje bokweik ro dri kaje bokwe: Kw'ar bōk jurtak ko iben armij, aet iben ro re bareinwōt kabata, bwe Jeova Anij en jokwe ibeir.

19 Emōnōnō Iroij eo. Ej ineke inek eo am, ran im ran. Aet Anij eo Ej am lomor.

20 Anij e ñōn kim juōn Anij in lomor; im ial ko jen mij an Jeova, Iroij.

21 Emol Anij e naj kakiniñij bōran ro dri kijirāte, kilin bōran eo ej etal wōt ilo ruōn.

22 Iroij e ar ha, I naj bar bōktok jen Bešan, I naj bar bōktok ir jen imlōl ko in lojit:

23 Bwe Kwon likit neōm ilo bōtōktōk; bwe loen kiru rorrer ko en bōk an kij jen ro dri kijirāte Yuk.

24 Re kar lo ial ko Am O Anij, eokwe, ial ko au aō Anij ilo jikin kwojarjar.

25 Ro dri al r'ar ilok imanlok, ro dri kajōñjōñ r'ar lori, i bwiljin kōra rōn rej pā ilo timbrel ko.

26 Komin kamōnōnōik Anij ilo jar an armij rōn, aet Iroij eo, komeo jen unīn dren ko an Israel.

27 Ijo Benjamin erik, air iroij; im bwirōk ro an Juda im dri bebe ro air; bwirōk ro an Zebulōn; bwirōk ro an Naptelai.

28 Amuij Anij e ar kaiñi am kajur; Kwon kakajur, O Anij, men eo emwij Am kōmōnōnōne ñōn kim.

29 Kin tempel eo Am i Jerusalem, kin ro re bōktok owōj ko ñōn Kwe.

30 Kwon kowe kiru rawia iu koba ko, kau koman relōñ im kon in

kau ko an dri allif ko rej lõflif ilo tõrinae ko.

31 Bwirök rön re naj itok jen Ijipt; Ilopla e naj kalur e im erlokwe peln fiön Anij.

32 Komin al fiön Anij, komeo allif ko allif in kif in lõl; O komin al im nebar Iroj. Sela.

33 Nõn Eo ej uwe ion lõn ko in lõn ko, re jen ien emotelok, lo Ej kwalok ainiken, ainiken ekajur.

34 Komin lelok kajur fiön Anij: an utiejtata ej ion Israel, im kajur eo An ilo mejatoto.

35 O Anij kwoj alet jen jikin kwojarjar ko Am: Anij in Israel ej lelok kajur im bin fiön ro dron. Emõuõuõ Anij.

### SAM 69.

Nõn dri lale al. Ion Shoshannim. Sam an David.

**K**WON lomoriõ O Anij, bwe dren ko r'ar dreloftok fiön aõ.

2 Na ij maloñ ilo birikõt ijo imlõl im ejelok jikin jutõk. I ar itok fiön iloan dren ko rimlõl, ijo ibij ko re kamaloñ lõ.

3 Ij mõk kin aõ jõñ, buruõ emeralok; e mõk toõn meja ke ij kõtär aõ Anij.

4 Ro rej kijirät iõ im ejelok unin, relõñlok jen kol ko kolan bõra: ro re kõnan kokkure iõ, kri kijirät iõ im dri wan, re kajur wõt: inem I ar lelok men ko I ar jab bõktok.

5 O Anij kwo jela aõ bwebwe, im bwir ko aõ I ar jab noj jen Kwe.

6 Ro rej kõtär Yuk ren jab jok kin fia, O Anij Jeova in jar in tõrinae ko: ro rej kabukot Yuk ren jab kananaik ir kin fia, O Anij in Israel.

7 Bwe kin Kwe r'ar kinaklok iõ; jok e ar binej turin meja.

8 I ar drua maijet fiön ro jeiõ im jatlõ; juõn dri belli fiön ro nejju jinõ.

9 Bwe aõ kijejeto kin mweo imõm e ar kãñiõ: im kinaklok ko an ro rej kinaklok Yuk r'ar buñ iõ.

10 Ke I ar jõñ im kajek aõ kin jitlok, eñin e men in kinak fiön iõ.

11 Ke I ar kõnõk nuknuk ko eklep

iren, I ar juõn nan in kajirere fiön ir.

12 Ro rej Ijõt ilo kejem re konono kin fia; ro dri karek rej alkake iõ.

13 A kin fia, aõ jar fiön Yuk O Jeova, ilo ien kabufiburuõm O Anij, ilo Am tiriamokake relõñ.

14 Kwon lomoriõ jen birikõt, im jab likit iõ bwe in maloñ; ren lomoriõ jen ro dri kijirät lõ, im jen dren ko r'imlõl.

15 Ibij en jab kamaloñ iõ; ijo imlõl en jab wõrõñõlok iõ, im roñ eo en jab kiii loñin iõ.

16 Kwon uak iõ O Jeova, bwe Am joij e emõn; kin Am tiriamokake relõñ Kwon jujeltok fiön iõ.

17 Im kwon jab binej mejõm jen korijerõm, bwe fia I Jorran; Kwon uak iõ mõkõj.

18 Kwon kebaktok fiön aõ im lomoren. Kwon wialk iõ kin aõ dri kijirät.

19 Kwo jela aõ kinak im aõ jok, im air kananaik iõ; ro rej kijirät iõ, ir otemjej re imam.

20 Kinak eo e ar rupe buruõ, I obrök kin erro, im I ar lale elañe jabrewõt eo en tiriamokake, e ejelok; im elañe eor dri kainemõn, a I ar lo ejelok.

21 R'ar letok fiön iõ at kijiõ, im ilo aõ maro r'ar letok dren emũñ ilmõ.

22 Air tebel imair en juõn jen; im ñe re ainemõn men in en nokajir.

23 Mejeir ren tõp, bwe ren jab lo; im Kwon kõmõn bwe ibir ren wurrirr ien otemjej.

24 Kwon lutõklok Am illu ioir; im Am illu ewil en lukwõrkwõr ir.

25 Moko imweir ren jeebeplok, im ejelok en jokwe ilo im nuknuk ko air.

26 Bwe rej matõrtõre eo Kw'ar dreñlokwe; im rej kenan kin burromõj an ro Kw'ar kakiniñij ir.

27 Kwon kobaik nana fiön air nana; im ren jab dreloñ fiön iloan Am wãnik.

28 Kwon jeorlok ir jen buk in mour; im jab jeje ir iben ro dru wãnik.

29 A ña I jeramel im buronij; Am lomor O Anij en likit iõ ljo etutie.

30 I naj nebar etan Anij kin juõn al; im I naj kalaplok E kin kamolol.

31 Im men in e naj kabuñburuen Jeova elap jen kau, ak jen kau koman eor an drun im aki.

32 Ro r'iuimõn r'ar loe im mõnõnõ, komeo komij bukot Anij, buruemi ren mour.

33 Bwe Jeova ej roñjake ro dri aikwij; im E jab kejekron dri prisõn ro An.

34 Lõñ im lõl ren nebar E, lometo ko im jabrewõt ej tobõllok iloír.

35 Bwe Anij e naj lomoren Zalõn, im kalek jikin kwelok ko an Juda, im re naj jokwe ie, im e naj air wõt.

36 Inen ro dri korijeran re naj bõke air jolit; im ro rej yokwe etan re naj jokwe iloan.

### SAM 70.

Ñõn dri lala al. Sam an Devid; men in kakeme-mej.

**O** ANIJ, kwon kaiur Yuk in lomoriõ; Kwon kaiur Yuk in jibõñ iõ, O Jeova.

2 Ro rej kabukot aõ, ren jok im lolbon; keжебliklok ir im kunnainak ir, ro rej mõnõnõ in kejjoran iõ.

3 Ren jeblaklok kin nlr jok, ro re ba, Aha! Aha!

4 Ro otemjej rej kabukot Yuk, ren lõñliñ im mõnõuõ ilo Kwe: im ro rej yokwe Am lomor ren ba ien otemjej, Anij en laplok.

5 A ña I jeramel im aikwij; Kwon jarõptok ñõn iba, O Anij, Kwe aõ dri jibõñ im aõ dri lomor. O Jeova kwon jabrumijtok.

### SAM 71.

**O** JEOVA ij liki Yuk; in jamin jok ñõn in drio.

2 Kwon kötlok iõ ilo Am wānik, im likit bwe in ko: Kwon kajirtok lojiliñõm ñõn iõ im lomoriõ.

3 Kwon einwõt dreka in jokwe ñõn iõ; eo in maroñ in ilok ñõn e ien otemjej: Kw'ar kaiñi in lomoriõ, bwe Kwe aõ dreka, im aõ me.

4 O aõ Anij, kwon kõmõn bwe in ko jen pein dri nana eo, jen pein armij eo e jab wānik im elej.

5 Bwe Kwe aõ kejatirikrik, O Iroi Anij, im aõ men in liki jen ke I ar ajiri.

6 Kw'ar kwotõk iõ jen lojien; Kw'ar bõk iõ jen lojien jinõ; aõ nebar e naj kin Kwe ien otemjej.

7 Ña men in bwilõñ ñõn elõñ: a Kwe aõ likepijñõk ekajur.

8 Loñiõ e naj obrõk kin nebar Yuk, im kin Am aibujulj iomin aolepen ran.

9 Kwon jab jolok iõ ñe I naj karuij ridto; Kwon jab illok jen ña ñe I mõjinolok.

10 Bwe ro dri kijirät iõ rej konono kin iõ; im ro rej killi aõ re bebe iben dron.

11 Im ba, Anij e ar likit e, komin lukwõrkwõr e im bõke, bwe ejelok ñõn lomoren.

12 O Anij kwon jab etolok jen ña; O aõ Anij kwon kaiur Yuk in jibõñ iõ.

13 Ren jok im etõp, ro rej kijirät aõ; ren libubu kin kinak, im kannainak ir rej kabukot in kokkure iõ.

14 A ña I naj kejatirikrik iõ ien otemjej, im I naj nebar Yuk im kalaplok aõ nebar.

15 Loñiõ e naj kennan kin Am wānik, im kin Am lomor aolepen ran; bwe I jaje bwinbwin ko an.

16 I naj itok im iba kõmõu ko rekajur an Iroi Jeova: Am iõ konono kin Am wānik; Am wõt.

17 O Anij kw'ar katakiu iõ ien aõ ajiri, im ñõn ien in I ar kwalok kõmõn ko Am, re men in bwilõñ.

18 Eokwe, ñe I naj ridto im uõn kolan bõra O Anij, kwon jab illok jen ña, mae ien emwij aõ kwalok Am kajur ñõn bar juõn eeben; Am maroñ potata ñõn ir otemjej re naj itok.

19 Am wānik bareinwōt O Anij, e kanuij utiej: Kw'ar kōmōn men ko relap, O Anij, wōn eo ej einwōt Kwe?

20 Bwe Kw'ar kwalok nōn kim jorran ko relōn im reuana; Kwo naj bar-kāejmour kim, im naj bōk-lōnōk kim jen imlōl ko in ene.

21 Kwon kalaplok aō lapen, im oktōk im kainemōn lō.

22 I naj bareinwōt nebar Yuk kin ken kajōñjōñ salteri, aet Am mol, O aō Anij: nōn Kwe I naj al im nebar kin arp, O Kwe dri kwojar-jar in Israel.

23 Tiō re naj kanuij lōñliñ ñe I naj al nōn Kwe kin nebar ko, im aō eo Kw'ar lomoren.

24 Loō bareinwōt e naj konono kin Am wānik iomiu aolepen ran; bwe re jok im lolōn, ro rej bukot, in kokkure lō.

## SAM 72.

Sam an Solomōn.

**O** ANIJ kwon lelok ekajet ko Am nōn kiñ eo, im wānik nōn eo nejn kiñ.

2 E naj ekajet ro dri allif eo Am ilo wānik, im dri jeramel ro Am kin ekajet.

3 Tol ko re naj bōktok ainemōn nōn ro dri allif eo, im tol ko redrik, ilo wānik.

4 E naj ekajet ro dri jeramel an allif eo, E naj lomoren ro nejn dri aikwij rōu, im E naj ruprupe dri matōrtōr.

5 Re naj mijōk yuk ke al ej berwōt, im iman allif, iomiu ebeben otemjej.

6 E naj wōnlōltok einwōt wut ion ujoj emwij bukwelok, einwōt wut-rikrik ko re kaimlolo ene.

7 Ilo ran ko an ro remōu re naj jerammōn, im e naj lōñ ainemōn mae len joko aliñ.

8 E naj bareinwōt iroj jen lomalo nōn lomalo, im jen river eo nōn jemlokōn ko jemlokōn lōl.

9 Ro dri ene jemaren re naj barik-rik jen e, im ro dri kijrātē re naj drōmij bōñōlōl.

10 Kiñ ro an Tarsis, im an allif ko, re naj bōktok men in lelok ko, kiñ ro an Siba im Shiba re naj lelek jurtak ko.

11 Eokwe kiñ ro otemjej re naj buñbero iman; ro dri allif ko otem-jej re naj korijer nōn e.

12 Bwe e naj kōtlōk ro dri alkwi-ke rej lamij, im ro dri jeramel, ro ejelok air dri jibōñ.

13 E naj tiriamokake ro dri jera-mel im ro dri aikwij, im e naj lo-moren nōu an ro dri alkwi.

14 E naj wiaik air jen matōrtōr im kokkure, im e naj aurōk botōk-tōkir iman mejen.

15 Im re naj mour, im nōn e re naj lelok gold in Siba: im armij re naj jar kin e ien otemjej; re naj kamōnōnōk e iomiu aolepen ran.

16 E naj lōñ korn ilo ene ion ja-bōn tol ko; leir e makōtkit einwōt Lebanōn: im ro dri jikiu kwelok eo re naj edreklok einwōt ujoj in ene.

17 Etan e naj berwōt nōn in driō; etan e naj ber einwōt al, im armij re naj jerammōn ilo e: ro dri allif otemjej re naj naetan dri mōnōnō.

18 Emōnōnō Jeova Anij, Anij in Israel, eo wōt Ej kōmōn men in bwilōñ ko.

19 Im emōnōnō etan e aibujuij nōn in driō; im aolepen lōl in en qbrōk kin an wuj. Amen, im Amen.

20 Emwij jar ko an Devid, nejn Jesse.

## SAM 73.

Sam an Esaf.

**E**MOL Anij e joiñ nōn Israel, nōn ro erre burueir.

2 A kin fia, neiō re kar nañin joko; buñten neiō r'ar nañin jir.

3 Bwe I kar junmar ro re jua, ke I ar lo an ro dri nana jerammōn.

4 Bwe ejelok iñtan ilo air mij; ak kajur eo air ebin.

5 Re jab jorran einwōt armij ro jet, im jab kokkure ir einwōt ro jet.

6 Inem jua ej kabol burueir ein-

wöt tomere, matörtör ej kalibubu ir einwöt kobe.

7 Mejér rebøj kin mattök, ibeir elöñ jen burueir re maroñ in köuan.

8 Re kajirere, im ilo nana rej konono kake matörtör, re burollap wöt.

9 Rej likit loñir nae löñ ko, im loir rej etetal ilo löl.

10 Iuem armij ro An re jeblaktok ñön ijln, im dren ko in köp elöñ emwij uñtake ñön ir.

11 Im re ba, Ekijkan Anij e jela? Eorke jelalokjen iben Eo eutlej-tata?

12 Lo rein ro dri nana, im ilo air ainemöñ ieu otemjej re koorlok mweiuk ko.

13 Emol ejelok tokjen að karreo buruö, im aminl peiö ilo jab ruö.

14 Bwe iomin aolepen ran ar kalñtan lö, im ilo jiböñ otemjej emwij kajeik lö.

15 Elañe I ar ba, E naj ein drein að konono, lo I naj kar kömöñ men in mon ñön ebeben in ro nejöm

16 Ke I ar lemnok, ekijkan I naj maroñ in jelakake men in, e ar men in jorran ilo meja.

17 Mae ieu að ilok ñön jikin kwojarjar au Anij, im kalomönlökjen kin jemlokir.

18 Einol Kw'ar likit ir ilo jikin jirlok ko; Kwoj jolöllök ir ñön kokkure.

19 Etke rej einwöt jeebeplok mököj? Re joko otem joko kin men ko men in kaleñöñ ir.

20 Einwöt tönak ke juön eruj, ein drein O Irolj, ñe emwij Am ruj Kwo naj kejekron wäweir.

21 Bwe buruö e ar buromöj, im e kar lil ubö.

22 Ein drein I ar nañin einwöt juön kiru, im jab jelalokjen; I ar einwöt kiru awla imau mejöm.

23 Mekarta ña ij iböm ien otemjej; Kw'ar drebij anbijmaroñiö.

24 Kwo naj bakajen að ial kin Am bebe, im tokelik bökö lö ñön albu-julj.

25 Wön eo að ilo löñ ko elañe jab

Kwe? Im ejelok ion löl ij oñkake, a Kwe wöt.

26 Könieklö im buruö re kijelok; a Anij e kajur in buruö, im að men in jolit ñön in driö.

27 Bwe lo, ro retolok jen Kwe re naj joko; Kw'ar kokkure ir otemjej rej illok jeu Kwe ilo löñ ko.

28 A emöñ iba bwe in kebakwoj ñön Anij; I ar kömöñ Anij Jeova að likepifñök bwe in kennan kake jerbäl ko Am otemjej.

### SAM 74.

Maakil an Esaf.

**O** ANIJ etke Kw'ar jolok kim ñön in driö? Etke Am illu ej batat nae sip ko ilo melaj eo Am.

2 Kwon kememey jar eo Am, kw'ar wiak e jen ien ko retolok; eo Kw'ar lomoren bwe en bwijn eo Am jolit; im tol Zalön Kw'ar jokwe iloan.

3 Kwon leliñlok neöm ñön men ko men in jeebeplok ñön in driö, aolepen nana dri kijirät eo e ar kömöñ ilo jikin kwojarjar.

4 Ro dri kijiräte Yuk r'ar rorror ilo bwiljin jar eo Am; r'ar leliñlok flag ko air einwöt kaköle ko.

5 R'ar einwöt armij rej kwotöke mal ko nae wijki ko re kut.

6 Im kiö men ko otemjej r'ar tiltil kin naip rej jünor kokkure kin mal ko im kin'ammer ko.

7 R'ar tilli kin kijeek imöñ kwojarjar eo Am: r'ar kananaik mwéo, ijo etöm ej jokwe, ñön brlj wöt.

8 R'ar ba ilo burueir, Jen kokkure ir otemjej: r'ar tilli imöñ kwolok ko otemjej an Anij ilo ene eo.

9 Kim jab lo kaköle ko Am; ejelok bar juön dri kanan, im ejelok juön ibem eo e jela letoñ.

10 Ietoñ O Anij, dri kijirät eo e naj kitötökake? Dri kijirät eo e naj blaspim etöm ñön in driö ke?

11 Etke Kwoj kekake peiöm, set anbijmaroñöm? Kwon böke jen uböm im kokkure ir.

12 A Anij að Kiñ jen len ko remotelok, E jerbale lomor ilo bwiljin löl.



13 Kw'ar kijbil lomalo eo kin Am kajur, Kw'ar ruji bōran drakōn ko ilo dren ko.

14 Kw'ar ruji ilo mōtōn ko bōran Livalatan, Kw'ar lelok e fiōn ro rej jokwe ilo ene jemaren eo bwe en kijeir.

15 Kw'ar belaj unin dren, im ibij; Kw'ar karoj river ko relap.

16 Ran eo Am, boñ bareinwōt Am; Kw'ar kapojōk maram im al.

17 Kw'ar likit toreren ko in lōl; Kw'ar kōmōn ien mānān im ien ebio.

18 Kwon kememej men in, ro dri kijrāt r'ar kitōtōkake, O Jeova, im jar an dri bwebwe r'ar kejekron etōm.

19 Kwon jab lelok fiōn kiru awia mour an tōrtel dōv eo Am: Kwon jab meloklok kin mour an dri jeramel ro Am fiōn in drlo.

20 Kwon lale bujen eo, bwe jikin ko remarok an lōl robrōk kin mo ko imōn kokkure.

21 O Kwon jab likit bwe ro emwij matōrtōr ir ren jok im jeblak, ro dri jeramel im ro dri alkwij ren nebar etōm.

22 Kwon jerkak O Anij, kwon altuerōk kin men ko Am; kwon kememej ekijkan dri bwebwe eo ej kitōtōkake Yuk lomin aolepen ran.

23 Kwon jab meloklok ainiken ro dri jumae Yuk; Iruij an ro rej jerkak nae Yuk elliflok ien otemjej.

## SAM 75.

Nōndri lale al. Al-tasbeth. Saman Esaf. Juōn al.

**K**IM kamolol Yuk O Anij, kim kamolol, bwe ebak etōm; armij rej kennan kin jermal ko Am, men in bwilōñ.

2 Ñe I naj lo len emwij bebe kake, I naj ekajet jime.

3 Lōl im ro dri lōl otemjej re unlok; I ar kajutōk jur ko an. Sela.

4 I ar ba fiōn ro dri jua, Komin jab jualōñilōñ; im fiōn ro dri nana, Komin jab leliflok drun.

5 Komin jab kanuij koutiej drun

eo ami: komin jab konono im ebin kenwami.

6 Bwe leliflok e jab itok jen rear, ak jen kabilōñ, im jab jen rōk.

7 A Anij e dri ekajet, Ej kōtaik juōn im koutiej bar juōn.

8 Bwe ilo pein Jeova juōn kōp im wain eo ej lijemōrmōr; ej elōñ kin men in karek, im E katorlok jen e; emol ro dri nana otemjej in lōl re naj uñtake, im Irak men re jo.

9 A fia I naj kwalok fiōn in drlo, I naj nebar im al fiōn Anij in Jekōb.

10 Drun ko otemjej an ro dri nana I naj bukwe, a drun ko an ro remōn naj koutiej ir.

## SAM 76.

Nōn dri lale al, lon ken kajōñjōñ eor toatr. Sam an Esaf. Juōn al.

**I**LO Juda re jela Anij, elap etan ilo Israel.

2 I Selem bareinwōt imōn kabere eo An, im mweo imōn ilo Zaiōn.

3 Ijo E ar kabwilok mōri ko im libon; likepijñōk eo im jāji im ketak. Sela.

4 Kwe aibujulj im emōntata jen tol ko in rakimi.

5 Emwij rakimi ro ekajur burueir; r'ar kiki mitōñ, im armij rekajur otemjej r'ar jab lo peir.

6 Kin Am kowe ir O Anij in Jekōb, jariōt im ors r'ar kiki mitōñ.

7 R'ar leliñōñ kin Yuk, kwe wōt, im wōn e naj jutōk iman mejōm ñe emwij Am illu?

8 Kw'ar kōmōn bwe ren roñjake ekajet jen lōñ; lōl e ar mijōk im kakije.

9 Ke Anij e ar jerkak fiōn ekajet, in lomoren ro otemjej an lōl ro etā burueir. Sela.

10 Emol illu an armij rōn e naj nebar Yuk; matōn illu Kwo naj kañōrñōr Yuk kake.

11 Komin kalimur im kamol e fiōn Jeova ami Anij; ro otemjej rej ber iturin ren bōktok men in lelok fiōn eo emōn ren leliñōñ kake.

12 E naj bukweelok mour an iroij rön; E komak n̄ön kin ro an löl.

## SAM 77.

N̄ön dri lalē al. Ilo w̄awen Jeduthun. Sam an Easf.

**I** NAJ lamij n̄ön Anij kin ainikiō, aet n̄ön Anij kin ainikiō, im E naj eoroñ lö.

2 Ilo ran in jorran eo aō I ar bukot Iroij; I ar erlokwe peiō ke eboñ im e jab kakije; aō e ar abwin bwe ren kainemōn e.

3 Ij kememej Anij im abwin-mōke; I lotan im aō ej kijelok. Sela.

4 Kwoj drebij meja jen kiki; I lil im ban konono.

5 I ar kalomōnlokjen kin ran ko remotelok, yiō ko an ien ko mokta.

6 I kememej aō al ilo boñ, I kalomōnlokjen ilo buruō im aō e kauij kabukot.

7 Iroij en jolok n̄ön in drio ke? Im E jamin bar jeraik ke?

8 An tiriamo e joko otem joko n̄ön in drio ke? An kallimur e mōjino- lok in drio ke?

9 Anij e ar meloklok kin joij ke? Ilo An illu E ar kill an tiriamokake ke? Sela.

10 Im I ar ba, Eñin aō mōjino, a I naj kememej yiō ko an anbijmaro- n̄ön Eo eutiejtata.

11 I naj konono kin jermal ko an Jeova, I naj kememej men in bwilōñ ko Am jen ien ko remotelok.

12 I naj kalomōnlokjen kin aolepen Am jermal, im lemnok kin kōmōn ko Am.

13 Am ial O Anij ilo jikin kwojarjar: w̄ön eo anij elap einwōt Anij?

14 Kwe Anij eo Ej kōmōn men in bwilōñ ko; Kw'ar kwalok Am kajur iben ro dri ailñ ko.

15 Kw'ar lomoren ro dri ailñ eo Am kin anbijmaroñōm, ro nejin Jekōb im Josep. Sela.

16 Dren ko r'ar lo Yuk, O Anij, dren ko r'ar lo Yuk im mijōk; im löl ko re bareinwōt wurirrir.

17 Kōro ko r'ar katorlok dren; mejatoto e ar kwalok ainiken; mōri ko Am re bareinwōt kākī.

18 Ainiken Am jurur ilo alre ko; jarōm ko r'ar kamramlok löl: ene e ar bañijñij im makōtkit.

19 Ial eo Am e ar ilo lometo, im etal ko Am ilo dren ko relap, im buñten ko buñten neōm r'ar jaje kaki.

20 Kw'ar tellok ro dri ailñ eo Am einwōt bwijin šip kin pein Moses im Aarōn.

## SAM 78.

Maakil an Easf.

**O** DRI ailñ eo aō, komin eoroñ aō kien; komin kajirtok lo- jilñemi n̄ön nan ko nan in loñiō.

2 I naj walōñil loñiō ilo wan jō- ñok; I naj konono kake nan ko retino jen ien mokta.

3 Nan ko kim ar roñjake im jela- kake; im ro jimam r'ar kenannek kim.

4 Kim jamin noji jen ro nejiir, im naj kennanek n̄ön ebepen e naj itok nebar ko an Jeova, im An kajur, im men in bwilōñ ko E ar kōmōnmōni.

5 Bwe E ar kajur men in kennan ilo Jekōb, im likit kien n̄ön Israel, eo E ar kaiñil n̄ön ro jimam, bwe ren kajelaik ro nejiir kaki.

6 Bwe ebepen eo enaj itok en jela kajeir, im ro nejiir re naj lotak; ro re naj jerkak im kenannek kaki ro nejiir.

7 Bwe ren likit air kōtōmene ilo Anij, im jab meloklok jermal ko an Anij, a ren bokake kien ko An.

8 Im ren jab einwōt ro jimair, ebepen e bōt im e kabata; ebepen eo e ar jab likit burueir bwe ren jimwe, im air jitōb e ar jab rim iben Anij.

9 Rouejin Ipraim, eor ken tōrinae ibeir, im libon ko, r'ar oktōklik ilo ran in tōrinae.

10 R'ar jab kejbārok bujen eo an Anij, im abwin in etal ilo kien eo An.

11 Im r'ar meloklok kōmōn ko An, im jerbāl ko men in bwilōñ E ar kwalok ñōn ir.

12 E ar kōmōn men in bwilōñ ko iman mejen ro jimair, ilo ene Ijpt, ilo melaj eo an Zoan.

13 E ar kijbil lomalo eo, im kōmōn bwe ren etallok iloan: im E ar kajutōk dren ko einwōt ejojij.

14 Ilo ran E ar tel ir kin kōro, im iomiu aolepen boñ kin maram in kijeek.

15 E ar ruje dreka ko ilo ene jemaren, im lelok ñōn ir limeir elōñ jen imlōl ko.

16 E ar bareinwōt bōktok kata-rakt ko jen dreka, im katorlok dren ko einwōt river.

17 Ijoke, r'ar etal wōt im jerawiwi nae E, im kabata nae Eo eutiejtata ilo ene jemaren eo.

18 Im r'ar melejoñ Anij ilo burueir kin air kajitōk kijeir ñōn air dōr.

19 Aet, r'ar konono nae Anij, im r'ar ba, Anij e maroñ in kapojōk tebel i ene jemaren ke?

20 Lo E ar jebōk dreka, inem dren ko r'ar torlok, im river elōñmejjir-jir; E bareinwōt maroñ in letok bred ke?

21 Kin men in Jeova e ar illu, kejo kijeek nae Jekōb, im illu e ar wōñliñlok nae Israel.

22 Bwe r'ar jab tōmak Anij, im jab liki An lomor.

23 Mekarta, E ar jiroñ mejatoto ilōñ, im kebellōk aur ko in-lōñ.

24 Im E ar kowutlok manna loir bwe ren mōña, im E ar lelok ñōn ir korn in lōñ.

25 Armij r'ar mōña bred an ro rekajur; E ar jilkinlok ñōn ir kijeir bwe ren mat.

26 E ar kōmōn bwe kōto in rear en ukwe i mejatoto; im kin kajur eo An E ar kajimetok kōto jen rōk.

27 E ar kowut kōniek bareinwōt loir einwōt bōñōlñōl, im bao ko eor peir einwōt bok in lometo.

28 Im E ar kowutlok e ilo bwiljin

imōn kabēr ko air, im iturin mo ko imweir;

29 Ein drein r'ar mōña im remat, im E ar lelok ñōn ir men ko r'ar kanuij oñkaki.

30 R'ar jañin jolok air dōr, kijeir e ar berwōt ilo loñir;

31 Inem illu an Anij e ar wōñliñlok nae ir, im E ar mōn jet lan ro remattok ibeir, im jebōk ñōn lōl ro likao, ro dri kalet in Israel.

32 A jekron men kein otemjej, re jerawiwi wōt, im jab tōmak men in bwilōñ ko An.

33 Kin men in E ar jeroane ran ko air ilo wan, im yiō ko air ilo lelñōñ.

34 Ke E ar mōn ir, ien eo r'ar kabukot E, im r'ar jeblok im kajitok mōkōj kin Anij.

35 R'ar kememej bwe Anij e air dreka, im Anij eo eutiejtata air Dri lomor.

36 A r'ar etaō ñōn E kin loñir, im r'ar riōp ñōn E kin loir.

37 Bwe burueir r'ar jab jime iben, im r'ar jab tiljek ñōn bujen eo An.

38 A Eo, eobrōk kin tiriamo, E ar jolok air nana, im E ar jab mōu ir; aet elōñ alen E ar kajeōr An illu, im E ar jab biuktok aolepen illu eo An.

39 Im E ar kememej bwe r'ar kōniek wōt, juōn kōto ej ilok im jab jebllōk.

40 Elōñ alen air kabata nae E ilo ene jemaren, im kaburomōj E ilo ene rārōk eo.

41 Im r'ar bar oktōk im melejoñ Anij; im kakitōtōik Eo ekwojar-jar an Israel.

42 R'ar jab kememej pein, ak ran eo ke E ar lomorir jen dri kijirāt eo.

43 Ekijkan E ar likit kakōle ko An ilo Ijpt, im men in bwilōñ ko An ilo ene Zoan.

44 Im E ar kōmōn river ko air erōm bōtōktōk, river ko redrik bwe ren ban irak ie.

45 E ar jilkinlok ñōn ibeir bwiljin loñ ko r'ar kãñi ir, im frog ko r'ar kokkure ir.

46 E ar lelok air jonikōn ñōn lika-

krök eo, im air jermal ñön lokös ko.

47 E ar kokkure vain ko air kin wut ebin, im air wijki sikamor kin blo.

48 E ar bareinwöt lelok kiru kau ko air ñön wut ebin, im air bwijin šip ñön jaröm ko rebwil.

49 E ar jilkinlok ñön ibeir bwil in illu eo An, liböpne, illu, im jorrau, juön jar an enjel ro renana.

50 E ar kōmōn ial ñön illu eo An, E ar jab kejbārok air jen mij, a E ar lelok air mour ñön nañinmij enana.

51 Im E ar mōn manji rōn otem-jej i Ijpt, lukuwōn air kajur ilo mo ko imōn Ham.

52 A E ar tellok ro dron einwöt šip ko, im E ar tel ir ilo ene jema-ren einwöt bwijin šip.

53 Im E ar tellok ir ilo ainemōn, inem r'ar jab lelñōñ; a lomalo eo e ar kamaloñ ro dri kijirāt ir.

54 Im E ar tel ir ñön tōrenen jikin kwojarjar eo An, im ñön tol in, eo anbijmaroñon e ar wlaik e.

55 E ar ubakelok ro dri allin ko jen imair, im E ar ajej ñön ir air jolit kin to in joñok, im E ar kōmōn bwe bwijin Israel ren jokwe ilo im nuknuk ko air.

56 Ijoke r'ar melejoñ im kabata nae Anij eo eutiejtata, im r'ar jab kejbārok kien ko An.

57 A r'ar oktoḱlik im kōmōn ilo mon einwöt ro jimair; r'ar jeōr einwöt libon eo etaḱik.

58 Bwe r'ar ašōtñōte E kin air jikin kabuñ reutiej, im r'ar kamoik E kin air men in e, r'ar jekjek.

59 Ke Anij e ar roñjake men in, E ar illu, im E ar kanuij jōjōik Israel.

60 Inem E ar illok jen imōn kabere in Šailo, im nuknuk eo E ar likit iben armij rōn.

61 Im E ar ketōk an kajur ñön jebokwe, im aibujuj eo an ñön pein dri kijrāt.

62 E ar bareinwöt lelok ro dron ñön jāji, im E ar illu nae jolit eo An.

63 Kijeek e ar kāñi likao ro air, im jiroñ ro air ejelok air al in belele.

64 Pris ro air r'ar buñ klu jāji, kōra ejoko beleir r'ar jab joñōt ir.

65 Inem Iroj e ar ruj einwöt juön armij jen kiki, einwöt juön armij ekajur eo ej lamij kin waln.

66 Im E ar jebokliklok ro dri kijirāt ir, im E ar kajok ir ñön in drlo.

67 Bareinwöt E ar abwiu im nuknuk ko an Josep, im E ar jab kalet bwijin Ipraim.

68 E ar kalet bwijin Juda, tol Zaiōn eo E ar yokwe.

69 Im E ar kalek imōn kwojarjar eo An einwöt tol ko reutiej, einwöt lōl eo E ar kabin e ñön in drlo.

70 E ar bareinwöt kalet Devid korijerau, im bōk e jen worwor in šip.

71 Jen an lore šip kokōrai, E ar bōke, bwe en najirik Jekōb, ailñ eo An, im Israel An jolit.

72 Ein drein e ar najirik ir ekar ñön wānik in buruen, im e ar tel ir kin mejerik in pein.

## SAM 79.

Sam an Esaf.

**O** ANIJ ro dri allin ko r'ar drelofiklok ilo Am jolit: tempel ekwojarjar Am r'ar kananaik e; r'ar ukot Jerusalem ñön ebe ko.

2 R'ar lelok ubeir ubōn ro dri korijerōm ñön bau ko in mejatoto bwe ren kijeir, kōniekin ro remōn Am ñön kiru ko in lōl.

3 R'ar katorlok bōtōktōkir einwöt dren iturin Jerusalem, im ejelok en kallwin ir.

4 Kim ar erōm men in kinaklok ñön ro dri turum; men in kajok inu kitōtōkake ñön ro rej ber iturum.

5 Ietoōn O Jeova, kwo naj illu ñön in drlo ke? Kamo eo Am e naj urur einwöt kijeek ke?

6 Kwon katorlok Am illu ion ro dri allin ko re jaje Kwe, im ion dri allin ko re jab kir ilo etōm.

7 Bwe r'ar kōn Jekōb, im keje-  
beplok mweo imōm.

8 Kwon jab kememey nae kim  
jerawiwi ko an ro jimam, Kwou  
kalur Yuk, im tiriamo ko Am ren  
wōnmae kim, bwe r'ar kanuij kō-  
taik kim.

9 Kwon jibōfi kim, O Anij in  
amuij lomor, kin aibujulj in etōm,  
im Kwon lomorem, im karreolok  
jerawiwi ko am kin etōm.

10 Etke ro dri ailifi ko ren ba,  
Ewi Anij eo air? Irenwōne kin  
bōtōktōkin ro dri korjerōm, e ar  
torlok, ren jelakake iben ro dri  
ailifi ko iman mejem.

11 Jabjenmenoau an dri jebokwe  
en itok imam, ekar fiōn kajur eo  
Am elap, Kwon kejbārok ir ro dri  
n mij.

12 Im Kwon nawōnan fiōn ro dri  
turum ilo ubeir, jiljilimjuōn alen  
air kinaklok Yuk kake, O Iroj.

13 Ein drein kim ro drom, ſip ko  
an melaj eo Am, kim naj kamolol  
Yuk fiōn in dri; kim naj kwalok  
Am nebar fiōn ebeben ro otemjej.

## SAM 80.

Fiōn dri lale al: Shoshannim Edith. Sam an Esaf.

**K**WON eoroñ, O Seperd in Israel,  
Kwe kwoj tel Josep einwōt  
bwijlu ſip, Kwo jijōt ion kerub ko,  
Kwon romaktok.

2 Iman Ipreim im Benjamin im  
Menassa, Kwou kworuj Am kajur,  
im iten lomorem.

3 Kwon bar ukot kim, O Anij,  
im kōmōn bwe turin mejōm en ro-  
mak, im naj lomorem.

4 O Jeova, Anij in jar in tōrinae  
ko, ietoñ Am naj illu nae jar an  
dri ailifi eo Am?

5 Kw'ar najirik ir kin bred in  
kemjalal, im Kw'ar lelok fiōn ir  
limeir elōñ dreu in kemjalal.

6 Kwoj kōmōn bwe kimin men  
tu akwail iben ro dri turum; im ro  
dri kijirāte kim rej tōfikake iben  
dron.

7 Kwon bar ukot kim, O Anij in  
jar tu torinae ko, im kōmōn bwe

turin mejōm en romak, im naj lo-  
morem.

8 Kw'ar bōktok juōn vain jen  
Ijpt; Kw'ar ubakelok ro dri ailifi  
ko im kalibwin e.

9 Kw'ar karreo ene iman, im e ar  
kōmōn okrair imlōl, im e ar kobrōk  
ene eo.

10 Tol ko r'ar libubu kin lurin, ra  
ko ran r'ar einwōt aik ko an Anij.

11 E ar bukwellip ra ko an fiōu lo-  
malo, im ro nejin fiōn river eo elap.

12 Etke Kw'ar kabwilōk worwor  
ko an, im ein drein ro otemjej rej  
elalok rej lote?

13 Pig koman jen wijki ko ej kok-  
kure, im kiru ko rawia jen melaj rej  
kōñe.

14 Kwon bar jujeltok, kim akwe-  
lap fiōn Yuk, O Anij in jar in tōri-  
nae ko, Kwon reilōltok jen lōñ im  
lale im lotok vain in.

15 Im Kwon lale men eo anbij-  
maroñōm e ar kalibwin e, im ra eo  
Kw'ar kakajur fiōn Kwe mōke.

16 Emwij an urur ilo kijeek, emwij  
bukwe; re joko kin an turin mej-  
ōm enok ir.

17 Peiōm en ion armij in anbij-  
maroñōm, ion nejin armij eo Kwoj  
kakajure fiōn Kwe mōke.

18 Ein drein kim jamin jeblaklok  
jen Kwe: Kwon kemour kim im  
kin naj kirtok etōm.

19 Kwon bar ukot kim O Jeova,  
Anij in jar in tōrinae ko; Kwon  
kōmōn bwe turin mejōm en romak,  
im naj lomorem.

## SAM 81.

Fiōn dri lale al ilo Gittit. An Esaf.

**K**OMIN kalaplok al fiōn Anij,  
amuij kajur: komin kwalok  
ainiken lōñifi fiōn Anij in Jekōb.

2 Komin kwotōke Sam ko, im  
bōktok timbrel, im arp emōn, im  
salteri.

3 Komin jilil ñe ekal aliñ, ñe ero-  
lul aliñ, ilo ran in kwojkwoj, eo am.

4 Bwe e juōn kien fiōn Israel, nan  
in kaiñi an Anij an Jekōb.

5 E ar likit e ilo Josep bwe en nan

in kalimur, ke e ar drioijtok ion ene Ijpt, ijo I ar roñjake konono I ar jajekake.

6 I ar bök aleran jen ine eo; em-wij kötlok pä ko pein jen kilok eo.

7 Kw'ar kir ilo jorran im I ar kök yuk; I ar uak yuk ilo jkiu etlno an jorur; I ar melejoñ yuk i dren ko in Meriba. Sela.

8 Komin eoroñ, O dri ailiñ eo Að, im I naj kennan fiðn yuk; O Israel elafte komin könan roñjake ið!

9 E naj ejelok anij drua ibemi, im komin jamin kabuñ fiðn juðn anij drua.

10 Ña Jeova ami Anij, eo E ar kadrioijtok yuk jen enen Ijpt: kwon walöñi loñom im I naj kölrök e.

11 A ro droð, r'ar jab eoroñ aini-kiö, im Israel e ar jab köuak Ið.

12 Inem I ar likit ir fiðn benawia in burueir, bwe ren etal wöt ilo bebe ko air.

13 O I könan bwe ro droð ren eoroñ Ið, im Israel en etal ilo ial ko Að!

14 Inem I naj kar kötaik ro dri jumae ir, im ukot peið nae ro rej klijrät ir.

15 Ro rej drike Jeova re naj kar kötaik ir möke fiðn ir, a air ien e naj kar ber fiðn in drio.

16 E naj kar najirik ir kin wit emönpotata, im kamat ir kin hönni jen dreka.

## SAM 82.

Sam an Emaf.

**A**NIJ ej jutök ilo jar an Anij; ej ekajet i bwiljin anij rön.

2 Ietöðn kom naj ekajet im jab jime, im kabwiloklok mejen ro dri nana? Sela.

3 Komin ekajet ro dri jeramel im ro ejelok jimair, komin kömön wä-nik fiðn ro dri jorran im ro ejelok ibeir.

4 Komin lomoren ro dri jeramel im ro dri aikwij; komin kötlok ir jen pein dri nana.

5 Re jab jela im re jab melele, rej etal ilo marok; loñtak otemjej in löl re makötkit.

6 I ar ba, Kom anij rön, im kom otemjej ro nejin eo Eutiejtata.

7 Mekarta kom naj mij einwöt armij, im einwöt juðn lan bwirök rön kom naj buñ.

8 Kwon jutök O Anij, kwon ekajet löl in, bwe kwo naj jolit ailiñ ko otemjej.

## SAM 83.

Juðn al. Sam an Emaf.

**O** ANIJ kwon jab ikön; Kwon jab kejeklokjen im jab kakije, O Anij.

2 Bwe lö ro dri jumae Yuk rej iruij; im ro dri kijirät Yuk r'ar le-liflok börair.

3 Rej bebe kake mon nae ro drom, im bebe iben dron nae ro Kw'ar noj ir.

4 R'ar ba, Komin itok, im jen bukwelok ir bwe ren jab juðn ailiñ, bwe armij ren jab bar kememej etan Israel.

5 Bwe r'ar bebe iben dron im burueir wöt juðn; rej kömön bujeir nae Yuk.

6 Mo kö im nuknuk an Idöm, im ro dri Ismael, Moab im ro dri Hegar;

7 Gibal, im Ammön, im Amalek; Pilstia iben ro dri Tair:

8 Assiria bareinwöt ej koba-ibeir, r'ar jiböñ ro nejin Lot. Sela.

9 Kwon kömön fiðn ir einwöt fiðn Midian, einwöt fiðn Siera, im Jebin i river Kaiðön:

10 Ro r'ar joko i Endor; r'ar erom einwöt kubwe fiðn ene.

11 Kwon kömön leatöktök ro air einwöt Ziba im Zalmunna.

12 Ro r'ar ba, Jen bök mo ko imön Anij fiðn kim möke bwe ren am.

13 O að Anij kwon kömön ir einwöt monöknök ilo aire, einwöt kilin wit iman köto.

14 Einwöt kijeek ej till wijki ko, einwöt urur ej kejo kijeek ilo tol ko.

15 Ein drein Kwon lukwörkwör ir kin lañ eo Am, im kaleññōñ ir kin ñōt eo Am.

16 Kwon kobrōk turin mejeir kin jok, bwe ren bukot etōm, O Jeova.

17 Ren jok im leiññōñ ññōñ in drio, aet ren kalur ir im ren jokō.

18 Bwe ren jela bwe Kwe wōt, im etōm Jeova, Kwo eo eutiejtata lon aolepen lölin.

## SAM 84.

Ññōñ eo ej lale al. Ilo Gittit. Sam au ro nejlu Kora.

**E**NAÑIN men in yokwe imōñ kabēr ko Am, O Jeova in jar in tōrinae ko.

2 Aō ej oñkake, aet ej kijelok wōt kin worwor ko an Jeova. Burñō im kōulekiō re lamij ññōñ Anij einour.

3 Eokwe bao sparrow e ar lo mweo imōñ; im bao swallo e ar lo juōñ au el ijo en likit kon ko nejlu, aet lokatok ko Am, O Jeova in jar ko jar in tōrinae, aō Kifñ im aō Anij.

4 Emōññōñ ro rej jokwe ilo mweo imōñ, re naj etal wōt ilo nebar Yuk. Sela.

5 Emōññōñ armij eo an kajur ilo Kwe; eo ilo buruen ial ko ññōñ Zaiñ.

6 Ke rej driblok komlōl in jōñ, rej kōmōñ e jikiu unin dren ko, aet wut eo mokta ej kalibubu e kiu jeramōñ ko.

7 Rej ilok jen kajur ññōñ kajur, ir otemjej re naj walok iman Anij i Zaiñ.

8 O Jeova Anij in jar in tōrinae ko, Kwon roñjake aō jar, Kwon eoroñ iō, O Anij in Jekōb.

9 Kwon lo, O Anij amuij likeplj-ññōk, im reilok ññōñ mejen Am dri kabit.

10 Bwe juōñ rau iloan worwor ko Am emōñlok jen juōñ tausau rau; ña emōñ iba bwe in dri lale aur ilo imōñ aō Anij, jen aō jokwe ilo im nuknuk ko an jerawiwī.

11 Bwe Jeova Anij juōñ al im likepljññōk; Jeova e naj letok joij im

aibujuij; E naj drebij ejelok men eo emōñ jen ro rej etal ilo wānik.

12 O Jeova in jar in tōrinae ko, emōññōñ armij eo ej liki Yuk.

## SAM 85.

Ññōñ dri lale al. Sam au ro nejlu Kora.

**K**W'AR joij ññōñ ene eo Am, O Jeova, kw'ar kejeblaktok jebokwe an Jekōb.

2 Kw'ar jolok nana an rō drom, Kw'ar kalibubu aolepen air jera-wiwi. Sela.

3 Kw'ar bōklok aolepen libōpne eo Am; Kw'ar oktōk jen bwil in illu eo Am.

4 Kw'ar ukot kim, O Anij in amuij lomor, im kejemlok Am libōbne ññōñ kim.

5 Kwo naj illu ññōñ kim ññōñ in drio ke? Kwo naj kaitoklok Am illu ññōñ ebepen ko otemjej ke?

6 Kwo jamin kajeimour kim bwe ro drom ren löñliñ ilo Kwe ke?

7 O Jeova kwon kwalok Am tiriamo ññōñ kim, im letok ññōñ kim Am lomor.

8 I naj roñjake ta eo Jeova Anij e naj ba; bwe E naj konono kin ainemōñ ññōñ ro drou, im ññōñ ro remōñ Am, a ren jab bar oktōk ññōñ men in bwebwe.

9 Emol An lomor ehak ññōñ ro re'mjōk E, bwe aibujuij en berwōt ilo ene am.

10 Tiriamo im mol r'ar wōñmae drou, wānik im ainemōñ r'ar mejenmalk drou.

11 Mol ej edrek jen löl, im wānik e ar reitok jen löñ.

12 Aet, Jeova e naj letok men eo emōñ, im ene in am e naj letok au orlok.

13 Wānik e naj ilok imanlok e; im naj kōmōñ juōñ ial ññōñ buñten heen.

## SAM 86.

Jar au Devit.

**K**WON kajirtok lojiliññōm im uak iō, O Jeova, bwe ña I jera-mel im aikwij.

2 Kwon kejbärok ađ bwe ña dru wänik; O Kwe ađ Anij, kwon lomoren korijeröm in ij liki Kwe.

3 Kwon tiriamokake iđ, O Iroj, bwe ij kir ñön Kwe iomin aolepen ran.

4 Kwon kalöñliñ an korijeröm, bwe ñön Kwe, O Iroj ij leliñwoj ađ.

5 Bwe Kwe Iroj kwaj emön, im kōnan jeörlok, im Kwaj kalöñlok tiriamo ñön ro otemjej rej kir ñön Kwe.

6 Kwou eoroñ ađ jar, O Jeova, im roñjake ainiken ađ akwelap ko.

7 Ilo ran in ađ jorrau I naj kir ñön Kwe, bwe Kwo naj uak iđ.

8 Ejelok ian anij rōn einwöt Kwe O Iroj, im ejelok jermal einwöt jermal ko Am.

9 Ro dri allin ko otemjej, Kw'ar kōmōnmōn Ir, re naj itok im kabuñ imam, O Iroj, im re naj kaibujij etōm.

10 Bwe Kwe kwo laplap, im Kwaj kōmōn men in bwilōñ ko: Kwe wöt kwo Anij.

11 Kwon tel iđ, O Jeova ilo Anial; I naj etal ilo mol eo Am: Kwon kadrebijik buruđ bwe en mi-jök etōm.

12 I naj nebar Yuk, O Iroj ađ Anij, kin aolepen buruđ; I naj kaibujij etōm ñön in driō.

13 Bwe elap Am tiriamokake iđ; Kw'ar kötlok iđ jen roñ eo imlōl-tata.

14 O Anij ro dri jua r'ar jutök nae iđ; im jar an armij refej r'ar kabukot ađ, im r'ar jab likit Yuk imair.

15 A Kwe O Iroj, kwo Anij e kauuj keni im joi, erunij Am illu, im Kwo obrök kiu tiriamo im mol.

16 O Kwon oktök ñön iđ im tiriamokake iđ; Kwon letok Am kajur ñön korijeröm, im lomoren neju kōra korijeröm.

17 Kwon kwalok ñön iđ kakōlen in emön, inem ro rej kijirät iđ ren loe, im jok kake, bwe Kwe Jeova kw'ar jibōñ iđ im kainemōn iđ.

## SAM 87.

Sam an ro nejin Kora. Juñu al.

**L**ONŤAK ko Au ilo tol ko rokwo-jarjar.

2 Jeova ej yokwe aur ko in Zaiōn jen mo ko otenjej an Jekōb.

3 Re konou kake men ko men in aibujij kin Kwe, O jikin kwelok au Anij. Sela.

4 I naj ba kin Reab im Babulōn einwöt ian ro re jela ña: Lo Pilistia im Tair im Itiopia, armij in e ar lotak ie.

5 Aet, re naj ba kiu Zaiōn, Eñin ak eñeo e ar lotak ilo e; im Eo eutfejzata E mōke naj kabin e.

6 Jeova e naj bwini, ñe E naj je ro dri allin ko, eñin e ar lotak ie. Sela.

7 Ro rej al im ro dri kajōñjōñ re naj ba, Unin dren ko otemjej ađ ibōm.

## SAM 88.

Juñu al. Sam an ro nejin Kora: ñön eo dri lake al; ilo Mahlat Liannot. Maskil an Himan dri Ezra.

**O** JEOVA Anij an ađ lomor, I ar lamij ran im boñ imam.

2 Ađ jar en dreloñwoj iman me-jōm, Kwon eoroñ ađ kir.

3 Bwe ađ elōñ kin jorran ko, im ađ mour ej kebaklok ñön Hedis.

4 Emwij bwini iđ iben ro rej wōn-lōlok ñön iloan roñ eo; ña einwöt judn armij im ejelok dri jibōñ e.

5 Emwij jolok iđ ña iben ro remij, einwöt dri mōn re babu ilo lūp, ro Kw'ar jab bar kememej Ir, im bukwelok ir jen peiōm.

6 Kw'ar likit iđ ilo roñ eo etätata, ilo jikin marok ko, ilo imlōl ko.

7 Am illu ej erro iođ, im Kw'ar kejjorrau iđ kin no ko Am otemjej. Sela.

8 Kw'ar likit ro re jela ña bwe ren etolok, Kw'ar kōmōn iđ men in jōjōik ibeir: emwij killi iđ: I ban driōijlok.

9 Meja rejokolok kin ađ jorrau. I ar kir ñön Kwe ran otemjej. O Jeova I ar erlokwe pā ko pelō ñön Kwe.



10 Kwo naj kwalok men in bwilōñ ko ñōn ro remij ke? Ro re joko re naj jerkak im nebar Yuk ke?

11 Ren jelakake Am joiĵ ilo lūp ke? Ak Am tiljek ilo kokkure ke?

12 Men in bwilōñ ko Am re naj jela ilo marok ke? Im Am wānik ilo ene in meloklok ke?

13 A I ar lamij ñōu Kwe O Jeova, im ñe ejiboñ ađ jar e naj lwij Imam.

14 O Jeova etke Kwoj jolok wōt ađ? Etke Kwoj binej mejōm jen ña?

15 Ña I jorran im I nañin joko jen ke Ij ajiri ñōn Ieu in; ke Ij iñtan kin Am kaleñōñ Iđ I jebaruĵruĵ.

16 Am illu ebwil e ar itok lođ: Am kaleñōñ ko r'ar bukwelok Iđ.

17 R'ar kabol Iđ einwōt dren ko iomin aolepen ran: r'ar jimor kabol Iđ wōt.

18 Dri yokwe im jera Kw'ar likit etolok jen ña, im ro I jela Ir ilo marok.

## SAM 89.

Maskil an Itan dri Ezra.

**I** NAJ al kin tiriano ko au Jeova ñōn in drio: kin loñit I naj kwalok Au tiljek ñōn ebeben ko otemĵej.

2 Bwe emwij ađ ba, Naj kalek joiĵ ñōn in drio. Kwo naj kabin Am tiljek ilo lōñ ko.

3 I ar kōmōn bujen iben ađ Dri kalet, I ar kauōĵnij ñōn David kori-jera.

4 Ineōm I naj kabin ñōn in drio, im kalek tron eo am ñōn ebeben ko otemĵej. Sela.

5 Im lōñ ko re naj nebar men in bwilōñ ko Am, O Jeova, bareinwōt Am tiljek ilo jar ko an ro remōn.

6 Bwe wōn eo ilo meĵatoto re maroñ in keiri ñōn Jeova? Wōn Iau ro neĵin dri kajur roñ ej einwōt Jeova?

7 Anij eo E kanuiĵ aiet ilo bebe an ro remōn, im emōn ren miĵōk E jen Ir otemĵej reĵ ber I turin!

8 O Jeova Anij in jar in tōrinae ko, wōn e dri kajur potata einwōt Kwe, O JAH? im Am tiljek ej Iturōm.

9 Kwo iroiĵ ion lometo ñe eju: ke no ko an relōñlok, Kwoj kōkajek-lokjen Ir.

10 Kw'ar ruje Reab ñōn mōtōn ko, einwōt eo emwij air mōn e. Kw'ar keĵibliklok ro dri kijiĵrāt Yuk kin peñ Am kajur.

11 Lōñ ko Am, ene bareinwōt Am: lōl im men ko e obrōk kaki, Kw'ar likit loñtak ko air.

12 Eañ im irōk Kw'ar kōmōnmōn Ir, Tebor im Hermōn re lōñliñ ilo etōm.

13 Pā e monmon ibōm, ekajur peiōm, im eutieĵ anbiĵmaroñōm.

14 Wānik im ekajet loñtak ko an tron eo Am; joiĵ im mol re ilok iman mejōm.

15 Emōnōnō dri ailiñ eo re jela ainiken in lōñliñ eo; reĵ etal, O Jeova, ilo maram in turin mejōm.

16 Ilo etōm re lōñliñ iomin aolepen ran, im ilo Am wānik naj koutieĵ Ir.

17 Bwe Kwe aibuĵuiĵ in kajur eo air; im ilo Am mol drun eo am e naj liñlok.

18 Bwe amuiĵ likepiĵñōk iben Jeova, im amuiĵ kiñ an Dri kwo-ĵarĵar in Israel.

19 Inem Kw'ar konono ilo višōn ñōn ro remōn Am, im ba, I ar likit jibōñ ion juōn ekajur potata; I ar koutieĵ juōn dri kalet jen armij rōn.

20 I ar lo David koriĵera; I ar kabit e kin ađ oil ekwoĵarĵar.

21 Im peiō e naj bin iben; bareinwōt peiō e naj kakajur e.

22 Dri kijiĵrāt eo e jamin matōr-tōr e, im eo neĵin nana e jamin kaiñtan e.

23 Im I naj jolōllok ro dri kijiĵrāte iman, im mōn ro rej kitōtōkake e.

24 A Ađ tiljek im ađ joiĵ e naj iben; im ilo etā e naj utieĵlok drun eo au.

25 I naj likit peñ ion lomalo'ēo, im anbiĵmaroñōn ion river ko.

26 E naj kir ñōn Iđ, Kwe jema, ađ Anij im dreka in ađ lomor.

27 I naj bareinwöt likit e manjið, eo eutiejtata lan kin ro an löl.

28 Að joiþ I naj kejbärok ñðn e in drío, im bujen eo Að e naj bin iben.

29 I naj kðmðn bwe inen en ber ñðn in drío, im tron eo au einwöt ran ko in löñ.

30 Elañe ro nejin rej illok jen kið, im jab etal ilo ekajet ko Að;

31 Elañe re kejekron nan ko Að, im jab bokake Að men in kaññi;

32 Inem I naj kajeik air jerawiwi kin alal, im air ñana kin dreñlok:

33 Ak Að joiþ I jamin bök jen e ñðn in drío, im I jamin likit Að tiljek bwe en joko.

34 I jamin rupe bujen eo Að, im I jamin ukot men eo e ar ilok jen tið.

35 Juðn Að kauðjñij kin Að kwojarjar, I jamin riðp ñðn Devid.

36 Iuen e naj ber ñðu in drío, im tron eo au einwöt al imað.

37 Naj kabin e ñðn in drío einwöt allñ, im einwöt dri keunan eo etiljek ilo mejatoto. Sela.

38 A Kw'ar abwin im jolok, Kw'ar illu ñðn dri kabit eo Am.

39 Kw'ar jðjðik bujen in korijerðñ; Kw'ar kananaik kraun eo au ñðn brij.

40 Kw'ar jolðllok worwor ko an otemjej; Kw'ar kokkure me ko an.

41 Rø otemjej rej ela re rakimi e; e ar erom meu in kejekron ñðu ro dri turin.

42 Kw'ar jeliñlok aubijmaroñðn ro dri kikirät; Kw'ar kðmðn bwe ro otemjej rej jumaen ren löññi.

43 Aet Kwo ukðtliklok mejen jaji eo an, im Kw'ar jab kðmðn bwe en jutök ilo ketak.

44 Kw'ar kejemlok an jatðtli, Kw'ar jolðllok ñðn brij tron eo an.

45 Ran ko ran in an likao Kw'ar kakarukok: Kw'ar kalibubu e kin jok. Sela.

46 Ietoðu O Jeova, kwon tilekek ñðn in drío? Ietoðu Am illu en urur einwöt kijeek?

47 O Kwon kememej bwe e karu að ber. Ñðn min in jekron öt

Kw'ar kðmðnmðn ro uejiu armij otemjej?

48 Armij öt e naj mour im jamin lo mij, im kðtlok an jen kajur in Hedis? Sela.

49 Iroiþ, ewi Am tiriamokake mokta, Kw'ar kanðjñij kaki ñðn Devid ilo Am tiljek?

50 Kwon kememej O Iroiþ uan in kejekron ro dri korijerðm; ekijkan ij inek ilo ubð nau in kinak an ro dri aillñ ko rekajur otemjej:

51 Ro dri kikirät r'ar kinaklok Yuk kake O Jeova, r'ar kinaklok kake jenkwðn neen Am dri kabit.

52 Emðnðnð Jeova ñðn in drío. Amen im Amen.

## SAM 90.

Juðn Jar an Moses armij in Anþj.

**I**ROIJ, kw'ar amuiþ jikin jokwe iomin eleben ko otemjej.

2 Mokta jen an tol ko walok, ak Kw'ar kðmðnmðn löl im ene, jen in drío ñðn in drío, Kwe Anþj laplap.

3 Kwoj ukot armij ñðn böñðlñðl im ba, Komin jeblaktok, kom ro nejin armij.

4 Bwe juðn tausan yið iman mejðm rej einwöt inne ke ejoko, im einwöt juðn mmij ilo boñ.

5 Kwoj bökklok ir einwöt kin ibij liplip, re einwöt juðn kiki, ke eji-boñ re einwöt ujoij ej edreklok.

6 Ke ejiboñ ej edrek im laplok; ke ejota rej bukwe luem ej almerlok.

7 Bwe kin etðp ilo Am illu, im kin lokjenan kin Am libðpne.

8 Kw'ar likit bwir ko am imam, im jerawiwi ko am retino ilo maran in mejðm.

9 Bwe ran ko am otemjej re jokolok ilo Am libðpne: kin kejemlok yið ko am einwöt juðn bwebwenato ñe emwij konono kake.

10 Ran ko in yið ko am jiljillimñoul yið, ak kin kajur re dualitokñoul yið, a air jua ej jermal wöt im buromðj, bwe emðkðj bukweleke, inem kin kälök.

11 Wðn e jela kajur an Am illu,

im Am libõpne ekar ñõu lelõõñ emõu mijõk Yuk kake?

12 Ein drein Kwon katakin kim in bwini yidõ koam, bwe kimin bõk ñõu kin buruen meletlet.

13 O Jeova kwon jebłaktok; ietoõn? Im Kwon ukwelok ibõm kin ro dri korijerõm.

14 O Kwon kamat kim ke ejibõñ kin Am tiriamo; bwe kimiu lõñliñ im mõnõnõ ran ko am otemjelok.

15 Kwon kalõñliñ kim ekar ñõn ran ko ke Kw'ar kaifitan kim, im yidõ ko kin ar lo uana iloír.

16 Am jeral en walok ñõn ro dri korijerõm, im Am aibujuj ion ro nejilr.

17 Im wõllo an Jeova am Anij en ber lom, im Kwon kabu jeral in peim lom; aet jeral in peim Kwe kwon kabu e.

## SAM 91.

**E**O ej jokwe ilo jikin etino an Eo eutiejtata, e naj berwõt iomin lurin Eo dri kajur otem kajur.

2 I naj ba kin Jeova e að likepij-ñõk im að me; að Anij, I naj liki E.

3 Bwe E naj kõtlok yuk jen aluk an dri ane, im jen mij eo enana.

4 E naj kalibubu yuk kin kol ko kolõn bao, im iomin pein kwo naj lo ainemõn; mol eo An e naj am likepijñõk im ken tõrak.

5 Kwõ jamin mijõk kin men in kalelõõñ ilo boñ, ak kin mõri ej kãki ilo ran.

6 Ak kin mij eo ej etetal ilo marok, ak kokkure ej jeral ke e lolifã al.

7 Juõn tausan re naj buñ iturõm, im joñoul tausan i anbjmarõñõm, a e jamin kebak ñõn kwe.

8 Kin mejõm wõt kwo naj lale im lo nawõnan eo dri naua.

9 Bwe Kwe O Jeova að likepijñõk. Kw'ar kõmõn Eo eutiejtata bwe En mweo imõm.

10 Ejelok nana e naj iwij lom, ak ejelok men in kokkure naj kebak ñõn mweo imõm.

11 Bwe E naj jiroñ enjel ro An kin kwe, bwe ren kejbãrok yuk ilo lal ko am otemjej.

12 Re naj baur yuk ilo peir bwe kwon jab itak neõm ilo dreka.

13 Kwo naj juri laiõn im adder, laiõn emõu ridtõn im serpent kwo naj juri iomiu neõm.

14 Bwe e ar likit an yokwe Iõõ, inem I naj kõtlok e; I naj koutiej e bwe e ar jela etã.

15 E naj kir ñõn iõ im I naj uak e, I naj ber iben ilo jorrau: I naj kõtlok im koutiej e.

16 I naj kamat e kin mour e aitok, im kwalok ñõn e Aõ lomor.

## SAM 92.

Juõn Sam; juõn al ñõn ran in Sabat.

**M**EN eo emõn in lelok kamolol ñõn Jeova, im al im uebar etõm, O Kwe kwo utiejtata.

2 In kwalok Am joiy ne ejibõñ, im Am tiljek ilo boñ otemjej.

3 Kin ken kajõñjõñ toen joñoul, im kin salteri; kin ainiken ekwojarjar ilo arp.

4 Bwe Kwe Jeova, kw'ar kalõñliñ iõ kin Am jeral; I naj lamij kin lõñliñ ilo jeral ko in peiõm.

5 Re mañin lap jeral ko Am, O Jeova; lemnok ko Am re kanuij imlõl.

6 Armij awia e jab jela, im dri bwebwe e jab melele men in.

7 Ke ro dri jerawiwi rej edrek einwõt ujoj, im ke ro otemjej rej kõmõn nana re jeban, men in bwe reu joko ilo kokkure ñõn in drio.

8 A Kwe O Jeova, kwõj ñiñtata ñõn in drio.

9 Bwe lo, ro dri kijirãt Yuk O Jeova, bwe lo ro dri kijirãt Yuk re naj joko: ro otemjej dri kõmõn nana re naj jibliklok.

10 A að drun Kw'ar koutiej einwõt drun kau koman awia: emwij kabit iõ kin oil ekal.

11 Bareinwõt meja r'ar lo einwõt að kõnan ion ro dri kijirãt iõ, lojil-ñiñõ r'ar roñjake einwõt air kõnan

ioa ro dri kōmōn nana rej jerkak jumae iō.

12 Ro dru wānik re naj edrek emōn einwōt wijki pain; re naj edrek einwōt wijki sidar in Lebanōn.

13 Ro emwij kallip ir ilo imōn Jeova, re naj edrek im laplok ilo worwor ko an Anij.

14 Re naj jebar leir fie re kenato, re naj iblip im dril:

15 In kwalok bwe Jeova ewānik; E aō dreka im ejelok jab wānik iben.

## SAM 93.

**J**EOVA e Kiñ: ej kanuknuk E kin utiejen; Jeova ej kanuknukne, E ar kañōñōr E kin kajur: bareinwōt lōl ebin bwe ban kamōkit e.

2 Tron eo Am emwij kabīn e jen ien etolok; jen ien ko moktata Kwe.

3 Ibij ko r'ar koutiej, O Jeova; ibij ko r'ar koutiej ainikeir: ibij ko re koutiej no ko air.

4 Ilōñin ainiken dreu ko relōñ, no ko rekilip an lometo, Jeova ilōñ ekajurpotata.

5 Kennan ko Am re kanuij mol; kwojarjar ekar ñōn mweo imōm, O Jeova ñōn in drio.

## SAM 94.

**O**JEOVA, kwe Anij in irenwōne ko, Kwe Anij in irenwōne ko, Kwon romaktok.

2 Kwon jutōk, Kwe dri ekajet in lōl; Kwon nawōnan ro dri jua.

3 Jeova ietoñ ro dri nana, ietoñ ro dri nana ren jualōñlōñ?

4 Re bakake wan, re ñonono burollap; ro dri kōmōn nana otemfej re jualōñlōñ kin ir mōke.

5 Rej kōprakilkil ro dri allīñ eo Am, O Jeova, im kaiñtan Am jollit.

6 Rej mōn kōra ejoko belen im drua maijet, im urōte eo ejelok jemen.

7 Im re ba, Jeova e jamin loe, im Anij in Jekōb e jamin lale.

8 Komin lale mōk, kom dri einwōt kiru iben dri allīñ kōn, kom dri bwebwe, kom naj meletlet ñat?

9 Eo e ar karōk lojillīñ, E jamin roñ ke? Eo e ar kōmōnmōn mej E jamin lo ke?

10 Eo e ar enoik ro dri allīñ ko, E jamin kajeik ke? Aet, Eo ej katukin armij jelalokjen.

11 Jeova e jela lemnok ko an armij rōn bwe rewan.

12 Emōñōñōñ armij eo Kwoj kajeik e, O Jeova, im katakin e jela kiōm.

13 Bwe Kwon maroñ in kakijeik e jen ran ko renana mae ien emwij kōbij roñ ñōn ro dri jerawīwi.

14 Bwe Jeova e jamin jolok dri allīñ ro An, im E jamin illok jen An men in jollit.

15 Bwe ekajet e naj jeblak ñōn wānik; im ro otemfej ejimeburueir re naj lore.

16 Wōn e naj jerkak kin ña mae ro dri kōmōn nana? Wōn e naj jutōk kin ña nae ro rej jerbale jab wānik?

17 Elañe Jeova e ar jab aō jibōñ, aō e naj kar mōkōj in ber ilo jikin ikōñ.

18 Ke I ar ba, Neīō ej jirlok, Am tiriamo O Jeova e ar baur iō.

19 Ke elōñ lemnok ilo buruō, Am nan in kalnemōn ej kalōñlōñ aō.

20 Tron in jerawīwi e naj komao ibōm ke, eo ej kōmōn men in kejorran kin kien?

21 Re kweloklok nae air an ro remōn, im re liakelok bōtōktōk im ejelok ruōn.

22 A Jeova e ar aō imōn bar eutiej; im aō Anij, dreka eo ij ko ñōn e.

23 Im E ar kejeblaklok toir air jab wānik, im E naj bukwelok ir ilo air nana; Jeova amuij Anij e naj kokkure ir.

## SAM 95.

**K**OMIN Itok, jen al ñōn Jeova, jen kwalok ainiken lōñlōñ ñōn dreka in lomor eo am.

2 Jen itok iman mejen kin kamolol; jen lamij ñõu E kin Sam ko.

3 Bwe Jeova e Anij laplap; im juõn Kiñ elap, eutie j en anij otemjelok.

4 Ilo peln imlõl ko in lõl; bareinwõt jabõn tol ko re An.

5 Lometo An, im E ar kõmõnmõn e; im peln r'ar kõmõnmõn ene emõra.

6 O komin itok, jen kabuñ im barikrik; jen bukwelõlõ iman Jeova amuij Dri kõmõnmõn.

7 Bwe E amuij Anij, im kim ro dri allin an melaj eo An, im ñlp ko an peln. Ranin, O emõn komin roñjake ainiken.

8 Komin jab kablu buruemi, einwõt i Meriba; einwõt ran in Massa i ene jemaren eo.

9 Ke ro jimam r'ar kabo Iõ, r'ar melejoñ Iõ im lo jeral eo Aõ.

10 Iomin efoul yõ I ar illu iben ebeken eo, im ba, E allin ej jebwãbwe ilo buruelr, im r'ar jaje ial ko Aõ.

11 Kin men I ar kanõjniy ilo Aõ libõpne, Re jamin dreloñ iloan Aõ kakije.

## SAM 96.

**O** KOMIN al ñõn Jeova juõn al ekål; komin al ñõn Jeova, kom dri lõl otemjej.

2 Komin al ñõn Jeova, komin nebar etan: komin kwalok lomor eo An jen ran ñõn ran.

3 Komin ba kin An aibujuij iben ro dri allin ko, jeral ko An, men in bwilõñ iben ro dri allin ko otemjej.

4 Bwe elap Jeova, im ren kanuij nebar E; ren mijõk E jen anij otemjej.

5 Bwe anij ro otemjej an ro dri allin ko re ekjõp wõt; a Jeova e ar kõmõnmõn lõñ ko.

6 Mütoktok im utiejen rej iman; kajur im wõllo rej ilo jikin kwojarjar eo An.

7 Komin lelok ñõn Jeova, kom ro nukin ian ro dri allin ko, komin lelok ñõn Jeova aibujuij im kajur.

8 Komin lelok ñõn Jeova aibujuij ekar ñõn etan; bõktok jurtak, im dreloñtok ñõn iloan worwor ko An.

9 O komin kabuñ ñõn Jeova ilo wõllo in kwojarjar, komin wurirrir iman, aolepen lõl.

10 Komin ba iben ro dri allin ko, Jeova e Kiñ; lõl emwij kablu e bwe ren ban kamõkit e; E naj ekajet ro dri allin ko kin wānik.

11 Lõñ ko reu mõnõnõ, im lõl en lõñlilñ; lometo eu ñinir im bareinwõt an obrõk.

12 Melaj eo en jualõñlõñ im meu otemjej iloan; inem wijki otemjej in jikin wijki ren al ilo lõñlilñ.

13 Iman Jeova, bwe Ej itok; bwe Ej iten ekajet lõl. E naj ekajet lõl kin wānik, im ro dri allin ko kin inol.

## SAM 97.

**J**EOVA e Kiñ; lõl en lõñlilñ, allin ko relõñ ren mõnõnõ.

2 Kõro ko im marok rej iturin; wānik im ekajet re loñtak ko in tron eo An.

3 Kijeeek ej ilok imanlok, im tili ro dri kijirāt iturin.

4 Jarõm ko An r'ar kamaramlok lõl; ene e ar loe im wurirrir.

5 Tol ko r'ar unlok einwõt bwil jen iman Jeova, jen iman Iroj in aolepen lõl.

6 Lõñ ko re kwalok An wānik, im ro dri allin otemjej r'ar lo An aibujuij.

7 Ren jok, ro otemjej rej korijer ñõn men in e ko rej jeki, ro re mõke jualõñlõñ kin ekjõp ko: komin kabuñ ñõu E, kom ro anij otemjej.

8 Zalõn e ar roñjake im mõnõnõ, im kõra ro nejin Juda r'ar lõñlilñ kin ekajet ko Am, O Jeova.

9 Bwe Kwe Jeova, kwo utiejtata lõñin aolepen lõl: Kwo kanuij lilñok lõñ jen anij otemjelok.

10 O kom dri yokwe Jeova, komin kitõtõkake nana: Ej kejbārok an ro remõn An. Ej kõtlok ir jen peln ro dri jerawiwi.

11 Emwij jeor maram fñon ro dru wānik, im mōnōnō fñon ro ejime burueir.

12 Komin lōñliñ ilo Jeova, kom dru wānik, im kamolol etau ekwojarjar.

## SAM 98.

Juōn Sam.

**O** KOMIN al fñon Jeova juōn al ekal: bwe E ar kōmōn men in bwilōñ ko: anbijmarōñōn in pein ekwojarjar, e ar kōmōnmōn lomor fñon E.

2 Jeova e ar kajelaik kin An lomor; E ar kwalok alikar an wānik iman mejen ro dri alliñ ko.

3 E ar kememej An tirlamo im An tiljek fñon imōn Israel: jemlokōn lōl otemjej r'ar lo lomor eo an amuij Anij.

4 Komin lelok fñon Jeova, aolepen lōl; en ruplok ainikōmi im komin al ilo lōñliñ, aet komin al im nebar.

5 Komin al ilo nebar ko fñon Jeova kin arp, kin arp im ainiken alel.

6 Kin jilil ko, im kin ainiken kor-net, komin kōmōn ainiken lōñliñ iman Kiñ eo, Jeova.

7 Lometo en nīrñir, im an obrōk; lōl im ro re jokwe ion.

8 Ibij ko ren kaboklok peir; tol ko ren jimor al im lōñliñ.

9 Iman Jeova, bwe Ej iten ekajet ene eo: E naj ekajet lōl kin wānik, im ro dri ailiñ ko kin jimwe.

## SAM 99.

**J**EOVA e Kiñ; ro dri ailiñ ko ren wurirrir: Ej jijōt ion kerub ko; lōl en makōtkit.

2 Jeova elaplap ilo Zaiōn; E utiej ilōñin ailiñ ko otemjej.

3 Ren nebar etōm elap im men in lefñōñ: E kwojarjar.

4 Bareinwōt kajur an kiñ eo ej yokwe ekajet; Kwoj kabin wānik. Kwoj kōmōnmōn ekajet im wānik ilo Jekōb.

5 Komin koutiej Jeova amuij Anij,

im kabuñ iturin eran neen: E kwojarjar.

6 Moses im Aaron ian pris ro An, im Samuel ian ro rej kir fñon etan: r'ar kir fñon Jeova, im E ar uak ir.

7 E ar konono fñon ir ilo juron kōro; r'ar kejbārok klen eo An, im nan in kaiñi E ar lelok fñon ir.

8 Kw'ar uak ir O Jeova amuij Anij, Kw'ar juōn Anij e ar jeorlok jen ir, meñe Kw'ar kwi kin kōmōn ko air.

9 Komin koutiej Jeova aruij Anij, im kabuñ fñon E ilo tol eo ekwojarjar; bwe Jeova aruij Anij ekwojarjar.

## SAM 100.

Sam in kamolol.

**K**OMIN lamij fñon Jeova, kome ne ko otemjej.

2 Komin korijer fñon E ilo lōñliñ: komin itok iman kin al.

3 Komin jela bwe Jeova Anij: E ar kōmōnmōn kij, kij An: kij dri ailiñ ro Au; im šip ko jen melaj eo An.

4 Komin dreloñ fñon loan aur ko An kin kamolol, im illoan worwor ko An kin nebar; komin kamolol E im nebar etan.

5 Bwe Jeova emōn; An tirlamo e fñon in drio, im tiljek eo An fñon ebeben ko otemjej.

## SAM 101.

Sam in David.

**I**NAJ al kiu tirlamo im ekajet: fñon Kwe O Jeova I naj al ilo uebar ko.

2 I naj kōmōn meletlet ilo ial e wāppen: O Kwo naj itok fñon iba ñat? I naj etal iloan uweco imō kiu buruō e wāppen.

3 I jamin likit iman meja jabrewōt men in drike: I kitōtōkake jermal an ro rej jeorlok; e jamin edrep fñon lō.

4 Buru ankeke e naj ilok jen ña: I jamin jela eo enana.

5 Jabrewōt eo ej riōp nae dri turin ilo etino, I naj kokkure. I jamin

kaberber Ið ñòn eo eutiej mejen im e jua buruen.

6 Meja re naj lale ro re tiljek ilo enin, bwe ren jokwe iba. Eo ej etal llo ial e wäppen e naj korijer ñòn ið.

7 Eo ej jeor etað e jamin jokwe ilo mweo imð; eo ej kouono riðp jamin kabin e imau meja.

8 Ilo jiboñ ko I naj kokkure ro dri nana otemjej in eue, im bukwelok ro dri kòmòn jab wänik jen jikin kwelok an Jeova.

## SAM 102.

Jar an eo e jorran, ke e maloñ kake, im kwalok lotan imau Jeova.

**K**WON roñjake að jar O Jeova, im Kwon likit að kir bwe en iwiw ñòn Kwe.

2 Kwon jab binej mejòm jen ña ilo ran in að jorran. Kwon eorofi ið; ilo ran eo ke ij kir, Kwon uak ið mòkøj.

3 Bwe ran ko að re töp ilo bat, im dri ko drið emwij till einwöt ubaj.

4 Buruð emwij jeboke einwöt ujoj, im e aimerlok, bwe ij meloklok in mòña bred eo að.

5 Kin ainiken að firfir dri ko drið rej edrep ñòn kònlekið.

6 Ña ij einwöt bau pelikan ilo ene jemaren: I erom einwöt bau owl in jikin jeebeplok ko.

7 Ij ekil, im I ar erom einwöt bao sparro e möke lan ion börwøj in juðn im.

8 Ro dri kijirät ið re kinak ið lomn aolepen ran; ro rej uriekak nae ið re kanðjuj kin nã.

9 Bwe I ar mòña brij in ubaj einwöt bred, im kareik limð kin dreu in kemjalal.

10 Kin Am illu im liböpue: bwe Kw'ar kwotøke ið im jolok ið.

11 Ran ko að re einwöt lur ejokolok: im ij aimerlok einwöt ujoj.

12 A Kwe O Jeova kwo naj ber ñòn in drio, im Am men in kemejej ñòn ebeben ko otemjej.

13 Kwo naj jerkak, im joiw ñòn Zaiðn: bwe kið ien in tiriamokake

e, aet ien emwij bebe kake e motok.

14 Bwe ro dri korijeròm rej mðunð-nð kin dreka ko an, im re tiriamokake au bðñðñð.

15 Ein drein ro dri alliñ ko re naj mijøk etau Jeova, im kiñ ro otemjej in löl, Am aibujuij.

16 Bwe Jeova e ar kalek Zaiðn, E ar weaktok ilo aibujuij eo Au.

17 E ar oktøk ñòn jar an ro ejelok ibeir, im E ar jab kejekron air jar.

18 Naj je men in ñòn ebeben eo ej itok; im ro dri alliñ, naj kòmòn-møue, re naj nebar Jeova.

19 Bwe E ar reilðltok jen utiejen jikin kwojarjar eo An; jen löñ Jeova e ar lale löl in.

20 Bwe En roñjake jabjenmenoan dri prisðn; bwe En kòtlök ro emwij likit ir ñòn mij.

21 Bwe armij ren kwalok etau Jeova i Zaiðn, im An nebar ilo Jerusalem.

22 Ke ro dri alliñ ko rej kweloktok, im alliñ ko alliñ in kiñ, bwe ren korijer ñòn Jeova.

23 E ar kamøjinolok að kajur ilo ial, E ar kakarulok ran ko að.

24 I ar ba, O að Anij kwon jab bøklok ið ilukwøn ran ko að; yið ko Am ilujen ebeben ko otemjelok.

25 Moktata Kw'ar likit loñtak ko an löl: im löñ ko jermal in peiðm.

26 Re naj joko, a Kwo naj berwöt; aet ir otemjej re naj morlok einwöt nuknuk ko; einwöt kobe Kwo naj ukot ir, im naj mwij ukot ir wöt.

27 A Kwe kwoj einwöt juðn, im yið ko Am re jamin jemlok.

28 Ro nejn ro dri korijeròm re naj berwöt, im lueir re naj bin imam.

## SAM 103.

Sam an Devld.

**K**WON kamønðnik Jeova, O að, im men otemjej iloð ren nebar etau ekwojarjar.

2 Kwon kamønðuik Jeova O að, im jab meloklok kin men in kejerammøn ko An otemjej.

3 Eo ej jeorlok jerawiwi ko am otemnej, Eo ej kâejmour yuk jen nañinmij ko am otemnej.

4 Eo ej wiaik am mour jen lûpeo; Eo ej kabelbil yuk kin joiy im tiriamokake ko.

5 Eo ej kamat loñom kin men ko remon; inem kôkal am inono einwôt igöl eo.

6 Jeova ej kômönmön men ko rewänik; im ekajet ko ñön ir otemnej re matörtör ir.

7 E ar bakajen ial ko An ñön Moses, im kômön ko An ñön ro nejin Israel.

8 Jeova e kanulj tiriamo im joiy wôt; erumij Au illu im E mweie kin tiriamo kake.

9 E jamin enok ien otemnej, im E jamin dreblj An illu ñön in drio.

10 E ar jab kômön ñön kim einwôt jerawiwi ko am, ak nawönam ekar ñön bwir ko am.

11 Bwe einwôt löñ ko reutiej jen löl, ein drein e killip An tiriamokake ro remjök E.

12 Einwôt rear etolok jen kabilüñ, ein drein E ar likit bwir ko am etolok jen kim.

13 Einwôt jemeir ej tiriamokake ro nejin, ein drein Jeova ej tiriamokake ro remjök E.

14 Bwe E jela wäwen kômönmön kim; E kememej bwe kim böñöl-ñöl.

15 Kin armij, ran ko an einwôt ujoj; einwôt inök ebul ilo melaj, ein drein ej ebul.

16 Bwe kôto ej ukwi ion inem ejoko, im jikin e jamin bar jelakajen.

17 A tiriamo an Jeova e jen in drio ñön in drio ion ro remjök E, im An wänik ñön ro nejin neilir.

18 Ñön ro rej lale bujen eo An, im ñön ro re kememej kien ko An bwe ren bokaki.

19 Jeova e ar likit tron eo An ilo löñ ko; im ailiñ in kiñ eo An e iroi j ion aolep.

20 Komün nebar Jeova, komeo enjel ro An; ro remonmon ilo kajur,

re kamol An in nan, rej roñjake ainiken nan ko An.

21 Komün nebar Jeova, kom otemnej ilo jar ko An, ro dri korijeran rej kômöñmön ankil An.

22 Komün nebar Jeova, men in kômönmön ko Au otemnej ilo jikin ko otemnej, Ej iroi j ioir; kwon nebar Jeova, O aö.

## SAM 104.

**K**WON nebar Jeova O aö. O Jeova aö Anlj, kwo kanulj lap; Kw'ar kakunuk Yuk kin nebar im utiejen.

2 Kwoj kalibubu Yuk kin maram einwôt kobe; Kwoj erlokwe mejatoto eiuwôt röñel nuknuk.

3 Kwoj likit alal ko in mojabeo ko Am kin dren ko; Ej likit kôro ko jariöt eo An; Ej etallok ion pein kôto.

4 Ej kômön kôto ko enjel ro An: kijeek rej urur ro dri korijeran.

5 E ar likit loñtak ko an löl, bwe en jab makötkit ñön in drio.

6 Kw'ar kalibubu e kin imlöel ko einwôt kin nuknuk ko; dren ko r'ar jutök iloñin tol ko.

7 Kin Am kowe r'ar ko; kin ainiken Am jorur r'ar jaröplok.

8 R'ar wönlñlok ion tol ko, r'ar wönlölok ilo komlöel ko; ñön jikiir Kw'ar kajur ñön ir.

9 Kw'ar likit kôtan bwe ren ban elä jen e; bwe ren jab oktöklok im kalibubu löl.

10 E jilkinlok unin dren ko ñön komlöel ko; re torlok ikôtan tol ko.

11 Re lelök limeir ñön kiru otemnej i melaj ko; ass ko rawia re jolok air maro.

12 Iturir bau ko in mejatoto re jokwe; rej al ilo ran ko ran wijki.

13 Ej kaimlolo tol ko jen mojabeo An; löl e mat kin leen jermal ko Am.

14 Ej kadreklok ujoj ñön kiru ko, im mar ko in jiböñ armij, bwe en böktok kijeu jen löl.

15 Im wain ej kamönönö buruen armij, im oil in kejatölöl turin me-



jen, im bred ej kakajur buruen armij.

16 Wijki ko au Jeova remat; sidar ko in Lebanon, E ar kallipi.

17 Ijo bau ko rej kōmōnmōn il ko ileir: kin bau stork, mweo imōn wijki ko, wijki sōr.

18 Tol ko reutiej rē nōn goat ko rawia: dreka ko jikin tilekek an kiru koni ko.

19 E ar likit aliñ nōn ien ko; al e jela an tulok.

20 Kwoj kōmōn marok inem e boñ, ke kiru otemjej meñ in mar rej tōbōllok.

21 Lalōn ko emōn ridtair re rorrōr kin men ko re kōuan jibwe, im bukōt kijelr jen Anij.

22 E tak al, rej kweloklok im re babu iloan roñ ko air.

23 Armij ej ilok nōn jermal eo an, im nōn kōmōn ko an nua ien ejota.

24 O Jeova, e nañin lōñ jermal ko An: ilo meletlet Kw'ar kōmōnmōn aolepelr; lōl e obrōk kin mweiuk ko mweiōn.

25 Ijueo lometo elap im erabōk-bōk, im iloan elōñ men ko retōbōl-bōl, je ban bwiniir, kiru ko redrik im relap.

26 Ijo rej ilok wa ko; ijo kiru livalatan, eo Kw'ar kōmōne bwe en kuri iloan.

27 Ir otemjej rej kōmōne kin Yuk, bwe Kwon lelok nōn ir kijelr ilo ien ekar.

28 Men ko Kwoj lelok nōn ir rej aiui; Kwoj erlokwe peiōm, re mat kin emōn.

29 Kwo binej turin mejōm, re jorran; Kwoj bōk menono jen ir, rej jebalak nōn bōñōlōl eo air.

30 Kwoj jilkinlok jidōb eo An, inem emwij kōmōnmōn ir; im Kwoj kōkal mejen lōl.

31 An Jeova aibujulij en berwōt nōn in driō: Jeova en lōñliñ kin kōmōn ko An.

32 Eo ej reilok nōn lōl, inem e makōtkit; Ej uñir tol ko inem re batat.

33 I naj al nōn Jeova lomōn ien aō

mour; I naj al im nebar aō Anij ke ij berwōt im mour.

34 Aō kalomonlokjen en tōñel ibeu, I naj lōñliñ kin Jeova.

35 Ro dri jerawiwi emōn kokkure ir jen lōl, ro dri nana ren joko wōt: O aō kwon nebar Jeova. Komiū nebar Jeova.

## SAM 105.

**O** KOMIN kamolol Jeova, kir nōn etan, kwalok iben ro dri alliñ ko jermal ko An.

2 Komiū al nōn E, komin al kin nebar ko nōn E; komin konono kin jermal in bwilōñ ko An otemjej.

3 Komin jualōñlōñ ilo etan ekwojarjar: buruen ro rej bukōt Jeova ren lōñliñ.

4 Komin bukōt Jeova im An kajur; komin bukōt mejen ien otemjej.

5 Komin kememiej jermal in bwilōñ ko An, E ar kōmōni; men in bwilōñ ko An im ekajet ko an loñin;

6 O kom ro nejin Ebream korjerran; kom ro nejin Jekōb, ro dri kalet An.

7 O Jeova amulij Anij; ekajet ko Am rej ilo aolepen lōl.

8 E ar kememiej nōn in driō bujen eo An, nan eo E ar kaiñi nōn juōn tausau ebeben ko.

9 Bujen eo E ar kōmōne iben Ebream, im An kanōjnij nōn Aisak.

10 Im E ar kabin e nōn Jekōb bwe eu kien; nōn Israel bwe en bujen nōn in driō.

11 Im ba, Nōn kwe I naj lewoj ene Kenan, bukwoñ ami jolit.

12 Ke reit wōt armij in bwiniir; aet kanuij eiet im re drua majiet iloan.

13 Im r'ar etetal jen alliñ nōn alliñ, jen alliñ in kiñ nōn bar juōn alliñ.

14 E ar likit ejelok armij in kokkure ir; aet E ar enoik kiñ ro kin ir.

15 Im ba, Komin jab uñire dri

kabit ro Aō, im jab kōmōu nana  
ñōn dri kanau ro Aō.

16 E ar kirtok ñitta ion ene eo, E  
ar ruji aolepen jokwōuñ bred.

17 E ar jilkakake Josep bwe en dri ka-  
makoko.

18 R'ar kejjoran neen kin feter  
ko, r'ar likit e ilo tomere ko.

19 Mae ien ar kamol an in nan;  
nan in Jeova e ar melejoñ e.

20 Kiñ eo e ar jilkinlok juñ kōtlok  
e; aet iroj in ro dri ailiñ ko, im  
likit e anemkwojan.

21 E ar kalroj e ion mweo imōn,  
im likit e lukuwōn mweluk otem-  
jej mweien.

22 Bwe en lukwōj iroj ro an ein-  
wōt e kōnan, im katakin ridto rōn  
iben ilo meletlet.

23 Bareinwōt Israel e ar itok ñōn  
Ijpt; im Jekōb e ar itoitōk ilo ene'n  
Ham.

24 Im E ar kanuij kalōñlok ro dri  
ailiñ An, im likit ir rekajur jen air  
dri kijlrāt.

25 E ar ukot buruelr bweren drike  
ro dri aillñ An; im kōmōn mon  
ñōn ro dri korijeran.

26 E ar jilkinlok Moses korijeran,  
im Aarōn eo E ar kalet e.

27 Irro r'ar kōmōn ibeir kakōle ko  
An, im men in bwilōñ ko ilo ene'n  
Ham.

28 E ar jilkinlok marok, im kō-  
mōn bwe en marok wōt, im r'ar jab  
kabata nae nan ko An.

29 E ar kōmōn dreu ko air in erom  
bōtōktōk, im mōu iik ko air otemjej.

30 Ene eo air e ar keutak elōñ frog,  
ilo mojabeo ko an kiñ ro air.

31 E ar konono im r'ar itok elōñ  
lōñ, im kij ko iloan aolepen air  
tōreran.

32 E ar lelok dreu ebin kin wut,  
im kijeek eurur ilo eneir.

33 E ar mōn vain ko air barein-  
wōt, im wijki ñig ko air; im ruji  
wijki ko in toreran ko air.

34 E ar konono im lokōs r'ar itok,  
im likakrok in kanker, im ejelok  
orair.

35 Im r'ar kāñi mar otemjej ilo  
eneir, im r'ar mōña leen brij otemjej.  
36 Bareinwōt E ar mōn manji  
otemjej ilo eneir, bōran aolepen air  
kajur.

37 Im E ar kadrioljtok ir eor silver  
im gold ibeir, im ejelok dri mōjino  
ilo bwij ko air.

38 Ijpt e ar mōnōnō ke r'ar ilok;  
bwe mijōk e ar buñ ion rojet.

39 E ar erlokwe kōro einwōt ken  
kalur ir, im kijeek in kamramlok  
ir ilo boñ.

40 R'ar kajitok iben im E ar bōk-  
tok bao kwel ko, im kamat ir kin  
bred in lōñ.

41 E ar kebellok dreka, inem dreu  
ko r'ar torlok; r'ar torlok ilo jikin  
remōra einwōt juñ river.

42 Bwe E ar kememej An in nan  
ekwojarjar, im Ebream korijeran.

43 Im E ar kadrioljtok ro dri aillñ  
eo An kin lōñliñ, im ro dri kalet ro  
An kin al.

44 Im E ar lelok ñōn ir ene an ro  
dri aillñ ko, im r'ar bōk jermal an  
armij rōn bwe en air.

45 Bwe ren bokake nan in kaiñi  
ko An, im lale kien ko An. Ko-  
min nebar Jeova.

## SAM 106.

**K**OMIN nebar Jeova! O komin  
kamol Jeova, bwe E joiy wōt,  
bwe An tirñamo ej berwōt ñōn in  
drio.

2 Wōn e maroñ in konono kake  
jermal ko rekajur an Jeova, ak kwa-  
lok aolepen An nebar?

3 Re mōnōnō ro rej kejbārok eka-  
jet, im eo ej kōmōn wānik ien otem-  
jej.

4 Kwon kememej iō O Jeova, kin  
joiy eo Kwoj kwalok ñōn ro drom;  
O Kwon lotok iō kin Am lomor.

5 Bwe in lo jeranmōn an ro dri  
kalet Am, bwe in lōñliñ ilo mōnōnō  
an aillñ eo Am; bwe in jualōñlōñ  
iben jolit eo Am.

6 Kimuij im ro jimam r'ar jera-  
wiwi, kim ar kōmōn naua, kim ar  
jab wānik.

7 Ro jimam r'ar jab melele men in bwilōñ ko Am i Ijipt; r'ar jab kememej men in tiriamo ko Am relōñ; a r'ar ankeke i lomalo, aet lomalo ekilmir.

8 Mekarta E ar lomorir kin etan wōt, bwe En kwalok kajur eo An potata.

9 E ar kowe lomalo Ekilmir bar-inwōt, inem emōralok: ein drein E ar tel ir ilujen imlōl ko einwōt ilo ene naj.

10 Im E ar lomorir jen peln eo e kitōtōkake ir, im wialk ir jenu peln ro dri kijirāt.

11 Im dren ko r'ar kamaloñ ro dri kijirāt ir; ejelok juōn lair e ar berwōt.

12 Inem r'ar tōmak An in nan; r'ar al im nebar E.

13 Emōkōj air meloklok jermal ko An, r'ar jab kōtar An bebe.

14 A r'ar kanulij kijoñ ilo ene jemaren, im melejoñ Anij ilo enen bok eo.

15 Im E ar lelok ñōn ir men eo r'ar kajitok iben kaki, a E ar jilkinlok ñōn ibeir mō ilo afr.

16 R'ar junmare Moses bareinwōt ilo jikin air ber, im Aarōn dri'mōn an Jeova.

17 Lōl e ar bellok im wōrōñōlok Detan, im kalibubu jar an Ebalram.

18 Im kejo kijeek ilo jar eo air, im urur e ar tili ro dri naua.

19 R'ar kōmōnmōn kon in kau i Horeb, im kabuñ ñōn men in e, men in unlok.

20 Ein drein r'ar ukot air albujuj ñōn wāweu kau eo ej mōña ujoj.

21 R'ar meloklok Anij air Dri lomor, eo E ar kōmōn men ko relap i Ijipt.

22 Men in bwilōñ ko ilo ene'n Ham, men ko ralet iturin lomalo ekilmir.

23 Kin men in E ar ba E naj kokkure ir, elañe Moses e ar jab jutōk iman ijo re uōta, im kejeōr An illu bwe En jab kokkure ir.

24 Aet r'ar kejekron ene eo ene'n yokwe, r'ar jab tōmak An in nan.

25 A r'ar lotau ilo mo ko imweir, im jab eoroñ ainiken Jeova.

26 Inem E ar kwotōke peln ñōn ir bwe En kokkure ir ilo ene jemaren eo.

27 Im kokkure ineir ilo ailiñ ko im kejabliklok ir ilo ene ko.

28 R'ar kobaik ir ñōn Beel Peor, im mōña men in katok ko an ro remij.

29 Ein drein r'ar kakitōtōik E ñōn illu kin kōmōn ko air, im nañiumij eo etan pleg e ar walok i bwiljir.

30 Inem Pineas e ar jutōk im kōmōnmōn ekajet, im ein drein nañinmij eo ejokolok.

31 Inem ar watok men in ñōn e kin wānik ñōn ebeben otemjej ñōn in drlo.

32 Bareinwōt r'ar kaillu E i dreur ko in Meriba, inem enana iben Moses kin ir.

33 Bwe r'ar kōtōrei an, im e ar konono einwōt dri jualōñlōñ kin tien.

34 R'ar jab kokkure ro dri ailiñ ko einwōt Jeova e ar jiroñ ir:

35 A r'ar koba iben ro dri ailiñ, im katak jermal ko air.

36 Im r'ar korijer ñōn ekjōp ko air; men ko r'ar eluwōt jen ñōn ir.

37 Aet r'ar katok ñōn dimōn rōn kin ro nejiir, man im kōra.

38 Im r'ar katorlok bōtōktōk, ejelok ruōn, aet bōtōktōkin ro nejiir man im kōra, ro r'ar katok kaki ñōn ekjōp ko in Kenan; inem emwij kananaik ene eo kin bōtōktōk.

39 Ein drein r'ar kananaik ir mōke kin jermal ko air, im r'ar dri mijkaye kin kōmōn ko air.

40 Kin men in kejo illu an Jeova nae dri ailiñ eo An, im E ar jōjōik jolit eo Au.

41 Im E ar ketōk ir ñōn peln ro dri ailiñ ko, im ro r'ar kitōtōkake ir r'ar irojioir.

42 Ro dri kijirāt ir r'ar bareinwōt kokkure ir, im r'ar kumliklik iomin peir.

43 Elōñ alen E ar kōtōk ir, a r'ar

ankeke ilo bebe eo air, im emwij kōtaik ir ilo air nana.

44 Mekarta E ar lale air jorran ke E ar roñjake air jōñ.

45 Im E ar kememej kin ir bujen eo An, im ukwelok ekar ñōn men in tiriamo ko Au relōñ.

46 E ar kōmōn bwe ren men in tiriamokake iben ir otemjelok r'ar kaje bokweik ir.

47 O Jeova anuij Anij, kwon lomoren kim im kokweloktok kim jen iben ro dri aillñ ko, bwe kimin kamolol etōm ekwojarjar, im kwalok anjo ilo nebar ko Am.

48 Ren kamōnōnōik Jeova Anij in Israel, jen in drio ñōn in drio. Im ro dri aillñ otemjej ren ba, Ameu. Komin nebar Jeova.

## SAM 107.

**O** KOMIN kamolol Jeova, bwe Emōn, bwe An tiriamo ej ber ñōn in drio.

2 Ro Jeova e ar wiaik ir, en ein drein air ba; ro E ar wiaik ir jen pein dri jumae eo.

3 Im E ar kokweloktok ir jen ene otemjej; jen rear im jen kabilūñ, jen eññ im jen irōk.

4 R'ar jebwābwe ilo ene jemaren ilo ial ijo ejelok men ko rej edrek: r'ar loejelok jikin kwelok in jokwe.

5 R'ar kwull im maro, air r'ar kijelok iloir.

6 Inem r'ar kir ñōn Jeova ilo air jorran, im E ar kōtlok ir jen iñtan ko air.

7 E ar tel ir ilo ial ejimwe, bwe ren ilok ñōu jikin kwelok in jokwe.

8 O armij ren nebar Jeova kin An joiij, im kin jermal in bwilōñ ko An ñōn ro nejin armij.

9 Bwe Ej kamat eo ej oñkake, im eo e kwull Ej kobrōk kin emōn.

10 Ro rej ber ilo marok im ilo anōñin mij, im lukwoj ir kin jorran im mere:

11 Kin air kabata nae nan ko an Anij, im kōtōrei bebe an Eo eutiej-tata.

12 Kin men in E ar kōtaik buruelr

kin jermal; r'ar buñ im ejelok air dri jibōñ.

13 Inem r'ar kir ñōn Jeova ilo air jorran, im E ar lomoir jen iñtan ko air.

14 E ar bōktok ir jeu marok im auññin mij, im mijkōk kworōk ko air.

15 O armij ren nebar Jeova kin An joiij, im kin jermal in bwilōñ ko An ñōn ro nejin armij.

16 Bwe E ar ruje aur ko jinbor, im bukwe alal in mere ko.

17 Ro dri bwebwe, kin air etal ilo jerawiwi, im kin bwir ko air, re jorran:

18 Air re drike mōña ko otemjej, im re kebaklok ñōu aur ko in mij.

19 Inem rej kir ñōu Jeova ilo air jorran, im E lomoir jen iñtan ko air.

20 Ej jilkinlok An in nan, im kajejmour ir, im kōtlok ir jen men ko re kokkure ir.

21 O armij reu nebar Jeova kin An joiij, im kin An jermal in bwilōñ ko ñōn ro nejin armij!

22 Im ren katok kin men in katok ko in kamolol, im kwalok jermal ko An kin al ko.

23 Ro rej wōnlōllok im uwe ilo wa ko i lometo, ro rej jermal ilo dreu ko relap.

24 Rein rej lo jermal ko an Jeova, im men in bwilōñ ko An ilo imlōl ko.

25 Bwe Ej jiroñ, im kejerkak kōto in lañ, eo ej koutiej no ko an.

26 Rej wōnliflok ñōn lōñ, rej wōnlōllok ñōn imlōl ko, air rej unlok kin air jorran.

27 Rej eep im jebwal einwōt dri karek, im ejoko aolepen air meletlet.

28 Inem rej kir ñōn Jeova ilo air jorran, im Ej kōtlok ir jen iñtan ko air.

29 Ej kōmōn bwe lañ eo en lur, im elu drein eriklok no ko air.

30 Inem re mōnōñ kin air aine-mōn: ein drein Ej kōtōbrōk ir ñōu ja eo re kōnan ber ie.

31 O armij ren nebar Jeova kin An joi, im kin jermal in bwilōn ko An nōn ro nejin armij!

32 Ren bareinwōt koutiej E kin jar ko an armij rōn, im ren nebar E ilo jiki jijōt au ridto rōn.

33 Ej ukot river im erom ene jemaren, im unin dren ko bwe ijo en ene rārōk.

34 Ailiñ e wamorur, bwe en ene jemaren ejaťōk; kin nana an ro rej jowke iloa.

35 Ej ukot ene jemaren nōn lwe in dren, im ene emōra nōu unin dren ko.

36 Im ijo Ej kōmōu bwe ro re kwāli ren jokwe ijo, bwe ren kapoj jikin kwelok in berwōt.

37 Im jeor ilo jikin kallip ko, im kallibwin bwil in grep, im bōk leen r'ar edreklok.

38 Ej kejerammōn ir bareinwōt, inem re kanulj lōñlok im E jab likit bwe kiru ko air ren eitlok.

39 Bar juōn, rej eitlok im kōtaik ir kin matōrtōr, jorran, im buromōj.

40 Ej katorlok drike ion iroi rōn, im kōmōn hwe ren jebwābwe ilo ene jemaren ijo ejelok ial.

41 Mekarta, Ej koutiej ro dri jeramel jeu air jorran, im kōmōn nōn e ro nukin einwōt bwijin šip.

42 Ro dru wānik re naj loe, im mōnōndō; im aolepen nana e naj binej loñiu.

43 Jabrewōt eo e meletlet e naj lale men kein, im naj kalomōnlokjen kin tiriamo ko au Jeova.

## SAM 108.

Juōn al. Sam an Devld.

**B**URUŌ ebin O Anij, I naj al, aet I naj al im nebar kin men in aibujulj eo ađ.

2 Komin ru, salteri im arp, ña I naj ruj e kanulj mōkōj.

3 I naj kamolol Yuk, O Jeova, ibeu ro dri ailiñ ko; I naj al im nebar Yuk i bwiljin ro dri ailiñ ko.

4 Bwe Am tiriamo elap eutiej jeu lōñ ko, im Am mol ej tōbar wōt mejatoto.

5 O Anij kwon utiej jen lōñ ko, im Am aibujulj ilōñin aolepen lōl.

6 Bwe eo e jitenburu ibōm en men in kōtlok, Kwon lomor kin anbijmaroñōm im uak kim.

7 Anij e ar ba ilo An kwojarjar; I naj jualōñlōñ, I naj kijbil Sikem im joñe komlōl Sukkot.

8 Gilead e Ađ: Menassa e Ađ; Ipreim e ken kōrape bōra; Juda e Ađ septer.

9 Moab e Ađ jābi in kwolkwol; ion Idōm I naj jolok Ađ juj; ion Pilistia I naj lamij.

10 Wōn e naj bōktok iō nōn iloa jikin kwelok eor an worwor? Wōn e ar tel iō nōn iloa Idōm?

11 Kw'ar jab jolok kin O Anij? Im Kwo jab ilok iman jar in tōrinae ko am.

12 Kwon letok nōn kim jibōñ nae dri kijirāt eo, bwe ejelok tokjen an armij jibōñ kim.

13 Kin Anij kim naj beran im kōmōn, bwe E eo e naj juri ro dri kijirāte kim.

## SAM 109.

Nōn dri fale al. Sam an Devld.

**K**WON jab ikōñ, O Anij in ađ nebar.

2 Bwe loñin dri nana, im loñin mou, r'ar walōñil nae iō: r'ar konono nōn iō kin lo in riōp.

3 R'ar kabol iō kin uan ko nan in kijirāt, im iri nae iō ke ejelok uniu.

4 Kin ađ yokwe rej dri kijirāt iō, a lj lelok iō mōke nōn jar.

5 Im r'ar nawōnađ nana kin emōn, im kijirāt kin Ađ yokwe.

6 Kwon likit juōn armij enana iou; im juōn dri jumae en jutōk i anbijmaroñōn.

7 Ñe ekajet e, en walok im ruōu; im jar eo an erom bwir.

8 Ran ko an ren eiet, im bar juōn en bōk kwōnan.

9 Ro nejin en ejelok jemeir, im lio belen en joko leo an.

10 Ro nejin man ren jebwābwe wōt im oor; im ren bukot kijeir jen jikin kokkure ko air.

11 Juõn dri muri iben en jibwe men otemjej an, im ro drua maijet ren rakimi tokjen jerbal ko an.

12 Ejelok en tiriamokake e, im ejelok en tirianjokake ro nejn ñe ejelok jemeir.

13 Ren bukwelok ro nejn, im ilo eboben eo keu ka ruo ren jeorlok etau.

14 Jeova en kememej bwir au ro jiman, im Eu jab jeorlok jerawliwi an jlnen.

15 Ren ber iman Jeova ten otemjej, bwe En maroñ in böprae an armij kememej ir ilo lõl.

16 Bwe e ar jab kememej in tiriamokake, a e ar matõrtõr armij dri aikwij, im dri jeramel, im eo erup buruen, bwe en mõn e.

17 Aet e ar yokwe kol im e ar itok ñõn e, im e ar jah mõndõnõ iu kejerammõn, inem men in etolok jen e.

18 E ar kanuknuk e kin kol einwõt kin kobe eo an, im e ar dreloñlok ñõn iloan einwõt dren, im einwõt oil ñõn iloan dri ko drin.

19 En iben einwõt juõn kobe ej kalibubu e kake, im einwõt kãñor eo ej kõnõk e ien otemjej.

20 Men in en wõnan ro dri kijirät iõ, jen Jeova, im wõuan ro re konono nana nae iõ.

21 A Kwe O Jeova Iroj, kwon kõmõn iba kin eõm; bwe Am tiriamokake emõn, inem Kwon kõtlok iõ.

22 Bwe ña dri jeramel im dri aikwij, im buruõ elil ilo aõ.

23 Ña I joko einwõt anen ke eriklok, I jibliklok einwõt lokõs ko.

24 Bukiõ re mõjino kin jilok, im kõniekiõ ejelok an mattok.

25 I bareinwõt men in kiwak ibeir; ke rej lo iõ rej jibolul bõrair.

26 Kwon jibõñ iõ O Jeova aõ Anij, O Kwon lomoriõ kin Am tiriamokake.

27 Bwe ren jela bwe men in peiõm wõt; bwe Kwe Jeova kw'ar kõmõne.

28 Ren ekol, a Kwon kamõnõnõik; ñe rej jerkak re naj jok, a korijerõn I naj lõñliñ.

29 Ro rej kijirät iõ ren kõnõk men in kanaanai, im ren kalibubu ir mõke kin jok einwõt kin kobe.

30 Ña I naj kanulj kamolol Jeova kin lõñiõ; aet I naj nebar E i bwiljin jar eo elap.

31 Bwe I naj jutõk I anbijmaroñõn dri aikwij eo in lomoren jen ro rej ekajet an.

## SAM 110.

Sam au Devid.

**J**EOVA e ar ba ñõn aõ Iroj, Kwon jijõt I anbijmaroñiõ mae ien ij kõmõn bwe ro rej kijirät Yuk ren eran neõm.

2 Jeova e naj jilkinlok alal in kajur eo Am jen Zalõn; Kwon iroj ilo bwilju ro dri kijirät Yuk.

3 Ro drom rej mõndõn im lewoj ir mõke ilo ran iu Am kajur: ilo wõlio ko in kwojarjar, jiu lojien ejiboñ: iõõm molawí an ieu emõn drer.

4 Jeova e ar kanõjniñ im E jamin ukwelok: Kwe juõn pris ñõn in drlo ekar ñõn wãwen Melkise-dek.

5 Iroj eo I anbijmaroñõm E naj wakãri kiñ ro ilo ran in An illu.

6 E naj ekajet iben ro dri ailiñ ko: E naj kobrõk jikin ko kin ubeir, E naj wie bõrair ilo elõñ ailiñ.

7 E naj irak jen river erik eo; kin men in E naj koutiej bõran.

## SAM 111.

**K**OMIN nebar Jeova. I naj kamolol Jeova kin aolepen buruõ, ilo jar an dri bebe re wãnik, im ilo jar eo elap.

2 Jerbal ko an Jeova relaplap; emwij kabukot ir kin ro otemjej rej mõndõnõ kake.

3 Jerbal eo Au men in wijtak im utiejen: im An wãnik ej ber ñõn in drlo.

4 E ar kõmõn bwe armij ren ke-

memej jermal in bwilōñ ko An; Jeova e joij im eobrök kin tiriamo.

5 E ar lelok kijeit ñōn ro remjök E; E naj kememej bujen eo An ieu otemej.

6 E ar kwalok ñōn ro dron kajur an jermal ko An, ke E ar lelok ñōn ir jolit an ro dri ailiñ ko.

7 Jermal an pein mol im ekajet; nan ko An nan in katak rebin.

8 Emwij kabin ir ñōn in drio, im kōmōnōn ir ilo mol im jimwe.

9 E ar jilkintok lomor ñōn ro dron; E ar kalñi bujen ñōn in drio: ekwojarjar im men in lelñōñ etan.

10 Mijök Jeova jiuoin meletlet; jelalokjen emōn iben ro otemej rej kōmōn ein drein: An nebar ej ber ñōn in drio.

## SAM 112.

**K**OMIN nebar Jeova. Emōnōnō armij eo ej mijök Jeova, ej lõñliñ kake kien ko An.

2 Inen e naj kajurpotata ion lõl; ebeben ro dru wānik re naj mōnōnō.

3 Mwejuk ko im elōñ mōnni ilo mweo imōu; im an wānik ej ber ñōn in drio.

4 Ñōn ro re jimwe maram ej walok ilo marok, e joij wōt, im eobrök kin tiriamo im wānik.

5 Emōn iben arnij eo ej kōmōn ilo joij im ej lelok: e naj kejbārok bebe eo an ilo ekajet.

6 Bwe jamiu kamōkit e: ro dru wānik re naj kememej ir ñōn in drio.

7 E jamin mijök kin nan in kenan ko renana; erim buruen; ej liki Jeova.

8 Ebin buruen, e jamin lelñōñ, mae ien an lo an kōuan ion ro dri kijrāt e.

9 E ar kejbliklok, e ar lelok ñōn ro dri aikwjl: an wānik e naj ber ñōn in drio: drun eo an e naj utiej kin nebar.

10 Ro dri nana re naj loe, im buronōj: e naj kalōllōl ñi ko ñiñ, im

unlok; an dri naua kōnan e naj joko.

## SAM 113.

**K**OMIN nebar Jeova. Komin nebar, O kom ro dri korijeran Jeova, komin nebar etan Jeova.

2 Emōnōnō etan Jeova jen ien in im ñōn in drio.

3 Jen tak al ñōn tulok eo an, ren kamōuōnō etan Jeova.

4 Jeova e utiej ilōñin ro dri ailiñ ko otemej, im An aibujuj ilōñin lõñ ko.

5 Wōn eo einwōt Jeova amulj Anij, eo An ken jijōt eutie?

6 Eo ej mōke kōtaik E bwe en lo men ko i lõñ kab ilo lõl?

7 Ej kejerkak dri jeramel jen iloan bōññōñ, im kwōtōke dri aikwjl jen be in brij.

8 Bwe En likit e iben bwirök rōn, aet iben bwirök ro iu ro dri ailiñ eo An.

9 Ej kōmōn bwe kōra eo ewar en lale mweo imōn, im bwe en mōnōnō im keutak niñiñ ro. Komin nebar Jeova.

## SAM 114.

**K**E Israel e ar ilok jen Ijpt; ro nukin Jekōb jen ailiñ ljo e jejinet air konono.

2 Juda e ar jikin kwojarjar eo An, Israel An men in Iroj.

3 Loinelo e ar loe im e ko, Jordau e ar oktōklik.

4 Tol ko r'ar etōr kälōk einwōt šip koman ko, tol ko redrik eiwōt kon in šip ko.

5 Kwo bōj it, O lomalo, hwe kw'ar ko? Kwe Jordan bwe kw'ar oktōklik?

6 Kom tol ko bwe kom ar etōrkälōk einwōt šip ko, im kom tol redrik einwōt kon in šip ko?

7 Kwon wurirrir, kwe lõl, iman mejen Jeova, iman mejen Anij iu Jekōb.

8 Eo e ar ukot dreka bwe en erom lwe in dren, dreka ebin bwe en unin dren ko.

## SAM 115.

**J**AB ñõn kim O Jeova, jab ñõn kim, a ñõn etõm ren lelok wij-tak kiu Am tiriamo im kin Am mol.

2 Etke ro dri ailiñ ko ren ba, Ewi air Anij kiõ?

3 A amuij Anij ej ilo lõñ ko; E ar kõmõn men ko jabrewõt E ar kõnan.

4 Ekjõp ko air silver im gold wõt, pein armij r'ar kõmõnmõui.

5 Eor loñir, a re jab konono: eor mejeir a re jab lo.

6 Eor lojlliñir, a re jab roñ: eor baudir a re jab atbwiñ.

7 Eor peir a re jab kõmõn kaki: eor neir a re jab etal; im re jab ba jen ilo burueir.

8 Ro re kõmõnmõni re eirwõt; aet, ro otemjej rej liki ir.

9 O Israel komin liki Jeova. E wõt air jibõñ im air likepijñõk.

10 O nukin Aarõu komiu liki Jeova, e air jibõñ im air likepijñõk.

11 Komeo komij mijõk Jeova, komin liki Jeova; E air jibõñ im air likepijñõk.

12 Jeova e ar leinnok kin kim; E uaj kejeramõn kim, E naj kejeramõn ro nukiu Israel; E naj kejeramõn ro nukin Aarõu.

13 E naj kejeramõn ro rej mijõk Jeova, ro redrik im ro relap.

14 Jeova en kalõñlok wõt kom, kom im ro nejiui.

15 Emõndnõ kom jen Jeova eo E ar kõmõnmõu lõñ im lõl.

16 Lõñ ko, lõñ ko re an Jeova, a lõl E ar letok ñõn ro nejiu armij.

17 Ro remij re jab nebar Jeova: ejelok ian ro rej wõnlõllok ñõn jikin ikõñ.

18 A kim naj nebar Jeova jen len in im ñõu in driõ: komiu nebar Jeova.

## SAM 116.

**N**A ij yokwe Jeova, bwe E ar roñjake ainikiõ im aõ akwelap ko.

2 Bwe E ar eoroñ iõ inem I naj kir ñõn E toðn aõ mour.

3 To ko toðn mij r'ar kabol iõ, im iñtan ko an Hedis r'ar drebij iõ; I ar lo jorrau im buromõj.

4 Inem I ar kir ñõn etan Jeova; O Jeova, I akwelap ñõn Kwe, kwon kõtlõk aõ.

5 E joiñ Jeova, im E wānik: amuij Anij ej tiriamokake.

6 Jeova ej kejbārok ro re jab kanuij meletlet; emwij kõtaik iõ, inem E ar lomoriõ.

7 Kwon jeblaklok ñõn am kakije, O aõ, bwe Jeova e ar wujlepwoj ñõn yuk.

8 Bwe Kw'ar lomoren aõ jen mij, meja jeu dreu in kemjalal, im neio jen buñ.

9 I nal etal iman Jeova ilo enen ro remour.

10 Ij tõmak, inem I naj konono; I ar kanuij iñtan.

11 Ilo aõ kijorur I ar ba, Armij otemjej re dri riõp.

12 Ta eo I naj lelok ñõn Jeova kin men ko otemjej E ar letok ñõn iõ?

13 I naj bõk kõp in lomor, im kir ñõn etan Jeova.

14 I naj kõlla men ko I ar kauõjniñ kaki ñõn Jeova; aet iman mejen ro dron otemjej.

15 Men in aurõk iman mejen Jeova, mij an ro remõn An.

16 O Jeova, ña korijerõm ilo mol, ña korijerõm, ña nejin korijerõm kõra eo; Kw'ar kõtlõk iõ jen kworõk ko aõ.

17 I naj lewoj ñõn Kwe men in katok ko in kamolol, im I naj kir ñõn etan Jeova.

18 I naj kõlla ñõn Jeova men ko I ar kauõjniñ kaki, aet iman mejen ro dron otemjej.

19 Iloan worwor ko an imõn Jeova; ilo kwe, O Jerusalem. Komin nebar Jeova.

## SAM 117.

**O** KOMIN nebar Jeova, ro dri ailiñ ko otemjej: komin kabujuij E, kom dri ailiñ ko otemjej.



2 Bwe An tirlamo elap ñon kim; im mol an Jeova ej ber ñon in drio. Koinin nebar Jeova.

## SAM 118.

**O** KOMIN kamolol Jeova bwe E emõn: bwe An tirlamo ej ber ñon in drio.

2 Israel en ba kiõ, Bwe An tirlamo ej ber ñon in drio.

3 Ro nukiu Aarõn reu ba kiõ, Bwe An tirlamo ej ber ñon in drio.

4 Ro re mijõk Jeova ren ba kiõ, Bwe An tirlamo ej ber ñon in drio.

5 Jen aõ iñtan I ar kir ñon Jeova; Jeova e ar uak iõ im E ar likit iõ ilo jikiõ erabõkbõk.

6 Jeova e ñon iõ; I jamin mijõk, ta eo armij re marõñ in kõmõn ñon iõ?

7 Jeova e ñon fia lben ro rej jibõñ iõ: kin men in I uaj lõ aõ kõnan ion ro rej kijirãt iõ.

8 Emõn in liki Jeova jen liki armij.

9 Emõn in liki Jeova jen liki bwi-rõk rõn.

10 Ro dri allin otemjej r'ar kabol iõ; ilo etan Jeova I naj bukvelok ir.

11 R'ar kabol iõ, aet r'ar kabol iõ; ilo etan Jeova I naj bukvelok ir.

12 R'ar kabol io einwõt loñ ko; emwij kwõni ir einwõt kijeek in kaliklik ko; ilo etan Jeova I naj bukvelok ir.

13 Kw'ar kanuj jibellok iõ bwe in buñ; a Jeova e ar jibõñ iõ.

14 Jeova aõ kajur in aõ al, im Ej aõ lomor.

15 Ainiken lõñlñ im lomor ilo mo ko imõn ro reniõn; anbijmarõñõn Jeova e beran an kõmõn.

16 Anbijmarõñõn Jeova eutiej; anbijmarõñõn Jeova e beran an kõmõn.

17 I jamin mij, a mour wõt, im kwalok jermal ko an Jeova.

18 Jeova e ar kanuj kajek iõ; a E ar jab ketõk iõ ñon mij.

19 Kwon kebellok ñon iõ aur in wãnik; I naj dreloñlok na iloír, im I naj kamolol Jeova.

[Marshall Islands.] 19

20 Eñin aur an Jeova; ro dru wãnik re naj dreloñ iloan.

21 I naj kamolol Yuk, bwe Kw'ar uak iõ, im Kw'ar aõ lomor.

22 Dreka eo ro dri kal r'ar jolok e, e in dremõn jabõn in.

23 Men in Jeova e ar kõmõn e, im e men in bwilõñ ilo inejem.

24 Eñin ran eo Jeova e ar kõmõn e; je naj mõnõnõ im lõñlñ lomin.

25 O Jeova kimuij akwelap ñon Yuk, kwon jilkintok jerammõn kiõ.

26 Emõnõnõ eo ej itok ilo etan Jeova; kim ar kamõnõnõik Yuk jen iloan imõn Jeova.

27 Jeova e Anij, im E ar letok maram; koinin lukwoj kiru in katok kin to ko ilo drun ko in lokatok eo.

28 Kwe aõ Anij, im I naj kamolol Yuk; Kwe aõ Auñ in I naj koutiej Yuk.

29 O koinin kamolol Jeova, bwe E emõn, bwe An joiñ ej ber ñon in drio.

## SAM 119.

## ALEPH.

**E**MÕNÕNÕ ro re wãppen ilo lal eo; ro rej etal ilo kien Jeova.

2 Emõnõnõ ro rej kejbãrok nan in kennan ko An, ro rej kabukot E kin aolepen burueir.

3 Aet, rej kõmõn ejelok jab wãnik, rej etal ilo lal ko An.

4 Kw'ar kalñ ñon kin nan in katak ko Am, bwe kimin kanuj lali.

5 O enañin emõn elañe lal ko aõ rebin wõt, bwe in lal kien ko Am.

6 Ien eo I jamin jok, ñe ij kejbãrok kien ko Am otemjej.

7 I naj kamolol Yuk kin buruõ ejimwe, ñe I naj katak ekajet ko Am rewãnik.

8 I naj bokake nan in kalñ ko Am; O Kwon jab illok wõt jen fia.

## BETH.

9 Kin ta juõn likao e naj karreoiñ ial eo an? Kin an kanuj lal lal eo ekar ñon Am in nan.

10 Kin aolepen buruð I ar kabukot Yuk : O Kwon jab likit bwe in jebwäbwe jen kien ko Am.

11 Am in nan I ar likit na ilo buruð, bwe lu jab bwir nae Yuk.

12 Emönönö. Kwe, O Jeova, kw'ar katakin ið kien ko Am.

13 Kin tið I ar kwalok ekajet ko otemjej in loñöm.

14 I ar löñliñ ilo ial in nan in kennan ko Am, einwöt ilo mweluk ko otemjej.

15 I naj kalomöulokjen kin nan in katak ko Am, im I naj lale ial ko Am.

16 I naj kalöñliñ ið ilo kien ko Am; I jaunin melokolok Am in nan.

## GIMEL.

17 Kwou wujleptok ñön korijeröm bwe in mour, im I naj kejbärok Am in nan.

18 Kwon kebellok meja, bwe in lo men in bwilöñ ko ilo kiöm.

19 Ña drua maijet ilo löñ in; Kwon jab noj kien ko Am jen ið.

20 E rup að kin an oñkake ekajet ko Am ieu otemjej.

21 Kw'ar enoik ro dri jua, emwij koli ir, ro re jebwäbwe jen kien ko Am.

22 Kwon bök jen fia kinak im kejekron; bwe I ar kejbärok nan in kennan ko Am.

23 Bwirök rön r'ar jijöt im konou nae ið, a fia korijeröm I ar kalomöulokjen kin kien ko Am.

24 Nan in kennan ko Am men in mönönö iba, im re dri bebe ro að.

## DALETH.

25 Að ej edrep ñön böñöñöñö! Kwon käejmour ið ekar ñön Am in nan.

26 I ar kwalok ial ko að, inem Kw'ar nak ið; Kwon katakin ið kien ko Am.

27 Kwon kajelak ið ial in nan ko Am; ein drein I naj kalomöulokjeu kin jermal in bwilöñ ko Am.

28 Að ej unlok kin an erro; Kwon kakajur ið ekar ñön Am in nan.

29 Kwon kadruaklok jen ið ial in riöp; im letok ñön ið kiöm ilo joi.

30 I ar kalet ial in tiljek; ekajet ko Am I ar likit imað.

31 Ña ij edrep ñön nan in kennan ko Am, O Jeova kwon jab kajok ið.

32 I naj etör ilo ial in kiöm ko ñe Kwo naj kalaplok buruð.

## HE.

33 O Jeova kwon katakin ið ial in nan in kaiñi ko Am, inem I naj kejbäroke ñön jemlokön.

34 Kwon letok ñön ið jelalokjen, inem I naj bokake kiöm, aet I naj lale kin aolepen buruð.

35 Kwon kömöñ bwe in etal ilo ial in nan in kaiñi ko Am, bwe I mönönö kake.

36 Kwon ukot buruð ñön nan in kennan ko Am, im jab ñön aukwonak.

37 Kwon kajeör meja jen lale wan, im Kwon käejmour ið ilo ial ko Am.

38 Kwon kablu Am in nan ñön korijeröm, eo ij iben men in mijok Yuk.

39 Kwon kajeor að kinaklok ij lel-ñöñ kake; bwe ekajet ko Am remöñ.

40 Lo I ar oñkake nan in katak ko Am! Kwou käejmour ið ilo Am wänik.

## VAU.

41 Tirlamokake ko Am ren ber-einwöt itok ñön iba, O Jeova, aet Am lomor ekar ñön Am in nan.

42 Eiu drein e naj iba nan in uk ñön eo ej kinaklok ið; bwe ij liki Am in nan.

43 Im Kwon jab bök wöt nan in mol jen löñið, bwe I ar kejatrikrik ið ilo ekajet ko Am.

44 Ein drein I naj bokake kiöm ien otemjej ñön in driö im in driö.

45 Im I naj etal ilo anemkwojað; bwe I ar kabukot nan in katak ko Am.

46 I naj bareinwöt konou kin

nau iu kennan ko Am iman kifi ro, im I jamin jok.

47 Im I naj mōndōnkake nan in kaiñi ko Am, I ar yokwi.

48 I naj bareinwōt kwotōke peiō ñōn kien ko Am, I ar yokwi, im I naj kalomōnlōkjen kin nan in jiroñ ko Am.

## ZAIN.

49 Kwon kememej nan eo ñōn korijerōm, bwe Kw'ar kōmōn bwe in kejatrikrik iō.

50 Eñin aō men in kainemōn ilo aō jorran, bwe nau eo Am e ar kǎejmour iō.

51 Ro dri jua r'ar kanulj kajirerekake iō, a I ar jab jeōrlōk jen kiōm.

52 I ar kememej ekajet ko Am jen ten ko mokta O Jeova, im I ar mōke kalnemōn iō.

53 Illu ebwil e ar drebij iō, kin an ro dri nana illok jen kiōm.

54 Nan in kaiñi ko Am re kar al ko aō, ilo imōn aō itoitōk.

55 I ar kememej etōm, O Jeova, ilo boñ, im I ar bokake kiōm.

56 Men in e kar iba kin aō kejbārok nan in katak ko Am.

## CHETH.

57 Jeova aō kij : I ar ba, I naj kejbārok nan ko Am.

58 I ar akwelap ñōn Yuk kin joi j kin aolepen buruō ; Kwon tiriamokake iō ekar ñōu Am in nan.

59 I ar kalomōnlōkjen kin ial ko aō, iuem I ar ukot ueiō ñōn nan in kennan ko Am.

60 I ar kijorur, im jab rumijtok, in bokake nan in kaiñi ko Am.

61 To ko toōn ro dri nana r'ar lukwōj iō, a I ar jab meloklok kiōm.

62 Ilukwōu boñ I naj jerkak in kamolol Yuk kin ekajet ko Am rewānik.

63 Ña dri komao iben ro otemjej remjōk Yuk, im iben ro re bokake nan in katak ko Am.

64 Lōl, O Jeova, eobrok kin Am tiriamo ; Kwon katakin iō kieu ko Am.

## TETH.

65 Kw'ar kōmōu emōn ñōn korijerōm, O Jeova, ekar ñōn Am in nan.

66 Kwon katakin iō ekajet emōu kab jelalokjen ; bwe I ar tōmak nan in kaiñi ko Am.

67 Mokta jen kejjorran iō I kar jebwābwe, a kiō I bokake Am in nan.

68 Kwe emōn im Kwoj kōmōn emōn ; Kwon katakin iō kien ko Am.

69 Ro dri jua r'ar kinē riōp nae iō ; kin aolepen buruō I naj kejbārok nan in katak ko Am.

70 Burueir remattok einwōt kioeo, a I mōndōnō kake kiōm.

71 Emōu iba ke kar kejjorran iō, bwe in katak nan in kaiñi ko Am.

72 Kien loñōm emōnlōk ñōn iō jen tausan ko mōtōn gold im silver.

## JOD.

73 Pelōm r'ar kōmōnmōu iō im kakajur iō ; Kwon letok jelalokjen bwe in katak kien ko Am.

74 Ro remjōk Yuk re naj lo iō im mōndōnō ; bwe I kejatrikrik iō ilo Am in nan.

75 I jela, O Jeova, ekajet ko Am rewānik, im ilo tiljek Kw'ar kejjorran iō.

76 I kajitōk ibōm, Am joi j im tiriamo ren kainemōn iō einwōt Am in nan ñōn ña korijerōm.

77 Tiriamokake ko Am ren itok ñōn iba bwe in mour, bwe kiōm meu iu iōñliñ iba.

78 Ro dri jua ren jok, bwe r'ar kōmōn nana ñōn iō ilo jab wānik ; a I naj kalomōnlōkjen kin mien in katak ko Am.

79 Ren jeblaktok ñōn iba, ro remjōk Yuk, im ren jela nau in kennan ko Am.

80 Buruō en wāppen ilo kien ko Am, bwe in jamin jok.

## KAPH.

81 Aō e bārōk ñōn Am lomoriō ; bwe I kōtar Am in nan.

82 Meja re ñatte ñõn Am in nan ke I ba, Ñat Kwo naj kainemõn iõ?

83 Bwe ña I erom einwõt boto ilo bat; kien ko Am I ar jab meloklok.

84 Jete ran, ran in korijerõm? Ñat Kwo naj kõmõn ekajet ñõn ro rej matõrtõr iõ?

85 Ro dri jua r'ar kõbij roñ ñõn iõ, ro re jab ekar ñõn kiõm.

86 Kien ko Am otemjej retiljek; re matõrtõr iõ ilo mon; Kwe kwon jibõñ iõ.

87 R'ar nañin kokkure iõ lon löl; a I ar jab illok jen nan in katak ko Am.

88 Kwon kãejmour iõ ilo Am tiriamokake; ein drein I naj bokake nan in kennan ko Am.

## LAMED.

89 Ñõn in driõ, O Jeova, Am in nan ebin ilo lõñ ko.

90 Am tiljek e ñõn ebeben otemjej; Kw'ar kabin löl in inem e berwõt.

91 Rej ber ranin kin ekajet ko Am; bwe men otemjej ro dri korijerõm.

92 Elañe kiõm e ar jab men in lõñliñ iba, I naj kar joko ilo aõ jorran.

93 I jamin meloklok nan in katak ko Am; bwe kin ir Kw'ar kãejmour iõ.

94 Ña Am, Kwon lomoriõ; bwe I ar kabukot nan in katak ko Am.

95 Ro dri nana r'ar kõtar iõ bwe ren kokkure iõ; a I naj kalomõnlokjen kin nan in kennan ko Am.

96 I ar lo jemlokõn wãppen otemjej; a kien ko Am re kanuij erabõkbõk.

## MEM.

97 O e nañin lap aõ yokwe kiõm! I kalomõnlokjen kake iomín aolepan.

98 Kien ko Am r'ar kameletletlok iõ jen ro dri kijirät iõ, bwe re ber iba ien otemjej.

90 I meletlet jen aõ dri kaki otem-

jej, bwe nan in kennan ko Am aõ kalomõnlokjen.

100 I melele jen ridto rõn, bwe I ar kejbãrok nan in katak ko Am.

101 I ar drebij neiõ jen ial ko renana otemjej; bwe in bokake Am in nan.

102 I ar jab jeõrlök jen ekajet ko Am, bwe Kw'ar katakin iõ.

103 E nañin tõñõl nan ko Am ñe I erjoñi, aet retõñõl jen hõnni ilo lõñiõ.

104 Kin nan in katak ko Am ij bõk meletlet; inem I jõjõik ial in mon otemjej.

## NUN.

105 Am in nan e lamp ñõn neiõ, im maram ñõn aõ ial.

106 I ar kanõjniñ im kabin e, bwe I naj lãle ekajet ko Am rewãnik.

107 Ña I kanuij jorran; Kwon kãejmour iõ O Jeova, kin Am in nan.

108 Ij akwelap ñõn Yuk O Jeova, Kwon bõk men in jurtak ko in lõniõ, I kõnan lewoj; im katakin iõ ekajet ko Am.

109 Aõ e ilo peiõ ien otemjej, a I jab meloklok kiõm.

110 Ro dri nana r'ar kapojõk aluk ñõn iõ; a I ar jab jebwãbwe jen nan in katak ko Am.

111 I ar bõk nan in kennan ko Am men in jolit iba ñõn in driõ, bwe re men in lõñliñ an buruõ.

112 I ar kamõllok buruõ in bokake kien ko Am ñõn in driõ, aet, ñõn jemlokõn.

## SAMEK.

113 Ña ij drike armij burueir ruo, a ij yokwe kiõm.

114 Kwe aõ jikin tilekek im likepljñõk; I kejatrikrik iõ ilo Anu in nan.

115 Komin ilok jen ña, kom dri kõmõn nana; bwe in bokake kien ko an aõ Anlj.

116 Kwon jebok iõ ilo Am in nan bwe in mour, im Kwon jab kajok iõ kin aõ kejatrikrik.

117 Kwon kwotõke iõ im naj

lomorið, im I naj lale kien ko Am ien otemfej.

118 Kw'ar kejekron ir otemfej re jebwābwe jen kien ko Am, bwe air mon e riðp wõt.

119 Kwo jolok ro dri nana otemfej in löl einwõt oo; kin men in ij yokwe nan in kennan ko Am.

120 Kouekið e wurirrir kin mijök Yuk; im ij lelñoñ kin ekajet ko Am.

## AIN.

121 I ar kōmōn ekajet im jimwe; Kwon jab likit ið ñōn ro dri matōrtōr ið.

122 Kwon dri kamol ñōn ña korijerōm kin emōn; ro dri jua ren jab matōrtōrið.

123 Meja re mōjinolok ñōn Am lomor, im ñōn Am in nau rewānik.

124 Kwon kōmōn ñōn ña korijerōm ilo Am tiriāmo, im katakin ið kien ko Am.

125 Ña dri korijerōm, Kwon letok jelalokjen bwe in jela nan in kennan ko Am.

126 Ien in ien jermal ñōn Jeova, bwe r'ar kokkure kiōm.

127 Kin men in ij yokwe kien eo Am, ehap jen gold, aet elap jen gold erre.

128 Kin men in ij lemnok bwe nan in katak ko Am otemfej kin men ko otemjelok rejimwe, im I jōjōik ial ko otemfej, ial in riðp.

## PE.

129 Nan in kennan ko Am re men in bwilōñ; kin men in aō ej bokaki.

130 Kebellok Am in nan ej kama-ramlok, ej lelok jelalokjen ñōn ro re jab kanuij meletlet.

131 I ar kanuij walōñi loñið im lap aō menono, bwe I ar oñkake kien ko Am.

132 Kwon oktōktok ñōn ið, im tiriāmokake ið einwõt kwo kin kōmōn ñōn ro dri yokwe etōm.

133 Kwon kabln jenkwōn ko jenkwōn neið ilo Am in nau; im Kwon jab likit bwe jabrewõt nana eu irolj ioð.

134 Kwon wialk ið jen matōrtōr an armij; ein drein I naj bokake nan in katak ko Am.

135 Turin mejōm en romak ion ña dri korijerōm, im katakin ið nan in kaiñi ko Am.

136 River in dren retorlok jen meja, kin air jab bokake kiōm.

## TZADE.

137 Kwo wānik, O Jeova, im rejimwe ekajet ko Am.

138 Kw'ar kaiñil nan in kennan ko Am ilo wānik im tiljek wõt.

139 Aō kljejeto e ar tili ið, bwe ro dri kijirāt ið r'ar meloklok nan ko Am.

140 Am in nan e kanuij erre; kin men in ña korijerōm ij yokwe.

141 Ña erik im armij in kejekron; a I jab meloklok katak ko Am.

142 Am wānik eo wānik ej ber ñōn in drio, im kiōm emol.

143 Jorran im iñtan r'ar jibwe ið, a kien ko Am men in mōnōnō iba.

144 Nan in kennan ko Am rewānik ñōn in drio; Kwon letok jelalokjen im I naj mour.

## KOPH.

145 I ar kir kin aolepen buruð; Kwon uak ið, O Jeova; I naj bokake nan in kaiñi ko Am.

146 I ar kir ñōn Kwe, kwon lomorið; Inem I naj lale nan in kennan ko Am.

147 I ar iwij imam mokta jen rantak im kir ñōn Kwe, I ar kejatirik ið ilo nan ko Am.

148 Meja r'ar bōprae mmij in boñ bwe in kalomōnlokjen klu Am in nan.

149 Kwon roñjake ainikið ilo Am tiriāmo im joij. O Jeova, kwon kãejmour ið ilo ekajet ko Am.

150 Re kebaktok ro rej lore nana; retolok jen kiōm.

151 Kwoj ebak, O Jeova, im kien ko Am otemfej remol.

152 Jen ien moktata I ar jela nan in kennan ko Am, bwe Kw'ar kablni ñōn in drio.

## RESH.

153 Kwon lale ađ iřtan, im kđtlok iđ; bwe I jab meloklok kiđm.

154 Kwon akwaile ađ akwail im wiaik iđ; kăejmour iđ ilo Am in nan.

155 Lomor etolok jen ro dri nana, bwe re jab bukot nan in kaiřil ko Am.

156 Elap Am tiriamokake ko, O Jeova; Kwon kăejmour iđ ilo ekajet ko Am.

157 Elđn ro dri matđrtđr iđ im ro dri kijirăt iđ; a I ar jab jeđr jen nan in kennan ko Am.

158 I ar lo ro dri kđmđn etađ, im buromđj kake; bwe re jab lale Am in nan.

159 Kwon lale ekijkan ađ yokwe nan in katak ko Am; Kw'ar kăejmour iđ ilo Am tiriamokake.

160 Bđran Am in nan, mol; im ekajet otemjej Am rewănik rej ber řđn in drio.

## SHIN.

161 Bwirđk rđn r'ar matđrtđr iđ ke ejelok unin; a buruđ e lelřđn kake nan ko Am.

162 I lđňliň kin Am in nan einwđt eo ej lo elđn men in rakim.

163 I jđjđik im drike riđp; a ij yokwe kiđm.

164 Jiljilimjuđn alen ilo ran I nebar Yuk kin ekajet ko Am rewănik.

165 Ainemđn elap iben ro rej yokwe kiđm, im ejelok unin lđkapi ibeir.

166 I ar kejatrikrik iđ kiu Am lomor O Jeova, im I ar bokake nan in kaiřil ko Am.

167 Ađ e ar lale nan in kennan ko Am, bwe I kanuij yokwi.

168 I ar lale nan in katak ko, im nan in kennan ko Am, bwe lal ko ađ otemjej re imam.

## TAU.

169 Ađ kir en ebakwđj imam, O Jeova; kwon letok jelalokjen einwđt Am in nan.

170 Ađ akwelap en iwij imau; Kwon kđtlok iđ einwđt Am in nan.

171 Tiđ ren konono nebar, bwe Kwo katakin iđ nan in kaiřil ko Am.

172 Lođ eu al kin Am in nan, bwe kien ko Am rewănik.

173 Peiđm en rerelok in jibđn iđ, bwe I ar kalet nan in katak ko Am.

174 I ar oňkake Am lomor O Jeova, im kiđm men in lđňliň iba.

175 Ađ en mđnđnđ, inem I naj uebar Yuk; im ekajet ko Am ren jibđn iđ.

176 I ar Jebwăbwe einwđt řip ejoko: Kwon kabukot korijerđm, bwe I jab meloklok kien ko Am.

## SAM 120.

Al in wđnliřlok ko.

**I**LO ađ iřtan I ar lamij řđn Jeova, inem E ar uak iđ.

2 Kwon kđtlok ađ O Jeova jen tien ko re riđp, im jen lo in mon.

3 Ta eo ren lewoj řđn yuk, im ta eo ren kđmđn elđňlok řđn yuk, kwe lo in etađ?

4 Mđri ko rekđn an ro dri kajur, im melle in wijki juniper.

5 Wo řđn řa kin ađ ber ilo Mesek, kin ađ jokwe ilo moko im nuknuk an Kidar.

6 Ađ eto an jokwe iben eo ej jđjđik ainemđn.

7 Ńa I kđnake ainemđn; a ke ij konono, re kđnake tđriuae.

## SAM 121.

Al in wđnliřlok ko.

**I**NAJ reiliřlok řđn tol ko; ađ jibđn en itok jen la?

2 Ađ jibđn ej itok jen Jeova, eo E ar kđmđnmđn lđň ko im lđl.

3 E jamin likit neiđm bwe en makđtkit; Eo ej kejbărok yuk E jamin kiki.

4 Lo Eo ej kejbărok Israel E jamin mijki ak kiki.

5 Jeova am dri lale, Jeova e anđřđm i anbijmaroňđm.

6 Al eo e jamin mđn yuk ilo ran, ak aliň ilo boň.

7 Jeova e naj kejbărok yuk jen naua otemjej, E naj kelbărok am.

8 Jeova e naj kejbārok am drioij-  
lok im am dreloñtok jen ien in im  
ñōū in driio.

## SAM 122.

Al in wōnliflok ko; an Devid.

**I**AR mōnōnō ke r'ar ba ñōn iō,  
Jen ilok ñōn imōn Jeova.

2 Neiem rej jutōk iloan aur ko  
am, O Jerusalem.

3 Jerusalem eo emwij kalek e ein-  
wōt jikin kwelok mōkon re kut.

4 Ñōn ie bwij ko rej wōnliflok,  
aet bwij ko an Jeova, kin kennau  
ñōn Israel, bwe ren kamolol etan  
Jeova.

5 Bwe ijo emwij likit tron ko ñōn  
ekajet, tron ko an imōn Devid.

6 Komin jar kin an Jerusalem  
ainemōn; re naj jerammōn ro rej  
yokwe yuk.

7 Ainemōn en iloan worwor ko  
am, im jerammōu ilo moko am  
imōn iroiļ.

8 Kin ro nuku im kin ro jera I naj  
ba kiō, Ainemōn en iloan.

9 Kin imōn Jeova amuij Anij, I  
naj bukot am ainemōn.

## SAM 123.

Al in wōnliflok ko.

**N**ŌN Kwe ña ij leliñwoj meja, O  
Kwe kwōj jijōt ilo lōñ ko.

2 Lo einwōt mejen ro dri kori-  
jeran re reilok ñōn pein iroiļ eo air,  
im einwōt mejen korijeran ledrik  
re reilok ñōu pein iroiļ eo an, ein  
drein mejem rej reilok ñōn Jeova  
amuij Anij mae ien Ej tiriamokake  
kim.

3 Kwon tiriamokake kim, O Jeova,  
kwon tiriamokake kim; bwe kim  
kanulj mat kin jōjōik.

4 Am e kanulj mat kin kitōtōkake  
an ro rej ilo ainemōn, im kin jōjōik  
an ro dri jua.

## SAM 124.

Al in wōnliflok ko. An Devid.

**E**LAFÑE e ar jab Jeova eo E ar  
ibem, Israel en ba kiō;

2 Elañe e ar jab Jeova eo E ar

ñōn kim, ke armij rōn r'ar jerkak  
nae kim;

3 Inem ien eo re naj kar wōrōñō-  
lok kim ke kim mour; ke emwij  
kejo air illu nae kim.

4 Ien eo dren ko re naj kar kama-  
loñ kim; river eo e naj kar wōnlif-  
lok jen am.

5 Ien eo dren ko re killip re naj  
kar woñliflok ion am.

6 Emōnōnō Jeova eo E ar jab le-  
lok kim, einwōt men in jibwe, ñōn  
ñi ko ñiir.

7 Am e ar ko einwōt bao jen aluk  
an ro dri jibwe bao; emijōk aluk  
eo im kim ar ko.

8 Men in jibōñ kim ilo etau Jeova,  
eo E ar kōmōnmōn lōñ im lōl.

## SAM 125.

Al in wōnliflok ko.

**R**O rej liki Jeova rej einwōt tol  
Zaiōn eo, re ban kamōkit e, a  
ej ber ñōn in driio.

2 Einwōt tol ko rej iturin im ka-  
bol Jerusalem, ein drein Jeova ej  
iturin ro dron jen ien in im ñōn lu  
driio.

3 Bwe septer in jab wānik e jamin  
berwōt ion jolit an ro dru wānik,  
bwe ro dru wānik ren jab erlokwe  
peir ñōn jerawiwi.

4 O Jeova, kwon kōmōn emōn  
ñōn ro dri'mōu, im ñōn ro e jime  
burueir.

5 A kin ro rej jeōrlōk ñōn ial ko  
air r'aukeke, Jeova e naj tellok ir  
iben ro rej jerbale nana, a ainemōu  
en ion Israel.

## SAM 126.

Al in wōnliflok ko.

**K**E Jeova e ar ukot men in jebo-  
kwe an Zaiōn, kim ar einwōt  
ro rej tōnak.

2 Ien eo loñem e ar obrōk kin tōñ  
im loem kin al ko; ien eo r'ar ba  
ilo allif ko, Jeova e ar kōmōn men  
ko relap ñōn ir.

3 Jeova e ar kōmōn nien ko  
relap ñōn kim, kimuij mōnōnō  
kaki.

4 Kwon ukot amuij jebokwe O Jeova, einwöt river ko i rök.

5 Ro rej jeör ilo dren in kemjalal, re naj marmir ilo löfiliñ.

6 Meñe ej ilok ilo ial im jöñ, im bökklok ine ko; e naj bar itok ilo löñliñ im böktok kworök ko iben.

## SAM 127.

Al in wönliflok ko, an Solomön.

**E**LAÑE Jeova e jab kalek mweo, ro rej kaleke re jermal bata; elañe Jeova e jab kejbärok imön kwelok eo, dri ekil ej ekil bata.

2 Men in jitokjen fiön kom ñe komij jerkak ñe e rantak, im babu ñe eboñ, im möña bred in jorran: bwe ein drein Ej lelok kiki fiön ro dri jitenburu iben.

3 Lo ajiri rön men in jolit jen Jeova, im leen lojien köra men in letok jen E.

4 Einwöt möri ko ilo pein armij ekajur, ein drein ajiri ro nejin eo emön drer.

5 Emönöndö armij eo im nien möri eo an e obrök kaki: re jamin jok ñe rej kouono iben ro rej kijirät ir ilo kejem in worwor.

## SAM 128.

Al in wönliflok ko.

**E**MÖNÖNÖ jabrewöt eo ej mijök Jeova, eo ej etal ilo ial ko An.

2 Bwe kwo naj möña jen jermal in peidm: kwo naj möndöndö, im e naj emön iböm.

3 Lio beleöm e naj einwöt valn ej kouwa iloan mweo imöm, ro nejöm einwöt wijki ko redrik wijki oliv iturin tebel eo am.

4 Lo ein drein armij e naj jeramön, eo ej mijök Anij.

5 Jeova e naj kejerammön yuk jen Zaiön, im kwo naj lo an Jerusalem emön tomin aolepen am mour.

6 Aet kwo naj lo ro nejin ro nejöm. Ainemön en ion Israel.

## SAM 129.

Al in wönliflok ko.

**E**LÖÑ alen air kejourran iö jen ien aö Inono, Israel en ba kiö:

2 Elöñ alen air kejourran iö jen ien aö Inono, a re jañin bok anjo jen iö.

3 Ro dri töblöl r'ar töblöle elikiö, r'ar kaitoklok air töblöle.

4 Jeova e wafik: E ar bukwe to ko toön ro dri nana.

5 Ren jok im jenliklik, ro otemjej rej kijiräte Zaiöu.

6 Ren einwöt ujoj ion mo ko ej aimerlok mokta jen an edrekliñlok.

7 Kin e dri bukwe ujoj e jab kobrök pein, ak eo ej lukwöj kworök ko ubön.

8 Im ro rej ela re jab ba, Jeova en kejerammön yuk, kim kamöndönök yuk ilo etan Jeova.

## SAM 130.

Al in wönliflok ko.

**J**EN imlöl ko I ar kir fiön Kwe, O Jeova.

2 Jeova kwon roñjake ainikiö: lojiliföm ren eoroñ ainiken aö akwelap ko.

3 Elañe Kwe, O Jeova, kwo naj kaköle jerawiwi ko, O Iroi, wön e naj jutök?

4 A jolok jerawiwi ej iböm, bwe armij ren mijök Yuk.

5 I kötar Jeova, aö ej kötar, im ilo An in nan I kejatirikrik iö.

6 Aö ej kötar Iroi elap jen an ro dri ekil kötar rantak, aet elap jen ro dri ekil fiön rantak.

7 O Israel kwon kejatirikrik yuk ilo Jeova, bwe iben Jeova eor tiriamokake, im iben elöñ lomor.

8 Im E naj lomoren Israel jen bwir ko an otemjej.

## SAM 131.

Al in wönliflok ko an David.

**J**EOVA, buruö e jab jua: im meja re jab utiejlok: im I jab etetal ilo men ko relap, ak ilo men ko men in bwilöñ jen aö maroñ kake.

2 Emol I ar töt im kökajeklokjen aö, einwöt niñniñ e likitit iben jinen: aö iböm einwöt niñniñ e likitit.



3 O Israel kwon kejatrikrik yuk ilo Jeova, jen ien in im ñõn in drío.

## SAM 132.

Al in wõnlilok ko.

**J**EOVA, kwon kememej kiu Devid aolepen an iñtan :

2 Ekijkan e ar kanðjnij ñõn Jeova, im kalimur ñõn Eo e kajurpotata an Jekõb.

3 Emol I jamin dreloñ iloan im nuknuk mweo imð, im I jamin wõnlilok ñõn iloan að bed :

4 I jamin lelok kiki ñõu meja, ak mijki ñõu kilin meja,

5 Mokta jen að lo jikin ñõn Jeova : imõn kabèr ñõu Eo dri kajurpotata an Jekõb.

6 Lo kim ar roñ kin e i Eprata, kim ar loe i melaj ko an jikin wijki.

7 Kim naj dreloñlok iloan imõn kabèr ko An : kim naj kabuñ i eran neen.

8 Kwon jerkak O Jeova, ñõn iloan Am jikin kakije : Kwe im dipdip in kajur eo Am.

9 Pris ro Am ren kånõk wånik : im ro remõn Am, ren lamij kin lõñliñ.

10 Kin Devid, dri korijerõm, Kwon jab kejeðr mejen Am Dri kalet.

11 Jeova e ar kanðjnij ñõn Devid ilo mol : E jamin illok jen e : jen leen enbwinõm I naj likit ilo tron eo Am.

12 Elañe ro nejõm rej drebij bujen eo Að, im Að nan in keunan eo I naj katakin ir : ro nejir re naj jijõt ilo tron eo am ñõn in drío.

13 Bwe Jeova e ar kalet Zaiõn : E ar kõuake bwe eu kabijuknen.

14 Eñin Að jikin kakije ñõn in drío : I naj jokwe ijo bwe I ar kõnake.

15 I naj kanuij kejerammõn kijen : I naj kamat ro dri jeramel an kin bred.

16 Bareinwõt pris ro an I naj kanuknuk ir kin lomor : im ro remõn an re naj lamij kin lõñliñ.

17 Ijo I naj kõmõn bwe drunin

Devid en eoñ : I ar likit juðn lamp ñõn dri kabit eo Að.

18 I naj kanuknuk ro dri kijiräte kin jok : a ion e mõke kraun eo an e naj eoñ.

## SAM 133.

Al in wõnlilok ko, an Devid.

**L**O enañin emõn im men in mõnõnõ, ñe ro jim jein im jim jatin rej ber iben dron ilo buru juðn.

2 Ej einwõt oil e aurõk ion bõran, e ar torlõllok ion kworeak, aet kworeak an Aarõn : e ar wõnlõllok ion toreren nuknuk ko an.

3 Einwõt molawi in Hermõn, ej wõnlõltok ion tol ko in Zaiõn : bwe ijo Jeova e ar kalñi jerammõn, aet mour in drío.

## SAM 134.

Al in wõnlilok ko.

**L**O komin kamõnõnõdik Jeova, kom otemej dri korijeran Jeova, ro rej jutõk ilo boñ ilo imõn Jeova.

2 Komin kwotõke pelmi ñõn jikin kwojarjar eo, im komin kamõnõnõdik Jeova.

3 Jeova eu kejerammõn yuk jen Zaiõn : aet Eo e ar kõmõnmõn lõñ im lõl.

## SAM 135.

**K**OMIN nebar Jeova, komin nebar etan Jeova : komin nebar E, O komeo kom ro dri korijeran Jeova.

2 Komeo komij jutõk iloan imõn Jeova, iloan worwor ko an imõn amuij Anij.

3 Komin nebar Jeova, bwe Jeova emõu : komin al im nebar etan, bwe men in men in mõnõnõ.

4 Bwe Jeova e ar kalet Jekõb ñõu E mõke, im Israel ñõu men in aurõk eo An.

5 Bwe I jela bwe Jeova elap, im amuij Anij eutiej jen anij ro otemej.

6 Men ko jabrewõt Jeova e mõnõnõ kake E ar kõmõnmõni ilo

lõñ im ilo lõl, ilo lomalo ko im ilo imlõl ko otemjej.

7 Ej kõmõn bwe tap ko ren wõn-liflok jen jabõu lõl ko: Ej kõmõn jarõm ko ñõn wut: Ej bõktok kõto ko jen imõn mweiuk ko Au.

8 E ar mõu manji rõn i Ijipt, armij im kiru.

9 E ar jilkinlok kakõle ko im men in bwilõñ ko ñõn ilujõm, O Ijipt, ion Pero im ion ro dri korijeran otemjej.

10 E ar kokkure elõñ ailiñ, im mõn kifñ rekajur:

11 Saiõn kifñ an ro dri Amor, im Og kin in Besan, im ailiñ in kifñ otemjej in Keenee.

12 Im lelok ene ko air bwe en men in jollit, men in jollit ñõn Israel dri ailiñ eo An.

13 Etõm O Jeova, e ñõn in drio: enemej eo an O Jeova iomin ebeben otemjej.

14 Bwe Jeova e naj ekajet dri ailiñ ro An, im naj ukwelok iben kin ro dri korijeran.

15 Ekjõp ko an ro dri ailiñ ko silver im gold, jerbai in pã ko pein armij.

16 Eor loñir, a re jab konono; eor mejeir, a re jab lo:

17 Eor lojiliñir, a re jab roñ, im ejelok menono ilo loñir.

18 Ro rej kõmõnmõn ir re naj eir-wõt, aet ro otemjej rej liki ir.

19 O imõn Israel, komin kamõnõnõik Jeova; O imõn Aaron, komin kamõnõnõik Jeova.

20 O imõn Lival, komin kamõnõnõik Jeova; komeo kom mijõk Jeova, komin kamõnõnõik Jeova.

21 Emõnõnõ Jeova jen Zaiõn, Eo ej jokwe i Jerusalem. Komin kamõnõnõik Jeova.

## SAM 136.

**O** KOMIN kamolol Jeova, bwe E emõn, bwe An tiriamo ñõn in drio.

2 O komin kamolol Anij in anij rõn, bwe An tiriamo ñõn in drio.

3 O komin kamolol Iroj in iroj rõn, bwe An tiriamo ñõn in drio.

4 Ñõn Eo ej kõmõn men in bwilõf ko relap mõke ian, bwe An tiriamo ñõn in drio.

5 Ñõn Eo e ar kõmõnmõn lõñ ko kiu meletlet, bwe An tiriamo ñõn in drio.

6 Ñõn Eo e ar erlokwe lõl ilõñin dren ko, bwe An tiriamo ñõn in drio.

7 Ñõn Eo e ar kõmõnmõn maram ko relap, bwe An tiriamo ñõn in drio.

8 Ai eo bwe en iroj ilo ran, bwe An tiriamo ñõn in drio.

9 Ailiñ eo im iju ko bwe ren iroj ilo boñ, bwe An tiriamo ñõn in drio.

10 Ñõn Eo e ar mõn Ijipt ilo manjiir, bwe An tiriamo ñõn in drio.

11 Im E ar bõktok Israel jen ibeir, bwe An tiriamo ñõn in drio.

12 Kin pein ekajur, im pein E ar erlokwe, bwe An tiriamo ñõn in drio.

13 Ñõn Eo e ar kijbil Lomalo ekilmir ilo mõtõn ko, bwe An tiriamo ñõn in drio.

14 Im E ar kõmõn bwe Israel eu etal iolapin, bwe An tiriamo ñõn in drio.

15 Im E ar jolok Pero im jar in tõrinae eo an na iloan Lomalo ekilmir, bwe An tiriamo ñõn in drio.

16 Ñõn Eo e ar tel ro dron ilujeu ene jemaren eo, bwe An tiriamo ñõn in drio.

17 Ñõn Eo e ar mõn kifñ relap, bwe An tiriamo ñõn in drio.

18 Im E ar mõn kifñ rebuñbuñ, bwe An tiriamo ñõn in drio.

19 Saiõn kifñ in ro dri Amor, bwe An tiriamo ñõn in drio.

20 Im Og kifñ in Besan, bwe An tiriamo ñõn in drio.

21 Im E ar lelok ene ko air men in jollit, bwe An tiriamo ñõn in drio.

22 Men in jollit wõt ñõn Israel dri korijeran, bwe An tiriamo ñõn in drio.

23 Eo e ar kememej kim ilo amuij eta, bwe An tiriame ñôn in driô.

24 Im E ar kötlok kim jen ro dri kijirät kim, bwe An tiriame ñôn in driô.

25 Ej lelok kijeir ñôn kõniek otemjej, bwe An tiriame ñôn in driô.

26 O komin kamolol Anij in löñ ko, bwe An tiriame ñôn in driô.

## SAM 137.

**I**TURIN river ko an Babulön, kim ar jijöt, aet kim ar jöñ ke kim ar kememej Zaiön.

2 Kim ar totoik arp ko am ilo wijki ko willo ilo bwiljin ene eo.

3 Bwe ijo ro r'ar kajebokwe kim re kajitok ibem al ko: im ro r'ar kokkure kim r'ar kajitok ibem töñ, im ba. Komin al ñôn kim juön ian al ko in Zaiön.

4 Ekijkan am naj al kin al in Jeova i ene an drua majjet?

5 Elañe ij meloklok yuk, O Jerusalem, anbijmaroñiö en meloklok an kabel.

6 Loiö en edrep ñôn fiatiö, elañe I jab kememej yuk; elañe I jab koutiej Jerusalem jen aö löñliñ elaptata.

7 O Jeova, kwon kememej nae ro nejin Idöm ran in Jerusalem, r'ar ba, Komin kokkure, komin kokkure, aet ñôn löñtak ko an.

8 O nejin kõra in Babulön, im naj kokkure yuk, e naj möñöñö eo e naj nawönam einwöt am kõmön ñôn kim.

9 E naj möñöñö eo e naj bök im jölölok na ion dreka niñiñ ro am.

## SAM 138.

Sam an Devid.

**I**NAJ kamolol Yuk kin aolepen buruö: iman anij rön I naj al kin nebar ko ñôn Kwe.

2 I naj kabuñ ñôn tempel eo Am ekwojarjar, im kamolol etöm kin Am tiriame, im kin Am mol: bwe Kw'ar kalaplok Am in nau jen aolepen etöm.

3 Ilo ran eo ke I ar kir, Kw'ar uak iö: Kwoj kaberan iö kin kajur ilo aö.

4 Kiñ ro otemjej in löl re naj kamolol Yuk, O Jeova, bwe r'ar roñjake nan ko au löñöm.

5 Aet, re naj al kin ial ko an Jeova, bwe elap abujuij au Jeova.

6 Bwe meñe Jeova eutiej, Ej lala ro retä: ro dri jua E jela kajer jen etolok.

7 Meñe I etal ilujen jorran, Kwo naj käejmour iö: Kwo naj erlokwe peiöm nae illu an ro dri kijirät iö: im anbijmaroñöm e naj lomoriö.

8 Jeova e naj kamwijlok men eo aö: Am tiriame, O Jeova, ñôn in driô: Kwon jab illok jen jermal ko in pä ko peiöm.

## SAM 139.

Ñôn dri lala al. Sam an Devid.

**O**JEOVA, kw'ar kalimjek iö im jela iö.

2 Kwo jela aö jijöt im aö jutök: Kwo jela aö lemuok jen etolok.

3 Kwo kalimjek aö ial, im aö babu, im Kwo jela ial ko aö otemjej.

4 Bwe ejelok nau ilo loö, im Kwe O Jeova, kwo jab jelakake wöt.

5 Kw'ar nitbwili iö ilikiö im imaö, im Kw'ar likit peiöm ioö.

6 Jelalokjen einwöt in I kanuij bwilöñ kake: eutiej, I jab maroñ in töbare.

7 I naj ilok ñôn ia jen Am Jitöb? Ak I naj ko ñôn ia jen mejöm?

8 Elañe I wöñliñlok ñôn iloan löñ ko, Kwe ijo: elañe I likit kiniö ile Hedis, Kwe ijo.

9 Elañe ij bök pein bau einwöt rantak im jokwe ilo mötön retoloktata in lometo:

10 Ijo peiöm e naj tel iö, im anbijmaroñöm e naj drebij iö.

11 Elañe I ba, Emol marok e naj kalibuba iö, im maram eo ituriö e naj boñ:

12 Marok eo e jab noj jen Kwe, a boñ ej romak einwöt ran: marok im maram irro einwöt juön iböm.

13 Bwe ibið e ar ibòm: Kw'ar kalibubu ið ke I ar ber i lojien jinð.

14 I naj kamolol Yuk, bwe Am kòmòmòmòn ið men in leliñoñ im bwiłòñ: jербal ko Am men in bwiłòñ: im men in, að e kanuij jela-kake.

15 Mòtòn enbwinið rekajur r'ar jab tilekek jen Kwe ke emwij kòmòmòmòn ið ilo etiuo: im eej ið ilo mòtòn ko etåtata in löl.

16 Mejòm r'ar lo enbwinið ke e jañin 'mwij kòmòmone: ilo buk eo Am ar jejekake ra ko rað, ar kòmòmòmòni ran im ran ien eo ke ejelok lair.

17 Bareinwõt lemnok ko Am re nañin aurøk iba, O Anij! air koba e kanuij lap!

18 Elañe I naj bwiniir, oran elðñ jen oran bok ko: ke ij ruj, ña ibòin wõt.

19 Emol Kwo naj mòn ro dri nana, O Anij, inem komin ilok jen ña, komeo armij dri katorlok bõtòktòk.

20 Bwe re konono nana nae Yuk, im ro dri kijiråt Yuk rej kananak etòm.

21 O Jeova, I jab drike ro rej kijiråt Yuk ke? Im I jab buromøj kin ro rej jutòk jumae Yuk ke?

22 I kijiråt ir kin kijiråt elaptata: ij likit ir að dri kijiråt.

23 Kwon kalimjek ið, O Anij, im jela buruð: Kwon melejoñ ið im jela lemnok ko að.

24 Im Kwon lo elañe jabrewõt ial enana iba: im Kwon tel ið ilo ial ej ñòn in drio.

#### SAM 140.

Ñòn dri lalè al. Sam an Devid.

**K**WON kòtlok ið, O Jeova, jen armij dri nana: Kwon lomorið jen armij eo dri kokkure.

2 Ro rej lemnok kin men ko renana ilo burueir: ien otemjej re kweloklok ñòn dron kin tòrinae.

3 R'ar jimjim loir einwõt kiru serpent: uno kòn mij an kiru adder iomin tieir. Sela.

4 O Jeova, kwon lomorið jen pein

588

ro dri nana: Kwon lomorið jen armij in kokkure eo, ro r'ar bebe in jibellok buñten neið.

5 Ro dri jua r'ar noj jen ñòn ið: r'ar erlokwe juðn ok iturin ial: r'ar likit aluk ko ñòn ið. Sela.

6 I ar ba ñòn Jeova, Kwe að Anij: kwon eoroñ ainiken akwelap ko að, O Jeova.

7 O Anij Iroj eo, kajur an að lomor: Kw'ar kòròpe bõra ilo ran in tòrinae.

8 O Jeova, kwon jab lelok ñòn ro dri nana men ko re kònna: Kwon jab jibòñ e ilo an bebe enana, ñe rab mòke koutiej ir. Sela.

9 Kin bõran ro rej kabol ið, nana in tieir en kalibubu ir.

10 Melle rej urur ren buñ ioir: emòn jolok ir na ilo kijeek: ilo roñ ko r'imlöl, bwe ren jab bar jerkak.

11 Eo ej konono nana jamin kabin e ilo löl: nana e naj kabukot armij in kokkure bwe en mòne.

12 I jela Jeova e naj kòmòm wänik ñòn eo e jorran, im ekajet ñòn eo e jeramel.

13 Emol ro dru wänik re naj kamolol etòm; ro remòn re naj jokwe iman mejòm.

#### SAM 141.

Sam an Devid.

**J**EOVA, I ar kir ñòn Kwe: kwon kijorur in itok ñòn iba, Kwon eoroñ ainikið ke ij kir ñòn Kwe.

2 Að jar en ber einwõt melu imam; að kwotðke peið en einwõt men in katok ejota.

3 O Jeova, kwon likit ken kejbärok i loñið; Kwon kejbärok aur in tið.

4 Kwon jab ukot buruð ñòn jabrewõt men enaua, im kòmòm kòmòm ko renana iben ro dri kòmòm nana, im in jab mòña ekòn enno ko air.

5 Ro dru wänik ren ubrare ið, e naj men in yokwe; im en kowe ið, e naj einwõt oil ilo bõra; bõra en jab abwin e, bwe ilo air bwir wõt að jar e naj walok.

6 Emwij jolöllok ro air dri ekajet

iturin dreka ko, im re naj roñjake ađ in nan, bwe retöfiel.

7 Einwöt eo ej köbij im bukwe brij, ein drein dri ko drin re jibliklok iturin loñin lüp eo.

8 Bwe meja re ñön Kwe, O Anij Iroiñ, ij liki Yuk; kwon jab likit ađ ilo aikwiñ.

9 Kwon kejbärok ađ jen aluk eo r'ar kapoje ñön iö, im jen ko an ro dri kömön nana.

10 Ro dri nana ren buñ na iloan ok ko air, im ña ilo ien eo in ko.

## SAM 142.

Maskil an Devid, ke e ar ber iloan roñ eo. Juön jar.

**K**IN ainikiö ij kir ñön Jeova; kin ainikiö ñön Jeova ij akwelap.

2 I lutöklök ađ lotan iman; I kwalök ađ jorran iman.

3 Ke ađ e ar kijelok ilo ña, Kw'ar jela ađ ial. Ilo ial eo ijo I ar etetal, r'ar noj jen ñön iö.

4 Kwon lala i anbijmaroñiö im lo, bwe ejelok armij e jelakake ña; jikin tilekek e joko jen ña, ejelok armij ej tar ađ.

5 I ar kir ñön Kwe O Jeova, I ar ba, Kwe ađ jikin tilekek, ađ kij ilo ene an dri mour.

6 Kwon eoroñ ađ lamij, bwe ar kanuij kötaik iö; Kwon kötlök iö jen ro rej matörtör iö, bwe re kajur jen ña.

7 Kwon kadrilöjlok ađ jen prisön, bwe in kamolol etöm. Ro remön re naj kabol iö; bwe Kwo naj wujleptok joiñ ñön iö.

## SAM 143.

Sam an Devid.

**K**WON roñjake ađ jar, O Jeova, kwon eoroñ akwelap ko ađ; ilo Am til ek Kwon uak iö, im ilo Am wänik.

2 Im Kwon jab drelofi ilo ekajet iben korijeröm: bwe ilo mejöm jamin kowänik jabrewöt armij.

3 Bwe dri kijirät eo e ar matörtör ađ, e ar jolöilök ađ mour ñön brij; e ar kömön bwe in jokwe ilo jikin-

ko re marok, einwöt ro eto ke r'ar mij.

4 Inem ađ e kijelok ilo ña; buruö ilo ña e men in jeebeplok.

5 I kememej ran ko mokta: I kalomönlökjen kin men ko Kw'ar kömönmöni; ij lemnok kin jermal ko an peiöm.

6 Ij erlokwe peiö ñön Kwe; ađ e maro kin Kwe einwöt ene e mök. Sela.

7 Kwon kijorur im uak iö, O Jeova, ađ jitöb e kijelok: Kwon jab binej mejöm jen ña, ñe ab in einwöt ro rej wönlöilök ñön iloan roñ eo.

8 Kwon kömön bwe in roñjake Am joiñ ke ejiboñ; bwe ij liki Yuk. Kwon kömön bwe in jela ial eo emön in etal iloan, bwe ij leliñwoj ađ ñön Kwe.

9 O Jeova, kwon kötlök iö jen ro dri kijirät iö: ña I ko ñön Kwe bwe in tilekek.

10 Kwon katakin iö in kömön ankil Am, bwe Kwe ađ Anij: Am Jitöb emön, Kwon tel iö ilo ene in wänik.

11 O Jeova, kwon käejmour iö kin etöm; ilo Am wänik Kwon böktok ađ jen jorran.

12 Im ilo Am joiñ Kwon bukwe- lok ro dri kijirät iö; im Kwon kokkure ir otemej rej kejjorran ađ, bwe ña dri korijeröm.

## SAM 144.

Sam an Devid.

**E**N möndön wöt Jeova, ađ dreka, eo Ej katakin peiö törinae, im arriö ko kin iri.

2 Ađ joiñ, im ađ me, ađ imön bar eutlej, im ađ Dri lomor, ađ likepij-ñök, im Eo ij liki E, eo ej kötaik ailiñ ko jen iö.

3 Jeova, ta armij bwe Kwom jela- kake? ak nejin armij bwe Kwon lemnok kake?

4 Armij ej einwöt men in jekrou; ran ko an einwöt anen e jokolok.

5 Kwon kötaik löñ ko Am O Jeova im wönlöitok: Kwon uñir tol ko im re naj batat.

6 Kwon jolölok jaröm im kejliliklok ir; Kwon jolok mörl ko Am im kejjorran ir.

7 Kwon erlokwe peiöm jen ilöñ: Kwon kötlök iö, im lomoriö jen iloan dren ko relap, jen ene'n ro drua maijet.

8 Ro loñir e könan wan, im anbijmaroñir e anbijmaroñon riöp.

9 I naj al juön al ekal ñön Kwe, O Anij: ilo salteri in to ko joñoul, I naj al im nebar Yuk.

10 E eo Ej lelok lomori ñön kifi ro: Eo ej lomoren Devid jen jäjl in kokkure.

11 Kwon lomoriö im kötlök iö jen pein ro drua maijet; ro loñir ej konono wan, im anbijmaroñir e anbijmaroñon riöp.

12 Ñe ro nejim man re naj einwöt jul ko elap air edrekliñlok ke re jab kanuij ridto: Im ro nejim köra einwöt dreka ko in drenön im, emwij jekjekl ilo wäwen dreka in inön iroi.

13 Ñe mo ko imön kijem ren obrök, im cor wäwen mweluk otemjej; im ñip ko am ren keutak tausand ko im joñoul tausand ko ilo melaj ko am.

14 Ñe kau koman ko am emön air inene; ñe ejelok kokkure ak joko, im ejelok lotan ilo ial ko am.

15 Emönönö ro dri ailiñ eo, ñe einwöt in iheir; aet, einönönö ro dri ailiñ ñe air Anij Jeova.

## SAM 145.

Sam in nebar. An Devid.

**I** NAJ koutiej Yuk, aö Anij, aö Kifi: im I naj kamönönönik etöm ñön in drio im in drio.

2 Ran otemjej I naj kamönönönik Yuk; im I naj nebar etöm ñön in drio im in drio.

3 Elaplap Jeova, im ren kanuij nebar E; im An laplap re ban buköt im jelakajen.

4 Juön ebeben e naj nebar jermal ko Am ñön bar juön, im naj kwalok men ko rekajur Kw'ar kömönönönik.

5 I naj kalomonlokjen kin wölio in köñiajolk an utlej eo Am, im kiu men in bwilöñ ko Kw'ar jermal.

6 Im armij re naj konono kin kajur potata in men in leñöñ ko Kw'ar kömönöni; im I naj kwalok Am laptata.

7 Re naj ba kin air kememej Am emön elap, im naj al kin Am wänik.

8 Jeova e joi, im E obrök kin tiriamo; erumij An illu, im elap 'An tiriamokake.

9 Jeova emön ñön ro otemjej, im men in joi ko An ilöñin men ko otemjej E ar kömönönönik.

10 Jermal ko Am otemjej re naj kamolol Yuk, O Jeova, im ro remön Am re naj kamönönönik Yuk.

11 Re naj ba kin aibujuij in ailiñ eo Am, im naj konono kiu Am kajur.

12 In kwalok ñön ro nejim armij men ko rekajur E ar kömönönönik, im aibujuij in utiej eo An.

13 Ailiñ eo Am juön ailiñ e ñön in drio, im An iroi e berwöt iomin ebeben ko otemjej.

14 Jeova ej kejerkak im drebij ro otemjej re buñ; im kajutök ro otemjej re kumlilik.

15 Mejeir otemjej rej kötar Yuk, im Kwoj lelok ñön ir kijeir ilo ien ekar.

16 Kwoj erlokwe peiöm im kamat air könan ñön men otemjej remour.

17 Jeova e wänik ilo ial ko An otemjej, im E joi ilo jermal otemjej An.

18 Jeova ej ebak ñön ir otemjej rej kir ñön E, ñön ro otemjej rej kir ñön E ilo mol.

19 E naj kamol könan an ro remjök E; e naj bareinwöt roñjake ai. lamij im lomori.

20 Jeova ej kejbärok ir otemjej rej yokwe E; a ro renana otemjej E naj kokkure ir.

21 Loñiö e naj konono im nebar Jeova; im köniek otemjej en kamönönönik etan ekwojarjar ñön in drio im in drio.

## SAM 146.

**K**OMIN nebar Jeova; kwon nebar Jeova O aō.

2 Iomin ien aō mour I naj nebar Jeova; I naj al kin nebar ko fiōn aō Anij iomin jabrewōt ien aō ber.

3 Komin jab liki bwirōk rōn, ak nejin armij eo ejelok jibōñ iben.

4 Menono an ej ilok, ej jehlak fiōn lōl eo an; ilo ran eo lemnok ko an rejekolok.

5 Emōnōnō eo Anij in Jekōb ej jibōñ e, im an kōtomene ilo Jeova, Anij eo an.

6 Eo e ar kōmōnmōn lōñ im lōl; lometo im men ko otemjej ilo ir; Eo ej kejbārok mol fiōn in drio.

7 Eo ej kōmōn ekajet fiōn ro dri jorran; Eo ej lelok kijeir fiōn ro dri kwūli: Jeova ej kōtlok ro rej ilo prisōn.

8 Jeova ej kebellok mejen ro rebilu; Jeova ej kajutōk ro rej kumlilik; Jeova ej yokwe ro dru wānik.

9 Jeova ej kejbārok ro dru maijet; Ej jibōñ ro ejoko jemeir, im ro e joko leo beleir, a lal an ro renana Ej ukoje.

10 Jeova e naj Kiñ fiōu in drio; am Anij O Zalōn, fiōn ebeben otemjelok. Komin nebar Jeova.

## SAM 147.

**K**OMIN nebar Jeova; bwe emōn al im nebar amulj Anij: bwe e men in mōnōnō im nebar e wōlio.

2 Jeova ej kalek Jerusalem; Ej kokweloklok ro dri jolok in Israel.

3 Ej kǎejmour ro erup burueir; Ej kītīmi kinēj ko kinjeir.

4 Ej bwini oran iju ko; Ej naetan ir otemjej.

5 Elaplap amulj Iroj, im kajur eo An e kanulj lap. Ejelok tōreren jelalokjen eo An.

6 Jeova ej kejerkak ro etā burueir; E kōtālk fiōn brij ro renana.

7 Komin al im nebar Jeova kin kāmōlol; komin al kin nebar ko ilo arp fiōn amulj Anij.

8 Eo ej kalibubu mejatoto kin

kōro ko; Eo ej kapojōk wut fiōn brij; Eo ej kadreklok ujoj ion tol ko.

9 Ej lelok fiōn kiru kijen, im fiōn bau reven ko re kir.

10 E jab lōñliñ kin kajur an ors; E jab mōnōnō kin neen armij.

11 Jeova e mōnōnō kake ro remjōk E; kin ro rej kejatrikrik ir ilo An tirlamo.

12 Kwon nebar Jeova, O Jerusalem, kwon nebar am Anij, O Zalōn.

13 Bwe E ar kabin alal ko in aur ko am; E ar kejerammōn ro nejmōn iloan.

14 Ej kōmōn ainemōn ilo tōreren ko am; Ej kamat yuk kin wit emōnpotata.

15 Ej jilkinlok kien ion lōl; An in nan ej etōr mōkōj.

16 Ej letok sno einwōt kolan ōip; Ej kijibliklok frost eo emouj einwōt brij in ubaj.

17 Ej jolok dren ebin einwōt tibrikrik ko; wōn e marōñ in jutōk iman bio eo An?

18 Ej jilkinlok An in nan im kounlok ir; Ej kōmōn bwe en ukwi kōto eo An, inem dren etorlok.

19 Ej kwalok An in nan fiōn Jekōb, kien ko An im ekajet ko An fiōn Israel.

20 E ar jab kōmōn einwōt fiōn jabrewōt aillīñ; im ekajet ko An r'ar jab jelakajeir. Komin nebar Jeova.

## SAM 148.

**K**OMIN nebar Jeova. Komin nebar Jeova jen lōñ ko; komin nebar E ilo jikin reutie.

2 Komin nebar E, komeo enjel ro An; komin nebar E, jar in tōrīnae ko An.

3 Komin nebar E, al im alif; komin nebar E, kom iju ko in maram.

4 Komin nebar E, kom lōñ ko in lōñ ko; im dren ko ilōñin lōñ ko.

5 Ren nebar etan Jeova, bwe E ar kalñi inem emwij kōmōnmōn ir.

6 E ar bareinwōt kabini fiōn in drio im in drio. E ar kōmōn kien eo e jamin joko.

7 Komin nebar Jeova jen löl, komeo drakön ko im imlöl ko otemjej:

8 Kijeek im wut ebin; sno im tap; koto in lañ ej kamol An in nan.

9 Tol ko relap im ro redrik; wijki ko re kouwa, im sidar otemjej.

10 Kiru rawiã im kau ko otemjej; men ko retöböl böl im bau ko re kãki.

11 Kiñ ro an löl, im ro dri aillñ otemjej; iroiñ rön im dri ekajet otemjej an löl.

12 Man rön im kõra rön emöu drer, ridto rön im ajiri rön.

13 Ren nebar etan Jeova; bwe etan wöt ellñlok, An albujuj ilöñ in löl im löñ.

14 Im E ar leliñlok drun in dri aillñ eo An, men in nebar in ro remön otemjej An; ro nejñ Israel wöt, juön aillñ ebak fiön E. Komin nebar Jeova.

## SAM 149.

**K**OMIN nebar Jeova. Komin al fiön Jeova kin al ekal, im kin nebar eo An ilo jar an ro remön.

2 Israel, en löñliñ ilo Eo, e ar kõmönmöne; ro nejñ Zaiön, ren mönöuö kin air Kiñ.

3 Ren nebar etan ilo eep eo; ren al im nebar E kin timbrel im arp.

4 Bwe Jeova ej mönönö kin ro dri aillñ eo An; E naj kalitlit eo etã buruen kin lomor.

5 Ro remöu ren jualöñliñ ilo albujuj; ren al kin löñliñ ion kineir.

6 Nebar ko reutlej an Anij ren ilo loñir, im juön jãji ruo mejen ilo peir;

7 In kõmön irenwöne fiön ro dri aillñ ko; im enoik ko ion armij rön;

8 In liabe kiñ ro air kin tomere ko, im bwirök ro air kin feter ko mal;

9 In kõmön fiön ir ekajet eo emwij jejekake: kõñiajoik in iben ro remöu otemjej An. Komin nebar Jeova.

## SAM 150.

**K**OMIN nebar Jeova. Komin nebar Anij ilo jikin kwojarjar eo An: komin nebar E ilo mejatoto in kajur eo An.

2 Komin nebar E kin jermal ko An rekajur potata. Komin nebar E ekar fiön An utlejen emöntata.

3 Kcxñin nebar E kin ainiken jilil: komin nebar E kin salteri im arp.

4 Komin nebar E kin timbrel im eep: komin nebar E kin ken kajöñjöñ eor toair im kin paip.

5 Komin nebar E kin simbal ko elap ainikeir. Komin nebar E kin simbal ko emönönö ainikeir.

6 Men otemjej eor air menono ren nebar Jeova. Komin nebar Jeova.



# JABŌN KENNAN KO

1 Jabŏn<sup>1</sup> kennan ko an Solomon nejin Devid, kiñ in Israel:

2 Nŏn jela meletlet im nan in katak; nŏn kili nan ko re meletlet;

3 Nŏn bŏk katak ilo kŏmŏn meletlet, ilo wānik im ekajet jime im emŏn;

4 Nŏn lelok meletlet nŏn dri bwebwe eo, nŏn likao eo jelalokjen im maroñ kili:

5 Bwe dri meletlet eo en roñjake im kalaplok an jela; im bwe dri jelalokjen en tŏbar bebe ko remŏn:

6 Nŏn melele kake juŏn jabŏn kennan im rābiltan, nan ko an ro dri kānbil im konono ko air retino.

7 <sup>2</sup> Mijŏk Jeova jinoin jelalokjen, a ro dri bwebwe rej kejekron meletlet im nan in katak.

8 Nejiŏ, kwon eoroñ nan in katak an jemŏm, im kwon jab illok jen kien jinŏm:

9 Bwe re naj juŏn rojen bŏrŏm emŏn, im toninir i kenwam.

10 Nejiŏ, elañe ro dri nana rej karel yuk, kwe kwon jab uak.

11 Elañe re ba, Kwon itok ibemtok, jen kebao bŏtŏktŏk; jen kŏtar ilo etino nŏn ro ejelok rueir im ejelok unin;

12 Jen warŏñlok ir remour einwŏt Hedis, im reyu, einwŏt re rej wŏnlŏllok nŏn roñ eo;

13 Je naj lo men in aurŏk otemjej; je naj kobrŏk mo imwer kin men in rakim:

14 Kwo naj kadrebijik am kij ibem; e naj juŏn wŏt bŏjo iber:

15 Nejiŏ, kwon jab etetal iber ilo ial; kwon drebij neŏm jen air ial:

16 Bwe neir rej wutluālair, im rej kijorur bwe ren katorlok bŏtŏktŏk.

17 Emol ejelok tokjen likit jen eo iman mejen jabrewŏt bao in mejatoto.

18 Im rein rej kebao drair wŏt; rej

ber ilo etino bwe ren jolok mour eo air.

19 Ein drein ial ko an jabrewŏt eo e kanuij arŏk mweiuk; ej kokkure mour an ro kar air.

20 Meletlet ej lamij inabij ilo ial eo; ej konono wŏt ilo jikin ko re rābŏkbŏk;

21 Ej lamij ilo jikin ijo elŏñ armij ie; ilo mejāti in kejem ko, ilo jikin kwelok eo, ej kwalok nan ko an;

22 Ie toŏn, kom eo dri jajelokjen, kom naj yokwe bwebwe? im ro dri kajirere ren mŏnŏnŏ in kajirere, im ro dri bwebwe ren drike jelalokjen?

23 Komin oktŏk kin nan in kowe ko aŏ: lo, I naj lutŏklok jitŏb eo aŏ iomi; I naj kejelaik kom nan ko aŏ.

24 Bwe emwij aŏ kir, im kom ar abwin; I ar<sup>1</sup> erlokwe peiŏ, ak ejelok armij e ar lemnok kake;

25 A kom ar kejekron aolepen aŏ bebe, im kom ar jab kŏnan aŏ nan in kaje:

26 Inem ña bareinwŏt I naj tŏñ ilo ran in ami jorran: I naj kajirere ñe ami lelŏñ ej itok;

27 Ñe ami lelŏñ ej itok einwŏt juŏn lañ, im ami jorran ej itok einwŏt juŏn aire; ñe jorran im iñtan rej itok iomi.

28 Ien eo re naj kir nŏn iŏ, a I jamin uak; re naj kanuij kabukot iŏ, a re jamin lo iŏ.

29 Kin air kar drike jelalokjen, im kin air jab kālet mijŏk Jeova,

30 Rar jab kŏnan jabrewŏt aŏ bebe, rar kitŏtŏ kake aolepen aŏ kowe ir.

31 Kin men in re naj mŏña leen ial eo air, im re naj māt kin men in kine ko air.

32 Bwe birlok an ro dri jajelokjen e naj mŏn ir, im jokŏne wan an ro dri bwebwe e naj kokkure ir.

<sup>1</sup> Jap 10. 1; 1 Kif 4. 22. <sup>2</sup> Job 22. 26.

<sup>1</sup> Rom 10. 21.

33 A jabrewōt eo e naj eoroñ iō e naj ber im ejelok an jorran, im e naj jokwōr jen nana.

2 Nejiō, elañe kwo kōnan bōk nan ko aō, im drebij kien ko aō na ibōm;

2 Im ein drein kwon kajirlok lojiliñōm ñōn meletlet, im kabukot jelalokjen kin buruōm;

3 Aet, elañe kwo naj kir ñōn maroñ in kili, im koutiej ainikiōm ñōn jelalokjen;

4 Elañe kwo naj bukot e einwōt silver, im kabukot e einwōt mweiuk ko retino;

5 Inem kwo naj meletlet kake mijōk Jeova, im lo jelalokjen kin Anij.

6 Bwe Jeova ej letok meletlet; jen loñin ej itok jela im lolokjen:

7 Ej wuneknek meletlet emōn ñōn ro dru wānik; Ej juōn likipijñōk ñōn ro rej etetal ilo jime;

8 Bwe En lale ial ko an ekajet jime, im kejbārok ial an ro dron remōn.

9 Ien eo kwo naj melele wānik im ekajet jime, kab kien ekar, aet, jabrewōt ial emōn.

10 Bwe meletlet e naj dreloñ na ilo buruōm, im jelalokjen e naj men in mōnōnō ilo am;

11 Lolokjen emōn e naj lale yuk, jelalokjen e naj kejbārok yuk:

12 Bwe en lomoroñ jen ial e nana, jen armij rej konono men ko re ankeke;

13 Ro rej illok jen ial ko ial in wānik, bwe ren etetal ilo ial ko ial in marok;

14 Ro rej mōnōnō in kōmōn nana, im lōñliñ ilo ankeke in nana;

15 Ro rej ankeke ilo ial ko air, im re bōt ilo etal ko air:

16 Bwe en lomoren yuk jen kōra eo ekijoñ, aet, jen lio drua maijet etao kin nan ko an;

17 Eo ej ilok jen eo kar jeran ilo ien an torbel, im meloklok kin bujen Anij eo an:

18 Bwe mweo imōn ej mōllok ñōn mij, im ial ko an ñōn iben ro re joko;

19 Ejelok juōn ej ilok ñōn iben ej

bar jeblaktok, im re jab tōbar ial ko ialen mour:

20 Bwe kwon etetal ilo ial ko an ro re wānik, im kejbārok etal ko an ro re jime.

21 Bwe ro re jime re naj jokwe ilo lōl. Im ro re wāppen re naj berwōt ie.

22 A ro re nana, naj kamōkit ir jen eneo, im ro re jela mon, naj to-tōk ir jen e.

3 Nejiō, kwon jab meloklok kien eo aō; a buruōm en bokake nan in kibel ko aō:

2 Bwe aitokōn ran ko, im yiō ko in mour, im ainemōn, re naj kobaik ñōn yuk.

3 Joij im mol ren jab illok jen kwe; kwon lukwoji im kabol kenwam; kwon jeji ilo buk in buruōm:

4 Ein drein kwo naj <sup>1</sup>lo joij im jelalokjen emōn iman mejen Anij im armij ro.

5 Kwon liki Jeova kin aolepen buruōm, im kwon jab atartar ion jelalokjen eo am:

6 Kwon kwalok E ilo ial ko am otemjelok, inem E naj bakajen ial ko am.

7 Kwon <sup>2</sup>jab meletlet wōt ilo mejōm; kwon mijōk Jeova im illok jen nana:

8 E naj mour emōn ñōn bwijōm, im nonnonmej ñōn dri ko driōm.

9 Kwōn kaibujuij Jeova kin mweioñ, im kin jomōkōj in am men in orlok:

10 Ein drein mo ko imōn mweiuk ko am re naj obrōk kin men in orlok, im jibukbuk ko am re naj lōñmejirjir kin wain ekāl.

11 Nejiō, kwon <sup>3</sup>jab kejekron kaje an Jeova, im kwon jab mōk kin An kowe yuk;

12 Bwe Jeova ej kowe eo ej yokwe, einwōt, juōn jemen ñōn nejin eo ej mōnōnō kake.

13 E mōnōnō armij eo ej lo meletlet, im armij eo ej amen jelalokjen.

14 Bwe an bwinitoik e emōn jen

<sup>1</sup> Luk 2. 22. <sup>2</sup> Rom 12. 14. <sup>3</sup> Hib. 12. 4.

bwinitoik silver, im tokjen emōn jen gold erreo.

15 E aurok jen dreka rubi ko; im ejelok ian men ko kwo maroñ in kōnan, ren keire iben.

16 Aitokōn ran ej ilo pein anbij-marohōn, ilo pein anmiñin, mweuik im nebar.

17 Ial ko an rej ial in ainemōn, im etetal ko an otemjej rej inemōn.

18 Ej juōn wijki in mour ñōn ro rej kapjere: im e mōnōnō jabrewōt eo ej drebij e.

19 Jeova kin meletlet E ar loñtōke lōl in; kin jelalokjen E ar kajur lōñ ko.

20 Kin An jela emwij rupe mulōl ko, im mejatoto ej kowutlok molawi.

21 Nejiō, ren jab illok jen mejōm; kwon drebij lemnok emōn im lemnok jime:

22 Ein drein re naj men in mour ñōn am, im men in kalitlit ñōn kenwam.

23 Inem kwo naj etal ilo ial eo am im jab uota, im neōm e jamin jebep.

24 Ñe kwo naj babu, kwo jamin mijōk; aet, kwo naj babu, im am kiki e naj ainemōn.

25 Kwon jab mijōk lelñōñ eiriñ, ak kokkure an ro dri nana ñe ej itok;

26 Bwe Jeova E naj am men in liki, im E naj kejbārok neōm jen air jibwe.

27 Kwon jab<sup>1</sup> drebij emōn jen ro rej aikwij, ñe ej ilo maroñ in peōm bwe kwon kōmōne.

28 Kwon jab ba ñōn dri turōm, Kwon ilok im bar itok, im ilju I naj lewoj; ñe men eo ej ibōm.

29 Kwon jab kine nana nae eo dri turōm, bwe ej jokwe ebak ñōn yuk.

30 Kwon jab akwaile juōn armij ñe ejelok unin, elañe e ar jab kōmōn nana ñōn kwe.

31 Kwon jab junmare armij eo dri lej, im kwon jab kålet juōn ian ial ko an.

32 Bwe eo dri bōt ej men in jōjōik ñōn Jeova; a Ej jeraik eo dru wānik.

33 Nan in jerata jen Jeova ej ber

<sup>1</sup> Rom 15. 7.

ilo mweo imōn dri nana; a Ej kejer-ammōn kabijuknen eo dru wānik.

34 Emol Ej kajirere kake ro dri kajirere; a Ejlelok joiñ ñōn ro rej etā.

35 Ro dri meletlet re naj jolit aibujuij; a jok e naj men in koutiej ro dri kiblia.

4 Ro nejiō, komin roñjake nan in katak an eo jememi, im komin lalē mōk in jela meletlet.

2 Bwe ij lewoj katak emōn wōt; komin jab illok jen kien eo aō.

3 Bwe ña I ar dri kijiate an jema, jitenburu im men in yokwe wōt iman mejen jinō.

4 Im jema e ar katakin iō, im ba ñōn iō: Buruōm en drebij nan ko aō; kwon bokake kien ko aō, im mour wōt;

5 Kwon bōk meletlet, kwon bōk jelalokjen; kwon jab meloklok, ak drorlōlok jen nan ko jen loñiō;

6 Kwon jab illok jen e, im e naj kejbārok yuk; kwon yokwe e im e naj lalē yuk.

7 Meletlet ej men eo luku; inem kwon bōk meletlet; aet, ilo aolepen am bwinito, kwon jibarek jelalokjen.

8 Kwon koutiej e, im e naj koutiej yuk; e naj bōktok yuk ñōn nebar, ñe kwoj jiburlep e.

9 E naj lewoj ñōn yuk juōn rojen bōrōm in joij; e naj lewoj aibujuij bwe en juōn bokrōnat ñōn kwe.

10 Kwon roñjake, O nejiō, im bōk nan ko aō; inem yiō ko in am mour re naj lōñ.

11 Emwij aō katakin yuk ilo ial in meletlet; I ar tel yuk ilo ial ko re jime.

12 Ñe kwoj etetal, jetñakin neōm re jamin karu; im elañe kwoj etōr, kwo jamin jebep.

13 Kwon kanuij bōk katak; en jab illok jen kwe: kwon drebij e; bwe ej am mour.

14 Kwon jab dreloñ ilo ial an rodri nana, im kwon jab etetal ilo ial an armij re jab wānik.

15 Kwon illok jen e, kwon jab etal iturin, kwon etal jeik e, im etal wōt.

16 Bwe re jab kiki, elañe re jab kômôn nana ; im e jab itok air kiki, elañe re jab latibñile juôn.

17 Bwe rej môña bred in jerawiwi, im rej irak wain in kokkure.

18 A ial an ro dru wânik ej einwôt maram ilo ien rantak, eo ej maramlok wôt nân ran e wâppen.

19 Ial an ro dri nana ej einwôt marok: re jaje ta eo ej lôkatipi ir.

20 Nejiô, kwon eoroñ nan ko aô, kwon kejaltok lojiliñôm nân aô kono-no.

21 Ren jab illok jen mejôm: kwon drebiji iloan buruôm.

22 Bwe ren men in mour nân jabrewôt ro rej loi, im mour emôn wôt nân aolepen kôniekir.

23 Kwon kanuij kejbârok buruôm elap jen men otemjej, bwe jen<sup>1</sup> e ej walok men ko men in mour.

24 Kwon jolok jen kwe loñôm e bôt, im tiôm re ankeke kwon jolok etolok jen yuk.

25 Mejôm ren lolok ijo iman, im kilin mejôm ren reilok jime imam.

26 Kwon kanuij lale im kapojök ial in neôm, im etal otemjej am ren bin im jime.

27 Kwon jab jeor nân anbijmaroñ ak nân anmiñ: kwon kamôkit neôm jen men ko re nana.

5 Nejiô, kwon eoroñ aô meletlet; kwon kejaltok lojiliñôm nân aô jela-lajokjen:

2 Bwe kwon maroñ in drebij lemnok ko re jime, im bwe tiôm ren maroñ in kejbârok jela.

3 Bwe tien juôn kôra ekijoñ rej kowutlok hōni, im loñin e matôltil jen oil;

4 A ilo jemlokôn ej meo jen kabijlōñ, ekōñ einwôt juôn jāji ruo mejen.

5 Neen rej etallok nân mij; buñten neen rej tôbrök Hedis;

6 Inem e jab lo ial emôn in mour: etal ko an re jab einwôt juôn, im e jaje kake.

7 Kin men in, nejiô, kwon eoroñ iô,

<sup>1</sup> Mat. 12. 34.

im kwon jab illok jen nan ko an lo-ñiô.

8 Kwon etal jeik e, im jab kebaklok aor in mweo imôn;

9 Ñe ab kwon lelok am men in nebar nân bar jet, im yiô ko am nân ro dri lej;

10 Ñe ab ro drua maijet ren mât kin kajur eo am, im jeral ko am ren ilo mweo imôn juôn drua maijet,

11 Im eliktata kwoj buromôj, ñe emwij kokkure kôniekôm im enbwi-nôm,

12 Im kwoj ba, E nañin lap aô kar drike nan in katak, im buruô e kar kejekron nan in kowe;

13 Im I ar jab bokake ainiken dri kaki ro aô, ak kejallok lojiliñiô nân ro rar katakin iô!

14 I ar nañin ber ilo nana otemjej i bwiljin armij jarlipju.

15 Kwon irak dren jen aibij dreka eo am, im dren ko rej tortok jen aibij eo am.

16 Emôn ke unin dren ko am ren rukberber inabij, im river ko in dren ilo ial ko?

17 Ren nân kwe wôt, im jab nân ro drua maijet im kwe.

18 Unin dren eo am en jerammôn; im kwon mōnōnō kin lio beleôm jen ke kwar likao.

19 Einwôt juôn kiru hind e yokwe, im juôn dir kokôra emôn, tit ko titin ren kamât yuk ien otemjej, im kwon mōnōnō wôt ien otemjelok kin an yokwe yuk.

20 Bwe kwe, nejiô, etke kwon mōnōnō kin juôn kôra ekijoñ, im atbokwoj ubôn juôn drua maijet?

21 Bwe etetal ko an juôn armij rej iman mejen Jeova; im Ej lale wôt ial ko an otemjej.

22 Kômôn ko an re nana re naj jibwe eo dri jerawiwi, im naj drebij e kin to ko in jerawiwi eo an.

23 E naj mij kin an aikwij nan in katak; im ilo lapen men in bwebwe eo an, e naj jebwâbwe wôt.

6 Nejiô, elañe emwij am naeamtôn iben juôn drua maijet, elañe

kwar kaitak peōm iben juōn drua maijet;

2 Inem emwij alukwe yuk kin nan ko jen loñōm, emwij jibwe yuk kin nan ko jen loñōm, emwij jibwe yuk kin nan ko jen loñōm.

3 Kwon kōmōn men in kiō, nejiō, im moke lomorōm, bwe emwij am itok iomin pein dri turōm: kwon ilok, kwon mōke kōtaik yuk, im akwelap nōn dri turōm;

4 Kwon jab letok kiki nōn mejōm, ak mijki nōn kilin mejōm;

5 Kwon kōtlok yuk einwōt kiru dir kokōra jen pein dri kakiruru, im einwōt juōn bao in mejatoto jen pein dri kabao.

6 Kwon ilok nōn iben kinōl eo, kwe eo, kwe dri jowōn; kwon lemnok kin ial ko an, inem kwon meletlet:

7 Eo ejelok an iroi, im ejelok dri lale jermal, ak dri jorroj,

8 Ak ej kapojōk kabinoken ilo ien mānān, im ej aine kijen ilo jonikōn eo.

9 Ie toōn am naj kiki, O kwe dri jowōn? nāt kwo naj jerkak jen am kiki?

10 Kwoj aorñijñij, im bōkpā bwe kwon bar kiki:

11 Ein drein am jeramel e naj itok einwōt juōn dri rakim, im am aikwij einwōt juōn armij eor ken tōrinae iben.

12 Juōn armij wan, juōn eman dri kōmōn nana, eo ej etetal im e bōt loñin;

13 Eo ej rummije, ej konono kin neen, eo ej kōmōn kakōle ko kin ar rin pein;

14 Ilo buruen eor añōte, eo ej kine nana ien otemjej, eo ej jeor men ko men in kaillu.

15 Kin men in jorran eo an e naj jarōpmōkōjtok; iumlok an naj rup, im ejelok men in bōprae.

16 Jiljino men Jeova ej drike; aet, jiljilimjuōn rej men in jōjōik iben:

17 Mejen dri añte, lo ej riōp, im pā ko rej katorlok bōtōktōk im ejelok ruōn;

18 Juōn buru ej kine bebe ko re

nana, ne ko e mōkōj air etōr nōn kokkure,

19 Juōn dri kennan wan ej konono nan in riōp, im eo ej jeor men in kijbil jimjān jimjatin.

20 Nejiō, kwon kejbārok kien jemōm, im jab illok jen nan in kibel an jinōm:

21 Kwon lukwoji ien otemjej ion buruōm, kwon lukwoji i kenwam.

22 Ne kwoj etetal e naj tel yuk; ñe kwoj kiki e naj mijrake yuk; im ñe kwoj ruj e naj konono ibōm.

23 Bwe nan in jiroñ juōn lamp; im kien ej maram; im nan in kowe ko im katak rej ial in mour:

24 Bwe ren kejbārok yuk jen kōra eo e nana, jen nan in etao in loen lio drua maijet.

25 Kwon jab mijkaiye an dreo ilo buruōm; im kwon jab kejik kin kilin mejen.

26 Bwe kin juōn kōra ekijoñ juōn man ej mōña mōtōn bred erik, im lio dri luñ ej kabukot mour eo e aurōk.

27 Juōn eman e maroñ in bōk kijeek na ilo ubōn, im nuknuk ko an re jamin urur ke?

28 Ak juōn e maroñ in etetal ion melle remour, im e jamin bwil neen ke?

29 Ein drein eo ej ilok nōn iben lio belen dri turin; jabrewōt eo ej uñire, e naj or joñōn kwotōn nōn e.

30 Armij re jab kejekron juōn dri kwot, elañe ej kwot bwe en joko an kwuli;

31 A elañe rej loe, e naj kōrraik jiljilimjuōn alen; e naj lelok aolepen mweuiuk ko ilo mweo imōn.

32 Eo ej luñ iben juōn kōra, ej einwōt juōn dri bwebwe: eo ej kōmōn einwōt e kōnan kokkure an.

33 Kinij ko im men in kananaik, e naj bōki, im jamin jeorlok jen e jok eo an.

34 Bwe kin an juōn eman kamo e naj kanuij illu; e jamin tiriamo ilo ran in an kwi.

35 E jamin lemnok kin jabrewōt binmour; im e jamin jokōne, meñe

kwoj lelok ñōn e elōñ men in kaine-mōne.

**7** Nejiō, kwon kejbārok nan ko aō, im likit kien ko aō na ibōm.

**2** Kwon kejbārok nan in jiroñ ko aō im mour; im kien eo aō einwōt iju in mejōm.

**3** Kwon lukwoji ilo arrin peōm; kwon jeji ilo buk in buruōm.

**4** Kwon ba ñōn meletlet, Kwe kwoj jeio im jātiō kōra; im naetan jelalokjen, lio nukōm:

**5** Bwe ren kejbārok yuk jen kōra ekijoñ eo, jen lio drua maijet eo ej etaok kin nan ko an.

**6** Bwe ilo windo in mweo imō I ar reilok ikōtan taul ko;

**7** Im I ar lo iben ro dri jajelokjen, I ar kili iben ro remōn drer, juōn likao im ejelok an meletlet,

**8** Ke ej etetal ilo ial eo ebak ñōn kābon eo an lio; im e ar ilok ilo ial ñōn mweo imōn,

**9** Ilo ran en lokōn al, ilo jotan eo, ilo lukwōn boñ, im ilo marok.

**10** Im, lo, juōn e ar ion e, juōn kōra, nuknuk ko an einwōt kōra ekijoñ, im buruen e jela mon.

**11** (E kōnan keroro im e bōt wōt; neen re jab berwōt iloan mweo imōn;

**12** Kiō ej ilo ial ko, kiō ilo jikin eo e rābōkbōk, im ej kejar i kābon in ial otemjej.)

**13** Ein drein e ar jibwe leo, im mejenmaik e, im ke e jab mejen jok e ar ba ñōn e:

**14** Men in katok in ainemōn iba; ranin emwij aō köllā nan in kanōjni j ko aō.

**15** Kin men in I ar drioi jtok in wōnmae yuk, bwe in kanuij kabukot turin mejōm, inem I ar lo yuk.

**16** I ar erlokwe ion kiniō koj ko re tiltil, im nuknuk eoute kin tred jen ljipt.

**17** I ar lijindrikrike kiniō kin mōr, im alos, im sinnemōn.

**18** Kwon itok, jen kamāt kij kin yokwe mae jiboñ; jen mōke kaine-mōn kij kin yokwe ko.

**19** Bwe leo e joko jen mweo imō, e ar ilok ilo juōn ial e aitok:

**20** E ar bōklok na iben juōn bōjo in mōnni; e naj jeblaktok ñe eyu alin.

**21** Kin an lōñ nan in etao an lio, ej karel e; kin etao an tien ej kaki-jirjir e.

**22** E mōkōj an lore, einwōt juōn ox ej ilok ñōn jikin air mōn e, einwōt juōn ilo tomere ko ñōn kaje kin alal ko;

**23** Mae ien an juōn mōri wie ajin; einwōt juōn bao in mejatoto ej jarōplok ñōn jen eo, im e jaje bwe men eo ej ñōn mour eo an.

**24** Kin men in, ro nejiō, komin eoroñ iō, im kanuij lemnok kin nan ko jen loñiō.

**25** Buruōm en jab jeorlok ñōn ial ko an lio; kwon jab jebwābwe ilo ial ko an.

**26** Bwe e ar jolōllok elōñ im re kinijnij; aet, ro otemjej emwij an mōn ir, re jarlipju.

**27** Mweo imōn ej ial ñōn Hedis, im ej wōnlōllok ñōn mo ko imōn mij.

**8** Meletlet e jab lamij, im jelalokjen kwalok ainiken ke?

**2** Ilo jabōn jikin ko re utiej iturin ial eo, ijo ial ko rej wōnmae dron, ej jutōk;

**3** Iturin kejem ko, i mejāti in jikin kwelok, ijo rej dreloñlok ilo kejem ko, elap an lamij:

**4** Nōn kom, O lōma, ij kir; im aini-kiō ej ñōn ro nejin armij.

**5** O komeo dri jajelokjen, komin jela wōt lolātāt; im kom dri bwebwe, komin meletlet ilo buruōmi.

**6** Komin eoroñ, bwe I naj konono men ko remōn; ij walōñi tiō inem re naj walok men ko re jime.

**7** Bwe loñiō e naj kwalok mol; im nana ej men in jōjōik ñōn tiō.

**8** Nan ko otemjej jen loñiō rej wānik; ejelok men eo ej ankeke ak bōt ilo ir.

**9** Ir otemjej rej alikar ñōn eo e jela kake, im re jime ñōn ro rej lo jela-lokjen.

**10** Komin bōk aō nan in katak, im jab silver; im jelalokjen e aurōk jen gold emōn.

11 Bwe meletlet emōn jen dreka rubi ko; im men otemjej kwoj maroñ in kōnan; re ban keire iben.

12 Ña, meletlet, I ar kōmōn lolātāt aō imōn jokwe, im ij lo jelalokjen im lemnok emōn.

13 Mijōk Jeova ej drike men ko re nana: jua, im ablip, im ial eo e nana im loñin e anekeke, ña ij drike.

14 Aō, jela bebe, im meletlet emōn: ña, jelalokjen; kajur iba.

15 Kin ña kiñ ro rej kiñ wōt, im iroi ro rej kōmōn ekajet jime.

16 Kin ña iroi ro rej iroi, im bwirōk ro, aet, dri ekajet otemjej in lōl.

17 Ij<sup>1</sup> yokwe ro rej yokwe iō: im ro re kanuij kabukot iō re naj lo iō.

18 Mweiuk ko im nebar rej iba; aet, mweiuk ko kōnkel, im wānik.

19 Men ko leiō remōn jen gold, aet, emōn jen gold erreo; im men in orlok iba remōn jen silver e aurōk.

20 Ij etetal ilo ial in wānik, i bwil-jin ial ko in ekajet jime;

21 Bwe in kamaroñ ro rej yokwe iō bwe ren jolit mweiuk ko, im bwe in kobrōk jikin mweiuk ko air.

22 Ña I ar ber iben Jeova ilo jinoin ial eo An, mokta jen jermal ko An jej eto.

23 Ar kajutōk iō jen in drio, jen jinoin, mokta jen an lōl in ber.

24 Ke e jañin or mulōl ko, ar keutak iō; ke e jañin or unin dren.

25 Mokta jen kabin tol ko, mokta jen tol ko redrik, emwij keutak iō;

26 Ke E jañin kōmōnmōn lōl in, ak melaj ko, ak jinoin bok in lōl.

27 Ke E ar kabin lōñ ko, ña eo ijo: ke E ar likit belifi ion lojit,

28 Ke E ar kabin mejatoto ilōñ, ke unin dren ko in lojit re kajurlok,

29 Ke E ar lelok ñōn lometo belakin, bwe dren ko ren jab kokkure kien eo An, ke E ar likit loñtōk ko loñtōn lōl;

30 Ien eo I ar ber iturin, einwōt juōn dri mejerik; im I ar jitenburu iben ran otemjej, im I ar mōnōnō ien otemjej iman,

31 Im mōnōnō kin lōl, jikin jokwe; im aō lōñliñ e ar iben ro nejin armij.

32 Kin men in, ro nejiō, komin eoroñ iō; bwe re mōnōnō wōt ro rej kejbārok ial ko aō.

33 Komin eoroñ nan in katak, im komin meletlet, im komin jab makoko kake.

34 E mōnōnō armij eo ej eoroñ iō, im ej ekil ran otemjej ilo kejem ko aō, im ej kōtar i jur ko jurōn kejem ko aō.

35 Bwe jabrewōt eo ej lo iō, ej lo mour, im e naj lo joi in Jeova.

36 A eo ej bwir nae iō, ej kōmōn nana ñōn an: ro rej kijirāte iō, rej yokwe mij.

**9** Meletlet eo e ar kalek mweo imōn; emwij an jekjek jiljilim-juōn jurōn:

2 E ar mōn kiru ko an; e ar kareik wain eo an; e ar bareinwōt kapojōk an tebel:

3 E ar jilkinlok limaro dri korijeran; ej lamij ion jikin ko re utiej tata in jikin kwelok eo:

4 Jabrewōt eo erik an meletlet en dreloñtok: im kin eo ejelok an jelalokjen, ej ba ñōn e,

5 Komin itok, komin mōña jen aō bred, im komin irak jen wain eo emwij aō kareike.

6 Komin kajokwor, komeo dri bwebwe, inem mour: im etetal ilo ial in jelalokjen.

7 Eo ej kowe juōn dri kajirere, ej roñ nan in kejekron, im eo ej enoik juōn armij e nana, ej lo men in jok.

8 Komin jab kowe juōn dri kajirere, ñe e ab drike yuk: kwon kowe juōn dri meletlet, inem e naj yokwe yuk.

9 Kwon katakin juōn dri meletlet, im e naj jelalok: kwon katakin juōn dru wānik, im e naj orlok ilo men in katak.

10 Mijōk Jeova, jinoin meletlet; im jela kin Eo e kwojarjar, jelalokjen.

11 Bwe kin ña, naj korlok ran ko am, im yiō ko in am mour, re naj lōñlok.

12 Elaŋe kwe kwoj meletlet, nōn yuk wōt; im elaŋe kwoj kajirere, kwe wōt kwo naj mōke inek kwonam.

13 Lio dri bwebwe ej keroro wōt, e dri jajelokjen, im ejelok an jela.

14 Im ej jijōt ilo kejem in mweo imōn, ilo juōn ken jijōt i jikin re utiej in jikin kwelok eo,

15 Im kir nōn ro rej elālok, ro rej etal jimelok ilo ial ko air:

16 Jabrewōt eo ejelok an meletlet, en drelōntok ijin; im kin eo ejelok an jajelokjen, ej ba nōn e,

17 Dren ko dren in kwot re tōnōl, im ekōn ko rej mōña ilo etino, ej men in mōnōnō.

18 A leo e jaje bwe jikin mij ijo: im bwe ro rej lolok e rej ilo mulōl ko an Hedis.

## 10 Jabōn kennan ko an Solomon.

Juōn nejn e meletlet, ej kamōnōnōik jemen; a juōn nejn e dri bwebwe, ej men in erro nōn jinen.

2 Mweiuk ko jen kōmōn nana, rej mweiuk wan; a kōmōn emōn ej lo-moren jen mij.

3 Jeova e jamin likit bwe an eo e wānik en barōk; a Ej jibellok kōnan an eo e nana.

4 E jeramellok eo ej jermal kin pā jatoktok; a pein eo ej owōjwōj ej korlok mweiuk ko.

5 Eo ej aine ilo ien mānān, ej nejn e meletlet; a eo ej kiki ilo ien jonikōn, e men in kajokok.

6 Men ko men in mōnōnō rej ion bōran dru wānik; a loñin eo e nana ej libubu kin lej.

7 Ememej in ro dru wānik ej men in mōnōnō; a etan eo e nana e naj morkwunkwun.

8 Ro e meletlet burueir, re naj bōk kien ko; a dri bwebwe eo ej konono wan, e naj buñ.

9 Eo ej etetal jime, ej etetal ilo kajur; a eo ej kankeke ial ko an, e naj alikar.

10 Eo ej rummije, ej kōmōn nen in buromōj; a dri bwebwe eo ej konono wan, e naj buñ.

11 Loñin eo dru wānik ej unin mour; a loñin eo e nana e libubu kin lej.

12 Men in kakitōtō ej biuktōki akwail ko; a<sup>1</sup> yokwe ej kalibubu bwir ko otemjej.

13 Ilo tien eo jelalokjen ejiben, rej lo meletlet; a juōn ken drelōkwe, nōn eo ejelok jelalokjen iben.

14 Armij dri meletlet rej wuneknek men in jela; a loñin dri bwebwe eo, ej men in kokkure iben.

15 Mweiuk ko an dri mweie, e jikin kwelok e kajur an; aikwij an ro dri jeramel, ej ken kokkure ir.

16 Jermal an ro dru wānik, ej men in mour; orlok an ro dri nana, ej men in bwir.

17 Eo ej eoroñ nan in kowe, ej ilo ial in mour; a eo ej illok jen kowe, ej jebwābwe wōt.

18 Eo ej noje an kakitōtō, tien riōp na iben; im e bwebwe eo ej kwalok nan in riōp nae juōn.

19 Ilo nan ko relōñ, e jamin joko kōtōrei kien; a eo ej kōkabwirbwir tien, e dri meletlet.

20 Loen dru wānik, einwōt silver e aurōk; buruen ro dri nana, erik tokjen.

21 Tien ro dru wānik rej najirik elōñ; a ro dri bwebwe re mij kin air aikwij jelalokjen.

22 Kejerammōn jen Jeova, ej namweien armij; im E jab kobaik buromōj na iben.

23 E men in kure nōn juōn dri bwebwe, bwe en kōmōn nana; im ein drein meletlet, nōn juōn armij in jelalokjen.

24 An dri nana lelñoñ, e naj itok ion; im an dru wānik kōnan, naj lelok nōn e.

25 Ñe e motelok aire eo, e joko ro dri nana; a eo dru wānik, e juōn loñtōk nōn in drio.

26 Einwōt dren emūñ nōn hiin, im einwōt bat nōn mejen, ein drein eo dri jowōn nōn ro rej jilkinlok e.

27 Mijōk Jeova, ej kaitoklok ran ko; a naj kakaru yiō ko an ro dri nana.

<sup>1</sup> James 5. 20.



28 Kejatrikrik an ro dru wānik, e naj men in mōnōnō; a kōtōmene an ro dri nana, e naj joko.

29 Ial an Jeova e juōn me e kajur nōn ro dru wānik; a ej ken kokkure nōn ro rej kōmōn nana.

30 Jamin kamōkit ro dru wānik; a ro re nana re jamin jokwe ilo eneo.

31 Loñin ro dru wānik ej kwalok meletlet; a lo eo e anekeke, naj bukwelok e.

32 Tien ro dru wānik, re jela men in kamōnōnōik; a loñin ro dri nana, rej konono anekeke.

**11** Juōn ken paun wan ej men in jōjōik nōn Jeova; a ken paun e jime ej men in mōnōnō iben.

2 Ne jua ej itok, ien eo ej waloktok jok; a meletlet ej ber iben ro retā.

3 Wānik an ro remōn, e naj tel ir; a añōtñōte an dri ketōk, e naj kokkure ir.

4 Mweiuk ko ejelok tokjeir, ilo ran eo ran in illu; a wānik ej lomoren jen mij.

5 Wānik an eo e wāppen, e naj kajime an etetal; a eo e nana, e naj buñ kin nana eo an.

6 Wānik an ro re jime, e naj lomor ir; a naj jibwe ro dri ketōk ilo bwir eo air.

7 Ne e mij armij e nana, e jokolok kōtōmene eo an; im kejatrikrik in jab wānik e joko.

8 Emwij lomoren ro remōn jen jorran, im ro re nana rej binej jenkwair.

9 Kin loñin, armij eo e nana ej kokkure dri turin; a kin an jela, naj lomoren eo dru wānik.

10 Ke ro dru wānik re jerammōn, jikin kwelok eo ej mōnōnō; im ke ro re nana re joko, inem eor lamij.

11 Kin kejerammōn an ro remōn, emwij koutiej jikin kwelok eo; a kejebeplik e, kin loñin ro dri nana.

12 Eo ej kejekron dri turin, ejelok an meletlet; a juōn armij dri jelalokjen, ej ikōñ wōt.

13 Eo ej etetal bōjik im ñiremij, ej kwalok men ko retino; a eo e tiljek an, ej noje men eo.

14 Ijo <sup>1</sup>ejelok dri tel e meletlet,

armij rej buñ; a ilo elōñ dri bebe, ejelok uota.

15 Eo ej dri kamol iben juōn druamajet, e naj jorran kake; a eo ej drike men in kamol, eo e jerammōn.

16 Juōn kōra e joi, ej jibarek nebar; im armij re lej, rej jibarek mweiuk ko.

17 Armij eo ej tiriama, ej kōmōn emōn nōn an; a eo e lej, ej kejjorran kōniekin.

18 Ro re nana, rej jerbalkin wōnan mon; a eo ej jeor wānik, emol naj nawōnan.

19 Eo e bin ilo an wānik, e naj tōbar mour; im eo ej lore nana, ej kōmōn e nōn an mij.

20 Ro rej anekeke ilo burueir, re men in jōjōik nōn Jeova; a ro re wāppen ilo air etal, re men in mōnōnō iben.

21 Meñe ro re nana rej kapjere pein dron, joñōn kwotōn ej nōn eo a nana; a naj lomoren ro nejin eo e wānik.

22 Einwōt inōk gold ilo bodin juōn pig, ein drein juōn kōra e dreo, im ejelok jelalokjen iben.

23 Kōnan an eo e wānik, emōn wōt; a kōtōmene an eo e nana, libōpne in illu.

24 Eor men ej kijibliklok, im ej orlok wōt; im eor ej drebij jen joñōn ekar, a ej tellok wōt nōn aikwij.

25 Eo e joi in lelok, naj kamātōk e; im eo ej kaimlolo, naj kaimlolo e mōke.

26 Eo ej drebij korn, armij re naj kole; a men in jerammōn e naj ion bōran eo ej wiakake.

27 Eo ej kanuij kabukot men emōn, ej bukot joi; a eo ej kabukot men e nana, e naj itok nōn iben.

28 Eo ej liki mweiuk ko an, e naj buñ; a ro dru wānik re naj jerammōn einwōt bwilik e dril.

29 Eo ej kejjorran mweo imōn, e naj jolit kōto; im dri bwebwe eo, e naj korijeran eo e meletlet buruen.

30 Leen ro dru wānik, e juōn wikji in mour; im eo dri meletlet ej karel buruen armij rōn.

31 Lo, naj nawōnan ro dru wānik

ilo lōl in; e nañin laplok iben eo e nana im dri jerawiwi.

**12** Jabrewōt eo ej yokwe kowe, ej yokwe jelalokjen; a eo ej drike air enoik e, ej einwōt kiru ko.

**2** Juōn armij emōn, e naj jibarek joiy an Jeova; a juōn armij ej kine men ko re nana, E naj liakelok e.

**3** Jamin kabin juōn armij kin kōmōn nana; a okran juōn dru wānik, jamin kamōkit e.

**4** Juōn kōra emōn ej rojen bōran leo belen; a eo ej kōmōn men in jok, ej einwōt kut ilo dri ko drin leo.

**5** Lemnok ko an dru wānik, re jime wōt; a bebe ko an ro dri nana, rej men in mon.

**6** Nan ko an ro dri nana, rej nan in kejar bōtōktōk; a nan ko an dru wānik re naj lomor ir.

**7** Ukōji ro dri nana, inem re joko; a mweo imōn ro dru wānik, e naj jutōk.

**8** Rej nebar juōn armij, a eo e bōt buruen, naj kitōtōkake e.

**9** Emōnlōk eo rej kejekron e, im juōn korijeran iben, jen eo ej mōke nebar e, im ej aikwij bred.

**10** Juōn armij dru wānik, ej lale mour an kiru eo an; a tiriamokake an ro dri nana, re lej.

**11** Eo ej tōblōl brij eo an, elōn ekōn iben; a eo ej lore armij wan, ejelok jelalokjen iben.

**12** Eo dri nana ej kōnan aluk an armij re nana; a okran ro remōn ej jebar leen.

**13** Ilo bwir an tien, juōn jen nōn armij e nana; a eo dru wānik e naj itok jen jorran.

**14** Juōn armij e naj māt kin emōn, jen leen loñin; im jermal ko an pein juōn armij, naj kejeblak nōn iben.

**15** <sup>1</sup> Ial an juōn dri bwebwe, e jime ilo mejen; a eo e meletlet, ej eoroñ bebe.

**16** Illu an juōn dri bwebwe, e mōkōj an walok; a juōn armij e meletlet, ej noj men in jok.

**17** Eo ej konono mol, ej kwalok men in wānik; a juōn dri kennan riōp, ej kwalok mon.

**18** Eor e jamōr an konono, einwōt wā ko an juōn jāji; a loen dri meletlet, ej mour emōn.

**19** Tien mol e naj bin nōn in drio; a juōn loen riōp, e jarkaju.

**20** Mon ej ilo buruen ro rej kine nana; a nōn ro dri bebe kin ainemōn, lōñliñ.

**21** Ejelok jorran e naj walok nōn ro re wānik; a ro re nana, naj kobrōk ir kin nana.

**22** Tien riōp, rej men in jōjōik nōn Jeova; a ro rej kōmōn mol, rej kabuñburuen.

**23** Juōn armij e meletlet, ej noje an jela; a buruen ro dri bwebwe, ej kwalok bwe re jajelokjen.

**24** Pein eo dri owōn, e naj iroi; a ro re jowōn, naj likit ir iomin jermal in kien.

**25** Men in erro ilo buruen armij, ej kokmwil e; a nan emōn ej kabuñburuen.

**26** Dru wānik eo, ej dri jineit nōn dri turin; a ial an ro re nana, ej kabwir ir.

**27** Dri jowōn e jab kōmāte men eo e kar jibwe ilo ien kakiruru; a men in aurōk an armij rōn, ej nōn ro re owōn.

**28** Ilo ial in wānik, mour; im ilo etetal ie, ejelok mij.

**13** Juōn nejn e meletlet, jeoroñ katak an jemen; a juōn dri kajirere, e jab eoroñ nan in kowe.

**2** Juōn armij e naj mōña emōn, jen leen loñin; a kōnan an dri ketōk, lej.

**3** Eo ej kanuij lale loñin, ej kejbārok an mour; a eo e kanuij kabellok tien, e naj jorran.

**4** An eo dri jowōn e kōnan, im ejelok iben, a naj kamātōk an eo e owōn.

**5** Juōn armij e wānik, ej drike riōp; a juōn armij e nana, e men in jōjōik im ej lo jok.

**6** <sup>1</sup> Wānik ej lale eo e jime ilo ial eo; a nana ej ukōj dri jerawiwi.

**7** Eor ej mōke namweien, a ejelok iben; eor ej mōke kejeramel e, ijoke elōn an mweiuik.

**8** Binmour an armij, mweiuik ko

<sup>1</sup> Jap. 14. 12.

<sup>1</sup> Jap. 11. 3. 5.

an; a dri jeramel e jab roñjake nan in kaleññoñ.

9 Maram eo an dru wānik, ej mōnōnō wōt; a naj kwuni lamp eo an eo dri nana.

10 Kin jua, ej itok akwail wōt; a iben ro emōn mwilir, eor meletlet.

11 Mweiuk ko, ñe rej jibareki kin wan, e naj driklok; a eo ej aine kin jermal, e naj orlok iben.

12 Kōtōmene, ñe e rumijtok, ej kōmōn bwe buruen e nañinmij; a ñe men in kōnan ej waloktok, ej wijki in mour.

13 Eo ej kejekron nan, ej mōke kekake kokkure na ion; a eo ej mijōk kien, naj nawōnan.

14 Kien ro dri meletlet, e juōn unin mour, bwe juōn en ko jen aluk ko in mij.

15 Jelalokjen emōn, ej letok joi; a <sup>1</sup>ial an dri bwir, e bin wōt.

16 Jabrewōt armij e jela bebe, ej jermal kin jelalokjen; a juōn dri bwebwe, ej kalikarlok an jajelokjen.

17 Juōn dri jilik e nana, ej buñlok ilo bwir; a juōn dri keañ e tiljek, ej men in mour.

18 Jeramel im jok, re naj iben eo ej abwin nan in kowe; a eo ej eoroñ nan in enoik, naj nebar e.

19 Ñe emwij kōmōn men in kōnan, ej men in tōñōl ñōn an; a men in jōjōik ñōn ro dri bwebwe, bwe ren illok jen nana.

20 Kwon etetal iben ro dri meletlet, inem kwo naj meletlet; a eo ej komao iben ro dri bwebwe, e naj jorran kake.

21 Nana ej lukworkwor ro dri bwebwe; a ro dru wānik, naj wōnair kin men emōn.

22 Juōn armij emōn ej likit men in jolit ñōn ro jibwin; im emwij na kabinokōn dru wānik kin mweiuk ko an dri nana.

23 Elōñ mōña ilo jikin kallip an ro dri jeramel; a eor e jorran kin jab wānik.

24 Eo ej <sup>2</sup>drebij wōt alal in kaje, ej drike nejin; a eo ej yokwe e, ej <sup>3</sup>kajeik e ilo ien ekar.

25 Dru wānik eo ej mōña ñōn kamāt an; a lojien eo e nana e naj aik-wij.

**14** Jabrewōt kōra e meletlet, ej kalek mweo imōn; a lio e bwebwe, ej jolōllok e kin pein.

2 Eo ej etetal ilo an wānik, ej mijōk Jeova; a eo ej bōt ilo ial ko an, ej kejekron E.

3 Ilo loñin dri bwebwe, juōn alal ñōn jua eo an; a tien ro dri meletlet, re naj kejbārok ir.

4 Ijo ejelok ox ej ber ie, jikin mōña erre; a eorlok elap, jen kajur in ox ko.

5 Juōn dri kennan e tiljek, e jamin riōp; a juōn dri kennan wan, e naj kwalop riōp ko.

6 Juōn dri kajirere, ej bukot meletlet im e jab loe; a e biruru jela ñōn eo jelalokjen iben.

7 Kwon dreloñlok na iben juōn armij e bwebwe, im kwo jamin kili tien jela iben.

8 Meletlet an dri jelalokjen, bwe en jela wōt ial eo an; a bwebwe an dri jajelokjen, men in mon.

9 Juōn men in katok bwir, ej kajirere kake ro dri bwebwe; a iben ro dru wānik, eor joi; emōn.

10 Buru, e jela wōt an meo; im juōn druā maijet e jamin droebep ilo lōñliñ eo an.

11 Mweo imōn eo e nana, naj jolōllok e; a im nuknuk an eo e wānik, e naj jerammōn.

12 Eor <sup>1</sup>ial einwōt ial e jime ñōn juōn armij; a <sup>2</sup>jemlokōn, ial ko in mij.

13 Ilo ien tōñ, buruen armij ej buromōj; im jemlokōn lea, ej men in erro.

14 Eo ej birilok ilo buruen, naj kobrōk e kin ial ko an; im juōn armij emōn, e naj jokōne ilo e mōke.

15 Dri bwebwe eo, ej tōmak nan otemjej; a armij dri jelalokjen, ej kanuij lale an etetal.

16 Juōn armij e meletlet ej mijōk, im illok jen nana; a dri bwebwe eo, ej kōmōn men in kejekron im e utiej buruen.

17 Dri burukaru e naj kōmōn men

<sup>1</sup> Jap. 21. 8. <sup>2</sup> Jap. 19. 18. <sup>3</sup> Heb. 12. 7.

<sup>1</sup> Jap. 12. 15. <sup>2</sup> Rom 6. 21.

in bwebwe; im juōn armij ej kine men ko re nana, rej kijirāte.

18 Ro dri jajelokjen, rej jolit men in bwebwe; a ro dri jelalokjen, rej kabelbil ir kin jela.

19 Ro dri nana rej barikrik jen iman ro remōn; im ro dri bwir, ilo kejem ko an ro dru wānik.

20 Eo e jeramel, dri turin ej barein-wōt kijirāte; a elōñ ro jeran eo dri mweie.

21 Eo ej kejekron dri turin, e bwir; a eo ej tiriamokake ro re jeramel e mōnōñ wōt.

22 Re jab bwir, ro rej kine men ko re nana ke? a tiriamokake im mol, re naj ñōn ro rej kine men emōn.

23 Eor tokjen <sup>1</sup>jabrewōt jermal; a konono in tien ej bōktok wōt jeramel.

24 Rojen bōran ro dri meletlet, mweiuk ko air; a utiejen ro dri bwebwe ej bwebwe wōt.

25 Juōn dri kennan emol, ej lomoren air; a eo ej konono riōp, ej kōmōn men in mon.

26 Ilo mijōk Jeova, eor liki e kajur; im ro nejn, re naj lo jikin kone.

27 Mijōk Jeova, juōn unin mour; bwe juōn en illok jen aluk ko in mij.

28 Elōñ armij, men in jualōñlōñ ñōn kiñ eo; a ilo an aikwij ro dri kajur, men in kokkure ñōn iroi eo.

29 Eo e <sup>2</sup>rumij an illu, jelalokjen elap iben; a eo e mōkōj an illu, ej koutiej men in bwebwe.

30 Buru e ainemōn, ej mour ñōn kōniekin; a junmar ej einwōt kut ilo dri ko drin.

31 Eo ej jorran ro dri jeramel, ej kinaklok Eo Dri Kōmōnmōn e; a eo ej tiriamokake eo e jeramel, ej nebar E.

32 Emwij jolōllok eo dri nana ilo bwir eo an; a eo dru wānik, juōn an jikin ko ñe e mij.

33 Meletlet ej berwōt ilo buruen eo jelalokjen iben; a naj eo ilo buruen ro dri bwebwe, naj kwalok e.

34 Men in wānik ej <sup>3</sup>koutiej juōn ailiñ; a jerawiwi, men in kinaklok ñōn jabrewōt ailiñ.

35 Joij an kiñ eo, ñōn dri korijeran

ej kōmōn meletlet; a illu eo an, naj ñōn eo ej kōmōn men in jok.

**15** Nan in uak e joij, ej kajeorlok illu; a nan e bin, ej biuktōki illu aitok.

2 Loen dri meletlet, e jime an kwalōk jelalokjen; a loen ro dri jajelokjen, ej katorlok men in bwebwe.

3 Mejen Jeova rej ber ijoko otemjej; im rej lali ro remōn im ro re nana.

4 Lo eo e joij, juōn wijki in mour; a añōtñōte iloan, men in rupe buruen.

5 Juōn dri bwebwe ej kejekron kaje an jemen; a eo ej bokake nan in kowe, ej jibarek jelalokjen.

6 Ilo mweo imōn dru wānik, elōñ mweiuk; a ilo men in jibarek ko an ro dri nana, eor jorran.

7 Tien ro dri meletlet rej kijiblik jelalokjen; a buruen dri bwebwe, e jab kōmōn einwōt.

8 Katok ko an ro dri nana, men in jōjōik ñōn Jeova; a jar an eo dru wānik, men in mōnōñ iben.

9 Ial eo an dri nana, men in jōjōik ñōn Jeova; a Ej yokwe eo ej lore men in wānik.

10 Juōn kaje erro, ñōn eo ej illok jen ial eo; im eo ej drike nan in kowe, e naj mij.

11 Hedis im Abadon rej iman mejen Jeova; inem e nañin laplok buru ko buruen ro nejn armij.

12 Juōn dri kajirere, e jab yokwe air kowe e; e jamin ilok ñōn iben ro dri meletlet.

13 Juōn buru e mōnōñ, ej kamōnōik turin mejen; a kin buromōj in buruen, emwij rupe an.

14 Buruen eo e jelalokjen, ej kabukot men in jela; a loñin ro dri bwebwe, ej mōña men in bwebwe.

15 Ran otemjej an ro emwij jorran ir, re nana; a eo e mōnōñ buruen ien otemjej, juōn kwojkwōj iben.

16 Emōnlōk jirik mweiuk, kab mijōk Jeova, jen ñe mweiuk ko relōñ, im jorran ibeir.

17 Emōnlōk mōña koninene, ijo yokwe ej ber, jen ñe juōn ox e uwe, im eor kijirāt.

<sup>1</sup> Jap. 13. 11. <sup>2</sup> James 1. 19. <sup>3</sup> Jap. 11. 11.

18 Juōn armij elulu, ej biuktōk akwail; a eo e rumij an illu, ej kainemōn akwail.

19 Ial an dri jowōn, einwōt juōn worwor kälilik; a ial an dru wānik, emwij kōmōne im alikar.

20 <sup>1</sup>Nejin man e meletlet, ej kamōnōnō jemen; a juōn nejin man e bwebwe, ej kejekron jinen.

21 Men in bwebwe, einwōt mōnōnō nōn eo ejelok meletlet iben; a juōn armij in jelalokjen, ej kajime an etetal.

22 Ijo ejelok bebe, emwij kajitokjen lemnok ko mokta; a ijo elōn dri bebe, emwij kabin lemnok ko.

23 Juōn armij ej lōnliñ kin nan in uak jen loñin; im juōn nan ilo ien ekar, e nañin emōn wōt.

24 Nōn dri meletlet, ial in mour ej wōnliflok, bwe en katoane Hedis.

25 Jeova e naj kōtepi mweo imōn dri jua; a E naj kabin tōrerer wāto an kōra eo e joko belen.

26 Men in kine re nana, men in jōjōik nōn Jeova; a nan ko nan in mōnōnō, rereo.

27 Eo ej arōk mweiuk ko, ej ke-jorran mweo imōn; a eo ej drike men in kabwiloklok mej, e naj mour wōt.

28 Buruen dru wānik, ej kalomōnlokjen kin an uak; a loñin eo e nana, ej katorlok men ko re nana.

29 Jeova ej etolok jen dri nana; a Ej eoroñ jar an dru wānik.

30 Maram in mej, ej kamōnōnōik buru; im nan ko remōn, rej kamātōk dri ko.

31 Lojiliñin eo ej eoroñ nan in kowe in mour, e naj berwōt iben ro dri meletlet.

32 Eo ej<sup>2</sup> abwin nan in kowe, ej kejekron an; a eo ej eoroñ nan in kowe, ej jibarek jelalokjen.

33 Mijōk Jeova, ej nan in katak an meletlet; im mokta jen nebar, ej walok etā buru.

**16** Bebe ko an buru, jen armij; a uak in lo, jen Jeova.

2 Ial ko otemjej an juōn armij re-

reo ilo mejen; a Jeova ej joñwe jitōb ro.

3 <sup>1</sup>Kwon likit jermal ko am na iben Jeova, im naj kabin bebe ko am.

4 Jeova e ar kōmōn men eo jabrewōt nōn tokjen; aet, ro dri nana nōn ran in jorran.

5 Jabrewōt eo e utiej buruen, ej men in jōjōik nōn Jeova; meñe pā ej rajitōk pā, e jamin ko jen joñōn kwōtōn.

6 Kin tiriāmo im mol, emwij mirik kin kōmōn bwir; im kin mijōk Jeova, armij rej ilok jen nana.

7 Ke ial ko an juōn armij rej kabuñburuen Jeova, Ej kōmōn bwe ro dri kijirāte ren ainemōn iben.

8 <sup>2</sup>Jirik wōt iben wānik, emōnlok jen orlok ko relap kin jab wānik.

9 Buruen juōn armij ej kine ial eo an; a Jeova ej kajime jetñakin neen.

10 Juōn nan jen Anij ilo tien kiñ eo; loñin e jamin bwir ilo ekajet.

11 Ken paun ko re jime, an Jeova; men in paun otemjej ilo bōjo, jermal eo An.

12 E men in jōjōik nōn kiñ ro ñe rej kōmōn bwir, bwe kabin tron eo kin wānik.

13 Tien wānik, re men in ainemōn iben kiñ ro; im rej yokwe eo ej konono jime.

14 Illu an juōn kiñ, einwōt ro dri jilik in mij; a juōn armij e meletlet, e naj kainemōne.

15 Ilo maram jen mejen kiñ eo, mour; im an joij ej einwōt kōro in wut eliktata.

16 E nañin emōnlok jibarek meletlet jen gold! aet, jibarek jelalokjen, emōnlok kālet e jen silver.

17 Ial e alikar an ro dru wānik bwe ren illok jen nana: eo ej kejbārok an ial ej lomoren an.

18 Ablip ej ilok iman kokkure, im utiej buru iman buñ.

19 Buru etā iben ro dri jeramel, emōnlok jen ajej men in rakim iben ro dri jua.

20 Eo ej lale nan eo, e naj lo men emōn: im eo ej liki Jeova, e jeramōn.

<sup>1</sup> Jap. 10. 1. <sup>2</sup> Jap. 1. 7.

<sup>1</sup> Piter 5. 7. <sup>2</sup> Jap. 15. 16.  
605

21 Eo e meletlet ilo buruen, naj naetan dri jelalokjen; im tōñōl in tien, ej korlok men in katak.

22 Jelalokjen ej aibij in mour nōn eo ej iben; a men in kajeik ro dri bwebwe, bwebwe eo air.

23 Buruen dri meletlet ej katakin loñin; im ej korlok men in katak nōn tien.

24 Nan ko nan in joiy rej einwōt men eo nien hōnni, re tōñōl nōn an, im men in mour nōn dri ko.

25 Eor ial einwōt e jime nōn juōn armij, a jemlokōn, ial in mij.

26 Kwuli an juōn dri jermal, ej jermal nōn e; bwe loñin ej bikbikire nōn men in.

27 Juōn armij wan ej kine jorran; im ilo tien, einwōt kijeek e urur.

28 Juōn armij dri aneke ej kijibiliklik akwail; im juōn dri unojrikrik ej kijibil ro rej jimjeran.

29 Juōn armij e kōtōrei, ej karel dri turin; im tellok e ilo juōn ial e jab emōn.

30 Eo ej kil mejen bwe en kine men ko re aneke, eo ej karim loñin, ej kōmōn men ko re nana.

31 Uōn in juōn armij ej belin aibujuij, elañe rej loe ilo ial in wānik.

32 Eo e rumij an illu, emōnlok jen eo e kajur; im eo ej iroiij ion buruen, emōn jen eo ej jibwe juōn jikin kwelok.

33 Emwij likit kakōle ko na ilo bōjo; a Jeova eo ej kålet.

**17** Juōn mōtōn mōña e mōra, im ainemōn iben, emōnlok jen juōn im e obrōk kin kwojkwoj ko, im eor akwail.

2 Juōn dri korijeran ej kōmōn meletlet, e naj iroiij ion nejnin eo e kajokok, im e naj bōk mōtōn jolit iben ro nejnin.

3 Ken kōmāt nōn silver, im ubaj nōn gold; a Jeova ej melejoñ buru ko.

4 Juōn dri kōmōn nana, ej eoroñ tien ko re bwir; im dri riōp ej eoroñ juōn lo ej konono nana.

5 Jabrewōt eo ej kajirere kake ro dri jeramel, ej kinaklok Eo Dri Kōmōnmōn e; im eo ej mōnōnō kin jorran, e jamin ko jen joñōn kwotōn.

6 Ro jibwin rej rojenbōr nōn lōlap ro; im aibujuij an ro nejir, ro jemeir.

7 Wājeberik e jakkar nōn juōn dri bwebwe; e nañin laplok an jakkar tien riōp nōn juōn iroiij.

8 Wōnan einwōt dreka e aurok iman mejen eo ej ber iben; ijoko jabrewōt ej ukottōk ie, ej amene.

9 Eo ej jurlok juōn bwir, ej bukot yokwe; a eo ej mōramrōm kin juōn men, ej kijbil ro rej jimjeran.

10 Juōn nan in kowe e laplok an dreloñlok iben juōn dri meletlet, jen jibuki dribitbit ilo juōn dri bwebwe.

11 Juōn armij e kirikrik ej kabukot wōt kabata; inem re naj jilkinlok dri kabwijnrōk elej nae e.

12 Emōnlok bwe juōn eman en wōnmae kiru baer emwij bōk jen nejnin, jen an ion juōn dri bwebwe ilo bwebwe eo an.

13 Jabrewōt eo ej nawōnan emōn kin nana, jorran e jamin illok jen mweo imōn.

14 Jinoin akwail, einwōt ke juōn ej katorlok dren; inem emōn likit likarek, bwe en ejelok akwail.

15 Eo ej kowānik dri nana, im eo ej liakelok dru wānik, irro re jimor men in jōjōik nōn Jeova.

16 Etke men in wiaik meletlet ilo pein dri bwebwe, bwe ejelok jelalokjen iben?

17 Juōn jeran ej yokwe ien otemjej; im juōn jein im jātin, e ar lotak bwe en dri jibōñ ilo ien jorran.

18 Juōn armij ejelok jelalokjen iben, ej kaitak pā, im ej men in kabin bebe ko iman mejen dri turin.

19 Eo ej yokwe akwail, ej yokwe bwir; eo ej koutiej aor in worwor eo an, ej bukot kokkure.

20 Eo buru in jebwābwe iben, ej lo ejelok emōn; im eo e bōt loen, ej buñ na ilo jorran.

21 Eo ej keutak juōn dri bwebwe, ej kōmōne nōn an buromōj; im ejelok mōnōnō iben jemen dri bwebwe.

22 Juōn buru emōnōnō ej einwōt uno emōn; a buru e rup ej kajeik dri ko drin.

23 Juōn armij e nana ej bōk wōnan

bwir jen ubōn, bwe en kankeke ial ko in wānik.

24 Meletlet ej iman mejen eo jela-lokjen iben; a mejen juōn dri bwe-bwe ej mejeklok jabōn lōl.

25 Juōn nejn e bwebwe, e men in buromōj nōn jemen; im men e meo nōn lio e ar keutak e.

26 Bareinwōt kōmōn joñōn kwotōn nōn eo dru wānik e jab emōn, ak mōn leatōktōk ro kin air wānik.

27 Eo ej kaletlok nan ko an, eor jela iben; im eo ej kemer buruen, e juōn armij in jela-lokjen.

28 Juōn dri bwebwe ñe ej kejek-lokjen, rej lemnok e meletlet; ke ej kili tien, rej lemnok e dri jela-lokjen.

**18** Eo ej mōkelok ian, ej kabukot kōnan eo an, im ej lej nae meletlet otemjej e keie.

2 Juōn dri bwebwe e jab mōnōnō ilo jela-lokjen, a men in wōt bwe buruen en kwalok e mōke.

3 Ñe dri jerawiwi rej itok, ien ej itok bareinwōt kejekron, im iben men in kajok, ej itok kinaklok.

4 Nan ko jen loñin armij, einwōt dren ko re mulōl; aibij in meletlet ej einwōt juōn river ej torlok.

5 E jab emōn bōk nōn buruen dri jerawiwi, ak jibel ion dru wānik ilo men in ekajet.

6 Tien juōn dri bwebwe rej owa-juij ilo akwail, im loñin ej kaltok dri-bitbit ko.

7 Loñin dri bwebwe ej men in kokkure nōn e, im tien, aluk nōn buruen.

8 Nan ko an juōn dri unojrikrik, einwōt jimatol ekōn renno, im rej wōnlōllok na ilo mōtōn ko ilujentata.

9 Bareinwōt eo e jowōn ilo jeral eo an, ej jein im jatin eo ej dri kokkure.

10 Etan Jeova juōn imōn bar e kajur; dru wānik ej kone inem ejelok an uota.

11 Mweiuok ko an juōn dri mweie, an jikin kwelok e kajur, im einwōt worwor e utiej ilo lemnok eo an.

12 Mokta jen kokkure, buruen armij e añte; im mokta jen koutiej, ej walok etā buru.

13 Eo ej uak mokta jen an roñjake, eñin men in bwebwe im kajok nōn e.

14 Buruen armij e naj kaberber ilo an mōjino; a wōn e maroñ kaberber e ñe e rup buruen.

15 Buruen dri jela-lokjen, ej jibarek jela; im lojiliñin dri meletlet, ej kabukot jela.

16 Men in lelok an juōn armij, ej najikin, im añinlok e na iben armij re utiej.

17 Eo ej kwalok kin kōmōn ko an mokta, einwōt e wānik; a dri turin ej itok im kwalok e alikar.

18 Kakōle eo ej kajemlok akwail ko, im ej kijbil ro re kajur wōt.

19 Ebin kainemōn jimjān jimjātin ñe e illu, jen bōk jikin kwelok e kajur; im akwail rōt in, rej einwōt alal ko in juōn me e kajur.

20 Lojen juōn armij e naj obrōk kin leen loñin; e naj māt kin leen tien.

21 Mij im mour, rejro ilo maroñ in lo; im ro rej yokwe men in, re naj mōña leen.

22 Jabrewōt eo ej lo juōn kōra belen, ej lo juōn men emōn, im ej jibarek joij jen Jeova.

23 Dri jeramel ej kōmōn akwelap ko; a ro dri mweie rej uak kin lej.

24 Eo ej jeraik elōn, ej kōmōn men in nōn an jorran; a eor juōn jera ej edrep wōt jen juōn jein im jatin.

**19** Dri jeramel eo ej etetal ilo an wānik, emōn jen eo ej ankeke ilo tien, im ej dri bwebwe.

2 Bareinwōt elañe lolātāt ej aikwiji jela, e jab emōn; im eo eur neen, e jebwābwe.

3 Men in bwebwe an juōn armij, ej ukot ial eo an; im buruen ej ñōrñōre Jeova.

4 Mweiuok ko rej korlok jeran; a emwiji kijbil dri jeramel jen jeran.

5 Naj lelok joñōn kwotōn nōn dri kennan riōp; im eo ej konono riōp ko e jamin ko.

6 Elōn re naj kajitōk men ko iben armij eo e joi; im armij otemjej rej jeraik eo ej lelok mweiuok ko.

7 Ro jimjān jimjātin dri jeramel rej kijirāte; e nañin laplok an ro jerran ilok etolok jen e! ej lukworkwor ir kin nan ko, a re joko wōt.

8 Eo ej bōk meletlet, ej yokwe mour eo an; eo ej kejbārok jelalokjen, e naj lo emōn.

9 Juōn dri kennan riōp e ban ber im jab lo joñōn kwotōñ; im eo ej kwalok nan wan, e naj joko.

10 Mour kin wialōñlōñ e jakkar ñōn juōn dri bwebwe; e nañin riklok an ekar ñe juōn korijer e utiej jen irioij ro.

11 Jelalokjen an juōn armij ej kōmōn bwe en rumij an illu; im ej men in kaibujuij ñōn e, bwe en kejekron juōn bwir.

12 Illu an kiñ eo, einwōt ñōr an juōn laion; a joiy eo an einwōt molaw ion ujoij.

13 Juōn nejn e bwebwe, ej men in jorran ñōn jemen; im akwail ko an lio ñōn leo belen, rej einwōt biliñliñ eo ejelok jemlokōn.

14 Mweo im mweuk ko, men in jolit jen ro jemeir; a juōn kōra belen im e jelalokjen, jen Jeova.

15 Jowōn ej kakiki mitofñ; im dri jowōn e naj jorran kin kwuli.

16 Eo ej kejbārok kien eo, ej kejbārok an mōur; a eo e jab lale ial ko an, e naj mij.

17 Eo ej tiriamokake ro dri jeramel, ej lelok ñōn Jeova, im E naj nawōnan kin an kōmōn emōn.

18 Kwon kajeik nejōm, ke eor kōtōmene; im kwon jab likit buruōm ñōn iñtan.

19 Juōn armij elap an illu, e naj bōk joñōn kwotōn; bwe elañe kwoj lomoren, kwon bar lomoren wōt.

20 Kwon eoroñ nan in bebe, im bōk nan in katak bwe kwon meletlet ilo jemlokōn tata.

21 Elōñ lemnok ilo buruen armij; mekarta, bebe an Jeova e naj bin wōt.

22 Men in kañōññōñ an juōn armij, joiy eo an; im juōn dri jeramel, emōn jen dri riōp.

23 Mijōk Jeova ej jibōñ mour, im eo men in iben, e naj ber im jokōne, im jorran ko re jamin itok ion.

24 Dri jowōn eo ej katulok pein na ilo jābi, im e jab kōnan bar bōktok e ñōn loñin.

25 Ñe kwoj ubrare juōn dri kajirere, inem dri bwebwe re naj katak jelalokjen; im ñe kwoj kowe juōn eor meletlet iben, e naj jela nan in katak.

26 Eo ej mōn jemen im kokōke jinen, e juōn nejn kajokok, im kōmōn men in kinaklok.

27 Nejiō, ñe kwoj kajemlok am eoroñ nan in katak, kwo naj jebwābwe wōt jen nan ko nan in jela.

28 Juōn dri kennan wan ej kajirere kake wānik; im loñin eo dri nana ej warōñlok bwir ko.

29 Emwij kapojōk nan in ekajet ñōn ro dri kajirere, im dribitbit ko ñōn elikin ro dri bwebwe.

20 <sup>1</sup>Wain ej dri kajirere, dren in karek ej dri akwail; im jabrewōt eo ej bwir kake, e jab meletlet.

2 Men in kaleñōñ jen juōn kiñ, einwōt ñōrñōr in laion; eo ej kailu e, ej kouotata kin mour eo an.

3 Men in nebar ñōn juōn armij, bwe en mōke kejbārok e jen akwail; a ro dri bwebwe otemjej re naj akwail wōt.

4 Dri jowōn e jab kōnan tōblōl bwe ien bio; kin men in, e naj oor ilo ien marmir, in ejelok iben.

5 Bebe ilo buruen armij, einwōt dren ko re mulōl; a juōn dri jelalokjen e naj ture.

6 E nañin aolepen armij re naj mōke kabuñbuñlok air joiy; a juōn dri tiljek, wōn e maroñ in loe?

7 Juōn dru wānik eo ej etetal ilo an jime, e mōnōnō ro nejn tokelikin.

8 Juōn kiñ ej jijōt ion tron in ekajet, ej kijibliklok nana otemjej kin mejen.

9 Wōn eo e maroñ in ba, Emwij aō karreoik buruō, I kwojarjar jen bwir eo aō.

10 Ken paun ko kab joñōk ko kaju wāweir, irro otemjej men in jōjōik iben Jeova.

11 Aet, juōn ajiri ej mōke<sup>2</sup> kwalok e kin kōmōn ko an, elañe jermal eo an erre, im elañe e jime.

12 Lojiliñ eo ej roñjake, im mej eo ej lo, Jeova e ar kōmōn ir.

13 Kwon jab yokwe kiki, ñe kwo



ab jeramel wōt: kwon ruj, inem kwo naj māt kin ekōn.

14 E nana, e nana, dri wiaik eo ej ba; a ke e motelok, inem ej kimjāji kake.

15 Eor gold, im elōñ dreka rubi ko; a tien jelalokjen rej juōn inōk e aurōk.

16 Kwon bōk kobe eo an juōn ej dri kamol muri nōn juōn drua maijet: im kwon drebij kin nan in kalimur, eo ej dri kamol nōn ro drua.

17 Bred in riōp enno nōn juōn armij; a tokelik, loñin e naj obrōk kin bok.

18 Emwij kabin jabrewōt lemnok mokta, kin bebe kake; im kwon kōmōn tōrinae kin teljar ilo meletlet.

19 Eo ej etal bōjik im kwalok nan ko, ej kalikar men ko retino; inem kwon jab komao iben eo e loñin mej-wōnwōn.

20 Jabrewōt eo ej kole jemen ak jinen, naj kwuni lamp eo an ilo kabin marok.

21 Juōn e maroñ in mōkōj im bōk jolit ilo jinoiñ; a jemlokōn e jamin men in kejerammōn.

22 Kwon jab ba, Ña I naj nawōnan nana eo; kwon kōtare Jeova, im E naj lomorōm.

23 Men in paun ko kaju wāweir, re men in jōjōik nōn Jeova; im ken paun e riōp, e jab emōn.

24 Etetal an juōn armij, re jen Jeova; inem ekijkan an juōn armij maroñ in melele ial eo an?

25 Ej juōn aluk nōn juōn armij ñe e mōkōj in ba, E kwojarjar, im elikin an kalimur, ej kajitōk kake.

26 Juōn kiñ e meletlet ej likliki ro dri nana, im ej bōk ioir ken nowe wit e rolul.

27 An juōn armij ej lamp an Jeova, im Ej kabukot men ko otemjej iloan.

28 Joij im mol rej kejbārok kiñ eo; im emwij jebōk tron eo an kin joij.

29 Aibujuij an likao ro, kajur eo air; im men in kalitlit lōlap ro, bōrair re uōn.

30 Ubrare ko rej kakiniñij, rej karreolok nana; im dribitbit ko rej tōbrōk mōtōn enbwinin ko iloan tata.

21 Buruen kiñ ej ilo pein Jeova, e ijoko jabrewōt E kōnan.

2 Ial otemjej an juōn armij re jime ilo mejen; a Jeova ej<sup>1</sup> joñwe buru ko.

3 Kōmōn wānik im ekajet jime, elaplok an kabuñburuen Jeova jen men in katok.

4 Mōjer im buru e utiej, im kallip an ro dri nana, re bwir.

5 Lemnok ko an dri owōn, re men in jerammōn; a jabrewōt eo e eur ilo bebe, ej jarōplok nōn aikwij.

6 Jibarek mweiuk ko kin lo e riōp, e juōn tap biok bōjik, men in mij nōn ro rej bukot.

7 Koaroñ ro dri nana, e naj bioklok ir, kin air jab kōnan kōmōn men ko re wānik.

8 Ial an eo ej bōbanbani men ko ruōn, e kanuij ankeke; a kin eo erreo, e jime jermal eo an.

9 Emōnlok jokwe ilo juōn jabōn kejenwan, jen iben juōn kōra e jeme- me ilo juōn im elap.

10 An dri jerawiwi e kōnan nana; dri turin e jamin lo joij iman mejen.

11 Ñe kajeik dri kajirere eo, inem kameletlet dri bwebwe; im ñe katakin dri meletlet, ej bōk jelalokjen.

12 Dru wānik ej kalomōnlokjen kin mweo imōn dri nana, ekijkan jolōllok ro dri bwir nōn kokkure ir.

13 Jabrewōt eo ej binej lojiliñin jen lamij an ro dri jeramel, e naj bareinwōt lamij, a jamin roñjake.

14 Juōn men in lelok ilo etino, ej kainemōn illu; im men in lelok ilo ubōn, ej kainemōn illu aitok.

15 Men in lōñliñ nōn eo dru wānik, bwe en kōmōn ekajet jime; a ej men in kokkure nōn ro dri kōmōn nana.

16 Armij eo ej jebwābwe jen ial in jelalokjen, e naj kakije ilo jar an ro re mij.

17 Eo ej yokwe men in kamōnōnōik e, e naj dri jeramel wōt; eo mijlokin wain im oil, e jamin dri mweie.

18 Dri nana eo ej men in binmour nōn dru wānik; im dri kōmōn mon, ej tur lūpōn dru wānik.

<sup>1</sup> Luk 16. 15.

19 Emōnlok jokwe ilo ene jemaren, jen iben juōn kōra e jememe im limtu.

20 Eor mweiuik e aurōk, im oil ilo kabijuknen dri meletlet; a juōn armij dri bwebwe ej warōñlok e.

21 Eo ej lore wānik im joi, ej lo mour, wānik im nebar.

22 Juōn dri meletlet ej elālok jen worwor in jikin kwelok an ro re kajur, im kōtaiklok kajur in liki eo an.

23 Eo ej kejbārok loñin im loen, ej kejbārok buruen jen jorran ko.

24 Armij dri jua im e utiej buruen, naetan dri kajirere; ej jermal ilo julālōñlōñ im ablip.

25 Kōnan an dri jowōn ej mōn e, bwe pā ko pein rej abwin jermal.

26 Eor rej kanuij ankwōnak iomin aolepen ran; a dru wānik ej lelok im jab drebij.

27 Men in katok an dri jerawiwi, ej men in jōjōik; e nañin laplok ke ej bōktok im e nana buruen.

28 Dri kennan wan e naj joko; a armij eo ej roñjake, e najkonono inem berwōt.

29 Juōn armij dri nana, ej kaberber e; a kin dru wānik eo, ej kabin ial ko an.

30 Ejelok meletlet ak jelalokjen ak bebe nae Jeova.

31 E pojōk ors eo ñōn ran in tōrinae; a anjo ej jen Jeova.

**22** Ren kālet<sup>1</sup> buñbuñ e mejaja an emōn, mokta jen mweiuik ko relap, im joi, jen silver im gold.

2 Ro dri mweie im ro dri jeramel rej kweloklok iben dron; Jeova dri kōmōnmōn ir otemjej.

3 Juōn dri meletlet ej lo nana eo, im tilekek; a ro dri bwebwe, rej etal wōt im jorran kake.

4 Wōnan etā buru im mijōk Jeova, mweiuik, im nebar, im mour.

5 Kāliklik ko im jen ko, rej ilo ial an ro dri aneke: eo ej kejbārok an, e naj etolak jeni.

6 Kwon<sup>2</sup> kibel juōn ajiri ilo ial eo en etal ie, im ñe e ridto e jamin illok jen e.

7 Dri mweie ej iroi, ion ro dri jera-

mel; im dri muri ej korijeran dri kamuri.

8 Eo ej jeor jab wānik, e naj marmir jorran; im alal in illu eo an, enaj jokolok.

9 Eo mej emōn iben, e naj jeramōn; bwe ej lelok kijen ñōn ro dri jeramel.

10 Kwon kadrioi, jlok dri kajirere eo, inem akwai e naj joko; aet, e naj mwij kōmōn jumae im kananaik.

11 Eo ej yokwe buru erre, kin joi in tien, kiñ eo e naj jeraik e.

12 Mejen Jeova rej kejbārok eo eor jela iben; a Ej ukōje nan ko an dri kōmōn mon.

13 Dri jowōn ej ba, Eor laion inabij: naj mōn iō ilo ial ko.

14 Loñin kōra re kijoñ, juōn roñ e mulōl; eo Jeova ej drike, e naj buñ na illoan.

15 E lukjōk men in bwebwe ilo buruen juōn ajiri; a alal in kaje e naj ubakelok etolak jen e.

16 Eo ej kamakokoik dri jeramel bwe en korlok men ko an, im eo ej lelok ñōn ro dri mweie, re naj aikwij wōt.

17 Kwon kejaltok lojiliñōm, im roñjake nan ko an dri meletlet, im kwon letok buruōm ñōn aō jelalokjen.

18 Bwe e men in mōñōñō elañe kwoj drebiji illoam, elañe rej bin iben dron ion tiōm.

19 Bwe am liki en ber ilo Jeova, emwij aō kwalok ir ñōn kwe ranin, aet, ñōn kwe.

20 I ar jab jejewoj men ko remōn wōt, kin bebe ko im jelalokjen ke?

21 Bwe en kōmōn bwe kwon kanuij jela nan ko remol, bwe kwon bōklok nan in mol ñōn ro rar jilkintok yuk.

22 Kwon jab koarōñwe dri jeramel, bwe ej aikwij; im kwon jab kamakokoik dri jorran ilo kejem eo:

23 Bwe Jeova e naj kajitōk kin men ko air, im rakimi mour an ro rej rakimi ir.

24 Kwon jab jeraik juōn armij e lulu; im jab karwonlok juōn armij e libōpne an illu:

<sup>1</sup> Ekk. 7. 1. <sup>2</sup> Ep. 6. 4.

25 Ñe kwo ab katak ial ko an, im kwo bōk juōn jen ñōn am.

26 Kwon jab juōn ian ro rej kabin-bin kin peir, ak ian ro dri kabin muri ko.

27 Elañe ejelok ibōm in kōlaik muri eo, etke en jeorlok yuk jen kiniōm?

28 Kwon jab ikir kōtan wāto, eo ro jimam rar likite.

29 Kwoj lo juōn armij e owōn ilo jermal eo an ke? e naj jutōk iman kiñ ro; e jamin jutōk iman mejen armij re wan.

**23** Ñe kwoj jijōt in mōña iben juōn iroi, kwon kanuij lemnok kin eo ej ber imam;

2 Im kwoj kal bōkbōk ñōn buruōm, elañe kwe juōn armij e mel an dōr.

3 Kwon jab kanuij mōmkake men ko an renno; bwe re men in mōña im etaok wōt.

4 Kwon jab mōke kamōk yuk bwe kwon mweielok; kwon ikōñ jen am meletlet wan.

5 Kwo kōnan kalimjek men eo e jab ber ke? bwe e mol mweiuk ko rej kōmōn ñōn ir pein bao, einwōt juōn igōl ej kālok ñōn lōñ.

6 Kwon jab mōña ekōn an eo e nana mejen, im kwon jab kōnan men in draepe ko an:

7 Bwe einwōt ej lemnok ilo buruen, ej ein drein: Kwon mōña im irak, ej ba ñōn kwe; a buruen e jab ibōm.

8 Mōtōn ko emwij am kōñi, kwo naj mwōjakelok, im nan ko am re tōñōl, re naj joko jen kwe.

9 Kwon jab konono ñe juōn dri bwebwe ej karoñjake; bwe e naj kejekron meletlet in nan ko am.

10 Kwon jab ikir kōtan wāto ko jen eto; im kwon jab dreloñ ilo jikin kallip ko an ro ejelok jemeir:

11 Bwe e kajur air Dri Lomor; E naj kwalok men ko air nae yuk.

12 Kwon lelok buruōm ñōn men in katak, im lojiliñōm ñōn nan ko nan in meletlet.

13 Kwon jab drebij kaje jen ajiri eo; bwe elañe kwoj dreñlok e kin alal, e jamin mij.

14 Kwo naj dreñlok e kin alal, im naj lomoren an jen Hedis.

15 Nejiō, elañe buruōm e meletlet, buruō e naj mōnōnō, aet, buruō:

16 Aet, buruō e naj mōnōnō, ñe tiōm re naj konono men ko re jime.

17 Buruōm en jab junmare ro dri kōmōn nana; a kwon ber ilo mijōk Jeova ilo aolepen ran:

18 Bwe emol eor wōnan; im am kōtōmene e jamin tumkok.

19 Kwon eoroñ, nejiō, im kwon meletlet, im kwon tellok buruōm ilo ial eo.

20 Kwon jab ber iben ro rej irak wain; iben ro re kejo dreka:

21 Bwe dri karek im dri mātia re naj jeramel wōt; im mijki e naj naballin juōn armij kin kanmutōrtōr.

22 Kwon eoroñ jemōm, eo e ar keutak yuk, im kwon jab kejekron jinōm ñe e lilap.

23 Kwon wiaik men in mol, im jab wiakake; aet, meletlet, im katak, im jelalokjen.

24 Jemen eo dru wānik, e naj kanuij mōnōnō; im eo ej keutak juōn ajiri e meletlet, e naj lōñliñ kake.

25 Jemōm im jinōm ren mōnōnō wōt, im lio e ar keutak yuk, en lōñliñ.

26 Nejiō, kwon letok buruōm; im jemōm ren mōnōnō kake ial ko aō.

27 Bwe juōn kōra ekijoñ e jukur e mulōl; im juōn kōra e drua maijet, roñ e rāniñ.

28 Aet, ej kejar eiñwōt juōn dri koaroñ, im ej korlok dri kōmōn mon ian armij rōn.

29 Wōn eo e jorran? wōn eo e buromōj? wōn eo eor akwail iben? wōn eo lotan ko iben? wōn eo eor kinjen im ejelok unin? wōn eo e bōrōrō mejen?

30 Ro <sup>1</sup>eto air ber iben wain eo; ro rej ilen kabukot wain kare.

31 Kwon jab reilok ñōn wain ñe e kilmir, ke ej makōtkit ilo kōp in irak, ke emōn wōt warōñlok e:

32 Ilo jemlokōn ej kiji einwōt juōn serpent, im ej wie einwōt juōn adder.

33 Mejōm re naj lo men in bwilōñ, im buruōm e naj konono nan ko re ankeke.

<sup>1</sup> Ep. 5. 18.

34 Aet, kwo naj einwöt eo ej babu ilo lojit, ak einwöt eo ej babu iman juön kiju.

35 Emwij air ubrare iö, kwo naj ba, im I ar jab metök; rar dreflökwe iö im I ar jab injake: I naj ruj nä? I naj bar bukot e.

**24** Kwon jab junmare armij ro re nana; im kwon jab kōnan berwöt ibeir:

2 Bwe burueir ej katak men in kamakoko, im tier rej konono kin kōmōn nana.

3 Kin meletlet rej kalek juön im; im kin jelalokjen rej kabin e;

4 Im kin jela rej kobrök rum ko, kin mweiuk otemjej re aurök im remōn.

5 Juön armij e meletlet, e kajur wöt; aet, juön armij dri jela, ej korlok an kajur.

6 Bwe kin teljar e meletlet, kwo naj kajur am bata; im ñe elōñ dri bebe, kwo naj anjo wöt.

7 Meletlet e utiej jen juön dri bwebwe; e jab kabellok loñin ilo kejem eo.

8 Eo ej kine kōmōn nana, armij re naj naetan juön dri kōmōn nana.

9 Lemnok bwebwe, e jerawiwi; im dri kajirere eo, e men in jōjōik ñōn armij ro.

10 Elañe kwoj kijelok ilo ran in jorran, inem erik wöt am kajur.

11 Kwon lomor ro emwij bōklok ir ñōn mij, im ro re nañin joko, kwon lala bwe kwon drebij ir.

12 Elañe kwoj ba, Lo, kim ar jab jela kake men in; Eo e jela joñōn buru ko, E jab lemnok kake ke? im Eo ej kejbärok am, E jab jela ke? im E jamin lelok ñōn jabrewöt armij ekar ñōn kōmōn ko an ke?

13 Nejiö, kwon mōña hōnni, bwe emōn wöt; im men in wutlok ko jen men eo nien hōnni, rej tōñōl ñōn am nemak e:

14 Ein drein kwo naj jela meletlet bwe ej ñōn am; elañe emwij am loe, inem e naj or wōnan, im jamin bukweelok am kōtōmene.

15 O armij dri nana, kwon jab kejarre mweo imōn dru wānik; kwon jab kokkure jikin kakije eo an.

16 Bwe dru wānik ej buñ jiljilim-juön alen, im ej bar jerkak; a ukōji ro dri nana kin jorran.

17 Kwon jab mōnōnō ñe eo dri kijiräte yuk ej buñ, im buruōm en jab löñliñ ñe emwij ukōj e:

18 Ñe ab Jeova en loe, im E illu, inem En kajeorlok An illu jen e.

19 Kwon <sup>1</sup>jab aliñōñōr kin ro dri kōmōn nana; im kwon jab junmare eo dri nana:

20 Bwe e naj ejelok wōnan ñōn armij eo dri nana; naj kwuni lamp eo an armij dri nana.

21 Nejiö, kwon mijök Jeova im kiñ eo; im jab kōmao iben ro re loañinutor:

22 Bwe air jorran e naj waloktok mōkōj; im kokkure eo jeni, wōn e jela kake?

23 Ir kein nan ko an ro dri meletlet bareinwöt. Kabwiloklok mejen armij ilo ekajet e jab emōn.

24 Eo ej ba ñōn eo dri nana, Kwe kwo dru wānik; armij re naj kole, ro dri ailiñ re naj jōjōik e;

25 A ñōn ro rej kowe e, e naj or löñliñ kake, im men in kejerammōn emōn, e naj itok ioir.

26 Ej mejenmaik tien ko, eo ej lelok uak emōn.

27 Kwon kapojök am jerbäl inabij, im kapoje ñōn yuk ilo jikin kallip; inem tokelik kwon kalek mweo imōm.

28 Kwon jab dri kennan nae dri turōm ñe ejelok unin; im kwon jab elikinjipjip kin tiöm.

29 Kwon jab ba, I naj kōmōn ñōn e einwöt e ar kōmōn ñōn iö; I naj lelok ñōn armij eo ekar ñōn kōmōn ko an.

30 I ar kijone jikin kallip eo an dri jowōn, im bwil in grep an eo ejelok an jelalokjen;

31 Im, lo, käliliklok ko rar edreklok ijoko otemjej, im emwij kalibubu mejen kin mär böjik, im jolōllok worwor dreka eo an.

32 Inem I ar reilok im kalomōnlökjen kake; I ar loe, im I ar bōk men in katak:

<sup>1</sup> Bam 37. 1.

33 Kwoj aorñijñij, im bōkpā bwe kwon bar kiki;

34 Ein drein am jeramel e naj itok einwōt juōn dri rakim, im am aikwij einwōt juōn armij eor ken tōrinae iben.

**25** Ir kein bareinwōt jabōn kennan ko an Solomon, ko armij dron Hezekaia, kiñ in Juda, rar ānōk im jeji.

2 Aibujuij an Anij bwe en noje juōn men; a aibujuij an kiñ ro bwe ren kabukot men eo.

3 Einwōt lōñ ko re utiej, im lōl in e mulōl, ein drein buruen kiñ ro, re ban ture.

4 Kwon bōk o eo jen silver, inem e waloktok juōn jābi nōn dri karreo:

5 Kwon bōk ro dri nana jen iman kiñ eo, inem naj kabin tron eo an ilo wānik.

6 Kwon jab mōke koutiej yuk iman kiñ eo, im kwon jab jutōk in binej jenkwōn armij re utiej:

7 Bwe <sup>1</sup>emōnlōk bwe ren ba nōn yuk, Kwon wōnliñtok nōn ijin, jen air kōtaik yuk na iman mejen iroijs eo, eo mejōm rar reilok nōn e.

8 Kwon jab jarōpmōkōjlok in akwail, ñe kwo ab jaje ta eo kwo naj kōmōn ilo jemlokōn, ñe emwij an dri turōm kajok yuk.

9 Kwon <sup>2</sup>kajime men in jibil eo amiro dri turōm, im kwon jab kwalok men eo etino an bar juōn;

10 Ñe ab eo ej roñjake en kajirere kake yuk, im am jok e ban joko.

11 Juōn nan, ñe ekar air kwalok e, ej einwōt apel gold ko re bol kin ok silver.

12 Einwōt juōn drere gold, im men in kalitlit gold erre, ein drein juōn dri kowe e meletlet, nōn juōn lojiliñ e kible.

13 Einwōt bio jen sno ilo ien marmir, ein drein juōn dri jilik e tiljek nōn ro rej jilkinlok e; bwe ej kaimlolo buruen iroijs eo an.

14 Einwōt kōro ko im kōto ñe ejelok wut, ein drein eo ej jualōñlōñ im riōp, kin men in lelok ko an.

15 Kin eto air eljinmin, rej karel juōn iroijs, im juōn lo e meoeo, ej ruje dri.

16 Emwij ke am lo hōnni? kwon mōña mōtōn e bwe nōn yuk, ñe kwo ab māt kake inem mwōjakelok.

17 En jeja an neōm ber ilo mweo imōn dri turōm, ñe e ab mōk kin kwe, inem drike yuk.

18 Juōn armij ej kennan nae dri turin ej juōn ken dreñdrefñ, im juōn jāji, im juōn mōri ekōñ.

19 Liki juōn armij e jab tiljek, ilo ien jorran, ej einwōt juōn ñi e rup, im juōn ne eir.

20 Einwōt juōn ej wutik nuknuk ko ilo ien bio, im dren e miñ ion soda, ein drein eo ej al al el ko nōn buru e erro.

21 <sup>1</sup>Elañe dri kijirāte yuk e kwuli, kwon lelok nōn e ekōn: im elañe e maro, kwon lelok nōn e dren in irak;

22 Inem kwo naj ejoijs melle in kijeek ion bōran, im Jeova e naj nawōnam.

23 Kōto jen eañ ej bōktok wut, ein drein lo eo ej rurue juōn, ej bōktok mejen illu.

24 Emōnlōk jokwe ilo juōn jabōn kejenwan, jen iben juōn kōra e jeme-me ilo juōn im elap.

25 Einwōt dren ko re molo, nōn juōn armij e maro, ein drein nan ko remōn jen juōn ailiñ etolok.

26 Einwōt unin dren e lum, im unin dren e brijrij, ein drein dren wānik, eo ej drorjoan iman eo dri nana.

27 E jab emōn mōña elōñ hōnni; ein drein e nana ñe armij rej kabukot men in mōke kaibujuij ir.

28 Eo e jab kaberber buruen ej einwōt juōn jikin kwelok e jebeplok im ejelok an worwor.

**26** Einwōt sno ilo ien mānān, im einwōt wut ilo ien jonikōn, ein drein nebar e jab ekar nōn juōn dri bwebwe.

2 Einwōt bao sparrow ilo an jebwābwe, einwōt bao swallo ilo an kākī, ein drein nan in kol ñe ejelok unin, e jab jok.

3 Juōn ken dreñlok nōn ors, juōn

<sup>1</sup> Luk 14. 7-11. <sup>2</sup> Matu 18. 15.

<sup>1</sup> Matu 6. 44.

ken drebij nōn ass, im juōn alal nōn elikin ro dri bwebwe.

4 Kwon jab uak dri bwebwe ekar nōn men in bwebwe eo an, ñe kwo ab einwōt e.

5 Kwon uak juōn dri bwebwe ekar nōn men in bwebwe eo an, ñe e kab meletlet ilo lemnok ko an.

6 Eo ej jilkinlok juōn nan kin pein dri bwebwe, ej bukwelok ne ko neen, im ej ilen jorran.

7 Ne ko neen dri kirro rej toto im alijiljil; ein drein juōn parebōl i loñin ro dri bwebwe.

8 Einwōt juōn eo ej lukwoj juōn dreka ilo juōn buat, ein drein eo ej lelok nebar nōn juōn dri bwebwe.

9 Einwōt juōn kālīklik ej wie pein juōn dri karek, ein drein juōn parebōl i loñin ro dri bwebwe.

10 Einwōt juōn dri libon ej kakini-nij armij otemjej, ein drein eo ej kejerbal dri bwebwe eo, im eo ej kejerbal ro rej elālok.

11 Einwōt juōn <sup>1</sup> kiru roror ej jeb-lak nōn mwōj eo mwōjen, ein drein juōn dri bwebwe eo ej elij men in bwebwe eo an.

12 Kwoj lo juōn armij e meletlet ilo an lemnok ke? kōtōmene kin juōn dri bwebwe elap jen e.

13 Dri jowōn ej ba, Eor laion ilo ial eo; eor laion ilo ial ko.

14 Einwōt aor eo ej makōtkit ion hinj ko an, ein drein juōn dri jowōn ion kinien.

15 Dri <sup>2</sup> jowōn ej katulok pein iloan jābi; ej kamōk e in bar kwotōke nōn loñin.

16 Dri jowōn eo e laplok an meletlet ilo lemnok ko an jen jiljilimjuōn armij re maroñ in uak jime.

17 Eo ej elālok im mōke kōmare kin akwail eo e jab an, ej einwōt juōn eo ej jibwe lojiliñin kiru roror.

18 Einwōt juōn dri uriekak eo ej jolok melle ko, mōri ko im mij,

19 Ein drein armij eo ej mone dri turin, im e ba, I jab kejōk ke?

20 Ñe ejelok kane, e kwun kijeek eo; im ijo ejelok dri unojrikrik, em-wij akwail.

21 Einwōt melle nōn kane e bwil, im alal ko nōn kijeek, ein drein armij dri kirikrik ej kourur akwail.

22 Nan ko an dri unojrikrik rej einwōt mōtōn mōña ko renno, im rej wōnlōllok nōn iloan enbwil.

23 Tien ko re bwil im buru e nana, rej einwōt jābi brij e libubu kin oñ silver.

24 Eo ej kijirāte, ej mon kin tien; a ej kabinoke etao iloan:

25 Ñe ej konono emōn, kwon jab tōmak e; bwe jiljilimjuōn men in jō-jōik ilo buruen:

26 Meñe an kijirāt ej mōke kalibu-bu e kin mon, naj kwalok an nana im alikar iman jar eo.

27 Jabrewōt eo ej kōbij juōn roñ, e naj <sup>1</sup> buñ na iloan; im eo ej ukōj juōn dreka, eñin e naj jeb-laktok ion.

28 Juōn lo e riōp, ej kijirāte ro em-wij an kōkinijnij ir; im loñin eo ej etao, ej jerbale kokkure.

**27** Kwon jab jualōñlōñ kin ilju; bwe kwo jaje ta eo juōn ran e maroñ in kwalok.

2 Bar <sup>2</sup> juōn en nebar yuk, im jab loñōm; juōn drua maijet, im jab tiōm.

3 E erro juōn dreka, bareinwōt bok; a illu an dri bwebwe errolok jeni.

4 Illu e lej, im libōpne in illu einwōt ibij liplip; a wōn e maroñ in jutōk jumae kemmo?

5 Nan in kowe e alikar emōnlok jen yokwe ilo etino.

6 Kinja an juōn jera re tiljek; a mejenma ko an juōn dri kijirāt, relōñ.

7 Armij ñe e māt, ej drike hōnni; a iben juōn e kwuli, men ko re meo otemjej re tōñōl.

8 Einwōt juōn bao in mejajoto, ej jebwābwe jen el eo elin, ein drein juōn armij ej jebwābwe jen jikin.

9 Oil im ñōj rej kamōñōñik buru; bareinwōt bebe emōn im tōñōl an juōn jeran.

10 Kwon jab illok jen jerōm, ak jen jeran jemōm; im kwon jab ilok nōn mweo imōn jeiōm im jātōm ilo ran in jorran: emōnlok dri turōm ebak, jen jeōm im jātōm etolok.

<sup>1</sup> 2 Piter 2. 22. <sup>2</sup> Jm. 19. 24.

<sup>1</sup> Ekk 10. 8. <sup>2</sup> 2 Kor. 10. 12.

11 Nejiō, kwon meletlet, im kamō-nōnōik buruō, bwe in uak nōn eo ej kinak iō.

12 Juōn armij e meletlet, ej lo nana eo im ej tilekek; a dri bwebwe eo ej wōnmanlok im jorran kake.

13 Kwon bōk kobe eo an juōn ej dri kabin muri nōn juōn drua maijet, im kwōn kamuri eo ej dri kabin nōn lio drua maijet.

14 Eo ej kejerammōn jeran kin ainiken elap, im e mōkōj an ruj kake ñe e jiboñ, re naj likit e men in jerata nōn e.

15 Lutōkin wōt juōn ilo ran in wut liplip, im juōn kōra ej dri akwail rej einwōt juōn:

16 Eo e kōnan noj lio, ej noje kōto; im oil in anbijmaroñōn ej mōke kwalok e.

17 Mäl ej jeme mäl, ein drein juōn armij ej jeme turin mejen jeran.

18 Eo ej lale wijki fig eo, e naj mōña jen leen; im eo ej lale iroi j eo an, naj nebar e.

19 Einwōt ilo aibij, anōñin mej ej wāwen wōt mej, ein drein buru nōn armij.

20 Hedis im Abadon re jamin māt; im mejen armij re jamin māt.

21 Ken kōmāt nōn silver, im ubaj nōn gold; im ken melejoñ juōn armij, nebar eo an.

22 Meñe kwo naj inin juōn dri bwebwe ilo jābi kin dreka iben wit eobōp, ijoke, men in bwebwe eo an, e jamin illok jen e.

23 Kwon kate yuk in jela bwij ko bwijōm ekijan air ber, im kwon kanuij lale kau ko am:

24 Bwe mweiuk ko re jab ber in drio; im bokrōnat eo ej berwōt nōn ebeben otemjej ke?

25 Emwij bōkklok ujoij eo e mōra, im ujoij e biruru ej walok, im rej ainitok mār ko in tol ko.

26 Kon in sip ko rej nōn nuknuk ko am, im got ko, wōnan jikin kallip eo;

27 Im e naj or milk in got e bwe nōn kijōm, im kijan ro nukum, im men in najirik limaro korijerōm.

28 Dri jab wānik rej <sup>1</sup> ko ñe eje-  
lok dri lukworkwori; a dru wā-  
nik rej beran einwōt juōn laion.

2 Kin jerawiwi an juōn ene, iroi j ro an relōñ; a kin armij dri meletlet im jela, naj kaitoklok ien an ber.

3 Juōn armij dri aikwij, eo ej ke-  
jorran ro re jeramel, ej einwōt juōn wut liplip ej likit ejelok ekōn.

4 Ro rej illok jen kien eo, rej nebar ro re nana; a ro rej bokake kien eo, rej jumae ir.

5 Armij re nana re jab melele eka-  
jet jime; a ro rej bukot Jeova rej melele men otemjej.

6 Dri jeramel eo ej etetal ilo an wānik, emōnlok jen eo ej ankeke ilo ial ko an, meñe e dri mweie.

7 Eo ej bokake kien eo, e nejin e meletlet; a eo ej jeraik ro e mel air dōr, ej kajok jemen.

8 Eo ej korlok mweiuk ko mweien kin jimair im lōñlok, ej aine nōn eo ej tiriamokake ro dri jeramel.

9 Eo ej jebollok lojiliñen jen eoroñ kien eo, jar eo an ej men in jōjōik wōt.

10 Eo ej kōmōn bwe dru wānik en jebwābwe ilo juōn ial e nana, e naj mōke buñ ilo roñ eo an; a dri wāppen eo e naj jolit men eo emōn.

11 Dri mweie ej meletlet ilo an lemnok; a dri jeramel e jelalokjen, ej kabukot e.

12 Ñe ro dru wānik rej bōk anjo, eor aibujuij elap; a ñe ro dri nana rej jutōk, armij rej tilekek.

13 Eo ej <sup>2</sup> kalibubu bwir ko an, e jamin jerammōn; a eo ej <sup>3</sup> kwalok im illok jen e, e naj bōk tiriamo.

14 E mōnōñō armij eo ej mijōk ien otemjej; a eo ej kabin buruen, e naj buñ na ilo jorran.

15 Einwōt juōn laion ej nōr, im juōn baer ej etal wōt, ein drein juōn iroi j e nana, ion ro dri ailñ re jeramel.

16 Iroi j eo ej aikwij meletlet, ej bareinwōt dri kamakoko elap; a eo ej drike ankwōnak, e naj kaitoklok ran ko an.

17 Armij eo ej inek dran jabrewōt

<sup>1</sup> Sam 53. 6. <sup>2</sup> Sam 32. 3. <sup>3</sup> 1 Jon 1. 9.

e naj ko ñōn roñ eo; ejelok en bōp-  
rae e.

18 Jabrewōt eo ej etetal jime, naj  
lomoren; a eo ej bōt ilo ial ko an, e  
naj buñ mōkōj.

19 Eo ej tōblōle jikin kallip eo an,  
elōñ ekōn e naj iben; a eo ej lor armij  
re wan, naj bwe an jeramel.

20 Eloñ men in jerammōn naj iben  
armij dri tiljek; a eo ej kate e bwe en  
mweie, e naj bōk joñōn kwotōn.

21 Kabwiloklok mej, e jab emōn;  
ak bwe juōn armij en kōmōn bwir kin  
juōn mōtōn mōña.

22 Eo e nana mejen ej kijorur in  
bōk mweiuok ko, im e jaje bwe aikwij  
e naj itok ion.

23 Eo ej kowe juōn armij, tokelik  
e naj laplok an lo joi jjen eo ej etaoik  
kin loen.

24 Eo ej koaroñwe jemen ak jinen,  
im e ba, Ejelok bwir, eñin dri komao  
iben juōn dri kokkure.

25 Eo ej dōr ilo buruen, ej biuktōk  
akwail; a eo ej liki Jeova, naj kamā-  
tōk e.

26 Eo ej liki buruen wōt, e dri  
bwebwe; a eo ej etetal im e meletlet,  
naj lomorene.

27 Eo ej elok ñōn ro dri jeramel, e  
jamin aikwij; a eo ej binej mejen,  
elōñ men in jerata re naj iben.

28 Ñe ro dri nana rej jutōk, armij  
rej tilekek; a ke re joko im mij, ro  
dru wānik relōñlok.

**29** Eo ej kajiñiñi kenwan, ñe  
emwij kowe e 'elōñ alen, e naj  
mōkōj an joko, im ejelok men in  
bōprae.

2 Ñe elōñlok ro dru wānik, armij  
rej mōñōnō; a ñe juōn dri nana ej  
iroij, armij rej kubarbar.

3 Eo ej yokwe meletlet, ej ka-  
mōñōnō jemen; a eo ej kōmao iben  
kōra re kijoñ, ej draepe mweiuok ko  
mweien.

4 Kiñ eo, kin ekajet jime, ej kabin  
ailiñ eo an; a eo ej uñuñar men in  
lelok ko, ej jolōllok e.

5 Armij eo ej etaoik dri turin, ej  
kapojōk juōn jjen ñōn buñten neen.

6 Ilo bwir an armij eo e nana, juōn

aluk; a dru wānik eo, ej al im mō-  
ñōnō.

7 Dru wānik eo e jela kake men ko  
an ro dri jeramel; iben ro dri jab  
wānik ejelok jelalokjen bwe ren loi.

8 Ro dri kajirere rej tile jikin kwe-  
lok eo; a ro dri meletlet rej kajeōr-  
lok illu.

9 Elañe juōn dri meletlet ej ak-  
waile juōn dri bwebwe, elañe ej illu  
ak tōñkake, e jamin jemlok.

10 Dri ijol bōtōktōk, ej drike eo e  
wāppen; im kin eo e jime, rej kabu-  
kot men in mōn e.

11 Juōn dri bwebwe ej kwalok  
aolepen an illu; a juōn dri meletlet ej  
drebije im kaikōne.

12 Elañe juōn iroij ej eoroñ nan in  
riōp, ro dri korijeran otemjej re jab  
wānik.

13 Dri jeramel eo im dri kamakoko  
rej wōnmae dron; Jeova ej kamram-  
lok mejeirro.

14 Kiñ eo e jime an ekajet ro dri  
jeramel, naj kabin tron eo an ñōn in  
drio.

15 Ken dreñdreñ im nan in kowe,  
rej lelok meletlet; a ñe likit ajiri  
mōke ian, ej kajok jinen.

16 Ñe elōñlok ro dri nana, elōñlok  
bwir ko; a ro dru wānik re naj lo air  
buñ.

17 Kwon kowe nejōm, im e naj  
lewoj kaki je; aet, e naj kamōñōnik  
am.

18 Ijo ejelok visōn ie, armij rej  
jolak men in drebij ir; a eo ej bo-  
kake kien, e mōñōnō wōt.

19 Juōn dri korijer e jab kōnan  
bwe ren kowe; bwe meñe e jela  
kake, e jamin lale.

20 Kwoj lo juōn armij e jāmōr ke?  
eor kōtōmene kin juōn dri bwebwe,  
jen e.

21 Eo ej kanuij lale im najirik dri  
korijeran jjen ien niñniñ, ilo jemlokōn  
e naj einwōt nejnin.

22 Juōn armij e illu, ej biuktōke  
akwail, im juōn e libōpne an illu,  
elōñlok an jerawiwi.

23 Jua an juōn armij e naj kōtaik  
e; a eo etā buruen, e naj jibarek ne-  
bar.



24 Jabrewōt eo ej jeraik juōn dri kwot, ej drike an; ej roñjake nan in kanōjnij, im ejelok ijo ej ba.

25 Mijōk armij ej bōktok juōn jen; a eo ej liki Jeova, ejelok an uota.

26 Elōñ rej kabukot joiij an kiñ eo; a an juōn armij ekajet ej itok jen Jeova.

27 Juōn armij e jab wānik, ej men in jōjōik nōn ro dru wānik; im eo e jime ilo ial eo, ej men in jōjōik nōn ro dri nana.

**30** Nan ko an Agur nejin Jeke; ine eo.

Armij eo e ar ba nōn Itiel, nōn Itiel im Ukal:

2 Emol ña I jajelokjen jen jabrewōt armij, im ejelok jelalokjen an armij iba;

3 Im I jañin katak meletlet, im ña I jab jela Eo e Kwojarjar.

4 Wōn e ar wōnliñlok nōn lōñ ko, im wōnlōltok? Wōn e ar aine kōto ilo pā ko pein? Wōn e ar lukwoj dren ko ilo kobe eo An? Wōn e ar kabin jabōn ko jabōn lol? ta etan, im ta etan nejin, elañe kwo jela kake?

5 Nan otemjej an Anij, emwij me-  
lejoñ e; E juōn likipijñōk nōn ro rej ko nōn iben.

6 <sup>1</sup>Kwon jab kobaik nōn nan ko An, ñe E ab enoik yuk, inem naj lo yuk juōn dri riōp.

7 Men ko ruo emwij aō kajitōk ibōm kake; Kwon jab abwin litok mokta jen aō mij:

8 Kwon katolok jen ña, men in mon im riōp ko; Kwon jab letok jeramel ak elōñ mweiuk; Kwon najirik iō e bwe nōn ña:

9 Ñe I ab māt, inem karmijete Yuk, im ba, Wōn Jeova? ak in jab jeramel im kwot, im kajirere kake etan aō Anij.

10 Kwon jab riōp im kinaklok juōn dri korijer nōn iroiij eo an; ñe e ab kole yuk, im rej lemnok eor ruōm.

11 Eor ebeben rej kole jemeir, im re jab kejerammōn jineir.

12 Eor ebeben re kwojarjar ilo mejeir, meñe jañin kwol ir jen air etton.

13 Eor ebeben, O e nañin utiej mejeir, im kilin mejeir emwij kou-  
tieji.

14 Eor ebeben, ñi ko ñiir einwōt jāji ko, im ñiir relap einwōt bōkbōk ko, bwe ren kōñi ro dri jeramel jen mejen lōl, im ro dri aikwij jen bwiljin armij.

15 Ruo kōra nejin jioemjaoem, rej lamij, Kwon letok, kwon letok. Jilu men re jamin māt, aet, emen ko re jab ba, E bwe.

16 Hedis; im loje e war; lōl e jab māt kin dren; im kijeek eo e jab ba, E bwe.

17 Mej eo ej kajirere kake jemen, im kejekron bwe en bokake jinen, bao reven ko in komlōl re naj itike, im igol ko redrik re naj kōñe.

18 Jilu men ko re nañin men in bwilōñ iba, aet, emen ko I jaje kake:

19 Ialin juōn bao igol i mejatoto; ialin juōn serpent ion dreka; ialin juōn wa i lojit; im ial an juōn eman iben juōn jiroñ.

20 Ein drein ial an juōn kōra eki-  
joñ; ej mōña, im komraik loñin, im e ba, I ar jab kōmōn nana.

21 Kin jilu men lōl ej wuririr, im kin emen e ban kaberber kake:

22 Kin juōn korijer, ñe ej kiñ; im juōn dri bwebwe ñe e māt kin ekōn;

23 Kin juōn kōra e bōt ñe emwij an belele; im juōn korijer kōra ñe ej jolit men ko an liroiij eo an.

24 Emen men ko redrik ion lōl in, a re kanuij meletlet:

25 Kinōl ko re juōn jar e jab ka-  
jur, ijoke, rej kapojōk kijeir ilo ien mñān;

26 Kiru koni ko juōn bwij e mōji-  
no wōt, ijoke, rej kōmōn mo ko im-  
weir ilo dreka ko.

27 Lokōs ko, ejelok air kiñ, ijoke, ir otemjej rej kitiltil kin jar bata.

28 Kilidrep ej edrep kin pā ko pein. ijoke, ej ber iloan mo ko imōn kiñ ro.

29 Jilu men ko rej etetal ilo wāwen dri jua, aet, emen eor aņteir ilo wāwen air ilok:

30 Laion eo ej kajur potata ian kiru ko, im e jab jeōrluk jen jabrewōt; 31 Ors in tōrinae; got koman eo bareinwōt; im kiñ eo re ban jutōk jumae e.

32 Elaņe emwij am kōmōn men in bwebwe im mōke koutiej yuk, ak elaņe e nana am kalomōnlukjen, inem kwon likit peōm ion loñōm.

33 Bwe ñe emwij kokworejrej milk, e walok butter, im iñōt bodin, ej katorluk bōtōktōk; ein drein ñe biuktōk illu, ej kōmōn akwail.

**31** Nan ko an kiñ Lemuel; ine eo jinen e ar katakin e.

2 Ta eo nejiō? im ta eo O nejin lojiō? im ta eo O nejin kalimur ko aō?

3 Kwon jab lelok kajur eo am ñōn kōra rōn, ak ial ko am ñōn men eo ej kokkure kiñ ro.

4 E jab ekar ñōn kiñ ro, O Lemuel, e jab ekar ñōn kiñ ro bwe ren irak wain; ak ñōn iroi ro bwe ren ba, Ewi dren in karek?

5 Ñe rab irak, im meloklok kien eo, inem kankeke ekajet jime an ro jabrewōt dri jorran.

6 Kwon lelok dren ko re kajur ñōn eo e nañin joko wōt jirik, im wain ñōn eo e meo buruen:

7 En irak im meloklok kin an jeramel, im jamin bar kememej jorran eo an.

8 Kwon kabellek loñōm kin eo e ban konono, ilo men eo an ro otemjej emwij likit ir drien joko.

9 Kwon kabellek loñōm, kwon ekajet jime, im kwon kōmōn men ko re wānik ñōn ro re jeramel im aikwij.

10 Wōn e maroñ in lo juōn kōra emōn wōt? bwe wōnan elap jen rubi ko.

11 Buruen leo belen ej liki e, im e jamin aikwij orlok.

12 Lio ej kōmōn emōn ñōn e, im jab nana, ran ko otemjej in an mour.

13 Ej kabukot kolan sip im flax, im e mōnōnō in jermal kin pā ko pein.

14 Ej einwōt wan belle; ej ektōk tok ekōn eo an jen ijo etolok.

15 Ej bareinwōt jerkak mokta jen rantak, im ej lelok kijeir ñōn ro dri mweo imōn, im jermal eo air ñōn limaro korijeran.

16 Ej kalomōnlukjen kin juōn jikin kallip, im wiaik e; kin leen pein ej kallip juōn kwil in grep.

17 Ej kañōrñōr kin kajur, im ej kakajur pā ko pein.

18 Ej lo bwe emōn wōnan men eo ej wiakake, jamin kwuni lamp eo an ilo boñ.

19 Ej likit pein ñōn ken ej eo, im pā ko pein rej drebij ken irap.

20 Ej erlokwe pein ñōn ro re jeramel; aet, ej erlokwe pā ko pein ñōn ro rej aikwij.

21 E jab mijōk sno kin ro dri mweo imōn; bwe ro otemjej dri mweo imōn rej kōnōk nuknuk ejurjur.

22 Ej kōmōn ñōn e mōke, koj ko re tiltil; nuknuk ko an, linen e airik iren im eōij.

23 Leo belen, re jela kajen ilo kejem ko, ke ej jijōt iben ridto ro in eneo.

24 Ej kōmōnmōn linen im wiakake, im ej lelok kōñōr ko ñōn dru wia.

25 Kajur im utiejen einwōt ballin; im ej tōnkake ien eo ej itok.

26 Ej walōni loñin ilo meletlet; im kien joij ej ion loen.

27 Ej kanuij lale ial ko an ro dri mweo imōn, im e jab mōña ekōn in jowōn.

28 Ro nejin rej loetōk im kamōnōnōik e; leo belen bareinwōt ej nebar e im ba,

29 Elōñ ro nejin kōra rar kōmōn emōn, a kwe kwoj emōn jen ir otemjej.

30 Joij e men in mon, im dreo men wan, a juōn kōra ej mijōk Jeova, naj nebar e.

31 Ren lelok ñōn e leen pā ko pein; im jermal ko an ren nebar e ilo kejem ko.

# EKKLISIASTIS

AK, DRI KAKI EO

**1** Nan ko an<sup>1</sup> Dri Kaki eo, nejin Devid, kiñ in Jerusalem.

**2** Men bata otem bata, Dri Kaki eo ej ba; men bata otem bata, men otemjej rej men bata. **3** Iben armij ro, ewi tokjen jermal otemjej rej jermal kake iomin al? **4** Juñn ebeben ej ilok, im bar juñn ebeben ej itok; a löl ej berwöt ññn in drio. **5** Al eo bar-einwöt ej tak, im al ej tulok, im jaröplok ññn ijo e ar tak ie. **6** Kōto ej ilok ññn rōk, im ej oktōk ññn eañ; ej oktōk ien otemjej ilo jiborōn ko an, im kōto ej bar jekarkar. **7** River otemjej rej torlok ññn lojit, ijoke, lometo e jab lōñ; ññn jikin eo river ko rej ilok ññn e, e ja ijo wöt rej bar ilok ññn e. **8** Men otemjej re obrōk kin mōk, armij re bankwalok e: mej e jab māt kin lo, ak lojliñ e jab obrōk kin roñ. **9** Men eo e kar ber, men in eo e naj ber; im men eo emwij kōmōne, ej men eo re naj kōmōne; im ejelok men eo ekāl iomin al. **10** Eor ke men re maroñ in ba kake, Lo, men in ekāl? e kar ber jen eto, ilo yiō ko mokta jen kij. **11** Ejelok ememej ebeben ko mokta; im e naj ejelok ememej ebeben ko re naj itok, iben ro re naj itok elikir.

**12** Ña, Dri Kaki, I ar kiñ ion Israel i Jerusalem. **13** Im I ar likit buruō bwe en kabukot im lo kin meletlet men otemjej emwij kōmōnmōni iomin lōñ ko: elap jermal in iñtan eo Anij e ar lelok ññn ro nejin armij bwe ren jermal kake. **14** I ar lo jermal otemjej emwij kōmōni iomin al; im lo, ao-lepeir rej men bata, einwöt kōñ kōto. **15** Men eo e ankeke, re ban kajime; im re ban bwini men ko men in aik-wij. **16** I ar bebe ilo buruō, im ba, Lo, emwij aō bōk meletlet elap jen ro otemjej rar ber mokta jen ña i Jerusalem; aet, buruō e kar minene wöt

ññn meletlet im jelalokjen. **17** Im I ar likit buruō ññn jela meletlet, im bwe en jela kin uriekak im men in bwebwe: I ar lo men in bareinwöt bwe ej einwöt kōñ kōto. **18** Bwe ilo elap meletlet elap buromōj; im eo ej korlok jelalokjen ej korlok buromōj.

**2** I ar ba ilo buruō, Kwon lala kiō, I naj melejoñ yuk kin men in tōñ-kake; inem kwon mōnōnō wöt: im, lo, men in bareinwöt men bata. **2** I ar ba kin tōñ, Ej uriekak; im kin lea, Ej it? **3** I ar kabukot ilo buruō ekijkan in kamōnōnōik kōniekiō kin wain, ke buruō ej tellok iō kin meletlet, im ekijkan jibwe men in bwebwe, mae ien aō maroñ in lo ta eo emōn ññn ro nejin armij, bwe ren kōmōne iomin lōñ ko, ran ko otemjej rej mour. **4** I ar kōmōnmōn jermal ko relap; I ar kallip bwil ko bwil in grep; I<sup>1</sup> ar kalek ññn iō mo ko; **5** I ar kōmōnmōn ññn iō jikin kallip, im jikin wijki ko, im I ar kallip ilo ir wijki ko leir kaju wāweir; **6** I ar kōmōnmōn ññn iō lwe ko, ññn kaimlolo wijki ko ijo jikin kadreklok wijki ie; **7** I ar wiaik ro dri korijera man im kōra, im iba ro dri korijera rej lotak ilon mweo imō; bareinwöt iba elōñ mweuik ko, bwijin kau im sip, elōñ jen ro otemjej rar ber mokta jen ña i Jerusalem; **8** I ar bareinwöt ainitok ññn iba gold im silver, im mweuik ko mweien kiñ ro im ailñ ko; I ar bōk ññn iba ro dri al man im kōra, im men ko ro nejin armij rej mōnōnō kake, ken kajōñjōñ ko, im rej kaju wāweir. **9** Ein drein I ar<sup>2</sup> utiej wöt, im orlok jen ao-lepeir mokta jen ña i Jerusalem; bareinwöt aō meletlet e ar ber iba. **10** Im jabrewöt kōnan an meja, I ar jab drebij jeni; I ar jab drebij buruō jen jabrewöt men in lōñ-liñ; bwe buruō e ar mōnōnō kin ao-lepen aō jermal; im men in aō kij jen

<sup>1</sup> eon 12.

<sup>1</sup> I Kif 7. 1-12. <sup>2</sup> I Kron. 29. 25.

aolepen aō jermal. 11 Inem I ar reilok nōn jermal otemjej peiō rar kōmōni, im nōn jermal eo I ar jermal in kōmōne; im lo, aolepeir men bata im einwōt kōn kōto, im ejelok tokjen iomin al.

12 Im I ar oktōk bwe in lo meletlet, im uriekak, im men in bwebwe: bwe ta eo armij eo e maroñ in kōmōne ñe ej itok elikin kiñ eo? a men eo wōt emwij kōmōne eto. 13 Inem I ar lo bwe meletlet emōn jen bwebwe, einwōt maram emōn jen marok. 14 Mejen dri meletlet eo rej ilo bōran, im dri bwebwe ej etal ilo marok: ijoke, I ar kile bwe juōn wōt men eo ej itok nōn ir otemjej. 15 Inem I ar ba ilo buruō, Einwōt ej waloktok nōn dri bwebwe, ein drein e naj waloktok nōn ña; inem etke elaplok aō meletlet jen e? Inem I ar ba ilo buruō, bwe men in bareinwōt men bata. 16 Bwe kin dri meletlet, einwōt kin dri bwebwe, ejelok ememej ir nōn in drio; bwe ilo ran ko re naj itok, naj meloklok ir otemjej. Im ekijkan, bwe dri meletlet im dri bwebwe re naj jimor mij! 17 Ein drein I ar drike mour, bwe jermal eo emwij jerbale iomin al ej kaburomōj iō; bwe aolepen ej men bata einwōt kōn kōto.

18 Im I ar drike aolepen aō jermal I kar jermal kake iomin al, bwe kwo-naō likit e nōn armij eo e naj elikiō. 19 Im wōn e jela kin an naj meletlet ak bwebwe? ijoke, e naj iroiñ ion aolepen aō jermal I ar jermal kake, im ilo ir I ar kwalok aō meletlet iomin al. Men in bareinwōt men bata. 20 Kin men in I ar oktōk in kōmōn bwe buruō en ōbwer kin aolepen jermal eo I ar jermal kake iomin al. 21 Bwe eor armij, im jermal eo an kin meletlet, im kin jelalokjen, im kin kabel; ijoke, e naj likite men in jolit nōn juōn armij e jañin jermal kake. Men in bareinwōt men bata, im nana elap. 22 Bwe ta eo iben juōn armij tokjen jermal eo an otemjej, im niknik in buruen, ej jermal kake iomin al? 23 Bwe ran otemjej an rej men in buromōj wōt, im iñtan eo an ej men in buromōj; aet ilo boñ buruen e jab

lo kakije. Men in bareinwōt men bata.

24 Ejelok men emōn nōn juōn armij jen an mōña im irak, im kōmōn bwe an en mōnōnō kin emōn ilo jermal eo an. Men in bareinwōt I ar lo, bwe ej jen pein Anij. 25 Bwe wōn e maroñ in mōña, ak wōn e maroñ in mōnōnō, elap jen ña? 26 Bwe nōn armij eo ej kabuñburuen Anij, Ej elok meletlet im jela, im lōñliñ; a nōn dri bwir eo, Ej lelok iñtan, bwe en aini im ejak men ko, bwe En maroñ in elok nōn eo ej kabuñburuen Anij. Men in bareinwōt men bata im kōn kōto.

3 Eor ien nōn jabrewōt men, im eor ien nōn lemnok otemjej iomin lōñ ko: 2 juōn ien lotak, im juōn ien mij; juōn ien kallip, im juōn ien totōk men eo emwij kallip e; 3 juōn ien mōn, im juōn ien kaejmour; juōn ien jolōllok, im juōn ien kalek; 4 juōn ien jōñ, im juōn ien tōñ; juōn ien buromōj, im juōn ien eep; 5 juōn ien jolok dreka ko, im juōn ien eji dreka ko; juōn ien jiburlip, im juōn ien jab jiburlip; 6 juōn ien kabukot, im juōn ien kowutlok; juōn ien drebij, im juōn ien jolok; 7 juōn ien kekel, im juōn ien keke; juōn ien ikōñ, im juōn ien konono; 8 juōn ien yokwe, im juōn ien kijirāte; juōn ien tōrinaek, im juōn ien ainemōn. 9 Ewi tokjen iben jabrewōt eo Ej jermal ilo men eo ej jerbale? 10 Emwij aō lo mejōljōllok eo Anij e ar lelok nōn ro nejin armij bwe ren jermal kake. 11 E ar kōmōn jabrewōt men eo e wolio ilo ien eo an; bareinwōt E ar likit ien in drio ilo burueir, a einwōt armij re kabukot men in kōmōn eo Anij e ar kōmōne jen jinoin im nōn jemlokōn. 12 Ña I jela bwe ejelok men emōnlok nōn ir, jen bwe ren mōnōnō, im bwe ren kōmōn emōn toñ air mour. 13 Im bareinwōt, bwe jabrewōt armij en mōña im irak, im lōñliñ ilo tokjen aolepen jermal eo an, eñin men in elok jen Anij. 14 Ña I jela, bwe jabrewōt eo Anij ej kōmōne, e naj nōn in drio; re maroñ kobaik ejelok nōn e, im re ban bōk jabrewōt jen e; im Anij e ar kōmōne bwe armij ren

mijök iman. 15 Men eo ej ber, e ar ber mokta; im men eo e naj ber, e kar ber ilo ien moktata: im Anij ej bar bukot men eo e joko.

16 Im I ar bareinwöt lo iomin al, bwe ilo jikin ekajet eor nana; im ijo e naj kar jikin wänik, nana ej ber.

17 Na I ar ba ilo buruö, <sup>1</sup> Anij e naj ekajete ro dru wänik im ro re nana; bwe juön ien ijo ñön lemnok otemjej im ñön jermal otemjej. 18 Na I ar ba ilo buruö, Kin ro nejin armij bwe Anij en melejoñ ir, im ren möke lo ir bwe rej einwöt kiru ko. 19 Bwe men eo ej walok ñön ro nejin armij, ej walok ñön kiru ko; juön wöt men eo ej walok ñön ir; einwöt juön iair e mij, ein drein e mij eo juön; aet, ibeir otemjej juön wöt menono; im iben armij ro, ejelok utiej jen kiru ko: bwe men otemjej men bata. 20 Ir otemjej rej ilok ñön juön jikin; ir otemjej jen böñöñöñ, im ir otemjej rej bar oktök ñön böñöñöñ. 21 Wön e jela an armij, elañe ej wöñliñlok, im an kiru eo, elañe ej wöñlölok ñön löl? 22 Kin men in I ar lo bwe ejelok emön jen an juön armij löñliñ kin men in kömön ko an; bwe eñeo kij eo an: bwe wön eo e naj kejeblaktok e bwe en lo ta eo e naj walok elikin?

4 Inem I ar jeblak im lo men in kejjorran otemjej emwij kömöni iomin al: im, lo, dren in kemjalal an ro emwij kejjorran ir, im ejelok dri kainemön; im iben ro dri kejjorran ir eor kajur; a ejelok dri kainemön ir. 2 Kin men in elaplok aö nebar ro eto ke rar mij, jen ro rej mour; 3 aet, elap jen men kein ruo, I ar koutiej eo e jañin ber, eo e ar jab lo jermal ko re nana ko rej kömöni iomin al.

4 Inem I ar lo jermal otemjej, im jabrewöt men in kömön an dri mejerik, bwe kin men eo dri turin ej junmare juön armij. Men in bareinwöt men bata im einwöt köñ köto. 5 Dri bwebwe eo ej bökpä, im köñi köniekin. 6 Emönlok juön löñinpä, im ainemön iben, jen ruo löñinpä im ibeir jermal im einwöt köñ köto.

7 Inem I ar jeblaktok im lo men

<sup>1</sup> Matu 16. 27.

bata iomin al. 8 Juön ej ajkä, im ejelok rajitan; aet, ejelok nejin ak jein im jätin; ijoke, ejelok jemlokön aolepen jermal eo an, im mejen re jab mätkin mweiuk ko. Ej ba, Ij jermal wöt kin wön, im drebij emön jen aö? Men in bareinwöt men bata, aet, juön iñtan e nana. 9 Ruo remönlok jen juön; bwe ibeir emön wönan jermal eo air. 10 Bwe elane re buñ, juön e naj kejjerkak eo juön; a wo ñön eo e möke ian ke ej buñ, im ejelok iben bwe en kejjerkak e. 11 Bar juön, elañe ruo rej babu iben dron, eor air mänän; a ekijkan an juön maroñ in mänän ñe e möke ian? 12 Im elañe juön armij e könan bökö anjo ion eo e möke ian, irro re naj jumae e; im juön ekwoljil e jamin mököj air mijök e.

13 Juön eman emön drer e jeramel im meletlet, emön jen juön kiñ e lölap im dri bwebwe im e jaje ekijkan en bar bökö nan in kowe. 14 Bwe jen prison e ar drioijtök bwe en kiñ; aet, iloan ailiñ eo an e ar lotak im jeramel. 15 I ar lo remour otemjej ro rej etetal iomin al, bwe rej iben eo emön drer, eo ken ka ruo, im e ar jutök in binej jenkwön. 16 Ejelok jemlokön armij otemjej, ro e ar iroiñ ioir: ijoke, ro re naj itok elikin re jamin möñöñ kin e. Emol men in men bata, im einwöt köñ köto.

5 Kwon lale neöm ñe kwoj ilok ñön imön Anij; bwe kebaktok ñön roñjake emön jen lelok men in katok an ro dri bwebwe: bwe re jaje kake air kömön nana. 2 Kwon jab kanuij mököj kin löñöm, im buruöm en jab jaröpmököj in konono jabrewöt iman mejen Anij; bwe Anij ej ber ilo löñ, im kwe ion löl: kin men in nan ko am ren eiet. 3 Bwe juön tönak ej itok kin inebata, im ainiken juön dri bwebwe iben elöñ nan ko. 4 Ne kwoj kanöjñij kin juön kanöjñij ñön Anij, kwon jab rumij ilo am köllä; bwe E jab yokwe ro dri bwebwe: kwon köllä men eo kwoj kanöjñij kake. 5 Emönlok am jab kanöjñij jen elañe kwoj kanöjñij im jab köllä. 6 Kwon jab kötlök löñöm bwe en kab-

wir kōniekōm; im kwon jab ba iman dri jilik an Anij, bwe juōn bwir: etke Anij en illu kin ainikiōm, im kokkure men in kōmōn an peōm? 7 Bwe ilo elōn tōnak, eor men bata, im ilo elōn nan ko: a kwe kwon mijōk Anij.

8 Elaņe kwoj lo air kamakoik ro dri jeramel, im air bōk jen juōn ailii kin kajur, men in wānik im jime, kwon jab bwilōn kake: bwe Juōn e utiej jen dri utiej ro, Ej lale; im eor re utiej jen ir. 9 Bar juōn, leen lōl in, ej nōn otemjej; im jikin kallip ej jibōn kiņ eo.

10 Eo ej yokwe silver, e jamin māt kin silver; ak eo ej yokwe elōn mweuiuk kin orlok: men in bareinwōt men bata. 11 Ne mweuiuk ej orlok, ro rej mōņa re orlok; im ewi tokjen nōn eo rej an, a men in wōt, reilok nōni? 12 Kiki an juōn dri jermal, emōn wōt, elaņe ej kōni elōn ak erik; a kin an obrōk dri mweie e jab itok an kiki.

13 Juōn men e kanuij nana im emwij aō loe iomin al, eņin, mweuiuk an juōn armij ej drebij im rej kejorran e: 14 im mweuiuk ko rej jokolok kin juōn walok e nana; inem elaņe emwij an keutak juōn nejn, e naj ejelok ilo pein. 15 Einwōt an itok jen lojen jinen, e kelwan, e naj bar ilok einwōt e ar itok, im e naj bōklok ejelok kin jermal ko an, ko e maroņ in bōklok ilo pein. 16 Im men in bareinwōt e kanuij nana, bwe ilo men otemjej einwōt e ar itok, ein drein e naj ilok: im ewi tokjen an jermal kin kōto wōt? 17 Bareinwōt ilo ran ko an otemjej ej mōņa ilo marok, im e kanuij jorran, im iben naņinmij im illu.

18 Lo, men eo I ar lale bwe emōn im wolio, bwe juōn en mōņa im irak im mōnōnō kake emōn ilo jermal otemjej an, ej jermal kake iomin al, ran ko otemjej in mour eo Anij e ar lelok nōn e; bwe men in kij eo an. 19 Jabrewōt armij eo Anij e ar lelok nōn e mweuiuk ko im mōnni, im E ar lelok nōn e maroņ in mōņa jen e, im bōk kij eo an, im mōnōnō kake jermal eo an; eņin men in letok jen Anij.

20 Bwe e jamin kanuij kememej ran ko in mour eo an; kin an Anij uak e ilo lōnliņ an buruen.

6 Eor men e nana I ar loe iomin al, im e kanuij erro ion armij ro: 2 juōn eman im Anij ej lelok nōn e mweuiuk ko, elōn mōnni, im utiej, inem ej aikwij ejelok nōn an, ian men otemjej e kōnan, ijoke, Anij e jab lelok nōn e maroņ in mōņa jen e, a juōn drua maijet ej kōn e; eņin men bata, im e juōn naņinmij e nana. 3 Elaņe juōn eman ej keutak jibuki nejn, im ej mour elōn yiō, inem elōn ran ko in yiō ko an, a an e jab māt kin emōn, im bareinwōt re jab kalibwin e: ijba, juōn eko emōnlok jen e: 4 bwe ej itok bata, im ej ilok ilo marok, im emwij kalibubu etan kin marok; 5 bar juōn, e ar jab lo al, ak jela kake; eņin elaplok an kakije jen eo juōn: 6 aet, meņe ej mour juōn tausan yiō alen ruo, im e ar jab mōnōnō kin emōn, ro otemjej re jab ilok nōn juōn wōt jikir ke?

7 Aolepen <sup>1</sup> jermal an armij ej nōn loņin, ijoke, jamin ju buruen. 8 Bwe ta eo iben dri meletlet eorlok jen eo iben dri bwebwe? ak ta eo iben dri jeramel, eo e jela ekijkan an etetal iman ro rej mour? 9 Men in lo an mejen emōn jen an jebwābwe kōnan eo an: eņin bareinwōt men bata im einwōt kōn kōto.

10 Jabrewōt eo e ar ber, rar na-etan mokta; im re jela ta armij; im e ban akwaile eo e kajur jen e. 11 Ke elōn men ko rej korlok men bata ilo ta armij ej emōnlok kake? 12 Bwe wōn e jela ta eo emōn nōn armij ilo mour eo an, ilo ran otemjej an mour wan eo an, im ej draepe einwōt juōn lur? Bwe wōn e maroņ in kennanek juōn armij, ta eo e naj elikin iomin al?

7 <sup>2</sup> Buņbuņ e mejaja an emōn, emōn jen oil e aurōk; im ran in mij jen ran in lotak. 2 Ilok nōn imōn ro rej jōn, emōn jen ilok nōn imōn kwoj-kwoj: bwe eņeo jemlokōn armij otemjej; im ro re mour re naj kalomōnlok-jen kake. 3 Burumōj emōn jen tōd:

<sup>1</sup> Ken. 3. 24.

<sup>2</sup> Ken. 16. 28. <sup>3</sup> Ken. 22. 1.

bwe kin mejen buromōj buruen emōnlok. 4 Buruen ro dri meletlet ej iloan imōn ro rej jōñ; a buruen ro dri bwebwe ej iloan imōn ro rej tōñ.

5 Emōnlok roñjake nan in kowe jen ro dri meletlet, jen bwe juōn armij en roñjake al an ro dri bwebwe. 6 Bwe einwōt būkbūk in kane ko iomin juōn pot, ein drein tōñ an dri bwebwe eo: eñin bareinwōt men bata. 7 Emol koaroñ ej kōmōn bwe juōn dri meletlet en einwōt dri bwebwe; im wōnan kankeke ekajet ej kokkure maroñ in melele.

8 Jemlokōn juōn men emōn jen jinoin; im eo ej kijinmij ilo buruen, emōn jen eo e utiej buruen. 9 Kwon jab mōkōj in illu ilo buruōm; bwe illu ej berwōt ilo buruen ro dri bwebwe. 10 Kwon jab ba, Etke ran ko mokta remōn jen ran kein? bwe kwo jab meletlet in kajitōk kin men in.

11 Meletlet, emōn einwōt men in jolit; aet, emōnlok ñōn ro rej lo al. 12 Bwe meletlet e juōn men in kouk, einwōt mōnni ej men in kouk; a tokjen jelalokjen, eñin, meletlet ej lomoren eo ej ber iben. 13 Kwon kalomōnlokjen kin men in kōmōn an Anij: bwe wōn e maroñ in kajime men'eo E ar kankeke? 14 Ilo ran in jerammōn, kwon lōñliñ; im ilo ran in jorran, kwon kalomōnlokjen; aet, Anij e ar kōmōn irro iben dron ñōn men in, bwe armij en jab bukot jabrewōt men eo e naj walok elikin.

15 Aolepen men in emwij aō loe ilo ran ko aō rewan: eor dru wānik im e joko ilo an wānik, im eor dri nana im ej kaitoklok an nana ilo aolepen an mour. 16 Kwon jab wānik jen joñōn emōn; im kwon jab mōke kōmōn yuk meletlet jen joñōn emōn; etke kwon mōke kokkure yuk? 17 Kwon jab kanuij nana, im kwon jab bwebwe: etke kwon mij mokta jen am ien? 18 Emōn kwon drebij men in; aet bareinwōt kwon jab bōk peōm jen e: bwe eo'ej mijōk Anij e naj drioijtōk jen ir otemjej.

19 Kajur an meletlet iben juōn armij elaplok tokjen jen joñoul iroi j ilo juōn jikin kwelok. 20 Emol ejelok

juōn armij dru wānik ion lōl, eo ej kōmōn emōn, im e jab bwir. 21 Bareinwōt kwon jab eoroñ nan otemjej emwij konono kake, ñe kwo ab roñjake an dri korijerōm kole yuk: 22 bwe elōñ alen buruōm e jela bwe ein drein kwe kwar mōke kole ro jet.

23 Aolepen men in I ar kamol ilo meletlet: I ar ba, Ña I naj meletlet; a e ar etolok jen iō. 24 Eo ej ber, ej etolok im e kanuij mulōl; wōn e maroñ in ture? 25 I ar oktōk, im buruō e ar kajeoñ in jela im kabuk, im bukot meletlet im unin men ko, im bwe in jela bwe nana ej men in bwebwe, im bwe men in bwebwe ej uriekak. 26 Im ij lo bwe emeo jen mij, kōra eo buruen ej jen ko im ok ko, im pā ko pein kworōk ko: jabrewōt eo ej kabuñburuen Anij, e naj ko jen e; a eo dri nana, lio e naj jibwe e. 27 Lo, men in I ar loe, Dri Kaki eo ej ba, ke ij keire juōn men iben bar juōn, in lo tokjeir; 28 men eo aō ej bukot wōt, a I ar jab loe; juōn eman ian juōn tausan I ar loe; a juōn kōra ian rein otemjej, I jañin lo. 29 Lo, men in wōt I ar loe; bwe Anij e ar kōmōn mōn armij jime; a rar kabukot elōñ men in kine.

8 Wōn eo einwōt dri meletlet? im wōn e jela uktōn juōn men? Meletlet an juōn armij ej kejatōltil turin mejen, im emwij ukot bin an turin mejen. 2 Ña ij ba ñōn yuk, Kwon bokake kien kiñ eo, im men in kin kanōjnij an Anij. 3 Kwon jab kijorur in ilok jen iman mejen; kwon kijinmij ilo juōn men e nana; bwe ej kōmōn jabrewōt men eo e kōnan. 4 Bwe iben nan jen kiñ eor kajur; im wōn e maroñ in ba ñōn e, Kwoj it? 5 Jabrewōt eo ej bokake kien, e jamin jela men e nana; im buruen armij dri meletlet, ej kile ien, im men in ekajet; 6 bwe ñōn lemnok otemjej eor ien in ekajet; bwe elap jorran ion armij rōn: 7 bwe e jaje ta eo e naj ber; bwe wōn e marōn in ba ekijkan e naj ber? 8 Ejelok armij im eor an maroñ ion an bwe en drebij e; im ejelok an maroñ ion ran in mij; im ejelok kōtlōk jen tōrinae eo; im

nana e jamin lomoren eo ej minene kake.

9 Aolepen men in I ar loe, im I ar lelok buruō ñōn jerbāl otemjej emwij kōmōne iomin al: eor ien ñe juōn armij eor an maroñ ion bar juōn bwe en kejjorran e. 10 Ein drein I ar lo air kalibwin ro dri nana, im rar itok ñōn lūp eo; im ro rar kōmōn emōn rar ilok jen jikin e kwojarjar im rar meloklok ir ilo jikin kwelok eo; eñin bareinwōt men bata. 11 Kin an rumij kamol nan in ekajet nae juōn men e nana, inem buruen ro nejin armij re kanuij beran bwe ren kōmōn nana. 12 Meñe juōn dri nana ej kōmōn nana jibuki alen, im e aitoklok ran ko an, ijoke, I kanuij jela bwe e naj emōn iben ro rej mijōk Anij, ro re mijōk iman mejen. 13 A e jamin emōn iben eo dri nana, im e jamin kaitoklok ran ko an, ko rej einwōt juōn lur; kin an jab mijōk iman mejen Anij.

14 Juōn men bata rej kōmōne ion lōl, bwe eor dru wānik, im ej walok ñōn ir ekar ñōn jerbāl an ro dri nana; bar juōn, eor armij dri nana im ej walok ñōn ir ekar ñōn jerbāl an ro dru wānik: I ar ba men in bareinwōt men bata. 15 Inem I ar nebar men in tōñ, bwe iben juōn armij ejelok iomin al emōnlok jen bwe en mōña, im irak, im mōñōñō: bwe men eo e naj ber iben ilo an jerbāl ran otemjej in mour eo an, im Anij e ar lelok ñōn e iomin al.

16 Ke I ar lelok buruō ñōn jela meletlet, im bwe in lo jerbāl eo emwij kōmōne ion lōl, (bwe eor e jab kil mejen ran ak boñ), 17 inem I ar reilok ñōn aolepen men in kōmōn an Anij, bwe armij e ban kabukot jerbāl eo emwij kōmōne iomin al: bwe jekron joñōn an juōn armij jerbāl bwe en loe, a e jamin loe; aet, bar juōn, meñe juōn dri meletlet ej lemnok en jela

9 kake, e jamin maroñ in loe. 1 Bwe aolepen men in I ar likit na ilo buruō, in kabukot aolepen; bwe ro dru wānik, im ro dri meletlet, im jerbāl ko air, rej ilo pein Anij; elañe yokwe ak kijirāt, armij e jaje kake; aolep ej imair.

2 Men otemjej re walok im einwōt juōn ñōn otemjej: juōn wōt men ej walok ñōn ro dru wānik im ro dri nana; ñōn ro remōn, ñōn ro rereo im ñōn ro re jab erreō; ñōn eo ej katok, im ñōn eo e jab katok; einwōt eo emōn, ein drein eo e nana; im eo ej kanōjni, einwōt eo e mijōk juōn kanōjni. 3 Eñin juōn men e nana ilo men otemjej emwij kōmōne iomin al, bwe juōn men ñōn aolep; aet, bareinwōt buruen ro nejin armij e obrōk kin nana, im uriekak ej ilo burueir ke rej mour wōt, im tokelik rej ilok ñōn iben ro re mij. 4 Bwe ñōn eo ej ber iben ro re mour eor kejjatrikrik; bwe juōn kiru roror e mour, emōn jen juōn laion e mij. 5 Bwe ro re mour re jela bwe re naj mij: a ro re mij ejelok air jela, im e bar ejelok men in lelok ñōn ir; re jab emernej ir. 6 Air yokwe, im bareinwōt air kijirāt im junmar, re joko eto; im ejelok air kij ñōn in drio ilo jabrewōt men emwij kōmōne iomin al.

7 Kwon etal wōt, kwon mōña kijōm kin lōñliñ, im irak wain eo am kin mōñōñō buruōm; bwe Anij e ar bōk jerbāl ko am. 8 Nuknuk ko am ren mouj ien otemjej; im bōrōm en merol. 9 Kwon mōñōñō im mour iben lio belōm eo kwoj yokwe ran otemjej in mour wan eo am, eo E ar lewoj ñōn yuk iomin al; bwe men in am kij ilo mour, im ilo jerbāl eo am kwoj jerbāl kake iomin al. 10 Jabrewōt eo peōm ej loe bwe en kōmōne, kwon kōmōne kin am maroñ; bwe ejelok jerbāl, ak men in kine, ak jela, ak meletlet, ilo Hedis, ijo kwoj ilok ñōn e.

11 I ar jebłaktok, im reilok iomin al, bwe iaikwij e jab ñōn eo e mōkōj wot, ak keitak ñōn eo e kajur wōt, ak bareinwōt ekōn ñōn ro dri meletlet wot, ak mweuiuk ko ñōn armij in jela-lokjen wōt, ak joiñ ñōn armij re kabe wōt: a ien im men in walok rej itok ñōn ir otemjej. 12 Bwe armij bareinwōt e jab jela ien eo an: einwōt iik ko rej lorōk ilo ok e nana, im einwōt bao ko rej lorōk ilo aluk eo, ein drein ro nejin armij re bo ilo ien nana, ke ej buñ mōkōj ioir.



13 Emwij ao lo meletlet iomin al einwöt in, im I ar lemnok elap wöt: 14 juõn jikin kwelok erik, im eit armij iloan; im juõn kiñ elap ej itok mae e, im e ar nitbwile, im kalek me ko relap nae e: 15 ak emwij lo juõn armij e jeramel im meletlet iloan, im eo, kin an meletlet, e ar lomoren jikin kwelok eo; a ejelok armij e ar kemekwej armij eo dri jeramel. 16 Inem I ar ba, Emõn meletlet jen kajur; ijoke, rej kejekron meletlet an dri jeramel eo, im re jab eoroñ nan ko an. 17 Nan ko an ro dri meletlet emwij roñjaki ñe ejelok kimñilñil, remõn jen lamij an eo ej iroi, iben ro dri bwebwe. 18 Meletlet emõn jen ken törinae ko: a juõn dri nana ej kokkure emõn elap.

**10** Loñ ko re mij rej kõmõn bwe oil an dri kõmõn ñõj en kõrõr; ein drein men in bwebwe erik, erro jen meletlet im men in nebar. 2 Buruen armij e meletlet ej i pein anbij-marõñõn; a buruen dri bwebwe ej i anmiñin. 3 Aet bareinwöt, ñe dri bwebwe ej etetal ilo ial, jelalokjen eo an e likjõp jen e, im ej ba ñõn jabrewöt armij bwe ej dri bwebwe. 4 Elañe an iroi, eo ej jerkak nae yuk, kwon jab ilok jen jikõm; bwe joi, ej mirik illu elap.

5 Juõn men e nana I ar loe iomin al, einwöt juõn bwir ej waloktok jen iroi, eo: 6 emwij likit men in bwebwe ilo utiej elap, im ro dri mweie rej jijõt ilo jikir retã. 7 I ar lo ro dri korijer rej uwe ion ors ko, im iroi, ro rej etetal, einwöt ro dri korijer, ion bri.

8 <sup>1</sup>Eo ej kõbij juõn roñ, e naj buñ iloan; im jabrewöt eo ej rupe juõn worwor, juõn serpent e naj kije. 9 Jabrewöt eo ej jekjek dreka ko, naj kejjoran e kake; im eo ej belaj kane ej uota kake. 10 Elañe e kub mäl eo, im juõn e jab jeme, inem en inlok kake: a eor tokjen meletlet ñõn katakin e. 11 Elañe serpent eo ej kije mokta jen kainemõne, inem ejelok tokjen dri kainemõn eo.

12 Nan ko jen loñin armij e meletlet, re joi, wöt; a tien dri bwebwe, re

naj mõke warõnlok e. 13 Jinoin nan ko jen loñin, e men in bwebwe: im jemlokõn an konono uriekak, men in kejjoran. 14 Bareinwöt juõn dri bwebwe ej korlok nan ko: a armij e jaje ta e naj walok; im ta eo e naj elikin, wõn e marõñ in kennanek e? 15 Jerbal an ro dri bwebwe, ej kamõk jabrewöt iair; bwe e jaje ekijkan en ilok ñõn jikin kwelok eo.

16 Wo ñõn yuk, O ailiñ, ñe kiñ eo am ej ajiri, im iroi, ro am rej mõña ke e jiboñ! 17 E mõñõnõ kwe, O ailiñ, ñe kiñ eo am e nejin ro re utiej im iroi, ro am rej mõña ilo ien ekar, ñõn kajur im jab ñõn karek! 18 Kin jowõn, kejenwan ej jibdreka; im kin pã ko re jatoktok mweo ettal. 19 Rej kõmõn juõn kwojkwoj ñõn lea, im wain ej kalõñliñ mour eo; im mõni e bwe ñõn men otemjej. 20 Kwon jab kajirere kiñ eo, jab ilo am lemnok; im kwon jab kajirere ro dri mweie, ilo rum in kiki eo am: bwe juõn bao in mejatoto e naj bõklok ainikiõm, im eo eor pein bao, e naj kennan men eo.

**11** Kwon jolok kijõm na ion dren ko; bwe kwo naj loe elikin elõn ran. 2 Kwon lelok juõn mõtõn ñõn jiljilimjuõn, aet ñõn drualitõk; bwe kwo jaje nana õt e naj ion lõl. 3 Elañe kõro ko relõn kin wut, rej mõke lutõk ir ion lõl; im elañe juõn wijki ej eolok ruñalok, ak niñalok, ilo jikin ej eolok ie, e naj berwõt. 4 Eo ej kamel, e jamin jeor, im eo ej katu, E jamin marmir. 5 Einwöt kwo jab jela jiborõn kõto, ak ekijkan dri ko rej edrek ilo lojen eo e bõroro; ein drein kwo jaje kake jerbal an Anij, eo ej kõmõn men otemjej. 6 Ke e jiboñ kwon jeor ine eo am, im ke e jota kwon jab drebij peõm; bwe kwo jaje ewi iairro e naj jerammõn, eñin ak eo juõn, ak elañe irro re naj emõnin wöt juõn. 7 Emol emõn maran, im e men in mõñõnõ ñe mej ko rej lo al. 8 Aet, elañe juõn armij ej mour iomin elõn yiõ, en lõñliñ ilo ir otemjej; a en kememej ran ko in marok, bwe re naj lõñ. Aolepen men ko rej itok men bata.

9 Kwon mōnōnō, O likao, ilo ien ne am, im buruōm en kalōnliñ yuk ilo ran ko ñe emōn ridtōm, im kwonetetal ilo ial ko in buruōm, im ilo am mejeo; a kwon jela wōt bwe kin men kein otemjej Anij e naj bōktok yuk ilo ekajet. 10 Kin men in kwon kadrioij buromōj jen buruōm, im kwon jolok nana jen kōniekōm; bwe ien ñe emōn ridtōn, im rantak in mour rej

**12** men bata. 1 <sup>1</sup> Kwon bareinwōt kememey Eo Dri Kōmōnmōn yuk ilo ran ko ñe emōn ridtōm, mokta jen an ran ko re nana itok, im yiō ko rej kebaktok, ñe kwo naj ba, I jab mōnōnō kake; 2 mokta jen al im maram, im aliñ, im iju ko marok, im kōro ko rej jeblaktok elikin wut eo; 3 ilo ran eo ñe ro dri lale mwēo re naj ebwep, im armij re kajur re naj kumwil, im ro dri irir re naj bwijrōk bwe reit, im ro rej reilok jen windo ko re naj maroklok, 4 im naj kili aur ko ilo ial eo; ñe ainiken irir ej riklok, im juōn e naj iruij kin ainiken bao in mejatoto, im naj kōtaik limaro otemjej ro nejin al; 5 aet, re naj uota kin men ko re utiej, im men in kalelñōñ re naj ilo ial eo; im wijki in almond e naj ebul, im meninujoi e naj juōn men erro, im mōm e naj lik-

<sup>1</sup> Dat. s. 18.

jōp: bwe armij eo ej ilok ñōn kabijuknen in drio, im ro dri jōñ rej etetal ilo ial ko: 6 mokta jen mijkōke ekwol silver, ak rupe jābi gold, ak ken itōk en rup i unin dren, ak ken tōbe kekub en rup i aibij dreka eo, 7 im bōñōlñōl en jeblak ñōn brij, einwōt e kar mokta, im an en jeblak ñōn Anij, eo E ar lelok e. 8 Men bata otem bata, Dri Kaki eo ej ba; men otemjej rej men bata.

9 Im bar juōn, kin an Dri Kaki meletlet, e ar katakin wōt armij ro jela lokjen: aet, e ar kalomōnllokjen, im kabukot, im kilajrōk elōñ jabōn kenan. 10 Dri Kaki eo e ar bukot bwe en lo nan ko remōn, im ko emwij jeje jime, aet, nan ko remol wōt.

11 Nan ko an ro re meletlet rej einwōt ken kaje ko; einwōt drila ko re bin nan ko an ro rej iroi in jar ko, emwij lelok ñōn juōn seperd. 12 Im bar juōn, nejiō, emōn kowe yuk: ejelok jemlokōn air kōmōn elōñ buk; im katak elap ej men in kamōk kōniek.

13 Eñin tokjen men eo; emwij roñjake aolepen: kwon mijōk Anij, im bokake kien ko An; bwe eñin aolepen kōmōn emōn an armij ro. 14 Bwe Anij e naj bōktok jerbak otemjej ilo ekajet, im jabrewōt eo emwij noje, elañe emōn ak nana.

# AL EO AN SOLOMON

**1** Al eo e mejaja ian al ko, eo an Solomon.

**2** Leo en mejenmaik iō kin mejenma ko an loñin; bwe am yokwe emōn jen wain.

**3** Iben oil ko am, eor nōj emōn wōt; etōm einwōt oil rej katorloke; kin men in virjin ro rej yokwe yuk.

**4** Kwon ibertok iō; kim naj etōr lore yuk: kiñ eo e ar āñintok iō na ilo rum ko an; kim naj mōnōnō im lōñliñ kake yuk; elaplōk am naj kono no kake am yokwe jen wain; e jedit air yokwe yuk.

**5** Ña I kilmej, a I dreo, O limaro ro nejin Jerusalem, einwōt im nuknuk ko in Kidar, einwōt rōñel nuknuk ko an Solomon.

**6** Komin jab kalimjek iō, bwe ña I kilmej, bwe al e ar kejek iō. Lōmaro nejin jinō rar illu nae iō; rar likit iō dri lale bwil in grep ko: a bwil in grep eo aō I ar jab lale.

**7** Kwon kennanek iō, O kwe, eo aō ej yokwe, Ewi ijo kwoj najirik bwij eo am, ewi ijo kwoj kakijeik e ke e raelip: bwe etke ña in einwōt juōn e binjōk kin veil iturin bwij ko an ro jerōm?

**8** Elañe kwo jaje kake, O kwe edreo potata ian kōra rōn, kwon etetal ilo am ial ilo malkan bwij eo, im kwon najirik kon in got ko am iturin mo ko imōn seperd ro.

**9** I ar jajoñwe yuk, O kwe jera, ñōn juōn ors ilo jariat ko an Pero.

**10** Jebōm ko re woleo kin birōk in kolan bōrōm, kenwam kin kworōn inōk ko.

**11** Kim naj kōmōnmōn ñōn yuk birōk ko gold im ibeir drila ko silver.

**12** Ke kiñ eo e ar jijōt iturin tebel eo an, aō nard e ar jelil bwil ñōjin.

**13** Menoaō ej ñōn iō einwōt juōn bōjo in mōr, eo ej ber ikotan tin ko tinō.

**14** Menoaō ej iba einwōt jowin inōk ko henna, ilo bwil in grep ko i Engedai.

**15** Lo, kwe kwoj dreo, lio jera; mejōm rej einwōt mejen mule ko.

**16** Lo, kwoj wulio, kwe menoaō, aet, emōn wōt: bareinwōt jikin babu eo arro e māroro.

**17** Tur ko ilo mweo imwer rej wijki aik, im kōtel ko arro rej wijki fōr.

**2** **1** Ña ij juōn ros in Sheron, juōn kiōp in komlōl ko.

**2** Einwōt kiōp ko iben kāliklik ko, ein drein lio jera iben limaro emōn drer.

**3** Einwōt wijki apel iben wijki ko re wan, ein drein menoaō iben lōmaro emōn drer. I ar jijōt iomin lurin im lōñliñ kake, im leen e ar tōñōl ke I ar erjōñ e.

**4** E ar kadreloñ iō na ilo imōn kwoj-kwoj, im flag eo an ilōñiō, yokwe.

**5** Komin kakajur iō kin grep ko remōrā, najirik iō kin apel ko; bwe I ñañinmij kin yokwe.

**6** Pein anmiñin ej iomin bōra, im pein anbijmaroñōn ej jiburlep iō.

**7** Ij jiroñ kom, O limaro nejin Jerusalem, kin kiru roe ko, ak kin haind ko in melaj, bwe komin jab biuktōk, ak kworuj eo menoaō, mae ien e kōnan.

**8** Ainiken eo menoaō! lo ej itok, im ej kāki ion tol ko, ej etōr kelok ion tol ko redrik.

**9** Eo menoaō ej einwōt juōn kiru

roe, ak hart emōn ridtōn: lo, ej jutōk elikin worwor eo am; ej reitok ilo windo ko; ej reitok ilo taul in windo eo.

10 Menoaō e ar konono, im ba nōn iō, Kwon jerkak, lio jera, dri edreo aō, im itok jen ijene.

11 Bwe lo, ien e bio e motelok, emwij an wut, im e joko;

12 Rebul mār ko ion lōl; ien al in bao in mejatoto e ar itok, im roņjake ainiken mule ilo eneo arro;

13 Wijki fig ej kakālo fig ko an re māroro, im vain ebul wōt; ej jeltok nōjin. Kwon jerkak, lio jera, dri edreo āo, im itok.

14 O aō mule, kwe kwar ber ilo roņ ko in dreka, ilo jikin tilekek i jirimli, in lo turin mejōm, in roņjake ainikōm; bwe e kōm wōt ainikōm, edreo turin mejōm.

15 Komin jibwe nōn kimro fox ko, fox ko redrik, ko rej kokkure bwil in grep ko; bwe bwil in grep ko amro re bul wōt.

16 Menoaō ej aō, im nā an, ej najirik bwij eo an iolapin kiōp ko.

17 Mae ien ran e molo, im lur ko re joko, kwon oktōk, menoaō, im kwon einwōt juōn roe, ak hart emōn ridtōn ion tol ko in Biter.

3 Ilo boņ ion kiniō I ar kabukot leo aō ej yokwe: I ar bukot e, a I ar jab loe.

2 I ar ba, I naj jerkak kiō, im etetal iloan jikin kwelok eo; ilo ial ko im ilo ial ko re drilep I naj bukot leo aō ej yokwe: I ar kabukot e, a I ar jab loe.

3 Ro dri bar ro rej etetal iloan jikin kwelok eo rar lo iō; im I ar ba nōn ir, Kom ar lo leo aō ej yokwe ke?

4 Jirik wōt ien ke emwij aō elālok jen ir, inem I ar lo leo aō ej yokwe: I ar drebiye, im jab kōnan bwe in kōtlok e, mae ien i ar āhintosh e iloan mweo imōn jinō, im iloan rum an eo e ar keutak iō.

5 Nā ij jiroņ kom, O komeo limaro  
628

nejin Jerusalem, kin roe ko, ak kin haind ko in melaj, bwe komin jab biuktok ak kworuj leo menoaō, mae ien e kōnan.

6 Wōn in ej itok jen ene jemaren einwōt jur bat, e nōj kin mōr im kin frankinsens, kin men in nōj ko otemjej an dru wia?

7 Lo, ej wan ebōk an Solomon; jiljinoņoul armij re kajur rej kabol e, ian armij re kajur in Israel.

8 Ir otemjej rej minene kin jāji eo, im dri kabel ilo tōrinae: jabrewōt armij jāji eo an i ibin, kin men in mijōk ilo boņ.

9 Kiņ Solomon e ar kōmōnmōn nōn e mōke juōn wan ebōk jen wijki ko in Lebanon.

10 E ar kōmōnmōn jur ko an jen silver, kabin jen gold, jikin jijōt eo an jen eōij, im kalibubu iloan kin yokwe, an limaro nejin Jerusalem.

11 Komin drioiĵlok, O limaro nejin Zaion, im aluije kiņ Solomon, iben bakrōnat eo jinen e ar kebelbil e ilo ran in an kalimur in belele, im ilo ran eo ke e mōnōnō buruen.

4 Lo, kwoj dreo, lio jera; lo, kwoj dreo; mejōm rej einwōt mejen mule iomin veil eo am. Kolan bōrōm ej einwōt juōn bwijin got, ko rej babu iturin tol Giliad.

2 Ni ko niōm rej einwōt bwijin sip kokōra emwij mijbari, rar wōnlihtok jen air kwol ir, im jabrewōt iair eor nejin bo, im ejelok iair ar kaliāĵlol e.

3 Tiōm rej einwōt juōn tred eōij, im loņōm e woleo. Dremōm ej einwōt mōtōn pomgranet iomin veil eo am.

4 Kenwam ej einwōt imōn bar eo Devid e ar kalek jikin ken tōrinae ko, ijo ej toto juōn tausān ken tōrak, li-kipijhōk ko otemjej an armij ro re kajur.

5 Etūm rej einwōt ruo kon in dir bo ro nejin juōn roe, rej mōña i bwiljin kiōp ko.

6 Mae ien e mololok ran im lur ko

re ko, I naj ilok ñôn tol in mör eo, im ñôn tol erik in frankinsens.

7 Kwe, lio jera, kwoj dreo wöt; im ejelok mār iloam.

8 Kwon itok iba jen Lebanon, kwe lio beliö, iba jen Lebanon; kwon reilok jen jabön Amana, jen jabön Sinir im Hermon, jen roñ ko in laiön ko, jen tol ko in leopard ko.

9 Kwar rakim buruö, lio jera, lio beliö; kwar rakim buruö kin juön ian mejöm, kin juön toninir in kenwam.

10 E nañin woleo am yokwe, kwe lio jera, lio beliö! Am yokwe e nañin emön jen wain! im ñoj im oil ko am, jen wāwen otemjej spais ko!

11 Tiöm, O lio beliö, rej katorlok einwöt hönni kom: hönni im milk rej iomin loöm; im bwin nuknuk ko am einwöt bwin Lebanon.

12 Juön jikin kallip e kilik, lio jera, lio beliö; juön unin dren e kilik, juön unin dren emwij sil e.

13 Åjib ko am wijki pomgranet, im leen ko re aurök; henna kab mār spaiknard ko,

14 Spaiknard im safron, kalamos im sinnamon, kab wijki otemjej in frankinsens; mör im alos, kab spais otemjej remön wöt.

15 Kwe juön unin dren in jikin kallip ko, juön aibij in dren ko remour, im river ko rej torlok jen Lebanon.

16 Kwon ruj, O kōto jen eañ; im kwon itok kwe jen rök; komin ukwi ion aö jikin kallip, bwe spais ko an ren torlok kake. Menoaö en dreloñtok ilo jikin kallip eo an, im möña leen re aurök iben.

5 Ña I ar dreloñtok na ilo aö jikin kallip, lio jera, lio beliö; emwij aö aini aö mör kab aö spais; emwij aö möña aö nien hönni iben aö hönni; emwij aö irak aö wain kab aö milk. Komin möña, O jeramen; komin irak, aet, komin irak im māt, O kom dri yokwe.

2 Ña I ar kiki, a buruö e ar ruj

wöt; ej aiñiken menoaö, ej kalöllöl, im e ba, Kwon kabellek ñôn iö, lio jera, lio dri yokwe, aö mule, aö jab etton; bwe böra e löñ kin molawi, kolan böra kin biliñliñ ko in boñ.

3 Ña I ar wutik nuknuk eo aö; ekijkan aö köñök e? emwij aö kwol neiö; ekijkan in kabrijiji?

4 Menoaö e ar kadreloñ pein ilo roñ in aor eo; inem buruö e ar kumkum kin e.

5 I ar jerkak bwe in kabellek ñôn menoaö; im peiö rar kabeliñliñ mör, im arrin peiö kin mör einwöt dren, ion men in kapjere ko an ken kabin aor eo.

6 I ar kabellek aor eo ñôn menoaö; a menoaö e kar illok, im e joko. Aö e kar ilok ke e ar konono: I ar kabukot e, a I jab maroñ in loe; I ar kir ñön e, a e ar jab uak iö.

7 Ro dri bar, rej etetal ilo jikin kwelok eo rar lo iö, rar dreñlokwe iö, rar kakinijnij iö; ro dri lale worwor ko rar bök aö nuknuk jen iö.

8 Ij jiroñ kom, O limaro nejn Jerusalem, elañe kom lo menoaö, komin kennanek e bwe ña I nañinmij kin yokwe.

9 Ta eo iben menoam elap jen bar juön, O kwe dreo potata ian kōra ro? Ta eo iben menoam elap jen bar juön, bwe ein drein am jiroñ kim?

10 Menoaö e mouj im kilubütbü, eo emön potata ian joñoul tausan.

11 Bōran einwöt gold e kanuij emön wöt; kolan bōran re möjalüfö im kilmej einwöt bao reven.

12 Mejen rej einwöt mule ko iturin wea ko, emwij katutu ir kin milk, im emön air ber.

13 Jeben rej einwöt juön jikin tolöj ko, einwöt ubatok in mār ko re ñöj: tien ko rej einwöt kiöp ko, rej kowutlok dren mör.

14 Pā ko pein rej einwöt luko gold kaibujuije kin beril: enbwinin einwöt men in kōmön jen aivori e libubu kin saffair ko.

15 Ne ko neen einwöt jur ajaj, likiti ion batilemen ko gold emön wöt:

wāwen einwōt Lebanon, emōn einwōt aik ko.

16 Loñin e kanuij tōñōl; aet, emen in yokwe emōn otem emōn. Ein menoaō, im e in jera, O limaro nejin Jerusalem.

6 Menoam e ar wōjjikōt, O kwe dreo potata ian kōra rōn? menoam e ar ilok ialok, bwe kimin maroñ in bukot e'ibōm?

2 Menoaō e ar wōnlōllok nōn jikin kallip eo an, nōn ubatōk in spais ko, bwe en mōña ilo jikin kallip ko, im bwe en bwilik kiōp ko.

3 Na menoan, im menoaō ej aō wōt; ej najirik bwij eo an i bwiljin kiōp ko.

4 Kwe kwoj edreo, lio jera, einwōt Tirza, kwoj edreo einwōt Jerusalem, kwe kwoj kokomak einwōt jar in tōrinae eo flag iben.

5 Kwon kejeorlok mejōm jen ña, bwe rar kemjōk iō. Kolan bōrōm ej einwōt juōn bwijin got, rej babu itur-in tol Giliad.

6 Ni ko ñiōm rej einwōt juōn bwijin sip kokōra, rej kab wōnliñtok jen air kwol ir: im jabrewōt iair eor nejin bo, im jañin kaliājlol jabrewōt iair.

7 Jan bōrōm rej einwōt mōtōn pomgranet iomin veil eo am.

8 Eor jiljilimjuōn liroi, im drualitōkñoul limaro konkubain, im virjin ro ejelok orair.

9 Aō mule, aō lio erreō, ej juōn wōt; im e mōke wōt nejin jinen; ej jitenburu iben eo e ar keutak e. Limaro nejin ro jet rar loe, im ba e mōnō; aet, liroi ro im limaro konkubain rar nebar e.

10 Wōn lio ej reitok einwōt jiboñ, erreō einwōt aliñ, e lae einwōt al, e kokomak einwōt jar in tōrinae eor air flag?

11 I ar wōnlōllok na ilo jikin kallip in nōt ko, bwe in aluij mār ko re mārōro in komlōl eo, bwe in lo elañe vain eo e bul ke jab ke, im elañe eor leen wijki pomgranet ko.

12 Mokta jen aō jela kake, aō e ar likit iō i bwiljin jariot ko an ro dri ailñ in iroi, eo aō.

13 Kwon jeblaktok, jeblaktok, O dri Shulem; kwon jeblaktok, jeblaktok, bwe kimin reiwoj nōn yuk.

Etkē komin reilok nōn dri Shulem eo, einwōt nōn eep in Mehaneim?

7 E nañin woleo neōm ilo sandal ko, O lio nejin iroi! unin neōm re molul einwōt inōk ko, men in kōmōn an juōn dri jeral e kabel.

2 Enbwinōm ej einwōt juōn ken irak e rolul, me iloan ejelok an aikwij wain e kare; rojōm einwōt juōn ejoj in wit emwij kabole kin kiōp ko.

3 Etūm ko rej einwōt ruo kon in dir rej bo ro nejin juōn roe.

4 Kenwan einwōt juōn imōn bar aivori; mejōm rej einwōt lwe ko in Heshbon, iturin aor Bath-rabim: bōdōm einwōt imōn bar in Lebanon ej reilok nōn Damaskōs.

5 Bōrōm iom einwōt Karmel, im kolan bōrōm einwōt eōij; e jebokwe kiñ eo kin an wut buruen kin kolan.

6 E nañin dreo im nañin men in mōnōnō kwe, O lio jera, kin men in lōñliñ ko!

7 Utiejōm einwōt wijki pam, im etūm einwōt urorin.

8 I ar ba I naj wōnliñlok na ilo wijki pam eo, I naj jibwe ra ko ran: etūm ko ren einwōt urorin vain eo, im atbwin menoam ej einwōt apel ko.

9 Im loñōm einwōt wain emōntata,

Emōn an leo menoaō warōñlok e, im e biruru an monlok ikotan tien ro rej kiki.

10 Na ij jeran; im ej mōmkake iō.

11 Kwon itok, leo menoaō, jen drioi, jlok na ilo jikin kallip ko; jen jokwe ilo jikin kwelok ko redrik.

12 Jen wōnliñlok ñe e jiboñ nōn bwil in grep ko; jen lo elañe vain eo e ar ebul, im inōk eo an e mejōl, im elañe pomgranet ko rebul ke jab ke: ijo I naj lewoj aō yokwe.

13 Mār mandrek ko rej letok nōj;

im i kejem ko am leen re aurök kaju wāweir, rekāl im remor, ko emwij aō likiti nōn kwe, O menoaō.

**8** O emōn bwe kwon einwōt leo jā-tiō, eo e ar ninin tit ko tīn jinō! ñe I naj lo yuk inabij I naj mejen-maik yuk; aet, im ejelok e naj kejekron iō.

**2** I naj kar tel yuk, im āñintok yuk na ilo imōn jinō, eo e naj katakin iō; I naj kōmōn bwe kwon irak jen wain eor spais iloan, jen dren in aō pom-granet.

**3** Pein anmiñin e naj iomin bōra, im pein anbijmaroñōn e naj jiburlep iō.

**4** Ij jiroñ kom, O limaro nejin Jerusalema, bwe komin jab biuktök ak kworuj leo menoaō, mae ien eo e kōnan.

**5** Wōn in ej wōnliñtok jen ene jemaren, im ej atartar ion leo menoañ?

Iomin wijki apel I ar kworuj yuk; ijo jinōm e ar mejōljōllok kin yuk, ijo eo e ar mejōljōllok e ar keutak yuk.

**6** Kwon likit iō einwōt juōn sil ion buruōm, einwōt juōn sil ion peōm: bwe yokwe e kajur einwōt Hedis; urur ko an einwōt urur ko in kijeek, juōn urur jen Jeova.

**7** Dren ko relōñ re ban kwuni yok-

we im lañ ko re ban kamaloñ e: elañe juōn armij e naj lelok mweiuk otem-jej in mweo imōn kin yokwe, naj kanuij kejekron wōt e kake.

**8** Juōn lio jāter erik iber, im ejelok etin; je naj it nōn lio jāter ilo ran eo ñe naj kajitök iber kake?

**9** Elañe e juōn worwor, je naj kalek ion juōn jabōn silver: im elañe e juōn aor, je naj kabol e kin ra ko ran aik.

**10** Ña juōn worwor, im etiō einwōt imōn bar ko an: ien eo ña iman mejen einwōt juōn e ar lo ainemōn.

**11** Juōn bwil in grep an Solomon i Beal-hemon; e ar likit bwil in grep eo iben ro dri lale; jabrewōt iair en bōktok kin leen juōn tausan motōn silver.

**12** Aō bwil in grep, eo aō wōt, ej imaō; kwe, O Solomon, tausan eo e naj am, im iben ro rej drebij leen, rubuki.

**13** Kwe kwoj jokwe iloan jikin kal-lip ko, ro dri karwonlok rej eoroñ ainikōm; kwon kōmōn bwe in roñ-jake.

**14** Kwon kijorur, O leo menoaō, im kwon einwōt juōn roe ak juōn hart emōn drer ion tol in spais ko.

## AISEIA

**1** Visiōn eo an Aiseia nejin Emoz, eo e ar loe kin Juda im Jerusalem, ilo ran ko an Uzzaia, Jotam, Ehaz, im Hezeakaia, kiñ ro in Juda.

**2** Komin roñjake, O lōñ ko, im komin eoroñ, O lōl; bwe Jeova e ar konono: Ña I ar najirik, im kōkajiririk ro nejiō, im rar kabata nae Iō. **3** Ox eo e jela eo ej an, im ass eo kin jikin mōña an iroiñ eo an; a Israel e <sup>1</sup>jab jela, dri ailiñ ro aō re jab kalomōnlokjen. **4** Yok! ailiñ e nana, ailiñ ko rej ar dri ban jerawiwi, juōn inen ro dri kōmōn nana, ro nejiō rej kōmōn men ko re jab jime; emwij air illok jen Jeova, rar kejekron eo Dri Kwojarjar in Israel, emwij kadruaklok ir, im rar jenliklok wōt. **5** Etke dreñlokwe wōt kom, kin ami kalaplok ami kabata aolepen bōrami e nañinmij, im aolepen buruōmi e kijelok. **6** Jen lobiren ne, aet ñōn moñōn ejelok keje illoan; a kinij ko, im mao ko, im dribitbit ko rekāl: jañin karōki, ak kitimi, ak unoiki kin oil. **7** Ailiñ eo ami e <sup>2</sup>jebeplok; jikin kwelok ko ami emwij tili kin kijeek; eneo ami, ro drua maijet rej kōne iman mejemi, im ej men in jolok einwōt jebeplok kin ro drua maijet. **8** Im lio nejin Zaion emwij likite einwōt juōn imōn kabere ilo bwil in grep, einwōt juōn im ilo jikin kallip in kukōmber, einwōt juōn jikin kwelok emwij nitbwile. **9** Elañe Jeova an jar in tōrinae ko E ar jab likit na iber juōn mōtōn e kanuij drik, je naj kar einwōt Sodōm, im kar lamwōt Gomora.

**10** Komin roñjake nan jen Jeova, kom iroiñ in Sodōm; komin eoroñ kien aruij Anij, komeo ro dri ailiñ in Gomora. **11** Ewi tokjen iba ami men im katok relōn? Jeova ej ba: Emwij Ao kōnan men in katok kijeek sip koman ko, im kioeo jen kiru emwij tābi;

im I jab mōnōnō kake bōtōktōkin kan koman ko, ak lam ko, ak got koman ko. **12** Ke kom iten ber imaō, wōn e ar kajitōkin men in jen peōmi bwe komin etal ilo worwor ko Aō? **13** Komin jab bar bōktok jurtak wan ko; kajurjur ej men in jōjōik iba; aliñ ko rekāl im ran in Sabat, ami nan in jiroñ ñōn kwelok ko, I ban kaberber Iō kake; bwe e nana jar eo e kwojarjar. **14** Ami aliñ ko rekāl im kwojkwōj ko men in likiti, Aō ej drike; rej men in kejjoran Iō; Ij mōk in kaberberi. **15** Im ñe komij erlokwe peōmi, I naj binej meja jen kom; aet, ñe komij kōmōn elōñ jar, I jamin eoroñ: peōmi re lōñ kin bōtōktōk. **16** <sup>1</sup>Komin kwol kom, komin karreoik kom; komin jolok nana in kōmōn ko ami jen iman meja; en jokwōr ami kōmōn nana; **17** komin katak in kōmōn emōn; komin kabukot men in jime; komin jibōñ ro dri kamakoko, komin ekajet kin ro ejoko jemeir, komin akwelap kin lio e joko belen.

**18** Komin itok kiō, im jen kalomōnlokjen iben dron, Jeova ej ba: meñe ami bwir rej einwōt men in jurjur, re naj mouj einwōt sno; meñe re kilmir im akōñkōñ, re naj einwōt kolan sip. **19** Elañe komij joij in kōnan bokake, kom naj mōña men emōn in eneo: **20** a elañe komij abwin im kabata, jāji eo e naj kōñ kom: bwe loñin Jeova ej konono men kein.

**21** Yok, jikin kwelok e kin tiljek ej einwōt kōra ekijoñ! eo e kar obrōk kin ekajet jime! men in jime e kar berwōt illoan, a kiō ro dri uror. **22** Am silver ej erom oo, am wain e kabodren. **23** Iroiñ ro am rej dri kabata im ro jeran dri kwot rōn; ir otemjej rej yokwe wōnan kabwiloklok mej, im rej lore eamtair: re jab

<sup>1</sup> Jap. 6. 13. <sup>2</sup> L. v. 26. 37.

<sup>1</sup> Sam 26. 6.



ekajet kin ro ejelok jemeir, im men ko an lio e joko belen e jab itok imair.

24 Kin men in, Iroi j eo, Jeova in inelip eo, Eo e Kajur Potata in Israel, Ej ba, Ah, I naj kakijeik Iō jen ro rej jumae Iō, im I naj kwi kin ro dri kijirāte Iō; 25 im I naj ukot peiō iom, im I naj kanuij karreoik am oo, im bōk jen kwe aolepen am ken kāre; 26 im I naj karōk dri ekajet ro am einwōt mokta, im dri bebe ro am einwōt ilo jinoin: tokelik I naj naetōm, Jikin kwelok e kwojarjar, jikin kwelok e tiljek. 27 Naj binmour kake Zaion kin ekajet jime, im ro rejoktōk nōn e kin men in jime. 28 A naj kokkure ro dri bwir im ro dri jera-wiwi iben dron, im maj tili ro rej illok jen Jeova. 29 Bwe re naj jok kin wijki ok ko kom ar kōnan, im kom naj jok kake kin jikin kallip ko kom ar kāleti. 30 Bwe kom naj einwōt juōn wijki ok bwilikin ej aimerlok, im einwōt juōn jikin kallipejelok dren iben. 31 Im eo dri kajur e naj einwōt jit, im jermal eo an einwōt melle emour; im irro naj urur iben dron, im ejelok juōn e naj kwune.

2 Nan eo Aiseia nejin Emoz e ar loe kin Juda im Jerusalem.

2 Im ilo ran ko eliktata, tol in imōn Jeova naj kabin e ilo jabōn tol ko, im naj koutiej e ilōnin tol ko redrik; im ro dri ailiñ ko re naj ibwep-tok nōn e. 3 Im elōñ dri ailiñ re naj ilen ba, Komin itok, im jen wōnliñlok nōn tol an Jeova, nōn imōn Anij an Jakob; im E naj katakin kij kin ial ko An, im je naj etetal ilo ial ko An: bwe jen Zaion kien eo e naj drioi jlok, im nan an Jeova jen Jerusalem. 4 Im E naj ekajet ikotan ro dri ailiñ ko, im E naj bebeik kin elōñ jar in armij rōn; inem re naj wure jāji ko air ilo plau ko, im mōri ko air ilo ken bukwe ran wijki ko; ro dri ailiñ re jamin kwotōke jāji nae ro dri ailiñ, im e naj mwij air katak tōrinae.

5 O imōn Jakob, komin itok, im jen etal ilo maram jen Jeova. 6 Bwe Kwar illok jen rodri ailiñ Am, mweo imōn Jakob, kin air obrōk kin mōnit

ka.jen rear, im rej dri marmir einwōt ro dri Pilistia, im rej kaitak pein ro nejin ro drua maijet. 7 Im eneo air ej obrōk kin silver im gold, im ejelok jemlokōn mweiuk ko air; eneo air e obrōk kin ors ko, im ejelok jemlokōn jariot ko air. 8 Eneo air e barein-wōt obrok kin ekjōp ko; rej kabuñ nōn men eo iltan peir, men eo arrin peir rar kōmōnmōne. 9 Im armij eo etā ej barikrik, im armij e utiej em-wij kōtaik e: kin men in Kwon jab jolok air bwir. 10 Kwon dreloñ ilo dreka eo, im kwon tilekek ilo bōñōl-nōl, jen iman men in kaleññ an Jeova, im jen aibujuij in utiej. 11 Im naj kōtaik mejen utiej an armij ro, im jua in armij rōn naj kumwil, im Jeova wōt E naj utiej ilo ran eo.

12 Bwe eor ran an Jeova in inelip, e naj ion aolepen eo e jua im e utiej buruen, im ion aolepen eo emwij koutiej e; im naj kōtaik e; 13 im ion wijki aik otemjej in Lebanon, ko re utiej im etoliñlok, im ion wijki ok otemjej in Beshan, 14 im ion tol otemjej re utiej, im ion tol redrik etoliñlok otemjej, 15 im ion imōn bar otemjej re utiej, im ion worwor otemjej re pojōk nōn tōrinae, 16 im ion wa otemjej wan Tarshish, im ion men in e otemjej remōn wōt. 17 Im naj kōtaik utiej an armij rōn, im naj kōtaik jua elap an armij ro; im naj koutiej Jeova wōt ilo ran eo. 18 Im ekjōp ko re naj joko otem joko. 19 Im armij re naj dreloñlok na ilo roñ ko in dreka, im ilo roñ ko ilo lōl, jen iman men in kaleññ an Jeova, im jen wuj in utiej, ñe Ej jerkak in tūñtūñ in kamōkit lōl. 20 Ilo ran eo armij re naj jolok ekjōp silver ko air, im ekjōp gold ko air, ko emwij kōmōnmōn nōn ir kin kabuñ, nōn kijrik ko im bāt ko; 21 bwe ren dreloñlok ilo roñ in dreka ko im ilo ikōk ko in dreka ko ijo e rup wōt, jen iman men in kaleññ an Jeova, im jen wuj in utiej, ñe Ej jerkak in tūñtūñ in kamōkit lōl. 22 Komin jolok ami liki armij, eo meno-noñ ilo bodin; bwe kom maroñ kau-rōk e kin ta?

**3** Bwe, lo, Iroi j eo, Jeova in inelip eo, Ej bōk jen Jerusalem im jen Juda ken jibōñ im jokwōn, aolepen ekōn ken jibōñ, im aolepen dren ken jibōñ; **2** armij eo e kajur, im armij in tōrinae; dri ekajet eo, im dri kanan, im dri marmir, im ridto ro; **3** kapen in limñoul, im armij e utiej, im dri bebe, im dri jermal e mejerik, im dri anijta. **4** Im I naj lelok ajiri ro bwe ren iroi j ioir, im niñniñ ro re naj air kiñ. **5** Im armij ro re naj kamakokoik ir, jabrewōt kin bar juōn, im jabrewōt kin dri turin: ajiri erik e naj kōmōn jua nae lōlap eo, im eo etā nae eo e utiej. **6** Ne juōn eman ej jibwe leo jein im jatin iloan mweo imōn jemen, im ba, Kwe eor nuknuk ibōm, kwon iroi j iom, im men in jebeplok in en ber iomin peōm; **7** ilo ran eo e naj koutiej ainiken, im ba, I jamin dri uno; bwe ilo mweo imō ejelok ekōn ak nuknuk: kom jamin kōmōn iō iroi j ion armij ro. **8** Bwe emwij kokkure Jerusalem, im e buñ Juda; bwe loir im kōmōn ko air rej nae Jeova, bwe ren kakitōtōdik mejen re aibujuij. **9** Wāwen turin mejeir rej kennan nae ir; im rej kwalok air bwir einwōt Sodom, im re jab noje. Wo ñōn air! bwe rar kōmōn nana ñōn ir mōke. **10** Komin ba kin dru wānik eo, bwe e naj emōn iben; bwe re naj mōña leen kōmōn ko air. **11** Wo ñōn dri nana eo! jorran e naj iben; bwe men eo pā ko pein rar kōmōn, naj kōmōn ñōn e. **12** Kin ro dri ailiñ Aō, ajiri rej dri kamakokoik ir, im kōra ro rej kiñ ioir. O ro dri ailiñ Aō, ro rej tel yuk rej kabwir yuk im kokkure ial in etetal ko am.

**13** Jeova ej jutōk bwe en jumae, im Ej jutōk bwe En ekajete ro dri ailiñ ko. **14** Jeova e naj jino An ekajete ridto ro an ro dri ailiñ An, im iroi j ro an: Komeo kom ar kōñi bwil in grep eo; men in rakim jen ro dri jeramel ej ilo mo ko imwemi: **15** komij it ñe kom kobare ro dri ailiñ Aō, im kokkure turin mejen ro dri jeramel? Iroi j eo ej ba, Jeova in jar in tōrinae ko.

**16** Bar juōn, Jeova e ar ba, Kin an

limaro nejn Zaion koutiej burueir, im etetal in kōnōk kenwair im mejeir re ejej, im ilo air etetal rej kakaruluk jetñakin neir, im kajōñjōñ men ko ilo neir; **17** kin men in, Iroi j eo e naj mōn kin juōn ellen, moñen limaro nejn Zaion, im Jeova e naj kalikar tōmweir. **18** Ilo ran eo Jeova e naj bōk jen ir wolio an luko ko i kōbkōb in neir, im ok ko, im inōk ko wāwen aliñ ekāl; **19** men in totoik ko, im luko in peir, im veil ko; **20** im men in belbil ko, im to in kōbkōb in neir, im kōñōr ko, im nien ko nien ñōj, im men in marmir ko; **21** luko ko, im men ko men in kalitlit bodir; **22** nuknuk in kwojkwōj ko, im mantel ko, im koj ko, im bōjo ko; **23** im kapjur in peir, im linen kworairik, im rojen bōrair, im men ko ken binej mejeir. **24** Im ber inem men ko re mor re naj binej spais ko re ñōj; im to e naj binej jenkwōn kōñōr; im kwumāt e naj binej jenkwōn kolan bōrair; nuknuk eklep iren e naj binej jenkwōn nuknuk e aibujuij; im tile e naj binej jenkwōn dreo. **25** Man ro am re naj buñ kin jāji, im ro re kajur am ilo tōrinae. **26** Im kejem ko an re naj limo im jōñ; im lio e naj lemō-

**4** jor, im e naj jijōt ilo brij. **1** Im jiljilimjuōn kōra re naj jibwe juōn eman ilo ran eo, im ba, Kim naj mōña am ekōn, im kōnōk nuknuk ko am: men in wōt, kimin marōk jen etōm; kwon bōk jen kim men in kinak. **2** Ilo ran eo, <sup>1</sup>ajibeo an Jeova e naj wolio im aibujuij, im leen eneo e naj emōn im woleo ñōn ro dri ko ian ro dri Israel. **3** Im e naj ein drein, eo emwij likit e ilo Zaion, im eo ej berwōt i Jerusalem, najnaetan armij eodri kwojarjar, aet, jabrewōt eo emwij jeje iben ro dri mour i Jerusalem; **4** ñe emwij an Jeova kwolilok brijrij an limaro nejn Zaion, im mwijin An karreolok bōtōktōkin Jerusalem jen bwiljin, kin jitōb in ekajet, im kin jitōb in tile. **5** Im Jeova e naj kōmōn ilōñin aolepen jikin jokwe an tol in Zaion, im ilōñin jar ko An, juōn kōro im bat ilo ran, im romak in kijeeek e urur ilo

boñ; bwe ilōnin aolepen, E najerlokwe aibujuij eo kin ken kalibubu. 6 Im e naj or imōn kabēr, ilo ran, ken kalur jen bwil, im juōn jikin kone im ken binej jen lañ im wut.

5 Ña in al ñōn eo Jitenburu iba juōn al kin Dri Jitenburu eo, im katōbtōbe bwil in grep eo an. Iben eo Dri Jitenburu juōn <sup>1</sup> bwil in grep ilo juōn tol e kanuij kouwa: 2 im E ar kōbije, im Ej aini dreka ko jen jikin kallip eo An, im E ar kallip ie vain e kanuij emōn, im E ar kalek juōn imōn ebar ilo bwiljin, im E ar jekjek juōn ken joniōk grep iloan: inem E ar kōtōmene bwe e naj jebar grep emōn, im e ar jebar grep wan.

3 Inem kiō, O dri Jerusalem, im armij in Juda, komin <sup>2</sup> ekajet, Ij kajitōk ibemi, ikotaō im bwil in grep eo Aō. 4 Re maroñ kōmōn ta ñōn bwil in grep eo Aō, im Ña I jañin kōmōne? inem etko ke I ar kōtōmene bwe e naj jebar grep ko, e ar jebar grep ko rewan? 5 Im kiō I naj kennanek kom ta eo I naj kōmōne ñōn Aō bwil in grep: I naj bōk jen worwor eo an, im naj kōñe wōt; I naj jolōllok worwor dreka eo an, im naj jure: 6 im I naj kokkure; re jamin karreoi e ak kōbije; a e naj edreklok mār kuj im kāluliklik ko: I naj bareinwōt jiroñ kōro ko bwe ren jab kowut ion. 7 Bwe bwil in grep an Jeova in inelip eo, ej mweo imōn Israel, im armij in Juda ājib emōn eo An: im E ar kōtōmene kin ekajet jime, a, lo, kaiñtan; kin men ko re jime, a, lo, juōn lamij.

8 Wo ñōn ro rej kobaik mweo ñōn mweo, ro rej likit jikin kallip iturin jikin kallip, mae ien ejelok jikin, im rej kōmōn bwe komin mōke iam i jokwe ilujen eneo! 9 I lojiliñiō, Jeova in inelip eo Ej ba, Emol elōñ mo ko re naj men in kokkure, aet, ko relap im remōn, ejelok dri jokwe ie. 10 Bwe joñul eker in bwil in grep e naj jebar juōn bath, im juōn homer in ine e naj jebar juōn wōt epa. 11 Wo ñōn ro rej jerkak ke e jiboñ wōt, bwe ren lore dren in karek; ro eto

air mar ilo boñ mae ien wain ej tile ir! 12 Im harp im lut, tabret eo im paip, im wain, rej ilo kwojkwoj ko air; a re jab lalē jerbal in Jeova, im rar jañin kalomōnlokjen kin men in kōmōn an pein.

13 Kin men in, ro dri ailiñ Aō rar ilok ñōn jebokwe kin air aikwij jela; im armij ro air re utiej rej ñōrlok, im jar eo air e mōra kin air maro.

14 Inem Hedis e ar kalaplok mōmkake eo an, im e ar kabellok loñin in ejelok joñōn; im air aibujuij, im jar eo air, im air wuj, im eo ej lōñliñ iair, rej wōnlōllok ñōn loan. 15 Im armij etā ej barikrik, im emwij kōtaik eo e utiej, im kōtaik mejen ro e utiej burueir: 16 a Jeova in inelip e utiej wōt ilo ekajet jime, im Anij eo Dri Kwojarjar emwij kokwojarjar E ilo jime. 17 Ien eo kon in sip re naj mōña einwōt ilo air melaj, im ene jemaren an ko re mātōk, ro dri jebwābwe re naj kōñi.

18 Wo ñōn ro rej kekube nana kin to ko toñ riōp, im jerawiwi einwōt kin toñ juōn wagon; 19 rej ba, En jarōpmōkōj, im kaiur E ilo jerbal ko An, bwe kimin maroñ in loe; im bebe an Dri Kwojarjar in Israel en druaktok bwe kimin jela kake! 20 Wo ñōn ro rej naetan nana emōn, im emōn ñōn nana; rej likit marok einwōt maram, im maram einwōt marok; rej likit meo einwōt tōñōl, im tōñōl einwōt meo! 21 Wo ñōn ro re meletlet ilo mejeir wōt, im dri jelalokjen ilo air lemnok! 22 Wo ñōn ro re kajur ilo irak wain, im armij elap air maroñ kāreik dren e kajur; 23 ro rej kowānik ro re nana kin juōn wōnan, im bōklok wānik an dru wānik jen e!

24 Kin men in, einwōt urur in kijeek ej kōñi kām menoknok, im einwōt ujoij e mōra ej buñlok ilo urur eo, ein drein okrair e naj einwōt men in mor, im inōk ko leen e naj wōñliñlok einwōt bōñōñōl; kin air jolok kien Jeova in inelip eo, im kōtōrei nan jen Dri Kwojarjar eo an Israel. 25 Kin men in e bwil illu an Jeova nae ro dri ailiñ An, im E ar erlokwe

<sup>1</sup> Matu 21. 33. <sup>2</sup> Matu 21. 40.

pein nae ir, im E ar mōn ir; im tol ko re wuririr, im enbwirir re mij rej einwōt menoknok i bwiljin ial ko. Kin aolepen men in, jañin kajeor illu eo An, a Ej erlok wōt pein.

26 Im E naj leiñiok juōn flag nōn dri ailiñ ko retolok, im E naj teorlok nōn ir jen jabōn lōi; im, lo, re naj jarōpmōkōjtok wōt. 27 Im ejelok iair e naj mōk ak jebebep; ejelok juōn e naj mijki ak kiki; im e jamin mejōl kōñor in ibeir, ak mijkōk toōn juj ko air: 28 im mōri ko air rekōñ, im emwij kiele libon ko air; aki ko an ors ko air einwōt dreka rōl im whil ko air einwōt juōn aire: 29 air nōrñōr e naj einwōt juōn laion kokōra, re naj nōr einwōt jindrikin laion; aet, re naj nōr im jibwe men in rakim eo, im bōklok im ejelok uota, im ejelok juōn dri lomor. 30 Im re naj iñōr nae ir ilo ran eo einwōt nōrñōr in lojit: im elañe juōn ej reilok nōn eneo, lo, marok im iñtan; im emwij kamarok maran ilo kōro ko an.

6 Ilo yiō eo ke Uzzaia e mij, I ar lo Iroi j eo ej jijōt ion juōn tron, e utiejliñlok; im lukku ko An rej kobrōk tempel eo. 2 Iloñin rej jutōk serap ro; iben jabrewōt iair jiljino pein bao; kin ruo e ar binej turin menjen, kin ruo e ar kalibubu neen, im kin ruo e ar kākī. 3 Im juōn e ar kir nōn bar juōn, im e ba, E kwojarjar, E kwojarjar, E kwojarjar, Jeova in inelip eo; aolepen lōl e obrōk kin wuj eo An. 4 Im loñtōn kejem ko re makōtkit kin ainiken eo e ar kir, im mweo e obrōk kin bat. 5 Inem I ar ba, Wo nōn ña! bwe I joko wōt; bwe ña juōn armij etton tien, im I jokwe iben ro dri ailiñ im tier retton: bwe me ja rar lo Kiñ eo, Jeova in inelip eo.

6 Inem juōn ian serap ro e ar kātōk, im juōn melle e bwil ilo pein, eo e ar bōk e kin jabōn pi jen lokatok eo; 7 im e ar likit e ion loō, im e ba, Lo, men in e ar uñir tiōm; inem emwij bōklok am jab wānik, im jolok bwir eo am. 8 Im I ar roñjake ainiken Iroi j eo, im e ba, Wōn eo In jilkinlok e, im wōn eo e kōnan ilok kin

Kim? Inem I ar ba, Ña e; Kwon jilkinlok iō. 9 Im E ar ba, Kwon ilok, im kennanek ro dri ailiñ in, Komij roñjake wōt, a komij jab melele; im komij reilok, a komij jab lo. 10 Kwon tābi buruen ro dri ailiñ in, bwe en erro lojiliñir, im kiñin mejeir, ñe rab lo kin mejeir, im roñjake kin lojiliñir, im jelalokjen kin burueir, im bar oktōk, inem kaejmour ir. 11 Inem I ar ba, Iroi j ie toōn? Im E ar uak, Mae ien emwij kokkure jikin kwelok ko im ejelok dri jokwe ilo air, im mo ko bwe en ejelok armij ie, im eneo en men in joko wōt, 12 im Jeova E ar kamōkit armij nōn ijo etolok, im elōñ jikin ijo ejelok armij ilujen eneo. 13 Im elañe juōn mōtōn joñoul ej berwōt iloan, naj bareinwōt kōñi men eo: einwōt juōn wijki terebinth, im einwōt juōn wijki ok, eo kan eo an ej berwōt ñe emwij juokwe; ein drein ine e kwojarjar ej ilo kan eo an.

7 Im ilo ran ko an Ehaz nejin Jotam, eo nejin Uzzaia, kiñ in Juda, Rizin kiñ in Siria, im Pika nejin Remalaia, kiñ in Israel, rar wōnliñlok nōn Jerusalem bwe ren tōrinaek e, a re ban bōk anjo jen e. 2 Im emwij kennanek mweo imōn Devid, im ba, Siria ej koba iben Ipreim. Inem buruen e wuririr, im buruen ro dri ailiñ an, einwōt wijki ko re wuririr kin kōto.

3 Inem Jeova e ar ba nōn Aiseia, Kwon driojlok kiō in wōnmae Ehaz, kwe im Shear-jashub nejmōm, i jemlōkōn tor an lwe eo e utiej, ilo ial elap an jikin kallip an dri nuknuk kejeje; 4 im ba nōn e, Kwon lale mōk, im kwon jab uota; kwon jab mijōk, im buruōm en jab kijelok kin jabōn kan kein re batat, kin illu elap an Rizin im Siria, im an nejin Remalaia. 5 Bwe Siria, Ipreim, im nejin Remalaia rar bebeik nana nae yuk, im re ba, 6 Jen wōnliñlok nae Juda, im kejjoran e, im jen kōmōn juōn roñ ilo worwor eo nōn kij, im kairoi j juōn kiñ i bwiljin, eo nejin Tabiel; 7 ein drein Iroi j Jeova ej ba, E jamin bin, im e jamin

waloktok. 8 Bwe bōran Siria Damaskōs, im bōran Damaskōs Rizin; im ilo jiljinoñoul lailim yō naj rupe Ipreim, inem e jamin juōn ailiñ: 9 im bōran Ipreim Sameria, im bōran Sameria nejin Remalaia. Elañe kom jab kōnan tōmak, emol kom jamin bin.

10 Im Jeova e ar konono ñon Ehaz, im E ba, 11 Kwon kajitōk juōn kakōle jen Jeova am Anij; kwon kajitōk ilo mulōl eo, ak ilo lōñ. 12 A Ehaz e ar ba, I jamin kajitōk, im I jamin melejoñ Jeova. 13 Im e ar ba, Komin roñjake kiō, O imōn Devid; Ej juōn men erik ke ñe kom kamōk armij rōn, bwe komin kamōk aō Anij bareinwōt? 14 Kin men in Iroi j eo e naj lewoj juōn kakōle: lo, <sup>1</sup> juōn virjin e naj etta, im e naj keutak juōn ladrik, im naj naetan Imanuel. 15 E naj mōña butter im hōnni, ñe e jela drike nana, im kålet emōn. 16 Bwe mokta jen an ajiri in jela drike nana im kålet emōn, eneo ruo kiñin kwoj drike, e naj men in jok. 17 Jeova e naj bōktok iom, im ion dri ailiñ am, im ion imōn jemōm, ran ko re jañin itok, jen ran eo ke Ipreim e ar ilok jen Juda—aet kiñ in Assiria.

18 Im ilo ran eo, Jeova e naj teorlok ñon loñ eo ej ilo mōtōn etoloktata mōtōn river ko in Ijpt, im ñon bi eo ej ilo ene Assiria. 19 Im re naj itok, im re naj jimor ber ilo komlōl ko ejelok armij ie, im ilo roñ in dreka ko, im ion worwor in kälilik otemjej, im ion melaj otemjej.

20 Ilo ran eo Iroi j eo E naj eāl kin juōn rezor emwij kejerbal e kin wōnan, ilo mōtōn ko retolok jen River eo, aet kin kiñ in Assiria, bōran im kolan neen; im e naj kokkure kworeak bareinwōt.

21 Im ilo ran eo, juōn eman e naj kejbārok bwe en mour juōn kau emōn drer im ruo sip; 22 im kin an lōñ milk ibeir, e naj mōña butter; bwe ro emwij likit ir ilujen eneo, re naj mōña butter im hōnni.

23 Im ilo ran eo, jabrewōt jikin, ijo e kar juōn tausan vain kin juōn tau-

san mōtōn silver, e naj ñon mār kuj ko im kälilik ko. 24 Kin mōri ko im libon juōn e naj itok ñon ijo, bwe aolepen ene e naj obrōk kin mār kuj im kälilik ko. 25 Im tol erik otemjej rar kōbije kin mättōk eo, kwo jamin ilok ñon ir kin mijōk mār kuj ko im kälilik ko; a e naj ñon jilkinlok ox ko ie, im ñon juri kin sip ko.

8 Im Jeova e ar ba ñon iō, Kwon bōk juōn ken jeje elap, im jeje ion kin pen in armij, Nōn Meher-shalal-hash-baz; 2 im I naj bōk ñon iba dri kennan re tiljek in jeje kake, Uraia pris eo, im Zekaraia nejin Jeberekaia. 3 Im I ar ilok ñon iben lio dri kanan eo, im e ar etta, im keutak juōn ladrik. Inem Jeova e ar ba ñon iō, Kwon naetan Meher-shalal-hash-baz. 4 Bwe mokta jen niñni eo jela kir, Jema, im, Jinō, I naj bōklok mweujuk ko in Damaskōs im men in rakim in Sameria iman kiñ in Assiria.

5 Im Jeova e ar bar konono ñon iō, im E ba, 6 Kin an ro dri ailiñ in abwin dren ko in Shailo ko rej torlok im jab keroro, im re mōnōñ kake Rizin im eo nejin Remalaia; 7 inem lo, Iroi j eo ej bōktok ioir dren ko in River eo, re kajur im relōñ, kiñ in Assiria im aolepen wuj eo an: im e naj torliñtok ion tor ko an otemjej, im jiōblok i lōñin tōrerer ko otemjej; 8 im e naj tormanlok ñon ilo Juda; e naj jiōblok im driblok; e naj rorotok i kenwan; im an erlokwe pā ko pein e naj kobrōk drilpen eneo am, O Imanuel.

9 Komin keroro, O komeo ro dri ailiñ ko, im komin rup ilo mōtōn ko; im komin roñjake, kom otemjej jen ailiñ ko retolok, komin mōke kañōrñōr, im ren rupi kom; komin mōke kañōrñōr, im ren rupi kom. 10 Komin bebe iben dron, im e naj ejelok tokjen; komin ba nan eo, im e jamin jutōk; bwe<sup>1</sup> Anij ej ibem. 11 Bwe ein drein Jeova e ar ba ñon iō kin pein e kajur, im katakin iō bwe in jab etal ilo ial an dri ailiñ in, im E ba, 12 Komin jab ba, Juōn men in kabata, kin

<sup>1</sup> Matu 1. 28.<sup>1</sup> Rom 8. 31.

men otemjej armij rein re naj ba kake, Juõn men in kabata; im komin jab mijök kin air mijök, im jab lelñõn kake. 13 Jeova in inelip eo, Eo kom naj kokwojarjar E; im En ami men in mijök, im En ami men in lelñõn. 14 Im E naj juõn jikin e kwojarjar; a juõn dreka in lõkatip, im juõn <sup>1</sup> ejman in lõkatip ñõn mo ko ruo in Israel, juõn jen im juõn aluk ñõn ro rej jokwe ilo Jerusalem. 15 Im elõñ re naj <sup>2</sup> lõkatip kin E, im buñ, im rup, im E naj ane ir, im jibwe ir.

16 Kwon lukwoj nan in kennan eo, kwon sil kien eo iben ro dri kalora. 17 Im I naj kõtar Jeova, Eo ej binej turin mejen jen imõn Jakob, im I naj bukot E. 18 Lo, ña im ro nejiõ ro Jeova E ar letok ir ñõn io, kim kakõle im men in bwilõñ ko ilo Israel jen Jeova in inelip eo, Eo ej jokwe ilo tol Zaion.

19 Im ñe re naj ba ñõn kom, Komin kabukot ro eor jitõb ibeir, im ro dri marmir, ro rej ajwewe im oejej: etke juõn ailiñ en jab kabukot air Anij? kin ro re mour ren kabukot ro remij ke? 20 Komin bukot kien eo im nan in kennan eo! elañe re jab konono ekar ñõn nan in, emol ejelok jibõñ ñõn ir. 21 Im re naj driblok ie, im kanuij jorran im kwuli; im ñe rej kwuli re naj aliñõrñõr, im kejerataik air kiñ im air Anij, im ukotliñlok turin mejeir: 22 im re naj reilok ñõn lõl, im lo jorran im marok, boñ im iñtan; im naj ubakelok ir ñõn loan kabin marok.

**9** A e naj ejelok marok ñõn lio e kar ber ilo iñtan. Ilo ien eo mokta E ar kejekron ene Zebulun im ene Naptalai; a ilo ien ebak E ar kaibujuij e, ilo ial in lomalo eo, i Jordan jabueo, Galili an dri ailiñ ko. 2 Ro dri ailiñ eo rar etetal ilo marok, rar lo juõn maram elap: ro rar jokwe i enen lurin mij, maram e ar romak ioir. 3 Kwar korlok ro dri ailiñ eo, Kwar kalõñlok air lõñliñ: rej lõñliñ imam einwõt lõñliñ ilo ien marmir, einwõt armij rej lõñliñ ke rej ajej men in rakim. 4 Bwe ine eo an

im erro, im jokwõnõn aieran eo, alal eo an dri kamakokoik e, emwij Amruji einwõt ilo ran eo an Midian. 5 Bwe aolepen ken tõrinae ko an dri tõrinae ilo iruij eo, im nuknuk ko emwij kadrebillok ilo bõtõktõk, re naj tile, ñõn kane in kijeek. 6 Bwe ñõn kij e lotak <sup>1</sup> juõn Ladrik, ñõn kij emwij letõk juõn Nejer Man; im kien e naj ber ion aieran: in naj naetan Lukuwõn monmon, Dri Bebe, Anij e Kajur Potata, Jemen ien in drio, Iroi in Ainemõn. 7 E naj ejelok jemlokõn orlok in men in iroi in eo An im inemõn, ion tron eo an Devid, im ion men in kiñ eo an bwe En kabin e, im bwe En jibõñ e kin ekajet jime im wãnik jen ien in im ñõn in drio. Kijejeto an Jeova in inelipeo e naj kõmõn men in.

8 Iroi eo E ar jilkinlok juõn nan ñõn ilo bwiljin Jakob, im e ar jok ion Israel. 9 Im armij otemjej re naj jela, Ipream im eo dri jokwe i Sameria, ro re ba ilo air jua im bin buruen, 10 Re wutlok brik ko, a kim naj kalek kin dreka emwij jeki; emwij juokwe wijki sikomor ko, a kim naj binej jenkwair kin aik. 11 Kin men in Jeova e naj koutiej nae e ro dri kijirãte Rizin, im naj biuktõki ro dri jumae e, 12 ro dri Siria iman, im ro dri Pilistia elikir; im re naj walõñi wõt im kõñ Israel. Kin aolepen men in jañin kajeor illu eo An, a Ej erlok wõt pein.

13 Ijoke, ro dri ailiñ rar jab oktõk ñõn eo E ar mõn ir, im rar jab bukot Jeova an jar in tõrinae ko. 14 Kin men in, Jeova e naj bukwelok jen Israel bõran im lokõn, ran pam in koba, ilo juõn wõt ran. 15 Elder eo im armij e utiej, bõran; im dri kanan eo ej katak kin nan in riõp, lokõn. 16 Bwe ro rej tel armij rein rej kabwir ir; im kokkure ro emwij tel ir kake. 17 Kin men in, Iroi eo e jamin lõñliñ ion likao ro air, im E jamin tiriamokake ro atajinemjin im kõra ro ejoko beleir, bwe jabrewõt iair e dri kõtõrei kien in dri kõmõn nana, im loñim otemjej rej konono bata. Kin aolepen

<sup>1</sup> Luk 2. 34. <sup>2</sup> Rom 9. 32

<sup>1</sup> Luk 4. 11.

men in, jañin kajeor illu eo An, a Ej erlok wõt pein.

18 Bwe nana ej urur einwõt kijeek; ej kõñ mār kuj im kälilik ko; aet, ej jirebe bukwõn wijki ko, im rej wõn-liñlok ilo juõn jur bat. 19 Kin illu an Jeova emwij kalok eneo; im armij ro einwõt kane ñõn kijeek eo: ejelok armij ej tiriamokake jeim in jätin. 20 Im juõn e najkwotak i anbijmaro-ñõn, im e kwuli wõt, im e naj mõña i anmiñin, im re jamin māt: jabrewõt iaer e naj mõña kõniekin pein; 21 Menassa, Ipreim; im Ipreim, Menassa; im irro re naj jimor nae Juda. Kin aolepen men in, jañin kajeor illu eo An, a Ej erlok wõt pein.

10 Wo ñõn ro rej<sup>1</sup> kwalok ekajet ko re jab jime, im ñõn ro dri jeje rej je men in bõt; 2 bwe ren kajeor ro dri aikwij jen ekajet jime, im bwe ren rakimi ro dri jeramel ian ro dri ailñ Aõ, im bõk men ko air, bwe limaro e joko beleir ren men in rakim eo air, im kõmõn bwe ro e joko jemeir ren air men in jibwe! 3 Im komin it ilo ran in bukotwoj kom, im ilo kokkure eo e naj itok jen etolok? im kom naj koon wõn bwe en jibõñ kom? im kom naj likit ami aibujuj ia? 4 Re naj barikrik iomin ro dri jebokwe, im naj buñ iomin ro mijijak. Kin aolepen men in, jañin kajeor illu eo An, a Ej erlok wõt pein.

5 Wo ñõn kwe Assiria, alal in Aõ illu, jokwõn eo ilo peõm Aõ libõpne in illu! 6 I naj jilkinlok e nae juõn ailñ e nana, im nae ro dri ailñ Ij illu ñõn e I naj jiroñ e bwe en bõk men in rakim, im bwe en bõk men in jibwe, im bwe en jure ir einwõt brikõt ilo ial ko. 7 Ijoke, e jab ein drein lemnok eo an, im e jab einwõt an bebe ilo buruen; a ej ilo buruen bwe en kokkure, im bukwelok ro dri ailñ re jab eiet. 8 Bwe e ba, Iroi ro aõ ir otemjej re jab kiñ ke? 9 Kalno e jab einwõt Karkimish ke? Hemat e jab einwõt Arpad ke? Sameria e jab einwõt Damaskõs ke?

<sup>1</sup> Sam 94. 20.

10 Einwõt peiõ e ar lo ailñ in kiñ ro an ekjõp ko, im air men in e ko jekjek remõn jen ko i Jerusalem im Sameria; 11 etke in jab kõmõn ñõn Jerusalem im ekjõp ko an, einwõt I ar kõmõn ñõn Sameria im ekjõp ko an?

12 Kin men in e naj ein drein, ñe emwij an Iroi j kõmõn aolepen jermal eo An ion tol Zaion im ion Jerusalem, I naj mõn leen buru ebin, buruen kiñ in Assiria, im aibujuj an mejen re utiej. 13 Bwe e ar ba, Kin kajur in peiõ I ar kõmõne, im kin aõ meletlet; bwe jelalokjen iba: im I ar kamõkit tõreren an ro dri ailñ ko, im I ar rakimi mweiuk ko air, im einwõt juõn dri kajur e beran, I ar bõklõllok ro rej jijõt ion tron ko: 14 im peiõ e ar lo, einwõt juõn el, mweien ro dri ailñ ko; im einwõt juõn ej aini lip ko emwij likiti, ein drein I ar aini aolepen löl: im ejelok juõn e ar kamõkit pein, ak walõni loñin, ak ajewe.

15 Ulul en jualõñlõñ nae eo ej jekjek kake ke? jirben en mõke koutiej e nae eo ej kõmõn kake ke? einwõt juõn alal e naj kejerbal ro rej kwõtõke ak elañe juõn jokwõn e naj kwõtõk eo e jab mõtõn wijki. 16 Kin men in, Iroi eo, Jeova in inelip eo, E naj jilkinlok ñõn iben ro re mättõk bwe ren biñi; im iomin wuj eo an naj kejo juõn urur einwõt urur in kijeek. 17 Im maram in Israel e naj ñõn juõn kijeek, im Dri Kwojarjar eo An ñõn juõn urur; im e naj tile im kõni kälilik ko an im mār kuj ko an ilo juõn ran. 18 Im E naj kõni wuj in wijki ko an, im jikin kallip e kouwa, an kab enbwinin, im e naj einwõt ke juõn ej bõklok flag ej kijelok. 19 Im bwen wijki ko an ilo bukwõn wijki eo an re naj eiet, inem juõn ajiri e maroñ in je ir.

20 Im ilo ran eo, mõtõn iri jen Israel, im ro rar ko an imõn Jakob, re jab maroñ in bar atartar ion eo e kar mõn ir, a re naj atartar ion Jeova, Dri Kwojarjar eo an Israel, ilo mol. 21 Im juõn men in ber e naj jeblak-tok, aet bwen eo an Jakob, ñõn Anij

e kajur potata. 22 Bwe meñe ro dri ailiñ am, O Israel, rej einwöt bok in lometo, eiet wöt re naj jehlaktok: juön kokkure emwij bebe kake, elöñ mejrirjir kin wänik. 23 Bwe juön jemlokön emol, im eo emwij bebe kake mokta, Iroi, Jeova in inelip eo E naj kömöne ilujen aolepen löl.

24 Kin men in, ein drein Iroi, Jeova in inelip eo E jba, O ro dri ailiñ Aö rej jokwe ilo Zaion, komin jab mijök dri Assiria, meñe ej mön yuk kin alal eo, im kwotök jokwönön nae yuk, wäwen wöt Ijpt. 25 Bwe jirik wöt ien inem naj kajemlok illu eo nae yuk, im Aö illu e naj ilen mön e. 26 Im Jeova inelip eo in e naj biuktök nae e juön ken dreñdreñ, einwöt ilo air mön Midian iturin dreka in Oreb: im alal eo an e naj ion lojit, im E naj kwotöke einwöt Ijpt. 27 Im ilo ran eo, ine eo an e naj joko jen aieran, im ine eo an jen kenwan, im naj kokkure ine eo kin mättök.

28 E ar itok nön Aiat, e ar driblok Migron; ej likit ine ko an i Mikmash; 29 rar ilok ilo ilo eo ion toleo; rej berwöt i Giba; Rema ej wuririr; Gibea an Saul e ar ko. 30 Kwon lamij kin ainikiöm, O lio nejin Gallim! kwon roñjake, O Laisha! wo nön kwe, O Anatot dri jorran! 31 Madmina e dri ko; ro dri Gibim rej ko bwe ren jab jorran. 32 Ranin wöt e naj jokwör i Nob: ej kamökit pein nae tol in lio nejin Zaion, tol an Jerusalem.

33 Lo, Iroi, Jeova in inelip eo, E naj bukwe lok ran kin lelñöñ: im ro re utiej im aitok naj juok ir, im naj kötaik ro re utiej wöt. 34 Im naj juokwe wijki ko re kut kin mäl, im Lebanon e naj buñ kin juön dri kajur.

**11** Im juön 'ajib e naj walok jen kejinelap in Jesse, im juön ra jen okar ko an e naj jebar leen. 2 Im Jitöb ön Jeova e naj ber ion, jitöb in meletlet im jela lokjen, jitöb in bebe im kajur, jitöb in jela im mijök Jeova. 3 Im An löñliñ e naj ilo mijök Jeova; im E jamin ekajet kin an mejen loe, ak bebeik kin an lojiliñin roñjake; 4 a kin wänik E naj

ekajete ro dri jeramel, im bebeik kin jime nön ro dri etä buru in eneo; im E naj mön löl in kin alal in loñin; im kin menonoñ tien E naj mön ro dri nana. 5 Im wänik e naj köñör in enbwinin, im tiljek köñör in ibin.

6 Im kiru 'wulf e naj jokwe iben lam, im kiru leopard e naj babu iben kon in got; im kon in kau im laion emön ridtön im kau e mättök, iben dron; im juön ajiri erik e naj tel ir. 7 Im kau im kiru baer re naj möña; im kon ko air re naj babu iben dron; im kiru laion e naj möña kän in wit einwöt juön ox. 8 Im niñniñ e naj kure ion roñ in asp, im niñniñ eo emwij kalikitite e naj likit pein ion roñ in adder. 9 Re jamin kaiñtan ak kokkure ilo aolepen tol e kwojarjar eo Aö; bwe löl e naj obrök kin jela Jeova einwöt dren ko rej kalibubu lojit.

10 Im ilo ran eo okran Jesse, eo ej jutök einwöt juön flag nön ro dri ailiñ ko, nön E ro dri ailiñ re naj bukottok; im jikin kakije eo An e naj aibujuuj.

11 Im ilo ran eo, Iroi, Jeova e naj kötellok pein alen ken ka ruo bwe En bukottok bwen ro dri ailiñ eo An, ro rej berwöt, jen Assiria, im jen Ijpt, im jen Patros, im jen Kush, im jen Ilam, im jen Shainar, im jen Hemat, im jen ailiñ ko in lojit. 12 Im E naj leliñlok juön flag nön dri ailiñ ko, im E naj kokweloktok ro dri jibliklik in Israel, im teltitok ro dri jibliklik in Juda jen emen jabön löl. 13 Bareinwöt junmar an Ipreim e naj joko, im naj bukwe lok ro rej kejjorran Juda: Ipreim e jamin junmare Juda, im Juda e jamin kakitötöik Ipreim. 14 Im re naj kälöllok ion aieran ro dri Pilistia i kabilüñ; re naj jimor rakim ro nejin rear: re naj kötellok peir ion Idöm in Moab; im ro nejin Ammon re naj bokake ir. 15 Im Jeova e naj kokkure wöt loen lometo in Ijpt; im kin an köto ebwil E naj kabelbel pein ilöñin River eo, im E naj mön e ilo jiljilimjuön river redrik, im kömöñ bwe armij ren elälök im möra neir.

<sup>1</sup> Jap. 4. 2

<sup>1</sup> Jap. 66. 25.



16 Im e naj juōn ial elap nōn ro bwen dri ailiñ eo An, ro rej berwōt, jen Assiria; einwōt juōn eo e ar berwōt nōn Israel ilo ran eo ke e ar wōnliñtok jen enen Ijpt.

12 Im ilo ran eo kwo naj ba, I naj kamolol Kwe, O Jeova; bwe mefe Kwar illu nōn iō, emwij kajeorlok Am illu, im Kwoj kainemōn iō. 2 Lo, Anij ej aō men in lomor; I naj liki E, im I jamin mijōk: bwe Jeova, aet Jeova, ej aō kajur im aō al; im Ej aō men in lomor. 3 Kin men in, kom naj itōk dren jen aibij in lomor. 4 Ilo ran eo kom naj ba, Komin kamolol Jeova, kir etan, kwalok men in kōmōn ko An iben dri ailiñ ko, komin ba bwe e utiej wōt etan. 5 Komin al nōn Jeova; bwe E ar kōmōn men ko remōn; ren jela men in ilo aolepen lōl in. 6 Kwon koutie ainikiōm im lamij, kwe dri jokwe i Zaion; bwe elap ilo kwe Dri Kwojarjar in Israel.

13 Lomijen Babilon eo Aiseia enjin Emoz e ar loe.

2 Komin kajutōk juōn flag ion tol eo e kelwan, koutiej ainikiōm nōn ir, komin jeal, bwe ren dreloñlok na ilo kejem ko an iroi j rōn. 3 Emwij Aō jiroñ ro rar mōke aje ir nōn Iō, aet, I ar kirtok armij ro Aō re kajur kin Aō illu, im Aō dri jualōñlōñ. 4 Ainiken juōn jar ion tol ko, einwōt ro dri ailiñ elap! ainiken iroi j in ailiñ ko, ailiñ in kiñ in armij rōn emwij kokweloklok ir iben dron! Jeova in inelipeo Ej teltitok jar eo nōn tōrinae eo. 5 Rej itok jen juōn ailiñ etolok, jen mōtōn lōñ etoloktata, aet Jeova wōt, kab ken tōrinae in illu eo An, bwe En kokkure aolepen eneo.

6 Komin jōñ; bwe ran in Jeova ej ebak; e naj itok einwōt ken kokkure jen Eo e Kajur Potata. 7 Kin men in, pā otemjej re naj mōjino, im bu-ruen jabrewōt armij e naj unlok: 8 im re naj tūñtūñ in lelōñ; iñtan ko im buromōj re naj jibwe ir; re naj iñtan einwōt juōn kōra ilo mejōljōlok: re naj reilok nōn dron kin bwilōñ; mejeir re naj mejen urur. 9 Lo, ran

[Marshall Islands.] 21

in Jeova ej itok, e lej, im iben illu im illu e bwil; bwe En kōmōn eneo men in kokkure, im bwe En kokkure ro dri jerawiwi jen e. 10 Bwe iju ko ilōñ im bukwi ko an re jamin kwalok air maram; im naj kamarok al ilo drioiñlok eo an, im aliñ e jamin romak.

11 Im I naj mōn dri lōl kin air nana, im ro dri bwir kin air jerawiwi; im I naj kōmōn bwe en jokwor jua an ro e utiej burueir, im I naj kōtaik jua elap an ro rej kemjōk wōt. 12 Im I naj kōmōn juōn armij bwe wōnan elaplok jen gold in Opir. 13 I naj kōmōn bwe lōñ ko ren wuririr, im I naj kamōkit lōl jen jikin, ilo illu an Jeova in inelip eo, im ilo ran in illu e bwil eo An. 14 Im einwōt kiru ko rej lukworkwore, im einwōt sip ko ejelok armij ej aini, re naj oktōk jabrewōt armij nōn dri ailiñ an, im re naj ko jabrewōt armij nōn eneo an. 15 Re naj wākare armij otemjej rej loi; im jabrewōt eo rej jibwe e naj buñ kin jāji. 16 Naj jolōllok niñniñ ro nejir im ekababe iman mejeir; naj rakimi mo ko imweir, im katton limaro beleir.

17 Lo, naj biuktōk ro dri Midia nae ir, ro re jamin lemnok kin silver, im gold re jamin mōnōnō kake. 18 Im libon ko air re naj ekababe likao ro; im re jamin tiriamokake leen loje; mejeir re jamin kōtlok ajiri ro. 19 Im Babilon, aibuuj in ailiñ ko, men in wolio im jua an dri Kaldia, e naj einwōt ke Anij e ar kokkure Sodōm im Gomora. 20 E jamin bar jikin jokwe, im armij re jamin ber ijo jen ebeben nōn ebeben, im dri Arabia e jamin kajur im nuknuk eo an ijo; im ro dri lale sip re jamin kababu bwij ko air ijo. 21 A kiru ko rawia jen ene jemaren re naj babu ie; im mo ko imweir re naj lōñ kin kiru ko re nana; im ostri j ko re naj ber ie, im got ko rawia re naj eep ie. 22 Im kiru wulf re naj jōñ ilo imōn bar ko air, im jakol ko ilo mo ko remōn imōn iroi j: im ien eo an ebaktok, im jamin kaitoklok ran ko an.

14 Bwe Jeova e naj tiriamokake Jakob, im E naj bar kålet

Israel, im likit ir ilo eneo air: im dri itoitök eo e naj koba ibeir, im re naj edrep ñon mweo imõn Jakob. 2 Im ro dri ailin re naj bök ir, im añinlok ir ñon jikir; im imõn Israel e naj drebij ir dri korijer man im kõra ilo enen Jeova: im re naj kajebokweik ro rar kajebokweik ir mokta; im re naj iroi j ion ro rar kamakokoik ir.

3 Im ilo ran eo ñe Jeova e naj lewoj ñon kwe kakije jen am buromõj im jen am jorran, im jen korijer elap emwij kar kõmõn bwe kwon korijer kake, 4 kwo naj kwotök parebõl in nae kiñ in Babilon, im ba, Yok, e joko dri kamakoko eo! e joko jikin kwelok gold eo! 5 Jeova e ar ruje jokwõnõn dri nana eo, septer an iroi j ro; 6 rar mõn armij ro kin illu kin dribitbit ien otemjej, rar iroi j ion ro dri ailin ko ilo illu, kin juõn matõrtõr ejelok juõn e ar bõpraek. 7 Aolepen löl ej kakije, im ej tõt wõt: rej kalaplok air al. 8 Aet, wijki för ko rej lõnlin kake yuk, im aik ko i Lebanon, im rej ba, Jen ke emwij kõtaik yuk, ejelok dri jekjek e ar wõnlin tok nae kim. 9 Hedis jen ilöl ej bañwõlnwõl mae yuk ilo am itok; ej biuktöki ro remij ñon kwe, aet, ro re utiej in löl; e ar kajutök jen tron ko air kiñ ro otemjej an dri ailin ko. 10 Ir otemjej re naj uak im ba ñon yuk, Im kwe kwo bar mõjino einwõt kim ke? 11 Ar bõklõllok am men in aibujuij ñon Hedis, im ainiken ken kajõnjõn ko am: emwij erre iomõm kin likakrök, im likakrök ko rej kalibubu yuk.

12 Yok! emwij am buñlok jen lõn, O iju ran, nejin jiboñ! emwij buk-wõllok yuk ñon brij, kwe kwar kõtaik ro dri ailin ko! 13 Im kwar ba ilo buruõm, I naj wõnlinlok ñon lõn, I naj lelinlok aõ tron ilõnin iju ko an Anij; im I naj jijõt ion tol in kwelok ko, ilo mõtõn ko etoloktata iuñ; 14 I naj wõnlinlok ilõnin kõro ko; I naj mõke kõmõn iõ einwõt Eo e Utiej-tata. 15 Ijoke, naj bõklõltok yuk ñon Hedis, ñon mõtõn ko retoloktata in roñ eo. 16 Ro rej lo yuk re naj kalimjek yuk, re naj lemnok kake yuk, im ba, E in armij eo e ar kõmõn bwe

löl en wuririr, e kar kamakõtkit ailin in kiñ ro ke; 17 eo e ar kõmõnmõn löl einwõt ene jemaren, im e ar ke-jebeplik jikin kwelok ko an; e ar jab kötlok ro dri jebokwe ñon kabijuknir? 18 Kiñ ro otemjej an ro dri ailin ko, jabrewõt iair, rej kiki ilo aibujuij, jabrewõt ilo mweo imõn. 19 A emwij jolok yuk jen wuliej eo am einwõt juõn ra men in jöjök, kanuknuk yuk kin mijijak ro, emwij wākari kin jā-ji, rej wõnlõllok ñon dreka ko in roñ eo; einwõt juõn ub jure iomin ne. 20 Kwo jamin kallip ibeir, bwe kwar kokkure eneo am, kwar mõn ro dri ailin am; re jamin Kabuñbuñ inen ro rej kõmõn nana ñon in drio.

21 Komin kapojök ken iri ñon ro nejin kin bwir ko an ro jemeir, bwe ren jab jerkak, im bök löl, im kobrök mejen löl kin jikin kwelok ko. 22 Im I naj jutök nae ir, Jeova in inelip eo Ej ba, im bukwe jen Babilon etan im mõtõn, im nejin kab jibwin, Jeova ej ba. 23 I naj bareinwõt kõmõn e jikin kiru porkupain, im lwe ko in dren: im I naj bioklok im kokkure e, Jeova in inelip eo ej ba.

24 Jeova in inelip eo e ar kanõjni, im ba, Emol, einwõt I ar lemnok, ein drein e naj walok; im einwõt I ar bebe kake, ein drein e naj bin: 25 bwe In ruji dri Assiria ilo eneo Aõ, im ion tol ko Aõ jure iomin ne: inem inók eo an e naj joko jen ioir, im ine eo an jen aierair. 26 Eñin bebe eo emwij bebe kake ion aolepen löl; im eñin pä eo erlokwe ion ro dri ailin ko otemjej. 27 Bwe Jeova in inelip eo e ar bebe, im wõn eo e naj dremõke? im Ej erlokwe pein, im wõn e naj ke-jalliklok e?

28 Ilo yiõ eo kiñ Ehaz e ar mij, e ar walok lomijen in.

29 Kwon jab lõnlin, O kwe aolepen Pilstia, kin an bwilok alal eo e ar mõn yuk; bwe jen okran serpent e naj driojtok juõn adder, im leen e naj juõn serpent e naj urur im kākī. 30 Im manjien dri jeramel e naj mõña, im ro dri aikwij re naj babu im jab uõta; im I naj mõn okram kin ñita.

im naj mōn am men in ber. 31 Kwon jōñ, O kejem; kwon lamij, O jikin kwelok, bwe emwij am unlok, O kwe aolepen Pilistia; bwe juōn bat ej itok jen eañ, im ejelok dri tabilojar ilo kōlan ko an.

32 Inem ta eo juōn en uak dri jilkan ailiñ eo? Bwe Jeova e ar kabin Zaion, im ilo e ro dri jorran ian ro dri ailiñ An re naj kone.

**15** Lomijen Moab. Bwe ilo juōn boñ emwij kejebeblok im kokkure Ar in Moab; bwe ilo juōn boñ emwij kejebeblok im kokkure Kir in Moab. 2 Rar wōnliñlok ñōn Bayit, im ñōn Daibon, ñōn jikin ko re utiej, bwe ren jōñ; Moab ej jōñōt Nibo, im Mediba; ion bōrair otemjej ejelok kolair, emwij eāl kwo-reak otemjej. 3 Ilo ial ko rej mōke kañōrñōr kin nuknuk eklep iren; ion kejenwan, im ilo jikir e rābōkbōk armij otemjej rej jōñ, im elap dren in kemjalal. 4 Im Heshbon ej lamij, kab Iliela; rej roñ wōt ainikeir ñōn Jehaz: kin men in, dri tōrinae ro an Moab rej ailimō; an ej wuririr iloan. 5 Buruō ej lamij kin Moab; iroi ro an rej ko ñōn Zoar, ñōn Eglat-shelishi-ya: bwe ilo ial liñlok in Luhit, rej wōnliñlok im jōñ; bwe ilo ial in Horoneim rej roloke in kokkure. 6 Bwe dren ko in Nimrim re naj roj; bwe ujoij ej aimerlok, ujoij e biruru e jokolok, ejelok men e māroro. 7 Kin men in, mweik ko relōñ emwij air kabinoke, im men eo rar wunekneke, re naj bōkloki im elā jen wea in willo ko. 8 Bwe lamij eo e ar ilok ilo tōrerer ko tōrerer Moab; jōñ eo an ñōn Egleim, im jōñ eo an ñōn Bier-elim. 9 Bwe dren ko in Daimon rej rukberber; bwe I naj bar bōktok elōñ ion Daimon, juōn laion ion ro dri Moab rej ko, im ion bwen eneo.

**16** Komin jilkinlok lam ko ñōn iroi in eneo jen Sila ñōn ene jemaren eo, ñōn tol an lio nejin Zaion. 2 Bwe e naj einwōt bao in mejatoto ko rej jebwābwe, einwōt juōn el e jibliklik, ein drein naj limaro nejin

Moab i jikin kabāt it in Arnon. 3 Komin kwalok bebe, komin kōmōn ekajet jime; komin kōmōn luremi einwōt boñ, ñe e loliñ al; komin noji ro dri jibliklik; komin jab bakajen eo, dri ko. 4 Ro Aō dri jibwin makoko ren ber ibōm; kin Moab, kwon einwōt ken tōrak jen mejen dri kokkure eo. Bwe dri kamure eo e joko, kokkure ej jokwor, emwij kokkure ro dri kamakoko jen ilo eneo. 5 Im naj kajur juōn tron ilo tiriamokake; im juōn e naj jijōt ion ilo mol, ilo im nuknuk an Devid, im ej ekajet, im ej bukot ekajet jime, im e mōkōj in kōmōn wānik.

6 Kim ar roñjake kin jua an Moab, bwe e kanuij utiej buruen; im kin aolepen an illu; im kimjāji ko an rewan. 7 Kin men in, Moab e naj jōñōt Moab, jabrewōt iair e naj jōñ: kom naj kememej grep ko remōra in Kir-hareset, im kanuij jorran. 8 Bwe jikin kallip ko in Heshbon re mōralok, im bareinwōt vain in Sibma; iroi ro in ailiñ ko rar rujilōllok ra ko ran remōn, ko rar tōbar Jezer, ko rar jebwābwe na ilo ene jemaren; ājib ko an rar erlok wōt, rar elalok jen lomalolo eo. 9 Kin men in, I naj jōñ iben jōñ in Jezer kin vain in Sibma; I naj kaimloloik yuk kin dren in kemjalal eo aō, O Heshbon, im Iliela: bwe ion leen ko leen ien mānān, im ion jonikōn eo am, lamij in tōrinae e ar buñlok. 10 Im emwij bōklok men in mōnōñ ion lōñliñ, jen iloan jikin kallip e kouwa; im ilo bwil in grep e naj ejelok al ak ainiken lōñliñ: ejelok dri juri e naj jur wain ilo ken joniōk wain ko; i ar kōmōn bwe en jokwōr lamij ilo aini grep ko. 11 Kin men eo buruō ej jōñ einwōt juōn arp kin Moab, im men ko ilo ña kin Kir-heres. 12 Im ein drein ñe Moab ej mōke kwalok e, ñe ej kamōk e mōke ilo jikin eo e utiej, im e naj itok ñōn jikin kwojarjar eo an bwe en jar, e jamin bōk anjo.

13 Eñin nan eo Jeova e ar ba kin Moab kin ien e motlok. 14 A kiō Jeova e ar konono im ba, Ilo jilu yiō, einwōt yiō ko an juōn rej kejerbal e kin wōnan, inem aibujiuj in Moab e naj men in jekron, im aolepen jar eo

elap an; im men in ber e naj erik im ejelok tokjen.

**17** Lomijen Damaskōs.

Lo, emwij bōklok Damaskōs jen ke e kar jikin kwelok, im e juōn be, juōn men in jebeplok. 2 Re joko armij jen jikin kwelok in Aroer; re naj nōn bwij ko, ko re naj babu wōt, im ejelok e naj kemjōk ir. 3 Im imōn bar re naj joko jen Ipreim, im ailiñ in kiñ jen Damaskōs, im jen bwen Siria; re naj aibujuij an ro nejin Israel, Jeova in inelip eo ej ba.

4 Im ilo ran eo, aibujuij an Jekob e naj mejkwunlok, im mättōk in kōniekin e naj biñilok. 5 Im e naj einwōt juōn dri marmir ej ain korn ej jutōk, im pein ej marmir leen ko; aet, e naj einwot ñe juōn ej marmir leen ko i komlōl in Ripeim. 6 Ijoke, naj likit iloan jet men in kōlōruk, einwōt ñe rej iriki juōn wijki oliv, ruo aj jilu oliv ilo keju eo, emen ak lailim i belakin wijki e kouwa, Jeova Anij in Israel ej ba. 7 Ilo ran eo armij re naj jerlok nōn Eo Dri Kōmōnmōn ir, im mejeir re naj lale Eo Dri Kwojarjar in Israel. 8 Im re jamin reilok nōn lokatok ko, men in kōmōnmōn kin peir; im re jamin reilok nōn men eo arrin peir rar kōmōnmōni, ak Ashira, ak men in e in al ko. 9 Ilo ran eo jikin kwelok air re kajur re naj einwōt jikin ko armij rar illok jeni ilo jikin wijki ko im ilo jabōn tol, armij rar illok jeni iman ro nejin Israel; im e naj juōn men im kokkure. 10 Bwe kwar meloklok Anij in am lomor, im kwar jab lemnok kin dreka in am kajur; inem kwoj kallip jul ko men in mōnōnō, im likit ie jul ko re drua maijet. 11 Ilo ran in ami kallip kwoj worwore im ke e jiboñ kwoj kōmōn bwe ine eo en ebul; a jonikōn eo ej ko ilo ran in buromōj im jōñ ñe ejelok kōtōmene.

12 Ah, keroro eo an elōñ ro dri ailiñ ko, re ñijnij einwōt keroro in lometo ko; im iruij eo an ro dri ailiñ ko, rej iruij einwōt iruij in dren ko relap! 13 Ro dri ailiñ ko re naj iruij einwōt iruij eo an dren ko relōñ: a E naj enoik ir, im re naj ko nōn ijo etolok,

im naj lukworwor ir einwōt menoknok jen tol ko iman kōto eo, im einwōt bōñōlñōl eo e rol iman lañ eo. 14 Ñe e jota, lo, men in kemjōk; im mokta jen jiboñ, re joko wōt. Eñim ajenkij an ro rej rakimi kij, im kij an ro rej koaroñwe kij.

**18** Ah, eneo enen ainiken pein bao, eo etolok jen river ko in Itiopia; 2 eo ej jilkinlok ro dri keañ ion lometo, ilo wa ko kōmōn jen papi-rōs ion dren ko, im re ba, Komin ilok, kom dri jilik re mōkōj, nōn juōn ailiñ e utiej im eal, nōn ro dri ailiñ rej kamijōk jen jinoin nōn kiō, dri ailiñ eo ej joñwe im juri, im eneo air river ko rej kijbile! 3 Kom otemejj dri jokwe ilōl, im kom dri ber ion ene, ñe rej leliñlok juōn flag ilo tol ko, komin lale; im ñe re uk jilil eo, komin roñjake.

4 Bwe ein drein Jeova e ar ba nōn iō, I naj kejeklokjen, im I naj lo ilo Aō jikin jokwe, einwōt bwil e alikar ilo dret, einwōt kōro in molawi ilo bwil in jonikōn. 5 Bwe mokta jen jonikōn, ñe e joko bwil eo, im inōk ej erom grep e kālo, E naj bukweelok ra ko redrik kin ken bukwe ko, im ra ko rej mōke edrek E naj bukweōlloki. 6 Naj likit ir iben dron nōn bao in mejatoto relej ion tol ko, im nōn kiru ko in lōl; im bao ko relej re naj ber ioir iomin ien mānān, im kiru otemejj in lōl re naj ber ioir iomin ien bio. 7 Ilo ien eo naj bōktok juōn jurtak nōn Jeova in inelip eo jen ro dri ailiñ eo e utiej im eal, rej dri kamijōk jen jinoin nōn kiō, ro dri ailiñ eo ej joñwe im juri, im eneo air river ko rej kijbile, nōn jikin etan Jeova in inelipeo, tol Zaion eo.

**19** Lomijen Ijpt.

Lo, Jeova ej uwe ion juōn kōro e mōkōj, im Ej itok nōn Ijpt: im ekjōp ko in Ijpt re naj wuririr kin An ber ibeir; im buruen Ijpt e naj unlok iloan. 2 Im I naj biuktōk ro dri Ijpt nae ro dri Ijpt: im re naj iri, jabrewōt nae jein im jatin, im jabrewōt nae dri turin; jikin kwelok nae jikin kwelok, im ailiñ nae ailiñ. 3 Im an Ijpt e naj kijelok ilujen; im

I naj kokkure bebe eo an: im re naj kabukot ekjöp ko, im ro dri unojrikrik, im ro eor jitöb re nana ibeir, im ro dri marmir. 4 Im I naj ketöke ro dri Ijpt ñön pein juön iroi j e lej; im juön kiñ e lej e naj iroi j ioir, Iroi j eo, Jeova in inelip eo ej ba.

5 Im dren ko re naj ro j en lometo eo, im river eo e naj driklok im bät. 6 Im river ko re naj etton; im river ko redrik i Ijpt re naj driklok im ro j; koba ko im flag ko re naj möralok. 7 Melaj ko i river Nail, i töreran Nail, im jikin kallip otemjej rej jeori an Nail, re naj aimerlok im naj ubakeloki, im re naj joko. 8 Im ro dri añwör re naj jöñ, im ir otemjej rej jolok käj na ilo Nail re naj buromöj, im re naj barök ro rej erlokwe ok ko ion dren ko. 9 Bareinwöt ro rej jerbalkin flax e pojök, im ro rej ej nuknuk e mouj re naj lolbon. 10 Im jur ko in Ijpt naj rupi; ro otemjej rej jerbalkin wönair re naj buromöj ilo air.

11 Iroi j ro in Zoan re bwebwe wöt; bebe eo an dri känbil an Pero ej einwöt men in bwebwe: ekijkan ami ba ñön Pero, Ña nejin dri meletlet, nejin kiñ ro moktata? 12 Inem ewi am ro dri meletlet? im ren kennanek yuk kiö; im ren jela ta eo Jeova e ar bebe kin Ijpt. 13 Iroi j ro in Zoan rej dri bwebwe, emwij etaoik iroi j ro in Mempis; ro rej einwöt dremön im ñön bwij ko am rar kömön bwe Ijpt en jebwäbwe. 14 Jeova e ar käreik juön jitöb in böt ilujen lio; im rar kömön bwe Ijpt en jebwäbwe ilo jabrewöt an jerbalkin, einwöt juön armij dri karek ej jebwäle ilo an mwöj. 15 Im e jamin or jerbalkin ñön Ijpt, eo böran ak lökön, ran pam ak koba en maroñ in kömöne.

16 Ilo ran eo Ijpt e naj einwöt köra rön; im re naj wurir im lelñön kin an Jeova in inelip eo kamökikitkein, eo E naj kamökikitkein e ioir. 17 Im eneo an Juda e naj ken kimjök ñön Ijpt; jabrewöt eo rej kennan kake ñön e, e naj mijök kin bebe an Jeova in inelip eo, eo Ej bebeik nae e.

18 Ilo ran eo e naj lailim jikin kwe-

lok ilo ene Ijpt rej konono ilo kajin Kenean, im kanöjnjij ñön Jeova in inelip eo; re naj naetan juön, Jikin kwe-lok in kokkure.

19 Ilo ran eo e naj juön lokatok ñön Jeova ilujen ene Ijpt, im juön jur i töreran ñön Jeova. 20 Im e naj einwöt juön kaköle im juön dri kennan ñön Jeova ilo ene Ijpt; bwe re naj kir ñön Jeova kin ro dri kama-kokoik, im E naj jilkinlok ñön ir juön dri lomor, im dri kouk, im e naj lomor ir. 21 Im naj jela Jeova ilo Ijpt, im ro dri Ijpt re naj jela Jeova ilo ran eo; aet, re naj kabuñ kin men in katok im men in katorlok, im re naj kanöjnjij kin juön kanöjnjij ñön Jeova, im re naj kömönmöne. 22 Im Jeova e naj mön Ijpt, E naj mön e im kaejmour e; im re naj jeblak ñön Jeova, im E naj eoroñ air akwewlap, im naj lomor ir.

23 Ilo ran eo e naj juön ial elap jen Ijpt ñön Assiria, im dri Assiria e naj dreloñtok ilo Ijpt, im dri Ijpt ilo Assiria; im ro dri Ijpt re naj kabuñ iben ro dri Assiria.

24 Ilo ran eo e Israel e naj ken ka jilu iben Ijpt im Assiria, juön men in kejerammön ilujen löl; 25 kin an Jeova in inelip eo kejerammön ir, im ba, En jerammön Ijpt ro dri ailñ Aö, im Assiria men in kömön an pä ko peiö, im Israel Aö men in jolit.

**20** Ilo yiö eo ke Tartan e ar itok ñön Ashdod, ke Sargon kiñ in Assiria e ar jilkinlok e, im e ar nitbwile Ashdod in bök e; 2 ilo ien eo Jeova e ar konono kin Aiseia nejin Emoz, im ba, Kwon ilok im wutik nuknuk eklep iren jen iböm, im wutik juj ko jen neöm. Im ein drein an kömön, im e ar etetal ekelwan, im ejelok an juj. 3 Im Jeova e ar ba, Einwöt Aiseia, dri korijera, e ar etetal im kelwan im ejelok an juj iomin jilu yiö, bwe en juön kaköle im men in bwilöñ kin Ijpt im kin Itiopia; 4 ein drein kiñ in Assiria e naj äñinlok ro dri kamakoko jen Ijpt, im ro dri jebokwe i Itiopia, ro remön drer im ro re ridto, re kelwan im eje-

lok air juj, im e alikar air lomiar, bwe en men in kajok Ijpt. 5 Im re naj lelñoñ wõt im no, kin Itiopia air men in kötömene, im Ijpt air aibujuij. 6 Im ro dri jokwe iturin lojit ilo ene in, re naj ba ilo ran eo, Lo, ein drein am men in kötömene, eo kim ar ko ñon e kin men in jibõñ bwe ren lomorem jen kiñ in Assiria: im kim, ekijkan am naj ko?

**21** Lomijen ene jemaren i lometo. Einwõt aire ko i Rök, rej driblok, rej itok jen ene jemaren eo, jen ene e men in kemjök wõt. 2 Emwij kwalok ñon iõ juõn visõn e men in buromõj; armij eo dri mon ej mon wõt, im dri kokkure eo ej kokkure wõt. Kwon wõnliñlok, O Ilam; kwon nitbwil, O Midia; aolepen jabjemenanoan ko I ar kajemloki. 3 Kin men in ibiõ rej obrök kin iñtan; iñtan ko rar jibwe iõ, einwõt iñtan ko an juõn kõra ej mejõljõllok: ij metök inem I ban roñjake; ij iñtan inem I ban lo. 4 Buruõ ej lujluj, men in kaleñõn e ar kemjök iõ; jota eo I ar kõnan, emwij ukote wuririr ñon iõ. 5 Rej kapoj tebel eo, rej likit mmij eo, rej mõña, rej irak: komin jerkak komeo iroiij ro, komin kabit likipijñök eo. 6 Bwe ein drein Iroiij eo e ar ba ñon iõ, Kwon ilok, likit juõn dri kajere; en kwalok ta eo ej loe: 7 im ñe ej lo juõn jar in tõrinae, dri uwe ion ors rej karuolok, juõn jar in ass ko, juõn jar in kamel ko, e naj kanuij kãroñlokjen. 8 Im e ar lamij einwõt juõn laion: O Iroiij, ij jutök ien otemjej ilo imõn bar im ekil ilo ran, im emwij likit iõ ilo aõ jikin ekil boñ otemjej; 9 im lo, ej itok juõn jar in armij, dri uwe ion ors rej karuolok. Im e ar uak im ba, E buñ, e buñ, Babilon; im emwij rupi men in e jekjek in anij ko an, ñon brij.

10 O kwe aõ men in dreñdreñ, im korn in jikin dreñdreñ eo aõ! men eo I ar roñ jen Jeova in inelip eo, Anij in Israel, I ar kwalok e ñon yuk.

11 Lomijen Duma.

Juõn ej kir ñon iõ jen Sier, Kwe

dri kajere, ekijkan boñin in? Kwe dri ekil, ekijkan boñin in? 12 Dri kajere eo ej ba, Jiboñ ej itok, im bar einwõt boñ: elañe kom kõnan kajitök, inem komin kajitök: komin oktök, komin itok.

13 Lomijen ion Arebia.

Ilo jikin wijki ko ilo Arebia kom naj babu, O komeo jaranikarwan ko an ro dri Didan. 14 Rar böktok dren ñon eo e maro; ro dri ene Tima rar wõnmae ro dri ko, im kijeir ibeir. 15 Bwe rar ko jen jãji ko, jen jãji eo emwij nure, im jen libon eo emwij kiele, im jen jorran in ien tõrinae. 16 Bwe ein drein Iroiij eo e ar ba ñon iõ, Ilo juõn yiõ, einwõt yiõ ko an juõn dri jerbak kin wõnan, aolepen aibujuij in Kidar e naj likjõp; 17 im bwen oran ro dri libon, armij re kajur ian ro nejn Kidar re naj etiet; bwe Jeova Anij in Israel e ar konono kake.

**22** Lomijen komlõl in visõn.

Kwoj it kiõ, bwe kwar aolep im wõnliñlok ñon kejenwan ko? 2 O kwoj obrök kin keroro ko, juõn jikin kwelok ej iruij, im e mõnõñ wõt; ro re mij ibõm, ar jab mõn ir kin jãji, im rar jab mij ilo keitak. 3 Iroiij ro am otemjej rar jimor ko, ro dri libon rar lukwoj ir; ro otemjej iam emwij lukwoj ir iben dron; rar ko ñon ijo etolok. 4 Kin men in, I ar ba, Kwon reilok jen ña, I naj kanuij jõñ; kwon jab kajeõñ in kainemõn iõ bwe emwij kokkure lio nejn ro dri ailiñ aõ.

5 Bwe e juõn ran in kejjorran, im juri, im no, jen Iroiij Jeova in inelip eo, ilo komlõl in visõn eo; juõn ien ebaj worwor ko, im juõn ien jõñ ñon tol ko. 6 Im Ilam e ar inek nien mõri eo, im iben jariat ko ñon armij, im ro dri uwe ion ors; im Kir e ar kalikar likipijñök eo. 7 Im ein drein komlõl ko am remõn wõt rar obrök kin jariõ ko, im ro dri uwe ion ors rar mõke kalejar ilo kejem eo. 8 Im e ar elöklok men in kalibubu Juda, im kwar reilok ilo ran eo ñon ken tõrinae ko ilo mweo imõn wijki ko. 9 Im komar lo ijoko re ebjök ilo worwor in jikin

kwelok an Devid, bwe relōñ, im kom ar ainitok dren ko ilo lwe eo etā. 10 Im kom ar bwini mo ko i Jerusalem, im kom ar rupi mo ko bwe komin kakajur worwor eo; 11 kom ar bareinwōt kōmōn juōn jikin dren ikotan worwor ko ruo, ñōn dren jen lwe in eto eo. A kom ar jab reilok ñōn Eo e ar kōmōn men in, im kom ar jab lemnok kin Eo e ar bebe kake men in ilo ien e motlok.

12 Im ilo ran eo, IroiJ Jeova in inelip eo, E ar kir ir ñōn jōñ, im ñōn buromōj, im ñōn jolok kolan bōrair, im ñōn kañōrñōr kin nuknuk eklep iren: 13 im lo, lōñliñ im mōnōnō, mōn ox ko, im mōn sip ko, mōña kōniek im irak wain: Jen mōña im irak, bwe ilju je mij. 14 Im Jeova in inelip eo, e ar mōke kwalok E ilo lojiliñiō, Emol jamin jolok jerawiwi in jen kom mae ien ami mij, IroiJ, Jeova in inelip eo ej ba.

15 Ein drein Jeova in inelip eo ej ba, Kwon ilok ñōn iben dri kōmñe eo, aet ñōn Shebna, eo ej iroiJ ion mweo, im ba, 16 Kwoj it ijin? im kwoj āt ijin, bwe kwar jekjek ñōn kwe ijin juōn lūp? jekjek ñōn e juōn lūp ilōñ, mōke jekjek ñōn e juōn jikin jokwe ilo dreka! 17 Lo Jeova, einwōt juōn armij e kajur, E naj kanuij jolok yuk; aet, E naj lim yuk. 18 Emol E naj letoñōle yuk, im jolok yuk einwōt juōn anirip na ilo juōn ene elap; kwo naj mij ie, im ijo jariot ko an aibujuij eo am re naj ber, kwe men in kajok mweo imōn iroiJ eo am. 19 Im naj jibellok yuk jen jikōm: im naj kōtaik yuk jen am jermal. 20 Im ilo ran eo, I naj kirtok dri korijera, Ilaiekim nejin Hilkaia: 21 im I naj kanuknuk e kin kobe ne am, im kakajur e kin kōñōr eo am, im I naj likit am men in iroiJ na ilo pein; im e naj juōn jemen ñōn ro dri Jerusalem, im ñōn mweo imōn Juda. 22 Im I naj likit ki an imōn Devid na ion aieran; im e naj kabellek, ak ejelok e naj kili; im e naj kili im ejelok e naj kabelleke. 23 Im I naj kabin e einwōt juōn drila ilo jikin e bin; im e naj einwōt tron in aibujuij ñōn mweo imōn

jemen. 24 Im re naj totoik na ion, aolepen aibujuij an imōn jemen, ro nejin im inen, jabrewōt jābi erik, jen kōp ko ñōn bōkā ko otemjej. 25 Ilo ran eo, Jeova in inelip eo ej ba, drila eo emwij kabin e ilo juōn jikin ebin, e naj teep; im re naj jekilōlok e, im e naj buñ; im naj bukwelok ine eo e kar ber ion: bwe Jeova e ar ba men in.

**23** Lomijen Tair. Komin lamij, komeo wan Tarshish; bwe e jebeplok, inem ejelok im, ejelok dreloñ: jen ene Kitim emwij kwalok e ñōn ir. 2 Komin jab ke-ro-ro, kom eo ro dri jokwe iturin lometo, kwe eo ro dru wia jen Saidon, rej dribuk lometo, rar kobrōk yuk. 3 Im ilo dren ko relap ine in Saihor, jonikōn Nail, e ar mweiuok ko an; im e ar jikin wia an ro dri ailiñ ko. 4 Kwon jok, O Saidon; bwe lometo e ar konono, me eo in lometo eo, im e ba, I jañin mejōljōllok ak keutak, im I jañin najirik likao ro, ak kakajirik virjin ro. 5 Ñe nan eo ej itok ñōn Ijipt, re naj kanuij buromōj kin nan in Tair. 6 Komin elālok ñōn Tarshish, komin jōñ, kom dri jokwe i belakin lometo. 7 Eñin ami jikin kwelok kom kin lōñliñ ie, im ami lāmoren, ne ko neen re kar āñinlok e ñōn ijo etolok bwe en berwōt ke?

8 Wōn eo e ar bebe kake men in nae Tair, eo ej lelok bokrōnāt ko, dru wia ro an rej iroiJ, dru wia ro an rej dri utiej an lōl in? 9 Jeova in inelip eo e ar bebe men in, bwe En kōtaik jua in aibujuij otemjej, bwe En kejekron ro otemjej re utiej in lōl in. 10 Kwon driblok eneo am einwōt Nail, O lio nejin Tarshish; ejelok bar juōn men in bōprae. 11 E ar erlokwe pein ion lometo eo, E ar kamōkitkit ailiñ in kiñ ro: Jeova e ar jiroñ kin Ke-nan, bwe ren kokkure jikin ko an re kajur. 12 Im E ar ba, Kwo jamin bar lōñliñ, O kwe virjin dri iñtan nejin Saidon: kwon jerkak, kwon elālok ñōn Kittim; ak ijo bareinwōt kwo jamin kakije.

13 Komin lo enen ro dri Kaldia: ro

dri ailiñ in rar jab ber; dri Assiria e ar kajur e ñon ro rej jokwe ilo ene jemaren; rar kejerkak imõn bar ko air; rar kejebeplik mo ko imõn iroiñ ro an; rar kokkure e. 14 Kominlamij, komeo wan Tarshish; bwe emwij kejebeplik ami jikin e kajur. 15 Im ilo ran eo naj meloklok Tair jiljilimjuõn-ñoul yiõ, ekar ñon ran ko an juõn kiñ: elikin jiljilimjuõnñoul yiõ Tair e naj einwõt juõn kõra ekijoñ. 16 Kwon bõk juõn arp, kwon etetal ilo jikin kwelok eo, kwe kõra ekijoñ eo re kar meloklok yuk; kwon kõmõn al emõn, kwon al elõn al ko, bwe ren maroñ in kememej yuk. 17 Im elikin jiljilimjuõnñoul yiõ, Jeova e naj lolok Tair, im lio e naj jeblak ñon wõnan eo, im e naj kõmõn nana iben kiñ otemjej in ene ko ion mejen lõl. 18 Im mweiuik ko an im wõnan kõmõn ko an re naj men in kwojarjar ñon Jeova: re jamin likiti ilo ken kejbärok ko air; bwe mweiuik ko an re naj ñon ro rej jokwe iman Jeova, bwe ren mõña im mät, im en or nukruk ko rekar ibeir.

**24** Lo, Jeova ej jopen jen kobõn lõl, im kejebeploke, im ukõj e, im kejbliklik ro rej jokwe ie. 2 Im e naj einwõt iben kajur ro, ein drein iben pris eo; einwõt iben dri korijeran, ein drein iben iroiñ eo an; einwõt iben korijer kõra, ein drein iben liroiñ eo an; einwõt iben dri wiak, ein drein iben dri wiakake; einwõt iben dri muri, ein drein iben dri kamuri; einwõt iben eo ej bõk jimair, ein drein iben eo ej lelok jimair ñon e. 3 E naj kanuij ejelok kobõn lõl, im e naj kanuij jebeplik; bwe Jeova e ar konono nan in. 4 Lõl ej liäjlol im aimerlok, lõl ej kijelok im aimerlok, armij re utiej in lõl re kijelok. 5 Bar-einwõt emwij kabrijrij lõl iomin ro rej jokwe ie; kin air jab bokake kien ko, kokkure nan in kaiñi ko, im jolok kalimur eo ej ñon in drio. 6 Kin men in, binikol eo e ar kõn lõl, im ro rej jokwe iloan re menukol; kin men in emwij tile ro rej jokwe i lõl, im eiet armij rej berwõt. 7 Wain eo ekäl ej liäjlol, vain eo ej aimerlok, ro otemjej

e lõñliñ burueir rej jabjenmenoan. 8 Mõnõnõ in tabret ko ej jokwõr, ainiken ro rej lõñliñ e jemlok, mõnõnõ in arp e jokwõr. 9 Re jamin irak wain im al; dren e karek e naj meo ñon ro rej ilimi. 10 Emwij kejebeplik jikin kwelok eo e jemaren; emwij kili mo ko otemjej, bwe enjelok armij maroñ in dreloñ. 11 Eor jõñ ilo ial ko an kin wain eo; e marok lõñliñ otemjej, mõnõnõ in eneo e joko. 12 Jorran ej ber ilo jikin kwelok eo, im emwij mõn kejem eo kin kokkure. 13 Bwe e naj ein drein ilo lõl iben ro dri ailiñ ko, einwõt ke rej dreñdreñ juõn wijki oliv, einwõt men in kõlõruk ko ke emwij kõmõnmõn leen vain.

14 Rein re naj koutiej ainikeir, re naj lamij; kin kokomak an Jeova re naj koutiej ainikeir jen lometo. 15 Kin men in, komin kaibujuij Jeova i rear, aet, etan Jeova, Anij in Israel, ilo ailiñ in lometo. 16 Jen mõtõn lõl etoloktata kim ar roñ al ko: Aibujuij ñon ro re wänik.

A I ar ba, Ña I bõjlok, I bõjlok, wo ñon ñal ro dri etao rar etaoik wõt; aet, ro dri etao rar kanuij eto-aik. 17 Lelõñ, im roñ eo, im jen eo, rej iom, O dri jokwe i lõl. 18 Im e naj ein drein, eo ej ko jen ainiken lelõñ, e naj buñ ilo roñ eo: im eo ej wõñliñtok jen ilujen roñ eo, naj jibwe e kin jen eo: bwe e bellok windo ko ilõñ, im loñtõn lõl re wuririr. 19 Lõl e rup wõt, emwij ñate lõl, im kanuij kamõkitkite. 20 Lõl e naj jebwäel einwõt juõn armij e karek, im e naj ajmalal einwõt juõn kinien toto; im bwir eo an e naj erro ion, im e naj buñ, im e jamin bar jerkak.

21 Im e naj ein drein ilo ran eo, Jeova e naj kõmõn jofõn kwotõn ion jar an ro dri utiej ilõñ, im ion kiñ ro in lõl ion lõl. 22 Im naj kokweloklok ir, einwõt rej kokweloklok ro dri jebokwe ilo roñ eo, im naj kili ir ilo prison; im elikin elõñ ran naj lolok ir. 23 Ien eo naj binej aliñ, im al e naj jok; bwe Jeova in inelip eo e naj kiñ ion tol Zaion, im ilo Jerusalem; im aibujuij e naj iman ridto ro an.



**25** O Jeova, Kwe aō Anij; I naj koutiej yuk, I naj nebar etōm; bwe Kwar kōmōn men in bwilōn ko, bebe ko ilo ien e motlok, ilo tiljek im mol. **2** Bwe Kwar kōmōn juōn jikin kwelok bwe en juōn ebe, juōn jikin kwelok e bin men in kokkure, juōn imōn iroj an drua maijet, bwe en ejelok jikin kwelok, re jamin bar kalek e. **3** Kin men in, ro dri ailiñ re kajur, re naj<sup>1</sup> kaibujui yuk; juōn jikin kwelok an ro dri ailiñ ko relej, re naj mijōk Yuk. **4** Bwe Kwar juōn jikin e kajur ñōn ro dri jeramel, juōn jikin e kajur ñōn dri aikwij ilo jorran eo an, juōn jikin ko jen lañ, juōn lur jen dret, ñe kōto jen ro dri lej ej einwōt juōn lañ nae worwor eo. **5** Einwōt e bwil ilo jikin e mōra Kwo naj kalwol ainiken ro drua maijet; einwōt dret kin lurin kōto, naj kōtaik al an ro dri lej.

**6** Im ilo tol in Jeova in inelip eo, E naj kōmōn ñōn ro dri ailiñ ko otemjej, juōn kwojkwoj in men ko re mättōk, im juōn kwojkwoj in wain ion oo ko, im men ko re mättōk re obrōk kin nononmej, in wain ion oo ko emōn karreoiik e. **7** Im E naj kokkure ilo tol in, ken libo in jar an armij otemjej, im veil eo emwij erlokwe ion ro dri ailiñ ko otemjej. **8** E ar<sup>1</sup> warōñlok mij ñōn in drio; im Iroj Jeova e naj<sup>2</sup> komraik dren in kemjalal jen mejeir otemjej; im nan in kinak an ro dri ailiñ An, E naj bōklok jen aolepen lōl; bwe Jeova e ar ba.

**9** Im naj ba ilo ran eo, Lo, eñin aruij Anij; jar kōtar E, im E naj lomorer: eñin Jeova; jar kōtar E, je naj mōnōnō im lōñliñ ilo lomoro eo An. **10** Bwe ilo tol in, pein Jeova e naj kakije; im naj jur Moab ilo jikin, einwōt rej jur kån ilo dren in jikin toeōk. **11** Im E naj erlokwe pā ko pein iloan, einwōt juōn dri aō ilo an erlokwe pein bwe en aō; a Jeova e naj kōtaik jua eo an im bareinwōt etao in pā ko pein. **12** Im E ar erlōllok me e utiej in worwor ko am, E ar kōtaik e, im erlōllok e ñōn brij, ñōn bōñōlñōl eo.

<sup>1</sup> Kor. 15. 54. <sup>2</sup> Rev. 7. 17.

**26** Ilo ran eo re naj al al in ilo enen Juda: Juōn jikin kwelok e kajur iber; E naj likit men in lomoro einwōt worwor ko im me ko. **2** Komin kablok aor ko bwe ailiñ eo e tiljek wōt en dreloñlok. **3** Kwo naj kejbārok ilo ainemōn e wāppen eo lōlāt eo an e bin, kin an liki Yuk. **4** Komin liki Jeova ñōn in drio; bwe ilo Ja, aet, Jeova, juōn dreka ñōn in drio. **5** Bwe e ar bōklok ro rej jokwe ilōñ, jikin kwelok e utiej: Ej kōtaik e, Ej drorlōl ñōn brij; Ej kōtaik e ñōn bōñōlñōl. **6** Ne eo e naj jure; aet, neen ro dri jeramel, im buñten neen ro dri aikwij. **7** Ial an ro dru wānik e jime: Kweo kwo jime, Kwoj kajime wōt ial an ro dru wānik.

**8** Aet, ilo ial in ekajet ko Am, O Jeova, kim ar kōtar yuk; etōm im men in kememej Am, buruem rar kōnan. **9** Kin buruō I ar oñkake Yuk ilo boñ, aet, kin aō ilo ña I naj kanuij kabukot Yuk: bwe ñe ekajet ko Am rej ilo lōl, ro dri lōl re naj katak men in wānik. **10** Ren kwalok joiñ ñōn eo e nana, ijoke, e jamin jela wānik; ilo enen jime e naj kōmōn nana, im e jamin lo wuj an Jeova.

**11** Jeova, emwij kwotōk peōm, a re jamin lo: a re naj lo Am kijejeto kin ro dri ailiñ eo Am, im re naj jok kake; aet, kijeek e naj kōñ ro dri kijirāte Yuk. **12** Jeova, kwo naj na ainemōn ñōn kim; bwe Kwar bareinwōt kōmōn jermal ko otemjej am ñōn kim. **13** O Jeova, amuij Anij, iroj ro jet re kar iroj iom, a kin Kwe wōt kim naj kwalok etōm. **14** Re mij, re jamin mour; re joko, re jamin jerkak: inem Kwar bukot im kokkure ir, im kōmōn bwe aolepen ememej ir e naj joko. **15** Kwar kalaplok ro dri ailiñ eo, O Jeova, Kwar kalaplok ro dri ailiñ eo; rej wijtake Yuk; Kwar kalaplok tōreren ko otemjej tōreren eneo.

**16** Jeova, ilo jorran rar bukōtlok Yuk; rar lutōklok air jar ke Am kaje e ar ber ioir. **17** Einwōt juōn kōra e bōroro, ej kebak ien an keutak, ej iñtan im lamij ilo iñtan ko an; ein drcin kim ar imam. O Jeova. **18** Kim

ar bōroro, kim ar iñtan, kim ar einwōt keutak kōto; kim ar jab kōmōn jabrewōt men in lomor ilo lōl; im ro dri jokwe ilōl rar jab lotak. 19 Ro Am remij re naj mour; enbwin ko re mij re naj jerkak. 1 Komin ruj im al, komeo komij jokwe ilo bōñōlñōl; bwe melawi eo am ej einwōt molawi in mār ko, im lōl e naj kwalokliñlok ro remij.

20 Komin itok, ro Aō dri ailiñ, komin dreloñ na ilo rum ko am, im kil aur ko iturōm: kwon tilekek jirik ien, mae ien illu eo e naj joko. 21 Bwe, lo, Jeova ej droijotok jen jikin, bwe En mōn ro dri jokwe ion lōl kin air nana; lōl eo bareinwōt e naj kwalok bōtōktōkin, im e jamin bar kalibubu dri mijijak ro an.

**27** Ilo ran eo Jeova kin jāji eo An e bin in elap im kajur, E naj mōn livaietan serpent eo e mōkōj, im livaietan eo serpent eo e mōlmōl, im E naj mōn kirudrujit eo i lometo.

2 Ilo ran eo: Juōn jikin kallip grep in wain, komin al nōn e. 3 Na Jeova ij dri lale; I naj kaimlolo e ien otemjej; ñe ab jabrewōt eo en kokkure, I naj lale ran im boñ. 4 Illu e jab ilo Na: I maroñ in kōnan bwe mār kuj ko im kālīkik ko ren jumae Iō ilo keitak! I naj kar etal nae ir, I naj kar tili ir otemjej. 5 Ak ein juōn, en drebij Aō kajur, bwe en maroñ in kainemōn Iō; aet, en kōmōn ainemōn iba. 6 Ilo ran ko rej itok Jakob e naj kōmōn okran; Israel e naj nar im ebul in kōmōn jul; im naj kobrōk mejen lōl kin leen.

7 E ar mōn ir, im bareinwōt ro re kar mōn ir ke? ak emwij urōt ir ekar nōn uror eo an ro emwij air urōt ir ke? 8 Kin joñōk, ke Kwoj jilkinlok ir, Kwoj akwaile ir; E ar kamōkit ir kin kōto eo An elap ilo ran in kōto jen rear. 9 Inem kin men in I naj jolok jerawiwi jen Jakob, im eñin aolepen leen bōklok bwir eo an: bwe dreka otemjej in lokatok eo einwōt dreka jalk ko rej kōprakilkili, inem Ashira im men in e ko in al re jamin bar jerkak. 10 Bwe jikin kwe-

lok eo eor an me ej mōke ian, juōn jikin jokwe armij rar kalek e im ilok jen e, einwōt ene jemaren eo: ijo kon in kau e naj mōña, im e naj babu ie im kōñi ra ko ran. 11 Ñe ra ko rej aimerlok, naj ruji; kōra ro re naj itok im tili; bwe rej dri ailiñ e jajelokjen: kin men in, Eo e ar kōmōnmōn ir E jamin tiriamokake ir, im Eo e ar na wāweir E jamin kwalok joiñ nōn ir.

12 Im ilo ran eo Jēova e naj nowe korn eo An jen dren eo elap in River eo nōn wea in Ijipt; im naj kokweloktok kom kaju iami, O komeo ro nejn Israel.

13 Im ilo ran eo, naj uk juōn jilū elap; im re naj itok ro rar nañin joko ilo ene Assiria, im ro emwij jolok ir ilo ene Ijipt; im re naj kabuñ ñōn Jeova ilo tol eo e kwojarjar i Jerusalem.

**28** Wo nōn rojenbōr in jua an ro dri karek in Ipreim, im nōn inōk eo e aimerlok woleo in aibujuj eo an, eo ion bōran komlōl e mättōk an ro emwij mōnlōllok ir kin wain! 2 Lo, iben Iroiij eo juōn e monmon im e kajur; einwōt juōn lañ in dren ebia, juōn ñot ej kokkure, juōn lañ an dren ko relap ej jiōblok, E naj jolōllok ñōn lōl kin pein. 3 Rojenbōr in jua eo an ro dri karek in Ipreim, naj jure iomin ne ko: 4 im e aimerlok inōk in wolio in aibujuj eo an, eo ion bōran komlōl e mättōk, e naj einwōt fig eo e kalo mokta jen ien mánān; eo ke ej loe ej kile, ke ej ber ilo pein ej mōña wōt. 5 Ilo ran eo Jeova in inelip eo e naj juōn rojenbōr in aibujuj, im juōn rojenbōr e woleo, nōn bwen dri ailiñ ro An; 6 im juōn jitōb in ekajet jime nōn eo ej jijōt bwe en ekajet, im kajur nōn ro rej ukotliklok keitak ilo kejem eo.

7 Im rein rej bareinwōt jebwāl kin wain, im jebwālel kin dren in karek: pris im dri kanan eo rej jebwāl kin dren in karek, wain ej warōñlok ir, rej jebwāl kin dren in karek; rej bwir ilo visōn, im rej jebwābwe ilo air ekajet. 8 Bwe tebel otemjej re obrōk kin mwōj im brij, inem ejelok jikin erre.

<sup>1</sup> Ep. 5. 14.

9 E naj katakin wõn jelalokjen? im E naj kajelaik wõn nan eo? ro emwij kalikitit ir jen milk eo, in bõk ir jen tit ko ke? 10 Bwe ej nan in kaiñi, im bar nan in kaiñi, nan in kaiñi im bar nan in kaiñi; lain im bar lain, lain im bar lain; jirik ijin, jirik ijueo.

11 Jab, a kin armij <sup>1</sup> tiir re maijet, im lo ko ein juõn E naj konono nõn dri ailiñ in; 12 ro E ar ba nõn ir, Eñin kakije eo, komin kakijeik eo e mõi; im eñin aimlolo eo: a re jab kõnan roñjake. 13 Kin men in nan jen Jeova e naj nõn ir nan in kaiñi im bar nan in kaiñi, nan in kaiñi im bar nan in kaiñi; lain im bar lain, lain im bar lain; jirik ijin, jikir ijueo; bwe ren ilok, im jenliklok, im mõi ruje ir, im naj ane ir, im jibwe ir.

14 Kin men in, komin roñjake nan jen Jeova, komeo dri kajirere, ro rej iroiñ ion ro dri ailiñ in i Jerusaleim. 15 Bwe kom ar ba, Kim ar kõmõn juõn bujen iben mij, im bebe iben Hedis; ñe men in kokkure e jiõblok e naj driblok wõt, e jamin kebaktok nõn kim; bwe kim ar kõmõn riõp am jikin ko, im kim ar tilekek iomin etao: 16 kin men in, ein drein Iroiñ Jeova ej ba, Lo, <sup>2</sup> Ij likit ilo Zaion juõn dreka nõn loñtõk dreka emwij melejoñwe, dreka in dremõn im e aurõk nõn loñtõk ebin: eo ej tõmak e jamin kijorur. 17 Im I naj kõmõn ekajet jime, lain eo, im wānik, ken kajime eo; im wut ebin e naj bioklok jikin ko in riõp, im dren ko re naj tore jikin tilekek eo. 18 Im naj kajitokjen bujen eo ami iben mij, im ami bebe iben Hedis e jamin bin; ñe men in kokkure e jiõblok e naj driblok wõt, e naj jur kom nõn lõl. 19 Ien otemjej ñe ej driblok, e naj jibwe kom; bwe jiboñ otemjej e naj driblok, ilo ran im ilo boñ: im e naj ejelok men a lelñõñ in jela kake nan eo. 20 Bwe aowej eo e karu jen an armij maroñ in mõi mõi ion; im koj eo e airik jen an maroñ in kublur kake. 21 Bwe Jeova e naj jerkak einwõt ion tol Pirezim, E naj illu einwõt i komlõl i Gibeon; bwe En kõmõn jerbaleo An,

jerbaleo An men in bwilõñ, im kajejit kõmõn eo An, kõmõn eo men in bwilõñ. 22 Inem kiõ komin jab dri kajirere, ñe ab kworõk ko ibemi ren kajurlok; bwe emwij aõ roñjake juõn kien kokkure jen Iroiñ, Jeova in inelip eo, ion aolepen lõl.

23 Komin letok lojiliñemi, im roñjake ainikiõ; komin eoroñ im roñjake aõ in nan. 24 Eo ej plau bwe en jeor, ej plau ien otemjej ke? im kabellok im tõblõle brij eo an ien otemjej ke? 25 Ke emwij an kõmõne im eorake, e jab jolok ie fij ko, im kijibliklok kummin eo, im likit wit ilo lajrõk ko, im barli ilo jikin e pojõk, im spelt ilo tõreren ke? 26 Bwe Anij eo an ej katakin e jime, im kajelaik e. 27 Bwe re jab dreñlokwe fij ko kin ken dreñdreñ ekõñ, im re jab karol juõn whil in kart ion kummin eo; a rej dreñlokwe fij ko kin juõn jokwõn, im kummin kin juõn alal. 28 Rej irir wit nõn bred; bwe e jamin nowe ien otemjej: im meñe whil in kart eo an ors ko an rej kijibliklik e, e jamin iri. 29 Men in bareinwõt ej itok jen Jeova in inelip eo. Eo e bwilõñ ilo bebe, im emõtata ilo meletlet.

**29** Yok Eriel, Eriel, jikin kwelok Devid e ar kamp ie! komin kobaik yiõ nõn yiõ; kwojkwoj ko ren roltok: 2 inem I najkejorran Eriel, im e naj or jõñ in lajlol; a lio e naj einwõt Eriel nõn Ña. 3 Im I naj kamp nae yuk i belakin, im I naj nitbwile yuk kin ro dri tõrinae emwij likit ir ie, im I naj kõmõn me in nitbwili ko nae yuk. 4 Im naj bõkkõllok yuk, im kwo naj konono jen ilo brij, im ainikiõm e naj etã jen bõñõñõl; im am konono e naj einwõt juõn eo jitõb ej miõk na i enbwinin jen lõl, im ainikiõm e naj unojrikrik jen bõñõñõl eo.

5 A jar elap an ro dri kijirãte yuk re naj einwõt bõñõñõl erik, im jar eo elap an ro dri kaleñõñ einwõt kilin wit e joko: aet, e naj eiriñ. 6 Jeova in inelip eo e naj bukot lio kin jorur, im makõtkit lõl, im ainiken elap, kin aire im lañ, im urur in kijeek ej kokkure. 7 Im jar an ro dri ailiñ ko ej tõrinaek Eriel, aet, ro otemjej rej

törinaek e im me eo an, im rej kejaran e, re naj einwöt juön tönak, juön visön ilo boñ. 8 Im e naj einwöt ke juön armij e kwuli ej tönak, im lo, ej mōña; a e ruj, im an ejelok kobōn: ak einwöt ke juön armij e maro ej tönak, im lo, ej irak; a e ruj, im lo, e mōjino im iben eor an kōnan: ein drein naj iben jar an ro dri ailiñ otemjej rej törinaek tol Zaion.

9 Komin kōtar im bwilōñ; komin mōñōñ im bilo: rej karek, a e jab kin wain; rej jebwälel, a jab kin dren in karek. 10 Bwe Jeova e ar katorlok iom juön jitōb in kiki mitōñ, im E ar kil mejemi, ro dri kanan; im E ar kalibubu bōrami, ro dri lo. 11 Im aolepen visön ej ñōn kom einwöt nan ko ilo juön buk emwij sil e, eo armij rej lelok ñōn juön e meletlet, im ba ñōn e, Kwon konono ilo buk in, ij kajitök ibōm; inem ej ba, I bane, bwe emwij sil e: 12 im rej lelok buk eo ñōn eo e jab meletlet, im ba, Kwon konono ilo buk in, ij kajitök ibōm; inem ej ba, Ña I jab meletlet.

13 Im Iroi j eo e ar ba, Kin an <sup>1</sup> ro dri ailiñ in druaoktok ñōn iba, im kin an loñir im tiir kōñiäjoik Iō, a rar kamokit burueir etolak jen Ña, im air mijök Iō ej juön kien armij, eo emwij katakin ir kake; 14 kin men in, lo, I naj jerbale juön men in bwilōñ ñōn ro dri ailiñ in, aet, juön jermal men in bwilōñ; im meletlet an ro dri jelalokjen ibeir e naj joko, im lolätät an ro dri lolätät ibeir e naj binjök.

15 Wo ñōn ro rej kanuij noj air bebe jen Jeova, im jermal ko air rej ilo marok, im re ba, Wōn eo ej lo kim? im wōn eo e jela kim? 16 Komij ukot men ko! Ren lemnok dri potter einwöt kle; bwe <sup>2</sup> men in kōmōn en ba ñōn eo e ar kōmōn e, E ar jab kōmōnmōn iō; a men in nawāwen en ba ñōn eo e ar nawāwen e, Ejelok jela iben ke?

17 E jab erik ien ke, inem Lebanon e najerom juön jikin kallip e timon, im ren lemnok jikin kallip eo e timon juön jikin wijki? 18 Im ilo ran eo ro dri jaroñroñ re naj roñjake nan ko ilo

buk eo, im mejen ro dri bilo re naj lo jen etino im jen marok. 19 Ro etä burueir bareinwöt re naj kalaplok air löñliñ ilo Jeova, im ro rej jeramel ian armij ro re naj löñliñ ilo Eo Dri Kwojarjar in Israel. 20 Bwe emwij kajitokjen eo ej kalelñoñ, im dri kajirere eo e jokwōr, im bukwelok ro otemjej rej kabukot nana; 21 ro rej likit juön armij dri bwir kin juön nan, im kōmōn jen ñōn eo ej kowe ilo kejem, im kajeor ro dru wānik kin juön men bata.

22 Kin men in, ein drein Jeova, Eo e ar lomoren Ebrearn, Ej ba kin imōn Jakob: Ien in Jakob e jamin jok, im turin mejen e jamin oo. 23 A ñe ej lo ro nejnin, men in kōmōn an peiō, ilo bwiljin, re naj kokwojarjar eta; aet, re naj kokwojarjar Eo Dri Kwojarjar an Jakob, im re naj mijök Anij in Israel. 24 Ro bareinwöt rej bwir ilo air, re naj tōbar jelalokjen, im ro rej lotan re naj bōk nan in katak.

**30** Wo ñōn ro nejiō rej kabata, Jeova ej ba, ro rej bōk bebe, a jab jen Ña; im rej lutōklok juön jurtak in irak, a jab jen Aō Jitōb, bwe ren kobaik jerawiwi ñōn jerawiwi; 2 ro rej jino air wōnlōllok ñōn Ijijpt, im re jañin kajitök jen loñiō; bwe ren mōke kakajur ir ilo kajur an Pero, im bwe ren ko ñōn lurin Ijijpt! 3 Kin men in, kajur an Pero e naj ami men in jok, im jikin ko ilo lurin Ijijpt ami airwaro. 4 Bwe iroi j ro air rej ber i Zoan, im dri jilik ro air rej itok ñōn Henis. 5 Ir otemjej re naj jok kin ro jen juön ailiñ re ban jibōñ ir, rej ejelok men in jibōñ im ejelok tokjen. a juön men in kajok im bareinwöt men in kinak.

6 Lomijen kiru ko in Rōk.

Ilujen ene in jorran im iñtan, im jen eo ej itok laion kokōra im laion, vaiper im serpent kijeek ej kākī, rej ineklok mweieir ion ass ko emōn ridtair, im men in aurōk ko air ilikin karnel ko ñōn ro dri ailiñ re jamin jibōñ ir. 7 Bwe Ijijpt ej jibōñ bata, im ejelok tokjen; kin men in I ar naetan, Rehab, eo ej jijōt im tōt.

<sup>1</sup> Mark 7. 6. 7. <sup>2</sup> Rom 9. 19-21

8 Inem kwon ilok, kwon jeje imair ion juõn ken jeje, im je ilo juõn buk, bwe en ber ñõn ien ej itok ñõn in drio im in drio. 9 Bwe e juõn ailiñ ej kabata, ro nejin rej riõp wõt, ro nejin re jamin eoroñ kien Jeova; 10 rej ba ñõn ro dri lo, Komin jab lo; im ñõn ro dri kanan, Komin jab drikaniñ ñõn kim men ko re jime, komin konoño ñõn kim men ko re meofo, komin drikaniñ men in mon ko, 11 komin illok jen ial, komin jeor jen ial eo, komin kõmõn bwe Eo Dri Kwojarjar in Israel en jokwõr jen imami. 12 Kin men eo, ein drein Eo Dri Kwojarjar in Israel ej ba, Kin ami kejekron nan in, im liki kamakoko im bõt, im atatar ioir; 13 kin men in, nana in e naj ñõn kom einwõt ikõk in dreka im e nañin rum ilo juõn worwor e utiej, eiriñ an naj rup. 14 Im e naj rup einwõt air rupe jäbi an dri potter, e rup im jab tiriamokake; inem re jamin lo ian mõtõn ko juõn mõtõn re maroñ in bõk kijeek jen ubaj kin e, ak itõk dren jen aibij eo.

15 Bwe ein drein Iroiñ Jeova, Eo Dri Kwojarjar in Israel e ar ba, Ilo jeblak im kakije naj lomoremi; ami kajur e naj ilo tõt im ilo liki. Im kom ar jab kõnan: 16 a kom ar ba, Jab, bwe kim naj ko ion ors ko; kin men in kom naj ko: im, Kim naj uwe ion kiru ko re mõkõj; inem ro rej lukworkwore kom re naj mõkõj. 17<sup>1</sup> Juõn tausar re naj ko kin an juõn kaleñõñ; kin kaleñõñ an ro lailim kom naj ko: mae ien emwij likit kom einwõt juõn alal i jabõn tol, im einwõt juõn flag ion juõn tol erik.

18 Im kin men in Jeova e naj kõtar, bwe En maroñ in joiñ ñõn kom; im kin men in E naj utiej, bwe En maroñ in tiriamokake kom: bwe Jeova juõn Anij in ekajet jime; re mõnõnõ ro otemjej rej kõtar E. 19 Bwe ro dri ailiñ ko re naj jokwe ilo Zaion i Jerusalem; kom jamin bar jõñ; emol E naj joiñ ñõn kwe kin ainiken am lamij; ñe E naj roñjake, E naj uak yuk. 20 Im meñe Iroiñ eo ej lewoj ñõn kwe bred in kamõk im dren in jorran,

ijoke, am dri kãki re jamin bar tilekek, a mejõm re naj lo dri kaki rõn am; 21 im lojiliñõm re naj roñjake juõn nan elikõm, ej ba, Eñin ial eo, komin etetal iloan; ñe komij jeor ñõn anbijmaroñ, im ñe kom jeor ñõn anmiñ. 22 Im kom naj kananaik kilin men in e ko ami jekjek jen silver, im men in kalibubu ami men in unlok ko gold: kom naj jolok ir einwõt juõn men etton; kwo naj ba ñõn e, Kwon etal jen ijin.

23 Im E naj lewoj wut eo ñõn ine eo am, kin e kwo naj jeor ion brij eo am; im E naj lewoj bred jen orlok an brij eo, im e naj uwe im lõñ. Ilo ran eo kau ko am re naj mõña jen melaj ko relap; 24 ox ko bareinwõt, im ass ko emõn ridtair ko rej tõblõl brij eo, re naj mõña kijeir enno, eo emwij karreok e kin shovel im kin fork. 25 Im e naj or wea ko im river in dren ko ilo jabrewõt tol e utiej im ilo jabrewõt tol etã, ilo ran in uror elap, ñe imõn ebar ko rej eolok. 26 Bar juõn, maram in aliñ e naj einwõt maram jen al, im maram in al e naj jiljilimjuõn alen, einwõt maram in jiljilimjuõn ran, ilo ran eo Jeova ej kitimi kinjen ro dron, im kaejmour kinjeir.

27 Lo, etan Jeova ej itok jen etolok, ej urur kin illu eo An, im ilo bat e mijil im wõnliñlok: tien e obrõk kin irenwõne, im loõn ej einwõt juõn kijeek ej kokkure; 28 im menonoõn ej einwõt juõn river ej jiõblok, eo ej tõbrõk kenwan, bwe en likliki ro dri ailiñ ko kin ken liklik in kokkure; im juõn ken drebdrebije ej kejebwäbweik, e naj ilo loñin ro dri ailiñ ko. 29 Ami al e naj einwõt ilo boñ eo ke rej lala juõn kwojkwoj e kwojarjar; im mõnõnõ eo ilo buruõmi einwõt ke juõn ej ilok im iben juõn paip ke ej itok ñõn tol eo an Jeova, ñõn Ejman eo an Israel. 30 Im Jeova e naj kõmõn bwe ren roñjake ainiken e aibujuij, im E naj kwalok wõnlõllok in pein, iben libõpne in illu eo An, im urur in kijeek e kajur, im juõn mowi, im juõn lañ, im wut ko rebin. 31 Bwe kin ainiken Jeova dri Assiria e naj lokjenan; E naj dreñlok e kin

<sup>1</sup> Eoa. 25. 1.

alal eo An. 32 Im jabrewöt dribitbit in jokwön eo emwij kälet e, eo Jeova e naj likit e ion, e naj kin ainiken tabret ko im arp ko; im ilo keitak ko kin erlokwe pein E naj törinaek ir. 33 Bwe emwij kapojök juön Topet jen ien e motlok; aet, ar kapoje nön kiñ eo; E ar kômönmön e mulöl im elap; ejoi j eo an kijeek im elöñ kane; menonoñ Jeova, einwöt juön torlok in brimston ej kejo e.

**31** Wo nön Ijpt kin men in jiböñ, im liki ors ko, im liki jariat ko kin air löñ, im ro dri uwe ion ors ko bwe re kanuij kajur, a re jab reilok nön Eo Dri Kwojarjar in Israel, im jab kabukot Jeova! 2 A E bareinwöt meletlet, im E naj böktok jorran, im E jamin bar karol An in nan, a E naj jerkak nae imön ro dri kômön nana, im nae men in jiböñ jen ro rej jerbali jab wänik. 3 Ak ro dri Ijpt rej armij, im jab Anij; im ors ko air rej kôniek, im jab jitöb: im ñe Jeova e naj erlokwe pein, eo dri jiböñ e naj lökatip, im eo emwij jiböñ e, e naj buñ, im naj kokkure ir otemjej iben dron.

4 Bwe ein drein an Jeova ba nön iö, Einwöt juön laion im kon in laion ej nörnör ion men in jibwe eo an, elañe rej kirtok elöñ dri lale sip nae e, e jamin lelñöñ kin ainikeir, ak möke kötaik e kin air keroro: ein drein Jeova in inelip eo e naj wönlötok in törinae ion tol Zaion im ion tol eo erik an. 5 Einwöt bao in mejatoto rej kätö kätök, ein drein Jeova e naj kouk Jerusalem; E naj kouke im lomoren e, E naj elälök im lomoren e. 6 Komin ukwelok nön iben Eo kom ar kanuij kabata nae E, O komeo ro nejn Israel. 7 Bwe ilo ran eo jabrewöt armij e naj jolok men in e silver ko an, im men in e ko gold, ko peömi rar kômönmöni nön kom nön juön bwir. 8 Im dri Assiria eo e naj buñ kin jäji, jab an armij; im jäji eo, jab an armij ro, e naj köñ e; im e naj ko jen jäji eo, im likao ro an re naj kômön owöj. 9 Im dreka eo an e naj joko kin lelñöñ, im iroi j ro an re naj

lokjenair kin flag eo, Jeova ej ba, eo kijeek eo An ej ilo Zaion, im ubaj eo An i Jerusalem.

**32** Lo, juön kiñ e naj iroi j ilo wänik, im iroi j ro re naj iroi j ilo ekajet jime. 2 Im juön eman e naj einwöt jikin tilekek jen köto, im juön ken törak jen lañ eo, einwöt river in dren ko ilo jikin e möra, im einwöt lurip juön dreka elap ilo juön ene in mök. 3 Im mejen ro rej loe re jamin aoram, im lojiliñin ro rej roñjake re naj eoroñ. 4 Im buruen ro dri kijorur re naj melele jelalokjen, im loön ro rej allo e naj pojök in konono alikar. 5 Re jamin bar äñiñin dri bwebwe, niäjo, ak ba kin eo ej kelmarok, ej draepe wöt. 6 Bwe dri bwebwe eo e naj konono nan in bwebwe, im buruen e naj jerbali jab wänik, bwe en kômön nana in konono bwir nae Jeova, im drebij kijeir jen ro rej kwuli, im kômön bwe limen eo ej maro en likjöp. 7 Bwe ken jerbali ko an dri kelmarok re nana: ej kine bebe ko re nana bwe en kokkure ro rej inemön kin nan ko nan in riöp, aet, ñe ro dri aikwij rej konono jime. 8 A ro remön rej kine men ko remön; im ilo men ko remön re naj berwöt.

9 Komin jerkak, komeo köra dri jatoktok, im komin eoroñ ainikiö; komeo nejn köra re linnok, komin eoroñ nan ko Aö. 10 Bwe ilo ran ko relöñ jen juön yiö kom naj jorran, komeo köra ro dri jatoktok; bwe grep ko re naj likjöp, marmir eo e jamin itok. 11 Komin wuririr, komeo köra re jab jerbali; komin lokjenami, kom dri jab ierek; komin wutik nuknuk ko, im möke kelwan, im kañörnör kom kin nuknuk eklep iren. 12 Re naj ubrare ittir kin jikin kallip ko remön, kin vain eo ej kouwa. 13 Ilo enen ro Aö dri ailiñ e naj edrek kälilik ko im mär kuj ko; aet, ion mo ko imön löñliñ otemjej ilo jikin kwelok in löñliñ. 14 Bwe re naj ilok jen imön iroi j; ilo jikin eo e kar löñ armij, e naj ejelok; tol eo im imön bar eo re naj roñ in kiru nön in drio, im men in

lõniñ an ass ko rawia, juõn jikin mõ-  
ña ñõn bwij ko; 15 mae ien naj lutõk  
Jitõb ioir jen lõn, im ene jemaren en  
juõn jikin kallip e kouwa, im ren  
lemnok jikin kallip eo e kouwa en ji-  
kin wijki ko.

16 Inem ekajet jime e naj jokwe i  
ene jemaren; im wānik e naj berwõt  
ilo jikin kallip e kouwa. 17 Im jer-  
bal in wānik e naj ainemõn; im tok-  
jen wānik, tõt im liki ñõn in drio.  
18 Im ro dri ailiñ Aõ re naj jokwe ilo  
juõn imõn ainemõn, im ilo mo ko eje-  
lok uota ie, im ilo jikin kakije re tõt  
wõt. 19 A e naj wut ebin ilo ien an  
eolok wijki ko; im naj kanuij kõtaik  
jikin kwelok eo. 20 E mõnõnõ komeo  
komij jeor iturin dren ko otemjej, me  
komij jilkinlok neen ox im ass.

**33** Wo ñõn kwe kwoj kokkure,  
im rar jab kokkure yuk; im  
kwoj kõmõn men in mon, im rar jab  
kõmõn men in mon ibõm! Ne emwij  
am kokkure, naj kokkure yuk; im ñe  
kwo naj kajemlok am kõmõn men in  
mon, re naj kõmõn men in mon ibõm.  
2 O Jeova, kwon joiñ ñõn kim; kim  
ar kõtar Yuk; Kweo kwon peim jiboñ  
otemjej, am ken tomor ilo ien jorran.  
3 Kin ainiken iruij eo, ro dri ailiñ ko  
rar ko; kin leliñlok Kwe mõke, ro dri  
ailiñ ko re jibliklok. 4 Im re naj ain  
ami men in rakim einwõt kitõñtõñ  
ej aini: einwõt lokõs ko rej kãlok,  
ein drein armij re naj kãjone. 5 Em-  
wij koutiej Jeova; bwe Ej jokwe  
ilõñ: E ar kobrõk Zaion kin ekajet  
jime im wānik. 6 Im e naj or ken  
kabin ilo ien ko am, elõñ men in lo-  
mor, meletlet, im jela: mijõk Jeova  
ej men in aurõk ibõm.

7 Lo, dri beran ro air rej lamij ili-  
kin im; ro dri keañ kin ainemõn re  
kanuij jõñ. 8 Ial ko relap rej aikwij  
armij, ejelok alibñõrñõr in dri itoi-  
tõk; ej kokkure bujen eo, ej kejekron  
jikin kwelok ko, e jab lemnok kin ar-  
mij. 9 Eneo ej liãjlol im oktõk me-  
lan; Lebanon ej no im aimerlok;  
Sheron ej einwõt ene jemaren; im  
Beshan im Karmel rej mwe jen bwili-  
kir. 10 Kiõ I naj jerkak, Jeova ej

ba; kiõ I naj mõke leliñlok Iõ; kiõ I  
naj utiej wõt. 11 Kom naj etta kin  
kilin wit, kom naj keutak kãn e me-  
noknok; menonoõmi juõn kijeek e naj  
kõñ kom. 12 Im ro dri ailiñ ko re  
naj einwõt air tile iawewe, einwõt  
kãliklik ko emwij jeke, ko rej tile ilo  
kijeek.

13 Komin roñjake, komeo retelok,  
ta eo I ar kõmõne; im komeo rebak,  
komin kwalok Aõ kajur. 14 Ro dri  
jerawiwi ilo Zaion rej lelñõñ; wuririr  
e ar jibwe ro ejelok air Anij: Wõn  
iaruij e maroñ in jokwe iben kijeek  
eo ej kokkure? wõn iaruij e maroñ in  
ber ilo urur ko ñõn in drio? 15 Eo ej  
etetal ilo wānik, im eo ej konono jime;  
eo ej kejekron wõnan kamakokoik, eo  
ej drebij pein jen bõk juõn wõnan  
kõmõn nana, eo ej binej lojiliñin jen  
roñjake kin bõtõktõk, im ej kil mejen  
jen reilok ñõn nana: 16 e naj jokwe  
ilõñ; jikin kouk eo an naj dreka ko re  
kajur; naj lelok ñõn e kijen; im dren  
ko limen re jamin joko.

17 Mejõm re naj lo kiñ eo ilo woleo  
eo an; re naj reilok ñõn juõn ene eto-  
lok. 18 Buruõm e naj kalomõnlok jen  
kin lelñõñ: Ewi eo e ar bwınbwın,  
ewi eo e ar paun? ewi eo e ar bwini  
imõn bar ko? 19 Kwo jamin lo ro  
dri ailiñ ko re lej, armij ro rej konono  
mulõl inem kwo ban jela kake, im loir  
e maijet inem kwo ban melele. 20  
Kwon reilok ñõn Zaion, jikin kwelok  
in kwojkwoj ko am: mejõm re naj lo  
Jerusalem juõn jikin jokwe e tõt wõt,  
juõn im nuknuk re jamin kamõkit e,  
alal ko an re jamin kõtepe, im ejelok  
juõn ian to ko an e naj mijkõk. 21  
A ijo Jeova e naj ibem ilo utiejjen,  
juõn jikin river ko re rãbõkbõk im  
ejelok wan añwõr e naj ilok ilo air,  
ak wan belle ilok ie. 22 Bwe Jeova  
ej dri ekajete kij, Jeova ej am dri  
kaiñi, Jeova ej am kiñ; E naj lo-  
morer. 23 Emwij jelate to ko am;  
rar ban kabin bõklap rar ban jerõke  
wijla: inem emwij ajelok men in  
rakim elap; ro dri kirro rar bõk men  
in rakim eo. 24 Inem dri jokwe ie e  
jamin ba, I nañinmij: naj jolok bwir  
an ro dri jokwe iloan.

**34** Komin druaktok, kom dri ailiñ ko, bwe komin roñjake; im komin eoroñ wõt, kom armij ro: löl en roñjake, im an obrök; löl im men otemjej rej walok jen e. **2** Bwe iben Jeova eor illu nae dri 'ailiñ otemjej, im illu e bwil nae aolepen air jar in törinae; emwij An ketök ir ñön uror.

**3** Naj jolok ro emwij mön ir, im ekörör in ubeir e naj wönliñtok; im tol ko re naj unlok kin bötöktökir. **4** Im aolepen jaran löñ re naj unlok, im naj limi löñ ko einwöt juön limök; im aolepen jar eo air e naj aimerlok, einwöt bwilik ej aimerlok jen vain, im einwöt juön bwilik ej aimerlok jen wijki fig. **5** Bwe Aö jäji e ar irak im mät ilo löñ ko; lo, e naj wönlöllok ion Idom, im ion ro dri ailiñ eo I ar kejerataik ir, ñön ekajet. **6** Jäji eo an Jeova e obrök kin bötöktök, emwij kamättök e kin kioeo, kin bötöktökin lam im got ko, kin kioeo jen dreka in jibke an sip koman ko; bwe iben Jeova juön katok ilo Bozra, im juön uror elap ilo ene in Idom. **7** Im ox ko rawia re naj wönlöllok ibeir, im ox ko kab kau koman ko; im eneir e naj karek kin bötöktök, im naj kamättök, brij eo air e möra kin kioeo.

**8** Bwe eor ran in irenwöne iben Jeova, eor yiö in nawönan kin Zaion. **9** Im wea ko i Idom re naj erom bwil, im bönöñöñ eo an ñön brimston, im enen e naj erom bwil ej urur. **10** Jamin kwune, ran ak boñ; bat eo an e naj wönliñlok ñön in drio; jen ebeben ñön ebeben e naj ber im jemaren; ejelok e naj driblok e ñön in drio im in drio. **11** A eneo e naj an bao pelikan im kiru porkupain; im jinurej im bao reven re naj jokwe iloan; im E naj könök lain in no ion, im men in kajime, ejelok kobön. **12** Re naj kirtok leatöktök ro an ñön ailiñ in kiñ eo, a ejelok e naj ber ijo; im iroiñ ro otemjej an, re naj ejelok. **13** Im kälilik ko re naj walok iloan mo ko imön iroiñ, mär nettel in mär kuj ilo me ko an; im e naj juön jikin jokwe ñön jakol ko, im juön melaj ñön bao ostrij ko. **14** Im kiru ko rawia jen ene jemaren re naj wönmae wulf ko,

im got awia e naj kir ñön jeran; aet, kiru ko in boñ men in lelñöñ re naj ber ie, im naj lo juön jikin kakije ñöni. **15** Ijo serpent möri e naj kömön el in lip ko, im keutak, im kokweloktok i lurin; aet, ijo bao kait ko re naj kwelok, jabrewöt iair iben jeran.

**16** Komin kabukot ilo buk in Jeova, im konono: ejelok juön ian men in mour kein e naj likjöp, ejelok e naj aikwij jeran; bwe löñiö e ar jiroñ, im Jitöb eo An, E ar kokwelokloki. **17** Im E ar kömön kaköle eo ñön ir, im pein e ar ajejlok e ñön ir kin lain; e naj air ñön in drio; jen ebeben ñön ebeben re naj jokwe iloan.

**35** Ene jemaren im eo e möra re naj mönönö; im ene jemaren e naj löñliñ, im ebul einwöt mär ros. **2** E naj kanuj ebul, im löñliñ kin al in löñliñ; naj lelok ñön e aibujuij in Lebanon, men emön potata in Karmel im Sheron: re naj lo aibujuij an Jeova, men emön potata an aruij Anij.

**3** Komin kakajur pä ko re möjino, im kabin bukwe ko re banban. **4** Komin ba ñön ro burueir e arrimij, Komin kajur, komin jab mijök: lo, ami Anij e naj itok im irenwöne, kab nawönan, aet, nawönan an Anij; E naj iten lomoremi.

**5** Inem <sup>1</sup> mejen ro re bilo re naj bellok, im naj bök binjen lojiliñin ro re roñjamön. **6** Inem armij e <sup>2</sup> kirro e naj käksi einwöt juön hart, im lo an dri ban konono e naj al; bwe ilo jikin awia river ko re naj walok, im wea ko i ene jemaren. **7** Im bok e bwil e naj erom juön lwe, im ene e maro, unin dren ko: ilo jikin jakol ko, ijo rar babu ie, e naj or ujoij kab koba ko im rush ko. **8** Im juön ial elap e naj ie, im juön ial, im naj naetan Ial in kwojarjar; ro retton re jamin etal ie; a e naj ñön ro emwij lomoren ir: ro dri itoitök, aet, ro dri bwebwe re jamin jebwäbwe iloan. **9** Ejelok laion e naj ie, im ejelok kiru e lej e naj wönliñlok ion; jamin lo ir ijo; a ro emwij lomoren ir re naj etal ie: **10** im ro

<sup>1</sup> Jon 9. 6, 7. <sup>2</sup> Jerb. 2. 8.



binmour an Jeova re naj jeblaktok, im itok ñon Zeaion kin al; im lõnliñ in drio e naj ion bõrair; re naj bõk lõnliñ im mõnõnõ, im buromõj im mõtatu re naj ko jen ir.

**36** Ak ilo<sup>1</sup> yiõ eo ken ka joñoul emen an Hezekaia kiñ, Senakerib kiñ in Assiria e ar wõnliñtok nae jikin kwelok otemjej eor air worwor i Juda, im bõki. 2 Im kiñ in Assiria e ar jilkinlok Rabshake jen Lekish ñon Jerusalem ñon kiñ Hezekaia, im iben juõn jar in tõrinae elap. Im e ar jutõk iturin dor in lwe e utiej ilo ial in melaj an dri nukuk kejeje. 3 Inem rar itok ñon iben, Ilaiekim nejin Hilkaia, eo e ar iroijs ion mweo, im Shebna dri jeje eo, im Joa nejin Esap, dri jeje bwebwenato.

4 In Rabshake e ar ba ñon ir, Komin ba kiõ ñon Hezekaia, Ein drein kiñ eo elap kiñ in Assiria ej ba, Ewi tokjen liki in kwoj liki kake? 5 Ij ba am bebe im kajur ñon tõrinae rej nan bata wõt: inem wõn eo kwoj liki kiõ, ke kwoj kabata nae iõ? 6 Lo, kwoj liki koka in e ub, eo elañe juõn armij ej atartar ion, e naj dreloñ ilo pein im wie: ein drein Pero kiñ in Ijpt ñon ro otemjej rej liki e. 7 A elañe kwoj ba ñon iõ, Kimij liki Jeova amuij Anij: E jab eo jikin re utiej im lokatok ko An Hezekaia e ar bõkloki ke, im e ar ba ñon Juda im ñon Jerusalem, Kom naj kabuñ iman lokatok in? 8 Inem kwon letok men in kamol ñon aõ iroijs kiñ in Assiria, im I naj lewoj ruo tausan ors, elañe kwe kwo maroñ in likit ro dri uweioir. 9 Inem ekijkan am maroñ in kejeorlok mejen juõn kapen eriktata ian ro dri korijeran iroijs eo aõ, im liki Ijpt kin jariat ko im ro dri uwe ion ors? 10 Im kiõ I ar wõnliñtok nae ene in bwe in kokkure, im Jeova e jab iba ke? Jeova e ar ba ñon iõ, Kwon wõnliñlok nae ene in, im kokkure.

11 Inem Ilaiekim im Shebna im Joa re ba ñon Rabshake, Kwon konono, ij kajitõk, iben ro dri korijerõm ilo kajin Siria; bwe kimij jela kake;

<sup>1</sup> 2 KIN 18. 13.

im jab konono ñon kim ilo kajin ro dri Ju, i lojiliñin armij ro rej ber ion worwor eo. 12 A Rabshake e ba, Aõ iroijs e ar jilkintok iõ ñon iroijs eo ami, im ñon kwe, bwe in konono nan kein ke? e ar jab jilkintok iõ ñon ro rej jijõt ion worwor eo ke, bwe ren mõña air toeõk, im irak air mõjo ibemi?

13 Inem Rabshake e ar jutõk, im lamij ilo ainiken elap ilo kajin ro dri Ju, im e ba, Komin roñjake nan ko jen kiñ eo elap, kiñ in Assiria. 14 Ein drein kiñ eo ej ba, Hezekaia en jab mone kom; bwe e jamin maroñ in lomoremi: 15 im Hezekaia en jab kõmõn bwe komin liki Jeova, im ba, Emol Jeova e naj lomorer; E jamin lelok jikin kwelok in na ilo pein kiñ in Assiria. 16 Komin jab eoroñ Hezekaia: bwe ein drein kiñ in Assiria ej ba, Komin kõmõn ainemõn iba, im droijtok ñon iba; inem komin mõña, jabrewõt iami, jen vain eo an, im jabrewõt iami jen wijki fig eo an, im jabrewõt iami en irak dren jen aibij eo an; 17 mae ien aõ item añinlok kom ñon juõn ene einwõt ene eo ami, juõn enen korn im wain ekål, juõn enen bred im bwil in grep ko. 18 Komin lala ñe ab Hezekaia en karel kom, kin an ba, Jeova e naj lomorer. Jabrewõt ian anij ro an ro dri ailiñ ko e ar lomoren eneo an jen pein kiñ in Assiria ke? 19 Ewi anij ro an Hemat im Arpad? ewi anij ro an Separveim im rar lomoren Sameria jen peiõ ke? 20 Wõn ro ian anij otemjej an ailiñ kein, rar lomoren ailiñ eo air jen peiõ, bwe Jeova en lomoren Jerusalem jen peiõ?

21 A rar kejeklokjen, im jab uak juõn nan; bwe kien kiñ eo, im e ar ba, Komin jab uak e. 22 Inem Ilaiekim nejin Hilkaia, eo iroijs in mweo, im Shebna dri jeje eo, im Joa nejin Esap, dri jeje bwebwenato, rar itok ñon iben Hezekaia, im ebeotõk nukuk ko air, im rej kennanek e nan ko an Rabshake.

**37** Im ke<sup>1</sup> Hezekaia e ar roñjake, e ar kekel nukuk ko an, im kõnõk nukuk eklep iren, im dreloñ-

<sup>1</sup> 2 KIN 19. 1-37.

lok ilo mwe imōn Jeova. 2 Im e ar jilkinlok Ilaiekim eo iroiĵ in mweo, im Shebna dri jeje eo, im ridto ro ian pris ro, emwij air kōnōk nuknuk klelep iren, nōn Aiseia dri kanan eo neĵin Emoz. 3 Im rar ba nōn e, Ein drein Hezekaia ej ba, Ranin ran in jorran, im ran in kowe, im ran in kaĵirere; bwe niñniñ ro re nañin lotak, im ejelok kajur in keutakir. 4 Bwelen Jeova am Anij e naj roñjake nan ko jen Rabshake, eo kiñ in Assiria e ar jilkintok e bwe en kejeiokiok Anij eo dri mour, im E naj enoik nan ko Jeova am Anij e ar roñjake: kin men in, kwon leliñlok am jar kin ro matōn mij.

5 Ein drein ro dri korijeran Hezekaia rar itok nōn iben Aiseia. 6 Im Aiseia e ar ba nōn ir, Ein drein ami naj ba nōn iroiĵ eo ami, Ein drein Jeova ej ba, Kwon jab mijōk nan ko kwar roñjake, im ro dri korijeran kiñ in Assiria rar kōtorei Iō kake. 7 Lo, I naj likit juōn jītōb iloan, im e naj roñjake nan ko, im e naj jeblaklok nōn eneo an; im I naj kōmōn bwe en buñ kin jāji ilo eneo an.

8 Ein drein Rabshake e ar jeblak, im lo kiñ in Assiria ej tōrinaek Libna; bwe e ar roñ kin an ilok jen Lekish. 9 Inem e ar roñ kin Tirhaka kiñ in Itiopia, E ar droijtok in tōrinaek yuk. Im ke e ar roñjake e ar jilkinlok ro dri jilik nōn iben Hezekaia, im ba, 10 Ein drein kom naj konono nōn Hezekaia kiñ in Juda, im ba, Anij, eo komij liki E, En jab mone yuk, im ba, Jamin lelok Jerusalem na ilo pein kiñ in Assiria. 11 Lo, kwar roñjake ta eo kiñ ro in Assiria rar kōmōn nōn ene otemjej, kin an kanuij kokkure ir: im naj lomoren yuk ke? 12 Anij ro an ailiñ ko ro jema rar kokkure, Gozan, im Heran, Rizep, im ro neĵin Iden rar ber i Telassar, rar lomoren ir ke? 13 Ewi kiñ in Hemat, im kiñ in Arpad, im kiñ in jikin kwelok Separveim, im Hina, im Iva?

14 Im Hezekaia e ar bōk letter eo jen ro dri jilik, im lale iloan, im Hezekaia e ar wōnliñlok nōn mweo imōn Jeova, im e ar erlokwe iman Jeova.

15 Im Hezekaia e ar jar nōn Jeova, im ba, 16 O Jeova in inelip eo, Anij in Israel, Kwe kwoj jijōt ilōñin kerub ko, Kwe Anij eo, aet Kwe wōt, in ailiñ ko otemjej in lōl; Kwar kōmōnmōn lōñ ko im lōl. 17 Kwon kajirtok lojiliñōm, O Jeova im roñjake; Kwon kabellek mejōm, O Jeova, im lo; im roñjake nan ko otemjej an Senakerib, eo e ar jilkintok in kejeiokiok Anij eo e mour. 18 Emol, Jeova, kiñ in Assiria rar kokkure ailiñ ko otemjej, im ene ko air, 19 im rar jolok na ilo kijeek anij ro air: bwe re jab anij, a iltan pein armij, wijki im dreka; kin men in rar kokkure ir. 20 Inem kiō, O Jeova amuij Anij, kwon lomoren jen pein, bwe dri ailiñ otemjej ren jela bwe Kwe Jeova, aet, Kwe wōt.

21 Inem Aiseia neĵin Emoz e ar jilkinlok nōn iben Hezekaia, im ba, Ein drein Jeova, Anij in Israel, ej ba, Kin am jar nōn Iō nae Senakerib kiñ in Assiria, 22 efin nan eo Jeova e ar ba kin e: Virĵin eo neĵin Zaion e ar kejekron yuk im tōñkake yuk; lionejin Jerusalem e ar jibolul bōran nae yuk. 23 Wōn eo kwar kejeiokiok E im konono nana nae E? im wōn Eo kwar leliñlok ainikiōm im koutiej mejōm nae E? E Dri kwojarjar in Israel. 24 Kin ro dri korijerōm kwar kejeiokiok Iroiĵ eo, im kwar ba, Kin jariot ko aō relōñ emwij aō wōnliñtok nōn utiejen tol ko, nōn mōtōn ko ilujen Lebanon; im I naj juokwe aik ko an re utiej, im wijki fōr ko an; im I naj dreloñlok iloan jabōn eo etoloktata, nōn wijki ko in jikin kallip e kouwa, 25 emwij aō kōbij im irak dren, im kin lobiren neiō I naj karoj river otemjej in Ijipt.

26 Kwar jab roñ ke ekijkan I kar kōmōne moktata, im na wāwen iloi en ko re motlok? kiō I ar kōmōn men in, bwe en kwonam kejebeplik jikin kwelok ko eor air worwor nōn ebe ko. 27 Kin men in ro dri jokwe ie, erik air kajur, rar leliñōm im no; rar einwōt ujoij in melaj, im einwōt mār e māroro, einwōt ujoij ion kejenwan, im einwōt juōn jikin kallip in korn mokta jen an edrekliflok. 28 A I

jela am jijōt, im am drioi j dreloñ, im am lej nae Iō. 29 Kin am lej nae Iō, im bwe am jualōñlōñ ej wōnlīntok i lojiliñiō, kin men in I naj likit kāj eo Aō ilo bodōm, im Aō ken drebij ilo tiōm, im I naj kejeblak yuk ilo ial eo kwar itok ie tok.

30 Im eñin naj kakōle ñōn kwe: kom naj mōña yiō in jen eo ej mōke edrek, im ilo yiō eo ken ka ruo jen men eo ej edrek jen inen; im ilo yiō eo ken ka jilu komin jeor, im marmir, im kallip bwil in grep, im mōña jen leen. 31 Im ro mātōn mij ian ro imōn Juda, re naj bar Iō okrair ilōl im jebar leir ilōñ. 32 Bwe jen Jerusalem e naj drioi jlok juōn mōtōn, im jen tol Zaion ro rej ko. Kijejeto an Jeova in inelip eo e naj kōmōn men in.

33 Inem ein drein an Jeova ba kin kiñ in Assiria, E jamin itok ñōn jikin kwelok in, im e jamin likloke juōn mōri ie, im e jamin itok ñōn iman kin likipijñōk, im e jamin eje juōn bat nae e. 34 Kin ial eo e ar itok, e naj jeblak ie, im e jamin itok ñōn jikin kwelok in, Jeova ej ba. 35 Bwe I naj kouk jikin kwelok in im lomoren, kin Ña, im kin dri korijera Devid.

36 Im enjel ōn Jeova e ar drioi jlok, im mōn ilo kamp an ro dri Assiria, jibuki drualitōkñoul lailim tausān; im ke armij rar jerkak ilo jiboñ wōt, lo, ir otemjej re mij. 37 Ein drein Senakerib kiñ in Assiria e ar ilok, im etal im jeblak in jokwe i Nineve. 38 Im ber inem, ke e ar kabuñ ilo imōn Nisrok anij eo an, Adramelek im Sharizer, ro nejin, rar mōn e kin jāji, im rar ko ñōn enen Ararat. Im Isar-hadon nejin, e ar binej jenkwōn im kiñ.

**38** Ilo 'ran ko Hezekaiā e ar nañinmij wōt jirik. Im Aiseia dri kanan eo e ar itok ñōn iben, im e ba ñōn e, Ein drein Jeova ej ba, Kwon kebobōj mweo imōm, bwe kwo naj mij, im jamin mour. 2 Inem Hezekaiā e ar jellok mejen ñōn turin im, im e ar jar ñōn Jeova, 3 im ba, Kwon kememej kiō, O Jeova, ij akwelap, ekijkan I ar etetal imam ilo

mol im buru e wāppen, im I ar kōmōn men eo emōn iman mejōm. Im Hezekaiā e kanuij jōñ. 4 Inem nan jen Jeova e ar itok ñōn Aiseia, im ba, 5 Kwon ilen ba ñōn Hezekaiā, Ein drein Jeova Anij an Devid, jemōm. Ej ba, I ar roñ am jar, I ar lo am dren in kemjalal: lo, I naj kobaik ñōn ran ko am joñoul lailim yiō. 6 Im I naj lomoren yuk im jikin kwelok in jen pein kiñ in Assiria; im I naj kouk jikin kwelok in. 7 Im eñin naj kakōle ñōn kwe jen Jeova, bwe Jeova e naj kōmōn men in E ar konono kake: 8 lo, I naj kōmōn bwe lur eo ion jekairu ko, eo e ar wōnlōllok iben al ilo jekairu ko an Ehaz, en jeblak joñoul jekairu. Ein drein al e ar jeblak joñoul jekairu ilo oran jekairu ko e ar wōnlōllok ie.

9 Jeje an Hezekaiā kiñ in Juda, ke e ar nañinmij, im e ar ejmour jen nañinmij eo.

10 I ar ba, Ilo beriolap in ran ko aō I naj dreloñ ilo kejem in Hedis; emwij bōk jen ña mōtōn yiō ko aō.

11 I ar ba, I jamin lo Jeova, aet, Jeova ilo enen ro dri mour: I jamin bar lo armij iben ro rej jokwe ilōl.

12 Emwij kamōkit mweo imō, im bōklok jen ña, einwōt im nuknuk an juōn seperd: I ar limlim aō mour, einwōt juōn dri ej nuknuk; E naj bukwe lok iō jen ken ej: jen ran im ñōn boñ Kwo naj kamwijlok iō.

13 I ar mōke kainemōn iō ñōn jiboñ; einwōt juōn laion, ein drein Ej ruji dri ko driō: jen ran im ñōn boñ Kwo naj kamwijlok iō.

14 Einwōt juōn bao swallo ak kren, ein drein I ar wanketal; I ar ñir einwōt juōn mule; meja retinar ilo aō reiliñlok; O Iroi j, emwij kamakokoik iō, Kwon binmour ñōn iō.

15 Ta eo in ba? E ar konono ñōn iō, im E ar mōke kōmōne; I naj jarikrik yiō ko aō otemjej, kin meo eo ilo aō.

16 O Iroi j, kin ken kein armij rej mour; im ilo ir ej mour an aō jītōb: kin men in Kwon kaejmour iō, im le tok bwe in mour wōt.

17 Lo, ñōn aō ainemōn e ar meo

elap iba; a kin Am yokwe aō, Kwar lomoren jen roñ in etton; bwe Kwar jolok bwir otemjej aō na ilikōm.

18 Bwe Hedis e ban nebar Yuk, mij e ban kabuñbuñ Kwe; ro rej wōnlōllok na ilo roñ eo re ban keja-trikrik ir kin Am mol.

19 Bwe dri mour, dri mour, e naj nebar Yuk, einwōt ña ranin: jemeir ñōn ro nejir, re naj kwalok Am mol.

20 Jeova e rerelek in lomor iō: kin men in kim naj al al ko aō kin ken kajōñjōñ ko eor air to, iomin ran ko am otemjej ilo mweo imōn Jeova.

21 Ak Aiseia e ar ba, Ren bōk juōn kek in fig ko, im likit e einwōt juōn plaster ion wōt eo, im e naj mour. 22 Hezekaia e ar bareinwōt ba, Ta kakōle eo bwe in wōnliñlok ñōn mweo imōn Jeova?

39 Ilo <sup>1</sup>ien eo Mirodak-baledan, kiñ in Babilon, e ar jilkintok letter ko im juōn men in lelok ñōn Hezekaia; bwe e ar roñ kin an nañin-mij im bar ejmour. 2 Im Hezekaia e ar mōnōnō kake ir, im e ar kwalok ñōn ir mweo imōn men ko re aurōk iben, silver, im gold, im spais, im oil e aurōk, im aolepen mweo imōn ken tōrinae ko, im aolepen men in aurōk ko an: ejelok ilo mweo imōn, ak ilo aolepen eneo an, im Hezekaia e ar jab kwalok e. 3 Inem Aiseia dri kanan eo e ar itok ñōn iben kiñ Hezekaia, im ba ñōn e, Ta eo armij rein rar ba ñōn yuk? Im rar itok ñōn ibōm jen ia? Im Hezekaia e ar ba, Rej itok jen juōn ailiñ etolok ñōn iba, aet, jen Babilon. 4 Inem e ar ba, Ta eo rar aluij ilo mweo imōm? Im Hezekaia e ar uak, Rar aluij men otemjej ilo mwinimō, ejelok ian men in aurōk ko iba I ar jab kwalok ñōn ir. 5 Inem Aiseia e ar ba ñōn Hezekaia, Kwon roñjake nan jen Jeova in inelip eo: 6 Lo, ran ko rej itok ñe re naj bōklok ñōn Babilon men ko otemjej ilo mweo imōm, im men eo ro jimam rar kabinoko ñōn ranin; ejelok e naj berwōt, Jeova ej ba. 7 Im ian lō-marō nejōm re naj itok jen yuk, ro kwo naj keutak ir, re naj bōklok ir;

im re naj eunok ro i mweo imōn kiñ in Babilon. 8 Inem Hezekaia e ar ba ñōn Aiseia, Emōn nan eo jen Jeova im kwar konono kake. Bareinwōt e ar ba, Bwe e naj or ainemōn im mol ilo ran ko aō.

40 Komin <sup>1</sup>kainemōn, komin kainemōn ro Aō dri ailiñ, ami Anij ej ba. 2 Komin konono ainemōn ñōn Jerusalem; im kir ñōn e, bwe emwij ien tōrinae eo an, emwij jolok bwir eo an, im e ar bōk jen pein Jeova alen ruo kin jerawiwi otemjej an.

3 Ainiken juōn ej kir, Komin kapōjōk i ene jemaren ial eo an Jeova; komin kōmōn ilo ene jemaren juōn ial elap im eorāke, ñōn aruij Anij. 4 Naj koutiej komlōl otemjej, im naj kōtaik tol ko redrik im relap otemjej; im naj eorāke ijo e kurbaliklik, im jikin ko re berakilkil naj kamatōltūi: 5 im naj kwalok aibujuij an Jeova, im kōniek otemjej e naj jimor loe; bwe loñin Jeova e ar konono kake.

6 Ainiken juōn eo ej ba, Kwon kir. Im juōn e ba, Ta eo in kir? Kōniek otemjej ujoij, im aolepen emōn iben, einwōt inōk in melaj. 7 Ujoij ej aimerlok, inōk eo ej mejkwunlok, kin an menonoñ Jeova ukwi; emol ro dri ailiñ rej ujoij. 8 Ujoij ej aimerlok, inōk eo ej mejkwunlok; a nan jen aruij Anij e naj bin ñōn in drio.

9 O kweo kwoj kennan nan ko remōn ñōn Zaion, kwon wōnliñlok ilo juōn tol e utiej; O kwe kwoj kennan nan ko remōn ñōn Jerusalem, kwon koutiej ainikiōm kin kajur, kwon koutiej e, kwon jab mijōk; kwon ba ñōn jikin kwelok ko in Juda, Komin lo ami Anij! 10 Lo, Iroj, Jeova e naj itok einwōt juōn e kajur potata, im pein e naj iroj kin E: lo, wōnan ej iben, im men in lelok iman. 11 E naj <sup>2</sup>najirik bwij eo An einwōt juōn dri lale sip, E naj atbokwoji lam ko kin pein, im jiburlipi, im E naj ailiñ kōrai ro.

12 Wōn Eo e ar joñwe dren ko ilo lobiren pein, im jetōñe lōñ ko, im kobaik bōñōñlōl in lōl ilo juōn ken

<sup>1</sup> 2 KIN 20. 12-19.

<sup>1</sup> 2 Kor. 1. 4. <sup>2</sup> Jon 10. 14-16.

joñök, im paune tol ko kin ken paun, im bareinwöt tol ko redrik? 13 Wön Eo e ar kajimelok Jitöb ön Jeova, ak e ar katakin E einwöt An dri bebe? 14 E ar bebe iben wön, im wön eo e ar kajelaik E, im katakin E ilo ial in ekajet jime, im katakin E jelalokjen, im kwalok nön E ial in meletlet? 15 Lo, ro dri ailiñ ko rej einwöt bilinliñ in juön böket, im likit ir einwöt bok-airik ilo juön ken paun: lo, Ej kwo-töke ailiñ ko einwöt juön men jirik-rik. 16 Im Lebanon e jab bwe nön tile, ak kiru ko an re jab bwe nön juön men in katok kijeek. 17 Ro dri ailiñ ko otemjej rej einwöt ejelok iman mejen; Ej likit ir erik jen ejelok, im men bata.

18 Inem kom naj jajoñjoñ Anij iben wön? ak wäwen öt kom naj keiri nön E? 19 Men in e eo, juön dri jermal e ar kaunlok e, im dri jerbale gold ej nakilin kin gold, im kaunlok nön e toninir silver. 20 Eo ej bane wäwen in kin an jeramel, ej kälet juön wijki e könkel; ej kabukot nön e juön dri jermal e mejerik bwe en kapojök juön men in e jekjek, eo jamin kamökite. 21 Kom jañin jela ke? kom ar jab roñ ke? ar jab kenanek kom kake jen jinoin ke? kom ar jab melele ke jen loñtök ko loñtön löl? 22 Eñin Eo ej jijöt ilöñin belakin löl, im ro rej jokwe ie rej einwöt meninujoi ko; Ej erlokwe mejatoto einwöt juön ken binej, im erlokwe einwöt juön im nuknuk bwe ren jokwe iloan; 23 Ej kajitokjen iroi ro; im kömön ro dri ekajete löl einwöt men bata. 24 Aet, ar jab kalibwin ir; aet, ar jab jeor ir; aet, air kån e ar jab ellö okran ilo brij: bar juön, Ej ukwi ir, inem rej aimerlok, im aire ej bökkok ir einwöt kån in wit e menoknok. 25 Inem wön eo kom naj karök lö nön e, bwe In einwöt e? Eo Dri Kwojarjar ej ba. 26 Komin reiliñlok, im lo wön eo E ar kömönmön men kein, eo Ej kadrioijlok ir kin orair; Ej añiñin ir otemjej; kin An kajur elap, im kin An bin ilo maroñ potata, ejelok juön ej likjöp.

27 Etke kwo ba, O Jakob, im ko-

nono, O Israel, E nojök aö ial jen Jeova, im men in ekajete iö jime e joko jen aö Anij? 28 Kwar jab jela ke? kwar jab roñ ke? Anij eo ej nön in drio, Jeova, dri kömönmön jabön ko jabön löl, E jab kijelok, im E jab mök; ejelok e maroñ kabukot jelalokjen eo An. 29 Ej lelok kajur nön eo ej barök; im nön eo ejelok an maroñ, Ej korlok kajur. 30 Ro emön rid-tair re naj barök im mök, im likao ro re naj kijelok im buñ: 31 a ro rej kötare Jeova re naj kökal air kajur; re naj jebäläñlok kin peir einwöt igöl ko; re naj etör im jab mök; re naj etetal im jab barök.

**41** Komin kejeklokjen imaö, O ailiñ ko redrik; im ro dri ailiñ ko ren kökäl air kajur; ren kebaktok; inem ren konono; jen jelmae dron nön ekajet. 2 Wön eo e ar kejerkak juön jen rear, Eo e ar kirtok e ilo wänik nön neen? Ej lelok ro dri ailiñ ko iman, im kömön bwe en iroi ion kiñ ro; Ej lelok ir einwöt böñöl-ñöl nön jäji eo an, einwöt kan in wit ukwilok nön libon eo an. 3 Ej lukworwor ir, im wönmanlok im jab uota, ilo juön ial e ar jab etal iloan kin neen. 4 Wön eo e ar jerbale im kömöne, im kirtok ebeben ko jen jinoin? Na Jeova, Eo moktata, im iben eo eliktata, Na e. 5 Ailiñ ko redrik rar lo, im mijök; jemlokön ko jemlökön löl re wurir; rej kebaktok, im itok. 6 Jabrewöt iair ej jibön ro dri turin; im e ba nön eo jein im jätin, Kwon beran wöt. 7 Ein drein dri jerbale wijki ej kaberan eo ej jerbale gold, im eo ej kamatöltil kin ammer, eo ej nowe jin eo, im ba kin men in kobaik, Emön; im ej kabine kin drila ko, bwe en jab maköt-kit.

8 A kwe, Israel, dri korijera, Jekob eo I ar kälet e, inen Ebreame jera, 9 bwe eo I ar böktok jen jemlokön ko jemlokön löl, im kirtok ir jen jabön ko an, im I ar ba nön yuk, Kwe kwoj dri korijera, I ar kälet yuk, im jañin jolok yuk; 10 kwon jab mijök, bwe Na iböm; kwon jab lelñöñ, bwe

<sup>1</sup> 1 Kor. 4. 8-10.

Ŋa am Anij; I naj kakajur yuk, aet, I naj jibōñ yuk; aet I naj baur yuk kin pein anbijmaroñōn wānik eo Aō. 11 Lo, ro otemjej rej illu nae yuk, naj kajok ir im re naj no: ro rej akwaile yuk, re naj einwōt ejelok im naj joko. 12 Kwo naj kabukot ir, im jamin lo ir, ro rej akwaile yuk: ro rej tōrinaek yuk re naj einwōt ejelok, im men bata. 13 Bwe Ŋa Jeova, am Anij, I naj kapjere anbijmaroñōm, im ba ñōn yuk, Kwon jab mijōk; I naj jibōñ yuk. 14 Kwon jab mijōk, kwe likarōk Jakob, im kom armij in Israel; I naj jibōñ yuk, Jeova ej ba, im am Dri Lomor eo ej Dri Kwojarjar in Israel. 15 Lo, I ar kōmōn yuk juōn ken dreñdreñ ekōñ eor ñin; kwo naj dreñlokwe tol ko, im tibrikriki im kōmōni tol ko redrik einwōt kilin wit. 16 Kwo naj biok ir, im kōto e naj biokilok, im aire e naj kijiblikliki; im kwo naj loñliñ ilo Jeova, kwo naj jualōñlōñ ilo Dri Kwojarjar in Israel.

17 Ro dri jeramel im dri aikwij rej kabukot dren, inem ejelok, im e kelok loir kin maro; Ŋa Jeova I najuak ir, Ŋa Anij in Israel, I jamin illok jen ir. 18 I naj kabellok river ko ilo jabōn tol dreka ko, im unin dren ko ilo komlōl ko; I naj kōmōn ene jemaren juōn lwe in dren, im ene e mōra unin dren ko. 19 I naj likiti ene jemaren, aik eo, akesia, mirtel, im wijki oil; I naj likit ilo ene jemaren wijki fōr, vain, im wijki box iben dron: 20 bwe ren lo, im jela, im kalomōnlokjen kake, im jimor melele, bwe pein Jeova e ar kōmōn men in, im Eo Dri Kwojarjar in Israel E ar kōmōnmōne.

21 Komin kwalok ijo ami, Jeova ej ba; komin bōktok ami lemnok re kajur, Kiñ in Jakob ej ba. 22 Ren bōktok, im kwalok ñōn kim ta eo e naj walok; komin kennan kin men ko mokta, ta jein, bwe kimin maroñ in lemnok kake, im jela tokjeir; ak kwalok ñōn kim men ko ren itok. 23 Komin kwalok men ko re naj walok tokelik, bwe kimin jela bwe kom anij ro: aet, komin kōmōn emōn, ak

kōmōn nana, bwe kimin no, im jimor loe. 24 Lo, komij jen ejelok, im ami jeral ejelok tokjen; ej men in jōjōik eo ej kālet kom.

25 Emwij Aō kejerkak juōn jen eañ, im e ar itok; jen tak al juōn eo ej kir kin eta: im e naj itok ion iroi ro einwōt ion iawewe e unlok, im einwōt dri potter ejjure kle. 26 Wōn eo e ar kwalok e jen jinoin, bwe kimin jela kake? im ilo ien mokta, bwe kimin ba, E jime? aet, ejelok juōn ej kennan, aet, ejelok ej kwalok, aet, ejelok ej roñjake nan ko ami. 27 Ŋa eo E ar ba ñōn Zaion mokta, Komin lo, komin kalimjek ir; im I naj lelok ñōn Jerusalem juōn eo ej bōktok nan ko remōn. 28 Im ñe Ij lo, ejelok armij; im ibeir ejelok dri bebe, eo ñe Ij kajitōk ibeir e maroñ im uak kin juōn nan. 29 Lo, ir otemjej, jeral ko air rewan in ejelok tokjeir; air men in e re unlok rej kōto im men in no.

**42** <sup>1</sup>Lo, Aō Dri Korijera, Eo Ij drebiye; Aō dri kālet, im Aō ej lōñliñ kake: emwij Aō likit ion <sup>2</sup>Jitōb eo Aō; E naj kadrioiytok ekajet jime ñōn ro dri ailiñ ko. 2 E jamin lamij, ak koutiej ainiken, ak kōmōn bwe ren roñjake ilo ial eo. 3 Juōn koba eobōp E jamin ruje, im lamp eo erik an urur E jamin kwune; E naj kadrioiytok ekajet jime ilo mol. 4 E jamin likjōp ak ōbwer, mae ien An likit ekajet jime ilo lōl; im ailiñ ko redrik re naj kōtar kien eo An.

5 Ein drein Jeova ej ba, Eo e ar kōmōnmōn lōñ ko, im erlokwe ir, Eo e ar erlokwe lōl im men eo ej waloktok jen e; Eo ej lelok menono ñōn armij ro ion, im jitōb ñōn ro rej etetal iloan: 6 Ŋa, Jeova, I ar kirtok Yuk ilo wānik, im I naj drebij peōm, im I naj kejbārok Yuk, im lelok Yuk juōn bujen ñōn ro dri ailiñ, juōn maram ñōn ro dri ailiñ ko jet; 7 bwe Kwon kabellok mej ko re bilo, bwe Kwon kadrioiytok ro dri prison, im ro rej jijōt ilo marok, jen imōn prison eo. 8 Ŋa Jeova, eñin eta; im Aō wuj I jamin lelok ñōn bar juōn, ak Aō ne-

<sup>1</sup> Matu 12. 18-rt. <sup>2</sup> Luk 4. 18-st.

bar ñõn men ko men in e ko jekjek. 9 Lo, men ko mokta rar jejit, im men ko rekäl Ij kwaloki; mokta jen air walok Ij kennanek yuk kake.

10 Komin al ñõn Jeova juõn al ekäl, im An nebar jen jemlokõn löl; <sup>1</sup>komeo komij wõnlölok ñõn lometo, im men otemjej iloan, ailiñ ko redrik, im ro rej jokwe ie. 11 Ene jemaren eo im jikin kwelok ko an ren koutiej ainikeir, jikin kwelok ko Kidar ej jokwe ilo ir; ro dri jokwe ilo Sila ren al, ren lamij jen jabõn tol ko. 12 Ren lelok aibujuij ñõn Jeova, im kwalok An nebar ilo ailiñ ko redrik. 13 Jeova e naj driojlok einwõt juõn armij e kajur; E naj biuktõke an kijejeto, einwõt juõn dri törinae; E naj kir, aet E naj lamij wõt; E naj kõmõn men in kajur ko nae ro dri kirät E.

14 Eto Aõ kejeklokjen; I ar tõt wõt, im mõke drebij Iõ: kiõ I naj lamij einwõt kõra eo e mejöljöllok; kiõ I naj kokkure im kõñ. 15 I naj kokkure tol ko relap im ko redrik, im kamõralok mår ko air otemjej; I naj kõmõn river ko bwe ren ailiñ, im karõj lwe ko. 16 Im I naj añinlok ro dri bilo ilo juõn ial re jaje kake; ilo ial ko re jaje kake I naj tellok ir; I naj kõmõn marok maram imair, im kajime jikin ko re ankeke. I naj kõmõn men kein, im I jamin illok jen ibeir. 17 Naj kejeblaklok ir, naj kanuij kajok ir, ro rej liki men in e ko jekjek, rej ba ñõn men in e ko re unlok, Kom anij ro am.

18 Komin roñjake, komeo dri roñjamõn; im reilok, kom dri bilo, bwe komin lo. 19 Wõn eo e bilo, a dri korijera? ak roñjamõn, einwõt Aõ dri jilik eo Ij jilkinlok e? wõn eo e bilo einwõt eo emwij kaniknik e, im e bilo einwõt dri korijeran Jeova? 20 Kwoj lo men ko relõñ, a kwo jab kalimjeke; lojiliñin re bellok, a e jab roñ. 21 E ar emõn iben Jeova, kin An wånik, bwe en koutiej kien eo, im kõñiäjoik e. 22 A eñin juõn dri ailiñ emwij koarõñ im rakimi ir; emwij jibwe ir otemjej ilo roñ ko, im re

tilekek ilo mo ko imõn prison: rej men in jibwe, im ejelok ej lomor ir; men in rakim im ejelok ej ba, Komin kajebalak.

23 Wõn eo ibemi e naj letok lojiliñin ñõn men in? e naj roñjake im eo-roñ ñõn ien ej itok ke? 24 Wõn eo E ar lelok Jakob men in rakim, im Israel ñõn ro dri koarõñ? E jab Jeova ke? Eo jar jerawiwi nae E, im ilo ial ko An re jab kõnan etetal, im rar jab bokake kien ko An. 25 Kin men in E ar kartorlok ioir lej im illu eo An, im kajur in törinae eo; im E ar tile ijoko otemjej, ijoke, e jaje kake; im e ar bwil kin men kein, a e jab lemnok kake.

43 A kiõ, ein drein Jeova ej ba, Eo e ar kõmõnmõn yuk, O Jakob, im Eo e ar nawāwen yuk, O Israel: Kwon jab mijõk, bwe emwij Aõ lomoren yuk; I ar añinñin yuk, kwoj Aõ. 2 Ne kwoj <sup>1</sup>driblok dren ko I naj ibõm, im ilujen river ko, re jamin torelok yuk; ñe kwoj <sup>2</sup>dribuk kijeek, e jamin tile yuk; im urur eo e jamin kejo iom. 3 Bwe Ña Jeova am Anij, eo Dri Kwojarjar in Israel, am Dri Lomor; I ar lelok Ijpt men in binmour ñõn yuk, im Itiopia im Siba bwe ren binej jenkwõm. 4 Kin am aurõk iman meja, im mutoktok, im I ar yokwe yuk; inem I naj lelok armij kin kwe, ro dri ailiñ ko kin am mour. 5 Kwon jab mijõk; bwe Ña ibõm: I naj añintok ineõm jen rear, im kokweloktok yuk jen kabilõñ; 6 I naj ba ñõn eañ, Kwon kötlok; im ñõn rök, Kwon jab drebij e; komin böktok lõmaro nejiõ jen etolok, im limaro nejiõ jen jemlokõn löl; 7 jabrewõt eo rej naetan kin eta, im eo I ar kõmõnmõn e ñõn Aõ aibujuij, eo I ar nawāwen, aet, eo I ar kõmõn e.

8 Komin kadriojtlok ro dri bilo im eor mejeir, im ro re roñjamõn im eor lojiliñir. 9 Ro dri ailiñ ko otemjej ren kweloktok, im ro dru wainene ren kuktok; wõn eo iaer e marõñ in kwalok men in, im kallo kim men ko mokta? ren añintok air dri kennan, bwe ren kowånik ir; ak ren roñjake im ba, E men in mol. 10 Kom dri kennan

<sup>1</sup> Sam 107. 23.<sup>2</sup> Sam 66. 12. <sup>3</sup> Dan. 3. 95.

ro Aō, Jeova ej ba, im dri korijera I ar kălete; bwe komin jela im tōmak Iō, im melele bwe Na e: mokta jen Na, e kar ejelok Anij, im naj ejelok ilikiō. 11 Na, aet Na, Jeova; im e bar ejelok dri lomor ijillockiō. 12 Emwij Aō kennan, im lomor, im kwalok im e ar ejelok anij drua ibemi: kin men in, kom dri kennan ro Aō, Jeova e ba, im Na Anij. 13 Aet, jen ke e ar jino ran, Na eo; im ejelok e maroñ in kōtlok jen peiō: I naj jermal, im wōn eo e maroñ in bōprae?

14 Ein drein Jeova ej ba, Eo ami Dri Lomor, eo Dri Kwojarjar in Israel: Kin kom I ar jillocklok nōn Babilon, im I naj āninlōltok ir otemjej einwōt dri ko, aet, ro dri Kaldia, ilowa ko rej lōnliñ kake. 15 Na Jeova, ami Dri Kwojarjar, Dri Kōmōnmōn Israel, ami Kiñ. 16 Ein drein Jeova ej ba, Eo ej kōmōn juōn ial i lometo, im juōn ial ilo dren ko re kajur; 17 Eo ej kadrioiytok jariot im ors, jar in tōrinae im armij e kajur, (rej jimor babu, re jamin jerkak; re joko wōt, emwij kwune ir einwōt juōn lamp): 18 Komij jab kememej ke men ko mokta, ak kalomōnlokjen kin men ko eto? 19 Lo, I naj kōmōn juōn men ekāl; kiō e naj waloktok; kom jamin jela kake ke? I naj kōmōn juōn ial ijo ejelok armij ie, im river ko ilo ene jemaren. 20 Kiru ko in melaj re naj kōniājoik Iō, jakol ko im ostrij ko; kin Aō lelok dren ko ijo ejelok armij ie, im river ko ilo ene jemaren, bwe In lelok limeir nōn ro Aō dri ailīñ, ro I ar kălet ir, 21 armij ro I ar nawāweir nōn Iō mōke, bwe ren kwalok Aō aihujuij.

22 Ijoke, kwar jab kir nōn Iō, O Jakob; a kwar mōk kin Na, O Israel. 23 Kwar jab bōktok jen sip ko am nōn katok kijeek ko: im kwar jab kōniājoik Iō kin men in katok ko am. I ar jab jon yuk kin jurtak ko, ak kamōk yuk kin frankinsens. 24 Kwar jab wiaik nōn Iō too e tōñōl kin mōni, ak kamāt Iō kin kioeo in men in katok ko am; a kwar jon Iō kin jerawiwī ko am, im kamōk Iō kin am kōmōn men ko re jab wānik.

25 Na, im Na wōt, Eo ej jeor bwir ko am kin Na mōke; im I jamin kememej jerawiwī ko am. 26 Kwon kakememej Iō; jen ekajete dron: kweo kwon kwalok ijo am, bwe ren maroñ in kowānik yuk. 27 Jemōm maktata e ar bwir, im dri kaki ro am rar jerawiwī nae Iō. 28 In men Kin, I naj kejekron iroi r ko am mweo e kwojarjar; im I naj kōmōn Jakob men in jerata, im Israel men in kajirere.

**44** A kiō, kwon roñjake, O Jakob korijera, im Israel, eo I ar kălete: 2 Ein drein an Jeova ba, Eo e ar kōmōnmōn yuk, im nawāwem jen loje, Eo e naj jibōñ yuk: Kwon jab mijōk, O Jakob korijera; im kwe Jeshurun, eo I ar kălet e. 3 Bwe I naj lutōk dren ion eo e maro, im river ko ion brij e mōra; I naj lutōklok Aō Jitōb ion ineōm, im Aō men in jeramōn ion ro nejōm: 4 im re naj edreklok ilo bwiljin ujoij, einwōt willo ko iturin river ko. 5 Juōn e naj ba, Na dron Jeova; im bar juōn e naj mōke naetan e kin etan Jakob; im bar juōn e naj je kin pein nōn Jeova, e naj mōke naetan e kin etan Israel.

6 Ein drein Jeova, Kiñ in Israel, im an Dri Lomor, Jeova in inelip eo ej ba: Na <sup>1</sup>jino in, im Na jemlokōn; im e bar ejelok Anij ijillockiō. 7 Im wōn eo einwōt Na, e naj kirtok, im naj kwalok e, im kilajrōk e nōn Na, elikin Aō kar kabin dri ailīñ ro maktata? im men ko re naj walok, im naj ber, ren kwaloki. 8 Komin jab mijōk, im jab lelñōñ: I ar jab kennanek kwe jen eto, im kwalok e ke? im kom Aō dri kennan. E bar or Anij jen Na ke? aet, ejelok Ejman; I jaje kin jabrewōt.

9 Ro rej nawāwen juōn men in e jekjek, ir otemjej re men wan; im men ko re mōnōnō kake, ejelok tokjeir; im dri kennan ro air re jab lo, ak jela: bwe ren jok kake. 10 Wōn eo e ar nawāwen juōn anij, ak kaunlok juōn men in e, eo ejelok tokjen? 11 Lo, naj kajok ro otemjej rajitan; im ro dri jermal, rej ian armij ro; ren



kweloktok, ren jutök; re naj lelñõn, naj kajok ir otemjej.

12 Dri jermal eo ej kõmõnmõn juõn mäl, im jermal ilo melle, im nawäwen kin ammer ko, im kõmõne kin pein e kajur: aet, e kwuli, im e kijelok; e jab irak dren, inem e barök. 13 Dri jembali alal ej kõnõke juõn lain; ej kakõle kin juõn rön; ej nawäwen kin plen ko, im ej nawäwen kin alij, im nawäwen ekar ñõn wäwen juõn eman, ekar ñõn woleo an armij, bwe en jokwe ilo juõn im. 14 Ej juokwi aik ko, im ej bök wijki holm im ok, im kakajur ñõn e möke juõn ian wijki ko ilo bukwõn wijki: ej kallip juõn wijki för, im wut ej najirik e. 15 Inem e naj ñõn juõn armij bwe en tile; im ej bök jen e, im rõñrõñ; aet, ej kejo kijeek kake, im kõmat bred: aet, ej kõmõnmõn juõn anij, im kabuñ ñõn e; ej kõmõnmõn juõn men in e jekjek, im buñbero ñõn e. 16 Ej tile jimõtõn ilo kijeek; kin jimõtõn ej kõñi kõniek; ej kõmat men in kõmat, inem e mät; aet, ej rõñrõñ, im ba, Aha, ij mánán, I ar lo kijeek. 17 Im jen bwen ej kõmõn juõn anij kake, an men in e jekjek; ej buñbero im kabuñ ñõn e, im jar ñõn e, im e ba, Kwon lomor iõ; bwe kwe aõ anij.

18 Re jaje, re jab kalomõnlokjen: bwe E ar kilil mejeir, inem re ban lo; im burueir, inem re ban jelalokjen. 19 Im ejelok juõn ej kememejlok im ejelok jela ak meletlet bwe en ba, I ar tile jimõtõn ilo kijeek; aet, bareinwõt I ar kõmat bred ion melle eo an; I ar kõmat kõniek im kõñi: im in kõmõnmõn mõtõn eo juõn men in jõiõik ke? in buñbero ñõn kán wijki ke? 20 Ej mõña brij in ubaj; juõn buru emwij mone e ar kajeor e; im e ban lomoren an, ak ba, E jab juõn riõp ilo anbijmaroñiõ ke?

21 Kwon kememej men kein, O Jekob, im Israel; bwe kwe dri korijera; I ar nawäwen yuk; kwe korijera: O Israel, I jamin meloklok yuk. 22 Emwij Aõ jeor einwõt juõn kõro e mijil, jerawiwi ko am, im, einwõt juõn kõro, bwir ko am: kwon jeblaktok ñõn iba; bwe I ar lomoren yuk.

23 Komin al, O lõn ko, bwe Jeova e ar kõmõne; komin lamij, komeo mõtõn lõl retä; komin kakõmkõm, kom tol ko, O bukwõn wijki, im jabrewõt wijki iloan; bwe Jeova e ar lomoren Jekob, im E naj möke kaibujuij E ilo Israel.

24 Ein drein Jeova, am Dri Lomor, im Eo e ar nawäwen yuk jen loje, Ej ba: Ña Jeova, eo ej kõmõnmõn men otemjej; eo Ej möke erlokwe lõn ko; eo Ej erlokwe lõl, (wõn eo ej iba?); 25 Ej kajitokjen kakõlen dri riõp, im kõmõn bwe ro dri marmir ren uriekak; Ej kejeblaklok ro dri meletlet, im kõmõn bwe air jela en bwebwe; 26 Ej kabin nan jen dri korijeran, im buji bebe an ro dri jilikan; Ej ba kin Jerusalem, Re naj jokwe iloan; im kin jikin kwelok ko in Juda, Re naj kaleki, im I naj karök jikin ko an re jebeblok; 27 Ej ba ñõn mulõl eo, Kwon mõra im I naj kamõra river ko am; 28 eo Ej ba kin Sairõs, Ej Aõ dri lale sip, im e naj kõmõn aolepen Aõ kõnan, aet, e naj ba kin Jerusalem, Re naj kaleke, im kin tempel eo, Re naj na loñtõm.

45 Ein drein Jeova ej ba ñõn eo E ar kabit e, ñõn Sairõs, eo pein anbijmaroñõn I ar drebije, in kõtaik ro dri ailiñ ko iman, im I naj jelate iben kiñ ro; bwe In kabellok aor ko iman, im jamin kilil kejem ko: 2 I naj ilok imanlok, im I naj eoräk jikin ko re berakilkil; I naj rupe aor jinibõrõrõ ko, im I naj bukwe alal wäwen mäl ko; 3 I naj lewoj men ko re aurök in marok, im mweiuk ko emwij noje ilo jikin ko retino, bwe kwon jela bwe Ña Jeova, eo Ej kir yuk kin etõm, aet, Anij in Israel. 4 Kin Jekob korijera, im Israel eo I ar kãlet e, I ar kir yuk kin etõm: I ar añiñin yuk meñe kwo jañin jela Ña. 5 Ña Jeova, im ejelok bar juõn; im ejelok Anij ijillockiõ. I naj kañõrñõr yuk, meñe kwo jañin jela Ña; 6 bwe ren jela jen tak al, im jen kabiluñ, bwe e bar ejelok jen Ña: Ña Jeova, im ejelok bar juõn. 7 Na ij kõmõn maram eo, im Ij kõmõnmõn marok; Ij kõmõn ainemõn, im kõmõnmõn jor-

ran; Na Jeova eo ej kōmōn men kein otemjej.

8 Komin wutlok, O lōñ ko, jen ilōñ, mejatoto en katorlōllok wānik: lōl en bellok, bwe en kadriojtok men in lomor, im en kōmōn bwe wānik en edreklīñlok iben; Na Jeova I ar kōmōn e.

9 Wo ñōn eo ej akwaile eo Dri Kōmōnmōne! juōn mōtōn jābi an mōtōn jābi ko in lōl! Kle eo en ba ñōn eo ej nawāwen ke, Ta eo kwoj kōmōne? ak men in kōmōn eo am en ba, Ejelok pein? 10 Wo ñōn eo ej ba ñōn juōn eman, Ta eo kwoj keutak e? ak ñōn juōn kōra, Ta eo kwoj iñtan kake?

11 Ein drein Jeova, eo Dri Kwojarjar in Israel im Dri Kōmōnmōn e Ej ba; Komin kajitōk iba kin men ko re naj itok; kin ro nejiō, im kin men in kōmōn an peiō, komin jiroñ Iō. 12 Emwij Aō kōmōn lōl, im kōmōnmōn armij ion: Na, aet pa ko peiō rar erlokwe lōñ ko; im aolepen jar eo air I ar jiroñi. 13 I ar kajerkak e ilo wānik, im I naj kajime ial otemjej an: a naj kalek jikin kwelok eo Aō, im e naj kōtlok ro Aō dri jebokwe, jab kin wōnan ak binmour, Jeova in inelip eo ej ba.

14 Ein drein Jeova ej ba, Jerbal an Ijpt, im mweiuk ko mweien Itiopia, im ro dri Sebia, armij re utiej, re naj itok ñōn kwe, im re naj am: re naj lor yuk; ilo tomere ko re naj itok; im re naj buñbero ñōn kwe, im re naj akwelap ñōn yuk, im ba, Emol Anij ej ilo kwe; im ejelok bar juōn, ejelok Anij. 15 Emol kwe juōn Anij ej tilekek, O Anij in Israel Dri Lomoro. 16 Naj kajok ir, aet, re naj no, ir otemjej; re naj jimor ilok kin no, ro rej kōmōnmōn ekjōp ko. 17 A naj lomoren Israel kin Jeova kin juōn lomoro ñōn in drio: kom jamin jok ak no ilo lōl ejelok jemlokōn.

18 Bwe ein drein Jeova eo e ar kōmōnmōn lōl im jab kōmōne wan, im nawāwen bwe ren jokwe ie, Ej ba, Na Jeova, im e bar ejelok jen Na. 19 I ar jab konono ilo etino, ilo juōn jikin ilo enen marok eo; I ar jab ba ñōn inen Jakob, Ejelok tokjen ami

kwelok Iō: Na Jeova Ij konono wānik, Ij kwelok men ko re jime.

20 Komin kweloktok im itok; komin jimor kebaktok, komeo dri koan ro dri ailīñ ko: re jaje wōt, ro rej inek alal an men in e jekjeke, im jar ñōn juōn anije ban lomoro. 21 Komin kwaloke, im bōktok; aet, ren bebe iben dron: wōn e ar bakajen men in jen ien eto? wōn eo e ar kwaloke jen ien mokta? E jab Na, Jeova ke? im ejelok Anij eor jen Na, juōn Anij e wānik, im juōn Dri Lomoro; E bar ejelok jen Na. 22 Komin reitok ñōn Na, im mōke lomorem, komeo jabōn otemjej jabōn lōl; bwe Na Anij, im ejelok bar juōn. 23 Kin Na emwij Aō kanōjnij, nan eo e ar ilok jen loñiō ilo wānik, im e jamin jebłaktok, bwe jabrewōt bukwe e naj bukwełōl ñōn iō, jabrewōt lo e naj kanōjnij kin Na. 24 Emwij ba kin E, ilo Jeova wōt wānik im kajur; aet, armij re najitok ñōn iben; im ir otemjej re kar illunae E re naj jok. 25 Ilo Jeova naj kwānik aolepen inen Israel, im re naj jualōñlōñ kake.

**46** Bel ej barikrik, Nibo ej kumwil; ekjōp ko air rej ion kiru ko, im ion kau ko: men ko kom ar bōkto bōktōk rej ken kamōk kiru eo. 2 Rej kumliklik, rej jimor barikrik; re ban lomoren inek eo, a ir mōke rar ilok ñōn jebokwe.

3 Komin eoroñ Iō, O imōn Jakob, im aolepen bwen imōn Israel, ro I ar jebōk ir jen ien air lotak, im bōk ir jen ien air mour; 4 im ñōn ien lōlap, Na e, im ñōn ien ami uōn I naj ineklok kom: I ar kōmōnmōn, I naj jebōklok; aet, I naj bōklok, im I naj kōtlok. 5 Nōn wōn kom naj kajeoñwe Iō, im kōmōn Iō einwōt, im keire Iō, bwe kimin einwōt juōn? 6 Ro rej draepe gold jen bōjo eo, im paun silver ilo ken paun ko, im kejerbal juōn dri kōmōne kin gold, im ej kōmōnmōne juōn anij: im rej buñbero, aet, rej kabuñ. 7 Rej ineklok e ion aierair, im bōklok, im kajutōk e ilo jikin, im ej jutōk wōt: e jamin makōtkit jen jikin: aet, juōn e maroñ in kir ñōn e, ijoke, e ban uak, ak lomoren e jen jorran eo an.

8 Komin kememej men in, im mōke kwalok kom eman; komin bar lemnok kake, O kom dri bwir, 9 Komin kememej men ko moktata jen in drio: bwe Na Anij, im ejelok bar juōn; Na Anij, im ejelok einwōt: 10 im Ij kwalok jemlokōn jen jinoin, im jen ien moktata, men ko jañin kōmōne; im Ij ba, Aō bebe e naj jutōk, im I naj kōmōn aolepen kōnan ko Aō; 11 im kirtok juōn bao elej jen rear, juōn armijan Aō bebe jen juōn ene etolok; aet, I ar konono, I naj bareinwōt kamol e; emwij Aō bebe kake, I naj bareinwōt kōmōne.

12 Komin eoroñ Iō, komeo e kajur buruemi, komij etolok jen wānik. 13 I naj kebatok Aō wānik, e jamin etolok, im Aō men in lomor e jamin kōtar; im I naj likit lomor ilo Zaion ñōn Israel Aō aibujuij.

**47** Kwon wōnlōltok, im jijōt ilo bōñōlñōl, O virjin nejin Babilon; kwon jijōt ilo brij, im ejelok am tron, O lio nejin ro dri Kaldia; re jamin bar naetōm tokwankwan im ub. 2 Kwon bōk dreka irir ko im irir flauo; wutik veil ne am, jolok lukko eo, kakelwan jurōn neōm, driblok river ko. 3 Naj kwalok am kelwan, aet, am jok e naj alikar: I naj irenwōne, im ejelok armij I naj irikini. 4 Aruij Dri Lomor, etan Jeova in inelip eo, Dri Kwojarjar an Israel. 5 Kwon kejeklokjen im jijōt, im ilok ñōn iloan marok, O lio nejin ro dri Kaldia; bwe re jamin bar naetōm Liroij in ailiñ in kiñ ro. 6 I kar illu iben dri ailiñ ro Aō, I ar kejekron Aō men in jolit, im liwoj na ilo peōm: kwar jab tiriamokake ir; ion ro re bwijwōlā kwar likit am ine e kanuij erro. 7 Im kwar ba, I naj liroj ñōn in drio; inem kwar jab likit men kein na ilo buruōm, im kwar jab kememej jemlokōn men in.

8 Kin men in kiō kwon roñjake men in, kwe dri bukot men ko men in mōnōnō, kwoj jijōt im ejejok uota, kwoj ba ilo buruōm, Na wōt, im ejelok ijil-lokiō; I jamin jijōt einwōt juōn kōra e joko belen, im ejelok nejiō e naj mij: 9 a men kein ruo re naj itok iom

ilo jirik ien ilo juōn wōt ran, e naj joko ro nejōm im leo belōm; kin an lōñ joñōk re naj itok iom, ilo marmir ko am relōñ, im ilo anijnij ko am re kanuij lōñ. 10 Bwe kwar liki am nana; kwar ba, Ejelok ej lo iō; am meletlet im am jelalokjen rar kankeke yuk; im kwar ba ilo buruōm, Na ij ber, im ejelok ijillockiō. 11 Kin men in nana e naj itok iom; kwo jamin jela ekijkan am kajeor e: im jorran e naj buñ iom; kwo jamin marōn in katoane: im kokkure eo kwo jaje kake e naj eiriñ an itok iom.

12 Inem kwon jutōk iben jinanj ko am im kwar jeralbak kake jen ien am jiroñ; elañe ein drein kwo naj maroñ in lo tokjen, elañe kwo naj maroñ in bōk anjo. 13 Kwoj mōk kin bebe ko am relōñ: inem kiō ro dri kakōleik lōñ, ro dri lale iju ko, ro dri kennan kin aliñ eo, ren jutōk im lomoroñ jen men ko re naj itok iom. 14 Lo, re naj einwōt kån wit e menoknok; kijeek e naj tile ir; re jamin mōke kōtlok ir jen kajur in urur eo; e jamin melle in rōñrōñ, ak kijeek in jijōt iman. 15 Ein drein men ko kwar jeralbak kake re naj ñōn kwe: ro rar wia ibōm jen ien am jiroñ, re naj jebwābwe jabrewōt ñōn jikin; e naj ejelok dri lomoren yuk.

**48** Komin karoñjake men in, O imōn Jakob, ro emwij naetair kin etan Israel, im rar drioijtok jen dren ko in Juda; ro rej kanōjnij kin etan Jeova, im konono kin Anij in Israel, a jab ilo mol, ak ilo wānik, 2 (bwe rej mōke likit ir dri jikin kwelok e kwojarjar, im atartar ion Anij in Israel; Jeova in inelip eo, etan): 3 emwij Aō kwalok men ko mokta jen ien eto; aet, rar drioijlok jen loñiō, im I ar kwaloki: eiriñ I ar kōmōni inem rar walok. 4 Kin Aō jela bwe kwoj bōt, im kenwam einwōt juōn iki māl, im dremōm jini-bōrōrō; 5 kin men in I ar kwalok ñōn kwe jen ien mokta; I ar kwaloke ñōn kwe mokta jen an ber; ñe kwo ab ba, Ekjōp eo aō e ar kōmōne, im aō men in e jekjek, im aō men in unlok, e ar jiroñi. 6 Kwar roñjake; kwon lo

aolepen men in; im komeo, kom jamin kennanek kake ke? I ar kwalok ñon kwe men ko rekäl jen ien in, im men ko re tiljek, kwar jañin jela kake. 7 Emwij kômönmöni kiö, im jab jen ien ko mokta; im mokta jen ranin kwar jañin roñjake; ñe kwo ab ba, Lo, I ar jela kake. 8 Aet, kwar jab roñjake; aet, kwar jaje kake; aet, jen mokta e jañin bellok lojiliñöm: bwe I ar jela bwe e kanuij jela mon am kômön, im rar naetöm juön dri kokkure kien jen loje. 9 Kin eta I naj kaiberber Aö illu, im kin Aö aibujij I naj drebije jen kwe bwe In jab bukwelelok yuk. 10 Lo, I ar karreoiuk yuk, a jab einwöt silver; I ar melejoñ yuk ilo ubaj in jorran. 11 Kin Ña, kin Ña, I naj kômöne; bwe etke ren kananaik eta? im Aö aibujij I jamin lelok ñon bar juön.

12 Kwon eoroñ Iö, O Jakob, im Israel eo I ar kir e: Ña e; Ña Ij mokta, im Ña bareinwöt eliktata. 13 Aet, peio e ar likit loñtön lö, im anbijmaroñio e ar erlokwe löñ ko: ñe Ij kir ñon ir, rej jimor jutök. 14 Komin kweloktok, kom otemej, im roñjake; wön eo ibeir e ar kennan kin men kein? Eo Jeova ej yokwe e naj kômön An kónan ion Babilon, im pein e naj ion ro dri Kaldia. 15 Ña, Ña wöt, I ar konono; aet, I ar kirtok e; I ar añintok e, im e naj kejeramömön ial eo an. 16 Komin druaktok ñon iba, komin roñjake men in; jen jinoim I ar jab konono ilo etino; jen ien an ber, Ña ijo: im kiö Iroi Jeova e ar jilkintok iö, im Jitöb eo An.

17 Ein drein Jeova ej ba, Dri Lomoröm, Dri Kwojarjar in Israel: Na Jeova am Anij, Eo eor tokjen An kaktakin yuk, Eo ej tel yuk ilo ial eo emön kwon etal ie. 18 O elañe kwar eoroñ kien ko Aö! inem am ainemön e naj kar einwöt juön river, im am wänik einwöt no ko in lomoto: 19 inemön bareinwöt e naj kar einwöt bok, ro nejöm jen lojiöm einwöt an löñ bok: jamin kar bukwelelok etan ak kokkure jen imaö.

20 Komin drioijlok jen Babilon, komin ko jen ro dri Kaldia; kin aini-

ken al komin kwalok e, komin kennan men in, konono kake ñon jemlokön lö; komin ba, Jeova e ar lomoren Jakob, korijeran. 21 Im rar jab maro ke E ar tel ir ilujen ene jemaren ko; E ar kômön bwe dren ko ren torlok jen dreka ñon ir; E ar rupe dreka eo bareinwöt, im dren ko rar torlok wöt. 22 Ejelok ainemön, Jeova ej ba, ñon ro dri nana.

**49** Komin eoroñ Iö, O ailiñ ko redrik: im komin roñjake, kom ro dri ailiñ ko, jen etelok: Jeova e ar kir iö jen loje: jen lojen jinö e ar konono kin eta: 2 im E ar kômön loñio einwöt juön jäji eköñ; i lurin pein E ar noj iö: im E ar kômön iö juön möri e matöltil; E ar kejbärok iö ilo nien möri eo An: 3 im E ar ba ñon iö, Kwe dri korijera; Israel, eo naj kaibujij Iö kake. 4 A I ar ba, I ar jermal bata, ar jeroane aö kajur kin ejelok, im wan; a emöl aö ekajet jime ej iben Jeova, im eamto iben aö Anij.

5 Im kiö Jeova, eo e ar nawawio jen loje bwe in dri korijeran, bwe in bar añintok Jakob ñon iben, im bwe ren kokweloklok Israel ñon iben (bwe ña I mutoktok ilo mejen Jeova, im aö Anij ej aö kajur); 6 aet, Ej ba, Ej juön men erik bwe kwon dri korijera in kajutök bwij ko bwijin Jakob, im bwe kwon aini ro emwij kejbärok ir in Israel: I naj bareinwöt lelok yuk juön maram ñon ro dri ailiñ ko, bwe kwon Aö aonan ñon jemlokön lö. 7 Ein drein Jeova ej ba, Dri Lomoren Israel, im Dri Kwojarjar eo an, ñon eo armij rej kitötö kake, ñon eo ailiñ eo ej drike ñon juön korijeran iroi ro: Kiñ ro re naj lo im jerkak; bwirok ro, im re naj kabuñ: kin Jeova eo e tiljek, im Dri Kwojarjar in Israel, Eo e ar kälet yuk.

8 Ein drein Jeova ej ba, Ilo juön ien emön I ar uak Yuk, im ilo juön ran in lomor I ar jiböñ Yuk; im I naj kejbärok Yuk, im lelok Yuk juön bujen armij ro, bwe Kwon koutiejlok eneo, bwe Kwon kômön bwe ren bok jolit wan ko: 9 im ba ñon ro emwij lukwoj ir, Komin drioijlok; ñon ro

rej ber ilo marok, Komin mōke kwalok kom. Re naj mōña ilo ial ko, im ilo jikin otemjej reutiej im jemaren naj air jikin mōña. 10 Re jamin kwuli ak maro; im al e jamin mōn ir: bwe Eo ej tiriamo kake ir e naj tel ir, im iturin unin dren ko E naj tellok ir: 11 Im I naj kōmōn tol ko Aō otemjej juōn ial, im naj koutiej ial ko Aō relap. 12 Lo, rein re naj itok jen etolok: im lo, rein jen ene Sainim eo. 13 Komin al, O lōñ ko; im komin lōñliñ O lōl: im kakōmkōm ami al, O tol ko; bwe Jeova e ar kainemōn ro An dri ailiñ, im E naj tiriamo kake dri jorran ro An.

14 A Zaion e ar ba, Jeova e ar illok jen ña, im Iroi j eo e ar meloklok iō. 15 Juōn kōra e maroñ meloklok niñiñ eo an bwe en jab tiriamo kake ladrik e nejin lojen ke? aet rein re maroñ in meloklok, a I jamin meloklok yuk. 16 Lo emwij Aō jeje etōm ilo lobiren peiō; worwor ko am rej imaō ien otemjej. 17 Ro nejōm rej jarōpmōkōj; ro dri kokkure yuk, im ro dri kejebeplok yuk, re naj drioi jlok jen yuk. 18 Kwon reiliñlok iturōm, im lo: rein otemjej rej kweloktok, im itok ñōn ibōm. Kin Aō mour, Jeova ej ba, Kwo naj kanuknuk yuk kin ir otemjej einwōt juōn inōk, im kañōrñōr yuk kin ir einwōt juōn lio belele. 19 Bwe, kin jikōm re jemaren im ejelok armij ie, im kin eneōm emwij air kokkure, emol kiō kwo naj kobajlok ro rej jokwe ie, im ro rar woroñlok yuk re naj etolok. 20 Ro nejōm ilo ien am liājlol re naj ba wōt ilo lojiliñōm, Jikiō e airik jen ña; kwon letok jikin aō jokwe. 21 Inem kwo naj ba ilo buruōm, Wōn e ar keutak rein ñōn iō, bwe emwij kaliājlol iō jen ro nejio, im ña I mōke iaō, juōn rar jolok jen enen, im dri itoitōk? im wōn e ar kōkajiririk rein? Lo I kar mōke iaō; rein, rar ber ia?

22 Ein drein Jeova, Iroi j, ej ba, Lo I naj kwotōke peiō ñōn ro dri ailiñ ko im leliñlok Aō flag ñōn jar in armij ro: im re naj bōktok lōmaro nejōm ilo ubeir, im limaro nejōm, naj inektok ir ion aierair. 23 Im kiñ ro re

naj ro jemōm dri kōkajiriri, im lroi j ro air ro jinōm dri kaninnin; re naj buñbero ñōn kwe, im drōmij bōñōlñōl in neōm; im kwo naj jela bwe Ña Jeova; im jamin kajok ro rej kōtar Iō.

24 Naj bōk men in jibwe jen ro re kajur, ak kōtlok ro dri jebokwe an wānik ke? 25 A ein drein Jeova ej ba, Naj bōklok dri jebokwe an ro re kajur, im naj kōtlok men in jibwe an ro rej kaleñōñ; bwe I naj akwaile eo ej akwaile yuk, im I naj lomoren ro nejōm. 26 Im I naj najirik ro rej kamakokoik yuk kin kōniekir; im re naj karek kin bōtōktōkir, einwōt wain etōñōl: im aolepen kōniek e naj jela bwe Ña, Jeova, Ij Dri Lomorōm, im am Dri Binmour, eo e Kajur Potata an Jakob.

**50** Ein drein Jeova ej ba, Ewi jeje in jolok jinōm, me I ar jolok e kake? ak wōn ian ro dri kamuri Iō, I ar wiakake yuk ñōn e? Lo emwij wiakake kom kin jerawiwi ko ami, im ar jolok jinōm kin bwir ko ami. 2 Etke, ke I ar itok, e ar ejelok armij? ke I ar kir, etke ejelok ej uak? Peiō e karulok wōt inem I jab maroñ in lomor ke? ak ejelok Aō kajur in kōtlok ke? Lo, kin Aō nan, Ij kamōra lomoto, Ij kōmōn river ko juōn ene jemaren; iik ko air re buol, bwe ejelok dren, im re mij kin maro. 3 Ij kanuknuk lōñ ko kin kilmej, im kōmōn nuknuk eklep iren men in kalibubu ir.

4 Jeova e ar letok ñōn iō loin ro emwij katakin ir, bwe in jela ekijkan in jibōñ eo e mōk kin nan ko: Ej kworuj jiboñ otemjej, Ej kworuj lojiliñō bwe en roñ einwōt ro emwij katakin ir. 5 Iroi j Jeova e ar kabellok lojiliñiō im I ar jab bōt, im jab oktōkliklok. 6 I ar lelok elikiō ñōn ro dri jebōk, im jebiō ñōn ro rar tōm jen kolan; I ar jab noji turin meja jen jok im iyelok. 7 Bwe Iroi j Jeova e naj jibōñ Iō; kin men in I jamin no: kin men in I ar likit turin meja einwōt dreka ebin, im I jela bwe jamin kajok Iō. 8 Ej ebak, Eo ej kowānik Iō; wōn e naj akwaile Iō? jen jimor jutōk: wōn eo dri kijirāte Iō? en

ruaktok nōn iba. 9 Lo, Iroi Jeova e naj jibōñ Iō; wōn eo e naj liakelok Iō? lo ir otemjej re naj morlok einwōt juōn balle; drile e naj kōñ ir.

10 Wōn eo iami ej mijōk Jeova, ej bokake ainiken dri korijeran? eo ej etetal ilo marok, im ejelok maram iben, en liki etan Jeova, im atartar ion Anij eo an. 11 Lo kom otemjej ro komij kejo juōn kijeek, komij kañōrñōr kom kin alal ko re urur; komin etetal ilo urur in kijeek eo ami, im ilo alal ko rej urur im kom ar kejo ir. Men in kom naj bōk jen peiō; kom naj babu ilo buromōj.

51 lor wānik, komeo komij kabukot Jeova; komin lale dreka eo ar jekjek kom jen e, im roñ eo ar kōbij kom jen e. 2 Komin reilok nōn Ebrean jememi, im nōn Sera eo e ar keutak kom; bwe ke leo e ar juōn wōt I ar kir e, im I ar kejerammōn e, im kōmōne bwe en orlok. 3 Bwe Jeova e ar kainemōn Zaion: E ar kainemōn jikin ko otemjej ie ejelok tokjeir, im E ar kōmōn ene jemaren ie bwe en einwōt Iden, im ene jemaren in bwe en einwōt jikin kallip an Jeova: naj lo lōñliñ im ainemōn ilolan, kamolol im ainiken al.

4 Komin eoroñ Iō, O jar an armij ro Aō; im komin kwalok lojliñōmi nōn Na, O kom dri ailiñ eo Aō; bwe juōn kien e naj drioielok jen Na, im I naj kabin Aō ekajct jime juōn maram nōn ro dri ailiñ ko. 5 Aō wānik ebak, Aō lomor e ar drioielok, im pā ko peiō re naj ekajete ro dri ailiñ ko; ailiñ ko re naj kōtar Iō, im re naj kejatrikrik ir kin peiō. 6 Komin reilok nōn lōñ ko, im lale lōl iomin; bwe lōñ ko re naj tōp einwōt bat, im lōl e naj morlok einwōt juōn balle; im ro rej jokwe ie re naj mij einwōt: a Aō men in lomor e naj nōn in drio, im Aō wānik e jamin joko.

7 Komin eoroñ Iō, komeo komij jela wānik, armij ro kien eo Aō ej ilo burueir; komin jab mijōk kinaklok in armij ro, im jab leñōñ kin air kajirere. 8 Bwe drile eo e naj kōñ ir ein-

wōt juōn nuknuk, im likakrōk e naj kōñ ir einwōt kolan sip: a Aō wānik e naj nōn in drio, im Aō men in lomor nōn ebeben otemjej.

9 Kwon ruj, kwon ruj, kwon kobebe kin kajur, O pein Jeova: kwon ruj einwōt ilo ran ko mokta, ilo ebeben ko in ien ko etto. E jab Kweo ke, kwar bukwe Rehab ilo mōtōn ko, kwar wie kiru drujit eo? 10 E ar jab Kweo Kwar kworoj lometo; Kwar kōmōn mulōl ko in lometo juōn ial nōn ro emwij lomor ir bwe ren elālok jen e ke? 11 Im ro Jeova e ar binmour nōn ir re naj jebaktok, im itok kin al kō nōn Zaion; im lōñliñ nōn in drio e naj ion bōrair; re naj bōk mōnōñ im lōñliñ; im buromōj im mōtatu re naj ko.

12 Na, aet ña wōt, Eo ej kainemōn yuk: wōn kwe, bwe kwōj mijōk juōn armij, eo e naj mij, im nejin armij eo naj kōmōne bwe en einwōt uoiōj; 13 im kwar meloklok Jeova Dri Kōmōnmōn yuk, Eo e ar erlokwe lōñ ko, im likit loñtōk ko loñtōn lōl; im kwōj mijōk ien etemjej iomin aolepen ran, kin lej an dri kamakoko ke ej kapōjōk bwe en kokkure? im ewi illu elej an dri kamakoko eo? 14 Naj kōtlok mōkōj eo ej kumliklik; e jamin mij im wōnlōllok na ilo roñ eo, im e jamin aikwij kijan. 15 Bwe Na Jeova am Anij, Eo ej biuktōk lometo, inem no ko an re ñirñir: Jeova in inelip eo, etan. 16 Im I ar likit nan ko Aō ilo loñōm, im I ar kalibubu yuk ilo lurin peiō, bwe In kallip lōñ ko, im likit loñtōk ko loñtōk lōl, im ba nōn Zaion, Kwe komij dri ailiñ ro Aō.

17 Kwon ruj, kwon ruj, kwon jutōk, O Jerusalem, eo e ar irak jen pein Jeova kōp in illu eo An: kwar irak jābi in kōp in jebwālel, im kōbare. 18 Ejelok juōn dri tel e, ian man ro otemjej e kar keutak ir; im ejelok juon ej kapjere pein ian lōmaro nejin e ar kōkajiririk ir. 19 Men kein ruo rej itok iom; wōn e naj jōñōt yuk? kokkure im jorran, im ñita im jāji: ekijkan Aō naj kainemōn yuk? 20 Ro nejōm rar kijelok, rej babu iman ial ko otemjej, einwōt juōn kau ko-

man e awia ilo juõn ok; re obrõk kin illu an Jeova, kowe an am Anij.

21 Kin men in, kiõ, kwon roñjake men in, kwe dri jorran im karek, a jab jen wain: 22 ein drein IroiJ Jeova ej ba, im am Anij eo ej kwi kin ro dri ailiñ An, Lo, emwij Aõ bõk jen peõm kõp in jebwål, jåbi in kõp in Aõ illu; kwo jamin bar irak jen e: 23 im I naj likite na ilo pein ro rej keJorran yuk, ro rar ba ñõn am, Kwon barikrik bwe kimin elå; im kwar kõtaik elikõm ñõn brij, bwe en einwõt ial, ñõn ro rej elålok.

**52** Kwon ruj, kwon ruj, kwon kõnõk kajur eo am, O Zaion; kwon kõnõk nuknuk ko am re wõlio, O Jerusalem, jikin kwelok eo e kwojarjar: bwe jen ien in ro dri jab mijmij im ro retton re jamin dreloñ iloam. 2 Kwon mõke ierke yuk jen bõñõlñõl; kwon jerkak, kwon jijõt ion tron eo am, O Jerusalem; kwon jelat jen kworan kenwam, O lio nejin Zaion dri jebokwe.

3 Bwe ein drein an Jeova ba, Emwij wiakake yuk kin ejelok eamtõm; im naj binmoure yuk kin ejelok mõni. 4 Bwe ein drein IroiJ Jeova ej ba, Ro Aõ dri ailiñ rar wõnlõllok ñõn Ijypt bwe ren jokwe ie: im dri Assiria rar kamakokoik ir ke ejelok unin. 5 Inem kiõ, Ij wojõk ta ijin, Jeova ej ba, bwe rej åñinlok ro dri ailiñ Aõ kin ejelok wõnan? iroiJ ro air rej roror, im ien otemnej iomin aolepen ran rej kajirere eta. 6 Kin men in ro Aõ dri ailiñ re naj jela eta: kin men in re naj jela ilo ran eo bwe Ña eo ej kono: lo, Ña e.

7 Re nañin wõlio ilo tol ko neen eo ej bõktok <sup>1</sup>nan emõn, ej kwalok ainemõn, ej kennantok kin emõn, ej kwalok men in lomor, ej ba ñõn Zaion, Am Anij ej Kiñ! 8 Ainiken dri ekil ro am! rej koutiej ainikeir rej jimor al; bwe re naj lo im jelmae dron, ñe Jeova ej jebłaktok ñõn Zaion. 9 Komin driblok ilo lõñliñ, komin jimor al, komeo ene e jebeplok in Jerusalem; bwe Jeova e ar kainemõn ro An dri ailiñ, E ar binmour ñõn

Jerusalem. 10 Jeova e ar kakelwan pein e kwojarjar iman mejen ro dri ailiñ ko otemnej; im jemlokõn otemnej jemlokõn lõl, rar lo men in lomor an aruij Anij.

11 Komin ilok, komin ilok, komin drioiJlok jen ijo, komin jab uñire jabrewõt men etton; komin drioiJlok jen e; komin mõke karreoik kom, komeo rej inek jåbi ko an Jeova. 12 Bwe kom jamin kijorur in drioiJlok, im kom jamin kolok: bwe Jeova e naj ilok imami; im Anij in Israel e naj dri kajere ñõn kom.

13 Lo, Dri Korijera e naj kõmõn ilo meletlet, naj koutiej im leliñlok E, im E naj kanuij utiej. 14 Einwõt elõñ rar bwilõñ kake Yuk, (elaplok an kuõt turin mejen jen jabrewõt armij, im enbwinin jen ro nejin armij), 15 ein drein E naj kailbuk elõñ dri ailiñ ko; kiñ ro re naj kil loñir kin e: bwe re naj lo men eo jañin kennanek ir kake; im re naj melele men eo re jañin roñjake.

**53** <sup>1</sup>Wõn e ar tõmak am in nan? im ñõn wõn ar kwalok pein Jeova? 2 Bwe E ar edreklok iman einwõt juõn jul e ub, im einwõt okar jen juõn brij emõra: iben, ejelok wåwen emõn ak wõlio; im ñe jej lo E, E jab mijwarik bwe jen kõnake. 3 Armij rar kejekron im jolok E; E juõn armij in buromõj, im E ar jela liåjlol; ar kejekron E einwõt juõn armij rej binej mejeir jen e; im kij jar jab kaurõk E.

4 Emol e ar <sup>2</sup>inek iñtan ko ar, im bõklok buromoj ko ar; a jar lemnok bwe Anij e ar mõn E, im dreñlok E, im kaiñtan E. 5 A emwij wåkare E kin jerawiwi ko ar, im kakinijnij E kin bwir ko ar; kaje eo an aruij ainemõn e ar ber ion, im kaejmour kij kin dribitbit ko An. 6 Kij otemnej einwõt sip ko jar jebwåbwe; jar jeorlok jabrewõt iar ñõn ial ko an; im Jeova e ar likit ion, jerawiwi ko ar otemnej.

7 Ar kõtaik E, a ke ar kaiñtan E, E ar <sup>3</sup>jab walõni loñin; einwõt <sup>4</sup>juõn

<sup>1</sup> Rom 10. 16. <sup>2</sup> Matu 8. 17. <sup>3</sup> Luk 23. 9. <sup>4</sup> Jerb. 8 32, 33

lam rej tellok e ñõn mij, im einwõt juõn sip ej ikõn iman ro dri mijbare, ein drein E ar jab walõni loñin. 8 Kin kõtaike im ekajet ar bõklok E; im kin ebeben eo An, wõn iar e ar lemnok ar bukwelok E jen enen ro dri mour, kin jerawiwi an ro Aõ dri ailiñ, ro tellokir dribitbit? 9 Im rar kõmõn lüpõn iben ro dri nana, im iben juõn dri mweie ilo An mij; meñe E jañin kõmõn men in lej, im ejelok mon ilo loñin.

10 A Jeova e buñburuen in kaiñtan E; E ar kaburomõj E; ñe kwo naj kõmõn An men in katok kin jerawiwi, E naj lo inen, E naj kaitoklok ran ko An, im men in mõnõn an Jeova e naj jerammõn ilo pein. 11 E naj lo tokjen iñtan eo An, im naj jokõne: kin An jela kake, Dri Korijera e wānik e naj kowānik elõñ; im E naj ineklok jerawiwi ko air. 12 Kin men in, I naj je An kij iben ro relap, im E naj ajaj men in rakim iben ro re kajur; kin ke E ar lutõklok an ñõn mij, im ar bwini E iben ro dri bwir: a E ar ineklok jerawiwi an elõñ, im E ar kõmõn men in mirik kin ro dri bwir.

**54** <sup>1</sup> Kwon al, O kweo kwo war, kweo kwar jab keutak; kwon driblok ilo al, im kwon lamij, kweo kwar jab neje: bwe elõñlok nejin lijnono jen ro nejin lio eor belen, Jeova ej ba. 2 Kwon kalaplok jikin im nuknuk eo am, im ren erlokwe binjen ko binjen mo ko imõm; kwon jab bõprae: kwon kaitoklok to ko am, kwon kabinjur ko am. 3 Bwe kwo naj berejõke i anbijmaroñõm im i anmiñõm; im ineõm e naj bõk ro dri ailiñ ko, im kõmõn bwe jikin kwelok ko emwij kejebeploki, armij ren jokwe ilo ir.

4 Kwon jab mijõk; bwe kwo jamin jok: im kwon jab no; bwe jamin kajak yuk: bwe kwo naj meloklok jok an am jiroñ; im kwo jamin bar kememej air kajirere kake yuk ilo ien am kar lijnono. 5 Bwe Eo e ar kõmõnmõn juk, E leo beleõm; Jeova in inelip eo, etan: im Dri Kwojarjar eo in Israel am Dri Lomor; naj naetan Anij in aolepen löl. 6 Bwe Jeova e ar kir yuk einwõt juõn kõra

e joko belen im e buromõj iloan, lio belele e jañin ridto, ke emwij jolok e, am Anij ej ba. 7 Iomin jirik ien I ar illok jen kwe; a kin tiriamo ko relap I naj kokweloktok yuk. 8 Ilo illu e jjöblok, I ar binej meja jen kwe iomin jirik ien; a kin joij elap im in drio I naj tiriamo kake yuk, Jeova am Dri Lomor ej ba.

9 Bwe eñin einwõt dren ko an Noa ñõn Iõ; bwe einwõt I ar kanõjnij bwe dren ko an Noa re jamin bar torlok ion löl, ein drein I ar kanõjnij bwe I jamin illu ñõn kwe, ak enoik yuk. 10 Bwe tol ko re maroñ in joko, im kamõkit tol ko redrik; a Aõ joij elap e jamin illok jen kwe, im Aõ bujen e ainemõn e jamin joko, Jeova, eo ej tiriamokake yuk ej ba.

11 O kwe dri jorran, jibliklik kin lañ, im jañin kainemõn yuk: lo, I naj likit dreka ko am ilo antimoni, im kõmõn loñtõm jen saffair ko. 12 Im I naj kõmõn windo ko am jen rubi ko, im aur ko am jen karbunkel ko, im tõreren otemjej ko am kin dreka raurõk. 13 Im naj katakin ro nejõm otemjej kin Jeova; im ainemõn an ro nejõm e naj lap. 14 Ilo wānik naj kabin yuk: kwo naj etolok jen men in kamakoko, bwe kwo jamin mijõk; im jen lelõñ, bwe e jamin kebak yuk. 15 Lo, re maroñ kokweloktok, a jab kin Ña: jabrewõt ro rej kwelok nae yuk re naj buñ kin kwe. 16 Lo, I ar kõmõnmõn dri jerbale eo ej drele kijeek in melle, im bõklok juõn ken tõrinae ñõn jerbale eo an; im I ar kõmõnmõn dri jeroane bwe en kokkure. 17 Jabrewõt ken tõrinae emwij nawāwen nae yuk, e jamin jerammõn; im jabrewõt lo e naj walok nae yuk ilo ekajet, kwo naj liakelok e. Eñin men in jolit an ro dri korijeran Jeova, im air wānik ej jen Ña, Jeova ej ba.

**55** O, jabrewõt eo ej <sup>1</sup>maro, komin itok ñõn dren ko, im eo ejelok mõnni iben; komin itok, wiaik, im mõña; aet, komin itok, wiaik wain im milk kin ejelok mõnni im ejelok wõnan. 2 Etke komij draepe mõnni

<sup>1</sup> Gal. 4. 27.<sup>1</sup> Jon 4. 14.



kin men eo e jab ekōn? im ami jermal kin men eo e jab ju buruemi kake? komin kanuij eoroñ Iō, im mōña men eo emōn, im ami en mōñōñō kin kioeo. 8 Komin, kajirtok lojiliñemi, im itok ñōn iba; komin roñjake, inem ami e naj mour: im I naj kōmōn ibemi juōn bujen ñōn in drio, aet, men in tiriamo remol an Devid. 4 Lo, I ar lelok E juōn Dri Kennan ñōn ro dri ailiñ ko, juōn Dri Tel im Iroiñ ñōn dri ailiñ ko. 5 Lo, kwo naj kir juōn ailiñ kwo jaje kake; im juōn ailiñ e ar jab jela kake yuk e naj etōr ñōn ibōm, kin Jeova am Anij, im kin Dri Kwojarjar in Israel; bwe E ar kaibujuij yuk.

6 Komin <sup>1</sup>bukot Jeova ke kwo maroñ in lo E; komin kir ñōn e ke Ej ebak: 7 dri jerawiwi en illok jen ial eo an, im dri jab wānik jen lemnok ko an; inem en jeblak ñōn iben Jeova, im E naj tiriamo kake e; im ñōn iben aruij Anij, bwe e naj kanuij wujlep in jolok bwir ko an. 8 Bwe lemnok ko Aō re jab lemnok ko ami, im ial ko ami re jab ial ko Aō, Jeova ej ba. 9 Bwe einwōt lōñ ko re utiej jen lōl, ein drein ial ko Aō re utiej jen ial ko ami, im lemnok ko Aō jen lemnok ko ami. 10 Bwe einwōt wut ej wōnlōtok im sno jen lōñ, im jab jeblak ñōn e, a ej kaimlolo brij, im kōmōn bwe en jebar im elle, im lelok ine ñōn dri jeor im ekōn ñōn eo ej mōña; 11 e naj ein drein nan eo ej waloklok jen loñiō: e jamin jeblaktok ñōn iba im ejelok tokjen, a e naj kōmōn men eo I kōnan, im e naj jerammōn ilo men eo Ij jilkinlok e kake. 12 Bwe kom naj drio-ijlok kin mōñōñō, im naj āñinlok kom kin ainemōn: tol ko relap im koredrik re naj driblok imami ilo al: im wijki otemjej in melaj re naj kabokpā. 13 Wijki fōr e naj edrek im binej jenk-wōn kālilik eo; im wijki mōrtel e naj edrek im binej jenk-wōn mār kuj: im e naj ñōn Jeova kin juōn āt, juōn kakōle ñōn in drio im jamin bukwe-loke.

**56** Ein drein Jeova ej ba, Komin lale ekajet jime, im kōmōn wānik; bwe Aō men in lomor e nañin

<sup>1</sup> Sam 32. 6.

itok, im Aō wānik e nañin walok. 2 <sup>1</sup>E mōñōñō armij eo ej kōmōn men in, im nejin armij eo ej drebije; im ej kejbārok ran in Sabat jen kokkure, im ej drebij pein jen an kōmōn jabrewōt nana. 3 Im drua maijet eo e ar koba iben Jeova, en jab konono im ba, Emol Jeova e naj kijbil iō jen ro dri ailiñ An; im eunōk eo en jab ba, Nā juōn wijki emōra. 4 Bwe ein drein Jeova ej ba ñōn eunōk ro rej lale ran in Sabat ko Aō, im kālet men ko rej kabuñburuō, im drebij wōt bujen eo Aō: 5 Nōn ir I naj lelok ilo mweo imō im iloan worwor ko Aō, juōn men in kemem im āt emōn jen ñe e kar or nejir man im kōra: I naj lelok ñōn ir juōn āt ñōn in drio, im jamin bukwe-lok e.

6 Bar juōn, ro drua maijet rej koba iben Jeova, bwe ren korijer ñōn E, im bwe ren yokwe etan Jeova, bwe ren korijeran, jabrewōt eo ej kejbārok ran in Sabat jen kokkure, im drebij wōt bujen eo Aō; 7 rein I naj āñinlok ir ñōn tol eo Aō e kworjarjar, im kamōñōñōk ir ilo imōn jar eo Aō: air jurtak kijeek ko, im air men in katok ko, re naj men in kabuñburuō ion lokatok eo Aō; bwe naj naetan mweo imō juōn imōn jar ñōn ro dri ailiñ ko otemjej. 8 Iroiñ Jeova, eo ej kokwe-loktok ro ar jolok in ar Israel, Ej ba, I naj kokweloktok bar jet ñōn iben, eorlok jen ro emwij kokweloklok ir.

9 Komeo kiru ko otemjej in melaj, komin iten mōña, aet, kiru otemjej jen jikin wijki. 10 Dri ekil ro an re bilo, ir otemjej re jajelokjen; ir otemjej rej kiru roror ejelok ainikeir, re ban roror; rej tōnak, rej babu wōt, rej yokwe kiki. 11 Aet, kiru roror ko re dōr, re jamin māt; im rein seperd ro re ban melele: ir otemjej rar jeorlok ñōn ial ko air, jabrewōt ñōn wōnan, juōn im aolepeir. 12 Komin itok, re ba, I naj bōktok wain, im je naj kobrōk kijkin dren e kajur; im ilju e naj einwōt ranin, juōn ran e tuñtuñ in lap.

**57** Dru wānik e jokolok, im ejelok armij ej lemnok kake; im

<sup>1</sup> Sam 112. 1.

emwij böklok armij e kin tiriamo kake, im ejelok ej lemnok bwe ar böklok dru wänik kin nana. 2 Ej dreloñ iloan ainemön: rej kakije ion aowej ko air, jabrewöt iair ej etetal ilo an wänik.

3 A komin druaktok, kom ro nejin lio dri marmir, inen leo dri luñ im köra ekijoñ eo. 4 Wön Eo komij kuri nae E? Wön Eo komij kömön loñömi elap, im kato loemi nae E? kom jab ro nejin jerawiwi ke, juñ inen riöp ke, 5 komeo komij möke tile kom kin ekjöp ko, iomin jabrewöt wijki e māroro; rej mön ro nejemi ilo komlöl ko, ilo roñ in dreka ko? 6 I bwiljin dreka ko re matöltil ilo komlöl eo, kij eo am; ir rej am men in jolit; ñön ir wöt kwar lutöklok juñ jurtak in irak, kwar lelok men in katok. Ren kainemön Iö kin men kein ke? 7 Ilo juñ tol elap im utiej kwar likit aowej eo am; bar juñ, kwar wönliñlok ñön ijo bwe kwon katok. 8 Im ilikin aur ko im jur ko kwar kajur am men in kemem; bwe kwar kalikar yuk ñön bar juñ jen Ña, im kwar wönliñlok; kwar kalaplok aowej eo am, im kömön juñ bujen ibeir; kwar möm kake aowej eo air ke kwar loe. 9 Im kwar ilok ñön iben kiñ eo, im eor oil iböm, im kwar kalöñlok am men in ñöj, im kwar jilkinlok am dri keañ ñön etolak, im kwar möke kanaanak yuk ñön Hedis. 10 Kwar mök kin an aitok ial eo am; a kwar jab ba, Ej men bata: kwar lo bwe kwoj kajurlok; inem kwar jab kijelok.

11 Im wön eo kwar mijök e im lelñöñ kake, bwe kwoj riöp, im kwar jab kememej Ña, ak kalomönlokjen kake? I ar jab kejeklokjen jen ien etto, inem kwo jab mijök Iö ke? 12 I naj kwalok am wänik; im kin kömön ko am, e naj ejelok tokjeir iböm. 13 Ñe kwoj kir, ro emwij an kokweloktok, ren lomoröno; a köto e naj jibwe ir, juñ menono e naj böklok ir otemjej; a eo ej ko ñön iba, eneo e naj an, im e naj jolit tol eo Aö e kwojarjar.

14 Im e naj ba, Komin ejeliñlok, komin ejeliñlok, kapoj ial eo, komin

bök lökatip eo jen ial an ro Aö dri ailiñ. 15 Bwe ein drein ej ba, Eo eutiey im ilöñ, Eo ej jokwe ilo ien in drio, etan Ekwojarjar, Ij jokwe ilo jikin eutiey im kwojarjar, bareinwöt iben eo e inemön im etä buruen, bwe In kemour an eo dri etä, im kemour buruen eo dri buromöj. 16 Bwe I jamin akwail in drio, im I jamin illu aolepen ien: bwe jitöb eo e naj kijelok imaö, im bareinwöt an ro I ar kömönmön ir. 17 Kin bwir an arök eo an I ar illu, im mön e; I ar binej turin meja, im I ar illu; im e ar etal wöt im rolliktok ilo ial in buruen. 18 I ar lo ial ko an, im I naj kaejmour e; I naj bareinwöt tellok e, im karök men in ainemön ñön e im ñön ro dri jöñ iben. 19 Ña Ij kömönmön leen ti ko: Ainemön, ainemön, ñön eo etolak im ñön eo ebak, Jeova ej ba; im I naj kaejmour e. 20 A ro dri nana rej einwöt lometo e limajnono; bwe e ban kakije, im dren ko an rej juliñlok biriköt im brij. 21 Ejelok ainemön, aö Anij ej ba, ñön ro dri nana.

**58** Kwon lamij, kwon jab karirik, kwon koutiej ainiköm einwöt juñ jilil, im kwalok ñön ro Aö dri ailiñ bwir eo air, im ñön imön Jakob, jerawiwi ko air. 2 A rej bukot Iö ran otemjej, im mönönö in jela ial ko Aö: einwöt juñ ailiñ e ar kömön wänik, im ar jab illok jen kabuñjar an air Anij, rej kajitök iba kin ekajet ko re jime; rej mönönö in kebaktok ñön Anij. 3 Kin men öt kim ar jitlek re ba, im Kwo jab loe? kin men öt kim ar kejjoran am, im Kwo jaje kake? Lo illo ran in ami jitlek komij lo ami mönönö, im kamakokoik ami dri jermal otemjej. 4 Lo, komij jitlek kin iri im akwail, im bwe komin jekanunök kin pein jerawiwi: komij jab jitlek ranin bwe ren roñjake ainikemi ilöñ. 5 Eñin men in jitlek eo I ar kälete ke? ran eo ñe emön bwe juñ armij en kaiñtan an ke? Unin an juñ jitlek, bwe en möjir böran einwöt juñ ujoij rush, im erlokwe iomin, nuknuk eklep iren, im brij in ubaj ke? kwo naj naetan men in juñ jitlek, im juñ ran in kabuñburuen

Jeova ke? 6 E jab efin jitlok eo I ar kälete: jelate kworök in jerawiwi, jelate toñ in eo, im kötlok ro emwij kamakokoik ir, im bwe komin ruji ine otemjej ke? 7 E jab bwe kwon ajejlok kijöm iben ro rej kwuli, im bwe kwon äñintok ñön mweo imöm ro dri jeramel im rar jolok ir ke? elañe kwoj lo dri kelwan eo, bwe kwon kanuknuk e; im kwon jab tilekek jen kõniekõm ke? 8 Inem am maram e naj mejöllok einwõt rantak, im am kaejmour e naj edreklok mõkõj; im am wänik e naj ilok imamlok; aibujuij an Jeova e naj biniworwor ñön yuk. 9 Inem kwo naj kir, im Jeova e naj uak; kwo naj lamij, im E naj ba, Na iji.

Elañe kwoj bökklok jen bwiljöm, ine eo, kajok kin arrin peöm, im konono jab wänik: 10 im elañe kwoj lelok ñön ro dri kwuli men eo am e ar kõnan, im kamät eo emwij kaiñtan e: inem am maram e naj tak ilo marok, im am marok e naj einwõt ke al ej ber iolap; 11 im Jeova e naj tel yuk ien otemjej, im kamät am ilo jikin remõra, im kabin dri ko drim; im kwo naj einwõt juõn jikin kallip e aimlolo, im einwõt juõn unin dren, dren ko an re jamin roj. 12 Im ro re naj jen kwe re naj kalek jikin ko rar jebeplok: kwo naj leliñlok loñtök ko an elõñ ebeben; im naj naetõm Dri bar kalek men in jorran, Dri karök ial ko bwe ren jokwe ie.

13 Elañe kwoj kajeor neöm jen ran in Sabat, jen kõmõn am kõnan ilo ran eo Aõ e kwojarjar; im naetan Sabat men in lõñliñ, men e kwojarjar an Jeova e mutoktok; im naj kofiñajoik e, im jab kõmõn ial ko am, ak lo am men in mõñõnõ ak konono kake nan ko am: 14 inem kwo naj kalõñliñ yuk ilo Jeova; im I naj kõmõn bwe kwon uwe ion jikin ko re utiej an lõl; im I naj najirik yuk kin men in jolit an Jakob jemõm; bwe loñin Jeova e ar konono kake.

**59** Lo <sup>1</sup>pein Jeova e jab karu bwe en jab maroñ in lomor; ak e jab bon lojiliñin bwe en jab maroñ

in roñjake: 2 a ami kõmõn ko re nana rar kijbil kom jen ami Anij, im jerawiwi ko ami rar binej turin menjen jen kom, inem E jab kõnan roñ. 3 Bwe peõmi rej etton kin bõtöktök, im arrin peõmi kin jab wänik: tiõmi rar konono riõp, im loemi ej kiejej kin jerawiwi. 4 Ejelok ej kirtok ekajet jime, in ejelok ej akwaii kin mol: rej liki men wan, im konono riõp ko: rej ettaik men in kejourran, im keutak jab wänik. 5 Rej rupi lip ko an serpent, im rej ej toñ kalualu: eoej mõña lip ko air ej mij; im eo emwij rupe ej kwalok juõn vaiper. 6 Kap ko air re jamin balle ko, im re jamin mõke kalibubu ir kin jermal ko air: jermal ko air, jermal in jab wänik. Im kõmõn men in lej ej ilo peir. 7 Neir rej etõr ñön nana, im rej kijorur in katorlok bõtöktök ejelok ruõn: lemnok ko air, lemnok in bwir; jebep im kokkure rej ilo ial ko air. 8 Re jab jela ial in ainemõn; ejelok ekajet jime ilo etetal ko air: rar kõmõn ial ko rankeke ñön ir mõke; jabrewõt eo ej etetal ilo ir, e jab jela ainemõn.

9 Kin men in, ekajet jime ejetolok jen kij, im wänik e jab tõbar kij: jej bukot bwe jen lo maram, a marok wõt; im jatõltil, a jej etal ilo marok. 10 Jej jatole worwor einwõt ro dri bilo; aet, jej jatol einwõt ro ejelok mejeir: jej jebebepe ke al e ber iolap, einwõt ran in lokõn al; iben ro re kajur, jej einwõt ro remij. 11 Jej otemjej ñõr einwõt kiru baer ko, im je kanuij jõñ einwõt muli ko: jej bukot bwe jen lo ekajet jime, a ejelok; men in lomor, a etolok jen kij. 12 Bwe elõñlok aruij jerawiwi imam, im aruij bwir rej kennan nae kij; bwe aruij jerawiwi rej iber, im jab wänik ko ar je jela kake: 13 ke jej bwir im karnijete Jeova, im jeorlok jen lore aruij Anij, im konono kin kama-koko im kabata, lemnok kake im kwalok jen buruer nan ko nan in riõp. 14 Im ekajet jime emwij kajeblakloke, im wänik ej jutök etolok; bwe mol e ar buñ ilo ial eo, men eo e jime e ban dreloñ. 15 Aet, rej aik-

wij mol; im eo ej illok jen nana ej mōke kōmōn e men in rakim.

Im Jeova e ar loe, im E illu bwe ejelok ekajet jime. 16 Im E ar lo bwe ejelok armij, im bwilōñ kin an ejelok dri mirik: kin men in, pein wōt e ar bōktok men in lomor ñōn iben; im An wānik e ar jebōk E. 17 Im e ar kōnōk wānik einwōt juōn ken tōrak, im juōn kōrep in lomor ion bōran; im E ar kōnōk nuknuk in kwi ñōn nuknuk ko, im emwij kanuknuk E kin kijejeto einwōt juōn kobe. 18 Ekar ñōn kōmōn ko air, ein drein E naj nawōnair, illu ñōn ro dri jumae E, wōnair ñōn ro dri kijrāte E; ñōn ailīñ ko E naj lelok wōnair. 19 Ein drein re naj mijōk etan Jeova jen kabilūñ, im aibujuij eo An jen tak al: bwe E naj itok einwōt juōn river ej ibeōp mōkōj, eo menono an Jeova ej kaiure. 20 Im juōn Dri Lomor e naj itok ñōn Zaion, im ñōn ro rej jeorlok jen jerawiwi ilo Jakob, Jeova ej ba. 21 Im kin Ńa, eñin Aō bujen ibeir, Jeova ej ba; Aō Jitōb eo Ej iom, im nan ko Aō I ar likiti ilo loñōm, re jamin illok jen loñōm, ak jen loñin ineōm, ak jen loñin inen ineōm, Jeova ej ba, jen ien in im ñōn in drio.

**60** Kwon <sup>1</sup>jerkak, kwon romak; bwe am maram E mottok, im aibujuij in Jeova e ar tak iom. 2 Bwe, lo, marok e naj kalibubu lōl, im marok jilīñliñ, ro dri ailīñ ko; a Jeova e naj tak iom, im naj lo An aibujuij iom. 3 Im ro dri ailīñ ko re naj itok ñōn maram eo am, im kiñ ro ñōn rabōlbōl in am tak.

4 Kwon reiliñlok iturōm, im lo: ir otemjej rej kweloktok, rej itok ñōn ibōm; lōmaro nejōm re naj itok jen etolok, im limaro nejōm, re naj bōktok ir ilo peir. 5 Im kwo naj lo im joerer mejōm, im buruōm e naj luj-luj im laplok; bwe naj ukot obrōk an lometo ñōn kwe, mweuik ko mweien dri ailīñ ko re naj itok ñōn ibōm. 6 Kamel ko relōñ re naj kalibubu yuk, kamel ko remōn drer jen Midian im Ipa; ir otemjej jen Shiba re naj itok; re naj bōktok gold im frankinsens, im

naj kwalok nebar ko an Jeova. 7 Bwijin kiru otemjej jen Kidar naj kokweloktoki ñōn ibōm, sip koman ko jen Nebaiot naj korijer ñōn kwe; re naj wōnliñtok men in kabuñburuō ion lokatok eo Aō, im I naj kaibujuij mweo imōn Aō aibujuij. 8 Wōn rein rej kākī einwōt juōn kōro, im einwōt muli ko ñōn windo ko air? 9 Emol ailīñ ko redrik re naj kōtar lō, im wa ko an Tarshish mokta, bwe ren ek-tōktok lōmaro nejōm jen etolok, air silver im gold ibeir, kin etan Jeova am Anij, im kin Dri Kwojarjar eo an Israel, bwe E ar kaibujuij yuk.

10 Im ro drua majiet re naj kalek worwor ko am, im kiñ ro air re naj korijer ñōn yuk: bwe ilo Aō illu l ar mōn yuk, a ilo Aō yokwe l ar tiriamo kake yuk. 11 Aur ko am re naj bellok ien otemjej; jamin kilik ran ak boñ; bwe armij ren bōktok ñōn kwe mweuik ko mweien ro dri ailīñ ko, im bwe ren āñintok kiñ ro air dri jebokwe. 12 Bwe ro dri ailīñ eo im enen kiñ eo re jab kōnan korijer ñōn kwe, re naj joko; aet ro dri ailīñ ko re naj mweoñeñlok. 13 Aibujuij an Lebanon e naj itok ñōn ibōm, wijki fōr, wijki vain, im wijki box otemjej, bwe ren kaibujuij jikin imōn kwojarjar eo Aō, im I naj kōmōn jikin neiō bwe ren aibujuij. 14 Im ro nejnin ro rar kejjorran yuk re naj itok im barikrik ñōn kwe; im ro otemjej rar kejjekron yuk re naj mōjir iturin neōm, im re naj naetōm, Jikin kwelok an Jeova, Zaion eo an Dri Kwojarjar in Israel.

15 Ke rar illok jen yuk im drike yuk, einwōt bwe ejelok armij e ar driblok yuk, I naj kōmōn yuk juōn men emōn potata ñōn in drio, men in lōñliñ ñōn elōñ ebeben. 16 Im kwo naj ninnin milk an ro dri ailīñ ko, im naj ninnini tin kiñ ro; im kwo naj jela bwe Ńa, Jeova, Ij am Dri Lomor, im am Dri Binmour, Eo E kajur potata an Jakob. 17 Kin jinibōrōrō I naj bōktok gold, im kin māl I naj bōktok silver, im kin alal ko, jinibōrōrō, im kin dreka ko, māl. I naj kōmōn dri kabwijrōk ro am, ainemōo;

<sup>1</sup> Jap. 62. 2.

im iroi j ro am, wānik. 18 Jamin roñjake kin kōmōn lej ilo eneōm, jebeplok ak kokkure ilo tōreren ko; a kwo naj naetan worwor ko am, Men in lomor, im kejem ko am, Men in nebar. 19 <sup>1</sup> Al e jamin bar am maram in ran; im aliñ e jamin rome yuk kin an rabōlbōl: a Jeova e naj fiōn kwe juōn maram in drio, im am Anij am aibujuij. 20 Am al e jamin bar tulok, im am aliñ e jamin joko; bwe Jeova e naj am maram in drio, im ran ko ran in am liājlol re naj jemlok. 21 Bareinwōt armij otemjej am re naj wānik; re naj jolit eneo in drio, ine ko I ar kalibwini, jerbali in peiō, bwe ren kaibujuij yuk. 22 Eo erik e naj juōn tausand, im eo e niñ juōn ailifi e kajur; Na Jeova I naj bik-bikri ilo ien eo an.

**61** <sup>2</sup> Jitōb an Iroi j Jeova ej ioō; bwe Jeova e ar kabit Iō bwe In kwalok nan ko remōn fiōn ro etā burueir; E ar jilkintok Iō bwe in kitimi ro erup burueir, im kwalok kōtlok fiōn ro mātōn iri, im kabellek prison fiōn ro re lukjōk; 2 bwe In kwalok yiō in joij an Jeova, im ran in kwi an aruij Anij; bwe In kainemōn ro otemjej rej liājlol; 8 bwe In likit fiōn ro rej liājlol ilo Zaion, im lelok fiōn ir belin bōrair kin brij in ubaj, oil in lōñliñ kin buromōj, im nuknuk in nebar, kin jitōb in edroro; bwe ren naetair wijki ko in wānik, ko Jeova e ar kalibwini, bwe ren kaibujuij E.

4 Im re naj kalek jikin ko rar jebeplok mokta, re naj koutiej men ko ar kokkure mokta, im re naj bar kalek jikin kwelok ko emwij kamweoñ-eoñflok, men in kokkure an elōñ ebeben. 5 Im ro drua majet re naj jutem najirik bwijin kiru ko am, im ro dri ene ko jet re naj am dri tōblōl im dri lale bwil in grep ko am. 6 A naj naetōmi pris ro an Jeova; armij re naj likit etōmi dri korijeran aruij Anij: kom naj mōña mweien ro dri ailifi ko, im ilo air aibujuij kom naj jualōñlōñ. 7 Nōn binej jenkwōn jok eo ami, naj ruo alen men ko mokta ibemi; im fiōn binej jenkwōn kana-

naik, re naj lōñliñ kake kij eo air: kin men in, ilo eneir, ruo alen e naj ibeir; lōñliñ in drio e naj ioir. 8 Bwe Na, Jeova, Ij yokwe ekajet jime, Ij drike koaroñ na iben jab wānik: im I naj nawōnair ilo mol, im I naj kōmōn juōn bujen in drio ibeir. 9 Im ineir re naj jela kake iben ro dri ailifi ko: im ro nejin iben jar in armij ro; ir otemjej rej lo ir re naj kwalok kin ir, bwe rej ine eo Jeova e ar kejeram-mōn e.

10 I naj kanuij lōñliñ ilo Jeova, aō e naj lōñliñ ilo aō Anij; bwe E ar kanuknuk iō kin nuknuk ko in lomor, E ar kalibubu iō kin kobe in wānik, einwōt leo belele ej eneke kin wut ko, im einwōt juōn lio belele ej mōke kaibujuij e kin inōk ko an. 11 Bwe einwōt lōl ej elle nar eo an, im einwōt jikin kallip ej kōmōn bwe men ko emwij jeori ie ren edreklok; ein drein Iroi j Jeova e naj kōmōn bwe wānik im nebar ren edreklok iman ro dri ailifi otemjej.

**62** Kin Zaion I jamin kejeklok-jen, im kin Jerusalem I jamin kakije, mae ien an wānik eo an drioi-jlok einwōt rabōlbōl, im an men in lomor einwōt juōn lamp ej urur. 2 Im ro dri ailifi ko re naj lo am wānik, im kiñ otemjej, am aibujuij; im naj naetōm kin etōm ekāl, eo loñin Jeova e naj konono kake. 3 Kwo naj bareinwōt juōn bokrōnate wōleo ilo pein Jeova, im juōn belin kiñ ilo pein am Anij. 4 Re jamin bar naetōm, Dri jojo lār; im re jamin bar naetan eneōm, Mweoñeōñlok: a re naj naetōm, Hep-ziba, im eneōm, Beula; bwe Jeova ej mōnōñ ilo kwe, im naj belek eneōm. 5 Bwe einwōt juōn likao ej belele iben juōn virjin, ein drein lōmaro nejōm re naj belek yuk; im einwōt leo belele ej lōñliñ kin lio belele, ein drein am Anij e naj lōñliñ kin kwe.

6 I ar likit ro dri ekil ion worwor ko am, O Jerusalem: re jamin kejeklokjen ran ak bofi: komeo komij men in kemem an Jeova, komin jab kakije, 7 im komin jab kakijeik E, nae ien Ej kabin, im mae ien Ej kōmōn Jeru-

salem men in nebar ilo löl. 8 Jeova e ar kanöjnij kin anbijmaroñön, im kin pein kajur eo An, Emol I jamin bar lelok am korn kijen ro dri kijiräte yuk; im ro drua maijet re jamin irak am wain ekäl, rar jab jermal kake: 9 a ro rar marmire re naj köñe, im nebar Jeova; im ro rar ainetok re naj ilimi iloan worwor ko an mw eo imö e kwojarjar.

10 Komin dreloñ, komin dreloñ ilo kejem ko; komin kapoj ial ñön armij ro; komin ejeliñlok, ejeliñok ial eo elap; komin ainilok dreka ko; komin jeröke juön flag ñön ro dri ailiñ ko. 11 Lo, Jeova e ar kennan ñön jemloköñ löl, Komin ba ñön lio nejin Zaiön, Lo, men in lomoroñ ej itok; lo, wönan eo ej iben, im jermal eo an iman. 12 Im re naj naetair, Armij ro dri kwojarjar, Ro Jeova ej lomor ir: im re naj naetöm, Men in aintok, Juön jikin kwelok e jab joko.

**63** Wön eo Ej itok jen Idom, im nuknuk ko An re kilmir, jen ene Bozra? Eo ej aibujij ilo nuknuk ko An, Ej etal ilo lapen kajur eo An? Na eo Ij konono ilo wänik, im kajur potata; ñön lomor. 2 Etke kwoj kilmir ilo kobe ne Am, im nuknuk ko Am einwöt ko an eo ej juri ken joniök wain? 3 I ar juri ken joniök wain möke iaö; im ian ro dri ailiñ ko, ejelok armij iba: aet, I ar juri ir ilo Aö illu, im jurlok ir ilo Aö illu ebwil; im emwij wutrikrik nuknuk ko Aö kin drair, im I ar kamär aolepen nuknuk ko Aö. 4 Bwe ran in kwi e ar ber ilo buruö, im yiö an ro emwij Aö lomor ir, e ar itok. 5 Im I ar reilok, im ejelok, bwe en jiböñ: im I ar bwilöñ bwe ejelok bwe en jebök: kin men in, peiö e ar böktok men in lomor ñön iba, Aö illu e ar jebök Iö. 6 Im I ar juri ro dri ailiñ ko ilo Aö illu, im I ar kakarek ir kin Aö illu ebwil, im I ar lutöklok drair ion löl.

7 I naj konono kin tiriamo kake ko an Jeova, im nebar ko an Jeova, ekar ñön aolepen men ko Jeova e ar wujleptok ñön kij, im joiñ elap ñön imöñ Israel, eo E ar wujleplok ñön ir ekar

ñön tiriamo kake ko An, im ekar ñön men in joiñ ko An relöñ. 8 Bwe e ar ba, Emol, rej droö, ro nejiö ro re jamin kömöñ riöp: ein drein Ekar air Dri Lomor. 9 Ilo aolepen air jorran ar kejjorran E, im enjel eo An e ar lomor ir: ilo An yokwe im ilo tiriamo kake eo An, E ar binmour ñön ir; im E ar jebök ir, im bökklok ir ilo aolepen ran ko mokta.

10 A rar kabata, im kaburomöj Jitöb Kwojarjar eo An; kin men in, E ar oktök bwe En jumae ir, im E ar möke törinaek ir. 11 Ien eo E ar kememej ran ko mokta, Moses im ro dron, im ba, Ewi Eo e ar äñintok ir jen loan lomoto, iben seperd ro an bwij eo An? ewi Eo e ar likit An Jitöb Kwojarjar i bwiljir? 12 E ar kömöñ bwe pein e wujen ilok i anbijmaroñön Moses? E ar kijbil dren ko imair, bwe En kömöñ ñön E möke, juön etan in driö? 13 Eo e ar tellok ir ilujen mulöl ko, einwöt juön ors ilo ene jemaren, inem rar jab lökatip? 14 Einwöt kiru ko rej wöñliñlok ilo komlöl eo, Jitöb öñ Jeova e ar kömöñ bwe ren kakije: ein drein Kwar tel ro drom, im kömöñ ñön Kwe juön ät e aibujij.

15 Kwon reilöltok jen löñ, im lala jikin Am kwojarjar im Am aibujij: ewi Am kijejeto im kömöñ ko Am re kajur? Kwoj drebij wöt yokwe in buruöñ im tiriamo kake ko Am kin ña. 16 Bwe Kwe Jemem, meñe Ebre-am e jaje kim, im Israel e jab kwelok kin kim: Kwe, O Jeova, Jemem: etöm, Dri Lomorem jen in driö. 17 O Jeova, etke Kwoj kömöñ bwe kimin jebwäbwe jen ial ko Am, im kabün buruem jen mijök yuk? Kwon jeb-laktok kin ro dri korijeröm, bwij ko an jolit eo Am. 18 E ar ber ibem, ro drom ro kwojarjar, jirik wöt ien: ro dri kijiräte kim rar jure imöñ e kwojarjar. 19 Kimuj einwöt ro Kwar jañin iroiñ ioir, einwöt ro jañin naetair kin etöm.

**64** O bwe Kwon kekel mejatoto, im Kwon wöñlöltok, bwe tol ko ren makötkit imam, 2 einwöt kileek ej tile jul ko, im kijeek ej kömöñ bwe dren ko ren bululul; bwe

Kwon kajelaik ro dri kijirāte Yuk kin etōm, bwe ro dri ailīñ ko ren wuririr iman mejōm! 3 Ke Kwar kōmōn men ko men in lelñōñ, kim ar jab reilok kake, Kwar wōnlōltok; tol ko rar makōtkit iman mejōm. 4 Bwe jen ien ko mokta armij re jañin roñjake, ak roñlil kin lojliññir, im mej e jañin lo juōn bar Anij jen Kwe, Eo ej jerbāl ñōn eo ej kōtar E. 5 Kwoj wōnmae eo ej lōñliñ in kōmōn wānik, ro rej kememej Kwe ilo ial ko Am: lo, Kwar illu, im kim ar bwir: iloir etto amuij ber; im naj lomorem ke? 6 Bwe kim otemjej kimij einwōt juōn eo etton, im men in wānik ko am rej einwōt juōn nuknuk e brijrij: im kim otemjej kimij aimerlok einwōt juōn bwilik; im jerawiwi ko am, einwōt kōto, rej bōklok kim. 7 Im ejelok juōn ej kir etōm, im ej loetōk bwe en drebij Yuk; bwe Kwar binej turin mejōm jen kim, im Kwar tile kim kin bwir ko am.

8 A kiō, O Jeova, Kwe jemem; kim kle, im Kwe am potter; im kim otemjej men in kōmōn an peōm. 9 Kwon jab kanuij illu, O Jeova, im kwon jab kememej jerawiwi ñōn in drio: Kwon lo, Kwon lale, kimij akwelap ñōn Kwe, kim otemjej drom. 10 Am jikin kwelok ro kwojarjar rej juōn ene jemaren, Zaion ej juōn ene jemaren, Jerusalem e jebeplok. 11 Mweo imwem e kwojarjar im woleo, ijo ro jimam rar nebar Yuk, emwij tile kin kijeek; im emwij kejebeplok jikem otemjej rej men in mōñōñō. 12 Kwo naj mōke drebij Yuk, O Jeova, kin men kein ke? Kwo naj ikōñ, im kanuij kejjorran kim ke?

**65** Ro rar jab drien kajitōk Iō, <sup>1</sup>rar kajitōk Iō; im ro rar jab bukot Iō, rar lo Iō: I ar ba, Komin kalimjek Iō, komin kalimjek Iō, ñōn juōn ailīñ ar kir e kin eta. 2 I ar <sup>2</sup>erlokwe peiō, ran eyu, ñōn juōn ailīñ e kabata, ro rej etetal ilo juōn ial e jab emōn, ekar ñōn lemno ko air; 3 juōn ailīñ ej kaillu Iō iman meja ien otemjej, kin air katok ilo jikin kallip ko, im kin air tile ijur

ion brik ko; 4 ro rej jokwe iolapin wuliej, im jokwe ilo jikin ko retino; ro rej kōñ kōniekin pig, im meraikik in men in dramam ko ej ber ilo jābi ko air; 5 ro rej ba, Kwon jutōk ijene, lale kwar druaktok, bwe ña I kwojarjar jen kwe. Rein ro rej bat ilo botiō, juōn kijeek ej urur aolepen ran. 6 Lo, emwij jeje imaō: I jamin kejeklokjen, a I naj nawōnan, aet, I naj nawōnan ilo ubeir, 7 jerawiwi ko otemjej ami, im ko an jememi, Jeova ej ba, ro kom kin tile ijur ion tol ko, im kejeiokiok Iō ion tol ko redrik: kin men in I naj jōñwe jerbāl ko air mokta ilo ubeir.

8 Ein drein Jeova ej ba, Einwōt wain ekāl ej ber ilo uror in grep, im juōn ej ba, Komin jab kokkure, bwe eor jerammōn ie: ein drein I naj kōmōn kin ro dri korijera, bwe In jab kokkure ir otemjej. 9 Im I naj kwelok juōn ine jen ilo bwiljin Jakob, im juōn dri jolit tol ko Aō, jen bwiljin Juda; im ro Ij kālet ir, re naj jolit eneo, im ro dri korijera re naj jokwe ie. 10 Im Sharon e naj jikin bwiljin kiru, im komlōl in Ekor, jikin an kiru ko babu, ko rej an ro droō, ro rar bukot Iō. 11 A kom ro komij illok jen Jeova, ro rej meloklok tol eo Aō e kwojarjar, ro rej kapojōk juōn tebel ñōn Jerammōn, im eteñ wain ekāre ñōn Jenekijj; 12 I naj likit kom drien mij kin jāji, im kom otemjej naj bariirik ñōn kokkure; kin ke kom ar jab uak Aō kir; ke I ar konono, kom ar jab eorofi; a kom ar kōmōn men eo e nana ilo meja, im kālet men eo I jab mōñōñō kake.

13 Kin men in, ein drein Iroi Jeova ej ba, Lo, ro dri korijera re naj mōña, a kom naj kwuli; lo, ro dri korijera re naj irak, a kom naj maro; lo, ro dri korijera re naj lōñliñ, a kom naj jok; 14 lo, ro dri korijera re naj al kin lōñliñ an buru, a kom naj jōñ kin buromōj an buru, im limō kin an droaj buruemi. 15 Im kom naj likit etōmi menukol ñōn ro ij kālet ir; im Iroi Jeova e naj mōn yuk; im E naj bar atkālen ro dri korijeran: 16 einwōt bwe eo ej mōke kejerammōn e ilo lōl,

<sup>1</sup> Rom 9. 20. <sup>2</sup> Rom 16. 21.

e naj kejerammōn e kin Anij in mol; im eo ej kanōjnij ilo lōl, e naj kanōjnij kin Anij in mol; kin ke emwij meloklok men komokta, im re binjōk jen meja.

17 Bwe lo, Ij kōmōn lōñ ko rekāl im lōl ekāl; im jamin kememej men ko mokta. 18 A komin mōnōnō im lōfliñ in drio kin men ko Ij kōmōni; bwe lo, Ij kōmōn Jerusalem men in mōnōnō, im armij ro an bwe ren lōfliñ. 19 Im I naj mōnōnō kin Jerusalem, im lōfliñ kin ro droō; im jamin bar roñjake ilo e, ainiken limō im ainiken jōñ. 20 Re jamin bōklok jen ijo niñniñ ro eit air ran, ak juōn lōlap e jañin uñ an ran; bwe ajiri e naj mij ñe jibuki yiō ridtōn, im dri jerawiwi eo jibuki an yiō, e naj menukol. 21 Im re naj kalek moko, im jokwe ilo ir; im re naj kallip bwil in grep, im mōña jen leen. 22 Re jamin kalek, im bar juōn ej jokwe ie; im re jamin kallip, im bar juōn ej mōña: bwe einwōt ran ko an juōn wijki, ej ran ko an ro droō, im ro I ar kålet ir, naj etto air mōnōnō kake jerbāl an peir. 23 Re jamin jerbāl bata, ak keutak ñōn kokkure; bwe ir inen Jeova e mōnōnō, im bareinwōt ro nejir. 24 Inem mokta jen air kir, I naj uak; im ñe rej konono wōt, I naj roñjake. 25 Kiru wulf im jindrik in sip re naj mōña iben dron, kiru laion e naj mōña kan in wit, einwōt kau; im brij e naj kijan serpent. Re jamin mōn ak kokkure ilo aolepen Aō tol e kwojarjar, Jeova ej ba.

**66** Ein drein Jeova ej ba, Lōñ ej Aō tron, im lōl eran neiō: ie wāwen im kom naj kalek ñōn Iō? im ewi ijo I naj kakije? 2 Bwe peiō e ar kōmōne aolepen men kein, im wāwen drein an aolepen men kein ber, Jeova ej ba: a I naj reilok ñōn armij in, aet, ñōn eo e jeramel im etā buruen, im eo ej wuririr kin nan ko Aō. 3 Eo ej mōn juōn ox, ej einwōt eo ej mōn juōn armij: eo ej katok kin kon in sip, einwōt eo ej ruje kenwan kiru roror; eo ej bōktok jurtak irak, einwōt eo ej katok kin

bōtōktōk in pig; eo ej tile frankin-sens, einwōt eo ej kejerammōn juōn men in e. Aet, rar kålet ial ko air, im air rej mōnōnō kin men in jōjōik ko ibeir; 4 I naj bareinwōt kålet lemnok wan ko air, im bōktok air mijōk ioir; bwe ke I ar kir, ejelok en e ar uak; ke I ar konono, rar jab roñjake: a rar kōmōn men eo e nana ilo meja, im rar kålet men eo I ar jab mōnōnō kake.

5 Komin eoroñ nan in Jeova, kom ro komij wuririr kin nan ko An; Ro jeōmi im jātōmi ro rej kijirāte kom, ro rej jolok kom kin eta, rar ba, Jeova en aibujuij bwe kimin lo ami lōfliñ; a ir ro re naj jok. 6 Juōn ainiken jeurur jen jikin kwelok eo, juōn ainiken jen tempel, ainiken Jeova eo ej irenwōne ñōn ro rej kijirāte E.

7 Mokta jen an mejōljōllok, e ar keutak; mokta jen an iñtan, e ar lotak nejin eman. 8 Wōn e nañin roñjake einwōt? wōn ñe nañin lo einwōt? Juōn ailñ e naj lotak ilo juōn wōt ran ke? ro an juōn ailñ re naj lotak kiōkiō ke? bwe ke Zaion e ar jino in iñtan, e ar lotak ajiri ro nejin. 9 Na I naj bōktok ñōn ien keutak, im jab kamaroñ ñōn lotak ke? Jeova ej ba: Na eo Ij kamaroñ ñōn lotak, I naj binej loje ke? am Anij ej ba.

10 Komin mōnōnō iben Jerusalem, im lōfliñ kake e, kom otemjej komij yokwe e: komin mōnōnō kin lōfliñ iben, kom otemjej komij liājlol kake e; 11 bwe komin ninnin etin ainemōn ko an; bwe komin bōk dren in etin, bwe komin mōnōnō kin aibujuij elap eo an. 12 Bwe, ein drein Jeova ej ba, Lo, I naj na ainemōn ñōn e einwōt juōn river, im aibujuij an ailñ ko einwōt river e jōbblok: im kom naj ninnin ie; kom naj jela, im re naj kabwiji kom ion neir. 13 Einwōt juōn eo jinen ej kainemōn e, ein drein I naj kainemōn kom; im kom naj ainemōn ilo Jerusalem. 14 Im kom naj loe, im buruōmi re naj lioeo, im dri ko driōmi re naj keneo einwōt ājib in ujoij: im pein Jeova e naj jenolok ñōn ro dri korijeran; im E naj kwi nae ro rej kijirāte E.



15 Bwe lo, Jeova e naj itok ilo kijeek, im jariot ko An re naj einwöt aire; bwe En kwalok An illu kin lej, im kowe eo An kin urur in kijeek.

16 Bwe Jeova e naj irenwöne ion kõniek otemjej kin kijeek im jāji eo An; im ro Jeova e ar mōn ir, re naj lōñ. 17 Ro rej mōke kokwojarjar ir im karreoik ir ilo jikin kallip ko, ilikin juōn wijki, bwe ren mōña kõniekin pig, im men in jōjōik, im kijirik, re naj jimor jemlok iben dron, Jeova ej ba.

18 Bwe I jela jermal ko air, im air lemnok; ien eo ej itok ñe I naj kokweloklok aolepen ailif ko, im kajin ko; im re naj itok im lo Aō aibujuij.

19 Im I naj likit juōn kakōle iolapir, im ro rej ko, I naj jilkinlok ir ñōn ailif ko, ñōn Tarshish, Pul, im Lud, ro rej kiele libon, ñōn Tubal im Jevan, ñōn ailif ko redrik im retolok, ko re jañin roñjake Aō buñbuñ, im re jañin lo Aō aibujuij; im re naj kwalok Aō aibujuij iolapin dri ailif ko.

20 Im re naj bōktok aolepen ro jeōmi im jātōmi jen ailif otemjej, bwe ren men in lelok ñōn Jeova, ion ors ko, im ilo jariot ko, im ion wanebōk ko, im ion mul ko, im ion kamel ko, ñōn Jerusalem, tol eo Aō e kwojarjar, Jeova ej ba, einwöt ro nejin Israel rej bōktok air men in lelok ilo jābi erre, ñōn imōn Jeova. 21 Inem I naj kālet jen ir bwe ren pris im dri Livai, Jeova ej ba.

22 Bwe einwöt <sup>1</sup>lōñ ko rekāl im lōl ekāl, ko I naj kōmōni, re naj bin imaō, Jeova ej ba, ein drein ro ineōmi im etōmi re naj bin. 23 Im ber inem, jen juōn aliñ ekāl ñōn bar juōn, im jen juōn Sabat ñōn bar juōn, kõniek otemjej e naj itok bwe en kabuñ imaō, Jeova ej ba. 24 Im re naj drioijlok im kalimjek ubōn armij ro rar kokkure kien ko Aō: likakrōk eo air e jamin mij, im kijeek eo air e jamin kwun; im re naj men in jōjōik ñōn kõniek otemjej.

<sup>1</sup> Hib. 12. 26, 27.



# KALIMUR EKĀL

AN

AR IROIJ IM DRI LOMOR

JISŌS KRAIST.

---

AMERICAN BIBLE SOCIETY,  
INSTITUTED IN THE YEAR 1816.  
NEW YORK.

1914

## BUK KO ILO KALIMUR EKĀL; ETAIR IM ORAN JAPTER KO.

---

<i>Alen.</i>	<i>Karu.</i>	<i>Japter ka.</i>
1. Matu.....	Mat .....	28
45. Mark.....	Mark .....	16
70. Luk.....	Luk.....	24
115. Jon.....	Jon.....	21
150. Jerbal.....	Jerb.....	28
194. Dri Rom.....	Rom.....	16
212. I. Dri Korint.....	1 Kor.....	16
231. II. Dri Korint.....	2 Kor.....	13
243. Dri Galetia.....	Gal.....	6
249. Dri Epesōs.....	Ep.....	6
256. Dri Pilippai.....	Pil.....	4
260. Dri Kolosse.....	Kol.....	4
265. I. Dri Tessalonika.....	1 Tes.....	5
269. II. Dri Tessalonika.....	2 Tes.....	3
271. I. Timote.....	1 Tim.....	6
277. II. Timote.....	2 Tim.....	4
281. Taitōs.....	Tait.....	3
283. Pailimōn.....	Pail.....	1
284. Dri Hibru.....	Hib.....	13
298. Jemes.....	Jem.....	5
303. I. Piter.....	1 Pit.....	5
308. II. Piter.....	2 Pit.....	3
312. I. Jon.....	1 Jon.....	5
317. II. Jon.....	2 Jon.....	1
317. III. Jon.....	3 Jon.....	1
318. Jud.....	Jud.....	1
320. Revelsōn.....	Rev.....	22

4th EDITION.

# GOSPEL MATU E AR JE.

## JAPTER 1.

**B**UK in ebeben Jisös Kraist, ne-  
jin Devid, nejin Ebream.

Luk 3. 23. Sam 132. 11. Isa. 11. 1. Jer. 23. 5.  
Jap. 22. 42. Jon 7. 42. Jerb. 2. 30. & 13. 23.  
Rom 1. 3. 1 Jen. 12. 3. & 22. 18. Gal. 3. 16.

2 Ebream e ar keutak Aisak; im  
Aisak e ar keutak Jeköb; im Jeköb  
e ar keutak Juda im ro jein im  
jätin;

Jen. 21. 2. 3. & 25. 26. & 29. 35.

3 Im Juda e ar keutak Pirez im  
Zira jen Temar: im Pirez e ar keu-  
tak Hezrön; im Hezrön e ar keutak  
Ram;

Jen. 38. 27-30. Rut 4. 18-22. 1 Kron. 2. 4-12.

4 Im Ram e ar keutak Ammine-  
dab; im Amminedab e ar keutak  
Nashon; im Nashon e ar keutak  
Salmon;

5 Im Salmon e ar keutak Boaz jen  
Reab; im Boaz e ar keutak Obed jen  
Rut; im Obed e ar keutak Jesse;

6 Im Jesse e ar keutak Devid kif.  
Im Devid e ar keutak Solomön jen  
Ilo kar belen Uraia;

1 Samuel 16. 1. & 17. 12. 2 Samuel 12. 24.

7 Im Solomön e ar keutak Rio-  
boam; im Rioboam e ar keutak  
Abaija; im Abaija e ar keutak  
Esa;

1 Kron. 3. 10-14.

8 Im Esa e ar keutak Jiosepat; im  
Jiosepat e ar keutak Joram; im Jo-  
ram e ar keutak Uzzaia;

9 Im Uzzaia e ar keutak Jotam;  
im Jotam e ar keutak Eaz; im Eaz  
e ar keutak Hezekaia

10 Im Hezekaia e ar keutak Me-  
nassa; im Menassa e ar keutak  
Amön; im Amön e ar keutak Jo-  
saia;

2 Kin 20. 21.

11 Im Josaja e ar keutak Jekonaia  
[Marshall Islands.] 1T

im ro jein im jätin man, ien bökklok  
ñön Babulön.

1 Kron. 3. 15, 16. 2 Kin 24. 14, 15, 16. & 25. 11.  
2 Kron. 36. 10, 20. Jer. 27. 20. & 39. 9. & 52.  
11, 15, 28-30. Dan. 1. 2.

12 Im elikin ien bökklok ñön Babu-  
lön, Jekonaia e ar keutak Šialtiel;  
im Šialtiel e ar keutak Zirubbabel;  
1 Kron. 3. 17, 19. Ezra 3. 2. & 5. 2. Neh. 12.  
1. Hag. 1. 1.

13 Im Zirubbabel e ar keutak  
Abaiud; im Abaiud e ar keutak  
Ilaiekim; im Ilaiekim e ar keutak  
Ezor;

14 Im Ezor e ar keutak Sedök; im  
Sedök e ar keutak Ekim; im Ekim  
e ar keutak Ilaiaud;

15 Im Ilaiaud e ar keutak Eliezar;  
im Eliezar e ar keutak Mattan; im  
Mattan e ar keutak Jeköb;

16 Im Jeköb e ar keutak Josep  
belen Meri, eo e ar keutak Jisös eo  
naetan Kraist.

17 Inem ebeben otemjej jen Ebream  
ñön Devid jofloul im emen ebeben;  
im jen Devid ñön ien bökklok ñön  
Babulön jofloul im emen ebeben;  
im jen ien bökklok ñön Babulön  
ñön ien Dri Kraist jofloul im emen  
ebeben.

18 Im wäwen Jisös Kraist lotak  
einwöt in: Ke Meri jinen im Josep  
rejro karök dron, mokta jen airro  
belele, ar lo an böroro kin Jitöb  
Kwojarjar.

Luk 1. 27. & 1. 35.

19 Inem Josep belen, bwe emön  
mwillin, im e jab kōnan kajok e  
iman mejen armij, ej lemnok bwe  
en noj an jolok e.

Dut. 24. 1.

20 A ke ej lemnok kin men kein,  
lo, enjel in Iroj ej weaktok ñön e  
ilo tōnak, im ba, Josep, nejin De-

vid, kwon jab mijök in bök beleöm Meri: bwe an böroro kiu Jitöb Kwojarjar.

Luk 1. 35.

21 Im e naj keutak nejin man, im kwo naj likit etan Jisös; bwe E naj lomoren ro dron jen jerawiwi ko air.

Luk 1. 31. | Jerb. 4. 12. & 5. 31. & 13. 23, 38.

22 Im emwij kômön aolepen men in bwe en kamol nan Iroj e ar konono kin dri kanan eo, im ba,

23 Lo, virjin e naj böroro, im e naj keutak nejin man, im re naj naetan Immanuel, ukötön nan in, Anij iberuij.

Isa. 7. 14.

24 Im Josep, ke emwij an ruj, ej kômön einwöt enjel in Iroj e ar jirofi e, im bök belen;

25 Im e ar jaje e fiön ter eo emwij an keutak nejin man: im ej likit etan Jisös.

Eks. 12. 2. Luk 2. 7, 21.

## JAPTER 2.

**I**M ke Jisös e ar lotak i Betleem in Judia ilo ran ko an Herod kif, lo, jet dri kanbil r'ar itok jen rear fiön Jerusalem,

Luk 2. 4, 6, 7. Jen. 10. 30. & 25. 6. 1 Kin 4. 30.

2 Im ba, Ewi Eo ej lotak kif an dri Ju ro? bwe kim ar lo iju eo An i rear, im iten kabufi fiön E.

Luk 2. 11. | Bwin. 24. 17. Isa. 60. 3.

3 Ke Herod kif e ar rofjake, ej kûmkûm, im dri Jerusalem otemjej iben.

4 Im ke e ar kokweloklok pris relap im skraib otemjej an armij rön ej kajitök ibeir ewi ijo Dri Kraist e naj lotak ie.

5 Im re ba fiön e, Ilo Betleem in Judia: ein drein dri kanan e ar je,

6 Im kwe Betleem, ilo bukwön an Juda, kwo jab eriktata iben iroj ro in Juda; bwe juöu Iroj e naj itok jen yuk, Eo e naj šeperd ro druö Israel.

Mika 5. 2. Jon 7. 42. | Rev. 2. 27.

7 Inem Herod, ke e ar noj an afiñintok dri kanbil, elap an kajitök ibeir, ien öt eo iju e ar walok.

8 Im ej jilkinlok ir fiön Betleem, im ba, Komin ilen kanulj bukot nifnifi eo; im fie komij lo E, komin böktoke nan fiön iö, bwe in bar einwöt ilem kabufi fiön E.

9 Ke emwij air rofjake kif eo, rej ilok; im lo, iju eo r'ar loe i rear, ej kälök imairlok, fiön ion kajen ijo nifnifi ej ber ie.

10 Ke rej lo iju eo, re mönönö im e kanulj lap air löñliñ.

11 Im rej drelofi iloan im, im lo nifnifi eo iben jinen Meri; im rej buñbero im kabufi fiön E; im ke emwij airerlokwe mweuiuk ko mweieir, rej kômekwikwi E; gold, im ijur, im mörr.

Sam 72. 10. Isa. 60. 6.

12 Im kin an Anij kowe ir ilo tönak bwe ren jab jeblak fiön iben Herod, rej ilok fiön en'eo eneir ilo bar juön ial.

Jap. 1. 20.

13 Im ke remotelok, lo, enjel in Iroj ej weaktok fiön Josep ilo tönak, im ba, Kwon jerkak im bök nifnifi im jinen, im ko fiön Ijpt, im kwon ber ie fiön ien eo I naj ba fiön yuk: bwe Herod e naj bukö nifnifi ne bwe en mön E.

14 Im ej jerkak, im bök nifnifi im jinen ilo boñ, im ilok fiön Ijpt;

15 Im ej ber ie fiön ter eo Herod emij: bwe en kamol nan Iroj e ar konono kiu dri kanan, im ba, I ar kirtok Nejiö man jen Ijpt.

Hos. 11. 1.

16 Inem Herod, ke e jela bwe dri kaubil r'ar kejekron e, elap an illu, im ej jilkinlok im mön lädrik ro otemjej rej ber ilo Betleem im ene otemjej iturin, riddair ruo yiö im redrik jen ir, einwöt ter eo e ar kanulj jela kake jen dri kanbil ro.

17 Inem ar kamol nan dri kanan Jeremala e ar konono, im ba,

Jer. 31. 15.

18 Ar rofi aniken i Rema, himö, im jöñ, im liäjlo, Rejel e jöfiöt ro nejin; im bwe re joko, e jab kōnan bwe armij ren kainemön buruen.

19 A ke Herod emij, lo, enjel in

Iroiĵ ej weaktok ilo tōnak fiōn Jo-  
sep i Iĵipt,

20 Im ba, kwon jerkak im bōk  
lādrĳ im jinen, im ilok fiōn ene'n  
Israel: bwe re mij ro r'ar kōnan  
mōn lādrĳ ne.

21 Im ej jerkak, im bōk lādrĳ im  
jinen, im itok fiōn ene'n Israel.

22 A ke ej rofi bwe Arkileōs ej  
iroiĵ ion Judia, im binej jenkwōu  
Herod jemen, e lelfiofi in ilok fiōn  
ene'eo: a Anij ej kowe e ilo tōnak  
bwe en ilok fiōn jet ene mōtōn  
Galili:

jap. 3. 13. Luk 2. 39.

23 Im ej itok im jokwe ilo jikin  
kwelok etan Nazeret: bwe en ka-  
mol nan dri kanan r'ar ba, Re naj  
likit etan Dri Nazeret.

Jon 1. 45.

### JAPTER 3.

**I**LO ran ko Jon, dri baptais, e ar  
itok, im kwalok ilo ene jemaren  
in Judia,

Mark 1. 4. 15. Luk 3. 2. 3. Jon 1. 28.

2 Im ba, Komin ukwelok ibemi,  
bwe ailiſi in lōfi ebak.

Dan. 2. 44. jap. 4. 17. & 10. 7.

3 Bwe e in eo dri kanan Aisala e  
ar konono kake, im ba, Ainiken  
juōn ej lamij i ene jemaren, Komin  
kapoj ial an Iroiĵ, im kajime ial ko  
An.

Isa. 40. 3. Mark 1. 3. Luk 3. 4. Jon 1. 23.  
Luk 1. 76.

4 Im Jon in ej balle kin nuknuk  
kolan kamel, im kabol ibin kin ka-  
fiōr kilin kiru; im kijen lokōs ko  
im hōni awia.

Mark 1. 6. 2 Kin 1. 8. Zek. 13. 4. Leval 11.  
22. 1 Samuel 14. 25, 26.

5 Inem dri Jerusalem, im dri Ju-  
dia otemfej, im dri ene otemfej itu-  
rin Jordan rej ilok fiōn iben;

Mark 1. 5. Luk 3. 7.

6 Im ej baptais ir ilo Jordan, im  
rej kwalok jerawiwi ko air.

Jerb. 19. 4. 18.

7 A ke ej lo elōfi Parisi im Sadusi  
rej itok fiōn an baptais, e ba fiōn ir,  
O bwijln vaiper ko, wōn e ar kowe

kom bwe komin ko jen illu e naj  
itok?

jap. 12. 34. & 23. 33. Luk 3. 7, 8, 9. 1 Rom  
5. 9. 1 Tes. 1. 10.

8 Inem komin jebar im lle ekar  
fiōn ami ukwelok:

9 Im komin jab lemnok ilo burue-  
mi, im ba, Ebreame e jememuij:  
bwe ij ba fiōn kom, Anij ej maroſi  
in kejerkak ro nejin Ebreame jen  
dreka kein.

Jon 8. 33, 39. Jerb. 13. 26. Rom 4. 1. 11. 16.

10 Im kiō emwij likit lilil i okran  
wijki ko: inem wijki otemfej re jab  
jebar im emōn leir, rej jeki im julok  
ilo kijeek.

jap. 7. 19. Luk 13. 7, 9. Jon 15. 6.

11 Ņa ij baptais kom kin dren ilo  
ukwelok ibemi: a Eo ej itok elikiō  
elap an kajur jen iō, ballin neen I  
betkake in bōki: E naj baptais kom  
kin Jitōb kwojarjar im kijeek:

Mark 1. 8. Luk 3. 16. Jon 1. 15, 26, 33. Jerb.  
1. 5. & 11. 16. & 19. 4. Isa. 4. 4. & 44. 3. Mal. 3. 2.  
Jerb. 2. 3, 4. 1 Kor. 12. 13.

12 An drel ej ilo pein, im E naj  
kanuij karreok jikin nowe wit; im  
aintok wit eo An na iloan imōn  
wit; a E naj till kilin wit ilo kijeek  
re ban kwūni.

Mal. 3. 3. & 4. 1. jap. 13. 30.

13 Ien eo Jisōs ej itok jen Galili  
fiōn Jordan, fiōn iben Jon, bwe en  
baptais E.

Mark 1. 9. Luk 3. 21. jap. 2. 22.

14 A Jon ej bōprae E, im ba, Emōn  
Kwon baptais iō, im Kwoj itok fiōn  
iba ke?

15 Im Jisōs e uak im ba fiōn e,  
Kwon jab boprae Iō kiō; bwe ekar  
ein drein arro kamol emōn otemfej.  
Inem e jab bōprae E.

16 Im ke emwij nu Jisōs baptais,  
emōkōj An ato jen dren: im lo,  
emjallok lōfi fiōn E, im Ej lo Jitōb  
ōn Anij ej kālōltak einwōt mule,  
im jok ion;

Mark 1. 10. Isa. 11. 2. & 42. 1. Luk 3. 22.  
Jon 1. 32, 33.

17 Im lo, ainiken jen lōfi ej ba, E  
in Nejiō jitenburu iba, IJ mōnōnō  
kake.

Jon 12. 28. Sam 2. 7. Isa. 42. 1. jap. 13. 18.  
& 17. 5. Mark 1. 11. Luk 9. 35. Ep. 1. 6.  
Kol. 1. 13. 2 Pit. 1. 17.

## JAPTER 4.

**I**EN eo Jitöb ej añinlok Jisös ñön ene jemaren bwe devil en kabo E.

Mark 1. 12, 13. Luk 4. 1-13. 11 Kin 18. 12. Ezek. 3. 14. & 8. 3. Jerb. 8. 39.

2 Im ke Ej jitlok eñoul ran im eñoul boñ, tokelik E kwuli.

3 Im dri kabo ej itok ñön iben im ba, Elañe Nejin Anij kwe, Kwon jiroñ dreka kein bwe ren erom bred.

4 A E uak im ba, Ar jeje, Armij e jamin mour kin bred wöt, a kin nan otemjej rej waloktok jen loñiu Anij.

Dut. 8. 3.

5 Inem devil ej añiuliñlok E ñön iloan jikin kwelok ekwojarjar; im kajijöt E na ion kijmen tempel eo, Neh. 11. 1, 18. Isa. 48. 2. & 52. 1. Jap. 27. 53. Rev. 11. 2.

6 Im ba ñön E, Elañe Nejin Anij kwe, Kwon kälölok: bwe ar je, E naj jiroñ enjel ro An kin Yuk; im re naj baur Yuk ion peir bwe Kwon jab itak neöm ilo dreka.

Sam 91. 11, 12.

7 Jisös ej ba ñön e, Ar bar je, Kwon jab kabo Iroj am Anij.

Dut. 6. 16.

8 Devil ej bar añinliñlok E ñön juön tol e kanuij utiej, im kaluij E kin ailiñ in löl otemjej, im air aibujuij;

9 Im e ba ñön E, Men kein otemjej I naj lewoj ñön Yuk, elañe Kwo naj bero im kabuñ ñön iö.

10 Im Jisös ej ba ñön e, Kwon lok, Setan: bwe ar je, Kwon kabuñ ñön Iroj am Anij, im kwon jeral ñön E wöt.

Dut. 6. 13. & 10. 20. Jos. 24. 14. 1 Samuel 7. 3.

11 Inem devil ej ilok jen E, im lo, enjel ro rej item jiböñ E.

Hib. 1. 14.

12 Im ke Jisös ej roñ bwe Jon ej ber iloan prisön, Ej ilok ñön Galili; Mark 1. 14. Luk 3. 20. & 4. 14, 31. Jon. 4. 43.

13 Im ke Ej ilok jen Nazeret, Ej item jokwe i Kaperneum ebak ñön lomalo, i töreran ene ko Zebulön im Naptelai:

14 Bwe en kamol nan Aisaia dri kanan e ar konono, im ba.

15 Ene in Zebulön im ene in Naptelai ijo iturin lomalo, i iñin Jordan, Galili an dri aillñ ko,

Isa. 9. 1, 2.

16 Armij ro r'ar ber ilo marok rej lo elap maram; im ro r'ar ber i ene im jikin andñinmij, maram ej walokliñ ñön ir.

Isa. 42. 7. Luk 2. 32.

17 Jen ter eo Jisös ej jino An kwalok, im ba, Komin ukwelok ibemi; bwe ailiñ in löñ ebak.

Mark 1. 14, 15. Jap. 3. 2. & 10. 7.

18 Im ke Jisös ej etetal iturin lomalo in Galili, Ej lo ruo jimjän jimjätin, Saimön etan Piter, im Andru jätin, rej dror ok i lojit; bwe dri añwör irro.

Mark 1. 16, 17, 18. Luk 5. 2. Jon 1. 42.

19 Im Ej ba ñön ir, Komin lor lö, im I naj likit komro dri añwör armij.

Luk 5. 10, 11.

20 Im emököj air ilok jen ok ko air im lor E.

Mark 10. 28. Luk 18. 28.

21 Im ke Ej ilok jen ijo, Ej lo bar ruo jimjän jimjätin, Jemes uejin Zebedi in Jon jätin, ilo wa iben jemeir Zebedi, rej kanöri ok ko air; im Ej kirtok irro.

Mark 1. 19, 20. Luk 5. 10.

22 Im emököj air to im ilok jen wa eo im jemeir im lor E.

23 Im Jisös ej etetal ilo aolepen Galili im katakin ilo imön kwelok ko air, im kwalok gospel an aillñ in löñ, im kemour nañinmij otemjej im möjino otemjej iben armij rön.

Jap. 9. 35. Mark 1. 21, 39. Luk 4. 15, 44. 1 Jap. 24. 14. Mark 1. 14. & 1. 34.

24 Im E buñbuñlok ilo aolepen Siria; im rej böktok ñön E dri nañinmij otemjej, ro dreblj ir kin jabrewöt nañinmij im iñtan ko, im ro dimon r'ar miok na enbwintir, im ro romöjoliñir, im ro r'ar akä; im Ej kemour ir.

25 Im elap jar an armij rej lor E jen Galili, im jen Dekapolis, im jen



Jerusalem, im jen Judia, im jen rear in Jordan.

Mark 3. 7.

### JAPTER 5.

**I**M ke Ej lo jar ko, Ej wõnliñlok ñõn tol: im ke Ej jijõt, dri kaloran rej itok ñõn iben;

Mark 3. 13.

2 Im Ej walõñi loñin, im katakin ir, im ba,

3 Emõnõnõ ro rej jeramel ilo burueir, bwe air ailiñ in lõñ.

Luk 6. 20. 1 Sam 51. 17. Pro. 16. 19. & 29. 23. Isa. 57. 15. & 66. 2.

4 Emõnõnõ ro rej buromõj: bwe naj kalnemõu ir.

Isa. 61. 2, 3. Luk 6. 21. Jon 16. 20. 2 Kor. 1. 7. Rev. 21. 4.

5 Emõnõnõ ro etã burueir; bwe re naj jolit lõl.

Sam 37. 11. Rom 4. 13.

6 Emõnõnõ ro rej kwuli im maro kin kwojarjar; bwe re naj mat.

Isa. 55. 1. & 65. 13.

7 Emõnõnõ ro rej tirlamo; bwe naj tirlamokake ir.

Sam 41. 1. Jap. 6. 14. Mark 11. 25. 2 Tim. 1. 16. Hib. 6. 10. Jem. 2. 13.

8 Emõnõnõ ro erreõ burueir; bwe re naj lo Anij.

Sam 15. 2. & 24. 4. Hib. 12. 14. 1 Kor. 13. 12. 1 Jon 3. 2, 3.

9 Emõnõnõ ro dri kilajrõk; bwe naj naetair ro nejn Anij.

10 Emõnõnõ ro emwij matõrtõr ir kin air kwojarjar; bwe air ailiñ in lõñ.

2 Kor. 4. 17. 2 Tim. 2. 12. 1 Pit. 3. 14.

11 Emõnõnõ kom fle armij re naj kajirere kake kom, im matõrtõr kom, im naj ba nau ko renana otemjej nae kom, riõp wõt, kin Ña.

Luk 6. 22. 1 Pit. 4. 14.

12 Komin lõñliñ, im kanuij bõnburuemi; bwe elap jinekijj fiõn kom i lõñ: bwe ein drein air matõrtõr dri kauan ro mokta jen kom.

Luk 6. 23. Jerb. 5. 41. Rom 5. 3. Jem. 1. 2. 1 Pit. 4. 13. 1 2 Kron. 36. 16. Neh. 9. 26. Jap. 23. 34, 37. Jerb. 7. 52. 1 Tes. 2. 15.

13 Kom salt in lõl: a elafie salt ejoko nemen, naj kejãtok e kin ta?

Inem enana, im rej jolok e, im armij rej juri.

Mark 9. 50. Luk 14. 34, 35.

14 Kom maram in lõl. Jikin kwe-lok eo ej ber ion tol, re ban noje.

Pro. 4. 18. Pil. 2. 15.

15 Armij re jab tili lamp im likit e lomin jãbi, a ion jikin lamp; im ej kamramlok ro otemjej iloan im.

Mark 4. 21. Luk 8. 16. & 11. 33.

16 Ein drein en romak ami maram iman mejen armij, bwe ren lo ami jermal ko remõn, im nebar Jememi i lõñ.

1 Pit. 2. 12. Jon 15. 8. 1 Kor. 14. 25.

17 Komin jab lemnok bwe I ar iten kokkure kien, ak an drt kauan ro katak: I ar jab iten kokkure a kajejiti.

Rom 3. 31. & 10. 4. Gal. 3. 24.

18 Bwe emol Ij ba fiõn kom, Ñõn ter eo lõñ im lõl re joko, juõn kakõle erik ak juõn jabõn erik e jamin joko jen kien, fiõn ter eo naj kajejit men ko otemjelok.

Luk 16. 17.

19 Inem jabrewõt eo e naj kokkure juõn ian kien ko redrik, im naj katakin armij einwõt, naj likit e erik-tata ilo aillfi in lõñ; a jabrewõt eo e naj bokaki im katakini, naj likit e in lap ilo aillfi in lõñ.

Jem. 2. 10.

20 Bwe Ij ba fiõn kom, Elafie ami kwojarjar e jamin lap jen eo an skraib ro im Parisi ro, kom jamin dreloñ iloan aillfi in lõñ.

Rom 9. 31. & 10. 3.

21 Kom ar roñ bwe ar ba fiõn ridto ro, Kwon jab uror; im jabrewõt eo e naj uror e naj uõta kin ekajet eo;

Eks. 20. 13. Dut. 5. 17.

22 A Ij ba fiõn kom, Jabrewõt eo ej illu fiõn jein im jãtin e naj uõta kin ekajet eo: im jabrewõt eo e naj ba fiõn jein im jãtin, Reka, e naj uõta kin dri bebe: a jabrewõt eo e naj ba, Kwo webwe, e naj uõta kin kijeek i Geena.

1 Jon 3. 15.

23 Inem elafie kwoj katok kin am jurtak i lokatok, im ijo kwoj ke-

memej bwe eor am nana fiñn jeñm im jätöm,

jap. 8. 4. & 23. 19.

24 Kwon likit am jurtak na iman lokatok, im ilok; kwon kalnemöñ jeñm im jätöm mokta, inem item katok.

25 Kwon jaröpmököj im mirik dri kijiräte yuk fie kwoj ber iben ilo ial; elafie jab einwöt, juñn ien bwe-len dri kijirät e naj ketök yuk fiñn iroj in ekajet, im iroj in ekajet e naj ketök yuk fiñn dri kabwiwrök, im jolok yuk na iloan prisöñ.

Pro. 25. 8. Luk 12. 58, 59.

26 Emol Ij ba fiñn yuk, Elap am ban itok jen ijo fiñn ter eo kwoj kölä möñni otemjej jelok.

27 Kom ar röñ bwe ar ba, Kwon jab lüñ;

Eks. 20. 14. Dut. 5. 18.

28 A Ij ba fiñn kom, Jabrewöt eo ej kalimjek köra im mijkalye em-wij an lüñ iben ilo buruen.

Job 31. 1. Pro. 6. 25. Jen. 34. 2. 2 Samuel 11. 2.

29 Im elafie mejöm anbijmaroñ ej kejerawiwi yuk, kwon itike im joloke jen yuk; bwe emöñ fiñn yuk, fie ejoko juñn ian ra'm, im en jab jolok aolepen enbwinöm ilo Geena.

jap. 18. 8, 9. Mark 9. 43-47. jap. 19. 12. Rom 8. 13. 1 Kor. 9. 27. Kol. 3. 5.

30 Im elafie anbijmaroñm ej kejerawiwi yuk, bukwe im joloke jen yuk: bwe emöñ fiñn yuk fie ejoko juñn ian ra'm, im en jab jolok aolepen enbwinöm ilo Geena.

31 Im ar bareinwöt ba, Jabrewöt eo e naj jolok lio belen, en lelok fiñn e jeje in kötlök;

Dut. 24. 1. Jer. 3. 1. jap. 19. 3. Mark 10. 2-12.

32 A Ij ba fiñn kom, Jabrewöt eo e naj jolok lio belen, elafie jab kin lüñ, ej kalüñ e bwe en lüñ: im jabrewöt eo e naj belek lio ar joloke ej lüñ.

jap. 19. 9. Luk 16. 18. Rom 7. 3. 1 Kor. 7. 10, 11.

33 Bar juñn, kom ar roñ bwe ar ba fiñn ridto ro, kwon jab kanöñnj kin nan in riöp, a kwon kamol

fiñn Iroj men ko kwoj kanöñnj kaki:

jap. 23. 16. Eks. 20. 7. Levai 19. 12. Bwin. 30. 2. Dut. 5. 11. & 23. 23.

34 A Ij ba fiñn kom, Komin jab kanöñnj; jab kin löñ, bwe an Anij tron:

jap. 23. 16, 18, 22. Jem. 5. 12. Isa. 66. 1.

35 Jab kin löñ, bwe eran neen: jab kin Jerusalem bwe jikin kwelok an Kiñ lapolap.

Sam 48. 2. & 87. 3.

36 Im kwon jab kanöñnj kin böröm, bwe kwo jab maroñ kömöñ juñn kol bwe en mouj ak kilmej.

37 A en ami nan Aet, aet; Jab, jab: bwe jabrewöt eo eor jen nan kein ej itok jen eo enana.

Kol. 4. 6. Jem. 5. 12.

38 Kom ar roñ bwe ar ba, Mej en nawönän mej, im ñi en nawönän ñi:

Eks. 21. 24. Levai 24. 20. Dut. 19. 21.

39 A Ij ba fiñn kom, Komin jab jojobe eo ej nana; a jabrewöt eo e naj ubrare anbijmaroñ in jeböm, kwon bar oktök fiñn jimötöu.

Pro. 20. 22. & 24. 29. Luk 6. 29. Rom 12. 17. 19. 1 Kor. 6. 7. 1 Tes. 5. 15. 1 Pit. 3. 9. 1 Isa. 50. 6. Jon. 3. 30.

40 Im elafie juñn armij e könan kwalok yuk fiñn ekajet, im böklök am kobe, kwon bar einwöt lelok fiñn e am koj.

41 Im jabrewöt eo e naj kamako-kalk yuk, bwe kwon ilok ibenlok ilo juñn mall, en ruo alen am ilok ibenlok.

jap. 27. 32. Mark 15. 21.

42 Kwon lelok fiñn eo ej kajitök iböm, im eo e könan karoñ yuk kake, kwon jab oktök jen e.

Dut. 15. 8, 10. Luk 6. 30, 35.

43 Kom ar roñ bwe ar ba, Kwon yokwe dri turöm, im kitötökake dri kijiräte yuk.

Levai 19. 18. Dut. 23. 6. Sam 41. 10.

44 A Ij ba fiñn kom, Komin yokwe ro dri kijiräte kom, im jar kin ro rej matörtör kom;

Luk 6. 27, 35. Rom 12. 14, 20. 1 Luk 23. 24. Jerb. 7. 00. 1 Kor. 4. 12, 13. 1 Pit. 2. 22. & 3. 9.

45 Bwe komin ro nejin Jememilij ilöñ: bwe Ej kötak al ion ro renana

im ion ro remõn, im kowut ion ro rewānik im ion ro re jab wānik.

Job 25. 3.

46 Bwe elañe komij yokwe ro rej yokwe kom, ta jinekijj ñõn kom? dri tel owõj re jab kõmõn einwõt ke

Luk 6. 32.

47 Im elañe komij yokyokwe ro jeõmi im jatõmi wõt, ewi elap ami kõmõn jen ro jet? dri allĩn ko re jab kõmõn einwõt ke?

48 Inem kom naj wāppen einwõt Jememiuj i lõñ E wāppen.

Jen. 17. 1. Leval 11. 44. & 19. 2. Luk 6. 33. Kol. 1. 23. & 4. 12. Jem. 1. 4. 1 Pit. 1. 15, 16. Ep. 5. 1.

### JAPTER 6.

**K** EJBAROK bwe komin jab kõmõnmõn ami kwojarjar iman mejen armij bwe ren lo kom; elañe jab einwõt, ejelok wõnāmi iben Jememiuj i lõñ.

Dut. 24. 13. Sam 112. 9. Dan. 4. 27. 2 Kor. 9. 9, 10.

2 Inem ñe kwoj kõmõn am mweien tiriāmo, kwon jab jilil imam, einwõt an ro dri jela mon kõmõnmõn iloan imõn kwelok ko, im ilo ial ko, bwe armij ren nebar ir. Emol Ij ba ñõn kom, Emwij air bõk wõnair.

Rom 12. 8.

3 A ñe kwoj kõmõn am mweien tiriāmo, anmiñõm en jab jela men eo an anbijmarõñõm kõmõn;

4 Bwe en etino am mweien tiriāmo: im Jemõm eo Ej lo ilo etino, E naj nawõnām.

Luk 14. 14.

5 Im ñe komij jar, komin jab einwõt ro dri jela mon: bwe re kõnan jutõk im jar iloan imõn kwelok ko im i kābon in ial ko, bwe armij ren lo ir. Emol Ij ba ñõn kom, Emwij air bõk wõnair.

6 A kwe, ñe kwoj jar, kwon dreloñ iloan jikõm etino im ñe emwij kil am aur, kwon jar ñõn Jemõm ej ber ijo etino; im Jemõm ej lo ijo etino, E naj nawõnām.

2 Kin 4. 33.

7 Im ñe komij jar, komiu jab elij

bata einwõt ro dri pegan: bwe rej lemnok naj roñjake ir kin an lõñ air konono.

Ekl. 5. 2. 1 Kin 18. 26, 29.

8 Inem komin jab kajeõfiwe ir; bwe Jememiuj e jela men ko komij aikwij mokta jen ami kajitõk iben.

9 Inem en wāwen drein ami jar. Jememiuj i lõñ, En kwojarjar Etõm.

Luk 11. 2-4.

10 En itok Am allĩn. Ren kõmõnmõn ankil Am einwõt i lõñ, bareinwõt ion lõl.

Jap. 23. 39, 42. Jerb. 21. 14. Sam 103. 20, 21.

11 Ranin Kwon letok ñõn kim kijim ranin.

Job 23. 12. Pro. 30. 8.

12 Im jolok amuij muri ibõm, einwõt kim ar jolok an armij muri ibem:

Jap. 18. 21-35.

13 Im jab kadreloñ kim ilo kabo, a lomoren kim jen eo enana. [Bwe Am allĩn, im kajur, im albuuij in drio. Amen.]

Jap. 23. 41. Luk 22. 40, 46. 1 Kor. 10. 13. 2 Pit. 2. 9. Rev. 3. 10. 1 Jon. 17. 15. 1 Kron. 29. 11.

14 Bwe elañe komij jeorlok bwir ko an armij, bareinwõt Jememiuj i lõñ E naj jeorlok bwir ko ami.

Mark 11. 25, 26. Ep. 4. 32. Kol. 3. 13.

15 A elañe kom jab jeorlok bwir ko an armij, bareinwõt Jememiuj e jamin jeorlok bwir ko ami.

Jap. 18. 35. Jem. 2. 13.

16 Bar juõn, ñe komij jitlok, komin jab kimũñ einwõt ro dri jela mon: bwe rej kananalk turin mejeir, bwe armij ren lo air jitlok. Emol Ij ba ñõn kom, Emwij air bõk wõnair.

Isa. 58. 5.

17 A kwe ñe kwoj jitlok, kwon kabit bõrõm, im kwoli turin mejõm;

Rut 3. 3. Dan. 10. 3.

18 Bwe am jitlok en jab walok ñõn armij, a ñõn Jemõm ej lo ijo etino: im Jemõm ej lo ijo etino E naj nawõnām.

19 Komin jab koorlok mweeluk

fñon kom ion löf, ijo drile im jo rej köñi, im ijo ro dri kwot rej rupe im kwote :

Pro. 23. 4. 1 Tim. 6. 17. Hib. 13. 5. Jem. 5. 1-3.

20 A komin koorlok mweluk fñon kom i löf, ijo drile im jo re jab köñi, im ijo ro dri kwot re jab rupe im kwote :

jap. 19. 21. Luk 12. 33, 34. & 18. 22. 1 Tim. 6. 19. 1 Pit. 1. 4.

21 Bwe ijo mwelöf ej ber, bareinwöt huruöm e naj ber je.

22 Lamp in enbwin mej: inem elafie emön mejöm, aolepen enbwinöm e naj obrök kin maram.

Luk 11. 34, 36.

23 A elafie enana mejöm, aolepen enbwinöm e naj obrök kiu marok. Inem elafie maram iloam emarok, e kanuij lap an marok.

24 Ejelok armij e maron bokake ruo iroi; bwe e naj kijiräte juön im yokwe eo juön; ak e naj drebij juü im kejekron eo juön. Kom ban dri korijeran Anij im mweiuk.

Luk 16. 13. Gal. 1. 10. 1 Tim. 6. 17. Jem. 4. 4. 1 Jon 2. 15.

25 Inem Ij ba fñon kom, Komin jab inebata buruemi kin ami mour, ta eo kom naj möña, ak ta eo kom naj irak; im bareinwöt kin enbwinemi, ta kom naj balle. Mour e jab lap jen ekön ke, im enbwin e jab aurök jen balle ke?

Sam 55. 22. Luk 12. 22, 23. Pil. 4. 6. 1 Pit. 5. 7.

26 Komin kalimjeke bao ko i mejatoto, bwe re jab jeor ak marmir ak aini na iloan imön ekön, im Jememiuij i löf Ej najirikir. Kom jab aurök jen ir ke?

Job 38. 41. Sam 147. 9. Luk 12. 24-32.

27 Wön lami kin inebata buruen e maroñ in kaitoklok an mour ilo juön mokwöj in pä?

28 Im etke ami inebata buru kin balle? Komin lemnok kinkioöp ko ilo jikin kallip, ekijkan air edrek; re jab jerbal im re jab irap;

29 Im Ij ba fñon kom, Bwe an Solomon wuj otenjej ilo an litlit e jab einwöt juön lan men kein.

30 Im elafie ein drein an Anij kallitit mär ko ilo jikin kallip, rej ranin, im ilju julok ilo um, e jab laplok An naballimi ke? O komeo, erik ami tömak!

31 Inem komin jab inebata buruemi im ba, Ta je naj möña? Ak ta je naj irak? Ak e naj kijkan ar balle?

32 Bwe ro dri ailif ko rej bukot men kein otemjej; bwe Jememiuij i löf E jela ami aikwij men kein otemjej.

33 A komin bukot mokta ailif in Anij, im kwojarjar eo An; im naj koorlok men kein otemjej fñon kom.

1 Kin 3. 13. Sam 37. 25. Mark 10. 30. Luk 12. 31. 1 Tim. 4. 8.

34 Inem komin jab inebata buruemi kin ilju; bwe ilju e naj inebata kin men ko an. Nana ilo ran ej bwe fñon ran eo.

## JAPTER 7.

**K**OMIN jab ekajet bwe en jab ekajet kom.

Luk 6. 37. Rom 2. 1. & 14. 3, 4, 10, 12. 1 Kor. 4. 3, 5. Jem. 4. 11, 12.

2 Bwe ilo ekajet eo komij ekajet kake, naj ekajet kom: im ilo jofnok eo komij jofnok kake, naj bar jofnok non kom.

Mark 4. 24. Luk 6. 38.

3 Im etke kwoj kalimjek belok erik iloan mejen jeöm im jätöm a jab lemnok kin wijki iloan mejöm?

Luk 6. 41, 42.

4 A ekijkan am ba fñon jeöm im jätöm, In jolok belok erik jen mejöm; im lo, wijki ej ber iloan mejöm?

5 Kwe dri jela mon, kwon jolok wijki eo jen mejöm mokta; inem kwo naj lolokjen im jolok belok erik jen mejen jeöm im jätöm.

6 Komin jab lelok men eo ekwojarjar fñon kiru rorrer ko, im jab julok bör ko ami iman pig ko, fie r'ab juri kin lobiren neir, im oktök im kokkure kom.

Pro. 9. 7, 8. & 23. 9. Jerk 13. 45, 46.

7 Kajitök im naj lewoj fñon kom;

kabukot im kom naj lo; kalöllöl, im naj kebellok ñön kom :

Jap. 21. 22. Mark 11. 24. Luk 11. 9, 10, & 18. 1. Jon. 14. 13. & 15. 7. & 16. 23, 24. Jcm. 1. 5, 6. 1 Jon 3. 22. & 5. 14, 15.

8 Bwe eo ej kajitök ej bök, im eo ej kabukot ej lo, im eo ej kalöllöl naj kebellok ñön e.

Pro. 8. 17. Jer. 29. 12, 13.

9 Ak wön armij iam, elañe nejin eman ej kajitök bred, e naj lelok ñön e dreka ?

Luk 11. 11, 12, 13.

10 Ak elañe ej kajitök iik, e naj lelok ñön e serpent ke ?

11 Inem elañe kom, dri nana, kom jela lelok men ko remön ñön ro ne-jimi, ekijkan e jab laplok an Jememuij i löñ lelok men ko remön ñön ro rej kajitök iben ke ?

Jen. 6. 5. & 8. 21.

12 Inem men otemjej jabrewöt komij kōnan bwe armij reu kōmōnmōn ñön kom, en ein drein ami kōmōnmōn ñön ir: bwe men in kien im dri kanan ro.

Luk 6. 31. Leval 19. 18. Jap. 22. 40. Rom 13. 8, 9, 10. Gal. 5. 14. 1 Tim. 1. 5.

13 Komin dreloñ iloan kejem erāniñ; bwe erbōkbōk kejem, im edri-lep ial eo ej tellok ñön mij, im elöñ ro rej dreloñ le ;

Luk 13. 24.

14 Bwe erāniñ kejem, im eairik ial eo ej tellok ñön mour, im elet ro rej loe.

15 Komin kejbārok kom jen dri kanan riōp, ro rej itok ñön ibemi kin wāwen šip, a ilo burueir einwöt wulp ko relej.

Dut. 13. 3. Jer. 23. 16. Jap. 24. 4, 5, 11, 24. Mark 13. 22. Rom 16. 17, 18. Ep. 5. 6. Kol. 2. 8. 2 Pit. 2. 1, 2, 3. 1 Jon 4. 1. 1 Mika 3. 5. 2 Tim. 3. 5. 1 Jerb. 20. 29, 30.

16 Kom naj jela kajeir kin leir. Armij rej lotlot grep jen källiklik ko, ak fig jen mar kuj ke ?

Jap. 12. 33. Luk 6. 43, 44.

17 Ein drein wijki emōn otemjej rej jebar im emōn leir; a wijki enana e jebar im enana leen.

Jer. 11. 19. Jap. 12. 33.

18 Wijki emōn e ban jebar im enana leen; bareinwöt wijki enana e ban jebar im emōn leen.

[Marshall Islands.] 17

19 Wijki otemjej re jab jebar im emōn leir, jeki im julok ilo kijeek.

Jap. 3. 10. Luk 3. 9. Jon 15. 2, 6.

20 Inem kom naj jela kajeir kin leir.

21 Jab otemjej rej ba ñön Iō, Iroi, Iroi, re naj dreloñtok ilo ailiñ in löñ; a eo ej kōmōnmōn aukil au Jema ej ber i löñ.

Hos. 8. 2. Jap. 25. 11, 12. Luk 6. 46. & 13. 25. Jerb. 19. 13. Rom 2. 13. Jem. 1. 22.

22 Elöñ re naj ba ñön Iō ilo ran eo, Iroi, Iroi, kim ar jab drikanij kin Etöm ke? im kajutöklok dimon ro kin Etöm ke? im kōmōnmōn elöñ men in bwilöñ kin Etöm ke?

Bwin. 24. 4. Jon 11. 51. 1 Kor. 13. 2.

23 Inem I naj ba ñön ir, I ar jaje kom: komin ilok jeu Iō, kom rej kōmōn nana.

Jap. 25. 12. Luk 13. 25, 27. 2 Tim. 2. 19. 1 Sam 5. 5. & 6. 8. Jap. 25. 41.

24 Inem jabrewöt eo ej roñjaki nan kein Aō, im kōmōnmōni, naj kajeoñwe ir einwöt armij eo e jela-lokjen, im ej kalek mweo imōn ion bar:

Luk 6. 47-49.

25 Im e buñ wut, im ibij liplip, im lap kōto, im iun imweo; im e jab buñ; bwe emwij kalek ion bar.

26 Im ir otemjej rej roñjaki nan kein Aō im jab kōmōnmōni, naj kajeoñwe ir einwöt armij eo e jaje-lokjen, im ej kalek mweo imōn ion bok:

27 Im e buñ wut, im ibij liplip, im lap kōto, im iun imweo; im ej buñ: im elap an buñ.

28 Im ke Jisōs ej kajemlok nan kein, jar ko rej bwilöñ kin An katak;

Jap. 13. 54. Mark 1. 22. & 6. 2. Luk 4. 32.

29 Bwe E ar katakin ir einwöt iroi, im jab einwöt skraib ro air.

Jon 7. 46.

## JAPTER 8.

**I**M ke emwij An wōnlōltak jen tol eo, elap jar ko rej lor E.

2 Im lo, juōn leper ej itok im kabuñ ñön E, im ba, Iroi, elañe kwo kōnan, kwoj maroñ karreo iō.

Mark 1. 40-44. Luk 5. 12-14.

3 Im Jisôs ej erlokwe pein, im uñir e, im ba, I kōnan, kwon erre. Im emōkōj an nañinmij in leper joko im ej erre.

4 Im Jisôs ej ba ñōn e, Lale bwe kwon jab kennanek jabrewōt armij; a kwon ilok im kwalok yuk ñōn pris eo, im lelok jurtak eo Moses e ar jiroñ, kin men in kennan ñōn ir.

Jap. 9.30. Mark 5.43. Levai 14.3,4,10. Luk 5.14.

5 Im ke Jisôs e ar dreloñ ilo Kaperneum, juōn senturion ej itok ñōn iben im akwelap ñōn E,

Luk 7. 1-10.

6 Im ba, Iroj, dri korijera ej babu iloan im e nañiumij kin akā im elap au iñtan.

7 Im Jisôs e ba ñōn e, I naj ilem kemour e.

8 Senturion ej uak im ba, Iroj, Ij bekake kin am itok iomin aō kejenwan; a Kwon ba nau wōt, im dri korijera e naj mour.

Luk 15. 19, 21. Sam 107. 20.

9 Bwe ña juōn armij etājen iroj, im eor dri tōrinae rej etā jen iō; im ij ba ñōn juōn, Kwon ilok, im ej ilok: im ñōn bar juōn, Kwon itok, im ej itok; im ñōn dri korijera, Kwon kōmōnmōn men in, im ej kōmōne.

10 Ke Jisôs ej roñ E bwilōñ im ba ñōn ro rej lor E, Emol Ij ba ñōn kom, I ar jab lo tōmak elap im einwōt ilo Israel.

11 Im Ij ba ñōn kom, Bwe elōñ re naj itok jen rear im jen kabilūñ, im re naj jiberak iben Ebrean, im Aisak, im Jakob ilo ailiñ in loñ.

Jen. 12. 3. Isa. 2. 2, 3. & 11. 10. Mal. 1. 11. Luk 13. 29. Jerb. 10. 45. & 11. 18. & 14. 27.

Rom 15. 9-12. Ep. 3. 6.

12 A ro nejin ailiñ eo naj jolok ir na ilo kabīn marok; ijo naj jōñ im ñi löllöl.

Jap. 21. 43. & 13. 42. 50. & 22. 13. & 24. 51. & 25. 30. Luk 13. 28. 2 Pit. 2. 17. Jud 13.

13 Im Jisôs ej ba ñōn senturion eo, Kwon ilok; im einwōt am tōmak, en ein drein kōmōn ñōn yuk. Im dri korijerau ej mour ilo auō eo wōt.

14 Inu ke emwij an Jisōe dreloñ iloan imōn Piter, Ej lo jilben Piter ej babu, im e nañinmij kin bwil.

Mark 1. 29-34. Luk 4. 38-40. 1 Kor. 9. 5.

15 Im Ej uñir pein, im nañiumij in bwil ej ilok jen e; im ej jerkak im jermal ñōn E.

16 Ke ejota, rej bōktok ñōn E elōñ ro dimon r'ar miok na enbwir: in Ej kajutōklok jitōb ro kin juōn nan im kemour ro otemjej re nañinmij;

17 Bwe en kamol an Aisala ar konono, im ba, E mōke wōt bōk mōjino ko ar, im bōklok nañinmij ko ar.

Isa. 53. 4. 1 Pit. 2. 24.

18 A ke Jisōe ej lo elap jar ko rej kabol E, ej jiroñ bwe ren ilok ñōn lomalo jabuweo.

19 Im juōn skraib ej itok, im ba ñōn E, Dri Kaki, I naj lor yuk ijo jabrewōt Kwoj ilok ie lok.

Luk 9. 57-60.

20 Im Jisōe ej ba ñōn e, Kiru jakol eor roñ air, im bao in mejatoto eor ilir; a Nejin armij ejelok jikin An kababu bōran.

21 Im bar juōn ian ro dri kaloran ej ba ñōn E, Iroj, Kwon kōtlok iō bwe in ilok mokta im kalibwin jema.

1 Kin 19. 20.

22 A Jisōe ej ba ñōn e, Kwon lor iō; im likit ro remij bwe ren kalibwin air drimij.

23 Im ke emwij An uwe ion wa, ro dri kaloran rej lor E.

24 Im lo, lañ elap ej buñ ion lomalo, einwōt bwe no ko rej kallibuba wa eo: a Ej kiki.

Mark 4. 37-41. Luk 8. 23-25.

25 Im dri kaloran rej itok ñōn E, im kworuj E, im ba, Iroj, kwon lomor, klmij joko.

26 Im Ej ba ñōn ir, Etke komij lelñioñ, O kom erik ami tōmak? Inem Ej jerkak, im kowe kōto ko im lomalo; im e kanuij lur.

Sam 65. 7. & 38. 9. & 107. 29.

27 A armij re bwilōñ im ba, Ie ein leyo: bwe kōto ko im lomalo rej bokake?

28 Im ke emwij An itok ñõn lo-malo jabuweo ilo euen dri Gadara, Ej ion ruo armij dimon r'ar miok na enbwiniir, rej itok jen wullej ko, im re kanuij lej bwe enjelok armij ej maroñ in itoitök ilo lal eo.

Mark 5. 1-17. Luk 8. 26-37.

29 Im lo, rej lamij im ba, Ta eo ibem ion ibõm, Kwe Nejin Anij? Kwoj iten kaiñtan kim mokta jen ien ke?

30 Im etolok jen ir bwijin pig elap rej mõña.

31 Im dimon ro rej akwelap ñõn E, im ba, Elañe Kwoj kajutökklok kim, Kwon jilkinlok kim ñõn loan bwijin pig.

32 Im Ej ba ñõn ir, Ilok. Im rej jutökklok im dreloñ iloan bwijin pig: im lo, bwijin pig otemjej re kanuij etörlökklok ijo imlöl ñõn lojit, im mij ilo dren.

33 Im ro r'ar najirik ir rej ko im ilok ñõn jikin kwelok, im kennan kin men otemjej, im kin ro dimon r'ar miok na enbwiniir.

34 Im lo, dri jikin kwelok eo otemjej rej iten ion Jisõs: im ke rej lo E, rej akwelap ñõn E bwe En ilok jen ene ko eneir.

Dut. 5. 25. 1 Kin 17. 18. Luk 5. 8. Jerb. 16. 30.

### JAPTER 9.

**I**M Ej uwe ion wa, im tellok, im tökakklok ilo jikin kwelok eo An.

jav. 4. 13.

2 Im lo, rej böktok ñõn E juõn armij e nañinmij kin akã, ej babu ion kinien; im ke Jisõs ej lo air tömak, Ej ba ñõn leo e nañinmij kin akã, Nejiõ, kwon beran; emwij jeorlok jerawiwi ko am.

Mark 2. 3. Luk 5. 18. jav. 8. 10.

3 Im lo, jet lan skraib ro re ba ilo burueir, Armij in ej blaspim.

4 Im Jisõs e jela air lemnok im ba, Etke komij lemnok nana ilo buruemi?

Sam 130. 2. jav. 12. 25. Mark 12. 15. Luk 5. 22. & 6. 8. & 9. 47. & 11. 17.

5 Bwe ewi lair emõra in ba, Em-

wij jeorlok jerawiwi ko am; ak, Kwon jerkak im etal?

6 A bwe komin jela Nejin armij e marõn ion löl bwe En jeorlok jerawiwi, (inem Ej ba non eo e nañinmij kin akã) Kwon jerkak im bök kiniõm, im ilok ñõn mweo imõm.

7 Im ej jutök, im etal ñõn mweo imõn.

8 Im ke jar ko rej loe, re lelñõñ, im nebar Anij, eo e ar lelok maroñ einwõt in ñõn armij.

9 Im ke Jisõs ej etal jen ijo, Ej lo juõn armij, etan Matu, ej jijöt ilo jikin owõj: im E ba ñõn e, Kwon lor Iõ. Im e jutök im lor E.

Mark 2. 14. Luk 5. 27.

10 Im ke Ej jiberak im mõña iloan im, lo, elõñ dri tel owõj im dri jerawiwi rej itok im jiberak iben im kab ro dri kaloran.

Mark 2. 15-17. Luk 5. 29-32.

11 Im ke Parisi ro rej loe, re ba ñõn ro dri kaloran, Etke ami Dri Kaki ej mõña iben dri tel owõj im dri jerawiwi rõn?

Jap. 11. 19. Luk 5. 30. & 15. 2. Gal. 2. 15.

12 A ke Ej rõnjake, E ba, Dri ejmour re jab aikwij dru uno, a ro re nañinmij wõt.

13 A komin ilen katak rebiltan men in, i kõnan tiriamo im jab katok: bwe I ar jab iten kirtok ro remõn, a ro dri jerawiwi.

Hos. 6. 6. Mika 6. 6. 7. 8. Jap. 12. 7. 1 Tim. 1. 15.

14 Ien eo dri kaloran Jon rej itok ñõn iben, im ba, Etke kim, im ro dri kaloran Parisi rõn, kimij jitlok makij, a dri kaloram re jab jitlok?

Mark 2. 18-22. Luk 5. 33-38. & 18. 12.

15 Im Jisõs ej ba ñõn ir, Ro jeran leo belele, rej maroñ burumõj ilo ien eo leo ej ber ibeir ke? a ran ko re naj itok ñe naj bökklok leo jen ir, im ien eo re naj jitlok.

Jon 3. 29. Jerb. 13. 2. 3. & 14. 23. 1 Kor. 7. 5.

16 Ejelok armij ej karbin mötõn nuknuk e jañu jin ñõn nuknuk emor; bwe mötõn eo e jañu jin ej kekel nuknuk eo, im elaplok an beotök.

17 Im armij re jab etefi wain ekäl

ilo bökä ko remor; im elañe einwöt, bökä ko rej rup, im wain etorlok, im bökä ko re joko: a rej eteñ wain ekal ilo bökä ko rekäl im rejro ber.

18 Ke Ej konono men kein ñön Ir, lo, juön Iroj ej itok, im kabuñ ñön E, im ba, Nejiö ledrik e mij klö; a Kwon itok im likit pelm ion, im e naj mour.

Mark 5. 22-43. Luk 8. 41-56.

19 Im Jisös e jutök im lor e, kab ro dri kaloran.

20 Im lo, juön köra, e ar nañinmij kin torlok bötöktök iomin joñoul im ruo ylö, ej itok ilikin, im uñir töreran nuknuk eo an;

21 Bwe e ar ba ilo buruen, Elañe ij uñir wöt an nuknuk, I naj mour.

22 A Jisös ej oktöklük, im ke Ej lo e, E ba, Nejiö kwon beran; am tömak e ar kemour yuk. Im köra eo ej mour jen auö eo.

Luk 7. 50. & 8. 48. & 17. 19. & 18. 42.

23 Im ke Jisös ej itok iloan imön Iroj eo, im lo ro dri kajöñjöñ im armij ro rej limö,

2 Kron. 35. 25.

24 E ba ñön Ir, Komün drioljlok; bwe jirön e jab nij, a ej kiki. Im rej kajirere kake.

Jerb. 20. 10.

25 A ke emwij kadriljlok armij, Ej dreloñ iloan, im kapjere pein, im jiroñ eo ej jerkak.

26 Im e buñbuñlok men in ilo aolepen en'eo.

27 Im ke Jisös ej ilok jen Ijo, ruo armij rebilo rej lor E, im lamij, im ba, Kwe Nejin Devid, kwon tiriamokake kimro.

Jap. 15. 22. & 20. 30, 31. Mark 10. 47, 48. Luk 18. 39, 40.

28 Im ke emwij An itok iloan mweo, ro rebilo rej itok ñön iben; im Jisös ej ba ñön Ir, Komro tömak bwe Ij maroñ kömönmön men in ke? Re ba ñön E, Aet, Iroj.

29 Inem Ej uñir mejeir, im ba, Einwöt ami tömak, en ein drein ñön kom.

30 Im mejeir re lolokjen: im elap an Jisös kowe ir, im ba, Lale bwe

komün jab kennanek jabrewöt armij.

Jap. 8. 4. & 12. 16. & 17. 9. Luk 5. 14.

31 A irro, ke r'ar ilok, rej kabuñbuñlok E ilo aolepen en'eo.

Mark 7. 36.

32 Im ke rej drioljlok, lo, ar añintok ñön E juön armij e bau konono, im dimon e ar miok na enbwini.

Jap. 12. 22. Luk 11. 14.

33 Im ke emwij an kajutöklok dimon, eo e ban konono ej konono; im jar ko re bwilöñ, im ba, ar jab lo einwöt, mokta ilo Israel.

34 A Parisi ro re ba, Ej kajutöklok dimon ro kin Iroj in dimon ro.

Jap. 12. 24. Mark 3. 22. Luk 11. 15.

35 Im Jisös ej etetal ilo jikin kwelok ko otemjej relap im redrik, Ej katakin iloan imön kwelok ko air, im kwalok gospel an ailiñ in löñ, im kemour ro re nañinmij otemjej, im möjino otemjej iben armij röu.

Jap. 4. 23. Mark 6. 6. Luk 12. 22.

36 A ke Ej lo jar ko, Ej tiriamokake ir, bwe rej barök, im jibliklik einwöt sip ko ejelok air šeperd.

Mark 6. 34. Bwin. 27. 17. 1 Kin 22. 17. Ezek. 34. 5. Zek. 10. 2.

37 Inem Ej ba ñön ro dri kaloran, Elap jonikön, a elet dri jberal;

Luk 10. 2. Jon 4. 35.

38 Inem komün jar ñön Iroj in marmir, bwe Eu jilkiulok ro dri jberal ilo jonikön eo An.

2 Tes. 3. 1.

## JAPTER 10.

**I**M Ej kirtok joñoul im ruo dri kaloran non iben im lelok non ir kajur ion jitöb ötton ro bwe ren kajutöklok ir, im bwe ren kemour nañinmij otemjej im möjino otemjej.

Mark 3. 12, 14. & 6. 7. Luk 6. 13. & 9. 1.

2 Im joñoul im ruo dri jilik etair kein; Eo mokta Salmön ät eo juön Piter, im Andru jätin, James nejin Zebedi im Jon jätin,

Jon 1. 42.

3 Pilip im Bartolomu, Tomas im Matu dri tel owöj, James nejin Alplös im Tadiös,



4 Saimön dri Kena, im Judas Iskariöt eo e ar ketök E.

Luk 6. 15. Jerb. 1. 13. Jon 13. 28.

5 Rein joñoul im ruo Jisös e ar jilkinlok im jiron ir im ba. Komin jab llok ilo ial an dri ailiñ ko, im jab dreloñ ilo jabrewöt jikin kwelok an dri Sameria;

Jap. 4. 15. 2 Kin 17. 24. Jon 4. 9, 20.

6 A emön komin llok fiñon šip ko re jebwäbwe, nukin Israel.

Jap. 15. 24. Jerb. 13. 46. 1 Isa. 53. 6. Jer. 50. 6, 17. Ezek. 34. 5, 6, 16. 1 Pit. 2. 25.

7 Im ñie komij llok, komin kwelok, im ba, Ailiñ in löñ ebak.

Jap. 3. 2. & 4. 17. Luk 9. 2. & 10. 9.

8 Kemour ro re naninmij, kejer-kakbiji ro r'ar mij, karreoi k leper ro, kajutöklok dimon ro: kom ar böök im ejej wönän, en ein drein ami lelok.

Jerb. 8. 18, 20.

9 Komin jab eät gold, im silver, im jinibor na iloan köñir ko ami; 1 Samuel 9. 7. Mark 6. 8. Luk 9. 3. & 10. 4. & 22. 35.

10 Enjelok böjo in ami etal, jab ruo kobe, jab ballin neimi, jab jokwön; bwe dri jermal ej tellokön kijen.

Luk 10. 7. 1 Kor. 9. 7-14. 1 Tim. 5. 18.

11 Im ilo jabrewöt jikin kwelok elap ak erik kom naj dreloñ ie, komin kajitök wön eo emön iloan; im ijo komin ber ie fiñon ter eo komij drioljlok.

Luk 10. 8.

12 Im ñie komij dreloñ iloan jabrewöt im komin yokyokwe e.

13 Im elañie emön mweo, ami ainemön en ber ion: a elañie e jab emön mweo, en bar jeblaktok ami ainemön fiñon kom.

Sam 35. 13. Luk 10. 5.

14 Im jabrewöt eo e jamin böök kom, im jab roñ nan ko ami, ñie komij llok jen mweo ak jikin kwelok eo, komin jojen böñöñöl jen neimi.

Mark 6. 11. Luk 9. 5. & 10. 10, 11. Jerb. 13. 51. & 18. 6.

15 Emol IJ ba fiñon kom, Ene Sodöm in Gomorra re naj emön

jen jikin kwelok eo ilo ran eo ran in ekajet.

Jap. 11. 22, 24.

16 Lo, IJ jilkinlok kom einwöt šip ko ilo bwijin kiru wulp ko: inem komin meletlet einwöt serpent ko im jolj einwöt mule ko.

Luk 10. 3. Rom 16. 19. Ep. 5. 15. 1 Kor. 14. 20. Pil. 2. 15.

17 A komin kejbärok kom jen armij: bwe re naj ketök kom fiñon ro dri bebe, im re naj dreñlokwe kom ilo imön kwelok ko air;

Jap. 24. 9. Mark 13. 9. Luk 12. 11. & 21. 12. Jerb. 5. 40.

18 Im re najañinlok kom fiñon iroj ro im kiñ ro kin Na, kin men in kennan fiñon ir im dri ailiñ ko.

Jerb. 12. 1. & 24. 10. & 25. 7, 23. 2 Tim. 4. 16.

19 A ñie rej ketök kom, komin jab inebata buruemi ekijkan ak ta kom naj konono; bwe naj lewoj fiñon kom ilo auö eo men eo kom naj ba.

Mark 13. 11, 12, 13. Luk 12. 11. & 21. 14, 15. Eks. 4. 12. Jer. 1. 7.

20 Bwe e jab komeo komij konono, a Jitöb an Jememi ej konono ilo kom.

2 Samuel 23. 2. Jerb. 4. 8. & 6. 10. 2 Tim. 4. 17.

21 Im jeln im jätin man e naj ketök jeln im jätin man fiñon mij, im jemen e naj ketök nejin; im nejir re naj jutök jumae jemeir im jineir im jaröklok bwe ren mij.

Mika 7. 6. Luk 21. 16, 17.

22 Im armij otemej re naj kijiräte kom kin Eta: a eo ej kijenmij fiñon jemlokön naj lomoren e.

Dan. 12. 12, 13. Jap. 24. 13. Mark 13. 13.

23 A ñie rej matörtöre kom ilo juön jikin kwelok, komin ko fiñon bar juön: bwe emol IJ ba fiñon kom, E jamin mwij ami etetal ilo jikin kwelok ko an Israel mokta jen ien Nejin armij itok.

Jap. 2. 13. & 4. 12. & 12. 15. Jerb. 8. 1. & 9. 25. & 14. 6. 1 Jap. 16. 28.

24 Dri katak e jab utlej jen an Dri Kaki, im dri korijeran e jab utlej jen iroj eo an.

Luk 6. 40. Jon 13. 16. & 15. 20.

25 Ej bwe fiñon dri katak elañie ej einwöt dri kaki eo an, im dri korijeran einwöt iroj eo an. Elañie

r'ar naetan iroij in im Beelzebub, e naj laplok air naetan ro dron im einwöt!

Jap. 12. 24. Mark 3. 22. Luk 11. 15. Jon 8. 48-52.

26 Inem komin jab mijök ir; bwe ejelok men eo e libubu im e jamin eleklok; im noje im e jamin walok.

Mark 4. 22. Luk 8. 17. & 12. 2. 3.

27 Men eo IJ ba ñön kom ilo marok, komin konono kake ilo maram: im men eo komij roñ ilo lojlifñemi, komin kwalok ion kejenwan ko.

28 Im komin jab mijök ro rej mön enbwu, a jab maroñ mön an: a emön komin mijök Eo ej maroñ mön an im enbwu na ilo Geena.

Isa. 8. 12, 13. Luk 12. 4. 1 Pit. 3. 14.

29 Re jab wia ruo bao sparro kin juön penni ke? im juön iair e jamin wutlok ion brij im Jememi e jab lala.

30 A emwij bwini kolan börömi otemjelok.

1 Samuel 14. 45. 2 Samuel 14. 11. Luk 21. 18. Jerb. 27. 34.

31 Inem komin jab mijök, elap ami aurök jen elöñ sparro.

32 Inem ro otemjej re naj kwalok Iö iman mejen armij, I naj bareinwöt kwalok ir iman mejen Jema ej ber i löñ.

Luk 12. 8. Rom 10. 9, 10. Rev. 3. 5.

33 A jabrewöt eo e naj karmijet Iö iman mejen armij, I naj bar einwöt karmijete iman mejen Jema ej ber i löñ.

Mark 8. 38. Luk 9. 26. 2 Tim. 2. 12.

34 Komün jab lennok bwe IJ itok bwe In jilkinlok ainemön ion lö: I ar jab itok bwe In jilkinlok ainemön, a jäji.

Luk 12. 49-53.

35 Bwe IJ itok bwe In kiojöljöl armij ñön jemen, im nejin köra ñön jinen, im bar nejin köra ñön bar jinen.

Mika 7. 6.

36 Im ro an armij dri kijirät re naj ro nukin.

Sam 41. 9. & 55. 13. Mika 7. 6. Jon 13. 18.

37 Eo elap an yokwe jemen ak

jinen jen Iö, e betkake Iö; im eo elap an yokwe nejin man ak köra jen Iö e betkake Iö.

Luk 14. 28.

38 Im eo e jab bök an dreball im lor Iö e betkake Iö.

Jap. 16. 24. Mark 8. 34. Luk 9. 23. & 14. 27.

39 Eo ej lo an mour, eñin e naj joko jen e; im eo ej jolok an mour kin Ña, e naj lo e.

Jap. 16. 25. Luk 17. 33. Jon 12. 25.

40 Eo ej bök komi ej bök Iö, im eo ej bök Iö, ej bök Eo e ar jilkintok Iö.

Jap. 18. 5. Luk 9. 42. & 10. 16. Jon 12. 44. & 13. 20. Gal. 4. 14.

41 Eo ej bök dri kanan ilo etan dri kanan, e naj bök jinekij an dri kanan; im eo ej bök armij ewänik ilo etan armij ewänik, e naj bök jinekij an armij ewänik.

1 Kin 17. 10. & 18. 4. 2 Kin 4. 8.

42 Im jabrewöt eo e naj lelok ken irak dren emolo limen ñön juön ian rein redrik, ilo etan dri kalor wöt, emol IJ ba ñön kom, e jamin joko jinekij eo an.

Jap. 18. 5, 6. & 25. 40. Mark 9. 41. Hib. 6. 12.

## JAPTER 11.

**I**M ke emwij an Jisös jiroñ joñoul im ruo dri kaloran, Ej ilok jen ijo bwe En katakin im kwalok ñön armij ilo jikin kwelok ko air.

2 A ke Jon e ar roñ ilo prisön jermal ko an Dri Kraist, ej jilkinlok ro dri kaloran,

Jap. 14. 3. Luk 7. 18-26.

3 Im ba ñön E, Kwe Eoej itok ke, ak kinij bukot bar juön?

Jon. 49. 10. Bwin. 24. 17. Dan. 9. 24. Jon 8. 14.

4 Jisös e uak im ba ñön ir, Komün ilem kennaek Jon men ko komij roñjaki im lol;

5 Ro rebilo rej lolokjen im ro re kirro rej etetal, karreolk leper ro, im ro re jaroñroñ rej roñflokjen, ro remij rej jerkakbiji, im kwalok gopel ñön ro dri jermal.

Isa. 29. 18. & 35. 4, 5, 6. & 42. 7. Jon 2. 28. & 1. 2. & 5. 36. & 10. 25, 38. & 14. 11. Sam 22. 24.

Isa. 61. 1. Luk 4. 18. Jem. 2. 5.

4 Salmön dri Kena, im Judas Iskariöt eo e ar ketök E.

Luk 6. 15. Jerb. 1. 13. Jon 13. 26.

5 Rein joñoul im ruo Jisös e ar jilkinlok im jiroñ ir im ba. Komin jab ilok ilo ial an dri ailñ ko, im jab dreloñ ilo jabrewöt jikin kwelok an dri Sameria;

Jap. 4. 15. 2 Kin 17. 24. Jon 4. 9. 20.

6 A emöñ komin ilok ñön šip ko re jebwäwe, nukin Israel.

Jap. 15. 24. Jerb. 13. 46. 1 Isa. 53. 6. Jer. 50. 6. 17. Ezek. 34. 5, 6, 16. 1 Pit. 2. 25.

7 Im ñe komij ilok, komin kwelok, im ba, Ailñ in löñ ebak.

Jap. 3. 2. & 4. 17. Luk 9. 2. & 10. 9.

8 Kemour ro re nañinmij, kejer-kakbijl ro r'ar mij, karreolk leper ro, kajutöklok dimon ro: kom ar bök im ejej wönän, en ein drein ami lelok.

Jerb. 8. 18, 20.

9 Komin jab eät gold, im silver, im jinibor na iloan köñir ko ami; 1 Samuel 9. 7. Mark 6. 8. Luk 9. 3. & 10. 4. & 22. 35.

10 Enjelok böjo in ami etal, jab ruo kobe, jab ballin neimi, jab jokwön; bwe dri jermal ej tellokön kijen.

Luk 10. 7. 1 Kor. 9. 7-14. 1 Tim. 5. 18.

11 Im ilo jabrewöt jikin kwelok elap ak erik kom naj dreloñ ie, komin kajitök wön eo emöñ iloan; im ijo komin ber ie ñön ter eo komij drioljlok.

Luk 10. 8.

12 Im ñe komij dreloñ iloan jabrewöt im komin yokyokwe e.

13 Im elañe emöñ mweo, ami ainemöñ en ber ion: a elañe e jab emöñ mweo, en bar jeblaktok ami ainemöñ ñöu kom.

Sam 35. 13. Luk 10. 5.

14 Im jabrewöt eo e jamin bök kom, im jab roñ nan ko ami, ñe komij ilok jen mweo ak jikin kwelok eo, komin jopen böñöñöl jen neimi.

Mark 6. 11. Luk 9. 5. & 10. 10, 11. Jerb. 13. 51. & 18. 6.

15 Emol IJ ba ñön kom, Ene Sodöm im Gomorra re naj emöñ

jen jikin kwelok eo ilo ran eo ran in ekajet.

Jap. 11. 22, 24.

16 Lo, Ij jilkinlok kom einwöt šip ko ilo bwijin kiru wulp ko: inem komin meletlet einwöt serpent ko im joij einwöt mule ko.

Luk 10. 3. Rom 16. 19. Ep. 5. 15. 1 Kor. 14. 20. Pil. 2. 15.

17 A komin kejbärok kom jen armij: bwe re naj ketök kom ñön ro dri bebe, im re naj dreñlokwe kom ilo imöñ kwelok ko air;

Jap. 24. 9. Mark 13. 9. Luk 12. 11. & 21. 12. Jerb. 5. 40.

18 Im re najañilulok kom ñön iroj ro im kiñ ro kin Na, kin men in keunan ñön ir im dri ailñ ko.

Jerb. 12. 1. & 24. 10. & 25. 7, 23. 2 Tim. 4. 16.

19 A ñe rej ketök kom, komin jab inebata buruemi ekijkan ak ta kom naj konono; bwe naj lewoj ñön kom ilo auö eo men eo kom naj ba.

Mark 13. 11, 12, 13. Luk 12. 11. & 21. 14, 15. Eks. 4. 12. Jer. 1. 7.

20 Bwe e jab komeo komij konono, a Jitöb an Jememi ej konono ilo kom.

2 Samuel 23. 2. Jerb. 4. 8. & 6. 10. 2 Tim. 4. 17.

21 Im jein im jätin man e naj ketök jeln im jätin man ñön mij, im jemen e naj ketök nejln; im nejir re naj jutök jumae jemelr im jineir im jaröklok bwe ren mij.

Mika 7. 6. Luk 21. 16, 17.

22 Im armij otemjej re naj kijiräte kom kin Eta: a eo ej kijenmij ñön jemlokön naj lomoren e.

Dan. 12. 12, 13. Jap. 24. 13. Mark 13. 13.

23 A ñe rej matörtöre kom ilo juön jikin kwelok, komin ko ñön bar juön: bwe emol IJ ba ñön kom, E jamin mwij ami etetal ilo jikin kwelok ko an Israel mokta jen ien Nejin armij itok.

Jap. 2. 13. & 4. 12. & 12. 15. Jerb. 8. 1. & 9. 25. & 14. 6. 1 Jap. 16. 23.

24 Dri katak e jab utlej jen an Dri Kaki, im dri korijeran e jab utlej jen iroj eo an.

Luk 6. 40. Jon 13. 16. & 15. 20.

25 Ej bwe ñön dri katak elañe ej einwöt dri kaki eo an, im dri korijeran einwöt iroj eo an. Elañe

r'ar naetan iroi in im Beelzebub, e naj laplok air naetan ro dron im einwöt!

Jap. 12. 24. Mark 3. 22. Luk 11. 15. Jon 8. 48-52.

26 Inem komin jab mijök ir; bwe ejelok men eo e libubu im e jamin elekkok; im noje im e jamin walok.

Mark 4. 22. Luk 8. 17. & 12. 2. 3.

27 Men eo Ij ba ñön kom ilo marok, komin konono kake ilo maram: im men eo komij roñ ilo lojillñemi, komin kwalok ion ken-jenwan ko.

28 Im komin jab mijök ro rej mön enbwini, a jab maroñ mön an: a emön komin mijök Eo ej maroñ mön an im enbwini na ilo Geena.

Isa. 8. 12. 13. Luk 12. 4. 1 Pit. 3. 14.

29 Re jab wia ruo bao sparro kin juön penni ke? im juön lair e jamin wutlok ion brij im Jememi e jab lale.

30 A emwij bwini kolan börömi otemjelok.

1 Samuel 14. 45. 2 Samuel 14. 11. Luk 21. 18. Jerb. 27. 34.

31 Inem komin jab mijök, elap ami aurök jen eloñ sparro.

32 Inem ro otemjej re naj kwalok Iö iman mejen armij, I naj bareinwöt kwalok ir iman mejen Jema ej ber i löñ.

Luk 12. 8. Rom 10. 9, 10. Rev. 3. 5.

33 A jabrewöt eo e naj karmijet Iö iman mejen armij, I naj bar eluwöt karmijete iman mejen Jema ej ber i löñ.

Mark 8. 38. Luk 9. 26. 2 Tim. 2. 12.

34 Komin jab lemnok bwe Ij itok bwe In jilkinlok ainemön ion lol: I ar jab itok bwe In jilkinlok ainemön, a jäji.

Luk 12. 49-53.

35 Bwe Ij itok bwe In kiojöljöl armij ñön jemen, im nejin köra ñön jinen, im bar nejin köra ñön bar jinen.

Mika 7. 6.

36 Im ro an armij dri kijirät re naj ro nukin.

Sam 41. 9. & 55. 13. Mika 7. 6. Jon 13. 18.

37 Eo elap au yokwe jemen ak

jinen jen Iö, e betkake Iö; im eo elap an yokwe nejin man ak köra jen Iö e betkake Iö.

Luk 14. 28.

38 Im eo e jab bök an dreball im lor Iö e betkake Iö.

Jap. 16. 24. Mark 8. 34. Luk 9. 23. & 14. 27.

39 Eo ej lo an mour, eñin e naj joko jen e; im eo ej jolok an mour kin ña, e naj lo e.

Jap. 18. 25. Luk 17. 33. Jon 12. 23.

40 Eo ej bök kom ej bök Iö, im eo ej bök Iö, ej bök Eo e ar jilkinlok Iö.

Jap. 18. 5. Luk 9. 48. & 10. 16. Jon 12. 44. & 13. 20. Gal. 4. 14.

41 Eo ej bök dri kanan ilo etan dri kanan, e naj bök jinekij an dri kanan; im eo ej bök armij ewänik ilo etan armij ewänik, e naj bök jinekij an armij ewänik.

1 Kin 17. 10. & 18. 4. 2 Kin 4. 8.

42 Im jabrewöt eo e naj lelok ken irak dren emolo limen ñön juön lan rein redrik, ilo etan dri kalor wöt, emol Ij ba ñön kom, e jamin joko jinekij eo an.

Jap. 18. 5. 6. & 29. 40. Mark 9. 41. Hib. 6. 10.

## JAPTER 11.

**I**M ke emwij an Jisös jiroñ jofouli im ruo dri kaloran, Ej ilok jen ijo bwe En katakin im kwalok ñön armij ilo jikin kwelok ko air.

2 A ke Jon e ar roñ ilo prisön jermal ko an Dri Kraist, ej jilkinlok ro dri kaloran,

Jap. 14. 3. Luk 7. 18-35.

3 Im ba ñön E, Kwe Eoej itok ke, ak kimij bukot bar juön?

Jen. 49. 10. Bwin. 24. 17. Dan. 9. 24. Jon 6. 14.

4 Jisös e uak im ba ñön ir, Komin ilem kennanek Jon men ko komij roñjakl im lol;

5 Ro rebilo rej lolokjen im ro ke kirro rej etetal, karreoik leper ro, im ro re jaroñroñ rej roñlokjen, ro remij rej jerkakbiji, im kwalok gospel ñön ro dri jeramel.

Isa. 29. 18. & 35. 4. 5. 6. & 42. 7. Jon 2. 22. & 3. 2. & 5. 38. & 10. 25. 38. & 14. 11. Sam 22. 31.

Isa. 61. 1. Luk 4. 18. Jem. 2. 5.

6 Im emōndōndō jabrewōt eo e jamin tibñil kin Ña.

Isa. 8. 14. 15. jap. 13. 57. & 24. 10. & 26. 31. Rom 9. 32, 33. 1 Kor. 1. 23. & 2. 14. Gal. 5. 11. 1 Pit. 2. 8.

7 Im ke rej ilok, Jisōs e jino an ba ñōn jar ko kin Jon, Ta eo kom ar ilen aluij ilo ene jemaren? Juōn koba kōto ej irik ke?

Ep. 4. 14.

8 A ta eo kom ar ilen aluij? Armij ej kōnōk nuknuk emeo eo ke? Lo, ro rej kōnōk nuknuk meo eo rej iloan mo ko imōn kiñ ro.

9 A etke kom ar ilok? bwe komin lo dri kanan ke? Aet, Ij ba ñōn kom, im elap jen dri kanan.

Jap. 14. 5. & 21. 26. Luk 1. 70. & 7. 26.

10 Bwe e in eo emwij jeje kin e, Lo, Ij jilkinlok dri jilika iman mejōm, eo e naj kapoj am ial imam.

Mal. 3. 1. Mark 1. 2. Luk 1. 76. & 7. 27.

11 Emol Ij ba ñōn kom, Ejelok juōn e ar walok ian ro rej lotak jen kōra, elap jen Jon dri baptais: a eo ej erik wōt i alliñ lu lōñ ej elap jen e.

12 Im jen ran ko an Jou dri baptais ñōn ien in, rej kaiur ir ñōn alliñ in lōñ, im ro dri kaiur rej kate ir im tōbar e.

Luk 16. 16.

13 Bwe dri kanan otemjej im kien r'ar drikanij ñōn ien Jon.

14 Im elañe kom kōnan bōk e, e in Elaija eo ej itok.

Mal. 4. 5, 6. jap. 17. 12. Luk 1. 17.

15 Eo eor lojiliñin bwe en roñ, en roñlokjen.

jap. 13. 9. Luk 8. 8. Rev. 2. 7, 11, 17, 29. & 3. 6, 13, 22.

16 A I naj kajeoñwe einwōt ta ebeben in? Ej einwōt: ajiri ro rej jijōt ilo jikin wia, im kirtok dron,

17 Im ba, Kim ar kajōñjōñ ñōn kom im kom ar jab eep; kim ar limō ñōn kom im kom ar jab jōñ.

18 Bwe Jon e ar itok im jab mōña im jab irak, im rej ba, Dimon iben.

19 Nejin armij e ar itok im mōña im irak, im rej ba, Armij e mātia, im ej irak wain, jeran dri tel owōj im ro dri jerawiwi. Im kowānik jelalokjen kin jeral ko an.

jap. 9. 10.

20 Ien eo E jino An enoik jikin kwelok ko Ijo Ear kōmōnmōn elōñ men in bwilōñ An, bwe r'ar jab ukwelok ibeir:

Luk 10. 13-15.

21 Wo ñōn kwe, Korezin! Wo ñōn kwe, Betsalda! bwe elañe I ar kōmōnmōn men in bwilōñ ko ilo Tair im Saidon, einwōt I ar kōmōnmōn ilo komro, re naj kar ukwelok ibeir wōt eto ilo nuknuk eklep iren im brij in ubaj.

Jona 3. 7, 8.

22 A Ij ba ñōn kom, Tair im Saidon re naj emōn jen komro ilo ran in ekajet.

jap. 10. 15.

23 Im kwe Kaperneum, naj kou-tiej yuk ñōn lōñ ke? Kwo naj wōnlōllok ñōn Hedis: bwe elañe men in bwilōñ ko I ar kōmōnmōni ilo yuk, ar kōmōnmōni ilo Sodōm e naj kar ber ñōn ranin.

Isa. 14. 13. Jon. 2. 1.

24 A Ij ba ñōn kom, Ilo ran in ekajet, ene Sodōm e naj emōn jen kwe.

jap. 10. 15.

25 Ilo ien eo Jisōs e uak im ba, Ij kamolol Yuk O Jema, Iroj in lōñ im lōl, bwe Kw'ar noj men keiu jen ro dri meletlet im dri jelalokjen, im Kw'ar kwaloki ñōn niñ-niñ rōn.

Luk 10. 21, 22. Sam 8. 2. 1 Kor. 1. 19, 27. & 2. 8. 2 Kor. 3. 14. jap. 16. 17.

26 Aet, Jema: bwe emōn ein drein iman mejōm.

27 Jema e ar letok men otemjej ñōn Iō: im ejelok en e jela Nejin, a Jema wōt, im ejelok en e jela Jema, a Nejin wōt, im jabrewōt eo Nejin e kōnan kwalok E ñōn e.

jap. 28. 18. Jon 3. 35. & 13. 3. & 17. 2. 1 Kor. 15. 27. Jon 1. 18. & 6. 46. & 10. 15.

28 Komīn itok ñōn iba, kom otemjej rej jeral im ban, im I naj kakijeik kom.

29 Komīn bōk Aō ine im likite i aerami, im katak iba; bwe Ij inemōn im etā buruō: im kom naj lo an ami kakije.

Zek. 9. 9. Jon 13. 15. Pil. 2. 5-8. 1 Pit. 2. 21. 1 Jon 2. 6. 1 Jer. 6. 16.

30 Bwe Að iue ej emõn, im men eo Ij inek e emera.

1 Jon 5. 3.

### JAPTER 12.

**I**LO ien eo Jisõs e ar etal iomin rau in Sabat ilo jikin kallip korn ko; im dri kaloran rej kwuli, im jino loti leen korn im mõña.

Dut. 23. 25. Mark 2. 23-28. Luk 6. 1-5.

2 Im Parisi ro, ke rej loe, re ba ñõn E, Lo, dri kaloram rej kõniõn-mõn men eo emo air kõmõn ilo Sabat.

3 A Ej ba ñõn ir, Kom ar jab konono ilo buk ke, men eo Devid e ar kõmõn ke e ar kwuli, im ro iben;

1 Samuel 21. 6.

4 Ekijkan an dreloñ iloan imõn Anij, im mõña bred in kalikar eo, emo an mõña kab ro iben, a e jab mo an pris ro wõt?

Eks. 25. 30. & 29. 32, 33. Levai 24. 5. & 8. 31. & 24. 9.

5 Ak kom ar jab konono ilo kien, kijkan ilo ran in Sabat pris ro ilo tempel rej kokkure Sabat im ejelok rueur ke?

Bwin. 28. 9. Jon 7. 22.

6 A Ij ba ñõn kom, Juõn ej ber ijin elap jen tempel.

2 Kron. 6. 18. Mal. 3. 1.

7 A elañe kom ar jela melemen nan in, I kõnan tiriamo, im jab katok, kom jamin kar liakelok dri jelok ruõn.

Hos. 6. 6. Mika 6. 6, 7, 8. Jap. 9. 13.

8 Bwe Nejin armij Ej Iroj in Sabat.

9 Im Ej ilok jen ijo im dreloñ iloan imoñ kwelok eo air:

Mark 3. 1-6. Luk 6. 6-11.

10. Im lo, juõn armij emõrã peln. Im rej kajitõk iben, im ba, Eme- lim kemour ilo ran in Sabat ke? bwe ren kinaklok E.

Luk 13. 14. & 14. 3. Jon 9. 16.

11 Im Ej ba ñõn ir, Ewi juõn lami, im e naj an juõn ßip, elañe e naj wutlok ilo roñ ilo Sabat, e jamin kapjere im kwotõke?

Eks. 23. 4, 5. Dut. 22. 4.

12 E nañin lap an armij aurõk jen

ßip! Inem emelim kõmõn emõn ilo ran in Sabat.

13 Im Ej ba ñõn leo, Kwon erlok- we peln. Im ej erlokwe; im emour einwõt pelu eo juõn.

14 A Parisi ro rej ilok im bebe nae E, e naj kijkan air mõn E.

Jap. 27. 1. Jon 5. 18. & 10. 20. & 11. 53.

15 Im ke Jisõs e jela, Ej ilok jen ijo: im elap jar ko rej lor E, im Ej kemour ir otemfej:

Jap. 10. 23. & 10. 2. Mark 3. 7.

16 Im Ej kowe ir bwe ren jab ken- nan kin E:

Jap. 9. 30.

17 Bwe en kamol nan Aisala dri kanan e ar konono, im ba,

18 Lo, Nejiõ eo I ar kãlete; Eo e jitenburu iba, im elap Að lõñliñ kake: I naj likit Að Jitõb ion, im E naj kwalok ekajet ñõn ro dri allin ko.

Isa. 42. 1. Jap. 3. 17. & 17. 5.

19 E jamin akwail, im jab lamij: im ejelok armij e naj roñjake aini- ken ilo ial ko.

20 Koba eobõp E jamin ruje, flax e batat E jamin kwüne ñõn ter eo E naj jilkinlok ekajet ñõn anjo.

21 Im dri allin ko re naj kejatrik- rik ir ilo Etan.

22 Ien eo rej bõktok ñõn iben juõn armij dimon e ar miok na enbwini- nin, ebilo im e ban konono: im Ej kemour e, einwõt bwe eo, e ban konono, ej konono im lolokjen.

Jap. 9. 32. Mark 3. 11. Luk 11. 14.

23 Im armij otemjelok rej bwilõñ, im ba, Le'iu E nejin Devid ke?

24 A ke Parisi ro rej roñjake, re ba, Armij in e jab kajutõklok dimon ro, a kin Beelzebub Iroj in dimon ro.

Jap. 9. 34. Mark 3. 22. Luk 11. 15.

25 Im Jisõs e jela air lemnok, im ba ñõn ir, Jabrewõt allin in kin im emwij kijbil e jimõtõn jumae jimõtõn e naj joko; im jikin kwelok ak im elañe e jibil jimõtõn jumae jimõtõn e naj joko,

Jap. 9. 4. Jon 2. 25. Rev. 2. 22.

26 Im elañe Setan ej kajutõklok

Setan, e karuoik an bebe; inem e naj kijkan an allin ber?

27 Im elafne Na kin Beelzebub Ij kajutöklok dimon ro, kin wön eo ro nejimi rej kajutöklok ir? kin men in re naj ekajet kom.

28 A elafne Na Ij kajutöklok dimon ro kin Jitöb an Anij, inem allin in Anij ej itok iomi.

Dan. 2. 44. & 7. 14. Luk 1. 33. & 11. 20. & 17. 20, 21.

29 A ekijkan an juön maroñ in dreloñ lloan imön leo ekajur, im rakimi men ko mwelen, elafne e jab lukwöj leo ekajur mokta? inem e naj rakimi mweo imön.

Luk 11. 21, 22, 23.

30 Eo e jab iba, e Aö dri kijirät; im eo e jab aintok iba, ej kejipliklok.

31 Kin men in Ij ba ñön kom; naj jeorlok an armij jerawiwi im blas-pim otemjej: a jamin jeorlok blas-pim nae Jitöb Kwojarjar.

Mark 3. 28. Luk 12. 10. Hib. 6. 4-6. & 10. 26, 29. 1 Jon 5. 16. Jerb. 7. 51.

32 Im jabrewöt eo e naj konono nan enana nae Nejin armij, naj jeorlok e; a jabrewöt e naj konono nae Jitöb Kwojarjar, jamin jeorlok men in, jab ilo löi in, jab ilo eo e naj itok.

jap. 11. 19. & 13. 55. Jon 7. 12, 52. 1 Tim. 1. 13.

33 Komin kömön wijki bwe en emön, im emön leen; ak kömön wijki bwe en nana, im enana leen: bwe rej kilil wijki kin leen.

jap. 7. 17. Luk 6. 43-45.

34 O nejin walper ko! bwe kom dri nana, ekijkan ami maroñ konono emön? bwe kin buru eobrök ej konono i loñin.

jap. 3. 7. & 23. 33.

35 Armij emön jen mweluk emön ej böktok men ko remön; im armij enana jen mweluk enana ej böktok men ko renana.

36 A Ij ba ñön kom, bwe nan wan otemjej armij re naj konono, re naj kwalok kaki ilo rau in ekajet:

37 Bwe kin nan ko am naj kowānik yuk, im kin nan ko am naj liakelok yuk.

38 Ien eo jet lan skraib ro im Parisi ro rejuak E, im ba, Dri Kaki, kin kōnan lo juön kaköle jen Yuk.

Jap. 16. 1. Mark 8. 11. Luk 11. 16, 29-32. Jon 2. 18. 1 Kor. 1. 22.

39 A Ej uak im ba ñön ir, Ebeben enana im lün rej bukot kaköle; im jamin lelok kaköle ñön ir, a kaköle an dri kanau Jona wöt;

Isa. 57. 3. Jap. 16. 4. Mark 8. 38. Jon. 4. 48.

40 Bwe einwöt Jona e ar ber ilo lojen lik iomin jilu ran im jilu boñ, ein drein Nejin armij E naj ber lloan löi iomin jilu ran im jilu boñ.

Jona 1. 17.

41 Armij in Nineve re naj jutök ilo ran in ekajet iben ebeben in, im re naj liakelok ir: bwe r'ar ukwelok ibeir kin an Jona kwalok; im lo, juön ijin elap jen Jona.

Jer. 3. 11. Ezek. 16. 51, 52. Rom 2. 27.

42 Liroj in rök e naj jutök ilo ran in ekajet iben ebeben in, im naj liakelok ir; bwe e ar itok jen ljo ko retolok i löi bwe en roñjake meletet an Solomöu; im lo, juön ijin elap jen Solomöu.

1 Kin 10. 1. 2 Kron. 9. 1. Luk 11. 31.

43 A jitöb etton, ke ej jutöklok jen armij, ej etetal ilo jikin ko remöra, im bukot kakije, im e jab lo e.

Luk 11. 24. Job 1. 7. 1 Pit. 5. 8.

44 Inem ej ba, I naj jeblak lloan mweo imö I ar drioiytok jen e; im ke ej itok ej lo ejelok kobön, bioke im albujuj.

45 Inem ej ilok im bök ñön iben bar jiljillimjuön jitöb renana jen e, im rej dreloñ lloan, im ber ie: im elikin armij in enana jen eo mokta. Ein drein e naj bareinwöt ñön ebeben in enana.

Hib. 6. 4. & 10. 26. 2 Pit. 2. 20, 21, 22.

46 Im kiö ke Ej konono ñön jar ko, lo, jinen im ro jätin rej jutök inabij im bukot bwe ren konono ñön E.

Mark 3. 31-35. Luk 8. 19-21. 1 Jap. 13. 55. Mark 6. 3. Jon 2. 12. & 7. 3, 5. Jerb. 1. 14. 1 Kor. 9. 5. Gal. 1. 19.

47 Im juön ej ba ñön E, Lo, jlnöm im ro jätöm rej jutök inabij, im rej bukot bwe ren konono ñön Yuk.

48 A E uak im ba ñõn eo ej konono, Wõn e jluo? im wõn ro jãtiõ?

49 Im Ej erlokwe pein ñõn ro dri kaloran, im ba, Lo jinõ im ro jãtiõ!

50 Bwe jabrewõt eo e naj kõmõnmõn ankil an Jema ej ber i lõñ, e in ej jãtiõ man, im jãtiõ kõra, im jluõ.

Jon 15. 14. Gal. 5. 6. & 6. 15. Kol. 3. 11.  
Hib. 2. 11.

### JAPTER 13.

**I**LO ran eo Jisõs e ar ilok jen im, im jijõt iturin lojit.

Mark 4. 1-12.

2 Im Ej uwe lon wa, im jijõt, bwe elap jar ko rej kweloktok ñõn iben; im aolepen jar eo rej jutõk i barijit.

Luk 8. 4-10. Luk 5. 3.

3 Im Ej konono elõñ men ko ñõn ir ilo parebõl ko, im ba, Lo, dri jeor ej ilen jeor;

4 Im ke ej jeor jet ine re buñõt na iturin ial, im bao ko rej kãtem kõñl.

5 Jet re buñõt tjo ko r'erkã ke, ijo erik brij ie: im emõkõj air edrek, bwe ebijbij brij;

6 Im ke e lolif al, e kejeji; im rej aimerlok, bwe ejelok okrair.

7 Im jet re buñõt ilo kãliklik ko; im kãliklik rej edrek, im koutameki.

8 Im jet re buñõt na lon brij emõn, im jebar leir, jet jibuki kin juõn, jet jiljinoñoul kin juõn, jet jilñoul kin juõn.

Jen. 28. 12.

9 Eo eor lojiliñin en roñjake.

Jap. 11. 15.

10 Im dri kaloran rej itok im ba ñõn E, Etke Kwoj konono ñõn ir ilo parebõl ko?

11 Im E uak im ba ñõn ir, Bwe lewoj ñõn kom bwe komin jela men ko retino an aillñ in lõñ, a jab lelok ñõn ir.

Jap. 11. 25. & 16. 17. 1 Kor. 2. 10. 1 Jon. 2. 27.

12 Bwe jabrewõt eo eor iben, naj lelok ñõn e. im naj elõñ iben; a jabrewõt eo ejelok iben, naj bõklok jen e men ko an.

Jap. 25. 29. Mark 4. 25. Luk 8. 18. & 19. 28.

13 Kin men in IJ konono ñõn ir ilo parebõl ko; bwe ro rej lo, re jab

lo; im ro rej roñ, re jab roñjake, im re jaje kake.

14 Im ñõn ir ejejit nan eo Aissia e ar drikanij, im ba, Ilo ami roñjake, kom naj roñ, im jaje kake; im ilo ami lo, kom naj lo im jaje kajen:

Isa. 6. 9. Ezek. 12. 2. Jon 12. 40. Jerb. 23. 28, 27. Rom 11. 8. 2 Kor. 3. 14, 15.

15 Bwe buruen armij rein re beuawia, im lojiliñir rej roñjamõn, im mejelr re kilik; elañe jab einwõt, jet len re naj lo kin mejelr, im roñjake kin lojiliñir, im naj jela kin burueir, im naj oktõk, im I naj ke-mour ir.

Hib. 5. 11.

16 A emõnõnõ mejemi, bwe rej lo; im lojiliñemi, bwe rej roñ.

Jap. 16. 17. Luk 10. 23, 24. Jon 20. 29.

17 Bwe emol IJ ba ñõn kom, Elõñ dri kanan im dri mõn r'ar kõnan lo men kein komij loi, im r'ar jab loi: im roñ men kein komij roñjaki, im r'ar jab roñjaki.

Hib. 11. 13. 1 Pit. 1. 10, 11.

18 Inem komin roñjake parebõl eo kin dri jeor.

Mark 4. 13-20. Luk 8. 11-15.

19 Ke jabrewõt ej roñjake nan in aillñ eo, im e jaje kake, ej itok eo dri nana, im bõklok men eo ar jeor na ilo buruen. E in eo emwij jeor e na iturin ial.

Jap. 4. 23.

20 A eo ar jeor e tjo ko r'erkãke, e in eo ej roñ nan, im emõkõj an bõke kin an buñburuen;

Isa. 58. 2. Ezek. 33. 31, 32. Jon 5. 25.

21 Im ejelok okran iloan, a ej ber ñõn jlrk len; im ke iñtan ak ma-tõrtõr ej walok kin nan eo, emõkõj an buñ.

Jap. 11. 6. 2 Tim. 1. 15.

22 A eo ar jeor e ilo kãliklik ko, e in eo ej roñjake nan; im lemnok ko kin lõt in, im mon kin mweeluk ko rej koutamek nan, im e jab jebar im elle.

Jap. 19. 23. Mark 10. 23. Luk 18. 24. 1 Tim. 6. 9. 2 Tim. 4. 10.

23 A eo ar jeor e na ilo brij emõn, e in eo ej roñjake, im jela kake: im ej jebar im elle. jet jibuki kin juõn,



jet jiljinoñoul kin juñ, jet jilñoul kin juñ.

24 Bar juñ pareböl E ar kwalok ñön ir im ba, Ailiñ in lõñ ej einwöt juñ armij, eo e ar jeor ine emön na ilo jikin kallip eo an :

Mark 4. 26-29.

25 A ke armij r'ar kiki, an dri kijiräte ej item jeor täö ko na ilo bwiljin wit, im ilok.

26 A ke bwilik edrek, im jebar leen, ien eo täö rej bareinwöt walok.

27 Inem ro dri korijeran ätök rej item ba ñön e, Iroj, kw'ar jab jeor ine emön ilo am jikin kallip ke? inem täö ko r'ar itok jen ia?

28 Ej ba ñön ir, Dri kijirät eo, e ar kömön men in. Ro dri korijeran re ba ñön e, Inem kwoj könan bwe jen ilem aini ir ke?

29 A ej ba, Jab: elañe einwöt ñe komij aini täö ko, kom naj tutöki wit na ibelr.

30 Ren jimor edrek ñön ien jonikön: im ilo ien jonikön I naj ba ñöu ro dri marmir, Mokta komin aini täö ko, im kwori im tili: a komin ainitok wit na ilo aö imön wit.

Jap. 3. 12.

31 Bar juñ pareböl E ar kwalok ñön ir, im ba, Ailiñ in lõñ ej einwöt ine in mustad, eo armij e ar böke im jeor na ilo jikiu kallip eo an :

Isa. 2. 2, 3. Mika 4. 1. Mark 3. 30-32. Luk 13. 18, 19.

32 Eo erik jen ine otemjej; a ke ej edrek ej laplok jen mär otemjej, im einwöt wijki, inem bao in mejatoto rej kätem babu i ra ko rau.

33 Bar juñ pareböl E ar kouono ñön ir; Ailiñ in lõñ ej einwöt leven, me juñ köra e ar böke, im noje ilo jilu joñon plauö, ñön ter eo ej leven aolepen.

Luk 13. 20, 21.

34 Men kein otemjej Jisös e ar konono ñön jar eo ilo pareböl ko: im ejlj pareböl E jab konono ñön ir:

Mark 4. 33, 34.

35 Bwe En kamol men eo dri kanaan e ar konono, im ba, I naj walöñi loñiö ilo pareböl ko; I naj kwalok men ko ar noji jen jinolin löl.

Sam 78. 2. Rom 16. 25, 26. 1 Kor. 2. 7. Ep. 3. 9. Kol. 1. 20.

36 Ien eo Ej ilok jen jar eo im dreloñ iloan im: im ro dri kaloran rej itok ñön iben, im ba, Kwon kemeleleik ñön kim pareböl eo kiu täö ko ilo jikin kallip.

37 Ej uak im ba ñön ir, Eo ej jeor ine emön E Nejin armij;

38 Löi e jikin kallip: ine emön ro nejin ailiñ in lõñ: a täö ko ro nejin eo dri nana:

Jap. 24. 14. & 28. 19. Mark 16. 15, 20. Luk 24. 47. Rom 10. 18. Kol. 1. 6. 1 Jen. 3. 15. Jon 8. 44. Jerb. 13. 10. 1 Jon 3. 8.

39 Dri kijirät eo e ar jeor ir, e devil; ien marmir lokön löi: im ro dri marmir rej enjel rön.

Joel 3. 13. Rev. 14. 15.

40 Inem einwöt rej aini täö ko im tili ilo kijeek; e naj ein drein i lokön löi in.

41 Nejin armij e naj jilkinlok enjel ro An, im re naj ainiok jiu ailiñ eo An men otemjej men in latibñil, im ro rej kömönmön nana;

Jap. 18. 7. 2 Pit. 2. 1, 2.

42 Im naj jolok ir na ilo jikin kijeek; ijo re naj jöñ im ñi löllöl.

Jap. 3. 12. & 8. 12. Rev. 19. 20. & 20. 10.

43 Ien eo ro remön re naj rabölböl im einwöt al ilo ailiñ in Jemeir. Eo eor lojiliñin, en roñlokjen.

Dan. 12. 3. 1 Kor. 15. 42, 43, 58.

44 Ailiñ in lõñ ej einwöt mweluk noji ilo jikin kallip, eo armij e ar loe im noji, im kin an löñliñ kake ej ilok im wiakaki men ko otemjej an, im wiak jikin kallip eo.

Isa. 55. 1. Pil. 3. 7, 8. Rev. 3. 18.

45 Bar juñ, ailiñ in lõñ ej einwöt dru wia, ej kabukot bör ko remön;

46 Ke e ar lo juñ bör im elap wönan, ej ilok im wiakaki men ko otemjej an im wiak e.

Pro. 2. 4. & 3. 14, 15. & 8. 10, 19.

47 Bar juñ: ailiñ in lõñ ej einwöt juñ ok, r'ar drorlok ilo lojit, im ebol lik otemjej:

Jap. 22. 10.

48 Eo ke ej lõñ, rej iber ene, im jijõt, in äti ko renõu na ilo emmar ko, im julok ko renana.

49 E naj ein drein i lokõn lõl: enjel rõn re naj ilok im kälet ro renana jen rowānik,

jap. 25. 32.

50 Im naj jolok ir na ilo jikin kijeek: Ijo re naj jõñ im fi lõllõl.

51 Kom ar melele men kein otemej ke? Re ba ñõn E, Aet.

52 Im Ej ba ñõn ir, kin men in, skraib otemej rej katak kin ailñ in lõñ, rej einwõt armij, eo ätök, im ej böktok men ko rekäl im remor jen jikin mwelen.

53 Im ke Jisõs e ar kamwijlok parebõl kein Ej ilok jen Ijo.

54 Im ke Ej itok ñõn en'eo en'en, Ej katakin ir iloan imõn kwelok eo air, einwõt bwe rej bwilõñ, im ba, Jen ia meletlet in an armij in, im jermal kein relap?

jap. 2. 23. Mark 6. 1. Luk 4. 16, 23.

55 E jab nejlu karpenter ke? jinen e jab etan Meri ke? im ro jätin man, James, im Josep im Salmõn im Judas ke?

Isa. 49. 7. Mark 6. 3-6. & 15. 40. Luk 3. 23. Jon 6. 42. jap. 12. 46.

56 Im ro jätin kõra, ir otemej re jab ber iberulj ke? Inem jen ia men kein otemej an armij in?

57 Im rej tibñil kin E. A Jisõs e ba ñõn ir, Eor an dri kanan buñbuñ, elañe e jab ber i en'eo an, im iloan mweo imõn.

jap. 11. 6. Luk 4. 24. Jon 4. 44.

58 Im E ar jab kõmõnmõn elõñ jermal ko relap Ijo kin air jab tõmak.

## JAPTER 14.

**I**LO ien eo Herod titrak ej roñ an Jisõs buñbuñ,

Mark 6. 14-29. Luk 9. 7-9.

2 Im e ba ñõn ro dri korijeran, E in Jon dri baptais; e ar jerkakbiji jen ro remij; im kin men in jermal ko relap rej walok jen e.

3 Bwe Herod e kar jibwe Jon, im liabe, im likit e na iloan prisõn kin Herodias, Ilo belen Pilip jätin.

Luk 3. 19, 20.

20

4 Bwe Jon e ar ba ñõn e, E jab melim ñõn yuk bwe en ber ibõm.

Levai 18. 16. & 20. 21.

5 Im ke ej kõnan mõn e, em'jök jar eo, bwe r'ar lemnok e dri kanan.

jap. 21. 26. Luk 20. 6.

6 Im ke ej itok ran eo Herod e kar lotak, nejlin Herodias kõra ej eep iman mejeir, im kabuñburuen Herod.

7 Inem ej ba kin an kauõjulj, bwe e naj lelok ñõn e jabrewõt men eo ej kajitök kake.

8 Im Ilo, jinen ej rõjõñ e, ej ba, Kwon letok bõran Jon dri baptais Ilo jabi ñõn iõ Ijin.

9 Im iroj eo ej tiriamo: a kin an kauõjulj, im kin ro rej jiberak im mõña iben, ej jiroñ bwe ren lelok ñõn e.

10 Im ej jilkinlok im jõbbare Jon na Ilo prisõn.

11 Im rej böktok bõran Ilo jabi, im lelok ñõn jiroñ eo: im ej bökllok ñõn jinen.

12 Im ro dri kaloran rej itok im bök enbwinin im kalibwin e, im ilem kennanek Jisõs.

13 Ke Jisõs ej roñjake, Ej mõkelok jen Ijo kin wa ñõn eue jemaren: im ke armij rej roñjake, rej Ior E im etal jen jikin kwelok ko.

jap. 10. 23. & 12. 15. Mark 6. 32-44. Luk 9. 10-17. Jon 6. 1-13.

14 Im Ej itok im lo elap jar eo, im Ej tiriamokake Iri, im Ej kemour ro re nañinmij ro ibeir.

jap. 9. 36.

15 Im ke ejota, dri kaloran rej Ilok ñõn iben, im ba, Ijin ene jemaren, im Ien eo emotelok: Kwon jilkinlok jar ko bwe ren Ilok ñõn jikin kwelok ko redrik im wiaik kijeir.

16 A Jisõs ej ba ñõn Iri, E jab emõn bwe ren Ilok; kowin lelok ñõn Iri bwe ren mõña.

17 Im re ba ñõn E, Lallim wõt Ion bred im ruo lik Ibemlõñ Ijin.

18 E ba, Komlin böktok ñõn Iõ.

19 Im Ej jiroñ jar ko bwe ren Ijõt Ion ujoj: im Ej bök lallim Ion im ruo Iik, im jerlok ñõn lõñ

im jar, im ruji im lelok ion ko ñòn ro dri kaloran, im dri kaloran ñòn jar ko.

Jap. 15. 36.

20 Im ir otemjej rej mōña im māt; im rej āti men ko matiir elōñ joñoul im ruo lep.

21 Im ro r'ar mōña, nañin limrep man, jab bwini kōra im ajiri.

22 Im kiōkiō Ej jiroñ ro dri kaloran bwe ren uwe ion wa, im ilok mokta jen E ñòn lomalo jabuweo, ke Ej jilkinlok jar ko.

23 Im ke emwij An jilkinlok jar ko, Ej mōkeliñlok ñòn tol bwe En jar: im ke e boñ, Ej ber ijo im mōke wōt lan.

Mark 6. 45-56. Jon 6. 15-21.

24 A kiō wa eo ej ilukwōn lomalo, im jibeliklik kin no ko: bwe kōto ej itok iman.

25 Im ilo mmij ken k'emen ilo boñ, Jisōs ej itok ñòn lbeir, im etal ion lojit.

26 Im ke dri kaloran rej lo An etal ion lojit, rej abwinmōke, im ba. E jitōb! im rej lamij bwe rem'jōk.

Job 9. 8.

27 A emōkōj an Jisōs konono ñòn ir, im ba, Komin heran; Ña E; komin jab abwinmōke.

28 Im Piter e uak E, im ba, Iroj, elañe Kwe ne, Kwon jiroñ iō bwe in iwij ñòn lbōm ion lojit.

29 Im Ej ba, Kwon itok. Im ke Piter ej to jen wa eo, ej etal ion lojit, bwe en ilok ñòn Jisōs.

30 A ke ej lo kōto, e mijōk: Im ej jino an tulok im e lainij im ba, Iroj, Kwon lomoren iō.

31 Im emōkōj an Jisōs erlokwe pein, im drebij e im ba ñòn e, O kwe erik am tōmak, etke kw'ar berre?

32 Im ke emwij airro uwe ion wa, kōto elur.

33 Inem ro rej ilo wa eo rej itok im kabuñ ñòn E, im ba Emol Kwe Nejin Anij.

Sam 2. 7. Jap. 16. 16. & 26. 63. Mark 1. 1. Luk 4. 41. Jon 1. 49. & 6. 69. & 11. 27. Jerb. 8. 37. Rom 1. 4.

34 Im ke r'ar tellok, rej itok ñòn ene Genesaret.

35 Im ke armij in en'eo rej kill E, rej jiliklok ñòn ene ko otemjej rej kabole, im bōktok ñòn iben ro re nañinmij otemjej:

36 Im rej akwelap ñòn E bwe ren uñir wōt tōreran nuknuuk eo An: im ro otemjej rej uñire re mour.

Jap. 9. 20. Mark 3. 10. Luk 6. 19. Jerb. 19. 12.

### JAPTER 15.

**I**LO ien eo skraib ro im Parisi ro rej itok jen Jerusalem ñòn iben Jisōs im ba,

Mark 7. 1-23.

2 Etke dri kaloram rej kokkure bwebwenato an elder ro? Bwe re jab amin peir ke rej mōña.

Kol. 2. 8.

3 A E uak im ba ñòn ir, Etke kom bareinwōt kokkure kien Anij kin ami bwebwenato?

4 Bwe Anij e ar ba, Kwon koutiej jemōm im jinōm: im eo ej konono nana kin jemen ak jinen en mij.

Eks. 20. 12. Levai 19. 3. Dut. 5. 16. Pro. 23. 22. Ep. 6. 2. Eks. 21. 17. Levai 20. 9. Dut. 27. 16. Pro. 20. 20. & 30. 17.

5 A komij ba, Jabrewōt eo e naj ba ñòn jemen ak jinen, Men in jurtak, men eo aō in jibōñ yuk kake;

6 En jab koutiej jemen ak jinen. Im kom ar kejekron kien Anij kin ami bwebwenato.

7 Kom dri jela mon, emol Aisala e ar drikanij kin kom, im ba,

8 Armij rein rej kabuñ jen Iō kin tieir; a burueir etolok ñòn Iō.

Isa. 29. 13. Ezek. 33. 31.

9 A ejelok tokjen air kabuñ ñòn Iō, ñe rej katakin, kin nan in kaktak, kien ko an armij.

Isa. 29. 13. Kol. 2. 18-22. Tait. 1. 14.

10 Im Ej añiñintok jar eo, im ba ñòn ir, Komin roñjake im jela kake;

11 Jab men eo ej dreloñ ilo loñin ej kananaik armij: a men eo ej walok jen loñin, ej kananaik armij.

Jerb. 10. 15. Rom 14. 14, 17, 20. 1 Tim. 4. 4. Tait. 1. 15.

12 Inem dri kaloran rej itok im ba ñòn E, Kwo jela ke, Parisi ro r'ar tibñil elikin air roñ nan in?

18 A E uak im ba, Ine otemfej Jema ilõn E ar jab kalibwini, naj tutõki.

Jon 15. 2.

14 Ren berwõt: ir dri tel im rebilo. Im elañe eo ebilo ej tel eo ebilo, irro re naj buñ ilo roñ.

Isa. 9. 16. Mal. 2. 8. Jap. 23. 16. Luk 6. 30.

15 Inem Piter e uak im ba ñõn E, Kwon kemeleleik ñõn kim parebõl in.

Mark 7. 17.

16 Im Jisõs e ba, Kom bareinwõt jaje kake ñõn ien in ke?

Jap. 16. 9.

17 Kom jab jela ke, bwe jabrewõt men eo ej dreloñ ilo loñin ej ilok ñõn lojien, im jolok e ilo jikin mijlok?

1 Kor. 6. 13.

18 A men ko rej walok jen loñin rej itok jen buruen, im rej kananak armij.

Jem. 3. 6.

19 Bwe lemnok ko renana, uror ko, lüñ ko, ablip ko, kwot ko, riõp ko, konono nae ko, rej itok jen buru:

Jen. 6. 5. & 8. 21. Pro. 6. 14. Jer. 17. 9.

20 Men kein rej kananaik armij, a mõña kin pä ar jab amini, e jab kananak armij.

21 Im Jisõs ej ilok jen ijo, im ilok ñõn ene ko an Tair im Saidon.

Mark 7. 24-30.

22 Im lo, juõn kõra dri Kenean ej itok jen eue kõn, im lamij im ba, Kwon tiriamokake iõ, O Iroi, Nejin Devid: nijõ jiroñ juõn dimon e kanuij kokkure e.

23 A E jab uak e ñõn jirik. Im dri kaloran rej item akwelap ñõn E, im ba, Kwon jilkinlok e; bwe ej lamijtok ilokwer.

24 A E uak im ba, ar jilkintok Iõ ñõn sip rej jebwäbwe an nukin Israel wõt.

Jap. 10. 5. 6. Jerb. 3. 25, 26. & 13. 46. Rom 15. 8.

25 Inem Ilo ej itok im kabuñ ñõn E, im ba, Iroi, Kwon jibõñ iõ.

26 A E uak im ba, E jab ekar bwe In bõk bred kijen ajiri rõn im jolok e ñõn kiru ko redrik.

Jap. 7. 6. Pil. 3. 2.

22

27 Im Ilo e ba, Aet, Iroi; a kiru ko redrik rej atekoko men ko rewutlok jen tebel eo an air iroi.

28 Inem Jisõs e uak im ba ñõn e, O kõra, elap am tõmak: einwõt am kõnan, en ein drein ñõn yuk. Im nejin jiroñ eo ej mour jen auõ in wõt.

29 Im Jisõs ej ilok jen ijo, im itok ebak ñõn lomalo in Galili: im Ej wõnliñlok non tol im jijõt ijo.

Jap. 4. 18. Mark 7. 31-37.

30 Im elap jar ko rej itok ñõn iben, im ibeir ro rajkup, ro rebilo, ro re ban konono, ro rejibikbik, im bar elõñ, im rej dror ir na iturin neen; im Ej kemour ir:

Isa. 35. 5, 6. Jap. 11. 5. Luk 7. 22.

31 Einwõt bwe jar ko rej bwilõñ, ke rej lo ro re ban konono rej konono, ro rejibikbik reyu, ro rajkup ejime air etetal, im ro rebilo rej lolokjen; im rej kaibujuij Anij in Israel.

32 Inem Jisõs ej kirtok ro dri kaloran, im ba, Ij tiriamokake jar eo, bwe kiõ rej ber iba lomin jilu ran, im ejelok kijeir: im I jab kõnan jilkinlok ir ilo air jitlok, elañe ein drein re naj bärõk ilo ial.

Mark 8. 1-10.

33 Im dri kaloran rej ba ñõn E, Jen ia bred ibem i ene jemaren, bwe ren mät jar in elap?

2 Kin 4. 43.

34 Im Jisõs e ba ñõn ir, Jete ion bred ibemi? Im re ba, jiljilimjuõn, im eiet iik redrik.

35 Im Ej jiroñ jar ko bwe ren jijõt ion melaj.

36 Im Ej bõk jiljilimjuõn ion bred im iik ko, im jar, im ruji, im lelok ñõu ro dri kaloran, im ro dri kaloran ñõn jar ko.

Jap. 14. 19. 1 Samuel 9. 13. Luk 22. 19.

37 Im ir otemfej rej mõña, im mät: im rej äti mõtõn ko matir jiljilimjuõn lep relõñ.

38 Im ro rej mõña erap man, im eor kõra im ajiri.

39 Im ej jilkinlok jar ko, im uwe ion wa eo, im tartok ñõn ene ko in Magedan.

## JAPTER 16.

**I**M Parisi ro im Sadusi ro r'ar itok im kōnan kabo E, im rej kajitōk iben bwe En kwalok nōn ir kakōle jen lōñ.

Jap. 12. 38. Mark 8. 11. Luk 11. 16. & 12. 54-56. 1 Kor. 1. 22.

2 E uak im ba nōn ir, Ke ejota, kom ba, e naj emōn lōñ: bwe ekilmir kōro.

3 Im ke ejiboñ, E naj nana lōñ ranin; bwe ekilmir kōro im tap. Kom jela katujo ilōñ; a kom jab maroñ jela kakōle ko ilo ien ko.

4 Ebeben e jerawiwi im lūñ ej bukot kakōle; im naj lelok nōn e ejelok kakōle a kakōlen dri kanan Jona wōt. Im Ej likit ir im ilok.

Jap. 12. 30.

5 Im dri kaloran rej itok nōn lomalo jabuweo, im rej meloklok in ektōk bred.

Mark 8. 14.

6 Im Jisōs ej ba nōn ir, Komin lale, im kejbārok kom jen leven an Parisi ro im Sadusi ro.

Luk 12. 1.

7 Im rej konono iben dron, im ba, Nan in bwe kim ar jab ektōktok bred.

8 Im Jisōs e jela, im ba nōn ir, O komeo erik ami tōmak! etke kom konono nōn dron bwe ejelok bred lbemi?

9 Kom jañin jela kake im jab kememej ke kin lailim ion bred nōn limrep, im jeti iep kom ar āti?

Jap. 14. 17. Jon 6. 9.

10 Ak jiljillmjuōn ion bred nōn erep ke, im jeti iep kom ar āti?

Jap. 15. 34.

11 Etke komij jaje kake, bwe I ar jab ba nōn kom kin bred? A komin kejbārok kom jen leven an Parisi ro im Sadusi ro.

12 Inem re jela, bwe E ar jab ba kin kejbārok ir jen leven in bred, a jen nan in katak an Parisi ro im Sadusi ro.

13 Ke Jisōs ej itok nōn ene ko an Seseria Pilippai, Ej kajitōk iben ro

dri kaloran, im ba, Wōn Nejin armij, ilo an armij ba?

Mark 8. 27-30. Luk 9. 18-21.

14 Im rej ba, Jet re ba, Jon dri baptais; jet, Elaija; im bar jet, Jeremala ak juōn lau dri kanan ro.

Jap. 14. 2. Luk 9. 7-9.

15 Ej ba nōn ir, Wōn Ņa ilo ami ba?

16 Im Saimōu Piter e uak im ba, Kwe Dri Kraist, Nejin Anij emour. Jap. 14. 33. Jon 6. 69. & 11. 27. Jerb. 8. 37. & 9. 20. Hib. 1. 2, 5. 1 Jon 4. 15. & 5. 5.

17 A Jisōs e uak im ba nōn e, Kwoj mōnōnō Saimōn, nejin Jona; bwe kōniek im bōtōktōk r'ar jab katakin yuk kake, a Jema ej ber i lōñ.

Ep. 2. 8. 1 Kor. 2. 10. Gal. 1. 16.

18 Im bareinwōt Ij ba nōn yuk, Bwe kwe Piter, im ion ejman in I naj kalek aō eklisia: im aur ko an Hedis re jamin anjo ion.

Jon 1. 42. Ep. 2. 20. Rev. 11. 14. Job 38. 17. Sam 9. 13. & 107. 18. Isa. 38. 10.

19 Im I naj lewoj nōn yuk ki ko ki in aillīñ in lōñ: im jabrewōt men eo kwo naj liabe ion lōl, naj liabe i lōn; im jabrewōt men eo kwo naj kōtlok ion lōl, naj kōtloke i lōñ.

Jap. 18. 18. Jon 20. 23.

20 Inem Ej kowe ro dri kaloran, bwe ren jab kennanek jabrewōt armij bwe E Dri Kraist.

Jap. 17. 9.

21 Jen len eo Jisōs e jino An kwalok nōn ro dri kaloran, e naj kijkan An ilok nōn Jerusalem, im iñtan kin men ko relōñ jen elder ro im pris relap im skraib ro, im re naj mōn E, im E naj jerkakbiji ilo ran eo ken ka jilu.

Jap. 20. 17. Mark 3. 31. & 9. 31. & 10. 33. Luk 9. 22. & 18. 31. & 24. 6, 7.

22 Inem Piter ej kapjere, im jino an kowe E im ba, Eu etelok jen Kwe, Iroi; men in e jamin ber ibōm.

23 A Ej oktōk, im ba nōn Piter, Kwon ilok illkiō, Setan: kwoj iten latibñil Iō: bwe kwo jab lemnok kin men ko an Anij, a kin men ko an armij rōn.

24 Ien eo Jisōs e ba nōn ro dri ka-

lorau, Elañe jabrewöt armij e kōnan lor Iō, eu mōke karmijete, im bōk drebail eo an, im lor Iō.

Jap. 10. 38. Mark 8. 34. Luk 9. 23. & 14. 27. Jerb. 14. 22. 1 Tes. 3. 3. 2 Tim. 3. 12.

25 Bwe jabrewöt eo e kōnan lomoren mour eo an, mour e naj joko jen e: im jabrewöt eo mour e naj joko jen e kin Ña, e naj lo e.

Luk 17. 33. Jon 12. 25.

26 Bwe ekijkan kōkajuror armij, elañe ej jebarek aolepen lōl im e joko an? ak ta eo armij e naj lelōm wiaik an?

Sam 49. 7. 8.

27 Bwe Nejin armij e naj itok ilo wuj in Jemen iben enjel ro An, inem E naj lelok jinekijj ñōn armij rōn im einwöt air kōmōnmōn.

Jap. 26. 64. Mark 8. 38. Luk 9. 26. 1 Dan. 7. 10. Zek. 14. 5. Jap. 25. 31. Jud 14. 1 Job 34. 11. Sam 62. 12. Pro. 24. 12. Jer. 17. 10. & 32. 19. Rom 2. 6. 1 Kor. 3. 8. 2 Kor. 5. 10. 1 Pit. 1. 17. Rev. 2. 23. & 22. 12.

28 Emol Ij ba ñōn kom, Jet ian ro rej jutōk Ijin, re jamin erjoñ mij, ñōn ien eo re naj lo Nejin armij ej itok ilo An allin.

Mark 9. 1. Luk 9. 27.

### JAPTER 17.

**I**M ilokōn jiljino ran Jisōs ej añintok Piter im Jemes im Jon jatin, im añinliñlok ir ñōn tol eutiej rej mōke wōt.

Mark 9. 2-8. Luk 9. 28-36.

2 Im Ej kejakilkil iman mejeir, im turin mejen erabōlbōl einwöt al, im balle ko An remouj im einwöt maram.

3 Im lo, Moses im Elaija rejro weaktok ñōn ir, im konono iben.

4 Inem Piter e uak, im ba ñōn Jisōs, Iroi, emōn ar ber ijin: elañe Kwo kōnan, I naj kalek ijin jilu imōn kabere; juōn ñōn Yuk, im juōn ñōn Moses, im juōn ñōn Elaija.

5 Im ke ej konono, lo, juōn kōro emouj ej kalur ir; im lo, ainiken jen kōro eo, e ba, E in Nejiō jitenburu iba, I buñburuō kake; komin eoroñ E.

2 Pit. 1. 17. Jap. 3. 17. Mark 1. 11. Luk 3. 22. Isa. 42. 1. Dut. 18. 15. 19. Jerb. 3. 22, 23.

6 Im ke dri kaloran rej roñjake, rej buñbero, im kanuij lelñōñ.

2 Pit. 1. 18.

7 Im Jisōs ej item uñir ir im ba, Komin jerkak, im jab lelñōñ.

Dan. 8. 18. & 9. 21. & 10. 10. 18.

8 Im ke rej reilōñ mejeir, rej lo ejelok armij, a Jisōs wōt.

9 Im ke rej wōnlōl jen tol eo, Jisōs ej kowe ir im ba, Komin jab kennanek armij kin men in kom ar loe, ñōn ieu eo Nejin armij e naj jerkakbiji jen ro remij.

Jap. 16. 20. Mark 8. 30. & 9. 9.

10 Im dri kaloran rej kajitōk iben im ba, Inem etke skraib ro rej ba, Elaija en itok mokta?

Mal. 4. 5. Jap. 11. 14.

11 Im E uak im ba non ir, Emol Elaija ej itok mokta, im naj karbōp men otemej.

Mal. 4. 6. Luk 1. 16, 17. Jerb. 3. 21.

12 A Ij ba ñōn kom, Emwij an Elaija itok, im r'ar jaje kake, a r'ar kōmōn ñōn e jabrewöt men ko re kōnan. Im ein drein re naj bareinwōt kaiñtan Nejin armij.

Jap. 11. 14. & 14. 3. 10. & 16. 21.

13 Inem dri kaloran re jela bwe Ej konono ñōn ir kin Jon dri baptais.

Jap. 11. 14.

14 Im ke rej itok ñōn jar eo, juōn eman ej itok ñōn iben, im bukwe-lōlō ñōn E im ba,

Mark 9. 14. Luk 9. 37.

15 Iroi, kwon tirlanokake nejiō man; bwe e mōjoliñir im kanuij iñtan: bwe elōñ alen an buñ ilo kijeek, im elōñ alen ilo dren.

16 Im I ar bōktok e ñōn ro dri kaloram, im r'ar ban kemour e.

17 Inem Jisōs e uak im ba, O ebeben e jab tōmak im bōt, te toñ Aō naj ber ibemi? te toñ Aō naj meañuwōr kin kom? bōktok e ñōn Iō.

18 Im Jisōs ej kowe dimon, im e jutōklok jen e; im lādrik eo ej mour jen auō eo wōt.

19 Inem dri kaloran rej mōke itok ñōn iben Jisōs, im ba, Etke kim ar jab maroñ in kajutōklok e?

20 Im Jisös e ba ñön ir, Kin erik ami tömak : bwe emol Ij ba ñön kom, Elañe eor ami tömak einwöt juön iue in mustad, kom naj ba ñön tol in, Kwon druaklok ñön ijueo, im e naj ilok : im ejelok men ko kom naj bane.

Jap. 21. 21. Mark 11. 23. Luk 17. 6. 1 Kor. 12. 9. & 13. 2.

22 Im ke r'ar ber i Gallii, Jisös e ba ñön ir, Naj ketök Nejin armij ilo pein armij rön ;

Jap. 16. 21. & 20. 17. Mark 8. 31. & 9. 30. 31. & 10. 33. Luk 9. 22. 44. & 18. 31. & 24. 6, 7.

23 Im re naj mōn E, im ilo ran eo ken ka jillu E naj jerkakblji. Im rej kauulj buromōj.

24 Im ke rej itok ñön Kaperneum, ro rej bōk hap ſekel eo rej itok ñön iben Piter im ba, Am Dri Kaki e jab kōlā hap ſekel ke ?

Mark 9. 33.

25 Ej ba, Aet. Im ke emwij An dreloñ iloan im, Jisös ej konono ñön e mokta, Ta am lemnok Salmōn ? kiñ ro an lōl rej bōk owōj ak wōnan jen wōn ? jen ro nejir ke, ak jen ro drua maijet ?

26 Piter ej ba ñön E, jen ro drua maijet. Jisös e ba ñön e, Inem ro nejir rej anemkwojalr.

27 A bwe jen jab latibñil ir, kwon ilok ñön lojit, im drorlok kāj, im bōk lik eo kwōj tōpe ; im ñe kwōj kalōñ loñin, kwo naj lo juōn ſekel ; kwon bōke, im lelok ñōu ir kin ũa im kwe.

## JAPTER 18.

**I**LO auō eo dri kaloran r'ar itok ñön iben Jisös im ba, Inem wōn eo elaptata ilo aillñ in lōñ ?

Mark 9. 33-37. Luk 9. 46-48. & 22. 24.

2 Im Jisös ej kirtok juōn ajiri erik ñön iben, im kajutök e iolapir,

3 Im ba, Emōl Ij ba ñön kom, elañe kom jab oktök im erom einwöt ajiri redrik, kom jamin dreloñ ilo aillñ in lōñ.

Sam 131. 2. Jap. 19. 14. Mark 10. 14. Luk 18. 16. 1 Kor. 14. 20. 1 Pit. 2. 2.

4 Inem jabrewōt eo ej mōke kō-

taik e einwōt ajiri in erik, e in elap-tata ilo aillñ in lōñ.

Jap. 20. 27. & 23. 11.

5 Im jabrewōt eo e naj bōk juōn ajiri einwōt in ilo eta, ej bōk Iō.

Jap. 10. 42. Luk 9. 48.

6 A jabrewōt eo e naj lōkatipe juōn ian rein redrik rej liki ũa, emōn ñön e ñe rej lukwoj dreka irir elap na i kenwan im kōtalke ijo imlōl i lojit.

Mark 9. 42. Luk 17. 1, 2.

7 Wo ñön lōl kin lōkatip ko ! bwe emol lōkatip ko ren itok ; a wo ñön eo rej itok kin e.

Jap. 20. 24. 1 Kor. 11. 19.

8 Im elañe peōm ak neōm rej lōkatipe yuk, kwon bukwe im jolok jen yuk : emōn ñön kwe bwe kwon dreloñ ilo mour kirro ak jibikbik, jen ruo peōm ak ruo neōm, im jolok yuk na ilo kijeek e jamin kwūn in drio.

Jap. 5. 29, 30. Mark 9. 43, 45.

9 Im elañe mejōm ej lōkatipe yuk, kwon itiki im jolok jen yuk : emōn ñön yuk bwe kwon dreloñ ilo mour im juōn wōt mejōm, jen an ruo mejōm im jolok yuk na ilo kijeek ilo Geena.

10 Komñ kejbarok bwe komñ jab kejekron juōn ian rein redrik ; bwe Ij ba ñön kom, Ien otemjej i lōñ enjel ro air rej lo wōt turin menjema ej ber i lōñ.

Sam 34. 7. Zek. 13. 7. Hib. 1. 14. Est. 1. 14. Luk 1. 19.

12 Ta ami lemnok ? elañe jibuki ſip an armij, im juōn iair ej jebwābwe, e jab likit ko druatimjuōnñoul im druatimjuōn, im ilok ñön tol ko, im bukot eo ej jebwābwe ke ?

Luk 15. 4.

13 Im elañe ej lo e, emol Ij ba ñön kom, elap an lōñliñ kin ſip in jen druatimjuōnñoul im druatimjuōn ko r'ar jab jebwābwe.

14 Ein drein Jememiuij ej ber i lōñ E jab kōnan bwe juōn ian rein redrik en joko.

15 Im elañe jeōm ak jātōm e naj kōmōnmōn nana ñön yuk, kwon ilem kennanek e, komro wōt :

elañe e naj eoroñ yuk, kw'ar jeba-  
rek jeðm ak jätòm.

Leval 19. 17. Luk 17. 3. Jem. 5. 20. 1 Pit.  
3. 1.

16 A elañe e jamiu eoroñ yuk,  
kwon añinlok juðn ak ruo na ibðm,  
bwe kin loñin ruo ak jilu dri keu-  
nan, nan otemjej ren bin.

Dut. 17. 6. & 19. 15. Jon 8. 17. 2 Kor. 13. 1.  
Hib. 10. 28.

17 Im elañe ej abwin eoroñ ir,  
kwon kennanek eklisia: im elañe  
ej abwin eoroñ eklisia, kwon likit e  
einwöt dri pegan im dri tel owöj.

Rom 16. 17. 1 Kor. 5. 9. 2 Tes. 3. 6, 14. 2  
Jon 10.

18 Emol Ij ba ñon kom, Jabrewöt  
men eo kom naj liabe ion löl, naj  
liabe i löñ: im jabrewöt men eo  
kom naj kötlok e ion löl, naj köt-  
lok e i löñ.

Jap. 16. 19. Jon 20. 23. 1 Kor. 5. 4.

19 Bar juðn, Ij ba ñon kom,  
Elañe ruo iam i ion löl burueir wöt  
juðn kin jabrewöt men eo rej ka-  
jitök kake, Jema ej ber i löñ E naj  
kömön ñon ir.

Jap. 5. 24. 1 Jon 3. 22. & 5. 14.

20 Bwe ijo ruo ak jilu rej kwelok-  
lok ilo eta, Ij ber lolapir.

21 Inem Piter ej itok ñon iben im  
ba, Iroj, jete alen an jeið ak jätlö  
kömönömön uana ñon ið im Ij jeor-  
lok nana eo? ñon jiljilimjuðn ke?

Luk 17. 4.

22 Jisös e ba ñon e, I jab ba ñon  
yuk ñon jiljilimjuðn alen, a ñon  
jiljilimjuðnñoul alen jiljilimjuðn.

Jap. 6. 14. Mark 11. 25. Kol. 3. 13.

23 Kin men in, ailiñ in löñ ej ein-  
wöt juðn kiñ, eo e könan watök  
mweien iben ro dri korijeran.

24 Im ke ej jino an watök, rej  
añintok juðn ñon iben, eo e ar  
muri ilo joñoul tausan talent:

25 A bwe ejelok mweien bwe en  
köllä, an Iroj ej jiroñ bwe ren wia-  
kake e, im ilo belen, im ro nejn,  
im men ko otemjej an, im köllä.

2 Kin 4. 1. Neh. 5. 8.

26 Inem dri korijeran eo ej bari-  
krik im kabuñ ñon e im ba, Iroj,  
Kwon mijmijlölöm kin ña, im I  
naj köllä men otemjej.

27 Inem Iroj eo an ej tiriamokake  
dri korijeran, im kötlok e, im jeor-  
lok an muri.

28 A dri korijer eo ej ilok im lo  
juðu ian ro dri korijer iben, eo e ar  
muri iben ilo jibuki šilliñ; im ej ji-  
bwe e, im dreblj buruen, im ba,  
Kwon köllä men ko kw'ar muri  
ñon ið.

29 Im eo, dri korijer iben, ej bari-  
krik iturin neen, im akwelap ñon  
e im ba, Kwon jab kijr jirik kin  
ña, im I naj köllä men otemjej.

30 Im e jab könan: a ej ilok im  
jolok e na ilo prisön ñon ien eo e  
naj köllä.

31 Im ke ro dri korijer iben rej lo  
men eo e ar kömöñe, re kanuij tiri-  
mo, im rej itok im kennanek air  
iroj men otemjej ar kömöni.

32 Inem an Iroj e ar kirtok e, im  
ba ñon e, O kwe dri nana; I ar köt-  
lok yuk jen muri eo otemjej, bwe  
kw'ar akwelap ñon ið.

33 E jab emön bwe kwo naj kar  
bareinwöt tiriamokake dri korijer  
ibön einwöt I ar tiriamokake yuk  
ke?

34 Im an Iroj e ar illu im ketök e  
ñon iben ro dri kañtan ñon ien eo  
e naj köllä men otemjej e kar muri  
ñon e.

35 Im ein drein Jema i löñ E naj  
kömönömön ñon kom, elañe kom  
otemjej jab jeorlok nana ko an ro  
jeðmi im ro jätömi jen buruemi.

Pro. 21. 13. Jap. 6. 12. Mark 11. 26. Jem. 2. 13.

## JAPTER 19.

**I**M ke Jisös e ar kamwijlok nan  
kein, Ej ilok jen Galili, im tö-  
käktok ñon ene ko İkiyen Judia i  
rear in Jordan;

Mark 10. 1. Jon 10. 40.

2 Im elap jar ko rej lor E; im Ej  
kemour İr Ijo.

Jap. 12. 15.

3 Im Parisi ro rej itok ñon iben,  
im kabo E im ba, Emelim ke bwe  
armijen jolok ilo belen kin nana  
ko jabrewöt?

4 Im E uak im ba, Kom ar jab



konono ilo buk, Eo e ar kōmōn ir ke ejino, E ar kōmōn ir man im kōra,

Jen. 1. 27. & 5. 2. Mal. 2. 15.

5 Im ba, Kin men in man e naj likit jemen im jinen, im e naj ber iben ilo beleu: im irro re naj juōn wōt kōniek ke?

Jen. 2. 24. Mark 10. 5-9. Ep. 5. 31. 1 Kor. 6. 16. & 7. 2.

6 Kin men eo irro re jab ruo, a juōn wōt kōniek. Inem men eo Auij e ar kobaik, armij en jab kij-blli.

7 Re ba ñōn E, Inem etke Moses e ar jiroñ bwe reu lelok jeje in kōtlok, im jolok e?

Dut. 24. 1. Jap. 5. 31.

8 E ba ñōn ir, Kin an bin burue-mi, Moses e ar likit kom bwe komin jolok lio belemi: a e kar jab einwōt jen jinoin.

9 Im Ij ba ñōn kom, Jabrewōt eo e naj jolok lio belen, elañe e jab kin lūñ, im e naj belek bar juōn, ej lūñ: im eo ej beleik lio ar jolok e ej lūñ.

Jap. 5. 32. Mark 10. 11. Luk 16. 18. 1 Kor. 7. 10, 11.

10 Dri kaloran rej ba ñōn E, Elañe ein drein man ñōn lio belen, e jab emōn belele.

Pro. 21. 19.

11 A E ba ñōn ir, Armij otemjej re jab maroñ bōk nan in, a ro wōt lelok ñōn ir.

1 Kor. 7. 2, 7, 9, 17.

12 Bwe jet eunōk im ein drein air lotak jen lojen jineir; im jet eunōk armij r'ar kōmōn ir eunōk: im jet eunōk rej mōke kōmōn ir eunōk kin allñ in lōñ. Eo ej marōn in bōke en bōke.

1 Kor. 7. 32, 34. & 9. 5, 15.

13 Ien eo rej bōktok ñōn E ajiri redrik, bwe En likit pein loir, im jar: im dri kaloran rej bōprae ir.

Mark 10. 13. Luk 18. 15.

14 A Jisōs ej ba, Komin kōtlok ajiri redrik, im jab bōprae ir, bwe ren itok ñōn iba: bwe ro eirwōt air allñ in lōñ.

Jap. 18. 3.

15 Im Ej likit pein loir, im ilok jen ijo.

16 Im lo, juōn e ar itok im ba ñōn E, Dri Kaki, ewi men eo emōn I naj kōmōne, bwe en aō mour in drio?

Mark 10. 17. Luk 18. 18.

17 Im E ba ñōn e, Etke kwoj kajitōk kin men eo emōn? Juōn Eo emōn: a elañe kwo kōnan dreloñ iloran mour, kwon bokaki kien ko.

18 E ba ñōn E, Kien ot ko? Jisōs e ba, Kwon jab uror, Kwon jab lūñ, Kwon jab kwot, Kwon jab riōp nae,

Eks. 20. 13. Dut. 5. 17.

19 Kwon koutlej jemōm im jinōm; im, Kwon yokwe dri turōm im einwōt kwe.

Leval 19. 18. & 22. 39. Jap. 15. 4. Rom 13. 9. Gal. 5. 14. Jem. 2. 8.

20 Likao eo e ba ñōn E, Nan kein otemjej I ar bokaki: ewi men eo I jañin tōbare?

21 Jisōs e ba ñōn e, elañe kwo kōnan bwe kwon wāppen, kwon ilok im wiakaki men ko am, im lelok ñōn ro rejeramel, im e naj or mweiōm i lōñ: im kwon itok im lor lō.

Jap. 6. 20. Luk 12. 33. & 16. 9. Jerb. 2. 45. & 4. 34, 35. 1 Tim. 6. 18, 19.

22 A ke likao ej roñ nan eo, ej buromōj im ilok; bwe elap an mweie.

23 Im Jisōs ej ba ñōn ro dri kaloran, Emol Ij ba ñōn kom, armij e mweie e kanuij bin in dreloñ ilo allñ in lōñ.

Jap. 13. 22. Mark 10. 24. 1 Kor. 1. 26. 1 Tim. 6. 9, 10.

24 Im Ij bar ba ñōn kom, Ebiruru an kiru kamel dreloñlok ilo drelel in il, jen an armij e mweie dreloñ ilo allñ in Anij.

25 Ke dri kaloran r'ar roñjake, re kanuij bwilōñ im ba, Inem wōn e naj maroñ mour?

26 A Jisōs ej reilok im ba ñōn ir, Armij re hane men in, a Anij e maroñwe men otemjej.

Jen. 18. 14. Job 42. 2. Jer. 32. 17. Zek. 8. 6. Luk 1. 37. & 18. 27.

27 Inem Piter e uak im ba ñōn E, Lo, kim ar ilok jen men otemjej,

im lor Yuk: kin men in, ta eo e naj am?

Dut. 33. 9. Jap. 4. 20. & 5. 11. Mark 10. 28.  
Luk 18. 28.

28 Im Jisōs ej ba ñōn ir, Emol Ij ba ñōn kom, bwe komeo kom ar lor Iō, ilo ien Aō ailiñ ñe Nejin armij e naj jijōt ion tron in wuj eo An, kom naj bareinwōt jijōt ion joñoul im ruo tron, im ekajet joñoul im ruo bwijin Israel.

Jap. 30. 21. Luk 22. 28, 29, 30. 1 Kor. 6. 2, 3.  
Rev. 2. 26.

29 Im ir otemjej r'ar ilok jen mo ko, ak jeler im jätir man ak kōra, ak jemeir, ak jineir, ak ro nejir, ak ene ko, kin eta, re naj bōk jibuki alen, im re naj jolit mour in drio.

Mark 10. 29, 30. Luk 18. 29, 30.

30 A elōñ ro rej mokta re naj eliktata, im ro rej eliktata re naj mokta.

Jap. 30. 16. & 21. 31, 32. Mark 10. 31. Luk 13. 30.

#### JAPTER 20.

**B**WE ailiñ in lōñ ej einwōt juōn ätōk, eo e ar ilok ke ejiboñ, bwe en kejerbal jet dri jermal ilo jikin vain eo an.

2 Im ke emwij an bebe iben dri jermal ro kin juōn šilliñ ilo juōn ran, ej jilkinlok ir na ilo jikin vain eo an.

3 Im ke e nañin druatimjuōn auō ej bar ilok, im lo bar jet rej jutōk ilo jikin wia, im re jab jermal.

4 Im e ba ñōn ir, Komin bareinwōt ilok ilo jikin vain, im jabrewōt eo ejime, I naj lewoj ñōn kom. Im rej ilok.

5 Im e bar ilok ke e nañin joñoul im ruo, im jilu auō, im kōmōn einwōt mokta.

6 Im ke e nañin lailim auō ej ilok, im lo bar jet rej jutōk, im ej ba ñōn ir, Etke kōmij jutōk ljin ran eyu im jab jermal?

7 Re ba ñōn e, Bwe ejelok armij e ar kejerbal kim. E ba ñōn ir, Komin bareinwōt ilok ilo jikin vain.

8 Im ke ejota, iroiñ in jikin vain ej ba ñōn dri kōmñe eo an, Kwon kirtok dri jermal rōn im lelok wō-

nair ñōn ir, jino jen ro eliktata ñōn ro mokta.

9 Im ke rej itok ro e ar kejerbal ir ke enañin lailim auō, ej kajulok wōt air otemjej juōn šilliñ.

10 A ke ro mokta rej itok, rej lem-nok e naj or ko rej bōk jen ir: im bareinwōt rej kaju wōt air juōn šilliñ.

11 Im ke rej bōke, rej wanōketak ñōn ätōk eo,

12 Im ba, Rein eliktata r'ar jermal juōn wōt auō, im ein am nawōnñan ñōn ir wōt kim, ro r'ar niknik in jermal ionin dret ilo ran.

13 A e uak ñōn juōn lair im ba, Jera, I ar jab kōmōmōn nana ñōn yuk: kw'ar jab bebe ñōn iō kin juōn šilliñ ke?

14 Kwon bōk ne am, im ilok: I kōnan lelok ñōn eo eliktata einwōt ñōn kwe.

15 E jab melim ke ñōn iō, bwe in kōmōmōn jabrewōt men eo I kōnan kōmōn kin men ko aō? Mejōm elur bwe ña I mōn ke?

Rom 9. 21. Dut. 15. 9. Pro. 23. 6. Jap. 6. 23  
16 Ein drein ro eliktata re naj mokta, im ro mokta re naj eliktata.  
Jap. 19. 30. & 22. 14.

17 Im ke Jisōs ej wōnliñlok ñōn Jerusalem, Ej kamōkelok lair joñoul im ruo dri kaloran ilo ial, im E ba ñōn ir,

Mark 10. 32. Luk 18. 31. Jon 12. 12.

18 Lo jej wōnliñlok ñōn Jerusalem; im naj ketōk Nejin armij ñōn pris ro relap im ñōn skraib ro, im re naj liakelok E ñōn mij,  
Jap. 16. 21.

19 Im naj ketōk E ñōn dri ailiñ ko bwe ren kajirere, im dreñlok, im dreball E: im ilo ran eo ken ka jilu E naj jerkakbiji.

Jap. 27. 2. Mark 15. 1. Luk 21. 1. Jon 12. 28-32. Jerb. 3. 13.

20 Ien eo jinen ro nejin Zetedi kab ro nejin rej itok ñōn iben, im kabuñ ñōn E, im kajitōk iben kin juōn men eo.

Mark 10. 35-45. Jap. 4. 21.

21 Im E ba ñōn lio, Kwo kōnake ta? E ba ñōn E, Kwon jiroñ bwe

rein ruo nejið ren jljðt, juðu i an-  
bijmaroñðm, im eo juðn i anmiñðm  
ilo Am ailliñ.

Jap. 19. 23.

22 A Jisðs e uak im ba, Kom jaje  
ta eo komij kajitðk. Kom maroñ  
in irak kðp eo I naj irak ke? Re  
ba ñðn E, Kimro maroñ.

Jap. 26. 39, 42. Mark 14. 36. Luk 22. 42. & 12.  
50. Jon 18. 11.

23 Im E ba ñðn ir, Aet, kom naj  
irak Að kðp, a kin amiro jljðt i  
anbijmaroñið, im i anmiñið, e jab  
Að bwe In lewoj, a Jema e naj le-  
lok ñðn ro E ar kapojðk ñðn ir.

Jerb. 12. 2. Rom 8. 17. 2 Kor. 1. 7. Rev. 1.  
9. Jap. 25. 34.

24 Im ke joñoul rej roñjake, rej  
illu ñðn ruo jimjan jimjäten ro.

Luk 22. 24-27.

25 A Jisðs ej kirtok ir im ba, Kom  
jela bwe iroi j ro an dri ailliñ ko, rej  
iroij wõt ioir, im ro relap rej iroi j  
wõt ñðn ir.

26 A en jab einwõt ibemi: a jabre-  
wõt eo iami e kðnan bwe en utiej,  
en amil dri jibðñ,

1 Pit. 5. 3. Jap. 23. 11.

27 Im jabrewõt eo e kðnan bwe  
en mokta iami, en dri korijerami:

Jap. 18. 4.

28 Im einwõt Nejin armij e ar jab  
itok bwe armij ren jeral ñðn E, a  
bwe En jeral ñðn ir, im lelok An  
mour bwe Eu binmour ñðn ro re-  
lðñ.

Jon 13. 4. Pail. 2. 7. Jon 13. 14. 1 Isa. 53. 10,  
11. Jon 11. 51. 52. 1 Tim. 2. 6. Tait. 2. 14.  
1 Pit. 1. 19. 1 Jap. 26. 28. Hib. 9. 28.

29 Im ke ej ilok jen Jeriko, elap  
jar eo rej lor E.

Mark 10. 46-52. Luk 18. 35-43.

30 Im lo, ruo man rebillo, rej jljðt  
iturin ial eo, ke rej roñjake bwe  
Jisðs ej kijon ir, rej lamij im ba, O  
Iroi j, nejin Devid, Kwon tiriamo-  
kake kimro.

Jap. 9. 27.

31 Im jar eo rej kowe ir bwe ren  
ikðñ: a rej kalaplok air lamij im  
ba, O Iroi j, nejin Devid, Kwon  
tiriamokake kimro.

32 Im Jisðs e bwjyrðk, im kirtok

ir im ba, Ta eo komro kðnan bwe  
In kðmðn ñðn kom?

33 Re ba ñðn E, Iroi j bwe mejem  
ren bellok.

34 Im Jisðs ej tiriamokake ir, im  
uñir mejer: im emðkðj au mejer  
lolokjen, im rej lor E.

## JAPTER 21.

**I**M ke rej item kebak ñðn Jerusa-  
lem, im itok ñðn Betpeje ñðn  
tol Olivet, Jisðs ej jilkinlok ruo dri  
kalaran,

Mark 11. 1-10. Luk 19. 29-38.

2 Im ba ñðn irro, Komim ilok ñðn  
jikin kwelok erik ikijami, im emð-  
kðj au naj lo juðn kiru ass ej  
lukojðk, im kon iben: komin je-  
late, im añintok ir ñðn Ið.

3 Im elafe jabrewõt armij ej ko-  
nono ñðn komro, kom naj ba, Iroi j  
eo Ej aikwij ir; im e naj mðkðj an  
jilkintok ir.

4 R'ar kðmðn men in, bwe ren  
kamol nan eo dri kanan e ar kono-  
no im ba,

5 Komim kennanek kðra eo nejin  
Zaiðn, Lo, am kiñ ej itok ñðn yuk,  
E inemðu im jljðt ion kiru ass, im  
kon nejin ass.

Isa. 62. 11. Zek. 9. 9. Jon 12. 15.

6 Im dri kalaran rejro ilok, im  
kðmðmðn einwõt ke Jisðs e ar  
jiron ir,

7 Im añintok kiru ass im kon, im  
likit air nuknuk ioir im Ej jljðt  
ion.

2 Kin 9. 13.

8 Im elðñ iau jar eo rej erlokwl  
nuknuk ko air ilo ial; bar jet rej  
jeki ran wijki ko im eri ilo ial.

Jon 12. 13.

9 Im jar ko rej ilok imanlok, im  
ro rej lorlok, rej lamij im ba, Ho-  
sana ñðn nejin Devid: E mðnðnð  
Eo ej itok ilo etan Iroi j: Hosana  
ilo utiejtata.

Sam 118. 25, 26. Jap. 23. 30.

10 Im ke emwij An dreloñ ilo  
Jerusalem, aolepen jikin kwelok  
rej jeurur im ba, Wðn e?

Mark 11. 15. Luk 19. 45. Jon 2. 13, 15.

11 Im jar ko rej ba, E in Jisös dri kanan eo jen Nazeret ilo Galili.  
Jap. 2. 23. Luk 7. 16. Jon 6. 14. & 7. 40. & 9. 17.

12 Im Jisös ej dreloñ iloa tempel in Anij, im kadrioiñok ir otemjej ro rej wiakake im wiak iloa tempel, im uköji tebel ko an ro rej wia kin mönni, im ken jijöt ko an ro rej wiakaki muli ko;  
Mark 11. 15-19. Luk 19. 45-47. Jon 2. 15. Dut. 14. 25.

13 Im E ba ñön ir, Ar jeje, Naj likit etan mweo imö Imön jar: a komij kömönue roñön ro dri koaroñ.  
Isa. 56. 7. Jer. 7. 11.

14 Im ro rebilo im kirro rej itok ñön iben iloa tempel; im Ej kemour ir.

15 A ke pris ro relap im skraib ro rej lo men in bwilöñ ko E ar kömönni, im ajiri rej lamij iloa tempel im ba, Hosana ñön nejin David; elap air illu,

16 Im re ba ñön E, Kwoj roñ ke men ko re ba? Im Jisös e ar ba ñön ir, Aet; kom ar jab konono ilo buk ke, Kw'ar kowäppen nebar jen loñin niñuñi ro im ro rej ninnin?  
Sam 8. 2.

17 Im Ej ilok jen ir, im drioiñok jen jikin kwelok eo ñön Betani; im Ej ber ijo ilo boñ.

Mark 11. 11. Jon 11. 18.

18 Im ñe ejlboñ ke Ej jeblak ñön jikin kwelok, E kwuli.

Mark 11. 12-14.

19 Im ke Ej lo juön wijki fig iturin ial, Ej itok ñön e, im lo ejelok leen i ran, a bwilik wöt: im E ba ñön e, Eujelok leen i ran in drio. Im emököj an wijki fig mörälok.

20 Im ke dri kalaran rej loe, rej bwilöñ im ba, E nañin mököj an wijki fig mörälok!

Mark 11. 20.

21 Im Jisös e uak im ba ñön ir, Emol Ij ba ñön kom, elañe eor ami tömak, im jab berre, kom naj kömönön jab men in an wijki fig wöt, a elañe kom naj ba ñön tol in, Kwon teep im jokök i lojit, e naj ein drein.

Jap. 17. 20. Luk 17. 6. 1 Kor. 13. 2. Jem. 1. 6.

22 Im jabrewöt men ko otemjej kom naj kajitök ilo ami jar, im tömak, kom naj böki.

Jap. 7. 7. Mark 11. 24. Luk 11. 9. Jem. 5. 14. 1 Jon 3. 22. & 5. 14.

23 Im ke emwij Au dreloñ iloa tempel, pris ro relap im elder ro an armij rön rej itok ñön iben, ke Ej katakin, im ba, Kin nan öt Kwoj kömön men kein? im wön e ar lewoj nan in ñön Yuk?

Mark 11. 27-33. Luk 20. 1-8. Eka. 2. 14. Jerb. 4. 7. & 7. 27.

24 Im Jisös e uak im ba ñön ir, I naj bareinwöt kajitök ibemi kin juön nan; elañe kom naj kennanek Iö kin nau eo, I naj bareinwöt kennanek kom kin nan öt Ij kömön men kein.

25 Baptais eo an Jon, e jen ia? jen löñ ke? ak jen armij ro ke? Im rej konono iben dron, im ba, Elañe je naj ba, Jeu löñ; E naj ba ñön kij, Inem etke kom ar jab tömak e:

26 A elañe je naj ba, Jen armij ro, jem'jök armij rön, bwe ir otemjej rej lemnok bwe Jon e dri kanan.

Jap. 14. 5. Mark 6. 20. Luk 20. 6.

27 Im rej uak Jisös im ba, Kim jaje. Im Ej ba ñön ir, I jamin kennanek kom kin nan öt Ij kömön men kein.

28 A ta ami lemnok? Juön man nejin ruo, lädrik: im e ar itok ñön eo mokta im ba, Nejiö, kwon ilem jermal ranin ilo jikin vain eo.

29 E uak im ba, I jab könan; a tokelik ej kwelok iben im ilok.

30 Im ej itok ñön eo juön, im ein drein an ba. Im e uak im ba, Aet jema; im e jab ilok.

31 Wön lairro e ar kömön ankil an jemen? Re ba, eo mokta. Jisös e ba ñön ir, Emol Ij ba ñön kom. Ro dri tel owöj im köra rekijöñ rej dreloñ ilo allñ in Anij mokta jen kom.

Luk 7. 29. 50.

32 Bwe Jon e ar itok ñön kom ilo ial in kwojarjar, im kom ar jab tömak e: a ro dri tel owöj im köra rekijöñ r'ar tömak e: a kom, ke

kom ar lo men in, kom ar jab ukwelok tokelik, bwe komin tōmak e.

Jap. 3. 1. Luk 3. 12, 13.

33 Komin roñjake bar juōn wan jōñok: Juōn armij ātōk, e ar kallip ilo jikin vain, im kōmōnmōn worwor im kabol e, im kōblj ken joniōk wain iloau, im kalek imōn ebar, im kōlaik e ñōn ro dri kallip, im ej ilok ñōn bar juōn ailiñ :

Sam 30. 9. Aiel 8. 11. Isa. 5. 1. Jer. 2. 21. Mark 12. 1-12. Luk 20. 9-19. Jap. 25. 14, 15.

34 Im ñe ebak ien leen ekalo, ej jilkinlok ro dri korijeran ñōn iben ro dri kallip, bwe ren bōk leen eo an.

Aiel 8. 11, 12.

35 Im dri kallip rej jibwe ro dri korijer im dreñlokwe juōn, im mōn juōn im kare bar juōn kin dreka.

2 Kron. 24. 21. & 36. 16. Neh. 9. 26. Jap. 5. 12. & 23. 34, 37. Jerb. 7. 52. 1 Tes. 2. 15.

Hib. 11. 36, 37.

36 Im ej bar jilkinlok bar jet dri korijeran elōñ jen mokta: im ein drein air kōmōn ñōn ir.

37 A tokelik, e ar jilkinlok nejin man ñōn ibeir im ba, Re naj kabuñ ñōn nejiō.

38 A ke dri kallip rej lo nejin, re ba ñōn dron, E in dri jolit: itok bwe jen mōn e, im jen bōk jolit eo an.

Sam 2. 8. Hib. 1. 2. Jap. 26. 3. & 27. 1. Jon 11. 53. Jerb. 4. 27.

39 Im rej jibwe im jolok e jen jikin vain eo im mōne.

Jap. 26. 50. Mark 14. 46. Luk 22. 54. Jon 18. 12. Jerb. 2. 23.

40 Inem ñe lroj in jikin vain eo e naj itok, ta eo e naj kōmōnmōn ñōn ro dri kallip?

41 Re ba ñōn E, e naj lap an nana an mōn ro dri nana, im e naj kōlaik jikin vain eo ñōn bar jet dri kallip, ro re naj bōk leen ñōn e ilo ien ko ien kalo.

Luk 21. 24. Hib. 2. 3. Jerb. 13. 46. & 15. 7. & 18. 6. & 23. 28. Rom 9. & 10. & 11.

42 Jisōs ej ba ñōn ir, Kom ar jab konono ke ilo Jeje ko, Ejman eo ro dri kal r'ar joloke, E in ej dremōn jabōn im: men in an Iroj kōmōne, im men in bwiōñ ilo mejer?

Sam 118. 22. Isa. 23. 16. Jerb. 4. 11. Ep. 2. 20. 1 Pit. 2, 6, 7.

43 Kin men in, Ij ba ñōn kom, naj bōk ailiñ in Anij jen kom, im lelok ñōn dri ailiñ rej kōmōn leen kaki.

Jap. 8. 12.

44 Im jabrewōt eo e naj buñ ion ejman in e naj rup; a jabrewōt eo ejman e naj buñ ion, e naj ktjibliklok e einwōt bōñōlñōl.

Isa. 8. 14, 15. Zek. 12. 3. Rom 9. 33. 1 Pit. 2. 8. Isa. 60. 12. Dan. 2. 44.

45 Im ke pris ro relap im Parisi ro rej roñjake parebōl ko An, re jela bwe E ar konono kin ir.

46 Im ke rej bukot bwe ren jibwe, re mijōk kin jar ko, bwe armij rej lemnok E dri kanan.

Jap. 21. 11. Luk 7. 16. Jon 7. 40.

## JAPTER 22.

**I**M Jisōs e uak im bar ba ñōn ir ilo wan jōñok ko, im ba, Luk 14. 16. Rev. 19. 7, 9.

2 Ailiñ in lōñ ej einwōt juōn kiñ eo e ar kōmōn kwojkwoj in belele ñōn nejin man,

3 Im e ar jilkinlok ro dri korijeran, bwe ren bukotok ro ar jiroñ ir kin kwojkwoj in belele eo: im re jab kōnan itok.

4 Ej bar jilkinlok bar jet dri korijeran im ba, Komin ba ñōn ro ar jiroñ ir, Lo, emwij aō kapojōk kwojkwoj: kau koman ko aō im kiru remātōk emwij air mōni, im men etemjej re rerelok: komin itok ñōn kwojkwoj in belele.

Pro. 9. 2.

5 A rej kejekron e im ilok, juōn ñōn jikiu kallip eo an, im juōn ñōn mweiu ko mweien:

6 Im ro jet rej jibwe ro dri korijeran, im kokkure ir, im mōn ir.

7 A ke kiñ eo e ar roñjake, ej illu: im ej jilkinlok jar ko an jar in tōrinae, im mōn ro dri uror, im tili jilkin kwelok eo air.

Dan. 9. 26. Luk 19. 27.

8 Im ej ba ñōn ro dri korijeran, Kwojkwoj in belele e rerelok, a ro ar jiroñ ir rej betkake.

Jap. 10. 11, 13. Jerb. 13. 46.

9 Inem komin ilok ilo kābon in

ial ko, im ro otemjej kom naj lo ir, komin kirtok ir ñõn kwojkwoj in belele.

10 Im ro dri korijeran rej ilok ilo ial ko, im ãñintok ro otemjej rej lo ir, ro renana im ro remõn: im elõñ rej mättok ñõn kwojkwoj in belele eo.

Jap. 13. 38. 47.

11 Im ke kiñ eo ej dreloñ bwe en lale ro r'ar itok, ej lo juõn armij ijo e kar jab kõnõk kobe in belele:

2 Kor. 5. 3. Ep. 4. 24. Kol. 3. 10, 12. Rev. 3. 4. & 18. 15. & 19. 8.

12 Im ej ba ñõn e, Jera, ekijkan am itok Ijin, im jab kõnõk kobe in belele? Im ej ikõñ.

13 Inem kiñ ej ba ñõn ro dri korijeran, Komin liabe pein im nein, im bõklok e, im jolok e ilo kabin marok: ijo re naj jõñ im ñi löllöl.

Jap. 8. 12.

14 Bwe kir elõñ, a etet ro kãlet ir.

Jap. 20. 16.

15 Ien eo Parisi ro rej ilok, im bebe ekijkan air naj bukwõj An in nan.

Mark 12. 13. Luk 20. 20.

16 Im rej jilkinlok ñõn E ro dri kalorair kab ro dron Herod, im ba, Dri Kaki, kim jela Kwo mol im katakin ial in Anij ilo mol, im Kwo jab bõk ñõu armij; im Kwo jab leninok kin wãwen armij.

17 Inem Kwon kennanek kim, Ta am lemuok? Emelim owõjlok ñõn Sizar ke jab ke?

18 A Jisõs ej killi air nana im ba, Etke komij kabo Iõ, kom dri jela mon?

19 Komin kwalok ñõn Iõ mõnni in owõj. Im rej bõktok ñõn E juõn deneriõs.

20 Im E ba ñõn ir, An wõn men in kajeõñ im jeje in?

21 Re ba ñõn E, An Sizar. Im E ba ñõn ir, Inem komin lelok ñõn Sizar men ko an Sizar, im ñõn Anij men ko an Anij.

Jap. 17. 25. Rom 13. 7.

22 Ke emwij air roñjake, re bwilõñ im ilok jen E im etal.

23 Ilo rau eo jet Saddusi rej itok

ñõn iben, ro rej ba ejelok jerkakbiji, im rej kajitõk iben,

Mark 12. 18. Luk 20. 27. Jerb. 23. 8.

24 Im ba, Dri Kaki, Moses e ar ba, Elañe juõn armij e mij, im ejelok nejin, jätin e naj beleik ilo kar belen, im en or nejin ñõn jein.

Dut. 25. 5.

25 Im jiljilimjuõn jimjãn jimjãten r'ar ber ibem: im eo mokta, ke e ar beleik ilo, e mij im ejelok nejin, ej likit belen ñõn jätin:

26 Im bareinwõt jätin eo ken ka ruo, im ken ka jillu, ñõn eo ken ka jiljilimjuõn.

27 Im elik ir otemjej lio e mij.

28 Inem ilo jerkakbiji, belen wõn ilo ian ro jiljilimjuõn? Bwe ir otemjej r'ar beleik e.

29 Jisõs e uak im ba ñõn ir, Komij bwir kin ami jaje Jeje ko, im an Anij kajur.

Jon 20. 9.

30 Bwe ilo jerkakbiji re jab belele, im jab lelok bwe ren belele, a ir einwõt enjel ro i lõñ.

1 Jon 3. 2.

31 A kin jerkakbiji an ro remij, kom ar jab konono ilo buk nan ko Anij e ar ba ñõn kom, im ba,

32 Ña Anij an Ebrean, im Anij an Aisak, im Anij an Jekõb ke? Anij e jab Anij an ro remij, a an ro re mour.

Eks. 3. 6. 16. Mark 12. 26. Luk 20. 37. Jerb. 7. 32. Hib. 11. 16.

33 Im ke jar ko r'ar roñjake, re bwilõñ kin An nan in katak.

Jap. 7. 28.

34 A ke Parisi ro r'ar roñ bwe E ar killi loñin Saddusi ro, rej kweloktok ñõn ijo.

Mark 12. 28.

35 Im juõn lair, eo dri kien, ej melejoñ E im kajitõk iben, im oa,

Luk 10. 25.

36 Dri Kaki, ewi kien eo elap ilo kien ko?

37 Jisõs e ba ñõn e, Kwon yokwe Iroj am Anij kin aolepen buruõm im kin aolepen am, im kin am lennok otemjej.

Dut. 6. 5. & 10. 12. & 30. 6. Luk 10. 27.

38 Eñin kien eo elap im mokta.

39 Im eo ken ka ruo einwöt in, Kwon yokwe dri turöm im einwöt kwe.

Levai 19. 18. Jap. 19. 19. Mark 12. 31. Luk 10. 27. Rom 13. 9. Gal. 5. 14. Jem. 2. 8.

40 Kien otemjej im dri kanan rej kejlil ilo kien kein ruo.

Jap. 7. 12. 1 Tim. 1. 5.

41 Ilo ien eo ke Parisi ro rej kwe-loklok, Jisös ej kajitök ibelr,

Mark 12. 35. Luk 20. 41.

42 Im ba, Komij lemnok ta kin Dri Kraist? E nejin wön? Re ba ñön E, Nejin Devid.

43 E ba ñön ir, Inem ekijkan Devid ilo Jitöb e ar likit etan Iroi, im ba,

44 Iroi e ar ba ñön aö Iroi, Kwon jijöt i anbijmaroñiö, ñön ter eo I naj likit ro dri kijiräte Yuk iomin neöm.

Sam 110. 1. Jerb. 2. 34. 1 Kor. 15. 25. Hib. 1. 13. & 10. 12, 13.

45 Inem elañe Devid ej naetan Iroi, ekijkan E nejin?

46 Im ejelok armij e maroñ uak E kin juön nan: im elikin ran eo ejelok armij ej beran bwe en kajitök iben kin juön nan.

Mark 12. 34. Luk 14. 6. & 20. 40.

### JAPTER 23.

**I**EN eo Jisös ej konono ñön jar ko, im ñön ro dri kaloran,

2 Im ba, Skraib ro im Parisi ro rej jijöt ion ken jijöt an Moses; Neh. 8. 4, 8. Mal. 2. 7. Mark 12. 38-40. Luk 20. 45-47.

3 Inem men otemjej jabrewöt r'ar jiroñ kom, komin kejbäroki im kö-mönmöni; a komin jab kömön einwöt air jeral; bwe rej ba im jab kömönönu.

Rom 2. 19-23.

4 Bwe rej lukwoj ineki rerro, im ifitan kin an böki, im likiti na i aleran armij: a ir möke re jab könan kamökiti kin juön arriir.

Luk 11. 46. Jerb. 15. 10. Gal. 6. 13.

5 A rej kömön air jeral otemjej bwe armij ren loi: rej kömön air pallaktiri drillip, im rej kadrillip tö-  
reren nuknuk ko air,

Jap. 6. 1, 2, 5, 16. Bwin. 15. 26. Dut. 6. 8. & 22. 12. Pro. 3. 3.

[Marshall Islands.] 2T

6 Im re könan ken jiberak ko remönlok ilo kwojkwoj ko, im ken jijöt remönlok ilo imönu kwelok ko, Mark 12. 38, 39. Luk 11. 43. & 20. 46. 3 Jon 9.

7 Im yokyokwe ko ilo jikin wia ko, im bwe armij ren likit etair, Rabbai.

8 A komin jab bök etömi Rabbai: bwe juön ami Dri Kaki: im kom otemjej jimjän jimjäten.

Jem. 3. 1.

9 Im jab naetan jabrewöt armij jememi i löi: bwe juön Jememi, eo ej ber i löñ.

Mal. 1. 6.

10 Im ren jab naetömi dri kaki: bwe juön ami Dri Kaki, Dri Kraist.

11 A eo elaptata iami, e naj dri korijerami.

Jap. 20. 26, 27.

12 Im jabrewöt eo e naj möke koutiej e, naj kötalk e; im eo e naj möke kötalk e, naj koutiej e.

Job 22. 20. Pro. 15. 33. & 20. 23. Luk 14. 11. & 18. 14. Jem. 4. 6.

13 A wo ñön kom skraib im Parisi ro, dri jela mou! bwe komij kili ailiñ in löñ jen armij: bwe kom jab dreloñ iloan, a ro rej dreloñlok iloan, komij böprae air dreloñ.

Luk 11. 52.

15 Wo ñön kom skraib im Parisi ro dri jela mon! bwe komij kabol lometo im ene bwe komin kaltok juön dri kalorami: im ñe e bo, komij kömön e bwe en ruo alen nejin Geena jen kom.

16 Wo ñön kom dri tel bilo, komij ba, Jabrewöt eo e naj kanöjni kin tempel, jekron; a jabrewöt eo e naj kanöjni kin gold in tempel, men in ej drebij e.

Jap. 5. 33, 34. & 15. 14.

17 Kom bwebwe, im bilo! bwe ewi iair elap, gold, ak tempel eo ej kokwojarjar gold?

Eks. 30. 20.

18 Im, Jabrewöt eo e naj kanöjni kin lokatok, jekron; a jabrewöt eo e naj kanöjni kin men in jurtak ion, men in ej drebij e.

19 Kom bwebwe im bilo! bwe ewi iair elap, men in jurtak, ak loka-

tok eo ej kokwojarjar men in jur-tak?

Eks. 20. 37.

20 Inem jabrewöt eo e naj kanö-nuij kin lokatok, ej kanöjnij kake, im kin men otemjelok na ion.

21 Im jabrewöt eo e naj kanöjnij kin tempel, ej kauöjnij kake, im kin Eo ej ber iloan.

1 Kin 8. 13. 2 Kron. 6. 2. Sam 26. 8. & 132. 14.

22 Im eo e naj kanöjnij kin löñ, ej kanöjnij kin tron an Anij, im kin Eo ej jijöt ion.

Sam 11. 4. Jap. 5. 34. Jerb. 7. 49.

23 Wo ñön kom, skraib im Parisi ro, dri jela mon! bwe komij owöj kin ken ka jofoul an mint, im anis, im kömmin, im kom ar jolok men ko relap an kien, ekajet im tiriamo, im tömak: emön bwe komin kar kömön men kein im jab jolok kön jet.

Luk 11. 42. 1 Samuel 15. 22. Hos. 6. 6. Miha 6. 8. Jap. 9. 13. & 12. 7.

24 Kom dri tel bilo! ro rej liklik iljiljilimök, im wöröñflok kamel.

25 Wo ñön kom skraib im Parisi ro dri jela mon! bwe komij karreo elikin köp im jäbi, a iloan relöñ kin men in koarofi im nana.

Mark 7. 4. Luk 11. 30.

26 Kwe Parisi ebilo! kwon karreo mokta men eo iloan köp im jäbi, bwe elikin en bareinwöt erreo.

27 Wo ñön kom, skraib im Parisi, ro dri jela mon! bwe kom einwöt wuliej ko remouj, ko remön potata elikir, a iloan relöñ kin dri in armij, im nana otemjej.

Luk 11. 44. Jerb. 23. 3.

28 Im ein drein komij bareinwöt ilikimi iman armij rön einwöt ro remön, a iloami komij obrök kin mon im nana.

29 Wo ñön kom, skraib im Parisi, ro dri jela mon! bwe komij kalek imön wuliej ko an dri kanan, im kalbujuj wuliej ko an dri mön,

Luk 11. 47.

30 Im ba, Elañe kim ar ber ilo ran ko an jimam, kim jamin kar dri bok mötön ibeir kin katorlok bö-töktök an dri kanan ro.

31 Kin men in komij möke bakajemi, bwe kom nejiu ro r'ar mön ro dri kanan.

Jerb. 7. 51, 52. 1 Tes. 2. 15.

32 Inem komin köne ken jofök an ro jememi.

Jen. 15. 16. 1 Tes. 2. 16.

33 Kom serpent ko, kom nejin vaiper ko! e naj kijkan ami ko jen liakelok ñön Geena?

Jap. 3. 7. & 12. 34.

34 Inem, lo, Ij jilkinwoj ñön kom ro dri kanan, im ro dri meletlet, iu skraib ro: im jet iair kom naj mön ir, im drebaill ir: im jet iair kom naj dreñlokwe ilo imön kwelok ko ani, im matörtör ir jen jikin kwelok ñön jikin kwelok;

Jap. 21. 34, 35. Luk 11. 49. Jerb. 5. 40. & 7. 58, 59. & 22. 19. 1 Jap. 10. 17. 2 Kor. 11. 24, 25.

35 Bwe en itok lomi böttöktök otemjej ewänik ar lutök ion löl, jen böttöktök in Ebel ewänik ñön böttöktök in Zakeraias nejin Barekaia, eo kom ar mön lolapin tempel im lokatok.

Rev. 18. 24. Jen. 4. 8. 1 Jon 3. 12. 3 Kron. 24. 20, 21.

36 Emol Ij ba ñön kom, Men kein otemjej re naj itok ion ebeben in.

37 O Jerusalem, Jerusalem, eo ej mön ro dri kanan, im kare kin dreka ro jilkinlok ñön e! O enañiu löñ alen I ar könan kokweloktok ro nejom, im einwöt lolo ej kokweloktok nejin jojo ionin pein, im kom ar jab könake!

Luk 13. 34. 2 Kron. 24. 21. Dut. 32. 11, 12. Sam 17. 8. & 91. 4.

38 Lo mwewi imwemi likit e ñön kom im jeebeplok.

39 Bwe Ij ba ñön kom, Kom jamin lo Iö jen ien in, ñön ter eo kom naj ba, Emöndö Eo ej itok ilo etau Iroi.

Sam 118. 26. Jap. 21. 9.

## JAPTER 24.

**I**M Jisös ej driojlok jen tempel im etal, im ro dri kaloran rej itok ñön iben bwe ren kaluj E kin mo ko im kal in tempel.

Mark 13. 1-37. Luk 21. 5-36.



2 Im Ej uak im ba ñõn ir, Komij jab lo men kein otemjej ke? Emol Ij ba ñõn kom, Ejelok juõn ejman e naj ber ion dron ijin im jamin ebjõk.

1 Kin 9. 7. Jer. 26. 18. Mika 3. 12. Luk 19. 44.

3 Im ke Ej jijõt ion tol Olivet, dri kaloran rej mõketok ñõn iben, im ba, Kwon kennanek kim ñåt men kein re naj walok? Im ta eo kakõ-lõn Am naj itok im lokõn lõl?

Mark 13. 3. 1 Tes. 5. 1.

4 Im Jisõs e uak im ba ñõn ir, Komin kejbãrok kom bwe enjelok armij ej kejbwãbweik kom.

Ep. 5. 6. Kol. 2. 8, 18. 2 Tes. 2. 3. 1 Jon 4. 1.

5 Bwe elõñ re naj itok ilo eta, im ba, ña Dri Kraist: im re naj kejbwãbweik elõñ.

Jer. 14. 14. & 23. 21, 25. Jon 5. 43.

6 Im kom naj roñjaki tõrinae ko, im nan kin tõrinae ko: lale bwe komin jab leñõñ; bwe men kein otemjej re naj jejit, a e jañin jemlokõn.

7 Bwe dri ailiñ re naj jutõk mae dri ailiñ, ailiñ in kiñ mae ailiñ in kiñ; im e naj or ñitta, im makõtkit lõl ilo jet ene.

2 Kron. 15. 6. Isa. 19. 2. Hag. 2. 22. Zek. 14. 13.

8 Men kein otemjej rej jinoin iñtan ko.

9 Ien eo re naj ketõk kom ñõn iñtan, im re naj mõn kom: im dri ailiñ otemjelok re naj kijrãte kom kin eta.

jap. 10. 17. Mark 13. 9. Luk 21. 12. Jon 15. 20. & 18. 2. Jerb. 4. 2. 3. & 7. 50. & 12. 1. 1 Pit. 4. 16. Rev. 2. 10, 13.

10 Im elõñ re naj lõkatip, im re naj ketõke dron, im kijrãte dron.

jap. 11. 6. & 13. 57. 2 Tim. 1. 15. & 4. 10, 16.

11 Im elõñ dri kanan wan re naj walok, im re naj kejbwãbweik elõñ.

jap. 7. 15. Jerb. 20. 29. 2 Pit. 2. 1. 1 Tim. 4. 1.

12 Im kin an nana lõñlok, yokwe an elõñ e naj mololok.

13 A eo e naj kijinmij ñõn jemlokõn, e in e naj mour.

jap. 10. 22. Mark 13. 18. Hib. 3. 6, 14. Rev. 2. 10.

14 Im naj kwalok gospel in an

ailiñ in lõñ i aolepen lõl kin men in keunan ñõn ailiñ otemjelok: ilo ien eo e naj itok jemlokõn.

jap. 4. 23. & 9. 35. Rom 10. 18. Kol. 1. 6, 23.

15 Inem ñe kom naj lo men eo e kanuij nana im elap an kokkure jutõk iloan jikin kwojarjar, eo Daniel dri kanan e ar kouono kake, (eo ej konono ilo buk en melele)

Mark 13. 14. Luk 21. 20. Dan. 9. 23-27. & 12. 11.

16 Inem ro rej ber ilo Judia ren ko ñõn tol ko:

17 Eo ej ber ion kejenwan en jab tolõl bwe en bõk jabrewõt jen mweo imõn:

18 Im eo ej ber ilo jikin kallip en jab jeblak bwe en bõk kobe eo an.

19 Im wo ñõn ro rej bõrobo, im ñõn ro rej kaninniu ilo ran ko!

Luk 23. 29.

20 Im komin jar bwe komin jab ko ilo ien eo e bio, im jab ilo sabat.

21 Bwe ilo ien eo e naj elap iñtan, eo e jañin einwõt jen jinoin lõl ñõn ien in, aet, e jamin einwõt tokelik.

Dan. 9. 26. & 12. 1. Joel 2. 2.

22 Im elañe ar jab kalitlok ran ko, ejelok kõniek e naj kar mour: a kin ro dri kãlet naj kalitlok ran ko.

Isa. 65. 8, 9. Zek. 14. 2, 3.

23 Ien eo elañe jabrewõt armij e naj ba ñõn kom, Lo, ijin Dri Kraist ak ijien; komin jab tõmak e.

Mark 13. 21. Luk 17. 23. & 21. 8.

24 Bwe Kraist wan re naj walok, im ro dri kanan wan, im re naj kõmõn kakõle ko relap im men in bwilõñ ko; bwe, elañe re marõñ, ren kejbwãbweik ro dri kãlet.

Dut. 13. 1. jap. 24. 5, 11. 2 Tes. 2. 9, 10, 11. Rev. 13. 13. Jon 6. 37. & 10. 28, 29. Rom 8. 28, 29, 30. 2 Tim. 2. 19.

25 Lo, emwij Aõ kennanek kom mokta.

26 Inem elañe re naj ba ñõn kom. Lo, ej ber ilo ene jemaren; komin jab ilok: lo, ej ber iloan jikin tilekek ko; komin jab tõmak e.

27 Bwe einwõt jarõm ej itok jen rear, im romak ñõn kabilõñ: e uaj ein drein an Nejin armij itok.

Luk 17. 24.

28 Ijo jabrewöt ub ej ber, igöl ko re naj kwelok le.

Job 39. 30. Luk 17. 37.

29 A kiökiö, elikin inñtan ilo ran ko, naj kamarok al, im aliñ e jamin letok an maram, im iju re naj wutlok jen löñ, im kajur ko in löñ re naj makötkit,

Isa. 13. 10. Ezek. 32. 7. Joel 2. 10, 31. & 3. 15. Amos 5. 20. & 8. 9. Mark 13. 24. Luk 21. 25. Jerb. 2. 20. Rev. 6. 12.

30 Im ilo ien eo kakölön Nejin armij e naj weak i löñ; im ilo ien eo bwij otemjej i löl re naj buromöj, im re naj lo Nejin armij ej itok ilo köro ko i löñ, kin kajur im aibujuij elap.

Dan. 7. 11-13. Zek. 12. 12. Jap. 16. 27. Mark 13. 26. Rev. 1. 7.

31 Im E naj jilkinlok enjel ro An kin jilil im elap ainiken; im re naj kokweloktok ro ar kälet i jen emen köto, jen turin löñ ñön ijen im ijen. Jap. 13. 41. 1 Kor. 15. 52. 1 Tes. 4. 16.

32 Kiö komin katak jen wijki fig pareböl eo an: Ñe ej ub ran, im edrek bwilik, kom jela bwe ebak ien mänän;

Luk 21. 29.

33 Ein drein kom bareinwöt, ñe komij lo men kein otemjej, komin jela bwe ej ebak, aet ilo kejem ko.

Jem. 5. 9.

34 Emol Ij ba ñön kom, ebeben in e jamin joko ñön ter eo naj jejit men kein otemjej.

Jap. 16. 28. & 23. 36. Mark 13. 30-32. Luk 21. 32, 33.

35 Löñ im löl re naj joko, a nan ko Aö re jamin joko.

Sam 102. 23. Isa. 41. 6. Jer. 31. 35, 36. Jap. 5. 18. Hib. 1. 11.

36 A ran eo im auö eo ejelok juön e jela kake, im jab enjel ro i löñ, jab Nejin, a Jema wöt.

Jerb. 1. 7. 1 Tes. 5. 2. 2 Pit. 3. 10. Zek. 14. 7.

37 Im einwöt ran ko an Noa, e naj ein drein an Nejiu armij itok.

38 Bwe einwöt ilo ran ko mokta jen ibij liplip eo, r'ar möña im irak, r'ar belele im lelok bwe ren belele, ñön ran eo Noa e ar dreloñ ilouan wa eo,

Jen. 6. 3-5. & 7. 5. Luk 17. 26. 1 Pit. 3. 20.

39 Im re jaje ñön ter eo ibij liplip

36

ej itok, im böklök ir otemjej; e naj ein drein an Nejin armij itok.

40 Ien eo ruo armij re naj ber ilo jikin kallip; naj bök juön, im likit juön.

Luk 17. 34-36.

41 Ruo köra re naj irir kin ken irir; naj bök juön, im likit juön.

42 Inem komin ekil; bwe kom jaje ilo ran öt Iroi j e naj itok.

Jap. 25. 13. Mark 13. 33-37. Luk 21. 36.

43 A komin jela men in, elaffe ätök in mweo e ar jela ilo mmij öt dri kwot ej itok, e naj kar ekil, im jamin kar kötlök bwe en rupe imön.

Luk 12. 30. 1 Tes. 5. 2. 2 Pit. 3. 10. Rev. 3. 3. & 16. 15.

44 Klin men in komin bareinwöt pojök: bwe ilo auö komij jab lem-nok, Nejin armij ej itok.

Jap. 25. 13. 1 Tes. 5. 6.

45 Ineni wön eo dri korijer e tiljek im meletlet, eo an iroi j e ar likit e bwe en dri kömfie ion ro dron, bwe en najirik ir ilo ien emön?

Luk 12. 42. Jerb. 20. 28. 1 Kor. 4. 2. Hib. 3. 5.

46 Emönönö dri korijeran eo, an iroi j e naj itok im lo an kömönmön ein drein.

Rev. 10. 15.

47 Emol Ij ba ñön kom, e naj karoij e ion men ko otemjelok an.

Jap. 25. 21, 23. Luk 22. 29.

48 A elaffe dri korijeran eo enana e naj ba ilo buruen, Aö iroi j ej kötar an itok;

49 Im e naj jino an dreflokwe ro dri korijer iben, im naj möña im irak iben ro dri karek:

50 Iroi j an dri korijeran eo e naj itok ilo ran eo ñe e jab kötmene, im ilo auö eo e jaje kake,

51 Im e naj bukwe, im naj likit jikin iben ro dri jela mon: ijo e naj jöñ im ñi löllöl.

Jap. 8. 12. & 25. 30.

## JAPTER 25.

**I**LO ien eo aillñ in löñ e naj einwöt joñoul virjin, rej bök lamp ko air, im ilok bwe ren wönmae leo belele.

Ep. 5. 29, 30. Rev. 19. 7. & 21. 2, 9.

2 Lailim lair re bwebwe, im lailim re meletlet.

Jap. 13. 47. & 22. 10.

3 Bwe ro re bwebwe ke rej bök lamp ko air re jab bök oil na ibeir.

4 A ro re meletlet rej bök oil lo air ken eteñ na iben lamp ko air.

5 Ke leo belele e rumijtok, ir otem-  
jej rej mijki im kiki.

1 Tes. 5. 6.

6 Im ñe lukwön boñ, juön lamij, Lo, leo belele! komin iten wön-  
mae e.

Jap. 24. 31. 1 Tes. 4. 16.

7 Inem virjin ro otemjej rej jer-  
kak, im kömön lamp ko air.

Luk 12. 35.

8 Im ro re bwebwe re ba ñön ro re  
meletlet, Komin letok ñön kim jen  
ami oil; bwe lamp ko am re nañin  
kwün.

9 A ro re meletlet re uak im ba;  
Bwelen je jamin bwe kake; a ko-  
min ilok ñön iben ro rej wia im  
wiaik ami.

10 Im ke r'ar ilen wiaik, leo belele  
ej itok: im ro rej rere lok rej dreloñ  
iben ñön kwojkwoj in belele: im  
ekil aur.

Luk 13. 25.

11 Tokelik virjin ro jet rej barein-  
wöt itok, im ba, Iroi, iroi, kwon  
kebellok ñön kim.

Jap. 7. 21-23.

12 A e uak im ba, Emol Ij ba ñön  
kom, I jaje kom.

Sam 5. 5. Hab. 1. 18. Jon 9. 31.

13 Inem komin ekil, bwe kom  
jaje ran eo ak auö eo.

Jap. 24. 42, 44. Mark 18. 33, 35. Luk 21. 36.  
1 Kor. 16. 13. 1 Tes. 5. 6. 1 Pit. 5. 8.

Rev. 18. 15.

14 Bwe ej einwöt ke juön armij ej  
ilok ñön bar juön allin, e ar añi-  
ñintok ro dri korijeran, im lelok  
ñön ir mweluk ko an.

Jap. 21. 33. Luk 19. 12.

15 Im e ar lelok lailim talent ñön  
juön, im ruo ñön juön, im juön ñön  
bar juön; ñön kaju lair einwöt air  
marön, im ej etallok.

Rom 12. 6. 1 Kor. 12. 7. Ep. 4. 11.

16 Eo e ar bök lailim talent, e jab

rumij an ilem wia kin men ko, im  
kömönön bar lailim talent.

17 Im bareinwöt eo e ar bök ruo,  
ej korlok bar ruo.

18 A eo e ar bök juön, ej ilok im  
köbj brij im noj mönni eo an iroi  
eo an.

19 Elikin ien eto, iroi eo an ro dri  
korijeran ej item watök ibeir.

20 Im eo e ar bök lailim talent, ej  
böktok bar lailim talent, im ba,  
Iroi, kw'ar letok ñön iö lailim  
talent; lo I ar korlok bar lailim  
talent na ibeir.

21 An iroi ej ba ñön e, Emon am  
kömön kwo korijera emön im til-  
jek; kw'ar tiljek kin men kön  
reit, I naj kairoi yuk ion men ko  
relöñ: kwon dreloñ ilo löñliñ an  
am iroi.

Jap. 24. 47. Luk 12. 44. & 22. 29. Hib. 12. 2.

22 Bareinwöt eo e ar bök ruo ta-  
lent, ej itok im ba, Iroi, kw'ar le-  
tok ñön iö ruo talent: lo, I ar kor-  
lok bar ruo talent na ibeir.

23 An iroi ej ba ñön e, Emön am  
kömön kwo korijera emön im til-  
jek: kw'ar tiljek kin men kön  
reit, I naj kairoi yuk ion men ko  
relöñ: kwon dreloñ ilo löñliñ an  
am iroi.

24 Inem eo e ar bök juön talent, ej  
itok im ba, Iroi I ar jela kajem,  
kwe armij ebin, kwoj marmir Ijo  
kw'ar jab jeor na ie, im kwoj ae jen  
Ijo kw'ar jab illik na ie:

25 Im I ar leñioñ, im ilok im noje  
am talent ilo brij; lo mönni am  
ibönn.

26 An iroi e uak im ba ñön e,  
Kwe kwo korijera enana im jowön,  
kw'ar jela Ij marmir Ijo I ar jab  
jeor na ie, im ae jen Ijo I ar jab  
illik na ie:

27 Inem emön kw'ar lelok aö  
mönni ñön iben ro dri wia kin  
mönni, im ñe Ij itok I naj kar bök  
aö mönni im jimair.

28 Inem komin bökkok talent eo  
jen e, im lelok ñön eo joñoul talent  
iben.

29 Bwe naj lelok ñön jabrewöt eo

eor iben, im e naj lõñlok; a jeu eo  
ejelok iben, naj bõklok men ko au.

Jap. 13. 12. Mark 4. 25.

30 Im komlu jolok dri korijer e  
jitokjen ñõn kabin marok; ijo re  
naj jõñ im ñi lõlõl.

Jap. 8. 12.

31 A ñe Nejin armij e naj itok ilo  
wuj eo An, im enjel ro otemfej  
iben, ien eo E naj jijõt ion tron in  
wuj eo An:

Zek. 14. 5. Jap. 16. 27. Mark 8. 38. Jerb. 1.  
11. 2 Tes. 1. 7. Jud 14.

32 Im naj kokweloktok dri aillñ  
otemfej iman mejen; im E naj kij-  
bil ir jen drou, einwõt šeperd ej kij-  
bil šip ko jen goat ko:

Rom 14. 10. 2 Kor. 5. 10. Rev. 20. 12.

33 Im e naj kajutõk šip ko i anbij-  
maroñõn, a goat ko i anmifin.

34 Inem Kifñ eo e naj ba ñõn ro i  
anbijmaroñõn, Komin itok kom dri  
mõuõuõ an Jema, komin jolit aillñ  
eo e ar pojõk ñõn kom jen jinoin  
lõl:

1 Pit. 1. 3, 9. Rev. 21. 7. 1 Jap. 20. 23. Mark  
10. 40. Hib. 11. 16.

35 Bwe I ar kwuli, im kom ar  
najirik Iõ: I ar maro, im kom ar  
kairak Iõ: I ar drua majet, im  
kom ar kadreloñ Iõ:

Isa. 58. 7. Ezek. 18. 7. Jem. 1. 27.

36 Ejelok aõ nuknuk, im kom ar  
naballio: I ar nañinmij, im kom ar  
item lale Iõ: I ar ber ilo prisõn, im  
kom ar itok ñõn iba.

Jem. 2. 15, 16. 2 Tim. 1. 16.

37 Inem ro remõn re naj uak E  
im ba, Iroj, ñät kim ar lo Am  
kwuli, im najirik Yuk? ak maro  
im kairak Yuk?

38 Ñät kim ar lo Am drua majet,  
im kadreloñtok Yuk? ak ejelok  
Am nuknuk, im kanuknuk Yuk?

39 Ak ñät kim ar lo Am nañin-  
mij, ak iloan prisõn im ar iwij ñõn  
ibõm?

40 Im Kifñ eo e naj uak im ba ñõn  
ir, Emol Ij ba ñõn kom, Ilo ami  
kõmõnmõn jubrewõt ñõn juõn lan  
rein ro jätio eriktata, kom ar kõ-  
mõnmõne ñõn Iõ.

Pro. 14. 31. & 19. 17. Jap. 10. 42. Mark 9. 41.  
Hib. 6. 10.

41 Inem bareinwõt E naj ba ñõn  
ro i anmifin, Komin ilok jeu lõ,  
kom dri nana, ñõn iloan kijeek e  
jamin kwün in drio, eo e ar pojõk  
ñõn devil eo im enjel ro an.

Sam 6. 8. Jap. 7. 23. 12 Pit. 2. 4. Jud 6.

42 Bwe I ar kwuli, im kom ar jab  
najirik Iõ: I ar maro, im kom ar  
jab kairak Iõ:

43 I ar drua majet, im kom ar jab  
kadreloñ Iõ: ejelok Aõ nuknuk,  
im kom ar jab naballio: I ar nañin-  
mij im iloan prisõn, im kom ar jab  
item lale Iõ.

44 Inem re naj uak E im ba, Iroj,  
ñät kim ar lo Am kwuli, ak maro,  
ak drua majet, ak ejelok Am nuk-  
nuk, ak nañinmij, ak iloan prisõn,  
im kim ar jab iwij im lale Yuk?

45 Inem E naj uak ir im ba, Emol  
Ij ba ñõn kom, bwe ilo ami jab  
kõmõnmõne ñõn juõn lan rein  
eriktata, kom ar jab kõmõnmõne  
ñõn Iõ.

Pro. 14. 31. & 17. 5.

46 Im rein re naj ilok ñõn iñtan in  
drio: a ro remõn ñõn mour in drio.

Dan. 12. 2. Jon 5. 20. Rom 2. 7.

## JAPTER 26.

**I**M ke Jisõs e ar kanwijlok nan  
kein otemfej, E ba ñõn ro dri  
kalan,

2 Kom jela bwe ilokõn ruo ran, ej  
itok kwojkwoj in kijone, im naj  
ketõk Nejin armij bwe ren dre-  
bail E.

Mark 14. 1. Luk 22. 1. Jon 13. 1.

3 Inem pris ro relap, im elder ro  
an armij rõn rej kweloklok ñõn  
imõn pris eo elaplap, etan Kalepas,  
Sam 2. 2. Jon 11. 47.

4 Im bebe bwe ren jibwe Jisõs kin  
mon, im mõn E.

5 A re ba, En jab ilo ien kwoj-  
kwoj, bwe armij ren jab iruij.

6 Im ke Jisõs ej ber i Beteni iloan  
imõn Salmõn dri leper,

Jap. 21. 17. Mark 14. 3. Jon 11. 1. & 12. 1.

7 Juõn kõra ej itok ñõn ibeu, im  
juõn nlen alebaster iben nlen dren  
in kabit e kanuij aurõk, im ej lutok

e na ion bōrau ke e jiberak im mōña.

8 A ke dri kaloran rej loe, rej illu im ba, Ewi tokjen jeroane in?

Jon 12. 4.

9 Bwe jej maroñ kar wiakake men in kin elap wōñān, im lelok ñōn ro re jeramel.

10 A Jisōs e jela im ba ñōn ir, Etke komij añte kōra in? bwe emōn an kōmōu ñōn Iō.

11 Bwe ro rej jeramel rej ber ibemi ien otemjej, a Ña I jab ber ibemi ien otemjej.

Dut. 15. 11. Jon 12. 8. 1 Jon 13. 33. & 16. 5. & 17. 11.

12 Bwe kin an lutok dren in kabit in na ion enbwiniō, e ar kōmōne mae ter eo re naj kalibwin Iō.

13 Emol Ij ba ñōn kom, Ijo jabrewōt re naj kwalok gospel in i aolepeu lōl otemjej, bareinwōt men eo kōra in e ar kōmōne, re naj konono kake bwe ren kememej e.

14 Ien eo juōn ian joñoul im ruo, etan Judas Iskariōt, ej ilok ñōn iben pris ro relap,

Jap. 10. 4. Mark 14. 10. Luk 22. 3.

15 Im ba ñōn ir, Ta kom kōnan letok ñōn Iō, im I naj ketōk E ñōn kom. Im rej joñoklok ñōn e jilñoul mōtōn silver.

Zek. 11. 12.

16 Im jen ien eo ej bukot ien emōn bwe en ketōk E.

17 Ilo ran eo mokta ilo kwojkwoj in bred e jab leuen, dri kaloran rej itok ñōn iben Jisōs, im ba, Ewi ijo kwo kōnan kimi kapojoōk bwe kwon mōña men in kijone?

Eks. 12. 6. 18. Luk 22. 5.

18 Im E ba, Komin ilok ñōn jikin kwelok eo ñōn iben juōn armij, im ba ñōn e, Dri Kaki ej ba, Aō ien ebak: Ij lale kwojkwoj in kijone iloan imōm, iben ro dri kalora.

19 Im dri kaloran rej kōmōnmōn einwōt Jisōs e ar jiroñ ir; im rej kapoj men in kijone.

20 Im ke ejota Ej jiberak im mōña iben joñoul im ruo.

Mark 14. 17-21. Luk 22. 14.

21 Im ke rej mōña, E ba, Emol Ij

ba ñōn kom, juōn iami e naj ketōk Iō.

22 Im re kanuij buromōj, im kaju iair, rej jino air ba ñōn E, Iroi, ña ke?

23 Im Ej uak im ba, Eo ej katulok pein iba iloan jābi e wōt e naj ketōk Iō.

Sam 41. 9. Luk 22. 21. Jon 13. 18.

24 Nejin armij ej ilok, einwōt ar jeje kin E; a wo ñōn eo ej ketōk Nejin armij! e naj kar emōn ñōn armij eo, elañe e ar jab lotak.

Mark 9. 12. Luk 24. 25, 26, 46. Jerb. 17. 2, 3. & 28, 22, 23. 1 Kor. 15. 3. 1 Jon 17. 12.

25 Im Judas, eo ej ketōk E, e uak im ba, Rabbai, ña ke? E ba ñōn e, Kwoj ba wōt.

26 Im ke rej mōña, Jisōs ej bōk bred, im jar, im ruje, im lelok ñōn ro dri kaloran, im ba, Komin bōke im mōña: eñin enbwiniō.

Mark 14. 22-26. Luk 22. 18, 19. 1 Kor. 11. 23-26. 1 Kor. 10. 16.

27 Im Ej bōk kōp, im jar, im lelok ñōn ir, im ba, Komin otemjej irak jen e.

28 Bwe men in draō dra in kalimur, eo e torlok kin elōñ ñōn jurlok jerawiwi ko.

Eks. 24. 8. Jer. 31. 31. Jap. 20. 28.

29 A Ij ba ñōn kom, I jamin irak dren in leen valn, ñōn ran eo ñe Ij irak e im ekāl ibemi ilo ailiñ in Jema.

30 Im ke emwij air al, rej driolj im ilok ñōn tol Olivet.

31 Ien eo Jisōs ej ba ñōn ir, Boñin in kom otemjej naj lōkatip kin Ña: bwe ar jeje, I naj mōn šeperd im šip in bwijin re naj jibliklok.

Mark 14. 27-30. Jap. 11. 6. Zek. 13. 7.

32 A elikin Aō jerkakbiji, I naj mōkōjlok jen kom ñōn Galili.

Jap. 28. 7, 10, 16. Mark 16. 7.

33 A Piter e uak im ba ñōn E, Elañe ir otemjej re naj lōkatip kin Kwe, I jamin lōkatip in driō.

34 Jisōs e ba ñōn e, Emol Ij ba ñōn yuk, boñin in mokta jen an kako ekir, e naj alen am karmijete Iō jilu.

Luk 22. 34. Jon 13. 38.

35 Piter e ba ñõn E, Elañe I mije Yuk, I jamin karmijete Yuk. Im ein drein an dri kaloran otemjej ba.

36 Inem Jisõs ej itok ibeir tok ñõn jikin eo etau Getsemani, im Ej ba ñõn ro dri kaloran, Komin jljõt Ijin ñie Ij Ilen jar ijien.

Mark 14. 32-35. Luk 22. 39. Jon 18. 1.

37 Im Ej añinlok Piter, im ruo nejlu Zebedi iben lok, im jino An buromõj im elap An droõj buruen.

Jap. 4. 21.

38 Im E ba ñõn Irjil, Aõ e kanulj buromõj einwõt ñõn mij: komin ber Ijlu im ekil iba.

Jon 12. 27.

39 Im Ej ilok jirik, im berowõne, im jar, im ba, O Jema, elañe e maroñwe en ilok kõp in jen Iõ: a en jab ankil Aõ, a ankil Am.

Mark 14. 36-38. Luk 22. 40-46. Hib. 5. 7. Jon 12. 27. Jap. 20. 22. Jon 5. 30. & 6. 38. Pil. 2. 8.

40 Im Ej itok ñõn iben ro dri kaloran, im lo air kiki, im ba ñõn Piter, Ta, kom jab maroñ in ekil iba Iomin juõn auõ ke?

41 Komin ekil im jar, bwe komin jab dreloñ ilo kabo: an e kõnau, a kõniek emõjino.

Mark 13. 33. Ep. 6. 12.

42 Alen ken ka ruo E bar ilok im jar, im ba, O Jema elañe kõp in e ban ilok jen Iõ elañe I jab irak ie, en ankil Am.

43 Im Ej bar item lo air kiki: bwe erro mejeir.

44 Im Ej bar likit ir, im ilok, im jar alen ken ka jilu im bar ba nan ko einwõt mokta.

45 Inem Ej itok ñõn ro dri kaloran im ba ñõn ir, Komin kiki kiõ, im kakijeik kom; lo, auõ ej itok wõt, im ketõk Nejin armij ilo pein ro dri jerawiwi.

46 Komin jerkak; jen etal: lo ej ebak eo ej ketõk Iõ.

47 Im ke Ej konono, lo, Judas, juõn Ian jofoul im ruo, ej itok, im elap jar eo iben, eor jãji im drun ibeir, jen iben pris ro relap im elder ro an armij rõn.

Mark 14. 43-50. Luk 22. 47-53. Jon 18. 3-11. Jerb. 1. 16.

48 Im eo ej ketõk E, ear lelok ñõn ir juõn kakõle, im ba, Eo I naj mejenmaik E, E eo: komin jibwe.

49 Im emõkõj an itok ñõn iben Jisõs, im ba, Yokwe Yuk, Rabbai; im e mejenmaik E.

50 Im Jisõs e ba ñõn e, Jera, kwon kõmõn men eo kw'ar itok kake. Inem rej item likit peir ion Jisõs, im jibwe E.

Sam 41. 9.

51 Im lo, juõn Ian ro iben Jisõs, ej erlokwe pein, im nuri an jãji, im jebõk juõn dri korijeran pris elap, im bukwe lojilifin.

Jon 18. 10.

52 Inem Jisõs e ba ñõn e, Kwon bar likit am jãji na Ilo nien: bwe ro otemjej rej bõk jãji, re naj mij kin jãji.

Jen. 9. 6. Rev. 13. 10.

53 Kwoj Ienuok bwe I jab maroñ in kajitõk iben Jema, im E naj jilkintok ñõn iba kiõ elõñ jen jofoul im ruo Ijlon enjel ke?

2 Kin 6. 17. Dan. 7. 10.

54 Elañe einwõt, ekijkan an kamol Jeje ko, bwe ren kõmõnmõn ein drein?

Isa. 53. 7-10. Luk 24. 25, 44, 46.

55 Ilo auõ eo Jisõs e ba ñõn jar ko, Komij itok einwõt mae dri koarõñ, eor jãji im drun ibemi, bwe komin jibwe Iõ ke? I ar jljõt ibemi ran otemjej im katakin Iloan tempel eo, im kom ar jab jibwe Iõ.

56 A men kein otemjej rej walok, bwe en kamol jeje ko an dri kanan ro. Inem dri kaloran otemjej rej ilok jen E im ko.

Jon. 4. 20. Jon 18. 15.

57 Im ro rej jibwe Jisõs rej añinlok E ñõn iben Kalepas, pris eo elap, Ijo skraib ro im elder ro r'ar kwelok ie.

Mark 14. 53-65. Luk 22. 54. Jon 18. 12, 13, 24.

58 A Piter ej lor E im etoane, ñõn imõn pris eo elap, im dreloñ im jljõt iben ro dri kabwijrõk, bwe en lo jemlokõn.

59 Kiõ pris ro relap im dri hebe ro relap otemjej, r'ar bukot kennan riõp nae Jisõs, bwe ren mõu e.

60 Im re jab loe, meñe elöfi dri kennan riöp r'ar itok. Tokelik ruo rej itok,

Dut. 19. 15. Sam 27. 12. & 35. 11. Mark 14. 55. Jerb. 6. 13.

61 Im ba, Armij in e ar ba, I marön in kokkure tempel in Anij im bar kalek e iomiu jilu ran.

Jap. 27. 40. Jon 2. 19.

62 Im pris eo elap ej jutök im ba ñön E, Kwo jab uak ñön jirik ke? Ta eo rein rej kennan nae Yuk kake?

Mark 14. 60.

63 A Jisöe ej iköfi. Im pris eo elap ej ba ñön E, I kanöjnij ñön Yuk kin Anij emour, bwe Kwon kennanek kim, Kwe Dri Kraist, Nejin Anij ke, jab ke?

Isa. 53. 7. Jap. 27. 12. 14. Leval 5. 1. 1 Samuel 14. 24, 26.

64 Jisöe e ba ñön e, Kwoj ba wöt, a Ij ba ñön kom, Tokelik kom naj lo Nejin armij Ej jiyöt i anbiymaröñön kajur, im itok ilo köro ko in roñ.

Dan. 7. 13. Jap. 16. 27. & 25. 31. Luk 21. 27. Rom 14. 10. 1 Tes. 4. 16. Rev. 1. 7. Sum 110. 1. Jerb. 7. 55.

65 Inem pris eo elap ej kekel nuk-nuk ko an, im ba, Ej blaspm. Etke jej könan bar jet dri kennan? Lo, kiö kom ar roñjake An blaspm.

66 Ta eo komij lemnok? Rej uak im ba, Eor ruön bwe Eu mij.

Leval 24. 16. Jon 19. 7.

67 Ien eo re iyeloki mejen, im jekanunok E; im bar jet r'ubrare E, Isa. 50. 6. Jap. 27. 30. Luk 22. 63, 64. Jon 19. 3.

68 Im ba, Kwe Kraist, kwon drikanij ñön kim, Wön eo ej ubrare Yuk?

Mark 14. 65, 66.

69 A Piter ej jiyöt ikotan im, im juön jirofi ej itok ñön iben im ba, Kwe kw'ar bareinwöt iben Jisöe dri Galili.

Luk 22. 55-62. Jon 18. 16, 17, 25.

70 A e karmijete iman mejeir otemjej, im ba, I jaje ta eo kwoj ba.

71 Im ke ej drioij ilo töñak in kem, bar juön jirofi ej loe, im ba ñön

[Marshall Islands.] 2T\*

ro rej ber ie, Aet, armij in e ar bareinwöt iben Jisöe dri Nazeret.

72 Im e bar karmijete kin an kanöjnij; I jaje kajen armij eo.

73 Im tokelik jirik ro rej jutök ijo rej itok ñön iben, im ba ñön Piter, Emol kwe juön lair; bwe ainiköm ej bakajeöm.

Luk 22. 50.

74 Inem ej jino an matörtör im kanöjnij, I jaje kajen armij eo. Im emököj an kako ekir.

Mark 14. 71.

75 Im Piter ej kememej nan eo Jisöe e ar ba ñön e, E naj alen jilu am karmijet Iö mokta jen an kako ekir. Im ej drioijlok, im elap an jöñ.

Jap. 26. 34. Mark 14. 30. Luk 22. 61, 62. Jon 13. 38.

## JAPTER 27.

**I**M ke ejiboñ, pris ro relap otem-  
jej im elder ro an armij röñ, rej  
bebe kin Jisöe bwe ren mön E.

Mark 15. 1. Luk 22. 68. & 23. 1. Jon 18. 28.

2 Im rej liab E im äfinlok E im ketök E ñön iroi j eo Pailat.

Jap. 20. 19. Jerb. 3. 13.

3 Ien eo Judas, eo e ar ketök E, ke ej lo emwij air liakelok E bwe En mij, ej ukwelok iben, im böktok jilñoul mötön silver ko ñön pris ro relap im elder ro,

Jap. 26. 14, 15.

4 Im ba, I ar jerawiwi bwe I ar ketök böttöktök eo ejelok ruön. Im re ba, Me kimiu it? am wöt bebe.

5 Im ej julok mötön silver ko na iloan tempel, im drioij im ilok im e möke lukwöj kenwan im toto.

2 Samuel 17. 23. Jerb. 1. 18.

6 Im pris ro relap rej bök mötön silver ko, im ba, Emo ar äti na iloan dipdip in möuni bwe re wönän böttöktök.

7 Im rej bebe, im wiak wäto an dri potter kin men ko, bwe ren kalibwin ro drua majet ijo.

8 Kin men eo rej likit etan wäto eo, wäto in böttöktök ñön ran in.

Jerb. 1. 19.

9 Ien eo ar kamol nan eo dri ka-

nan Jeremaia e ar konono im ba, im rej bök mōtōn silver ko jilñoul, men eo wōuān leo, r'ar wiaik e, ro lan ro nejn Israel;

Zek. 11. 12, 13.

10 Im rej lelok kin wāto an dri potter, einwōt Iroiĵ e ar jiroñ iō.

11 Im Jisōs ej jutōk iman mejen iroiĵ eo, im iroiĵ ej kajitōk iben, im ba, Kwe kiñ an dri Ju ro ke? Im Jisōs e ba ñōn e, Kwoĵ ba wōt.

Mark 15. 2. Luk 23. 3. Jon 18. 33, 37. 1 Tim. 6. 13.

12 Im ke pris ro relap im elder ro rej kinaklok E, E jab uak.

Jap. 26. 65. Jon 19. 9, 10.

13 Im Pailat e ba ñōn E, Kwo jab roñ ke men ko relōñ re ba nae Yuk kaki?

Jap. 26. 62.

14 Im E jab uak e ñōn jirik: inem iroiĵ eo e kanuiĵ bwilōñ kake.

15 Im ilo kwoĵkwoĵ monit an iroiĵ, ej kōtlok ñōn armij rōn juōn dri prisōn eo re kōnan.

Mark 15. 6-25. Luk 23. 17-25. Jon 18. 39, 40.

16 Im kiō juōn dri prisōn ebuñbuñ ibelr, etan Barabbas.

17 Inem ke rej kweloklok, Pailat e ba ñōn ir, Wōn lair kom kōnan bwe in kōtlok ñōn kom? Barabbas ke? ak Jisōs naetan Kraist?

18 Bwe e jela bwe r'ar ketōk E kin junmar.

19 Ke ej jijōt ijo jikin ekajet, ilo belen e jiliklok ñōn e, im ba, Kwon jab abjōk armij in ewānik; bwe elap an iñtan buruō ranin kin aō tōnak kin E.

20 A pris ro relap im elder ro rej karel buruen jar eo bwe ren kajitōk Barabbas im mōn Jisōs.

21 Iroiĵ eo e uak im ba ñōn ir, Wōn lairro kom kōnan bwe in kōtlok ñōn kom? Re ba Barabbas.

22 Pailat e ba ñōn ir, Inem in it ñōn Jisōs, naetan Kraist? Ir otemĵej rej ba, Drebaill E.

23 Im iroiĵ ej ba, Bōta, ta eo enana E ar kōmōnmōne? A elaplok air lamij im ba, Drebaill E.

24 Ke Pailat ej lo bwe e ban aujo kin jabrewōt, a rej bar kalaplok air

keroro, ej bök dren, im amin pein iman jar eo, im ba, ejelok ruō kin dra'n armij in ewānik: ami wōt bebe.

Dut. 21. 6.

25 Inem armij otemĵej r'uak e im ba, dra'n eu buñōt kimuiĵ im ro nejim.

Dut. 19. 10. Jos. 2. 19. 2 Samucl 1. 16. 1 Kin 2. 32. Jerb. 5. 28.

26 Inem ej kōtlok Barabbas ñōn ir; a ej dreñlokwe Jisōs, im ketōk E bwe ren drebaill E.

Isa. 53. 5. Luk 23. 16, 24, 25.

27 Inem ro dri tōrinae an iroiĵ eo rej añinlok Jisōs ñōn iloan imōn iroiĵ, im kokweloktok jar an tōrinae otemĵej ñōn iben.

Mark 15. 16-21.

28 Im re jojen ballin im kaliborot E kin kobe ekilmir.

Luk 23. 11.

29 Im ke emwij air birōk belin käliliklik, rej likit e na ion bōran, im koba i pein aubijmarōñōn: im rej bukwelōlō iman mejen, im kajirere kake im ba, Yokwe Yuk! Kiñ an dri Ju ro.

Sam 69. 19. Isa. 53. 3.

30 Im re iyelok E, im bök koba, im dreñlokwe bōran.

Isa. 50. 6. Jap. 26. 67.

31 Im ke emwij air kajirere kake, rej bök kobe jen E, im bar kanuknuk E kin nuknuk ko Au, im añinlok E bwe ren drebaill E.

Isa. 53. 7.

32 Im ke rej driojlok rej lo juōn eman, dri Sairini, etan Saimōn: rej kamokokoik e bwe en inek Au dreball.

Mark 15. 21. Luk 23. 26. Hib. 13. 12.

33 Im ke rej itok ñōn juōn jikin etan Golgota, einwōt ñe rej ba, Jikiu lōt in bōr,

Mark 15. 22. Luk 23. 33. Jon 19. 17.

34 Rej lelok ñōn E dren emūñ ekāre kin dren in at bwe En Irak: im ke emwij An erjoñ E makoko in Irak.

Sam 69. 21. Jap. 27. 48.

35 Im ke emwij air drebaill E, rej



ajej nuknuk ko An kin juõn air kakõle.

Mark 15. 34. Luk 23. 34. Jon 19. 24. Sam 22. 18.

36 Im rej jijõt ijo im bar E:

37 Im rej likit na ilõfin bõran nan in kinaklok im je, E IN JISÕS KIÑ AN DRI JU RO.

Mark 15. 28. Luk 23. 38. Jon 19. 19.

38 Ilo ien eo rej dreball ruo dri koaroñ na iben: juõn i anbijmaroñõn, im juõn i anmifin.

Isa. 53. 12. Mark 15. 27. Luk 23. 32, 33. Jon 19. 18.

39 Im ro rej kijon E rej kajirere kake, im jibolul bõrair,

Sam 22. 7. & 109. 25. Mark 15. 29. Luk 23. 35.

40 Im ba, Kwe ne kwoj kokkure tempel, im bar kalek e iomin jilu ran, kwon mõke lomoroñm. Elañe kwe Nejin Anij, kwon tolõl jen dreball ne.

Jap. 26. 61-63. Jon 2. 19.

41 Bar einwõt pris ro relap rej kajirere kake, kab skraib ro im elder ro, im ba,

42 E ar lomoren armij ro jet, E ban mõke lomoren E. Kifin in Israel E; kiõ En to jen dreball eo, im kim naj tõmak E.

43 Ej liki Anij; elañe E kõnan E, kiõ En kötlok E; bwe E ar ba, Ña Nejin Anij.

Sam 22. 8.

44 Im bareinwõt dri koaroñ ro, ar dreball irro na iben ein drein air kajirere kake E.

Mark 15. 32. Luk 23. 30.

45 Kiõ jen joñoul im ruo auõ ñõn jilu auõ, e marok lon aolepen ene eo.

Amos 8. 9. Mark 15. 33. Luk 23. 44.

46 Im ke e nañin jilu auõ Jisõs ej lamij im elap ainiken, im ba, Eli, Eli, lama sabaktani! Eluwõt ba, Aõ Anij, Aõ Anij, etke Kw'ar illok jen Iõ?

Hib. 5. 7. Sam 22. 1.

47 Jet lan ro rej jutõk ijo, ke rej roñjaki, re ba, Armij in ej kir Elaia.

48 Im emõkõj an juõn lair etõr, im bõk mõtmõt, im katulok e ilo

dren emañ, im likit e na iman koba, im lelok ñõn E bwe En Irak. Sam 69. 21. Mark 15. 36. Luk 23. 36. Jon 19. 29.

49 Ro jet re ba, En berwõt, jen lo elañe Elaia e naj iten lomoren ke, jab ke.

50 Im Jisõs ej bar lamij, im elap ainiken im E mij.

Mark 15. 37. Luk 23. 46.

51 Im lo, rõfiel nuknuk in tempel eo e botõk im ruo mõtõn, jeu lõñ ñõn lõl: im lõl e makõtkit, im ejman ko re rup:

Eka. 26. 31. 2 Kron. 3. 14. Mark 15. 38. Luk 23. 45.

52 Im lüp ko rebellok; im elõñ ubõn ro remõn r'ar kiki rej jerkakbiji,

53 Im waloktok jen lüp ko elikin An Jerkakbiji im rej ilok ñõn jikin kwelok eo ekwojarjar, im weãktok ñõn elõñ armij.

54 Im ke senturiõn, im ro rej ber iben im bare Jisõs, rej lo an lõl makõtkit, im men ko emwij kõmõni, elap air lelõñõ, im rej ba, Emol E in Nejin Anij.

Mark 15. 39. Luk 23. 47.

55 Im elõñ kõra rej ber ijo etolok im loe, ro r'ar lor Jisõs jen Galili, im jerbak ñõn E.

Luk 8. 2, 3.

56 Jet lan limaro, Meri Magdalini, im Meri jinen Jemes im Joses, im jinen ro nejin Zebedi.

Mark 15. 40.

57 Ke ejota, ej itok juõn armij dri Arimatia, e dri mwele, etan Josep im e dri kaloran Jisõs:

Mark 15. 42. Luk 23. 50. Jon 19. 38.

58 Ej itok ñõn iben Pailat im kajitõk ubõn Jisõs. Inem Pailat ej jiroñ bwe ren lelok.

59 Im Josep ej bõk ubõn im kiti-mi na ilo nuknuk linen im erreõ,

60 Im likit e na ilo lüp eo lüpõn im ekäl, me e kar jekjek ilo dreka: im ej karebillok juõn ejman elap na ilo aur in lüpõn im illok.

Isa. 53. 9.

61 Im Meri Magdalini ej ber ijo, im Meri eo juõn, im rejro jijõt iki-jen lüp eo.

62 Im ran eo ilju, ran ilokön ran iu kapojök, pris ro relap im Parisi ro rej kweloklok ñön iben Pailat,

63 Im ba, Iroi, kim kememej an leo dri mon eo ba, ke E ar mour, Ilokön jilu ran I naj jerkakbiji.

jap. 16. 21. & 17. 23. & 20. 19. & 26. 61. Mark 8. 31. & 10. 34. Luk 9. 22. & 18. 33. & 24. 6, 7. Jon 2. 19.

64 Inem kwon jiroñ bwe ren kakuuj kabin lüp eo mae ilokön jilu ran, ñe r'ab dri kaloran itok im kwot E, im ba ñön armij ro, E jerkakbiji jen ro remij: im mon elikata e naj nana jen eo mokta.

65 Pailat e ba ñön ir, Eor dri bar ibemi: komin ilok im kabin e, einwöt ami marön.

66 Inem rej ilok, im kabin lüp eo, im sil ejman eo, im ro dri bar rej ibeir.

Dan. 6. 17.

### JAPTER 28.

**K**E ejmlok Sabat, im ej jino rantak ilo ran mokta ilo wik, Meri Magdalini im Meri eo juön, rejro itok bwe ren lo lüp eo.

Mark 16. 1. Luk 24. 1. Jon 20. 1.

2 Im lo, elap an löi makötkit; bwe enjel in Iroi, ej wönlöltak jen löñ, im itok im karebillok ejman eo im jljöt ion.

Mark 16. 5-8. Luk 24. 1-10. Jon 20. 12.

3 Mejen einwöt jarom, im balle eo an emouj einwöt sno;

Dan. 10. 6.

4 Im ro dri bar rej wurririr im einwöt ro remij, bwe rem'jök e.

5 Im enjel ej uak im ba ñön köra ro, Komin jab lelñoñ: bwe I jela komij bukot Jisös, eo ar dreball E.

6 E joko ijin; bwe E ar jerkakbiji, im einwöt An ba. Komin item lala iji jikin an Iroi ar babu.

jap. 12. 40.

7 Im komin jaröplok, im kennanek ro dri kaloran, Emwij An jerkakbiji jen ro remij; im lo E mököjlok jen kom ñön Galili; ijo kom naj lo E. Lo, emwij aö kennanek kom.

jap. 20. 32.

8 Im emököj air ilok jen lüp eo kin lelñoñ im löñliñ elap, im rej etör bwe ren kennanek ro dri kaloran.

9 Im lo, Jisös ej ion ir, im ba, Yokwe kom. Im rej item drebij neen, im kabuñ ñöu E.

Mark 16. 9. Jon 20. 14, 17.

10 Inem Jisös ej ba ñön ir, Komin ilem kennanek ro jätiö, bwe ren ilok ñön Galili, im ijo re naj lo Iö.

11 Im ke rej ilok, lo, jet lan ro dri bar rej itok ñön jikin kwelok, im kennanek pris ro relap men ko otemjej kömönmöni.

12 Im ke rej kweloklok iben elder ro, im emwij air bebe, rej lelok elöñ mönni ñön ro dri törinae,

13 Im ba, Komin ba, Ro dri kaloran r'ar itok ilo boñ, im kwot E ke kim ar kiki.

14 Im elañe iroi, eo e naj roñjake, kim naj karel e, im lomoremi.

15 Im rej bök mönni eo, im kömönmöni einwöt ar katakin ir: im ebuñbuñlok nan in iben dri Ju ro ñön ranin.

16 A joñoul im juön dri kaloran rej ilok ñön Galili, ñön tol eo ijo Jisös e ar ba ñön ir.

jap. 26. 32.

17 Im ke rej lo E, rej kabuñ ñön E; a jet re berre.

18 Im Jisös ej item konono ñön ir, im ba, Emwij letok ñön Iö kajur otemjej i löñ im i löi.

Dan. 7. 13, 14. jap. 11. 27. & 16. 28. Luk 1. 32. & 10. 22. Jon 3. 35. & 5. 22. & 13. 3. & 17. 2. Jerb. 2. 38. Rom 14. 9. 1 Kor. 15. 27. Ep. 1. 10, 21. Pil. 2. 9, 10. Hib. 1. 2. & 2. 8. 1 Pit. 3. 22.

19 Inem komin ilok, im kömön dri ailiñ ko otemjej bwe ren dri kalora, im baptais ir ilo etan Jema im Nejim im Jitöb Kwojarjar;

Mark 16. 15. Isa. 52. 10. Luk 24. 47. Jerb. 2. 39.

20 Im katakin ir bwe ren bokake nan ko otemjej I ar jiroñ kom: im lo, Ij ber ibemi ien otemjej ñön jemlokön löi.

# GOSPEL MARK E AR JE.

## JAPTER 1.

**J**INOIN gospel an Jisös Kraist Nejin Anij.

Mat. 14. 33.

2 Einwöt dri kanan Alsala e ar je, Lo, Ij jilkinlok dri jilika iman me-jöm, eo e naj kapojök am ial;

Mat. 3. 1. Mat. 11. 10. Luk 7. 27.

3 Ainiken juön ej lamij i ene jemaren im ba, Komin kapojök ial an Iroj, komin kajime ial ko An: Isa. 40. 3. Mat. 3. 1-11. Luk 3. 2-16. Jon 1. 15, 23.

4 Jon e ar itok im baptais i ene jemaren, im kwalok baptais eo an ukwelok kin julok jerawiwi ko.

Jon 3. 23.

5 Im solepen ene Judia r'ar ilok fiön iben, im dri Jerusalem otemjej, im ej baptais irulij ilo river Jordan, im rej kwalok jerawiwi ko air.

6 Im Jon ej balle kin nuknuk kolan kamel, im kabol ibin kin kañör killin kiru; im ej möña lokös ko im höne awia.

Leval 11. 22.

7 Im ej kwalok im ba, Eo e kajur jen lö ej battok jen fia, kworön ballin neen I betkake in barikrik im jelate.

Jon 1. 27. Jerb. 13. 25.

8 I ar baptais kom ilo dren; a E naj baptais kom ilo Jitöb Kwojarjar.

Jerb. 1. 5. & 2. 4.

9 Im ilo ran ko, Jisös e ar itok jen Nazeret i Galili, im Jon e ar baptais E ilo Jordan.

Mat. 3. 13-17. Luk 3. 21.

10 Im kiökiö Ej ato jen dren im lo löñ emjallok, im Jitöb einwöt muli Ej kälöltok ion:

Jon 1. 32.

11 Im ainiken ej itok jen löñ, im

ba, Kwe Nejiö Jitenburu iba, Ij mönönö kake Yuk.

Sam 2. 7. Jap. 9. 7.

12 Im e jabrumij an Jitöb jilkinlok E fiön ene jemaren.

Mat. 4. 1-11. Luk 4. 1-13.

13 Im Ej ber i ene jemaren iomin eñoul ran im Setan ej kabo E; im Ej ber iben kiru ko r'awia: im enjel ro rej jermal fiön E.

14 Im elikin ketök Jon, Jisös ej itok ilo Galili, im kwalok gospel an aillñ in Anij,

Mat. 4. 12, 23.

15 Im ba, Ejejit ien, im ebak aillñ in Anij: komin ukwelok ibemi, im tömak ilo gospel.

Dan. 9. 25. Gal. 4. 4. Ep. 1. 10. Mat. 3. 2. & 4. 17.

16 Im ke Ej etetal iturin lomalo in Galili, Ej lo Salmön im Andru jätin Salmön rej dror ok i lojit; bwe dri añwör irro.

Mat. 4. 18-22. Luk 5. 4-11.

17 Im Jisös e ba fiön ir, Komin iten lor Iö, im I naj likit kom dri añwör armij.

18 Im emököj air ilok jen ok ko air, im lor E.

Mat. 19. 27.

19 Im ke emwij An ilok jirik jen Ijo, Ej lo Jemes nejin Zebedi, im Jon jätin, rej bareinwöt ilo wa im kanori ok ko.

20 Im emököj An kirtok irro: im rej likit jemeir Zebedi ilo wa eo iben ro dri jermal, im rejro ilem lor E.

21 Im rej dreloñ iloan Kaperneum, im emököj ilo ran Sabat Ej dreloñ iloan imön kwelok eo, im katakin.

Mat. 4. 13. Luk 4. 31-37.

22 Im re bwilöñ kin An nan in

katak; bwe Ej katakin ir einwöt iroi, im jab einwöt skraib ro.

Mat. 7. 28.

23 Im juðn eman ej ber iloan imðn kwelok eo air, im jitðb ðtton ej miok na enbwini; im ej lamij,

Luk 4. 33.

24 Im ba, Ta eo ibem im ibðm, kwe Jisðs dri Nazeret? Kwoj iten kokkure kim ke? IJ killi Yuk, Dri Kwojarjar an Anij.

Mat. 8. 29.

25 Im Jisðs ej kowe e, im ba, Kwon lkðñ, im ilok jen e.

26 Im ke emwij an jitðb ðtton kekel e, im lamij im elap alniken, ej jutðklok jen e.

Jap. 9. 20.

27 Im ir otemjej re bwilðñ, bwe rej kajitðk iben dron, im ba, Ta men in? Nan in katak ekål! bwe kin an iroi Ej jiroñ jitðb ðtton ro, im rej bokake E.

28 Im emðkøj An buñbuñlok ijo ko otemjej i aolepen ene Galili iturin.

29 Im kiðkið, ke emwij air drioi, lok jen imðn kwelok eo, rej dreloñ iloan imðn Salmðn im Andru, iben Jemes im Jon.

Mat. 8. 14. Luk 4. 38.

30 A jilben Saimðn ej babu enañinmij kin bwil; im emðkøj air ba ñðn E kin e.

31 Im Ej itok im kapjere peju, im kejerkak e; im nañlumij in bwil ej ilok jen e, im lio ej jermal ñðn ir.

32 Im ejota, ke etulok al, rej bðk-tok ñðn E ro otemjej re nañinmij, im ro dimon r'ar miok na enbwini.

Mat. 8. 16. Luk 4. 40.

33 Im dri jikin kwelok otemjej r'ar mattok ñðn iturin kejem.

34 Im Ej kemour elðñ ro re nañinmij kin jabrewõt nañinmij, im kajutðklok elðñ dimon; im Ej boprae an dimon ro konono, bwe re kil E.

Jap. 3. 12. Luk 4. 41.

35 Im ke ilju Ej jerkak eto jen rantak, im drioi, im ilok ñðn ene jemaren, im Ej jar ie.

Luk 4. 42-44.

36 Im Salmðn im ro iben rej ilok i lokðulok.

37 Im ke emwij air lo E, re ba ñðn E, Ir otemjej rej kabukot Yuk.

38 Im E ba ñðu ir, Jen ilok ñðu jikin kwelok kðu rebak, bwe In bareinwõt kwalok ijo ko; bwe kin men in I ar itok.

Isa. 61. 1. Jon 18. 28. & 17. 4.

39 Im Ej dreloñ iloan imðn kwelok ko air i aolepen Galili, im kwalok im kajutðklok dimon røn.

Mat. 4. 23.

40 Im ej itok juðn leper ñðn iben im akwelap ñðn E, im bukwelðlð ñðn E, im ba ñðn E, Elañe Kwo kðuan, Kwoj maroñ in karreo ið.

Mat. 8. 2. Luk 6. 12-15.

41 Im kin An tirlamo, Ej erlokwe pein, im uñire, im ba ñðn e, I kðnan; kwon erreu.

42 Im ejabrunij an nañinmij in leper eo ilok jen e, im ej erreu.

43 Im elap An kowe e, im emðkøj An jilkinlok e,

44 Im E ba ñðn e, Lale bwe kwon jab kennanek jabrewõt armij: a kwon ilok, kwon mðke kwalok yuk ñðn pris eo, im lelok men ko Moses e ar jiroñ kin karreo yuk, kin kennan ñðn ir.

Levat 14. 8. 4. 10.

45 A e drioi, lok, im jino elap an kennan, im kabuñbuñlok men eo: kin men in Jisðs e ban dreloñ alikar iloan jikin kwelok, a Ej ber i ene jemaren ko, im armij rej itok ñðn E jen ijo ko otemjej.

Jap. 2. 13.

## JAPTER 2.

**I**M elikin jet ran Ej bar dreloñ iloan Kaperneum, im e buñbuñ bwe Ej ber iloan im.

Mat. 9. 1-8. Luk 5. 17.

2 Im elðñ emðkøj air kweloklok, im ejelok jikir ijo ak iturin kejem: im Ej ba ñðn ir nan eo.

8 Im rej itok ñðn E, im bðktok juðn armij e akā, emen ro rej bðk-tok.

4 Im ke re ban kebak E kin elap jar eo, rej kebellok mðtðn kejenwan

ikijen ijo Ej ber ie: im ke enwij air rupe, rej katolōltak kinien leo e akā ej babu ion.

5 Ke Jisōs ej lo air tōmak, E ba ñōn leo e akā, Nejiō, ejoko jera-wiwi ko am.

6 A jet lan skraib ro rej jijōt ijo, rej lemnok ilo burueir,

7 Etke armij in ej ba ein drein? Fj blasplm: wōn ej maroñ in jeorilok jerawiwi ko, a Anij wōt?

Job 14. 4. Isa. 43. 25.

8 Im emōkōj, ke Jisōs e jela ilo an bwe ein drein air lemnok iloir, E ba ñōn ir, Etke komij lemnok men kein ilo buruemi?

9 Ewi lairro emōra in ba ñōn leo e akā, Ejoko jerawiwi ko am; ak Kwou jerkak im bōk kiniōm im etal?

10 A bwe komin jela bwe Nejin armij e maroñ in jeorilok jerawiwi ko ion lōl, (E ba ñōn leo e akā.)

11 Ij ba ñōn yuk, Kwou jerkak, im bōk kiniōm, im ilok ñōn mweo imōm.

12 Im emōkōj an jerkak, im bōk kinien, im drioiylok iman mejeir otemfej: Inem ir otemfej re bwilōñ, im wjstake Anij, im ba, Kim ar jab loe im einwōt in mokta.

13 Im Ej bar etal ñōn iturin lojit: im aolepen jar eo rej kweloklok ñōn iben, im Ej katakin ir.

14 Im ke Ej kijone, Ej lo Lival nejin Alpiōs ej jijōt ilo jikin tel owōj, im E ba ñōn e, Kwou lor Iō. Im e jutōk im lor E.

Mat. 9. 9-13. Luk 5. 27-32.

15 Im ke Jisōs ej jiberak im mōña iloan mweo imōn, elōñ dri tel owōj im dri jerawiwi rej jimor jiberak iben Jisōs im ro dri kaloran; bwe relōñ, im rej lor E.

16 Im ke skraib ro im Parisi ro rej lo An mōña iben ro dri tel owōj im dri jerawiwi, re ba ñōn ro dri kaloran, Ej mōña im Irak iben dri tel owōj im dri jerawiwi rōn.

17 Im ke Jisōs ej roñjake, E ba ñōn ir, Ro re jab nassinwij re jab alkwiw dru uno, a ro re nañiumij

wōt. I ar jab iten kirtok ro remōn, a ro renana.

Mat. 18. 11. Luk 19. 10. 1 Tim. 1. 15.

18 Im ro dri kaloran Jon im Parisi ro r'ar jitlok: im rej item ba ñōn E; Etke ro dri kaloran Jon im ro dri kaloram Parisi rōn rej jitlok, a ro dri kaloram re jab jitlok?

Mat. 9. 14. Luk 5. 33.

19 Im Jisōs e ba ñōn ir, Ro jeran eo ej belele rej jitlok ke leo ej ber ibeir ke? toñn wōt ke leo ej ber ibeir re ban jitlok.

20 A ran ko re naj itok ñe naj bōklok leo jen ibeir, inem re naj jitlok ilo ran eo.

21 Im ejelok armij ej keke nuk-nuk e jañin jin na ilo nuknuk emor; elañe einwōt, mōtōn nuk-nuk eo ekāl, im ar karbin kake, ej kekel nuknuk eo emor, im enanalok an blotōk.

22 Im ejelok armij ej eteñ wain ekāl na ilo bōkā kilin kiru remor; elañe einwōt wain eo ekāl ej rupe bōkā ko, im ejoko wain kab bōkā ko: a rej eteñ wain ekāl na ilo bōkā rekāl.

23 Im Ej etal ilo jikin kallip korn ko ilo ran Sabat; im dri kaloran ke rej etal, re jino air loti leen korn.

Mat. 12. 1-8. Luk 6. 1-11. Dut. 23. 25.

24 Im Parisi ro re ba ñōn E, Lo, etke rej kōmōn men eo emo ilo rau Sabat?

25 Im E ba ñōn ir, Kom ar jab konono ilo Buk ke ta eo Devid e ar kōmōn ke ej alkwiw im kwulī, e im ro r'ar ber iben?

1 Samuel 21. 6.

26 Ekijkan an dreloñ iloan imōn Anij ke Abaletar ej pris laplap, im e ar mōña bred in kalikar emo bwe en mōña, a pris ro wōt, im e ar lelok ñōn ro rej ber iben?

Eks. 29. 32, 33. Levai 24. 9.

27 Im E ba ñōn ir, Sabat ar kōmōne ñōn armij rōu, im jab armij ñōn Sabat:

28 Inem Nejin armij Ej Iroj in Sabat.

Mat. 12. 8.

## JAPTER 3.

**I**M Ej bar dreloñ iloan imõn kwe-  
lok; im juõn eman ej ber ie,  
emõra pein.

Mat. 12. 9-14. Luk 6. 6-11.

2 Im rej kejar E, elañe E naj ke-  
mour e ilo ran Sabat; bwe ren  
kinaklok E.

3 Im E ba ñõn armij emõra pein,  
Kwon jutõk ilo bwillj.

4 Im E ba ñõn ir, Emellm ke kõ-  
mõnmõn emõn ilo Sabat ko, ak  
kõmõnmõn naua? kemour ke, ak  
mõn? A rej ikõñ.

5 Im ke Ej reilok ñõn ir kin illu,  
bwe Ej buromõj kin an bin burueir,  
Ej ba ñõn armij eo, Kwon erlokwe  
peõm. Im ej erlokwe; im pein  
emour im einwõt pein eo juõn.

6 Im Parisi ro rej drioijlok, im  
emõkõj air bebe iben ro dron Herod  
kin E, e naj kijkan air mõn E.

Mat. 22. 16.

7 Im Jisõs kab ro dri kaloran ej  
ilok ñõn iturin lomalo: im elap jar  
eo rej lor E jen Galili: im jenu  
Judia,

Luk 6. 17.

8 Im jen Jerusalem, im jen Aldu-  
mia, im jen rear in Jordan, im jen  
iturin Tair im Saidõn, jar eo e ka-  
nuif lap, ke emwij air rõnjake men  
ko relap E ar kõmõni, rej itok ñõn  
iben.

9 Im E ba ñõn ro dri kaloran, bwe  
en juõn wa erik iben, kin an lap  
jar eo, bwe ren jab kobaj E.

10 Bwe E ar kemour elõñ; kin  
men eo jabrewõt ro re nasinnij rej  
irerelok ñõn E bwe ren unir E.

11 Im jitõb õtton ro, ke rej lo E,  
re buñ iman mejen, im lamij, im ba,  
Kwe Nejin Anij.

Jap. 1. 23. Luk 4. 41. Mat. 14. 33. Jap. 1. 1.

12 Im elap An kowe ir bwe ren  
jab kajelaik armij kin E.

Mat. 12. 10. Jap. 1. 25, 34.

13 Im Ej wõnliflok ion tol eo, im  
Ej kirtok ro E kõnan; im rej itok  
ñõn iben.

Mat. 10. 1. Luk 6. 12. & 9. 1.

14 Im Ej likit jõõnoul im ruo bwe

ren ber iben, im bwe En jilkinok  
ir bwe ren kwalok,

15 Im bwe ren maroñ in kajutõk-  
lok dimon ro.

16 Im Ej naetan Saimõn ãtkålen  
Piter;

Jon 1. 42.

17 Im Jemes nejin Zebedi im Jon  
jåtin Jemes; im Ej naetairro ãtkå-  
len Boanerjis, einwõt ro nejin  
jorur:

18 Im Andru, im Pillip, im Barto-  
lomu, im Matu, im Tomas, im  
Jemes nejin Alpiõs, im Tadiõs, im  
Saimõn dri Kena,

19 Im Judas Iskariõt, eo ej ketõk  
E: im rej dreloñ iloan juõn im.

20 Im jar eo rej bar kweloklok;  
inem re jab maroñ in mõña bred.

Jap. 6. 31.

21 Im ke ro nukiu rej roñjake, re  
drioijlok bwe ren jibwe E; bwe re  
ba Ej uriekak.

Jon 7. 5. & 10. 20.

22 Im skraib ro r'ar wõnlõltak jen  
Jerusalem, re ba, Beelzebub ej ber  
iben, im Ej kajutõklok dimon ro  
kin iroiñ in dimon ro.

Mat. 9. 34. & 10. 25. Luk 11. 15. Jon 7. 20. &  
8. 48, 52. & 10. 20.

23 Im Ej kirtok ir, im ba ñõn ir  
ilo parebõl ko, Ekijkan an Setan  
maroñ in kajutõklok Setan?

Mat. 12. 25-29.

24 Im elañe ailif e jibil jimõtõn  
jumae jimõtõn, ailif eo e jamin  
berwõt.

25 Im elañe inu ej jibil jimõtõn  
jumae jimõtõn, mweo e ban ber-  
wõt.

26 Im elañe Setan ej mõke jutõk  
jumae e im e jibil, e ban ber im ju-  
tõk, a e naj joko.

27 Ejelok armij e maroñ dreloñ  
iloan mweo imõn eo e kajur, im ra-  
kini men ko mwelen, elañe e jab  
lukwõj leo e kajur mokta; inema e  
naj rakini mweo imõn.

Isa. 49. 24.

28 Emol Ij ba ñõn kom, Jerawiwi  
otemnej naj jeorlok jen ro uejin ar-  
mij rõn, im jabrewõt blaspm ko re  
naj blaspm kaki;

Mat. 12. 31. Luk 12. 10.

29 A jabrewōt eo e naj blaspin nae Jitōb Kwojarjar, E jamin jeorlok an jerawiwi, a eor ruōn in drlo.

30 Bwe r'ar ba, Jitōb ōtton ej ber iben.

31 Inem ro jātīn im jinen rej itok, im, ke rej jutōk inabij, rej jilīklok ñōn E, im kir E.

Mat. 12. 46-50. Luk 8. 19-21.

32 Im jar eo rej jijōt iturin, im re ba ñōn E, Lo, jinōm im ro jātōm rej inabij im kabukot Yuk.

33 Im E uak ir, im ba, Wōn jinō, ak jātīō man rōn?

34 Im Ej rellok ñōn ro rej lajerōk iturin, im ba, Lo, jinō im ro jātīō man.

35 Bwe eo ej kōmōnmōn ankil an Anij, e in jātīō man im kōra, im jinō.

#### JAPTER 4.

**I**M Ej bar jino An katakin iturin lojit. Im elap jareo rej kweloklok ñōn iben, inem Ej uwe ion wa, im jijōt ilo lojit; im aolepen jar eo rej ber iturin lojit ion ene.

Mat. 13. 1-15. Luk 8. 4-10.

2 Im Ej katakin ir men ko relōñ ilo parebōl ko, im E ba ñōn ir ilo An katakin,

jav. 12. 38.

3 Komin roñjake: lo, dri jeor e ar llen jeor.

4 Im ke ej jeor, jet ine rej buñōt iturin ial, im bao in mejatoto rej kātēm kōñi.

5 Im jet re buñōt ijo erkāke, ijo erik brij ie; im emōkōj an edrek, bwe ebijbrij brij;

6 Ak ke ej lolli al e kejeeke; im bwe ejelok okran ej aimirlok.

7 Im jet re buñōt ilo bwiljin kāliklik ko, im kāliklik ko rej edrek, im koutameki, im e jab jebar leen.

8 Im bar jet re buñōt ion brij emōn, im jebar leen, ej edrek im laplok, im jebar jilñoul kin juōn, im jiljinoñoul kin juōn, im jibuki kin juōn.

Jon 15. 5. Kol. 1. 6.

9 Im E ba ñōu ir, Eo eor lojllifin bwe en roñjake en roñflokjen.

10 Im ke Ej mōke ian, ro rej ber iturin kab joñoul im ruo, rej kajitōk iben kin parebōl ko.

11 Im E ba ñōn ir, emwij lewoj ñōn kom bwe komin jela men eo etino an allifñ in Anij; a ñōn ro elikin, kōmōnmōn men ko otemjej ilo parebōl ko.

1 Kor. 5. 12. Kol. 4. 5. 1 Tes. 4. 12. 1 Tim. 3. 7.

12 Bwe ñe rej loe, ren loe im jaje kake; im ñe rej roñ ren roñjake, im jab melele; ñe r'ab ukōt burueir, im naj joko jerawiwi ko air.

Iša. 6. 9. Mat. 13. 14. Luk 8. 10.

13 Im E ba ñōn ir, Kom jab jela parebōl iu ke? e naj kijkan ami jela wan jōñok otemjej?

14 Dri jeor eo ej jeor nan.

Mat. 13. 18-23. Luk 8. 11-15.

15 Im rein ro rej ber iturin ial, ijo jeor nan ie; im ke r'ar roñjake, emōkōj an Setan itok im bōklok nan eo ar jeor na ilo burueir.

16 Im ein drein rein ro ar jeor ijo erkāke; ke r'ar roñjake nan, emōkōj air bōke, im ebuñburueir;

17 Im ejelok okrair ilo ir, a jirik wōt ien air niknik; inem ñe jorran ak matōrtōr ej walok kin nan, emōkōj air tibñil.

18 Im bar jet ro jeor ilo kāliklik ko; rein ro r'ar roñjake nan;

19 Im inebata ko au lōl in, im mon an mweluk ko, im mōmkake men ko jet, rej dreloñ im koutameik nan, im e jab jebar leen.

1 Tim. 6. 9, 17.

20 Im ro ar jeor ion brij emōn; ro rej roñ nan, im bōk e, im jebar leir, juōn jilñoul, juōn jiljinoñoul, im juōn jibuki.

21 Im E ba ñōn ir, Rej bōktok lamp, bwe ren likit e iomin jābi, ak iomin bed, im jab likit e iou jikin lamp ke?

Mat. 5. 15. Luk 8. 16. & 11. 33.

22 Bwe ejelok men in nojōk, elañe jab bwe en alikar; ak ejelok men in kalibubu a bwe en waloklok.

Mat. 10. 26. Luk 12. 2.

23 Im elañe jabrewōt armij eor

lojitiñin bwe en roñjake, en roñlok-jen.

Mat. 11. 15.

24 Im E ba ñòn ir, Komin lale ta eo komij roñjake. Joñok eo komij joñok kake, naj bar joñok ñòn kom; im naj koorlok lewoj ñòn kom.

Mat. 7. 2.

25 Bwe eo eor iben, naj lelok ñòn e; im eo ejelok iben, naj bök men eo an jen e.

Mat. 13. 12.

26 Im E ba, Ein ailiñ in Anij drein, einwöt elañe armij ej kallip ine ilo brlj;

Mat. 13. 24.

27 Im ej kiki im jerkak boñ im ran, im ine ej edrek im laplok, e jaje kijkan.

28 Bwe löl ej kalle möke ian, mokta bwilik, inem leen, tokelik leen ekalo.

29 A ñe leen ekalo emököj an bukwe kin sikel, bwe ien marmir emwij an itok.

Rev. 14. 15.

30 Im E ba, E naj kijkan am kajeoñwe ailiñ in Anij? ak kim naj kallikar e kin pareböl öt?

Mat. 13. 31. Luk 13. 18.

31 Ej einwöt ine in mustad, eo, ñe jeor ilo brij meñe erik jen ine otemjej ion löl;

32 A ñe emwij jeor ej edrek, im laplok jen mär otemjej, im ej edrek ra im elap; inem bao in mejatoto rej babu ilo lurin.

33 Im kin elöñ pareböl im einwöt Ej ba nan eo ñòn ir, einwöt air marön in roñjaki.

Mat. 13. 34. Jon 16. 12.

34 A ñe ejelok pareböl E jab konoño ñòn ir; ñe rej mökelok lair Ej kemeleleik men otemjej ñön ro dri kaloran.

35 Im ilo ran eo, ke ejota, Ej ba ñòn ir, Jen ilok ñòn lomalo jab uweo.

Mat. 8. 18, 23. Luk 8. 22.

36 Im rej ilok jen jar eo, im ektök E wöt ke Ej ber i wa. Im bar jet wa iben.

37 Im e buñ fiöt, im no ko rej jur ion wa eo, inem elöñ.

38 Im Ej ber i lokön wa eo, im kiki ion biten; im rej kworuj E, im ba nou E, Dri Kaki, kwo jab lem-nok kin am joko ke?

39 Im Ej jerkak im kowe köto, im ba ñòn lomalo, Kwon jab maköt-kit, kwon lur. Im köto e joko, im elap lur.

40 Im E ba ñòn ir, Etke komij lelñöñ im einwöt? Kom jafin tö mak ke?

41 Im elap air mijök im ba ñòn dron, Wön armij in bwe köto im lojit rej bokake E?

#### JAPTER 5.

**I**M rej itok ñòn lomalo jab uweo ñön eneo an dri Gerasa.

Mat. 8. 28. Luk 8. 28.

2 Im ke Ej to jen wa eo, emököj an juön armij ion E jen wuliej ko, im jitöb ötton miok na eubwinin;

3 Ej jokwe ilo wuliej ko, im ejelok armij e maroñ in liabe jab kin tomere;

4 Bwe elöñ alen air liabe kin feter ko im tomere ko, im tomere ko e ar mijköki, im feter ko e ar rupi: im ejelok armij e maroñ bwe en kawleik e.

5 Im ien otemjej, boñ im rau, ion tol ko im ilo wuliej ko, ej lamij im möke bukwe kin dreka ko.

6 A ke ej lo Jisö's etolok ej etör im kabuñ ñön E;

7 Im ej lamij kin elap aiuken, im ba, Ta iböm in iba, Kwe Jisö's Nejin Anij eutiejtata? Ij kauöjnij ñön Yuk kin Anij, Kwon jab kaññtan lö.

8 Bwe E ar ba ñòn e, Kwon jutöklok jen armij ne, kwe jitöb ötton.

9 Im Ej kajitök iben, Etöm? Im e uak in ba, Eta Lijön; bwe kim löñ.

10 Im elap an akwelap ñön E, bwe Eu jab jilkinlok ir jen eneo.

11 Im ljo ion tol eo, bwijiu pig elap rej möña.

12 Im dimou ro otemjej rej akwe-



lap ñõn E, Kwon jilkiulok kin ñõu ilouan pig ko, bwe kimin dreloñ ilo ir.

13 Im Ej kötlok ir. Im jítõb õ-ton ro rej jutõklok, im dreloñ ilouan pig ko; im bwijin pig ko rej kanuij etõrlõllok ljo ej rimili ñõn lojit, orair enañin ruo tausãn, im rej malõñ i lojit.

14 Im ro rej najirik pig ko re ko, im kennanek ro rej ber ilo jikin kwelok eo, im ilujen eneo. Im rej ilok bwe ren lo men eo emwij kõmõumõne.

15 Im rej itok ñõn iben Jisõs, im lo eo dimon e kar miok na enbwiniu, im Lijiõn e kar iben, im ej jijõt, im eor nuknuk ko an, im ejoko au urlekãk: im rej lelñõñ.

16 Im ro r'ar loe rej kennanek ir, kijkan leo dimon e kar miok na enbwiniu, im kin pig ko.

17 Im rej jino air akwelap ñõn E, bwe En ilok jen eneo eneir.

Mat. 8. 34. Jerb. 18. 39.

18 Im ke Ej uwe ion wa, eo dimon e kar miok na enbwiniu, ej akwelap ñõu E bwe en ber iben.

Luk 8. 38.

19 Im Jisõs ej bõprae e, im E ba ñõn e, Kwon ilok ñõn mwẽo imõm iben ro nukum, im kennanek ir men ko relap an Irojĩ kõmõni ñõu yuk, im kijkan An tirlamokake yuk.

20 Im ej ilok im kabuñbuñlok i Dekapolis men ko relap Jisõs e ar kõmõni ñõn e; im ir otemjej re bwilõñ.

21 Im ke emwij an Jisõs bar elã ñõn lomalo jab uweo kin wa eo, elõñ armij rej kweloklok ñõu iben: im Ej ebak ñõn lojit.

Mat. 9. 1. Luk 8. 40.

22 Im lo, juõn ian dri lale imõn kwelok ej itok ñõu iben, etan Jai-rõs; ke ej loe, ej buñ na ituriu neen,

Mat. 9. 18-26. Luk 8. 41-56.

23 Im elap an jar im akwelap ñõn E, im ba, Nejiõ ledrik ej nañinmij wõt jirik: Kwon item likit peõm na ion, bwe en joko au nañinuij, im en mour.

24 Im Jisõs ej ilok ibenlok: im elõñ armij rej lor E, im kobaj E.

25 Im juõn kõra, bõtõktõkin etor-lok iomin joñoul im ruo yiõ,

Levai 15. 25.

26 Im elap an iñtan kin elõñ dru uno, im e ar aji inweien otemjej, im e jab mourlok, a ej drorõllok,

27 Ke e ar roñ kin Jisõs, ej itok ilo bwiljin jar eo ilokõn, im uñir kobe eo An.

28 Bwe e ba, Elañe I naj uñir wõt jirik nuknuk ko An, I naj mour.

29 Im emõkõj an mõra uniu bõtõktõkin; im ej iñjake ilo enbwiniu bwe ej mour jen nañinmij eo an.

30 Im Jisõs, emõkõj An jela ilouan, bwe kajur e ar ilok jen E, Ej oktõk ilo bwiljin armij, im ba, Wõu e ar uñir nuknuk ko Aõ?

Luk 6. 19.

31 Im dri kaloran re ba ñõn E, Kwoj lo elõñ armij rej kobaj Yuk, im Kwoj ba ke, Wõn e ar uñir Iõ?

32 Im Ej reilok bwe En lo ilo e ar kõmõn men in.

33 A kõra eo ej lelñõn im wuririr, bwe e jela ta eo emwij kõmõue ilouan, ej itok im buñ iman mejen, im ba ñõn E aolepen mol.

34 Im E ba ñõn e, Nejiõ, am tõmak e ar kemour yuk; kwon ilok im ainemõu, im mour jen am nañinmij.

jap. 10. 52.

35 Im ke Ej konono, rej itok jen imõn dri lale imõn kwelok, im ba, Emij ledrik eo nejõm; etke kwoj kamõk wõt Dri Kaki ne?

Luk 8. 49.

36 A Jisõs ej kãbon nan eo rej ba, im E ba ñõn dri lale imõn kwelok, Kwon jab lelñõñ, kwon tõmak wõt.

37 Im E jab kötlok bwe armij ren lor E, a irjil wõt, Piter im Jemes im Jon, jãtin Jemes.

38 Im Ej itok ñõn imõn dri lale imõn kwelok, im Ej lo air iruij, im ro rej jõñ im limõ elap.

39 Im ke Ej dreloñ, E ba ñõn ir, Etke komij iruij im jõñ? ledrik ne e jab mij, a ej kiki.

Jon 11. 11.

40 Im rej kajirerekake. A ke em-wij An kadrioiſlok ir otemfej, Ej aſiin jemen im jinen ledrik eo, im ro rej ber iben, im dreloñ ñõn ijo ledrik ej babu ie.

Jerb. 9. 40.

41 Im Ej kapjere ledrik eo kin pein, im ba ñõn e, Talita kumi; ukotõn nan in, Ledrik, Ij ba ñõn yuk, kwon jerkak.

42 Im emõkõj an ledrik jerkak, im etal; bwe e ridtõn joñoul im ruo yiõ. Im rej bwilõñ kin elap bwilõñ.

43 Im elap An jiroñ ir bwe ejelok armij eu jela men iu; im Ej ba bwe ren lelok ñõn e bwe en mõña.

Mat. 8. 4. Jap. 3. 12.

### JAPTER 6.

**I**M Ej ilok jen ijo, im itok ñõn eneo An: im dri kalaran rej lor E.

Mat. 13. 54-58. Luk 4. 16.

2 Im ke Sabat ej itok, Ej jino an katakin iloan imõn kwelok; im elõñ ro rej roñjake re bwilõñ, im ba, jen ia men kein an armij in? im ta meletlet in ar lelok ñõn E, im ekij-kan Au kõmõnmõn men in bwilõñ kein kin pein?

Jon 6. 42.

3 Le in e jab karpenter, nejln Meri, jein Jemes im Joses im Judas im Saimõn ke? im ro jätln kõra re jab ber iber ke? Im re tibñil kin E.

Mat. 12. 46. Gal. 1. 19.

4 A Jisõs e ba ñõn ir, Rej nebar dri kanan, elaffe e jab ber i eneo an, iben ro nukin, im iloan mweo imõn.

Jon 4. 44.

5 Im ijo E ban kõmõn jabrewõt jermal ekajur, a Ej likit pein ion reiet ro re nañinmij, im kemour ir.

Jen. 19. 22. Jap. 9. 23.

6 Im Ej bwilõñ kin air jab tõniak. Im Ej itoitok ilo jikin kwelok ko redrik, im katakin.

Isa. 59. 16. Mat. 9. 35. Luk 13. 22.

7 Im Ej aſiñintok joñoul im ruo, im jino An jilkinlok ir ruo ian im ruo ian, im Ej lelok ñõn ir kajur ion jltõb õtton ro;

Mat. 10. 1. Jap. 3. 14. Luk 9. 1.

8 Im jiroñ ir bwe enjelok men ea rej bõk ibeir kin air etal, a jokwõn wõt; enjelok bõjo, enjelok bred, enjelok mõnui ilo air kãñõr;

9 A ren kõnõk ballin neir, im jab kõnõk ruo kobe.

Jerb. 12. 8.

10 Im E ba ñõn ir, Ijo jabrewõt komij dreloñ iloan im, komin ber ijo ñõn tereo komij ilok jen e.

Mat. 10. 11, 14.

11 Im jabrewõt eo e jamin bõk kom, im jab roñjake kom, ñe komij ilok jen ijo, komin jojen bõ-ñõlñõl lomin neimi bwe en men in kennan ñõn ir.

Jerb. 13. 51. & 18. 6.

12 Im rej ilok, im kwalok bwe armij ren ukwelok ibeir.

13 Im rej kajutõklok elõñ dimon, im kabit kin oil elõñ ro re nañinmij, im kemour ir.

Jem. 5. 14.

14 Im kiñ Herod ej roñ kin e; bwe ebuñbuñlok etan: im e ba, Jon dri baptais e ar jerkakbiji jen ro remij, im kin men in kajur kein rej jermal ilo E.

Mat. 14. 1-12. Luk 9. 7-9.

15 Bar jet re ba, E Elaija. Im bar jet re ba, E juõn dri kanan, im einwõt juõn ian dri kanan ro.

Mat. 16. 14. Jap. 8. 28.

16 A Herod, ke ej roñjake, e ba, E Jon eo I ar jõbbare: ej jerkakbiji jen ro remij.

Mat. 14. 2. Luk 3. 19.

17 Bwe Herod e mõke ar jiliklok im jibwe Jon, im liabe na iloan prisõn kin Herodias, beleu Pilip jein: bwe e ar belele iben.

18 Bwe Jon e ar ba ñõn Herod, E jab melim bwe kwon bõk lio beleu jeõm.

Levai 18. 16. & 20. 21.

19 Im Herodias e bãle, im kõnan mõn e; ak e bane:

20 Bwe Herod ej mijõk Jon, bwe e jela e armij ewãnik im kwojarjar, im ej kejbãrok e. Im ke ej roñjake ebluk au temuok; im e buñburucu ke ej roñjake.

Mat. 21. 28.

21 Im ke ej itok ran emõn, bwe ilo ran eo Herod e ar lotak ie, ej kõmõnmõn juõn kwojkwoj nõn an iroj jirik, im ro kapen laplap, im ro iroj in Galili;

Jen. 40. 20.

22 Im ke nejin Herodias, nejin kõra ej dreloñ, im eep, im kabuñ-buruen Herod im ro rej jiberak im mõña iben, kiñ eo e ba nõu jiroñ eo, Kwon kajitõk iba jabrewõt men eo kwo kõnake, im I naj lewoj nõn yuk.

23 Im ej kanõjniy nõn e, Jabrewõt eo kwoj kajitõk iba, I naj lewoj nõn yuk, elañe jibwilkwõn ailñ eo aõ.

Est. 5. 3. 6. & 7. 2.

24 Im lio ej ilok, im kajitõk iben jinen, Ta eo in kajitõk? Im e ba, Bõran Jon dri baptals.

25 Im kiõkiõ ej mõkõjtok im dreloñ nõn iben kiñ eo, im kajitõk, im ba, I kõnan bwe kwon letok nõn iõ kiõlok iloan jåbe, bõran Jon dri baptals.

26 Im kiñ e kanuij buromõj kake; a kin an kanõjniy, im kiu ro rej jiberak im mõña, e jab kõnan ba nõn ilo, Jab.

27 Im emõkõj an kiñ jilkinlok juõn dr'iri, im jiroñ bwe en bõktok bõran: im ej ilok im jõbbare ua iloan prisõn,

28 Im bõktok bõran ilo jåbe, im lelok nõn jiroñ eo; im jiroñ eo ej lelok nõn jinen.

29 Im ke dri kaloran rej roñjake, rej item bõk ubõn, im likit e iloan lûp.

30 Im dri kaloran rej kweloklok nõn iben Jisõs, im kennanek E men otemjej men ko r'ar kõmõni, im men ko r'ar katakin.

Luk 9. 10.

31 Im E ba nõn ir, Komin mõke wõt im itok nõn ene jemaren, im kakije jirik ien: bwe elõñ ro rej itok im ilok, im ejelok ien air mõña.

Mat. 14. 13. jap. 3. 20.

32 Im rej ilok nõn ene jemaren kin wa, im mõkelok iair.

33 Im armij ròn rej lo air ilok, im elõñ rej kili ir, im rej etõr nõn ijo jen jikin kwelok otemjej, im mõkõjlok jen ir.

34 Im Ej itok im lo jar elap, im Ej tiriamokake ir, bwe ir einwõt õip ko ñe ejelok air õeperd: im Ej jino An katakin ir men ko relõñ.

Mat. 9. 36. & 14. 14-21. Luk 9. 11-17.

35 Im ke e nañin jemlok ran, dri kaloran rej itok nõn iben, im ba, Ijin ene jemaren, im kiõ e nañin boñ;

36 Kwon jilkinlok ir, bwe ren ilok nõn ene im jikin kwelok ko redrik iturin, bwe ren wiaik kijeir.

37 A Ej uak im ba nõn ir, Komin lelok nõn ir bwe ren mõña. Im re ba nõn E, Kimin ilok ke, im wiaik bred kin rubukl õillilñ, im lelok nõn ir bwe ren mõña?

Bwin. 11. 13, 22. 2 Kin 4. 43.

38 E ba nõn ir, Jete ion bred ibemí? komin ilem loe. Im ke re jela, re ba, Lailim, im ruo iik.

Jon 6. 9. Mat. 15. 34. jap. 8. 5.

39 Im Ej jiroñ ir, bwe ren kajijõt im kilajrõk ir ion ujoj enaroro.

40 Im rej jijõt ilo jar ko jibukl, im ilo jar ko limñoul.

41 Im Ej bõk lailim ion bred im ruo iik, im ejer nõn lõñ, im jar, im ruji ion bred ko, im lelok nõn ro dri kaloran bwe ren likit imair; im ruo iik Ej ajej nõn ir otemjej.

1 Samuel 9. 13. Mat. 26. 26.

42 Im ir otemjelok rej mõña im mät.

43 Im rej äti joñoul im ruo iep relõñ kin mätiir im iik ko.

44 Im ro rej mõña ion bred ko, limrep man.

45 Im emõkõj An jiroñ ro dri kaloran bwe ren uwe ion wa, im ilok mokta nõn lomalo jab uweo, nõn Betsaida, ke Ej jilkinlok jar eo.

Mat. 14. 22-36. Jon 6. 15-21.

46 Im ke emwij An jilkinlok ir, Ej ilok nõn juõn tol bwe Eu jar.

47 Im ke ejota wa eo ej ber ilukwõn lomalo, im E mõke ian ion ene.

48 Im Ej lo air iſtan im ađnđn, bwe kđto ej itok iman: im ke ena-ñiu emen mmij ilo boñ, Ej itok ñđn ibeir, im etal ion lojit; im E kđnan kijon ir.

Luk 24. 28.

49 A ke rej lo An etal ion lojit, rej lemnok E jitđb, im rej lamij:

50 Bwe ir otemjej rej lo E, im r'abwinmđke. Im emđkđj An konoño ibeir, im ba ñđn ir, Komin ainemđn: Ņa E; komin jab abwinmđke.

51 Im Ej uweliñlok ñđn ibeir ion wa; im kđto ejoko; im e kanuij lap air bwilđñ ilo ir;

52 Bwe re jab jela kin ion bred ko, bwe burueir re benawia.

Jap. 8. 17, 18. & 3. 5. & 18. 14.

53 Im ke emwij air elā, rej tđkāk ene Genesaret, im kemman wa.

54 Im ke rej to jen wa, emđkđj air kil E,

55 Im etđr ñđn aolepen eneo, im jino air bđktok ro re nañinmij ion bed ko, ñđn ijo rej roñ Ej ber ie.

56 Im ijo jabrewđt Ej dreloñ ie, ilo jikin kwelok ko redrik, ak relap, ak ilujen ene, rej likit ro re nañinmij ilo jikin wia ko, im akwelap ñđn E, bwe ren uñir tđreran wđt nuknuk ko An; im jabrewđt ro rej uñire rej mour.

Mat. 9. 20. Jap. 5. 27, 28. Jerb. 19. 12.

### JAPTER 7.

**I**M Parisi ro, im jet ian skraib ro, r'ar itok jen Jerusalem, rej kweloklok ñđn iben.

Mat. 15. 1-28.

2 Im r'ar lo jet iau ro dri kaloran rej mđña bred kin peir re jab erreño, einwđt r'ar jab amini.

3 Bwe Parisi ro, im dri Ju ro otemjej, elañe r'ar jab kanuij anini peir, re jab mđña, kin air drebij au elder ro bwebwenato.

4 Im ke rej itok jen jikin wia, elañe re jab tutu, re jab mđña. Im bar elđñ men ko ibeir, men ko rej bđki im drebij, einwđt kwole kđp ko, im pot ko, im jabi jinhor ko.

5 Im Parisi ro im skraib ro rej ka-

jitđk iben, Etke dri kaloran re jab etal ilo an elder ro bwebwenato, a rej mđña bred kin peir re jab erreño?

6 E uak im ba ñđn ir, Emol an Aisaia drikanij kin kom dri etao, einwđt ar je, Armij rein rej kabuñ ñđn Iđ, kin tieir, a burueir retolok jen Iđ.

Isa. 29. 13.

7 A ejelok tokjen air kabuñ ñđn Iđ, kin air katakin, kin air nan in katak, kien ko an armij.

8 Komij likit kien Anij, im drebij bwebwenato an armij rđn.

9 Im E ba ñđn ir, Emol komlj jolok kien Anij, bwe komin drebij ami bwebwenato.

10 Bwe Moses e ba, Komin koutiej jemđm im jluđm; im, jabrewđt eo ej konono nana kin jemen ak jinen, en mij otem mij.

Eks. 20. 12. & 21. 17. Dut. 5. 16.

11 A kom ba, Elañe armij ej ba ñđu jemen ak jinen, Men eo jabrewđt ađ bwe in jibđñ yuk, ej kortan, einwđt ba, men in jurtak;

Mat. 15. 5.

12 Komij kđtlok e bwe en jab kđmđn emđn ñđn jirik ñđn jemen ak jinen;

13 Im komij kđmđn nan in Anij jekron kin ami bwebwenato, men eo kom ar lelok: im elđñ men rđt kein komij kđmđni.

14 Im ke emwij an añiñintok armij otemjej ñđn iben, E ba ñđn ir, Komin otemjej karofñjak Iđ, im jela kake.

Mat. 15. 10.

15 Ejelok men eo ilikin armij, men eo ej dreloñ iloan, ej maroñ in kananaik e; a men ko rej waloktok jen iloan, men kein rej kananaik e.

17 Im ke emwij An dreloñ iloan im jen jar eo, dri kaloran rej kajitđk iben kin parebđl eo.

Mat. 15. 15.

18 Im E ba ñđn ir, Kom bareinwđt jaje kake ke? Kom jab lo ke, bwe men eo jabrewđt ilikin ej dreloñ iloan armij, e bau kananaik e?

19 Bwe e jab dreloñ iloan buruen, a iloan lojien im ej drioijlok ijo ji-

kin mijlok. Ej ba men in im likit ekōn otemjej erroe.

20 Im E ba, men eo ej waloktok jen iloan armij, ej kananaik armij eo.

21 Bwe jen iloan, jen buruen armij ej itok lemnok ko renana, lūñ ko an ro eor beleir, lūñ ko an ro ejelok beleir, uror ko,

Jen. 6. 5. & 8. 21. Mat. 15. 10.

22 Kwot ko, arōk mweeluk ko, jera-rawiwi ko, mone, kijoñ, mejnana, konono nana, jua, bwebwe;

23 Men kein otemjej renana rej itok jen iloan im kananaik armij.

24 Im Ej jutōk jen ijo, im ilok ñōn turin Tair im Saidon, im dreloñ iloan im, im E jab kouan bwe armij ren jela: im E ban tilekek.

Mat. 15. 21.

25 A emōkōj an juōn kōra, ledrik eo nejin jītōb otton mlōk na enbwinn, roñ klu E im ej itok im buñ iturin neen.

26 Kōra eo e dri Grik, dri Siropenisia; im ej akwelap ñōn E bwe En kajutōklok dimon jen iloan ledrik eo nejin.

27 A Jisōs e ba ñōn e, Ajiri ro ren māt mokta; bwe e jab emōn bōk kijen ajiri bred, im jolok e ñōn kiru rorrer ko redrik.

28 Im ej uak im ba ñōn E, Aet, Iroj: a kiru ko redrik iomin tebel rej atekoko tibrikriklin ajiri rōn.

29 Im E ba ñōn e, Kin nan in kwon ilok: emwij an dimon jutōklok jen iloan ledrik eo nejom.

30 Im ej ilok ñōn mweo imōn, im lo ledrik eo ej babu ion kiulen, im emwij an dimon jutōklok.

31 Im ke Ej ilok jen ene ko iturin Tair Ej driblok Saidon im ene ko i tōreren Dekapolis im bar itok ñōn lomalo in Galili.

Mat. 15. 29-31.

32 Im rej añintok ñōn E juōn e jaroñroñ, im e allo; im rej akwelap ñōn E bwe Eu likit pein ion.

Mat. 9. 32. Luk 11. 14.

33 Im Ej añinlok e jen jar eo

mōke ian, im likit arlin ilo lojilifin, im Ej iyelok, im uñir loin;

Jap. 8. 23. Jon 9. 6.

34 Im Ej jerlok ñōn lōñ, im jab-jenmenoan, im ba ñōn e, Eppata, einwōt, En bellok.

Jap. 6. 41. Jon 11. 41. & 17. 1. Jon 11. 33, 38.

35 Im emōkōj lojilifinu rej roñlokjen, im to an loin emjōl, im e alikar an konono.

Isa. 35. 5, 6. Mat. 11. 5.

36 Im Ej jiroñ ir bwe ren jab kenanek armij: a ñe Ej kalaplok An jiroñ ir, rej kalaplok air kabuñbuñlok e.

Jap. 5. 43.

37 Im e kanulij lap air bwilōñ, im rej ba, E ar kōmōn men otemjej im remōn; Ej kōmōn bwe ro rej jaroñroñ ren roñlokjen, im ro re jaje konono ren konono.

## JAPTER 8.

**I**LO ran ko ke e kanulij lap jar eo, im ejelok kijeir, Jisōs ej añiñintok ro dri kaloran, im ba ñōn ir,

Mat. 15. 32-38.

2 Ij tiriamokake jar eo, bwe r'ar ber iba iomin jilu ran, im ejelok kijeir.

3 Im elañe Ij jilkinlok ir ilo air jitlok ñōn moko imweir, re naj bārok ilo ial; im jet iair r'ar itok jen ijo etolok.

4 Im dri kaloran re uak E, Jen ia an armij maroñ in kamāt ir kin bred iji i ene jemaren?

5 Im Ej kajitōk ibeir, Jeti ion bred ibenu? Im re ba, Jiljilimjuōn.

Jap. 6. 38-41.

6 Im Ej jiroñ jar eo bwe ren jijōt ion melaj. Im Ej bōk jiljilimjuōn ion bred ko, im jar, im ruji, im lelok ñōn dri kaloran bwe ren likiti imair; im rej likiti iman armij rōn.

7 Im eiet iik ko redrik ibeir; im Ej jar, im jiroñ bwe ren bareinwōt likiti imair.

Mat. 14. 19.

8 Im rej mōña, im māt; im rej āti mōtōn ko matiir jiljilimjuōn iep.

9 Im ro r'ar mōña enañin erer; im Ej jilkinlok ir.

10 Im emököj An uwe ion wa ibeu ro dri kaloran, im tartok ñön ijo ko mötön Dalmenuta.

Mat. 15. 30.

11 Im Parisi ro rej itok, im jino air kajitök iben, im bukot jen E kaköle jen löñ, bwe ren kabo E.

Mat. 12. 38. & 16. 1. Jon 6. 30.

12 Im E kanuij jabjenmenoan ilo An, im ba, Etke ebeben in rej kabukot kaköle? Emol Ij ba ñön kom, jamiu lelok kaköle ñön ebeben in.

13 Im Ej likit ir, im bar uwe ion wa, im ilok ñön lomalo jab uweo.

14 Im r'ar meloklok in ektök, a juön wöt ion bred ibeir ion wa.

Mat. 16. 5-12.

15 Im Ej kowe ir, im ba, Komiu lale, im kejbärok kom jen leven an Parisi ro, im jen leven an Heröd.

Luk 12. 1.

16 Im rej konono ñön dron im ba, Ejelok bred iber.

17 Im Jisös e jela im ba ñön ir, Etke komij konono bwe ejelok bred ibemi? Kom ar jaje ñön kiö ke? a kom jab melele ke? buruemi re bin wöt ke?

Jap. 6. 52.

18 Eor mejemi, kom jab lo ke? im eor lojillñemi, kom jab roñ ke? im kom jab kememej ke?

19 Ke I ar ruji lailim ion bred ñön limrep, jeti iep ko relöñ kin mötön ko matiir komij äti? Re ba ñöu E, Joñoul im ruo.

Mat. 14. 20. Jap. 6. 43. Luk 9. 17. Jon 6. 13.

20 Im ke jiljilimjuön ñön erap, jeti iep ko relöñ kin mötön ko matiir komij äti? Im re ba, Jiljilimjuön.

Mat. 15. 37. Jap. 8. 8.

21 Im Ej ba ñön ir, Kom jañiu melele ke?

Jap. 6. 52.

22 Im rej itok ñön Betsaida; im rej añintok ñön E juön armij ebilo, im rej akwelap ñöu E bwe En uñire.

23 Im Ej kapjere pein leo ebilo, im añinlok e jen jikin kwelok; im ke emwij An iyeloke mejen, im likit

pein ion, Ej kajitök iben, Eor ta en kwoj loe?

Jap. 7. 33.

24 Im ej bökö mejen im ba, Ij lo armij; bwe Ij lo ir einwöt wijki im rej etetal.

25 Tokelik Ej bar likit pein na ion mejen, im ej kalimjeke; im ej mour, im e alikar an lo men otemjej.

26 Im Ej jilkinlok e ñön mweco imön im ba, Kwon jab dreloñ iloan jikin kwelok eo.

Mat. 8. 4. Jap. 5. 43.

27 Im Jisös ej ilok, kab ro dri kaloran, ñön jikin kwelok ko redrik i Seteria Pilippai; im ilo ial Ej kajitök iben ro dri kaloran, im ba ñöu ir, Wön Ña, ilo an armij konono?

Mat. 16. 13-16. Luk 9. 18-20.

28 Im re uak, Jon dri baptais; a jet re ba Elalja; im barjet, Juön lan dri kanan ro.

Mat. 14. 2.

29 Im Ej kajitök ibeir, A wön Ña, ilo ami konono? Im Piter e uak im ba ñön E, Kwe Dri Kraist.

Jon 6. 69. & 11. 27.

30 Im Ej kowe ir, bwe ren jab kennanek jabrewöt armij kin E.

31 Im Ej jino Au katakin ir, bwe Nejin armij e naj iñtan kiu men ko relöñ; elder ro, im pris ro relap, im skraib ro re naj jolok E, im mön E, im ilokön jilu ran E naj jerkakbiji.

Mat. 16. 21-28. & 17. 23. Luk 9. 23-27.

32 Im nan eo Ej konono alikar. Im Piter ej añinlok E, im jino an kowe E.

33 Im ke emwij An oktök im reilok ñön ro dri kaloran, Ej kowe Piter, im ba, Kwon ilok ilik Iö. Kwe Setan; bwe kwo jab lemnök kin men ko an Anlj, a kin men ko an armij.

34 Im Ej añiñintok jar eo ñön iben kab ro dri kaloran, im ba ñön ir, Jabrewöt eo e kënan lor Iö, en möke karmijete, im luek drebail eo au, im lor Iö.

Mat. 10. 33. Luk 14. 27.

35 Bwe jabrewöt eo e kënan lomor

an mour, e naj joko an mour; a jabrewõt eo ej jolok an mour kin Na im kin gospel, e naj lomoren.

Jon 12. 25.

36 Bwe ewi emõn ñõn armij, elañe ej jibarek aolepen löl, im kowutlok an mour?

37 Ak ta eo emõn an armij lelok bwe en kõrrä an?

38 Bwe jabrewõt eo e naj jokkake Iõ im nan ko Aõ, ilo ebeben in ej lüñ im jerawiwí, Nejin armij e naj jokkake e, ien eo Ej itok ilo aibujuij an Jemen iben enjel rokwojarjar.

Mat. 10. 33. Luk 12. 9.

### JAPTER 9.

**I**M E ba ñõn ir, Emol Ij ba ñõn kom, jet ian ro rej jutök ijin re jamin erjoñ mij, ñõn ter eo re naj lo an aillñ in Anij itok ilo kajur.

Mat. 16. 28. Luk 9. 27. I Mat. 24. 30. & 25. 31. Luk 22. 18.

2 Im ilokõn jiljino ran, Jisõs ej añin Piter im Jemes im Jon, im añinlñlok ir ion juõn tol eutie j mõke iair; im kejakilkil E iman mejeir.

Mat. 17. 1-8. Luk 9. 28-36.

3 Im ballin ejatõltil, e kanuij mouj; im ejelok dri karreo nuk-nuk i löl ej maroñ kemouj einwõt.

Dan. 7. 9. Mat. 28. 3.

4 Im e weaktok ñõn ibeir Elaija im Moses, im rej konono iben Jisõs.

5 Im Piter e uak im ba ñõn Jisõs, Rabbai, emõn ar ber Ijin; im jen kalek jilu imõn kabere; juõn ñõn Yuk, juõn ñõn Moses, im juõn ñõn Elaija.

6 Bwe e jaje ta men eo en uak; bwe re kanuij lelñõñ.

7 Im kõro ej kalur ir; im ainiken ej itok jen kõro eo im ba, E in Nejiõ e jitenburu; komin kãroñjake.

8 Im emõkõj, ke emwij air reibõjik, rej lo ejelok armij, a Jisõs wõt ibeir.

9 Im ke rej tolõl jen tol eo, Ej kowe ir bwe ren kennanek ejelok armij men ko r'ar loi, ñõn ter eo Nejin armij e uaj jerkakbiji jen ro remij.

Mat. 17. 9-13.

10 Im rej drebij nan eo ibeir, im kajitök iben dron, ewi rabiltõn nan in, jerkakbiji jen ro remij?

11 Im rej kajitök iben im ba, Etke skraib ro re ba, Elaija e naj itok mokta?

Mal. 4. 5.

12 Im E uak im kennanek ir, Emol Elaija ej itok mokta, im kajime men otemjej; im ekijkan ar jeje kin Nejin armij, bwe E naj iñtan kin men ko relõñ, im re naj kejekron E?

Sam 22. 6. Isa. 53. 2. Dan. 9. 26. Luk 23. 11. Pil. 2. 7.

13 A Ij ba ñõn kom, Emwij an Elaija itok, im r'ar kõmõn ñõn e jabrewõt men eo re kõnan, einwõt jeje kin e.

Mat. 11. 14. Luk 1. 17.

14 Im ke Ej itok ñõn iben ro dri kaloran, Ej lo elap jar eo ej kabol ir, im skraib ro rej kajitök ibeir.

Mat. 17. 14-21. Luk 9. 37-42.

15 Im emõkõj an lap armij otemjej bwilõñ, ke rej lo E, im rej etõr ñõn iben im yokyokwe E.

16 Im Ej kajitök iben skraib ro, Ta eo komij kajitök ibeir?

17 Im juõn ian jar eo e uak im ba, Dri Kaki, I ar añintok ñõn ibõm nejlõ man, eo jitõb e ban konono ej miok na enbwint.

18 Im ijo jabrewõt ej añinlok e, ej kokkure; im ej mõrmõr, im õlõl ñlin, im ej bõjlok: im I ar ba ñõn ro dri kaloram bwe ren kajutõklok e, a re bane.

19 Im Ej uak ir im ba, O ebeben e jab tõmak, ietoõn Aõ naj ber ibemi? ietoõn Aõ naj kijennij kake kom? komin añintok e ñõn Iõ.

20 Im rej añintok e ñõn iben: im ke Ej loe, emõkõj an jitõb kekel e, im ej buñ ion löl, im rabiltbil iu mõrmõr.

Jap. 1. 26. Luk 9. 42.

21 Im Ej kajitök iben jemen, Ietoõn an men in ber iben? Im e ba, jen ke ej niñniñ.

22 Im elõñ alen e ar jolok e na ilo kijeek, iu ilo dren bwe en mõn e; a elañe Kwoj maroñ jabrewõt,

Kwon tirlamo kake kim, im jibõñ kim.

23 Jisõs e ba ñõn e, Elañe kwoj maroñ! Eo ej tõmak ej maroñwe men otemjej.

Jan. 11. 23. Luk 17. 6. Jon 11. 40.

24 Im emõkõj an jemen ajiri eo lamij, im ba, Ij tõmak; Kwon jilõñ iõ kin aõ jab tõmak.

25 Ke Jisõs ej lo armij ro rej tõrtok, Ej kowe jitõb õtton, im ba ñõn e, Kwe jitõb e jaje konono im jaroñroñ, Ij jiroñ yuk, kwon jutõkklok jen e, im jamin bar dreloñ ilo e.

26 Im ke emwij an lamij, im kanuij kekel e, ej jutõkklok jen e: im leo einwõt juõn emij; inem elõñ re ba, E mij.

27 A Jisõs ej kapjere pein, im kwotõk e; im ej jutõk.

28 Im ke Ej dreloñ iloan im, dri kaloran rej mõke wõt im kajitõk iben, Etke kim ar jab maroñ in kajutõkklok e?

29 Im E ba ñõn ir, Ejelok en e maroñ in kajutõkklok men rõt kein, a kin jar wõt.

30 Im rej ilok jen ijo, im driblok Galili; im E jab kõnan bwe jabrewõt armij en jela men in.

31 Bwe Ej katakin ro dri kaloran, im ba ñõn ir, Rej ketõk Nejin armij ñõn pein armij ro, im re naj mõn E; im elikin air mõn E, E naj jerkakbiji ilo ran eo ken ka jilu.

Mat. 17. 22. Luk 9. 44.

32 A re jab melele nan eo, im remjõk in kajitõk iben kake.

33 Im rej itok ñõn Kaperneum, im ke Ej ber iloan im, Ej kajitõk ibeir, Ta eo kom ar akwalle dron kake ilo ial?

Mat. 18. 1. Luk 9. 46. & 22. 24.

34 A rej ikõñ: bwe ilo ial r'ar akwalle dron, kin wõn lair elapata.

35 Im Ej jijõt, im añiñintok joiñoul im ruo, im ba ñõn ir, Elañe jabrewõt armij e kõnan bwe en mokta, e naj eliktata im korijerair otemjej.

Mat. 20. 28. Jan. 10. 43.

36 Im Ej kapjere juõn ajiri erik, im kajutõk e iolapir: im ke emwij An jiburlep e, E ba ñõn ir,

Mat. 18. 2. Jan. 10. 16.

37 Jabrewõt eo e naj bõk juõn ian ajiri rein ilo eta, ej bõk Ña; im jabrewõt eo ej bõk Ña, e jab bõk Ña, a Eo e ar jilkintok Iõ.

Mat. 10. 40. Luk 9. 48.

38 Im Jon e uak E im ba, Dri Kaki, kim ar lo juõn ej kajutõkklok dimou ro ilo etõm: im kim ar tõprae e, bwe e ar jab lor kij.

Bwin. 11. 28. Luk 9. 49.

39 A Jisõs e ba, Komin jab tõprae e; bwe ejelok armij ej maroñ kõmõn men in bwilõñ ilo eta, im emõkõj an maroñ konono nana kin Iõ.

1 Kor. 12. 3.

40 Bwe eo e jab kaju an bebe jen kij ej iberulj.

Mat. 12. 30.

41 Bwe jabrewõt eo e naj lewõj ñõn kom juõn kõp in dren im kairak kom, bwe kom dron Kraist, emol Ij ba ñõn kom, wõnan e jamin joko.

Mat. 10. 42.

42 Im jabrewõt eo e naj katibñil juõn ian rein redrik rej tõmak Ña, e naj kar emõulok ñõn e bwe ren lukwoj dreka irir elap i kenwan, im jolok e ilo lojit.

Mat. 18. 6. Luk 17. 1.

43 Im elañe peõm ej katibñil yuk, kwon bukwe: emõn ñõn yuk bwe kwon dreloñ iloan mour im jibikbik, jen ruo peõm, im kwoj ilok ñõn jikin nana, iloau kijeek e jamin kwün in drio.

Mat. 5. 30. & 18. 8.

45 Im elañe neõm ej katibñil yuk, kwon bukwe: emõn ñõn yuk bwe kwon dreloñ iloan mour im jibikbik, jen ruo neõm im jolok yuk ilo jikin nana.

47 Im elañe mejõm ej katibñil yuk, kwon itike: bwe emõn ñõn yuk bwe kwon dreloñ iloan ailiñ in Anij im juõn wõt mejõm, jen ruo mejõm, im jolok yuk na iloau jikin nana.



48 Ijo e jab mij air likākrok, im kijeek e jab kwūn.

49 Bwe naj kejātök ro otemjej kin kijeek.

Leval 2. 13. Ezek. 43. 24.

50 Emōn salt; a elañe ejoko nemem salt, kom naj kejātök e kin ta? En or salt ilo kom, im komin aine-mōn nōn dron.

Mat. 5. 13. Luk 14. 34. Ep. 4. 29. Kol. 4. 6. Rom 12. 13.

### JAPTER 10.

**I**M E jutök jen ljo, im itok nōn mojen Judia i töreren, im i rear in Jordan; im armij rej bar kweloklok nōn iben, im Ej bar katakin ir, einwöt An kōmōn mokta.

Mat. 19. 1-9.

2 Im Parisi ro rej itok nōn E, im kajitök iben, Emelim ke an armij jolok lio belen? bwe ren kabo E.

3 Im E uak im ba nōn ir, Ta eo Moses e ar jiroñ kom?

4 Im re ba, Moses e ar likit bwe kimin jeje nau in kötlok, im jolok e.

Dut. 24. 1. Mat. 5. 31.

5 Im Jisōs e uak im ba nōn ir, Kin an bin buruemi e ar je nan in.

6 A jen jinoin kōmōnmōn löl, Anij e ar kōmōn ir man im kōra.

Jen. 1. 27. & 5. 2.

7 Kiu men in armij e naj ilok jen jemen im jinen, im e naj errep nōn lio belen;

Jen. 2. 24.

8 Im irro re naj juōn wöt kōniek: kin men in re jab bar ruo, a juōn wöt kōniek.

9 Inem men eo Anij e ar kobalke, armij ren jab kijbil e.

10 Im iloan im dri kaloran rej bar kajitök iben kin men in.

11 Im E ba nōn ir, Jabrewöt eo ej jolok lio belen, im belek bar juōn, ej lūñ nae lio.

Mat. 5. 32. Luk 16. 18. 1 Kor. 7. 18.

12 Im elañe kōra ej jolok leo belen, im belek bar juōn, ej lūñ.

13 Im rej añintok nōn iben ajiri redrik, bwe En uñir ir; im dri kaloran rej kowe ro r'ar añintok ir.

Mat. 19. 13-15. Luk 18. 15-17.

14 A ke Jisōs ej loe, elap An illu, im E ba nōn ir, Komin likit ajiri rōn bwe ren itok nōn iba; komin jab boprae ir; bwe ro eirwöt, air allin in Anij.

15 Emol Ij ba nōn kom, Jabrewöt eo e jab bök allin in Anij im einwöt ajiri erik, e jamin dreloñ iloan.

Mat. 18. 3.

16 Im Ej jiburlep ir, im likit pein loir, im jar kin ir.

17 Im ke Ej ilok nōn ial, juōn ej törtok, im bukweilöl nōn E, im kajitök iben, Dri Kaki emōu, ta eo in kōmōn bwe en aō jolit mour in drio?

Mat. 19. 16-30. Luk 18. 18-30.

18 Im Jisōs e ba nōn e, Etke kwøj ba Ña Imōn? Ejelok en emōn, a juōn wöt, Anij.

19 Kwo jela klen ko, Kwon jab uror, Kwon jab lūñ, Kwon jab kwot, Kwon jab riōp nae, Kwon jab mon, Kwon koutiej jemōm im jinōm.

Eks. 20.

20 Im e uak im ba nōn E, Dri Kaki, men kein otemjej I ar kejbāroki jen ien aō ajiri.

21 Im Jisōs ej lale e im yokwe e, im E ba nōn e, Juōn men eo kwøj alkwi; kwon ilok im wlakaki men ko otemjej am, im lelok nōn ro dri jeramel, im e naj or mweilōm i lōñ; im itok, im lor Iō.

Mat. 6. 19, 20. Luk 12. 33.

22 A e kinūñ mejen kin nan eo, im ej lok im buromōj; bwe elōñ mwelen.

23 Im Jisōs ej reibōjik, im ba nōn ro dri kaloran, Ro dri mwele re nañin ban dreloñ iloan allin in Anij!

24 Im dri kaloran re bwilōñ kin nan ko An. A Jisōs e bar uak im ba nōn ir, Ajiri rōn, ro rej liki mweluk re nañin ban dreloñ iloan allin in Anij!

Job 31. 24. Sam 52. 7. & 62. 10. 1 Tim. 6. 17.

25 Ebiruru an kamel dreloñ ilo dreli in ii, jen dri mwele dreloñ iloan allin in Anij!

26 Im re kanuij bwilōñ, im ba nōn

drou, Inem wõn e maroñ bwe en mour?

27 Jisõs ej reilok ñõn ir, im ba, Armij re baue, a e jab einwõt iben Anij; bwe Anij ej maroñ kin men otemjej.

Jer. 32. 17. Luk 1. 37.

28 Inem Piter ej jino an ba ñõn E, Lo, kim ar likit men otemjej, im lor Yuk.

Mat. 19. 27-30. Luk 18. 28-30.

29 Im Jisõs e uak im ba, Emol Ij ba ñõn kom, Ejelok armij eo e ar likit im, ak jelu im jätin man im kõra rõn, ak jemen, ak jinen, ak ro nejin, ak ene ko enen, kin Ña im kin gospel,

30 A e naj bõk jibuki kin juõn ilo ieu in, mo ko, im jelin im jätin man im kõra rõn, im ro jinen, im ro nejin, im ene ko enen, kab matõrtõr ko; im ilo lõl e naj itok, mour in drlo.

31 A elõñ ro mokta re naj eliktata; im ro eliktata re naj mokta.

Mat. 20. 16. Luk 13. 30.

32 Im rej ilo ial ke rej wõnlñlok ñõn Jerusalem; im Jisõs ej ilok imairlok: im rej bwilõñ; im ro rej lore re mijõk. Im E bar añin joñoul im ruo, im jino an kennanek ir men ko re naj buñõt E, im ba,

Mat. 20. 17. Luk 18. 31.

33 Lo, jej wõnlñlok ñõn Jerusalem: im naj ketõk Nejin armij ñõn pris relap, im ñõn skraib ro; im re naj llakelok E ñõn mij, im re naj ketõk E ñõn ro dri aillñ ko;

34 Im re naj kajirere kake, im naj iyelok E, im naj dreñlok E, im naj mõn E; im ilo ran eo ken ka jilu E naj jerkakblji.

35 Im Jemes im Jon, ro nejin Zebidi, rej itok ñõn ibeu, im ba, Dri Kaki, kimro kõnan bwe Kwon kõmõn ñõn kim men eo jabrewõt kim naj kajitõk kake.

Mat. 20. 20-23.

36 Im E ba ñõn irro, Ta eo kom kõnan bwe In kõmõn ñõn kom?

37 Re ba ñõn E, Kwon letok ñõn kimro bwe kimin jijõt, juõn i au-

bijmaroñõm, im juõn i anmiñõm, ilo am albujujij.

38 A Jisõs e ba ñõn ir, Komij jaje ta eo kom kajitõk. Komij maroñ in irak kõp eo Ij irak ke? im baptais ilo baptais eo Ij baptais ke?

39 Im re ba ñõn E, Kimro maroñ. Im Jisõs e ba ñõn ir, Aet, kom naj irak kõp eo Ij irak; im kom naj baptais ilo baptais eo Ij baptais:

40 A kin jijõt i anbijmaroñiõ im i anmiñiõ, e jab Aõ bwe In lewoj: a an ro ar kapojõk e ñõn ir.

41 Im ke joñoul rej roñjake, re jino an lap air illu ñõn Jemes im Jon.

42 A Jisõs ej añiñintok ir ñõn E, im ba ñõn ir, Kom jela ro rej lem-nok bwe rej iroj ñõn dri aillñ ko, rej iroj loir; im ro relap ialr rej iroj loir.

Luk 22. 25.

43 A e jab ein drein ibemi; a jabrewõt eo e kõnan bwe en elap ibemi, e naj dri jermal ñõn kom.

Jap. 9. 35. Luk 9. 48.

44 Im jabrewõt eo lami e kõnan bwe en elaptata, e naj dri korijerni otemjej.

45 Bwe barelnwõt Nejin armij e ar jab itok bwe ren korijer ñõn E, a bwe En dri korijer, im bwe En lelok An mour kin wõnñ elõñ armij.

Jon 13. 14. Pil. 2. 7.

46 Im rej itok ñõn Jeriko: im ke Ej ilok jen Jeriko iben ro dri kaloran im elõñ armij, nejin Timiõs, Bartimiõs, dri oor ebilo, ej jijõt ituriu ial.

Mat. 20. 29-34. Luk 18. 35-43.

47 Im ke ej roñ bwe E Jisõs dri Nazeret, ej jino an lamij, im ba, Jisõs, Nejin Devid, kwon tiriamokake iõ.

48 Im elõñ rej kowe e bwe en ikõñ: a e kanuij kalaplok an lamij. O Nejin Devid, kwon tiriamokake iõ.

49 Im Jisõs ej bwijrõk, im ba, Kom in kirtok e. Im rej kirtok eo ebilo, im ba ñõn e, Kwon ainemõn, im jutõk: Ej kir yuk.

50 Im ej jolok kobe eo an, im jutök, im itok ñõn Jisõs.

51 Im Jisõs e uak im ba ñõn e, Ta eo kwoj kõnan bwe In kõmõn ñõn yuk? Eo ebilo e ba ñõn E, Rabbonai, bwe in lolokjen.

52 Im Jisõs e ba ñõn e, Kwon ilok, am tõmak ej kemour yuk. Im emõkõj an lolokjen, im lor Jisõs ilo ial.

Mat. 9. 22. Jap. 5. 34.

### JAPTER 11.

**I**M ke rej kebak ñõn Jerusalem, ñõn Betpeje im Betaul, ilo tol Olivet, Ej jilkinlok ruo dri kalaran, Mat. 21. 1-11. Luk 19. 29-38. Jon 12. 14.

2 Im ba ñõn ir, Komin ilok ñõn jikin kwelok erik ikijemi: im ñe kom dreloñ iloan, e naj mõkõj amiro lo juõn kon elukojök, ejelok armij e ar jijõt ion; kouin jelate, im añintok e.

3 Im elañe jabrewõt armij ej ba ñõn komro, Etke komij kõmõn men in? komin ba, Bwe Iroj eo ej aikwij e: im e naj mõkõj an jilkinlok e.

4 Im rejro ilok, im lo kon elukojök ilikin turin kejem ilo ial, im rej jelate.

5 Im jet ian ro rej jutök ljo re ba ñõn irro, Komij it jelate kon ne?

6 Im rejro ba ñõn ir einwõt Jisõs e ar jiroñ ir; im rej kötlok irro.

7 Im rejro añintok kon eo ñõn Jisõs, im ere kin kobe ko air ion, im Ej jljõt ion.

8 Im elõñ rej ere ial kin kobe ko air: im barjet rej jekjek ran wijki ko, im ere ial eo kaki.

9 Im ro rej ilok imanlok, im ro rej lortok, rej lamij im ba, Hosanna; Emõnõnõ eo ej Itok ilo etan Iroj:

Sam 118. 28.

10 Emõnõnõ ailñ eo ej itok, ailñ an jemer Devid: Hosanna ñõn ljo eutlejtata.

Sam 148. 1.

11 Im Ej dreloñ ilo Jerusalem, im iloan tempel: im ke E ar reibõjik ñõn men otemjej, im kiõ ejota, Ej

drioi j im ilok ñõn Betani iben jofoul im ruo.

Mat. 21. 12.

12 Im ran eo ilju, ke r'ar itok jen Betani E kwuli.

Mat. 21. 18, 19.

13 Im Ej lo wijki fig etolok eor bwilikõn, im ej itok, bwe En kabuk leen i ran: im ke Ej itok ñõn e, E jab lolo, a bwilik wõt; bwe e jab ien jebar fig ko.

14 Im Jisõs e uak im ba ñõn e, Enjelok armij ej mõña leõm jen kiõ ñõn in driio. Im dri kalaran rej roñjake.

15 Im rej itok ñõn Jerusalem; im Jisõs ej dreloñ iloan tempel, im jino An kadrioi jlok ro rej wia iloan tempel, im ukõji tebel ko an ro rej wia kin mõnni, im ken jijõt ko an ro rej wiakaki mull ko;

Mat. 21. 12-17. Luk 19. 45-47. Jon 2. 14.

16 Im E jab kötlok bwe jabrewõt armij en bõklok jabi iloan tempel.

17 Im Ej katakin im ba ñõn ir, Ar jab jeje ke, Dri ailñ otemjej re naj likit mweo imõ imõn jar? a kom ar likit e bwe en roñõn ro dri koarofñ.

Isa. 56. 7. Jer. 7. 11.

18 Im kraib ro im pris ro relap rej roñjake, im bukot ekijkan air mõn E: bwe re mijök E, bwe armij otemjej re bwilõñ kin An katakin.

Mat. 21. 45, 46. 1 Mat. 7. 28.

19 Im ke ejota jabrewõt, Ej ilok jen jikin kwelok eo.

20 Im ke ejlboñ, ke rej elã, rej lo wijki fig eo emõralok jen okran.

Mat. 21. 19-22.

21 Im Piter ej kememej im ba ñõn E, Rabbai, lo wijki fig eo Kw'ar kole, emõralok.

22 Jisõs e uak im ba ñõn ir, Komin tõmak Anij.

23 Bwe emol Ij ba ñõn kom, Jabrewõt eo e naj ba ñõn tol in, Kwon teep, im joko na ilo lojit; im e jab berre ilo buruen, a ej tõmak bwe men eo ej ba e naj walok, e naj an.

Mat. 17. 20. Luk 17. 6.

24 Kin men eo Ij ba ñõn kom, men ko jabrewõt komij kajitök ilo

ami jar, komiu tōmak bwe komij bōki, im re naj ami.

Mat. 7. 7. Luk 11. 9. Jon 14. 13. Jem. 1. 5, 6.

25 Im ñe komij jutōk im jar, elañe jabrewōt armij eor ruōn ibemi, komin jeorlok e, bwe bareluwōt Jememi i lōñ En jeorlok jerawiwi ko ami.

Mat. 6. 14.

27 Im rej bar itok ñōn Jerusalem: im ke Ej etetal iloan tempel, pris ro relap, im skraib ro, im elder in armij ro, rej itok ñōn iben,

Mat. 21. 23-27. Luk 20. 1-8.

28 Im ba ñōn E, Kin nan ot Kwoj kōmōn men keiu? im wōn e ar lewoj ñōn Yuk nan in, bwe Kwon kōmōn men kein?

29 Im Jisōs e uak im ba ñōn ir, I naj kajitōk ibemi kin juōn nan, im komin uak Iō, im I naj kennanek kom nau eo Ij kōmōn men kein kake.

30 Baptais eo au Jon, e jen lōñ ke, ak jen armij? komiu uak Iō.

31 Im rej konono ñōn dron im ba, Elañe je ba, Jen lōñ, E naj ba, Inem etke kom ar jab tōmak e.

32 A elañe jej ba, Jen armij, rem'jōk jar eo, bwe armij otemjej rej lemnok, Jon e dri kanan emol.

33 Im re uak im ba ñōn Jisōs, Kim jaje. Im Jisōs e ba ñōn ir, I jamin kennanek kom nan eo Ij kōmōn men kein kake.

#### JAPTER 12.

**I**M Ej jino Au ba ñōn ir ilo parebōl ko. Juōn armij ej kallip i jikiu grep, im ej kōmōnmōn worwor in kabole, im kōbij jikin ken joniōk wain, im kalek imōn ebar, im ej kōlaik e ñōn ro dri kallip, im ej ilok ñōn bar juōn alliñ.

Mat. 21. 33-46. Luk 20. 9-19.

2 Im ke ien leen ekalo, ej jilkinlok dri korijeran ñōn ro dri kallip, bwe en bōk leen grep jen ro dri kallip.

3 Im rej jibwe, im dreñlokwe, im jilkinlok e im ejelok leen iben.

4 Im e bar jilkinlok ñōn ibeir bar juōn dri korijeran; im rej kare, im

kōnijnij bōran, im jilkinlok e, im enana air kōinōn ñōn e.

5 Im ej jilkinlok bar juōn; im rej mōn e, im bar elōñ; rej dreñlokwe jet, im rej mōn jet.

6 A juōn nejin iben e jitenburu, im ej jilkinlok e eliktata ñōn ibeir, im ba, Re naj kabuñ ñōn nejiō.

7 A dri kallip rej ba ñōn dron, Le in dri jolit; itok, jen mōn e, im jolit eo e naj ar.

8 Im rej jibwe, im mōn e, im jolok e jen jikin kallip grep eo.

9 Inem ta eo Iroj in jikin kallip grep e naj kōmōn? E naj itok im mōn ro dri kallip, im lelok jikin kallip eo ñōn barjet.

10 Kom ar jab konono ke nan in ilo Jeje ko? Ejanan eo ro dri kal r'ar jolok e, emwij kōmōn e in dre mōn jabōn im.

Sam 118. 22.

11 Men in jen Iroj, im men in bwilōñ ilo mejer.

12 Im rej bukot bwe ren jibwe E, a re mijōk armij rōn; bwe re jela E ar ba parebōl in nae ir, im rej likit E im ilok.

jap. 11. 18.

13 Im rej jilkinlok ñōn E jet in Parisi ro im lan ro dron Herod, bwe ren jibwe E kin An in nan.

Mat. 22. 15-22. Luk 20. 30-47.

14 Im ke rej itok re ba ñōn E, Dri Kaki, kim jela Kwo mol, im ejelok armij Kwoj ujōke; bwe Kwo jab kaklen elikiu armij, a Kwoj katakin ial in Anij im emol: Emelim ke owōjlok ñōn Sizar ak jab?

15 Kimin lelok ke, ak kimin jab lelok? A E jela air etao, im ba ñōn ir, Etke komij kabo Iō? bōktok ñōn Iō juōn diueriōs bwe in lo e.

16 Im rej bōktok. Im Ej ba ñōn ir, Men in e im jeje in an wōn? Im re ba ñōn E, An Sizar.

17 Im Jisōs e uak im ba ñōn ir, Komin lelok ñōn Sizar men ko au Sizar, im ñōn Auñ men ko an Anij. Im re kanuij bwilōñ kin E.

18 Inem Saddusi ro rej itok ñōn

E, ro re ba ejelok jerkakbiji, im rej kajitök iben, im ba,

Mat. 22. 23-33. Luk 20. 27-38. Jerb. 23. 8.

19 Dri Kaki, Moses e ar je ñon kim, Elañe jein armij e mlj, im lio belen ej ber, im ejelok nejiu; jätiu en bök lio beln im eu or ajiri ñou jein.

Dut. 25. 5.

20 E kar jiljillimjuön jimjän jimjätin: im eo manji ej bök lio belen, im e mlj im ejelok nejin.

21 Im jätin ken ka ruo ej bök lio, im e mlj, im ejelok nejiu; im bare-inwöt eo ken ka jilu.

22 Im iriöñ jiljillimjuön r'ar belek e, im ejelok nejir; im elkiir otem-jej köra eo e mlj.

23 Ilo jerkakbiji, ñe re naj jerkakbiji, belen wön lio iair? bwe iriöñ jiljillimjuön r'ar belek e.

24 Jisös e ba ñon ir, Kom jab bwir e kin men in, bwe kom jaje Jeje ko, im an Anij maroñ ke?

25 Bwe ñe re naj jerkakbiji jen ro remij, re jab belele, im jab lelok bwe ren belele; a rej einwöt enjel ro i löñ.

26 A kin ro remij, bwe rej jerkakbiji, kom ar jab konono ilo buk in Moses ke, ekijkan ilo jul Anij e ar konono ñon e, im ba, Ña Anij an Ebrean, im Anij an Aisak, im Anij an Jeköb?

Eks. 3. 6.

27 E jab Anij an ro remij, a an ro remour: elap-ami bwir.

28 Im juön ian skraib ro ej itok, im ke emwij an roñjake air kajitök iben dron, im jela emön An uak ir, ej kajitök iben, Ewi kien eo elap iair otemjej?

Mat. 23. 35-46.

29 Jisös e uak e, Kien elaptata, Komin roñjake, O Israel, Iroi j an Anij, Iroi j ej juön wöt:

Dut. 6. 4. Luk 10. 27.

30 Im kwon yokwe Iroi j am Anij kin aolepen buruöm, im kin aolepen am, im kin aolepen am lolätät, im kin aolepen am kajur.

31 Im e in ken ka ruo Kwon

yokwe dri turöm im einwöt kwe. Ejelok bar juön kien elap jen kein.

Leval 19. 18. Mat. 22. 39.

32 Im skraib eo e ba ñon E, Emön, Dri Kaki, emol Am ba; bwe E juön wöt; im ejelok bar juön, E möke wöt,

Dut. 4. 39.

33 Im elañe armij ej yokwe E kin aolepen buruen, im kin aolepen lolätät, im kin aolepen an, im aolepen an kajur, im elañe ej yokwe dri turin im einwöt e, men in elap jeu men ko reyu otemjej ej katok kaki im till, im men in jurtak ko.

1 Samuel 15. 22.

34 Im ke Jisös ej lo bwe ejime an uak, E ba ñon e, Kwo jab toane ailiñ in Anij. Im tokelik ejelok armij e beran in kajitök iben kin jabrewöt.

35 Im Jisös e uak im ba, ke Ej takin iloan tempel, Ekijkau an skraib ro ba Dri Kraist e nejin Devid?

Mat. 22. 41-45. Luk 20. 41-44.

36 Bwe Devid e möke ba ilo Jitöb Kwojarjar, Iroi j e ba ñon aö Iroi j, Kwon jijöt i anbijmaroñö, ñon tereo Ij likit Am dri kijirät bwe ren eran neöm.

Sam 110. 1.

37 Devid ej naetan Iroi j; im ekijkau e nejin? Im armij wan ebuñ-burueir ke rej roñjake.

38 Im Ej ba ñon ir ilo An takin, Komin kejbärok kom jen skraib ro, re kōnan kaltok nuknuk ko air ke rej etetal, im kōnau bwe armij ren yokyokwe ir ilo jikin wia ko,

Jap. 4. 2. Mat. 23. 1-7. Luk 20. 46. & 11. 43.

39 Im ken jijöt ko remön ilo imön kwelok ko, im ijo ko remön ilo kwojkwoj ko:

40 Rej köñil imön köra ro ejoko beleir, im kimje armij kin an ätok air jar; rein re naj bök liakelok elap.

Mat. 23. 14.

41 Im Jisös ej jljöt ikijen nien mönuu, im lala kijkan an armij äti

mõnni na iloan nien monni; im elõñ dri mweie rej äti elõñ.

Luk 21. 1-4. 2 Kin 12. 9.

42 Im juõn kõra, ejeramel im ejo-ko belen, ej itok im äti ruo mõnni reniñ, rej einwõt juõn farthiñ.

43 Im Ej añañintok ro dri kaloran ñõn iben, im ba ñõn ir, Emõl Ij ba ñõn kom, Kõra in ejeramel im ejo-ko belen e ar äti elap jeu ir otemjej r'ar äti na iloan nien mõnni:

2 Kor. 8. 12.

44 Bwe ir otemjej r'ar äti wõt jet jen elõñ mweieir; a lio kin an jera- mel e ar äti men ko an otemjej, aet aolepen men in mour an.

Dut. 24. 6. 1 Jon 3. 17.

### JAPTER 13.

**I**M ke Ej drioielok jen tempel, juõn ian ro dri kaloran ej ba ñõn E, Dri Kaki, Kwon lale mõk ie wäwen ejman kein im mokeln!

Mat. 24. 1-14. Luk 21. 5-19.

2 Im Jisõs e uak im ba ñõn e, Kwoj lo mokein relap ke? ejelok juõn dreka e naj ber ion dron im jab eljõk.

Luk 19. 44.

3 Im ke Ej jijõt ion tol Olivet iki- jen tempel, Piter im Jemes, im Jon im Andru rej mõke wõt im kajitõk iben,

4 Kwon kennanek kim, men kein re naj itok fiat? im ta kakõle ñe men kein otemjej re nañin jejit?

5 Im Jisõs ej jino An ba ñõn ir, Komin lale bwe ejelok armij en mone kom.

Jer. 29. 8. Ep. 5. 6.

6 Bwe elõñ re naj itok ilo eta, im ba, Ña Kraist, im re naj kejebwäb- weik elõñ.

7 Im ñe komij roñjake tõrinae im nan in tõrinae ko, komin jab lel- ñõñ; bwe emol men kein re naj itok, a jemlokõn e jañin itok.

8 Bwe dri aillñ re naj jutõk mae dri aillñ, im aillñ an kiñ mae aillñ an kiñ, im ilo jet ene e naj makõt- kit lõl, im e naj or fiitta; men kein jino in iñtan.

9 A komin kejbärok kom; bwe re

naj ketõk kom ñõn jar an dri be- ko; im re naj dreñlokwe kom ian imõn kwelok ko; im kom naj jutõk iman mejen iroi redrik im ro relap kin Ña, kin men in kennan ñõn ir.

Mat. 10. 17-19.

10 Im naj kwalok gospel ñõn dri aillñ ko otemjej mokta.

11 Im ñe rej añañinlok im ketõk kom, komin jab luebata mokta a eo kom naj ba: a jabrewõt men eo naj lewoj ñõn kom ilo auõ eo. men in komin konono kake: bwe e jab komeo komij konono, a Jitõb Kwojarjar.

Luk 12. 11. Jerb. 2. 4. & 4. 8. 21.

12 Im jeln im jätin e naj ketõk jeln im jätin bwe eu mij, im jemes nejin; im ajiri ro re naj jutõk na jemeir im jineir, im kõnan bwe re mij.

13 Im armij otemjej re naj matõ- tõre kom kin eta; a eo e naj nikuit ñõn jemlokõn, e in e naj mour.

Dan. 12. 12. Mat. 10. 22.

14 A ñe kom naj lo men eo mes in jõjõik im elap an kokkure, im e jutõk ijo emo an ber ie, (eo ej ko- nono ilo buk en jela kake) inem ro rej ber i Judia ren ko ñõn tol ko.

Mat. 24. 15-28. Dan. 9. 27. Luk 21. 21-24.

15 Im eo ej ber ion im en jab tolõ iloan im, en jab dreloñ bwe en bok men eo jabrewõt jen mweo imõn.

16 Im eo ej ber ilo jikin kallipen jab jeblak bwe en bok kobe eo an.

17 A wo ñõn ro rej bõroro, im ro rej kaninnin ilo ran ko!

Luk 23. 20.

18 Im komin jar bwe en jab ilo ien eblo.

19 Bwe ilo ran ko e naj or iñtan, eo e ar jab einwõt jen jino in kõ- mõnmõn lõl eo Anij e ar kõmõõ- ñõn ien in, im e jamin bar einwõt.

Dan. 12. 1. Joel 2. 2.

20 Im elañe Iroj e ar jab kaletlok ran ko, ejelok kõniek e naj kar mour: a kin An dri kalet, ro Ear kalet ir, E ar kaletlok ran ko.

21 Im ien eo elañe jabrewõt armij

e naj ba ñõn kom, Lo dri Kraist iji, ak Ijueo; komin jab tõmak e.

Luk 17. 23.

22 Bwe e naj jutõk ro dri Kraist wan, im ro dri kanan wan, im re naj kwalok kakõle ko im men in bwilõn ko, bwe, elañe re maroñ, ren kejbwäbweik ro ar kålet ir.

23 A komin kejbärok kom; lo, I ar kennanek kom mokta men otemjej.

24 A ilo ran ko, ilokõn iñtan eo, al e naj marok, im aliñ e jamin romak,

Mat. 24. 20-26. Luk 21. 25-38.

25 Im iju i lõn re naj wutlok, im men ko rekajur i lõn re naj makõt-kit.

26 Im ien eo re naj lo Nejin armij ɛj itok ilo kõro ko, kin elap kajur im wuj.

Dan. 7. 13, 14. Mat. 16. 27. Jap. 14. 62.

27 Im ien eo E naj jilkinlok enjel ro An, im E naj kokweloktok ro ar kålet ir jen emen kõto, jen mõtõn lõl etoloktata ñõn mõtõn lõn etoloktata.

28 Komin katak parebõl jen wijki fig: ñe ej ub ran, im ej eoñ bwilik, kom jela ebak ien mǎñan.

Luk 21. 29.

29 Bareinwõt kom, ñe komij lo men kein rej waloktok, komin jela Ej ebak, aet iturin kejem ko.

30 Emol Ij ba ñõn kom, ebepen in e jamin joko mokta jen men kein otemjej naj itok.

31 Lõn im lõl re naj joko: a nan ko Aõ re jamin joko.

Isa. 40. 8.

32 A ran eo im auõ eo ejelok en e jela kake, jab enjel ro rej ber i lõn, jab Nejin, a Jema wõt.

33 Komin kejbärok kom, komin ekil im jar: bwe kom jaje ñat ien eo.

Mat. 25. 13. Luk 12. 40.

34 Ej einwõt ke juõn armij ej ilok ñõn ene etolok, ej likit mweo imõn, im ej lelok nan in kallimur ñõn ro dri korijeran, im ñõn armij otemjej air jeral, im bareinwõt jiroñ dri bar kejem bwe en ekil.

Mat. 24. 45. & 25. 14.

[Marshall Islands.] 3T

35 Inem komin ekil; bwe kom jaje ñat iroij in mweo ej itok, ke ejota, ak ilukwõn boñ, ak ñe kako ej ekir, ak ñe ejiboñ;

Mat. 24. 42, 44.

36 Ñe ab naj mõkõj au itok im lo ami kiki.

37 Im nan eo Ij ba ñõn kom, Ij ba ñõn otemjelok, Komin ekil.

#### JAPTER 14.

**I**LOKÕN ruo ran kwojkwoj in kijone, im bred e jab uwe; im pris ro relap im skralb ro rej bebe, e naj kijkan air jibwe E ilo mon im mõn E:

Mat. 26. 2-5. Luk 22. 1. Jon 11. 55. & 13. 1.

2 Bwe rej ba, En jab iomin kwojkwoj, ñe ab iruij armij.

3 Im ke Ej ber i Betani iloan imõn Saimõn, dri leper, ke Ej jiberak im mõña, juõn kõra ej itok alebaster nien dren in kabit uard iben, elap wõnan; im ej rupe nien, im lutõk ion bõran.

Mat. 26. 6. Jon 12. 1-8. Luk 7. 37.

4 Im jet rej illu, im ba, Etke ej jeroane dren in kabit in?

5 Bwe r'ar maroñ in wiakake men eo im bõk wõnan elap jen jibuki sillin, im lelok ñõn ro rejramel. Im rej lotan e.

6 Im Jisõs ej ba, Komin likit e: etke komij añte e? e ar jeral ñõn Iõ jeral emõn.

7 Bwe dri jeramel rej ber ibemi ien otemjej, im ien eo kom kõnan kom maroñ jiboñ ir; a Ña I jab ber ibemi ien otemjej.

8 Lio e ar kõmõn einwõt an maroñwe: e ar kabit enbwinlõ mokta ñõn kalibwin Iõ.

9 Emol Ij ba ñõn kom, Ijo jabrewõt re naj kwalok gospel in i aolepen lõl, men in lio e ar kõmõne re naj kouono kake bwe ren kememej e.

10 Im Judas Iskariõt, juõn ian joñoul im ruo, ej ilok ñõn iben pris ro relap, bwe en ketõk E ñõn ir.

Mat. 26. 14-16. Luk 22. 3-6.

11 Im ke rej roñjake ebuñburueir, im rej muri bwe ren lelok ñõn e

mönni. Im ej bukot ien emöñ bwe en ketök E ñön ir.

12 Im ran mokta ian ran ko ran in bred e jab uwe, ke rej katok kin men in kijone, dri kaloran rej ba ñön E, Ewi ijo Kwo kōnan kimin ilen kapojök, bwe Kwon mōña men in kijone?

Mat. 26. 17-19. Luk 22. 7-13.

13 Im Ej jilkinlok ruo ian ro dri kaloran, im ba ñön irro, Komin ilok ñön loan jikin kwelok eo, im juñ armij e naj ion komro ej bök-tok ken itök: komin lor e.

14 Im ijo jabrewöt ej dreloñ ie, komin ba ñön iroj in mweo, Dri Kaki ej ba, Ewi mōjabeo ijo I naj mōña men in kijone iben ro dri kalora?

15 Im e naj bakajen ñön komro bo jabeo elap emwij kökōmōnmōñ im kapoje: ijo komin kapoj mae kij ie.

16 Im dri kaloran rejro ilok, im dreloñ ñön loan jikin kwelok eo, im lo einwöt E ar ba ñön ir: im rej kapojök men in kijone.

17 Im ke ejota Ej itok im joñoul im ruo iben.

Mat. 26. 20-24.

18 Im ke rej jiberak im mōña, Jisös e ba, Juñ iani e naj ketök Iö, aet eo ej mōña iba.

19 Im rej jino in buromōj, im kaju air ba ñön E, Ña ke?

20 Im E ba ñön ir, E juñ ian joñoul im ruo, eo ej katulok iba iloan jabe.

21 Nejin armij ej ilok, im einwöt jeje kin E; a wo ñön armij eo ej ketök Nejin armij! e naj kar emöñ elañe armij eo e ar jab lotak.

Luk 22. 22.

22 Im ke rej mōña, Jisös ej bök bred, im jar im ruje, im lelok ñön ir im ba, Komin bök e; men in enbwiniö.

Mat. 26. 26-29. Luk 22. 19, 20. 1 Kor. 11. 23-25.

23 Im Ej bök köp, im ke emwij An jar, Ej lelok ñön ir; im ir otemjej rej illimi.

24 Im E ba ñön ir, Men in draö in kalimur, eo katorlok e ñön elöñ.

25 Emol Ij ba ñön kom, I jamin bar illimi leen valn ñön ran eo Ij illimi im ekäl ilo allñ in Anij.

26 Im ke emwij air al, rej driöj im ilok ñön tol Ollivet.

Mat. 26. 30-35.

27 Im Jisös ej ba ñön ir, Kom otemjej naj tibñil: bwe ar jeje, I naj mōñ šeperd, im šip ko re naj jibliklok.

Zek. 13. 7.

28 A elikiu Aö jerkakbiji, I naj mököjlok jen kom ñön Galili.

jav. 16. 7.

29 A Piter e ba ñön E, Elañe ir otemjej re naj tibñil, a ña jab.

Luk 22. 33, 34. Jon 13. 37, 38.

30 Im Jisös e ba ñön e, Emol Ij ba ñön yuk, ranin, aet ilo boñin in, mokta jen an kako ekir alen ruo, kwo naj karmijet Iö alen jiu.

31 A ej kalaplok au ba, Elañe Ij mije Yuk, I jamin karmijete Yuk ñöu jirik. Ein drein bareinwöt ir otemjej re ba.

32 Im rej itok ñön ijo jikin etas Getsemane: im e ba ñön ro dri kaloran, Komin jijöt ijin ilo ien Aö jar.

Mat. 26. 26-46. Luk 22. 30-46. Jon 13. 1.

33 Im Ej añin Piter im Jemes im Jon iben, im jino An kanuij bwilöñ, im elap An erro buruen;

34 Im E ba ñön irjil, Aö e kanuij buromōj einwöt ñön mij: komin ber ijin, im ekil.

Jon 12. 27.

35 Im Ej ilok jirik, im buñ ion köl im jar, bwe elañe e maroñ, auö in en ilok jen E.

36 Im E ba, Abba, Jema, Kwo maroñwe men otemjej; Kwon böklok köp in jen Iö: a en jab ankil Aö, a ankil Am.

itom 8. 15. Gal. 4. 6. Jon 5. 20. & 4. 22.

37 Im Ej itok im lo air kiki, im Ej ba ñön Piter, Salmōñ, kwoj kiki ke? kwo jab maroñ in ekil iomñ juñ auö ke?

38 Komin ekil im jar, bwe komin



Jab dreloñ iloan kabo. An ekōnan, a kōnlek emōjino.

39 Im Ej bar ilok, im jar, im bar ba nan ko.

40 Im ke Ej jeblak, Ej lo air bar kiki, bwe erro mejeir, im re jaje ta eo ren uak E.

41 Im Ej itok alen ken ka jllu, im ba ñōn ir, Komin kiki wōt kiō, im kakijeik komi: emwij; auō e motok; lo, ketōke Nejin armij ñōn loan pein ro dri jerawiwi.

Jon 18. 1.

42 Komin jerkak, jen etal; lo eo ej ketōk Iō ebak.

43 Im emōkōj, ke Ej konono, Judas, juōn ian joñoul im ruo, ej itok, im elōñ armij iben, eor jāji im drun ibeir, jen iben pris ro relap, im skraib ro, im elder ro an armij rōn.

Mat. 26. 47-56. Luk 22. 47-53. Jon 18. 3-11.

44 Im eo ej ketōk E, e kar lelok ñōn ir kakōlen, im ba, Eo I naj mejenmaike, E eo: komin jibwe E im añinlok im drebij E.

45 Im ke ej itok, emōkōj an ilok ñōn iben im ba, Rabbai, im ej mejenmaik E.

46 Im rej kōtellok peir im jibwe.

47 Im juōn ian ro rej jutōk ijo, ej nuri jāji eo an, im jebōk dri kori- jeran pris eo elap, im bukwe lojili- ñin.

48 Im Jisōs e uak im ba ñōn ir, Komij itok einwōt nae dri koarōñ ke, kin jāji ko im drun ko bwe komin jibwe Iō?

49 Ran otemjej I ar ber ibemi iloan tempel, im katakin, im kom ar jab jibwe Iō: e añin bwe en kamol nan in Jeje ko.

Luk 24. 44.

50 Im ir otemjej rej ilok jen E, im ko.

51 Im juōn likao ej lor E, nuknuk linen ej kabol enbwinin ekelwan: im rej jibwe;

52 A ej likit nuknuk linen eo, im kelwan e ko jen ir.

53 Im rej añinlok Jisōs ñōn iben pris laplap; im pris otemjej relap,

im elder ro, im skraib ro r'ar kwe- loklok ñōn iben.

Mat. 26. 57-68. Luk 22. 54. Jon 18. 13.

54 Im Piter e kar lor E, im etoane, ñōn loan mweo imōn pris laplap; im ej jijōt iben ro dri kabwijrōk, im ej rōñrōñ ilo kijeeke.

55 Im pris ro relap im dri bebe otemjej rej kabuk kennan nae Jisōs, bwe ren mōn E, im ejelok air loe.

56 Bwe elōñ rej riōp nae E, a e jab einwōt juōn air in nan.

57 Im jet re jutōk, im riōp nae E, im ba,

58 Kim ar roñ An ba, I naj rupe tempel in kōmōne kin pā ko, im iomin jilu ran I naj kalek bar juōn, im jab kōmōne kin pā ko.

Jap. 15. 29. Jon 2. 19.

59 A e jab einwōt juōn air in nan.

60 Im pris laplap ej jutōk lolap, im kajitōk iben Jisōs im ba, Kwo jab uak ñōn jirik ke? Ta eo rein rej kennan nae Yuk?

61 A Ej kejeklokjen, im jab uak. Pris laplap eo ej bar kajitōk iben, im ba ñōn E, Kwe dri Kraist ke, Nejin Eo Emōūñō?

Isa. 53. 7.

62 Im Jisōs e ba, Ña E: im kwo naj lo Nejin armij Ej jijōt i anbij- maroñok kajur, im itok ilo kōro ko i lōñ.

Mat. 24. 30. Luk 22. 69.

63 Inem pris laplap eo ej kekel nuknuk ko an, im ba, Etke jej aik- wij bar jet dri kennan?

64 Kom ar roñjake blaspim eo. Ta ami lemnok? Im ir otemjej rej liakelok E, bwe eor ruōn bwe En mij.

65 Im jet rej jino air iyelok E, im binej mejen, im jekanunok E, im ba ñōn E, Kwon drikanij: im dri kabwijrōk rej ubrare kin loberen pelr.

66 Im ke Piter ej ber ilōl iloan im, juōn jiroñ, dri korijeran pris laplap ej itok:

Mat. 26. 58, 69-75. Luk 22. 55-62. Jon 18. 16-18.

67 Im ke ej lo Piter e rōñrōñ, ej

kalimjeke, im ba, Im kw'ar ber iben Jisös dri Nazeret.

68 A ej karmijete im ba, I jaje im jab melele men eo kwoj ba. Im ej drioljlok ñòn tòñak; im kako ekir.

69 Im jiroñ ej lo e, im jino an bar ba ñòn ro rej jutök ljo, E in juòn lair.

Jon 18. 25-27.

70 Im ej bar karmijete. Im toke-lik jirik, ro rej jutök ijo rej bar ba ñòn Piter, Emol kwe juòn lair; bwe kwe dri Galil.

Jerb. 2. 7.

71 A e jino an kamol im kanöjuj, im ba, I jaje armij in komij konono kake.

72 Im emököj alen ken ka ruo an kako ekir. Im Piter ej kememej nan eo Jisös e ar ba ñòn e, Mokta jen kako ekir alen ruo, kwo naj karmijete Iö alen jilu. Im ke ej lemnok kake, ej jöñ.

#### JAPTER 15.

**I**M emököj ke ejibofi pris ro relap rej bebe iben elder ro, im skraib ro, im dri bebe otemjej, im rej liabe Jisös, im añinlok im ketök E ñòn Pailat.

Sam 2. 2. Mat. 27. 1. Luk 22. 66. Jon 18. 23.

2 Im Pailat ej kajitök iben, Kwe kiñ an dri Ju ro ke? Im E uak im ba ñòn e, Kwoj ba.

Mat. 27. 11. 14.

3 Im pris ro relap rej kinaklok E kin men ko relöñ.

4 Im Pailat ej bar kajitök iben im ba, Ejelok Am uak ke? Lo enañiu löñ men ko rej jaröklok Yuk kaki.

5 A Jisös e jab bar uak ñòn jirik; kin men in Pailat e bwilöñ.

Isa. 53. 7. Jon 19. 9.

6 A ilo kwojkwoj eo ej kötlok ñòn ir juòn dri prisöñ, jabrewöt eo re kōnan.

Mat. 27. 15-26. Luk 23. 17-25. Jon 18. 39.

7 Im juòn etan Barabbas, emwij liabe iben ro r'ar kabata, ir armij r'ar uror ilo air kabata.

8 Im jar eo ej wöñliñlok im jino air kajitök iben, bwe en kömöñ

ñòn ir einwöt ej kömöñ ien otem-  
jej.

9 A Pailat ej uak ir, im ba, Kom kōnan bwe In kötlok ñòn kom kiñ an dri Ju ro ke?

10 Bwe ej kilil pris ro relap, r'ar ketök E kin air junmare.

11 A pris ro relap rej karel buruen armij rōñ, bwe en kötlok Barabbas ñòn ir.

Jerb. 3. 14.

12 Im Pailat e bar uak im ba ñòn ir, Inem ta eo komij kōnan bwe in kömöñ ñòn Eo kom ba, E kiñ an dri Ju ro?

13 Im rej bar lamij, Kwon dre-bail E.

14 Inem Pailat ej ba ñòn ir, Böta: ta eo enana E ar kömöñe? Im rej kanuij kalaplok air lamij, Dre-bail E.

15 Inem Pailat, kin an kōnan kainemōñe jar eo, ej kötlok Barabbas ñòn ir, im ketök Jisös, ke emwij an dreñlok E, bwe ren dre-bail E.

Jon 19. 1. 16.

16 Im dri törinae rej añinlok E ñòn loan jikin eo etan Pritoriöm, im rej kokweloktok jar an törinae otemjej.

Mat. 27. 27-32.

17 Im rej kanuknuk E kin balle ekilmir, im birök belin kälilik, im likit e ion böran;

18 Im jino air yokyokwe, Yokwe Yuk, kiñ an dri Ju ro!

19 Im rej dreñlok böran kin koba, im iyelok E, im rej bukwelölö im kabuñ ñòn E.

20 Im ke emwij air kajirere, rej wutik nuknuk ko ekilmir jen E, im kanuknuk E kin nuknuk ko An, im añinlok E bwe ren dre-bail E.

21 Im juòn etan Saimōñ, dri Sairine, jemen Alexander im Rusö, ke ej itok jen ilujen ene, im nañia kijoue, rej kanokokoik e bwe en inek An dre-bail.

Luk 23. 36.

22 Im rej añinlok e ñòn jikin

Golgota, ukotōn nan in, Jikin lōt in bōr.

Mat. 27. 33-56. Luk 23. 33. Jon 19. 17.

23 Im rej lelok nōn E wain ekāre kin mōrr bwe En irak; a E jab bōk e.

24 Im rej dreball E, im ajej nuk-nuk ko An ilo juōn kakōle ioir, bwe ren jela ewi men ko air.

Sam 22. 18. Luk 23. 34. Jon 19. 23.

25 Im auō ken ka druatimjuōn, im rej dreball E.

Jon 19. 14.

26 Im nan in kinaklok kake em-wij jeje ilōñin, KIÑ AN DRI JU RO.

Mat. 27. 37. Luk 23. 35. Jon 19. 19.

27 Im rej dreball ruo dri koaroñ na iben, juōn i anbijmaroñōn, im juōn i anmiñin.

29 Im ro rej elālok rej kajirere kake, im jibolul bōrair, im ba, Kweo, Kwoj kokkure tempel, im kalek e lomin jilu ran,

30 Kwon lomoren Yuk, im tolōl jen dreball ne.

31 Barelnwōt pris ro relap rej kajirere im ba nōn dron kab skraib ro, E ar lomoren ro jet; E jab maroñ mōke lomoren E.

32 Dri Kraist, kif in Israel, En to jen dreball eo, bwe jen lo im tōmak. Im ro ar dreball ir na iben rej kajirere kake.

Luk 23. 39.

33 Im ke ej itok joñoul im ruo auō, amarok ion aolepen ene im nōn jilu auō.

Luk 23. 44-46.

34 Im ke jilu auō, Jisōs ej lamij im elap ainiken, im ba, Eloī, Eloī, lama sabaktani; ukotōn nan in, Aō Anij, Aō Anij, etke Kw'ar illok jen Iō?

Sam 22. 1. Mat. 27. 46-51.

35 Im jet lan ro rej jutōk ijo, ke rej roñjake, re ba, Lo, Ej kir Elaija.

36 Im juōn etōr im katulok mōt-mōt ilo vinegar, im likit e iman koba, im lelok nōn E bwe En irak, im ba, Jab kijir; jen lo Elaija e naj iten drorlōl, ak jab.

Sam 69. 21. Jon 19. 29.

37 Im Jisōs ej lamij im elap ainiken, im kōtlok An.

Jon 19. 30.

38 Im rōñel in tempel e botōk im ruo mōtōn, jen lōñ nōn lōl.

39 Im senturiōn, eo ej jutōk iji-jen, ke ej lo bwe ein drein An mij, e ba, Emol armij in e Nejin Anij.

Mat. 27. 54. Luk 23. 47.

40 Im jet kōra rej aluij im toane: jet ialr Meri Magdalini, im Selome, im Meri jineu James erik im Joses;

Mat. 27. 55. Luk 23. 49.

41 Im iriōñ ke E ar ber i Galili, r'ar lor E, im jerbai nōn E: im bar elōñ kōra ro r'ar wōnliñtok ibentok nōn Jerusalem.

Luk 8. 2, 3.

42 Im kiō ke ejota, bwe len kapojōk, eñin ran iman Sabat,

Mat. 27. 57-61. Luk 23. 50-56. Jon 19. 38-42.

43 Josep dri Arimatia, e dri bebe im emōn, im ej kōtar allin in Anij, ej itok, im eberan in dreloñ nōn iben Pallat, im kajitōk ubōn Jisōs.

Luk 2. 25, 38.

44 Im Pallat e bwilōñ elañe Emij wōt; im ej añifintok senturiōn eo, im kajitōk iben, ietoñ An emij.

45 Im ke e jela jen senturiōn, ej lelok ubōn nōn Josep.

46 Im ej wiaik nuknuk linen, im drorlōl, im kitimi kin nuknuk linen eo, im kababu e ilo lūp eo, ar jekjek e ilo droka, im ej karebillok ejman na ilo aur in lūp eo.

47 Im Meri Magdalini, im Meri jineu Joses, rej lo ijo r'ar likit e ie.

## JAPTER 16.

**I**M ke ejemlok Sabat, Meri Magdalini, im Meri jineu Jemes, im Selome, r'ar wiaik men ko reñōj, bwe ren item kabit E.

Mat. 28. 1-8. Luk 24. 1-10. Jon 20. 1. Luk 23. 56.

2 Im ke ej jimarok, ran eo mokta ilo wik, rej itok nōn lūp eo ke ej tak al.

3 Im re ba nōn dron, Wōn e naj karebillok nōn kij ejman jen aur in lūpōu?

4 Im ke rej lale, rej lo ejman eo erebillok; bwe e kanuij lap.

5 Im ke rej dreloñ iloan lüp eo, rej lo juññ likao ej jijöt i anbijmaröñ, ej balle kin kobe emouj; im re kömlök.

Jon 20. 11, 12.

6 Im e ba ñön ir, Komin jab kömlök: komij bukot Jisös dri Nazeret, eo ar dreball E: E ar jerkakbiji; E joko ijin; komin lale ijo r'ar kababu E.

7 A komin ilok, kennanek ro dri kaloran im Piter, Ej mököjlok jen kom ñön Galili, ijo kom naj lo E, einwöt E ar ba ñön kom.

Mat. 26. 32. Jap. 14. 28.

8 Im rej drioijlok, im emököj air ko jen lüp eo: bwe rej wurririr im bwilöñ: im ejelok air ba ñön jabrewöt armij, bwe re mijök.

9 [Im ke Jisös ej jerkakbiji ke ejimarok ilo ran mokta ilo wik, Ej weaktok mokta ñön Meri Magdalini, eo E ar kajutöklok jiljillimjuññ dimon jen iben.

Jon 20. 14. Luk 8. 2.

10 Im ej llem kennanek ro re karber iben, ke rej buromöj im jöñti.

Luk 24. 10. Jon 20. 18.

11 Im ir, ke emwij air roñjake bwe Ej mour, im lio e ar lo E, re jab tömak.

Luk 24. 11.

12 Elikin men kein, Ej weaktok ilo bar juññ wäwen ñön ruo lair, ke rej ilok ñön lujen ene.

Luk 24. 13.

13 Im rej llem kennanek ro jet: im re jab tömak ir.

14 Tokelik Ej weaktok ñön joñoul im juññ ke rej jiberak im möña, im Ej kowe ir kin air jab tömak im bin burueir, bwe r'ar jab tömak ro r'ar lo E elikin An jerkakbiji.

Luk 24. 36. Jon 20. 19. 1 Kor. 15. 5.

15 Im E ba ñön ir, Komin ilok ñön aolepen löl, im kwalok gospel ñön armij otemjelok.

Mat. 28. 19. Kol. 1. 23.

16 Eo ej tömak im baptais, e naj mour; eo e jab tömak, naj liakekok e.

Jon 3. 18, 36. & 12. 48. Jerb. 2. 38. & 16. 30, 31. 32. Rom 10. 9. 1 Pit. 3. 21.

17 Im kaköle kein re naj iben ro rej tömak: ilo eta re naj kajutöklok dimon ro; im re naj konono kin lo ko rekäl;

Luk 10. 17. Jerb. 5. 16. & 8. 7. & 16. 18. & 19. 12. Jerb. 2. 4. & 10. 44. & 19. 6.

18 Re naj kwotöke serpent ko: im elañe rej ilimi uno kön mij ejelok nana lbeir; re naj likit peir ion ro renañinmij, im re naj mour.

Luk 10. 19. Jerb. 28. 5. & 5. 15, 16. & 9. 17. & 28. 8. Jem. 5. 14, 15.

19 Inem ñe emwij an Irolj konono ñön ir, ar böklilölok E ñön löñ, im E jijöt i anbijmaröññ Anij.

Jerb. 1. 3. Luk 24. 51. Sam 10. 1. Jerb. 7. 55.

20 Im rej ilok, im kwalok ijo ko otemjej, im Irolj ej jermal lbeir, im Ej kabin nan eo kin men in bwilöñ ko, r'ar kömönmöni. Amen.]

Jerb. 5. 12. & 14. 3. 1 Kor. 2. 4, 5. Hib. 2. 4.

## GOSPEL LUK E AR JE.

### JAPTER 1.

**B**WE elöñ r'ar kajeoñ bwe ren kajimelök bwebwenato kin men ko rejelij lolaper,

2 Einwöt r'ar letok ñön kij, ro dri lale kin mejeir im dri jermal ilo nan jen jinoin;

Mark 1. 1. Jon 15. 27. Hib. 2. 3. 2 Pit. 1. 16. 1 Jon 1. 1.

3 Aö lemnok bar einwöt emöñ iba, kin aö kanuij jela men otemjej jen jinoin, bwe in jeje jimewöt ñön kwe, Tiopilös emöñ potata,

Jerb. 15. 25, 28.

4 Bwe kwon jela remol nan ko ar katakin yuk kaki.

Jon 20. 31.

5 Ilo ran ko rau in Herod, kiñ in

Judia, juön pris etan Zakeralas, ilo jar an Abaija; im lio belen juön lan ro nejn Arön, im etan Elisabet.

Mat. 2. 1. 1 Kron. 24. 10.

6 Im irro emön mwilir iman mejen Anij, im rej etetal ilo kien ko otemjej, im kabuñjar ko an Iroj, im ejelok notair.

Jen. 7. 1. & 17. 1. Job 1. 1. Jerb. 23. 1. & 24. 16.

7 Im ejelok nejir, bwe Elisabet ewar, im irro re ridto wöt.

8 Im ke ej kömön jermal eo an pris iman mejen Anij ilo ran ko an,

1 Kron. 24. 19. 2 Kron. 8. 14. & 31. 2.

9 Einwöt mönit an pris, kwonan bwe en dreloñ iloan tempel in Iroj, im kökaijurjur.

Eka. 30. 7, 8. 1 Samuel 2. 28. 1 Kron. 23. 13.

10 Im bwijin armij otemjej r'ar jar inabij ilo auö in kökaijurjur.

Rev. 8. 3, 4.

11 Im enjel in Iroj ej weaktok ñön e im e jutök i anbijmaroñön lokatok in kökaijurjur.

Eka. 30. 1.

12 Im ke Zakeralas ej loe, e abwin-möke, im mijök e buñ ion.

Eka. 6. 22. & 13. 22. Dan. 10. 8. Jap. 2. 9. Jerb. 10. 4.

13 A enjel e ba ñön e, Zakeralas, kwon jab mijök: bwe emwij roñjake am jar; im Elisabet, lio beleöm, e naj kemour nejn man ñön kwe, im kwo naj likit etan Jon.

Jap. 1. 60, 62.

14 Im kwo naj löñlifi im buñburuöm; im elöñ re naj löñlifi kin an lotak.

Jap. 1. 58.

15 Bwe e naj lap iman mejen Iroj, im e jamin irak wain ak dren ekajur: im e naj obrök kin Jitöb Kwojarjar jen lojen jinen.

Bwin. 6. 3. Eka. 13. 4. Jap. 7. 33. Jer. 1. 5.

16 Im elöñ ro nejn Israel e naj ukot ir ñön Iroj air Anij.

Mal. 4. 6.

17 Im e naj llok imanlok ilo jitöb im kajur an Elaija, bwe en ukot buruen jemeir ñön ro nejir, im ro re jab bokake ñön meletlet an ro

dru wänik; bwe en kapojök ñön Iroj armij ro rerelok ñön E.

Mat. 11. 14.

18 Im Zakeralas ej ba ñön enjel eo, e naj kijkan aö jela men in? bwe ña lölap, im lio beliö lilap.

Jen. 17. 17.

19 Im enjel ej uak im ba ñön e, Ña Gabriel eo ej jutök iman mejen Anij; im ar jilkinwoj iö bwe in konono ñön yuk, im kwalok ñön kwe nan kein remön.

Dan. 8. 16. & 9. 21. Mat. 18. 10.

20 Im lo, kwo naj kejeklokjen, im jab maroñ in konono mae ran eo men kein re naj walok, bwe kw'ar jab tömak nan ko aö, re naj jejit ilo ien eo air

Ezek. 3. 26. & 24. 27.

21 Im armij rej kötari Zakeralas, im bwilöñ bwe eto an ber iloan tempel

22 Im ke ej drioi, e ban konono ñön ir: im rej killi bwe e ar lo visiön iloan tempel: im ej jitöñ ir, im ej kejeklokjen.

23 Im ke ran ko ran in jermal eo an remotelok, ej ilok ñön mweo imön.

2 Kin 11. 5.

24 Im elikin ran ko, lio belen, Elisabet, ej böroro, im ej tilekek lomin lailm alifi, im ba,

25 Ein drein an Iroj kömön ñön iö ilo ran ko ke E ar lale iö, bwe En bökklok aö jok iben armij.

Jen. 30. 23.

26 Im ilo alifi ken ka jiljino, ar jilkinlok enjel Gabriel jen Anij ñön juön jikin kwelok i Galili, etan Nazeret,

27 Ñön juön virjin mokta jen an belek juön eman etan Josep, ilo nukin Devid; im etan virjin eo Meri.

Mat. 1. 18. Jap. 2. 4, 5.

28 Im enjel ej dreloñ ñön iben, im ba, Yokwe yuk, kwe elap am jerrammön, Iroj ej ber lböin.

Eka. 6. 12. Dan. 9. 23. & 10. 19.

29 A ej lokjenan kin an in nan, im ej kalomönlokjen ie eiu Yokwe in.

30 Im enjel ej ba ñòn e, Meri, kwoñ jab mojók: bwe kw'ar lo joij jen Anij.

31 Im lo, kwo naj b'ororo, im kemour nejom man, im kwo naj likit etan Jisra.

Isa. 7. 14. Mat. 1. 21. Jap. 2. 21.

32 E naj laplap, im naj naetan Nejin Eo Eutiejtata: im Iroj Anij e naj lelok ñòn E tron eo an Devid jemen:

Mark 5. 7. 2 Samuel 7. 11. 12. Sam 13. 11. Isa. 9. 6. 7. & 16. 5. Jer. 23. 5. Rev. 3. 7.

33 Im E naj iroj ion im'ón Jek'ób in drio: im aliñ eo An e jamin jemlok in drio.

Dan. 2. 44. & 7. 14. 27. Mika 4. 7. Jon 12. 34. Hib. 1. 8.

34 Inem Meri ej ba ñòn enjel eo, E naj kijkan men in, bwe I jab jela man?

35 Im enjel ej uak im ba ñòn e. Jit'ób Kwojarjar e naj itok iom, im kajur an Eo Eutiejtata e naj kalur yuk; im kin men in Eo kwojarjar e naj lotak naj likit etan Nejin Anij.

Mat. 1. 20. & 14. 33.

36 Im lo, je'óm, Elisabet, ej bar einw'ót b'ororo kin nejin man ilo ien an lilap: im ien in aliñ ken ka jiljino iben eo r'ar ba, Ewar.

37 Bwe ejelok nan jen Anij e naj m'ojino.

Rom 4. 21.

38 Im Meri ej ba, Lo fia dri korijeran Iroj: en ber iba einw'ót am in nan. Im enjel ej ilok jen e.

39 Im Meri ej jut'ók ilo ran ko, im em'ók'ój an ilok ñ'ón eneo eutiej, ilo ju'ón jikin kwelok i Juda;

Jos. 21. 11.

40 Im ej dreloñ iloan im'ón Zakeralas, im yokyokwe Elisabet.

41 Im ke Elisabet ej roñ yokyokwe an Meri, niñniñ ej lienen ilo lojien; im Elisabet ej obr'ók kin Jit'ób Kwojarjar:

42 Im ej konono im elap ainken, im ba, Kwe kwo m'ón'ón lan k'óra r'ón, im em'ón'ón inen loj'óm.

Ekuj. 5. 24.

43 Im e jen ia men in iba, bwe jinen a'ó Iroj ej itok ñ'ón iba?

44 Bwe lo, em'ók'ój ke am yokyokwe ej dreloñtok lojiliñ'ó, niñniñ ej lienen i loj'ó kin k'óliñ.

45 Im em'ón'ón eo e ar t'ómak: bwe e naj jejit men ko Iroj e ar konono ñ'ón e.

46 Im Meri ej ba, A'ó ej nebar Iroj.

1 Samuel 2. 1-10. Sam 34. 2. 3. & 35. 2. Hab. 2. 18.

47 Im a'ó jit'ób e ar k'óliñ ilo Anij a'ó dri Lomor;

48 Bwe E ar lala an et'á dri korijeran; bwe lo, jen ien in ebeben otemjej re naj ba ij m'ón'ón'ó.

1 Samuel 1. 11. Sam 13. 6. Mal. 2. 12. Jap. 11. 27.

49 Bwe Eo ekajur E ar k'óm'ón'ón men ko relap ñ'ón i'ó: im Etan ekwojarjar.

Sam 71. 19. & 129. 2. 3. & 111. 9. Jen. 17. 7. Eks. 20. 6. Sam 103. 17.

50 Im Ej tiriamokake ro rej mij'ók E jen ebeben ñ'ón ebeben.

51 E ar kwalok kajur kin pein: im E ar kijibliklok ro dri jua ilo lemnok an burueir.

Sam 98. 1. & 118. 15. Isa. 40. 10. & 51. 9. & 52. 10. Sam 33. 10. 1 Pit. 5. 5.

52 E ar k'ótaik iroj r'ón jen alr ken jij'ót, im E ar koutiej ro rej et'á.

1 Samuel 2. 6-8.

53 E ar kamat ro rej kwuli kin men ko rem'ón; im ro dri mweie Ej jilkinlok im ejelok ibeir.

1 Samuel 2. 5. Sam 34. 10.

54 E ar jib'ón Israel, dri korijeran, bwe En kememej An tiriamo,

Sam 98. 3. Jer. 31. 3. 20.

55 Ñ'ón Ebream im inen, in drio, einw'ót E ar konono ñ'ón ro jimar.

Jen. 17. 19. Sam 132. 11. Gal. 3. 16.

56 Im Meri ej ber iben iomin jilu aliñ, im ej jeblak ñ'ón mweo im'ón.

57 Ki'ó ejejit ien an Ellsabet keutak: im ej kemour nejin man.

58 Im ro dri turin kab ro nukin rej roñjake kijkan Iroj e ar kalaplok An tiriamo ñ'ón e: im rej l'óliñ iben.

59 Im ilo ran eo ken ka dualit'ók, rej itok bwe ren mijmij niñniñ: im rej naetan Zakeralas, etan jemen.

Jen. 17. 12.

60 Im jinen ej uak im ba, Jab, a etan Jon.

61 Im rej ba ñõn e, Ejelok juõn lau ro nukum re kar likit åt in.

62 Im rej romeje jemen, åt õt eo e kõnan bwe ren likit etan.

63 Im ej kajitõk kin ken jeje. Im ej jeje, im ba, Etan Jon. Im ir otemjej re bwilõõ.

64 Im emõkõj loñin ebellok, im loin emjõl, im ej konono, im nebar Anij.

65 Im mijõk ej itok ioir otemjej rej jokwe iturir: im nan kein otemjej re buñbuñlok i ene utiej otemjej i Judia.

66 Im ir otemjej rej roñjaki, rej likiti ilo burueir im ba, Inem e naj kijkan ajiri in? Bwe pein Iroi j e ar ber iben.

Jap. 2. 19. 51. Sam 80. 17. Jerb. 11. 21.

67 Im Zakeralas jemen, ej obrõk kin Jitõb Kwojarjar, im ej drikanij im ba,

Joel 2. 28.

68 Ren nebar Iroi j eo Anij in Israel, bwe E ar itok im lomoren ro dron,

1 Kin 1. 48. Sam 41. 13. & 72. 18. & 106. 48.  
1 Eks. 3. 16. Sam 111. 9. Jap. 7. 16.

69 Im E ar kajutõk drun in lomor fiõn kij ilo nukin Devid, dri kori-jeran;

Sam 132. 17.

70 Einwõt E ar konono kin loñin dri kanan kwojarjar ro An jen eto: Jer. 23. 5, 6. & 30. 9. Jerb. 3. 21. Rom 1. 2.

71 Lomor jen ar dri kijiråt, im jen pein ro otemjej rej kitõtõkake kij;

72 Bwe En kõmõnnõn tiriamo fiõn ro jimar, im kememej An kallimur ekwojarjar,

Levai 26. 42. Sam 106. 8, 9. & 106. 45.

73 Kanõjni j eo E ar kanõjni j fiõn Ebream, jimar,

Jen. 22. 16, 17.

74 Bwe En letok fiõn kij, bwe jen mejõl jen pein dri kijiråt ro ar, im bwe jen jermal fiõn E im ejelok mijõk,

75 Ilo kwojarjar im wånik iman mejen lomn ran otemjej ar.

Ep. 4. 24. 2 Tes. 2. 13. 2 Tim. 1. 9. Tait. 2. 12. 1 Pit. 1. 15. 2 Pit. 1. 4.

[Marshall Islands.] 3T\*

76 Aet, im kwe, O ajiri, naj likit etõm Dri kanan an Eo Eutlejtata: bwe kwo naj ilok iman mejen Iroi j, bwe kwon kapojõk ial ko An;

Mal. 3. 1. & 4. 5. Mat. 11. 10.

77 Bwe kwon lelok jela mour fiõn armij ro An, kin jeorlok jerawiwi ko air,

Mark 1. 4. Jap. 3. 3.

78 Kin elap tiriamo an ar Anij: ilo men ko rantak jen lõõ e naj walok fiõn kij,

Isa. 11. 1. Zek. 3. 3. Mal. 4. 2.

79 Bwe en kamramlok ro rej jijõt ilo marok im ilo lurin mij, bwe en kajime neer ilo ial in ainemõn.

Isa. 9. 2. & 42. 7. & 49. 9. Mat. 4. 16.

80 Im ajiri eo ej edrek im kajurlok ilo an, im ej ber ilo ene jemaren ko mae ran eo ej mõke walok fiõn Israel.

Jap. 2. 40. Mat. 3. 1. & 11. 7.

## JAPTER 2.

**I**M ilo ran ko, juõn kien ej ilok jen Sisar Augõstõs bwe ren je dri lõl otemjej.

2 Im r'ar kõmõn jeje in mokta ke Sairiniõs e iroi j in Siria.

Jerb. 5. 37.

3 Im ir otemjej rej ilok bwe ren jeje ir, jabrewõt ialr fiõn jikin kwelok eo an.

4 Im bareinwõt Josep e ar wõn-liflok jen Galili, jen jikin kwelok Nazeret, fiõn Judia, fiõn jikin kwelok an Devid, naetan Betleem, bwe e ilo bwiju im nukin Devid;

1 Samuel 16. 1. 4. Jon 7. 42.

5 Bwe ren je e, iben Meri mokta jen airro belele, im e bõroro.

6 Im ke rej ber ijo, ejelit ran ko ej keutak.

7 Im ej keutak manjien, im kirboke, im kababu e ilo menjer; bwe ejelok jikir ilo imõn drua majjet.

Mat. 1. 25.

8 Im ilo eneo eor şeperd rej ber ilo jikin ujoj, im lale bwijin şip ko air ilo boñ.

9 Im lo enjel in Iroi j ej jutõk iturir, im wuj an Iroi j ej romak ioir: im elap air lelfiõn.

Jap. 1. 12.

10 Im enjel ej ba ñõn ir, Komin jab lelñõñ: bwe lo, ij bõkwõj ñõn kom nan ko remõu, nan in lõñliñ elap, im e naj ñõn armij otenjelok.

11 Bwe ranin elotak ñõn kom ilo jikin kwelok an Devid, Dri Lomor, E Kraist Iroi.

Isa. 9. 6. Mat. 1. 16, 21. & 16. 16. Jap. 1. 43. Jerb. 2. 36. & 10. 36.

12 Im men in kakõle ñõn kom; kom naj lo niñuiñ eo emwij kirboke im ej babu ilo menjer.

13 Im emõkõj weaktok iben enjel tok elõñ ian ro dri lõñ, im rej nebar Anij, im ba,

Jen. 23. 12. & 32. 1, 2. Sam 103. 20, 21. Dan. 7. 10.

14 Aibujul ñõn Anij ilo utiejtata, im ainemõn ion lõl iben armij rõn E buñburuen kin ir.

Jap. 19. 38. Rev. 5. 13. Isa. 57. 19. Jap. 1. 79. Rom 5. 1. Ep. 2. 17. Kol. 1. 20. 1 Jon 3. 16. Ep. 2. 4, 7. 2. Tes. 2. 16.

15 Im ke enjel ro remotelok jen ir ñõn lõñ, šeperd ro rej konono ñõn drom, im ba, Kiõ jen ilok ñõn Betleem, im lo men in ej walok, eo Iroi e ar kwalok ñõn kij.

16 Im rej jarõptok im lo Meri, im Josep, im niñuiñ eo ej babu ilo menjer.

17 Im ke emwij air loe, rej kabuñbuñlok nan eo e ar walok ñõn ir kin niñuiñ eo.

18 Im ro otemjej rej roñjake re bwilõñ kin men ko šeperd rõn r'ar konono ñõn ir.

19 A Meri ej drebij men kein otemjej, im kalomõnlokjen kaki ilo buruen.

Jen. 37. 11. Jap. 1. 66.

20 Im šeperd ro rej jeblak, im wijtak im nebar Anij kin men ko otemjej r'ar roñjaki im loi, einwõt konono ñõn ir.

21 Im ke ejemlok drualitõk ran kin mijmij ajiri eo, rej naetan Jisõs, einwõt enjel e ar ba mokta jen an ber i lojien jinen.

Jen. 17. 12. Jap. 1. 59. 1 Mat. 1. 21. Jap. 1. 31.

22 Im ke ejemlok ran ko ran in karreo irekar ñõn kieu Moses, rej bõklok E ñõn Jerusalem bwe ren lelok E ñõn Iroi:

Levai 12. 2-6.

23 Einwõt ar je ilo kien Iroi, Niñuiñ man otemjej re manji, naj likit ir kwojarjar ñõn Iroi;

Eks. 13. 2.

24 Im bwe ren lelok jurtak einwõt ar ba ilo kien Iroi, Ruo tõrtõl döv, ak ruo muli redrik.

Levai 12. 8.

25 Im lo, juõn armij ilo Jerusalem etan Simeõn, im armij in ewanik im emõn mwilin, im ej kõt( ar alnemõn an Israel, im Jitõb Kwojarjar ej ber ion.

Isa. 40. 1. Mark 15. 43.

26 Im Jitõb Kwojarjar e ar kwalok ñõn e, bwe e jamin lo mij mokta jen an lo dri Kraist an Iroi.

Sam 89. 48. Hib. 11. 5.

27 Im ej itok kin Jitõb iloan tempel: im ke jemen im jinen rej bõk-tok niñuiñ Jisõs bwe ren kõmõn kin E ekar ñõn mõntin kien,

Mat. 4. 1.

28 Inem ej jebõk E kin pein, im nebar Anij, im ba,

29 Kiõ Iroi kwon kotlõk iõ dri korjeram ilo ainemõn einwõt Am in nan:

Jen. 46. 30.

30 Bwe meja r'ar lo Am lomor,

Isa. 52. 10. Jap. 3. 6.

31 Eo Kw'ar kapojõk iman mejen armij otemjej:

32 Maram bwe en rome ro dri aillõñ ko, im wuj an ro drom Israel. Isa. 42. 6. & 49. 6. & 60. 1-3. Jerb. 13. 47. & 28. 28.

33 Im jemen im jinen rejro bwilõñ kin men ko konono kin E.

34 Im Simeõn ej jar kin ir, im ba ñõn Meri jinen, Lo, ajiri in Ej ñõn buñ im jerkak an elõñ ilo Israel, im ñõn juõn kakõle rej konono nae e;

Hos. 14. 9. Mat. 21. 44. 1 Kor. 1. 23, 24.

1 Pt. 2. 8. Jerb. 28. 22.

35 Aet im jãji e naj wie im bijlok am; bwe lemnok ko jen elõñ buru ren walok.

Jon. 19. 25.

36 Im juõn dri kanan kõra etan Anna, nejin Paniel, jen bwijin Ašer; e lilap im e kar ber then leo belen iomin jiljilimjuõn ylõ jen ieu an virjin;



37 Im ke ejoko belen ñõn druallitõk-ñioul im emen yiõ, e jab ilok jen tempel, a ej kabuñ ñõn Anij ilo jítlok im jar ko boñ im ran.

Jerb. 26. 7. 1 Tim. 5. 5.

38 Im ilo auõ in ej dreloñ im kamolol Anij, im konono kin E ñõn ir otemjej rej kõtár lomor ilo Jerusalem.

Mark 15. 43. Jap. 24. 21.

39 Im ke emwij air kõmõn men otemjej ekar ñõn kien Iroj, rej jeblak ñõn Galili, ñõn Nazeret jikiu kwelok eo air.

40 Im niñniñ Ej edrek im kajurlok, im eobrõk kin meletlet; im joij in Anij ej ber ion.

Jap. 1. 80. & 2. 52.

41 Im jemen im jinen rej wõnlitõk ñõn Jerusalem ilo yiõ otemjej ñõn kwojkwõj in kijone.

Eks. 23. 15. Dut. 16. 1.

42 Im ke joñul im ruo yiõ An ridto, rej wõnlitõk ilo mõntin kwojkwõj eo.

43 Im ke ejejít ran ko, ke rej jeblak, ajiri Jisõs ej berwõt i Jerusalem: im jemen im jinen re jaje kake.

44 A kin air lemnok Ej ber ilo bwiljin jar eo, rej ilok ilo ial iomin juõn ran; im rej bukot E lolapin ro nukir im ro jerair.

45 Im ke re jab lo E, rej bar jeblaklok ñõn Jerusalem, im kabukot E.

46 Im ilokõn jilu ran rej lo E iloan tempel, Ej jijõt lolapin ro dri kaki, Ej roñjake ir, im kajitõk ibeir.

47 Im ir otemjej rej roñjake re bwilõñ kin An meletlet im nan in uak.

Mat. 7. 28. Jap. 4. 22, 32. Jon 7. 15, 46.

48 Im ke rejro lo E, re lokjenair: im jinen e ba ñõn E, Nejtõ, etke ein drein Am kõmõn ñõn kim? Kimro jemõm ar kabukot Yuk im buromõj.

49 Im E ba ñõn ir, Etke kom ar bukot Iõ? kom ar jaje ke bwe emõn In ber ilo imõn Jema?

Jon 2. 16.

50 Im re jaje kake nan eo E ar konono ñõn ir.

Jap. 9. 45. & 18. 34.

51 Im Ej wõnlitõk ibeir, im itok ñõn Nazeret, im Ej bokake ir. A jinen ej likit nan kein otemjej ilo buruen.

Dan. 7. 28.

52 Im Jisõs ej laplok ilo An meletlet im ridto, im ilo joij iben armij im Anij.

1 Samuel 2. 26.

### JAPTER 3.

**K**IÕ ilo yiõ ken ka joñoul im lalim ilo an Taibirõs Sizar kiñ, ke Pontitõs Pailat ej iroj in Judia, im Herod ej titrak in Galili, im Pillip jein im jätin ej titrak in ene ko an Ituria im Trakonitis, im Laisenas ej titrak in Abiliui,

2 Ke Annas im Kalepas rejro pris relap, nan in Anij ej itok ñõn Jon nejin Zakeraias ilo ene jemaren.

Jon 18. 13. Jerb. 4. 6.

3 Im ej itok ilo ene otemjej iturin Jordan, im kwalok baptais in ukwelok ñõn jeorlok jerawiwi ko:

Mat. 3. 1-12. Mark 1. 4-8. Jap. 1. 77.

4 Einwõt jeje ilo buk in nan ko an Aisala dri kanan, Ainiken juõn ej lamij i ene jemaren, Komin kapoj ial an Iroj, im kajime ial ko An.

Isa. 40. 3. Jon 1. 23.

5 Komlõl otenimej re naj jeñõk, im tol otemjej relap im redrik re naj etãlok, im men ko r'ankeke re naj jime, im ial ko reberakilkil re naj eoair wõt juõn:

6 Im kõnlek otemjej re naj lo lomor jen Anij.

Sam 98. 2. Isa. 52. 10. Jap. 2. 10.

7 Inem ej ba ñõn jar ko r'ar itok bwe en baptais ir, O kom, nejin valper ko, wõn ear kowe kom bwe komin ko jen illu e naj itok.

8 Inem komin jebar leen ekar ñõn ukwelok; im jab jino ami ba ilo buaruem, Ebream e jemerulj: bwe ij ba ñõn kom, Anij ej maroñ in kejerkak ro nejin Ebream jen dreka kein.

9 Im kiõ emwij likit ülül i okran wijki ko; inem wijki otemjej re jab jebar im emõn leir, juokwi im juok ilo kijeek.

Mat. 7. 19.

10 Im armij rön rej kajitök iben im ba, Inem ta eo kimin kömöne? Jerb. 2. 37.

11 E uak im ba ñön ir, Eo ruo an kobe, en lelok ñön eo ejelok an: im eo eor kijen, en kömönmöön einwöt. Jap. 11. 41. 1 Jon 3. 17.

12 Inem bareinwöt dri tel owöj rej itok bwe ren baptais, im re ba ñön e, Dri kaki, ta eo kimin kömöne?

Mat. 21. 32. Jap. 7. 29.

13 Im e ba ñön ir, Komiu jab bök eor jen emwij ba ñön kom.

Jap. 19. 8.

14 Im bar einwöt dri törinae rej kajitök iben im ba, Im ta eo kimin kömöne? Im e ba ñön ir, Komin jab kokkure armij, im jab riöp nae ir; im komin joköne kin wöuan ami jeral.

Eks. 23. 1. Leval 19. 11.

15 Im ke armij rej kilkake, im ir otemjej rej kalomönlokjen iloan burueir kin Jon, e dri Kraist ke jab ke;

16 Jon e uak, im ba ñön ir otemjej, Aet ña ij baptais kom kin dren; a ej itok Eo ekajur jen iö, kworön ballin neen I betkake bwe in jelate: E naj baptais kom ilo Jitöb Kwojarjar im kijeek:

17 An drel ilo pein bwe En kanuij karreo jikin nowe wit eo An, im bwe En ainitok wit iloan imöu wit: a kilin wit E naj till ilo kijeek e jamin kwün.

Mat. 13. 30.

18 Im kin bar elöñ nan in kowe e ar kwalok ñön armij rön.

19 A bwe e kar enök Herod titrak eo kin Herodias, lio belen jein im jätin, im kin men ko otemjej renana Herod e ar kömöni,

Mat. 14. 3. Mark 6. 17.

20 E ar koorlok men otemjej kin men in, bwe e ar kil Jon iloan prisön.

21 A ke armij otemjej r'ar baptais, bareinwöt Jisös ej baptais, im ke Ej jar, löñ emjallok,

Mat. 3. 13-17. Mark 1. 9-11. Jon 1. 32.

22 Im Jitöb Kwojarjar, ilo wäwen

mulu, Ej kälöltak ion; im ainiken ej itok jen löñ, im ba, Kwe Nejiö, jiteburu iba, Ij mönönö kake Yuk.

23 Im Jisös ke E jino An jeral, e nañin jilñoul yiö An ridto, (ein air lemnok) E nejin Josep, eo nejin Hilai,

Bwin. 4. 3. Mat. 13. 55. Jon 6. 42.

24 Eo nejin Mattat, eo nejin Lival, eo nejin Melkai, eo nejin Janncai, eo nejin Josep,

25 Eo nejin Mattetaias, eo nejin Emös, eo nejin Nehöm, eo nejin Eslai, eo nejin Naggeai,

26 Eo nejin Meat, eo nejin Mattetaias, eo nejin Semein, eo nejin Josek, eo nejin Joda,

27 Eo nejiu Joenan, eo nejin Risa, eo nejin Zirubbabel, eo nejin Šialtaiel, eo nejin Nirai,

28 Eo nejiu Melkai, eo nejin Adal, eo nejin Koam, eo nejin Elmedam, eo nejin Er,

29 Eo nejin Jisös, eo nejin Elaiizer, eo nejin Jorim, eo nejin Mattat, eo nejin Lival,

30 Eo nejin Simeön, eo nejin Judas, eo nejin Josep, eo nejin Jonam, eo nejin Elalekim,

31 Eo nejin Melia, eo nejin Menna, eo nejin Matteta, eo nejin Netan, eo nejin Devid,

Zek. 12. 2. 2 Samuel 5. 14. 1 Kron. 3. 5.

32 Eo nejiu Jesse, eo nejin Obed, eo nejin Boaz, eo nejin Salmön, eo nejin Nañon,

Rut 4. 18-22.

33 Eo nejin Amminedab, eo nejin Arnai, eo nejin Hezron, eo nejin Pirez, eo nejin Juda,

34 Eo nejin Jeköb, eo nejin Aisak, eo nejin Ebrean, eo nejin Tira, eo nejin Nehor,

Jen. 11. 10-26.

35 Eo nejiu Sirug, eo nejin Reu, eo nejin Pileg, eo nejin Eber, eo nejin Šila,

36 Eo nejin Kelnan, eo nejin Arpaxad, eo nejin Šem, eo nejin Noa, eo nejin Lemek,

Jen. 5. 6.

37 Eo nejiu Metualla, eo nejin

Inök, eo nejin Jered, eo nejin Mehelallel, eo nejin Keiuau,  
38 Eo nejin Inös, eo nejin Set, eo nejin Adam, eo nejin Anij.

Jen. 5. 1, 2.

#### JAPTER 4.

**I**M Jisös, eobrök kin Jitöb Kwojarjar, Ej jeblak jen Jordan, im Jitöb ej añinlok E ilo ene jemaren, Mat. 4. 1-11. Mark 1. 12, 13. Jap. 2. 27. & 4. 14.

2 Iomin efoul ran, im devil ej kabo E. Im ilo ran ko ejelok Au mōña; im ke rejemlok, E kwull.

Eks. 34. 28. 1 Kin 19. 8.

3 Im devil e ba ñon E, Elañe Kwe Nejin Anij, Kwon ba ñon dreka in bwe en erom bred.

4 Im Jisös e uak e, im ba, Ar je, Armij re jamin mour kin bred wöt.

Dut. 8. 3.

5 Im ej añinliñlok E, im kaluij E aillñ in löl otemjej ilo jirik wöt ien.

6 Im devil ej ba ñon E, Kajur kein otemjej im air albujuj I naj lewöj ñon Yuk; bwe emwij litok ñon iö: im ij lelok ñon jabrewöt eo I kōnan.

Jon 12. 13. & 14. 30. Rev. 13. 2.

7 Inem elañe Kwo naj kabuñ ñon iö, e naj Au men keiu otemjej.

8 Im Jisös e uak im ba ñon e, Ar je, Kwon kabuñ ñon Iroi am Anij, im jermal ñon E wöt.

Dut. 6. 13. & 10. 20.

9 Im ej añinlok E ñon Jerusalem, im kajutök E ion kijwen tempel, im ba ñon E, Elañe Kwe Nejin Anij, Kwon kälölok jen ijin:

10 Bwe ar je, E naj jiroñ enjel ro Au kin Yuk, bwe ren kanuij lale Yuk:

Sam 91. 11.

11 Im ion peir re naj baur Yuk, bwe kwon jab itak neöm ilo dreka.

12 Im Jisös e uak im ba ñon e, Ar ba, Kwon jab kabo Iroi am Anij.

Dut. 6. 16.

13 Im ke devil e ar kamwijlok kabo otemjej, ej ilok jen E mae bar juön ien.

Jon 14. 30. Hib. 4. 15.

14 Im Jisös ej jeblak ilo kajur an

Jitöb ñon Galili: Im An buñbuñ ej ilok ñon ene otemjej Iturin.

Mat. 4. 12. Jon 4. 43. Jerb. 10. 37.

15 Im Ej katakin ilo imön kwelok ko air, im ir otemjej rej wijtak E.

16 Im Ej itok ñon Nazeret, Ijo E ar ridtolök im ber ie: im einwöt An kōmön ien otemjej, Ej dreloñ iloan imön kwelok ilo Sabat, im jutök bwe En konono ilo buk.

Mat. 2. 23. Mark 6. 1. Jerb. 13. 14. & 17. 2.

17 Im r'ar lelok ñon E buk in Aisala, dri kanan. Im ke emwij An erlokwe buk, Ej lo Ijo ar je,

18 Jitöb ön Iroi ej Iö, bwe E ar kabit Iö bwe In kwalok gospel ñon ro dri jeramel; E ar jilkinlok Iö bwe In kwalok kötlok ñon matön iri, im lolokjen ñon ro rebilo, bwe In kötlok ro ar kokkure ir,

Isa. 61. 1.

19 Bwe In kwalok yiö eo emön an Iroi.

20 Im Ej lim buk eo, im bar lelok ñon dri jiböñ eo, im jijöt. Im meijeir otemjej iloan imön kwelok rej kalimjek E.

21 Im E jino an ba ñon ir, Rani nan ilo Jeje in ejejit ilo lojillñemi.

22 Im ir otemjej rej nebar E, im bwilöñ kin nan in joi j rej walok jen loñin. Im re ba, E in e jab nejin Josep ke?

Sam 45. 2. Mat. 13. 54-58. Mark 6. 2-6. Jap. 2. 47. Jon 6. 42.

23 Im E ba ñon ir, Emol kom naj ba ñon Iö pareböl in, Dru uno, kwon möke kemour yuk: men ko jabrewöt kim ar roñ ar kōmōni ilo Kaperneum, Kwon kōmōni bareinwöt ijin ilo enin Am.

Mat. 4. 13. & 11. 23.

24 Im E ba, Emol Ij ba ñon kom, Re jab buñburueir kin jabrewöt dri kanan ilo eneo an.

Jon 4. 44.

25 Emol Ij ba ñon kom, Elöñ köra ejoko beleir r'ar ber i Israel ilo ran ko ran in Elaija, ke ekilik löñ lomin jilu yiö im jiljino aliñ, ke elap ñitta ion aolepen eneo:

1 Kin 17. 9. & 18. 1. Jem. 5. 17.

26 A ar jab jilkinlok Elaija ñon

juõn lair, a fiõn Zarepat wõt i Saldon, fiõn juõn kõra ejoko belen.

27 Im elõõ dri leper r'ar ber i Israeal ilo ien eo an Elaiõa dri kanan: a ar jab karreok juõn lair, a Neeman wõt dri Siria.

2 Ktn 5. 14.

28 Im ir otemjej ro rej ilo imõn kwelok, ke rej roñjake men kein, rej obrõk kin illu,

29 Im rej jutõk, im kadrioljlok E jen jikin kwelok, im añinlok E fiõn ijo ej rimili, ijo kar kõmõnmõn air jikin kwelok, bwe ren kalõr kin tubõrau.

30 A Ej etal iolapir; im ilok.

Jon 8. 59. & 10. 39.

31 Im Ej wõntõllok fiõn Kaperneum, juõn jiklu kwelok i Galili, im katakin ir ilo ran Sabat.

Mat. 4. 13. Mark 1. 21-28.

32 Im re bwilõõ kin An nan in katak; bwe An in nan ekajur.

Mat. 7. 28, 29. Tait. 2. 15.

33 Im ilo imõn kwelok juõn armij, eo jitõb õn dimon õtton ej ber iben, im ej lamij im elap ainiken,

34 Im ba, Ta eo ibem im ibõm, Kwe Jisõs dri Nazeret? Kwoj iten kokkure kim ke? Ij kilu Yuk wõn Kwe, Kwo Dri Kwojarjar an Anij.

Sam 16. 10. Dan. 9. 24. Jap. 1. 35.

35 Im Jisõs ej kowe e, im ba, Kwon ikõõ, im itok jen e. Im ke emwij an dimon battõk e na iolapir, e jutõklok jen e, im ar jab kokkure e.

36 Im ir otemjej rej bwilõõ, im rej konono iben drou, im ba, Nau õt in! bwe kin An iroj im kajur Ej jiroñ Jitõb õtton ro, im rej jutõklok.

37 Im buñbuñ kin E ej ilok ilo jilkin otemjej i ene ko iturin.

38 Im Ej jutõk im ilok jen imõn kwelok, im dreloñ iloan imõn Salmõn. Im jilben Salmõn elap an iñtan kin nañinmij in bwil; im rej akwelap fiõn E kin e.

Mat. 8. 14-16. Mark 1. 29-34.

39 Im Ej jutõk lon, im kowe nañinmij in bwil; im ejoko jen e: im emõkõj an jutõk im jermal fiõn ir.

40 Im ke al etulok, ir otemjej ro eor dri nañinmij ibeir kin jabrewõt nañinmij, rej bõktok ir fiõn E; im Ej likit pein iolr otemjej, im kemour ir.

41 Im bareinwõt dimon ro rej jutõklok jen elõõ, im rej lamij, im ba, Kwe Nejln Anij. Im Ej kowe ir im bõprae air konono; bwe re jela E dri Kraist.

Mark 3. 11.

42 Im ke erantak, Ej drioljlok im etal fiõn ene jemaren; im jar ko rej bukot E, im itok fiõn E, im rej kõnan dreblj E, bwe En jab ilok jen ir.

43 Im Ej ba fiõn ir, Aet, In kwelok nan emõn an allifi in Anij fiõn jikin kwelok ko jet; bwe ar jilkintok Iõ kin men in.

44 Im Ej kwalok ilo imõn kwelok ko in Galili.

Mark 1. 39.

## JAPTER 5.

**I**M ke armij rej kobaj E bwe ren roñ nan in Anij, Ej jutõk iturin lomalo in Gennesaret,

Mat. 4. 18. Mark 1. 16.

2 Im Ej lo ruo wa jidrik rej ber iturin lomalo: a dri añwõr r'ar to jen wa ko, im rej kwoll ok ko air.

3 Im Ej uwe lon juõn lan wa ko, eo wa'n Salmõn, im kajitõk iben bwe en ilok jirik jen ene. Im E jijõt im katakin armij jen wa eo.

4 Im ke emwij An konono, E ba fiõn Salmõn, Kwon wõnmetolok im drorlol ok ko im añwõr.

Jon 21. 6.

5 Im Salmõn ej uak im ba fiõn E, Dri Kaki, kim ar añwõr solepen bofi, im ejelok kwonam: a kin Am in nan I naj drorlol ok ko.

6 Im ke emwij air kõmõn men in rej kaboll elõõ lik: im air ok re nañin rup

7 Im rej jeale ro rajitair lon wa eo juon, bwe ren itok im jibõñ ir, rej itok im kalõñ wa ko ruo, inem re jino droj

8 Ke Salmõn Piter ej loe, ej buñ na i buken Jisõs, im ba, Kwon

ilok jen ið; bwe ña armij enana, O Iroj.

2 Samuel 6. 9. 1 Kin 17. 18.

9 Bwe e bwilõñ im ir otemjej iben, kin lik ko r'ar druoki;

10 Im ein drein bareinwõt iben Jemes im Jon, ro nejin Zebidi, ro rajitan Salmõn. Im Jisõs ej ba ñõn Salmõn, Kwon jab mijõk; jen ien in kwo naj druok armij.

Mat. 4. 19, 20. Mark 1. 17, 18.

11 Im ke emwij air tartok wa ko ñõn ene, rej likit, men otemjej in lor E.

Mat. 19. 27. Jap. 18. 28.

12 Im ke Ej ber ilo juõn jikin kwalok, lo juõn armij eobrõk kin nañinmij in leper: im ke ej lo Jisõs, ej buñbero, im akwelap ñõn E im ba, Iroj, elañe Kwo kõnan Kwoj maroñ in karreoi k ið.

Mat. 8. 2-4. Mark 1. 40-44.

13 Im Ej erlokwe pein, im uñire, im ba, I kõnan, kwon erre. Im emõkõj an nañinmij in leper joko jen e.

14 Im Ej jirofi e bwe en jab kennane k jabrewõt armij: a kwon ilok, im kwalok yuk ñõn pris, im katok kin am erre, einwõt Moses e ar jirofi, kin meu in kennan ñõn ir.

Leval 14. 4, 10, 21, 22.

15 A elaplok An buñbuñlok kake: im elap jar ko rej kwaloklok bwe ren roñjake, im mour jen mõiino ko air.

16 A Ej mõi ke ianlok ñõn ene jemaren im jar.

Mat. 14. 23. Mark 6. 46.

17 Im ilo juõn ian ran ko, ke Ej katakin, Parisi ro im ro dri kaki an kien rej jijõt, r'ar itok jen jikin kwelok otemjej i Galili, im Judia, im Jerusalem: im kajur an Iroj iben bwe En kemour.

18 Im lo, armij rej bõktok ion kien juõn armij e nañinmij kin akã: im rej bukot bwe ren kadreloñ e, im likit e iman mejen.

Mat. 9. 2-8. Mark 2. 3-12.

19 Im kin jar eo re jab lo ijo ren kadreloñ e, im rej wõnliflok ion

mweo, im dror e lõl ilo juõn tal ion kinien iolap iman mejen Jisõs.

20 Im ke Ej lo air tõmak, E ba ñõn e, Armij, ejoko jerawiwi ko am.

21 Im skraib ro im Parisi ro re jino air kalomõnlokjen im ba, Wõn in ej konono blaspim ko? Wõn ej maroñ iu julok jerawiwi ko, a Anij wõt?

22 A Jisõs e jela air lemnok, im Ej uak im ba ñõn ir, Ta eo komij kalomõnlokjen kake ilo buruemi?

23 Ewi iairro ebiruru in ba, Ejoko jerawiwi ko am; ak in ba, kwon jerkak im etal?

24 A bwe komiu jela bwe Nejin armij Ej maroñ in julok jerawiwi ko ion lõl, (E ba ñõn eo e ar nañinmij kin akã,) Ij ba ñõn yuk, Kwon jerkak, im bõk kinlõm, im etal ñõn mweo imõm.

25 Im emõkõj an jerkak iman mejeir, im kwotõke men eo e kar babu ion, im ilok ñõn mweo imõn im wijtake Anij.

26 Im ir otemjej rej bwilõñ, im rej wijtake Anij, im r'obrõk kin mijõk im ba, J'ar lo men in bwilõñ ko ranin.

27 Im elikin men kein, Ej ilok, im lo juõn dri tel owõj etan Livali, e jijõt i jikin owõj: im E ba ñõn e, Kwon lor Ið.

Mat. 9. 9-13. Mark 2. 13-17.

28 Im e ar likit men otemjej im jutõk, im lor E.

29 Im Livali e ar kõmõnmõn kwoj-kwoj elap iloan mweo imõn: im elap jar ro dri tel owõj im ro jet rej jiberak im mõiña ibeir.

Jap. 15. 1.

30 A Parisi ro im skraib ro rej lotan ro dri kaloran, im ba, Etke komij mõiña im irak iben ro dri tel owõj im dri jerawiwi rõn?

31 Im Jisõs e uak im ba ñõn ir, Ro r'ejmour re jab aikwij dru uno; a ro re nañinmij.

32 I ar jab itok bwe In kir ro rewãnik, a ro dri jerawiwi ñõn ukwelok ibeir.

33 Im re ba ñön E, Ro dri kaloran Jon emakij air jitlok, im kõmõnmõn jar ko, im bareinwõt ro dri kaloran Parisi rõn; a Am rej mõña im irak.

Mat. 9. 14-17. Mark 2. 18-22.

34 Im Jisõs e ba ñön ir, Komij marofi in kõmõn ro jeran leo belele bwe ren jitlok, ien eo leo ej ber ibeir ke?

35 A ran ko re naj itok; im ñie naj bõklok leo belele jen ir, re naj jitlok ilo ran ko.

36 Im bareinwõt Ej kouono parebõl ñön ir: Ejelok armij ej kekel mõtõn jen nuknuk ekäl im karbin nuknuk ko remor kake: elafie einwõt ej kekel eo ekäl, im bareinwõt mõtõn jen eo ekäl e jakkar ñön eo emor.

37 Im ejelok armij ej likit wain ekäl ilo boto ko remor: elafie einwõt, wain ekäl e naj rupe boto ko, im etorlok, im boto ko re naj joko.

38 A emõn likit wain ekäl ilo boto ko rekäl.

39 Im ejelok armij ke emwij an irak wain eto an ber, e kõnan eo ekäl: bwe e ba, Emõn eo eto an ber.

## JAPTER 6.

**I**M ilo juõn Sabat, Ej etal ilukwõn jikin kallip korn ko: im dri kaloran rej loti leen korn ko, im mõña, itlawi kin peir.

Mat. 12. 1-8. Mark 2. 23-28.

2 Im jet ian Parisi ro rej ba, Etke komij kõmõn men eo e jab melim kõmõne ilo ran Sabat?

Eks. 20. 10.

3 Im Jisõs e uak ir im ba, Kom ar jab konono ilo buk men in ke, men eo Devid e ar kõmõne ke e kwuli im ro iben;

1 Samuel 21. 6.

4 Ekijkan an dreloñ iloan imõn Anij, im e ar bõk im mõña bred in kallkar, im bareinwõt lelok ñön ro iben; eo e jab melim en mõña, a pris ro wõt?

Levai 24. 9.

5 Im E ba ñön ir, Nejin armij E iroi in Sabat.

6 Im ilo bar juõn Sabat E ar dreloñ iloan imõn kwelok im katakin; im juõn armij ijo emõra pein anbijmarofiõn.

Mat. 12. 9-14. Mark 3. 1-6. Jon 9. 16.

7 Im skraib ro im Parisi ro rej kejar E, E naj kemour ilo ran Sabat ke jab ke, bwe ren lo ekijkan air kinaklok E.

8 A E jela air lemnok, im ba ñön armij eo emõra pein, Kwon jerkak im jutõk lolap. Im ej jerkak im jutõk.

9 Inem Jisõs e ba ñön ir, Ij kajitõk ibemi, Emellin ke ilo ran in Sabat bwe jen kõmõnmõn emõn, ak kõmõnmõn nana? lomoren armij ak kokkure?

10 Im ke Ej rellok ñön ir oteniej, E ba ñön armij eo, Kwou erlokwe peõm? Im ej kõmõn ein drein: im pein emour einwõt eo juõn.

11 Im rej obrõk kin illu; im bebe iben dron ta eo re naj kõmõne ñön Jisõs.

12 Im ilo ran ko, E ar ilok ilo tol bwe En jar, im ber aolepen boñ ilo jar ñön Anij.

Mat. 14. 23.

13 Im ke erautak Ej añiñintok ro dri kaloran: im Ej kålet joñoul im ruo lokiair, im Ej likit etair dri jillik;

Mat. 10. 1-4. Mark 3. 16-19.

14 Saimõn Ej likit etan eo juõn Piter, im Andru jätin, Jemes im Jon, im Pillip im Bartolomu,

Jon 1. 42.

15 Im Matu im Tomas, Jemes nejin Alpiõs, im Saimõn naetan Zelotis,

16 Im Judas nejin Jemes, im Judas Iskariõt eo bareinwõt dri ketõk E.

Jud 1.

17 Im Ej wõniõltak ibeir, im jutõk ion ene biken wõt juõn, im jar an dri kaloran im elap jar an armij jen aolepen Judia im Jerusalem, im jen mojen kabbe in Tair im Saldon, rej itok bwe ren roñjake E, im bwe ren mour jen nañinmij ko air;

Mat. 4. 25. Mark 3. 7.

18 Im ro rej abnõnõ kin jitõb õt-ton ro, rej mour.

19 Im jar eo otemjej rej bukot bwe ren unîr E: bwe kajur ej ilok jen E, im kemour ir otemjej.

Mat. 14. 36. Mark 5. 30. Jap. 8. 46.

20 Im Ej reilok ñõn ro dri kaloran, im ba, Emõnõnõ kom dri jera-mel: bwe ami ailif lu Anij.

Mat. 5. 3-12.

21 Emõnõnõ komeo komij kwuli kiõ: bwe kom naj mât. Emõnõnõ komeo komij jõñ kiõ: bwe kom naj tõñ.

22 Emõnõnõ kom, ñe armij re naj kijirâte kom, im ñe re naj kijbil kom jen ir, im naj kajirere kake kom, im jolok etõmi åt nana kin Nejin armij.

Jon 16. 2.

23 Komin lõñlñ ilo ran eo, im kâki kin lõñlñ: bwe, lo, elap ami jinekij ilo lõñ: bwe ein drein an ro jimair kõmõn ñõn ro dri kanau.

24 A wo ñõn kom ro dri mwele! bwe kom ar bõk ami ainemõn. Amos 6. 1. Jem. 5. 1. Jap. 12. 21. Mat. 6. 2. Jap. 16. 26.

25 Wo ñõn komeo komij mât! bwe kom naj kwull. Wo ñõn komeo komij tõñ kiõ! bwe kom naj buromõj im jõñ.

Isa. 65. 13. Pro. 14. 13.

26 Wo ñõn kom ke armij otemjej re naj nebar kom! bwe ein drein an ro jimair kõmõn ñõn ro dri kanan riõp.

Jon 15. 19. 1 Jon 4. 5.

27 A Ij ba ñõn kom rej roñjake, Komin yokwe ami dri kijirât, kõmõnmõn emõn ñõn ro rej kijirâte kom,

Mat. 5. 44. Rom 12. 20.

28 Jar kin ro rej kõmatõre kom, im ro rej kõmõnmõn nana ñõn kom.

29 Ñõn eo ej ubrare jebõm kwon bareinwõt okõtõk ñõn jimõtõn; im eo ej bõk am liboror, bareinwõt kwon jab drebij jen am kobe.

Mat. 5. 39-42. 1 Kor. 6. 7.

30 Kwon lelok ñõn ro otemjej rej kajitõk ibõm; im eo ej bõklok

mweeluk ko mweleõm kwon jab bar kajitõk iben kaki.

31 Im einwõt kom kõnan bwe armij ren kõmõn ñõn kom, eu ein drein ami kõmõnmõn bareinwõt ñõn ir.

Mat. 7. 12.

32 Bwe elañe komij yokwe ro rej yokwe kom, ewi ami mol? bwe dri nana rej bareluwõt yokwe ro rej yokwe ir.

Mat. 5. 46.

33 Im elañe komij kõmõnmõn emõn ñõn ro rej kõmõnmõn emõn ñõn kom, ewi ami mol? bwe ein drein an dri jerawiwi kõmõnmõn.

34 Im elañe komij lelok ñõn ro komij kõtõmene bwe kom naj bõk jen ir, ewi ami mol? bwe ro dri jerawiwi rej bareluwõt lelok ñõn ro dri jerawiwi, bwe ren bar bõk einwõt juõn.

Mat. 5. 42.

35 A komin yokwe ami dri kijirât, im kõmõnmõn einõn ñõn ir im lelok, im jamin õbwer: im e naj lap ami jinekij, im kom naj ro nejin Eo eutiejtata; bwe Ej joiñ ñõn ro re jab mol im ñõn ro renana.

Mat. 5. 45.

36 Komin tiriamokake im eiuwõt Jememiulj ej tiriamokake.

Mat. 5. 48.

37 Komin jab ekajet, im jamin ekajete kom: komiu jab liakelok, im jamin liakelok kom: komiu kõtlok im naj kõtlok kom:

Mat. 7. 1-5.

38 Komin lelok, im naj lewoj ñõn kom; joñok emõn, joni, kamõkiti-kiñ, im jloblok naj lewoj na ilo ubõmi. Bwe kin joñok eo komij joñok kake, naj bar joñok ñõn kom.

Pro. 19. 17. Sam 79. 12.

39 Im Ej konono parebõl ñõn ir; Dri bilo ej maroñ in tel dri bilo ke? rejro jamin buñ ilo roñ ke?

Mat. 15. 14.

40 Dri katak e jab utiej jen an dri kaki; a ro otemjej ñe re wâppen re naj einwõt air dri kaki.

Mat. 10. 24.

41 Im etke kwõj lale belok ilo me-

jen jeđm im jatđm, a kwo jab jela kajen wijki ilo mejđm?

42 Ak ekijkan am maroñ ba ñđn jeđm im jatđm, Jeiđ im jatiđ, emđn in jolok belok ne ilo mejđm, ñe kwe kwo jab lo wijki ilo mejđm? Kwe dri jela mon, mokta kwon jolok wijki ne jen mejđm, inem kwo naj lo alikar in jolok belok jen mejen jeđm im jatđm.

43 Bwe ejelok wijki emđn ej jebar iu enana leen; bareinwđt ejelok wijki enana ej jebar im emđn leen.

Mat. 7. 16, 17.

44 Bwe re jela wijki otemjej kin leir. Bwe armij re jab lotlot fig ko jen kálilik ko, ak grep ko jen jul ih kálilik.

Mat. 12. 33.

45 Armij emđn jeu mweiuk emđn ilo buruen ej kwalok nienu eo emđn; im armij enana jen mweiuk enana ilo buruen ej kwalok men eo enana: bwe jen eobrđk buru, lofin ej kono.

Mat. 12. 34, 35.

46 Im etke komij likit eta, Iroj, Iroj, im jab kđmđnmđn men ko Ij ba kaki?

Mal. 1. 6. Mat. 7. 21.

47 Jabrewđt eo ej itok ñđn Iđ, im roñjake nan ko Ađ, im kđmđnmđni, Ij kwalok ñđn kom ej einwđt wđn:

Mat. 7. 24-27.

48 Ej einwđt armij eo ej kalek im, im ej kđbij imlđl, im likit foundeđđn ion berber: im ñe lañ ej itok, im river ej tore mweo e jab maroñ in kamđkiti: bwe emđn ar kalek e.

49 A eo ej roñjaki, im jab kđmđnmđni, ej einwđt armij eo ej kalek mweo ion bok im ejelok foundeđđn: iu elap an river tore, im emđkđj an buñ; im elap an mweo buñ.

### JAPTER 7.

**K**E E ar kamwijlok nan ko An otemjej ilo an armij roñjaki, Ej dreloñ iloan Kaperneum.

Mat. 8. 5-13.

2 Im dri korijeran juđu seaturion, eo mijlokđn, e nañinmij, im nañiu joko wđt jirik.

3 Im ke ej roñ kin Jisđs, ej jilkilok ñđn E elder ro au dri Ju ro, im kajitđk iben bwe Eu itok im ke-mour dri korijeran eo.

4 Im ke rej itok ñđn Jisđs, elap air akwelap ñđn E, im ba, E jab betkake bwe Kwou kđmđn men in ñđn e:

5 Bwe ej yokwe ro dri ailiñ ar, im e ar kalek imđn kwelok ñđn kij.

6 Im Jisđs ej etal ibeir. Im ke E, ej ebake mweo, seaturion ej jilkilok ro jeran ñđu E, im ba ñđn E, Iroj. kwon jab mar: bwe Ij betkake kin Am itok ilo kejenwan mweo imđ:

7 Kin nien in I ar lemnok Ij betkake bwe in iwij ñđn Yuk; a Kwon ba nan wđt im dri korijera e naj mour.

8 Bwe ña bareinwđt juđu armij etā jen iroj, im eor dri tđrināe etā jen iđ, im Ij ba ñđn juđu, Kwou ilok, im ej ilok; im ñđu bar juđu Kwon itok, im ej itok; im ñđn dri korijera, Kwou kđmđn men in, im ej kđmđne.

9 Ke Jisđs ej roñ men kein, Ej bwilđñ kin e, im Ej mđke oktđk, im ba ñđu jar eo rej lor E. Ij ba ñđu kom, I ar jab lo tđmak elap einwđt in ilo Israel.

10 Im ke ro dri jilik rej jebalak ñđu mweo, rej lo dri korijeran eo im ejmour.

11 Im jab eto tokelik, E ar ilok ñđn jikin kwelok etan Nein; im ro dri kaloran rej etal iben, im jar elap.

12 Im ke Ej kebak kejem in jikin kwelok eo, lo, rej bđktok juđu emij, ej mđke wđt nejin jinen man, im io ejoko beleu: im elđñ armij jeu jikin kwelok iben.

13 Im ke Iroj ej lo e, Ej tiriamokake, im ba ñđn e, Kwou jab jđñ.

14 Im Ej kebake im uñir kđtem: im ro rej bđke, re bwjrdk. Im E ba, Likao, Ij ba ñđn yuk, Kwou jerkak.

15 Im eo e kar mij ej jjđt, im jino an kouono. Im Ej lalok e ñđu jinen.



16 Im lelñoñ ej itok iolr otemjej: im rej wijtake Anij, im ba, Dri kanan elap ej walok iolaper, im Anij e ar lotok ro dron.

Jap. 1. 66. Jap. 24. 19. Jon 6. 14.

17 Im men in kin E ej buñbuñlok ilo aolepen Judia, im i ene otemjej iturin.

18 Im dri kaloran Jon rej kennanek e men kein otemjej.

Mat. 11. 2-19.

19 Im Jon ej kirtok ruo dri kaloran im jilkinlok ir ñõn Iroiñ im ba, Kwe ne eo ej itok ke? ak kimin bukot bar juõn?

20 Ke armij ro rej itok ñõn E, re ba, Jon, dri baptais, e ar jilkinlok kimro ñõn Yuk, im ba, Kwe ne eo ej itok ke? ak kimin bukot bar juõn?

21 Im ilo auõ eo Ej kemour elõñ kin air nañinmij im iñtan ko, im kin jitõbro renana; im ñõn elõñ ro rebilo Ej kõmõn bwe ren lolokjen.

22 Inem E uak im ba ñõn irro, Komin ilok, im kenuanek Jon men ko kom ar loi im roñjaki; ro rebilo rej lolokjen, kirro ro rej etetal, leper ro karreolik ir, ro jaroñroñ rej roñlokjen, ro remij rej jerkakbijj, im kwalok gospel ñõn ro dri jeramel.

Isa. 35. 5. Jap. 4. 18.

23 Im emõnduõ jabrewõt eo e jamin lo men in latibñil ilo Iõ.

24 Im ke emotelok dri jilkan Jon, E jino An konono ñõn armij rõn kin Jon, Kom ar ilen aluij ta ilo ene jemaren? Koba kõto ej irike ke?

25 A kom ar ilen aluij ta? Juõn armij ej kõnõke nuknuk emeo eo ke? Lo ro rej kõnõk nuknuk e kanuij albuuij, im kanuij emõn kijelr, rej ber ilo mo ko an iroiñ.

26 A kom ar ilen aluij ta? Juõn dri kanan ke? Aet, Ij ba ñõn kom, im elap jen dri kanan.

27 E in eo ar je kin e, Lo, Ij jilkinlok Aõ dri jilik iman mejõm, eo e naj kapoj ial eo Am mokta jen Yuk.

Mal. 3. 1.

28 Ij ba ñõn kom, Ian ro r'ar lotak jen kõra ejelok juõn dri kanan elap jen Jon dri baptais: a eo ej erik ilo aillñ in Anij elap jen e.

29 Im armij otemjej ro r'ar roñjake, im ro dri tel owõj, r'ar kowānik Anij, emwij baptais ir ilo baptais an Jon.

Mat. 3. 5. Jap. 3. 12.

30 A Parisi ro im ro dri kien r'ar jolok jen ir bebe an Anij, re kar jab baptais iben.

Jerb. 20. 27.

31 Inem I naj kajeõñwe einwõt ta armij rõn an ebeben in? Im rej einwõt wõn?

Mat. 11. 16-19.

32 Rej einwõt ajiri ro rej jijõt ilo jikin wia, im kir ñõn dron, im ba, Kim ar kajõñjõñ ñõn kom, im kom ar jab eep; kim ar ilajlol ñõn kom, im kom ar jab jõñ.

33 Bwe Jon dri baptais, ej itok im e jab mõña bred, im e jab irak wain; im kom ba, Dimon iben.

Mat. 3. 4. Mark 1. 6. Jap. 1. 15.

34 Nejin armij ej itok im mõña im irak; im kom ba, Lo, juõn eman e mātia, im ej irak wain, jeran ro dri tel owõj im ro dri jerawiwi!

35 Im ro otemjej nejlu Jelalokjen rej kowānik E.

36 Im juõn ian Parisi ro ej jiroñ E bwe En mõña iben. Im Ej dreloñ iloan imõn Parisi eo, im jiberak bwe En mõña.

Mat. 23. 8-13. Mark 14. 3-9. Jon 11. 2.

37 Im lo, juõn kõra ilo jikin kwe lok e dri jerawiwi, ke e jela bwe Jisõs ej jiberak im mõña iloan imõn Parisi eo, ej bõktok nien alabaster men i kabit,

38 Im e jutõk i wõn neen im jõñ, im jino an katutu neen kin dren in kemjalal, im ej kõmõralki kin kolan bõran, im mejenmalk neen, kabiti kin men in kabit eo.

39 Ke Parisi eo e ar jiroñ E ej lo e, ej konono ilo buruen, im ba, Armij in, elañe e dri kanan, E naj karjela wõn im kijkan kõra in ej uñir E: bwe e dri jerawiwi.

Jap. 15. 2.

40 Im Jisõe e uak im ba ñõn e, Salmõn eor iba I kõnan ba ñõn yuk. Im e ba, Dri Kaki, Kwou ba mõk.

41 Ruo dri muri an juõn dri kamuri: juõn ej muri kin limabuki ñillif, im eo juõn kiu limñoul.

Mat. 18. 28.

42 Ke ejelok ibeirro bwe ren kõrrã, e ar jeorlok airro muri. Kin men in, kwon ba ñõn Iõ, wõn ialro elap an yokwe e?

43 Salmõn e uak im ba, Aõ lem-nok, eo elap an jeorlok an muri. Im E ba ñõn e, Emol am ekajet.

44 Im Ej oktõklik ñõn kõra eo, im ba ñõn Salmõn, Kwoj lo kõra lu ke? Iar dreloñ iloan mwìn imõm, kw'ar jab letok ñõn Iõ dren kin neiõ: a e ar katutu neiõ kin dren in kemjalal, im kõmõraiki kin kolan bõran.

45 Kw'ar jab mejenmaik Iõ; a kõra in, jen ien eo I ar itok, e ar jab kamwijlok an mejenmaik neiõ.

46 Kw'ar jab kabit bõra kin oil: a kõra in e ar kabit neiõ kin men in kabit.

Sam 23. 5.

47 Kin men in Ij ba ñõn yuk, Jerawiwi ko an, relõñ, emwij julok; bwe elap an yokwe: a ñõn eo erik an joko, erik an yokwe.

1 Tim. 1. 14.

48 Im E ba ñõn lio, Jerawiwi ko am re joko.

Mat. 9. 2, 3. Mark 2. 5, 7.

49 A ro rej jiberak im mõña iben, re jino-air ba ilo burueir, Wõn E ej julok jerawiwi ko?

50 Im Ej ba ñõn kõra eo, Am tõmak e ar kemour yuk: kwon ilok im ainemõn.

Mat. 9. 22. Mark 10. 52. Jap. 8. 48.

## JAPTER 8.

Im jab eto tokelik, Ej ilok ilo jikin kwelok otemjej relap im redrik, im Ej kwalok im konono gospel an allin in Anij: im joñoul im ruo iben,

2 Im jet kõra, ro r'ar mour jen jitõb ro renana im mõjino ko, Meri

õt eo juõn Magdalini, jiljilimjuõn dimon r'ar jutõklok jen e,

Mat. 27. 56. Mark 16. 9.

3 Im Joanna lio belen Kuzas dri kõmñe an Herod, im Susauna, im bar elõñ, ro rej jeral ñõn ir kin mweielr.

4 Im ke jar elap rej kweloklok, im emwij air itok ñõn iben jen jikin kwelok otemjej, Ej konono ilo parebõl.

Mat. 13. 2-11. Mark 4. 1-12.

5 Dri jeor ej ilok bwe en jeor ine: im ke ej jeor, jet re buñõt iturin ial; im juri, im bao in mejatoto rej kõñil.

6 Im jet re buñ ion dreka, im ke ej edrek, emõkõj an almerlok, bwe ejelok molawl.

7 Im jet re buñõt lolapin kãllklik ko: im kãllklik rej edrek ibeir, im koutameiki.

8 Im jet re buñõt ion brij emõn, im edrek, im jebar leen jibuki kin juõn. Im ke emwij An ba men kein, Ej lamij, Eo eor lojillifitu bwe en roñlokjen, en roñjake.

9 Im dri kaloran r'ar kajitõk iben, einwõt ta parebõl in?

10 Im E ba, Ar lewoj ñõn kom bwe kom in jela men ko retino an allin in Anij; a ñõn ro jet ilo parebõl ko: bwe ro rej lo ren jab loe, im ro rej roñ ren jajelokjen.

Iaa. 6. 9.

11 Eñin parebõl eo; Ine e nan in Anij.

Mat. 13. 18-23. Mark 4. 13-30.

12 Im ro iturin ial, ir rej roñjake, inem devil ej itok im bõklok nan jen burueir, bwe ren jab tõmak im mour.

13 Im ro ion dreka, ir ke rej roñjake, rej bõk nan kin lõñlif; im ejelok okrair, jirik len rej tõmak, im ilo len kabo re buñ.

14 Im eo ej buñõt ilo kãllklik ko, rein ro r'ar roñjake, im rej ilok, im lennok ko, im mweluk ko, im mõnõnõ ko an mour in rej koutameik ir, im re jab jebar leen emõn.

15 A eo ion brij emõn, rein ro emol im emõn burueir, im ke em-

wij air roñjake nan, rej drebije, im kijenmij ilo air jebar leen.

16 Im ejelok armij, ke emwij an til lamp, ej kalibubu e kin jābi, ak likit e iomin bed; a ej likit e ion jikin lamp, bwe ro rej dreloñ ren lo maram eo.

Mat. 5. 15.

17 Bwe ejelok men eo etino jamin kalikar e; im ejelok men eo rej kalibubu e jamin jela kake im kwalok.

Mat. 10. 26. Jap. 12. 2.

18 Inem komin lale kijkan ami roñjake: bwe jabrewöt eo eor iben, naj lelok ñön e; im jabrewöt eo ejelok iben, naj bök jen e men eo ej lemnok an.

Mat. 13. 12.

19 Im jinen im ro jātin rej itok ñön E, im re ban kebak E kin jar eo.

Mat. 12. 46-50. Mark 3. 31-35.

20 Im rej kennanek E im ba, Jionöm im ro jātöm rej jutök inabij, im kōnan lo Yuk.

21 Im E uak im ba ñön ir, Jinō im ro jātiō, ro rej roñjake nan in Anij, im kōmōnmōne.

22 Im ilo juōn ian rau ko, Ej uwe ion juōn wa iben ro dri kaloran: im E ba ñön ir, Jen ilok ñön lomalo jab uweo. Im rej wōnmetolok.

Mat. 8. 23-27. Mark 4. 35-41.

23 A ke rej jerök, Ej kiki: im juōn mowī ej buñ ion lomalo: im ej droij kin dren, im nañin joko.

24 Im rej itok ñön E, im kworuj E, im ba, Dri Kaki, Dri Kaki, je joko. E ruj im kowe kōto im au lap no ko: im re joko, im e lur.

25 Im E ba ñön ir, Ewi ami tōmak? Im ilo air mijök re bwilōñ, im ba ñön dron, Armij ot in? bwe Ej jiroñ kōto ko im lojit, im rej bokake.

26 Im rej bo i ene an dri Gerasa, eo ikijen Galili.

Mat. 8. 28-34. Mark 5. 1-17.

27 Im ke emwij An to ñön ene, juōn armij jen jikin kwelok ej ion E, dimon ro eto air miok na enbwinu, im e jab kōnōk nuknuk ko,

im e jab ber iloan jabrewöt im, a ilo wullej ko.

28 Im ke ej lo Jisōs, ej lamij, im buñ iman mejen, im kin elap aini-ken e ba, Ta eo ibōm im iba, Jisōs Kwe Nejin Anij eutiejtata? Ij akwelap ñön Yuk, Kwon jab kañtan iō.

29 Bwe e ar jiroñ jītōb otton bwe en jutöklok jen armij eo. Bwe emakij an jibwe; im ar lukwoj e kin tomere ko im fetter ko: im ej rupe men in lukwoje, im dimon ej ubakelok e ñön ene jemaren ko.

30 Im Jisōs ej kajitök iben im ba, Etōm? Im e ba, Lijōn: bwe elōñ dimon rej miok na enbwinin.

31 Im rej akwelap ñön E bwe En jab jiroñ ir bwe ren ilok ñön loan abyss eo.

Rev. 20. 3.

32 A ijo juōn bwijin pig elap rej mōña ion tol: im rej kanuij kajitök iben bwe En kōtlok ir bwe reu dreloñ ilo ir. Im Ej kōtlok ir.

33 Inem dimon ro rej jutöklok jen armij eo, im dreloñ iloan pig ko: im bwijin re kanuij tōriōllok ilo lomalo, im malōñ.

34 Ke ro rej najirik ir rej lo men eo kōmōne, rej ko im kennan men eo ilo jikin kwelok im ilo eneo.

35 Im rej drioij bwe ren lo ta eo emwij kōmōne, im rej itok ñön Jisōs, im lo armij eo, dimon ro r'ar jutöklok jen e, e jijōt iturin neen Jisōs, kōnōke nukuuk ko, im e jela-  
lalokjen; im rej mijök.

36 Im ro r'ar lo men eo rej kennanek ir, kijkan eo dimon e kar miok na enbwinin ej mour.

37 Inem jar otemjej jen eneo au dri Gerasa iturin, rej akwelap ñön E bwe En ilok jen ir; bwe elap air mijök: im Ej uwe ion wa im je-  
blaklok.

Jerb. 16. 30.

38 A armij eo, dimon r'ar jutöklok jen e, ej akwelap ñön E bwe en ber iben: a Ej jilkinlok e, im ba,

Mark 15. 18-20.

39 Kwon jeblak ñön mweo imōm,

im kwalok men ko relap an Anij kōmōn nōn yuk. Im ej ilok im kwalok ilo aolepen jikin kwelok, men ko relap Jisōs e ar kōmōni nōn e.

40 Im ke Jisōs e ar jeblak, armij rej bōk E; bwe Ir otemjej rej kōtar E.

41 Im lo, juōn armij ej itok etan Jairōs, im e iroiḡ in imōn kwelok; im e buñ iturin neen Jisōs, im akwelap nōn E bwe Eu itok nōn inweo imōn:

Mat. 9. 18-26. Mark 5. 22-43.

42 Bwe juōn wōt nejin kōra, e nañin ridtōn ilo joñoul im ruo yiō, im e nañinnij wōt jirik. A ke Ej ilok jar ko rej kobaj E.

43 Im juōn kōra, ar torlok bōtōk-tōkin iomin joñoul im ruo yiō, remat men in mour ko an kin dru uno rōn, im ejelok juōn ej maroñ in kemour e,

Mat. 9. 20.

44 Ej itok ilikin, im uñir tōreren nuknuk ko An: im emōkōj an joko an bōtōktōk torlok.

45 Im Jisōs e ba, Wōn ej uñir Iō? Ke ir otemjej rej karmijete, Piter im ro iben re ba, Dri Kaki, elōñ armij rej iuu Yuk: im kobaj Yuk.

46 A Jisōs e ba, Juōn en e ar uñir Iō: bwe I ar jela kin an kajur ilok jen Iō.

Jap. 6. 19.

47 Im ke kōra eo ej lo e jab tilekek, ej itok im wuririr, im buñ iman, im kwalok iman mejen armij otemjej, kin men ot e ar uñir E, im kijkan emōkōj an mour.

48 Im E ba nōn e, Nejlō, am tōmak e ar kemour yuk; kwon ilok ilo ainemōn.

49 Ke Ej konono, juōn ej itok jen imōn iroiḡ lu imōn kwelok, im ba nōn e, Ledrik eo nejom e mij; kwon jab komare Dri Kaki ne.

50 A ke Jisōs ej roñjake, E uak e, Kwon jab mijōk: kwon tōmak wōt, im e naj mour.

51 Im ke Ej dreloñ iloan mweo, Ej bōprae armij otemjej dreloñ

iben, a Piter, im Jemes im Jon im jemen im jinen ledrik eo.

52 Im ir otemjej rej jōñ, im limō kin e: a E ba, Komin jab jōñ; bwe e jab mij, a ej kiki.

Jon 11. 11, 12.

53 Im rej kajirere kake, kin air jela bwe emij.

54 A Ej kapjere pelu, im kir, im ba, Jiroñ, kwon jerkak.

Jap. 7. 14. Jon 11. 42.

55-Im an ej bar itok, im emōkōj an jerkak: im Ej Jiroñ bwe ren najirik e.

56 Im jemen im jinen re bwilōd: a Ej kowe ir bwe ren jab kennanek jabrewōt armij men in.

Mat. 8. 4. & 9. 30. Mark 5. 43.

## JAPTER 9.

**I**M Ej aññintok joñoul im ruo, im lelok nōn ir maroñ im kajur ion dimon ro otemjej, im bwe ren kemour jen nañinnij ko.

Mat. 10. 1. Mark 2. 13.

2 Im Ej jilkinlok ir bwe ren kwalok ailif in Anij, im kemour ro re nañinnij.

Mat. 10. 7-14. Mark 6. 8-12. Jap. 10. 1. 9.

3 Im E ba nōn ir, Komin jab bōk men eo jabrewōt ñe komij etal, jab jokwōn, jab bōjo, jab bred, jab mōnni; jab kalen ruo ami kobe.

Jap. 10. 4. & 22. 26.

4 Im ilo jabrewōt im komij dreloñ ie, komin ber ijo, im ilok jen ijo.

5 Im ro jabrewōt re jab bōk kom, ñe komij ilok jen jikin kwelok eo, komin jolok bōñōlñōl jen neimi kin men in kennan nae ir.

Jerb. 13. 51.

6 Im rej ilok, im etal ilo jikin kwelok ko, im kwalok gospel, im kemour ijo ko otemjej.

7 A Herod titrak ej roñ kin men otemjej kōmōnmōni: im e bluk, bwe jet re ba, Jon e ar jerkakbiji jen ro remij:

Mat. 14. 1-3. Mark 6. 14-16.

8 Im jet, Elaija e ar walok; im bar jet, Juōn ian dri kanan ro mokta e ar jerkakbiji.

9 Im Herod e ba, Jon I ar jōbbare;

a wõn in kin Eo ij rofi men rõt kein? Im ej bukot bwe en lo E.

Jap. 23. 8.

10 Im ro dri jilik, ke rej jeblaktok, rej kennanek E men otemjej r'ar kômõnl. Im Ej aňinlok ir, im mðkelok iair ilo jikin kwelok etan Betseida.

Mark 6. 30-44. Mat. 14. 13-21.

11 Im jar ko, ke re jela, rej lor E: im Ej bøk ir, im konono ñõn ir kin alliň in Anij, im kemour ro eor aikwij ibeir kake.

12 Im e naňin jemlok ran; im joňoul im ruo rej itok, im ba ñõn E, Kwon jilkinlok jar eo, bwe ren ilok ilo jikin kwelok ko im ene ko iturin, im ber, im bukot kijeir: bwe jej ber ijin i ene jemaren

Jon 6. 1. 5.

13 A E ba ñõn ir, Komín najirik ir. Im re ba, Lallim ion bred im ruo wõt lik ibem; elaňe kim jab ilem wialk ñõn armij rein otemjej kijeir.

14 Bwe e naňin lallim tausan man. Im E ba ñõn ro dri kaloran, Komín kajlõt ir kalimňoullok wõt.

15 Im rej kômõn einwõt im kajlõt ir otemjej.

16 Inem Ej bøk lallim ion bred im ruo iik ko, im jer ñõn lõň, im jar kin ir, im ruji, im lelok ñõn ro dri kaloran, bwe ren likit iman jar eo.

17 Im rej mðña, im ir otemjej remát: im rej áti mõtõn ko mátiir joňoul im ruo lep.

18 Im ke Ej mðke im jar, dri kaloran rej ber iben: im Ej kajlõtök ibeir, im ba, Wõn Ña ilo an jar ko konono?

Mat. 6. 13-16. Mark 8. 27-29.

19 Rej uak im ba, Jon dri baptais; a jet re ba, Elaija; im bar jet re ba Juõn lan dri kanan ro mokta e jekakbiji.

Mat. 14. 2. 7. 8.

20 E ba ñõn ir, A wõn Ña ilo ami konono? Piter e uak im ba, Kwe dri Kraist an Anij.

Jon 6. 69.

21 Im elap An kowe ir, im jiroň

bwe ren jab kennanek jabrewõt armij men in;

Mat. 16. 20.

22 Im E ba, Nejin armij e naj iňtan kin men ko relõň, im elder ro im pris ro relap im skraib ro, re naj jolok E, im mõn E, im E naj jekakbiji ilo ran eo ken ka jilu.

Mat. 16. 21-28. & 17. 22.

23 Im E ba ñõn ir otemjej, Elaňe jabrewõt armij e kõuan itokilokatok, en mðke karimijete, im kwotök an dreball ran otemjej, im lor Ið.

Mat. 10. 38. Mark 8. 34-38. Jap. 14. 27.

24 Bwe jabrewõt eo e kõnan drebij mour, e naj joko: a jabrewõt eo mour eo an e naj joko kin Ña, e in e naj lomoren.

25 Bwe ekijkan an kakajuror armij, elaňe e naj jebarek aolepen lõl, im e mðke joko?

26 Bwe jabrewõt eo ej jok kin Ña im kin nan ko Að, Nejin armij e naj jok kin e, ñe Ej itok ilo wuj eo An, im an Jemen, im an enjel ro kwojarjar.

Mat. 10. 33. 2 Tim. 2. 12.

27 A Ij ba ñõn kom, im emol, jet lan ro rej jutök ijin, re jamin erjoň mij ñõn ter eo rej lo alliň in Anij.

Mat. 16. 23. Mark 9. 1.

28 Im enaňin dualitök ran elikin nan kein, Ej aňintok Piter im Jon im Jemes, im wõnliňlok ilo tol bwe En jar.

Mat. 17. 1-8. Mark 9. 2-8.

29 Im ke Ej jar, wäwen turin nrejen juõn im nuknuk ko An emouj im jatõltil.

30 Im lo, ruo armij rej konono iben, irro Moses im Elaija:

31 Rej weaktok ilo wuj, im konono kin An mij eo E naj mij kake i Jerusalem.

32 A Piter im ro iben elap air mijki: im ke rej ruj wõt, rej lo An wuj, im ruo armij rej jutök iben.

Dan. 8. 18. & 10. 9.

33 Im ke rejro ilok jen E, Piter e ba ñõn Jisõs, Dri Kaki emõn ar ber ijin: im kimin kalek jilu imõn kabber; juõn Am, im juõn ñõn Moses,

Im juõn ñõn Elalja: e jaje ta eo ej ba.

34 Ke ej konono men kein, juõn kõro ej itok, im kalur ir: im rej lelñõn ke rej dreloñ ilo kõro eo.

35 Im ainiken ej itok jen kõro eo, im ba, E in Nejiõ, Eo Ij kålet E: Komin karõnjake.

Mat. 3. 17. Jerb. 3. 22.

36 Im ke ainiken e joko, rej lo an Jisõs mõke. Im rej noje, im jab kennanek armij ilo ran ko men ko jabrewõt r'ar loi.

Mat. 17. 9.

37 Im ilo ran eo ilju, ke emwij woulõl jen tol, jar elap rej ion E.

Mat. 17. 14-18. Mark 9. 14-27.

38 Im lo, juõn armij lan jar eo ej lamij, im ba, Dri Kaki, ij akwelap ñõn Yuk, Kwon lale nejiõ mau; bwe ej mõke wõt nejiõ.

39 Im lo, juõn jitõb ej drebij e, im emõkõj an lamij; im ej rakutõk e bwe en mõrmõr, im e kanuij kakinijnij e, im e bin lu ilok jen e.

40 Im I ar akwelap ñõn ro dri kaloram bwe ren kajutõklok e; im re bane.

41 Im Jisõs e uak im ba, O ebeben e jab tõmak im bõt, ietoõn Aõ naj ber ibemi, im meauwor non kom? Kwon añintok nejõm.

42 Im ke ej itok wõt, dimon ej jibellok e, im kokkure. A Jisõs ej kowe jitõb õtton, im kemour ajiri eo, im bar lelok ñõn Jemen.

43 Im ir otemjej re bwilõñ kin an lap an Anij kajur. A ke ir otemjelok re lokjenair kin men ko otemjej E ar kõmõni, E ba ñõn ro dri kaloran,

44 Emõn nan kein ren dreloñ lloan lojilifiemi: bwe naj ketõk Nejin armij na ilo pein armij rõn.

Mat. 17. 22.

45 A re jaje nan in, im e nojõk jen ir, bwe ren jab jela kake: im rej niõjõk iu kajitõk iben kin nan in.

Jap. 2. 50. & 18. 34.

46 Im nan in kajitõk iben dron ej walok ñõn ir, kin wõn lair e naj laptata.

Mat. 18. 1-5. Mark 9. 34-37.

47 A ke Jisõs ej lo nan in kajitõk ilo burueir, Ej bõk juõn ajiri, im kajijõt e iturin,

48 Im ba ñõn ir, Jabrewõt eo e naj bõk ajiri in ilo eta ej bõk Ña: im jabrewõt eo e naj bõk Ña, ej bõk Eo e ar jilkintok Iõ: bwe eo ej eriktata ibemi otemjej, e in elap.

Mat. 10. 40. Mat. 23. 11, 12. Jon 12. 44. & 12. 20.

49 Im Jon e uak im ba, Dri Kaki, kim ar lo juõn ej kajutõklok dimon ro ilo Etõm; im kim ar bõprae bwe e jab lor kij.

Mark 9. 38-40. Bwin. 11. 28.

50 Im Jisõs e ba ñõn e, Kwon jab bõprae: bwe eo e jab kaju an bebe jen kom, ej ber ibemi.

Mat. 12. 30. Jap. 11. 23.

51 Im ke enafin jejit ran ko ke naj bõkliñlok E, ebin An mejen mejke bwe Eu ilok ñõn Jerusalem,

Mark 16. 19.

52 Im E jilkinlok ro dri jilik iman mejen: im rej ilok, im dreloñ ilo jikin kwelok erik an dri Sameria, bwe ren kapojõk mae E.

53 Im r'ar jab bõk E, bwe mejen einwõt Ej ilok ñõn Jerusalem.

Jon 4. 4. 9.

54 A ke dri kaloran, Jemes im Jon, rejro lo men in, re ba, Iroi, kwo kõuan bwe kimin jiroñ bwe kijeek en itok jen lõñ im til ir ke?

2 Kin 1. 10, 12.

55 A Ej okõtõkklk, im kowe ir.

56 Im rej ilok ñõn bar juõn jikin kwelok erik.

Jon 3. 17. & 12. 47.

57 Im ke rej ilok ilo ial, juõn armij e ba ñõn E, I naj lor Yuk ijo jabrewõt Kwoj ilok ie lok.

Mat. 8. 19-22.

58 Im Jisõs e ba ñõn e, Kiru jakol ko eor roñ air, im bao in mejatoto eor ileir: a Nejin armij ejelok jikin An kababu bõran.

59 Im E ba ñõn bar juõn, Kwon lor Iõ. A e ba, Iroi, kwon kõtlok iõ mokta bwe in ilok im kalibwin jema.

60 A E ba ñõn e, Kwon likit ro remij bwe ren kalibwin air remij:

a kwon ilok im kwalok allin in Anij.

61 Im bar juon e ba, Iroi I naj lor Yuk: a kötlok iö mokta bwe in ilen yokyokwe ro rej ber iloan mweo imö.

1 Kin 19. 20.

62 Im Jisös e ba non e, Ejelok arnij ekar non allin in Anij, elafie ej likit pein ion plau, im okötöklik.

### JAPTER 10.

**E**LIKIN men kein Iroi ej likit bar jililmjuonñoul, im jilkinlok ir karuolok iman mejen ilo jikin kwelok im ene otemjej, ijo E naj ilok ie lok.

Mat. 10. 1. Mark 6. 7.

2 Im E ba non ir, Elap jonikön, a relet dri marmir: inem komin jar im kajitök iben Iroi an jonikön, bwe En jilkinlok ro dri marmir ilo An jonikön.

Mat. 9. 37, 38. Jon 4. 35. 2 Tes. 3. 1.

3 Komin ilok, lo Ij jilkinlok kom einwöt lam ko lolapin kiru wulf ko.

Mat. 10. 16.

4 Komin jab bök nien mönni, jab böjo, jab juj ko; im jab yokyokwe armij ilo ial.

Mat. 10. 9-15. Mark 6. 8-11. Jap. 9. 3. 2 Kin 4. 29.

5 Im ilo jabrewöt im komij dreloñ ie, mokta komin ba, Ainemön non mwın.

6 Im elafie nejin ainemön ej ber ijo, ami ainemön e naj ber ion: elafie jab, e naj bar jeblak non kom.

7 Im komin ber iloan mweo, im möña im irak men ko rej lewoj: bwe dri jermal ej tellokön wönan. Komin jab ilok jen im non im.

1 Kor. 10. 27. & 9. 4. 1 Tim. 5. 18.

8 Im ilo jabrewöt jikin kwelok komij dreloñ ie, im rej bök kom, komin möña jabrewöt men ko likit imami;

9 Im kemour ro re nainimij ie, im ba non ir, Allin in Anij ej ebake kom.

Jap. 9. 2. Mat. 3. 2. & 4. 17.

10 A ilo jabrewöt jikin kwelok

komij dreloñ ie, im rej jab bök kom, komin ilok ilo ial ko an im ba,

11 Aet, boñöñöñ in jen ami jikin kwelok ej edrep non neem kimij jeorlok nae kom: a komin kanulj jela, bwe allin in Anij ej ebak.

Jap. 9. 5. Jerb. 13. 51. & 18. 6.

12 A Ij ba non kom, bwe ilo ran eo e naj emön non Sodöm jen jikin kwelok eo.

13 Wo non yuk, Korazin! Wo non yuk Betseida! bwe elafie jermal ko relap ar kömöni ilo Tair im Saldon einwöt ar kömöul ilo komro, irro re naj kar ukwelok ibeir moktata, im jljöt ilo nuknuk eklep iren im brij in ubaj.

Mat. 11. 21. Ezek. 3. 6.

14 A e naj emön non Tair im Saldon ilo ekajet jen komro.

15 Im kwe, Kaperneum, kwoj utiej non löñ, naj jolöllok yuk non Hedis.

Mat. 11. 23.

16 Eo ej roñjake kom ej roñjake Na; im eo ej kejekron kom ej kejekron Iö: im eo ej kejekron Iö ej kejekron Eo e ar jilkintok Iö.

Mat. 10. 40. Mark 9. 37. 1 Tes. 4. 8. Jon 5. 23.

17 Im ro jililmjuonñoul rej bar jeblak ilo löñlin, im ba, Iroi, im dimon ro rej bokake kim ilo Etöm.

18 Im E ba non ir, I ar lo Setau emwij an buñ jen löñ einwöt jarom.

Jon 12. 31. Rev. 12. 8.

19 Lo, I ar lewoj non kom kajur bwe komin jur ion serpent ko im marebep ko, im ion kajur otemjej an eo dri kijirät; im ejelok men eo e naj kokkure kom.

Mark 16. 18. Jerb. 28. 5.

20 A komin jab löñlin kin men in, bwe jltöb rön rej bokake kom; a komiu löñlin bwe emwij jeje etömi ilo löñ.

Eks. 32. 32. Isa. 4. 3.

21 Ilo auö eo Jisös ej löñlin ilo Jitöb Kwojarjar, im ba, Kom mol, O Jema, Iroi in löñ in löñ, bwe Kw'ar noj men kein jen dri meletlet im dri jelalokjen, im Kw'ar kwaloki non niñniñ ro: aet, O

Jema, bwe emõn ein drein iman mejõm.

Mat. 11. 25-27.

22 Jema e ar letok men otemjej ñõn Iõ: im ejelok juõn e jela wõn eo Nejin, a Jema wõt; im wõn eo Jema, a Nejiu wõt, im eo Nejin e kõnan kwalok E ñõn e.

23 Im Ej oktõklik ñõn ro dri kaloran, im ba ñõn ir mõke, Emõnõ-nõ mej ko rej lo men ko komij loi:

Mat. 13. 14. 17.

24 Bwe Ij ba ñõn kom, elõn dri kanan im kiñ r'ar kõnan lo men ko komij loi, im r'ar jab loi; im roñjake men ko komij roñjaki, im r'ar jab roñ.

25 Im lo, juõn dri kien e jutõk, im turburuen im ba, Dri Kaki, ta men eo I naj kõmõne bwe in bõk aõ jolit mour in drio?

Mat. 22. 35.

26 E ba ñõn E, Ta men eo jeje ilo kien? ekijkan am konono kaki?

27 Im e uak im ba, Kwon yokwe Iroj am Anij kin aolepen buruõm, im kin aolepen am, im kin aolepen am kajur, im kin am lemnok otemjej; im dri turõm einwõt kwe.

Dut. 6. 5. Levai 19. 18.

28 Im E ba ñõn e, Ejime am uak; kwon kõmõn men in, im kwo naj mour.

Levai 18. 5. Neh. 9. 29.

29 A e kõnan mõke kowānik e, im e ba ñõn Jisõs, Im wõn eo dri turu?

Jap. 16. 15.

30 Im Jisõs e uak im ba, Juõn armij ej wõnlõllok jen Jerusalem ñõn Jeriko, im ebol kin dri rakimi ro, rej wutik nuknuk ko an, im kakinijnij e, im ilok, im likit e keptata an mij.

31 Ej etal jero juõn pris, ke ej wõnlõllok ilo ial eo; im ke ej lo e, ej kijone im jer jen e.

Sam. 38. 11.

32 Im bareinwõt juõn dri Livai, ke ej itok im lo e, ej kijone im jer jen e.

33 A juõn dri Sameria, ke ej etal,

ej itok ijo ej ber ie: im ke ej lo e, ej tiriamokake,

Jon 4. 2.

34 Im ej itok ñõn iben, im kitimi kinij ko kinjen, im lutok ioir oil im wain, im kajijõt e ion kiru eo an, im bõktok e ñõn imõn drua maijet, im lale e.

35 Im ran eo ilju ke ej ilok ej bõk ruo sillin im lelok ñõn dri lale mweo, im ba ñõn e, Kwon lale e; im jabrewõt eo kwoj koorlok, ñe ij bar itok, I naj nawõnam.

36 Wõn iairjil, kwoj lemnok, ej dri turin eo e ar bol iben dri rakimi ro?

37 Im e ba, Eo e ar kõmõn joi j ñõn e. Im Jisõs e ba ñõn e, Kwon ilok im kõmõnõmõn einwõt.

38 Im ilo air etal, Ej dreloñ ilo juõn jikin kwelok erik: im juõn kõra etan Marta ej kadreloñ E iloan mweo imõn.

Jon 11. 1. & 12. 2. 3.

39 Im jatin kõra etan Meri, ej jijõt ituriu neen Jisõs, im roñ An in nan.

Jap. 8. 35.

40 A Marta ej ailbãro kin elõn jeral, im ej itok ñõn iben, im ba, Iroj, men in jekron ibõm ke, bwe jatiõ kõra e ar likit iõ bwe in mõke jeral? Inem Kwon ba ñõn e bwe en jibõn iõ.

41 A Jisõs ej uak im ba ñõn e, Marta, Marta, kwoj inebata im bolikõm kin elõn men ko:

42 A juõn wõt men in aikwij, im Meri e ar kålet ajenkij eo emõn, im jamin bõklok e jen e.

Sam 27. 4.

## JAPTER 11.

**I**M Ej jar ilo juõn jikin, im ke emwij, juõn ian ro dri kaloran e ba ñõn E, Iroj, kwon katakin kim kin jar, einwõt Jon e ar bareinwõt katakin ro dri kaloran.

2 Im E ba ñõn ir, Ñe kom jar, komin ba, Jememulj, En kwojarjar Etõm. Eu itok Am ailin.

Mat. 6. 9-13.

3 Letok ñõn kim ilo jabrewõt ran kijim ekar ñõn ran eo.



4 Im jeorlok amulj jerawiwi; bwe kimulj bareluwöt jeorlok an armij otemjej muri ibem. Im jab kadreloñ kim ilo kabo.

5 Im E ba ñön ir, Wön lami e juön jeran, im e naj ilok ñön iben ilukwön boñ, im ba ñön e, Jera, kwon letok ñön iö jilu ion bred;

6 Bwe juön jera ilo an etal ej itok ñön iö, im ejelok iba bwe in likite iman;

7 Im eo jen iloan e naj uak im ba, Kwon jab kamökit iö; kiö ekilik aur, im ro nejlö rej ber iba ion ken babu, I ban jerkak im lewoj ñön yuk?

8 Ij ba ñön kom, Meñe e jamin jerkak im lelok ñön e bwe e jeran, a kin an eljinmlu e naj jerkak im lelok ñön e jabrewöt eo ej aikwi.

jap. 18. 1-6.

9 Im Ij ba ñön kom, Kajitök, im naj lewoj ñön kom; kabukot, im kom naj loe; kalöllöl, im e naj bellok ñön kom.

Mat. 7. 7-11.

10 Bwe ro otemjej rej kajitök rej bök; im eo ej bukot, ej loe; im eo ej kalöllöl e naj bellok ñön e.

11 Elañe juön neje man ej kajitök bred iben jabrewöt lami e jemen, e naj lelok dreka ñön e ke?

12 Im elañe e naj kajitök juön lip, e naj lelok ñön e juön marebep ke?

13 Inem elañe komeo dri nana, kom jela kijkan lelok men ko remöu ñön ro nejemi; ta, e jamin lap an Jememiulj i löñ lelok Jitöb Kwojarjar ñön ro otemjej rej kajitök iben ke?

14 Im Ej kajutöklok dimon, im e jajelokjen. Im ke dimon e jutöklok, eo e jajelokjen ej konono; im armij re bwilöñ.

Mat. 9. 32-34. & 12. 22-24.

15 A jet ialr re ba, Ej kajutöklok dimon ro kin Beelzebub iroj in dimon rön.

16 Im bar jet, ilo air kabo E, rej kajitök iben juön kaköle jen löñ.

Mat. 16. 1.

17 A E jela air lemnok, im E ba ñön ir, Allin otemjej re jibil, jimö-

tön jumae jimötön, re joko; im juön im ej jibil jimötön jumae jimötön, ebuñ.

Mat. 12. 25-29. Mark 3. 24-27. Jon 2. 25.

18 Im elañe Setan bareluwöt ej jibil jimötöu jumae jimötön, e naj kijkan an allin berwöt? bwe komij ba, Ij kajutöklok dimon ro kin Beelzebub.

19 Im elañe Ña kin Beelzebub Ij kajutöklok dimon ro, kin wön ro nejemi man rej kajutöklok ir? kin men in re naj ami iroj in ekajet.

20 A elañe Ña kin arlin Anij Ij kajutöklok dimon rön, inem allin in Anij ej itok ñön kom.

Eks. 8. 19.

21 Ke leo ekajur, e pojök ken törinae ko an, ej bar mweo imön, mweluk ko an rej ber ilo ainemön:

22 A ñe eo e kajur jen e e naj itok ñön e, im battök e, ej bök jen e ken törinae ko an otemjej, men ko ej liki wöt, im ajej men in rakimi ko an.

23 Eo e jab iba ej jumae Iö; im eo e jab ainitok iba, ej kejbliklok.

Mat. 12. 30.

24 Ke jitöb ötton ej jutöklok jen armij, ej etetal ilo jikin ko remöra, im bukot kakije; im e jab loe, im e ba, I naj jeblak ñön mweo imö ljo I ar ilok jen e.

Mat. 12. 43.

25 Im ke ej itok ej loe, bloke im albujuj.

26 Inem ej ilok, im bök ñön iben bar jilljilljuön jitöb ro renana jen e: im rej dreloñ iloan, im jokwe ljo: im an armij in ber tokelik enana jen mokta.

27 Im ke Ej konono men kein, juön köra ian jar eo, ej koutiej ainiken, im ba ñön E, Emönönö lojen eo e ar keutak Yuñ, im tit ko Kw'ar ninnini.

jap. 1. 48.

28 A E ba, Aet, elaplok an mönönö ro rej eoroñ nan in Anij, im kejbärok e.

Mat. 7. 21. jap. 8. 21. Jem. 1. 25.

29 Im ke jar ko rej kweloklok ñön E, E jino An ba ñön ir, Ebeben in

ebeben enana; rej bukot kaköle; im naj lelok ejelok kaköle ñöñ ir, a kaköle eo an Jona.

Mat. 12. 38-42.

30 Bwe einwöt Jona e ar kaköle ñöñ ro dri Nineve, ein drein Nejin armij bareinwöt E naj kaköle ñöñ ebeben in.

Jona 1. 17. & 2. 10.

31 Liroj in rök e naj jutök ilo ekajet iben armij an ebeben in, im liakelok ir: bwe e ar itok jen ljo etoloktata i löñ bwe en roñjake meletlet an Solomön; im lo, juön ijin elap jen Solomön.

1 Kin 10. 1.

32 Armij in Nineve re naj jutök ilo ekajet iben ebeben in, im liakelok e: bwe r'ar ukot burueir kin an Jona kwalok; im lo, juön ijin elap jen Jona.

Jona 3. 5.

33 Im ejelok armij, ñe emwlj an till lamp, ej likit e ljo etino, ak iomin jäbi, a lon jikin lamp, bwe ro rej dreloñ ren lo maram eo.

Mat. 5. 15. Mark 4. 21. jap. 8. 16.

34 Lamp in enbwinöm, mejöm: ke mejöm enöñ aolepen enbwinöm e obrök kin maram: a ke enana mejöm enbwinöm bareinwöt ej obrök kin marok.

Mat. 6. 22.

35 Inem kwon lale bwe maram eo iloan en jab marok.

36 Inem elañe enbwinöm e obrök kin maram, im ejelok mötön e marok, aolepen otemjej e naj obrök kin maram, einwöt ke lamp kin elap an romak ej kamranilok yuk.

37 Im ke Ej konono, juön Parisi ej jirön E bwe En möña iben: im Ej dreloñ im jiberak in möña.

38 Im ke Parisi ej lo e, e bwilöñ bwe E ar jab aminl mokta jen möña.

Mark 7. 8.

39 Im Iroj e ba ñöñ e, Kiö kom dri Parisi, komij karreo elikiñ köp in jäbe; a iloami eobrök kin koaröñ im jerawil.

Mat. 23. 25. Tait. 1. 15.

40 Kom dri bwebwe, Eo e ar kö-

mön men eo likin, E ar jab kömöñ men eo iloan bareinwöt ke?

41 A komin lelok men in tiriamo ko jen men ko iloan; im lo, meu otemjej rej erreö ñöñ kom.

jap. 12. 32.

42 A wo ñöñ kom Parisi ro! bwe komij kömöñ ken ka jöñoul kin mint im ru im mär otemjej, im kijone ekajet im yokwe Anij: emön ami kömöñ men ko, im jab likit men kä.

Mat. 23. 23.

43 Wo ñöñ kom Parisi ro! bwe komij yokwe jikin jijöt ko routiej ilo imön kwelok, im yokyokwe ko ilo jikin wia ko.

Mat. 23. 6. Mark 12. 32.

44 Wo ñöñ kom! bwe komij einwöt lüp ko re jab alikar, im armij rej etetal ioir, im re jaje kake.

Mat. 23. 27.

45 Inem juön ian ro dri kien ej uak im ba ñöñ E, Dri Kaki, kin Am ba men kein Kwoj bar einwöt kajirere kake kim.

46 Im E ba, Wo ñöñ kom bareinwöt ro dri kien! bwe kom jon armij kin men ko erro kin air bökl, im kom, komij jab uñir men ko kin juöñ ian arrimi.

Mat. 23. 4.

47 Wo ñöñ kom! bwe komij kalek imön lüp ko an dri kanan ro, im jimami r'ar möñ ir.

Mat. 23. 29.

48 Inem ein drein kom ro dri kanan im bökl buruemi ñöñ jimami kin air jeral: bwe emol r'ar möñ ir, im komij kalek imön lüp ko air.

49 Im kin men in meletlet an Anij ej ba, I naj jilkinlok ñöñ ir ro dri kanan im ro dri jilik, im jet lair, re naj möñ ir im matörtör ir:

Mat. 23. 34.

50 Bwe böttöktök an dri kanan otemjej, eo ar lutök jen jinoin löñ, en kajitök iben ebeben in kake;

51 Jen böttöktök an Ebel ñöñ böttöktökin Zakeralös eo e ar mij iktan lokatok im tempel: emol Ij ba

ñõn kom, naj kajitõk e iben ebeben in.

Jen. 4. 8. 2 Kron. 24. 20, 21.

52 Wo ñõn kom dri kien! bwe kom ar bõklok ki an jelalokjen: kom jab mõke dreloñ, im ro r'ar nañin dreloñ kom ar boprae ir.

Mat. 23. 13.

53 Im ke emwij An drioielok jen ijo, skraib ro im Parisi ro re jino air kanuij kãmatõrtõre, im kakõtõtõik E bwe En konono kin elõñ men ko:

54 Im kejar E bwe ren bõk jabrewõt jen loñin.

Mark 12. 13.

### JAPTER 12.

**I**LO ien eo, ke e kanuij loñ armij rej kweloklok, einwõt bwe rej juri dron, E jino An ba ñõn ro dri kaloran mokta, Komin kejbãrok kom jen leven an Parisi ro, eo men in mon.

Mat. 16. 6. Mark 3. 15. Mat. 16. 12.

2 A ejelok men in kallbubu im e jamin elõklok; im enojõk im jamin jela kake.

Mat. 10. 26-33. Mark 4. 22. Jap. 8. 17.

3 Kin men in jabrewõt men eo kom ar konono ilo marok naj roñjake ilo maram: im nien eo kom ar konono i lojllin ijo etino naj kwalok e ion bõrwõj in mo ko.

4 Im Ij ba ñõn kom ro jera, Komin jab mijõk ro rej mõn enbwin, im tokellik ejelok air maroñ in kõmõn.

Jon 15. 13-15.

5 A Ij kwalok ñõn kom mokta Eo kom naj mijõke; Komin mijõk E, eo elikin an mõn Ej maroñ in jolok na ilo Geenna; Aet, Ij ba ñõn kom, E in komin mijõke.

6 Re jab wiakaki lallim sparro kin ruo penni ke? im ejelok juõn lair melokloke iman mejen Anij.

7 A emwij bwini kõlan bõrõmi otemjelok. Komin jab mijõk: elap ami emõn jen elõñ sparro.

8 Im Ij ba ñõn kom, Jabrewõt eo e naj kwalok Iõ imian mejen armij rõn, Nejin armij e naj bareinwõt

kwalok e iman mejen enjel ro an Anij:

9 A eo e naj karmijet Iõ iman mejen armij, naj karmijet e iman mejen enjel ro an Anij.

10 Im jabrewõt eo e naj konono juõn nan nae Nejin armij, naj jolok ruõu kake: a ñõn eo ej blasipim Jitõb Kwojarjar e jamin joko ruõn.

Mat. 12. 31. Mark 3. 28.

11 Im ñe rej añintok kom iman ro ilo imõn kwelok ko, iman mejen iroi j rõn, komin jab inebata buruemij kijkan ak ta eo kom naj uak, ak ta eo kom naj konono:

Mat. 10. 19. Mark 13. 11.

12 Bwe Jitõb Kwojarjar e naj kaktakin kom ilo auõ eo ta emõu ami ba.

13 Im juõn ian jar eo ej ba ñõn E, Dri Kaki, kwon karoñ jeiõ im jãtiõ, bwe en ajej jolit iba.

14 Im E ba ñõn e, Armij, wõn e ar likit Iõ iroi j in ekajet ak dri ajej iomi?

Jon 18. 36.

15 Im E ba ñõn ir, Komin lale, im kejbãrok kom jen jabrewõt arõk mweiuk: bwe an armij mour e jab kin an loñ men ko an.

1 Tim. 6. 6-11.

16 Im Ej konono parebõl ñõn ir, im ba, Jikin kallip ko an juõn armij emweie elõñ air jebar leen:

17 Im ej bebe ilo buruen im ba, Ta eo I naj kõmõne, bwe ejelok jikin ijo ij aini leen ko aõ?

18 Im e ba, I naj kõmõn men in; I naj jelate mo ko imõn ekõu eo aõ, im kalek ko jet relaplok; im ilo ir I naj aini aõ korn im mweiõ otemjej.

19 Im I naj ba ñõn aõ, Aõ, elõñ mweiuk ko mweiõm emwij pojõk ñõn elõñ yio; kwon kakije, mõña, irak im lõñlin.

Ekl. 11. 9. 1 Kor. 15. 32. Jem. 5. 5.

20 A Anij e ba ñõn e, Kwo bwebwe, boñinin naj kajitõk ibõm kin an; inem e naj an wõn men ko kw'ar kapoji?

Job 27. 8. Sam 52. 7. Jem. 4. 14. Sam 39. 6. Jer. 17. 11.

21 Ein drein eo ej likit mweik ko mweien ñõn e wõt, im e jab mwele ñõn Anij.

Mat. 6. 20. 1 Tim. 6. 18, 19. Jem. 2. 5.

22 Im E ba ñõn ro dri kaloran, Kin men eo Ij ba ñõn kom, Komin jab inebata buruemi kin mour, ta eo kom naj mõña; ak kin enbwine-mi ta eo kom naj balle.

Mat. 6. 25.

23 Mour elap jen ekõn, im en-bwin jen nuknuk ko.

24 Komin kalomõnlokjen kin bao reven ko: bwe re jab jeor, im jab marmir; ejelok imõn mweleir ak imõn ktjeir; im Anij ej najirik ir: kijkan elap ami emõn jen bao ko ke?

Job 38. 41. Sam 147. 9.

25 Im wõn iami kin an inebata ej maroñ in kaitoklok an mour kin juõn mokwõj in pã?

26 Kin men in elañe komij jab maroñ in kõmõn men eo eriktata, etke komij inebata kin men ko jet?

27 Komin kalomõnlokjen kin kiõp ko ekijkan air edrek: re jab jermal, re jab irap; a Ij ba ñõn kom, bwe Solomõn ilo au aibujuij otemnej e ar jab litlit einwõt juõn lair.

28 A elañe ein drein an Anij kallitlit mår eo ej ber ilo jikin kallip ranin, im ilju julok ilo um; e jab laplok An naballimi ke, O komeo erik ami tõmak?

29 Im komin jab bukot ta eo kom naj mõña, im ta eo kom naj irak, im komin jab berre.

30 Bwe dri allin ko i lõl rej bukot men kein otemnej: a Jememiulj e jela bwe eor ami aikwij men kein.

31 A komin bukot allin eo An; im naj koorlok ñõn kom men kein otemnej.

Mat. 6. 33.

32 Bwij erik, komin jab mijõk; bwe ebuñburuen Jememiulj kin An lewoj allin eo ñõn kom.

Mat. 11. 25, 26.

33 Komin wiakaki men ko ami, im lelok men in tiriamo ko: komin kõmõmõn ñõn kom bõjo ko re ja-

min morlok, mweluk i lõn ko eo e jamin joko, ijo ejelok dri kwot ej kebak e, im ejelok drile ej kokkure.

Mat. 6. 20. & 19. 21. jap. 16. 2.

34 Bwe ijo mwelemi ej ber ie, ha-reinwõt ijo buruemi e naj ber ie.

35 Komin lukwoj ami kõñir, im korur wõt lamp ko ami;

Mat. 25. 1-13.

36 Im komin einwõt armij ro rej kõtar air iroj, mae ten eo e naj je-blak jen kwojkwõj in belele: bwe ñe ej itok im kalõllõl en mõkõj air kabellek ñõn e.

37 Emõnõnõ dri korijeran ro, ñe iroj ej itok e naj lo air kil e: emol Ij ba ñõn kom, bwe e naj lukwoj an kõñir, im kajiberak ir bwe ren mõña, im e naj itok im jermal ñõn ir.

Mat. 24. 46.

38 Im elañe e naj itok ilo mmij ken ka ruo, ak ilo mmij ken ka jilu, im lo ir einwõt, ro dri kori-jeran rej mõnõnõ.

39 A komin jela men in, bwe elañe iroj in mweo e ar jela auõ õt dri koaroñ e naj itok, e naj kar ekil, im jab likit bwe en rup mweo imõn.

Mat. 24. 43-51.

40 Komin pojõk bareinwõt: bwe Nejlu armij E naj itok ilo auõ eo ñe kom jab lemnok kake.

Mat. 25. 13. Mark 13. 33. jap. 21. 34, 36.

41 Inem Piter e ba ñõn E, Iroj kwoj konono parebõl in ñõn kin ke, ak ñõn otemnej?

42 Im Iroj e ba, Inem wõn dri kõmñe eo etiljek im meletlet, eo iroj eo an e naj kairoj e ion ro dri korijeran, bwe en lelok kijelir ñõn ir leu ejejit?

Mat. 25. 21.

43 Emõnõnõ dri korijeran eo, ñe iroj eo an ej itok e naj lo an kõ-mõn ein drein.

44 Emol Ij ba ñõn kom, e naj kai-roj e ion men otemnej men ko an.

45 A elañe dri korijeran eo ej ba ilo buruen, Aõ iroj ej karumij an itok: im e naj jino an dreñlok ro

dri korijer man im kōra, im mōña im irak, im ekarek:

46 Iroi j an korijeran eo e naj itok ilo ran eo ke e jab kiljake, im ilo auō eo ke e jaje kake, im e naj bukwe, im naj likit ajenkij eo an iben ro re jab tiljek.

47 Im dri korijeran eo, e ar jela ankil an iroi j eo an, im jab kapojōk, im jab kōmōnmōn ankil an, naj elōñ alen an dreñloke:

Bwin. 15. 30. Dut. 25. 2.

48 A eo e ar jaje, im e ar kōmōn men ko ekar ñōn dreñloke, naj elet alen an dreñloke. Im jabrewōt eo emwij lelok elōñ ñōn e, naj bukot elōñ jen e: im ñōn eo r'ar likit elōñ iben, re naj koorlok air kajitōk iben.

Leval 5. 17. 1 Tim. 1. 13.

49 Ij itok bwe In jolok kijeek ion lōl; im ta eo I kōnau elañe emwij kejo?

50 A juōn baptais iba bwe In baptais kake; im e nañin lap kaiur Iō ñōn ien eo emwij kōmōne!

Mat. 20. 22. Mark 10. 38.

51 Komij lemnok bwe Ij iten lelok ainemōu ion lōl ke? Ij ba ñōn kom, Jab; a jibil:

Mat. 10. 34, 35.

52 Bwe jen ien in lallim iloan juōn im re naj jibil jen dron, jilu jumae ruo, im ruo jumae jilu.

53 Re naj jibil jen dron, jemen jumae nejn man, im nejn man jumae jemen; jinen jumae nejn kōra, im nejn kōra jumae jinen; jilben kōra jumae jilben nejn kōra, im jilben nejn kōra jumae jilben kōra.

54 Im Ej bareinwōt ba ñōn jar ko, Ñe komij lo kōro ej tak jen kabilūñ, emōkōj ami ba, E naj wut; im ej einwōt.

Mat. 16. 2.

55 Im ñe komij lo kōto jen rōk, komij ba, E naj bwil; im ein drein ej walok.

56 Kom, dri jela mon, komij jela mejen lōñ im lōl: a etke kom jab jelakajen ien in?

57 Aet, im etke kom jab ekajet men eo ejime ilo ami?

58 Bwe ñe kwoj etal iben am dri kljirāt ñōn iroi j eo, ñe ilo ial, kwon kanuij lale bwe en kōtlok yuk jen e: elañe jab einwōt, e naj kekake yuk ñōn iroi j in ekajet, im iroi j in ekajet e naj ketōk yuk ñōn dri kabwijrōk, im dri kabwijrōk e naj jolok yuk na ilo prisōn.

Mat. 5. 25.

59 Ij ba ñōn yuk, kwo jamin ilok jen ljo, ñōn ter eo kwo naj kōlaik mōnni eo eniñtata.

### JAPTER 13.

**I**LO ien eo jet iben rej kennanek E kin ro dri Galili, drair Pailat e ar kāreiki iben jurtak ko air.

2 Im Jisōs e uak im ba ñōn ir, Komij lemnok bwe dri Galili rein rej jerawiwi jen dri Galili otemjej, bwe r'ar iñtan kin men kein ke?

3 Ij ba ñōn kom, Jab: a elañe kom jab ukwelok, kom otemjej naj joko eirwōt.

4 Ak ro joñoul im dualitōk, ioir imōn bar ilo Siloam e ar buñ, im mōn ir, komij lemnok bwe ir dri jerawiwi elap jen armij otemjej ro rej jokwe ilo Jerusalem ke?

5 Ij ba ñōn kom, Jab: a elañe kom jab ukwelok, kom otemjej naj joko eirwōt.

6 Im Ej konono parehōl in. Tben juōn armij wijki fig emwij kallip ilo jikin vain eo an; im ej itok im bukot leen ion, im e jab loe.

Iša. 5. 2. Mat. 21. 19.

7 Inem ej ba ñōn dri lale jikin vain eo an, Lo, jilu yiō kein, ij itok im bukot leen ion wijki fig in, im I jab lo e: kwon juokwe; etke ej bareinwōt kamōnoknok ene?

8 Im e uak im ba ñōn e, Iroi j, kwon likit e iomin yiō in bareinwōt, ñōn ien eo ij kōbij iturin, im kōne:

9 Im elañe ej jebar im lle jen ien eo, emōn; a elañe jab, kwo naj juokwe.

10 Im Ej katakin ilo juðn ian imøn kwelok ko ilo Sabat.

11 Im lo, juðn kōra, jītōb emōjino ibeu iomin joñoul im drualitōk yīð, im ej kumlilik, im elap au bau mōbōp.

12 Im ke Jisōs ej lo e, Ej kirtok e, im ba ñōn e, Kōra, emwij kōtlok am mōjino jen yuk.

13 Im Ej likit pein ion: im emō-kōj an jime, im ej wijtake Anij.

Mark 16. 18. Jerb. 9. 17.

14 Im iroiĵ in imøn kwelok eo ej uak kin illu, bwe Jisōs e ar kemour ilo Sabat, im e ba ñōn armij ro, Iomin jiljino ran emøn bwe armij ren jermal; inem ilo ir komin itok im bōk ami mour, im jab ilo ran in Sabat.

Eks. 20. 9. Mat. 12. 10. Jap. 14. 3.

15 A Iroiĵ e uak e im ba, Kom dri jela mon, jabrewōt iami e jab kōtlok ilo Sabat an kau ak ass jen imøn, im tellok e im kairak e ke?

Jap. 14. 5.

16 Im kōra in, e nejin Ebream, eo Setan e ar liabe, lo, iomin joñoul im drualitōk yīð, e jab melim kōtlok e jen liabe in ilo ran in Sabat ke?

Jap. 16. 9.

17 Im ke emwij An konono men kein, An dri kijirāt otemjej re jok: im jar ko otemjej rej lōñliñ kin men in bwilōñ ko otemjej E ar kōmōni.

18 Inem E ba, Ailliñ in Anij einwōt ta? im kin ta I naj kajeoñwe?

Mat. 13. 31-33. Mark 4. 30-32.

19 Ej einwōt ine in mōstad, eo armij ej bōke, im jolok na ilo jikin kallip eo an; im ej edrek, im laplok einwōt wijki elap; im bao in mejatoto rej jokwe i ran.

20 Im E bar ba, I naj kajeoñwe ailliñ in Anij kin ta?

21 Ej einwōt leven, eo juðn kōra ej bōk im noje ilo Jilu joñon flauð ñōn ter eo ej leven aolep.

22 Im Ej ilok ilo jikin kwelok ko relap im ko redrik, Ej katakin, im etallok ñōn Jerusalem.

Mat. 9. 35. Mark 6. 6.

23 Inem juðn e ba ñōn E, Iroiĵ, reiet naj lounorir ke? im E ba ñōn ir,

24 Komin kate kom bwe komin dreloñ ilo kejem eo eairik: bwe Ij ba ñōn kom, elōñ re naj bukot bwe ren dreloñ, im re jamin ma-roñ kake.

Mat. 7. 18. Rom 9. 21.

25 Ñe emwij an iroiĵ in im jutōk, im kil aur, im kom jino ami jutōk inabij im kalōllōl aur eo, im ba, Iroiĵ, kwon kablok ñōn kin; iu E naj uak im ba ñōn kom, I jab jela kom, komij jen ia;

Isa. 55. 6. Mat. 25. 10, 12. Jap. 6. 44.

26 Ilo ien eo, kom naj jino ami ba, Kim ar mōña im irak iman mejōm, im kw'ar katakin ilo ial ko am.

27 Im E naj ba, Ij kennanek kom, I jab jela kom, kom jen ia; komin ilok jen Iō, kom otemjej komij kōmōnmōn jerawiwi.

Mat. 7. 23. & 25. 41. Sam 6. 8.

28 E naj or jōñ im ñi lōllōl, ñe kom naj lo Ebream, im Aisak, im Jekōb, im dri kanan otemjej, ilo ailliñ in Anij, im kom jok jen e.

Mat. 8. 11, 12. & 13. 42. & 24. 51.

29 Im re naj itok jen rear, im jen kabilūñ, im jen eañ, im jen rōk, im re naj jiberak ilo ailliñ in Anij.

30 Im lo, jet rej eliktata re naj muktata, im jet rej muktata re naj eliktata.

Mat. 19. 30. Mark 10. 31.

31 Ilo auð eo jet ian Parisi ro rej itok im ba ñōn E, Kwon ilok im etal jen iĵin: bwe Herod e kōnan mōn Yuk.

32 Im E ba ñōn ir, Komin ilok, im kennanek jākol eo, Lo, Ij kajutōklok dimon ro, im Ij kemour ranin im ilju, im ran eo ken ka jilu I naj kamwijlok.

Hib. 2. 10.

33 A emøn In etetal ranin, im ilju, im jeklaj: bwe dri kanan e ban mlj ilikin Jerusalem.

34 O Jerusalem, Jerusalem, kwe kw'ar mōn ro dri kanan, im kare ro jilkinwoj ir ñōn yuk; elōñ ajen I ar kōnan kokweloktok ro nejom,

einwöt lolo ej kokweloklok ro nejin jojo iomin pein, im kom ar jab kōnan.

Mat. 23. 37.

35 Lo, emwij likit mweo imwemi na ibemi im jeebeplok : im emol Ij ba ñōn kom, Kom jamin lo Iō ñōn ien eo kom naj ba, Emōuōnō eo Ej itok ilo etan Iroi.

Levai 26. 31, 32. Sam 60. 25. Isa. 1. 7. Mika 3. 12. Sam 118. 26. Mat. 21. 9. Mark 11. 9. Jap. 19. 38. Jon 12. 13.

#### JAPTER 14.

**I**M ke Ej dreloñ iloan imōn juōn ian iroi ro an Parisi rōn ilo Sabat bwe En mōña bred, rej kejar E.

2 Im lo, juōn armij iman e nañinmij kin jeje.

3 Im Jisōs e uak im konono ñōn ro dri klen im Parisi ro, im ba, Emelim ke kemour ilo Sabat ak jab?

Mat. 12. 10.

4 Im rej ikōñ. Im Ej bōk e, im kemour e, im kōtlok e;

5 Im Ej uak ir im ba, Wōn iami juōn an ass ak kau koman ej buñ ilo roñ, im e jab mōkōj an kwotōke ilo ran in Sabat?

Jap. 13. 15.

6 Im re ban uak E kin men kein.

7 Im Ej konono parebōl ñōn ro jiroñ ir, ke Ej lo ekijkan air kalet ken jijōt ko remōn, im ba ñōn ir.

8 Ñe juōn armij ej jiroñ yuk ñōn kwojkwoj in belele, kwon jab jijōt ion ken jijōt eo eutiejtata; ñe ab jiroñ juōn eutiejtata; ñe ab jiroñ juōn eutiejtata; ñe ab jiroñ juōn eutiejtata;

9 Im eo e ar jiroñ yuk im e, ej itok im ba ñōn yuk, kwon lelok jikōm ñōn armij in; im kwoj jino kin jok am bōk jikōm eo etātata.

10 A ñe jiroñ yuk, kwon ilem jijōt ion ken jijōt etātata; bwe ñe eo e ar jiroñ yuk ej itok, en ba ñōn yuk, Jera, kwon ilok ijo eutiejtata: inem kwo naj bōk kabuñ iman mejeir otemjej rej jijōt ibōm.

Pro. 26. 6, 7.

11 Bwe jabrewōt eo ej mōke koutiej e, naj kōtalk e; im eo ej mōke kōtalk e, naj koutiej e.

[Marshall' Islands.] 4T

12 Inem E ba bareinwōt ñōn eo e ar jiroñ E, Ñe kwoj kapojōk mōña in raelip ak kejota, kwon jab jiroñ ro jerōm, jab ro jeōm im jātōm, jab ro nukum, jab dri mweie ro dri turum; elañe jab einwōt re naj bar jiroñ yuk, im naj nawōnam.

13 A ñe kwoj kōmōn kwojkwoj, kwon jiroñ ro dri jeramel, ro rejibikbik, ro rajkup, ro rebilo:

Neh. 8. 10, 12.

14 Im kwo naj mōnōnō; bwe re ban nawōnam: bwe e naj am wōnan ilo jerkakbijian ro remōn.

15 Im ke juōn ian ro rej jiberak im mōña iben ej roñ men kein, e ba ñōn E, Emōnōnō eo ej mōña bred ilo ailiñ in Anij.

Rev. 19. 9.

16 Inem E ba ñōn e, Juōn armij e ar kōmōn kejota elap, im jiroñ elōñ.

Mat. 22. 2-14.

17 Im ej jilkinlok dri korijeran ke auō in kejota, bwe en ba ñōn ro ar jiroñ ir, Komin itok bwe erelok men otemjej.

18. Im ir otemjej, burueir wōt juōn, rej jino air jikbin. Eo mokta e ba ñōn e, I ar wiaik juōn mōtōn ene, im emōn bwe in ilok im lo e: ij kajitōk ibōm bwe kwon kōtlok iō.

19 Im bar juōn e ba, I ar wiaik lailim alen ruo kau koman, im ij ilen melejoñ ir: ij kajitōk ibōm kwon kōtlok iō.

20 Im bar juōn e ba, I ar belek kōra, im kin men in I jab maroñ in itok.

21 Im dri korijeran eo ej itok im kennanek iroi eo an men kein. Inem iroi in mweo, kin an illu, ej ba ñōn dri korijeran, Kwon jabrumij in ilok ilo ial ko relap im redrik ilo jikin kwelok, im añintok ñōn ijin ro rejeramel, im ro rejibikbik, im ro rajkup, im ro rebilo.

22 Im dri korijeran e ba, Iroi, emwij kōmōn einwōt kw'ar jiroñ, im bar jet jikin.

23 Im iroi e ba ñōn dri korijeran,

Kwon ilok ilo ial ko im worwor wijki ko, im akwelap ñõn ir bwe ren itok, bwe mweo imõ en obrök.

24 Bwe ij ba ñõn kom, Ejelok juõn ian ro I ar jiroñ ir, naj erjoñ aõ kejota.

Mat. 21. 43. Jerb. 13. 46.

25 Im elap jar ko rej etal iben ; im Ej oktöklik, im ba ñõn ir,

26 Elañe jabrewõt armij ej itok ñõn iba, im e jab kitõtökake jemen, im jinen, im ilo belen, im ro nejin, im ro jeln im jätin man im kõra, aet, im an mour bareinwõt, ej ban dri kalora.

Dut. 13. 6. & 33. 9. Mat. 10. 37. Rom 9. 13. Ecv. 12. 11.

27 Im jabrewõt eo e jab bök an drebaill, im lor Iõ, e ban dri kalora.

Mat. 16. 24.

28 Bwe wõn iami, e kõnan kalek juõn imõn bar, e jab jijõt mokta, im bebe kin wõnan, e naj maroñ in kamwijlok ke, jab ke?

Pro. 24. 27.

29 Ñe ab, elikin an kõmõn founde-õõn, im e jab maroñ kamwijlok, ro otemjej rej aluije, re jino air kajirere kake,

30 Im ba, Armij in e jino an kalek, im e jab maroñ in kamwijlok.

31 Ak iroiñ õt, ke ej ilok bwe en tõrinaek bar juõn iroiñ, e jab jijõt mokta im bebe ej maroñ ke jab ke, kin joñoul tausan ilok im jumaee eo ej itok ñõn iben kin roñoul tausan?

32 Ak elañe jab einwõt, ke eo juõn ej etolok jen e, ej jilkinlok dri kilajrök, im kajitök kin men in ainemõn ko.

33 Im bareinwõt jabrewõt eo iami e jab illok jen men otemjej au, e jamin dri kalora.

34 Inem emõu salt: a elañe e joko nemen salt, naj kejätök e kin ta?

Mat. 5. 13. Mark 9. 50.

35 E jab emõn kin ene, e jab emõn kin ejoj in kõn; a rej jolok e. Eo eor lojilñin bwe en roñlokjen en roñjake.

## JAPTER 15.

**I**NEM dri tel owõj, im dri jera-  
wiwi otemjej, rej kebak E bwe ren roñjake.

Mat. 9. 10.

2 Im Parisi ro im skraib ro rej lo-  
tan, im ba, Armij in ej bök dri  
jerawiwi im mõña ibeir.

3 Im Ej konono parebõl ñõn ir,  
im ba,

Jerb. 11. 3. Gal. 2. 12.

4 Armij õt iami jibuki sip iben,  
elañe juõn lair ejoko, e jab likit  
druatimjuõn-ñoul im druatimjuõn  
ilo ene jemaren, im ilok ilokõnlok  
eo ejoko, ñõn ter eo e naj lo e?

Mat. 18. 12.

5 Im ñe ej lo e, ej likit e ion aie-  
ran, im lõñliñ.

6 Im ke ej itok ñõn mweo imõn.  
ej kirtok ro jeran im ro dri turin,  
im ba ñõn ir, Komin lõñliñ iba;  
bwe I ar lo sip eo aõ e kar joko.

1 Pit. 2. 10, 25.

7 Ij ba ñõn kom, bwe ein drein e  
naj or lõñliñ ilõn kin juõn dri jera-  
wiwi eo ej ukwelok iben, elap jen  
kin druatimjuõn-ñoul im druatim-  
juõn ro dru wänik, im ejelok air  
aikwiñ in ukwelok.

Jap. 5. 32.

8 Ak kõra õt, joñoul mõtõn silver  
iben, elañe ejoko juõn mõtõn, e jab  
tili lamp, im bloke mweo, im elap  
an bukote ñõn ien eo ej lo e?

9 Im ke ej lo e, ej kirtok kõra ro  
jeran im dri turin, im ba, Komin  
lõñliñ iba; bwe I ar lo mõtõn eo e  
kar joko.

10 Ein drein, Ij ba ñõn kom, eor  
lõñliñ iman mejen eujel ro an Anij  
kin juõn dri jerawiwi eo ej ukwe-  
lok iben.

11 Im E ba, Juõn armij ruo nejin  
man:

12 Im eo erik lairro e ba ñõn je-  
men, Jema, kwon letok mõtõn  
mweiuk ko mweiõm e naj aõ jo-  
lit. Im ej ajej ñõn ir an men in  
mour.

Mark 12. 44.

13 Im jab elõfi ran tokelik, nejin



eo erik ej aini men otemjej, im ilok fiõu ene etolok, im ijo ej jeroani mweuik ko an kin an túbloktök e möke.

14 Im ke ejoko men otemjej, elap fitta ej walok i eneo; im e jino an aikwij.

15 Im ej ilok im koba iben juõn dri eneo: im ej jilkinlok e ilo jikin kal-lip ko an bwe en najirik pig ko.

16 Im e kõnan kobrök lojen kin mötõn kijen pig: im ejelok armij ej lelok fiõn e.

17 Im ke ej leñaktok an, e ba, E nañin lõñ dri jerbál an jema eor matlir bred ibeir, im ña ij joko ijin kin kwuli!

18 I naj jutök im ilok fiõn jema, im I naj ba fiõn e, Jema, I ar kõmõnmõn nana nae lõñ im iman mejõm,

19 Ij betkake bwe ren likit eta nejõm: kwon kõmõn fiõn iõ ein-wõt juõn ian ro am dri jerbál.

20 Im e jutök, im itok fiõn jemen. A ke ej etolok wõt, jemen ej kili e, im tiriamokake, im etõr, im buñ ion kenwan, im mejenmaik e.

Jerb. 2. 30. Ep. 2. 13, 17.

21 Im nejìn e ba fiõn e, Jema, I ar kõmõnmõn nana nae lõñ, im iman mejõm, ij betkake bwe ren likit eta nejõm.

Sam 51. 4.

22 A jemen ej ba fiõn ro dri korije-ran, Komin jabrumij im böktok li-boror eo emõntata, im kanuknuk e kake: im likit luko ion peln, im juj i neen:

23 Im böktok kon in kau emätök, im mõn e; im jen mõña im lõñliñ:

24 Bwe e in nejìõ e kar mij im ej bar mour; e kar joko, im ej walok. Im re jino air lõñlif.

Ep. 2. 1. & 5. 14. Rev. 3. 1.

25 A nejìn eridto ej ilo jikin kal-lip: im ke ej itok im kebak mweo, ej roñ al im eep.

26 Im ej kirtok juõn ian ro dri ko-riferan, im kajitök ta je kein.

27 Im e ba fiõn e, Jätõm e mot-tok; im jemõm e ar mõn kon in

kau emätök, bwe e ar bök e im ej mour.

28 Im ej illu, im jab kõnan drelofi iloan: a jemen ej drioijlok, im ak-welap fiõn e.

29 Im ej uak im ba fiõn jemen, Lo, elõñ yiõ kein I ar jerbál fiõn yuk, im ejelok juõn ien I ar kok-kure klõm: im ejelok juõn ien kw'ar letok fiõn iõ juõn kon in-goat, bwe in lõñliñ iben ro jera:

30 A klõkiõ ke e in nejõm ej itok, eo e ar kõñli am mour iben kõra re-kiõñ, kw'ar mõn fiõn e kon in kau emätök.

31 Im e ba fiõn e, Nejiõ, ien otem-jej kwøj ber iba, im men otemjej aõ am.

32 A emõn bwe jen lõñlif im lioeo kake: bwe e in jätõm e kar mij, im ej bar mour; e kar joko, im ej walok.

## JAPTER 16.

**I**M bareinwõt Ej ba fiõn ro dri ka-loran, Juõn armij emweie, im juõn an dri kõmñe: im emwij ki-naklok lein fiõn eo kin an jeroane mweuik ko mwelen.

2 Im ej kirtok e, im ba fiõn e, Ta men in ij roñjake kin yuk? kwon kwalok mök am kõmõn fiõn iõ; bwe kwo ban ber im dri kõmñe.

3 Inem dri kõmñe eo ej ba ilo buruen, Ta eo I naj kõmõn? bwe aõ iroj ej bök jerbál in dri kõmñe jen iõ: I ban kõbij; ij jok kin oor.

4 Ij kab jela men eo ij kõmõn, bwe, ñe jolok iõ jen jerbál an dri kõmñe, reu bök iõ ilo mo ko im-weir.

5 Im ej añiñintok ro dri muri otemjej an iroj eo an, im ba fiõn eo mokta, Jete am muri iben aõ iroj?

6 Im e ba, Jibuki joñok in oll. Im e ba fiõn e, Kwon bök am ken wa-tök, im jijõt kiõkiõ, im jeje lim-ñoul.

7 Inem e ba fiõn bar juõn, Im jete am muri? Im e ba, Jibuki joñok in wit. Im e ba fiõn e, Kwon bök

am ken watök, im jeje drualitök-foul.

8 Im iroiĵ eo, ej nebar dri kômñe e jab wänik, bwe e ar meletlet kake: bwe ro neĵin löl in ilo air ebeben re meletlet jen ro neĵin maram.

Jon 12. 36. Ep. 5. 8. 1 Tes. 5. 5.

9 Im Ij ba ñön kom, komin kômön ro jerami ñön kom kin mweien löl in; bwe ñe komij mij ren bök kom ilo mo ko re jamin joko.

Dan. 4. 27. Mat. 6. 19. & 19. 21. Jap. 11. 41.

10 Eo ej tiljek ilo men eo eriktata, ej tiljek bareinwöt ilo men eo elap: im eo e jab wänik ilo men eo eriktata, bareinwöt e jab wänik ilo men eo elap.

Mat. 25. 21. Jap. 19. 17.

11 Inem elañe kom ar jab tiljek ilo mweluk ko an löl in, wön e naj liki kom kin mweluk emol?

12 Im elañe kom ar jab tiljek kin men eo an bar juön, wön e naj lewoj ñön kom men eo ami?

13 Ejelok dri korijer e maroñ dri korijeran ruo iroiĵ: bwe e naj kitötökake juön im yokwe eo juön; ak e naj drebij juön im kejekron eo juön. Kom jab maroñ dri korijeran Anij im mweluk.

Mat. 6. 24.

14 Im bareinwöt Parisi ro, rej arök mönui, rej roñjake men kein otemjej: im rej kajirerekake.

Mat. 23. 14.

15 Im E ba ñön ir, Kom komij möke kowänik kom iman mejen armij; a Anij e jela buruemi; bwe men eo eutieĵ iben armij, e men in jõjök iman mejen Anij.

Jap. 10. 29. Sam 7. 9. 1 Samuel 16. 7.

16 Kien im ro dri kanan r'ar ñön ien Jon: elikin ien eo kwalok ailifñ in Anij, im armij otemjej rej kaiur ir im droloñ iloan.

Mat. 11. 12. Jap. 7. 29.

17 A emöra an löñ im löl joko, jen juön jabön erik ilo kien joko.

Mat. 5. 18.

18 Jabrewöt eo ej jolok lio belen, im belek bar juön ej lüñ: im eo ej

belek lio ar jolok e jen leo belen, ej lüñ.

Mat. 5. 22. & 19. 9.

19 Juön armij, dri mweie, ej könöök nuknuok ko eöĵ im lineueairik iren, im e kanuij emöñ an mour ran otemjej:

20 Im juön dru oor, etan Lazerös, emwij kababu e iturin kejem eo an, eobrök kin bökke,

21 Im e könan atekoko jen tibrikrik ko rej wutlok jen tebel an dri mweie: im kiru ko rej itok im drömij bökke ko an.

22 Im dru oor e mij, im enjel ro r'ar bökklok e ñöu ubön Ebrean: bar einwöt dri mweie e mij, im r'ar kalibwin e:

23 Im ilo Hedis ej reliñ mejen ilo iñtan ko, im lo Ebrean etolok jen e, im Lazerös ilo ubön.

24 Im ej lamij im ba, Jema Ebrean, kwon tiriamokake iö, im jilkintok Lazerös, bwe en katulok jabön arriin pein ilo dren, im kamolo loö; bwe ij iñtan ilo urur in.

Zek. 14. 12. Isa. 66. 24. Mark 9. 44.

25 A Ebrean e ba, Nejiö, kwon kenemej bwe kwe ilo am mour kw'ar bök am men ko remön, im bareinwöt Lazerös men ko renana: a kiö ej ainemön ijin, im kwe kwöj iñtan.

Job 21. 13. Jap. 6. 24.

26 Im eor jen men kein otemjej, ikotam im kwe juön roñ ej ber kanuijelap im imlö: bwe ro re könan ilok jen ijin ñön iböni ren bane; im ro re könan itok ñön kim jen ijene ren bane.

27 Inem e ba, Kin men in ij akwelap ñön yuk, jema, bwe kwon jilkinlok e ñöu imöñ jema:

28 Bwe lallim jeiö im jätiö man; bwe en kennanek ir, bwe ren jab bareinwöt itok ñön jikin iñtan e.

29 A Ebrean e ba, Moses im ro dri kanan ibeir; ren eoroñ ir.

Isa. 8. 20. & 34. 16. Jon 5. 39. 45. Jerb. 15. 21. & 17. 11.

30 Im e ba, Jab, jema Ebrean: a elañe juön ej ilok ñön ibeir jen ro remij, re naj ukwelok ibeir.

31 Im e ba ñõn e, Elañe re jab eorõn Moses im ro dri kanan, e jamin rel burueir elañe juõn ej jerkakbiji jeu ro remij.

Jon 12. 10. 11.

### JAPTER 17.

**I**M E ba ñõn ro dri kaloran, Emol lõkatip ko re naj walok: a wo ñõn eo rej itok kin e!

Mat. 18. 6, 7. Mark 9. 42.

2 Emõn ñõn e elañe lukwoj i kenwan juõn dreka in irir elap, im jolok e ilo lojit, jen an lõkatipe juõn ian rein redrik.

3 Komín kejbãrok kom: elañe jeõm ak jãtõm ej kõmõn nana, kwon kowe: im elañe ej ukwelok iben kwon jolok nana eo an.

Mat. 18. 15. 21.

4 Im elañe ej kõmõn nana ñõn yuk jiljilimjuõn alen ilo juõn ran, im jiljilimjuõn alen ilo juõn ran ej oktõk ñõn yuk im ba, Ij ukwelok; kwo naj jolok an nana.

5 Im ro dri jilik re ba ñõn Iroj, Kwon kalaplok am tõmak.

6 Im Iroj e ba, Elañe eor ami tõmak einwõt juõn ine in mõstad, kom naj ba ñõn wijki sikemaln in, Kwon teep im kallip i lojit; im e naj bokake yuk.

Mat. 17. 20. & 21. 21. Mark 9. 23. & 11. 23.

7 A wõn iamí, dri korijeran ej plau ak najirik kau ko, ke ej itok jen jikin kallip, e naj ba ñõn e, Klõkiõ kwon ítem jiberak im mõña?

8 A e jab ba ñõn e ke, Kwon kapojõk kin aõ mõña, im kwon lukwoj am kañõr, im jerbak ñõn iõ, ñõn len eo emwij aõ mõña in irak: im tokelik kwo naj mõña im irak?

jav. 12. 37.

9 Ej ba kom mol ke ñõn korijeran eo bwe e ar kõmõn men ko e ar jiroñ e kaki?

10 Im ein drein bareinwõt kom, ñe komij kõmõn men ko otemjej jiroñ kom, komín ba, Kim ro dri korijer bãt: kim ar kõmõn kwonam wõt.

Mat. 25. 30. Rom 8. 12. Pal. 11.

11 Im ke Ej ilok ñõn Jerusalem, Ej etal ilo ene ko iturin Sameria im Galilí.

Luk 9. 51, 52. Jon 4. 4.

12 Im ke Ej dreloñ iloan juõn jikin kwelok erik, joñoul armij dri leper rej ion E, re jutõk etolok:

Levai 13. 46.

13 Im rej koutlej ainikeir, im ba, Jisõs Dri Kaki, kwon tiriamokake kim.

14 Im ke Ej lo ir, E ba ñõn ir, Komin ilok im kwalok kom ñõn pris ro. Im ke rej ilok, emwij karreok ir.

Levai 14. 2. Mat. 8. 4. jap. 5. 14.

15 Im juõn lair, ke ej lo bwe ejmour, ej jeblak, im kin elap ainiken ej wijtake Anij;

16 Im buñbero i neen, im ba, Kom mol: im e dri Sameria.

17 Im Jisõs ej uak im ba, E jab joñoul emwij karreok ir ke? a ewi druatimjuõn?

18 Ar jab lo ro rej jeblaktok bwe ren wijtake Anij, a drua majet in wõt ke?

19 Im E ba ñõn e, Kwon jerkak im ilok: am tõmak e ar lomorõm.

Mat. 9. 22. Mark 10. 52. jap. 7. 50.

20 Im ke Parisi ro rej kajitõk iben, ñãt ailíñ in Anij ej itok, E uak ir im ba, Ailíñ in Anij e jab itok bwe ren kauij killi:

21 Im re jamin ba, Lo íjin! ak ijueo! bwe, lo, ailíñ in Anij ej iolapemi.

Rom 14. 17.

22 Im E ba ñõn ro dri kaloran, Ran ko re naj itok, ñe kom naj kõnan lo juõn ian ran ko ran in Nejin armij, im kom jamin lo e.

Mat. 9. 15. Jon 17. 12.

23 Im re naj ba ñõn kom, Lo íjin! lo ijueo! komin jab ilok, im jab lor ir.

Mat. 24. 23. Mark 13. 21. jap. 21. 8.

24 Bwe einwõt jarom ke ej walok jen iomin mõtõn lõñ, ej romak ñõn bar juõn mõtõn lõñ, e naj ein drein Nejin armij ilo ran eo An.

Mat. 24. 27.

25 A mokta E naj iftan kin elöñ men ko, im ebeben in e naj jolok E.  
Mark 8. 31. Jap. 9. 22.

26 Im einwöt ilo ran ko an Noa, e naj ein drein bareinwöt ilo ran ko an Nejin armij.

Jen. 7. Mat. 24. 37-39.

27 R'ar möña, r'ar irak, r'ar belek lio beleir, r'ar lelok bwe ren belele, ñön ran eo Noa e ar uwe iou wa eo, im ibij liplip e ar itok, im mön ir otemjej.

28 Bareinwöt ilo ran ko an Lot: r'ar möña, r'ar irak, r'ar wiakake, r'ar wiaik, r'ar kallip, r'ar kalek;

29 A ilo ran eo ke Lot e ar ilok jen Sodöm e buñ kijeek im brimston jen löñ, im mön ir otemjej.

Jen. 19. 16, 24.

30 E naj ein dreiu ilo ran eo ñe Nejin armij ej weaktok.

2 Tes. 1. 7.

31 Ilo ran eo, eo e naj ber ion im, im men ko an iloan mwewo, eu jab to bwe en bökklok: im eo ej ilo kin kallip en jab jeblakliklok.

Mat. 24. 17. Mark 13. 15.

32 Komin kememey lio belen Lot.

Jen 19. 28.

33 Jabrewöt eo ej bukot bwe en drebij an mour, mour e naj joko jen e; im jabrewöt eo, an mour e naj joko, e in e naj kejbärok e.

Mat. 10. 39.

34 Ij ba ñön kom, ilo boñ eo, naj ruo armij man ion juön bed; naj bök juön, im juön e naj berwöt.

Mat. 24. 40, 41. 1 Tes. 4. 17.

35 Ruo köra re naj koba im irir; naj bök juön, im juön e naj berwöt.

37 Im rej uak im ba ñön E, Iroj, Ia? Im E ba ñön ir, Ijo ub ej ber, igöl ko re naj kweloklok ie.

Job 30. 30. Mat. 24. 28.

## JAPTER 18.

**I**M Ej konono pareböl ñön ir kin men in, bwe armij ren jar len otemjej, im jab ñatte;

Jap. 11. 5. & 21. 36. Rom 12. 12. Ep. 6. 18.

Kol. 4. 2. 1 Tes. 5. 17.

2 Im ba, Ilo juön jikin kwelok iroj in ekajet ej ber, e jab mijök Anij, im ej kejekron armij:

3 Im ilo jikin kwelok eo juön köra e joko belen; im ej itok ñön iben im ba, Kwon ekajet iö kin aö dri kijirät.

4 Im e jab könan mokta: a tokelik e ba ilo buruen, Meñe I jab mijök Anij, im ij kejekron armij,

5 A kin an köra in ejoko beleu ej añte iö, I naj ekajet kin e, elafne jab einwöt, kin an itok makij e naj kanuij kamök iö.

Jap. 11. 8.

6 Im Iroj e ba, Komin roñjake to eo iroj in ekajet e jab jime e ba.

7 Im Anij e jamin ekajet kin ro E ar kälet ir, ro rej lamij ñön E ran im boñ ke, im eto An meanwor ñön ir?

Rev. 6. 10.

8 Ij ba ñön kom, e naj mököj An ekajet kin ir. Ijoke ñe Nejin armij e naj itok, E naj lo tömak ion löl ke?

Hib. 10. 37. 2 Pit. 2. 8, 9.

9 Im Ej bareinwöt konono pareböl in ñön ro rej möke liki ir bwe rej jime, im kejekron ro jet:

Jap. 10. 29. & 16. 15.

10 Ruo armij rej wönlifñ iloan tempel bwe ren jar; juön dri Parisi, im eo juön dri tel owöj.

11 Dri Parisi ej möke jutök im jar ein drein, O Anij, ij ba kom mol, bwe ña I jab einwöt armij ro jet, dri koarofñ, dri jab wänik, dñi lüñ, ak einwöt dri tel owöj in.

Sam 135. 2. Isa. 1. 15. & 58. 2. Rev. 3. 17.

12 Ij jitlok aleu ruo ilo wik, ij lelok ken ka jofoul lan men otemjej ij jebareki.

13 A dri tel owöj, e jutök etolok, e jab könan reilok mejen ñön löñ, e ej ubrare ubön im ba, O Anij, kwon tiriamokake iö dri jerawiwi.

14 Ij ba ñön kom, Armij in ej wönlölok ñön mwewo imön ewänik jen eo juön: bwe naj kötalk ro otemjej rej möke koutlej ir, im naj koutlej eo ej möke kötalk e.

Mat. 23. 12. Jap. 14. 11.

15 Im bareinwöt r'ar böktok ñön iben nifiniñ ro air, bwe En uñir ir:

a ke ro dri kaloran rej loe, rej kowe ir kake.

Mat. 19. 13-15. Mark 10. 13-16.

16 A Jisōs ej kirtok ir ñōn iben im ba, Komin likit bwe ajiri redrik ren itok ñōn iba, im jab bōprae ir; bwe ro eirwōt air allīñ in Anij.

17 Emol Ij ba ñōn kom, Jabrewōt eo e jamin bōk allīñ in Anij einwōt juōn ajiri erik e jamin dreloñ iloan.

18 Im juōn iroj ej kajitōk iben im ba, Dri Kaki emōn, ta eo I naj kōmōn bwe in jolit mour in drlo?

Mat. 19. 16-20. Mark 10. 17-30.

19 Im Jisōs e ba ñōn e, Etke kwoj naeta emōn? ejelok emōn, a juōn wōt, Anij.

20 Kwo jela kien ko, Kwon jab lūñ, Kwon jab uror, Kwon jab kwot, Kwon jab riōp, Kwon kou-tlej jemōm im jinōm.

Eks. 20. 12, 16. Dut. 5. 16-20.

21 Im e ba, Nan kein I ar bokaki jen ke I ar ajiri.

22 Ke Jisōs ej roñ men kein, E ba ñōn e, Juōn men eo kwoj aikwij: kwon wiakaki men otemjej men ko am, im ajej ñōn ro dri jeramel, im kwo naj mwele ilo lōñ: im kwon itok im lor Iō.

Mat. 6. 19, 20. 1 Tim. 6. 19.

23 Im ke ej roñ men kein, elap an buroñōj: bwe elōñ mweien.

24 Im ke Jisōs ej lo e, E ba, E nañin bin an ro dri mwele naj dreloñ ilo allīñ in Anij!

25 Bwe e naj emōra an kiru kamel dreloñ ilo drelil in ii jen juōn dri mwele ej dreloñ ilo allīñ in Anij.

26 Im ro rej roñjake re ba, Inem wōn e naj maroñ in mour?

27 Im E ba, Men ko armij re bani, Anij ej maroñ kaki.

28 Inem Piter e ba, Lo, kim ar itok jen men ko am, im lor Yuk.

29 Im E ba ñōn ir, Emol Ij ba ñōn kom, Ejelok armij e ar llok jen im, ak ilo belen, ak ro jein im jätin, ak jemen im jinen, ak ro nejlu, kin allīñ in Anij,

30 Eo e jamin bōk elōñ alen men

ko ilo ien in, im ilo lōl e naj itok, mour in drlo.

Job 42. 10.

31 Im Ej añintok jofoul im ruo iben, im ba ñōn ir, Lo, Jej wōnliñ-lok ñōn Jerusalem, im men otemjej ro dri kanan r'ar je kin Nejin armij re naj jejit.

Mat. 16. 21. & 17. 22. & 20. 17-19. Mark 10. 32-34. Sam 22. Isa. 53.

32 Bwe naj ketōk E ñōn ro dri allīñ ko, im naj kajirere kake, im kokkure, im iyelok E:

Jon 18. 28.

33 Im re naj dreñlok E, im mōn E: im ilo ran eo ken ka jilu E naj jerkakbiji.

34 Im re jaje kake men kein: im e nojōk nan in jen ir, im re jab jela men kein konono kaki ñōn ir.

Mark 9. 32. Jap. 2. 50. & 9. 45. Jon 12. 16.

35 Im ke Ej kebak ñōn Jeriko, juōn armij ebilo e jljōt iturin ial im oor:

Mat. 20. 29. Mark 10. 46.

36 Im ke ej roñ jar eo rej kijone, ej kajitōk ta jein.

37 Im rej kennanek e, Jisōs dri Nazeret Ej kijone.

38 Im ej lamij im ba, Jisōs, Nejin Devid, Kwon tiriamokake iō.

39 Im ro rej ilok imanlok, rej kowe bwe eu ikōñ; a elaplok an lamij, Nejin Devid, Kwon tiriamokake iō.

40 Im Jisōs e bwijrōk, im jiroñ bwe ren añintok e ñōu iben: im ke ej ebak, Ej kajitōk iben,

41 Ta eo kwo kōnan bwe In kōmōn ñōn yuk? Im e ba, Iroj, bwe in lolokjen.

42 Im Jisōs e ba ñōn e, Kwon lolokjen: am tōmak ej kemour yuk.

Jap. 17. 19.

43 Im emōkōj an lolokjen, im lor E, im wijtake Anij: im armij otemjej ke rej lo e, rej nebar Anij.

Jap. 5. 28.

## JAPTER 19.

**I**M Ej dreloñ im driblok Jeriko.

2 Im, lo, juōn armij etan Zakkiōs,

e iroj an ro dri tel owōj, im e dri mwele.

3 Im ej bukot Jisōs bwe en lo E, wōn E; im e bane kin jar eo, bwe ekaru.

4 Im ej etōr manlok, im wōnlīñ ilo wijki sikemor bwe en lo E: bwe E naj kijon ijo.

5 Im ke Jisōs ej itok ñōn ijo, Ej jerlok im lo e, im ba ñōn e, Zakkiōs, kwon jabrumij im tolōl: bwe ranin In ber iloan mweo imōm.

6 Im ej jabrumij, im tolōl, im bōk E im lōñlīñ.

7 Im ke rej loe, ir otemjej rej lotan im ba, Ej ilok im ber iben juōn armij e dri jerawiwi.

Mat. 9. 11. Jap. 5. 30.

8 Im Zakkiōs e jutōk im ba ñōn Iroj, Lo, Iroj, jibilukwōn mweiuk ko mweid ij lelok ñōn ro dri jeramel; im elañe I ar bōk men eo jabrewōt jen armij kin nan in riōp, ij lelok bar emen.

Jap. 3. 14. Eks. 22. 1. 2 Samuel 12. 6.

9 Im Jisōs e ba ñōn e, Ranin lomor ej itok ñōn mwin, bwe e bareinwōt nejin Ebream.

Rom 4. 11, 12, 16. Gal. 3. 7. Jap. 13. 16.

10 Bwe Nejin armij ej itok bwe En bukot im lomor eo e joko.

Mat. 18. 11. Mat. 10. 6. & 15. 24.

11 Im ke rej roñ men kein, Ej koorlok im konono parebōl, bwe Ej kebak ñōn Jerusalem, im rej lem-nok bwe aillīñ in Anij e naj mōkōj an walok.

Jerb. 1. 6.

12 Kin men in E ba, Juōn leñtōk-tōk ej ilok ñōn juōn ene etolok bwe en bōk aillīñ in kiñ ñōn e, im bar itok.

Mat. 25. 14-30. Mark 13. 34.

13 Im ej kirtok joñoul dri korijeran, im lelok ñōn ir joñoul paun, im ba ñōn ir, Komin jermal kaki mae ien eo ij itok.

14 A dri aillīñ eo an r'ar kitōtōkake, im jilkinlok dri keañlok ilokōnlok, im ba, Kim jab kōnan bwe armij in en kiñ lom.

Jon 1. 11.

15 Im ke emwij an jeblak, e kar

bōk aillīñ eo, ej jiroñ bwe ren kirtok ñōn iben ro dri korijeran, ñōn ir e kar lelok mōnni, bwe en jela kijkan armij otemjej r'ar koorlok kin wia.

16 Inem eo mokta ej itok, im ba, Iroj, paun eo am ar koorlok e ilo joñoul paun.

17 Im e ba ñōn e, Emōn kwe korjer etiljek; bwe kw'ar tiljek ilo men eo eriktata, kwon bōk iroj ion joñoul jikin kwelok.

Jap. 16. 10.

18 Im eo ken ka ruo ej itok im ba, Iroj, paun eo am, ar koorlok e ilo lailim paun.

19 Im e ba bareinwōt ñōn e, Kwon bareinwōt ion lailim jikiu kwelok.

20 Im bar juōn ej itok im ba, Iroj, lo, ieo paun eo am, eo I ar likit ilo napkin:

21 Bwe I ar mijōk yuk, bwe kwe juōn armij ebin: kwoj kwotōke men eo kw'ar jab likit e, im marmir men eo kw'ar jab jeor.

22 E ba ñōn e, Jen loñōm I naj ekajet yuk, kwe dri korijer enana. Kwo jela bwe ña juōn armij ebin: kwotōke men eo I ar jab likit, im marmir men eo I ar jab jeor:

2 Samuel 1. 16. Job 15. 6. Mat. 12. 27.

23 Kin men in etke kw'ar jab lelok mōnoul eo aō ilo imōn wia mōnni, bwe ien in ij itok, in bōk aō mōnni im jlmair?

24 Im e ba ñōn ro rej jutōk iturin, Komin bōk paun eo jen e, im lelok ñōn eo joñoul paun ko iben.

25 Im re ba ñōn e, Iroj, joñoul paun iben.

26 Ij ba ñōn kom, Ñōn ro otemjej eor ibeir naj lelok ñōn ir; im jen eo ejelok iben, naj bōk men eo an jen e.

Mat. 18. 12. Mark 4. 25. Jap. 8. 18.

27 A ro aō dri kijirāt, ro re jab kōnan bwe in iroj loir, komin añintok ir, im mōn ir iman meja.

28 Im ke emwij an konono men kein, Ej ilok imairlok im wōnlīñ ñōn Jerusalem.

Mark 10. 32.

29 Im ke Ej kebak Betpeje im Benti ilo tol etan Olivet, Ej jilkinlok ruo ian ro dri kaloran,

Mat. 21. 1-11. Mark 11. 1-10.

30 Im ba, Komin ilok ilo jikin kwelok erik ikijemi: ñe komij dreloñ komro naj lo juñn kon e lukojök, armij re jañin jijöt ion: komin jelate, im añintok e.

31 Im elañe jabrewöt eo ej kajitök ibemi, Etke kom jelate? en ein drein ami ba fiñn e, Bwe Iroj ej aikwij.

32 Im dri jilik r'ar ilok, im lo einwöt Au ba fiñn ir.

33 Im ke rejro jelate kon eo, ro jemen re ba fiñn ir, Etke komij jelate?

34 Ini re ba, Bwe Iroj ej aikwij.

35 Im rejro añintok e fiñn Jisös: im rej likit nuknuk ko air ion, im rej kajijöt Jisös ion.

Mat. 21. 7. Mark 11. 7. Jon 12. 14.

36 Im ke Ej ilok, rej erlokwe nuknuk ko air ilo ial eo.

Mat. 21. 8.

37 Im ke Ej kebak, ijo wönlöl jen tol Olivet, jar an dri kaloran otemjej re jino air löñlfi im nebar Anij, im elapainkeir, kin jermal ko relap otemjej r'ar loi;

38 Im ba, Emöñöñö Kifi eo Ej itok ilo etan Iroj: ainemön ilo löñ, im aibujuij ilo eutiejtata.

Sam 118. 26. & 13. 35. Jap. 2. 14. Ep. 2. 14.

39 Im jet ian Parisi ro jen jar eo re ba fiñn E, Dri Kaki, kwon kowe ro dri kaloran.

40 Im E uak im ba, Ij kennanek kom, bwe, elañe rein rej iköfi, e naj mököj an dreka ko lamij.

Hab. 2. 11.

41 Im ke Ej kebak, Ej lo jökin kwelok eo, im jöfi kin e,

Jon 11. 35.

42 Im ba, Elañe kweo kw'ar jela, ilo ranin, men ko men in ainemön! a klo re nojök jen mejöm.

43 Bwe ran ko re naj itok iom, fie am dri kijirät re naj kömön worwor im kabol yuk, im bar yuk ituröm otemjej,

Isa. 29. 3. Jer. 6. 6. Jap. 21. 20.

44 Im jolok yuk fiñn brij. im ro [Marshall Islands.] 4T\*

nejöm iloam; im re jamin likit iloam juñn ejman ion dron; bwe kw'ar jaje ien Aö lale yuk.

Mat. 24. 2. Mark 13. 2. Jap. 21. 6. Dan. 9. 24. Jap. 1. 68, 78. 1 Pit. 2. 12.

45 Im Ej dreloñ iloan tempel im jino An kadriöflok ro rej wia;

Mat. 21. 12. Mark 11. 11, 15. Jon 2. 14, 15.

46 Im ba fiñn ir, Ar jeje, Im mweo imö e naj imön jar; a kom ar kömön e roñ an ro dri koarofi.

Isa. 58. 7. Jer. 7. 11.

47 Im Ej katakin ran otemjej iloan tempel. A pris ro relap im skraib ro, im bareinwöt leätöktök ro an armij rön, rej bukot bwe ren mön E,

Mark 11. 18. Jon 7. 19. & 8. 37.

48 Im re ban lo ta eo re naj kömönmön: bwe armij otemjej e kanuij emön air roñjake E.

## JAPTER 20.

**I**M ilo juñn ian ran ko, ke Ej kaktakin armij iloan tempel im kwalok gospel, pris ro im skraib ro kab elder ro rej itok,

Mat. 21. 23-27. Mark 11. 27-33.

2 Im konono fiñn E im ba, Kwon kennanek kim, kin an wön nan Kwoj kömön men kein? ak wön eo e ar lewoj fiñn Yuk nan in?

Jerb. 4. 7. & 7. 27.

3 Im E uak im ba fiñn ir, Bareinwöt Ij kajitök ibemi juñn nan, im komin uak Iö:

4 Baptais an Jon, e jen löñ ke, ak jen armij?

5 Im rej konono iben dron im ba, Elañe jej ba, Jen löñ, E naj ba, Etke kom ar jab tömak e?

6 A elañe jej ba, Jen armij; armij otemjej re naj kare kij: bwe rej lemnok Jon e kar dri kanan.

Mat. 14. 5. Jap. 7. 29.

7 Im re uak, re jaje e jen ia.

8 Im Jisös e ba fiñn ir, I jab kennanek kom kin an wön nan Ij kömön men kein.

9 Im E jino konono fiñn armij pareböl in; Juñn armij ej kömön jikin kallip grep, im kölaik e fiñn ro dri kallip, im ilok fiñn ene etolok bwe en eto an ber ie.

Mat. 21. 33-46. Mark 12. 1-12.

10 Im ilo ien ekalo, ej jilkinlok dri korijeran fiön ro dri kallip, bwe ren lelok fiön e leen jikin kallip eo: a dri kallip rej drefilok e, im jilkinlok e im ejelok kwonan.

11 Im ej jilkinlok bar juön dri korijeran; im rej drefilok e bareinwöt, im kömön nana fiön e, im jilkinlok e im ejelok kwonan.

12 Im e bar jilkinlok eo ken ka jilu: im rej kakiniujij e, im jolok e.

13 Inem iroi j in jikin kallip eo e ba, Ta eo I naj kömön? I naj jilkinlok nejiö man e jitenburu: bwe len re naj kabuñ fiön e ñe rej lo e.

14 A ke dri kallip rej lo e, rej bebe iben dron im ba, E in dri jolit: itok, jën mön e bwe jolit eo en aruij.

15 Im rej jolok e jen jikin kallip, im mön e. Inem ta eo iroi j in jikin kallip e naj kömön fiön ir?

16 E naj itok im mön dri kallip rein, im naj lelok jikin kallip grep eo fiön bar jet. Im ke rej roñjake, re ba, En jab in.

17 Im Ej kalimjek ir im ba, Inem ta men in ar je, Ejman eo dri kal r'ar jolok, e in e dremön jabön im?

Sam 118. 22. Mat. 21. 42.

18 Jabrewöt eo e naj buñ ion ejman eo e naj rup: a ion jabrewöt eo e naj buñ e naj kijibliklok e einwöt böñöñöñöñ.

Dan. 2. 34. 35.

19 Im skraib ro im pris ro relap ilo auö eo rej buköt bwe ren likit peir ion; im rej mijök armij: bwe re jela E ar konono pareböl in nae ir.

20 Im rej jeliñare im jilkinlok ro dri kejar, ro rej möke likit ir dru wänik, a dri jela mon, bwe ren jibwe E kin jet nan, bwe ren ketök E fiön kajur im kien iroi j.

Mat. 22. 15-33. Mark 12. 13-27.

21 Im rej kajitök iben im ba, Dri Kaki, kim jela bwe Kwoj konono im katakin jime, im Kwo jab kakölen ilikin armij, a Kwoj katakin ial an Anij emol:

22 Emelim ke bwe kimia lelok owöj fiön Sizar, ak jab?

23 A Ej killi air mon im ba fiön ir, 24 Komün kwalok fiön Iö juön dineriös. Men in e im jeje in, an wön? Re uak im ba fiön E, an Sizar.

25 Im E ba fiön ir, Kin men in komin lelok fiön Sizar men ko an Sizar, im fiön Anij men ko an Anij.

26 Im re jab maroñ in jibwe An in nan iman mejen armij: im re bwilöñ kin An uak, im rej iköñ.

27 Inem jet lan Saddusi ro rej itok fiön iben, ro rej ba ejelok jerkakbiji: im rej kajitök iben,

Mat. 22. 23. Mark 12. 18. Jerb. 23. 6, 8.

28 Im ba, Dri Kaki, Moses e ar je fiön kim, Elañe jabrewöt manjen armij emij, juön belen, im ejelok nejin; jätin en bök lio belen, im en or ajiri fiön jein.

Dut. 23. 5.

29 Inem e kar jiljilimjuön jlmjan jimjätin: im eo mokta ej bök lio belen, im emij im ejelok nejin.

30 Im eo ken ka ruo

31 Im eo ken ka jilu ej bök e, im bareinwöt iriöñ jiljilimjuön ejelok ro nejiir, im re mij.

32 Im eliktata lio emij.

33 Inem ilo jerkakbiji e naj belen wön lio? bwe jiljilimjuön r'ar belek e.

34 Im Jisös e ba fiön ir, Ro dri löl in rej belele im lelok bwe ren belele:

35 A ro rej tellokön bwe ren bök löl eo, im jerkakbiji jen ro remij, re jab belele, im re jab lelok bwe ren belele;

36 Im re ban bar mij; bwe rej einwöt enjel ro; im rej nejin Anij kab dri jerkakbiji.

1 Kor. 15. 42, 49, 52. 1 Jon 3. 2. Rom 8. 23.

37 A bwe ro remij rej jerkakbiji. Moses e ar kwalok ilo nan kin jul eo, ke e ar ba, Iroi j e Anij an Ebre-am, im Anij an Aisak im Anij an Jeköb.

Eks. 3. 6.

38 Bwe e jab Anij an ro remij, a an ro remour: bwe otemjej rej mour fiön E.

Rom 6. 10, 11.



39 Inem jet ian skraib ro re uak in ba, Dri Kaki, ejime Am ba.

40 Bwe re jab beran in bar kajitök iben kin juön nan.

41 Im E ba ñön ir, Ekijkan air ba, dri Kraist e Nejin Devid?

Mat. 22. 41-45. Mark 12. 35-37.

42 Bwe Devid ej möke ba ilo buk in Sam ko, Iroj e ar ba ñön aö Iroj, Kwon Jijöt i anbijmaroñiö, Sam 110. 1. Jerb. 2. 34.

43 Ñön ien eo Ij kömöñ ro Am dri kijirät eran neöm.

44 Inem Devid e ba E Iroj, inem ekijkan E nejin?

45 Ke armij otemjej rej roñjake, E ba ñön ro dri kaloran,

Mat. 23. 1. Mark 12. 38.

46 Komin kejbärok kom jen skraib ro, re kōnan etetal ilo liborok ko r'aitok, im re kōnan yokyokwe ko ilo jikin wia ko, im ken jijöt ko routiej ilo imōñ kwelok ko, im jikin ko remōñ ilo kwojkwoj ko;

Mat. 23. 5. jap. 11. 43.

47 Rej köñi imōñ köra ro ejoko beleir, im kimji armij kin an aitok air jar: ir re naj bök liakelok elaplok.

Mat. 23. 14.

### JAPTER 21.

**I**M Ej reilöñ im lo dri mwele rej likit jurtak ko air na ilo dipdip in möñni.

Mark 12. 41-44.

2 Im bareinwöt Ej lo juön köra ejeramel im ejoko belen, ej likit iloan ruo möñni jiniñ.

3 Im E ba, Emol Ij ba ñön kom, bwe köra in ejeramel im ejoko belen e ar likit iloan elap jen ir otemjej:

2 Kor. 8. 12.

4 Bwe rein otemjej jen elöñ mweieir r'ar likit na iloan ñön jurtak ko: a e jen an jeramel e ar likit iloan an mour otemjej iben.

5 Im ke jet rej konono kin tempel, ekijkan an litlit kin ejman ko remōñ im men in jurtak ko, E ba,

Mat. 24. 1-51. Mark 13. 1-37.

6 Men kein komij loi, ran ko re

naj itok ñe juön ejman e jamin berion dron, im jab ebjök.

Jap. 19. 44.

7 Im rej kajitök iben im ba, Dri Kaki, inem fiät men kein re naj ber? im ta eo kakölen ñe men kein re nañin walok?

8 Im E ba, Komin lale bwe ren jab kejebwäbweik kom: bwe elöñ re naj itok ilo Eta, im ba, Ña dri Kraist; im ien eo ej ebak: komin jab etal ilokair.

Ep. 5. 6. 2 Tes. 2. 3.

9 A ñe kom naj roñ kin törinae ko im jeurur ko, komin jab lelñöñ; bwe men kein re naj walok mokta: a e jamin mököj jenlokön.

10 Inem E ba ñön ir, Juön ailiñ e naj jutök nae juön ailiñ, im ailiñ in kiñ nae ailiñ in kiñ;

11 Im e naj lap an löl makötkit, im ilo jet ene eor fiitta, im nañinmij ko relap; men in kemjök ko, im kaköle ko relap re naj walok jen löñ.

12 A mokta jen men kein otemjej, re naj likit peir iomi, im matörtöre kom, im ketök kom ñön imōñ kwelok ko, im na iloan prisōñ ko, im añintok kom iman mejen kiñ ru im iroj ro kin Eta.

Mat. 10. 17-22. Jerb. 4. 3. & 5. 18. & 12. 4. & 16. 24.

13 Im e naj men in kennan ñön kom.

Pil. 1. 23. 2 Tes. 1. 5.

14 Inem komin likit ilo burue-mi, bwe komin jab kalomönlokjen mokta ta eo kom naj uak:

Jap. 12. 11.

15 Bwe I naj lewoj ñön kom loñimi im meletlet, men eo ami dri kijirät otemjej re naj ban jumae ak uak.

Jerb. 6. 10.

16 Im ro jememi im jinemi, im ro jimjān jimjāten, im ro nukumi, im ro jerami, re naj ketök kom; im re naj möñ jet lami.

Mika 7. 6. Jerb. 7. 50. & 12. 2.

17 Im armij otemjej re naj kijiräte kom kin Eta.

18 Im e jamin joko juõn kolõn hõrõmi.

Mat. 10. 30.

19 Ilo ami kijennij kom naj jibarek ami mour.

20 Im ñe kom naj lo jaran dri tõrinae ro rej kabol Jerusalem, inem kom naj jela ebak kejeebeplok e.

Mat. 24. 15. Mark 13. 14.

21 Inem ro rej ber i Judia ren ko ñõn tol ko: im ro rej ber lolapin ren drioijslok; im ro rej ber i ene ko iturin ren jab dreloñ iloan.

22 Bwe ran kein ran in jofion kwotan, bwe ren kamol men otemjej ar jeje.

Dan. 9. 26, 27. Zek. 11. 1.

23 A wo ñõn ro rej bõroro, im ñõn ro rej kaninnin ilo ran ko! bwe e naj lap iñtan ion löl, im illu ion armij rein.

24 Im re naj buñ kin mejen jäji, im naj affinlok ir matõn iri ñõn allin otemjej; im dri allin ko re naj juri Jerusalem, ñõn ieu ko an dri allin ko rejelit.

Dan. 9. 27. & 12. 7.

25 Im e naj or kakõle ko ilo al, im ilo alin, im ilo iju ko; im ion löl iñtan an dri allin ko, kab lokjenair kin ñirñir lojit im no ko;

Mat. 24. 29-51. Mark 13. 24-37. 2 Pit. 3. 10, 12.

26 Buruen armij rarrimijlok kin lelinõn, im kin kiljake men ko re naj walok ion löl; bwe kajur ko an lön naj kamõkõtkit ir.

27 Im ilo ien eo re naj lo Nejin armij itok ilo kõro kin kajur im elap aibujulj.

Rev. 1. 7. & 14. 14.

28 A ñe men kein re jino in walok, inem komin reiliflok im jer: bwe ebaktok kõtlok kom.

Rom 8. 19, 23.

29 Im Ej kono no parebõl ñõn ir: Komin lale wijki fig im wijki otemjej;

Mat. 24. 32. Mark 13. 28.

30 Kiõ ke rej jul komij loe im mõke jela bwe ien rök ebak.

31 Im bareinwõt kom, ñe komij lo men kein re walok, komin jela bwe allin in Anij ebak.

32 Emol Ij ba ñõn kom, Ebenen in e jamin joko ñõn ien ejejit men otemjej.

33 Lõñ im löl re naj joko: a nan ko Aõ re jamin joko.

34 A komin kejbãrok kom ñe ab obrõk buruemi kin dõr, im karek, im inebata ko an löl in, im emõkõj an ran eo itok iomi einwõt jen:

Rom 13. 13. 1 Pit. 4. 7.

35 Bwe ein dreiu e naj itok ion ro otemjej rej jokwe ion mejen aolepen löl.

1 Tes. 5. 2. 2 Pit. 3. 10. Rev. 3. 3.

36 A komin ekil im jar ien otemjej, bwe komin maroñ in ko jen men otemjej men ko re naj walok, im bwe komin jutõk iman mejen Nejin armij.

Mat. 25. 13. Mark 13. 33. Jap. 18. 1. 1 Sam 1. 5. Ep. 6. 13.

37 Im ilo ran otemjej Ej katakin iloan tempel: im ilo boñ Ej drioijslok im ber ilo tol etan Olivek.

Jon 8. 1. Jap. 22. 39.

38 Im armij otemjej rej itok ñe ejlboñ ñõn iben iloan tempel bwe ren roñjake.

## JAPTER 22.

**K**IÕ kwojkwj in bred e jab leven ej ebak, etan kijone.

Mat. 26. 2-5. Mark 14. 1, 2.

2 Im pris ro relap im skraib ro rej bukot kijkan air mõn E; bwe rem'jõk armij.

Sam 2. 2. Jon 11. 47. Jerb. 4. 27.

3 Im Setan ej dreloñ iloan Judas at eo juõn Iskãriõt, e juõn ian joñoul im ruo.

Mat. 26. 14-16. Mark 14. 10, 11. Jon 12. 2-5.

4 Im ej ilok im bebe iben pris ro relap im kapen ro kijkan an ketõk E ñõn ir.

5 Im rej mõnõnõ im muri bwe ren lelok mõnni ñõn e.

Zek. 11. 12.

6 Im ej bõk ñõn burueir, im bukot bwe en ketõk E ñõn ir ien jar ejoko.

7 Im ran in bred e jab leven ear itok, ke rej katok kin men in kijone.

Mat. 26. 17-19. Mark 14. 12-16.

8 Im Ej jilkinlok Piter im Jon im ba, Komnin ilok im kapojök ñön kij kwojkwow in kijone, bwe jen mōña.

9 Im re ba ñön E, Ewl ijo Kwo kōnan bwe kimin kapojök?

10 Im E ba ñön irro, Lo, ñe kom dreloñ iloan jikin kwelok, juñn armij e naj ion kom, ej bōktok ken itök: komin lor e iloan mweo ijo ej dreloñ ie.

11 Im kom naj ba ñön iroj in mweo, Dri Kaki e ba ñön yuk, Ewi mōjabeo, ijo I naj mōña men in kijone iben ro dri kalora?

12 Im e naj bakajen ñön komro bo jabeo elap ererelok: ijo komin kapojök.

13 Im rej ilok, im lo einwöt E ar ba ñön ir: im rej kapojök men in kijone.

14 Im ke auð emottok Ej jiberak im ro dri jilik iben.

Mat. 26. 20. Mark 14. 17.

15 Im E ba ñön ir, Elap I ar kōnan mōña men in kijone in ibemi mokta jen Að iñtan:

16 Bwe Ij ba ñön kom, I jamin bar mōña men in, ñön ien eo kamole ilo allif in Anij.

Jap. 14. 15. Jerb. 10. 41. Rev. 19. 9.

17 Im Ej bök kōp, im jar, im ba, Komnin bök men in im ajej ñön kom:

18 Bwe Ij ba ñön kom, I jamin irak jen leen valn ñön ien eo allif in Anij e naj itok.

Mat. 26. 29. Mark 14. 25.

19 Im Ej bök bred im jar, im ruji, im lelok ñön ir, im ba, Men in enwinið eo lelok kin kom; komin kōmōn men in ilo ememej Ið.

Mat. 26. 26. Mark 14. 22. 1 Kor. 11. 24.

20 Im ein dreln kōp elikin mōña, im ba, Kōp in kalimur eo ekäl ilo drað eo etorlok kin kom.

1 Kor. 10. 16.

21 A lo, pein eo ej ketök Ið ej iba ion tebel.

Sam 41. 9. Mat. 26. 21-24. Mark 14. 18. Jon 13. 21, 26.

22 Bwe emol Nejin armij Ej ilok

einwöt bebe mokta: a wo ñön armij eo e naj ketök E.

Jerb. 2. 23. & 4. 28.

23 Im re jino air kajitök iben dron, wōn ialr e naj kōmōn men in.

Mat. 26. 22. Jon 13. 22, 25.

24 Im juñn akwail ej walok ibeir, wōn ialr e uaj laptata.

Mark 9. 34. Jap. 9. 46.

25 Im E ba ñön ir, Kiñ ro an dri allif ko rej iroj iolr; im ro rej iroj iolr likit etair dri kōmōn emōn.

Mat. 20. 25, 28. Mark 10. 42.

26 A kom jamin elrwöt; a eo e kōnan en laptata ibemi, en einwöt eo erik: im eo ej iroj en einwöt eo ej dri korijer.

Jap. 9. 48. 1 Pit. 5. 3.

27 Bwe ewi eo elap, eo ej jiberak im mōña, ak eo ej jerbai? e jab eo ej jiberak im mōña ke? a Ña ij ber ibemi einwöt eo ej jerbai.

Jap. 12. 37. Jon 13. 13, 14. Pil. 2. 7.

28 A komeo, ro r'ar ber iba ilo men ko r'ar kabo Ið kaki.

Hib. 4. 15.

29 Im Ij likit ñön kom juñn allif einwöt Jema e ar likit ñön Ið:

2 Kor. 1. 7. 2 Tim. 2. 12.

30 Bwe komin mōña im irak iturru Að tebel ilo Að allif; im kom naj jlijöt ion tron ko, im ekajet jōñoul im ruo bwijin Israel.

Mat. 8. 11. Rev. 19. 9. 1 Sam 49. 14. Mat. 19. 28. 1 Kor. 6. 2. Rev. 3. 21.

31 Salmōn, Salmōn, lo, Setan e ar kōnan bök yuk bwe en liklik yuk einwöt wit:

1 Pit. 5. 8. Amos 9. 9.

32 A I ar jar kin yuk bwe am tōmak e jamin joko; im ñe emwij am bar oktök, kwon kakajur ro jeōm im jätōm.

Jon 17. 9, 11, 15. 1 Sam 51. 13. Jon 21. 15, 16, 17.

33 Im e ba ñön E, Iroj, ij pojök bwe in etal ibōm ñön iloan prisōn, im ñön mij.

34 Im E ba, Ij kennanek yuk, Piter, kako e jamin ekir ranin, ñön ien eo kwo naj karmijete am jela Ña, alen jilu.

Mat. 26. 34. Mark 14. 30. Jon 13. 38.

35 Im E ba ñön ir, Ke I ar jilkin-

lok kom im ejelok bōjo in mōnni, ak bōjo in ekōn, ak juj ko, eorke ami aikwij? im re ba, Ejelok.

Mat. 10. 9. Jap. 9. 3. & 10. 4.

36 Im E ba ñou ir, A kiō eo bōjo in mōnni iben, en bōke, im bareinwōt bōjo in ekōn: im eo ejelok an jāji, en wiakake an nuknuk im wiak juōn jāji.

37 Bwe Ij ba ñon kom, bwe men in ar je en jejit kin Iō, Im r'ar bwin E iben ro dri jerawiwi: bwe men ko kin Iō rej jejit.

Isa. 53. 12. Mark 15. 28.

38 Im re ba, Iroi, lo, leo ruo jāji. E ba ñon ir, Emwij.

39 Im Ej drioi,lok im ilok, einwōt Au kōmōn mokta, ñon tol Olivet; im bareinwōt dri kaloran rej lor E. Mat. 26. 36-46. Mark 14. 32-42. Jon 18. 1. Jap. 21. 37.

40 Im ke Ej i jikin eo, E ba ñon ir, Komin jar bwe komlu jab dreloñ ilo kabo.

Mat. 6. 13.

41 Im E mōke ilok jen ir, nañin joñou kare kin dreka, im bukwe-lōlō, im jar,

42 Im ba, Jema elañe Kwo kōnan, Kwon bōklok kōp in jen Iō: a en jab ankil Aō a Am wōt.

Jon 5. 30. & 6. 38.

43 Im juōn enjel ej weaktok ñon E jen lōñ, im kakajur E.

Mat. 4. 11.

44 Im ilo An lñtan Ej kalaplok Au jar: im An menokoru einwōt elap bōlñlñ in bōtōktōk e wutlok ion brij.

Jon 12. 27. Hib. 5. 7.

45 Im ke Ej jerkak jen jar im itok ñon ro dri kaloran, Ej lo air kiki kin buromōj,

46 Im E ba ñon ir, Etke komij kiki? komin jerkak im jar bwe komlu jab dreloñ ilo kabo.

47 Ke Ej konono, lo, juōn jar, im eo etan Judas, juōn lan joñoul im ruo ej ilok imair, im kebak Jisōs bwe en mejenmaik E.

Mat. 26. 47-56. Mark 14. 43-50. Jon 18. 3-11.

48 A Jisōs e ba ñon E, Judas, kwoj ketōk Nejin armij kin mejenma ke?

49 Ke ro rej ber iturin rej lo ta eo naj kōmōne, re ba, Iroi, kim naj jebōk kin jāji ke?

50 Im juōn lair ej jebōk korijeraan pris eo elap, im bukwe lojiliñin anbijnmaroñon.

51 Im Jisōs e uak im ba, Komin kejekron men in. Im Ej uñir lojiliñin, im kemour e.

52 Im Jisōs e ba ñon pris ro relap, im kapen in tempel ro, im elder ro, ro rej itok ñon iben, Komij itok ke, einwōt jumae dri koarōñ kin jāji ko im mōri ko?

53 Ke I ar ber ibemi ran otemjej iloan tempel, kom ar jab erlokwi peimi jumae Iō: a auō in auō eo ami, im kajur an marok.

Jon 12. 27.

54 Inem rej jibwe, im tellok E, im añulok E ñon iloan imōn pris eo elaplap. A Piter ej lor E etolok.

Mat. 26. 57. Mat. 26. 58. Jon 18. 15.

55 Im ke emwij air kejo kijeek ikotan im, im jijōt iben dron, Piter ej jijōt lolapeir.

Mat. 26. 69-75. Mark 14. 66-72. Jon 18. 16-18. 25-27.

56 Im juōn jiroñ ej lo e, ke ej jijōt ilo maram in kijeek eo, im kalimjeke, im ba, Le in e ar bareinwōt iben.

57 Im ej karmijete, im ba; Kōra I jab jela E.

58 Im tokelik jirik bar juōn ej lo e, im ba, Im kwe bareinwōt juōn lair. Im Piter e ba, Armij, jab.

59 Im e nañin juōn auō tokelik bar juōn elap an ba, Aet, emol, e in e ar bareinwōt iben: bwe e dri Galili.

60 Im Piter e ba, Armij, I jaje ta eo kwoj ba. Im kiōkiō ke ej konono, kako ej ekir.

61 Im Iroi ej oktōklik, im kalimjeke Piter. Im Piter ej kememōj nan eo an Iroi, kijkan E ar ba ñon e, Mokta jen kako ej ekir, kwo naj karmijet Iō alen jilu.

Mat. 26. 75. Mark 14. 72.

62 Im Piter ej drioi,lok, im elap au jōñ.

63 Im armij ro rej drebij Jisōs rej kajlrere kake im dreñlokwe.

Mat. 23. 64-68. Mark 14. 61-65.

64 Im ke emwij air binej mejen, rej kajitōk iben, im ba, Kwon drikanij, wōn eo e ar ubrare Yuk?

65 Im bar elōñ men ko renana r'ar konono nae E.

66 Im ke ej rantak, elder ro an armij rōn, pris relap im skraib ro, rej kweloklok, im rej añintok E ilo air bebe, im ba,

Mat. 27. 1. Jerb. 4. 28.

67 Kwe dri Kraist ke? Kwon kennanek kim. Im E ba ñōn ir, Elañe Ij kennanek kom, kom jamin tōmak Iō:

68 Im elañe Ij kajitōk ibemi, kom jamin uak Iō.

69 A jen len in Nejin armij e naj jijōt i aubijmaroñōn kajur an Anij.

Hib. 1. 3. & 8. 1.

70 Inem ir otemjej re ba, Inem Kwe Nejin Anij ke? Im E ba ñōn ir, Komij ba wōt, bwe Ña E.

71 Im re ba, Ewi ar bar aikwij men in kennan? bwe kij, j'ar roñjake jen loñin.

### JAPTER 23.

**I**M jar otemjej rej jutōk, im añinlok E ñōn Pallat.

Mat. 27. 2. Mark 15. 1. Jon 18. 28.

2 Im re jino air kinaklok E im ba, Kim ar lo Lein E kankeke dri alliñ in am, im bōpraē lelok owōj ñōn Sizar, im ba, E mōke Kraist kif.

Jerb. 17. 7. Mat. 22. 21. Mark 12. 17. Jon 19. 12.

3 Im Pallat ej kajitōk iben im ba, Kwe kif an dri Ju ro ke? Im E uak im ba, Kwoj ba wōt.

Mat. 27. 11. 1 Tim. 6. 13.

4 Inem Pallat e ba ñōn pris ro relap im ñōn armij ro, I jab lo bwir iben armij in.

1 Pit. 2. 22.

5 Im rej kalaplok air ba, Ej kamōkōtkit armij, im katakin i aolepen Judia, im jino jen Galili ñōn jjin.

6 Ke Pallat ej roñjake ej kajitōk, armij in dri Galili ke?

7 Im ke emwij an jela bwe E dron Herod, ej jilkinlok E ñōn Herod eo ej bareinwōt ber i Jerusalem ilo rau kein.

Jap. 3. 1.

8 Im ke Herod ej lo Jisōs, elap an lōñliñ: bwe eto an kōnan lo E, bwe e ar roñ kin E, im ej kōtōmene bwe e naj lo jabrewōt men in bwilōñ Ej kōmōne.

Jap. 9. 9. Mat. 14. 1. Mark 6. 14.

9 Im ej kajitōk iben im elōñ an in nan; a ejelok An uak e.

10 Im pris ro relap im skraib ro rej jutōk im elap air kinaklok E.

11 Im Herod kab dri tōrinae ro au rej ke ekron E, im kajlrere im kanuknuk E kin liboror e kanuij aibujulj, im bar jilkinlok E ñōn Pallat.

Isa. 53. 3.

12 Im ilo ran eo Pallat im Herod rej jeraik dron: bwe mokta rejro kijirāte dron.

Jerb. 4. 27.

13 Im Pallat ej añiñintok pris ro relap im iroi ro im armij rōn,

Mat. 27. 23. Mark 15. 14. Jon 18. 38. & 19. 4.

14 Im ba ñōn ir, Kom ar añintok armij in ñōn iō einwōt juōn ej kankeke armij; im lo, ña emwij aō kajitōkin E iman mejemi, im I ar jab lo nana iben armij in kin men ko komij kinaklok E kaki:

15 Aet, bareinwōt Herod; bwe I ar jilkinlok kom ñōn e; im lo, ejelok men eo E ar kōmōne bwe En mij kake.

16 Inem I naj dreñlok E im kōtlok E.

Mat. 27. 26. Jon 19. 1.

18 A ir otemjej rej jimor lamij im ba, Jolok armij in, im kōtlok Barabas ñōn kim:

Jerb. 3. 14.

19 Juōn eo kin kabuñbata ilo jikin kwelok eo, im kin uror, ar jolok e iloan prisōn.

20 A Pallat ej kōnan kōtlok Jisōs, im e bar konono ñōn ir:

21 A rej lamij, im ba, Dreball E, dreball E.

22 Im e ba ñōn ir alen ken ka jllu

Etke? ta eo enana E ar kōmōne? I ar jab lo ruōn bwe Eu mij: kin men in I naj dreñlok E, im kōtlok E.

23 A rej kabin air in nau im elap ainikeir, im rej kajitōk bwe en dreball E. Im ainikeir rej bōk anjo.

24 Im Pailat ej liakelok bwe en einwōt air kajitōk.

Mat. 27. 26. Mark 15. 15. Jon 19. 16.

25 Im ej kōtlok eo kin kabufibata im uror ar jolok e iloan prisōn, eo r'ar kōnan; a ej ketōk Jisōs ñōn ankil air.

26 Im ke rej añinlok E, rej jibwe juōn etan Salmōn, dri Sairine, ej itok jen lujen ene, im rej likit dreball eo ion bwe en ineklok e ilokōn Jisōs lok.

Mat. 27. 32. Mark 15. 21. Jon 19. 17.

27 Im elap jaran armij, im kōra rōn r'ar jōñ im liājtol kin E, rej lor E.

28 A Jisōs ej oktōklik ñōn ir im ba, Kōra ro kom dri Jerusalem, komin jab jōñōt Iō, a komin jōñōt kom im ro nejmil.

29 Bwe lo, ran ko re uaj itok, iommir re naj ba, Emōnōnō ro r'ewar, im loji ko r'ar jab kemour, im tit ko r'ar jab kaninnin.

Mat. 24. 19. Jap. 21. 33.

30 Ien eo re naj jino air ba ñōn tol ko, Komin buñ iom; im ñōn tol ko redrik, Komin kalibubu kim.

Isa. 2. 19. Hos. 10. 8. Rev. 6. 16.

31 Bwe elañe rej kōmōn men kein ilo wijki emour, ta eo re naj kōmōn ilo eo emera?

Ezek. 20. 47. 1 Pit. 4. 17.

32 Im rej añinlok bar ruo iben, ro dri kōmōn nana, bwe ren mōn ir.

Isa. 53. 12. Mat. 27. 38.

33 Im ke rej itok ñōn jikin eo, etan Lōt in bōr, ijo rej dreball E, im ro dri kōmōn nana, juōn i anbijsmaroñōn, im juōn i anmiñin.

Mat. 27. 33. Mark 15. 22. Jon 19. 17. 18.

34 Inem Jisōs e ba, Jema, kwon jolok ruelr; bwe re jaje ta eo rej kōmōne. Im rej ajej nuknuk ko An, im kōmōn kakōle.

Mat. 5. 44. Jerb. 7. 90. 1 Kor. 4. 12. Jerb. 3. 17. Mat. 27. 35. Mark 15. 24. Jon 19. 23.

35 Im armij rōn rej jutōk im aluj. Im bareinwōt iroij ro rej kajirere im ba, E ar lomor ro jet, En mōke lomoren, elañe E dri Kraist an Anij, Eo E ar kålet E.

Sam 22. 17. Mat. 27. 39. Mark 15. 28.

36 Im ro dri tōrinae rej bareinwōt kajirere kake, rej itok ñōn iben, im lelok vinegar ñōn E,

37 Im ba, Elañe Kwe kiñ an dri Ju ro, Kwon mōke lomorōm.

38 Im bareinwōt juōn jeje ilōñin, E IN KIN AN DRI JU RO.

Mat. 27. 37. Mark 15. 26. Jon 19. 19.

39 Im juōn ian ro dri kōmōn nana, ro rej toto, ej kajirere kake, im ba, Elañe Kwe dri Kraist, Kwon mōke lomorōm im kimro.

Mat. 27. 44. Mark 15. 32.

40 A eo juōn ej uak e im kowe, im ba, Kwo jab mijōk Anij ke, bwe kwe ilo juōn wōt liakelok?

41 Aet, im ejime air mōn kijro; bwe jej bōk wōuan jeral ko ar: a armij in ejelok An kōmōmōn nana.

42 Im E ba, Jisōs, Kwon keme-mej iō ñe Kwoj itok ilo Am allin.

43 Im Jisōs e ba ñōn e, Emol Ij ba ñōn yuk, Ranin kwo naj ber iba ilo paredals.

44 Im klō enañin jofioul im ruo auō, im marok ej ber ion aolepen ene ñōn jilu auō.

Mat. 27. 45. Mark 15. 38.

45 Im al emarok, im rōñel nuknuk iloan tempel ej botōk lolap.

Mat. 27. 51. Mark 15. 38.

46 Im ke emwij an Jisōs lamij kin elap ainiken, E ba, Jema Ij lewoj Aō ilo peōm: im ke emwij An ba men in E mij.

Sam 31. 5. 1 Pit. 2. 23. Mat. 27. 50. Mark 15. 37. Jon 19. 30.

47 Im ke Senturiōn ej lo men eo kōmōne, ej wijtake Anij, im ba, Emol armij in E wānik.

Mat. 27. 54. Mark 15. 39.

48 Im armij otemjej ro rej kweloklok ñōn men in, ke rej lo men ke kōmōni, rej ubrare ubeir, im jeb-laklok.

49 Im ro otemjej ro jeran, im kōra

ro rej lor E jen Galili, rej jutök eto-  
lok, im lale men kein.

Sam 38. 11. Mat. 27. 55. Mark 15. 40. Jon  
19. 25.

50 Im lo, juön armij, etan Josep,  
dri bebe, armij emön im wänik ;

Mat. 27. 57-61. Mark 15. 42-47. Jon 19. 38-42.

51 (E in e ar jab bök ñön burueir  
ilo air bebe im kômöu,) e dri Arim-  
etia, jikin kwelok an dri Ju ro :

e-j kötömene allin in Anij.

jap. 2. 25, 38.

52 Armij in ej ilok ñön iben Pal-  
lat im kajitök ubön Jisös.

53 Im ej boklölok, im kitime ilo  
nuknuk linen, im likit e ilo lüp  
jekjek ilo dreka, ijo armij e jañin  
babu.

54 Im ran eo ran in kapojök, im  
ehak Sabat.

Mat. 27. 62.

55 Im bareinwöt köra, ro r'ar itok  
ibentok jen Gallii, rej lorlok, im lo  
lüp eo, im kijkan An ubön babu.

jap. 8. 2.

56 Im rej jeblak, im kapoj toloj ko  
im men in kabit ko ; im rej kakije  
iomin ran Sabat, einwöt ilo kien.

Eks. 20. 10. Mark 16. 1.

## JAPTER 24.

**A** ILO ran eo mokta ilo wik, ke  
e rantak, rej ilok ñön lüp eo,  
im böktok toloj ko r'ar kapoji.

Mat. 23. 1-8. Mark 16. 1-8. Jon 20. 1. jap.  
23. 56.

2 Im rej lo ejman eo erebillok jen  
lüp eo.

3 Im rej dreloñ iloan, im jab lo  
ubön IroiJ Jisös.

4 Im ke elap air berre kake, lo,  
ruo armij rej jutök iturir, ilo nuk-  
nuk ko rejatölil :

Jon 20. 12. Jerb. 1. 10.

5 Im ke rej leñöñ, im jirlok me-  
jeir ñön brij, rejro ba ñön ir, Etke  
komij bukot eo Emour, iben ro re-  
mij ?

6 E jab ber ijin, a emwij An jer-  
kabbijl : komin kememej kijkan  
An konono ñön kom ke E ar ber-  
wöt i Galili,

Mat. 17. 23. Mark 9. 31. jap. 9. 22.

7 Im ba, Nejin armij, naj ketök E  
ilo pein armij renana, im naj dre-  
ball E, im ilo ran eo ken ka jilu E  
naj jerkabbijl.

8 Im rej kememej nan ko An,

Jon 2. 22.

9 Im jeblak jen lüp eo, im kwalok  
men kein otemjej ñön joñoul im  
juön, im ro jet otemjej.

Mat. 23. 8. Mark 16. 10.

10 Merl Magdallin, im Joanna, im  
Meri jinen Jenes, im bar jet köra  
ibeir, ro r'ar kwalok men kein ñön  
ro dri jilik.

jap. 8. 3.

11 Im nan kein rej walok ñön ir  
einwöt nan wan, im re jab tömak  
ir.

Mark 16. 11.

12 A Piter e jutök im etör ñön lüp  
eo : im ke ej jirlok, ej lo nuknuk  
linen ko möke iair, im ej ilok ñön  
jikin, im bwilöñ kin men eo e ar  
walok.

Jon 20. 3, 6.

13 Im lo, ruo iair rej ilok ilo ran  
eo ñön juön jikin kwelok etan Em-  
meös, eo jen Jerusalem nainin drua-  
litök mail.

Mark 16. 12.

14 Im rejro konono ñön dron kin  
men kein otemjej r'ar walok.

15 Im ke rej konono im bwebwe-  
nato ñön dron, Jisös ej möke ke-  
bak, im etal ibeir.

Mat. 18. 20. jap. 24. 36.

16 A drebij mejeir bwe ren jab  
killi E.

Jon 20. 14. & 21. 4.

17 Im E ba ñön ir, Ta men ko  
komro konono ñön dron, ke kom  
etal ? Im rej bwijrök im buromöj  
mejeir.

18 Im juön iair etan Kliopas, e  
uak im ba ñön E, Kwe drua maijet  
wöt ilo Jerusalem, im Kw'ar jab  
jela men ko rej walok ijo ilo ran  
kein ke ?

Jon 19. 25.

19 Im E ba ñön ir Meu röt ? Im  
re ba ñön E, Kin Jisös dri Nazeret,  
eo dri kanan ekajur ilo jermal im

nan iman mej:n Anlj im armij otemjej:

Mat. 21. 11. Jap. 7. 16. Jon 6. 14. Jerb. 2. 22. & 7. 22.

20 Im kijkan pris ro relap im Iroj ro am r'ar ketök E bwe ren liakelok E ñön mij, im r'ar drebañ E.

Jap. 23. 1. Jerb. 13. 27, 28.

21 A kim ar kötömene bwe E eo E naj lomoren dri Israel; aet, im bar jet jen men kein otemjej, ranin ran eo ken ka jilu jen ien eo men kein otemjej kömöul.

Jap. 1. 68. & 2. 38. Jerb. 1. 6.

22 Bar juön, jet köra lan jeramiöñ r'ar kabwilöñ kim, ro r'ar ber i lüp eo ke ejiboñ;

Mat. 28. 8. Mark 16. 10. Jon 20. 18.

23 Im ke r'ar jab lo ubön, rej itok im ba, r'ar lo juön viñiön an enjel ro, r'ar ba, Ej mour.

24 Im jet lan ro ibem r'ar ilok ñön lüp eo, im lo einwöt köra ro r'ar ba: a rejab lo E.

25 Im E ba ñön ir, O armij dri änapäp im erumij buruemi kin tömak men ko otemjej dri kanan r'ar konono kaki!

26 E jab emön bwe dri Kraist en iñtan kin men kein, im dreloñ ilo albujuj eo An ke?

Jerb. 17. 2. 1 Pit. 1. 11.

27 Im Ej jino iben Moses im dri kanan otemjej, im kemeleleik ñön irro ilo Jeje ko otemjej men ko kin E möke.

Jen. 2. 15. & 22. 18. & 26. 4. & 49. 10. Bwin. 21. 9. 1 Dut. 18. 15. Sam 16. 9, 10. & 22. & 132. 11. Isa. 7. 14. & 9. 6. & 40. 10, 11. & 50. 6. & 53. Jer. 23. 5. & 23. 14. 15. Eka. 34. 23. & 37. 25. Dan. 9. 24. Mika 7. 20. Mal. 3. 1. & 4. 2.

28 Im rej kebak jikin kwelok eo, ijo rej ilok ñön e: im Ej kömöñ einwöt E könan ilok iman lok.

Jen. 32. 26. Mark 6. 48.

29 A rejro drebij E, im ba, Kwon ber ibem: bwe ejota, im e nafin boñ. Im Ej dreloñ bwe En ber ibeir.

Jen. 19. 3. Jerb. 16. 15.

30 Im ke Ej jiberak in möña ibeir, Ej bök bred, im jar, im ruje, im lelok ñön ir.

Mat. 14. 19.

114

31 Im ebellok mejeir, im rej killi E; im E monlok jen ir.

32 Im rejro ba ñön dron, Baruer e jab bwil iloar ke E ar konono ñöa kij ilo ial eo, im ke E ar kemeleleik Jeje ko ñön kijro ke?

33 Im rej jutök ilo auö eo, im jeblak ñön Jerusalem, im lo joñoul im juön r'ar kweloklok, im ro rej ber ibeir,

34 Im ba, Emol Iroj e ar jerkak-biji im E ar weaktok ñön Saimöa.

1 Kor. 15. 5.

35 Im rejro kennanek men ko rej walok ñön ir ilo ial, im kijkan air killi E kin ruje bred.

36 Im ke rej konono men kein. Jisös e möke jutök lolapeir, im ba ñön ir, Ainemön en ibemi.

Mark 16. 14. Jon 20. 19. 1 Kor. 15. 5.

37 A rej mijök im leñiöñ, im leznok bwe rej lo juön jütöb.

Mark 6. 49.

38 Im E ba ñön ir, Etke komij lokjeunami? im etke kajitök rej walok ilo buruemi?

39 Komin lale pelö im neiö, bwe Ña möke: komin likit peömi boö, im lo; bwe jütöb ejelok köniekin im drin, einwöt komij lo iba.

Jon 20. 20, 27.

40 Im ke emwij An konono men in, Ej kwalok peln im neen ñön ir.

41 Im ke rejab tömak kin löñliñ, im rej bwilöñ, Ej ba ñön ir, Eorke mötön kijemi ibemi?

Jen. 45. 26. Jon 21. 5.

42 Im rej lelok ñön E mötön iik kömat.

43 Im Ej böke im möña iman mejeir.

Jerb. 10. 41.

44 Im E ba ñön ir, Nan kein nan ko Aö I ar konono ñön kom, ke I kar ber ibemi, bwe emön ren jejit men otemjej, men ko ar je ilo kien Moses, im ilo dri kanan ro, im ilo Sam ko kin Iö.

Mat. 16. 21. & 17. 22. & 21. 18. Mark 8. 31. Jap. 9. 22. & 18. 31.

45 Inem Ej kebellok air loläñäl bwe reu jela Jeje ko,

Jerb. 16. 14.

46 Im ba ñön ir, Ein drein ar ja,



bwe dri Kraist e naj iſtan, im jekakblji jen ro remij ilo ran ken ka jilu:

Jap. 24. 26. Sam 22. Isa. 50. 6. & 53. 2. Jerb. 17. 3.

47 Im bwe naj kwalok ukwelok im jeorlok jerawiwi ko ilo Etan ñõn dri allifñ otemjej, jinoin jen Jerusalem.

Dan. 9. 24. Jerb. 13. 38. 46. 1 Jon 2. 12. Jen. 12. 3. Sam 22. 27. Isa. 49. 6. 23. Jer. 31. 34. Ho. 2. 23. Mika 4. 2. Mal. 1. 11.

48 Im kom dri kennan kin men kein.

Jon 15. 27. Jerb. 1. 8. 22. & 2. 32. & 3. 15.

49 Im, lo, Ij jilkinwoj kalimur an Jema Iouni; a komin kõtari ilo jil-

kin kwelok Jerusalem, ñõn ter eo kajur jen lõñ ej imwe kom.

Isa. 44. 3. Joel 2. 28. Jon 14. 16, 26. & 15. 26. & 16. 7. Jerb. 1. 4. & 2. 1. &c.

50 Im Ej añinlok ir ñõn ikijen Betani, im Ej kwotõki pein im jare ir.

Jerb. 1. 12.

51 Im ke Ej jare ir, Ej ilok jen ir, im bõkliñlok E ilo lõñ.

2 Kin 2. 11. Mark 16. 19. Jon 20. 17. Jerb. 1. 9. Ep. 4. 8.

52 Im rej kabuñ ñõn E, im jeblaḱ ñõn Jerusalem ilo elap lõñliñ;

Mat. 28. 9. 17.

53 Im len otemjej rej ber ilo tempel, wijtake im jar ñõn Anij.

Jerb. 2. 46. & 5. 42.

## GOSPEL JON E AR JE.

### JAPTER 1.

**I**LO jinoin Nan eo, im Nan iben Anij, im Nan Anij.

Pro. 8. 22-30. Kol. 1. 17. 1 Jon 1. 1. Rev. 19. 13. Jap. 17. 5. 1 Jon 1. 2. 1 Pil. 2. 6.

2 E in ilo jinoin iben Anij.

Jen. 1. 1.

3 E ar kõmõn men otemjej; im ejelok men eo E ar jab kõmõne, men eo emwij kõmõnmõne.

Sam 33. 6. Ep. 3. 9. Kol. 1. 16. Hib. 1. 2.

4 Mour ilo E, im mour maram an armij ro.

Jap. 5. 26. & 8. 12. & 9. 5. & 12. 46. 1 Jon 5. 11.

5 Im maram ej romak ilo marok, im marok e ar jab bõk e.

Jap. 3. 19.

6 Ar jilkintok juõn armij jen Anij, im etan Jon.

Mal. 3. 1. Mat. 3. 1. Luk 3. 2.

7 E in ej itok kin kennan, bwe en kennan kin Maram, bwe armij otemjej ren tõmak kin e.

Jerb. 19. 4.

8 E jab Maram eo, a e ar itok bwe en kennan kin Maram eo.

9 Eo Maram emol, ej kamaram armij otemjej, im itok ñõn lõl.

Isa. 49. 6. 1 Jon 2. 8.

10 E ar ber i lõl, im E ar kõmõnmõn lõl, im lõl e jaje E.

11 E ar itok ñõn men ko An, im ro dron r'ar jab bõk E.

Luk 19. 14. Jerb. 3. 26. & 13. 46.

12 A ro r'ar bõk E, E ar lelok ñõn ir bwe ren erom uejin Anij, ñõn ro rej liki Etan:

Isa. 56. 5. 1 Jon 3. 1.

13 Ro r'ar lotak, jab jen bõtõktõk, jab jen ankil an kõniek, jab jen ankil an armij, a jen Anij.

Jap. 3. 5. Jem. 1. 18. 1 Pit. 1. 23.

14 Im Nan e ar kõniek im ber iber, (im j'ar kalimjek An aibujuij, aibujuij elnwõt an juõn wõt dri keutak jen Jemen) eobrõk kin joij im mol.

Mat. 1. 16. 1 Tim. 3. 16. 1 Rom 1. 3. Gal. 4. 4. 1 Hib. 2. 14. Isa. 40. 5. Jap. 2. 11. & 11. 40. 2 Pit. 1. 17. Kol. 1. 19. & 2. 3. 9.

15 Jon ej kennan kin E, im lamij, im ba, E in eo I ar konono kake, Eo ej itok elikiõ emõn jen lõ; bwe E kar mokta jen lõ.

Jap. 5. 33. Mat. 3. 11. Mark 1. 7. Luk 3. 16. Jap. 3. 31. & 8. 58. Kol. 1. 17.

16 Bwe kij otemjej j'ar bõk jen An eobrõk im joij lon joij.

Jap. 3. 34. Kol. 1. 19. & 2. 9. 10.

17 Bwe ar letok kien kin Moses, a jolj im mol r'ar itok kin Jisö's Kraist.

Eks. 20. 1. Dut. 4. 44. & 5. 1. & 33. 4. Rom 3. 24. & 5. 21. & 6. 14. jap. 8. 32. & 14. 6.

18 Ejelok armij e ar lo Anij jabrewöt ien; juön wöt Nejin E ar keutak, Ej ber i ubön Jemen, E ar kwalok E.

Eks. 33. 20. Dut. 4. 12. Mat. 11. 27. Luk 10. 22. jap. 6. 46. 1 Tim. 1. 17. & 6. 16. 1 Jon 4. 12. 20. 1 jap. 3. 16. 18. 1 Jon 4. 9.

19 Im men in Jon ej kennan, ke dri Ju ro r'ar jilkinlok ñön e pris ro im ro dri Livali jen Jerusalem bwe ren kajitök iben, Wön kwe? jap. 5. 33.

20 Im ej kwalok, im jab karmijete; im ej kwalok, Ña I jab dri Kraist.

jap. 3. 28. Jerb. 13. 25.

21 Im rej kajitök iben, Inem ekijkau? Kwoj Elaija ke? Im e ba, I jab e. Kwe dri kanan eo ke? Im e uak, Jab.

Mal. 4. 5. Mat. 17. 10. Dut. 18. 15, 18.

22 Inem re ba ñön e, Wön kwe, bwe kimin uak ro r'ar jilkintok kim. Ta eo kwoj ba kin kwe?

23 E ba, Ña ainiken juön ej lamij i ene jemaren, Kwon kajime ial an Iroj, einwöt Aisaia dri kanan e ar ba.

Mat. 3. 3. Mark 1. 3. Luk 3. 4. Isa. 40. 3.

24 Im ro jilkintok ir jen Parisi ro.

25 Im rej kajitök iben, im ba ñön e, Inem etke kwoj baptais, elañe kwo jab dri Kraist, ak Elaija, ak dri kanan eo?

26 Jon ej uak ir im ba, Ña ij baptais kin dren; a juön ej jutök iolapeml, Eo kom jaje;

Mat. 3. 11. Mal. 3. 1.

27 Aet Eo ej itok elikiö, kworön ballin neen I betkake bwe in jelate.

Jerb. 19. 4.

28 Emwij kömönmön men kein llo Betani i rear in Jordan, Ijo Jon e ar baptais ie.

jap. 10. 40.

29 Ran eo ilju Jon ej lo Jisö's itok

116

ñön iben, im ba, Lo, Lam an Anij, Eo ej böklök an löi jerawiwi!

Eks. 12. 3. Isa. 53. 7. Jerb. 8. 32. 1 Pit. 1. 19. Rev. 5. 6. &c. Isa. 53. 11. 1 Kor. 15. 3. Hlb. 9. 28. 1 Pit. 2. 24. 1 Jon 3. 5. Rev. 1. 5.

30 E in eo ij ba kake, Elikiö juön eman Ej itok entiej jen iö; bwe E ar mokta jen iö.

31 Im I ar jaje E; a bwe kin kwalok E ñön Israel, kin men in ij itok im baptais ilo dren.

Mal. 3. 1. Luk 1. 17, 76, 77.

32 Im Jon ej kennan im ba, I ar lo Jitöb kälöltak, einwöt muli, jen löñ, im Ej ber ion.

Mat. 3. 16. Mark 1. 10. Luk 3. 22. jap. 5. 22.

33 Im I ar jaje E; a Eo e ar jilkiutok iö bwe in baptais ilo dren, E ar ba ñön iö, Ion Eo kwo naj lo Jitöb kälöltak, im ber ion, E in eo ej baptais ilo Jitöb Kwojarjar.

Mat. 3. 11. Jerb. 1. 5. & 2. 4.

34 Im I ar lo, im kennan bwe E in Nejin Anij.

35 Bar juön, ran eo ilju, Jon e jutök, im ruo lan dri kaloran;

36 Im ej kalimjek Jisö's ke ej etetal, im e ba, Lo, Lam an Anij!

37 Im ro dri kaloran, irro rej roñ an konono, im rej lor Jisö's.

38 Inem Jisö's ej oktök im lo air lor E, im E ba ñön ir, Ta eo komro bukot e? Re ba ñön E, Rabtai. (ukotön nan in Dri Kaki) Kwoj ber ia?

39 E ba ñön ir, Itok im kom naj loe. Kin men in rej itok im lo ijo Ej ber ie, im ber iben ilo ran eo; bwe enañin emen auö.

40 Juön lan ro r'ar roñ an Jon konono, im lor E, e Andru, jätin Saimön Piter.

Mat. 4. 18.

41 Mokta ej bukot Saimön jein, im ba ñön e, Kim ar lo Messala, (ukotön nan Kraist.)

42 Ej añintok e ñön Jisö's. Ke Jisö's ej lo e, E ba, Kwe Saimön nejin Jon, naj likit etöm Sipae (ukotön nan in Piter.)

Mat. 16. 18.

43 Ilo ran eo ilju Jisö's e könan

Ilok ñõn Galili, im Ej lo Pilip: im Jisõs e ba ñõn e, Kwon lor Iõ.

44 Im Pilip e dri Betseida, jikin kwelok an Andru im Piter.

Jap. 12. 21.

45 Pilip ej lo Natanael, im ba ñõn e, Kim ar lo E, eo Moses ilo kien, im ro dri kanan r'ar je kake, Jisõs dri Nazeret, nejin Josep.

Jap. 21. 2. Jen. 3. 15. & 49. 10. Dut. 18. 18. 1 Isa. 4. 2. & 7. 14. & 9. 6. & 53. 2. Mika 5. 2. Zek. 6. 12. & 9. 9. Mat. 2. 23. Luk 2. 4. & 24. 27.

46 Im Natanael e ba ñõn e, Jabrewõt men eo emõn ej itok jen Nazeret ke? Pilip e ba ñõn e, Kwon itok im lo e.

Jap. 7. 41, 42, 52.

47 Jisõs ej lo Natanael itok ñõn iben, im E ba ñõn e, Lo, dri Israel emol, ejelok mon iben!

Sam 73. 1. Jap. 8. 39. Rom 2. 29. & 9. 6.

48 Natanael e uak im ba ñõn E, Kwo jela ña jen ia? Jisõs e uak im ba ñõn e, Mokta jen an Pilip kirtok yuk, ke kw'ar ber lomin wijki fig, I ar lo yuk.

49 Natanael e uak im ba ñõn E, Rabbai, Kwe Nejin Anij; Kwe kin in Israel.

Mat. 14. 33. & 27. 42.

50 Jisõs e uak im ba ñõn e, Bwe Ij ba ñõn yuk, I ar lo yuk lomin wijki fig, kwoj tõmak ke? kwo naj lo men ko relap jen men kein.

51 Im E ba ñõn e, Emol, emol, Ij ba ñõn yuk, Tokelik kwo naj lo lõõ ebellok, im enjel in Anij rej wõnliñlok im wõnlõltak iou Nejin armij.

Jon. 28. 12.

## JAPTER 2.

**I**M ran eo ken ka jilu juõn belele ilo Kena in Galili; im jinen Jisõs ej ber ijo.

2 Im rej jiroñ Jisõs im ro dri kaloran, bwe ren itok ñõn belele eo.

3 Im ke emat wain, jinen Jisõs e ba ñõn E, Ejelok wain ibeir.

4 Jisõs e ba ñõn e, Kõra, ta eo iba im ibõm? auõ eo Aõ e jañin itok.

Jap. 19. 26. & 7. 6.

5 Jinen e ba ñõn ro dri korijer,

Men eo jabrewõt Ej ba ñõn kom, komin kõmõumõue.

6 Im jiljino jabi dreka in dren rej ber ijo, einwõt mõut in karreo au dri Ju ro, joñoul im jiljilimjuõn ak roñoul im lailim galõn ilo juõn ñe ej lõñ.

Mark 7. 3.

7 Jisõs e ba ñõn ir, Komin tefi jabi in dren ko kin dren. Im rej tefi im lõñ.

8 Im Ej ba ñõn ir, Komin katorlok kiõ, im bõklok ñõn iroiñ in kwojkwoj. Im rej bõklok.

9 Ke emwij an iroiñ in kwojkwoj erjoñ dren erom wain, im e jaje jen ia eo, (a ro dri korijer r'ar katorlok dren re jela) iroiñ in kwojkwoj ej kirtok leo belili,

Jap. 4. 46.

10 Im ba ñõn e, Armij otemjej letok wain eo emõn mokta; im ke elap air irak, ineni eo enana; a kw'ar kejbãrok wain eo emõn ñõn ien in.

11 Men in jinoin kakõle ko Au, Jisõs ej kõmõne ilo Kena in Galili, im kwalok An aibuñij; im dri kaloran rej tõmak E.

Jap. 1. 14.

12 Elikin men in Ej wõnlõltak ñõn Kaperneum, E, im jluen, im ro jãtin, im ro dri kaloran: im rej ber ijo jab elõñ ran.

Mat. 12. 46.

13 Im ebak kwojkwoj in kijone an dri Ju ro; im Jisõs ej wõnliñlok ñõn Jerusalem.

Eks. 12. 14. Dut. 16. 1. Jap. 5. 1. & 6. 4. & 11. 55.

14 Im Ej lo iloan tempel ro rej wiakake kau koman im sip ko im mull ko, im ro rej wia kin mõnni rej jijõt.

Mat. 21. 12. Mark 11. 15. Luk 19. 45.

15 Im ke emwij An kõmõnmõn ken dreñlok kwol, Ej kadrioiñlok ir otemjej jen tempel, im sip ko, im kau koman ko; im lutõklok mõnni an dri wia kin mõnni, im ukõji tebel ko air;

16 Im E ba ñõn ro rej wiakake mull ko, Komin bõklok meu kã

jen iji; komin jab kōmōn imōn  
Jema imōn wia.

Luk 2. 49.

17 Im dri kaloran rej kememej  
bwe ar je, Kijejeto kin mwēo  
imōm e naj kōñ lō.

Sam 69. 9.

18 Inem dri Ju ro r'uak im ba ñōn  
E, Ta kakōle eo Kwoj kwalok ñōn  
kim bwe Kwoj kōmōn men kein?

Mat. 12. 38. Jap. 6. 30.

19 Jisōs e uak im ba ñōn ir, Ko-  
min kokkure tempel in, im lomin  
jilu ran I naj kejerkak e.

Mat. 26. 61. & 27. 40. Mark 14. 58. & 15. 29.

20 Inem dri Ju ro re ba, Tempel  
in r'ar kōmōne lomin eñoul im jil-  
jino yiō, im Kwo naj kejerkak e  
lomin jilu ran ke?

21 A E ar konono kin tempel eo  
enbwiniin.

Kol. 2. 9. Hib. 8. 2. 1 Kor. 3. 16. & 6. 19.  
2 Kor. 6. 16.

22 Inem ke emwij An Jerkakbiji  
jen ro remij, dri kaloran rej keme-  
mej E ar ba men in: im rej tōmak  
Jeje ko, im nan eo Jisōs e ar ba  
kake

Luk 24. 8.

23 Im ke Ej ber i Jerusalem ilo  
kwojkwoj in kijone, ilo ran in  
kwojkwoj elōñ rej liki Etan, ke  
rej lo kakōle ko E ar kōmōni.

24 A Jisōs e jab mōke liki E ñōn  
ir, bwe E jela armij otemjej,

25 In ejelok AN aikwij bwe armij  
en kennan kin armij; bwe E jela  
men eo iloan armij.

1 Samuel 16. 7. Mat. 9. 4. Jap. 6. 64. & 16. 30.  
Rev. 2. 23.

### JAPTER 3.

**I**M juōn armij ian Parisi ro, etan  
Nikodimōs, iroi j in dri Ju ro:

2 E in e ar itok ñōn E ilo boñ, im  
ba ñōn E, Rabbai, kim jela bwe  
Kwe dri Kaki itok jen Anij: bwe  
ejelok armij ej maroñ in kōmōn-  
mōn kakōle ko kwoj kōmōni elañe  
Anij e jab ber iben.

Jap. 7. 50. & 19. 30. & 9. 16. 33. Jerb. 2. 22. &  
10. 38.

3 Jisōs e uak im ba ñōn e, Emol,  
emol, Ij ba ñōn yuk, Elañe armij e

Jab bar lotak, e jamin lo ailiñ in  
Anij.

Jap. 1. 13. Gal. 6. 15. Tait. 3. 5. Jem. 1. 16.  
1 Pit. 1. 23. 1 Jon 2. 9.

4 Nikodimōs e la ñōn E, Ekijkan  
armij e maroñ lotak ñe e ridto? e  
maroñ bar dreloñ iloan lojen jinen,  
im bar lotak ke?

5 Jisōs e uak, Emol, emol, Ij ba  
ñōn yuk, Elañe armij e jab lotak  
jen dren im Jitōb, e jab maroñ dre-  
loñ ilo ailiñ in Anij.

Mark 16. 16. Jerb. 2. 28.

6 Men eo ej lotak jen kōniek e kō-  
niek, im men eo ej lotak jen Jitōb  
e jitōb.

7 Kwon jab bwilōñ bwe Ij ba ñōn  
yuk, Emōn konin bar lotak.

8 Kōto ej ukwi ijo e kōnan, im  
kwoj roñ an tōñetōñ, a kwo jaje  
kake ijo ej itok ie tok, im ijo ej ilok  
ie lok; ein dren ro otemjej rej lo-  
tak jen Jitōb.

Ekl. 11. 5. 1 Kor. 2. 11.

9 Nikodimōs ej uak im ba ñōn E,  
Ekijkan an maroñ men kein?

Jap. 6. 52, 60

10 Jisōs e uak im ba ñōn e, Kwe  
dri kaki in Israel, im jab jela men  
kein ke?

11 Emol, emol, Ij ba ñōn yuk, Ki-  
mij konono men eo kim jela, im  
kennan men eo kim ar loe, im kom  
jab bōk am kennan.

Jap. 3. 22.

12 Elañe I ar kwalok ñōn kom  
nien ko an lōl, im kom jab tōmak.  
ekijkan ami tōmak, elañe Ij kwa-  
lok ñōn kom men ko an lōñ?

13 Im ejelok armij e ar wōnliñlok  
ñōn lōñ, a E, e ar wōnlōltak jen  
lōñ, Nejin armij Ej ilo lōñ.

Pro. 30. 4. Jerb. 2. 34. 1 Kor. 15. 47. Ep.  
4. 9, 10.

14 Im einwōt Moses e ar leliñlok  
serpent eo ilo ene jemaren, ein dren  
naj leliñlok Nejin armij:

Bwin. 21. 9. Jap. 8. 28. & 12. 22.

15 Bwe jabrewōt eo ej tōmak ilo  
E en mour in dro.

Jap. 6. 47.

16 Bwe kin an Anij yokwe lōl. E  
ar letok juōn wōt Nejin E ar keu-

tak, bwe jabrewöt eo ej liki E en jab joko, a en mour in drio.

Rom 5. 8. 1 Jon 4. 9.

17 Bwe Anij e ar jab jilkintok Nejin fñon löf bwe En ekajet löf, a bwe löf en mour kin E.

Jap. 5. 45. & 8. 15. & 12. 47. 1 Jon 4. 14.

18 Jab ekajet eo ej liki E; a emwij ekajet eo e jab liki E, bwe e ar jab liki etan juön wöt Nejin Anij e ar keutak.

Jap. 5. 24.

19 Im men in ekajet eo, bwe maram e mottok fñon löf, im armij rej yokwe marok elap jen maram, bwe jermal ko air renana.

Jap. 1. 4. 9.

20 Bwe jabrewöt eo ej kömönmöu nana ej kijiräte maram, im e jab itok fñon maram fie ab kowe jermal ko an.

Job 24. 13, 17. Ep. 5. 13.

21 A eo ej kömönmöu mol, ej itok fñon maram, bwe en alikar jermal ko an, bwe ar kömöni ilo Anij.

22 Elikin men kein Jisös im ro dri kaloran rej itok fñon ene Judia; im Ej ber ijo, im baptais.

Jap. 4. 2.

23 Im bareinwöt Jon ej baptais ilo Inon ebak Selim, bwe elap dren ijo: im rej itok im baptais.

1 Samuel 9. 4. Mat. 3. 5, 6.

24 Bwe jafin jolok Jon na iloan prisön.

Mat. 14. 3.

25 Inem e walok juön akwall iben ro dri kaloran Jon im juön dri Ju kin karreo.

26 Im rej itok fñon Jon, im ba fñon e, Rabba, Eo e ar ber iböm i rear in Jordan, Eo kwoj kennan kake, lo, E in ej baptais, im armij otemjej rej ilok fñon ibeu.

Jap. 1. 7, 15, 27, 34.

27 Jon ej uak im ba, Armij e jab maroñ in bök jabrewöt, elañe ar jab lelok fñon e jen löf.

1 Kor. 4. 7. Jem. 1. 17.

28 Kom möke kennan kin lö, bwe I ar ba, I jab dri Kraist, a bwe jilkintok lö mokta jen E.

Mal. 3. 1. Mark 1. 2. Luk 1. 17.

29 Eo iben lio ej leo belen; a jeran leo, eo e jutök im roñjake, elap an löñliñ kin ainiken leo: inem eñin aö löñliñ e obrök.

Mat. 22. 2. 2 Kor. 11. 2.

30 E naj laplok, a ña I naj riklok.

31 Eo ej itok jen löñ E utiej jen otemjej: eo e jen löf e dri löf, im ej konono kin löf: Eo ej itok jen löñ E utiej jen otemjej.

Jap. 8. 23. 1 Rom 9. 5. 1 Kor. 15. 47. 1 Jap. 6. 33. Ep. 1. 21. Pil. 2. 9.

32 Im men eo e ar loe im roñjake, men in Ej kennan kake, im ejelok armij ej bök An kennan.

Jap. 8. 26. & 15. 15.

33 Eo e ar bök An kennan, ej sil men in bwe Anij emol.

Rom 8. 4. 1 Jon 5. 10.

34 Bwe Eo Anij e ar jilkintok Ej konono nan ko au Anij: bwe Anij e jab letok Jitöb fñon E kin joñok.

Jap. 7. 18. & 1. 16.

35 Jemen ej yokwe Nejin, im E ar letok men otemjej ilo pein.

Mat. 11. 27. & 28. 18. Luk 10. 22. Jap. 5. 20. Hib. 2. 8.

36 Eo ej liki Nejin, mour in drio an: im eo e jab liki Nejin e jamin lo mour: a illu an Anij ej ber ion.

Hab. 2. 4. Jap. 1. 12. & 6. 47. Rom 1. 17.

#### JAPTER 4.

**I**NEM ke Iroj e jela ekijkan Parisi ro r'ar roñ bwe Jisös ej kömön im baptais elöñ dri kaloran jen Jon,

Jap. 3. 22, 26.

2 (Meñe Jisös e möke jab baptais, a ro dri kaloran)

3 Ej ilok jen Judia, im bar ilok fñon Galili.

4 Im emön En driblok Sameria.

5 Inem Ej itok fñon jikin kwelok i Sameria, etan Saikar, ebak buk-wön eo Jeköb e ar lelok fñon Josep nejin.

Jen. 33. 19. & 48. 22. Jos. 24. 32.

6 Im aibij an Jeköb ej ber ie. Inem Jisös bwe Ej mök kin An etetal, Ej jijöt iturin aibij eo: im enañin joñoul im ruo auö.

7 Juön köra in Sameria ej itok

bwe en itök: Jisös ej ba ñön e, Kwon letok ñön Iö bwe In irak.

8 Bwe dri kaloran r'ar ilok ñön jikin kwelok eo bwe ren wiak möña.

9 Inem köra in Sameria eo e ba ñön E, Etke Kwe dri Ju Kwoj kajitök dren in irak jen iö, ña köra in Sameria? (Bwe dri Ju ro im ro dri Sameria re jab kömao iben dren.)

2 Kin 17. 24. Luk 9. 53. Jerb. 10. 28.

10 Jisös e uak im ba ñön e, Elañe kw'ar jela men eo Anij ej letok, im Eo ej ba ñön yuk, Kwon letok ñön Iö bwe In irak; kwo naj kar kajitök iben, im E naj kar lewoj ñön yuk dren in mour.

Isa. 12. 3. & 44. 3. Jer. 2. 13. Zek. 13. 1. & 14. 8.

11 Köra eo e ba ñön E, Iroj, ejelok ken itök iböm, im aibij in im-öl; inem jen ia Am dren in mour?

12 Kwe elap jen jemer Jeköb, eo e ar letok ñön kim aibij in, im e möke irak, im ro nejün, im kiru ko an ke?

13 Jisös e uak im ba ñön e, Ro otemjej rej irak dren in re naj bar maro.

14 A jabrewöt eo ej irak dren eo I naj lelok ñön e, e jamin bar maro in driö: a dren eo I naj lelok ñön e, e naj aibij ilo e im naj tortok ñön mour in driö.

jap. 6. 36, 58. & 7. 38.

15 Köra e ba ñön E, Iroj, kwon letok dren in ñön iö, bwe in jab maro, im jab iten itök ijin.

jap. 6. 34.

16 Jisös ej ba ñön e, Kwon ilem kirtok leo beleöm, im itok ijin.

17 Köra e uak im ba, Ejelok leo beliö. Jisös e ba ñön e, Emol am ba, Ejelok leo beliö:

18 Bwe kar lallim leo beleöm; im eo ej ber iböm kiö e jab leo beleöm; ilo men in emol am ba.

19 Köra ej ba ñön E, Iroj, ij kab kill Kwe dri kanan.

Luk 7. 16. jap. 6. 14. & 7. 40.

20 Ro jemem r'ar kabuñ ion tol

in; im kom ba, Ilo Jerusalem ijo armij ren kabuñ ie.

Ekaj. 9. 7. Dut. 12. 5, 11. 1 Kin 9. 3. 2 Kroc. 7. 12.

21 Jisös ej ba ñön e, Köra, kwon tömak Iö, auö ej itok, ñe kom jamin kabuñ ñön Jememi ion tol in, ak ilo Jerusalem.

Mal. 1. 11. 1 Tim. 2. 8.

22 Komij kabuñ ñön men eo kom jaje kake: kim jela eo kimij kabuñ ñön e; bwe mour jen dri Ju ro.

2 Kin 17. 29. Isa. 2. 2. Rom 9. 4. 5.

23 Auö ej itok, im kiö, ñe dri kabuñ remol re naj kabuñ ñön Jemeir ilo Jitöb im ilo mol: bwe Jemeir ej bukot ro eirwöt bwe ren kabuñ ñön E.

Pil. 3. 3.

24 Anij e Jitöb: im ro rej kabuñ ñön E, ren kabuñ ilo Jitöb im ilo mol.

2 Kor. 8. 17.

25 Köra e ba ñön E, I jela bwe Messala ej itok, (eo etan Kraist: ñe Ej itok, E naj kwalok men otemjej ñön kim.

26 Jisös e ba ñön e, Ña E, Ña Ij konono ñön yuk.

Mat. 28. 63, 64. Mark 14. 61, 62. jap. 2. 2.

27 Im ilo len in dri kaloran rej itok, im bwilöñ bwe Ej konono iben köra; a ejelok armij e ba, Ta eo Kwoj bukot? ak, Etke Kwoj konono iben?

28 Inem köra eo ej likit ken itök, im ej ilok ñön jikin kwelok, im ba ñön armij rön.

29 Komin itok, im lo armij eo e ar kwalok ñön iö men otemjej I ar kömöni: e maroñ bwe E in dri Kraist ke?

30 Inem rej ilok jen jikin kwelok, im itok ñön iben.

31 Im ilukwön len in, dri kaloran rej kajitök iben, im ba, Rabbai. Kwon möña.

32 A E ba ñön ir, Kijiö bwe Ia möña, men eo kom jaje kake.

33 Kin men in, dri kaloran re ba ñön dren, Jabrewöt armij e ar bök-tok ñön E bwe En möña ke?

34 Jisös ej ba ñön ir, Kijiö bwe

In kōmōnmōn ankil an Eo e ar jilkintok Iō, im bwe In kamwijlok jermal eo An.

Job 23. 12. Jap. 6. 38. & 17. 4. & 19. 30.

35 Kom jab ba ke, Ñe emen aliñ, inem ien marmir? lo, Ij ba ñōn kom, Komin reilok, im lale jikin kallip ko; bwe kiō remouj ilo ien marmir.

Mat. 9. 37. Luk 10. 2.

36 Im eo ej marmir ej bōk wōnān, im ej alintok leen ñōn mour in drio: bwe eo ej jeor im eo ej marmir ren jimor löfilif.

Dan. 12. 3.

37 Bwe ilo men in emol nan eo, Juōn ej jeor, im bar juōn ej marmir.

38 I ar jilkinlok kom bwe komin marmir ijo kom ar jab jermal ie: bar jet r'ar jermal, im komij dreloñ ilo air jermal.

39 Im elōñ ian ro dri Sameria ilo jikin kwelok eo rej tōmak E kin nan an kōra, eo e ar kennan, E ar kwalok ñōn iō men otemjej I ar kōmōni.

40 Inem ke dri Sameria rej itok, rej akwelap ñōn E bwe En ber ibeir: im Ej ber ijo iomin ruo ran.

41 Im bar elōñ rej tōmak kin An in nan;

42 Im re ba ñōn kōra eo, Kiō kim tōmak, jab kin ain konono; bwe kim ar mōke roñjake, im jela bwe emol E in Dri Lomoren löl.

Jap. 17. 8. 1 Jon 4. 14.

43 Im ilokōn ruo ran Ej ilok jen ijo, im ilok ñōn Galili.

44 Bwe Jisōs e mōke kennan, bwe ejelok nan in nebar dri kanan ilo en'eo an.

Mat. 13. 57. Mark 6. 4. Luk 4. 24.

45 Inem ke Ej itok ñōn Galili, dri Galili rej bōk E, bwe r'ar lo men otemjej E ar kōmōni i Jerusalem ilo kwojkwoj: bwe bareinwōt r'ar ilok ñōn kwojkwoj.

Jap. 2. 23. & 3. 2. Dut. 16. 16.

46 Inem Jisōs ej bar itok ñōn Kena in Galili, ijo E ar kōmōn dren erom wain. Im juōn irolj ej

ber ijo, nejin eman e nañinmij i Kaperneum.

Jap. 2. 1. 11.

47 Ke ej roñ bwe Jisōs e ar itok jen Judia ñōn Galili, ej ilok ñōn iben, im akwelap ñōn E bwe En wōnlōltak im kemour nejin, bwe e nañinmij wōt jirik.

48 Inem Jisōs ej ba ñōn e, Elañe kom jab lo kakōle ko im men in bwilōñ ko, kom jamin tōmak.

1 Kor. 1. 22.

49 Irolj e ba ñōn E, Irolj, kwon wōnlōltak mokta jen an nejiō mij.

50 Jisōs ej ba ñōn e, Kwou ilok, nejöm emour. Im armij ej tōmak nan eo Jisōs e ar ba ñōn e, im ej ilok.

51 Im ke ej wōnlōl, dri korijeran rej ion e, im kennanek e, im ba, Nejöm emour.

52 Inem ej kajitōk ibeir, Jete auō e jino an mourlok? Im re ba ñōn e, Ine ke juōn auō nañinmij in bwil ejoko jen e.

53 Inem jemen e jela, bwe ilo auō eo, ien eo Jisōs e ar ba ñōn e, Nejöm emour: im e mōke tōmak kab nukin otemjej.

54 Eñin bar ken ka ruo kakōle Jisōs ej kōmōne, ke Ej itok jen Judia ñōn Galili.

## JAPTER 5.

**E**LIKIN men kein juōn kwoj-kwoj an dri Ju ro; im Jisōs ej wōnlōñlok ñōn Jerusalem.

Levai 23. 2. Dut. 16. 1. Jap. 2. 13.

2 Im ilo Jerusalem ebak aur in sip juōn lwe, rej likit etan ilo nan in Hibru Betesda, lallim an portiko.

Neh. 3. 1. & 12. 39.

3 Ilo ir elōñ armij ian ro remōjino, im rebilo, im rekirro, im r'akā rej babu.

5 Im juōn armij ej ber ijo, e ar nañinmij iomin jilñoul im drualitōk yiō.

6 Ke Jisōs ej lo an babu, im kile bwe eto an ber im einwōt, Ej ba ñōn e, Kwo kōnan bwe kwon mour ke?

7 Leo e nañinmij ej uak E, Iroi, ejelok armij iba, ñe dren linajinono, bwe en likit ið iloan lwe: a ñe ij dreloñ, bar juðñ ej tuak mokta jen ið.

8 Jisòs ej ba ñòn e, Kwon jerkak, im bök kiniòm im etal.

Mat. 9. 6. Mark 2. 11. Luk 5. 24.

9 Im emòkøj an armij eo mour, im bök kinien, im etal: im ran eo ran in Sabat.

jap. 9. 14.

10 Ineni dri Ju ro re ba ñòn eo e kar mour, Ranin Sabat: im e jab melim bwe kwon bök kiniòm.

Eks. 20. 10. Neh. 13. 19. Jer. 17. 21, 22. Mat. 12. 2. Mark 2. 24. & 3. 4. Luk 6. 2. & 13. 14.

11 A ej uak, Eo e ar kemour ið, E in e ar ba ñòn ið, Kwon bök kiniòm im etal.

12 Inem rej kajitök iben, Wõn armij eo e ar ba ñòn yuk, Kwon bök kiniòm im etal?

13 A leo e ar mour e jaje wõn eo: bwe Jisòs e ar mökelok jen ijo, im elõñ armij rej ber ie.

14 Tokelik Jisòs ej loe iloan tempel, im E ba ñòn e, Lo, kwoj mour wõt: kwon jab bar kõmõnmõn nana, ñe ab laplok an nana itok ñòn yuk.

Mat. 12. 45. jap. 8. 11.

15 Armij eo ej ilok, im kennanek dri Ju ro, bwe Jisòs eo E ar kemour e.

16 Im kin men eo dri Ju ro rej matõtõre Jisòs, bwe E ar kõmõn men kein ilo Sabat.

17 A Jisòs e uak ir, Jema ej jermal ñòn len in, im Ña Ij jermal.

jap. 9. 4. & 14. 10.

18 Inem kin men in dri Ju ro elaplok air bukot bwe ren mõn E, bwe E ar jab kokkure wõt ran Sabat, a bareinwõt Ej ba Anij e Jemen, im möke kõmõn E einwõt Anij.

jap. 7. 19. & 10. 30, 33. Pil. 2. 6.

19 Inem Jisòs e uak im ba ñòn ir, Emol, emol, Ij ba ñòn kom, Nejin e jab möke maroñ kõmõnmõn jabrewõt, a men eo Ej lo Jenien kõmõne; bwe men ko jabrewõt Ej

kõmõni, men kein bareinwõt Nejin ej kõmõnmõni ein drein.

jap. 8. 28. & 12. 49. & 14. 10.

20 Bwe Jemen ej yokwe Nejin, im kwalok ñòn E men otemjej Ej möke kõmõnmõni: im E naj kwalok ñòn E jermal ko relap jen men kein, bwe komin bwilõñ.

Mat. 3. 17. jap. 3. 35. 2 Pit. 1. 17.

21 Bwe einwõt Jemen ej kejkakbiji ro remij, im kemour ir; ein drein bareinwõt Nejin e naj kemour eo E kõnan.

Luk 7. 14. & 8. 54. jap. 11. 25, 43.

22 Bwe Jemen e jab ekajet armij, a Ej likit ekajet otemjej ñòn Nejin: Mat. 11. 27. & 28. 18. Jerb. 17. 31. 1 Pit. 4. 1

23 Bwe armij otemjej ren koutiej Nejin, einwõt rej koutiej Jemen. Eo e jab koutiej Nejin, e jab koutiej Jemen eo E ar jilkintok E.

1 Jon 2. 22.

24 Emol, emol, Ij ba ñòn kom, Eo ej roñjake Að in uan, im liki Eo e ar jilkintok Ið, an mour in dri, im e jamiu itok ilo ekajet; a e ar ilok jen mij ñòn loan mour.

jap. 3. 18. & 8. 51. & 20. 31. 1 Jon 3. 14.

25 Emol, emol, Ij ba ñòn kom. Auð ej itok, im e mottok, ñe ro remij re naj roñ ainiken Nejin Anij: im ro rej roñjake re naj mour.

Ep. 5. 14.

26 Bwe einwõt an Jemen mour ej ilo E, ein drein bareinwõt E ar lelok ñòn Nejin bwe an mour eo ilo E:

27 Bwe E ar lelok kajur ñòn E bwe En kõmõnmõn ekajet, bwe E Nejin armij.

Jerb. 10. 42. Dan. 7. 13, 14.

28 Komin jab bwilõñ kin men in: bwe auð ej itok, ilo eo ro otemjej rej ber ilo lüp ko, re naj roñ ainiken,

29 Im naj drioljtok; ro r'ar kõmõn emõn, ñòn jerkakbiji in mour: im ro r'ar kõmõnmõn uana, ñòn jerkakbiji in ekajet.

1 Kor. 15. 52. 1 Tes. 4. 16. 1 Dan. 12. 2. Mat. 27. 32, 33, 48.

30 I jab möke maroñ in kõmõnmõn men eo jabrewõt; einwõt Ij



roñ Ij ekajete; im Að ekajet ewānik: bwe I jab bukot ankil Að wõt, a aukil an Jema eo E ar jilkintok Ið.

Mat. 21. 39. jap. 4. 34. & 6. 38.

81 Elañe Ña Ij möke kennan kin Ið, Að kennan e jab mol.

jap. 8. 14.

82 Bar juðñ Ej kennan kin Ið; im I jela bwe kennan eo Ej kennan kin Ið emol.

jap. 8. 18. 1 Jon 5. 9.

83 Kom ar jilkinlok ñññ Jon, im e ar kennan kin mol.

jap. 1. 15, 19, 27, 32.

84 A kennan Ij bõke e jab jen armij: a Ij konono men kein bwe komin mour.

85 E ar lampe eo ej urur im romak; im eor ien kom ar kõnan lõñññ ilo an maram.

2 Pit. 1. 19. Mat. 13. 20. & 21. 26. Mark 6. 20.

86 A eor kennan kin Ið elap jen eo an Jon, bwe jermal ko Jema e ar letok ñññ Ið bwe In kamwijlok ir, jermal kein Ij kõmõñi, rej kennan kin Ið, bwe Jema e ar jilkintok Ið.

1 Jon 5. 9. jap. 3. 2. & 10. 25. & 15. 24.

87 Im Jema eo E ar jilkintok Ið, E ar kennan kin Ið. Kom ar jab roñ ainiken, ak lo wāwen jabrewõt jen.

Mat. 3. 17. & 17. 5. jap. 6. 27. 1 Dut. 4. 12. jap. 1. 18. 1 Jon 4. 12.

88 Im nan eo An e jab ber ilo kom; bwe Eo E ar jilkintok E, kom jab tõmak E.

89 Komij bukot ilo Jeje ko, bwe ilo ir komij lemnok ami mour in dri; im kein rej kennan kin Ið.

Isa. 8. 20. Luk 16. 29. Jerb. 17. 11. 1 Dut. 18. 15. Luk 24. 27.

40 Im kom jab kõnan itok ñññ iba, bwe komin bõk mour.

jap. 1. 11. & 3. 19.

41 I jab bõk nebar jen armij rñ.

1 Tea. 2. 6.

42 A I jela kom, bwe yokwe Anij e jab ber ilo kom.

43 Ij itok ilo etan Jema, im kom jab bõk Ið: elañe bar juðñ e naj itok ilo etan mõke, kom naj bõk e.

44 Ekijkan ami maroñ in tõmak,

komij bõk nebar jen dron, im jab bukot nebar jen Anij E wõt.

jap. 12. 43. Rom 2. 29.

45 Komin jab lemnok bwe I naj kinaklok kom ñññ Jema: juðñ ej kinaklok kom, Moses eo komij ke-jatrikrik kom kake.

Rom 2. 12.

46 Bwe elañe kom ar tõmak Moses, kom naj kar tõmak Ið, bwe e ar jeje kin Ið.

Jen. 3. 15. & 12. 3. & 18. 18. & 22. 18. & 49. 10. Dut. 18. 15.

47 A elañe kom jab tõmak jeje ko an, ekijkan ami naj tõmak nan ko Að?

## JAPTER 6.

**E**LIKIN men kein, Jisõs ej ilok ñññ lonalo jab uweo, lomalo in Galili, bar juðñ etan Taibiriõs.

Mat. 14. 15. Mark 6. 35. Luk 9. 10, 12.

2 Im elap jar rej lor E, bwe r'ar lo kakõle ko An E ar kõmõñi ñññ ro r'ar nañinmij.

3 Im Jisõs ej wõnliñflok ion tol, im jljõt ljo iben ro dri kaloran.

4 Im ebak kwojkwoj in kijone, kwojkwoj an dri Ju ro.

Leval 23. 5, 7. jap. 2. 13.

5 Im ke Jisõs ej reilok, im lo elap jar rej itok ñññ E, E ba ñññ Pilip, Je naj wiak bred jen ia, bwe rein ren mõña?

Mat. 14. 13-21. Mark 6. 32-44. Luk 9. 10-17.

6 Im E ba men in bwe En melejoñ e: bwe E möke jela men eo E naj kõmõne.

7 Pilip e uak E, Rubuki ñññññ kin wia bred e jab bwe kin ir, bwe jabrewõt lair en bõk jirik.

8 Juðñ lan dri kaloran, Andru jätin Saimõñ Piter, e ba ñññ E,

9 Juðñ ladrík ijin, lailim ion bred barli iben, im ruo lik; a ewl tokjen men kein iben elõñ armij?

10 Jisõs e ba, Komin kajljõt armij rñ. Im elõñ ujoij ljo. Inem armij rej jljõt, bwlnir nañin lailim tausan.

11 Im Jisõs ej bõk ion bred ko; im ke emwij An jar, Ej ajeje ñññ ro

rej jljöt: im bareinwöt lik ko einwöt air kōnaki.

12 Ke re mät, E ba ñön ro dri kaloran, Komün aini mōtōn komätiir, bwe ejelok iair en joko.

13 Inem rej aini, im rej kalōñ joñoul im ruo iep kin mōtōn ko mätiir jen lailim ion bred barli, rej berwöt ibeir mōjen air mōña.

14 Im armij rōn ke r'ar lo kakōle eo Jisōs e ar komone, re ba, Emol E in dri kanan eo ej itok ñön löl.

Jen. 49. 10. Dut. 18. 15. 18. Mat. 11. 3. Jap. 1. 21. & 4. 19. & 7. 40.

15 Inem ke Jisōs e jela, bwe re kōnan itok im bōk E kin kajur, im kōmōn bwe En kiñ, E bar möke ilok ñön tol.

16 Im ke ejota, ro dri kaloran rej wōnlöl ñön lomalo,

Mat. 14. 23. Mark 6. 47.

17 Im uwe lon wa, im rej ilok ion lomalo ñön Kaperneum. Im ien iu emarok, im Jisōs e jañin itok ñön ibeir.

18 Im ebluktök lomalo kin an lap kōto ej ukwi.

19 Inem ke emwij air aōnōnlok roñoul im lailim ak jilñoul sōrloñ, rej lo Jisōs etetal ion lomalo, im kebak wa: im rej lelñōñ.

20 A E ba ñön ir, Ña E; komün jab lelñōñ.

21 Inem re kōnan bōk E ion wa; im emōkōj an wa tōkak i ene rej ilok ñön e.

22 Ran eo ilju, ke armij, ro r'ar jutök ion ene i rear in lomalo, rej lo ejelok bar juōn wa ijo, a juōn wöt, im Jisōs e ar jab uwe iben ro dri kaloran ion wa eo, a dri kaloran r'ar mōke uwe;

23 (A bar jet wa r'ar tartok jen Taibiriōs ebak ene ijo r'ar mōña bred, ke emwij an Jisōs jar.)

24 Inem ke armij rej lo bwe Jisōs e jab ber ijo, im jab ro dri kaloran; rej bareinwöt uwe ion wa ko, im itok ñön Kaperneum, im bukot Jisōs.

25 Im ke emwij air lo E i lomalo

jab uweo, re ba ñön E, Rabba, kw'ar itok ñön ijin fiat?

26 Jisōs e uak ir im ba, Emol emol, Ij ba ñön kom, Komij bukot Iō, jab bwe kom ar lo kakōle ko, a bwe kom ar mōña ion bred ko im ar mät.

27 Komün jab jermal kin mōña eo ej joko, a kin mōña e naj berwöt ñön mour in drlo, men eo Nejin armij E naj lewoj ñön kom; bwe Anij Jema E ar sil E.

Jap. 4. 14. 1 Mat. 3. 17. & 17. 5. Mark 1. 11. & 9. 7. Luk 3. 22. & 9. 35. Jap. 1. 23. & 5. 37. & 8. 18. Jerb. 2. 22. 2 Pit. 1. 17.

28 Inem re ba ñön E, Ta eo kimia jermal kake, bwe kimin jerbale jermal ko an Anij?

29 Jisōs e uak im ba ñön ir, Men in jermal an Anij, bwe komün liki Eo E ar jilkintok.

1 Jon 3. 23.

30 Inem re ba ñön E, Inem ta kakōle eo Kwoj kwalok e, bwe kimin lo, im tōmak Yuk? ta eo Kwoj jerbale?

Mat. 12. 38. 1 Kor. 1. 22.

31 Ro jimar r'ar mōña manna i ene jemaren; einwöt ar je, E ar lelok ñön ir bred jen löñ bwe rea mōña.

Eks. 16. 15. Bwin. 11. 7. Neh. 9. 15. 1 Kor. 10. 3. Sam 78. 24. 25.

32 Inem Jisōs ej ba ñön ir, Emol, emol, Ij ba ñön kom, E jab Moses e ar lewoj ñön kom bred jen löñ: a Jema ej lewoj ñön kom bred emol jen löñ.

33 Bwe bred an Anij Eo ej itok jen löñ, im lelok mour ñön löl.

34 Inem re ba ñön E, Iroj, ten otemjej, Kwon letok bred in ñön kim.

Jap. 4. 15.

35 Im Jisōs ej ba ñön ir, Ña bred in mour; eo ej itok ñön Iō e jamin kwuli; im eo ej liki Iō e jamin maro in drlo.

Jap. 4. 14. & 7. 27.

36 A I ar ba ñön kom, Kom ar lo Iō im kom jab tōmak.

37 Ro otemjej Jema e ar letok ñön

Ið, re naj itok ñôn iba; im eo ej itok ñôn Ið, ebin Að jamin jolok e.

Mat. 24. 24. jap. 10. 28, 29.

38 Bwe I ar itok jen lõñ, jab bwe In kõmõnmõn ankil Að, a ankil an Eo e ar jilkintok Ið.

Mat. 28. 30. jap. 5. 30.

39 Im men in ankil an Jema, e ar jilkintok Ið, bwe lan ro otemfej E ar letok ñôn Ið ejelok juðn en joko, a I naj kejerkakbiji eo ilo ran eo eliktata.

jap. 17. 12. & 18. 9.

40 Im men in ankil an Eo e ar jilkintok Ið, bwe ir otemfej rej lo Nejin, im liki E, ren bõk mour in drio: im I naj kejerkak e ilo ran eo eliktata.

jap. 8. 15, 16.

41 Inem dri Ju ro rej lotan E, bwe E ar ba, Ña bred eo ej wõnlõltak jen lõñ.

42 Im re ba, E in E jab Jisõs, nejin Josep, je jela jemen im jlunen ke? a ekijkan An ba kiõ, I ar wõnlõltak jen lõñ?

Mat. 13. 55. Mark 6. 3. Luk 4. 22.

43 Jisõs e uak im ba ñôn ir, Komin jab lotan iben dron.

44 Ejelok armij ej maroñ itok ñôn iba elañe Jema eo E ar jilkintok Ið E jab ibertok e: im I naj kejerkak e ilo ran eo eliktata.

Acl. 1. 4.

45 Ro dri kanan r'ar je, Im Anij e naj katakin ir otemfej. Ro otemfej r'ar roñ jen Jema, im ar katak, rej itok ñôn Ið.

Isa. 54. 13. Jer. 31. 34. Mika 4. 2.

46 Ejelok juðn armij e ar lo Jema, a Eo wõt jen Anij, E ar lo Jema.

jap. 1. 18. Mat. 11. 27. jap. 1. 18.

47 Emol, emol, Ij ba ñôn kom, Eo ej tõmak, mour in drio iben.

jap. 3. 16, 18, 36.

48 Ña bred eo, bred in mour.

49 Ro jememi r'ar mõiña manna ilo ene jemaren, im remij.

50 Bred in ej itok jen lõñ, bwe armij en mõiña jen e im jamin mij.

51 Ña bred eo emour e ar wõnlõltak jen lõñ. Elañe jabrewõt armij ej mõiña jen bred in, e naj mour in

drio; aet, im bred eo I naj lewoj e kõniekiõ, men eo I naj lewoj bwe en kemour lõl.

jap. 3. 13. Hib. 10. 5, 10.

52 Inem dri Ju ro rej akwaii iben dron, im ba, Ekijkan armij in E maroñ letok ñôn kij kõniekin bwe jen mõiña?

jap. 7. 43. & 3. 9.

53 Inem Jisõs e ba ñôn ir, Emol, emol, Ij ba ñôn kom, Elañe kom jab mõiña kõniekin Nejin armij, im jab irak bõtõktõkin, ejelok mour ilo kom.

Mat. 26. 26, 28.

54 Eo ej mõiña kõniekiõ, im irak bõtõktõkiõ, an mour in drio; im I naj kejerkak e ilo ran eo eliktata.

jap. 4. 14.

55 Bwe kõniekiõ men in mõiña emol, im bõtõktõkiõ men in irak emol.

56 Eo ej mõiña kõniekiõ, im irak bõtõktõkiõ, ej ber ilo Ña, im Ña ilo e.

1 Jon 3. 24. & 4. 15, 16.

57 Einwõt Jema emour Ear jilkintok Ið, im Ña Ij mour kin Jema: bareinwõt eo ej mõiña Ña, e in e naj mour kin Ña.

58 Men in bred eo e ar wõnlõltak jen lõñ: jab einwõt ro jememi r'ar mõiña im remij; eo ej mõiña bred in e naj mour in drio.

59 Men kein E ar ba iloan imõn kwelok, ke E ar katakin ilo Kaperneum.

60 Inem elõñ lan ro dri kaloran, ke emwij air roñjake, re ba, Nan in nan ebin; wõn e maroñ in roñjake?

Mat. 11. 6.

61 Ke Jisõs e mõike jela bwe dri kaloran rej lotan kin men in, E ba ñôn ir, Men in ej lõkatipe kom ke?

62 Ekijkan elañe kom naj lo an Nejin armij wõnliñlok ñôn ijo E ar ber ie mokta?

Mark 16. 19. jap. 3. 13. Jerb. 1. 9. Ep. 4. 8.

63 Jitõb ej kemour; kõniek ejelok an kakajuror: nan ko I ar konono ñôn kom kaki, rej jitõb, im rej mour.

2 Kor. 3. 6.

64 A jet iami re jab tōmak. Bwe Jisōs e jela jen jinoin, wōn ro re jab tōmak, im wōn eo e naj ketōk E.

Jap. 2. 24, 25. & 13. 11.

65 Im E ba, Kin men in I ar ba nōn kom, bwe ejelok armij e maroñ itok nōn iba, elañe Jema e jab lelok nōn e.

66 Jen ien eo, elōñ lan ro dri kalorān rej jeblak, im jab bar etetal iben.

67 Inem Jisōs e ba nōn joñoul im ruo, Kom bareinwōt kōnan ilok ke?

68 Saimōn Piter e uak E, Iroj, kim naj ilok nōn wōn? ibōm nan ko nan in mour in drio.

Jerb. 5. 20.

69 Im kim ar tōmak im jela, bwe Kwe Juōn eo Ekwojarjar an Anij. Mat. 16. 16. Mark 8. 29. Luk 9. 20. Jap. 1. 49. & 11. 27.

70 Jisōs e uak ir, I ar jab kålet kom joñoul im ruo, im juōn iami e devil ke?

Luk 6. 13. Jap. 13. 27.

71 Ej konono kin Judas, nejin Saimōn Iskariōt, bwe e juōn ian joñoul im ruo, im e naj ketōk E.

### JAPTER 7.

**I**M elikin men kein Jisōs ej etetal i Galili: bwe e jab kōnan etetal i Judia, bwe dri Ju ro rej bukot bwe ren mōn E.

Jap. 5. 16, 18.

2 Kiō ebak an dri Ju ro kwoj-kwoj in imōn kabēr.

Levai 23. 34.

3 Inem ro jätin re ba nōn E, Kwon ilok jen Ijin, im ilok nōn Judia, bwe bareinwōt dri kalorān ren lo jermal ko Am Kwoj kōmōni.

Mat. 12. 46. Mark 3. 31. Jerb. 1. 14.

4 Bwe ejelok armij ej kōmōn jabrewōt men eo ijo etino, im e mōke kōnan bwe en alikar. Elañe Kwoj kōmōn men kein, Kwon kwalok Yuk nōn lōl.

5 Bwe ro jätin re jab liki E.

Mark 3. 21.

6 Inem Jisōs e ba nōn ir, Aō ien e jañin itok: a ien eo ami e pojōk ien otemjej.

Jap. 2. 4. & 8. 20.

128

7 Lōl e jab maroñ kijirāte kom; a ej kijirāte Iō, bwe Ij kennan kin e, bwe jermal ko an reuana.

Jap. 3. 19. & 15. 19.

8 Koinin ilok nōn kwoj-kwoj in: I jab ilok nōn kwoj-kwoj in kiō: bwe ien eo Aō e jañin jejit.

9 Ke emwij An ba men kein nōn ir, Ej berwōt i Galili.

10 A ke emwij an ro jätin ilok nōn kwoj-kwoj eo, inem E bareinwōt ilok, jab alikar, a einwōt ilo etino.

11 Inem dri Ju ro rej bukot E ilo kwoj-kwoj, im ba, Ewi Leo?

Jap. 11. 56.

12 Im jar eo elap air fiōrñiōr nōn dron kin E: bwe jet re ba, E armij emōn: bar jet re ba, Jab; a Ej ke-jebwābweik armij rōn.

Jap. 9. 16. & 10. 19. I Mat. 21. 46. Luk 7. 14. Jap. 6. 14.

13 A ejelok armij ej konono alikar kin E, bwe rem'jōk dri Ju ro.

Jap. 9. 22. & 12. 42. & 19. 29.

14 Kiō enañin ilukwōn kwoj-kwoj Jisōs ej wōnliñ ilōan tempel im kaktakin.

15 Inem dri Ju ro re bwilōñ im ba, Ekijkan jab armij in jela letter ko, bwe E ar jab katak kaki?

Mat. 13. 54. Mark 6. 2. Luk 4. 23.

16 Jisōs e uak ir, im ba, Nan in katak eo Aō, e jab Aō, a an Eo e ar jilkintok Iō.

Jap. 8. 28. & 12. 49. & 14. 10, 24.

17 Elañe jabrewōt armij e kōnan kōmōmōn ankil An, e naj jela kin nan in katak eo, elañe e jen Anij. ak Ij konono kin Ņa wōt.

Jap. 8. 43.

18 Eo ej konono jen e mōke ej kabukot an albujuj: a eo ej kabukot albujuj an Eo e ar jilkintok Iō. E in emol, im ejelok jabwānik ilo E.

Jap. 5. 41. & 8. 50.

19 Moses e ar lewoj kien nōn kom ke, im ejelok juōn iami ej bakake kien eo? Etke komij bukot in mōn Iō?

Eks. 24. 3. Jap. 1. 17. I Mat. 12. 14. Mark 3. 6. Jap. 5. 16, 18. & 10. 39. & 11. 53.

20 Jar eo r'uak im ba, Juōn dimet.

iböm; wõn eo ej bukot bwe en mõn Yuk?

jap. 8. 48. 52. & 10. 20.\*

21 Jisõs e uak im ba ñõn ir, I ar kõmõnmõn juõn jermal, im kom otemej bwilõñ kake.

22 Moses e ar lewoj ñõn kom mijmij, (ak men eo e jab an Moses, a an ro jimar); im ilo ran in Sabat komij mijmij armij.

Jon. 17. 10. Levai 12. 3.

23 Elañe armij ilo Sabat ej bõk an mijmij, bwe en jab kokkure klen Moses; komij illu ñõn Iõ bwe I ar kõmõn juõn armij mour otem mour ilo Sabat ke?

jap. 5. 8, 9, 16.

24 Komin jab ekajet kin men eo ilikin, a komin ekajete ekajet eo emol.

Dut. 1. 16, 17. Pro. 24. 23. jap. 8. 15. Jem. 2. 1.

25 Inem jet lair jen Jerusalem re ba, E in e jab Eo rej bukot bwe ren mõn E ke?

26 Im, lo, Ej konono alikar, im ejelok air ba ñõn E. E maroñ ke bwe iroj rõn re kanuij kili bwe E in dri Kraist?

27 A je jela armij in ijo Ej itok jen e; a ñe dri Kraist ej itok ejelok armij ej jela ijo ej itok jen e.

Mat. 13. 55. Mark 6. 3. Luk 4. 23.

28 Inem Jisõs ej lamij iloan tempel ke Ej katakin, im ba, Kom jela Ña, im kom jela ijo Ij itok jen e: a Ña I jab itok kin Ña, a Eo e ar jilkintok Iõ emol, Eo kom jaje.

jap. 5. 43. & 8. 14, 42. jap. 5. 32. & 8. 26. Rom 8. 4.

29 A Ña I jela E; bwe Ña jen E, im E ar jilkintok Iõ.

Mat. 11. 27. jap. 10. 15.

30 Inem rej bukot bwe ren jibwe E: a ejelok armij ej likit pein na ion, bwe auõ eo An e jañin mottok.

31 Im elõñ lan jar eo rej tõmak E, im ba, Ñe dri Kraist ej itok, E naj kõmõnmõn kakõle ko elõñ jen men kein armij in Ej kõmõnmõni ke?

Mat. 12. 23. jap. 3. 2. & 8. 30.

32 Parisi ro rej roñ bwe armij rej ñõrñõr kake men kein kin E, im

Parisi ro im pris ro relap rej jilkinlok dri jilik bwe ren jibwe E.

33 Inem Jisõs e ba ñõn ir, Jirik wõt ien Ij ber ibemi, im Ij ilok ñõn Eo e ar jilkintok Iõ.

jap. 13. 33. & 16. 16.

34 Kom naj bukot Iõ, im kom jamin lo Iõ, bwe ijo Ij ber, kom jab maroñ in itok ie.

Hos. 5. 6. jap. 8. 21. & 13. 33.

35 Inem dri Ju ro re ba ñõn dron, E naj ilok ñõn ia, bwe kimin jab lo E? E naj ilok ñõn ro re jiblikMk iben ro dri Grik, im katakin ro dri Grik ke?

Isa. 11. 12. Jem. 1. 1. 1 Pit. 1. 1.

36 Nan õt nan in Ej ba, Kom naj bukot Iõ, im jamin lo Iõ; im ijo Ij ber, kom jab maroñ in itok ie?

37 Ilo ran eo eliktata, ran elap ilo kwojkwoj, Jisõs ej jutõk im lamij, im ba, Elañe jabrewõt armij ej maro, en itok ñõn iba, im irak.

Levai 23. 36. Isa. 55. 1. jap. 6. 35. Rev. 22. 17.

38 Eo ej liki Ña, einwõt Jeje ko rej ba, Jen iloan e naj torlok river ko an dren in mour.

Dut. 18. 15. Pro. 18. 4. Isa. 12. 3. jap. 4. 14.

39 A Ej konono men in kin Jitõb, Eo ro rej liki E re naj bõke; bwe ar jañiu letok Jitõb eo, bwe ar jañiu kaibujuij Jisõs.

Isa. 44. 3. Joel 2. 28. jap. 12. 16. & 16. 7. Jerb. 2. 17, 33, 38.

40 Inem elõñ armij, ke rej roñ nan in, re ba, Emol E in dri Kanan eo.

jap. 1. 21. & 6. 14.

41 Bar jet re ba, E in dri Kraist. A bar jet re ba, Dri Kraist ej itok jen Gailili ke?

jap. 4. 42. & 6. 69. jap. 1. 46.

42 Jeje ko r'ar jab ba, bwe dri Kraist ej itok jen inen Devid, im jikin kwelok Betleem, ijo e ar ber ie ke?

Mika 5. 2. Mat. 2. 5. Luk 2. 4. 1 Samuel 16. 1. 4.

43 Inem armij rej jibil jen dron kin E.

jap. 9. 16. & 10. 19.

44 Im jet lair re kõnan jibwe E: a ejelok armij ej likit pein ion.

45 Inem dri jilik rõn rej itok ñõu

pris ro relap im Parisi ro: Im re ba ñön ir, Etke kom ar jab añintok E?

46 Dri jilik rej uak, Ejelok armij e ar konono einwöt armij in.

Mat. 7. 20.

47 Inem Parisi ro r'uak ir, Bareinwöt kom jebwäbwe ke?

48 Jabrewöt ian Iroi j rön, ak Parisi rön, e ar tōmak E ke?

Jap. 12. 42. Jerb. 6. 7. 1 Kor. 1. 20. 26. & 2. 8.

49 A jar in re jaje kien, rej menukol.

50 Nikodimōs ej ba ñön ir (eo e ar itok ñön E ilo boñ, e juōn lair),

Jap. 3. 2.

51 Kien eo ar ej liakelok armij mokta jen an roñ jen e, im jela men eo ej kōmōn ke?

Dut. 1. 17. & 17. 8. & 19. 15.

52 Rej uak im ba ñön e, Kwe bareinwöt dri Galili ke? Kwon bukot im lale, bwe ejelok juōn dri kanan ej itok jen Galili.

Mat. 4. 15. Jap. 1. 46.

53 Im armij otemjej rej ilok ñön mo ko imweir.

### JAPTER 8.

**JISŌS** ej ilok ñön tol Olivet.

2 Im ke e rantak E bar dreloñ iloan tempel, im armij otemjej rej itok ñön E, im Ej jijōt im katakiu ir.

3 Im skraib ro im Parisi ro rej añintok ñön E juōn kōra, ar jibwe ilo lūñ: im ñe emwij air kajutōk e iolap,

4 Re ba ñön E, Dri Kaki, kōra in jibwe ilo lūñ, ilo an kōmōnmōue wöt.

5 Im Moses e ar jiroñ kim ilo kien, bwe ren kare ro einwöt: a ta eo Am ba?

Leval 20. 10. Dut. 22. 22.

6 Rej ba men in bwe ren kabo E, bwe en or men in kinaklok E ibeir. A Jisōs e jirlok, im jeje kin arriiu lon brii.

7 Im ke rej kajitōk makij iben, Ej bōkarten im ba ñön ir, Eo iami ejelok an jerawiwi, en kare mokta kiu juōn dreka.

Dut. 17. 7. Rom 2. 1.

8 Im Ej bar jirlok im jeje lon brii.

9 Im ke rej roñjake, rej ilok juōn im juōn, jino iben eo eridto ñön eo eliktata; im Jisōs e mōke berwöt, im kōra e jutōk iolap ijo e ar ber ie.

Rom 2. 22.

10 Ke emwij an Jisōs bōkarten im lo ejelok armij a kōra wöt, E ba ñön e, Kōra, ewi ro r'ar kinaklok yuk? ejelok juōn e ar liakelok yuk ke?

11 E ba, Iroi j, ejelok. Im Jisōs e ba ñön e, Im Ña I jab liakelok yuk: kwon ilok im jab bar jerawiwi.

Luk 9. 56. & 12. 14. Jap. 3. 17. & 5. 14.

12 Inem Jisōs e bar konono ñön ir, im ba, Ña, maram in lōl: eo ej lor Iō e jamin etal ilo marok, a e naj an maram in mour.

Jap. 1. 4. 9. & 3. 19.

13 Inem Parisi ro re ba ñön E, Kwoj kennan kin Kwe; Am kennan e jab mol.

Jap. 5. 31.

14 Jisōs e uak im ba ñön ir, Im elañe Ña Ij kennan kin Iō, emol Aō kennan: bwe I jela ijo I ar itok jen e, im ewi Ij ilok ie lok; a kom jaje ewi Ij itok jen e, ak ilok ielok.

Jap. 7. 23. & 9. 20.

15 Kom ekajete kin kōniek; I jab ekajet armij.

Jap. 3. 17. & 12. 47.

16 Im elañe Ij ekajete, emol Aō ekajet: bwe Ña I jab mōke isō, a Ña im Jema eo e ar jilkintok Iō.

Jap. 16. 32.

17 Aet im jeje ilo kiemi, kennan an ruo armij emol.

Dut. 19. 15.

18 Ña juōn Ij kennan kin Iō, im Jema eo E ar jilkintok Iō, Ej kennan kin Iō.

Jap. 5. 37.

19 Inem re ba ñön E, Ewi Jemōm? Jisōs e uak, Kom jab jela Ña ak Jema: elañe kom ar jela Ña, bareinwöt kom naj kar jela Jema.

Jap. 14. 7.

20 Jisōs e ar konono nan kein iloan imōn mōuni ke Ej katakiu iloan tempel: im ejelok armij ej likit

peln ion, bwe auð eo An e jafin itok.

Mark 12. 41. jap. 7. 8. 30.

21 Inem Jisōs e bar ba ñōn ir, Ij ilok, im kom naj bukot Iō, im kom naj mij ilo jerawiwi ko ami; Ijo Ij ilok ie lok, kom ban itok ie tok.

jap. 7. 34. & 18. 38.

22 Inem dri Ju ro re ba, E naj mōke mōn E ke? bwe E ba, Ijo Ij ilok ie lok, kom ban itok ie tok.

23 Im E ba ñōn ir, Kom jen lōl; Ña jen lōñ: kom an lōl in; Ña I jab an lōl in.

jap. 8. 31. & 15. 19. & 17. 16. 1 Jon 4. 5.

24 Inem I ar ba ñōn kom, bwe kom naj mij ilo jerawiwi ko ami: bwe elañe kom jab tōmak bwe Ña E, kom naj mij ilo jerawiwi ko ami.

Mark 16. 16.

25 Inem re ba ñōn E, Wōn Kwe? Im Jisōs e ba ñōn ir, Ña eo I ar bareinwōt ba ñōn kom jen jlnoin.

26 Elōñ men ko iba bwe In konono kaki, im ekajeti kin kom: a Eo e ar jilkintok Iō emol; im Ij konono ñōn ro dri lōl men ko I ar roñ jen E.

jap. 8. 32. & 7. 28. & 15. 15.

27 Re jab kill bwe E ar konono ñōn ir kin Jemen.

28 Inem Jisōs e ba ñōn ir, Ñe emwij ami leliñlok Nejin armij, ien eo kom naj jela bwe Ña E, im ejelok Aō mōke kōmōnmōn; bwe einwōt Jema e ar katakin Iō, men kein Ij konono.

jap. 3. 11, 14. & 5. 19, 30. & 12. 32. Rom 1. 4.

29 Im Eo e ar jilkintok Iō, Ej ber iba; Jema e ar jab likit Iō mōke iað; bwe ien otemej Ij kōmōn men ko rej kabufiburuen.

jap. 4. 34. & 5. 30. & 6. 38. & 14. 10. 11.

30 Ke Ej konono nan kein, elōñ rej tōmak E.

jap. 7. 31. & 10. 42. & 11. 45.

31 Inem Jisōs ej ba ñōn dri Ju ro rej tōmak E; Elañe komij berwōt ilo Aō in nan inem kom dri kalora remol,

32 Im kom naj jela mol, im mol e naj kōmōnmōn anemkwojami.

Rom 6. 18, 22. & 8. 2. Jem. 1. 25. & 2. 12.

[Marshall Islands.] 5T

33 Re uak E, Kim inen Ebream, im ejelok ien kim ar dri korijer ñōn jabrewōt armij: ekijkan Am ba, Kom naj anemkwojami?

Leval 25. 42. Mat. 3. 9.

34 Jisōs e uak ir, Emol, emol, Ij ba ñōn kom, Jabrewōt eo ej kōmōnmōn jerawiwi, e dri korijeran jerawiwi.

Rom 6. 16, 20. 2 Pit. 2. 19.

35 Im dri korijer e jab ber ilo im in drio: a Nejin ej ber in drio.

Gal. 4. 30.

36 Inem elañe Nejin e naj kōmōnmōn anemkwojami, kom naj anemkwojami wōt.

Rom 8. 2. Gal. 5. 1.

37 I jela bwe kom inen Ebream; a komij bukot bwe komin mōn Iō, bwe ejelok jikin Aō nan ilo kom.

jap. 7. 19.

38 Ij konono men ko I ar lo iben Jema: im komij bareinwōt kōmōnmōn men ko kom ar roñjaki iben jememi.

jap. 3. 32. & 5. 19, 30. & 14. 10, 24.

39 Re uak im ba ñōn E, Ebream e jemem. Jisōs e ba ñōn ir, Elañe kom ro nejin Ebream, kom naj kar kōmōnmōn jermal ko an Ebream.

Mat. 3. 9. Rom 2. 28. & 9. 7. Gal. 3. 7, 29.

40 A kið komij bukot bwe komin mōn Iō, armij Eo e ar konono ñōn kom men in mol, men eo I ar roñ jen Anij: men in Ebream e ar jab kōmōnmōne.

41 Komij kōmōnmōn jermal ko an jememi. Re ba ñōn E, Kim ar jab lotak ilo lūñ; juðn wōt Jemem, Anij.

Isa. 63. 16. & 64. 8. Mal. 1. 6.

42 Jisōs e ba ñōn ir, Elañe Anij ej jememi, kom naj kar yokwe Iō: bwe I ar waloktok im itok jen Anij; I ar jab mōke itok, a E ar jilkintok Iō.

1 Jon 5. 1. jap. 5. 48. & 7. 28, 29. & 16. 37. & 17. 8, 25.

43 Etke kom jab melele Aō konono? bwe kom jab maroñ roñ Aō in nan.

jap. 7. 17.

44 Kom jen jememi devil eo, im mōm ko an jememi kom kōnan

kõmõnmõni ; e dri uror jen jinoin, im e jab jutõk ilo mol, bwe ejelok mol ilo e. Ke ej konono riõp, ej konono jen men ko an ; bwe e dri riõp, im jemen riõp.

Mat. 13. 38. 1 Jon 3. 8. Jud 6.

45 A bwe Ij ba ñõn kom men eo emol, kom jab tõmak Iõ.

46 Wõn lami ej naruõ kin jerawiw-i? Im elañe Ij konono mol, etke kom jab tõmak Iõ?

47 Eo e jen Anij ej roñjake nan ko an Anij : kin men in kom jab roñjaki, bwe kom jab jen Anij.

Jap. 10. 26, 27. 1 Jon 4. 6.

48 Inem dri Ju ro r'uak im ba ñõn E, E jab emõnke am ba, Kwe dri Sameria, im juõn dimon ibõm?

Jap. 7. 20. & 10. 20.

49 Jisõs e uak, Ejelok dimon iba, a Ij wijtake Jema, im komij kejekron Iõ.

50 A I jab bukot Aõ albujujij : juõn Eo ej bukot im ekajete.

Jap. 5. 41. & 7. 18.

51 Emol, emol, Ij ba ñõn kom, Elañe armij ej bokake Aõ in nan, e jamin lo mij.

Jap. 5. 24. & 11. 26.

52 Inem dri Ju re ba ñõn E, Kiõ kim jela bwe dimon ibõm. Ebream e ar mij, im dri kanan ro ; im Kwoj ba Elañe armij ej bokake Aõ in nan, e jamin erjõn mij.

Zek. 1. 5. Hib. 11. 13.

53 Kwe elap jen jemer Ebream, eo e mij ke? Im dri kanan re mij ; wõn Kwe ilo am mõke kõmõn yuk?

54 Jisõs e uak, Elañe Ij kaibujujij Ña, Aõ albujujij jekron : Jema ej kaibujujij Iõ : kin Eo komlj ba, E ami Anij.

Jap. 5. 31. Jap. 5. 41. & 16. 14. & 17. 1. Jerb. 3. 13.

55 Im kom ar jab jela E ; a Ña I jela E ; im elañe Ij ba, I jab jela E, I naj dri riõp einwõt kom : a I jela E, im Ij bokake An in nan.

Jap. 7. 23, 29.

56 Jememi Ebream e ar lõñliñ bwe e naj lo Aõ ran : im e ar lo e im mõnõnõ.

Luk 10. 24. Hib. 11. 13.

57 Inem dri Ju re ba ñõn E, kiõ Kwo jañin ridto ilo limñoul yiõ, im Kw'ar lo Ebream ke?

58 Jisõs e ba ñõn Ir, Emol, emol, Ij ba ñõn kom, Mokta jen Ebream Ij ber.

Eksa. 3. 14. Isa. 43. 13. Jap. 17. 5, 24. Kol. 1. 17. Rev. 1. 8.

59 Inem rej kapjere dreka bwe ren kar E : a Jisõs ej tilekek, im ilok jen tempel.

Jap. 10. 31, 39. & 11. 8. Luk 4. 30.

## JAPTER 9.

**I**M ke E ar kijone, Ej lo juõn ar mij ebilo jen ien lotak.

2 Im dri kaloran rej kajitõk iben. Im ba, Rabbai, wõn e ar jerawiw-i, armij in, ak jemen im jinen, bwe e ar lotak im bilo?

3 Jisõs e uak, armij in e ar jab jerawiw-i, ak jemen im jinen ; a bwe jermal ko an Anij ren walok kin e.

Jap. 11. 4.

4 Emõn In jerbale jermal ko an Eo e ar jilkintok Iõ ke e ran : boñ ej itok ñe ejelok armij ej maroñ in jermal.

Jap. 4. 34. & 5. 19, 26. & 11. 9. & 12. 35. & 17. 4.

5 Ke Ij ber i lõl, Ij maram in lõl.

Jap. 1. 5, 9.

6 Ke emwij An konono einwõt, E iyelok ion brij, im iõkl brij kin ladrateltel, im Ej kabit mejen armij eo ebilo kin brij eo,

Mark 7. 33. & 8. 23.

7 Im ba ñõn e, Kwon ilok im kwol mejõm ilo lwe Siloam, (uko-tõn nan in, ar jilkilok.) Inem ej ilok, im kwole, im itok im lolokjen.

Noh. 3. 15. 2 Kin 5. 14.

8 Inem ro dri turin, im ro r'ar lo e mokta bwe e ar dru'or, re ba, E in e jab eo e ar jijõt im uñar ke?

9 Jet re ba, E in eo ; bar jet re ba, Jab, a ej einwõt eo ; a e ba, Ña eo.

10 Inem re ba ñõn e, Ekijkan mejõm rebellok?

11 E uak im ba, Juõn armij etan Jisõs, E ar iõkl brij, im kabit meja. Im ba ñõn iõ, Kwon ilok ñõn Siloam, im kwole : inem I ar ilok im kwole, im lolokjen.



12 Im re ba ñõn e, Ej ber ia? E ba, I jaje.

13 Rej añinlok eo e kar bilo mokta ñõn Parisi ro.

14 Im ran eo, ke Jisõs e ar lõki brlj im kebellok mejen, rau Sabat.

15 Inem Parisi ro rej bar kajitõk iben, Ekijkan am lolokjen? E ba ñõn ir, E ar likit brlj na ion meja, im I ar kwole im lolokjen.

16 Inem jet ian Parisi ro re ba, Armij in e jab jen Anij, bwe E jab lale Sabat. Bar jet re ba, Ekijkan an armij dri jerawiwi kõmõnmõn kakõle ko einwõt in? Im re jibil jen dron.

Jap. 3. 2. & 7. 12, 43. & 10. 19.

17 Re bar ba ñõn leo ebilo, Ta eo am ba kin E, bwe E ar kebellok mejõm? Ej ba, E dri kanan.

Jap. 4. 19. & 6. 14.

18 A dri Ju ro re jab tõmak kin e, bwe e kar bilo im ar lolokjen, ñõn ien eo rej kirtok jemen im jinen leo e ar lolokjen.

19 Im rej kajitõk ibeirro im ba, Le in nejiml eo kom ba e ar lotak im bilo ke? Inem ekijkan an lolokjen kiõ?

20 Jemen im jinen r'uak im ba, Kimro jela bwe e nejim, im bwe e ar lotak im bilo;

21 A ekijkan an lolokjen kiõ kim jaje; ak wõn eo e ar kebellok mejen kim jaje: e ridto, komin kajitõk iben: e naj mõke konono kin e.

22 Jemen im jinen re ba nan kein, bwe rem'jõk dri Ju ro: bwe emwij an dri Ju ro bebe, Elañe jabrewõt armij ej kwalok bwe E dri Kraist, re naj jolok e jen imõn kwelok.

Jap. 7. 13. & 16. 2. Jerb. 5. 13.

23 Kin men in jemen im jinen re ba, E ridto; komin kajitõk iben.

24 Inem re bar kirtok armij eo e kar bilo, im ba ñõn e, Kwon nebar Anij: kim jela armij in E dri jerawiwi.

Jos. 7. 19. 1 Samuel 6. 5.

25 E uak im ba, I jaje E dri jerawiwi ke, jab ke; juõn men in I jela, bwe ke I kar bilo, kiõ lj lolokjen.

26 Inem re bar ba ñõn e, Ta eo E ar kõmõnmõn ñõn yuk? ekijkan An kebellok mejõm?

27 E uak ir, Emwij aõ kennanek kom eken, im kom ar jab roñjake; etke kom kõnan bar roñjake? kom bareinwõt kõnan bwe komin dri kaloran ke?

28 Im rej kajirere kake, im ba, Kwe dri kaloran; a kim dri kaloran Moses.

29 Kim jela bwe Anij e ar konono ñõn Moses; a kin Le in, kim jaje ijo E jen e.

Jap. 8. 14.

30 Armij eo ej uak im ba ñõn ir, Eokwe men in juõn men in bwilõñ, bwe kom jaje ijo E jen e, im E ar kebellok meja.

Jap. 3. 10.

31 Je jela bwe Anij e jab eoroñ ro dri jerawiwi: a elañe jabrewõt armij ej kabuñ ñõn Anij, im kõmõnmõn ankil An, Ej eoroñ e.

Sum 34. 15. Pro. 1. 28. & 15. 29. & 28. 9.

32 Jen jinoin lõl ejelok en e ar roñ bwe jabrewõt armij e ar kebellok mejen eo ej bilo ke e ar lotak.

33 Elañe armij in e jab jen Anij, e jab maroñ in kõmõnmõn jabrewõt.

34 R'uak im ba ñõn e, Kw'ar lotak ilo jerawiwi wõt, im kwoj katakin kim ke? Im rej jolok e.

35 Jisõs ej roñ bwe r'ar jolok e; im ke emwij An lo e, E ba ñõn e, Kwoj liki Nejin Anij ke?

Mat. 14. 33. Mark 1. 1. Jap. 10. 36. 1 Jon 5. 13.

36 E uak im ba, Iroi, wõn Eo bwe in liki E?

37 Im Jisõs e ba ñõn e, Kw'ar lo E, im E eo ej konono ñõn yuk.

Jap. 4. 26.

38 Im e ba, Iroi, ij liki Yuk. Im ej kabuñ ñõn E.

39 Im Jisõs e ba, I ar itok ñõn lõl in kin ekajet, bwe ro re jab lolokjen ren lolokjen; im ro rej lolokjen ren bilo.

Mat. 13. 13. Jap. 3. 17. & 5. 22, 27. & 12. 47.

40 Ro ian Parisi ro rej ber iben rej roñ nan kein, im ba ñõn E, Kim bareinwõt bilo ke?

Rom 2. 19.

41 Jisōs e ba ñōn ir, Elañe kom bilo, ejelok jerawiwi ibemi; a kiō komij ba, Kim lolokjen; ami jera-wiwi ej berwōt.

Jap. 15. 22. 24.

JAPTER 10.

**E**MOL, emol, Ij ba ñōn kom, Eo e jab dreloñ ilo kejem iloan worwor in šip, a ej uweliñlok ilo bar juōn ial, e in dri kwot im dri rakimi.

2 A eo ej dreloñ ilo kejem e šeperd in šip ko.

3 Dri lale aur ej kebellok ñōn e; im šip rej roñjake ainiken: im ej kir šip ko an kin etair, im tellok ir.

4 Im ke ej kadrioljlok šip ko an, ej ilok imair lok, im šip ko rej lore; bwe re jela ainiken.

5 Im re jamin lor eo ekāl ñōn ir, a re naj ko jen e; bwe re jaje ainiken ro dri ekāl.

6 Parebōl in Jisōs ej konono ñōn ir; a re jaje ta men ko Ej konono ñōn ir kaki.

7 Inem Jisōs e bar ba ñōn ir, Emol, emol, Ij ba ñōn kom, Ña aur in šip ko.

8 Ro otemjej r'ar itok mokta jen Iō, rej dri kwot, im dri rakimi; a šip r'ar jab eoroñ ir.

9 Ña aur: elañe jabrewōt armij ej dreloñ kin Ña, e naj mour, im e naj dreloñ im driolj, im lo kijan.

Jap. 14. 6. Ep. 2. 18.

10 Dri kwot ej itok, bwe en kwot, im mōn, im kokkure: Ña Ij itok bwe ren bōk mour, im bwe ren bōk elōñ.

11 Ña šeperd emōn: šeperd emōn ej lelok au mour kin šip ko.

Isa. 40. 11. Ezek. 34. 12. Hib. 13. 20. 1 Pit. 2. 25. & 5. 4.

12 A eo e dri jermal, im jab šeperd, im e jab an šip ko, ej lo kiru wulf itok, im ej likit šip, im ko, im kiru wulf ej jibwe ir, im kejbliklik ir.

Zek. 11. 16, 17.

13 Dri jermal ej ko, bwe e dri jermal, im e jab kaurōk šip ko.

14 Ña šeperd emōn, im I jela ro Aō, im ro Aō re jela Ña,

2 Tim. 2. 19.

15 Einwōt Jema e jela Ña, im Ña I jela Jema: im Ij likit Aō mour kin šip ko.

Mat. 11. 27. Jap. 15. 12.

16 Im bar jet Aō šip, re jab jen worwor in: emōn bareinwōt In añintok ir, im re naj roñ ainikiō; im re naj juōn wōt bwij, im juōn šeperd.

Isa. 56. 8. Ezek. 37. 22. Ep. 2. 14. 1 Pit. 2. 25.

17 Kin men In Jema ej yokwe Iō, bwe Ij likit Aō mour bwe in bar bōk e.

Isa. 53. 7, 8, 12. Hib. 2. 9.

18 Ejelok armij ej bōko jen Iō, a Ña Ij mōke likit e. Ij maroñ bwe In likit e, im Ij maroñ bwe In bar bōke. Kien in I ar bōk jen Jema.

Jap. 2. 19. & 6. 38. & 15. 10. Jeru. 2. 24, 32.

19 E bar walok jibil iben dri Ju ro kin nan kein.

Jap. 7. 43. & 9. 16.

20 Im eloñ iair re ba, Dimon iben. Im Ej uriekak; etke komij roñjake.

Jap. 7. 20. & 8. 48, 52.

21 Bar jet re ba, Nan kein jab nan ko an eo juōn dimon iben. Dimon ej maroñ in kalolokjen eo ebilo ke? Eks. 4. 11. Sam 94. 9. & 146. 8. Jap. 9. 6, 7, 22, 33.

22 Im kiō kwojkwow in lelok i Jerusalem, im ien ebilo.

23 Im Jisōs ej etetal iloan tempel ilo portiko an Solomōn.

Jerb. 3. 11. & 5. 12.

24 Inem dri Ju ro rej itok im kabol E, im ba ñōn E, Ietoñ Am drebij mol jen kim? Elañe Kwe dri Kraist, kwon kennanek kim alikar.

25 Jisōs e uak ir, I ar kennanek kom, im kom jab tōmak; jermal ko Ij kōmōnmōni ilo etan Jema, rej kennan kin Iō.

Jap. 3. 2. & 5. 38.

26 A kom jab tōmak bwe kom jab ian Aō šip, einwōt I ar ba ñōn kom.

Jap. 8. 47. 1 Jon 4. 6.

27 Aō šip rej roñjake ainikiō, im I jela ir, im rej lor Iō:

28 Im Ij lelok ñōn ir mour in driō; im re jamin joko in driō, im ejelok en e naj kwotak ir jen peiō.

Jap. 6. 37. & 17. 11, 12. & 18. 9.

29 Jema, eo E ar litok ñõn Iõ, Ej elap jen otemjej: im ejelok armij ej maroñ in kwotak ir jen pein Jema.  
Jap. 14. 28. & 17. 2. 6.

30 Ña im Jema kimro wõt juõn.  
Jap. 17. 11. 22.

31 Dri Ju ro rej bar kapjere dreka ko bwe ren kare.  
Jap. 8. 59.

32 Jisõs e uak ir, Elõñ jermal ko remõn I ar kwalok ñõn kom jen Jema: kin jermal õt ian jermal ko komij kare Iõ?

33 Dri Ju ro r'uak, im ba, Kim jab kare Yuk kin jermal emõn, a kin blaspim, im bwe Kwe juõn eman, Kwoj mõke kõmõn Yuk Anij.  
Jap. 5. 18.

34 Jisõs e uak ir, E jab jeje ilo kiemi, Ij ba Kom Anij ke?  
Sam 82. 6.

35 Elañe E ar likit etair anij, ro nan in Anij e ar itok ñõn ir, (im Jeje ko re ban joko:)  
Rom 13. 1.

36 Komij ba kin E, eo Jema e ar kokwojarjar, im jilkintok ñõn lõl, Kwoj blaspim, bwe I ar ba, Ña Nejin Anij ke?

Luk 1. 35. Jap. 3. 17. & 5. 17, 18, 36, 37. & 6. 27. & 8. 42. & 9. 35, 37.

37 Elañe I jab kõmõnmõn jermal ko an Jema, komin jab tõmak Iõ.  
Jap. 15. 24.

38 A elañe Ij kõmõnmõni, meñe kom jab tõmak Iõ, komin tõmak jermal ko; bwe komin jela, im melele bwe Jema ej ilo Ña, im Ña ilo E.

Jap. 5. 38. & 14. 10. 11.

39 Rej bar bukot bwe ren jibwe: a Ej ko jen peir.  
Jap. 7. 30, 44. & 8. 59.

40 Im Ej bar ilok i rear in Jordan ilo ene eo ijo Jon e ar baptais mokta; im Ej ber ijo.

Jap. 1. 28.

41 Im elõñ rej itok ñõn E, im ba, Jon e ar kõmõnmõn ejelok kakõle: a men otemjej, Jon e ar konono kin armij in, remol.

Jap. 3. 30.

42 Im elõñ rej tõmak E ijo.  
Jap. 8. 30. & 11. 45.

## JAPTER 11.

JUÕN armij e nañinmij, etan Lazerõs, dri Betani, jikin kwelok an Meri im Marta jein.

Luk 10. 38. 39.

2 Meri in eo e ar kabit Iroijs kin men in kabit, im kabit kõmõraik neen kin kolan bõran, jein im jätin man Lazerõs e nañinmij.

Mat. 26. 7. Mark 14. 3. Jap. 12. 3.

3 Inem jein im jätin kõra rej jiliklok ñõn E, im ba, Iroijs, lo, eo Kwoj yokwe e nañinmij.

4 Ke Jisõs ej roñjake, E ba, Nañinmij in e jab bwe en mij, a kin an Anij aibujuij, bwe Nejin Anij en aibujuij kake.

Jap. 9. 3.

5 Im Jisõs ej yokwe Marta, im jätin kõra, im Lazerõs.

6 Ke emwij An roñ bwe e nañinmij, ien eo Ej berwõt ruo ran ijo E ar ber le.

Jap. 10. 40.

7 Ellkin ien eo Ej ba ñõn ro dri kaloran, Jen bar ilok ñõn Judia.

8 Dri kaloran re ba ñõn E, Rabba, ekeinlok dri Ju ro r'ar bukot bwe ren kare Yuk; im Kwoj bar ilok ñõn ijo ke?

Jap. 10. 31.

9 Jisõs e uak, E jab joñoul im ruo auõ ilo ran ke? Elañe jabrewõt armij ej etetal ilo ran e jab tibñil, bwe ej lo maram in lõl in.

Jap. 9. 4.

10 A elañe armij ej etetal ilo boñ, e tibñil, bwe maram e jab ilo e.

Jap. 12. 35.

11 Ej ba men kein; im tokelik Ej ba ñõn ir, Jerar Lazerõs ej kiki; a Ij ilok bwe In kworuj e jen kiki.

Dan. 12. 2. Mat. 9. 24.

12 Inem dri kaloran re ba, Iroijs, elañe ej kiki e naj mour.

13 A Jisõs ej konono kin an mij: a rej lemnok bwe E ar konono kin kakije ilo kiki.

14 Inem Jisõs e ba ñõn ir alikar, Lazerõs e mij.

15 Im Ij mõnõnõ kin kom bwe I ar jab ber ijo, bwe komin tõmak; a jen etal ñõn iben.

16 Inem Tomas, ät eo juðn Didi-mõs, ej ba ñõn dri kalor ro jet, Bareinwõt kijõñ jen ilok, bwe jen mij iben.

17 Ke Jisõs ej itok, E jela bwe emwij an ber ilo lüp lomin emen ran.

18 Im Betani ebak Jerusalem, enañin ruo mail jen e.

19 Im elõñ ian dri Ju ro, re kar itok ñõn iben Marta im Meri, bwe ren kainemõn ir kin jeir im jätir man.

20 Inem ke Marta ej roñ bwe Jisõs ej itok, ej ilok im ion E: a Meri ej jijõt wõt iloan im.

21 Inem Marta ej ba ñõn Jisõs, Iroj, elañe Kwo kw'ar ber ijin, jeid im jätidõ man e jamin kar mij.

22 Im I jela bwe kiõ, jabrewõt men eo Kwo naj kajitõk iben Anij e naj lewoj ñõn Yuk.

Jan. 9. 31.

23 Jisõs ej ba ñõn e, Jeõm im jätõm man e naj bar jerkak.

24 Marta e ba ñõn E, I jela e naj bar jerkak ilo jerkakbiji eo ilo ran eliktata.

Luk 14. 14. Jan. 5. 29.

25 Jisõs e ba ñõn e, Ña jerkakbiji eo im mour eo: eo ej liki Iõ, meñe e mij, e naj bar mour.

Jap. 1. 4. & 5. 21. & 6. 35. 39. 40. 44. & 14. 6.

Kol. 3. 4. 1 Jon 1. 1. 2. & 5. 11. Jap. 3. 38.

1 Jon 5. 10.

26 Im jabrewõt eo ej mour im liki Iõ, e jamin mlj in drio. Kwoj tõmak men in ke?

27 Ej ba ñõn E, Aet, Iroj, I ar tõmak bwe Kwe dri Kraist, Nejin Anij, Eo ej itok ñõn Iõl.

Mat. 16. 16. Jap. 4. 42. & 6. 14, 69.

28 Im ke emwij an konono einwõt, ej ilok, im unojrikrik ñõn Meri jätin kõra, im ba, Dri Kaki ej ijin, im Ej kir yuk.

29 Ke emwij an roñjake, emõkõj an jutõk, im ilok ñõn iben.

30 Kiõ Jisõs e jañin itok iloan jilkin kwelok, a Ej ber ljo Marta e ar ion E ie.

31 Inem dri Ju rej ber iben iloan im, im kainemõn e, ke rej lo Meri,

bwe emõkõj an jutõk im ilok, rej lor e, im lemnok, Ej ilok ñõn lüp bwe en jõñ ijo.

32 Inem ke Meri ej itok ijo Jisõs ej ber ie, im lo E, ej buñ iturin neen, im ba ñõn E, Iroj, elañe Kwo kw'ar ber ijin, jeid im jätidõ man e jamin kar mij.

33 Inem ke Jisõs ej lo an jõñ, im bareinwõt dri Ju rej itok iben tok rej jõñ, Ej limõ ilo an, im buromõj.

34 Im ba, Ewi ijo kom ar likit e: Re ba ñõn e, Iroj, kwon itok im loe.

35 Jisõs e jõñ.

Luk 19. 41.

36 Inem dri Ju rej ba, Lo enañin lap An yokwe e.

37 Im jet lair re ba, Armij in eo e ar kalolokjen eo ebilo, E ar jab maroñ in kõmõnmõn bwe armij in e jamin kar mij ke?

Jap. 9. 6.

38 Inem Jisõs ej bar limõ ilo E im itok ñõn lüp eo. E juðn roñ, im juðn ejman ej ber ion.

39 Jisõs e ba, Komin jolok ejman eo. Marta, jein im jätin eo e ar mij, ej ba ñõn E, Iroj, ilo ien in e buõl: bwe emen ran e ar mij.

40 Jisõs ej ba ñõn e, I ar jab ba ñõn yuk ke, Elañe kwoj tõmak, kwo naj lo aibujuij an Anij?

41 Inem rej kamõkit ejman eo. Im Jisõs ej jer, im ba, Jema, kom mol bwe Kw'ar eoroñ Iõ.

42 Im I jela bwe Kwoj roñjake Iõ ien otemjej; a kin armij ro rej jutõk ijin I ar ba, bwe ren tõmak bwe Kw'ar jilkintok Iõ.

Jap. 12. 30.

43 Im ke emwij An konono ein drein, Ej lamij kin ainiken elap. Lazerõs, kwon itok.

44 Im eo e ar mij ej itok, kltimi pein im neen kin nuknuk in mlj: im turin mejen lukwoje kin bwintin mlj. Jisõs e ba ñõn ir, Komidõ kõtlok e bwe en ilok.

Jap. 20. 7.

45 Inem elõñ ian dri Ju rej itok

n̄ōn iben Meri, im lo men ko Jisōs e ar kōmōni, rej tōmak E.

ĵap. 2. 23. & 10. 42. & 12. 11, 18.

46 A jet lair rej ilok n̄ōn Parisi ro, im kennanek ir men ko Jisōs e ar kōmōni.

47 Inem pris ro relap im Parisi ro rej kokweloklok ro dri bebe, im ba, Ta eo jej kōmōne? bwe armij in Ej kōmōnmōn elōñ kakōle.

Sam 2. 2. Mat. 26. 3. Mark 14. 1. Luk 22. 2. ĵap. 12. 19. Jerb. 4. 16.

48 Elañe jej likit E einwōt, armij otemjej re naj tōmak E; im dri Rom re naj itok im kokkure jiker im bwijer.

49 Im juōn lair etan Keiapas, e pris eo elap ilo yiō in, ej ba n̄ōn ir, Kom jab jela n̄ōn ĵirik;

Luk 3. 2. ĵap. 18. 14. Jerb. 4. 6.

50 Im kom jab lemnok bwe emōn n̄ōn kij bwe juōn armij en mij kin armij rōn, im bwij otemjej ren jab joko.

ĵap. 18. 14.

51 Im e mōke jab konono men in; a e pris eo elap ilo yiō in, ej drikanij bwe Jisōs e naj mij kin bwij eo;

52 Im e jab kin bwij eo wōt, a bwe bareinwōt En kobaik n̄ōn dron ro nejn Anij rej jibliklok.

Isa. 49. 6. 1 Jon 2. 2. ĵap. 10. 16. Ep. 2. 14-17.

53 Inem jen ran eo im elikin rej bebe iben dron bwe ren mōn E.

54 Inem Jisōs e jab bar etetal alikar iben dri Ju ro; a Ej ilok jen ijo n̄ōn juōn ene ebak ene jemaren, ilo juōn ĵikin kwelok etan Ipreim, im Ej ber ijo iben ro dri kaloran.

ĵap. 4. 1, 8. & 7. 1.

55 Im ebak kwojkwoj in kijone an dri Ju ro; im elōñ rej ilok jen eneo n̄ōn Jerusalem mokta jen kwojkwoj in kijone, bwe ren karreo ir.

ĵap. 2. 13. & 5. 1. & 6. 4.

56 Inem rej bukot Jisōs, im konono n̄ōn dron, ke rej jutōk iloan tempel, Ta eo komij lemnok? E jamin itok n̄ōn kwojkwoj ke?

ĵap. 7. 11.

57 Pris ro im Parisi ro r'ar likit juōn kien, bwe, elafie jabrewōt ar-

mij e jela ijo Ej ber ie, en kwalok e bwe ren jibwe E.

## JAPTER 12.

**I**NEM ĵiljino ran mokta jen kwoj-kwoj in kijone, Jisōs ej itok n̄ōn Betani, ijo Lazerōs ej ber ie, eo Jisōs e ar kejerkak e jen ro remij.

ĵap. 11. 1, 43.

2 Ijo r'ar kōmōn kejota n̄ōn E; im Marta e dri jermal n̄ōn ir: a Lazerōs e juōn lan ro rej jiberak iben im mōña.

Mat. 26. 6. Mark 14. 3.

3 Inem Meri ej bōk juōn paun nard erreō, men in kabit, elap wōnan, im ej kabit neen Jisōs, im kōmōraik neen kin kolan bōran; im mweo eobrōk kin n̄ōj jen men in kabit eo.

Luk 10. 38, 39. ĵap. 11. 2.

4 A juōn lan ro dri kaloran, Judas Iskariōt, eo e naj ketōk E, e ba,

5 Etke ar jab wiakake men in kabit in kin ĵilubuki šilliñ, im lelok n̄ōn ro dri jeramel?

6 Ej ba men in, jab bwe ej bōk n̄ōn ro dri jeramel; a bwe e dri kwot, im bōjo iben, im ej bōk men ko iloan.

ĵap. 13. 29.

7 Inem Jisōs e ba, En berwōt: e ar kejbārok men in mae ran eo, ran in kalibwin Iō.

8 Bwe dri jeramel rej ber ibemien otemjej; a Ña I jab ber ibemien otemjej.

Mat. 26. 11. Mark 14. 7.

9 Inem elōñ lan dri Ju ro kajur rej jela bwe Ej ber ijo; im rej itok jab kin Jisōs wōt, a bwe ren bareinwōt lo Lazerōs, eo E ar kejerkak-biji jen ro remij.

ĵap. 11. 43, 44.

10 A pris ro relap rej bebe bwe ren bareinwōt mōn Lazerōs:

Luk 16. 31.

11 Bwe kin e elōñ lan dri Ju ro rej ilok im liki E.

ĵap. 11. 45.

12 Ilo ran eo elik elōñ armij ro r'ar itok n̄ōn kwojkwoj, ke rej roñ bwe Jisōs ej itok n̄ōn Jerusalem,

Mat. 21. 4-9. Mark 11. 7-10. Luk 18. 35-38.

13 Rej bók ra ko ran wijki pam, im ilen ion E, im lamij, Hosana; Emōnōnō Eo ej itok ilo etan Iroj, eo Kifī in Israel.

Sam 118. 25, 26.

14 Im Jisōs, ke emwij Au lo kon ass, Ej jijōt ion; einwōt r'ar je,

15 Kwon jab mijōk, kwe jiroñ nejin Zaiōn: lo am Kifī ej itok, im jijōt lon kon ass.

Zek. 9. 9.

16 Men kein dri kaloran re jaje mokta; a ke emwij an Jisōs aibu-juj, rej kememej bwe ar jeje men kein kin E, im bwe r'ar kōmōn men kein fiōn E.

Luk 18. 34. Jap. 7. 39. & 14. 26.

17 Inem armij ro r'ar ber iben ke E ar kirtok Lazerōs jen lūp eo, im kejerkakbiji e jen ro remij, rej ken- nan kake.

18 Bareinwōt kin men in armij rej ilem ion E, bwe rej roñ E ar kōmōn kakōle in.

19 Inem Parisi ro re ba fiōn dron, Komin lale ekijkan ami bane: lo dri lōl otemjej rej ilok ilokōnlok.

Jap. 11. 47, 48.

20 Im jet dri Grik ian ro rej itok bwe ren kabuñ ilo kwojkwoj eo.

1 Kin 8. 41, 42. Jerb. 8. 27. & 17. 4.

21 Inem rein rej itok fiōn Pilip, eo jen Betseida i Galili, im kajitōk iben, im ba, Iroj, kim kōnan lo Jisōs.

Jap. 1. 44.

22 Pilip ej itok im ba fiōn Andru: im Andru ej itok, im Pilip, im rej kennanek Jisōs.

23 Im Jisōs ej uak ir im ba, Auō e mottok, bwe Nejin armij en aibu-juj.

Jap. 13. 32. & 17. 1.

24 Emol, emol, Ij ba fiōn kom, Elañe inen wit e jab buñ ilo brij, im mij, ej mōke ber: a elañe e mij ej jebar elōñ leen.

1 Kor. 15. 36.

25 Eo ej yokwe an mour, mour e naj joko jen e; im eo ej kejekron an mour ilo lōl in, e naj kejbārok e fiōn mour in drio.

Mat. 10. 39. Luk 9. 24.

136

26 Elañe jabrewōt armij ej jerbāl fiōn Iō, en lor Iō, im ijo Ij ber ie, ijo bareinwōt dri korijera e naj ber ie; im elañe jabrewōt armij ej jerbāl fiōn Iō, Jema e naj koutiej e.

Jap. 14. 3. & 17. 24. 1 Tes. 4. 17.

27 Kiō ebluk buruō; im ta eo I naj ba? Jema, kwon lomor Iō jen auō in. A kin men in I ar itok fiōn auō in.

Mat. 26. 38, 39. Luk 12. 50. & 22. 53. Jap. 12. 21. & 18. 37.

28 Jema, kwon kaibujuij etōm. Inem juōn ainiken ej itok jen lōñ. im ba, I ar kaibujuij e, im I naj bar kaibujuij e.

Mat. 2. 17.

29 Inem armij ro re jutōk, im roñ- jake, re ba, E jorur: bar jet re ba, Juōn enjel ej konono iben.

30 Jisōs e uak im ba, Ainiken in e ar itok jab kin Ña, a kin kom.

Jap. 11. 42.

31 Kiō ekajete lōl in: kiō naj ka- drioijlok Iroj in lōl in.

Luk 10. 18. Jap. 14. 30. & 16. 11. 2 Kor. 4. 4. Ep. 2. 2. & 6. 12.

32 Im Ña, elañe rej leliñlok Iō jen lōl, I naj ibertok armij otemjej fiōn Iō.

Jap. 3. 14. & 8. 28. Hib. 2. 9.

33 Ej konono men in, bwe En bakajen wāwen mij eo E naj mij kake.

Jap. 18. 32.

34 Jar eo r'uak E, Kim ar roñ jen kien bwe dri Kraist ej ber in drio: im ekijkan Am ba, Naj leliñlok Nejin armij?

Sam 80. 36, 37. & 110. 4. Isa. 9. 7. Esek. 37. 2.

35 Inem Jisōs e ba fiōn ir, Maram ej ber ibemi jirik wōt ien. Komin etetal ien maram ej ber ibemi, ñe ab marok en itok lomi: bwe eo ej etetal ilo marok e jaje ijo ej ilok ie lok.

Jap. 1. 9. & 8. 12. & 9. 5. & 11. 10. Jer. 13. 16. Ep. 5. 8. 1 Jon 2. 11.

36 Ien maram ej ber ibemi, komin liki maram, bwe komin nejin ma- ram. Jisōs ej konono men kein, im ilok, im tilekek jen ir.

Luk. 16. 8. Jap. 8. 59. & 11. 54. Ep. 5. 8.

37 A bwe E ar kōmōn elōñ kakōle iman mejeir, re jab tōmak E:

38 Bwe en jejit nan Aisala dri kanaan e ar konono, Iroj, wōn ej tōmak am in nan? Im ñōn wōn ar kwalok pein Iroj?

Isa. 53. 1. Rom 10. 16.

39 Kin men eo re ban tōmak, bwe Aisala e bar ba,

40 Ej kabillo mejeir, im kabln burueir; bwe ren jab lo kin mejeir, im jela kin burueir, im ukwelok ibeir, im In jab kemour ir.

Isa. 6. 9, 10. Mat. 13. 14.

41 Men kein Aisala e ar ba, bwe e ar lo An albujuj, im konono kin E.

Isa. 6. 1.

42 A elōñ fan iroj rōn r'ar tōmak E; a kin Parisi ro re jab kwalok E ñe r'ab jolok ir jen imōn kwelok.

jav. 7. 13. & 9. 22.

43 Bwe rej yokwe nebar an armij elap jen nebar an Anij.

jav. 5. 44.

44 Im Jisōs ej lamij im ba, Eo ej liki Iō e jab liki Iō a Eo e ar jilkin-tok Iō.

Mark 9. 37. 1 Pit. 1. 21.

45 Im eo ej lo Iō ej lo Eo e ar jil-kintok Iō.

jav. 14. 9.

46 Ña maram I mottok ñōn lōl, bwe jabrewōt eo ej liki Iō en jamin ber ilo marok.

jav. 3. 19. & 8. 12. & 9. 5, 39.

47 Im elañe jabrewōt armij ej roñ nan ko Aō, im jab kejbāroki, I jab ekajet e: bwe I ar jab itok bwe In ekajet lōl, a bwe In lomoren lōl.

jav 5. 45. & 8. 15, 26. & 3. 17.

48 Eo ej jolok Iō, im jab bōk nan ko Aō, juōn iben e naj ekajete: nan eo I ar konono, men in e naj ekajete ilo ran eo elikata.

Luk 10. 16. Dut. 18. 19. Mark 16. 16.

49 Bwe I ar jab mōke konono jen Iō; a Jema eo e ar jilkintok Iō, E ar letok ñōn Iō kien, men eo In ba im men eo In konono kake.

jav. 8. 38. & 14. 10. Dut. 18. 18.

50 Im I jela bwe kien eo An, ej mour in driō: inem men ko Ij ko-

[Marshall Islands.] 5T\*

nono kaki, im einwōt Jema e ar ba ñōn Iō, ein drein Aō konono.

### JAPTER 13.

**K**IŌ mokta jen kwojkwoj in kijone; kin an Jisōs jela bwe auō eo An e mottok bwe En ilok jen lōl in ñōn Jemen; E ar yokwe ro dron rej ber i lol im Ej yokwe ir ñōn jemlokōn.

Mat. 26. 2. jav. 12. 23. & 17. 1, 11.

2 Im ilo kejota, emwij an devil likit ilo buruen Judas Iskariōt, nejin Saimōn, bwe en ketōk E;

Luk 22. 3.

3 Jisōs e jela bwe Jemen e ar likit men otemej ilo pein, im bwe E ar itok jen Anij, im ilok ñōn Anij;

Mat. 28. 18. jav. 3. 35. Jerb. 2. 36. Hib. 2. 8. jav. 8. 42. & 16. 28.

4 E jutōk jen kejota, im wutlk nuknuk ko An; im Ej bōk nuknuk in kōmōra, im kañōrñōr kake.

Luk 22. 27. Pll. 2. 7.

5 Inem Ej lutōk dren ilo jābi, im jino An kwoli neen ro dri kaloran, im kōmōraik kin nuknuk in kōmōra eo E ar kañōrñōr kake.

6 Im Ej itok ñōn Saimōn Piter; im ej ba ñōn E, Iroj, kwoj kwoli neiō ke?

7 Jisōs e uak im ba ñōn e, Men eo Ij kōmōne kwo jaje kiō; a kwo naj melele tokelik.

8 Piter e ba ñōn E, Kwo jamin kwoll neiō in driō. Jisōs e uak e, Elañe I jab kwole yuk, ejelok am ajenkij iba.

jav. 3. 5. 1 Kor. 6. 11.

9 Saimōn Piter e ba ñōn E, Iroj, jab neiō wōt, a bareinwōt peiō im bōra.

10 Jisōs e ba ñōn e, Eo e ar tutu emōn en kwoll neen wōt, a ej erreō otem erreō: im komij erreō, a jab kom otemej.

jav. 15. 8.

11 Bwe E jela eo e naj ketōk E; kin men in E ba, e jab kom otemej erreō.

jav. 6. 64.

12 Inem ke emwij An kwoli neir, im bōk nuknuk ko An, im bar ji-

berak ; E ba ñõn ir, Kom jela ke men eo I ar kõmõnmõn ñõn kom ?

13 Kom likit eta Dri Kaki im Iroi: im emõn ami ba ; bwe Ña ein drein.

Mat. 23. 8, 10. Luk 6. 46. 1 Kor. 8. 6. & 12. 3. Pil. 2. 11.

14 Inem elañe Ña, ami Iroi im Dri Kaki, I ar kwoli neõmi ; emõn komin kwoli neen dron.

Luk 22. 27.

15 Bwe I ar lewoj ñõn kom juõn jofõk, bwe komin bareinwõt kõmõn einwõt I ar kõmõn ñõn kom.

Mat. 11. 29. Pil. 2. 5.

16 Emol, emol, Ij ba ñõn kom, Dri korijer e jab utiej jen iroi eo an ; bareinwõt dri jilik e jab utiej jen eo ej jilkinlok e.

Mat. 10. 24. Luk 6. 40. Jap. 15. 20.

17 Elañe kom jela men kein, kom mõnõõn elañe komij kõmõnmõni.

Jem. 1. 25.

18 I jab konono kin kom otemjej : I jela ro I ar kålet ir : a bwe en kamol jeje in, Eo ej mõña Aõ bred, ej dibilok Iõ kin jimwin neen.

Sam 41. 9. Mat. 26. 23.

19 Jen ien in Ij ba ñõn kom mokta jen an Itok, bwe ñe e mottok, komin tõmak bwe Ña E.

Jap. 14. 29. & 16. 4.

20 Emol, emol, Ij ba ñõn kom, Eo ej bõk jabrewõt eo Ij jilkinlok e ej bõk Ña ; im eo ej bõk Ña, ej bõk Eo e ar jilkinlok Iõ.

Mat. 10. 40. & 25. 40. Luk 10. 16.

21 Ke emwij an Jisõs ba ein drein, Ej bluktõk ilo An, im kennan, im ba, Emol, emol, Ij ba ñõn kom, bwe juõn lami e naj ketõk Iõ.

Mat. 23. 21. Mark 14. 18. Luk 22. 21. Jap. 12. 27. Jerb. 1. 17. 1 Jon 2. 19.

22 Inem dri kaloran rej kalimjek dron, im jaje wõn eo Ej konono kake.

23 Im juõn ian ro dri kaloran, eo Jisõs ej yokwe e, ej atartar ion ubõn Jisõs.

Jap. 19. 23. & 20. 2. & 21. 7, 20, 24.

24 Inem Salmõn Piter, ej romeje im ba, Kwon kennaneuk kim wõn eo Ej konono kake.

25 Inem ej atartar ion ubõn Jisõs, im ej ba ñõn E, Iroi wõn eo ?

26 Jisõs e uak, Eo Ij lelok mõtõn kijen ñõn e, ñe emwij Aõ katutu e. Im ke emwij An katutu mõtõn kijen. Ej bõk im lelok ñõn Judas, nejin Salmõn Iskariõt.

27 Im elikin mõtõn kijen eo Setan ej dreloñ ilo e. Inem Jisõs e ba ñõn e, Men eo kwoj kõmõn kwon kõmõne mõkõj.

Luk 22. 3. Jap. 6. 70.

28 Ejelok ian ro rej jiberak iben e jela en ta E ar konono men in ñõn e.

29 Bwe jet iair rej lemnok, kin an bõjo ber iben Judas, bwe Jisõs e ar ba ñõn e, Kwon wiaik men ko jej aikwij ilo kwojkwoj : ak bwe en lelok jabrewõt ñõn ro dri jeramel.

Jap. 12. 6.

30 Inem ke emwij an bõk mõtõn kijen, emõkõj an drioielok ; im e boñ.

31 Ke emwij an ilok, Jisõs e ba, Klõ Nejin armij e aibujuij, im Anij ej aibujuij kin E :

Jap. 12. 23. & 14. 13. 1 Pit. 4. 11.

32 Im Anij e naj kaibujuij E ilo E mõke, im e naj mõkõj An kaibujuij E.

Jap. 17. 1-6.

33 Ajiri redrik, kiõ bar jirik wõt ien Ij ber ibemi. Kom naj kabukot Iõ : im einwõt I ar ba ñõn dri Ju ro, Ijo Ij ilok ie lok kom jab maroñ in itok, ein drein Ij ba ñõn kom.

Jap. 7. 34. & 8. 21.

34 Kien ekål Ij lewoj ñõn kom, Komin yokwe dron ; einwõt I ar yokwe kom, komin bareinwõt yokwe dron.

Leval 19. 18. Jap. 15. 12, 17. Ep. 5. 2. 1 Tes. 4. 9. Jem. 2. 8. 1 Pit. 1. 22. 1 Jon 2. 7, 8. & 3. 11, 23. & 4. 21.

35 Ilo men in armij otemjej re naj jela bwe komij dri kalora, elañe komij yokwe dron.

1 Jon 2. 5. & 4. 20.

36 Salmõn Piter e ba ñõn E, Iroi, kwoj ilok ñõn ia ? Jisõs e uak e, Ijo Ij ilok ie lok, kwo jab maroñ



in lor Iō kiō; a tokelik kwo naj lor Iō.

jav. 21. 18. 2 Pit. 1. 14.

37 Piter e ba ñōn E, Iroi, etke I jab maroñ in lor Yuk kio? I naj likit aō mour kin Yuk.

Mat. 28. 33-35. Mark 14. 29-31. Luk 22. 33. 34.

38 Jisōs e uak e, Kwo naj likit am mour kin Iō ke? Emol, emol, Ij ba ñōn yuk, kako e jamin kir mokta jen am karmijet Iō alen jilu.

### JAPTER 14.

**E**N jab biuk buruemi, komin liki Anij, komin bareinwōt liki Iō.

jav. 16. 22, 23.

2 Ilo imōn Jema elōñ jikin: elañe jab ein drein, I naj kar kennauk kom mokta; bwe Ij ilen kapojōk jikōmi.

jav. 18. 33, 36.

3 Im elañe Ij ilem kapojōk jikōmi, I naj bar itok im bōk kom ñōn Iō: bwe Ijo Ij ber ie, bareinwōt komin ber ie.

Jerb. 1. 11. jav. 12. 26. & 17. 24. 1 Tes. 4. 17.

4 Im Ijo Ij ilok ie lok kom jela ial.

5 Tomas ej ba ñōn E, Iroi, kim jaje Ijo kwoj ilok ie lok, im ekijkan am jela ial?

6 Jisōs e ba ñōn e, Ña ial, im mol, im mour: ejelok armij ej itok ñōn Jema, elañe jab kin Iō.

Hib. 9. 8. jav. 1. 4, 17. & 8. 32. & 10. 3. & 11. 25.

7 Elañe kom ar jela Ña, bareinwōt kom naj kar jela Jema: im jen ien in kom jela E, im ar lo E.

jav. 8. 19.

8 Pilip e ba ñōn E, Iroi, kwon kwalok Jemōm ñōn kim, inem emwij.

9 Jisōs e ba ñōn e, E nañin eto Aō ber ibemi, im kwo jaje Ña ke, Pilip? Eo e ar lo Ña, e ar lo Jema; im ekijkan am ba, Kwon kwalok ñōn kim Jemōm?

jav. 12. 45. Kol. 1. 15. Hib. 1. 3.

10 Kwo jab tōmak ke bwe Ña ilo Jema, im Jema ilo Ña? Nan ko Ij konono ñōn kom, I jab konono jen Ña; a Jema ej ber ilo Ña, Ej kōmōnmōn jermal ko An.

jav. 10. 38. & 17. 21, 23. jav. 5. 19. & 7. 16. & 8. 28. & 12. 40.

11 Komin tōmak Iō, bwe Ña ilo Jema im Jema ilo Ña: ak elañe jab einwōt, komin tōmak Iō kin jermal ko wōt.

jav. 5. 36. & 10. 38.

12 Emol, emol, Ij ba ñōn kom, Eo ej liki Ña, jermal ko Ij kōmōnmōni, e naj kōmōni bareinwōt; im jermal ko relap jen keiu e naj kōmōni; bwe Ij ilok ñōn Jema.

Mat. 21. 21. Mark 16. 17. Luk 10. 17.

13 Im jabrewōt men eo kom naj kajitōk ilo eta, men in I naj kōmōnmōne, bwe Jema en albujuj ilo Nejin.

Mat. 7. 7. jav. 15. 7. 16. & 16. 23, 24. Jem. 1. 5.

14 Elañe kom naj kajitōk jabrewōt ilo eta, men in I naj kōmōne.

15 Elañe komij yokwe Iō, kom naj kejbārok kien ko Aō.

jav. 15. 10, 14. 1 Jon 5. 3.

16 Im I naj jar im kajitōk iben Jema, im E naj lewoj ñōn kom bar juōn Dri Kainemōn, bwe En ber ibemi in drio;

jav. 15. 26. & 16. 7. Rom 8. 15, 26.

17 Jitōb òn mol, Eo lōl e ban bōk E, bwe e jab lo E, im e jab jela E: a kom jela E, bwe Ej jokwe ibemi, im E naj ber ilo kom.

jav. 15. 26. & 16. 13. 1 Jon 4. 6. 1 Kor. 2. 14. 1 Jon 2. 27.

18 I jamin likit kom atājinemjen, I naj iwij ñōn kom.

Mat. 28. 20.

19 A jirik ien, im lōl e jamin bar lo Iō; a komij lo Iō: bwe Ij mour, kom naj mour bareinwōt.

jav. 16. 16. 1 Kor. 15. 20.

20 Ilo ran eo kom naj jela bwe Ña ilo Jema im kom ilo Ña, im Ña ilo kom.

jav. 10. 33. & 17. 21, 23, 26.

21 Eo kien ko Aō iben, im ej kejbāroki, e in eo ej yokwe Iō: im eo ej yokwe Iō Jema e naj yokwe e, im I naj yokwe e, im I naj kwalok Iō ñōn e.

1 Jon 2. 5. & 5. 3.

22 Judas (jab Iskariōt) e ba ñōn E, Iroi, ekijkan Am naj kwalok Yuk ñōn kim, im jab ñōn lōl?

Luk 6. 16.

23 Jisōs e uak im ba ñōn e, Elañe

armij ej yokwe Iõ, e naj kejbärok Aõ in nan; im Jema e naj yokwe e, im kim naj itok fiõn e, im jokwe iben.

1 Jon 2. 24. Rev. 3. 20.

24 Eo e jab yokwe Iõ e jab kejbärok nan ko Aõ: im nan eo komij roñjake e jab Aõ, a an Jema eo E ar jilkintok Iõ.

jap. 7. 16. & 8. 23. & 12. 49.

25 Men kein I ar konono fiõn kom, ke Ij ber ibemi.

28 A Dri Kainemõn, E Jitõb Kwojarjar, Eo Jema e naj jilkintok ilo eta, E naj katakin kom men otemjej, im kakememey men otemjej fiõn kom, men ko I ar ba fiõn kom.

Luk 24. 49. 1 jap. 15. 23. & 16. 7. jap. 2. 22. & 12. 16. & 16. 13. 1 Jon 2. 20, 27.

27 Ainemõn Ij likit na ibemi, Aõ ainemõn Ij lewoj fiõn kom: Ña Ij lewoj fiõn kom, jab einwõt an lõl lewoj. En jab bluk buruemi, im en jab lelfiõn.

Pil. 4. 7.

28 Kom ar roñ ekijkan Aõ ba fiõn kom, Ij ilok, im bar iwij fiõn kom. Elañe kom ar yokwe Iõ, kom naj kar lõñliñ, bwe Ij ilok fiõn Jema: bwe Jema elap jen Ña.

jap. 16. 16. & 20. 17. & 10. 30. Pil. 2. 6.

29 Im kiõ I ar ba fiõn kom mokta jen an itok, bwe, ñe e mottok, komin tõmak.

jap. 13. 19. & 16. 4.

30 Tokelik I jamin bar konono elõñ ibemi: bwe iroj in lõl in ej itok, im ejelok men eo an ilo Ña.

jap. 12. 31. & 16. 11.

31 A bwe lõl en jela bwe Ña Ij yokwe Jema; im einwõt Jema e ar letok kien fiõn Iõ, ein drein Ij kõmõn. Komin jutõk, jen ilok jen ijin.

jap. 10. 18. Pil. 2. 8. Hib. 5. 8.

#### JAPTER 15.

**N**A Ij vain emol, im Jema e Dri kallip.

2 Jabrewõt ra ilo Ña e jab jebar leen, Ej bõklok: im ra jabrewõt ej

140

jebar leen, Ej karreoik e, bwe en orlok an jebar leen.

Mat. 15. 13.

3 Kiõ kom erreõ kin nan eo I ar konono fiõn kom.

jap. 12. 10. & 17. 17. Ep. 5. 23.

4 Komin ber ilo Ña, im Ña ilo kom. Einwõt ra e ban mõke jebar leen, elañe e jab ber ilo vain; ein drein bareinwõt kom bane, elañe kom jab ber ilo Ña.

Kol. 1. 23. 1 Jon 2. 6.

5 Ña vain, kom ra ko. Eo ej ber ilo Ña, im Ña ilo e, e in ej jebar elõñ leen; bwe ñe kom jibil jen Ña kom ban kõmõn jabrewõt.

Hos. 14. 8. Pil. 1. 11.

6 Elañe armij e jab ber ilo Ña, jolok e einwõt ra, im ej aimerlok; im rej åt ir, im julok ilo kijeek, im tilli ir.

Mat. 3. 10. & 7. 19.

7 Elañe komij ber ilo Ña, im nan ko Aõ rej ber ilo kom, komin kajitõk jabrewõt eo kom kõnan, im naj kõmõne fiõn kom.

jap. 14. 13, 14. & 16. 23.

8 Ilo men in Jema ej albujuj, bwe komij jebar elõñ leen; im ein drein kom naj dri kalora.

Mat. 5. 16. Pil. 1. 11. jap. 8. 31. & 12. 23.

9 Eiuwõt Jema e ar yokwe Iõ, bareinwõt I ar yokwe kom; komin berwõt ilo Aõ yokwe.

10 Elañe komij kejbärok kien ko Aõ, kom naj ber ilo Aõ yokwe; im einwõt I ar kejbärok kien ko an Jema, im Ij ber ilo An yokwe.

jap. 14. 15, 21, 23.

11 Men kein Ij konono fiõn kom bwe Aõ lõñliñ en ber ilo kom, im bwe ami lõñliñ en obrõk.

jap. 16. 24. & 17. 13. 1 Jon 1. 4.

12 Eñin kien eo Aõ, Bwe komin yokwe dron, einwõt I ar yokwe kom.

jap. 13. 34. 1 Pit. 4. 8.

13 Ejelok yokwe iben armij elap jen yokwe in, bwe armij en lelok an mour kin ro jeran.

jap. 10. 11. 15. Rom 5. 7, 8. Ep. 5. 2. 1 Jon 3. 16.

14 Kom ro jera, elafie komij kōmōn men ko Ij jirofi kom.

Mat. 12. 50. jap. 14. 15, 23.

15 I jamin bar naetōmi dri korijer; bwe dri korijer e jaje men eo iroj eo an ej kōmōn: a I ar naetōmi ro jera; bwe men otemjej I ar rofi jen Jema I ar kwalok nōn kom.

Jen. 18. 17. jap. 17. 26. Jerb. 20. 27.

16 Kom ar jab kālet Iō, a Ņa I ar kālet kom, im likit kom bwe komin ilok im jebar leen, im bwe leen eo ami en berwōt; bwe jabrewōt men eo kom naj kajitōk iben Jema, En lewoj nōn kom.

jap. 6. 70. 1 Jon 4. 10, 19. 1 Mat. 23. 19.

17 Men kein Ij jirofi kom, bwe komin yokwe dron.

18 Elafie lōl ej kijirāte kom, komij jela bwe e ar kijirāte Iō mokta jen kom.

1 Jon 3. 1, 13.

19 Elafie kom an lōl, lōl e naj kar yokwe men eo an: a bwe kom jab an lōl, a I ar kālet kom jen lōl, kin men in lōl ej kijirāte kom.

1 Jon 4. 5. jap. 17. 14.

20 Komin kememej nan eo I ar ba nōn kom, Dri korijer e jab utiej jen iroj eoan. Elafie r'ar matōrtōr Iō, re naj bareinwōt matōrtōre kom; elafie r'ar kejbārok Aō in nan, re naj bareinwōt kejbārok ami nan.

Mat. 10. 24. Luk 6. 40. jap. 13. 16. Ezek. 3. 7.

21 A men kein otemjej re naj kōmōnmōn nae kom kin eta, bwe re jaje Eo e ar jilkintok Iō.

Mat. 10. 22. & 24. 9. jap. 16. 3.

22 Elafie I ar jab itok im konono nōn ir, ejelok jerawiwi e naj kar ibeir; a kiō ejelok men in kariklok air jerawiwi.

jap. 9. 41. Rom 1. 20. Jem. 4. 17.

23 Eo ej kijirāte Iō ej bareinwōt kijirāte Jema.

1 Jon 2. 23.

24 Elafie I ar jab kōmōnmōn ibeir jeral ko ejelok bar juōn armij e ar kōmōni, e naj kar jelok jerawiwi ibeir: a kiō r'ar lo im kijirāte Ņa im Jema.

jap. 8. 2. & 7. 31. & 9. 32.

25 A men in, bwe en jejit nan eo jeje ilo kielr, R'ar kijirāte Iō im ejelok unin.

Sam 35. 19. & 69. 4.

26 A fie Dri Kainemōn ej itok, Eo I naj jilkinwoj nōn kom jen Jema, E Jitōb in mol, Eo ej itok jen Jema, E naj kennan kin Iō:

Luk 24. 49. jap. 14. 17, 26. & 16. 7, 13. Jerb. 2. 33. 1 Jon 5. 6.

27 Im kom bareinwōt kennan, bwe kom ar ber iba jen jinoin.

Luk 24. 48. Jerb. 1. 21, 22. & 2. 32. & 4. 20, 33. 1 Pit. 5. 1. 2 Pit. 1. 16. 1 Luk 1. 2. 1 Jon 1. 1, 2.

### JAPTER 16.

**M**EN kein I ar konono nōn kom, bwe komin jab tibfiil.

Mat. 11. 6.

2 Re naj jolok kom jen imōn kwelok ko; aet auō ej itok, űe jabrewōt eo ej mōn kom, e naj lem-nok bwe ej jeral nōn Anij.

jap. 9. 22. & 12. 42. Jerb. 8. 1. & 9. 1. & 23. 9-11.

3 Im men kein re naj kōmōni nōn kom, bwe re jab jela Jema ak Ņa.

jap. 15. 21.

4 A men kein I ar konono nōn kom, bwe űe ej itok air auō, komin kememej ir, ekijkan I ar kennanek kom. Im men kein I ar jab ba nōn kom jen jinoin, bwe I ar ber ibemi.

jap. 13. 19. & 14. 29. Mat. 9. 15.

5 A kiō Ij ilok nōn Eo e ar jilkin-tok Iō; im ejelok iami ej kajitōk iba, Kwoj ilok nōn ia?

jap. 7. 33. & 13. 3. & 14. 23.

6 A bwe I ar ba men kein nōn kom, buromōj e ar kobrōk buruemi.

jap. 14. 1.

7 Ijoke Ij ba nōn kom nan emol; Emōn nōn kom bwe In ilok: bwe elafie I jab ilok, Dri Kainemōn e jamin iwij nōn kom; a elafie Ij ilok, I naj jilkinwoj E nōn kom.

jap. 7. 39. & 14. 16, 26. & 15. 23. Jerb. 2. 33. Ep. 4. 8.

8 Im űe Ej itok, E naj naruōn lōl kin jerawiwi im kin kwojarjar, im kin ekajet:

9 Kin jerawiwi, bwe re jab liki Iō;

Jerb. 2. 22-37.

10 Kin kwojarjar bwe Ij ilok nōn Jema, im kom jab bar lo Iō:

Jerb. 2. 32. jap. 3. 14. & 5. 32.

11 Kin ekajet, bwe ar ekajete iroj in löl in.

Jerb. 26. 18. Luk 10. 18. jap. 12. 31. Kol. 2. 15. Hib. 2. 14.

12 Bar elöñ men ko iba bwe In ba ñön kom, a kom jab maroñ in böki kiö.

Mark 4. 33. 1 Kor. 3. 2. Hib. 5. 12.

13 A ñe Eo, Jitöb öñ mol, Ej itok, E naj tel kom ñön loan mol otemjej; bwe E jamin konono jen E möke; a jabrewöt men eo E naj roñjake, men in E naj konono: im E naj kwalok ñön kom men ko re naj itok.

jap. 14. 17. 26. & 15. 26. 1 Jon 2. 20, 27.

14 E naj kaibujuij Ña: bwe E naj bök jen men eo Aö, im E naj kwalok e ñön kom.

15 Men otemjej an Jema Aö: kin men in Ij ba, bwe E naj bök jen men eo Aö, im E naj kwalok e ñön kom.

Mat. 11. 27. jap. 3. 35. & 7. 33. & 13. 3, 33. & 14. 19. & 17. 10.

16 Jirik wöt ien, im kom jab bar lo Iö: im bar jirik wöt ien, im kom naj lo Iö.

17 Inem jet ian ro dri kaloran re ba ñön dron, Ta men in Ej ba ñön kij, Jirik wöt ien, im kom jab bar lo Iö; im bar jirik wöt ien, im kom naj lo Iö, im, Bwe Ij ilok ñön Jema?

18 Inem re ba, Ta men in Ej ba, Jirik wöt ien? Je jaje ta eo Ej konono.

19 Inem Jisös ej kill bwe re kónan kajitök iben, im E ba ñön ir, Kom kajitök iben dron ke kin men eo I ar ba, Jirik wöt ien im kom jab bar lo Iö: im bar jirik wöt ien im kom naj lo Iö?

20 Emol, emol, Ij ba ñön kom, kom naj jöñ im limö, a löl e naj löñliñ; im kom naj buromöj, a ami buromöj e naj oktök ñön löñliñ.

21 Köra ke ej iñtan ej buromöj, bwe e mottok auö eo an: a ke e lotak nejin, e jab bar kememej iñtan kin löñliñ bwe juön armij e lotak ilo löl.

Isa. 26. 17.

22 Im kiö kömj buromöj: a I naj bar lo kom, im e naj löñliñ burue-mi, im ejelok en ej bök ami löñliñ jen kom.

Luk 24. 41, 52. jap. 20. 20. Jerb. 2. 46. & 12. 52. 1 Pit. 1. 8.

23 Ilo ran eo e naj jelok ami kajitök iba. Emol, emol, Ij ba ñön kom, Elañe kom naj kajitök iben Jema, E naj lewoj ñön kom ilo eta.

Mat. 7. 7. jap. 14. 13.

24 Kom jañin kajitök jabrewöt ilo eta; komin kajitök im kom naj bök, bwe ami löñliñ en obrök.

jap. 15. 11.

25 Men kein I ar konono ñön kom ilo nan ko retino: a ien ej itok, ñe I jamin bar konono ñön kom ilo nan ko retino, a I naj kwalok ñön kom alikar kin Jema.

26 Ilo ran eo kom naj kajitök ilo eta: im I jab ba ñön kom bwe I naj jar im kajitök iben Jema kin kom.

27 Bwe Jema ej möke yokwe kom, bwe kom ar yokwe Iö, im tömak bwe I ar itok jen Anij.

jap. 3. 13. & 14. 21, 23. & 17. 8.

28 I ar itok jen Jema, im itok ñön löl: bar juön, Ij likit löl, im ilok ñön Jema.

jap. 13. 3.

29 Dri kaloran re ba ñön E, Lo, kiö kwoj konono alikar, im jab konono ilo nan eo etino.

30 Kiö kim jela bwe Kwo jela men otemjej, im Kwo jab alkwij bwe jabrewöt armij en kajitök iböm: kin men in kimij tömak bwe Kw'ar itok jen Anij.

jap. 21. 17. & 17. 8.

31 Jisös ej uak ir, Komij tömak kiö ke?

32 Lo, auö ej itok, aet, e mottok, ñe kom naj jibliklik, kom otemjej ñön jikömi, im naj likit Iö möke Iaö: Ijoke I jab möke Iaö, bwe Jema ej ber iba.

Mat. 26. 31. Mark 14. 27. jap. 8. 29. & 14. 10. 11. & 20. 10.

33 Men kein I ar konono ñön kom, bwe ilo Ña komin ainemöñ.

Ilo löl komij iſtan: a komin mō-nōnō; Ña I ar bōk anjo ion löl.

Isa. 9. 6. jap. 14. 27. Ep. 2. 14. jap. 14. 1. & 15. 20. Rom 8. 37. 1 Jon 4. 4. & 5. 4.

### JAPTER 17.

**N**AN kein Jiſōs e ar konono, im reilok ñōn lōñ, im ba, Jema e mottok auō eo: Kwon kaibujuij Nejōm, bwe Nejōm en kaibujuij Kwe:

jap. 12. 23. & 13. 32.

2 Einwōt Kw'ar letok ñōn E ka-jur ion kōniek otemjej, bwe En le-lok mour in drio ñōn ir otemjej Kw'ar letok ñōn E.

Mat. 23. 18. jap. 3. 35. & 6. 37. Pil. 2. 10. Hib. 2. 8.

3 Im men in mour in drio, bwe ren jela Kwe juōn wōt Anij emol, im Jiſōs Kraist, eo Kw'ar jilkintok.

Isa. 53. 11. Jer. 9. 24. 1 Tes. 1. 9. jap. 3. 34. & 5. 38. 37. & 6. 29, 57. & 7. 29. & 10. 36. & 11. 42.

4 I ar kaibujuij Yuk ion löl: I ar kamwijlok jermal eo Kw'ar letok ñōn Iō bwe In kōmōne.

jap. 13. 31. jap. 4. 34. & 14. 31. & 15. 10. & 19. 30.

5 Im kiō O Jema, kwon kaibujuij Iō kin Kwe wōt kin aibujuij eo e ar ber iba im ibōm mokta jen löl.

jap. 1. 1, 2. & 10. 30. & 14. 9. Hib. 1. 3, 10.

6 I ar kwalok etōm ñōn armij ro Kw'ar letok ñōn Iō jen löl: ro Am mokta, im Kw'ar letok ir ñōn Iō; im r'ar kejbārok Am in nan.

Sam 22. 22. jap. 6. 37, 39. & 10. 29. & 15. 19.

7 Kiō re jela bwe men otemjej ja-brewōt, Kw'ar letok ñōn Iō, jen Kwe.

8 Bwe I ar lelok ñōn ir nan ko Kw'ar letok ñōn Iō; im r'ar bōki, im kanuij jela bwe I ar itok jen Kwe, im r'ar tōmak bwe Kw'ar jilkintok Iō.

jap. 14. 10. & 16. 27. 30.

9 Ij jar kin ir: I jab jar kin löl, a kin ro Kw'ar letok ñōn Iō; bwe ir Am.

1 Jon 5. 19.

10 Im men otemjej Aō Am, im Am Aō; im Ij aibujuij ilo ir.

jap. 16. 15.

11 Im kiō emwij Aō ber ilo löl, a

ir rej ber ilo löl, im Ij iwij ñōn Yuk. Jema Kwojarjar, kwon kejbārok ir ilo etōm wōt, ro Kw'ar letok ñōn Iō, bwe ren juōn wōt, einwōt Kij.

jap. 13. 1. & 16. 28. 1 Pit. 1. 5. Jud 1. 1 jap. 10. 30.

12 Ke I ar ber ibeir ilo löl, I ar kejbārok ir ilo etōm, ro Kw'ar letok ñōn Iō: im I ar wōnake ir, im eje-lok juōn iair e joko, a drien mij eo, bwe en kamol Jeje ko.

jap. 6. 39. & 10. 28. 1 Jon 2. 19. & 13. 18. & 18. 9. Sam 109. 8. Jerb. 1. 20.

13 A kiō Ij iwij ñōn Yuk; im men kein Ij konono ilo löl, bwe Aō lōñliñ en obrōk ilo ir.

14 I ar lelok ñōn ir nan eo Am; im löl e ar kijrāte ir, bwe re jab jen löl, einwōt Ña I jab jen löl.

jap. 8. 23. & 15. 18, 19. 1 Jon 3. 13.

15 I jab jar bwe Kwon bōk ir jen löl, a bwe Kwon kejbārok ir jen eo enana.

Mat. 6. 13. Gal. 1. 4. 2 Tes. 3. 3. 1 Jon 5. 13.

16 Re jab jen löl, einwōt Ña I jab jen löl.

17 Kwon kokwojarjar ir ilo mol: Am in nan mol eo.

1 Pit. 1. 22. 12 Samuel 7. 28. Sam 119. 142. 151. jap. 8. 40.

18 Einwōt Kw'ar jilkintok Iō ñōn löl, ein drein Ij jilkinlok ir ilo löl.

jap. 20. 21.

19 Im Ij kokwojarjar Iō kin ir, bwe ren bareinwōt kwojarjar ilo mol.

1 Tes. 4. 7. Hib. 10. 10.

20 Ak I jab jar kin rein wōt, a bareinwōt kin ro re naj liki Iō kin air in nan;

21 Bwe ir otemjej ren juōn; einwōt Kwe, Jema ilo Ña, im Ña ilo Kwe, bwe ir bareinwōt ren ilo Kij; bwe löl en tōmak bwe Kw'ar jilkintok Iō.

jap. 10. 16, 38. Rom 12. 5. Gal. 3. 28.

22 Im aibujuij eo Kw'ar letok ñōn Iō, I ar lelok ñōn ir; bwe ren juōn, einwōt Kij juōn:

jap. 14. 20. 1 Jon 1. 3.

23 Ña ilo ir, im Kwe ilo Ña; bwe ren wāppenlok ilo juōn; im bwe löl en jela bwe Kw'ar jilkintok Iō,

Im yokwe ir, einwöt Kw'ar yokwe Ña.

Kol. 3. 14.

24 Jema, I kōnan bwe ro, Kw'ar letok ñōn Iō, ren ber iba ijo Ij ber ie, bwe ren lo Aō aibujulj Kw'ar letok ñōn Iō: bwe Kw'ar yokwe Iō mokta jen jinoin kōmōnmōn lōl.

Jap. 12. 26. & 14. 3.

25 O Jema e Wānik, lōl e ar jab jela Kwe: a Ña I ar jela Kwe, im rein r'ar jela bwe Kw'ar jilkintok Iō.

Jap. 15. 21. & 16. 3. 1 Jap. 7. 29. & 8. 55. & 10. 15. & 16. 27.

26 Im I ar kwalok etōm ñōn ir, im I naj kwalok e; bwe yokwe eo, Kw'ar yokwe Iō kake, en ber ilo ir, im Ña ilo ir.

Jap. 15. 9, 15.

### JAPTER 18.

**K**E emwij an Jisōs konono nan kein, Ej ilok iben ro dri kaloran im elā jen wea Kidron, Ijo juōn jikin kallip, E im dri kaloran rej drelōn iloan.

Mat. 26. 36. Mark 14. 32. Luk 22. 39. 2 Sam. 15. 23.

2 Im Judas, eo e ar ketōk E, e bareinwöt jela jikin eo; bwe e makij an Jisōs ar ilok ñōn Ijo iben ro dri kaloran.

Luk 21. 37. & 22. 39.

3 Inem Judas, emwij an bōk jar an dri tōrinæ im ro dri kabwjrōk jen pris ro relap im Parisi ro, rej itok im eor lamp im romak im ken tōrinæ ibeir.

Mat. 26. 47-56. Mark 14. 43-50. Luk 22. 47-53. Jerb. 1. 16.

4 Inem Jisōs, bwe E jela men otemjej ren itok ion, Ej ilok im ba ñōn ir, Wōn eo komij bukot e?

5 R'uak E, Jisōs dri Nazaret. Jisōs e ba ñōn ir, Ña E. Im bareinwöt Judas, eo e ar ketōk E, e jutōk ibeir.

6 Kiō ke E ar ba ñōn ir, Ña E, rej jenlik, im buñ ion brij.

7 Inem Ej bar kajitōk ibeir, Wōn eo komij bukot e? Im re ba, Jisōs dri Nazeret.

8 Jisōs e uak, I ar ba ñōn kom

bwe Ña E: inem elafie komij bukot Iō, kōtlok rein bwe ren ilok.

9 Bwe en jejit nan eo E ar konono, Ian ro Kw'ar letok ñōn Iō, e jab joko juōn ialr jen Iō.

Jap. 17. 12.

10 Inem juōn jāji iben Saimōn Piter, im ej nuri, im jebōk dri korijeran pris eo elap, im bukwe lojilifin anbijmarōñōn. Etan dri korijer eo Malkōs.

Mat. 26. 51. Mark 14. 47. Luk 22. 49.

11 Inem Jisōs e ba ñōn Piter, Kwon likit jāji ne am na ilo nien: kōp eo Jema e ar letok ñōn Iō, In jamin irak ke?

Mat. 20. 22.

12 Inem jar eo im kapen im dri kabwjrōk an dri Ju ro rej jibwe Jisōs, im liab E,

13 Im añinlok E ñōn Annas mokta; bwe e jemen lio belen Kelapas, pris eo elap lio yli in.

Mat. 26. 57. Luk 3. 2.

14 Im Kelapas in, eo e ar bebe ñōn dri Ju ro, bwe emōn juōn armij en mij kin armij rōn.

Jap. 11. 50.

15 Im Saimōn Piter ej lor Jisōs, im bar juōn dri kaloran: dri kaloran eo pris elap e jela, im ej drelōñ iben Jisōs iloan imōn pris eo elap.

Mat. 26. 58. Mark 14. 54. Luk 22. 54.

16 A Piter e jutōk ilikin kejem eo. Inem dri kalor eo pris elap e jela, ej ilok im konono ñōn lio, eo ej lale kejem, im kadrelōñ Piter.

Mat. 26. 69. Mark 14. 66.

17 Inem jiroñ eo, dri lale kejem, e ba ñōn Piter, Kwo bareinwöt juōn ian ro dri kaloran armij in ke? E ba, Jab.

18 Im ro dri korijer im dri kabwjrōk rej jutōk ijo, r'ar kejo kijeek kin melle, bwe ebio; im rej rōñrōñ: im Piter e jutōk ibeir im mōke rōñrōñ.

19 Inem pris eo elap ej kajitōk iben Jisōs kin ro dri kaloran, im kin An nan in katak.

20 Jisōs e uak e, I ar konono allkar ñōn lōl; ien otemjej I ar katakin iloan imōn kwelok ko, im iloan

tempel, ijo dri Ju ro otemjej rej kweloklok ie; im ilo etino ejelok Aō konono.

Mat. 26. 55. Luk 4. 15.

21 Etke kwoj kajitōk iba? kwon kajitōk iben ro r'ar roñjake Iō, ta eo I ar ba ñōn ir: lo, rein rej jela ta eo I ar ba.

22 Ke emwij An konono ein drein, juōn lan dri kabwijrōk ro rej jutōk iturin, ej ubrare Jisōs kin pein im ba, Ein drein Am uak pris eo elap ke?

Jer. 20. 2. Jerb. 23. 2.

23 Jisōs e uak e, Elañe I ar konono nana, kwon kennan kin nana eo: a elañe emōn, etke kwoj ubrare Iō?

24 Annas e ar jilkinlok E ke Ej illuk wōt, ñōn Keapas pris eo elap.

Mat. 26. 57.

25 Im Salmōn Piter ej jutōk im rōñrōñ e. Inem re ba ñōn e, Kwo bareinwōt juōn lan ro dri kaloran ke? Ej karmijete, im ba, Jab.

Mat. 26. 69. 71. Mark 14. 69. Luk 22. 58.

26 Juōn lan ro dri korijeran pris eo elap, nukin eo Piter e ar bukwe lojilfinin, e ba, I ar jab lo yuk ilo jlkin kallip eo iben ke?

27 Inem Piter ej bar karmijete E: im emōkōj an kako ekir.

Mat. 26. 74. Mark 14. 72. Luk 22. 60. Jap. 13. 38.

28 Inem rej añinlok Jisōs jen Keapas ñōn Pritoriōm, im e jiboñ; im ir re jab dreloñ iloan Pritoriōm eo bwe ren jab etton; a bwe ren mōña kwojkwoj in kijone.

Mat. 27. 2. Mark 15. 1. Luk 23. 1. Jerb. 10. 28. & 11. 3.

29 Inem Pailat ej drioijlok ñōn ir, im ba, Ewi nan in kinaklok komij bōk nae armij in?

30 Re uak im ba ñōn e, Elañe E ar jab dri nana, kim jamin kar ketōk E ñōn yuk.

31 Inem Pailat e ba ñōn ir, Komim mōke bōk E, im ekajet E kin kiemi. Dri Ju re ba ñōn e, E jab melim bwe kimin mōu jabrewōt armij.

32 Bwe nan jen Jisōs en jejit, eo

E ar ba, im bakajen wāwen mij eo E naj mij kake.

Mat. 20. 19. Jap. 12. 32, 33.

33 Inem Pailat ej bar dreloñ iloan Pritoriōm, im kirtok Jisōs, im ba ñōn E, Kwe kiñ an dri Ju ro ke?

Mat. 27. 11.

34 Jisōs e uak, Kwoj ba men in jen kwe mōke, ak ro jet r'ar ba men in ñōn yuk kin Iō ke?

35 Pailat e uak, Ña dri Ju ke? Dri allin eo Am im pris ro relap r'ar ketōk Yuk ñōn iō: ta eo Kw'ar kōmōne?

36 Jisōs e uak, Allin eo Aō e jab jen lōl in; elañe Aō allin jen lōl in, inem ro korijera ren iri, bwe en jab ketōk Iō ñōn dri Ju ro: a kiō Aō allin e jab jen ijin.

Dan. 2. 44. & 7. 14. Jap. 6. 15.

37 Kin men in Pailat ej ba ñōn E, Inem Kwe kiñ ke? Jisōs e uak, Kwoj ba wōt. Ña kiñ. Kin men in I ar lotak, im kin men in I ar itok ñōn lōl, bwe In kennan kin mol. Ir otemjej jen mol rej eoroñ ainikiō.

Jap. 8. 47. 1 Jon 3. 19. & 4. 6.

38 Pailat e ba ñōn E, Ta eo mol? Im ke emwij an ba men in, ej bar drioij ñōn dri Ju ro, im ba ñōn ir, Ij lo ejelok ruōn.

Mat. 27. 24. Luk 23. 4. Jap. 19. 4, 6.

39 A juōn ami mōnit, bwe in kōtlok juōn ñōn kom ilo kwojkwoj in kijone: inem kom kōnan bwe in kōtlok ñōn kom Kiñ an dri Ju ro ke?

Mat. 27. 15. Mark 15. 6. Luk 23. 17.

40 Inem ir otemjej rej bar lamij im ba, Jab armij in, a Barabbas. A Barabbas e dri koarōñ.

Jerb. 3. 14. Luk 23. 19.

## JAPTER 19.

**I**NEM len eo, Pailat ej bōk Jisōs im dreñlok E.

Mat. 20. 19. & 27. 26. Mark 15. 15. Luk 18. 33.

2 Im dri tōrinae rej birōk wijki kälilik, im likit e na ion bōran, im rej naballin kin nuknuk ekilmir,

3 Im rej itok ñōn E, im ba, Yokwe

Yuk, Kiñ an dri Ju ro, im rej ubrar E kin peir.

4 Inem Pallat ej bar drioiĵlok im ba ñõn ir, Lo, Ij añinwoj E ñõn kom, bwe komin jela I jab lo notan.  
Jap. 18. 38.

5 Inem Jisõs ej drioiĵlok, Ej belik belin kãliklik eo, im kõnõk nuk-nuk eo ekilmir. Im Pallat e ba ñõn ir, Lo, Armij eo!

6 Inem ke pris ro relap im dri kabwiĵrõk rej lo E, rej lamij im ba, Drebaill E, drebaill E. Pallat e ba ñõn ir, Komeo, komin bõk E, im drebaill E; bwe I jab lo ruõn.  
Jerb. 3. 18.

7 Dri Ju ro r'uak e, Juõn am kien, im kin kien eo emõn En mij, bwe E ar mõke kõmõn E Nejin Anij.  
Leval 24. 16. Mat. 26. 65.

8 Inem ke Pallat ej roñ nan eo, elaplok an mijõk;

9 Im ej bar dreloñ iloan Pritoriõm, im ba ñõn Jisõs, Kwoj jen ia? A ejelok an Jisõs uak e.  
Isa. 53. 7. Mat. 27. 12, 14.

10 Inem Pallat e ba ñõn E, Kwo jab konono ñõn iõ ke? Kwo jaje ke bwe ij maroñ in drebaill Yuk, im ij maroñ in kõtlok Yuk?

11 Jisõs e uak e, Ejelok am maroñ nae Iõ, elañe jab lewoj ñõn yuk jen lõñ: kin men in eo e ar ketõk Iõ ñõn yuk, elaplok an jerawiwi.  
Luk 22. 53. Jap. 7. 30.

12 Jen ien in Pallat ej bukot bwe en kõtlok E: a dri Ju ro rej lamij, im ba, Elañe kwoj kõtlok armij in bwe En ilok, kwo jab jeran Sizar: jabrewõt eo ej mõke kõmõn e juõn kiñ, ej konono nae Sizar.  
Luk 23. 2. Jerb. 17. 7.

13 Inem ke Pallat ej roñ nan eo, ej añinlok Jisõs, im ej jljõt ion ken jljõt in ekajet ijo etan Pevment, a nan in Hibru Gabbeta.

14 Im ien in ien kapojõk kwoj-kwoj in kijoue, im enañin joñoul im ruo auõ; im ej ba ñõn dri Ju ro, Lo ami Kiñ!

Mat. 27. 62.

15 A rej lamij, Jolok E, jolok E,  
146

drebaill E. Pallat e ba ñõn ir, In drebaill ami Kiñ ke? Pris ro relap r'uak, Ejelok am kiñ, a Sizar wõt.  
Jen. 49. 10.

16 Inem ej ketõk E ñõn ir bwe ren drebaill E.  
Mat. 27. 26. Mark 15. 15.

17 Im rej bõk Jisõs; im Ej bõk drebaill eo An im ilok ñõn ijo etan jikin lõt in bõr, åt eo juõn ilo Hibru, Golgota.

Mat. 27. 31. Mark 15. 21. Luk 23. 26 Bwin. 15. 36. Hib. 13. 12.

18 Ijo rej drebaill E, im bar ruo iben, juõn ikajõb im juõn ikajõb, im Jisõs lolap.

19 Im Pallat e ar je juõn kakõl-lõn, im likit e ion drebaill. Im e ar je, JISÕS DRI NAZERET KIÑ AN DRI JU RO.

Mat. 27. 37. Mark 15. 26. Luk 23. 28.

20 Inem elõñ ian dri Ju ro rej konono kakõle in; bwe ijo r'ar drebaill Jisõs ebak jikin kwelok: im ar jeje ilo Hibru, im Rom, im Griik.

21 Inem pris ro relap an dri Ju ro re ba ñõn Pallat, Kwon jab jeje, Kiñ an dri Ju ro; a bwe E ar ba, Ña, kiñ an dri Ju ro.

22 Pallat e uak, Men eo I ar jeje, emwij aõ jeje.

23 Inem ro dri tõrinae, ke emwij air drebaill Jisõs, rej bõk nuknuk ko An, im ajej emen mõtõn, im kajulok ñõn dri tõrinae otenjeje juõn mõtõn; im bareinwõt kobe: a kobe eo ejelok katin, eje jen lõñ ñõn lõl.

Mat. 27. 35. Mark 15. 24. Luk 23. 24.

24 Inem re ba ñõn dron, Jen jab kekele, a kakõle bwe jen jela an wõn; bwe en kamol jeje eo e ba. R'ar kajulok Aõ nuknuk ibeir, im kin balliõ r'ar kõmõn kakõle. Inem dri tõrinae r'ar kõmõn men kein.

Sam 22. 18.

25 A jinen, im jein im jatin jinen kõra Meri lio belen Kliopas, im Meri Magdalini, rej jutõk iturin drebaill eo an Jisõs.

Mat. 27. 55. Mark 15. 40. Luk 23. 49. & 24. 15.

26 Inem ke Jisõs ej lo jinen, im dri kaloran eo Ej yokwe e jutõk



Iturin, E ba ñõn jinen, Kõra, lo, nejõm!

Jap. 2. 4. & 13. 23. & 20. 2. & 21. 7, 20, 24.

27 Im E ba ñõn-dri kaloran eo, Lo, jinõm! In jen auõ eo dri kaloran eo ej bõk lio ñõn jikin.

Jap. 1. 11. & 16. 32.

28 Elikin men in, Jisõs e jela bwe ar kamwijlok men otemjej kiõ, bwe en kamol jeje, E ba, Ij maro.

Sam 69. 21.

29 Im e ber ljo juõn jãbi elõñ kin vinegar: im rej katutu mõtmõt ilo vinegar eo, im likit e iman hissõp, im likit e na i loñin.

Mat. 27. 48.

30 Inem ke emwij an Jisõs bõk vinegar eo, E ba, Emwij! im Ej jirlok im kõtlok An.

Jap. 17. 4.

31 Inem dri Ju ro, bwe len kapojõk, bwe ubelr ren jab ber ion dreball ko ilo Sabat, (bwe Sabat eo ran elap,) rej kajitõk iben Pailat bwe ren ruje neir, im bwe ren bõklok ir.

Mark 15. 42. Dut. 21. 23.

32 Inem dri tõrinae rej itok, im ruje neen eo mokta, im eo bar juõn ar dreball e iben.

33 A ke rej itok ñõn Jisõs, im lo bwe emwij An mij, re jab ruje neen.

34 A juõn lan ro dri tõrinae, ej wãkari katin kin mõri, im emõkõj an bõtõktõk im dren torlok.

1 Jon 5. 6, 8.

35 Im eo ej loe, ej kennan, im kenpan eo an emol: im e jela bwe ej ba mol, bwe komin bareinwõt tõmak.

36 Bwe ar kõmõnmõn men kein, bwe en jejit Jeje eo, Juõn drin e jamin moruj.

Eks. 12. 46. Bwin. 9. 12. Sam 34. 20.

37 Im bar juõn Jeje ej ba, Re naj kallimjek Eo r'ar wãkare.

Sam 22. 16, 17. Zek. 12. 10. Rev. 1. 7.

38 Im elikin men kein, Josep dri Arimetia, e dri kaloran Jisõs, a ilo etino bwe e mijõk dri Ju ro, ej kajitõk iben Pailat bwe en bõklok ubõn Jisõs; im Pailat e ba, Aet. Inem ej itok im bõklok ubõn eo. Mat. 27. 57-61. Mark 15. 42-47. Luk 23. 50-53.

39 Im bareinwõt Nikodimõs ej itok, eo e ar itok mokta ñõn Jisõs ilo boñ, im ej bõktok juõn iõkin mõrr im aloes, enañin jibuki paun.

Jap. 3. 1, 2.

40 Inem rej bõk ubõn Jisõs, im kitimi ilo nuknuk linen ko iben toljõ ko, einwõt mõnit an dri Ju ro kallip.

Jerb. 5. 6.

41 Im ijo r'ar dreball E, juõn jikin kallip; im ilo jikin kallip eo juõn lüp ekal, re jañin likit armij iloan.

42 Inem rej likit Jisõs iloan, bwe ran iu kapojõk an dri Ju ro; (bwe ebak lüp eo.)

Isa. 53. 9.

## JAPTER 20.

**I**LO ran eo mokta ilo wik, ke e jimarok, Meri Magdallni ej itok ñõn lüp eo, im ej lo ejman ebellok jen lüp.

Mat. 23. 1-8. Mark 16. 1-8. Luk 24. 1-9.

2 Inem ej etõr im itok ñõn Saimõn Piter, im ñõn dri kaloran eo juõn, eo Jisõs ej yokwe, im ba ñõn irro, R'ar bõklok Irojõ jen lüp eo im kim jaje ijo r'ar likit E ie.

Jap. 13. 23. & 19. 26. & 21. 7, 20, 24.

3 Inem Piter ej flok, im dri kaloran eo juõn, im rejro ilok ñõn lüp eo.

Luk 24. 12.

4 Im rejro jimor etõr; im dri kalor eo juõn ej etõr jen Piter, im mõkõjlok mokta ñõn lüp eo.

5 Im ej jirlok, im lo iloan nuknuk linen ko rei ber; a e jab dreloñ iloan.

Jap. 19. 40.

6 Inem Piter ej itok im lor e, im ej dreloñ iloan lüp eo, im lo nuknuk linen ko rej ber,

7 Im napkin eo ej kitimi bõran, e jab ber iben nuknuk linen ko, a limi im kamõkelok lan ilo juõn jikin.

Jap. 11. 44.

8 Inem bareinwõt dri kalor eo juõn, eo ej itok mokta ñõn lüp eo, ej dreloñ, im lo, im tõmak.

9 Bwe ñòn len in re jaje Jeje eo, bwe En jerkakbiji jen ro remij.

Sam 16. 10. Jerb. 2. 25-31. & 13. 34, 35.

10 Inem dri kalor rejro bar ilok ñòn mweo imweir.

11 A Meri ej jutök inabij iturin lüp eo im jöñ: im ke ej jöñ ej jirlok ilo lüp eo,

Mark 16. 5.

12 Im ej lo ruo enjel, rej kõnök nuknuk emouj, rej jijöt, juön i bõran, im eo juön i neen, ijo ubõn Jisõs e kar ber ie.

13 Im re ba ñòn e, Kõra, etke kwoj jöñ? E ba ñòn ir, Bwe r'ar böklok aõ Iroj, im I jaje ijo r'ar likit E ie.

14 Im ke emwij an konono einwöt, ej oktöklik, im lo Jisõs e jutök, im e jaje e Jisõs.

Mat. 23. 9. Mark 16. 9. Luk 24. 16, 31. jap. 21. 4.

15 Jisõs e ba ñòn e, Kõra, etke kwoj jöñ? wõn eo kwoj bukot e? Ej lemuok E dri kallip, im e ba ñòn E, Leyö, elafie kw'ar böklok E jen ijin, kwon kwalok ñòn iõ ijo kw'ar likit E ie, im I naj böklok.

16 Jisõs e ba ñòn e, Meri. Ej oktöklik, im ba ñòn E, Rabbonai: ukotõn nan, Dri Kaki.

17 Jisõs e ba ñòn e, Kwon jab uñir Iõ; bwe I jañin wõnliflok ñòn Jema: a kwon ilok ñòn ro jeld im jätiõ, im ba ñòn ir, Ij wõnliflok ñòn Jema, im Jememl, im ñòn Aõ Anij, im aml Anij.

Mat. 23. 10. Rom 8. 29. Hfb. 2. 11. jap. 16. 28. Ep. 1. 17.

18 Meri Magdalini ej itok im ba ñòn ro dri kalor, I ar lo Iroj; im ekijkan E ar konono men kein ñòn e.

Mat. 23. 10. Luk 24. 10.

19 Inem ran eo ke ejota, ran eo mokta ilo wik, fie ekilik aur ko ijo dri kalor rej ber ie, bwe rem'jök dri Ju ro, Jisõs ej itok im jutök lolapir, im ba ñòn ir, Ainemõn ñòn kom.

Mark 16. 14. Luk 24. 36. 1 Kor. 15. 5.

20 Im ke emwij an ba ein drein, Ej kwalok pein im katin ñòn ir.

148

Inem dri kalor rej löflif, ke rej lo Iroj.

jap. 16. 22.

21 Inem Jisõs e bar ba ñòn ir, Ainemõn ñòn kom: einwöt Jema e ar jilkintok Iõ, ein drein Ij jilkintok kom.

Mat. 23. 18. jap. 17. 18. 19. 2 Tim. 2. 2. Hfb. 3. 1.

22 Im ke emwij An ba men in, Ej kal ir, im ba ñòn ir, Komin bök Jitõb Kwojarjar.

23 Jerawiwi ko an jabrewöt eo komij juloki, re joko: im jerawiwi ko an jabrewöt eo komij drebiji, re jamin joko.

Mat. 16. 19. & 18. 18.

24 A Tomas juön ian jofoul im ruo, ãt eo juön Didimõs, e ar jab ibeir ke Jisõs ej itok.

jap. 11. 16.

25 Inem dri kalor ro jet, re ba ñòn e, Kim ar lo Iroj. A ej ba ñòn ir, Elafie I jab lo ilo pein kinjen drila ko, im likit arriõ ilo kinjen drila, im karuñulok peiõ ilo katin, I jamin tõmak.

26 Im ilokõn dualitök ran rej ber iloan im, im Tomas ibeir; aur ko rekilik, Jisõs ej itok, im E jutök lolapir, im ba, Ainemõn ñòn kom.

27 Im E ba ñòn Tomas; Kwon letok arrim, im lale peiõ; im letok peõm, im karuñulok e ilo katiõ, im kwon jab berre a tõmak.

1 Jon 1. 1.

28 Im Tomas e uak im ba ñòn E, Kwe aõ Iroj im aõ Anij.

29 Jisõs e ba ñòn e, Tomas, bwe kw'ar lo Iõ, kw'ar tõmak: emõnõnõ ro r'ar jab lo, im rej tõmak.

2 Kor. 5. 7. 1 Pit. 1. 8.

30 Im bar elõñ kakõle Jisõs ej kõmõni iman mejen ro dri kaloran, ar jab jeje ir ilo buk in.

jap. 21. 26.

31 A emwij jeje men kein bwe komin tõmak bwe Jisõs e dri Kraist, Nejin Anij; im bwe kin aml liki, komin bök mour ilo etan.

Luk 1. 4. jap. 3. 15, 16. & 5. 24. 1 Pit. 1. 2 & 3

## JAPTER 21.

**E**LIKIN men kein Jisōs ej bar weaktok ñōn ro dri kaloran iturin lomalo in Taibiridōs; im e wāwen drein An weaktok.

2 Salmōn Piter, im Tomas āt eo juōn Didimōs, im Natanael jen Kena in Galili, im ro nejin Zebidi, im bar ruo dri kaloran rej jimor ijo.

ĵap. 1. 45. Mat. 4. 21.

3 Salmōn Piter ej ba ñōn ir, Ij ilen añwōr. Re ba ñōn e, Bareinwōt kimij uwe ibōm. Rej ilok, im uwe ion wa: im ilo boñ eo ejelok kwonair.

4 A ke jimarok, Jisōs e jutōk ion barijīt; a dri kalor re jaje E Jisōs.

ĵap. 20. 14.

5 Inem Jisōs e ba ñōn ir, Ajlri rōn, eorke kijemi? R'uak E, Ejelok.

Luk 24. 41.

6 Im E ba ñōn ir, Komin dror ok i anbijmaroñōn, im kom naj lo. Kin men in rej drorlok, im kiō re ban tōpe, bwe elōñ iik.

Luk 5. 4, 6, 7.

7 Inem dri kalor eo Jisōs ej yokwe ej ba ñōn Piter, E Iroiĵ. Inem ke Salmōn Piter ej roñ, E Iroiĵ, ej kōnōke kobe eo an, bwe e kelwan, im ej kälök i lojit.

ĵap. 13. 23. & 20. 2.

8 A dri kalor ro jet rej itok ilo wa erik, (bwe re jab etolok jen ene, a einwōt rubuki mokwōĵ) im ibertok ok eo im iik ko.

9 Inem ke rej tōkak i ene, rej lo kijeeek melle ijo, im iik ion, im bred.

10 Jisōs e ba ñōn ir, Komin bōk-tok jet ian iik ko kom ar tōpe kiō.

11 Salmōn Piter ej ilok, im ibertok ok eo ñōn ene elōñ kin iik ko relap, jibuki im limñoul im jilu: a meñe elōñ, ok e jab rup.

12 Jisōs e ba ñōn ir, Komin itok im mōña. Im ejelok juōn ian ro

dri kalor e beran in kajitōk iben, Wōn Kwe? re jela E Iroiĵ.

Jerb. 10. 41.

13 Inem Jisōs ej itok, im bōk bred, im lelok ñōn ir, im bareinwōt iik.

14 Ien in alen ken ka jilu Jisōs ej weaktok ñōn ro dri kaloran, elikin ien eo E ar jerkakbiĵi jen ro remiĵ.

ĵap. 20. 19, 26.

15 Inem ke emwiĵ air mōña, Jisōs e ba ñōn Salmōn Piter, Salmōn nejin Jon, kwoĵ yokwe Iō elap jen rein ke? E ba ñōn E, Aet, Iroiĵ; kwo jela Ij yokwe Yuk. E ba ñōn e, Kwon najirik lam ko Aō.

16 E bar ba ñōn e alen ken ka ruo, Salmōn nejin Jon, kwoĵ yokwe Iō ke? E ba ñōn E, Aet, Iroiĵ; Kwo jela Ij yokwe Yuk. E ba ñōn e Kwon šeperd Aō šip.

Jerb. 20. 28. Hib. 13. 20. 1 Pit. 5. 2.

17 Ej ba ñōn e alen ken ka jilu, Salmōn nejin Jon, kwoĵ yokwe Iō ke? Piter ej buromōĵ bwe E ba ñōn e alen ken ka jilu, Kwoĵ yokwe Iō ke? Im e ba ñōn E, Iroiĵ, kwo jela men otemjej; Kwo jela ij yokwe Yuk. Jisōs e ba ñōn e, Kwon najirik Aō šip.

ĵap. 2. 24, 25. & 16. 30.

18 Emol, emol, Ij ba ñōn yuk, Ke kw'ar inono kw'ar mōke kañōrñōr yuk, im etetal ijo kwo kōnan etalie: a ñe kwo naj lölap, kwo naj erlokwe peōm, im bar juōn e naj kañōrñōr yuk, im añinlok yuk ijo kwo jab kōnan.

ĵap. 13. 36. Jerb. 12. 3, 4.

19 Ej konono men in bwe En ba kajen wāwen miĵ eo e naj kalbujuiĵ Anij kake. Im ke emwiĵ An konono men in, Ej ba ñōn e, Kwon lor Iō.

2 Pit. 1. 14.

20 Inem Piter ej oktōklik im lo dri kalor eo Jisōs ej yokwe ej lor E, eo ej atartar ion ubōn ilo kejota eo, im ba, Iroiĵ, wōn eo ej ketōk Yuk?

ĵap. 13. 23, 25. & 20. 2.

21 Inem Piter ej lo e im ba ñōn Jisōs, Iroiĵ, ekijkan armij in?

22 Jisōs e ba ñōn e, Elañe I kōnan

bwe en berwöt mae ien Ij itok, ta men in iböm? kwon lor Iö.

Mat. 16. 28. 1 Kor. 4. 5. & 11. 26. Rev. 2. 25. & 3. 11. & 22. 7. 20.

23 Inem nan in ebuñbuñlok iben jimjān jimjāten, bwe dri kalor in e jamin mij: a Jisōs e jab ba ñōn e, E jamin mij; a, Elañe I kōnan bwe en berwöt mae ien Ij itok, ta men in iböm?

24 Dri kalor in eo ej kennan men kein, im ar jeje men kein: im je jela bwe an kennan emol.

Jap. 19. 35. 3 Jon 12.

25 Im bar elōñ men ko Jisōs e ar kōmōni, im elañe rej jeje men ko otemjej jelok, ij lemnok lōl e jab maroñ in drebij buk ko re naj jeje kake.

Jap. 20. 30. Amos 7. 10.

## JERBAL KO AN RO DRI JILIK.

### JAPTER 1.

**B**UK eo mokta I ar kōmōnmōn, O Teopilōs, kin men otemjej Jisōs e ar jino in kōmōn im katakin.

Luk 1. 3.

2 Ñōn ran eo ran in bōkliñlok E ñōn lōñ, elikin An lelok kien ko kin Jitōb Kwojarjar, ñōn dri jilik ro E ar kālet ir:

Mark 16. 19. Luk 9. 51. & 24. 51. 1 Tim. 3. 16. Mat. 28. 19. Jon 20. 21. Jap. 10. 42.

3 Im E mōke kwalok E ñōn ir im mour elikin An iftan, kin elōñ kakōle remol otem mol, im weaktok ñōn ir lomin eñoul ran, im Ej konono men ko an allif in Anij;

Mark 16. 14. Luk 24. 36. Jon 21. 1, 14. 1 Kor. 15. 5.

4 Im ke Ej kweloklok Ibeir, Ej jiroñ ir bwe ren jab ilok jen Jerusalem, a kōtar an Jemen kalimur, eo, Ej ba, kom ar roñ jen Iö:

Luk 24. 49. Jon 14. 16. 26. & 15. 26. Jap. 2. 33.

5 Bwe emol Jou e ar baptais kin dren, a e jab elōñ ran tokelik kom naj baptais ilo Jitōb Kwojarjar.

Mat. 3. 11. Jap. 2. 4. & 11. 16.

6 Inem ke rej kweloklok, rej kajitōk iben im ba, Iroi, kwoj bar karōk allif in Israel ten in ke?

Mat. 24. 3.

7 Im Ej ba ñōn ir, E jab emōn ami jela ten ko, ak tere ko Jema e ar likiti ilo An kajur.

Mat. 24. 36. Mark 13. 32. 1 Tes. 5. 1.

8 A kom naj bōk maroñ ñe emwij

an Jitōb Kwojarjar itok lomi: im kom naj Aō dri kennan ilo Jerusalem, im i aolepen Judia, im i Sameria, im ñōn eneo etolok tata i lōl.

Jap. 2. 1-4. Luk 24. 48, 49. Jon 15. 27. Jap. 2. 32.

9 Im ke emwij An konono men kein, ke rej kalimjeke, ar bōkliñlok E, im juōn kōro ej bōk E jen mejler.

Luk 24. 51. Jon 6. 62.

10 Im ke rej kanulij ejer im kalimjek ilōñ ke Ej wōnliñlok, ruo armij rej jutōk iturir, emouj nuknuk ko air;

Mat. 28. 3. Mark 16. 5. Luk 24. 4. Jon 20. 12. Jap. 10. 30.

11 Im re ba, Kom, armij in Galili, etke komij jutōk im reilok wōt ñōn lōñ? Jisōs in, eo emwij bōkliñlok jen kom ñōn lōñ, E naj itok einwōt, ilo wāwen drein ami lo An ilok ñōn lōñ.

Jap. 2. 7. & 13. 31. Mat. 24. 30. 2 Tes. 1. 10.

12 Inem rej jeblak ñōn Jerusalem jen tol eo etan Olivet, joñon etal ilo ran in Sabat jen Jerusalem.

Luk 24. 52.

13 Im ke rej dreloñ, rej wōnliñlok ñōn juōn bo, ijo Piter im Jon im James im Andru, Pilip im Tomas, Bartolomu im Matu, James nejin Alpiōs, im Saimōn dri Zelōt, im Judas jātin James, rej ber ie.

Jap. 9. 37. 38. & 20. 8. Mat. 10. 2-4. Luk 6. 13. Jul 1.

14 Rein otemjej rej ber im burueir wōt juōn ilo air jar im kajitōk, kab

kōra ro, im Meri jinen Jisōs, kab ro jätin man.

Jap. 2. 1. 46. Luk 23. 49, 55. & 24. 10.

15 Im ilo ran ko Piter ej jutōk iolapin ro dri kalor, im ba (im jar eo rej kweloklok e nañin jibuki im roñoul armij,)

Rev. 3. 4.

16 Kom jeid im jätiō, emōn ren kamol Jeje in, an Jitōb Kwojarjar konono mokta ilufin Devid kin Judas, eo e ar tel ro r'ar jibwe Jisōs.

Sam 41. 9. Luk 22. 47. Jon 13. 18. & 13. 3.

17 Bwe ar bwine na iber, im e ar bōk mōtōn jermal in.

Mat. 10. 4. Luk 6. 16. Jap. 20. 24. & 21. 19.

18 Inem armij in e ar wiaik juōn wāto kin wōnan an nana, im ej buñtake bōran, im erup lojien, im mōjñōl otemjej re wutlok.

Mat. 27. 7. Mat. 28. 15.

19 Im ir otemjej r'ar ber i Jerusalem re jela; im r'ar likit etan wāto eo ilo air in nan, Wāto in bōtōktōk.

20 Bwe ar jeje ilo buk in Sam ko, Mweo imōn en jeebeplok, im ejelok armij en jokwe iloa; im, Bar juōn en bōk jermal eo an.

Sam 69. 25. & 109. 8.

21 Inem jen armij rein ro r'ar ber iber ien otemjej ke Iroi Jisōs e ar itoitōk iolaper,

22 Jinoin jen an Jon baptais fiōn ran eo wōt ran in bōkliñlok E jen kij, emōn juōn iair en dri kennan iber kin An jerkakbij.

Mark 1. 1. Jon 15. 27. Jap. 4. 33.

23 Im r'ar kajutōk ruo, Josep etan Barsebas, āt eo juōn Jōstōs, im Mattalias.

Jap. 15. 22.

24 Im rej jar, im ba, Kwe, Iroi, kwoj jela buruen armij otemjej, kwon bakajen wōn iairro Kwoj kālet e,

1 Samuel 16. 7. Jap. 15. 8. Rev. 2. 23.

25 Bwe en bōk mōtōn jermal in im jermal an dri jilik, men eo Judas e ar buñ jen e bwe en ilok fiōn jikin.

26 Im rej likit kakōlairro; im bōk

kakōlōn Mattalias; im rej bwine na iben joñoul im juōn dri jilik.

## JAPTER 2.

**I**M ke emwij an itok ran in Pentekost, ir otemjej rej ber ilo juōn jikin, burueir wōt juōn.

Levai 23. 15. Jap. 20. 16. Jap. 1. 14.

2 Im emōkōj an juōn ainiken itok jen lōñ, einwōt aire, im ej kobrōk aolepen mweo ijo rej jijōt ie.

Jap. 4. 31.

3 Im lo ko romiōñe einwōt urur, rej weaktok ñōn ibeir, im jok loir otemjej:

4 Im ir otemjej rej obrōk kin Jitōb Kwojarjar, im jino air konono kin bar jet loir, einwōt Jitōb ej lelok ñōn ir bwe ren konono.

Jap. 1. 5. Mark 16. 17. Jap. 10. 46. & 19. 6. 1 Kor. 12. 10, 23, 30. & 13. 1. & 14. 2.

5 Im jet dri Ju ro, armij dri kabuñ, jen ailiñ otemjej iomin lōñ rej jokwe i Jerusalem.

6 Im ke r'ar roñ ainiken in, jar eo rej kweloklok, im elap air leñioñ, bwe jabrewōt iair ej roñ air konono ilo an in nan.

7 Im ir otemjej rej lokjenair im bwilōñ, im ba ñōn dron, Lo, rein otemjej rej konono, re jab dri Galili ke?

Jap. 1. 11.

8 Im ekijkjan jej roñ ilo ar in nan, ijo j'ar lotak ie?

9 Dri Partia, im dri Midia, im dri Ilam, im ro rej ber i Mesopotemia, im i Judia, im Kapedosia, i Pontōs im Esia,

10 Prijia im Pampilla, i Ijpt, im ilo jet mōtōn ko an Libia Iturin Sairine, im ro drua jen Rom, dri Ju ro, im ro dri prosilañ,

11 Dri Krit im dri Arebia, jej roñ air konono ilo ar in nan men ko relap an Anlj.

12 Im ir otemjej rej lokjenair, im berre, im ba ñōn dron, Ta melemen men in?

13 Im bar jet rej kajirere im ba, Armij rā remāt kin wain ekal.

14 A Piter ej jutōk iben joñoul im juōn, im koutiej ainiken, im ba

ñõn ir, Kom, armij in Judia, im kom otemjej komij ber i Jerusalem, komin jela men in, im karoñjake nan ko aõ;

15 Bwe lõmarã re jab karek, ein ami lemnok drein, bwe auõ in ken ka druatinjuõn wõt ilo ran.

1 Tes. 5. 7.

16 A men in men eo dri kanan Joel e ar konono kake;

17 Im Anij ej ba, Ilo ran ko elik-tata, I naj lutõk aõ Jitõb ion kõ-niek otemjej: im ro nejemi man im ro nejemi kõra re naj drikanij, im likao ro ami re naj lo viõõn ko, im lõlap ro ami re naj tõnak tõnak ko.

Isa. 44. 3. Joel 2. 28-32. Jap. 10. 45. & 21. 9.

18 Im ilo ran ko I naj lutõk aõ Jitõb ion ro dri korijera man im ion ro dri korijera kõra; im re naj drikanij.

Jap. 21. 4, 9, 10.

19 Im I naj kwalok men in bwilõõ ko i lõõ, im kakõle ko i lõl; bõtõktõk, im kijeek, im tap in bat:

20 Al e naj erom marok, im aliñ erom bõtõktõk, mokta jeu ran in Iroi ej itok, ran eo elap im men in bwilõõ;

Mat. 24. 29.

21 Im jabrewõt eo e naj jar ilo etan Iroi e naj mour.

Rom 10. 13.

22 Kom, armij in Israel, komin roñjake nan kein; Jisõs dri Nazeret, juõn emau Anij e ar kakõlõn emõn ñõn kom kin jermal ko relap im men in bwilõõ ko im kakõle ko, men ko Anij e ar kõmõnmõni kin E lolapemi, einwõt ami jela:

Jon 3. 2. & 14. 10, 11. Jap. 10. 38. Hib. 2. 4.

23 Leo, Anij e ar ketõk E ilo An bebe im An jela mokta, Eo kin armij renana kom ar dreball im mõn E;

Mat. 20. 24. Luk 22. 22. Jap. 4. 28. & 5. 30.

24 Eo, Anij e ar kejerkakbiji, ke emwij An jelate lĩtan ko an mij; bwe mij e jab maroñ in drebij E.

Jap. 3. 15. & 4. 10. & 10. 40. & 13. 30, 34. & 17. 31.  
1 Kor. 6. 14. & 15. 15. 2 Kor. 4. 14. Gal.  
1. 1. Ep. 1. 20. Kol. 2. 12. 1 Pit. 1. 21.

25 Bwe Devid ej konono kin E, I ar lo Iroi j ien otemjej iman meja; bwe Ej ber i anbijmaroñiõ bwe in jab makõtkit.

Sam 16. 8-11.

26 Inem e ar mõnõnõ buruõ im lõñilñ loiõ; im bar jet, kõniekiõ e naj bareinwõt jokwe ilo kejatirik-

rik;

27 Bwe Kwo jamin likit aõ ilo Hedis, im Kwo jamin lelok am Dri Kwojarjar bwe En lo kõt.

28 Kw'ar kwalok ial in mour ko ñõn iõ; Kwo naj kobrõk iõ kin mõnõnõ ilo mejõm.

29 Armij jeiõ im jãtiõ, in konono alikar ñõn kom kin Devid dri petri-

ark, bwe e ar mij, im ar kalibwin e, im lüp eo lüpõn ej ber iber ñõn rau in.

Jap. 13. 26.

30 Inem bwe e dri kanan, im jela bwe Anij e ar kanõjniñ ñõn e kin juõn kanõjniñ, bwe jen lan ro nejini, E naj kajjõt juõn ion tron eo an;

Sam 132. 11. Luk 1. 32. Rom 1. 3.

31 Ke e ar lo men in mokta, e ar konono kin an Kraist jerkakbiji, bwe E ar jab ber iloan Hedis, im kõniekin e ar jab lo kõt.

Jap. 13. 26.

32 Anij e ar kejerkakbiji Jisõs in, kim otemjej dri kennan kake.

Jap. 1. 8.

33 Anij e ar koutiej E kin anbijmaroñõn, im E ar bõk jen Jemen kalimur kin Jitõb Kwojarjar, inem E ar lutõk men in, men eo komij loe im roñjake.

Jap. 5. 31. Pil. 2. 9. Hib. 10. 12. Jon 14. 23.  
Jap. 1. 4. & 10. 45.

34 Bwe Devid e ar jab wõnlñilok ñõn lõõ ko; bwe e mõke ba, Iroi e ar ba ñõn aõ Iroi j, Kwon jijõt i anbijmaroñiõ.

Mat. 22. 44. 1 Kor. 15. 25.

35 Ñõn ien eo I naj likit Am dri kijirãt eran neõm.

36 Inem ro nukin Israel otemjej ren kauij jela, bwe Anij e ar kõmõnmõn Jisõs eo bwe En Iroi j im Kraist, eo kom ar dreball E.

Jap. 5. 31.

37 Im ke rej roñjake men in, elil burueir, im rej ba ñõn Piter im dri jilik ro jet, Kom ro jeim im jätim, ta eo kimin kõmõne?

Luk 3. 10. jap. 9. 6. & 16. 30.

38 Inem Piter ej ba ñõn ir, Kom otemjej komin ukwelok ibemi, im baptais ilo etan Jisõs Kraist bwe En julok jerawiwi ko ami, im kom naj bõk men in letok eo, Jitõb Kwojarjar.

Luk 24. 47. jap. 3. 19.

39 Bwe kalimur eo ñõn kom, im ñõn ro nejemi, im ñõn ro otemjej retolok, ro jabrewõt Iroj ar Anij e naj kir ñõn E.

Joel 2. 28. jap. 3. 25. & 10. 45. & 11. 15. 18. & 14. 27. & 15. 3. 8. 14. Ep. 2. 13. 17.

40 Im kin bar elõñ nan ko ej kenan im kowe ir, im ba, Kom in mõke lomõremi jen ebeben in ankeke.

41 Inem ro rej bõk nan eo an, rej baptais: im ilo ran eo e nañin jilu tausand armij rej koba na ibeir.

42 Im rej ber im bin ilo katak im komao iben dron an ro dri jilik, im ilo ruji bred, im ilo jar ko.

Jap. 1. 14. Rom 12. 12. Ep. 6. 18. Kol. 4. 2.

43 Im mijõk ej itok loir otemjej: im dri jilik rej kõmõnmõn elõñ men in bwilõñ ko im men in kãõle ko.

Jap. 5. 12.

44 Im ro otemjej rej tõmak rej ber iben dron, im men otemjej ibeir, air.

Jap. 4. 32.

45 Im rej wiakaki men ko im mweluk ko mweieir, im kajime air ajej ñõn ir otemjej, einwõt jabrewõt armij ej aikwij.

46 Im ilo ran otemjej rej ber im bin, im burueir wõt juõn, iloan tempel, im ruji bred iloan imweir, im rej mõña kijeir ilo mõnõnõ im emõn burueir,

Jap. 1. 14. Luk 24. 53. jap. 5. 42. & 20. 7.

47 Im wijtake Anij, im kabuñburuen armij otemjej. Im Iroj ej kobaik na ibeir ro re naj mour, ilo ran otemjej.

Luk 2. 52. jap. 4. 38. & 5. 14. & 11. 24.

### JAPTER 3.

**I**M kiõ Piter im Jon rej wõlniñlok ñõn iloan tempel ilo auõ in jar, auõ eo jilu.

Jap. 2. 46. Sam 55. 17.

2 Im juõn armij e kirro jen lojien jinen, im ar bõktok im likit e ran otemjej na iturin aur in tempel, etan aur eo Wõleo, bwe en kajitõk mweien tiriamo jen ro rej dreloñ iloan tempel;

Jap. 14. 8. Jon 9. 8.

3 Ke ej lo Piter im Jon re nañin dreloñ iloan tempel, ej kajitõk mweien tiriamo.

4 Im Piter ej kalimjeke kab Jon, im e ba, Kwon lale kimro.

5 Im ej eorõñ irro, im lemnok e naj bõk men eo jabrewõt jen ir.

6 A Piter ej ba, ejelok silver ak gold iba; a men eo eor iba, ij lewoj ñõn yuk: Ilo etan Jisõs, dri Nazeret, kwon jutõk im etal.

Jap. 4. 10.

7 Im ej kapjere anbijmarõñõn, im kajutõk e: im emõkõj an bin neen im kõbkbõb in neen.

8 Im ej kalure im jutõk, im etetal, im ej dreloñ ibeirro na iloan tempel; ej etetal, im kãki, im wijtake Anij.

Jap. 35. 6.

9 Im armij otemjej rej lo an etetal im wijtake Anij:

Jap. 4. 16. 21.

10 Im re killi bwe e eo e kar jijõt kin mweien tiriamo iturin aur Wõleo in tempel; im rej obrõk kin bwilõñ im lokjenair kin men eo e ar itok ñõn e.

11 Im ke ej drebij Piter im Jon, armij otemjej rej etõrtok ñõn ibeir iomin portiko etan an Solomõn, im elap air bwilõñ.

Jon 10. 23. jap. 5. 12.

12 Im ke Piter ej lo men in, ej uak ñõn jar eo, Kom, armij in Israel, etke komij bwilõñ kin lein? ak etke komij kalimjek kim, einwõt elañe kimro ar kõmõnmõn armij in, bwe en etetal kin amro kajur ak kwojarjar?

13 Anij an Ebream, im Aisak, im Jeköb, Anij an ro jimar, E ar kalbujij Nejin, Jisös; eo kom ar ketök E im karmijete iman mejen Pallat, ke e ar lemnok bwe en kötlok E.

Jap. 5. 30. Jon 7. 39. & 12. 16. & 17. 1. Mat. 27. 2. 20. Mark 15. 11. Luk 23. 18-21. Jon 18. 40. & 19. 15. Jap. 13. 28.

14 A kom ar karmijete Dri Kwojarjar im Emön, im kajitök bwe en lewöj dr'uror ñön kom;

Mark 1. 24. Jap. 4. 27. & 7. 52. & 22. 14.

15 Im kom ar mön Iroj in mour, eo Anij e ar kejerakbiji jen ro remij; im kim dri kennan kake.

Hib. 2. 10. 1 Jon 5. 11.

16 Im etan, ilo liki etan, e ar kajakur armij in, eokomij loe im jela: aet, liki eo ej ilo E e ar lelok ñön lein mour otem mour iman mejemi otemjej.

Mat. 9. 22. Jap. 4. 10.

17 Im kiö ro jeiö im jätiö, I jela bwe kom ar kömön men in ilo ami jaje, im bareinwöt iroj ro ami.

Jon 16. 3. Jap. 13. 27. 1 Kor. 2. 8. 1 Tim. 1. 13.

18 A men ko, Anij e ar kwalok mokta kin loñin dri kanan ro An otemjej, bwe Kraist eo An E naj iñtan, ein drein An kajejlt.

Jap. 26. 22. Sam 22. Isa. 50. 6. & 53. 5. Dan. 9. 26. 1 Pit. 1. 10, 11.

19 Inem komin ukwelok ibemi, im bar oktök, bwe en jeorlok jerawiwi ko ami, im bwe en walok ien aimlolo ko jen iman mejen Iroj:

Jap. 2. 38.

20 Im bwe En jilkintok Dri Kraist, eo ar likit E ñön kom mokta, aet, Jisös,

21 Eo löñ en bök E, ñön ien ko ien karök men otemjej Anij e ar konono kaki, kin loñin dri kanan kwojarjar ro An otemjej jen ien moktata.

Jap. 1. 11. Mat. 17. 11. Luk 1. 70.

22 Bwe emol an Moses ba, Juön Dri Kanan, einwöt ña, Iroj Anij e naj kajutök ñön kom jen ro jeömi im jätömi; kom naj eoroñ E kin men otemjej jabrewöt E naj ba ñön kom.

Dut. 18. 15, 19. Jap. 7. 37.

23 Im armij otemjej ro re jab eoroñ Dri Kanan eo, re naj joko jen arnij rön.

24 Aet, dri kanan otemjej jen Samuel, im ro elikin, ir otemjej r'ar konono, ein drein air kennan kin ran kein.

25 Kom ro nejuin dri kanan ro, im dri jolit kalimur eo Anij e ar kömön iben ro jimami, im ba ñön Ebream, Im ilo ineöm naj kamönönöik nukin otemjej i löl.

Jap. 2. 39. Rom 9. 4. & 15. 8. Jen 12. 2. & 21. 18. & 26. 4. & 28. 14. Gal. 3. 8.

26 Ñön kom mokta, emwij an Anij kejerakbiji Nejin, Jisös, E ar jilkin E woj bwe En kamönönöik kom, kin An ukot kom otemjej jen jerawiwi ko ami.

Mat. 1. 21. & 10. 5. & 15. 24. Luk 24. 47. Jap. 13. 32, 46.

#### JAPTER 4.

**I**M ke rej konono ñön armij rön, pris ro, im iroj in tempel, im Saddusi ro, rej kälök ioir,

Luk 22. 4. Jap. 5. 24.

2 E iñtan burueir kin airro katakin armij, im kwalok kin Jisös jerakbiji jen ro remij.

Mat. 22. 23. Jerb. 23. 8.

3 Im rej jibwe ir, im likit ir iloan prisön ñön ran eo ilju; bwe ejota kiö.

4 A elofñ ian ro r'ar roñ nan, rej tömak: im oran armij ro e nañin lailim tausan.

5 Im ke ilju, Iroj ro air, im elder ro, im skraib ro,

6 Im Annas pris eo elap, im Keiapas, im Jon, im Alexander, im ir otemjej ro nukin pris eo elap, rej kweloklok ilo Jerusalem.

Luk 3. 2. Jon 18. 13.

7 Im ke emwij air kajutök ir iolap, rej kajitök, Ilo an wön kajar, ak ilo etan wön, kom ar kömön men in?

Eks. 2. 14. Mat. 21. 23. Jap. 7. 27.

8 Inem Piter, eobrök kin Jitök Kwojarjar, e ba ñön ir, Kom iroj an armij rön, im elder ro,

9 Elañe komij kajitök ibem, iomin ran in, kin men eo emön kim ar



kõmõne ñõn armij e kirro, ta eo lein ej mour kake;

10 Emõn komin otemjej jela, kab armij in Israel otemjej, bwe ilo etan Jisõs Kraist Dri Nazeret, Eo kom ar dreball E, Eo Anij e ar ke-jerkakbiji jen ro remij, aet ilo E armij in ej jutõk im mour iman mejemi.

Jap. 2. 24.

11 Ein ejman eo, kom dri kal ar kejekron E, eo emwij kõmõn E jabõn im.

Sam 118. 22. Mat. 21. 42.

12 Im mour ilo ejelok bar juõn: bwe ejelok bar juõn åt iomin lõñ, im letok ñõn armij bwe jen mour ilo E.

Mat. 1. 21. 1 Tim. 2. 5.

13 Im ke rej lo an Piter im Jon beran, im ar kilil bwe re dri jab katak im dri jab meletlet, re bwilõñ; im rej jela kajeir bwe re kar ber iben Jisõs.

Mat. 11. 25.

14 Im kin air lo armij eo r'ar kemour e, ej jutõk ibeirro, ejelok ibeir bwe ren konono nae men in.

Jap. 3. 11.

15 Im ke emwij air jiroñ ir bwe ren ilok jen jar eo, rej bebe iben dron,

16 Im ba, Ta eo jen kõmõn ñõn armij rein? bwe emol r'ar kõmõn juõn kakõle elap, im ej alikar ñõn ir otemjej rej jokwe i Jerusalem: im jej ban karmijete,

Jon 11. 47.

17 A bwe en jab buñibuñlok wõt ñõn armij, jen kanuij kaleñõñ ir, bwe ren jab bar konono ñõn jabrewõt armij ilo åt in.

18 Im rej kirtok ir, im jiroñ ir bwe ren jab konono ñõn jirik im jab katakin ilo etan Jisõs.

19 A Piter im Jon re uak im ba ñõn ir, Elañe ejime iman mejen Anij bwe kimin eoroñ kom elap jen Anij, komin ekajete.

Jap. 5. 29.

20 Bwe kim jab maroñ in jab konono men ko kim ar lol im roñjaki.

Jap. 1. 8. & 2. 32. & 22. 15.

21 Im ke emwij air bar kaleñõñ

ir, rej kötlok ir, bwe re jab lo ekijkan air dreñlokwe ir, kin armij rõn; bwe armij otemjej rej wijtake Anij kin men eo r'ar kõmõne.

Mat. 21. 28. Luk 20. 8, 19. Jap. 3. 7, 8. & 5. 26.

22 Bwe armij in ridtõn eñoul yiõ im jima, eo ar kõmõn kakõle in ion im kemour e.

23 Im ke ar kötlok ir rej ilok ñõn ro jerair, im kwalok men otemjej, pris ro relap im elder ro r'ar ba ñõn ir.

24 Im ke emwij air roñjaki, rej jimor koutlej ainikeir ñõn Anij, im ba, O Iroj, Kwe kw'ar kõmõnmõn lõñ, im lõl, im lometo, im men otemjej ilo ir:

2 Kin 19. 15.

25 Kwe kw'ar ba kin loñin jiman Devid, dri korijerõm, Etke dri allin ko r'ar buroñ, im armij ro rej lõkõm men ko men in jekron?

Sam 2. 1.

26 Kin ro i lõl rej jutõk, im iroj ro rej kabata nae Iroj im Eo E ar kabit E.

27 Bwe emol, Herõd, im Pontiõs Pallat, im dri allin ko, im armij in Israel r'ar kabata ilo jikin kwelok in nae Jisõs Dri Korijerõm ekwojarjar, Eo Kw'ar kabit E,

Mat. 23. 3. Luk 1. 35. & 4. 18. & 22. 2. & 23. 1, 8.

28 Bwe ren kõmõnmõn men eo jabrewõt Peõm im Am lemnok r'ar bebe mokta bwe ren walok.

Jap. 2. 23. & 3. 18.

29 Im kiõ, O Iroj, kwon lale air nan in kaleñõñ: im letok ñõn ro dri korijerõm, bwe kin elap beran ren kwalok Am in nan,

Jap. 9. 27. & 13. 46. & 14. 3. & 19. 8. & 26. 26.

30 Ke Kwoj erlokwe peõm bwe en kemour; im bwe ren kõmõnmõn men in kakõle ko im men in bwilõñ ko ilo etan Jisõs, Dri Korijerõm ekwojarjar.

Jap. 2. 43. & 3. 6. & 5. 12.

31 Im ke emwij air jar, jikin eo rej kweloklok ie e makõtkit; im ir otemjej robrõk kin Jitõb Kwojarjar, im kin air beran rej kwalok nan in Anij.

Jap. 16. 26.

32 Im jar eo rej tōmak, burueir wōt juōn; im ejelok juōn iair e ba, mweuiuk iben mweien wōt, bwe mweuiuk ko mweleir otemjej.

Pil. 1. 27. 1 Pit. 3. 8. Jap. 2. 44.

33 Im ro dri jilik kin elap kajur rej kwalok air kennan kin an Iroj Jisōs jerkakbijl: im elap joi j loir otemjej.

Jap. 1. 8, 22. & 2. 47.

34 Bwe ejelok iair e aikwij; bwe ro eor air wāto ak imweir rej wiakaki, im bōktok wōnan men ko,

Jap. 5. 2. & 6. 1.

35 Im likite na iturin neen ro dri jilik: im rej ajej nōn kaju iair ein-wōt air aikwij.

Jap. 5. 2.

36 Im Joses, eo dri jilik rej likit etan Barnebas, (ukotōn uan in Nejin kowe), Dri Livali armij in Sai-prōs,

37 Wāto eo an, e ar wiakake, im bōktok mōnnl, im likite na iturin neen ro dri jilik.

### JAPTER 5.

**A** JUŌN eman etan Anenaiōs, kab Sappaira lio belen, ej wiakake juōn wāto.

2 Im ej kijenek wōnan, im lio e bareinwōt jelakake, im ej bōktok mōtōn wōnan, im likite na iturin neen ro dri jilik.

Jap. 4. 37.

3 A Piter ej ba, Anenaiōs, etke Setan ej kobrōk buruōm bwe kwon riōp nōn Jitōb Kwojarjar, im kijenek wōnan wāto eo.

Bwin. 30. 2. Dut. 23. 21. Ekl. 5. 4. Luk 22. 3.

4 Ke ej ber e jab am wōt ke? im elikin wiakake e jab ilo am maroñ ke? etke kw'ar lemmok men in ilo buruōm? kw'ar jab riōp nōn armij rōn, a nōn Anij.

5 Im ke Anenaiōs ej roñ nan kein e buñ im mij. Im elap lelūoñ ej itok ion ro otemjej rej roñ men kein.

6 Im likao ro re jutōk, im kitimi, im bōklok, im kalibwin e.

Jon 19. 40.

156

7 Im auō ko jilu tokelik, lio ej itok, im e jaje men ko ar kōmōnmōni.

8 Im Piter e uak e, Kwon ba nōn iō, komro ar wiakake wāto eo kin men in wōt ke? Im ej ba, Aet, kin men in wōt.

9 Inem Piter ej ba nōn e, Ekijkan, etke komro ar bebe iben dron bwe komin mone Jitōb ōn Iroj? lo neen ro r'ar kalibwin leo beleōm, rej ber ilo kejem, im re naj bōklok yuk

Mat. 4. 7.

10 Inem emōkōj an buñ na iturin neen im mij; im likao rej dreloñ, im lo an mij, im rej bōklok, im kalibwin e na iben leo.

11 Im elap lelūoñ ej itok ion dri eklisia otemjej, im ion ro otemjej rej roñ men kein.

Jap. 2. 43. & 19. 17.

12 Im kin pein ro dri jilik elōñ kakōle im men in bwilōñ ar kōmōnmōni iben armij rōn; im ir otemjej rej jimor ilo portiko an Solomōn burueir wōt juōn.

Jap. 2. 43. & 14. 3. & 19. 11. Rom 15. 19. Hūb 2. 4. 1 Jap. 3. 11. & 4. 32.

13 A lan rojet ejelok juōn armije beran bwe en koba na ibeir; a armij rōn rej nebar ir.

Jon 9. 22. Jap. 2. 47. & 4. 21.

14 Im ro dri tōmak rej koba im orlok na iben Iroj, elōñ man im kōra;

15 Inem rej bōklok ro dri nañinmij ilo ial ko, im likit ir na ion ken babu ko air im kinir, bwe auōñim Piter, ke ej kijon ir, en kalur jet iair.

Mat. 14. 36.

16 Im bar elōñ rej itok nōn Jerusalem jen jikin kwelok ko iturin, im bōktok ro re nañinmij, im ro rej abnōnō kin Jitōb r'ōtton; im rej kemour ir otemjej.

Mark 16. 17, 18. Jon 14. 12.

17 A pris eo elap e jutōk, im ro otemjej rej ber iben, (eo jaran Saddusi ro) im rej obrōk kin illu,

Jap. 4. 1, 2, 6.

18 Im likit peir na ion ro dri jilik, im likit ir na iloan prisõn.

Luk 21. 12.

19 A enjel in Iroi j ilo boñ ej kebelok aur ko ilo prisõn, im añinlok ir, im ba,

Jap. 12. 7. & 16. 26.

20 Komin ilok, im jutõk im konono iloan tempel ñõn armij rõn, nan otemjej an Mour in.

Jon 6. 68. & 17. 3. 1 Jon 5. 11.

21 Im ke rej roñ, rej dreloñ iloan tempel ke ejlboñ im katakin. A pris eo elap ej itok, im ro rej ber iben, im kokweloktok ro dri bebe, im elder ro nejin Israel, im jilkinlok ñõn prisõn in añintok ir.

Jap. 4. 5, 6.

22 A ke dri kabwjrõk rej itok, re jab lo ir iloan prisõn, im re jeblak, im kennanek,

23 Im ba, Emol kim ar lo prisõn eo ekilik im bin, im dri lale prisõn rej jutõk iturin aur ko: a ke kim ar kebelok, kimij lo ejelok armij iloan.

24 Im ke iroi j in tempel im pris ro relap rej roñ men kein, re berre e naj kijkan men in.

Jap. 4. 1.

25 Inem juõn ej itok im kennanek ir, im ba, Lo, armij rõn kom ar likit ir iloan prisõn, rej jutõk ilo tempel, im katakin armij ro.

26 Inem iroi j kab dri kabwjrõk rej ilok, im añintok ir im jab kamõkit ir; bwe rej mijõk armij, ñe r'ab kare ir.

Mat. 21. 26.

27 Im ke emwij air añintok ir, rej kajutõk ir iman mejen ro dri bebe; im pris eo elap ej kajitõk ibeir,

28 Im ba, Kim ar kanuij jiroñ kom bwe komin jab katakin ilo at in, im lo, kom ar kobrõk Jerusalem kin ami katak, im kõuan bõk-tok dran armij in iom.

Jap. 4. 18. Jap. 2. 23, 36. & 3. 15. & 7. 52. Mat. 23. 33. & 27. 26.

29 Inem Piter im ro jet dri jilik rej uak im ba, Emõn jen bokake Anij elap jen armij.

Jap. 4. 19.

30 Anij an ro jimar E ar kejerkak-biji Jisõs, eo kom ar mõne im to-toik e ilo wijki.

Jap. 3. 13. & 22. 14. Jap. 10. 39. & 13. 29. Gal. 3. 13. 1 Pit. 2. 24.

31 Anij e ar koutiej E kin anbij-marõõn bwe en Iroi j im Dri Lom-mor, bwe En lelok ukwelok ñõn Israel, im julok jerawiwi ko.

Jap. 2. 33. Hib. 2. 10. & 12. 2. Mat. 1. 21. 1 Luk 24. 47. Jap. 3. 26.

32 Im kim dri kennan kin men kein; im bareinwõt Jitõb Kwojar-jar, eo Anij e ar lelok ñõn ro rej bokake E.

Jon 15. 26, 27.

33 Ke rej roñ men kein, bukwe burueir, im re kõnan mõn ir.

Jap. 2. 37. & 7. 54. & 22. 3.

34 A juõn e jutõk ilo jar eo, e Parisi etan Gameliel, dri kaki in kien, eo armij otemjej rej nebar e, im ej jiroñ bwe ren likit ro dri jilik inabij jirik ien.

35 Im e ba ñõn ir, Kom armij in Israel, komin kejbãrok kom kin meu eo komij iten kõmõn e ñõn armij rein.

36 Bwe mokta jen ran kein, Tudas e ar jutõk, im mõke ba e juõn; jet armij, e nañin abuki, rej mõke koba na iben; e ar joko, im ir otemjej ro r'ar lore r'ar jibliklok, im joko.

37 Elikin armij in, Judas dri Galili, e jutõk ilo ran ko, ran in jeje at ko, im ej kañõl jet armij ilokõn: bareinwõt e ar joko; im ir otemjej ro r'ar bokake, re jibliklok.

38 Im kiõ ij ba ñõn kom, Komin ilok jen armij rein, im ren berwõt: bwe elañe bebe in, ak jerbak in jen armij rõn, e naj joko.

Pro. 21. 30.

39 A elañe e jen Anij, kom jab marõn in kokkure; ñe r'ab lo kom tõrinaek Anij.

Luk 21. 15. 1 Kor. 1. 25. Jap. 23. 9.

40 Im rej lemnok einwõt e: im ke emwij air kirtok ro dri jilik, im dreñlok ir, rej jiroñ bwe ren jab konono ilo etan Jisõs, im rej kõtlok ir.

Jap. 4. 18. Mat. 10. 17. & 23. 34. Mark 13. 9.

41 Im rej flok jen iman mejen ro dri bebe, im loñliñ bwe emwij likit ir im tellokön kin air iñtan kin Ät eo.

Mat. 5. 12. Pil. 1. 29. 1 Pit. 4. 13, 16.

42 Im ran otemjej iloan tempel, im ilo jikir e jab mwij air katakin im kwalok Jisös bwe E dri Kraist.

Jap. 2. 46. & 4. 20, 29.

### JAPTER 6.

**I**M ilo ran ko, ke orlok ro dri kador, ro dri Grik rej lotan dri Hibru, bwe re jab lale köra ro air ejoko beleir, ke rej ajej ilo ran otemjej.

Jap. 2. 41. & 4. 4. & 5. 14. 1 Jap. 4. 35. & 9. 29. & 11. 20.

2 Inem joñoul im ruo rej kirtok jaran dri kalor ñön ir, im ba, E jab emön bwe kimin likit nan in Anij, im jerbale tebel ko.

Eks. 18, 17.

3 Inem kom jelm im jätim, komin kabukot jiljillimjuön armij, e alikar air emön, im r'obrök kin Jitöb Kwojarjar im meletlet, ro kim naj likit ir ion jerbale in.

Dut. 1. 13. Jap. 16. 2. 1 Tim. 3. 7.

4 A kim naj möke nikip ien otemjej ilo jar, im ilo kwalok nan.

Jap. 2. 42

5 Im nan in ej kabuñburuen jar eo otemjej: im rej kälet Stipen, juön armij e obrök kin tömak im Jitöb Kwojarjar, im Pilip, im Prokorös, im Nikenor, im Talmon, im Parminas, im Nikolas eo e proselait jen Antioq.

Jap. 11. 24. & 8. 5, 26. & 21. 8. Rev. 2. 6, 15.

6 Rej likit ir iman ro dri jillk: im ke emwij air jar rej likit peir na loir.

Jap. 1. 24. & 13. 3. 1 Tim. 4. 14. & 5. 22. 2 Tim. 1. 6.

7 Im nan in Anij elaplok; im oran dri kalor elap an orlok i Jerusalem; im elap jaran pris ro rej bökake tömak eo.

Jap. 12. 24. & 10. 30. Jon 12. 42.

8 Im Stipen, eobrök kin joij im kajur, ej kömönimön meu in bwi-löñ ko relap im kaköle ko iben armij rön.

9 A jet ian imön kwelok an ro dri Libertin, im dri Sairine, im dri Alexandria, im jet ian ro jen Saisia im Esia, rej jutök im akwaile Stipen.

10 Im re ban jumae meletlet im Jitöb eo ej konono kake.

Luk 21. 15. Isa. 54. 17.

11 Inem rej kariöp armij ro rej ba, Kim ar roñ an konono nan ko nan in blasipim jumae Moses im jumae Anij.

1 Kin 21. 10, 13.

12 Im rej biuktöki armij im elder ro, im skraib ro, im rej kälok ion im jibwe, im añintok e fiön ro dri bebe,

13 Im rej kajutök ro dri kennan riöp, rej ba, Armij in e jab mwij an konono nan ko renana jumae jikin kwojarjar in im kien:

14 Bwe kim ar roñ an ba, bwe Jisös in dri Nazeret e naj kokkure jikin in, im e naj ukot mönit ko Moses e ar letok ñön kij.

Jap. 25. 8. Dan. 9. 26.

15 Im ir otemjej rej jljöt ijo, dri bebe, rej kalimjeke, im lo turin mejen, einwöt turin mejen eujel.

### JAPTER 7.

**I**M pris eo elap e ba, Ein drein men kein ke?

2 Im e ba, Kom jeiö im jätiö, im ro jema, komin karoñjake: Anij e albujuj e ar weaktok ñön jimar Ebream, ke e ar ber i Mesopotemia, mokta jen an jokwe i Heran,

Jap. 22. 1.

3 Im ba ñön e, Kwon flok jen eneo eneöm in jen ro nukum, im ilok ñön eneo I uaj bakajen ñön yuk.

Jen. 12. 1.

4 Inem ej itok jen eneo an dri Kaldia, im jokwe i Heran: im jen ijo, ke emij jemen, Ej añintok e ñön enin, ijin komij jokwe kiö.

Jen. 11. 31. & 12. 4, 5.

5 Im E jab lelok mötön enin ñön e, jab ridtön jenkwön neen; im Ej kalimur bwe En lelok enin fiön e

bwe en enen inen elkin, ien eo ke ejelok nejin.

Jen. 12. 7. & 13. 15. & 15. 3. 18. & 17. 8.

6 Im Anij e ar konono ein drein, bwe inen e naj ber i enen drua; im re naj kamakokoik ir, im kaifitan ir iomin abuki yiö.

Jen. 15. 13, 14. Eks. 12. 40.

7 Im Anij e ba, I naj ekajet dri ailiñ eo re naj kamakokoik ir: im tokellik re naj itok, im jeralb ñön Iö ilo enin.

Eks. 3. 12.

8 Im E ar lelok ñön e bujen in mijmij: im ein drein an Ebream keutak Aisak, im möjit e ilo ran ken ka drualitök; im Aisak e ar keutak Jeköb; im Jeköb e ar keutak joñoul im ruo petriark.

Jen. 17. 9-12. & 21. 2-4. & 25. 26. & 29. 31-35. & 30. 5-24. & 35. 18. 23-26.

9 Im ro jimar, kin air bane, r'ar wiakake Josep ñön Ijipt; a Anij ej ber lben,

Jen. 37. 4, 11, 28. Sam 106. 17. I Jen. 39. 2, 21, 23.

10 Im lomoren e jen iñtan otemjej an, im lelok ñön e jolj im meletlet iman mejeu Pero, kiñ in Ijipt; im ej likite bwe en iroiñ ion Ijipt, im ion aolepen mweo imön.

Jen. 41. 37. & 42. 6.

11 A ñitta ej itok ion aolepen Ijipt im Kenan, im elap iñtau: im ro jimar ejelok kijeir.

Jen. 41. 54.

12 A ke Jeköb ej roñ bwe eor korn i Ijipt, ej jilkinlok ro jimar mokta.

Jen. 42. 1.

13 Im ilo ien ken ka ruo, ar kwalok Josep ñön ro jein im jätin; im kwalok nukin Josep ñön Pero.

Jen. 45. 4, 16.

14 Im Josep ej jilkinlok, im bukotok Jeköb jemen, im nukin otemjej, jiljillimjuöñoul im lailim armij.

Jen. 45. 9, 27. & 46. 27. Dut. 10. 22.

15 Im Jeköb e ar wöñlöllok ñön Ijipt, im emlj, e kab ro jimar,

Jen. 46. 5. & 49. 33. Eks. 1. 6.

16 Im ar bökklok ir ñön Šikem, im likit ir iloan lüp eo Ebream e ar wiaik e kin wönan silver jen lömaro ro nejin Hemor ilo Šikem.

Eks. 13. 19. Jos. 24. 32. Jen. 23. 16. & 33. 19.

17 A ke ebak ien kalimur eo Anij e ar lelok ñön Ebream, armij rej edrek im orlok na i Ijipt,

Jen. 15. 13. Eks. 1. 7. Sam 106. 24.

18 Ñön ien eo bar juöñ kiñ ej walok, eo e jaje Josep.

19 E in ej kömön mon ñön nuker, im kaifitan ro jimar, bwe ren jolok niñniñ ro nejir, bwe ren jab mour.

Eks. 1. 22.

20 Ilo ien eo Moses e ar lotak, im e kanulj wölio, im ar kaninnin e iomin jilu aliñ iloan imön jemen.

Eks. 2. 2. Hib. 11. 23.

21 Im ke r'ar jolok e, köra nejin Pero ej bök e, im kökajiriri e bwe en nejin.

Eks. 2. 3-10.

22 Im Moses e ar katak ilo meletlet otemjej an dri Ijipt, im e kajur ilo nan im ilo jeralb ko.

Luk 24. 19.

23 Im ke e nañin ridtön eñoul yiö, ej lemnok ilo buruen bwe en ilen lala ro jein im jätin, ro nejin Israel.

Eks. 2. 11, 12.

24 Im ke ej lo juöñ lair e iñtan im ejelok ruöñ, ej jiböñ e, im ekwi kake eo ej iñtan, im möñ dri Ijipt.

25 Bwe ej lemnok ro jein im jätin re jela kijkan Anij ej kötlök ir kin pein; a re jab jela.

26 Im ran eo ilju ej möke kwalok e ñön ir ke rej iri, im ej könan kainemön ir, im ba, Armij, kom jimjän jimjätin; etke komij kömön nana ñön dron?

Eks. 2. 13.

27 A eo ej kömön nana ñön dri turin, ej jibellok e, im ba, Wön e ar kairoij yuk im likit yuk iroiñ in ekajet iom?

Luk 12. 14.

28 Kwo könan möñ lö, einwöt kw'ar möñ dri Ijipt inne ke?

29 Im Moses ej ko kin nan in, im e drua majet i ene Midian, ljo e ar keutak ruo nejin man.

Eks. 2. 15, 22. & 4. 20. & 18. 3, 4.

30 Im ke ejejit eñoul yiö, juöñ enjel e ar weaktok ñön e ilo ene jemaren an tol Sainai ilo urur in kijeek ilo jul.

Eks. 3. 2-7.

31 Im ke Moses ej lo e, e bwilõñ kake: im ke ej kebake bwe eu aluj, ainiken Iroi ej itok,

32 Na Anij an ro jimam, Anij an Ebream, im Anij an Aisak, im Anij an Jekõb. Inem Moses e wurrirr, im e jab beran in kalimjeke.

33 Inem Iroi e ba ñõn e, Kwon wutik am juj jen neõm, bwe ijene kwoj jutõk ie e kwojarjar.

Jos. 5. 15.

34 Emol I ar lo iñtan an ro druõ ro rej ber i Ijpt, im I ar roñ air ñijlok, im emwij Aõ wõnlõltak bwe In kõtlok ir. Im kiõ kwon itok, I naj jilkinlok yuk ñõn Ijpt.

35 Moses in eo r'ar joloke im ba, Wõn e ar kalroi yuk im likit yuk iroi in ekajet? E in Anij e ar jilkinlok bwe en iroi im dri lomor, kin pein enjel eo e ar weaktok ñõn e ilo jul.

Bwin. 20. 16.

36 Lein ej añintok ir ke emwij an kõmõnmõn men in bwilõñ ko im kakõle ko i ene Ijpt, im ilo lomalo Ekilmir, im ilo ene jemaren lomin eñoul yiõ.

Eks. 7. & 8. & 9. & 10. & 11. & 14. & 12. 41. & 33. 1. Sam 105. 27. 1 Eks. 14. 21. 27. Eks. 16. 1. 35.

37 Moses in, eo e ar ba ñõn ro nejin Israel, Juõn Dri Kanan eluwõt ña, Anij e naj kwalok ñõn kom jen ro jelmi im jãtimi.

Dut. 18. 15. Jap. 3. 22.

38 Le in eo ej ber ilo ekllsia ilo ene jemaren iben enjel eo ej konono ñõn e ilo tol Sainal, im iben ro jimar: ej bõk nan in mour ko bwe en letok ñõn kij.

Eks. 19. 3. 17. Isa. 63. 9. Jon. 1. 17. Rom. 3. 2.

39 Ñõn eo ro jimar re jab kõnan kible, a rej jolok e jen ir, im ilo burueir rej bar jeblak ñõn Ijpt,

40 Im ba ñõn Aron, Kwon kõmõnmõn anij ko ñõn kim bwe ren ilok imamlok: bwe Moses in eo ej añintok kim jen ene Ijpt, kim jaje ijo ej ber ie.

Eks. 32. 1.

41 Im rej kõmõn kon in kau ilo ran ko, im bõktok men in jurtak

ñõn ekjõp eo, im lõñliñ ilo jerbalko an peir wõt.

Sam 106. 19.

42 A Anij ej oktõk im ketõk ir bwe ren jerbalko ñõn men ko ror i lõñ; einwõt emwij jeje ilo buk an dri kanan ro, O kom ro nukin Israël, kom ar katok kin kiru ko remij im men in jurtak ko ñõn Iõ lomin eñoul yiõ ilo ene jemaren ke?

Sam 81. 12. Ezek. 20. 30. Dut. 4. 19. Jer. 19. 13. 1 Amos 5. 25-27.

43 Im kom ar kwotõke imõn kabber an Molok, im iju an anij Ripan, ekjõp ko kom ar kõmõni bwe komin kabuñ ñõn ir: im I naj añinlok kom etolok jen Babulõn.

44 Imõn kennan ilo ene jemaren e ar ber iben ro jimar, einwõt E ar likite, Eo ej konono ñõn Moses, bwe en kalek e einwõt ken kajeõ eo e ar loe.

Eks. 25. 40.

45 Men eo ro jimar elikir rej bõk im bõktok iben Joõua ke rej dreloñ iloan ene ko an dri allin ko, ro Anij e ar ubaklok ir iman mejen ro jimar, ñõn ran ko ran in Devid;

Jos. 3. 14. Sam 44. 2. Jap. 13. 19.

46 Eo ej lo joi jiman mejen Anij, im kajitõk bwe en lo juõn mweco imõn Anij an Jekõb.

2 Samuel 7. 1. Jap. 13. 22. 1 Kin 8. 17. 1 Kron. 22. 7.

47 A Solomõn e ar kalek im ñõn E. 1 Kin 8. 20. 1 Kron. 17. 12. 2 Kron. 3. 1.

48 A Eo eutiejtata E jab jokwe iloan mo ko pã ko rej kalek; einwõt dri kanan ej ba,

1 Kin 8. 27. 2 Kron. 2. 6. & 6. 18. Jap. 17. 24.

49 Lõñ Aõ tron, im lõl eran neiã. Ie wãwen im kom naj kalek ñõn Iõ? Iroi ej ba; ak ewi jikin Aõ kakije?

Isa. 66. 1. 2.

50 Peiõ e ar jab kõmõnmõn men kein otemjej ke?

51 Komeo ekijñeñi kenwami im jab mõiiti buruemi im lojliñimi. Ien otemjej komij jumae Jitõb Kwojarjar; einwõt jememi r'ar kõmõn. ein drein kom.

Eks. 32. 9. Isa. 48. 4. Levai 26. 41. Dut. 12. 16. Jer. 4. 4. Ezek. 44. 9.

52 Wōn ian ro dri kanan ro jeme-mi r'ar jab matōrtōre? Im r'ar mōn ro r'ar kwalok mokta kin an itok Eo ewānik; Eo komij dri ketōk E im dri urōt E:

2 Kron. 36. 16. Mat. 21. 35. Jap. 3. 14.

53 Komeo kom ar bōk klen eo ein-wōt enjel r'ar likit e, im kom ar jab kejbārok e.

Gal. 3. 19. Hib. 2. 2.

54 Ke rej roñ men kein, bukwe bu-rueir, im rej kijdreken ñlir ñōn e.

Jap. 5. 33.

55 A Ej obrōk kin Jitōb Kwojar-jar, im ej kalimjeke lōñ, im lo aibu-juij an Anij, im Jisōs ej jutōk i an-bijmaroñōn Anij,

Jap. 6. 5.

56 Im e ba, Lo, ij lo lōñ ebellok, im Nejin armij ej jutōk i anbijma-roñōn Anij.

Ezek. 1. 1. Jap. 10. 11. Dan. 7. 13.

57 A rej lamij im elap ainikeir, im rej binej lojilñir, im jimor kālok ion,

58 Im jolok e jen jikin kwelok, im kare: im ro dri kennan rej likit nuknuk ko air na i neen juōn likao, etan Saul.

Levit 24. 16. Dut. 13. 9, 10. & 17. 7. Luk 4. 29. Jap. 8. 1. & 22. 20.

59 Im rej kare Stipen, ke ej jar, im ba, O Iroj Jisōs, kwon bōk aō.

Jap. 9. 14. Sam 31. 5.

60 Im ej bukwelōlō, im lamij im elap ainiken, O Iroj kwon jab narueir ilo jerawiwi in. Im ke emwij an ba nan in, ej kiki.

Jap. 9. 40. & 20. 36. & 21. 5. Mat. 5. 44.

### JAPTER 8.

**I**M Saul ej bōk ñōn burueir kin an mij. Im ilo ien eo ej walok elap matōrtōr ñōn eklisia eo i Jeru-salem; im Ir otemjej rej jibliklok ilo ene ko i Judia im Sameria, ro dri jilik wōt rej ber.

Jap. 7. 58. & 22. 29. & 11. 19.

2 Armij emōn mwilir rej kalibwin Stipen, im elap air ñlajlol kin e.

Jen. 23. 2. & 50. 10. 2 Samuel 3. 31.

3 A Saul ej kokkure eklisia, ej dreloñ iloan im otemjej, im ej ke-

[Marshall Islands.] 6T

kake man im kōra im likit ir na iloan prisōu.

Jap. 9. 1, 13, 21. & 22. 4. & 26. 10, 11. 1 Kor. 15. 9. Pil. 3. 6. 1 Tim. 1. 13.

4 Inem ro r'ar jibliklok, rej etetal im kwalok nan.

Mat. 10. 23. Jap. 11. 19.

5 Im Pilip ej wōnlōllok ñōn jikin kwelok eo Sameria, im kwalok nan ñōn ir.

Jap. 6. 5.

6 Im jar ko rej jimor eoroñ men ko Pilip ej konono kaki, ke rej roñ-jaki im lo kakōle ko ej kōmōnmōni.

7 Bwe jitōb otton, ke rej lamij im elap ainukeir, rej jutōklok jen elōñ ro re kar miok na enbwini: im ar kemour elōñ ro r'akā, im kirro ro.

Mark 16. 17.

8 Im elap lōñliñ ilo jikin kwelok eo.

9 A juōn eman, etan Saimōn, eo mokta ilo jikin kwelok eo, ej narmir, im kabwilōñ ro dri Sameria, im mōke ba e juōn Elap.

Jap. 13. 6. & 5. 38.

10 Eo ir otemjej jen riktata ñōn laptata rej eoroñ e, im ba, Lein kajur eo an Anij im naetan Elap.

11 Im rej eoroñ e, bwe eto an kabwilōñ ir kin marmir ko an.

12 A ien eo rej tōmak Pilip ke ej kwalok nan emōn kin ailñ in Anij, im etan Jisōs Kraist, rej baptais, man im kōra.

Jap. 1. 3.

13 Inem bareinwōt Saimōn ej tōmak: im ke ej baptais, ej mok Pilip, im bwilōñ ke ej lo kakōle ko im kajur ko relap ej kōmōnmōni.

14 Im ke ro dri jilik rej ber i Jeru-salem rej roñ bwe Sameria e ar bōk nan in Anij, rej jilkinlok Piter im Jon ñōn ir.

15 Ke rejro wōnlōllok, rej jar kin ir, bwe ren bōk Jitōb Kwojarjar:

Jap. 2. 38.

16 Bwe E jañin buñ ioir: rej bap-tais wōt ilo etan Iroj Jisōs.

Mat. 23. 19.

17 Inem rejro likit peir ioir, im rej bōk Jitōb Kwojarjar.

Jap. 6. 6. & 19. 6. Hib. 6. 2.

18 Im ke Salmön ej lo bwe kin an dri jilik likit peir, ar lelok Jitöb Kwojarjar, ej kōnan lelok mōnni ñōn ir,

19 Im ba, Bareinwöt komin letok kajur in ñōn iō, bwe jabrewöt eo ij likit peiō ion en bök Jitöb Kwojarjar.

20 A Piter e ba ñōn e, En joko am silver im kwe, bwe kw'ar lemnok in wiaik meninaurök an Anij letok, kin mōnni.

Mat. 10. 8. Jap. 2. 38.

21 Ejelok am mōtōn ak jolit ilo nan in; bwe buruöm e jab jime iman mejan Anij.

22 Inem kwon ukwelok iböm kin nana in am, im akwelap ñōn Anij elañe bwelen En jolok lemnok in buruöm.

Dan. 4. 27. 2 Tim. 2. 25.

23 Bwe ij lo kwoj ber ilo at emeo, im ilo kworök enana.

Hib. 12. 15.

24 Im Salmön e uak, im ba, Komin jar ñōn Iroi j kin iō bwe ejelok ian men kein komij konono kaki en itok ioō.

Eks. 2. 8. Jem. 5. 16.

25 Im ke emwij airro kennan im kwalok nan in Iroi j, rej jeblak ñōn Jerusalem, im kwalok nan emōu ilo elōñ jikin kwelok redrik an dri Sameria.

26 Im enjel in Iroi j ej konono ñōn Pilip, im ba, Kwon jutök im ilok ñōn rök, ñōn ial eo ej wōnlöl jen Jerusalem ñōn Geza, eo ene jema-ren.

27 Im ej jutök im ilok: im lo, juōn armij in Itiopia, e eunök im outiej iben Kandase, liroi j in Itiopia, eo ej lale mweien otemjej, im e kar itok ñōn Jerusalem bwe en kabuñ,

Zep. 3. 10. Jon 12. 20.

28 Ej jeblak, im jijöt iloan jariöt eo an im konono ilo buk in dri kanan Aisaia.

29 Inem Jitöb ej ba ñōn Pilip, Kwon kebak im ber iben jariöt en.

30 Im Pilip ej tör ñōn e, im roñ-

jake an konono ilo dri kanan Aisaia, im ej ba, Kwoj melele ke men eo kwoj konono kake?

31 Im e ba, Ekijkan aō maroñ, elañe ejelok en ej tel iō? Im ej akwelap ñōn Pilip bwe en uwe im jijöt iben.

32 Mōtōn jeje eo ilo Baibel ej konono kake, efin. Ar tellok E einwöt šip ñōn mij; im einwöt kon in šip iman dri mijbar ej ikōñ, ein drein E jab walōñi loñin:

Isa. 53. 7, 8.

33 Ilo An etā ar jolok An ekajet; im wōn e naj kwalok An ebeben? bwe ar jolok An mour jen löl.

34 Im eunök ej uak Pilip im ba, Ij kajitök iböm, kin wōn an dri kanan konono men in? kin e mōke ak kin bar juōn armij ke?

35 Inem Pilip ej walōñi loñin, im jino jen jeje in, im kwalok Jisōs ñōn e.

Luk 24. 27. Jap. 18. 23.

36 Im ke rej ilok ilo ial eo lok, rej itok ñōn juōn dren: im eunök e ba, Lo dren e; ta ej bōprae iō bwe in jab baptais?

Jap. 10. 47.

38 Im e jiroñ bwe jariöt en bwi jrök. Im rejro wōnlöl ñōn loan dren, Pilip im eunök eo; im ej baptais.

39 Im ke rejro ato jen dren, Jitöb ñōn Iroi j ej böklok Pilip, im eunök eo e jamin bar lo e; im ej löñliñ im ilok ilo ial eo an.

1 Kin 18. 12. 2 Kin 2. 16. Ezek. 3. 12, 14.

40 Im ar lo Pilip i Azotös: ke ej driblok ej kwalok Gospel ilo jikin kwelok otemjej, ñōn len ej itok ñōn Seseria.

## JAPTER 9.

**A** SAUL, ke ej buñañōn kaleñ-ñiñ im uror ñōn ro dri kaloran Iroi j, ej ilok ñōn pris eo elap,

Jap. 8. 3. Gal. 1. 13.

2 Im kajitök letter ko ñōn imōu kwelok ko i Damaskös, bwe elañe ej lo jabrewöt ro air ial in, man ak



kõra, en liabe ir im bõktok ir nõn Jerusalem.

jap. 19. 9. 23.

3 Im ke ej ilok ielok, ej kebak Damaskõs: im emõkõj an juõn maram jen lõn romak iturin.

jap. 22. 6-11. & 23. 12-18. 1 Kor. 15. 8.

4 Im ej buñ ion brij, im roñ juõn ainiken ej ba fiõn e, Saul, Saul, etke kwoj matõrtõr Iõ?

5 Im e ba, Iroj, wõn Kwe? Im Iroj e ba, Ña Jisõs, eo kwoj matõrtõre:

6 A kwon jerkak im dreloñlok ilo jikin kwelok en, im naj kennanek yuk men eo kwon kõmõnmõne.

Luk 3. 10.

7 Im armij ro rej ilok ibenlok rej jutõk im ikõñ; rej roñ ainiken, a re jab lo armij.

Dan. 10. 7.

8 Im Saul ej jerkak jen brij; im ke ebellok mejen, e jab lo jabrewõt; im rej tel e kin pein, im añinlok e fiõn Damaskõs.

9 Im ej ber iomin jilu ran im jab lolokjen, im ej jab mõña ak irak.

10 Im juõn dri kalor ej ber i Damaskõs, etan Anenaiõs; im Iroj e ba fiõn e ilo viõõn, Anenaiõs. Im e ba, Lo, Iroj, ña e.

jap. 22. 12.

11 Im Iroj e ba fiõn e, Kwon jutõk, im ilok ilo ial eo etan Jime, im kajitõk iloan imõn Judas kin juõn en etan Saul, dri Tarsõs, bwe lo ej jar,

jap. 21. 30. & 22. 3.

12 Im e ar lo ilo viõõn juõn armij etan Anenaiõs ej dreloñ, im likit pein ion, bwe en lolokjen.

13 A Anenaiõs e uak, Iroj, I ar roñ jen elõñ kin armij in, ie lap en nana e ar kõmõne fiõn ro Am remõn i Jerusalem.

14 Im ijin eor nan iben jen pris ro relap bwe en liabe ir otemjej rej jar ilo Etõm.

jap. 7. 50. & 22. 16. 1 Kor. 1. 2. 2 Tim. 2. 22.

15 A Iroj e ba fiõn e, Kwon ilok: bwe e juõn Aõ jabi eo Ij kålet e, bwe en bõklok eta iman mejen dri

ailiñ ko, im kifi ro, im ro nejin Israel:

jap. 13. 2. & 22. 21. & 23. 17. 1 Kor. 15. 10. Gal. 1. 15. Ep. 3. 7. 1 Tim. 2. 7. 2 Tim. 1. 11. Rom. 1. 1. 5. & 11. 13. jap. 25. 22. 23. & 23. 1.

16 Bwe I naj kwalok fiõn e men ko relõn e naj iñtan kaki kin eta.

jap. 20. 23. & 21. 11. 2 Kor. 11. 23.

17 Im Anenaiõs ej ilok, im dreloñ iloan mweo; im ej likit pein ion im ba, Jatiõ Saul, Iroj, Jisõs eo E ar weaktok fiõn yuk ilo ial eo ke kw'ar itok, Ej jilkinwõj iõ, bwe kwon bar lolokjen, im obrõk kin Jitõb Kwojarjar.

jap. 22. 13. 1 jap. 2. 4.

18 Im kiõkiõ re buñ jen mejen einwõt kilin lik, im ej lolokjen; im ej jutõk im baptais.

19 Im ke emwij an mõña, ej kajurlok. Im iomin jet ran ej ber iben ro dri kalor rej ber i Damaskõs.

jap. 23. 20.

20 Im emõkõj an kwalok Jisõs iloan imõn kwelok ko, bwe E Nejin Anij.

21 A ir otemjej rej roñjake re bwi-lõñ, im re ba, E in e jab eo e ar kokkure ro r'ar jar ilo at in i Jerusalem ke? im ein drein an itok fiõn enin bwe en liabe im bõklok ir fiõn pris ro relap.

jap. 8. 3. Gal. 1. 13. 23.

22 A Saul elap an kajurlok, im e lajur an in nan fiõn dri Ju ro rej jokwe i Damaskõs, im kamol bwe E in dri Kraist.

jap. 18. 23.

23 Im ke elõñ ran remotelok, dri Ju ro rej bebe iben dron bwe ren mõn e.

jap. 23. 12. & 25. 3. 2 Kor. 11. 23.

24 A Saul e jela kajen air bebe. Im rej kebak ilo kejem ko ran im boñ bwe ren mõn e.

2 Kor. 11. 32.

25 A dri kalor ej añintok e ilo boñ, im rej drorõllok e ilikin worwor ilo kilõk.

Jos. 2. 15. 1 Samuel 19. 12.

26 Im ke emwij an itok fiõn Jerusalem, ej kajeõñ bwe en mõke koba

iben ro dri kalor : im ir otemjej rej mijök e, im jab tömak bwe e juöu dri kalor.

jap. 22. 17. Gal. 1. 17, 18.

27 A Barnebas ej bök e, im aäin- tok e ñön ro dri jilik, im bwebwe- nato ñön ir kijkan an lo Iroi j ilo ial eo, im kijkan e beran in kwalok i Damaskös ilo etan Jisös.

jap. 4. 36.

28 Im ej ber ibeir im itoitök i Je- rusalem.

Gal. 1. 18.

29 Im ej beran im konono ilo etan Iroi j, im aitueroke ro dri Gri k : a rej kabukot bwe ren mön e.

jap. 6. 1. & 11. 20.

30 A ke jimjän jimjäten re jela, rej aäinlöllök e ñön Seseria, im jil- kinlok e ñön Tarsös.

31 Inem eklisia eo ilo aolepen Ju- dia im Galili im Sameria ej aine- mön, im edreklok ; im ej etetal ilo mijök Iroi j im ilo alnemön jen Ji- töb Kwojarjar, im ej orlok.

jap. 8. 1.

32 Im ke Piter ej etal ilo ene ko otemjej, ej wönlöl ñön iben ro re- mön rej jokwe i Lidda.

jap. 8. 14.

33 Im Ijo ej lo juön armij etan Inias, eo e kar babu ion kinien io- min drualitök yiö, im e naäinmij kin akä.

34 Im Piter ej ba ñön e, Inias, Jisös Kraist ej kemour yuk : kwon jerkak im erök kiniöm. Im emö- köj an jerkak.

jap. 3. 6, 16. & 4. 10.

35 Im ir otemjej rej jokwe i Lidda im Šaron rej lo e, im rej öktök ñön Iroi j.

1 Kron. 5. 16. jap. 11. 21.

36 A juön dri kalor ej ber i Joppa etan Tabita, r'ar ukot nan in im naetan Dorkas ; köra in eobrök kin jermal ko remön im mweien tiriamo ko ej kömöni.

1 Tim. 2. 10. Tait. 3. 8.

37 Im ilo ran ko, e naäinmij im nij. Ke emwij air katutu e, rej likit e na ilo bo.

jap. 1. 13.

164

38 Bwe Lidda ebake Joppa, im dri kalor r'ar roñ bwe Piter ej ber ijo, rej jilkinlok ruo armij ñön e, im akwelap ñön e bwe en jabrumijtok ñön ir.

39 Inem Piter ej jutök im ilok ibeir- lok. Ke e mottok, rej aäinliñlok e ñön bo eo : im köra ro otemjej e- ju- ko beleir rej jutök iben im jöñ, im kwalok nuknuk ko im kobe ko Dorkas e ar kömöni ke e kar ber ibeir.

40 A Piter ej kadrioi jlok ir otem- jej, im bukwelölö, im jar ; im ej öktök ñön ubön im ba, Tabita, kwon jerkak. Im ebellok mejen ; im ke ej lo Piter, ej jerkak.

Mat. 9. 25. Mark 5. 41, 42. jap. 7. 60.

41 Im ej lelok pein ñön e, im ka- jutök e ; im ke emwij an kirtok ro remön, im köra ro ejoko beleir, ej kwalok e im ejmour.

42 Im re jela ilo aolepen Joppa : im elöñ rej tömak Iroi j.

Jon 11. 45. & 12. 11.

43 Im iomin elöñ ran ej berwöt ilo Joppa iben juön Saimön dri tanner.

jap. 10. 6.

## JAPTER 10.

**J**UÖN eman i Seseria etan Kornii- liös, senturiön an jar eo etan jar in Itelia.

2 Emön mwilin, im e mijök Anij, kab ro nuklu otemjej, im ej lelok elöñ mweien tiriamo ñön armij ro, im jar ñön Anij ien otemjej.

jap. 22. 12.

3 Ej lo ilo wiöön alikar, e naäin jilu auö ilo ran, juön enjel in Iroi j ej dreloñ ñön iben, im e ba ñön e, Korniliiös.

jap. 11. 13.

4 Im ke ej kalimjeke, ej lelñöñ, im ba, Ta eo Iroi j? Im e ba ñön e, Jar ko am, in mweien tiriamo ko am rej wönlñlok meü in keme- nej iman mejen Anij.

5 Im kiö kwon jilkinlok jet armij ñön Joppa, im bukottok juön Sai- niön, ät eo juön Piter.

6 Ej ber iben juðn Salmøn dri tanner, mweo imøn ej ber iturin lojit.  
jap. 9. 43. jap. 11. 14.

7 Im ke ej ilok enjel eo, e ar konono ñøn Kornillös, ej kirtok ruo dri korijeran, im juðn dri törinae emøn mwillin eo lan ro rej ber iben ien otemjej;

8 Im ke emwij an kennanek ir men kein otemjej, ej jilkinlok ir ñøn Joppa.

9 Ke ilju, ke rej ilok ilo ial eo air lok, im kebak ñøn jikin kwelok eo, Piter ej wönliflok ion mweo bwe en jar ilo joffoul im ruo auð:  
jap. 11. 5-14.

10 Im elap an kwuli, im e kðnan mðña; a ke rej kapojök, ej buñ iloan trans.

11 Im ej lo löñ ebellok, im juðn jäbi ej wönlöltak, einwöt juðn koj elap, ar dror e kin emen jabøn iou löl:  
jap. 7. 56.

12 Rej ber iloan kiru ko emen ne im men ko retobölböl i löl im bao ko i mejatoto wäweir wäwen otemjej.

13 Im juðn ainiken ej itok ñøn e, Piter, kwon jerkak, mðni im mðña.

14 A Piter e ba, Iroi, en jab ein drein, bwe I ar jab mðña men eo emo im jab erreo.

Leval 11. 2-47. & 20. 26. Dut. 14. 4-20. Ezek. 4. 14.

15 Im ainiken ej bar konono ñøn e ken ka ruo, Men eo Anij e ar karreok e, kwon jab kðmøn e emo.

Mat. 15. 11. Rom 14. 14, 17, 20. 1 Kor. 10. 26. 1 Tim. 4. 4. Tait. 1. 15.

16 Men in ar kðmðnmðne alen jilu: im bar bökliñlok jäbi eo ñøn löñ.

17 Im ke Piter ej möke berre ta melelen viðøn eo e ar loe, lo, armij ro ar jilkinlok ir jen Kornillös, re kar kajitök ewl imøn Salmøn, im rej jutök iturin aur eo,

18 Im kir, im kajitök elañe Salmøn, ät eo juðn Piter ej ber i mwün ke?

19 Ke Piter ej lemnok kin viðøn

eo, Jitöb e ba ñøn e, Lo, jilu armij rej kabukot yuk.

20 A kwon jerkak, im wönlöl, im ilok ibeir lok, im jab berre, bwe I ar jilkinwoj ir.

jap. 15. 7-9.

21 Inem Piter ej wönlöl ñðu armij ro, ar jilkinlok ir ñøn e jen Kornillös; im ba, Lo, ña e eo komij bukot e, komij iten it?

22 Im re ba, Kornillös senturiðn, armij emøn mwillin, im e juðn ej mijök Anij, im dri aillif in Ju ro otemjej re ba e emøn; Anij e ar kowe kin enjel ekwojarjar, bwe en jilkinwoj bwe kwon itok ñøn mweo imøn, bwe en roñ nan ko jen yuk.

23 Inem ej kadreloñ ir, im lala ir. Im ke ilju ej jutök im ilok ibeir lok, im jet jimjän jimjäten jen Joppa rej etal iben.

24 Im ran eo tokelik rej dreloñ iloan Seseria. Im Kornillös ej kðtar ir, im e kar kirtok ro nukin im ro jeran.

25 Im ke Piter ej dreloñ, Kornillös ej wðnmae, im e buñ na iturin neen, im kabuñ.

26 A Piter ej kejerkak e, im ba, Kwon jutök; ña bareinwöt juðn armij.

jap. 14. 15. Rev. 19. 10. & 22. 9.

27 Im ke ej konono iben, ej dreloñ, im lo elöñ ro r'ar kweloklok.

28 Im ej ba ñøn ir, Kom jela emo an dri Ju kömao ak itok ñøn iben dri bar juðn aillif; a Anij e ar kaktakin ið bwe in jab likit jabrewöt armij emo ak jab erreo.

Jon 4. 9. & 18. 28. jap. 11. 3. Gal. 2. 12, 14.

29 Kin men in ij mökðjtök, ke kw'ar jilikitök bwe in iwij. Inem ij kajitök, etke kom ar jilikitök ñøn ið?

30 Im Koruillös e ba, Ilo ran eo ken k'emmen mokta I ar jitlok ñøn auð in; im ke jilu auð I ar jar iloan mwün imð, im lo, juðn armij e jutök imau meja, emouj nuknuk ko an,

31 Im ba, Korniliös, emwij roñjake jar eo am, im mwelen tiriampo ko am re men in kememej iman mejen Anij.

32 Inem kwon jilikilok ñõn Joppa, im kirtok Saimõn, at eo juõn Piter: ej ber iloan imõn juõn Saimõn dri tanner ituriu lojit.

33 Inem emõkõj aõ jilikwoj ñõn yuk: im emõn am kõmõnmõn bwe kw'ar itok. Inem kiõ kim otemmej ber ijin iman mejen Anij, bwe kimiu roñ men otemmej Anij e ar jiroñ yuk kaki.

34 Inem Piter ej walõñi loñiu, im ba, Emol, ij killi bwe Anij e jab lemnok kin okõtõn armij:

Dut. 10. 17. 2 Kron. 19. 7. Job 34. 19.

35 A ilo ailñ otemjej eo ej mijõk E, im jerbale kwojarjar, ej kabuñburuen.

Jap. 15. 9. Rom 2. 13. 27. & 3. 22. 29. & 10. 12. 13. 1 Kor. 12. 13. Gal. 3. 28. Ep. 2. 13. 18. & 3. 6.

36 Nan eo E ar jilkinlok ñõn ro nejin Israel, im kwalok gospel eo kin Jisõs Kraist: (E Iroj ion otemjej:)

Kol. 1. 20. Mat. 28. 18. Rom 10. 12. Rev. 17. 14. & 19. 16.

37 Komij jela nan eo ar kwalok e i aolepen Judia, im jino jen Galili, ellikin baptais eo Jon e ar kwalok e,

Luk 4. 14.

38 Ekijkan an Anij kabit Jisõs dri Nazeret kin Jitõb Kwojarjar im kin kajur; Eo ej etetal im kõmõnmõn emõn, im kemour r'otemjej devil e ar kebioup ir; bwe Anij iben.

Jap. 2. 22. & 4. 27. Jon 3. 2.

39 Im kim dri kennan kin men otemjej E ar kõmõni ilo ene an dri Ju ro, im iloan Jerusalem: Eo r'ar mõne im totoike ilo wijkil:

Jap. 2. 32. & 5. 30.

40 Anij e ar kejerakkbiji E ilo ran eo ken ka jilu, im kwalok E alikar;

Jap. 2. 24.

41 Jab ñõn armij otemjej, a ñõn ro dri kennan Anij e ar kãlet ir mokta, aet, ñõn kim, kim ar mõña

166

Im irak iben ellikin An jerkakbiji jen ro renij.

Jon 14. 17. 22. Jap. 13. 31. Luk 24. 20. 42. Jon 21. 13.

42 Im E ar jiroñ kim bwe kimin kwalok ñõn armij rõn, im kennan bwe E in Eo Anij e ar likit E bwe En Dri Ekajet ro remour im ro renij.

Mat. 28. 19. 20. Jap. 1. 8. Jon 5. 22. 27. Jap. 17. 31. Rom 14. 9. 2 Tim. 4. 1. 1 Pit. 4. 5.

43 Ro dri kanan otemjej r'ar kennan kin E, bwe kin etan jabrewõt eo ej liki E, e naj bõk jurlok jera-wiwi ko an.

Isa. 53. 11. Jer. 31. 34. Dan. 9. 24. Mika 7. 18. Jap. 23. 22. Jap. 15. 9. & 23. 18. Rom 10. 11. Gal. 3. 22.

44 Ke Piter ej konono nan kein, Jitõb Kwojarjar Ej buñ ioir otemjej rej roñjake nan.

Jap. 11. 15.

45 Im ro dri mijmij ro rej tõmak re bwilõñ, ir otemjej rej itok iben Piter tok, bwe bareinwõt emwij lutõk meninaurõk an Jitõb Kwojarjar ion dri ailñ ko.

Jap. 11. 18.

46 Bwe rej roñ air konono kin lo ko, im wijtake Anij. Im Piter ej uak,

47 Ewi armij ej marõn in bõprae dren, bwe rein ren baptais, ro r'ar bõk Jitõb Kwojarjar einwõt kim?

Jap. 11. 17. & 15. 8. 9. Rom 10. 12.

48 Im ej jiroñ bwe ren baptais ir ilo etan Iroj. Inem rej akwelap ñõn e bwe en berwõt lomìn jet ran.

1 Kor. 1. 17. Jap. 2. 38. & 8. 16.

## JAPTER 11.

**I**M ro dri jilik im jimjãn jimjãten i Judia, rej roñ bwe dri ailñ ko r'ar bareinwõt bõk nan in Anij.

2 Im ke emwij an Piter wõnliñlok ñõn Jerusalem, jet tan dri mijmij rej akwail e,

Jap. 10. 45. Gal. 2. 12.

3 Im ba, Kw'ar dreloñ ñõn iben armij ro re jab mijmij, im mõña ibeir.

Jap. 10. 28.

4 A Piter ej kwalok men in, im

kemeleleik e jimewöt ñön ir jen jinoin, im ba,

Luk 1. 3.

5 I ar ber i jikin kwelok Joppa im jar; im ilo trans I ar lo juön višön, juön jäbi ej wönlöltak einwöt juön koj elap, drorlöi e jen löñ kin emen jabön; im ej itok ñön iö:

jap. 10. 9-32.

6 Im ke I ar kalimjeke, ij kalomönlokjen, im lo kiru ko in löi emen ne, im kiru ko r'awia, im men ko retobölböl, im bao ko i mejatoto.

7 Im I ar bareinwöt roñ ainiken e ba ñön iö, Piter, kwon jerkak; möni im köñi.

8 A I ar ba, Iroj, en jab ein dreiu: bwe ejelok men eo emo ak jab erreo e ar dreloñ iloan löñiö jabrewöt len.

9 A ainiken ej bar uak iö jen löñ, Men eo Anij e ar karreo, kwon jab kömöne emo.

10 Im men in ar kömöne alen jilu: im ir otemjej bar töpi ñön löñ.

11 Im lo, emököj an jilu armij jutök iturin mweo I ar ber ie, ar jiliktok ir jen Seseria ñön iö.

12 Im Jitöb ej jiroñ iö bwe in ilok ibeir lok, im jab lemnok kin elikin armij. Im bareinwöt rein jiljino jeiö im jätiö r'ar etal iba, im kim ar dreloñ iloan imöñ armij eo.

jap. 10. 23.

13 Im e ar kwalok ñön kim kljkan an lo juön enjel iloan mweo imöñ, eo e jutök im ba ñön e, Kwon jilkinlok jet armij ñön Joppa, im kirtok Saimön, ät eo juön Piter;

14 E naj kennanek yuk nan ko naj lomoröm im ro nukum otemjej kin ir.

15 Im ke I ar jino in konono, Jitöb Kwojarjar ej buñ loir, einwöt loer ilo jinoin.

jap. 2. 4.

16 Im I ar kememej nan in Iroj, ekijkan An ba, Eniol, Jon e ar baptais kin dren; a naj baptais kom kin Jitöb Kwojarjar.

Mat. 3. 11. jap. 1. 5. & 19. 4.

17 Inem elañe Anij e ar lelok ñön ir meninaurök eo einwöt E ar letok ñön kijeo, ke jar liki Iroj Jisös Kraist, Wön ña bwe in maroñ in jumae Anij?

jap. 10. 47. & 15. 8, 9.

18 Ke rej roñ men kein rej iköñ, im rej wijtake Anij, im ba, Inem Ej bareinwöt lelok ñön ro dri aillñ ko ukwelok bwe ren mour.

19 A ro r'ar jibliklik kin matörtör eo e ar walok kin Stipen, r'ar ilok ñön Pinišia, im Saiprös, im Antiok, rej kwalok nan ñön ejelok armij a ñön dri Ju ro wöt.

jap. 8. 1.

20 Im jet iair dri Saiprös im dri Sairine, ke rej itok ñön Antiok, rej bareinwöt konono ñön ro dri Grik, im kwalok Iroj Jisös.

jap. 6. 1. & 9. 29.

21 Im pein Iroj ej ber ibeir: im elöñ ro rej tömak, rej okötök ñön Iroj.

Luk 1. 66. jap. 9. 35.

22 Inem nan kin ir ej itok ñön lolljilñin eklisia eo i Jerusalem; im rej jilkinlok Barnebas bwe en ilok ñön Antiok.

jap. 9. 27.

23 Ke e mottok, im loan Anij joi, ej löñliñ, im ej kowe ir otemjej, bwe en rim burueir, im errep ñön Iroj.

jap. 13. 43. & 14. 22.

24 Bwe e juöu armij emöñ, im eobrök kin Jitöb Kwojarjar, im kin tömak: im elöñ armij rej koba iben Iroj.

jap. 6. 5.

25 Im Barnebas ej ilok ñön Tarsös, bwe en bukot Saul;

jap. 9. 30.

26 Im ke e ar lo e, ej añintok e ñön Antiok. Im iomin aolepen juön yiö rej jimor kweloklok iben ro dri eklisia im katakin elöñ armij. Im ro dri kalor, ar naetair dri Kristian mokta i Antiok.

27 Ilo ran keiu jet dri kanan rej itok jen Jerusalem ñön Antiok.

jap. 13. 1. & 15. 32. & 21. 9. 1 Kor. 12. 28. Ep.

28 Im juõn iair, etan Agebõs, e ju-tõk im kwalok kin Jitõb bwe e naj ñitta elap i ene otemjej i lõl; eñiu e ar walok ilo ran ko an Klaudiõs.

jav. 21. 10.

29 Im ro dri kalor otemjej r'ar bebe bwe einwõt air marofi ren jil-kinlok men in jibõñ jimjån jimjå-ten rej jokwe i Judia.

30 Im r'ar kõmõn men in im jil-kinlok e ñõn elder ro kin pein Bar-nebas im Saul.

jav. 12. 25.

### JAPTER 12.

**I**M ebak ien eo Herõd kifñ ej erlo-kwe pein bwe en kañitan jet ian dri eklisia.

2 Im ej mõn James jåtin Jon kin jåji.

Mat. 4. 21. & 20. 23.

3 Im ke ej lo bwe men in ej kalõñ-liñ dri Ju ro, ej bareinwõt jibwe Piter. Im ran ko ran in bred e jab leven.

Eks. 12. 14, 15. & 23. 15.

4 Im ke emwij an jibwe, ej likit e iloan prisõn, im ketõk e ñõn jo-ñoul im jiljino dri tõrinae bwe ren bar e; ej bebe ñe ejemlok kwojkwøj in kijone, e naj añintok e ñõn ar-mij rõn.

5 Inem rej bar Piter iloan prisõn; a elap an eklisia jar ñõn Anij kin e.

2 Kor. 1. 11. Ep. 6. 18.

6 Im ke Herõd e kõnan añintok e, boñin in Piter ej kiki lolapin ruo dri tõrinae, ej illuk kin ruo tomere: im dri lale prisõn iturin aur eo rej bar prisõn.

7 Im lo, enjel in Iroiñ ej weaktok, im maram ej romak iloan prisõn eo, im ej ubrare katin Piter im kworuj e, im ba, Kwon jerkak kiõkiõ. Im tomere ko an rej wutlok jen pein.

jav. 5. 19.

8 Im enjel ej ba ñõn e, Kwon ka-ñõrñõr, im lukwoj am sandal; im ej kõmõn einwõt. In ej ba ñõn e, Kwon kobebe kin am kobe, im lor lõ.

9 Im ej drioiñlok im lore; im e

jaje mol ke jab ke an enjel kõmõn; a ej lemnok ej lo juõn viõõn.

Sam 126. 1. jap. 10. 3, 17. & 11. 5.

10 Ke rejro kijone dri bar mokta, im dri bar ken ka ruo, rej itok ñõn aur mal iman ial ñõn jikin kwe-  
lok; eo e mõke bellokk ñõn ir: im rejro drioiñlok, im driblok juõn ial; im emõkõj an enjel ilok jen e.

jav. 16. 26.

11 Im ke Piter e jelalokjen, e ba. Kiõ I jela emol Iroiñ e ar jilkintok an enjel, im kõtlok lõ jen pein He-rõd, im jen kõtõmene otemjej an dri Ju ro.

Job 5. 19. Sam 33. 18, 19. & 34. 22. & 41. 2 & 97. 10. 2 Kor. 1. 10.

12 Im ke emwij an kalomõnlokjen kin men eo, ej itok ñõn mwewo imõn Meri jinen Jon åt eo juõn Mark; ijo elõñ rej kwelok ie im jar.

jav. 4. 23. jap. 15. 37.

13 Im ke Piter ej kalõllõl ilo aur eo erik, juõn jiroñ ej iten uak, etan Roda.

14 Im ke ej kill ainiken Piter, e jab kebellok aur kin an lõñliñ, a etõr iloan, im kennanek ekijkan an Piter jutõk ilikin aur.

15 Im re ba ñõn e, Kwo uriekak. A ebin an ba emol otem mol. Inem re ba, Enjel eo an.

Mat. 18. 10.

16 A Piter ej kalõllõl wõt: "Im ke emwij air kebellok, im lo e, re bwilõñ.

17 A ke emwij an bõprae ir kin pein bwe ren ikõñ, ej kennanek ir kijkan an Iroiñ añintok e jen prisõn. Im e ba, Komin ilem ken-nanek men kein ñõn James, im ñõn jimjån jimjåten. Im ej ilok im etal ñõn bar juõn jikin.

jav. 13. 16. & 19. 33. & 21. 40.

18 Im ke e rantak, elap jåwene iben dri tõrinae kin an Piter ber ia.

19 Im ke emwij an Herõd kabu-kot e, im jab lo e, ej ekajet dri bar ro, im jiroñ bwe ren mõn ir. Im ej wõulõllok jen Judia ñõn Sezeria, im jokwe ijo.

20 Im elap an illu ñõn ro dri Tair im Saidon: im ke emwij air jeraik

dri lale bo an kiñ eo, rej jimor itok fiñn iben, im kajitök iben kin aine-mön; bwe eneo an kiñ ej najirik eneo eneir.

1 Kin 5. 9, 11. Ezek. 27. 17.

21 Im ilo juñ ran e kar kälet e, Heröd ej köñök nukruk an kiñ wöt, im jijöt ion tron eo, im kwalok konono elap fiñn ir.

22 Im armij rej lamij, im ba, Aniken anij, im e jab an armij.

23 Im emököj an enjel in Iroj mön e, bwe e ar jab wijtake Anij: im likakrök rej köñe, im e mij.

1 Samuel 25. 38. 2 Samuel 24. 17. Sam 115. 1.

24 A nan in Anij ej edreklok im orlok.

jav. 6. 7. & 19. 20. & 11. 29.

25 Im Barnebas im Saul rejro jeblak jen Jerusalem, ke emwij air kamol jermal eo air, im rej añintok ibeir Jon, ät eo juñn Mark.

jav. 13. 5, 13. & 15. 37.

### JAPTER 13.

**A** ILO eklesia i Antiok jet dri kanan im dri kaki; etair Barnebas, im Simeön eo etan Najer, im Lusiös dri Sairine, im Meneen eo jeln im jätin Heröd titrak, im Saul.

jav. 11. 22-27. & 14. 26. & 15. 35. Rom 11. 21.

2 Ke rej jermal fiñn Iroj im jitolok, Jitöb Kwojarjar ej ba, Komín kamökkelok iair Barnebas im Saul fiñn Iö kin jermal eo I ar kirtok ir fiñn e. Bwin. 8. 14. jav. 9. 15. Mat. 9. 38. jav. 14. 26. Rom 10. 15. Ep. 3. 7, 8. 1 Tim. 2. 7. 2 Tim. 1. 11. Hib. 5. 4.

3 Im ke emwij air jitolok im jar, im likit peir ioir, rej jilkinlok ir.

jav. 6. 6.

4 Inem, bwe Jitöb Kwojarjar ej jilkinlok ir, rejro wönlölok fiñn Siluäia; im jen ijo rej jerök fiñn Saiprös.

jav. 4. 36.

5 Im ke rejro ber i Salemis, rej kwalok nan in Anij iloan imön kwelok ko an dri Ju ro: im bareinwöt Jon ej dri jermal fiñn ir.

jav. 42. 25.

6 Im ke emwij air driblok aolepen allin eo fiñn Pecos, rej lo juñn dri

[Marshall Islands.] 61\*

marmir, dri kauan riöp, dri Ju, etau Barjisös.

jav. 8. 9.

7 E ar ber iben prokonsöl, etan Serjiös Paulös, e dri jelalokjen; ej kirtok Barnebas im Saul fiñn iben, im könan roñ nan in Anij.

8 A Ellimas dri marmir, (bwe eñin ukötön etau) ej jumae ir, im könan kajeör prokonsöl jen tömak.

Eks. 7. 11. 2 Tim. 3. 8.

9 Inem Saul, bareinwöt naetan Paul, eobrök kin Jitöb Kwojarjar, ej kalimjeke,

jav. 4. 8.

10 Im ba, O kw'obrök kin mon otemjej im nana otemjej, nejin devil, dri kijiräte men otemjej remön, kwo jamin kamwijlok am kankeke ial ko rejime an Anij ke?

Mat. 13. 38.

11 Im kiö, lo, pein Iroj lom, im kwo naj bilo, im jamin lo al fiñn juñn ien. Im emököj tap im marok rej buñ ion; im ej etetal, im kabukot jabrewöt dri tel e kin pein.

1 Samuel 5. 6.

12 Inem prokonsöl eo, ke ej lo men eo kömönmöne, ej tömak, im e bwilöñ kin katak an Iroj.

13 Ä Paul im ro iben rej jerök jen Pecos im itok fiñn Perga i Pampilla: im Jon ej ilok jen ir im jeblaklok fiñn Jerusalem.

jav. 15. 38.

14 Im ke emwij air driblok Perga, rej itok fiñn Antiok i Pisidia, im ej dreloñ iloan imön kwelok ilo ran Sabat, im jlijöt.

jav. 16. 13. & 17. 2. & 18. 4.

15 Im elikin konono ilo kien im dri kanan ro, iroj ro an imön kwelok rej jiliklok fiñn ir, im ba, Komeo, jeim im jätim, elañe jabrewöt nan in kowe armij rön ibemi, komin kwalok mök.

Luk 4. 16. Hib. 13. 22.

16 Im Paul ej jutök im boprae kin pein, im ba, Armij in Israel, im komeo komij mijök Anij, karoñjake.

jav. 12. 17. & 10. 35.

17 Anij an armij in Israel E ar kälet ro jimar, im koutiej armij ro ke

r'ar jokwe einwöt ro drua i ene Ijpt, im kin pein eutiey E ar aäntok ir jen e.

Dut. 7. 6. 7. Eks. 1. 1. Sam 105. 23, 24. jap. 7. 17. Eks. 13. 14, 16.

18 Im iomir enaäin enöul yiö E ar kökajiriri ir ilo ene jemaren.

Eks. 16. 35. Bwin. 14. 33, 34. Sam 95. 9, 10. jap. 7. 36.

19 Im ke emwij an kokkure Jiljil-imjuön ailiñ ilo ene Kenan, Ej lelok ene eo air ñön ir air jolit, iomin enaäin äbuki im limfioul yiö:

Dut. 7. 1. Jos. 14. 1, 2. Sam 78. 55.

20 Im elikin men kein E ar lelok ñön ir ro iroj in ekajet ñön ien eo an Samuel, dri kanan.

Eka. 2. 16. 1 Samuel 3. 20.

21 Im tokelik rej kajitök juön kiñ: im Anij e ar lelok ñön ir Saul nejin Kiä, juön armij jen bwijin Benjamin, iomin enöul yiö.

1 Samuel 8. 5. & 10. 1.

22 Im ke emwij an jolok e, E ar koutiej Devid bwe en air kiñ; im Ej kwalok nan in kennan ñön e, im ba, Emwij aö lo Devid nejin Jesse, armij buruen einwöt buruö, eo e naj kömön ankil Aö otemjej.

1 Samuel 15. 23, 26, 28. & 16. 1, 13. 2 Samuel 2. 4. & 5. 3. Hos. 13. 11. Sam 89. 20. 1 Samuel 13. 14. jap. 7. 46.

23 Jen inen armij in, Anij, ekar ñön kalimur eo, E ar aäntok ñön Israel juön Dri Lomor, Jisös:

Luk 1. 32, 60.

24 Ke Jon e ar kwalok baptais kin ukwelok ñön armij in Israel otemjej, mokta jen An itok.

Mat. 3. 1.

25 A ke Jon ej kömön jermal eo an, e ba, Wön ña ilo ami lemnok? Na I jab E. A lo, juön ej itok elikiö, ballin neen lj betkake bwe in jelate.

Mat. 3. 11.

26 Komeo, jeiö im jätiö, ro nejin Ebrean, im ro jabrewöt iam rem'jök Anij, jilkintok nan in lomor in ñön kij.

jap. 3. 26.

27 Bwe ro rej jokwe ilo Jerusalem, im iroj ro air, kin air jaje E, im jaje aliken dri kanau ro, konono

ilo buk ko air ran Sabat otemjej, r'ar kamol i kin air liakelok E.

Luk 23. 34. jap. 3. 17. 1 Kor. 2. 8. Luk 24. 20, 44. jap. 26. 22.

28 Im meñe r'ar jab lo ruön bwe En mij, r'ar akwelap ñön Pailat bwe En mij.

Mat. 27. 22. Mark 15. 13, 14. Luk 23. 21, 22. jap. 3. 13, 14.

29 Im ke emwij air kamol men otemjej ar jeje kin E, rej dror E jen wijki, im likit E na iloaan lüp.

Luk 18. 31. & 24. 44. Jon 19. 28, 30, 36, 37. Mat. 27. 50. Mark 15. 46. Luk 23. 53. Jon 19. 38.

30 Im Anij e ar kejerkakbiji E jen ro remij.

Mat. 28. 6. jap. 2. 24.

31 Im ro r'ar itok iben tok jen Galili ñön Jerusalem r'ar lo E elöñ ran, im ir An dri kennan ñön armij rön.

1 Kor. 15. 5-7. jap. 1. 3, 8, 11. & 2. 32.

32 Im kim kwalok ñön kom nan in löñliñ ko emwij lelok ñön ro jimar, Jen. 12. 3. & 22. 18. jap. 26. 6. Rom 4. 13. Gal. 3. 16.

33 Ekijkan an Anij kamol men in ñön kij ro nejiir, kin An kejerkakbiji Jisös: einwöt jeje ilo Sam ken ka ruo, Kwe Nejiö man, I ar keutak Yuk ranin.

Sam 2. 7. Hib. 1. 5. & 5. 5.

34 Im kin An kejerkakbiji E jen ro remij, im e jamin bar jeblak ñön köt, E ar ba nan kein, I naj lewoj ñön Yuk men ko rokwojarjar im remol an Devid.

Isa. 55. 3.

35 Kin men eo, Ej bareinwöt ba ilo bar juön Sam, Kwo jamin lelok Am Dri Kwojarjar bwe En lo köt.

Sam 16. 10.

36 Bwe elikin an Devid bokake ankil an Anij ilo ebeben eo an, e mij, im r'ar likit e iben ro jemen, im ej lo köt,

1 Kin 2. 10. jap. 2. 29.

37 A Eo Anij e ar kejerkakbiji E, E ar jab lo köt.

38 Kin men kein, kom jeiö im jätiö, komin jela bwe kin armij in kim kwalok ñön kom jurlok jera-wiwi ko.

Jer. 31. 34. Dan. 9. 24. Luk 24. 47. 1 Jon 2. 12.



39 Im kin E, ir otemjej rej tōmak, emwij kowānik ir jen men otemjej, men ko kien Moses e jab maroñ in kowānik ir kaki.

Isa. 53. 11. Rom 3. 28. & 8. 3.

40 Kin men eo, komin kejbārok kom ñe men eo ab itok lomi, men eo dri kanan ro r'ar konono kaki;

Isa. 29. 14. Hab. 1. 5.

41 Lo, komeo dri kejekron, kom bwilōñ im joko: bwe Ij jerbale juōn jermal ilo ran ko ami, jermal eo kom kanuij jamin tōmak, elañe juōn armij ej kennanek kom.

42 Im ke emwij air drioijslok, rej akwelap bwe ren kwalok nau kein ñōn ir ilo Sabat e naj itok.

43 A ke emwij kōtlok jar eo iloan imōn kwelok, elōñ ian dri Ju ro, im dri proselait emōn mwilir rej mok Paul im Barnebas; ke rejro konono ñōn ir, rej kowe ir bwe ren berwōt ilo joijs in Anij.

Jap. 11. 23. & 14. 22. Tait. 2. 11. Hib. 12. 15.

1 Pit. 5. 12.

44 Im ke Sabat ej itok, enañin aolepen jikin kwelok rej kweloklok bwe ren roñjake nan in Anij.

45 A ke dri Ju ro r'ar lo jar ko, r'obrōk kin bōn, im rej konono nae men ko Paul ej konono kaki, im blaspim.

Jap. 18. 6. 1 Pit. 4. 4. Jud 10.

46 Inem Paul im Barnebas elap air beran, im re ba, Emōn jen kwalok nan in Anij ñōn kom mokta; a kin ami julok jen kom im mōke ekajete kom betkake jen mour in drio, kimij oktōk ñōn ro dri allin ko.

Jap. 3. 26. Dut. 32. 21. Mat. 21. 43. Jap. 28. 28.

47 Bwe ein drein an Iroj jiroñ kim, im ba, I ar likit Yuk maram ñōn dri allin ko, bwe Kwon binmour ñōn jabōn lōl etoloktata.

Isa. 42. 6. & 49. 6. Luk 2. 32.

48 Im ke dri allin ko rej roñjake men in, rej lōñin im wijtake nan in Iroj; im ro jabrewōt ar likit ir bwe ren mour in drio, rej tōmak.

Jap. 2. 47.

49 Im nan in Iroj ej berijōke ilo aolepen ene eo.

50 A dri Ju ro rej biuktōk ro liātōktōk im ro leātōktōk ilo jikin kwelok, im kōmōu bwe ren matōrtōre Paul im Barnebas, im jolok irro jen ene ko eneir.

2 Tim. 3. 11.

51 A rej joijs bōñōñōñ in neir nae ir, im itok ñōn Aikoniōm.

Mat. 10. 14. Mark 6. 11. Jap. 18. 6.

52 Im ro dri kalor rej obrōk kin lōñin, im kin Jitōb Kwojarjar.

Mat. 5. 12. Jon 16. 22.

#### JAPTER 14.

**I**M ke rej ber iloan Aikoniōm, rejro dreloñ iloan imōn kwelok an dri Ju ro, im elōñ dri Ju kab ro dri Grik rej tōmak kin air in nan.

2 A dri Ju, ro re jab tōmak, rej biuktōk buruen ro dri allin ko, im kananaik ir nae jimjān jimjāten.

3 Inem eto air ber ijo, im re beran im konono ilo Iroj, eo Ej kennan kin nan in joijs eo An im lelok kakōle ko, im men in bwilōñ ko kin peir.

Mark 16. 20.

4 A jar in jikin kwelok e jibil; im jet iben dri Ju ro, im jet iben ro dri jilik.

Jap. 13. 3.

5 Im ke dri allin ko, im dri Ju ro kab Iroj ro air, rej teltiltok ir, bwe ren kōkkure ir im kare ir,

2 Tim. 3. 11.

6 Re jela kajen im ko ñōn Listra im Derbe, ruo jikin kwelok in Laikeonia, im ñōn eneo iturin.

Mat. 10. 23.

7 Im ijo rej kwalok gospel.

8 Im ilo Listra juōn eman ej jijōt, emōjino kin neen, ekirro jen lojen jinen, e ar jab etetal:

Jap. 3. 2.

9 Lein ej roñ an Paul konono, eo ej kalimjeke, im kili bwe eor an tōmak bwe en mour,

10 Im e ba kin ainiken elap, Kwon jutōk jime kin neōm. Im ej kāki im etetal.

11 Im ke armij rej lo men eo Paul e ar kōmōnmōne, rej koutiej ainikeir, im ba ilo kajen Laikeonia,

anij ro rej wönlöltak ñön kij, im einwöt wäwen armij.

Jap. 8. 10. & 28. 6.

12 Im Barnebas rej likit etan Jupiter; im Paul rej naetan Merkurios, bwe e lukuwön in konono.

13 Inem pris an Jupiter, tempel eo an ej iturin jikin kwelok, ej böktok kau koman ko, kab wut ko belir ñön kejem ko, e kab armij rön re kōnan katok.

Dan. 2. 46.

14 Ke ro dri jilik, Paul im Barnebas, rej roñjake, rej kekel nuknuk ko air, im tör ilo bwiljin armij, im lamij,

Mat. 26. 65.

15 Im ba, Lōma etke komij kōmōnmōn men kein? Kimro armij wöt im einwöt kom, im kimij kwalok ñön kom bwe komin oktök jen men kein jekron ñön Anij Emol, eo e ar kōmōnmōn löñ, im löl, im lometo, im men otemjej ilo ir:

Jap. 10. 26. Jem. 5. 17. 1 Samuel 12. 21.  
1 Kor. 8. 4. Jen. 1. 1. Sam 146. 6. Rev. 14. 7.

16 Ilo ien ko mokta E ar kötlok dri allin otemjej bwe ren etal ilo ial ko air.

Sam 81. 12. Jap. 17. 30. 1 Pit. 4. 3.

17 A E ar jab möke likit E im ejelok men in kennan kake, bwe E ar kōmōnmōn emōn, im lewoj ñön kom wut jen löñ, im ien ko elöñ ekōn, Ej kobrök buruemi kin kijemi im löñliñ.

Jap. 17. 27. Rom 1. 20. 1 Levai 26. 4. Job 5. 10. Sam 88. 9. Mat. 5. 45.

18 Im kin nan kein re nañin jab dreblj armij jen air katok ñön ir.

19 A jet dri Ju rej itok jen Antiok in Aikoniöm, rej karel jar ko, im ke emwij air kare Paul, rej iber e jen jikin kwelok, im rej lemnok emij.

Jap. 13. 45. 2 Kor. 11. 25. 2 Tim. 3. 11.

20 A ke dri kalor rej jutök im kabole e, ej jerkak im dreloñ iloan jikin kwelok eo. Im ke ilju e kab Barnebas rejro ilok ñön Derbe.

21 Im ke emwij alro kwalok nan in emōn ilo jikin kwelok eo, im kōmōn bwe elöñ dri kalor, rej bar je-

blak ñön Listra, im Aikoniöm, im Antiok.

Mat. 28. 19.

22 Im rej kabin buruen ro dri kalor, im kowe ir bwe ren berwöt ilo tömak eo, im bwe jen dreloñ ilo allin in Anij kin elöñ litan.

Jap. 11. 23. & 13. 43. Luk 22. 28, 29. Rom 1. 17. 2 Tim. 2. 11. 12. & 3. 12.

23 Im ke emwij air likit elder ro ñön ir ilo eklisia otemjej, im jar im jitlok, rejro lelok ir ñön Iroj, eo re kar liki E.

24 Im elikin air driblok Pisidia rej itok ñön Pampilla.

25 Im ke emwij air kwalok nan ilo Perga, rej wönlölok ñön Atelia;

26 Im jen ijo rej jerök ñön Antiok, jen ijo kar likit irro ilo joij in Anij kin jermal eo rej kamwijlok.

Jap. 13. 1. 3. & 15. 40.

27 Im ke re mottok, im emwij air kokweloklok eklisia, rej kennanek ir men otemjej an Anij kōmōnmōn kin irro, im ekijan kbellok aur in tömak ñön ro dri allin ko.

Jap. 15. 4. 12. & 21. 19. 1 Kor. 16. 9. 2 Kor. 2. 12. Kol. 4. 3.

28 Im eto air ber ijo iben ro dri kalor.

## JAPTER 15.

**I**M jet armij rej wönlöltak jen Jadia im katakin jimjān jimjāten, im ba, Elañe kom jab mijmij im einwöt mönit an Moses, kom ban mour.

Gal. 2. 12. Pil. 3. 2. Kol. 2. 11. Levai 22. 3

2 Im ke elap an Paul im Barnebas akwail ir im aituerök Ibeir, ar likit bwe Paul im Barnebas, im bar jet ialr, ren wöñliñlok ñön Jerusalem, ñön iben ro dri jilik im elder ro kin men in kajitök in.

Gal. 2. 1.

3 Inem eklisia rej jibōñ ir kin air ilok, im rej driblok Pinaise im Sameria, im kennanek kin an dri allin ukwelok Ibeir: im elap air kabuñburuen jimjān jimjāten otemjej.

Rom 15. 24. 1 Kor. 16. 6. 11. Jap. 14. 27.

4 Im ke re mottok ñön Jerusalem, eklisia eo kab ro dri jilik im elder

ro, rej bök ir, im rejro kennanek ir men otemjej Anij e ar kömönmöni kin ir.

Jap. 14. 27. & 21. 19.

5 A jet lan jar an Parisi ro, dri tömak, re jutök, im ba, Emön möjit ir, im jiroñ ir bwe ren bokake kien Moses.

6 Im ro dri jllik im elder ro rej kweloklok bwe ren bebe kin men in.

7 Im ke elap air aituerök, Piter e jutök, im ba ñön ir, Komeo, jeiö im jätiö, kom jela bwe moktata Anij e ar kälet jen iber, bwe jen lofiö dri ailiñ ren roñ nan in gopel im tömak.

Jap. 10. 20. & 11. 12.

8 Im Anij eo e jela buruen armij, Ej kennan ñön ir kin An lelok Jitöb Kwojarjar ñön ir, einwöt ñön kij;

1 Kron. 28. 9. Jap. 1. 24. & 10. 44.

9 Im E jab kaljilok kij jen ir, im Ej karreo burueir kin tömak.

Jap. 10. 15, 28, 43. 1 Kor. 1. 2. 1 Pit. 1. 22.

10 Inem kiö, etke komij kailu Anij kin ami likit ine i aieran dri kalor, men eo ro jimar kab kij je jab maroñ in kaberber kij kake?

Mat. 23. 4. Gal. 5. 1.

11 A jej tömak bwe, kin joij an ar Iroj Jisös Kraist, je naj mour im einwöt ir.

Rom 8. 24. Ep. 2. 8. Tait. 2. 11.

12 Inem jar otemjej rej iköñ, im karoñjake Barnebas im Paul, ke rejro bwebwenato kin kaköle ko im men in bwilöñ ko an Anij kömönmöni iben dri ailiñ kin irro.

Jap. 14. 27.

13 Im ke rejro iköñ, Jemes e uak, im ba, Komeo jeiö im jätiö, komin karoñjak iö;

Jap. 12. 17.

14 Simeön e ar kennanek kijkan an Anij ilok mokta ñön iben dri ailiñ ko, bwe En bök armij jen ir kin etan.

15 Im ekar ñön men in nan ko an ro dri kanan; einwöt ar je,

16 Elikin men in I naj jeblak, im bar kalek imön kabere an Devid, eo

e ar buñ; im I naj bar kalek mweo emor, im I naj kajuri;

Amos 9. 11, 12.

17 Bwe armij rön mätön mij ren bukok Iroj, im dri ailiñ otemjej, ioir rej ba eta,

18 Ein drein Iroj ej ba, Eo ej kwalok meu kein jen ten moktata.

19 Kin men eo aö bebe bwe jen jab kamakoko ro jen lan dri ailiñ rej oktök ñön Anij;

1 Tes. 1. 9.

20 A jen jeje ñön ir bwe ren kej-bärok ir jen men ko retton an ekjöp ko, im jen lüñ, im jen men ko remij kin lukwoj burueir, im jen bö-tötkök.

Jen. 35. 2. Eks. 20. 3, 23. Ezek. 20. 30.

1 Kor. 6. 18. 1 Tes. 4. 3. 1 Pit. 4. 3.

1 Jen. 9. 4. Levai 3. 17.

21 Bwe jet an Moses jen eeben ko mokta, rej kwalok e iloan jikin kwelok otemjej, im rej konono ilo buk eo an iloan imön kwelok ko ran Sabat otemjej.

Jap. 13. 15, 27.

22 Ien eo ro dri jllik im elder ro, kab dri eklisia otemjej, rej lemnok emön bwe ren kälet armij jen jar eo air im jilkinlok ir iben Paul im Barnebas ñön Antiok; etair Judas ät eo juön Barsebas, im Sailas, rou-tiej iben jimjän jimjäten;

Jap. 1. 23.

23 Im rej jejelok na ibeir einwöt nan kein; Ro dri jllik im elder ro, jimjän jimjäten ñön jimjän jimjä-ten jen dri ailiñ ilo Antiok, im Siria im Silisia, Yokwe kom:

24 Bwe kim ar roñjake bwe jet lan ro r'ar ilok jen kim rej kamako-koik kom kin nan ko, im kokkure buruemi, im ba, Emön komin mö-jit, im bokake kien, im kim ar lelok ñön ir ejelok kien;

Gal. 2. 4. & 5. 12. Tait. 1. 10.

25 Ke buruem wöt juön, kim ar lemnok, emön bwe kimin kälet armij ro im jilkinwoj ir ñöu kom, iben Barnebas im Paul ro jitenburu ibem,

26 Armij ro r'ar kejekron air mour kin etan ar Iroj Jisös Kraist.

Jap. 14. 19. 1 Kor. 15. 30.

27 Inem kim ar jilkinwoj Judas im Sailas, im re naj bareinwöt kenanek kom men kein kin air in uan.

28 Bwe Jitöb Kwojarjar im kim ar lemnok, emöñ bwe kimin jab likit iomi men ko relap jen men kein remöñ:

29 Bwe komin kejbärok kom jen men in katok ñön ekjöp ko, im jen bötöktök, im jen men ko remij kin lukwoj burueir, im jen lüñ: elañe komij kejbärok kom jen men kein, e naj emöñ ibemi. Yokwe Kom.

jap. 21. 25. Rev. 2. 14, 20.

30 Inem ke emwij kötlök ir, rej itok ñön Antiok; ke emwij air kweloktok jar eo, rej lelok letter eo.

31 Ke emwij air konono ilo e, rej löñliñ kin nan in kainemöñ eo.

32 Im Judas im Sailas, rejro dri kanan, rej kowe jimjän jimjäten kin elöñ nan, im karim burueir.

jap. 14. 22.

33 Im elikin air ber ie jet ien, rej kötlök ir ilo ainemöñ jen jimjän jimjäten ñön ro re kar jilkinlok ir.

1 Kor. 16. 11. Hib. 11. 31.

35 A Paul im Barnebas rej berwöt i Antiok, im katakin im kwalok nan in Iroj, kab bar elöñ.

jap. 13. 1.

36 Im elikin jet ran, Paul ej ba ñön Barnebas, Emöñ jenro jeblaklok im lolok ro jeer im jäter ilo jikin kwelok otemjej, jar kwalok nan in Iroj ie, im jela kajeir.

jap. 13. 4, 13, 14, 51. & 14. 1, 6, 24, 25.

37 Im Barnebas ej lemnok renro añiintok ibeir tok Jon, ät eo juön Mark.

jap. 12. 12.

38 A Paul ej lemnok e jab emöñ añiintok e na ibeirro, bwe e ar ilok jen ir i Pampilia, im jab ilok ibeir lok ñön jerbäl eo.

jap. 13. 13.

39 Im elap airro akwaile dron, inem rej jibil jen dron; im Barnebas ej bök Mark im jerök ñön Sai-prös.

40 A Paul ej kälet Sailas, im ilok,

im jimjän jimjäten rej lelok irro ñön joij in Anij.

jap. 14. 26.

41 Im ej driblok Siria im Silisia, im kabin eklisia ko.

jap. 16. 5.

## JAPTER 16.

**I**M ej bareinwöt itok ñön Derbe i im Listra; im lo, juön dri kalor ej ber ijo, etan Timote, nejiu juön köra dri Ju, eo ej tömak; a jemen dri Grik.

jap. 14. 6. & 19. 22. Rom 16. 21. 1 Kor. 4. 17. Pil. 2. 19. 1 Tes. 3. 2. 1 Tim. 1. 2. 2 Tim. 1. 2, 5.

2 Jimjän jimjäten i Listra im Antiokim rej nebar e.

jap. 6. 3.

3 Paul e könan bwe en ilok iben lok; im ej bök e im möjit e, kin dri Ju ro rej ber ijo ko: bwe ir otemjej re jela bwe jemen dri Grik.

1 Kor. 9. 20. Gal. 2. 3. & 5. 2.

4 Im ke rej etal lok ilo jikin kwelok ko, rej lelok ñön ir kien ko bwe ren lale, ro dri jilik im elder ro rej ber i Jerusalem r'ar kaifi.

jap. 15. 23, 29.

5 Inem eklisia ko rebilok ilo tömak, im orair e orlok ran otemjej.

jap. 15. 41.

6 Im rej driblok Prijia im Pampilia, a Jitöb Kwojarjar ej jiron ir bwe ren jab kwalok nan i Esia;

7 Im ke emwij air itok ikijen Misia, rej kajeon bwe ren ilok ilo Bitinia, a Jitöb an Jisös e jab kötlök ir.

8 Im rej kijone Misia im wönlötak ñön Troas.

2 Kor. 2. 12. 2 Tim. 4. 13.

9 Im juön viöñ ej weaktok ñön Paul ilo boñ; juön armij dri Masedonia e jutök, im akwelap ñön e. im ba, Kwon itok ñön Masedonia im jiböñ kim.

jap. 10. 30.

10 Im elikin an lo viöñ eo, emököj am bukot bwe kimin ilok ñön Masedonia; kim lemnok bwe Iroj e ar kirlok kim bwe kimin kwalok gospel ñön ir.

2 Kor. 2. 13.

11 Inem ke kimij jerök jen Troas, kimij tartok jimewöt ñöu Samotresia, im ran eo ilju ñön Niapolis;

12 Im jen Ijo ñön Pilippai, jikin kwelok mokta ilo bukwön eo, i Masedonia, ene ekäl an Rom: im iomin jet ran kim ber ilo jikin kwelok eo.

Pl. 1. 1.

13 Im ilo ran Sabat kim ar ilok jen jikin kwelok na iturin river, Ijo kim ar lemnok jikin jar; im kimij jijöt im konono ñön köra ro rej kweloklok Ijo.

14 Im juön köra etan Lidia, juön dru wia kin nuknuk eöij, jen jikin kwelok Taitetra, ej dri kabuñ ñön Anij, im ej roñjake kim: Iroi j ej kebellok buruen, bwe en eoroñ nan ko Paul ej konono kaki.

Luk 24. 45.

15 Im ke emwij baptais, im ro nukin, ej akwelap ñön kim, im ba, Elafie komij lemnok bwe ij tiljek ñön Iroi j, komin dreloñ iloan mweo imö, im berwöt. Im ej drebij kim.

Jen. 19. 3. Luk 24. 29.

16 Im ke kimij ilok ñön jikin jar, juön jiroñ, jitöb öñ marmir ej miok na enbwiniñ, ej wonmae kim, e ar bök elöñ mweien ñön iroi j ro an kin an drikanij.

1 Samuel 28. 7. jap. 19. 24.

17 Liliñ ej lor Paul im kim, im lamij, im ba, Armij rein dron Anij Eutiejtata, rej bakajen ñön kom ial in mour.

18 Im ein drein an kömön iomin elöñ ran. A Paul, kin an iñtan buruen, ej öktök im ba ñön jitöb eo, Ij jiroñ yuk, ilo etan Jisös Kraist, bwe kwon jutöklok jen e. Im ej ilok jen e ilo auö eo.

Mark 1. 34. & 16. 17.

19 A ke iroi j ro an rej lo bwe ejo-ko kötömene kin mweieir lok, rej jibwe Paul im Sailas, im kekake ir ñön jikin wia, iman iroi j rön,

jap. 19. 25. 26. Mat. 10. 18.

20 Im añinlok Ir ñön pritor ro, im ba, Armij rein, dri Ju ro, elap air kananaik ar jikin kwelok,

1 Kin 18. 17. jap. 17. 6.

21 Im rej kwalok mönit ko emo ar böki, ak bokaki, bwe kij dri Rom.

22 Im jar eo rej jimor jumae ir; im pritor ro rej kekel nuknuk ko air, im jiroñ bwe ren drenlok ir kin alal ko.

2 Kor. 6. 5. & 11. 28. 1 Tes. 2. 2.

23 Im ke elöñ alen air dreñlok, rej jolok ir na iloan prisön, im jiroñ dri lale prisön bwe en kanuij bar ir.

24 Ke ej roñ nan in, ej iunlok ir ñön loan prisön eo lolap, im kabij neir na ilo ra ko.

25 A ke ilukwön boñ, Paul im Sailas rej jar, im al nan in wijtake Anij, im dri prisön rej roñjake ir.

26 Im emököj elap an löi maköt-kit, einwöt bwe foundesön ko in prisön re makötkit: im kiökiö aur otemjej rebellok, im men ko lukwojen armij otemjej remjöl.

Jap. 4. 31. & 5. 19. & 12. 10.

27 Im dri lale prisön e ruj, im ke ej lo aur in prisön otemjej rebellok, ej nure jäji eo an, im nañin möke mön e, kin an lemnok dri prisön r'ar ko.

28 A Paul ej lamij kin elap aini-ken, im ba, Kwon jab kaifitan yuk: bwe kim otemjej berwöt ijin.

29 Inem ej kirtok romak ko, im kälök iloan, im e wurirrir, im buñ iman mejen Paul im Sailas,

30 Im añintok ir, im ba, Iroi j räpä, ta eo in kömönmöne bwe in mour?

Luk 8. 10.

31 Im re ba, Kwon liki Iroi j Jisös, im kwo naj mour, kwe im ro nukum.

Jon 6. 47.

32 Im rej konono ñön e nan in Iroi j, im ñön ro otemjej rej ber iloan mweo imön.

33 Im ej bök ir ilo auö eo ilo boñ, im kwole Ijo r'ar dreñlok ir; im ej baptais, e im ro nukin otemjej klök-kiö.

34 Im ke emwij an añintok ir iloan mweo imön, ej likit kijeir imair, im ej löñilñ, kab ro nukin otemjej, rej tömak Anij.

35 Im ke ej rantak, pritör rön rej jilkinlok dri kabwijnök, im ba, Kwon kötlök armij ro.

36 Im dri lale prisön ej kennanek Paul nan in, Pritör rön r'ar jilkinlok bwe in kötlök kom: inem komin ilok ilo ainemön.

37 A Paul e ba fion ir, R'ar dreñlokwe kim ilo bwilij, im jab liakelök kim, armij dri Rom, im r'ar jolok kim iloan prisön; im kiö re kōnan noj air kadrioljlok kim ke? O jab; ren möke itok im ašinlok kim.

Jap. 22. 26.

38 Im dri kabwijnök rej kennanek pritör rön kin nan kein: im rej mijök ke rej roñjake bwe irro dri Rom.

39 Im rej itok im akwelap fion ir, im ašinlok ir, im kajitök ibeir bwe ren ilok jen jikin kwelok eo.

Mat. 8. 34.

40 Im rej drioljlok jen prisön, im dreloñ iloan imön Lidia: im ke emwij air lo jimjän jimjäten, rej kalinemöne ir, im rej ilok.

#### JAPTER 17.

**K**IÖ ke emwij air driblok Ampipolis im Apolonia, rej itok fion Tessalonika, ijo juön imön kwelok an dri Ju ro:

2 Im Paul, einwöt an kömön ien otemjej, ej dreloñ fion ibeir, im ilo jilu Sabat ej kemelele fion ir jen Jeje ko.

Jap. 9. 20. & 13. 5.

3 Ej kemeleleik im kamol, bwe ekar an dri Kraist ifitan, im jerkakbiji jen ro remij; im bwe Jisös in Eo ij kwalok fion kom E dri Kraist.

Luk 24. 26, 46. Jap. 18. 48.

4 Im jet iair e rel burueir, im rej kömao iben Paul im Sailas, kab elön ian ro dri Grik emön mwilir, im jab eiet ian ro liätöktök.

Jap. 28. 24. & 15. 22.

5 A dri Ju, ro re jab tömak, kin air junmar, rej bök jet dri nana ian dri Jowön, im kokweloklok juön

jar, im kakeroero aolepen jikin kwelok eo, im dreloñ iloan imön Jeson, im bukot bwe ren böktok ir fion armij rön.

Rom 16. 21.

6 Im ke re jab lo ir, rej kekake Jeson im jet jimjän jimjäten fion iroj in jikin kwelok ro, im lamij, Lömarein r'ar uköje löl, rej kab itok fion ijin;

Jap. 16. 20.

7 Jeson ej bök ir: im rein otemjej rej kömön nae kien ko an Sizar, im ba bar juön Klif, E Jisös.

Luk 23. 2. Jon 19. 12.

8 Im rej kejäneue armij im iroj in jikin kwelok ro, ke rej roñjake men kein.

9 Im ke emwij air bök sikuriti jen Jeson im ro jet, rej kötlök ir.

10 Im emököj an jimjän jimjäten jilkinlok Paul im Sailas ilo boñ fion Beria. Ke rej itok rej dreloñ iloan imön kwelok an dri Ju ro.

Jap. 9. 25.

11 Lömarein remön jen ro i Tessalonika, bwe emököj air bök nan in möndönö, im bukot ilo Jeje ko ran otemjej, bwe ren jela men kein remol ke jab ke.

Isa. 34. 16. Luk 16. 29. Jon 5. 39.

12 Inem elön iair rej tömak; kab ian liätöktök im leätöktök ro dri Grik, jab eiet.

13 A ke dri Ju ro i Tessalonika re jela bwe Paul ej kwalok nan i Beria, rej kab itok fion ijin, im kejänene armij rön im biuktök ir.

14 Inem emököj an jimjän jimjäten jilkinlok Paul bwe en ilok fion lomalo: a Sailas im Timote rej berwöt ijo.

15 Im ro rej tellok Paul rej ašinlok e fion Atens: im ke rej bök nan fion Sailas im Timote bwe emököj airro itok fion e, rej ilok.

Jap. 18. 5.

16 A ke Paul ej kötar ir i Atens, e biuk buruen ke ej lo jikin kwelok eobrök kin ekjöp ko.

17 Inem ej altuerök dri Ju ro im armij emön mwilir ilo imön kwe-

lok, im ro ej ion ir ilo jikin wia, ran otemjej.

18 Inem jet dri meletlet ian dron Epikurös, im ian dri Stoik, rej akwall e. Im jet re ba, Ta eo koaröñ-roñ in ej ba? bar jet re ba, E einwöt ej kwalok anij ro drua: bwe ej kwalok Jisös ñön ir, im jerkakbiji.

19 Im rej bök e, im añintok e ñön Areopegös, im ba, Kim maroñ iu jela ke nan in ekäl kwoj konono kake?

20 Bwe kwoj bök men ko drua ñön lojlilim: inem kim köuan jela re naj it men kein.

21 (Bwe dri Atens otemjej, im ro drua majet rej ber ijo, ejelok bar juön air kömön, a rej berwöt im kennauk ak roñjake jabrewöt men eo ekäl.)

22 Inem Paul ej jutök ilukwön Areopegös, im ba, Komeo, dri Atens, ij lo elap ami lale men in kabuñ ko otemjej.

23 Bwe ke I ar itoitok, im lo kabuñ ko ami, I ar lo juön lokatok im jeje in ion, ÑÖN ANIJ EO JE JAJE KAKE. Inem Eo komij kabuñ im jaje kake, E in ij kwalok ñön kom.

2 Tes. 2. 4.

24 Anij eo E ar kömönmöñ löi im men otemjej iloan, E Iroj in löñ im löi, E jab jokwe iloan tempel pä ko rej kömönmöni;

jap. 14. 15. Mat. 11. 25. jap. 7. 48.

25 Im ejelok an pein armij jermal ñön E, einwöt elañe Ej aikwij men eo jabrewöt, bwe Ej lelok ñön otemjej mour, im menono, im men otemjelok;

Sam 50. 8. Jen. 2. 7. Bwin. 16. 22. Job 27. 3.

26 Im E ar kömönmöñ jen juön wöt, dri allin köñ otemjelok rej jokwe i mejen löi, im E ar likit ien ko ar jiroñ kaki mokta, im törenen ene ko eneir,

Dut. 32. 8.

27 Bwe ren bukot Anij, elañe rej maroñ in jatol E, im lo E, ijoke E jab etolok jen kij otemjej;

jap. 14. 17.

28 Bwe ilo E jej mour, im etetal, im ber; einwöt jet ian ro ami dri kine al r'ar ba, Bwe kij bareinwöt ro nejin.

Tait. 1. 12.

29 Inem bwe kij ro nejin Anij, e jab emön bwe jen lemnok wäwen Anij einwöt gold ak silver ak dreka, kömönmöni ilo kajeofwe, einwöt an armij lemnok.

Isa. 40. 18.

30 Im Anij e ar jab kanuij illu ilo ien ko ien jaje; a kiö Ej jiroñ armij otemjej ijo ko otemjej bwe ren ukwelok ibeir:

jap. 14. 16. Luk 24. 47. Tait. 2. 11, 12. 1 Pit. 4. 3.

31 Bwe E ar likit juön ran, iomin ran eo E naj ekajet ro dri löi ilo wänik kin Armij eo E ar likit E, im E ar lelok men iu karel ñön otemjej kin An kejerkakbiji E jen ro remij.

jap. 10. 42. Rom 2. 16. & 14. 10. jap. 2. 24.

32 Im ke rej roñ kin jerkakbiji jen ro remij, jet rej kajirere kake: im bar jet re ba, Kim naj bar roñ jen yuk kin men in.

33 Im ein drein Paul ej ilok jen ibeir.

34 A jet armij rej errep na iben im tömak; juön iair Dalonisiös dri Areopegös, im juön köra etan Dameris, im bar jet ibeir.

## JAPTER 18.

**E**LIKIN men kelu Paul ej ilok jen Atens, im itok ñön Korint:

2 Im ej lo juön dri Ju etan Akula, e ar lotak i Pontös, ej kab itok jen Itali, im lio belen Prisilla, bwe Klaudiös e ar jiroñ dri Ju otemjej bwe ren ilok jen Rom: im ej itok ñön ibeirro.

Rom 16. 3. 1 Kor. 16. 19. 2 Tim. 4. 19.

3 Im kin juön wöt jermal eo air, ej ber ibeir, im jermal: bwe jermal eo air kalek im nuknuk ko.

jap. 20. 34. 1 Kor. 4. 12. 1 Tes. 2. 9. 2 Tes. 3. 8.

4 Im ej kemelelek iloan imön kwelok Sabat otemjej, im karel dri Ju ro im ro dri Griek.

jap. 17. 2.

5 Im ke Sallas im Timote rej itok jen Masedonia, elap an Paul itoklimon kin nan, im kennanek dri Ju ro bwe Jisös e dri Kraist.

jap. 17. 14. 15. Job 32. 18.

6 Im ke rej jumae, im blaspim, ej kamökötkit nuknuk eo an, im ba ñön ir, Bötöktökemi en ion börömi; ña I'reo: jen ien in I naj flok ñön dri ailiñ ko.

jap. 13. 45. Neh. 5. 13. Mat. 10. 14. jap. 13. 51. Levai 20. 9. Ezek. 3. 18. 19. jap. 28. 28.

7 Im ej ilok jen ijo, im dreloñ iloan imöu juön armij, etan Taitös Jöstös, eo ej kabuñ ñön Anij, mweo imön ebake imön kwelok.

8 Im Krispös, iroj eo an imön kwelok, ej liki Iroj, kab ro nukin otemjej; im elöñ ian dri Korint, ke rej roñjake, rej tömak im baptals.

1 Kor. 1. 14.

9 Inem Iroj ej konono ñön Paul ilo boñ kin višön, im ba, Kwou jab mijök, a konono, im jab iköñ;

jap. 23. 11.

10 Bwe Ña Ij ber lböm, im ejelok armij e naj maroñ in kokkure yuk; bwe elöñ armij ro Aö ilo jikin kwelok in.

Jer. 1. 18. Mat. 23. 20.

11 Im ej ber ijo lomin juön yiö im jiljino aliñ, im katakiu ir kin nan in Anij.

12 Im len eo, ke Gallio e prokonsöl in Akeia, dri Ju ro rej jimor kälök ñön Paul, im añintok e ñön jikin ekajet,

13 Im ba, Le in ej karel armij bwe ren kabuñ ñön Anij jab ekar ñön kien.

14 Im ke Paul e nañin walöñ loñin bwe en konono, Gallio ej ba ñön dri Ju ro, Elañe men in men eo enana ak elap jerawiwi, O dri Ju ro, emön bwe in meanwör ñön kom:

jap. 23. 29. & 25. 19.

15 A elañe men kein men in kajitök kin nan ko im ät ko, im kiemi, komlu möke lale; bwe I jab könan ekajet kin men ko.

16 Im ej kokok ir jen jikin ekajet.

178

17 Inem ir otemjej rej jibwe Sostinis, iroj an imöu kwelok, im dreñlokwe iman jikin ekajet. Im men kein men in Jekron iben Gallio.

1 Kor. 1. 1.

18 Im elikin men in eto an Paul berwöt ijo, inem ej likit jimjän jimjäten, im jerök jen ijo ñön Siria, im Prisilla im Akula iben; e ar kwormat böran i Senkria; bwe juön an muri ñön Anij.

Bwin. 6. 18. jap. 21. 24. Rom 16. 1.

19 Im ej itok ñön Episös, im likit irro ijo; a ej dreloñ iloan imön kwelok, im kemeleleik iben dri Ju ro.

20 Ke rej kajitök iben bwe en orlok ien an ber ibeir, e jab könan;

21 A ej likit ir, im ba, Elañe Anij e könan, I naj bar jeblak ñön kom. Im ej jerök jen Episös.

jap. 19. 21. & 20. 16. 1 Kor. 4. 19. Hib. 6. 2. Jem. 4. 15.

22 Im ke emwij an to i Seseria, im wönlilök, im yokyokwe eklisia, ej wönlöllok ñön Antiok.

23 Im elikin an ber ijo jet ien, ej ilok im etetal jime i ene Galetia im Prija, im kakajur dri kalor otemjej.

Gal. 4. 14. jap. 14. 22.

24 Im juön dri Ju, etan Apolös, e ar lotak i Alexandria, e dri meletet, im e kajur ilo nan in Jeje ko, ej itok ñön Episös.

1 Kor. 1. 12. & 3. 5. 6. & 4. 6. Tait. 3. 12.

25 Armij in e ar katak kin ial in Iroj; im kin an böplolin, elap an konono im katakin men ko an Iroj, e jela baptals an Jon wöt.

Rom 12. 11. jap. 19. 3.

26 Im e jino an konono beran iloan imön kwelok: ke emwij an Akula im Prisilla roñjake, rejro bök e ñön ir, im kemeleleik im kalikarlok ial in Anij ñön e.

27 Im ke e könan ilok ilujen Akeia, jimjän jimjäten rej kaberan e im jeje ñön ro dri kalor bwe ren bök e: ke e mottok elap an jiböñ ro r'ar tömak kin joi;

1 Kor. 3. 6.

28 Bwe elap an kaiköñ dri Ju ro,



ilo bwilij, im ej kwalok kin Jeje ko bwe Jisös e dri Kraist.

jap. 9. 22. & 17. 3.

### JAPTER 19.

**I**M ke Apollös ej ber i Korint, im emwij an Paul driblok ene ko ioij, ej itok ñön Episös im lo jet dri kalor;

1 Kor. 1. 12. & 3. 5, 6.

2 Im e ba ñön ir, Ien ami tömak kom ar bök Jitöb Kwojarjar ke? Im re ba ñön e, Jab. Kim ar jab roñ bwe emwij letok Jitöb Kwojarjar.

1 Samuel 3. 7. jap. 8. 16.

3 Im e ba ñön ir, Inem ilo ta kom ar baptais? Im re ba, Ilo baptais an Jon.

jap. 18. 25.

4 Inem Paul e ba, Jon e ar baptais kin baptais in ukwelok, im ba ñön armij, bwe ren liki Eo e naj itok elikin, E in Jisös.

Mat. 3. 11. Jon 1. 15. jap. 13. 24, 25.

5 Ke rej roñ men in, rej baptais ilo etan Iroj Jisös.

jap. 8. 16.

6 Im ke emwij an Paul likit pein ioir, Jitöb Kwojarjar ej itok ioir; im rej konono kin lo ko im drikanij.

jap. 2. 4. & 6. 6. & 10. 46.

7 Im rein otemjej enañin joñoul im ruo man rön.

8 Im ej dreloñ iloan imön kweelok, im ej konono beran iomin jilu aliñ, im kemeleleik im karel kin men ko an alliñ in Anij.

jap. 17. 2. & 23. 23.

9 A ke jet rebin, im jab bokake, a rej konono nana kin Ial eo iman mejen jar eo, ej ilok jen ir, im ej kamökelok iair ro dri kalor, im ran otemjej ej kemeleleik ilo skul an Turannös.

3 Pit. 2. 2. jap. 9. 2. & 22. 4. & 24. 14.

10 Im ein men in drein iomin ruo ylö; inem ir otemjej rej jokwe i Esia rej roñ nan in Iroj Jisös, dri Ju ro im ro dri Grik.

jap. 20. 31.

11 Im Anij ej kömönimön jet men in bwilöñ relap kin pein Paul:

Mark 16. 20.

12 Bwe rej böklok ankorjep ko ak köl ko jen enbwiniñ ñön ro re nañimij, im nañinmij ko air rej ilok jen ir, im jitöb renana re jutöklok jen ir.

2 Kin 4. 29.

13 A jet dri Ju, dri etetal, dri kajutöklok, rej kajeoñ bwe ren kir etan Iroj Jisös ion ro jitöb nana rej ber ibeir, im ba, Kim kanöjnij kom kin Jisös eo Paul ej kwalok kake.

Mat. 12. 27. Mark 9. 38. Luk 9. 49.

14 Im jiljillimjuön man nejin Siva, dri Ju, juön pris elap, rej kömön ein drein.

15 Im jitöb enana e uak im ba, Ij kili Jisös, im I jela Paul; a wön kom?

16 Im armij eo jitöb enana iben ej käk ir, im e kajur jen ir, im anjo ioir, einwöt re ko jen mweo re kelwan im kinijnij.

17 Im dri Ju ro otemjej, im bareinwöt ro dri Grik rej jokwe i Episös re jela men in; im lelñoñ e buñ ioir otemjej, im etan Iroj Jisös ebuñbuñlok.

jap. 2. 48.

18 Im elöñ ian ro r'ar tömak rej itok, im kwalok, im kajela kin kömön ko air.

Mat. 3. 6.

19 Im elöñ ian ro r'ar kömomu rej aini buk ko air, im tili iman mejen armij otemjej; im rej bwini wönair, im lo e limñoul tausän mötön silver.

20 Eñ drein an kanulj laplok im kajurlok nan in Anij.

jap. 6. 7. & 12. 24.

21 Ke emwij men kein, Paul ej bebe ilo buruen, möjen au driblok Masedonia im Akeia, en ilok ñön Jerusalem, im e ba, Elikin aö ber ijo, emön bwe in bareinwöt lo Rom.

Rom 15. 25. & 20. 22. jap. 18. 21. & 23. 11.

Rom 15. 24-28.

22 Im ej jilkinlok ñön Masedonia

Timote im Erastös, ruo ian ro r'ar jiböñ e; a ej berwöt i Esia iomin jet len.

Jap. 13. 5. Rom 16. 23. 2 Tim. 4. 20.

23 Im ilo len in elap jänene kin ial eo ewalok.

2 Kor. 1. 8. Jap. 9. 2.

24 Bwe juöñ eman etan Demitriös, dri jermal kin silver, eo ej kömön-mön im silver ko an Diena, ej bök jab erik wönan jermal fiön dri jermal ro;

Jap. 16. 16, 19.

25 Ej kokweloklok ir, im dri jermal ro einwöt, im e ba, Löma, kom jela bwe kin jermal in jej bök mweier.

26 Im komij lo im roñ, bwe jab ilo Episös wöt, a ilo enañin aolepen Esia, Paul in e ar karel im kejeu elöñ armij, im ba, men ko pä ko rej kömönmöni re jab anij:

Sam 115. 4. Isa. 44. 10-20. Jer. 10. 3.

27 Im e jab ar jermal wöt enañin joko; a bareinwöt tempel an Diena, anij elap, e naj men in jekron, im e naj buñ jen wuj eo an, eo aolepen Esia im löl rej kabuñ fiön e.

28 Im ke rej roñjake men kein, rej obrök kin illu, im rej lamij, im ba, Elap Diena an dri Episös.

29 Im aolepen jikin kwelok eobrök kin keroro: im ke emwij air jibwe Geiös im Aristarkös, ro dri Masedonia, im rejro karwön Paul, rej jimor tör fiön iloan imön kuri.

Rom 16. 23. 1 Kor. 1. 14. Jap. 20. 4. & 27. 2. Kol. 4. 10. Pali. 24.

30 Im ke Paul e könan drelofik fiön armij rön, dri kalor re jab kötlok e.

31 Im jet ian ro dri Esiark, ro jeran Paul, rej jiliklok fiön e, im akwelap bwe en jab dreloñ iloan imön kuri.

32 Inem jet rej lamij kin juön nan, im jet ein juön; bwe jar eo rej airwaro; im elöñ iair re jaje etke rej kweloklok.

33 Im jet rej kekake Alexander jen jar eo, dri Ju ro rej iunlok e. Im Alexander ej böprae kin pein,

im e könan kajime an armij lem-nok kin e.

1 Tim. 1. 20. 2 Tim. 4. 14. Jap. 12. 17.

34 A ke rej killi bwe e dri Ju, ir otemjej, ainikeir wöt juön, iomin ruo auö rej lamij, Elap Diena an dri Episös.

35 Im ke emwij an dri jeje kökeklokjen armij ro, e ba, Komeo, dri Episös, wön armij eo e jaje jikan jikin kwelok an dri Episös e dri lale tempel an Diena elap, im men in e eo e ar buñ jen Jupiter?

36 Inem, bwe ejelok armij ej maroñ in konono nae men kein, emön komin kejeklokjen, im jab kömön jabrewöt e jämör.

37 Bwe kom ar aüntok armij rein, ro r'ar jab kwot jen tempel ko, im re jab kajirere kake anij eo ami.

38 Inem elafie Demitriös, im ro dri jermal iben, eor men ko air nae jabrewöt armij, ebellok jikin ekajet ko, im eor prokonsöl: emön ren kinaklok dron.

39 A elafie komij kajitök kin men ko jet, naj kajime ilo jaran ekajet eo.

40 Bwe je naj uöta bwe ren kajitök iber kin men in keroro ran in, bwe ejelok unlu: im kin e je naj ban uak kin jar in.

41 Im ke emwij an ba men kein, ej kötlok jar eo.

## JAPTER 20.

Im ke emwij airwaro in, Paul ej kirtok ro dri kalor, im kowe ir, im ej drioiij bwe en ilok fiön Masedonia.

1 Kor. 16. 5.

2 Im ke emwij an driblok ene ko, im lelok fiön ir elöñ nan in kowe, ej itok fiön Gris.

3 Im ej ber ljo iomin jilu aliñ. Im ke dri Ju ro rej noj air bebe nae e, ke e nañin jerok fiön Siria, ej bebe bwe en jeblak im driblok Masedonia.

Jap. 9. 23.

4 Im Sopeter nejñ Pirrös, dri Beria, ej karwön e fiön Esia; kab

Aristarkōs im Sekōndōs lan dri Tessonika; kab Geiōs dri Derbe, im Timote; kab Tikikōs im Troprimōs lan dri Esia.

Jap. 16. 1. & 19. 29. & 21. 29. Ep. 6. 21. Kol. 4. 7. 2 Tim. 4. 12. 20. Tit. 3. 12.

5 A iriōñ re kar ilok mokta im rej kōtar kim i Troas.

6 Im kim jerōk jen Pilippai elikin ran ko ran in bred jab leven, im itok ñōn ibeir i Troas ilo ran ken ka lailim; kim ber ijo lomin jiljil-imjuōn ran.

Eks. 12. 14. & 23. 15. Jap. 16. 8.

7 Im ilo ran eo mokta ilo wik, ke kim kweloklok kin ruj bred, Paul ej kemeleik ñōn ir, e pojōk bwe en ilok ilju: im ej kaltoklok an kwalok ñōn lukwōn boñ.

Jap. 2. 42. 46. 1 Kor. 10. 16. & 11. 20. & 16. 2. Rev. 1. 10.

8 Im elōñ lamp i bo eo, ijo kim ar kweloklok ie.

Jap. 1. 13.

9 Im juōn likao etan Eutikōs ej jijōt ilo windo, im elap an kiki: im ke eto an Paul kwalok, ej kiki mitōñ, im buñ jen bo eo ken ka jilu, im rej kwotōk e emij.

10 Im Paul ej wōñlōllok im buñ ion, im: jiburlep e im ba, Komiu jab limō, bwe an mour ej ilo e.

1 Kin 17. 21. 2 Kin 4. 34. Mat. 9. 24.

11 Im ke ej bar wōñliñlok, im emwij an ruji bred, im mōña, im eto an konono, ñōn rantak, ein drein an ilok.

12 Im rej añintok likao emour, im jab erik air niōñōñō.

13 Im kim ar ilok mokta ion wa, im jerōk ñōn Assos, am lemnok kim naj ekōtōk Paul ijo; bwe ein drein an likite, im e mōke kōnan etal i ene.

14 Im ke ej ion kim i Assos, kim ekōtōk e, im itok ñōn Mitiline.

15 Im kim jerōk jen ijo, im itok ilju ikijen Kaiōs, im ilju kim bo i Semos; im ilju kim itok ñōn Malli-tōs.

16 Bwe Paul e ar bebe e naj jerōk im kijone Episōs, bwe e jab kōnan ber jet ien i Esia: bwe ej kijorur,

bwe elañe ej maroñ, en ber i Jerusalem ilo ran in Pentekost.

Jap. 2. 1. & 18. 21. & 19. 21. & 24. 17. 1 Kor. 16. 8.

17 Im jen Mailitōs ej jiliklok ñōn Episōs, im kirtok elder ro an eklisia.

18 Im ke rej itok ñōn e, e ba ñōn ir, Komeo, kom jela, jen ran eo mokta ke I ar itok ñōn Esia, kijkan aō ber ibemi ien otemjej,

Jap. 18. 19. & 19. 1. 10.

19 Im jermal ñōn Iroi j ilo elap etā buruō, im kin elōñ dren in kemjalal, im iñtan ko, rej walok ñōn iō kin an dri Ju ro kejar iō,

20 Im ekijkan I ar jab drebij jen kom jabrewōt men in kakajuror, a I ar kwalok ñōn kom, im katakin kom ilo bwilij, im jen mweo ñōn mweo,

21 Im kennan ñōn dri Ju ro, im bareinwōt ñōn ro dri Grik, ukwelok ñōn Anij, im tōmak ar Iroi j Jisōs Kraist.

Mark 1. 15. Luk 24. 47. Jap. 2. 38. & 18. 5.

22 Im kiō, lo, elap kaiur iō bwe in ilok ñōn Jerusalem, im I jaje men ko re naj walok ñōn iō ijo:

Jap. 19. 21.

23 Ijoke Jitōb Kwojarjar ej kennan ñōn iō ilo jikin kwelok otemjej, im ba tomere ko im iñtan ko rej kōtar iō.

Jap. 21. 4. 11. 1 Tes. 3. 3.

24 A ij lemnok aō mour men in jekron im jab aurōk iba, bwe in kamwijlok ial eo aō, im jermal eo I ar bōk jen Iroi j Jisōs, bwe in kennan gospel an jolj in Anij.

Jap. 21. 13. Rom 8. 35. 2 Kor. 4. 16. 2 Tim. 4. 7. Jap. 1. 17. Gal. 1. 1. Tit. 1. 3.

25 Im kiō, lo, I jela bwe kom otemjej, ro I ar etetal ibemi im kwalok aillñ eo, kom jamin bar lo meja.

26 Kin men in ij keunan ñōn kom ranin, bwe ña I'reo jen bōtōktōkin armij otemjej.

Jap. 18. 6.

27 Bwe I ar jab drebij jabrewōt, im I ar kwalok ñōn kom aolepen bebe an Anij.

Luk 7. 30. Ep. 1. 11.

28 Inem komin kejbärok kom im lala aolepen bwij eo Jitöb Kwojarjar e ar likit kom dri kaki ilo e, bwe komin najirik ekrisia an Iroij, eo E ar wiaik kin bötöktök eo An. 1 Tim. 4. 16. 1 Pit. 5. 2. Ep. 1. 7, 14. Kol. 1. 14. Hib. 9. 12, 14. 1 Pit. 1. 19. Rev. 5. 9.

29 I jela bwe elikin aö ilok kiru wulf ko re kanuij lej, re naj dreloñ ibemi, im jab tiriamokake bwiljin. Mat. 7. 15.

30 Bar einwöt jet lami re naj jutök, im konono men ko r'ankeke, bwe ren karel ro dri kalor ilokair.

1 Tim. 1. 20. 1 Jon 2. 19.

31 Kin men in komin ekil, im kememej, bwe iomin jilu yiö, ran im boñ e ar jab mwij aö kowe kom otemjej ilo dren in kemjalal ko.

Jap. 19. 10.

32 Im kiö, ij lelok kom ñön Anij, im ñön nan in joij eo An, eo e maroñ in kalek kom, im lewoj jolit eo ñön kom iben ro otemjej rokwojarjar.

Jap. 9. 31. & 26. 18. Ep. 1. 18. Hib. 9. 15.

33 Ejelok silver, ak gold, ak nuk-nuk an armij I ar ankwonaki.

1 Samuel 12. 3. 1 Kor. 9. 12. 2 Kor. 7. 2. & 11. 9. & 12. 17.

34 Aet, komeo, kom jela, bwe pä kã peiö r'ar jermal kin aikwij ko aö, im kin ro r'ar ber iba.

Jap. 18. 3.

35 Im I ar lewoj ñön kom joñok kin men otemjej, kijkan kin ami jermal, ein drein emön komin jiböñ ro re möjino, im kememej nan ko an Jisös, ekijkan An ba, Mönönö in lelok elap jen bök.

Rom 15. 1. Ep. 4. 28. 1 Tes. 4. 11. & 5. 14. 2 Tes. 3. 8.

36 Im ke emwij an konono ein drein, ej bukweölö im jar ibeir otemjej.

Jap. 7. 60.

37 Im ir otemjej elap air jöñ, im buñ ion kenwan Paul, im mejenmaike.

38 Im tiriamo elap jen men otemjej kin nan ko e ar konono, bwe re janin bar lo mejen. Im rej karwön e ñön wa.

## JAPTER 21.

**I**M ke emwij am ilok jen ir im jerök, kim ar itok jime ñön Kos, im ran eo ilju ñön Rodes, im jen ijo ñön Petera:

2 Im ke kim ar lo juön wa ej jerök ñön Pinisia, kim uwe im jerök.

3 Im ke emwij an lo Saipröe, kim likit e i anmiñ, im jerök ñön Siria, im tökak i Tair: bwe ijo wa eo ej äkto an koböp.

4 Im kim lo ro dri kalor, im ber ijo iomin jiljillimjuön ran; im re ba ñön Paul kin Jitöb, bwe en jab wönlilök ñön Jerusalem.

Jap. 20. 23.

5 Im ke ejemlok ran ko, kim ar ilok im etal, im ir otemjej kab ro beleir im ro nejr rej karwön kim, ñön ien eo kim ar elikin jikin kwe-lok; im kim bukweölö ion kabbe, im jar.

Jap. 20. 26.

6 Im ke emwij am yokyokwe dron, kimij bar uwe ion wa, a rej bar jeblak ñön mo ko imweir.

Jon 1. 11.

7 Im ke emwij am jerök jen Tair, im tökak ñön Ptolmeis, kim yokyokwe jimjän jimjäten, im ber ibeir iomin juön ran.

8 Im ran eo ilju kimij ilok, im itok ñön Seseria: im dreloñ iloan imön Pilip dri ewanjel, eo lan ro jiljillimjuön, im kimij ber iben.

Ep. 4. 11. 2 Tim. 4. 5. Jap. 6. 5.

9 Im emen jiroñ nejin armij in, ro virjin, im rej drikanij.

Jap. 2. 17. & 19. 6.

10 Im ke kim ber ijo iomin jet ran, juön dri kanan, etan Ageböe, ej wönlöltak jen Judia.

Jap. 11. 28.

11 Im ke ej itok ñön ibem, ej bök köñör eo an Paul, im ej möke liabe pein im nein, im ba, Jitöb Kwojarjar e ba men in, E naj ein drein an dri Ju ro liabe armij eo an köñör in, im re naj ketök e ñön pein ro dri ailñ ko.

Jap. 20. 27.

12 Im ke kim roñjake men kein, kim, im kab ro rej ber ijo, akwelap

ñõn e bwe en jab wõuliñlok ñõu Jerusalem.

13 Inem Paul e uak, Ta eo ami kõmõn kin ami jõñ im bukwe buruõ? bwe I pojõk jab bwe ren liabe iõ wõt, a bareinwõt bwe in mij i Jerusalem kin etan Iroi j Jisõs.

Jap. 20. 24.

14 Im ke e jab kõnan bokake, kim ar drebij loñim, im ba, En ber wõt ankil au Iroi j.

Mat. 6. 10. Luk 11. 2.

15 Im elikin ran ko kim kwotõke men ko am, im wõnliñlok ñõn Jerusalem.

16 Jet ian dri kalor i Seseria rej karwõn kim, im rej añintok ibeir tok juõn e dri kalor jen eto, etan Mnesõn dri Saiprõs, eo e naj lale kim.

17 Im ke kim ar tõbar Jerusalem, jimjån jimjåten rej bõk kim im loñliñ.

Jap. 15. 4.

18 Im ran eo ilju kimiõñ Paul kim dreloñ ñõn iben Jemes; im elder otemjej rej ijo.

Jap. 15. 13. Gal. 1. 19.

19 Im ke emwij an yokyokwe ir ej bwebwenato kin men otemjej an Anij kõmõnmõn iben dri allin ko kin an jermal.

Rom 15. 18. 19. Jap. 1. 17. & 15. 12.

20 Im ke rej roñjake, rej nebar Iroi j, im ba ñõn e, Jeim im jåtim, kwoj lo elõñ tausan dri Ju ro rej tõmak; im ir otemjej re kijjeto kin kien:

Jap. 22. 3. Rom 10. 2. Gal. 1. 14.

21 Im r'ar roñ kin yuk, bwe kwoj katakin dri Ju otemjej iben dri allin ko bwe ren illok jen Moses, im ba emõn bwe ren jab mõjit ro nejir, im jab bokake mõnit ko.

22 Inem e naj it? bwe emol re naj roñ kin am itok.

23 Inem kwon kõmõnmõn men in kimij ba ñõn yuk. Emen armij ibem, nan in muri ñõn Anij ibeir; 24 Kwon bõk iriõñ, im karreo yuk ibeir, im kõlã wõnãmioñ, bwe ren kwõrmat bõrair; im ir otemjej re naj jela bwe men ko r'ar roñ kin

yuk, re jab mol; a bwe kwoj bareinwõt etal jimewõt, im bokake kien.

Bwin. 6. 2, 18. Jap. 18. 18.

25 A kin dri allin ro rej tõmak, kim ar jejelok im lelok am bebe bwe ren kejbårok ir jen men in katok ñõn ekjõp ko, im jen bõtõktõk, im jen men eo naj reuij kin kul burueir, im jen lüñ.

Jap. 15. 20, 29.

26 Inem Paul ej añintok armij ro, im ilo ran eo ilju ej mõke karreo e ibeir im dreloñ iloan tempel, bwe en kwalok bwe ezejit ran ko an karreo ñõn ien eo naj katok kin men in katok kin ir otemjej.

Jap. 24. 18. Bwin. 6. 13.

27 Im ke jiljilimjuõn ran ko re nañin joko, dri Ju ro dri Esia, ke rej lo e iloan tempel, rej kejånene armij otemjej im likit peir ion,

Jap. 26. 21.

28 Im lamij, Armij in Israel, Komin jibõñ. Armij in eo ej katakin armij otemjej i ene otemjej im jumae armij rõu, im kien, im jikin in; im bar jet, e ar añintok ro dri Grik na iloan tempel, im kanauaik jikin kwojarjar in.

Jap. 24. 6.

29 Bwe mokta r'ar lo Tropimõs, dri Episõs, iben iloan jikin kwelok, im r'ar lemnok Paul e ar añintok e iloan tempel.

Jap. 20. 4.

30 Im aolepen jikin kwelok ej jeurur, im armij rej tõr im jimor kweloklok: im rej jibwe Paul, im kekake e jen tempel: im emõkõj air kil aur ko.

Jap. 26. 21.

31 Im ke rej bukok bwe ren mõn e, nan ej ilok ñõn kapen elap an jar an tõrinae, bwe aolepen Jerusalem e jeurur:

32 Im emõkõj an añintok ro dri tõrinae im senturiõn ro, im tõrlõl ñõn ir: im ke rej lo kapen elap im ro dri tõrinae rej likit air dreñlo-kwe Paul.

Jap. 23. 27. & 24. 7.

33 Inem kapen eo elap ej kebake,

im jibwe e, im jiroñ bwe ren liabe kin ruo tomere; im ej kajitök wõn e, im ta eo e ar kômõne.

Jan. 20. 23.

34 Im jet rej lamij kin juõn, im jet ein juõn, ian jar eo: im ke e ban kanuij jela kake kin air keroro, e jiroñ bwe ren añinlok e na iloan imõn bar.

35 Im ke ej ber ion ken uwe ej einwõt ro dri tõrinae rej kwotõke kin an jar eo kobaj e.

36 Bwe elõñ ian jar eo rej lore, im lamij, Jolok e.

Luk 23. 18. Jon 19. 15. Jan. 22. 23.

37 Im ke re nañin kadreloñ Paul iloan imõn bar, e ba ñõn kapen eo elap, Emõn ke in konono ñõn yuk? E ba, Kwo jela ke kajen Grik?

38 Kwo jab dri Ijijpt eo ran ko mokta e ar kabata ibeir im añinlok emen tausand armij ro dr'uror ilo ene jemaren ke?

Jan. 5. 36.

39 A Paul e ba, Ña dri Ju lotak ilo Tarsõs, i Silisia, dri jikin kwelok e jab erik: im ij akwelap ñõn yuk, kwon kötlok iõ bwe in konono ñõn armij rõn.

Jan. 9. 11. & 22. 3.

40 Im ke emwij an kötlok e, Paul e jutök ion ken uwe, im boprae kin pein. Im ke elap air ikõñ, ej konono ñõn ir ilo kajen Hibru, im ba,

Jan. 12. 17.

### JAPTER 22.

**A** RMIJ, kom jeiõ im jätio, im ro jema, komin karoñjake aõ nan in kemeleleik ij kwalok ñõn kom kiõ.

Jan. 7. 2.

2 Im ke rej roñ bwe ej konono ñõn ir ilo kajen Hibru, elaplok air karoñlokjen; im ej ba,

3 Ña dri Ju, lotak ilo Tarsõs, jikin kwelok i Silisia, a I ar katak ilo jikin kwelok in iturin neen Gameliel, ar katakin iõ jimewõt kin kien ro jimar, im I ar kijejeto ñõn Anij, einwõt kom otemjej ranin.

Jan. 21. 30. 2 Kor. 11. 22. Pil. 3. 5. 2 Kin 4. 38. 1 Jan. 5. 34. & 26. 5. & 21. 20. Gal. 1. 14.

4 Im I ar matörtör Ial in ñõn mij,

184

ij liabe im ketök man ro im kõra ro ñõn iloan prisõn ko.

Jan. 8. 3.

5 Im bareinwõt pris eo elap ej kennan kin iõ, kab elder ro otemjej: jen ir I ar bareinwõt bök letter ko ñõn jimjån jimjäten, im ilok ñõn Damaskõs, bwe in añintok ro ar liabe ir ñõn Jerusalem, bwe ren mõn ir.

Luk 22. 66. Jan. 9. 2. & 26. 10. 12.

6 Im ke I ar ilok ie lok, im kebak Damaskõs, enanin beriolap, emõkõj an juõn maram elap romak jen lõñ ituriõ.

Jan. 9. 3. & 26. 12.

7 Im ij buñ ion brij, im ij roñ ainiken ej ba ñõn iõ, Saul, Saul, etke kwoj matörtör iõ?

8 Im I ar uak, Iroj, wõn Kwe? Im E ba ñõn iõ, Ña e Jisõs dri Nazeret, eo kwoj motörtöre.

9 Im ro r'ar ber iba, r'ar lo maram eo, im rej lelõõñ; a re jab roñ ainiken Eo e ar konono ñõn iõ.

Dan. 10. 7.

10 Im I ar ba, Iroj, ta eo in kõmõnmõne? Im Iroj e ba ñõn iõ, Kwon jerkak, im ilok ñõn Damaskõs; im ijo naj kennanek yuk men ko otemjej likit ñõn yuk bwe kwon kõmõnmõni.

11 Im ke I ban lolokjen kin wuj in maram eo, ro r'ar ber iba rej tel iõ kin peir, im ij itok ñõn Damaskõs.

12 Im juõn Anenaiõs, emõn mwilin kin kien, im dri Ju otemjej rej jokwe ijo rej nebar e,

Jan. 9. 17. & 10. 22.

13 Ej itok ñõn iba, im jutök ituriõ, im ba ñõn iõ, Jätio Saul, kwon lolokjen. Im ilo aõ eo ij reilok ñõn e.

14 Im e ba, Anij an ro jimar E ar likit yuk bwe kwon jela ankil An, im lo Eo Ekwojarjar, im roñjake ainiken jen loñin.

Jan. 3. 13. & 5. 30. & 26. 16. 1 Kor. 9. 1. & 15. 8. 1 Jan. 3. 14. & 7. 52. 1 Kor. 11. 23.

Gal. 1. 12.

15 Bwe kwo naj An dri kennan

**n̄ōn** armij otemjej kin men ko kw'ar loi im roñjaki.

jav. 23. 11. Jap. 4. 20. & 26. 10.

16 Im kiō etke kwoj rumij? kwon jerkak, im baptais, im kwolilok jerawiwi ko am, im kabuñ kin Etan.

Jap. 2. 38. & 9. 14. Hib. 10. 22.

17 Im ke I ar jeblaktok n̄ōn Jerusalem, im ke I ar jar iloan tempel, ij ber ilo trans,

Jap. 9. 26. 2 Kor. 12. 2.

18 Im ij lo An ba n̄ōn iō, Kwon kijorur im mōkōjlok jen Jerusalem: bwe re jamin bōk am kennan kin iō.

19 Im ij ba, IroiJ re jela bwe I ar prisōn im dreflokwe iloan imōn kwelok otemjej ro rej liki Yuk:

Mat. 10. 17.

20 Im ke r'ar lutōk dra'n dri kennan eo Am, Stipen, I ar jutōk ijo, im bōk n̄ōn burueir, im lale nuk-nuk ko an ro r'ar mōn e.

Jap. 7. 58. & 8. 1. Rom 1. 82.

21 Im E ba n̄ōn iō, Kwon ilok: bwe I naj jilkinlok yuk etolok n̄ōn ro dri alliñ.

Jap. 9. 15. & 26. 17. Rom 1. 5. & 11. 13. & 15. 16.

22 Im rej roñjake mae nan in, inem rej koutlej ainkeir, im ba, En joko lein jen iōl; bwe e jab emōn bwe en mour.

Jap. 21. 36. & 25. 24.

23 Im ke rej lamij, im julok nuk-nuk ko air, im juliñlok brij,

24 Kapen eo elap e jiroñ bwe ren añintok e na iloan imōn bar, im ba bwe ren kajitōkin e kin dreflok; bwe en jela etke elap air lamij im einwōt nae e.

25 Im ke emwij air lukwoj e kin kilin kiru ko, Paul e ba n̄ōn senturiōn eo e jutōk ijo, Emelim ke ami dreflok juōn armij, dri Rom, im jañin llakelok e?

Jap. 16. 37.

26 Ke senturiōn ej roñjake men in, ej ilok im kennanek kapen eo elap, im ba, Ta eo kwo nañin kōmōne? bwe armij in dri Rom.

27 Inem kapen eo elap ej itok, im

ba n̄ōn e, Kwon kennanek iō, kwe dri Rom ke? E ba, Aet.

28 Im kapen elap e uak e, Kin elap wōuan I ar bōk bwe in dri Rom. Im Paul e ba, A ña ij lotak im ein drein.

29 Inem emōkōj an ro re nañin kajitōkin e ilok jen e; bareinwōt kapen elap em'jōk, elikin an jela bwe e dri Rom, im bwe e ar lukwoj e.

30 Ke ilju, bwe e kōnan kanuij jela etke dri Ju ro r'ar kinaklok e, ej kōtlok e, im jiroñ pris ro relap im dri bebe otemjej bwe ren kweloklok, im ej añinlōl Paul, im kajutōk e imair.

### JAPTER 23.

**I**M Paul ej kalimjeke dri bebe rōn, I im ba, Komeo, jeiš im jātīō, I ar ber im kōmōn ilo aō bōklikōt emōn wōt iman mejen Anij n̄ōn ranin.

Jap. 24. 16. 1 Kor. 4. 4. 2 Kor. 1. 12. & 4. 2. 2 Tim. 1. 3. Hib. 13. 18.

2 Im Anenaiōs, pris eo elap, e jiroñ ro rej jutōk iturin bwe ren ubrare loñin.

1 Kin 22. 24.

3 Inem Paul e ba n̄ōn e, Anij e naj ubrare yuk, kwo worwor emouj: im kwoj jijōt im ekajete iō kin kien, im jiroñ bwe ren ubrar iō jab ekar n̄ōn kien ke?

Dut. 25. 1. 2. Jon 7. 51.

4 Im ro rej jutōk iturin re ba, Kwoj kajirere kake pris eo elap an Anij ke?

5 Inem Paul e ba, Kom jeiš im jātīō, I ar jaje bwe e pris eo elap: bwe ar jeje, Kwon jab konono enana kin iroiJ eo an dri alliñ ro am.

Jap. 24. 17. Eka. 22. 28. Ekl. 10. 20.

6 A ke Paul ej kill bwe jet dri Saddusi, im jet dri Parisi, ej lamij ilo bebe eo, Kom jeiš im jātīō, ña dri Parisi, nejīn dri Parisi: rej kajitōkin iō kin kejatrikrik im jerkakbijī an ro remij.

Jap. 24. 15, 21. & 26. 5, 6. & 28. 20. Paul. 3. 5.

7 Im ke emwij an Paul ba ein drein, juōn akwai e walok iben

Parisi ro im Saddusi ro: im jar eo ejbil.

8 Bwe Saddusi ro re ba, ejelok jerkakbiji, im ejelok enjel ak jitöb: a Parisi ro rej kwalok men kein ruo.

Mat. 22. 23. Mark 12. 18. Luk 20. 27.

9 Im juön keroro elap e walok, im skraib ro ian Parisi ro re jutök, im akwall, im ba, Kim jab lo nana iben armij in: a ta eo elañe juön jitöb ak juön enjel e ar kouono ñön e?

Jap. 5. 39. & 22. 7, 17, 18.

10 Im ke elap akwall, kapen elap, e mijök kin air naj kokkure Paul, im e jiroñ dri törinae bwe ren wönlöl, im bök e jen ir kin kajur, im añintok e na iloan imön bar.

11 Im boñlu eo tokelik, Iroj e jutök iben im ba, Paul, kwon beran: bwe einwöt kw'ar kennan kin Iö i Jerusalem, ein drein bareinwöt kwo naj kennan ilo Rom.

Jap. 18. 9. & 27. 23, 24.

12 Im ke erantak, jet ian dri Ju rej koba, im möke liabe ir kin juön kanöjñij, im ba re jamin möña ak irak ñön elikin air mön Paul.

Jap. 25. 3.

13 Im elöñ jen eñoul rej koba ilo nan in kanöjñij in.

14 Im rej itok ñön pris ro relap im elder ro, im ba, Kim ar möke liabe kim kin juön kanöjñij elap, bwe kim jamin erjoñ jabrewöt ñön ien eo kim naj mön Paul.

15 Inem kiö, kom kab dri bebe, komin ba ñön kapen elap, bwe en añinlöltak e ñön kom einwöt bwe kom kënau bar kajitökin e elap jen mokta: a kim, ñe ej ebak, kimij pojök bwe kimin mön e.

16 Im ke möñren Paul ej roñ kin air kejar e, ej ilok im dreloñ iloan imön bar im keunanek Paul.

17 Im Paul ej kirtok juön ian senturiön ro ñön e im ba, Kwon añinlok likao in ñön kapen elap; bwe eor nan iben e kënan kennanek e.

18 Inem ej bök e, im añinlok e ñön kapen elap, im ba, Paul, dri

prisön, e ar kirtok iö, im akwelap ñön iö bwe in añinwoj likao in ñön kwe, bwe eor nan iben e kënan konono ñön yuk.

19 Inem kapen elap ej kapjere pein, im möke ilok iben lok, im kajitök, Ta eo kwo kënan kenanek iö?

20 Im e ba, Dri Ju ro burueir wöt juön kin air akwelap ñön yuk bwe kwon añinlöltak Paul ran eo ilju ilo bebe eo, einwöt bwe re kënan bar kajitökin e elap jen mokta.

21 Inem kwon jabbokake ir: bwe elöñ jen eñoul armij iair rej kejar e, im r'ar möke liabe ir kin juön kanöjñij elap, bwe re jamin möña ak irak ñön elikin ien eo re naj mön e: im kiö re pojök, im kötar juön nan in kalimur jen yuk.

22 Inem kapen elap ej kötlok likao eo, im jiroñ e, Kwon jab kennanek jabrewöt armij kin am kwalok men kein ñön iö.

23 Im ej kirtok ruo ian senturiön ro, im ba, Kapoj rubuki dri törinae bwe ren ilok ñön Seseria, im jiljil-imjuöñoul ro rej uwe ion hors, im rubuki ro rej bök möri, ñe ken ka druatimjuön auö ilo boñ;

24 Im kapojök kiru ko, bwe ren kajijöt Paul loir, im añinloke im wönake ñön Filix iroj.

25 Im ej jeje letter einwöt in:

26 Klaudiös Lisiös ñön Filix, iroj emön potata, Yokwe yuk.

27 Dri Ju ro r'ar jibwe armij in im re nañin mön e: Inem ij itok kin jaran törinae, im lomoren e, bwe I ar roñ bwe e dri Rom.

Jap. 21. 33. & 24. 7.

28 Im ke I kënan jela men eo r'ar kinaklok e kake, I ar añinlok e ñön air bebe:

Jap. 22. 30.

29 Im ij lo bwe rej kinaklok e kin kajitök ko ilo kieir, a ejelok ruön bwe in mön ak liabe.

Jap. 18. 15. & 25. 19. & 26. 31.

30 Im ke emwij kennanek iö kijkan dri Ju ro kejar armij in, emököj aö jilkinwoj e ñön yuk im



bareinwöt jiroñ ro dri kinaklok  
bwe ren ba nae e iman mejöm.

jap. 24. 8. & 25. 6.

31 Inem dri törinae, einwöt ar ji-  
roñ ir, rej bök Paul, im añinlok e  
ilo boñ ñön Antipetris.

32 A ke ilju rej likit ro rej uwe ion  
hors bwe ren ilok iben lok, a rej  
jeblak ñön imöñ bar:

33 Ke rej itok ñön Seseria, rej le-  
lok letter eo ñön iroi, rej barein-  
wöt lelok Paul ñön e.

34 Im ke emwij an iroi, konono  
ilo letter in, ej kajitök ene öt eo ej  
jen e. Im ke e jela bwe e dri Si-  
lisia;

jap. 21. 39.

35 E ba, I naj roñ men ko jet kin  
yuk, ñe dri kinaklok yuk rej bare-  
inwöt itok. Im e jiroñ bwe ren  
lale e iloan imöñ Heröd.

jap. 24. 1. 10. Mat. 27. 27.

#### JAPTER 24.

**I**M elikin lailim ran, Anenaiös  
pris eo elap ej wönlöltak kab jet  
ian elder ro, im juön eman e wäje-  
berik etan Tertöllios, im rej kinak-  
lok Paul ñön iroi, eo.

jap. 21. 27. & 23. 20, 35. & 25. 2.

2 Im ke emwij air kirtok e, Ter-  
töllios e jino an kinaklok e, im ba,  
Bwe kin yuk elap ainemön ej ibem,  
im kin am lale mokta kwoj kajime  
nana ko ñön allin in,

3 Kimij bök men in ien otemjej,  
im ijo ko otemjej, O Filix emöñ  
potata, kin kamolol otemjej.

4 A bwe in jab kamök yuk kin  
bar jet, ij akwelap ñön yuk bwe, ilo  
am joi, kwon roñjake eiet amulj  
nan.

5 Bwe kim ar lo armij in e dri  
nana, im e dri biuktöki bata iben  
dri Ju ro otemjej i aolepen lö, im e  
dri tel elap ilo jar an dri Nazerin.

jap. 17. 6. & 21. 28. 1 Pit. 2. 12, 15.

6 Bareinwöt ej kajeon bwe en  
kananalk tempel eo: im kim ar  
jibwe;

jap. 21. 28. Jon 18. 31.

8 Jen eo, kin am kajitökin e, kwo

naj maroñ in jela men kein otem-  
jej, kim kinaklok e kake.

jap. 23. 30.

9 Im dri Ju rej bök ñön buruen,  
im ba, ein drein men kein otemjej.

10 Im ke emwij an iroi, romeje  
bwe en konono, Paul ej uak, Bwe  
ij jela kin am iroi, in ekajet ñön  
dri allin in iomin elöñ yiö, elap aö  
löñlin im uak kin iö möke:

11 Bwe kwo maroñ in jela bwe e  
jab elöñ jen joñoul im ruo ran jen  
ien eo I ar wönlöñlok ñön Jerusa-  
lem bwe in kabuñ.

jap. 21. 26.

12 Im r'ar jab lo iö iloan tempel  
im akwall iben jabrewöt armij ak  
biuktöki jar eo, jab iloan imöñ  
kwelok ko, jab ilo jikin kwelok;

jap. 25. 8. & 28. 17.

13 Im re jab maroñ in kamol ñön  
kwe men kein rej kinaklok iö kaki  
kiö.

14 A ij kwalok men in ñön yuk,  
bwe ilo Ial eo re ba ebwir, ein drein  
ij kabuñ ñön Anij an ro jema, im  
tömak men otemjej ekar ñön kien  
ak jeje ilo dri kanan ro:

jap. 9. 2. 2 Tim. 1. 3. 1 Jap. 26. 22. & 28. 23.

15 Im ij kejatrikrik iö ilo Anij  
kin men in, im bareinwöt ir rej  
kötmene, bwe ro remön im ro re-  
nana re ñaj jerkakbiji.

jap. 23. 6. Dan. 12. 2. Jon 5. 28, 29.

16 Im ilo men in ña ij bareinwöt  
kajeon bwe en aö bökliköt emön  
im ejelok notan ñön Anij im ñön  
armij ien otemjej.

jap. 23. 1.

17 Kiö elikin jet yiö I ar itok bwe  
in böktok mweien tiriamo ñön dri  
allin eo aö, im men in jurtak.

jap. 11. 29, 30. & 20. 18. Rom 15. 25. 2 Kor.  
8. 4. Gal. 2. 10.

18 Ilo men kein jet dri Ju jen Esia  
r'ar lo iö I'reo iloan tempel, jab  
iben jar, jab ilo iruij:

jap. 21. 26, 27. & 26. 21.

19 Im emön ren ber ijin iman me-  
jöm, im kinaklok, elañe re jela ja-  
brewöt notaö.

jap. 23. 30. & 25. 16.

20 Ak, rein rej ber ijin, emön ren

ba, kōmōn òt enana rej lo, ke I ar jutōk iman mejen bebe eo,

21 Elañe jab kin ainikiō in wōt, ke I ar jutōk lolapeir im lamij, Kin jerkakbiñi an ro remij rej kajitōkin iō iman mejemi ranin.

Jap. 23. 6. & 23. 20.

22 A Filix, bwe elaplok an jela kajen Ial eo, ej bōprae ir, im ba, Ñe Lisiōs, kapen elap, ej wōnlōltak, I naj bebe kin men ko ami.

23 Im ej jiroñ senturiōn eo bwe en bar Paul, im kwalok joij ñōn e, im jab bōprae ro jeran ñe rej jermal ñōn e.

Jap. 27. 3. & 23. 16.

24 Im elikin jet ran, Filix kab llo belen Drusilla, eo dri Ju, rejro itok, im ej jiliklok ñōn Paul bwe en itok, im roñ jen e kin tōmak Kraist Jisōs.

25 Im ke ej kemeleleik kin kwojarjar, im jādōr, im ekajet eo ej itok, Filix e leñōñ im uak, Kwon ilok kiō; ñe juōn ien emōn iba, I naj kirtok yuk.

26 Im bareinwōt ej kōtōmene bwe Paul e naj lelok mōnni ñōn e. Kin men in ej jiliklok ñōn e elōñ lok alen, im komaō iben.

Eks. 23. 8.

27 A ke ruo yiō ejemlok Porsiōs Festōs ej binej jenkwon Filix; im Filix ej likit Paul im lukwoje, bwe e kōnan kabuñburuen dri Ju ro.

Jap. 12. 3. & 25. 9.

### JAPTER 25.

**I**NEM ke Festōs ej itok ilo ene eo, elikiu jilu ran, ej wōnliflōk jen Sesaria ñōn Jerusalem.

2 Inem pris eo elap, im leātōktōk an dri Ju ro rej kinaklok Paul ñōn e, im akwelap ñōn e,

Jap. 24. 1.

3 Im kōnan men in joij nae e, bwe en jiliklok ñōn e bwe en itok ñōn Jerusalem, im rej noj air bebe bwe ren mōn e ilo Ial.

Jap. 23. 12.

4 A Festōs e uak bwe rej bar Paul i Sesaria, im e mōke nañin ilok ñōn ijo mōkōj.

5 Inem, e ba, Emōn ro iami rej maroñ, ren wōnlōllok Iba, im kinaklok armij in, elañe eor nana iben.

Jap. 18. 14.

6 Im ke emwij an ber ibeir jab elōñ jen drualitōk ak joñoul ran, ej wōnlōllok ñōn Sesaria; im ran eo ilju ej jijōt ion jikin ekajet, im ej jiroñ bwe ren afintok Paul.

7 Im ke emottok, dri Ju ro, r'ar wōnlōltak jen Jerusalem, rej jutōk im kabol e, im rej bōktok elōñ im rebin nan in kinaklok Paul, men ko re jab maroñ in kamoli;

Mark 15. 3. Luk 23. 2, 10. Jap. 24. 5, 13.

8 Ke Paul ej uak kin e mōke, im ba, I ar jab kōmōnmōu jirik wōt enana nae kien dri Ju ro, jab nae tempel, jab nae Sizar.

Jap. 6. 13. & 24. 12. & 23. 17.

9 A Festōs, ke e kōnan kabuñburuen dri Ju ro, e uak Paul, im ba. Kwo kōnan wōnliflōk ñōn Jerusalem, im ekajet yuk ijo kin men kein imaō ke?

Jap. 24. 27.

10 Inem Paul e ba, Ij jutōk i jikin ekajet an Sizar, ijo emōn ekajet iō: ejelok nana I ar kōmōn nae dri Ju ro, im ein drein am bareinwōt kanuij jela kake.

11 Bwe elañe ña juōn enana, ak eor ruō bwe in mij, I jab kajitōk bwe in mour; a elañe ejelok juōn ian men kein emol, men ko rej kinaklok iō kaki, ejelok armij ej maroñ in ketōk iō ñōn ir. Sizar en dri ekajet iō.

Jap. 18. 14. & 23. 19.

12 Inem ke emwij an Festōs bebe iben ro dri ekajet, e uak, Kwoj ba ke Sizar en ekajet yuk? kwo naj ilok ñōn Sizar.

13 Im elikin jet ran, kiñ Agrippa im Bernis rejro itok ñōn Sesaria, im yokyokwe Festōs.

14 Im ke r'ar ber ijo lomn ekōñ ran, Festōs ej kwalok men ko an Paul ñōn kiñ eo, im ba, Filix e ar likit juōn armij dri prisōn;

Jap. 24. 27.

15 Eo ke I ar ber i Jerusalem, pris

ro relap im elder ro an dri Ju r'ar kennanek iö kake, im re kōnan nan in llakelok nae e.

16 I ar uak ir, E jab mōnit an dri Rom bwe ren ketök jabrewöt armij, mokta jen e im dri kinaklok rej kweloklok jelmae dron, im likit e bwe en uak ir kin men eo enana r'ar kinaklok e kake.

17 Inem ke r'ar kweloktok ijin, e jab rumij aö jijöt ran eo ilju ion jikin ekajet, im jiroñ bwe ren añintok armij eo.

18 Ke dri kinaklok rej jutök, re jab böktok nan in kinaklok kin men ko renana I ar lemnok kaki:

19 A eor air nan in kajitökin e kin air kabuñ wöt, im kin juön Jisös eo emij, a Paul e ba E mour.  
Jap. 18. 15. & 23. 29.

20 Im bwe I ar jaje ekijkan in kajitök kin men kein, I ar ba, Emön ke kwon ilok ñöu Jerusalem im ekajet yuk kin men kein, ak jab?

21 A ke Paul e ar ba bwe en beri-wöt ñöñ ekajet eo an Augöstös, I ar jiroñ bwe ren kejbärok e ñöñ ten eo I naj jilkinlok e ñöñ Sizar.

22 Inem Agrippa e ba ñöñ Festös, Bareinwöt ña Ij kōnan roñ armij in. E ba, Ilju kwo naj roñjake.  
Jap. 9. 15.

23 Im ilju ke emwij an Agrippa itok im Bernis kin elap wuj, im rej dreloñ iloan jikin roñjake, ibeñ kappen ro relap, im leätöktök ro an jikin kwelok eo, Festös e jiroñ bwe ren añintok Paul.

24 Im Festös e ba, Kiñ Agrippa, im armij otemjej ijin ibem, komij lo armij in, kin e aolepen jar an dri Ju ro rej kajitök iba i Jerusalem, im ijin, im lamij e jab emön bwe eu ber im mour ñöñ jirik.  
Jap. 22. 22.

25 A ke I ar lo ejelok nana e kar kōmön bwe en mij, im e ar möke ba bwe Augöstös en ekajete, I ar bebe bwe in jilkinlok e.  
Jap. 23. 9. 29. & 29. 31.

26 Ejelok men eo emol iba bwe in

jejelok ñöñ aö iroj kin e. Kin men in ij añintok e imami, im elap-tata imam, O kiñ Agrippa, bwe ñe emwij kajitökin e, eu or men ko iba bwe in jeje.

27 Bwe ij lemnok, e jab emön bwe in jilkinlok juön dri prisön, im jab kwalok men ko ar kinaklok e kaki.

### JAPTER 28.

**I**NEM Agrippa e ba ñöñ Paul, Emelim bwe kwon möke kono no kin yuk. Inem Paul ej erlo-kwe pein im uak kin e:

2 Ebuñburuö, Kiñ Agrippa, bwe ij uak ranin kin iö ñöñ yuk kin men ko otemjej, dri Ju ro r'ar kinaklok iö kaki:

3 Elaptata bwe I jela elap an metlet kin mōnit otemjej, im nan in kajitök ko iben dri Ju ro: kin men in ij akwelap ñöñ yuk bwe kwon jab kiril kin am roñjake iö.

4 Aö ber im kōmön jen ke I ar inono, r'ar iben dri aillñ eo aö jen jinoin i Jerusalem, im dri Ju ro otemjej re jela kajeir;

5 Ro r'ar jela ña jen jinoin, elañe re kōnan kennan, bwe ij mour dri Parisi an jar ebin otem bin ilo amuj kabuñ.  
Jap. 22. 3. & 23. 6. Pil. 3. 5.

6 Im kiö ij jutök bwe ren ekajet iö kin kejatrikrik in kalimur eo Anij e ar lelok ñöñ ro jimam;

Jen. 3. 15. Rom 15. 8. Tait. 2. 13.

7 Joñoul im ruo am bwijin, ke elap air jerbak ñöñ Anij boñ im ran, rej kötömene bwe re naj töbrök kalimur eo. Kin kejatrikrik in, O kiñ Agrippa, dri Ju rej kinaklok iö.  
Jem. 1. 1. Luk 2. 37. Pil. 3. 11.

8 Etke men in elap jen am maroñ im tömak e, elañe Anij ej kejerkak-biji ro remij?

9 Emol I ar lemnok iba, emön in kōmön elöñ men ko nae etan Jisös dri Nazeret.  
1 Tim. 1. 13.

10 Aet, I ar kōmön ein drein i Jerusalem: im elöñ iau ro remön I ar kil ir na iloan prisön, kiu nan I ar

böki jen pris ro relap: im ke ar mōn ir, I ar koutiej ainikiō nae ir.

jap. 8. 3. & 9. 14, 21. & 22. 5.

11 Im elōfi alen I ar kokkure ir iloan imōn kwelok otemjej, im karel ir bwe ren blaspim: im bwe e kanuij elap aō uriekak nae ir, I ar matōrtōr ir ñōn jikin kwelok ko an ro drua.

jap. 22. 19.

12 Ilo men kein, ke I ar ilok ñōn Damaskōs kin nan im jeje jen pris ro relap,

jap. 9. 3. & 22. 6.

13 Ke beriolap, O kiñ, I ar lo ilo ial maram jen lōñ, elap an jatōltil jen al, ej romak ituriō im ro r'ar etal iba lok.

14 Im ke kim otemjej ar buñ ion lōl, I ar roñ juōn ainiken ej konono ñōn iō, im ba ilo kajin Hibru, Saul, Saul, etke kwoj matōrtōr Iō? enana am kaitak neōm ilo men ko rekōfi.

15 Im ij ba, Iroi j wōn Kwe? Im E ba, Ña Jisōs eo kwoj matōrtōr E.

16 A kwon jerkak, im jutōk kin neōm: bwe Ij weaktok ñōn yuk kin men in, bwe In likit yuk dri kaki im dri keuan kin men kein kw'ar loi, im kin men ko I naj weaktok ñōn yuk kaki:

jap. 22. 15.

17 Im kötlok yuk jen armij ro, im jen dri ailiñ ko, Ij jilkinlok yuk ñōn ir,

jap. 22. 21.

18 Bwe kwon kebellok mejeir, bwe ren oktōk jen marok ñōn maram, im jen kajur an Setan ñōn Anij, bwe ren bōk jurlok jerawiwi ko, im air jolit iben ro remōn kin air liki Ña.

Isa. 35. 5. & 42. 7. Luk 1. 79. Jon 8. 12. 2 Kor. 4. 4. 1 Tes. 5. 5. 2 Kor. 6. 14. Ep. 4. 18. & 5. 8. 1 Pit. 2. 9. jap. 20. 32.

19 Kin men kein, O kiñ Agrippa, I ar jab kiblia ñōn viōn eo jen lōñ.

20 A I ar kwalok mokta ñōn ro i Damaskōs, im i Jerusalem, im ilo aolepen ene Judia, im ñōn dri ailiñ ko. bwe ren ukwelok ibeir im ok-

tōk ñōn Anij, im kōmōnmōn jerb-al ko rekar ñōn ukwelok.

jap. 9. 20, 22, 29. & 11. 29.

21 Kin men kein, dri Ju ro, ke r'ar lo iō iloan tempel, rej kajeoñ bwe ren mōn iō.

jap. 21. 30, 31.

22 Inem, kin aō bōk jibōfi jen Anij, ij jutōk ñōn ranin, im kenan ñōn ro redrik im ro relap, im ba men ko wōt dri kanan ro im Moses r'ar ba e naj itok;

Luk 24. 27, 44. jap. 24. 14. & 28. 23.

23 Ekijkan Kraist e naj iñtan, im E, kin jerkakbijan an ro remij, naj kwalok maram ñōn armij ro, im ñōn dri ailiñ ko.

1 Kor. 15. 20. Kol. 1. 18. Rev. 1. 5. Luk 2. 32.

24 Im ke ej konono ein drein kin e, Festōs e ba, im elap ainiken, Paul, kwoj uriekak; am meletlet elap ej ukot yuk ñōn uriekak.

2 Kin 9. 11. Jon 10. 20. 1 Kor. 1. 23. & 2. 14. & 4. 10.

25 A Paul ej ba, I jab uriekak, O Festōs emōn potata; a ij kwalok nan ko remol im ko rejime.

26 Bwe kiñ ne e jela men kein, ñōn eo ij bareinwōt wujlep im konono; bwe ij lemnok ejelok ian men kein etino jen e; bwe men in ar jab kōmōne ilo etino.

27 Kiñ Agrippa, kwoj tōmak ro dri kanan ke? I jela kwoj tōmak.

28 Inem Agrippa e ba ñōn Paul, Ilo jirik, kwoj karel iō bwe in dri Kristian.

29 Im Paul e ba, Ij jar im kajitōk iben Anij, bwe jab kwe wōt, a bareinwōt ir otemjej rej rōnjakiō ranin, kom nañin einwōt, kabekanuij einwōt ña, elañe ejoko tomere kein.

1 Kor. 7. 7.

30 Im kiñ eo e jutōk, im iroi eo, im Beruis, im ro rej jijōt ibeir.

31 Im ke rej lālok jen e, rej konono iben dron, im ba, Ejelok an armij in kōmōn ekar ñōn mij ak liabe.

jap. 23. 29. & 25. 25.

32 Inem Agrippa e ba ñōn Festōs, Kwo naj kar maroñ in kötlok ar-

mij in, elañe e ar jab ba En ekajet iö Sizar.

jav. 25. 11.

JAPTER 27.

**I**M ke emwij bebe bwe kimin jerök ñön Itali, rej lelok Paul im bar jet dri prisöñ ñöñ juöñ etan Juliös, senturiöñ an jar an Augös-tös.

jav. 25. 12, 25.

2 Im kim ar uwe ion juöñ wa'n Adramitiöm, eo en tellok ñön ene ko i kabbe in Esia, im jerök, Aristarkös dri Masedonia jen Tessalonika ej uwe ibem.

jav. 19. 29.

3 Im ran eo ilju kim bo i Saldon. Im Juliös ej kömömöñ joiñ ñön Paul, im kötlök e bwe en ilök ñön ro jeran im kakije ibeir.

jav. 24. 23. & 28. 16.

4 Im ke emwij am jerök jen ijo, kim tellok ñön jebalur in Saiprös, bwe enana köto.

5 Im ke emwij am jerök ion lojit eo ikijen Silisia im Pampilia, kim itok ñön Maira, jikin kwelok an Lisia.

6 Im ijo senturiöñ ej lo juöñ wa'n Alexandria e jerök ñön Itali: im ej ekötök kim na ion.

7 Im ke erumij am tellok elöñ ran, im nañin ban itok ikijen Naidös, bwe enana köto, kim ar tellok ñön jebalur in Krit ikijen Salmone:

8 Im ke ebin am jerök iturin, kim itok ñön juöñ jikin etan Lam Emöñ; ebake juöñ jikin kwelok etan Lasia.

9 Im ke elap ien emotelok, im enana ien jerökrik, bwe emotelok ien jitlok, Paul ej kowe ir,

10 Im ba ñön ir, Löma, I jela bwe jerök in e naj nana im elöñ joko, jab kin koböp wöt im wa, a bareinwöt kin an armij mour.

11 A senturiöñ ej eoroñ kapen im armij eo wa'n wa eo, elap jen men ko Paul e ar konono kaki.

12 Im bwe lam eo e jab emöñ kin ber ie ilo añöñäñ, elöñ rej bebe bwe

ren jerök jen ijo, elañe re maröñ in töbar Pinix, im ber ijo lomin añöñäñ: lam eo i Krit ej jitöñ eañ im rear kab röc im rear.

13 Im ke erik köto itok irök, rej lemnok bwe r'ar böc air könan, im rej töbi ankör im jerök ebake Krit.

14 A e jab eto, im juöñ köto elap, etan Eurakwilo, e buñ ion jen e.

15 Im ke ej let wa, im e jab maröñ in jerök ñön köto, kim ar likite im belok wöt.

16 Im ke kim ilök ñön jebalur in juöñ ailiñ, etan Klauda, elap am jerbak kin ektök boat eo.

17 Ke emwij air ektök e, rej kömömöñ men in jiböñ ko, im mörmire wa; im bwe rem'jök bwe re naj itak ilo bok etan Sirtis, rej drore ken kömön wijila ko, im ein drein belok.

18 Im ke kanuij elap am jibeliklik kin lañ eo, ran eo ilju rej jino air äkbil jen wa;

19 Im ran eo ken ka jilu r'ar jolok kin peir men ko mweien wa.

Jona 1. 5.

20 Im ke lomin elöñ ran, al im iju ko rejoko, im e jab erik lañ iom, kötömeñ otemjej bwe kim naj mour ejoko.

21 A elikin an eto air jitlok, Paul e jutök lolapir, im ba, Löma, emöñ elañe kom ar bokake iö, im jab jerök jen Krit, im böc nana in im men ko rejoko.

22 Im kiö ij kowe kom bwe komin heran: bwe e jamin joko juöñ mour iami, a wa wöt.

23 Bwe ilo böñ e jutök na iba juöñ enjel in Anij, Eo ña An, im Eo ij jerbak ñöñ E,

jav. 23. 11. Dan. 6. 16. Rom 1. 9. 2 Tim. 1. 3.

24 Im e ba, Paul, kwon jab mijök; kwo naj jutök iman mejen Sizar: im lo, Anij e ar lewoj ñön yuk ir otemjej rej jerök iböm.

25 Kin men in, Löma, komin heran; bwe ij liki Anij, bwe e naj walok einwöt ar ba ñön iö.

Luk 1. 45.

26 A je naj itak ilo juöñ ailiñ.

jav. 23. 1.

27 A ilo ken ka joñoul im emen boñ, ke kim betobätök ilo lomalo Edria, enañin lukwön boñ dri jermal i wa rej lemnok bwe rej kebak juön ene:

28 Im rej joñe na böken, im jela roñoul ñeñen: im ke rej ilok jirik, rej bar joñe na böken, im jela joñoul im lailim ñeñen.

29 Inem rem'jök bwe bwelen re naj itak ilo dreka, rej jolok emen koliklik jen lokwön wa, im kōnan en rantak.

30 Im ke dri jermal i wa re nañin to jen wa, ke emwij air drorlöl boat ññon lojit, einwöt bwe re kōnan jolok koliklik ko jen man wa,

31 Paul e ba ññon senturiön im ññon dri törinae, Elañe rein re jab ber iloan wa, kom jamin mour.

32 Inem dri törinae rej bukwe to ko an boat, im kötlok bwe en belok.

33 Im ke enañin rantak, Paul ej akwelap ññon ir otemjej bwe ren möña, im ba, Ranin ran eo ken ka joñoul im emen kom kötari im ber ilo jitlok, im jab bök kijemi.

34 Kin men in ij akwelap ññon kom bwe komin bök kijemi; bwe men in ññon ami mour: bwe e jamin joko juön kolön bör jen jabrewöt iamil.

1 Kin 1. 52.

35 Im ke emwij an konono ein drein, ej bök bred im jar ññon Anij imair otemjej: im ke emwij an ruji, e jino an möña.

1 Samuel 9. 13. Mat. 15. 36. 1 Tim. 4. 3. 4.

36 Inem ir otemjej rej beran, im rej bareinwöt böc kijerir.

37 Im kim otemjej i wa eo, rubuki jiljilimjuönñoul im jiljino armij.

Jap. 2. 41. & 7. 14. Rom 13. 1. 1 Pit. 3. 20.

38 Im ke emwij air möña im mät, rej äkbil jen wa, im julok wit na i lojit.

39 Im ke erantak, re jaje ene eo: a rej lo juön laun emön bikön, im rej bebe elañe rej maroñ in kaitak wa na ion.

40 Im ke emwij air kötlok kolk-

lik ko, rej likiti na i lojit, im jelate jibwe ko, im jerök wijla eo iman ññon köto, im tellok ññon barijit.

41 A ke rej itak i juön ene ijo jibikra, rej kaitak wa eo ion bok: im man wa eotök, im ber bin otem bin, a lokwön wa erup kin elap no ko.

2 Kor. 11. 26.

42 Im dri törinae rej bebe bwe rea mön dri prisön, ñe r'ab aölok im ko.

43 A senturiön eo, kin an kōnan lomoren Paul, ej böprae ir jen air bebe: im jiroñ bwe ro re jela aö ren kälök mokta, im ilok ññon ene;

44 Im ro jet, jet ion ra ko, im jet ion men ko jet jen wa eo. Im ein drein ir otemjej rej ilok ññou ene im mour.

## JAPTER 28.

**I**M ke emwij am tökäk im mour, inem kim jela bwe etan allin eo Melita.

Jap. 27. 26.

2 Im dri pegan rön e jab erik air kömönmöñ joiñ ññon kim; bwe rej kejo kijeeek, im böc kim otemjej, bwe e wut im bwe e bio.

Rom 1. 14. 1 Kor. 14. 11. Kol. 2. 11.

3 Im ke emwij an Paul ae juöa bököñ kanl, im likit e na ion kijeeek, juön valper ej itok jen bwil, im ej errep ilo pein.

4 Im ke dri pegan rön rej lo valper ej i pein, rej konono iben dron, im ba, Emol armij in dr'uror, eo meñe ej mour jen lojit, wänik e jab kötlok e bwe en mour.

5 A ej kowutlok serpent eo ilo kijeeek, im ejelok jorran iben.

Mark 16. 18. Luk 10. 19.

6 A rej kötmene ñe en böj, ak buñ im mij kiöklö: a elikin eto air kötmene, im lo ejelok jorran iben, rej ukot air lemnok, im ba, e juöa anij.

Jap. 14. 11.

7 Ebak ijo ene ko an iroiñ in allin eo, etan Pöbliöe; eo ej böc kim, im e joiñ im lale kim ionin jilu ran.

8 Im jemen Pöbliöe ej babu im

nañinmij kin bwil im kin ilok lo-  
jen: Paul ej dreloñ ñòn iben, im  
jar, im likit pein ion, im kemour e.  
Mark 16. 18. Jap. 19. 11, 12. 1 Kor. 12. 9, 28.  
Jem. 5. 14, 15.

9 Ke emwij an kòmõnmõn men  
in, bareinwõt rojet ilo ailiñ eo, eor  
nañinmij ibeir, rej itok, im ej ke-  
mour ir:

10 Ir bareinwõt elap air wijtake  
kim; im ke kimij jerøk, rej letok  
men ko jabrewõt kim alkwi.

Mat. 15. 6.

11 Im ilokwõn jilu alif, kim jerøk  
ilo juõn wa'n Alexandria, e kar ber  
ilo allif eo iomin ieu ebio, etan ka-  
kõllen Lõmaro Bo.

12 Im kim ar bo i Sirekus, im ber  
le iomin jilu ran.

13 Im jen ijo kim jerøk im jeje,  
im itok ñòn Rijlõm: im ilokwõn  
juõn ran kõtõ in røk e buñ, im kim  
itok ran eo ilju ñòn Putioli:

14 Ijo kim lo jimjãu jimjãten, im  
rej akwelap ñòn kim, bwe kimin  
ber ibeir iomin jiljilimjuõn ran; im  
ein drein am itok ñòn Rom.

15 Im jen ijo, ke jimjãn jimjãten  
rej roñ kin kim, rej itok bwe ren  
ion kim ñòn Jikin wia an Appiõs,  
im Jilu Tavern; ke Paul ej lo ir, ej  
kamolol Anij im e beranlok.

16 Im ke kim dreloñtok Rom, rej  
kõtlok Paul bwe en mõe jokwe  
iben dri tõrinae eo ej lale e.

Jap. 24. 23. & 27. 3.

17 Im ilokwõn jilu ran, Paul ej  
kokweloktok leãtõktõk an dri Ju  
ro: im ke emwij air kweloktok, e  
ba ñòn ir, Lõma, jelõ im jãtiõ,  
meñe ejelok nana I ar kòmõnmõn  
nae armij ro, ak nae mõnit ko an  
ro jimar, a ar ketõk iõ dri prisõn  
jen Jerusalem ñõn pein ro dri Rom:

Jap. 24. 12, 13. & 25. 8.

18 Ir ke emwij air ekajet iõ re kõ-  
nan kõtlok iõ bwe in ilok, bwe eje-  
lok ruõ bwe in mij.

Jap. 28. 31.

19 A ke dri Ju ro rej konono im  
jumaee men eo, I ar lemnok emõn  
in ba, En ekajet iõ Sizar; jab bwe

[Marshall Islands.] 77

jabrewõt iba in kinaklok kake ailiñ  
eo aõ.

Jap. 25. 11.

20 Inem, kin meu in, emwij aõ  
akwelap ñòn kom, bwe komin lo  
iõ im konono iba: bwe kin kejatri-  
krik an Israel tomere in ej drebij  
iõ.

Jap. 26. 29. Ep. 3. 1. 2 Tim. 1. 16.

21 Im re ba ñòn e, Kim ar jab bõk  
letter ko jen Judia kin yuk, im eje-  
lok jimjãn jimjãten rej itok rej  
kwelok ak konono jabrewõt enana  
kin yuk.

22 A kim kõnan roñ jen yuk am  
lemnok; bwe kin jar in, kim jela  
ijo ko otemjej rej konono nae e.

Luk 2. 34.

23 Im ke emwij air likit ñòn juõn  
ran, elõñ rej itok ñòn e ijo ej ber le;  
ej kemeleleik ñòn ir im kennanek  
ir kin ailiñ in Anij, im ej kowe ir  
kin Jisõs, jen kieu Moses im jen dri  
kanan ro, jen jiboñ ñòn jota.

Luk 24. 27. Jap. 17. 3. & 19. 8. & 26. 6, 22.

24 Im jet rej tõmak men ko ej ko-  
nono kaki, im jet re jab tõmak.

Jap. 14. 4. & 17. 4.

25 Im ke e jab burueir wõt juõn  
ibeir, r'ar ilok, elikin an Paul  
konono juõn nan, Emõn an Jitõb  
Kwojarjar konono kin Aisaia dri  
kanan ñòn ro jimami,

26 Im ba, Kwon ilok ñòn armij  
rein, im ba, Ilo ami roñjake kom  
naj roñ, im jaje kake; im ilo ami  
lo kom naj lo im jaje kajen;

Isa. 6. 9. Jer. 5. 21. Ezek. 12. 2. Mat. 13. 14,  
15. Rom 11. 8.

27 Bwe buruen armij rein re bena-  
wla, im lojliñir rej roñjamõn, im  
mejeir rekilik; ñe r'ab lo kin me-  
jeir, im roñjake kin lojliñir, im  
jela kin burueir, im ukwelok im in  
kemour ir.

28 Inem komin jela, bwe mour in  
jen Anij, Ej jlkinlok e ñòn dri  
ailiñ ko; im re naj bareinwõt eo-  
roñ e.

Mat. 21. 41, 43. Jap. 13. 46, 47. & 18. 6. & 22.  
21. & 29. 17, 18.

30 Im ej jokwe iomin aolepen ruo

yiö iloan mweo ej kölä wönan jokwe, im bök ir otemfej rej dreloñ ñön iben,

31 Im ej kwalok aillñ in Anij, im

katakin men ko kin Iroj Jisöa Kraist, kin elap beran, im ejelok eu ej böprae.

Jap. 4. 81.

## LETTER AN PAUL ÑÖN DRI ROM.

### JAPTER 1.

**PAUL**, korijeran Jisös Kraist, emwij kir e bwe en dri jilik, im kamökelok ian ñön gospel an Anij,

Jerb. 22. 21. 1 Kor. 1. 1. Gal. 1. 1. 1 Tim. 1. 11. & 2. 7. 2 Tim. 1. 11. 1 Jerb. 9. 15. & 13. 2. Gal. 1. 15.

2 Eo E ar kalimur kake mokta kin dri kanan ro An, ilo Jeje ko rokwojarjar,

Tait. 1. 2. Jap. 3. 21. & 16. 28. Gal. 3. 8.

3 Kin Nejin, eo E ar lotak jen inen Devid ekar ñön köniek,

Mat. 1. 6, 16. Jon 1. 14.

4 Im ba kin E bwe E Nejin Anij ilo kajur, ekar ñön Jitöb öñ kwojarjar, kin jerkakbiji an ro remij; aet Jisös Kraist ar Iroj,

Jerb. 13. 33. Hib. 9. 14.

5 Kin E kim ar bök joiy im jermal au dri jilik ñön bokake tömak iben dri aillñ otemfej kin etan:

Jap. 12. 3. & 15. 15. 1 Kor. 15. 10. Gal. 1. 15. & 2. 9. Ep. 3. 8. Jerb. 6. 7. Jerb. 9. 15.

6 Ibeir kom bar einwöt, ro Jisös Kraist e ar kir ir:

7 Ñön ro otemfej i Rom, jitenburu iben Anij, emwij kir ir bwe ren dri kwojarjar: Joiy ñön kom im aine-mön jen Anij Jemer im Iroj Jisös Kraist.

1 Kor. 1. 2, 3. 1 Tes. 4. 7. 2 Kor. 1. 2. Gal. 1. 3.

8 Mokta, ij kamolol aö Anij ilo Jisös Kraist kin kom otemfej, bwe ami tömak e buñbuñ i aolepen löl.

1 Kor. 1. 4. Pil. 1. 3. Kol. 1. 3, 4. 1 Tes. 1. 2. Pall. 4. Jap. 16. 19. 1 Tes. 1. 8.

9 Bwe Anij aö dri kennan, Eo ij jermal ñön E ilo aö ilo gospel an Nejin, eklikkan e jab jokwör aö ba kin kom,

Jap. 9. 1. 2 Kor. 1. 23. Pil. 1. 8. 1 Tes. 2. 5. 1 Jerb. 27. 23. Jon 4. 23, 24. Pil. 3. 3.

10 Im ien otemfej ilo jar ko aö ij akwelap, bwe in iwij ñön kom ien in, elañe ij maroñ in etal im jeram-mön kin jabrewöt ial, ilo ankil an Anij.

Jap. 15. 23, 32. 1 Tes. 3. 10.

11 Bwe elap I könan lo kom, bwe in lewoj ñön kom jabrewöt men in yokwe an Jitöb, bwe komin bin;

Jap. 15. 29.

12 Einwöt in, bwe jen ainemön ibemi, kij otemfej kin tömak an dron, ami im kab aö.

Tait. 1. 4. 2 Pit. 1. 1.

13 Im ro jeiö im jätiö, I jab könan bwe komin jaje, bwe elöñ alen I ar lemnok bwe in iwij ñön ibemi, (im ar böprae lö ñön ien in) bwe in bök eor ile ibemi, im einwöt iben dri aillñ ko jet.

Jap. 15. 23. Jerb. 16. 7. 1 Tes. 2. 18. Pil. 4. 17.

14 Ña dri muri ñön ro dri Grik, im ñön ro dri pegan; ñön ro re meletlet im ñön ro re jab meletlet.

1 Kor. 9. 16.

15 Ein drein, einwöt aö maroñ, I pojök bwe in kwalok gospel ñön komeo komij ber i Rom.

16 Bwe I jab jok kin gospel: bwe ej kajur an Anij ñön lomor iben ro otemfej rej tömak, iben dri Ju mokta, im bareinwöt iben dri Grik.

Sam 40. 9, 10. Mark 8. 38. 1 Kor. 1. 18. & 15. 2. Luk 2. 30-32. Jerb. 3. 28. Jap. 2. 2.

17 Bwe ilo e wänik an Anij ewalok jen tömak ñön tömak: einwöt emwij je, A dru wänik e naj mour kin tömak.

Jap. 3. 21. Hab. 2. 4. Jon 3. 38. Gal. 2. 11. Pil. 3. 9. Hib. 10. 38.

18 Bwe illu an Anij e walok jen



lõñ nae jerawiwi otemjej im nana an armij, ro rej drebij mol ilo nana;   
 Jerb. 17. 30. Ep. 5. 6. Kol. 3. 6.

19 Bwe men eo je maroñ in jela kin Anij e alikar ibeair; bwe Anij e ar kwalok e ñõn ir.   
 Jerb. 14. 17.

20 Bwe men ko An im je ban loi, rej allkar jen jinoin lõl, bwe re jela kajeir kin men ko E ar kõmõni, aet, An kajur in drlo im An Anij wõt; bwe ren jab maroñ in uak:   
 Sam 19. 1. Jerb. 17. 27.

21 Bwe, ke r'ar jela Anij, r'ar jab wijtake einwõt Anij, im r'ar jab kamolol E; a r'ar koutiej lemuok ko air, im burueir e jaje kake e maroklok.   
 2 Kin 17. 15. Jer. 2. 5. Ep. 4. 17. 18.

22 Kin air mõke ba re meletlet, r'ar bwebwelok,   
 Jer. 10. 14.

23 Im ukot aibujuij an Anij e jab wabõnbõn ñõn wāwen men in e an armij e wabõnbõn, im bao ko, im kiru ko emen ne, im men ko rettõbõlbõl.   
 Dut. 4. 16. Sam 106. 20. Ezek. 8. 10. Jerb. 17. 29.

24 Kin men in Anij e ar lelok ir ñõn etton kin lūñ ilo burueir, bwe ren kananaik eubwinir iben dron:   
 Sam 81. 12. Ep. 4. 19. 2 Tes. 2. 11. 1 Kor. 6. 18. 1 Tes. 4. 4. 1 Pit. 4. 3.

25 Ro r'ar kõrrä mol an Anij kin riõp, im kabuñ im jeral ñõn men in kõmõn elap jen ñõn Eo Dri Kõmõn, Eo emõnõn in drlo. Amen.   
 1 Jon 5. 20. Isa. 44. 20. Jer. 10. 14. & 13. 25. Amos 2. 4.

26 Kin men in Anij e ar lelok ir ñõn kijoñ etton: aet bwe kõra ro r'ar ukot biktokair ñõn men eo ej nae biktokair:   
 Ep. 5. 12. Jud 10.

27 Im bareinwõt man ro, ke rej jolok biktoken kõra, rej urur ilo air mijkalye ñõn dron, man ro iben man ro rej kõmõnmõn men eo e jakkar, im rej bõk ilo ir wõnan ekar ñõn air nana.

28 Im einwõt r'ar abwin bwe Anij en ber ilo air jela, Anij e ar lelok ir

ñõn buru men in jolok, bwe ren kõmõnmõn men ko re jakkar;   
 Ep. 5. 4.

29 Relõñimejirjir kin nana otemjej, kin jerawiwi, kin ankwõnak, kin kakitõtõ, ro robrõk kin junmare, kin uror, kin akwail, kin mon, kin kirikrik; ir dri unojrikrik,

30 Dri rurue, dri kijiräte Anij, dri lej, dri jua, dri jualõñlõñ, dri kini men ko renana, dri kiblia ñõn ro jemeir im jineir,

31 Dri jajelokjen, dri unojriõpip, dri jeokwe, dri jab tiriamo:

32 Ro meñe re jela wõt kien Anij, bwe ro rej kõmõn men rõt kein, ir drien mij, re jab kõmõn men kein wõt, a rej bõk ñõn buruen ro rej kõmõnmõni.   
 Jap. 2. 2. & 6. 21. Sam 50. 18. Hos. 7. 3.

## JAPTER 2.

**K**IN men kein, kwo ban uak, O armij, jabrewõt kweo kwoj ekajete: bwe ilo men eo kwoj ekajet bar juõn kake, kwoj mõke llakelok yuk, bwe kweo kwoj ekajete kwoj kõmõn ein drein.   
 Jap. 1. 20. 2 Samuel 12. 5-7. Mat. 7. 1, 2. Jon 8. 9.

2 Im je jela bwe ekajet eo an Anij ekar ñõn mol nae ro rej kõmõn men rõt kein.

3 Im kwoj lemnok men in, O armij, kweo kwoj ekajet ro rej kõmõn men rõt kein, im kwoj kõmõn ein drein, bwe kwo naj ko jen ekajet an Anij ke?

4 Ak kwoj kejekron mweuiuk in joij eo An, kab An meanwõr im jab burokaru, im jaje bwe joij an Anij ej tellok yuk ñõn ukwelok ke?   
 Jap. 3. 25. & 9. 23. Ep. 1. 7. & 2. 4. 7. Eks. 34. 6. Isa. 30. 18. 2 Pit. 3. 9.

5 A kin am bin, im bin buruõm, kwoj mõke kamweuiukiuk yuk kin illu, mae ran in illu im kwalok ekajet eo ejime an Anij;   
 Dut. 32. 34. Jem. 5. 3.

6 Eo e naj lelok ñõn armij otemjej ekar ñõn jeral ko air:   
 Sam 62. 12. Jap. 14. 12. Jerb. 20. 12.

7 Ñõn ro, kin air niknik ilo jeral

emōn, rej bukot albujuj im nebar im jab wabōnbōn, mour in driō:

8 A fiōn ro rej wālok, im jab bokake mol, a rej bokake nana, li-bōpne im illu,

Job 24. 13. Jap. 1. 18. 2 Tes. 1. 8.

9 Iftan, im jorran ion armij otem-  
fej ro rej jerbale nana, dri Ju mok-  
ta, kab dri Grik;

Amos 3. 2. Luk 12. 47, 48. 1 Pit. 4. 17.

10 A albujuj, im nebar im aine-  
mōn fiōn ro otemfej rej jerbale  
emōn, fiōn dri Ju mokta, kab fiōn  
dri Grik:

1 Pit. 1. 17.

11 Bwe ejelok kaljiklok armij iben  
Anij.

Dut. 10. 17. 2 Kron. 19. 7. Job 34. 19. Jerb.  
10. 34.

12 Bwe jabrewōt ro r'ar jerawiwi  
im ejelok kien ibeir, re naj bar ein-  
wōt joko im ejelok kien: im jabre-  
wōt ro r'ar jerawiwi ilo kien, naj  
ekajet ir kin kien;

13 Bwe jab ro rej roñjake kien rej  
wānik iman mejen Anij, a ro rej  
bokake kien naj kowānik ir:

Mat. 7. 21. Jem. 1. 22, 23, 25. 1 Jon 3. 7.

14 (Bwe ke dri ailiñ ko ro ejelok  
kien ibeir rej kōmōn kin biktokoir  
nen ko an kien, rein, ejelok kien  
ibeir, rej einwōt kien fiōn ir mōke;

15 Bwe rej kwalok jermal an kien,  
eo emwij jeje ilo burueir, im air  
bōklikōt ej kennan iben, im lemnok  
ko air, juōn inem bar juōn, rej ki-  
naklok ak kōtlok ir;)

16 Ilo ran eo ñe Anij e naj ekajet  
men ko retino an armij, ekar fiōn  
aō gospel, kin Jisōs Kraist.

Ekl. 12. 14. Mat. 25. 31. Jon 12. 48. Jap. 3. 6.  
1 Kor. 4. 5. Rev. 20. 12. 1 Jon 5. 22. Jerb.  
10. 42. & 17. 31. 2 Tim. 4. 1. 8. 1 Pit. 4. 5.  
1 Jap. 16. 25. 1 Tim. 1. 11. 2 Tim. 2. 8.

17 A elañe kwoj ba kwe dri Ju, im  
kwoj liki kien, im kimjāje ilo Anij,

Mat. 3. 9. Jon 8. 33. Jap. 9. 6. 7. 2 Kor. 11.  
22. 1 Mika 3. 11. Jap. 9. 4. Isa. 48. 2.  
Jon 8. 41.

18 Im kwo jela ankil An, im kwoj  
nebar men ko remōn, im emwij am  
katak ilo kien,

Pil. 1. 10.

19 Im kwo kanuij liki bwe kwe

dri tel ro rebilo, im maram fiōn ro  
rej ber ilo marok,

Mat. 15. 14. & 23. 16, 17, 19, 24. Jon 9. 40, 41.

20 Dri kajlme ro dri jaje, im dri  
kibel niñuiñ ro, im wāwen jela im  
mol ilo kien ej ber ibōm;

Jap. 6. 17. 2 Tim. 1. 13. & 3. 5.

21 Inem kweo kwoj katakin bar  
juōn, kwo jab mōke katakin yuk  
ke? kweo kwoj kwalok ren jab  
kwot, kwoj kwot ke?

Sam 50. 16-21. Mat. 23. 3-32.

22 Kweo kwoj ba armij en jab lūñ,  
kwoj lūñ ke? kweo kwoj kijirāte  
ekjōp ko, kwoj kwot jen tempel ko  
ke?

Mal. 3. 8.

23 Kweo kwoj kimjāje ilo kien,  
kin am kokkure kien kwoj keje-  
kron Anij ke?

24 Bwe rej blaspim etan Anij iben  
dri ailiñ ko kin kom, einwōt em-  
wij je.

2 Samuel 12. 14. Isa. 52. 5. Ezek. 36. 20, 23.

25 Bwe emol mijmij ej kakajuror,  
elañe kwoj bokake kien: a elañe  
kwe dri kokkure kien, am mijmij  
ej erom jab mijmij.

Gal. 5. 8.

26 Inem elañe dri jab mijmij ej  
bokake nan ko an kien, an jabmij-  
mij jamin watōke mijmij fiōn e ke?

Jerb. 10. 35.

27 Im men eo e jabmijmij kin bik-  
tokin, elañe ej kajejit kien, e jamin  
ekajet yuk ke, kweo kwoj kokkure  
kien ke letter im mijmij rej ibōm?

Mat. 12. 41.

28 Bwe e jab dri Ju eo ej juōn ili-  
kin; bareinwōt e jab mijmij men  
eo ilikin ilo kōniek:

Gal. 6. 15. Rev. 2. 9.

29 A e dri Ju eo ej juōn illoan, im  
mijmij men eo an buru, ilo jitōb,  
im jab ilo letter; im nebar e, e jab  
jen armij rōn a jen Anij.

1 Pit. 3. 4. Pil. 3. 3. Kol. 2. 11. Jap. 7. 6.  
1 Kor. 4. 5. 2 Kor. 10. 18. 1 Tes. 4. 4.

### JAPTER 3.

**I**NEM ta men in koutiej an dri  
Ju? ak ta an mijmij kakajuror?

2 Elap ilo men otemfej: mokta

kin men in, bwe ar lelok ñõn ir nan ko an Anij.

Dut. 4. 7, 8. Sam 147. 19, 20. Jap. 2. 18. & 9. 4.

3 Bwe ekijkan elañe jet r'ar jab tõmak? air jab tõmak e naj kajitokjeu tiljek an Anij ke?

Jap. 10. 16. Hib. 4. 2. Bwin. 23. 19. Jap. 9. 6. & 11. 29. 2 Tim. 2. 13.

4 En jab eñiu: aet, Anij en mol, a armij otemjej dri riõp; einwõt emwij je, Bwe Kwon wānik ilo nan ko Am, im aujo ilo air ekajet Yuk. Job 40. 8. Jon 3. 33. Sam 51. 4. & 62. 9. & 116. 11.

5 A elañe ar nana ej nebar wānik an Anij, ta eo je naj ba? Anij e jab wānik Eo ej kaiñtau ke? (ij konono einwõt armij.)

Jap. 6. 19. Gal. 3. 15.

6 En jab eñin: bwe elañe ein drein, ekijkan Anij e naj ekajet lõl?

Jen. 18. 25. Job 8. 3. & 34. 17.

7 A elañe kin aõ riõp mol an Anij ej lõñlok ñõn An aibujuij, etke kiõ bareinwõt ekajet iõ einwõt dri jerawiwi?

8 Im etke jab (einwõt rej riõp im konono nae kij, im einwõt jet rej kennan bwe jej ba,) Jen kõmõn-mõn nana, bwe en walok emõn? im liakelok ir e wānik.

Jap. 6. 1, 15.

9 Inem ta? kij emõn jen ir ke? Jab, ñõn jirik: bwe kim ar kinaklok mokta dri Ju im dri Grik, bwe ir otemjej rej lomln jerawiwi;

Jap. 1. 18-32. & 2. 1-29. Gal. 3. 22.

10 Einwõt emwij je, Ejelok dru wānik, ejelok juõn;

Sam 14. 1-3. & 53. 1.

11 Ejelok juõn e jela, ejelok juõn ej kabukõt Anij.

12 Ir otemjej r'ar jeõr, rej jimor jítokjeir, ejelok en ej kõmõn emõn, aet, ejelok juõn.

13 Burueir lüp eo walõñi, kin loir r'ar mon, uno kõnmij an asp ko ej ilo tielr:

Sam 5. 9. & 140. 3.

14 Loñir eobrõk kin kanõnjuij im meo:

Sam 10. 7.

15 Neir remõkõj kin katorlok bõ-tõktõk;

Pro. 1. 16. Isa. 59. 7, 8.

16 Kokkure im iñtan ilo ial ko air;

17 Im ial in ainemõn r'ar jaje kake:

18 Ejelok mijõk Anij iman mejeir.

Sam 36. 1.

19 Kiõ je jela bwe jabrewõt men ko kien e ba, e ba ñõn ro rej lomln kien; bwe en kil loñir otemjej, im Anij en ekajete aolepen lõl:

Jon 10. 34. & 15. 25. Job 5. 16. Ezek. 16. 63. Jap. 1. 20. & 2. 1, 12.

20 Bwe ejelok kõniek e naj wānik iman mejen kin jeral ko an kien: bwe je jela jerawiwi kin kien.

Sam 143. 2. Gal. 2. 16. & 3. 11. Ep. 2. 9. Tait. 3. 5. Jap. 7. 7.

21 A kiõ juõn wānik an Anij emwij kwalok e im jibil jen kien, kien eo im dri kanan rej kennan kake;

Jap. 1. 17. Pil. 3. 9. Jon 5. 46. Jerb. 26. 22. Jap. 1. 2.

22 Aet, wānik an Anij, eo kin tõmak Jisõs Kraist ñõn ro otemjej rej liki E; bwe ejelok lijiklok;

Jap. 4. Jap. 10. 12. Kol. 3. 11.

23 Bwe otemjej r'ar jerawiwi, im rej likjõp jen aibujuij an Anij;

24 Kowānik ir, im ejelok wõnan, ilo An joij, kin men in wiaik eo ej ilo Kraist Jisõs:

Jap. 4. 16. Ep. 2. 8. Tait. 3. 7. Ep. 1. 7. Kol. 1. 14. Hib. 9. 12. 1 Pit. 1. 18, 19.

25 Eo Anij e ar kwalok E bwe En ken mirik, kin tõmak, ilo bõtõktõkin, bwe En bakajen An wānik kin An kijone jerawiwi ko lok, ilo meanwõr an Anij.

Leval 16. 15. 1 Jon 2. 2. & 4. 10. Kol. 1. 20. Jerb. 17. 30. Hib. 9. 15.

26 Aet, bwe En bakajen An wānik ilo ien in: bwe En wānik, im Dri kowānik eo ej liki Jisõs.

27 Inem ewi likimjāje? Emwij kadrioljlok e. Klu kien õt? kien jeral ko ke? Jab: a kin kien tõmak.

Jap. 2. 17. & 4. 2.

28 Inem jej lemnok bwe kowānik

armij kin tōmak, e jībil jen jermal ko an kien.

Jerb. 13. 38, 39. Jap. 8. 3.

29 Ak Anij e Anij an ro dri Ju wōt ke? E jab bareinwōt an ro dri ailiñ ko ke? Aet, bareinwōt an ro dri ailiñ ko:

30 Elañe Anij e juōn wōt, im E naj kowānik dri mijmij kin tōmak, im dri jab mijmij kin tōmak.

Jap. 10. 12. Gal. 3. 8.

31 Inem kim kajitokjen kien kin tōmak ke? En jab eñin: a kim kabīn kien.

#### JAPTER 4.

**I**NEM ta je naj ba Ebream jimar e ar loe ekar ñōn kōniek?

Jap. 51. 2. Mat. 3. 9.

2 Bwe elañe Ebream e ar wānik kin jermal ko an, eor likimjāje iben; a jab iman mejen Anij.

Jap. 3. 27, 28.

3 Bwe ta an Jeje ko ba? Im Ebream e ar tōmak Anij, im ar watōk men in ñōn e einwōt wānik.

Jen. 15. 6. Gal. 3. 6.

4 A ñōn eo ej jermal, re jab watōk wōnan kin joiy a kin muri.

Jap. 11. 6.

5 A ñōn eo e jab jermal, a ej liki Eo ej kowānik dri jerawiwi, watōk an tōmak einwōt wānik.

Jos. 24. 2.

6 Im einwōt Devid ej ba kin mōnōnō au armij, eo Anij ej watōk ñōn e wānik e jibil jen jermal ko,

7 Emōnōnō ro jerawiwi ko air re joko, im bwir ko air re libubu.

Sam 32. 1, 2.

8 Emōnōnō armij eo Iroj e jamin watōk jerawiwi ñōn e.

9 Inem mōnōnō in ion dri mijmij ke, ak bareinwōt ion dri jab mijmij? bwe jej ba, emwij watōk an tōmak ñōn Ebream einwōt wānik.

10 Inem ekijkan ar watōk e? ke ej ber ilo mijmij ke, ak ilo jab mijmij? Jab ilo mijmij, a ilo jab mijmij:

11 Im e ar bōk mijmij juōn kōlle, sil an wānik in tōmak, eo e ar iben ilo jab mijmij: bwe en je-

men ro otemjej rej tōmak, re jab mijmij, bwe wānik en men in watōk ñōn ir;

Jen. 17. 10. Luk 19. 9. Gal. 3. 7.

12 Im jemen mijmij ñōn ro re mijmij im bareinwōt anōklok tōmak an jimar Ebream, eo iben ke e jañin mijmij.

13 Bwe e jab kin kien kalimur ñōn Ebream ak ñōn inen bwe e naj jolit lōl, a kin wānik in tōmak.

Jen. 17. 4-6. Gal. 3. 20.

14 Bwe elañe ir jen kien rej dri jolit, tōmak e joko, im kalimur eo e jitokjen:

Gal. 3. 18.

15 Bwe kien ej jermal illu; a jio ejelok kien, bareinwōt ejelok kokkure kien.

Jap. 5. 13, 20. & 7. 8, 10. 1 Kor. 15. 56. 2 Kor. 3. 7, 9. Gal. 3. 10. 1 Jon 3. 4.

16 Kin men in e jen tōmak, bwe en ekar ñōn joiy; bwe kalimur eo en bin ñōn ine otemjej; jab ñōn eo jen kien wōt, a bareinwōt ñōn eo jen tōmak an Ebream, eo jimar otemjej,

Jap. 3. 24. Gal. 3. 22. Isa. 51. 2. Jap. 9. 3.

17 (Einwōt emwij je, I ar kōmōn yuk jemen elōñ dri ailiñ ko) iman mejen Eo, ej liki E, aet Anij eo Ej kemour ro remij, im naetan men ko re jab ber, einwōt elañe rej ber.

Jen. 17. 5. Jap. 9. 26. 1 Kor. 1. 28.

18 Eo ke ejoko unin kejatrikrik ej tōmak ilo kejatrikrik, bwe en jemen elōñ dri ailiñ, ekar ñōn nan eo emwij konono kake, E naj ein drein ro ineōm.

Jen. 15. 5.

19 Im e jab mōjinolok ilo tōmak, ke ej lemnok kin an mij enbwiniin (ke enañin jibuki yiōn an ridto,) im kin an mij loijen Sera:

Jen. 17. 17. & 18. 11. Hib. 11. 12.

20 Aet, ke ej reilok ñōn kalimur an Anij e ar jab berre kin jab tōmak, a e kajurlok kin tōmak, im lelok aibujuij ñōn Anij;

21 Im e kanuij jela, bwe men eo E ar kalimur kake, Ej bareinwōt maroñ in kōmōne.

Sam 115. 3. Luk 1. 37, 45. Hib. 11. 12.

22 Kin men in bareinwöt emwij watök e fiön e einwöt wänik.

23 Kiö ar jab je men in kin e wöt, bwe emwij watök e fiön e;

Jap. 15. 4. 1 Kor. 10. 6, 11.

24 A bareinwöt kin kij, kijeo naj watök e fiön kij, elañe jej liki Eo e ar kejerakkbiji Jisös ar Iroi jen ro remij,

Jerb. 2. 24. & 13. 30.

25 Eo emwij ketök E kin bwir ko ar, im E ar jerkakkbiji kin kowänik kij.

Isa. 53. 5, 6. Jap. 3. 25. & 5. 6. & 8. 32. 2 Kor. 5. 21. Gal. 1. 4. 1 Pit. 2. 24. & 3. 18. 1 Kor. 15. 17. 1 Pit. 1. 21.

### JAPTER 5.

**I**NEM bwe emwij kowänik kij kin tömak, eor ainemön iber fiön Anij kin ar Iroi Jisös Kraist;

Isa. 32. 17. Jap. 3. 28, 30. Ep. 2. 14.

2 Kin E bar einwöt j'ar bök ar dreloñ kin tömak ilo joi in ijo jej jutök ie, im jej löñliñ ilo kejatirik kij kin aibujuij an Anij.

Ep. 2. 18. Hib. 10. 19. 1 Kor. 15. 1. Hib. 3. 6.

3 Im jab eñin wöt, a bareinwöt jej löñliñ ilo iñtan ko ar: im je jela bwe iñtan ej jerbale kijenmij;

Mat. 5. 12. 1 Pit. 3. 14. Jem. 1. 3.

4 Im kijenmij melejoñ; im melejoñ kejatirik;

5 Im kejatirik e jab kajok; bwe emwij lutök yokwe an Anij ilo huruer kin Jitöb Kwojarjar, Eo ar letok fiön kij.

Pil. 1. 20. Gal. 4. 6.

6 Bwe ke j'ar möjino, ilo ien ekar, Kraist e ar mij kin ro renana.

Jap. 4. 25.

7 Bwe e nañin jelok armij en mij kin eo ewänik: a kin armij eo emön mwiliu bwelen juön e beran in mij.

8 A Anij ej kwalok karkarin An yokwe fiön kij, ilo men in, ke j'ar dri jerawiwi, Kraist e ar mij kin kij.

Jon 15. 13. 1 Pit. 3. 18. 1 Jon 3. 16.

9 Inem en laplok, ien in ke emwij kowänik kij ilo bötöktökin, naj lomoren kij jen illu kin E.

Jap. 3. 25. Hib. 9. 14. Jap. 1. 18. 1 Tes. 1. 10.

10 Bwe elañe, ke j'ar dri kijirät, mij an Nejin e ar kilajrök fiön kij im Anij; en laplok, ke emwij kilajrök, naj lomoren kij ilo An mour.

Jap. 8. 32. 2 Kor. 5. 18, 19. Ep. 2. 16. Kol. 1. 20, 21. Jon 5. 26. & 14. 19.

11 Im jab men in wöt, a jej bareinwöt löñliñ ilo Anij kin ar Iroi Jisös Kraist, kin Eo kiö j'ar bök kilajrök.

Gal. 4. 9.

12 Kin men in, einwöt kin juön armij, jerawiwi ej dreloñ ilo löl, im mij kin jerawiwi; im ein drein mij e ar itok ion armij otemjej, bwe ir otemjej r'ar jerawiwi:

Jen. 3. 6. 1 Kor. 15. 21. Jen. 2. 17. Jap. 6. 23.

13 Bwe jerawiwi e ar ber ilo löl fiön ien kien: a jab watök jerawiwi ijo ejelok kien.

Jap. 4. 15. 1 Jon 3. 4.

14 A mij e ar iroi jen Adam fiön Moses, aet ion ro r'ar jab jerawiwi einwöt wäwen jerawiwi an Adam, eo kaköllen Eo e naj itok.

1 Kor. 15. 21, 22, 45.

15 A jab einwöt buñ, im bar einwöt men in joi. Bwe elañe kin buñ an juön, elöñ r'ar mij, elaplok an joi an Anij, im men in letok ilo joi, kin juön armij, Jisös Kraist, orlok fiön elöñ.

Isa. 53. 11.

16 Im jab einwöt kin juön dri jerawiwi, ein drein men in letok: bwe ekajet eo e ar itok kin juön fiön liakelok, a men in joi e ar itok kin elöñ men in buñ fiön kowänik.

17 Bwe elañe, kin buñ an juön, mij e ar iroi kin juön; elaplok an ro rej bök loköt in men in joi im men in letok in wänik, re naj iroi ilo mour kin juön, Jisös Kraist.

18 Inem, einwöt kin juön buñ, ekajet ej itok fiön armij otemjelok fiön liakelok; bareinwöt kin juön kömön in wänik, men in joi e ar itok fiön armij otemjelok fiön kowänik in mour.

Jon 12. 32. Hib. 2. 9.

19 Bwe einwöt kin kibia an juön armij, elöñ rej dri jerawiwi, barein-

wõt kin kible an juõn elõn re naj dru wānik.

20 A kien e ar koba im dreloñ bwe buñ en orlok. A ljo jerawiwi e ar orlok, e kanuij lap an jolj orlok ie: jap. 3. 20. & 4. 15. Gal. 3. 19, 23. 1 Tim. 1. 14.

21 Bwe, einwõt jerawiwi e ar iroj ilo mij, ein drein jolj en iroj kin wānik ñõn mour in drio, kin Jisõs Kraist ar Iroj.

### JAPTER 6.

**I**NEM ta je naj ba? Jen ber ilo jerawiwi ke, bwe jolj en orlok?

Jap. 3. 8.

2 En jab eñin. Kij j'ar mij ñõn jerawiwi, ekijkan ar naj bar mour ilo e?

Jap. 7. 4. Gal. 2. 19. Kol. 3. 3. 1 Pit. 2. 24.

3 Ak kom jaje ke, bwe jabrewõt ro iar, j'ar baptais ilo Kraist Jisõs, j'ar baptais ilo An mij?

Gal. 3. 27. 1 Kor. 15. 29.

4 Bwe emwij kalibwin kij iben kin baptais ilo mij: bwe einwõt ar kejerakkbiji Kraist jenu ro remij kin aibujuij an Jemen, bareinwõt kij jenu etal ilo mour ekal.

Kol. 2. 12. Jap. 3. 11. Jon 11. 40. Gal. 6. 15. Ep. 4. 22, 23, 24. Kol. 3. 10.

5 Bwe elañe emwij kobaik kij iben ilo wāwen mij eo An, je naj bareinwõt ilo wāwen An jerkakbiji;

Pil. 3. 10, 11.

6 Im je jela men in, bwe emwij drebaal ar armij emor ibeu, bwe en joko enwiniw jerawiwi, bwe tokelik jenu jab korijer ñõn jerawiwi;

Gal. 2. 20. & 5. 24. & 6. 14. Ep. 4. 22. Kol. 3. 9. & 2. 11.

7 Bwe eo e ar mij emwij kowānik e jen jerawiwi.

1 Pit. 4. 1.

8 A elañe j'ar mij iben Kraist, jej tõmak bwe je naj bareinwõt mour iben;

2 Tim. 2. 11.

9 Ke je jela bwe Kraist eo Ej jerkakbiji jenu ro remij, E jamin bar mij; mij e jamin bar iroj ion.

Rev. 1. 18.

10 Bwe kin An mij, E ar mij kin jerawiwi juõn len: a kin An mour, E j mour ñõn Anj.

Hil. 9. 27, 28. Luk 20. 38.

11 Im ein drein, komin watõk kom remij ñõn jerawiwi, a remour ñõn Anij ilo Kraist Jisõs.

Gal. 2. 19.

12 Inem jerawiwi en jab iroj ilo enbwiniw rej driem mij, bwe komin bokake mõm ko an:

Sam 19. 13. & 119. 133.

13 Im komin jab lelok rami ñõn jerawiwi, einwõt keu kõmõumõn naua; a komin lelok kom ñõn Anij, einwõt ro remour jenu ro remij, im rami einwõt keu kõmõumõn wānik ñõn Anij.

Jap. 7. 5. Kol. 3. 5. Jem. 4. 1. Jap. 12. 1. 1 Pit. 4. 2.

14 Bwe jerawiwi e jamin iroj iomi: bwe kom jab iomin kien, a iomin jolj.

Gal. 5. 18.

15 Inem ekijkan? jen jerawiwi ke, bwe je jab ber iomin kien a iomin jolj? En jab eñin.

1 Kor. 9. 21.

16 Kom jab jela ke, bwe ñõn eo komij lelok kom korijeran bwe komin bokake, kom korijeran eo komij bokake; elak an jerawiwi ñõn mij, ak an bokake ñõn wānik?

Mat. 6. 24. Jon 8. 34.

17 A kamolol Anij, bwe komeo dri korijeran jerawiwi mokta, kom ar bokake jenu buruemi wāwen kaktak eo emwij lelok kom ñõn e;

2 Tim. 1. 13.

18 Im ke anemkwojami jen jerawiwi, kom ro korijeran wānik.

Jon 8. 32. 1 Kor. 7. 22. 1 Pit. 2. 16.

19 Ij kouono einwõt armij kin an mõjino kõniekemi: bwe einwõt kom ar lelok rami korijeran etton im jerawiwi ñõn jerawiwi, ein drein kiõ komin lelok rami korijerau wānik ñõn kwojarjar.

20 Bwe ke kom ar korijeran jerawiwi, kom ar anemkwojami jen wānik.

Jon 8. 34.

21 Inem leen õt kom ar bõki len eo jen men ko komij jok kaki kiõ? bwe jemlekõn men ko, mij.

Jap. 7. 5. Jap. 1. 32.

22 A kiõ ke anemkwojami jen jerawiwi, im kom korijeran Anij.

komij bök leemi ñön kwojarjar, im jemlokön, mour in drio.

Jon 8. 32.

23 Bwe wönan jerawiwi, mij; a men in joi an Anij, mour in drio ilo Kraist Jisös ar Irojij.

jap. 5. 12. Jem. 1. 15. jap. 2. 7. 1 Pit. 1. 4.

### JAPTER 7.

**K**OM jaje ke, ro jeiö im jätiö (bwe ij konono ñön ro re jela kien,) bwe kien ej irojij ion armij toön an mour?

2 Bwe köra eo ebelele, kien ej liabe ñön leo belen ke leo ej mour; a elañe leo emij, e mejöl jen kien leo belen.

1 Kor. 7. 39.

3 Inem ien leo ej mour, elañe lio ej belek bar juön, re naj likit e dri lüñ: a elañe emij leo, lio ej anemkwojan jen kien eo, inem lio e jamin dri lüñ elañe ej belek bar juön.

Mat. 5. 32.

4 Ein drein, ro jeiö im jätiö, kom bareinwöt kom ar mij in kien kin enbwinin Kraist, bwe komlu belek bar juön, aet, Eo ej jerkakbiji jen ro remij, bwe jen jebar leen ñön Anij.

jap. 8. 2. Gal. 5. 18. Ep. 2. 15. Kol. 2. 14. Gal. 5. 22.

5 Bwe ke j'ar ber ilo köniek, jurmelea an jerawiwi ko, re walok kin kien, r'ar jeral ilo rar in jebar leen ñön mij.

jap. 6. 13, 21. Gal. 5. 19. Jem. 1. 15. jap. 6. 2.

6 A kiö emwij kötlok kij jen kien, bwe j'ar mij jen men eo e kar drebij kij: inem jej jeral ilo men eo ekäl an Jitöb, im jab ilo men eo emor an letter.

jap. 2. 29. 2 Kor. 3. 6.

7 Inem ta je naj ba? Kien e jerawiwi ke? En jab eñin. A I jamin kar jela jerawiwi, elañe jab kin kien: bwe I jamin kar jela ankwönak, elañe kien e ar jab ba, Kwou jab ankwönak.

jap. 3. 20. Eka. 20. 17. Dut. 5. 21. Jerb. 20. 33. jap. 13. 9.

8 A jerawiwi, ke ej lo ien ekar, kin nan in kaiñi, e ar kömön ilo ña

[Marshall Islands.] 7T\*

ankwönak otemjej: bwe, ñe jibil jen kien, jerawiwi emij.

jap. 4. 15. & 5. 20. 1 Kor. 15. 56.

9 Bwe juön ien I ar mour jibil jen kien: a ke nan in kaiñi e ar itok, jerawiwi e ar mour, a ña I ar mij.

10 Im nan in kaiñi, men eo ñön mour, eñin I ar loe ñön mij.

Leval 18. 5. Ezek. 20. 11. 2 Kor. 3. 7.

11 Bwe jerawiwi, ke ej lo ien ekar, kin nan in kaiñi e ar mone iö, im e ar mön iö kake.

12 Inem kien e kwojarjar im nan in kaiñi e kwojarjar, im wänik, im emön.

Sam 19. 8. & 119. 137.

13 Inem men eo emön e ar kömön mij ñön iö ke? En jab eñin. A jerawiwi, bwe en walok jerawiwi, kin an kömön mij ilo ña kin men eo emön; bwe jerawiwi, kin nan in kaiñi, en kanuij jerawiwi.

14 Bwe je jela bwe kien e men in Jitöb: a ña ij köniek wöt, emwij wiakake iö iomin jerawiwi.

1 Kin 21. 20. 2 Kin 17. 17.

15 Bwe men eo ij kömönmen I jaje kake: bwe jab men eo I könan, men in ij kömön; a men eo ij kijiñe, men in ij kömön.

Gal. 5. 17.

16 A elañe men eo I jab könan, men in ij kömön, ij bök ñön kien bwe ej emön.

17 Inem kiö e jab ña ij kömön, a jerawiwi eo ej jokwe ilo ña.

18 Bwe I jela bwe ilo ña, ilo köniekiö, emön e jab jokwe: bwe könan ej ber iba, a in kömön men eo emön e jab ber iba.

Jen. 6. 5.

19 Bwe men eo emön I könan, I jab kömön: a nana eo I jab könan, eñin ij kömön.

20 A elañe ij kömön men eo I jab könan, e jab ña ij kömön, a jerawiwi eo ej jokwe ilo ña.

21 Inem ij lo kien, bwe nana ej ber iba, ña I könan kömön emön.

22 Bwe ij löñilij ilo kien Anij ekar ñön armij eo lloan:

Sam 1. 2. 2 Kor. 4. 16. Ep. 3. 16.

23 A ij lo bar juön kien ilo raö, ej

tõrinaek kien aõ lolätät, im kaji-bokweik iõ nõn kien jerawiwi eo ej ber ilo raõ.

Gal. 5. 17. Jap. 6. 13.

24 O ña armij iñtan! wõn e naj kõtlok iõ jen enbwinin mij in?

25 Ij kamolol Anij kin Jisõs Kraist ar Iroj. Inem ña ilo lolätät ij jeralbal ñõn kien Anij; a ilo kõniek ñõn kien jerawiwi.

1 Kor. 15. 57.

### JAPTER 8.

**I**NEM kiõ ejelok liakelok ñõn ro rej ber ilo Kraist Jisõs.

Gal. 5. 16, 25.

2 Bwe kien Jitõb õn mour ilo Kraist Jisõs e ar kõtlok iõ jen kien jerawiwi im mij.

1 Kor. 15. 45. 2 Kor. 8. 6. Jap. 7. 24, 25.

3 Bwe men eo kien e jab maroñ in kõmõne, bwe e mõjino kin kõniek, Anij, ke E ar jilkintok Nejin ilo wäwen kõniek e jerawiwi im kin jerawiwi, E ar liakelok jerawiwi ilo kõniek:

Jerb. 13. 30. Jap. 3. 20. Hib. 7. 19. & 10. 1, 2, 10, 14. 2 Kor. 5. 21.

4 Bwe nan ko ilo kien ren jejit ilo kijeo je jab etetal ekar ñõn kõniek, a ekar ñõn Jitõb.

5 Bwe ro rej ekar ñõn kõniek rej lemnok men ko an kõniek; a ro rej ekar ñõn Jitõb men ko an Jitõb.

Jon 3. 6. 1 Kor. 2. 14. Gal. 5. 22, 25.

6 Bwe lemnok an kõniek mij; a lemnok an Jitõb mour im ainemõn:

Jap. 6. 21. Gal. 6. 8.

7 Bwe lemnok an kõniek ej kiji-räte Anij; bwe e jab bokake kien Anij, im e jab maroñ kakõ:

Jem. 4. 4. 1 Kor. 2. 14.

8 Im ro rej ber ilo kõniek re jab naroñ in kabuñburuen Anij.

9 A kom jab ilo kõniek, a ilo Jitõb, elañe emol Jitõb an Anij ej jokwe ilo kom. A elañe Jitõb õn Kraist e jab iben jabrewõt armij, e in e jab dron.

1 Kor. 3. 16, & 6. 19. Jon 3. 34. Gal. 4. 6.

Pil. 1. 19. 1 Pit. 1. 11.

10 Im elañe Kraist ej ber ilo kom, enbwinemi e mij jen jerawiwi; a anil ej mour ñõn wänik.

11 Im elañe Jitõb õn Eo e ar ke-jerkakbiji Jisõs jen ro remij, Ej jokwe ilo kom, Eo e ar jejerkak-biji Kraist Jisõs jen ro remij E naj bareinwõt kemour ami enbwinin mij kin Jitõb eo An Ej jokwe ilo kom.

Jerb. 2. 24. Jap. 6. 4, 5. Ep. 2. 5.

12 Inem, ro jeiß im jätitõ, kij dri muri, jab ñõn kõniek, bwe jen mour ekar ñõn kõniek:

Jap. 6. 7, 14.

13 Bwe elañe komij mour ekar ñõn kõniek kom naj mij; a elañe kom kajeeklok jeral ko an enbwinemi kin Jitõb, kom naj mour.

Gal. 6. 8. Ep. 4. 22. Kol. 3. 5.

14 Bwe ro otemjej Jitõb õn Anij ej tel ir, ir ro nejin Anij.

Gal. 5. 18.

15 Bwe kom ar jab bõk jitõb õn kamokoko ñõn leñõñ; a kom ar bõk Jitõb õn kõnilujen, ilo Eo jej kir, Abba, Jema.

1 Kor. 2. 12. Hib. 2. 15. 2 Tim. 1. 7. 1 Jon 4. 18. Isa. 56. 5. Gal. 4. 6. Mark 14. 36.

16 Jitõb Ej mõke kennan ñõn ar, bwe kij ro nejin Anij:

2 Kor. 1. 22. Ep. 1. 13.

17 Im elañe ro nejin, inem dri jolit; dri jolit an Anij, im dri jolit iben Kraist; elañe jej iñtan iben, bwe jen bareinwõt albujujij iben.

Gal. 4. 7. Jerb. 14. 22. Pil. 1. 29.

18 Bwe ij watõk iñtan ko ilo ien in jekron ñe keire iben albujujij eo e naj walok ñõn kij.

2 Kor. 4. 17. 1 Pit. 1. 7. & 4. 13.

19 Bwe kiljake elap an men in kõmõn ej kõtar kwalok ro nejin Anij.

2 Pit. 3. 13. 1 Jon 3. 2.

20 Bwe emwij kõtaik men in kõmõn ñõn jekron, jab ilo an bebe, a kin Eo ej kõtaik e, ilo kejatrikrik.

Jen. 3. 19.

21 Bwe bareinwõt men in kõmõn e naj mejõl jen kamokoko an wabõnbõn, ñõn iloan anemkwojan in albujujij an ro nejin Anij.

22 Bwe je jela bwe aolepen men in kõmõn e mat im ñõr, im mat im iñtan ñõn ien in.

Mark 16. 15. Jer. 12. 11.

23 A jab e wõt, a kij bareinwõt.



jomököj in leen Jitöb iber, aet kij jej ñör ilo ar, im kötar könülujen eo, eñin binmour ñön enbwiner.

2 Kor. 5. 2, 4, 5. Luk 20. 36. & 21. 28.

24 Bwe emwij lomoren kij ilo ke-jatrikrik: a ke-jatrikrik eo jej loe e jab ke-jatrikrik: bwe wön ej ke-jatrikrik e kin men eo ej lo wöt?

Hib. 11. 1.

25 A elañe jej ke-jatrikrik kij kin men eo je jab loe, inem jej kijenmij im kötare.

26 Im ein drein bareinwöt Jitöb ej jiböñ ar möjino: bwe je jaje ekijkan emön jen jar; a Jitöb ej akwelap kin kij ilo ñör ko, je ban konono kaki:

Mat. 20. 22. Jem. 4. 3. Zek. 12. 10. Ep. 6. 18.

27 Im Eo ej bukot buru ko E jela lemnok an Jitöb, bwe Ej akwelap kin ro remön ekar ñön ankil an Anij.

1 Kron. 28. 9. Jerb. 1. 24. 1 Tes. 2. 4. Jerb. 2. 23. 1 Jon 5. 14.

28 Im je jela bwe men otemjej rej jimor jerbale emön ñön ro rej yokwe Anij, ñön ro E ar kir ir ekar ñön Au bebe.

Jap. 9. 11. 2 Tim. 1. 9.

29 Bwe ro E ar jela ir mokta, bareinwöt E ar likit ir mokta bwe ren einlok wöt wäwen Nejin, bwe En manje ian elöñ ro jätin:

Jap. 11. 2. 2 Tim. 2. 19. 1 Pit. 1. 2. Ep. 1. 5. 11. Jon 17. 22. 2 Kor. 3. 18. Pil. 3. 21. 1 Jon 3. 2. Kol. 1. 15, 18. Hib. 1. 6. Rev. 1. 5.

30 Im ro emwij An likit ir mokta, E ar bareinwöt kir ir: im ro E ar kir ir, E ar bareinwöt kowänik ir: im ro E ar kowänik ir, E ar bareinwöt kaibujuij ir.

Jap. 9. 24. Ep. 4. 4. Hib. 9. 15. 1 Pit. 2. 9. 1 Kor. 6. 11. Jon 17. 22. Ep. 2. 6.

31 Inem ta je naj ba ñön men kein? Elañe Anij ej ber iber, wön ej jumae kij?

Bwin. 14. 9. Sam 118. 6.

32 Eo e ar jab drebij Nejin wöt jen lñtan, a E ar ketök E kin kij otemjej, ekijkan, E jamin bareinwöt wujleptok men otemjej iben ñön kij ke?

Jap. 4. 25. & 5. 6, 10.

33 Wön e naj kinaklok ro Anij e ar kälet ir? Anij en Ej kowänik ir.

Isa. 50. 8, 9. Rev. 12. 10, 11.

34 Wön eo ej liakelok? Kraist Jisös Eo e ar mij, aet, emönlok ba, Eo e ar jerkakbiji jen ro remij, im Eo ej ber i anblijmaroñön Anij, im Eo ej bareinwöt akwelap kin kij.

Job 34. 29. Mark 16. 19. Hib. 7. 25. & 9. 24. 1 Jon 2. 1.

35 Wön e naj kijbil kij jen yokwe an Kraist? e naj jorran ke, ak lñtan, ak matörtör, ak ñitta, ak kelwan, ak uöta, ak jäji?

36 Einwöt emwij jeje, Kin Kwe rej mön kim ran eyu; r'ar watök kim einwöt šip ñön mij.

Sam 44. 22. 1 Kor. 15. 31. 2 Kor. 4. 11.

37 Jab, ilo men kein otemjej elap ar anjo kin Eo e ar yokwe kij.

1 Kor. 15. 57. 2 Kor. 2. 14. 1 Jon 4. 4. & 5. 4, 5.

38 Bwe ij lemnok e jab mij ak mour, e jab enjel rön ak jiöb ro, e jab men ko kiö ak men ko re naj itok, e jab kajur ko,

Ep. 1. 21. & 6. 12. Kol. 1. 16. & 2. 15. 1 Pit. 3. 22.

39 E jab utiej ak imlö, ak jabrewöt bar juön men in kömöñ, e naj maroñ in kijbil kij jen yokwe an Anij, eo ilo Kraist Jisös ar Iroj.

## JAPTER 9.

**I**J konono mol ilo Kraist, I jab riöp, aö bökliköt ej bareinwöt dri kennan iba ilo Jitöb Kwojarjar, Jap. 1. 9. 2 Kor. 11. 31. & 12. 19. Gal. 1. 20. 1 Tim. 2. 7.

2 Bwe elap aö buromöj im e jab jokwör metök ilo buruö.

Jap. 10. 1.

3 Bwe ij maroñ in könan bwe ña in joko jen Kraist kin ro jeiö im jätio, ro bwijiö kin köniek:

Eks. 32. 32.

4 Ro dri Israel; air könülujen eo, im aibujuij, im bujen ko, im letok kien, im jermal in kabuñ, im kallmur ko;

Eks. 4. 22. Dut. 7. 6. & 14. 1. 1 Samuel 4. 21. 1 Kin 8. 11. Sam 63. 2. Jerb. 3. 25. & 13. 22. Hib. 8. 8-10. & 9. 1. Ep. 2. 12.

5 Ro jimam jimair, im jen ir Kraist ekar ñön köniek, Eo ej lon otemjej, Anij emöñöñ in drio. Amen.

Dut. 10. 15. Jap. 11. 28. Luk 3. 23. Jap. 1. 3. Jer. 23. 6. 1 Jon 5. 20.

6 Ijoke e jab einwöt bwe nan in

Anij ejelok tokjen. Bwe re jab otemjej jen Israel, ro dri Israel:

jap. 3. 2. Jon 8. 39. jap. 2. 28, 29. & 4. 12. Gal. 6. 16.

7 Im kin air inen Ebream, re jab otemjej nejin : a Ilo Aisak ro ineöm naj naetair.

Gal. 4. 23. Jen. 21. 12. Hib. 11. 18.

8 Einwöt men in, Ro neju köniek wöt, re jab nejin Anij; a ro nejin kalimur naj watök ir inen.

Gal. 4. 28.

9 Bwe eñin nan in kalimur, Ilo ien in I naj itok, im Sera e naj neje man.

Jen. 18. 10, 14.

10 Im jab eñin wöt; a bareinwöt ke Rebeka e ar bõroro kin juön, e jimar Aisak,

Jen. 25. 21.

11 Bwe mokta jen air lotak, ak kömön jabrewöt emön ak nana, bwe bebe an Anij ekar fñön kälet en ber, jab kin jermal ko, a kin Eo ej kir,

jap. 4. 17. & 8. 28.

12 Ar ba fñön e, Elip e naj jermal fñön eo erik.

Jen. 25. 23.

13 Einwöt emwij je, I ar yokwe Jeköb, a Iso I ar drike.

Dut. 21. 15. Mal. 1. 2, 3. Luk 14. 26.

14 Inem ta je naj ba? Eor jab wänik iben Anij ke? En jab eñin.

Job 34. 10.

15 Bwe Ej ba fñön Moses, I naj tiriamokake eo Ij tiriamokake, im I naj keni eo Ij keni.

Eks. 33. 19.

16 Inem e jab an eo e könan, ak an eo ej etör, a an Anij eo Ej tiriamokake.

17 Bwe Jeje eo e ba fñön Pero, Aet, kin men in I ar koutiej yuk, bwe In kwalok Aö kajur ilo kwe, im bwe eta en buñibuñ i aolopen löl.

Gal. 3. 8. Eks. 9. 16.

18 Inem Ej tiriamokake eo E könan, a eo E könan Ej kabin e.

19 Inem, kwo naj ba fñön iö, Etke Ej wanöketak? Bwe wön eo ej jumae ankil An?

2 Kron. 20. 6. Job 9. 12. & 23. 13. Dan. 4. 35.

20 Jab, O armij, a wön kwe kwoj uak jumae Anij? Ta, men in kö-

mön en ba ke fñön eo e ar kömön e, Etke kw'ar kömön iö im einwöt?

Job 33. 13. Isa. 29. 16. & 45. 9. & 64. 8.

21 Ta, dri potter e jab maroñ ke ion kle, bwe en kömön jen juön wöt lökin, juön jäbi fñön aibujuij, im juön fñön wan?

Pro. 16. 4. Jer. 18. 6. 2 Tim. 2. 20.

22 A ekijkan elañe Anij, ke E könan kwalok An illu, im kalikar An kajur, E ar kijenmij ilo elap meanwör kin jäbi ko an illu re pojök fñön kokkure:

1 Tes. 5. 9. 1 Pit. 2. 8. Jud. 4.

23 Im bwe En kalikar mweien An aibujuij ilo jäbi ko an tiriamo, ko E kar kapojök ir mokta fñön aibujuij?

jap. 2. 4. & 8. 29. Ep. 1. 7.

24 Aet, kijeo E ar bareinwöt kir kij, jab jen dri Ju wöt, a bareinwöt jen dri allin ko.

Jap. 3. 29.

25 Im einwöt An ba ilo Hosia, I naj naetair ro re jab droö, droö; im ilo e jab jitenburu, jitenburu.

Hos. 2. 23. 1 Pit. 2. 10.

26 Im ilo jikin eo emwij ba fñön ir, Kom jab ro droö; ijo re naj ba, ir ro nejin Anij emour.

Hos. 1. 10.

27 Im Aisaia ej lamij kin Israel, Elañe oran ro nejin Israel einwöt bok iturin lojit, mötair re naj mour:

Isa. 10. 22, 23. Jap. 11. 5.

28 Bwe Iroi j e naj kömön An in nan ion löl, E naj kejemlok e im kakarulok e ilo wänik.

Isa. 28. 23.

29 Im einwöt Aisaia e ar ba mokta, Elañe Iroi j in Sabaot e ar jab likit ine fñön kij, je naj kar einwöt Södöm, im kar lamwöt Gomorra.

Isa. 1. 9. Isa. 13. 19.

30 Inem ta je naj ba? Bwe dri allin ko, ro r'ar jab lor wänik, r'ar jibarek wänik, aet, wänik eo e jen tömak.

Jap. 4. 11. & 10. 20. Jap. 1. 17.

31 A Israel, ke ej lor kien wänik, e ar jab töbrök kien eo.

Jap. 10. 2. & 11. 7. Gal. 5. 4.

32 Etke? Bwe r'ar jab bukot e kin tömak, a einwöt kin jermal ko. Bwe r'ar itak ilo lökatip eo;

Luk 2. 34.

33 Einwöt emwij je, Lo, Ij likit ilo Zalön juön lökatip dreka, im ejman in buñ: im eo ej liki E e jamin jok.

Sam 118. 22. Isa. 8. 14. & 28. 16. 1 Pit. 2. 6-8. jap. 10. 11.

### JAPTER 10.

**R**O jeið im jätlö, kōnan ilo buruð, im að jar ñōn Anij kin ir bwe ren mour.

2 Bwe ij kennan kin ir, bwe eor kijejeto ñōn Anij ibeir, a e jab ekar ñōn jela.

Jerb. 21. 20. & 22. 3. Gal. 1. 14. & 4. 17. jap. 9. 31.

3 Bwe kin air jaje wānik an Anij, im bukot bwe ren kabin air mōke wānik, r'ar jab kōtaik ir ñōn wānik an Anij.

jap. 1. 17. Pll. 3. 9.

4 Bwe Kraist e jemlokōn kien ñōn wānik iben ro otemjej rej tōmak.

Mat. 5. 17.

5 Bwe Moses ej jeje kin wānik eo jen kien, im ba, Armij eo ej kōmōne e naj mour kake.

Levai 18. 5. Neh. 9. 29. Ezek. 20. 11, 13, 21. Gal. 3. 12.

6 A wānik eo jen tōmak ej konono einwöt in, Kwon jab ba ilo buruðm, Wōn e naj wōnlilōk ñōn lōñ? (einwöt bwe en añinlōltak Kraist:)

Dut. 30. 12, 13.

7 Ak, Wōn e naj wōnlōllok iloan abys eo? (einwöt bwe en añinlōltok Kraist jen ro remij.)

8 A ta ej ba? Nan eo ej ebake yuk, ilo loñim, im ilo buruðm: eñin nan in tōmak, eo kimij kwaloke.

Dut. 30. 14.

9 Bwe elañe kwo naj kwalok Iroj Jisōs ilo loñim, im tōmak ilo buruðm bwe Anij e ar kejerkakbiji E jen ro remij, kwo naj mour.

Mat. 10. 32. Luk 12. 8.

10 Bwe armij kin buruen ej tōmak ñōn wānik; im kin loñin ej kwalok ñōn mour.

11 Bwe Jeje eo ej ba, Jabrewöt eo ej liki E e jamin jok.

Isa. 28. 18.

12 Bwe ejelok ikōtan dri Ju im dri Grik: bwe juōn wöt Iroj ion

otemjej, im Emweie ñōn ro otemjej rej kir ñōu E.

jap. 3. 22. Gal. 3. 28. Jerb. 10. 36. 1 Tim. 2. 5.

13 Bwe ro otemjej rej kir etan Iroj ire naj mour.

Joel 2. 32. Jerb. 2. 21. & 9. 14.

14 Inem ekijkan air naj kir ñōn Eo r'ar jab liki E? im ekijkan air naj liki Eo r'ar jab roñ kin E? im ekijkan air naj roñ ñe ejelok dri kwalok?

Tait. 1. 3.

15 Im ekijkan air naj kwalok, elañe jab jilkinlok ir? einwöt emwij je, Enañin wōleo neen ro rej bōktok gospel in men ko remōn!

Isa. 52. 7. Nah. 1. 15.

16 A ir otemjej r'ar jab eoroñ nan ko remōn. Bwe Aisaia ej ba, Iroj, wōn e ar tōmak am kennan?

jap. 3. 3. Isa. 53. 1. Jon 12. 38.

17 Inem tomak, kin roñjake, im roñjake kin nan in Kraist.

18 A ij ba, R'ar jab roñ ke? Aet, emol, Ainikeir ej ilok ñōn aolepen lōl, im nan ko air ñōn ijo ko jemlokōn lōl.

Sam 19. 4. Mat. 24. 14. & 28. 19. Mark 16. 15.

19 A ij ba, Israel e jab jela ke? Mokta Moses ej ba, I naj kōkātōk kom kin ro ejelok air ailiñ, in kin ailiñ an ro dri bwebwe I naj kailu kom.

Dut. 32. 21. jap. 11. 11. Tait. 3. 3.

20 Aisaia, elap an beran im ba, Ro r'ar jab bukot Ið, r'ar lo Ið; I ar weaklok ñōn ro r'ar jab kajitōk iba.

Isa. 65. 1. jap. 9. 30.

21 A ñōn Israel ej ba, Iomin aolepen ran I ar erlokwe peið ñōn armij re kiblia im rej kajirere.

Isa. 65. 2.

### JAPTER 11.

**I**NEM ij ba, Anij e ar jolok ro dron ke? En jab eñin. Bwe ña bareinwöt dri Israel, jen inen Ebream, bwijin Benjamín.

1 Samuel 12. 22. Jer. 31. 37. 2 Kor. 11. 22. Pll. 3. 5.

2 Anij e ar jab jolok ro dron, ro E ar jela ir mokta. Ak kom jab jela ke, ta an Jeje ko ba kin Elaija?

ekijkan ej akwelap ñon Anij nae Israel, im ba,

Jap. 8. 29.

3 Iroj, r'ar mōn dri kanan ro Am, r'ar kōbijlōlok lokatok ko Am; im ña wōt ij mōke ber, im rej bukot aō mij.

1 Kin 19. 10, 14.

4 A ta uak an Anij e ba ñon e? I ar likiti ñon Iō jiljillimjuōn tausan armij, ro r'ar jab bukwelōlō ñon Beal.

1 Kin 19. 18.

5 Inem bareinwōt ilo ien in eor mōtair rej ber ekar ñon kālet an joi.

Jap. 9. 27.

6 A elañe kin joi, inem e jab jen jermal ko: elañe jab einwōt, joi e jamin joi tokelik.

Jap. 4. 4, 5. Gal. 5. 4. Dut. 9. 4, 5.

7 Inem ta? Israel e ar jab tōbare men eo ej bukot e; a ro kālet ir r'ar tōbare, im ro jet r'ar binlok.

Jap. 9. 31. & 10. 3.

8 Einwōt emwij je, Anij e ar lelok ñon ir jltōb in mijki, mejeir bwe ren jab lo, im lojiliñir bwe ren jab rofi, ñon ran in.

2 Kor. 3. 14. Isa. 6. 9. & 29. 10. Mat. 13. 14.

9 Im Devid e ba, Air tebel en erom aluk, im jen, im lōkatip im nawōnan ñon ir:

Sam 60. 22, 23.

10 Mejeir ren marok bwe ren jab lo, im ren kumliklik in drio.

11 Inem ij ba, r'ar tibūil bwe ren buñ ke? eu jab eñin: a kin air bwir lomor ej Itok ñon dri alliñ ko, bwe en kōkātōk ir.

Jerb. 28. 28. Jap. 10. 19.

12 Kiō elañe air buñ e mweiuk an lōl, im air etā mweiuk an dri ailiñ ko; e jamin lap ke air obrōk?

13 A ij konono ñon kom dri ailiñ. Inem bwe ña dri jilik ñon dri ailiñ ko, ij kaibujij jermal eo aō:

Jerb. 9. 15. Jap. 15. 16.

14 Elañe kin jabrewōt in kōkātōk ro kōniekiō, im lomoren jet iair.

1 Kor. 7. 16. & 9. 22. 1 Tim. 4. 16. Jem. 5. 20.

15 Bwe elañe air joko ken kilajrōk lōl, e naj einwōt ta bar bōk ir, elañe e jab mour jen ro remij?

206

16 Bwe elañe jomōkōj ekwojarjar, aolep bar einwōt: im elañe okrōn ekwojarjar, ra ko bareinwōt.

Leval 23. 10. Bwin. 15. 19, 20.

17 A elañe jet ian ra ko re bwilok, im kwe, wijki oliv eawia, emwij graft yuk lolapir, im kw'ar bōk mōtōn ibeir jen okrōn, im men in kaō an wijki oliv;

Jer. 11. 16. Jerb. 2. 30. Ep. 2. 12, 13.

18 Kwon jab kimjāje ion ra ko. A elañe kwoj kimjāje, kwo jab drebij okrōn, a okrōn kwe.

1 Kor. 10. 12.

19 Inem kwo naj ba, Ra ko re bwilok bwe ren graft iō kaki.

20 Eokwe, r'ar bwilok kin air jab tōmak, im kwoj jutōk kin am tōmak. Kwon jab koutiej buruōm, a kwon mijōk:

Jap. 12. 16. Pro. 23. 14. Isa. 66. 2. Pil. 2. 12

21 Bwe elañe Anij e ar jab kānlok ra ko kin biktokeir, E jamin kānlok yuk.

22 Inem kwon lale mōk joi im bin an Anij: ñon ro r'ar buñ, bin; a ñon yuk, joi an Anij, elañe kwoj berwōt ilo An joi: elañe jab, naj bareinwōt bukwelok yuk.

1 Kor. 15. 2. Hib. 3. 6, 14. Jon 13. 2

23 Im ir bareinwōt, elañe re jab ber ilo air jab tōmak, e naj graft ir: bwe Anij ej maroñ in bar graft ir.

2 Kor. 3. 16.

24 Bwe elañe emwij bukwe yuk jen wijki oliv eawia ijo biktokin, im emwij graft yuk ilo wijki oliv emōn, kar jab biktokōm; ekijkan an laplok An graft ir, ra ko kin biktokeir, ilo wijki oliv eo air?

25 Bwe, ro jeid im jātō, I jab kōnan bwe komin jaje men etino in, ñe ab komin meletlet ilo ami mōke lemnok, bwe benawia ej walok ilo jimōtōn ñon dri Israel mae ien obrōk an dri ailiñ e naj dreloñtok;

Jap. 12. 16. 2 Kor. 3. 14. Luk 21. 24. Rev. 7. 8

26 Im ein drein naj lomoren Israel otemjej: einwōt emwij je, Dri Lomor e naj Itok jen Zalōn, im E naj kejeōr jerawiwi jen Jekōb.

Isa. 59. 20. Sam 14. 7.

27 Bwe eñin Aō kalimur ñōn ir, ñe I naj bōklok jerawiwi ko air.

Isa. 27. 9.

28 Aet, kiu gospel rej dri kijirāt kin kom; a ekar ñōn kālet rej dri jitenburu kin ro jimair.

Dut. 7. 8. & 9. 5. & 10. 15.

29 Bwe men in lelok ko im kir an Anij re jab ukukot.

Bwin. 23. 19.

30 Bwe einwōt ien ko mokta kom ar kiblia ñōn Anij, a kiō kom ar bōk tiriamo kake kin air kiblia,

Ep. 2. 2. Kol. 3. 7.

31 Ein drein ir bareinwōt r'ar kiblia, bwe ilo An tiriamokake kom, ir bareinwōt ren bōk tiriamokake.

32 Bwe Anij e ar kil ir otemjej ilo kiblia, bwe En tiriamokake ir otemjelok.

Jap. 3. 9. Gal. 3. 22.

33 O imlōl in mweien meletlet im jela an Anij! ekajet ko An re nañin lālok jen bukot! Im ial ko An je jab maroñ anōkilok!

Sam 36. 6. & 92. 5. Job 11. 7.

34 Bwe wōn e ar jela lemnok an Iroi? ak wōn e ar dri bebe iben?

Job 15. 8. Isa. 40. 13. Jer. 23. 18. 1 Kor. 2. 16. Job 36. 22.

35 Ak wōn e ar lelok ñōn E mokta, im bar bōk wōnan jen E?

Job 35. 7. & 41. 11.

36 Bwe jen E, im kin E, im ñōn E, men otemjejelok. Ñōn E aibujuij in drio. Amen.

1 Kor. 8. 6. Kol. 1. 16. Gal. 1. 5. 1 Tim. 1. 17.

2 Tim. 4. 18. Hib. 13. 21. 1. Pit. 5. 11.

2 Pit. 3. 18. Jud 25. Rev. 1. 6.

## JAPTER 12.

**I**NEM ij akwelap ñōn kom, ro jeiō im jātiō, kin tiriamokake ko an Anij, bwe komin lelok enbwinemi men in jurtak emour, ekwojarjar, men in kabuñburuen Anij, eñin ami jermal men in Jitōb.

2 Kor. 10. 1. 1 Pit. 2. 5. Sam 50. 13. 14. Jap. 6. 13. 16. 19. 1 Kor. 6. 13. 20.

2 Im komin jab ilo wāwen dri lōl in: a komin kejakilkil kom ilo kōkāle ami lolātāt, bwe komin melejoñ ta ankil an Anij emōn im kabuñburuen im wāppen.

1 Pit. 1. 14. 1 Jon 2. 15. Ep. 1. 18. & 4. 23. Kol. 3. 10. 1 Tes. 4. 3.

3 Bwe kin joij eo ar letok ñōn iō, ij ba ñōn jabrewōt armij iami, bwe en jab lemnok kin e mōke eutlej jen emōn en lemnok kake; a bwe en lemnok ekar ñōn jelalokjen, einwōt Anij e ar ajej ñōn jabrewōt armij joñōn tōmak.

Jap. 1. 5. & 11. 20. Ekl. 7. 16. 1 Kor. 12. 7, 11.

4 Bwe einwōt elōñ ra iber ilo juōn enbwin, im ra ko otemjej e jab juōn wōt an jermal:

1 Kor. 12. 12. Ep. 4. 16.

5 Bareinwōt kij, jelōñ, jej juōn enbwin ilo Kraist, im kij otemjej ran dron.

1 Kor. 10. 17. & 12. 20, 27. Ep. 1. 23. & 4. 25.

6 Inem, bwe eor men in letok iber, im rej ein juōn jen dron ekar ñōn joij eo emwij letok ñōn kij; elañe drikanij, jen drikanij ekar ñōn joñōn tōmak;

1 Kor. 12. 4, 10. 1 Pit. 4. 10, 11. Jerb. 11. 27.

7 Ak jermal, jen ber ilo jermal eo; ak eo ej dri kaki, en ber ilo an dri kaki;

Jerb. 13. 1. 1 Tim. 5. 17.

8 Ak eo ej kowe, ilo an kowe: eo ej lelok, en dreeplok kake; eo ej iroi, ilo niknik; eo ej kōmōn tiriamo, ilo mōñōñō.

Jerb. 15. 32. Mat. 6. 1-3. 12 Kor. 8. 2. 1 Pit. 5. 2. 2 Kor. 9. 7.

9 Yokwe en jab ankilliriōp. Komin jōjōike men eo enana; komin edrep ñōn men eo emōn.

1 Tim. 1. 5. 1 Pit. 1. 22. Sam 97. 10.

10 Kin yokwe jimjān jimjāten, komin menoan dron; kin kōnimarmij, komin koutlej dron;

1 Pit. 1. 22. Pil. 2. 3.

11 Kin kijejeto, komin jab jowōn; komin bōploiu ilo ami; komin jermal ñōn Iroi;

12 Komin lōñliñ ilo kejatrikrik; ilo iñtan, komin kijenmij; komin niknik ilo jar;

Hib. 10. 36. Jerb. 2. 42. & 12. 5.

13 Komin lelok ñōn ro remōn men ko rej aikwij kaki; komin lorlok kajijōtarmij.

1 Kor. 16. 1. 2 Kor. 9. 1, 12. Hib. 6. 10. & 13. 16. 1 Jon 3. 17. 1 Tim. 3. 2. Tat. 1. 8.

Hib. 13. 2.

14 Komin jar kin ro rej matōr-

töre kom; komin jar im jab kanöj-  
nlij.

Mat. 5. 44.

15 Komin löñliñ iben ro rej löñ-  
liñ, im jöñ iben ro rej jöñ.

1 Kor. 12. 26.

16 En ami lemnok wöt juön ñön  
dron. Komin jab lemnok kin men  
ko routiej, a komin kötaik kom  
ñön men ko rettä. Komin jab me-  
letlet ilo ami möke lemnok.

Jap. 15. 5. Pil. 2. 2. & 3. 16. 1 Pit. 3. 8. Sam  
131. 1, 2. Pro. 3. 7. & 28. 12. Isa. 5. 21.  
Jap. 11. 25.

17 Komin jab bar lelok ñön jabre-  
wöt armij nana kin nana. Komin  
lemnok kin men ko remön iman  
mejen armij otemjej.

Mat. 5. 30. Jap. 14. 16. 2 Kor. 8. 21.

18 Elañe e maroñwe, einwöt ej ber  
ibemi, komin ainemön iben armij  
otemjej.

Mark 9. 50. Jap. 14. 19.

19 Kom jitenburu, komin jab iren-  
wöne kin kom, a lelok jikin ñön  
illu eo: bwe emwij je, Kwonaö  
irenwöne, I naj nawönan, Iroi j e ba.

Leval 19. 18. Dut. 32. 35. Hib. 10. 30.

20 A elañe eo ej kijiräte yuk e  
kwuli, kwon najirik e; elañe e  
maro, kwon kairak e: bwe kin am  
kömön men in kwo naj ejoji melle  
kijeek na ion böran.

Eks. 23. 4, 5. Pro. 25. 21, 22.

21 Nana en jab anjo jen yuk, a  
kwon anjo jen nana kin emön.

### JAPTER 13.

**A** RMIJ otemjej ren kibble ñön ro  
routiej jen ir: bwe ejelok eutie j  
a jen Anij wöt; im ro rej ber Anij  
e ar likiti.

Tait. 3. 1. 1 Pit. 2. 13. Dan. 2. 21. & 4. 32.  
Jon 19. 11.

2 Ein drein eo ej jumae eo eutie j  
ej jumae men in kañil an Anij: im  
ro rej jumae re naj bök llakelok  
ñön ir.

Tait. 3. 1.

3 Bwe iroi j rön re jab kimjök kin  
jeral eo emön, a kin eo enana.  
Inem kwo jab könan mijök eo e-  
utie j ke? kwon kömön men eo emön  
im kwo naj bök nebar jen e:

1 Pit. 2. 14. & 3. 13.

208

4 Bwe e dri korijeran Anij iböm  
ñön emön. A elañe kwo j kömön  
men eo euana, kwon mijök; bwe e  
jab jitokjen an bök jäji: bwe e dri  
korijeran Anij, dri irenwöne ñön  
illu iben eo ej kömönmön' nana.

5 Inem komin kibble jab kin illu  
eo wöt, a bareinwöt kin bökliköt.

Ekl. 8. 2. 1 Pit. 2. 19.

6 Bwe kin men in komij barein-  
wöt owöj; bwe ir dri jeral an Anij.  
im rej lala men in len otemjej.

7 Komin lelok ñön ro otemjej me-  
ko rekar ñön ir, owöj ñön eo en  
bökö owöj, kwojkwoj ñön eo kwoj-  
kwoj ekar, mijök ñön eo mijök  
ekar, könimarmij ñön eo könimar-  
mij ekar.

Mat. 22. 21. Mark 12. 17. Luk 20. 25.

8 Komin jab muri ñön jabrewöt  
armij kin jabrewöt, a kin yokwe  
drou: bwe eo ej yokwe dri turin e  
ar kajejit kien.

Kol. 3. 14. 1 Tim. 1. 5.

9 Bwe eñin, Kwon jab löñ, Kwon  
jab uror, Kwon jab kwot, Kwon  
jab ankwönak, im elañe jabrewöt  
bar juön kien, ej ke jil ilo nan in,  
Kwon yokwe dri turum im einwöt  
kwe.

Eks. 20. 13-17. Dut. 5. 17-21. Mat. 19. 14.  
Leval 19. 18. Mark 12. 31. Gal. 5. 14.  
Jem. 2. 8.

10 Yokwe e jab jerbale nana ñön  
dri turin: inem yokwe e men in  
kajejit kien.

Mat. 22. 40.

11 Im men in, ke je jela ien, bwe  
aüö in ruj jen kiki e mottok: bwe  
ar mour ebake kiö jen ke j'ar tö-  
mak mokta.

1 Kor. 15. 34. Ep. 5. 14. 1 Tes. 5. 6.

12 Boñ enañin motelok, ran ebak-  
tok: inem jen wutik jeral in ma-  
rok, im könökö ken törinae in ma-  
ram.

Ep. 5. 11. & 6. 13.

13 Jen etetal ejime einwöt ilo ran,  
jab ilo airwaro im karek, jab ilo löñ  
im mijkatye, jab ilo akwall im jun-  
mare.

1 Tes. 4. 12. Pro. 23. 20. Luk 21. 34. 1 Pit.  
4. 3. 1 Kor. 6. 9. Jem. 3. 14.

14 A komin könökö Iroi j Jisö

Kraist, im jab kapojök kin köniek, ñön jujurmelea ko au.

Gal. 3. 27. & 5. 16. Ep. 4. 24. Kol. 3. 10. 1 Pit. 2. 11.

#### JAPTER 14.

**E**O e mōjino ilo tōmak komin böke, jab kin ekajet kajitök ko re berre.

jap. 15. 1. 1 Kor. 8. 9, 11. & 9. 22.

2 Bwe juön ej tōmak en mōña men otemjej: a eo emōjino ej mōña kōninene wõt.

3 Eo ej mōña en jab kejekron eo e jab mōña; im eo e jab mōña en jab ekajet eo ej mōña, bwe Anij e ar bök e.

Kol. 2. 16.

4 Wön kwe eo kwoj ekajet korijeran bar juön? ibeu Iroi j eo an ej jutök, ak buñ. A naj kajutök e, bwe Iroi j en E maroñ in kajutök e.

Jem. 4. 12.

5 Juön armij ej kaurök juön ran jen bar juön ran: bar juön ej kaurök ran otemjej einwõt juön. Jabrewõt armij en kanuij rel buruen.

Gal. 4. 10.

6 Eo ej lale ran eo, ej lale ñön Iroi j; im eo ej mōña ej mōña ñön Iroi j, bwe ej kamolol Anij; im eo e jab mōña, ñön Iroi j e jab mōña, im ej kamolol Anij.

1 Kor. 10. 31. 1 Tim. 4. 3.

7 Bwe ejelok iar ej mour ñön e mōke, im ejelok en ej mij ñön e mōke.

1 Kor. 6. 19, 20. Gal. 2. 20. 1 Tes. 5. 10. 1 Pit. 4. 2.

8 Bwe elañe je mour, jej mour ñön Iroi j; ak elañe je mij, ñön Iroi j jej mij: inem elañe jej mour ak mij, kij dron Iroi j.

9 Bwe ñön men in Kraist e ar mij im bar mour, bwe En Iroi j ion ro remij kab ro remour.

2 Kor. 5. 15. Jerb. 10. 36.

10 A kwe, etke kwoj ekajet jeöm im jätöm? im kwe etke kwoj kejekron jeöm im jatöm? bwe kij otemjej je naj jutök iman tron in ekajet an Anij.

Mat. 25. 31, 32.

11 Bwe emwij jeje, Einwõt Ij mour,

Iroi j ej ba, bukwe otemjej re naj bukwelölo ñön Iö, im lo otemjej re naj kwalok ñöu Anij.

Isa. 45. 23. Pil. 2. 10.

12 Inem jabrewõt iar e naj lelok nan kin e mōke ñön Anij.

Mat. 12. 36. Gal. 6. 5. 1 Pit. 4. 5.

13 Inem jen jab bar ekajet dron, a emönlok komin ekajet men in, bwe ejelok armij en likit latibñil ak lökatip ilo ial an eo jein im jätin.

1 Kor. 8. 13. & 10. 32.

14 I jela, im emwij karel lö ilo Iroi j Jisös, bwe ejelok men e mōke jab erre: a ñön eo ej lemnok jabrewõt men eo e jab erre, e jab erre ñön e.

Jerb. 10. 15. 1 Kor. 8. 7, 10.

15 Bwe elañe kin kijöm, jeöm im jätöm e buromöj, kwo jab etetal kiö kin yokwe. Kwon jab kokkure kin kijöm eo Kraist e ar mij kin e.

1 Kor. 8. 11.

16 Inem ren jab konono nana kin ami emön:

jap. 12. 17.

17 Bwe ailiñ in Anij e jab mōña im irak; a wañik, im ainemön, im löñliñ ilo Jitöb Kwojarjar.

1 Kor. 8. 8.

18 Bwe eo ej jermal ñön Kraist ilo men kein, ej kabuñburuen Anij, im lejokmen iben armij.

2 Kor. 8. 21.

19 Inem jen lor men in ainemön ko, im men ko je maroñ in kalek dron kaki.

Sam 34. 14. jap. 12. 18. & 15. 2. 1 Kor. 14. 12. 1 Tes. 5. 11.

20 Kin mōña komin jab kokkure jermal an Anij. Men ka oteniej rerreo, a enana iben armij eo ej mōña kin latibñil.

Mat. 15. 11. Tait. 1. 15. 1 Kor. 8. 9-12.

21 Emön jab mōña köniek, ak irak wain, ak kōmön jabrewõt eo jeöm im jätöm ej tibñil kake.

22 Tōmak eo am en am mōke iman mejen Anij. Emönönö eo e jab mōke liakelok e ilo men eo ej kamellm.

1 Jon 3. 21.

23 A eo ej berre eor ruön elañe ej

mōña, bwe e jab jen tōmak : bwe jabrewōt men eo e jab jen tōmak e jerawiwi.

### JAPTER 15.

**I**NEM emōn bwe kij je kajur jen bōk mōjino ko an ro re jab kajur, im jab mōke kabuñburuer.

Gal. 6. 1. jap. 14. 1.

2 Kij otemjej jen kabuñburuen dron ilo emōn, ñōn kalek ir.

1 Kor. 9. 19, 22. & 10. 24, 33. & 13. 5. jap. 14. 19.

3 Bwe Kraist bareinwōt E ar jab mōke kabuñburuen : a einwōt emwij je, Kajirere ko an ro r'ar kajirere kake Yuk, r'ar buñōt Iō.

Jon 5. 30. Sam 69. 9.

4 Bwe jabrewōt men ko ar jeje mokta, ar jeje ken katakin kij, bwe kij kin kijemij, im kin ainemōn jen Jeje ko, en or ar kejatrikrik.

1 Kor. 9. 9, 10. & 10. 11. 2 Tim. 3. 16, 17.

5 Kiō Anij in kijeumij im aine-mōn En lewoj bwe eu buruemi wōt juōn ñōn dron ekar ñōn Kraist Jisōs :

1 Kor. 1. 10. Pil. 3. 16.

6 Bwe kin juōn wōt loñimi komin jimor kaibujulj Anij, eo Jemen ar Iroj Jisōs Kraist.

Jerb. 4. 24, 32.

7 Kin men in komin bōk dron, einwōt Kraist e ar bōk kom, ñōn albujuj in Anij.

jap. 14. 1, 3. jap. 5. 2.

8 Bwe ij ba, Emwij kōmōn Kraist dri jermal ñōn dri mijmij kin mol an Anij, bwe En kabūn kalimur ko ar lelok ñōn ro jimair,

Mat. 15. 24. Jon 1. 11. jap. 3. 3. 2 Kor. 1. 20.

9 Im bwe ro dri ailif ko ren kaibujulj Anij kin An joi; einwōt emwij je, Kin men in I naj wijtake Yuk iolapin dri ailif ko, im al ñōn etōm.

Jon 10. 16. Sam 18. 49.

10 Im, Ej bar ba, Komin lōñlif, kom dri ailif ko, iben ro dron.

Dut. 32. 43.

11 Im bar juōn, Komin wijtake Iroj, kom otemjej dri ailif; im komin uebar E armij otemjej.

Sam 117. 1.

210

12 Im bar juōn, Aisaia e ba, E naj eor okrōn Jesse, im Eo ej juten Iroj ion dri ailif ko; im dri ailif re naj kejatrikrik ir kin E.

Isa. 11. 1, 10. Rev. 5. 5. & 22. 16.

13 Im Anij in kejatrikrik En ko-brōk kom kin lōñlif otemjej im ainemōn ilo tōmak, bwe en ke ami kejatrikrik ilo kajur an Jitōb Kwojarjar.

jap. 12. 12. & 14. 17.

14 A ña ij mōke rel kin kom, ro jeiō im jātīō, bwe komij mōke obrōk kin emōn, obrōk kin jela otemjej, im bareinwōt kom maroñ in koweik dron.

2 Pit. 1. 12. 1 Jon 2. 21. 1 Kor. 8. 1, 7, 10.

15 A ij jeje nan kein kin elap beran, ro jeiō im jātīō, ilo jimōtōn, bwe in kakememej kom, kin joi eo Anij e ar letok ñōn iō,

jap. 1. 5. & 12. 3.

16 Bwe ña in dri jermal an Kraist Jisōs ñōn dri ailif ko, ke ij jermal ilo gospel an Anij, bwe jurtak kin ro dri ailif ko en men in kabuñburuen, ke e kwojarjar ilo Jitōb Kwojarjar.

jap. 11. 13. 1 Tim. 2. 7. 2 Tim. 1. 11. Pil. 2. 17.

17 Inem eor kimjāje iba, ilo Kraist Jisōs, kin men ko an Anij.

Hib. 5. 1.

18 Bwe I jamin beran in konono kin jabrewōt, a men ko Kraist e ar jerbale kin iō, bwe dri ailif ko ren kible, kin nan im jermal,

Jerb. 21. 19. Gal. 2. 8. jap. 1. 5. & 16. 26.

19 Ilo kajur in kakōle ko im men in bwilōñ ko, ilo kajur an Jitōb Kwojarjar; bwe jen Jerusalem im ilo belakin ñōn Illirikōm I ar kanuij kwalok gospel an Kraist;

Jerb. 19. 11. 2 Kor. 12. 12.

20 Aet, I ar kajeoñ bwe in kwalok gospel eo, jab ijo emwij kwalok etan Kraist ie, bwe in jab kalek ion jermal an bar juōn armij;

2 Kor. 10. 13-16.

21 A, einwōt emwij je, Ro e jañin walok nan kin E ñōn ir, re naj loe: im ro re jañin roñ re naj jela kake.

Isa. 52. 15.



22 Kin men in bareinwöt ar böprae iö elöñ alen jen aö iwij ñön ibemi:  
Jap. 1. 13. 1 Tes. 2. 18.

23 A kiö, bwe ejelok bar jikiö ijo-kein, im elöñ yiö I ar kanuij kö-  
nan iwij ñön ibemi,  
Jerb. 19. 21. Jap. 1. 11.

24 Ñe I naj ilok ñöu Spein (bwe ij kötömene in lo kom ñe ij ilok, in  
bwe komin jiböñ iö lok ñön ijo,  
elafie mokta emwij aö möndönö im  
ber ibemi)

Jerb. 15. 3.

25 A kiö, Ij ba, ij ilok ñön Jeru-  
salem bwe in jermal ñön ro remöu.  
Jerb. 19. 21. & 20. 22. & 24. 17.

26 Bwe dri Masedonia im dri  
Akeia r'ar lemnok emön bwe ren  
kömön mwelen tiriamo ñön ro dri  
jeramel ian ro remön i Jerusalem.  
1 Kor. 16. 1. 2 Kor. 9. 2.

27 R'ar lemnok emön, im ir dri  
muri ñön ir. Bwe elafie ro dri  
allin rej bök mötön air men in Ji-  
töb, ekar bwe ren jermal ñön ir ilo  
men in köniek.  
Jap. 11. 17. 1 Kor. 9. 11. Gal. 6. 6.

28 Inem ñe emwij aö kömön jer-  
bal in, im kamol ñön ir leen in, I  
naj jeblakwoj ñön kom im ilok  
ñön Spein.

Pil. 4. 17.

29 Im I jela bwe ñe ij iwij ñön  
ibemi, I naj iwij ilo obrök in je-  
rammön an Kraist.

Jap. 1. 11.

30 Kiö ij akwelap ñön kom, ro  
jeiö im jätiö, kin ar IroiJ Jisös  
Kraist, im kin yokwe an Jitöb,  
bwe komin jimor kate kom iba ilo  
jar ñön Anij kin ña,

Pil. 2. 1. 2 Kor. 1. 11. Kol. 4. 12.

31 Bwe En kejbärok iö jen ro re  
jab tömak i Judia; im bwe aö jer-  
bal eo ñön Jerusalem, en kabuñbu-  
ruen ro remön;

2 Tes. 3. 2. 2 Kor. 8. 4.

32 Bwe in iwij ñön kom ilo löñ-  
ñin kin anki an Anij, im bwe in  
kakije ibemi.

Jap. 1. 10. Jerb. 18. 21. 2 Tim. 1. 16.

33 Kiö Anij in alnemön En ber  
ibemi otemjej. Amen.

Jap. 16. 20. 1 Kor. 14. 33. 2 Kor. 13. 11. Pil.  
4. 9. 1 Tes. 5. 23. 2 Tes. 3. 16. Hib. 13. 20.

## JAPTER 16.

I kwalok im nebar ñön kom  
I Pibe, jätim köra, eo dikön ilo  
eklesia i Senkria:

Jerb. 18. 18.

2 Bwe komin bök e ilo IroiJ, ein-  
wöt ekar iben ro remön, im bwe  
komin jiböñ e ilo jabrewöt eo ej  
aikwij jen kom: bwe e ar dri jiböñ  
elöñ, im bareinwöt iö.

Pil. 2. 20.

3 Komin yokyokwe Priska im  
Akula, ro dri jermal iba ilo Kraist  
Jisös,

Jerb. 18. 2.

4 Ro r'ar janilik kin kenwair bwe  
in mour wöt; e jab ña wöt ij kamo-  
lol ir, a bareinwöt eklesia otemjej  
an dri allin ko.

5 Bareinwöt, yokyokwe eklesia eo  
ilo imweir. Komin yokyokwe Epe-  
nitös e jitenburu iba, eo leen jomö-  
köj in Esia ñön Kraist.

1 Kor. 16. 15, 19. Kol. 4. 15. Pall. 2.

6 Yokyokwe Meri, eo elap an kar  
jermal ñön kom.

7 Yokyokwe Andronaikös im Ju-  
nias, ro nuku, im dri prisön iba, im  
lejakmen iben ro dri jilik, im bar-  
einwöt r'ar ber ilo Kraist mokta  
jen iö.

Gal. 1. 22.

8 Yokyokwe Ampletös, jitenburu  
iba ilo IroiJ.

9 Yokyokwe Örbendös, dri jermal  
ibem ilo Kraist, im Stekis jiteu-  
buru iba.

10 Yokyokwe Apelles, eo lejok-  
men iben Kraist. Yokyokwe ro  
nukin Aristobulös.

11 Yokyokwe Herodiön, juön nu-  
ku. Yokyokwe ro ilo nukin Nar-  
sissös, ro ilo IroiJ.

12 Yokyokwe Traipina im Trai-  
posa, ro rej jermal ilo IroiJ. Yok-  
yokwe Persis e jitenburu, eo elap  
an jermal ilo IroiJ.

13 Yokyokwe Rupsös eo e, IroiJ, ar  
kälet, kab jinen, aet jinemro.

2 Jon 1.

14 Yokyokwe Asinkritös, Pligön,  
Hermis, Patrobas, Hermias, im ro  
jimjan jimjäten rej ber ibelr.

15 Yokyokwe Pilologös, im Julia, Niriös im lio jätin, im Olimpias, im ro remön otemjej rej ber lbeir.

16 Komin yokyokwe dron kin mejenma ekwojarjar. Eklisia otemjej an Kraist rej yokyokwe kom.

1 Kor. 16. 20. 2 Kor. 13. 12. 1 Tes. 5. 26. 1 Pit. 5. 14.

17 Kiö ij akwelap ñön kom, ro jeid im jätiö, komin kaköle ro rej kömön jibil ko im lökatip ko juma katak eo kom ar katak ie, im illok jen ir.

2 Tes. 3. 6, 14. 2 Tim. 3. 5. Tait. 3. 10. 2 Jon 10.

18 Bwe ro eirwöt re jab jermal ñön ar Iroj Jisös Kraist, a ñön lojeir; im kin air nan emön wäwen im konono e wäjeberik, rej mone buruen ro re jajelokjen.

Pil. 3. 19. Kol. 2. 4. 1 Tim. 6. 5. 2 Tim. 3. 6. Tait. 1. 10. 2 Pit. 2. 3.

19 Bwe ami kible e buñbuñtok ñön armij otemjej. Inem ij löñliñ kin kom, a I kënan komin meletlet ñön men eo emön, im bwebwe kin nana.

Jap. 1. 8. Mat. 10. 16. 1 Kor. 14. 20.

20 Im Anij in ainemön e naj mökøj in juri Setan iomin neemi. Joij an ar Iroj Jisös Kraist en ber lbemi.

Jap. 15. 33. Jen. 3. 15. 1 Kor. 16. 23. 2 Kor. 13. 14. Pil. 4. 23. 1 Tes. 5. 28. 2 Tes. 3. 18. Rev. 22. 21.

21 Timote dri jermal iba ej yokyokwe kom, kab Lusios, im Jesön, im Sosipeter ro nuku.

Jerb. 16. 1. 1 Tes. 3. 2. 1 Tim. 1. 2. 1 Jerb. 13. 1. & 17. 5. & 20. 4.

22 Ña Tertiös, eo ij jeje letter in, ij yokyokwe kom ilo Iroj.

23 Geiös, aö toene kab eo an aolepen eklisia, ej yokyokwe kom. Erastös, dri lale mönni i jikin kwelok e ej yokyokwe kom, kab Kwartös juön lan jimjän jimjäten.

1 Kor. 1. 14. 2 Tim. 4. 20.

25 Kiö ñön Eo ej maroñ in kabin kom ekar ñön aö gospel, im kwalok nan kin Jisös Kraist, ekar ñön walok in men eo etino e kar nojök ilo ien ko mokta,

Ep. 3. 20. 1 Tes. 3. 13. 2 Tes. 2. 17. & 3. 2. Jud 24. Jap. 2. 16. Ep. 1. 9. & 3. 3-5. Kol. 1. 27. 1 Kor. 2. 7.

26 A kiö emwij kalikar e, im kin Jeje ko an dri kanan ekar ñön kien Anij e in drio, ar kajelaik dri alliiñ kën otemjej, ñön bokake kin tömak;

2 Tim. 1. 10. Tait. 1. 2, 3. 1 Pit. 1. 20. Jerb. 6. 7. Jap. 1. 5. & 15. 18.

27 Ñön Anij e wöt meletlet, kin Jisös Kraist, ñön E aibujuj in drio. Amen.

1 Tim. 1. 17. Jud 25.

## LETTER MOKTA AN PAUL ÑÖN DRI KORINT.

### JAPTER 1.

**PAUL**, emwij kir e bwe en dri jillkan Jisös Kraist kin ankiil an Anij, im Sostenis jätiö,

Rom 1. 1. 2 Kor. 1. 1. Ep. 1. 1. Kol. 1. 1. Jerb. 18. 17.

2 Ñön eklisia an Anij, eo ej ber i Korint, ñön ro rokwojarjar ilo Kraist Jisös, emwij kir ir bwe ren dri mön, kab ro otemjej rej jar ilo etan ar Iroj Jisös Kraist ijo ko otemjej, air Iroj kab ar:

Jud 1. Jon 17. 19. Jerb. 15. 9. Rom 1. 7. 2 Tim. 1. 9. Jerb. 9. 14. Jap. 8. 6. Rom 3. 22.

3 Joij ñön kom im ainemön jen Anij Jemer im Iroj Jisös Kraist.

Rom 1. 7.

4 Ij kamolol aö Anij ien otemjej kin kom, kin joij an Anij eo emwij lewoj ñön kom ilo Kraist Jisös;

5 Bwe ilo men otemjej kom ar mwae ilo E, ilo nan otemjej, im ilo jela otemjej;

Jap. 12. 8. 2 Kor. 8. 7.

6 Einwöt emwij kabin kennan kin Kraist ilo kom:

Jap. 2. 1. 2 Tim. 1. 8. Rev. 1. 2.

7 Ein drein kom jab etä jen ro jet ilo jabrewöt men in letok, ke

komij kōtar an itok ar IroiJ Jisōs Kraist;

*Pil. 3. 20. Tait. 2. 13. 2 Pit. 3. 12.*

8 Eo e naj kabin kom nōn jemlokōn, bwe en ejelok notami ilo ran in ar IroiJ Jisōs Kraist.

*1 Tes. 3. 13. & 5. 23. Kol. 1. 22.*

9 Anije tlljek, Eo e ar kir kom nōn kōmaoan Nejin Jisōs Kraist ar IroiJ. *Jap. 10. 13. Jon 15. 4. & 17. 21. 1 Jon 1. 3. Jap. 11. 18.*

10 A ij akwelap nōn kom, ro jātiō, kin etan ar IroiJ Jisōs Kraist, bwe komin otemjej konono einwōt juōn, im bwe en ejelok jibil iolapemi; a bwe komin jimor wāppenlok ilo juōn lemnok im juōn bebe.

*Rom 12. 16. 2 Kor. 13. 11.*

11 Bwe jet lan ro nukin Kloee r'ar kennanek iō kin kom, ro jātiō, bwe eor akwall ibemi.

12 Klō ij ba men in, bwe jabrewōt iamiej ba, Ņa dron Paul; im Ņa dron Apollōs; im Ņa dron Sipas; im Ņa dron Kraist.

*Jap. 3. 4. Jerb. 18. 24. Jon 1. 42.*

13 E jibil ke Kraist? ar dreball Paul kin kom ke? ak emwij baptais kom ilo etan Paul ke?

*Ep. 4. 5.*

14 Ij kamolol Anij bwe I ar jab baptais jabrewōt iamiej, elañe jab Krispōs im Gelōs;

*Jerb. 18. 8. Rom 16. 23.*

15 Bwe ejelok en ba ar baptais kom ilo eta.

16 Im bareinwōt I ar baptais ro nukin Stepanas: I jaje elañe jabrewōt bar juōn I ar baptais.

*Jap. 16. 15, 17.*

17 Bwe Kraist e ar jab jilkinlok iō bwe in baptais, a bwe in kwalok gospel: jab ilo meletlet in nan ko, Ņe dreball an Kraist e ab jitokjen.

*Jap. 2. 1. 4, 13. 2 Pit. 1. 16.*

18 Bwe nan kin dreball, nōn ro rej joko, e bwebwe; a nōn kij jej mour, e kajur an Anij.

*2 Kor. 2. 15. Jerb. 17. 18. Jap. 2. 14. & 15. 2. Rom 1. 16.*

19 Bwe emwij jeje, I naj kokkure meletlet an ro dri meletlet, im I naj kajitokjen lolātāt an ro dri jelalokjen.

*Job 5. 12, 13. Isa. 29. 14. Jer. 8. 9.*

20 Ewi dri meletlet? ewi dri jeje? ewi dri aituerōk an lōl in? Anij e ar jab kabwebweik meletlet in lōl in ke?

*Isa. 33. 18. & 44. 25. Job 12. 17, 20, 24. Rom 1. 22.*

21 Bwe ke ilo meletlet an Anij lōl e ar jab jela Anij kin meletlet eo an, ebuñburuen Anij bwe En lomoreu ro rej tōniak kin bwebwe iu kwalok nan.

*Mat. 11. 25. Rom 1. 20, 21, 23.*

22 Bwe dri Ju rej kajitōk kakōle ko, im dri Grik rej kabukot meletlet:

*Mat. 12. 38.*

23 A kim kwalok Kraist eo emwij dreball E, lōkatip nōn dri Ju, im bwebwe nōn dri allif ko;

*Isa. 8. 14. Mat. 11. 6. & 13. 57. Jap. 2. 14.*

24 A nōn ro emwij kir ir, ro dri Ju kab ro dri Grik, Kraist e kajur an Anij im meletlet an Anij.

*Rom 1. 16. Kol. 2. 3.*

25 Bwe an Anij bwebwe e meletlet jen armij, im an Anij mōjino e kajur jen armij.

26 Bwe komin lale an kir kom, ro jātiō, bwe e jab elōñ re meletlet lor kōniek, e jab elōñ ro re maroñ, e jab elōñ ro rajinjim, emwij kir ir:

*Jon 7. 48.*

27 A Anij e ar kālet men in bwebwe ko an lōl bwe En kajok ro dri meletlet; im Anij e ar kālet men in mōjino ko an lōl bwe En kajok men ko rebin;

*Mat. 11. 25. Jem. 2. 5. Sam 8. 2.*

28 Im men ko retā an lōl, im men in jekron, Anij e ar kālet, aet, im men ko re jab ber bwe En kajitokjen men ko rej ber:

*Rom 4. 17. Jap. 2. 6.*

29 Bwe ejelok kōniek en kimjaje iman mejen Anij.

*Rom 3. 27. Ep. 2. 9.*

30 A kom jen E ilo Kraist Jisōs, Eo emwij kōmōn E nōn kij meletlet jen Anij, aet, wānik, im kworjarjar im binmour:

*Jer. 23. 5, 6. Rom 4. 25. 2 Kor. 5. 21. Pil. 3. 9. Jon 17. 19. Ep. 1. 7.*

31 Bwe, einwōt emwij je, Eo ej kimjaje en kimjaje ilo IroiJ.

*Jer. 9. 23, 24. 2 Kor. 10. 17.*

## JAPTER 2.

**I**M ña, ro jätlö, ke I ar iwij ñön kom, I ar jab iwij kin konono im meletlet e kanuij emöñ, ke I ar kwalok ñön kom men eo etino an Anij.

Jap. 1. 17. 2 Kor. 10. 10. & 11. 6. Jap. 1. 6.

2 Bwe I ar bebe in jab jela jabrewöt ibemi, a Jisös Kraist, im E emwij drebaile.

Gal. 6. 14.

3 Im I ar ber ibemi ilo möjino, im ilo mijök, im ilo wurirri elap.

Jerb. 18. 1, 6, 12. 2 Kor. 11. 30. & 12. 5, 9.

Gal. 4. 13.

4 Im aö nan im aö kwalok e ar jab ilo nan in karel an meletlet, a ilo kamol in Jitöb im kajur;

2 Pet. 1. 16. Rom 15. 19. 1 Tes. 1. 5.

5 Bwe ami tömak en jab ilo meletlet in armij, a ilo kajur an Anij.

2 Kor. 4. 7. & 6. 7.

6 Ijoke kim konono meletlet iben ro re ridto: a meletlet eo e jab jen löl in, jab jen iroi ro in löl, ro re lotlok:

Jap. 14. 20. & 1. 20. & 3. 19. Jem. 3. 15.

7 A kim konono meletlet an Anij ilo men eo etino, aet, eo enojök, eo Anij e ar bebe kake mokta jen löl kö ñön ar aibujuij:

2 Tim. 1. 9.

8 Eo ejelok lan iroi ro i löl e ar jela kake: bwe elañe r'ar jela re jamin kar drebaile Iroi in aibujuij:

9 A einwöt emwij jeje, Men ko mej e ar jab loi, im lojillñ e ar jab roñjake, im re jañin dreloñ ilo buruen armij, men ko jabrewöt Anij e ar kapojök ñön ro rej yokwe E.

Isa. 64. 4.

10 A Anij e ar kwaloki ñön kij kin Jitöb: bwe Jitöb ej kabukot men otemjej, aet, men ko re mülöl an Anij.

Mat. 13. 11. Jon 14. 26.

11 Bwe wön lan armij e jela men ko an armij, a jitöb öñ armij eo ej ilo e? ein drein men ko an Anij ejelok en e jela kaki, a Jitöb öñ Anij wöt.

Pro. 20. 27. Rom 11. 33. 34.

12 A j'ar bökö, jab jitöb öñ löl, a

Jitöb eo jen Anij; bwe jen jela men ko Anij e ar wujleptok ñön kij.

Rom 8. 15.

13 Men ko kim bareinwöt konono, jab ilo nan ko meletlet an armij ej katakin, a nan ko Jitöb ej katakin; ke kobaik men ko an Jitöb ibeu nan ko an Jitöb.

Jap. 1. 17.

14 A armij kin biktokin e jab bökö men ko an Jitöb öñ Anij: bwe re men in bwebwe iben; im e jab maroñ in jela, bwe re melele kin Jitöb.

Jap. 1. 18. 23. Rom 8. 5-7.

15 A eo jen Jitöb ej ekajet men otemjej, a ejelok en ej ekajete.

Pro. 28. 5. 1 Jon 4. 1.

16 Bwe wön e ar jela lolätät an Iroi, bwe en katakin E? A lolätät an Kraist ej iber.

Isa. 40. 13. Rom 11. 34. Jon 15. 15.

## JAPTER 3.

**I**M ña, ro jätlö, I ar jab maroñ in konono ñön kom einwöt ñön ro re jen Jitöb, a einwöt ñön ro re jen köniek, einwöt ñön niñniñ ro ilo Kraist.

Jap. 2. 14, 15. Hib. 5. 12.

2 I ar najirik kom kin milk, jab kin eköñ; bwe mokta kom ar jab maroñwe: a kiö kom jañin maroñwe;

Hib. 5. 12, 13. 1 Pit. 2. 2. Jon 16. 12.

3 Bwe ñön kiö kom jen köniek: bwe ñe eor juumar im akwai ibemi, kom jab jen köniek ke, im etetal einwöt armij?

Jap. 1. 11. & 11. 18. Gal. 5. 20. Jem. 3. 18.

4 Bwe ñe juöñ ej ba, Ña dron Paul; im bar juöñ, Ña dron Apollös; kom jab armij ke?

Jap. 1. 12.

5 Inem wön Apollös? Wön Paul? Dri kaki kom ar tömak kin ir; im einwöt Iroi e ar kajulok ñön ir.

Jap. 4. 1. 2 Kor. 3. 3. Rom 12. 3.

6 I ar kallip, Apollös e ar kamorur, a Anij e ar kadreklok.

Jerb. 18. 4-11. Jap. 4. 15. & 9. 1. & 13. 1. 2 Kor. 10. 14. 15. Jerb. 18. 27. Jap. 1. 30. & 13. 10.

7 Ein drein eo ej kallip jekron. ak eo ej kamorur jekron: a Anij eo Ej kadreklok.

2 Kor. 12. 11. Gal. 6. 3.

8 Kið eo ej kallip im eo ej kamorur eirwõt juðn: im kaju iair e naj bök wõnan ekar ñõn an mōke jerb-al.

Sam 62. 12. Jap. 4. 5. Gal. 6. 4. 5.

9 Bwe kim dri jerb-al iben Anij: kom jikin kallip an Anij, kom men in kalek an Anij.

2 Kor. 6. 1. Ep. 2. 20. Kol. 2. 7. Hib. 3. 3. 4. 1 Pit. 2. 5.

10 Ekar ñõn joij an Anij emwij letok ñõn ið, einwõt dri kabel e meletlet, I ar likit foundešõn; im bar juðn ej kalek ion. A jabrewõt armij en lale ekijkan ej kalek na ion.

Rom 1. 5. & 15. 20. Rev. 21. 14.

11 Bwe ejelok armij e maroñ in likit bar juðn foundešõn jen eo emwij likite, eo Jisõs Kraist.

Isa. 28. 16. Ep. 2. 20.

12 A elañe jabrewõt armij ej kalek ion foundešõn in, gold, silver, dreka aurök, wijki, ujoj eindra, kãu;

13 Jerb-al an jabrewõt armij e naj alikar: bwe ran eo e naj kwalok e, bwe e naj walok ilo kijeek; im kijeek en e naj melejoñ jerb-al an jabrewõt armij ie ein.

Jap. 4. 5. Luk 2. 35.

14 Elañe jerb-al an jabrewõt armij, im e ar kalek na ion, e naj berwõt, e naj bök jenekijj.

Jap. 4. 5.

15 Elañe jerb-al an juðn armij e naj urur, e naj jorran: a naj lomoren e; a einwõt kin kijeek.

Jud 23.

16 Kom jab jela ke bwe kom tempel an Anij, im Jitõb õn Anij ej jokwe ilo kom?

Jap. 6. 19. 2 Kor. 6. 16. Ep. 2. 21.

17 Elañe jabrewõt armij ej kokkure tempel an Anij, Anij e naj kokkure e; bwe tempel an Anij e kwojarjar, im kom tempel eo.

18 Ejelok armij en mōke mon e. Elañe jabrewõt ej lemnok e meletlet ibemi ilo lõl in, en erom dri bwebwe bwe en meletlet.

Pro. 3. 7. Isa. 5. 21.

19 Bwe meletlet in lõl in e bwebwe iben Anij. Bwe emwij jeje, Eo ej bök dri meletlet ilo air etao.

Jap. 1. 20. & 2. 6.

20 Im bar juðn, Iroiij e jela lemnok ko an dri meletlet, bwe rej lemnok wan.

Sam 94. 11.

21 Inem ejelok armij en kimjãje kin armij røn. Bwe men ko otem-jej ami;

Jap. 1. 12. & 4. 6.

22 Elañe Paul, ak Apollõs, ak Sipas, ak lõl, ak mour, ak mij, ak men ko kið, ak men ko rej itok; otemjelok ami;

23 Im kom an Kraist; im Kraist an Anij.

2 Kor. 10. 7. Gal. 3. 29.

#### JAPTER 4.

**E**IN drein armij en lemnok kin kim, einwõt ro korijeran Kraist, im dri kōmñe men ko retino an Anij.

Jap. 3. 5. 2 Kor. 6. 4. Kol. 1. 25. Tait. 1. 7. 1 Pit. 4. 10.

2 A ijin rej kajitõkin dri kōmñe, bwe ren lo an armij tiljek.

3 A men in e kanuij rik iba bwe komij ekajet ið, ak kin ekajet an armij: aet, I jab mōke ekajet ið.

Jap. 3. 13.

5 Inem komin jab ekajet jabrewõt mokta jen ien, ñõn ien Iroiij itok, Eo e naj kamaramlok men ko renojök an marok, im kalikar bebe in buru ko; im ien eo uebar e naj iben jabrewõt armij jen Anij.

Mat. 7. 1. Rom 2. 1. 16. 29. Jap. 3. 13.

6 Im men kein, ro jãtið, I ar likit ñõn ið kab Apollõs ilo nan etino, kin kom; bwe komin katak ilo kimro men in jab elã jen men ko emwij jeje; bwe ejelok iami en utiej buruen kin juðn armij nae bar juðn.

Jap. 1. 12. & 3. 4. Rom 12. 3. Jap. 3. 21. & 5. 2.

7 Bwe wõn ej kaljiklok yuk? im ta eo ibõm, im kw'ar jab bõke? a elañe kw'ar bõke, etke kwoj kimjãje einwõt elañe kw'ar jab bõk e?

Jon 3. 27. Jem. 1. 17. 1 Pit. 4. 10.

8 Kið kom mät, kið kom mwele, kom ar Iroiij ke kim joko: im emol I kõnan bwe komin Iroiij, bwe kimin jimor Iroiij ibemi.

Rev. 3. 17.

9 Bwe, ij lemnok, Anij e ar kwelok kim dri jilik eliktata, einwöt drien mij: bwe kim meu in aluij ñön löl, im ñön enjel rön, im ñön armij rön.

Rom 8. 36. 2 Kor. 4. 11. Hib. 10. 33.

10 Kim dri bwebwe kin Kraist, a kom meletlet ilo Kraist; kim möjino, a kom kajur; kom utiej, a kim etä.

Jap. 2. 3. Jerb. 17. 18. & 26. 24. Jap. 1. 18. &c. & 2. 14. & 3. 18. 2 Kin 9. 11. 2 Kor. 13. 9.

11 Ñön auö in kim kwull, im maro, im kelwan, im rej jekanunok kim, im ejelok jikim;

2 Kor. 11. 23-27. Pil. 4. 12. Rom 8. 35. Jerb. 23. 2.

12 Im kimij jermal, im kömönmöön kin peim: ke rej kajlrere kim, kimij jar; ke rej matörtöre kim, kimij kijemij;

Jerb. 18. 3. 1 Tim. 4. 10. Mat. 5. 44.

13 Ke rej rurue kim, kim akwelap: rej kömöön kim einwöt menoknok in löl, im kobij in men otemjej, aet ñön ten in.

Jon. 3. 45.

14 I jab jeje men kein bwe in kealiklik kom, a einwöt ro nejiö jitenburu ij kowe kom.

1 Tes. 2. 11.

15 Bwe meñe e naj joñoul tausand ami dri kaki ilo Kraist, e jab elöñ jememi: bwe ilo Kraist Jisös I ar keutak kom kin gospel.

Jap. 3. 6. Gal. 4. 19. Pail. 10.

16 Inem ij akwelap ñön kom, bwe komin dri kajeöñwe ña.

Jap. 11. 1. Pil. 3. 17. 1 Tes. 1. 6. 2 Tes. 3. 9.

17 Kin men in I ar jilkinwoj ñön kom Timote, eo nejiö jitenburu im etiljek ilo Iroi, eo e naj kakemej kom kin ial ko aö ilo Kraist, einwöt ij katakin ijo ko otemjej ilo jahrewöt eklisia.

Jerb. 19. 22. Jap. 16. 10. 1 Tim. 1. 2. 2 Tim. 1. 2. Jap. 11. 2. & 7. 17. & 14. 33.

18 Kiö jet re utiej burueir, einwöt I jamin iwij ñön kom.

Jap. 5. 2.

19 A I naj jaröpwöj ñön kom elañe ankil an Iroi, im I naj jela, jab nan an ro utiej, a air kajur.

Jerb. 19. 21. Jap. 16. 5. 2 Kor. 1. 15. 23. Hib. 6. 3. Jem. 4. 15.

216

20 Bwe ailiñ in Anij e jab ilonan, a ilo kajur.

Jap. 2. 4. 1 Tes. 1. 5.

21 Ta eo kom könan? in iwij ñön kom kin ken dreñlok ke, ak ilo yokwe, im ilo jitöb in inemön?

2 Kor. 10. 2. & 13. 10.

## JAPTER 5.

**E**MOL ebuñbuñ bwe eor lüñ ibemi, im lüñ einwöt e jab iben dri pegan, bwe juön en lejen belen jemen.

Ep. 5. 3. Levai 18. 8. Dut. 22. 30. & 27. 20. 2 Kor. 7. 12.

2 Im e utiej buruemi, im kom ar jab burömöj bwe en joko jen ibemi eo e ar kömöön men in.

Jap. 4. 18. 2 Kor. 7. 7, 10.

3 Bwe emol ña, e joko enbwiniö, a ij ibemi kin aö, emwij aö ekajete, einwöt ñe ij ibemi, eo ein drein an kömöön men in,

Kol. 2. 5.

4 Ilo etan ar Iroi, Jisös, ñe emwij ami jimor kweloklok, im aö, iben kajur an Iroi, Jisös,

Mat. 16. 19. 2 Kor. 2. 10. & 13. 3, 10.

5 Komin ketök eo einwöt ñön Setan ñön kokkure köniekin, bwe an en mour ilo ran an Iroi, Jisös.

Job 2. 6. Sam 109. 6. 1 Tim. 1. 20. Jerb. 23. 13.

6 Ami kimjaje e jab emön. Kom jab jela ke bwe jirik leven ej leven aolepen iök eo?

Jap. 3. 21. & 15. 33. Jem. 4. 16. Gal. 5. 9.

7 Komin karreok kom jen leven eo emor bwe komin juön iök ekäl, im einwöt ejelok ami leven. Bwe emwij katok kin men in kijone eo ar, eo Kraist.

Jon 1. 29. Jap. 15. 3. Jon 19. 14.

8 Inem jen lale kwojkwöj, jab kin leven eo emor, im jab kin leven in junmare im nana; a kin bred ar jab leven, bred in kwojarjar im mol.

Eks. 12. 15. Dut. 16. 3.

9 I ar jejewoj ilo letter eo aö bwe komin jab kömao iben ro dri lüñ;

2 Kor. 6. 14. Ep. 5. 11. 2 Tes. 3. 14.

10 A I ar jab lemnok kin dri lüñ an löl in, ak iben dri ankwoñak im dri koaröñ, ak iben dri kabuñ ñön

ekjöp; bwe elañe ein drein, emön komin ilok jen löl:

Jan. 1. 20. & 10. 27. Jon 17. 15. 1 Jon 5. 19.

11 A eñin I ar jeje ñõn kom bwe komin jab kõmao iben juõn armij elañe naetan jimjån jimjåten im e dri lüñ, ak dri ankwõnak, ak dri kabuñ ñõn ekjöp, ak dri kajirere, ak dri karek, åk dri koaroñ; emön jab mõña iben juõn einwõt.

Mat. 18. 17. 2 Tes. 3. 6.

12 Bwe ta eo iba bwe in ekajet ro ilikin? Kom jab ekajet ro rej ber iloan ke?

Mark 4. 11. Jan. 6. 1-4.

13 A ro rej ber ilikin, Anij e naj ekajet ir. Komin jolok leo enana jen ibemi.

Dut. 13. 5. & 17. 7.

### JAPTER 6.

**J**ABREWÖT iami, eor an akwaile dri turin, e beran in ilok ilo kien iman mejen ro re jab wånik, im jab iman mejen ro remön ke?

2 Ak kom jab jela ke bwe ro remön re naj ekajet löl? im elañe kom naj ekajet löl, kom betkake in ekajet men ko redriktata ke?

Dan. 7. 22. Mat. 19. 28. Rev. 2. 28.

3 Kom jab jela ke bwe je naj ekajet enjel ro, im enañin laplok men ko an mour in?

2 Pit. 2. 4. Jud 6.

4 Inem elañe eor ami ekajet kin men ko an mour in, komij likit ke ro jekron ilo eklisia bwe ren ekajet kaki?

Jan. 5. 12.

5 Ij ba men in bwe in keåliklik kom. Emol ke re ban lo juõn dri meletlet lolapemi, eo e naj maroñ in ekajet ikotan ro jein im jåtin?

6 A ro jimjån jimjåten rej akwaile dron ilo kien, im men in iman ro re jab tõmak.

7 Inem ebwir otem bwir ibemi, bwe komij akwaile dron ilo kien. Etke e jab emön ibemi bwe komin jorran? etke e jab emön ibemi bwe ren bök men ko ami ilo mon?

Pro. 20. 22. Mat. 5. 39.

8 A komij kejjorran, im bök ilo

mon, im men in ñõn ro jeimi im jåtõmi.

1 Tes. 4. 6.

9 Ak kom jab jela ke bwe ro re jab wånik re jamin bök air jolit aillñ in Anij? Komin jab bwir; ejelok dri lüñ, ak dri kabuñ ñõn ekjöp, ak dri lejen, ak dri ejej, ak dri Sodõm,

Jan. 15. 50. Gal. 5. 21. Ep. 5. 5.

10 Ak dri kwot, ak dri ankwõnak, ak dri karek, ak dri kajirere, ak dri koaroñ, e naj bök an jolit aillñ in Anij.

11 Im jet iami kar eirwõt: a emwij kwoli kom, a emwij kokwojarjar kom, a emwij kowånik kom ilo etan IroiJ Jisõs Kraist, im ilo Jitõb õn ar Anij.

Jan. 12. 2. Ep. 2. 2. Jan. 1. 30. Hib. 10. 22.

12 Men otemjej remelim ñõn iõ, a jab men otemjej rej kakajuror. Men otemjej remelim ñõn iõ, a jamin kötålk iõ ilo maroñ an jabrewõt.

Jan. 10. 23.

13 Ekõn ko ñõn loje, im loje ñõn ekõn ko: a Anij e naj kokkure e im ir. A enbwir e jab ñõn lüñ, a ñõn IroiJ; im IroiJ ñõn enbwir.

Mat. 15. 17. Ep. 5. 23.

14 Aet, im Anij e ar kejjerkakbijI IroiJ, im E naj bareinwõt kejjerkakbijI kij kin kajur eo An.

Rom 6. 5. Ep. 1. 19.

15 Kom jab jela ke bwe enbwinemil ran Kraist? inem in böklok ke ran Kraist im kõmõne ran kõra ekijõñ? En jab eñin.

Rom 12. 5. Ep. 5. 30.

16 Ak kom jab jela ke bwe eo ej koba iben kõra ekijõñ e juõn wõt enbwinilir? bwe Ej ba, Ruo re naj juõn wõt kõniek.

Jen. 2. 24. Mat. 19. 5.

17 A eo ej koba iben IroiJ rejro juõn jitõb.

Jon 17. 21-23. Ep. 4. 4.

18 Komin ko jen lüñ. Jabrewõt jerawilwi an armij kõmõn, e ellkin enbwinin; a eo ej lüñ ej mõke jerawilwi nae enbwinin.

Rom 6. 12, 13. Hib. 13. 4. Rom 1. 24. 1 Tes. 4. 4.

19 Ak kom jab jela ke bwe enbwinemi tempel an Jitöb Kwojarjar eo Ej ilo kom, Eo ibemi jen Anij? In kom jab ami möke;

Jap. 3. 16. 2 Kor. 6. 16. Rom 14. 7. 8.

20 Bwe emwij wiaik kom kin juöu wönan: inem komlu kalbujulij Anij ilo enbwinemi.

Jerb. 20. 28. Jap. 7. 23. Gal. 3. 13. Hib. 9. 12. 1 Pit. 1. 18, 19. 2 Pit. 2. 1. Rev. 5. 9.

### JAPTER 7.

**K**IÖ kin men ko kom ar jeje kaki: emöu ñöu armij bwe en jab uñir köra.

2 Ijoke, kin lüñ ko, jabrewöt eman en iben lio belen, im jabrewöt köra en iben leo belen.

3 Leo en lelok men eo ekar ñöu lio belen: im bareinwöt lio ñöu leo belen.

Eks. 21. 10. 1 Pit. 3. 7.

4 Ejelok an lio möke maroñ ion enbwinin, a leo belen: im ein drein leo ejelok an möke maroñ ion enbwinin, a lio belen.

5 Komin jab elikinjipjip dron, elañe e jab ilo juöu ien in buruemi wöt juöu, bwe komin lelok kom ñöu jar; im bar ber iben dron, bwe Setan en jab kabo kom kin ami möjino.

Joel 2. 16. Zek. 7. 3. Eks. 19. 15. 1 Tes. 3. 5.

6 A ij ba men in einwöt kamelim, im jab eluwöt kañil.

2 Kor. 8. 8.

7 A I könan bwe armij otemjej ren einwöt ña. A jabrewöt armij ej böc men in letok eo an jen Anij, juöu ein drein, im bar juöu ein juöu.

Jerb. 26. 29. Jap. 9. 5. Mat. 19. 12.

8 Inem ij ba ñöu ro re jañin belele, kab ro ejoko beleir, Emöu elañe rej ber im einwöt ña.

9 A elañe re jab maroñ möke lair, ren belele: bwe emöu ñe rej belele jen ñe rej urur.

1 Tim. 5. 14.

10 Im ñöu ro emwij air belele ij karoñ, jab ña, a Iroj, Lio en jab jibil jen leo belen

Mal. 2. 16. Mat. 5. 32.

11 (A elañe ej jibil, en berwöt im 218

jab bar belele, ak en bar yokwe leo belen); im leo en jab ilok jen lio belen.

12 A ñöu ro jet ña ij ba, jab Iroj: Elañe juöu ian jimjān jimjāten eor belen eo e jab tömak, im lio e mönönö in jokwe iben, leo en jab ilok jen lio belen.

13 Im köra eo eor belen, im e jab tömak, im leo emöuñöu in jokwe iben, lio en jab ilok jen leo belen.

14 Bwe leo e jab tömak kokwojarjar e kin lio belen, im lio e jab tömak kokwojarjar e kin leo belen: elañe jab ein drein ro nejemi re jab erre; a kiö re kwojarjar.

Mal. 2. 15.

15 A elañe eo e jab tömak ej ilok, en ilok. Juöu ian jimjān jimjāteh man ak köra ejelok lukjeu ñe ein drein: a Anij e ar kir kij ilo aine-möu.

Rom 14. 19.

16 Bwe ekijkan am jela, O köra, elañe kwo naj lomoren leo beleöm? ak ekijkan am jela, O man, elañe kwo naj lomoren lio beleöm?

1 Pit. 3. 1.

17 A einwöt Iroj e ar kajulok ñöu jabrewöt armij, im einwöt Anij e ar kir jabrewöt, ein drein en etal. Ein drein ij kañil ilo eklisia otemjej.

2 Kor. 11. 28.

18 Ar kir juöu armij e dri mijmij ke? en jab erom jabmijmij. Ar kir juöu ilo jabmijmij ke? en jab mijmij.

Jerb. 15. 1, 5, 19, 24, 28. Gal. 3. 2.

19 Mijmij e jitokjen, im jabmijmij e jitokjen; a kejbärok kien ko an Anij.

Gal. 5. 6. Jon 15. 14. 1 Jon 2. 8. & 3. 24.

20 Jabrewöt armij en berwöt lio jeral eo ar kir e lioan.

21 Ar kir yuk ke dri kamakoko? en jab men in limam. A elañe kwoj maroñ in anemkwojam, emöu kömön einwöt.

22 Bwe dri kamakoko eo emwij kir e ilo Iroj, e dri anemkwojan Iroj: bareinwöt dri anemkwojan eo emwij kir e, e korijeran Kraist.

Jon 8. 36. Pall. 16. Jap. 9. 21. Gal. 5. 12.



23 Emwij wiaik kom kin juõn wõnan, komin jab korijeran armij.  
Jap. 6. 20. Levai 25. 42.

24 Ro jãtiõ, jabrewõt armij, ilo men eo emwij kir e iloan, ilo men in en berwõt iben Anij.

25 Kiõ kin virjin ro, Iroj e ar jab karoñ iõ: a ij lewoj aõ bebe, einwõt juõn I ar bõk joi jjen Iroj bwe in tiljek.

2 Kor. 8. 8, 10. 1 Tim. 1. 12, 16. Jap. 4. 2.

26 Inem ij lemnok emõn men in kin jorran in iber, aet, emõn ñõn armij bwe en berwõt ein drein.

27 Kwo eoyu ke iben kõra? kwon jab bukot jeltõm: kwo mejõl ke jen kõra? kwon jab bukot juõn kõra.

28 A elañe kwoj belele, kw'ar jab jerawiwi; im elañe juõn virjin ej belele, e ar jab jerawiwi. Ijoke ro eirwõt e naj eor iñtan ibeir ilo kõniek: im I kõnan tiriamokake kom.

29 A ij ba men in, ro jãtiõ, e karu ien jen kiõ, bwe ro eor kõra beleir ren einwõt ñe ejelok ibeir;

Rom 13. 11. 1 Pit. 4. 7. 2 Pit. 3. 8, 9.

30 Im ro rej jõñ ren einwõt re jab jõñ; im ro rej lõñliñ ren einwõt re jab lõñliñ; im ro rej wiaik ren einwõt ñe ejelok ibeir;

31 Im ro rej jerbale lõl in ren einwõt re jab kanuj jerbale: bwe wãwen lõl in ejokolak.

Jap. 9. 18. Sam 30. 6. Jem. 1. 10. & 4. 14. 1 Pit. 1. 24. 1 Jon 2. 17.

32 A I kõnan bwe en ejelok men in kabwir kom. Leo e jab belele e bwiren lale men ko an Iroj, ekijkan an kabuñburuen Iroj;

1 Tim. 5. 5.

33 A leo ebelele e bwiren lale men ko an lõl, ekijkan an kabuñburuen ilo belen.

34 Im kõra eo ebelele ein juõn jen virjin eo. Ilo e jab belele e bwiren lale men ko an Iroj, bwe en kwojarjar ilo enbwiniu im ilo an; a ilo ebelele e bwiren lale men ko an lõl, ekijkan eu kabuñburuen leo belen.

Luk 10. 40, 42.

35 Im ij konono men in bwe in

kakajuror kom; jab bwe in liktoik kom, a kin men eo ekar, im bwe komin jerbale ñõn Iroj im ejelok men in kabwir.

36 A elañe juõn armij ej lemnok e jab emõn au kõmõn ñõn virjin eo nejin, ñe ilo e torbel, im men in wõt emõn, en kõmõn men eo e kõnan, e jab jerawiwi; ren belele.

37 Ijoke eo ej jutõk bin ilo buruen, im ejelok men in kabwir e, a eor an marõñ ion ankil an, im e ar bebe ilo buruen bwe en kejbãrok virjin eo nejin, ej kõmõn emõn.

38 Ein drein eo ej lelok virjin eo ilo belele ej kõmõn emõn; im eo e jab lelok ilo ilo belele emõnlok an kõmõn.

Hib. 13. 4.

39 Kõra ej illuk toõn an mour leo belen; a elañe leo belen e mij, e mejõl bwe en belek leo e kõnan; ilo Iroj wõt.

Rom 7. 2. 2 Kor. 6. 14.

40 A e mõnõnõlok elañe ej berwõt, ilo aõ bebe: im ij lemnok bwe bar-einwõt Jitõb õn Anij iba.

1 Tes. 4. 8.

## JAPTER 8.

**K**IÕ kin men in katok ñõn ekjõp ko, je jela bwe eor jela iber otemjej. Jela ej koutlej buru, a yokwe ej kalek.

Jerb. 15. 20. Rom 14. 3, 10, 14, 22.

2 Elañe jabrewõt armij ej lemnok e jela jabrewõt, e jañin jela einwõt en kar jela.

Jap. 13. 8, 9, 12. Gal. 6. 3. 1 Tim. 6. 4.

3 A elañe jabrewõt armij ej yokwe Anij, Anij e jela e.

Eks. 33. 12, 17. Nah. 1. 7. Gal. 4. 9.

4 Inem kin mõña men ko emwij lelok ñõn ekjõp ko ilo katok, je jela bwe ekjõp e jekron ilo lõl, im bwe ejelok anij a Juõn wõt.

Isa. 41. 24. Jap. 10. 19. Dut. 4. 29.

5 Bwe meñe eor rej naetair anij rõn, elañe i lõñ ak i lõl; einwõt elõñ anij, im elõñ Iroj;

Jon 10. 34.

6 A iber juõn Anij, Jemer, jen E

men ko otemjelok, im kij lo E: im juon Iroj, Jisus Kraist, kin E men ko otemjelok, im kij kin E.

Mat. 2. 16. Kap. 4. 4. Jeru. 17. 21. Rom. 11. 27. Jeru. 2. 27. Pa. 2. 13. Jib. 1. 2.

7 A jela in e jab iben armij otem-  
jej; a jet, kin air minene kin ekjöp  
ñon ien in, rej mōña einwöt men  
in katok ñon ekjöp; im kanaanik  
air bökliköt emōjino.

Jap. 10. 28. 29. Rom. 14. 14. 23.

8 A ekōn e jamin kaljikilok kij  
lman mejen Anij: bwe elañe je jab  
mōña je jab nanalok; ak elañe jej  
mōña je jab emōnlök.

Rom. 14. 17.

9 A komln lala bwe maroñ in ami  
on jab lökatip ñon ro remōjino.

Gal. 5. 13. Rom. 14. 13. 20.

10 Bwe elañe juon armij ej lo yuk,  
kweo kwo jela, jiberak im mōña  
lo tempel in ekjöp, bökliköt an leo  
emōjino e jamin beran in mōña  
men ko, men in jurtak ñon ekjöp  
ko?

Jap. 10. 28. 32.

11 Bwe kin am jela, e joko dri mō-  
jino, Jlmjān Jlmjāten eo Kraist e ar  
mij kin e.

12 A ño etn drein ami jerawli  
nao Jlmjān Jlmjāten im kakinjnj  
air bökliköt emōjino, komij jera-  
wli nao Kraist.

Mat. 25. 40. 45.

13 Inem, elañe mōña ej lökatipe  
jelö im jätlö, I jamin mōña kōnlek  
in drlo, bwe in jab lökatipe jelö im  
jätlö.

2 Kor. 11. 20.

JAPTER 9.

**N**A I jab nuemkwojad ke? I jab  
dri jilik ke? I ar jab lo Jisus  
ar Iroj ke? kom jab ad jermal ilo  
Iroj ke?

Jeru. 13. 2. & 20. 17. 2 Kor. 12. 12. 1 Tim.  
2. 7. 2 Tim. 1. 11. Jeru. 9. 3. 17. & 18. 9.  
& 22. 14. Jap. 3. 6.

2 Elañe I jab dri jilik ñon ro jet,  
a emol ña juon ñon kom: bwe kom  
ad an ad dri jilik ilo Iroj.

2 Kor. 3. 2.

3 Ad nau in uak ñon ro rej kaji-  
töktu id estin.

4 E jab melim ke ñon kim bwe  
kimin mōña im irak?

1 Tes. 2. 6. 2 Tes. 3. 2.

5 E jab melim ke ñon kim bwe  
kimin tellok ibemlok belem dri tö-  
mak. im einwöt dri jilik ro jet, im  
lömaro jätin Iroj, im Sipas?

Mat. 13. 55. Mat. 2. 14.

6 Ak ña wöt kab Barnebas, e jab  
melim ke ñon kimro bwe kimin  
jab jermal?

7 Wōn ej ilen törinae jabrewöt ien  
im e möke kōmōn kapjeran? Wōn  
ej kalibwin bwil in grep, im e jab  
mōña jen leen? wōn ej najirik bwi-  
jin kiru rawie, im e jab mōña jen  
milk in bwij eo?

2 Kor. 10. 4. Dut. 20. 6. Pro. 27. 18. Jap. 3.  
6-8. 1 Jon 21. 15.

8 Ij konono men kein einwöt ar-  
mij ke? ak kien e jab bareinwöt ba  
men kein ke?

9 Bwe ilo kien Moses emwij jeje,  
Kwon jab binej loñin kau koman  
ej jujure korn. Anij ej lala kau,

Dut. 25. 4. 1 Tim. 5. 18.

10 Ak ñon kij wöt ej ba ke? Aet  
ñon kij emwij jeje, bwe eo ej plau  
emōn en plau ilo kejatrikrik, im  
dri dreñlokwe korn en dreñlokwe  
ilo kejatrikrik in bök kij eo an.

2 Tim. 2. 6.

11 Elañe kim ar jeor ñon kom  
men ko an Jitöb, men in elap ke  
elañe kimij marmir ilo ami men in  
kōniek?

Rom. 15. 27.

12 Elañe ro jet eor air maroñ iomi,  
e jab laplok ibem ke? Ijoke kim  
ar jab kōmōn ilo maroñ in; a kim  
iñtan kake men ko otemjej bwe ki-  
min jab karumij gospel an Kraist.

Jeru. 20. 31. 2 Kor. 11. 7. 9. & 12. 13. 2 Kor.  
11. 12.

13 Kom jaje ke bwe ro rej jermal  
kin men ko rokwojarjar rej mōña  
jen tempel, im ro rej jermal iturin  
lokatok rej bök air kij iben lokatok  
eo?

Levai 6. 16. 26. & 7. 6. Rwin. 5. 9. 10. & 18.  
& 20. Dut. 10. 9. & 18. 1.

14 Ein drein Iroj e ar likit bwe ro

rej kwalok gospel ren mour jen gospel.

Mat. 10. 10. Luk 10. 7. Gal. 6. 6. 1 Tim. 5. 17.

15 A I ar jab kōmōn kin men kein: im I jab jeje men kein bwe ren kōmōn einwōt nōn iō: bwe emōn nōn iō bwe in mij, jen bwe jabrewōt en kajitokjen unin aō kimjāje.

Jerb. 18. 3, 12. 2 Kor. 11. 10.

16 Bwe elañe ij kwalok gospel, ejelok iba bwe in kimjāje kake; bwe men in e relel ilo buruō, bwe Wo nōn iō elañe I jab kwalok gospel.

Rom 1. 14.

17 Bwe elañe I jilkaie in kōmōn men in, eor aō jenekjij: a elañe I makoko, juōn jeral in kōmñe letok nōn iō.

Jap. 3. 8, 14. & 4. 1. Gal. 2. 7. Pil. 1. 17. Kol. 1. 25.

18 Inem ta jenekjij eo aō? bwe, ke ij kwalok gospel, in kōmōn gospel ejelok wōnan, bwe in jab kanuij kwalok aō maroñ ilo gospel.

2 Kor. 11. 7. Jap. 7. 31.

19 Bwe meñe ij anemkwojaō jen armij otemjej, I ar mōke dri kori-jeran otemjej, bwe en lōñlok aō jibarek ir.

Gal. 5. 13. Mat. 18. 15.

20 Im I ar einwōt dri Ju nōn dri Ju ro, bwe in jibarek dri Ju; nōn ro iomin kien, einwōt iomin kien, meñe I jab iomin kien, bwe in jibarek ro rej ber iomin kien;

Jerb. 18. 3. & 18. 18. & 21. 23.

21 Nōn ro ejelok kien ibeir, einwōt ejelok kien iba, ke I jab anemkwojaō jen kien Anij, a iomin kien Kraist, bwe in jibarek ro ejelok kien ibeir.

Gal. 3. 2. Rom 2. 14. Jap. 7. 22.

22 Nōn ro remōjino fia ij mōjino, bwe in jibarek ro re mōjino. Na men otemjej nōn armij otemjej bwe kin otemjej in lomoren jet.

2 Kor. 11. 20. Jap. 10. 33. Rom 11. 14. & 15. 1.

23 A men otemjej ij kōmōni kin gospel, bwe in dri bōk mōtōn eo iben ro jet.

24 Kom jab jela ke bwe ro rej etōr

ilo iaikwij, ir otemjej rej etōr a juōn wōt ej bōk mejenkajik? Komin etōr einwōt bwe komin tōbrōk.

Pil. 2. 16. & 3. 14. Hib. 12. 1.

25 Im jabrewōt armij eo ej iaikwij kin mejenkajik e jadōr ilo men otemjej. Ir rej kōmōn men in bwe ren jibarek rojenbōr e mor mōkōj; a kij eo e jamin mor.

Ep. 6. 12. 2 Tim. 2. 5. & 4. 7. 2 Tim. 4. 8. Jem. 1. 12. 1 Pit. 5. 4. Rev. 2. 10. & 3. 11.

26 Inem ein drein fia ij etōr, jab einwōt I toñōñ; ein drein ij jekanonōk, im jab einwōt dreflok kōto: 27 A ij jekanonōk enwiniō, im kamakokoik e, bwe ilo jabrewōt, mōjen aō kwalok gospel nōn ro jet, fia in jab joko.

Kol. 3. 5. Rom 6. 19. Jer. 6. 30. 2 Kor. 13. 5, 6.

## JAPTER 10.

**B**W E jab kōnan bwe komin jaje, ro jātiō, ekijkan ro jimam r'ar ber iomin kōro, im ir otemjej r'ar elā jen ilujen lomalo;

Eks. 13. 21. & 14. 22. Bwin. 9. 18. & 33. 8.

2 Im ir otemjej r'ar baptais nōn Moses ilo kōro eo im ilo lomalo;

3 Im ir otemjej r'ar mōña kōn in jītōb wāwen wōt juōn;

Eks. 16. 15, 35.

4 Im ir otemjej r'ar irak lmen jītōb wāwen wōt juōn; bwe r'ar irak jen Ejman e jītōb im E ar lor ir: im Ejman eo Kraist.

Eks. 17. 6. Dut. 9. 21. Sam 105. 41.

5 A iben elōñ iair Anij e ar jab buñburuen: bwe ar kokkure ir ilo ene jemaren.

Bwin. 14. 20, 32, 35. & 26. 64, 65. Sam 106. 26. Hib. 3. 17. Jud 5.

6 Ak men kein joñok nōn kij, bwe jen jab ankwōnak men ko reuana, im einwōt ir r'ar ankwōnaki.

Bwin. 11. 4. Sam 106. 14.

7 Im komin jab kabuñ nōn ekjōp, einwōt jet iair; einwōt emwij jeje, Armij r'ar jijōt in mōña im Irak, im juten kuri.

Eks. 32. 6.

8 Im jen jab lūñ, einwōt jet iair

r'ar lūñ, im mij ilo juōn ran roñoul im jilu tausau.

Jap. 6. 18. Rev. 2. 14. Bwin. 25. 1, 9. Sam 106, 29.

9 Im jen jab kōjake Iroiĵ, einwōt jet lair r'ar kōjake, im re joko kin serpent ko.

Eks. 17. 2, 7. Bwin. 21. 5, 6.

10 Im komin jab wanōketak, einwōt jet lair r'ar wanōketak, im re joko kin dri kokkure eo.

Bwin. 14. 2, 29, 37. & 16. 41, 49. Eks. 12. 23. 2 Samuel 24. 16. 1 Kron. 21. 15.

11 A men kein r'ar walok ibelr ñōn joñok; in emwij je ir nan in kowe kij, kijeo len ko eliktata r'ar itok ioer.

Rom 15. 4. Jap. 7. 29. & 9. 10. Pil. 4. 5. 1 Jon 2. 18.

12 Kin men in, eo ej lemnok ej jutōk, en lale bwe en jab buñ.

Rom 11. 20.

13 Ejelok men in kabo e ar bōk kom, a eo armij rej maroñwe: a Anij e tiljek, im E jamin likit bwe ren kabo kom elap jen ami maroñ; a ilo men in kabo E naj kōmōn ial in ko, bwe komin maroñwe.

Jap. 1. 9. Sam 125. 3. 2 Pit. 2. 9. Jer. 29. 11.

14 Kin men in, kom jitenburu iba, komin ko jen kabuñ ñōn ekjōp ko.

2 Kor. 6. 17. 1 Jon 5. 21.

15 Ij konono einwōt ñōn dri metlet; komin lemnok kin men eo ij ba.

Jap. 8. 1.

16 Kōp in jerammōn, eo kimij jare, e jab kōmao in bōtōktōkin Kraist ke? Bred eo kim ruje, e jab kōmao in enbwinin Kraist ke?

Mat. 26. 26-28. Jerb. 2. 42.

17 Bwe kij jelōñ jej juōn bred, juōn enbwin: bwe kij otemjej bōk mōtōn bred wōt juōn.

Rom 12. 5. Jap. 12. 27.

18 Lale dri Israel rej ilo kōniek: ro rej mōña men in jurtak ko re jab dri kōmao in lokatok ke?

Gal. 6. 16. Rom 4. 1, 12. & 9. 3, 5. 2 Kor. 11. 18.

19 Inem ta eo ij ba? bwe men in jurtak ñōn ekjōp e jab jekron ke? ak bwe ekjōp e jab jekron ke?

Jap. 8. 4.

222

20 A ij ba, bwe men ko dri pegan rej katok kaki rej katok ñōn dimon rōn, im jab ñōu Anij: im I jab kōnan bwe komin kōmao iben dimon rōn.

Dut. 32. 17. Sam 106. 37. Rev. 9. 20.

21 Kom jab maroñ in irak kōp in Iroiĵ, im kōp in dimon rōn; kom jab maroñ in mōña jen tebel au Iroiĵ, im jen tebel in dimon rōn.

2 Kor. 6. 15, 16. Dut. 32. 38.

22 Ak jej kaillu Iroiĵ ke? Je kajur jen E ke?

23 Men otemjej remelim; a jab men otemjej rej kakajuror. Men otemjej remelim; a jab men otemjej rej kalek.

Jap. 6. 12.

24 Ejelok armij en kabukot men eo ej jibōñ e mōke, a men eo ej jibōñ dri turin.

Rom 15. 1, 2. Jap. 13. 5. Pil. 2. 4, 21.

25 Men eo jabrewōt rej wiakake ilo jikin wia kōniek, komin mōña, im jab kajitōk kake kin bōklikōt;

26 Bwe lōl an Iroiĵ, kab men ko ej obrōk kaki.

Sam 24. 1. & 50. 12.

27 Elañe juōn ian ro re jab tōmak ej jiroñ kom kin kwojkwoj, im kom kōnan ilok; men eo jabrewōt rej likit imami komin mōña, im jab kajitōk kake kin bōklikōt.

Luk 10. 7.

28 A elañe juōn armij ej ba ñōn kom, Emwij katok kin men in, komin jab mōña, kin eo e ar bakajen, im kin bōklikōt:

Jap. 8. 10, 12. Dut. 10. 14.

29 Bōklikōt, ij ba, e jab am, a an eo juōn; bwe etke ekajet anemkwojaō kin bōklikōt an bar juōn.

Rom 14. 16.

30 Elañe ña ij bōk kijeo aō kin joij, etke rej konono nana kin lō kin men eo ij kamolol kake?

1 Tim. 4. 3, 4.

31 Inem elañe komij mōña ak irak ak kōmōn jabrewōt, komin kōmōn men otemjej ñōn albuĵul an Anij.

Kol. 3. 17. 1 Pit. 4. 11.

32 Komin jab lõkatipi dri Ju, ak dri Grik, ak eklisia an Anij;

Rom 14. 13. 2 Kor. 6. 3. Jerb. 20. 23. jap. 11. 22. 1 Tim. 3. 5.

33 Einwõt ña ij kabuñburuen ro otemjej ilo men otemjej, im jab bukot aõ men in kakajuror, a an ro relõñ bwe ren mour.

Rom 15. 2.

### JAPTER 11.

**K**OMIN dri kajeoñwe ña, einwõt ña ij bareinwõt dri kajeõnwu Kraist.

jap. 4. 16.

2 A ij nebar kom, ro jãtiõ, bwe komij kememey lõ ilo men otemjej, im drebij katak ko, einwõt I ar lewoj ñõn kom.

jap. 4. 17. & 7. 17. 2 Tes. 2. 15. & 3. 6.

3 A I kõnan bwe komin jela bwe bõran jabrewõt man Kraist; im bõran kõra man; im bõran Kraist Anij.

Ep. 5. 23. Jen. 3. 16. 1 Tim. 2. 11. Jon 14. 23. jap. 3. 23. & 15. 27, 28. Pil. 2. 7-9.

4 Jabrewõt eman ej jar ak drikani, im e libubu, ej kajok bõran.

jap. 12. 10, 23. & 14. 1, 3-6.

5 A jabrewõt kõra ej jar ak drikani, im e jab libubu bõran, ej kajok bõran: bwe men eo einwõt elañe eål bõran.

Jerb. 21. 9. Dut. 21. 12.

6 Bwe elañe kõra e jab libubu, en bareinwõt mijbar: a elañe men in jok ñõn kõra bwe en mijbar ak eål bõran, en libubu.

Bwin. 5. 18. Dut. 22. 5.

7 Bwe emol man en jab kalibubu bõran, bwe e ein im aibujuij an Anij: a kõra e aibujuij an man.

Jen. 1. 28.

8 Bwe man e jab jen kõra; a kõra jen man.

Jen. 2. 21, 22.

9 Bwe bareinwõt ar jab kõmõn-mõn mau ñõn kõra, a kõra ñõn man.

Jen. 2. 18.

10 Kín men in emõn en or kakõlen kajur ion bõran kõra kin enjel rõn.

Jen. 24. 65. Ekl. 5. 6.

11 Ijoke kõra e jab jibil jen man, ak man jibil jen kõra, ilo Iroj.

Gal. 3. 28.

12 Bwe einwõt kõra e jen man, bareinwõt man kin kõra; a men otemjej jen Anij.

Rom 11. 36.

13 Komin ekajet mõk ibemi: ekar ke bwe kõra en jar ñõn Anij im e jab libubu bõran?

14 E jab mõke alikar ñõn kom ke, bwe elañe juõn eman e aitok kolan bõran, e men in kajok e?

15 A elañe e aitok kolan bõran juõn kõra, e men in kalbujujij e: bwe emwij lelok kolan bõran ñõn e men in kalibubu.

16 A elañe jabrewõt armij e kõnan akwail, ejelok mõnit einwõt ibem, im ejelok iben eklisia ko an Anij.

1 Tim. 6. 4. jap. 7. 17. & 14. 33.

17 A ilo aõ jiroñ kom men in, I jab nebar kom, bwe komij kweloklok jab kin emõnlok a kin nanalok.

18 Bwe mokta jen men otemjej, ke komij kweloklok ilo eklisia ij roñ bwe eor limõjnonu ibemi, im I nañin tõmak e.

jap. 1. 10. & 3. 3.

19 Bwe emõn bareinwõt en eor kiojõljõl ibemi, bwe ro lejokmen ren alikar ibemi.

Mat. 18. 7. Luk 17. 1. Jerb. 20. 30. 1 Tim. 4. 1. 2 Pit. 2. 1, 2. Luk 2. 35. 1 Jon 2. 19. Dut. 13. 3.

20 Inem ñe komij jimor kweloklok ilo juõn jikin, kom jab maroñ in mõña kejota an Iroj:

21 Bwe ilo ami mõña, jabrewõt ej bõk mokta kejota eo an; im juõn e kwuli, im bar juõn e karek.

2 Pit. 2. 13. Jud 12.

22 Ta? e jab or ke mo ko imwemi bwe komin mõña im Irak ie? ak komij kejekron eklisia an Anij ke, im kajok ro ejelok iben? Ta eo in ba ñõn kom? in nebar kom ilo men in ke? I jab nebar kom.

jap. 10. 32. Jem. 2. 6.

23 Bwe I ar bõk jen Iroj men eo I ar bareinwõt lewoj ñõn kom, Bwe Iroj Jisõs boñ eo ar ketõk E, E ar bõk bred;

jap. 15. 3. Gal. 1. 1, 11, 12. Mat. 23. 26. Mark 14. 22. Luk 22. 19.

24 Im ke emwij An jar, Ej ruje, im ba, Eñin enbwinið ej ñðu kom: komin kòmøn men in ilo ememej Ið.

25 Im ein drein bareinwõt Ej bøk kòp, elikin kejota, im ba, Kòp in kalimur eo ekäl- ilo bõtòktòkið: komin kòmøn men in, ien otemfej komij irake, ilo ememej Ið.

26 Bwe ien otemfej komij mõiña bred in, im irak kòp in, komij kwalok mij an Iroiñ ñòn ien eo Ej itok. Jon 14. 3. & 21. 22. Jap. 4. 5. & 15. 23. 1 Tes. 4. 16. 2 Tes. 1. 10. Jud 14. Rev. 1. 7.

27 Kin men in jabrewõt eo, e jab jime an mõiña bred ak irak kòp an Iroiñ, eor ruðn kin enbwiniñ im bõtòktòkin Iroiñ.

Bwin. 9. 10. 13. Jon 6. 51. 63. 64. & 13. 27.

28 A armij en melejoñ møk bu-ruen, im ein drein en mõiña bred in, im irak kòp in.

2 Kor. 13. 5. Gal. 6. 4.

29 Bwe eo ej mõiña im irak, ej mõiña im irak liakelok ñòn e, elañe e jab kill enbwiniñ.

Rom 13. 2.

30 Kin men in elðñ remòjino im nañinmij ibemi, im elðñ rej kiki.

31 A elañe e kar emwij ar møkke jela kajer, jamin kar ekajet kij.

Sam 22. 5. 1 Jon 1. 9.

32 A ke ekajet kij, Iroiñ ej kajeik kij, bwe ren jab liakelok kij iben löl.

Sam 94. 12. 13. Hib. 12. 5-11.

33 Kin men in, ro jätid, ñe komij kweloklok in mõiña, komin kòtar dron.

34 Elañe juðn armij e kwuli, en mõiña i mweo imøn; bwe komin jab kweloklok ñòn liakelok. Im men ko jet I naj kajime ñe ij iwij.

Tait. 1. 5. Jap. 4. 19. & 7. 17.

## JAPTER 12.

**K**IÐ kin men ko an Jitòb letok, ro jätid, I jab kònau bwe komin jaje.

Jap. 14. 1. 37.

2 Kom jela, ke kom ar dri pegan, kom ar lorlok ekjòp re bau kouono, einwõt ar tel kom.

Jap. 6. 11. Ep. 2. 11. 12. 1 Tes. 1. 9. 1 Pit. 4. 3. Sam 115. 5.

3 Kin men in ij kajelaik kom, bwe ejelok armij ej kouono kin Jitòb ðn Aulj im ba, Anatema Jisòs; im ejelok e maroñ in ba, Jisòs e Iroiñ, a kin Jitòb Kwojarjar.

Mark 9. 29. 1 Jon 4. 2. 3. Mat. 16. 17. Jon 15. 26.

4 Kið men in letok ko re jab einwõt juðn, a juðn wõt Jitòb.

Rom 12. 4-8. Hib. 2. 4. 1 Pit. 4. 10. Ep. 4. 4. 7.

5 Im eor kòmøn ko re jab einwõt juðn, im juðn wõt Iroiñ.

6 Im eor jerbale ko re jab einwõt juðn, a juðn wõt Aulj eo Ej jerbale men otemfej ilo otemfej.

Ep. 1. 23.

7 A emwij lelok ñòn jabrewõt armij an Jitòb walok bwe en møkke kakajuror kake.

Jap. 14. 26. 1 Pit. 4. 10. 11.

8 Bwe ñòn juðn ar lelok kin Jitòb nan in meletlet; ñòn bar juðn nan in jela, ekar ñòn Jitòb eo;

Jap. 1. 5. & 2. 6, 7. & 13. 2. 2 Kor. 8. 7.

9 Im ñòn bar juðn tòmak, ilo Jitòb eo; im ñòn bar juðn kòbòkòkòk ko ilo juðn wõt Jitòb;

Mat. 17. 19, 20. Jap. 13. 2. 2 Kor. 4. 13.

10 Im ñòn bar juðn kòmønnumøn men in bwilòñ ko; im ñòn bar juðn drikanij ko; im ñòn bar juðn kili jitòb røn; im ñòn bar juðn konono kin lo ko; im ñòn bar juðn kemeleleik lo ko:

Mark 16. 17. Gal. 3. 5. Rom 12. 6. Jap. 13. 2. 1 Jon 4. 1. Jerb. 2. 4. & 10. 46.

11 A juðn E juðn wõt Jitòb ej jerbale men kein otemfej, im ajej ñòn jabrewõt armij einwõt E kònau.

Rom 12. 6. Jap. 7. 7. 2 Kor. 10. 13. Ep. 4. 7. Jon 3. 8. Hib. 2. 4.

12 Bwe einwõt enbwin e juðn wõt, im elðñ ra'u, a aolepen r'an enbwin meñe relòñ rej juðn wõt enbwin: ein drein bareinwõt Kralst.

Rom 12. 4, 5. Ep. 4. 4, 16. Gal. 3. 16.

13 Bwe ilo juðn Jitòb emwij baptais kij ilo juðn embwin, elafie kij dri Ju ak dri Grik, elafie kij dri kamakoko ak dri auemkwojar; im emwij kairak kij otemfej kin juðn Jitòb.

Rom 6. 5. Gal. 3. 28. Ep. 2. 13, 14, 16. Kol. 3. 11. Jon 6. 63 & 7. 37, 38, 39.

14 Bwe enbwin e jab juðn ra, a elðñ.

15 Elañe ne e naj ba, Bwe I jab pã I jab môtõn enbwin; e jab mol e jab môtõn enbwin.

16 Im elañe lojiliñ e naj ba, Bwe I jab mej, I jab môtõn enbwin; e jab mol e jab môtõn enbwin.

17 Elañe aolepen enbwin mej, ewi roñjake? Elañe aolepen roñjake, ewi kãtit?

18 A kið Anij e ar likit ra ko, ir otemjelok ilo enbwin, einwõt E buñburuen kake.

Rom 12. 3. jap. 3. 5, 11.

19 A elañe ir otemjej juðn ra, ewi enbwin?

20 A kið elðñ ra, a juðn enbwin.

21 Im mej e jab maroñ in ba ñõn pã, Ejelok að aikwij yuk: ak bar-einwõt bõr ñõn ne, Ejelok að aik-wij yuk.

22 A, elaplok r'an enbwin, ko ein-wõt remõjino emõn ren jab joko;

23 Im ra'n enbwin, ko jej lemnok eriklok air aibujuij, jej koorlok air aibujuij; im ra'r re jab wuj elaplok air wuj;

24 Bwe ra'r rewuj re jab aikwij: a Anij e ar kobaik enbwin, im lelok elaplok aibujuij ñõn ra eo ej aik-wij;

25 Bwe en ejelok kiojõljõl ilo enbwin, a bwe ra ko otemjej ren jimor kejbãrok dron.

26 Im ñe juðn ra ej iñtan, ra ko otemjej rej iñtan iben; ak ñe juðn ra e aibujuij, ra ko otemjej rej lõñ-liñ iben.

27 Kið kom enbwinin Kraist, im ra ko ilo kaju ra'u.

Rom 12. 5. Ep. 1. 23. & 4. 12. & 5. 30. Kol. 1. 24.

28 Im Anij e ar likit jet ilo eklisia, mokta dri jilik, ken ka ruo dri kanan, ken ka jilu dri kaki, inem men in bwilõñ ko, inem kõbõkõkõk ko, jibõñ ko, kaiñ ko, konono kin lo ko.

Ep. 2. 20. & 3. 5. & 4. 11. Jerb. 13. 1. Rom 12. 6. 8. Bwin. 11. 17. 1 Tim. 5. 17. Hib. 13. 17, 24.

29 Ro otemjej dri jilik ke? ro [Marshall Islands.] 8T

otemjej dri kanan ke? ro otemjej dri kaki ke? ro otemjej dri kõmõn men in bwilõñ ko ke?

30 Ro otemjej rej kõbõkõkõk ke? ro otemjej rej konono kin lo ko ke? ro otemjej rej kemeleleik ke?

31 A komin kanuij kõnan men in letok ko remõntata. Im ij kwalok ñõn kom ial eo emõnlok.

jap. 14. 1. 30.

### JAPTER 13.

**E**LAÑE ij konono kin lo ko an armij im enjel, a yokwe e jab iba, emwij að erom jinibor e tõñ-tõñ, ak aji e dribukbuk.

2 Im elañe eor iba bwe in drikanij, im I jela men ko retino otemjej, kab meletlet otemjej; im elañe tõmak otemjej iba, bwe in kamõkit tol ko, a yokwe e jab iba, ñia jekron.

jap. 12. 8-10, 28. Mat. 7. 22. & 17. 20.

3 Im elañe ij dreeplok men ko mweið otemjej in uajirik dri jeramel, im elañe ij lelok enbwinio bwe ren tile, a yokwe e jab iba, ejelok an kakajuror ið.

Mat. 6. 1, 2.

4 Yokwe ej meanwõr, im e joij; yokwe e jab junmare; yokwe e jab mõke kimjãje, e jab jua;

Pro. 10. 12.

5 E jab kõmõn men ko jakkar, e jab kabukot men ko an, re jab kail-lu e, e jab lemnok nana;

jap. 10. 24.

6 E jab lõñliñ ilo jerawiwi, a e mõuõuõ kake mol;

Rom 1. 32. 2 Jon 4.

7 Ej kijenmij ilo men otemjej, ej tõmak men otemjej, ej kejatrikrik e kin men otemjej, ej niknik ilo men otemjej.

Rom 15. 1.

8 Yokwe e jamin joko: a elañe eor drikanij ko, re naj lot; ak elañe eor lo ko, re naj jemlok; ak elañe eor jela, e naj joko.

9 Bwe je jela jimõtõn, im jej drikanij ilo jimõtõn:

jap. 8. 2.

10 A ñe men eo eyu ej itok, men eo jimõtõn e naj lotlok.

11 Ke I ar ajiri, I ar konono einwöt ajiri, I ar jela einwöt ajiri, I ar lemnok einwöt ajiri: a kiö bwe I ridto emwij aö wutik men ko an ajiri.

12 Bwe kiö jej lo ilo kapjur etnar; a ilo ien eo jelmae dron: kiö I jela jimötön; a ien eo I naj kanuij jela einwöt rej bar kanuij jela ña.

2 Kor. 3. 18. & 5. 7. Pll. 3. 12. 1 Jon 3. 2.

13 A kiö e berwöt tömak, keja-trikrik, im yokwe, men kein jilu; im eo elap iair yokwe.

#### JAPTER 14.

**K**OMIN lorlok yokwe; a kanuij kōnan men in letok ko an Jitōb, a elaplok bwe komin drikanij.

1 ap. 12. 31. Bwin. 11. 25, 29.

2 Bwe eo ej konono kin juōn lo e jab konono ñōn armij, a ñōn Anij; bwe ejelok armij ej melele kake; ijoke ilo Jitōb ej konono men ko retino.

Jerb. 2. 4. & 22. 9.

3 A eo ej drikanij ej konono ñōn armij men in kalek, im kowe, im kainemōu.

4 Eo ej konono kin juōn lo ej mōke kalek e; a eo ej drikanij ej kalek eklisia.

5 Kiö I kōnan bwe komin otemjej konono kin lo ko, a elaplok bwe komin drikanij: im elap eo ej drikanij jen eo ej konono kin lo ko, elañe e jab kemeleleik, bwe en kalek eklisia.

6 A kiö, ro jätlö, elañe ij iwij ñōn kom im konono kin lo ko, ta eo I naj kakajuror kom kake, elañe I jab konono ñōn kom kin revelesōn, ak kin jela, ak kin drikanij, ak kin katakin?

7 Eiu drein men ko re jab mour, im eor ainikeir, ñe paip ak arp, elañe re jab lelok eor wāwen ainikeir, ekijkan jela okötön rej kajōñ-jōñ kin paip ak arp?

8 Bwe elañe jilil ej kwalok ainiken e jab alikar, wōn e naj kapoj ñōn törinae?

9 Ein drein kom, elañe kom jab konono kin lo nan ebiruru in me-

lele, ekijkan jela men eo komij konono kake? bwe kom naj konono ñōn kōto.

10 Bwelen elōñ wöt wāwen ainiken ilo löl, im ejelok iair eo ejelok räbiltōn.

11 Inem elañe I jaje räbiltōn juōn kajin nan, I naj drua majjet ñōn eo ej konono, im eo ej konono e naj drua majjet ñōn iö.

12 Bareinwöt kom, bwe komij kanuij kabukot men in letok an Jitōb, komin bukot bwe ren orlok ñōn kom ñōn kalek eklisia.

13 Kiu men in eo ej konono ilo juōn lo, en jar bwe en maroñ in kemeleleik.

14 Bwe elañe ij jar ilo juōn lo, aö ej jar, a aö lolätät e jab tokje.

15 Inem e baj it? I naj jar kin jītōb, im I naj bareinwöt jar kin aö lolätät: I naj al kin jītōb, im I naj bareinwöt al kin aö lolätät.

Ep. 5. 19. Kol. 3. 16. Sam 47. 7.

16 Elañe ein juōn, ñe emwij am jar kiu am jītōb, eo ej ber ilo jikin armij wan, e naj kijkan an ba Amen ñōn am kamolol, ke e jab jela meu eo kwoj ba?

1 ap. 11. 24.

17 Emol emōn am kamolol, a e jab kalek eo juōn.

18 Ij kamolol Anij bwe ij konono kin lo ko elap jen kom otemjej:

19 Ijoke, ilo eklisia, emōu iba bwe in konono lallim nan kin aö lolätät bwe in bareinwöt katakin ro jet, jen joñoul tausand nan ilo juōn lo.

20 Ro jätlö, komin jab ajiri ilo lolätät: a ilo junmare komin niñññ, a ilo lolätät komin ridto ro.

Mat. 11. 25. & 18. 3. Rom 16. 19. 1 ap. 3. 1. Ep. 4. 14. Hib. 5. 12, 13. 1 Pit. 2. 2. 1 ap. 2. 4.

21 Ilo kien emwij jeje, Kin armij in lo ko jet im kin tien ko jet I naj konono ñōn armij rein; im ein drein re jamin eoroñ Iö, Troij ej ba.

Jon 10. 34. Isa. 28. 11, 12.

22 Kin men in lo ko rej juōn kākōle, jab ñōn ro rej tömak, a ñōn ro re jab tömak: a drikanij e jab ñōn ro re jab tömak a ñōn ro rej tömak.



23 Inem elañe aolepen eklisia rej kweloklok ilo juõn jikin, im ir otemjej rej konono kin lo ko, im armij wan ak ro re jab tõmak rej dreloñtok, re jamin ba kom uriekak ke?

Jerb. 2. 13.

24 A elañe ir otemjej rej drikanij, im ej dreloñ juõn dri jab tõmak ak armij wan, e rel buruen kin otemjej, im ro otemjej rej ekajete;

25 Men ko retino an buruen rej walok, im ein drein e naj buñbero im kabuñ ñõn Anij, im e naj kenan bwe emol Anij ej iolapemi.

Isa. 45. 14. Zek. 8. 23.

26 Inem ekijkan ro jãtiõ? ke komij jimor kweloklok, jabrewõt iami eor an sam, eor an katak, eor an reveleõn, eor an lo, eor an kemeleleik. Komin kõmõn men otemjej ñõn kalek.

Jap. 12. 7-10. 2 Kor. 12. 19. Ep. 4. 12.

27 Elañe jabrewõt armij ej konono ilo juõn lo, en karuo, ak jab elõñ jen jilu, im kilajrõk; im juõn en kemeleleik.

28 A elañe ejelok dri kemeleleik, en ikõñ ilo eklisia; im en mõke konono ñõn e wõt, im ñõn Anij.

29 Dri kanan ren konono ruo ak jilu, im ro jet ren ekajete.

Jap. 12. 10.

30 A elañe eor reveleõn ñõn bar juõn ej jijõt iturin, eo mokta en ikõñ.

1 Tes. 5. 19, 20.

31 Bwe kom otemjej maroñ in drikanij juõn im juõn, bwe otemjej ren katak, im otemjej ren ainemõn;

32 Im jitõb ro an ro dri kanan rej bokake dri kanan ro;

1 Jon 4. 1.

33 Bwe Anij e jab Anij in alwaro, a in ainemõn; einwõt ilo eklisia otemjej an ro remõn.

Jap. 11. 16.

34 Kõra ro ren kejeklokjen ilo eklisia: bwe e jab melim ñõn ir ren konono; a ren bokake, einwõt kien ej bareinwõt ba.

Ep. 5. 22. Kol. 3. 18. 1 Tim. 2. 11, 12. Jen. 3. 16.

35 Im elañe re kõnan katak jabrewõt, ren kajitõk iben lõmaro beleir

ilo moko imweir, bwe men in kajok ñe juõn kõra ej konono ilo eklisia.

36 Ekijkan? nan in Anij e ar itok jen kom ke? ak e ar lwij ñõn kom wõt ke?

37 Elañe jabrewõt armij ej lemnok e dri kanan, ak e jen Jitõb, en jela men ko ij jeje ñõn kom bwe ir kien Iroj.

2 Kor. 10. 7. 1 Jon 4. 6.

38 A elañe jabrewõt armij e jaje, en jaje.

39 Kin men in, ro jãtiõ, komin kanuij kõnan in drikanij, im jab bõprae bwe ren konono kin lo ko.

Jap. 12. 31. 1 Tes. 5. 20.

40 A ren kõmõn men otemjej ekar im ilo lajrõk.

## JAPTER 15.

**A** IJ kajelaik kom, ro jãtiõ, gospel eo I ar kwalok ñõn kom, eo kom ar bõke, im eo kom bareinwõt jutõk kake,

Rom 5. 2.

2 Kin e bareinwõt lomoren kom; elañe komij drebij nan ko I ar kwaloki ñõn kom, elañe e jab bwir ami tõmak.

Rom 1. 16. Jap. 1. 21. Gal. 3. 4.

3 Bwe I ar lewoj ñõn kom mokta jen otemjej men eo I ar bareinwõt bõke, ekijkan Kraist e ar mij kin jerawiwi ko ar ekar ñõn Jeje ko;

Jap. 11. 23. Isa. 53. 5. Luk 24. 26. Jerb. 3. 18.

4 Im ar kalibwin E, im E ar jerkakbiji ilo ran ken ka jilu ekar ñõn Jeje ko;

Sam 2. 7. & 16. 10. Isa. 53. 10. Hoa. 6. 2. Luk 24. 46. Jerb. 2. 25 31. & 13. 33-35.

1 Pit. 1. 11.

5 Im E ar weaktok ñõn Sipas; bar juõn ien ñõn ro joñoul im ruo;

Mat. 28. 17. Mark 16. 14. Luk 24. 34, 36. Jon 20. 19, 26. Jerb. 10. 41.

6 Elikin men in E ar weaktok ñõn limabuki men ro jimjãn jimjãten ilo juõn ien, elõñ iañ rej ber ñõn ranin, a jet rej kiki;

7 Elikin men in E ar weaktok ñõn Jemes; elikin men in ñõn ro dri jilik otemjej;

Luk 24. 50. Jerb. 1. 3, 4.

8 Im eliktata, einwöt ñön juön eko, Ear bareinwöt weaktok ñön iö.

Jerb. 9. 3, 17. Jap. 9. 1.

9 Bwe ña eriktata lan dri jilik, im ij betkake bwe ren naeta dri jilik, bwe I ar matörtöre eklisia an Anij.

Ep. 3. 8. Jerb. 8. 3. Gal. 1. 13.

10 A kiu joij an Anij, men ko iba im einwöt: im joij eo An emwij letok ñön iö e jab jitokjen; a I ar jermal elap jen ir otemjej: ijoke e jab ña, a joij an Anij e ar ber iba.

Ep. 3. 7, 8. 2 Kor. 11. 23. & 12. 11. 1 Mat. 10. 20. 2 Kor. 3. 5. Ep. 3. 7. Pil. 2. 13.

11 Inem elañe ña ak ir, ein drein kimij kwalok, im ein drein kom ar tōmak.

12 Kiö elañe kwalok Kraist bwe E ar jerkakbiji jen ro remij, ekijkan jet lami rej ba bwe ejelok jerkakbiji an ro remij?

13 A elañe ejelok jerkakbiji an ro remij, Kraist e ar jab jerkakbiji:

1 Tes. 4. 14.

14 Im elañe Kraist e ar jab jerkakbiji, inem am kwalok jekron, im ami tōmak e bareinwöt jekron.

15 Aet, im kim dri kennan riöp an Anij; bwe kim ar kennan kin Anij bwe E ar kejerkakbiji Kraist: Eo E ar jab kejerkakbiji E, elañe emol ro remij re jab jerkakbiji.

Jerb. 2. 24, 32.

16 Bwe elañe ro remij re jab jerkakbiji, ar jab kejerkakbiji Kraist:

17 Im elañe ar jab kejerkakbiji Kraist, ami tōmak jitokjen; komij berwöt ilo jerawiwi ko ami.

Rom 4. 25.

18 Inem bareinwöt ro r'ar kiki ilo Kraist re joko.

19 Elañe ilo mour in wöt jej kejatrikrik kij ilo Kraist, kij armij in tiriamo lan armij otemjej.

2 Tim. 3. 12.

20 A kiö emwij an Kraist jerkakbiji jen ro remij, leen moktata lan ro rej kiki.

1 Pit. 1. 3. Jerb. 20. 23.

21 Bwe einwöt mij e ar itok kin armij, bareinwöt kin armij ej itok jerkakbiji an ro remij.

Rom 5. 12. Jon 11. 25.

228

22 Bwe einwöt ilo Adam ro otemjej rej mij, ein drein bareinwöt ilo Kraist ro otemjej re naj mour.

23 A armij otemjej rej jepkälön: Kraist leen moktata; tokelik ro dron Kraist, ñe ej itok.

1 Tes. 4. 16.

24 Inem jemlokön, ñe Ej lelok ailiñ ñön Anij, aet, Jemen; ñe e naj emwij An kalotlok kajur otemjej an iroiñ rön kab kieir im air maroñ otemjej.

Dan. 7. 14, 27.

25 Bwe emöñ En iroiñ ñön ter eo emwij An likit ro otemjej rej kiji-rät E iomin neen.

Sam 110. 1. Ep. 1. 22. Hib. 1. 13.

26 Dri kiji-rät eliktata im e naj joko, mij.

2 Tim. 1. 10. Rev. 20. 14.

27 Bwe, E ar kötäik men otemjej iomin neen. A ke Ej ba, Emwij kötäik men otemjej ñön E, e alikar bwe E jab juön lair, Eo e ar kötäik men otemjej ñön E.

Sam 8. 6. Mat. 28. 18.

28 Im ñe emwij kötäik men otemjej ñön E, ien eo Nejin e naj bareinwöt möke kötäik E ñön Eo e ar kötäik men otemjej ñön E, bwe Anij eu otemjej ilo otemjej.

Pil. 3. 21. Jap. 11. 3.

29 Elañe ein juön ren it ro emwij baptais ir kin ro remij? Elañe ro remij re jab jerkakbiji ñön jirik, etke rej baptais kin ir?

30 Im etke jej bareinwöt ber im uöta auö otemjej?

2 Kor. 11. 26.

31 Ij ba kin löñliñ eo iba kin kom ilo Kraist Jisös ar Iroiñ, ij mij ran otemjej.

1 Tes. 2. 19. Rom 8. 36.

32 Elañe einwöt armij I ar iri iben kiru rawia i Epesös, ewi an kaka-juror iö? Elañe ro remij re jab jerkakbiji, jen möña im irak, bwe ilju je mij.

2 Kor. 1. 8. Ekl. 2. 24. Isa. 22. 13.

33 Komün jab bwir: kömao ko renana rej kaköt mönit ko remön.

Jap. 5. 6.

34 Komün ruj ñön wänik, im jab

jerawiwi; bwe ejelok jela Anij iben jet: ij konono men in bwe in kajok komi.

Rom 13. 11. Ep. 5. 14. 1 Tes. 4. 5. Jap. 6. 5.

35 A juðn e naj ba, Ekijkan kejer-kakbiji ro remij? im ie ein enbwin rej itok kake?

Ezek. 37. 3.

36 Kwe anāpāp, men eo kwoj jeor e jab edrek, elañe e jab mij:

Jon 12. 24.

37 Im men eo kwoj jeor e, kwo jab jeor enbwin e naj an, a ine wõt, bwelen wit, ak juðn ian ko jet;

38 A Anij ej lelok enbwinin einwõt E ar kōnan, im ñōn jabrewõt ine enbwinin.

39 Kōniek otemjej e jab juðn wõt kōniek: a juðn kōniekiu armij, im bar juðn kōniekin kiru, im bar juðn kōniekin bao, im bar juðn kōniekin ilk.

40 Bareinwõt eor enbwin ilðñ, im eor enbwin i löl: a aibujuij an ko i lðñ juðn, im eo an ko i löl ein juðn.

41 Juðn aibujuij an al, im bar juðn aibujuij an alifñ, im bar juðn aibujuij an iju kōn; bwe juðn iju e jab einwõt bar juðn iju ilo an aibu-juj.

42 Ein drein bareinwõt jerkakbiji an ro remij. Emwij jeor e ilo wabōnbōn; ej jerkakbiji ilo jabwabōnbōn:

Dan. 12. 3. Mat. 13. 43.

43 Emwij jeor e ilo etton; ej jerkakbiji ilo aibujuij: emwij jeor e ilo mõjtno; ej jerkakbiji ilo kajur:

Pil. 3. 21.

44 Emwij jeor e enbwinin armij; ej jerkakbiji enbwin e jītōb. Elañe eor enbwinin armij, bareinwõt eor e jītōb.

45 Ein drein emwij jeje, Armij eo mokta Adam e ar armij emour. Adam eo elik E jītōb in kemour.

Jen. 2. 7. Rom 5. 14. Jon 5. 21. & 6. 33. 39. 40. 54. 57.

46 Ijoke eo e jītōb e ar jab mokta, a eo ej armij; im tokelik eo e jītōb.

47 Armij eo mokta e jeu löl, dri löl: Armij eo ken ka ruo E jeu lðñ.

Jon 3. 31. Jen. 2. 7. & 3. 19. Jon 3. 13, 31.

48 Einwõt eo dri löl, ein drein ro dri löl: im einwõt Eo dri lðñ, ein drein ro dri lðñ.

Pil. 3. 20, 21.

49 Im einwõt j'ar bōrañe wāwen eo dri löl, bareinwõt je naj bōrañe wāwen Eo dri lðñ.

Jen. 5. 3. Rom 8. 29.

50 Kiō ij ba men in, ro jātīō, bwe kōniek im bōtōktōk re jab maroñ bōk air jolit ailifñ in Anij: im wabōnbōn e jab bōk an jolit ilo jabwabōnbōn.

Mat. 16. 17. Jon 3. 3. 5.

51 Lo, ij kennanek kom juðn men eo etino: jab kij otemjej je naj kiki, a kij otemjej je naj ein juðn,

1 Tes. 4. 15-17. Pil. 3. 21.

52 Ilo būkkinkwōle, ilo rum, ilo jilil eo eliktata: bwe jilil e naj jōñ, im ro remij re naj jerkakbiji re jabwabōnbōn, im kij je naj erom ein juðn.

Zeb. 9. 14. Mat. 24. 31. Jon 5. 25.

53 Bwe emōn wabōnbōn in en kōnōk jabwabōnbōn, im mij in en kōnōk banmij.

2 Kor. 5. 4.

54 A ñe emwij an wabōnbōn in kōnōk jabwabōnbōn, im emwij an men in men in mij kōuōk banmij, inem e naj jejit nan eo emwij je, Mij e jo ilo anjo.

Isa. 25. 8. Hib. 2. 14, 15. Rev. 20. 14.

55 O mij, ewi am anjo? O mij, ewi am ken iri?

Hos. 13. 14.

56 A ken iri an mij jerawiwi, im kajur an jerawiwi kien eo:

Rom 4. 15.

57 A kamolol Anij, eo Ej letok ñōn kij anjo kin ar Iroj Jisōs Kralst.

Rom 7. 25. 1 Jon 5. 4. 5.

58 Inem ro jātīō, kom jitenburu, en rim buruemī, im kibria, im en eor tokjemi ien otemjej ilo jermal an Iroj, bwe komij jela bwe ami jermal e jab jekron ilo Iroj.

2 Pit. 3. 14. Jap. 3. 8.

## JAPTER 16.

**K**IÖ kin aine men in lelok ñön ro remön, einwöt I ar kaiñ eklisia ko i Galetia, ein drein komin bareinwöt kömön.

Jerb. 24. 17. Rom 15. 28. 2 Kor. 8. 4. Gal. 2. 10.

2 Ilo ran eo mokta ilo wik otemfej, jabrewöt lami otemfej en kamökelok lan na iben einwöt an jeramöñ mön kake, bwe en ejelok aine ñe ij iwij.

Jerb. 20. 7. Rev. 1. 10.

3 Im ñe ij iwij, ro kom lemuok remön, im naj nebar ir ilo letter, I naj jilkin ir lok bwe ren bökklok ami men in yokwe ñön Jerusalem.

2 Kor. 8. 4, 6, 19.

4 A elañe emön bwe in bareinwöt ilok, re naj karwönlok iö.

5 A I naj iwij, ñe emwij aö etal ilujen Masedonia; bwe I naj dri-blok Masedonia.

Jerb. 19. 21. 2 Kor. 1. 18.

6 A bwelen I naj ber ibemi, aet, im kañöneañ, bwe komin jiböñlok iö ñön ijo jabrewöt I naj ilok ie lok.

Jerb. 15. 3. & 17. 15. & 21. 5.

7 Bwe I jab könan lo kom kiö ilo ial eo lok; bwe ij kötömene in berwöt ibemi eor ien elañe Iroi j e naj letok ñön iö.

Jerb. 18. 21. Jem. 4. 15.

8 A I naj kötar i Epesös ñön Pen-tekost.

9 Bwe emwij kebellok juön aur elap ñön iö im itok limoö, im elöñ ro rej juma.

Jerb. 14. 27. & 19. 9. 2 Kor. 2. 12.

10 A elañe ej iwij Timote, komin lale bwe en ber ibemi im jab mijök; bwe ej jerbale jermal an Iroi j einwöt ña:

Jerb. 19. 22. Jap. 4. 17. Rom 16. 21. Pil. 2. 20, 22. 1 Tes. 3. 2.

11 Inem ejelok armij en kejekron e. A komin jilkintok e ilo aine-mön bwe en bar itok ñön iba: bwe ij kötömene en karwöntok ro jim-jän jimjäten.

1 Tim. 4. 12. Jerb. 15. 33.

12 A kin jeer im jäter Apollös, I

ar kanuij akwelap ñön e bwe en iwij ñön kom iben ro jimjän jimjäten: im e ar jab könan iwi j kiö; a e naj iwij ñe ej lo ien emön.

Jap. 1. 12. & 3. 5.

13 Komin ekil, jutök bin ilo tömak, komin kömön einwöt eman, komin kajur.

Mat. 24. 42. Jap. 15. 1. Pil. 1. 27. & 4. 1. 1 Tes. 3. 8. 2 Tes. 2. 15. Ep. 6. 10. Kol. 1. 11.

14 Men otemfej komij kömönmön, komin kömöni ilo yokwe.

Jap. 14. 1. 1 Pit. 4. 8.

15 A ij akwelap ñön kom, ro jätiö (kom jela ro nukin Stipenas, eo leen moktata i Akeia, im r'ar möke likit ir bwe ren jermal ñön ro remön,)

Jap. 1. 16. Rom 16. 5. 2 Kor. 8. 4. Hfb. 6. 10.

16 Bwe komin kible ñön ro eirwöt, im ñön jabrewöt eo ej jiböñ im jermal ilo jermal in.

Hfb. 13. 17.

17 Ij möñöñ kin an itok Stipenas, im Fortunetös im Akeikös: bwe r'ar köketok iö kin men eo I kar aikwij jen kom.

2 Kor. 11. 9. Pil. 2. 30. Pail. 13.

18 Bwe r'ar kökal aö im ami: inem komin kill ro eirwöt.

Pil. 2. 29. 1 Tes. 5. 12.

19 Eklisia ko ilo Eñla rej yokyo-kwe kom. Akula im Priska re kanuij yokyokwe kom ilo Iroi j, kab eklisia eo ilo imweir.

Rom 16. 5, 15. Pail. 2.

20 Jimjän jimjäten otemfej rej yokyokwe kom. Komin yokyokwe dron kin mejenma ekwojar-jar.

Rom 16. 16.

21 Ña Paul ij yokyokwé kom kin iltan peiö.

Kol. 4. 18. 2 Tes. 3. 17.

22 Elañe jabrewöt armij e jab yokwe Iroi j, en anatema. Ar Iroi j ej itok.

Ep. 6. 24. Gal. 1. 8, 9. Jud 14. 15.

23 Joi j an Iroi j Jisös Kraist en ber ibemi.

Rom 16. 20.

24 Aö yokwe en ber ibemi otemfej ilo Kraist Jisös. Amen.

# LETTER KEN KA RUO AN PAUL NŌN DRI KORINT.

## JAPTER 1.

**P**AUL, dri jilikan Kraist Jisōs kin ankil an Anij, im Timote jāter, nōn eklisia eo an Anij, eo ej ber i Korint, kab ro remōn otemjej, ro rej i aolepen Akeia:

1 Kor. 1. 1. Ep. 1. 1. Kol. 1. 1, 2. 1 Tim. 1. 1. Pil. 1. 1.

2 Joij nōn kom kab ainemōn jen Anij Jemer im Iroj Jisōs Kraist.

Rom 1. 7. Gal. 1. 3. Pil. 1. 2. 1 Tes. 1. 1. 2 Tes. 1. 2. Pall. 3.

3 Jen nebar Anij eo Jemen ar Iroj Jisōs Kraist, Jemen tiriamokake, im Anij in ainemōn otemjej;

Ep. 1. 3. 1 Pit. 1. 3.

4 Eo ej kainemōne kim ilo am jorran otemjej, bwe kimin maroñ in kainemōne ro rej ber ilo jabrewōt jorran, kin ainemōn eo kimij mōke ainemōn kake jen Anij.

5 Bwe einwōt iñtan ko an Kraist rej lōñlok nōn kim, ein drein am ainemōn ej bar lōñlok kin Kraist.

Jerb. 9. 4. jap. 4. 10.

6 Bwe elañe kim jorran, ej nōn ami ainemōn im mour; ak elañe kim ainemōn, men in nōn ami ainemōn, eo ej jermal ilo kijenmij lomin iñtan kein kimij bareinwōt iñtan kaki: im am kejatrikrik kin kom e bin wōt;

jap. 4. 15.

7 Ke kim jela bwe einwōt komij bōk mōtōn iñtan ko, ein drein bareinwōt ainemōn.

Rom 8. 17. 2 Tim. 2. 12.

8 Bwe kim jab kōnan, ro jātiō, bwe komin jaje kin am jorran eo ej itok nōn kim i Ešia, bwe e ar kanuij lap am iñtan, elap jen am maroñwe, einwōt bwe ejoko kōtōmene otemjej kin mour:

Jerb. 19. 23. 1 Kor. 15. 32. & 16. 9.

9 Aet, kim ar mōke lemnok kim drien mij, bwe kimin jab mōke liki kim, a Anij eo Ej kejerkakbiji ro remij:

Jer. 17. 5, 7.

10 Eo e ar lomoren kim jen keien mij elap, im E naj lomor: kin E kim kejatrikrik kim bwe E naj bareinwōt lomoren kim;

2 Pit. 2. 9.

11 Ke komij bareinwōt jimor jibōñ kim kin ami jar, bwe, kin men in yokwe emwij letok nōn kim kin elōñ armij, elōñ re naj kamolol kin kim.

Rom 15. 30. Pil. 1. 19. Pall. 22. jap. 4. 15.

12 Bwe am lōñliñ men in, kennan in am bōklikōt, bwe ilo kwojarjar im mol an Anij, jab ilo mteletet in kōniek, a ilo joij an Anij, kim ar etetal i lōl, im elōñlok ibemi.

1 Kor. 2. 4, 13.

13 Bwe kim jab jejewoj men ko jet, a men ko komij konono ilo buk ak kwalok, im ij kōtōmene kom naj kwaloki nōn jemlokōn:

14 Einwōt kom ar bar kwalok kim ilo jimōtōn, bwe kim ami men in kimjaje, einwōt kom bareinwōt am, ilo ran in ar Iroj Jisōs.

jap. 5. 12. Pil. 2. 16. & 4. 1. 1 Tes. 2. 19, 20.

15 Im ilo liki in I ar bebe in iwij mokta nōn kom, bwe komin bōk bar juōn men in joij,

1 Kor. 4. 19.

16 Im bwe in ilok jen kom lok nōn Masedonia, im bar itok jen Masedonia nōn kom, im bwe komin jibōñlok iō ilo ial eo aō nōn Judia.

1 Kor. 16. 5, 6.

17 Ke ein drein aō bebe, I ar kejōk ke? ak men ko ij bebe, ij bebe

ekar ñõu kõniek ke, bwe iba en eor aet, aet, im jab, jab?

Jap. 10. 2.

18 A einwõt Anij etiljek, am nan woj e jab aet im jab.

19 Bwe Nejin Anij, Jisõs Kraist, eo kim ar kwalok ñõu kom, aet, ña im Silvenõs im Timote, e ar jab aet im jab, a ilo E aet.

Mark 1. 1. Hfb. 13. 8.

20 Bwe ñe jabrewõt oran kalimur an Anij, ilo E aet eo: kin men in bareinwõt kin E Amen eo, ñõn albujuj an Anij kin kim.

Rom 15. 8, 9.

21 Kiõ Eo ej kabin kim kab kom ilo Kraist, im E ar kabit kij, E Anij;

1 Jon 2. 20, 27.

22 Eo E ar sil kij im letok Jitõb eo men in mõkõjkõj ilo buruer.

Jap. 5. 5. Ep. 1. 14.

23 A ij kir ñõn Anij bwe En kenan kin aõ, bwe kin aõ tiriamekake kom I jab kar iwij ñõu Korint.

Rom 1. 9. 1 Kor. 4. 21.

24 Jab bwe kim iroj ion ami tõmak, a kim dri jibõñ ilo ami lõñliñ: bwe kin tõmak komij jutõk.

1 Pit. 3. 5. Rom 11. 20. 1 Kor. 15. 1. Jap. 11. 31. & 13. 2.

## JAPTER 2.

**A** I ar bebe eñin iba, bwe in jab bar iwij ñõn kom ilo buromõj.

Jap. 1. 23. & 13. 10.

2 Bwe elañe ij kaburomõj kom, Inem wõn eo ej kalõñliñ iõ, a eo wõt ij kaburomõj e?

3 Im I ar jeje eñin, bwe ñe ij iwij, in jab bõk buromõj jen ro emõn in mõnõnõ kake ir; ke ij liki kom otemjej bwe aõ mõuõnõ eo ami otemjej.

Jap. 8. 22. & 12. 21. Gal. 5. 10.

4 Bwe jen elõñ jorran im iñtan buruõ I ar jejewoj ñõu kom kin elõñ dren in kemjalal; jab bwe komin buromõj, a bwe komin jela yokwe eo iba e kanuij lap ñõn kom.

Jap. 7. 8, 9, 12.

5 A elañe jabrewõt e ar kaburo-

mõj, e ar jab kaburomõj iõ, a ilo jimõtõn (bwe in jab kinaklok elap) kom otemjej.

1 Kor. 5. 1. Gal. 4. 12.

6 E bwe ñõn armij in liakelok eo elõñ r'ar kõmõne;

1 Kor. 5. 4, 5.

7 Inem ein juõn emõn bwe komin jolok an nana im kainemõn e, ñe ab juõn einwõt en jo ilo an buromõj elaplok.

Gal. 6. 1.

8 Kin men in ij akwelap ñõn kom bwe komin kabin ami yokwe e.

9 Bwe ñõn men in I ar bareinwõt jejewoj, bwe in jela kajemi, elañe komij kible ilo men otemjej.

Jap. 7. 15. & 10. 6.

10 A jabrewõt eo komij jolok an nana, bar einwõt ña: bwe elañe I ar jolok jabrewõt nana, I ar jolok nana eo kin kom, einwõt iman mejen Kraist;

11 Bwe Setan en jab joñwe kij: bwe je jab jaje kake marmir ko an.

12 A ke I ar itok ñõn Troas bwe in kwalok gospel an Kraist, im juõn aur ebellok ñõn iõ ilo Iroj,

Jerb. 16. 8. 1 Kor. 16. 9.

13 I ar jab alnemõn ilo aõ, bwe I ar jab lo Taitõs jatiõ: a I ar yokyokwe ir, im ilok jen ibeir ñõn Masedonia.

Jap. 7. 5, 6.

14 A kamolol Anij, eo Ej tel kim ilo anjo ien otemjej ilo Kraist, im Ej kalikar kin kim ñõj in An jela ijo ko otemjej.

Alel 1. 3.

15 Bwe kim men in ñõj emõn an Kraist ñõn Anij, iben ro rej mour, im iben ro rej joko;

1 Kor. 1. 18. Jap. 4. 3.

16 Ñõn rein kim men in ñõj jen mij ñõn mij; a ñõn rõn men in ñõj jen mour ñõn mour. Im wõn ej maroñwe men kein?

Luk 2. 34. Jon 9. 39. 1 Pit. 2. 7, 8. Jap. 3. 5, 6.

17 Bwe kim jab einwõt elõñ, ro rej käreik nan in Anij; a einwõt jen mol, a einwõt jen Anij, iman

mejen Anij, kimij konono ilo Kraist.

Jap. 1. 12. & 4. 2. & 11. 13. 2 Pit. 2. 3.

### JAPTER 3.

**K**IMIJ jino bar kwalok karkarim ñon kom ke? ak emön ke en or letter in karkarim ñon kom, ak jen kom, einwöt jet armij?

Jap. 5. 12. & 10. 12. & 12. 11. Jerb. 18. 27.

2 Kom letter eo am, jeje ilo buruem, im emwij an armij otemjej jela im konono ilo letter in;

1 Kor. 9. 2.

3 Ke e alikar bwe kom letter an Kraist, eo kim ar jerbale, jab jeje kin ink, a kin Jitöb ön Anij emour; jab ilo tebel dreka, a ilo buruemi tebel kõniek ko.

1 Kor. 3. 5. Eks. 24. 12. & 34. 1. Jer. 31. 33. Ezeq. 11. 19.

4 A liki ein drein ibem kin Kraist ñon Anij:

5 Jab bwe kim möke maroñ in lemnok jabrewöt einwöt jen kim möke; a am maroñwe e jen Anij;

1 Kor. 15. 10. Jap. 2. 16.

6 Eo e ar bar kamaroñ kim dri jermal in kalimur ekal; jab ilo letter, a ilo jitöb: bwe letter ej ka-jeeklok, a jitöb ej kemour.

1 Kor. 3. 5. Jap. 5. 18. Ep. 3. 7. Kol. 1. 25. 1 Tim. 1. 12. Jer. 31. 31. Hib. 8. 6, 8. 1 Rom 2. 27. & 3. 20. & 4. 15. & 7. 9-11. Gal. 3. 10. Jon 6. 63.

7 A elañe jermal in mij, eo ilo letter, im bukwe ilo dreka ko, e ar walok ilo aibujuij, einwöt bwe ro nejin Israel r'ar jab maroñ in kalimjek mejen Moses kin an aibujuij turin mejen; eo e jarkaju:

Eks. 34. 1. & 34. 29-35. Dut. 10. 1.

8 Ekijkan, jermal in Jitöb en jab laplok ilo aibujuij ke?

Gal. 3. 5.

9 Bwe elañe eor aibujuij iben jermal in liakelok, elaplok an jermal in kwojarjar e obrök kin aibujuij.

Rom 1. 17. & 3. 21.

10 Bwe emol eñeo, ar kaibujuij e, ar jab kaibujuij e ilo men in, kin aibujuij eo elaplok.

11 Bwe elañe men eo e jarkaju e ar aibujuij, elaplok men eo ej berwöt ej ilo aibujuij.

[Marshall Islands.] 8T\*

12 Ke ein drein am kötömene kimij beran in konono,

Jap. 7. 4. Ep. 6. 19.

13 Im jab einwöt an Moses likit vell iman mejen, bwe ro nejin Israel ren jab kalimjeke ñon jemlokön men eo e jarkaju:

Eks. 34. 33, 35. Rom 10. 4. Gal. 3. 23.

14 A burueir r'ar bin: bwe ñon ran in ej berwöt veil eo ilo konono ilo kalimur eo mokta, eo e lotlok ilo Kraist.

Mat. 13. 14. Rom 11. 25. Jap. 4. 4.

15 A ñon ran in, jabrewöt ien rej konono jeje an Moses, veil ej ber ion burueir.

16 Ijoke ñe ej oktök ñon Iroi, veil eo ej joko.

Rom 11. 23, 26. Isa. 25. 7.

17 Kiö Iroi e Jitöb eo; im ijo Jitöb ön Iroi ej ber, ijo anemkwoj.

18 A kij otemjej, ejelok veil iman mejer, jej kalimjek, einwöt ilo kapjur, aibujuij an Iroi, im jej kejakikil ñon wäwen eo jen aibujuij ñon aibujuij, einwöt kin Iroi, Jitöb.

1 Kor. 13. 12. Jap. 4. 4, 6. Rom 8. 29.

### JAPTER 4.

**I**NEM ke jermal in ibem, einwöt kim ar bök tiriamo, kim jab ebwer:

Jap. 3. 6. 1 Kor. 7. 25.

2 A kim ar illok jen men ko retino men in kajok, im jab etetal ilo mon, im jab kariöp nan in Anij; a kin kalikar mol, kim kwalok karkarim ñon bökliköt an armij otemjej iman mejen Anij.

Rom 6. 21. Jap. 2. 17. & 6. 7. & 7. 14. Jap. 5. 11.

3 A elañe e binjök am gospel, e binjök ñon ro re joko:

1 Kor. 2. 18. Jap. 2. 15.

4 Ilo ir anij in löl in e ar kabilo lemnok an rore jab tömak, bwe maram in gospel in aibujuij an Kraist, eo wäwen Anij, en jab rome ir.

Jon 12. 31. Ep. 6. 12. Isa. 6. 10. Jap. 3. 8, 9. 11, 18. Jon 14. 9. Pil. 2. 6. Kol. 1. 15. Hib. 1. 3.

5 Bwe kim jab möke kwalok kim, a Kraist Jisös e Iroi, im kim ro korijerami kin Jisös.

1 Kor. 1. 23. & 9. 19. Jap. 1. 24.

6 Bwe Anij, eo E ar ba, Jen marok en romak maram, E ar romak ilo buruem, bwe En letok maram in jela albujuj an Anij ilo mejen Jisös Kraist.

Jen. 1. 3. 2 Pit. 1. 19.

7 A men in aurök in ibem ej ilo jäbi brij ko, bwe maroñ eo e kanuij lap en jen Anij, im jab jen kim;

jap. 5. 1. 1 Kor. 2. 5. jap. 12. 9.

8 Ilo ial ko otemjej kimij obrök, a jab joböj; kimij biuk, a e jañin joko kejatirikrik;

jap. 7. 5.

9 Rej matörtöre kim, a kim jab möke iam; rej jolöllök kim, a kim jab joko;

Sam 37. 24.

10 Ien otemjej ej ber ilo enbwinem mij an Jisös, bwe bareinwöt mour an Jisös en walok ilo enbwinem.

1 Kor. 15. 31. jap. 1. 5. 9. Rom 8. 17. 2 Tim. 2. 11. 1 Pit. 4. 13.

11 Bwe len otemjej kimeo kimij mour rej ketök kim ñön mij kin Jisös, bwe bareinwöt mour an Jisös en walok ilo köntekim drien mij.

Sam 44. 22. Rom 8. 36.

12 Ein drein mij ej jerbale ilo kim, a mour ilo kom.

jap. 13. 9.

13 A ke ej ibem jitöb eo in tömak einwöt men eo emwij jeje, I ar tömak, inem I ar konono; kim bareinwöt tömak, inem bareinwöt kimij konono;

Rom 1. 12. 2 Pit. 1. 1. Sam 116. 10.

14 Ke kim jela bwe Eo e ar kejer-kakbiji Iroj Jisös, E naj bareinwöt kejerkakbiji kim iben Jisös, im kwalok kfm ibemi.

Rom 8. 11. 1 Kor. 6. 14.

15 Bwe men otemjej ñön kom, bwe joiñ eo, emwij kalaplok e kin ro relöñ, en koorlok kamolol ko ñön albujuj an Ani

1 Kor. 3. 21. jap. 1. 6.

16 Kin men in kim jab ebwer; a meñe enbwinem e lotlok, ijoke kökul am ran otemjej.

Rom 7. 22.

17 Bwe am iñtan eo emera im iumelok, elap otem lap an jerbale ñön

kim albujuj e jemlöm erro im in drio;

Rom 8. 18. 1 Pit. 5. 10.

18 Ke kim jab kalimjek men ko jej loi, a men ko je jab loi: bwe men ko jej loi re jarkaju, a men ko je jab loi rej in drio.

Rom 8. 24. jap. 5. 7.

### \* JAPTER 5.

**B**WE kim jela elañe emwij je-late am imön kaberi in löl, eor imwem jen Anij, mweo pä ko r'ar jab kömöne, im in drio ilo löñ.

Job 4. 19. jap. 4. 7. 2 Pit. 1. 13, 14.

2 Bwe emol ilo men in kimij ñör, im kanuij könan könökö mweo imwem jen löñ:

Rom 8. 23.

3 Elañe kin eor am nuknuk ko re jamin lo kim im kelwan.

Rev. 3. 18. & 16. 15.

4 Aet, bwe ke kimij ber ilo imön kaberi in, kimij ñör, im bolikim; ijoke kim jab könan wutik men in, a kanuknuk kim na ion, bwe men in mij eo en jo ilo mour.

1 Kor. 15. 53, 54.

5 A Eo e ar jerbale kim ñön men in e Anij, eo E ar letok ñön kim Jitöb eo men in mököjköj.

Isa. 29. 23. Rom 8. 23. jap. 1. 22. Ep. 1. 14.

6 Inem kim beran len otemjej im jela bwe ke kim jokwe ilo enbwinem, kim joko jen Iroj:

7 (Bwe jej etetal kin tömak, jab kin loe);

1 Kor. 13. 12. Hib. 11. 1.

8 Kim beran, ij ba, im könanlok bwe kimin joko jen enbwinem, im jokwe iben Iroj.

Pl. 1. 23.

9 Kin men in bareinwöt kim kajeoñ bwe elañe kim jokwe ilo enbwinem ak joko jen e, kim kabuñburuen.

10 Bwe kij otemjej je naj walok iman ken jijöt in ekajet an Kraist; bwe jabrewöt iar en bökö men ko kömönmöni ilo enbwinin, ekar ñön kömöni eo an elañe emön ak enana.

Rom 2. 6. & 14. 10. Gal. 6. 7.

11 Inem kin am jela mijök Iroj, kimij karel armij, a kim alikar non



Anij; im ij kötömene bwe bareinwöt kim alikar ilo ami bökliköt.

Job 31. 23. Hib. 10. 31. Jud 23. jap. 4. 2.

12 Kim jab bar kwalok karkarim ñön kom, a kimij lewoj ñön kom ken kimjaje kin kim, bwe en or ami nan in uak ro rej kimjaje ilo mejeir, im jab ilo burueir.

jap. 1. 14. & 3. 1.

13 Bwe elañe kim uriekak, e ñön Anij; ak elañe kim jelalokjen, e ñön kom.

jap. 11. 1, 16, 17. & 12. 6, 11.

14 Bwe yokwe an Kraist e relel ilo buruem; bwe ein drein am lem-nok, Juðn e ar mij kin otemjej, inem ro otemjej r'ar mij;

Rom 5. 15.

15 Im E ar mij kin otemjej bwe ro rej mour ren jab bar mour ñön ir mōke, a ñön Eo e ar mij im jerkak-biji kin ir.

Rom 6. 11, 12. & 14. 7.

16 Kin men in jenu kið kim jab jela jabrewöt armij ekar ñön kō-niek; meñe kim ar jela Kraist ekar ñön kōniek, a jen kið e jamin ein drein am jela kajen.

Pil. 3. 7, 8. Jon 6. 63.

17 Inem elañe jabrewöt armij ej ber ilo Kraist e men in kötömñön ekal: meu ko mokta re lotlok; lo rej erom kal.

Rom 16. 7. Gal. 5. 6. & 6. 15. Ep. 2. 15. Rev. 21. 5.

18 A men otemjej rej jen Anij, eo E ar kilajrök kij ñön E kin Kraist, im E ar letok ñön kim jermal in kilajrök;

Rom 5. 10. Kol. 1. 20.

19 Eñin bwe Anij e ar ber ilo Kraist im Ej kilajrök löl ñön E mōke, im jab watök air jerawiwi ñön ir, im E ar likit na ibem nan in kilajrök.

Rom 3. 24, 25.

20 Inem kim dri keañ kin Kraist, einwöt elañe Anij ej akwelap ilo kim: kim akwelap ñön kom kin Kraist, komin rel ñön Anij.

Mal. 2. 7. Ep. 6. 23. jap. 6. 1.

21 Eo e ar jab jela jerawiwi, E ar

kötömñön E jerawiwi kin kij, bwe jen erom wānik in Anij ilo E.

Isa. 53. 6, 9. Gal. 3. 13. 1 Jon 3. 5. Rom 1. 17. & 5. 19. & 10. 3.

### JAPTER 6.

**K**IM jermal iben im bareinwöt akwelap ñön kom bwe en jab jitokjen ami bök joij an Anij,

1 Kor. 3. 9. jap. 5. 20. Hib. 12. 15.

2 (Bwe Ej ba, Ilo ten ekar I ar eoroñ yuk, im ilo ran in lomor I ar jibðñ yuk; lo, kið ien emñn; lo, kið ran in lomor):

Isa. 49. 8.

3 Ke kim jab kötömñön men in buñ ilo jabrewöt, bwe en ejelok notan jermal eo am;

Rom 14. 13. 1 Kor. 9. 12. & 10. 32.

4 A ilo men otemjej kim kwalok karkarim einwöt dri jermal an Anij, ilo kijennij elap, ilo iñtan ko, ilo aikwij ko, ilo jorran ko,

1 Kor. 4. 1.

5 Ilo dribitbit ko, ilo prisñn ko, ilo jeurur ko, ilo jermal ko, ilo mmij ko, ilo jittlok ko;

jap. 11. 23.

6 Ilo erreo, ilo jela, ilo meamwör, ilo joij, ilo Jitöb kwojarjar, ilo yokwe e jab riðp,

7 Ilo nan in mol, ilo kajur an Anij; kin ken törinae in wānik i rabijnaroñ im anmiñ,

jap. 4. 2. & 10. 4. 1 Kor. 2. 4. Ep. 6. 11, 13.

8 Kin aibujujij im buijnarmij, kin buñbuñ enana im buñbuñ emñn; einwöt dri mon, im kimij mol;

9 Einwöt drua maijet im kim dri-wain ene; einwöt drien mij, im lo, kim mour; einwöt je, im jab jeek-lok;

1 Kor. 4. 9. jap. 4. 10. & 11. 6. Sam 118. 18.

10 Einwöt buromöj, a kim löñliñ ien otemjej; einwöt jeramel, a kim namweien elðñ; einwöt ejelok ibem, im men ko otemjej ibem.

11 Loñim e walöñi ñön kom, ro dri Korint, buruem elaplok.

jap. 7. 3.

12 Kom jab obrök ilo kim, a kom obrök ilo buruem.

jap. 12. 15.

13 Kiõ bwe in nawõuami ilo wãwen wõt (ij konono einwõt ñõn ro nejiõ) en bareinwõt laplok buruemi.

1 Kor. 4. 14.

14 Ren jab kadrebijik kom ilo jakkar iben ro re jab tõmak: bwe yokwe õt iben wãnik im jabwãnik? ak kõmao õt an maram iben marok?

Dut. 7. 3. 1 Samuel 5. 2. 3. 1 Kin 18. 21. 1 Kor. 10. 21. Ep. 5. 7, 11.

15 Ak eorke an Kraist bõk ñõn buruen Bilial? ak mõtõn õt an dri tõmak iben dri jab tõmak?

16 Ak ta eo einwõt juõn iben tempel an Anij im ekjõp ko? bwe kij tempel an Anij emour; einwõt Anij e ar ba, I naj jokwe ilo ir, im etetal ilo ir, im I naj air Anij, im re naj ro droõ.

1 Kor. 3. 16. Ep. 2. 21, 22. Eks. 29. 45. Levai 26. 12. Jer. 31. 33.

17 Kin men in komin drioiytok jen lolapir, im kamõkelok iamí, Iroi ej ba, im jab uñir jabrewõt men eo e jab erre; im I naj bõk kom,

Isa. 52. 11. Jap. 7. 1. Rev. 18. 4.

18 Im I naj Jememi, im kom naj ro nejiõ man im kõra, Iroi Eutiej-tata ej ba.

Jer. 31. 1, 9. Rev. 21. 7.

### JAPTER 7.

**I**NEM ro jitenburu, ke kallmur kein iber, jen mõke karreolk kij jen etton otemjej in kõnlek kab ar, im kowãppen kwojarjar ilo mijõk Anij.

Jap. 6. 17, 18. 1 Jon 3. 3.

2 Komin kebellok buruemi ñõn kim; ejelok en kim ar kabwir e, ejelok en kim ar kananaik e, ejelok en kim ar mon e.

Jerb. 20. 33. Jap. 12. 17.

3 I jab ba bwe in liakelok kom: bwe I ar ba mokta, bwe komij ber ilo buruemi in jimor mij ak jimor mour.

Jap. 6. 11, 12.

4 Elap aõ beran in kouono ñõn kom, elap aõ kimjãje kin kom: I obrõk kin ainemõn, e kanuij orlok lõõlilõn iba ilo am iñtan otemjej.

1 Kor. 1. 4. Jap. 1. 4, 11. & 3. 12. Pil. 2. 17.

5 Bwe ke kim ar itok ñõn Masedonia, kõniekim e ar jab lo kakije, a kim ar iñtan Ijo ko otemjej; elikim tõrinae ko, iloam mijõk ko.

Jap. 2. 13. & 4. 8. Dut. 32. 25.

6 Ijoke Anij, eo Ej kainemõne ro rej etã, E ar kainemõne kim kin an itok Taitõs;

Jap. 1. 4.

7 Im jab kin an itok wõt, a kin ainemõn eo ar kainemõne kake ilo kom, ke e ar kennanek kim kin ami oñkake, kin ami jõñ, kin ami kijejeto kin iõ; ein elaplok aõ lõõlilõn.

8 Bwe meñe I ar kaburomõj kom kin letter eo aõ, I jab ukwelok kiõ, meñe I ar ukwelok; bwe ij killi bwe letter eo e ar kaburomõj kom, a ilo ien eo ekaru wõt.

Jap. 2. 4.

9 Kiõ ij mõnõnõ, jab bwe ar kaburomõj kom, a bwe ar kaburomõj kom ñõn ukwelok: bwe ar kaburomõj kom ilo men eo ekar ñõn Anij, bwe komin jab bõk jabrewõt jorran jen kin.

10 Bwe buromõj ekar ñõn Anijej jerbale ukwelok ñõn mour, eo ejelok bar ukwelok jen e; a buromõj in lõl ej jerbale mij.

2 Samuel 12. 18. Mat. 26. 75. Pro. 17. 22.

11 Bwe lo, men in, ke ar kaburomõj kom ekar ñõn Anij, ie ein niknik e ar jerbale ilo kom, ak kowãnik kom, ak illu, ak mijõk, ak oñkake, ak kijejeto, ak irenwõne! Ilo men otemjej kom ar kamol bwe ejelok notami ilo men in.

12 Inem meñe I ar jeje ñõn kom, eñin e jab kin eo e ar kõmõn nana, im jab kin eo e ar jorran, a kin kallikar ñõn kom ami kanuij lale kim iman mejen Anij.

Jap. 2. 4.

13 Kin men in emwij kainemõne kim: im ilo am ainemõn ar koorlok am lõõlilõn kin lõõlilõn an Taitõs, bwe e ar aimlolo kin kom otemjej.

Rom 15. 32.

14 Bwe elañe I ar kimjãje jabrewõt ñõn e kin kom, I ar jab jok kake; a einwõt kim ar konono

men otemjej ñön kom ilo mol, ein drein kimjäje eo am ñön Taitös, bareinwöt ar loe emol.

15 Im buruen elaplok ñön kom, ke ej kememej am otemjej kiblie, ekijkan kin mijök im wurirrir kom ar bök e.

Jap. 2. 9. & 6. 12. Pil. 2. 12.

16 Ij löñliñ bwe ilo men otemjej ij beran kake kom.

2 Tes. 3. 4.

### JAPTER 8.

**B**AR juön kim kajelaik kom, ro jätim, kin joiy an Anij eo emwij lelok ñön eklisia ko i Masedonia;

2 Ekijkan ilo elap melejoñ ir kin ñitan, air löñliñ elap im kanuij jeramel e ar koorlok air mweiuk in dreeplok.

Mark 12. 44. Jap. 9. 11.

3 Bwe einwöt air maroñ, ij kennan kin ir, im elaplok jen air maroñ, r'ar kōnan im lelok,

4 Im kin elöñ akwelap r'ar kajitök ibem kin men in joiy in, im kōmao ilo jeralb ñön ro remōn.

Jerb. 24. 17. Rom 15. 25, 26. 1 Kor. 16. 1, 3, 4. Jap. 9. 1.

5 Im eñin jab einwöt kim ar kötōmene, a r'ar möke lelok ir mokta ñön Iroi, im ñön kim kin ankil an Anij.

6 Einwöt bwe kim ar kowe Taitös, bwe en kejemlok men in joiy in iloami, einwöt emwij an jino mokta.

Jap. 12. 18.

7 A einwöt komij ke ilo men otemjej, ilo tömak, im konono, im jela, im ilo lolñijñij otemjej, im ilo ami yokwe kim, lale bwe komin bareinwöt ke ilo men in joiy in.

1 Kor. 1. 5. & 12. 13. Jap. 9. 8.

8 I jab ba kin kaññi, a kin lolñijñij an ro jet, bwe in melejoñ mol in ami yokwe.

1 Kor. 7. 6.

9 Bwe komij jela joiy an ar Iroi Jisös Kraist, bwe meñe e kin mweie, E ar erom jeramel kin kom, bwe komin mweie kin An jeramel.

Mat. 8. 20. Luk 9. 58. Pil. 2. 6, 7.

10 Im I ar kwalok ađ bebe ilo men in: bwe men in men in kakajuror komeo, kom ar jino mokta jab in kōmōn wöt, a bebe in kōmōn juön yiö emotelok.

1 Kor. 7. 25. Pro. 19. 17. 1 Tim. 6. 18, 19. Hib. 13. 16. Jap. 9. 2.

11 A kiö komin bareinwöt kamwijlok ami kōmōne, bwe einwöt e ar eor bebe in kōnan, ein drein bareinwöt en or kamwijlok kin ami maroñ.

12 Bwe elañe ererelok lemnok, ej kabuñburu ekar ñön men ko iben armij, jab ñön men ko ejelok iben.

Mark 12. 43, 44. Luk 21. 3.

13 Bwe I jab ba men in bwe armij ro jet ren jerammōn, im kom jorran:

14 A kin jibjibōñ dron; tomin ten in, ami jerammōn en kōke air jeramel, bwe air jerammōn en bareinwöt kōke ami jeramel; bwe en jokwōn wöt juön:

15 Einwöt emwij jeje, Eo e ar aini elöñ ejelok bween, im eo e ar aini erik ejelok an aikwij.

Eks. 16. 18.

16 A kamolol Anij, eo E ar likit ilo buruen Taitös bwe en kanuij lale kom.

17 Bwe emol e ar eoroñ am kowe e; a bwe elap an lolñijñij, kin an möke kōnan, e ar iwij ñön ibemi.

18 Im kim ar jilkinlok iben lok juön jätim, eo e buñbuñ ilo gospel iben eklisia otemjej;

Jap. 12. 18.

19 Jab men in wöt, a bareinwöt eklisia ko r'ar kålet e bwe en karwōn kim ilo men in joiy in, eo kim jeralb kake, bwe kimin kaibujuij Iroi, im kwalok am kōnan:

1 Kor. 16. 3, 4. Jap. 4. 15. & 9. 8.

20 Ke kim kejbärok men in ñe r'ab kinaklok kim ilo lokot in kimij jerbale:

21 Bwe kim lemnok kin men ko men in nebar, jab iman mejen Iroi wöt, a bareinwöt iman mejen armij.

Rom 12. 17. 1 Pit. 2. 12.

22 Im kimij jilkinlok ibeirrolok

jätim eo elöñ alen am melejoñ an lolñijñij ilo men ko relöñ, a kiö elaplok an lolñijñij, kin an lap an liki kom.

23 Elañe jabrewöt ej kajitök kin Taitös, e rajita im ej jlböñ iö ñön kom; elak ro jätim, ir dri jilik an eklisia ko, aibujuij an Kraist.

Pl. 2. 25.

24 Inem komin kwalok ñön ir ken kamol ami yokwe, im am kimjaje kin kom, iman mejen eklisia ko.

jap. 7. 14. & 9. 2.

### JAPTER 9.

**B**WE kin jerbale ñön ro remöñ, ejelok unin aö jejewoj ñön kom:

jap. 8. 4. Gal. 2. 10.

2 Bwe I jela rereelok an ami lemnok, im ij kimjaje kin kom ñön ro dri Masedonia, bwe jen yiö ejemlok e pojök Akeia, im ami kijejeto e ar kökätök elöñ iair.

jap. 8. 10, 19, 24.

3 A I ar jilkinwoj ro jätim, bwe am kimjaje kin kom en jab jitokjen ilo men in; bwe, einwöt I ar ba, komin pojök:

jap. 8. 6, 17, 18, 22.

4 Elañe jab einwöt ñe eor dri Masedonia rej iwij iba, im lo ami jab pojök, kim naj jok (I jab ba kom) ilo liki in.

5 Inem I ar lemnok emöñ bwe in akwelap ñön ro jätim bwe ren iwij mokta ñön kom, im kömönmöñ mokta ami men in yokwe, eo emwij muri kake mokta, bwe en pojök einwöt men in yokwe, im jab men in koaroñ.

Jen. 33. 11. 1 Samuel 25. 27. 2 Kin 5. 15.

6 A ij ba men in, eo ej jeor im kelmarok e naj bareinwöt marmir im kelmarok: im eo ej jeor im dreep e naj marmir im jerammöñ.

Pro. 11. 24. & 19. 17. Gal. 9. 7, 9.

7 Jabrewöt armij einwöt e ar bebe ilo buruen, ein drein en lelok; jab kin kelmarok, ak makoko: bwe

238

Anij ej yokwe eo e möñöñ in lelok.

Dut. 15. 7. Eks. 25. 2. Rom 12. 8. jap. 8. 12.

8 Im Anij e maroñ in kömön bwe joiy otemjej en ke ñön kom; bwe komin jerammöñ ilo men ko otemjej, im ökeke ñön jerbale otemjej remöñ:

Pro. 28. 27. Pl. 4. 19.

9 Einwöt emwij jeje, E ar kijibliklok, e ar lelok ñön ro rej jeramel; An wänik ej berwöt in drio.

Sam 112. 9.

10 Im Eo ej köke ine ñön dri jeor, im bred ñön möña, E naj köke im koorlok ami ine in jeor im kalöñlok leen ami wänik:

Isa. 55. 10. Ho. 10. 12. Mat. 6. 1.

11 Ke namweiemil ilo men otemjej ñön dreeplok otemjej, eo ej jerbale ilo kim kamolol ñön Anij.

jap. 1. 11. & 8. 2.

12 Bwe kömön jlböñ in ej köke alkwij an ro remöñ, im jab men in wöt, a ej ke bareinwöt ñön elöñ kamolol Anij;

jap. 8. 14.

13 Bwe ilo melejoñ kom kin jerbale in, rej kaibujuij Anij kin ami kiblie, im kwalok gospel an Kraist, im kin ami dreeplok im lelok ñön ir im ñön otemjej;

Mat. 5. 16.

14 Ke ir bareinwöt rej jar kin kom, im jöñware kom kin joiy an Anij ej ilo kom.

jap. 8. 1.

15 Kamolol Anij kin An men in letok eo elap jen maroñ in ba.

Jem. 1. 17.

### JAPTER 10.

**K**IÖ ña Paul ij akwelap ñön kom kin inemöñ im joiy an Kraist, ña eo ke ij iman mejemi I tä ibemi, a ke I joko I beran ñön kom:

Rom 12. 1.

2 Aet, ij kajitök ibemi bwe in jab beran ñe ij ber ibemi, im einwöt ij lemnok in beran ñön jet, ro rej lemnok kin kim einwöt kimij etetal ekar ñön köniek.

1 Kor. 4. 21. jap. 12. 2. 10.

3 Bwe meſſe kim etetal im ilo kōniek, kim jab tōrinae ekar nōn kōniek,

4 (Bwe ken tōrinae ko kim tōrinae kaki re jab jen kōniek, a re kajur ilo Anij nōn jolōllok jikin ko re kajur);

Ep. 6. 13. 1 Tes. 5. 8. 1 Tim. 1. 18. 1 Kor. 2. 5. Jap. 13. 3. 4. Jer. 1. 10.

5 Ke kim jolōllok kalōmōnllokjen ko, kab jabrewōt men eo eutie, emwij koutiej e nae jela an Anij, im kajebokwe lemnok ko otemjej nōn bokake Kraist;

6 Im kim pojōk in kwi kake kiblia otemjej, ſie ami bokake e naj jejit.

Jap. 2. 9. & 13. 2. 10.

7 Komij kalimjek men ko iman mejemi. Elaſie jabrewōt armij ej liki ilo e mōke bwe e dron Kraist, en bar kalōmōnllokjen men in iben, bwe einwōt e dron Kraist ein drein bareinwōt kim.

Jon 7. 24. Jap. 5. 12. 1 Jon 4. 6. 1 Kor. 3. 23. & 9. 1. & 14. 37.

8 Bwe meſſe ij kimjāje elap jirik kin am maroñ (eo Iroj e ar letok nōn kalek kom im jab kin kokkure kom), I jamin jok kake:

Jap. 7. 14. & 12. 6. & 13. 10.

9 Bwe in jab kōmōn einwōt in kalēñoñ kom kin letter ko.

10 Bwe letter ko an, re ba, eor kobair im re kajur; a an enbwini ber e mōjino, im an konono jekron.

1 Kor. 1. 17. & 2. 3. Jap. 11. 6. & 12. 7. Gal. 4. 13.

11 Eo einwōt, en lemnok men in, bwe einwōt kimij ilo nan kin letter ko ke kim joko, kimij ein drein ilo kōmōn ſie kim ber ibemi.

12 Bwe kim jab beran in likit kim ibeir, ak keiri kim nōn ro jet rej mōke nebar ir: a ir, ke rej joñie ir iben dron im keiri ir nōn dron, re jab meletlet.

Jap. 3. 1.

13 A kim jamin kimjāje elap jen am joñok, a ekar nōn joñok in klen eo Anij e ar najoñon nōn kim, joñok eo lok nōn kom.

14 Bwe kim jab kanuij kaitoklok

kim, eluwōt elaſie kim jab tōbar woj kom; bwe kim ar wōnmanwoj nōn kom ilo kwalok gospel an Kraist:

1 Kor. 3. 5.

15 Im kim jab kimjāje im elap jen joñon, kin jeral ko an ro jet; a kim kōtōmene bwe ſie ej edreklok ami tōmak, kim naj ridtolok ibemi ekar nōn kiem nōn orlok elaplok,

Rom 15. 20.

16 Bwe kimin kwalok gospel nōn ijoko retolok jen kom, bwe kimin jab kimjāje kin men ko ilo kwonan bar juōn repojōk nōn peim.

17 A eo ej kimjāje, en kimjāje ilo Iroj.

Jer. 9. 24. 1 Kor. 1. 81.

18 Bwe e jab lejokmen leo ej mōke kwalok karkarin, a leo Iroj ej kwalok karkarin.

Pro. 27. 2. Rom 2. 29.

## JAPTER 11.

**I** KŌNAN bwe komin meanwōr nōn iō, ilo aō bwebwe erik: aet, emol komin meanwōr nōn iō.

Jap. 5. 13.

2 Bwe ij kamo kin kom ilo ekamo ekar nōn Anij: bwe I ar karōk kom nōn juōn belemi, bwe in lelok kom einwōt virjin erroo nōn Kraist.

Gal. 4. 17. 18. Kol. 1. 28.

3 A I mijōk, ſie ab kin jabrewōt, einwōt serpent eo e ar kabo Iv kin an etao, ein drein lemnok ko ami ren ettonlok jen kwojarjar im erroo eo ilo Kraist.

Jen. 3. 4. Jon 8. 44. Kol. 2. 4, 8, 18. 2 Pit. 3. 17.

4 Bwe emol elaſie eo ej itok ej kwalok bar juōn Jiſōs, eo kim ar jab kwalok e, ak elaſie kom bōk bar juōn jitōb, eo kom ar jab bōk e, ak bar juōn gospel, eo kom ar jab eoroñ e, emōn komin meanwōr nōn e.

Gal. 1. 7, 8.

5 Bwe ij lemnok I jab etā kin jabrewōt jen dri jilik reutiejtata.

Jap. 12. 11. Gal. 2. 6.

6 A meſſe I abeltok ilo konono, I jab ein drein ilo jela; aet, ilo men

otemjej kim ar kalikar e iben armij  
otemjej ñõn kom.

1 Kor. 1. 17. Ep. 3. 4. Jap. 4. 2. & 5. 11. & 10.  
10. & 12. 12.

7 Ak I ar bwir ke ilo aõ mõke kõtãik iõ bwe komin utiej, bwe I ar kwalok gospel an Anij ñõn kom im ejelok wõnan?

Jerb. 18. 3. 1 Kor. 9. 6, 12. Jap. 10. 1.

8 I ar koaroñwe eklisia ko jet, im bõk wõnaõ jen ir bwe in jibõñ kom;

9 Im ke I ar ber ibemi im aikwij, ejelok en e ar kõmõu kapjera; bwe men ko I ar aikwij, jimjãn jimjãten r'ar itok jen Masedonia r'ar kõke; im ilo men otemjej I ar kejbãrok bwe in jab kejeramel kom, im ein drein I naj kejbãrok iõ.

Jerb. 20. 33. 1 Tes. 2. 9. Pil. 4. 15, 16. Jap. 12. 13, 14, 16.

10 Einwõt mol an Kraist ilo ña, ejelok armij e naj bõprae iõ jen kimjãje in ilo ene ko Akeia.

Rom 9. 1. 1 Kor. 9. 15.

11 Bwe bõta? bwe I jab yokwe kom ke? Anij e jela.

Jap. 6. 11. & 7. 3. & 12. 15.

12 A men eo ij kõmõne, I naj kõmõne bwe in bõk ken jarõk jen ro re kõnan lo arin; bwe ilo men eo rej kimjãje kake, ren walok einwõt kim.

1 Kor. 9. 12.

13 Bwe ro rej einwõt ir, dri jilik riõp, dri jermal etao, im rej mõke kõmõn ir dri jilikan Kraist.

Jerb. 15. 24. Rom 16. 18. Gal. 1. 7. & 6. 12. Pil. 1. 15. & 3. 2. 2 Pit. 2. 1. 1 Jon 4. 1. Jap. 2. 17. Taít. 1. 10, 11.

14 Im ejelok bwilõñ, bwe Setan ej mõke kõmõne enjel in maram.

Gal. 1. 8.

15 Inem e jab lap elañe ro an dri jermal rej bareinwõt mõke kõmõn ir einwõt dri jermale wãnik; jemlokalr e naj ekar ñõn jermal ko air.

Jap. 3. 9. Pil. 3. 19.

16 Ij bar ba, Ejelok armij en lemnok ña ij bwebwe, a elañe e jab ein drein komin bõk iõ einwõt ñe ij bwebwe, bwe in bareinwõt kimjãje jirik.

Jap. 12. 6, 11.

17 Men eo ij konono, I jab konono

ekar ñõn Iroi, a einwõt ilo bwebwe, ilo liki in kimjãje in.

1 Kor. 7. 6, 12. Jap. 9. 4.

18 Bwe elõñ rej kimjãje ekar ñõn kõnlek, I naj bareinwõt kimjãje.

Pil. 3. 3, 4.

19 Bwe komij mõnõnõ im meanwõr ñõn dri bwebwe, ke kom mõke meletlet.

1 Kor. 4. 10.

20 Bwe kom meanwõr ñõn juõn armij elañe ej kamakokoik kom, elañe ej kõnta kom, elañe ej jibwe kom, elañe ej mõke koutie e, elañe ej jekanunok kom ilo mejemi.

Gal. 2. 4. & 4. 9.

21 Ij konono nae iõ einwõt elañe kim kar mõjino. A ilo jabrewõt juõn ej beran, (ij konono ilo bwebwe), ña I bareinwõt beran.

Jap. 10. 10. Pil. 2. 4.

22 Ir dri Híbru ke? bareinwõt ña. Ir dri Israel ke? bareinwõt ña. Ir inen Ebrean ke? bareinwõt ña.

Jerb. 22. 3. Rom 11. 1.

23 Ir dri jermal an Kraist ke? (ij konono einwõt lokjenaõ) ña utiejlok; ilo jermal ko elaplok, ilo prisõn ko elõñlok alen, ilo dreflok elã jen joñok, ilo mij ko makij.

1 Kor. 15. 10, 30. Jerb. 9. 16. & 20. 23. Jap. 6. 5.

24 I ar bõk matõn juõn bwe en eñoul dribitbit lailim alen jen dri Ju ro.

Dut. 25. 3.

25 Jilu alen ar dreflok iõ kin alal, juõn len ar kare iõ, jilu alen erup wa eo I ar ber ion, juõn boñ im ran I ar ber ilo lojit;

Jerb. 14. 19. & 16. 22. & 27. 41.

26 Ilo etal ko makij, ilo uõta ko kin river ko, ilo uõta ko kin dri koaroñ, ilo uõta ko kin armij ro dri eniõ, ilo uõta ko jen ro dri pegan, ilo uõta ko ilo jikin kwelok, ilo uõta ko ilo ene jemaren, ilo uõta ko ilo lojit, ilo uõta ko iben ro jimjãn jimjãten riõp;

Jerb. 9. 23. & 13. 50. & 14. 5. & 17. 5. & 19. 22. & 21. 31.

27 Ilo jermal im iñtan, ilo ekil ko

makij, ilo kwuli im maro, ilo jitlok ko makij, ilo bio im kelwan.

Jerb. 20. 31. Jap. 6. 5. 1 Kor. 4. 11.

28 A eor jen bar men ko jet re walo, men eo ej itok ioð ran otemjej, inebata kin eklisia otemjej.

Jerb. 20. 18. Rom 1. 14.

29 Wõn e mõjino, im I jab mõjino? wõn latibñil e, im e jab bwil buruð?

1 Kor. 9. 22.

30 Elañe emõn in kimjåje, I naj kimjåje kin men ko ilo að mõjino.

Jap. 12. 5, 9, 10.

31 Anij, aet Jemen IroiJ Jisõs, Eo emõnõnõ in drio, E jela bwe I jab riõp.

Rom 9. 5. Jap. 1. 23.

32 Ilo Damaskõs, iroiJ eo etå jen Aritas kifñ, e ar bar jikin kwelok an dri Damaskõs bwe en jibwe ið:

Jerb. 9. 24, 25.

33 Im kin kapjur, ilo kilõk ar dror ið lõllok ilo worwor, im I ar ko jen pein.

## JAPTER 12.

**EMÕN** bwe in kimjåje, meñe e jab men in kakajuror, a I naj itok fiõn viõõn ko im reveleõõn ko an IroiJ.

2 I jela juõn armij ilo Kraist, jofoul im emen yið remotelok (elañe ilo enbwiniñ, I jab jela; ak elañe elikin enbwiniñ, I jab jela; Anij e jela), ar kwotõkliñlok lein fiõn lõñ ken ka jilu.

Jap. 5. 17. Jerb. 22. 17.

3 Im I jela armij in (elañe ilo enbwiniñ, ak e jibil jen enbwiniñ, I jaje; Anij e jela),

4 Ekijkan kwotõkliñlok e fiõn loan Paredais, im ej roñ nan ko je jab maroñ in konono, ko e jab melim bwe armij en ba.

Luk 23. 43.

5 Kin lein I naj kimjåje: a kin fiã I jamin kimjåje, elañe e jab kin að mõjino ko.

Jap. 11. 30.

6 Bwe meñe I kõnan kimjåje, I jamin dri bwebwe; bwe I naj konono mol: a kið emwij, bwe jabre-

wõt armij en jab lemnok kin fiã I lap jen men eo ej lo ið, ak roñ jen ið.

Jap. 10. 6. & 11. 16.

7 Im bwe in jab jualõñlõñ kin an kanuij lap reveleõõn fiõn ið, ar letok fiõn ið juõn kãliklik ilo kõniekið, juõn dri jilikan Setan bwe en ubrare ið, bwe in jab jualõñlõñ.

Ezek. 23. 24. Job 2. 7.

8 I ar akwelap fiõn IroiJ kin men in alen jilu, bwe en joko jen ið.

Mat. 23. 44.

9 Im emwij An ba fiõn ið, Að joiJ e bwe fiõn yuk, bwe Að kajur e wãppenlok ilo mõjino. Inem I naj kanuij mõuõnõ in kimjåje kin mõjino ko að, bwe kajur an Anij en ber ioð.

Jap. 11. 30.

10 Inem ebuñburuð ilo mõjino ko, ilo jorran ko, ilo aikwij ko, ilo matõrtõr ko, ilo iñtan ko kin Kraist: bwe fiã I mõjino, inem I kajur.

Rom 5. 3. Jap. 7. 4. & 13. 4.

11 Ñã ij erom dri bwebwe, kom ar kamokokoik ið, bwe emõn komin kar kwalok karkarið: bwe I jab likjõp, kin jabrewõt, jen dri jilik reutiejtata, meñe ij jekron.

Jap. 11. 1, 5, 16, 17. Gal. 2. 6-8. 1 Kor. 3. 7. & 15. 8, 9.

12 Emol kakõle ko an dri jilik ar kõmõni ilo bwiljimi ilo kijenmij otemjej, kin kakõle ko im men in bwilõñ ko, im jeral ko re kajur.

Rom 15. 19. 1 Kor. 9. 2. Jap. 6. 4.

13 Bwe ta eo kom ar likjõp jen eklisia ko jet kake, elañe jab bwe I ar jab men in erro fiõn kom? Komin jolok nana iu að.

1 Kor. 1. 7. & 9. 12. Jap. 11. 7, 9.

14 Lo, alen in ken ka jilu I pojõk in iwij fiõn kom; im I jamin erro fiõn kom: bwe I jab bukot mweieml, a kom: bwe e jab kwonan ajiri ojõk jemeir im jineir, a kwonan jemeir im jineir ojõk ro nejliir.

Jap. 13. 1. Jerb. 20. 33. 1 Kor. 4. 14, 15. & 10. 33.

15 Im I naj mõnõnõ in dreeplok im niknik kake kin ami. Elañe elaplok að yokwe kom, eriklok ami yokwe ið ke?

1 Tes. 2. 8. Jon 10. 11. Jap. 1. 6. Kol. 1. 24. 2 Tim. 2. 10.

16 A en ein dreiu, Ña I ar jab keramel kom; Ijoke, ke I bājik, I ar jibwe kom kin meletlet.

Jap. 11. 9.

17 I ar mōke kejeramōn iō ibemi ke kin jabrewōt ian ro I ar jilkinwoj ñōn ibemi?

Jap. 7. 2.

18 I ar kowe Taitōs im I ar jilkinwoj lben woj jātim eo. Taitōs e ar mōke kejeramōn e ibemi ke? kimro ar jab etetal ilo juōn wōt Jitōb ke? e jab juōn wōt jenkwoñ neem ke?

Jap. 8. 6, 16, 18.

19 Eto komij lemnok bwe e ñōn kom kimij uak kin kim mōke. Kim konono iman mejen Anij ilo Kraist. A men otemjej, kom jitenburu, kin kalek kom.

Jap. 5. 12. Rom 9. 1.

20 Bwe I mijōk, elañe, ñe ij iwij, I ab lo kom jab einwōt I kōnan ilo jabrewōt, im I ab walok ñōu kom einwōt kom jab kōnan: ñe ab jet burojibil, junmare, illu ko, akwail ko, rurue ko, unojirikrik ko, airwaro ko;

1 Kor. 4. 21.

21 Im ñe aō Anij e ab kōtāik iō iman mejemi ñe ij bar iwij, im I ab joñōt elōñ ro r'ar jerawiwī mokta, im re jañin ukwelok ibeir kin etton im lūñ im nana ko r'ar kōmōnmōni.

Jap. 2. 1, 4. & 13. 2. 1 Kor. 5. 1.

### JAPTER 13.

**A**LEN in ken ka jilu ij iwij ñōn kom. Kin loñin ruo ak jilu dri kennan naj kabin nan otemjej. Jap. 12. 14. Bwin. 35. 30. Dut. 19. 15. Mat. 18. 16. Jon 8. 17.

2 I ar ba mokta, im ij ba kiō, einwōt ke I ar ber ibemi alen ken ka ruo, bar einwōt kiō ke I joko, ñōn ro r'ar jerawiwī mokta, im ñōn ro otemjej jet, bwe, elañe ij bar iwij, I jamin tiriamo kake;

Jap. 1. 23. & 10. 2. & 12. 21.

242

3 Bwe komij bukot kamol kin an Kraist konono ilo ña, Eo e jab mōjino ñōn kom, a E kajur ilo kom.

Mat. 10. 20. 1 Kor. 5. 4. 1 Kor. 9. 2.

4 Bwe ar drebail E ilo mōjino, a Ej mour kin kajur an Anij. Bwe kim bareiawōt mōjino ilo E, a kim naj mour iben kin kajur an Anij im ñōn kom.

Pil. 2. 7, 8. 1 Pit. 3. 18. Rom 6. 4.

5 Komin mōke melejoñ kom elañe kom ber ilo tōmak eo; komin mōke kamol kom. Ak kom jab mōke jela ke, bwe Jisōs Kraist ej ber ilo kom? elañe kom jab drien joko.

Rom 8. 10. Gal. 4. 19. 1 Kor. 9. 27. & 11. 28.

6 A ij kōtōmene bwe kom naj jela bwe kim jab drien joko.

7 A kim jar ñōn Anij bwe komin jab kōmōnmōn nana; jab bwe en walok am mol, a bwe komin kōmōn emōn, meñe kim einwōt drien joko.

8 Bwe ejelok am maroñ in jumae mol, a kin mol wōt.

9 Bwe kim lōñlifi ñe kim mōjino im kom kajur: im kim naj jar kin men in, bwe komin wāppenlok.

1 Kor. 4. 10. Jap. 11. 30. 1 Tes. 3. 10.

10 Inem ij jeje men kein ke I joko, bwe, ñe ij ber ibemi, eu jab bin aō in nan, ekar ñōu kajur eo Iroj e ar letok ñōn iō kin kalek, im jab kin jolōllok.

1 Kor. 4. 21. Tait. 1. 13. Jap. 10. 8.

11 Elikkata, ro jātiō, komin lōñlifi, komin alnemōn, komin wāppen, en buruemi wōt juōn, komin mour ilo alnemōn: im Anij in yokwe im alnemōn E naj ber ibemi.

Rom 12. 16, 18. & 15. 33.

12 Komin yokyokwe dron kin mejenma ekwojarjar.

Rom 16. 16.

13 Ro remōn otemjej rej yokyokwe kom.

14 Jolj an ar Iroj Jisōs Kraist, im yokwe an Anij, im kōmao an Jitōb Kwojarjar, en ber ibemi otemjej.

Rom 16. 24. Pil. 2. 1.



# LETTER AN PAUL ÑŃN DRI GALETIA.

## JAPTER 1.

**P**AUL, dri jilik (jab jen armij rŃn, ak jab kin armij, a kin JisŃs Kraist, im Anij Jemen, Eo e ar kejerkakbiji E jen ro remij),  
Jerb. 2. 24. & 9. 6. & 22. 10, 15, 21. & 26. 16.  
Tait. 1. 3.

2 Im jimjān jimjāten otemjej rej ber iba, ñŃn eklisia ko i Galetia:  
Pil. 4. 21.

3 Joij ñŃn kom, im ainemŃn jen Anij Jemer, im ar IroiJ JisŃs Kraist,  
Rom 1. 7. 1 Kor. 1. 3.

4 Eo e ar mŃke lelok E kin jera-wiwi ko ar, bwe En lomoren kij jen lŃl in enana, ekar ñŃn ankil an ar Anij im Jemer:

Mat. 20. 28. Rom 4. 25. Jap. 2. 20. Jon 15. 19.  
& 17. 14. 1 Jon 5. 19.

5 ÑŃn E aibujuij in drio im in drio. Amen.

6 Ij bwilŃŃ bwe ein drein ami mŃkŃj im oktŃklok jen Eo e ar kir kom ilo joiJ an Kraist, ñŃn gospel ein juŃn;

Jap. 5. 8.

7 Eo e jab bar juŃn, a jet rej bluk-tŃk kom, im kŃnan ukot gospel an Kraist.

2 Kor. 11. 4. Jerb. 15. 24. 2 Kor. 11. 13. Jap. 5. 10.

8 A meŃie kim, ak juŃn enjel jen lŃŃ, naj kwalok jabrewŃt gospel ñŃn kom ein juŃn jen gospel eo kim ar kwalok ñŃn kom, en anatema.

9 EinwŃt kim ar ba mokta, ein drein ij bar ba kiŃ, ElaŃie jabrewŃt armij ej kwalok jabrewŃt gospel ñŃn kom ein juŃn jen eo kom ar bŃke, en anatema.

Dut. 4. 2. & 12. 32. Pro. 30. 6.

10 Bwe kiŃ ij jeraik ke armij rŃn, ak Anij? ak ij bukot bwe in kabuŃburuen armij rŃn ke? elaŃie kiŃ ij kabuŃburuen armij rŃn, I jab korijeran Kraist.

1 Samuel 24. 7. 1 Jon 3. 19. 1 Tes. 2. 4. Jem. 4. 4.

11 Bwe ij kajelaik kom, ro jātŃŃ, kin gospel eo I ar kwalok e, bwe e jab lor armij.

1 Kor. 15. 1.

12 Bwe I ar jab bŃk e jen armij, ak r'ar jab katakin iŃ, a ej itok kin reveleŃŃn jen JisŃs Kraist.

Ep. 3. 3.

13 Bwe kom ar roŃ kin aŃ etetal iomŃn ien ko lok ilo kabuŃ an dri Ju, ekijkan I ar kanuij matŃrtŃr eklisia an Anij, im I ar kokkure e. Jerb. 9. 1. & 22. 4. & 26. 11. 1 Tim. 1. 13.

Jerb. 8. 3.

14 Im I ar wŃnmanlok ilo kabuŃ an dri Ju jen elŃŃ ro ridta wŃt iben dri ailiŃ eo aŃ, ke I ar kanuij kije-jeto kin bwebwenato an ro jima.

Jerb. 22. 3. Pil. 3. 6. Jer. 9. 14. Mat. 15. 2.

Mark 7. 5.

15 A ke ebuŃburuen Anij, eo E ar kamŃkelok iaŃ, aet, jen lojen jinŃ, im kir iŃ kin an joiJ,

Isa. 49. 1, 5. Jer. 1. 5. Jerb. 9. 15. Rom 1. 1.

16 Bwe En kwalok Nejin ilo Ńia, bwe in kwalok E ñŃn ro dri alliŃ ko; emŃkŃj I ar jab bebe iben kŃ-niek im bŃtŃktŃk:

2 Kor. 4. 6. Jerb. 9. 15. Rom 11. 13. Ep. 3. 6.

Mat. 16. 17.

17 Im I ar jab ilok ñŃn Jerusalem, ñŃn iben ro r'ar dri jilik mokta jen iŃ; a I ar ilok ñŃn Arebia, im bar jeblak ñŃn DamaskŃs.

18 Inem ilokwin jilu yiŃ I ar wŃn-liŃlok ñŃn Jerusalem bwe in lolok Sipas, im I ar jokwe iben jŃŃoul im lailim ran.

Jerb. 9. 26.

19 A I ar jab lo dri jilik ro jet, elaŃie e jab Jemes jātŃn IroiJ.

1 Kor. 9. 5.

20 KiŃ kin men ko ij jejewoj ñŃn kom, lo, iman mejen Anij, I jab riŃp.

Rom 9. 1.

21 Tokelik I ar itok ñŃn ene ko Siria im SiliŃia.

22 Im re jaje meja, ro dri eklisia i Judia, ro ilo Kraist:

1 Tes. 2. 14.

23 A men in wõt rej roñjake, Eo e kin matörtöre kij, kiõ ej kwalok gospel eo e kar kokkure.

24 Im rej kaibujuij Anij ilo ña.

## JAPTER 2

**I**NEM ilokwin jofiuol im emen iylo I ar bar wõuliñlok ñõn Jerusalem iben Barnebas, im añinlok Taltõs ibalok.

Jerb. 15. 2.

2 Im I ar wõnliñlok ekar ñõn revelešõn, im I ar kennanek ir kin gospel eo ij kwalok e ñõn ro dri allin ko, a mõkelok lam iman mejen ro rebuñbuñ, ñe I ab etõr, ak I ar etõr kin jitokjen.

Jerb. 15. 12. 1 Tes. 3. 5.

3 A Taltõs eo e ar karwõn iõ, e dri Grik, ar jab kamakokoik e bwe en mijmij:

4 Im men in kin jimjån jimjåten riõp, r'ar dreloñ kin mon, ro r'ar noj air dreloñ bwe ren kejar anemkwojar, eo iber ilo Kraist Jisõs, bwe ren kamakokoik kij.

5 Kim ar jab najikiir kin kõtåik kim, jab iomin juõn wõt auõ; bwe mol in gospel en berwõt ibemi.

Jap. 3. 1.

6 A jen ro r'ar buñbuñ (jekron iba leiir mokta; Anij e jab bõk wåwen armij,) emol ro r'ar buñbuñ r'ar jab letok jabrewõt ñõn iõ:

Jap. 6. 3. 2 Kor. 12. 11.

7 A ein juõn, ke rej lo bwe emwij letok ñõn iõ gospel in jabmijmij, im einwõt ñõn Piter eo in mijmij; Jerb. 13. 46. Rom 1. 5. & 11. 13. 1 Tim. 2. 7.

1 Tes. 2. 4.

8 (Bwe Eo e ar kamaroñ Piter bwe en dri jilik ñõn dri mijmij E ar bareinwõt kamaroñ iõ ñõn dri allin ko);

Jerb. 9. 15. & 13. 2. Jap. 1. 16. Jap. 3. 5.

9 Im ke rej kill joij eo emwij letok ñõn iõ, James in Sipas in Jon, ro rebuñbuñ einwõt jur ko, r'ar letok ñõn iõ im Barnebas anbijmarofir

ilo kõmao; bwe kimin ilok ñõn dri allin, a ir ñõn dri mijmij;

Mat. 16. 18. Rom 1. 5. & 12. 3. 6.

10 Men in wõt r'ar kõnan bwe kimin kememey ro dri jeramel; men eo I ar kijejeto in kõmõn.

Jerb. 24. 17. Rom 15. 25. 2 Kor. 8. & 9.

11 A ke Sipas e ar itok ñõn Antioik, I ar jumae iman mejen, bwe eor ruõn.

Jerb. 15. 25.

12 Bwe mokta jen an itok jet armij jen iben James, e kin mõiña iben dri allin: a ke r'ar itok, e ar illok im jibil jen ir, bwe e mijõk ro ian dri mijmij.

Jerb. 10. 23. & 11. 2.

13 Im dri Ju ro jet r'ar bo iben; einwõt bwe Barnebas e ar bareinwõt rel lok ilo air mon.

14 A ke I ar lo bwe re jab etetal jime ekar ñõn mol in gospel, I ar ba ñõn Sipas iman mejeir otemej, Elañe kwe, dri Ju, kwoj mour einwõt dri allin, im jab einwõt dri Ju, ekijkan am kamakokoik dri allin bwe ren ber im kõmõn einwõt dri Ju?

1 Tim. 5. 20.

15 Kim dri Ju kin biktokim, im jab dri jerawiwi ian dri allin ko,

Jerb. 15. 10, 11. Mat. 9. 11.

16 Ke kim jela bwe armij e jab wånik kin jermal in kien, a kin liki Jisõs Kraist, kim ar liki Kraist Jisõs, bwe kimin wånik kin liki Kraist, im jab kin jermal in kien: bwe kin jermal in kien ejelok kõniek e naj wånik.

Jerb. 13. 38, 39. Rom 1. 17. & 3. 20, 22, 23. & 8. 3. Jap. 3. 11, 24. Sam 143. 2.

17 A elañe, ke kim ar bukot bwe kimin wånik ilo Kraist, kim bareinwõt ar walok dri jerawiwi, inem Kraist e dri jerbale jerawiwi ke? en jab in.

18 Bwe elañe ij bar kalek men ko I ar kokkure, ij kwalok iõ dri juri kien.

19 Bwe ña kin kien I ar mij jen kien, bwe in mour ñõn Anij.

Rom 8. 2. & 6. 11, 14. & 7. 4, 6. 1 Tes. 5. 10.

Hib. 9. 14.

20 Emwij dreball iõ iben Kraist;

im jen ien eo e jab ña ij mour, a Kraist ej mour ilo ña: aet, mour eo ij mour kiõ ilo kõniek, ij mour ilo liki Nejin Anij, Eo e ar yokwe iõ, im möke lelok E kin iõ.

Rom 6. 6. 2 Kor. 5. 15. 1 Pit. 4. 2. Ep. 5. 2.

21 I jab kejekron joij an Anij: bwe elañe wānik ej kin kien, inem an Kraist mij e jitokjen.

Jap. 3. 21. Hib. 7. 11. Jap. 5. 4.

### JAPTER 3.

**O** DRI Galetia dri bwebwe, wõn e ar kābel kom, komeo iman mejemi ar kwalok alikar Jisõs Kraist ilo bwiljimi, ilo air dreball E.

Jap. 2. 14. & 5. 7.

2 Men in wõt I kõnan jela jen kom, Kom ar bõk Jitõb kin jermal in kien ke, ak kin eoroñ in tōmak?

Jerb. 2. 38. & 8. 15. & 10. 47. & 15. 8. Ep. 1. 13.

Hib. 6. 4. Rom 10. 17.

3 Ein drein ami bwebwe ke? mõjen ami jino ilo Jitõb komij wāppen kiõ ilo kõniek ke?

Jap. 4. 9.

4 E ar jitokjen ami iñtan kake men ko relõñ ke? elañe emol e jitokjen.

Hib. 10. 35. 36. 2 Jon 8.

5 Inem Eo ej kõke Jitõb ñõn kom, im kõmõn men in bwilõñ ko iolapemi, Ej kõmõni kin jermal in kien ke, ak kin eoroñ in tōmak?

6 Einwõt Ebrean e ar tōmak Anij, im emwij watõk e ñõn e einwõt wānik.

Jen. 15. 6. Rom 4. 3, 9, 21, 22. Jem. 2. 23.

7 Inem komin jela bwe ro re jen tōmak, rein ro nejin Ebrean.

8 Im Jeje eo, ke e ar lo mokta bwe Anij e naj kowānik ro dri aillñ kin tōmak, e ar kwalok mokta gospel ñõn Ebrean, im ba, Ilo kwe dri aillñ otemjej re naj mõnõnõ.

Rom 9. 17. Jen. 12. 3. & 18. 18. & 22. 18.

9 Ein drein ro re jen tōmak rej mõnõnõ na iben Ebrean eo ej tōmak.

10 Bwe ro otemjej re jen jermal in kien rej ber iomin juõn binikol: bwe emwij jeje, Naj kole jabrewõt eo e jab berwõt ilo men ko otemjej

jeje ilo buk in kien bwe en kõmõnmõni.

Dut. 27. 26. Jer. 11. 3.

11 A e alikar bwe ejelok armij e wānik ilo kien iman mejen Anij: bwe, Eo dru wānik e naj mour kin tōmak;

Jap. 2. 16. Hab. 2. 4. Rom 1. 17. Hib. 10. 38.

12 Im kien e jab jen tōmak; a Eo ej kõmõnmõn men keiu e naj mour ilo ir.

Rom 4. 4. & 10. 5. & 11. 6. Leval 18. 5.

13 Kraist e ar binmour ñõn kij jen binikol in kien, ke E ar erom binikol kin kij: bwe emwij jeje, E menukol jabrewõt eo ej toto ilo wijki:

2 Kor. 5. 21. Jap. 4. 5. Dut. 21. 23.

14 Bwe men in mõnõnõ an Ebrean em itok ion dri aillñ ilo Kraist Jisõs; bwe jen bõk kalimur in Jitõb kin tōmak.

Rom 4. 9, 16. Isa. 44. 3.

15 Ro jätio, ij konono einwõt armij: Meñe kalimur an armij wõt, ñe emwij kabin e, ejelok armij ej kejekron, ak kobalk ñõn e.

Hib. 9. 17.

16 A ar kwalok kalimur ko ñõn Ebrean, im ñõn inen. E jab ba, Im ñõn ine ko, einwõt kin elõñ; a einwõt kin juõn, Im ñõn ineõm, eo Kraist.

Jen. 12. 3. 1 Kor. 12. 12.

17 A ij ba men in; kalimur eo Anij e ar kabin e mokta, kien, eo e ar itok ābuki im jilñoul yiõ tokelik, e jab jolok, bwe en kajitokjen kalimur eo.

Eks. 12. 40, 41.

18 Bwe elañe jolit eo e jen kien, e jab jen kalimur; a Anij e ar wujleplik ñõn Ebrean kin kalimur.

Rom 4. 14. & 8. 17.

19 Inem ta eo kien? E ar koba kin jerawiwi ko, ñõn ien ine eo ej itok Eo emwij kwalok kalimur ñõn E; ke ar likit e kin enjel ro ilo pein juõn dri kilajrõk.

Rom 4. 15. 1 Tim. 1. 9. 1 Jerb. 7. 58. Eks. 20. 19, 21, 22. Dut. 5. 5, 22, 23, 27, 31. Jon 1. 17. Jerb. 7. 38. 1 Tim. 2. 5.

20 Kiõ dri kilajrõk e jab kin juõn, a Anij e juõn.

Rom 3. 29, 30.

21 Inem kien ej jumae kalimur an Anij ke? en jab in: bwe elañe eor kien e maroñ in lelok mour, emol wānik e naj kar jen kien.

Jap. 2. 21.

22 A Jeje eo e ar kili men otemjej iomin jerawiwi, bwe en lelok kalimur kin liki Jisōs Kraist ñōn ro rej tōmak.

Rom 3. 9. & 4. 16. & 11. 32.

23 A mokta jen an tōmak itok ar kejbārok kij im kili kij iomin kien, ñōn tōmak eo ej walok tokelik.

24 Ein drein kien juōn ar dri lale in tel kij ñōn Kraist, bwe jen wānik kin tōmak.

Mat. 5. 17. Jap. 2. 16.

25 A kiō e mottok tōmak, im emwij ar ber iomin dri lale eo.

26 Bwe kom otemjej ro nejin Anij, kin tōmak, ilo Kraist Jisōs.

Jon 1. 12. Rom 8. 15. Jap. 4. 5. 1 Jon 3. 1, 2.

27 Bwe ro otemjej iami emwij baptais ir ilo Kraist r'ar kōñōk Kraist.

Rom 6. 3. & 13. 14.

28 Re ban dri Ju ak dri Grik, re ban korijeran ak anemkwojan, re ban man ak kōra; bwe kom otemjej juōn ilo Kraist Jisōs.

1 Kor. 12. 13. Jap. 5. 6. Jon 10. 16. & 17. 21.

Ep. 2. 14-16. & 4. 4.

29 A elañe kom ro dron Kraist, inem kom inen Ebream, dri jolit ekar ñōn kalimur.

Jen. 21. 10, 12. Rom 9. 7. Jap. 4. 7, 28. Ep. 3. 6.

#### JAPTER 4.

**K**IŌ ij ba, dri jolit ien ke ej ajiri, e jab lijiklok ilo jabrewōt jen korijeran, meñe ej iroiñ ion men otemjej;

2 A ej ber iomin dri lale im dri kōmñe mae ien eo einwij an jemen bebe kake.

3 Ein drein bareinwōt kij ke j'ar ajiri, j'ar dri kamakoko iomin irinekatak in lōl:

Jap. 2. 4. & 5. 1. Kol. 2. 8, 20.

4 A ke ien eo ejejit, Anij e ar jilkintok Nejin, lotak jen kōra, lotak iomin kien,

Jen. 49. 10. Dan. 9. 24. Mark 1. 15. Jon 1. 14. Rom 1. 3. Pil. 2. 7. Hib. 2. 14. 1 Jen. 3. 15. Isa. 7. 14. Mika 5. 3. Mat. 20. 23. & 5. 17.

5 Bwe Eu binmour ñōn ro r'ar ber

iomin kien, bwe jen erom kōnilujen nejin.

Mat. 20. 28. Jap. 3. 13, 26. 1 Pit. 1. 18, 19.

6 Im bwe kom ro nejin, Anij e ar jilkintok Jitōb òu Nejin ilo buruer, im ba, Abba, Jema.

Rom 5. 5. & 8. 15.

7 Inem ein drein kwo jab bar korijeran, a nejin; im elañe nejin, dri jolit kin Anij.

Rom 8. 16, 17. Jap. 3. 29.

8 A ien eo, ke kom ar jaje Anij, kom ar korijeran ro biktokiir rej anij jekron.

Ep. 2. 12. 1 Tes. 1. 9.

9 A kiō ke emwij ami jela Anij, ak emōnlok ba, emwij an Anij jela kom, ekijkan ami bar oktōklok ñōn irinekatak ko remōjino im uñuñar, im komij kōnan bwe komin bar korijeral?

1 Kor. 8. 3. Jap. 2. 3. Kol. 2. 20. Rom 6. 1. Hib. 7. 18.

10 Komij lale ran ko, im aliñ ko, im ien ko, im yiō ko.

Rom 14. 5. Kol. 2. 16.

11 I mijōk kin kom, ñe ab jlitken aō kar jeral ñōn kom.

Jap. 2. 2. & 5. 2. 4.

12 Ro jātiō, ij akwelap ñōn kom, komin erom einwōt ña, bwe emwij aō erom einwōt kom. Ejelok ami nana iba:

2 Kor. 2. 5.

13 A komij jela bwe kin juōn mōjino in kōniek, I ar kwalok gospel ñōn kom ien eo mokta.

1 Kor. 2. 3. Jap. 1. 6.

14 Im men in melejoñ komeo ilo kōniekiō kom ar jab kejekron ak jolok; a kom ar bōk iō einwōt juōn enjel an Anij, einwōt Kraist Jisōs.

2 Samuel 19. 27. Zek. 12. 8. Mal. 2. 7. Mat. 10. 40. 1 Tes. 2. 12.

15 Inem ewl kar ami mōñōñō? bwe ij kennan kin kom, bwe, elañe e maroñwe, kom naj kar itiki menjeml im letok ñōn iō.

16 Inem ña ij erom ami dri kijiril ke, kin aō kwalok mol ñōn kom?

Jap. 2. 5, 14.

17 Rej kijejeto kin kom ilo ial e jab emōn; aet, re kōnan kijbil kom bwe komin kabukot ir.

Rom 10. 2. 2 Kor. 11. 2.

18 A emōn bwe ren kijejeto im kabukot kom ilo emōn ien otemjej, im jab ke ij ber ibemi wōt.

19 Ajiri ro nejiō, ro ij bar iñtan kin kom ñōn ien eo emwij nawāwen Kraist ilo kom,

1 Kor. 4. 15. Pall. 10. Jem. 1. 18.

20 Aet, I kōnan in kar ber ibemi kiō, im ukot ainikiō, bwe ij berre kin kom.

21 Komin ba ñōn iō, komeo kom kōnan ber iomin kien, kom jab roñjake kien ke?

22 Bwe emwij jeje, Ruo nejin Ebream, juōn kin lio dri kamakoko, im juōn kin lio anemkwojan.

Jen. 16. 15. & 21. 2.

23 A leo nejin dri kamakoko e ar lotak lor kōniek; a leo nejin dri anemkwojan, e kin kalimur eo.

Rom 9. 7. Jen. 18. 10, 14. & 21. 1. Hib. 11. 11.

24 Men kein nan in kōkar: bwe limarein ruo kalimur; juōn jen tol Sainai, eo ej neje ñōn men in kamakoko, liin Hegar.

Dut. 33. 2.

25 Bwe Hegar e tol Sainai ilo Arebia, im e einwōt Jerusalem kiō, bwe e dri kamakoko kab ro nejin.

26 A Jerusalem eo ilōñ e anemkwojan, im liin jinruij.

Isa. 2. 2. Hib. 12. 22. Rev. 3. 12. & 21. 2, 10.

27 Bwe emwij jeje, Kwon lōñliñ, driewar kweo kw'ar jab neje; kwo-tōke ainikiōm im lamij, kweo kwo jab iñtan, bwe elōñlok ro nejin lijnono jen lio juōn eman belen.

Isa. 54. 1.

28 A kij, ro jātīō, einwōt Alsak, kij ro nejin kalimur.

Jerb. 3. 25. Rom 9. 8. jap. 3. 20.

29 A einwōt ilo ien eo, eo e lotak lor kōniek e ar matōrtōre eo e lor Jitōb, ein drein kiō.

jap. 5. 11.

30 A ta eo Jeje ko re ba? Kwon jolok lio dri kamakoko kab leo nejin; bwe leo nejin lio dri kamakoko e jamin dri jolit iben leo nejin lio dri anemkwojan.

jap. 3. 8, 22. Jen. 21. 10, 12. Jon 8. 35.

31 Inem, ro jātīō, je jab ro nejin lio dri kamakoko, a lio anemkwojan.

jap. 5. 1, 13.

## JAPTER 5.

**K**IN anemkwojar Kraist e ar na anemkwojar; inem komin jutōk bin, im jab bar lorōk ilo ine in kamakoko.

Jon 8. 32. Rom 6. 18. 1 Pit. 2. 16. Jerb. 15. 10. jap. 2. 4.

2 Lo, ña Paul ij ba ñōn kom, bwe, elañe komij mijmij, Kraist e jamin kakajuror kom ñōn jirik.

Jerb. 15. 1. & 16. 3.

3 Aet, ij bar kennanek jabrewōt armij eo ej mijmij, bwe e dri muri in kōmōn aolepen kien.

jap. 3. 10.

4 Kom jibil jen Kraist, jabrewōt iamī, kom kōnan kowānik kom llo kien; kom ar buñlok jen joij.

Rom 9. 31, 32. jap. 2. 21. Hib. 12. 15.

5 Bwe kin Jitōb, ilo tōmak, jej kōtar kejatirikrik in wānik.

Rom 8. 24, 25.

6 Bwe ilo Kraist Jisōs mijmij e jab kakajuror ilo jabrewōt, ak jabmijmij: a tōmak eo ej jerbāl kin yokwe.

1 Kor. 7. 19. jap. 3. 28. & 6. 15. Kol. 3. 11. 1 Tes. 1. 3. Jem. 2. 18, 20, 22.

7 Emōn ami kin etōr; wōn e ar karumij kom bwe komin jab bokake mol?

1 Kor. 9. 24. jap. 3. 1.

8 Karel in e jab jen Eo ej kir kom.

jap. 1. 6.

9 Jirik leven ej leven aolepen iōk eo.

1 Kor. 5. 6.

10 Ña ij liki kom ilo Iroj, bwe e jamin ein juōn buruemi; a eo jabrewōt ej biuktōk kom e naj bōk liakelok e.

2 Kor. 2. 3. jap. 1. 7.

11 A ña, ro jātīō, elañe ij kwalok wōt mijmij, etke rej matōrtōre iō wōt? inem lōkātīp in drebail e joko.

jap. 6. 12. jap. 4. 29. & 6. 17. 1 Kor. 1. 23.

12 I kōnan bwe ro rej kōmār kom ren kar mōke bukwelok ir.

Jos. 7. 25. 1 Kor. 5. 13. jap. 1. 8, 9. Jerb. 15. 1, 2, 24.

13 Bwe komeo, ro jātīō, ar kir kom ñōn anemkwojami; men in wōt, komin jab kōmōu bwe anem-

kwojami en ien jarök ñön kōniek, a kin yokwe komin korijer ñön dron. 1 Kor. 8. 9. & 9. 19. 1 Pit. 2. 16. 2 Pit. 2. 19. jap. 6. 2.

14 Bwe aolepen kien e jejit ilo juñon nan, eñin; Kwon yokwe dri turum im einwöt kwe.

Mat. 7. 12. & 22. 40. Leval 19. 18. Rom 13. 9.

15 A elañe komij kiji im kōñi dron, kejbärok bwe komin jab lot iben dron.

16 A ij ba, Komin etetal kin Jitöb im kom jamin kajejit möm in kōniek.

Rom 6. 12. & 8. 1, 4, 12. & 13. 14.

17 Bwe kōniek ej ineme Jitöb, im Jitöb nae kōniek; bwe rein rej jumae dron; bwe komin jab kōmön men ko kom kōnan.

Rom 7. 15. & 8. 6, 7, 19, 23.

18 A elañe Jitöb ej tel kom, kom jab iomin kien.

Rom 8. 14.

19 Kiö jermal in kōniek ko re alikar, im men kein: lüñ, etton, ejej, 1 Kor. 3. 3. Ep. 5. 3. Kol. 3. 5. Jem. 3. 14, 15.

20 Kabuñ ñön ekjöp, marmir, kikirät ko, akwail ko, ban ko, illu ko, wälok ko, limöjnonu ko, kiöjaljal ko,

21 Junmar ko, karek, airwaro ko, im men ko eirwöt: ij kennanek kom kaki einwöt I ar kennanek kom mokta, bwe ro rej kōmön men röt kein re jamin bök air jolit ailiñ in Anij.

1 Kor. 6. 9. Ep. 5. 5. Kol. 3. 6. Rev. 22. 15.

22 A leen Jitöb, yokwe, löñiliñ, ainemön, meanwör, joi, lejokmen, tiljek,

Jon 15. 2. Ep. 5. 9. Kol. 3. 12. Jem. 3. 17. Rom 15. 14. 1 Kor. 13. 7.

23 Inemön, jadör: ejelok kien nae men röt kein.

1 Tim. 1. 9.

24 Im ro dron Kraist r'ar dreball kōniek kab ankwōnak ko im möm ko an.

Rom 6. 6. jap. 2. 20. 1 Pit. 2. 11.

25 Elañe jej mour kin Jitöb, jen bareinwöt etetal kin Jitöb.

Rom 8. 4, 5.

26 Jen jab dri kimjaje wan, dri kaillu dron, dri junmare dron.

Pil. 2. 3.

## JAPTER 6.

**R**Ojätiö, elañe emwij erätik juñon armij ilo jabrewöt bwir, komeo kom ilo Jitöb komin kajime eo ein drein ilo inemön; im möke lale kwe, ñe ab bareinwöt kabo yuk.

Rom 15. 1. Hib. 12. 13. Jem. 5. 19. 1 Kor. 3. 1. & 4. 21. 2 Tim. 2. 25. 1 Kor. 7. 5. & 10. 12.

2 Komin bök men in erro ko an dron, im ein drein komin kajejit kien Kraist.

Rom 15. 1. jap. 5. 13. Jon 13. 34. 1 Jon 4. 2.

3 Bwe elañe juñon armij ej lemnok eutlej ñe e jab ein drein, ej möke mon e.

Rom 12. 3. 1 Kor. 8. 2. jap. 2. 6.

4 A jabrewöt armij en möke melejoñ jermal eo an, inem e naj or unin kimjaje ilo e möke, im jab ilo dri turin.

1 Kor. 11. 28.

5 Bwe jabrewöt armij e naj möke inek kwonan.

6 A eo ej dri katak ilo nan en jiböñlok eo dri kaki ilo men otemjej remön.

Rom 15. 27. 1 Kor. 9. 14.

7 Komin jab bwir; Anij e jab likit bwe ren kajirere kake E: bwe jabrewöt eo armij ej jeor e, men in e naj bareinwöt marmir e.

1 Kor. 6. 9. Job 13. 9. Luk 16. 25. 2 Kor. 9. 4.

8 Bwe eo ej jeor ñön kōniekin, jen kōniekin e naj marmir wabönbön; a eo ej jeor ñön Jitöb, jen Jitöb e naj marmir mour in drio.

Job 4. 8. Pro. 11. 18. & 22. 8. Hos. 8. 7. & 10. 12. Rom 8. 13. Jem. 3. 18.

9 A jen jab mök ilo kōmön emön: bwe ilo ien ekar je naj marmir elañe je jab bärök.

1 Kor. 15. 58. 2 Tes. 3. 13. Hib. 10. 38. & 12. 3. 5. Rev. 2. 10.

10 Inem, einwöt eor len lber, jen jerbale emön ñön armij otemjej, im elaplok ñön ro rej ber ilo nukin wamak.

Jon 9. 4. 1 Tes. 5. 15. 1 Tim. 6. 18. Tit. 3. 8. Ep. 2. 19. Hib. 3. 6.

11 Komij lo kin letter röt relap I ar jeje ñön kom kin peiö.

12 Ro re kōnan kaluijuj ilo kō-

niek, rej karel kom bwe komin mijmij; bwe ren jab lo matörtör kin dreball an Kraist.

Jap. 2. 3. 14. & 5. 11. Pil. 3. 18.

13 Bwe ro r'ar mijmij re jab kej-bärok kien; a re kõnan bwe komin mijmij, bwe ren kimjåje ilo kõniekemi.

14 A en jab iba bwe fia in kimjåje ilo jabrewõt, elañe e jab ilo dreball an ar Iroj Jisõs Kraist, kin e emwij dreball löf fñõn iõ, im fia fñõn löf.

Pil. 3. 3. 7. 8. Rom 6. 6.

15 Bwe mijmij e jekron, kab jab-mijmij, a men in kõmõn ekal.

Jap. 5. 6. 2 Kor. 5. 17.

16 Im ro otemjej rej etetal ilo kien in, en ainemõn ioir, im tiriamokake, kab ion Israel an Anij.

Sam 125. 5. Pil. 3. 16. Rom 9. 7. 8. Pil. 3. 3.

17 Tokelik ejelok en biuktök iõ, bwe rej ber ilo enbwiniõ kakõlle ka kakõllõn Jisõs.

2 Kor. 1. 5. & 11. 23. Jap. 5. 11.

18 Joij an ar Iroj Jisõs Kraist en ber ilo ami, ro jåtiõ. Amen.

2 Tim. 4. 22. Pail. 25.

## LETTER AN PAUL NÕN DRI EPESÛS.

### JAPTER 1.

**PAUL**, dri jilikan Kraist Jisõs kin ankil an Aulj, fñõn ro remõn i Epesõs, im dri tiljek ilo Kraist Jisõs:

1 Kor. 1. 1. Kol. 1. 2.

2 Joij fñõn kom, im ainemõn jen Anij Jemer, im Iroj Jisõs Kraist.

Gal. 1. 3.

3 En mõnõnõ Anij im Jemen ar Iroj Jisõs Kraist, Eo e ar kejeramõn kij ilo jerammõn otemjej in jitõb ijo ko einwõt ilõñ ilo Kraist:

2 Kor. 1. 3. 1 Pit. 1. 3. Jap. 6. 12.

4 Einwõt An kålet kij ilo E mokta jen jinoin löf, bwe jen kwojarjar im ejelok notar iman mejen ilo yowe:

2 Tes. 2. 13. Jem. 2. 5. 1 Pit. 1. 20. Luk 1. 75. Jap. 2. 10. & 5. 27. Kol. 1. 22. 1 Tes. 4. 7. Tuit. 2. 12.

5 Im E ar bebe kin kij mokta fñõn kõnilujen kip Kraist fñõn E, ekar fñõn lemnok emõn in ankil An, Rom 8. 15. 29. 30. 2 Kor. 6. 18. 1 Jon 3. 1. Mat. 11. 26. Luk 12. 32. 1 Kor. 1. 21.

6 Nõn nebar aibujuij in joij eo An. eo E ar letok fñõn kij ilo Eo Dri Jitenburu:

Rom 3. 24. & 5. 15. Mat. 3. 17. Jon 3. 35. & 10. 17.

7 Ilo E eor binmour fñõn kij kin

bõtõktõkin, aet, jolok nana ko ar, ekar fñõn mweik in joij eo An,

Jerb. 20. 28. Kol. 1. 14. Rom 3. 24. Jap. 3. 8.

8 Eo E ar wujleptok fñõn kij ilo meletlet otemjej im jelalokjen,

9 Im E ar kajelaik kij kin men eo etino in ankil An, ekar fñõn An lemnok emõn eo E ar bebe ilo E, Rom 18. 25. Jap. 3. 4. 9. Kol. 1. 26. 2 Tim. 1. 9.

10 Nõn jerbale an ien ko rejelit, bwe Eu kobaik men ko otemjej ilo Kraist, men ko i löñ, im men ko i löf;

Gal. 4. 4. 1 Kor. 3. 22. Jap. 3. 15. Pil. 2. 9. 10. Kol. 1. 20.

11 Aet, ilo E, emwij kõmõn kij bareinwõt An jolit, ke emwij bebe kin kij mokta ekar fñõn lemnok an Eo ej jerbale men otemjej ilo bebe in ankil An;

Jerb. 20. 32. Rom 8. 17. Jem. 2. 5. 1 Pit. 1. 4. Isa. 46. 10. 11.

12 Bwe kimin ber fñõn nebar An aibujuij, kimeo kim kar kejatrikrik kim mokta ilo Kraist:

Jem. 1. 18.

13 Ilo Eo kom bareinwõt, ke kom ar roñjake nan in mol, gospel eo in ami mour, ilo Eo ke kom ar bareinwõt liki Eo, Jitõb in kalimur Eo ekwojarjar E ar sil kom,

2 Kor. 1. 22. Jap. 4. 30. & 6. 7.

14 Eo mðkðjkðj in jollt eo ar, ñðn kðlð wðnan wåto eo An, ñðn nebar An aibujuij.

2 Kor. 1. 22. & 5. 5. Luk 21. 28. Rom 8. 23. Jap. 4. 30. Jerb. 20. 28.

15 Kin men in bareinwõt ña, ke emwij að roñ kin liki Iroijs Jisðs ej ibeml, im ami yokwe eo komij kwalok ñðn ro remðn otemjej,

Kol. 1. 4. Pall. 5.

16 E jab jokwør að kamolol kin kom, im ba kin kom ilo jar ko að;

Rom 1. 9. Pll. 1. 3. Kol. 1. 3.

17 Bwe Anij an ar Iroijs Jisðs Kraist, Jemen aibujuij, En lewoj ñðn kom jítðb ðn meletlet im kwalok ilo kanuij jela E;

Jon 20. 17. Kol. 1. 9.

18 Ke e maramlok mejen buruemi, bwe komin jela ta eo kejatrikrik in An kir, ta eo mweien aibujuij in jollt eo An ilo ro remðn,

Jerb. 26. 18. Kol. 2. 2.

19 Im ta eo ridtðn kajur eo An e kanuij lap ñðn krij dri tðmak, ekar ñðn jermal in maroñ in kajur eo An,

Kol. 1. 29. & 2. 12.

20 Eo E ar jerbale ilo Kraist, ke E ar kejerkakbiji E jen ro remij, im kajijðt E i anbijmaroñðn ijo ko i lõñ,

Jerb. 2. 24. Sam 110. 1. Kol. 3. 1.

21 E kanuij utiej jen tilñðn otemjej, kab klen, kab kajur, kab Iroijs, im åt otemjej emwij naetan, e jab ilo lõl in wõt, a bareinwõt ilo eo e naj itok:

Pll. 2. 9, 10. Kol. 2. 10. Rom 8. 38. Kol. 1. 16. & 2. 15.

22 Im E ar kðtåik men otemjej lomín neen, im E ar lelok E bðran iou men otemjej ñðn eklisia,

Sam 8. 6. Mat. 28. 18. 1 Kor. 15. 27. Hib. 2. 8. Jap. 4. 15.

23 Eo enbwinin, aet, obrðk an Eo ej kobrðk men otemjej ilo otemjelok.

1 Kor. 12. 6, 12, 27. Jap. 4. 10, 12. & 5. 23, 30. Kol. 2. 9. & 3. 11.

## JAPTER 2.

**I**M E ar kemour kom ke kom ar mij ilo ami nana im ami jera-wiwi,

Kol. 2. 13. Jap. 4. 18.

2 Ilo ir kom kin etetal ilo ien eolok

lor ial in lõl in, lor Iroijs in kajur ko in mejatoto, jítðb eo ej jermal ilo ro dri kiblla;

1 Kor. 6. 11. Jap. 4. 22. 1 Jon 5. 19.

3 Ibeir bareinwõt kij otemjej kin ber im mour ilo mðm ko an kðnelek, im kajejit kðnan in kðniek im lem-nok ko, im kij kin biktoker ro ne-ju illu, einwõt ro jet:

Gal. 5. 18. Sam 51. 5. Rom 5. 12, 14.

4 A Anij, eo E mwele ilo tiria-mokake, kin an yokwe elap eo E ar yokwe kij kake,

Rom 10. 12. Jap. 1. 7.

5 Aet, ke j'ar mij ilo jerawiwi ko ar, E ar kemour kij iben Kraist (kin joijs emwij lomoren kom),

Rom 5. 6, 8, 10. 1 Jerb. 15. 11. Tait. 3. 3. Rom 6. 4, 5.

6 Im E ar kejerkak kij iben, im kajijðt kij iben ijo ko i lõñ, ilo Kraist Jisðs;

Jap. 1. 20.

7 Bwe En kwalok ilo ien ko re naj itok An yokwe e kanuij mwele ilo joijs ñðn kij ilo Kraist Jisðs:

Tait. 3. 4.

8 Bwe kin joijs emwij lomoremi kin tðmak; im men eo e jab jen kom mðke; e an Anij lewoj:

Rom 3. 24. & 4. 16. Mat. 16. 17. Jon 6. 44. 65.

9 E jab jen jermal ko, bwe ejelok en kimjåje.

Rom 3. 20. & 4. 2. & 9. 11. & 11. 6. 1 Kor. 1. 29-31.

10 Bwe kij men in kðmðnmðn kin pein, kðmðni ilo Kraist Jisðs ñðn jermal ko remðn, ko Anij e ar kapojðk mokta bwe jen etetal ilo ir. Dut. 32. 6. Sam 100. 3. Isa. 29. 23. & 44. 21. Jap. 1. 4.

11 Kin men in komin kememej, bwe juðn ien kom, dri allññ ilo kðniek, ro naetðmi Jabmijmij kin ro emwij naetair Mijmij ilo kðniek, pð ko r'ar kðmðne;

1 Kor. 12. 2. Jap. 5. 8. Rom 2. 28. Kol. 2. 11.

12 Bwe ilo ien eo kom ar jibil jen Kraist, im jibikilk jen allññ in Israel, drua majjet jen bujen kall-mur ko, im ejelok kejatrikrik ibeml, im kom jibil jen Anij ilo lõl.

Jap. 4. 18. Kol. 1. 21. Rom 9. 4. 1 Tes. 4. 5. Gal. 4. 8.

13 A kið, ilo Kraist Jisðs, kom ro



re kin etolok emwij kebake kom ilo bõtöktökin Kraist.

Gal. 3. 28. Jerb. 2. 39.

14 Bwe E ainemõn eo ar, Eo e ar kõmõn irro bwe ren juõn, im E ar rupe rõnel in kijbil kötairro, Mika 5. 5. Jon 10. 16. & 18. 33. Kol. 1. 20. Gal. 3. 28.

15 Im E ar kalotlok ilo kõniekin kijirät eo, aet kien in kaiñ eo ilo nan in jiroñ ko; bwe En kõmõn ilo E jen irro juõn armij ekäl, im kõmõn ainemõn;

Kol. 1. 22. & 2. 14. Gal. 6. 15. Jap. 4. 24.

16 Im bwe En kilajrök irro iben Anij ilo juõn enbwin kin dreball eo, ke E ar kajeeklok kijirät eo na ion:

Kol. 1. 20-22. Rom 6. 6. & 8. 3.

17 Im E ar itok im kwalok ainemõn nõn komeo kom ar etolok, im ainemõn nõn ro r'ar ebak:

Isa. 57. 19. Zek. 9. 10. Sam 148. 14. Rom 5. 1.

18 Bwe kin E kij otemjej bök ar drelofi ilo juõn Jitöb nõn iben Jemer.

Rom 5. 2. Jap. 3. 12. Hib. 10. 19, 20. 1 Pit. 3. 18. 1 Kor. 12. 13. Jap. 4. 4.

19 Inem kiõ kom jab bar druamajet im dri itoitök, a kom jimdron ro remõn, im kom nukin Anij,

Pit. 3. 20. Hib. 12. 22, 23. Gal. 6. 10.

20 Im emwij kalek kom ion foundeõn an dri jilik kab dri kauau, Kraist Jisõs e möke lukuwõn dremõn im;

Jap. 4. 12. Mat. 16. 18. Gal. 2. 9. Rev. 21. 14. 1 Kor. 3. 9, 10. & 12. 28. Sam 118. 22. Isa. 28. 16. Mat. 21. 42.

21 Ilo E men in kalek otemjej emõn karir nõn dron, rej edrek nõn juõn tempel ekwojarjar ilo Iroj;

Jap. 4. 16. 1 Kor. 3. 17.

22 Ilo Eo bareinwõt emwij kalek kom ibeir nõn imõn Anij ilo Jitöb.

1 Pit. 2. 5.

### JAPTER 3.

**K**IN unin in Ña Paul, dri prisõn an Kraist Jisõs kin kom dri aillñ,

Jerb. 21. 33. & 28. 17. Jap. 4. 1. & 6. 20. 2 Tim. 1. 8. & 2. 9. Paul. 1. 9. Kol. 1. 24. 2 Tim. 2. 10.

2 Elañe kom ar roñjake kin jerbäl in joiñ an Anij eo emwij letok nõn iõ kin kom;

Rom 1. 6. Jap. 4. 7. Kol. 1. 25. Jerb. 9. 15. & 13. 2.

3 Ekijkan kin reveleõn ar kaje-laik iõ kin men eo etino, einwõt I ar jeje mokta ilo nan ko reiet,

Jerb. 22. 17. & 26. 17, 18. Gal. 1. 12. Rom 16. 25. Kol. 1. 26, 27. Jap. 1. 9, 10. & 6. 19.

4 Kin eo, fie komij konono ilo letter eo, kom maroñ in jela kake aõ jelaokjen ilo men eo etino an Kraist,

1 Kor. 4. 1.

5 Men eo ilo ebeben ko mokta ar jab kalikare nõn ro nejin armij, einwõt kiõ emwij kwalok e nõn ro dri jilikan rokwojarjar, kab ro dri kanan ilo Jitöb;

Rom 16. 25. Jap. 2. 20.

6 Eñin, bwe ro dri aillñ ko rej dri jolit ibeir, im ilo juõn wõt enbwin, im dri bök air kij ibeir ilo kalimur an Kraist Jisõs kin gospel,

Gal. 3. 14, 29. Jap. 2. 14-16.

7 Eo ña dri jerbale, ekar nõn men in joiñ an Anij, eo ar letok nõn iõ, ekar nõn jerbäl in kajur eo An.

Kol. 1. 23, 25, 29. Rom 1. 5. & 15. 16, 18. Jap. 1. 19.

8 Ña, I rik jen eo eriktata ian ro remõn otemjej, emwij letok joiñ in nõn iõ, bwe in kwalok nõn ro dri aillñ ko mweuk ko an Kraist, ko je ban bukot im lol;

1 Kor. 15. 9. 1 Tim. 1. 15. Jap. 1. 7. Kol. 1. 27.

9 Im kalo armij otemjej kin jerbäl in men eo etino, eo jen eto im eto e ar nojök ilo Anij eo E ar kõmõnmõn men otemjej;

Jap. 1. 9. Rom 16. 25. Kol. 1. 26. Jon 1. 3. Hib. 1. 2.

10 Bwe meletlet an Anij im elõñ wäwen en alikar kiõ nõn iroj ro im jitöb ro ijo ko i lõñ kin eklisia,

1 Pit. 1. 12. Jap. 1. 21. 1 Kor. 2. 7.

11 Ekar nõn bebe in eto im eto, eo E ar bebe kake ilo Kraist Jisõs ar Iroj:

Jap. 1. 9.

12 Ilo E eor ar beran im drelofi ilo liki kin ar tõmak E.

Jap. 2. 18. Hib. 4. 16.

13 Kin men in ij kajitök bwe in

jab kijelok ilo iñtan ko aō kin kom, ko ami men in aibujuij.

Jerb. 14. 22. Pil. 1. 14. 2 Kor. 1. 6.

14 Kin unin in ij bukwełōłō ñōn Jemer,

15 Jen Eo nukin otemjej i lōñ im i lōl emwij naetair,

Jap. 1. 10. Pil. 2. 9.

16 Bwe En lewoj ñōn kom, ekar ñōn mweien aibujuij eo An, bwe ilo maroñ komin kajurlok kin Jitōb eo An ilo ami,

Jap. 1. 7. & 6. 10. Pil. 4. 19. Kol. 1. 11, 27. Rom 7. 22. 2 Kor. 4. 16.

17 Bwe Kraist en jokwe ilo buruemi kin tōmak; bwe ke ebin im elle okrami ilo yokwe,

Jon 14. 23. Jap. 2. 22. Kol. 1. 23. & 2. 7.

18 Komin maroñ in kanuij jela iben ro remōn otemjej, ta eo drilpen, im aitokōn, im mūlōlin, im utiejen,

Jap. 1. 18. Rom 10. 3, 11, 12.

19 Im jela yokwe an Kraist, eo elā jen jela, bwe komin obrōk ñōn aolepen an Anij obrōk.

Jon 1. 16. Jap. 1. 23. Kol. 2. 10.

20 Kiō ñōn Eo e maroñ in kōmōnmōn kin men otemjej e kanuij utiejloktata jen ar kajitōk ak lem-nok, ekar ñōn kajur eo ej jerbāl ilo kij,

Rom 16. 25. Jud 24.

21 Ñōn E aibujuij ilo eklisia im ilo Kraist Jisōs ñōn ebeben ko otemjej in drio im in drio. Amen.

Rom 11. 36.

#### JAPTER 4.

**I**NEM ña, dri prisōn ilo Iroi, ij akwelap ñōn kom bwe komin etetal ekar ñōn kir eo emwij kir kom kake,

Jap. 3. 1. Pil. 1. 27. Kol. 1. 10. 1 Tes. 2. 12.

2 Kin etā otemjej kab inemōn, kin ejelok burokaru, komin meamiwōr ñōn dron ilo yokwe,

Jerb. 20. 19. Gal. 5. 22, 23. Kol. 3. 12.

3 Im kate kom in kejbārok an Jitōb kōmōnmōn buru wōt juōn ilo liab in ainemōn.

Kol 3. 14.

4 Juōn enbwin, im juōn Jitōb,

einwōt e bar emwij kir kom ilo juōn kejakrikrik in An kir kom:

Jap. 2. 16. 1 Kor. 12. 4, 11-13.

5 Juōn Iroi, juōn tōmak, juōn baptais,

1 Kor. 1. 13. & 12. 5. 2 Kor. 11. 4. Jud 3.

6 Juōn Anij im Jemen otemjej, Eo e utiej jen otemjej, im kin otemjej, im ilo otemjej.

1 Kor. 8. 6. Rom 11. 26.

7 A ñōn kij otemjej emwij letok joi, ekar ñōn joñōn an Kraist letok.

Rom 12. 3.

8 Kin men in Ej ba, Ke E ar wōñliñlok ñōn lōñ, E ar kejebokweik jebokwe, im lelok men in yokwe ñōn armij rōn.

Sam 68. 18. Ekaj. 5. 12. Kol. 2. 15.

9 (Eñin, E ar wōñliñlok, ta jein elañe jab kin An bareinwōt wōñlōllok ñōn ijo ko imlōltata i lōl?

Jon 3. 13.

10 Eo e ar wōñlōllok E in wōt Eo e ar wōñliñlok ijo e utiej jen aolepen lōñ ko, bwe En kobrōk men otemjej.)

Jerb. 1. 9, 11. & 2. 23. 1 Tim. 3. 16. Hib. 4. 14. & 7. 26.

11 Im E ar letok jet bwe ren dri jilik; im jet, dri kauan; im jet, dri ewanjel; im jet, pastor im dri kaki;

Jap. 2. 20. 2 Tim. 4. 5. Sam 20. 28. & 21. 8.

12 Bwe EN kowāppenlok ro remōn, kin jerbāl in jibōñ, kin kalek enbwin Kraist:

1 Kor. 14. 26. Jap. 1. 23.

13 Mae aruij tōbare juōn wōt tōmak, im jela Nejin Anij, ñōn armij eridto, ñōn joñōn ridtōn an Kraist obrōk:

Kol. 2. 2. 1 Kor. 14. 20. Kol. 1. 28.

14 Bwe jen kiō jen jab ajiri, im jibliklik einwōt no ko, im makōtkit kin jabrewōt kōto in katak, ilo jela mon an armij, ilo etao eo ej tellok ñōn keien bwir;

Isa. 28. 9. Hib. 13. 9. Mat. 11. 7. Rom 16. 13.

15 A ke jej konono mol ilo yokwe, jen edrekliflok ñōn ilo E ilo men otemjej, Eo ej bōr, aet, Kraist;

Jap. 1. 22. & 2. 21. Kol. 1. 18.

16 Jen Eo aolepen enbwin ke emwij karōk e im kobaik e, kin men eo an mokwoj otemjej kōke, ekar

ñõn an jabrewõt mõtõn jerbale ilo  
joñõn emõn, ej laplok enbwin ñõn  
an mõke kalek e ilo yokwe.

Kol. 2. 19.

17 Inem ij ba men in, im kennan  
ilo Iroi, bwe komin jab etetal jen  
kiõ einwõt dri pegan rej etetal, ilo  
air lemnok wan,

Jap. 2. 2. Kol. 3. 7. 1 Pit. 4. 3. Rom 1. 21.

18 Ke emarok ilo air lolätät, im  
rej drua majet jen mour an Anij,  
kin jaje eo ilo ir, kin an bin burueir;

Jerb. 26. 18. Jap. 2. 12. 1 Tes. 4. 5.

19 Ro ke rej elä jen iñjake r'ar  
mõke lelok ir ñõn ejej bwe ren jer-  
bale etton otemjej ilo dõr.

1 Tim. 4. 2. Rom 1. 24, 26.

20 A e jab ein drein ami katak  
kin Kraist;

21 Elañe emol kom ar eoroñ E,  
im kom ar katak ilo E, einwõt mol  
ilo Jisõs:

Jap. 1. 13.

22 Bwe komin wutik armij emor  
ekar ñõn ami etetal mokta, eo e  
nanalok ekar ñõn mõm ko in mon;

Kol. 2. 11. & 3. 8, 9. Hib. 12. 1. 1 Pit. 2. 1. &  
4. 3. Jap. 2. 2, 3. Rom 6. 6.

23 Im komin erom ekal ilo bu-  
ruemi,

Rom 12. 2. Kol. 3. 10.

24 Im bwe komin kõuõk armij  
ekal, eo ekar ñõn Anij emwij kõ-  
mõne ekal ilo wänik im kwojarjar  
in mol.

Rom 6. 4. Kol. 3. 10. Jap. 2. 10. & 6. 11.

25 Kin men in, ke emwij ami jo-  
lok riõp, komin konono mol, kom  
otemjej, ñõn dri turumi: bwe kij  
ran dron.

Zek. 8. 16. Kol. 3. 9. Rom 12. 5.

26 Komin illu im jab jerawiwi:  
al en jab tulok ion ami illu;

Sam 4. 4. & 37. 8.

27 Im komin jab najikin devil eo.

Jem. 4. 7. 1 Pit. 5. 9.

28 Eo e ar kwot en jab bar kwot:  
a emõnlok en jeral in kõmõn kin  
pein men eo emõu bwe en or iben  
in lelok ñõn eo ej aikwij.

Jerb. 20. 25. 1 Tes. 4. 11. 2 Tes. 3. 11, 12.

Luk 3. 11.

29 Ejelok nan etton en waloktok  
jen loñimi, a jabrewõt eo emõn im

nan in kalek ekar ñõn aikwij, bwe  
en lelok joij ñõn eo ej roñjake.

Mat. 12. 36. Jap. 5. 4. Kol. 3. 8, 16. & 4. 6.  
1 Tes. 5. 11.

30 Im komin jab kaburomõj Jitõb  
Kwojarjar au Anij, ilo Eo emwij  
sil kom mae ran in lomor.

Isa. 7. 13. & 63. 10. 1 Tes. 5. 19. Jap. 1. 13.

31 En joko jen kom meo otemjej,  
im libõrne, im illu, im airwaro, im  
konono nae, kab kakitõtõ otemjej:

Kol. 3. 8. Tait. 3. 2. Jem. 4. 11. 1 Pit. 2. 1.

32 Im komin joij ñõn dron, en  
emõn buruemi, jolok nana jen dron,  
einwõt Anij ilo Kraist E ar jolok  
ami nana.

2 Kor. 2. 10. Kol. 3. 12, 13. Mat. 6. 14.

### JAPTER 5.

**I**NEM komin dri kajeõñwe Anij,  
einwõt ajiri re jitenburu;

Mat. 5. 45, 48. Luk 6. 36. Jap. 4. 32.

2 Im etetal ilo yokwe, einwõt  
Kraist e ar yokwe kom, im E ar  
mõke ketõk E kin kij, men in jur-  
tak im katok ñõn Anij kin ñõj in  
bwin melu.

Jon 13. 34. & 15. 12. Hib. 7. 27. & 9. 14, 26. &  
10. 10, 12. 1 Jen. 8. 21. Leval 1. 9. 2 Kor.  
2. 15.

3 A lüñ, im etton otemjej, ak an-  
kwõnak, en jab walok etair ibemi,  
einwõt ekar iben ro remõu;

Kol. 3. 5. 1 Kor. 5. 1. & 6. 18.

4 Im brijrij im konono in bwebwe,  
ak kejõk, men ko re jakkar: a  
emõnlok kamolol.

Jap. 4. 29. Rom 1. 28.

5 Bwe men in kom kanuij jela,  
bwe ejelok dri lüñ ak dri brijrij ak  
dri ankwõnak, ein dri kabuñ ñõn  
ekjõp, eor an jolit ilo aliñ an  
Kraist im an Anij.

1 Kor. 6. 9. Gal. 5. 21. Kol. 3. 5.

6 Ejelok armij en moue kom kin  
nan jekron: bwe kin men kein illu  
an Anij ej itok ion ro dri kiblia.

Jer. 29. 8. Mat. 24. 4. Kol. 2. 4. & 3. 6. Rom  
1. 18. Jap. 2. 2.

7 Inem komin jab bõk ami kij  
lbeir;

8 Bwe kom kin marok, a kiõ ko-  
mij maram ilo Iroi: komin etetal  
einwõt ro nejin maran;

Isa. 9. 2. Mat. 4. 16. Jerb. 26. 18. Jap. 2. 11,  
12. Tait. 3. 3. Jon 8. 12. & 12. 46. 2 Kor.  
4. 6. Luk 16. 8. Jon 12. 36.

9 (Bwe leen maram ej ilo emöñ otemjej kab wänik im mol),

Gal. 5. 22.

10 Ke komij meleojoñ men eo ej kabuñburuen Iroi;

Rom 12. 2. Pil. 1. 10. 1 Tes. 5. 21.

11 Im komin jab kömao iben jermal ko in marok jitokjeir, a emöñ-lok enoik ir;

1 Kor. 5. 9, 11. Rom 6. 21. & 13. 12. Gal. 6. 8. Levai 19. 17. 1 Tim. 5. 20.

12 Bwe men ko rej kömönmöni ilo etino e men in kajok ñe konono kaki.

Rom 1. 26.

13 A men otemjej möjen enoik ir rej alikar kin maram, bwe men otemjej ñe emwij kallkari re maram.

Jon 3. 20, 21. Hib. 4. 13.

14 Kin men in Ej ba, Kwon ruj, kweo kwoj kiki, im jerkak jenu ro remij, im Kraist e naj rome yuk.

Isa. 60. 1. Rom 13. 11. Jon 5. 25. Jap. 2. 5.

15 Inem komin kanuij lale ekijkan ami etetal, jab einwöt dri jaje, a einwöt dri meletlet;

Kol. 4. 5.

16 Im wiaik ien, bwe ran ko renana.

Kol. 4. 5. Ekl. 11. 2. & 12. 1. Jap. 6. 13.

17 Kin men in komin jab bwe-bwe, a komin jelalokjen ta eo aukil an Iroi.

Kol. 4. 5. Rom 12. 2. 1 Tes. 4. 3.

18 Im komin jab karek kin wain, ijo eor döñ, a komin obrök kin Jitöb;

Pro. 20. 1. & 23. 20, 30.

19 Im konono ñön dron ilo sam ko, im al ko, im kitoön Jitöb, im komin al im kömöñ uköt ilo buruemi ñön Iroi,

Jerb. 16. 25. 1 Kor. 14. 26. Kol. 3. 16. Jem. 5. 13.

20 Im kamolol ien otemjej kin men otemjej ñön Anij e Jemer, ilo etan ar Iroi Jisös Kraist;

Sam 34. 1. Kol. 3. 17. 1 Tes. 5. 18. 2 Tes. 1. 3. Hib. 13. 15. 1 Pit. 2. 5. & 4. 11.

21 Im kötäik kom ñön dron ilo mijök Kraist.

Pil. 2. 3. 1 Pit. 5. 5.

22 Köra ro, komin kötäik kom

ñön lömaro belemi, einwöt ñön Iroi.

Jen. 3. 16. Kol. 3. 18. Jap. 6. 5.

23 Bwe leo e böran lio belen, einwöt Kraist e böran eklisia, im E Dri Lomoren enbwin.

1 Kor. 11. 3. Jap. 1. 22, 23. Kol. 1. 18.

24 Ijoke einwöt eklisia ej etä jen Kraist, en ein drein bareinwöt limaro ñön lömaro beleir ilo men otemjej.

Kol. 3. 20, 22. Tait. 2. 9.

25 Man ro, komin yokwe limaro belemi, einwöt Kraist e ar bareinwöt yokwe eklisia, im möke lelok E kin e;

Kol. 3. 19. 1 Pit. 3. 7. Jerb. 20. 28.

26 Bwe En kokwojarjar e, ke E ar karreok e ilo nan kin kwolkwol kin dren,

Jon 3. 5. & 15. 3. & 17. 17. Tait. 3. 5. 1 Jon 5. 6.

27 Bwe En lelok eklisia ñön E möke wöt e aibuuij, im ejelok an mär, ak loktöktök ak jabrewöt ian men röt kein; a bwe en kwojarjar im ejelok notan.

2 Kor. 11. 2. Kol. 1. 22. Alai 4. 7. Jap. 1. 4.

28 Ein drein emöñ bwe lömaro ren bareinwöt yokwe limaro beleir im einwöt enbwinir. Leo eo ej yokwe lio belen ej möke yokwe e; 29 Bwe ejelok en e ar möke kijräte köniekin; a ej kakajiririk e, im kaurök e, einwöt an Kraist bareinwöt kömöñ ñön eklisia;

30 Bwe kij ran enbwinu.

Jen. 2. 23. Rom 12. 5. 1 Kor. 6. 15. & 12. 27.

31 Kin uniu in leo e naj ilok jen jemen im jinuen, im koba iben lio belen, im irro re naj juön köniek.

Jen. 2. 24. Mat. 19. 5. 1 Kor. 6. 16.

32 Men etino in elap: a ij ba kin Kraist im eklisia.

33 Ijoke kom otemjej bareinwöt, jabrewöt iani en yokwe lio belen im einwöt e; im bareinwöt lio en mijök leo belen.

Kol. 3. 19. 1 Pit. 3. 6.

## JAPTER 6.

AJIRI rön, komin bokake Jememi im jinemi ilo Iroi: bwe men in e jime.

Kol. 3. 20.

2 Kwon koutiej jemõm im jinnõm (eo kien moktata eor kalimur iben),

Eks. 20. 12. Dut. 5. 16. & 27. 16. Ezek. 22. 7. Mat. 15. 4. Mark 7. 10.

3 Bwe en emõn ibõm, im bwe en eto am mour ion lõl.

4 Im kom, ro jemieir, komin jab biuktõke ro nejimi nõn illu: a komin kakajiririik ir ilo kaje im kowe an Iroiij.

Kol. 3. 21. Jen. 18. 19. Sam 78. 4.

5 Ro korijer, komin bokake ro ami iroiij ekar nõn kõniek, kin mijõk im wurirri, ilo an kuk buruemi, einwõt nõn Kraist;

Kol. 3. 22. 1 Tim. 6. 1. Tait. 2. 9. Pil. 2. 12. 1 Kron. 29. 17.

6 Jab iman mejeir wõt, einwõt kabuñburuen armij; a einwõt ro korijeran Kraist, komin kõmõnmõn ankil an Anij jen buruemi;

Kol. 3. 22, 23.

7 Kin lemnok emõn komin jermal kake, einwõt nõn Iroiij, im jab fiõn armij:

8 Ke kom jela bwe jabrewõt jermal emõn armij ej kõmõue, e naj bar bõk eñin jen Iroiij, elafie e korijer ak anemkwojan.

Kol. 3. 11, 24.

9 Im kom, iroiij ro, komin kõmõn ein drein nõn ir, im jab kalefiõfi: im jela bwe Iroiij eo air kab ami Ej ber i lõfi, im ejelok kaljiklok armij iben.

Kol. 4. 1. Levai 25. 43. Jon 13. 13. Kol. 3. 25.

10 Eliktata, komin bin ilo Iroiij, im ilo kajur in marofi eo An.

Jap. 1. 19. & 3. 16.

11 Komin kõnõk aolepen ken tõrinae an Anij, bwe komin marofi in jutõk mae etao ko an devil.

Rom 13. 12. 1 Tes. 5. 8.

12 Bwe aruij oktak e jab iben bõtõktõk im kõniek, a iben jidõb ro, iben ro re kajur, iben ro iroiij in marok i lõl, iben jaran jidõb renana ijo ko i lõfi.

Mat. 16. 17. Rom 8. 38. Jap. 1. 21, 22. Luk 22. 53. Kol. 1. 13. & 2. 15.

13 Kin men in komin bõk nõn kom aolepen ken tõrinae an Anij, bwe komin marofi in jumae ilo ran

eo enana, im mõjen kõmõn otemjej, jutõk.

Jap. 5. 16.

14 Inem komin jutõk ke emwij kañõrñõr ibini kin mol, im emwij kõnõk binjen op in wänik,

1 Pit. 1. 13. Isa. 59. 17. 1 Tes. 5. 8.

15 Im emwij naballin neõmi kin kajojõk in gospel in ainemõn;

Isa. 52. 7. Rom 10. 15.

16 Ion otemjej emwij kwotõke ken tõrak in tõmak, ilo e kom naj marofi in kwüni mõri kijeek otemjej an eo dri nana.

1 Jon 5. 4.

17 Im komin bõk helmet in lomor, im jaji an Jitõb, eo nan in Anij:

Hib. 4. 12. Rev. 1. 16.

18 Im kin aolepen jar im akwelap komin jar ilo len ko otemjej ilo Jitõb, im ekil nõn men in ilo niknik im jar otemjej kin ro remõn otemjej,

Luk 18. 1. Kol. 4. 2. Mark 13. 33. Jap. 1. 16. Pil. 1. 4.

19 Im kin ña, bwe En letok fiõn iõ nan ilo walõfi loñiõ, im beran in kwalok men eo etino in gospel,

Kol. 4. 3. 2 Tes. 3. 1. 2 Kor. 3. 12.

20 Kin eo ña dri keañ ilo tomere; bwe in beran in konono kake, einwõt emõn in konono.

2 Kor. 5. 20. Jerb. 28. 20. 31. Jap. 3. 1. Pil. 1. 7, 20. 1 Tes. 2. 2.

21 A bwe komin bareinwõt jela men ko kin ña, ekijka, Tikikõs, jatiõ jitenburu, im dri jibõfi e tiljek ilo Iroiij, e naj kajelaik kom kin men ko otemjej:

Kol. 4. 7, 8. Jerb. 20. 4. 2 Tim. 4. 12. Tait. 3. 12.

22 Eo I ar jilkinwoj nõn kom kin men in, bwe komin jela men ko kin kim, im bwe en kainemõne buruemi.

23 Ainemõn nõn jimjån jimjåten, im yokwe kab tõmak, jen Anij Jemer im jen Iroiij Jisõs Kraist.

1 Pit. 5. 14.

24 Joijen en ber iben ro otemjej rej yokwe ar Iroiij Jisõs Kraist ilo kwojarjar.

Tait. 2. 7.

# LETTER AN PAUL ÑÏN DRI PILIPPAI.

## JAPTER 1.

**PAUL** im Timote, ro korijeran Jisôs Kraist, ñôn ro remôn otemjej ilo Kraist Jisôs, ro i Pilippai, kab dri kaki ro im dikôn ro:

1 Kor. 1. 2.

2 Jolj ñôn kom, im ainemôn, jen Anij Jemer, im IroiJ Jisôs Kraist.

Rom 1. 7. 2 Kor. 1. 2. 1 Pit. 1. 2.

3 Ij kamolol ađ Anij ilo aolepen ađ kememej kom,

Rom 1. 8, 9. Ep. 1. 16. 1 Tes. 1. 2.

4 Ien otemjej, ilo ađ jar otemjej kin aolepemi, ij kômôn jar eo kin lõñliñ,

5 Kin ami kômao ilo driðklok gospel jen rau eo mokta ñôn kið;

Rom 12. 13. 2 Kor. 8. 1. Jap. 4. 15.

6 Ke ij tõmak men in wõt, bwe Eo e ar jino jermal emôn ilo kom E naj kowâppenlok e mae ran eo an Jisôs Kraist:

Jon 6. 29. 1 Tes. 1. 3.

7 Einwõt ejime bwe in lemnok ein drein kin kom otemjej, kin ami ber ilo buruð, ilo lukwoja im kab ilo kejbârok im kamol gospel eo, kom otemjej jimor bøk joiJ iba.

2 Kor. 3. 2. & 7. 3. Ep. 6. 20. Jap. 4. 14.

8 Bwe Anij ađ dri kennan, ie rîdtôn ađ oñkake kom otemjej ilo buruen Jisôs Kraist.

Rom 1. 9. & 9. 1. Gal. 1. 20. Jap. 2. 26. & 4. 1.

9 Im Ij jare men in, bwe ami yokwe en ke im ðkekelok wõt ilo jela im ilo killi otemjej;

1 Tes. 3. 12. Paill. 6.

10 Bwe komin melejoñ men ko re lijiklok; bwe komin erreo im ejelok notami ñôn ran eo an Kraist;

Rom 2. 18. & 12. 2. Ep. 5. 10. Jerb. 24. 16.

1 Kor. 1. 8.

11 Ke kom obrðk kin leen wânik,

258

eo kin Jisôs Kraist, ñôn kaibujuij im wijtake Anij.

Jon 15. 5. Ep. 2. 10. Jon 15. 8. Ep. 1. 12, 14.

12 A I kônán bwe komin jela, ro jâtið, bwe men ko r'ar walok ñôn lõ, tokjeir bwe ren driðklok gospel;

13 Ein drein lukwoja ilo Kraist rej alikar ilo aolepen Pritoriðm, im ñôn ro otemjej jet;

Jap. 4. 22.

14 Im elðñ ian jimjân jimjâten ilo IroiJ, ke elaplok air liki kin lukwoja, re kanulj beranlok in kononon in Anij im jab leññoñ.

15 Aet, jet rej kwalok Anij kin junmar im akwall; im jet bareinwõt kin lemnok emôn:

Jap. 2. 2.

16 Rein jen yokwe, ke re jela bwe emwij likit lõ ñôn kejbârok gospel eo;

17 A ro jet jen wâlok rej kwalok Kraist jab kin mol, ke rej lemnok in kaiñtan lõ ilo lukwoja.

18 Inem ta? Ijoke ilo ial otemjej, elañe kin kajimalele ak kin mol, emwij kwalok Kraist; im ña ij lõñliñ kake, aet im I naj lõñliñ.

19 Bwe I jela bwe men in e naj oktøk ñôn ađ mour, kin ami jar im kin eke an Jitðb ðu Jisôs Kraist,

2 Kor. 1. 11. Rom 8. 9.

20 Ekar ñôn ađ kiljake im kejatrikrik, bwe I jamin jok kin jabrewõt, a bwe kin beran otemjej, einwõt ien otemjej, bareinwõt kið naj kaibujuij Kraist ilo enbwînlð, elañe kin mour, ak kin mij.

Rom 8. 19. Rom 5. 5. Ep. 6. 19, 20.

21 Bwe iba mour Kraist, im mij men in jibarek.

22 A elañe ij mour ilo kôniek, clañe men in e naj kôrðu leen jen ađ jermal, ta eo I naj kâlet I jaje.

23 A I jaje kake lkōtan ruo, ke eor aō kōnan in ilok, im ber iben Kraist; bwe eñin e kanuij emōnok :

2 Kor. 5. 8. 2 Tim. 4. 6.

24 A in berwōt ilo kōniek elaplok an emōn ñōn kom.

25 Im ke ein drein aō liki, I jela bwe I naj berwōt, aet, im ber ibemi otemjej kin ami wōnmanlok im lōñliñ kin tōmak ;

Jap. 2. 24.

26 Bwe ami lōñliñ en lōñlok ilo Jisōs Kraist ilo ña kin aō bar ber ibemi.

2 Kor. 1. 14. & 5. 12.

27 Men in wōt, ami etetal en ekar ñōn gospel an Kraist : bwe, elañe ij iwij im lo kom, ak elañe I joko, in roñ kin kom, bwe komij jutōk ilo juōn wōt jitōb, im kin juōn wōt lemnok komij jimor kate kom kin tōmak eo in gospel ;

Ep. 4. 1. Jap. 4. 1. 1 Kor. 1. 10. Jud 3.

28 Im ejelok ami lelñōñ kin ro rej kijirāte kom, men eo ñōn ir kakōl-lōn liakelok e alikar, a kakōllōn lomoremi, im men in jen Anij.

2 Tes. 1. 5. Rom 8. 17. 2 Tim. 2. 11.

29 Bwe emwij lewoj ñōn kom kin Kraist, jab bwe komin liki E wōt, a bareinwōt bwe komin ifitan kin E :

Jerb. 5. 41. Rom 5. 3. Ep. 2. 8.

30 Im ibemi akwall eo kom ar lo ilo ña, im kiō kom roñjake bwe ej ilo ña.

Kol. 2. 1. Jerb. 16. 19-24. 1 Tes. 2. 2.

## JAPTER 2.

**I**NEM elañe eor kowe ilo Kraist, elañe eor kainemōn in yokwe, elañe eor kōmao an Jitōb, elañe eor buru im tirlamokake,

2 Kor. 13. 14. Kol. 3. 12.

2 Komin kajejit aō lōñliñ, bwe komin lemnok einwōt juōn, ke juōn wōt yokwe ibemi, im buruemi wōt juōn, ilo lemnok wōt juōn ;

Jon 3. 29. Rom 12. 16. Jap. 1. 27. 1 Pit. 3. 8.

3 Komin jab kōmōn jabrewōt ilo wālok ak aibujuij jekron, a kin etā buruemi jabrewōt en lemnok ro jet remōn jen e ;

Gal. 5. 26. Jap. 1. 16. Rom 12. 10.

4 Im jabrewōt lami en jab lala [Marshall Islands.] 9T

men ko an wōt, a bareinwōt men ko an rojet.

1 Kor. 10. 24.

5 Lemnok in en ber ilo kom, eo e ar bareinwōt ilo Kraist Jisōs :

Mat. 11. 29. Jon 13. 15. 1 Pit. 2. 21.

6 Eo, ke Ej ilo wāwen Anij, E ar jab lemnok An einwōt Anij men in nibiji,

Jon 1. 1, 2. & 17. 5. & 5. 18. & 10. 33. 2 Kor. 4. 4.

7 A E ar mōke kejeramel E, im bōk wāwen korijer, im erom nemen-armij ;

Sam 22. 6. Isa. 53. 3. Dan. 9. 26. Isa. 42. 1. & 52. 13. & 53. 11. Ezek. 34. 23. Mat. 20. 28. Gal. 4. 4.

8 Im ke E ar walok im einwōt armij, E ar mōke kōtāik E, im E ar bokake ñōn mij, aet, mij eo ion dreball.

Mat. 26. 39, 42. Jon 10. 18. Hib. 12. 2.

9 Kin men in bareinwōt Anij e ar kanuij koutlej E, im lelok ñōn E Āt eo e utiej jen āt otemjej,

Jon 17. 1. Jerb. 2. 33. Hib. 2. 9. Ep. 1. 21. Hib. 1. 4.

10 Bwe ilo etan Jisōs bukwe otemjej ren bukwelelō, an dri lōñ, im dri lōl, im dri lom-in lōl,

Isa. 45. 23. Mat. 23. 18. Rev. 5. 13.

11 Im bwe lo otemjej ren kwalok bwe Jisōs Kraist e Iroj, ñōn aibujuij an Anij Jemen.

Jon 13. 13. Rom 14. 9.

12 Ein drein, ro jitenburu, einwōt kom ar bokake ien otemjej, jab einwōt iman meja wōt, a kiō elaplok ilo aō joko, komin jerbale ami mour kin mijōk im wurirrir ;

Jap. 1. 5. Ep. 6. 5.

13 Bwe e Anij, eo Ej jerbale ilo kom kōnan im jerbale kin kabufi-buruen.

2 Kor. 3. 5. Hib. 13. 21.

14 Komin kōmōnmōn men otemjej kin ejelok lotan ak akwall ;

1 Kor. 10. 10. 1 Pit. 4. 9. Rom 14. 1.

15 Bwe en ejelok notami ak ami kokkure, im komin ro nejin Anij im wāppen lolapin ebeben eo e an-keke in bōt, ibeir komij walok einwōt maram ko ilo lōl,

Mat. 5. 45. Ep. 5. 1. 1 Pit. 2. 12. Dut. 32. 5.

16 Im komin kwaloklok nan in

mour; bwe en or ađ men in kin-  
jaje mae ran an Kraist, bwe I ar  
jab etör kin jekron, ak jermal kin  
jekron.

2 Kor. 1. 14. 1 Tes. 2. 19. & 3. 5. Gal. 2. 2.

17 Aet, im elañe naj katok kin iđ,  
ilo jurtak im jermal in tōmak eo  
ami, ij lōñliñ, im ij mōnōnō ibemi  
otemjej:

2 Tim. 4. 6. Rom 15. 16. 2 Kor. 7. 4. Kol.  
1. 24.

18 Im ein drein kom bareinwōt  
lōñliñ im mōnōnō iba.

19 A ij kōtōmene ilo Iroi j Jisōs  
bwe in mōkōj in jilkinwoj Timote  
ñōn kom, bwe in bareinwōt aine-  
mōn ñe I jela ekijkami.

Rom 16. 21. 1 Tes. 3. 2.

20 Bwe ejelok armij iba ein bu-  
ruen wōt, eo e naj kanuij lemnok  
kin men ko ami ilo mol.

Sam 55. 13.

21 Bwe ir otemjej rej bukot men  
ko air mōke, jab men ko an Jisōs  
Kraist.

1 Kor. 10. 24. & 13. 5. 2 Tim. 4. 10, 16.

22 A kom jela karkarin, bwe ein-  
wōt ajiri iben jemen, ein drein e ar  
jermal iba ilo dričklok gospel.

1 Kor. 4. 17. 1 Tim. 1. 2. 2 Tim. 1. 2.

23 Inem ij kōtōmene bwe in jil-  
kinwoj e kičkō ñe emwij ađ jela  
men ko re naj walok ñōn iđ:

24 A ij liki ilo Iroi j bwe barein-  
wōt ña I naj mōkōj in iwij.

Jap. 1. 25. Pail. 22.

25 A I ar lemnok emōn bwe in jil-  
kinwoj ñōn kom Epaprodaitōs, jā-  
tiđ, im dri jermal iba, im dri tōrinae  
iba, im ami dri jilik im dri jermal  
ñōn ađ aikwjj;

Jap. 4. 18. Pail. 2. 2 Kor. 8. 23. & 11. 9. Jap.  
4. 18.

26 Bwe e ar jōñware kom otemjej,  
im e ar obrök kin buromōj, bwe  
kom ar roñ bwe e nañinmij:

Jap. 1. 8.

27 Bwe emol e ar nañinmij wōt  
jirik, a Anij e ar tiriāmokake e, im  
jab e wōt, a bareinwōt ña, bwe in  
jab bōk buromōj ion buromōj.

28 Inem I ar mōkōjlok in jilkin-  
woj e, bwe, ñe kom bar loe, komin

lōñliñ, im bwe en riklok ađ buro-  
mōj.

29 Inem komin bōk e ilo Iroi j kin  
lōñliñ otemjej; im komin nebar ro  
einwōt:

1 Kor. 16. 18. 1 Tim. 5. 17.

30 Bwe kin jermal an Kraist e ar  
ebak ñōn mij, im jab lemnok kin  
an mour, bwe en kōke matōn ami  
jermal ñōn iđ.

1 Kor. 16. 17. Jap. 4. 10.

### JAPTER 3.

**E**LIKTATA, ro jātiđ, komin lōñ  
liñ ilo Iroi j. Emol I jab mōk  
in jeje men kein ñōn kom, a ken  
kejbārok kom.

2 Kor. 13. 11. Jap. 4. 4. 1 Tes. 5. 16.

2 Komin kejbārok kom jen kiru  
rorror ko, kejbārok kom jen ro dri  
jermal nana, kejbārok kom jeu dri  
mijmij.

Isa. 56. 10. 2 Kor. 11. 13. Rom 2. 28. Gal. 1.  
2. 15.

3 Bwe kij dri mijmij, kijeo jej ka-  
buñ kin Jitōb ōn Anij, im lōñliñ  
ilo Kraist Jisōs, im jab liki kōniek:  
Dut. 10. 16. & 30. 6. Jer. 4. 4. Rom 2. 29. &  
7. 6. Kol. 2. 11. Jon 4. 23, 24. Gal. 6. 14.

4 Meñe eor iba bwe in liki kōniek  
bareinwōt: elañe jabrewōt bar juōn  
armij ej lemnok eor iben bwe en  
liki kōniek, ña elaplok:

2 Kor. 11. 18, 21.

5 Ar mijmij iđ ran ken ka druali-  
tōk, ña dri jowin Israel, jen bwijn  
Benjamin, dri Hibru ian ro dri Hi-  
bru; ekar ñōn kien, Parisi;

Gen. 17. 12. 2 Kor. 11. 22. Rom 11. 1. Jerb.  
23. 6. & 28. 5.

6 Ekar ñōn kijejeto, I ar matōr-  
tōre eklisia; ekar ñōn wānik eo ilo  
klen, ejelok notađ.

Gal. 1. 13, 14. Jerb. 9. 1. & 22. 3. Rom 10. 5.

7 A men komen in jibarek iba, men  
kein I ar watōki jerata kin Kraist.

Mat. 13. 44.

8 Aet, emol, im ij watōki men  
otemjej jerata wōt, kin an kauuij  
emōn ađ jela Kraist Jisōs ađ Iroi j:  
kin Eo men ko otemjej ađ re joko,  
im ij watōki kwoblj, bwe in jibarek  
Kraist,

Isa. 53. 11. Jer. 9. 23, 24. Jon 17. 3. 1 Kor.  
2. 2. Kol. 2. 2.



9 Im walok ilo E, ke e jab iba wānik eo ađ, eo jen kien, a eo kiu liki Kraist, wānik eo jen Anij kin tōmak:

Rom 1. 17. & 3. 21, 22. & 9. 30. & 10. 3. 6. Gal. 2. 16.

10 Bwe in jela E, im kajur in jerkakbiji eo An, im kōmao in iñtan ko An, ke ij einwōt wāwen au mij;

Rom 6. 3-5. & 8. 17. 2 Tim. 2. 11, 12. 1 Pit. 4. 13.

11 Elañe kin jabrewōt in tōbrōk ñōn jerkakbiji jen ro remij.

Jerb. 26. 7.

12 Jab einwōt emwij ađ jibarek kiō, ak emwij ađ wāppen kiō; a ij kōtōbar, elañe I maroñ in bōk wōt men eo Jisōs Kraist e ar bareinwōt bōk iō kake.

1 Tim. 6. 12. Hib. 12. 23.

13 Ro jātiō, I jab watōk iō emwij ađ bōk; a juōn ađ kōmōn, ke ij meloklok men ko rej ber likiō, im mōllok ñōn men ko rej ber imađ,

Sam 45. 10. Luk 9. 62. 1 Kor. 9. 24, 26. Hib. 6. 1.

14 Ij kōtōbarlok ñōn kakōle, ñōn mejenkajik eo an kir eutiejan Anij ilo Kraist Jisōs.

Hib. 3. 1. & 12. 1.

15 Inem kijeo je wāppen, jen lemnok ein drein: im elañe ilo jabrewōt komij lemnok ein juōn, Anij e naj kwalok men in ñōn kom:

1 Kor. 2. 6. & 14. 20. Gal. 5. 10.

16 Men in wōt, ijo emwij ar tōbare, jen etal ilo ial in.

Gal. 6. 16. Jap. 2. 2.

17 Ro jātiō, komin jimor dri ka-jeōnwe ña, im kili ro rej etetal ein drein, im einwōt kim ami joñok.

1 Kor. 14. 16. Jap. 4. 9. 1 Pit. 5. 3.

18 Bwe elōñ rej etetal, I ar ken-nanek kom kin ir makij, im kiō ij kennanek kom, aet kin jōñ, bwe rej dri kijirāte dreball an Kraist:

Jap. 1. 15, 16.

19 Jemlokair kokkure ir, air anij lojeir, im air aibujuij ilo air jok, ro rej lemnok kin men ko an lōl.

2 Kor. 11. 12, 15. 2 Pit. 2. 1. Rom 8. 5. & 16. 18. 1 Tim. 6. 5. Tit. 1. 11. Gal. 6. 13.

20 Bwe ener ej ber i lōñ; jen ijo

jej kōtar Dri Lomor, Iroj Jisōs Kraist:

Ep. 2. 6. Kol. 3. 1. Jerb. 1. 11. 1 Kor. 1. 7, 10.

21 Eo e naj kōkal enbwiner e eļā bwe en erom einwōt enbwinin e aibujuij, ekar ñōn jerbāl eo, kin e Ej maroñ in kōtāik men otemjej ñōn E mōke.

1 Kor. 15. 23, 43, 48, 49. Kol. 3. 4. Ep. 1. 19. 1 Kor. 15.

#### JAPTER 4.

**I**NEM, ro jātiō, jitenburu im ij jōñware kom, ađ lōñliñ im rojen bōra, ein drein komin jutōk ilo Iroj, ro jitenburu.

Jap. 1. 8. 2 Kor. 1. 14. 1 Tes. 2. 19.

2 Ij kowe Euodia, im ij kowe Sintike, bwe ren lemnok einwōt juōn ilo Iroj.

Jap. 2. 2.

3 Aet, ij bar akwelap ñōn yuk, rajita emol ilo inene, kwon jibōñ kōra rein, ro r'ar jerbāl iba ilo gos-pel, kab Klement bareinwōt, im ro jet rajita ilo jerbāl, etair ilo buk in mour.

Rom 16. 3. Jap. 1. 27. Eks. 32. 22. Sam 69. 23. Dan. 12. 1. Luk 10. 20. Rev. 3. 5. & 13. 8. & 20. 12. & 21. 27.

4 Komin lōñliñ ilo Iroj ien otem-jej: im ij bar ba, komin lōñliñ.

Jap. 3. 1. 1 Tes. 5. 16.

5 Ami kamanwa en walok ñōn armij otemjej. Iroj eo ej ebak.

Hib. 10. 25. 2 Tes. 2. 2.

6 Komin jab inebata kin jabrewōt; a ilo men otemjej kin jar im akwelap kab kamolol, kajitōk ko ami ren walok ñōn Anij.

Pro. 16. 3. Mat. 6. 25. Luk 12. 22.

7 Im ainemōn jen Anij, eo ej eļā jen jela otemjej, e naj kejbārok buruemi im lemnok ko ami ilo Kraist Jisōs.

Jon 14. 27. Rom 5. 1. Kol. 3. 15.

8 Elikтата, ro jātiō, jabrewōt men ko remol, jabrewōt men ko re jime, jabrewōt men ko re wānik, jabrewōt men ko rokwojarjar, jabrewōt men ko re olbo, jabrewōt men ko emōn air buñbuñ; elañe eor emōn, im elañe eor nebar, komin lemnok kin men kein.

1 Tes. 5. 22.

9 Men ko kom ar katak, im böki, im roñjaki, im lo ilo ña, komin kõmõnmõu men kein: im Anij in ainemõu e naj ber ibemi.

Jap. 2. 17. Rom 15. 33. 1 Kor. 14. 33.

10 A I kanuij lõñliñ ilo Iroi, bwe eliktata ami lale iõ ej bar edreklok; im kom ar lemnok kake, a kom ar aikwij ien ekar.

2 Kor. 11. 9.

11 Jab bwe ij konono ilo aikwij: bwe emwij aõ katak, ilo jabrewõt kijkan aõ ber, in jokõne.

1 Tim. 6. 6.

12 I jela toõn etã, im I jela toõn böptoa: ijo ko otemjej im ilo men otemjej emwij katakin iõ bwe in mät im kab bwe in kwuli, bwe in böptoa im kab bwe in aikwij.

1 Kor. 4. 11. 2 Kor. 6. 10. & 11. 27.

13 I maroñ in kõmõn meu otemjej ilo Eo ej kakajur iõ.

Jon 15. 5. 2 Kor. 12. 9.

14 Ijoke kom ar kõmõn emõn bwe kom ar kõmao ilo aõ iñtan.

jap. 1. 7.

15 Kiõ kom, dri Pilippai, kom bareinwõt jela, bwe ilo jinoin gospel, ke I ar ilok jøn Masedonia, eje-

lok eklisia e ar kõmao iba, einwõt kin letok im bõk, a kom wõt;

2 Kor. 11. 8. 9.

16 Aet, bwe ilo Tessalonika kom ar jilkintok alen juõn im ken ka ruo ñõn aõ aikwij.

17 Jab bwe ij bukot torbata: a I kõnan lle en ʒa tokjemi.

Rom 15. 28. Tait. 3. 14.

18 A men otemjej iba, im I böptoa: ij obrõk mõjen aõ bõk jen Epaprodaitõs men ko jen kom, juõn bwin emelu, juõn jurtak ekar, im ken kabuñburuen Anij.

jap. 2. 25. Hib. 13. 16. 2 Kor. 9. 12.

19 A aõ Anij e naj kõke ami aikwij otemjej, ekar ñõn mweien ilo aibujuij ilo Kraist Jisõs.

Sam 23. 1. Ep. 3. 16.

20 Kiõ ñõn ar Anij im Jemeruij aibujuij in drio im in drio, Amen.

Rom 16. 27. Gal. 1. 5.

21 Yokyokwe ro remõn otemjej ilo Kraist Jisõs. Jimjån jimjåten iba rej yokyokwe kom.

Gal. 1. 2.

22 Ro remõn otemjej rej yokyokwe kom, elaplok ro ian nukin Sisar.

jap. 1. 13.

23 Joij an Iroi, Jisõs Kraist en ber ilo ami.

Rom 16. 24.

## LETTER AN PAUL ÑÕN DRI KOLOSSE.

### JAPTER 1.

**P**AUL, dri jilik an Kraist Jisõs kin ankil an Anij, im Timote jäter,

Ep. 1. 1.

2 Ñõn ro i Kolosse remõn im retiljek, jimjån jimjåten ilo Kraist: Joij ñõn kom in ainemõn jen Anij Jemer.

1 Kor. 4. 17. Ep. 6. 21. Gal. 1. 3.

3 Kimij kamolol Anij Jemen ar Iroi, Jisõs Kraist, im ien otemjej kim jar kin kom,

1 Kor. 1. 4. Ep. 1. 16. Pil. 1. 3.

260

4 Bwe kim ar roñ kin ami liki Kraist Jisõs, im kin yokwe eo ibemi ñõn ro remõn otemjej,

Pail. 5. Hib. 6. 10.

5 Kin kejatrikrik eo emwij likit e ñõn kom ilo lõñ, eo kom ar roñ kin e mokta ilo nan in mol an gospel,

2 Tim. 4. 8. 1 Pit. 1. 4.

6 Eo emwij an itok ñõn ibemi; aet, einwõt ej ilo aolepen lõl im jeb-  
bar leen im laplok, einwõt ilo kom,  
jen ran eo kom ar roñjake, im jela  
joij an Anij ilo mol;

Mat. 24. 14. Rom 10. 18. Mark 4. 8. Pil. 1. 11.

2 Kor. 6. 1. Ep. 3. 2.

7 Elnwöt kom ar katak iben Epa-pras dri korijer im jitenburu ibem, eo dri jermal etiljek an Kraist kin kim,

Jap. 1. 12. Pall. 23. 2 Kor. 11. 23. 1 Tim. 4. 6.

8 E ar bareinwöt kennanek kim ami yokwe ilo Jitöb.

Rom 15. 30.

9 Kin men in kim bareinwöt, jen ran eo kim ar roñjake, e jab jokwör am jar im kajitök kin kom, im könan bwe komin obrök kin jela ankil An ilo meletlet otemjej im lolätät jen Jitöb,

Ep. 1. 8, 15, 16. & 5. 17. 1 Kor. 1. 5. Rom 12. 2.

10 Bwe ami etetal en tellokön Iroj im kabuñburuen ilo men otemjej, im bwe komin jebat leen ilo jermal ko remön otemjej, im edreklok ilo jela Anij;

Ep. 4. 1. Pil. 1. 27. 1 Tes. 4. 1. & 2. 12. 2 Kor. 9. 8. Tait. 3. 1. Hib. 13. 21.

11 Ke emwij kakajur kom kin kajur otemjej ekar ñön maroñ in aibujuij eo An, ñön kijinmij otemjej im meanwör ilo löñliñ;

Ep. 3. 16. & 4. 2. Jerb. 5. 41. Rom 5. 3.

12 Im kamolol Jemer eo E ar kömön bwe jen tellokön in bök mötön jolit an ro remön ilo maram;

Ep. 5. 20. Jap. 3. 15. Jerb. 28. 18.

13 Im E ar kötlok kij jen kajur in marok, im böklok kij ñön loan alliñ eo an Nejin e jitenburu iben;

Ep. 6. 12. 1 Pit. 2. 9. 2 Pit. 1. 11. 1 Tes. 2. 12.

14 Im Ej binmour ñön kij, aet jeorlok jerawiwi ko ar:

Ep. 1. 7.

15 Eo ej ilo nememen Anij eo je ban lo E, im lotak mokta jen men in kömönmön otemjej;

2 Kor. 4. 4. Hib. 1. 3. Rev. 3. 14.

16 Bwe kin E emwij kömön men ko otemjej, men ko i löñ kab men ko ion löl, ko jej loi im ko je jab loi, elañe tron ko ak jiöb ro ak iroj ro ak kajur ko; emwij kömönmön men otemjej kin E im ñön E;

Jon 1. 3. 1 Kor. 8. 6. Ep. 1. 21. & 3. 9. Rom 8. 28. & 11. 36. Jap. 2. 10, 15. 1 Pit. 3. 22. Hib. 2. 10.

17 Im Ej mokta jen men otemjej, im kin E men otemjej rej ber.

Jon 1. 1. & 17. 5. 1 Kor. 8. 6.

18 Im Ej böran enbwin, eklisia; im E jinoin, im dri lotak moktata jen ro remij, bwe En eutiejtata ilo men ko otemjelok.

1 Kor. 11. 3, 15, 20, 23. Ep. 1. 22. Jerb. 26. 23. Rev. 1. 5.

19 Bwe ebuñburuen Anij bwe ilo E men otemjej remön potata ren ber;

Jon 1. 16. & 3. 34. Jap. 2. 9.

20 Im bwe, ke emwij An kömön ainemön kin böttöktökin dreball eo An, En killajrök kin E men ko otemjej ñön E möke, aet kin E elañe rej men ko ion löl ak men ko i löñ.

2 Kor. 5. 18. Ep. 1. 10. & 2. 14-16.

21 Im komeo, ilo ien emotelok, kom dri jibil jen E im dri kijiräte ilo buruemi kin jermal ko renana, ilo ien in emwij An killajrök kom

Ep. 2. 1, 2, 12, 19. & 4. 18. Tait. 1. 16.

22 Ilo enbwinin köniekin kin mij, bwe En kwalok kom kwojarjar im jimewöt im ejelok notami iman mejen:

Luk 1. 75. Ep. 1. 4. & 2. 15. & 5. 27. Jud 24.

23 Elañe kom berwöt ilo tömak, töt im bin, im jab törlöl jen keja-trikrik in gospel eo kom ar roñjake, im emwij kwalok e ñön ro otemjej rej ber iomin löñ; im ar kömön ña Paul dri jermal kake.

Ep. 3. 17. Jap. 2. 7. Rom 10. 18. Jerb. 1. 17. 2 Kor. 3. 6. Ep. 3. 7.

24 Kiö ij löñliñ ilo iñtan ko aö kin kom, im kalöñ eo e jafin bwe kake ian iñtan ko an Kraist ilo köniekiö kin enbwinin, eo eklisia;

Rom 5. 3. 2 Kor. 1. 5, 6. & 7. 4. Pil. 3. 10. 2 Tim. 2. 10. Ep. 1. 23. & 3. 13.

25 Kin eo emwij kömön iö dri jiböñ ilo jermal eo an Anij emwij letok ñön iö kin kom bwe in kajejit nan in Anij,

1 Kor. 9. 17. Rom 15. 19.

28 Aet, men eo etino e ar nojök jen ien ko im ebeben ko, a ilo ien in ar kwalok e ñön ro remön ro An,

Rom 16. 25. 1 Kor. 2. 7. Mat. 13. 11.

27 Ñön ro Anij e buñburuen in kwalok ta mweien aibujuij in men eo etino in, iolapin dri alliñ ko, eo

**Kraist floami kejatrikrik kin aibu-  
juj:**

Ep. 1. 7. & 3. 8. 1 Tim. 1. 1.

28 Eo kimij kwalok, im kowe armij otemjej, im katakin armij otemjej ilo meletlet otemjej, bwe kimin kwaloklok armij otemjej rewäppen ilo Kraist;

Jerb. 20. 20, 31. 2 Kor. 11. 2.

29 Ñön eo ij bareinwöt jermal im kate lõ ekar ñön jermal eo An, ej jermal ilo fia kin elap kajur.

1 Kor. 15. 10. jap. 2. 1. Ep. 1. 19. & 3. 20.

## JAPTER 2.

**B**WE I kōnan bwe komin jela ie lap en aō kate lõ kin kom, im kin ro i Leodisia, im kin ro jabrewōt r'ar jab lo turin meja ilo kōniek;

Pil. 1. 30. 1 Tes. 2. 2.

2 Bwe burueir ren ainemōn, im drebijik ilo yokwe, im bwe ren tō-brōk aolepen mweien im obrōk in jelalokjen, bwe ren melele men eo etino an Anij, aet Kraist,

2 Kor. 1. 6. jap. 1. 9. & 3. 14. Pil. 3. 8.

3 Ilo E re nojōk men in aurōk ko otemjej au meletlet im jelalokjen.

1 Kor. 1. 24. & 2. 6, 7. Ep. 1. 8.

4 Ak ij ba men in, bwe ejelok juōn en moni kom kin nan in karel ko.

Rom 16. 18.

5 Bwe meñe ij etolok jen kom ilo kōniek, mekarta ij ber ibemi ilo jītōb, im lõñliñ im lo ami jime im ebin ami liki Kraist.

1 Kor. 5. 3. & 14. 40. 1 Tes. 2. 17. 1 Pit. 5. 9.

6 Inem einwōt kom ar bōk Kraist Jisōs Iroi, ein drein komin etetal ilo E,

1 Tes. 4. 1. Jud 3.

7 Im en elle okrami im kalek kom ilo E, im komin bin ilo tōmak, einwōt emwij katakin kom, im ba kom mol im lõñlok kake.

Ep. 2. 21, 22. & 3. 17. jap. 1. 23.

8 Komin kejbārok kom bwe ejelok juōn en rakimi kom kin katak in meletlet eo an ak kin an mon bata, ekar ñön bwebwenato mokta an armij rōn, im ñön irinekatak ko an lõl, im jab ñön Kraist:

Jer. 29. 8. Rom 16. 17. Hib. 12. 9. Mat. 15. 2. Gal. 1. 14.

9 Bwe ilo E im wāwen enbwin, rej jokwe men otemjej an Anij wōt,  
Jon 1. 14. jap. 1. 19.

10 Im komij wäppen ilo E, eo ej bōran iroi otemjej im kajur ko otemjej:

Jon 1. 16. Ep. 1. 21. jap. 1. 16.

11 Ilo E emwij mijmij kom otemjej kin mijmij pā ko re jab kōmōne, ilo ami wutik enbwin kōniek, kin mijmij eo Kraist e ar kōmōne; Dut. 10. 16. Jer. 4. 4. Rom 2. 29. Pil. 3. 3. Ep. 4. 22. jap. 3. 8, 9.

12 Im emwij kalibwin kom iben ilo baptais, im ilo e emwij kejerkak kom iben kin tōmak ilo jermal an Anij, eo E ar kejerkakbiji E jen ro remij.

Rom 6. 4. jap. 3. 1. Ep. 1. 19. Jerb. 2. 24.

13 Im komeo, dri mij kin jera-wiwi ko ami im kin jabmijmij in kōniekemi, E ar kemour kom jimor iben, im E ar julok bwir ko ar otemjej;

Ep. 2. 5.

14 Im E ar jeorilok jeje an kien ko, eo e ar jumae kij im naua ñön kij; im E ar bōklok im drilalk e na ilo dreball eo;

Ep. 2. 15, 16.

15 Im ke emwij An kokkure iroi rōn im kajur ko, E ar kaluljuj ir, im bōk anjo ioir ilo men in.

Jen. 3. 15. Sam 68. 18. Isa. 53. 12. Mat. 12. 29. Jon 12. 31. & 16. 11. Ep. 4. 8. Hib. 2. 14.

16 Inem ejelok armij en ekajet kom kin mōña ak irak ak kin ran in kwojkwoj, ak kin aliñ ekal, ak kin ran Sabat:

Rom 14. 3, 10, 13. 1 Kor. 8. 8.

17 Men ko anōñin men ko re naj itok, a enbwin eo enbwinin Kraist.

Hib. 8. 5. & 10. 1.

18 Ejelok armij en koarofi kom kin an kōuan mōke kotāik e im kabuñ ñön enjel rōn, im jokwe ilo men ko e ar loi, im kimjāje wau kin lolātāt in kōniekin,

Ezek. 13. 3.

19 Im e jab drebij Bōran, jen Eo aolepen enbwin, emwij kōke im kadrebijik e kin mokwōj ko im kworōk ko, ej edreklok kin edrek eo an Anij.

Ep. 4. 15, 16.

20 Elañe kom ar mij ilo Kraist jen irinekatak ko an löl, etke, einwöt mour ilo löl, komij bokake mönit ko,

Rom 6. 3. 5. Gal. 4. 9.

21 Komin jab kapjeri, jab erjön, jab uñiri

1 Tim. 4. 3.

22 (Men ko otemjej re naj joko kin jermal kaki), ko einwöt kien ko im katak ko an armij?

Mat. 15. 9. Tait. 1. 14.

23 Men kein wäwen meletlet ibeir ilo kabuñ einwöt kōnan ilo etā im kokkure enbwin; a ejelok tokjeir ke jumae bokake kōniek.

1 Tim. 4. 8.

### JAPTER 3.

**I**NEM elañe emwij kejerkak kom iben Kraist, komin bukot men ko i löñ, ijo Kraist ej ber ie im jijöt i anbijmaroñon Anij.

Rom 6. 5. & 8. 34. Ep. 1. 20. & 2. 6.

2 Kōmin kalomōnokjen kin men ko i löñ, jab kin men ko ion löl.

3 Bwe kom ar mij, im ami mour e nojök iben Kraist ilo Anij.

Rom 6. 2. jap. 1. 5. & 2. 20. 2 Kor. 5. 7.

4 Ñe Kraist, ar mour, e naj weaktok, ilo ien eo naj bareinwöt kwalok kom iben ilo aibujuj.

1 Jon 3. 2. 1 Kor. 15. 43. Pil. 3. 21.

5 Inem komin kajeeklok ra ko rami rej ber ion löl; lüñ, etton, ki-joñ, möm enana, im arök mweiuik eo kabuñ ñon ekjöp;

Rom 6. 13. & 8. 13. Gal. 5. 24. Ep. 5. 3. 5. 1 Tes. 4. 5.

6 Bwe kin men kein illu an Anij ej itok ion ro dri kiblia:

Rom 1. 18. Ep. 2. 2. & 5. 6. Jerb. 22. 15.

7 Ilo men ko kom bareinwöt ar etetal juön ien ke kom ar mour ilo ir.

Rom 6. 19. Ep. 2. 2. Tait. 3. 3.

8 A kiö komin bareinwöt julok men kein otemjej; illu, buru karu, illu aitok, konono nae, im nan ko retton jen loemi:

Ep. 4. 22, 29. & 5. 4. Hib. 12. 1. 1 Pit. 2. 1.

9 Komin jab riöp ñon dron, bwe kom ar wutik armij eo mokta kab jermal ko an,

Leval 19. 11. Ep. 4. 22, 24, 25.

10 Im kom ar kōnök armij ekäl, kökäl e ñon jelalokjen im ilo wäwen Eo e ar kōmōnmōne:

Rom 12. 2. Ep. 2. 10.

11 Ijo ejelok dri Grik ak dri Ju, ejelok mijmij ak jabnijmij, ejelok dri pegan ak dri Sitia, ejelok dri kaniokoko ak dri anemkwojan: a Kraist ej otemjej, im ilo otemjej.

Rom 10. 12. 1 Kor. 12. 13. Gal. 5. 6. Ep. 1. 23. & 6. 8.

12 Ineni, einwöt Anij e ar kälet kom, rokwojarjar im jitenburu, komin kōnök buruen tiriamo, joj, etā buru, inimōn, jejanunoij;

1 Tes. 1. 4. Gal. 5. 22. Ep. 4. 2, 32. Pil. 2. 1.

13 Im komin meamiwör ñon dron, im jeorlok nana jen dron, elañe iben jabrewöt iami eor ruön iben bar juön; im einwöt Kraist e ar jeorilok ami nana, en ein drein bareinwöt ami kōmōn ñon dron:

Mark 11. 25.

14 Ak ion men kein otemjej komin kōnök yokwe, eo ken lukwöj ej kowäppemi.

1 Pit. 4. 8. Jon 13. 34. Rom 13. 8. jap. 2. 2. Ep. 4. 3. & 5. 2.

15 Im ainemōn jen Kraist en troij ilo buruemi, ñon eo emwij kir kom ilo juön enbwin, im komin kamolol.

Pil. 4. 7. 1 Kor. 7. 15. Ep. 2. 16. jap. 2. 7.

16 Nan in Kraist en ber ilo kom im en löñ; im ilo meletlet otemjej komin katakin im kowe dron kin sam ko, al ko, im kitoön Jitöb ko, im kin joj ilo buruemi komin al ñon Anij.

1 Kor. 14. 28. Ep. 5. 19. jap. 4. 6.

17 Im men ko jabrewöt komij kōmōnmōni, ilo nan ak ilo jermal, komin kōmōn otemjej ilo etan Iroj Jisös, im kamolol Anij Jemer kin E.

1 Kor. 10. 31. Ep. 5. 20. jap. 1. 12. & 2. 7. 1 Tes. 5. 18.

18 Kōra rōn, komin kötäik kom ñon lömaro belemi, einwöt ekar ilo Iroj.

Ep. 5. 22. Tait. 2. 5. 1 Pit. 3. 1.

19 Lōma, komin yokwe limaro belemi, im jab jememe ñon ir.

Ep. 5. 25, 28, 33. 1 Pit. 3. 7.

20 Ajiri, komin kiblie ñon ro jememi im ro jinemi ilo men otem-

jej, bwe men in ej kabuñburuen Iroiĵ.

Ep. 5. 24. & 6. 1. Tait. 2. 9.

21 Ro jemeir, komin jab kaillu ro nejimi, bwe ren jab öbwer.

Ep. 6. 4.

22 Ro koriĵer, komin bokake kin men otemĵej karo ro ami ilo kö-niek; jab iman meĵeir wöt, einwöt ro rej kabuñburuen armij ro, a kin jime in buruemi im miĵök Iroiĵ:

Ep. 6. 5. 1 Tim. 6. 1. Tait. 2. 9. 1 Pit. 2. 18. Pall. 16.

23 Jabrewöt men eo komij kö-möne, komin kömöne kin buru, einwöt fiñn Iroiĵ, im jab fiñn armij;

Ep. 6. 6, 7.

24 Im kom jela bwe kom naj bök jen Iroiĵ jenekĵij in jolit eo: komij koriĵeran Iroiĵ Kraist.

Ep. 6. 8. 1 Kor. 7. 22.

25 Bwe eo ej kömöne nana e naj bar bök kin uana eo e ar kömöne: im ejelok kabwiloklok mej.

Ep. 6. 9. 1 Pit. 1. 17. Dut. 10. 17.

#### JAPTER 4.

**K**ARO ro, komin lelok fiñn ro koriĵeramı men ko ewänik im jime, bwe kom jela bwe bareinwöt juñn ami Karo i löñ.

Ep. 6. 9.

2 Komin niknik ilo jar, im ekil iloan kin kamolol;

Luk 18. 1. 1 Tes. 5. 17, 18. Jap. 2. 7. & 3. 15.

8 Im ilo ien jar, komin bareinwöt jar kin kim, bwe Anij en kebellok fiñn kim aur in nan, bwe kimin konono men eo etino an Kraist, kin eo fia ij bareinwöt ilo kworak ko;

Ep. 6. 19, 20. 2 Tes. 3. 1. Mat. 13. 11. 1 Kor. 4. 1. Jap. 1. 28. & 2. 2. Pil. 1. 7.

4 Im bwe in kwalok e einwöt emöñ bwe in konono kake.

5 Komin etetal im meletlet fiñn ro ilikin, im kejbärok ien.

1 Tes. 4. 12.

6 Ami konono, en ien otemĵej ilo joiĵ, im en emwiĵ keĵätok e kin salt, bwe komin jela kijkan emöñ ami uak armij otemĵej.

Ekl. 10. 12. Jap. 3. 16. Mark 9. 50. 1 Pit. 3. 15.

7 Men otemĵej aö, Tikikös e naj kwalok fiñn kom, eo ej jätiö jiten-

buru iba, im dri jermal etiljek im koriĵer iber ilo Iroiĵ:

Ep. 6. 21.

8 Eo I ar jilkinwoĵ fiñn kom kin men in, bwe komin jela men ko am, im bwe en kainemöñ buruemi;

Ep. 6. 22.

9 Im ej iwij ibenwiĵ Onesimös, jätiö etiljek im jitenburu, eo juñn iami. Re naj kajelaik kom men otemĵej kömöni iji.

Pall. 10.

10 Aristarkös, dri prisöñ iba, ej yokyokwe kom, im Mark, möñren Barnebas (kin eo kom ar bök kien ko; elafie ej iwij fiñn kom, komin bök e),

Pall. 24. Jerb. 15. 37. & 19. 29.

11 Im Jisös, ät eo juñn Jöstös, irro ian dri miĵmiĵ: irĵil wöt dri jermal iba fiñn allfiñ in Anij, im r'ar kainemöne lö.

12 Epapas, juñn iami, dri koriĵeran Kraist Jisös, ej yokyokwe kom, im ien otemĵej elap an kate e kin kom ilo jar ko au, bwe komin jutök wänik im wäppen ilo ankil otemĵej an Anij.

Jap. 1. 7. Pall. 28. Rom 15. 30. Hib. 5. 14.

13 Bwe ij kennan kin e, bwe elap an jermal fiñn kom im fiñn ro i Leodisia, im fiñn ro i Haierapolis.

14 Luk, dru uno e jitenburu, im Dimas, rej yokyokwe kom.

2 Tim. 4. 10, 11. Pall. 24.

15 Komin yokyokwe jimjäu jimjäten ro i Leodisia, im Ninupas, im eklisia eo iloan mweo imweir.

Rom 16. 5. 1 Kor. 16. 19.

16 Im ñe emwiĵ ami konono ilo letter in, komin kömöñ bwe konono kake ilo eklisia an ro dri Leodisia; im bwe komin bareinwöt konono ilo letter eo jen Leodisia.

1 Tes. 5. 27.

17 Im komin ba fiñn Arkippös, Kwon lale jermal eo kw'ar bök ilo Iroiĵ, bwe kwon kajejit e.

Pall. 2. 1 Tim. 4. 6.

18 Yokyokwejen fia Paul kin litan peiö. Komin kememeĵ kworak ko aö. Joiĵ en ber ibemi.

1 Kor. 16. 21. Hib. 13. 2.

# LETTER MOKTA AN PAUL ÑON DRI TESSALONIKA.

## JAPTER 1.

**PAUL**, im Silvenös, im Timote, ñön eklisia an ro dri Tessalonika ilo Anij Jemer im Iroj Jisös Kraist: Joij ñön kom im aine-mön.

2 Kor. 1. 19. 2 Tes. 1. 1. Ep. 1. 2.

2 Kimij kamolol Anij ien otemjej kin kom otemjelok, im ba kin kom ilo jar ko am;

Ep. 1. 16. Pall. 4.

3 Im e jab jokwör am kememej ami jermal in tömak kab yokwe, im ami kijenmij in kejatirikrik ilo ar Iroj Jisös Kraist, iman mejen Anij eo Jemer;

2 Tes. 1. 13. & 3. 6. Jon 6. 29. Gal. 5. 6. 2 Tes. 1. 3. Hib. 6. 10.

4 Bwe kim jela, ro jätim, kom jitenburu iben Anij, E ar kälet kom, Kol. 3. 12.

5 Ekijkan gospel eo am e ar jab iwij ñön kom ilo nan wöt, a bareinwöt ilo kajur im ilo Jitöb Kwojarjar, im lap an rel buruemi; einwöt kom jela le wäwen am ber im kömön ibemi kin kom.

1 Kor. 2. 4. 2 Kor. 6. 6. Hib. 2. 3. Jap. 2. 10. 2 Tes. 3. 7.

6 Im kom ar dri kajeoñwe kim im Iroj, im bök nan eo ilo iñtan elap kab löñliñ an Jitöb Kwojarjar; 1 Kor. 4. 16. Jap. 2. 14. 2 Tes. 3. 9. Jerb. 5. 41. Hib. 10. 34.

7 Im kin men in kom ar jostok ñön ro otemjej rej tömak i Masedonia im Akeia.

8 Bwe jen kom nan in Iroj e ar berejoke jab i Masedonia im Akeia wöt, a ljoko otemjelok ami liki Anij emwij an ilok ñön e, im kin men in ejelok tokjen am ba jabrewöt.

Rom 1. 8. 2 Tes. 1. 4.

9 Bwe ir rej möke kwalok ekijkan am dreloñwöj ñön kom, im [Marshall Islands.] 9T\*

ekijkan kom ar ilok ñön Anij jen ekjöp ko, bwe komin dri korijer ñön Anij eo emour im emol, Jap. 2. 1. 1 Kor. 12. 2.

10 Im bwe komin kötare Nejin jen löñ, Eo e ar kejerkakbiji E jen ro remij, aet, Jisös eo Ej lomoren kij jen illu e naj itok.

Rom 2. 7. Jap. 4. 16. & 5. 9. 2 Tes. 1. 7. Jerb. 2. 24.

## JAPTER 2.

**BWE** ro jätim, kom möke jela am dreloñ ñön kom, bwe kim ar jab dreloñwoj bata:

Jap. 1. 9.

2 A ke emwij kañtan im kokkure kim i Pilippai, einwöt kom jela, kim ar beranlok ilo am Anij bwe kimin konono ñön kom gospel an Anij ilo ninknik elap.

Jerb. 16. 22. & 17. 2. Jap. 1. 5. Pil. 1. 30. Kol. 2. 1.

3 Bwe nan in kowe eo am e jab jen bwir ak etton, ak kin mon:

2 Kor. 7. 2. 2 Pit. 1. 16.

4 A einwöt Anij e ar likit gospel eo na ibem bwe E ar liki kim kin men in, ein drein kimij konono, jab bwe kimin kabuñburuen armij ro, a Anij eo ej melejoñ buruem.

1 Tim. 1. 12. Gal. 2. 7. Tait. 1. 3. Rom 8. 27.

5 Bwe kim ar jab konono etao jabrewöt ien, einwöt kom jela, im kim ar jab ankilliriöp kin am arök mweluk ko, Anij ej dri kennan:

Jerb. 20. 33. 2 Kor. 7. 2. Rom 1. 9.

6 Im kim ar jab bukot nebar jen armij, jab jen kom, jab jen ro jet, ke kim kar maroñ in kebloup kom bwe kimij dri jilik an Kraist.

Jon 5. 41. 44. & 12. 43. 1 Kor. 9. 1. 4. 6. 12. 18. 2 Kor. 2. 10. & 11. 19. 2 Tes. 3. 9. Pall. 8. 2 Kor. 12. 13. 14. 2 Tes. 3. 8.

7 A kim ar joij iolapemi einwöt ke lio dri kökajiriri ej lale ro nejin: 2 Tim. 2. 24.

8 Ein drein kin an lap am yokwe kom, kim ar kōnau lewoj fion kom jab gospel eo wōt, a bareinwōt am mour, bwe kom jitenburu ibem.

2 Kor. 12. 15.

9 Bwe komij kememej, ro jätim, am jermal im iñtan: ke kim ar jermal boñ im ran, bwe kimin jab kōmōn kapjeram fion jabrewōt iami, im kwalok fion kom gospel an Anij.

Jerb. 20. 24. 2 Tes. 3. 8. 2 Kor. 11. 9. & 12. 13, 14.

10 Kom dri kennan, kab Anij, kin am kwojarjar im wānik im ejelok notam ke kim ar ber ibemi kom rej tōmak:

Jap. 1. 5. 2 Kor. 7. 2. 2 Tes. 3. 7.

11 Einwōt kom jela ekijkan kim ar kowe, im kaberan, im kennan fion kajuju iami, einwōt jemeir fion ro nejiir,

12 Bwe komin etetal ekar fion Anij, eo E ar kir kom fion allin eo an kab aibujulj.

Ep. 4. 1. Pil. 1. 27. Jap. 4. 1. & 5. 24. 1 Kor. 1. 9. 2 Tes. 2. 14.

13 Im kin men in e jab jokwōr am kamolol Anij, bwe ke kom ar bōk jen kim nan eo kom ar roñjake, nan in Anij, kom ar jab bōke einwōt nan in armij, a ein drein emol, einwōt nan in Anij, eo ej bar-einwōt jermal ilo kom ro rej tōmak.

Jap. 1. 3. Gal. 4. 14.

14 Bwe kom, ro jatim, ar dri kajeoñwe eklisia ko an Anij rej i Judia ilo Kraist Jisōs: bwe kom ar iñtan kin jimdron einwōt r'ar iñtan kin dri Ju ro;

Gal. 1. 22. Jerb. 17. 5, 13. Hib. 10. 33, 34.

15 Ro emwij air mōn Iroj Jisōs kab dri kanan ro, im ar ubakelok kim, im re jab kabuñburuen Anij, im rej ankeke fion armij otemej;

Jerb. 2. 23. & 3. 15. & 5. 30. & 7. 52. Mat. 5. 12. Jerb. 7. 52. Est. 3. 8.

16 Im rej bōprae kim kin am konono fion dri allin ko bwe ren bōk lomor; bwe ren kobrōk jerawiwi ko air ten otemej: a illu e mottok foir fion jemlokōn tata.

Luk 11. 52. Jerb. 13. 50. & 14. 5, 19. & 17. 5, 13. & 18. 12. & 19. 9. & 22. 21, 22. Jen. 15. 16.

Mat. 23. 32.

17 A kini, ro jätim, ke emwij am kallajlol kom jirik ten kin an jibil enbwiner, jab buruer, kim ar kanuij kajeoñ im elap am kōnan bwe kimin lo mejemi:

1 Kor. 5. 3. Kol. 2. 5. Jap. 3. 10.

18 Kin men in kim ar kōnan iwij fion kom, aet, ña Paul juōn im bar juōn ten; im Setan e ar boprae kim.

Rom 1. 13. & 15. 22.

19 Bwe ta am kejatirik, ak lōñliñ, ak belin kimjaje, elañe jab kom wōt iman mejen ar Iroj Jisōs ilo an weaktok?

2 Kor. 1. 14. Pro. 16. 31. 1 Kor. 15. 23. Jap. 3. 13. Rev. 1. 7. & 22. 12.

20 Bwe komij am aibujulj im am lōñliñ.

### JAPTER 3.

**K**IN men in ke kim bane am kōnanwoj, kim ar lemnok emōn bwe ren likit kimro wōt i Atens;

Jerb. 17. 15.

2 Im kim ar jilkinwoj Timote, e jätim, im dri korijeran Anij ilo gospel an Kraist, bwe en kabin kom, in kainemōne kom kin ami tōmak;

3 Bwe enjelok eberir iben jabrewōt iami ilo jorran kein; bwe komij jela wōt emwij likit kim fion men kein.

Rom 16. 21. 1 Kor. 16. 10. 2 Kor. 1. 19.

4 Bwe, emol, ke kim ar ber ibemi, kim ar kenannek kom bwe je naj iñtan; inem e ja men eo wōt kim ar ba, im kom jela.

Jerb. 20. 24.

5 Kin men in ke I bane aō kōnanwoj, I ar jilkinwoj bwe in jela kake ami tōmak, ñe ab dri kaboe ar kabo kom im jermal eo am e jermal bata.

1 Kor. 7. 5. 2 Kor. 11. 3. Gal. 2. 2. & 4. 11. Pil. 2. 16.

6 A ke Timote ej kab itok fion kim jen kom, im bōktok fion kim nan emōn kin ami tōmak im yokwe, kab kin ami kanuij kememej kim im oñ in lo kim, einwōt kimij kanuij kōnan lo kom:

Jerb. 18. 1, 5. Pil. 1. 8.

7 Kin men in, ro jätim, ami tōmak



e ar kainemöne kim kin kom, ilo am iñtan im jorran otemjej:

2 Kor. 1. 4. & 7. 6, 7, 13.

8 Bwe kiö kimij mour wöt elafie ebin ami jutök ilo Iroj.

Pil. 4. 1.

9 Inem ewi kamolol eo kim maroñ in ba ñön Anij kin kom, kin aolepen löñliñ kimij löñliñ kake kin kom iman mejen ar Anij;

jap. 1. 2.

10 Ke kim kanulj jar im akwelap ran im boñ, bwe kimin lo mejemi, im kowäppen ami tömak?

Jerb. 26. 7. 2 Tim. 1. 3. Rom 1. 10. jap. 2. 17. 2 Kor. 13. 9, 11.

11 A, E wöt ar Anij im Jemer, kab ar Iroj Jisös, ren kajimewöt am ialwoj ñön kom:

Mark 1. 3.

12 Im Iroj en kalaplok wöt ami yokwe dron kab armij otemjej, aet, einwöt kimij kömönmön ñön kom;

jap. 4. 9, 10. & 5. 15.

13 Bwe En kabin buruemi ilo kwojarjar im ejelok notami iman mejen Anij im Jemer, ilo an Jisös ar Iroj itok im rokwojarjar otemjej iben.

1 Kor. 1. 8. Pil. 1. 10. jap. 5. 23. 2 Tes. 2. 17. Jud 14.

#### JAPTER 4.

**I**NEM, bwe in kamatatlok nan kein, ro jätim, kimij akwelap ñön kom im kowe kom ilo Iroj Jisös, bwe, einwöt kom ar bök jen kim ekijkan an emöñ ami etetal im kabuñburuen Anij, einwöt komij etetal, komin bareinwöt löñlok wöt.

jap. 2. 12. Kol. 1. 10. & 2. 6.

2 Bwe kom jela kien öt ko kim ar lewoj ñön kom kin Iroj Jisös.

3 Bwe men in ankil an Anij, ami kwojarjar bwe komin kejbärok kom jen lüñ;

Rom 12. 2. 1 Kor. 6. 18. Ep. 5. 3, 17, 27.

4 Bwe en eju wöt iamil im jela kin an kejbärok enwlnu ilo kwojarjar im nebar,

Rom 6. 19.

5 Jab ilo kijoñ kin lüñ einwöt dri allin ko re jaje Anij;

Kol. 3. 5. Ep. 4. 17, 18. 1 Kor. 15. 34. 2 Tes. 1. 8.

6 Bwe ejelok armij en elä im mone jein im jätin ilo men eo: bwe Anij e naj dri kwi ilo men kein otemjej, einwöt kim ar ba mokta im kalikar ñön kom.

Leval 19. 11, 13. 2 Tes. 1. 8.

7 Bwe Anij e ar jab kirtok kij ñön etton, a ilo kwojarjar.

Leval 11. 44. & 19. 2. Hib. 12. 14. 1 Pit. 1. 14, 15.

8 Inem eo ej kejekron, e jab kejekron armij, a Anij, eo Ej lewoj ñön kom an Jitöb Kwojarjar.

Luk 10. 16. 1 Jon 3. 24.

9 A kin yokwe dron ejelok unin am jejewoj ñön kom; bwe Anij e ar katakin kom bwe komin yokwe dron;

jap. 5. 1. Jer. 31. 34. Jon 6. 45. & 13. 34. & 14. 26. Hib. 8. 11. Mat. 22. 39. Ep. 5. 2.

10 Bwe emol, ein drein ami kömönmön ñön jimjän jimjäten otemjej i aolepen Masedonia. A kimij kowe kom, ro jeim im jätim, bwe komin löñlok wöt ilo men in;

jap. 1. 7. & 3. 12

11 Im bwe komin katak im töt wöt im lale men ko ami, im jermal kin peömi, einwöt kim ar jiroñ kom;

2 Tes. 3. 11. 1 Pit. 4. 15. Ep. 4. 28.

12 Bwe en ekar ami etetal iman mejen ro re jab tömak, im bwe komin jab aikwij jabrewöt.

Rom 13. 13. 2 Kor. 8. 21. Kol. 4. 5. 1 Pit. 2. 12.

13 A kim jab könan, ro jätim, bwe komin jaje kin ro rej kiki; bwe komin jab buromöj einwöt ro jet, ro ejelok kejatrikrik ibeir.

Leval 19. 28. Dut. 14. 1, 2. 2 Samuel 12. 20. Ep. 2. 12, 18, 23.

14 Bwe elafie jej tömak kin an Jisös mij im jerkakbiji, ein drein bar-eluwöt ro rej kiki ilo Jisös, Anij e naj böktok iben.

1 Kor. 15. 13. jap. 3. 13.

15 Bwe kim ba men in ñön kom ilo nan in Iroj, bwe kijeo, ro rej mour im herwöt mae an Iroj itok, je jamin ilok mokta jen ro rej kiki.

1 Kin 13. 17. & 20. 35. 1 Kor. 15. 51.

16 Bwe E Iroj e naj wönlöltak jen löñ, kin lamij, im ainiken ar-kenjel, im jilil an Anij, im ro re-

mij ilo Kraist re naj jerkakbiji mokta :

Mat. 24. 30, 31. Jerb. 1. 11. 1 Kor. 15. 23, 52.

17 Inem kij, ro jej mour im berwöt, naj bökliflok kij iben ro jet ilo köro bwe jen wöumae Iroj i mejatoto; im ein drein je naj ber iben Iroj ien otemjej.

1 Kor. 15. 51. Jerb. 1. 9. Rev. 11. 12. Jon 12. 26.

18 Inem komin kainemön dron kin nan kein.

Jap. 5. 11.

### JAPTER 5.

**A** KIN ien ko ak tere ko, ro jatim, ejelok unin jejewoj jabrewöt.

Mat. 24. 3, 36. Jerb. 1. 7.

2 Bwe kom kanuij jela bwe ran eo an Iroj ej itok einwöt dri kwot ilo boñ.

Mat. 24. 43. Luk 12. 39. 2 Pit. 3. 10. Rev. 3. 3.

3 Ñe rej ba, Ainemön im ejelok uuin am leññoñ, eokwe eiriñ naj kokkure ir, einwöt iñtan ej walok ñön juön köra ej böroro; im re jamin ko.

Isa. 13. 8. Luk 21. 34. 2 Tes. 1. 9. Hos. 13. 13.

4 A kom, ro jätim, komij jab ilo marok, bwe ran eo en jibwe kom einwöt dri kwot.

Rom 13. 12, 13. 1 Jon 2. 8.

5 Bwe kom otemjej ro nejn maran im ran: je jab jen marok im boñ;

Ep. 5. 8.

6 Inem jen jab kiki einwöt ro jet, a jen mmij im jadör.

Mat. 24. 42. & 25. 5, 13. Rom 13. 11-13.

7 Bwe ro rej kiki, rej kiki ilo boñ, im ro rej karek rej karek ilo boñ.

Luk 21. 34, 36. 1 Kor. 15. 34. Ep. 5. 14. Jerb. 2. 15.

8 A kij, bwe jej armij in ran, jen jadör, im könök tömak im yokwe, ken körape enbwiner, im kejatrikrik in lomor, ken körape börer.

Isa. 59. 17. Ep. 6. 14, 16, 17.

9 Bwe Anij e ar jab likit kij ñön illu, a ñön töbrök lomor kin ar Iroj Jisös Kraist,

Rom 9. 22. Jap. 1. 10. 1 Pit. 2. 8. 2 Tes. 2. 14.

10 Eo E ar mij kin kij bwe, elafje jej ruj ak kiki, jen jimor mour iben.

Rom 14. 8, 9.

11 Kin men in, komin kainemöne dron, im kalek dron, einwöt ami kömönmön.

Jap. 4. 18.

12 A kim akwelap ñön kom, ro jätim, bwe komin kill ro rej jeral ibemi, im lale kom ilo Iroj, im kowe kom;

13 Im komin likit ir bwe ren utiej ilo ami yokwe ir, kin jeral ko air. Komin ainemön ñön dron.

Mark 9. 50.

14 Im kimij akwelap ñön kom, ro jätim, bwe komin kowe ro re jelo-mene, kaberan ro rej kümkü, jiböñ ro re möjino, komin meamiwör ñön armij otemjej.

2 Tes. 3. 11. Rom 15. 1. Gal. 5. 22.

15 Komin lale bwe ejelok iami en nawönan nana kin nana ñön jabrewöt armij; a ien otemjej komin lor men ko remön ñön dron kab ñön armij otemjelok.

Levai 19. 18. Pro. 20. 22. Mat. 5. 39. Rom 12. 17. 1 Pit. 3. 9. Gal. 6. 10. Jap. 3. 12.

16 Komin löñliñ ien otemjej;

Pil. 4. 4.

17 Eu jab jokwör ami jar;

Luk 18. 1. Rom 12. 12. 1 Pit. 4. 7.

18 Ilo men ko otemjej komin kamolol: bwe men in ej ankil an Anij ilo Kraist Jisös kin kom.

Ep. 5. 20.

19 Komin jab kwüne Jitöb Kwojarjar.

Ep. 4. 30. 1 Tim. 4. 14. 2 Tim. 1. 6.

20 Komin jab kejekron kir in dri kanan ro;

1 Kor. 14. 1, 30.

21 Komin melejoñ nien ko otemjej; kejbärok wöt nien ko remön:

1 Kor. 2. 11, 15. 1 Jon 4. 1. Pil. 4. 6.

22 Komin kejbärok kom jen wäwen nana otemjelok.

Jap. 4. 12.

23 Im E Anij in ainemön En kwojarjar aolepemi ilo nien otemjej; im En kejbärok aolepen ami jitöb, im ami, kab enbwiner, im

enjelok notami ilo an ar Iroj Jisōs Kraist itok.

Pil. 4. 9. jap. 3. 13.

24 Etijek eo Ej kir kom, im E naj bareinwōt kōmōne.

2 Tes. 3. 3.

25 Ro jātīm, komin jar kin kim.

2 Tes. 3. 1.

26 Komin yokyokwe jimjān jim-

jāten otemjej kin mejeuma ekwojarjar.

Rom 16. 16.

27 Ij kanōjnij nōn kom ilo Iroj bwe komin konono letter in nōn jimjān jimjāten otemjej.

Kol. 4. 16. 2 Tes. 3. 14.

Joij an ar Iroj Jisōs Kraist en ber ibemi.

Rom 16. 20. 24. 2 Tes. 3. 18.

## LETTER KEN KA RUO AN PAUL NŌN DRI TESSALONIKA.

### JAPTER 1.

**PAUL**, im Silvenōs, im Timote, nōn eklisia an ro dri Tessalonika ilo Anij Jemer im Iroj Jisōs Kraist;

2 Kor. 1. 19. 1 Tes. 1. 1.

2 Joij nōu kom im ainemōn jen Anij Jemer im Iroj Jisōs Kraist.

1 Kor. 1. 3.

3 Emōn kimin kamolol Anij ien otemjej kin kom, ro jātīm, ekar ein drein, bwe ami tōmak e kanuij edreklok, im kaju lami otemjej yokwe dron e kanuij lap;

1 Tes. 1. 2. 3. jap. 2. 13.

4 Inem kimij kimjāje kin kom ilo eklisia ko an Anij, kin ami kijemij im tōmak ilo matōrtōr im iñtan otemjej rej walok nōn kom:

2 Kor. 7. 14. & 9. 2. 1 Tes. 1. 3. & 2. 14. 19.

5 Eo kakōle alikar an Anij ekajet jime; bwe En watōk kom ekar nōn ailiñ in Anij, eo komij bareinwōt iñtan kin e:

Pil. 1. 28.

6 Elañe ejime an Anij nawōnair kin iñtan ro rej kañitan kom,

Rev. 6. 10.

7 Ak komeo, komij iñtan nawōnami kin kakije ibem ilo kwalok Iroj Jisōs jen lōñ iben enjel ro an kajur eo an,

Rev. 14. 13. 1 Tes. 4. 16.

8 Ilo kijeek eurur, im E naj lelok

irenwōne nōn ro re jab bokake gospel an ar Iroj Jisōs Kraist:

Hib. 10. 27. & 12. 29. 2 Pit. 3. 7. Rev. 21. 8.

1 Tes. 4. 5. Rom 2. 8.

9 Ir re naj iñtan ilo kokkure in drio im joko jen mejen Iroj, im jen wuj in kajur eo An,

Pil. 3. 19. 2 Pit. 3. 7. Isa. 2. 19. jap. 2. 8.

10 Ñe E naj itok bwe En aibujuij ilo rokwojarjar ro An, im bwe En men in bwilōñ ilo ro otemjej r'ar tōmak (bwe kom ar tōmak am kenuan nōn kom) ilo ran eo.

Sam 68. 35. & 89. 7.

11 Nōn men in kimij jar kin kom len otemjej, bwe ar Anij en likit kom ekar nōn An kir kom, im kajejit kōnan otemjelok kim emōn, kab jermal in tōmak ilo kajur;

1 Tes. 1. 3.

12 Bwe etan ar Iroj Jisōs Kraist en aibujuij iloami, im komin ilo E, ekar nōn joij an ar Anij im Iroj Jisōs Kraist.

1 Pit. 1. 7. & 4. 14.

### JAPTER 2.

**A** KIMIJ akwelap nōn kom, ro jātīm, kin an ar Iroj itok, im kin ar kweloklok nōn iben,

Mat. 24. 31. Mark 13. 27. 1 Tes. 4. 16. 17.

2 Bwe en jab mōkōj an kamōkit kom jen ami jela, ak kimjōk kom, jab kin jītōb ak nan, ak letter einwōt jen kim im ba ran in Iroj ej itok kiōkiō;

Mat. 24. 4. 1 Jon 4. 1. Digitized by G

3 Ejelok juðn en moni kom kin men ko jabrewõt: bwe mokta jen ran eo, e naj itok buñ eo, im armij in jerawiwi, nejn mij, e naj waloktok,

Ep. 5. 6. 1 Tim. 4. 1. Dan. 7. 25. 1 Jon 2. 18. Jon 17. 13.

4 Eo ej kõtorei im mōke koutiej e jumae men otemjej rej naetair Anij, ak kabuñ ñõn ir, eokwe ej jljõt einwõt Anij ilo tempel an Anij, im mōke kwalok bwe e Anij.

Isa. 14. 13. Ezek. 28. 2, 6, 9. Dan. 7. 25. & 11. 36. 1 Kor. 8. 5.

5 Kom jab kememej ke, bwe, ke I ar ber ibemi, I ar kennanek kom men kein ?

6 Im kiõ kom jela ta eo ej drebij e bwe en waloktok ilo ien eo an.

7 Bwe men eo etino im nana ej jermal wõt: a juðn' ej bõprae kiõ, mae ien emwij bõklok e jen ial.

1 Jon 2. 18. & 4. 3.

8 Im ilo ien eo dri kakitõt eo e naj waloktok, eo Iroj e naj mōne kin atloñ im naj kokkure kin an weaktok ilo an itok :

Dan. 7. 10. 11. Job 4. 9. Isa. 11. 4. Rev. 2. 18. & 19. 15, 21. Jap. 1. 9.

9 Eokwe, eo an waloktok ej ekar ñõn kōmōn an Setan, ilo kajur otemjej, im kakōle ko, im men in bwilõñ ko re riõp,

10 Kab ilo etao otemjej im nana ñõn ro rej joko wõt, bwe r'ar jab bõk yokwe mol ñõn lomorir.

2 Kor. 2. 15.

11 Im kin men in, Anij ej jilkinlok ñõn ir bwir ekajur bwe ren tõmak riõp :

Rom 1. 24. 1 Kin 22. 22. Ezek. 14. 9. Mat. 24. 5, 11. 1 Tim. 4. 1.

12 Bwe En ekajet ro otemjej r'ar jab tõmak mol, a rej mōnõnõ ilo nana.

Rom 1. 32.

13 A emõn bwe kimin kamolol Anij ien otemjej kin kom, ro jätim, jitenburu iben Iroj, bwe Anij e ar kålet kom jen jinoñ ñõn lomor ilo kokwojarjar kin Jitõb eo im tõmak mol :

Jap. 1. 3. 1 Tes. 1. 4. Ep. 1. 4. Luk 1. 75. 1 Pit. 1. 2.

14 Ñõn eo E ar kir kom kin gospel in am bwe komin tõbrök aibujuj an ar Iroj Jisõs Kraist.

Jon 17. 22. 1 Tes. 2. 12. 1 Pit. 5. 10.

15 Inem, ro jätim, komin jutök im bin im kejbärok men ko emwij katakiu kom kaki kin nan ak letter eo am.

Pit. 4. 1. 1 Kor. 11. 2. & 16. 13. Jap. 3. 6.

16 A E, ar Iroj Jisõs Kraist, im ar Anij Jemer, eo E ar yokwe kij im letok ainemõn in drio kab ke-jatrikrik emõn kin jolj,

Jap. 1. 1, 2. 1 Jon 4. 10. Rev. 1. 5. 1 Pit. 1. 3.

17 En kainemõne buruemi im kabin ir ilo nan emõn im jermal emõn otemjej.

1 Kor. 1. 8. 1 Tes. 3. 13. 1 Pit. 5. 10.

### JAPTER 3.

**B**AR matõn jirik ; ro jätim, komin jar kin kim bwe nan in Iroj en etõr im aibujuj, im ein drein bar einwõt ibemi ;

Ep. 6. 19. Kol. 4. 3. 1 Tes. 5. 25.

2 Im bwe En kõtlok kim jen armij renana im bõt ; bwe e jab ir otemjej rej tõmak.

Rev. 28. 24. Rom 10. 16. & 15. 31.

3 A Iroj etiljek, Eo e naj kabin kom, im wõnake kom jen dri nana eo.

1 Kor. 1. 9. 1 Tes. 5. 24. Jon 17. 15. 2 Pit. 2. 2.

4 Im kimij liki wõt Iroj kin kom bwe komij kōmōn im naj kōmōn men ko kimij jiroñ kom kaki.

2 Kor. 7. 16. Gal. 5. 10.

5 Im Iroj en kajimewõt buruemi ilo yokwe an Anij, im ilo kijenmij an Kraist.

1 Kron. 29. 18. 1 Tes. 1. 3.

6 A kim jiroñ kom, ro jätim, ilo etan ar Iroj Jisõs Kraist, bwe komin mōkelok lami jen ro jeõmi im jätõmi otemjej rej etetal im jelo-mene, im jab etetal ekar ñõn katak eo r'ar bõk e jen kim.

Rom 16. 17. 1 Tim. 6. 5. 1 Kor. 5. 11. 1 Tes. 4. 11. & 5. 14. Jap. 3. 15.

7 Bwe komeo komij jela ekijkau an emõn ami kajeõfiwe kim: bwe kim ar jab jelo-mene iolapemi.

1 Kor. 4. 16. & 11. 1. 1 Tes. 1. 6, 7. & 2. 10.

8 Im kim ar jab mōña bred jen jabrewōt armij im ejelok wōnan, a kim ar jermal im iñtau ran im boñ, bwe kimin jab kōmōn kapjeram ñōn jabrewōt lami.

Jerb. 18. 3. & 20. 34. 2 Kor. 11. 9. 1 Tes. 2. 9.

9 Jab bwe ejelok am maroñ, a bwe kimin likit kim ñōn kom kin joñok, bwe komin kajeoñwe kim.

1 Kor. 9. 6. 1 Tes. 2. 6.

10 Bwe ke kim ar ber ibemi, kim ar jiroñ kom men in, Elañe jabrewōt e jab kōnan jermal, en jab mōña.

Jen. 8. 19. 1 Tes. 4. 11.

11 Bwe kimij roñ kin jet rej etetal lolapemi im jelomene, im re jab jermal ñōn jirik, a rej dri kōmōnmōn bata.

1 Tes. 4. 11. 1 Tim. 5. 13. 1 Pit. 4. 15.

12 Inem kim jiroñ im kowe ro rej ein drein, kin ar Iroj Jisōs Kraist, bwe ren jermal wōt im tōt, im mōña bred ko alr.

1 Tes. 4. 11. Ep. 4. 23.

13 A kom, ro jätim, komin jab mōk ilo ami kōmōnmōn emōn.

Gal. 6. 9.

14 A elañe jabrewōt armij e jab bokake nan in am ilo letter in, komin killi e im jab kōmao iben, bwe en jok.

Mat. 18. 17. 1 Kor. 5. 9, 11.

15 Im jab likit e dri kijirät, a komin kowe e einwōt jeōmi im jätōmi.

Leval 19. 17. 1 Tes. 5. 14. Tait. 3. 10.

16 Im E, Iroj in ainemōn, En lewoj ñōn kom ainemōn, ien otemej, kin men otemjelok. Iroj en ber ibemi otemej.

Rom 15. 33. 1 Kor. 14. 33. 1 Tes. 5. 23.

17 Yokyokwe an Paul jenkwōn peiō, eo ej kakōle ilo letter otemej: ein drein aō jeje.

1 Kor. 16. 21. Kol. 4. 13.

18 Jolj an ar Iroj Jisōs Kraist en ber ibemi otemej.

Rom 16. 24.

## LETTER MOKTA AN PAUL ÑŌN TIMOTE.

### JAPTER 1.

**P**AUL, dri jilik an Kraist Jisōs, kin kien Anij ar Dri Lomor, im Kraist Jisōs ar kejatrikrik; Gal. 1. 1. jap. 2. 3. & 4. 10. Tait. 1. 3. Kol. 1. 27.

2 Ñōn Timote nejiō emol ilo tōmak: Jolj, tiriamōkake, ainemōn, jen Anij Jemer im Kraist Jisōs ar Iroj.

Jerb. 16. 1. 1 Kor. 4. 17. Tait. 1. 4. 2 Tim. 1. 2.

3 Einwōt I ar akwelap ñōn kwe, bwe kwon berwōt i Epesōs ke I ar ilok ñōn Masedonia, bwe kwon kowe jet bwe ren jab katakin kin katak ein juōn,

Pil. 2. 24. Gal. 1. 6. 7. jap. 6. 8.

4 Im kejbārok ir jen webwenato wan kab lajrōk in ebelen ko im ejelok jemlokir, ko rej kwalok kajitōkin ko im jab jibōñ jermal in

Anij eo ej ilo tōmak; ein drein aō kōmōn kiō.

jap. 4. 7. & 6. 4. 2 Tim. 2. 14, 23. Tait. 1. 14. & 3. 9.

5 A tokjen nan in kowe, yokwe jen buru erreo, im bōklikōt emōn, im tōmak emol.

Rom 13. 10. Gal. 5. 14. 2 Tim. 2. 22.

6 A jet r'ar illok jen men kein im jeōrlōk ñōn konono bata;

jap. 6. 20.

7 Ke re kōnan bwe ren dri katakin kin kien eo, re jaje ta eo re ba, ak ta eo re bin im konono kake.

jap. 6. 4.

8 A je jela bwe emōn kien eo elañe ekar an armij kōmōn kake,

Rom 7. 12.

9 Im je jela bwe ar jab kōmōne kien ñōn dru wānik, a ñōn ro rej kōtōrei kien im ro re kibila, ñōn ro renana im ro dri jerawiwi, ñōn

ro re jok drer im ro r'ablip, fiön ro rej mōn jemeir im jineir, fiön ro rej uror,

Gal. 3. 19. & 5. 23.

10 Nōn ro dri lūñ, iu fiön man ro rej mōke kananaik ir iben eman, fiön ro rej kwot armij im ro dri riöp, fiön ro e riöp air kanöjnij, im ro rej kömōnmōn men ko jet jabrewōt re jakkar fiön katak ejime;

Jap. 6. 3. 2 Tim. 4. 3. Tait. 1. 9. & 2. 1.

11 Kin gospel e aibujuij an Anij e mōnōnō, eo emwij likit e fiön iō.

Jap. 6. 15. 1 Kor. 9. 17. Gal. 2. 7. Jap. 2. 7. Tait. 1. 3.

12 Ij kamolol Kraist Jisōs ar Iroj, eo E ar kamarofi iō, bwe E ar wātōk iō etiljek im kadreloñ iō ilo jermal in An;

1 Kor. 7. 25. 2 Kor. 3. 6. & 4. 1. & 12. 9. Kol. 1. 25.

13 Meñe mokta I kin kajirere im matōrtōre im lej: a Anij e ar tirlamokake iō bwe I ar kömōn ein drein ke I ja jaje wōt im jañin tōmak;

Jerb. 8. 3. Luk 23. 34. Jon 9. 39. Jerb. 3. 17. & 28. 9.

14 Im joiñ an ar Iroj e ar kanuij iōñlok, kab tōmak im yokwe eo ej ilo Kraist Jisōs.

Rom 5. 20. 1 Kor. 15. 10. 2 Tim. 1. 13. Luk 7. 47.

15 Remol nan kein im emōn eoroñ wōt, bwe Kraist Jisōs e ar itok fiön iōl bwe En lomoren ro dri jera-wiwi, im ña eo laptata iair.

Jap. 3. 1. & 4. 9. 2 Tim. 2. 11. Tait. 3. 8. 1 Mat. 9. 13. Mark 2. 17. Rom 5. 8. 1 Jon 3. 5.

16 A kin men in, Anij e ar tirlamokake iō, bwe Kraist Jisōs en kwelok ilo fia mokta meanwōr otemjej, kin joñok fiön ro re naj liki E tokelik fiön mour in drio.

2 Kor. 4. 1. Jerb. 13. 39.

17 Kiō fiön Kifi eo Ej mour wōt jen in drio fiön in drio, e jab wabōnbōn im je ban lo E, eo E mōke wōt Anij, nebar im alibujuij in drio im in drio. Amen.

Sam 10. 16. Dan. 7. 14. Jap. 6. 16. Rom 1. 23. & 16. 27. Jon 1. 18. Hib. 11. 27. Jud 25. 1 Kron. 29. 11.

18 Kien in Ij likit na iōm, nejiō Timote, kin kir ko r'ar ba mokta

kin yuk, bwe ilo ir kwon maroñ in tōrinae kin tōrinae eo emōn;

2 Tim. 2. 2. Jap. 4. 14. & 6. 12. 13. 2 Tim. 2. 3. & 4. 7.

19 Im kejbārok tōmak im bōkli-kōt emōn, eo jet, kin air jolok e, r'ar rup im mejōljōlok jen tōmak.

Jap. 3. 9. & 6. 9.

20 Ruo iair, Halmeniōs im Alexander; I ar ketōk ir fiön Setan, bwe ren katak im jamin bar blas-pim.

2 Tim. 2. 17. & 4. 14. 1 Kor. 5. 5. Jerb. 13. 45.

## JAPTER 2.

**I**NEM IJ kowe mokta, bwe armij ren akwelap, im jar, im kajitōk im kamolol Anij, kin armij otemjej;

2 Kin kiñ ro im iroj otemjelok; bwe jen mour im tōt wōt ilo aine-mōn im kwojarjar im kömōnmōn emōn mwiler otemjej.

Ezra 6. 10. Jer. 29. 7. Rom 13. 1.

3 Bwe men in emōn im men in yokwe iman mejen Anij, eo Ej Dri Lomoren kij;

Rom 12. 2. Jap. 1. 1. & 5. 4. 2 Tim. 1. 9.

4 Eo e kōnan lomoren armij otem-jej, im bwe ren item jela mol.

Ezek. 18. 23. Jon 8. 16, 17. & 17. 3. Tait. 2. 11. 2 Pit. 3. 9. 2 Tim. 2. 25.

5 Bwe juōn wōt Anij, im juōn wōt Dri Kilajrōk ikotan Anij im armij rōn, Eo ej armij, Kraist Jisōs,

Rom 3. 30. Gal. 3. 20. Hib. 8. 6. & 9. 15.

6 Eo e ar mōke lelok E bwe En binmour fiön armij otemjej, im naj kennan kake ilo len ko an;

Mat. 20. 28. Ep. 1. 7. Tait. 2. 14. 1 Kor. 1. 6. 2 Tes. 1. 10. 1 Rom 5. 6. Gal. 4. 4. Ep. 1. 9. & 3. 5.

7 Kin eo E ar likit iō dri kaki im dri jilik (ij ba emol im jab riöp), kab dri katakin dri allif ko ilo tōmak im mol.

Ep. 3. 7, 8. 2 Tim. 1. 11. Rom 9. 1. & 11. 13. & 15. 16. Gal. 1. 16.

8 Inem I kōnan bwe man ren jar ijo ko otemjej im kwotōk peir kwojarjar im ejelok illu ak berre.

Mal. 1. 11. Jon 4. 21. Sam 184. 2. Isa. 1. 15.

9 Barelnwōt, bwe kōra ren kōnōk nuknok ko re karbōp, im ren kō-kōmōnmwin im jejsairunoñ, im jab kanuij karilip birōkrik in bōrair,

im jab kanuij kalitlit ir kin gold im bõr ko im nuknuk ko re kanuij aibujuij;

1 Pit. 3. 3.

10 A (eo ekar ñõn kõra ro rej kwalok air tõmak) kin air jermal remõn.

11 Kõra en katak im tõt wõt im jilkaie.

12 A I jab likit ñõn juõn kõra bwe en dri kaki ak irolj ion eman, a ren tõt wõt.

1 Kor. 14. 34. Ep. 5. 24.

13 Bwe emwij kõmõnmõn Adam mokta, im tokelik Iv;

Jen. 1. 27. & 2. 18, 22. 1 Kor. 11. 8. 9.

14 Im ar jab mone Adam, a ke emwij mone Iv, e ar jerawiwí:

Jen. 3. 6. 2 Kor. 11. 3.

15 A naj lomoren ir ilo air keutak ro nejlir, elañe rej berwõt ilo tõmak im yokwe im kwojarjar im jejairu-noij.

### JAPTER 3.

**E**MOL nan in, Elañe armij ej bukot bwe en dri kaki elap, ej kõnan jermal emõn.

Jap. 1. 15. Jerb. 20. 28. Pil. 1. 1. Ep. 4. 12.

2 Inem, dri kaki elap enjelok notan, en juõn wõt belen, en jadõr, en kõkõmõnmwin, en emõn mwilin, en lap an emen, en jela katakin;

Tait. 1. 6. Jap. 5. 9. 2 Tim. 2. 24.

3 En jab ijol wain, en jab jekanunok, en jolj wot, en jab dri iri, en jab arõk dala;

2 Tim. 2. 24. 1 Pit. 5. 2.

4 En emõn an irolj i mweo imõn, bwe ro nejin ren bokake e, im en mwilin armij;

5 (A elañe armij e jaje kin an irolj i mweo imõn, ekijkan an lale eklisia an Anij?)

6 En jab kál ilo jermal in Anij, ñe ab en utiej buruen im ebuñ im einwõt kar liakelok devil eo.

Isa. 14. 12.

7 Bar juõn ro re jab tõmak ren jab ñutñut e bõjik, bwe en jab buñ ilo kinake im jen an Setan.

Jerb. 22. 12. 1 Kor. 5. 12. 1 Tes. 4. 12. Jap. 6. 9. 2 Tim. 2. 26.

8 Ein drein, ro dikõn, ren mwilin

armij, en jab romiõñe air konono, ren jab ijol wain, ren jab arõk dala; Jerb. 6. 3. Levaf 10. 9. Ezek. 44. 21.

9 Im ren kejbãrok men eo etino an tõmak ilo bõklikõt erreo.

Jap. 1. 19.

10 A emõn melejoñ ir mokta; inem elañe ejelok notair, ren jermal in dikõn.

11 Kõra rõn, ein drein ren mwilin armij, ren jab rurue, ren jadõr, ren tiljek kin men ko otemjelok.

Tait. 2. 3.

12 Dikõn ro, en eju wõt beleir, im en emõn air irolj ion ro nejlir, kab ro rej jokwe ibeir.

13 Bwe ro r'ar jermal im dikõn emõn, rej jibarek jikin jutõk emõn, im beran elap ilo tõmak eo ej ilo Kraist Jisõs.

Mat. 25. 21.

14 Ij jejewoj men kein im kõtõmene bwe in iwij mõkõdj ñõn yuk;

15 A elañe I ja rumij, bwe kwon jela ekijkan emõn an armij ber im kõmõn ilo imõn Anij, eo eklisia an Anij emour, jurõn im loñtak in mol.

Ep. 2. 21, 22. 2 Tim. 2. 20.

16 Im, armij otemnej burueir wõt juõn, elap men eo etino ilo jermal in Anij; Eo ar kwalok E ilo kõniek, im Jitõb e ar kamol E, im enjel ro r'ar lo E, ar kwalok kin E ñõn dri aillñ ko, ar liki E ilo lól, emwij bokliñlok E ilo aibujuij.

Jon 1. 14. 1 Jon 1. 2. Mat. 3. 16. Jon 1. 32. 33. & 15. 26. & 16. 8. 9. Rom 1. 4. 1 Pit. 3. 18. 1 Jon 5. 6. 1 Mat. 28. 2. Mark 16. 5. Luk 2. 13. & 24. 4. Jon 20. 12. 1 Pit. 1. 12. 1 Jerb. 10. 34. & 13. 46. 48. Rom 10. 18. Ep. 3. 5-10. Jap. 2. 7. Kol. 1. 6. 23. 27. Luk 24. 51. Jerb. 1. 9. 1 Pit. 3. 22.

### JAPTER 4.

**A**E alikar an Jitõb ba, bwe ilo ien ko elik, jet re naj buñ jen tõmak, im eoroñ jitõb ro rej mon ir, im katak ko an ñimõn rõn,

Jon 16. 13. 1 Tes. 2. 3. 2 Tim. 3. 1. 2 Pit. 3. 3. 1 Jon 2. 18. Jud 4. 18. 1 Pit. 1. 20. Dan. 11. 37. Rev. 9. 20. & 16. 14.

2 Kin jela mon an armij rej riõp, im bõklikõt ko air rebín im einwõt ñe jej itil kin mal ebwil;

Rom 16. 18. 2 Pit. 2. 3. Ep. 4. 19.

3 Im re naj bōprae an armij belele, im kōmōn kien bwe ren jab mōña kōniek ko, Anij e ar kōmōnmōni bwe ro rej tōmak im jela mol ren bōk im kamolol Anij kaki.

Kol. 2. 20. 21. Hib. 13. 4. Rom 14. 3. 17. 1 Kor. 8. 8. Jen. 1. 29. & 9. 3. Rom 14. 6.

4 Bwe emōn men otemjej Anij e ar kōmōnmōni im ren jab abwinbōke jabrewōt iair, elafie rej bōk im kamolol Anij kin e:

Rom 14. 14. 20.

5 Bwe nan in Anij im jar rej kowjarjar e.

6 Elafie kwoj kememejlok nōn jimjān jimjāten kin men kein, kwo naj dri jerbāl emōn an Jisōs Kraist, im nan in tōmak ko im kaktak ejime, kw'ar bokaki nōn ien in, re naj najirik im kadreklok yuk:

2 Tim. 3. 14. 15.

7 A kwon abwin bwebwenato rewan im jakkar an lilap rōn. Im kwon mōke kamineneiklok yuk ilo jerbāl in Anij:

Jap. 1. 4. & 6. 20. 2 Tim. 2. 16. 23. & 4. 4. Tait. 1. 14. Hib. 5. 14.

8 Bwe elafie kwoj kamineneik enbwinōm wōt, e naj jar rik an kakajuror yuk, a jerbāl in Anij ej kakajuror yuk kin men otemjej, im eor an kalimur kin mour in, kab mour eo e naj Itok.

Kol. 2. 23. Jap. 6. 6. Sam 37. 4. & 84. 11. & 112. 2. 3. & 145. 19. Mat. 6. 33. Mark 10. 30.

9 Emol nan in, im emōn eoiuroñ wōt.

Jap. 1. 15.

10 Kin men in kimij jerbāl, im kate kim, bwe kimij kejatrikrik kin kin Anij emour, Eo ej kōnan lomoren armij otemjej, im E naj lomoren ro rej liki E.

1 Kor. 4. 12. Jap. 6. 17. Sam 36. 6. & 107. 2. 6.

11 Men kein kwon jiroñ im katakin ir.

Jap. 6. 2.

12 Ejelok armij en kejekron yuk kin am likao; a kwon juōn joflok nōn ro rej tōmak, ilo nan, ilo kōmōnmōn, ilo yokwe, ilo tōmak, im ilo kwojarjar.

1 Kor. 16. 11. Tait. 2. 7. 1 Pit. 5. 3.

13 Mae ien I naj iwij, kwon nik-

nik ilo konono ilo buk, im kowe, im katakin.

14 Kwon jab jekeini men in aurōk eo iloam, im ar lewoj nōn kwe kin drikanij kin yuk, im kin likit pein elder ro iom.

15 Kwon owōn ilo men kein, im mōke lelok yuk nōn ir, bwe am wōnmanlok en alikar nōn ro otemjej.

Jap. 1. 18. & 5. 22. Jerb. 6. 6. & 8. 17. & 13. 3. & 19. 6. 2 Tim. 1. 6.

16 Kwon kejbārok yuk, im men in katakin ko am. Kwon berwōt ilo men kein; bwe ilo am kōmōn ein drein, kwo naj mōke lomoren yuk, kab ro rej roñjake yuk.

Jerb. 20. 29. Ezek. 33. 9. Rom 11. 14.

## JAPTER 5.

**E**N jab bin am kowe juōn elder, a kajime e einwōt kar jemōm, im ro likao einwōt kar ro jeōm im jātōm man:

Levai 19. 32.

2 Ro lilap einwōt kar jinōm; kōra re jab kanuij ridto einwōt kar ro jeōm im jātōm kōra ilo kwojarjar otemjej.

3 Kwon kōñiājoik kōra ro rej mōke iair im rejoko beleir.

4 A elafie jabrewōt kōra ejoko belen, im eor nejin ak jibwin ak jiman, ren katak mokta kin lale ro nukliir, im ren emōn mwiliir kake, im nawōnan ro jemeir im jineir; bwe men in men in kabuñburuen iman mejen Anij.

Jen. 45. 10, 11. Mat. 15. 4. Ep. 6. 1, 2. Jap. 2. 3.

5 Kōra eo ejoko belen im e mōke ian, ej kejatrikrik e kin Anij, im ej berwōt im jar im akwelap boñ im ran.

1 Kor. 7. 32. Luk 2. 37. Jerb. 26. 7.

6 A kōra eo ej mour ekar nōn mōm ko an, ej mij ilo an mour.

Jem. 5. 5.

7 Men kein kwon bareinwōt jiroñ bwe ren jab kōmōn notair.

Jap. 4. 11.

8 A elafie jabrewōt e jakkene ro nukin, im elaplok ro dri loan mweo



imõn, e ar kariõp an tõmak im ej nana jen dri jab tõmak.

Isa. 58. 7. Gal. 6. 10. 2 Tim. 3. 5. Tait. 1. 16.

9 Ren kålet kõra ejoko belen drer jõbne jiljinoõnoul yiõ, im kar juõn wõt belen,

Luk 2. 36. Jap. 3. 2.

10 Im en buñbuñ kin an jermal ko remõn; elañe emwij an kakajiririik ro nejin, im lale ro drua maijet, im kwoli neen ro remõn, im jibõñ ro rej iñtan, im niknik ilo jermal emõn otemjej.

Jerb. 16. 15. Hib. 13. 2. Jen. 18. 4. Luk 7. 33, 44. Jon 13. 5, 14.

11 A kõra ro re jañin lilap im ejoko beleir, kwon jab kålet: bwe elikin an utlej burueir im jumae Kraist, re kõnan belele;

12 Im llakelok ibeir bwe r'ar jolok air nan in kalimur mokta.

13 Im bareinwõt rej katak im jowõn im etetal bõjlik, im ilok ñõn mwelõ moweo, im jab jatoktok wõt, a ñiremij bareinwõt im dri jermal bata, im re ba nan ko re jakkar bõjlik.

2 Tes. 3. 11.

14 Inem I kõnan bwe kõra rõn, ejoko beleir im re jab kanuij ridto, ren belele im keutak nejlir, im lale moko imweir, im jab likit bwe dri kijiråt en kajlrere kake ir:

1 Kor. 7. 9. Jap. 6. 1. Tait. 2. 8.

15 Bwe kiõ emwij an jet illok im lor Setan.

16 Elañe jabrewõt kõra ej tõmak, im eor kõra ejoko beleir iben, en lale im jibõñ ir, im jab kõmõn kapjeran ñõn eklisia; bwe en marõñ in jibõñ kõra rejoko beleir im mõke lair.

17 Ren koutiej wõt elder ro rej iroi jime, im ro rej bareinwõt jermal ilo nan im katakin, ren kanuij koutiej ir.

Rom 12. 8. 1 Kor. 9. 10, 14. Gal. 6. 6. 1 Tes. 5. 12, 13. Jerb. 23. 10.

18 Bwe Jeje ko re ba, Kwon jab taur loñin kau koman eo ej jujuri korn, im, Dri jermal ej tellokõn wõnan.

Dut. 25. 4. 1 Kor. 9. 9. Leval 19. 13.

19 Kwon jab eoroñ nan in kinak-

lok elder, elañe e jab ruo ak jllu dri kennan kake.

Dut. 19. 15.

20 Kwon kowe ro rej jerawiwi, iman mejen armij otemjej bwe ro jet ren bareinwõt mijõk.

Gal. 2. 14. Tait. 1. 13. Dut. 13. 11.

21 Ij kowe yuk iman mejen Anij, im Kraist Jisõs, im enjel rõn E ar kålet ir, bwe kwon kejbårok nan kein, im jab ekajete mokta, im jab kõmõn jabrewõt kin kabwiloklok mej.

Jap. 6. 13. 2 Tim. 2. 14. & 4. 1.

22 Kwon jab jarõp mõkõj im likit peiõm ion jabrewõt armij, im jab bõk mõtõn an bar jet armij jerawiwi ko: kwon kejbårok yuk im erre.

Jerb. 6. 6. Jap. 4. 14. 2 Tim. 1. 6. 2 Jon 11.

23 Kwon jab ber im irak dren wõt, a kwon irak jirik wain bwe en emõn lojiõm, im bwe en jab makij-kij am nañinmij.

Sam 104. 15.

24 Jet armij jerawiwi ko air rej alikar mokta, im ilok imairlok ñõn ekajet; a kin bar jet rej ilok ilokairlok.

Gal. 5. 19.

25 Bareinwõt jermal ko remõn, jet lair rej alikar; im ko re jab einwõt re ban nojõk.

## JAPTER 6.

**R**O dri korijer, rej dri kamoko ko, ren kairolj karo ro air, bwe armij ren jab blaspim etan Anij, im nan in katak eo.

Ep. 6. 5. 1 Pit. 2. 19. Isa. 52. 5. Rom 2. 24. Tait. 2. 5, 8, 9.

2 Im ro rej korijer ñõn ro dri tõmak, ren jab kejekron ir, bwe rej jeir im jåtir; a ren korijer ñõn ir emõnlok, bwe re tiljek im jitenburu ibeir, im air jermal ej kakajuror ir. Men kein kwon katakin im kowe.

Kol. 4. 1. Jap. 4. 11.

3 Elañe jabrewõt armij ej katakin ein juõn, im jab bõk ñõn nau ko remõn, aet, nan ko an ar Iroi Jisõs Kraist, kab katak eo ekar ñõn kõmõnmõn emõn;

Jap. 1. 3, 10. 2 Tim. 1. 13. & 4. 3. Tait. 1. 1, 9.

4 Ej jua, e dri jajelokjen, im e kanuij yokwe kajtök ko im akwail in nan ko, jen eo ej walok junmar, akwail, kajirere, mäten ko renana, 1 Kor. 8. 2. jap. 1. 4. 7. 2 Tim. 2. 23. Tait. 3. 9.

5 Im aituerök ko r'aukeke an armij im air retton, kab ejelok mol ibeir, im ilo air lemnok tömak ej ken koorlok dala.

1 Kor. 11. 16. jap. 1. 6. Tait. 1. 11. 2 Pit. 2. 3. Rom 16. 17. 2 Tim. 3. 5. 8.

6 A mwilin ekwojarjar kab joköne, elap air nawöuan.

Pro. 15. 16. Hib. 13. 15.

7 Bwe j'ar jab böktok jabrewöt fñön löl in, im bareinwöt je ban bökklok jabrewöt jen e;

Job 1. 21. Sam 49. 17. Pro. 27. 24. Ekl. 5. 15.

8 A elañe eor möña im nuknuk ko iber, jen joköne kaki.

Jen. 28. 20.

9 A ro re kanuij kōnan bwe ren dri mweie, re buñ ilo kabo im oujir im elöñ möm ko re bwebwe im nana, rej kamaloñ armij im kokkure ir ilo jikin joko.

Pro. 15. 27. Mat. 13. 22. Jem. 5. 1. jap. 1. 19. & 3. 7.

10 Bwe arök mönni ej okran nana otemjej, eo ke jet r'ar arök r'ar jebwäbwe jen tömak im möke wie ir kin elöñ men in kaburomöj.

Eks. 23. 8. Dut. 16. 19.

11 A kwe, O armij dron Anij, kwon ko jen men kein, im lor emöñ, kwojarjar, tömak, yokwe, kijenmij, im inemöñ.

2 Tim. 2. 22. & 3. 17. Dut. 33. 1.

12 Kwon törinae törinae emöñ eo an tömak, im drebij mour in drio, eo emwij kir yuk fñön e, im emöñ am kar kwalok kake iman mejen elöñ dri kennan.

1 Kor. 9. 25, 26. jap. 1. 18. 2 Tim. 4. 7. Pil. 3. 12, 14.

13 Ij kowe yuk iman mejen Anij, eo Ej kemour men otemjej, im

276

Kraist Jisöds eo E ar kwalok kwalok emöñ iman mejen Pontiös Pailat; jap. 5. 21. Dut. 32. 39. Jon 5. 21. 1 Mat. 27. 11. Jon 18. 37. Rev. 1. 5. & 3. 14.

14 Bwe kwon kejbärok kien eo, im kwojarjar im ejelok notam, mae ien an ar Iroijs Jisöds Kraist weaktok:

Pil. 1. 6, 10. 1 Tes. 3. 13. & 5. 23.

15 Eo E naj kwaloke ilo ien ko an, aet, Ej Iroijs emöñ emöñ im ejelok bar juöñ, E kiñ an kiñ ro, im Iroijs an iroijs rön:

jap. 1. 11, 17. Rev. 17. 14. & 19. 16.

16 Eo wöt Ej möke mour jen in drio fñön in drio, im Ej ber ilo maram ejelok armij ej maroñ in kebak fñön e, Eo ejelok armij e ar loe ak maroñ in loe: fñön E nebar in kajar in drio. Amen.

Jud 25. Rev. 1. 6. & 4. 11. & 7. 12.

17 Kwon kowe ro dri mweie kin men ko an löl in, bwe ren jab ke-jatrikrik ir kin mweluk ko mweluk torlok, a kin Anij, eo Ej wujleptok fñön kij men ko otemjej bwe jen möñ emöñ kaki;

Mark 10. 24. Pro. 23. 5. 1 Tes. 1. 9. jap. 3. 15. & 4. 10. Jerb. 14. 17. & 17. 25.

18 Bwe ren kömömömöm emöñ, bwe ren mweie kin jermal ko remöñ, im ren mol kab pojök in lelok men in tiriamo:

Luk 12. 21. jap. 5. 10. Tait. 3. 8. Rom 12. 13. Gal. 6. 6. Hib. 13. 16.

19 Im ren möke kamweikiwiuk ir kin foundesöñ emöñ mae ien ej itok, bwe ren bökk mour eo emol.

Mat. 6. 20. & 19. 21.

20 O Timote, kwon kejbärok men eo liki yuk kin e, im illok jen bwebwenato wan, im men in jumae an eo naetan jelalokjen, im riöp:

2 Tim. 1. 14. & 2. 14. & 3. 9. Tait. 1. 9, 14. & 3. 9. Rev. 3. 3. jap. 1. 4.

21 Eo, kin an jet kwalok kake r'ar jebwäbwe jen tömak eo.

Joi en ber iböm.

jap. 1. 6, 19. 2 Tim. 2. 18.

# LETTER KEN KA RUO AN PAUL ÑŃN TIMOTE.

## JAPTER 1.

**PAUL** dri jilik an Kraist Jisős kin ankil an Anij, ekar ñŃn kalimur in mour eo ej ber ilo Kraist Jisős,

2 Kor. 1. 1. Ep. 3. 6. Tait. 1. 2. Hib. 9. 15.

2 ÑŃn Timote nejiš jitenburu iba : Jojj, tiriamokake, ainemŃn, jen Anij Jemer im Jisős Kraist, ar Iroj.

1 Tim. 1. 2.

3 Ij kamolol Anij, eo ij korijeran jen ro jimaš ilo bŃklikŃt erreŃ, bwe I jab jokwŃr in kememej yuk ilo jar ko aš, ke ran im boñ ;

Rom 1. 8. Ep. 1. 16. Jerb. 22. 3. & 23. 1. & 27. 23. Rom 1. 9. Gal. 1. 14. 1 Tes. 1. 2.

4 I kanuij kŃnan lo yuk im ij kememej am dren in kemjalal, bwe in kab obrŃk kin lŃñliñ ;

jap. 4. 9. 21.

5 Ke ij kememej tŃmak emol ej ber ibŃm ; eo e ar ber ilo jibwŃm Lois mokta, kab ilo jinŃm Eunis, im aš lemnok ej bareinwŃt ilo kwe.

1 Tim. 1. 5. & 4. 6. Jerb. 16. 1.

6 Kin men in ij kakememej yuk bwe kwon bar kenokle men in lewoj eo ej ilo kwe kin aš likit peiŃ iom.

1 Tes. 5. 19. 1 Tim. 4. 14.

7 Bwe Anij e ar jab letok ñŃn kij jitŃb in lelñŃñ, a jitŃb in kajur im yokwe im kajime.

Jerb. 1. 8. Rom 8. 15.

8 Inem kwon jab jok kin kennan an ar Iroj, ak kin iŃ dri prisŃn eo An, a kwon bŃk mŃtŃn iñtan ko an gospel kin kajur an Anij ;

Rev. 1. 2. Ep. 3. 1. Kol. 1. 24. jap. 4. 5.

9 Eo E ar lomoren kij, im kir kij kin kir ekwojarjar, jab ekar ñŃn jermal ko ar, a ekar ñŃn An bebe

im jojj, eo ar letok ñŃn kij ilo Kraist Jisős mokta jen ienkolok mokta,

1 Tim. 1. 1. Hib. 3. 1. & 8. 28. Rom 3. 20. & 9. 11. & 16. 25. Ep. 1. 4. & 3. 11. Tait. 1. 2. & 3. 5. 1 Pit. 1. 20.

10 A emwij au kwalok e kiš kin waloktok eo an ar Dri Lomor, Kraist Jisős, eo E ar kejemlok mij, im ar kalikar mour kab mour in drio kin gospel,

Rom 16. 26. 1 Pit. 1. 20. 1 Kor. 15. 54, 55. Hib. 2. 14.

11 ÑŃn eo ar likit iŃ dri kwalok, im dri jilik, im dri katakin.

1 Tim. 2. 7. jap. 4. 17.

12 Kin men in, ij bareinwŃt iñtan ilo men kein : a I jab jok ; bwe I jela Eo I ar liki E, im erel buruŃ bwe E maroñ in kejbärok men eo I ar likit e ñŃn E, mae ran eo.

1 Pit. 4. 19. 1 Tim. 6. 20. jap. 2. 9. & 4. 8.

13 Kwon kanuij drebij wäwen nan ko remol kw'ar roñjaki jen ña, ilo tŃmak im yokwe eo ej ilo Kraist Jisős.

jap. 3. 14. Tait. 1. 9. Hib. 10. 23. Rom 2. 20. & 6. 17. 1 Tim. 1. 10. & 6. 3. jap. 2. 2. 1 Tim. 1. 14.

14 Men eo emŃn, emwij likit e ibŃm, kwon kejbärok e kin JitŃb Kwojarjar eo Ej jokwe ilo kij.

Rom 8. 11.

15 Kwo jela men in, bwe aolepeir rej ber ilo Esia r'ar illok jen ña ; etan ruo iair PaijelŃs im Hermojjnis.

Jerb. 19. 10. jap. 4. 10, 16.

16 Iroj en tiriamokake OnesiporŃs im ro nukin : bwe elŃñ alen au kainemŃn iŃ, im e ar jab jok kin liab eo aš :

Mat. 5. 7. jap. 4. 19. Pail. 7. Jerb. 23. 20.

17 A ke e ar ber i Rom e ar kanuij kabukot iŃ im lo iŃ

18 (Iroj en lelok ñŃn e bwe en bŃk tiriamokake jen Iroj ilo ran

eo); im kin jete men ko e ar jibōñ iō i Epesōs, kwo kanuij jela.

Mat. 25. 34-40. Hib. 6. 10.

### JAPTER 2.

**I**NEM, kwe nejiō, kwon kajurlok ilo joiij eo ej ilo Kraist Jisōs.

1 Tim. 1. 2. Jap. 1. 2. Ep. 6. 10.

2 Im men ko kw'ar rofi jen fia iman mejen elōñ dri kennan, men kein kwon likiti na iben armij retiljek, ro re naj bareinwōt marofi in katakin ro jet.

Jap. 1. & 13. & 3. 10. 14. 1 Tim. 1. 18. Tait. 1. 9.

3 Kwon iñtan iba, einwōt dri tōrinae emōn an Kraist Jisōs.

Jap. 1. 8. 1 Tim. 1. 18.

4 Ejelok 'armij eo ej tōrinae ej mōke mōrjake kin men ko an mour in; bwe en kabuñburuen eo e ar kålet e bwe en dri tōrinae.

5 Im elañe jabrewōt armij ej likārek, e jamin belbil elañe e jab likārek ekar ñōn kien.

1 Kor. 9. 25. 26.

6 Dri kallipe eo ej jerbāl, emōn bwe en akeo mokta.

1 Kor. 9. 10.

7 Kwon kalomōnlokjen kin men kein; bwe Iroi j e naj kalolātāt yuk ilo men ko otemjej.

8 Kwon kememej Jisōs Kraist, nej in Devid, Eo e ar jerkakbiji jen ro remij, ekar ñōn gospel eo aō:

1 Kor. 15. 1. 4. 20. Rom 2. 16.

9 Im ilo e Ij iñtan, im rej liabe iō einwōt dri nana; a nan in Anij re jab liabe.

Jerb. 9. 16. & 28. 31. Jap. 1. 12. Ep. 3. 1. & 6. 19. 20. Pil. 1. 7. 13. 14.

10 Inem ij kijeumij ilo iñtan otemjej kin ro ar kålet ir, bwe ren bareinwōt bōk lomor eo ilo Kraist Jisōs im aibujuij in drio.

Ep. 3. 13. Kol. 1. 24. 2 Kor. 1. 6.

11 Emol nan in, Bwe elañe j'ar mij iben, je naj bareinwōt mour iben:

1 Tim. 1. 15. Rom 6. 5. 8. 2 Kor. 4. 10.

12 Elañe jej kijemij ilo iñtan, je naj bareinwōt kiñ iben: elañe je naj karmijete, E naj bareinwōt karmijete kij:

Rom 8. 17. Mat. 10. 33.

13 Elañe je jab tōmak, Ej berwōt im tiljek; bwe E ban mōke karmi-jete.

Rom 3. 3. Bwin. 23. 19.

14 Kwon kenemejlok ir kin men kein, im kowe ir iman mejen Iroi j, bwe ren jab akwail kin nan wan ko, im ko rej kejebwābweik ro rej roñjaki.

Jap. 4. 1. 1 Tim. 1. 4. & 5. 21. & 6. 4. 13. Tait. 3. 9. 11.

15 Kwon kate yuk bwe Anij en lo kwo mōn, dri jerbāl e jamin jok im ejimewōt an katakin kin nan in mol.

16 A kwon kejbārok yuk jen konono wan ko: bwe re naj etallok ñōn nana elaplok,

1 Tim. 4. 7. & 6. 20. Tait. 1. 14.

17 Im nan ko air re naj einwōt bōkke ko rej mōñañi: ruo Iair Hai-meniōs im Pailitōs;

1 Tim. 1. 20.

18 Armij r'ar bwir kake mol im ba, bwe emwij an armij jerkakbiji, im rej ukoji tōmak an jet.

1 Tim. 6. 21. 1 Kor. 15. 12.

19 Ijoke e jutōk wōt foundešōn ebin an Anij, im sil in ion, Anij e jela ro dron: im, Ro otemjelok rej bōk etan Iroi j ren illok jen jera-wiwi.

Rom 8. 35. Nah. 1. 7. Jon 10. 14. 27. Bwin. 16. 5.

20 Ilo juōn im elap e jab jābi gold im silver wōt, a eor jābi jen wijki im jen brij, jet ñōn nebar im jet ñōn jekron.

1 Tim. 3. 15. Rom 9. 21.

21 Inem elañe armij ej mōke karreo e jen men kein, e naj jābi ñōn nebar, ekwojarjar im ekar ñōn an Iroi j kōmōn kake, im pojōk ñōn jerbāl remiōn otemjej.

Isa. 52. 11. Jap. 3. 17. Tait. 3. 1.

22 A kwon ko jen mōn ko an likao, im kwon lor kwojarjar, tōmak, yokwe, ainemōn, iben ro rej jar ñōn Iroi j jen buru erreō.

Jerb. 9. 14. 1 Tim. 6. 11. & 4. 12.

23 A kwon abwin kajitōk ko rewan im men in jajelokjen ko, bwe kwo jela rej keutak akwail ko.

1 Tim. 1. 4. & 4. 7.

24 Im dri korijeran Iroj, en jab akwall, a en joij ñõn armij otemjej im pojök in katakin armij, en meanwör,

Tait. 3. 2. 1 Tim. 3. 2, 3. Tait. 1. 9.

25 Ilo inemõn en kajime ro rej jumae; elañe bwelen Anij e naj lelok ñõn ir ukwelok bwe ren jela mol,

Gal. 6. 1. 1 Pit. 3. 15. Jerb. 8. 22. 1 Tim. 2. 4. & 6. 11. Jap. 3. 7. Tait. 1. 1.

26 Im bwe ren möke kötlok ir jen aujir an devil, ñe emwij kajebokweik ir ñõn ankil an.

1 Tim. 3. 7.

### JAPTER 3.

**A** KWON jela men in, bwe ilo rau ko eliktata, ien ko renana re naj waloktok.

1 Tim. 4. 1. Jap. 4. 3. 1 Jon 2. 18.

2 Bwe armij ro e naj anij lo burueir, im re naj dri arök mweiuk, im dri jualõñlõñ, im dri jua, im dri kajrere, im ro rej kiblia ñõn jemeir im jineir, im ro re jab kamolol, im dri nana,

Pil. 2. 21. 2 Pit. 2. 12. Jud 10. Rom 1. 30.

3 Im ro re jab yokwe ro nukiiir, im ro re lej, im ro rej kennan nan in riõp, ro re jab kamanwa, r'awia, ro rej drike emõn,

Tait. 2. 3. 2 Pit. 3. 3.

4 Ro dri ketök, ro re mölkaro, ro dri kimjåje, im ro rej yokwe men in kabuñburueir elap jen air yokwe Anij,

Pil. 3. 19. 2 Pit. 2. 10, 13. Jud 4, 19.

5 Ro rej kõmõnmõn wåwen mwi-liir, a ilo burueir rej karmijete emõn: jen rein kwon illok.

Tait. 1. 16. 2 Tes. 3. 6. 1 Tim. 5. 8. & 6. 5.

6 Bwe jet iair rej dreloñ ilo moko im kajebokweik kõra ro re jajelokjen, emwij jon ir kin jerawiw ko, im mõm ko air rej tellok ir,

Mat. 23. 14. Tait. 1. 11.

7 Rej katak ien otemjej im re jab maroñ in tõbar jela mol jabrewõt ien.

1 Tim. 2. 4.

8 Im einwõt Jannis im Jambris r'ar jumae Moses, ein drein barein-

wõt rein rej jumae mol, im burueir re köt, drien joko jen tõmak eo.

Eks. 7. 11. 1 Tim. 6. 5. Rom 1. 28. Tait. 1. 16.

9 A re jamin etal manlok, bwe air jajelokjen e naj alikar ñõn armij otemjej, im einwõt jajelokjen eo airro.

Eks. 7. 12. & 8. 18. & 9. 11.

10 A kwe, kw'ar lorlok aõ katakin, kõmõnmõn, lemnok, tõmak, meanwör, yokwe, kijenmij,

Pil. 2. 22. 1 Tim. 4. 6.

11 Matörtör ko, im iñtan ko; men ko r'ar itok ñõn iõ i Antlok, i Aikoniõm, i Listra; matörtör röt I ar niknik kaki: im jen ir otemjej Iroj e ar kötlok iõ.

Jerb. 13. 45, 50. & 14. 2, 5, 19. Sam 34. 19. 2 Kor. 1. 10. Jap. 4. 17.

12 Aet, im ro otemjej re kõnan mour im kwojarjar ilo Kraist Jisõs, naj matörtöre ir.

Mat. 16. 24. Jon 17. 14. Jerb. 14. 22. 1 Kor. 15. 19.

13 A armij renana im ro dri jela mon re naj laplok ilo air nana, re naj mone im naj mone ir.

Jap. 2. 16.

14 A kwon berwõt ilo men ko kw'ar katak im rel buruõm kaki, bwe kwo jela wõn eo kw'ar katak iben;

Jap. 1. 13. & 2. 2.

15 Im jen ke kwoj ajiri, kw'ar jela jeje ko rokwojarjar, ko re maroñ in kameletlet yuk ñõn lomor kin tõmak eo ej ilo Kraist Jisõs.

Jon 5. 39.

16 Jeje ko otemjej emwij letok kin kakõrmol an Anij, ej bareluwõt or tokjeir kin katakin, im kowe, im kajime, im kajelaik armij ilo kwojarjar;

2 Pit. 1. 20, 21. Rom 15. 4.

17 Bwe armij korijeran Anij en wåppen im emwij kõkõmõnmõn e ñõn jeral emõn otemjej.

1 Tim. 6. 11. Jap. 2. 21.

### JAPTER 4.

**I**J kowe yuk iman mejen Anij, im Kraist Jisõs, eo E naj ekajet ro remour im ro remij, im kin An weaktok im An aillñ;

1 Tim. 5. 21. Jerb. 10. 42.

2 Kwon kwalok nan, kwon kate yuk ilo ien emõn im enana; kajime, im enoik, im kowe kin meamwõr otemfej im katakin.

Tait. 1. 13. 1 Tim. 4. 13. & 5. 20.

3 Bwe ien e naj itok fie re naj drike katak emõn, a kin mõm ko air re naj koorlok ro dri kaki ñõn ir mõke, eremõm lojiliñilr;

1 Tim. 1. 10. Jap. 3. 1, 6.

4 Im re naj okõtõklok lojiliñiir jen mol, im naj illok ñõn bwebwewenato rewan.

1 Tim. 1. 4.

5 A kwon jadõr ilo men ko otemfej, kwon kijenmij ilo iñtan ko, kwon kõmõn jermal an dri ewanjel, kwon kajejit jermal eo am.

Jap. 1. 8. & 2. 3. Jerb. 21. 8. Ep. 4. 11.

6 Bwe ña I nañin men in katok, im e mottok ien aõ ilok.

Pil. 1. 23. & 2. 17. 2 Pit. 1. 14.

7 I ar tõrinae tõrinae emõn, I ar kamwijlok aõ elulu, I ar drebij tõmak eo;

1 Kor. 9. 25. Pil. 3. 14.

8 Jen ien in beliõ in kwojarjar ej kõtãr iõ, eo Iroj, Dri ekajet e wãnik E naj letok ñõn iõ ilo ran eo: im jab ñõn iõ wõt, a ñõn ro otemfej r'ar yokwe An weaktok.

1 Kor. 9. 25. Rev. 2. 10. Jap. 1. 12.

9 Kwon kaiur yuk im jarõptok:

10 Bwe Dimas e ar illok jen iõ kin an yokwe lõl in, im e ar illok ñõn Tessalonika; Kressens ñõn Galatia, Taitõs ñõn Dalmetia.

Kol. 1. 14. 1 Jon 2. 15.

11 Luk wõt ej ber iba. Kwon añintok Mark ibõm, bwe ej kaka-  
juroj iõ kin an jibõñ.

Jap. 1. 15. Paul. 24. Kol. 4. 10, 14.

12 A Tikikõs I ar jilkinlok ñõn Epesõs.

Jerb. 20. 4.

280

13 Kobe eo I ar likit na i Troas iben Karpõs, fie kwoj itok, kwon kab bõktok ibõmtok, im buk ko, im bareinwõt jeje ko.

14 Alexander dri jerbale jinibor e ar kõmõn elõñ men ko renana ñõn iõ: Iroj e naj nawõnan ekar ñõn jermal ko an:

Jerb. 19. 33. 1 Tim. 1. 20. 2 Samuel 3. 39. Sam 28. 4. Rev. 18. 6.

15 Im kwe, kwon kejbãrok yuk jen e; bwe elap an jumae nan ko ar.

16 Ilo aõ uak mokta ejelok armij e ar jutõk iba, a ro otemfej r'ar illok jen iõ; men in en jab likit bwe en ruelr.

Jap. 1. 15. Jerb. 7. 60.

17 A Iroj e ar jutõk iba im kaka-  
jur iõ; bwe kin ña kwalok in en kanuij alikar im dri alliñ ko otemfej ren roñjake: im emwij kõtlok iõ jen loñin laiõn eo.

Mat. 10. 19. Jerb. 9. 15. & 23. 11. & 26. 17. & 27. 23. Sam 22. 21. 2 Pit. 2. 9.

18 Im Iroj e naj kõtlok iõ jen jermal ko renãna otemfej im naj lomo-  
riõ ñõn an alliñ i lõñ. Ñõn Eo en aibujuij in drio im in drio. Amen.

Sam 121. 7. Rom 11. 36.

19 Kwon yokyokwe Priska im Akula, kab Onesiporõs im ro nukin.

Jerb. 18. 2. Jap. 1. 16.

20 Erastõs e ar berwõt i Korint: a Tropimõs e nañinmij im I ar likit e i Maillitõs.

Jerb. 19. 22. & 20. 4. & 21. 20. Rom 16. 23.

21 Kwon kaiur yuk im itok mokta jen ien ebio. Eubulõs ej yokyokwe yuk, im Pudens, im Lainõs, im Klaudia, im jimjãn jimjãten otemfej.

22 Iroj en iben am. Joij en ber ibõm.

Gal. 6. 18.

# LETTER AN PAUL ÑŃN TAITŃS.

## JAPTER 1.

**P**AUL, korijeran Anij, im dri jilik an JisŃs Kraist, ekar ñŃn tŃmak an ro Anij e ar kălet ir, im jela mol eo ekar ñŃn kwojarjar,

1 Tim. 6. 3. 2 Tim. 2. 25.

2 Ilo kejatrikrik kin mour in drio, eo Anij E ban riŃp, emwij An kalimur kake mokta jen eto im eto;

2 Tim. 1. 1, 9. & 2. 13. Jap. 3. 7. Bwin. 23. 19. Rom 16. 25.

3 A ilo ien ko An, E ar kalikar nan ko An kin kwalok eo emwij an likt e iba, ekar ñŃn kien Anij Dri Lomorer;

1 Tim. 1. 11. & 2. 3. & 4. 10. 2 Tim. 1. 10. 1 Tes. 2. 4.

4 ÑŃn TaitŃs, nejiŃ emol ilo tŃmak eo ar; Joij im ainemŃn jen Anij Jemer, im JisŃs Kraist Dri Lomorer.

2 Kor. 2. 13. Gal. 2. 3. 1 Tim. 1. 2. Rom 1. 12. 2 Kor. 4. 13.

5 Kin men in I ar likit yuk i Krit bwe kwon kajime men ko re jañin jimewŃt, im likit jet armij bwe ren elder ro ilo jikin kwelok otemjej, einwŃt I kar jiroñ yuk;

1 Kor. 11. 34. Jerb. 14. 23. 2 Tim. 2. 2.

6 Elañe jabrewŃt eman ejelok notan, im belen wŃt juŃn, im eor nejin retiljek, ro re jab kinaklok ir kin abje, im re jab jelomene.

1 Tim. 3. 2, 4, 12.

7 Bwe emŃn dri kaki elap enjelok notan, einwŃt dri kŃmñe an Anij; en jab ankeke, en jab burukaru, en jab dri iri, en jab dri jekanunok, en jab arŃk dala;

1 Kor. 4. 1, 2. Leval 10. 9. 1 Tim. 3. 3, 8. 1 Pit. 5. 2.

8 A en dri ken, im en yokwe ro remŃn, en emŃn mwillin, wănik, kwojarjar im jadŃr;

9 Im en drebij wŃt nan emol, einwŃt ar katakin e, bwe kin nan in

katak ejime, en maroñ in kowe im koukwelok ro rej karkar ajaj.

2 Tes. 2. 15. & 3. 2. 1 Tim. 1. 15. 2 Tim. 2. 2. & 4. 3. Jap. 2. 1.

10 Bwe elŃn armij ro rej jelomene im dri konono bata, im dri mon, aet, ro dri mijmij,

1 Tim. 1. 6. Rom 16. 18. Jerb. 15. 1.

11 EmŃn binej loñir; armij rej ukoj aolepen mo ko, im rej katakin men ko re jab jime kin air arŃk dala.

Mat. 23. 14. 1 Tim. 6. 5. 2 Tim. 3. 6.

12 JuŃn ialr, dri kanan ibeir, e ar ba, Ro dri Krit rej dri riŃp ien otemjej, rej kiru renana, re jowŃn im dŃr.

Jerb. 17. 28.

13 Remol nan kein. Inem en bin am enoik ir bwe ren jimewŃt ilo tŃmak,

2 Kor. 13. 10. 2 Tim. 4. 2. Jap. 2. 2.

14 Im jab kejbărok bwebwenato wan an dri Ju ro, im kien armij rej illok jen mol.

1 Tim. 1. 4. Mat. 15. 9. Kol. 2. 22.

15 Men ko otemjej rerreo ñŃn ro rerreo, a ñŃn ro retton im re jab tŃmak, ejelok men eo erre; a air leninok im bŃklikŃt retton.

Luk 11. 41. Rom 14. 20, 23. 1 Tim. 4. 3, 4.

16 Rej kwalok bwe re jela Anij, a ilo jermal ko air rej karmijete, im re men in jŃjŃk, im kiblia, im enana ñŃn jermal otemjej remŃn.

2 Tim. 3. 5, 8. Jud 4. Rom 1. 23.

## JAPTER 2.

**A**KWE kwon konono men ko rej ekar ñŃn katak eo ejime:

1 Tim. 1. 10. 2 Tim. 1. 13. Jap. 1. 9.

2 Bwe ro lŃlap ren jadŃr, en ejelok añteir, en emŃn mwillir, ren jime ilo tŃmak, ilo yokwe, im ilo kijenmij:

3 Bwe ro lilap bareinwôt ren ekar ñôn kwojarjar ilo air kômôn, jab dri konono riôp nae, im jab dri karek kin waiu, a reu dri katakin kiu men ko remôn ;

1 Tim. 2. 9, 10. & 3. 11. 2 Tim. 3. 3.

4 Bwe ren maroñ in katakin kôra re jañin lilap kin air yokwe ro beleir im ro nejiir,

1 Tim. 5. 14.

5 Im bwe en emôn mwiliir, bwe ren erre, im dri jermal ilo jikiir, im joi, im etã jen ro beleir, bwe armij ren jab blaspim nan in Anij :

Ep. 5. 22. Kol. 3. 18. Rom 2. 24. 1 Tim. 6. 1.

6 Bareinwôt kwon kowe ro likao bwe en emôn mwiliir :

7 Im ilo men otemej kwon môke kwalok yuk joflok in jermal ko remon ; ilo am katak kwon kwalok kwojarjar, kamanwa,

1 Tim. 4. 12. Ep. 6. 24.

8 Im nan emol eo re ban jurlok ; bwe eo ej jumae en jok im bwe en ejelok men eo enana iben en konono kin kij kake.

Neh. 5. 9. 1 Tim. 5. 14. & 6. 3. 1 Pit. 2. 12.

2 Tes. 3. 14.

9 Kwon kowe ro dri kamakoko bwe ren kiblie ñôn karo ro air im kabuñburueir ilo men otemej ; im jab karkar ajaj ;

Kol. 3. 22. 1 Tim. 6. 1, 2. Ep. 5. 24. & 6. 5.

10 Im ren jab kwot jabrewôt, a ren kanuij tiljek, bwe ren kaibujulj katak eo an Anij Dri Lomorer ilo men ko otemjelok.

Mat. 5. 16. Pil. 2. 15.

11 Bwe an Anij joi e ar waloktok, im ej bôktok lomor ñôn armij otemej,

Jap. 3. 4. Luk 3. 6. Jon 1. 9. 1 Tim. 2. 4.

12 Im ej katakin kij bwe jen karmijete jerawiwi im môm ko an lôl, im bwe jen mour im jadôr im jime-wôt, im kwojarjar ilo lôl in ;

Luk 1. 75. Rom 6. 19. Ep. 1. 4. Kol. 1. 22.

1 Tes. 4. 7. 1 Pit. 4. 2. 1 Jon 2. 16.

13 Im bukot men in kejatrikrik im kamônônô, aet, weaktok an aibujulj eo an Anij laplap im Dri Lomorer Jisôs Kraist ;

1 Kor. 1. 7. Jerb. 24. 15. Kol. 1. 5, 23. Jap. 1. 2.

Kol. 3. 4.

14 Eo E ar môke lelok E kin kij, bwe Eu lomorer kij jen jerawiwi otemej, im kokwojarjar ñôn E armij ro bwe reu Au, ro rej kijejeto ilo jermal ko remôn.

1 Tim. 2. 6. Hib. 9. 14. Eks. 19. 5. Dut. 7. 6.

1 Pit. 2. 9. Ep. 2. 10. Jap. 3. 8.

15 Men kein kwon ba im kowe im enoik kaki kin nan in kaiñi otemej. Ejelok armij en kejekron yuk.

1 Tim. 4. 12. 2 Tim. 4. 2.

### JAPTER 3.

**K**WON kakemenej ir bwe ren kiblie ñôn iroj rôn, im ro reutiej jen ir, im ren jilkale im pojôk ñôn jermal otemej remôn,

Rom 13. 1. Kol. 1. 10. 2 Tim. 2. 21.

2 Im ren jab konono nana kin jabrewôt armij, im jab dri akwail, a reu joi wôt, im kwalok inemôn otemej ñôn armij otemej.

Ep. 4. 31. 2 Tim. 2. 24, 25. Pil. 4. 5.

3 Bwe kij bareinwôt juôn len, j'ar jajelokjen, im kiblia, im jebwâbwe, im bokake jet kônan im môm ko, im ber ilo illu aitol im junmar, men in jôjôik im dri kljirâte dron.

1 Kor. 6. 11. Ep. 2. 1. 1 Pit. 4. 3.

4 A ke joi an Anij Dri Lomorer, im An yokwe armij r'ar waloktok, Jap. 2. 11.

5 Jab kin jermal ko remôn j'ar kômônônô, a ilo an tiriamokake E ar lomorer, kin kwolkwol in bar lotak, im kin an Jitôb Kwojarjar kôkâl kij,

Rom 3. 20. & 9. 11. & 11. 6. Ep. 2. 9. & 5. 28.

2 Tim. 1. 9. Jon 3. 5. 1 Pit. 3. 21.

6 Eo E ar wujleptok ñôn kij kin Jisôs Kraist Dri Lomorer ;

Joel 2. 28. Jerb. 2. 33. & 10. 45. Rom 5. 5.

7 Bwe, enwij kowânik kij kin An joi, En kômôn kij dri jolit ekar ñôn kejatrikrik kin mour in drlo.

Rom 3. 24. & 8. 23, 24. Jap. 1. 2. & 2. 11.

8 Emol nan in, im I kônau bwe kwon ba wôt men kelu, bwe ro r'ar tòmak Anij, ren lale im kômôn jermal remôn.

1 Tim. 1. 15. Jap. 1. 9. Jap. 2. 14.

9 Men kein remôn im elap tokjeir ñôn armij : a kwon kejbârok yuk



jen kajitōk wan ko, im jeu nan iu ebeben ko, im akwall, im iri ko kin kien; bwe rej jekrou im jitokjeir.

1 Tim. 1. 4. 2 Tim. 2. 28. Jap. 1. 14. 2 Tim. 2. 14.

10 Kwon kejbārok yuk jen jabrewōt armij elañe ej dri kljibil elikin am enolk e alen mokta im ken ka ruo;

2 Kor. 13. 2. Mat. 18. 17. Rom 16. 17. 2 Tes. 3. 6, 14. 2 Tim. 3. 5. 2 Jon 10.

11 Bwe kwo jela eo ein drein ej ankeke, im jerawiwi, im mōke liakelok e.

Jerb. 13. 46.

12 Ñe I naj jilkinwoj Artemas ak Tikikōs ñōn kwe, kwon kaiur yuk

im jarōptok ñōn iō ñōn Nikopolis, bwe emwij aō bebe kin kañōneañ ijo.

Jerb. 20. 4. 2 Tim. 4.

13 Kwon jibōñlok wōt Zinas dri kieu im Apollōs ilo air etal, bwe ren jab aikwij jabrewōt.

Jerb. 18. 24.

14 Im ro jerar ren katak kin kōmōn jeral ko remōn kin men ko armij rej aikwij, bwe ren jab jowa. Ep. 4. 28. Rom 15. 28. Pil. 1. 11. & 4. 17. Kol. 1. 10. 2 Pit. 1. 8.

15 Ro otemjej iba rej yokyokwe yuk. Kwon yokyokwe ro rej yokwe kij ilo tōmak.

Joij en ber ibemi otemjej.

## LETTER AN PAUL ÑŌN PAILIMŌN.

**PAUL**, dri prisōn an Kraist Jisōs, im Timote jāter, ñōn Pailimōn dri jitenburu im dri jeral ibem,

Ep. 3. 1. Pil. 2. 25.

2 Im ñōn Appia, jāter kōra, im ñōn Arkippōs dri tōrinae ibemi, im ñōn eklisia eo iloan imōm:

Kol. 4. 17. Pil. 2. 25. Rom 16. 5.

3 Joij ñōn kom im ainemōn jen Anij Jemer im Iroj Jisōs Kraist.

Ep. 1. 2.

4 Ij kamolol aō Anij len otemjej, im ba kin kwe ilo jar ko aō,

Ep. 1. 16. 1 Tes. 1. 2.

5 Ke ij roñ kin am yokwe, im tōmak eo ej ber ibōm ñōn Iroj Jisōs, im ñōn ro remōn otemjej;

Ep. 1. 15. Kol. 1. 4.

6 Bwe kōmao an tōmak eo am en jeral wōt, ilo jelalokjen men ko remōn otemjej ilo kwe, ñōn Kraist.

Pil. 1. 9, 11.

7 Bwe elap lōñliñ im ainemōn r'ar ber iba kin am yokwe, bwe kar aimlolo buruen ro remōn kin kwe, jātiō.

2 Kor. 7. 13. 2 Tim. 1. 16.

8 Kin men eo, meñe ij maroñ mō-

karkar ilo Kraist im jiroñ yuk kin men ko rej ekar,

1 Tes. 2. 6.

9 Ijoke kin yokwe ij akwelap ñōn kwe, ke ña Paul lōlap, kab kiō dri prisōn, bareinwōt an Kraist Jisōs:

10 Ij akwelap ñōn yuk kin nejio, eo I ar keutak e ilo lukja, Onesimōs,

Kol. 4. 9. 1 Kor. 4. 15.

11 Eo ilo ien ko remotelok e dri jitokjen ñōn yuk, a kiō ej or tokjen ñōn yuk im ña; eo I ar bar jilkinwoj ñōn kwe,

12 E in buruo wōt: eo I naj kar kōnan drebij iba,

13 Bwe en binej jenkwōm im jibōñ iō ilo kworak ko an gospel:

1 Kor. 16. 17. Pil. 2. 30.

14 A ilo aō jaje kin am lemnok I jab kōnan kōmōn jabrewōt; bwe kwon jab jibōñ iō ilo am bane ein juōn, a kin am mol.

2 Kor. 9. 7.

15 Inem, bwelen kin men in e ar jibil jen kwe jirik ien, bwe kwon bar bōk e ñōn in drio;

Jen. 45. 5, 8.

16 Kiō emwij an einwōt dri kama-

koko, a eutiejen dri kamakoko,

juōn jāter e jitenburu, e kanuij ein drein iba, a euañin laplok an jitenburu ibōm, ilo kōniek kab ilo Iroiĵ.

Mat. 23. 8. 1 Tim. 6. 2. Kol. 3. 22.

17 Inem elañe kwoj likit iō raji-tōm, kwon bōk e einwōt ña.

2 Kor. 8. 23.

18 A elañe e ar kokkure men ko am, ak eor an muri ibōm, kwon likit men kein aō muri.

19 Ña Paul, emwij aō jeje kin peiō, I naj kōlā muri eo. Meñe I jab ba ñon yuk ekijkan am mōke muri ñon iō kin kwe bareinwōt.

20 Aet, jātiō, in mōnōnō kin kwe ilo Iroiĵ. Kwon kaimlolo buruō ilo Kraist.

21 Kin aō liki am bokake iō, I ar jejewoj ñon yuk, im jela bwe kwo naj kōmōn elap jen aō ba.

2 Kor. 7. 16.

22 A bareinwōt kwon kapojōk ñon iō jikin kiki, bwe ij kejatrikrik iō naj lewoj iō ñon kwe kin jar ko am.

Pil. 2. 24. 2 Kor. 1. 11.

23 Epapas, dri prisōn iba ilo Kraist Jisōs, ej yokyokwe yuk:

Kol. 1. 7. & 4. 12.

24 Bareinwōt Mark, Aristarkōs, Dimas, im Luk, ro dri jermal iba.

Jerb. 12. 12. & 19. 29. Kol. 4. 14. 2 Tim. 4. 11

25 Joiĵ an ar Iroiĵ Jisōs Kraist, en ber iben am. Amen.

## LETTER ÑŌN DRI HIBRU.

### JAPTER 1.

**A**NIJ, ke elōñ wāwen im elōñ mōtōn au ba ñon ro jimar ilo ien ko remotelok kin ro dri kanan,

Bwin. 12. 6, 8.

2 Ilo jemlokōn ran kein E ar ba ñon kij kin Nejin, eo E ar likit E dri jolit an men ko otemjej, im kin Eo bareinwōt E kar kōmōnmōn lōl ko;

Dut. 4. 30. Gal. 4. 4. Ep. 1. 10. Jon 15. 15. Jap. 2. 3. Sam 2. 8. Mat. 11. 38. Rom 8. 17. Jon 1. 3.

3 Eo ej jatōltil an aibujuij eo An, im einwōt E, im Eo ej jebōk men otemjej kin An in nan ekajur, ke emwij An karreolok jerawiwi ko, E ar jijōt i lōñ i anbijmaroñōn Anij laplap;

Jon 1. 14. 2 Kor. 4. 4. Kol. 1. 17. Rev. 4. 11. Jap. 9. 14. 1 Sam 110. 1. Ep. 1. 20, 21. 1 Pit. 3. 22.

4 Im einwōt E ar bōk An jolit etan emōn jen enjel rōn, ein drein E ar eutieĵlok jen ir.

Pil. 2. 9, 10.

5 Bwe E ar ba ñon wōn ian enjel ro ilo jabrewōt ien, Kwe nejiō, ra-

284

niu I ar keutak Yuk? Im bar juōn, Ña I naj Jemen, im E naj Nejiō?

Sam 2. 7. Jerb. 13. 33. Jap. 5. 5. 12 Samuel 7. 14. Sam 89. 26, 27.

6 Im ke Ej bar kadreloñ manjien ilo lōl, Ej ba, Im enjel rōn otemjej an Anij ren kabuñ ñon E.

Rom 8. 29. Sam 97. 7.

7 Im kin enjel ro, Ej ba, Eo ej kōmōn enjel ro bwe ren jitōb, im dri jermal ro An bwe ren kijeek urur:

Sam 104. 4.

8 A kin Nejin Ej ba, Am tron O Anij e in drio im in drio; im septer in wānik e septer an aliñ eo Am.

Sam 45. 6, 7.

9 Kw'ar yokwe kwojarjar im Kw'ar drike nana, inem Anij, am Anij, E ar kabit Yuk kin dren in kamōnōnō im eutieĵ jen ro ibōm.

Iša. 61. 1.

10 Im, Kwe Iroiĵ, ilo jinoin Kw'ar likit foundešōn an lōl, im lōñ ko Kw'ar kōmōnmōni kin peiōm:

Sam 102. 25-27.

11 Ir re naj joko; a Kwe, kwoj berwōt: im ir otemjej re naj morlok einwōt nuknuk ko;

Iša. 34. 4.

12 Im einwöt kobe Kwo naj limlimi einwöt nuknuk, im naj uköt ir: a Kwe, kwo ja einwöt, im ylö ko Am re jamin joko.

13 A kin wön lan enjel rön E ar ba jabrewöt ien, Kwon jijöt i anbijmaroñlö mae ien I naj likit ro dri kijiräte Yuk bwe ren eran neöm?

Sam 110. 1. Mat. 22. 44. Jap. 10. 12.

14 Ir otemjej, re jab jítöb dri jiböñ ke, im jilkintok ir bwe ren jербалñön ro re naj dri jolit in lomor?

Jen. 19. 16. & 32. 1. 24. Sam 103. 20. Dan. 10. 11. Mat. 18. 10. Luk 1. 19. & 2. 9, 13. Jerb. 12. 7.

### JAPTER 2.

**K**IN men in, emön jen kalaplok ar kejbärok men kein j'ar roñjaki ñej'ab elälok jen ir jabrewöt ien.

2 Bwe elañe nan ko enjel r'ar ba re bin wöt, im ejime an nawöñair kin kötores im kiblia otemjej;

Jerb. 7. 53. Bwin. 15. 30. 31. Dut. 4. 3. & 17. 2, 5, 12. & 27. 26.

3 Ekijkan jen ko, elañe jej kejole lomor elap einwöt in? eo ke Iroijs e ar ba mokta, ro rej roñjaki r'ar kablin ñön kij;

Jap. 10. 28, 29. & 12. 25. Mat. 4. 17. Mark 1. 14. Jap. 1. 2. Luk 1. 2.

4 Im Anij bareinwöt E ar kamol air kennan kin kaköle ko im men in bwilöñ ko, im kin maroñ ko rej kaju wäweir, im kin letok Jitöb Kwojarjar, ekar ñön ankil An.

Mark 16. 20. 1 Kor. 2. 4. & 12. 4, 11. Jerb. 2. 22. Ep. 1. 5.

5 Bwe E ar jab kairoijs enjel rön ion löl e naj itok, eo kim konono kake.

Jap. 6. 5.

6 A juön, ilo juön jikin, e ar kennan im ba, Ta armijs bwe Kwon lemnok kin e, ak nejin armijs bwe Kwon lotok e?

Job 7. 17. Sam 8. 4-6.

7 Kw'ar likit e etä jirik jen enjel rön, Kw'ar nabelin e kin aibujuij im nebar, im Kw'ar kairoijs e ion men ko peiöm r'ar kömönmöni;

8 Kw'ar likit men otemjej iomin neen. Bwe kin An likit men otemjej iomin, ejelok men eo ej ber im

jab iomin. A kiö je jañin lo men ko otemjej emwij likiti iomin.

Mat. 28. 18. 1 Kor. 15. 25, 27.

9 A jej lo Jisös, emwij kömön E etä jirik jen enjel ro, kin An iñtan im mij, nabelin E kin aibujuij im nebar, bwe ilo joij an Anij 'En erjoñ mij ñön armijs otemjej.

Pil. 2. 7-9. Jerb. 2. 33. Jon 12. 32. Rom 5. 18. & 8. 32. 2 Kor. 5. 15. 1 Tim. 2. 6. 1 Jon 2. 2.

10 Bwe e ar ekar ñön E, eo men otemjej jen E, im men otemjej kin E, ke Ej böktok elöñ ro nejin ñön aibujuij, bwe En kowäppen kin iñtan ko, Dri Tel in lomor eo air.

Luk 24. 46. Jerb. 3. 15. Jap. 5. 9. & 12. 2.

11 Bwe Eo ej kokwojarjar ir, im ro emwij An kokwojarjar ir, rej otemjej jen juön: kin men in E jab jok in naetair ro jätin.

Jap. 10. 10, 14. Jerb. 17. 26. Mat. 28. 10. Rom 8. 29.

12 Im E ba, I naj kwalok etöm ñön ro jätio, ilo bwiljin eklisia I naj al im nebar Yuk.

Sam 22. 22.

13 Im bar juön, I naj liki E. Im bar juön, Lo ña im ro nejiö Anij e ar letok ñön io.

Sam 18. 2. Isa. 8. 18. & 12. 2. Jon 10. 29. & 17. 6.

14 Inem bwe ro nejin rej dri bökmötön köniek im böttöktök, bareinwöt E ar bök niötön men kein; bwe kin mij En kokkure devil eo, kajar in mij iben;

Rom 8. 3. 1 Kor. 15. 54, 55. Kol. 2. 15. 2 Tim. 1. 10.

15 Im bwe En kötlök ir otemjej ro r'ar ber in mour ien otemjej ilo kamokoko kin air leñöñ kin mij.

Luk 1. 74. Rom 8. 15.

16 Bwe emol, E jab jiböñ enjel rön, a Ej jiböñ inen Ebream.

17 Inem ej ekar ñön E bwe En einwöt ro jätin ilo men otemjej, bwe En pris elap e tiriamo im etiljek ilo men ko an Anij, bwe En dri Mirik kin jerawiwi ko an armijs rön.

Jap. 4. 15. & 5. 1, 2.

18 Bwe kin An iñtan ke ar kabo E, ej maroñ in jiböñ ro kabo ir.

Jap. 7. 25.

## JAPTER 3.

**I**NEM komeo, jätid rokwojarjar, dri bök mōtōn kir jen lōñ, komin kalomōulokjen kiu Jisōs, dri Jilik im Priš elap, eo jej kwalok E; Rom 1. 7. & 15. 8. Pil. 3. 14. 2 Tes. 1. 11. 2 Tim. 1. 9. 2 Pit. 1. 10. Jap. 2. 17. & 4. 14. & 5. 5. & 6. 20. & 8. 1. & 9. 11. & 10. 21.

2 Eo E ar tiljek ñōn Eo e ar likit E, im einwōt Moses e ar tiljek ilo aolepen mweo imōn.

1 Samuel 12. 6. Bwin. 12. 7.

3 Bwe ar watōk E ekar ñōn albujuj elap jen albujuj eo an Moses, bwe eo e ar kalek juōn im, ej bök nebar elap jen mweo.

Zek. 6. 12. Mat. 16. 18.

4 Bwe im otenijej armij rej kaleki; a Eo e ar kalek men otemjej, E Anij.

Ep. 2. 10. Jap. 1. 2.

5 Im Moses e ar tiljek ilo aolepen mweo imōn einwōt dri korijer, bwe en kennan kin men ko naj ba kaki tokellk;

Eks. 14. 31. Bwin. 12. 7. Jos. 1. 2. & 8. 31. Dut. 18. 15, 18, 19.

6 A Kralst einwōt nejin ion mweo imōn; im kij mweo imōn, elañe jej dreblj wōt ar beran im kimjaje in kejakrikrik eo ar ebin ñōn jemlokōn.

Jap. 1. 2. & 6. 11. 1 Kor. 3. 16. Ep. 2. 23. 1 Tim. 3. 15. 1 Pit. 2. 5. Mat. 10. 22. & 24. 13. Rom 5. 2. Kol. 1. 23. Jap. 10. 35.

7 Kin men in, einwōt Jitōb Kwojarjar e ba, Ranin elañe komij roñjake ainiken,

2 Samuel 23. 2. Jerb. 1. 16. Sam 95. 7-11.

8 Komin jab kabin buruemi einwōt ilo abjōk eo ilo ran in melejoñ i ene jemaren,

9 Ijo ro jimani r'ar kabo Iō kin melejoñ Iō, im lo jermal ko Aō iomin eñoul yiō.

10 Kin men in I ar illu iben ebeben eo, im ba, Rej bwir ien otemjej ilo burueir, im r'ar jaje ial ko Aō.

11 Inem I ar kanōjniñ ilo Aō illu, Re jamin dreloñtok ilo Aō kakije.

12 Komin kejbārok kom, ro jätid, im en jab ilo jabrewōt iami buru enana im jab tōmak, im eo ej illok jen Auñ emour:

13 A komin kowe dron ran otemjej ke re ba Ranin; bwe ejelok iami en binlok kin etao an jerawiwi:

14 Bwe kij jej dri bök mōtōn Kraist. elañe jej dreblj wōt aruij liki ñōn jenulokōn einwōt ilo jinoin:

15 Ke emwij ba, Ranin elañe komij roñjake ainiken, komin jab kabin buruemi einwōt ilo abjōk eo.

16 Bwe wōn r'ar abjōk E ke rej roñjake? e jab ro otemjej r'ar droiojtok jen Ijipt kin Moses ke?

Bwin. 14. 2, 4, 11, 24, 30. Dut. 1. 34-38.

17 Im iben wōn ro E ar illu iomin eñoul yiō? e jab iben ro r'ar jerawiwi, ro enbwinlir r'ar buñ i ene jemaren ke?

Bwin. 14. 29, 30. Sam 106. 26. Jud 5.

18 Im ñōn wōn ro E ar kanōjniñ bwe re jamin dreloñ ilo An kakije, a ñōn ro r'ar jab bokake?

Dut. 1. 34, 35.

19 Im jej lo bwe r'ar han dreloñ kin air jab tōmak.

Jap. 4. 6.

## JAPTER 4.

**I**NEM, ke emwij likit ñōn kij kalinur in dreloñ iloan kakije eo An, jen mijōk ñe ab jabrewōt iami einwōt likjōp jen e.

Jap. 12. 15.

2 Bwe emwij kwalok nan emōn ñōn kij im einwōt kar ñōn ir: a nan eo r'ar roñjake, e ar jab kōkajuror ir kin air jab eoroñ im tōmak e.

3 Bwe kij, j'ar tōmak, jej dreloñ iloan kakije eo, einwōt E ar ba, Inem I ar kanōjniñ ilo Aō illu, bwe re jamin dreloñtok iloan kakije eo Aō, meñe emwij An kajemlok jermal ko jen jinoin lōl.

Sam 95. 11. Jap. 3. 11, 14.

4 Bwe ilo juōn jikin E ar ba nan kein kin ran ken ka jiljilimjuōn, Im Anij e ar kakije jen jermal ko An otemjej iomin ran ken ka jiljilimjuōn;

Jen. 2. 2. Eks. 20. 11. & 31. 17.

5 Im bar juōn ilo jikin in, Re jamin dreloñtok iloan Aō kakije.

6 Inem bwe ej berwöt fñon jet bwe ren dreloñ iloan, im ro, ar kwalok nan emön fñon ir mokta, r'ar jab dreloñ kin air jab bokake,

Jan. 3. 19.

7 Ej bar bakajen ran eo, Ranin, im ba kin Devid, elikiu ien eto, (einwöt emwij ba mokta), Ranin elañe komij roñjake ainiken, komin jab kabin huruemi.

Sam 96. 7. Jan. 3. 7.

8 Bwe elañe Joſua e ar kakijeik ir, E jamin kar ba tokelik kin bar juön ran.

9 Inem ej berwöt kakije mae ro dron Anij.

10 Bwe eo e ar dreloñ ilo kakije eo an, emwij an kakije jen jeral ko an, einwöt kar Anij jen ko An.

11 Inem jen kijejeto bwe jen dreloñ iloan kakije eo, ñe ab ein drein jabrewöt armij e naj buñ kin an jab bokake einwöt ir.

Jan. 3. 12, 18, 19.

12 Bwe nan in Anij ej mour im jeral wöt, im eköñ jen jabrewöt jäji ruo mejen, im ej wie im bukwe an armij im jitöb, im mokwöj ko im nonoumej, im e mököj an kili lemnok ko im bebe ko an buru.

Isa. 49. 2. Jer. 23. 29. 1 Pit. 1. 23. Ep. 6. 17. 1 Kor. 14. 25.

13 Im ejelok men in kömön e jab alikar fñon E, a men otemjej re kelwan im bellokk iman mejen Eo ej bebek kij.

Sam 33. 13, 14. & 90. 8. & 139. 11, 12. Job 26. 6.

14 Inem bwe juön Pris laplap iber, Eo e ar driblok löñ ko, eokwe, Jisöſ Nejin Anij, jen dreblj wöt ar kwalok E.

Jan. 3. 1. & 7. 26. & 9. 12, 24. & 10. 23.

15 Bwe ar Pris elap e jab juön ej ban tiriamokake möjino ko ar; a emwij kabo E kin men ko otemjej, einwöt kij, ljoke ejelok jerawiwi iben.

Isa. 53. 3. Jan. 2. 18. & 7. 26. Luk 22. 28. 2 Kor. 5. 21. 1 Pit. 2. 22. 1 Jon 3. 5.

16 Inem jen beran im kebak fñon tron in joij, bwe jen bökk tiriamokake, im lo joij im jiböñ ilo ien aikwij.

Ep. 2. 18. & 3. 12. Jan. 10. 19.

## JAPTER 5.

**B**WE jabrewöt pris elap jen armij, emwij likit e fñon armij ilo men ko an Anij, bwe en lelok jurtak ko im men in katak ko kin jerawiwi;

Jan. 2. 17. & 8. 3. & 9. 9. & 10. 11. & 11. 4.

2 Eo ej maroñ in tiriamo im joij fñon ro dri jaje im ro rej bwir kin an möke ber ilo möjino:

Jan. 2. 18. & 4. 15. & 7. 28.

3 Im kin men in, emön bwe en katok kin jerawiwi ko an armij, im ein drein bareinwöt kin ko an.

Levai 4. 3. & 9. 7. & 16. 6, 15, 17. Jan. 7. 27. & 9. 7.

4 Im ejelok armij ej bökk jeral in emön fñon e, elañe Anij e jab kir e, einwöt Arön.

1 Kron. 23. 13. 2 Kron. 26. 18. Jon 3. 27. Eks. 28. 1. Bwin. 16. 5, 40.

5 Ein drein Kraist e ar jab möke kaibujujij E, im möke likit E pris elap, a Eo e ar ba fñon E, Kwe Nejiö, ranin I ar keutak Yuk:

Jon 8. 54. Sam 2. 7. Jan. 1. 5.

6 Einwöt Ej ba ilo bar juön jikin, Kwe Pris elap in drio im einwöt Melkisedek.

Sam 110. 4. Jan. 7. 17, 21.

7 Eo, ilo ien eo E ar ber ilo wäwen köniek, ke E ar katok kin jar ko im akwelap ko, im elap An lamij im jöñ fñon Eo e ar maroñ in lomor E jen mij, im emwij eoroñ E kin an ujöke,

Sam 22. 1. Mat. 26. 37-44. & 27. 46. Mark 14. 33, 36, 39. & 15. 34, 37. Luk 22. 43. Jon 12. 27.

8 Meñe Nejin, E ar katak im bokake kin men ko E ar ifñan kaki;

Jan. 3. 6. Pil. 2. 8.

9 Im ke emwij kowäppen E, Ej Dri Lomor in drio fñon ro otemjej rej bokake E;

10 Im Anij e ar naetan Pris elap einwöt Melkisedek.

Jan. 6. 20.

11 Kin eo elöñ nan iba im ebin aö kemeleleik kake kin ami roñjamön.

Jon 16. 12. 2 Pit. 3. 16. Mat. 13. 15.

12 Bwe ke, kin ien eo, emön komin dri kaki, eor ami aikwij bwe ren katakin kom ta men ko mokta

an nan in Anij, im emōn ren najirik kom kiu milk im jab kin ekōn ko rebin.

Jap. 6. 1. 1 Kor. 3. 1-3.

13 Bwe armij jabrewōt ej mōña milk wōt, e jab minene ilo nan emōn; bwe e nifnifn.

1 Pit. 2. 2. 1 Kor. 2. 6. & 13. 11. Ep. 4. 13, 14. Pil. 3. 15.

14 A ekōn ko rebin rej ekar ñōn ro re ridto, aet, ñōn ro kin air minene rej maroñ in jela kajen emōn im nana.

Isa. 7. 15. 1 Kor. 2. 14, 15.

### JAPTER 6.

**K**IN men in jen likit katak kin men ko mokta an Kraist, im jibarbar ñōn men in wäppen; jen jab bar kōmōn foundeōn kin ukwelok jen jermal ko remij, im kin tōmak Anij,

Pil. 3. 13, 14. Jap. 5. 12. & 9. 14.

2 Im kin katak lu baptais ko, im kin likit pein iou, im kin jerkakbijl an ro remij, im kin ekajet in drio.

Jerb. 8. 14-17. & 17. 31. 32. & 19. 4-6. & 24. 25. Rom 2. 16.

3 Im je naj kōmōu men in, elañe Anij e naj likit e ñōn kij.

Jerb. 18. 21.

4 Bwe kiu ro emwij kamaramlok ir, im r'ar erjoñ men in letok eo jen lõñ, im r'ar dri bōk mōtōn Jitōb Kwojarjar,

Mat. 12. 31. Jap. 10. 26, 32. Jon 4. 10. Ep. 2. 8. Gal. 3. 2.

5 Im r'ar erjoñ nan emōn an Anij, im kajur ko an lõl e naj itok,

Jap. 2. 5.

6 Elañe rej buñ im illok, ban bar kōkāl ir bwe ren ukwelok ibeir, kin air mōke bar dreball Nejin Anij, im kōmōn bwe armij ren kajirerekake E ilo alikar.

Jap. 10. 29.

7 Bwe ene ej jorme wut eo ej itok makij ion, im kadreklok kōnene ñōn ro rej lale, Anij ej kejeramōn e.

Sam 65. 10.

8 A elañe ej kadreklok kälklik ko im mär ko, rej likit e im etal

jen e, im e nañin men in kamätör, im ilo jemlokōn re naj tile.

Isa. 5. 6.

9 A kom, ro jitenburu, emwij karrel kin bwe ej emōulok jen men in ñōn kom, im men ko an lomor ibemi, meñe ein drein am ba:

10 Bwe Anij e wäwik wōt, im E jamin meloklok ami jermal im yokwe, eo kom ar kwalok kin etan, kin ami jibōñ ro remōn mokta im kiō.

Pro. 14. 31. 1 Tes. 1. 3. 2 Tes. 1. 6, 7. Rom 15. 25. 2 Tim. 1. 18.

11 A kim kōnan bwe komin otemjej nikipikemi wōt juōn ñōn obrōk in kejatrikrik, aet, ñōn jemlokōn:

Jap. 3. 6. Kol. 2. 2.

12 Bwe komin jab jowōn, a komin dri kajeofñwe ro rej bōk air jolit men in kalimur ko, kin tōmak im kijenmij.

Jap. 10. 36.

13 Bwe ke Anij e ar kalimur ñōn Ebrean, kin An ban kanōjnij kiu jabrewōt elap jen E, E ar kanōjnij kin E mōke,

Jen. 22. 16, 17. Sam 105. 9. Luk 1. 73.

14 Im ba, I naj kanuij kejeramōn yuk, im kanuij koorlok yuk.

15 Inem, ke emwij an kijenmij wōt, e ar bōk men in kalimur eo.

16 Bwe armij rej kanōjnij kin eo elap jen ir: im kanōjnij in kamol ej kejemlok akwall otemjej.

Eks. 22. 11.

17 Kin men in, ke Anij e kōnan kalaplok An kwalok ñōn ro dri jolit in kalimur, bwe ebin bebe eo An, E ar kamol e kin kanōjnij:

Jap. 11. 9. Rom 11. 29.

18 Bwe kin ruo men ko rebin otem bin, im Anij e ban riōp kaki, kaberan ekajur en ber iber, kijeo j'ar ko bwe jen drebij kejatrikrik eo, emwij likit e imar;

Jap. 12. 1.

19 Im kejatrikrik in iber ej einwōt ankōr in ar, ebin im e jamin makōtkit, im ej dreloñ iloan men eo ilo rōñel nuknuk eo;

Levai 16. 15. Jap. 9. 7.

20 Ijo, einwōt dri ilok imarlok, Ji-

sös e ar drelofi ie kin klj, ke emwij An erom Pris elap in drio im lor lajrök in Melkisedek.

Jap. 3. 1. & 4. 14. & 5. 6. & 9. 24.

### JAPTER 7.

**B**WE e in, Melkisedek, kiñ in Selim, Pris an Anij Eutiejtata, eo e ar wönmae Ebreame ke ej jeb-lak jen an mōn kiñ ro, im jar e,

Jen. 14. 18-20.

2 Nōn eo bareinwōt Ebreame e ar lelok juōn mōtōn jōñoul in aolep (eo ej mokta, kin ukotōn nan in, Kiñ in kwojarjar, inem bareinwōt Kiñ in Selim, eñin, Kiñ in aine-mōn;

3 Ejelok jemen, ejelok jinen, ejelok nau in ebeben, ejelok jinoin ran ko an, im ejelok jemlokōn an mour, a emwij likit e einwōt Nejin Anij), ej berwōt im pris ien otem-jej.

4 A komin kalomōnlokjen kin armij in ie lap en, ñōn eo Ebreame, petriark eo, e ar lelok juōn mōtōn jōñoul mweiuk in rakim.

5 Im emol, ro nejin Lival, ro rej kabe jebal in pris, emwij jirōn ir bwe ren bōk mōtōn jōñoul ko jen armij rōn, ekar ñōn kien, aet, jen ro jeir im jätir, meñie bwiddin Ebreame:

Bwin. 18. 21. 28.

6 A eo, ebeben eo an jab watōk e jen ir, e ar bōk mōtōn jōñoul ko jen Ebreame, im jare eo kalimur ko rej ber iben.

Rom 4. 13. Gal. 3. 16.

7 Im re ban jumae nan in, juōn elap ej jare eo erik jen e.

8 Im ijin, armij ro re naj mij, rej bōk mōtōn jōñoul ko; a ijo juōu e ar bōki, kin eo emwij kennau bwe e mour.

Jap. 5. 6.

9 Im einwōt ij maroñ in ba, Lival eo ej bōk mōtōn jōñoul ko, e ar lelok ilo Ebreame;

10 Bwe e ar ber ilo murin jemen ke Melkisedek e ar wönmae e.

11 Inem elañe men in wäppen e ar kin pris ro nejin Lival (bwe

[Marshall Islands.] 10T

iomir armij r'ar bōk kien eo), ewi tokjen bwe bar juōn pris e naj walok, Eo ej einwōt Melkisedek, im jab watōk E einwōt ro nejin Aron?

Gal. 2. 21. Jap. 8. 7.

12 Bwe ke emwij ukot pris ro, emōn bareinwōt ukot kien eo.

13 Bwe eo, emwij konono men kein kake, ej an bar juōn bwij, im ejelok armij jen e ar lale lokatok eo.

14 Bwe e alikar, ar Iroj e ar walok jen Juda, im bwij eo Moses e ar jab ba bwe ren pris.

Isa. 11. 1. Mat. 1. 3. Luk 3. 33. Rev. 5. 5.

15 Im men in e kanuij alikarlok, elañe bar juōn pris ej walok einwōt Melkisedek,

16 Eo emwij likit E pris jab kin nan in kien ekar ñōn kōniek, a kin kajur an mour in drio:

17 Bwe ar kennan kin E, Kwe kwoj pris in drio einwōt Melkise-dek.

Sam 110. 4. Jap. 5. 6.

18 Bwe emwij kōtlok kien mokta kin an mōjino im erik tokjen

Rom 8. 3. Gal. 4. 9.

19 (Bwe kien eo e ar jab kowäppen jabrewōt), im emwij kadrelōn keja-tririk emōnlok, kin eo jej druaklok ñōn Anij.

Gal. 2. 16. & 3. 24. Jap. 6. 18. & 8. 6. & 9. 9. Rom 5. 2. Ep. 2. 18. & 3. 12. Jap. 4. 16. & 10. 19.

20 Im bwe ar jab likit E pris im ejelok kanōjnij (bwe emwij likit ir pris ro im ejelok kanōjnij;

21 A E kin kanōjnij an Eo e ar ba kin E, Iroj e ar kanōjnij im E jamin ukwelok kake, Kwe kwoj pris in drio);

Sam 110. 4.

22 Kin men in bareinwōt Jisōs ej dri kejbārok bujen emōnlok.

Jap. 8. 6.

23 Im emol ir r'ar pris relōñ, kin ke mij ej bōprae air berwōt:

24 A E iu, kin an ber in drio, jebal in pris eo An e jamin ukukot.

25 Kin men eo Ej maroñ in lomorir wōt ro rej kebak ñōn Anij kin E, bwe Ej mour in drio im akwelap ñōn E kin ir.

Rom 8. 34. Jap. 9. 24. 1 Jon 2. 1.

26 Bwe pris elap einwöt E, ekar ñön kij, ekwojarjar, ejelok mon iben, erre otem erre, emökelok lan jen ro dri jerawiwi, im koutiej E jen löñ ko;

Jap. 4. 15. & 8. 1. Ep. 1. 20.

27 Eo ejelok aikwij iben, einwöt iben pris ro relap, bwe En katok mokta kin jerawiwi ko Au, inem kin ko an armij röu: bwe emwij An kamwijlok men in ke E ar möke katok kin E.

Leval 9. 7. & 16. 6, 11. Jap. 5. 3. & 9. 12, 28. Rom 6. 10. & 10. 12.

28 Bwe kien eo ej likit armij bwe ren pris, ro eor möjino ibeir; a nan in kanöjnij eo, e ar itok elikin kieu, ej likit Nejin bwe En pris, Eo emwij kowäppen E in dro.

Jap. 2. 10. & 5. 1, 9.

### JAPTER 8.

**I**M men in e böran men ko kim konono kaki: Pris elap im einwöt iber, Eo e ar jiyöt i anbijmaro-ñön tron in Kajur potata i löñ ko,

Jap. 1. 3. & 12. 2.

2 Dri Jerbal au jikin kwojarjar, im imön kabere emol, eo Iroj e ar kalek im jab armij.

Jap. 9. 8, 11, 12, 24.

3 Bwe likit jabrewöt pris elap bwe en katok kin men in jurtak im katok ko: inem emön bwe en or iben armij in bwe En katok kake.

Jap. 5. 1. Ep. 5. 2. Jap. 9. 14.

4 Ak elafie E ar berwöt i löl, E jamin kar pris, bwe eor pris ro rej katok kin men in katok ko ekar ñön kien:

5 Ro rej jermal ñön men eo men in kajeonwe im anöñin men ko i löñ, einwöt Anij e ar jiroñ Moses ke e ar iten kömönmön imön kabere eo; inem Ej ba, Kwon lale bwe kwon kömönmön men otemjej einwöt jofok eo emwij kwalok e ñön yuk ilo tol eo.

Kol. 2. 17. Jap. 9. 23. & 10. 1. 1 Eks. 25. 40. Bwin. 8. 4. Jerb. 7. 44.

6 A kiö E ar böke jermal emönlok, bwe Ej bareinwöt Dri Kilajrok an bujen emonlok, eo emwij kabin e lon kalimur remönlok.

Jap. 7. 22.

290

7 Bwe elafie ejelok notan bujen eo mokta, re jamin kar bukot ken ka ruo.

Jap. 7. 11, 18.

8 Bwe ke E ar wanoketak ñön ir, Ej ba, Lo ran ko re naj itok, Iroj ej ba, ñie I naj kömön bujen ekäl iben imön Israel im iben imön Juda;

Jer. 31. 31-34.

9 Jab einwöt bujen eo I ar kömön e iben ro jimair ilo ran eo ke I ar kapjere peir bwe In tellok ir jen Ijpt; bwe r'ar jab berwöt ilo bujen eo Aö, im I ar kejekron ir, Iroj ej ba.

10 Bwe efin bujen eo I naj kömön iben imön Israel elikin ran ko, Iroj ej ba; I naj likit kien ko Aö ilo air lolätät, im I naj jeji ilo burueir: im I naj air Anij, im re naj ro droöt:

Jap. 10. 16. Zek. 8. 8.

11 Im re jamin katakin jimdron ak ro jeir im jätiir, im ba, Komin jela Iroj; bwe ir otemjej re naj jela Iö, jen eriktata ñön elaptata lair.

Isa. 54. 13. Jon 6. 45. 1 Jon 2. 27.

12 Bwe I naj tiriamokake air jab wänik, im I jamin bar kememiej jerawiwi ko air.

Rom 11. 27. Jap. 10. 17.

13 Ke Ej ba, Bujen ekäl, E ar likit eo mokta emor. A men eo ej ijurwewe im morlok e nañin joko.

2 Kor. 5. 17.

### JAPTER 9.

**A**KIEN kabuñ ñön Anij ko, im jikiu kwojarjar ekar ñön löl in, re kar iben bujen mokta.

Eks. 25. 8.

2 Bwe emwij kömönmön imön kabere eo iman, im ilo e jikin lamp, tebel, im bred in kalikar; im naetan Jikin kwojarjar.

Eks. 25. 23, 30, 31. & 26. 1, 35. & 40. 4. Leval 24. 5, 6.

3 Im elikin röñel nuknuk, imön kabere eo naetan Jikin kwojarjar otem kwojarjar;

Eks. 26. 31, 33. & 40. 3, 21. Jap. 6. 19.

4 Im ilo e senser gold im diplip in bujen eo emwij kalibubu e kin



gold im iloan jābi gold nien man-  
na, im jokwōnōn Aron, eo ear nar,  
im dreka ko an bujen;

Eks. 16. 31, 34. & 25. 10, 21. & 34. 29. & 40. 3, 20, 21.  
Bwin. 17. 10. Dut. 10. 2, 5. 1 Kin 8. 9, 21.  
2 Kron. 5. 10.

5 Im ion, kerub ko an aibujuij r'ar  
kalur jikin tiriamokake; men ko  
kim ban konono im kemeleleik  
kake ilo ien in.

Eks. 25. 18-22. Levai 16. 2. 1 Kin 8. 6, 7.

6 Inem ke ein drein repojōk men  
kein, pris ro rej dreloñ ien otemjej  
iloan imōn kabər iman, im kōmōn  
jermal in Anij.

Bwin. 28. 3.

7 A pris elap ej dreloñ iloan imōn  
kaber ken ka ruo, im mōke ian  
juōn wōt alen ilo juōn yiō, eor bō-  
tōktōk iben, eo ej katok kake kin e  
im kin bwir ko an armij rōn:

Eks. 30. 10. Levai 16. 2, 15, 34. Jap. 5. 3. &  
7. 27.

8 Jitōb Kwojarjar ej kwalok men  
in, bwe dreloñ ñōn loan jikin kwo-  
jarjar otem kwojarjar e jafin ali-  
kar, ke imōn kabər mokta ej ber-  
wōt;

Jap. 10. 20. Jon 14. 6.

9 Eo ej men in kōkar iomiu ien  
kein; im ekar ñōn e rej lelok men  
in jurtak im katok ko re ban ko-  
wāppen, ilo bōklikōt, eo ej kōmōn  
jermal in,

Jap. 7. 19. & 10. 1, 11.

10 Ir kein (ilo men in mōña ko,  
im men in irak, im elōñ men in  
kwolkwol) rej men in kaiñi ekar  
ñōn kōniek, men ko emwij likiti  
ñōn ter eo ien kōkal.

Levai 11. 2. Bwin. 19. 7. Ep. 2. 15. Kol. 2.  
16, 20. Jap. 7. 16.

11 A bwe Kraist e ar itok pris elap  
ñōn men ko remōn re naj itok, kin  
imōn kabər elaplok im wāppenlok,  
jab kōmōne kin pein armij, einwōt  
ba, jab jeu men in kōmōnmōn in,

Jap. 3. 1. & 10. 1. & 8. 2.

12 Im jab kin bōtōktōkin goat ko  
im kon kau ko, a kin bōtōktōkin  
mōke emwij An dreloñ iloan jikin  
kwojarjar eo, im jebarek lomor in  
drio.

Jap. 10. 4, 10. Jerb. 20. 28. Zek. 3. 9. Dan.  
9. 24.

13 Bwe elañe bōtōktōkin kau ko-  
man ko im goat ko, im brij in ubaj  
in kau kokōra, ke rej kabōtūktūk  
ro rebrijrij kake, r'ar kokwojarjar  
ñōn karreoik kōniek:

Levai 16. 14, 16. Bwin. 19. 2, 17.

14 Bōtōktōkin Kraist, eo E kwo-  
jarjar wōt im E ar mōke katok kin  
E ñōn Anij ilo Jitōb Kwojarjar ej  
in drio, e jamin kanuij laplok an  
karreo ami bōklikōt jen kōmōn ko  
remij bwe komiu jermal ñōn Anij  
ejmour ke?

1 Pit. 1. 19. & 3. 18. Rev. 1. 5. Rom 1. 4.  
Jap. 1. 3. & 6. 1. & 7. 27. & 10. 22. 1 Pit. 4. 2.

15 Im kin men in E Dri Kilajrōk  
an bujen ekāl, bwe kin an juōn  
emij ñōn lomor jen jerawiwī ko  
kar kōmōni iomiu bujen mokta, ro  
emwij kir ir ren bōk kalimur an  
jolit e in drio.

Jap. 3. 1.

16 Bwe ijo testament ej ber ie, en  
emij eo e ar kōmōne.

17 Bwe ebin testament ñe emij ar-  
mij; a ejelok tokjen ke eo ej kō-  
mōne ej mour.

Gal. 3. 15.

18 Inem ar jab likit bujen mokta  
im ejelok bōtōktōk.

Eks. 24. 6-8.

19 Bwe ke Moses e ar kamwijlok  
an konono nan in kaiñi otemjej  
ñōn armij rōn ekar ñōn kien, e ar  
bōk bōtōktōkin kon kau ko im  
goat ko, kab dren, im kolōn šip  
ekilmir im hissōp, im e kabōtūktūk  
buk eo im armij otemjej,

Levai 14. 4-7, 49 52. & 16. 14-19.

20 Im ba, E in bōtōktōk in bujen  
eo Anij e ar kaiñi ñōn kom.

Eks. 24. 8. Mat. 26. 28.

21 Im e ar kabōtūktūk ein drein  
kin bōtōktōk eo, imōn kabər im  
jābi otemjej ilo jermal eo.

Eks. 29. 12, 36. Levai 8. 15, 19.

22 Im ilo kien eo, I nafin maroñ  
in ba, bwe rej karreo kin bōtōktōk  
men ko otemjelok, im elañe ejelok  
katorlok bōtōktōk inem ejelok jeor-  
lok.

Levai 17. 11.

23 Inem emōn bwe ren karreo  
men in kajeōnwe ko an men ko i

lõñ kin men kein, an men ko i lõñ  
kin men in katok ko remõn jeu  
men kein.

Jap. 8. 5.

24 Bwe Kraist e ar jab dreloñ iloan  
jikin kwojarjar, kõmõne kin pä ko,  
men in kajeõñwe eo emol, a iloan  
lõñ eo bwe En walok iman mejen  
Anij kin kij:

Jap. 6. 20. & 7. 25. & 8. 2. Rom 8. 34. 1 Jon  
2. 1.

25 A jab bwe En mõke katok kin  
E makij; einwõt pris elap ej dreloñ  
ilo jikin kwojarjar yiõ otemjej im  
bõtõktõk e jab an iben;

26 Bwe elañe ein drein, inem emõn  
bwe En kar iñtan makij elikin ji-  
noin lõl: a kiõ juõn wõt alen ilo  
jemlokõn ien ko, emwij kwalok E  
bwe En jeorlok jerawiwi kin An  
katok kin E mõke.

Jap. 7. 27. & 10. 10. 1 Pit. 3. 18. Gal. 4. 4.

27 Im bwe emwij likit ñõn armij  
bwe ren mij im tokelik ej itok eka-  
jet eo;

Jen. 3. 19. Rev. 20. 12.

28 Inem Kraist bareinwõt, ke em-  
wij An katok kin E juõn wõt alen  
bwe En bõklok jerawiwi ko an elõñ  
armij, E naj weaktok, alen ken ka  
ruo, ñõn ro rej kõtar E, im jibil jen  
jerawiwi, ñõn lomor.

1 Pit. 2. 24. Mat. 26. 28. Rom 5. 15. Tait.  
2. 13.

### JAPTER 10.

**B**WE kien eo, ke iloan anõñin  
men ko re naj itok, jab elrwõt,  
e ban kowäppen ro rej kebaktok  
ñõn e kin men in katok ko rej ka-  
tok kaki yiõ otemjej.

Kol. 2. 17. Jap. 8. 5. & 9. 9, 11, 23.

2 Elañe ein drein, re jamin kar  
kajemlok air katok kin men kein  
ke, bwe ro dri kabuñi ñe emwij kar-  
reo ir juõn ien, ejelok air bõkliķõt  
kin jerawiwi?

3 A ilo men in katok ko eor ke-  
memej kin jerawiwi yiõ otemjej.

Levai 16. 21. Jap. 9. 7.

4 Bwe bõtõktõkin kau koman im  
goat ko e ban jeorlok jerawiwi ko.

Mika 6. 6. 7. Jap. 9. 13.

5 Kin men in ke Ej dreloñtok ilo

lõl E ba, Men in katok im men in  
jurtak Kw'ar jab kõnan, a enbwin  
Kw'ar kapojõk ñõn Iõ:

Sam 40. 6. & 50. 8. Isa. 1. 11. Jer. 6. 20.  
Amos 5. 21.

6 Men in katok ko reyu rej till im  
men in katok ko kin jerawiwi, re  
jab kabuñburuõm:

7 Inem I ar ba, Lo emwij Aõ itok  
(ilo Buk eo jeje kin Ña) bwe In kõ-  
mõnmõn ankil Am, O Anij.

8 Mokta, ke E ba, Men in katok  
ko im men in lelok ko, im men in  
katok ko reyu rej till, im ko kin  
jerawiwi Kwo jab kõnan, im ar jab  
buñburuõm kaki (men ko rej lelok  
ekar ñõn kien),

9 Inem E ar ba, Lo I mottok bwe  
In kõmõnmõn ankil Am. Ej bõk-  
lok eo mokta, bwe En kabin eo ken  
ka ruo.

10 Ilo ankil eo emwij kokwojarjar  
kij, kin lelok enbwinin Jisõs Kraist  
alen wõt juõn.

Jon 17. 19. & 13. 12. Jap. 9. 12.

11 Im pris otemjej rej jutõk ran  
otemjej im jermal ilo katok makij  
kin men in katok ko wäwen wõt  
juõn, ko re ban jeorlok jerawiwi:

Bwin. 28. 3. Jap. 7. 27.

12 A E, ke emwij An katok kin  
juõn men in katok kin jerawiwi ko  
in driõ, E ar jiljõt i anbijmaroñõn  
Anij;

Kol. 3. 1. Jap. 1. 3.

13 Im jen ien in Ej kõtar ien kõ-  
mõn ro dri klijrãte eran neen.

Sam 110. 1. Jerb. 2. 35. 1 Kor. 15. 25. Jap.  
1. 13.

14 Bwe kin juõn men in katok E  
ar kowäppen in driõ ro emwij ko-  
kwojarjar ir.

15 Im Jitõb Kwojarjar E dri ken-  
nan ñõn kij: bwe elikin An ba,

16 Eñin bujen eo I naj kõmõn  
ibeir elikin ran ko, Iroij ej ba, I naj  
likit kien ko Aõ na ilo burueir, im  
I naj je ir ilo lolãtãt eo air; inem  
Ej ba,

Jer. 31. 33. Jap. 8. 10.

17 Im jerawiwi im nana ko air I  
jamin bar kememej.

18 A ijo jeorlok kein ej ber ejelok

bar juðn men in katok kin jera-wiwi ie.

19 Inem, ro jätioð, owe jej beran in dreloñ iloan jikin kwojarjar eo kin bötöktök in Jisös,

Rom 5. 2.

20 Ilo ial ekäl im mour, eo E ar kokwojarjar e ñön kij, aet, dreloñ iloan röñel nuknuk, eñin köniekin;

Jon 10. 9. & 14. 6. jap. 9. 3, 8.

21 Im bwe juðn aruij pris elap ion imön Anij;

jap. 4. 14. 1 Tim. 3. 15.

22 Jen druaklok, im en mol buruer, im tömak eo ar en bin wöt, im buruer ren bötüktük jen bökliköt enana; im ke emwij kwoli enbwiner kin dren erreu,

jap. 4. 16. & 9. 14. Jem. 1. 6. 1 Jon 3. 21. 1 Ezek. 36. 25. 2 Kor. 7. 1.

23 Jen drebij wöt kwalok ar keja-trikrik bwe en jab makötkit; bwe etiljek Eo e ar kalimur:

jap. 4. 14. & 11. 11. 1 Kor. 1. 9.

24 Im jen lala dron, im kökätok dron ñön yokwe im jermal ko remön;

25 Im jen jab likit ar kwelok im jar, einwöt mönit an jet, a jen kowe dron im kalaplok ar kömöu men in, bwe jej lo an ran eo ebaktok.

Jerb. 2. 42. Jud 19. Rom 13. 11. Pil. 4. 5. 2 Pit. 3. 9, 11, 14.

26 Bwe elañe jej jerawiwi ke buñ-buruer kake elikin ar bök jela mol, ejelok bar juðn men in katok kin jerawiwi ej berwöt,

Bwin. 15. 30. jap. 6. 4. 2 Pit. 2. 20.

27 A eor kiljake im lelñoñ kin ekajet, im urur in kijeek ebin e naj kokkure ro dri kijirät.

Ezek. 36. 5. Zep. 1. 18. & 3. 8. 2 Tes. 1. 8.

28 Armij eo e ar kejekron kien Moses, e mij im re jab tiriamokake, kin nan an ruo ak jilu dri keunan:

jap. 2. 2. Dut. 17. 2, 6.

29 Ekijkan ami lemnok? en jab nañin laplok ke lñtan naj likit ekar ñön eo e ar juri Nejin Anij lomn neen, im watök bötöktök in bujen eo emwij an kokwojarjar e kake, men eo enana, im e ar kötörei Jitöb in jolj?

jap. 2. 3. & 13. 20. 1 Kor. 11. 29. Mat. 12. 51, 32. Ep. 4. 30.

30 Bwe je jela Eo e ar ba, Iren-wöue Að, I naj kwi. Im bar juðn, Iroj e naj ekajet ro dron.

Dut. 32. 35, 36. Rom 12. 19. Sam 50. 4. & 135. 14.

31 Men in lelñoñ, bo ilo pein Anij emour.

Luk 12. 5.

32 A komin kememej ran ko remotelok, ke emwij kanramlok kom, kom ar kijenmij ilo lñtan ko relap;

Gal. 3. 4. 2 Jon 8. jap. 6. 4. Kol. 2. 1.

33 Jimötön, ke kom ar men in kaluijuj kin kajirere im kakitötök kom, im jimötön, ke kom ar komao iben ro ein drein air ber im lñtan.

1 Kor. 4. 9. 1 Tes. 2. 14.

34 Bwe kom ar tiriamokake ro dri liabe, im mönönö ilo rakimi mweluk ko mweiem, kin ami jela bwe ñön kom ilo jikin emön, meo ko ami remönlok im re naj berwöt.

2 Tim 1. 16. Mat. 5. 12. & 6. 20. Jem. 1. 2. 1 Tim. 6. 19.

35 Inem komin jab jolok ami beran, eo elap an jinekij kake.

Mat. 10. 32.

36 Bwe emön komin kijenmij bwe, möjen ami kömönmön ankil an Anij, komin bök men in kallmur eo.

Luk 21. 19. Gal. 6. 9. jap. 9. 15. & 12. 1.

37 Bwe jirik wöt ien, im Eo ej itok E naj botok im jab rumij.

Luk 18. 8. Hab. 2. 3, 4.

38 A, Að dru wänik e naj mour kin tömak, a elañe ej jenliklik, Að e jab buñburuð kake.

Rom 1. 17. Gal. 3. 11.

39 A kijeo, je jab ian ro rej jenliklik ñön kokkure; a ian ro rej tömak ñön lomorir.

2 Pit. 2. 20, 21. Jerb. 16. 31. 1 Tes. 5. 9.

## JAPTER 11.

**A** TÖMAK ej einwöt liki kin men ko jej kejakrikrik kij kaki, im rel buruer kin men ko je jab loi.

Rom 8. 24, 25. 2 Kor. 4. 18. & 5. 7.

2 Bwe ilo e elder rön r'ar jebarek buñbuñ eo emön.

3 Kin tömak je jela bwe emwij

kõmõnmõn lõl ko kin nau in Anij, inem men ko jej loi ar jab kõmõm jenu men ko r'alikar.

Jen. 1. 1. 2 Pit. 3. 5.

4 Kin tõmak Ebel e ar katok nõn Anij kin men in katok emõn jen eo au Keiu, kin eo e ar jebarek kennan kin an wänik, bwe Anij e ar kennan kin jurtak ko an; im leo emij ej konono kin e nõn ten in.

Jen. 4. 4, 10. Jap. 12. 24.

5 Kin tõmak emwij bõkliñlok Inõk bwe eu jab mij, im r'ar jab loe bwe Anij e ar bõkliñlok e: bwe mokta jen au wõnliñlok ar kennan kin e bwe e ar kabuñburuen Anij:

Jen. 5. 22, 24.

6 Im, elañe ejelok tõmak, armij re ban kabuñburuen; bwe eo ej itok nõn Anij, emõn eu tõmak kin an Anij ber, im kin An lelok juekjij nõn ro rej kabukot E.

7 Kin tõmak Nou, emwij an Anij kowe e kin men ko re jañiu walok, ilo an mijõk Anij e ar kapojõk wa eo nõn lomoren e im ro nukin; kin eo e ar liakelok lõl, im jolit kwojar-jar eo ekar nõn tõmak.

Jen. 6. 13, 22. 1 Pit. 3. 20. Rom 3. 22. & 4. 13. Pil. 3. 9.

8 Kin tõmak Ebrean, ke emwij kir e, e ar bokake bwe en drioijlok nõn ailiñ eo e naj an jolit; im ej drioijlok, im jaje ijo ej ilok ia lok.

Jen. 12. 1, 4. Jerb. 7. 2-4.

9 Kin tõmak e ar drua maijet ilo eneo enin kalimur, einwõt ilo ailiñ e jab an, im jokwe ilo imõn kabere ko, iben Aisak im Jekõb, ro bareinwõt dri jolit kin men in kalimur eo:

Jen. 12. 8. & 13. 3, 18. & 18. 1, 9. Jap. 6. 17.

10 Bwe e ar kiljake jikin kwelok eo, eor an foundeñõn, im Anij e ar kalek im kõmõnmõn e.

Jap. 12. 22. & 13. 14. Rev. 21. 2, 10.

11 Kin tõmak, Sera e ar bõk maroñ in keutak nejin ke emwij an lilap, bwe e ar watõk etiljek Eo e ar kalimur;

Jen. 17. 19. & 18. 11, 14. & 21. 2. Luk 1. 33. Jap. 10. 23.

12 Kin men in bareinwõt jen juõn, im eo ebanban einwõt emij, ar keutak elõñ einwõt iju ko, im

einwõt bok ko i barijit, je ban bwinil.

Jen. 22. 17. Rom 4. 18, 19.

13 Rein otemjej r'ar mij ilo tõmak, ke r'ar jañin bõk men in kalimur ko, a r'ar loi jen etolok, im yokyokwe ir, im kwalok kin air drua maijet im dri itoitõk ion lõl.

Jon 8. 58. Jen. 23. 4. & 47. 9. 1 Kron. 29. 15. Sam 39. 12. & 119. 19. 1 Pit. 1. 17. & 2. 11.

14 Bwe ro, ein drein air ba, rej kwalok alikar bwe rej bukot ailiñ eo air.

Jap. 13. 14.

15 Im, emõl, elañe r'ar kememej ailiñ eo r'ar itok jen e, re naj kar maroñ in jeblaklok fiõu e. .

16 A kiõ rej kõnan tõbar ailiñ emõn jen eo, aet, ailiñ i lõñ: kin men in Anij e jab jok kin ir, kin naetan air Anij: bwe E ar kapojõk jikin kwelok nõn ir.

Eks. 3. 6. Pil. 3. 20. Jap. 13. 14.

17 Kin tõmak Ebrean, ke melejoñ e, e ar katok kin Aisak, im eo e ar mõnõnõ in bõk kalimur ko, ej katok kin juõn wõt nejin e ar keutak:

Jen. 22. 1-9. Jem. 2. 21.

18 Aet, eo emwij ba kin e, Ineõm re naj walok jen Aisak:

Jen. 21. 12. Rom 9. 7.

19 Bwe ej lemnok bwe Anij e maroñ in kejerkak e jen ro remij, im e ar bar bõk e jen ijo ilo nan in kõkar.

Rom 4. 17-21.

20 Kin tõmak Aisak e ar jare Jekõb im Iso kin men ko re naj itok.

Jen. 27. 27, 39.

21 Kin tõmak Jekõb, ke ej mij, e ar jare ruo nejin Josep, im kabuñ nõn Anij ke ej jebät ion jabõn jokwõnõn.

Jen. 48. 5, 16, 20. & 47. 31.

22 Kin tõmak Josep, ke ej mij, e ar ba kin an ro nejin Israel ilok, im lelok nõn ir kien kin dri ko drin.

Jen. 50. 24, 25. Eks. 13. 19.

23 Kin tõmak jemen im jinen Moses, ke emwij an lotak, r'ar noj e iomin jilu ailiñ, bwe rej lo e wõleo

niñniñ eo; im re jab mijök kien kiñ eo.

Jerb. 7. 20. Eks. 1. 16, 22. & 2. 2.

24 Kin tömak Moses, ke emwij an ridtolok, ej abwin bwe ren likit etan nejin köra eo nejin Pero:

Eks. 2. 10, 11.

25 Im lemnok bwe an iñtan iben ro dron Anij emön jen möndönö ko an jerawiwi jirik ien;

Sam 84. 10.

26 Im ej watök bwe kajirere kin Kraist e aurök jen mweiuik otemjej ilo Ijpt. Bwe ej lemnok kin jinek-  
jij eo.

jap. 10. 35. & 13. 13.

27 Kin tömak e ar illok jen Ijpt, im jab mijök illu an kiñ eo, bwe ej kijenmij einwöt an lo Eo re ban lo E.

Eks. 10. 23, 29. & 12. 37. & 13. 17, 18.

28 Kin tömak e ar lale kijone eo, im wutrikrik kin bötöktök, bwe eo dri mön manjie rön en jab uñir ir.

Eks. 12. 21.

29 Kin tömak r'ar etal lolapin lomalo Ekilmir einwöt ion ene emöra, im ro dri Ijpt ilo air kajeonwe men in, r'ar maloñ.

Eks. 14. 22-29.

30 Kin tömak worwor ko in Jeriko r'ar buñ, ke emwij air kabol ir iomin jiljillimjuön ran.

Jos. 6. 20.

31 Kin tömak köra ekijon eo etan Rehab, e ar jab mij iben ro r'ar kiblia, elikin au bök ro dri aroñroñ ilo alnemön.

Jem. 2. 25. Jos. 2. 1.

32 Im ta eo I naj bar ba? Bwe aö ien e naj erik jen bwebwenato kin Gideön, im Berak, im Samsön, im Jepta; kin Devid im Samuel im ro dri kanan:

Eka. 4. 6. & 6. 11, 23. & 11. 1. & 12. 7. & 13. 24. 1 Samuel 1. 20. & 12. 20. & 16. 1, 13. & 17. 45.

33 Ro kin tömak r'ar bök anjo ion ailliñ ko, r'ar kömön men in kworjarjar ko, r'ar bök men in kalimur ko, r'ar binej loñin laiön ko,

Eka. 14. 5, 6. 1 Samuel 17. 34, 35. 2 Samuel 7. 11. Dan. 6. 22.

34 R'ar kwüni kajur in kijeek, r'ar

ko jen mejen jäji, ar kakajur ir jen air möjno, r'ar beranlok ilo törinae, r'ar kokök jar an törinae ko an dri ailliñ ko jet.

Dan. 8. 25. 1 Samuel 20. 1. 1 Kin 19. 8. 2 Kin 6. 16. & 20. 7. Job 42. 10. Sam 6. 8. Eka. 15. 8, 15. 1 Samuel 14. 13. & 17. 51, 52. 2 Samuel 8.

35 Köra rön r'ar bök nukuir ro remij kin air jerkakbiji: im bar jet elap kañtau ir, im re jab könan bök kötlök; bwe ren töbar jerkakbiji eo emönlok:

1 Kin 17. 22. 2 Kin 4. 35.

36 Im bar jet, ar melejoñ ir kin kajirere im dreñlokwe ko, aet, kin kworak ko im prisön:

Jen. 39. 20. Jer. 20. 2. & 37. 15.

37 Ar kare ir kin dreka, im bukwe ir kin jirben, im kabo ir, im mön ir kin jäji: r'ar etetal im könökö kilin sip ko im goat ko; ilo jeramel im jorran im kokkure,

1 Kin 21. 13. 2 Kin 1. 8. 2 Kron. 24. 21. Jerb. 7. 58. & 14. 19. Mat. 3. 4. Zek. 13. 4.

38 (Im löl ej betkake ir), r'ar jebwäbwe i ene jemaren ko im tol ko im roñ ko ilo löl.

1 Kin 18. 4. & 19. 9.

39 Im rein otemjej, emwij kennan ñön ir kin air tömak, r'ar jab bök men in kalimur eo,

40 Im Anij e ar kapojök ñön kij jabrewöt men eo emön jen men ko air, bwe ren jab wäppen mökelok iair jen kij.

jap. 5. 9. & 12. 23. Rev. 6. 11.

## JAPTER 12.

**I**NEM bwe dri kennan, einwöt köro elap, rej kabol kij, jen bar-einwöt jolok men otemjej rerro, im jerawiwi eo e nañin kabol kij, im jen kijenmij im etör ilo iaikuij eo emwij likit e imar,

1 Kor. 9. 24. Pil. 3. 13, 14. jap. 10. 36.

2 Im jen jerlok ñöu Jisös, Dri tel im Dri kowäppen tömak eo ar, Eo kin löñliñ ar likit e iman, E ar iñtan ilo dreñail, im kejekron jok eo, im E ar jijöt i anbijmaroñön tron an Anij.

Luk 24. 28. Pil. 2. 8. 1 Pit. 1. 11. Sam 110. 1. jap. 1. 3.

3 Bwe komin kalömdönlokjen kiu

12: 4 Eo e ar kijenmij ilo an ro dri jerawiwi maṭōrtōr E, bwe komin jab mōk im kijelok ilo buruemi.

Mat. 10. 24, 25. Jon 15. 20. Gal. 6. 9.

4 R'ar jaṣin katorlok bōtōktōkemi kin ami kate kom im jumae jerawiwi:

1 Kor. 10. 13. Jap. 10. 32, 34.

5 Im kom ar meloklok nan in kowe eo ej ba ṣōn kom einwōt ṣōn ro nejin, Nejiḍ, kwon jab kejekron kaje an Iroiḍ im jab kijelok ṣe Ej enolk yuk;

Pro. 3. 11.

6 Bwe Iroiḍ ej kajeik eo Ej yokwe e, im dreṣlokwe jabrewōt nejin Ej bōk e.

Sam 94. 12. & 119. 75.

7 Elaṣe komij ber ilo kaje, Anij ej kōmōn ṣōn kom einwōt ṣōn ro nejin; bwe ewi nejin eo jemen e jab kajeik e?

Dut. 8. 5. 2 Samuel 7. 14. Pro. 13. 24.

8 A elaṣe ejelok kaje ibemi, eo ro otemjej rej bōk mōtōn, inem komeo ejelok jememi, im kom jab ro nejin.

1 Pit. 5. 9.

9 Bar juōn, E kar or jemer ro dri kajeik kij, im j'ar kabuṣi ṣōn ir: e jab emōnlok ke bwe jen kabuṣi ṣōn Jemen jītōb rōn, im mour?

Jerb. 16. 22. Ekl. 12. 7. Isa. 42. 5. Zek. 12. 1.

10 Bwe emol r'ar kajelik kij einwōt air bebe iomin eiet ran; a E bwe En jibōn kij im bwe jen bōk mōtōn kwojarjar eo An.

Leval 11. 44.

11 Jabrewōt kaje, ilo ien in e jab men in mōnōnō, a men in buromōj; ijoke tokelik ej jebar leen kwojarjar e ainemōn ṣōn ro emwij kajeik ir kake.

Jem. 3. 18.

12 Kin men in komin jebōk pā ko rej toto, im buken ko re mōjino;

Job 4. 3, 4. Isa. 35. 3.

13 Im kōmōnmōn ial ko rejime ṣōn neḍmi, bwe ro re kirro ren jab jebwābwe, a emōn kāejmour ir.

Pro. 4. 26, 27. Gal. 6. 1.

14 Komin lorlok ainemōn ṣōn armij otemjej, im kwojarjar, eo ejoko ejelok armij e naj lo Iroiḍ:

Rom 14. 19. Mat. 5. 8. 2 Kor. 7. 1. Ep. 5. 5.

15 Im kanuij lale bwe ejelok armij eu likjōp jen joiḍ an Anij; im bwe enjelok okran emeo walok im kejjorran kom im elōn re naj etton kake;

2 Kor. 6. 1. Gal. 5. 4. Dut. 29. 18. Jap. 3. 12.

16 Im bwe enjelok en ekijoṣi ak armij enana, einwōt Iso, eo e ar wiakake an manji kin juōn mōṣa.

Jen. 25. 33.

17 Bwe kom jela ekijkan tokelik, ke e ar kōnan jolit men in jeramōn eo, ar abwin e bwe e ar jab lo ien ukwelok, meṣe e ar kanuij kabukot e im jōn.

Jen. 27. 34-38. Jap. 6. 6.

18 Bwe kom ar jab itok ṣōn tol eo, rej maroṣi in uṣire, im eo e ar urur kin kijeek, ak ṣōn kilmej im marok im laṣi,

Eks. 19. 12, 18, 19. & 20. 18. Dut. 4. 11. & 5. 22. Rom 8. 15.

19 Im ṣōn jōṣi an jilil eo, ak ṣōn ainiken nan ko, eo ro r'ar roṣjake, rej akwelap bwe en jab bar konono kake ṣōn ir:

Eks. 20. 19.

20 Bwe r'ar ban bōk nan eo ar jiroṣi ir kake, Elaṣe juōn kiru ej uṣir tol eo, ren kare kin dreka;

Eks. 19. 13.

21 Im men ko r'ar weaktok men in kaleṣioṣi ir, inem Moses ej ba, Elap aḍ lelṣioṣi im wurirrir:

Eks. 19. 18.

22 A kom ar itok ṣōn tol Zaiōn, ṣōn jikin kwelok an Anij emour, Jerusalem i lōn, im ṣōn jar ko an enjel rōn relōn jen maroṣi in bwini,

Rev. 21. 2, 10. Pil. 3. 20. Jud 14.

23 Im ṣōn aolepen jar im eklisia an manji rōn, emwij jeje etair ilo lōn, im ṣōn Anij Dri Ekajet aolepeir otemjelok, im ṣōn jītōb ro an dru wānik emwij kowāppen ir,

Eks. 4. 22. Luk 10. 20. Rev. 13. 8. Jen. 18. 25. Jap. 11. 40.

24 Im ṣōn Jisōs Dri Kilajrōk kin bujen ekāl, im ṣōn bōtōktōk in wutrikrik eo ej konono emōn jen eo an Ebel.

Jap. 8. 6. & 10. 22. & 11. 4. Eks. 24. 8. 1 Pit. 1. 2. Jen. 4. 10.

25 Komin lale mōk im jab abwin

EO ej konono. Bwe elañe ro r'ar abwin Eo e ar kowe ir ion löl, r'ar jab ko, e kanulij laplok ar jamin ko, elañe jej illok jen Eo ej kowe jen löñ:

jav. 2. 3. & 3. 17. & 10. 28.

26 Eo ainiken e ar kamökitkit löl ilo ien eo: a kiö emwij An muri, im ba, Bar juön alen I naj kamökitkit jab löl wöt, a bareinwöt löñ.

Eks. 19. 18. Hag. 2. 6.

27 Im nan in, Bar juön alen, ej bakajen kin An kamökitlok men ko re mökitkit, einwöt men ko ar kömönmöni, bwe men ko re jab mökitkit ren berwöt.

Sam 102. 26.

28 Kin men eo, bwe jej bök allin eo e ban makötkit, en or jolj iber, bwe jen jermal nön Anij im kabufiburuen kake kin ujöke ekwojarjar im mijök:

29 Bwe ar Anij e kijeek in kokkure.

Eks. 24. 17. Dut. 4. 24. Sam 50. 3. Isa. 66. 15. 2 Tes. 1. 8.

### JAPTER 13.

**E**N berwöt yokwe jimjän jimjä-ten.

Rom 12. 10. 1 Tes. 4. 9. 1 Pit. 1. 22. & 2. 17. & 3. 8. 2 Pit. 1. 7. 1 Jon 3. 11. & 4. 7, 20, 21.

2 Komin jab meloklok kin keni ro drua maljet; bwe ilo air kömön men in, jet r'ar keui enjel rön im jaje kajeir.

Rom 12. 13. Jen. 18. 3. & 19. 2.

3 Komin kememej ro dri liabe, einwöt elañe liabe kom ibelr; im ro rej inñan bwe komeo komij berwöt ilo enwinemi.

Mat. 25. 36. Rom 12. 15. 1 Kor. 12. 26. Kol. 4. 18.

4 Armij otemjej ren koutiej belele im en kwojarjar jikin babu: bwe Anij e naj ekajet ro dri lüñ otemjelok.

Gal. 5. 21. Ep. 5. 5. Rev. 22. 15.

5 Komin jab arök dala; komin joköne kin men ko ami: bwe E ar ba, I jamin likit yuk, im I jamin illok jen kwe in drio.

Mat. 6. 25, 24. Pil. 4. 11, 12. 1 Tim. 6. 6, 8. Jen. 28. 15. Jos. 1. 5. Sam 37. 25.

6 Inem jej maroñ in heran im ba, [Marshall Islands.] 10T\*

Iroi ej aö Dri jiböñ; I jamin mijök: ta eo armij ren kömön nön lö?

Sam 27. 1. & 56. 4, 11.

7 Komin kememej ro r'ar ami dri tel, im r'ar ba nön kom nan in Anij; im komin kajeofwe air tömak, ke komij kalomönlökjen kin tokjen air ber im kömön.

8 Jisös Kraist ej einwöt juön inne im ranu, im in drio.

Jon 8. 58. jap. 1. 12. & 6. 12. Rev. 1. 4.

9 Katak ko re kaju waweir im bwir, ren jab kejebwäbweik kom; bwe emön elañe buru ebin ilo jolj, im jab kin men in möña ko, r'ar jab kakajuror ro r'ar jermal kaki.

Ep. 4. 14. Rom 14. 17. Kol. 2. 16. 1 Tim. 4. 3.

10 Juön lokatok iber, im ro rej jermal ilo imön kabere eo, emo air möña jen e.

1 Kor. 9. 18. & 10. 18.

11 Bwe enwinin kiru ko, pris elap ej böktok böttöktökir na iloan jikin kwojarjar kin jerawiwi, rej tili ilikin jikin kabere.

Eks. 29. 14. Leval 6. 30. & 9. 11. & 16. 27.

12 Inem bareinwöt Jisös, bwe En kokwojarjar armij rön kin böttöktök eo An, E ar inñan ilikin jikin kwelok.

Jon 19. 17, 18. Jerb. 7. 58.

13 Kin men in jen drioijlok nön E ilikin jikin kabere, im bök kinak eo An.

jap. 11. 26.

14 Bwe ijin ejelok ar jikin kwelok ej berwöt, a jej kabukot eo ej itok.

Mika 2. 10. Pil. 3. 20. jap. 11. 10, 16.

15 Inem kin E, jen katok nön Anij kin wijtak ien otemjej, efin leen tier ko rej kwalok nön etan.

Ep. 5. 20. Leval 7. 12. Sam 107. 22. Hos. 14. 2.

16 A komin jab meloklok kin kömönmöni emön im lelok nön ro jet, bwe kin men in katok ko eirwöt Anij ej buñburuen.

Rom 12. 13. Pil. 4. 18.

17 Komin bokake im kötäik kom nön ro rej tel kom, bwe rej lala ami, einwöt ro re naj kwalok kin air kömön, bwe ren kwalok im löñliñ im jab buromöj. Bwe men in e jab men in kakajuror kom.

Pil. 2. 29. Ezek. 3. 17.

18 Komin jar kin kim: bwe kinij  
rel bwe emõn bõklikõt eo am, im  
kim kõnan bwe am kõmõn en jime  
ilo men ko otemfej.

Rom 15. 30. Ep. 6. 19. Kol. 4. 3. 12 Tes. 3. 1.  
Jerb. 23. 1.

19 Im e kanuij laplok aõ akwelap  
fiõn kom kin men in, bwe en mõ-  
kõjlok aõ jeblak fiõn kom.

Paul. 22.

20 Im Anij in ainemõn, Eo e ar  
bõktok jen ro remij, Šeperd eo elap  
an šip ko, kin bõtõktõkin bujen ej  
in drio, aet, ar Iroijs Jisõs,

Rom 15. 33. Jerb. 2. 24. Isa. 40. 11. Ezek.  
34. 23. 1 Pit. 2. 25. Jap. 10. 29.

21 Eu kowäppen kom ilo men ko  
remõn otemfej fiõn kõmõnmõn an-  
kil An, im Eu mõke jerbale ilo kij

men in kabuñburuen ko iman me-  
jen, kin Jisõs Kraist; fiõn E en  
aibujuij in drio im in drio. Amen.

2 Tes. 2. 17. 1 Pit. 5. 10. Pil. 2. 13. Rev. 1. 6.  
22 A ij kowe kom, ro jätidõ, bwe  
komin bõk nan in nan in enoik:  
bwe emwij aõ jejewõj fiõn kom kin  
elet nan.

1 Pit. 5. 12.

23 Komin jela bwe ar kõtlok jater  
Timote; im elañe e naj itok mõkõj,  
kimro naj lo kom.

1 Tes. 3. 2.

24 Komin yokyokwe ro otemfej  
rej tel kom, im ro remõn otemje-  
lok. Ro dri Itali rej yokyokwe  
kom.

Joijen ber ibemi otemfej. Amen.

Tait. 3. 15.

## LETTER AN JEMES.

### JAPTER 1.

**J**JEMES, korijeran Anij im Iroijs  
Jisõs Kraist, fiõn Joñoul im ruo  
bwijin Israel ro ilo jiblikik eo,  
Yokwe kom.

Jerb. 12. 17. Tait. 1. 1. Jerb. 23. 7. Dut.  
32. 20. Jon 7. 35. Jerb. 2. 5. & 8. 1.  
1 Pit. 1. 1.

2 Ro jätidõ, komin likit e men in  
lõñliñ otemfej ñe melejoñ kaju wä-  
weir rej kabol kom;

Mat. 5. 12. 1 Pit. 1. 6.

3 Bwe kom jela men lu kamol  
ami tõmak ej jerbale kijemij.

Rom 5. 3.

4 A en wäppen an kijeumij jerbale,  
bwe komin wäppen wõt im eyu im  
enjelok ami aikwij.

5 A elañe jabrewõt iami ej aikwij  
meletlet, en kajitõk kin e iben Anij,  
eo Ej wujlep fiõn armij otemfej, im  
jab enoik kake, im naj lelok fiõn e.  
1 Kin 3. 9. 11. 12. Pro. 2. 3. Mat. 7. 7. Jon  
14. 13. Jer. 29. 12.

6 A en kajitõk ilo tõmak im jab  
berre: bwe eo ej berre ej einwõt no  
in lometo e makõtkit im limajnono  
kin kõto.

Mark 11. 24. 1 Tim. 2. 8.

7 Bwe armij eo en jab lemnok  
bwe e naj bõk jabrewõt jen Iroijs;  
8 E armij buruen ruo im bororo  
ilo ial ko an otemfej.

Jap. 4. 8.

9 Jein im jätin ej etä en lõñliñ  
kin an eutiejlok:

10 Im dri mweie bwe emwij kõ-  
tãik e; bwe einwõt leen ujoij e naj  
jokolok.

Job 14. 2. Sam 102. 11. Isa. 40. 6. 1 Kor.  
7. 31.

11 Bwe ñe emwij tak al im ebuñ  
kõto ebwil, ej kalmerlok ujoij: im  
leen ej mwe, im wõleo an wäwen  
kõmõnmõne e joko: ein drein bar-  
einwõt dri mweie e naj aimerlok  
ilo ial ko an.

12 Emõnõnõ armij eo ej kijemij  
ilo melejoñ: bwe ñe emwij kamol e  
e naj bõk belin mour eo Iroijs ar  
muri kake fiõn ro rej yokwe E.  
Pro. 3. 11. 1 Kor. 9. 25. Jap. 2. 5. 1 Pit. 5. 4.  
Rev. 2. 10. Mat. 10. 22. & 19. 23, 29.

13 Ejelok armij en ba ñe kabo e,  
Anij ej kabo idõ: bwe men ko re-  
nana re ban kabo Anij, im Ej kabo  
ejelok armij:

14 A emwij kabo jabrewõt armij



ñe mōm ko an rej karel buruen im kamej e.

15 Inein ñe mōm eo e ar etta, ej keutak jerawiwi: im jerawiwi eo ñe e ridtolok, ej keutak mij.

Job 15. 35. Sam 7. 14. Rom 6. 21, 23.

16 Ren jab moni kom, ro jãtiõ, jitenburu iba.

17 Men in letok emõn im wãppen otemjelok re jen lõñ, im wõnlõltak jen Jemen maram ko, im iben ejelok makõtkit ak wãwen ukwelok.

Jon 3. 27. 1 Kor. 4. 7. Bwin. 23. 19. 1 Samuel 15. 29. Mal. 3. 6.

18 E ar keutak kij ilo ankil An, kin nan emol, bwe jen einwõt jomõkõj jen men in kõmõnmõn ko An.

Jon 3. 3. 1 Pit. 1. 23. Ep. 1. 12. Jer. 2. 3. Rev. 14. 4.

19 Kom jela men in, ro jãtiõ, jitenburu iba. A jabrewõt armij en mõkõj an roñjake, en rumij an konono, en rumij an illu:

Ekl. 5. 1, 2, & 7. 9. Pro. 10. 19. & 17. 27.

20 Bwe illu an armij e jab jerbale kwojarjar an Anij.

21 Kin men eo, komin wutik etton otemjej im nana elõñlok, im bõk ilo inimõn nan eo ar kallipe iloami, im ej maroñ in lomoremi.

Kol. 3. 8. 1 Pit. 2. 1. Jerb. 13. 26. Rom 1. 16. 1 Kor. 15. 2. Ep. 1. 13. Hib. 2. 3.

22 A komiu dri kõmõnmõn nan eo, im jab dri roñjake wõt ro rej mõke mon ir.

Mat. 7. 21. Rom 2. 13.

23 Bwe elañe jabrewõt armij ej dri roñjake nan, im jab dri kõmõne, ej einwõt armij eo ej lo mejen ilo kapjur:

Luk 6. 47. Jap. 2. 14.

24 Bwe ej mõke lale e, im ej ilok im emõkõj an meloklok ie ein.

25 A eo ej ber im liñõre kien in anemkwoj eo e wãppen, im jab dri roñjake eo ej meloklok, a e dri kõmõn ej jerbale, armij eo e naj mõnõnõ ilo an kõmõn.

Jap. 2. 12.

26 Elañe jabrewõt armij ej lemnok eor men in kabuñ iben, ke e jab drebdribije loin a ej mõke etaoik buruen, ejelok tokjen men in kabuñ eo iben.

Sam 34. 13. 1 Pit. 3. 10.

27 Men in kabuñ erreõ im jab etton iman mejen ar Anij im Jemer, eñin, bwe armij en lolok ro atajinemjen im kõra ejoko beleir ilo air jorran, im bwe en drebij e im jab lipjinjin kin lõl in.

Isa. 1. 17. Mat. 25. 36. Rom 12. 2. Jap. 4. 4. 1 Jon 5. 18.

## JAPTER 2.

**R**O jãtiõ, tõmak ar IroiJ Jisõs Kraist, IroiJ in aibujuij, en jab ber ibemi ilo ami kabwiloklok mejen armij.

1 Kor. 2. 8. Dut. 1. 17. Pro. 24. 23. Jud 16.

2 Bwe elañe ej dreloñtok iloan imõn kwelok eo ami, juõn armij luko gold ion pein, im eaibujuij nuknuk ko an, im ej dreloñ juõn dri jeramel, im nuknuk ko an re bwiltonon;

3 Im komij lale eo ej kõnõk nuknuk ko r'aibujuij, im ba, Kwon jijõt iji emõn, im kom ba ñõn dri jeramel, Kwon jutõk ijien ak jijõt iturin eran neiõ;

4 Komij jab jibil ilo buruemi ke, im dri ekajet ke lemnok ko renana ibemi?

5 Komin roñjake, ro jãtiõ im jitenburu; Anij e ar jab kãlet ro dri jeramel i lõl ke, bwe ren dri mweie kin tõmak, im dri jolit in aillõ eo, E ar muri kake fiõn ro rej yokwe E?

1 Kor. 1. 28. Eka. 20. 6. Pro. 8. 17. Mat. 5. 3. Luk 6. 20. & 12. 32. 1 Kor. 2. 9. 2 Tim. 4. 8. Jap. 1. 12.

6 A kom ar kejekron dri jeramel. Ro dri mweie re jab kokkure kom, im lekake kom fiõn jikin ekajet ke?

1 Kor. 11. 22. Jerb. 13. 50. & 17. 6. & 18. 12. Jap. 5. 6.

7 Re jab blasipim ke ãt eo emõn komij etnake?

8 Ijoke elañe komij bokake kien elap, ekar fiõn jeje, Kwon yokwe dri turum im einwõt kwe, emõn ami kõmõn:

Levai 19. 18. Mat. 22. 39. Rom 13. 9. Gal. 6. 2.

9 A elañe kom kaljiklok armij, komij kõmõn jerawiwi, im kien ej naruemi einwõt dri kõtõrel.

10 Bwe jabrewõt eo e naj kejbãrok

kien otemjej, a ej buñ ilo juñ iair, eor ruñ kin aolepeir.

Gal. 8. 10.

11 Bwe Eo ej ba, Kwon jab lūñ, Ej bareinwöt ba, Kwon jab uror. Inem elañe kwo jab lūñ, a kwoj uror, emwij am kokkure kien.

Eks. 20. 13, 14.

12 Ami konono im kōmōn ren ekar ñōn ro kien anemkwoj e naj ekajet ir.

Jap. 1. 25.

13 Bwe ekajet im ejelok tiriamokake ej iben eo e ar jab tiriamokake : tiriamokake ej jualōñlōñ nae ekajet.

Job 22. 6. Pro. 21. 13. Mat. 6. 15. & 18. 35. 1 Jon 4. 17, 18.

14 Ro jātiō, ewi tokjen elañe jabrewöt ej ba bwe tōmak iben, a jermal ko re jab iben? Tōmak eo e maroñ in lomoren ke?

Mat. 7. 25. Jap. 1. 23.

15 Elañe jelōm im jātōm eman ak kōra ekelwan im ejelok kijan,

Job 31. 19, 20. Luk 3. 11.

16 Im juñ iami ej ba ñōn ir, Komin ilok ilo ainemōn, komin mānān im māt; im e jab lelok ñōn ir men ko enbwiniir rej aikwij, ewi tokjen?

1 Jon 3. 18.

17 Ein drein tōmak, elañe jermal ko re jab iben, e mōke mij.

18 A juñ e naj ba, Tōmak ibōm, im jermal ko iba: kwon kwalok ñōn iō am tōmak im ejij jermal ko am, ak I naj kwalok ñōn kwe aō tōmak kin jermal ko aō.

Jap. 3. 13.

19 Kwoj tōmak bwe Anij e juñ wöt; emōn wöt am kōmōn: dimōn rōn bareinwöt rej tōmak im wurir-rir.

Mat. 8. 29. Mark 1. 24. & 5. 7. Luk 4. 34. Jerb. 16. 17. & 19. 15.

20 A O armij wan, kwo kōnan jela ke bwe tōmak, ke ejelok jermal, ewar?

21 Ebrean jemer, jab kowānik e kin jermal ko ilo an katok kin Aisak nejin ion lokatok eo ke?

Jen. 22. 9, 12.

22 Kwoj lo bwe tōmak e ar jermal

ilo jermal ko an, im kin jermal ko ar kowāppen tōmak;

Hib. 11. 17.

23 Im ejejit jeje eo e ba, Im Ebrean e ar tōmak Anij, im emwij wātōk e fiōn e einwöt wānik; im naetan jeran Anij.

Jen. 15. 6. Rom 4. 3. Gal. 3. 6. 2 Kron. 20. 7. Isa. 41. 8.

24 Komij lo bwe kowānik armij kin jermal ko, im jab kin tōmak wöt.

25 Im ein drein Rehab, kōra ekijoñ eo, jab bareinwöt kowānik e kin jermal ko, ke e ar bōk ro dri jilik im jilkinlok ir ilo bar juñ ial ke?

Jos. 2. 1. Hib. 11. 31.

26 Bwe einwöt enbwiniir e jibil jen an, e mij, ein drein tōmak e jibil jen jermal emij.

### JAPTER 3.

**R**O jātiō, en jab elōñ iami dri kaktakin, bwe kom jela kim naj bōk ekajet errolok.

Mat. 23. 8, 14. Rom 2. 20, 21.

2 Bwe ilo elōñ men ko jej otemjej tibñil. Elañe jabrewöt e jab tibñil ilo nan, e in armij ewāppen im ej maroñ in dreidribije aolepen enbwiniir bareinwöt.

1 Kin 8. 46. Jap. 1. 25. Mat. 12. 37.

3 A elañe jej likit ken dreidribije iloan loñin ors ko bwe ren bokake kij, jej ukot aolepen enbwiniir.

Sam 32. 9.

4 Im komin lale wa ko, meñe relap im betobātōk kin kōto ko relej, dri kajime ej kejali kin jibwe erik einwöt an kōnan.

5 Bareinwöt lo in armij, e ra erik im elap an jualōñlōñ. Lo, ie rik in kljeek ej tili kane e nañin lap!

Sam 12. 3. & 73. 8, 9.

6 Im lo e kijeek: lōl in jerawiwi ilo ra ko rar e lo eo, ej kabrijrij aolepen enbwiniir, im ej till men in kōmōnmōn otemjej, im emwij tili e jen jikin nana.

Pro. 16. 27. Mat. 15. 11, 18. Mark 7. 15, 20, 23.

7 Bwe wāwen kiru otemjej, im bao ko otemjej, im men ko rej lōbōllok otemjej, im men ko iloan lo-

meto otemjej, rej awie im armij r'ar kawieiki:

8 Ejelok armij ej maroñ in kawieik lo; ej men eo enana im neoteoleol, im eobrök kin uno könmij.

Sam 140. 3.

9 Kin men eo jej nebar Iroj im Jemer; im kin men eo jej kökol armij, ro emwij kömönmön ir ilo wäwen Auij.

Jen. 1. 28. & 5. 1.

10 Jen juön wöt loñin ej waloktok jar ko im kökol. Ro jätiö, e jab emön bwe en ein drein men kein.

11 Unin dren, ej maroñ in katorlok, jen juön wöt roñ, dren enno im dren emeo ke?

12 Wijki fig, ej maroñ in lle kin oliv ko ke? ak vain in grep kin fig ke? ak dren in lojit ej ban kömöñ dren enno.

13 Wön lami e meletlet im jela-lokjen? en kwalok, kin an kömöñ emön, jermal ko an ilo inimön in meletlet.

Gal. 6. 4. jap. 1. 21. & 2. 18.

14 A elañe kätök emeo im akwail rej ilo buruemi, komin jab kimjäje im riöp nae mol.

Rom 13. 13.

15 Meletlet in e jab eo ej wönlö-tak jen löñ, a e jen löl im ekar ñön möm ko im dimön rön.

jap. 1. 17. Jud 19.

16 Bwe ijo kätök enana im akwail rej ber, jeurun im jermal otemjej re-nana rej ber ie.

1 Kor. 3. 3. Gal. 5. 20.

17 A meletlet jen löñ ej erreomokta, inem e ainemön, joi, ebiruru an rel, eobrök kin tiriamokake im leen ko remön, im ejelok akwail ak jela mon iben.

1 Kor. 2. 6, 7. Rom 12. 9.

18 Ak leen wäuk emwij jeor ilo ainemön ñön ro rej kömöñ aine-mön.

Pro. 11. 18. Mat. 5. 9. Hib. 12. 11.

#### JAPTER 4.

**TÖRINAE** im iri ko ibemi, rej jen ia? Re jab jen möm ko ami, rej törinae ilo rami ke?

Rom 7. 23. 1 Pit. 2. 11.

2 Komij arök im jab bök: komij uror, im ankwonak, im ban jibarek: komij iri im törinae; men ko re jab ibemi bwe kom jab kajitök kaki.

3 Komij kajitök im jab bök, bwe enana ami kajitök im kin draepe ilo möm ko ami.

Pro. 1. 28. Isa. 1. 15. Jer. 11. 11. Zek. 7. 13. 1 Jon 5. 14.

4 Kom dri lüñ, kom jab jelake bwe an löl yokwe ej kijlräte Anij? Inem jabrewöt e könan bwe en jerran löl ej dri kijlräte Anij.

Sam 73. 27. 1 Jon 2. 15. Jon 15. 19. & 17. 14. Gal. 1. 10.

5 Ak komij lemnok ke bwe Jeje ko re ba nan bata? Jitöb co E ar kömöne bwe en jokwe ilo kij ej möm ñön junmar ke?

Jen. 6. 5. & 8. 21. Bwin. 11. 29. Pro. 21. 10.

6 A Ej letok joi elaplok. Kin men in Jeje ej ba, Anij ej jumae ro dri jua, a Ej lelok joi ñön ro dri etä.

Job 22. 29. Sam 138. 6. Pro. 8. 34. & 29. 23. Mat. 23. 12. Luk 1. 52.

7 Inem komin kötäik kom ñön Anij; a komin jumae devil im e naj ko jen kom.

Ep. 4. 27. & 6. 11. 1 Pit. 5. 9.

8 Komin druaklok ñön Anij, im E naj druakwoj ñön kom. Karreo peimi, kom dri jerawiwi; im kokwojarjar buruemi kom dri burujibil.

2 Kron. 15. 2. Isa. 1. 16. 1 Pit. 1. 22. 1 Jon 3. 3. Jap. 1. 8.

9 Komin buromöj im liajlol im jöñ: ami lea en erom liajlol, im ami löñliñ eu erom buromöj.

Mat. 5. 4.

10 Komin kötäik kom iman menjen Iroj, im E naj koutiej kom.

1 Pit. 5. 6.

11 Komin jab konono nae dron, ro jätio. Eo ej konono nae jeiu im jätin, ak ekajet jeiu im jätin, ej konono nae kien im ekajet kien: a elañe kwoj ekajet kien, kwo jab dri bokake kien, a kwe dri ekajet.

Ep. 4. 31. 1 Pit. 2. 1. Mat. 7. 1. Luk 6. 37.

12 Juön wöt Dri kañi im Dri ekajet, Eo ej maroñ in lomor ak kok-

Kure: a wõn kwe kwoj ekajet dri turum?

Mat. 10. 28. Rom 14. 4, 13.

13 Komin lale mõk, komeo komij ba, Rauin ak ilju kim naj etal fiõn jikin kwelok en, im ber ijo iomin juõn yiõ, im wia im jibarek mweiuk ko:

Pro. 27. 1. Luk 12. 18-20.

14 Ijoke kom jaje ta eo e naj walok ilju. Ta ami mour? Komij einwõt tap eo ej walok jirik ien inem ej monlok.

Job 7. 7. Sam 102. 3. Jap. 1. 10.

15 A emõn komin ba, Elañe Anij e kõnan, kim naj mour, im kõmõn men in ak men eo.

Jerb. 18. 21. 1 Kor. 4. 19.

16 A kiõ kom kimjaje ilo ami jualõñlõñ; kimjaje otemjej einwõt renana.

1 Kor. 5. 6.

17 Inem eo e jela kin kõmõn emõn, im jab kõmõne, men in jera-  
wiwi fiõn e.

Luk 12. 47. Jon 9. 41. & 15. 22. Rom 1. 20,  
21, 32. & 2. 17, 18, 23.

## JAPTER 5.

**K**OMIN lalemõk, kom dri mweie, komin jõn im limõ kin ami men in kaiñtan ko re naj itok iomi.

Pro. 11. 28. Luk 6. 24. 1 Tim. 6. 9.

2 Mweiuk ko mweiem rekõt, im drili r'ar kõñi nuknuk ko ami.

Job 13. 28. Mat. 6. 20. Jap. 2. 2.

3 Ami gold im silver rejo wõt; im jo eo e naj men in kennan-  
nae kom, im e naj kõñi kõniekemi einwõt kijeck. Kom ar koorlok mweiem ilo rau ko eliktata.

Rom 2. 5.

4 Lo wõnan dri jermal r'ar marmiri jikin kallip ko ami, im komij drebij e ilo jab wänik, ej lamij: im ainiken ro r'ar marmir e ar dreloñ iloan lojiliñin Iroj in Sabaot.

Levat 19. 13. Job 24. 10, 11. Jer. 22. 13. Dut.  
24. 15.

5 Kom ar kabbenono im mõnõnõ kake ion lõl; kom ar kamätök buruemi ilo ran in mij.

Job 21. 18. Amos 6. 1, 4. Luk 16. 19. 1 Tim.  
5. 6.

6 Kom ar liakelok, im kom ar urõte dru wänik; e jab jumae kom.  
Jap. 2. 6.

7 Inem ro jätio, komin mijmijlo-  
lõmi mae len an Iroj itok. Lo, dri kallip ej kõtar leen lõl e aurõk im ej mijmijlolin fiõn ter eo emwij an bõk wut mokta im wut eliktata.

Dut. 11. 14.

8 Komin bareinwõt mijmijlolõmi; komin kabin buruemi: bwe an Iroj itok ej ebak.

1 Pit. 4. 7.

9 Komin jab lotau dron, ro jätio, bwe en jab ekajet kom: lo, Dri ekajet eo ej jutõk iman kejem ko.

Jap. 4. 11. Mat. 24. 23. 1 Kor. 4. 5.

10 Ro jätio, komin bõk joñok kin iñtan im kijenmij jen ro dri kanan, r'ar konono ilo etan Iroj.

Mat. 5. 12.

11 Lo, jej likit ir remõnõ ro r'ar kijenmij; kom ar roñ kin an Job kijenmij, im kom ar lo jemlok eo jen Iroj, ekijkan Iroj e kanuij joi j im tiriamokake.

Mat. 5. 10. & 10. 22. Job 1. 21, 22. & 2. 10. &  
42. 10. Bwin. 14. 18.

12 A elap jen men otemjej, ro jätio, komin jab kanõjni, jab kin lõñ, jab kin lõl, im jab kin jabrewõt men in kanõjni jet: a ami jab en jab wõt, im ami aet en aet wõt: bwe komin jab buñ iomin ekajet.

Mat. 5. 34-37.

13 Jabrewõt lami ej iñtan ke? En jar. Jabrewõt ej mõnõnõ ke? En al im nebar.

Ep. 5. 19.

14 Jabrewõt lami e nañinmij ke? en añiñintok elder ro an eklisia, im ren jar ion im kabit e kin oil ilo etan Iroj:

Mark 6. 13. & 16. 18.

15 Im jar in tõmak e naj kemour dri nañinmij eo, im Iroj e naj ke-  
jerkak e; im elañe e kar kõmõn jerawiwi ko, naj jeorilok jen e.

Isa. 33. 24. Mat. 9. 2.

16 Inem komin kwalok jerawiwi ko ami fiõn dron, im jar kin dron,

bwe komin mour. Elap tokjen jar an armij ewänik eo ej jerbale.

Jen. 20. 17. Bwin. 11. 2. Dut. 9. 18-20. Jos. 10. 12. 1 Kin 13. 6. Sam 10. 17. & 34. 15. & 145. 18. Jon 9. 31.

17 Elaija ej juön armij e kanulj einwöt kij, im e ar jar im akwelap bwe en jab wut; im e ar jab wut ion löl iomin jilu yio im jiljino aliñ.

Jerb. 14. 15. 1 Kin 17. 1.

18 Im ej bar jar im löñ e ar lelok wut, im löl e ar jebar leen.

1 Kin 18. 42, 45.

19 Ro jätiö, elañe jabrewöt iamj ej jebwäbwe jen mol, im juön ej koukwelok e;

20 En jela, bwe eo ej koukwelok juön dri jerawiwi jen an jebwäbwe jen ial, e naj lomoren an jen mij, im e naj kalibubu elöñ jerawiwi.

Rom 11. 14. 1 Pit. 4. 8.

## LETTER MOKTA AN PITER.

### JAPTER 1.

**P**ITER, dri jilik an Jisös Kraist, ñön ro dri jibliklik im jokwe ilo Pontös, Galetia, Kappadosia, Esia, im Bitinia,

Jerb. 2. 9. Jem. 1. 1.

2 Ro emwij kälet ir kin an Anij Jemer jela mokta, ilo kokwojarjar an Jitöb, ñön kibleie im kabötüktük kin bötöktök in Jisös Kraist: Joij im ainemön ren löñlok ñön kom.

Ep. 1. 4. Jap. 2. 9. Rom 1. 7. & 8. 29. 2 Tes. 2. 13. Hib. 10. 22. 2 Pit. 1. 2. Jud 2.

3 En mönönö Anij Jemen ar Iroj Jisös Kraist, Eo, ilo An tiriamokake elap, E ar bar keutak kij ñön kejatrikrik emour kin jerkakbiji an Jisös Kraist jen ro remij,

Ep. 1. 3. Tait. 3. 5. Jon 3. 3. Jem. 1. 18. 2 Kor. 1. 3. 1 Tes. 4. 14.

4 Ñön jolit eo e jamin wabönbön im jab etton ak mejkwun, im emwij likit e ilöñ ñön kom,

Jap. 5. 4. Kol. 1. 5.

5 Komeo kejbärok kom ilo kajur an Anij kin tömak ñön lomor emwij an kapoj bwe en waloktok ilo ien eo eliktata.

Jon 10. 28, 29.

6 Im ilo e komij kanuij löñliñ, meñe kiö jirik ien, elañe en ein drein, kom ar iñtan kin elöñ men in melejoñ,

Mat. 5. 12. 2 Kor. 6. 10. Jap. 4. 13. & 5. 10.

7 Bwe melejoñ ami tömak, e aurök jen gold eo e jokolok meñe melejoñ

e kin kijeek, en walok ñön wijtak im abujuij im nebar ilo weaktok an Jisös Kraist:

Jem. 1. 3. 12. Jap. 4. 12. Job 28. 10. Pro. 17. 3. Isa. 48. 10. Zek. 13. 9. 1 Kor. 3. 13.

8 Eo komij yokwe ke kom jañin lo E; im ilo E, meñe kiö kom jab kalimjeke, kin ami liki E komij löñliñ ilo löñliñ elap jen maroñ in ba im eobrök kin abujuij:

1 Jon 4. 20. Jon 20. 29.

9 Im komij bök tokjen ami tömak, lomoren ami.

Rom 6. 22.

10 Kin lomoro eo ro dri kanan, r'ar drikanij kin joij en iwij ñön kom, rej kanuij kabukot im liñöri:

Dan. 2. 44. Hag. 2. 7. Mat. 13. 17. Luk 10. 24. 2 Pit. 1. 19, 20.

11 Im bukot ie ien eo, ak ta wäwen ien eo Jitöb öñ Kraist, eo E ar ber ilo ir, Ej bakajen ke Ej kennan mokta kin iñtan ko an Kraist im abujuij ko ren tokelik.

2 Pit. 1. 21. Sam 22. 6. Isa. 53. 3-8. Luk 24. 26.

12 Im emwij kwalok ñön ir, bwe jab ñön ir möke, a ñön kom, rej korijer ilo men ko, ar ba ñön kom kaki kiö kin ro r'ar kwalok gospel ñön kom ilo Jitöb Kwojarjar jilkin-tok jen löñ; men ko enjel rön rej könan liñöri.

Dan. 12. 9. 13. Hib. 11. 39, 40. Jerb. 2. 4. Eks. 25. 20. Dan. 8. 13. & 12. 5-7. Ep. 3. 10.

13 Kin men in komin kapojök bu-ruemi, komin jadör im kejatrikrik

kom wöt kin joij eo naj böktok ñön  
kom ilo weaktok an Jisöe Kraist;  
Ep. 6. 14. 1 Tes. 5. 6. 2 Tes. 1. 7. Jap. 4. 7.  
& 5. 8. 1 Kor. 1. 7.

14 Einwöt ro nejin jilkaie, komin  
jab möke kömönmöön kom ekar ñön  
mööm ko ami mokta, ilo ien ami ja-  
jelokjen:

Rom 12. 2. Jap. 4. 2. Jerb. 17. 30. 1 Tes. 4. 5.

15 A einwöt Eo e ar kir komi E  
kwojarjar, komin bareinwöt kwo-  
jarjar ilo wäwen otemjej ami ber  
im kömön;

Luk 1. 75. 2 Kor. 7. 1. 1 Tes. 4. 7. Hib. 12.  
14. 2 Pit. 3. 11.

16 Bwe emwij jeje, Komin kwo-  
jarjar; bwe Ña I kwojarjar.

Levai 11. 44. & 19. 2.

17 Im elañe kom jar ñön Anij ein-  
wöt Jememi, Eo ej ekajet armij  
otemjej ekar ñön jerbak ko air, im  
jab kaljilok armij, komin ber io-  
min ien ami drua maijet ilo mijök:

Dut. 10. 17. Pil. 2. 12. Hib. 11. 13. Jap. 2. 11.

18 Bwe kom jela ar jab binmour  
ñön kom kin men in ijurwewe ko,  
kin silver im gold, jen ami mour  
bata emwij likite ñön kom jen ro  
jimami;

1 Kor. 6. 20. Ezek. 20. 18.

19 A kin böttöktök e aurök, einwöt  
an lam ejelok notan im ekwojarjar,  
aet eo an Kraist:

Jerb. 20. 28. Eka. 12. 5. Isa. 53. 7. Jon 1. 29.

20 Eo kar jela E mokta jen jinoin  
lööl, a Ej waloktok ilo ien kein re-  
liktata, kin kom,

Rom 3. 26. Ep. 3. 11. 2 Tim. 1. 10. Tait. 1. 2.  
Rev. 13. 8. Hib. 1. 2.

21 Ro ilo E komij liki Anij eo E  
ar kejerkakbij E jen ro remij, im  
lelok ñön E albujujij; bwe ami tö-  
mak im kejatrikrik ren ilo Anij.

Jerb. 2. 24. & 3. 13. Pil. 2. 9. Hib. 2. 9. Jap.  
3. 22.

22 Bwe kom ar karreo ami ilo ami  
bokake mol ñön yokwe jimjän jim-  
jäten e jaje mon, inem komin ka-  
nujij yokwe dron kin buruemi:

Jerb. 15. 9. Rom 12. 9. 1 Tim. 1. 5. Hib.  
13. 1. Jap. 2. 17. & 3. 8. & 4. 8.

23 Bwe emwij bar keutak kom,  
jab jen ine ej ijurwewe, a jen eo e  
jamin ijurwewe, kin nan in Anij,  
eo ej mour im berwöt.

Jon 1. 13. & 3. 5. Jem. 1. 18. 1 Jon 3. 9.

24 Bwe, Köniek otemjej einwöt  
ujolj im albujujij otemjej an einwöt  
leen ujoij. Ujoij ej aimerlok im  
leen ej wutlok:

Sam 103. 15. Isa. 40. 6. Jem. 1. 10.

25 A nan in Anij ej berwöt in  
drio. Im eñin nan emön ar kwa-  
loke ñön kom.

Sam 102. 12, 26. Luk 16. 17.

## JAPTER 2.

**I**NEM komin jolok bäl otemjej  
im etao otemjej, im jela mon ko,  
im juumar ko, im konono nae otem-  
jej,

Ep. 4. 22, 31. Jap. 4. 2.

2 Im einwöt niñniñ rej kab lotak,  
komin mako milk emön im erre-  
wöt, bwe komin edreklok kake ñön  
lomor;

Mat. 18. 3. Jap. 1. 23. 1 Kor. 3. 2.

3 Elañe kom ar erjoñ joij an Iroj:

Sam 34. 8. Hib. 6. 5.

4 Eo komij itok ñön E, Ejman  
emour, armij r'ar jolok E, a Anij  
ej kälet E im kaurök E,

Sam 118. 22. Mat. 21. 42.

5 Bareinwöt kom, einwöt ejman  
remour Ej kalek kom juön im ekar  
ñön Jitöb, bwe komin pris rokwo-  
jarjar, bwe komin lelok men in ka-  
tok ko rekar ñön Jitöb, im ko rej  
kabuñburuen Anij kin Jisöe Kraist.

Ep. 2. 21, 22. Hib. 3. 6. & 13. 15. Mal. 1. 11.  
Rom 12. 1. Pil. 4. 18. Jap. 4. 11.

6 Bwe emwij jeje ilo Jeje ko, Lo,  
ij likit i Zalöön ejman in dremön  
emön, men in kälet, im eaurök, im  
eo ej liki E e jamin jok.

Isa. 28. 16. Rom 9. 33.

7 Inem ñön komeo komij tömak,  
men in aurök, a ñön ro re jab tö-  
mak, Ejman eo, dri kalek r'ar jo-  
lok e, emwij kömöne bwe en bö-  
ran dremön im,

Jerb. 4. 14.

8 Im dreka in lökatip, kab ejman  
in dibjik; bwe rej jebebeb ilo nan  
kin air jab bokake: men eo kar li-  
kit ir ñön e.

Isa. 8. 14. Luk 2. 34. Rom 9. 33. Eka. 9. 16.  
Rom 9. 22. 1 Tes. 5. 9. Jud. 4.

9 A kom ebabon emwij kälete, pri-  
ro im iroj ro, dri ailif rokwojarjar,

armij ro an Anij wõt, bwe komin kennaneklok men ko remõn an Eo e ar kir kom jen marok im ñõn iloan maram eo An e men in bwi-lõñ;

Dut. 10. 15. Jap. 1. 2. Eks. 19. 6. Rev. 1. 6. & 5. 10. Dut. 26. 19. Jerb. 20. 28. Ep. 1. 14. Tait. 2. 14. Jerb. 28. 18. Ep. 5. 8.

10 Ilo ien ko remotelok kom kin jab dri aillñ, a kiõ kom dri aillñ an Anij; kom kin jab bõk tiriama-kake, a kiõ emwij ami bõk tiriama-kake.

Hos. 1. 9, 10. Rom 9. 25.

11 Kom jitenburu, ij akwelap ñõn kom, einwõt ro drua maijet im dri iteitõk, bwe komin kejbãrok kom jen mõm ko au kõniek, rej tõrinaek ami;

Jap. 1. 17. Rom 13. 14. Jem. 4. 1.

12 Im en ekar ami ber im kõmõn ilo bwiljin dri aillñ ko; bwe, ilo men eo rej konono nae kom kake einwõt dri kõmõn nana, ren kaibu-julj Anij ilo ran eo ran in joi, kin ami jermal ko remõn rej lol.

Rom 12. 17. Pil. 2. 15. Tait. 2. 8. Jap. 3. 16. Mat. 5. 16. Luk 19. 44.

13 Komin kõtãik kom ñõn kien ko otemnej an armij kin Iroj: ñõn Iroj elap bwe eutiejtata;

Rom 13. 1.

14 Ak ñõn Iroj rõn, bwe e ar jil-kinwoj ir bwe ren ireuwõne ro rej kõmõn nana, im nebar ro rej kõmõn emõn.

Rom 13. 3, 4.

15 Bwe ein drein ankil an Anij, bwe, kin ami kõmõnmõn emõn, komin kaikõñ jajelokjen an armij ro dri bwebwe:

Tait. 2. 8.

16 Komij anemkwojami ak komin jab likit men in ken kalibubu jera-wiwi, a komin dri korijeran Anij.

Gal. 5. 1. 1 Kor. 7. 22.

17 Komin kõmõn men eo ekar ñõn armij otemnej. Komin yokwe jlmjãn jlmjãten. Komin koutlej kin eo.

Rom 12. 10. Jap. 1. 22. Pro. 24. 21. Mat. 22. 21. Rom 13. 7.

18 Komeo dri korijer, komin kõtãik kom ñõn karo ro ami ilo mi-jõk otemnej; jab ñõn ir wõt ro re-

mõn im joi, a bareinwõt ñõn ro r'ankeke.

Ep. 6. 5. Luk 6. 32.

19 Bwe eñin men in kabuñburuen, elañe kin bõklikõt ñõn Anij, armij ej kijenmij ilo iñtan ko, ke rej kaifñtan e ilo air jab wãnik.

Mat. 5. 10. Rom 13. 5.

20 Bwe ewi unin nebar, elañe komij kijenmij ke kom jerawiwi im iñtan kake? a elañe komij kijenmij ñe kom kõmõn emõn im iñtan kake, men in ej kabuñburuen Anij.

Jap. 3. 14. & 4. 14, 15.

21 Im emwij kir kom ñõn men in: bwe Kraist e ar iñtan kin kom, im likit joñok ñõn kom, bwe komin anõke jenkwõn ne ko neen:

Jerb. 14. 22. Jon 13. 15. Pil. 2. 5.

22 Eo e ar jab kõmõn nana, im ar jab lo etao ilo loñin:

Isa. 53. 9. Luk 23. 41. Jon 8. 46. 2 Kor. 5. 21. Hib. 4. 15.

23 Eo ke ar konono nae E, e ar jab bar kouono nae; ke E ar iñtan E ar jab kalefñoñ, a E ar mõke likit E ñõn Eo ej ekajet jime:

Isa. 53. 7. Mat. 27. 39. Jon 8. 48, 49. Hib. 12. 3.

24 Eo e ar mõke bõklok jerawiwi ko ar ilo enbwinin ion wijki eo, bwe, ke emwij ar mij in jerawiwi, jen mour ñõn kwojarjar; im kin kinej ko kinjen ar kemour kom.

Isa. 53. 4, 5. Mat. 8. 17. Hib. 9. 28. Rom 6. 2.

25 Bwe kom kin jebwãbwe einwõt sip ko; a kiõ kom ar jeblaktok ñõn Šeperd eo im Dri lale ami.

Ezek. 34. 23. Jap. 5. 4.

### JAPTER 3.

**E**IN drein, limaro, komin kõtãik kom ñõn lõmaro belemi; bwe elañe jabrewõt e jab bokake nan eo, en rel buruen ñe ejelok nan, kin an beleir ber im kõmõn;

Ep. 5. 22. Kol. 3. 18. Tait. 2. 5. 1 Kor. 7. 16.

2 Ñe rej lo ami etetal ekwojarjar ilo mijõk.

Jap. 2. 12.

3 Im komin jab mõke kalitlit kom kin kalitlit eo elikemi, kin birõk kolan bõrõmi, kin inõk gold, ak kin kõnõk nuknuk ko.

1 Tim. 2. 9. Tait. 2. 3.

4 A komiu mōke kalitlit kom ilo buruemi, kin men eo e jamin ijurwewe, kin jitōb e inimōn im joij wōt, eo e kanuij aurōk iman mejen Anij.

Sam 45. 13. Rom 2. 29. & 7. 22.

5 Bwe ein drein, ilo ien ko remote- lok, kōra remōn, ro r'ar kejakrikrik ir ilo Anij, rej mōke kalitlit ir, im mōke kōtāik ir nōn beleir:

6 Einwōt Sera e ar bōkake Ebrean, im naetan iroi: im kom ro nejin kiō, elañe komij kōmōn emōn, im jamin mijōk kin jabrewōt lelñōñ.

Jen. 18. 12.

7 Ein drein, lōmaro, komin jokwe iben belemi kin jelalokjen, im koutiej kōra rōn, einwōt jābi remōjino jen kom, im ro dri jolit ibemi kin joij in mour: bwe en ejelok men in boprae jar ko ami.

1 Kor. 7. 3. & 12. 23. Ep. 5. 25.

8 Im, bwe in kajemlok nan kein, en buruemi otemjej wōt juōn, komin tiriamokake dron, komin yokwe einwōt jimjān jimjāten, komin keni, im en etā buruemi:

Rom 12. 10, 16. Jap. 2. 17. Ep. 4. 32. Kol. 3. 12.

9 Komin jab lelok nana kin nana, ak kajirere kin kajirere; a ein juōn, jar; bwe emwij kir kom nōn men in, bwe komin jolit jeramōn.

Pro. 17. 13. Mat. 5. 39. & 25. 34.

10 Bwe, Eo e konan yokwe mour, im lo rau ko remōn, en drebij loin jen nana, im tien bwe ren jab konono etao:

Sam 34. 12, 16. Jem. 1. 26.

11 Im en illok jen nana im en kōmōn emōn; en kabukot ainemōn im lor e.

3 Jon 11. Rom 12. 18. & 14. 19. Hib. 12. 14.

12 Bwe mejen Iroi rej lale ro remōn, im lojiliñin rej nōn jar ko air: a turin mejen Iroi ej ion ro rej kōmōn nana.

Jem. 5. 16.

13 Im wōn eo e naj kōkkure kom, elañe komij kijejeto ilo men ko remōn?

Pro. 16. 7.

14 A elañe kom iſtan kin kwojar- jar, kom mōnōnō wōt: im komin

jab mijōk ilo air mijōk, im jab inebata;

Mat. 5. 10-12. Jem. 1. 12. Isa. 8. 12, 13. Jon 14. 1, 27.

15 A komin kokwojarjar Kraist einwōt Iroi ilo buruemi: im komin pojōk ien otemjej bwe komin uak nōn jabrewōt armij ej kajitōk ibemi kin unin kejakrikrik eo ej iloami, a kin inimōn im mijōk:

Kol. 4. 6. 2 Tim. 2. 25.

16 Im en ibemi bōklikōt emōn; bwe, kin men eo rej kajirere kom kake, ren jok ro rej konono nae ami etetal emōn ilo Kraist.

Hib. 13. 18. Tait. 2. 8.

17 Bwe, elañe ankil an Anij en kōnan, emōn bwe komin iſtan kin kōmōn emōn, jen kin kōmōn nana.

18 Bwe Kraist bareinwōt E ar iſtan kin jerawiwi juōn wōt alen, Dru wānik kin ro re jab wānik, bwe En kadruaklok kij nōn Anij; im r'ar urōt E ilo kōniek, a ar kemour E ilo jitōb;

Hib. 9. 26, 28. 2 Kor. 13. 4. Kol. 1. 22. Rom 1. 4.

19 Ilo eo E ar ilok im kwalok nōn jitōb ro ilo prisōn,

Jap. 4. 6.

20 Ro r'ar kiblia mokta, ke meanwōr an Anij e ar kōtar ir ilo ran ko an Noa, lomn ien kapojōk wa eo, im ilo e emwij lomoren eiet, drualitōk armij, kin dren:

Jen. 6. 3, 5, 13. & 7. 7. & 8. 18. Hib. 11. 7. 2 Pit. 2. 5.

21 Im bareinwōt men in, ilo wāwen men in kajeōn emol, ej lomoren kom, aet baptais, jab ami jolok brijrij an enwinemi, a kajitōkin bōklikōt emōn nōn Anij, kin jerkabiji eo an Jisōs Kraist;

Ep. 5. 26. Tait. 3. 5. Rom 10. 10. Jap. 1. 3.

22 Eo ej i anbijmaroñōn Anij im emwij An wōnliflok nōn lōñ; im ar kōtāik jen E enjel ro im jiōb ro im kajur ko.

Sam 110. 1. Rom 8. 34, 38. Ep. 1. 20. 1 Kor. 15. 24. Ep. 1. 21.

#### JAPTER 4.

**I**NEM bwe Kraist e ar iſtan ilo kōniek, en ami lemnok einwōt eo An kin ken tōrinae: bwe eo e ar



iñtan ilo kõniek, e ar jokwör jen jerawiwi;

Gal. 5. 24. Kol. 3. 8, 5.

2 Bwe iomin matöu ami ien ilo kõniek komin jab ber im mour ilo möm ko an armij rön, a ñön ankil an Anij.

Rom 14. 7. Jap. 1. 14. & 2. 1.

3 Bwe emöñ ran ko remotelok ren bwe kin ami kõmön kõnan an ro dri pegan, im etetal ibeir ilo lüñ, möm ko renana, irak wain, eep ko, karek ko, im kabuñ ñöu ekjöp ko, re men in jöjök :

Ezek. 44. 6. & 45. 9. Jerb. 17. 30. Ep. 4. 17. Jap. 1. 14.

4 Im rej lemnok e men in bwilöñ, bwe kom jab etör ibeir ñön döer e kanuij lap einwöt air, im konono nae kom kake;

Jerb. 13. 45. Jap. 3. 16.

5 Ro re naj kwalok kin air kõmön ñön Eo e pojök bwe En ekajet ro remour im ro remij.

Jerb. 10. 42. 1 Kor. 15. 52. Jem. 5. 9.

6 Bwe ñön men in emwij kwalok gospel ñön ro remij, bwe en ekajet ir einwöt armij ilo kõniek, a bwe ren mour ekar ñön Anij ilo Jitöb.

Jap. 3. 19.

7 A jemlokön men otemjej ej ebaktok, inem en jime ami lemnok, im komin jadör im jar :

Mat. 24. 14. Rom 13. 12. Mat. 28. 41. Luk 21. 34. Jap. 1. 13.

8 Im elap jen men otemjej, komin kanuij yokwe dron; bwe yokwe ej kalibubu elöñ jerawiwi :

Kol. 3. 14. Pro. 10. 12. 1 Kor. 13. 7. Jem. 5. 20.

9 Im komin keni dron im jab lotan :

Hib. 13. 2. Pii. 2. 14.

10 Einwöt jabrewöt iami e ar bök men in lewoj, en jiböñ dron kake, einwöt dri kõmñe remön an joiy an Anij, elöñ wäwen ;

Rom 12. 6. Luk 12. 42. 1 Kor. 4. 1. & 12. 4.

11 Elañe jabrewöt armij ej konono, en konono einwöt nan ko an Anij; elañe jabrewöt ej korijer en korijer kin kajur eo Anij ej lelok : bwe ilo men otemjej ren kaibujuij Anij kin Jisöb Kraist, im iben e

aibujuij im kajur in drio im in drio. Amen.

Rom 12. 6, 7. Ep. 5. 20. & 5. 11. Jap. 2. 5. 1 Tim. 6. 16. Rev. 1. 6.

12 Komeo, ro jitenburu, komin jab lemnok kin men in kijeek e naj itok bwe en melejoñ kom, einwöt elañe men eo ekäl ej walok ñön kom :

Jap. 1. 7.

13 A komin löñliñ kin ami bök mötön iñtan ko an Kraist, bwe ilo kwalok An aibujuij komin bareinwöt löñliñ kin löñliñ e kanuij lap. Jerb. 5. 41. Rom 8. 17. 2 Kor. 1. 7. Pii. 3. 10. Jap. 5. 1, 5, 6, 10. Rev. 1. 9.

14 Elañe rej kajirere kake kom kin etan Kraist, komij möñöñö, bwe Jitöb an aibujuij im an Anij ej ber iomi.

Mat. 5. 11. Jap. 2. 12.

15 A enjelok iami en iñtan kin an dr'uröt, ak dri kwot, ak dri kõmön nana, ak dri wälok ilo men ko an armij ro jet :

Jap. 2. 20. 1 Tes. 4. 11. 1 Tim. 5. 13.

16 A elañe armij ej iñtan kin an dri Kristian, en jab äliklik, a en kaibujuij Anij ilo Ät in.

Jerb. 5. 41.

17 Bwe ien in ien jino ekajet ilo imön Anij; im elañe ej jino iber mokta, re naj it, ro re jab bokake gospel an Anij?

Jer. 25. 29. & 49. 12. Mal. 3. 5. Luk 23. 31.

18 Im elañe e nañin bin an remön bök mour, dri jab wänik im dri jerawiwi re naj ilok ialok?

Pro. 11. 31. Luk 23. 31.

19 Inem ro rej iñtan ekar ñön ankil an Anij, ren likit air, kin kõmön emöñ, ñön Eo Dri Kõmönmöñ etiljek.

Sam 31. 5. Luk 23. 46. 2 Tim 1. 12.

## JAPTER 5.

**I**NEM ij kowe elder ro ibemi, fia bar juön elder, im dri kennan kin iñtan ko an Kraist, im bareinwöt dri bök mötön aibujuij eo e naj waloktok :

Luk 24. 48. Rev. 1. 9.

2 Komin šeperd bwijin Anij ej ber ibemi, im lale e, jab ilo makoko, a kin ami kõnan, ekar ñön ankil an

Anij; jab kin wōnan dala, a kin ami yokwe;

Jon 21. 16. Jerb. 30. 28. 1 Kor. 9. 17. 1 Tim. 3. 3. 8. Tait. 1. 7.

3 Im komin jab iroj ion men eo emwij likite na ibemi, a komin mōke joñok ñon bwij eo.

Rek. 34. 4. Mat. 20. 25. 2 Kor. 1. 24. Pil. 3. 17.

4 Im ñe Šeperd elap E naj waloktøk, kom naj bøk belin aibujij e jamin mejkwun.

Hib. 13. 20. 1 Kor. 9. 25. 2 Tim. 4. 3. Jap. 1. 4.

5 Ein drein komeo emōn drer, komin kōtäik kom ñon ridto rōn. Aet, kom otemjej komin etā buruemi, in korijer ñon dron: bwe Anij ej jumae ro dri jua, a Ej lelok joiñ ñon ro dri etā burueir.

Rom 12. 10. Jem. 4. 6.

6 Inem komin kōtäik kom iomin pein Anij ekajur, bwe Eu koutiej kom ilo ien ekar:

Jem. 4. 10.

7 Im komin likit ami inebata otemjej na iben, bwe Ej ierki kom.

Sam. 27. 5. Hib. 13. 5.

8 Komin jadōr, komin ekil: dri kijiräte kom, devil eo, einwōt laiōn e rorror, ej etetal wōt im bukoñ eo ej marōñ in kōñi:

Luk 21. 34. 36. Job 1. 7. Luk 22. 31. Rev. 12. 12.

9 Eo komin jutøk jumae im bin ilo ami tōmak, bwe kom jela bwe iñtan kein, ro jeiōmi im jätōmi rej ber i lōl, rej iñtan kaki.

Ep. 6. 11, 13. Jem. 4. 7. Jerb. 14. 22. Jap. 2. 21.

10 Im Anij in joiñ otemjej, Eo e ar kir kom ñon aibujij eo An in drio ilo Kraist, ñe emwij ami iñtan jirik ien, E naj mōke kowāppen, kabin, im kakajur kom.

1 Tim. 6. 12. 1 Kor. 1. 9. 2 Kor. 4. 17. Jap. 1. 6. Hib. 13. 21. Jud 24.

11 Ñon Eo en kajur potata in drio im in drio. Amen.

Jap. 4. 11. Rev. 1. 6.

12 Kin Silvenōs, jāter etiljek, einwōt ij watøk e, emwij ađ jejewoj ñon kom ilo eiet nan, im kowe, im kennan bwe ein joiñ emol an Anij. Komin jutøk bin ilo e.

Hib. 13. 22. Jerb. 30. 24. 1 Kor. 15. 1. 2 Kor. 1. 19. 2 Pit. 1. 12.

13 Lio, eo i Babilōn, eo emwij källete ibemi, ej yokyokwe kom: bar-einwōt Mark. peijō.

Jerb. 12. 12.

14 Komin yokyokwe dron kin menjma in yokwe.

Ainemōn ñon kom otemjej rej ilo Kraist.

Rom 16. 14. Ep. 6. 23.

## LETTER KEN KA RUO AN PITER.

### JAPTER 1.

**S**AIMON Piter, korijer im dri jilik an Jis's Kraist, ñon ro, emwij air jiberek tōmak eaurōk, einwōt kij, ilo kwojarjar an ar Anij im Dri Lomor Jis's Kraist:

Jerb. 13. 14. Rom 1. 12. Ep. 4. 3. Tait. 1. 4. 4. 2. 12.

2 Joiñ ñon kom im ainemōn en kōñi k ilo jela Anij im Jis's ar Iroj:

1 Pit. 1. 2.

3 Bwe An kajur einwōt an Anij, e ar letok ñon k j men ko otemjej rek-  
kar ñon mour im kōmōn ekwojar-

jar, kin jela Eo e ar kir kij ilo An aibujij im marōñ:

Jed 17. 3. 1 Yes. 2. 12. 2 Yes. 2. 14. 2 Tim. 1. 2.

4 Kin men ko E ar letok ñon kij muri ko An relaptata im aurōk; bwe ilo ir komin dri bøk mōkōn biktokin Anij, ke emwij ami ko jen kōt eo ej ber ilo lōl kin mōm ko renana.

Hib. 12. 20. 1 Jon 1. 2. Jap. 2. 23. 21.

5 Aet, im kin men in komin kanuj kate kom, im ilo ami tōmak komin kōke emōn; im ilo ami emōn, jela lokjen:

Jap. 1. 14. 1 Pit. 1. 7.

6 Im ilo ami jela lokjen, jadōr; im

ilo ami jadör, kijenmij; im ilo ami kijenmij, wänik;

7 Im ilo ami wänik, jolj ñön dron; im ilo ami jolj yokwe.

Gal. 6. 10. 1 Tes. 3. 12.

8 Bwe elañe men kein rej ami im lõñlok, rej kõmõn bwe komin jab jowõn ak jowa ñön jela ar IroiJ Jisõs Kraist.

Jon 15. 2. Tait. 3. 14.

9 Bwe eo, men kein re jab iben, e bilo, im ej lo men eo wõt ej ebak, im ej meloklok kin karreo e jen jerawiwi ko an mokta.

1 Jon 2. 9, 11. Ep. 5. 26.

10 Kin men eo, ro jätio, en laplok ami kate kom im kamol an kir im kålet kom: bwe elañe komij kõmõn men kein kom jamin tibñil:

1 Jon 3. 19. jap. 3. 17.

11 Bwe ein drein naj wujlepwoj ñön kom dreloñ eo iloan ailif in drion an ar IroiJ im Dri Lomorer Jisõs Kraist.

12 Kin men eo, ien otemjej I naj pojök in kakememey kom kin men kein, mese kom jela kajeir, im bin wõt ilo mol eo ej ber ibemi.

Rom 15. 14, 15. Pil. 3. 1. 1 Jon 2. 21. 1 Pit. 5. 12. jap. 3. 17.

13 Im iomin aõ ber ilo imõn kaberin, ij lemnok bwe ejime aõ kajejetolk kom kin kememey;

2 Kor. 5. 1. jap. 3. 1.

14 Bwe I jela e naj mõkõj an wutik aõ imõn kaberin, im ein drein ar IroiJ Jisõs Kraist e ar bakajen ñön iõ.

Dut. 4. 21, 22. & 31. 14. 2 Tim. 4. 6. Jon 21. 18, 19.

15 Aet, I naj kate iõ bwe, ien otemjej, komin maroñ in kememey men kein elikin aõ ilok.

16 Bwe kim ar jab kajeõwe bwebwenato wan ko an dri kabel, ke kim ar kajelaik kom kajur im itok an ar IroiJ Jisõs Kraist, a kim ar dri kalimjek An wuj potata.

1 Kor. 1. 17. 2 Kor. 2. 17. & 4. 2. Mat. 17. 1, 2. Mark 9. 2. 1 Jon 1. 1.

17 Bwe E ar bök jen Anij Jemen nebar im albujuj, ke ainiken eo e ar itok ñön E jen wuj eo emõn po-

tata, E in Nejiõ jitenburu iba, im Eo ij buñburuõ kake:

Mat. 3. 17. & 17. 5. Mark 1. 11. & 9. 7. Luk 3. 22. & 9. 35.

18 Im ainiken in kim ar roñjake itok jen lõñ, ke kim ar ber iben ilo tol ekwojarjar.

Eks. 3. 5. Jos. 5. 15.

19 Im iber nan in drikanij, ar kabinklok e, eo emõn ami kõmõn elañe komij kejbároke, einwõt maram ej romak ijo e marok, mae ien rantak, im iju ran ej tak ilo buruemi:

Sam 119. 105. Jon 5. 35. 2 Kor. 4. 4, 6. Rev. 2. 28. & 22. 16.

20 Im kom jela men in mokta, bwe ejelok nan in drikanij an Jeje ko an dri kanan ro kemeleiklok iair.

Rom 12. 6.

21 Bwe ejelok nan in drikanij e ar itok kin ankil an armij: a armij r'ar konono jen Anij, kin an Jitõb Kwojarjar kokononoik ir.

2 Tim. 3. 16. 1 Pit. 1. 11. 2 Samuel 23. 2. Luk 1. 70. Jerb. 1. 16. & 3. 18.

## JAPTER 2.

**A**RO dri kanan riõp r'ar walok ilo bwiljin armij rõn, im bar-einwõt e naj or dri kaki riõp ibemi, ro re naj kadreloñwoj ilo etino kaktak ko re bwir im rej kokkure, im re naj karmijete IroiJ eo E ar wiaik ir, im naj bõktok ioir kokkure mõkõj.

Dut. 13. 1. Mat. 24. 11. Jerb. 20. 30. 1 Tim. 4. 1. Jud 4. 1 Kor. 6. 20. Hib. 10. 20. Pil. 3. 19.

2 Im elõñ re naj kajeõwe ejek ko air; im kin ir naj konono nae ial in mol.

3 Im ilo ankwonak, kin nan in etao ko, re naj wia kin kom: ro nan in liakelok ir jen eto e jab rumijtok, im kokkure ir e jab kiki.

Rom 16. 18. 2 Kor. 12. 17, 18. 1 Tim. 6. 5. Tait. 1. 11. 2 Kor. 2. 17. Dut. 32. 35.

4 Bwe elañe Anij e ar jab tiriamokake enjel ro ke r'ar jerawiwi, a jolõllok ir ñön jikin nana, im likit ir na iloan roñ in marok ko, bwe En drebij ir ñön ekujet;

Job 4. 18. Jud 6. Jon 8. 44. 1 Jon 3. 8. Rev. 20. 2, 3.

5 Im E ar jab tiriamokake lõl

mokta, a E ar kejbärok Noa, im bar jet jiljilimjuön, e dri kwaloke kwojarjar, ke E j böktok lañ eo ion löl an ro dri nana,

Jen. 7. 1. 1 Pt. 3. 19. 20. Jap. 3. 6.

6 Im E ar kanuj tili jikin kwelok ko Söölön im Gomorra, im liakelok ir ñön kokkure, im likit ir joñok ñön ro re naj köroön nana tokellik; Jen. 19. 24. Gen. 28. 24. Jud. 7. Bwin. 28. 10.

7 Im E ar lomoren Lot, armij ewänik, ke elap an buromöj kin an ro dri nana kömön ilo ejej

Jen. 19. 10.

8 Bwe kin an lo im roñjake ir, armij in emön ke ej ber ibeir, e ar kaburomöj an emön rau otemej kin ulr kömön im kömörel kieu):

Sam. 119. 139. 158. Ezek. 9. 4.

9 Anij e jela kajan an köttok ro remön jen men in kabo, im drebij ro renana ilo joñön kwotön ñön rau in okajet;

Sam. 34. 17. 19. 1 Kor. 10. 13.

10 A, luptata, ro rej lor köniek ilo möm ko an etton, im kejekron kajur an Iroj rön: rej mökarkar im löl, ro jab mijök in konono nae men ko reutlej;

Jud. 4. 8.

11 Ijoko enjel rön, meñe relap jen ir ilo kajur im maroñ, re jab böktok kinaklok in kajirere nae ir, iman mejen Iroj.

Jos. 9.

12 A rein, einwä kiru ko re bwe-bwe, im lotak ñön jöwe im kokkure ir, rej konono nana kiu men ko re jaje kaki, im re naj joko ilo air köt;

Jen. 22. 4. Jos. 6.

13 Im naj lölan kin nana wönan air kömön nana: armij rej likit karek ilo rau men in mönönö, rej mä ke im men in kananaik ko, in rej yöwe in mönönö kake men ko air, ke rej kwökwöj ibemi:

1 Kor. 11. 17. 22. 28. 31. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

14 Im rej jöwe r köttök kin löñ, im rej jöwe jöwe rej kamej ro reutlej: im burmeir re mijök köttök: ro nejin kol;

Jos. 10.

15 R'ar illok jen ial ejime. im yöwäwe, ke r'ar ilok ielok ilo ial an Belean, nejin Beor, eo e ar yökwe wönan kömön nana;

Bwin. 22. 5.

16 A ar enoik e kin an kömön nana; kiru ass e ban konono, e ar ba kin alniken armij, im böprae an dri kanan eo uriekak.

17 Rein rej aibij ko im ejelok dren, im rej tap ko bökkok kin aire; im ar kejbärok ñön ir kilmej in marok.

Jud. 12. 13.

18 Bwe, ke rej ba nan ko re böj im killip ak ejelok köbön, rej karel ilo möm ko an köniek, kin löñ ko, ro rej kab ko jen ro rej berwöt ilo bwir;

Jud. 16. Jerb. 2. 40. Jap. 1. 4.

19 Rej muri ñön ir kin air anemkwojair, ke rej möke dri kama-koko an köt; bwe jabrewöt men eo ej bök anjo ion armij, men in ej kamakokoik e.

Gal. 5. 13. Jon. 8. 34. Rom. 6. 16.

20 Bwe elañe, elikin air ko jen etton ko an löl, ilo jela Iroj im Dri Lomor Jisös Kraist, rej bar lorök kaki im emwij bättök ir, inem air ber im mour elik enana jen eo mokta.

Mat. 12. 45. Jap. 1. 2. 4.

21 Bwe emön ñön ir, elañe r'ar jab jela ial in kwojarjar, jen ke emwij air jela kajen rej öktöklik jen kien ekwojarjar ar likit e na ibeir.

Luk. 12. 47. Jon. 9. 41.

22 Im e ar walok ñön ir ekar ñön jabön kennan emol, Kiru rorrer e ar öktök ñön mwöj eo möjen, im pig kököra, emwij kwole, ñön biri-köt im drabilbil.

Pro. 28. 11.

### JAPTER 3.

**K**IO, ro jitenburu, ij jejewoj ñön kom letter in ken ka ruo, im ilo irro ij kworuj ami lölatät erreö kin kememej;

Jap. 1. 13.

2 Bwe komin kememej nan ko dri kanan r'ar ba mokta, im kien Iroj

im Dri Lomor, emwij lewoj kin dri jilik ro ami :

Jud 17.

3 Im kom jela men in mokta, bwe ilo ran ko eliktata, eor dri kajirere re naj itok im kajirere, im etetal ilo mōm ko air, im ba,

1 Tim. 4. 1. 2 Tim. 3. 1. Jap. 2. 10.

4 Ej ber ia kalimur eo kin An itok? bwe, jen ran eo ke ro jimar r'ar kiki, men ko otemjej r'ar berwōt einwōt air ber jen jinoin kōmōnmōn.

Isa. 5. 19. Jer. 17. 15. Ezek. 12. 22, 27. Mat. 24. 48. Luk 12. 45.

5 Bwe rej kōnan meloklok men in, bwe lōñ ko r'ar ber jen ien ko remotelok, kab lōl eo emwij kabine jen dren im kin dren, kin nan in Anij;

Jen. 1. 6. 9. Hib. 11. 3. Sam 24. 2. & 33. 6. & 136. 6. Kol. 1. 17.

6 Im kin men kein lōl, e kar ilo ien eo, ke dren ej kalibubu e, e ar joko:

Jen. 7. 11, 21. Jap. 2. 5.

7 A lōñ ko klō im lōl, kin nan eo, kejbārōki ñōn kijeek ilo ran in ekajet im kokkure armij renana.

Mat. 25. 41. 2 Tes. 1. 8.

8 A komin jab meloklok men in, komeo jitenburu, bwe iben Iroi j juōn ran ej einwōt juōn tausau yiō, im juōn tausau yiō einwōt juōn ran.

Sam 90. 4.

9 Iroi j e jab kemmer kin An kalimur, einwōt jet rej watōk rumij; a Ej meanwōr ñōn kom, im jab kōnan bwe jabrewōt en joko, a bwe ren otemjej itok im ukwelok ibeir.

Hab. 2. 3. Hib. 10. 37. Isa. 30. 18. Ezek. 18. 23. Rom 2. 4. 1 Tim. 2. 4.

10 A ran in Iroi j e naj itok einwōt dri kwot, im ilo e lōñ ko re naj jokolok kin ñōrñōr elap, im men ko ilo e re naj unlok kin bwil elap, im lōl kab men in kōmōn ko ilo e, naj kanuij tili ir.

Luk 12. 39. 1 Tes. 5. 2. Sam 102. 26. Mat. 24. 35, 43. Rom 8. 12. Rev. 21. 1.

11 Inem, bwe naj ein dreiu au men kein otemjej unlok, ta men eo komin wōjake ilo kōmōn wānik im kabuñ rokwojarjar,

1 Pit. 1. 15.

12 Ke komij kōtōmene im lipjer an ran in Iroi j itok, kin eo lōñ ko re naj monlok ilo kijeek, im men ko iloa re naj unlok kin bwil elap?

1 Kor. 1. 7. Tait. 2. 13. Isa. 34. 4. Mika 1. 4.

13 A ekar ñōn kalimur eo An, jej kōtōmene kin lōñ ko rekai im lōl ekai, eo kwojarjar ej jokwe iloa.

Isa. 65. 17. & 66. 22. Rev. 21. 1, 27.

14 Kin men in, ro jitenburu, ke komij kōtōmene kin men kein, komin kate kom bwe En lo kom ilo ainemōn im ejelok ami mār ak notami iman mejen.

1 Kor. 1. 8. & 15. 58. Pil. 1. 10. 1 Tes. 3. 13. & 5. 23.

15 Im komin watōk meanwōr an ar Iroi j lonor; elnwōt jāter Paul, e jitenburu, e ar jejewoj ñōn kom kin meletlet ar lelok ñōn e;

Rom 2. 4. 1 Pit. 3. 20.

16 Ein drein bareinwōt ilo letter otemjej an, ej ba ilo ir kin men kein; jet iair rebin kin melele kaki, im ro dri jajelokjen im dri loañinutor rej kankeke ir, im bareinwōt Jeje ko jet, ñōn kokkure ir mōke.

Rom 8. 19. 1 Kor. 15. 24. 1 Tes. 4. 15.

17 Inem komeo, ro jitenburu, bwe kom jela mokta kin men kein, komin lale ñe kab bōklok kom kin bwir an ro renana, im kom buñ jen ami bin.

Mark 13. 23. Jap. 1. 12. Ep. 4. 14. Jap. 2. 18.

18 A komin edreklok ilo joi j im jela ar Iroi j Jisōs Kraist. Ñōn E en aibujuij kiō im ñōn in dri o. Amen.

Ep. 4. 15. 1 Pit. 2. 2. 2 Tim. 4. 18. Rev. 1. 6.

# LETTER MOKTA AN JON.

## JAPTER 1.

**M**EN eo e ar jen jinoin, eo kim ar roñjake, eo kim ar loe kin mejem, eo kim ar kalimjeke, im peim r'ar uñlire, kin Nan in mour  
Jon 1. 1, 14. & 20. 27. Jap. 2. 13. & 4. 14. Luk 24. 30. 2 Pit. 1. 16.

2 (Im mour eo e ar waloktok, im kim ar loe, im kennan kake, im kwalok ñõn kom mour eo, mour in drío, eo e ar iben Jemer, im ar kwalok e ñõn kim);

Jon 1. 4. & 11. 23. & 14. 6. & 21. 24. Rom 16. 26. 1 Tim. 3. 16. Jap. 3. 5. & 5. 20.

3 Men eo kim ar loe im roñjake kim kwalok e ñõn kom bareinwõt, bwe ami kõmao en bareinwõt ibem; aet, im am kõmao ej iben Jemer im iben Nejin, Jisõs Kraist:  
Jerb. 4. 20. Jon 17. 21. 1 Kor. 1. 9. Jap. 2. 24.

4 Im kim jeje men kein, bwe ar lõñliñ en obrõk.  
Jon 15. 11. 2 Jon 12.

5 Im e in nan eo kim ar roñjake jen E, im kwalok e ñõn kom, bwe Anij e maram, im ejelok marok ilo E.  
Jap. 3. 11. Jon 1. 9.

6 Elañe jej ba bwe jej kõmao iben, im etetal ilo marok, jej riõp, im je jab kõmõnmõn mol:  
2 Kor. 6. 14. Jap. 2. 4.

7 A elañe jej etetal ilo maram, einwõt Ej ilo maram, jej kõmao iben dron, im bõtõktõkin Jisõs Nejin, ej karreok kij jen jerawiwi otemjej.  
1 Kor. 6. 11. Jap. 2. 2. Rev. 1. 5.

8 Elañe jej ba bwe ejelok jerawiwi iber, jej mõke moni kij, im mol e jab ilo kij.  
1 Kin 8. 46. Job 9. 2. & 15. 14. Jap. 2. 4.

9 Elañe jej kwalok jerawiwi ko ar, E tiljek im wänik bwe En jeorlok jen kij jerawiwi ko, im karreo kij jen jab wänik otemjej.  
Sam 32. 5. & 51. 2. Pro. 28. 13.

10 Elañe jej ba bwe j'ar jab jerawiwi, jej kariõp E, in An in nan e jab ilo kij.

## JAPTER 2.

**A**JIRI ro nejiõ, ij jejewoj men kein ñõn kom, bwe komin jab jerawiwi. Im elañe jabrewõt armij ej jerawiwi, juõn ar Dri Jojomar iben Jemer, Jisõs Kraist Dru Wänik:

Rom 8. 34. Hib. 7. 25.

2 Im E ken mirik kin jerawiwi ko ar, im jab kin ar wõt, a bareinwõt kin aolepen lõl.

Rom 3. 25. 2 Kor. 5. 18. Jap. 1. 7. & 4. 10, 14. Jon 1. 29. & 4. 42. & 11. 51, 52.

3 Im ilo men in je jela bwe jej jela E, elañe jej kejbärok kien ko Au.

4 Eo e ba, I jela E, im e jab kejbärok kien ko Au, ej dri riõp, im mol e jab ilo e:

Jap. 1. 6, 8. & 4. 20.

5 A jabrewõt eo ej kejbärok An in nan, emol ar kowäppen yokwe Anij ilo e. Ilo men in je jela bwe jej ilo E:

Jon 14. 21, 23. Jap. 4. 12, 13.

6 Eo e ba bwe ej ber ilo E, emõn en etetal einwõt E ar etetal.  
Mat. 11. 29. Jon 13. 15. & 15. 4, 5. 1 Pit. 2. 21.

7 Kom, ro ritenburu, I jab jejewoj ñõn kom kien ekäl, a kien eto eo e ar ibem! jen jinoin: kien eo eto, nan eo kom ar roñjake.  
2 Jon 5. Jap. 3. 11.

8 Bar juõn, Ij jejewoj ñõn kom kien ekäl, men eo emol ilo E im ilo kom, bwe marok e jokolok im maram emol ej romak kiõ.  
Rom 13. 12. 1 Tes. 5. 5, 8. Jon 1. 9. & 8. 12. & 13. 24.

9 Eo ej ba bwe ej ilo maram, im ej kijiräte jein im jätin, ej ber ilo marok ñõn ien in.

2 Pit. 1. 9

10 Eo ej yokwe jein im jätin ej berwöt ilo maram, im ejelok lökatiptip ilo e.

Jap. 3. 14. 2 Pit. 1. 10.

11 A eo ej kijiräte jein im jätin ej ilo marok, im ej etetal ilo marok, im e jaje ljo ej ilok ie lok, bwe emwij an marok kabillo mejen.

Jon 12. 35.

12 Ij jejewoj ñön kom, ajiri ro nejiö, bwe emwij jeorilok jerawiwi ko ami kin Etan.

Jerb. 13. 38. Jap. 1. 7.

13 Ij jejewoj ñön kom, ridto rön, bwe kom jela Eo e jen jinoin. Ij jejewoj ñön kom, ro likao, bwe kom ar bök anjo ion dri nana eo. I ar jejewoj ñön kom, ajiri rön, bwe kom jela Jemer.

Jap. 1. 1.

14 I ar jejewoj ñön kom, ridto rön, bwe kom jela Eo ej jen jinoin. I ar jejewoj ñön kom, ro likao, bwe komij bin, im nan in Anij ej berwöt ilo kom, im kom ar bök anjo jen dri nana eo.

Ep. 6. 10.

15 Komin jab yokwe löl ak men ko ilo löl. Elañe jabrewöt armij ej yokwe löl, yokwe Jemer e jab ilo e.

Rom 12. 2. Mat. 6. 24. Jem. 4. 4.

16 Bwe men ko otemjej ilo löl, möm an köniek, möm an mej ko, im wuj wan an mour in, re jab an Jemer a rej an löl.

Ekl. 5. 11.

17 Im löl e jokolok im möm ko an: a eo ej kömönmön ankil an Anij ej berwöt in drio.

1 Kor. 7. 31. Jem. 4. 14. 1 Pit. 1. 24.

18 Ajiri rön, ej auö eliktata; im einwöt kom ar roñ bwe dri jumae Kraist ej itok, len in elöñ dri jumae Kraist r'ar walok. Kin men in je jela bwe ej auö eliktata.

Jon 21. 5. Hib. 1. 2. 2 Tes. 2. 3, 4. 2 Pit. 2. 1. Jap. 4. 3. Mat. 24. 5, 24. 2 Jon 7. 1 Tim. 4. 1. 2 Tim. 3. 1.

19 Einwij air drioijlok jen lo bwiljer, a r'ar jab iar; bwe elañe r'ar iar re naj kar berwöt iber: a r'ar drioijlok bwe en kalikar ir ekijkan ir otemjej re jab iar.

Dut. 13. 13. Sam 41. 9. Jerb. 20. 30. Jon 6. 37. & 10. 28, 29. 1 Kor. 11. 19.

20 Im ami kabit jen Dri Kwojarjar, im kom jela men otemjej.

2 Kor. 1. 21. Hib. 1. 9. Mark 1. 24. Jon 14. 26.

21 I ar jab jejewoj ñön kom bwe kom jaje mol, a bwe kom jela e, im bwe ejelok riöp e jen mol.

22 Wön dri riöp elañe jab eo ej ba bwe Jisös e jab dri Kraist? E in dri jumae Kraist, eo ej karmijete Jemer im Nejin.

Jap. 4. 3. 2 Jon 7.

23 Jabrewöt eo ej karmijete Nejin, Jemer e jab iben: eo ej kwalok Nejin, Jemer ej bareinwöt iben.

2 Jon 9. Jon 14. 7, 9, 10. & 15. 23. Jap. 4. 15.

24 Komeo, men eo kom ar roñjake jen jinoin en berwöt ilo kom. Elañe ej berwöt ilo kom men eo kom ar roñjake jen jinoin, kom naj berwöt ilo Nejin im ilo Jemer.

2 Jon 6. Jon 14. 23. Jap. 1. 3.

25 Im e in kallimur eo E ar kallimur ñön kij kake, mour in drio.

Jon 17. 3. Jap. 5. 11.

26 Emwij aö jejewoj ñön kom men kein kin ro rej kejevabaweik kom.

Jap. 3. 7. 2 Jon 7.

27 Ak komeo, kabit eo kom ar bök jen E ej berwöt ilo kom, im kom jab aikwij bwe jabrewöt en katakin kom; a einwöt kabit eo An ej katakin kom kin men otemjej, im emol im e jab men in riöp, im einwöt e ar katakin kom, komij berwöt ilo E.

Jer. 31. 34. Hib. 8. 11. Jon 14. 26. & 16. 13.

28 Im kiö, ajiri ro nejiö, komin berwöt ilo E, bwe elañe E naj weaktok, jen beran im jab äliklik iman mejen ñe Ej itok.

Jap. 3. 2. & 4. 17.

29 Elañe kom jela bwe Ej wänik, kom jela bwe ro otemjej bareinwöt, rej kömöñ wänik, rej lotak jen E.

Jerb. 22. 14. Jap. 3. 7, 10.

### JAPTER 3.

**K**OMIN lale wäwen öt yokwe Jemer e ar letok ñön kij, bwe jen etnake nejin Anij; im kij ein drein. Kin men in löl e jab jela kij bwe e ar jab jela E.

Jon 1. 12. & 16. 3. & 17. 25.

2 Kom ro jitenburu, kij ro nejin Anij, im e jañin boel an walok e naj kijkar. Je jela bwe, elañe E naj weaktok, je naj einwöt E, bwe je naj lo E wöt E.

Isa. 56. 5. Rom 8. 15, 18, 29. Gal. 3. 26. Jap. 5. 1. 2 Kor. 4. 17. Job 19. 26. Sam 18. 11. Mat. 5. 8. 1 Kor. 13. 12.

3 Im ro otemjej, kejatrikrik in kin E ej ibeir, rej karreo ir einwöt Ej erre.

Jap. 4. 17.

4 Ro otemjej rej kōmōn jerawiwi rej kōtōrei kien eo: bwe jerawiwi ej men in kōtōrei kien.

Rom 4. 15. Jap. 5. 17.

5 Im kom jela bwe E ar walok bwe En bōklok jerawiwi ko. Im ejelok jerawiwi ilo E.

Jap. 1. 2. Isa. 53. 5, 6, 11. Hib. 9. 26. 2 Kor. 5. 21. Hib. 4. 15. 1 Pit. 2. 22.

6 Jabrewöt eo ej berwöt ilo E, e jab jerawiwi. Jabrewöt eo ej jerawiwi, e ar jab lo E, im e jab jela E.

Jap. 2. 4. & 4. 8. 3 Jon 11.

7 Ajiri ro nejiō, ejelok armij en kejbwābweik kom. Eo ej kōmōn kwojarjar ej kwojarjar, einwöt E ej kwojarjar:

Jap. 2. 26. Ezek. 18. 5-9. Jap. 2. 29.

8 Eo ej kōmōn jerawiwi ej an devil; bwe devil ej jerawiwi jen jinoin. Im Nejin Anij e ar walok kin men in, bwe En kokkure jeral ko an devil.

Mat. 13. 38. 1 Jen. 3. 15. Luk 10. 18. Hib. 2. 14.

9 Jabrewöt eo Anij e ar keutak e, e jab kōmōn jerawiwi, bwe ine eo an ej berwöt ilo e, im e ban jerawiwi, bwe Anij e ar keutak e.

Jap. 5. 18. 1 Pit. 1. 23.

10 Ro nejin Anij, im ro nejin devil, rej alikar ilo men in: jabrewöt eo e jab kōmōn wānik, e jab jen Anij, bareinwöt eo e jab yokwe jein im jätin.

Jap. 2. 29. & 4. 8.

11 Bwe eñin nan eo kom ar roñ jen jinoin, bwe jen yokwe dron.

Jap. 1. 5. & 2. 7. & 4. 7. Jon 13. 34. 2 Jon 5.

12 Jab einwöt Kein ej an dri nana eo im ar urōte jätin. Im ewi unin

an urōte? Bwe jeral ko an renana, im ko an jätin rewānik.

Jen. 4. 4, 8. Jud 11.

13 Ro jätio, komin jab bwilōñ elañe löl ej kijirāte kom.

Jon 15. 18. 2 Tim. 3. 12.

14 Je jela bwe j'ar elā jen mij ñōn mour, bwe jej yokwe jimjāu jimjāten. Eo e jab yokwe ej berwöt ilo mij.

Jap. 2. 9-11.

15 Jabrewöt eo ej kijirāte jein im jätin ej dri uror, im kom jela bwe mour in drio e jab berwöt ilo jabrewöt dr'uror.

Mat. 5. 21, 22. Gal. 5. 21. Rev. 21. 8.

16 Ilo men in je jela yokwe, bwe E ar likit mour eo An kin kij: im emōn jen likit ar mour kin ro jeer im jäter.

Jon 15. 13. Jap. 4. 9, 11.

17 A jabrewöt eo, elañe eor mweiuk ko an löl iben, im ej lo an jein im jätin aikwij, im ej killi buruen jen e, ekijkan yokwe Anij en ber ilo e?

Dut. 15. 7. Luk 3. 11.

18 Ajiri ro nejiō, jen jab yokwe ilo nan ak kin loer, a ilo kōmōn im mol.

Ezek. 33. 31. Ep. 4. 15.

19 Ilo men in je naj jela bwe kij jen mol im je naj karel buruer iman mejen.

Jon 18. 37. Jap. 1. 8.

20 Bwe elañe buruer ej liakelok kij, Anij elap jen buruer im E jela men otemjelok.

1 Kor. 4. 4.

21 Kom, ro jitenburu, elañe buruer e jab liakelok kij, jej beran ñōn Anij;

Job 22. 26. Hib. 10. 22.

22 Im jabrewöt men eo jej kajitōk iben jej bōk jen E, bwe jej kejbārok kien ko An, im kōmōn men ko rej men in mōnōñ iman mejen.

Jer. 29. 12. Mat. 7. 8. Jem. 5. 16. Jon 8. 29. & 9. 31.

23 Im eñin kien eo An, bwe jen tōmak ilo etan Nejin, Jisōs Kraist, im yokwe dron einwöt E ar letok kien ñōn kij.

Jon 6. 29. Jap. 2. 8. & 4. 21.



24 Im eo ej kejbärok kien ko An ej berwöt ilo E, im E ilo e. Im ilo men in je jela bwe Ej berwöt ilo kij kin Jitöb eo E ar letok ñön kij. Jon 14. 23. & 15. 10. & 17. 21-23. Jap. 4. 12, 13.

#### JAPTER 4.

**R**O jitenburu, komin jab tömak jitöb otemjej, a melejoñ jitöb rön elañe rej jen Anij ke jab ke: bwe elöñ dri kanan riöp r'ar drioljlok na ilo löl.

1 Kor. 14. 20. 1 Tes. 5. 21. Rev. 2. 2. Mat. 24. 4. 5.

2 Ilo men in komin kili Jitöb öñ Anij: jitöb otemjej rej kwalok kin an Jisös Kraist ar itok ilo köniek, re jen Anij:

1 Kor. 12. 3. Jap. 5. 1.

3 Im jitöb otemjej re jab kwalok Jisös re jab jen Anij: im e in jitöb dri jumae Kraist, eo kom ar roñ bwe ej itok; im ien in ej ilo löl.

2 Jon 7. 2 Tes. 2. 7.

4 Ajiri ro nejiö, kom jen Anij, im kom ar bök anjo ioir, bwe Eo ej ilo kom elap jen eo ej ilo löl.

Jon 12. 31. 1 Kor. 2. 12.

5 Rej jen löl, inem rej konono einwöt jen löl, im löl ej roñjake ir.

Jon 3. 31. & 15. 19.

6 Kijeo jej jen Anij: eo ej jela Anij e roñjake kij; eo ej jab jen Anij e jab roñjake kij. Ilo men in je jela Jitöb öñ mol, im jitöb an bwir.

Jon 8. 47. & 10. 27. & 14. 17. 1 Kor. 14. 37. 2 Kor. 10. 7.

7 Kom, ro jitenburu, jen yokwe dron: bwe yokwe e jen Anij; im ro otemjej rej yokwe, emwij keutak ir jen Anij, im re jela Anij.

Jap. 3. 11.

8 Eo e jab yokwe e jab jela Anij; bwe Anij yokwe.

Jap. 2. 4. & 3. 6.

9 Ilo men in emwij kwalok ilo kij an Anij yokwe, bwe E ar jilkintok ilo löl juöñ wöt E ar keutak, bwe jen mour kin E.

Jon 3. 16. Rom 5. 8. Jap. 3. 16. & 5. 11.

10 Yokwe ej ilo men in, jab bwe j'ar yokwe Anij, a bwe E ar yokwe

kij, im jilkintok Nejin, bwe E. ken mirik kin jerawiwi ko ar.

Jon 15. 16. Rom 5. 8, 10. Jap. 2. 2.

11 Kom, ro jitenburu, elañe ein drein an Anij yokwe kij, emöñ jen bareinwöt yokwe dron.

Mat. 18. 33.

12 Ejelok armij e ar lo Anij jabrewöt ien. Elañe jej yokwe dron, Anij ej ber ilo kij, im yokwe E ej wäppenlok ilo kij:

Jon 1. 18.

13 Ilo men in je jela bwe jej ber ilo E, im E ilo kij, bwe E ar letok ñön kij Jitöb eo An.

Jon 14. 20. Jap. 3. 24.

14 Im kim ar lo im kennan bwe Jemer e ar jilkintok Nejin bwe En dri Lomoren löl.

Jon 3. 17.

15 Jabrewöt eo e naj kwalok bwe Jisös e Nejin Anij, Anij ej ber ilo e im e ilo Anij.

Jap. 5. 5.

16 Im je jela im j'ar tömak yokwe eo ej iben Anij ilo kij. Anij yokwe: im eo ej ber ilo yokwe ej ber ilo Anij im Anij ej ber ilo e.

Jap. 3. 24.

17 Ilo men in yokwe ej wäppenlok iber, bwe jen beran ilo ran in ekajet eo; bwe einwöt E, ein drein kij ilo löl in.

Jem. 2. 13. Jap. 2. 28. & 3. 3. 21.

18 Ejelok lelñöñ ilo yokwe, a yokwe e wäppen ej jolok lelñöñ, bwe eor iñtan ilo lelñöñ; im eo ej lelñöñ jañin kowäppen e ilo yokwe.

19 Jej yokwe bwe E ar yokwe kij mokta.

Jap. 2. 4. & 3. 17.

20 Elañe armij ej ba, Ña ij yokwe Anij, im ej kijiräte jein im jätin, e dri riöp: bwe eo e jab yokwe jein im jätin eo e ar lo e, ej ban yokwe Anij eo e ar jab loe.

21 Im kien in iber jen E, bwe eo ej yokwe Anij, en bareinwöt yokwe jein im jätin.

Jap. 3. 23.

#### JAPTER 5.

**J**ABREWÖT eo ej tömak bwe Jisös e dri Kraist, einwij keu-

tak e jen Anij; im jabrewöt eo ej yokwe Eo ar keutak e, ej bareinwöt yokwe eo emwij keutak e jen E.

Jon 1. 12, 13. Jap. 2. 22. & 4. 2.

2 Ilo men in je jela bwe jej yokwe ro nejin Anij, ke jej yokwe Anij, im kòmönömön kien ko An.

3 Bwe eñin yokwe Anij, bwe jen kejbärok kien ko An: im kien ko An re jab erro.

Jon 14. 15. 2 Jon 6. Mat. 11. 30.

4 Bwe jabrewöt men eo Anij ej keutak e, ej bök anjo ion lö. Im eñin anjo eo j'ar anjo kake ion lö, ar tōmak.

Jon 16. 33. Jap. 4. 4.

5 Wōn eo ej bök anjo ion lö, elañe jab eo ej tōmak bwe Jisōs e Nejin Anij?

1 Kor. 15. 57. Jap. 4. 15.

6 E in Eo e ar itok kin dren im bötöktök, Jisōs Kraist; jab ilo dren wöt, a ilo dren eo im bötöktök eo. Im e Jitōb eo Ej kennan kake, bwe Jitōb emol.

Jon 15. 26. & 19. 34. 1 Tim. 3. 16.

7 Bwe ro rej kennan rej jilu,

Jon 1. 1. & 10. 30. Rev. 19. 13.

8 Jitōb, im dren, im bötöktök, im irjil rej benwöt juōn.

9 Elañe jej bök an armij kennan, kennan an Anij elap jen e, bwe eñin kennan an Anij, bwe E ar kennan kin Nejin.

Jon 8. 18. Mat. 3. 17.

10 Eo ej tōmak Nejin Anij, kennan iben ilo e: eo e jab tōmak Anij, e ar kariōp E; bwe e ar jab tōmak kennan eo Anij e ar kennan kin Nejin.

Rom 8. 16. Gal. 4. 6. Jon 3. 33. & 5. 38.

11 Im eñin kennan eo, bwe Anij e ar letok ñōn kij mour in drio, im mour in ej ilo Nejin.

Jap. 2. 25. & 4. 9. Jon 1. 4.

12 Eo Nejin iben, mour ej iben;

316

eo Nejin Anij e jab iben, mour e jab iben.

Jon 3. 36. & 5. 24.

13 I ar jejewoj ñōn kom men kein, bwe komin jela bwe mour in drio ibemi, aet, ñōn kom komij tōmak ilo etan Nejin Anij.

Jon 20. 31. Jap. 1. 1, 2.

14 Im eñin beran eo iber ñōn E, bwe elañe jej kajitök iben kin jabrewöt men eo ekar ñōn ankilAn, Ej roñjake kij.

Jap. 3. 22.

15 Im elañe je jela bwe Ej roñjake kij kin jabrewöt ar kajitök iben, inem je jela bwe rej iber men in kajitök ko, j'ar kajitök iben kaki.

16 Elañe jabrewöt armij ej lo jein im jätin ej jerawiwi kin jerawiwi e jab ñōn mij, e naj kajitök im Anij e naj lelok mour ñōn e kin ro rej jerawiwi im e jab ñōn mij. Juōn jerawiwi e ñōn mij. I jab ba bwe en kajitök kake.

Joh 42. 8. Jem. 5. 15. Mat. 12. 31, 32. Hib. 6. 4, 6. & 10. 26. Jer. 7. 16.

17 Jabwānik otemjej jerawiwi, im eor jerawiwi re jab ñōn mij.

Jap. 3. 4.

18 Je jela bwe jabrewöt eo emwij keutak e jen Anij, e jab jerawiwi. A eo Anij e ar keutak e ej mōke kejbärok e, im dri nana eo e jab uñire.

Jap. 3. 9. Jem. 1. 27.

19 Je jela bwe kij jen Anij, im aolepen lö ej berwöt ilo dri nana eo.

Gal. 1. 4.

20 Im je jela bwe Nejin Anij e ar itok, im E ar letok ñōn kij meletlet bwe jen jela Eo emol, im kij ilo Eo emol, ilo Nejin, Jisōs Kraist. E in Anij emol im mour in drio.

Luk 24. 45. Jon 17. 3. & 20. 28. Isa. 9. 6. & 44. 6. & 54. 5. Jerb. 20. 28. Rom 9. 5. 1 Tim. 3. 16. Tait. 2. 13. Hib. 1. 8.

21 Ajiri ro nejiō, komin kejbärok kom jen ekjōp ko.

1 Kor. 10. 14.

## LETTER KEN KA RUO AN JON.

**N**A elder ñõn lio emwij kãlete, im ñõn ro nejin, ro ij yokwe ir ilo mol, im jab ña wõt a bareinwõt ro otemjej rej jela mol;

1 Jon 3. 18. 3 Jon 1. Jon 8. 82. Gal. 3. 1. Hib. 10. 23.

2 Kin mol eo ej berwõt ilo kij, im e naj ber iber in driio:

3 E naj iber joiij, tiriamokake im ainemõn jen Anij Jemer, im jen Jisõs Kraist, Nejin Jemer, ilo mol im yokwe.

1 Tim. 1. 2.

4 Elap aõ lõfliñ bwe I ar lo jet ian ro nejõm im rej etetal ilo mol, einwõt j'ar bõk kien jen Jemer.

3 Jon 3.

5 Im kiõ ij akwelap ñõn yuk, lio, jab einwõt aõ jejewõj ñõn yuk kien ekãl, a eo e ar ber iber jen jinoin, bwe jen yokwe dron.

1 Jon 2. 7. 8. & 3. 11.

6 Im eñin yokwe bwe jen etetal ekar ñõn kien eo An. Eñin kien eo, einwõt kom ar roñjake jen jinoin, bwe komin etetal ilo e.

1 Jon 2. 24. & 5. 3.

7 Bwe elõñ dri kejebwãbweik r'ar drioiijlok ilo lõl, ro re jab kwalok kin an Jisõs Kraist itok ilo kõniek.

E in dri kejebwãbwe im dri jumãe Kraist.

1 Jon 4. 1-3. & 2. 22. & 4. 3.

8 Komin lale mõk bwe en jab joko jen kom men ko kom ar kõmõnmõni, a bwe komin bõk jenekij elap.

Mark 13. 9. Gal. 3. 4. Hib. 10. 32, 35.

9 Jabrewõt eo ej etal imanlok im jab berwõt ilo katak an Kraist, Anij e jab iben: eo ej berwõt ilo katak eo, Jemer im Nejin rej iben.

1 Jon 2. 23.

10 Elañe jabrewõt armij ej iwij ñõn kom, im jab bõkwoj katak in, komin jab bõk e ilo mweo imwemi, im jab yokyokwe e:

Rom 16. 17. Gal. 1. 8, 9.

11 Bwe eo ej yokyokwe e ej bõk mõtõn jermal ko an renana.

12 Elõñ men ko iba bwe in jejewoj ñõn kom, a I jab kõnan jeje ir kin peper im ink: a ij kõtõmene bwe in iwij ñõn kom, im konono ibemi jelmae dron, bwe ani lõfliñ en obrõk.

3 Jon 13. 1 Jon 1. 4.

13 Ro nejin lio jeõm im jãtõm emwij kãlet e, rej yokyokwe yuk.

## LETTER KEN KA JILU AN JON.

**N**A elder ñõn Geiõs dri jitenburu, eo ej yokwe ilo mol.

2 Jon 1.

2 Kwe jitenburu, ij jar bwe kwon jeban kin men ko otemjej im mour, einwõt am ej jeban.

3 Bwe I ar kanuij lõfliñ, ke jimjãn jimjãten r'ar itok im kennan

kin am mol, einwõt kwoj etetal ilo mol.

2 Jon 4.

4 Ejelok lõfliñ iba elap jen in, bwe in roñ kin an ro nejiõ etetal ilo mol.

1 Kor. 4. 15. Paul. 10.

5 Kwe jitenburu, kwoj kõmõu

jerbal etiljek ilo jabrewõt men eo kwoj kômõne ñõn ro rej jimjån jimjåten im drua maijet;

6 Ro r'ar kennan kin am yokwe iman mejen eklisia, im elañe kwoj kowõnmanlok ir ilo air etal ekar ñõn Anij, e naj emõn am kômõn:

7 Bwe kin Åt eo, r'ar ilok im jab bök jabrewõt jen ro dri pegan.

1 Kor. 9. 12, 15.

8 Inem emõn jen jibõñ ro rej eir-wõt, bwe jen dri jerbal ibeir ñõn mol.

9 I ar jeje jet nan ñõn eklisia ne: a Diotrepis, eo ej kõnan bwe en iroj loir, e jab bök kim.

10 Kin men in, elañe ij iwij, I naj kememey jerbal ko ej kômõnmõni, ke ej konono nae kim nan ko renana: im e jab jokõne kin men kein, a e jab bök jimjån jimjåten,

im ej bõprae ro rej kõnan, im jolok ir jen eklisia.

11 Kwe jitenburu, kwon jab ka-jeofwe eo enana, a eo emõn. Eo ej kômõn emõn e jen Anij: eo ej kômõn nana e ar jab lo Anij.

Isa. 1. 16, 17. 1 Pit. 3. 11. 1 Jon 2. 29. & 3. 6.

12 Ro otemjej, kab mol, rej kenuan kin Demitriõs; aet, kim bareinwõt kennan, im kwo jela bwe am kennan emol.

Jon 21. 24.

13 Elõñ men ko r'ar iba bwe in jejewoj ñõn kwe, a I jab kõnan jeje kin iñk im pen:

2 Jon 12.

14 A ij kötõmene bwe in lo yuk mõkõj, im jen konono jelmæ dron. Ainemõn ñõn kwe. Ro jerar rej yokyokwe yuk. Kwon yokyokwe ro jerar kaju kin etair.

## LETTER AN JUD.

**J**UD, korijeran Jisõs Kraist, jeln im jåtin Jemes, ñõn ro ar kir ir, ro jitenburu ilo Anij Jemer, im ro kejbårok ir ñõn Jisõs Kraist:

Luk 6. 16. Jerb. 1. 13. Jon 17. 11, 12, 15. 1 Pit. 1. 5. Rom 1. 7.

2 Tiriåmokake ñõn kom, im alne-mõn kab yokwe en lõñlok.

1 Pit. 1. 2.

3 Kom jitenburu, ke I ar kaiur iõ bwe in jejewoj ñõn kom kiu men in lomorer, e ar walok ñõn iõ bwe emõn in jejewoj im kowe kom, bwe komin kate kom kin tõnak eo em-wij lelok ñõn rokwojarjar alen wõt juõn kin otemjej.

Ptt. 1. 27. 1 Tim. 1. 18. & 6. 12. 2 Tim. 1. 13. & 4. 7. Tait. 1. 4.

4 Bwe jet armij r'ar dreloftok ilo etino, im eto ar jeje kiu ir ñõn lla-kekelok in, ro renana, rej ukot joij an ar Anij ñõn ejej, im karnijete juõn wõt ar Karo, im Iroj, Jisõs Kraist. Gal. 2. 6. Rom 9. 21, 22. 1 Pit. 2. 8. Hib. 12. 15. Tait. 1. 16. & 2. 11. 2 Pit. 2. 1, 10. 1 Jon 2. 22.

5 Ak I kõnan kakememey kom,

meñe kom jela men otemjej alen wõt juõn kin aolep, ekijkan an Iroj, ke E ar lomoren armij rõn jen Ijipt, ar kokkure ro r'ar jab tõmak.

1 Kor. 10. 9. Jerb. 14. 29, 37. & 26. 64. Sam 106. 26. Hib. 3. 19.

6 Im enjel rõn, r'ar jab kejbårok air utiej, a r'ar illok jen jikiir, Ej kejbårok ir, ñõn ekajet eo an ran elap, ilo kworõk ko in drio lomin marok.

2 Pit. 2. 4.

7 Einwõt Sodõm im Gomorra im jikin kwelok ko iturir, ke r'ar lor ejej eirwõt, im ilok im bukot kõniek eo juõn, emwij likit ir juõn men in kowe, im rej ber ilo iren-wõne ñõn kijeek in drio.

Jen. 19. 24. Dut. 29. 33. 2 Pit. 2. 6.

8 Ijoke ein drein armij rein ilo tõnak ko air rej kabrijrij kõniek, im kejekron kajur in Iroj rõn im konono nana nae wuj ko.

2 Pit. 2. 10.

9 A Maikel arkenjel eo, ke e ar

jumae devil im altuerök kin enbwinin Moses, e ar mijök in konono nae im ekajete, a e ar ba, Iroj en böprae yuk.

Dan. 10. 13. Rev. 12. 7. 2 Pit. 2. 11. Zek. 3. 2.

10 A rein rej kajirere nae men ko jabrewöt re jaje kaki, im jabrewöt men ko re jela kin air ber im mour, einwöt kiru ko re bwebwe, ilo men kein kokkure ir.

2 Pit. 2. 12.

11 Wo ñön Ir! bwe r'ar etetal ilo ial an Kein, im r'ar kanuij etör ilo bwir an Beleöm kin wönan, im r'ar koro ilo matörtör an Kora.

1 Jon 3. 12. Bwin. 22. 7. 21. 2 Pit. 2. 15. Bwin. 16.

12 Ir rej ejmau ko retino ilo ami kwojkwój in yokwe ko, ke rej kwojkwój ibemi; rej šeperd ro re jab mijök im möke najirik ir; rej kōro ko im ejelok dren iloir, a kōto ko rej bioklok; rej wijki ko re jiburikrik im ejelok leir, remij otem mij, emwlij kōtepi jenu okrair;

2 Pit. 2. 13. Pro. 25. 14. Ep. 4. 14. Mat. 15. 13.

13 No ðn lometo relej rej lijemōr-mōr men in air jok; iju ko rej jebwābwe im emwlij likit ñön ir kabn marok in drio.

Isa. 57. 20. 2 Pit. 2. 17.

14 Im bareinwöt Inök, armij ken ka jiljllimjuðn jenu Adam, e ar drikanij, im ba, Lo, Iroj e ar itok iben joñoul tausan ko An rokwojarjar,

Jen. 5. 18. Dut. 33. 2. Dan. 7. 10. Zek. 14. 5. Mat. 25. 31.

15 Bwe En kōmōn ekajet ñön ro otemjej, im naruðn ro dri nana otemjej, kin jerbāl nana otemjej air r'ar kōmōnmōni ilo nana, im kin men ko otemjej rebn dri jerawwi renana r'ar konono nae E kaki.

1 Samuel 2. 3. Sam 31. 18. Mal. 3. 13.

16 Rein rej dri lotan, im dri wandō-

ketak, rej etetal ekar ñön mōm ko air renana (im loñir re ba nan ko re burollap), im rej kaljikkok armij rōn kin wōnan.

2 Pit. 2. 18. Jem. 2. 1.

17 A komeo, ro jitenburu, komin kememej nan ko ro dri jilik an ar Iroj Jisōs Kraist r'ar ba mokta;

2 Pit. 3. 2.

18 Ekijkan r'ar ba ñön kom bwe ilo ienu eliktata e naj or dri kajirere rej etetal ilo air mōm ko renana.

1 Tim. 4. 1. 2 Tim. 3. 1. 2 Pit. 3. 3.

19 Ir rej dri kijbil, dri jālik, im Jitōb e jab ibeir.

Pro. 18. 1. Ezek. 14. 7. Hos. 4. 14. & 9. 10. Hib. 10. 25. 1 Kor. 2. 14.

20 A komeo, ro jitenburu, komin möke kalek kom ienu ami tōmak ekwojarjar otem kwojarjar, komin jar ilo Jitōb Kwojarjar,

Kol. 2. 7. 1 Tim. 1. 4. Rom 8. 26. Ep. 6. 18.

21 Im kejbārok kom ilo yokwe an Anij, im komin kōtōmene kin tiriamokake an ar Iroj Jisōs Kraist ñön mour in drio.

Tait. 2. 13. 2 Pit. 3. 12.

22 Im komin tiriamokake jet ro rej berre;

23 Im jet komin lomorir im kwotak ir jen kijeek; im jet komin tiriamokake Ir ilo mijök, im jōjōik nuknuk ko elañe emār kin kōniek.

Rom 11. 14. Amos 4. 11. Zek. 3. 2, 4, 5. 1 Kor. 3. 15. Rev. 3. 4.

24 A ñön Eo ej maroñ in kejbārok kom jen buñ, im kajutök kom iman mejen wuj eo An ilo lōñliñ potata im ejelok notami,

Rom 16. 25. Ep. 3. 20. Kol. 1. 22.

25 Ñön juðn wöt Anij eo Dri Lomorer, kin Jisōs Kraist ar Iroj, en aibujuij, utiejtata, maroñ potata im kajur, mokta jen ienu otemjej, im ienu in, im in drio. Amen.

Rom 16. 27. 1 Tim. 1. 17.

# REVELEŠŌN AN JON.

## JAPTER 1.

**R**EVELEŠŌN jen Jisōs Kraist, eo Anij e ar lelōk nōn E bwe En kwalok e nōn ro korijeran, aet men ko re naj mōkōjtok, im e ar jilkinlok im bakajen e kin enjel eo An nōn Jon korijeran;

Jon 3. 32. & 8. 23. & 12. 49. jap. 4. 1. & 22. 16.

2 Eo e ar kennan kin nan in Anij im kin kennan an Jisōs Kraist, men ko otemjej e ar lol.

1 Kor. 1. 6. jap. 6. 9. & 12. 17. 1 Jon 1. 1.

3 Emōnōnō eo ej konono ilo buk in im ro rej roñjake nan ko an kūr in, im kejbārok men ko emwij jeji ilo e; bwe ebaktok ien eo.

Luk 11. 28. jap. 22. 7. 10. Rom 13. 11.

4 Jon nōn jiljilimjuōn eklisia ko ilo Esia: Joij nōn kom im ainemōn jen Eo ej kiō, Ej mokta im Ej itok; im jen jiljilimjuōn Jitōb ro rej iman trou eo An;

Eks. 3. 14. Jon 1. 1. jap. 3. 1. & 4. 5. & 5. 6.

5 Im jen Jisōs Kraist eo Dri Kennan etiljek, Dri lotak mokta jen ro remij, im Iroi j ion kiñ ro an lol. Nōn Eo e ar yokwe kij, im kōtlok kij jen jerawiwi ko ar kin bōtōktōkin;

Jon 8. 14. & 13. 34. & 15. 9. 1 Tim. 6. 13. jap. 3. 14. & 17. 14. Kol. 1. 18. Ep. 1. 20. Gal. 2. 30.

6 Im E ar kōmōn bwe jen kiñ im pris ro nōn An Anij im Jemen; nōn E en aibujuij im kajur potata in drio im in drio. Amen.

1 Pit. 2. 9. jap. 5. 10. & 20. 6. 1 Tim. 6. 16. Hib. 13. 21.

7 Lo, Ej itok iben kōro ko, im mej otemjej re naj lo E, im ro jabrewōt r'ar wākari E, im bwij otemjej i lol re naj liājlol kake. Aet, en ein drein. Amen.

Dan. 7. 13. Mat. 24. 30. Jerb. 1. 11. Zek. 12. 10. Jon 19. 37.

8 Ōa, ij Alfa im Omega, Anij

Iroi j e ba, Eo ej kiō im Ej mokta im Ej itok, Dri Ekajur otem kajur. Isa. 41. 4. & 44. 6. & 48. 12. jap. 21. 6. & 22. 13. 1 jap. 4. 8. & 11. 17. & 16. 5.

9 Ōa Jon, jeōmi im dri bōk mōtōn ibemi ilo iñtan im ailifi im kijemij rej ilo Jisōs, I ar ber i ailifi eo etan Patmos, kin nan in Anij im kennan an Jisōs.

Pil. 1. 7. & 4. 14. Rom 8. 17. 2 Tim. 2. 12. jap. 6. 9.

10 I ar ilo Jitōb ilo ran eo ran in Iroi j, im I ar roñ elikiō ainiken elap, einwōt an jilil,

Jerb. 10. 10. & 30. 7. 2 Kor. 12. 2. jap. 4. 2. & 17. 3. & 21. 10. 1 Kor. 16. 2.

11 Im e ba, Kwon jeje ilo buk jabrewōt eo kwoj loe, im jilkinlok nōn jiljilimjuōn eklisia ko; nōn Epesōs, im nōn Smōrna, im nōn Pergemōm, im nōn Thaietaira, im nōn Sardis, im nōn Philadelphia, im nōn Leodisia.

12 Im I ar okōtōklik bwe in lo ainiken eo ej konono iba. Im ke emwij aō okōtōklik I ar lo jiljilimjuōn jikin lamp gold:

Eks. 25. 37. Zek. 4. 2.

13 Im lolapin jikin lamp ko, Juōn einwōt Nejin armij, emwij An kōnōk nuknuk ko rej tōbar neen, im kōñōr ion etin kin kōñōr gold.

jap. 2. 1. Ezek. 1. 26. Dan. 7. 13. & 10. 5. 16.

14 Im bōran kab kolan bōran re mouj einwōt kolan šip emouj einwōt sno, im mejen rej einwōt urur in kijeek;

Dan. 7. 9. & 14. 14. & 15. 6. & 10. 6. jap. 2. 18. & 19. 12.

15 Im neen einwōt jinibor e jatōtil, einwōt fie emwij tile ilo ubaj, im ainiken einwōt ainiken elōñ dren ko.

Ezek. 1. 7. & 43. 2. Dan. 10. 6. jap. 2. 18. & 14. 2. & 19. 6.

16 Im ilo pein aubijmarōñōn Ej kapjere jiljilimjuōn iju, im jen lo-

ñin jäji eköñ im ruo mejen ej ilok, im turin mejen einwöt al ke ej romak ilo an kajur.

Isa. 49. 2. Ep. 6. 17. Jap. 2. 12, 16. & 3. 1. & 10. 1. Jerb. 26. 13.

17 Im ke I ar lo E, I ar buñ iturin neen einwöt I mij. Im E ar likit pein anbijmaroñön ioð im ba, Kwon jab lelñoñ; Ña ij Eo mokta im Eo eliktata,

Ezek. 1. 28. Dan. 8. 18. & 10. 10. Isa. 41. 4. & 44. 6. & 48. 12. Jap. 2. 8. & 22. 13.

18 Im Eo ej mour; im I kar mij, ak lo, Ij mour in drio im in drio, im iba ki ko ki in mij im ki an Hedis.

Rom 6. 9. Jap. 4. 9. & 5. 14. & 20. 1.

19 Inem kwon jeje men ko kw'ar loi, im men ko rej kiö, im men ko re naj walok tokelik;

Jap. 2. & Jap. 4.

20 Men eo etino an jiljilimjuöñ iju ko kw'ar loi ilo pein anbijmaroñiö, im jiljilimjuöñ jikin lamp ko gold. Jiljilimjuöñ iju ko rej enjel ro an jiljilimjuöñ eklisia ko; im jiljilimjuöñ jikin lamp ko rej jiljilimjuöñ eklisia.

Mal. 2. 7. Jap. 2. 1. Mat. 5. 15. Pll. 2. 15.

## JAPTER 2.

**N**ÖN enjel an eklisia i Epesös, kwon jeje; Eo ej drebij jiljilimjuöñ iju ko ilo pein anbijmaroñön, Eo ej etetal iolapin jiljilimjuöñ jikin lamp ko gold, Ej ba men kein:

Jap. 1. 13, 16, 20.

2 I jela kömöñ ko am, im am jermal im kijennij, im bwe kwo jab maroñ in kaberber yuk kin ro renana, im kw'ar melejoñ ro rej möke naetair dri jilik, ak e jab irro, im kw'ar lo ir dri riöp;

Jap. 3. 1, 8, 15. 1 Jon 4. 1. 2 Kor. 11. 13.

3 Im kwoj kijennij im kw'ar kaberber yuk ilo eta, im kw'ar jab mök.

Gal. 6. 9. Hib. 12. 3, 5.

4 A men in iba ej notam, bwe kw'ar illok jen am yokwe mokta.

5 Inem kwon kememej ijo kw'ar buñ jen e, im ukwelok iböm, im kömöñmön jermal ko mokta; elañe

[Marshall Islands.] 11T

jab, I naj iwij ñön yuk, im I naj kamökkit jikin lamp eo am jen jikin, elañe kwo jab ukwelok.

Mat. 21. 41, 43.

6 Ijoke, men in iböm bwe kwoj jöjöik jermal ko an ro dron Nikolas, men ko Ij bareinwöt jöjöiki.

7 Eo lojiliñin iben en roñjake men ko Jitöb ej ba ñön eklisia ko. Eo ej bök anjo, I naj lelok ñön e bwe en möña jen leen wijki in mour, eo ej ilo Paredais an Anij.

Mat. 11. 15. Jap. 3. 6, 13, 22. & 13. 9. & 22. 2, 14. Jen. 2. 9.

8 Im ñön enjel an eklisia i Smörna, kwon jeje; Eo ej moktata im eliktata, Eo e kar mij im E ar bar mour, Ej ba men kein:

Jap. 1. 8, 17, 18.

9 I jela am jorran im jeramel (a kwoj mwele), im blaspin eo an ro rej ba bwe rej dri Ju, ak e jab irro, a rej dri imöñ kwelok an Setan.

Jem. 2. 5. Rom 2. 17. Jap. 3. 9.

10 Kwon jab lelñoñ kin men ko kwo naj iñtan kaki: lo, devil e naj jolok jet iami na iloan prisoñ bwe en melejoñ kom, im jorran e naj ibemi iomín joñoul ran. Kwon tiljek ñön mij im I naj lewoj ñön kwe belin eo belin mour.

Mat. 10. 22. & 24. 13. Jem. 1. 12. Jap. 3. 11.

11 Eo lojiliñin iben en roñjake men ko Jitöb ej ba ñön eklisia ko. Eo ej bök anjo, mij ken ka ruo e jamin kokkure.

Jap. 13. 9. Jap. 20. 14. & 21. 8.

12 Im ñön enjel an eklisia i Pergemöm, kwon jeje; Eo, jäji eo ruo mejen im eköñ iben, Ej ba men kein:

Jap. 1. 16.

13 I jela ijo kwoj jokwe ie, ijo ej ber tron an Setan, im kwoj drebij eta, im kw'ar jab karmijete tömak Iö ilo ran ko an Antipas, Aö dri kenan etiljek eo emwij möñ e iolapemí ijo Setan ej jokwe ie.

14 Ijoke eiet men ko iba rej notam, bwe ibemi ro rej drebij katak an Beleöm, eo e ar katakin Belak bwe en likit lökatip iman mejen ro nejin Israel, bwe ren möña men in

katok ñön eksp ko, im bwe ren lüñ.

*Eva. 5. 1. & 11. 34. 2 Pet. 2. 11. Jud. 11. Jer. 11. 2. 1 Kor. 1. 2. 5.*

15 Ein drein bare-wök inemi ro rej dretoj katak an ro droo Nikolaas.

16 Inem kwon ukwelok inem: elañe jab, I naj iwij mäkij ñön xwe, im naj wönaek ir kin jäji eo an lönö.

*Isa. 11. 4. 2 Tes. 2. 1. Jap. 1. 14. & 13. 13. 21.*

17 Eo lojiliñin iben en roñjake men ko Jitöb ej ba ñön eklisia ko. Eo ej böc anjo, I naj lelok ñön e jen manna etino, im I naj lelok ñön e dreka emouj, im ilo dreka eo emwij jeje ät ekal, eo ejelok en e jela a eo wöt ej böc e.

18 Im ñön enjel an eklisia i Thaletaira, kwon jeje; Nejin Anij, eo mejen rej einwöt urur in kijeek, im neen einwöt jinitor ejaöttil. Ej ba men kein;

*Jap. 1. 14. 15.*

19 I jela jertal ko am, im am yokwe, im wömak im jertal in jiböñ im kijemij, im bwe jertal ko am eliktata relön jen ko mokta.

20 A men in iba ej notam, bwe kwój likit köra eo, Jezebel, eo ej möke naetan dri kanan, im ej katakin im moni ro dri korijera bwe ren lüñ im möña men in katok ñön eksp ko.

*1 Kin. 16. 31. & 21. 25. 2 Kin. 9. 7. Eka. 34. 15.*

21 Im I ar lelok ñön e ien ukwelok, ak e jab könan ukwelok iben jen lüñ eo an.

*Röm. 2. 4. Jap. 9. 20.*

22 Eo, ij jolok e na iloan bed, im ro r'ar lüñ iben iloan iñtan elap elañe re jab ukwelok ibeir jen jertal ko an.

23 Im I naj mön ro nejin ilo mij, im eklisia otemjej re naj jela, bwe Ña eo ej kabukot buruen armij im lemnok ko air: im I naj lewoj ñön kom kaju iami, ekar ñön jertal ko anl.

*1 Samuel. 16. 7. 1 Kron. 28. 9. Sam. 7. 9. & 62. 12. Jer. 11. 20. Röm. 14. 12. Jap. 20. 12.*

24 A ij ba ñön kom, ñön ro jet fami i Thaletaira, ro jabrewöt katak in e jab ibeir, im r'ar jab jela müöl

ko an setan, einwöt air ba, I jab jwoj iomi tar jöñ men eo erro.

*Jerb. 11. 2.*

25 A men eo inem, komin dreboje mae ien eo I naj iwij.

*Jap. 1. 11.*

26 Im eo ej böc anjo im kejbärok jertal ko Aö ñön j-mlokön, I naj lelok ñön e kajur ion allé ko:

*Mat. 23. 2. Luk. 22. 2. 1 Kor. 4. 1. Jap. 1. 21. & 2. 4.*

27 Im e naj iroj ioir kin mäi wäwen wöt alal, einwöt ñe e kanuij rup jäbi ko an dri potter, einwöt I ar tareinwöt böc jen Jema.

*Sam. 2. 9. Jap. 22. 5. & 19. 15.*

28 Im I naj lelok ñön e iju ran.

*2 Pet. 1. 19. Jap. 22. 14.*

29 Eo lojiliñin iben en roñjake men ko Jitöb ej ba ñön eklisia ko.

### JAPTER 3.

**I**M ñön enjel an eklisia i Sardis, I kwon jeje; Eo jiljilimjuön Jitöb an Anij iben, im jiljilimjuön iju ko, Ej ba men kein: I jela jertal ko am, bwe ebuñbuñ bwe kwój mour, im kwój mij.

*Jap. 1. 4. 16. & 4. 5. & 5. 6. Ep. 2. 1. 1 Tim. 5. 6.*

2 Kwon ekil im kabin men ko rej berwöt im ar nañin joko: bwe I ar lo ejelok am jertal e wäppen iman mejeu Aö Anij.

3 Inem kwon kememej ekijkan kw'ar böc im roñjake; im kwon kejbärok im ukwelok iböñ. Inem elañe kwo jamin ekil, I naj iwij einwöt dri kwot, im kwo jamin jela jete auö I naj iwij iom.

*1 Tim. 6. 20. 2 Tim. 1. 13. Mat. 24. 43. & 25. 13. Jap. 16. 15.*

4 Ijoke eiet armij iböñ i Sardis r'ar jab kabrijrij nuknuk ko air, im re naj etetal iba ilo nuknuk remouj, bwe rej tellokön.

*Jerb. 1. 15. Jud. 23. Jap. 4. 4. & 6. 11. & 7. 9. 13.*

5 Eo ej böc anjo e naj köñök nuknuk ko remouj, im I jamin jeorilok etan jen buk in mour, im I naj kwalok etan iman mejen Jema, im iman mejen enjel ro An.

*Jap. 19. 8. 1 Eka. 32. 32. Pil. 4. 3. Jap. 13. 8. & 17. 8. & 20. 12. & 21. 27. & 22. 19. Mat. 10. 32. Luk. 12. 8.*



6 Eo lojiliñin iben en roñjake men ko Jitöb ej ba ñõn eklisia ko.

ÿap. 2. 7.

7 Im ñõn enjel an eklisia i Philadelphia, kwon jeje; Eo ekwojarjur, Eo emol, Eo ki an Devid iben, Eo ej kebellok im ejelok en e naj killi, im ej killi, im ejelok en ej kebellok, Ej ba men kein:

Jerb. 3. 14. 1 Jon 5. 20. ÿap. 1. 5. & 6. 10. & 19. 11. Isa. 22. 22. Luk 1. 32. Mat. 6. 19. Job 12. 14.

8 I jela jermal ko am (lo, I ar lewoj ñõn yuk aur ebellok im ejelok en ej maroñ in killi), bwe erik am maroñ, im kw'ar drebij Aõ in nan, im kw'ar jab karmijete eta.

1 Kor. 16. 9. 2 Kor. 2. 12.

9 Lo, Ij lelok ro jen imõn kwelok an Setan re ba bwe re dri Ju im e jab irro, a rej riõp; lo, I naj kõmõn bwe ren iwij im kabuñ iman neõm, im bwe ren jela I ar yokwe yuk.

ÿap. 2. 9. Isa. 49. 23. & 60. 14.

10 Bwe kw'ar drebij nan in kijemij eo Aõ, inem I naj bareinwõt drebij yuk jen auõ in kabo eo e naj itok ion aolepen lõl, im naj melejoñ ro otemjej rej jokwe ion lõl.

2 Pit. 2. 9. Luk 2. 1. Isa. 24. 17.

11 Ij iwij mõkõj: kwon drebij men eo ibõm, bwe ejelok juõn en bõk belõm.

ÿap. 1. 3. & 2. 10, 25. & 22. 7, 12, 20.

12 Eo ej bõk anjo I naj kõmõn e bwe en juõn jur ilo tempel an Aõ Anij, im ejamin drloijlok jen e, im I naj jeje ion etan Aõ Anij, im etan jikin kwelok eo an Aõ Anij, Jerusalem ekål, eo ej wõnlõltak jen lõñ jen Aõ Anij, im eta ekål.

1 Kin 7. 21. Gal. 2. 9. ÿap. 14. 1. & 22. 4. & 21. 2, 10. Gal. 4. 26.

13 Eo lojiliñin iben en roñjake men ko Jitöb ej ba ñõn eklisia ko.

ÿap. 2. 7.

14 Im ñõn enjel an eklisia i Leodisia, kwon jeje; Eo ej Amen, Dri kennan etiljek im emol, im Jinoin kõmõnmõn an Anij, Ej ba men kein:

Isa. 65. 16. ÿap. 1. 5. & 19. 11. & 22. 6. Kol. 1. 15.

15 I jela jermal ko am, bwe kwo

jab bio im jab bwil: I kõnan kwon bio ak bwil, juõn iair.

16 Inem bwe kwoj mãnan jirik, im jab bio ak bwil, I naj mwõjake-lok yuk jen loñiõ.

17 Bwe kwoj ba, Ij mweie, im I ar koorlok mweiuk ko, im ejelok aõ aikwij; im kwo jaje bwe kwoj nauatõnmõm im dri eniemlokjen, im jermal, im bilo im kelwan:

Hos. 12. 8. 1 Kor. 4. 8.

18 Inem Ij bebe ibõm bwe kwon wiaik iba gold emwij karreok e ilo kijeek, bwe kwon mweie; im nuk-nuk ko remouj bwe kwon kõnõki, im jok an am kelwan en jab walok, im uno in bilo, bwe kwon kabit mejõm kake in lolokjen.

Isa. 55. 1. Mat. 13. 44. & 25. 9. 2 Kor. 5. 3. ÿap. 16. 15.

19 Ro jabrewõt Ij yokwe ir Ij kowe im kajeik ir. Inem kwon kate yuk im ukwelok ibõm.

Pro. 3. 11, 12.

20 Lo, Ij jutõk iman aur im kalõl-lõl. Elañe jabrewõt armij e naj roñ ainikiõ im kebellok aur eo, I naj dreloñlok ñõn e, im naj kejota iben im e iba.

Sam 5. 2. Luk 12. 37. Jon 14. 23.

21 Eo ej bõk anjo I naj lelok ñõn e bwe en jijõt iba ion tron eo Aõ, einwõt I ar bareinwõt bõk anjo, im ar jijõt iben Jema ion tron eo An.

Mat. 19. 28. 2 Tim. 2. 12. ÿap. 2. 26, 27.

22 Eo lojiliñin iben, en roñjake men ko Jitöb ej ba ñõn eklisia ko.

ÿap. 2. 7.

#### JAPTER 4.

**E**LIKIN men kein I ar kalim-jeke, im lo aur ebellok ilo lõñ, im ainiken eo mokta, I ar roñjake einwõt jilil ke ej konono iba, ej ba, Kwon wõnliñtok iji im I naj bakajen ñõn yuk men ko re naj walok tokelik.

ÿap. 1. 10, 12, 19. & 22. 6.

2 Kiõkiõ I ar ilo Jitöb: im lo, tron emwij likit e ilo lõñ, im ion tron eo Juõn ej jijõt;

ÿap. 1. 10. Isa. 6. 1. Dan. 7. 9.

3 Im Eo ej jijõt Ej einwõt dreka

jasper im sardiös, im iia ej kabol tron eo, ilo nememen emerald.

Ezek. 1. 28.

4 Im iturin tron eo roñoul im emen tron: im ion tron kein roñoul im emen elder rej jijöt, im nuknuk ko air remouj, im ion börrair belin gold.

Jap. 3. 4. & 6. 11. & 7. 9. & 11. 16. & 19. 14.

5 Im jen tron eo rej ilok jaröm ko, im ainiken ko, im jorur ko: im jiljilimjuön lamp in kijeek rej urur iman tron eo, ir jiljilimjuön Jitöb öñ Anij:

Jap. 8. 5. & 16. 18. Eks. 37. 23. Ezek. 1. 13. Jap. 1. 4.

6 Im iman tron eo ej wäwen lo-meto in glass einwöt kristal. Im iolapin tron eo im iturin tron emen men in mour, rej obrök kin mej imair im ilikiir.

Eks. 38. 8. Jap. 15. 2. Ezek. 1. 5.

7 Im men in mour juön ej einwöt laiön: im men in mour ken ka ruo einwöt kon kau; im men in mour ken ka jilu, turin mejen einwöt armij, im men in mour ken k'emen einwöt igöl ej käksi.

Ezek. 1. 10. & 10. 14.

8 Im men in mour ko emen ka jiljino peir, im ilikin im lloan rej obrök kin mej: im ejelok kakije ñön ir rau im böñ, im rej ba, Ekwojarjar, Ekwojarjar, Ekwojarjar, Irolj Anij, Dri Ekajur otemkajur, Eo ej mokta im Ej kiö im Ej itok.

Isa. 6. 2, 3. Jap. 1. 4, 8.

9 Im jabrewöt ien men in mour ko re naj lelok aibujuij im nebar im kamolol ñön Eo ej jijöt ion tron eo, ñön Eo ej mour in drio im in drio,

Jap. 1. 18. & 5. 14. & 15. 7.

10 Elder roñoul im emen re naj buñ iman mejen Eo ej jijöt ion tron eo, im naj kabuñ ñön Eo ej mour in drio im in drio, im naj jolok bellir iman tron, im ba,

Jap. 5. 8, 14.

11 Ekar ñön Kwe, O Irolj im am Anij, bwe kwon bök aibujuij im nebar im kajur; bwe kw'ar kömön-

mön men ko otemfej, im kin ankil am r'ar ber im emwij kömön-möni.

Jap. 5. 12. & 10. 6. Jen. 1. 1.

## JAPTER 5.

**I**M I ar lo ilo pein anbijmaroñön Eo ej jijöt ion tron eo juön buk emwij jeje lloan im ilikin, im sil kin jiljilimjuön sil.

Ezek. 2. 9, 10. Isa. 29. 11. Dan. 12. 4.

2 Im I ar lo enjel ekajur im ej ba ilo ainiken elap, Wön eo ej tellokön bwe en kebellok buk eo im kötlök jiljilimjuön sil ko an?

3 Im ejelok en ilo löñ, ak ilo löñ, ak iomin löñ e ar maroñ in kebellok buk eo ak kalimjeke.

4 Im elap aö jöñ bwe ar lo ejelok juön ej tellokön bwe en kebellok buk eo ak kalimjeke.

5 Im juön ian elder ro e ar ba ñön iö, Kwon jab jöñ: lo laiön eo jen bwijiu Juda, Okran Devid, E ar bök aujo bwe E en kebellok buk eo im jiljilimjuön sil ko an.

Jen. 49. 9, 10. Hib. 7. 14. Isa. 11. 10. Rom. 15. 12. Jap. 6. 1. & 22. 16.

6 Im I ar lo iolapin tron eo im men in mour ko emen, im iolapin elder rön, Lam ej jutök im einwöt emwij kar mön E, im iben jiljilimjuön drun, im jiljilimjuön mejen, rej jiljilimjuön Jitöb öñ Anij, jilkinlok ir lloan aolepen löñ.

Jon 1. 29. Zek. 3. 9. & 4. 10. Jap. 1. 4. & 13. 8.

7 Im E ar itok, im Ej bök e jen pein anbijmaroñön Eo ej jijöt ion tron eo.

Jap. 4. 2.

8 Im ke E ar bök buk eo, men in mour ko emen im elder ro roñoul im emen r'ar buñ iman mejen Lam eo, im ibelr kaju arp im jäbi ko gold r'obrök kin kajurjur, rej jar ko an ro remön.

Jap. 4. 8, 10. & 8. 3, 4. & 14. 2. & 15. 2. Sam. 141. 2.

9 Im rej al kin al ekäl, im ba, Ekar ñön Kwe bwe kwon bök buk eo, im kebellok sil ko an, bwe emwij mön Yuk, im Kw'ar wiaik ñön Anij ilo bötkötköm armij jen bwij

otemjej, im konono otemjej, im dri-  
 loabjen otemjej, im ailiñ otemjej,  
 Sam 40. 3. Jap. 4. 11. & 14. 3. 1 Jerb. 20. 23.  
 1 Kor. 6. 20. Jap. 7. 9. & 11. 9. & 14. 6.

10 Im Kw'ar kōmōn bwe ren kiñ  
 im pris ro; im rej kiñ ion lōl.  
 Jap. 1. 6. & 20. 6.

11 Im I ar lo, im I ar roñ ainiken  
 elōñ enjel iturin tron eo, im men in  
 mour ko im elder ro, im orair ej  
 joñoul tausan alen joñoul tausan im  
 tausan ko alen tausan ko:  
 Jap. 4. 4, 6. Sam 68. 17. Dan. 7. 10.

12 Im rej ba im elapainikeir, Ekar  
 ñōn Lam eo, emwij mōn E, bwe  
 En bōk kajur, im inweuk ko, im  
 meletlet, im maroñ, im nebar, im  
 aibujuj im wijtak.  
 Jap. 4. 11.

13 Im men ko otemjej, men in kō-  
 mōnmōn ko ilo lōñ, im ion lōl, im  
 iomin lōl, im ion lometo, im men  
 ko otemjej iloir, I ar roñjaki im rej  
 ba, Ñōn Eo ej jijōt ion tron eo im  
 ñōn Lam eo, em wijtak im nebar  
 im aibujuj im kajur in drio im in  
 drio.

Pil. 2. 10. 1 Kron. 29. 11. Jap. 1. 6. & 6. 16. &  
 7. 10.

14 Im men in mour ko emen r'ar  
 ba, Amen. Im elder ro r'ar buff im  
 kabuñ.

Jap. 4. 9, 10.

### JAPTER 6.

**I**M I ar lale ke Lam eo E ar kebel-  
 lok juōn ian sil ko jiljilimjuōn,  
 im I ar roñ juōn ian men in mour  
 ko emen, im ej ba ilo ainiken ein-  
 wōt jorur, Kwon itok.

Jap. 4. 7. & 5. 5, 7.

2 Im I ar lale, im lo, ors emouj im  
 iben Eo ej jijōt ion libon, im ar le-  
 lok ñōn E belin: im Ej bōk anjo  
 im wōnmanlok bwe En bōk anjo.  
 Zek. 6. 3, 11. Sam 45. 4, 5. Jap. 14. 14. & 19. 11.

3 Im ke E ar kebellok sil ken ka  
 ruo, I ar roñ men in mour ken ka  
 ruo, im ej ba, Kwon itok.

Jap. 4. 7.

4 Im bar juōn ors ekilmir ej wa-  
 loktok: im ar lelok ñōn eo ej jijōt  
 ion bwe en bōk ainemōn jen lōl, im

bwe ren mōn dron: im ar lelok ñōn  
 e jāji elap.

Zek. 6. 2.

5 Im ke E ar kebellok sil ken ka  
 jilu, I ar roñ men in mour ken ka  
 jilu, im ej ba, Kwon itok. Im I ar  
 lale, im lo ors ekilmiej, im ilo pein  
 anbijmaroñōn eo ej jijōt ion, ken  
 paun.

Jap. 4. 7. Zek. 6. 2.

6 Im I ar roñ einwōt ainiken iola-  
 pin nien in mour ko emen, im ej  
 ba, Juōn kwort wit kin juōn šilliñ,  
 im jilu kwort barli kin juōn šilliñ,  
 im kwon jab kokkure oil im wain.

Jap. 9. 4.

7 Im ke E ar kebellok sil ken  
 k'emen, I ar roñ ainiken men in  
 mour ken k'emen, im ej ba, Kwon  
 itok.

Jap. 4. 7.

8 Im I ar lale, im lo ors jebārre im  
 eo e ar jijōt ion, etan Mij; im Hedis  
 ej lor e, im ar lelok ñōn ir kajur ion  
 juōn mōtōn emen lōl, bwe ren mōn  
 kin jāji, im kin ñitta, im kin mij,  
 im kin kiru ko r'awia an lōl.

9 Im ke E ar kebellok sil ken ka  
 lailim, I ar lo iomin lokatok, jītōb  
 an ro emwij mōn ir kin nan in  
 Anij, im kin kennan eo r'ar ken-  
 nan kake;

Jap. 1. 9. & 14. 18. & 19. 10. & 20. 4.

10 Im r'ar lamij ilo ainiken elap,  
 im ba, O Karo ekwojarjar im emol,  
 ietoōn Kwo jab ekajet im iren-  
 wōne kin amulj bōtōktōk ion ro  
 rej jokwe ilo lōl?

Jap. 3. 7. & 11. 18. & 19. 2.

11 Im ar lelok ñōn ir otemjej nuk-  
 nuk ko remouj; im ar ba ñōn ir  
 bwe ren kakije bar jirik ien, ñōn  
 ter eo ro korijer ibeir, im ro jeir im  
 jātir, ro naj mōn ir einwōt rein, re  
 naj kamwijlok air etal.

Jap. 3. 4, 5. & 7. 9, 14. & 14. 13. Hib. 11. 40.

12 Im I ar lale ke E ar kebellok  
 sil ken ka jiljino, im elap an lōl  
 makōtkit, im al e ar erom ekilmiej  
 einwōt nuknuk kol, im aliñ eyu  
 erom einwōt bōtōktōk;

Jap. 16. 18. Joel 2. 31. Mat. 24. 29.

13 Im iju in lōñ r'ar wutlok ñōn lōl einwōt wijki fig ej jolok fig ko re jañin kalo, ke kōto elap ej irike.  
Jap. 8. 10. & 9. 1.

14 Im ar bōklok lōñ einwōt men in jeje ke emwij limlime, im tol otemjej im ailiñ otemjej ar kamōkiti jen jikiir.

Sam 102. 26. Isa. 34. 4. Jer. 4. 24. Jap. 16. 20.

15 Im kiñ ro an lōl, im iroiñ rōn, im kapen relap, im ro dri mwele, im ro re kajur, im dri kamokoko otemjej, im dri anemkwoj otemjej r'ar tilekek iloan roñ ko im ilo dreka in tol ko;

Isa. 2. 19.

16 Im rej ba ñōn tol ko im ñōn dreka ko, komin buñ iom in noj kim jenu mejen Eo ej jijōt ion tron eo, im jen illu an Lam eo:

Hos. 10. 8. Luk 23. 30. Jap. 9. 6.

17 Bwe ran elap ran in illu eo An e mottok, im wōn ej maroñ in jutōk?  
Isa. 13. 6. Zep. 1. 14. Jap. 16. 14. Sam 76. 7.

#### JAPTER 7.

**E**LIKIN men in I ar lo emen enjel im rej jutōk ion emen jabōn lōl, im rej drebij emen kōto ko an lōl, bwe kōto en jab ukwi ion ene ak ion lometo, ak ion jabrewōt wijki.

Dan. 7. 2. Jap. 9. 4.

2 Im I ar lo bar juōn enjel im ej wōnliñtok jen tak al, im ken sil an Anij emour iben, im e ar lamij ilo ainiken elap ñōn enjel ro emen, ar lelok ñōn ir bwe ren kokkure ene im lometo,

3 Im ba, Komin jab kokkure ene, ak lometo, ak wijki ko, mokta jen an sil ro korijeran ar Anij ion dremair.

Jap. 6. 6. & 9. 4. & 14. 1. & 22. 4. Ezek. 9. 4.

4 Im I ar roñ oran ro emwij sil ir, jibuki eñoul im emen tausand, ar sil ir jen bwij otemjej an ro nejin Israel.

Jap. 9. 16. & 14. 1.

5 Jen bwijin Juda ar sil joñoul im ruo tausand: jen bwijin Ruben joñoul im ruo tausand; jen bwijin Gad joñoul im ruo tausand:

6 Jen bwijin Ašer joñoul im ruo tausand: jen bwijin Naphtali joñoul im ruo tausand: jen bwijin Manassa joñoul im ruo tausand:

7 Jen bwijin Simeōn joñoul im ruo tausand: jen bwijin Lival joñoul im ruo tausand: jen bwijin Issekar joñoul im ruo tausand:

8 Jen bwijin Zebulōn joñoul im ruo tausand: jen bwijin Josep joñoul im ruo tausand: jen bwijin Benjamin ar sil joñoul im ruo tausand.

9 Elikin men kein I ar lale, im lo, jar elap, eo ejelok armij ej maroñ in bwiniñ, jen ailiñ otemjej, im ian bwij otemjej, im driloabjen otemjej, im konono otemjej, rej jutōk iman tron eo im iman mejen Lam, kōnōki kin nuknuk ko remouj, im pam ko ilo peir;

Rom 11. 25. Jap. 5. 9. Jap. 3. 5, 18. & 4. 4. & 6. 11.

10 Im rej lamij ilo ainiken elap, im ba, Loñor ñōn amuij Anij eo Ej jijōt ion tron, im ñōn Lam.

Sam 3. 8. Jap. 5. 13. & 19. 1.

11 Im enjel otemjej r'ar jutōk iturin tron eo, im iturin elder ro, im men in mour ko emen, im rej buñbero iman tron im kabuñ ñōn Anij,

Jap. 4. 6.

12 Im ba, Amen: Wijtak, im aibujuj, im meletlet, im kamolol, im nebar, im kajur, im maroñ, ñōn amuij Anij in drio im in drio. Amen.

Jap. 5. 13. 14.

13 Im juōn ian elder ro e ar uak im ba ñōn iō, Ir rej kōnōk nuknuk ko remouj, Wōn ro? im rej itok jen ia?

14 Im ij ba ñōn e, Kwe, aō troij, kwo jela. Im e ba ñōn iō, Rein ro r'ar itok jen iñtan eo elap, im r'ar kwoli im kamouj nuknuk ko air ilo bōtōktōkin Lam.

Jap. 6. 9. & 17. 6. Isa. 1. 18. Hitt. 9. 14. 1 Jon 1. 7. Jap. 1. 5. Zek. 3. 3-5.

15 Kin men in rej iman tron an Anij, im rej korijer ñōn E ran im boñ ilo tempel eo An; im Eo ej jijōt ion tron E naj kaimweim ir ilo mweo imōn.

Isa. 4. 5. 6. Jap. 21. 3.

16 Re jamin bar kwull, re jamin bar maro, im al e jamin bar kejeek ir, jab, ak ejelok bwil:

Isa. 49. 10. Sam 121. 6. Jap. 21. 4.

17 Bwe Lam eo Ej lolapin tron E naj air Šeperd, im E naj tel ir ñõn unin dren ko dren in mour; im Anij e naj kômõraik dren in kem-jäläl otemfej jen mejeir.

Sam 23. 1. & 36. 8. Jon 10. 11. 14. Isa. 25. 8. Jap. 21. 4.

### JAPTER 8.

**I**M ke E ar kebellok sil ken ka jiljilimjuõn, lõñ ej ikõñ iomin einwõt jibilukwõn aud.

Jap. 6. 1.

2 Im I ar lo jiljilimjuõn enjel ro rej jutõk iman tron eo, im ar lelok ñõn ir jiljilimjuõn jillil.

Mat. 18. 10. 2 Kron. 29. 25-28.

3 Im bar juõn enjel e ar itok im jutõk ion lokatok eo, im iben jäbi senser gold; im ar lelok ñõn e elõñ kajjurjur, bwe en kobaik e iben jar ko an ro remõn otemfej ion lokatok gold eo ej iman tron eo.

Jap. 5. 8. & 6. 9. Eks. 30. 1.

4 Im ej wõnliñlok bat in kajjur-iben jar ko an ro remõn kin pein enjel eo iman mejen Anij.

Sam 141. 2. Luk 1. 10.

5 Im enjel eo e ar bõk senser eo, im e ar kobrõk e jen kijeek eo an lokatok, im e ar jolok e na ilo lõl; im e ar walok jorur ko, im ainiken ko, im jarom ko, im an lõl makõtkit.

Jap. 16. 18. 1 Kin 19. 11. Jerb. 4. 31.

6 Im enjel ro jiljilimjuõn, ro jiljilimjuõn jillil ibeir, r'ar kapoj bwe ren jillil.

7 Im eo mokta e ar jillil, im e ar walok wut ebin im kijeek käreiki kin bõtõktõk, im julok ñõn lõl: im ar tili juõn mõtõn jilu lõl, im ar tili juõn mõtõn jilu wijki ko, im ar tili aolepen ujoj emaroro.

Ezek. 38. 22. Isa. 2. 13. Jap. 9. 4. & 16. 2.

8 Im enjel ken ka ruo e ar jillil, im ar jolok na ilo lometo einwõt tol elap eurur kin kijeek, im juõn mõtõn jilu lometo ej erom bõtõktõk;

Jer. 51. 25. Amos 7. 4. Jap. 16. 3. Ezek. 14. 19.

9 Im r'ar mij juõn mõtõn jilu men in kômõumõn ko ilo lometo rej mour, im kokkure juõn mõtõn jilu wa ko.

Jap. 16. 3.

10 Im enjel ken ka jilu e ar jillil, im e ar wutlok jen lõñ iju elap, ej urur einwõt lamp, im e ar wutlok ion juõn mõtõn jilu river ko, im ion unin dren ko:

Isa. 14. 12. Jap. 9. 1. & 16. 4.

11 Im naetan iju eo Kabwijnlõñ, im juõn mõtõn jilu dren ko rej erom kabwijnlõñ, im elõñ armij r'ar mij kin dren ko, bwe r'emeo.

Rut 1. 20. Eks. 15. 23. Jer. 9. 15. & 23. 15.

12 Im enjel ken k'emene e ar jillil, im ar tue juõn mõtõn jilu al, im juõn mõtõn jilu aliñ, im juõn mõtõn jilu iju ko, bwe juõn mõtõn jilu ialr ren marok, im bwe ran en jab romak iomin juõn mõtõn jilu lan, im bareinwõt boñ.

Isa. 13. 10. Amos 8. 9.

13 Im I ar lale, im ij roñ juõn igõl ej kãki i mejatoto, im ej ba ilo aini-ken elap, Wo, wo, wo, ñõn ro rej jokwe ion lõl, jen matõn ainiken jillil ko an enjel ro, re nañin jillil.

Jap. 9. 12. & 11. 14. & 14. 6. & 19. 17.

### JAPTER 9.

**I**M enjel ken ka lailim e ar jillil, im I ar lo iju e wutlok jen lõñ ñõn lõl; im ar lelok ñõn e ki an roñ in abys eo.

Luk 8. 1. 31. Jap. 8. 10. & 10. 18. & 17. 8. & 20. 1.

2 Im e ar kebellok roñ in abys eo, im ej wõnliñlok jen roñ eo bat einwõt bat in ubaj elap, im ar karnarok al im mejatoto kin bat in roñ eo.

Joel 2. 2. 10.

3 Im jen bat eo lokõs rej itok ion lõl; im ar lelok ñõn ir maroñ einwõt maroñ eo iben marebep ko an lõl.

Eks. 10. 4. Eka. 7. 12.

4 Im ar ba ñõn ir bwe ren jab kokkure ujoj in lõl, ak jabrewõt men eo emaroro, ak jabrewõt wijki, a ar-

mij wöt ro otemjej sil an Anij e jab ilo dremair.

Jap. 6. 6. & 7. 3. & 8. 7. Eks. 12. 23. Ezek. 9. 4.

5 Im ar lelok ñön ir bwe ren jab mōn ir, a bwe ren kaiñtan ir iomin lailim aliñ: im air kaiñtan ej einwöt iñtan jen marebep ke ej wie armij.

Jap. 11. 7.

6 Im ilo ran ko armij re naj kabukot mij, im re jamin loe; im re naj kanuij kōnan bwe ren mij, im nij ej ko jen ir.

Job 3. 21. Isa. 2. 19. Jer. 8. 3. Jap. 6. 16.

7 Im wāwen lokōs ko ej einwöt ors ko emwij kapoj ir ñön tōrinae, im ion bōrair einwöt belir gold, im turin mejeir einwöt turin mejen armij.

Joel 2. 4. Nah. 3. 17. Dan. 7. 8.

8 Im kolair ej einwöt kolan bōran kōra rōn, im ñi ko ñiir einwöt ñilin laiōn.

Joel 1. 6.

9 Im ibeir kōrrep in ubeir einwöt kōrrep mal, im ainiken peir ej einwöt ainiken elōñ jariōt im ors ke rej tōr ñön tōrinae.

Joel 2. 5.

10 Im lok ko lokair rej einwöt lokōn marebep, im ken iri ko air, im kin lokair rej maroñ in kokkure armij iomin lailim aliñ.

11 Ej kiñ ioir enjel an abys eo, im etan ilo Hibru, Abaddōn, ak ilo Grik etan Apollyōn.

Ep. 2. 2.

12 Wo eo mokta emotelok: lo, bar ruo wo rej itok tokelik.

Jap. 8. 13.

13 Im enjel ken ka jiljino e ar jilil, im I ar roñ juōn ainiken jen drun ko an lokatok gold, ej iman mejen Anij,

14 Juōn ej ba ñön enjel ken ka jiljino, jilil iben, Kwon kōtlok enjel ro emen lukwoj ir iturin river elap etan Upretis.

Jap. 16. 12.

15 Im ar kōtlok enjel ro emen re pojōk ñön auō, im ran, im aliñ, im yiō, bwe ren mōn juōn mōtōn jilu armij rōn.

16 Im oran dri tōrinae rej ion ors ko roñoul tausand alen jofioul tausand: I ar roñ orair.

Sam 68. 17. Ezek. 38. 4. Jap. 7. 4.

17 Im ein drein I ar lo ors ko ilo visiōn eo, im ro r'ar jijōt loir, im ibeir kōrrep ben ubeir einwöt kijeek im haiesinth im brimston: im bōran ors ko einwöt bōran laiōn; im jen loñir ej ilok kijeek im bat im brimston.

1 Kron. 12. 8. Isa. 5. 28, 29.

18 Kin men in kaiñtan kein jilu ar mōn juōn mōtōn jilu armij rōn, kin kijeek im bat im brimston, rej ilok jen loñir.

19 Bwe maroñ an ors ko ej ilo loñir kab ilo lokair. Bwe lokair rej einwöt serpent ko im eor bōran lokair; im rej kokkure kaki.

Isa. 9. 15.

20 Im armij ro jet, men in kaiñtan ko r'ar jab mōn ir, r'ar jab ukwelok ibeir jen jermal ko an peir, bwe ren jab kabuñ ñön dimōn rōn, im ekjōp ko gold, im silver, im jilnibor, im dreka, im wijki re ban lo ak roñ ak etetal.

Dut. 31. 29. Sam 106. 37. & 115. 4. & 135. 15. Dan. 5. 23.

21 Im r'ar jab ukwelok ibeir jen air urōt ko ak marmir ko, ak lūñ, ak kwot ko.

Jap. 22. 15.

## JAPTER 10.

**I**M I ar lo bar juōn enjel ekajur ej wōnlōltak jen lōñ, im nuknuk ko an kōro, im ila ion bōran, im turin mejen einwöt al, im neen einwöt jurōn kijeek ko.

Ezek. 1. 28. Mat. 17. 2. Jap. 1. 15, 16.

2 Im iben, ilo pein, buk erik im ebellok; im e ar likit neen anbijmaroñōn ion lometo, im neen amifiñin ion ene;

Mat. 28. 18.

3 Im e ar lamij ilo ainiken elap, einwöt ke laiōn ej rorrer: im ke emwij an lamij, jorur ko jiljilimjuōn r'ar kwalok ainikeir.

Jap. 8. 5.

4 Im ke jorur ko jiljilimjuōn r'ar

konono, I nañin jeji: im I ar roñ ainiken jen loñ ej ba, Kwon sil men ko jorur ko jiljilimjuõn r'ar ba im jab jeji.

Dan. 12. 4.

5 Im enjel eo I ar loe im ej jutõk ion lometo im ion ene, e ar kwotõke pein anbijmaroñõn ñõn loñ,

Eks. 6. 8. Dan. 12. 7.

6 Im e ar kanõjuj kiu Eo ej mour in drio im in drio, Eo e ar kõmõn-mõn loñ kab men ko iloan, im löl kab men ko iloan, im lometo kab men ko iloan, bwe e jamin bar eor kõtar:

Neh. 9. 6. Jap. 4. 11. & 16. 17.

7 A ilo ran ko an ainiken enjel ken ka jiljilimjuõn ñe e nañin jilil, men eo etino an Anij ej jejit, einwõt E ar kwalok nan emõn ñõn ro dri korijeran, ro dri kanan.

Jap. 11. 15.

8 Im ainiken eo I kar roñ jen loñ, ij bar roñjake ke ej konono iba, im ba, Kwon ilok, im bõk buk eo ebellok ej ilo pein enjel eo ej jutõk ion lometo im ion ene.

9 Im I ar ilok ñõn iben enjel eo, im ba ñõn e, Kwon letok buk ne erik. Im ej ba ñõn iõ, Kwon bõk e im kõñe, im e naj kemeo lojiõm a ilo loñõm e naj tõñõl einwõt hõnni.

Jer. 15. 16. Ezek. 2. 8. & 3. 1-3.

10 Im I ar bõk buk eo erik jen pein enjel eo im kõñe, im e ar ilo loñõl etñõl einwõt hõnni, im ke I ar kõñe emwij kemeo lojiõ.

11 Im ej ba ñõn iõ, Emõn kwon bar drikanij kin elõñ driloabjen, im ailñ, im konono, im kif.

### JAPTER 11.

**I**M ar letok ñõn iõ koba einwõt alal, im juõn ej ba, Kwon jutõk, im joñe tempel an Anij, im lokatok, im ro rej kabuñ ilo e.

Ezek. 40. 3. Zek. 2. 1. Jap. 21. 15.

2 Im iloan worwor eo ej inabij in tempel, kwon likit e im jab joñe; bwe emwij lelok ñõn ro dri ailñ, im re naj juri jikin kwelok ekwojarjar lomín eñoul im ruo ailñ.

Ezek. 40. 17, 20. Sam 79. 1. Luk 21. 24. Jap. 13. 5.

3 Im I naj lelok ñõn Aõ dri kenan ruõ, im re naj drikanij lomín juõn tausan rubuki im jiljinoñoul ran, im nuknuk ko air nuknuk kol.

Jap. 12. 6. & 19. 20. & 20. 4.

4 Rein rej ruo wijki oliv, im ruo jikin lamp rej jutõk iman mejen Iroj in löl.

Sam 62. 8. Zek. 4. 3, 11, 14.

5 Im elañe jabrewõt armij e kõnan kokkure ir, kijeek ej ilok jen loñir, im kõñi ro dri kijiräte ir. Im elañe jabrewõt armij e kõnan kokkure ir, ein drein emõn mõn e.

2 Kin 1. 10, 12. Jer. 5. 14.

6 Ibeir maroñ in kilil loñ bwe en jab wut lomín ran ko an drikanij eo air, im maroñ ibeir ion dren ko, bwe ren kõmõn ir erom bõtõktõk, im bwe ren mõn löl kiu jabrewõt men in kañtan, emakijki einwõt air kõnan.

1 Kin 17. 1. Jem. 5. 17. Eks. 7. 19.

7 Im ñe re naj kamwijlok air kenan, kiru awia eo ej wõnliñtok jen abys eo, e naj tõrinaek ir, im naj mõn ir.

Jap. 9. 2. & 13. 1. & 17. 8. Dan. 7. 21.

8 Im ubeir rej ber ilo ial in jikin kwelok elap, eo naetan ekar ñõn jitõb, Sodõm im Ijipt, ijo emwij bareinwõt dreball air Iroj ie.

Jap. 14. 8. Hib. 13. 12.

9 Im armij jen driloabjen ko, im bwij ko, im konono ko, im ailñ ko, rej aluij ubeir lomín jilu im jibilukwõn ran, im jab likit bwe reu kalibwin ir ilo lüp.

Sam 79. 2, 3.

10 Im ro rej jokwe ion löl rej loñliñ loir im mõnõnõ; im re naj jilkinlok men in lelok ko ñõn dron, bwe dri kanan reinro, re kar kañtan ro rej jokwe ion löl.

Jap. 12. 12. Est. 9. 19.

11 Im elikin jilu im jibilukwõn ran, menonõn mour jen Anij ej dreloñtok ilo ir, im rej jutõk kin neir, im leñioñ elap e ar buñ ion ro r'ar lo ir.

Ezek. 37. 5, 9, 10, 14.

12 Im r'ar roñ ainiken elap jen

lōñ, im ej ba ñōn ir, Komin wōn-liñtok ijl. Im r'ar wōnliñtok ñōn lōñ ilo kōro, im ro air dri kijirāt r'ar lo ir.

Jap. 12. 5. Jerb. 1. 9. 2 Kin 2. 1, 5, 7.

13 Im ilo auð eo elap an lōl makōtkit, im juōn mōtōn joñoul jikin kwelok elap e ar buñ; im ilo an lōl makōtkit eo, remij armij jiljilimjuōn tausan: im rojet rej lelñōñ, im lelok aibujulj ñōn Anij in lōñ. Jap. 3. 4. & 6. 12. & 16. 19. Jos. 7. 19. Jap. 14. 7. & 15. 4.

14 Wo ken ka ruo emotelok: lo, wo ken ka jilu e mōkōjtok.

Jap. 8. 13. & 9. 12. & 15. 1.

15 Im enjel ken ka jiljilimjuōn e ar jilil, im eor ainiken relap ilo lōñ rej ba, Ailiñ an lōl emwij an erom ailiñ an am Iroj, im an Kraist eo An, im E naj kiñ in drio im in drio.

Isa. 27. 13. Jap. 12. 10. & 16. 17. & 19. 6. Dan. 2. 44. & 7. 14, 18, 27.

16 Im elder ro roñoul im emen rej jijōt ion tron ko air iman mejen Anij, r'ar buñbero im kabuñ ñōn Anij,

Jap. 4. 4.

17 Im ba, Kim kamolol Yuk O Iroj Anij ekajur otem kajur, Kwoj kiō im ar mokta, bwe Kw'ar bōk am kajur elap im kw'ar kiñ.

Jap. 1. 4. & 4. 8. & 16. 5. & 19. 6.

18 Im dri ailiñ ko r'ar illu, im e ar itok Am illu, im ien ekajet ro remij, im ien lelok jenekjij ko air ñōn ro dri korijerōm dri kanan, im ñōn ro remōn, im ñōn ro rej mijōk eōm, ro redrik im ro relap; im kokkure ro rej kokkure lōl.

Dan. 7. 10. Jap. 6. 10. & 13. 10. & 18. 6. & 19. 5.

19 Im ar kebellok tempel in Anij ilo lōñ, im ar lo dipdip in bujen eo An ilo An tempel, im eor jarom ko, im ainiken ko, im jorur ko, im an lōl makōtkit, im wut rebim im relap.

Jap. 8. 5. & 15. 5. & 16. 18, 21.

## JAPTER 12.

**I**M ar lo kakōle elap ilo lōñ; juōn kōra naballin kin al, im ailiñ iomin neen, im ion bōran bellin joñoul im ruo iju;

2 Im ej bōroro, im ej lamij ilo an iñtan im metōk bwe en keutak.

Isa. 66. 7. Gal. 4. 19.

3 Im ar lo bar juōn kakōle ilo lōñ; im lo, drakon ekilmir im elap, im iben jiljilimjuōn bōran im joñoul drun, im ion bōran ko jiljilimjuōn bellin.

Jap. 13. 1. & 17. 3, 9, 10.

4 Im lokōn ej lekake juōn mōtōn jilu iju in lōñ, im ar julok ñōn lōl. Im drakon eo ej jutōk iman kōra eo e nañin keutak, bwe ñe emwij an keutak en kōñ nejin.

Jap. 9. 10, 19. & 17. 18. Dan. 8. 10. Eks. 1. 16.

5 Im lio e ar keutak nejin eman, Eo e naj iroj ion ailiñ otemjej kin māl wāwen alal. Im ar bokliñlok nejin ñōn Anij im ñōn tron eo An.

Sam 2. 9. Jap. 2. 27. & 19. 15.

6 Im kōra eo e ar ko llujen ene jemaren, ijo emwij kapoj jikin ie kin Anij, bwe ren najirik e ijo lomin juōn tausan rubuki im jiljinoñoul ran.

Jap. 11. 3.

7 Im r'ar tōrinae ilo lōñ, Maikkeel im enjel ro an r'ar tōrinaek drakon eo; im drakon e ar tōrinae im enjel ro iben:

Dan. 10. 18, 21. & 12. 1. Jap. 20. 2.

8 Im r'ar jab anjo, im ar jab bar lo jikiir ilo lōñ.

9 Im ar jolok drakon eo elap, serpent e ridto, naetan devil im Setan, eo ej moni aolepen lōl, ar jolok e ñōn lōl, im ar jolok enjel ro an na iben.

Luk 10. 18. Jon 12. 31. Jen. 3. 1. 4. Jap. 9. 1. & 20. 2, 3.

10 Im I ar roñ ainiken elap ilo lōñ, im ej ba, Kiō emwij an itok lomor, im maroñ, im ailiñ an am Anij, im kajur an Kraist eo An, bwe emwij jolōllok dri kinaklok ro jelm im jātīm, eo ej kinaklok ir iman am Anij ran im boñ.

Jap. 11. 15. & 19. 1. Job 1. 9. & 2. 5. Zek. 3. 1.

11 Im r'ar bōk anjo ion kin bōtōk-tōkin Lam, im kin nan in air kenan: im r'ar jab yokwe air mour ñōn mij.

Rom 8. 33, 34. & 16. 20. Luk 14. 28.

12 Kin men in komiñ lōñliñ, O



lōn ko, im komeo komij jokwe iloīr. Wo nōn ene im lometo: bwe devill e ar wōnlōlwoj nōn kom, im elap an illu, bwe e jela jirik wōt jen iben.

Sam 96. 11. Isa. 49. 13. Jap. 8. 13. & 10. 6. & 18. 20.

13 Im ke drakon e ar lo bwe jolōl-  
lok e nōn lōl, e ar matōrtōre kōra  
eo, e kar keutak nejn eman.

14 Im ar lelok nōn kōra ruo peiu  
igōl elap, bwe en kāki ilujen ene  
jemaren, ijo najirik e ie iomin ien,  
len ko, im jibilukwōn ien, jen me-  
jen serpent eo.

Eks. 19. 4. Jap. 17. 3. Dan. 7. 25. & 12. 7.

15 Im serpent eo e ar jolok jen  
loīn elikin kōra dren einwōt river,  
bwe en kinōrlok e kin river eo.

Isa. 59. 19.

16 Im lōl ej jibōñ kōra eo, im lōl e  
ar walōñi loīn, im wōrōñlok river  
eo drakon e ar jolok jen loīn.

17 Im drakon eo e ar kalaplok illu  
nōn kōra, im e ar ilen tōrinaek  
bween inen, ro rej kejbārok kien  
ko an Anij, im kennan an Jisōs  
ibeir:

Jen. 3. 15. Jap. 11. 7. & 14. 12. & 20. 4. 1 Jon  
5. 10.

### JAPTER 13.

**I**M ej jutōk ion bok in lometo. Im  
I ar lo kiru awia ej walokliñlok  
jen lometo, im iben joñoul drun im  
jiljillimjuōn bōran, im ion drun ko  
joñoul kraun, im ion bōr ko āt nan  
in blaspim.

Dan. 7. 2, 7. Jap. 12. 3. & 17. 3.

2 Im kiru eo I ar loe ej einwōt  
lepard, im neen einwōt neen bear,  
im loīn einwōt loīn laiōn. Im  
drakon eo ej lelok nōn e an kajur,  
an tron, im maroñ elap.

Dan. 7. 4-6. Jap. 12. 4, 9. & 16. 10.

3 Im I ar lo juōn ian bōran ko  
einwōt emwij kakōnijnj e bwe en  
kar mij. Im e ar mour jen kinij  
eo kinjen mij. Im aolepen lōl ej  
bwilōñ elikin kiru eo;

Jap. 13. 12, 14. & 17. 8.

4 Im rej kabuñ nōn drakon eo,  
bwe e ar lelok maroñ nōn kiru eo;  
im r'ar kabuñ nōn kiru, im ba,

Wōn ej einwōt kiru eo? im wōn ej  
maroñ in tōrinaek e?

Jap. 18. 18.

5 Im ar lelok nōn e loīn ej ba  
nan ko relap im blaspim; im ar le-  
lok nōn e maroñ bwe en berwōt  
iomin eñoul im ruo aliñ.

Dan. 7. 8, 11, 25. & 11. 36. Jap. 11. 2. & 12. 6.

6 Im e ar walōñi loīn bwe en  
blaspim Anij, im blaspim etan, im  
mweo imōn, aet ro rej jokwe ilo  
lōn.

Jon 1. 14. Kol. 2. 9.

7 Im ar lelok nōn e bwe en tōri-  
naek ro remōn, im bōk anjo ioir,  
im ar lelok nōn e maroñ ion bwij,  
im driloabjen, im konono im aliñ  
otemjelok.

Dan. 7. 21. Jap. 11. 7, 18. & 12. 17. & 17. 15.

8 Im ro otemjej rej jokwe ion lōl  
re naj kabuñ nōn e, jabrewōt eo ar  
jab jeje etan ilo buk in mour an  
Lam eo, emwij mōn E, jen jinou  
kōmōnmōn lōl.

Eks. 32. 32. Dan. 12. 1. Jap. 3. 5. & 17. 8.

9 Elañe lojiliñin iben jabrewōt en  
roñjake.

Jap. 2. 7.

10 Elañe jabrewōt armij ej nōn je-  
bokwe, ej ilok nōn jebokwe: elañe  
jabrewōt armij e naj mōn kin jāji,  
ren mōn e kin jāji. Ijn kijenmij  
im tōmak an ro remōn.

Isa. 33. 1. Jen. 9. 6. Mat. 23. 52. Jap. 14. 12.

11 Im I ar lo bar juōn kiru ej wa-  
lokliñlok jen lōl; im iben ruo drun  
einwōt lam, im ej konono einwōt  
drakon.

Jap. 11. 7.

12 Im ej kōmōn kin aolepen ma-  
roñ in kiru mokta iman mejen.  
Im ej kōmōn bwe lōl im ro rej jok-  
we ion ren kabuñ nōn kiru mokta,  
eo e kar mour jen kinij in mij eo  
an.

13 Im ej kōmōn men in bwilōñ  
ko relap, im ej kōmōn bwe kijeek  
en wonlōltak jen lōñ nōn lōl iman  
mejen armij rōn.

Mat. 24. 24. Jap. 16. 14. 1 Kin 18. 38. 2 Kin  
1. 10, 12.

14 Im ej moni ro rej jokwe ion lōl  
kin men in bwilōñ ko, emwij lelok

ñõn e bwe en kõmõni iman mejen kiru eo, im ej ba ñõu ro rej jokwe ion lõl, bwe ren kõmõn men in e ñõn kiru eo emwij Jebõke kin jãji im ej mour.

jap. 12. 9. & 19. 20. 2 Tes. 2. 9, 10. 2 Kin 20. 7.

15 Im ar lelok ñõn e bwe en lelok menono ñõn men in e in kiru eo, bwe men in e in kiru en konono, im kõmõn bwe ren mõn ro otemjej re jab kabuñ ñõu men in e in kiru eo.

jap. 16. 2. & 19. 20. & 20. 4.

16 Im ej kõmõn kin armij otemjej, ro redrik im ro relap, ro dri mweie im ro dri jeramel, ro anemkwojair im ro dri kamakoko, bwe ren lelok ñõn ir kakõlen ion pein anbijmarofir ak ion dremair;

jap. 14. 9.

17 Im bwe ejelok armij en maroñ in wiak ak wiakake, elafie e jab iben kakõlen, aet, etan kiru eo, ak oran etan.

jap. 14. 11. & 15. 2.

18 Ijin ej meletlet. Eo jelalokjen iben en bwini oran kiru eo; bwe ej oran armij: im oran ej jiljinobuki jiljinofoul im jiljino.

jap. 15. 2. & 17. 9. & 21. 17.

#### JAPTER 14.

**I**M I ar lale, im lo, Lam ej jutõk ion tol Zaiõn, im iben jibuki eñoul im emen tausan, emwij jeje etan im etan Jemen ion dremair.

jap. 5. 6. & 7. 3. & 13. 16.

2 Im I ar roñ ainiken jen lõñ einwõt ainiken eloñ dren ko, im einwõt ainiken jorur elap: im ainiken eo I ar roñjake ej einwõt ro dri harp rej harp kin harp ko air:

jap. 1. 15. & 5. 8. & 19. 6.

3 Im rej al einwõt kin al ekål iman tron eo, im iman men in mour ko emen, im elder ro: im ejelok armij ej maroñ in katak al eo, a jibuki eñoul im emen tausan wõt, ro emwij wiak ir jen lõl.

jap. 5. 9. & 15. 3.

4 Rein ro r'ar jab etton iben kõra rõn bwe rej virjin. Rein ro rej lor Lam eo ljo jabrewõt Ej etal ie.

Rein emwij wiak ir jen ian armij ro, einwõt jomõkõj ñõn Anij im ñõn Lam.

2 Kor. 11. 2. jap. 3. 4. & 7. 17. & 17. 14. Jem. 1. 18.

5 Im ilo lofir ar lo ejelok riõp, ak ejelok notair.

Sam 32. 2. Zep. 3. 13. Jud 24.

6 Im I ar lo bar juõn enjel ej kãki i mejatoto, im iben gospel ej in drio, bwe eu kwalok e ñõn ro rej jokwe ion lõl, im ñõn allif im bwij im konono im driloabjen otemjelok;

jap. 8. 13. Ep. 3. 9-11. Tait. 1. 2.

7 Im ej ba ilo ainiken elap, Komin mijõk Anij im lelok albujujij ñõn E, bwe auõ in ekajet eo An e mottok: im komin kabuñ ñõn Eo e ar kõmõnmõn lõñ, im ene, im lo-meto, im un ko unin dren.

jap. 11. 18. Neh. 9. 6. Jerb. 14. 15.

8 Im bar juõn enjel ken ka ruo e ar lore im ba, Ebuñ, ebuñ Babilõn elap, eo e ar kalrak allif otemjej kin wain in illu in lõñ eo an.

Isa. 21. 9. Jer. 51. 8. jap. 11. 8. & 16. 19. & 17. 5. & 18. 2, 3, 10, 13, 21.

9 Im bar juõn enjel, ken ka jilu, e ar lor irro, im ba ilo ainiken elap, Elafie jabrewõt armij ej kabuñ ñõn kiru eo, im men in e an, im bõk kakõlen eo ion dremõu ak pein,

jap. 13. 14, 15, 16.

10 E naj irak wain in illu an Anij emwij kapoj im jab kãreike ilo kõp in illu eo An, im naj kalfitan e kin kijeek im brimston iman mejen enjel ro, im iman mejen Lam.

Sam 75. 8. Isa. 51. 17. Jer. 25. 15. & 18. 6. jap. 16. 19. & 19. 20. & 20. 10.

11 Im bat in ifitan eo air ej wõn-liñlok in drio im in drio, im ejelok kakije ibeir ran ak boñ, ro rej kabuñ ñõn kiru eo, im men in e an, im ro jabrewõt rej bõk kakõlen etan.

Isa. 34. 10. jap. 12. 3.

12 Ijin kijenmij an ro remõn, ro rej kejbãrok kien ko an Anij im tõmak Jisõs.

jap. 3. 10. & 12. 17.

13 Im I ar roñ ainiken jen lõñ, im ej ba, Kwon jeje, Emõõnõ ro re-

mij, ro rej mij ilo Iroj jen ien in, Aet, Jitōb ej ba, bwe ren kakije jen jeral ko air; bwe jeral ko air rej lorlok ir.

Ekl. 4. 1, 2. Jap. 20. 6. 1 Kor. 15. 18. 1 Tes. 4. 16. Jap. 6. 11.

14 Im I ar lale, im lo, kōro emouj; im ion kōro eo juōn ej jijōt einwōt Nejin armij, im ion bōran belin gold, im ilo pein sikel ekōñ.

Ezek. 1. 26. Dan. 7. 13. Jap. 1. 13. & 6. 2.

15 Im bar juōn enjel e ar drioiptok jen tempel eo, im ej lamij ilo ainiken elap ñōn Eo ej jijōt ion kōro eo, Kwon jilkinlok sikel ne am im marmir, bwe auō in marmir e motok, im jonikōn lōl e mōnōknōk.

Joel 3. 13. Mat. 13. 30. Jer. 51. 33.

16 Im Eo ej jijōt ion kōro, e ar jolok sikel eo An na ion lōl, im ar marmir lōl.

17 Im bar juōn enjel e ar drioiptok jen tempel eo ej ilo lōñ, im bareinwōt iben sikel ekōñ.

18 Im bar juōn enjel e ar drioiptok jen lokatok eo, im iben maroñ ion kijeek, im e ar lamij ilo ainiken elap ñōn eo sikel ekōñ iben, im ba, Kwon jilkinlok sikel ne am ekōñ, im aiin worwor in vain in lōl; bwe grep ko an re kalo.

Jap. 16. 8. Joel 3. 13.

19 Im enjel eo e ar jolok an sikel na ion lōl, im aiin vain in lōl im jolok e na ilo ken joniōk wain elap eo an Anij illu.

Jap. 19. 15.

20 Im ar juri ken joniōk wain eo ilikin jikin kwelok, im bōtōktōk e ar torlok jen ken joniōk wain, ñōn ken drebij ors ko ilo juōn tausau im jiljino buki fōrloñ.

Isa. 63. 3. Jon. 1. 15. Hib. 13. 12. Jap. 11. 8. & 10. 14.

#### JAPTER 15.

**I**M I ar lo ilo lōñ bar juōn kakōle elap im men in bwilōñ, jiljilimjuōn enjel, im ibeir jiljilimjuōn men in kaiñtan ko eliktata, bwe ilo ir kajemlok illu an Anij.

Jap. 12. 1, 3. & 14. 10. & 16. 1. & 21. 9.

2 Im I ar lo einwōt lometo in glass käreike kin kijeek; im ro r'ar bōk

anjo ion kiru eo im ion men in e an, im ion oran etan, im rej jutōk ion lomēto in glass, im ibeir harp ko an Anij.

Mat. 3. 11. Jap. 4. 6. & 5. 8. & 13. 15-17. & 14. 2.

3 Im rej al kin al in Moses dri korijerau Anij, im kin al in Lam eo, im ba, Relap im men in bwilōñ ko, men in kōmōn ko Am, O Iroj, Anij ekajur otem kajur. Rewānik im remol ial ko Am, Kweo kiñ in ailif ki.

Eks. 15. 1. Dut. 31. 30. & 32. 4. Hoq. 14. 9. Jap. 16. 7.

4 Wōn e jamin mijōk, O Iroj, im kaibujuij etōm, bwe Kwe wōt kwo kwojarjar: bwe dri ailif otemjej re naj itok im kabuñ iman mejōm, bwe emwij kalikar kōmōn ko Am rewānik.

Eks. 15. 14-16.

5 Im elikin men kein I ar lo, im ar kebellok tempel in imōn kenan ilo lōñ:

Bwin. 1. 50. Jap. 11. 19.

6 Im r'ar drioiptok jen tempel eo jiljilimjuōn enjel ro im ibeir jiljilimjuōn men in kaiñtan ko, im naballir kin linen erreō im rabōlbōl, im kafōrōr ir ion tiir kin kōñōr gold.

Ezek. 28. 6, 8. & 44. 17. Jap. 1. 13.

7 Im juōn ian men in mour ko emen e ar lelōk ñōn enjel ro jiljilimjuōn jiljilimjuōn jābi gold, relōu kin illu an Anij ej mour in drio im in drio.

Jap. 4. 6, 9. & 10. 6.

8 Im tempel eo e ar obrōk kin bat jen aibujuij an Anij, im jen An kajur; im ejelok en ej maroñ in dreloñ na iloan tempel mokta jen naj kajemlok men in kaiñtan ko jiljilimjuōn an enjel ro jiljilimjuōn.

Eks. 40. 34. 1 Kin 8. 10. Isa. 6. 4.

#### JAPTER 16.

**I**M I ar roñ ainiken elap jen tempel eo, im ej ba ñōn enjel ro jiljilimjuōn, Komin ilok im lutōk jābi kōn jiljilimjuōn in illu an Anij ion lōl.

Jap. 14. 10. & 15. 1, 7.

2 Im eo mokta e ar ilok im lutōk

an jäbi ion löl: im kinij enana im men in kemtök, e ar walok ion armij ro, kakölen kiru eo ej ioir, im rej kabuñ ñön men in e an.

Jap. 8. 7. & 13. 14-17. Eks. 9. 9-11.

3 Im ken ka ruo e ar lutök an jäbi ion lometo, im e ar erom bötöktök, einwöt jen uböñ armij emij, im men in mour ko otemjej ilo lometo r'ar mij.

Jap. 8. 8. Eks. 7. 17, 20.

4 Im ken ka jilu e ar lutök an jäbi ion river ko, im ion un ko unin dren, im r'ar erom bötöktök.

Jap. 8. 10. Eks. 7. 20.

5 Im I ar roñ enjel in dren ko, im ej ba, Kwo wänik, Kwe kwoj kiö im Kwoj mokta, Kweo ekwojarjar, bwe kw'ar ekajet ein drein:

Jap. 1. 4. & 15. 3.

6 Bwe r'ar katorlok bötöktök in ro remön im ro dri kanan, im Kw'ar lelok fiön ir bötöktök bwe ren ilimi: eor rueir kake.

Mat. 23. 34, 35. Jap. 11. 18. & 13. 15. & 18. 20.  
Isa. 49. 26.

7 Im I ar roñ lokatok eo ej ba, Aet, O Iroj Anij ekajur otem kajur, remol im rewänik ekajet ko Am.

Jap. 15. 3. & 19. 2.

8 Im ken k'emen e ar lutök an jäbi ion al: im ar lelok ñön e bwe en kabwil armij ilo kijeek.

Jap. 8. 12. & 9. 17.

9 Im ar kabwil armij ro kin bwil elap, im r'ar blaspim etan Anij eo iben maroñ ion men in kaifitan kein; im r'ar jab ukwelok ibeir bwe ren lelok aibujuij ñön E.

Dan. 5. 23. Jap. 11. 13.

10 Im ken ka lailim e ar lutök an jäbi ion tron in kiru eo; im allifi eo an e ar marok, im r'ar me loir kin air metök,

Jap. 9. 2. & 11. 10. & 13. 2.

11 Im r'ar blaspim Anij in löñ kin iñtan ko air, im kin air kinij, im r'ar jab ukwelok ibeir jen kömön ko air.

12 Im ken ka jiljino e ar lutök an jäbi ion river elap, etan Eupretis; im dren eo an e ar roj, bwe en pojök ial in kiñ ro rej itok jen tak al.

Jap. 9. 14. Isa. 41. 2.

13 Im I ar lo jen löñin drakon eo, im jen löñin kiru eo, im jen löñin dri kanan riöp, jilu jitöb r'ötton einwöt frog:

1 Jon 4. 1. Jap. 12. 3. & 19. 20. & 20. 10.

14 Bwe rej jitöb an dimöñ ro rej kömön men in bwilöñ ko, im rej ilok fiön iben kiñ ro an aolepen löl, bwe ren kokweloklok ir ñön törinae in ran elap, ran in Anij ekajur otem kajur.

1 Tim. 4. 1. Jap. 13. 14. & 19. 20. & 17. 14. & 19. 19. & 20. 8.

15 (Lo Ij iwij einwöt dri kwot. Emöñöñö eo ej ekil im drebij nuk-nuk ko an, bwe en jab etetal im kelwan, im rej lo an jok.)

Mat. 24. 43. 1 Tes. 5. 2. Jap. 3. 3, 18. 2 Kor. 5. 3.

16 Im r'ar kokweloklok ir ñön jikin eo naetan ilo Hibru, Armagedön.

Jap. 19. 19.

17 Im ken ka jiljilimjuön e ar lutök an jäbi ion mejatoto, im ainiken elap e ar waloktok jen tempel, im jen tron eo, im ej ba, Emwij:

Jap. 21. 6.

18 Im eor jarom, im ainiken, im jorur, im elap an löl makötkit, bwe jen ke armij r'ar ber ion löl ejelok an löl makötkit elap einwöt im rer drein.

Jap. 4. 5. Dan. 12. 1.

19 Im jikin kwelok eo elap e ar jibil ilo jilu mötön, im jikin kwelok ko an ailñ ko r'ar buñ: im ar kememej Babilön elap iman mejen Anij, bwe en lelok ñön e köp in wain in illu e bwil eo An.

Jap. 14. 8, 10. & 17. 18. & 18. 5.

20 Im ailñ otemjej r'ar ko, im ar jab lo tol ko.

Jap. 6. 14.

21 Im wut ebin, elap einwöt talent, e ar wutlok jen löñ ion armij rön: im armij r'ar blaspim Anij kin men in kaifitan an wut ebin, bwe men in kaifitan eo an e kanuij lap.

Jap. 11. 19. Eks. 9. 23-25.

## JAPTER 17.

IM juön lan enjel ro jiljilimjuön, ibeir jiljilimjuön jäbi ko, e ar

itok im konono iba, im ba, Kwon itok iji im I naj kwalok ñõn yuk ekajet kõra ekijoñ elap eo ej jijõt ion elõñ dren ko:

jap. 18. 19. & 19. 2. & 21. 9. Nah. 3. 4. Jer. 51. 13.

2 Eo kiñ ro an lõl r'ar lūñ iben, im ro rej jokwe ion lõl r'ar karek kin wain in lūñ eo an.

jap. 18. 3. Jer. 51. 7. jap. 14. 8. & 18. 3.

3 Im e ar bõklok iõ ilo Jitõb ñõn ene jemaren: im I ar lo juõn kõra ej jijõt ion kiru ejurjur eobrõk kin át ko át in blaspm, im iben jiljilimjuõn bõran im joñoul drun.

jap. 12. 3, 6, 14. & 13. 1.

4 Im kõra eo ej kõnõk nuknuk ko eõij im ejurjur, im e litlit kin gold, im dreka aurõk, im bõr ko, im ilo pein kõp gold elõñ kin men in jõ-jõik ko, im men ko r'õtton in lūñ eo an,

Dan. 11. 38. Jer. 51. 7. jap. 14. 8. & 18. 6, 12, 16.

5 Im ion dremõn emwij jeje etan, MEN EO ETINO, BABILON ELAP, JINEN KÕRA REKI-JOÑ IM MEN IN JÕJÕIK KO AN LÕL.

2 Tes. 2. 7. jap. 18. 9. & 19. 2.

6 Im I ar lo kõra eo ekarek kin bõtõktõkin ro remõn, im kin bõtõktõkin ro dri kennan an Jisõs. Im ke I ar lo e I ar kanuij bwilõñ kake.

jap. 16. 6. & 18. 24.

7 Im enjel eo e ar ba ñõn iõ, Etke kw'ar bwilõñ? I naj keunaneke yuk men eo etino an kõra eo, im kiru eo ej jijõt ion, iben jiljilimjuõn bõran ko im joñoul drun ko.

8 Kiru eo kw'ar loe e ar ber, im ej jab kiõ, im e nañin wõnlitõtak jen abys eo, im ej ilok ñõn kokkure e. In ro rej jokwe ion lõl re naj bwilõñ, ro ar jab jeje etair ilo buk in mour jen jinoin kõmõnmõn lõl, ñe rej lo kiru eo bwe e ar ber, im ej jab kiõ, im e naj itok.

jap. 11. 7. & 13. 3, 8, 10.

9 Ijin lolåtåt eo meletlet iben. Jiljilimjuõn bõran ko rej jiljilimjuõn tol kõra eo ej jijõt ioir.

jap. 13. 1, 18.

10 Im rej jiljilimjuõn kiñ. Lalim r'ar buñ, juõn ej ber, eo juõn e jañin itok, im ñe ej itok e naj ber jirik ien.

11 Im kiru eo, e ar ber, im ej jab kiõ, e in ken ka drualitõk, im ej jen jiljilimjuõn ko, im ej ilok ñõn kokkure e.

12 Im joñoul drun ko kw'ar loi, rej joñoul kiñ re jañin bõk air ailiñ, a rej bõk maroñ einwõt kiñ iben kiru eo, iomiu juõn auõ.

Dan. 7. 20. Zek. 1. 18-21. jap. 13. 1.

13 Rein juõn wõt bebe ibeir, im rej lelok air maroñ im kajur ñõn kiru eo.

14 Rein re naj tõrinaek Lam eo, im Lam e naj bõk anjo ioir, bwe Ej Iroi j in iroi ro, im Kiñ an kiñ ro, im ro iben re naj barelnwõt bõk anjo, ro dri kir, ro ar kålet ir, im retiljek.

jap. 16. 14. & 19. 16. Dut. 10. 17. 1 Tim. 6. 15.

15 Im ej ba ñõn iõ, Dren ko kw'ar loi ijo kõra ekijoñ ej jijõt ie, rej dri-loabjen ko, im jar ko relap, im ailiñ ko, im konono ko.

Isa. 8. 7. jap. 13. 7.

16 Im drun ko joñoul kw'ar loi, im kiru eo, re naj kijiräte kõra ekijoñ eo, im re naj kõmõn bwe en mõke ian im kelwan, im re naj kõñ kõniekin, im naj kanuij tile ilo kijeek.

Jer. 50. 4f, 42. Ezek. 16. 37-44. jap. 18. 8, 16.

17 Bwe Anij e ar likit ilo burueir bwe ren kõmõnmõn ankil an, im bwe en juõn bebe ibeir, im bwe ren lelok air ailiñ ñõn kiru eo mæe ien naj jejit nan ko an Anij.

2 Tes. 2. 11. jap. 10. 7.

18 Im kõra eo kw'ar loe ej jikin kwelok elap eo, ej kiñ ion kiñ ro an lõl.

## JAPTER 18.

**E**LIKIN men kein, I ar lo bar juõn enjel ej wõnlõtak jen lõn, im maroñ elap iben, im lõl e ar maramlok kin an aibujuij.

jap. 17. 1. Ezek. 43. 2.

2 Im e ar lamij ilo ainiken ekajur, Ebuñ, ebuñ, Babilõn elap, im ej

imöu dimöu ro, im jikin jabrewöt  
bao etton im kakitötö.

Jap. 14. 8. Isa. 13. 21. & 34. 14. Jer. 50. 30. &  
51. 37. Mark 6. 2.

3 Bwe dri ailifñ otemjej r'ar buñ  
kiu air irak jen wain lu illu an lüñ  
eo an, im kiñ ro an löl r'ar lüñ  
iben, im ro dru wia in löl r'ar  
mwelelok kin an draepe elap im  
euana.

Jap. 14. 8. & 17. 2. Isa. 47. 15.

4 Im I ar roñ bar juön ainiken  
jen löñ ej ba, Komin droiojtok jen  
e, armij ro Aö, bwe komin jab bök  
mötön jerawiwi ko an, im bwe kom-  
in jab bök jen men in kaiñtan ko  
an :

Isa. 48. 20. 2 Kor. 6. 17.

5 Bwe jerawiwi ko an r'ar töbar-  
tok löñ, im Anij e ar kememej  
nana ko an.

Jen. 18. 20, 21. Jer. 51. 9. Jona 1. 2. Jap.  
16. 19.

6 Komin körrä ñön e einwöt e ar  
körrä, im karuolok ñön e ruo alen,  
ekar ñön jermal ko an. Ilo köp eo  
e ar käreike, komin käreike ñön e  
ruo alen.

Sam 137. 8. Jer. 50. 15, 29. & 51. 24, 49. 2 Tim.  
4. 14. Jap. 13. 10. & 14. 10. & 16. 19.

7 Einwöt e ar kaibujuj e möke im  
tübloktök e möke, ein drein komin  
lelok ñön e iñtan im buromöj, bwe  
ej ba ilo buruen, Ij jijöt liroiñ im  
jab lio ejoko belen, im I jamin lo  
men in buromöj.

Ezek. 28. 2-8. Isa. 47. 7, 8. Zep. 2. 15.

8 Kin men in, ilo juön ran, men  
ko men in kaiñtan e, mij, buromöj,  
im ñitta re naj itok, im naj kanuij  
tile kin kijeek. Bwe ekajur Iroiñ  
Anij eo E ar ekajete.

Isa. 47. 9. Jer. 50. 34. Jap. 11. 17.

9 Im kiñ ro an löl, r'ar lüñ im  
tübloktök ir möke iben, re naj jöñ  
im liäjlol kake, ñe rej lo bat in  
ururin,

Ezek. 26. 16, 17. Jap. 17. 2. & 19. 3. Jer. 50. 46.

10 Im re jutök etolok jen e kin air  
leññoñ kin men in kaiñtan e, im ba,  
Wo, wo, jikin kwelok eo elap, Ba-  
hllön, jikin kwelok eo ekajur, bwe  
ilo juön auö ekajet yuk e ar itok.

Jap. 14. 8.

11 Im ro dru wia in löl rej jöñ im  
liäjlol kake, bwe ejelok armij ej bar  
wiaik mweuik ko air ;

Ezek. 27. 30.

12 Mweuik gold, im silver, im  
dreka aurök, im bör ko, im linen  
kworairik, im nuknuk eöij, im silk,  
im ejurjur, im wijki talin otemjej,  
im jäbi otemjej in alvori, im jäbi  
otemjej in wijki e kanuij aurök, im  
jinibor, im mal, im ajaj,

13 Im sinnemön im spais, im kai-  
jurjur, im men in kabit, im frank-  
insens, im wain, im oil, im flauö  
kwerik, im wit, im kiru ko r'awie,  
im äp ko, im mweuik ors ko, im  
jariöt ko, im ro dri kamokoko, im  
an armij rön.

Ezek. 27. 13.

14 Im leen ko, am ej mömkaki,  
remotelok jen kwe, im men ko am  
otemjej remätök im rewöleo, re joko  
jen kwe, im armij re jamin bar loi.

15 Ro dru wia kin men kein, r'ar  
mwelelok jen e, re naj jutök etolok,  
bwe rej leññoñ kin men in kaiñtan  
e, im naj jöñ im liäjlol ;

16 Im ba, Wo, wo, jikin kwelok  
eo elap, e ar köñök nukuuk ko  
linen kworairik im eöij, im ejurjur,  
im litlit kiu inök gold, im dreka  
aurök, im bör! bwe ilo juön auö  
emwij kokkure aolepen mweuik  
ko relap.

Jap. 17. 4.

17 Im kapen otemjej kapen wa,  
im armij otemjej rej jerök ijo ko ja-  
brewöt, im ro dri jermal ion wa ko,  
im ro otemjej rej bök air mour ion  
lometo, r'ar jutök etolok jen e,

Ezek. 27. 29.

18 Im lamij ke r'ar lo bat in  
ururin, im rej ba, Jikin kwelok öt  
ej einwöt jikin kwelok eo elap ?

Ezek. 27. 30, 31.

19 Im r'ar jolok briñ ion börair,  
im lamij im jöñ im liäjlol im ba,  
Wo, wo, jikin kwelok eo elap, ilo  
eo, ro otemjej eor wa ko lbeir ion  
lometo, r'ar mwelelok kin mweuik  
r'aurök mweien! Bwe ilo juön  
auö emwij kejeebeplok e.

Jos. 7. 6. 1 Samuel 4. 12. Job 2. 12. Ezek.  
27. 30.

20 Komin lōñliñ ion, kwe lōñ im kom ro remōn, im kom ro dri kanan; bwe Anij e ar ekajete kin aml ekajet.

Jer. 51. 48. Luk 11. 49, 50.

21 Im juōn enjel ekajur e ar kwōtōke dreka elap einwōt dreka in irir, im jolok e na ilo lometo, im ba, Ein drein kin buñ elap, Babilōn, jikin kwelok eo elap e naj jeebeplok, im re jamin bar lo e.

Jer. 51. 64.

22 Im re jamin bar roñ ilo kwe ainiken ro dri harp, ak ro rej al, ak ro rej kajōñjōñ flut, ak ro dri jilil; im re naj bar lo ilo kwe ejelok dri mejerik ilo jabrewōt jermal; im re jamin bar roñ ilo kwe ainiken dreka in irir;

Isa. 24. 8. Jer. 25. 10. Ezek. 26. 13.

23 Im maram in lamp e jamin bar romak ilo kwe, im re jamin bar roñ ilo kwe ainiken ro rej belele; bwe ro dru wia am re kin iroj in lōl; bwe kin am marmir emwij mon dri allñ ko otemjej.

Jer. 7. 34. & 16. 9. & 33. 11. Isa. 23. 8. 2 Kin 9. 22. Nah. 3. 4.

24 Im ilo e ar lo bōtōktōkin ro dri kanan, im ro remōn, im ro otemjej kar mōn ir ion lōl.

Jer. 51. 49.

## JAPTER 19.

**E**LIKIN men kein I ar roñ einwōt ainiken elap an jar elap ilo lōñ, rej ba, Alleluya; Lomor, im aibujuij, im kajur rej an amuij Anij;

Jap. 4. 11. & 7. 10. & 11. 15. & 12. 10.

2 Bwe remol im rewānik ekajet ko An, bwe E ar ekajet kōra ekijoñ eo elap, eo e ar kakōt lōl kin an lūñ, im E ar kajitōk bōtōktōkin ro dri korijeran jen pein kin irenwōne.

Dut. 32. 43. Jap. 6. 10. & 16. 7. & 18. 20.

3 Im rej bar ba, Alleluya. Im bat in an ej wōnliñlok in drio im in drio.

Isa. 34. 10. Jap. 14. 11. & 18. 9, 18.

4 Im elder ro roñoul im emen, im men in mour ko emen, r'ar buñ im

kabuñ ñōn Anij eo Ej jijōt ion tron eo, im ba, Amen; Alleluya.

Jap. 4. 4, 6, 10. & 5. 14.

5 Im ainiken ej walok jen tron eo, im ba, Komin wijtake aruij Anij, kom ro dri korijeran, im ro rej mi-jōk E, ro redrik, im ro relap.

Sam 134. 1. & 135. 1. Jap. 11. 18.

6 Im I ar roñ einwōt ainiken jar elap, im einwōt ainiken elōñ dreu ko, im einwōt ainiken jorur ko rekajur, im rej ba, Alleluya: bwe Iroj amuij Anij, Dri ekajur otem kajur Ej kiñ.

Ezek. 1. 24. & 43. 2. Jap. 11. 15.

7 Jen lōñliñ im kanuij mōnōnō, im lelok aibujuij ñōn E, bwe belele in Lam e ar itok, im ilo belen e ar mōke kapoj e.

Mat. 22. 2. & 25. 10. 2 Kor. 11. 2.

8 Im ar lelok ñōn e bwe en kōnōk nuknuk ko linen kworairik rabōl-bōl im erreo, bwe linen kworairik ej kwojarjar ko an ro remōn.

Ezek. 16. 10. Jap. 3. 18.

9 Im e ar ba ñōn iō, Kwon jeje, Emōnōnō ro jiroñ ir kin kwojkwoj in belele an Lam. Im ej ba ñōn iō, Nan kein nan ko remol an Anij.

Luk 14. 15. Jap. 21. 5. & 22. 6.

10 Im I ar buñ iman neen bwe in kabuñ ñōn e. Im ej ba ñōn iō, Jab. Ña ij dri korijer ibōm im iben ro jeōm im jātōm, ro kennan kin Jisōs ibeir. Kwon kabuñ ñōn Anij: bwe kennan kin Jisōs ej jītōb in drikanij.

Jap. 22. 8, 9.

11 Im I ar lo lōñ ebellok, im lo, ors emouj, im Eo ej jijōt ion, naetan Etiljek im Emol, im ilo wānik Ej ekajet im tōrinae.

Jap. 3. 14. & 6. 2. & 15. 5.

12 Im mejen rej urur in kijeek, im ion bōran elōñ kraun, im iben etan emwij jeje, eo ejelok en e jela, a E wōt.

Jap. 1. 14. & 2. 17, 18. & 6. 2.

13 Im naballin kin nuknuk ko ar katutu e ilo bōtōktōk, im naetan Nan in Anij.

Isa. 63. 2, 3. Jon 1. 1.

14 Im jar an tōrinae rej ilo lōñ r'ar

lor E ion ors ko remouj, naballir kin nuknuk linen kworairik, emouj im erreoo.

Jap. 14. 20.

15 Im jen loñiu ej ilok jãji ekõñ, bwe En mõn dri allin kake, im E naj iroj loir kin mál wáwen alal, im Ej juri ken joniök wain in illu ebwil, eo an Anij ekajur otem kajur.

Isa. 11. 4. 2 Tes. 2. 8. Jap. 1. 16. & 2. 27.

16 Im iben ion nuknuk ko An, im ion kejan neen emwij jeje át, **KIÑ IN KIÑ RO, IM IROIJ IN IROIJ RO.**

Dan. 2. 47. 1 Tim. 6. 15.

17 Im I ar lo juõn enjel ej jutök ilo al, im ej lamij ilo alniken elap ñõn bao otemjej rej kãki i mejatoto, Komin itok im kweloktok ñõn ke-  
jota elap an Anij:

Ezek. 39. 17.

18 Bwe komin mõña kõniek in kiñ ro, im kõniek in kapen ro, im kõniek in armij rekajur, im kõniek in ors ko im ro rej jijõt loir, im kõniek in armij otemjelok, ro dri anemkwójair im ro dri kamakoko, ro redrik im ro relap.

Ezek. 39. 18, 20.

19 Im I ar lo kiru eo, im kiñ ro an löl, im jar in tõrinae ko air, emwij kokweloktok ir bwe ren tõrinaek Eo ej jijõt ion ors eo, im jar in tõrinae eo An.

Jap. 16. 16.

20 Im ar jibwe kiru eo, im iben dri kanan riõp eo e ar kõmõn men in bwilõñ ko iman mejen im kin ir e ar moni ro re kar bök kakõlen kiru eo, im ro r'ar kabuñ ñõn men in e an, im ar jolok irro remour na ilo lomalo in kijeek ej urur kin brimston:

Jap. 13. 12, 15. & 14. 10. & 16. 13. & 20. 10. & 21. 8.

21 Im ar mõn rojet kin jãji an Eo ej jijõt ion ors eo, eo ej ilok jen loñin: im bao otemjej r'ar mat kin kõniekir.

#### JAPTER 20.

**I**M I ar lo juõn enjel ej wõnlõltak jen lõñ, im iben ki in abys eo, im ilo pein tomere elap.

Jap. 1. 18. & 9. 1.

2 Im e ar jibwe drakon eo, serpent eridto, eo ej devil im Setan, im llabe iomin juõn tausau yio,

Jap. 12. 9. 2 Pit. 2. 4.

3 Im ar jolok e na ilo abys eo, im kill, im sil ion, bwe en jab bar mon dri aillin ko ñõn ter eo naj jejit juõn tausau yio ko. Elikin yio ko emõn kõtlok e jirik ien.

Dan. 6. 17.

4 Im I ar lo tron ko, im rej jijõt loir, im ar lelok ekajet ñõn ir: im I ar lo jitõb an ro emwij jobbare ir kin air kennan kin Jisõs, im kin nan in Anij, im ro jabrewõt r'ar jab kabuñ ñõn kiru eo ak men in e an, im r'ar jab bök kakõlen ion dremair, ak ion pein anbijmaroñir; im r'ar mour im kiñ iben Kraist iomin juõn tausau yio.

Dan. 7. 9, 22, 27. Mat. 19. 28. 1 Kor. 6. 2, 3. Jap. 6. 9. & 15. 16.

5 Ro Jet ian ro remij r'ar jab mour mokta jen kejemlok juõn tausau yio ko. Eñin jerkakbiji eo mokta.

6 Emõnõnõ im ekwojarjar eo ej bök mõtõn jerkakbiji in mokta. Mij ken ka ruo e jamin maroñ ioir; a re naj pris an Anij im an Kraist, im re naj kiñ iben iomin juõn tausau yio.

Jap. 2. 11. & 21. 8. Isa. 61. 6. 1 Pit. 2. 9.

7 Im ñe kejemlok juõn tausau yio, naj kõtlok Setan jen prisõn eo an,

8 Im e naj drioiytok bwe en moni dri aillin ko rej ber ilo emen jabõn löl, Gog im Megog, bwe en kokweloktok ir ñõn tõrinae eo; im orair einwõt bok in lometo.

Ezek. 38. 2. & 39. 1. Jap. 16. 14.

9 Im r'ar wonliñlok ion drilpen löl im kabol jar an ro remõn, im jikin kwelok e jitenburu: im kijeek e ar wõnlõltak jen lõñ im kõñ ir.

Isa. 8. 8. Ezek. 38. 9, 16.

10 Im devil eo e ar moni ir ar jolok e na ilo lomalo in kijeek im brimston, ijo bareinwõt kiru eo, im dri kanan riõp rej ber le; im naj kaiñtan ir ran im boñ in drio im in drio.

Jap. 14. 10, 11. & 19. 20.

11 Im I ar lo tron elap im mouj.



im Eo ej jljöt ion, jen turin mejen r'ar ko löl im löñ, im jab bar lo jikiir.

Jap. 21. 1. Dan. 2. 35.

12 Im I ar lo ro remij, ro relap im ro redrik rej jutök iman tron eo; im ar kebellok buk ko: im ar kebellok bar juön buk, eo ej buk in mour: im ar ekajet ro remij jen men ko emwij jeje ilo buk ko, ekar ñön jermal ko air.

Dan. 7. 10. & 12. 1. Jap. 2. 5. Jer. 17. 10. Mat. 16. 27. Rom 2. 6. Jap. 2. 23.

13 Im lometo e ar lelok ro remij ro ilo e, im Mij im Hedis r'ar lelok ro remij ro ilo ir, im ar ekajet ir, kaju iair, ekar ñön jermal ko air.

Jap. 6. 8.

14 Im ar jolok Mij im Hedis na ilo lomalo in kijeek. Eñin mij ken ka ruo, lomalo in kijeek.

1 Kor. 15. 26, 54, 55.

15 Im elañe ar lo jabrewöt im kar jab jeje etan ilo buk in mour, ar jolok e na ilo lomalo in kijeek.

Jap. 19. 20.

### JAPTER 21.

**I**M I ar lo löñ ekäl im löl ekäl; bwe löñ eo mokta im löl eo mokta re joko; im lometo ejelok.

Isa. 65. 17. & 66. 22. 2 Pit. 3. 13. Jap. 20. 11.

2 Im I ar lo jikin kwelok eo ekwojarjar, Jerusalem ekäl, ej wönlöltak jen löñ jen iben Anij, emwij pojök einwöt köra ej litlit ñön leo an.

Isa. 52. 1. Hib. 11. 10. Jap. 3. 12. Isa. 61. 10.

3 Im I ar roñ ainiken elap jen tron eo, im ej' ba, Lo, imön Anij ej iben armij rön, im E naj jokwe ibeir, im re naj driloabjen, im Anij e naj ber ibeir, im naj air Anij:

Levai 26. 11, 12.

4 Im E naj kömöraik jen mejeir dren in kemjäläl otemjej, im e naj ejelok bar mij, im re jamin bar läj-lol, ak jöñ, ak iñtan; bwe men ko mokta re joko.

Jap. 7. 17. & 20. 14. Isa. 35. 10. & 65. 19.

5 Im Eo ej jljöt ion tron eo Ej ba, Lo, Ij kömöñ men otemjej bwe ren ekäl. Im Ej ba, Kwon jeje: bwe nan kein retiljek im remol.

Jap. 4. 2, 9. & 5. 1. & 20. 11. 2 Kor. 5. 17.

6 Im E ar ba ñön lö, Rejejit. Ña Ij Alpa im Omega, Jinoim im Jemlokön. I naj lelok ñön eo ej maro jen unin dren in mour ejij wönan.

Jap. 1. 8. & 16. 17. & 22. 13. Isa. 55. 1. Jon 4. 10, 14. & 7. 37.

7 Eo ej bök anjo e naj jollit men kein, im I naj an Anij, im e naj nejjö.

Zek. 8. 8. Hib. 8. 10.

8 A ñön ro dri biköt, im ro dri jab tömak, im ro jöjök ir, im ro dri uror, im ro dri löñ, im ro dri marmir, im ro dri kabuñ ñön ekjöp, im ro dri riöp otemjej, air ajenkij e naj ilo lomalo eo ej urur kin kijeek im brimston; eñin mij ken ka ruo.

Gal. 5. 20. Ep. 5. 5. 1 Tim. 1. 9. Jap. 20. 14, 15. & 22. 15.

9 Im juön lan enjel ro jiljilimjuön kar ibeir jiljilimjuön jäbi relöñ kin men in kaiñtan ko jiljilimjuön relikkata, e ar itok ñön io im konono iba, im ba, Kwon itok iji. im I naj bakajen ñön yuk köra lio beleu Lam eo.

Jap. 15. 1.

10 Im e ar bökklok lö ilo Jitöb ñön tol elap im eutie, im bakajen ñön lö jikin kwelok eo ekwojarjar, Jerusalem, ej wönlöltak jen löñ, jen iben Anij,

Jap. 17. 3. Ezek. 48. 31-34.

11 Im iben aibujuij an Anij: maram eo an ej einwöt dreka e kanuij aurök, einwöt dreka jasper alikar einwöt kristal.

Jap. 22. 5.

12 Im worwor eo an ej elap im eutie, im iben joñoul im ruo aur, im joñoul im ruo eujel iturin aur ko, im jeje ät ko ioir, etan bwij ko joñoul im ruo, bwijin ro nejñ Israel:

13 Jen tak al jilu aur; jen eañ jilu aur; jen rök jilu aur: jen tulok al jilu aur.

14 Im joñoul im ruo dreka, foundešön worwor in jikin kwelok eo, im loir joñoul im ruo ät, etan jofioul im ruo dri jilik an Lam eo.

Ep. 2. 20.

15 Im iben eo ej konono iba koba gold, ken joñe, bwe en jofie jikin

kwelok eo, im aur ko an, im worwor eo an.

Ezek. 40. 3. Zek. 2. 1. jap. 11. 1.

16 Im jikin kwelok eo ej drilpen wöt juön. Im e ar joñe jikin kwelok kin koba eo, im ej joñoul im ruo tausän förloñ. Aitokön, drilpen, im utiesen rej einwöt juön.

17 Im e ar joñe worwor eo an, im ej jibuki eñoul im emen mokwöj, ekar ñön joñön armij, eñin joñön enjel.

18 Im kömön worwor eo an jen jasper. Im jikin kwelok eo ej gold erre eo einwöt glass erre.

19 Im foundešön worwor in jikin kwelok rej litlit kin dreka otemjej r'aurök. Foundešön mokta ej jasper; ken ka ruo saffair; ken ka jilu kalsidoni, ken k'emem emerald;

Isa. 64. 11.

20 Ken ka lailim sardonix; ken ka jiljino sardiös; ken ka jiljilimjuön krisolait; ken ka drualitök beril; ken ka druatimjuön topaz; ken ka joñoul krisopresös; ken ka joñoul im juön jesint; ken ka joñoul im ruo ametist.

21 Im aur ko joñoul im ruo rej joñoul im ruo bör. Kaju ian aur ko ej jen juön bör. Im ial in jikin kwelok eo ej gold erre, einwöt glass e alikar.

jap. 22. 2.

22 Im I ar lo ejelok tempel iloan: bwe Iroi Anij ekajur otem kajur, im Lam rej tempel eo an.

Jon 4. 23.

23 Im jikin kwelok eo e jab aikwij al ak allñ bwe ren romak ion: bwe aibijulj an Anij ej kamramlok e, im lamp eo an, Lam.

Isa. 24. 23. & 60. 19. 20. jap. 22. 5.

24 Im ro dri allñ ko re naj etetal ilo maram eo an, im kiñ ro an löl, re naj böktok air aibujulj ñön loan.

Isa. 60. 3. & 66. 12.

25 Im re jamin kill aur ko an ilo ran (bwe e naj jelok boñ ijo):

Isa. 60. 11. 20. Zek. 14. 7. jap. 22. 5.

28 Im re naj böktok aibujulj im nebar an allñ ko na lloan.

27 Im e jamin dreloñ ilo e men ko

r'ötton, ak eo ej kömön men in jöjök, ak riöp; a ro wöt emwij jeje ir ilo buk im mour an Lam.

Isa. 26. 8. & 52. 1. & 60. 21. Joel 3. 17. jap. 22. 14. 15. Pil. 4. 3. jap. 3. 5.

## JAPTER 22.

**I**M e ar bakajen ñön iö river in dren in mour, eجاتöltil einwöt kristal, ej torlok jen tron an Anij im Lam iolapin ial eo an.

Ezek. 47. 1. Zek. 14. 8.

2 Im i toreren river eo wijki in mour rej kajöb e, im ej Jebar leen joñoul im ruo wäwen, im ej kalle aliñ otemjej: im bwllikön wijki eo ken kemour ro dri allñ ko.

Ezek. 47. 12. jap. 21. 21, 24. Jen. 2. 9.

3 Im e naj jelok bar kol: im tron an Anij im Lam e naj ilo e, im ro dri korijeran re naj korijer ñön E.

Zek. 14. 11. Ezek. 48. 35.

4 Im re naj lo turin mejen, im etan e naj ion dremair.

Mat. 5. 8. 1 Kor. 13. 12. 1 Jon 3. 2. jap. 14. 1.

5 Im e jamin bar boñ, im re jamin aikwij maram in lamp ak maram in al, bwe Iroi Anij e naj rome ir: im re naj kiñ in drio im in drio.

jap. 21. 23, 25. Sam 36. 9. & 84. 11. Dan. 7. 27. Rom 5. 17. 2 Tim. 2. 12.

6 Im ej ba ñön iö, Nan kein retiljek im remol: im Iroi Anij an jatöb ro an ro dri kanan E ar jilkin tok enjel eo An bwe en kwalok ñön ro dri korijeran men ko re naj waloktok mököj.

jap. 1. 1. & 19. 9. & 21. 5.

7 Im lo, Ij iwij mököj. Emönönö eo ej kejbärok nan ko an kūr in buk in.

jap. 1. 3. & 3. 11.

8 Im ña Jon I ar roñ im lo men kein. Im ke I ar roñjaki im loi, I ar buñ bwe in kabuñ iman neen enjel eo e ar kwalok ñön iö men kein.

jap. 19. 10.

9 Im e ar ba ñön iö, Jab. Bwe ña ij dri korijer iböm im iben ro jeöm im jätöm ro dri kanan, im iben ro rej kejbärok nan ko an buk in. Kwon kabuñ ñön Anij.

10 Im ej ba ñön iö, Kwon jab sil

nan ko an kūr in buk in, bwe ebak ien eo.

Dan. 8. 20. & 12. 4. 9. jap. 1. 3. & 10. 4.

11 Eo e jab wānik, en bar kōmōn jab wānik: im eo ej etton en berwōt im etton: im eo ej wānik en bar kōmōn wānik: im eo ekwojarjar en berwōt im kwojarjar.

Ezek. 3. 27. Dan. 12. 10. 2 Tim. 3. 13.

12 Lo, Ij iwij mōkōj; im aō jinekij iba, bwe in lelok nōn armij, kaju iair, ekar nōn jermal ko an.

Isa. 40. 10. & 62. 11. jap. 20. 12.

13 Ņa ij Alpa im Omega, Eo mokta, im Eo eliktata, Jinoin im Jemlokōn.

Isa. 41. 4. & 48. 12. jap. 1. 8, 11.

14 Emōnōnō ro rej kwolkwol nuk-nuk ko air, bwe en ibeir maroñ in itok nōn wijki in mour, im bwe ren dreloñ ilo kejem ko iloan jikin kwelok eo.

Dan. 12. 12. 1 Jon 3. 24. jap. 21. 27.

15 Ilikin rej kiru rorror ko, im ro dri marmir, im ro dri lūñ, im ro dr'uror, im ro rej kabuñ nōn ekjōp, im ro otemjej rej yokwe im kōmōn riōp.

1 Kor. 6. 9. Gal. 5. 21. Kol. 3. 6. jap. 21. 8. Pil. 3. 2.

16 Ņa Jisōs I ar jilkinlok aō enjel

bwe en kennanwoj men kein nōn eklisia ko. Ņa Ij okran im nejin Devid, iju ran erabōlbōl.

jap. 1. 1. & 2. 28. & 5. 5. Bwin. 24. 17. Zek. 6. 12. 2 Pit. 1. 19.

17 Im Jitōb kab lio rej ba, Kwon itok. Im eo ej roñjake, en ba, Kwon itok. Im eo ej maro, en itok: eo e kōnan, en bōk dren in mour ejij wōnan.

jap. 21. 2, 6. Isa. 55. 1. Jon 7. 37.

18 Ij kennan nōn armij otemjej rej roñjake nan ko an kūr in buk in, Elañe jabrewōt armij e naj kobaik nōn ir, Anij e naj kobaik nōn e men in kaiñtan ko emwij jeji ilo buk in:

Dut. 4. 2. & 12. 32.

19 Im elañe jabrewōt armij e naj ikir jen toōn nan ko an kūr in buk in, Anij e naj ikirlok ajenkij eo an jen wijki in mour, im jen jikin kwelok ekwojarjar, men ko emwij jeji ilo buk in.

Eks. 32. 33. jap. 3. 5. & 13. 8. & 21. 2.

20 Eo ej kennan men kein, Ej ba, Aet: Ij iwij mōkōj. Amen: Kwon itok, Iroj Jisōs.

2 Tim. 4. 8.

21 Jolj au Iroj Jisōs en iben ro remōn. Amen.

Rom 16. 20, 24. 2 Tes. 3. 18.